


CS 256/a

~~John G. ...~~, Ministerii
Californiæ: Duracens: Candidatus
Argent: d. 3. Junii 1757.

Possidet me Caspar
Bantamini E.C.P.



TOMVS

PRIMVS OMNIUM OPERVM

Reuerendi Patris D. M. L. quæ vir
Dei ab Anno XVII. vsque ad Anni
vicesimi aliquam partem, scripsit
& edidit, quorum Catalogum in fine Tomi

inuenies.

*Christi Beduæ Trizet Præm
Terentes.*

ESAIAS XXX.

In Silentio & Spe erit Fortitudo uestra.

IENAE
EXCVDEBAT

Christianus Rhodius.

1556.

APOCA. XIII.

Vidi alterum Angelum uolantem per medium coeli, habentem Euangelium aeternum, ut euangelisaret sedentibus super terram &c. dicens magna uoce: Timete Dominum, & date illi honorem, quia uenit hora iudicii eius &c.

DANIE. XII.

Et tu Daniel claude Sermones, & signa Librum, usque ad tempus statutum, plurimi pertransibunt, & multiplex erit scientia.

ESAI. VIII.

Liga testimonium, signa legem in Discipulis meis, Et expectabo Dominum, qui abscondit faciem suam a domo Iacob, & praestolabor eum. Ecce, ego & Pueri mei, quos dedit mihi Dominus, in Signum & Portentum in Israel, a Domino exercituum, qui habitat in monte Sion.

MATT. XIII.

Simile est Regnum coelorum grano Sinapis, quod accipiens homo seminauit in agro suo, quod minimum quidem est omnibus seminibus, cum autem creuerit, maius est omnibus oleribus, & fit Arbor, ita ut Volucres coeli ueniant, & nidulentur in ramis eius.

MATT. XXIII.

Euangelium Regni praedicabitur in uniuerso Orbe, in testimonium omnibus Gentibus, & tunc ueniet consummatio.

I. THES. V.

OMNIA PROBATE, QVOD BONVM
EST TENETE.

(Iudicium Lutheri, de suo primo Tomo.)

Cum iudicio igitur legenda sunt omnia, Nam multa leguntur & disputantur in hoc primo Tomo, quae spirant & olent Parixensium & Louaniensium uappas & sentinam, Tantum eluctari & emergere me uoluisse e tantis tenebris intelliges.



DEI GRATIA

NOS IOHANNES FRIDERICVS
SECUNDVS, IOHANNES VVIL-
HELMVS, IOHANNES FRIDERICVS
TERTIVS, FRATRES GERMANI
PRINCIPES SAXONIAE, LANDGRA-
VII THVRINGIAE, ET MARG-
GRAVII MISNIAE



Iteris his publicis fatemur, notumq; facimus om-
nibus, illustrissimum Principem, Iohannem Fride-
ricum, eius nominis primum, Principem Saxoniae,
sacriq; Romani imperij Electorem natum, clemen-
tissimum simul & charissimum nobis Dominum &
parentem, nunquam sine honoris praefatione ap-
pellandum, singulari erga ueram pietatem studio, causisq; iustis,
Christiano Rhodio, eximia in nos fide ciui nostro, Typographo le-
nensi, ius ac potestatem permisisse, ad Autographorum fidem e-
dendi monumenta uiri Dei, Doctoris Martini Lutheri, ne quid il-
lis uel adderetur, uel detraheretur, uel alienum admisceretur, sed ut
syncere & bona fide descripta, in lucem prodirent omnia, cum alia,
tum ea maxime, quae ante non fuerunt edita, qua commodissimum
uisum fuerit ratione: deq; ea re Priuilegium, ut ad uerbum descri-
ptum sequitur, tulisse.

Dei Gratia, nos Iohannes Fridericus primus, Princeps Saxo-
niae, & Elector natus, Landgrauius Thuringiae, & Marggrauius
Misniae, salutem, gratiam, & omne bonum nunciamus, omnibus &
singulis nostris Praelatis, Comitibus, Baronibus, Equestri dignita-
te, & generis nobilitate claris, Ducibus militaribus, Praefectis,
Questoribus, Portitoribus, Consulibus, Iudicibus, Decurio-
nibus, & reliquis nostris Subditis & Coniunctis, Reuerendi, gene-
rosi, & Nobiles, Viri religiosi & praestanti erga nos fidelitate, post-
quam singulari in religionem animo, causisq; grauib; adducti, ni-
hil aequae omnium referre, atq; adeo necessarium esse duximus, ad
conseruandum ac propagandum puram & salutarem Euangelij do-
ctrinam, ineffabili Dei misericordia, nuper per reuerendum & sum-
ma doctrina & pietate praeditum, uirum Dei D. Martinum Lu-
therum e densissimis tenebris in lucem reductam, quam ut illius ope-
ra ac monumenta, nondum publice edita una cum reliquis eius Scri-
ptis, etiamsi ante impressis, tamen praelo subijcerentur, ac sine omni

* ij

depraua-

deprauatione integre & emendate excuderentur, qua illud maxime expeditum fuerit: idque hoc consilio potissimum, quod hoc tempore omnis generis perniciosi errores & hæreses, quæ tamen in istis Libris sufficientissime refutata & damnata sunt, subnascuntur & se exerunt, inque posterum acceptis uiribus magis exerere possent: certiores uos facimus, quod Christiano Rhodio nostro, Typographo Ienensi, soli & non alijs, pro clementia nostra, potestatem dedimus excudendi, & recudendi omnia opera Lutheri: quin & addidimus, illud ipsi submisit & suppliciter a nobis petenti, hoc priuilegium, ut liceat ei & ipsius procuratoribus, uel quibuscunque alijs eius rei cura iniuncta fuerit, libros Lutheri ipsius opera impressos in nostris prouincijs, territorijs & ducatibus uenales habere & diuendere.

Si uero post Rhodij editionem ab alijs quoque impressa fuerint, uiri Dei Lutheri monumenta, non licebit illa, neque publice neque priuatim in nostris prouincijs aut Ducatibus uenum exponi uel uendi, centum aureorum multa: Cuius dimidium eius loci iudicibus, ubi Transgressor deprehensus fuerit, pendetur, dimidium uero ipsi Typographo, uel eius Procuratoribus, uel alijs ad hoc munus adhibitis. Quare seuerè a uobis omnibus & singulis postulamus, ne in cuiusquam uestra, uel etiam nostra, aut ciuitatum nostrarum iurisdictione quicquam istorum Librorum ab alijs uel imprimi, uel uenale haberi, aut uendi patiamini, sine Rodij Procuratorumue eius consensu. Quod si quis contra fecisse conuictus fuerit, in illum, accusante Rhodio, uel Procuratorum eius aliquo, sine omni legis gratia seuerissima utemini animaduersione.

Hæc uobis exponenda putauimus: adeoque de sententia nostra facietis illis exequendis, ut in negligentes grauioris poenæ seueritate simus usuri. Cuius nostræ uoluntatis argumentum est, quod Sigillo nostro ea obsignari curauimus. Datum ex arce nostra Grimsenstein, Anno Domini 1554. die lunæ post Elisabeth.

VT uero, magno piorum omnium desiderio, placidissima morte ex hac uita discessit, optimus Princeps & Pater nobis amantissimus, debita reuerentia & subiectione adiit nos Rhodius, suppliciter petens, ut data sibi Priuilegia, pro ingenita nobis clementia, rata habere, nostraque autoritate confirmare uelimus. Quod, ut cum primis ad nos pertinere putauimus, negotium hoc & Christianum & pulchrum, quantum in nobis est, promouere, adhuc constitutum nobis maiorum nostrorum studia & uoluntatem, quibus illi puram & incorruptam Euangelij doctrinam complexi per omnem ætatem

vetatem (citra arrogantiam loquimur) cum magno suo & suorum periculo confessi sunt , dilexerunt charamq; habuerunt , & promouerunt , auxiliante Deo , imitari eorumq; uestigijs insistere , illi nequaquam denegare uoluimus : sed petitionis eius rationem habentes Priuilegium a Domino & Patre nostro perpetua memoria celebrando concessum , scientes & prudentes nostro & hæredum nostrorum communi nomine approbauimus & confirmauimus , approbamus & confirmamus harum Literarum nostrarum ui atq; autoritate , ea ratione atq; lege , ut omnes conditiones , cautiones , leges priuatæ & sententiæ non tantum Rhodio , eiusq; procuratoribus , uel alijs ad id negotium uocatis , sed & reliquis omnibus ipsi successuris Typographis , quibus officina libraria apud Ienenses tenenda atque utenda nostro consensu & permissu tradita fuerit , Item procuratoribus quolibet tempore constituendis (id quod hac nostra approbatione & confirmatione præcipue cautum & sancitum esse uolumus) rata sint , & firma & iusta seueritate efficiantur .

Eaq; de causa mandamus omnibus ac singulis nostris Prælatiis , Comitibus , Baronibus , morum & disciplinæ magistris prouinciæ libus , Ducibus belli , Præfectis , Nobilibus , locum tenentibus , Questoribus , Portitoribus , Consulibus , Decurionibus municipalibus , singulorum locorum populis , reliquisq; nostris Subditis , & quacuncq; ratione adiunctis , ut supra dictum Typographum , quiq; illi succedere poterunt , cum omnibus eorum Procuratoribus , aliosq; rem typographicam domi forisq; administraturos , usq; ad nostram defensionem , tueantur & defendant : & ut ipsi quoq; secundum legem præscriptam agant , suisq; , ut itidem ab illis fiat , præcipiant , metu poenæ & mulctæ supra expressæ , requirimus . Quæ si fideliter executi fueritis , quod serio requirimus , feceritis . De quorum omnium constantia & ueritate , ne quis dubitet , curauimus ea Sigilli nostri impressione obsignari .

Datum Vinariæ in ferijs diuæ Magdalenæ ,

Anno Domini 1 5 5 4 .

* iij

PRÆ

PRAEFATIO
P R Æ F A T I O D
N I C O L A I A M S D O R F I I I N
P R I M V M T O M V M, O M N I V M

Operum R. Viri Domini Martini Lutheri, Do-
ctoris Theologiae, Conuersa è Germanico
sermone in Latinum, à quodam
Euangelij studiofo.

ILLVSTRISSIMIS
P R I N C I P I B V S A C D O M I N I S,
D O M I N O I O H A N N I F R I D E R I C O

secundo, Domino Iohanni V Vilhelmo, & Domino Iohanni
Friderico tertio, Fratribus, ducibus Saxoniae, Landgra-
ujs Thuringiae, Marchionibus Misniae, Domi-
nis clementissimis : Omnibus praeterea
Christianis & Sanctis, toto
Orbe dispersis.

GRATIAM DEI, ROBUR ET
constantiam per Spiritum sanctum, in agnitione Domini
nostri Ihesu Christi & Antichristi, ut ea in uobis quotidie
crescat & confirmetur, ad gloriam Nominis diuini, & ad
ueræ Ecclesiae consolationem & salutem.



VM superioribus annis Celsitudinis uestrae pa-
rens, Saxoniae Elector, pia & laudatae memoriae,
Dominus meus clementissimus, pro sua pietate er-
ga ueram Ecclesiam, & necessariae doctrinae stu-
dia, praecipue in hanc curam incumberet, ut Scri-
pta Reuerendi uiri Doct. Martini Lutheri colle-
cta, in lucem ederentur, omnes pij certam spem concipiebant fore,
ut hoc praclarum Deposita, & magni precij thesaurus uniuersae
Ecclesiae communicaretur. Ac uiuo quidem D. Luthero duo Tomi
operum ipsius typis expressi fuere, quorum bonitatem pij iudicio ac
testimonio suo non solum approbarunt, sed etiam reliquorum edis-
tionem ardentibus uotis ac toto pectore expetierunt. Sed post obi-
tum D. Lutheri, cum Ecclesia propter peccata nostra, & Tyranno-
rum saeuitiam sentiret, & dissidijs dogmatum laceraretur, insignis
rerum

NICOLAI AMSDORFII

rerum conuersio facta est. Etsi igitur aliquot Tomi Vuitembergæ editi extabant, tamen magnæ & graues causæ mentem Illustrissimi Principis Electoris permouerunt, ut de noua editione operum Lutheri adornanda cogitaret.

PRimum enim p̄ij desiderant quædam Scripta λευκτικὰ, quorum lectio propter Historiam Ecclesiæ necessaria & salutaris est.

DEinde multa in Tomis, de quibus dixi, aut omnino, aut magna ex parte mutata, quædam etiam omissa aut deleta sunt, ne animi & aures Potentum quorundam offenderentur.

TErtio, Etsi tituli Tomorum nihil nisi Libros Lutheri indicant, tamen legenti satis apparet aliorum Doctorum scripta his uoluminibus admixta esse, & aliud sonare Chordam, aliud pedem, ut de inconcinne saltantibus dicitur.

QVarto, intertextæ sunt Tomis multæ Versiones non satis comode, quæ a mente & sententia Lutheri longissime distant.

POstremo, Scripta Lutheri sine singulari cura ordinis collecta sunt, cum quidem plurimum referat scire, quo tempore unumquodq; ab Autore editum sit. Nam multi non considerata temporum serie, turpiter hallucinantur, dum prætextu scriptorum Lutheri, Christum & Belial conciliare student. Neq; uero negari potest, uirum Dei, sub initium controuersiae, cum adhuc fascinatus esse: receptis opinionibus, & Monachorum exercitia magnificeret, quædam imprudenter scripsisse, & Aduersarijs concessisse.

Hi & similes nœui, quibus Scripta D. Mart. Lutheri deformatæ erant, excitarunt piam mentem Illustrissimi Principis Electoris nati, laudatæ memoriæ, ut post diuinam liberationem de uis & rationibus cogitaret, quibus sancti Viri monumenta propter publicam Ecclesiæ utilitatem pure, incorrupte, integre, ordine, & sine ullis medicamentis ederentur, & ad posteros optima fide transmitterentur. Itaq; ex Dania uocauit uenerandum & doctrina præstantem uirum, dominum & fratrem meum in Christo charissimum M. Georgium Rorarium, cui Lutherus ipse hoc negocij dederat, & officinam Typographicam lenæ instituit, ut omnes Libri, quorum iam sæpe mentio facta est, accurata temporum notatione adhibita, integre & inuiolate, ac procul remotis aliorum Commentarijs ederentur.

Hunc Laborem haud dubie Deo gratum, & Ecclesiæ salutarem, ue-

* iij

rem, ue-

P R A E F A T I O

rem, uestra Celsitudo post obitum Patris laudatæ memoriæ eximia quadam pietate prouehit & ornat, id quod confirmatio priuilegij lucide, non obscure, testatur. Deum æternum patrem liberatoris nostri Ihesu Christi ardentissima precatione oro, ut inchoatum opus propter suam & Filij gloriam perficiat, & ad scelicem exitum perducatur, & omnes conatus Satanæ & organorum eius reprimat, qui eam metam prospiciunt, ut hoc mellificium turbetur atq; impediat. Neque uero dubium est, omnes pios toto orbe terrarum eadem uota facere, cogitantes de miranda repurgatione doctrinæ diuinitus facta per Reuerendum uirum Doctorem Martinum Lutherum, & de Antichristi patefactione, quæ res omnibus inter summa bona ducendæ sunt.

Haftenus de Causis editionis breuiter dixi: Sequitur ut de Argumento primi Tomi pauca dicam.

SCIAT igitur Lector in hoc Tomo Librorum Doctoris Lutheri, quos sub initium controuersiae, Anno 17. 18. 19. 20. 21. edidit, recitari Historiam, quæ docet, qualia fuerint initia & progressiones Disputationum de Religione, quæ causa Lutherum ad hæc certamina impulerit, & quod lux Spiritus sancti, subinde clarior & firmior in mente ipsius facta sit. Item, quod Aduersarij fulminibus iniustarum criminationum, & condemnationum Luthero occasionem præbuerint accuratius scrutandi Scripturas, quæ solæ sunt monstratrices, & testes minime fallentes ueritatis.

Vt autem tota causa fieret conspectior & illustrior, quidam Germanici Libelli, in latinam Linguam translati sunt, & propter Historiam nonnulla Aduersariorum scripta huic Tomo intertexta sunt. Proinde pius Lector ex primo Tomo cognoscet, quomodo paulatim certamina de Dogmatibus creuerint, quibus & doctrina Euangelij repurgata est, & immensa turpitudine Antichristi patefacta est. In cæteris Tomis res admirabili quadam continuatione & serie ita explicantur, ut nec peregrinis Scriptis nec Versionibus ualde opus sit. Nemo igitur tales Commentationes in ijs requirat, nisi ad Historiæ intelligentiam necesse sit, quædam ex hoc genere intertexti.

Cum autem dissimilitudo scriptorum D. Lutheri non modo Aduersarijs calumniandi occasionē præbeat, sed etiam pios & candidos
Lectores

NICOLAI AMSDORFII

Lectores interdum offendat, necessaria admonitio hoc loco rectanda est, ut & hostes Euangelij ἀντιλογίας ex Scriptis Lutheri colligere desinant, & pii maiore iudicio & candore in his legendis uersentur. Quantum igitur aurora a luce meridiana distat, tantum discrimen est inter libros Lutheri a principio scriptos, qui hoc Tomo continentur, & eos quos aliquanto post edidit. Etsi enim in uestibulo causæ, cum Papista & haberi & nominari uellet, quædam Antichristo Romano concessit: tamen postea crescente luce fidei in exercitijs, poenitentiae, in paucioribus, in persecutione & consolationibus, hæc errata non agnouit solum, sed etiam emendauit. Erat enim, ut multi norunt, non Epicuri de grege porcus, sed Monachus seueram disciplinam præstans, & uera animi reuerentia & subiectione Papam colens. Itaque in prima congressione, nequaquam ei certum deliberatumque erat, Romani Pontificis doctrinam uel auctoritatem labefactare, Sed huc nervos atque uires contendebat, ut inuiolata Papæ dignitate, clamores quorundam Sycophantarum refutarentur, qui tetre ac impie, cum summa temeritate & impudentia uenales indulgentias circumferebant.

Quamquam igitur, ut dixi, in primo aditu fascinatus admiratione Papæ, multos errores & abusus non taxauit, tamen paulo post illustratus uera agnitione Christi, tetram confusionem opinionum & cultuum, quæ in regno Antichristi floret & dominatur, uerbo Dei constanter accusauit & condemnauit. Non enim curiositate, nec praua aliqua cupiditate, nec cæca pertinacia motus est, ut Papæ regnum inuaderet, sed iusto zelo Spiritus sancti & fidei, & sacratissimis mandatis, quæ iubent recte inuocare Deum, iuxta Euangelium, & uetant coli Idola.

Et quoniam Aduersarii sua Idola, errores & abominationes, non uerbo Dei, sed fulminibus criminationum & condemnationum propugnabant, accendebatur in Doctore Luthero diligentia cogitandi accuratius de uniuersa Doctrina, & quærendi testimonia Scripturæ, quæ in omnibus controuersijs, de Religione, rebusque diuinis certissima κριτήρια sunt. Nam initio harum Disputationum, non abhorrebat a studio publicæ concordie & pacis, nec inchoatam telam pertexuisset, nisi Aduersariorum importunitate, ad respondendum impulsus fuisset. Sed uerissimum est, & exemplo Doctoris Lutheri confirmatum, quod Prouerbiorum 4. dicitur, Iustorum semita similis est luci, quam Aurora spargit, Vt enim hæc paulatim usque ad Meridiem crescit, ita in pectore Lutheri

P R A E F A T I O

Lutheri, legentis scripta Prophetica & Apostolica, Deus subinde clariorem & firmiorem lucem accendit, & utrumque ei patefecit, uidelicet Confessionis, quam ipse sonabat ueritatem immotam, & impiam fraudem hostium, qui instinctu Diaboli & Antichristi omnia diuina & humana peruertunt.

Discant ergo pii Lectores ex libris, quos initio D. Lutherus edidit, quomodo ex Papista uere Christianus, & ex amico hostis atque inimicus Papæ factus sit, ne quisquam offendatur horum Librorum lectione, quod in ijs quaedam uidere liceat consentanea Aduersariorum doctrinae, cuiusmodi sunt loci de potestate Pontificis & Episcoporum, de Missa, & de una specie coenae Domini. Nam eo tempore, quo hæc scripsit, anteceptis opinionibus impediabatur, quo minus claram ueritatis faciem cerneret. Postquam uero, duce & comite uerbo Dei ex tenebris eluctatus est, & incrementa lucis diuinæ sensit, quadam excelsa constantia stylum conuertit ad labefactandam Papæ tyrannidem, quo quidem in cursu admirabili & diuina foelicitate usus est, id quod pius & candidus Lector, notata temporum serie & distinctione, facile animaduertet.

Et si autem uir sapiens & diuinus sæpenumero optauit uniuersalem Librorum suorum interitum, & uota fecit, ut omnes homines legent scripta Prophetica & Apostolica, atque ex his tanquam fontibus aquæ uiuæ, ad quos repurgandos tantum studium, tantamque operam contulit, ueram Dei agnitionem & inuocationem haurirent: Tamen maior nobis ratio habenda est, quid Ecclesiae Christi necessarium & salutare sit, quam quid Autor ipse de suis laboribus modestè iudicarit. Hoc enim non dubitans confirmare possum, neminem fuisse interpretem ex omnibus, quorum extant literæ, post Apostolos, qui tanta luce & ardore Spiritus, Propheticos & Apostolicos libros illustrarit, & omnes fanaticos errores, imprimisque hunc antiquissimum & postremum, addo etiam pessimum ac nocentissimum, quod uidelicet **BONA OPERA AD SALVTEM** necessaria sint, uerbo Dei tam euidenter refutarit atque euerterit.

Necque uero id solum præstitit, sed etiam de singulis doctrinae Christianae capitibus Ecclesiam salutariter erudiuit, & quadam excelsa constantia natiuam sententiam de Baptismo & de coena Domini aduersus Anabaptistas & Cinglianos ita propugnauit, ut nemo sit, quem ei in hoc genere non dico antepondere, sed conferre & comparare possimus.

Quanto

D. NICOLAI A. AMSDORFII.

QVanto igitur cum fructu libri Reuerendi patris Doct. Martini Lutheri legi possint, malo unumquemque ex ipsa Lectione, quam ex meis Literis cognoscere, præsertim cum uera non fucata Artificum laudatio in ipsis operibus extet atque emineat. Res enim ostendit, ante Doctoris Lutheri ætatem, tantas in Ecclesia tenebras fuisse, ut nec Doctores, nec Discipuli certo scirent, quomodo detur remissio peccatorum, & societas uitæ coelestis ac perbeatæ. Quare cum miseri homines in summo errore uersarentur, atque in maximarum rerum ignoratione, uariæ ac diuersæ uiae quæsitæ sunt, ducentes ad metam æternæ salutis, Nam alij in solitudinem discesserunt, alij uotis Monasticis sese obligarunt, quidam longinquas peregrinationes susceperunt, nonnulli Collegia sacrificulorum & Monachorum maximis sumptibus instituerunt, ut his arduis & difficilibus operibus remissionem peccatorum & uitam æternam, qua nihil beatius cogitari potest, consequerentur.

Sed Reuerendus uir, Doctor Lutherus, accensus diuinitus, doctrinam emendauit, & reuocauit Ecclesiam ad fontes, ostendit plenam esse errorum & hypocrisis opinionem, quæ fingit homines coram Deo iustos esse, propter propria exercitia, uirtutes, cultus, disciplinam. Denique monstrauit unicam uiam & portum salutis, fidem scilicet, acquiescentem in solo Mediatore, Domino nostro Iesu Christo, per quem sine omnibus operibus, non modo traditionum humanarum, sed ipsæ etiam, quæ a Deo mandata sunt, uitæ æternæ restitutionem consequimur, sicut filius Dei Dominus noster Iesus Christus testatur, inquit, EGO SUM VIA, VERITAS ET VITA. Hanc rectam & compendariam uiam, ducentem ad æternam cum Deo societatem, Scriptis suis Reuerendus uir Doctor Lutherus aperuit & patefecit, omni asseueratione confirmans, non esse aliam neque in coelo neque in terra, per quam ad metam æternæ beatitudinis recto cursu contendere possimus. Non enim dubium est, quin eodem modo, id est, fiducia Mediatoris saluati sint & saluentur, qui fuerunt, sunt & erunt uera Ecclesiæ membra ab Adam usque ad resurrectionem mortuorum.

DEinde omnibus persuasum fuit, Missam esse opus eximium & singulare, quo Deus iudicaret se honore affici & ueris laudibus celebrari. Iam uero Dei concessu & munere didicimus, & quotidie ex scriptis D. Lutheri discimus, idque exploratum omnino habemus, Missam papisticam esse idolum & abominationem foedissimam ac teterrimam, ab hominibus in Ecclesiam horribili audacia importatam, qua Deus nec recte nec pie colitur, sed multo magis contumelia afficitur,

P R A E F A T I O

citur, & ira ipsius iustissima aduersus totas gentes & ciuitates inflammatur. Qua de re cogitantes, omnes pios toto orbe terrarum gratias agere decet Deo æterno patri, Domini nostri Ihesu Christi, qui D. Martini Lutheri ministerio Ecclesiae puram doctrinam restituit, ac petere ardentibus pectoribus, ut Deus confirmet hoc, quod operatus est in nobis, propter Templum sanctum suum.

Postremo magna opinio fuit, & multarum gentium firmata consensu, Papam in Ecclesia dominari, tanquam Christi uillicum & atriensem, & hac opinione fascinati diuinos honores ei adhibuimus. Nunc autem per Dei gratiam, quam omnium mentes & linguae celebrare deberent, didicimus, & quotidie ex Scriptis D. Lutheri discimus, Papam esse Antichristum, de quo uniuersae Scripturae, imprimisq; diui Pauli luculenta uaticinia extant. Nam ut de alijs signis monstrantibus Antichristum non dicam, quis ignorat, Papam praetextu pietatis prohibuisse coniugia & certos cibos, quam quidem prohibitionem Spiritus sanctus a Diabolo oriri affirmat.

Hæc cum ita sint, certo nobis persuadeamus, uirum Dei, & postremæ ætatis Eliam, D. Martinum Lutherum, præcipue ad hoc officium diuinitus excitatum fuisse, ut Antichristum Romanum, illiusq; immensam turpitudinē toti Ecclesiae patefaceret, qua cognita, haud dubie *ἀνομιὰ* iste in plurimorum piorum pectoribus de gradu deiecitur, & spretus sine honore iacet. Hoc beneficium, uidelicet patefactio Antichristi, longe maius est, quam ut Angelorum & hominum eloquentia satis enarrari possit. Nisi enim ministerio D. Martini Lutheri, homo peccati & filius perditionis reuelatus esset, impie ac tetre cum summa temeritate & impudentia Diabolum & Antichristum adoraremus, & una cum ipso in stagnum ignis ardentis præcipitaremur, ut Iohan. in Apocalypsi cap. 20. inquit.

Quod si nullum præterea fructum ex Scriptis Doctoris Martini Lutheri capere possemus, illa tamen certe, de quibus dixi, tantum ponderis atq; momenti habent, ut propter ea libri Lutheri magnificandi, semperq; in manibus habendi uideantur. Præcipue uero, ob hanc causam assidue legendi sunt, ut nos probe muniant aduersus insidias Antichristi & Adiaphoristarum, qui doctis dolis & facietis Fabricis glaucomā nobis ob oculos obijcere conantur, ut abominationē Missæ idolatricæ suffragio nostro comprobemus, & plausibili specie de mente & sanitate derurbati, Antichristū Romanū, qui optimo iure Meretrix Babylonica appellatur, & Bestiam gestantem
hoc

NICOLAI AMSDORFII

hoc Idolum adoremus , & charactere manibus ac fronti impresso mercaturam sine periculo exercere possimus , hoc est , ne uel corpora uel facultates in discrimen adducamus.

Huc adiungantur piæ & eruditæ Confessiones , in quibus uir Dei omnes articulos Fidei nostræ sic illustrauit & confirmauit , ut omnes portæ Inferorum , etiamsi se rumpant , ne mutire quidem contra possint. Etsi autem omnes partes atq; omnia membra doctrinæ Christianæ , ut dixi , præclare ab eo munita sunt : tamen hi Loci uelut gemmæ insignes in Scriptis D. Lutheri eminent.

PRImus , quod tres sint Personæ diuinitatis homousiæ , æternus Pater , Filius λόγος , qui est αὐτὸν æterni Patris , & Spiritus sanctus.

SECundus , quod Ihesus Christus , qui assumpsit naturam humanam ex uirgine Mariæ , sit natura Deus & omnipotens.

TERtius , quod propter hunc Dominum gratis detur remissio peccatorum & acceptatio ad uitam æternam agentibus poenitentiam , & credentibus Euangelio.

QVartus , patefactio Antichristi Romani.

Hos articulos , quibus salutis nostræ ratio maxime continetur , nemo omnium post Apostolos tanta perspicuitate enarrauit & confirmauit , ut hic sapiens & peritus Ecclesiæ gubernator. Itaq; Libri ipsius omnibus Regnis & opibus mundi longe anteponendi sunt.

Omitto cæteros articulos fidei Christianæ , quorum luculenta enarratione nos ex densissimis & horrendis tenebris carceris Babylo-
nici , uel ut uerius dicam , Romanæ tyrannidis , eripuit , & in sedem atque regionem Lucis , in qua ueritas diuina potissimum , floret & dominatur , collocauit. Harum maximarum rerum consideratione conuincimur , ut fateri cogamur uerba nobis deesse , quibus gratitudinem nostram Deo declaremus. Quæ enim oratio par esse potest amplissimo beneficio , quod Deus pro sua bonitate electum organum Dei Doctorem Martinum Lutherum excitauit , & magna donorum uarietate instructum nostræ Germaniæ dedit.

Quamobrem hæc aurea Scripta & perpetua uita dignissima D. Martini Lutheri sancti & fidelis ministri Ihesu Christi commendo & quasi de manu in manuum trado , non Iureconsultis & Rabulis forensibus , nec delicatis quibusdam Oratoribus , qui nihil probant ,

) (, nisi ex

P R A E F A T I O

nisi ex sinu Demosthenis aut Ciceronis prolatum, nec Astrologis, qui futuros rerū euentus se predicere posse somniant, Sed prijs Lecto-
ribus, qui iudicant summa & maxima bona esse, ueram Dei agnitio-
nem & inuocationem. Constat enim inter omnes, qui iudicium & can-
dorē in lectione adhibent, his monumentis uniuersam Ecclesie doctri-
nam luculente explicatam contineri, nec simile corpus doctrinae infot-
matum esse, uel a Synodis, uel a Scriptoribus Ecclesiasticis, quorum
commentarij post Apostolos editi sunt. In Decretis quidem & de-
cretalibus Papae, quem supra aliquoties iustissimis causis permoti,
Antichristum Romanum appellauimus, nulla pars doctrinae Chri-
stianae pie inuiolateq; explicatur, Sed omnes paginae plenae sunt
errorum, qui Ecclesiae lucem eripiunt, & quasi noctem quandam
offundunt.

Quod si ueritas ingenue & aperte exponenda est, ipsa collatio
enarrationum me in hanc sententiam ducit, ut existimem omnes
commentarios ueteres & recentes, etiamsi in unam massam conflen-
tur, & id quod est optimum ex eis decerpatur, non tamen cum
huius Viri scriptis conferri & comparari posse. Non ignoro, quanti
gloriose haec dici uideantur, & quam multos hoc Encomium D. Lu-
theri offendat. Sed quoquo modo alij de hac constanti asseueratio-
ne iudicent, ego sic statuo, neminem tantā præditum sapientia, fi-
de, constantia, post Apostolos fuisse aut deinceps futurum esse,
quantam in Reuerendo uiro D. M. Luthero, non sine ingenti admira-
tione donorum Dei conspeximus. Nec dubito, quin pia posteritas
idem iudicatura sit, senibus, qui nunc Ecclesias regunt, ex hac
mortali uita euocatis.

Ne igitur tam præclarum depositum & tanti precij thesaurus
periret, sed extaret, & in omnium piorum manibus esset, & ad po-
steritatem sine corruptelis ab humana sapientia admixtis transmittere-
retur, necessario & salutari consilio haec editio librorum D. Lu-
theri adornata est, in qua Lector nihil peregrinum, aut aliunde im-
portatum reperiet, sed ipsam uocem Lutheri pure & incorrupte so-
nantem audiet, atque ex ea non solum de excellentibus donis,
quibus uir Dei ornatus fuit, iudicare poterit, sed etiam de incremen-
tis sapientiae spiritualis, eundemq; prudenter & ardentem discernet
ab alijs doctoribus, qui persuasibilibus humane sapientiae uerbis, suas
sententias de religione ad hominum uoluntates inflectunt, ut in per-
turbatione Reipub. sine periculo uiuere possint.

Nam Euangelij doctrina est uerbum crucis & scandalum, offensa-
dens

NICOLAI AMSDORFII

dens Diabolorum & hominum sapientiam, qui omnibus temporibus Euangelium de Christo concinne interpretari norunt, & dexteritate explicationis, non modo Lutherum & Apostolos, sed etiam Christum summum Ecclesiae doctorem se superare posse somniant, eiq; tanquam puero discenti prima Elementa, meliores de disciplina Ecclesiastica leges ferre conantur, ut uere de ipsis dici possit, Iustificata est sapientia a filiis suis,

Itaq; Paulus tales Doctores appellat inimicos crucis Christi & mancipia uentris. Cum enim docendi rationem ad hominum affectus attemperent, ministri Ihesu Christi esse nequeunt, quia non id agunt ut tales sint, quales haberi uolunt, sed sunt serui uentris, qui Euangelij doctrinam sic moderantur, ut pacem & tranquillitatem retineant, quod fieri nullo modo posse Christus, Dominus noster affirmat inquit: **NON VENI PACEM MITTERE**, sed Gladium, id est, uolo Ecclesiam meam cruci subiectam esse, Ideo enim ueni, ut separarem Filium a Patre &c.

Summa igitur Conclusionis hæc est, non bene conuenire, nec in una sede morari Euangelium & pacem politicam. Quoties enim uox Euangelij sonat, hypocritæ, qui falsos cultus defendunt, queruntur aboleri cæremonias, & exercitia Deo placentia, & laxari frenum disciplinæ, & concordiam publicam turbari. Ideo ut opprimant Euangelij uocem, non desinunt horribili sæuitia grassari aduersus puræ doctrinæ professores, donec Christus Dominus noster illustri aduentu suo finem his certaminibus imponat,

quod ut primo quoq; tempore fiat, toto pectore

eum oro, ne perpetuo nobis cum mundo

ingrato, eiusq; principe Satana
conflictandum sit,

Amen.

Kalen. Ianuarij Anno Christi 1556.

X ij

Iohannes

IOHANNES STIGELIVS

Hic se prima aperit sancti doctrina Lutheri
 Quæ ductu redijt Christe renata tuo,
 Fontis ut exigui scatebris exilibus ortus
 Allapso fluuius largius imbre fluit,
 Ut procul albescens redituræ luctis imago
 Exorto reddit splendida Sole diem;
 Sic Euangelij lux est monstrante Luthero
 Exiguus parvæ uiribus orta facis.
 Et progressa Deo largum aspirante uigorem,
 Mansit in hunc Satana tuta furente diem.
 Hei quibus insidijs monitor, quibus ille periclis,
 Qua fuit extra omnem fraude petitus opem?
 Dum pugnant odijs, qui miscent sacra prophanis,
 Ante homines ficta qui pietate tument.
 Dum totiès capiunt crudeliter arma Tyranni,
 Dum toties Itala fulmen ab arce uenit.
 Ille sed intrepidus uel Regum ante ora potentum,
 Quod docuit, coram fortiter asseruit.
 Non alia est homini reparandæ causa salutis,
 Qua terræ & cœli machina tota patet,
 Quam mera per Christum cœlestis gratia Patris,
 Quæ recipit uiua corda renata fide.
 Hæc sola & propria est unius gloria Christi,
 Nil ualet hic proprijs uiribus omnis homo.
 Hæc ita cum grauitè mundo stomachante doceret,
 Dogma Dei mundo res odiosa fuit.
 At Deus adiuuit propriæ certamina causæ,
 Afferuitq; suum fautor & Autor opus,
 Nunc radios spargit totum hæc doctrina per orbem.
 Et licet in tenebris, attamen ampla nitet.
 Qui lucem hanc renuit, non excusabitur ille,
 Cum tremet æterni ludicis ante thronum.
 O homo, disce Deum non falso agnoscere cultu,
 Aeternum poterit fallere nemo Deum.

MARTI

MARTINVS

LVTHERVS P I O
LECTORI S.



VLTVM diuq; restiti illis, qui meos Libros, seu uerius confusiones mearum Lucrubationum uoluerunt editas, tum quod nolui Antiquorum labores meis nouitatibus obrui, & Lectorem à legendis illis impediri, tum quod nunc, Dei gratia, extent methodici Libri quam plurimi, inter quos Loci communes Philippi excellunt, quibus Theologus & Episcopus pulchre & abunde formari potest, ut sit potens in sermone doctrinae pietatis, praesertim cum ipsa sacra Biblia nunc in omni prope lingua haberi possint, mei autem Libri, ut ferebat, imo cogebat, rerum gerendarum nullus ordo, ita etiam ipsi sint quoddam rude & indigestum Chaos, quod nunc nec mihi ipsi sit facile digerere.

His Rationibus adductus, cupiebam omnes Libros meos perpetua obliuione sepultos, ut melioribus esset locus. Verum improbitas & importuna pertinacia aliorum, qui mihi quotidie aures implebant, futurum esse, si ego uiuus non permetterem edi, tamen post mortem meam essent certissime edituri ij, qui prorsus nescirent causas & tempora rerum gestarum, & ita ex una confusione fierent plurimae. Vicit (inquam) eorum improbitas, ut edi permetterem. Accessit simul uoluntas & imperium illustrissimi Principis nostri Ioannis Friderici Electoris &c. qui iussit, imo coegit Typographos, non solum excudere, sed & maturare editionem.

Sed ante omnia oro pium Lectorem, & oro propter ipsum Dominum nostrum Ihesum Christum, ut ista legat cum iudicio, imo cum multa miseratione. Et sciat, me fuisse aliquando Monachum, & Papistam insanissimum, cum istam causam aggressus sum, ita ebrium, imo submersum in dogmatibus Papae, ut paratissimus fuerim, omnes, si potuissem, occidere, aut occidentibus cooperari & consentire, qui Papae uel una syllaba obedientiam detrectarent. Tantus eram Saulus, ut sunt adhuc multi, Non eram ita glacies & frigus ipsum in defendendo Papatu, sicut fuit Eccius & sui similes, qui mihi uerius propter suum uentrem Papam defendere uidebantur, quam quod serio rem agerent. Imo ridere mihi Papam adhuc hodie uidentur, uelut Epicuræi. Ego serio rem agebam, ut qui diem ex-

) (iij tremum

Scias pie Lector, uolum Dei Lutheri, hoc & similibus locis, non de successorum suorum, futuris uel scriptis uel actionibus, ne quid dicam de corruptelis & inconstantia quorundam, sed tantum de praeteritis & praesentibus testatum esse.

P R A E F A T I O

tremum horribiliter timui, & tamen saluus fieri ex intimis medullis cupiebam.

Ita inuenies in istis meis Scriptis prioribus, quam multa & magna humillime concesserim Papæ, quæ posterioribus & istis temporibus pro summa blasphemia & abominatione habeo & execror. Dabis ergo hunc errorem, pie Lector, uel (ut ipsi calumniantur) antilogiam, tempori & imperitiæ meæ. Solus primo eram, & certe ad tantas res tractandas ineptissimus & indoctissimus, casu enim, non uoluntate nec studio in has turbas incidi. Deum ipsum testor.

Annus salutis nostræ 1517.

Igitur cum anno M. D. XVII. Indulgentiæ in his Regionibus uenderentur (promulgarentur uolui dicere) turpissimo questu, ego tum eram Concionator, iuuenis (ut dicitur) Doctor Theologiæ, & coepi dissuadere populis, & eos dehortari, ne Indulgentiariorum clamoribus aurem præberent, habere eos meliora quæ facerent, & in ijs certus mihi uidebar, me habiturum patronum Papam, cuius fiducia tum fortiter nitebar, qui in suis Decretis clarissime damnat quæstorum (ita uocat indulgentiarios Prædicatores) immodestiam.

a
Folio 1. b.

b
Infra folio 76. d.

c
Folio 2. b.
Resolutiones.
Infra folio 79. b.
80. d. 76.

Mox scripsi Epistolas duas; Alteram ad Moguntinensem Archiepiscopum Albertum, qui dimidium pecuniæ ex Indulgentiis habebat, Alterum dimidium Papa, id quod tunc nesciebam: Alteram ad Ordinarium (ut uocant) loci, Episcopum Brandenburgensem Hieronymum, rogans, ut compescerent quæstorum impudentiam & blasphemiam, Sed pauperculus Frater contemnebatur, Ego contemptus, edidi Disputationis schedulam simul & germanicam Concionem de indulgentiis, paulo post etiam Resolutiones, in quibus pro honore Papæ hoc agebam, ut Indulgentiæ non damnerentur quidem, sed bona opera charitatis illis præferrentur.

Conuentus à Maximiliano Augusto celebratus, anno 1518.

Hoc erat cœlum deturbasse, & Mundum incendio consumpsisse. Accusor apud Papam, mittitur citatio mei ad Urbem, & confurcit totus Papatus in me unicum. Hæc aguntur anno M. D. XVIII. sub comitijs Maximiliani Augustæ celebratis, in quibus agebat Legatum a latere Pontificis Cardinalis Caietanus, quem Dux illustrissimus Saxoniae Fridericus, Elector Princeps, causa mea adiit, & impetrauit, ne Romam cogerer ire, sed ipse, me uocato, rem cognosceret & componeret, Mox soluta sunt Comiticia.

Interim, quia fessi erant Germani omnes, ferendis expilationibus, nundinationibus, & infinitis imposturis Romanensium nebulonum

D^r MARTINI LVTHERI

lonum, suspensis animis expectabant euentum tantæ rei, quam nulus antea neq; Episcopus, neq; Theologus ausus esset attingere. Et fouebat me utcuncq; aura ista popularis, quod inuisæ iam essent omnibus artes & Romanationes illæ, quibus totum Orbem impleuerant & fatigauerant.

Veni igitur pedester & pauper Augustam, stipatus sumptibus & literis Principis Friderici ad senatum & quosdam bonos viros commendaticijs. Triduo eram ibi, antequam accederem Cardinalem, prohibebant enim uiri illi optimi, & dissuadebant summis uiribus, ne citra saluum conductum Cæsaris Cardinalem adirem. Licet ille me singulis diebus per quendam Oratorem uocaret, Erat hic mihi satis molestus, ut tantum reuocarem, tum essent omnia salua, Sed longa est iniuria, longæ ambages.

Tandem tertio die uenit exostulans, Cur non accederem Cardinalem, qui benignissime me expectaret? Respondi, mihi obtemperandum esse consilijs optimorum uirorum, quibus essem a Principe Friderico commendatus, esse autem eorum consilium, ne ullo modo absq; tutela Cæsaris seu fide publica, Cardinalem accederem, qua impetrata (agebant autem illi apud Senatum cæsareum, ut impetrarent) mox essem accessurus. Hic commotus ille, Quid? (inquit) putas principem Fridericum propter te arma sumpturum? Dixit Hoc nollem prorsus. Et ubi manebis? Respondi: sub coelo. Tum ille: Si tu Papam & Cardinales in potestate tua haberes, quid esses facturus? Omnem, inquam, reuerentiam & honorem exhibiturus. Tum ille, gestu Italico mouens digitum, dixit: Hem. Et sic abiit, neq; reuersus est.

Eo die denunciavit Senatus cæsareus Cardinali, Mihi esse datam Cæsaris tutelam, seu fidem publicam, admonens, ne quid asperius in me designaret. Hic fertur respondisse: Bene est, ego tamen faciam, quod mei officij fuerit. Hæc fuere principia istius turbæ, cætera ex actis infra cognosci poterunt.

Infra fol. 158 4.

Eodem anno iam M. Philippus Melanthon a Principe Friderico uocatus huc fuerat ad docendas literas græcas, haud dubie, ut haberem socium laboris in Theologia, Nam quid operatus sit Dominus per hoc organum, non in literis tantum, sed in Theologia, satis testantur eius opera, etiamsi irascatur Satan & omnes squamæ eius.

)(iij Anno

P R A E F A T I O

*Annus salutis no-
strae 1519.*

*Eccius,
Caracciolus,
Bulla,*

Anno sequente XIX, decessit in Februario Maximilianus, & factus est iure Imperij uicarius Dux Fridericus, tum desijt paululum saeuire tempestas, & sensim obrepfit contemptus Excommunicationis seu fulminis papistici. Nam cum Eccius & Caracciolus ex Vrbe attulissent Bullam damnatricem Lutheri, eamq; insinuassent, ille hic, iste illic, Duci Friderico, qui Coloniae tunc erat, Carolum recens electum cum alijs Principibus suscepturus, indignissime tulit & magna fortitudine & constantia obiurgabat pontificium illum nebulonem, quod se absente perturbassent ipse & Eccius Ditiones fratris Iohannis & suam, & exagitabat eos magnifice, ita ut cum rubore & dedecore ab eo discederent: intellexit Princeps ingenio incredibili praeditus, artes Romanae curiae, & eos digne tractare nouit, erat enim emunctissimae naris, & plus & longius olfaciebat, quam Romanenses aut sperare aut timere poterant.

*Rosa aurea missa,
a Leone X. Ele-
cto Friderico C.*

Itaq; deinceps ab eo tentando abstinebant, Nam & Rosam, quam uocant auream, eodem anno ei a Leone X. missam, nullo honore dignatus est, imo pro ridiculo habuit, ita desperare coacti sunt Romanistae a studijs fallendi tanti Principis. Et procedebat foeliciter Euangelium sub umbra istius Principis, & late propagabatur, mouebat eius Autoritas plurimos, qui cum esset sapientissimus & oculatissimus Princeps, non poterat, nisi apud inuidos suspicionem incurrere, quod haeresin aut haereticos uellet alere & tueri, quae res Papatui magnum intulit detrimentum.

*Disputatio Lipsiae
habita, Anno 1519*

*Vide infra folio
385. 4. Parag. 5.
Item 386. b.
Parag. 3.*

Eodem anno habita est Disputatio Lipsiae, ad quam Eccius nos duos, Carlstadium & me prouocauit, Sed ego nullis literis potui impetrare fidem a Duce Georgio, ita ut non Disputator, sed spectator futurus, sub fide Carlstadio data, Lipsiam ingrederer. Quis autem me impedierit, ignoro, nam adhuc erat Dux Georgius mihi non iniquus, quod sciebam certo.

Hic Eccius me accessit in hospitio dicens, Sese audisse me detrectare Disputationem. Respondi: Quomodo disputare potero, cum nequeam impetrare fidem a Duce Georgio? Ille, Si tecum, inquit, non licet disputare, neq; cum Carlstadio uolo, propter te enim huc ueni. Quid si ego tibi fidem impetrauero? nunquid disputabis mecum? Impetra (inquam) & fiat. Abijt ille, & mox data est mihi quoq; fides publica, & facta copia disputandi.

Faciebat hoc Eccius, quia certam sibi gloriam propositam cernebat

D. MARTINI LVTHERI

nebat, propter Propositionem meam, in qua negabam, Papam esse iure diuino caput Ecclesiæ. Hic patuit ei campus magnus, & occasio summa plausibiliter adulandi, & gratiam Pontificis emerendi, tum odio & inuidia me obruendi, Quod strenue fecit per totam Disputationem, Nec tamen sua firmavit, nec mea confutauit, Ita ut ipse Dux Georgius inter prandendum ad Eccium & me diceret: Siue sit iure humano siue diuino Papa, ipse est Papa, Quod uerbum, nisi argumentis fuisset motus, nequaquam dixisset, Sed Eccium solum probasset.

Atq; hic uide, uel in meo casu, quam difficile sit eluctari & emergere ex erroribus, totius orbis exemplo firmatis, & longa consuetudine, uelut in naturam mutatis, Quam uerum est Prouerbum: Difficile est consuetam relinquere, Et, consuetudo est altera natura, Et quam uere dicit Augustinus: Consuetudo, si ei non resistitur, fit necessitas. Ego, qui iam tunc sacras literas diligentissime priuatim & publice legeram & docueram per septem annos, ita ut memoriter pene omnia tenerem, deinde primitias cognitionis & fidei Christi hauseram, scilicet, Non operibus, sed fide Christi nos iustos & saluos fieri, Deniq; id, de quo loquor, Papam non esse iure diuino Caput Ecclesiæ, iam defendebam publice. Tamen id quod consequens erat, non uidi, scilicet, Papam necessario esse ex Diabolo, Quod enim ex Deo non est, necesse est ex Diabolo esse.

Sic absorptus eram (ut dixi) tum exemplo & titulo sanctæ Ecclesiæ, tum consuetudine propria, ut Papæ concederem Ius humanum, quod tamen, si non sit fultum autoritate diuina, mendacium & diabolicum est. Nam Parentibus et Magistratibus paremus, Non quia ipsi præcipiunt, sed quia sic est uoluntas Dei. 1. Pet. 2. Hinc est, quod minus iniquo animo ferre possum eos, qui pertinacius in Papatu hærent, præsertim qui sacra uel etiam prophana non legerunt, cum ego tot annis sacra legens diligentissime, tamen ita hæsi tenaciter.

ANno M. D. XIX. misit Rosam Leo X. (ut dixi) per Carolum Miltitium, qui multis egit mecum, ut Papæ reconciliarer. Is habuit 70. Breuia Apostolica, ut si Princeps Fridericus illi me traderet, sicuti Papa per Rosam quærebat, per singula oppida affigeret unum, & ita tutus me perduceret Romam, Prodebat autem coram me consilium cordis sui, dicens: O Martine, ego credebam te esse senem aliquem Theologum, qui post fornacem sedens, ita secum disputasset, Nunc uideo te esse adhuc integrum ætate & ualidum. Si haberem 25. milia armatorum, non confiderem te posse a me Romam perducere.

Carolus Miltitium.

P R A E F A T I O

perduci, Exploravi enim per totum iter animos hominum, quid de te sentirent, Ecce, ubi unum pro Papa stare inueni, tres pro te contra Papam stabant. Illud uero ridiculum erat, Explorauerat etiam Mulierculas & Virgines in hospitij, quidnam de Sede Romana sentirent? Illæ ut ignaræ huius uocabuli, & sellam domesticam cogitantes, respondebant: Quid nos scire possumus, quales uos Romæ habeatis sellas, ligneas ne an lapideas?

Rogabat itaq; ut consulerem ea, quæ pacis essent, se omnem daturum operam, ut Papa idem faceret. Ego prolixè quoq; promisi omnia, quæ ullo modo salua conscientia ueritatis possem, promptissime essem facturus, Me quoq; esse pacis cupidum & studiosum, qui per uim tractus in has turbas necessitate adactus fecissem omnia, quæ feci, culpam non esse meam.

Iohannes Tetzelius

Vocauerat autem ad se Iohannem Tetzelium, prædicatorem ordinis, autorem primarium huius tragœdiæ, & uerbis minisc; Pontificijs ita fregit hominem, hætenus terribilem Cunctis, & imperterritum clamatorem, ut inde contabesceret, & tandem ægritudine animi conficeretur, Quem ego, ubi hoc rescui, ante obitum literis benigniter scriptis consolatus sum, ac iussi animo bono esse, nec mei memoriam metueret, Sed conscientia & indignatione Papæ forte occubuit.

Futilis habebatur Carolus, & futile eius Consilium, Sed, meo iudicio, si Moguntinus a principio, cum a me admoneretur, denic; si Papa, antequam me non auditum damnaret, & Bullis suis sequeretur, hoc cepissent consilium, quod Carolus cepit, licet sero, & statim compescuissent Tetzelianum furorem, non euasisset res in tantum tumultum, Tota culpa est Moguntini, cuius sapientia & astutia eum fefellit, qua uoluit meam doctrinam compescere, & suam pecuniam, per Indulgentias quæsitam, esse saluam. Nunc frustra quæruntur consilia, frustra coguntur studia. Dominus euigilauit, & stat ad iudicandum populos, etiam si nos occidere possent, non tamen haberent quod uolunt, imo minus haberent, quam nobis uiuis & saluis habent. Id quod nonnulli inter eos, qui non omnino obestæ naribus sunt, satis olfaciunt.

*Lutherus cepit
Psalterium denuo
interpretari, Anno
1519.*

Interim eo anno iam redieram ad Psalterium denuo interpretandum, fretus eo, q; exercitator essem, postquam S. Pauli Epistolas ad Romanos, ad Galatas, & eam, quæ est ad Ebræos, tractassem in Scholis, miro certe ardore captus fueram cognoscendi Pauli in Epistola

D. MARTINI LVTHERI

stola ad Rom. Sed obstiterat hactenus, non frigidus circumpræcordia sanguis, sed unicum uocabulum, quod est cap. 1, Iusticia Dei reuelatur in illo, Oderam enim uocabulum istud, Iusticia Dei, quod usu & consuetudine omnium Doctorum doctus eram philosophice intelligere, de iusticia (ut uocant) formali seu actiua, qua Deus est iustus, & peccatores iniustosq; punit.

Iusticia Dei:

Ego autem, qui me, utcumq; irreprehensibilis Monachus uiuebam, sentirem coram Deo esse peccatorem inquietissime conscientem, nec mea satisfactione placatum confidere possem, non amabam, imo odiebam iustum & punientem peccatores Deum, tacitaq; si non blasphemia, certe ingenti murmuratione indignabar Deo, dicens: Quasi uero non satis sit, miseros peccatores & æternaliter perditos peccato originali, omni genere calamitatis oppressos esse per legem Decalogi, nisi Deus per Euangelium dolorem dolori adderet, & etiam per Euangelium nobis iusticiam & iram suam intentaret, Furebam ita sæua & perturbata conscientia, pulsabam tamen importunus eo loco Paulum, ardentissime sitiens scire, quid S. Paulus uellet.

Donec misere Deo, meditabundus dies & noctes connexionem uerborum attenderem, nempe, Iusticia Dei reuelatur in illo, sicut scriptum est: Iustus ex fide uiuit. Ibi iusticiam Dei coepi intelligere eam, qua iustus dono Dei uiuit, nempe ex fide, & esse hanc sententiam, Reuelari per Euangelium iusticiam Dei, scilicet passiuam, qua nos Deus misericors iustificat per fidem, sicut scriptum est: Iustus ex fide uiuit. Hic me prorsus renatum esse sensi, & apertis portis in ipsam Paradisum intrasse. Ibi continuo alia mihi facies totius Scripturæ apparuit. Discurrebam deinde per Scripturas, ut habebat memoria, & colligebam etiam in alijs uocabulis Analogiam, Ut opus Dei, id est, quod operatur in nobis Deus, uirtus Dei, qua nos potentes facit, Sapientia Dei, qua nos sapientes facit, Fortitudo Dei, Salus Dei, Gloria Dei,

Iusticia Dei reuelatur in Euangelio.

Opus, uirtus Dei.

Iam quanto odio uocabulum, Iusticia Dei, oderam ante, tanto amore dulcissimum mihi uocabulum extollebam, ita mihi iste locus Pauli fuit uere porta Paradisi. Postea legebam Augustinum de Spiritu & litera, ubi præter spem offendi, quod & ipse iusticiam Dei similiter interpretatur, qua nos Deus induit, dum nos iustificat. Et quanquam imperfecte hoc adhuc sit dictum, ac de imputatione non clare omnia explicet, placuit tamen iusticiam Dei doceri, qua nos iustificemur.

Augustinus de spiritu & litera.

Istis

P R A E F A T I O

*Lutherus Vuormaciae
clam uocatus à Ca-
rolo V. anno 1521.* Istis cogitationibus armatior factus, coepi Psalterium secundo interpretari, & processisset Opus in magnum Commentarium, nisi denuo per Comitum Caroli V. Imperatoris Vuormaciam sequenti anno uocatus, opus coeptum deferere fuisset coactus.

Hæc ideo narro, optime Lector, ut si lecturus es Opuscula mea, memor sis, me unum fuisse (ut supra dixi) ex illis, qui (ut Augustinus de se scribit) scribendo & docendo profecerint, non ex illis, qui de nihilo repente fiunt summi, cum nihil sint, neq; operati, neq; tentati, neq; experti, Sed ad unum intuitum Scripturæ totum Spiritum eius exhauriunt.

*Res indulgentiaria
durant usq; ad an-
num 1521.* Hactenus ad annum M. D. X X. & X X I. processit res indulgentiaria, Post sequuntur res Sacramentariæ & Anabaptisticæ, de quibus in alijs Tomis, si uixero, præfandum est.

Vale, Lector, in Domino, & ora pro incremento uerbi, aduersus Satanam, Quia potens & malus est, nunc etiam furentissimus & sæuissimus, sciens quoniam breue tempus habet, & regnum sui Papæ periclitatur. Confirmet autem Deus hoc in nobis, quod operatus est, & perficiat opus suum, quod incepit in nobis, ad gloriam suam, Amen.

V. Martij, Anno
M. D. XLV.

QVAESTIO

QVÆSTIO SVBSCRIPTA DE VIRIBVS ET VOLVNTATE HO

minis sine gratia, contra doctrinam Papæ & Sophistarum, disputata est
Vuittembergæ, Anno M.D. XVL. Præsidente eximio viro, D.
M. Luthe. Augustiniano, artium ac Theologiæ Magistro.

ANNVS
XVI.



N homo ad Dei imaginem creatus, naturalibus suis viribus, Dei creatoris præcepta seruare, aut boni quippiam facere, aut cogitare, atque cum gratia mereri, meritaq; cognoscere possit?

CONCLUSIO I.

Homo ratione animæ, Dei imago, & sic ad gratiam Dei aptus, suis naturalibus viribus solis, creaturam quamlibet, qua vtitur, vanitati subijcit, sua & quæ carnis sunt, quærit.

Rom .g.

COROLARIVM I.

Homo vetus, vanitas vanitatum, vniuersaq; vanitas, reliquas quoque creaturas, alioqui bonas, efficit vanas.

COROLARIVM II.

Carnis nomine dicitur homo vetus, non tantum quia sensuali concupiscentia ducitur, Sed (etiamsi est castus, sapiens, iustus) quia non ex Deo per Spiritum renascitur.

COROLARIVM III.

Etsi omnes infideles vani sint, nihil boni operantes, non tamen æqualem poenam patientur omnes.

CONCLUSIO II.

Homo, Dei gratia exclusa, præcepta eius seruare nequaquam potest, neq; se, uel de congruo, uel de condigno, ad gratiam præparare, verum necessario sub peccato manet.

COROLARIVM I.

Voluntas hominis sine gratia nō est libera, sed seruit, licet nō inuita.

COROLARIVM II.

Homo, quando facit quod in se est, peccat, cum nec velle, aut cogitare ex seipso possit.

COROLARIVM III.

Cum iusticia fidelium sit in Deo abscondita, peccatum vero eorum manifestum in seipsis, Verum est, non nisi iustos damnari, atq; peccatores & meretrices saluari.

CONCLUSIO III.

Gratia seu charitas, quæ non (nisi in extrema necessitate) succurrit, inertissima est ac potius nulla charitas, nisi extrema necessitas, non mortis periculum, sed cuiuscunq; rei defectus, intelligatur.

COROLARIVM I.

Christus Ihesus uirtus nostra, iusticia nostra, cordum & renum scrutator, solus est cognitor meritorum nostrorum, ac iudex.

COROLARIVM II.

Cum credenti omnia sint, autore Christo, possibilia, Supersticiosum est, humano arbitrio, alijs Sanctis, alia deputari auxilia.

COROLARIVM III.

Est iuxta præmissa, ad quæstionem responsiuū.

A Annus

ANNVS SALVTIS NOSTRAE M D XVII

REVERENDISSIMO IN CHRISTO PA
TRI: ILLVSTRISSIMO DOMINO, DOMINO,

Alberto Magdeburg. ac Moguntinen. Ecclesiarum Archiepiscopo
Primate, Marchioni Brandenburg. &c. Domino suo & Pasto
ri in Christo, venerabiliter metuendo, ac gratiosissimo.



RATIAM DEI, & quicquid potest & est.

Parce mihi, reuerendissime in Christo pater, prin
ceps illustrissime, q̄ ego sex hominum tantum ha
beo temeritatis, ut ad culmen tuæ sublimitatis ausus
fuerim cogitare Epistolam, testis est mihi Dominus
Ihesus, q̄ meæ paruitatis & turpitudinis mihi con
scius, diu iam distuli, quod nunc perfricta fronte perficio, permotus
q̄ maxime officio fidelitatis meæ, quam T. reuerendissimæ Pat. in
Christo debere me agnosco, dignetur itaque tua interim Celsitudo oc
culum ad puluerem vnum intendere, & votum meum pro tua ponti
ficali clementia intelligere.

a auditoribus

Circumferuntur Indulgentiæ papales sub tuo præclarissimo ti
tulo ad fabricam S. Petri, in quibus non adeo accuso Prædicatorum
exclamationes, quas non audiui, sed doleo falsissimas intelligentias
populi ex illis conceptas, quas vulgo vndiq̄ iactant, videlicet, q̄ cre
dunt infelices * animæ, si literas Indulgentiarum redemerint, se secu
ras esse de salute sua. Item, q̄ Animæ de Purgatorio statim euolent,
vbi contributionem in cistam coniecerint. Deinde, tantas esse has gra
tias, v̄t nullum sit adeo magnum peccatum, etiam (vt aiunt) si per im
possibile quis matrem Dei violasset, quin possit solui. Item, q̄ homo
per istas indulgentias liber sit ab omni pœna & culpa.

O Deus optime, sic erudiuntur Animæ tuis curis, optime Pater,
commissæ, ad mortem, & fit atque crescit durissima ratio tibi reddens
da super omnibus istis. Idcirco tacere hæc amplius non potui, non
enim fit homo per vllum munus Episcopi securus de salute, cum nec
per gratiam Dei infusam fiat securus, sed semper in timore & tremore
iubet nos operari salutem nostram Apostolus. Et iustus, inquit Pe
trus, vix saluabitur. Deniq̄ tam arcta est uia, quæ ducit ad uitam, vt
Dominus per prophetas Amos & Zachariam, saluandos appellet
torres raptos de incendio, & vbiq̄ Dominus difficultatem salutis
denunciat.

Philip. 2.
2. Pet. 2.

Cur ergo per illas falsas veniarum fabulas & promissiones præ
dicatores earum faciunt populum securum & sine timore? cum In
dulgentiæ

dulgentiæ prorsus nihil boni conferant Animabus ad salutem aut sanctitatem, sed tantummodo poenam externam, olim canonice imponi solitam, auferant.

Denique opera pietatis & charitatis sunt in infinitum meliora indulgentiis, & tamen hæc non tanta pompa nec tanto studio prædicant, imo propter Venias prædicandas illa tacent, cum tamen omnium Episcoporum hoc sit officium primum & solum, ut populus Evangelium discat, & charitatem Christi, nusquam enim præcipit Christus indulgentias prædicari. Quantus ergo horror est, quantum periculum Episcopi, si tacito Evangelio non nisi strepitus indulgentiarum permittat in populum suum spargi, & has plus curet, quam Evangelium? nonne dicet illis Christus: Colantes culicem, & glutientes camelum.

Accedit ad hoc, reuerendissime Pater in Domino, quod in Instructione illa commissariorum, sub T. reuerendissimæ P. nomine edita, dicitur (utique sine T. P. reuerendissimæ & scientia & consensu) unam principalium gratiarum, esse donum illud Dei inestimabile, quo reconcilietur homo Deo, & omnes poenæ deleantur Purgatorii. Item, quod non sit necessaria contritio his, qui Animas vel Confessionalia redimunt.

SEd quid faciam, optime Præsul & illustrissime Princeps, nisi quod per Dominum Ihesum Christum T. reuerendissimam P. orem, quatenus oculum paternæ curæ dignetur admittere, & eundem Libellum penitus tollere, & prædicatoribus veniarum imponere aliam prædicandi formam, ne forte aliquis tandem exurgat, qui editis Libellis, & illos, & Libellum illum confutet, ad vituperium summum illustrissimæ tuæ sublimitatis, quod ego vehementer quidem fieri abhorreo, & tamen futurum timeo, nisi cito succurratur.

Hæc meæ paruitatis fidelia officia, rogo, tua illustrissima gratia dignetur accipere animo principali & episcopali, id est, clementissimo, sicut ego ea exhibeo corde fidelissimo, & T. P. reuerendissimæ deditissimo, quando & ego pars Ouilis tui sum. Dominus Ihesus custodiat T. reuerendissimam P. in æternum, Amen.

Ex Vuitemberga, in vigilia omnium Sanctorum,
Anno M. D. XVII.

Si T. reuerendissimæ P. placet, poterit has meas Disputationes videre, ut intelligat, quam dubia res sit Indulgentiarum opinio, quam illi ut certissimam seminant.

T. reuerendissimæ P.

Martinus Lutherus.

Quid iusta & supplici hac petitione, fidelique ac pia adhortatione effecerit Lutherus, cognosces pie Leæor, ex sequentibus. Tetzelij propositionibus, & aliorum satellitum Sedis romanæ scriptis, quæ suo loco subiunguntur.

Scilicet de poenitentia & indulgentiis, quarum initium est Dominus et Magister noster Ihesus Christus. Latere sequenti.

A ij QVO

DISPVTA. D. MART. LVTHERI
AMORE ET STVDIO
ELVCIDANDAE VERITATIS HAEC
SVBSCRIPTA THEMATA DISPVTABVN-

tur Vuittembergae. Praesidente R. P. Martino Luthero Eremitano, Augustiniano, Artium & S. Theologiae Magistro, eiusdem ibidem ordinario Lectore. Quare petit, ut qui non possunt uerbis praesentes nobiscum disceptare, agant id literis absentes. In nomine Domini nostri Ihesu Christi, Amen.

M. D. XVII.

1.



Ominus & Magister noster Ihesus Christus, dicendo: Pœnitentiam agite &c. omnem vitam fidelium Pœnitentiam esse voluit.

2.

Quod uerbum de Pœnitentia sacramentali, id est, Confessionis & Satisfactionis, quæ Sacerdotum ministerio celebratur, non potest intelligi.

3.

Non tamen solam intendit interiorem, Imo interior nulla est, nisi foris operetur uarias carnis mortificationes.

4.

Manet itaque pœna donec manet odium sui, id est, pœnitentia uera intus, scilicet usque ad introitum Regni cœlorum.

5.

Papa non vult nec potest ullas pœnas remittere, præter eas, quas arbitrio vel suo vel Canonum imposuit.

6.

Papa non potest remittere ullam culpam, nisi declarando & approbando remissam a Deo, Aut certo remittendo casus reseruatos sibi, quibus contemptis culpa prorsus remaneret.

7.

Nulli prorsus remittit Deus culpam, quin simul eum subiiciat humiliatum in omnibus, Sacerdoti suo Vicario.

8.

Canones pœnitentiales solum uiuentibus sunt impositi, nihilque morituris secundum eosdem debet imponi.

9.

Inde bene nobis facit Spiritus sanctus in Papa, excipiendo in suis Decretis semper articulum mortis & necessitatis.

10.

Indocte & male faciunt Sacerdotes ij, qui morituris pœnitentias canonicas in Purgatorium reseruant.

11.

Zizania illa de mutanda pœna canonica in pœnam purgatorii, videntur certe dormientibus Episcopis seminata.

12.

Olim pœnæ canonicae non potest, sed ante absolutionem imponebantur, tanquam tentamenta veræ contritionis.

13.

Morituri per mortem omnia soluunt, & legibus Canonum mortui iam sunt, habentes iure earum relaxationem.

14.

Imperfecta sanitas seu charitas morituri, necessario secum fert magnum timorem, tantoque maiorem, quanto minor fuerit ipsa.

15.

Hic timor & horror, satis est se solo, ut alia taceam, facere pœnam purgatorii, cum sit proximus desperationis horrori.

Videntur

DE POENITENTIA ET INDULGEN. III

Videntur infernus, purgatorium, coelum differre, sicut desperatio, prope desperatio, securitas differunt. 16.

Necessarium uidetur animabus in purgatorio sicut minui horrorem, ita augeri charitatem. 17.

Nec probatum uidetur ullis aut rationibus aut scripturis, quod sint extra statum meriti, seu augendae charitatis. 18.

Nec hoc probatum esse videtur, quod sint de sua beatitudine certae & securae, saltem omnes, licet nos certissimi simus. 19.

Igitur Papa per remissionem plenariam omnium poenarum, non simpliciter omnium intelligit, sed a seipso tantummodo impositarum. 20.

Errant itaque Indulgentiarum Commissarii, qui dicunt, per Papae indulgentias hominem ab omni poena solui & saluari. 21.

Quin nullam remittit animabus in Purgatorio, quam in hac uita debuissent, secundum Canones soluere. 22.

Si remissio vlla omnium omnino poenarum, potest alicui dari, certum est, eam non nisi perfectissimis, id est, paucissimis dari. 23.

Falli ob id necesse est, maiorem partem populi, per indifferentem illam & magnificam poenae solutae promissionem. 24.

Qualem potestatem habet Papa in purgatorium generaliter, Talem habet quilibet Episcopus & Curatus in sua Dioccesi, & Parochia specialiter. 25.

Optime facit Papa, quod non potestate clauis (quam nullam habet) sed per modum suffragij dat animabus remissionem. 26.

Hominem praedicant, qui statim ut iactus numus in Cistam tinnierit, euolare dicunt animam. 27.

Certum est numo in cista tinniente, augeri questum & auariciam posse, suffragium autem Ecclesiae est in arbitrio Dei solius. 28.

Quis scit, si omnes animae in purgatorio velint redimi, sicut de S. Seuerino & Paschalio factum narratur. 29.

Nullus securus est de veritate suae contritionis, Multo minus de consecutione plenariae remissionis. 30.

Quam rarus est vere poenitens, Tam rarus est vere Indulgentias redimens, id est, rarissimus. 31.

Damnabuntur in aeternum cum suis Magistris, qui per literas veniarum securos sese credunt de sua salute. 32.

Cauendi sunt nimis, qui dicunt venias illas Papae, donum esse illud Dei inestimabile, quo reconciliatur homo Deo. 33.

Gratiae enim illae veniales tantum respiciunt poenas satisfactionis sacramentalis, ab homine constitutas. 34.

Non christiana praedicant, qui docent, quod redempturis animas vel Confessionalia, non sit necessaria contritio. 35.

A iij Quilibet

DISPV TATIO D. MART. LV THERI

36. Quilibet Christianus uere compunctus habet remissionem plenariam a poena & culpa, etiam sine literis ueniarum sibi debitam.
37. Quilibet uerus Christianus siue uiuus siue mortuus, habet participationem omnium bonorum Christi & Ecclesiae, etiam sine literis ueniarum a Deo sibi datam.
38. Remissio tamen & participatio Papae, nullo modo est contemnenda, quia, ut dixi, est declaratio remissionis diuinæ.
39. Difficillimum est etiam doctissimis Theologis, simul extollere ueniarum largitatem, & contritionis ueritatem coram populo.
40. Contritionis ueritas poenas querit & amat, Veniarum autem largitas relaxat, & odisse facit, saltem occasione.
41. Caute sunt ueniae Apostolicæ prædicandæ, ne populus falso intelligat, eas præferri cæteris bonis operibus charitatis.
42. Docendi sunt Christiani, q̃ Papæ mens non est, redemptionem ueniarum ulla ex parte comparandam esse operibus misericordiæ.
43. Docendi sunt Christiani, q̃ dans pauperi, aut mutuans egenti, melius facit, q̃ si uenias redimeret.
44. Quia per opus charitatis crescit charitas & fit homo melior, Sed per uenias non fit melior, sed tantummodo a poena liberior.
45. Docendi sunt Christiani, q̃, qui uidet egenum, & neglecto eo, dat pro uenijs, non indulgentias Papæ, sed indignationem Dei sibi uendicat.
46. Docendi sunt Christiani, q̃ nisi superfluis abundant, necessaria tenentur domui suæ retinere, & nequaquā propter uenias effundere.
47. Docendi sunt Christiani, q̃ redemptio ueniarum est libera, non præcepta.
48. Docendi sunt Christiani, q̃ Papa sicut magis eget, ita magis operatur in uenijs dandis pro se deuotam orationem, q̃ promptam pecuniā.
49. Docendi sunt Christiani, q̃ ueniae Papæ sunt utiles, si non in eas confidunt, sed nocentissimæ, si timorem Dei per eas amittant.
50. Docendi sunt Christiani, q̃ si Papa nosset exactiones uenialium Prædicatorum, mallet Basilicam S. Petri in cineres ire, q̃ ædificari cuncte, carne & ossibus ouum suarum.
51. Docendi sunt Christiani, q̃ Papa sicut debet, ita uellet, etiam uendita, si opus sit, Basilica S. Petri de suis pecunijs dare illis, a quorum plurimis quidam Concionatores ueniarum pecuniam eliciunt.
52. Vana est fiducia salutis per literas ueniarum, etiamsi Commissarius, imo Papa ipse suam animam pro illis impignoraret.
53. Hostes Christi & Papæ sunt ij, qui propter uenias prædicandas uerbum Dei in alijs Ecclesijs penitus silere iubent.
54. Iniuria fit uerbo Dei, dum in eodem Sermone æquale uel longius tempus impenditur uenijs, q̃ illi.

Mens

DE POENITENTIA ET INDV LGEN. IIII.

Mens Papæ necessario est, q̃ si veniæ, quod minimum est, una campana, vniis pompis & ceremonijs celebrantur, Euangelium, quod maximum est, centum campanis, centum pompis, centum ceremonijs prædicatur. 55.

Thesauri Ecclesiæ, vnde Papa dat Indulgentias, neq̃ satis nominati sunt, neq̃ cogniti apud populum Christi. 56.

Temporales certe non esse patet, q̃ non tam facile eos profundunt, sed tantummodo colligunt multi Concionatorum. 57.

Nec sunt merita Christi & Sanctorum, quia hæc semper sine Papa operantur gratiam hominis interioris, & crucem, mortem, infernumq̃ exterioris. 58.

Thesauros Ecclesiæ S. Laurentius dixit esse pauperes Ecclesiæ, Sed locutus est vsu vocabuli suo tempore. 59.

Sine temeritate dicimus, clauēs Ecclesiæ, merito Christi donatas, esse thesaurum istum. 60.

Clarum est enim, q̃ ad remissionem poenarum & casuum, sola sufficit potestas Papæ. 61.

Verus thesaurus Ecclesiæ est sacrosanctum Euangelium gloriæ & gratiæ Dei. 62.

Hic aut̃ est merito odiosissimus, quia ex primis facit nouissimos. 63.

Thesaurus autem Indulgentiarum merito est gratissimus, quia ex nouissimis facit primos. 64.

Igitur thesauri Euangelici retia sunt, quibus olim piscabantur viros diuitiarum. 65.

Thesauri indulgentiarum retia sunt, quibus nunc piscantur diuitias virorum. 66.

Indulgentiæ, quas Concionatores vociferantur maximas gratias, intelliguntur vere tales, quod ad questum promouendum. 67.

Sunt tamen reuera minimæ, ad gratiam Dei & crucis pietatem comparatæ. 68.

Tenentur Episcopi & Curati veniarum apostolicarum Commissarios cum omni reuerentia admittere. 69.

Sed magis tenentur omnibus oculis intendere, omnibus auribus aduertere, ne pro commissione Papæ, sua illi somnia prædicent. 70.

Contra veniarum apostolicarum veritatem qui loquitur, sit ille anathema & maledictus. 71.

Qui vero contra libidinem ac licentiam verborum Concionatoris veniarum curam agit, sit ille benedictus. 72.

Sicut Papa iuste fulminat eos, qui in fraudem negocij veniarum quacunque arte machinantur. 73.

Multo magis fulminare intendit eos, qui per veniarum prætextum in fraudem sanctæ charitatis & veritatis machinantur. 74.

A iij Opinari

DISPVATIO D. MART. LVTHERI

75. Opinari venias papales tantas esse, vt soluere possint hominem, etiam si quis per impossibile Dei genitricem violasset, est insanire.

76. Dicimus contra, q̄ veniæ papales nec minimum venialium peccatorum tollere possint, quo ad culpam.

77. Quod dicitur, nec si S. Petrus modo Papa esset, maiores gratias donare posset, est blasphemia in S. Petrum & Papam.

78. Dicimus contra, q̄ etiam iste & quilibet Papa maiores habet, scilicet Euangelium, virtutes, gratias curationum &c. ut 1. Corint. 12.

79. Dicere Crucem armis papalibus insigniter erectam, cruci Christi æquiuale, blasphemia est.

80. Rationem reddent Episcopi, Curati & Theologi, qui tales sermones in populum licere sinunt.

81. **F**ACIT hæc licentiosa ueniarum prædicatio, ut nec reuerentiã Papæ facile sit, etiam doctis uiris, redimere a calumnijs, aut certe argutis questionibus laicorum.

82. Scilicet, cur Papa non euacuat Purgatorium propter sanctissimam charitatem, & summam animarum necessitatem, ut causam omnium iustissimam, Si infinitas animas redimit propter pecuniam funestissimam ad structuram Basilicæ, ut causam leuissimam?

83. Item, Cur permanent exequiæ & anniuersaria defunctorum, & non reddit, aut recipi permittit Beneficia pro illis instituta, cum iam sit iniuria pro redemptis orare?

84. Item, Quæ illa noua pietas Dei & Papæ, q̄ impio & inimico propter pecuniam concedunt animam piam & amicam Dei redimere, Et tamen propter necessitatem ipsiusmet piæ & dilectæ animæ, non redimunt eam gratuita charitate?

85. Item, Cur Canones poenitentiales, re ipsa & non vsu, iam diu in semet abrogati & mortui, adhuc tamen pecunijs redimuntur per concessionem Indulgentiarum tanquam uiuacissimi?

86. Item, Cur Papa, cuius opes hodie sunt opulentissimis Crassis crassiores, non de suis pecunijs magis, q̄ pauperum fidelium, struit vnã tantummodo Basilicam S. Petri?

87. Item, Quid remittit aut participiat Papa n̄s, qui per contritionem perfectam, ius habent plenariæ remissionis & participationis?

88. Item, Quid adderetur Ecclesiæ boni maioris, si Papa, sicut semel facit, ita centies in die cuilibet Fidelium has remissiones & participationes tribueret?

89. Ex quo Papa salutem quærit animarum per venias magis q̄ pecunias, Cur suspendit literas & venias iam olim concessas, cum sint æque efficaces?

90. **H**Æc scrupulosissima Laicorum argumenta, sola potestate compefcere, nec reddita ratione diluere, est Ecclesiam & Papam hostibus ridendos exponere, & infelices Christianos facere. Si

DE POENITENTIA ET INDV LGEN V

Si ergo veniæ secundum spiritum & mentem Papæ prædicarentur, facile illa omnia soluerentur, imo non essent. 91.

Valeant itaque omnes illi Prophetæ, qui dicunt populo Christi: Pax, pax, & non est pax. 92.

Bene agant omnes illi Prophetæ, qui dicunt populo Christi: Crux, crux, & non est crux. 93.

Exhortandi sunt Christiani, vt caput suum Christum per poenas, mortes, infernosq; sequi studeant. 94.

Ac sic magis per multas tribulationes Intrare coelum, q̃ per securitatem pacis, confidant. 95.

PROTESTATIO

Ego Martinus Lutherus Doct̃or, Ordinis Eremitarum Vuittembergæ, publice testatum uolo, propositiones aliquot contra pontificales, ut uocant, Indulgentias a me editas esse. Etsi autem me hæcenus neque celeberrimâ hæc & laudatissima Schola nostra, neque ciuilis aut ecclesiastica Potestas condemnauerit, sunt tamen, ut audio, quidam præcipitis atque audacis ingenij homines, qui re quasi bene cognita & perspecta, Hæreticum me pronunciare audent.

Ego uero, ut ante sæpe, ita nunc quoque per fidem Christianam obtestor singulos, uel ut meliorem mihi monstrent uiam, si quibus hæc diuinitus esset reuelata, uel certe suam Sententiam, Dei & Ecclesiæ iudicio submittant, Non enim adeo temerarius sum, ut meam solius opinionem cæteris omnibus anteferri, neque tam stupidus etiam, ut uerbum Dei fabulis, humana ratione excogitatis, postponi uelim.

PRIMA DISPV TATIO

IOHANNIS TETZELII

QVO VERITAS PATEAT: ERRORESq; SVPPRIMANTVR, REDDITAq; RA-

tione, contra catholicam ueritatem obiecta soluantur: Frater Iohannes Tetzeli, ordinis Prædicatorum, sacre Theologiæ Baccalaureus, ac

hæreticæ prauitatis Inquisitor, subscriptas Positiones sustinebit, in florentissimo studio Franck-

fordensi, cis Oderam.

Ad laudem Dei, pro fidei Catholicæ defensione, obq; sanctæ Sedis Apostolicæ honorem.



Ominus noster Ihesus Christus, Sacramenta nouæ Legis, ad quæ uoluit cunctos obligari, post suam passionem & ascensionem.

Voluit etiam cunctos docere ante suam passionem per aptissimam suam prædicationem.

Quisquis ergo dicit, Christum, dum prædicauit: Poenitentiam agite, sic uoluisse poenitentiam interio-
riorem & exterioriorem carnis mortificationem. **Vt non**

Harum duarum sequentium Disputationum, quas falso quidam adscribunt Iohanni Tetzelio &c. autor fuit Doct̃or Conradus Vimpina &c.

1.

3.

2.

POSITIONES

4. Vt non etiam docere vel cointelligere potuerit poenitentiae Sacramentum, eiusque partes, confessionem & satisfactionem tanquam obligatorias, errat. Imo nihil nunc iurat, si interior poena etiam operetur exteriorem mortificationem, nisi adsit factio vel voto confessio & satisfactio.
5. Haec satisfactio (cum Deus delictum absque ultione non patiatur) per poenam fit, vel aequivalens, in acceptatione diuina.
6. Quae vel a Presbyteris imponitur, arbitrio vel canone, vel nonnunquam a iustitia diuina exigitur hic, vel in Purgatorio, dissoluenda.
7. Sicut confessionem, rite factam, nemo tenetur de eisdem criminibus, nisi in paucis casibus reiterare.
8. Et quantumuis utile id esset, non id potest tamen sibi uel religiosus, vel Papa, ut iteret, demandare.
9. Ita satisfactoriam poenam exteriorem semel rite expletam, non tenetur absolutus de eisdem peccatis repetere, Contrarium iubere, est errare.
10. Licet teneatur, quo ad vixerit intus actu vel habitu dolere, & peccatum remissum, semper detestari, de propiciatuique peccatorum absque metu non existere.
11. Hanc poenam, ob peccata contrita & confessam impositam, potest Papa per Indulgentias penitus relaxare.
12. Siue haec sit ab eo, vel sacerdotis arbitrio, vel canone imposita, vel etiam iustitia diuina exigenda, cui contradicere est errare.
13. Sed licet per Indulgentias omnis poena in dispositis remittatur, quae est pro peccatis debita, ut eorum est vindicatio.
14. Errat tamen, qui ob id tolli putet poenam, quae est medicatio & praeseruatua, cum contra hanc Iubileus non ordinetur.
15. Quantumuis ergo aliquis sit per Indulgentias uere & totaliter relaxatus, Quod fieri posse, in dispositis, qui negat, errat.
16. Nullatenus tamen debet intermittere opera satisfactoria, quod uixerit, quando sunt reliquiarum curatio, & a futuris praeseruatua & meritoria.
17. Sicut Sacramenta mosaica sunt ieiuna elementa, nec tollentia culpas, nec iustificatio.
18. Ita sacerdotes Iudaeorum, nec clauis habent nec characterem, unde illi nullam possunt culpam remittere.
19. Sacramenta uero Christianorum, gratiam, quam signant, faciunt, & hinc etiam suscipientes iustificat.
20. Et sacerdotes Christiani characterem uerum & clauis habent, quibus & culpas remittere possunt.
21. Non solum approbando & declarando, ut leprosis faciebant sacerdotes ueteris Legis, & Aaronitae.
22. Sed etiam ministerialiter & instrumentaliter, & dispositiue per Sacramentum id ipsum operando.
23. Imo sicut Deus habet clauis autoritatis, Christus excellentiae, Ita praesbyter Christianus clauis habet ministeriales.
24. Quisquis ergo dicit Papam, vel etiam minimum sacerdotem, non posse in culpas, nisi approbando & declarando, errat.
25. Imo qui non credit, minimum sacerdotem Christianum plus posse in peccatum, quam tota potuerit olim Synagoga Iudaeorum, errat.
26. Quinimo errat, qui Christum pro suae clauis excellentia, qua uim suam Sacramentis non alligauit.
27. Putat non posse peccata remittere & hominem saluare, absque sacerdotali confessione, approbatione uel declaratione.
28. Quamquam contemptus uerus uel interpretatiuus excludit Sacramentum, quod non raro contingit in sero poenitente.

Nec

Nec mors inopina, nec necessitas releuant ab ultione grauissima insequente. 29.

Non tamen est de his desperandum, cum minima contritio, quæ potest in fine vitæ contingere. 30.

Sufficiat ad peccatorum remissionem, ac poenæ æternæ in temporalem mutationem. 31.

Sed quando ob temporis deficientiam, poenæ taliter mortuos truculentissime nonnumquam insequantur. 32.

Quæ sunt plenissimis veniis celeriter relaxandæ, stulte faciunt tales homines, a redimendis Confessionalibus dehortantes. 33.

Ob iniectionem manuum in clerum excommunicatis, incendiarijs, & in castuosis, non solum post absolutionem, sed aliquando post mortem poenæ imponuntur. 34.

His de non iterando iuramentum, istis satisfactio, Qui id ergo posse fieri negat, errat. 35.

Non a dormientibus Episcopis, sed iuris capitulis, discretus & pius iubetur esse Sacerdos, ut potius cum exili poena. 36.

Ultro excepta mittatur Confessus ad purgatorium, quæ cum refutata ad gehennam, Qui id ergo zizania dicit, errat. 37.

Hæretici, schismatici, & læsæ maiestatis rei, post mortem excommunicantur, anathematizantur & exhumantur. 38.

Quisquis ergo dicit, morituros per mortem omnia soluere, & legibus Canonum non teneri, errat. 39.

Animas purgandas, quæ cum gratia & charitate abscedunt, quæ diuidit inter filios regni & perditionis, & longe plus desperationis. 40.

Erroneum est dicere esse prope desperationem, Quin potius in spe firma ad beatitudinis comprehensionem. 41.

Qui dicit, non esse probatum ullis aut Rationibus, aut Scripturis, purgatos esse extra statum meriti, errat. 42.

Qui adjicit, non esse probatum, quæ sint de sua beatitudine certi & securi, errat. Similiter, qui dicit. 43.

Non esse Animas purgandas, de sua salute certiores quæ nos, nosque esse certissimos, errat. 44.

Papam per plenariam remissionem, non intelligere omnium satisfactoriarum, sed a seipso impositarum, errat, Qui dicit. 45.

Indulgentiarum Prædicatores errare, dum prædicant, per Papæ Indulgentiam hominem posse ab omni poena solui, & saluari, error. 46.

Dicere Papam nullam remittere animabus in Purgatorio poenam, quam debuissent in hac vita secundum Canones soluere, error. 47.

Qui solum perfectissimos venias consequi posse dicit, & non etiam perfectos, imo perfectiores incipientes & proficientes, errat. 48.

Imo etiam non solum plene contritos, sed attritos & per Confessionem contritos, Errat. 49.

Quisquis paucissimis id contingere posse putat, & non pluribus, id quod Iubileis exigit facientibus, errat. 50.

Afferere, Papam non habere maiorem vel efficaciorum potestatem in Purgatorium, generaliter suffragij forma Iubileum impartiendo. 51.

Quam qualem, aut quantam habeat Episcopus vel Plebanus in sua Diocæsi, & Parrochia specialiter, error. 52.

Papa etsi in purgatorium nullam habeat clauis potestatem, habet tamen Iubileum illis adplicandi, per modum suffragij autoritatem. 53.

Hanc in purgatorium autoritatem, sub specie clauis in Papa negare, est veritati contradicere & errare. 54.

Animam

POSITIONES

55. Animam purgatam euolare, est eam visione Dei potiri, quod nulla potest intercapedine impediri.
56. Quisquis ergo dicit, non citius posse animam euolare, q̄ in fundo cistæ denarius possit tinnire, errat.
57. In suffragiis publicatis querere questum & auariciam, sed non sequi purgationis effectum, error.
58. Dubitare, si omnes animæ redimi, aut redemptæ exire velint purgatorium, manifestus error.
60. Securitate coniecturali, quantum humana perfert imbecillitas, nullū esse securum de veniarum consecutione, etiam factis, quæ lubileus exigit, error.
61. Rarissimos esse, & non etiam plurimos iuxta formam lubilei agentes, qui consequantur venias, Error.
62. Relaxatum per venias plenarias, iuxta formam rescripti, videlicet vere confessum & contritum &c. non esse securum de sua salute, Error.
63. Papalibus Indulgentiis secundum omnem formam rite acquisitis, non reconciliari hominem Deo, vere videlicet contritum & confessum, Error.
65. Gratias veniales nō respicere nisi pœnas satisfactionis, ab homine constitutas, & non etiam a canone vel iusticia diuina, error.
66. Non esse Christianum dogma, quod redempturi pro amicis confessio-
nalia vel purgandis lubileum, possint hæc facere absq̄ contritione, error.
67. Quemlibet Christianum vere compunctum, habere celeriter & totaliter plenariam a pœna & culpa, sine Indulgentiis remissionem, error.
68. Quemlibet Christianum siue viuum siue mortuum, habere participatio-
nem omnium bonorum, quo ad pœnarum autoritatiuam remissionem, error.
69. Eandem esse omnium bonorum participationem per charitatem, & per potestatem habentis applicationem, error.
70. Rursus eandem esse participationem omnium bonorum ad merendum
et merita augendum, et eam, quæ est omnium bonorū ad satisfaciendū, error.
71. Remissionem Papæ & participationem, solum ideo non esse contem-
nendas, quia sit declaratio remissionis diuinæ, error.
72. Solum doctissimis Theologis, & non etiam mediocriter peritis, facillimum esse simul extollere veniarū largitatē, & contritionis veritatem, error.
73. Quas enim quærit contritio pœnas satisfactorias pro his relaxatis, ve-
nię ponunt Christi compensatorias; Sed quia non relaxant medicatiuas, ha-
bet quas diligit pœnas contritio per totam vitam continuandas, hoc qui ne-
scit, errat.
74. Opera charitatis plus valent in merendo; Sed veniæ plenariæ magis in
celeriter satisfaciendo, & totaliter relaxando. Qui hoc nescit, vel non credit,
& vnum populos docet, & aliud tacet, errat.
75. Indulgentiæ plenariæ plus valent in satisfaciendo & relaxando totali-
ter, celeriter, & singulariter, Sed opera charitatis plus valent in merendo me-
ritum, gratiam, & gloriam augendo principaliter, Qui ergo nō putat Papam
sic velle populum doceri, errat.
76. Quin cum secundum excedentia & excessa differant Indulgentia plena
ria & misericordiæ particularia (vt fieri solita sunt) opera. Quisquis docet po-
pulum, Papam velle nulla ex parte veniarū redemptionem esse operibus mi-
sericordię partialibus ut (fiunt) comparandam, insigniter præsumit & errat.
77. Dans pauperi & mutuans egenti melius facit, quo ad meriti augmenta-
tionem, Sed redimens venias melius, quo ad celeriore satisfactionem. Qui
aliter populum docet, eundem seducit, & qui putat venias redimere, nō etiam
esse opus misericordiæ, errat.
78. Veniis etsi homo primo fiat a pœnis liberior, tamen cum opus, quo re-
dimuntur, sit charitatis, sit ex interna deuotione hinc redimens etiam melior.
Quisquis aliter populum docet, dupliciter errat. Eleemo-

Eleemofynę spiritales sunt corporalibus præstabiliores, & fibi ipsi factę ordinatiores, Vnde si quis indigeat uenijs, nec posset pauperem extra articulum necessitatis iuuare, melius longe facit redimendo, q̃ pauperi (ut predictum) succurrendo, contrarium docens, errat.

78.

Ex grauitate operum, & intensiōe charitatis, accipiuntur plerunq̃ meritum, & meritorum magnitudo, Magis ergo meretur uenias, qui ex necessarijs facit q̃ superfluis. Vnde dicens, hoc modo merendo aliquem peccare, est dupliciter errare.

79.

Quamuis ueniarum redemptio non sit præcepta, est tamen egentibus de optimo consilio. Quisquis ergo unum dicit, & aliud tacet, populum seducit & errat.

80.

Quod Leo pro persona plus egeat orationis, q̃ alijs, est diuinare, Sed pro Papa Leone tenemur ex debito legis naturę humanę & diuinę orare.

81.

Cumq̃ id sit necessitatis, qui dicit propter hoc, dare oportere Papam Indulgentias, errat.

82.

Nisi fides, deuotio, imo fiducia ad uenias habeantur, nihil profunt, & sunt inutiles Indulgentiæ. Quisquis contrarium dicit, pessime errat.

83.

CVm quæ pro uenijs sub Leone exiguntur, sint minima respectu prædecessorum. Qui ergo eum carne, cute & ossib. ouium suarum S. Petri Basilicam ædificare fingit, impie errat.

84.

Facienti quod in se est, & iuxta tenorem Bullarum, utiles sunt indulgentiæ, Quantumuis contingat oblatrantes, errare. Dicere ergo.

85.

Vanam esse salutis fiduciam, per literas ueniarum, etiam si Papa animam suam pro illis impignoraret, est foedissime errare.

86.

Si potest minimus Episcopus, dum vel ipsemet prædicare vult, vel ante se facere prædicari, alijs silentium imperare.

87.

Dicere Papam esse hostem Crucis, si simili modo velit Iubileum publicare, est pessime errare.

88.

Si Sanctorum Legendæ in eorum Festis possunt lōgius Euangelio absq̃ iniuriā recitari, potest recitato Euangelio æquale vel longius tempus in uenijs publicandis continuari. Contrarium dicere, est dupliciter errare.

89.

Mentem Papæ esse, q̃ si vna campana, vnīs pompis & ceremonijs uenig celebrentur, Euangelium centum campanis pompis & ceremonijs, error.

Thesaurum Ecclesiæ non satis nominatum esse nec cognitum, vnde Papa dat Indulgentias, error.

90.

Thesaurum Christi, non esse merita Christi & Sanctorum, error.

91.

Hecq̃ operari ueniale, hoc est, a Deo copiosam, celerem, totalemq̃ satisfactionem extra Papæ applicationem, error.

92.

Thesaurum Ecclesiæ fuisse Pauperes Ecclesiæ, diui Laurentij tempore, error.

93.

Thesaurum Ecclesiæ esse solum clauēs Ecclesiæ, merito Christi donatas, error.

94.

Ad remissionem poenarum solam sufficere Papæ potestatem, absq̃ thesauri Ecclesiæ, id est, meritorum Christi, applicatione, error.

95.

Euangelium, curationum gratia, Sacramenta ueniæ, in gratiæ nomine æquiuocantur, vnum ergo efferre & aliud destituere, est poenitus errare.

96.

Indulgentias, quas Concionatores vociferantur, maximas esse, vere tales, quo ad quæstum promouendum, error.

97.

Imo thesauros Indulgentiarum retia esse, quibus nunc piscantur diuitias virorum, impijsimus error.

98.

Cumque peccatum in matrem Christi commissum (quantumuis enorme) minus sit, q̃ si illud ipsum in Filium committatur, quod est Christi expresso testimonio remissibile.

99.

POSITIO F. IOHAN. TETZELII

100. Quisquis ergo tale in uere contritis Indulgentijs solui non posse dicit, contra Euangelij textum & met Christum, insanit, furit & errat.

101. Subcommiffarijs insuper ac prædicatoribus ueniarum imponere, ut si quis per impossibile Dei genitricem semper uirginem uiolasset, q̄ eundem Indulgentiarum uigore absolueri possent, luce clarius est, Sic contra apertam ueritatem imponentem odio agitari ac fratrum suorum sanguinem sitire.

102. Ponere etiam in publicis Positionibus, prædicatoribus ueniarum, nunq̄ tamen auditos uerborum libidine coram populo manare, & maius in uenijs explanandis tempus, q̄ in Euangelio declarando proterere, est mendacia audita ab alijs, fictaq̄ pro ueris seminare, seque per hoc cito credentem leuemque ostendere, atque perniciose errare.

103. Ponere denique in publicis Positionibus, ueniarum prædicatoribus, licentiosa sua prædicatione in tantum deficere, quod etiam Papæ reuerentiam utilis doctis non sit facile ab argutorum Laicorum questionibus redimere, est post Papæ prius illatam contumeliam, eidem blandiri ac aperte insinuare, cæteros omnes portum possedisse, & se solum turbam facere, uehementerq̄ per hoc errare.

104. Culpas delere conuenit gratiæ formaliter, effectiue Deo & principaliter, dispositiue homini puro, licet insufficienter, satisfacienter Christo, Sacramentis instrumentaliter. Quisquis ergo dicit Papam hoc modo minimum ueniale, quo ad culpam, soluere non posse, errat.

105. Eandē esse Petri & omniū Vicariorum potestatem, qui negat, errat, Quicq̄ pluris posse putat in uenijs Petrū q̄ Leonem, magis errat, imo blasphemat.

106. Sicut qui crucem Christi, uel aliam quamcunq̄ imaginem ut rem, & non ut signum, Latria adorat, errat, Ita, quantumuis, crux Christi in multis alijs, ut causis adorationis, præstet & plus sit ueneranda, Qui tamen alia latria, & nō æquali eam, & Papalibus insignitam armis adorat, idolatrat & errat.

SECUNDA DISPVTATIO IOHANNIS TETZELII

SVBSCRIPTAS POSITIONES F. IOHANNES TETZEL, ORDINIS PRÆDicatorum,

sacrae Theologiae Baccalaureus, ac hæreticae prauitatis Inquisitor, in studio uniuersali Franckfordensi cis Oderam, publice, ac in breui ad certum diem, quem etiam tempestiue designabit, sustinebit ac disputabit,

In quibus quisquis pro hæretico, schismatico, pertinaci, contumaci, erroneo, sedicioso, malesonanti, temerario, & iniurioso, censendus sit, primo intuitu plane uidebitur.

Ad laudem Dei, ac sacrae Sedis Apostolicæ honorem.

Anno salutis dominicæ M. D. XVII.

1.



Docendi sunt Christiani, ex quo in Ecclesia potestas Papæ est suprema, & a solo Deo instituta, q̄ a nullo puro homine, nec a toto simul mundo potest restringi aut ampliari, sed a solo Deo.

2.

Docendi sunt Christiani, Quod Papæ in eos omnes immediatam iurisdictionem habenti, in his, quæ ad religionem Christianam, & ad Cathedram pertinent, si consona fuerint iuri diuino & naturali, simpliciter obedire tenentur.

Docendi

- Docendi sunt Christiani, q̄ Papa iurisdictionis autoritate, superior tota uniuersali Ecclesia & Concilio, q̄q̄ statutis suis humiliter sit obediendum. 3.
- Docendi sunt Christiani, q̄ Papa ea, quæ fidei sunt, solus habet determinare, q̄q̄ sacræ scripturæ sensus ipse autoritatiue, & nullus alius, pro suo sensu, interpretatur, et q̄ aliorum omnia dicta uel opera habet, uel approbare aut reprobare. 4.
- Docendi sunt Christiani, q̄ iudicium Papæ, in his quæ sunt fidei, & ad humanam salutem necessaria, errare potest minime. 5.
- Docendi sunt Christiani, q̄ etsi Papa in fide erraret, circa ea, quæ fidei sunt, malam tenendo opinionem, Non tamen ipsum errare contingit de his, quæ sunt fidei, in iudicio de eis sentantiando. 6.
- Docendi sunt Christiani, q̄ sententiæ Papæ, quam de his quæ fidei sunt, profert, in iudicio magis standum est, q̄ sententiæ quorumcunq̄ hominum sapientum, in Scripturarum opinionibus. 7.
- Docendi sunt Christiani, q̄ Papa ab eis debet semper & humiliter honorari, & non iniuriari. 8.
- Docendi sunt Christiani, q̄ honori & autoritati Papæ derogantes, maledictionis pœnam ac læsæ maiestatis crimen incurrunt. 9.
- Docendi sunt Christiani, q̄ Papam derisionibus, detractionibusq̄ exponentes, hæresis labe notantur, & a spe Regni cœlestis excluduntur. 10.
- Docendi sunt Christiani, q̄ Papam dehonorantes, ignominia temporalii, & quandoq̄ etiam morte pessima ac confusione scandalosa puniuntur. 11.
- Docendi sunt Christiani, q̄ clauēs Ecclesiæ non uniuersali Ecclesiæ, quæ dicitur omnium fidelium collectio, sed Petro & Papæ, & in eis omnibus eorum Successoribus & uniuersis Prælatiis futuris, per deriuationem eorum in ipsos, sunt collatæ. 12.
- Docendi sunt Christiani, q̄ plenissimam Indulgentiam non Concilium generale, nec Prælati aliq̄ Ecclesiæ simul uel disiunctim dare possunt, sed solus Papa, qui est Sponsus uniuersalis Ecclesiæ. 13.
- Docendi sunt Christiani, q̄ ueritatem & fidem de Indulgentiis habendis, nullus mortalium, imo nec Concilium generale, Sed solus Papa, qui de catholica ueritate sententionaliter habet iudicare, potest determinare. 14.
- Docendi sunt Christiani, q̄ catholica Veritas dicitur ueritas uniuersalis, & q̄ ea ab omnibus Christi fidelibus credi debet, q̄q̄ nihil aut falsitatis aut iniquitatis in se contineat. 15.
- Docendi sunt Christiani, q̄ Ecclesia multa tenet Veritates catholicas, quæ in Canone sacræ scripturæ ueteris & noui testamenti, in propria uerborum forma minime continentur. 16.
- Docendi sunt Christiani, q̄ Ecclesia multa tenet, ut catholicas Veritates, quæ tamen sicut nec in canone Bibliæ, ita nec a Doctõribus antiquioribus ponuntur. 17.
- Docendi sunt Christiani, q̄ obseruantia omnes in materia fidei, Apostolicæ sedis iudicio definitæ, sunt inter catholicas ueritates computandæ, licet in Canone scripturæ sacræ non reperiuntur contineri. 18.
- Docendi sunt Christiani, q̄ ea, quæ de tenenda fide & hæreticorum confutatione, Doctores ab Ecclesia approbati assertiue tradiderunt, licet in Canone scripturæ sacræ expresse non contineantur, Sunt tamen huiusmodi eorum scripta inter catholicas ueritates computanda. 19.
- Docendi sunt Christiani, q̄ licet certæ ueritates absolutæ catholicæ non sint, Sunt tamen nihilominus catholicam ueritatem sapientes. 20.
- Docendi sunt Christiani, q̄ hi omnes hæresim sapiunt, qui usum signi Crucis dicunt in Ecclesiis non debere esse. 21.
- Docendi sunt Christiani, q̄ animo deliberato in fide dubitantes, pro Hæreticis sunt apertissime censendi. 22.

POSITIONES

23. Docendi sunt Christiani, q̄ per pecuniam ad sacros ordines ordinati, h̄e-
retici apertissimè possunt appellari.
24. Docendi sunt Christiani, q̄ omnes Scripturam sacram male, & non, ut
sensus sancti Spiritus efflagitat, à quo scripta est, interpretantes, h̄etici re-
ctissime appellari possunt.
25. Docendi sunt Christiani, q̄ is merito h̄eticus est dicendus, qui tempo-
ralis gloriæ gratia, falsas atq̄ nouas Opiniones uel gignit aut sequitur.
26. Docendi sunt Christiani, omnes eos iustissimè h̄eticos appellari, qui
Romanæ Ecclesiæ priuilegium, ab ipso summo omnium Ecclesiarum capite
traditum, auferre conantur.
27. Docendi sunt Christiani, q̄ S. Romanam Ecclesiam, B. Ambrosij exem-
plo, in omnibus, ut Magistram suam, & non propriam phantasiam, sequi de-
beant.
28. Docendi sunt Christiani, q̄ quicumq̄ aduersus regulam ueritatis catho-
licæ, opinionem suam peruersam atq̄ prauam pertinaciter defendit, h̄etici-
cus sit censendus, atq̄ ab omnibus pro tali prædicandus.
29. Docendi sunt Christiani, q̄ docentes aliquid tanquam certum, quod aut
ratione, uel autoritate efficaciter non potest probari, temerarij sunt censendi.
30. Docendi sunt Christiani, q̄ asserentes aliquando quæ sunt falsa, pro er-
roneis sunt tenendi.
31. Docendi sunt Christiani, q̄ detrahentes alicui fidelium, uel notabili ali-
cui personæ, iniuriosi sunt censendi.
32. Docendi sunt Christiani, q̄ scribentes Propositiones, quæ ruinæ occa-
sionem præbent auditoribus, quamuis cum modificatione adiuncta sint, uere
tenendi sunt, ex quo absolute & sine modificatione proferuntur, pro scando-
losis, malesonantibus, ac piarum aurium offensiuis, eò q̄ uidentur propositio-
nibus h̄eticalibus fauere.
33. Docendi sunt Christiani, q̄ assertiones Doct̄orum, quæ in populo schis-
ma inducunt, ut est propositio illa, Malo prælato aut principi non est obe-
diendū, uel, q̄ Papæ suisq̄ bullis nō sit credendum, omnino sunt seditiosæ.
34. Docendi sunt Christiani, q̄ omnes, qui falsas opiniones gignunt, easq̄
ipsas pertinaciter defendunt, propriè h̄etici sunt censendi.
35. Docendi sunt Christiani, q̄ omnes, qui contemptu diuinæ Legis, perti-
nacis erroris sunt, uel inuentores, seu alieni sectatores, quiq̄ magis uolunt ca-
tholicæ ueritati aduersari, q̄ subijci, pro h̄eticis simpliciter sunt censendi.
36. Docendi sunt Christiani, q̄ omnes aliorum defendentes errorem, eò q̄
non solum errant, sed alijs etiam erroris offendicula præparant, cōfirmantq̄,
non solum pro h̄eticis, sed etiam habendi sunt pro Hæresiarchis.
37. Docendi sunt Christiani, q̄ gignentes nouas opiniones, catholicæ ue-
ritati contrarias, quo habere possint sequaces, & propterea à communi uia,
aut leuitate aut peruersitate discedunt, quod ex superbia, quæ proprie amor
est excellentiæ, procedit, Etsi nullius temporalis gratia commoditatis mouen-
tur, pro h̄eticis tamen sine dubio tenentur.
38. Docendi sunt Christiani, q̄ adherentes Magistrorum opinionibus, con-
trarijs catholicæ ueritati, pertinaciter errant, ac errando peccant, h̄etici quo-
que censendi ueniunt.
39. Docendi sunt Christiani, q̄ negantes quamcunque ueritatem catholi-
cam, quæ apud omnes fideles, cum quibus conuersantur, tanquam catholice
diuulgatur, & a prædicantibus uerbum Dei publicè prædicatur, in errore suo
pertinaces esse dicuntur.
40. Docendi sunt Christiani, q̄ negantes assertiones, quas sciunt in scriptu-
ra diuina, uel Ecclesiæ contineri determinatione, sunt in hæresi sua pro per-
tinacibus censendi.

Docendi

Docendi sunt Christiani, q̄ suum errorem non corrigentes nec emendantes, quamuis eis ipsis suum errorem catholicæ ueritati obuiare legitime sit ostensum, pro contumacibus in sua hæresi sunt censendi.

41.

Docendi sunt Christiani, q̄ filii pro pertinacibus in suo errore sunt censendi, qui contra fidem catholicā & Ecclesiæ determinationem errantes, correctioni et emendationi illius, cuius interest, se subijcere recusant superbientes.

42.

Docendi sunt Christiani, q̄ reprehensi de aliquo aperte contra fidem errore, reuertesq̄ de ueritate informari, sunt in errore, ac hæresi huiusmodi suis pro pertinacibus prædicandi.

43.

Docendi sunt Christiani, q̄ protestantes uerbis aut factis seu scriptis, assertiones suas hæreticales reuocare minime uelle, Si etiam illi, quorum interest, contra tales sententias excommunicationis pluerent aut grandinarent, Sunt pro pertinacibus hæreticis tenendi, atque ab omnibus uitandi.

44.

Docendi sunt Christiani, q̄ in hæreticæ defensionem prauitatis, novos errores fingentes ac defendentes, eo q̄ corrigi et cauta sollicitudine Veritatem inquirere non sunt parati, pro pertinacibus in suis hæresibus simpliciter sunt tenendi.

45.

Docendi sunt Christiani, q̄ inferiores summo Pontifice, si aliquam assertionem hæreticam per sententiam definient determinentq̄ esse tenendam, atq̄ alij imponunt, quo ipsam reputent esse catholicam, sunt hæretici, pertinaces, una cum omnibus eorum tali determinationi consentientibus tenendi & prædicandi.

46.

Docendi sunt Christiani, eos pertinaciter errare, qui habent potestatem resistendi hæreticæ prauitati, nec tamen resistunt, atq̄ per hoc ipsos hæresi erroribusq̄ fauere.

47.

Docendi sunt Christiani, q̄ Hæreticorum defendentes errorem, & hoc sua potentia efficientes, ne ad manus iudicis ueniant examinandi, pro excommunicatis, & si non satisfecerint infra annum, ipso iure pro infamibus sunt tenendi, qui etiam per iuris capitula terribiliter multis plecentur poenis, in omnium hominum terrorem.

48.

Docendi sunt Christiani, ne in fide circa Papæ auctoritatem ipsasq̄ Indulgentias, ex hæreticorum ac pertinacium ausu moueantur, non enim pius Dominus & Deus noster hæreses oriri permetteret, nisi eorum ortu fidei Veritas magis liqueret, & nos brutam per hoc euaderemus infantiam, Sed potius maneant circa ueritatem, de partibus poenitentiae & Indulgentijs prædicatam, creduli, per quam suam in dicta fide constantiam eorum a Deo approbatio toti mundo fiat liquida & manifesta.

49.

Volentes itaq̄ de partibus poenitentiae potissimū, oris autem confessione & operis satisfactione a Deo & Euangelio insinuatīs & institutis, ab Apostolisq̄ promulgatis, & uniuersali Ecclesia approbatis & obseruatis, Et tamē ab aduersario irritē, & irreligiose in Sermonē suo uulgari, per tot articulos impugnatis, ac de Indulgentia plenissima & summi Romani Pontificis circa eandem potestatem chartas aut libros implere, uel certe libera fronte de eis uel publicē prædicare aut disputare, uel prædicantibus scribentibusq̄ adhærere, eorū scripta fauifare, in uulgus spargere, & per orbem inuulgare, seu de eis ipsis in angulis, uel ad partem coram hominibus, impudenter ac per contemptū loqui, timeant sibi, ne in præfatas Propositiones inci-

50.

dant, & se per hoc atq̄ alios damnationis periculo, grauiq̄ temporali cōfusione exponant. Bestia enim quæ montē tetigerit, lapidabitur.

FINIS.

Autore D. Conrado Vimpina.

B iij

A.D

Sermo Lutheri
uulgaris de Indulgentijs.

DISPUTATIO AD SVBSCRIPTAS

CONCLVSIONES RESPONDEBIT M.
FRANCISCVS GVNTHERVS NORTHVSEN.

sis pro Biblia, Præsidente R. P. D. Martino Luthero Augusti-
niano, S. Theologiæ Vuittembergæ Decano, loco & tem-
pore statuendis. M. D. XVII.

1. **D**icere, q̄ Augustinus contra Hæreticos excessiue lo-
quatur, est dicere Augustinum fere vbiq̄ mentitum
esse. Contra dictum commune.
2. Idem est Pelagianis & omnibus hæreticis tribue-
re occasionem triumphandi, imo victoriam.
3. Et idem est omnium Ecclesiasticorum Doctorem
autoritatem illusioni exponere.
4. Veritas itaque est, q̄ homo arbor mala factus, non potest nisi
malum velle & facere.
5. Falsitas est, q̄ appetitus liber potest in vtrunq̄ oppositorum,
imo nec liber, sed captius est. Contra communem.
6. Falsitas est, q̄ voluntas possit se conformare dictamini recto na-
turaliter. Contra Sco. Gab.
7. Sed necessario elicit actum difformem & malum, sine gratia Dei.
8. Nec ideo sequitur, quot sit naturaliter mala, id est, natura mali,
secundum Manichæos.
9. Est tamen naturaliter & ineuitabiliter mala & viciata natura.
10. Conceditur, q̄ voluntas non est libera ad tendendum in quodli-
bet, secundum rationem boni sibi ostensum. Contra Sco. Gab.
11. Nec est in potestate eius velle & nolle quodlibet ostensum.
12. Nec sic dicere est contra B. Augustinum dicentem: Nihil est ita
in potestate voluntatis, sicut ipsa voluntas.
13. Absurdissima est consequentia: Homo errans potest diligere
creaturam super omnia, ergo & Deum. Contra Sco. Gab.
14. Nec est mirum, q̄ potest se conformare dictamini erroneo, & non
recto.
15. Imo hoc ei proprium est, vt tantummodo erroneo sese confor-
met, & non recto.
16. Illa potius est consequentia: Homo errans potest diligere creaturam,
ergo impossibile est, vt diligat Deum.
17. Non potest homo naturaliter velle, Deum esse Deum, Imo vel-
let se esse Deum, & Deum non esse Deum.
18. Diligere Deum super omnia naturaliter, est terminus fictus, sicut
Chimera. Contra com. fere.

Nec

- Nec valet ratio Scoti de Forti politico, Rempub. plus, q̄ seipsum, diligente. 19.
- Actus amicitiae, non est naturae, sed gratiae praeuenientis. Contra Gab. 20.
- Non est in natura, nisi actus concupiscentiae erga Deum. 21.
- Omnis actus concupiscentiae erga Deum, est malum, & fornicatio spiritus. 22.
- Nec est verum, q̄ actus concupiscentiae possit ordinari per virtutem spei. Contra Gab. 23.
- Quia spes est contra charitatem, quae solum, quae Dei sunt, quaerit & cupit. 24.
- Spes non venit ex meritis, sed ex passionibus merita destruentibus. Contra vsum multorum. 25.
- Actus amicitiae non est perfectissimus modus faciendi quod est in se, Nec est dispositio perfectissima ad gratiam Dei, aut modus conuertendi & appropinquandi ad Deum. 26.
- Sed est actus iam perfectae conuersionis, tempore & natura posterior gratia. 27.
- Illae autoritates: Conuertimini ad me, & conuertat ad uos. Item: Appropinquate Deo, & appropinquabit uobis. Item: Querite, & inuenietis. Item: Si quaesieritis me, inueniar a vobis, & ijs similes, Si dicatur, q̄ vnum naturae, alterum gratiae sit, nihil aliud, q̄ quod Pelagianus dixerunt, asseritur. 28.
- Optima & infallibilis ad gratiam praeparatio & vnica dispositio, est aeterna Dei electio & praedestinatio. 29.
- Ex parte autem hominis, nihil nisi indispositio, imo rebellio gratiae, gratiam praecedit. 30.
- Vanissimo commento dicitur: Praedestinatus potest damnari, in sensu diuiso, sed non in composito. Contra Scholasticos. 31.
- Nihil quoque efficitur per illud dictum: Praedestinatio est, necessaria, necessitate consequentiae, sed non consequentis. 32.
- Falsum & illud est, q̄ facere quod est in se, sit remouere obstacula gratiae. Contra quosdam. 33.
- Breuius, nec rectum dictamen habet natura, nec bonam voluntatem. 34.
- Non est verum, q̄ ignorantia inuincibilis, a toto excusat, Contra omnes Scholasticos. 35.
- Quia ignorantia Dei & sui, & boni operis, est natura semper inuincibilis. 36.
- Natura etiam in opere specietenus & foris bono, intus necessario gloriatur & superbit. 37.
- Nulla est virtus moralis, sine vel superbia, vel tristitia, id est, peccato. 38.

DISPUTATIO

39. Non sumus domini actuum nostrorum a principio usque ad finem, sed serui. Contra Philosophos.
40. Non efficimur iusti iusta operando, sed iusti facti, operamur iusta. Contra Philosophos.
41. Tota fere Aristotelis Ethica, pessima est gratiæ inimica. Contra Scholasticos.
42. Error est, Aristotelis sententiam de felicitate non repugnare doctrinæ Catholicæ. Contra Morales.
43. Error est dicere, sine Aristotele non sit Theologus. Contra dictum commune.
44. Imo Theologus non fit, nisi id fiat sine Aristotele.
45. Theologus non Logicus, est monstruosus hæreticus, Est monstruosa & hæretica oratio. Contra dictum commune.
46. Frustra fingitur Logica fidei, suppositio meditata, extra terminum & numerum. Contra recentes Dialecticos.
47. Nulla forma syllogistica tenet in terminis diuinis. Contra Card.
48. Non tamen ideo sequitur, veritatem articuli Trinitatis repugnare formis syllogisticis. Contra eisdem Card. Ca.
49. Si forma syllogistica tenet in diuinis, articulus Trinitatis erit scitus & non creditus.
50. Breuiter, Totus Aristoteles ad Theologiam, est tenebra ad lucem. Contra Scholasticos.
51. Dubium est vehemens, An sententia Aristotelis sit apud Latinos.
52. Bonum erat Ecclesiæ, si Theologis natus non fuisset Porphyrius cum suis Vniuersalibus.
53. Vilitiores definitiones Aristotelis, uidentur petere principium.
54. Ad actum meritorium satis est coexistentia gratiæ, aut coexistentia nihil est, contra Gab.
55. Gratia Dei nunquam sic coexistit vt ociosa, sed est viuus, mobilis & operosus spiritus.
56. Nec per Dei absolutam potentiam fieri potest, vt actus amicitiae sit, & gratia Dei præsens non sit. Contra Gab.
57. Non potest Deus acceptare hominem sine gratia Dei iustificante. Contra Occam.
58. Periculosa est hæc oratio: Lex præcipit, qd actus præcepti fiat in gratia Dei. Contra Card. & Gab.
59. Sequitur ex ea, Quod gratiam Dei habere, sit iam noua ultra Legem exactio.
60. Ex eadem sequitur, Quod actus præcepti possit fieri sine gratia Dei.

Item

Item sequitur, Quod odiosior fiat gratia Dei, q̄ fuit Lex ipsa.

61.

Non sequitur, Lex debet seruari & impleri in gratia Dei. Contra

62.

Gab.

Ergo assidue peccat, qui extra gratiam Dei est, non occidendo, non mœchando, non furando.

63.

Sed sequitur, peccat, non spiritualiter Legem implendo.

64.

Spiritualiter, non occidit, non mœchatur, non furatur, qui nec irascitur, nec concupiscit.

65.

Extra gratiam Dei, adeo impossibile est, non irasci, non concupiscere, ut nec in gratia satis id fieri possit ad Legis perfectionem.

66.

Hypocritarum est iusticia, opere & foris non occidere, non mœchari &c.

67.

Gratiæ Dei est, nec concupiscere, nec irasci.

68.

Impossibile est itaque Legem impleri sine gratia Dei vlllo modo.

69.

Quin etiam magis destruitur per naturam sine gratia Dei.

70.

Lex bona, necessario fit mala, voluntate naturali.

71.

Lex & uoluntas sunt aduersarij duo, sine gratia Dei implacabiles

72.

Quod Lex vult, semper voluntas non vult, nisi timore vel amore simul et se uelle.

73.

Lex est exactor voluntatis, qui non superatur, nisi per paruulum, qui natus est nobis.

74.

Esai. 9.

Lex facit abundare peccatum, quia irritat & retrahit voluntatem a seipsa.

75.

Rom. 7.

Gratia autem Dei facit abundare iusticiam, per Ihesum Christum, qui facit placere Legem.

76.

Omne opus Legis sine gratia Dei, foris apparet bonum, sed intus est peccatum. Contra Scholasticos.

77.

Semper auersa voluntas, & conuersa manus, sunt in lege Domini sine gratia Dei.

78.

Conuersa voluntas ad Legem sine gratia Dei, est affectu commo di sui talis.

79.

Maledicti sunt omnes, qui operantur opera Legis.

80.

Benedicti sunt omnes, qui operantur opera gratiæ Dei.

81.

Cap. Falsas, de pe. dif. V. confirmat opera extra gratiam non esse bona, si non false intelligatur.

82.

Non tantum ceremonialia sunt lex non bona, & præcepta in quibus non viuitur. Contra multos doctores.

83.

Sed & ipse Decalogus, & quicquid doceri dictariq̄ intus & foris potest.

84.

Lex bona & in qua viuitur, charitas Dei est, Spiritu sancto diffusa in cordibus nostris.

85.

Voluntas cuiuslibet mallet, si fieri posset, esse nullam Legem, & se omnino liberam.

86.

Voluntas

DE INDVLGENTIIS

87. Voluntas cuiuslibet, odit sibi Legem poni, aut amore sui cupit poni.
88. Cum Lex sit bona, non potest voluntas eius inimica, esse bona.
89. Et ex illa clare patet, q̄p̄ omnis voluntas naturalis est iniqua & mala.
90. Necessaria est mediatrix Gratia, quæ conciliet Legem voluntati.
91. Gratia Dei datur, ad dirigendum voluntatem, ne erret, etiam in amando Deum. Contra Gab.
92. Nec datur, vt frequentius & facilius eliciatur actus, sed quia sine ea non elicitur actus amoris. Contra Gab.
93. Insolubile est argumentum, Superfluam esse charitatem, si homo naturaliter potest in actum amicitiae. Contra Gab.
94. Subtile malum est dicere, eundem actum esse, fruitionem & vsum. Contra Occam, Card, Gab.
95. Item, q̄p̄ amor Dei stet cum dilectione creaturæ, etiam intensa.
96. Diligere Deum, est seipsum odisse, & præter Deum nihil novisse.
97. Tenemur velle nostrum omnino conformare diuinæ voluntati. Contra Card.
98. Non tantum, quod vult nos velle, Sed prorsus quocumq; Deus vult, debemus.
99. In his nihil dicere volumus, nec dixisse nos credimus, quod non sit catholice Ecclesiæ, & ecclesiasticis Doctoribus consentaneum.

ANNVS CHRISTI

M. D. XVIIII.

SEQVVTVR DVAE CONCIIONES REVERENDI PATRIS, THEOLO-

giæ Doctoris, Martini Lutheri, quas initio negocij Evangelici edidit, In latinam linguam e germanica versæ.

I. DE INDVLGENTIIS



Tres partes
pœnitentiæ.

Ciendum primo, q̄p̄ novi autores, vt M. Sententiarum, S. Thomas, & horum imitatores, tres partes faciunt pœnitentiæ, nempe Contritionem, Cōfessionem & Satisfactionem. Et quamvis hæc distinctio, vt ipsi eam proponunt, difficulter, aut certe neutiquam deduci queat ex Scriptura, neque etiam ex antiquis Christianæ religionis autoribus, Nos tamen id inconuulsum relinquemus in præsentiarum, & ipsorum more loqui conabimur.

Secundo

Secundo dicunt, Venias, neque contritionem, neque confessionem *Venia.*
adimere, sed tantum satisfactionem.

Tertio, Satisfactio diuiditur, in orationem, ieiunium, & eleemo- *Satisfactio*
synam, ubi oratio, omnem animi motum, & actionem in se complectitur ad *Oratio.*
animam proprie attinentem, ut lectionem, meditationem, auditionem uerbi
diuini, declamationem ad populum, doctrinam, & id genus. Ieiunium conti- *Ieiunium.*
net omnia opera afflictiva carnis, ut uigilias, labores, duritiem in uestitu, in
lectisternijs &c. Eleemosyna est operum amoris & misericordiae erga proxi- *Eleemosyna.*
mum, exhibitio.

Quarto, Apud omnes Theologos est persuasissimum, quod indul- *Indulgentiae aufe-*
gentiae auferant huiusmodi opera satisfactionis pro peccatis debita uel im- *runt opera satis-*
posita, nam si absolute omnia opera satisfactionis adimeret, nihil boni super *factionis.*
esset a nobis agendum.

Quinto, Multis fuit magna quaestio, sed nondum satis excussa
atque definita, imo adhuc controuersa, An uidelicet ultra iniuncta opera satis-
factionis, quippiam adimant indulgentiae? an ne poenam a Deo pro pecca-
tis, aut inflictam, aut infligendam?

Sexto, Eam quaestionem intactam praetergredior, sed affirmare
possum, quod ex nulla Scriptura colligi queat, diuinam iusticiam, siue poenam, *Deus nullam poe-*
siue satisfactionem exigere de peccatore, Quin ueram tantum & ex corde *nam siue satisfac-*
profectam poenitentiam aut resipiscentiam, cum uoluntate ad crucem Chri- *tionem exigit a*
sti ferendam, praedictaque opera satisfactionis exercendi, etiamsi nemo impo- *peccatore.*
Ezech. 18. nat, quia per Ezechielem dictum est. Quicumque peccator conuersus fuerit,
& bene egerit, peccatorum suorum amplius non recordabor. Item hoc modo
Luc. 7. ipse omnes absoluit, Mariam Magdalenam, paralyticum, mulierem in adul- *Maria Mag.*
Matth. 9. terio deprehensam &c. Et audire liberet, quisnam aliter ualeat astruere, tam- *Paralyticus.*
Iohan. 8. etsi aliqui ex Doctoribus in eam partem opinati sunt. *Adultera.*

Septimo, Bene fateor inueniri posse, quod Deus iuxta diuinam iusti- *Castigat Deus, ut*
Psal. 89. ciam aliquos castiget, aut per flagella urgeat ad poenitentiam, ut Psal. 89. Si *ad poenitentiam*
dereliquerint filij eius legem meam, si iusticias meas prophanauerint, & man- *inuitos.*
data mea non custodierint, Visitabo in uirga iniquitates eorum, & in uerberib.
peccata eorum, Misericordiam autem meam non dispergam ab eo. Sed hanc
poenam amouere aut ignoscere, Deo tantum in manu est, nulli hominum,
neque eam ipse omittere uult, sed eam sedulo pollicetur sese inflicturum.

Octauo, Propterea illius imaginariae poenae nomen, quam in-
dulgentiae excludunt, nemo explicare potest, neque quisquam nouit, quid-
nam sit, si non est neque flagellum modo expositum, neque bona opera, quae
satisfactionis nominantur.

Nono, Finge, quod ecclesia vel hac tempestate decernat, & aperte
declaret, aliquid remitti per indulgentias ultra praedicta opera satisfactionis, *Indulgentiae non*
nihilominus praestaret infinitis modis, quod nemo Christianus indulgentias re- *redimenda.*
dimeret, imo ne peteret quidem, quin potius praeproptent, tum facta bona, tum
illius poenae tolerantiam. Quia indulgentiae nihil sunt aliud, neque aliud fie- *Indulgentiae*
ri possunt, quam remissio bonorum operum & salutaris poenae, Haec autem *quid sint.*
amplecti quam refugere, multo aequius est atque honestius, tametsi ex Con-
cionatoribus recentiores quidam commenti sunt poenas duplices, medicati- *Poenae medicatiuae*
uas, ut uocant, & satisfactorias, etenim has ad diluendum commissum, illas *& satisfactorias.*
ad sanandum, & uitam in melius computandam prodesse pronunciant. Ve-
rum nobis maior facultas est istiusmodi nugamenta contemnendi, quam istis
excogitandi, nam quicquid Deus imponit, in emendationem est, & compen-
dium Christianis.

Decimo,

DE INDULGENTIIS

Decimo, Friuolum est, q̄ dicunt, numerum poenarum & op̄-
tum, quibus satisfaciendum pro peccatis, esse maiorem, q̄ homo in omnem
vitam, tum facere, tum perferre queat, ob exiguum vitæ spacium, eoq̄ neces-
sarias indulgentias. Respondeo, q̄ totum hoc inane, est fictitium, nulloq̄ fun-
damento nititur. Nam Deus & ecclesia, neminem grauant vltra vires, quod
Paulus ipse astruit. Deus, inquit, vos non permittit tentari supra id quod po- 1. Cor. 10
testis, Neq̄ exigua est contumelia Christianismo, dicere, q̄ nobis importa-
bilia onera imponat.

*Canones
antiquati.*

Vndecimo, Quod si poenitentia per canones antiquatos iniun-
ctæ adhuc essent efficaces, vt pro quolibet peccato mortali, septem anno-
rum poenitentia exigeretur, oporteret ab eiusmodi constitutionibus Christia-
nitatem abscedere, neq̄ amplius imponere, q̄ quisque ferre sufficeret, quanto
minus putandum est, illis pridem oblitteratis plus pijs obtrudi, quam pro viri-
bus expediat.

Duodecimo, Dicitur magno consensu, peccatorem cum reliqua
poena post contritionem & absolutionem, debita, remittendum aut in purga-
torium, aut ad indulgentias, verum multa etiam alia temere & supra veri fi-
dem asseruntur.

Decimotertio, Fœdus est error, q̄ quispiam de peccatis se putet
satisfacturum, quæ ex inæstimabili clementia Deus & semper & gratis re-
mittit, atque condonat, nihil a nobis inuicem requirens, q̄ vt in posterum be-
ne viuamus. Christianitas, bene verum est, aliqua exposcit, quæ potest & de-
bet remittere, & nihil imperare ferendum, quod ferri nequit, neque quicquam
molestius.

Ecclesiæ

*Indulgentiæ
obfunt, non
profunt.*

Decimoquarto, Indulgentiæ admittuntur, propter inertes & pi-
gros Christianos, qui nolunt animose, neque bona facere, neque mala susti-
nere, nam indulgentiæ nihil promouent in melius, sed illorum imperfectio-
nem duntaxat tolerant, veluti conuiuendo, ideoq̄ ab indulgentijs debortari
non licet, atqui neque licitum est ad eas adhortari.

*Fabrica S.
Petri.*

Decimoquinto, Tutius & vtilius est, dare pure propter Deum
ad fabricam S. Petri, aut ad alia, quæ nominantur in indulgentijs, q̄ pro mu-
nere vicissim accipere indulgentias, nam periculum est, ne munus propter in-
dulgentias, & non propter Deum impendat.

*Melius dare
egentibus, quam
redimere indul-
gentias.*

Decimosexto, Multis nominibus est conducibilis largum &
munificum animum ostendisse pauperi & egeno, q̄ sic ad structuram profun-
dere spe indulgentiarum consequendarum, nam plus momenti habet pium
opus absoluisse, q̄ remisisse, & indulgentiæ plurima bona, quæ fieri debe-
rent, condonant, aut certe nihil condonant.

Atqui, vt vere te instruam, animum aduertas. Præcipue dederis, inquam,
egenti proximo, si quid es daturus, neq̄ fabrica S. Petri, neq̄ indulgentiæ ab
hoc euangelico instituto te dimoueant, nemine vero oppidi tui (profligata
inopia rerū) opus habente auxilio tuo, quod fortassis nunquam futurum est,
ad templa, ad altaria, ad ornamenta, calices, clinodia tui oppidi, tunc licet ex-
ponere, si lubet, Quo facto, si animus te sollicitat, potes impune aut Romam
aut alio mittere, tantæ liberalitatis argumenta nemo vetat, modo ne indul-
gentiarum respectu miseris. Quandoquidem Paulus dicit. Qui domesticis 1. Tim. 5.
suis non benefecerit, non est Christianus, & peior quouis ethnico, ita libere
& constanter sentiendum. Qui aliter docet, seductor est, & animam in cru-
mena tua querit, inuentosq̄ numos omnibus animabus anteponit, & plus
amat. Quispiam forte responderet. Sic nunquam indulgentias redimerem.

Prius,

Prius, inquam, ita contendebam, ita expetiui, orauī, cōsului, ne indulgentias compares, ea facultate somniculosis permīssa, tibi recta pergendum est.

Decimo septimo, Indulgentiæ neque præcepti, neque consilij sunt, sed ex illarum rerum numero, quæ permittuntur, & sub permissionem cadunt, ideoq; non sunt factum aliquod obedientiæ, neque etiam ullo modo meritoriæ, sed tantum excussio quædam obedientiæ. Vnde consequitur, q; indulgentiæ, quamuis interdicendæ non sunt, amoti tamen & subtrac̃ti ab eis Christiani, ad opera & pœnas, quæ remittuntur, excitari debent.

*Indulgentiæ neq;
præcepti neq;
consilij sunt.*

Decimo octauo, Quod animæ per indulgentias ex purgatorio liberentur, nondum exploratum habeo, neque credo, tametsi Recentiores id asseuerant, sed probandi facultatem non habent, neq; ab Ecclesia sancitum est. Quare securius est, ut pro animabus ipse preceris, & exerceas opera pietatis, id quidem remedij receptius atq; certius habetur.

Animæ è Purgatorio non liberantur.

Decimo nono, In prædictis nihil dubito, quæ idoneis argumentis omnia nituntur, & Scriptura, & euangelicis Decretis, longum ualere dicto doctoribus Scholasticis, qui uniuersi neutiquam sufficiunt, unam ad populum concionem sacram confirmare, eadem mecum amplectamini sine dubitatione, sine formidine oppositi.

*Doctores
Scholastici.*

Vicesimo, Si qui de hæreseos crimine me traducunt, quorum scrinijs potissimum aperta Veritas uehementer officit, non magnopere curo. Neque istorum clamorosas contumelias magnopere reformido, obscuro sunt, cerebri tenebricosi, Bibliæ gustus inexperti, neq; Christi doctrinam unquam legerūt, neque proprios autores, quos adorant, intellexerunt, Quinimo laceris & cariosis opinionibus fere detriti sunt, etenim suis assertionibus perspectis cognouissent, nequaquæ condemnandum eum, qui non solum nō peractus est reus, sed ne reus quidem factus. Verum ipsis ac nobis, Deus mentem largiri dignetur sanam ac rectam.

*Sycophantæ
non curat.*

II. DE POENITENTIA.



Indulgentijs sæpe locutus sum vobis, donec id meruerim, ut Hæreticus accuser. Vt autem rem ipsam teneatis, possitisq; uosipsi cum illis conferre, ecce procedā iuxta corū sententiam, nisi ubi locus fuerit mea interserendi.

Igitur eorum sententia, Poenitentia diuiditur in tres partes, quæ sunt, contritio, confessio, satisfactio.

*Tres partes poenitentiae, secundum Scholasticos.
Contritio.*

PRima, Contritio (sic enim cœpit uocari uera poenitentia interior) duplici uia paratur. Primo per discussionem, collectionem, detestationem peccatorum, qua quis, ut dicunt, recogitat annos suos in amaritudine animæ suæ; ponderando peccatorum grauitatem, damnum, foeditatem, multitudinem, deinde amissionem æternæ beatitudinis, ac æternæ damnationis acquisitionem, & alia, quæ possunt tristitiam & dolorem excitare spe satisfaciendi per opera bona.

Hæc autem contritio facit hypocritam, imo magis peccatorem, quia solum timore præcepti, & dolore damni id facit. Et tales omnes indigne absoluntur & communicantur, & si libere deberent (remoto præcepto, & minis pœnarum) confiteri, certe dicerent sibi non displicere eam uitam præteritam, quam sic coguntur displicere confiteri, imo quo magis timore pœnæ, & dolore damni sic conteruntur, eo magis peccant, & afficiuntur suis peccatis, quæ coguntur, non autem uolunt odisse, siquidem Lex & cognitio peccati, magis abundare facit peccatum, ut Apostolus ait Roma. 5. Et hæc est illa contritio, quam ipsi uocant extra charitatem non meritoriam. Alij uocant attritionem proxime disponentem ad contritionem, sic enim ipsi opinantur, quam opinionem errorem ego iudico.

Contritio, quam docent Scholastici, facit hypocritam.

Lex.

Attritio disponit ad contritionem.

C Secundo

DE POENITENTIA

Error Thomæ. Secundo paratur per intuitum & contemplationem speciosissimæ iusticiæ, qua quis in pulchritudine, & specie iusticiæ meditatus in eam ardescit & rapitur, incipitq; cum Salomone fieri amator sapientiæ; cuius pulchritudinem uiderat, hæc facit uere poenitentē, quia amore iusticiæ id facit, & hi sunt digni absolutione. Exempli gratia, Si uis poenitere de luxuria, non incipias numerare uicia, scelerates, damna eius, nam hæc nō diu tibi durabunt, quum sit uiolenta contritio, ex ui præcepti facta, sed intende in speciem castitatis, atque ad commoda eius pulcherrima, ut ipsa tibi intime placeat. Sic de omnibus alijs uirtutibus. Sapient. 7.

Regula. Sed hic Regula talis notanda est, quod intuitus uirtutum sit dupliciter abstractiue, seu per se, & sic carnalem hominem parum mouent, quomodo traditur per uerbum prædicationis, sic enim non nisi speculatiue uidetur. Concretiue, siue per aliud, hoc est, exempli gratia, ut intuearis homines, qui tali uirtute lucent, quorum omnium speculum primum est Christus, deinde Sancti in cœlo. Verum rudem & incipientem maxime mouent exempla præsentia, & sui seculi.

Christus exemplar recte uiuendi.

Ideo uirginitatem in uirginibus, & innocentibus pueris intueri, usque dum gemas a facie pulchritudinis eius, Sic & castitatem, charitatem, patientiam, reliquasq; omnes.

Anselmus. Augustinus.

Sic enim B. Anselmus docet ascendere ad amorem Dei, ex amore hominis boni. Sic B. Augustinus suam contritionem hausit ex intuitu illorum, quos ex Pontiano audiuit, & ipse confitetur Ecclesiam sibi ostendisse plenis manibus exempla uirginū & continentium, & sic odore illo optimo allectū. Sic & Apostolus se esse bonum odorem alijs in uitam, alijs in mortem. 2. Cor. 2.

Signum ueræ contritionis.

Signum est enim ueræ contritionis, si inspecto homine casto, humili, benigno, suspires ex corde, quia non est talis. Sic & Ecclesia orat, ut Deus nos per exempla Sanctorum suorum restauret. Et B. Augustinus lib. 8. Confess. Psalm. 120. sic exponit: Sagittæ potentis acutæ cum carbonibus uastatoribus, Sagittas interpretans uerba uirtutes prædicantia ad abstractiuam cognitionem, & carbones uastatores, exempla Sanctorum, uastantia omnem linguam dolosam, imo malam cupiditatem. Psalm. 120.

Boni imprudentes aliquando prosunt.

Pueri innocentes sunt uiua monitoria.

Sic admirabili sapientia Dei fit, ut nullus sibi bene uiuat. Et sapius fit, ut boni alijs prosint dum nesciunt, imo fere semper nesciunt, qui dum incedunt simpliciter, alij eorum uerbis & uita mouentur miro affectu. Denique & pueri infantes ita nobis uiuunt, ut nobis innocentia speciem suauissime commendent, atque ad poenitentiam prouocent. Sunt enim uiua monitoria. Non est itaq; q; queraris tibi deesse uirtutum exempla uiua, pueros intende, sicut Christus docuit, exhibens paruulum discipulis suis, Hæc est poenitentia iucunda, uera, stabilis, & ex spiritu nata.

Poenitentia uera.

Amor. Odium. Zelus.

Ratio omnium prædictorum est. Impossibile est, ut odias aliquid uero odio & perfecto, cuius contrariū non prius dilexeris. Amor semper est prior odio, & odium natura & sponte fluit ex amore, & sic nascitur zelus, qui est frater amor, id est, odium mali propter bonum, Sic odium peccati & detestatio uitæ præteritæ, nulla cura, nullo labore quesita, ueniunt sua sponte, alioqui peruersissimo ordine, & nunquam profuturo studio quæritur amor iusticiæ, per odium peccati, imo machina desperationis, & deſcendi animi est talis peruersitas. Poenitentia enim debet esse dulcis, & ex dulcedine in iram descendere ad odium peccati, Amor enim est uinculum perpetuum, quia uoluntarium, odium temporale, quia uiolentum. Igitur persuade homini, primum, ut diligat iusticiam, & sine magisterio tuo conteretur de peccato, diligat Christum, & statim sui prodigus odio habebit seipsum. Sic Psalm. 45. Dilexisti iusticiam, & odisti iniquitatem, prius inquit, dilexisti iusticiam, & sic odisti iniquitatem &c. Psalm. 45.

Poenitentia qualis.

CORO.

COROLLARIUM.

Plus tibi discutiendum est confessuro, quantum diligas iusticiam, q̄ quantum odias peccatum, multoq̄ maiore, imo solo hoc labore tibi cogitandum est, quomodo futuram uitam agas bonam, q̄ quomodo deferas aut odias præteritam malam. Verissimum est enim Prouerbum, & omni doctrina de contritionibus hucusque data præstantius, quo dicitur germanice: *Flimer thun/die hōheste Bussē*. Optima pœnitentia noua uita, Sicut & Apostolus sonat ad Galat. 6. In Christo neque circumcisio, neque præputium aliquid ualet, sed noua creatura.

Gal. 6.

Optima pœnitentia noua uita.

Proinde confessurus id potissimum & ante omnia tecum cogita, quid faceres, si non esset præceptum confitendi, si nulla esset Quadragesima, si nulli confiterentur, si nullus esset pudor, sed omnis omnium plenaq̄ libertas? An etiam sic uelles confiteri, conteri, pœnitere? Quod si te non ita inuenis, iam scito te non ex amore iusticiæ, sed consuetudine & timore præcepti pœnitere, atque malle sequi turbam, si omnibus liceret non pœnitere. Si autem uelles, etiamsi nullus pœniteret, cōfiteretur, contereretur, atq̄ adeo si totus mūdus aliter ageret, nec præcepti habita ratione pœnitere, sed amore nouæ uitæ & melioris, iam uere pœnites. Ecce hoc est, quod illi solent dicere, q̄ contritio in charitate facta, facit remitti peccata, Quod uerbum nescio, si omnes intelligunt, qui tam frequenter ipsum in ore uersant, hoc scio, obscurissimum esse, nec à me aliquando intellectum.

Confessuro quid cogitandum.

Contritio in charitate facta.

Hic uero inuenies, si non uis mentiri, te non esse talem, sed potius uelles, ut prior uita liceret, quia sentis te omnino adhuc inclinari ad uitam priorem. Sic enim & B. Augustinus confitetur in contritione sua, se fuisse sollicitatum de uita præterita. Imo si recte perpendas hæc dicta, facile dices, nullum hominem esse in mundo, qui hanc contritionem habeat, uel saltem paucissimos, Et de mēso confiteor similia omnino. Et si uere ac libere uelis confiteri, remoto Deo, præcepto, pœna, gaudio, scio dices: Si nullus esset Deus, nullus infernus, certe uix pœniterem, scio, inquam, talem esse tuam cogitationem, quantumlibet foris contritionem ostendas.

Augustin.

Perfectam contritionem nullus habet.

Quid ergo hic faciemus? Oportet nos esse tales, & non possumus esse tales, omnes ergo damnabimur? Absit. Sed respondeamus: Oportet, ut cognito te tali, non neges te talem, sed in angulum uadas, & iuxta consilium Christi, in abscondito ores Patrem tuum in cœlis, dicens sine fictione: Ecce optime Deus, pœnitendum mihi præcipis, sed talis sum ego miser, quod sentio me nolle, neque posse, Quare tuis prostratus pedibus, oro misericordiam & gratiam, fac pœnitentem, quem iubes pœnitere. Et sic cum B. Augustino ores: Domine, da quod iubes, & iube quod uis. Et cum Ecclesia: Cor pœnitens tribue. Hæc, inquam, oratio & agnitio atque confessio, impœnitentiæ tuæ (si ficta nō fuerit) eo ipso faciet, ut Deus te pœnitentem uerum reputet. Et licet multum adhuc sentias te ad malum inclinatum, noli timere, Hæc confessio & oratio faciet, ut Christus suppleat de suo, quod deest de tuo.

Matth. 6.

Obiectio. Responso.

Augustini dictum.

Confessio impœnitentiæ.

Atque ut hanc orationem facias, non te retrahat indignitas & impuritas tua, accede confidenter, Quia si nō ante uis orare Deum (ut multi stultissime agunt) q̄ fueris mundus, nunquam orabis. Et crede firmiter, Qui dedit tibi hanc tuæ cognitionem peccati, te non rogante, dabit etiam gratiam oranti, imo ideo dedit cognitionem peccati et iusticiæ, ut rogares gratiam. Sic B. Augustinus cum Apostolo dicit: Per legem cognitio peccati, ut gratia donetur & impetretur. Accipe simile. Gentiles olim idola sua rogabant, & fiebat quod petebatur, Et avarus confidit in diuitias suas, & fit sicut uult, Quanto magis ille uerus & bonus Deus non sinat se frustra rogari, & in se confidi.

Etiam indigni ac immundi orant.

Simile.

C ij COROL.

DE POENITENTIA

COROLLARIUM I.

Contritio uera.

CONtritio uera non est ex nobis, sed ex gratia Dei, ideo desperandum de nobis, & ad misericordiam eius confugiendum.

COROLLARIUM II.

Contritio per totam uitam durat. Poenitentia in charitate facta.

CONtritio incipit in poenitente, sed non cessat per totam uitam usque ad mortem, & non (ut multi putant) durat per horam confessionis duntaxat. Ecce sic habes, quomodo intelligas quod illi dicunt, Oportere poenitere in charitate, & cum bono proposito, quantum Deus auxilium gratiae dederit. Nullus debet sacerdoti respondere se esse contritum, nec sacerdos requirere, nisi quod potest dicere: Nescio an sim contritus, rogo tamen Dominum atque confido, me sua gratia contritum, & quotidie magis conterendum.

Hæc de prima parte.

Confiteri omnia mortalia impossibile.

SECUNda pars est confessio sacramentalis. Et hic duo sunt notanda, Primum, ut nullo modo præsumas confiteri peccata uenialia, sed nec omnia mortalia, quia impossibile est, ut omnia mortalia cognoscas, ad impossibile autem nemo obligatur. Vnde in primitiua Ecclesia solum manifeste mortalia confitebantur, ut patet 1. Corint. 5. Si quis inter uos est fornicator, aut auarus, aut idolatra, aut maledicus, aut ebriosus, aut rapax, cum huiusmodi nec cibum sumite. Et illud Gal. 5. cap. Manifesta sunt opera carnis &c. Vnde multi confitentur, in quinque sensibus, septem donis, septem sacramentis, octo beatitudinibus, & alijs multis distinctionibus peccatorum, uelut incurantes, ut nullum peccatum non confiteantur, cum tamen inter ea quandoque nullum uel uix ueniale sit peccatum, & fatigant frustra sacerdotem, perduntque tempus, ac alijs sunt impedimento.

Primitiua Ecclesie confessio.

1. Cor. 5.

Galat. 5.

Scrupulose confitentes.

Duplex confitendi modus.

Peccata non manifeste mortalia, sunt Deo, non sacerdoti, confitenda

Ideo duplici sis confitendi modo instructus. Vno, quo sacerdoti omnia manifesta mortalia confitearis, quanquam difficile sit discerni mortalia à uenialibus, nisi sint in opere manifesto, aut euidenti consensu cordis, ut maledictio, furtum, homicidium, luxuria, detractio, ira, amaritudo &c. Alio, quo Deo confitearis reliqua omnia, imo cum B. Hiob. dicas: Verebar omnia opera mea, sciens quoniam non parcis delinquenti. Et Psal. 19. Delicta quis intelligit, ab occultis meis munda me Domine, nam nulla sunt opera nostra etiam bona, quin sint peccata damnabilia, si Deus in iudicium intret nobiscum. Sic dicit Psal. 143. Non intres in iudicium cum seruo tuo, quia non iustificabitur in conspectu tuo omnis uiuens. Item: Omnis homo mendax &c. Sola uero ista confessione humili & oratione nobis ignoscuntur, & fiunt meritoria. Vnde & iussit nobis, ut oremus: Dimitte nobis debita nostra.

Hiob. 9.

Psal. 19.

Psal. 143.

Psal. 116.

Quocirca, dum uolumus omnia pure confiteri, nihil aliud facimus, quam misericordiae Dei nihil uolumus relinquere ignoscendum, nec confidere in eum, sed in confessionem nostram cupimus, ac per hoc uolumus securi esse, nec iudicium eius timere, Cum tamen ei sit beneplacitum super timentes eum, & in eis, qui sperant super misericordiam eius.

Psal. 146

Confidendum in misericordia Dei.

B. Bernhardus.

Hæc ideo dixi, ut sitis præmoniti atque præmuniti in hora mortis, ubi Diabolus non solum mortalia occulta opponet & magnificabit, sed ex uenialibus, imo ex bonis operibus, faciet non nisi horrenda peccata, & totam uitam perditissimam ac damnabilem ostendet, ut scias quid facias, scilicet, ne tunc dicas: Heu, utinam essem confessus, aut tempus haberem confitendi, ne forte desperes, quod ipse cupit, sed confide, & dicas: Scio, quod omnis uita mea est damnabilis, si iudicetur, Sed Dominus iussit, non in mea uita, sed in sua misericordia confidere, sicut ait: Confide fili, remittuntur tibi peccata tua. Psal. 63. Quoniam melior est misericordia tua super uitas. Sic enim B. Bernhardus, Cum aliquando moriturum se crederet, perdidit tempus meum, quia perdidit uixi, nec habeo, nisi, quod cor contritum & humiliatum

Matth. 9.

Psal. 63.

Deus

Deus non despicias. Sic sic timor iudicij humiliabit te, sed spes misericordiae exaltabit humiliatum.

Timor iudicij,
Spes misericordiae.
Absolutionis
uerus usus.

Secundum, uide, ne vlllo modo te confidas absolui propter tuam contritionem, sic enim super te & tua opera confides, id est, pessime præsumes, Sed propter uerbum Christi, qui dixit Petro: Quodcumq; solueris super terram, solutum erit et in cœlis. Hic, inquam, confide, si sacerdotis obtinueris solutionem, & crede fortiter, te absolutum, & absolutus uere eris, quia illa nō mentitur, quicquid sit de tua contritione. Nam sic non crederes sententiæ pronuntiatae super te à Deo, qui mentiri non potest, ac sic te ueracem, & ipsum mendacem faceres, nam sententia illa debet esse rata & certa.

Fides confitentis
necessaria.

Ideo multo magis tibi hic uidendum, quomodo nihil huic fidei desit, q̄ cæteris omnibus. Imo esto per impossibile, q̄ confessus non sit contritus, aut sacerdos non serio, sed ioco absoluat, si tamen credat sese absolutum, uerissime est absolutus, tanta res est fides, & tam potens uerbum Christi. Damnantur itaq; qui nolunt confidere sese absolutos, donec certi sint, se satis contritos, & super arenam, non super petram, uolunt domum conscientiae suae ædificare.

Fides.

Sic legitur in Ecclesiastica Historia, libro decimo, capite decimo: quarto, q̄ B. Athanasius ludens cum pueris, baptizauit eos, sicut uiderat fieri a sacerdotibus, et baptizatos iudicauit B. Alexander episcopus. Item, quidam Mimus illudens, baptizari uoluit, ad placendum Imperatori, & inter ludendum, uiso angelo cum libro, credidit, & eo ipso ludicro baptismo uere est baptizatus. Quare plus est a confitente requirendum, an credat sese absolui, q̄ an sit uere contritus, Sicut Christus a cæcis quæsiuit: Creditis me posse uobis hoc facere? Et merito, quia contritio nunquam est uera satis, q̄ si esset uera, non est tamen certa, etsi esset certa, non tamen esset satis. Fides autem, & uerbum Christi sunt uerissima, certissima, sufficientissima.

B. Athanasius.
lib. 10. Eccle:
Histo: cap. 144

Ruit ergo hic error illorum, qui dicunt, q̄ sacramenta nouæ Legis sic sunt efficacia gratiæ signa, q̄ si quis etiam non sit contritus, sed attritus, modo non ponat obicem actualis peccati uel propositi mali, gratiā cōsequatur.

Error Scholasticorum.

Ego autem dicotibi, quod si etiam contritus accesseris, & non credideris in absolutionem, sunt tibi Sacramenta in mortem & damnationem. Fides enim necessaria est, quanto minus attritio uel non positio obicis sufficit, Denique talis nullus est in mundo, qui non ponat obicem, nisi solus is, qui credit, cum sola fides iustificet, & accedentem ad Deum oporteat credere. Verissimum est enim dictum illud commune: Non Sacramentum, sed fides sacramenti iustificat. Et B. Augustinus: Abluit sacramentum, nō quia fit, sed quia creditur. Quod si Sacramentum non iustificat, sed fides sacramenti, quanto minus contritio, aut non positio obicis iustificat, sed fides &c.

Ebre. 11.

Fides sacramenti iustificat.

At hic tum Questio resurget: Quomodo ergo differunt Sacramenta ueteris & nouæ legis, si hæc æque non dant gratiam sicut illa? Hæc ad aliud pertinent tempus. Satis sit, q̄ Sacramenta nouæ legis sunt efficacia signa gratiæ, si credis, & non amplius. Hæc de secunda parte.

Tertia est satisfactio, de qua quidem nihil legitur in Scripturis. dicunt tamen eam duobus modis fieri. Vno modo per impletionem operum, que sunt eleemosynæ, ieiunia, orationes. Alio modo per indulgentias. Sed de his habetis uulgarem Sermonem nuper impressum, ideo ad præsens omitto, legite ibidem.

De satisfactione
nihil legitur in
Scripturis.

FINIS.

C iij Huius

PIO LECTORI

HVius Siluestri, & aliorum similium defensorum Antichristi scripta, præcedentia & sequentia hoc consilio, pie Lector, inferimus huic operi, ut extet ad omnem posteritatem, doctrinæ testimonium, quæ in Papatu, neglecto ac prorsus obruto Christi Euangelio, infœlici populo proposita est, Vtq̃ uideas iustissimis & necessarijs causis Lutherum diuinitus excitatum & impulsum esse, ut omnium primus nostra ætate detestabiles ac execrandas abominationes Papatus taxaret, ueteremq̃ ac puram Ecclesiæ doctrinam, quantum Deus concessit, illustraret, Pro quo summo beneficio sit Deo, ac patri Domini nostri Ihesu Christi, laus & gloria in æuum, Amen.

REVERENDI PATRIS:
FRATRIS SILVESTRI PRIERIATIS,
ORDINIS PRAEDICATORVM, ET SACRÆ
Theologiæ Professoris celeberrimi, sacriq̃ Palatij Apostolici
Magistri, In præsumptuosas Martini Lutheri Conclusio-
nes, de potestate Papæ, Dialogus.

BEATISSIMO PATRI LEONI X
PONTIFICI MAXIMO, FRATER SIL-
uester Prierias, Ordinis Prædicatorum, sacriq̃
Palatij Magister, æternam Salutem:



Escio, Pater beatissime, an vllō sim tempore lætior, q̃ cum tuæ Beatitudinis contemplatione, & gratia aliquid efficio. Quo actum putarim, ut Commentarijs in primum secundi conflatis ex D. Thoma immerfus potius q̃ implicitus cū ædendis, tum exorandis & consumandis, non potuerim tanta voluptate detineri, quin reiectis, ac postergatis studijs & contemplationibus proprijs, Martino nescio cui Luther, qui in ueritatem ipsam, & sanctam hanc Sedem ceruicem eleuatam ostentat, me scutum opponerem, pro Sedis huius, proque ueritatis honore, ac maiestate pugnaturus, Deniq̃ tridui labore in opus istud absumpsi, tanta læticia & animi iucunditate, ut amor ipse mihi sensim ueritatem inferret, illaq̃ iugiter ac celerrime animo illaberetur.

Oro uero, Beatitudo tua, pauca ista, quæ elucubraui, in tantis & tam infestis laboribus, item & curis, percurrere non dedignetur, & sua beneuola censura, inepte dicta aut eliminare aut eliminare, Ita enim fiet, ut tanta sim posthac fiducia, ac si fida lorica instructus, ut etiam Sathan ipsum in futuro certamine non extimescam, imo audius experiri cupiam, an ferreum nasum, aut caput æneum gerat iste Martinus, ut effringi non possit. Vbi uero is sua fundamenta in lucem extulerit, sua probaturus

probaturus, aut improbaturus nostra, quiddam (volente Deo) moliar, & maius, & accuratius expolitum. Aeternum vale, benignissime Pastor.

SACRARVM LITERARVM PROFESSORI,

Martino Luther, Frater Silvester, de Prierio, ordinis
Prædicatorum, spiritum humilitatis & ueritatis.

Essi longa mora intercedente, Martine mi, literarias manus conferre desueuerim, eo vel maxime, quod tarda senectus iam frigeant effetae uires, Tuis tamen verbis excitus, ac pene impulsus, quibus undique Athletas, quasi alter Dares, in certamina vocas, desuetas palestras pro S. Apostolica sede, item pro ueritate tuenda denuo aggredi statui.

Quoniam uero codicis abs te (ut fertur) editi, fundamenta cerne-
re non datur, nec tu conclusionibus tuis probationem ullam attulisti,
earumque complures sensus cum ueros, tum etiam falsos præ se ferant,
Non aliter in primis tecum congregari uelim, quam tuarum falsarum Po-
sitionum opposita sustinendo, & defendendo, ut quibus innitaris fun-
damentis, edoceas, Quasque ergo tuas sententias percurrans, ac trutinans,
Dialogo, nobis ipsis, qui certaturi sumus, Interlocutoribus (Deo
maximo optimo inuocato) futuro certamini iam principium afferro. Vale,
& melius sentias.

RESPONSIO MAGISTRI SILVESTRI DE

Prierio, ordinis Prædicatorum, sacri Palatii Magistri, ad
Conclusiones Magistri Martini Lutheri.

Tuum dogma ad examissim cribraturus, Martine mi, normas &
fundamenta iaciam, necesse est.

Fundamentum primum.

Ecclesia uniuersalis essentialiter est conuocatio in diuinum cultum
omnium credentium in Christum. Ecclesia uero uniuersalis uirtualiter
est Ecclesia Romana, Ecclesiarum omnium caput, & Pontifex maximus. Ec-
clesia Romana representatiue est collegium Cardinalium, Virtualiter autem
est Pontifex summus, qui est Ecclesiae caput, aliter tamen, quam Christus.

Fundamentum secundum.

Sicut Ecclesia uniuersalis non potest errare determinando de fide, aut
moribus, Ita & uerum Concilium, faciens quod in se est (ut intelligat Verita-
tem) errare non potest, quod intelligo inclusio Capite, aut tandem ac finali-
ter, licet forte prima facie fallatur, quousque durat motus inquirendae uerita-
tis, imo etiam aliquando errauit, licet tandem per spiritum Sanctum intelle-
xerit ueritatem, & similiter nec Ecclesia Romana, nec Pontifex summus de-
terminans ea ratione, qua Pontifex, id est, ex officio suo pronuncians, & fa-
ciens quod in se est, ut intelligat ueritatem.

Fundamentum tertium.

Quicumque non innititur doctrinae Romanae Ecclesiae, ac Romani Pon-
tificis,

Lutherus ad Spalatinum in Epistola, cuius initium est. Quod me in Dresden aliqui afferant etc. indicat quo tempore editus sit is Dialogus, his uerbis. Miror Silvestres nugae non fuisse tibi redditae a Priore Grimensi. Anno M. D. XVII. die 14. Ianuarij.

DIALOGVS

tificis, tanquam Regulæ fidei infallibilis, à qua etiam sacra Scriptura robur trahit & auctoritatem, hæreticus est.

Fundamentum quartum.

Ecclesia Romana, sicut uerbo ita & facto potest circa fidem & mores aliquid decernere. Nec in hoc differentia ulla est, præter id quod uerba sunt accommodatiora quàm facta. Vnde hac ratione consuetudo uim Legis obtinet, quia uoluntas principis factis permissiue aut effectiue exprimitur. Et consequenter, quemadmodum hæreticus est male sentiens circa scripturarum ueritatem. Ita & male sentiens circa doctrinam & facta Ecclesiæ in spectantibus ad fidem, & mores, hæreticus est.

COROLLA.

Qui circa Indulgentias dicit, Ecclesiam Romanam non posse facere id quod de facto facit, hæreticus est. Age nunc Martine & tuas Conclusiones in medium afferas.

LVTHERVS.

1.

2.

3.



Ominus & magister noster Ihesus Christus dicens: Pœnitentiam agite, omnem uitam fidelium pœnitentiam esse uoluit. Quod uerbum de pœnitentia sacramentali, id est, confessionis & satisfactionis, quæ sacerdotum ministerio celebratur, non potest intelligi. Non tamen solam intendit interiorem, imo interior nulla est, nisi foris operetur varias carnis mortificationes.

SIL, His uerbis tres conclusiones, Luthere, comprehendis, & uerbaliter saltem quatuor falsitates. Prima falsitas est, quod Saluator impossibile iusserit, scilicet fideles omni tempore habere actum pœnitentiæ interioris uel exterioris. Cum enim dicit: Agite, non loquitur de habituali interiori pœnitentia, quæ sola perpetua est, & consequenter loquitur de actuali interiori uel exteriori, Agere enim uel actus uel non sine actu est.

SEcunda, Verbum Christi dicentis: Pœnitentiam agite, non potest intelligi de sacramentali pœnitentia. Tripliciter enim pœnitentia dici consuevit, Primo scilicet, ut est uirtus quædam, cuius obiectum est, peccatum sub ratione emendabilis, actus uero eius est dolor uoluntatis de peccato, ipsa uero est habitus moralis, eliciens dictum actum respectu prædicti obiecti. Secundo uero pœnitentia est Sacramentum, cuius partes sunt contritio, confessio & satisfactio. Tertio accipitur uulgariter pro satisfactione iniuncta à sacerdote, & omni carnis mortificatione. De qualibet autem harum trium, dico prædictum uerbum Christi non solum posse, uerum etiam & debere intelligi, cum ipse sufficienter mandarit de bono opere efficiendo.

TErtia falsitas est ad hominem, id est, ad te, quod scilicet Christus non intendit loqui solum de interiori pœnitentia, hoc enim in se quidem uerum est, sed tibi, qui uis Christum his uerbis indicare pœnitentiam in omni uita, de exteriori non potest intelligi, quam oportet intercідere somno & gaudio, gaudendo cum gaudentibus, & huiusmodi. Vnde tibi solum de interiori potest intelligi, non omni, sed habituali, quia etiam interiorem actum liberi arbitrij dormientes necessario intercідimus.

QVArta uero falsitas est, quod interior pœnitentia nulla est, nisi foris operetur uarias carnis mortificationes, imo dico, quod exterior sine interiori nulla est, interior autem sola potest hominem saluare. Potest tamen huc tuum dictum uerum, & à Salvatore intentum, habere sensum, scilicet, quod omnis interior

terior pœnitentia operatur varias carnis mortificationes exterius, id est, pro loco, & tempore, id est, quando, ubi, & quomodo oportet, sed hic sensus tibi uidetur impossibilis.

L V T. Manet itaque pœna, donec manet odium sui (id est, pœnitentia vera intus) scilicet usque ad introitum Regni coelorum. 4.

SIL. Si per pœnam interiorem mortificationem, Martine, intelligis, quid inde conicitur, q̄ pœnam contra odium sui, & interiorem pœnitentiam distindis, intelligi non potest, nisi ut dictum est, id est, pro loco & tempore, aliter hæc doctrina falsa, impossibilis & erronea est. Præterea improprie dictum est odium sui, quantum ad uere pœnitentes attinet, nullus enim imbutus gratia diuina odit se, sicut nec proximum, quem ad instar sui diligit.

L V T. Papa non vult, nec potest vllas pœnas remittere, præter eas, quas arbitrio vel suo vel Canonum imposuit. 5.

SIL. Supposito, q̄ Ecclesia per Indulgentiarum usum concedat liberationem unius animæ, uel plurium à Purgatorio, quod facere nequit, nisi relaxando pœnam inflictam a Deo, supposito etiam, q̄ Ecclesia faciat Indulgentias plenarias simpliciter, relaxando uidelicet omnem pœnam, nulla habita mentione de iniuncta, ita, q̄ tali Indulgentia rite affecta, anima statim è corpore soluta euolaret, iuxta Sanctorum interpretationem, Dico Luthe- re, q̄ male sentis de facto Ecclesiæ circa fidem, aut mores, Quia posito casu possibili, quod peccator teneatur ad pœnam iniunctam a sacerdote. Item ad iniunctam a Canone, & ulterius istis non sufficienter expurgantibus. Tertio teneatur ad pœnam iniungendam a Deo, tali casu (secundum te) rite assequens Indulgentiam plenariam, decedens statim non euolaret, etsi daretur ei Indulgentia liberationis à Purgatorio, si ibi non esset, nō liberaretur, & ita circa factum Ecclesiæ male sentis, & a Sanctis dissens. Et ideo meo iudicio ista Conclusio est hæretica.

Vnde & S. Thomas in quarto, distin. xx. dicit, q̄ ista opinio, scilicet, q̄ Indulgentiæ ualeant solum ad remissionem pœnæ iniunctæ a sacerdote, uel Canone, est contra priuilegium datum Petro, ut quod in terra remitteret, etiam in cœlo remitteretur. Et Præterea secundum istam opinionem, inquit S. Thomas, Ecclesia huiusmodi Indulgentias faciens, magis damnificaret homines, q̄ iuaret, quia absoluendo a pœnitentijs iniunctis remitteret ad grauiiores, id est, purgatorias, Hæc S. Thomas. Cum tamen Indulgentia non est plenaria, nec fit secundum aliquam partem quotam reatus, puta remittendo tertiam partem pœnarum, nec conceditur liberatio alicuius animæ a Purgatorio, aliquem colorem habere posset ista Positio, quantum ad id quod dicit, q̄ Papa non uult, quia communiter dicit: De iniunctis pœnitentijs relaxamus. Sed quia subditur: Nec potest, quo ad hoc Positio hæretica est, auferens aut truncans priuilegium Christi ad Ecclesiam.

L V T. Papa non potest remittere vllam culpam, nisi declarando & approbando remissam a Deo, aut certe remittendo Casus reseruos sibi, quibus contemptis, culpa prorsus remaneret. 6.

SIL. Etsi Conclusio ista quoquo modo habeat apparentiam in his, qui clauibus Ecclesiæ se contriti subiiciunt, & consequenter iustificati a culpa, In attritis tamen, qui uirtute clauium (iuxta Sanctorum interpretationem) sunt contriti, non Papa modo, uerum sacerdos quisq̄ peccata dimittit dispositiue & ministerialiter, id est, applicando clauis & sacramenta istis, non autem ea remittunt autoritatiue, sed hoc excellentioris est potestatis. Vnde hanc Conclusionem dico falsam, & gratia disputandi sustineo q̄ fit hæretica, esto q̄ hæretici non sint eius positores.

L V T. Nulli

D I A L O G V S

7. **LVT.** Nulli prorsus remittit Deus culpam, quin simul eum subiiciat humiliatum in omnibus sacerdoti suo Vicario.

SIL. Leprosus (spiritualiter) Luthere es, gestas enim cutem uariam, & maculosam ueris fallisq; coloribus, dum multus falsis pauca uera cōmīscēs, uerumq; reddis dictum illud Bedæ, Quod nulla tam falsa doctrina sit, quæ aliqua uera non intermīscat.

8. **LVT.** Canones pœnitentiales solum uiuentibus sunt impositi, nihilq; morituris secundum eosdem debet imponi.

SIL. Dico ad hoc dictum, ut ad præcedens proxime.

9. **LVT.** Inde nobis benefacit spiritus Sanctus in Papa, excipiendo in suis Decretis, semper articulum mortis & necessitatis.

SIL. Recte quidem loqueris, sed quæ dicis, nihil proposito attinent, cum non excipiat Pontifex articulum mortis, quo ad impositionem pœnitentiæ, sed quo ad reservationem absolutionis.

10. **LVT.** Indocte & male faciunt Sacerdotes hi, qui morituris pœnitentias canonicas in Purgatorium referuant.

SIL. Recte doces, sed tamen, quod in alijs culpas, admittis. Cum enim doces, q̃ Pontifex solum illas pœnas donat, quæ arbitrio suo uel Canonum sunt iniunctæ, teste D. Thoma, absoluis ab his, & ad purgatorias grauiores animas adducis.

11. **LVT.** Zizania illa de mutanda pœna canonica in pœnam purgatoriam videtur certe dormientibus Episcopis seminata.

SIL. Dico ut proxime.

12. **LVT.** Olim canonicæ pœnæ non post, sed ante absolutionem imponebantur, tanquam tentamenta ueræ contritionis.

SIL. Nunc quoq; nostra tempestate, quando pœnæ sunt arbitrariæ, idem in omni pœnitentia seruandum dico per Cle. dudum de sep. ubi & Iohan. And. nisi forte nullum sit dubium, quin pœnitens pœnitentiam iniungendam sit acceptaturus & expleturus.

13. **LVT.** Morituri per mortem omnia soluunt, & legibus canonum mortui iam sunt, habentes iure earum relaxationem.

SIL. Quod astruis uerum est, ubi pœna ex canone tantum debetur, quod si eam, quam imponit Canon, etiam diuina iusticia exigat, Purgatorium neges, necesse est.

14. **LVT.** Imperfecta sanitas seu charitas morituri necessario secum fert magnum timorem, tantoque maiorem, quanto minor fuerit ipsa.

15. Hic timor & horror satis est se solo (ut alia taceam) facere pœnam Purgatori, cum sit proximus desperationis horrori.

SIL. His dictis, Luthere, duas Conclusiones & tres falsitates comprehendis, & quidem temere, Temeritas enim est in his, ad quæ nobis naturalis ratio non suppetit, uelle aliquid nostra autoritate definire, præter & à fortiori, contra ea quæ in doctrina fidei sunt, uel Sanctorū, qui eodem spiritu Scripturas interpretati sunt, quo editæ fuere. In his præcipue, quæ fidei & morum sunt, in quibus concorditer docuere, imo non solum temerarium, sed erroneum est, nec dicam hæreticum, ut ex quarto fundamento liquet.

PRima

PRIMA autem falsitas est, quam aperte innuis, quod hi, qui in Purgatorio continentur, nesciant se saluandos, quod apertius etiam innuis infra Conclusionem tua 19. Ego uero cum D. Thoma, cuius doctrina, quantum ad fidem & mores attinet, per regulam fidei ecclesiam Romanam, & discussa & probata est, dico, quod qui purgantur, sciunt se liberandos, alioqui à nobis suffragia non expeterent, quod crebro faciunt, ut liquet ex lib. dialog. Gregorij.

SECUNDA uero falsitas est, quod qui purgantur, timeant, præterquam filialiter, quæ enim iam sustinent in præsentia, non timent, quia timor de futuro est malo, alia autem mala, præter ea, quæ sibi inter purgandum hærent, non timent, cum sentiant se ab his malis ad gloriam transituros, ut dictum est.

TERCIA falsitas est, quod hic timor se solo satis sit facere poenam purgatoriam, quod utique falsum affirmo, quia nec facere potest cum non sit, nec se solo, alioqui impius esset Deus, quippe qui præter istam sufficientem (ut astruis) poenam alias apponat, puta assistentiæ demonum, ligationis ad certum locum, dilationis optatæ gloriæ, & eiusmodi.

LVT. Videntur infernus, purgatorium & Cælum differre, sicut desperatio, prope desperatio, & securitas differunt. 16.

SIL. Hoc uidetur quidem forte tibi, mihi autem cum D. Thoma uidetur, quod qui purgantur, habent spem certam salutis, & consequenter non sunt desperati, uel quasi siue prope desperati. Differunt autem prædicta, sicut poena perpetua cum desperatione euadendi, & uoluntate perpetuo adhærendi peccato, quod inferno congruit, & sicut poena temporalis cum spe euadendi, & uoluntate adhærendi Deo perpetuo, quod purgatorij est, & sicut priuatio omnis poenæ, & impletio omnis naturalis appetitus & gaudij, ut in cælo est.

LVT. Necessarium videtur animabus in Purgatorio, sicut minui horrorem, ita augeri charitatem. 17.

SIL. Vno inconuenienti dato plura contingunt, apud Aristotelem. Unde posito seruilis timore, qui charitati aduersatur, necessariū tibi fuit, Luthere, modum inuenire, quo pelleretur, quod esse non potuit congruentius, quam per augmentum eius, quod timori repugnat. Ego uero Sanctorum uestigia sequens, & non uocum nouitates, cum D. Thoma dico, quod qui Purgatorium patitur, est uiator secundum quid, in quantum à beatitudine retardatur, non autem simpliciter, unde in charitate non proficit, alioqui bonum esset eis diu esse in Purgatorio, ut perfectiores & consummatiores euaderent.

LVT. Nec probatum videtur ullis Scripturis, aut rationibus, quod sint extra statum meriti, aut augendæ charitatis: 18.

SIL. Esto, quod ista non probentur autoritate Scripturæ uel Ecclesiæ, quæ necessario cōuincit (quod ad præsens nec astruo, nec destruo, cum tibi repente & ex his solum, quæ memoriæ succurrunt, respondeam) est tamen probatum autoritate Sanctorum, quæ argumentum probabile facit, Tu uero eiusmodi tua autoritate firmans, uide ne præsumas.

LVT. Nec hoc probatum videtur, quod sint de sua beatitudine certæ & securæ, saltem omnes, licet nos certissimi simus. 19.

SIL. Hoc, sicut iam dictum est, probatum est saltem probabiliter, tum ex autoritate Sanctorum, tum ex experientia, Quia frequenter suffragia petunt, sicut multipliciter patet per B. Gregorium in lib. dialog.

LVT. Igitur Papa per remissionem plenariam omnium poenarum non simpliciter omnium intelligit, sed à seipso tantummodo impositarum.

SIL.

DIALOGVS

SIL. Quid Pontifex intendat, uel non intendat omittens, dico, Quod si de posse sit sermo, Papa ex rationabili causa potest remittere omnem poenam, siue impositam siue non impositam, ut D. Thomas edocet, Oppositum autem dicere, hæreticum est, & contra priuilegium datum Petro à Domino, ut dictum est.

21. **LVTH.** Errant itaq; Indulgentiarum commissarij hi, qui dicunt, per Papæ indulgentias hominem ab omni Poena solui & saluari.

SIL. Dico, ut supra proxime, & q tu Luthere, uulneratum & cæcatum habens oculum, falsitatis trabe pregrandi, alienam festucam contemplaris.

22. **LVT.** Papa nullam poenam remittit animabus in Purgatorio, q̃p in hac uita debuissent secundum Canones soluere.

SIL. Negare potestatem Papæ, non se extendere ad relaxandum poenas in Purgatorio per uiam Indulgentiæ, est male sentire de facto & doctrina Ecclesiæ circa fidem aut mores, ideo hæreticum est.

23. **LVT.** Si remissio ulla omnium omnino poenarum potest alicui dari, certum est eam non, nisi paucissimis, id est, perfectissimis dari.

SIL. Quod asseris certum, Luthere, utiq; certum est, non quidem in ueritate, ut reris, sed in falsitate, Datur enim uenia non solum perfectissimis, sed etiam imperfectissimis, modo habeant gratiam Dei & charitatem, per quam sunt ueniarum capaces, & seruent Indulgentiæ tenorem, siue isti multi sint siue pauci, quod soli Deo notum est. Si tamen de multiplicitate saluandorum aut assequentiū Indulgentias ex cōiecturis & suauis Rationibus uolumus definire, dico probabiliter, & salua rei ueritate, q sunt ualde multi, ad quod arguo ex fundamento theologico, scilicet.

Attritio. Quod clauis Ecclesiæ de attrito faciunt contritum. Vnde omnis, qui cum attritione confitetur, consequitur contritionem & gratiam, & consequenter Indulgentiam & salutem, si perseverat. Sunt autem ualde multi, qui Indulgentiarum tempore confitentur, si credunt se mortali peccato detineri, et cum attritione, id est, dolore imperfecto, qui tunc est, quando homo uellet habere dolorem & gratiam à Deo, nunquam de cætero peccandi. Vnde omnes tales consequuntur gratiam & consequenter Indulgentiam, nisi post cōfessionem, ante ueniæ acceptionem relabantur, Et si plene nō efficiunt, quod mandatur, consequuntur partem proportionalem ueniæ, ut docet D. Thomas. Et ex eodem fundamento probabiliter teneo, q etsi maior pars Christianorum non uiuat in gratia Dei, maior tamen pars Dei gratiam in morte consequitur confitendo cum attritione, consequenter autem etiam saluatur, si perseverat. Et quod Saluator dicit: Multos esse uocatos, sic intelligendum est dictū, quia totus mundus est uocatus.

24. **LVT.** Falli ob id necesse est maiorem partem populi per indifferentem illam & magnificam poenæ solutæ promissionem.

SIL. Non fallitur maior pars populi, si attriti confitentur, & reliqua obseruant, eo uel maxime Declamatores crebro docent propter uenias, alia pia opera non esse relinquenda, cum nullus pro certo sciat, se ueniam assequitur, Item, quia etsi illi ueniam non assequantur, pium tamen opus faciunt, quod eos in salutem disponit.

LVTH.

LVT. Qualem potestatem habet Papa in Purgatorium generaliter, talem habet quilibet Episcopus & Curatus in sua Diocœsi & Parochia specialiter

25.

SIL. Quantum ad propositum de themate, super quo disceptamus, idem quantum ad applicationem satisfactionis unius ad alterum, est multiplex differentia inter Papam in Ecclesia tota, & Episcopum in Diocœsi, & Curatum in parochia. Harum prima est secundum illam opinionem, quæ sentit Indulgentias fieri ex thesauro satisfactionis Christi, non autem Sanctorum, quia iuxta eam solus Papa posset Indulgentias facere, sicut solus dispensat communia toti Ecclesiæ, cuiusmodi est dictus thesaurus. Sed quia istam opinionem falsam existimo, dico, quod alia differentia est, Quia Papa dispensator est thesauri infiniti, cum dispense satisfactionem Christi, non autem alij, sed merita subditorum suorum duntaxat. Ex hac autem sequitur alia, Quia solus Papa facit Indulgentiam plenariam, cum solus sit certus, quod thesaurus per eum dispensabilis sufficiens sit ad pœnas omnes diluendas. Alia etiam est, Quia Papa dispensat bona, quæ alij dispensant, non e contra, unde & aliorum potestatem limitat & restringit, non e contra. Vtrum autem Curatus Indulgentias addere possit, modo non discuto.

LVT. Optime facit Papa, quod non potestate clavis, quam nullam habet, sed per modum suffragij, dat animabus remissionem.

26.

SIL. Quantum ad Indulgentias attinet, Papa habet clauem iurisdictionis secundum Sanctos, etiam in Purgatorium applicatiue, Animas tamen a debito seu reatu pœnarum non absoluit, sed eis tribuit, unde pœnam uel debitum soluant, applicans & adiiciens eis satisfactionem Christi uel aliorum.

LVT. Hominem prædicant, qui statim ut iactus numus in cistam tinnierit, euolare dicunt animam.

27.

SIL. Prædicator, animam quæ in Purgatorio detinetur, astruens, euolare in eo instanti, in quo plene factum est illud, gratia cuius plena uenia datur, puta deiectus est aureus in peluim, non hominem, sed meram & catholicam ueritatem prædicat, Tu uero oppositum dogmatizans, si pertinaciam addideris, uide iuxta prædicta, quid inde merearis, factum & doctrinam S. Romanæ Ecclesiæ reprehendens, Nec plus est reprehensibilis Declamator sic docens, quam coquus fastidienti stomacho substantiales cibos accidentalibus saporibus exacuens.

LVT. Certum est, numo in cista tinniente augeri questum & auaritiam posse, suffragium autem Ecclesiæ est in arbitrio Dei solius.

28.

SIL. Certum est etiam, Luthere, istam Conclusionem esse detractorem, & uiri ponentis os in cœlum, nec minus certum est, erroneum & hæreticum est dicere, quod extante rationabili causa Papa non potest pro uoluntate plus & minus dare de suffragio unius alteri, cum Deus hoc sibi concesserit.

LVT. Quis scit, si omnes animæ in Purgatorio uellent redimi, sicut de S. Seuerino & Paschali factum narratur.

29.

SIL. Quicquid sit de somnijs, propter quæ nunquam a sana doctrina recedendum est, Doctor Angelicus in xxi. distin. iij. querens, An pœna Purgatorii sit uoluntaria, & multipliciter de pœna distinguens, sic concludit: Abs-

D solute

DIALOGVS

solute nulla poena est uoluntaria, quia ex hoc est ratio poenae, q[uod] uoluntati contrariatur, sed conditionate, siue ex suppositione alicuius finis poena est uoluntaria, sicut uult quis pati uisionem, ut sanetur, Et hoc dupliciter contingit.

Aliquando enim per poenam aliquod bonum acquirimus, ut patet in uisione, & sic ipsa uoluntas assumit poenam, ut in satisfactione patet, quae scilicet in hac uita est meritoria. Aliquando uero per poenam nullum bonum nobis accrescit, tamen sine poena ad bonum peruenire non possumus, Sicut patet de morte naturali, sine qua scilicet non uenitur ad regnum, & tunc uoluntas poenam non assumit, sed tolerat, & quantum ad hoc uoluntaria dicitur, & sic poena, inquit, Purgatorii est uoluntaria.

Ex quibus uerbis D. Thomae patet, q[uod] qui in Purgatorio sunt, illam poenam non eligunt, sed illam patienter tollunt, & uellent libenter ea carere, si possent. Adde, q[uod] anima separata grata Deo, nullum habet maius desiderium, q[uam] uidendi Deum, cum ad hoc omne suum uelle sicut ad finem ordinatur, licet pro Dei uoluntate patienter toleret, unde si cum Dei uoluntate possit carere poena, impediens uisionem, in hoc maxime laetatur, plus q[uam] gaudium aliquod in hoc mundo nobis possit obtingere. Dicere autem oppositum, ridiculum & stultum est.

30. **LVT.** Nullus securus est de ueritate suae contritionis, multo minus de consequutione plenariae remissionis.

SIL. Hoc de uiuentibus uerum est, Animae uero quae purgantur, certae sunt se Dei gratiam habere, & consequenter se indulgentias assequi, si rite conferantur, maxime plenarias, quibus statim a tormentis ad gaudia deducuntur.

31. **LVT.** Quam rarus est uere poenitens, tam rarus est uere Indulgentias redimens, id est, rarissimus.

SIL. Esto, q[uod] recte doceas, Tamen superflue doces, cum iam idem supra uirtualiter posueris, imo plus, quia dixisti, non assequi nisi perfectissimos, qui rariores sunt, q[uam] ueri poenitentes, cum inter hos quidam sint, alijs minus perfecti. Dico etiam, q[uod] uere poenitentes tot sunt, quot attriti continent, cum omnes tales Dei gratiam assequantur, nisi obicem ponant.

32. **LVT.** Damnabuntur in aeternum cum suis Magistris, qui per literas ueniarum securos sese credunt de sua salute.

SIL. Qui per dictas literas sine bonis operibus tutos se putant, fati sunt, Qui uero ex spiritali commodo eiusmodi literarum concipiunt spem, melius uiuendi & moriendi & purgatorias poenas citius euadendi, recte sentiunt. & sic docentes recte docent. Time autem tibi magis, Luthere, ne uana eruditione inflatus, nunquam resipiscas, aeternoq[ue] pereas & damneris.

33. **LVT.** Cauendi sunt nimis, qui dicunt uenias illas Papae donum esse illud Dei inestimabile, quo reconciliatur homo Deo.

SIL. Cauendi sunt magis detrahentes Dei uicario, cum iniuste, tum etiam false & erronee. Qui uero dicunt (ut refert) uere dicunt, modo reconciliatio illa intelligatur improprie, per amotionem reatus, qui animam a Dei contemplatione clara secludebat.

34. **LVT.** Gratiae enim illae ueniales tantum respiciunt poenas satisfactionis sacramentalis, ab homine constitutas.

SIL.

SIL. Iam liquet ex dictis, quantum falsa & erronea sit ista sententia, et si de posse Pontificis maximi sermo sit, Est etiam hæretica, quasi Papa non possit omnem poenam per Indulgentias abolere.

LVT. Non Christiana prædicant, qui docent, q̄ redempturis animas per confessionalia, non sit necessaria contritio. 35.

SIL. Nullum esse Declamatorem reor, qui tam stulte docuerit, qua uero intentione tales Positiones in medium afferas, ipse uideris. Si qui tamen docerent, q̄ non contriti non uane Indulgentias prosequuntur, quia proderunt contritione, ex post facto accedente, non male docent apud complures peritos, quia sicut Papa potest constitutionem facere aut inficere ut ex tunc, ita etiam posset Indulgentias largiri, ut ex nunc suo tempore ualituras.

LVT. Quilibet Christianus vere compunctus habet remissionem plenariam a poena & a culpa, etiam sine literis ueniarum sibi debitam. 36.

SIL. Si sentis, q̄ omnis cui plena remissio poenæ debetur, eam assequitur, non obstante, q̄ ueniarum literis careat. Esto, q̄ uerum doceas, tamen nihil dicis, Quia Deum dare omnibus, quæ eis apud ipsum debentur ex congruo, uel condigno, dubitauit nullus. Si uero sentis (ut uerba tua præ se ferunt) q̄ sine dictis literis omnibus uere cōtritis debita sit plena remissio poenarum, hæreticum est, & Canones omnes poenitentiales euacuas & euertis, & tertiam partē sacramenti poenitentiae, id est, satisfactionem, & omnia iura loquentia de poenitentia saluari imponenda, & Purgatorium, Nisi forte dicas, q̄ poenam omnem remitti, & poenam omnem exoluere, idem sit, quod absurdum est. 37.

LVT. Quilibet verus Christianus, siue uiuus, siue mortuus, habet participationem omnium bonorum Christi & Ecclesiæ, etiam sine literis ueniarum, a Deo sibi datam.

SIL. In opere bono, quo reatus poenæ deletur, puta ieiunio, oratione & eleemosyna, duo sunt secundum doctrinam Sanctorum. Vnum est meritum, quod nullius esse potest, nisi operantis, qui solus pro opere proprio premio donatur. Alterum est satisfactio, quæ aliud a merito est, unde is, qui eleemosynam largitur pro anima parentis, sibi quidem meretur, pro amico autem satisfacit, ad abolendum poenæ reatum, Quis enim ausit negare, eleemosynam horum utriq̄ ualere? Si ergo de bonis operibus Christi & Ecclesiæ loquaris, quantum ad meritum, licet pro alterius merito nullus muneretur, quilibet tamen Deo gratus, ex aliorum meritis aliquid boni percipit, puta protectionem Dei, sicut Deus recordatus Abrahæ, liberauit Lot tempore eversionis Sodomæ, uel saltem ipsum gaudium, quod quisq̄ bonus habet de bono alieno; secundum illud Psal. Participem me fac Deus omnium timensium te &c. Sed quia hoc participium paucis non potest plene absolui, dimittatur. Si uero loquaris de eisdem Christi & Ecclesiæ operibus, gratia satisfactionis, dico cum D. Thoma, q̄ in absolutione a peccatis ex bonitate Dei interueniente Christi martyrio, semper aliquid relaxatur de poena, non autem poena tota, alioqui plene implens iniunctum a sacerdote uel Canone, etiam si non plene satisfecerit Deo, euolaret, quod est hæreticum, imo non oporteret sacerdotem quicq̄ imponere, nisi forte per uiam medicinæ ad præcauendum in posterum.

LVT. Remissio tamen & participatio Papæ nullo modo est contemnenda, quia (ut dixi) est declaratio remissionis diuinæ. 38.

D ij. SIL. Siue

DIALOGVS

SIL. Siue de culpa, siue de poena intelligas, utrobique damniabiliter erras, Quia et culpam relaxat dispositiue & ministerialiter, & similiter poenam peruenias, ut crebro iam dictum est.

39. LVT. Difficilimum est, etiam doctissimis Theologis, simul extollere veniarum largitatem, & contritionis veritatem coram populo.

SIL. Postquam, Luthere, peruerse docuisti, iam nunc detrahere incipis, & ueniarum declamatoribus & Pontifici consequenter. Quod autem difficile astruis, ego impossibile astruo tibi, tuique similibus, qui non es (pace tua dixerim) bonarum disciplinarum praeceptis institutus, qui duo falsa praecepta tenes, quae uenias evertunt. Vnum quidem, quod uera contritio aboleat omnem poenam, ut supra uideris innuere. Aliud, quod uera contritio poenas uenias praeeligat semper, ut sequenti Conclusionem patebit.

Theologi autem bene instituti facile efficiunt, quod tu difficile praedicas, dicentes, quod sicut in humanis offendens quemque cum iactura honoris aut rerum, etsi ex bono animo offensi restituatur ad amicitiam abolita culpa, non tamen semper abolita emenda, imo nec actione iniuriarum plerumque. Ita etiam & Deus abolita culpa lege communi uult, quod peccatorum emendam praestet, ut qui peccando suae uoluntati plus quam debuisset, indulget aliquid contra suam naturalem uoluntatem, ex uoluntate electiua patiat, quod est poenas dare pro culpis.

40. LVT. Contritionis veritas poenas quaerit & amat, Veniarum autem largitas relaxat & odisse facit, saltem occasione.

SIL. Haec est tua potissima ratio, quare difficile dixeris utraque posse saluare. Dico uero cum S. Thoma, quod quodiu poenas dare pro sceleribus est alicuius boni allatum, ut in praesenti uita, quando meritorium est, uera contritio amat poenas, ad merendum & praecauendum a peccatis, sine tamen contemptu ueniarum, quia utrumque melius est quam alterum, Vbi uero poenae nullum bonum afferunt, sed retardant a bono gloriae, quod eis ex non solutis haberi nequit, poenae non assumuntur, sed tolerantur, dulcissimumque est animabus ab eis misericorditer absolui, & ita in Purgatorio est.

41. LVT. Caute sunt ueniae Apostolicae praedicandae, ne populus false intelligat eas praeferi caeteris bonis operibus charitatis.

SIL. Verum utique doces, sed non minus caute sunt improbandae & restringendae in praediuicium Apostolicae facultatis, & privilegij concessi a Deo B. Petro.

42. LVT. Docendi sunt Christiani, quod Papae mens non est, redemptionem ueniarum vlla ex parte comparandam esse operibus misericordiae.

SIL. Docendi sunt etiam, quod mens Pontificis est, per uenias prouocare fideles ad opera pietatis siue diuini cultus & misericordiae, & quod melius est, benefacere, & uenias assequi, quam horum neutrum uel alterum moliri.

43. LVT. Docendi sunt Christiani, quod dans pauperi, aut mutuans egenti, melius facit, quam si uenias redimeret, Quia per opus charitatis crescit charitas, & fit homo melior, sed per uenias non fit melior, sed

44. tantummodo a poena liberior.

SIL. Docendi sunt etiam, quod qui utrumque potest, melius est. Docendi sunt etiam, quod per uenias non fit homo melior essentialiter, fit tamen melior concomitanter, Quia erogare in opus pium aut alias bonum pro assequutione ueniarum meritorium est, unde ceteris paribus melius est dare elemosynam gratia

gratia ueniarum, q̄ gratia meriti præcise, Quia ibi duo bona sunt, scilicet meritum, & sublatio impediens ac retardans à gloria, id est, reatus poenarum, hic uero unicum est.

LVT. Docendi sunt Christiani, q̄ qui videt egenum, & neglecto eo, dat pro uenijs, non indulgentias Papæ, sed indignationem Dei sibi vendicat.

45.

SIL. Docendi sunt etiam Scriptores castigatius scribere, q̄ tu scribas, quia quod scribis, non est uerum, Vbi quis petenti pauperi potest eleemosyna sine peccato negare, quod creberrime accidit, neque ubi negatur, cum peccato quidem ueniali, sed sine mortali, quia pro ueniali solo non uendicat sibi homo indignationem Dei, cum gratiæ & charitati ueniale non repugnat, & consequenter nec amicitia, quam ad Deum habemus.

LVT. Docendi sunt Christiani, q̄ nisi superfluis abundant, necessaria tenentur domui suæ retinere, & nequaquam propter uenias effundere.

46.

SIL. Docendus es & tu sufficientius diuidere, quia temporalis hominum facultas insufficienter diuiditur per necessaria, quæ quis domui suæ tenetur retinere, quæ scilicet sunt necessaria, sine quibus non & superflua, Sed hæc est diuisio sufficiens iuxta D. Thomam: Bonorum enim temporalium hominis quædam sunt necessaria ad uitam suam, & suorum, quæ dicuntur necessaria sine quibus non, supple, uiuitur, quædam uero sunt necessaria ad uitam decentem, quæ dicuntur necessaria, sine quibus non bene, & quædam nec sic nec sic, quæ dicuntur superflua simpliciter. De primo necessario nec uenias sunt redimendæ, nec eleemosyna danda, nisi quis eligat mori dando pro bono reipublicæ. De secundo tenentur homines eleemosynam dare solum in necessitate extrema, Potest autem & debet homo dare de consilio extra dictum casum partem huius necessarij cum indiuisibili non consistat, non autem totum. Sic ergo patet, q̄ etiam non habens superflua potest redimere uenias, ex parte eius, quod est necessarium, sine quo non bene.

Eleemosyna danda est, cum amplius prodesse non potest.

LVT. Docendi sunt Christiani, q̄ redemptio ueniarum est libera, non præcepta.

47.

SIL. Docendi sunt etiam, & docere debent boni filij Ecclesiæ Romanæ, & consequenter Dei, q̄ Princeps pro cōmuni bono potest coactiue exigere bona à subditis, sed Pontifex Romanus utriusq̄ potestatis apicem tenens, pro fabrica Basilicæ S. Petri, quæ est totius Christiani populij bonum, petit quod iubere posset, & petendo muneratur ex thesauro sibi tradito.

Pontifex Ro. utriusq̄ potestatis apicem tenens.

LVT. Docendi sunt Christiani, q̄ Papa sicut magis eget, ita magis optat in uenijs dandis pro se deuotam orationem, q̄ promptam pecuniam.

48.

SIL. Imo non sunt sic docendi, quia hoc esset eos à multis bonis, quæ ueniarum gratia faciunt, dimouere, Sed potius sunt docendi, q̄ omnes fideles ex debito charitatis tenentur pro summo Pastore, etiam sine uenijs orare, & q̄ Papa multoties dat uenias, ut fideles prouocet ad orandum pro se, ut semper facit in sua Capella. Quando uero ultra orationes etiā pecunijs indiget, Venias largitur, non gratia pecuniarū, sed eius rei, ad quā pecunia ordinatur, puta ad instauracionem hospitaliū, & ecclesiarum. Et hoc cum facit, omnes quorum interest, lætantur & gratulantur omnes, nisi q̄ tu Luthere, id

D iñ quod

DIALOGVS

quod in alijs Ecclesijs instaurandis laudatur, in Fabrica prima totius reipubli-
cæ Christianæ uituperas, qui si à Domino nostro habuisses bonum Episco-
patum cum plenaria indulgentia ad Ecclesiæ tuæ reparationem, forte dul-
cioribus uerbis abundasses, & quibus detrahis, uenias extulisses.

49. LVT. Docendi sunt Christiani, q̃ ueniarum Papæ sunt utiles, si
non in eas confidant, sed nocentissimæ, si timorem Dei per eas amit-
tant.

SIL. Docendi sunt etiam, q̃ confidentia ueniarum ab alijs bonis ope-
ribus nō retardans nihil obest, sed occasionaliter prodest, dum anima ex hoc
in gratiarum actiones assurgit. Docendus etiam es tu, ut caucius obserues,
ne paucis uerbis tibi ipsi contradicas, qui interdum uenias dicis esse utiles, in-
terdum solum signa diuinæ relaxationis, quæ signa etiam apud te sunt falla-
cia, cum scribas nullum esse certum, q̃ relaxationem poenarum sit affecutus.

50. LVT. Docendi sunt Christiani, q̃ si Papa nosset exactiones
uenialium prædicatorum, mallet Basilicam B. Petri in cineres ire, q̃
ædificari, cute, carne & ossibus ouium suarum.

SIL. Docendi sunt potius Christiani, q̃ tu iniuste Prædicatoribus de-
traxeris, contra ordinem fraternæ correctionis talia secreta, si qua sunt (quod
uix credo) in publicum per uniuersum orbem seminando, qui talia si noue-
ras, debuisti fraternæ correctionis normam obseruare, eo uel maxime, q̃ ta-
lis sit huius innocentissimi Pontificis mens, ut nullus non inique modo, ue-
rum etiam nec indecenter operetur aut uiuat.

51. LVT. Docendi sunt Christiani, q̃ si Papa, sicut debet, ita uel-
let, etiam vendita (si opus sit) Basilica S. Petri, de suis pecunijs daret
illis, a quorum plurimis quidam Concionatores ueniarum pecuniam
eliciunt.

SIL. Docendi non essent ista populi, quia esset contra fraternam cha-
ritatem, sed si non speratur declamantium correctio per secretam monitio-
nem (ista enim non sunt in ambone) docendus esset is Prælatus, cuius inter-
est, & singulariter Dominus noster Papa, si tamen aliqui tales sint, quod ut
credam, uix adduci possum, quia esto, q̃ declamatores forent rapaces, per
uim tamen nō extorquent, sponte uero nullus est adeo stultus, ut si usq̃ adeo
sit egens, ut pro eius suffragio Basilica S. Petri uendenda foret, uelit pro In-
dulgentijs pecunias effundere, unde potius credo, q̃ loquaris per talenta, &
talìa aut excogitas aut exornas.

52. LVT. Vana est fiducia salutis per literas ueniarum, etiam si
Commisarius, imo Papa ipse, animam suam pro illis impignoraret.

SIL. Vana est ista tua Conclusio, & similes, quia nullus est tam stultus,
ut salutem suam talibus literis committat sine uoluntate poenitendi uel sta-
tim, uel tandem, sed tu uideris loqui non theologice, sed tragœdice, ad aures
populorum exhauriendas, Vide autem, ne diuino iudicio inde exhaurias ma-
ledicta irrisiones & censuras.

53. LVT. Hostes Christi & Papæ sunt hi, qui propter uenias præ-
dicandas uerbum Dei in alijs Ecclesijs penitus silere iubent.

SIL. Raris

SIL. Raris crebra cedere consueverunt, sic celebrius colitur annalis solennitas Sanctorum, quam sabbatina Dei matris, aut pene quotidiana Trinitatis. Sic ex causa Pontifex cuique Declamatori pro loco & tempore indulget, ut alijs silentium indicat, quo populum habeat frequentiore, ut inquisitori, utque ordinario, quod potest commendari. Astruere uero Papae hostes esse, qui cum sua gratia & beneplacito operantur, aut etiam Dei, stultum & ridiculum est.

LVT. Iniuria fit verbo Dei, dum in eodem Sermone æquale vel longius tempus impenditur uenijis, quam illi.

54.

SIL. Dico ut supra proxime, & ulterius, quod ita loqueris, ac si publicatio ueniarum cum his, quæ illam comitantur, declaratoria & hortatoria, non sit seminatio uerbi Dei, quod nego.

LVT. Mens Papæ necessario est, quod si ueniæ (quod minimum est) una campana, unis pompis & ceremonijs celebrantur, Euangelium (quod maximum est) centum campanis, centum pompis, centum ceremonijs prædicetur.

55.

SIL. Dico ut supra proxime, & ulterius, quod consimiles Conclusiones non decent grauem Theologum, sunt enim pueriles, & uidentur esse uiri stomachati, & inferentis os in cælum, & contra stimulum calcitrantis.

LVT. Thesauri Ecclesiæ, unde Papa dat Indulgentias, neque factis nominati sunt, neque cogniti apud populum Christi.

56.

SIL. Non est mirum, si uulgus ista non nouit, cum tu, qui cum orbe uniuerso te disputaturum obtulisti, ista aut non intellexeris, autingas, ut patet. Sunt enim isti thesauri noti & nominati, non quidem lumine nostre rationis, sed Spiritus sancti, qui per Sanctos suos nos edocet, quibus tu non assentiens, autoritate tua, aut tui simili, alios thesauros effingis. Veniæ ergo, siue Indulgentiæ autoritate Scripturæ nobis non innotuere, sed autoritate Ecclesiæ Romanæ, Romanorumque Pontificum, quæ maior est, inter quos S. Gregorius primus (teste D. Thoma) indulgentias dedit Romæ in stationibus, ceterique sunt sequuti. Thesaurus ergo iste secundum Sanctos, cum Theologos, tum etiam Canonistas, sunt merita Christi & Sanctorum, non ea ratione, qua merita, sed qua satisfactiones.

LVT. Thesauros certe, unde Indulgentiæ dantur, non esse temporales, patet, quia non tam facile eos profundunt, sed tantummodo colligunt multi Concionatorum.

57.

SIL. Non doces Luthere, sed detrahis, non concionatoribus tantum, quos scis rem suam non promouere, sed innocentissimo Pontifici, & quidem iniuste, quippe, qui nil uellet aut inique aut etiam indecenter agi, maxime uero prætextu suæ autoritatis.

LVT. Nec sunt isti thesauri merita Christi & Sanctorum, quia hæc semper sine Papa operantur gratiam hominis interioris, & crucem, mortem, infernumque exterioris.

58.

SIL. Imo secundum Sanctos, tam Theologos quam Canonistas celebriores, sunt prædicta merita Christi & Sanctorum, non ea ratione, qua merita, sed qua satisfactiones Christo superuacaneæ, Sanctis autem superabundantes. Quarum satisfactionum ualorem uerum est quidem in nobis operari, &

D iij

nobis

DIALOGVS

nobis applicari, sed non sic, ut plene per eas liberemur ab omni reatu, nisi in calu duplici, Primo quidem, si nos per satisfactionem plenam eis coniungamur. Secundo uero, si Pontifex eas nobis plene per indulgentias applicet. Si aliter sentis, aberras à fide, nec Indulgentiarum thesaurum intelligis.

59.

LVT. Thesauros Ecclesiae S. Laurentius dixit esse pauperes Ecclesiae, sed loquutus est usu vocabuli suo tempore.

SIL. Etiam nunc latenter mordet potius quàm docet, quasi temporibus nostris pauperes non sint Pontificis hominumque thesauri, Puto autem quod licet Romanus clerus à perfectione primæua declinarit, quod non inficior, tu tamen non sis talis, qui possis irreprehensibiliter reprehendere, & qui à primæua Patrum religiositate non declinaris, quod equidem uel hinc conijcio, quia nullus sapiens est (ut reor) qui te esse detractorem iniustum non astruxerit, quanquam etiam utinam sic Romæ essent bona cætera, sicut eleemosynæ piæ, quod ut reliqua taceam, etiam pauperum numerus sine numero indicio sit, maxime uero in pio Pontifice, qui nulli quantumuis extero aut ingrato uiro, scit petita denegare.

60.

LVT. Sine temeritate dicimus, clauēs Ecclesiae, merito Christi donatas, esse thesaurum istum.

61.

Clarum est enim, quod ad remissionem poenarum & casuum, sola sufficit potestas Papæ.

SIL. Si cuiusquam Sancti testimonium citaueris, tecum in hoc sentientis, temere te sic docuisse negabo, quod puto non facies, Et quidem fateor, ad id sufficere potestatem Pontificis maximi eo modo, quo potestas Regis ad arcem fabricandam, uidelicet mediante thesauro, qui non sit potestas, sed materia potestatis, Cū enim Ecclesia ex thesauro isto faciat indulgentias plenarias, si thesaurus iste sit clauēs Ecclesiae, aut clauēs admotæ peccatoribus, operabuntur cum electione. Sic, quod in sacramentali poenitentia non operabuntur, quantum possunt absoluendo ab omni poena, sicut ab omni culpa, aut semper poenam totaliter abolebunt, quorum utrumque falsum est. Primum quidem, quia nullus sacerdos sic absoluendo intendit, sed intendit peccatori benefacere, quantum potest. Secundo uero, quia Purgatorium tollit, unde

D. Angelicus.

Clauis ordinis
iurisdictionis.

Doctor Angelicus docet per clauem remitti partem poenæ, non totam. Iste ergo thesaurus materialiter est satisfactio Christi & Sanctorum, effectiue autem est clauis iurisdictionis, qua dispensatur, Igitur potestas Pontificis per clauem ordinis, omnem culpam, & per clauem iurisdictionis, cuius est indulgere omnem poenam, ex causa potest abolere.

62.

LVT. Verus thesaurus Ecclesiae est sacrosanctum Euangelium gloriæ & gratiæ Dei.

SIL. Verum quidem, Luthere, dicis, sed tamen equiuoce loqueris de thesauro, & hoc ipsum uerum quod dixisti, ad malum finem ordinas, ut uidetur, ut etiam statim patebit.

63.

LVT. Thesaurus Euangelij est merito odiosissimus, quia ex primis facit nouissimos.

64.

Thesaurus indulgentiarum merito est gratissimus, quia ex nouissimis facit primos.

65.

Igitur thesauri Euangelici retia sunt, quibus olim piscabantur viros diuitiarum.

66.

Thesauri Indulgentiarum retia sunt, quibus nunc piscantur diuitias uiro-
rum.

SIL. Si

SIL. Si mordere canum est proprium, uereor, ne tibi pater canis fuerit, qui ad hoc uideris natus, ut mordeas, uereor insuper, ne propter tuam dicacitatem & illationem tui oris in cœlum, aliquid tibi mali contingat, nec uideō, quomodo uenias excusandus ab anathemate ex capite multiplici, nec puto quod uir sis mentis cōpositæ, qui talia characteribus formanda tradideris.

LVT. Indulgentiæ, quas Concionatores vociferantur maximas gratias, intelliguntur vere tales, quo ad questum promouendum.

67.

SIL. Iam Pontifice deserto, Spiritus sancti muneribus detrahis, quasi ipse Indulgentiæ non animæ, sed bursæ perutiles sint, quod blasphemiam dixerim.

LVT. Sunt tamen reuera minimæ ad gratiam Dei, & crucis pietatem comparatæ.

68.

SIL. Hi, qui uenias gratias maximas astruunt, nulli comparantes, excusandi ueniunt per Hyperbolen, Tu uero, qui eas comparas gratiæ Christi, uide, quo nam pacto excusabere, dicens eas minimas, cū etiam sint gratiæ alię, & alia dona minora, puta ipsa dona fortunæ, nec reor poteris aliquam excusationem prætere, quæ ueniarum Declamatoribus æque non congruat, consequenter autem iniuste mordes.

LVT. Tenentur Episcopi & Curati, ueniarum Apostolicarum Commissarios cum omni reuerentia admittere. Sed magis tenentur omnibus oculis intendere, omnibus auribus aduertere, ne pro commissione Papæ sua illi somnia prædicent.

69.

70.

SIL. Si tibi talia dicenti animus inesset æquus & bonus, tacendum esset, Sed sicut diabolus in omni suo opere suam superbiam, ita tu quoque in omni pene tua Conclusionem tuam maleuolentiam redoles.

LVT. Contra ueniarum Apostolicarum veritatem qui loquitur, sit ille anathema & maledictus.

71.

SIL. Effigiem geris eius, qui consignare se putans, in lumen proprium impingit. Veritati enim ueniarum aut ignorantia, aut malicia multum detraxisti, ut liquet ex dictis.

LVT. Qui uero contra libidinem & licentiam verborum Concionatoris ueniarum curam agit, sit ille benedictus.

72.

SIL. Sit, inquam, benedictus, si charitate, si iusticia, si pietate mouetur, Qui uero contra licentiosum in dicendo, licentiosior est in scribendo, a Deo quidem bonus efficiatur, ab hominibus uero ad aliorum monumentum castigetur.

LVT. Sicut Papa iuste fulminat eos, qui in fraudem negocij indulgentiarum quacunque arte machinantur, Multo magis fulminare intendit eos, qui per ueniarum prætextum in fraudem sanctæ charitatis & veritatis machinantur.

73.

SIL. Dominus noster Papa tantæ uirtutis creditur, ut per suos ministros nil indecens fieri uelit, An uero in eos delinquentes intendat animaduertere per anathema, ut dicis, puto nescias.

LVT. Opinari uenias papales tantas esse, ut soluere possint hominem, etiam si quis per impossibile Dei genitricem violasset, est insanire.

74.

SIL. Astruc.

DIALOGVS

SIL. Astringere, q̄ habens plenitudinem potestatis a Papa ad uenias pos-
sit absoluerē a culpa in dicto casu per ordinis clauem, & a pœna per clauem
iurisdictionis, non est insanire, sed sane sentire, cum etiam idem posset in
Iudam, & in eos, qui aut uirginem, aut Christum interemissent, modo essent
uiatores, Videris autem loqui tragœdice.

75. LVT. Dicimus contra, q̄ ueniae Papales nec minimum peccato-
rum venialium tollere possunt, quo ad culpam.

SIL. Imo tibi tollere non possunt ueniale, etiam quo ad pœnam, quip-
pe quoniam secundum te sunt solum signa & non causa remissionis. Quod
uero per uenias culpa remittatur, Prædicatorem ueniarum docuisse credo
nullum, quippe cum etiam rudioribus liqueat, affecutionem ueniarum præ-
exigere culparum abolitionem, cum huius rei gratia etiam rustici sua crimi-
na fateantur.

76. LVT. Quod dicitur, Nec si S. Petrus modo Papa esset, maiores
gratias dare posset, est blasphemia in S. Petrum & Papam.

SIL. Et si S. Petrus credatur sanctior fuisse omni post futuro Pontifice,
& in gratijs personalibus copiosior, quantum tamen attinet ad clauem iu-
isdictionis & ordinis, erroneum est, ne hæreticum dicam, dicere Leonem
X. Petro primo minorem, & non posse de iure quæcunq̄ ille potuit.

77. LVT. Dicimus contra, q̄ etiam iste, & quilibet Papa, maiores
habet, scilicet Euangelium, virtutes, gratias curationum &c. vt i. Co-
rinth. 12.

SIL. Timeo, ne Dei iudicium super tuum caput portes, qui per Ironiam
ita irrisorie loqueris uniuerso orbi de tanto Pontifice. Vnam autem tibi
sint illæ uirtutes, quæ in Domino nostro prædicantur.

78. LVT. Dicere crucem armis papalibus insigniter erectam, cruci
Christi æquiuale, blasphemia est.

SIL. Tibi non credere quoniam iam cœpi, neque hoc puto ab aliquo
ueniarum Declamatore prædicatum ita nude, ut recitas, Quamquam quæli-
bet crux in qualibet materia æque representet imaginem Christi, & æque
adoranda sit, seclusa ratione cōctatus, de qua ad præsens breuitatis gratia
supersegeo.

79. LVT. Rationem reddent Episcopi, Curati & Theologi, qui tales
sermones in populum licere sinunt.

SIL. Videris, Luthere, uelle te per hæc iustificare, quasi recte feceris, de-
trahendo uenijs contra præceptum Domini nostri Papæ, & detrahendo ue-
niarum Concionatoribus, & Pontifici contra præceptū Dei, sed nequaquam
propterea, q̄ Thologus sis, uenis in prædictis excusandus, sed arguendus,
plectendus, & ad omnem hæresim abiurandam cogendus.

80. LVT. Facit hæc licentiosa ueniarum prædicatio, vt nec reueren-
tiam Papæ facile sit, etiam doctis uiris, redimere a calumnijs, aut cer-
te argutis quæstionibus Laicorum.

SIL. Pulchre

SIL. Pulchre sub colore excessuum eorum, qui declamant, iterum impingere uis Pontificem, quæstiones secularibus ascribens, Sed age, en reuerentia & amor ad Pontificem, docebit me soluere insolubilia tua, incipe:

LVT. Scilicet cur Papa non euacuat Purgatorium propter sanctissimam charitatem, & summam animarum necessitatem, ut causam omnium iustissimam, infinitas animas redimit propter pecuniam funestissimam, ad structuram Basilicæ, ut causam leuissimam.

82.

SIL. Deus, qui tanq̃ agens supremum, omnia uertit ac dirigit in finem postremum. Vnde & omnes homines uult saluos fieri, nulli uoluit gratiam, qua in finem illum dirigatur & saluetur, elargiri, nisi ex parte eius, qui gratiam erat accepturus, esset præparatio quædam, & meritum congruitatis, quem apparatus qui habere nequeunt, ut infantes, his uult suffragari per alios. Christus quoq̃ qui pro nobis infinitæ satisfactionis passionem tulit, non uult illam nobis suffragari, nisi nos per nostram satisfactionem insufficientem eius satisfactioni sufficienti & superabundanti iungamur. Cum ergo Deus post poenam animæ ex contritione & clauibus misericorditer obolitam, ex sua simul misericordia & iusticia talem animam addixerit tali poenæ exoluendæ, puta annorum centum, qua ratione debet Pontifex totam illam poenam, uel etiam partem relaxare, cum tanto præiudicio iusticiæ diuinæ, nisi ex parte talis animæ aliquod meritum affertur, puta eleemosyna, aut ieiunium, aut oratio a se, aut ab alio pro se oblatum? Inde est, q̃ clamant omnes Sancti, cum Theologi, tum Canonistæ, in ueniarum largitione causam aliquā oportere interuenire, quæ causa est, quicquid est in Dei gloriam, uel promotionem boni communis, & huiusmodi. Patuerit ergo cur Papa Purgatorium non euacuat, quia uidelicet non subest rationabilis causa relaxandi rigorem iusticiæ diuinæ in omnibus animabus Purgatorii. Quæ si subesset, utiq̃ posset illud euacuare, puta si daretur plena Indulgentia, etiam defunctis porrigentibus adiutrices manus ad expeditionem in Turcas, & quælibet anima purgatorii amicum haberet, sibi debite & complete suffragantem. Charitas autem Pontificis & necessitas animarum non est ratio efficax sic relaxandi iusticiam diuinam, quam Deus talis necessitatis conscius, & infinitæ charitatis ac misericordiæ uisceribus plenus, sanxit & inuiolabiliter seruat. Age nunc, Martine, & alia quæsitâ multiplica.

Sophiste & Canoniste Papæ Sancti.

LVT. Cur permanent exequiæ & anniuersaria defunctorum, & non reddit, aut recipi permittit beneficia pro illis instituta, cum iam sit iniuria pro redemptis orare.

83.

SIL. Duæ huius causæ sunt. Prima quidem, q̃ incertum sit, an is, qui porrigit manus adiutrices, ut animæ cuiuspiam plenam ueniam obtineat, secundum propriam facultatem porrexerit, Quod necesse est, potest enim aliquando porrigere nimium parce, quo casu anima non assequitur Indulgentiam plenam, sed secundum proportionem exhibiti ad id totum, quod fuerat exhibendum, ut docuit D. Thomas. Alia uero causa est, quia etsi suffragia non prosint iam redemptis, alijs tamen prosunt, & hoc ipsum morituri intendebant, qui sibi Anniuersaria perpetua ordinarunt, cum non sit uersimile, q̃ crederent se in Purgatorio perpetuo futuros, donec cœli cum terra mouendi forent.

LVT. Item;

DIALOGVS

84. **LVT.** Item, quæ noua illa pietas Dei & Papæ, q̃ impio & inimico propter pecuniam concedunt animam piam & amicam Dei redimere, & tamen propter necessitatem ipsiusmet piæ & dilectæ animæ non redimunt eam gratuita charitate.

SIL. Quæ est ista noua ignorantia tua (ut cum stomacho loquar) ut putes, q̃ Deus infinita charitate sua (iusticia sic exigente) animam conscius in tali necessitate constituerit, & deinde nulla facta mutatione ex parte Dei uel animæ debeat eam ex tali necessitate educere? Interueniat ergo causa aliqua necesse est, ut clamant Sancti uniuersi, si Dei iusticia aut relaxanda penitus, aut certe mitiganda est, quæ causa non ex parte Dei (inuariabilis enim est) sed ex parte animæ pensanda est.

85. **LVT.** Item, cur Canones poenitentiales reipsa, & non vsu iam diu in semet abrogati & mortui, adhuc tamen pecunijs redimuntur per concessionem Indulgentiarum, tanquam uiuacissimi.

SIL. Visis Conclusionibus tuis, Luthere, doctus mihi primo aspectu uisus es, dicta uera tua exactius perscrutanti, mihi uideris satis grossus, quippe, qui non uideas, q̃ licet Canones eiusmodi, quo ad id sint abrogati, q̃ secundum illos poenitentia non sunt necessario imponenda peccatoribus, cum hodie sint omnes arbitrariae, non tamen abrogati sunt, quantum ad hoc, ut reatus ad poenam iuxta eos taxandam non maneat, nisi forte alicubi diuina iusticie mensuram excedant, plus iusto imponentes, & quantum ad istum reatum poenæ uiuentem & ligantem redimuntur. Vnde tibi pro Regula obseruandum est, q̃ Ecclesia Romana sicut in dicto, ita & in facto suo non fallitur in fide, aut moribus, alioqui a uia salutis aberras.

86. **LVT.** Item, cur Papa, cuius opes hodie sunt opulentissimis Crassis crassiores, non de suis pecunijs magis, q̃ pauperum fidelium struit vnam Basilicam S. Petri tantummodo?

SIL. Vbi multæ diuitiæ, ibi (diuina Scriptura teste) multi sunt, qui comedunt illas, & forte S. Dominus noster pro suo gradu & maiestate est pauperior te, cui si census esset exiguus, forte non uacaret ista conscribere. Quid uero latenter reprehendis ex Laicorum persona Pontificem, qui pecunias excipiat a sponte offerentibus, qui pro hoc communi, & quidem celeberrimo bono, iuste tanquam summus in mundo gemina potestate Rex imperare eas & indicare posset?

87. **LVT.** Item, Quid remittit aut participat Papa n̄s, qui per contritionem perfectam ius habent plenariæ remissionis & participationis.

SIL. Si quis tanta contritione torquetur, ut omnium peccatorum suorum reatum aboleat, huic Papa nihil poenarum remittit, Sed si reris omnes contritos esse eiusmodi, eueris Purgatorium, & non modo hæreticus, uerum Heresiarcha es, quantum ego sentio, qui hætenus nullum relegerim ista nefanda docuisse.

88. **LVT.** Item, quid adderetur Ecclesiæ boni maioris, si Papa sicut semel facit, ita centies in die cuilibet fidelium has remissiones & participationes tribueret?

SIL. Duo

SIL. Duo bona adijcerentur, Vnum, quod necesse esset fideles toties repetere causam, gratia cuius dantur uenies, puta eleemosynam, aut orationem, Aliud, quia remitteretur omnis nouus poenarum reatus, si quis post ueniam incidisset.

LVT. Ex quo Papa salutem querit animarum per uenias magis, 89.
quam pecunias, cur suspendit uenias & literas iam olim concessas, cum sint æque efficaces?

SIL. Ideo facit, ut sicut olim Prædecessores sui uenias dederunt pro structuris minoris momenti, & quæ iam forte uel ex toto, uel ex parte expletæ sunt, Ita ipse pro ista structura largiatur omnium præclara, & in hanc fidelium pia uota colligantur.

LVT. Hæc scrupulosissima Laicorum argumenta, sola potestate compescere, nec reddita ratione diluere, est Ecclesiam & Papam hostibus ridendos exponere & infelices Christianos facere. 90.

SIL. Ecclesia Romana, quæ in Romano Pontifice uirtualiter inclusa est, temporalis & spiritualis potestatis summum in Papa apicem tenet, & se-
culari brachio (pro ut iura decernunt) potest eos, qui fide primo suscepta, de-
inde male sentiunt, compescere, nec tenetur Rationib. certare ad uincen-
dos proteruentes, Et si maxime ueritas in aperto est, ego tamen uolo tecum
rationib. agere, & experiri, quid scribendo possis, Hostes autem se irridentes
& corporales & spirituales, solet Ecclesia ad nihilum (deo iuuante) deducere. 91.

LVT. Si ergo uenias secundum spiritum & mentem Papæ prædicarentur, facile omnia illa soluerentur, imo non essent.

SIL. Si mens Pontificis esset illa, quam tu scripsisti, esset mens male docta, & longe a ueritate aberrans, ut patuit, & clarius patebit, cum iam non Conclusionibus, sed argotizationibus agemus.

LVT. Exhortandi sunt Christiani, ut caput suum Christum, per poenas, mortes, infernosque sequi studeant, ac sic magis per multas tribulationes intrare coelum, quam per securitatem pacis confidant. 92.

SIL. Exhortandi etiam sunt, ut caueant a doctrina tua tuicque similium, quæ nec sana, nec charitatiua est, sed detractoria & sugillatiua. Tribulationes uero in hac quidem uita à uiris perfectis eliguntur, quando sunt alicuius boni allatiuæ, in futuro autem secus, ut supra ex D. Thoma deductum est. Hæc ergo sunt, Luthere, quæ ad Conclusiones tuas respondenda occurrunt, posthabitis in fine quibusdam uanis, quæ loqueris. Eia, nunc age, aut improba mea, aut tua proba. Ego quoque impostertum
itidem faciam. Et ut latior tibi campus certaminis adsit, etiam ea, quæ in Sil-
uestrina scripsi, substituen-
nenda propono.

FINIS.

E

PRO

PROVERITATE IN- QVIRENDA ET ONERATIS CON-

scientijs consolandis, Hæc sub R.P. Martino Luthero Augusti-
niano disputabuntur, per uices circulares, pro nostro
more. M. D. XVIII.



Inter duas ecclesiasticas illas Remissiones pœnæ & culpæ, præcellit remissio culpæ.

Remissio culpæ quietat cor, & maximam om-
nium pœnarum, scilicet conscientiam peccati, tollit.

Remissio pœnæ, quandoque auget conscientiam
malam, quandoq; peiorem nutrit præsumptionem.

Remissio culpæ reconciliat hominem Deo, remissio pœnæ recon-
ciliat hominem homini, id est Ecclesiæ.

Remissa culpa & conscientia, nulla pœna est in pœna, sed gau-
dium in tribulationibus.

Sine remissione pœnæ potest homo saluus fieri. sed nequaquam
sine remissione culpæ.

Magis prodest ad salutem, si absolutus a culpa, omittat redemp-
tionem pœnarum.

Remissio culpæ non innititur contritioni peccatoris, nec officio
aut potestati sacerdotis.

Innititur potius fidei, id est, quæ est in uerbum Christi dicentis,
Quodcunque solueris &c.

Verum est enim, quod non Sacramentum fidei, sed fides sacra-
menti, id est, non quia fit, sed quia creditur, iustificat.

Non uoluit Christus in manu uel arbitrio hominis consistere sa-
lutem hominum:

Sed sicut scriptum est: Portans omnia uerbo uirtutis sue, &c: Fi-
de purificans corda eorum.

Vsq; ad infidelitatem errant, qui remissionem culpæ incertam
asserunt, propter incertitudinem contritionis.

Quantumlibet incertus sit, tam sacerdos, quam peccator de con-
tritione, rata est absolutio, si credit sese absolutum.

Certum est ergo, remissa esse peccata, si credis remissa. quia cer-
ta est Christi saluatoris promissio.

Absolutus per clauem, potius debet mori, & omnem creaturam
negare, quam de sua absolutione dubitare.

Dubitans absolutionem suam Deo gratam esse, dubitat simul
Christum fuisse ueracem dicendo, Quodcunque &c.

Super contritionem ædificantes remissionem, super arenam, id
est, super opus hominis, fidem Dei ædificant.

Iniuria

- Iniuria est sacramenti, & desperationis machina, non credere ab-
solutionem, donec certa sit contritio. 19.
- Imo sic uelle fiduciam conscientiae aedificare, super contritionem,
est Deum mendacem, se veracem constituere. 20.
- Tales non de misericordia & verbo Christi, sed de suis operibus
& uiribus, perditissime praesumunt. 21.
- Imo peruersissime volunt Verbum & fidem firmare ipsi, & non
potius firmari uerbo & fide. 22.
- Sacerdotes non sunt autores remissionis, sed ministratores ver-
bi, ad fidem remissionis. 23.
- Potestas clauium operatur uerbo & mandato Dei, firmum &
infallibile opus, nisi sis dolosus. 24.
- Euidencia contritionis signa satis habet sacerdos, si peccatorem
sentit petere & credere absolutionem. 25.
- Imo longe magis exquirendum est ab eo, An credat sese absol-
ui, q̄p an digne doleat. 26.
- Cauendum quoque sacerdoti, ne adeo exploret solam contritio-
nem, ut homo credat propter ipsam sese absoluendum. 27.
- Illud Christi potius est inculcandum ei: Confide fili, remittun-
tur tibi peccata tua, q̄p dignitas eius exquirenda. 28.
- Consequens est, q̄p uerbum illud Christi: Quorum remiseritis
peccata &c. non de poenis, sed culpa intelligitur. 29.
- Sicut sacerdos docet, baptizat, communicat vere, & tamen haec
solius sunt spiritus intus operantis. 30.
- Ita vere peccata remittit, & absoluit a culpa, Et tamen hoc solius
est Spiritus intus operantis. 31.
- In ijs omnibus, dum ministrat uerbum Christi, simul fidem exer-
cet, qua intus iustificatur peccator. 32.
- Nihil enim iustificat, nisi sola fides Christi, ad quam necessaria
est uerbi per sacerdotem ministratio. 33.
- Sine qua fide, contritio peccatorum est desperationis operatio,
& plus Deum offendens q̄p reconcilians. 34.
- Potest sacerdos abuti claue, & peccare, absoluendo quem non
debet, utpote restrictus. 35.
- Sed non ideo absolutio est nulla, nisi fides simul absoluti esset
nulla. 36.
- Sicut in Baptismo & Synaxi, etiam restricta clauis & prohibita,
vere baptizat & communicat. 37.
- Ita in poenitentia, quantumlibet prohibita, vere absoluit, modo
absit dolus absoluti. 38.
- Sacerdos etiam leuis ac ludens, seu scienter contra restrictionem
agens, vere tamen baptizat & absoluit. 39.

DISPUTATIONES

40. Finge casum per impossibile, sit absolendus non contritus, credens tamen sese absolui, hic est uere absolutus.
41. Nec potest hic obstare vlla reseruatio casuum aut restrictio, si tamen fuerit & manserit ignorata.
42. Sacramenta nouæ legis, non sic sunt efficacia gratiæ signa, quod satis sit in percipiendis non ponere obicem.
43. Quisquis sine fide ad quodcunque accedit, fecte, ac per hoc in iudicium suum accedit.
44. Sacramenta veteris legis & nouæ sic differunt, q̃ illa erant carnis, ista vero sunt spiritus iustificationes.
45. In nouis adest, in ueteribus defuit verbum promittens, ideoq; & fides recipientis remissionem.
46. Sicut venialia peccata non pertinent ad confessionem & absolutionem clauium, ita nec omnia mortalia.
47. Si homo teneretur omnia mortalia confiteri, & ab eis absolui, teneretur ad simpliciter impossibile.
48. Nullus hominum nouit, quoties peccet mortaliter, etiam in bonis operibus, propter vanam gloriam.
49. Ea tantum debet confiteri, quæ vel sibi vel alijs certa sunt esse mortalia, id est, crimina.
50. De reliquis desperando, seipsum cum fiducia in abyssum misericordiæ Dei fideliter promittentis, proicere.

Summa summarum.

Iustus non ex operibus, necq; ex lege, sed ex fide uiuet, Ro. 1.

DISPUTATIO D. MARTINI LUTHERI DE Circumcisione.

1.



Circumcisionem valuisse in remissionem peccati originalis, propter institutionem Dei, & fidem Abrahamæ in Christum, libenter concedimus.

2.

Circumcisio sine fide, vel propria vel aliena, adeo non profuit, ut nec Abrahamæ principi eius sine fide profuisset.

3.

Rectius, per fidem Circumcisio, sicut & omnia, profuisse dicitur, Non autem fides per Circumcisionem, aut vllum aliud opus.

4.

Consentaneum est, feminas in Lege, sine Circumcisione, per fidem Abrahamæ circumcisi, fuisse iustificatas.

5.

Et paruulos eiusdem pacti fide aliena, non autem propria circumcissione fuisse iustificatos.

Non

Non ergo Circumcisio aliquid valuit, sed communicatio fidei
Abrahæ in Christum sibi promissum iustificauit.

Circumcisio fuit signum seu monitorium, quod accipiens, ad fi-
dem Abrahæ in Christum futurum, Spiritu sancto exercebatur.

Idem signum erat, ante Legem Patribus, siue in oblationibus, si-
ue orationibus.

Non ergo virtute Sacrificiorum, vt Magister ait, quam intelligen-
bant spiritualiter, sunt iustificati, nisi intelligentiam istam dicās fuisse
fidem Christi futuri.

F. MARTINVS LV- THERVS S. THEOLOGIAE MAGI-

ster præsidebit, F. Leonardus Beier artium & Philosophiæ Ma-
gister respondebit, apud Augustinianos huius inclytæ ciuitatis
Heidelbergensis, loco solito, VI. Cal. Maij,

M. D. XVIII.

EX THEOLOGIA.



Diffidentes nobis ipsis prorsus, iuxta illud spiritus cō-
siliū: Ne innitaris prudentiæ tuæ, humiliter offeris-
mus omnium, qui adesse voluerint, iudicio, hæc the-
ologica Paradoxa, vt vel sic appareat, bene an male
elicitæ sint, ex diuo Paulo, vase & organo Christi ele-
ctissimo, deinde & ex S. Augustino interprete eius-

dem fidelissimo.

LEX Dei saluberrima vitæ doctrina, non potest hominem ad ius-
ticiam promouere, sed magis obest.

Multo minus opera hominum, naturalis dictaminis auxilio, fre-
quenter, vt dicitur, iterata possunt promouere.

Opera hominum, vt semper sint speciosa bonæq; uideantur, pro-
babile tamen est ea esse peccata mortalia.

Opera Dei, vt semper sint deformia, malaque uideantur, uere
tamen sunt merita immortalia.

Non sic sunt opera hominum mortalia, de bonis, vt apparent, lo-
quimur, vt eadem sint crimina.

Non sic sunt opera Dei merita, de ijs, quæ per hominem fiunt, lo-
quimur, vt eadem non sint peccata.

Iustorum opera essent mortalia, nisi pio Dei timore, ab ipsismet
iustis, vt mortalia, timerentur.

Multo magis hominum opera sunt mortalia, cum & sine timore
fiant, in mera & mala securitate.

DISPUTATIONES

9. Dicere, q^d opera sine Christo, sint quidem mortua, sed non mortalia, uidetur periculosa timoris Dei remissio.
 10. Imo difficillimum est intelligere, quo nam modo sit opus mortuum, nec tamen noxium mortaleue peccatum.
 11. Non potest uitari præsumptio, nec adesse vera spes, nisi in omni opere timeatur iudicium damnationis.
 12. Tunc vere sunt peccata apud Deum venialia, quando timentur ab hominibus esse mortalia.
 13. Liberum arbitrium post peccatum, res est de solo titulo, & dum facit quod in se est, peccat mortaliter.
 14. Liberum arbitrium post peccatum, potest in bonum, potentia subiectiua, in malum vero actiua semper.
 15. Nec in statu innocentiae potuit stare actiua, sed subiectiua potentia, nedum in bonum proficere.
 16. Homo putans se ad gratiam velle peruenire, faciendo, quod est in se, peccatum addit peccato, ut duplo reus fiat.
 17. Nec sic dicere, est desperandi causam dare, sed humiliandi, & querendae gratiae Christi studium excitare.
 18. Certum est, hominem de se penitus oportere desperare, vt aptus fiat ad consequendam gratiam Christi.
 19. Non ille digne Theologus dicitur, qui inuisibilia Dei, per ea, quae facta sunt intellecta, conspicit. -
 20. Sed qui visibilia & posteriora Dei, per passionem & crucem conspecta intelligit.
 21. Theologus gloriae dicit malum bonum, & bonum malum, Theologus crucis, dicit id quod res est.
 22. Sapientia illa, quae inuisibilia Dei ex operibus intellecta conspicit, omnino inflat, excecatur, & indurat.
 23. Et lex iram Dei operatur, occidit, maledicit, reum facit, iudicat, damnat, quicquid non est in Christo.
 24. Non tamen sapientia illa mala, nec lex fugienda, Sed homo sine Theologia crucis, optimis pessime abutitur.
 25. Non ille iustus est, qui multum operatur, Sed qui sine opere multum credit in Christum.
 26. Lex dicit, Fac hoc, & nunquam fit. Gratia dicit, Crede in hunc, & iam facta sunt omnia.
 27. Recte opus Christi diceretur, operans, & nostrum operatum, ac sic operatum placere Deo, gratia operis operantis.
 28. Amor Dei non inuenit, sed creat suum diligibile, Amor hominis fit a suo diligibili.
- EX PHILOSOPHIA.
29. Qui sine periculo volet in Aristotele philosophari, necesse est, vt ante bene stultificetur in Christo. Sicut

Sicut libidinis malo non vtitur bene, nisi coniugatus, Ita nemo philosophatur bene, nisi stultus, id est, Christianus. 30.

Facile fuit Aristoteli, mundum aeternum opinari, quando anima humana mortalis est eius sententia. 31.

Postquam receptum est, tot esse formas substantiales, quot composita, necessario & tot esse materias, fuerat recipiendum. 32.

Ex nulla re mundi, aliquid fit necessario, Ex materia tamen necessario fit, quicquid fit naturaliter. 33.

Si Aristoteles absolutam cognouisset potentiam Dei, adhuc impossibile asseruisset, materiam stare nudam. 34.

Infinitem actu nullum est, potentia tamen & materia tot sunt, quot in rebus composita, iuxta Aristotelem. 35.

Aristoteles male reprehendit ac ridet Platoniarum idearum meliorem suam Philosophiam. 36.

Imitatio numerorum in rebus ingeniose asseritur a Pythagora, sed ingeniosius participatio idearum a Platone, 37.

Disputatio Aristotelis aduersus vnum illud Parmenidis, verberat, Christiano venia sit, aera pugnans. 38.

Si Anaxagoras, infinitum forma posuit, ut videtur, optimus Philosophorum fuit inuito etiam Aristotele. 39.

Apud Aristotelem videntur idem esse priuatio, materia, forma, mobile, immobile, actus, potentia &c. 40.

PROBATIONES CONCLUSIONVM: QVAE IN CAPITV

lo Heidelbergensi disputatae sunt, Anno salutis nostrae,

M. D. XVIII. VI. Calendas Maij.

CONCLUSIO I.



EX Dei saluberrima vitae doctrina, non potest hominem ad iusticiam promouere, sed magis obest.

Pateat per Apostolum ad Romanos 3. Sine Lege iusticia Dei manifestata est. Quod B. Augustinus libro de spiritu & litera exponit: Sine Lege, scilicet adiuvante. Et Roma. 5. Lex subintravit, ut peccatum abundaret. Et 7. Cum uenisset mandatum, reuixit peccatum, Vnde

de capite 8. appellat Legem, legem mortis, & legem peccati. Imo 2. Corint. 3. Litera occidit. Quod B. Augustinus per totum Librum de spiritu & litera intelligit, de qualibet etiam sanctissima lege Dei.

II.

Multo minus opera hominum, naturalis dictaminis auxilio frequenter (ut dicitur) iterata, possunt promouere.

E iij

Quia

Roma. 3.

Roma. 5.

7.

Roma. 8.

2. Cor. 3.

PROBATIONES CONCLV.

Quia cum lex Dei sancta & immaculata, vera, iusta &c. homini sit in auxilium à Deo data, ultra vires suas naturales, ut illuminet ac moneat ad bonum, & tamen contrarium fit, ut magis fiat malus, Quomodo suis relictus uiribus, sine tali auxilio, ad bonum potest promoueri? Minus facit ex suo proprio, qui non facit bonum alterius auxilio. Vnde Apostolus ad Rom. 3. Omnes homines corruptos & inutiles, nec Deum intelligentes, nec requirentes, sed omnes dicit declinantes.

III.

Opera hominum, ut semper speciosa sint, bonaque videantur, probabile tamen est, ea esse peccata mortalia.

Opera hominum videntur speciosa, sed intus sunt foeda, ut Christus de Phariseis Matth. 23. dicit. Videntur enim sibi & alijs bona & pulchra, Sed Deus est, qui non iudicat secundum faciem, sed scrutatur renes & corda. At sine gratia & fide impossibile est mundum haberi cor. Acto. 15. Fide purificans corda eorum.

Probatur itaque Conclusio, Si opera hominum iustorum sunt peccata, ut Conclusio vij. dicit, multo magis hominum nondum iustorum. At iusti pro suis operibus dicunt: Non intres in iudicium cum seruo tuo Domine, quia non iustificabitur in conspectu tuo omnis uiuens. Item Apostolus Galat. 3. Qui sunt ex operibus Legis, sub maledicto sunt. Sed opera hominum sunt opera Legis, Et maledictio non uenialibus attribuitur peccatis, ergo mortalia sunt. Tertio Rom. 2. Qui doces non furandum, furaris. Quod B. Augustinus exponit, scilicet rea uoluntate sunt fures, etsi foris iudicent, ac doceant alios fures.

IIII.

Opera Dei, ut semper sint deformia, malaque videantur, vere tamen sunt merita immortalia.

Opera Dei esse deformia, patet per illud Esa. 53. Non est ei species neque decor. Et 1. Reg. 2. Dominus mortificat & uiuificat, deducit ad inferos & reducit. Hoc sic intelligitur, quod Dominus humiliat & perterrefacit nos Lege & conspectu peccatorum nostrorum, ut tam coram hominibus, quam coram nobis uideamur esse nihil, stulti, mali, imo uere tales sumus. Quod cum agnoscimus atque confitemur, nulla in nobis est species neque decor, sed uiuimus in abscondito Dei (id est, in nuda fiducia misericordiae eius) in nobis habentes responsum peccati, stulticiae, mortis & inferni, iuxta illud Apostoli, 2. Corinth. 6. Quasi tristes, semper autem gaudentes, quasi mortui, & ecce uiuimus. Et hoc est, quod Esaïas cap. 28. uocat, opus alienum Dei, ut operetur opus suum (id est, nos humiliat in nobis, desperantes faciens, ut exaltet in sua misericordia, sperantes faciens) Sicut Hab. 3. Cum iratus fueris, misericordiae recordaberis. Talis ergo homo sibi displicet in omnibus operibus suis, nullum decorem, sed solam suam deformitatem uidet. Imo iam foris facit, quae alijs stulta & deformia videntur.

Fit autem deformitas illa in nobis, uel à Deo flagellante, uel à nobis ipsis accusando, iuxta illud. 1. Corinth. 11. Si nos ipsos iudicaremus, non utique iudicaremur a Domino. Hoc est, quod Deut. 32. Iudicabit Dominus populum suum, & in seruis suis deprecabitur. Sic itaque opera deformia, quae Deus in nobis operatur (id est, humilia & timorata sunt uere immortalia) quia humilitas & timor Dei est totum meritum.

v. Non

V.

Non sic sunt opera hominum mortalia (de bonis, vt apparent, loquimur) vt eadem sint crimina.

Crimina enim sunt, quæ accusari possunt, etiam coram hominibus *Crimina.*
 bus, ut adulteria, furta, homicidia, obloquutiones &c. Sed mortalia sunt, *Mortalia.*
 quæ apparent bona, & tamen intus sunt malæ radicis & malæ arboris fructus. Augustinus libro 4. contra Iulianum.

VI.

Non sic sunt opera Dei merita (de his, quæ per hominem fiunt, loquimur) vt eadem non sint peccata.

Eccle. 7. **E**cce. 7. Non est iustus in terra, qui faciat bene, & non peccet. Hic autem ab alijs dicitur, q̄ iustus quidem peccet, sed non quando benefacit. Quibus respondetur: Si id uellet hæc Autoritas, quid superfluit uerbis? An Spiritus sanctus delectatur multiloquio & nugatione? Nam iste sensus fuisset abunde sic expressus: Non est iustus in terra, qui non peccet, ut quid addit, qui benefacit? Quasi alius sit iustus, qui faciat male. Non enim nisi iustus facit bene. At ubi de peccatis extra benefacta loquitur, sic dicit: Septies in die cadit iustus. Hic non dicit: Septies in die cadit iustus, quando benefacit. Est enim simile, sicut si quis cum securi corrosa & dentata secet, licet operator sit bonus faber, tamen securis facit malas & difficiles ac deformes incisiones, Sic Deus per nos operans.

VII.

Iustorum opera essent mortalia, nisi pio Dei timore ab ipsis met iustis, vt mortalia, timerentur.

Patet ex iij. Conclusionē, Quia confidere in opus, de quo debuit *4. Concl.*
 timere, est sibi gloriam dare, & Deo auferre, cui timor debetur in omni opere. Hæc autem tota est peruersitas, scilicet, sibi placere, fruiq̄ seipso, in operibus suis, seq̄ idolum adorare. Taliter autem omnino facit, qui securus & sine timore Dei est, Si enim timeret, non esset securus, ideoq̄ nec sibi placeret, sed in Deo sibi placeret.

Psal. 143. Secundo, Ex illo Psalmi dicto: Non intres in iudicium cum seruo tuo.

Psal. 32. Et *Psal. 32.* Dixi, confitebor aduersum me iniusticiam meam Domino &c. Quod autem hæc non sint uenialia, patet, quia illi dicunt, pro uenialibus nō necessariam confessionem & pœnitentiam. Si ergo sunt mortalia, & omnes Sancti pro eis orant, ut ibidem dicit, Ergo Sanctorum opera sunt peccata mortalia, Sed Sanctorum opera sunt bona opera, quare non nisi per timorem humilis confessionis sunt eis meritoria.

Tertio, Ex oratione Dominica: Dimitte nobis debita nostra. Hæc est oratio Sanctorum, ergo debita illa sunt bona opera, pro quibus orant. At q̄ illa sint mortalia, patet ex sequentibus: Si non remiseritis peccata hominibus, nec pater uester cœlestis remittet uobis peccata uestra. Ecce talia sunt, quæ damnarent non remissa, nisi orarent uere hanc orationem, & remitterent alijs. *Oratio Sanctorum.*

Apoc. 21. Quarto, *Apoc. 21.* Nihil inquinatum intrabit in regnum cœlorum, Sed omne impediens introitum regni est mortale (aut aliter definiendū est mortale) Peccatum autem ueniale impedit, quia inquinat animam, & non stat in regno cœlorum, ergo &c.

vij. Multo

PROBATIONES CONCLV.

VIII.

Multo magis hominum opera sunt mortalia, cum & sine timore fiant, in mera & mala securitate.

PAtet necessaria consequentia ex præcedente, Nam ubi non est timor, ibi nulla humilitas, ubi nulla humilitas, ibi superbia, ibi ira & iudicium Dei, Deus enim superbis resistit, Imo cesset superbia, & nullum peccatum uspiam erit. 1. Pet. 5.

IX.

Dicere, quod opera extra Christum sint quidem mortua, sed non mortalia, videtur periculosa timoris Dei remissio.

QUia sic homines fiunt securi, ac per hoc superbi, quod est periculosum. Quia sic Deo assidue aufertur & differtur sibi debita gloria, cum omni studio sit eo festinandum, ut quantocius ei sua reddatur gloria. Ideo consulit Scriptura: Ne tardes conuerti ad Dominum. Si enim offendit, qui subtrahit gloriam, quanto magis offendit, qui subtractam continuat, & in hoc ipso securus agit. At qui non est in Christo, aut recedit ab eo, subtrahit ei gloriam, ut notum est.

X.

Imo difficilimum est intelligere, quo nam modo sit opus mortuum, nec tamen noxium mortaleue peccatum.

Mortale.
Mortuum.

PRobo, Quia Scriptura non habet istum de mortuis loquendi modum, quod aliquid sit non mortale, quod tamen sit mortuum, Imo nec Grammatica, quæ mortuum plus esse dicit, quæ mortale. Mortale enim opus, quod occidit, ipsi dicunt, Mortuum, uero non occisum, sed non uiuum. At non uiuum Deo displicet, ut Proverb. 15. scribitur: Victimæ impiorum abominabiles. Prover. 15.

Secundo, Oportet omnino circa talem actum mortuum uoluntatem aliquid agere, scilicet uel amando uel odiendo eum, Odisse non potest, cum sit mala. Amat ergo, ergo amat mortuum. Ac sic in eo ipso elicit malum actum uoluntatis, contra Deum, quem amare debuit, & glorificare in eo, & in omni opere.

XI.

Non potest vitari præsumptio, nec adesse uera spes, nisi in omni opere timeatur iudicium damnationis.

4. Conclu.

PAtet supra ex iiii. Conclusionem, Quia impossibile est in Deum sperare, nisi de omnibus creaturis desperetur, sciatque sibi nihil prodesse citra Deum posse. At cum nullus sit, qui hanc puram spem habeat, ut supra diximus, ac sic nonnihil in creaturam confidamus, patet, quod propter immundiciam in omnibus timendum est Dei iudicium. Et sic præsumptio uitetur, non re, sed affectu, id est, quod displicet nobis adhuc esse in fiducia creaturæ.

XII.

Tunc uere sunt peccata apud Deum venialia, quando timeantur ab hominibus esse mortalia.

PAtet satis ex dictis, quia quantum nos accusamus, tantum Deus excusat, Iuxta illud: Dic iniquitates tuas, ut iustificeris. Et illud: Ut non declinet cor meum in uerba malicie, ad excusandas excusationes in peccatis. Liberum

XIII.

Liberum arbitrium post peccatum, res est de solo titulo, & dum facit, quod in se est, peccat mortaliter.

Prima pars patet, quia est captivum & servum peccato, non quod sit nihil, sed quod non sit liberum, nisi ad malum. Iohan. 8. Qui facit peccatum, servus est peccati. Si Filius vos liberauerit, vere liberi estis. Inde B. August. Libro de spiritu & littera dicit: Liberum arbitrium sine gratia non nisi ad peccandum valet. Et libro 1. contra Iulianum: Liberum vos vocatis, imo servum arbitrium &c. Et innumeris alijs locis.

Liberum arbitrium sine gratia

Secunda pars patet ex supradictis. Et illo Hosc. 13. Perditio tua ex te Israel, ex me tantummodo auxilium tuum &c.

XIII.

Liberum arbitrium post peccatum potest in bonum potentia subiectiva, in malum vero semper activa.

Quia sicut homo mortuus potest in vitam solum subiective, in mortem vero etiam active, dum vivit. Liberum autem arbitrium est mortuum, significatum per mortuos illos, quos Dominus suscitavit, ut dicunt Doctores sancti. Probat insuper B. Augustinus in diversis locis contra Pelagianos eandem Conclusionem.

XV.

Nec in statu innocentiae potuit stare activa, sed subiectiva potentia, nedum in bonum proficere.

Magister Sententiarum, lib. 2. dist. 24. cap. 1. allegans Augustinum, in fine sic dicit: His testimonijs evidenter monstratur, quod homo rectitudinem & bonam voluntatem in creatione accepit, atque auxilium, quo stare poterat, alioqui non sua culpa videretur cecidisse. Loquitur de potentia activa, quod aperte est contra Augustinum in Libro de cor. & gra. ubi sic dicit: Acceperat posse, si uellet, sed non habuit uelle, quo posset. Per posse intelligens potentiam subiectivam, & per uelle quo posset, potentiam activam.

Secunda autem pars satis patet ex Magistro in eadem distinctione.

XVI.

Homo putans se ad gratiam velle pervenire, faciendo quod in se est, peccatum addit peccato, ut duplo reus fiat.

Quia ex dictis patet, dum facit quod est in se, peccat, & sua querit omnino. At si per peccatum putet se dignum fieri gratia, aut aptum ad gratiam, iam superbam addit presumptionem, & peccatum non peccatum, & malum non malum credit, quod est nimis grande peccatum. Sic Isai. 2. Peccatum duplex peccavit populus meus, me dereliquerunt fontem vivum, & foderunt sibi cisternas dissipatas, quae non valent aquas continere, id est, per peccatum sunt longe a me, & tamen praesumunt bonum facere ex se.

Dicit

DIALOGVS

Dicis ergo : Quid igitur faciemus ? Vacabimus ocio , quia nihil nisi peccatum facimus ? Respondeo : Non, Sed his auditis, procide, & ora gratiam, spemq; tuam in Christum transfer, in quo est salus, uita & resurrectio nostra. Quia ideo hæc docemur, ideo Lex notum facit peccatum, ut cognito peccato, gratia queratur & impetretur. Sic sic humilibus dat gratiam, & qui humiliatur, exaltatur. Lex humiliat, gratia exaltat. Lex timorem & iram, gratia spem & misericordiam operatur. Per Legem enim cognitio peccati, per cognitionem autem peccati humilitas, per humilitatem gratia acquiritur. Sic opus alienum Dei inducit tandem opus eius proprium, dum facit peccatorem, ut iustum faciat.

Est uero humilitas, quæ de se omnino desperat, & tota fiducia recurrit in Christum. Hæc est fides, quæ saluat. Hæc omne meritum ambit præceditq; . Ea fides est humilitas sensui cedens proprio & uiribus.

XVII.

Nec sic dicere, est desperandi causam dare, sed humiliandi & querendæ gratiæ Christi studium excitare.

Paret ex dictis, quia cum secundum Euangelium paruulis & humilibus datum sit regnum cælorum, & Christus eos amet. Humiles autem esse non possunt, qui non intelligunt se peccatores damnabiles & foetidos. Peccatum autem non agnoscitur, nisi per Legem, Paret q non desperatio, sed spes potius prædicatur, quando nos esse peccatores prædicatur. Illa enim prædicatio peccati, est præparatio ad gratiam, seu potius agnitio peccati, & fides talis prædicationis. Tunc enim surgit desiderium gratiæ, quando orta est peccati cognitio, Tunc æger querit medicinam, quando intelligit malum sui morbi. Sicut itaque non est causam desperationis uel mortis dare, quando ægroto dicitur periculum sui morbi, sed potius est eum prouocare ad curam medicinæ querendæ. Ita dicere, q nihil sumus, & semper peccamus, quando facimus quod in nobis est, non est desperatio (nisi sint stulti) sed sollicitos ad gratiam Domini nostri Ihesu Christi facere.

Vide Augustinum de litera & spiritu.

XVIII.

Certum est, hominem de se penitus oportere desperare, ut aptus fiat ad consequendam gratiam Christi.

ID enim Lex vult, ut homo de se desperet, dum eum deducit ad Inferos, & pauperem facit, & peccatorem ostendit, in omnibus suis operibus, ut Roma. 2. & 3. facit Apostolus, dicens: Causati sumus omnes esse sub peccato. Qui autem facit quod in se est, & credit se aliquid boni facere, non omnino sibi nihil uidetur, nec de suis uiribus desperat, imo tantum præsumit, q ad gratiam suis uiribus nititur.

Rom. 2.

XIX.

Non ille digne Theologus dicitur, qui inuisibilia Dei per ea, quæ facta sunt, intellecta conspicit.

Rom. 2.

Paret per eos, qui tales fuerunt, Et tamen ab Apostolo Roma. 1. stulti uocantur. Porro inuisibilia Dei sunt, uirtus, diuinitas, sapientia, iusticia, bonitas &c. hæc omnia cognita non faciunt dignū, nec sapientem.

XX.

Sed qui uisibilia & posteriora Dei, per passionem & crucem conspecta intelligit.

Posteriora

- P**osteriora & visibilia Dei sunt opposita inuisibilibus, id est, huiusmodi *Posteriora & visibilia Dei.*
1. Cor. 1. manitas, infirmitas, stulticia. Sicut 1. Corinth. 1. uocat infirmum & stultum Dei, Quia enim homines cognitione Dei ex operibus abusi sunt, uoluit rursus Deus ex passionibus cognosci & reprobare illam sapientiam inuisibilibus, per sapientiam uisibilibus, ut sic, qui Deum non coluerunt manifestum ex operibus, colerent absconditum in passionibus. Sicut ait 1. Corin. 1. Quia in Dei sapientia non cognouit mundus Deum per sapientiam, placuit Deo per stulticiam praedicationis saluos facere credentes. Ita, ut nulli iam satis sit ac profit, qui cognoscit Deum in gloria & maiestate, nisi cognoscat eundem in humilitate & ignominia crucis. Sic perdit sapientiam sapientum &c. sicut Esaias dicit: Vere absconditus tu es Deus.
1. Cor. 1. Sic Iohan. 14. Cum Philippus iuxta Theologiam gloriae diceret: Ostende nobis Patrem, Mox Christus retraxit & in seipsum reduxit eius uolubilem cogitatum quaerendi Deum alibi, dicens: Philippe, qui uidet me, uidet & Patrem meum, Ergo in Christo crucifixo est uera Theologia & cognitio Dei. Et Ioh. 10. Nemo uenit ad Patrem, nisi per me. Ego sum ostium &c.

XXI.

Theologus gloriae dicit, Malum bonum, & bonum malum,
 Theologus crucis dicit, id quod res est.

- P**atet, quia dum ignorat Christum, ignorat Deum absconditum in passionibus, Ideo praefert opera passionibus, & gloriam cruci, potentiam infirmitati, sapientiam stulticiae, & uniuersaliter bonum malo. Tales sunt, quos Apostolus uocat Inimicos crucis Christi. Vtique quia odiunt crucem & passionem, Amant uero opera & gloriam illorum, Ac sic bonum crucis dicunt malum, & malum operis dicunt bonum. At Deum non inueniri, nisi in passionibus & cruce, iam dictum est. Ideo amici crucis dicunt crucem esse bonam, & opera mala, quia per crucem destruuntur opera, & crucifigitur Adam, qui per opera potius aedificatur. Impossibile est enim, ut non infletur operibus suis bonis, qui non prius exinanitus & destructus est passionibus & malis, donec sciat seipsum esse nihil, & opera non sua, sed Dei esse.

XXII.

Sapientia illa, quae inuisibilia Dei, operibus intellecta conspicit, omnino inflat, excæcat & indurat.

- I**d iam dictum est, Quia ex quo crucem ignorant atque odiunt, necessario contraria diligunt, scilicet, sapientiam, gloriam & potentiam &c. Ideo tali amore magis excæcantur & indurantur. Impossibile est enim, quod cupiditas satietur his, quae cupit, acquisitis. Sicut enim crescit amor numi, quantum ipsa pecunia crescit. Sic Hydropisis animae, quo plus bibit, plus sitit, ut Poeta: Quo plus potantur, plus sitiuntur aquae. Sic Eccle. 1. cap. Non saturatur oculus uisu, nec auditu auris. Sic de omnibus cupiditatibus.

- Quare & curiositas sciendi non saturatur acquisita sapientia, sed magis accenditur. Sic cupiditas gloriae non saturatur acquisita gloria, Nec cupido dominandi saturatur potestate & imperio, Nec cupido laudis saturatur laude &c. ut Iohan. 7. Christus significat dicens: Qui bibit ex aqua hac, sitiet iterum.

F Restat

PROBATIONES CONCLV.

Restat ergo remedium, ut non explendo curetur, sed extinguendo, id est, ut qui uult fieri sapiens, non quærat sapientiam procedendo, sed fiat stultus querendo stulticiam retrocedendo. Sic qui uult fieri potens, gloriosus, uoluptuosus, satur omnium rerum, fugiat potius, q̃ quærat potentiam, gloriam, uoluptatem, omniumq̃ rerum saturitatem. Hæc sapientia illa est, quæ mundo est stulticia.

XXIII.

Et Lex iram Dei operatur, occidit, maledicit, reum facit, iudicat, damnat, quicquid non est in Christo.

Galat. 3.
Roma. 4.
Rom. 7.
Roma. 2.
Roma. 2.

SIC ad Galatas 3. Christus liberauit nos de maledicto Legis. Et ibidem: Qui sunt ex operibus Legis, sub maledicto sunt. Et Roma. 4. Lex iram operatur: Et Rom. 7. Quod erat ad uitam, inuentum est mihi esse ad mortem. Roma. 2. Qui in Lege peccauerunt, per Legem iudicabuntur. Igitur qui gloriatur in Lege, tanquam sapiens & doctus, gloriatur in confusione sua, in maledicto suo, in ira Dei, in morte, ut illi Roma. 2. Quid gloriaris in Lege?

XXIII.

Non tamen sapientia illa mala, nec Lex fugienda, sed homo sine Theologia crucis, optimis pessime abutitur.

Gene. 1.

Quia Lex sancta, & omne donum Dei bonum, omnis creatura bona ualde Gene. 1. Sed sicut supra dictum est, qui nondum est destructus, ad nihilum reductus per crucem & passionem, sibi tribuit opera & sapientiam, non autem Deo, & sic abutitur donis Dei, eaq̃ polluit.

Iohan. 3.

Qui uero est per passiones exinanitus, iam non operatur, sed Deum in se operari & omnia agere nouit. Ideo siue operetur, siue non, idem sibi est, nec gloriatur si operetur, nec confunditur, si non operetur Deus in eo, sibi scit satis esse, si patitur & destruitur per crucem, ut magis annihiletur, Sed hoc est, quod Christus ait Iohan. 3. Oportet uos renasci denuo, Si renasci, ergo prius mori, & exaltari cum filio hominis, Mori inquam, id est, mortem presentem sentire.

XXV.

Non ille iustus est, qui multum operatur, sed qui sine opere inultum credit in Christum.

Roma. 1.
Roma. 10.
Roma. 3.
Roma. 14.

Quia iusticia Dei non acquiritur ex actibus frequenter iteratis, ut Aristoteles docuit, sed infunditur per fidem. Iustus enim ex fide uiuit Roma. 1. & 10. Corde creditur ad iusticiam. Vnde illud (sine opere) sic uolo intelligi, Non quod iustus nihil operetur, sed q̃ opera eius non faciunt eius iusticiam, sed potius iusticia eius facit opera. Sine enim opere nostro gratia & fides infunditur, qua infusa iam sequuntur opera. Sic Ro. 3. dicitur: Ex operibus Legis non iustificabitur omnis homo. Et iterum, Arbitramur iustificari hominem per fidem, sine operibus Legis, id est, ad iustificationem nihil faciunt opera. Deinde, quia opera, quæ ex tali fide facit, non sua, sed Dei esse nouit. Ideo non se per illa iustificari aut glorificari querit, sed Deum querit, si sibi sufficit iusticia ex fide Christi, id est, ut Christus sit eius sapientia, iusticia &c. ut 1. Cor. 1. dicitur, ipse uero sit Christi operatio seu instrumentum.

XXVI. Lex

XXVI.

Lex dicit: Fac hoc, & nunquam fit, Gratia dicit: Crede in hunc, & iam facta sunt omnia.

Primum patet per Apostolum, & interpretem eius B. Augustinum, in multis locis, Et supra satis dictum est, q Lex potius iram operatur, & sub maledicto tenet omnes. Secundum patet per eosdem, quia fides iustificat. Et Lex (ait B. Augustinus) imperat, quod fides impetrat. Sic enim per fidem Christus in nobis, imo unum cum nobis est. At Christus est iustus, & omnia implens Dei mandata, quare & nos per ipsum omnia implemus, dum noster factus est per fidem. *Fides impetrat, quod Lex imperat.*

XXVII.

Recte, opus Christi diceretur operans, & nostrum operatum, ac sic operatum placere Deo, gratia operis operantis.

Quia dum Christus in nobis habitat per fidem, iam mouet nos ad opera per uiuam illam fidem operum suorum. Opera enim, quae ipse facit, sunt impletiones mandatorum Dei, nobis data per fidem, quae cum intuemur, mouemur ad imitationem eorum. Ideo ait Apostolus: Imitatores Dei estote, sicut filij charissimi. Quare misericordiae opera excitantur, ab operibus eius, quibus saluauit nos. Sicut ait B. Gregorius: Omnis Christi actio est nostra instructio, imo commotio. Si actio eius in nobis uiuit per fidem, uehementer enim allicit, iuxta illud: Trahe me post te, in odorem unguentorum tuorum currimus, id est, operum tuorum. *Dictum Gregorij.*

sent. 1.

XXVIII.

Amor Dei non inuenit, sed creat suum diligibile, Amor hominis fit a suo diligibili.

Secunda pars patet, & est omnium Philosophorum & Theologorum, Quia obiectum est causa amoris, ponendo iuxta Aristotelem omnem potentiam animae esse passiuam & materiam, & recipiendo agere, ut sic etiam suam philosophiam testetur, contrariam esse Theologiae, dum in omnibus querit quae sua sunt, & accipit potius bonum quam tribuit. Prima pars patet, quia amor Dei in homine uiuens, diligit peccatores, malos, stultos, infirmos, ut faciat iustos, bonos, sapientes, robustos, & sic effluit potius, & bonum tribuit. Ideo enim peccatores sunt pulchri, quia diliguntur, non ideo diliguntur, quia sunt pulchri, Ideo amor hominis fugit peccatores, malos, Sic Christus: Non ueni uocare iustos, sed peccatores. Et iste est amor crucis ex cruce natus, qui illuc sese transfert, non ubi inuenit bonum quo fruatur, sed ubi bonum conferat malo & egeno. Beatius est enim dare, quam accipere, ait Apostolus. Vnde Psal. 41. Beatus qui intelligit super egenum & pauperem, Cum tamen obiectum intellectus naturaliter esse non possit, id quod nihil est, id est, pauper, uel egenum, sed entis, ueri, boni. Ideo iudicat secundum faciem, & accipit personam hominum, & iudicat secundum ea quae patent &c. *Amor Dei in homine uiuens.*

Matth. 9.

Apo. 20.

Psal. 41.

Amor hominis.

FINIS.

F ij

ASTE

ASTERISCI LVTHE- RI ADVERSVS OBELISCOS ECCII-

Hos scripsit Lu-
therus ante Reso-
lutiones suarum
Propositionum de
virtute Indulgen-
tiarum, contra Ec-
cij obeliscos, ut
ipse testatur, In-
fra fol. 34. b. Pa-
rag. 6. versu 3. ubi
inquit. Quid au-
tem de hac re sen-
tiam in probatio-
nibus meis decla-
rabo.

MARTINVS LVTHERVS VENCI-

lao Linco, Ecclesiasti Nurnberg. Ecclesiæ, uere Theo-
logo, suo in Domino fratri.



VOS uero ad me dedisti obeliscos Eccij nostri, ad-
uersus meas Disputationes fabrefactos, visum est
singulatim percurrere, & meis Disputationibus vel
obscuriusculis, Asteriscos addere, Quibus tum clare
lucentibus, tu si uoles, cum participem facere, etiam
ipse facile intelliget, q̃ temerarium sit, aliena, præser-
tim non intellecta, damnare, tum longe insidiosissimū iniquissimumq̃
felle tanto amaricare, amici non præmoniti, omniaq̃ meliora præsu-
mentis de amico, placita, imo quæsitā. Sed vera est scriptura: Omnis
homo mendax. Homines sumus, homines manemus. Dicit itaque:

ECCIVS.

NOLO minuta prosequi, aut ea quæ scholastice oppugnari pos-
sunt, in præsentī Disputationis materia de Indulgentijs, Quoni-
am sic primam oppugnarem Conclusionem.

LVTHERVS.

VT generoso (non enim dicam superbo) rem aggreditur proce-
mio, nisi q̃ modeste oppugnare potius, q̃ expugnare dixit, scilicet mi-
nuta & scholastica, nam maiora fortassis expugnabit. Quis non timeat, a cre-
pitu istius buccæ? Ego uero recordatus illius Horatiani: Quid feret hic di-
gnum tanto promissor hiatus? Vix risum tenui, Non uult scholastice disputa-
re & pugnare, ex quo uerbo satis intelligo, Eccium nostrum istos obeliscos
in diebus (quos uocant) Carnispriuij, larua indutus ingenium, conlasse,
Nam per totum illud obeliscorum cahos, nihil sacrarum literarum, nihil ec-
clesiasticorum Patrum, nihil Canonum, sed omnia scholasticissima, opinio-
nissima, meritoq̃ somnia comminiscitur, & prorsus ea ipsa, contra quæ ego di-
sputo. Ita ut si uellem & ego peripateticari, uno flatu hos omnes eius pappos
dispergerem, diceremq̃ illud magistri sui decretum: Petitio principij uicium
est disputationis seu argumentationis. Sperabam enim q̃ ex Biblijs, uel ec-
clesiasticis Patribus, aut Canonibus, contra me pugnaret, at ipse fursures &
siliquas Scoti, Gabrielis, cæterorumq̃ Scholasticorum (quibus est uentrem
refertissimus) mihi nunc demum neganti opponit. Sed audiamus tamen,
quomodo homo rhetoricus, dissimulans oppugnare, primam Conclusionem,
nihilominus tamen oppugnat. Dicit enim.

Petitio principij.

EC. Cum enim Regnum cœlorum in uerbis Christi, præsentem
significare videatur Ecclesiam, ac tempus plenitudinis euangelicæ
tunc aduentantis, Non videtur, quomodo pœnitentia omnium fide-
lium vitam exprimat.

LVT. Hoc

LVT. Hoc est scholasticum, id est, ludicrum & seipsum illudens Argumentum. Hanc consequentiam an ex logica rationis, uel logica fidei didicerit, nescio, Videlicet, quia nunc est regnum cœlorum, ergo non omnis uita fidelium est pœnitentia, quasi ullus sit hominum in isto regno, qui non assidue peccet, ac sic non assidue pœnitentia opus habeat. De hac enim pœnitentia me loqui sequens docet Conclusio. Eccius uero de sacramentali uel solenni forte fabulas agit. Dicere autem esse hominē aliquando sine peccato, & sic non egere pœnitentia (licet id B. Bonauentura aliquando lapsus scripserit) ad partem Donati hæretici B. Augustinus in multis locis dicit pertinere, Quin pœnitentiam non agunt nisi fideles. Sed omitto illa. Infra latius:

EC. At huic similia nolumus prosequi, Solum subitaneo motu sine librorum adminiculo, pauca adnotabimus, & (ut dici solet) Obelisco signabimus.

LVT. Quam arrogans ingenij ostentatio, Sed ubi fuerit librorum copia instructus, & morose præmeditatus, tum non obeliscos, sed pharicas, arietes, & bombardas quoque, nihil forte bellici apparatus omittens, instituet. Quid mihi reliquum est, quæso, nisi pavor & horror? Sed bene mihi interim, quod obeliscos scribit non ferreos, non ligneos, sed papyraceos & pictos. Simul id admiror, cur non asteriscos maluerit? nisi forte lux & candor asteriscorum displicuit, sed liuor & ferrugo obeliscorum placuit, Quippe non ea fraternæ pietatis cura subiit, ut fratris errorem uellet monere & illustrare, melioraque addere candidus, Sed inuidia incessit, ut uellet fraterna studia calumniari, obscurare, bonaque detrahare liuidus.

I. Obeliscus.

Contra 3. **EC.** Interiorem pœnitentiam magnam esse, Christus & omnes
Conclu. Christiani docuerunt, Siquidem Christus cor aspicit & voluntatem.
Latberi. Vidua hoc docet, quæ æra minuta duo in gazophylacium posuit, & plus omnibus misit, Ihesu teste, Est etenim uoluntas in anima, sicut Rex in regno.

LVT. Iste est obeliscus, confessor tertiæ meæ Propositionis, qui quid uelit, aut quomodo contra me sit, ego non intelligo, Diuinabo tamen (licet inuitus) quia timeo nouorum obeliscorum occasionem dare.

Id fortassis homini displicuit, quod ego dixi, Interiorem pœnitentiam esse nullam nisi foris operetur &c. Cui obeliscus contradicit, Imo, inquit, non modo aliquam, sed magnam esse, omnes docuerunt. Hic ego addo, dicoque, quod sit maxima, maximamque ab eis doctam. Verum si solam, & sine opere foris eam esse uult Eccius, spero, quod suis scholasticis Magistris satis erit inuisus. Non enim est magna nec uera, nisi efficaciter uelit in opus foris, ut omnes dicunt, Sed Eccius cum nollet tacere, nihil tamen haberet, quod diceret, hoc saltem dixit.

Deinde illud: Est enim uoluntas in anima, sicut Rex in regno, sic puto intelligendum, Sicut Lena in prostibulo. Christus est in anima per fidem, ut Rex, uoluntas ut serua, uoluntas uero se sola, semper est meretrix, & omnes uires habet meretricis, Atque etiam, si id suum figmentum ita esset, non uideo, quid hoc ad rem facit, ut interior pœnitentia sit magna, quia uoluntas est maxima, & regina uirium.

ASTERISCI

II. Obeliscus.

EC. Erronea apparet propositio, Nam si Canonum poenas solum <sup>*Aduersus*
s. Comm.
Lutheri.</sup> accumulatiue vult ad poenas a Deo impositas concurrere, iam laqueus esset, non salus in Canonibus poenitentialibus, Aut si vult eos esse declaratorios (sicut in veritate sunt, quod Marti. Luche. non attendit) profecto remittendo poenam Canonum, aliquas poenas remittit.

LVT, Primum, Eccius noster nihil scholastice dicit (sic enim promisit supra) Ideo mihi grandis stupor est, tantum ingenium, tantumque studium esse posse, ut istas res (id est, apud me nugas) in sacris literis, in ecclesiasticis Patribus & Canonibus inuenerit, quas ibidem nullus homo totius mundi adhuc inuenit.

Secundo quamuis uerba ista uaniloqui nostri sonent, ac si me intelligat negasse, ulla poenas remitti, dum dicit, remittendo poenas Canonum, aliquas poenas remittit. Tamen uolo credere, mihi non id falso ab eo imponi. Sed hunc eius sensum esse, quod Papa remittendo poenam Canonum, remittit utique poenas a Deo impositas, quia remittit poenas a se declaratas, a Deo autem impositas (quod Martinus Lutherus non attendit, Eccius autem ultra quam uerum est, attendit) ac per hoc non remittit accumulatas ad poenas a Deo impositas, hoc est, simplices & non duplas poenas remittit.

Tertio, Ego quidem in ista Conclusionem, sicut in omnibus alijs, nihil statuo, sed disputo, Quanquam apud me uera esse credo plurima, tamen homo sum, & nihil habens in hac re potestatis, praeter disputandi facultatem, Ideo ad istum obeliscum dico, Me non uelle poenas Canonum esse accumulatas, sed solas, quae pro peccatis imponuntur. Deum autem imponere poenas peccatori confitenti nego, nec potest probari a nostro obeliscographo, nec ab uniuersis suis Theologastris scholasticis, Imo Deus remittens peccatum, simul culpam & poenam remittit, sciens sat poenarum esse peccatori, si bene uiuat, ac cum uicij prauisque moribus, praesertim inolitis, pugnet. Vnde ^{Ezech. 18} Ezech. 18. Si conuersus fuerit impius ab impietate sua, & fecerit iudicium & iusticiam, uita uiuet, & non morietur, peccatorum eius non recordabor. Hic nulla poena, nisi opus iudicij & iusticiae requiritur, Impium autem est plus impositum fingere, quam Deus imponit. Imo in Ioele dicit: ^{Ioele 2.} Scindite corda uestra, & non uestimenta uestra. Et illud ^{Psal. 51.} Psal. 51. Peccatum meum contra me est semper. Quibus uerbis probatur, Deum esse contentum odio peccati & amore iusticiae. Et talis per omnem uitam debet esse fidelis. Quare sibi suum scholasticum sit illud commentum, quod Canones declarent poenas diuinae sententiae, Nolo illud acceptare, donec non scholastice, sed ecclesiastice (sicut promisit) docuerit.

Quod uero Canones sint laquei, & non salus, si accumulatas (ut uocat) poenas imponunt. Iterum nescio quid dicat, ipsum quoque nescire quid dicat, credo. Nam si etiam ultra quam Deus requirit, imponat Sacerdos, certe ferendum est, & salutare ferenti, propter reuerentiam & obedientiam clauium. Si autem ita uult, quod remittens poenas canonicas fallit absolutum, si non simul remittantur poenae a Deo impositae, & sic illaqueetur poenis diuinis, dum soluitur ab humanis. Hoc certe eatenus est uerum, quatenus uerum est, poenas a Deo imponi, id est, falsissimum, Ideo non Canones sunt laquei, sed indocti & insulsi Theologi, qui somniant poenas a Deo imponi, aut per Canones declarari a Deo impositas.

Quod si

Deus remittens
peccatum, simul culpam
& poenam
remittit.

Deus contentus
odio peccati &
amore iusticiae.

Quod si Obeliscophraustus noster tam esset Theologus, q̄ est (Philosophus pene dixissem) Sophista, non debuit mirari, Canones esse laqueos mortis, quando etiam lex Dei est mortis, irā, peccatiq̄ ministra, & plane rete illud, quo Deus omnia conclusit sub peccato. Atq̄ ut meam sententiam reuelarem, In hac Propositione id uolui, q̄ cum Deus semper affligat suos, ut ad pœnitentiam humiliet, sicut in Ieremia dicit: Castigabo te in iudicio, ne tibi uidearis innocens. Et illud Psal. 89. Si dereliquerint filij eius legem meā, uisitabo in uirga &c. Hanc præcedentem pœnam ego uolui, non posse a Papa remitti, sed sequentem & satisfactoriam, id est, ab Ecclesia impositam, Nam sequentem Deus nunq̄ imponit, cōtēntus q̄ hominem eo perduxerit, ut seipsum iudicet, ne a Deo iudicetur, iuxta Paulum, 1. Corinth. 11. dicatq̄: Iustus es Domine, & rectum iudicium tuum. Imo ut dicam q̄ Aristotelicorū Eccius miretur forsan, Nec Ecclesia requirit ullam pœnam sequentem & satisfactoriā post absolutionem, ut Propositio xij. nostra dicit, Licet enim nunc usus sit, pœnas ferre post absolutionem, tamen olim non ita erat moris, cuius uel id unicum adhuc restat uestigium, q̄ nullus absoluitur nisi prius imposita & acceptata pœna, euidentī scilicet argumento, q̄ remissio peccatorum ad imitationem Dei, etiam ab Ecclesia post pœnam impenditur, hoc est, ut etsi non re, tamen uoto iam sit soluta. An autem iste mos nostri seculi sit salutaris, iudicent alij, Meum est solum disputatiue dicere, scilicet q̄ sit pessimus, meliusq̄ esse, si quis etiam in die Paschæ omittat communionem, priusquam omni modo satisfecerit re ipsa, & in effectū, sicut olim fiebat.

Canones sunt laquei mortis.

Psal. 89.

Cur Deus suos affligat.

1. Cor. 11.

Addit huic Obelisco.

EC. Quod si obturaueris, iam nulla pœna vi clauium remitteretur, quod dignitati Sacramenti pœnitentiæ repugnat.

LVT. Hoc quid sit, iterum non capio, Nec mirum, veniam enim merēdr, q̄ nō claros & lucidos Asteriscos, sed ferrugineos, nigros, tenebrisq̄ simillimos, cogor obeliscos legere. Diuinandum est ergo & hoc loco, scilicet, uideri Eccio nostro, nullam pœnam remitti, nisi diuina iusticia (ut uocant) inflictam remitti concedam, siquidem Canones abrogati sunt cum suis pœnis.

Hic dico, remitti uel arbitrio impositas, ut hodie sit, uel Canones nondum esse sub præcepto abrogatos, Quod si id nimis uile uidetur, Respondeo: Melius est in re nō necessaria ad salutem uile, q̄ mendacium, expectoq̄ uel contrarium probari, uel Ecclesiam determinare, Interim opinionibus hominum uolo uti & abuti pro mea libertate, siquidem Eccio quoq̄ non cogor credere, nisi ecclesiastice, non autem scholastice, loquatur.

Ad illud uero, repugnare dignitati sacramenti pœnitentiæ, nullas remitti pœnas, dico: Quanquam nec Canonistæ nec Theologi certi sint (præter solum Eccium) quid remittant clauēs in forma consueta, Mihi tamen fuit huius Positionis ea uel prima causa, q̄ nimis uilis sit clauium dignitas, si non nisi temporales pœnas remittant, Cum sint non ad salutem seu pacem temporalem, sed æternam acquirendam donatæ, Pœna enim temporalis res est uilissima, longeq̄ inferior, q̄ ut digna sic clauibus remitti, meo saltem iudicio, ut dicam infra. Vanissimum itaq̄ mihi hoc obelisci uerbum uidetur, q̄ sacramenti sit indignitas non remittere pœnas, cum id sit potius eius indignitas, si remittat pœnas saltem principaliter. Sed audiamus, quomodo probet indignitatem illam, non scholastice, sed theologice disputans.

F iij

EC. Nam

A S T E R I S C I

EC. Nam Sacramenta nouæ legis efficiunt quod figurant, in quo à ueteris Testamenti sacramentis separantur.

LVT. Vide, hæc non sunt scholastica, Quis hæc dicit, nisi qui in scholasticis nugis sit mortuus? Quis dicit, q̄ sacramenta nouæ legis efficiunt, quod figurant, nisi Magister Sententiarum in 4. cum Hugonis definitione, & qui eos sequuntur. Latioꝛ est hæc materia, q̄ sinat temporis angustia prosequi. Id solum queror, q̄ Eccius non tacuerit primo, quando promisit se non scholasticè acturum.

Sacramenta nouæ legis.

Dico tamen breuissime, Sacramenta nouæ legis non efficiunt gratiam, quam signant, sed requiritur fides ante omne sacramentum. Fides autem est gratia. Ideo gratia semper præcedit sacramentum, iuxta dictum illud communissimum: Non sacramentum, sed fides sacramenti iustificat. Et B. Augustinus: Non quia fit, sed quia creditur.

Obicem ponere etc.

Eccius uero obelisticus Theologus ex illo Scotico procedit somnio, Quod sacramenta efficiunt gratiam sine opere hominis accipientis, modo non ponat obicem. Quæ sententia horrendissima est hæresis, ac iam non Bohemicum uirus, sed infernale aconitum est, omnia sacramenta Ecclesiæ illudens & subuertens, ut suo tempore ostendemus.

Quod uero dicit, Nouæ legis sacramenta eo separari à ueteris legis sacramentis, q̄ hæc non efficiebant gratiam, æque est scholasticum, ac prope hæreticum. Hoc potius differebant, q̄ nostra sunt pauciora & facilia, illa uero plurima & grauissima. Vel certe, q̄ illa solum carnis erant baptismata & iustificationes in cibis, potibus, uestibus, festis, sacrificijs, purificationibus lepræ & quæ figurabant baptismum unum, & unam iustificationem fidei, quæ nunc impletur. Sic enim non Scholastici, sed Ecclesiastici, imo cœlestis Paulus loquitur.

Conclu. 6.

EC. Et quoniam Pœnitentia non potest in culpam apud te, per Conclusionem 6. dabis ergo, q̄ possit in pœnam & reatum.

LVT. Per pœnitentiam hic intelligit sacramentum pœnitentiæ, & officium clauium (sic enim loquitur, ut semper sit diuinandum de sua sententia) alioqui pœnitentia nec in culpam, nec in pœnam potest. Quid autem de hac re sentiam, a in Probationibus meis declarabo. Nam hanc sextam meam Positionem non ex animo posui, sed propter usum aliorum. Nam si, ut dixi, utilissimum mihi uidetur, si clauēs remittant pœnas solas. Ideo quomodo remittant culpas, ut est omnibus dubitatum, ita & ego meum ponam dubium in Probationibus.

a
Vides hic, Lector, Asteriscos a Lutheri scriptis ante Resolutiones propositionum de uirtute Indulgentiarum.

Interim id ab obelisco nostro peto. Si dignitati sacramenti repugnat nullius pœnæ remissio, conuenit autem pœnæ remissio, maxime ea causa, quia sacramenta nouæ legis efficiunt quod figurant, Ergo figurant remissionem pœnarum duntaxat, quod non solum in ecclesiasticos, sed etiam in scholasticos Doctores hæreticum est, ac semel omnium sacramentorum Ecclesiæ euersio. Quod rursus non Bohemicum uirus tantum (ut mihi imponit) sed plus q̄ omnium hæreticorum, qui unquam fuerunt, aut futuri sunt, pestilentia est. Non enim pœnarum, sed culparum remissionem figurant. Quod si culparum figurant remissionem, & Sacerdos id non facit declarando, rogo Eccium meum, dignetur interim mecum esse discipulus & disputator, donec in hac re ambo inueniamus magistrum & declaratorem. Vides ne tandem, quid sit alienum ingenium sine timore atq̄ cum inuidia damnare.

III. Obec

III. Obliscus.

*Aduersus
10. et 11.
Conclu.
Lutheri.*

EC. Male inculantur Sacerdotes & Episcopi, quoniam sicut in *Conclu. 6.*
6. Conclusionem voluit Papam remittere culpam, declarando remissam a Deo & approbando (quod si friuolum videatur inferiorem approbare facta superioris) Ita Sacerdos potest declarare morituro poenas canonicas diuinæ sententiæ conformes, in Purgatorium referuari. Non quidem satis agendo, sed satis patiando, Quod si norunt Episcopi, non dormitasse, sed ultra Lutherum vigilasse dicendi sunt.

LVT. - Friuolum est, inquit, inferiorem approbare facta superioris. At in priore obelisco, imo basilisco, non erat friuolum sed religiosissimum (ita ut & Martinus Lutherus id non attenderet, impius uidelicet & rudis) Papam per Canones declarare poenitentias à Deo impositas. Et in hoc Sacerdotem declarare poenas diuinæ iusticiæ conformes, referuari in Purgatorium. Nisi forte Obeliscographus id habet libertatis, ut cum pro se loquitur, Deus sit inferior Papa & Sacerdote, sine hæresis ulla suspitione. Cum autem contra me loquitur, tum primum Deus est superior, & declarationem suæ sententiæ ab inferiori non patitur, ac sic iniquitas mentiat sibi, uera autem loquatur mihi.

Omitto hic, quod omnium sententiæ, Apostoli in extremo etiam iudicio dicantur approbare iudicium Christi, nisi Christum Eccius neget eis superiorem, aut eos dicat friuolos esse.

Primum autem quero (quia nihil scholastice loquitur) ex quibusnam Ecclesiasticis probetur, Sacerdotem posse declarare poenas referuari in Purgatorium? Nonne id est, quod ego impugnaui, & mihi plane redditur per petitionem principij a tanto Dialectico, & quod amplius non Stoico, sed Peripatetico Dialectico? Iam supra dixi, Nullas esse poenas diuinæ sententiæ, multo minus ei conformes. Non enim dixit: Quodcumque uel quantum ego ligauero in cœlis, ligatum erit & in terra. Sed econtra: Quodcumque tu ligaueris &c. quæ uerba potius significant Deum approbare facta inferioris, Et ideo dixi me 6. Conclusionem, non ex animo posuisse, sed ut audirem alios. *Conclu. 6.*

Secundo quero, Quomodo uerum sit, omnem sacerdotem esse Papam in articulo mortis, si non remittit aut remittere potest omnem poenam? Si potest & non facit, quomodo manet charitas in eo? Iusticia diuina, inquis, non finit. Cur ergo finit in Papa, quoties uoluerit Papa, cuius tunc sacerdos omnis uices plenissime gerit?

Iam illud pulcherrimum (quia scotisticum, non tamen scholasticum) quod animæ non satis agendo, sed satis patiando soluunt poenas in Purgatorio. Gratias Scoto, qui etsi scholasticissimus, nihilque sapiat ecclesiasticum, Eccium tamen fecit (mirum dictum) ecclesiasticissimum. Quasi ullus tam rudis esse possit rusticus, qui non sciat poenas non ferri nisi à uolente (modo sint non infernales & impiorum) ac sic non tantum satis patiando, sed satis uolendo soluere dici possent poenas.

Verum ego tutius astinuerim à disputando, cum subtilitatibus scoticis *Subtilitates
uereque scotinis*, ne mihi aliqua formalitate noue conficta elabantur. Gloria *scotica.* tamen est Episcoporum (ait Obeliscus ille) quod Episcopi hæc non ignorarint. Ideo non dormitasse, sed ultra Lutherum uigilasse dicendi sunt. Fœlicem Ecclesiam certe, cuius Episcopi sunt omnes Scotistæ, aut (quod magis ad rem facit) Eccianistæ, per cuius Scotum sit, ut nunquam dormitasse defendantur, forte quod Eccius semper pro eis dormire uoluit.

EC. Addo,

A S T E R I S C I

EC. Addo, q̄ mortuus ab excommunicatione absolui non possit, de quo sunt vulgata iura.

LVT. Hui, q̄ sobrie & strenue vigilat hic Eccius. Fateor, sunt vulgata iura. Sed defunt Ecciani noui apparatus, Ideo credimus interim receptis & usitatis, donec ille consuet meliores. Est lib. 5. de sen. excom. ca. A nobis, Vbi Papa decernit excommunicatos etiam mortuos absoluendos. Quod Panormitanus & alij intelligunt, quo ad nos seu in facie Ecclesiæ, cum ille, quo ad se, de facto per mortem sit absolutus, citra Ecclesiæ adsolutionem, Nec aliquid ei obest excommunicatio post mortem relicta, nisi q̄ non publice pro eo oratur in Ecclesia, priuatim autem orent qui uolent, ut ex his intelligatur omnem ligationem Ecclesiæ cessare in morte, solumq̄ in hac uita ualere, Quare & pœnas Canonum quoq̄ huius uitæ pœnas esse dixi.

Verum, Dialectici nostri syllogismum uide. Nisi sacerdos posset pœnas in Purgatorium declarare reseruatas morituro, non posset etiam excommunicatus absolui mortuus. Quis, non dico scholasticorum Doctorem, sed primi anni discipulus Scholasticorum, hanc nō rideat consequentiam? Quasi idem sit absolui ab opinione hominum in Ecclesia, & relegare pœnas in Purgatorium, Cum illic culpæ & pœnæ remissio declaretur Ecclesiæ, non autem ipse absoluator proprie, hic uero ligetur ad pœnas uere & proprie, deniq̄ quasi idem sit Indulgentia, & absolutio ab excommunicatione.

III. Obeliscus.

EC. Relaxari legum Canones morte, non apparet ex cauda prioris.

*Aduersus
13. Concl.
Lutheri.*

LVT. An prioris dicat sui obelisci, aut Positionis meæ, incertum est. Sed quia uelut è Tripode pronunciat, sine rationibus adductis, relinquo & ego eum ex præcedentibus satis confutatum, donec probet ex Ecclesiasticis, iuxta suum promissum.

V. Obeliscus.

*Aduersus 14.
Concl. Lutheri.*

EC. Friuola apparet illa Propositio, Nam infans baptizatus (cum alieno tamen gaudeat merito) minorem habet charitatem, adulto rationis capace decedente, Et tamen imperfecta charitas pueri non immitit ei horrorem, qui se solo faceret Purgatorium. Quis enim sanæ mentis diceret S. Seuerinum minorem habere gratiam, q̄ bimum puerum? Vnde perfectior aut imperfectior gratia nihil facit ad Purgatorium, sed pœna pro peccatis debita nondum soluta.

S. Seuerinus.

LVT. Hic tandem non scholastice, nec tumultuarie, sed e cœlo forsan sonat oraculum. Primum, Valde erat decorum Eccio hanc meam Propositionem cum sex sequentibus intactam relinquere, Profundiores sunt enim q̄ ut ex scholasticis opinionibus ullo modo capiantur, sapiunt. n. experientiam illius uerbi, Deducit ad Inferos & reducit, de quo latius in Probationibus Interim fabulas huius obelisci uideamus.

II.

Infans gaudet alieno merito, Esto sane. At quis gaudet proprio? Adultus, inquit, in gratia. At cur dicit: Non intres in iudicium cum seruo tuo Domine, quia non iustificabitur in conspectu tuo omnis uiuens? Sed hæc sunt Ecclesiastica, & per bis diapason ab Eccio remota. Deinde quia, gaudere hoc loco (ut est elegans) pro possidere dixisse uideri potest, omitto:

Psal. 143.

id magis

Id magis est curandum, q̄ infans minorem habet charitatem, & tamen non habet horrorem Purgatorij, Fateor, sed quid hic, rogo, dicemus? Adultus maiori tentatione urgetur ac uehementius turbatur timore mortis atque iudicij, q̄ paruulus, qui nihil sentit nec capax est. Adulto autem addita scientia, additur & dolor, Ideo non est mirum, q̄ adultus, magna charitate indutus, potest citius ac facilius cadere in peccatum ac magis dolere, q̄ paruulus cum parua charitate. Potest ergo etiam dicere Eccius, q̄ sicut paruulus minoris charitatis non timet neq̄ horret ignem, aquam, ferrum, deniq̄ mortem, Ita multo minus adultus maxime charitatis timet talia, Cuius contrarium, quis est qui non uideat? Atq̄ utinam adultus eo perueniat, ut sicut paruulus, neq̄ cognosceret pœnas, neq̄ timeret, tum ego quoq̄ dicerem, q̄ statim sicut paruulus euolaret. Nunc uero, quando cognoscit & horret, opus est ei, non illa parua, sed perfecta charitate, quę foras mirtit timorem, atq̄ triumphet, ne Deum offendant rebellione sua, dum magis timet mortem q̄ Deum, imo magis diligit uitam q̄ Deum.

1. Iob 41. 4

Math. 18

Deinde incertissimum est, an paruulus minorem habeat charitatem, q̄ adultus: nisi adultus sit perfectę charitatis, qui conuersus, factus ut paruulus iuxta Euangelium, Ipse quoq̄ mortem nesciat timere.

Vltimo dicit charitatis perfectionem uel imperfectionem non facere Purgatorium, sed pœnam nondum solutam. Hoc ex prædictis somnijs dicit, q̄ pœna satisfactionis requiritur à Deo, iuxta Scholasticos, Cū tamen sacerdotem quemlibet asserant in morituro totum posse & facere, quod Papa potest & facit. Amplius, si sacerdotem habere non potest, uotum habendi dicunt sufficere. Quid ergo tali restat soluendū, cum sit ab omnibus absolutus?

Dicam latius, q̄ sententia communis est, Purgatorium deberi peccatis, non pœnis, scilicet, uenialibus, ut expresse habet Canon distin. 35. ca. Qualis. Et ad id multa similiter exempla habentur. Quale peccatum ego quoque dico esse illam imperfectam charitatem, qua inuici moriuntur, nimio uitę affectu immundi, ac per hoc Deum non super omnia diligentes. De his in probationibus.

III.

VI. Obliscus.

Aduersus
16. Concl.
Lutberi.

EC. Procax Propositio, Soluti enim corpore, purgandi amici Dei, certo sciunt se saluandos, sed quasi per ignem.

LVT. Vnde sciunt certo? quia Eccius dicit: Et tenet consequentia iuxta suum Magistrum ab autoritate affirmatiue. Adeo ignarus est Theologiae crucis, ut credat ideo illis certum esse, an sint saluandi, quia amici Dei sunt, & corpore soluti.

Ego etsi insignes uiros legerim (non Scotum aut Thomam loquor, neq̄ Eccium) qui asserant, animas quasdam ita suspendi usq̄ ad diem iudicij, ut nesciant an sint saluandę uel damnandę. Et quia expertis & exemplis in hac re plus est credendum, q̄ omnibus obeliscis omnium Fabrorū, non magni refert quid Ecciana temeritas blateret, aut procacitatem nominet. Legimus de multis, qui apparuerunt tanquam ducti ad iudicium & diu suspensi. Et quidquid sit, liberum saltem est disputare propter unum exemplum & unum dictum, & cōtradicere nudis inermibusq̄ Theologorum opinionibus. Addo, q̄ horror animę natura sua facit incertum hominem, quem iam dixi inesse animabus defectu charitatis, & mox magis dicam.

EC. Vnde cum probabile sit, eos Angelorum habere commercia, quomodo prope desperationem (quod perfidorum est) locari possunt?

LVT. Iterum

A S T E R I S C I L V T H E R I

LVT. Iterum olet suum hircum Aristotelem, vel hircoceruunt potius, nihilq; nisi probabile, id est, petitiones principij, effutit. Sciebam ista omnia & legeram, sciensq; ac prudens contra ea posui, quæ me nunc docet optimus Polydoxus. Totus est Eccius opinio, & hanc tamen uelut cortinam Phœbi ubique statuit.

*Eadem purgatorij
pœna cum in-
ferno.*

Causa meæ huius Positionis fuit hæc, Quia cum omnes Doctores dicant eandem esse pœnā Purgatorij cum Inferno, excepta desperatione, Horror autem sit uel una summarum pœnarum inferni, Horror deniq; sit uel frater uel similis & proximus desperationi, ut patet experientia, Qui timet, incipit diffidere, ueresimile uisum est, Purgatorium præ nimio horrore prope esse & iuxta esse desperationem. Nec uideo quid Eccius contra hæc nisi inania uerba uomat. Non ergo perfidorum est, prope desperare, alioqui qui tentantur in fide & spe (de quibus ut Scholasticus merito nihil nouit Obelisco-graphus) essent perfidi, cum sibi uideantur omnino desperati, quod non esset aliud, q̃ spiriticidia (ut sic dicam) facere & docere.

V I I. Obeliscus.

*Aduersus 17.
Con. Lutheri.*

EC. Priori non est dissimilis, Lignum enim ubi ceciderit, ibi erit, quo ad meritum & demeritum, Et hoc est in hominibus mors, quod in Angelis casus.

LVT. Rogo te, mi Eccie, Si deinceps aduersus me uoles scribere, tantum prudentiæ tibi pares, ut satis sit tibi ter aut quater in uno opere, non autem per singulas ferme orationes, te ridiculum facere, sicut in hoc facis. Id autem præstabis, si certa fide credideris me legisse examina illa questionum & opinionum, quibus frustra & cum laruis pugnās. Nolo, inquā (ut sis sciens) scholasticam Theologiam audire, nisi sultam Ecclesiasticā, & iam non scholasticā. An nihil aliud uis me facere, q̃ ut te rideam, dum nihil aliud affers, q̃ quod ego legens dubitabam esse uerum, & nunc disputans impugno?

Pighardi.

Tale nunc est festiua tua Glosa (quo ad meritum & demeritum) scilicet, ne cum Pighardis, Bohemis, illa Ecclesiastis autoritas cogeret ad negandum Purgatorium fingis, imo fictum ex tuis deblateras, esse casum ligni, ut nec mereatur, nec demereatur.

Omitto quidem hoc loco negocium illud meriti & demeriti, quæ an intelligant Scholastici, uehementer dubito, cum non possint negare hominem impium post mortem statim in odium & blasphemiam Dei ruere, ac sic peiorem fieri, q̃ fuit. Sed omitto, inquam, quia cum Sophistis callosisq; ac inueteratis Vitilitigatoribus res ista tractari non potest, cum stultus non recipiat uerba, nisi dixeris ea, quæ in corde suo sunt. Et iterum: Melius expedit occurrere ursæ raptis catulis, q̃ stulto confidenti in stulticia sua.

Id interim dico, ac peto erudiri (Ideo enim quæsiui ac disputaui) cum B. Gregorius distin. 35. Qualis, asserat, peccata uenialia in Purgatorio deleri, quomodo intelligam non fieri purgatum meliorem? Quod si meliorem, quomodo non proficere ac mereri? Nisi peccata uenialia adeo sint nihil æstimanda, ut Scholastici æstimant, Deus autem in tantum æstimat, ut tam intolerabilem pœnam ad eorum purgationem inferat.

Si ergo illa autoritas Ecclesiastis non tollit purgatorium, quod uehementer impugnat, quanto minus tollit, ne sit augmentum boni uel mali in purgatorio? Potest fieri, ut ubi ceciderint, ibi sint, ita ut non peccent amplius mortaliter, uel alio modo fiat nobis ignoto.

Eccle. II.

Quod

CONTRA OBEL ECCII XXXVII

Quod uero Iohannes Damascenus ait, Quod in hominibus mors, in Angelis est casus, Spero quod non de omnium hominum morte loquatur, cum multi sint mortui, & denuo reuocati, Vbi illorum ergo animæ fuerunt? Ceciderunt, sed non sicut Angeli, nec manserunt ubi ceciderunt. Quis ergo sciat an ita cum animabus in purgatorio agatur. Nos autem quidquid uel per seipsum somniamus, statim oraculum iactamus, tam audaces rerum obstrulis. Summarum censores sumus, nec uel contra dubitare permittimus.

VIII. Obeliscus.

Aduersus
18. Concl.
Lutberi.

EC. Par temeritas, ut ex prioribus liquet, Quoniam sic dicere, esset terminum uiae confundere, poenitentiae & omnium aliorum, Nam in statu sunt soluendi, non merendi. Ideo charitas, qua dat ut unicuique secundum quod gessit in corpore, in vita non in Purgatorio, est merenda, alioqui supplendus esset Apostolus, unumquemque recipere, prout gessit in corpore, vel Purgatorio.

2. Cor. 5.

LVT. Vinum semper bibere, tandem est molestum, & omnis voluptas assiduitate parit sui fastidium. Quanto magis molestissimum est, semper audire has male uolentes & temerarias hominum opiniones, Quas tamen ita garrunt, ut non nisi temeritatem pronuncient, quicquid non eiusdem fecerit, Toties mihi Eccio scilicet dicendum est, quod non ecclesiastice loquitur, sed scholastice, id est, inutiliter & inutiliter fabulatur.

Ego disputaui, & posse teneri dixi, Animas esse in statu merendi (quandem in his ut dixi, nihil usquam statuo) Hanc disputationem sic soluit, ut dicat: Non sunt in statu merendi. Plane illud idem inerte figmentum allegans, quod ipse impugnaui. Talis est disputatio, imo contentio muliercularum & puerorum. Est. Non est. Ita, Non. Ita, non, & sunt tamen in his acutissimi Theologi, sed sat supra, & in probationibus.

2. Cor. 5.

Illud Apostoli, quod inducit, quod docte ad rem applicat. Apostolus ibi loquitur de tribunali nouissimi iudicii, ubi cessabit mors & Purgatorium, At ipse trahit ad Purgatorium & mortem hominis in tempore, ut quod Apostolus dicit recepturos in iudicio, hic intelligat recepturos in morte. Iste est mos Scholasticorum enim mos interpretandi sacram Scripturam apud Scholasticos (pene illusores) celeberrimus ac laudatissimus, si mos uocari posset tam euidentis scripturas. furor. Hos Psal. 1. describit: Et in cathedra pestilentiae non sedit. Loco pestilentiae in Ebreo est Lezim, id est, derisorum, illusorum interpretum, id est, qui uerba Scripturae sic docent & interpretantur, ut illudant animas sitientes ueritatem, Ideo nomen eorum tam prope consonat ad nomen, quod ipsi non sunt longe a re, Quid enim Scholasticus nisi lusorius uocatur?

Psal. 1.

Scholasticus.

Terminum uiae, inquit, confundit. Utinam principium, medium, finem, atque omnia tam uiae, quam erroris Scholasticorum in possem confundere, sperarem enim & Eccio quoque placiturum, qui se non scholasticam Theologiam promissit tractaturum, nisi quod haec obiter parerga, nescio quo Numine correptus, dilata paululum re ipsa depinxit.

IX. Obeliscus.

Aduersus
19. Concl.
Lutberi.

EC. Falsitas huius ex prioribus proditur, Nam non pauciora, imo plura sciunt, quam nos in corpore, quod aggrauat animam, existente, Sciunt ergo se mortuos, & non desperare, nec frui Deo, Ergo sciunt se esse in Purgatorio, quo cognito, sciunt se iam esse de saluandis.

G

LVT. Dulcis

A S T E R I S C I

LVT. Dulcis ille Ihesus, mi Ecce, misereatur tui, ne aliquando præ inuidia mei insanias, uel pro tuorum studiorum affectu moriaris, Quid tandem dicam miser? Indignor rei, & misereor hominis.

XIX. Positio.

Ego in xix. Positione dixi, esse posse, ut non omnes sint certi in Purgatorio de sua beatitudine, & ad id Exemplum habeo, ut supra dixi, deinde quorundam opinionem. Et ideo id solum uolui (non quod mea Positio esset certa) sed quod nec opinionem Scholasticorum necesse sit ut certam haberi, Temeritatem solum arguo eorum, qui certa esse clamant, quæ sunt dubiosissima. unde non nego aliquos esse certos, sed non omnes esse.

Sicut in tentatione fidei, tentatus est incertus, an credat, Sed is qui consulit ei, certus est, q̃ credit, si modo sit spirituum discretio in illo. Si enim nō crederet, non doleret, non queruleretur, non ploraret suam infidelitatem, At is sensus infidelitatis & dolor, euident est argumentum fidei uiuentis in eo. Mortuus in fide, non dolet se non credere, ita in desperatione & in omni tentatione agitur.

Ita dixi posse animas esse incertas aliquas (ut sunt Exempla multa) cum tamen nos simus certissimi, q̃ purgandæ sint saluandæ. Sic ego, inquam, disputauit, & dubitauit.

At obeliscus noster nihil noui adducens, nisi a me impugnatum, Non disputat, sed ex oraculo pronunciat præarancidas peripateticorum Theologorum opiniones, dicens, eos plura scire, q̃ nos. Deinde quæ sint illa plura, quæ sciunt, subiungit: Sciunt se mortuos, nō desperare &c. Hic ego subinfero: Ergo nos non scimus eos esse mortuos, non scimus eos non desperare, nō scimus eos non frui Deo, non scimus eos esse in Purgatorio, non scimus eos esse saluandos, non scimus, inquam, hæc, corpore uidelicet aggrauati. Hoc est nihil aliud dicere, q̃ nos omnes sumus heretici, autore Eccio nostro. Non q̃ ignorē sensum eius non esse istum, aliterq̃ posse uerba eius (si tamen uim feceris) intelligi.

Sed ut uideret Obeliscophrastus aliquando, q̃ facile sit aliena deprauare, nedum uicia aperta notare, & q̃ difficile sit alios confodere, sine sua ipsius maiore ignominia. Inuidia ut semper est imprudens & insipiens, ita dum mendacia conatur imponere, seipsam potius mendacissimam cum ignominia ostendit. Disce ergo, mi Ecce, aliud esse Scripta iudicare, & iudicanda scribere, Illud & Moriones, hoc ne Socrates quidem satis possit, Tu uero ne sis, rogo, Morio.

X. Obeliscus.

EC. Illatio Propositionis est nulla, Illatum tamen non admittimus, cum ui clauium datarum poenam remittat Sacerdos, etiam Deo debitam, ne nobile legis euangelicæ Sacramentum sit de uento.

*Aduersus
20. Concl.
Lutheri.*

LVT. Antecedens negauit nec improbauit, Ideo eadem prudentia & consequentiam negat, tantum est autoritatis huius scholasticæ Tripodis. Negant, negandum est, Affirmant, affirmandum est, idem quoq̃, rursus si negant, negandum est. Non tamen ideo credas, Lector, eos esse Gnatones quosdam Terentianos, Theologi sunt, id est, Deum loquentes, cum scilicet, qui magnum inspirat Vatibus furorem, ut nosti ex Virgilio.

Age uero, hanc meam Conclusionem illatam ideo non admittit speciosus hic obeliscus, ne sit Sacramentum de uento. Gratias agimus. Tum scilicet non est de uento, tum est nobile sacramentum plane Euangelicum, quando non culpam & conscientiam, sed poenam, id est, uilissimam & omnibus Christianis contemptibilem rem, remittit. O Theologos, qui ita magnificant poenas, ut faciant pusillanimes Christianos, foeliciores gentes, qui suos ad mortem

tem

tem solebant animare. Nos per horrorem poenarum nostros usq; ad puerilem formidinem perducimus. Sed supra satis dictum est, non esse uerum, remitti poenam debitam Deo per Sacramentum.

Doleo autem Sacramenta nouæ legis eo uenisse, ut sint ministeria rerum temporalium, scilicet poenarum, cum sint data in acquisitionem rerum æternarum. Sed sicut Theologi non sunt nisi uentosi, & uentis opinionum sicut uesica suilla distenti. Ita non de uento, sed in uentum transmutant nobile sacramentum Euangelij. Siquidem omnium etiam ipsorum iudicio, sacramenta uocantur uasa gratiæ, Excepto uno Eccio, qui uocat uasa poenarum non effundendarum, sed auferendarum, Quod tamen ideo credo eum facere, meritoq; eis dissentire, quia in his obeliscis nihil scholasticum uoluit ponere.

Sacramenta noua legis.

Sacramenta uasa gratiæ.

XI. Obeliscus.

*Aduersus
25. Conc.
Lutheri.*

EC. Friuola Propositio, totum ordinem Hierarchiæ ecclesiasticæ confundens, quæ ex multis Fundamentis reprobari posset.

LVT. Sic tamen, ut fundamenta sint Ecciana, id est, non scholastica. Quis uero tam pertinacem & assiduam temeritatem ferat tam insignis inertiae & inscitiae? Vincit patientiam diuturna insolentia & præsumptio. Omnia iudicat, intelligit nulla. Ego cū uniuersa Ecclesia nego esse clauibus in Purgatorium potestatem, sicut ex præcedentibus & clare ex proxima sequenti Positione patet, quod debuit obeliscus ille aduertere. Quomodo ergo fieri posset, ut mihi ipsi contradicerem in tam propinquis, imo proximis Conclusionibus, præsertim in re tam diligenter cogitata apud me. Nisi essem, iuxta Cratyli Philosophiam, equus ille non potens eundem fluuium nisi semel ingredi, ita ut nunc nō solum Papæ, sed infimo Curato quoq; eam tribuerem potestatem omnibus Conclusionibus antea & postea a me negatam.

Cratyli Philosophia.

Sed Eccius furiosa mente mihi malum cogitans, uellet, ut totam Ecclesiam in odium mei concitare posset, atq; id nō nisi falsis & a se conceptis mendacijs. Quis crederet esse tantam uirulentiam in Theologo. Igitur ego dixi similem esse potestatem, non dixi tantam Episcopo & Curato cum Papa in Purgatorium, Non q̄ Iurisdictionem clauium ibi habeant aut potestatem Iurium, sed potestatem uirium potius, non imperandi, sed operandi, Hoc est, quod Papa potest generali totius Ecclesiæ suffragio & oratione pro eis intercedere, hoc Episcopus potest speciali suæ diocœsis, & Curatus suæ parochiæ, sicut fit in die animarum, in diebus communibus, & in depositionibus. Et non erat quidem uotum meum, ut isto uerbo, potestas, in hac Positione mea illi luderentur, Placet tamen ita cōtigisse temerarijs iudicijs, ut seipsos irriserint, ut discant deinceps cum timore, ac sine supercilio, aliena tractare, & discere antequam docere, audire antequam iudicent.

XII. Obeliscus.

*Aduersus
26. Conc.
Lutheri.*

EC. Propositio ista videtur declarare, ponentem non intelligere, quid in bullis apostolicis velit hæc particula (per modum suffragij) cum illa non diminuat (ut uult positor) sed potius addat, & modum communicandi explanet, ut hæc pulchre declarari possunt, & dati Apostolici interpretes exposuerunt.

LVT. Fateor ingenue, me non intelligere modum illum suffragij, ideoq; disputaui, ut docerer. Verba illa & ego recitare noui, quæ Eccius recitat, scilicet, Non diminuit, sed addit, non autem intelligo.

G ij

Quod

A S T E R I S C I

Gabriel Biel.

Quod uero dicit esse declarata ab apostolicis interpretibus, Ego præter Gabrielem Biel nullum legi, & nunc audio hunc Eccium eadem posse pulchre declarare? Sed quod amborum declarationem ne flocci quidem facio, autor mihi est ipse Eccius, qui supra in quodam Obelisco dixit, triuolum esse, facta superioris declarari & approbari ab inferiore. Cum autem Gabriel & Eccius sint inferiores Papa, ut triuolos declaratores oportet uilipendere. Addo, quod Iuristæ omnes dicunt, eiusdem esse declarare, cuius fuit cedere. Sed expecto Eccium pulchrum declaratorem, qui omnia intelligit, forte docebit & me intelligere modum suffragij, modo non loquatur mihi scholastice. Sed plura in Probationibus.

IIII.

XIII. Obeliscus.

Quæ est in ora
dine 28.

EC. Procax Propositio, & quæ tumultum & seditionem ac schismata in ecclesia Dei facere posset, non charitatem augere.

LVT. Vide, quæso, Theologum, quæ anhelet in meam perniciem, sua solummodo augment charitatem. Videtur & mihi Eccius de numero eorum esse, qui sua uicia ne tangi quidem uolunt, & mera tyrannide regnare uolunt super populum Christi. Omnia licent, nisi ut abstineas, ne ulcus hoc tangas, id est, auariciam Pontificum, sacerdotum, monachorum.

Vicia Pontificum.

Miror tamen, cum non tantum Eccius, sed omnes Scholastici, non solum auariciam, sed etiam Simoniam in suis Positionibus aliquando mordeant. Deinde plena sunt omnia Decreta & Libri uicij Pontificum, & tot tamen Libri, tot uicia mordentes nondum fecerunt seditiones & schismata. Mea unica & paruula unius uicij nota, has tragedias miscebit? Aut Eccius mercedarius est, & subornatus quorundam Melaniorum Mandatarius, sicut aliquando aduersus Iohannem Reuchlin factum meminimus, aut totus abiit in palyngenesiam Pythagoræ. Adeo ne incircumspecte & imprudenter (ne dicam maliciose) loqui decet Theologum?

Iohannes Reuchlin.

EC. At tamen cauda mixta veneno, Si enim suffragium Ecclesiæ esset in solo Dei arbitrio, adeo quod applicationem sacerdotalem negligere uellet & improbare, iam nullus Sacerdotum peculiariter posset Missam applicare uni plus quam alteri, nullus esset fundandus Anniversarius, nulla peculiaris Missa procuranda, cum æque aut plus alteri proderet pro Dei arbitrio, neque in Canone opus esset facere uiuorum vel mortuorum memoriam.

Quicquid Basiliscus
intueretur
statim mors est.

LVT. Fateor, tota est uenenata cauda, non sua natiuitate, sed arte Ecciana intoxicata, nec iam mea est, sed Ecciani obelisci imo basilisci, Quidquid enim ille intueretur, statim mors est.

De applicatione sacerdotali omitto hic loqui, alij uiderint, quæ recte fiat, Neque enim de ea locutus sum in Positionibus meis usquam. Sed Eccius, qui omnia in omnibus, id est, nihil intelligit, etiam sic meas uoluit uenenare puras & innoxias sententias. Dico tamen unum; Si Eccius ex animo diceret, Applicationes sacerdotales non esse in arbitrio solius Dei, ut ipse distribuat eas meritis, sicut B. Augustinus de defunctis docet, iam non cauda eius, sed caput, pedes & totus quidquid est, uenenum est. Horror mihi est audire, non à Iudeo, non à Turco, non à Bohemo hæretico, sed à Theologo catholico, suffragia Ecclesiæ non esse in arbitrio Dei solius, tu si sic doces populum, non concionator, sed uastator es Ecclesiæ.

Ego uero libere contra talem tam impurum hæreticum clamo & dico: Maledicta sit omnis applicatio cuiuscunque sacerdotis, si non eam prius pure
& reue.

& reuerenter in arbitrium Dei solius reposuerit, & applicationem Dei suæ longissime prætulit, suamq; conditionaliter applicauerit. Ita ne tandem Theologi Deum captiuum reddent, ut non faciat quod uult?

Sed omitto ista, Non enim de applicatione ego locutus sum, sed de acceptatione, quod Eccius ex præcedentibus, si ullum haberet nasum, olfacere potuisset. Nam aduersus eos posui, qui per illum suffragii modum dicunt animam euolare, cum tamen suffragium sit intercessio. Intercessionis autem ualor nō in offerentis, sed accipientis arbitrio consistit. Ideo cum Indulgentia, non ut Indulgentia per clauem, sed ut suffragium pro illis offeratur, negaui per ipsum animam redimi, nisi Deo sic placuerit, quæ res a me quidem disputatur, non asseritur. Expecto declarationem, sed non illam friuolam, id est, inferiorum. Quid autem ad dictum Sixti quarti dicam, in Probationibus uidebitur.

V.

XIIII. Obeliscus.

*Aduersus
29. Con.
Lutheri.*

EC. Scimus per scripturam, clamantibus ad nos animabus: Misereferimini mei, saltem vos amici mei, quia manus Domini tetigit me, Et cum charitatem Dei habeant & amorem, uellent q̃ primum copulari & vniri Deo, ultimo fini ordinate. Hoc non fit nisi pœna soluta aut compensata.

*Non animarum in
Purgatorio, sed
Sancti Iob ad ami-
cos suos, hæc uox
est.*

LVT. Ego nisi hic legissem, non sciuissem animas ad nos clamare, & cupere ad Deum uenire, adeo nouas & inauditas profert Eccius facer Doctor doctrinas, Et ideo mirum mihi est, contra quos nam posuerim, Facisset ironia, miseratione potius opus est.

Peto itaq; quomodo intelligat Eccius sua uerba? Quid est enim Deo uelle copulari ordinate? An non est ita, ut non quæ sua sunt, quærant, nec propter se, sed propter Dei gloriam & uoluntatem uelint Deo copulari? Quid si nunc Deus uelit eas nō cito sibi copulari: an nō & ipsæ uelint idem?

Sed quid tam Ecclesiastica cum Scholastico loquor? Mea ergo causa disputandi fuit hæc, q̃ non uideretur impossibile aliquas animas nolle de pœnis redimi, Sicut legitur in Sermonibus Tauleri exemplum insigne, de quadam uirgine, etiam ad Inferni pœnas sese tradente, pro uoluntate Dei. Et Mosès atq; Apostolus uoluerunt Deo carere in æternum, pro uoluntate eius. Sicut & sponsa in Canticis audet & dicit, Fortis ut mors, dilectio, & dura sicut Infernus, æmulatio. Et illud 1. Samuelis 2. Deducit ad Inferos & reducit. Verum scholastici Doctores fabulantur non de forti, sed de molli charitate, non quæ mala ferat, sed bona tantum quærat, id est, concupiscentiam sui commodi, Ideo sic nugantur.

Sermons Tauleri.

*Exod. 32.
Rom. 9.
Canti. 8.
1. Sam. 2.*

EC. De Seuerino iuxta hoc ultimum dicendum est. Historia mihi non occurrit, sed puellus adhuc vndecim annorum memini legisse, Patruo Seuerinum apparuisse, & purgationem suam cum causa reuelasse, ac Sacellani sui preces implorasse. Quod conclusioni Lutheranae repugnat. At si ita, debebat scire bonus vir, facta Sanctorum præter communem legem, non trahenda in consequentiam.

LVT. Omitto fastidia huius Rhetoris, & velut lusum suum securum in meas contumelias, Mendacia solum persequor. Nunquam dixi, omnes animas nolle redimi, nec feci legem & consequentiam ex uno exemplo. Sat autem feci, q̃ illorum uniuersalem redegì in particularem, ut audacem temeritatem ostenderem.

G iij

Deinde

A S T E R I S C I

*Exemplum S.
Seuerini.*

S. Paschalis.

Deinde illud exemplum Seuerini, quod falsum reprehendit, ducto ex puericia sua argumento, ut omnibus stulticiam forte suam testatam faceret. Ego autem non secundum quod legitur, sed, sicut audiui narrantes quosdam doctos uiros, posui. Horum enim erat sermo, S. Paschalem fuisse in Purgatorio, & tamen facta esse miracula ad eius sepulchrum, potuisseque se suis meritis liberare, sed noluit sibi sua minui premia, ideo maluit ardere. Simile de Seuerino recitabant.

Ego autem hos sermones, sicut non improbo, ita nec ut auctoritatem sequor. Sed causa disputandi aliosque audiendi produxi. Vnde signanter dixi: Narratur, Minus habent apud me fidei tales Libri, quam talium uirorum sermones, Magis autem, quae supra iam dixi, de Paulo & Mose.

EC. Augustinus contra orabat: Domine, hic ure, hic seca, ut in aeternum parcas.

LVT. Quasi ego prohibuerim, ne ullus oret pro redemptione poenarum, aut non possit alius uelle poenam, quam alius deprecetur. Sed ualeat contentiosus Sophista.

X V. Obeliscus.

EC. Cum communis ferat opinio, posse aliquem satisfacere in peccato mortali, puta Sacerdos in quadagesima, imponit huic emendam, usque ad festum Pentecostes, ut oret quotidie quinquies orationem dominicam, & sextis feriis ieiunet. Sacerdos uerisimiliter scit illum non tam diu futurum in gratia, Si non perficit emendam iniunctam, peccat. Si perficit, cur in nihilo satisfaceret? modo Indulgentiae solum sunt satisfactoriae &c. Ergo in peccatis posse consequi, non esset improbabile, sicut ego de facto teneo & tenui.

*Aduersus
30. & 32.
Conclu.
Lutheri.*

LVT. Hunc obeliscum oblitus, in fine omnium apposuit Eccius, necessarium ratus, ut ego agnoscerem, quod tenebricosis, scoticisque ipse uersaretur in tenebris.

LVT. Multis modis mihi displicet corrosus hic & inutilis obeliscus. Breuiter facerem, si totum quod lallat, negarem, Ex media scilicet fece scholarium opinionum has profert nebulas.

Dico itaque, quod existens in peccato mortali, si orat orationem Dominicam, non orat, sed maledicit sibi ipsi, eo quod talis in animo sit auersus ab omnibus quae petit, imo contrariatur omnibus petitis, Non ergo satisfacit Deo, sed magis reus fit.

*Libellus F. Augustini: de Litera
& Spiritu.*

Si Eccius uel unicum illum de spiritu & litera libellum B. Augustini legisset, fortiter mihi persuaderem, quod non solum hunc, sed omnes obeliscos, imo studium suum scholasticum totum damnaret & deploraret.

Id sane admitto, quod sic orans satisfaciatur Ecclesiae, quae ei imposuit, non autem Deo. Imo firmiter credo, non esse mentem Ecclesiae, quod poenitentia iniuncta debeat durare ultra quam ille sit aptus implere, scilicet donec fuerit in gratia. Nam non est praesumendum de pia Matre, quod uelit inutilia praecipere, aut imponere non salutaria. Imo ipsa praesupponit omnino esse, & actum primum, antequam imponat actum secundum. Sic igitur sapio, nihil curans, quicquid contra opinentur Scholastici, quicquid contra nitatur usus, imo abusus indoctorum, in quo si erro, cupio doceri.

Et alia

Et aliquando latius ista agam. Infinitos enim Conscientiarum laqueos nobis indocti opinatores, & humanarum legum ponderatores in Ecclesiam introduxerunt. Ideo relapso in peccatum, remittendæ sunt omnes iniunctæ pœnitentiæ, nec longius iniungendæ, q̃ donec sit in gratia. Si enim corporis laborem non potes imponere, nisi donec ualeat corpus, quanto magis animæ labor non longius intelligitur impositus, q̃ sit ualetudo animæ. Mortuis nihil imponendum est.

Laquei conscientiarum in Ecclesia inuerti per Scholasticos.

Porro ego non dissentio, Quod Indulgentiæ possunt dari etiam non contritis, non necessario fundamento Ecclesiæ, sed quod remissio pœnæ, ut est uilissimum donum Ecclesiæ, potest etiam indignis donari, dignis enim potius etiam imponitur a Deo. Quæ omnia ex eo fundamento dico, q̃ nullæ sunt satisfactoriæ pœnæ, nisi per Ecclesiam libere institutæ, & olim ante absolutionem imponi solite, nunc quare imponantur post absolutionem, ignoro.

XVI. Obeliscus.

Aduersus 34. Conc. Lutheri. E C. Appendicem Conclusionis non recipimus, alioqui absolutus post pœnitentiam iniunctam deberet dicere, Quod minus iniunxi, suppleat voluntas Papæ, cum dicat. Quod minus iniunxi, suppleat amara passio Christi, Neque aliquis sacerdos esset dicendus, vicarius Dei, sed Papæ & Episcopi.

L V T. Et ista fabula est eadem, qua supra dixit, Per sacramentum remitti pœnas a Deo impositas. Quod negavi & nego, nec ipse probare potest. Deinde iterum inculcat, Quod passio Christi seu sacramentum solum remittat pœnas, sic enim solet dignificare sacramentum & passionem Christi in sacramento operantis, ut non culpas, sed pœnas remittat, nec has nisi temporales tantum, Vere grandis gloria passionis Christi, q̃ pœnas temporales remittit, quas etiam Gentes contemnunt.

Porro illud acutissimum acumen admiror, quo ex triuio etiam inuenit aduersus me argumentum, scilicet q̃ sacerdos absoluens dicit: Quod minus est, suppleat amara passio Christi. Hic forte non fuerit mihi tutum dicere, q̃ iste ulus sacerdotum mihi non placeat, ne iterum dicat, Bohemicum uirus me seminare. Verum uxor tam indigne passionem Christi haberi, ut ipsa sit supplementum, & uelut cauda nostrarum operationum. Deniq̃ cum ipsa ad pœnas potius inflammet q̃ remittat, ad remissionem uero pœnarum sufficiat uoluntas hominis Papæ. Sed hæc latius suo tempore.

Passio Christi.

Id ridiculum debere dici: suppleat uoluntas Papæ. Semper somniat necesse esse supplere & satisfieri Deo per pœnas, ac remissionem non posse fieri nisi per aliam compensationem, ut sic nulla sit remissio uera, sed solū permutatio legitimaq̃ satisfactio per alium, Quod & Canonistæ damnant, & uocabulo Indulgentiæ repugnat. Si enim est uera remissio, nihil oportet compensare alibi, Si fit compensatio, non est remissio, sed satisfactio. Quid ergo nos ludunt simulatis uerbis, & rem non appellant suo nomine, ut Indulgentias non indulgentias, sed compensationes uocent. Imo ueriores sunt satisfactiones, si Christi passio supplet, q̃ si nos ipsi satisfactiones soluamus, Quis enim tam horrenda hæresi laboret, ut passionem Christi non præferat suis pœnis & operibus? Sed hoc in Probationibus diffuse.

VI.

XVII. Obeliscus.

Aduersus 36. Conc. Lutheri. E C. Erronea prorsus Propositio, cum stet plures esse uere compunctos sine plenaria remissione, Accipio enim morientem purgandum, ille est uere cōpunctus, alioqui sacramenti gratiam & remissionem peccatorū nō acciperet, & tamen non habet remissionem plenariam

G iij

riam

A S T E R I S C I

nam poenae, alioqui non esset purgandus. Vnde multum periculose posuit vniuersalem, q̃ particulariter probatum nullam haberet difficultatem.

LVT. Si Eccius tam promptus esset quærere & audire, q̃ est iudicare & condemnare, nō tam insulsus fieret tot delirijs & nugis. Ecce unum aduerbium, scilicet uere, fecit eum tam pudendo errore labi. Ego compunctum uere accipio, plene cōpunctum, quem etiam euolare sine Sacramentis dicunt omnes, & qui negat, est hæreticus & in Deum blasphemus, Ideo uniuersalis mea stat firmiter.

Vltra dico, etiam semiplene compunctum, & quem ipse accipit, similiter habere remissionem plenariam, a poenis ecclesiasticis sibi debitam, quia sacerdos debet ei remittere, quando uidet compunctum. Nec requiritur poena satisfactoria, ex cuius somnio omnia Ecciana ista procedunt.

XVIII. Obeliscus.

EC. Vera Propositio. Ac (vt ex sequentibus patet) cum uaria sit Sanctorum communio, bonorum & meritorum participatio, Lutherus mirabiliter illas ubiq̃ confundit, Alioqui si similis esset, & solum generalis participatio existentium in charitate (sicut ait David: Particeps ego sum omnium timentium te) iam frustra essent omnes Fratemitates, omnes Congregationes, quod nihil aliud est, q̃ Bohemicum virus effundere.

*Aduersus
37. Conc.
Lutheri.*

LVT. Duas istas insignes contumelias, q̃ me & hæreticum & uirulentum uocat mea quidem ex causa propter Euangelium ferendas puto, solū illud Christi exemplum secutus, dicendo: Dæmonium non habeo, Tamen quia in insigni Academia, in approbata religione, in illustriss. ducatu Saxoniæ, in amplissimo Episcopatu, & his omnib. Catholicis. Deinde ego ipse nihil asserens, sed disputans, ac Catholicus esse quærens, cum hæreticum non faciat nisi pertinacia erroris in fide, hic autem error solus est, si tamen est error. Deinde non in fide, sed in opinionibus scholasticis, opus erit, ut super hac re Eccium iniuriarum conueniam, & os eius mendacijs & blasphemijs abundans, eo aliquando perducam, ut mendacijs suis fidem faciat, aut probet simplicem errorem, esse uirulentam hæresim.

Quid hæreticum faciat.

Si disputare est hæreticum sapere, iam Eccius omnium, quos uidit Ecclesia, est hæreticissimus, quippe qui in quatuor illustrissimis Academicis, uenenis, id est, disputationibus, omnia intoxicauit. Miror hominem, q̃ non ad ungues pedum usq̃ friget, quando ad Sacramentum altaris accedit, si tamen memor est tantæ in Fratrem suum crudelitatis. Per omnia mihi Eccius facit, sicut Iohanni Reuchlin fecit ille suus Satan, Vterq̃ id studij habet, ut si posset omnes lernas, omnes sentinas, omnia barathra errorum, hæresium, malorum irruare, tum suo uterq̃ frueretur gaudio.

*Iohannes
Reuchlin.*

SEd ad Positionem, omitto uariam illam participationem bonorum, de qua gloriatur Eccius, Quid illa sit aut faciat, iudicent alij, Mihi multū uideatur in ea foueri carnalitatis, Quin libere proclamo, eam esse noxiam multis modis, nisi generalem illam, ueram, germanam, ecclesiasticam, tum Euangelio tum oratione Dominica commendatam, longe sibi prætulerit. Nec est hæreticus, qui eas contempserit, multoq̃ melius facit, qui eas in unum confundit, q̃ qui eas distinguit. Sic enim Apostoli docent, quantumuis Scholastici Morphet aliter sapiant.

Tamen

Tamen utcumq; illa sint, ego dico de generali illa & uera participatione bonorum Ecclesiae, hanc, inquam, habet quilibet Christianus, sine literis ueniarum, quae sola sibi sufficit, de qua toties. B. Augustinus loquitur contra Donatistas, unitati Ecclesiae prorsus omnia tribuens. Nec credo aliam conferri per literas ueniarum, aut probetur. Latret ergo Hecuba ista, donec canis fiat, opinionibus hominum nihil moueor.

XIX. Obeliscus.

Aduersus EC. Non apparet adeo difficile, cum contritio respiciat culpam, *39. Concl.* & indulgentia poenam pro culpa debitam. Et iuxta haec emendetur *Lutheri.* sequens, scilicet, Quoniam contritionis veritas poenas quaerit, ut satisfaciatur in se vel equiualehti, quo ad satisfactionem.

LVT. Fateor haec omnia esse vera, si scholastica sunt uera, Quod Eccius asserit, ego nego. Et sic est petitio principij.

XX. Obeliscus.

Aduersus EC. Vera Propositio, quo ad merendum, falsa, si intelligatur ad *42. Concl.* satisfaciendum. *Lutheri.*

Roma. 8. LVT. Iterum illud figmentum prodit, qd poenae sint satisfactoriae tantum, non autem meritoriae, cum tamen Paulus dicat, Omnia electis cooperari in bonum. Et ipsimet Scholastici fatentur, satisfactiones simul esse & meritorias. Ex quo eque sequitur, Indulgentias esse uiliores, qd satisfactiones, melius est enim satisfacere simul & mereri, qd ociola satisfactione tantummodo gaudere. Ultra sequitur, qd Indulgentiae sunt noxiae, Quia remissiones & omissiones meritorum, sic enim ex eorum proprio sequitur commento.

Ego autem, ut supra, nego istam duplicem poenam, Quia Iohannes Baptist^a *Iohannes Baptista* ptista, qui certe missus ad hoc ipsum fuit, ut poenitentiam doceret, nihil prorsus imposuit satisfactionis, sed militibus alijsq; non nisi praec^apta uitae praec^auit. *poenitentiam docuit.* scripsit. Detestanda autem sit blasphemia, si quis dicat, eum non docuisse plenam & integram poenitentiam, ut necesse sit, a Scholasticis satisfactionem, uelut tertiam partem addere (quam Iohannes ignorauerit) & id iuxta diuinam sententiam uolentibus requiri, non tantum ecclesiastica potestate, tunc certe Iohannes Baptista in laqueum & seductionem uenisset, cum nullos docuerit satisfacere.

At dicunt: Iohannes docuit: Facite dignos fructus poenitentiae, ergo satisfactionem uoluit. Respondeo: Vera est Glosa, si licet scripturam nostris somnijs contaminare. *Fructus digni poenitentiae.* Fructus istos poenitentiae dignos ipsemet exposuit, quando turbae querenti, quid facerent, respondit: Qui habet duas tunicas &c. id est, ut bene uiuerent, Sic enim satisfit Deo.

Ego tamen hic scholasticis Doctoribus simul & Eccio, consuluerim, ut omisso Christo & Iohanne Baptista (quia non sunt Scholastici) ad patrem suum Aristotelem confugiant, & eo Doctore freti, mihi ogganniant illud sacerrimum oraculum: Ab autoritate negatiue non ualet consequentia. Sed mittamus scholastica illa nugacissima, Eccius non loquitur scholastice.

XXI. Obeliscus.

Aduersus EC. Melius facit meritorie non satisfactorie, ut ipse declarat *43. Concl.* Conclusionem sequenti. *Lutheri.*

LVT. Ita

A S T E R I S C I

LVT. Iterum ex Caho opinionum somniat aliud satisfactio-
nem, aliud meritum, quod supra satis est improbatum.

XXII. Obeliscus.

EC. Scimus omnes, quoniam egeno, in extremis vel quasi consti- *Adversus*
45. Conc.
Lutheri.
tuto sit subueniendum sub præcepto, eodem modo intelligatur de ha-
bente solum necessaria domi.

LVT. Hæc est illa scelix Theologia Scholastica, ob quam vel
Plutologi. solam omnes Scholastici digni essent favore, quem olim Romani Philoso-
phis, & Plato Poetis in Repub. decernebant. O non Theologi, sed Pluto-
logi, scilicet necessitatem nobis interpretantur extremam, uel quasi, Obse-
cro te, quis Angelorum permetteretur hanc seminare glosam?

Ergo non est mutuandum egenti, nec comodandum utenti, nec uestien-
dus nudus, nec uisitandus infirmus. Denique nullum opus pietatis aut chari-
tatis faciendum, nisi dum eo peruenerit proximus, ut iam sit spiritum exhalat-
urus, alias quando erit necessitas extrema? Videlicet, quasi Spiritus sanctus
sit adeo indoctus, Vt cum simpliciter necessitatem dixerit, non intellexit,
seu oblitus est addere extremam, uel quasi, quod nostris Scholasticis erat re-
linquendum, ne frustra ipsi quoque uixissent aut docuissent, Cur, quæso, ipsa
humanitas naturalis tantam habet bonitatem, ut gratis se offerat, nullam ex-
pectet necessitatem, Imo sollicita est, ne sit necessitas. Et charitas Dei com-
parabiliter benignior nullum illorum facit? Vides ne iterum, contamina-
tores esse scripturæ Doctores scholasticos?

EC. Plura possent dici de sequentibus Propositionibus, quarum
plures sunt incoctæ & insipidæ, nisi dicas quod Bohemiam sapiant.

LVT. Ecce os effrene & plenum maledictione & amaritudine.
Propositiones illæ, quia non nisi charitatem & pietatem proximi fructuo-
sam continent, ideo sterilium Indulgentiarum, & nulli nisi suo commodo u-
tilium amator, Bohemicas uocat. Et quomodo potest inuidia aliud nomen
dare charitati, quæ pessimum? Ego, etiamsi Eccius esset angelus, in medio Se-
raphim, adhuc dico ipsum esse impiissimum hostem charitatis, seductoremque
simplicis populi, dum docet, steriles Indulgentias populo bonas esse, ac cha-
ritatis prædicationem esse Bohemicum saporem.

EC. At irreuerentia in eis ponderanda est summi Pontificis
sancta.

LVT. Prius fui hæreticus, Bohemus, uirulentus, denique quid
non? Nunc, ne nihil mali non fecerim, irreuerens sum summo Pontifici. Ec-
cius iuratus, ut me obruat maledictione, Timor aliquis factus est, aut dignus,
qui Lyndio Herculi summo fungeretur sacerdotio. Deus bone, Nihil ne ali-
ud nouit homo iste, quæ maledicere, contumeliari, calumniari, blasphemare? &
interim tamen est reuerendissimus summo Pontifici, & Theologus, id est,
Deum loquens, si Deus est blasphemia & maledictio.

Ego ne irreuerens sum summo Pontifici, qui homini, eo miseriore quo
maiore, necessarias assero multorum orationes, plus quæ pecunias? An potius
ille in Deum & Pontificem est contumeliosus, qui id falsum asserit, uo-
lens potius pecunias esse necessarias, quæ orationes? Si contumelia id dum-
taxat est, ac non potius impiissima perfidia? Verum adulatoribus nullum
uicium,

uicium, nullum crimen est magnum, quin adeo sibi fingunt Christum abesse ab Ecclesia & Pontifice, ut uelut hominem purum ac iolum citissime possent circumueniri suis pestiferis adulationibus confidant, ac eo magis se uera dicere, quo insidiosius adulantur, Imo non aduertunt, per Dei admirabilem sapientiam id relictum sit sane unicum) Ecclesiae praesidium, ut etsi Papa cum uniuersa Roma uellet adulatoribus consentire, ac ueritati dissentire (quod Deus auerrat) non tamen id auderet, tum multitudine eruditorum & ingeniorum (Christo fauente) prospere agentium, tum potentia regum ac principum illis impenite fauentium, tum certe multis in Curia proceribus, plus his omnibus sinceram pietatem fouentibus. territus ac prohibitus. Quid n. audebit uel ipse Diabolus, nedum malus homo, cum uniuersis adulatoribus, si Biblia & ecclesiasticos Doctores, contemptis illis opiniosis Sophistis, sibi uiderint opponi? Adeo ne praesumit crudelis, sed cicur illa tyrannis adulatio, ut etiam uerbis Dei audeat occurrere? Sit Christus mecum, & uerbum suum, & *Psal. 27.* & non timebo, quid faciat mihi uel totus mundus.

Adulatores
Papae.

Hac dico, ne illi picti Neronis ac umbarum imagines suis terroribus, id est, adulationibus. sese ideo recte dixisse ac uicisse credant, quia summi Pontificis maiestatem suis mendacijs sese corrupturos sperant. Homo est summus Pontifex, falli potest, praesertim a tam astutis & speciosis Gnatonibus. Sed ueritas est Deus, qui falli non potest. Quocirca rogo meos amicissimos hostes, ut dignentur me deinceps, non adulatione Papae, nec Magistris nostris eximijs, terrere, sed solidis Scripturae & Patrum decretis docere, uel uincere, si omnino placet uictoria.

Homo uanitas.
Deus est ueritas.

XXII. Obeliscus.

Aduersus E C. Indulgentias esse satisfactorias superius fassus est, Et cum *38. Concl.* iniungendo poenitentiam sacerdos dicat: Quod minus iniunxi, *Lutheri.* suppleat amara passio Christi &c. Cur recurrit ad illum thesaurum?

LVT. O uena non publica, & ingenium vere peripateticum, scilicet: Sacerdos ita dicit, ergo ita est. Tenet consequentia ex Dialectica fidei. At dicet mihi: Usus Ecclesiae est reuerentia dignus. Si usus est, meritum passionis Christi, & Sacramentum ad remissionem poenarum tantummodo institutum credere, ac non potius est insania, concedo. Deinde, si id potest probari Ecclesiastice, iterum & magis concedo. Et cum toties illud ecclesiastice (licet inuitus) repetem, spero Eccium tandem moueri se intelligere, ut deinceps non scholastice, contra ueritatem latret. Ita quicquid uel barbarissimus ac supersticiosissimus aliquis inuenit sacerdos, pia (ut uocant) intentione, id etiam Theologis tam doctis pro usu Ecclesiae censetur habendum.

Compatiendum tamen est sacramento poenitentiae, quod autoribus his Magistris nostris eximijs, eo peruenerit dignitatis, ut inter omnia solū sit, quod poenas relaxet, & non sit uas gratiae, nec signum, nisi poenarum, Cum baptizamus non poenas, sed peccata remittat, & gratiam conferat. Ita Confirmatio, ita Eucharistia, ita Ordo, ita Matrimonium, ita extrema Unctio, peccata haec omnia remittunt, & gratiam conferunt. Solum poenitentiae Sacramentum est, quod poenas remittit ac satisfacit, non autem meretur, nec gratiam infundit, forte adulterum est inter septem & spurium, sicut apud Poetas fingitur de Pleiadibus, iuxta Eccium loquor, Nam caeteri forte negabunt, Indulgentias pertinere ad poenitentiae Sacramentum.

Sacramentum
poenitentiae.

7. Sacramenta.

EC. Porro,

A S T E R I S C I

EC. Porro, si omnia mala, poenas & cruces mundi pateretur homo, merito passionis Christi, frustra diceretur Christus vicisse mortem, redemisse genus humanum, mortem clavis cruci affixisse.

LVT. Nemo mihi persuadebit hanc orationem ab Eccio posita tam ex animo. Absit, ut homo Theologus contra omnium sensum loquatur. Imo etsi uerba eius sonant, ac si neget hominem moriturum, eo qd Christus mortem uicit, quod omnem furorem excedit.

Volo tamen, credoq; eum id uoluisse (ut sic diuinem) merita Christi non operari mortem, id est, Christi mors non facit, ut homo moriatur, quæ potius uitam operatur. (Veniam mereor, si erro, obscure enim loquitur ferrugo ista obelistica) Si hæc ergo est intelligentia Eccij, Quid hinc ostendit, nisi insignem suam insciam? qui Aristotelica farragine, imo sartagine uerborum infartus, modum apostolicæ locutionis ad peripateticæ transfert nugacitatis logomachiam. Exponam tamen meipsum, ut inuido calumniatori beneficus sim.

Volo, qd merita Christi sint non remissiones mortis, crucis, Inferni, sed potius exhortationes, id est, qd Christianus uere Christum amans, non querit remissiones poenarum huiusmodi, sed exemplo & amore Domini sui excitatus, optat eum sequi per easdem, contemnitq; Indulgentias. Hoc uolui, quando dixi, passionem Christi esse operatricem poenarum, non autem indulgentiarum, ad quod Papa nihil habet potestatis.

*Passio Christi
operatrix poenarum.*

EC. Neq; declaratio eius valet, cum a participatione meritorum Christi vniuersali ad particularem decurrit, ut supra diximus.

*Aduersus
37. Conc.
Lutberi.*

LVT. Bene remittit ad superiora somnia, ne committat hic maiora, Vide & tu ibidem illam egregiam, id est, scholasticam distributionem participationis.

EC. Vnde impudentissimus error apparet, merita Christi non esse infinitum Thesaurum, etiam ordinatæ dispensationi Papæ non commissum.

LVT. Vt Grammaticam etiam in Theologo requiram, si est *Error.* error, quomodo est impudens, nedum impudentissimus? Error est res digna uenia, non enim impudenter asciscitur, sed ignoranter incurritur, Non qd magnum existimem in Grammatica errare Theologum, sed ut uideas, qd magis furore, qd ratione mouetur.

*Impudentissima
temeritas in
Ecclesiam etc.*

Tentabo ego aptius (si possum) dicere. Impudentia quædam est, si quis in Philosophia Aristotelis doceat, quod illius autoritate non putetur probari. Concedis? Longe ergo impudentissima omnium temeritas est, aliquid in Ecclesia asserere & inter Christianos, quod non docuit Christus. At hoc est, quod hic noster Eccius garrit, dum nihil scholastice loquitur, & solus pudenterissime ueritatem sequitur, scilicet, qd Thesaurus meritorum Christi est in manu Papæ. Vbi hoc Biblia? ubi Patres? ubi Canones? (excipe Magistros nostros) ubi in toto mundo?

Atq; ut & ego paululum stomacho indulgeam, furor & indignatio Dei est, atq; nihil aliud, qd ianuam & introitum patefacere omnibus hæresibus, erroribus, totiq; prorsus Tartaro, tam libere quicquid libuerit, asserere, Cum spiritus dicat: Omnia probate, quod bonum est tenete. Si enim scholastici Doctores, infelices Magistri tui, ab hac sibi temperassent licentia asserendi, distinguendi, opinandi, propria (ut dicunt) sua intentione, non tot nunc Ecclesia scateret erroribus & furoribus, nec tu tam liuidos & atros inuenisses obeliscos.

Fateor

Fateor quidem in Extravagante Clementis V. narrationem fieri de Thesauro meritorum Christi, per Indulgentias distribuendorum, sed nunquam lego illud esse approbatum. Aliud est, Papam narrare, aliud statuere, imo longe aliud Papam statuere, & Concilium approbare. Denique non sum ego, neque Eccius, neque Magistri nostri, apostolicæ Sedis declaratores, nisi friuoli esse uelimus, ut Eccius dixit, non friuolus.

Extravagans
Clementis V.

EC. Vnde quilibet Christianus potius debet in eum Thesaurum spem suam reponere, quam ex pœnis, crucibus & tormentis remissionem, tanquam ex suis meritis sibi debitam, exponere. Quoniam si omnia fecerimus, congruit, ut dicamus: Quoniam serui inutiles sumus. Et hoc profunde ponderatum destrueret omne fundamentum quasi dictorum illius boni iuri.

Luc. 17.

LVTH. Si Eccius loqueretur de culpæ remissione in his uerbis, iam totus esset Ecclesiasticus, & me omnino haberet, qui pedes eius, imo uestigia, oscularer, adeo mihi placeant uerba. Plane maledictus sit, qui non toto corde confidit in Thesaurum meritorum Christi, Sicut ait Iere. 17. Maledictus, qui confidit in homine. Hoc est quod doceo, scribo, cogito, clamo, & omnibus uiribus cupio, & non destrueret fundamentum meum hoc profunde ponderatum, sed robustissime statueret.

Luc. 17.

At uero, cum miser Theologus hæc uerba intelligat de remissione pœnæ, & ut est Thesaurus ille in manu Papæ, non solum non profunde ponderat uerbum Christi, sed prorsus pessundat. Nam uult hominem confidere in remissionem pœnarum, & merita Christi ad tam impiam fiduciam supponere.

Ideo, ut me clarius exponam, Finge, quæso, uel nugandi gratia, merita Christi esse thesaurum remissionis pœnarum, ne id omnino pertinaciter negem. Adhuc dico meritum Christi esse incomparabiliter præstantius, dum operatur cruce & passiones, quam dum remittit, Atque cogor distinguere uel fingere, Meritum Christi potest nobis prodesse tripliciter.

1. Cor. 1.

Primo, ut sit nostræ fiduciæ summa, & caput iusticiæ, iuxta illud Pauli: Qui factus est nobis iusticia à Deo, id est, qui suam iusticiam fecit esse nostram, sicut peccata nostra fecit esse sua:

Meritum Christi tripliciter nobis prodest.

Secundo, quod eadem nobis causa sint similia faciendi, ut & nos ita, tum pro nobis, tum pro alijs faciamus. Hæc sunt opera operata meritorum Christi. De his duobus B. Augustinus lib. 3. Tri. ca. 4. dicit, quod uita Christi, est simul Sacramentum & exemplum. Sacramentum primo modo, dum nos iustificat in spiritu, sine nobis. Exemplum, dum nos similia facere monet, etiam in carne, & operatur cum nobis.

Vita Christi sacramentum & exemplum.

Tertio, ut remittat (ut uocant) satisfactiones peccatorum. Iste tertius, inquam, modus nullius est autoritatis canonicæ uel ecclesiasticæ. Quod si esset, adhuc tamen uilior esset, quam secundus, sicut secundus uilior, quam primus. Imo non intelligo, quomodo hic tertius modus sit possibilis, ideo disputare uolui.

XXIII. Obeliscus.

Contra
60. Con.
Lutheri.

EC. Inculta & exoculata Propositio omnino, nam qui dicere potest, eandem esse rem, Thesaurum & clauem, cum clauis ad aperiendum pro Thesauro sit instrumentum aptum, Quin potius hic causa accipitur contra Lutherum. Si Christus clauem dedit Ecclesie, ab eo

H petatur.

ASTERISCI

petatur. Ad quid? Quis est iste Thesaurus? Quomodo per clauem aperiendus? Est ergo Propositio, ensis Aiakis seipsum interimens.

LVT. Videns quam cultus, & uel Argo oculatior sit iste obeliscus. Nonne rectè dixi in principio, Videri Eccium in diebus carnis priuū inter pocula bene potum, istos obeliscos fabricasse? Vel certe documento sit unus Eccius, furorem & rationem non simul posse in eodem cerebro habitare.

Primum, ex libro Priorum Aristotelis pugnat, Clavis est instrumentum ad aperiendum thesaurum. Miror, eum non dixisse, ad aperiendam cistam thesauri. Siquidem & cistam esse aliud, quam thesaurum, necesse est, deinde & seram. Atq; si Allegoriam uel Metaphoram totam persequaris, totam suppellectilem urbis Romæ forte huc conuehi oportet.

Deinde sibi ex eodem Syllogismo acutissimo perplexus factus, quaerit: Quomodo simul clavis aperiat & aperiatur, dum est simul clavis & thesaurus? Insulsiſſimus Disputator, qui audit me negare thesaurum eum, quem ipse ponit. Ego enim distribuentem (id est, à Christo clauem donatas) dico thesaurum, Ipse autem per clauem distributum ponit, id est, Ipse distributum à Papa, ego distributum à Christo.

Aiakis ensis.

Ultimo, hanc Propositionem ensem Aiakis asserit &c. Nouus, pro hominum fidem, Aristarchus, imo nouus Homerus. Quis enim unquam finxit, quod ensis Aiakis seipsum, ac non potius, quo se Ajax interemit? Sed dandum est aliquid serotinæ potationi, Voluit enim dicere, Propositionem esse ensem Aiakis, scilicet, qua meipsum, non qua se interimeret, sicut Aiakis ensis non se, sed Aiacem interemit. Forte somnians illam bestiam, quæ se ipsam comesset, & pro eadem in Aiakis ensem raptus.

XXIII. Obeliscus.

EC. EVangelium esse thesaurum doctrinatum & instructum credendorum, nemo negat, At ex eo thesauro præstari Indulgentias, prorsus est ridiculum, cum neque Papa largiens, neque Sacerdos exequens absoluendo, huius meminerit, Neque aliquis Doctorum in materia Indulgentiarum unquam seminauerit, dempto illo nouo Propheta, qui egreditur terminos, quos constituerunt Patres nostri.

*Contra
63. Con.
Lutheri.*

LVT: Patres nostros, credo, Aristotelem, Porphyrium suosq; sequaces uocat, qui non sunt noui Prophetae, sed Patriarchis uetustis, Apostolis quoque & (ne nihil omittam honoris) Angelis cœlestibus sunt digniores, quos Eccius colat. Nam ecclesiasticos Patres non ab eo notari hoc loco, etiamsi furat, concedet necessario.

Deinde eadem ebrietate merſus spumat me asserere Indulgentias de thesauro Euangelij dari, quod nullus, inquit, largiens intendit. Ignosco carnis priuialibus disputationibus, quales nisi essent, poterat uel ex suis uerbis supra dictis meminisse, me dicere, Indulgentias non ex Euangelio, sed ex clauibus donari. Has enim à me thesaurum Indulgentiarum positas esse, supra satis intellexit, eumq; thesaurum ab euangelico thesauro distinctum, sed clarius infra. Sed uoluit ridiculum habere Theologus pro festiuitate dierum illorum Bacchanalium, quod cum nusquam esset, finxit in meis Positionibus

xxv. Obe-

XXV. Obeliscus.

Contra
67. Con.
Lutheri.

EC. Propositio plena ueneno, quæ seditionem excitare nata esset, non charitatem Christi augere. Quod si Lutherus pio afficiebatur amore, non coram pusillis (qui alioqui facilius scandalizantur) sed coram his, quorum interest talia proponere debuerat, & forte quis scit, si Deus incrementum dedisset & profectum.

LVT. Gratias monitori tandem aliquando beneuolo, sed præmissa rabie, Rogo, cur summus Pontifex distin. 5. lib. 6. Cle. De abusibus quæstorum seuerissime statuens, tam multis uerbis non excitat seditionem, & omnia replet ueneno, cum hæc faciat asserendo, & præcipiendo, quod ego paucis uerbis tango, non nisi disputando? An nulli sunt quæstiones, qui abutuntur suis facultatibus? aut de abutentibus nec disputare conceditur? An Eccius solus omnium tandem flagiciorum procedit Patronus? An non est hoc ueneno omnia replere, resistere uiciorum infectatoribus, imo Pontificijs decretis? Theologus id docet & facit, si Theologus dicendus est, qui tanta dæmonia loquitur furibundus & anhelus.

Deinde unum rectissime dicit, me scilicet pusillis scandalum dedisse. Nam cum ego non lingua uulgari ædiderim, nec latius quam circum nos emiserim, adde, solum doctioribus obtulerim, & amicis eruditioribus, non inuenio pusillos, nisi Patres nostros, antiquos Prophetas, id est, scholasticos Magistros nostros eximios, At horum scandalum sciebam futurum, sciensq; ac prudens contempsi, non solum in hac, sed in omnibus alijs meis Positionibus. Recte, inquam, pusillos uocat, nec ad ullum aliud officium idoneos, quam ut scandalizentur.

XXVI. Obeliscus.

Contra
69. Con.
Lutheri.

EC. Si hæc uera sunt (Papa dicit thesaurum Indulgentiarum hauriri ex merito Christi) Cur ergo Lutherus superius contradixit?

LVT. Ego ne, mi Eccii, statim admittere tibi uideor, Indulgentiarum thesaurum esse merita Christi, quia suadeo Indulgentias cum reuerentia permitti debere? Adeo ne idem est, Indulgentias admittere, & Indulgentias merita Christi appellare? Nonne & excommunicationis & absolutionis decreta, statuta, rursus abrogationes, declarationes, dispensationes Papæ oportet cum reuerentia suscipere, & nullus tamen hæc uocat merita Christi? Quomodo ergo tu somnias mihi ex logicissima Logica tua me mihi ipsi contradixisse, quod superius negavi, indulgentias esse merita Christi, & hic dico eas esse admittendas? An te tuum Petrum Hispanum docere debeo, de Propositionibus utroq; termino participantibus? In qua uero Bulla inuenis Papam dicere, indulgentias hauriri ex merito Christi, nisi in illa extrauagante Cle. V. de qua supra dixi, & suo tempore latius dicam? Extrauagans Clementum V.

EC. Omnem Pœnam debitam relaxandam dicit Papa, Cur ergo Lutherus inuitat ad solas pœnas arbitrio Papæ impositas? Ita per alias pergas Conclusiones superiores.

LVT. Non Papa, sed Eccius dicit, omnem pœnam relaxandam. Cur autem ego id dicam, supra satis dixi, Quia non scholastica, sed ecclesiastica quæliui, Non friuolos superiorum declaratores, sed approbatos Ecclesiæ autores.

ASTERISCI LVTHERI

XXVII. Obeliscus.

EC. Propositio sonat falsa, & capitis Ecclesiastici derogatiua. *Contra.*
77. Con.
Lutheri.
Verum, si personas priuatas Petri & Papæ aspicit, uera est Propositio, si uero auctoritatem papalem attendit, minime est attendenda.

LVT. Quid audio? Ergo Petrus, Papa non habet maiores gratias, quam indulgentias? Forte quo Eccius propius accedit fini, eo insanit liberius, & loquitur uenenatius.

Ego hanc Conclusionem (ut scias Eccius) ita defendo, ut si tu ex animo contradixeris, non Bohemicum hæreticum (hic enim Sacramenta omnia admittit) sed communem totius Ecclesiæ hostem te appellabo & probabo. Quis enim uspiam Christianorum feret, ut Papa seu S. Petrus non habeat maiores gratias, quam indulgentias? Ergo Indulgentiæ sunt plus, quam Baptismus, Confirmatio, Eucharistia, Euangelium, potestas iudicandi, & omnia maxima. Vere itaq; est blasphemia in S. Petrum & Papam, dicere, quod Indulgentiæ sint maximæ omnium gratiæ.

Quod si hunc sensum Eccius non habuit, debuit temeritatem suam digere prius, & non tumultuarie, sed Theologicè contra definire, nec ante quam intellexisset. Ego enim contra eos posui, qui Indulgentias istas sic ebuccinant, ut audeant statuere, non posse Papam maiores dare, cuius sententiæ meæ contrarium (ut uideo) Eccius hausit, nihil intelligendo, dum nimis intelligit.

XXVIII. Obeliscus.

EC. Contra facit hæc disputatio, & temeraria Indulgentiarum uilipensio, ut non a calumnijs tantum, sed uix a gladijs argutorum Laicorum Ecclesiastici defendi possint. *Contra.*
81. Con.
Lutheri.

LVT. Sicut præcedens, ita & iste obeliscus ualet multum, imo totum ab adulatione summi Pontificis. Sic enim solent indocti asini (id est Scholastici) disputare, ut quod nec scripturis, nec auctoritate, nec ratione possunt conuellere, id adulatione Pontificis impugnent. Nihil solliciti, quam uere, sed quam placite dicant, modo triumphus spes uel falsa arideat.

Id tamen spero, uel scholasticæ suæ Theologiæ gratia, mihi concedet fabulator noster, quod Indulgentiæ non sint meritoria, nec ad salutem necessaria. Quod si ita est, spero mihi licere eas omittere, nec me cogi ut redimam. Ideo non esse uilipensionem earum in me temerariam, sed uecordem & contumeliosam Eccij inuidiam, quæ licentiā pro temeritate interpretetur. Dico deniq; (etiamsi rumpantur illa Codro) uelle me, ut nullæ essent usquam Indulgentiæ, & expecto declaratorem non friuolum, an sic sim hæreticus.

Porro id quod ait, Ecclesiasticos uix defendi a gladijs Laicorum, iste est alter neruus, & communis locus omnium argumentorum scholasticorum. Ecclesiasticos quidem defendi facillimum est. Christus enim eis præsens est. Scholasticos autem periclitari nihil mirum est, quando solo Aristotele duce tuti sunt. Deinde nihil aliud moliantur, quam tyrannidem, id est, ut Theologia in noua uocabula effusa à populo non intelligatur. Deinde negotium indulgentiarum ita abscondatur, ut nec ipsi intelligant, quid ualeant, satis habentes, quod populo non licet hæc nosse, nec nos quærere, ne forte lucrum minuat, Cuius id est euidentis argumentum, quod in re non necessaria nec meritoria tantum impenditur studij & laboris, in necessaria uero nihil omnino.

xxix. Obe-

XXIX. Obeliscus.

Contra
92. Con.
Lutheri.

EC. Respondere ad has quæstiones facilimum, Verum hæc breuitas subitariae scriptiois non patitur. Tamen possunt omnes quæstiones hæc sufficienter & uere solui Ratione, non sola potestate, ut ille diuinat.

LV. Possunt solui ratione, Cur ergo soluunt Commissarij sola potestate, nil nisi fulmina & ignes trementi populo intentantes, si quis uel mutierit contra eiusmodi quæstiones, credo solui posse sufficienter, id est, scholastice, & non friuole, hoc est, uerba possunt garriri, & non intelligi. Sed in Probationibus latius.

XXX. Obeliscus.

Contra
92. Con.
Lutheri.

EC. Christum imitari per tribulationes, perfectionis est. At pro pace & tranquillitate orare, illam petere & quærere, sacra Scriptura clamat & docet, quod & docuit Christus, Cum orare debeamus: Libera nos a malo, quod mille autoritatibus Scripturæ possem ostendere, nisi in ueteri Testamento ubique foret testatissimum.

LVT. Turris, scilicet, Dauid, est Eccius, ex qua mille clypei autoritatum pendent, non contra bellum, sed pro pace. Sit ergo finis crucis, & nemo aliquid patiat, atq; cum pace & uoluptate, id est, remissione peccatorum, intremus in Regnum cœlorum securi. Melius forte fuerit ut mentiat, quando dixit: Ego quos amo, castigo, quam ut Patres nostri Aristotelici non maneant in limitibus suis, quos constituerunt nobis.

Pudet me tam insulsæ & ineptæ fabulæ. Theologus est Eccius, & ne scire studio nititur, quod Christianorum pax est gloria conscientiae, quam nullæ dare possunt Indulgentiæ, sed remissio culpæ, sola per gratiam. Pax uero exterior & illa quoq; quam Indulgentiæ conferunt, mors est & litera occidens. Verum noster acutissimus obelophrastus persecutiones externas solum somniat. At sit aliquando finis.

cum temerario, ignaro, inexperto, id est, scholastico

Theologo loquendi. Finis. X. Augusti

Anno M. D. XVIII.

Christianorum
pax &c.

H iij

Respon:

RESPONSIO D. MART. LVTH.
RESPONSIO F. MAR-
 TINI LVTHERI AD DIALOGVM
 SILVESTRI PRIERIATIS &c.

REVERENDO IN CHRITO PATRI
 SILVESTRO PRIERIATI, ORDINIS

Prædicatorum, S. Theologiæ Professori celeberrimo,
 sacriq; Palatii Apostolici Magistro, F. Martinus
 Lutherus Augustinianus, æternam
 in Christo Salutem.

Lutherus Georgio Spalatino, in
 Epistola cuius
 initium est, Ope
 ratu nunc &c.
 Dialogo Silve-
 strino, uere sila-
 nestro & inculto,
 iam respondeo,
 quem mox habe-
 bis, ut paratus
 fuerit, Dic S.
 Cyriaci.
 Anno XVIII.

Fundamenta
 Lutheri.

Augustinus.

Opiniones Thomæ
 sine Scriptura



PERuenit ad me, reuerende Pater, Dialogus ille tuus
 satis superciliosus, & plane totus Italicus & Thomis-
 ticus, in quo etsi causaris, te iam senem armisq; des-
 uctum, denuo meis uerbis ad certamen impelli, ta-
 men uelut Entellus ille de me Darete (ut ais) referre
 paras uictoriam insperato, nisi quod eo ipso Dareta
 magis quam Entellum exhibes, quod rumores ponis ante salutem, &
 (ut dicitur) Encomium ante uictoriam. Age igitur, fac quod facis, fiat
 uoluntas Domini, Vale.

Omitto Fundamenta tua, quorum intelligentiam magis suspicor,
 quam capio. Et more exemploq; tuo, mihi quoq; Fundamenta iaciam,
 necesse est.

Primum est illud B. Pauli: Omnia probate, quod bonum est tes-
 nete. Et Gala 1. Si Angelus de cœlo aliud uobis euangelizauerit, quam
 accepistis, anathema sit.

1. Thess. 5.
 Gala. 1.

Secundum est illud B. Augustini ad Hieronymum. Ego solis
 eis libris, qui Canonici appellantur, hunc honorem deferre didici, ut nul-
 lum Scriptorem eorum errasse, firmissime credam. Cæteros autem quanta-
 libet doctrina, sanctitateq; polleant, non ideo uerum esse credo, quia illi sic
 senserunt &c.

Tertium illud Cle. de pœ. & re. Ca. abusionibus. quæstoribus
 nihil licere in uenijs prædicandis, proponere populo, quam quod in eorum
 literis continetur, hoc est, quod tu dicis, ea, quæ Ecclesia de facto facit.

HIS Fundamentis, si me intelligis, simul intelligis, totum tuum
 Dialogum funditus euersum. Nam tu perpetuo pro uerborum textu,
 non nisi nuda uerba ponis, aut solas opiniones D. Thomæ mihi nunc de-
 mum decantas, qui æque (ut tu) nudis uerbis incedit, sine Scriptura, sine
 Patribus, sine Canonibus, deniq; sine ullis Rationibus. Ideoq; meo iure, id
 est, Christiana libertate, te & illum simul rejicio & nego. Imo ita cogit me
 autoritas Fundamenti primi & tertij, & suadet exemplum Augustini in
 Fundamento secundo. Nam si apud Iureconsultos prouerbiū recipitur:
 Turpe est Iuristam loqui sine textu, Tu uide, quam sit honorificum, Theo-
 logum (qui maxime omnium debet) loqui sine textu, quem Apostolus iu-
 bet calceatum esse pedibus in præparatione Euangelij, & Episcopum poten-
 tem, non in Syllogismis & opinionibus hominum, sed in doctrina sana, ni-
 mirum

Eph. 6.
 2. Tim. 3.

mirum ea, quam alibi diuinitus inspiratam uocat. Hoc enim consilium si fuisset seruatum, minus nunc Ecclesia haberet inutile quæstionum & opinionum, & plus Euangelij & Christianæ ueritatis.

Inutile quæstionum & opinionum origo.

Iam accedamus, & iudicemur simul.

Primo, Quatuor falsitates in tribus primis Conclusionibus a me comprehensas pronuncias. Primam, quod Saluator impossibile iussit, scilicet fideles omni tempore habere actum poenitentiae interioris uel exterioris. Cum enim dicat: Agite, non loquitur de habituali interiore poenitentia, quæ sola perpetua est, & consequenter loquitur de actuali interiori uel exteriori, Agere enim, uel actus, uel non sine actu est. Hæc tua. Vere tua sunt, id est, adeo scholastica & thomistica, imo aristotelica, ut me pigeat & tedeat ea refutare. Rogo, ubi hic scriptura, Patres aut Canones sonant?

Refutatio primæ falsitatis. f. 115.

Deinde miror, quod iuxta peripateticam istam Theologiam, uerbum illud, agite, non ad solam internam actionem retulisti. Item, Quod si & ego tua industria usus, te calumniarer & dicerem, Omnem uitam (quod ego posui) non esse idem, quod omni tempore (quod tu interpretaris) Sed tamen admitto, nec duriter agam tecum, reuerbor canos tuos, & dignitatem tuam. Rem ipsam tueri conabor, Ideo paulo fusius hic tecum fabulabor, ut iam secundo totum tuum Dialogum subuertam.

Peripatetica Theologia.

Primum, falleris, reuerende Pater, in uerbo, agite, quasi id actum importet, quem contra habitum distinguas. Idem est enim, agite poenitentiam, quod poeniteat uos, seu, ut ausus est Interpres latinus Act. 1. Poenitemini & saluamini &c. Nam & Græci μετανοείτε (quod poenitentiam agite, transferunt) resipiscite, seu ad mentem & cor redite, significat.

Agite.

Secundum, habitualis illa poenitentia, nec a uobis intelligibilis, nec uulgo tradibilis, nulla est apud me, sed a uobis conficta ex Aristotele, præsertim si qualitatem quandam in anima perpetuam & ociosam intelligitis. Aut doce eam ex Scriptura, Patribus, Canonibus, Rationibus. Nolo (ut scias) te, aut S. Thomam nudos habere magistros, in his rebus, quæ ad animam pertinent, quæ solo uerbo Dei uiuit & pascitur, ideoque unus est eius magister Christus, Hunc autem in te loquentem non audio, sed Aristotelem & hominem.

Poenitentia habitualis, a scholasticis conficta.

Tertium, pessime facis, quod negas Saluatorem impossibilia iussisse, plus quam pessime facis, quod hoc falsitatem audes appellare. Ideo enim semper orare oportet: Dimitte nobis debita nostra, quia nunquam facimus aut implemus mandata Dei. Nec possumus in hac uita implere, Sicut B. Augustinus locupletissime contra Donatistas & Pelagianos testatur. Sed & Paulus Ro.

Nunquam implemus mandata Dei.

Roma. 7. queritur, se captiuari in legem peccati, & non facere bonum quod uult, Similiter & Gala. 5. Caro concupiscit aduersus spiritum, & spiritus aduersus carnem, Hæc enim sibi aduersantur, ut non ea, quæ uultis, faciatis.

Gene. 3. Istæ sunt inimicitiae, quas posuit Deus inter semen serpentis & semen mulieris, id est, inter carnem & spiritum, inter concupiscentiam & charitatem. Quod ergo non omni tempore poenitemus & resipiscimus, uicium est, licet impossibile sit fieri, Conclufit enim Deus omnes sub peccatum, ut omnium misereatur.

Roma. 11.
Gala. 3.

Quartum, Omnes Doctores ecclesiastici sentiunt mecum, nullus autem tecum. Sicut enim B. Augustinus totam fidei uitam, crucem & martyrium esse pronunciat. Quemadmodum & Hiob 7. militiam seu tentationem uocat, uitam hominis super terram. Et B. Bernardus: Stare in uia Dei, & non proficere, est deficere. Et alibi: Vbi incipis nolle fieri melior, desinis esse bonus. Et hoc est, quod in Psal. Vita iusti uocatur uia, semita, non domus aut status, ut uitam eius quendam cursum & non statum esse doceat. Sicut de Christo omnium iustorum archetypo dicit: Exultauit ut Gygas

August. Vita fidelium crux est. Bernardus. Vita iusti uia &c.

H. liij

adcur.

RESPONSIO D. MART. LVTH.

Renouatio
mentis.

ad currendam uiam. Sed hanc uiam semper currere non potest homo, nisi *Psal. 119.*
dilatenr cor eius. Iuxta illud: Viam mandatorum tuorum cucurri, cum di-
latasti cor meum. Hæc est illa renouatio mentis, quam Apostolus Paulus
(non ut tu) intermittendam, sed de die in diem, de claritate in claritatem,
in eandem, quæ in Christo est, formam promouendam docet. Sed non ex *2. Cor. 2.*
nobis, imo sicut à spiritu Domini &c. quia præceptum est impossibile &c.

Remotior
Theologia.

Quintum, In omni bono opere potius aguntur, quam agunt filij Dei,
sicut *Rom. 8.* dicit: Qui spiritu Dei aguntur, hi filij Dei sunt. Et ea opera
(omnium, qui remotiorem Theologiam gustauerunt iudicio) sunt optima,
quæ sine nobis, in nobis operatur Christus, & ea fere pessima, quæ iuxta
Aristotelis pessimam doctrinam, nobis eligentibus & (ut uocant) libero ar-
bitrio mediante, operamur. Sic enim fit, ut optime ieiunet, qui alia meliora
meditatus, ne cogitat quidem an ieiunet, Hic enim longissime omnium ab
edendi cupiditate separatur, Non autem ita, qui se sentit, & proponit ieiun-
nare. Ita qui sancta meditatur, aut ea quæ suæ sunt uocationis, operatur in-
tentus, quibus cum se à uitijis abstrahit, uel abstractum conseruat, sine dubio
uerissime pœnitet, si tamen id amore Dei, non sui causa faciat, Quia id
demum est uiuam & ueram pœnitentiam agere, animam à uicijs propter
Deum separare, & separatam seruare, magisq; separare. Tu uero, qui sacra-
mentalem illam & initialem pœnitentiam ob oculos tantum ueras, cuius
feruor & tumultus durare non potest sine miraculo, inuenisti impossibilita-
tem.

Agere ueram
pœnitentiam.

Secundam falsitatem meam ita pronuncias, Verbum Christi dicens
tis: Pœnitentiam agite, non potest intelligi de sacramentali pœnitentia.
Hanc falsitatem esse sic ostendis. Tripliciter, inquis, pœnitentia dici
confueuit. Primo est uirtus quædam, cuius obiectum est peccatum sub ratio-
ne emendabilis, actus uero eius est dolor uoluntatis de peccato. Ipsa uero
est habitus moralis, eliciens dictum actum respectu prædicti obiecti. Se-
cundo pœnitentia est Sacramentum, cuius partes sunt, contritio, confessio,
satisfactio. Tertio accipitur uulgariter pro satisfactione iniuncta à sacer-
dote, & omni carnis mortificatione &c. Hæc Siluester.

Entellinus.

LVtherus. Ille ne est, quæso, cæstus ille immani corpore Entellinus,
quo audaculum hunc Dareta cruentabis? Doleo & iam pœniteo, me adeo
contempsisse quendam tuæ sectæ fratrem in nostra Germania, qui contra
meas easdē Positiones & ridicule & inepte pugnauit, Longe tamen acutius
& doctius, quam tu. Et nisi canos tuos uererer (sicut me decet) profecto
hanc tuam distinctionem pro dignitate tractarem.

Syluestri teme-
ritas.

Primo, Quis dedit tibi, aut D. Thomæ hanc potestatem, ut uerbum
simplicissimum, simplicissimi & unici Doctoris Christi, in tres diuideres se-
ctas? Hocce est Scripturam interpretari, an potius dilacerare? Qua scri-
ptura, quibus Patribus, quibus Rationibus hanc distinctionem stabilies,
quæso? Thomæ, non credo, Siluestrum, etsi Palatii magistrum, nego.

Secundum, Iterum ructuas Aristotelicam philosophiam de uirtute mo-
rali, de obiecto, de actu elicit. Quasi ego talia nunquam audierim, deinde
quæ talia sunt, ut in populo doceri non possint, nec ad Scripturæ intelligen-
tiam utilia, portenta duntaxat uerborum, non nisi ad contentiones fouen-
das conficta.

Tertio, Pœnitentiam, uirtutem, dolorem uoluntatis definis. Qua, ro-
go, autoritate? Tua? Quid hæc ad Lutherum?

Quarto, Quod est omnium acutissimum, imo immanissimus cœstus
Entelli, quod pœnitentiam primo modo uirtutem, distinguis à pœnitentia
tertio modo, quam uocas omnem carnis mortificationem. Ergo pœnitentia
ultra

...a uirtus non mortificat carnem? Quid ergo facit? Viuificat carnem, uel
 finit uiuere carnem? Quod autem non mortificet carnem, tua illa probat
 acutissima distinctio, quia pœnitentia primo modo non est pœnitentia ter-
 tio modo. Hoc sic intelligo: Pœnitentia dolor uoluntatis, qui uere morti-
 ficator carnis est; non mortificat carnem. Si hæc Germanus diceret, frigi-
 dum cœlum culparem, Nunc quia Italus hæc dicit, sub ardenti cœlo de-
 gens, quid prætendam, non inuenio, Nisi quod uerum te in Epistola dicere
 credo, scilicet te & senem esse, & in commentarijs Thomæ non tam impli-
 citum, quam immersum, imo submersum credo.

Quinto, Pœnitentiam secundo modo satisfactionem etiam esse dicis.
 Item tertio modo satisfactionem esse dicis. Et primo modo, si est dolor, uo-
 luntatis, non potest fieri, quin & ipse dolor satisfactionem operetur: Ro-
 go, quot nobis tandem distingues satisfactiones? Hæc ideo impugno, ut
 hanc tuam distinctionem denuo septem alijs noue confictis distinctionibus
 defendas, more sacræ scholasticæ Theologiæ. Et tum dicas, omnes nihilo-
 minus in uerbo Christi intellectas, ut persuadeas mihi doctrinam Christi sine
 Thomæ & Syluestri distinctionibus intelligi non posse, Id enim opus est,
 ut persuadear, qui Christum, nisi sine Thoma intelligi uix credo.

Sexto, Libera me, queso, ex his angustiis meis. Si uerbum Christi potest
 intelligi de sacramentali pœnitentia, præsertim tertia eius parte, id est, sa-
 tisfactione, uerbum autem Christi est præceptum immutabile, Quomodo
 fit, ut sacerdotalis potestas, sacramentalem satisfactionem mutet, dando indul-
 gentias & remissiones satisfactionis? Nonne uides uel aliam esse satisfac-
 tionem sacramentalem, quam Papa remittit, scilicet ecclesiasticam, Vel si
 eadem est, nullas esse prorsus remissiones, & indulgentias esse meras illu-
 siones, & simulatas remissiones? Non enim remittere potest homo, quod
 Deus præcepit & ligauit.

*Verbum Christi
 immutabile præ-
 ceptum.*

Septimo, Si satisfactio comprehenditur in pœnitentia secundo & ter-
 tio modo, utraque autem est, quæ a Sacerdote iniungitur. Rogo quomodo
 stabit hæc distinctio? Sacramentalis enim satisfactio non est, nisi quæ a Sa-
 cerdote imponitur, & eadem est (te autore) quæ tertio modo accipitur. Iure
 mihi ueniam dabis, si hæc non capio. Aeneum enim caput, et nasum ferreum
 habeo, id est, indocile & incapax tantæ tuæ Theologiæ ingenium, si ita
 placet.

Tu nunc uide, quomodo uerbum Christi non solum posse, sed debere
 etiam intelligi de qualibet harum trium pœnitentiarum, contendas.

Tertiam falsitatem meam persequutus dicis: Tertia falsitas est ad
 hominem, id est, ad te. Quod scilicet Christus non intendit loqui solum
 de interiore pœnitentia, Hoc enim in se quidem uerum est, Sed tibi, qui uis
 Christum his uerbis indicare pœnitentiam in omni uita, de exteriori non
 potest intelligi, quam oportet intercidere somno & gaudio, gaudendo cum
 gaudentibus, & huiusmodi, Vnde tibi solum de interiori potest intelligi,
 non omni, sed habituali, quia etiam interiorem actum liberi arbitrij dormi-
 entes necessario intercidimus. Hæc Siluester.

LVTH. Credo hæc tibi acuta & firma uideri. Placet autem, quod di-
 cis falsitatem esse ad hominem (id est, ad faciem & apparentiam) reuera au-
 tem ualidissimam ueritatem. De habituali pœnitentia, & omni uita agen-
 da, supra satis dixi, quæ etsi non fit omni uita, debet tamen fieri omni uita,
 ideo enim peccamus. Quanquam hi, qui sunt in gratia, nullo momento
 sunt sine pœnitentia, tam exteriori quam interiori, quia sanctificant se ab
 omni inquinamento carnis & spiritus, licet carnificinam illam confictamq;
 hypocrisin non faciant.

*Falsitas ad ho-
 minem.*

*Homines in gra-
 tia existentes,
 non sunt sine
 pœnitentia.*

Id non

RESPONSIO D. MART. LVTH.

*Pœnitentia
hilaris.*

Id non satis admirari possum, quod aperte negas pœnitentiam in gaudio agi posse, cum pœnitentia eo sit purior, quo fuerit hilarior & iucundior, Hilarem datorem diligit Deus. Sed Apostolum, quæso, reprehende, qui Theſſalonicensibus præcipit: Semper gaudete in Domino. Et Psal. Semper laus eius in ore meo. Dic, rogo, ut aliquando etiam plorent, & male dicant in Domino. Igitur semper in Domino gaudendum, semper in nobis plorandum. In Deo habemus, unde gaudeamus, In nobis, unde lugeamus. Ideo sit gaudium in luctu, & luctus in gaudio, Gaudium in abscondito, luctus in cognito, Sed hæc non sunt scholastica, ideo differo in aliud tempus.

*1. Theſſ. 4
Psal. 34.*

*Luctus in
gaudio.*

Quod uero dicis: Vel in somno interciderere necessario actus pœnitentia. Agnosco egregium Aristotelem in te ex Ethicis suis fabulantem, ubi dicit, quod miser & foelix dimidio uitæ nihil differunt, uterque enim dormiunt nocte, id est, nihil agunt uel foelicitatis, uel infœlicitatis: Quomodo potest tibi uera Theologia placere, cui placet tam insipiens Philosophus? Audi Apostolum Paulum ad Roma. 14. Qui manducat, Domino manducat. Qui non manducat, Domino non manducat. Et iterum: Qui uiuit, Domino uiuit. Qui moritur, Domino moritur. Sic & ad Corin. 6. Non estis uestri, Empti enim estis precio magno. Hunc, rogo, liceat imitari & dicere: Qui dormit, Domino dormit, qui uigilat, Domino uigilat. Et alibi: Siue comeditis, siue bibitis, omnia in nomine Domini nostri Ihesu Christi facite. Domino autem dormire, credo, non negabis esse Dei uoluntati parere, Voluntati autem Dei parere, optima certe pœnitentia & a uicijs purgatio est, Puto etiam, quod dormiens uiuat, si uiuit, certe Domino uiuit, ut hic dicit Apostolus.

Roma. 14.

1. Cor. 6.

Domino dormire.

*Thomistica
Theologia.*

Item quomodo audes dicere, dormientem fidelem, esse uacuum actibus bonis, qui tum maxime bonis actibus plenus est, quando Deum in se quieto agere patitur, & sabbatum Domini celebrat? Sed sisto, Nescio enim an thomistica Theologia hanc Theologiam unquam senserit, Paulina est enim, non Peripaterica.

Quartam falsitatem meam tandem hanc ponis. Quod pœnitentia interior nulla est, nisi foris operetur uarias carnis mortificationes. Sic enim ego posui. Imo, inquis, exterior pœnitentia nulla est sine interiore, interior autem sola potest hominem saluare. Sed hanc falsitatem meam tu ipse tollis & dicis, potest tamen hoc dictum tuum uerum, & a Saluatore intentum habere sensum, scilicet quod omnis interior pœnitentia operatur uarias carnis mortificationes exterius, id est, pro loco & tempore &c. Gratias ago tandem, quia defendis me.

Hic concordamus aliquantum, sed rursus repente dissentis, dicens: Hic autem sensus tibi uidetur impossibilis. Hic ego: Tibi uidetur impossibilis, mihi uero est non tantum possibilis, sed & inesse semper, ut peripatetice tecum loquar, Quia omnia iusti opera sunt pœnitentia, id est, mutationes & renouationes de die in diem, Hæc autem nonabilia modo, sed necessaria quoque sunt, nisi sis de nonaginta nouē iustis, qui pœnitentia non indigent, Aut locius Pharisei, qui non est sicut cæteri hominum. Nam nos cum Ecclesia congemimus assidue: Erraui sicut ouis quæ periit, quære seruum tuum. Et cum Publicano, uocem turturis sonamus: Deus, propicius esto mihi peccatori. Et cum Hiob, ueremur omnia opera nostra. Et: Dimitte nobis debita nostra, cum omnibus Sanctis dicimus, non solum uerbo, sed corde & opere. Semper enim in timore Dei agimus, Timor autem principium est sapientia, id est, mutatio de insipientia ad sapientiam, quæ est uerissima pœnitentia. Factis ostendit se non egere pœnitentia, (ait Bernardus) qui non assidue ad pœnitentiam festinat, Tuam tamen sententiam non damno

Psal. 119.

Luc. 17.

Hiob 9.

Psal. 111.

*Omnia iusti
opera sunt
pœnitentia.*

✠

Timor Dei.

Bernardus.

damno, qui non nouisti aliam, quam sacramentalem illam, & nescio quanto tempore duntaxat durantem, Nos nec continuam istam semper agi à nobis pro debito dolemus & confitemur, ideo & poenitemus simul & non poenitemus satis.

Hæc, rogo, uerbosissime à me tractata boni consulas, quia necessarium fuit ostendere tibi, quam nihil meas Propositiones caperes, & quam frustra ex tam infirmis principijs totum hunc Dialogum deduxeris. Nihil uideo relictum in Dialogo, quod non ex his abunde confutatum iam sit, Sed sponte mea latius tecum agam.

Quoniam ad Propositionem meam quartam dicis, Doctrinam hanc esse falsam, impossibilem & erroneam, nisi poena intelligatur pro exteriori mortificatione, pro loco & tempore. Satis iam dictum est, Exteriores poenitentiam esse debere assiduam, & si fieri non potest, quo ad actus poenitentiae à te intellectos, fieri autem potest, quo ad actus à Christo doctos, id est, quos Ecclesia remittere non possit, hi sunt renouatio mentis de die in diem. Vera ergo pro tua opinione dicis, Sed non probas meam sententiam falsam & impossibilem.

Exterior poenitentia assidua.

Illud uero non possum tolerare, quod dicis, improprie à me dici, odium sui, quantum ad uere poenitentes attinet, Nullus enim imbutus gratia diuina, inquis, odit se, sicut nec proximum, quem ad instar sui diligit. Libens permitto, ut cum tuis de odio sui, propriissime loquaris, modo permittas mihi, ut cum Domino Ihesu Christo improprie loquar, quando dicit: Qui odit animam suam in hoc mundo, in uitam æternam custodit eam. Et cum Apostolo Rom. 15. non debemus nobis placere. Et iterum: Non qui se ipsum commendat, ille probatus est. Tu uero cum persuadeas, uere poenitentes se diligere, necessario concedes, ut & commendent se tanquam uere diligibiles, bonos, iustos, sapientes, & sic sibi placeant, id autem nihil aliud est, quam cum Phariseo horrenda superbia, non poenitere, sed irridere Deum, Sic enim docetis infœlices discipulos scholastici Theologi, superbi- re scilicet, & perire. Sed latior est ista materia, quam nunc patiatur negotium tractare, Error enim & ignorantia dilectionis, longe lateq; nimis per- suasit, doctiores maxime.

Odium sui.

Scholastici Doctores.

Error & ignorantia dilectionis.

Ego sic sapio, quod homo Christianus seipsum non diligit, nisi in Deo, in seipso uero, non nisi odiat, hoc est, quod cum ipse sit mendax & uanus, Deus autem uerax, nihil eorum, quæ ipse cupit aut nouit, diligit. Sed omnia, quæ sibi contraria sunt, quærat, Nihil autem est contrarium mendacio & uanitati, quam ueritas, ita fit, ut dum se odit, & sibi semper contraria amat, uerissime se diligit, non in seipso, sed in ueritate, quæ mendaci sibi est contraria. Sic Sancti crucem, mortem, stulticiam, ignominiam dilexerunt & cupierunt, quibus tamen ipsi non nisi perdebantur, quia seipsos in nihilum redegerunt, ut esset Deus omnia in omnibus. Et hoc habent uerba Christi, Qui perdiderit animam suam propter me, inueniet eam.

Proinde, quando Christus dicit, proximum diligendum ad instar sui, meo iudicio, de pueruo & incuruo amore loquitur, quo homo quærit non nisi quæ sua sunt, qui amor non rectificatur, nisi omittat quære quæ sua sunt, & ea, quæ sunt alterius, quærat. Hæc sententia est B. Pauli Philip. 2. Non quæ sua sunt, considerantes, sed quæ aliorum. Et 1. Corin. 13. Caritas non quærit quæ sua sunt. His uerbis manifeste prohibet amorem sui, Ideo sensus præcepti esse uidetur: Diliges proximum tuum sicut teipsum, id est, diliges te solum & puerse. Si autem amorem eiusmodi in proximum tuum dirigeres, iam uere diligeres. Quod ex eo patet, quia non præcipit, ut homo diligit se, quod utiq; fecisset si bonus esset sui amor, sed inuenit amorem sui, & alio transfert, & ita rectificat. Et heu rem fontibus lachrymarum

Amor sui prohibetur.

Matth. 16.
Rom. 15.

Philip. 2.
1. Cor. 13.

RESPONSIO D. MART. LVTH.

marum dignissimam, quod hac amoris scientia, tam uacui sunt omnes fere me Doctores scholastici, ut pro sancta charitate, foedissimam cupiditatem doceant, nec altius incedunt, quam ille Paganus, qui dixit: Proximus esto tibi, Quod tamen alius rursus gentilis Terentius damnavit.

Cato.
Terentius.

Affectus commo-
di.

Augusta

Illud quod ais: Nullus imbutus gratia & uere poenitens odit se, uidetur inferre, quod uacuis gratia odiat se, quod tamen contra omnes Scripturas est, quæ ubiq; detestantur, eos, qui seipsos amant, ut 2. Tim. 3. Et illud: Omnes quæ sua sunt, quærunt. Inde etiam apud tuos Magistros damnantur affectus commodi. Item fruitio creaturæ, usus Dei, & abusus rerum, amor male accendens &c. Nisi illud Psal. 11. te mouet, quod dicitur. Qui diligit iniquitatem, odit animam suam. Licet in Ebræo sit, odit anima eius, scilicet Dei, tamen permitto, quod odit animam suam. Sed hoc facit pessime diligendo animam suam, ut B. Augustinus Iohan. 12. interpretatur. Amor ut pereat, odium ne pereat, Sed fortasse uoce tantummodo hic dissentimus, nisi quod scio uoces has raro pro ueritate intelligi.

2. Tim. 3.

Psalm 11.

Iohan. 12.

Contra quintam Propositionem meam, ubi dixi, Per indulgentias non remitti poenas, nisi arbitrio Sacerdotis uel Canonum impositas. Dicis me circa factum Ecclesiæ male sentire, & Sanctis dissentire, ideo Conclusionem meam, tuo iudicio hæreticam esse.

3. concl.
Lutheri

Quos Syluester
sanctos appella-
ret.

Hic si te interrogem, qui sint illi Sancti, & quod factum Ecclesiæ. Non uideo quid dicas, nisi quod S. Thomam nomines, cum quo te remitto ad Fundamentum meum primum & secundum. Nam ego non capio, quomodo in isto uerbo Christi: Quodcunq; solueris &c. Petro sit datum Priuilegium. Non enim priuilegium, sed lex generalis & irrefragabilis data est, non Petro tantum, sed omnibus prorsus sacerdotibus & toti Ecclesiæ. Cur ergo tu cum Thoma tuo id soli Petro arrogas, & ita arrogas, ut priuilegium appelles? Aut si Petrus potest huius uerbi uirtute soluere poenas Purgatorii, cur non & quilibet sacerdos? Est iste modus interpretandi Euangelij?

Supposita Syl-
uestri facti fri-
uola.

Secundo, Quod duo supposita facis, Primum, quod Ecclesia per Indulgentias concedat liberationem unius animæ. Secundum, quod Ecclesia facit Indulgentias simpliciter plenarias, ita quod anima euolaret soluta à corpore &c.

Respondeo, uide tu reuerende Pater, ne supposita illa tua, sint apposita per te & humanum diem. Redde rationem huius fidei & spei, Utinam uera diceres, imo absit, ut uera dicas, quasi in manu Ecclesiæ sit, animas liberare, quando & quomodo uoluerit.

Crypta S. Seba-
stiani & Lau-
rentij in urbe.

Tertio, Doce me unum factum Ecclesiæ, in quo dedit liberationem unius uel plurium animarum, nisi Cryptas forte S. Sebastiani & Laurentij ac Prudentianæ, aliq; Romana loca mihi recitabis. Sed tu uide, quid ipsi uos Romani de his locis sentiatis, Deinde, quot fabulis saltem aucta sunt ista loca, utcunq; ceperint. Sed de his latius in Declarationibus meis, Interim ego fateor, me usq; hodie, in hac re dubitare, Nec sum hæreticus, si negatiuam teneo, donec determinetur à Concilio.

Concilium.

Decretalis.

Adulans glosa
quorundam

Quarto, Clé. de poe. & re. ca. Abusionibus manifeste dicit glosa in uerbo, mendaciter, ideo non extrahi animas per Indulgentias, quia sunt iam iudicio Dei subiectæ. Hunc interim textum decretalis (id est, Papæ) id est, factum Ecclesiæ (ut tu dicis) sequar, cui consonat Euangelium. Quodcunq; solueris super terram, non sub terra non obstante quorundam uolentia adulanteq; glosa contraria. Nec uidi aliquam Bullam, quæ aliter habeat, nisi quod per modum suffragij, animas redimi passim dicitur, de quo supra.

Sed

Sed tu, qui contra me disputas tanta alacritate, ut ipsa læticia tibi in-
fluat ueritatem, tanta fiducia quoque, ut Satanam ipsum non extimescas, eo
maxime scilicet inuictō robore fretus, quod de facto Ecclesiæ non licet ma-
le sentire. Vnum id responde, cum qua Ecclesiæ, & tu, & Thomæ tui sen-
titis in facto Ecclesiæ, de conceptione B. Virginis & Num cum uirtuali
num cum representatiua & num cum essentiali & num cum exule illa & a te
proscripta, quæ est Concilium generale & Si ergo licet tibi non modo non
bene, sed contra sentire in facto Ecclesiæ, quia opinionem tenes nondum
reprobatam, Cur ego non permittor tibi dissentire in opinione, neque de-
terminata, neque approbata & præsertim cum tu nihil pro te habeas, nisi nu-
dam S. Thomæ narrationem. Ego autem clarum textum Cle. & aperta uer-
ba Euangelij, deinde Gersonem, qui multis annis posterior Thoma, dicit,
opinionem esse ad utranque partem probabiles in hac re. Deinde penes me
aliquot eruditos & acutos tractatus quorundam in Germania, qui etiam
damnant tuam & S. Thomæ sententiam,

Sic scribit Syl-
vester in Epi.
ad l. concm X.

Conceptio
B. Virginis.

Gerson.

Quinto, Quod ponis casum, Si peccator teneatur ad pœnam, a
sacerdote iniunctam, item a Canone iniunctam, item a Deo iniunctam,
tunc sequi ex mea Propositione, talem percepta plenaria Indulgentia non
euolare, aut non liberari a Purgatorio, & ita de facto Ecclesiæ male sentio,
& hæreticum sapio.

Respondeo, Tu quoque uide, ne de facto Ecclesiæ tam bene sentias, ut
factum Dei pessundes, Idcirco pono tibi rursus casum: Si peccator sit ple-
ne & uere contritus, cui de facto Dei omnes pœnæ sunt remissæ, quid con-
fert huic remissio plenaria? Si autem non est plene contritus, quid proficit
ei remissio plenaria, cum maneat imperfecta ibi charitas iusticiæ, imperfe-
ctum odium peccati? Sed latius ista in Declarationibus. Totus enim es
Thomista, nihil probans, neque allegans, De pœnis tantummodo multipli-
cas uerba, quas contemnit Charitas, de contritione, pene nihil dicis, quæ
diligit pœnas.

Sexto, Non credo usque hodie per clauas remitti pœnas a Deo in-
flictas, & rationes meas uidebis in Declarationibus, nec tu unquam id pote-
ris probare, Sine probatione autem tibi nihil prorsus credo. Et ut animum
meum scias, Mihi uidetur id in grauissimum Ecclesiæ ludibrium uergere, si
ea doceamus, de quibus nullam prorsus rationem reddere possumus, Nec
satis ibi esse credo, etiam factum Ecclesiæ (quanquam hic non sit factum Ec-
clesiæ) quia tam Papa quam Concilium potest errare, ut habes Panormita-
num egregie hæc tractantē lib. i. de consti. ca. Significasti. Idco Fundamen-
ta tua, ubi distinxisti Ecclesiam in essentialē, representatiuam, uirtualem.
ut facit in uerbis, nego, & pro nihilo habeo. Tua enim sunt, id est, sine Scri-
ptura & autoritate ulla prolata.

Panormitanus.

Ego Ecclesiam uirtualiter non scio nisi in Christo, repræsentatiue non
nisi in Concilio. Alioqui, si quicquid facit Ecclesia uirtualis, id est, Papa, fa-
ctum Ecclesiæ dicitur, obsecro, quanta monstra in Ecclesia pro benefactis
numerabimus? Nonne Iulij secundi horrendas Christiani sanguinis effusi-
ones? Nonne Bonifacij octauij tyrannides, in toto orbe abominabiles, &
per omnes Chronicas pulsatas? De quo extat Prouerbiū: Intrauit ut uul-
pes, regnauit ut leo, mortuus est ut canis. Non eo nobis tandem persua-
deas, ut sub nomine representatiuæ & uirtualis Ecclesiæ, omnia illa iam diu
intolerabilia portenta in Ecclesia, pro factis sanctissimis Ecclesiæ colamus,

Iulius II.
Bonifacius VIII.

I Ne

RESPONSIO D. MART. LVTH.

Ne uerum facias, quod nostri Germani de tuo Dialogo sentiunt, scilicet, te hoc Dialogo, non tam Lutherum reuellere, quam Pontifici & collegio Cardinalium adulari uoluisse. Si autem Papa est uirtualis Ecclesia, Cardinales representatiua, collectio fidelium essentialis, Quid uocabis Concilium generale Ecclesiae? Non est uirtualis? non representatiua? non essentialis? Quid tum? fortasse accidentalis, nominalis & uerbalis Ecclesia.

*Nota Thomae
intelligentia.*

*Iohan. chryso-
stomus.*

Septimo, Nouam hanc Thomae tui intelligentiam rejicio, qua illud uerbum Christi: Quodcunque solueris &c. sic intelligendum proponis, ut Petrus soluere possit, etiam à Deo infligere poenas. Iterum quaero, Qua autoritate, qua industria hanc intelligentiam, ex istis uerbis trahes? Cur non B. Thomas tuus tecum relinquit eum sensum, quem ecclesiastici Patres, praesertim Chrysostomus ad Ebraeos, tenuerunt, ut his uerbis nihil aliud Christus uoluerit, quam quod ligationem & solutionem Petri, fideles non secus habeant, ac si Christus ipse ligaret & solueret, hoc est, ratificauit ligationem & solutionem eius in terra, Quo non fit, ut aliquid Petrus soluat in coelo uel extra terram.

*Quocumque ego
ligauero in
caelis &c.*

Aut cur non astruis etiam ligare posse Petrum, & poenas à Deo infligere, cum sit utraque potestas una & aequalis? Corrige ergo uerbum Christi, & ita doce: Quodcunque ego ligauero in coelis, tu solue super terram. Hanc enim tuam esse intelligentiam in uerbis Christi, euidentis est. Sed quam absurda & impia eadem sit, credo uel palpare possis. Igitur facias quod facis, Ex istis uerbis Christi nunquam aliud probabis, quam quicquid Petrus non potest ligare, id nec soluere potest, quamuis quicquid ligauerit & soluerit, tanquam Deo ligante & solvente obedire teneamur, Ut salua sit unitas Ecclesiae suae, quam Ihs uerbis constituit.

Octauo, Inducis S. Thomam, quod secundum meam opinionem Ecclesia huiusmodi faciens Indulgentias, magis damnificaret homines, quam iuuaret, quia absoluendo ab iniunctis poenitentibus, remitteret ad grauiiores, id est, purgatorias. Haec S. Thomas.

RESPONDEO, siue haec S. Thomas, siue alius dicat, nihil ad me, per fundamentum meum primum, secundum & tertium. Opinio est tantum, nondum decreta ueritas, cui si interim contradixero, non ero haereticus.

Thomista.

Secundo, uellem à B. Thoma doceri, qua dialectica stet ista consequentia: Ecclesia remittit solum iniunctas poenitentias, ergo remittit ad grauiiores, id est, purgatorias. Vos Thomistae grauius estis reprehendendi, qui sancti huius uiri opiniones, & saepius falsas meditationes nobis pro articulis fidei audetis obtrudere. Et id unice curatis, ut sicut nihil praeter Thomam dignamini uestra lectione, ita nihil uultis in eo falsum uideri, in qua sententia iam diu contra omnes Academias & totum fere mundum contenditis.

*Fundamentum
Thomae.*

Ecclesia

Tertio, fundamentum Thomae falsum iudico, scilicet, quod Deus requirat poenas à peccatore, nec remittat, nisi requisita satisfactione. Contra, uerum est quod spiritum contritum & contritum non despicit. Et quod remittit, totum remittit, nisi forte flagella adhuc pro suo arbitrio inferat, quae nec Ecclesia, nec coelum relaxare potest. Ideo quando Ecclesia remittit iniunctas poenitentias, non ad grauiiores remittit. Quia non habet potestatem remittere ad alias poenas, uel non remittere. Sed de his in Probationibus meis. Inique itaque mihi imponis, quod detrahens priuilegium Ecclesiae, & haeresim sapiat ea Propositio. Tu potius uide, an non in Deum sis impius, qui ut potestatem Ecclesiae uana adulatione extollas, in praediciu diuinae potestatis extollis, id ei tribuens, quod solius Dei est. Quare mihi ignosce, quaeso; si tam sollicitus sum pro Dei honore & potestate defendenda, quam

psal. 111.

quam tu es pro Ecclesiæ potestate eleuanda, & expectemus uterq; in hac re sententiam & determinationem Ecclesiæ seu Concilij.

Miror autem, cur hanc potestatem Ecclesiæ te appellare priuilegium delectet, nisi quod titillare uideris eos, qui magis de potestate dominante, quam de charitate seruiente gloriantur, Siquidem priuilegium non ad communis ministerium, sed ad proprietatis commodum pertinet. Et hanc gratiam debemus scholasticæ uestræ Theologiæ, quod commune bonum Ecclesiæ (potestatem clauium) non ministerium multorum, sed dominium feceritis paucorum, tyrannidem ethnicam, non seruitutem Christianam spectantes.

*Potestas dominans.
Charitas seruans.*

Nono, Idem dico ad illud, Quod sequeretur animas magis damnificari, quam iuari per Indulgentias plenarias, quia remitterentur ad grauiiores. Obsecro te, Quid Ecclesia ad hoc facere potest, quod anima uadit ad Purgatorium? Ipsa absoluit eam à suis poenis, non remittit ad Purgatorium, facit quod potest. Si hoc non sufficit, defectus est animæ migrantis, non Ecclesiæ absoluentis, non enim potestas Ecclesiæ, sed fides purificat, saluat, liberat animam ab omnibus malis, Quæ fides ab Ecclesia dari non potest.

Fides.

Decimo, Illi damnificant animas, qui omittunt eis persuadere plenam fiduciam in Christo, & contemptum pænarum, Et non nisi magnitudine poenarum terrent, & pusillanimes faciunt, quatenus uirtutem potestatis magnificent, quæ tanta mala possit tollere. Da animam imbutam charitate, & erit dura sicut infernus æmulatio eius.

Damnificantes animas.

*6. Concl.
Lutheri.*

Contra Conclusionem meam sextam, ubi dixi, culpam non posse remitti potestate clauis, nisi declarando uel approbando &c. latissime resolui meipsum in hac materia, ut uidebis in Declarationibus, quia & ipse hanc Conclusionem aliorum sententia, non mea, sic posui. Tua autem confutatio prorsus nihil est, Dicis enim, quod attriti uirtute clauium (iuxta Sanctorum interpretationem, forte S. Thomæ) fiunt contriti. Et ideo non modo Papa, sed quisq; Sacerdos dimittit dispositiue & ministerialiter.

Vt uidebis in Resolutionibus.

Ebræ. 11.

Respondéo primum, siue Sancti sint, siue peccatores, qui sic loquuntur, nihil moror, hoc scio, quod errant, Error, inquam, est, quod attritus fiat contritus uirtute clauium. Quia ut ait Apostolus: Oportet accedentem credere. Fides autem non solum conterit, sed etiam iustificat, Impossibile est enim, quod digne accedat ad Sacramentum, nisi iam iustificatus & uere contritus. Vnde illud commentum de attritione satis late uagans, figmentum est, & nihil in rerum natura, nisi simulationem forte uolueris eam intelligere, quæ magis indignum faciat Sacramento. Quid dicam? Etiam iste tuus Dialogus confirmat sententiam meam, iam diu mecum moratam, Quod uidelicet, Theologia illa scholastica, exulem nobis fecit ueram & sinceram Theologiam, Nam uides, quod perpetuo hoc Dialogo nihil ago, nisi quod resisto & redarguo scholasticam Theologiam, id est, falsam Scripturæ & Sacramentorum intelligentiam.

Fides.

Commentum de attritione.

Scholastica Theologia.

Secundo, Tu ipse cogeris dicere, quod omnes omnium Facultatum dicunt, scilicet à solo Deo remitti culpam, Quomodo ergo uirtute clauium uenit contritio, quæ sola uirtute gratiæ Dei uenire ab omnibus dicitur? Vide, ne tua confutatio magis sit hæretica, quam mea Propositio, licet confutator forte non sit hæreticus. Si autem sola gratia dat contritionem, Quid faciunt Ecclesiæ clauis, si non declarant uel approbant gratiam, quæ eas iam præuenit? Immo nullus uenit ad Sacramentum sine fictione, nisi gratia eum mouente ad Sacramentum.

A solo Deo remittitur culpa.

Aut responde, reuerende Pater, Cur ante & non post Baptismum queritur baptizandus, an credat? Cur absoluendus queritur an doleat digne

l ij

de pec.

RESPONSIO D. MART. LVTH.

Nova Theologia.

de peccatis, antequam absoluator? An noua iterum Theologia, materiam sacramenti poenitentiae non contritum sed attritum pones? Ergo contritio non est prima pars poenitentiae, sed posterior confessione, Et tamen omnes dicunt, quod confessio sine contritione nulla sit. An forte, postquam fuerit absolutus, id est, Sacramentum consequutus, & uirtute clauium contritus, tum demum incipiat repetere confessionem?

Errores in sacramento poenitentiae inuecti per traditiones hominum.

Quod si haec Theologia uera est, meum fuerit consilium, ut quilibet peccator prius absoluator, quam confiteri permittatur. Et ita omnia peruerso ordine (ita uult scholastica Theologia) agamus, absoluendo etiam quod nescimus. Deo gratias, imo uae nobis miseris, qui tantam fiduciam in creaturam ponimus, & clauibus tantam uirtutem tribuimus. Sed non permittit dolor & negotium omnes errores in hoc Sacramentum inuectos per traditiones hominum, per censere, occasionem dedisse, meliora ualentibus sufficit. Igitur nunc quatuor sunt partes poenitentiae, scilicet Attritio, Confessio, Contritio & Satisfactio, adeo profecit Theologia, adiutorio Philosophiae.

Thomistae.

Contra Conclusionem septimam, ubi dixi, Nulli remitti culpam nisi subiecto Sacerdoti, quam cum ueram assereres, & tamen inculpam tam dimittere non uelles, eo me saltem uiruperio foedasti, quod leprosum appellasti, quia miscerem aliquas ueritates fallitatibus. 7. Con. Lutheri.

Gratias ago, quod aliquando (licet cum opprobrio) ueracem me confiteris. Sed id admiror, quid acciderit uobis Thomistis, ut tam diuersum sentiat. Hanc enim meam Conclusionem Thomistae & tuae sectae fratres in Germania miro zelo detestantur. An alium habeatis Thomam in Italia, & alium in Germania, ignoro, Nisi forte mihi suspicionem facere uultis, quod nec Thomistae Thomam, nec Thomas Thomistas intelligat.

Ad octauam dicis, sicut ad septimam, id est, esse ueram, sed mixtam alijs falsis, ideo me leprosum & maculosum. Dico & ego, sicut ad praecedentem. Conueniat primum Thomistis inter seipsum, & tunc pugnent contra me. Quanquam miror hanc Conclusionem te non reprobare, cum tam multis persuasum sit, eam esse falsam. 8. Con. Lutheri.

Ad nonam, ubi dixi, Excipi articulum mortis & necessitatis in decretis Papae, Recte me dixisse sentis, sed non apte seu apposite, quod illa exceptio intelligatur, non quo ad impositionem poenitentiae, sed quo ad reservationem casuum. 9. Con. Lutheri.

Figmenta communia.

Primo, Manhu? quid hic audio? supra me sunt quae dicis, ideo non possum ad ea respondere. Si Papa etiam in morte reservat impositas poenitentias, fateor me non intelligere, quomodo alias, quam iuxta Canones imponendas asseras, Praecedente enim Conclusionem admisisti, morituris poenitentias Canonicas non imponi. Hic rursus dicis: Papam non remittere poenitentias, nisi forte intelligas (ut inferius) poenitentias à sacerdote, uel à Deo inflictas, non excipi articulo necessitatis. Sed de his iam supra dictum est, quod poenas à Deo inflictas, non sit Ecclesiae uel reservare, uel relaxare, Et Sacerdotis impositio mere est arbitraria. Verum si ita sapis, figmenta illa communia sequeris, quod quia Sacerdos incertus est de quantitate poenae infligendae, ideo morituro non potest omnia soluere, sed relinquit hoc Papae.

Primum, Quis credat, quod Deus à morituro requirat aliam, quam mortis, poenam? quam solam sufficere dicunt ad plenariam remissionem omnium peccatorum & poenarum, si uolenter fuerit suscepta, quod uerissimum est, quia: Preciosa in conspectu Domini mors Sanctorum eius. Psal. 116.

SEcum.

Secundum, Si ignorat Sacerdos quantitatem infligendæ poenæ, quis eam certam facit summo Pontifici? At inquis, huic dictum est: Quodcumq; solueris &c. Respondeo: Nunquid non & quilibet Sacerdos eiusdem uerbi uirtute soluit? Hæc & his similia, non nisi ex opinionibus dictis, & in Ecclesia Dei docetis, quæ probare prorsus non potestis.

10. Con.
Lutheri.

Ad decimam, Arguis me admittere, quod in alijs damno, nemo pe, quod animas ad Purgatorium addico, dum solum iniunctas dico remitti poenitentias.

Respondeo ut supra. Non remitto eas ad Purgatorium, sed iusticia uel rigor Dei, quem potestas Ecclesiæ tollere non potest, nisi oratione, non potestate clauis. Deinde suadeo, ut fortiter moriantur, quod eos tutiores faciet à Purgatorio, quam omnes omnium Indulgentiæ.

11. Con.
Lutheri.

Vndecimam præteris. Ad duodecimam dicis, etiam nunc ante absolutionem poenitentias imponi, ut c. dudum.

Respondeo: Non tenes quod uolui, quæ & culpa mea est, quia non satis me expressi. Sed nec oportuit, cum Disputationem proponerem. Sententia mea est & fuit, quod olim non absoluebantur ante poenitentiam exple- *Olim non absoluebantur ante* tam. Quod ex eo poteris intelligere, quod subiunxi, tanquam tentamenta *uebantur ante* ueræ contritionis. Nostro enim seculo, ubi solum imponitur, non autem poenitentiam impletur ante absolutionem, non potest explorari, an uera sit contritio, Et *expletam.* utinam ille uetus mos reuocaretur.

12. Con.
Lutheri.

Ad tertiam decimam, Concedis uerum esse, per mortem omnia solui, ubi ex Canone tantum poena debetur. Quod si eam, quam imponit Canon, etiam diuina iusticia exigat, Purgatorium neges, necesse est.

Respondeo: Siue iusticia exigat, siue non, nihil hoc ad clauis Ecclesiæ, sed ad orationes duntaxat. Sicut Iacobus dicit, quod oratio fidei Ecclesiæ saluabit infirmum, & si in peccatis fuerit, remittentur ei.

Iacob. 5

Secundo, fieret tunc ministerium clauium aliud nihil, quam negotium perambulans in tenebris, quia solueret, nesciens quid & quantum solueret, quod mihi certe satis absurdum uidetur. Nam iudicium ferri non debet super re prorsus incognita, Clauis enim rem certam & solidam operari debent. Sed iam satis supra & alibi.

Tertio, non sequitur, ideo Purgatorium à me negari. Sed solum, quod Purgatorium uirtute clauium non possit solui, ut infra.

14. & 15.
Con. Luth.

Ad quartam decimam, & quintamdecimam, ubi disputaui, quæ mihi uideretur esse poena Purgatorii, scilicet horror & timor, ac prope desperatio, Tres mihi falsitates imponis & temeritatem.

Respondeo ad temeritatem prius: Eiusdem criminis reus mecum es & tu, & S. Thomas, imo Thomas omnium maxime, qui per omnia ferme sua scripta aliud nihil fuit, quam disputat, & quod grande est, etiam ea quæ fidei sunt, in quæstiones uocat, & fidem uertit in Vtrum? ut nosti. Cur ergo, *Thomas fidem uertit in Vtrum.* mihi, quæso, non permittis disputare de ijs rebus, quæ sunt dubiosissimæ, & non determinatæ? Nunquid ego Ecclesia sum, imo plus quam Ecclesia, ut meæ disputationes pro definitionibus accipiantur? Sed consuetudo ista est *Thomistica consuetudo.* thomistica, qua omnia asserere soletis, etiam quæ disputatiue proponitis, aut in Thoma legitis. Ideo & me assertorem credis, non disputatorem. Verum ut uidebis in Declarationibus, si in ulla mearum Propositionum parte disputo, hac parte maxime disputo, & ita disputo, ut meam sententiam firmitus probare mihi uidear, quam tua opinio sit probata, non tamen definitio, sed

RESPONSIO D. MAR. LVTH.

Thomistis heretici. Iudicium Ecclesie expecto. Ideo ignosco tibi, quod me hereticum uocas, scilicet aut est, non sentiens hunc esse morem Thomistarum, ut hereticus esse, uelit, nolit, cogatur, *tunc cum Thoma.* duntaxat apud Thomistas, qui opiniones Thomę non fuerit secutus. Nunc reliqua.

Prima, inquis, falsitas est, quod aperte inntuo, eos qui in Purgatorio sunt, nescire, sese saluandos esse, ut & 19. Propositione dixi. Tu uero cum D. Thoma, cuius doctrina per regulam fidei Ecclesiam Romanam, & discussam & probatam dicis, ponis, quod sciunt se liberandos, alioqui suffragia non expeterent.

Respondeo: Rem ipsam omitto, quia disputo, & infra 19. Conclusionem non omnes esse certas dixi, licet aliquę forte cognoscant, de quibus late in Declarationibus, si peruenierunt, aut peruenient in manus tuas. Nam id credo me probare & probasse, quod non omnes sciant se esse saluandas, ut testantur Exempla multa de animabus euntibus ad iudicium &c.

Nihil præter Thomam allegat Siluester. Probationes tuas tantum uideamus. Primo autoritatem B. Thomę inducis, cuius sententiam, Sanctorum uocas numero plurali, forte reuerentię causa. Et ut huic credam, dicis à Romana Ecclesia, Regula fidei probatum. Miror, quod inter tot Ecclesię Doctores, non aliquando alium quoque, aut textum Scripturę inducas, ideo per Fundamentum secundum, iterum tam te, quam Thomam, rejicio, Quia & Augustinus receptus est ab Ecclesia magis quam S. Thomas. Paulus autem maxime, qui Fundamentum meum primum est.

Ecclesia Romana fidei Regula, auctore Siluestro. Secundo miror, Quid uelis, quod Ecclesiam Romanam fidei Regulam uocas. Ego credidi semper, quod fides esset regula Romanę Ecclesię, & omnium Ecclesiarum, Vt Apostolus Gala. 6. Et quicunque hanc Regulam sequuti fuerint, pax super eos &c. Rogo eousque digneris adulari Romanę Ecclesię, ut eam permittas Discipulam esse fidei, quę reguletur fide, non regulet fidem.

Ecclesia in terris à Christo seruat. Barathra pessimorum morum Romanorum. Sed forte hæc uerbi est controuersia, Quia regulam fidei improprie loquutus, uocas, quod ad eam fidem, quam Romana Ecclesia profitetur, omnium fides debet conformari, Et placet mirifice. Nam & ego gratias ago Christo, quod hanc unam Ecclesiam in tetrīs ita seruat, ingenti, & quod solum possit probare fidem nostram esse ueram, miraculo, ut nunquam à uera fide, ullo suo defectu recesserit, nec tot barathris pessimorum morum, Diabolus tantum efficere potuit, ut penes hanc non maneret ab origine sua canonicorum Biblię librorum, & ecclesiasticorum Patrum & Interpretum autoritas, & autoritatis sincera professio, licet multi forte sunt nimis, qui priuatim his libris prorsus nullam habeant fidem, nec eos curent, aut legere aut intelligere.

Tertio, Illam Consequentiam tu ipse, quæso, perpende. Animę expectant suffragia, ergo sciunt se esse saluandas. Fuisti ne tu ipse aliquando in periculo, uel mortis uel alterius necessitatis, in quo nesciebas, an tibi esset pereundum uel emergendum? Si fuisti, recordare quæso, quam anxie quæsieris auxilium & consilium eo maxime, quo ignarus fuisti auxilij & consilij. Et (ut ille ait) Vna salus tibi fuit, nullam sperare salutem, Si non fuisti, obsecro, uells credere his, qui fuerunt. Vbi est ergo Argumentum tuum, Petunt suffragia, ergo sciunt se saluandas. Quid si contrarium uerius sit, petunt suffragium, ergo ignorant se saluandas?

Sic, inquam, potest fieri, ut à facie æternę irę horrentes timeant perire, & in lacu ire sempiternū, & ne intrent orare, & suffragium querere. Hoc Ecclesia uidetur sentire, quando pro eis orat: Ne absorbeat eas tartarus. Item, Libera eas de ore Leonis. Ecce in ore leonis, iam iam deglutientis, & in absorptione tartari eas esse Ecclesia protestatur. Sed latius, ubi dixi.

SECUN.

Secunda, inquis, falsitas est, Quod qui purgantur, timeant, præterquam filialiter, quia timor de futuro malo &c.

Respondeo: Tuo te gladio peto. Temeritas est in his, quæ nos ratio naturalis non docet, uelle aliquid definire nostra autoritate. Eluc hanc temeritatem tuam, qui sine autoritate tanta fiducia pronuntias, non esse in Purgatorio, nisi filialem timorem, Thomam enim non audio.

Secundo, Video te eo errore laborare, quasi possit esse filialis timor in uia tam purus, ut nullus cum eo mixtus sit timor seruilis poenarum, quod iuxta Scripturam & ecclesiasticos Patres non est possibile, cum nulla uirtus perficiatur, nisi in Patria. Et hæc meæ Positionis causa est, quia animæ sunt imperfectæ charitatis, habentes mixtum timorem poenarum, id est, seruilem. Aut doce me, quomodo, de poena doleant, si non timeant eam, si non dissentiant ab ea, nisi definitio doloris B. Augustini alia est in Purgatorio, alia super terram, qua dicit, Dolor est dissensio animi ab ijs rebus, quæ nolentibus nobis accidunt, dolent ergo? Sed hoc fit, quia nolunt, si nolunt, seruiliter timeant poenam. Tu cape, ego nec fingere possum, quod quis doleat de poena, quam non timeat aut horreat.

Tertio, Id uero quam acute dixisti, quia timor sit de futuro malo, Animæ autem sunt in præsentibus malis, Si cogitare posses, uel gustasses uitæ futuræ unam guttulam, non ista diceres, Omnia sunt illic præterita, omnia præsentia, omnia futura. Breuiter, quia hæc sunt ignota tibi, hoc est quod dico, quia poena Purgatorij est timor futuri mali, id est, horror damnationis, Sicut supra exemplum dedi, de his, qui in periculo sunt constituti.

Quarto, Quod si solus iste horror satis esset poenarum, impius esset Deus, quia alias poenas adderet.

Obscuro, Creatorem tuum modestius nominare uelis misera Creatura, Nunquid ideo Deus impius esset, quia non secundum caput tuum opinionibus Thomisticis dissentiret ageret?

Deinde, Nec me intelligis, Non dixi hanc poenam esse sufficientem, id est, omnem quam patiuntur animæ, nec de alijs poenis disputavi. Sed hanc solam aio tantam esse, tam uehementem, ut sola possit uice Purgatorij esse, cum in ea sit omnis poena, imo aliæ poenæ seorsum nihil sunt ad istam, ut dixi in Declarationibus.

AD 16. Conclusionem, Vbi Purgatorium dixi uideri prope desperationem, Tu contra certam spem salutis in Purgatorium ponis, & hoc non, nisi nuda Thomæ autoritate, quod remitto ad Fundamentum meum secundum.

Secundo, uehementer dubito, An scias, quid sit certa spes, cum tua ipsius sententiæ sit, quod homo nescit, an amore dignus sit.

Tertio, Hanc Conclusionem ex supradictis apertam relinquo, Quod morituris & periculo pressis, licet nondum sit desperata, prope tamen, ac uelut similis est desperatæ, salus, Omnis enim timor, pars quædam est desperationis.

AD 17. Vbi ex consequenti animabus augeri necessario charitatem dixi, Tu pulcherrimo Aristotele mihi occurris, Quod uno inconuenienti dato, plura mihi contingerent, scilicet non minus absurdum esse, quod timorem seruilem in animabus posui, quam charitatis augmentum. Deinde tu, quam optimas tuas conuenientias prosecutus cum B. Thoma, contrariam asseris, nihil allegans aliud, pro more tuo, nisi noua uocabula. scilicet, quod animæ secundum Thomam, sunt uiatores secundum quid, non simpliciter. Quis dixit tibi & Thoma, esse eas uiatores secundum quid, non simpliciter? An Aristoteles in Elenchis suis? Quis temeritatem, ut

*Temeritas
Siluestri.*

*Definitio doloris
Autore Aug.
gustino.*

Futura uita.

Pœna Purgatorij.

*16. Conc.
Lutheri.*

Eccle. 9.

*17. Cont.
Lutheri.*

Certa spes.

*Animæ uiatores
sunt secundum
quid, autore Tho.*

RESPONSIO D. MAR. LVTH.

tē, ut tu uocas, tibi permittit, scrutandi eius, ad quod nulla suppetit nobis ratio, naturalis præsertim, cum non disputes, sed definias? An illa tua fortissima Ratio, qua dicis, Alioqui bonum esset eis, diu esse in Purgatorio, ut perfectiores & consummatiores euaderent?

*Argumentum
Siluestri ridi-
culum.*

Hoc argumentum credo non posse fieri, nisi à Thomista, tantum habet acuminis. Nam ex eo etiam sequeretur, Bonum esse, ut nullus Sanctorum moreretur, Et ut Martyres usque in diem iudicii, carceres & ungulas sustinerent. Quia si charitas potest augeri in statu, in quo sunt, bonum est ut diu in illo maneant, hoc est, semper moriantur pro Christo, quo perfectiores euadant. Hæc tu, ut dicis, non sequens uocum nouitates, sed uestigia Sanctorum.

*Argumentum
Probabile.*

Decimam octauam, Vbi uidebas me petere autoritatem Scripturæ uel Rationis, omittis, nisi quod autoritate Sanctorum pluraliter, id est, S. Thomæ, dicis fieri argumentum probabile. Concedo esse argumentum probabile, id est, dubium & dialecticum, cui non sit necessarium accedere fide. Et hac tua professione obstrictum te uolo, ut quoties mihi D. Thomam adducis, sine Scripturâ, sine Patribus, sine Ecclesia, sine Ratione loquentem, memor sis, te dialecticum, non Theologum agere, id est, probabilia tantummodo tradere, non credibilia.

18. Conc.
Lutheri.

Quid ergo? Hoc pacto iam omnino conuenimus in unum, & finis est disputandi, Quia hoc, quod affirmas tu, ego nego, uis ergo ut sistamus? nam deinceps, præter D. Thomam nihil ponis, nisi quod aliquando me conuictis infectaris, ubique autem inuidiosum Pontifici me facere studes, Sed transiliam breuiter.

Decimam nonam præteriens, dicis idem quod supra ad decimam quartam, & decimam quintam dixisti, quo & ego te remitto.

19. Conc.
Lutheri.

Contra uicesimam dicis, Summum Pontificem posse remittere poenam tam impositam, quam non impositam, ut edocet D. Thomas, Oppositum autem dicere, est hæreticum, & contra Priuilegium datum Petro.

20. Conc.
Lutheri.

Respondeo: Nego, & ratio negandi dicta supra Conclusionem quinta. Hæreticus autem ero, si postquam Ecclesia determinauerit, non tenuero.

AD uicesimam primam, Me conuicio pungis, ideo transeo.

21. Conc.
Lutheri.

AD uicesimam secundam, ea dicis, quæ supra Conclusionem quinta sunt confutata. Nego esse factum & doctrinam Ecclesiæ, relaxari poenas Purgatorii per uiam Indulgentiæ. Quinquam admiror, quod hanc Propositionem non approbaueris, qui superius docuisti & admisisti, animas in Purgatorio non soluere canonicas poenas, ut dicit mea hæc Propositio.

22. Conc.
Lutheri.

AD uicesimam tertiam, Longo uerborum tractu repetis id, quod supra tractatum est Propositione sexta, de attritione & contritione, quod ibi dixi, hic dictum puta. Non est enim fundamentum theologicum, ex attrito fieri contritum uirtute clauium, sed erroneum. Deinde attritio seu dolor ille imperfectus non est idem, quod uelle habere dolorem & gratiam Dei, Sed uel est simulatio fallax, uel est initium gratiæ uerissimum, Sicut B. Augustin. ait: Desiderium gratiæ est initium gratiæ. Et alibi: Velle esse iustum, est magna pars iusticiæ. Imo Apostoli in eo gradu permanserunt. Roma. 7. Velle mihi adiecit, perficere non inuenio. Non ergo attritionis, nec liberi arbitrii, sed gratiæ, est tale desiderium, ante omnem uirtutem clauium.

23. Conc.
Lutheri.

Roma. 7.

Secun-

Secundo, Facillime admitto, quod dicis, Indulgentias conferri posse etiam imperfectissimis, nec hoc negat mea Propositio, Imo ego credo, quod remissio poenae sacerdotalis potest conferri indignis & non contritis. Sensus autem meus est, quod nulla omnium omnino poenarum, tam à Deo impositarum, quam ab homine, nisi perfectissimis potest dari, imo nullis in hac uita, manet enim poena mortis, dolor cordis &c. Et nullum est dubium in hac Propositione, experientia teste, & omnium sententia.

24. Conc.
Lutheri.

AD uicesimam quartam, Negas falli populum, si modo attriti confiteantur &c. quod, ut supra de attritione dictum est, reijcio.

Primo, Quod addis, Alia bona opera non esse relinquenda propter uenias, cum nullus pro certo sciat, se uenias assequutum. Item, quia etsi illi ueniam non consequuntur, pium tamē opus faciunt, quod eos in salutē disponit.

1. Cor. 9. Respondeo: O miserum patrociniū ueniarum, obsecro, si incertum est, consequi nos uenias, quid facimus? quid doces? Apostolus prohibet, ne in incertum curramus.

Hæc tua apud me uerissima sunt, imo apud omnes. Hinc est, quod ego tota fiducia suadeo hominibus, ut relictis uenijs, inuicem benefaciant, Quia hic sunt certi, sese gratiam Dei consequi, illic uero incerti, an gratiam hominis consequantur. Hic tandem dicis & sentis ad omnia uota mea, imo plus quam uolui. Ego qui hæreticus, perfidus, erroneus accusor, nunquam tam uiliter de Indulgentijs loquutus sum, nec loqui uolo. Quid est, quæso, donum incertum, nisi nullum donum? Quare ergo tot pompis irritatur uulgus, ad incertum suum bonum, quod ad certissimum bonum sine pompa potuit induci? Hoc modo peius fallitur, non maior pars populi, sed totus populus, Quid si ego ista dixissem.

Consilium
Lutheri.

Donum incertum.

1. Cor. 3. Secundo, Vbi nunc est potestas Papæ, Vbi uirtus clauium, si non nisi incertum operantur? Iam Christus nihil dedisse uidetur Ecclesiæ, qui nihil certum ei dedit, Eò scilicet peruenit res Ecclesiæ studio scholasticæ Theologiae, ut quæ donata sint nobis, nesciamus, Et id profitemur nos nescire, contra Apostolum, 1. Corin. 3. Sed uide meas Declarationes. Credo me id effecisse, ut intelligi possit, quid clauēs, & quid non operentur, idq; non incerte, sed certe.

Scholastica
Theologia.

Tertio, Altera lacinia frigidi huius patrocinijs tui miserarum ueniarum est hæc, Quod etsi illi uenias non consequantur, tamen pium opus faciunt &c. Volo premere, quæ hic cogito, tu quæso, uide quid dicas, & quid inde sequatur. Hoc dico interim, non potest populus ad pium opus induci, nisi spe incerta ueniarum? Dic hoc populo, & uide, si unum obulum pro tali ueritate consequaris. Quis enim pro incerto, certum laboret? Ideo necesse est præconibus ueniarum, hanc ueritatem non docere. Et tamen non fallitur maior pars populi. Ad has impias fabulas peruenimus, dum docemus populos non in certissimam & nudissimam misericordiam Dei, sed in proprias iusticias incertissimas, imo nullas confidere.

Indulgentiariorum
impia fabula.

Quarto, Sic ueniæ essent pro mortuis solidiores quam pro uiuis, quia tua sententia profunt defunctis certissime, uiuis autem incerte, & tamen pro uiuis sunt principaliter & directe institutæ. Quod si directe non sunt nisi incertæ, quomodo, quæso, certæ sunt, quando sunt indirectæ? Fateor hæc etiam in Glo. li. 5. c. Quod autem, posita, primo me mouerunt, ut de Indulgentijs dubitarem, Et quomodo non dubitarem, cum dubitare iubear, à tantis ueniarum tutoribus, doctoribus, præconibus?

Quinto, Vide, ne populus pium opus pro uenijs facere doctus, non faciat eo ipso, nisi malum opus, scilicet, si opus huiusmodi alias non faceret, nisi uenias speraret. Hic patet, quod non Deum pro fine, sed creaturā, scilicet remissio-

RESPONSIO Dⁱ MARTⁱ LVTHⁱ

Indulgentie
p^{ie} fraudes
sunt.

remissionem poenæ in opere suo habet, Nisi uerum sit, quod aliqui dicunt, Indulgentias esse pias fraudes, quod populus bonum opus facit propter Deum, & spe placendi Deo, prouocatus ad hoc per uenias.

Papa.
Episcopus.
Curatus.

AD uicesimam quintam, Ea quæ dicis, nihil curo, non enim sunt 25. Conc. Lutheri.
Ad propositum, Tu intelligis Propositionem meam loqui de potestate iurisdictionis, quam tamen negavi superius & inferius in Purgatorium ualere. Ego loquor de potestate operandi, & quidem non fuit mens mea, ut sic fallerentur legentes, sed tunc, sicut occurrebat, ita ponebam. Potestas itaq; hæc est, quia Papa generali intercessione orat pro defunctis cum tota Ecclesia, Episcopus speciali, ut in diebus communibus, Curatus, in singulis ferijs, Ergo est potestas orandi & intercedendi, de quo alias.

AD uicesimam sextam, Dicis Ecclesiam habere potestatem in 26. Conc. Lutheri.
Purgatorium, secundum Sanctos (id est, S. Thomam) & hoc per applicationem meritorum Christi.

Respondeo ut supra, S. Thomam nego.

AD uicesimam septimam, Ardens in defensionem tuorum, dicis, 27. Conc. Lutheri.
Non hominem, sed meram ueritatem & catholicam prædicari ab his, qui animam eo instanti, quo plene factum est illud, gratia cuius plena uenia datur, puta, quando deiectus est aureus in peluim, euolare.

Prædicatores.

Respondeo: O suauissimam glosam, Quis hæc ignorat, quod anima, quando satisfactum est pro ea, in instanti euolet? Nunquid hoc impugnaui? quis ista non credit? Sed & hanc glosam tuam dederunt postea tui quoq; fratres Germaniæ.

Secundo, Huc attende, & hic responde, ubi urgeris & nodus hæret, An sit hominem prædicari uel Deum, dicere, quod anima per Indulgentias euolat, Hoc tu iam iterum, facto & doctrina Ecclesiæ, id est, opinione tua & S. Thomæ, probas. & non aliter. Quanquam tu non tam uiliter pendis animas, quam hi nostri, Siquidem tu aureum in peluim, nostri duodecim quadratos satis esse dicunt.

Tertio, Quod si etiam uerum esset, per Indulgentias redimi animas, Qua Dialectica didicisti, eodem momento satisfactum pro anima, quo factum est id, gratia cuius donatur uenia? Ita diuinatis de his rebus abstrusissimis, ac si præsentibus omnia uideretis. Nonne posset fieri, ut dum ille numum iacet, interim Angelus, sicut Tobia fecit, offerat Deo memoriam huius facti, & deinde animam uisitet, & aliqua mora intercedente redimat Aut, aliud fieri, quod nos ignoramus.

Similitudo
siluestri.

Concionatores
Indulgentiarum

Quarto, Aptissimam adducis similitudinem, Quod talis Prædicator sit similis coquo, qui substantiales cibos, accidentalibus saporibus excoquit. Imo, hoc dolemus, quod comestores illi, nimis accidentalibus & alienis uerbis adulterant uerbum Dei. Deniq; iube, ut Prædicatorum illi hoc modo sua uerba intelligenda doceant, & uidebis eos omni populo sibilum & fabulam fieri, nullus enim ita intellexit, Quare satis uideo, quantum sollicitauerint apud te, ut hanc eorum conscientiam utcumq; excusares & leuares, sed frustra.

Veritas odium
parit.
Suffragium non
facit animam
euolare.

AD uicesimam octauam, Me detractorem uocas, & eum, qui pos- 28. Conc. Lutheri.
nit in cælum os suum, quia Deus, inquis, concessit Papæ dare de suffragio pro uoluntate sua.

Respondeo: Nolo tecum conuitijs agere, mi Pater, Scio quod omnia facilius sustinemus, quam ueritatem, Tuis uerbis non potest offendi auaricia, quia non tangis eam, sed tingis & pingis. Nam quod Papæ possit dare suffragium, non nego, Sed quod suffragium faciat animam euolare, hoc interim nego, donec tu aliud probaueris.

AD

29. Con.
Lutheri.

ADuicesimam nonam, Primum somnia mea uocas. Deinde ex S. Thoma de poena uoluntaria longum trahis sermonem, Et in fine dicis, Contrarium si quis asserat, stultus & ridiculus sit.

Respondeo: Sum optime contentus, ut tu sapias & rideas, usquequo uoles, Sim ego stultus & ridiculus.

Secundo, Ego quaestionem dumtaxat posui, Tu, sicut egregius Thoma Syluester Thomista, (pro more uestro) nec nutum uestris opinionibus contrarium ferre potes, nihil tamen prorsus probas.

Tertio, ista distinctio B. Thomae est falsissima, meo iudicio, scilicet, quod aliqua poena est, per quam bonum acquirimus, ut quae est in hac uita. Alia autem, per quam nullum bonum nobis accrescit, sicut est mors naturalis & poena Purgatorij, quia licet sine ea (ut ais) non peruenitur ad bonum, tamen bonum non per eam accrescit. *Distinctio Thomae falsissima.*

Roma. 8.

Respondeo: Ita loqueris sine iudicio, ac si necesse sit uerbum B. Thomae uerba Thomae maz oraculum haberi. Cur ergo Apostolus errat, quando dicit: Omnia co-

operantur in bonum Sanctis? Sed forte, ut estis prompti ad distinctiones sunt oracula.

Roma. 14

Psal. 116.

(id est, Scripturae discriptiones) dicis, quod omnia cooperantur, scilicet huius distinctiones scholasticorum theologorum, ius uitae, sic enim soletis elabi. Contra, Rom. 14. Qui moritur, Domino Scripturae discriptiones sunt. moritur. Et Psal. 116. Preciosa in conspectu Domini mors Sanctorum eius. Doleo ego sanctum uirum eo prolapsum, ut neget per mortem, bonum accrescere, cum sancti Martyres martyrio & morte summum praemium & aureolam obtinuerint. Igitur, siue haec dicat angelicus, siue humanus Doctor, insulsiimum errorem dici, cum fiducia proclamo.

Quarto, Eodem sensu, probabiliter nihil asserendo, dixi, Animas quoque uoluntaria passione poenarum Purgatorij perfici in charitate, Quia necesse est, ut ament & eligant poenas, quas sentiunt Deum eis infligere, Haec enim uoluntas Dei est, quam super omnia diligunt, aut certe diligere laborant. *Anima in Purgatorio perficiuntur in charitate.*

30. Con.
Lutheri.

AD tricesimam, Repetis eandem tuam cantilenam, Quod animae certae sunt de gratia Dei & salute &c. Quibus supra respondi.

31. Con.
Lutheri.

AD tricesimam primam, Dicis me superfluum dicere, eo quod supra posuerim perfectissimas consequi uenias, Hic autem uere poenitentes, qui tamen minus rari sunt.

Respondeo: Recte fecisses si meas Propositiones intactas reliquisses. Tu incedis ad Aquilonem, & illae ad Austrum, adeo conuenit tibi cum intelligentia earum. Tu audes egregie, mi Pater, perfectissimos discernere a uere poenitentibus, deinde, quod absurdus est, poenitentes & attritos facis eisdem, nisi obicem ponant.

Ista figmenta obicis & attritionis, supra quoque reieci, & nunc reijcio. Humana sunt commenta, nuper inuenta, sine autoritate ulla & ratione. Ne minime poenitet uitae suae, nisi gratia fidei praeventu, ut tenet una sententia totius Ecclesiae. Quid mihi ergo de fictitia illa poenitentia, quam tu attritionem fingis? nec est ullus tam perfectus in hac uita, qui non egeat poenitentia, ut supra dixi, Tu autem poenitentiam extra Ecclesiam uideris ponere, inter attritos dumtaxat, quod est euidentis error. *Hominum figmenta de obice etc. Attritio fictitia poenitentia.*

32. Con.
Lutheri.

AD tricesimam secundam, Vbi ego docui, ne ullus fideret in literas ueniarum, quippe cum dicat Scriptura: Maledictus qui confidit in homine, Tu acutissime uolens unum malum uincere, gemino te perdis, Primum fatuos eos asseris, qui sine operibus bonis tutos se putant.

Quid

RESPONSIO D. MAR. LVTH.

Nuda misericor-
dia Dei salua-
mur.

Quid ergo supra dixisti, quod attritus consequens Sacramentum & Indulgentias euolaret, si moreretur? cum talis omnino sit sine bonis operibus? Deinde uideris admittere, quod cum bonis operibus possint esse tuti, hoc secundum te Christianum est, secundum Augustinum & Paulum Pelagianum est, Cum talia opera reuera nulla sint, quibus tuti esse possumus, sed nuda misericordia salui erimus, Vt Apostolus Tit. 3. Non ex operibus iusticiæ, quæ fecimus nos. Sed secundum misericordiam suam saluos nos fecit. Ita & alibi: sola fidei iusticia gloriatur.

Tit. 3.

Secundum, Qui uero ex spiritali commodo eiusmodi literarum concipiunt spem melius uiuendi & moriendi &c. recte sentiunt, Et sic docentes recte docent.

Theologi schola-
stici ludunt.

Remissio pœna-
rum.

Spes uitæ meli-
oris.

Respondeo: Remissio pœnarum tantum confertur per literas & Indulgentias, dignum ne ergo iudicas hanc, spirituale commodum uocare? Quid anima inde boni consequitur? Nihil prorsus, & tamen est spirituale commodum. Ita luditis uerborum & nominum licentia, donec omnia confuderitis.

Secundo, Quomodo spes melius uiuendi nascitur ex remissione pœnarum? id est, uita ex morte? Mortua res est pœnarum remissio, & ita mortua, ut etiam tuis Magistris testibus, melius sit satisfacere per se, quam satisfactionem remitti per Indulgentias. Sed quid ego cum tuis nudis uerbis pugno, Spes uitæ melioris ex Deo per gratiam eius uenit, Gratia autem non in remissionibus, sed in inflictionibus pœnarum potissimum operatur, ut ad Corinthios: Virtus in infirmitate perficitur.

1. Cor. 12.

AD tricesimam tertiam, Vbi nihil habuisti quod diceres, id uoluisti conari, ut me Pontifici odiosissimum faceres, cuius me detractorem iniustum, falsum, erroneumque deblateras, Euidens signum est destituti à ueritate furor & indignatio.

33. Con.
Lutheri

Respondeo tibi semel pro omnibus: Summi Pontificis potestatem honoro, sicut decet, Vestras autem, uel opiniones, uel adulationes contemno. Ideo huius Conclusionis meæ (hanc enim non disputo) contrarium, libera fronte hæresim pronuncio. Non est in manu hominis reconciliari hominem Deo, nec Papa potest gratiam Dei iustificantem donare, ut tota sentit Ecclesia, cuius contrarium, nullus fuit tam foedus hæreticus, qui doceret.

Secundo, Vt tuis Præconibus utcumque succurras, iterum fingis distinctionem, pro Thomistarum laudabili more, dicens: Qui uero dicunt (ut refert) uere dicunt, modo reconciliatio illa intelligatur improprie, per amotionem reatus, qui animam à Dei contemplatione clare secludebat.

Improprietas
omnis uitanda
Doctori Eccle-
siae.

Respondeo, Miror quod non eadem opera, reconciliationem illam intelligi doces, Alphabetum græcum uel ebræum, aut aliquid aliud, quod non significatur literis & syllabis istis. Si ista licentia improprie loquendi permittitur, quid me impugnas? Cur non aliquo sensu improprio, me uera dixisse fingis? Cur non omnium hæresum insanias uno sinu suscipimus, cum possint eorum uerba uera fieri, si improprie accipiantur? Vbi manet Regula illa, quod doctori Ecclesiæ omnis improprietas (quantum fieri potest) uitanda est? Et illud Sapientis: Qui loquitur sophisticè, odibilis est? Rogo, dent mihi tui Impropietæ tecum ueniam, si uerba uestra non intelligimus, ego & populus. Credimus enim uos uti uerbis pro intellectu, non pro illusione nostra. Nisi iterum redijt, quod B. Hieronymus in Iohanne Hierosolymitano arguit, scilicet, Quod aliud loquuntur sacerdotes, aliud audiunt populi. Vos autem dedita opera, ad improprietatem uertatis uerba, & hoc etiam ita defenditis, ut gloriam uelit meruisse.

AD

34. Conc.
Lutheri.

AD tricesimam quartam, dicis, quod sit hæretica, quia negat, quod Papa possit omnem pœnam abolere.

Respondeo & ego per distinctionem: Hæresis accipitur uno modo, prout est contra opiniones nudas Thomistarum, & sic est hæretica. Alio modo, prout est contra doctrinam fidei & Ecclesiæ, & sic est catholica.

Secundo, Spero quod mihi, etiam non rogatus concedes, Per Indulgentias non aboleri mortem, & mortis tot pericula, & infinitas passiones huius uitæ. Istis autem manentibus, obsecro, quid magni remittunt ueniam, quando relicta mortis pœna satisfactiunculas temporales remittunt? Sed ex musca Elephantem facere placuit, utinam non amore Amorrei.

35. Conc.
Lutheri.

AD tricesimam quintam dicis: Nullum esse declamatorem reor, qui tam stulte docuerit.

Respondeo: Ego non reor, sed scio. Extant enim libelli Positionum, quibus id non solum docent, sed ita defendunt, ut contrarium asserant errorem. Idcirco iterum rogo Dominum, ut Thomam Italicum & Germanicum sibi discordem, primo concordet, ut sciam, utri pugnem uel cedam.

Thomæ sibi discors.

Sed iterum ad solitum refugium uenis, id est, ad improprietatem forte dicens: Si qui tamen docerent, quod non contriti, non uane Indulgentias consequuntur (quia proderunt contritione, ex post facto accedente) non male docent apud complures peritos.

Ergo id Christianum est prædicare? Cur ergo Scriptura nos hortatur, ut quantocyus conuertamus & conuertamur, Et nullam dat fiduciam futuræ pœnitentiæ, interim secure dilatare? Sed omni hora uigilandum docet, siue ualeant Indulgentiæ in futurum, siue non, nihil curo. Id curo, quod pro re leuissima, id est, ueniens, rem illam grauissimam, & solam necessariam, id est, contritionem, tam uiliter æstimamus, tam frigide curamus, ut non ad nos pertinere uideatur, quo tempore peccator eam obtineat, modo præsentis ueniam redimat, quas cum sine periculo non solum differre, sed etiam nunquam redimere liceat, sedulo tamen agimus, ne differat. Si id amore pecuniæ non fit, Cur non tam sedulo agimus ne contritionem differat? Proprietas hic ne obstat? omnia tam acute pro ueniarum gloria exeogitantur, Et impius sum, qui pro gratia Dei, uel stupide disputo.

Contritio uile fit.

36. Conc.
Lutheri.

AD tricesimam sextam dicis, Quod sit hæretica, deinde pœnitentiales Canones euacuet, euertat, & tertiam partem pœnitentiæ satisfactionem, & omnia iura loquentia de Pœnitentia, & Purgatorium. Adde, quæso, & cœlum & terram, ut omnia comprehendas.

Respondeo: Spero, dabis mihi uerum esse, quod per totam Ecclesiam dicitur, scilicet posse contritionem hominis tantam esse, ut deleat omnem culpam & pœnam. Secundo dabis, quod uoluntarie morientes omnia solunt, & satisfaciunt plenissime. His credo sine indulgentiis & literis adesse remissionem plenariam, & tamen me in hoc non esse hæreticum, nisi apud Thomistas forte.

Voluntarie morientes.

Secundo, Debitum ideo dixi etiam his, qui tam perfecti non sunt, quia Papa minister est Ecclesiæ, quicquid potest facere fidelibus in salutem, debet sub necessitate salutis, etiam gratis. Quod si non fecerit, Deus supplebit: Spero per misericordiam suam, quod homo neglexit per incuriam suam.

Papa minister Ecclesiæ.

37. Conc.
Lutheri.

AD tricesimam septimam. Postquam dimissa disputatione, quam de participatione bonorum Ecclesiæ coeperas. Dicis tandem hæreticum me esse, si dicerem sufficere impleri inunctam pœnitentiam a Sacerdote sine impletionem eius, quæ a Deo imponitur, & sic euolare peccatorem non satisfacto prius Deo.

K

Sicut

RESPONSIO D. MAR. LVTH.

Thomistæ.

Nudissime Thomistarum opiniones.

Sicut dixi, Vester iste mos est, si mos vocari posset, tanta cholera æstuat, ut altera pene syllaba hæreticum dicatis, Nil nisi hæreticum, hæreticum, hæreticum Thomistæ loqui didicerunt, & tamen nihil prorsus efficitis, nisi quod contra uestras frigidissimas & nudissimas opiniones dictum aliquid esse probatis. Ideo mihi de vobis Isaias uidetur dicere: Concipietis ardorem, & parietis stipulam. Et illud Gentilis: Parturiunt montes, nascetur ridiculus mus.

Isa. 59.

Primum, Ex prædictis uidisti, quod de poena, quam Deus infligit, omnibus partibus à te diuersus sum, alijs nixus principijs, Ideo totum, quod contra me machinaris, frustra machinaris. Nego principia tua, & te totum à planta pedis usq; ad uerticem, sicut habes Fundamenta mea superius posita.

Christianus sum, non Pythagoricus.

Secundum, Nolo ego docere uel doceri in Ecclesia, quod requisitus, non possim defendere, nisi dicendo, : S. Thomas sic dixit: Christianus sum, non Pythagoricus.

AD tricesimam octauam, Vtrobique damnabiliter me errare dicis, siue de culpa, siue de poena intelligam, Quia Papa non declaratiue, sed ministerialiter & dispositiue culpam & poenam relaxat.

38. Coe.

Lutheri.

Attritio fictitia.

Respondeo: Hæc supra confutata satis sunt, quia ante ministerium Papæ, & ante eius dispositionem, oportet remissam esse culpam, nihil enim ualet tua fictitia attritio.

In foro Dei, Papa, præter intercessionem, nihil iuris habet.

Secundo, Quo ad poenam à Deo inflictam, Papa nec dispositiue, nec ministerialiter se habet, ut remittatur, hoc enim pertinet ad forum Dei, in quo Papa, præter intercessionem, nihil iuris habet, Vt satis dictum est, nec contrarium est determinatum ab Ecclesia.

AD tricesimam nonam, Tandem plenus fiducia, primo perueni sum Doctorem, Deinde detractorem uenialium (ne dicam) uenialium prædicatorum & Pontificis, proclamas. Deinde negas bonarum disciplinarum præceptis institutum.

39. Coe.

Lutheri.

Oportet me tandem animum meum & Lectoris mei instituere, ut sciamus cum Thomastris neminem posse loqui, nisi paratum, altero uerbo conuicium, crimen, blasphemiam, audire, Diligitis enim opinionis uestre sensum plus, quam onager suum foetum. Audiamus ergo istam magnificam tuæ disputationis Bullam.

Duo, inquis, præcepta tenes falsa, quæ uenias evertunt. Vnum, quod uera contritio aboleat omnem poenam. Alterum, quod uera contritio poenas præligat semper. Primum impugnas, & id non nisi bene institutorum Theologorum paradigmate, scilicet, ubi offendens hominem, restituitur in amicitiam, non sine emenda, Ita Deus lege communi, abolita culpa, uult peccatorum emendam præstari &c.

Iudicium diuinum, humanum.

Primum, si esses bene institutus Theologus, ut gloriaris, scires iudicium diuinum & humanum, dissimillima & contraria esse, Et Deum, si remittit, totum remittere, quod homo, quia non est tam bonus quam Deus, non facit. Deniq; sic Christus docuit, Vt filij essemus Patris, non reddentes, nec requirentes malum pro malo, sed benefacientes malis. Si filios oportet esse tales, quanto magis ipse Pater talis est?

Lex Dei communis, secundum quam Deus remittit peccatum.

Ideo lex ista communis, quam tu (pace tua dico) fingis, non habet locum, nisi in opinionibus tuis. Nec unquam legis à Deo peccatū remissum, reseruata poena, præsertim ea quam Papa remittere possit. Legis autem semper contrarium, quod omnino poenam & culpam remittit, sat habens uindictæ, si homo noua uita totus ei seruiat. Igitur legem illam communem, qua utitur Deus remittendo peccatum, ille doctius & uerius tradit, qui dixit: Sacrificium Deo spiritus contribulatus, cor contritum & humiliatum Deus non

non despicias. Imo de industria præueniens, damnat uestram sententiam & legem, dicens: Quoniam si uoluisses sacrificium, dedissem, holocaustis non delectaberis. Ad idem est Isa. 1. Psal. 50. & Mich. 6. & multa alia loca
 1sa. 1. Psal. 50. Scripturæ, ad uestram sententiam autem nulla prorsus.

Mich. 6. Secundo, Iterum inuidiam mihi conflare anhelas, quando me accusas, quod eneruem & euacuem uenias. Hoc (salua tua reuerentia) non uerum dicis. Ista enim est sententia mea, quod cum satisfactio sit (omnium sententia) melior, quam Indulgentia, Dico, quod bona opera, quæ pertinent ad satisfactionem, sint præferenda uenijs, præsertim cum ueniæ sint nec præcepta nec consultæ, ideoque nec meritoria, nec utiles ad salutem. Quia ubi non præceptum, ibi nec obedientia, Vbi non obedientia, ibi nec meritum, Vbi uon meritum nec salus. Sunt enim licentiæ ac permissiones quædam, ut olim libellus repudiij, & nunc permissio litium & iurgiorum forensium. Ideo dolere me confiteor, quod has res leues tanto boatu ardemus uulgo persuadere. Quod cum sine exhortatione pronum est ad permissiones, summis uiribus persuadendum fuit ad meliora, id est, ipsam satisfactionem. At hoc modo, cum uideant Præcones ueniarum, quæstum funditus periturum, prudentissime hanc melioris persuasionem, non modo omittunt, sed omni studio cælant quoque.

Opera bona, quæ pertinent ad satisfactionem, sunt præferenda uenijs.

Nec multum prodest, quod dicitur (causa uerbi) uenias quidem non ualere ad meritum seu salutem, ualere tamen ad celerem satisfactionem & poenarum extinctionem. Sit sane ita, sed nihilominus redit id quod prius dictum est, quod adhuc melius sit etiam poenas & satisfactiones non extinguere aut remitti, cum in hoc non nisi optima opera remittantur, scilicet oratio, ieiunium, elemosyna. Hæ enim sunt partes satisfactionis, quas remitti, si audes bonum asserere, audebis etiam, id, quod nihil est, optimum dicere.

Igitur uenias querant, qui uolunt. Sed exhortentur plus ad meliora, id est, ad ipsa optima satisfactionis opera. Sicut uirgini permittit Apostolus nubere, hortatur autem magis, ut uirgo maneat. Tales & tam discretos ueniarum buccinatores, qui separent preciosum à uili, si dederis, nihil est, quod dissentimus, Paucos autem dabis, aut aliquot ex ipsis, mendicos facies.
 1. Cor. 7.

40. Conc. **A**D quadragesimam, cum S. Thoma (timui enim, ne cum S. Paulo uel Augustino) confutare conaris, alterum meum (ut dixisti) falsum præceptum, scilicet quod uera contritio, poenas querit & amat. Et distinguas duplices poenas (sicut & supra fecisti) Primo, quam diu poenas dare pro sceleribus, est alicuius boni allatum, ut in præsentia uita, quando meritorium est, uera contritio amat poenas, ad merendum & præcauendum à peccatis, sine tamen contemptu ueniarum.
 Lutheri.

Respondeo: Gratias ago tibi quam maximas, Nunquid ego aliud uolui, quam quod tu hic dicis? Cur ergo supra hoc præceptum falsum asserbas? An idem apud te diuersis locis, & uerum & falsum est? Rogo, si mihi non uis credere, crede aliquando ueritati, ut Augustinus ait, per os tuum loquenti tibi, fortassis ignorantia & inuito, Admitto optimam istam confusionem falsi præcepti mei, qua uerissimum esse astruitur.

Sequeris, quia utrunque melius est, quam alterum &c. Magne Deus quantæ est uis ueritatis, ut omnium se fortissime tueatur, per os detrahentium sibi. Tu qui bonis es disciplinis institutus Theologus, doce me, quæso, quomodo hæc duo simul stare possint, amare & querere poenas & satisfactiones, simul etiam remitti & querere Indulgentias? Quia unum illorum, ut ais, sine altero minus est, utrunque autem melius est, id est, ut simul satisfacias, & simul omittas satisfactionem, quod est aliud nihil, quam cum ratione, ut ille ait, insanire.
 K ij

Veritas.

Cum ratione insanire.

RESPONSIO D. MART. LVTH.

Sequeris, Vbi uero poenae nullum bonum afferunt, Sed retardant à bono gloriae, poenae non assumuntur &c. De his Conclusio mea nihil dixit, sufficit mihi, quod etiam tuo testimonio sit uerissima, pro hac uita, Nisi quod iterum doleo D. Thomae uicem, & miseram suae discordiae sortem, quia hanc Conclusionem probat in Italia, & damnat in Germania. Secundo, istud figmentum tuum est, quod poenae in Purgatorio non afferant bonum, contrarium enim superius tenui & defendi, usq; ad determinationem Concilij.

Iohannes Taulerus

Tertio, Ratio tua nihil ualet, quod etiam poenae & opera huius uitae retardant à bono gloriae, & tamen assumuntur, imo, ut quidam è tua secta, doctissimus Doctor Iohannes Taulerus ait, si coelum coram te apertum esset, adhuc intrare non deberes, nisi primum uoluntatem Dei super introitu consuleres, ut etiam in gloria, non quae tua sunt, quæras. Sed hanc sententiam uerissimam & theologicissimam, absit, ut probet scholastica Theologia.

AD 41. Dicis uerum me docere, & gratias ago. Addis tamen, quod non minus caute sunt improbandae & restringendae ueniae, in praeiudicium Apostolicae facultatis. Et tu quoq; uerum hic dicis, imo nec caute, nec incaute sunt improbandae, sed permittendae, ut quærat qui uolet, tantum ne magnum quis se consequutum confidat, quin maius potuerit consequi. 41. Conc. Lutheri.

AD 42. & 43. conaris id persuadere, quod Pontifex per uenias prouocat ad pium opus, Et melius esse opus pium cum uenijs, quam alterum solum. 42. 43. Co. Lutheri.

Mihi longe alia mens est, Melius prouocaretur fidelis ad ipsam satisfactionem sine uenijs, ut supra coactus es concedere, id est, ad multa bona opera, quam quod prouocatur ad unum illorum cum uenijs, id est, remissione multorum, Permitto tamen uenijs ita prouocari, Sed dico, quod sit incomparabiliter minus, ideo mea Conclusio uerissima.

*indulgentiae.
Satisfactio.*

Secundo, Erroneum est, quod opus cum uenijs, uel gratia ueniarum melius sit, quam sine uenijs, quia si satisfactio est multa & optima merita, quomodo opus unum cum tot meritorum remissionibus melius erit, quam ipsa tot merita? Loquamur, quæso, cum iudicio & Christiana libertate, Neq; enim poteris dicere, Indulgentias aliud esse, quam remissiones satisfactionis. Rursum, satisfactionem non potes aliud asserere, quam multa bona opera, ieiunij, orationum, eleemosynarum. Sufficiat ergo, quæsumus, ut permitamus per unum opus bonum, multa bona opera remitti, non etiam eousq; commendamus, ut melius esse unum multis, credatur.

Tertio, Idem est quod deinceps dicis, Quod cæteris paribus melius est dare eleemosynam gratia ueniarum, quam gratia meriti præcise. Id est, melius tibi uidetur, ut homo, uno bono opere & merito, faciat se uacuum multis bonis operibus, erroneum hoc & impium esse, pace tua, credo. Semper tu id conaris, ut ueniae, non permissiones & licentiae quaedam, sed perfectiones esse uideantur. Scis autem, quod licentia omnis, nullam habet laudem, nec exhortationes, nisi quod non peccatum est, & infirmorum, potius pigrorum, solatium. Imo, ut ille uerissime dixit: Licentia omnes deteriores sumus. Ita in uenijs, quomodo potest melior fieri concomitanter, ut tu dicis, qui per eas tot meritis fit minor? & solum permittitur esse deterior, Tu autem & suadere uis, ut sit deterior.

SED

Sed uideamus tamen probationem tuam, quia ibi, inquis, scilicet in opere pro uenijs, duo bona sunt, scilicet meritum & sublatio impediens, hic uero unicum est, &c.

Respondeo: Quam studiose claudis oculos, & in aperta luce quaris tenebras. Fateor, duo bona sunt ibi, id est, meritum & remissio multorum meritorum, quod bonum est pigritiae carnis, & damnum optimum, optimorum bonorum, & sublatio quidem impediens, scilicet ad peiora.

Secundo, hic, id est, in opere sine uenijs (id est, permanente satisfactione) non unicum est tantum, sed tot, quod sunt in tota satisfactione, quae est optima & meritoria, sublatio omnium impedimentorum gloriae. Et quid multa? si tua dicta recte intelligeres, uideres tibi esse causam assumptam uituperandi bona opera, & laudandi remissiones eorundem, quod horrendissimum est in Ecclesia audiri. Ideo cum fiducia mihi sumpsi causam laudandi bona opera, non tamen uituperandi uenias. Abstrahe uocabula haec, Indulgentias, uenias, & relicta opinione rem intueri, & uidebis, te non bonum, nec bonae causae patronum. Quid enim potest etiam ipsa Ecclesia, ex uenijs facere, nisi remissionem satisfactionum? Quid autem potest satisfactiones intelligere, nisi optima opera meritoriasque poenas, & ipsa à Deo praecepta? Quid ergo magnificare praesumimus, quod in se nihil est, nisi permissio deterioris, ne peccetur ab infirmis?

44. Conc.
Lutheri.

AD 44. Nouus Interpres scripturae dicis, pauperi posse negari eleemosynam sine peccato mortali, licet non sine ueniali. Ideo Conclusionem meam falsam &c. Gratias tibi agit, ut optimo Patrono, insignis illa belua Phylargiria, quia discit, se posse negare petenti eleemosynam sine mortali peccato. Proh dolor & horror horrendus, quid audimus in Ecclesia? Cur ergo Iohannes dicit, charitatem non manere in eo, qui claudit uulnera sua à proximo suo. An charitas etiam recedens, non relinquit peccatum mortale? imo Christus in iudicio, cur damnabit eos qui esurientem non cibauerunt? &c. Sed forte in persona Impropiistarum ista dixisti. Est aliquis sensus uerus, quæ ex India forte adduces postea, ideo interim expectabo. Quod si dixeris, tunc cum ueniali peccato negari, quando pauper non eget, aut alias iusta est causa. Breuiter, si est iusta negandi causa, sine peccato negatur, sin est nulla, peccatum mortale est negasse, Sic Euangelium, sic Apostoli loquuntur.

Silvester nouam
scripturae exposi-
tionem commen-
tus.

Phylargiria, amor
diuitiarum.

1. Iohan. 3

Matt. 25.

Impropiiste.

Secundo, Cur non pari, imo maiori studio exquiris, quomodo liceat uenias non redimere, ad salutem inutiles & non necessarias, qui tam periculose & acutè exquiris, quomodo bona opera liceat omittere, sola necessaria & utilia ad salutem, denique praecepta ab ipso Deo? An obsequium Deo te arbitraris praestare, si calumniaris praecepta Dei & bona opera, tantum ut uenias, nec à Deo, nec ab homine praeceptas, efferas immodice? Finge nullas esse uenias in Ecclesia, sed omnes per se satisfacere, sicut olim fiebat. Rogo, utra facies tibi placeret? ueniarum, an satisfactionum? Vel ergo, tu non rectè intelligis Indulgentias, uel mala simulatione moliris calumniam bonis operibus.

Cum nullae ue-
niae.

45. Conc.
Lutheri.

AD 45. Iterum distinguis, ut uideris tibi, sufficientius, bona temporalia necessaria, & tandem cum Thomistis nostris consentiens, dicis, Necessaria secundo modo danda pro eleemosynis, sed solum in extrema necessitate.

Rogo, ignosce mihi, reuerende Pater, uxor enim nimis, quod textum Apostoli Iohannis de necessitate, perditissime trahis ad necessitatem extremam. Quis dedit tibi potestatem, necessitatem illam extremam facere? Sic Diabolus insidiosissimus hostis, etiam sacras literas nobis illudit & perdit.

K iij

Det

RESPONSIO D. MART. LVTH.

Det Dominus Ihesus Christus, ut nullus hominum, tibi & omnibus, qui hanc glossam tenent, tribuat, nisi dum perueneritis ad extremam necessitatem, ut discatis, Scripturam sanctam incorruptam relinquere, uel penuria. Istam libidinem & luxuriam corrumpendæ scripturæ, iam ferme trecentis annis patitur Ecclesia incomparabili damno suo, à Doctoribus scholasticis.

Præcones ueniarum.

Fratres mendicantes.

Secundo, Conclusionem meam ueram relinquis, uerum non capis quod uolui. Tu in hoc recte sapis, quod necessaria secundo modo potest homo pro uenijs dare, quod admitto. Sed nostri uenales Præcones, de necessarijs primo modo, suadent hominibus dare pro uenijs. Horum enim uox & literæ (exempli gratia) sunt hæc. Si haberes unam tunicam, uendere deberes, ut uenias redimeres. Nec hoc contenti suadent, Vbi quis necessaria primo modo non habuerit, tum alicunde mutuæ, aut mendicet, etiamsi sit uxor. Deinde Fratres mendicantes quoque suadent, ut corradant sine licentiâ pecunias. Hæc sunt, mi Pater, illa portenta, quæ apud nos grassantur, nihil nisi impudentissimæ & rapacissimæ auariciæ negocium hic agitur, in tantum ludibrium Ecclesiæ Romanæ, ut hæc sola esset causa abunde satis, ut uniuersæ ueniæ tollerentur, nec me falsa dicere credas, non tantum uox & fama extat, sed & Libri eorum, in quibus hæc passim leguntur.

Tertio, omnia quæ suades & dicis, ea opinione uel simulatione dicis, quod ueniæ sint aliquod bonum, de quo satis supra.

Mollissima, sed nocentissima adulatio Siluestri.

AD 47. Cum tibi esset uerissima, tamen quia propositum tibi fuit, nullam non mordere, licet nullos dentes habeas, ad insignem adulationem Papæ uersus, admittis esse ueram, sed ex Papa monstrum faciens, tribuis ei utriusque potestatis apicem, scilicet, ut sit simul Pontifex & Imperator, Ita autem tribuis, ut possit imperio iubere pro fabrica S. Petri, ut pro communi bono. Nunc autem incomparabilem modestiam ei interim appingis, quod petit & remunerat. Hac tua mollissima, sed nocentissima adulatione, id agis, ut futurus aliquis Pontifex, laudem huius modestiæ pertractatus, ius sibi credat esse deglubendi totius orbis Christiani, idque cum imperio & potestate.

47. Cono. Lutheri.

Basilica S. Petri insatiabilis.

Secundo dico, quod Basilica S. Petri, est commune bonum urbis Romæ, Nostræ autem Basilicæ sunt nobis utiliores & magis necessariae, quia non possumus omnes ad Basilicam S. Petri conuenire, uerbum Dei audire, & Sacramenta percipere (qua sola causa ædificantur) meliusque esset, quod Basilica S. Petri non ædificaretur, quam quod Parochiales nostræ Ecclesiæ desolarentur, Id autem agi uidemus & dolemus, dum omnium Ecclesiarum subsidia, per Indulgentias, ad insatiabilem Basilicam S. Petri trahuntur.

Quare istas tuas frigidissimas causandi rationes, scilicet, quod Basilica S. Petri est totius Christiani populi bonum, etiam rident Germani, sicut iustum est. Cur non magis Basilicam S. Iohannis, matrem Ecclesiarum, etiam bonum commune uocas? Sed forte adhuc in futuris annis restat, ut omnes Ecclesias Romanas, deinde & Palatia, nouissime & muros, & plateas, & pontes, nostris pijs operibus, gratia ueniarum factis, ædificemus, ut non sit finis exactionum. Quare, mi Pater, ego sic, ut debeo, suadeo hominibus, ut primum uiuis Templis benefaciant, deinde suas Basilicas, nouissime Basilicam S. Petri iuuent. Quia uestræ Ecclesiæ non sunt nobis necessariae.

AD 48. adeo impingis, ut ueritate confusus, non possis inuenire quid dicas. Tandem ad hanc descendis ineptiam, dicens: Tu Luthe-
re, si habuisses à Domino nostro bonum Episcopatum, cum plenaria Indulgentia ad Ecclesiæ tuæ reparationem, forte dulcioribus uerbis abundasses, & quibus detrahis, uenias extulisses.

48. Cono. Lutheri.

Respon.

Respondeo, forte & tu spectas me ex animo tuo, quod confido, ex eo, quod tam molliter adularis. Si ego ad Episcopatum aspirarem, certe non ea loquerer, quæ tu impatientissime audis. An ignorare me credis, quæ uia Episcopatus & sacerdotia in Vrbe obtinentur, quando hanc pueri in omnibus plateis Orbis cantant? Denique nunc facta est rerum foedissima Roma, Omitto reliqua, quæ hic uelut tremens & à ueritate fractus, disperdis potius, quam loqueris.

49. Conc.
Lutheri.

AD 49. Eadem salua uenias utiles astruis, sed occasionaliter, scis licet dum anima ex hoc in gratiarum actiones assurgit. Quasi esses Rhetor, tam uarios & exquisitos locos inuenis, Cur non etiam ad balatum ouis dicis assurgere animam occasionaliter ad gratiarum actionem? Aut quæ laus ista ueniarum, quando etiam de poenis & malis iubemur laudare Deum? Sed piget me pigra ista inania commenta uersare.

Illud uero quæ uigil aduertisti, quod mihi ipsi contradixerim, ut qui uenias hic utiles, superius autem aliter uidear asserere. Dico utiles pigris, sicut omnes permissiones sunt utiles, ne peccent si licentiam non haberent. Dico inutiles ad profectum salutis, quod pro tua uigilantia debueras ex eo uerbo intelligere, ubi dixi, si non in eas confidant.

*Utiles pigris
uenias.*

Ad profectum salutis inutiles.

50. Conc.
Lutheri.

AD 50. Assumis causam Prædicatorum uenialium, sed astute, quia non credis talia prædicata. Deinde Pontificem commendas, qui tam innocens sit, ut nullus uiuat aut operetur indecenter. Tertio inueheris, quod fraternam monitionem non præmiserim.

Respondeo: Si non sunt, prædicata talia, aut non credis, quid æstuas ut defendas? sine in uentum me disputasse.

Primo, Scio & ego optimum nos habere Pontificem Leonem X. & uelut Daniele in Babylone, ut cui sua innocentia, uitæ periculum aliquando fecerit. Sed tu, quæso, dic mihi, quis unquam tam innocenter uixit, ut nullus alius non inique modo, sed nec indecenter operatus sit, aut uixerit? uideris (nescio quid) maximum adulari uoluisse, sed inter dicendum & uerba, & sensus te defecerunt. Forte uoluisti dicere, quod Leo X. id agit, ut nullus indecenter uiuat, quod cum uideres impossibile, inter uerba mutas sensum, & orationem sine sensu telinquis.

Secundo dic mihi, quis à disputatore unquam exposulauit, ut prius eum moneret, contra quem disputat? Cur etiam tu non prius me monuisti, quando tot nominibus criminum me foedare parabas? Cur Pontifex in Decretis suis non prius monet, quam statuit contra abusum quaestorum? Ego in communi disputaui, neminem nominaui. Si innocentes sunt, quid queruntur sese tangi? Ergo nemo prædicet Euangelium, uicia nemo carpat in publico, nisi prius ostiatim singulos moneat. Mihi miraculum est, eos esse innocentes, & tamen meis uerbis moueri. Sed uerum est illud S. Hieronymi, quando uicia communiter arguuntur, qui irascitur, accusator est sui. Denique quomodo monitionem meam recepissent, qui etiam te Patrono usque hodie perstant innocentes? Noli, quæso, mihi mandare, ut innocentes moneam, Si uis autem, ut moneam, iam alio accusatore non egent, quia tu Patronus eorum nocentes confiteris.

Indulgentiarum.

Tertio, Quod autem hæc facta sint (licet tu non credas) testis est tota terra, testes & extantes libri, Qui autem id fecerint, ipsi uiderint.

51. Conc.
Lutheri.

AD 51. Sicut eadem repetis, ita eadem tibi dicta uolo, nisi quod Ame per talenta loqui dicis, quod transeo.

Per talenta loqui.

K iij

AD

RESPONSIO D. MART. LVTH.

AD 52. dicis, Vanam esse meam Conclusionem, quod ita probas, 52. Conc. Lutheri.

Quia nullus tam stultus sit, ut sic faciat.

Respondeo: Quid ad te, quæso, si nullus est tam stultus? sine me disputare, ut dixi, uel in uentum. Nunquid ideo Decretales Papæ sunt uanæ de abusionibus quæstorum, quia tu nullum quæstorem contra egisse defendis? Sed præ senectute forte, ita & loqueris & phantasiaris. Si nullus est, qui sic confidit in literas, nullum tetigi. Eos qui sunt, uolui tangere, quos ego non unum, sed plurimos noui. Et adeo stultos, ut non solum de animarum redemptione, sed de sua quoque salute certi sibi essent, quia has literas haberent.

Auaricie ministerium.

Populo crasso singula crassius dicenda.

Deinde, Cur tuis Clientulis non etiam persuades, ut animam suam impignorent pro contritione & satisfactione? Quoties tibi, rogo, dicendum est, Impium & auariciæ ministerium esse, quod pro uenijs tam exquisitè, tam magnificè omnia tentantur, ac si solæ essent rerum, & pro necessarijs ad salutem prorsus uix mutitur? Tu cogita, an simplex populus non discat confidere in literas, tanto luxu & apparatu commendatas? Magnum enim cogitent, necesse est, quod tam magnificè proponitur. Tu, qui interim doctus es, non fidendum in literas, mox etiam simplicem populum eadem per se ipsum discernere & intelligere confidis, contra tot & tantorum persuasiones & irritabula?

Tandem mihi minaris maledicta, irrisiones, censuras. Quas? & quare? noli minari, mi Pater, Christus uiuit, Non solum uiuit, sed etiam regnat, non solum in cœlo, sed etiam in Roma, quantumlibet ipsa furiat. Si maledicar pro ueritate, benedicam Dominum. Non separabit me censura Ecclesiæ ab Ecclesia, si iungat me ueritas Ecclesiæ. Malo esse à te & similibus (si ita perstes) maledictus & excommunicatus, quam tecum benedictus. Nihil habeo quod possim perdere, Domini ego sum, si perdor, Domino perdor, id est, inuenior, Alium ergo quære, quem terreas.

AD 53. Stultum & ridiculum me uocas, interim tu sapiens dicis, 53. Conc. Lutheri.

Crebra raris cedere, & annalia festa Sanctorum celebriora esse, quam sabbatum Virginis matris.

Horatius.

Respondeo: Quo quo, mi Pater? Aut pluujs de scribitur arcus, aut flumen Renum. Sed nunc non erat his locus. Primum, non sunt rara apud nos, sed continua Indulgentiarum negocia. Deinde, quæ proportio, ut uerbum Dei, quod instantissime præcepit Christus prædicari, cedat raris Indulgentijs? Si Christus ita non iussisset, staret tua similitudo. Item, non potest Papa iubere silentium uerbi Dei, quod semel emissum, non est alligatum, sed nec factum à Papa unquam legi.

Non est uerbum Dei, quidquid cum uerbo Dei dicitur.

Roma. 1.

Per idem respondeo ad sequentis Conclusionis futilem confutationem, 54. Conc. Lutheri.

ubi tu sermonem ueniarum, esse uerbum Dei contendis, sed improprie, scilicet cum declaratorijs & hortatorijs. Si uerbum Dei dicitur, quidquid cum uerbo Dei dicitur, omnes hæretici, omnes dæmones, omnes homines non loquuntur nisi uerbum Dei, Quia nihil tam absurde dici potest, quin uerbum Dei misceri possit. Ego dico, quod sit uerbum hominis, & de remissione hominis prolatum, quia uerbum Dei est, quod fide iustificat cor, & gratiam iustificantem confert. Sicut Roma. 1. Virtus Dei est in salutem omni credenti. Verbum autem ueniarum non iustificat, nihilque confert animæ, nisi quod dat licentiam pigritandi in bonis operibus propter infirmos.

AD 55. Dicis hanc & similes esse pueriles, uiri stomachati, & in- 55. Conc. Lutheri.

ferentis os in cœlum, & contra stimulum calcitrantis. Respondeo: Verum est apud Siluestrum & Thomistas duntaxat.

AD

56. Con.
Lutheri.

AD 56. Autoritate Thomæ dicis, thesauros Ecclesiæ esse merita Christi, in quantum satisfactiones. Et idem per idem probas, & dicis, Quod S. Gregorius dedit aliquando Indulgentias, ut communiter dicitur, non potest probari. Ideo nec S. Thomas aliquid in hac re efficit.

Ego quidem non cum uniuerso orbe me disputaturum obtuli, quia ne sciebam, quod Positiones meæ essent tam late uagaturæ, ideo noli mihi arrogantiā hanc ascribere. Casus me in has res perduxit, ex quibus cum silentio me eripere non possum, forte Deus ita uoluit. Ego tamen istam Conclusionem non asserui, sed & adhuc disputo, expectans Concilij determinationem, sicut & omnes alias, quæ dubiæ sunt, aut in controuersia hærent.

*Lutherum casus
in hanc de Indul-
gentijs disputatio-
nem traxit.*

57. Con.
Lutheri.

AD 57. Mire quam pungeris, quod auariciam paululum momor-
di. Nam & tu quoque patientius ferre potes, si contra Scripturam pug-
narem, quam contra auariciam. Ideo & hic Pontifici eximie adulatus, in-
uidiam mihi conciliare festinas. Quid mihi innocentiam Pontificis obten-
dis? Nunquid ego eam ignoro? Aut si auariciam taxo, nunquid ideo Pon-
tificis innocentiam mordeo? Tu uide potius, an impius sis in Pontificem,
qui auariciam & Pontificis innocentiam in unam rem confas, dum morsam
auariciam, idem astruis quod læsam Pontificis innocentiam, imo sub præ-
textu innocentiae pontificalis, irreprehensibilem nobis defendis auariciam?
Si sunt innocentes tui Clientuli, non mordentur à me, si nocentes, cur de-
fendis? Det tibi Dominus, ut aliquando rectius iudices, melius uideas, & à
calumnijs mei abstineas.

*Qui taxat auari-
ciam, innocentiam
Papæ non mordet.*

58. Conc.
Lutheri.

AD 58: Eadem reperis, quæ in ante præcedente dixisti, Tua enim
sunt uerba, ideo transeo.

59. Con.
Lutheri.

AD 59. Iterum totus ardes, adeo in cæteris omnibus patientior
es, præterquam ubi auariciam tango, quam tamen uelis nolis, non pos-
sis negare Romæ uersari, ne dicam dominari, ut mihi tu quoque prope fias su-
spectus, quod magis lucra, quam animas cures, Interim innocentissimum
Pontificem, ad inuidiam meam commendas, scilicet ut tantum decus inno-
centiæ, operculum facias nequiciæ. Id enim anhelas, ut mores Romæ ar-
guere neminem sinas, nisi te Interprete, simul optimi Pontificis innocentiam
læsisse probetur. Quid uis? Patronum te uocem Romanorum flagitio-
rum? Cur tu ipse non te quoque interpretaris læsisse Pontificem, qui aperte
scribis, Romanum clerum à primæua perfectione declinasse? Sine me tuis
tecum artibus agere. Clerum romanum mordet? At Pontifex est pars, &
quidem nobilior, cleri. Væ tibi misero, qui talem ac tantum Pontifi-
cem non solum lapsum, sed à tota perfectione declinasse, & in perfidiam &
hæresim abiisse, palam asseris. Id enim totum significat declinare scilicet à
perfectione. Vides ne, quam pulchre & ego te auxilij istis possem oppri-
mere, si adulari & calumniari uellem.

Roma.

60. & 61
Conclu.

QUæ ad 60. 61. cum sequente dicis, transeo. Nihil enim dicis,
quod non dictum sit prius. Ego probabiliter posui, quod thesaurus
Indulgentiarum sint ipsæ clauēs, ut in Declarationibus. Similiter transeo

*Thesaurus Eccle-
siae clauēs ipsæ.*

62. Con.

61. quia admittis eam esse ueram, non tamen sine calumnia.

Lutheri.

63. 64.

65. 66.

Con. Lut.

AD 63. 64. 65. 66. Cum ueras esse non neges, neque negare
possis, miror quod ita excandescis, & totus ignis efficeris. Mirabi-
liorem disputatorem non uidi, ut quem Propositiones ueræ plus mo-
uent quam falsæ, cum tamen ueritas queratur disputando. Igitur sum canis,
filius

RESPONSIO D. MAR. LVTH.

Modestia senilis.

Avaricia Romana.

filii canis, dicax, non excusatus ab anathemate, nec mentis compositus, & si qua plura pro modestia tua senili, habes, modo uera me saltem momordisse concedas, si negas dixisse. Hanc Satyram merui, non quia falsa, sed quia uera dixi in auariciam. Non credidissem Romanam auariciam tam teneram & impassibilem esse, imo tam ambitiosam & arrogantem, ut innocentia optimi Pontificis uideri uellet.

AD 67. dicis, Me deserto Pontifice, etiam donis Spiritus sancti detrudere. Ego miror te senem adeo seruire, ut nec me, nec te intelligere possis. Ego non dixi uenias non esse utiles sed animæ esse utiles, nego, nisi quo modo licentiæ & permissiones utiles sunt, Quod autem tu id blasphemiam dicas, nihil curo.

67. Conc. Lutheri.

Veritas proprietatem amat.

Iohannes Reuchlin.

AD 68. Excusandos censes eos, qui uenias astruxerint maximas agratias, sed per hyperbolen. Obsecro, cur & me non aliqua figura censes excusandum, qui nihil assero, sed solum disputo? Cur tibi facis, quod mihi non facis? Deinde, si sunt per hyperbolen excusandi, cur non etiam sunt per cyrologiam accusandi? cum ueritas hac figura quam maxime gaudeat, & ipsa quam optime ueritatis Doctores deceat, illam uero, ubi potest, fugiant, imo id unice queror, quod per hyperbolen sunt loquuti. Si autem uobis permittitis, mi R. P. improprie & hyperbolice, & quoquo modo libuerit, loqui, cur non & Iohannem Reuchlinum integrum & eruditum uirum, eadem æquitate tractastis, & aliqua figura eum excusastis? Aut si in hunc tam rigidi fuistis censores, ut in syllabis innoxij inueniretis uenenum, certe non permittetur uobis tam larga & libera figurandæ locutionis licentia, ut falsa dicta pro libito seminare & interpretari possitis. Aut si qua uenia uobis dabitur, dupla huic debetur, & eo absoluto, uos rei permanebitis.

68. Conc. Lutheri.

Silvester calumniator.

Secundo, Noua usus distinctione, putas me inexcusabilem, quia uenias appellauerim minimas gratias, cum sint & aliæ gratiæ, & dona minora, scilicet bona fortunæ &c. Si mente fuisses quieta, uidisses, cur hæc addiderim, ad gratiam Dei & crucis pietatem comparatæ. Ego comparisonem feci ad crucem, hanc quasi non uideas, nouam comparisonem facis ad bona fortunæ. Si sic ad iniquitatem & calumniam tantum uigilas, quis poterit tibi uerax uideri.

Transio, quæ in 69. cum tribus sequentibus, amarulentus euomis.

69. 70.

71. 72.

Con. Lut.

73. Conc.

Lutheri.

Boni Concionatoris officium.

AD 73. Non nego quidem posse omnem casum absolui potestate clauis, Sed insaniam esse dixi, & dico, pro ueniarum magnificentia, quæ nihil prosunt ad uitam, tam horrenda monstra criminum in exemplum uocare, & pro magnitudine potestatis leuicula facere. Ex qua insanissima ueniarum commendatione fit, ut uiles fiant contritiones & uera poenitentia. Boni Prædicatoris est, peccata (ut sunt) magna prædicare, ut misericordia Dei magnificetur. Aut dic, cur non pro contritionis magnificentia simile aliquid dicunt? scilicet quia non pecunias, sed paupertatem hi sermones afferunt. In rebus non necessarijs, nec utilibus ad salutem, sed tantum permissis, honorificum putas, in Ecclesia Dei tot auxesibus tonare, cum nec Christi passionem sic uelit Ecclesia prædicari?

IN 75. Non dixi Papam minorem Petro, imo nolui, ut Papam & Petrum negarent maiores gratias habere, quam sint uenias.

75. Conc. Lutheri.

IN 76. Vt nihil omittas, quo me execrabilem facias Pontifici, & teum tibi uni adulantissimo propitiū, fingis me ironice de tanto Pontifice loqui. Vides ne, quantus sit mihi hic locus inuehendi in te, in tuam pene dixissem,

76. Conc. Lutheri.

dixissem, sed reprimo me. Arrige aures & audi, si saltem domi eas habes. Ego dico non ironice, sed plane, quod omnis Papa habet maiores gratias quam ueniam sint, scilicet Euangelium & gratias curationum, & omnia quæ scribuntur 1. Corint. 12. non in persona sua, sed in potestate sua, id est, eo modo, quo gratias ueniales habet. Nam etsi sedulo dissimulas, non tamen credo adeo stupefcis, ut uenias Papam in Persona sua habere dicas, sicut uirtutes personales, nisi dixeris, quod depositus Papa etiam omnia possit, quæ prius.

Papa habet maiores gratias, quam uenia sunt.

Igitur quicquid est in Ecclesia, donorum & ministeriorum, dixi in manu Papæ esse, ut ordinet, mittat, ponat, sicut corpori Ecclesiæ expedire uideret. Hæc autem sunt incomparabiliter maiores gratiæ, quam ueniam. Melius enim facit Papa, si unum bonum Pastorem uni Ecclesiæ præfecerit, quam si omnes simul Indulgentias dederit. Tu autem in personam tantum huius Leonis X. intentus, sicut decet graphicum adulatorem, intelligis in uerbis alienis, quicquid uolueris, & tamen detractor & calumniator esse non uis.

Syluester graphicus adulator.

97. Con.
Lutberi.

IN 77. Mihi non credis, quid ad me? per hoc nobis non fit sanis, omnia illorum optimi consulis, nisi quod respector personarum, mea solius pessimi consulis.

98. Conc.
Lutberi.

IN 78. Nec excusatione me dignaris. Quod est istud nouum Syluestrinum forum, in quo reo negatur excusatio? Sed obtorto collo, rapitur ad abiurandam hæresim, sit siue non sit hæreticus? Sed ubi uera mea, non potes negare, saltem personam meam omni studio contendis opprimere. Utinam tecum mihi liceret, & corpusculi permetteret imbecillitas, coram de his rebus conferre. Non dubito me tantum tibi ostensurum, ut saltem modestius deinceps disputares. Hæc sat de Propositionibus. Cætera, credo, uidearis, aut uidebis in Declarationibus meis.

Syluestrinum forum.



Ad quæstionum uero Laicarum confutationes uolui quiescere, sed incidit & permouit perspectum iam tuum ingenium, & audium uictoriæ, & impotens pugna. Ideo si possum, paucis respondebo.

Quæstiones laicorum

Ad primam, Cum longum illud Taratantara induxisses, ubi inter cætera etiam meritum congrui, & præparationem hominis ad gratiam, necessario præcedere docuisses infusionem gratiæ, Quæ hæresis iam quidem per Ecclesiam præualida, copiosissime confoditur a B. Augustino contra Pelagianos, & in nostra Academia cœpit explodi. Tandem commoras iusticiam diuinam non permittere euacuari Purgatorium, & hoc probas autoritate Sanctorum (Thomæ) ex ipso enim cæteri Theologi & Canonistæ luxerunt. His itaq; percensitis, cum quæstio ista laica adhuc staret, scilicet, quod charitas & necessitas essent causæ iustissime euacuandi Purgatorii, & hic totus nodus esset, Hunc sic soluisti fortiter, dicens: Charitas autem Pontificis, & necessitas animarum, non est efficax ratio sic relaxandi iusticiam diuinam, quam Deus talis necessitatis conscius, & infinitæ charitatis ac misericordiæ uisceribus plenus, sanxit.

Matæologorum quorundam hæresis.

Hæc tua solutio, omni glaciæ frigidior, & (ut tuis disciplinis utar) petitio principij, tantum effecit, ut si quis uelit tibi credere, sit quietus, qui nolit autem credere, nihil audierit nisi uacua uerba. Quid enim istis uerbis respondisti, nisi quia Deus non uult, charitatem & necessitatem esse causas sufficientes? Et non probas deum id non uelle. Quia si Deus pecuniam, aut quodlibet temporale (nisi forte non sit conscius etiam temporis) efficacem reputat causam, cur non etiam charitatem ipsam, in quam omnia illa ordinari uoluit.

Syluestri solutio omni glaciæ frigidior.

Nunc

RESPONSIO D. MAR. LVTH.

Voluntas Dei.

Nunc si ego quærerem, Cur ergo pecuniâ aut temporalis res est causa efficax? Eadem principij petitione dices: Deus ita uoluit. Si de uoluntate ergo Dei disputandum est, scimus quod nulla res mundi sic placet, ut charitas. Et quod charitati non donat, non præsumitur ulli alteri causæ donare, Si autem alteri donat, multo maxime charitati. Et sic paret, quod etiam tu mecum succumbis in ista quæstione. Obsecro te, crede mihi, sunt & in Laicis iudicia, & tanta, ut ego me confitear ferme ter in istis quæstionibus succubuisse, & nihil retulisse gloriæ, quam quod sibi uerba à me data dicerent, sicut & tu hic facis mihi.

Nodus quæstionis.

Secunda solutio, multo frigidior & uanior est, nulli nisi tibi soli satisfaciens. Prima, inquis, causa est, quod uel porrigens forte non secundum facultatem propriam porrexit, uel nimis parce porrigit. Tolle ista accidentia, & pone, quod de propria facultate & sufficienter porrexerint. Hæc enim à te dicuntur, tanquam lubrico, qui tempus redimas, & exitum quæras, nihil enim sunt ad propositum. Ergo non est causa, multominus prima causa. Alia quod suffragia si non profunt iam redemptis, profunt tamen alijs. Hoc non querebatur, Sed hic est nodus, an omittenda sint officia nominatim pro animabus oblata, an nomina eorum non pronuciari, non in orationibus memorari oporteat? Hic responde, quod si omittenda sunt, omnis deuotio uulgi deficiet, & Sacerdotes fame conficientur, nisi forte dices: Quid ad Romanos, quod Germani moriuntur?

AD 3. iterum dices, Non esse causam sufficientem. Cui rursum opponitur charitas, ut supra, & permanet quæstio, nisi uelimus nuda uerba Siluestri pro oraculis habere.

Vniuersalis Ecclesia.

AD 4. Mihi pro Regula tradis factum & dictum Ecclesiæ Romanæ. Respondeo: Si de uirtuali & representatiua tua Ecclesia loqueris, nolo tuam Regulam, quia (ut supra dixi) ex c. Significasti, Talis Ecclesia potest errare. Vniuersalis autem Ecclesia non potest errare, ut doctissime etiam probat Card. Came. in primo Sent. Deinde, nec Papa usquam hoc dicit aut facit, quod tu factum & dictum Ecclesiæ uocas. Promptulus es æquiuator huius nominis Ecclesia, ideo maxime mihi suspectus.

Roma deuoratrix totius pene mundi.

Maximilianus Cæsar.

AD 5. dices, Vbi multæ sunt diuitiæ, multi qui comedunt eas. Hoc est, quod queruntur, quod Roma quærit saturare pecunijs suos comestores, & totum pene deuorat orbem. Cur non minuuntur comedentes diuitiarum? In fine iterum facis ex Papa Imperatorem in potestate & uolentia. Sed Maximilianus & Germania id non nouerunt, neque credunt. Fortissime autem id negant Turcæ & Tartari. Frustra quoque celeberrimum illud & commune bonum, quod est, lapides & ligna, nobis iactitas, Non enim per hoc soluantur Laicorum quæstiones.

Perfekte contritis nihil remittitur.

AD 6. Sum tibi Hæresiarcha, quandoquidem potestatem tibi arrogas baptizandi mei, ut uolueris. Ago tamen gratias, quod uerum esse dices, nihil remitti his, qui perfecte sunt contriti. Et ideo non omnes esse tales, Sed non ideo intrant Purgatorium, quia poenās debent, quas Papa possit soluere, ut probabiliter tenui, & teneo.

AD 7. dices, quod duo bonâ adderentur, Vnum, quod necesse esset fideles toties repetere causam, gratia cuius dantur ueniæ, puta Eleemosynam &c. Scimus, mi Pater, quod uos libenter uideretis, causam istam una hora millies repeti, Hoc fere in auariciæ bonum cedit. Nos quærimus de bono dantis, quod si est datio Eleemosynæ, melius id fit sine uenijs, & gra.

& gratis, quam propter uenias, ut supra dixi. Tu autem semper imaginaris, uenias esse aliquod bonum. Alterum bonum, inquis, remitteretur nouus reatus poenarum, si quis post ueniam incidisset.

Respondeo, quod iste reatus melius tollitur sine uenijs, quia ueniaz non sunt pro peccatis uenialibus necessariae. Si autem de mortali reatu intelligis, iam nullum est istud bonum, nisi centies quis in die peccet mortaliter, quod nullus facit uere poenitens.

AD 8. Quod Papa suspendit uenias & literas, dicis, id fieri pro structura omnium praeclarissima. Et haec tibi uidetur esse iusta suspensionis causa, Nec mirum, non enim nisi quae Romae sunt, curas. Ego autem dico, sit illa structura honorabilior omnibus, certe nostrae Ecclesiae sunt magis necessariae. Ad pompam mundi solum respicis, quasi tunc Ecclesia sit praeclare prouisa, si ligna & lapides in magnum erexerit cumulum. Cum si uelletis, possitis ipsi Romani Pontificem opulentissime iurare. Sed aliorum sit iudicium de tuis solutionibus, Ego fateor, me nihil ex ijs habere, quod Laicis reddam, nisi maiores quaestiones.

Silvester mundum sapit.

VLtimo, Tribuis Pontifici iterum, ut sit uirtualis Ecclesia, & Imperator & Pontifex, potens & brachio seculari compescere &c. Ista opinione tua stante, uellem doceri, An etiam sitis homicida? Cur ergo iura non permittunt Ecclesiae ad corporalis uitae periculum, poenitentiam imponere? Sed haec alias & ab alijs.

Papa uirtualis Ecclesia & Imperator.

In fine dico, Non me terrebis ampullis, & minaci strepitu uerborum tuorum. Si occidor, uiuit Christus Dominus meus & omnium, qui est benedictus in secula, Amen.

ECce, mi R. P. cursim & duobus diebus, tibi haec reddidi, quia euisa sunt leuicula, quae tu opposuisti, ideo ex tempore, & ut in buccam uenit, tibi respondi. Si uolueris deinceps retundere, uide, ut Thomam tuum armatiorem producas in harenam, ne forte tunc non ea modestia excipiaris, qua hac congressione exceptus es. Repressi enim meipsum, ne malum redderem pro malo. Vale.

Annotaciuncula sequens collocanda fuerat supra folio 45. b in margine ad Titulum, Responsio F. Mart. Luth.

R. P. MARTINI LUTHERI AD F. SILVE.
STRI PRIERIATIS DIALOGVM
RESPONSIONIS
FINIS.

Lutherus ad Spalatium. Mitto nugas meas nugacissimas & extemporalissimas, aduersus Siluestrum bis duo effusas. Pridie Cal: Septemb: 18.

L .

Replica

Siluestri insania
sub prelo est. Die
25. Octob:
Anno 19.

REPLICA F. SILVE STRI PRIORIATIS, SACRI PALA tij Apostolici Magistri, ad Martinum Lutherum ordinis Eremitarum.

MARTINVS LVTHERVVS OPTIMO
Lectori, Salutem.

HAS Siluestri mei Replicas tibi, optime Lector, enixe commendo, commendatione enim mirum in modum indigent, uel hoc nomine, quod minas, nescio quas, parturiunt, Ora, queso, pro ipsis, ne abortiant, Bene uale, & Theologorum eiusmodi miserere.

SACRARVM LITERARVM PROFES
sori F. Martino Luthero, Ordinis Eremitarum, Frater
Siluester de Priorio Ordinis Prædicatorum, sa
cri Palatii Apostolici Magister, S.



Aluum te esse optarim, Luthere charissime, Cum Resolutione tuarum Positionum, etiam tuam Responsionem ad nostrum Dialogum excepi. Qua ex re, etiam me acriter, & quidem artificiosissime tangas, item etiam pungas, & quanta clam fieri potuit, eloquentia & uidehonestare quaesieris. Quia tamen tuum spiritum Pontifici se subiicientem primo oculorum coniectu iucundissime uidi, nec non Conclusionem, quam hæreticam notaram reuocatam, cor meum adeo in te dilatatum est, & amoris dulcedine commolitum, ut aliud exturbare me deinde potuerit nihil, cum tamen hinc me in ea, quæ ad me dedisti, totum contulissem, quæ in me & in mea dicta tela adegeris, & quanta latenter arte tantum sum miratus, ut in me expleri miraculum nequeat, adeo, ut cum omni sis arte & colore Rhetoris usus, ipsam quoque artem hac arte celare uoluëris, ut te asseueres nolle in loquendo meis artibus uti, cum posses, imo aliquando me effinxisti inepte, ne perfectus fictor haberi posses.

Sed missa sint eiusmodi, Dicamus uero, quod cum dicta mea ut cunctis memorderis & pupugeris, in me tamen omnia pene tua tela confurant, me petunt, & quidem contorquente non Theologia, non Philosophia, sed præpolita & astutis assueta Rhetorica, quæ uerba multum, ueritatem parum curat, modo populares aures inflectat. Ea propter, cum longe plura in me, quàm in mea dicta, spicula ieceris, nunc ea, quæ in me, propediem uero ea, quæ in mea dicta iacula uibrasti & contorsisti, ueritatis munimine ceu scuto tectus, reijciam, eo uel maxime, quod uehementer exoptem speculatiue duntaxat tecum agere. Quod equidem mox aggrediar, quam primum scilicet ex Commentarijs illis, in quibus me submersisti, emerfero.

Ita

Ita uero optarim hæc mea dicta capias, ut non in spiritu superbiæ, uel iracundiæ, sed excusationis potius edita, & plerunq; etiam ioci gratia, salua semper eminente scientiæ Christi charitate, quæ uisa tua ad Pontificem humalitate, item & obseruantia (modo non fingas) nuper in te mea ex mente pullulauit. Cum enim meum uelle sit Pontificis (ut par est) si Pontifici consentis atq; communicas, itidem tecum faciam, necesse est, Quamquam Theorice bellum ingens, salua, ut dixi, charitate mihi tecum sit. Igitur, ut prætermisissis exordijs re ipsa exordiar.

IN primis me taxabas, quod noster ad te Dialogus superciliosus sit, & tractatu tuo prolixo (ne tuis uerbis usus dicam, uerbosissimo) pene continue in me impingis, quod bili & effrenata cholera affectus excanduerim. Quod quam iuste & merito id agas, ex his paucis accipe. Ego enim, quamquam Urbis & orbis Domini nostri spontaneo munere Inquisitor, ac perinde siue ordinarie, siue delegato iure inspectantibus ad fidem Iudex, ad te responsa dedi, non propter te tantum, quin potius propter alios, uel maxime rudiores, in quibus tuus sermo sensim, ut cancer, serpebat, non secus, quam contra Donatum, aut Faustum, aut Manicheum, Adeo tua uerba Romanam Ecclesiam, item & Romanum Pontificem in primis, omnium iudicio grauiter impetebant, ac si talia in lucem dedisses, quasi mox ad Bohemos commigraturus, aut magnum aliud quod ac latens adhuc schisma propalaturus. Ea propter stimulos ac clauos tuos simplicium gratia, & uniuersi populi Christiani, non autem te propter, retundendos existimauerim. Et nihil eo minus cum non ex bili & cholerae seruire (ut astruis) sed Dei zelo in primis, & tuenda ueritatis gratia, ac demum interuentu fidelitatis, quam Romano Pontifici iureiurando tuli, ad te breuissimum Dialogum, edidissim, In primis eum discutiendum per eos, ad quos attinet, curauim, ne forte grauius, quam par erat, te impetiuissem.

Crimen lese maiestatis R. Pontificem taxare.

Adde, quod tui Ordinis nomen, cui (meo & omnium iudicio) plurimum dedecoris eras allaturus (utinam autem faxit Deus, fallar) subtrixim. Quod utiq; si cholero humore efferbuissem (ut scribis) non effecissim, Deniq; ubi per uiros graues probata sunt mea, in lucem dedi. Quid ergo maleuolentiæ, uel, ut ita dicam, excandescentiæ cholerae toties me arguis, qui nihil non discussum, non probatum, non laudatum prius extulerim.

Tu uero, qui uis, ut Christum in te detonantem audiamus, uide, quam modeste, quam humiliter, quam charitatiue, quam reuerenter Magistro sacri Palacij scripseris, qui ad me dehonestandū, ex sententiā & ex comparatione, quanta potuisti, arte, calliditate, mendacio usus, tandem cum nihil tibi ultra euomendum superesset, comminatus es, quod me in posterum tanta modestia non excipies (te enim ais cohibuisti) nisi armatior me in harenam contulerō. Et quidem interim, quia de armis sermo se intulit, in harenam his telis instructus descendam, Deo duce, & comite ueritate, quod nisi te omnium iudicio strauero & demonstrauero (quod tamen Theologice dictum uolo) demonstrauero, inquam, quod tua dicta hæresim complicant, nolo uiuere. Sed de his nunc satis.

Deinde uero toto pene Libello tuo irriferis, quod nihil probem, quod cum Thoma meo nudis uerbis utar. Quod quā iuste facias, cunctis me intuentibus liquet, Quippe, qui & in exordio & in calce Dialogi apertissime docui, me nihil aliud tunc efficere uoluissē, nisi Positiones contra tuas Positiones in publicum afferre, simul ut cauere didicissent simplices tuas

L ij

falsa

REPLICA F. SILVE. PRIE.

falsitates, & à te tua Fundamenta extorquerem, qui itidem nudas tuas Positiones nobis intuleras, & adeo amphibologicas, ut per plures in earum plerisque, nihil nisi præsumptionem & audaciam, & eiusmodi intueri possent, Hoc autem ex parte feci, quia nullus est tam insanus, qui nostra conferat tuis & non præferat.

Item, etiam tu in Probationem tuorum, maximam farraginem edidisti, in qua liqueat, quid ualeas uere, & quid tecum, in qua etiam diuina eloquia copiosissime quidem, sed tamen more declamatorio, citas, & adeo sapienter, ut pene nihil proposito & instituto tuo attineat. Sed neq; illud miraculo adscripserim, quippe, qui me & Thomastros (ut tuo utar irrisorio uocabulo) & Thomam ipsum irrideas & crimineris, quod distinctionibus assueti, his crebro utimur. O magnum Thomistarum dedecus, imo maximam gloriam. Tu enim, qui tua doctrina Mundum innouaturum putas, & euer- surum antiquorum monumenta, dum Scripturas indistincte intelligis, quasi nihil equiuocationis aut analogiæ contineant, consequenter autem confuse intelligas & scribas & doceas, necesse est, Quod utiq; ista tua magna Far- rago probarit, in qua tuis dictis ita cohærent tua quæ citas, testimonia, sicut catus & simia in culco, Tibiq; propterea est illud Sophisma, nihil & Chimæ- ra, litigant in sacco, tuæ scilicet confusæ farraginis.

Catus & Simia in
culco.

Iterum, autem atq; iterum, & ad nauseam repetis, quod sim uere Thomista & Aristotelicus, & quod præter Thomam nihil mea uerba redo- leant, Quod equidem quando ad te scripsi, oportunum & satis mihi fuisse astruxerim, ad tibi in maledictis contradicendum. Visurus es autem e uesti- gio, an ego quoq; & forte longe melius quam tu, manum ferulæ subduxe- rim, & an sim purus Thomista, uel Iurista, aut Canonista, aut Paulista, aut certe Sophista. Quanquam etiam si D. Thomam solum familiariter nouis- sem, non plus ascriberem probro, quod me & quidem uerissime Thomistam uocitas, quam cæcus prius, deinde lumine decoratus à Christo Phariseorum maledictionem ascripserit, qua Pharisei, Iohanne Euangelista teste, ei ma- ledixerunt, dicentes: Tu discipulus eius sis, id est, Ihesu Christi, O maledi- ctionem & opprobrium singulare, esse discipulum Christi, aut etiam D. Thomæ, cuius doctrina, uelis nolis, per Ecclesiam Romanam cribrata est & probata, non quasi Canonica, sed tanquam moribus & fidei Catholicæ conformis, & quam summus Pontifex Innocentius, excepta Scriptura ca- nonica, doctrinæ Sanctorum omnium antefert, dicens: Huius S. Doctoris sapientia præ cæteris, excepta Canonica, habet proprietatem uerborum, mo- dum dicendorum, ueritatem Sententiarum, ita ut nunquam, qui eum tenuit, inueniatur à tramite ueritatis deuiasse, & qui eum impugnauit, semper fuit de ueritate suspectus.

Iohan. 9.

Doctrina Thomæ
per Ecclesiam Ro-
manam cribrata.
etc.

Quid ergo contra Thomam faciunt præsumptuosorum & scio- rorum latratus? Vide, an tuus Ordo peritiorum aut sanctiorum habuerit, quem sequare, cum magnus Bessarion eleganter cruciauerit. D. Thomam, inter Sanctos doctissimum, inter Doctos sanctissimum, Imo teste ueritate, quæ Christus est, bene scripserit, nisi forte mihi Augustinus obijciatur, sed oporteret prius uestra iurgia sopiri.

Tu uero postergato, non Thoma modo, sed Doctore alio quolibet, quantauis sanctitate præpolleat, ad probandum, quod Romanus Pontifex discernendo de fide & moribus possit errare, inniteris baculo arundineo tu- am manum terebraturo, scilicet Abbati Siculo, uiro olim rebeli & schisma- tico, qui in Basilea, ubi Basiliscus pullulauit, pileum iniquitatis emeruerit, Qui etiam, quemadmodum Satanas, in omni suo opere suam antiquam superbiam redolet. Ita & ipse in omni sua doctrina redolet suum schisma,
Ex qua

Abbas Siculus.

Ex qua re cogitur interdum ineptias docere, cum secum non habeat ueritatem, quæ etiam à te in hac re in tuam tuq; Ordinis ignominiam proscripta est, Nempe ait, quod Pontifice maximo & Concilio de fide dissidentibus, et standum esset, cuius rationes essent meliores.

O irrefragabilem uirum cui inniteris, irriso D. Thoma, in re tanti momenti, apud quem Ecclesiam insufficienter institutam dixeris, Quippe cum euenire possit litigium, quod Ecclesia terminare non possit, Quis enim inter Pontificem & Concilium iudicabit, utraque Rationes sint potiores, nisi aut idem sit Iudex in causa propria, aut infideles uel Ecclesiam uniuersalem iudicem cum tuo Sæculo facias, ac perinde ab extremis terræ omnes Vetulas conuocemus, ne illæ desint, apud quas est uera fides, Sed quia eiusmodi ad alium Tractatum attinent, missa sint.

Adjicis & Gersonem in tui munimen, qui & ipse de potestate Pontificis pessime sensit, & scripsit, non modo apud Thomam, lumen mundi, sed apud Doctores tui Ordinis, & apud Canones. Hi Doctorelli, cum te faciant de Romana Ecclesia superbe sentire, & multi alij, qui æquo animo non ferunt, eam esse caput Ecclesiarum, sunt tibi, Luthere frater, multorum erratum causa! Gerson.
Thomas lumen
mundi.

Quid autem mirum, quod Thomam nihilipendas, cum & Aristotelem ipsum, quem tota natura (ut ita dixerim) miratur, & cuius ueritate, Boetio teste, nihil clarius, & in cuius doctrina siue in logicis, siue in physicis, siue in moralibus, hætenus sit nulla inuenta falsitas, præter id, quod non certe, sed eodem teste dubitatiue, de mundi æternitate sensit, tu adeo dehonestas, ut tuis deberes uerbis erubescere. Reliquum est ergo, ut te auctore, quasi altero Archita, uel Platone, aut Pythagora, non Thomam modo aut Aristotelem, sed Doctorem omnium, qui celebrantur, cum ascriptorum cœlestibus, tum etiam non ascriptorum Scripta in melius commutemus, quasi nescij rerum inconsiderate scripserint, & Pontifices inaniter indulserint uenias. Aristoteles.

Occurrit nunc dictum illud tuum, quo me cum cryptis D. Pudentianæ, aut egregij martyris Sebastiani, irrides, Quasi ego his uulgi opinionibus sim probaturus, quod Ecclesia per uenias concedat animarum liberationem à purgatorio. Non citabo antra uel cryptas, sed autores tales, quos si negabis, negaberis & damnaberis. Quam uero tu subtiliter probaueris tua, per Clementinam citatam, propediem uidebis. Illud tamen non silebo modo, quod reuera egregius apparuisti Canonista, Et qui omnium Sanctorum doctrinas aspernaris, inæstimabilem & immensam molem in glosula & quidem male intellecta, fundasti. Crypta Pudentianæ etc.

Sed, ut dimittam Thomam, & ad propria me conuertam, Cresbro me adulatorem uocas, quod quidem purgare erubesco, tibi tamen aliorum gratia responderim, quod ea, quæ de Pontifice Maximo scripsi, minora sunt uirtutibus eius personalibus. Cum autem uerum protulerim (teste Clero & populo Romano ac toto pene orbe) qua temeritate de intentione mea iudicare præsumis? Quin & partes meas egi, si te impeterem, Pontificem, cui fidem ex Christiana religione, & ex proprio iureiurando debeo, reieci. An non æque licet mihi cum ueritate ad defensionem laudare Pontificem, quem tu, quantum ad te attinet, grauiter fœdasti, sicut & tibi cum falsitate bene maledicere? in qua re omnium, quos unquam legerim, palmam triumphumq; reportas.

REPLICA F. SILVE. PRIE.

*Tractatus egregij
et immortalitate
digni a Siluestro
conscripti.*

Quod autem dicis per Germaniam tuam id dici, scilicet quod adulatorie docuerim. Respondeo, me tibi illud non credere, sed potius quod mea Scripta, & in hac re & in alijs, maiori honori & reuerentiæ in Germania sunt, quam tua, & forte quam esse possint. Probauerim ista facillime, & de meis in Sphæra ac Theoricis commentarijs, & de aurea Rosa & Siluestriana, & Epitomate Capreoli, quod Lipsiæ ex Legato publice legitur, ut accepi, & de alijs, nisi timerem, quod superbum aut uanum me acclamares.

Video autem nunc te iterum querelis agere, quod te Pontifici inuidiosum efficiam. Sed utinam tua Scripta, & tuum aliquid, quod taceo, non te Pontifici tantum, sed uniuerso orbi Christiano infensum fecerint. Ego enim meo more, si uere & humiliter senseris, pro uiribus te iuabo, nec uana loquor, ingentem ignem palearum folliculis concitasti. Et modo dicis, quod silendo te eripere hinc nequeas, Utinam te scires eripere bonis & dulcibus uerbis.

Sed quod deterius dixerim, ad priorum excusationem noua euomis, & falsa & scandalosa, quibus tamen niueum scutum apponis, quasi non assertiue, sed disputatiue loquaris, ac si leue & non graue peccatum sit, talia ex dubietate disputare. Et deinde te ad futurum Concilium, quasi ad singulare præsidium reducere, quod te tuus ille schismaticus forte docuerit. Nec tamen interim uolo Romanorum me scelerum Patronum uocites, ut interrogando minaris, sed magis si libet Romanæ doctrinæ non Patronum quidem, sed Professorem magis, & pro uiribus defensorem.

Sed ut Dialogum nostrum prosequamur, Scribis te nescire, an alium in Italia, & alium in Germania habeamus Thomam, quod scilicet ego dissentiam ab his, qui sunt in Germania, meis, Sed hac in re haud tibi crediderim, quippe, qui puto, quod alios æque ut me false cites, & sicut nostra, ita & aliena prauè intelligas, siue ingenium, siue affectum eiusce causam, putarim, & quæ te rectè intelligere inficiari nequis, in obliquum detorques.

Et ne me ad auras loqui putes, uerbi causa, unum aliquid in medium deducam. Reuolue, oro, diligentius, si lubet, uerba mea, & diligenter aduerte, an ex his haberi possit, quod pauperi sine ueniali peccato elemosyna negari non possit, ut mihi falso ascribis, in qua re, grandis uerbositate me insequeris, cum non Siluester, sed Lutherus illud somniarit. Si me intellexisti, qui illud ne cogitauim quidem, cur contra me tot mendacia conuoluisti? Si uero me non intellexisti, ingenio sobriore, lectioni, & studio te addice.

Impingis quoque in me mirabiliter, & de Phylargiria, & de ambitu dignitatum, quod eius rei gratia adulatorijs uerbis applaudam. Ad quæ aliud nihil dixerim, nisi quod mei cordis secreta, tu forte exploratoria tenes, quam ipse teneam. Si tamen de dignitatibus agitur, scio me iuuenem Episcopatum, cum sexcentum aureis, reiecisse. Forte autem ex senectute delirus, aliquando potero à meo instituto, quod quadraginta septem annis & eo amplius, in uita regulari uiriliter tenui, mollicie deflecti. Sed nec officium ipsum, quod Domini nostri munere prosequor, me aut quæsiuisse aut appetiuisse scito, sed tantum gratias egisse. Breui autem, si aduixero, me tibi & mundo ostensurum dixerim, quod in medijs globis flammarum, cum deliciarum & diuitiarum, tum etiam dignitatum & illecebrarum, neque tactus sum, neque afflatus.

Tu uero ais, quod Christum in me loquentem non audis, Sed neque ego uocem eius audio in te, præter unam, qua te Pontifici prostrauisti. Sed aliud quiddam in te mihi garrit, unde, aut in neutro nostrum Christus loquitur, aut alter surdus uel obaudiens est. Oremus Christum, ut sermones eius intonemus.

Scribis

AD Dⁿⁱ MARTINVM LVTHE^m LXIIII

Scribis autem me ex suggestione loqui declamantium uenias, eorumq; me exhibere Patronum. Sed quam longe in hoc quodq; à ueritate aberres, nouit omnium præscius Deus, cum ne uerbo quidem, ne apicibus dixerim, quidquam à quouis eorum exceperim, Viuit Dominus, quin eos à principio Minoristas putarim. Ad id uero, quod me de hæresi Donatistarum notas, cum dixerò, à quo sit dispositio ad Dei gratiam requisita, poteris uerum ferre iudicium, Nunc uero te ante completum (ut aiunt) Euangelium consignasti.

Petis item, cum qua Ecclesia de Conceptione Virginis sentiam. *Conceptio Mariæ Virginis.* Dico autem me nescire, cum qua, credere autem quod cum Romana, cum ex scriptis eius mihi mea sententia fluat. Cum uero decisa res fuerit, sciam cum qua, Interim autem credam cum ducentis sexagintasex Doctoribus, quorum nonnulli sunt Ordinis tui, te autem cum tuo olim schismatico relinquam, crediturum ut placet. Adijcis, ut nil odiosum dimittas, & de Reuchlino, quasi Ordo Prædicatorum illum insequatur, & non Vniuersitas Parhisiensis & Coloniensis & cæteræ. Quis autem cum tueatur, ueritas, an Ebraei, an Chrysostomus, an utriq; nescio. Vnum tamen scio, quod officia mea, quæ sunt uiri iusti & misericordis, ignoras. *Iohan. Reuchlin.*

Ascribis quoq; mihi, quod Entellum me esse effinxerim, cum ego Daretæ tantum, & hoc gratia ostentationis uirum, & prouocationis in pugnam, nominarim. Nunc autem tibi illud Hieronymi ad Augustinum dico. Memento Daretis & Entelli, Entellum ætate grauem, luuenta leuis Dares in uanum risit, statim poenas daturus. Scribis postremo, me pro uoto meo facultatem baptisandi te assumere, & quæcunq; animo meo infederint, nomina imponendi. Sed reuera nomen tuum proprium ego nunquam extuli, Efferunt uero illud passim tui Ordinis Patres. Sunt quam plura alia, quæ in me tela contorques, Luthere, sed iam animus indignatur has res sordidas euoluere, præsertim cum non amaro animo, sed pleraq; ioco, plurima inter excusandum protulerim. Interim me accingam ad dicta tua quam plurima explodenda.

Oro autem te, si Christum amas, ne plus sapia, quam oportet, sed ad sobrietatem, Et quam cœpisti uiam perambules, iugiter & perseveranter. Quod si feceris, puto quod etiam in me sis auditurus

Christum loquentem. Et forte Siluestro, quem nunc
hæres, tunc amicum fideliozem habi-
turus es neminem.

Vale.

F I N I S.

L iiii

EPITO.

EPITOMA RESPON- SIONIS AD MARTINVM LVTHERVVM

MARTINVS LVTHERVVS
PIO LECTORI S.



Actenus cum Siluestro meo, charissime Lector, sic me uidisti in re pontificia agere, ut magis iocarer & ludērem, quam serio quicquam tentarem. Quem animum mihi præstabat, quod hominem uiderem, non modo rudis & barbari ingenij, uerum etiam tenebris Thomisticis, & nugilibus Pontificum, seu potius Scribarum indoctissimorum, Decretis captiuum, quadam simplici stoliditate, ex me quærere triumphum.

At nunc, quid monstri aluerit, in lucem prodit, Viturus enim homo miserabilis iocos meos, Epitomen, seu (ut Siluestraliter græcissēm) Epitoma responsionis ad Martinum Lutherum edidit, tot tantisque blasphemis a capite ad pedes usque refertum, ut in medio tartaro, ab ipsomet Satana æditum libellum existimem. Si Romæ sic sentitur & docetur, scientibus Pontifice & Cardinalibus (quod non spero) libere pronuncio his scriptis, Antichristum illum uerum sedere in templo Dei, & regnare in Babylone illa purpurata, Roma, & Curiam Romanam esse Synagogam Satanæ.

Romana Ecclesia,
Satanæ syna-
goga.

Scripturæ robur
ex autoritate Pa-
pæ pendet, secun-
dum Canonistas.

Quid dicam? Papam quemuis, etiam impium, Datum nobis facit, & robur diuinæ Scripturæ, id est, uerbi Dei uim, quod est ipse Deus, ex illius hominis, etiam impij, autoritate pendere statuit. Cum tamen omnes simul fateantur, Papæ autoritatem robur habere, ex illo Christi: Tu es Petrus, & : Pascue oues meas, hoc est, non scripturas ex Papæ autoritate, sed autoritatem Papæ ex scripturis pendere. Neque enim ubi urgentur, alio confugiunt, quam ad harum Scripturarum ceu asylum, quo se muniant & roboient. At nunc Satan iste Scripturas per hominem roborat. Quid est Antichristus, si talis Papa non est Antichristus? O Satan Satan, quam diu abuteris patientia Creatoris tui in tuum magnum malum?

Quanquam ego libens admitto Siluestro miserabili, ut Scripturæ robur a Papa accipiat. Hæc enim erit una uia negandæ tyrannidis Papalis, & semel euertendæ. Cum enim Papatum e Scriptura statuunt, & Scripturæ autoritatem per autoritatem Papæ eleuent, iam Papa nullo testimonio nitetur, nisi surripit, nec iure diuino, sed suo proprio

proprio stabit. Sed quid confutem rabiem blasphemi Satanæ tam manifestam? Optima erit confutatio, si Libellum ipsum, ut æditus est, nudum inuulgauero, secum habet suam confutationem, plus quam optare queam, potentem.

Itaq; lege Lector & geme, gloriam romanæ Ecclesiæ eo cecidisse, ut hæc hæretica, blasphema, diabolica, tartarea, uenena, non modo intra se concipiat & alat, sed in orbem quoq; propaget. Eant nunc qui gloriantur romanam Ecclesiam nunquam fuisse hæresi contaminatam. Vnus hic Siluester, Arium, Manicheum, Pelagium, & omnes alios incomparabiliter superat.

Si sic Roma credit, beata Græcia, beata Bohemia, beati omnes, qui sese ab ea separauerunt, & de medio istius Babylonis exierunt. Damnati uero omnes, qui ei communicauerint. Et ego quoq; si Pontifex & Cardinales, hoc os Satanæ non compescuerint, & ad palinodiam adegerint, his testibus confiteor me dissentire romanæ Ecclesiæ, & negare eam cum Papa & Cardinalibus, tanquam abominationem stantem in loco sancto. Extincta est in ea iamdudum fides, proscriptum Euangelium, exul Christus, Mores plus quam barbarici. Vna erat reliqua spes, Scripturæ sanctæ illibata autoritas, & eiusdem recta saltem opinio, si nulla intelligentia. Iam & hanc Satan occupat, arcem Zion & turrim David, hætenus inexpugnabilem.

Nunc uale infelix, perdita & blasphema Roma, peruenit ira Dei super te, sicut meruisti in finem, Nec tot orationibus, quæ pro te fiunt, nisi indices peior fieri uoluisti. Curauimus enim Babylonem, & non est sanata, Relinquamus ergo eam, ut sit habitatio draconum, lemorum, laruarum, lamiarum, & iuxta nomen suum, confusio sempiterna. Idolis auariciæ, perfidis, apostatis, cynædis, priapis,

latronibus, Simonibus, & infinitis alijs monstris ad os plena, & nouum quoddam Pantheon impietatis.

Vale, mi Lector, & dolori meo
ignosce, & compatere.

EPITOMA RESPONSIONIS
F. SILVESTER DE PRIERIO
PIO LECTORI. S.

Lutherus Spalatino
Mitto Sylvestrinam
in Romanam, quam ipse
Epitoma uocat,
homo Græco-barba-
tus & latinococus,
Tu statim remitte,
excudetur mox in
laudem & gloriam
omnium hostium ue-
rissimis cum Annota-
tionibus meis, die
15. Decemb.
Anno 18.

^a
Humilitatis causa
seipsum iactat.
^b
Etiam in India &
Seythia.

^c
Vide, ut heroice
prouocet ad respon-
sionem duorum li-
brorum, per prolo-
gum tertij Libri,
qui iuxta Euangeli-
um primus & no-
uissimus est.

^a
Observabis, Lector,
schema præteritum
pro futuro.

^b
probe ait, de inten-
tione sua fuisse, quia
cum frustratus nihil
effecerit, ostendit
tantum se uisum
non esse.

^c
Hæc nisi ex Sylve-
stro nemo nouit.

^d
Sicut Christus dicit.
Regnum meum non
est de hoc mundo,
& concordat uoca-
bulum, Hierarchia,
sacer principatus,
idem quod munda-
nus & prophanus
principatus, sicut
Christus & Belial
idem sunt.



VAS suorumque preces (quod uidelicet nostra Epistola, quæ olim se parituram minabatur, non abortiret) Martinus Lutherus exauditas, & intelligat, & si lubet gratias reddat. ^a Neque enim abortiuit, sed pugilem & robustum & tortem enixa est, & adeo fatalibus armis instructum, ut ^b toto Christiano populo spectante, ut pollicebar, uictum sternat. Ne uero aut insidiosè, aut repente se occupatum causetur, armorum suorum indicem mittit. ^c Accingatur ergo & sit uir fortis, quippe superbissimo illi uerbo, quo crebro utitur: Doceat me, inquit, qui potest, Alluens pugil iste, dicit: Respondeat Martinus, si potest. Blaterare equidem poterit, sapienter uero respondere non poterit. Mox uero arma ipsa perspicies. Vale.

DE IURIDICA ET
IRREFRAGABILI VERITATE ROMA-
næ Ecclesiæ Romanicæ Pontificis, Liber tertius, Index
quidem longissimus, sed breuissi-
mum Epitoma.



^a Osteaquam iuuante Deo, errores Aduersarij deteximus, item & reiecimus, Nunc breuissime, quæ iam dicta sunt recolamus.

^b Libri ergo primi caput primum de nostra intentione erat, quæ est in toto opusculo detegere primum, Deinde uero etiam euertere Martini Lutheri mala dogmata. Deinde uere specialius in primo Libro ostendere primo, Quod si Ecclesia militans sit Christi regnū monarchicū & hierarchicum. Et 2. quod in hac Hierarchia Romanus Præsul primus ac summus Hierarcha sit, autoritate diuina, solus supremarum dubitationum resolutiuus, & solus Iudex infallibilis ueritatis, in spectantibus ad fidem & mores.

^c Cap. 2. Quod Ecclesia militans sit cœli regnum, & Christi monarchia, item & hierarchia.

Et ibi 1. quod Ecclesia sancta catholica, sit regnum Christi.

Et 2. quod etiam ipsa imperium Christi sit.

Et 3. ^d quod sit regnum & imperium monarchicum.

Et 4. quod ipsa in ordine monarchiarum mundi est quinta, & ibi etiam secundum ^e diuinas literas, de quatuor terrenis monarchijs, Assyriorum, Persarum, Medorumque, Græcorum ac Romanorum.

Et 5. quod ipsa est omnium monarchiarū, quæ fuere, præstantissima.

Cap. 3. Quod in ecclesiastica Hierarchia Romanus Præsul sit Hierarcha primus, non dignitate modo, uerum etiam & iurisdictione.

Et ibi

^e Id est, Sylvestrinus, qui est Deus in recens.

Et ibi 1. reficitur error dicentium, Quod B. Petrus Romam non uident.

Et 2. f. describitur, quis per Romanum Præsulem intelligatur, quia is est, qui est Christi uicarius, & successor Petri, ubicumq; præsideat; Antiochia, ut olim, uel Romæ, ut modo, uel alibi Deo uolente.

Et 3. Quod Christo uiuente B. Petrus ab eo fuerit Apostolorum primus institutus.

Et 4. Quod ista 8 primitas non fuit dignitatis tantummodo, uerum etiam iurisdictionis & potestatis.

Et 5. probabiliter, quod solus Petrus à Christo est institutus Episcopus personaliter, alij uero à Petro h. instituti sunt.

Et 6. Quod Romanus Præsul sit Hierarcha summus, omnem Ecclesiasticam hypostasim sub ditione sua continens.

Et 7. Quod Romanus Præsul institutus, k pastor & Episcopus catholice & apostolicæ Ecclesiæ sit censendus.

Cap. 4. Quod Romanus Præsul in ecclesiastica hierarchia sit summus Hierarcha l capitalis orbis, Contra Aduersarium, qui Papam negat esse Ecclesiam uirtualiter, quod capitis proprium est.

Et ibi 1. Quod is, qui à Christo mutato nomine dictus est m Cephas, caput institutus à Christo sit omnium ouium suarum.

Et 2. ibi contra hoc multa argumenta soluuntur.

Et 3. Quod decedente Petro, necessarium fuerit in Ecclesia esse alium uniuersalem Pastorem, in sede eius, & rursus n isto migrante alium, usq; ad finem mundi, quoadusq; uidelicet Ecclesia duratura est.

Et 4. a Quod uerus & indubitatus B. Petri successor, est solus uerus & indubitatus Pontifex Romanus.

Et 5. b Quod Romana Ecclesia prima sit, & Ecclesiarum omnium caput à Christo instituta, & quam ignoranter dicatur, ipsam non fuisse caput, postquam Petrus ibi sedit.

Et 6. Quod Romanus Præsul rite institutus, æque & æquali autoritate caput sit, sicut & B. c Petrus.

Et 7. ibi destruitur opinio quædam hominum peruersorum, Quod Papa non sit caput Ecclesiæ uniuersalis collectiue, sed solum d distributiue, uolentium ex hoc, Papam non esse caput Concilij.

Et ultimo, ibi multa contra hoc argumenta e soluuntur.

Cap. 5. Quod in ecclesiastica hierarchia Romanus Præsul sit Hierarcha summus f ubiq; contra aduersarium subtrahentem iurisdictioni eius nonnullas Nationes, scilicet, Græcos & fideles inter infideles habitantes.

Et ibi 1. per literas & sacras probatur uniuersalitas istius Monarchiæ.

Et 2. improbatur impietas Antonij Roselli, dogmatizantis Christum ea ratione, qua homo, non habuisse ius terreni h principatus.

Et 3. per Augustinum & Scripturas probatur iterum futura Euangelij secunda prædicatio, cum maiori populorum k conuersione, quam Apostolorum temporibus, cum in omnem terram exiuit sonus eorum, adeo, ut ne iure modo, uerum etiam facto ipso, Pontifex Maximus l rerum summam sit moderaturus.

Et 4. Quam m iurisdictionem Papa in infideles exercere possit, siue Gentes, siue Iudæos, uel etiam hæreticos.

Cap. 6. Quod in ecclesiastica hierarchia Romanus Præsul sit Hierarcha n summus perpetuo, Contra aduersarium astruentem, Quod Romana Ecclesia non semper fuerit caput ab hinc in antea, Qui etiam uidetur suus, quod o doctrinam eius in posterum possit euertere.

f
Antichristus etiam
crucificarius Christi
& Dei.

g
Dicente Christo,
Qui uult esse ma-
ior, sit minor.

h
Præter Iudam Ischa-
rioth & Matthiam,
de quibus Acto. 1.
dicitur, Et Episco-
patum eius accipiat
alter.

i
Sicut Nero & Do-
mitianus.

k
Ad depascendum &
perdendum.

l
Non pedalis nec
cubitalis.

m
Nota, Cephas est ca-
put, contra Ioh. 2.
qui Cephan Petrum
dici scribit.

n
Hec Prieriac.

a
Antiochenus Petri
successor est Roman-
us.

b
Hec Prieriac.

c
Licet Petrus Apo-
stolus & Papa solus
sit Episcopus, minor
scilicet, simul &
æqualis.

d
Imo confuse tantum
& materialiter.

e
More Prieriatico.

f
Id est, in cerebro
Prieriatico.

g
Sicut Virgilium, Ana-
ri sacra famet.

Et ibi

EPITOMA RESPONSIONIS

^p
Hoc uerum, sed non
sic regnum Papæ.

^q
Id est, uenator ro-
bustus.

^r
Vnde pecunie ex-
trahuntur, non an-
tis.

^s
Per saltum & in la-
tus sumendo.

^t
uel dormiente.

^u
Ne cum Christo
quidem, sicut deceat
Antichristum.

^a
Quia Papa non est
pars Ecclesie uni-
uersalis, ideo uerum
est, aliam ei potesta-
tem esse, quam Eccle-
sie, scilicet tyranni-
cam & diabolicam.

^b
Hac fatalis Silue-
ster, non abortiens
minas.

^c
Nec Christi.

^d
Soluuntur per cla-
uem Siluestrinam.

^e
Quia non clauis
sed clauas habet.

^f
Verè afficiunt &
perdunt animas.

^g
Leges condere, id
est, extinguere Ec-
clesiam.

^h
Sicut fere ubiq; fa-
cit.

ⁱ
Imo Christianissimi
esset papam semel
cum suis impiissimis
legibus abolere.

Et ibi 1. ex Daniele & alias multipliciter ostenditur, ^p Quod regnum
Christi nullo fine clauditur, nisi per transitum à terra ad cœlum, in fine
mundi.

Et ibi 2. Quod ista perpetuitas per literas sacras ueteris Testamenti,
astruitur, Item etiam per eas quæ sunt noui, Et 3. per sanctos Doctores.

Cap. 7. Quod in ecclesiastica hierarchia Romanus Præsul sit Hie-
rarcha, ^q autor omnis hierarchicæ iurisdictionis, Contra aduersarium,
qui tenet iurisdictionem Papæ uniuersaliter, & diocesani in diocesi esse
pares in ordine ad ^r Purgatorium.

Et ibi 1. Quod potestas iurisdictionis, à Romano Præsule in omnes
ecclesiasticos uiros, ueluti à capite ad membra, uel sine medio, uel medio
aliquo ^s descendit.

Et 2. Quod circa hoc sunt opiniones, falsas confutando.

Et 3. Quod Episcopus multiplicem obtinet potestatem, quæ tamen
omnes ad eam, quæ ordinis & quæ iurisdictionis est, reducuntur, & omnes
insunt ei à Romano ^t Pontifice.

Et 4. multa ibi soluuntur argumenta, multæ confutantur opiniones.

Cap. 8. Quod in ecclesiastica hierarchia Romanus Præsul sit sum-
mus Hierarcha, ^u iurisdictionis incomparabilis, Contra aduersarium,
qui uult in Concilio & consequenter in Ecclesia uniuersali esse quandam
potestatem, quæ non sit in Romano Pontifice.

Et ibi 1. quid hoc nomen Ecclesia, & quam multa significet.

Et 2. Quod potestas clauium, siue ordinis sit, siue iurisdictionis, non
est sic data uniuersali Ecclesie militanti, quasi omnia uel singula eius mem-
bra eam totam acceperint.

Et 3. Quod etiam non est clauium potestas sic uniuersali Ecclesie data,
quasi data sit simul membris Ecclesie omnibus collectivè tota, siue (ut aiunt)
collegialiter, ^a & non alicui membro sigillatim.

Et 4. Quod potestas iurisdictionis non est maior in Ecclesie uniuersali,
quam in B. Petro & successore, sed nec æque magna.

Et 5. infertur corrolarie, quod cum Sancti dicunt Ecclesie uniuersali
datas esse clauis, non ea ratione accipiendum sit, quasi omnibus Ecclesie
membris datæ sint, aut diuisim, aut etiam coniunctim, sed quia datæ sunt ali-
quibus Ecclesie membris, ut Petro primum, Apostolis autem in ordine &
subiectione ad Petrum.

Et 6. ^b Quod Romanorum Præsulum iurisdictione non solum maior
est ^c nulla, sed ne par quidem.

Et 7. Multi nodi aduersus dicta ^d soluuntur, & præcipue illud, Orbis
maior est Vrbe.

Cap. 9. Quod in ecclesiastica hierarchia Romanus Præsul sit sum-
mus Hierarcha, ^e legum conditor, quæ ex necessitate salutis omnes
afficiant, Contra aduersarium, asserentem decreta Pontificum, & frigidis-
sima, & nihil esse.

Et ibi 1. Quod Romani præsulis sit ^g condere leges

Et 2. Quod de necessitate salutis sit subesse legibus & præceptis Ro-
mani Pontificis ^h nihil contra Dei præcepta mandantis.

Et 3. ⁱ Quod hæreticum est dicere, Non esse ab omnibus obtemperan-
dum legibus Pontificis Romani.

Et 4. Quod decretales epistolæ Romanorum Pontificum, etiam non
editæ in Concilio, nec corpori iuris insertæ, & etiam omnes sanctiones,
^k suscipiendæ sunt ab omnibus & executioni mandandæ.

Cap.

^k
Scilicet in
Ecclesia
hæretica
fiat, ex his
relicis de-
cretalibus.

Cap. 10. Quod in ecclesiastica hierarchia Romanus Præsul sit summus Hierarcha, iudex omnium solus ^a diuina autoritate, Contra aduersarium, qui dicit, Ecclesiam Romanam suam primitatem & consequenter autoritatem, non a Deo semper, sed aliunde a quater centum annis habuisse.

Et ibi 1. Quod a quo Romani Pontifices, post B. Petrum, suam autoritatem acceperint, ^b multi ignorarunt: & ibi multæ secluduntur opiniones.

Et 2. Quod Romani Præsulis potestas a Deo Christo immediate est. Ex quo inferitur, q̄ totus mundus simul Romani Præsulis autoritatem ne dum ^c auferre, verum nec limitare quidem aut restringere possit.

Et 3. Quod autoritas Concilij ^d non est a Deo, nisi in casu hæresis, vel schismatis, non quidem omni, sed quodam, quando videlicet de nullo est certum aut purificabile, q̄ sit Præsul Romanus, sed omnis autoritas Patrū Concilij, siue vt singuli, siue vt Collegium vel Concilium, est a Romano Pontifice. Vbi etiam multæ de hoc falsæ opiniones eliduntur.

Et 4. Quod inter homines ^e solus Romanus Pontifex habet suam autoritatem a Deo immediate.

Et ibi multa cōtraria dissoluntur, & maxime quod solet adduci ex decreto Concilij Constantiensis, Quod quanq̄ ^f veri concilij decretum nō fuerit, vt probauit Dominus Iohannes de turre Cremata: tamen etiam saluatur & ostenditur, verum esse tempore schismatis per rationes & autoritates: in qua tamen sententia peritioribus defertur.

Cap. 11. Quod in ecclesiastica hierarchia Romanus Præsul sit summus Hierarcha, & iudex sine iudice, Contra aduersariū, qui a Romano Præsule appellando, facit iudicem superiorem, aut singularem hominem, quod nunc improbat, aut Collegium aliquod, & illud improbabitur capite sequenti.

Et hic 1. Vnde Concilium dicatur?

Et 2. Quid sit generale Concilium?

Et 3. Quod residente vno indubitato Pontifice, eius solius sit vocare ^h Concilium, & ibi nonnulli nodi soluntur.

Et 4. Vacante sede, & tali necessitatis casu emergente, cui sine Concilio obuiari nequeat, cuius sit vocare Concilium.

Et 5. Quod aut Romanus Præsul, aut aliquis vice eius, debet ⁱ præsidere & præesse Concilio. Et ibi multæ falsæ sententiæ exploduntur.

Et 6. Quod licet Pontifex Maximus nequeat mutare locum Concilij in quo de eius heresi tractaretur, si tamen Pontifex sit indubitatus, illud utique potest, non obstante Concilio ^k Constantiensi.

Et 7. Quod Concilium iam rite congregatum & iniciatum, Romanus Præsul ex toto potest ^l dissoluere.

Et 8. Quod decreta Conciliorum nullum ligant vel astringunt, nisi ^m Romani Pontificis autoritate firmentur. Et ibi multa contraria soluntur.

Et 9. Quod Romanus Præsul ⁿ excepto casu suæ hæresis, in exteriori foro superiorem habere non potest, quanquam an id possit per compromissum, opiniones sint.

Cap. 12. Quod in Ecclesiastica hierarchia Romanus Præsul sit Hierarcha, ^o iudex sine iudice Collegio quopiam, & loquor de indubitato, Secus in casu hæresis aut schismatis, de quo supra, & hoc ut prælibatum est, Contra aduersarium, qui ad futurum Concilium prouocauit.

M

Et ibi

^a Diuinorum
& Ariolorum.
Nec mirum.

^b Cum illi ex corde
suo fingerent.

^c Furor Siluestri
primus.

^d Furor secundus.

^e Et sic Paulus ad
Galatas mentitur,
dicens, non per hominem,
nec ex hominibus.

^f Nota, Romanistis
est Concilium, quicquid
& quantum
usum fuerit.

^g Et hoc Antichristum
facturum, est
prædictum per
Apostolum.

^h Scilicet impiorum.

ⁱ Excepto Concilio
Apostolorum, Acto.
15. in quo Iacobus
præsedit, Et Nice-
no, in quo Eusebius
Antiochenus.

^k Concilio Constantiensi
autoritas
manet, quantum
uult Silvester.

^l Hoc & Satan potest
& latrones.

^m Furor.

ⁿ Excepto casu confessionis
& ægritudinis, ubi medicus
ci superior est.

^o Id est, Antichristus

EPITOMA RESPONSIONIS

Nota distina-
tiones subtilissi-
mas Archimagistri
palladij sacratissi-
mi.

Placitum Papæ est
regula omnium.

Vides ergo, Papæ
nihil esse cum Con-
cilio commune, ergo
nec cum Ecclesia
Dei, quod uerū est.

Nota limitationes
egregias.

Et totum Concili-
um Constantiense.

Obstupescet cælum,
horrescet terra, O
grex Christi sangui-
nine redemptus, ui-
de, quid sit Roma.

Catholicæ
sanctæ.

Nec foelicium, nec
sanus, quam hæc
scripta sunt.

Sic diligit Pastor
ones. Id est, somniatur.

Scilicet Christus
etiam sterquilinum
impietatis inhabi-
tat, noua benigni-
tate.

Nihil ad Lutherum,
adulator seditiosus

Furor.

Sicut Christus à
Iudeis excommu-
nicatus fuit.

Sententia Archi-
magistri.

Et ibi 1. ^a de duplici auctoritate Patrum Concilij, uidelicet ut sunt sin-
guli, quæ ab auctoritate Papæ distinguitur dupliciter, uidelicet, ut causa se-
cunda à prima, & ut partialis à totali, & ut sunt collegium, quæ est eadem
cum auctoritate Papæ, non numero, sed analogia. Et hæc in Pontifice est or-
dinaria & plena, in Concilio est commissa & quantum placet b Pontifici, ibi
etiam de auctoritate Patrum in Synodo prouinciali.

Et 2. Quod potestatum Papæ ac Patrum in Concilio, eo modo, quo di-
stinctæ sunt, superior est pontificalis.

Et ibi 3. multa aduersa soluuntur.

Et 4. Quod Romanus Antistes, c nullo modo ligatur Conciliorum ca-
nonibus vel decretis, ut Conciliorum sunt, quod ideo dicitur, quia si Concili-
um statuatur aliquid, quod etiam sit de iure diuino, scripto vel insito, puta, q
Spiritus sanctus à Filio procedat, aut talis contractus sit usurarius, ligatur
quidem Pontifex, sed non ea ratione, quia Concilij sit, sed quia Dei, dist. v. q.
i. sunt quidam.

Et 5. Quod Papa, etsi mutare non possit Conciliorum statuta, ut sunt
aliquando etiam Dei, id est, de iure diuino, ut dictum est statim, Tamen ea,
quæ sunt Concilij, ut conciliū, siue quæ spectant ad ius positiuū, æque potest
tollere, sicut & sua, id est, d ex rationabili causa, suo tamē arbitrio pendenda.

Et 6. Quod Patres Concilij non possunt simpliciter iudicare de omni-
bus, & ibi reprobatur e opinio iniqua Marsilij de Padua, & multa contraria
dissoluantur.

Et 7. Quod Pontifex indubitatus, nedum à Concilio, sed neq. à toto
mundo potest iure deponi vel iudicari, f etiamsi ita sit scandalosus, q popu-
los secum cateruatim ducat primo gehennæ mancipio, id est, diabolo, di. xl.
Si Papa, sed ut ibi dicitur, Deus orandus est. g Contrarium tamen sapiunt,
qui aliquando fuere scismatici, ut Panormitanus, in ea disputatione, quæ in-
cipit: Episcopus. Et quidam viuentes, contra quos cupio specialiter h dispu-
tare, si Dominus noster dederit mihi quietem concupitam.

Et 8. Quod Papa verus ad renunciandum causa schismatis i cogi non
potest. Et ibi soluuntur multa contraria.

Et 9. Quod propter hæresim proprie dictam, Papa cadit à Papatu. Si ta-
men hæresis sit omnino occulta Ecclesiæ, non priuatur Papa sua potestate;
& k creditur summus l Pontifex Christus supplere, & si se corrigat, iterum
est Papa, Si uero hæresis eius sit omnino notoria, nec egeat probatione, & sit
hæresis etiam formaliter, id est, cum obstinatione voluntatis, est sua potesta-
te priuatus. Si uero sit dubia probabiliter, Concilium generale est iudex, quod
tunc deberet congregari, aut sua sponte, ut pro Marcellino, aut per eos quo-
rum interest, iuxta prædicta.

Et ultimo, Quod pro hæresi uel notoria uel probata aut confessâ, Con-
cilium potest Papam deponere, siue potius declarare depositum.

Cap. 13. Quod in Ecclesiastica hierarchia Romanus Præsul sit summa
Cmus Hierarcha, m iudex sine appellatione, Contra aduersarium iterum,
qui à Papa ad futurum Concilium appellauit, ut dictum est.

Et ibi 1. n Quod a Papa ad Concilium adpellare non liceat.

Et 2. Quod appellans a Papa ad futurum Concilium, nedum o excommu-
nicatus, uerum etiam & stolidus est, scilicet si ignorat se aliquid tentare,
quod sine sui aduersarij, id est, Papæ consensu explere nequit, uel malignus
scilicet, si hoc non ignorat, & tamen appellat.

Et 3. p Quod a Concilio licite appellatur ad Papam absentem, non au-
tem ad præsentem.

Et 4. Ibi soluuntur multa contraria:

Cap. 14:

CAp. 14. ^k Quod Romanus Præsul solus sit resolutivus supremarū dubitationum, Contra aduersarium dicentem, in his quæ sunt fidei, Concilium præesse Pontifici.

Et ibi 1. Quod Papa ^l solus habet decidere omnes quæstiones & dubia in fide, iudicio autoritativo siue iuridico & ultimo.

E 2. Quod si de Concilio loquamur, sicut de ^m aliquo non diuiso contra Pontificem, sed Pontificem ueluti caput includente, Sic autoritas Concilij & Papæ analogia una est, ac perinde ad Concilium pertinet determinare de fide, nisi Pontifex interdicat.

Et 3. ibi aduersa multa solvuntur.

Et 4. ⁿ Quod Romani Præsulis solius est à Deo & à natura institutas leges interpretari, & declarare in dubijs, nedum in moribus, sed etiam in spectantibus ad fidem, quod ibi autoritatibus & exemplis & rationibus asseueratur, & hoc probatur uerum de interpretatione nedum probabili, quæ est Doctorum, uerum etiam & necessaria, ita quod sub pœna æternæ ac temporalis mortis eius Decisiones sequendæ sunt.

CAp. 15. ^o Quod in ecclesiastica hierarchia Romanus Præsul sit summus Hierarcha, Iudex infallibilis ueritatis, Contra aduersarium, qui in hoc ualde aberrat & obloquitur, ut in eius Libro patet.

Et ibi 1. quid sit ^p Papam agere ut est Papa, & quomodo omnes expositiones Sanctorum & Doctorum circa hoc redduntur in unam, & quæ sit omnium opinionum radix, quæ est, ut Papa agat ut Papa, uel caput, si utatur auxilio membrorum, & faciat bona fide, quod in se est, ut intelligat ueritatem, secus ubi maliciose procederetur.

Et 2. Quod Ecclesia uniuersalis decernendo de fide & moribus, errare nequit.

Et 3. Quod Papa etsi in quantum singularis persona, potest male operari, male credere, tamen nō potest male decidere, ut Papa. ^q Et hoc probatur ibi in primis probabiliter, Deinde uero irrefragabiliter, nedum per Canones & concilia, uerum etiam per literas diuinas.

Et 4. Quod omnes constitutiones Papæ in decidendo de fide & moribus, ^r sunt à Papa, in quantum est Papa, siue cum assidentium consilio.

Et 5. Ibi solvuntur multa contraria prædictis, quibus æmuli Romanæ sedis conantur probare, quod aliquando Papa nedum operando, uerum etiam decidendo errauit, & specialiter de B. Petro, quem Apostolus reprehendit, Super quo aduersarius magnam quidem, sed ruinofam structuram fabrefecit.

CAp. 16. Quod in ecclesiastica hierarchia Romanus Præsul si summus ^s Hierarcha infallibilis ueritatis ^t solus, Contra aduersarium, qui expresse uoluit Concilij & non Papæ esse decidere de fide & moribus.

Et ibi 1. Quod ^v uniuersale Concilium etiam rite celebratum, intellectū tamen ut aliquid contra Pontificem diuisum, decidendo de fide & moribus errare potest, & probatur errasse sæpius de facto.

Et 2. Quod Concilium rite celebratum, acceptum sic ^x ut caput suum, ^y Romanum Pontificem secum intelligatur habere coniunctum, utiq; decidendo de fide & moribus errare nequit.

Et 3. Ibi multa dissoluantur argumenta malignorum.

Et 4. Quod si in materia fidei inter Papam & Concilium esset dissidium, siquidem iam res esset decisa per iudicium irrefragabile Spiritus sancti, iuxta dicta superius, illi standum esset, qui pro se dictam haberet decisionem, Quia alia pars, etiamsi esset Papa, niteretur contra Spiritum sanctum, quod

M ij

^k Sola potestare, etiamsi sit iuxta in doctrinissimus, & rursus prissimus, quia ipse dixit et facta sunt.

^l id est, solitarius, scilicet, quando in lecto dormit.

^m Distinctio notabilis & magistralis.

ⁿ Hic non Siluester, sed Satan, princeps demonum, loquitur.

^o Et hic Satan loquitur.

^p Papa ut Papa agit, quando portatur à Referendarijs, & beatos pedes præbet osculandos.

Deinde quando per auariciam absorbet mundum, perditq; animam.

^q Opinio Siluestri è tartaro aduecta.

^r Sicut probatum est nouissimo Concilio, ubi decissum est, Animam immortalē esse, et esse de cetero pro uentre Romano extorquendas.

^s Satan.

^t .i. solitarius.

ut supra.

^u Quale fuit nouissimum Lateranense.

^x Scilicet, quia plus est in uno capite Papæ, quam in tota Ecclesia Christi.

^y Satan.

EPITOMA RESPONSIONIS

^a Quid sit in se?
ne admittat facile
Concilium, ob peri-
culum reformatio-
nis Ecclesie.

^b Id est, non
siluestriter.

^c a Deo huius mun-
di, qui operatur in
filijs dissidentie.

^d Probatum est.

^e Vel etiam magister
palacij uel notarius
aliquis.

^f Pulchrum argumen-
tum a sancto uero ad im-
pium.

^g Hæreticum secun-
dum fidem Silue-
stri, qua creditur
impetrati, ut Apo-
stolus prædixit.

^h Et per se notis ac
primis principijs
libris Elenchorum.

ⁱ Siluester im-
proprie ta-

^k Quasi Christi pas-
sio et merita San-
ctorum habeant ul-
tam proportionem.
Sic Siluestriter
disputat.

^l Ex Asopi sub-
prima.

^m Tandem et per se.

ⁿ Hæreticum in uia
Thomæ apostolica.

^o Veritate Tho-
mistica.

^p Thomistarum.

^q In Theologia
Thomistica.

tamen est impossibile, si iam fecisset quod ^a in se est. Si uero res non esset de-
cisa, sed decidenda, quidam dicunt standum ei, qui melioribus Rationibus
mouetur, quod tenuit Panormitanus in ca. significauit, de elect. & in quadā
Disputatione, quæ incipit: Episcopus, Sed ^b irrationabiliter, ut ibi probatur,
& eo casu Papa deberet omnes audire, & ex motu sui cordis (^c quod a Deo
in talibus regitur) deberet formare iudicium, unde standum esset Pontifici
bona fide & maturo consilio procedenti, quia sine Concilio habet irrefraga-
bile iudicium, ut probatum est, non autem Conciliū sine Papa, ut etiam ^d pro-
batum est.

Et 5. Quod partibus aut Patribus Concilij inuicem dissidentibus in
materia fidei, Papa aut ^e Legatus uice eius præsidens Concilio, iudicium for-
mare non debet secundum iudicium maioris, sed sanioris partis, siue cuius
Rationes sunt meliores, etiamsi esset unus solus, nam & ^f Paphnutius con-
tradixit Nicenæ Synodo, & obtinuit, di. xxxi. Nicena.

Et 6. ibi multa obiecta soluuntur.

Libri secundi caput primum, Quod sit ^g hæreticum dicere, qd in Ec-
clesia catholica non possint fieri ueræ Indulgentiæ, Contra aduersari-
um, qui ex promulgatis uenijs occasionem sumplit impinguendi contra A-
postolicam sedem.

Et ibi 1. Quid importet Indulgentiæ uerbum, ac ueniæ & remissionis.

Et 2. Quid sit Indulgentia.

Et 3. Quod iam Ecclesia facit ueras Indulgentias Pontifex Maximus, &
Episcopi, uel alij quidam sub limitatione Pontificis.

Et 4. Ibi dissoluuntur plura obiecta.

Et 5. Quod Sancti qui ad eiusmodi uenias elargiendas moti sunt, non
ex uoluntate, sed ex ratione processerūt, quod probatur ibi ex probabilibus,
& pene statim ex ^h necessarijs.

Et 6. Quomodo in nostro bono opere, puta eleemosyna, est meritum &
satisfactio, & primum semper est operantis, non secundum, sed eius pro quo
intendimus satisfacere.

Et 7. Quod merita Christi aut Sanctorum, non esse plene remunerata,
est ab aliquibus Canonistis ⁱ improprie dictum, Intendunt autem, qd talium
satisfactiones non sunt omnes euacuatae, uel applicatae, alioquin iam passio
Christi non esset ^k satisfactio pro quotidie poenitentibus.

Et 8. Declaratur, quomodo in Ecclesia sit thesaurus, quod etiam pene
statim post astringitur in cap. ultimo, ^l & quidem irrefragabiliter.

Et 9. Per quos dispensari possit iste thesaurus.

Et 10. Arguitur ad probandum uenias & thesaurum probabiliter, dein-
de etiam ^m necessario, prius tamen recitata extraua. Cle. vi. facta, de assiden-
tium consilio, in qua est proluxa mentio de dicto thesauro.

Et 11. Quod ⁿ hæreticum sit dicere, Ecclesiam non posse facere ueras In-
dulgentias, quod multipliciter probatur, & recitatur B. Antonium sic tenuis-
se & feli.

Cap. 2. Quod nunc sit hæreticum dicere, qd in Ecclesia fieri neque-
ant ueræ Indulgentiæ pro defunctis.

Et ibi 1. Quod de ista questione olim opiniones fuere inter Theolog.
& Canonistas.

Et 2. Quod opinio tenentium Indulgentias, ualere defunctis per mo-
dum suffragij ^o est uera, & probatur multipliciter.

Et 3. Quod dicta opinio iam nūc nō est opinio, sed doctrina sententiaq;
p Ecclesie, & opinio opposita, pari ratione nūc ^q error est, & nō opinio solū.

Et 4. Quod hæreticum sit asserere, qd ueniæ defunctis non prosint.

Et 5.

Et 5. Declaratur, quomodo intelligendum sit, per modum suffragij.
Et 6. Contra prædicta solvuntur obiecta permulta.

Cap. 3. Quod virtualiter & per consequentiam hæreticum est dicere, Non posse per Papam indulgentem relaxari aliquam pœnam, taxatam per iusticiam diuinam.

Et ibi 1. Quod post contritionem & gratiam remanet homo obligatus reatu pœnæ exoluendæ temporaliter, quod multipliciter per ² scripturas & Doctores, & Canones probatur, licet hoc neget aduersarius.

Et 2. Quod est aliquis locus purgandarum pœnarum post cōtritionem; à purgando dictus; & ibi, quomodo sit Purgatorium duplex, Ordinarium; quod ^b creditur communiter esse sub terra, licet hoc incertum sit, & Dispensatorium, quod saltem aliquando est in hoc ^c mundo.

Et 3. Quod in Purgatorio remittitur aut soluitur pœna taxata per iusticiam diuinam.

Et 4. Probatum hæreticum esse dicere, Quod non possit Papa per Indulgentias abolere pœnam taxatam per iusticiam diuinam.

Et 5. De quadam opinione noua & falsa, quæ est, q̄ possit quidem Papa dictas remittere, sed tamen de hoc facto non facit etiam, quando plenarie indulget, sed semper remittit iniunctas à sacerdote, Hęc opinio necdum est promulgata; vel publicata potius.

Cap. 4. Quomodo sint ^d Indulgentiæ intelligendæ in se.

Cap. 5. Quomodo sint intelligendæ ex parte dantis.

Cap. 6. Quomodo intelligendæ ex parte accipientis.

Cap. 7. Quod vera sunt fundamenta, quæ olim ieci contra aduersarium.

Et ibi 1. Quod Ecclesia vniuersalis essentialiter est conuocatio in diuinum cultum omnium credentium in Christum. Ecclesia vero vniuersalis representatiue, est Concilium rite celebratum. ^e Ecclesia vero vniuersalis in virtute est Ecclesia Romana, Ecclesiæ omnium caput, & Pontifex Maximus.

Et 2. Quod Ecclesia Romana representatiue vel eminentiore modo, est Collegium reuerendissimorum Dominorum Cardinalium, virtualiter autem est Pontifex summus, qui Ecclesiæ Romanæ & vniuersalis caput est, alio tamen modo q̄ Christus.

Et 3. Quod sicut Ecclesia vniuersalis errare non potest, decidendo de fide & moribus, Ita nec verum Concilium; faciens quod in se est, vt intelligat veritatem, ^f quod intelligo incluso capite; & tandem ac finaliter, licet forte prima facie fallatur, quo vsque durat modus inquirendæ veritatis; imo etiam aliquando errauit, quanquam statuendo potius q̄ decidendo; licet per Spiritum sanctum ab errore educeretur.

Et similiter nec Ecclesia Romana, nec Pontifex decidendo de fide aut moribus; ea ratione, qua Pontifex, id est, ex officio suo pronuncians, & faciens quod in se est, vt intelligat ^g veritatem.

Et 4. Quod quicunq̄ non innuitur ^h doctrinæ Ecclesiæ Romanæ, Romaniq̄ Pontificis, tanquam Regulæ fidei, id est, credendorum infallibilis, à quo etiam robur trahit aut traxit sacra Scriptura, hæreticus est.

Et 5. Quod Ecclesia Romana sicut verbo, ita & facto potest circa fidem & mores aliquid decernere, nec in hoc differentia vlla est, præter id q̄ verba ad hoc sunt accommodatiora q̄ facta; vnde hac Ratione consuetudo vim obtinet legis.

^a id est, per conflati-
quantum Siluestri.

^b Nota, creditur utrum-
que impersonale,
est fundamentum
Thomistice & Ro-
mane Theologiæ,
hoc enim probant
omnia sua.

^c Autoritas Sil-
uestri.

^d Indulgentiæ ha-
bent triplex esse,
metaphysicum, na-
turale & logicum
quantum taceatur,
quod est, chymeri-
cum & propriissimum.

^e Hic autor corrigit
seipsum, prius tres
Ecclesias iam quin-
que habens, Sic Ro-
ma creuit sapien-
tia.

^f Magistralis &
scientificissima
distinctio.

^g Vt exugat censu-
bus orbem, uere
hic non errat,
proh dolor.

^h Hic Satan ex imo
tartaro loquitur.

M in Et 6.

EPITOMA RESPONSIONIS

Capiendo Ecclesiā Romanam sexto modo pro Magistro Palatii.

Et 6. Corollarie, quod qui sentit, ^a quod Ecclesia Romana facere non possit inspectantibus ad fidem, quod de facto facit, hæreticus est, aliter sentiens de spectantibus ad fidem, q̄ Ecclesia Romana.

CA. 7. Quod aduersarij sunt aliqui errores, præter eos, quos in suis Conclusionibus & earum resolutionibus tenet.

Quia hanc palatii nam magistralem distinctionem ignorauit.

Et ibi 1. Probatur esse errorem, q̄ in spectantibus ad fidem Papa sit sub Concilio, nisi intelligatur ^b de fide ipsius Pontificis, cum tamen aduersarius loquatur de spectantibus ad fidem simpliciter & uniuersaliter.

Et secundus error improbatus est, Quod Papa decidendo de fide errare potest, & oportet (ut ibi probatur) q̄ loquatur in quantum est ^c Papa.

id est, nim brot/ ja golt.

Et tertius est, Quod decreta Romanorum Pontificum frigidissima sunt & nihil.

Et quartus, Quod Romana Ecclesia non sit caput, nisi per Decreta frigidissima Romanorum Pontificum nata a quater centum annis, contra quæ, inquit, sunt Historiæ authenticæ mille centum annorum.

O quam dolet hoc uulnus & ulcus.

Et quintus, ^d Quod liceat appellare futurum Concilium.

Et sextus, Quod Ecclesia Romana aut Pontifex non sit uirtute Ecclesia catholica.

Et septimus, Quod pessimum sit dicere, Deum impossibilia non præcepisse.

Et octauus, Quod illud uerbum Matth. 16. Quodcunq̄ ligaueris, non sit priuilegium Petri, sed æqualiter conuenit omnib. Apostolis & sacerdotib. & toti prorsus Ecclesiæ.

istos errores Lutheri ostendit, sed in secreto suo cubiculo in nocte.

CAp. 9. Quod ^e sit error asserere Pontificem summum non posse remittere per uenias ullas poenas, nisi iniunctas per sacerdotes uel Canones.

Et ibi 1. Recitatur error, & ex dictis ostenditur esse reprobatus.

Sic etiam Colonien. & Louanien. respondent, Estq̄ hic solennis magistrorum nostrorum modus respondendi: Male citasti & exposuisti Scripturam.

Et 2. Respondetur ad omnia fundamenta aduersantis, & ostenditur, q̄ leuiter processit, ^f quia scripturas male citat, ita q̄ non solum non concludunt, sed nec etiam sunt ad propositum, nisi raro, & hoc per totum Librum facit.

CAp. 10. Quod sit error asserere, quod Papa non possit plenarie indulgere, uel hic uel in futuro.

Et ibi 1. Ostenditur, Quod hoc sit error intelligendo de poenis, quas diuina iusticia à nobis exigit pro peccatis, seu quæ ueniunt in foro animæ tollerandæ.

Et 2. Dissoluuntur omnia eius argumenta.

Et 3. Ostenditur esse errorem, q̄ in Purgatorio Papa non possit remittere poenam Canonum, non quidem in specie propria, sed in æquivalenti.

Et 4. Improbatur alius error, quo asserit, omnem poenā huius uitæ mutari in poenam mortis uoluntarie toleratam.

Et 5. Probatur Ecclesiam Romanam tempore Gregorij fuisse caput, quod iste negat.

Et ultimo, Fundamenta eius, quæ nihil sunt, diruuntur.

CAp. 11. Quod iste aduersarius male sentiat de Purgatorio, ubi & hi errores improbantur, & dissoluuntur contraria argumenta.

Primus, Via hominis quantum ad clementum habitum & merita operum, non finitur in morte.

Secundus, Imperfecta charitas morituri, necessario secum fert magnum timorem, etiam post mortem, tantoq̄ maiorem, quanto minor fuerit ipsa.

Tertius,

Tertius, Hic timor & horror satis est se solo (vt alia taceam) facere poenam Purgatorij, cum sit proximus desperationis horrore.

Quartus, Videtur Infernus, Purgatorium & Cœlum differre, sicut desperatio, prope desperatio & securitas differunt.

Quintus, Necessariū videtur animabus in Purgatorio, sicut minui horrorem, ita crescere charitatem. Fundamenta autem, quibus ad istos errores ponendos mouetur, ostenduntur deficere multipliciter, specialiter autem, quia & sacram scripturam male adducit, & aliter intelligit, & literales Expositiones, & soluendo multa pulchra dicuntur.

^g
Quam colonienſiter loquitur.

CAp. 12. Rursus, q̄ aduersarius male sentiat de Purgatorio, vbi denuo multi errores, & multa falsa cum suis Fundamentis evertuntur.

Primum falsum, Nec probatum videtur, inquit, ullis aut Scripturis aut Rationibus, q̄ animæ Purgatorij sunt extra statū meriti, seu augendæ charitatis. Hæc ille.

^h Cuius falsitas vel in hoc apparet, quod nos oppositum probauimus ratione, autoritate Sanctorum & Canonum, item autoritate Scripturarum, item autoritate Scripturæ & Sanctorum simul. B. enim Gregorius in 4. Dialog. ad propositum nostrum probandum, scilicet, q̄ in Purgatorio merita non mutantur, adducit multas Scripturas, ut patuit capitulo priore.

^h
Pulcherrima omniū
um consequentia.
Siluester opposi-
tum dicit, ergo
est falsum.

Secunda falsitas, Nec hoc, inquit, probatum uidetur, q̄ sint de sua beatitudine certæ & securæ, saltem omnes, licet nos certissimi simus. Hæc ille.

Quod ⁱ utiq̄ falsum est, quia nos probauimus oppositum ex probabilibus, deinde vero ex necessarijs, & sua Fundamenta ostendimus nulla esse, maxime illud quod assumit totam Ecclesiam tenere easdem esse poenas Purgatorij & Inferni, cum tamen nullus hoc dicat, sed sit falsissimum, ^k cum in Purgatorio nō sit peccatum blasphemix, aut desperationis assequendæ gloriæ, quæ sunt maximæ miserix & poenæ damnatorum, peius enim malum culpa q̄ poena, cum culpa Deo, poena autem creatura priuet.

ⁱ
Ead. m. consequen-
tia Siluestrica.
^k
Non sunt eadem
culpa, ergo non
eadem poene,
iterum Siluestra-
liter.

Tertia falsitas, Quis scit, inquit, si omnes animæ Purgatorij velint redimi? Hæc ille.

Sed ista falsitas improbatu multiplici ratione, Quæ autem pro se adducit, sunt nulla, præcipue illud, q̄ Paulus uel Moyses appetiuerit a Deo esse anathema perpetuo pro alijs, & ex Scripturis, quas adducit, hoc non habetur, sed eas male intelligit, & ^l citat.

^l
Solutio eadem
Colonienſum est.

CAp. 13. Quod aduersarius male sentiat de potestate Pontificis, & ibi multi errores recitantur, reprobantur, & eorum Fundamenta ostenduntur esse nulla.

Primus error, Papa non potest remittere ullam culpam, nisi declarando & approbando remissam a Deo, aut certe remittendo casus sibi reseruos. Hæc ille.

Qui istum errorem fundat in alio, q̄ per ^m Sacramenta nouæ legis gratia non conferatur, contra doctrinam communem Doctorum celebrium, Augustini, Hieronymi, Hugonis, Magistri, Senten. Bedæ, Raba. Petri de pal. & Conc. Flo.

^m
Mentis Silueſter;
Lutherus per Sa-
cramenta gratiam
dari melius sentit,
quàm tu.

Secundus error, In sacramento, inquit, poenitentix contritio non est adeo necessaria, vt fides, quæ quis credit se absolutum, Et incomparabiliter plus consequitur fides absolutionis, quam feruor contritionis. Et in his, inquit, qui credunt in uerbum Christi, Quodcunq̄ solueris, non potest clauis errare. Hæc ille.

M iij

Qui &

EPITOMA RESPONSIONIS

Qui & rursus, Erret, inquit, vel non erret Sacerdos, tu non erras, si credideris scilicet te absolutum. Hæc iste.

*Hoc & Lutherus
dicit, sicut potest
unam, sic potest
multas extrahere.
Stat enim similiter
do, quia nullum pos-
test extrahere.*

Et hic etiam tractatur de euacuatione Purgatorii per Papam, in Responsione ad primū eius artē: & probatur, q̄ sicut ^a Papa per uenias potest unam animā à Purgatorio educere, ita & duas & tres, & sic in infinitum q̄ diu extaret pro singulis rationabilis causa educendi, puta, si singulæ haberent eos, qui sibi ad plenum iuxta mandatum Papæ suffragarentur.

Tertius error, Laboriosa, inquit, & inutilis est ars confitendi, imo desperandi & perdendi animas, qua hucusq̄ docti sumus arenam numerare, id est, singula peccata discutere, colligere atq̄ ponderare ad faciendam contritionem. Hæc ille.

Quartus error, Indulgentia data per modum suffragij, non plus ualet q̄ suffragium solum.

Quintus error, Me, inquit, nihil mouet, quid placeat vel displiceat summo Pontifici, Homo est sicut & cæteri. Multi fuerunt summi Pontifices, quibus non solum errores & uicia, uerum etiam portenta placuerunt. Ego audio Papam ut Papam, id est, ut in Canonibus loquitur, aut cum Concilio determinat, non autem, quando secundum suum caput loquitur. Hæc ille, qui & ponit exemplum de cædibus Iulianis.

Sextus, solius Papæ, inquit, non est nouos articulos fidei statuere, sed secundum statutos iudicare & discindere fidei questiones. Hic autem erit articulus nouus, scilicet de uenijs, ideo ad uniuersale Concilium pertinebit eius determinatio, multo magis q̄ Conceptio B. Virginis, præsertim, cum hic nullum, illic multum & magnum sit periculum animarum, alioquin cum Papa sit unus, qui errare potest in fide & moribus, periculo assiduo laboraret totius Ecclesiæ fides, si quicquid sibi uisum fuerit, necesse sit uerum credi. Hæc ille.

Septimus, Si Papa, inquit, cum magna parte Ecclesiæ sic uel sic sentiret, & etiam erraret, adhuc non est peccatum aut hæresis, præsertim in re non necessaria ad salutem, donec fuerit per Concilium uniuersale, alterum approbatum, alterum reprobatum, quod ne multis agam, illo uno probatur, quod Ecclesia Romana etiam cum uniuersali Concilio Basiliensi, ac tota ferme Ecclesia sentit, B. Virginem sine peccato originali conceptam, & tamen quia altera pars non est reprobata, non sunt hæretici, qui cōtrarium sapiunt. Hæc ille.

Octauus, Nam sentit, q̄ Episcopus in sua diocœsi, & Curatus in sua parochia, æqualem cum Pontifice in Purgatorium habeant potestatem, quod hic aliquantulum tangitur & declaratur.

Nonus, Nam poenæ, inquit, Purgatorii sine potestate clausum per solam contritionem remittuntur, quia perfecte contritus, quo ad Deum, à Purgatorio absolutus est.

Decimus, Nam in plenaria, inquit, Indulgentia, id est, omnium poenarum, fallitur maior pars populi. Hæc ille, qui declarando habet, tanquam inconueniens, quod alij dicunt, post talem Indulgentiam animam decedentis nullo alio admissio peccato euolare. Deinde sic subiungit: Nec mirum, inquit, quando illi sic scribunt, legunt, claimant, quod si quis uenias consequutus, ante reciduum moreretur, statim euolaret. Hæc enim, inquit, quasi non sint peccata nisi actualia, ac si fomes relictus nulla sit immundicia, nullum impedimentum, nullum medium, quod moreretur ingressum regni, cum nisi ipse sanetur, impossibile sit intrare cœlum, etiamsi nullū sit actuale. Hæc ille.

Cap. 14

CAp. 14. Quod aduersarius male sentiat de spirituali Ecclesiæ the-
sauro, unde uenias elargitur.

Et ibi 1. datur intellectus talis thesauri.

Et 2. Ostenditur, q̄ possibile sit, esse talem in Ecclesia.

Et 3. Ostenditur probabiliter ita esse de facto.

Et 4. Ostenditur idem demonstratiue.

Et 5. Ostenditur, quod quæcunq̄ iste in contrarium adducit, nihil con-
cludunt, & nihil pene ad propositum citatur, & q̄ omnia eius fundamenta
nihil sunt, nisi mordacitates & detractiones. Et in hoc cap. respondendo ad-
uersario, ^a infinita pulcherrima tractantur.

^a Infinita forte Mes-
sybi Anaxagoræ
Leucippi.

CA. 15. Completo secundo volumine adiectum, uisâ disputatione
cum Eccio, & resolutione Lutherana de potestate Papæ, quod ex dictis
sparsim supra improbentur noui errores istius.

Et ibi 1. Quod Romanus Antistes diuino iure sit primus, & dignitate,
iurisdictione, autoritate Doctorum latinorum.

Et 2. Autoritate Græcorum.

Et 3. Autoritate Conciliorum.

Et 4. Autoritate Scripturarum, quibus per istum ^b insufficienter respon-
detur, & ultimo idem astruitur theologicis Rationibus irrefragabiliter.

^b Quia Thomistice.

CA. 16. Quod ex dictis soluantur omnia aduersarij maledicta.

Et ibi 1. Quod suæ rationes, quibus sine diuino iure probare nititur Ro-
mani Præsulis primatum, sunt ei, etsi non aliquæ in se uanæ, sunt quoq̄ om-
nes insidiosæ.

Et 2. Quod solutio eius ad illam scripturam: Tibi dabo claves, nihil
sit, & septem eius argumenta soluntur.

Et idem 3. Probatur de solutione ad illam: Pasce oues meas, & quatuor
eius argumenta soluntur.

Et 4. Quod iniuste & ignoranter rideat ad decretum Leonis, dist. xix.
ita Dominus, & dissoluntur quatuor eius argumenta.

Et 5. Quod ignoranter rideat decretum Leonis. iij. di. ij. de libellis.

Et 6. Idem probatur de ca. clerici di. xxi. & soluntur tria eius argumen-
ta, maxime illud, quod ex Concilio Aphricano di. xcix. in ca. primæ sedis,
ubi iste deceptus ^c equiuocatione primitatis sedis illud cap. tam parens, quod
glosam non meruit, minime intellexit.

^c Quid mirum, cum
quotidie nouas fin-
gunt de corde sua
equiuocationes.

Et 7. Quod iniuste impugnat decretū Ancleti. di. xxi. in nouo, & osten-
ditur testimonio etiam ^d græci Imperatoris, sacerdotium nouæ legis, ab an-
tiqua Roma in omnes effluere.

^d Id est, iure diuino.

Et 8. Idem de Pelagij decreto di. xxi. sancta, & 4. eius argumenta sol-
untur.

Et 9. Quod ignorantissime impetat decretum Nicolai di. xxi. Inferior,
& ostenditur, quod nihil sint, quæ in contrarium adigit, tela.

Et 10. Idem de ca. omnes di. xxij. & septem eius calumniæ repelluntur.

Et 11. Idem de Anacleti decreto di. xxij. sacrosancta, & sex eius calum-
niæ repelluntur.

Et 12. Quod iniuste & maligne impetat Pascalem in decretali, signifi-
casti, de eleemosyna.

Et ultimo, q̄ suam Conclusionē xij. ^e male probet, sed omnes eius pro-
bationes aut ex malicia, aut inscicia magna procedunt. Caueat autem iste,
quia quantum ego capio, ceruicæ suæ Dei iudicium baiulat. De iuridica & ir-
refragabili ueritate Romanæ Ecclesiæ, Romaniq̄ Pontificis. Liber tertius
finit.

^e Et hoc colonialiter
& louanialiter
dictum.

AD

AD LECTOREM MART. LVTH.



AEC quisquis legis, Christiane frater, Siluestro Sa-
tanæ organo prolata, intelligere debes, nō nisi sum-
mo odio & incredibili metu generalis Concilij esse
conficta. Agunt enim Romanistæ iam dudum fu-
rore impietatis suæ insanientes, quo impunitam li-
centiam quiduis audendi habeant, ne aliquando

Concilij remedio, afflictæ & vastatæ Ecclesiæ succurratur, & Roma-
nensib. Nimrothis, Ismaelitæ, sanguisugis, Sybaritis, Zodomitis, An-
tichristis, orbem totum, fictis (ut Petrus prophetauit) uerbis seducen-
tibus, modus aliquis ponatur.

*Papa supra Conci-
lium secundum Cas-
sianes.*

Cum itaq; futurum uideant, vt Concilium prohibere nequeant,
fingunt Papam esse supra Concilium, sine eius Autoritate nullum co-
gi, nullum durare, nullum obligare, & prorsus nihil facere ullum Con-
cilium. Ipsum uero Papam esse regulam infallibilem ueritatis, auto-
rem intelligendæ Scripturæ. Quibus figmentis & mendacijs plus,
q̃ tartareis, si cogantur Concilium admittere, tamen ante eluserint, q̃
admittant, & sic vndiq; impunitam suam Sodomam & Babylonem
redemerint.

Mihi uero uidetur, si sic pergat furor Romanistarum, nullum re-
liquum esse remedium, q̃ vt Imperator, Reges & Principes vi & ar-
mis accincti, aggrediantur has pestes orbis terrarum, remq; non iam
verbis, sed ferro decernant. Quid enim lallant perditæ homines, eti-
am communi sensu priuati, q̃ id quod Antichristus facturus prædici-
tur, ac si nos insensatiores q̃, trunci sunt, habeant.

Si fures furca, si latrones gladio, si Hæreticos igne plectimus, Cur
non magis hos Magistros perditionis, hos Cardinales, hos Papas, &
totam istam Romanæ Sodomæ colluicem, quæ Ecclesiam Dei sine
fine corrumpit, omnibus armis impetimus, & manus nostras in san-
guine istorum lauamus: tanq̃ a communi & omnium periculosissimo
incendio nos nostrosq; liberaturi. O foelices Christianos, ubi ubi fue-
rint, modo sub tali Romano Antichristo, sicut nos infœlicissimi, non
fuerint.

*Papa Christianis et
infimis par in præ-
ceptis Dei.*

Ego interim me expediā, & testatam meam hanc tum conscien-
tiam, tum monitionem, relinquam, Quod Romani Pontificis autori-
tas, siue sit diuini siue humani iuris, non altius q̃ quarto Præcepto, id
est, primo secundæ tabulæ, præcipitur, ubi dicitur: Honora patrem
tuum & matrem tuam. Hinc assero ipsum esse omnibus nobis parem
in præceptis Dei, maxime primis trib. vt ubi contra horum vnum
aliquid fecerit, subiectus sit cuilibet fidei admonendum & accusan-
dum,

Matth. 18. dum, iuxta illud Matth. 18. Si peccauerit in te frater tuus, vade & corripere eum inter te & ipsum solum. Si te non audierit, assume tecum alium, aut duos. Si hos non audierit, dic Ecclesiae, id est, palam coram omnibus, si Ecclesiam non audierit, sit tibi sicut ethnicus & publicanus.

Quis est, qui Papam & Papistas ab hac Evangelij lege excipere possit? An Papa non est Frater? an non omnibus suis hæc Christus præcipit? Da locum Scripturae, qui probet, Papam non licere in hanc Regulam cogi? An figmentis suis daemonicis nos territare tentant, ut huic Christi præcepto non obediamus, ob hominem in Deum peccemus, & timore traditionis humanæ, Dei præceptum irritum faciamus?

2. Pet. 2. Vere nunc intelligo, de quibus loquutus sit Petrus, 2. Pet. 2. Erunt in vobis Pseudomagistri, per quos via veritatis blasphemabitur, Deum, qui eos emit, negantes, Qui in avaricia fictis verbis de vobis negociabuntur. An non est hoc viam veritatis blasphemare, si neges, verbum Christi in aliquem hominem peccatorem valere? Ego sum excusatus, & pronuncio ex his verbis Petri & Christi. Si Principes, Episcopi, & quicumque fideles, Papam errantem quolibet crimine, non monuerint, corripuerint, accusauerint, pro ethnico habuerint, esse omnes blasphemos viæ veritatis, & negatores Christi, cum Papa æternaliter damnandos.

Viam veritatis blasphemare.

Dixi.

R. PATRIS FRATRIS IOHANNIS NANNIS, VITERBIENSIS

ordinis Prædicatorum Theologiae professoris de Monarchia

Papae disputatio, scripta Anno M. CCCC. LXXXI.

Cum Postfatione Martini Lutheri, in tam solennem Disputationem.

M. L.

INVENIES HIC LECTOR, DE DONATIONE Constantini Articulum Ecclesiae Papalis, solenniter & Magistrali-
ter defensum, quod & multi alij fecerunt. Ut scias neque iocum
neque ludum fuisse eis istud Decretum de donatione Constantini,
licet hodie quosdam istius pudeat, & negare libenter vellent, Sed Papa non patietur &c.

EXCERPTA EST HAEC DISPUTATIO EX
Commentario eius super Apocalypsin, In quo, plusquam italico fastu sibi arrogat Prophetiam de perdendo Turcarum imperio & de triumpho glorioso
Ecclesiae latinae, statim ab anno M. CCCC. LXXX. futuro. Sed res ipsa
declaravit, eius Prophetiam, italicam arrogantiam & vanitatem fuisse.

Cum Zelimus Turcarum Imperator, quem hic contectatus Propheta, ultimum & pereuntem facit, maxime res Turcarum
extulerit, capta Aegypto & duobus Soltanis caesis &c.

DISPUTATIO

DISPVATIO DE MONAR- chia Pontificis Maximi.



Baroco.

Festino.

Vbitatur, An Agnus & vicarius eius Pontifex maximus, sit iure diuino Rex regum, siue Monarcha temporalis huius mundi, Et videtur quod non, his Rationibus. Primo, quia omnis Monarcha temporalis, defensat suam monarchiam. Sed Christus eam temporaliter non defensat, imo, vt euidencia declarat, potius flagellat & minuit. Ergo non habet Monarchiā in hoc Mundo temporalem. Et confirmatur dicto Christi Iohannis 19. cap. dicentis ad Pilatum. Regnum, inquit, meum, non est de hoc mundo. Sed Monarchia temporalis, est de hoc mundo. Ergo ius monarchei Christi non est in hoc mundo, sed expectatur in alio.

Ioh. 19.

Ad hoc firmissime tenentes respondemus, quod nedum in futuro seculo, sed etiam in praesenti Christus solus habet monarchiam iuridicam. Et hoc primo declaratur ex secundo capitulo Danielis, vbi dicitur, Quod lapis abscissus de monte sine manibus, qui est Christus, confregit Statuam, & ipse factus est Mons magnus, & impleuit vniuersam terram. Sed ibi ad literam loquitur Angelus de successione Monarchiarum mundi, & Lapis replet etiam coelum & terram vniuersam. Ergo monarchia Christi vniuersalis est, ne dum coelestis, sed temporalis. Et confirmatur per exponendi Danielis modum, sic ibi dicentis. In diebus autem Regnorum illorum, scilicet subiectorum Romanis, suscitabit Deus coeli Regnum videlicet Christianorum, vt omnes Catholici exponunt, de quo regno sic dicit statim. Regnum illud non dissipabitur, & alteri populo non tradetur, sed comminuet & consumet uniuersa Regna, ipsum autem stabit in aeternum.

Daniel. 2.

Ergo Paculus stat in angulo.

Vide dialecticam pulcherrimam & perfecte magistra- literq; nostram.

Ex qua Autoritate hoc colligitur. Omne Regnum quod potest impug- nari & affligi temporaliter, sed non deleri, est regnum temporale. Quia Re- gnum in alia uita nec impugnari potest nec affligi. Sed regnum Christi po- test affligi temporaliter & impugnari a Bestia, sed non deleri, ut patet ex dicta Autoritate & ex septimo capitulo eiusdem Danielis & in toto libro huius Apocalipsis. Ergo Christi monarchia est etiam temporalis, Quae li- cet impugnata & afflicta sub septem sigillis, & septem tubis, & septem phia- lis, tamen eius Iurisdicctio non tradetur a Deo alteri populo, ut ait Daniel secundo capitulo, sed tandem auferet a bestia omne regnum quod est subter omne coelum, & dabit populo Christiano, ut ait idem septimo capitulo. Et ita Regnum temporale Christi dissipabit omnia alia Regna & ipsum stabit in aeternum. Quia omnia terminabuntur regna, Solum autem Christiano- rum regnum stabit, quia neq; in praesenti, neque in futuro, huius Regni erit finis, ut dixit Angelus ad Mariam Lucae primo capitulo.

Daniel. 7.

Daniel. 2.

Luc. 1.

Daniel. 7.

Maumeth.

Et confirmatur, quia Danielis septimo capitulo, ut ibi declarauimus, circa finem capituli, ad literam loquitur de Maumeth, qui loquitur contra Excel- sum sermones, & putauit posse mutare leges Christi in Alcoranum, & tem- pora ab anno salutis uoluit mutari ab annis Maumethi, & sibi intitulari. Vbi duo habemus. Primum, quod auferetur regnum a Bestia & dabitur populo Sanctorum. Sed Regnum, quod iudicium Dei auferet a Bestia, est tempora- lis eius monarchia. Ergo Christus & vicarius eius Pontifex maximus, sunt diuino iure temporales Monarchae. Aliud dicitur, Quod populo Christiano dabitur magnitudo Regni, quae est subter omne coelum. Sed subter coelum non est nisi tempus. Ergo Christi monarchia est temporalis etiam in hoc seculo.

Et consonat huic dictum Christi Matthaei ultimo Data est (inquit) mihi omnis Potestas in coelo & in terra. Sed omnis potestas est uniuersalis Mo- narchia. Quia Saracenorum non est omnis potestas. Ergo Christo & Vicario

Matth. 28.

DE MONARCHIA PONTIF: MAXIMI LX XIII

& Vicario eius data est Monarchia, ne dum cœlestis, sed etiam terrestris. Atque ita Agnus cum populo latino, ut ait hic Iohannes, pugnabit temporaliter cum bestia & Saracenis, & Agnus uincet illos, quia iure diuino soli sibi est tradita uniuersalis Monarchia, & est solus Rex regum & Dominus dominantium, & latini qui sunt cum eo, sunt uocati ad bellandum, & Electi ad regnandum uniuersaliter, & fideles ad conseruandam Euangelij monarchiā. O quanta, erit gloria Latinorū. Certe ipsi soli sunt Enoch & Helias reseruari ad pugnandum contra Antichristum & foelices Victores.

Manet alta mente
repositum Imperi-
um Italiae fractisq;
iniuria regni.

Ad Rationem dicimus, Quod aliud est, non defensare & minuere, aliud emendare & corrigere. Negamus igitur, quod Christus non defensauerit Ecclesiam suam, aut diminuerit, sed bene in his flagellis permisit partes Ecclesiae leprosas & hæreticas atq; scismaticas flagellari. Hoc autem non est ius suum non defensare, aut de iure suæ Monarchiæ minuere, sed solum languidæ parti occurrere, atque mederi per illas medicinas & media tyrannica Bestiæ, quæ sua sapientia nouit melius expedire.

Gremetzi perlas
hora information.

Ad secundam Rationem dicimus cum Augustino super illo uerbo Christi. Ego nō sum de hoc mundo. Aliud, inquit, est esse de hoc mundo & hinc, aliud autem esse in hoc mundo, & hic. Esse enim de hoc mundo, est habere iura sua à mundo & more mundi. At Christus non habuit ius sui Regni à mundo, sed à Deo promittente per scripturas Danielis & Angeli, quod suæ Monarchiæ non erit finis, sicut præcedentes.

Esse de hoc
mundo.

Esaie. 2. Similiter non acquisiuit eam more Mundi, militum multitudine & armis, sed Miraculis & morte uicit, ut exposuimus super secundo Esaieæ Prophetæ dicentis de Messia militib. Conuertent gladios suos in uomeres & lanceas suas in falces. Non leuabit ultra gens Apostolica contra gentem gladium. Et hoc est, quod Christus non negat Pilato Regnū suum esse hic, & in hoc mundo, sed esse hinc & de hoc mundo dicens. Si Regnum meum, esset de hoc mundo, ministri mei utiq; armis more mundi decertarent, ut nō traderer Iudæis. Nunc autem Regnum meum non est hinc.

HOC loco surgit dubitatio. Si regnum Christi non armis acquiratur, quomodo Iohannes Euangelista in sequentibus capitulis ponit Latinos acquisituros uniuersalem Bestiæ monarchiam pugnis, bellis & armis. Et respondemus, Quod latinus exercitus licet usus sit armis, tamen magis erunt pro signo, quam effectū, quia illa arma nihil ualebunt contra tantam Saracenorum potentiam & exercitus, sicut & arma Petri nihil ualuerunt nisi ad abscissionem auriculæ. Sed accident multa Miracula & diuinæ uirtutes, quibus terribi infideles subiugabuntur. Nam ut ait Apostolus, primæ ad Thessalonicenses ultimo. Dominus Iesus interficiet impium spiritu oris sui. Et hoc idem asserit Esaieas 11. cap. ut ibi ad literam exposuimus. Ergo in armis latinorum non operabitur uis armorum, quam Turci non trepidant, sed spiritus Iesu miraculosus. Et ideo Iohannes, cum hic dicit, quod uocati & electi ac fideles latini pugnabunt, non dicit arma eorum, sed Agnus uincet illos, quoniam rex regum est, & hæc de litera capituli.

(Nihil)
Etiam mentiend-
nimium uera lo-
queris, pro dolor

Daniel. 4. Ex his multa dignissima memoratu occurrunt. Primum est, Quod ius omnium Monarchiarum a solo Deo est, hoc patet Danielis quarto cap. quando Nabochodonosor dictum est. Scias, quod excelsus Dominatur in regno hominum, & cuicumq; uoluerit dabit illud.

Nabochodonosor
Daniel. 4.

Secundum est. Quod solæ quinque Monarchiæ sunt a iure diuino. scilicet Chhaldea, Persa, Græca, Romana, Christiana, quarum quatuor primæ ad tempus concessæ fuerunt a Deo, ultima uero stabit in æternum, & ius eius alteri populo non tradetur. Hoc probatur Danielis secundo & septimo capitulis, & Lucæ primo.

Daniel. 2.
7.
Lucæ. 1.

N Tertium

DISPV. IOHAN. NANNIS VITERBIEN:

Tertium est. Quod omnes aliæ Dominationes his non subiectæ, tyrannicæ erant ac permissiue. Et ratio est Iob. quia Deus non facit regnare hypocritam siue Tyrannum contra instituta a se Dominiæ, nisi propter peccata populi.

Quartum est. Quod verus Monarcha est Pontifex maximus, Ratio, quia ei soli delegata est uniuersalis Christi potestas, non solum ligandi & soluendi sed & in fide cõfirmandi & omnes oues & agnos temporaliter pascendi, ut patet ex Euangelij.

Quintum est. Quod prohibitiones duas Christus in passione, reuocauit in resurrectione. Prima prohibitio fuit, ne irent ad prædicandum Samaritanis & Paganis, sed solum ouibus Israel. In resurrectione hanc relaxauit propter promulgationem Euangelij dicens, Euntes in mundum uniuersum, prædicate Euangelium omni creaturæ. Secunda prohibitio fuit de pecunijs non portandis & gladijs. Quia cum Iudæis prædicarent, ab eis recipiebantur. Sed quia futurum erat dominum mundi in eis & successoribus Idcirco in passione ius illud abrogauit & aliud pro futura monarchia condidit dicens. Quando misi uos sine sacculo & pera & calciamentis, nihil uobis defuit. Sed nunc qui habet sacculum tollat similiter & peram. Et qui non habet arma, uendat tunicam & emat gladium.

(Eis) Qui fuerunt isti Eke? An Apostoli fuerunt Domini in mundo.

Habes ergo hic Pontificem, gladio ornatum, auctoritate Christi

Sextum est. Quod absque voluntate Senatus & populi Romani Constantinus debuit resignare imperium Siluestro. Hoc patet, quia iam ad Christum erat deuoluta Monarchia iure diuino. Quod autem est de iure diuino, absque senatus consulto debuit fieri.

Phi' ppus Imperator.
Sixtus.

Septimum est. Quod Siluester imperij gloriam suscipere potuit a Constantino, & beatus Sixtus potuit thesauros imperij a Philippo imperatore suscipere, & thesauros Ecclesiæ appellare. Ratio, qui potest Monarchiam suscipere iure diuino, potest & eius annexa suscipere eodem iure, potissime cum Christus relaxauerit ius non utendi pecunijs & armis.

B. Laurentius.

Decius Imperator.

Octauum est. Quod beatus Laurentius martyr inuito imperatore Decio dictos thesauros potuit dare pauperibus, Ratio, thesauri non erant Tyranni, sed monarchæ ueri. At uerus Monarcha erat Sixtus Pontifex urbis iure diuino, & Decius erat ex consequenti Tyrannus. Et idcirco beatus Laurentius nec dici, nec esse potuit fur & raptor.

Nonum est. Quod Cæsar & primogenitus Ecclesiæ imperator ille est, quem uicarius agni Cæsarem instituit ad defensionem Monarchiæ.

Ultimo sequitur. Quod, qui Christi vicario contradicunt, siue Cæsares, siue Reges ac Principes & Potentatus, statim iure diuino Tyranni efficiuntur, suntq; magis sub Bestia maomethani Tyranniade, quam sub iuridica diuina Monarchia immaculati Agni. Hæc igitur hætenus dicta sunt.

MART.



LEgimus Iohan. xij. quod Iudas Ischarioth indignatus sit, cum tantā videret vnguēti perditionem, quam Magdalena in corpore Christi prodegerat, religiosissime causatus, potuisse pauperibus tantum thesaurum multo sanctius distribui. Fuit hæc sane magnifica & miranda pietatis species in tam perduto & nefario homine, ita ut & cæteri quoque Apostoli, ea verbi magnificentia seducti, crederent (sed simplicitate Apostolica) hominem serio & vere talia loqui, Sed postea, re ipsa docti, viderunt (sicut Iohan. dicit) eum furem fuisse, et furandi causa tam religiose de Ecclesia pauperum curanda mentitum.

*Iudas indignatus
Ioh. xij. ait. Quare
hoc unguentum
non unxit etc.*

Hunc plusquam gnavissime Romanus Pontifex imitatus, postquam vidit in corpus Christi (quæ est Ecclesia eius) magnos thesauros per fideles, optimas Magdalenas, id est, Animas credentium, & Principum Christianorum, profusos, pro fouendis ministris Ecclesiæ, & alendis membris Christi, in hac vitæ miseria, captus insanissimo furandi & rapiendi furore, cœpit & ipse clamare, per omnes Decretales & Scripta suorum adulatorum, sese curam omnium Ecclesiarum spectare, & oves Christi pascendas sibi commendatas esse, specie nō modo Ischariotica, sed plus quam angelica, per hoc mendacium totius Ecclesiæ opes furari & ad sese rapere conatus, cum nullum sit post ipsius Satanæ, Patris mendaciorum mendacia, impudentius & impurius mendacium sub sole proditum, quam quod Rom. Episcopus sit Pastor totius Ecclesiæ.

*Papa imitator
Iude.*

*Impudentiss. mendacium,
Papam totius Ecclesiæ Pastorem esse.*

Et fuit Iudæ mendacium Apostolis sine periculo, cum ignari crederent fallacibus verbis, pro officio charitatis (quæ omnia credit) nec in eius verba fidentes mori voluissent. At noster Romanus Ischarioth sic adornauit nobis Christianis suum mendacium, ut nisi pro Articulo fidei adoraremus, non modo periculum salutis immineret, sed certa, præsens, & latæ sententiæ damnatio, nos iamdudum ante secula hausisset. Et delectabat eum ista credula & stulta simplicitas fidelium, in qua pro libidine sua ludere, quæ vellet, stylo liceret Curiali. Nam (si voles) Historias percurrere & obseruare, an vnquam e Papæ Curia prodierit vna pagina, imo duo versus doctrinæ Christianæ, vel saltem Decalogi, cum tamen interim Decretalium & Bullarum, de Præbendis, Palliis, Dignitatibus & alijs prophanissimis nugis, sine intermissione, sine fine, sine modo Tempestates & Maria exundarint in omnem Ecclesiam.

*Romanus
Ischarioth.*

Quæ omnia cum tot seculis videamus, palpemus, sentiamus, experientia ipsa ita sese habere, Nihilominus, os istud durum & impu-

N ij dens

MART· LV TH· PIO LECTORI·

Quomodo Animæ
fidelium pascantur
a Papa.

dens Romanæ Lupæ audet gloriari, sese velle pascere oues Christi, & omnes Ecclesias, satanica & furiali nequitia, verbum pascendi, huc detorquens, vt significet ei, temporaliter & corporaliter in rebus fidelium, ad perditionem animarum, licere tyrannizare & furere. Quasi vero Animæ fidelium, valde bene pascantur, si loco puri verbi Dei, quo aluntur in vitam æternam, deuorare cogantur, merdas, stercora, cloacas Bullarum & Decretalium, de Primatu, dignitate, potentia & similibus portentis tyrannicis, quibus venter Papæ & esca eius in hoc seculo glorificatur & in Deum exaltatur, his qui pereunt. Atque vtrānam essent duntaxat merdæ & cloacæ pessimorum hominum, & non potius, venena aspidum insanabilia, & oua Basiliscorum (vt Isaie vers. 39. bo vtat) ipso visu interficientium.

Malum ultimi
temporis etc.

Meretrix purpu-
rata Apoc. 17. re-
uera Papæ re-
gnum est.

Nam tollerasse has cloacas aut etiam deuorasse, satis fuerit magna miseria generis humani, sed pro Articulis fidei necessarijs ad salutem recipere, & in eis confidere & mori, tanquam obedientia salutari ad vitam, Hoc est, nouissimum malum & vltimi temporis, quod Paulus periculosissimum & sæuissimum fore prædixit, Hoc non pertinet, nisi ad purpuratam illam Meretricem, Matrem fornicationum & abominationum terræ, mysticam Babylonem, ebriam sanguine Sanctorum & sanguine Martyrum Iesu, quæ gestatur a cocinea Bestia, nominibus blasphemiarum plena, Sic enim describit ille Curiam Papæ, & tale est reuera regnum Papæ, Tantum tantorum malorum infernum præualuit inducere in orbem, vna falsa glosula huius verbi, Pasce, dum non de Euangelio docendo, quod Pontifices Ischariothici, ne summo quidem digito attingunt, sed de potestate dominandi docuerunt intelligere, Nihil veriti, Christi verbo dominationem in Ecclesia prohibentis. Vos non sic (inquit) vt Gentes dominari, *Lucæ. 22.* sed inuicem seruire debetis, Et Petrus. Non dominantes in Clero, sed *1. Petri. 5.* forma gregis efficiamini.

Romanus
Ischarioth.

Tyrannus
Hattila.

Thamerlane.

Romanus Tha-
merlanc.

Proinde, si Romanum Ischariothem compares cæteris in orbe Tyrannis, qui fuerunt, sunt vel esse possunt, videbis illos fuisse pene umbras tyrannicas, corpus vero tyrannicum, ipsum esse Romanum idolum. Mira de Hattilæ Hunnorum regis tyrannide scribunt Historici, qui se appellari flagellum Dei & metum orbis terrarum, Et de Thamerlane Schytarum tyranno, qui se iram Dei & vastitatem orbis iactauerit, Sed hi figura & ludus fuerunt præ Curia Romana. Nam fuerunt illi brevis cuiusdam temporis calamitates, & quod optimum fuit, illorum furores bona & secunda conscientia & illæsa fide Christi ferri potuerunt. Romanus vero Hattila & Thamerlanc perpetuo & sempiterno furore Ecclesias Dei vastauit, nec solum res
& cor

& corpora perdidit, sed fidem Christi & conscientiam bonam oppressit & extinxit, suis pestilentissimis Decretis. Quibus re vera & nimis diu fuit metus summus orbis, ira & flagellum Dei. Illi gladio terruerunt orbem, salua fide Christi, Hic mendacio sub nomine Dei proposito terruit & domuit omnia, & pro iusticia & veritate coegit adorare.

His malis non contentus Homo peccati & filius perditionis, nec auersus furor eius, Sed adhuc manus eius extenta, quærit (vt de Antiocho scribitur) regnare super duo Regna, imperijq; Romani arrogat sibi Dominium, Ad quod non minoribus mendacijs nititur, Nam postquam Carolum magnum Episcopus Romanus vnctione & corona declarasset Rom. Imperatorem, licet ipsum inuitum, non destiterunt postea per omnia tempora, succedentes Pontifices hoc Exemplo in spem sublati, sibi vsurpare potestatem conferendi Imperij quibus vellent, Et se plane Dominos feudi, Imperatores vero & Reges, suos vasallos reputare, se ipsos veros & pleno iure esse Dominos Dominorum, Reges regum, Iudices thronorum, vt per suos adulatores fremunt.

Homo peccati
2. Thess. 2. arrogat sibi dominium Rom. Imperij.

Nec defuit operationi erroris successus per fictam excommunicationem, tum per prodigia & signa mendacia Satanæ, donec nullo genere doli, fraudis, artis & nequitie & malitie, omisso, multa Regibus raperent, & quod rapere non possent, furarentur, quod furari non possent, impijs culibus & cæremonijs extorquerent, tandem etiam conculcarent ipsa colla Regum, eosq; occiderent ferro, & orbem cædibus & bellis vastarent.

Excommunicatio ficta.

Extrat Epistola cuiusdam boni viri Iacobi Meyer Cancellarij Moguntini, ad Cardinalem Aeneam Syluium expostulatoria de tyrannide Papæ & Curie suæ, Sed Aeneas Syluius, homo non tantum Italus, sed Cardinalis quoq; gemina superbia, utraq; immensa, scilicet Italica & Cardinalitia, ita respondet atrociter amico, vt ius esse contendat, non tyrannidem, quicquid Papa in Germanos sæuaret, Ausus hoc asserere, Germaniam hoc debere Romanæ Sedi, Quod Imperium Romanum haberet, quod tam culta facta esset, ex horrida & Barbara terra, quod tam lata & ampla nunc floreret, prius angustis terminis inclusa, Breuiter, Germaniam pene Creaturam Papæ facit, ideo debere patientem & gratam esse expilatori Romano.

Epistola Iacobi Meyer Cancellarij Moguntini, Aeneas Syluius.

Germania Papæ creatura.

Crèdidi homo Italici supercilij & fastus, Historias à Germanis neque legi neque teneri, Cum satis constet ex omnibus Historijs, Ca-

MART·LVTH·PIO·LECTORI

Carolus Magnus. tolum Magnum non solum nihil accepisse à Romano Episcopo, Sed contra multa illi dedisse. Vt potius Rom. Episcopus, ipsam suam sedem Carolo saluam debebat, vt quam ei restituit defensam, contra regem Longobardorum. Nam Carolus iam tum tenebat Germaniam, Galliam, Lombardiam, ante coronationem Papalem, Neq; voluit a Papa, etiam ipsum titulum Imperij datum accipere. Sed ab Imperatore Constantinopolitano, vt prorsus nihil Pontifici deberet, Sed contra Pontifex illi deberet omnia.

Sed hac Historiæ veritate nihil commoti Romanenses tyranni, perpetua infania sese largitores Imperij clamauerunt, vt si qua fata sinerent & tempora concederent, ipsi sibi tandem imposito Diademate, Regibus omnibus extinctis, priscum illud Romanum Imperium, recuperarent, & ita alieno labore partam gloriam in sese transferrent, & pro titulo dato rem ipsam acquirerent. Tantum putant sese habere falsis Nebulones perdit.

EX istorum numero offero tibi legendum (optime lector) ridendum etiam hunc Prophetam Viterbiensem, vt videas, Quid spectarint? Quid hinnierint? Quid hiauerint semper, Romanæ lernæ monstra, Quam Ecclesiam pascere studuerint? Quod Regnum Dei, & quam iusticiam eius quæsierint? Vt cum ista perspexeris, sine periculo, mendacia Papæ, sub nomine Christi in Ecclesiam diffusa, contemnere discas. Nam hinc scies, quod Papæ, qui totus est ipsum mendacium, filiusq; mendacis Diaboli, non sit vlla syllaba credendum, etiam si iuret tercentos Deos.

Papæ, filio mendacis Diaboli, nihil credendum.

Curia Papæ mentitur, fallit, sub nomine Christi.

Nihil enim est in Curia Papæ, quam fallere, mentiri, rapinari, lupinari, vulpinari, quod nunc vocant, Romanari, idq; sub nomine Christi, id est, horribili blasphemia in Spiritum sanctum,

Ideo & finis eius venire nunc coepit. Deo gra-

tia per Christum Domi-

num nostrum,

AMEN.

REVERENDO

REVERENDO IN LXXVI

CHRISTO PATRI AC DOMINO

no, Domino Hieronymo, Ecclesiae Brandenburgensis Episcopo, clementissimo Domino suo, in primis gratioso, F. Martinus Lutherus Augustinianus Vuittembergensis.

S. D.



Vum nuper circum nostras Regiones, optime Praesul, audiri coepissent noua & inaudita de apostolicis Indulgentijs dogmata, ita, vt tam docti q̃ indocti plurimi passim admirarentur & mouerentur, Fui ego a multis, tum familiaribus, tum ignotis facie, rogatus multis literis & colloquijs, Quid mihi de istorum verborum nouitate (ne dicam licentia) uideretur. Dissimulabam aliquandiu, Tandem vrgebant disputationibus acribus usq̃ ad periculum pontificalis reuerentiae.

Ego uero quid facerem? Non erat meum in hac re quidquam statuere, & verebar illis contradicere, quos non nisi vera praedicasse cupiebam videri q̃ maxime. Isti vero sic instabant euidentibus argumentis, falsa & inania probare, vt me (veta fateor) omnino captiuarent atq̃ concluderent.

Vt ergo vtrifq̃ satisfacerem, visum est id optimum consilium, vtrifq̃ neque consentire, neque dissentire, sed interim de tanta re disputare, donec Ecclesia sancta statueret, quid sentiendum foret. Itaque emisi² a disputationem, inuitans & rogans publice omnes, priuatim uero, ut noui, quosq̃ doctissimos, ut uel per literas suam sententiam aperirent, Quandoquidem in ijs rebus, neque scripturas, neque Doctores ecclesiasticos, necq̃ ipsos Canones, praeter paucos Canonistas, & hos sine textu loquentes, & aliquot scholasticos Doctores similiter opinantes, nihil etiam probantes, suffragari mihi uiderem.

Mihi sane id omnium longe absurdissimum uidetur, aliquid scilicet in Ecclesia Dei praedicari & audiri, quod cum Haeretici expostulauerint, unde rationem reddamus, & nos non possimus, Christum & Ecclesiam eius relinquamus illis ridiculum & ludibrium.

Porro, scholasticis Doctoribus & Canonistis constat, nullam deberi a nobis fidem, dum suas opinantur opiniones. Et ut uulgo dicitur: Turpe est Iuristam loqui sine textu, At multo turpius est Theologum loqui sine textu, Non Aristotelis dico, Nam hunc plus ualde nimis satis loquuntur, sed nostro, id est, scripturae sacrae, Canonum, Ecclesiasticorum Patrum.

N iij

Proinde

²
De poenitentia & indulgentijs, quam require supra folio 2. b.

EPISTOLA

Proinde mihi visum est, rem hanc esse mei studij & officij, disputare scilicet de rebus omnium dubiosissimis, sed simul & falsæ sint, periculosissimis assertu, Quando hucusq; licitum est Scholasticis, de ijs etiam rebus sacratissimis reuerendisq;, quas per tot secula nullus dubitauit Christianus, disputare.

Quod uero humilis & deiecta eorum sit religio seu reuerentia, qui de potestate Ecclesiastica seu summi Pontificis putent non disputandum sed tacendum, & gratias agendum, Quis non uel palpet, queso? Cur non etiam tacent & gratias agunt, & suas friuolas disputationes omittunt, de potestate & sapientia & bonitate eius, qui dedit istam potestatem Ecclesiæ? Deniq; quid est tam secretum, vel in illa summa maiestate uel sacratissima humanitate, quod non meris prope nugis ita contaminauerint, ut omnium pene & affectum & reuerentiam cordium, assiduitate nugandi, in Deum extinxerint. Sed de hoc alias.

Igitur cum in hanc harenam vocarem omnes, veniret uero nullus. Deinde uiderem disputationes meas latius vagari, q̃p uolueram atque passim, non ut disputabilia, sed asserta acciperentur, Coactus sum præter spem & votum, meam infantiam & ignorantiam in uulgus mittere, & declarationes ac probationes earum in publicum edere, Satiatus ratus me facere, si imperitiæ meæ infamiam incurrerem, q̃p illos errare sinerem, qui forte putant omnia esse asserta, Inter quæ sunt, de quibus dubito, nonnulla ignoro, aliqua & nego, nulla uero pertinaciter assero, sed omnia Ecclesiæ sanctæ suæque iudicio submitto.

Cum uero tu, optime Præsul, nobis per misericordiam Christi datus sis huius loci Ordinarius (ut vocant) qui quidem bonos & eruditos non modo diligas mirifice, quod in multis multi plurimum prædicant, Verum pro tuâ singulari humanitate, & humilitate, prope usq; ad periculum pontificalis dignitatis etiam ueneraris & colis (faceffet adulatio, non te, sed Christi dona in te prædico) iustissimum fuit, ut tibi (ad quem pertinet huius loci studia inspicere & iudicare) potissimum offerrem, & pedibus tuis primum subijcerem, quicquid id fuerit, quod operor.

Itaq; digneris, clementissime Præsul, suscipere has meas ineptias. Atq; ut omnes sciant, q̃p nihil audacter asseram, non solum permitto, sed etiam obsecro, ut reuerenda Paternitas tua, arrepto calamo, quæcunq; visum est, aboleat, aut igne factio totum comburat, mea prorsus nihil refert. Scio q̃p Christus mea opera non eget, Absq; me nuntiabit prospera Ecclesiæ suæ, Quando secundum Gregorium Nazanzenum, nec uera tutum est loqui in Ecclesia, præsertim grauib; peccatoribus.

Idcirco

Idcirco mei non oblitus, his verbis protestor, Me disputare, non determinare, Disputo, inquam, non assero, Ac disputo cum timore, Non q̄ eorum bullas & minas timeam, qui nullo prorsus timore tacti, quicquid vel somniauerint, velut Euangelium credi volunt, Horum enim audacia & inscitia simul coegit (fateor) etiam timori meo non credere, Quæ nisi tanta esset, nullus me præterquam angulus meus cognouisset. Si opus ipsum non fuerit suum, omnino volo, vt nec sit meum, sit vero nihil & nullius. Ego nihil debui querere, nisi ut nulli essem erroris occasio. Gloriam habeat ille solus, cuius solius est, qui est benedictus in omnia secula, Amen.

Datum sabbatho Exaudi, Anno M. D. XVIII.

F. Martinus Lutherus.

REVERENDO ET
VERE PATRI IOHANNI STAVPICIO,
S. Theologiæ Professori, Augustinianæ familiæ Vicario, F. Marti-
nus Lutherus discipulus Salutem & seipsum.



Mementi, Reuerende Pater, inter iucundissimas & salutare fabulas tuas, quibus me solet Dominus Ihesus mirifice consolari, incidisse aliquando mentionem, huius nominis Pœnitentia, vbi misetti conscientiarum multarum, carnificumq; illorum, qui præceptis infinitis eisdemq; importabilibus, modum docent (vt uocant) confitendi, te velut è cœlo sonantem excipimus, q̄ pœnitentia vera non est, nisi quæ ab amore iusticiæ & Dei incipit, Et hoc esse potius principium pœnitentiæ quod illis finis & consummatio censetur.

Carnifices conscientiarum.

Pœnitentia ab amore proficitur.

Hæsit hoc verbum tuum in me, sicut sagitta Potentis acuta, cœpiq; deinceps cum Scripturis, pœnitentiam docentibus, conferre. Et ecce iucundissimum ludum, verba vndiq; mihi colludebant, planeque huic sententiæ arridebant & assultabant, ita, vt cum prius non fuerit ferme in Scriptura tota amarius mihi uerbum, q̄ Pœnitentia, (licet sedulo etiam coram Deo simularem, & fictum coactumque amorem exprimere conarer) nunc nihil dulcius aut gratius mihi sonet, q̄ Pœnitentia. Ita enim dulcescunt præcepta Dei, quando non in Libris tantum, sed in vulneribus dulcissimi Saluatoris legenda intelligimus.

Post

EPISTOLA

Post hæc accessit, quod studio & gratia eruditissimorum uiro-
rum, qui nobis Græca & Ebreæ officiosissime tradunt, didici, idem
verbum Græce μετανοια, dici, a μετα & νοιη, id est, a post & mentem, vt
sit poenitentia seu μετανοια, resipiscencia, & post acceptum damnum,
& cognitum errorem, intelligentia sui mali, quod sine mutatione affe-
ctus & amoris fieri est impossibile, Quæ omnia paulinæ Theologiæ
ita respondent apte, vt nihil ferme aptius Paulum illustrare possit,
meo saltem iudicio. Deniq; profeci & vidi, μετανοια, non modo a post
& mentem, sed a trans & mentem posse deduci (sit sane violentum) vt
μετανοια, transmutationem mentis & affectus significet, quod non
modo affectus mutationem, sed & modum mutandi, id est, gratiam
Dei videbatur spirare. Nam transitus ille mentis, id est, verissima pœ-
nitentia, celeberrimus est in sacris literis, vt quem phase illud vetus-
tum, olim significauit, Christus exhibuit, & longe ante Abraham
quoq; figurauit, quando transitor, id est, Ebræus vocari cœpit, traie-
ctus scilicet, in Mesopotamiam, vt Burgen. docte docet, Huic & ti-
tulus ille Psalmi concinit, vbi Idithun, id est, transiliens Cantator in-
ducitur.

Phase.

Idithun.

His inhærens ausus sum putare, eos falsos esse, qui operibus pœ-
nitentiæ tantum tribuerunt, vt poenitentia vix reliquum nobis fece-
rint, præter frigidas quasdam satisfactiones, & laboriosissimam con-
fessionem, latino scilicet vocabulo abducti, q̃ poenitentiam agere
actionem magis sonet, q̃ mutationem affectus, & Græco illi μετανοια, nullo modo satisfacit.

Latina vox erro-
ris causa.

HAEC mea, cum sic serueret meditatio, ecce subito cœperunt cir-
cum nos strepere, imo clangere, noua indulgentiarum classica, &
remissionem buccinæ, quibus tamen non ad strenuum belli studium
animaremur, Breuiter, neglecta ueræ poenitentia doctrina, adeo ma-
gnificare præsumpserunt, non poenitentiam, non saltem vilissimam
eius partem, quæ satisfactio dicitur, sed eiusdem vilissimæ partis re-
missionem, vt nunquam sit ita magnificari audita. Denique impia &
falsa, & hæretica docebant, tanta autoritate (temeritate volui dicere)
vt qui vel contra mutiret, statim Hæreticus, igni deuotus esset, & eter-
næ maledictionis reus,

Satisfactio
Remissio.

Ego horum furori occurrere non potens, statui modeste eis dis-
sentire, & in dubium vocare eorum dogmata, fretus omnium Docto-
rum, totiusque Ecclesiæ sententia, q̃ etiam satisfacere melius sit, q̃
satisfactionem remitti, id est, Indulgentias redimere, nec est vllus qui
aliter vnquam docuit. Itaque disputaui, id est, summa, media, infima,
omnia in malum capitis mei irritaui, quantum per hos, pecuniarum
(heus Animarum dicendum fuit) zelatores fieri ac perfici potest. Sic
enim suauissimi homines, crassissima astutia instructi, cum negare nō
possint

Satisfacere me-
lius, quam satis-
factionem re-
mittere.

possint ea, quæ dixi, fingunt summi Pontificis potestatem lædi meis Disputationibus.

HÆC est causa, reuerende Pater, quæ ego nunc infelicitè in publicum prodeò, qui semper anguli amator fui, & ipse eligens spectare pulcherrimum nostro seculo ingeniorum ludum, magis quàm spectari & rideri. Sed (ut video) oportet & Corchorum inter olera videre, & nigrum statui inter alba, decoris scilicet & veneris gratia.

Proverbium.

Rogo itaque, has meas ineptias suscipias, & qua fieri potest industria, ad optimum Pontificem, Leonem decimum, transmittas, ut sint ibi mihi aduersus studia malignantium, vice alicuius Paracleti, non quæ te mihi coniungi periculo velim, meo solius periculo hæc egisse volo. Christus viderit, sua ne sint an mea, quæ dixi, sine cuius nutu nec summi Pontificis sermo est in lingua eius, nec cor Regis in manu sua, hunc enim expecto Iudicem è Romana sede pronunciantem.

Cæterum minacibus illis meis Amicis, nihil habeo quod respondeam, nisi illud Reuchlinianum: Qui pauper est, nihil timet, nihil potest perdere. Res nec habeo nec cupio, Famam & honorem, si habui, assidue nunc perdit, qui perdit. Vnum superest imbecille, & assidue fatigatum incommodis corpusculum, quod si qua vi vel dolo absterint (in obsequium Dei) forte vna vel duabus uitæ horis me pauperiorem facient. Sufficit mihi dulcis Redemptor & Propiciator Dominus meus Ihesus Christus, cui cantabo, quæ diu fuero. Si quis autem noster fuerit cantare mecum, quid ad me: vluet, si libet, vel secum. Ipse Dominus Ihesus seruet te in æternum, mi Pater suauissime. Vuittembergæ, die S. Trinitatis, Anno M. D. XVIII.

*Res.
Fama.
Corpus.*

Christianus Lutheri animus.

EPISTOLA LVTHE

RI AD LEONEM X. RO. PON.

BEATISSIMO PATRI LEONI DECIMO, PONT.

Max. F. Martinus Lutherus Augustinianus, æternam Salutem.



Vditum audiui de me pessimū, beatissime Pater, quo intelligo, quosdam Amicos fecisse nomen meum grauissime coram te & tuis scetere, ut quia auctoritatem & potestatem Clauium & summi Pontificis minuere molitus sim. Inde Hæreticus, Apostata, perfidus & sexcentis nominibus, imo ignominijs accusor. Horrent aures & stupent oculi. Sed vnicum stat fiduciæ præsidium, innocens & quieta conscientia. Nec noua audio, talibus enim insignibus & in nostra Regione me ornauerunt, homines isti honestissimi & veraces, id est, pessime sibi conscij, qui sua portenta mihi conantur imponere, & mea ignominia, suas ignominias glorificare. Sed rem ipsam, beatissime Pater, digneris audire ex me infante & inculto.

Conscientia bona.

Cœpit

EPISTOLA

Induleus Indulgentiarum.

Cœpit apud nos diebus proximis prædicari lubileus ille Indulgentiarum Apostolicarum, profecitq; adeo, vt præcones illius, sub tui nominis terrore, omnia sibi licere putantes, impijssima hæreticaque palam auderent docere, in grauissimum scandalum & ludibrium Ecclesiasticæ potestatis, ac si Decretales de abusionibus questorum nihil ad eos pertinerent. Nec contenti, q̃ liberrimis verbis hæc sua venena diffunderent, insuper Libellos ediderunt, & in vulgum sparserunt, In quibus, vt taceam insatiabilem & inauditam auariciam, quam singuli pene apices olent crassissime, eadem illa impia & hæretica statuerunt, & ita statuerunt, vt Confessores iuramento adigerent, quo hæc ipsa fidelissima instantissimeque populo inculcarent.

Vera dico, nec est, quo se abscondant a calore hoc. Extant Libelli, nec possunt negare. Agebantur tum illa prospere, & exugebantur populi falsis spebus, & vt Propheta ait: Carnem de super ossibus eorum tollebant. Ipsi uero pinguiissime & suauissime interim pascebantur.

Mich. 3.

Vnum erat, quo scandala sedabant, scilicet, terror nominis tui, ignis comminatio, & Hæretici nominis opprobrium. Hæc enim incredibile est, q̃ propensi sint intentare, quandoque etiam si in meris opiniosisque nugis suis contradictionem senserint, Si tamen hoc est scandala sedare, ac non potius mera tyrannide, schismata & seditiones tandem suscitare.

Coniicia in pontificem.

Nempe Archiepiscopus Magdeburg. & Brandenburg. supra folio 1. b. item 76.

Verum nihilominus crebrescebant Fabulæ per tabernas de auaricia sacerdotum, detractionesque Clauium, summique Pontificis, vt testis est uox totius huius terræ. Ego sane (vt fateor) pro zelo Christi, sicuti mihi videbar, aut si ita placet, pro iuuenili calore vrebam, nec tamen meum esse uidebam, in ijs quicquam statuere aut facere. Proinde monui priuatim aliquot magnates Ecclesiarum. Hic ab alijs acceptabar, alijs ridiculum, alijs aliud videbar, præualebat enim nominis tui terror & censurarum intentatio. Tandem, cum nihil possem aliud, visum est, saltem leniuscule illis reluctari, id est, eorum dogmata in dubium & disputationem uocare. Itaque Schedulam disputatoriam edidi, inuitans tantum doctiores, si qui uellent mecum disceptare, sicut manifestum esse etiam aduersarijs oportet, ex Præfatione eiusdem disceptationis.

Sup. 2. b.

Doctor S. Theologie disputandi facultatem habet.

Ecce, hoc est incendium, quo totum Mundum queruntur conflagrari, forte, q̃ indignantur me vnum, autoritate tua Apostolica Magistrum Theologiæ, ius habere, in publica Schola disputandi, pro more omnium Vniuersitatum & totius Ecclesiæ, non modo de Indulgentijs, uerum etiam de potestate, remissione, Indulgentijs diuinis, incomparabiliter maioribus rebus. Nec tamen multum moueor, q̃ hanc mihi facultatem inuideant, a tuæ B. potestate concessam, qui eis fauere cogor

cogor inuitus, multo maiora, scilicet, q̄ Aristotelis somnia, in medias res Theologiæ miscant, atque de diuina Maiestate meras nugas disputant, contra & circa facultatem eis datam.

De diuina maiestate miras nugas disputant Theologi.

Porro, quod nam fatum vrgeat has solas meas Disputationes præ ceteris, non solum eis, sed omnium Magistrorum, vt in omnem terram pene exierint, mihi ipsi miraculum est. Apud nostros & propter nostros tantum sunt æditæ, & sic æditæ, vt mihi incredibile sit, eas ab omnibus intelligi, Disputationes enim sunt, non doctrinæ, non dogmata, obscurius pro more, & enigmaticis positæ. Alioqui si præuidere potuissem, certe id pro mea parte curassem, vt essent intellectu faciliores.

Nunc quid faciam? Reuocare non possum, & miram mihi inuidiam ex ea inuulgatione video conflare, inuitus uenio in publicum, periculosissimumq; ac varium hominum iudicium, præsertim ego indoctus, stupidus ingenio, vacuus eruditione, deinde nostro florentissimo seculo, quod pro sua in literis & ingenijs fœlicitate etiam Ciceronem cogere possit ad angulum lucis & publici, alioqui non ignauum sectatorem, Sed cogit necessitas, me anserem strepere inter olores.

Nota Lutheri modestiam.

Itaque quo & ipsos aduersarios mitigem, & desideria multorum expleam, emitto ecce meas nugas, declaratorias mearum Disputationum, Emitto autem, quo tutior sim, sub tui nominis præsidio, & tuæ protectionis vmbra, beatissime Pater, in quibus intelligent omnes, qui volent, q̄ pure simpliciterq; ecclesiasticam potestatem & reuerentiam Clauium quesierim & coluerim, simulque quam inique & false me tot nominibus aduersarij fœdauerint. Si enim talis essem, qualem illi me videri cupiunt, ac non potius omnia disputandi facultate, recte a me tractata fuissent, non potuisset fieri, vt illustriss. Princeps Fridericus Saxoniae dux, Elector Imperij &c. hanc pestem in sua permitteret Vniuersitate, cum sit Catholicae & Apostolicae veritatis vnus facile amantissimus, nec tolerabilis fuisset, uiris nostri Studij acerrimis & studiosissimis. Verum actum ago, quando illi suauissimi homines, non verentur mecum & Principem & Vniuersitatem pari ignominia conficere palam.

Quare, beatissime Pater, prostratum me pedibus tuæ B. offero, cum omnibus quæ sum & habeo. Viuifica, occide, voca, reuoca, approba, reproba, vt placuerit, vocem tuam, vocem Christi, in te præsentis & loquentis agnoscam. Si mortem merui, mori non recusabo. Domini enim est terra, & plenitudo eius, qui est benedictus in secula, Amen, qui & te seruet in æternum, Amen. Die S. Trinitatis.

Anno M. D. XVIII.

O

PRO.

PROTESTATIO RE- VERENDI PATRIS MARTI- ni Lutheri Augustiniani Vuittembergensis &c.



VIA hæc est theologica Disputatio, quo pacatiores faciam animos, iudo disputationis textu forte offensus, repetam hic denuo Protestationem in Scholis fieri solitam.

Primum protestor, me prorsus nihil dicere aut tenere velle, nisi quod in & ex sacris Literis primo, deinde ecclesiasticis Patribus, ab Ecclesia Romana receptis, hucusq; servatis, & ex Canonibus ac Decretalibus pontificijs habetur, & haberi potest. Quod si quid ex ijs probari vel improbari non potest, id gratia disputationis duntaxat, pro iudicio rationis, & experientia tenebo, semper tamen in his saluo iudicio omnium Superiorum meorum.

Christiana
libertas.

Vnum illud addo & mihi vendico iure Christianæ libertatis, qd opiniones B. Thomæ, Bonaventuræ, aut aliorum Scholasticorum vel Canonistarum, nudas, sine textu & probatione positas, volo pro meo arbitrio refutare vel acceptare, secundum consilium Pauli: Omnia probate, quod bonum est, tenete. Et si scio quorundam Thomistarum sententiam, volentium B. Thomam ab Ecclesia esse approbatum in omnibus, Constat satis, quantum B. Thomæ valeat autoritas. Hac mea Protestatione credo satis manifestum fieri, qd errare quidem poterō, sed Hæreticus non ero, quantumlibet fremant & tabescant iij, qui aliter sentiunt vel cupiunt.

1. Thess. 5.

FINIS.

RESOLUTIONES DISPUTATIONVM DE INDVL-

gentiarum virtute, R. P. ac sacre Theologiæ Doctoris Martini Lutheri Augustiniani Vuittembergensis, Ad Leonem decimum Ponti. omnibus modis summum.

Lutherus Georg:
Spalat: Mitto Res-
solutiones mearum
Propositionum,
sed mendose excu-
sas, ita obsuit mea
aliquanta absentia
C. 22. Augusti,
Anno XVIII.

CANDIDVM ET LIBERVVM
Lectorem opto.

CONCLUSIO PRIMA.



Ominus & magister noster Ihesus Christus, dicendo: Poenitentiam agite &c. omnem vitam Fidelium poenitentiam esse voluit.

Hanc assero, & nihil dubitō.

Probo

PRobo tamen eam, vel rudis ingenij causa, Primo, ex ipso verbo *Pœnitentiam agite.*
Græco μετανοείτε, id est, pœnitentiam agite, quod rigidissime transferri potest, transmentamini, id est mentem & sensum alium induite, resipiscite, transitum mentis & phase spiritus agite, ut scilicet nunc cœlestia sapiatis, qui hucusq; terrena sapuistis, Quod Apostolus Rom. 12. dicit: Renouamini nouitate mentis uestræ, Qua resipiscencia fit, ut redeat præuaricator ad cor, odi atq; suum peccatum.

Rom. 12.

Iohan. 12.

Matth. 5.

Rom. 6.

et 8.

Gala. 5.

2. Cor. 6.

Certum est autem, q̄ ista resipiscencia, seu odium sui, tota uita fieri debeat, iuxta illud: Qui odit animam suam in hoc mundo, in uitam æternam custodit eam. Et iterum: Qui non accipit crucem suam, & sequitur me, non est me dignus. Et ibidem: Non ueni pacem mittere, sed gladium. Matth. 5.

Odiū sui.

Beati qui lugent, quoniam ipsi consolabuntur. Et Paulus Roma. 6. & 8. alijsq; multis locis, iubet mortificare carnem, & membra, quæ sunt super terram. Et Galat. 5. docet, carnem crucifigere cum concupiscentijs eius. Et 2. Corinth. 6. dicit: Exhibeamus nosmetipsos in multa patientia, in ieiunijs multis &c. Hæc sic late profero, tanquā cum eis agam, qui nostra ignorant.

Iohan. 6.

Ideo, secundo probō & ratione eandem. Quia Christus magister spiritus est, non literæ, & uerba eius sunt uita & spiritus, ideo necesse est, ut eam doceat pœnitentiam, quæ in spiritu & ueritate agitur. Non autem eam, quam foris agere possunt superbissimi hypocritæ, in ieiunijs suis facies exterminantes, in angulis orantes, & cum tubis elemosynam facientes. Eam, inquam, doceat Christus oportet, quæ in omni uitæ genere agi potest, quam Rex in purpura, Sacerdos in mundicia, Principes in dignitate, non minus possunt agere, q̄ Monachus aut mendicus in suis ritibus & paupertate, sicut egerunt Daniel & socij sui in media Babylone, Omnibus enim hominibus, id est, omnium conditioni debet conuenire doctrina Christi.

Pœnitentia, quam Christus docuit.

Matth. 6.

Daniel & socij sui, Dani. 3.

Tertio, per totam uitam oramus & orandum est: Dimitte nobis debita nostra, Ergo tota uita pœnitentiam agimus, & displicemus nobis. Nisi quis sit ita stultus, ut fictæ putet orandum sibi pro remittendis debitis. Vera enim sunt, & non contemnenda debita, pro quibus orare iubemur, etiamsi sint uenialia, non tamen nisi eis remissis, saluari possimus.

CONCLUSIO. II.

Quod verbum de sacramentali Pœnitentia (confessionis & satisfactionis, quæ Sacerdotum ministerio celebratur) non potest intelligi.

Hanc etiam assero & probō.

Primo, quia pœnitentia sacramentalis est temporalis, nec potest omni momento agi, alioqui assidue cum Sacerdote loquendū esset, nec aliud quicquam agendum, nisi peccata confitenda, atq; satisfactionem impositionem exequendam. Ideo non potest esse crux illa, quam Christus præcipit tollere, nec est mortificatio passionum carnis.

1.
Pœnitentia sacramentalis non est perpetua.

Secundo, sacramentalis est externa tantum, & prærequirit internam, sine qua nihil ualeat. Sed hæc interna est, & sine sacramentali esse potest.

2.
Est externa.

Tertio, Sacramentalis potest esse ficta, hæc non nisi uera & sincera esse potest. Quod si sincera non fuerit, hypocritarum est, non ea, quam Christus docet.

3.
Potest esse ficta.

Quarto, de sacramentali pœnitentia nullum habetur præceptum Christi. Sed est per Pontifices & Ecclesiam statuta (saltem quo ad tertiam sui partem, scilicet satisfactionem) ideo & mutabilis arbitrio Ecclesiæ. Sed pœnitentia

4.
Est a pontificibus instituta.

O ij tentia

RESOLVTIO DISPVT LVTH

Pœnitentia
Euangelica.

tentia Euangelica, est lex diuina, nulla hora mutabilis, cum ipsa sit iuge illud sacrificium, quod uocatur, cor contritum & humiliatum.

Pœnitentia uirtutis.

Quinto, huc pertinet, q̄ uno consensu Doctores scholastici discernunt pœnitentiam uirtutis, a pœnitentia sacramentali, ponentes pœnitentiam uirtutis uelut materiam, seu subiectum pœnitentiæ sacramenti.

CONCLUSIO III.

Non tamen solam intendit interiorem, imo interior nulla est, nisi foris operetur varias carnis mortificationes.

Et hanc assero & probō.

Primo, Roma. 12. præcipit Apostolus, Corpora nostra offerre hostiam uiuentem, sanctam, Deo placentem. Atq̄ id quomodo fiat, ibidem clare & late exponit, dum docet humiliter sapere, inuicem seruire, diligere, orationi instare, patientiam habere &c. Quomodo & 1. Corinth. 6. ait: Exhibeamus nosmetipsos in multa patientia, in ieiunijs & uigilijs &c. Sed & Christus Matth. 5. & 6. docet recte ieiunare, orare, eleemosynas dare. Item alibi: Quod superest, date eleemosynam, & ecce omnia munda uobis. Rom. 12.
2. Cor. 6.
Math. 5. 6.
Luce. 5.

3. partes satisfactio-
nis.

Vnde sequitur, Quod illæ tres partes satisfactionis, Ieiunium, oratio, eleemosyna, non pertinent ad sacramentalem pœnitentiam, quo ad substantiam factorum, quia sunt de præcepto Christi, Sed pertinent ad eam, quo ad certum modum & tempus, secundum quod Ecclesia ordinauerit, uidelicet q̄ diu sit orandum, ieiunandum, dandum. Item, quantum & quid orandum, quantum & quid non comedendum, quantum & quid dandum.

Ieiunium.

Oratio.

Eleemosyna.

Verum ut sunt de Euangelica pœnitentia, Ieiunium habet in se omnes castigationes carnis, sine delectu ciborum, aut differentia uestium. Oratio uero omne studium animi meditando, legendo, audiendo, orando. Eleemosyna uero omne obsequium erga Proximum. Vt ita per ieiunium sibi seruiat, per orationem Deo, & per eleemosynam Proximo. Per primum uincat concupiscentiam carnis, & uiuat sobrie & caste. Per secundum superbiam uitæ & uiuat pie. Per tertium concupiscentiam oculorum, & uiuat iuste in hoc seculo. Quare omnes mortificationes, quas homo compunctus sibi infert, sunt de pœnitentia interiore, tanquam fructus eius, siue sint uigiliæ, labores, inopiæ, studia, orationes, fuga sexus ac deliciarum, in quantum promouent spiritum. 1. Iohan. 2.

Pœnitentia
interior.

Opera bona.

Secundo, Sic ipsemet egit Dominus, & omnes Sancti eius cum eo. Sic deniq̄ præcepit: Luceat lux uestra coram hominibus, ut uideant uestra bona opera. Nam sine dubio opera bona foris sunt fructus pœnitentiæ & spiritus. Cum spiritus non faciat nisi uocem turturis, id est, gemitum cordis, radicem operum bonorum. Math. 5.

In quendam blateronem, Iohan. T. c. 12. el. Vide supra folio 58.

Adversus has tres meas Conclusiones, quidam indignatus, & sub pelle leonis incedens, posuit, deblaterans errorem esse, si quis uerbum illud, pœnitentia, negauerit, etiam de sacramento pœnitentiæ intelligi. Primum, non est propositum meum singulas eius positiones confutare, quæ sunt adeo insulse & indocte compositi, ut mihi impossibile sit creditu, eas fuisse intellectas, tam ab eo, cuius titulo uulgantur, q̄ ab eo, qui eas conflauit, quod & cuiq̄ mediocriter ingenioso & in Scripturis erudito, facile patet. Tamen ut & eis ipsis suam incitiam ostendam (si capaces esse poterunt) hanc primam dñjudicabo.

Admitto

DE VIRTUTE INDVL AD LEO X. LXXXI.

Admitto sub nomine poenitentiae posse intelligi etiam Iudae poenitentiam, etiam Dei poenitentiam, etiam pictam, & (ut Logici solent) materialiter & secundo intentionaliter sumptam poenitentiam, ideo & sacramentum (id est, satisfactionem) At quis negat hucusque Theologis quibusdam non paucis licuisse, totam ferme Scripturam corrumpere audacibus suis distinctionibus & amphibologijs nuper confectis, adeo, ut pro Paulo & Christo Paulocetonas & Christocetonas legamus? Ego de germana & propria uerbi locutus sum significatione, quam Christus in eo uerbo uoluit, aut saltem, quam Iohannes Baptista uoluit, qui non habuit auctoritatem instituendi Sacramenti, & tamen uenit praedicans Baptismum poenitentiae, dicens: Poenitentiam agite. Quod uerbum Christus repetijt, ac sic non de sacramento locutus satis credo intelligitur, Tamen esto illorum somnium uerum, Videamus quid sequatur.

Poenitentia.

Theologi corruptores Scripturae.

Christus sine dubio Legislator diuinus est, & doctrina eius ius est diuinum, id est, quod nulla potestas mutare aut dispensare potest. At si poenitentia in eo loco a Christo docta, significat poenitentiam sacramentalem (id est, satisfactionem) & hanc potest Papa mutare, & de facto mutat pro arbitrio suo, Ergo uel Papa habet in arbitrio ius diuinum, uel est in Deum suum impiissimus aduersarius, irritum faciens mandatum Dei. Quod si hoc audent asserere hi, qui ad laudem Dei & defensionem catholicae fidei, & sanctae sedis Apostolicae honorem, & pro ueritate reuelanda & erroribus suppressendis, gloriantur sese disputare, denique si sic honorant Ecclesiam, tuenturque fidem, qui terrifico & immaniter (pene dixissem inaniter) iactato titulo, haereticae prauitatis Inquisitores, uolunt uideri, Quid, quaeso, relictum est, uel insanissimis Haeticis, quo & ipsi Papam & sedem Apostolicam blasphemant & criminantur? Hos ego non inquisitores, sed insitores haereticae prauitatis libera uoce pronunciam. Tales & tam prudenter positae sunt fere omnes Conclusiones, quas amplissima illa & innocentissima papyrus passim circumfert, subiecta uanitati non uolens. Quas si omnes uellem confutare, grandis uolumine opus foret, & totum pene chaos quarti Sententiarum euoluendum cum suis Scribentibus, Sed tu lector esto liber & candidus, quo possis ex hac una discere omnes.

Doctrina Christi ius diuinum.

Inquisitores haereticae prauitatis.

CONCLUSIO IIII.

Manet itaque poena, donec manet odium sui (id est, poenitentia vera intus) scilicet usque ad introitum Regni coelorum.

Et hanc assero & ostendo.

Primo, Certa sequela tanquam Corollarium sequitur ex dictis. Quia si omnis uita est poenitentia & crux Christi, non solum in uoluntarijs afflictionibus, sed etiam in tentationibus diaboli, mundi et carnis, quin etiam in persecutionibus & passionibus, ut ex praedictis, ex Scriptura tota, ex ipsiusmet Sancti sanctorum, & omnium Martyrum exemplis, patet, certum est, Quod crux illa usque ad mortem, & sic ad introitum regni durat.

Poenitentia usque ad mortem durat.

Secundo, illud patet etiam in alijs Sanctis. S. Augustinus Psal. 7. poenitentialia sibi fecit scribi, & eos cum lachrymis orabat, & meditabatur dicens: Etiam si Episcopus quicumque iuste uixerit, non debere tamen sine poenitentia de hoc mundo eum discedere. Ita & B. Bernardus agonizans clamauit: Perdite uixi, quia tempus perdididi, Nihil habeo, nisi quod scio, quia cor contritum & humiliatum Deus non despiciet.

Augustinus.

Bernardus.

Tertio, Ratione tam diu crux illa poenitentiae debet durare, donec secundum Apostolum destruat corpus peccati, & pereat uetustas primi Adae cum sua imagine, & perficiatur nouus Adam ad imaginem Dei. Sed peccatum

Corpus peccati.

Rom. 6.

O iij

manet

RESOLUTIONES DISPUT. LVTH.

manet usq; ad mortem, licet quotidie minuatur per renouationem mentis de die in diem.

Quarto, saltem poena mortis manet in omnibus, timor etiam mortis, certe poena omnium poenarum, & ipsa grauior morte, in plurimis, ut taceam de timore iudicii & inferni, de tremore conscientiae &c.

CONCLUSIO V.

Papa non vult, nec potest remittere vllas poenas praeter eas, quas uel suo, vel Canonum arbitrio imposuit.

Genera poenarum. **H**ANC disputo, & doceri humiliter peto, & ut in praefatione rogaui, ita adhuc rogo, manum porrigat qui potest, & mea motiua attendat. Primo colligamus genera poenarum, quas fideles possunt pati.

Aeterna. Prima est aeterna, gehenna Damnatorum, de qua nihil ad propositum. Certum est enim qd haec nec in summi nec infimi Pontificis potestate est, ut omnes in tota Ecclesia tenent, quam solus Deus per remissionem culpae remittit.

Purgatori. Secunda est Purgatori, de qua infra uidebimus in sua Conclusionem, interim accipimus non esse eam in potestate Pontificis, aut ullius hominis.

Voluntaria & Evangelica. Tertia. Ipsa uoluntaria & Evangelica, de qua supra dictum est, quod eam operetur poenitentia spiritualis, secundum illud. 1. Corinth. 11. Si nos ipsos iudicemus, non utiq; iudicemur a Domino. Haec est crux illa & mortificatio passionum ut supra Conclu. iij. Cum autem haec sit praecpta a Christo, & de essentia poenitentiae spiritualis, ac omnino de necessitate salutis, nullo modo est in potestate ullius Sacerdotis, neq; ut augeat, neq; ut minuat. Non enim ex arbitrio pender hominis, sed ex gratia & spiritu. Imo haec poena minus est in potestate Papae, qm omnes aliae poenae, cuiuscunq; nominis sunt. Siquidem aeternam, purgatoriam, afflictiuam, saltem oratione potest tollere apud Deum, sicut potest gratiam iustificantem impetrare peccatori. Hanc autem non potest tollere, nec oratione quidem. Quin potius eam debet impetrare peccatori & imponere, id est, impositam nunciare, non minus qm gratiam impetrat, alioqui euacuaret crucem Christi & reliquias Cananæorum compularet filijs & filiabus suis, & hostes Dei (id est, peccata) non occideret ad internicionem, Nisi uideret aliquos nimio seruire, plus sese affligere, qm expediret eorum saluti & aliorum necessitati. Tunc non solum remittere, sed prohibere debet, sicut S. Paulus Timotheo dicit: Noli adhuc aquam bibere.

Castigatoria poena non tollitur per Papam.

Quarta est castigatoria & flagellatio Dei, De qua Psal. 89. Si autem peccauerint filij eius, & legem meam non custodierint, Visitabo in uirga iniquitates eorum, & in uerberibus hominum peccata eorum. Hanc poenam extra manum esse Pontificum, quis dubitat? Quandoquidem sese innocentibus eam dicit imponere. Iere. 49. Ecce quibus non erat iudicium ut biberent calicem, bibentes bibent, & tu quasi innocens relinqueris? Non eris innocens, sed bibens bibes. Et eiusdem 25. Ecce in ciuitate, in qua inuocatum est nomen meum, ego incipio affligere, Et uos quasi innocentes eritis? non eritis innocentes. Inde S. Petrus 1. Pet. 4. Nunc tempus inchoandi iudicium a domo Dei, quod si primum a nobis, quis finis eorum, qui non credunt Euangelio? Apo. 3. Ego quos amo, castigo. Et Ebre. 12. Flagellat autem omnem filium, quem recipit. Quod si summus Pontifex hanc remittere uellet, aut peccator remitti crederet, certe futurum est, ut adulterini & spurij fieret. ut Ebre. 12. Si extra disciplinam estis, cuius participes facti sunt omnes, ergo adulteri & non filij estis. Hanc enim Iohannes Baptista & sanctissimi pertulerunt. Admitterem

Psal. 89.

Ierem. 49.

Ierem. 25.

1. Pet. 4.

Apo. 3.

Ebre. 12.

DE VIRTUTE INDVLADLEO X LXXXII

Admitterem tamen per orationes Ecclesie posse tales aliquas pro infirmis tolli, scilicet morbos, egritudines, pestes, febres. Sicut B. Iacobus docuit presbyteros Ecclesie induci & ungi infirmum, ut Dominus eum alleuiet infirmum propter orationem fidei. Et quid moror? quasi ulli Christiano dubium sit, flagella Dei non potestate clauium, sed lachrymis & oratione tantummodo posse tolli, & magis per impositionem aliarum poenarum, quam per remissionem. Sicut Ninuitem per poenitentias suas humiliter sese affligentes meruerunt auertere flagellum subuersionis eis intentatum. Alioqui si sacerdos Ecclesie siue summus siue infimus, potest hanc poenam potestate clauium soluere, pellat ergo pestes, bella, seditiones, terremotus, incendia, caedes, latrocinia, Item Turcas & Tartaros, aliosque infideles, quos esse flagella & uirgam Dei, nemo nisi parum Christianus ignorat. Dicit enim Esa. 10. Vexillum Assur, uirga furoris mei & baculus ipse est. In manu eius indignatio mea. Licet plurimi nunc, & isdem magni in Ecclesia, nihil aliud somnient quam bella aduersus Turcam, scilicet non contra iniquitates, sed contra uirgam iniquitatis bellaturi, Deoque repugnaturi, qui per eam uirgam sese uisitare dicit iniquitates nostras, eo quod nos non uisitamur eas.

Pœne castigato-
ria per orationes
Ecclesie possunt
tollī.

Ninuitem.

Bella aduersus
Turcam &c.

Quinta est canonica poena, scilicet ab ecclesia constituta. Hanc esse plenaria iure in manu summi Pontificis, non est dubium, Sic tamen, ut subsistat (ut aiunt) iusta causa remissionis earum, & clauis non erret. Verum ego (mea temeritate) illam iustam causam non ita rigide acciperem, ut multi solent. Sufficere enim uidetur pia uoluntas Pontificis, atque hæc satis iusta sit causa. Nec uideo quomodo in hac remissione error clauis contingat, aut si contingit, quid noceat, cum nihilominus salua sit anima, etiam si poenae eiusmodi per errorem non remitterentur.

Canonicam poe-
nam tollunt Indul-
gentie.

Illud magis aduertendum, quod summus Pontifex in remissione plenaria, nec omnes canonicas poenas remittit, Quod patet, quia non remittit ingressionem seu intrusionem quorundam in monasterium, quæ tamen poena non incelebris est in Canonibus. sed nec ciuiles, seu potius criminales poenas a iure ciuili inflictas, licet id Legati faciant alicubi, ubi personaliter sunt presentes. Videtur ergo solum eas remittere, quæ de ieiunijs, orationibus, elemosynis, alijsque laboribus & disciplinis impositæ sunt, aliæ ad septennium, aliæ minus, aliæ plus. Et in ista poena comprehendo etiam, quam arbitrio suo imponit sacerdos Ecclesie. Nunc itaque uide, & doce me, qui potes. Quatuor priores non potest remittere, quam aliam remittit, nisi canonicam & arbitrariam.

Non omnes cano-
nicas poenas re-
mittit Pontifex.

Iterum hic Leonte illa mihi oggannit, remitti, quæ a iusticia diuina exigitur, uel in purgatorio est luenda. Cui & ego respondeo, Impiissimum esse sentire, quod Papa habeat potestatem mutandi ius diuinum, & id relaxare, quod iusticia diuina inflixit. Non enim dicit: Quodcumque ego ligauero, tu solues, sed, quod tu solues, solutum erit. Non autem omnia ligata solues, sed, a te ligata duntaxat, non a me ligata. Illi uero sic inteiligunt: Quodcumque solueris siue in coelo, siue in terra, solutum erit, cum Christus in terra addiderit, dedit opera restringens Clauem ad terram, futurum sciens, quod perforaturi alioqui essent omnes coelos.

Aduersario respon-
det, quem Leontem
uocat, hoc est, pel-
lem leonis, quæ
Græcæ λεωντὶ dia-
citur. Nota est de
asino fabula.

Sexta est, quam uolo fingere donec aliter erudiar, quam illi dicunt secundum iusticiam diuinam requiri, ut satisfiat iusticia diuinæ. Hæc autem si est alia a tertia & quinta (sicut oportet, si debet sexta esse) non potest uel imaginari, nisi, quod ubi tertia & quinta non essent satis, tunc ipsa imponderetur, scilicet plus orationis, ieiunij, elemosynæ. Ac sic solo intentionis gradu distaret a quinta uel tertia, Non enim potest intelligi poena ciuilis, quia hanc (ut dixi) non remittit, alioqui literæ Indulgentiarum tollerent omnia pa-

Satisfactoria iusti-
cie diuinæ, & hæc
est à Recentioribus
reperita.

RESOLUTIONES PROPOS. LVTH.

tribula & carnisficinas per Ecclesiam. Sed nec potest intelligi poena canonica per iudicium contentiosi fori de facto imposita, quia non remittit excommunicationes, interdicta, aut ullas censuras ecclesiasticas inflictas, ut patet satis ad experientiam. Restat ergo, quam modo fingere me dixi.

Absurdum est asserere, quod per Scripturam non potest probari.

Sed quod illa nulla sit, ita mihi ipsi persuadeo. Primo, quod nulla autoritate Scripturae, Doctorum, Canonum, ratione probabili potest doceri, talem esse aliquam poenam, & uehementer absurdum est in Ecclesia aliquid docere, cuius nec in Scriptura, nec Doctoribus, neque Canonibus, neque saltem Rationibus potest causa dari.

Secundo, quod si etiam esset talis poena aliqua, non tamen ad remissionem Papae pertineret, cum sit uoluntaria & ultra Canones imposita, imo non imposita, sed sponte suscepta, quia est alia ab istis, quae imponuntur, ut supra dictum in poena quinta.

Quod si diceres: Quomodo tunc satisfaceret iusticiae divinae, si quo modo Canonicae uel sacerdotales non essent satis? Respondeo: Abunde satisficit per tertiam & quartam, secundum mensuram, quam nouit Deus. Neque enim legitur usquam Deus, aliquam requisiiuisse, nisi tertiam aliquando & quartam, ut in David & filiis Israel, in lib. Iudicum & Regum. Sed fere semper contentus est corde contrito & poena tertij generis. Et hinc ego miror quorundam negligentiam, qui ut satisfactionem astruant, dicunt, Christum absoluisse Adulteram illam in Euangelio sine satisfactione, Mariam uero Magdalenam non sine satisfactione. Et ideo in Maria, non in adultera imitandum esse Dominum, ut sine satisfactione nulli remittatur peccatum. Nam nec leprosos mundauit, nisi imposito, ut satisfaceret Legi, & ostenderent se sacerdoti. Haec ergo est illa poena, quam iusticia diuina requirit, ultra iam dictas.

*David.
Filijs Israel.*

Iohan. 8.

*Adultera.
Iohan. 8.*

M. Magdalena.

Leprosi mundati.

Sed respondeo: Ista Adultera (meo iudicio) plus poenarum tulit, quam Maria Magdalena, & magis satisfecit. Nempe iam mortem patiebatur, non aliud uidens, nisi durissimum iudicium. Ideo mire cruciabatur, & dolebat longe plus, quam Maria, cui iudicium mortis non imminabat. Ideo de quarta specie & tertia fuit eius poena, quia flagellum mortis tulit in corde contrito. Maria uero Magdalena in tertia specie poenas luebat, neque potest doceri, aliam fuisse eius poenam, ut patet. De Leprosis uero dico, quod non ad satisfactionem ostendere se iussi sunt, sed ad testimonium. Non enim erat lepra peccatum, sed significabat peccatum. Ostensio autem peccati non est satisfactio, sed iudicium quaerit sacerdotis, ut haec nota sunt satis.

Secundo, probo Conclusionem sic: Illae duae potestates ligandi & soluendi sunt aequales & super eandem materiam. Sed summus Pontifex nullam habet ligare & imponere poenam, praeter Canonicam seu quintam, ergo nec ullam soluere & tollere. Aut dicendum, duas illas potestates esse inaequales latitudinis. Quod si hoc dicitur, nemo tenetur credere, quia nullis Scripturis, canonibusque probatur, cum sit clarus textus. Vbi Christus ligare super terram, & soluere super terram dedit, aequaliter utranque mensurando & extendendo.

Tertio, extra de poe. & re. lib. 5. c. Quod autem, expresse dicit, remissiones eis non ualere, quae non fuerint ab eorum iudice factae, cum nullus ligari aut solui possit a non suo iudice, Sed certum est, quod homo non est sub iurisdictione Papae in i. ij. iij. iij. vi. poenis, sed tantummodo in v. ut clare patet, & magis infra patebit.

COROLL. sequitur.

Noua uita optima satisfactio.

Quod satisfactio sacramentalis non dicitur, quia pro culpa satisfacit simpliciter (quia pro culpa satisfacit, tertia & quarta poena) sed quia pro culpa secundum statuta Ecclesiae satisfacit, Maxime enim Deo satisficit per nouam uitam &c.

Sed

DE VIRTUTE INDVL AD LEO X LXXXIII

Sed per Scripturas quoque probandum est, non requiri aliquam satisfacti- *Probat per Scri-*
 tionem pro peccatis. Hic adest Iohannes Baptista, qui in hoc missus secun- *pturas non requiri*
 dum propositum atque decretum Dei, ut poenitentiam predicaret, qui & dixit: *satisfactionem pro*
 Poenitentiam agite. Et iterum: Agite itaque dignos fructus poenitentiae. Que *peccatis.*
 uerba ipse exposuit, cum interrogantibus turbis quid facerent & respondit:
 Qui habet duas tunicas, det non habenti, & qui escas habet, similiter faciat.
 Nonne uides, quod pro poenitentia non nisi obseruantiam praeceptorum Dei
 imposuit, atque ideo poenitentiam non nisi conuersionem & mutationem no-
 uae uitae intelligi uoluit?

Luce. 3.

Luce 3.

Sed clarius: Ecce uenerunt Publicani, & dixerunt: Magister, quid facie-
 mus? At ille dixit: Nihil amplius, quam quod constitutum est uobis, faciatis.
 Nunquid hic dixit: Oportet uos satisfacere pro praeteritis peccatis? Item
 militibus dixit: Neminem concuratis, nemini calumniam faciatis, & con-
 tenti estote stipendijs uestris. Nunquid hic aliquid, quam praecepta Dei communia
 imposuit? Quod si hic poenitentiae doctor a Deo in hoc ipsum institutus,
 non docuit nos satisfactionem, nimirum fefellit nos, nec satis docuit poeni-
 tentiae officium.

Iohannes Baptista
poenitentiae. Doc-
tor.

Ezech. 18.

Secundus, Ezechiel. 18. Si conuersus fuerit impius ab impietate sua, &
 fecerit iudicium & iusticiam, uita uiuet, non morietur. Ecce nil nisi iudicium
 & iusticiam imponit, quae tota uita facienda sunt, iuxta illud: Beati qui faci-
 unt iudicium & iusticiam in omni tempore. Etiam hic ergo nos fefellit?

Mich. 6.

Tertius, Micheas 6. Indicabo tibi o homo, quid sit bonum, & quid Do-
 minus requirat a te, Vti quod facere iudicium, & diligere misericordiam, & am-
 bulare sollicitum cum Deo tuo. Vides quid requirat ab homine Deus pro
 satisfactione, denique praemittens irridet eos, qui per opera satisfacere uolunt,
 dicens: Quid dignum offeram Domino? Nunquid ei offeram holocaustoma-
 ta, & uitulos anniculos? Nunquid placari potest in milibus arietum, aut in
 multis milibus hircorum? Nunquid dabo primogenitum meum pro scelere
 meo, fructum uentris mei pro peccato animae meae? Non, quia Deus pro pec-
 cato nulla talia requirit, sed iudicium & misericordiam & timorem, ut dictum
 est, id est, nouam uitam.

Noua uita.

CONCLUSIO. VI.

Papa non potest remittere ullam culpam, nisi declarando &
 approbando remissam a Deo, aut certe remittendo Casus re-
 seruatos sibi, quibus contemptis culpa prorsus remaneret.

Prima pars est tam manifesta, ut etiam confessi sint quidam esse
 impropiam orationem, quando Papa dat remissionem culpae. Alij uero
 se non intelligere, omnes enim consentunt a solo Deo remitti culpam, se-
 cundum illud Esa. 43. Ego sum, ego sum ipse, qui deleo iniquitates tuas pro-
 pter me, & peccatorum tuorum non recordabor. Et Iohan. 1. Ecce agnus Dei,
 ecce qui tollit peccata mundi. Et Psal. 130. Si iniquitates obseruaueris Do-
 mine, Domine quis sustinebit? Quia apud te propiciatio est. Et infra: Apud
 Dominum misericordia, & copiosa apud eum redemptio, Et ipse redimet
 Israel ex omnibus iniquitatibus eius. Et Psal. 51. Cor mundum crea in me
 Deus &c. Multa alia in Scripturis. Et Beatus Augustinus contra Donati-
 stas tam frequentibus operibus nihil aliud agit, quam quod a solo Deo remittun-
 tur peccata.

A solo Deo re-
mittuntur peccata.

Esaie. 43

Iohan. 3.

Psal. 130.

Psal. 51.

Secunda pars similiter satis patet. Quia qui contemneret Casus reser-
 uatos, certe non remitteretur ei ulla culpa. Qui uos spernit, inquit, me sper-
 nit, imo nullus uenit remissa culpa a Deo, nisi simul secum portet reueren-
 tiam clauum.

Reuerentia
clauum.

Hanc

RESOLUTIONES

Hanc Conclusionem, quia omnes ueram concedunt, non est necesse, ut mea assertione firmetur. Hic tamen signabo, quæ me mouent, & iterum confitebor ignorantiam meam, si quis dignetur me erudire, & hanc rem planius elucidare. Primo circa primam partem, uidetur esse ista oratio uel sententia impropria, & Euangelico textui incongrua, quando dicitur summum Pontificem soluere (id est, declarare solutam) culpam, seu approbare. Textus enim non dicit: Quodcumque ego soluero in cœlis, tu solues super terram. Sed contra: Quodcumque tu solueris super terram, ego solvam, seu solutum erit in cœlis. Vbi magis intelligitur Deus approbare solutionem sacerdotis, & e contra.

Utrum reconciliatus Ecclesie, mox sit etiam reconciliatus Deo?

Secundo circa secundam partem, Certum est, quod quos casus soluit Papa, eosdem soluit & Deus, nec potest quis Deo reconciliari, nisi reconcilietur prius Ecclesie, saltem uoto. Nec offensa Dei tollitur, manente offensa Ecclesie. Sed quaeritur: Utrum reconciliatus Ecclesie, mox sit etiam reconciliatus Deo? Textus certe habet, quod omnia soluta in Ecclesia, sint & in cœlo soluta. Sed non uidetur hinc sequi, quod ideo omnia sint simpliciter soluta in cœlo, sed ea duntaxat, quaecumque in Ecclesia sunt soluta. Nec sunt parui ponderis hæc duæ Quaestiones meo iudicio, de quibus forte in Conclusionem sequenti meum iudicium latius aperiam.

CONCLUSIO. VII.

Nulli prorsus remittit Deus culpam, quin simul eum subiiciat, in omnibus humiliatum, sacerdoti suo Vicario.

Hanc assertero, nec eget disputatione aut probatione, tanto omnium consensu approbata. Sed in eius intelligentia adhuc laboro. Et ut meum sententum stultus primo dicam, quia ista cum sua præcedente conclusione id afferunt, quod Deus non remittat culpam, nisi sit prior remissio sacerdotis (saltem in uoto) sicut clare textus sonat: Quodcumque ligaueris &c. Et illud Matth. 5. Vade prius reconciliari Fratri tuo, & tunc ueniens offeres munus tuum. Et illud: Reddite Cæsari, quæ sunt Cæsaris, & quæ sunt Dei, Deo. Et oratio Dominica: Dimitte nobis debita nostra, sicut & nos dimittimus debitoribus nostris. In quibus omnibus omnino prior remissio in terra significatur, quæ ea, quæ est in cœlis. Merito queritur, Quomodo ante gratiam infusam (id est, ante remissionem Dei) hæc fieri possint? cum sine gratia Dei primo remittente culpam, nec uotum remissionis querendæ habere possit homo.

Matth. 16

Matth. 5.

Matth. 22

Questio.

Deus percutit, ut sanct.

Hic ita dico & sapio. Quando Deus incipit hominem iustificare, prius eum damnat, & quem uult ædificare, destruit, quem uult sanare percutit, quem uiuificare, occidit. Sicut 1. Sam. 2. & Deut. 32. dicit: Ego occidam & uiuificabo &c. Hoc autem facit, quando hominem conterit, & in sui suorumque peccatorum cognitionem humiliat ac tremefacit, ut dicat miser peccator: Non est pax ossibus meis à facie peccatorum meorum, Non est sanitas in carne mea, à facie iræ tuæ. Sic enim montes fluunt à facie Domini, Sic mittit sagittas suas, & conturbat eos. Ab increpatione tua Domine, & ab inspiratione spiritus iræ tuæ. Sic conuertuntur peccatores in infernum, & impleantur facies eorum ignominia. Quam conturbationem & quassationem sapienter expertus Dauid, multis eam in diuersis Psalmis confitetur gemitibus.

1. Sam. 2.

Deut. 32.

Psal. 38.

Vera cordis contritio.

In ista autem conturbatione incipit salus, Quia initium sapientiæ timor Domini. Hic Dominus (ut ait Nahum) mundans neminem facit innocentem, & in tempestate & turbine uix eius, & nebula puluis pedum eius, hic allucent fulgura eius, uidet & mouetur terra. Hic sagittæ eius transeunt & insiguntur, & uox tonitruui eius uoluitur, id est, rotatur, uident aquæ & tremunt. Hic denique operatur opus alienum Deus, ut operetur opus suum. Hæc est uera contritio cordis, & humiliatio spiritus, gratissimum Deo sacrificium.

Nahum. 1.

Hic

Esa. 41. Hic est mactata uictima in membra concissa, & pelle detracta, in holocaustum incensa. Et hic infunditur (ut uocant) gratia, sicut ait *Esa. 41.* Persequere eos, transibit in pace. Et *66.* Super quem requiescet Spiritus meus, nisi super quietum & humilem, tremementem sermones meos? Et *Ezechias Isa. 38.* Domine, si sic uiuitur, & talibus uita spiritus mei, corripies me, & uiuificabis me.

Verum tunc adeo ignorat homo sui iustificationem, ut sese proximum putet damnationi. Nec infusionem gratiæ, sed effusionem iræ Dei super se hanc putet esse. Beatus tamen si suffert hanc tentationem, quoniam cum se consumptum putauerit, orietur sicut Lucifer.

Stante autem hac misera conscientia suæ cōfusione, non habet pacem, neque consolationem, nisi ad potestatem Ecclesiæ confugiat, suisque peccatis & miserijs per Cōfessionem detectis, postulet solacium & remedium, neque enim suo consilio uel auxilio sese poterit pacare, imo absorberetur tandem tristitia in desperationem. Hic sacerdos talem uidens humilitatem & compunctionem, de fiducia potestatis sibi ad faciendum misericordiam tradita, plenissime presumat, & soluat, solutūque pronunciet, ac sic pacem ei cōscientiæ donet.

Ecclesiæ potestas.
Confessio.

Absoluendus uero omni studio caueat, ne dubitet, sibi remissa esse apud Deum peccata sua, sitque quietus in corde. Nam etsi præ suæ conscientia cōfusione sit incertus (sicut regulariter oportet fieri, si compunctio uera est) Tamen stare tenetur alterius iudicio, Non propter ipsum Prælatum aut potestatem eius ullo modo, sed propter uerbum Christi, qui mentiri non potest, dicendo: Quodcumque solueris super terram, Fides enim huius uerbi faciet pacem conscientia, dum iuxta illud Sacerdos soluerit. Qui uero pacem alia uia querit, utputa experientia intus, hic certe Deus uidetur tentare, & pacem re, non in fide uelle habere, Tantū enim habebis pacis, quantū credideris uerbo promittentis: Quodcumque solueris &c. Pax enim nostra Christus est, sed in fide. Quod si quis huic uerbo non credit, etiamsi milies milies absoluat a Papa ipso, & totū mundo confiteatur, nunquam erit quietus.

Vfus priuatus
absolutionis.

Hæc igitur est illa dulcissima potestas, de qua summas gratias ex imo cordis agere debemus Deo, qui talem dedit potestatem hominibus, quæ est unica consolatio peccatorum & infœliciū conscientiarum, si modo Christū uera promississe credant.

Confessio & absolutio sine fide &c.

Potestas Clauium.

Matth. 9.

EX istis nunc patet, quod supra querebatur, scilicet, Quod licet remissio culpæ fiat per infusionem gratiæ ante remissionem sacerdotis, Talis tamen est infusio gratiæ, & ita sub forma iræ abscondita (siquidem uestigia eius non cognoscuntur, *Psal. 77.* Et semita in pedibus eius non apparet, *Isa. 41.*) ut homo incertior sit de gratia cum fuerit ipsa præsens, quam cum est absens. Ideo ordine generali non est nobis certa remissio culpæ, nisi per iudicium sacerdotis, nec per ipsum quidem, nisi credas Christo promittenti: Quodcumque solueris &c. Donec autem nobis incerta est, nec remissio quidem est, dum nondum nobis remissio est, imo periret homo peius, nisi fieret certa, quia non crederet sibi remissionem factam.

Solutio questionis supra posite.

Psal. 77.

Esa. 41.

Sic Christus de Maria Magdalena ad Simonem leprosum dixit: Remittuntur ei peccata, Quo utique significauit gratiam ei iam infusam, Sed hanc infusionem ipsa non cognouit, nondum erat pax ossibus suis a facie peccatorum suorum, donec ad eam conuersus diceret: Remittuntur tibi peccata tua. Fides tua te saluam fecit, (scilicet, qua credidit remittenti) Ideo sequitur: Vade in pace.

Psal. 38.

Et adulteræ illi iam remissa erant peccata, antequam Christus se erigeret. At non illa hoc cognouit, cum tot starent circum eam accusatores, donec audiret uocem sponsi dicentis: Nemo te condemnauit mulier? nec ego te condemnabo.

Ma. Magda.
Luc. 7.

Adultera.
Iohan. 8.

Et David

RESOLUTIONES

David 2. Sam. 11. Et David certe, cum peccasset, & a Propheta Natan fuisset reprehensus ex mandato Dei, mortuus fuisset subito, quando operante in eo gratia iustificationis exclamavit: Peccaui (hec est enim uox iustorum, seipsum primo accusantium) nisi statim uelut absoluens Natan dixisset: Dominus quoque abstulit peccatum tuum, non morieris. Quare enim addidit, Non morieris, nisi quia uidebat eum terrore peccati sui conquassari & deficere?

Ezechias. Et Ezechias quoque, audito, quod moreretur, fuisset mortuus, nisi rursus ab Esaia consolationem accepisset, & signum intrandi templum, Cui credens, simul & pacem peccatorumque remissionem obtinuit, sicut ait: Proiecisti post tergum tuum omnia peccata mea. *Esa. 38.*

Et omnino in ueteri Testamento, quomodo fiducia eorum de misericordia Dei ac remissione peccatorum potuisset consistere, nisi Deus nunc apparitionibus, nunc inspirationibus, nunc oblationum incensationibus, nunc nebulæ ostensionibus, & alijs signis, ostendisset sese gratum habere, quicquid operarentur? quod nunc uult fieri uerbo & iudicio sacerdotum.

Remissio Dei Igitur remissio Dei gratiam operatur, sed remissio sacerdotis pacem, quæ
Remissio ministri & ipsa est gratia & donum Dei, quia fides remissionis & gratiæ præsentis. Et hanc meo sensu dicerem esse eam, quam nostri Doctores dicunt, per sacramenta Ecclesiæ efficaciter conferri. Non autem ipsam primam iustifican-
Minister declarat tem, quam ante Sacramentum oportet adesse in adultis. Sed ut Roma. 1. di-
& ostendit solutio- citur: Fides in fidem, oportet enim accedentem credere. At baptisatū oportet etiam credere, se recte credidisse & accessisse, aut pacem nunquam habebit, quæ non nisi ex fide habetur. Non ergo prius soluit Petrus quam Christus, sed declarat & ostendit solutionem, cui qui crediderit cum fiducia, uere obtinuit pacem & remissionem apud Deum (id est, certus sit, se esse absolutum) non rei, sed fidei certitudine, propter infallibilem misericorditer promittentis sermonem: Quodcumque solueris &c. Sic Rom. 5. Iustificati gratia per gratiam ipsius, pacem habemus ad Deum per fidem, non utique per rem &c. *Roma. 1.*

Remissionem culpæ nemo potest sibi dare. Quæ si recte & uere sapio, non est fallum neque improprium (ut illi uolunt) dicere, quod Papa remittat culpam, imo remissio culpæ est incomparabiliter melior, quam remissio quarumcumque poenarum. Licet hanc ita solam prædicent, ut remissionem culpæ fecerint nullam esse in Ecclesia, cum contra potius sit, Vbi enim homo per remissionem culpæ (quam sibi ipsi dare nequit, cum nemo sibi ipsi credere debeat, nisi qui malit ex una turbatione duas facere) per fidem absolutionis acceptam pacatus fuerit, omnis poena ei nulla poena est, Conscientiæ enim confusio facit molestam poenam, lucunditas uero conscientiæ optabilem facit poenam.

Et hanc intelligentiam in populo, de potestate clauium, uidemus abundare, qui simplici fide quærunt & accipiunt absolutionem. Doctiores uero quidam, suis nituntur sese contritionibus & operibus atque confessionibus facere quietos, & nihil aliud agunt, quam quod de inquietudine in inquietudinem eunt, quia in se & sua confidunt, cum si sentirent conscientiæ malum, deberent Christo credere dicenti: Quodcumque solueris &c.

Theologi recentiores conscientiæ scrupulos augent. Ad hoc autem conscientiæ malum, Theologi recentiores nimis sceleratè cooperantur, dum sacramentum poenitentiae sic tractant & docent, ut populus discat per suas contritiones & satisfactiones confidere se peccata sua posse delere, Quæ uanissima præsumptio nihil aliud potest efficere, quam ut cum hæmorrhoißa Evangelica, consumpta in medicos tota substantia, peius & peius habeant. *Marc. 5.*

Fides primo in Christum, gratuitum remissionis largitorem, docenda erat, & desperatio propriæ contritionis & satisfactionis persuadenda, ut sic fiducia

fiducia & gaudio cordis de misericordia Christi firmati, tandem hilariter odierunt peccatum, & contererentur, & satisfacerent.

Nec Iuristæ eiusdem carnificinæ segnes sunt autores, qui dum nimio studio extollunt potestatem Papæ, plus fecerunt aestimari & mirari potestatem Papæ, quam uerbum Christi honorari fide. Cum docendi sint homines, ut non in potestatem Papæ, sed in uerbum Christi Papæ promittentis confidere discant, si modo uelint esse pacati in conscientijs suis. Non enim, quia Papa dat, aliquid habes, sed si credideris te accipere, habes, tantum habes, quantum credis, propter pronuntiationem Christi.

Nisi autem potestas clauium sic ualeret ad pacem cordis, & remissionem culpæ, tum uere (ut aiunt quidam) uilificarentur Indulgentiæ, Quid enim magni confertur, si remissio poenarum confertur, cum Christianorum sit, etiam mortem contemnere.

Matth. 20

Item, cur dixit Christus: Quorum remiseritis peccata, remittuntur eis, nisi quod non sunt remissa ulli, nisi remittente sacerdote, credat sibi remitti. Ideo in uerbo: Quorum remiseritis peccata, confertur potestas, sed in uerbo: Remittuntur eis, prouocatur peccator ad fidem remissionis. Sicut & in uerbo: Quodcumque solueris, potestas datur. In uerbo: Soluta erunt, fides nostra excitatur. Poterat enim dicere: Quorum remiseritis poenas uel uindictas, si uoluisset id intelligere, Sed sciuit, quod conscientia iam iustificata per gratiam, sua trepiditate euomeret gratiam, nisi succurreretur ei per fidem de gratiæ præsentia ministerio sacerdotis, imo peccatum maneret, nisi remissum crederet. Non enim sufficit remissio peccati & gratiæ donatio, sed oportet etiam credere esse remissam. Et hoc est testimonium, quod reddit spiritus Dei spiritui nostro, quod sumus filij Dei, quia esse filium Dei, est tam absconditum (cum appareat sibi esse hostis Dei) ut nisi credatur ita esse, non possit esse. Sic enim mirificat Dominus Sanctos suos, quod nemo sustineret manum iustificantis & medentis, nisi credat eum iustificare & mederi. Sicut medicus corporis incidens infirmum, non creditur id studio medendi facere ab infirmo, nisi boni amici persuadeant ei.

Siue ergo sacerdos sit causa sine qua non, siue alia, remissionis peccatorum, non curo, dum uerum esse aliquo modo constet, sacerdotem remittere peccata & culpam. Sicut amicis infirmi uere imputatur sanitas, dum sua sua de se effecerunt, ut crederet infirmus cædenti medico.

Nec hic oportet cogitare, quid si sacerdos erraret? quia non in sacerdote, sed in uerbo Christi nititur remissio illa, Ideo siue sacerdos id faciat lucrâ uel honoris causa, tu modo optes remissionem sine fictione, & credas promittenti Christo, imo etiam si ex leuitate absolueret, adhuc obtineres pacem ex fide tua. Sicut baptismum seu eucharistiam dat, siue ille lucrum quærat, siue leuis ac ludens sit, fides tua plenum accipit, tanta res est uerbum Christi, & fides eius.

Nam legimus, inter gesta Martyrum quendam Mimum, ioco, imo illudendo baptismum, baptizari uoluisse, & inter baptizandum conuersum, uere baptizatum à suis collusoribus gentilibus, & statim martyrio ab eisdem coronatum.

Item S. Athanasius puer, pueros baptizauit, quos Episcopus Alexandria postea baptizatos iudicauit, ut in Eccle. histo. lib. 10. cap. 14. Et B. Cyprianus, pacem à quodam episcopo Therapio datam præpropere, reprehendit quidem, sed ratam esse uoluit. Igitur fide iustificamur, fide & pacificamur, non operibus, neque poenitentijs, aut confessionibus.

P

Circa

RESOLUTIONES

*Pœnitentia satis
facta cre.*

Circa hanc sextam & septimam Conclusionem, Leonte illa nostra cum gloria triumphat, imo de me cantat encomium ante uictoriam. Et ex sentina illa opinionum, aliam distinguit pœnam satisfactiuam, & uindictiuam, aliam medicatiuam & curatiuam, Quasi necesse sit, hæc uel somniantibus credere, Quamquam coram populo hanc distinctionem prudentissime celant, ne uilescant Indulgentiæ, uel potius lucra, si populus intelligeret tam modicas & steriles, uindictiuas (id est, confictas) remitti pœnas.

Deinde, ut notum faceret omnibus, sese nescire, quid sit uel uetus, uel nouum sacerdotium, introducit aliam uerborum caliginem & distinctionem clauum, Alias autoritatis, alias excellentiæ, alias ministeriales. Adeo nihil nouerunt etiam Magistri nostri eximij, hæreticæ prauitatis Inquisitores, & catholicæ fidei defensores, nisi quod ex laciniolis & prærancidis quæstionibus quarti Sententiarum suxerunt, uolentes forte, quod quicquid Christus soluerit clauibus excellentiæ in cœlo (nam in terra non soluit ipse) solutum erit in super cœlo apud Deum. Rursum ut & Deus sit Pontifex, alias fingendus est Deus superior,, apud quem sit solutum, quicquid ipse soluerit clauibus autoritatis in super cœlo. Sed facessant nugæ, unas nouimus clauem, tantum in terra traditas.

Vetus sacerdotium

Iam quod inferunt, Ergo errat, qui dicit, sacerdotem nouæ legis tantum approbando & declarando soluere, hoc enim Iudaici erat sacerdotij. O acumen ingenij, & pondus ingens eruditionis, dignissimi plane uiri, qui inquirant hæreticos, & defendant catholicam fidem, sed aduersus lapides & ligna. Quanto rectius Apostolus Paulus sacerdotium uetus asserit constituisse, in iudicandis leprosis, in iustificationibus & mundicijs carnis, in cibo & potu, & uestitu, & festis diebus &c. Quibus ut figura significatæ sunt iustificationes in spiritu, & mundiciæ cordis, quas ministerio noui sacerdotij operatur in Ecclesia Christus.

Nouum sacerdotium.

Sacramenta nouæ legis.

Sophistæ.

Quamquam igitur sextam Conclusionem ipse non posui ex animo, ut dixi ibidem, sed quia alij sic sentiunt, Tamen quia nec ipsi aduersarij cum omnibus suis magistris, usque hodie possunt ostendere, quomodo sacerdos remittit culpas, nisi hæreticam illam, sed usitatam sententiam proferant, qua dicitur, Sacramenta nouæ legis iustificantem gratiam dare illis, qui non ponunt obicem, cum sit impossibile Sacramentum conferri salubriter, nisi iam credentibus, & iustis, & dignis. Oportet enim accedentem credere. Deinde non Sacramentum, sed fides Sacramenti iustificat. Ideo quicquid blaterent opiniosi Sophistæ, uero similis est, quod sacerdos nouæ legis declarat dum taxat & approbat solutionem Dei (id est, ostendit) & hac ostensione & iudicio suo quietat conscientiam peccatoris, qui eius iudicio tenetur credere, & pacem habere. Quomodo uetus sacerdos quietabat eos, quos corpore uel ueste mundos iudicabat, cum tamen ipse nullum posset mundare, nec se ipsum. Quod enim ille in corporibus, hoc iste in conscientijs operatur, Et sic respondet spiritus literæ, & ueritas figuræ. Et expecto hos catholicæ fidei defensores, quomodo sine prauitate hæretica aliter possint exponere Clauum uirtutem.

Ebr. ii.

CONCLUSIO VIII.

Canones pœnitentiales solum uiuentibus sunt impositi,
nihilq; morituris secundum eosdem debet imponi.

Hanc disputo, etsi multi sunt, qui mirentur eam esse dubiam,

Primo

Roma. 7.

Primo probatur per illud Roma. 7. Lex dominatur in homine, quanto tempore uiuit &c. Quod cum Apostolus de Lege diuina interpretetur, multo magis uerum est de lege humana. Vnde ibidem dicit: Cum mortuus fuerit uir eius, soluta est mulier à lege uiri. Multo magis ipse mortuus est solutus à lege uxoris uiuentis, Arguit enim à minori Apostolus: Si uiuus soluitur per mortem alterius, multo magis ipse mortuus, per quem soluitur uiuus.

Lex diuina.

Lex humana.

Secundo, Leges canonicæ sunt alligatæ circumstantijs temporis, loci, personarum, sicut omnes aliæ leges politiuæ, dist. xxix. (ut omnibus notum est) de solo enim uerbo Christi dictum est: In æternum Domine, permanet uerbum tuum, in seculum seculi ueritas tua. Et iusticia eius manet in seculum seculi. Verbum autem & iusticia hominum, manet ad tempus duntaxat, quare illis mutatis cessant & leges. Nisi dicendum est, quod uastata ciuitate, adhuc ipse locus desertus, teneatur ad omnia, quæ prius faciebat ciuitas, quod est absurdum.

Verbum Dei.

Verbum hominum.

Simile.

Tertio, si ius cogit, etiam cum uiuentibus dispensare, & legem mutare, quando legis conditio cessat, uel in peius uergit, cum (ut Leo Papa dicit) non debet contra charitatem militare, quod pro charitate statutum est, ita certe, quod contra ueritatem, pacem &c. coeperit militare. Quanto magis morituris leges sunt tollendæ, cum non solum cesset ibi conditio legum, sed ipse quoque, cui & cuius conditionibus positæ fuerunt.

Leo Papa.

Quarto, ex ipsis uerbis legis in quibus exprimuntur clare dies & anni, ieiunium, uigilia, labores, peregrinationes &c. quæ manifestum est esse huius uitæ, & per mortem cessare, ubi homo longe in aliam uitam migrat, ubi nec ieiunat, nec plorat nec comedit, nec dormit, ut qui non habet corpus. Inde Iohannes Gerson damnare audet Indulgentias titulo multorum milium annorum donatas, ut mihi miraculum sit, quid nam acciderit hæreticæ prauitatis Inquisitoribus, ut hunc uel mortuum non combusserint, qui contra morem omnium Stationum urbis, tum maxime contra usum effusoris illius Indulgentiarum Sixti quarti, tanta fiducia pronunciat, ut etiam moneat Prælatos officij sui, in ijs corrigendis atque prouidendis, fatuas & superstitiosas appellans titullationes talium Indulgentiarum &c.

Verba legis.

Iohannes Gerson
damnat Indulgentias.

Sixtus IIII.

Quinto, respiciendo ad intentionem latoris Canonum, quos certum est, ne cogitasse quidem, ut eiusmodi Canones imponerentur morituris. Finge enim nos interrogare Pontificem tales ferentem: Quos intelligis, o Pater, in lege tua? uiuos aut mortuos? Quid respondebit, nisi, imo uiuos quid enim cum mortuis agere possum, qui egressi sunt forum meum.

Intentio latoris
Canonum.

Sexto, crudelissime faceret sacerdos Christi, si non relaxaret fratri, sicut sibi uellet fieri, & non est causa, quare non debeat, cum sit in eius potestate.

Septimo, si Canones pœnitentiales manent mortuis, eadem ratione & ceteri omnes. Celebrant ergo, agant festa, & ieiunia, & uigilias, dicant horas canonicas, non comedant oua, lac, carnes, certis diebus, sed tantum oleum, pisces, fructus, legumina, induant uestes pullas uel candidas, pro differentia dierum, & alia onera grauissima, quibus nunc præmitur misera illa, olim liberrima, Ecclesia Christi. Nec enim ulla est ratio, quare aliqui cessant Canones propter tempus, & non omnes. Quod si cessant illa, quæ tamen sunt bona & meritoria ad uitam, cur non magis afflictiva illa & sterilia atque impeditura? An hic etiam permutationem nobis fingimus, ut sicut alias pœnas pro illis proportionatas patiuntur, ita & alia opera illis proportionata ibidem faciunt, ut nihilominus dicendi sint, legere horas canonicas &c.

Onera, quibus Ecclesia præmitur sub tyrannide Papæ.

Permutatio operum.

RESOLUTIONES

*Aegroti liberi
sunt & Canonibus.*

Octauo, de facto infirmis corpore, etsi non sunt morituri, tolluntur **Ca-**
nones tam poenitentiales quam morales. Sacerdos enim infirmus non tene-
tur orare, celebrare, deinde alij quoq; nec ieiunare nec uigilare, nec à carni-
bus, ouis, lacte abstinere. Suntq; omnia non modo libera, imo prohibita,
quæ prius erant sanis præcepta, Alioqui cum eos iam manus Domini tan-
gat, diceretur eis: Quare me persequimini sicut Deus, & carnibus meis (id
est, infirmitatibus) saturamini.

Arguo itaq;: **Canones** sunt impositi non infirmis, sed sanis & ualentibus,
ergo multo minus mortuis, sed uiuentibus. Aut si morituri & mortui
non sunt liberi cur infirmi etiam non eisdem præmuntur & uexantur? de-
niq; recepta sanitate non tenentur repetere omiſſa in infirmitate, quomodo
ergo credentur post mortem repetendi aut soluendi **Canones**.

Obiectio.

Sed hic dicunt quidam: Quid, si quis sanus impositas poenitentias
omiserit, & postea moriturus confiteatur? uidetur quod tales omnino ne-
cesse sit in purgatorio soluere, etiamsi aliæ non imponendæ sint, aut non
imponantur? *Responsio.* Respondeo, quod nequaquam, quia per talem omiſſionem ni-
hil est factum aliud, quam quod contra præceptum Ecclesiæ peccatum est, de
quo dolendum est, non denuo repetendum ac implendum pro præterito, sed
pro futuro tantum. Sufficit diæ malicia sua, crastinus sollicitus erit sibi.
Quod si præcepti transgressio ullius esset repetenda, ut nulla maneret, ma-
xima id in Dei præceptis fieri deberet, Sed est impossibile, ut adulterium
non sit factum omiſſæ castitatis.

*Mors maxima
pœna.*

Nono, quicunq; maiorem poenam subit, quam sibi imposita est, huic me-
rito & naturali iure remittuntur minores, Sed moriturus subit ultimam, sum-
mam & maximam poenarum scilicet mortis, Quare præſente morte, omnia
alia debet tolli, cum uix nullus sufficiat huic soli poenæ. Et iterum finge, co-
ram legislatore moriturum sese ad mortem offerentem, an non ille suas sta-
tim retrahat?

*Vuilhelmus Parhi-
sien:
Gerson.*

Decimo, Illustres quidam in Ecclesia Doctores dicunt, quod Christia-
nus quilibet sit ditissimus, quia per mortem uoluntariam potest omnia solu-
uere, & statim euolare. Cum nihil sit maius uoluntaria morte propter Deum
suscepta, ergo frustra **Canones** illuc referuantur. Huius sententiæ sunt
Vuilhel. Parh. Gerson, & sequitur eos non irrationabilis multitudo.

Vndecimo, Si mors satis poenarum non est, nisi mortuus & **Canones**
ferat, ergo Canonum poena maior erit mortis poena, quippe, quæ ultra mor-
tem durat, Et fiet inieria morti Christianorum, de qua dictum est: Preciosa
in conspectu Domini, mors Sanctorum eius.

Psal. 116.

*S. Bonifacius
martyr.*

Duodecimo, Finge peccatorem rapi, & in ipsa confessione Christi sta-
tim subire martyrium, antequam Canonibus satisfecit (ut de S. Bonifacio
Martyre legitur) Hunc ergo remorabitur purgatorium, ne sit cum Christo?
Et fiet, ut oretur pro Martyre in Ecclesia? At omnis uoluntarie moriens
(de hoc enim loquimur, id est, de Christiano) etiam pro uoluntate Dei mo-
ritur.

Ciuiles leges.

Tertiodecimo, Cur non ciuiles quoq; leges post mortem manent solu-
uendæ, cum & ipsæ ligent coram Deo & in cœlis, non sua uirtute, sed Chri-
sti, & Apostolorum Petri & Pauli, qui tradunt ex animo, & propter conscia
entiam illis subiici oportere, quia sic est uoluntas Dei?

Roma. 13.

1. Pet. 2.

Quartodecimo, **Canones** cessant, quando Laicus poenitens mutat sta-
tum, scilicet in sacerdotium, aut sacerdos in Episcopatum, aut in Monacha-
tum. Et hæc cessatio fit in hac uita, & non cessat in mutatione mortis? Quid
absurdius?

Quinto.

Quintodecimo, Quod talis sententia de Canonibus post mortem sol-
uendis prorsus nullam habet auctoritatem Scripturæ, canonum, aut rationis
probabilis, sed uidetur sola inertia & negligentia sacerdotum introducta, si-
cut & multa alia superstitiosa.

Decimosexto, Ad hoc habemus exempla Patrum antiquorum, & certe
unus Cyprianus uel rigidissimus ecclesiasticarum censurarum & discipli- *Cyprianus.*
narum obseruator, is tamen Epist. 17. lib. 3. præcipit pacem dandam ijs, qui
periculo mortis sunt obnoxij, ut ad Dominum cum pace ueniant, facta con-
fessione sua uel presbytero, uel diacono, ut ibidem dicit. At datio pacis illa
nihil est, quam id, quod nunc remissio plenaria uocatur, ut patet intuenti.

*Datio pacis apud
Cyprianum quid?
Canones quibus
imponendi.*

Concludamus ergo, quod Canones non nisi uiuentibus, nec ijs nisi sa-
nis & ualentibus imponendi sunt, imo non nisi pigris, & qui sponte sua me-
lius agere nolunt. Hæc certe non tam late produxissim, si non scirem quosa-
dam nimis tenaciter asserere contrarium, quod tamen nulla uia probare pos-
sunt. Nam si cum ingeniosis & eruditis uellem agere, melius tacerem, quam
loquerer.

AT hic dicat aliquis: Sic dicere, est nimis uilificare indulgentias,
si solum Canonice pœnæ, nec omnes tamen, nec nisi huius uitæ re-
mittuntur. Respondeo: Præstat uiles fieri Indulgentias, quam crucem Chri-
sti euacuari, & melius est uiles habere Indulgentias, quam aliquid in Ecclesia
docere, quod fictionis possit argui in Ecclesiæ confusionem. Ego sane libe-
ra fronte confiteor atq; protestor, me non magnopere curare Indulgentias,
quo ad remissionem pœnarum (in qua illi sola gloriantur) sed maxime ue-
neror, amplector, gratulor in eis, quo ad remissionem culpæ, secundum sen-
sum meum supra positum, quam illi nullam esse putent.

Huic octauæ obijcitur pugio unus plumbeus, Quod uidelicet in Iuri-
bus inuenitur, etiam mortuos excommunicari, ut præ cæteris testatur c. A
nobis, extra de sen. ex. Quam timebam, ne etiam inueniri dicerent pœnas
sensibiles, & satisfactiones infligi mortuis. At bene est, quod tantum excom-
municari dixerunt mortuos, ita & absolui mortuos, nemo est qui negat. Sed
quid ista absolutio ad remissionem pœnarum? Hæcine est illa subtilissima *Dialectica*
dialectica, sine qua doceri non fieri Theologum? forte in quinta figura te- *Sophistarum.*
net illa consequentia. Aliquis absoluitur ab excommunicatione, ergo remit-
tuntur ei pœnæ satisfactoriæ? Ut quid ergo passim Indulgentias profun-
dunt, si absolutus à peccato, mox etiam remissionem habet pœnarum? Si
autem absolutis adhuc remanet satisfactio, quomodo ergo absolutio mortuis
prodest aut tollit pœnam?

Igitur inutilis est iste syllogismus, quod sicut excommunicatio sese ex-
tendit ad mortuos, ita & remissio pœnarum. Imo ut ipsimet Iuristæ dicunt:
Excommunicatio mortui, mortuo nihil infert, sicut absolutio nihil confert,
sed omnia hæc nobis sunt in terrorem, nisi quod non pro tali publice ora-
tur, Non plus igitur ille patitur à tali excommunicatione, quam pateretur
domus uel uestis, si excommunicaretur, sic rursus nihil plus iuratur absolu-
tione.

Sed quiescam deinceps confutare contradictiones istas garrulas, cum
nihil in se contineant, quam opiniones scholasticas, nec in Scripturis, nec ec-
clesiasticis Patribus, nec Canonibus fundatas, Semper enim petit principi-
um, aut si hoc non facit, more iratarum muliercularum saltem blaterat hæc
uerba: Errat, furit, insanit, Error, errare, In his enim uerbis summam sapi-
entiae & scientiæ suæ constitutam uult uideri,

P in

CON.

RESOLUTIONES

CONCLUSIO IX.

Inde bene nobis facit Spiritus sanctus in Papa, excipiendo in suis Decretis semper articulum mortis & necessitatis.

Ista Conclusio magis est probatio præcedentis, Certum est enim, quod si articulos necessitatis temporalis summus Pontifex uult excipere, multo magis necessitatē æternam. Ad quam homo per mortem uadit, cum infirmus aut impeditus legitime, solum temporali impotentia teneatur. Quin etiam si qua summus Pontifex non excipit necessitatem, tamen excepta non minus intelligitur, Cum necessitas non habeat legem, at mors necessitas necessitatum, & impedimentum impedimentorum omnium ultimum & maximum est,

Mors.

CONCLUSIO X.

Indocte & male faciunt sacerdotes ij, qui morituris poenitentias Canonicas in purgatorium referuant.

ET hoc quoque corollarium manifestum est conclusionis 8. Et certe sunt nonnulli, qui mirentur, si hæc fiant à sacerdotibus. At utique fiunt. Cum uero id sit, plus obedientiam canonum quam obedientiam uocantis Dei ponderare, & uiliora canonum opera præferre precio preciosissimæ mortis Christianorum, nescio si illi recte fidei Regulam teneant, qui tali imbuti sunt opinione.

Secundo, Id notum est, & insignibus autoribus celebre in Ecclesia, Si quem Deus hominem in medijs ipsis operibus obedientiæ ecclesiasticæ ad ecstasim raperet, uel singularem illuminationem, tenetur homo tum opus intermittere & obedientiam Ecclesiæ relinquere, & Deo obsequi magis, quam hominibus. Imo dicunt in ipsis horis canonicis attentionem uerborum debere omitti, contra præceptum Ecclesiæ, si qua arriserit cœlestis illustratio & affectio. Si ergo in ijs uocationibus feriantur leges Ecclesiæ, quomodo non feriantur in uocatione & ecstasi tam magna, scilicet mortis? Nisi forte stultorum sequi oportet multitudinem, qui in operibus suis ceremonialibus ita hærent, ut manifestam obedientiam Dei & hominum propter illa sæpius postponant, & recte sibi fecisse uideantur, si illa tantum, cætera uero nunquam fecerint.

Deo plus parendum, quam Canonibus.

Tertio, Effet sane Ecclesia tum satis impia in Deum, si scilicet cum in suo foro retineret inferiori, quem Deus iam ad suum tribunal supremum uocat. Aut quando patitur summus Pontifex, reum teneri lege, iuribusque fori inferioris Episcopi aut Prælati, postquam uocatus est suo foro sisti? an ipse id à suis inferioribus requirit, quod ipse homo suo Deo superiori non permittit? Claudat ergo manum Dei homo, & homo non potest claudere homini? Absit. At certe si morituro imponit Canones, clarum est, quod eum secundum suum forum iudicat & punit. Hæ sunt itaque ferme uiginti Rationes, quæ me mouerunt (ut spero) non temere dubitare de materia illa canonicarum poenarum, cum in contrariam partem nulla sit autoritas, nec Canon, nec ratio, nec uniuersalis usus Ecclesiæ, sed abusus quorundam tantummodo.

20. rationes Lutheri

CONCLUSIO XI.

Zizania illa, de mutanda poena canonica, in poenam purgatorii, uidentur certe dormientibus Episcopis seminata.

Hic

Hic rogo, nullus existimet me calumniam R. Episcopis struere, quod dixerim eos dormiuisse. Euangelij non mea sunt uerba, nisi quod ibi non ponitur nomen Episcoporum, sed hominum. Certum est tamen, quod per homines intelligit Maiores & Rectores Ecclesiæ, nisi per tropologiam, uniuscuiusq; spiritum & mentem super corpus suum acceperis. Igitur Pontifices Ecclesiæ, ista quidem non docent, quia (ut dixi) nullus Canon, nullum statutum ex illis habemus, unde id possit doceri. Frustra itaq; laborant quidam Canonistæ, dum nituntur ostendere, quales sint illi anni, dies, quadragenæ in purgatorio, cum uere nulli sint, aut saltem esse non probetur, Sed error inde uenit, quod non aduertunt, Canones esse in tempore huius uitæ statutos, & super terram ligantes, sicut qui mutat municipium, & iura quoq; municipalia simul, Quod si quid debet, prius cogitur satisfacere, quam mutare. Igitur morituris prorsus nihil est imponendum, neq; remittendi sunt ad purgatorium cum residuo poenitentiae (ut Gerson in aliquo loco asserit) sed magis (ut idem melius alibi sapit) ad mortem constanter & uolenter pro uoluntate Dei suscipiendam.

Matt. 13.

Canonistæ.

Hic uidendum commentum illud & futile cauillum, quo uelut puellulos terrere laruis cupiunt, dicentes: Quia sacerdos ignorat mensuram contritionis absoluendi, ideoq; forte non imponit tantam satisfactionem, quam iusticia diuina requirit, quare necesse est & huic uel proprio opere, uel Indulgentijs satisfieri.

Puerile argumentum.

Primum uide, ut nuda sua uerba pro oraculis sonent, sine ulla probatione, cum tamen Propheta dicat: Non faciet Deus uerbum, nisi reuelauerit secretum suum ad seruos suos Prophetas. Nec est credibile, cum Deus noster sit, qui docet nos utilia, sicut per Prophetam loquitur, non etiam hanc suæ iusticiæ exactionem alicubi reuelarit.

Amos 3.

Deinde nescio, an sic dicentes, Deum uelint usurarium aut mercatorem facere, ut qui non remittat gratis, nisi ei uelut precium reddatur satisfactio. An forte uolunt, ut cum iusticia Dei tractemus de nostris peccatis, coram qua nullus iustificatur homo?

Tertio, si id ita est, cur ergo Papa plenarie absoluit, cum æque ignoret mensuram contritionis, nec iple potest supplere contritionis imperfectiorem? perfecta autem eius absolutione non eget. Nec habet alterius generis potestatem, quam alius sacerdos, sed alterius quantitatis, quia ipse omnium peccata, alij aliqua remittunt, & quantam satisfactionem illi in aliquibus, tantam ipse in omnibus potest remittere, nec amplius. Alioquin monstrum esset Ecclesia, ex diuersi generis potestate constituta.

Quarto, Et Ecclesia primitiua ignorabat contritionis mensuram & pondus spirituum, nihilo tamen minus remittebat plenarie peccata post peractam poenitentiam, quam satis fuisse, non potuit scire, iuxta horum sententiam.

Ecclesia primitiua.

Quinto, Iterum somnium procedit ex eo, quod remissionem peccatorum non super fidem & uerbum miserentis Christi, sed super opus currentis hominis ædificant, quia remissionem plenariam dari non posse fingunt, nisi perfecte contritis, quorum nullus est in hac uita. Et tamen concedunt eam dari à Papa, etiam imperfecte contritis.

Sexto, Si iusticia Dei aliquid requirit, iam extra manum est Ecclesiæ, quæ nihil habet mutare, quod Deus uult, aut imponit, Stat enim firma sententia: Consilium meum stabit, & uoluntas mea fiet.

P iij

Eadem

RESOLUTIONES

Eadem ratione & illud confutatur, quod alij dicunt Poenas canonicas esse declaratorias poenarum à iusticia diuina requisitarum. Primum illud non probatur, ergo eadem facilitate contemnitur. Si declarat, ergo impossibile est, ut relaxet Ecclesia easdem, quia non imposuit, sed impositas à Deo declarat. Aut dicere cogentur, quod uerbum Christi sic sit ordinandum, Quodcumq; ego ligauero, tu solues.

CONCLUSIO XII.

Olim poenae canonicae non post, sed ante absolutionem imponebantur, tanquam tentamenta uerae contritionis.

Canonicae poenae.

Iterum probat octauam haec duodecima, quia canonicae poenae adeo sunt temporales, ut finem sui habeant ipsam absolutionem. Cum autem nullus moriturus non debeat absolui (ceteris paribus) patet, quod non imponendae, sed etiam impositae & imponendae, sunt potius relaxandae. Quod si mos ille priscus Ecclesiae huiusq; fuisset seruatus, non fuisset error iste natus. Nunc uero cum absolutio praecedat poenas, factum est, ut in absolutionis iniuriam, non absolutum remittant in mortem, & rem monstro faciant similimam, dum absoluendo non absoluunt, & absolutum eadem uoce ligant.

Primo probatur Conclusio ex ipso usu solennis poenitentiae, in Canonibus descriptae, cuius uel exemplum uel reliquum uestigium adhuc agitur in homicidij poenitentia. Cur enim hic uiuentem absoluunt à poena, & non remittunt eum ad alias in uita agendas, qui tam rigidi sunt in morituros?

Secundo, Sic B. Hieronymus scribit Fabiolam suam absolutam. Sic B. Ambrosius suum Theodosium absoluit. Deniq; apud nullum frequentius id legitur, quam apud gloriosum martyrem Cyprianum, lib. 3. epistolarum suarum. Item in ecclesiastica & tripartita historia. Item apud Dionysium in ecclesiastica Hierarchia status poenitentium & energumenorum describitur. In ijs omnibus uidemus, non fuisse receptos tunc ad gratiam & absolutionem peccatores, nisi peracta poenitentia.

Tertio, neq; Christus absoluit Mariam Magdalenam & adulteram, nisi post lachrymas, unctionem, & uehementissimam & humilimam afflictionem.

Quarto, Sic legimus Gene. 44. Ioseph fratres suos multis afflixisse Gene. 44. tentationibus, ut exploraret, an uere essent erga se & Beniamin affecti, quod cognito, reuelauit se eis, & in gratiam recepit.

CONCLUSIO XIII.

Morituri per mortem omnia soluunt, & legibus Canonum mortui iam sunt, habentes iure earum relaxationem.

HAEC concludit praedicta & satis patet. Esset enim haec res mirabilis, si moriturus soluitur ab omnibus operibus, rebus, legibus, hominibus, insuper ab ipsis legibus Dei, scilicet ubi praecipitur eleemosyna, oratio, ieiunium, crux, labor, & quicquid per corpus geri potest, deniq; ab ipsis sanctae dilectionis (quae nunquam excidit sola) operibus erga proximum, & solae rerum sint Canones, à quibus non possit solui. Tum Christianus miserabilior erit cunctis gentibus, puta, quem etiam mortuum uexent leges uiuorum, cum ipse potius talis sit, ut etiam inter mortuos esse debeat liber per Christum, in quo uiuit.

Colligamus nunc tandem Epilogum, ut uideamus, quantis remittuntur poenae per Indulgentias. Sextuplex hominum genus mihi uidetur exceptum,

*Non egentes
Indulgentijs.*

ceptum, quod non egeat Indulgentijs. Primo mortui seu morituri. Secundo infirmi. Tercio legitime impediti. Quarto qui non commiserunt crimina. Quinto qui crimina, sed non publica, commiserunt. Sexto qui meliora operantur. Ostendemus hæc & faciemus saltem uerisimilia.

Primum, quod forte maxime mouet, scilicet quod publicis criminibus solum necessariae sunt Indulgentiae, ut sunt adulteria, homicidia, usurae, fornicationes, ebrietates, rebelliones &c. Tales enim si fuerint occulti, ad Canones non uidentur pertinere. Primo, quod Canones statuunt publicas poenitentias; nec habet Ecclesia iudicare foris de occultis. Secundo, quod peccatum occultum, sicut non debet publice puniri, ita nec eget publice remitti, sed Indulgentiae sunt remissiones publicae, & in facte Ecclesiae sunt, ut patet, imo sunt nonnulli, qui nonnihil distare putant inter Indulgentias publicis Bullis concessas, & priuatim in foro conscientiae donatas. Tercio, Occultis peccatis non est offensa Ecclesia sed solummodo publicis, ideo non tenentur ad poenitentiam publicam, ut resarciant scandala, & rursum ædificent quod destruxerunt. Quarto, Et nunc Iurisperiti non damnant publice criminosos, nisi fuerint iure notorii, tolerantes facto notorios. Quorum sententia certe non reprobō, neque erronea mihi uidetur, cum nulli liceat alterum iudicare, damnare, despiciere quantumlibet peccatorem, nisi potestatem habuerit iudicandi super eum, ne dicatur ei: Tu quis es, qui iudicas alienum seruum? Negligentia tamen charitatis reprehendenda est, tum Prælatorum, tum subditorum, quod notorios facto sinunt libere agere, nec curant, ut fiant notorii iure, secundum illud præceptum Christi: Dic Ecclesiae, si Ecclesiam non audierit &c.

Matt. 18.

Secundo, Credo omnibus patere, quod solum pro criminibus imponantur poenae canonicae, ergo Indulgentiae (si sunt remissiones Canonum) non nisi criminosis sunt utiles. Ideo qui communi uita agunt, quæ sine peccatis uenialibus non agitur, non habent opus uenijs, Maxime cum nec debeat institui poena uenialibus, imo nec confiteri teneantur, multo minus uenias redimere opus habent. Alioqui esset necesse, penas Canonicas ab omnibus omni tempore ferri, cum nemo (ut dixi) sine uenialibus uiuat. Atque amplius loquar, nec pro omni peccato mortali sunt ueniæ redimendæ, quod sic ostendo. Nemo certus est, se non semper peccare mortaliter, propter occultissimum superbiam uitium. Si ergo super omni mortali starent canonicae poenae non esset tota uita fidelium, ultra crucem euangelicam, nisi etiam canonicarum poenarum carnificina. Quare & semper redimendæ essent Indulgentiae, atque nihil aliud agendum. Quod si hoc absurdum est, patet, indulgentias non esse nisi super peccatis à Canonibus punitis. Peccata autem à Canonibus puniri nulla possunt, nisi certa & publica crimina, aut si multum urgear, saltem, quæ sibi certa sunt esse crimina, ut dixi de adulterio, furto, homicidio &c. id est, manifesta opera foris. Quare consensus cuiuscunque mortalis, non pertinet ad canonicas poenas uel imponendas uel remittendas, ut nec uerbum oris, nisi sit occasio operis futuri, ut etiam ex uerbis Canonum patet.

Poenae canonicae.

Tercio, Nec sic sunt criminibus impositi Canones, quin cessent, si quis melius quid operetur. Ut si intret monasterium, aut se deputet seruitio pauperum, & hospitalis, aut pro Christo patiat, aut pro uoluntate Dei moriatur, aut simile uel maius quippiam his fecerit, In his claret, quod canonicae poenae cessant, nec Indulgentiae eis aliquid prosunt. Vnde solum inertibus, frigide poenitentibus, delicatis scilicet peccatoribus, sunt impositae, ideo & solummodo duris & impatientibus Indulgentiae proprie concedi uidentur.

Quarto,

RESOLUTIONES

Quarto, impeditis iustissima causa, ut poenas ferre non possint, non est dubium, non impositas intelligi, Vt si quis captiuus esset Turcis & infidelibus, si seruus alicuius Domini, cui tenetur obedire sub præcepto Evangelij, aut etiam debitum reddere, seruire uxori & liberis, opere manuum, & uictu querendo, Illis enim impeditus, non tenetur ea dimittere, imo ea facere & Canones omittere, & Deo obedire, Quare nec remissiones illorum habet necessarias, quorum non fuit capax impositionis.

Quinto, Infirmis nihil imponunt Canones, sanus ergo queritur, & qui non sit de numero illorum, qui dicunt: Manus Domini tetigit me. His enim non impositio poenarum, sed uisitatio & consolatio debetur, secundum illud Christi: Infirmus fui, & non uisitastis me. Alioqui dicitur Pontificibus: Quoniam quem tu percussisti, persecuti sunt, & super dolorem uulnerum meorum addiderunt. Et illud Iob. Quare me persequimini sicut Deus Iob 19. us, ergo nec his sunt necessariae ueniae.

Sexto, Tandem mortuis & morituris, de quibus dictum est: Vides ergo quam multi sint Christiani, quibus ueniae non sunt necessariae, nec utiles. Sed ad Conclusionem tandem reuertor, ut hanc materiam aliquando finiam, & proprio eos fodiam gladio.

*In articulo mortis,
quilibet sacerdos
est Papa.*

Constat apud omnes in Ecclesia, quod in agone & articulo mortis, quilibet sacerdos Papa est, ergo omnia remittit morituro. Quod si deest sacerdos, certe uotum sufficit, quare absolutus est ab omnibus, quibus a Papa potest absolui, ergo Indulgentiae defunctis nihil conferre uidentur prorsus, cum quicquid solui potest solum sit in morte. Ex quo simul patet, quod graduum & legum differentia solum super uiuentes & sanos intelligitur. Igitur ueniae sunt utiles manifeste criminosis, uiuentibus, sanis, ac ualidis, non impeditis, & melius agere non ualentibus. Hic si erro, reuocet me, qui potest & scierit.

*Questio.
Responsio.*

Si autem quæras: A quibus ergo poenis redimuntur animæ, uel quas patiuntur in purgatorio, si canonicæ nihil respondens patiuntur? Dico: Si id ego scirem, quid disputarem & quærerem? Ego non sum tam expertus & sciens, quid Deus faciat cum animabus separatis, ut illi copiosissimi animarum redemptores, qui omnia adeo secure pronunciant, ac si fuerit impossibile eos esse homines. Accedit ad difficultatem, quod sunt Doctores, qui putent animas nihil ab igne, sed in igne tantummodo pati, ut sit ignis non tortor, sed carcer animarum. Idcirco & hic ingredior multo maxime dubiam & disputabilem materiam, & quid super his rebus perceperim, profero.

CONCLUSIO XIII.

Imperfecta sanitas seu charitas morituri, necessario secum fert magnum timorem, tantoque maiorem, quanto minor fuerit ipsa.

PAtet per illud 1. Iohan. 4, Timor non est in charitate, perfecta charitas foras mittit timorem, quia timor poenam habet. Igitur si perfecta charitas foras mittit timorem, necessarium est, ut imperfecta timorem non mittat foras. Ac per hoc, timor sit cum charitate imperfecta. Sed ubi est illa perfecta charitas? & (ut digrediar paululum) quis est sine timore mortis, iudicij, inferni? Nam in homine quantumcumque sancto reliquiae sunt uetustatis & peccati, & non possunt filij Israël in hoc tempore Iebusæum, Canaanum, & relinquant gentes penitus delere, manet uestigium prioris Adæ. Hæc autem uetustas est error, concupiscentia, ira, timor, spes, desperatio, mala conscientia, horror mortis &c. Hæc enim sunt ueteris & carnalis hominis,

*Reliquiae peccati
in Sanctis.
Vetus, nouus homo.*

2. Cor. 4. minis, minuuntur autem in nouo homine, sed non extinguuntur, donec & ipse extingatur per mortem, sicut ait Apostolus, Licet is, qui foris est, non ster homo corumpatur, ille qui intus est, tamen renouatur de die in diem. Igitur ista mala reliquiarum uetustatis, per Indulgentias non tolluntur, nec per coeptam contritionem, sed incipiunt tolli, ac proficiendo magis ac magis tolluntur. Hæc est sanitas spiritus, nihil aliud, quam fides seu charitas in Christo. *Sanitas spiritus.*

Isto sic posito, patet Conclusio satis, quia si quispiam fuerit præoccupatus morte, priusquam sit perfectæ charitatis, quæ timorem pellat, necessario cum timore & horrore moritur, donec perficiatur charitas, & foras mittat timorem illum. Hic autem timor est ipsa conscientia mala & trepida, propter defectum fidei, Nulla est enim formidolosa conscientia, nisi quæ fide uel uacua, uel imperfecta est. Sic enim & Apostolus ait: Sanguinem Christi liberare conscientias nostras ab operibus mortuis. Et iterum Ebr. 10. Aspergi corda à conscientia mala in plenitudine fidei. *Timor.*

Breuius, si possum probare, quod causa horroris & timoris sit diffidentia, Rursum, causa securitatis, sit fides, credo simul probatum esse, quod moriens in fide imperfecta, necessario timet & horret. Sed diffidentiam esse causam terroris, desperationis, damnationis, in Euangelio sæpius legitur. *Diffidentia & Securitas.*

Luc 5. Primum, quando Petrus Dominum à se iussit exire, quia homo peccator
Matt. 14. ego sum, inquit. Secundo, quando coepit mergi propter modicam suam fidem. Tercio, quando discipuli præ turbatione uoluerunt clamare, ubi Christum super mare ambulanti phantasma putabant. Quarto, quando turbati existimabant se spiritum uidere, cum intraret ad eos ianuis clausis. In his omnibus ostenditur diffidentiam esse causam timoris & horroris. Venit ergo omnis turbatio ex diffidentia, omnis securitas ex fiducia in Deum. Fiducia autem ex charitate, quia necesse est, ut is tibi placeat, in quem confidas.

CONCLUSIO XV.

Hic timor & horror satis est, se solo, facere (ut alia taceam) poenam purgatorij, cum sit proximus desperationis horrore.

Nihil de igne & loco purgatorij loquor, non quod ea negem, sed quod alia est illa disputatio, nec à me nunc instituta. Deinde quod nesciam, ubi sit locus purgatorij, licet B. Thomas illum sub terra esse putet. Ego uero interim cum B. Augustino remaneo, scilicet, quod receptacula animarum abdita etc. *Receptacula animarum abdita etc.*

Quæ ideo dico, ne Pighardus hæreticus in me sibi uideatur obtinuisse, purgatorium non esse, quia locum eius ignotum esse confiteor. Aut ideo Romanam Ecclesiam errare, quia opinionem B. Thomæ non explodit. Mihi certissimum est, purgatorium esse. Nec multum me mouet, quid blaterent Hæretici, quando iam mille & plus centum anni sunt, quod B. Augustin. in suarum confess. lib. 9. pro matre & patre suo orat, & orandum petit. Et eadem sancta mater eius, moriens (ut ibi scribit) memoriam sui optauerit ad altare Domini, Sed & a. B. Ambrosio id factum narrat. Quod si etiam tempore Apostolorum non fuisset purgatorium (ut superbit fastidiosus Pighardus) nunquid ideo credendum est Hæretico, uix quinquaginta annos nuper nato, & fidem tot seculorum falsam fuisse contendendum, maxime cum ipse nihil aliud faciat, quam quod dicit, non credo, & sic probauit omnia sua, & improbauit omnia nostra, quasi non & lignum & lapis non credant. Sed hæc suo operi & tempori *Purgatorium.*

Igitur concessum est, horrorem esse in animabus. Nunc proba eum esse poenam purgatorij uel maximam. *August. lib. 9. confess. Ambros.*
Primo

RESOLUTIONES

Inferni & purgatorij poenae eadem Primo, omnes concedunt easdem esse poenas purgatorij, & inferni, nisi si quod differunt aeternitate. At scriptura describit poenas inferni esse, turbationem, patorem, horrorem, fugam, ut Psal. 1. Non sic impij non sic, sed tanquam pulvis, quesi proijcit ventus. Sed & in Iob & Esaia, & multis alijs locis, impij comparantur stipulae & pulveri, turbine raptis atq; dispersis. In quo nimirum significat fugam horribilem damnatorum. Item Psal. 2. Tunc loquetur ad eos in ira sua, & in furore suo conturbabit eos. Et Esa. 28. Qui confidit in illum, non confundetur, id est, non festinabit, non pauebit, neq; fugiet confusus & horrens. Vtiq; uolens, quod non confidentes confundentur & pauebunt. Prouerb. 1. Qui me audierit, absq; terrore requiescet, & abundantia perfruetur, timore malorum sublato. Et Psal. 112. Ab auditione mala non timebit.

Poenae impiorum. His enim & alijs locis Scripturae, terror, horror, pavor, timor, tremor, exprimitur poena impiorum, quando piorum contraria asserit. Deniq; & B. Iacob. dicit, quod daemones credunt & contremiscunt. Et Deut. 32. clare pronunciat, poenam impij esse pauorem, dicens; Dabit tibi Dominus Deus cor pauidum &c. Nam si pavor ille non esset, nec mors, nec infernus nec ulla poena esset molesta. Sicut ait in Canticis: Fortis ut mors dilectio, dura sicut infernus aemulatio. Quod satis ostensum est in Martyribus, adeo, ut de impijs dicat Spiritus Psal. 14. Illic trepidauerunt timore, ubi non fuit timor. Et Prouerb. 28. Fugit impius nemine persequente. Iustus autem, quasi Leo confidens, absq; terrore erit. Alioqui, cur unus timet mortem & doler, alius uero contemnit, nisi quia intus iusticiae fiducia destitutus timet, ubi timere non debet.

Fuga. Secundo, 2. Thess. 1. Qui non credunt Euangelio, dabunt poenas in interitu aeternas, a facie Domini, & a gloria uirtutis eius. Quia scilicet solito uultu uirtutis suae torquet eos, & cruciat Deus, cum sit eis insustentabilis. Ideo fugient & non effugient, sed deprehendentur inter angustias. Sic illud Sapient. Cito apparebit uobis horrende. Et Psal. 21. Pones eos, ut clibanum ignis, in tempore uultus tui. Alioqui unde illa uox: Montes cadite super nos, & colles operite nos. Et illud Esa. 2. Ingredere petram, & abscondere in fossa humo, a facie furoris Domini, & gloria maiestatis eius. Et illud Iob: Quis mihi tribuat, ut inferno protegas me, & abscondas me, donec transeat furor tuus? Patet itaq; quod a facie Domini oritur eorum maxima poena, dum confunduntur a foedissima sua immundicia ad tantam puritatem comparata.

Inquietudo. Tertio, Et Ecclesia in persona animarum psallit & gemit Psal. 6. Conturbata sunt ossa mea, & anima mea turbata est ualde. Et Psal. 115. Circumdederunt me dolores mortis, & pericula inferni inuenerunt me. Vnde & usitatissima oratio est, ut eis requiem optemus, utiq; intelligentes, quod sunt inquietae. At poenae non faciunt inquietudinem, ut patet in Martyribus & constantibus uiris, sed horror & fuga poenarum, quae oritur ex infirmitate fiducia in Deum. Sicut credit unusquisq;, sic fit ei, & tales sunt ei poenae & omnia, qualis fuerit & ipse. Inde non conturbat iustum, quicquid acciderit ei (ait Sapient.) Rursum impios terret (Leui. 26.) sonitus folij uolantis. Et Esa. 57. Impij quasi mare feruens, quod quiescere non potest, & redundant fluctus eius in conculcationem & luctum. Non est pax impijs, dicit Dominus Deus.

Poenae inferni uiuentibus gustatae. Quarto, Viuentes aliqui eas poenas gustauerunt, scilicet inferni, ergo multo magis mortuis credendum est, eas inferri in purgatorio. Nam Dauid expertus dicit: Nisi quia Dominus adiuuit me, paulominus habitasset in inferno anima mea. Et alibi: Repleta est malis anima mea, & uita mea inferno appropinquauit. Et rursum: Dissipata sunt ossa nostra secus infernum.

Et affi.

Psal. 71. Et assimilatus sum descendentibus in lacum. Et iterum: Quam multas
Esa. 38. ostendisti mihi tribulationes magnas & malas, & de abyssis terræ iterum re-
 duxisti me. Ezechias uero dicit: Ego dixi in dimidio dierum meorum, uan-
 dam ad portas inferi. Et infra. Sicut leo contriuit omnia ossa mea, quod
 certe non nisi intolerabili factum horrore potest intelligi.

Quinto, quam multi sunt, qui usq; hodie has pœnas gustant, nam &
 Iohan. Taulerus in suis Teutonicis Sermo. quid aliud docet, quam earum *Iohan. Taulerus.*
 pœnarum passiones, quarum & exempla nonnulla adducit? atq; hunc do-
 ctorem scio quidem ignotum esse scholis Theologorum, ideoq; forte con-
 temptibilem. Sed ego plus in eo (licet totus Germanorum uernacula sit
 conscriptus) reperi theologiæ solidæ & syncere, quam in uniuersis omni-
 um uniuersitatum scholasticis doctoribus repertum est, aut reperiri possit in
 suis sententijs.

Sed & ego noui hominem, qui has pœnas sæpius passum sese afferuit,
 breuissimo quidem temporis intervallo, sed tantas, ac tam infernales, quan- *Pœna inferni.*
 tas nec lingua dicere, nec calamus scribere, nec inexpertus credere potest,
 ita, ut si perficerentur, aut ad mediam horam durarent, imo ad horæ decimam
 partem, funditus periret, & ossa omnia in cinerem redigerentur.

Prou. 31. Hic Deus apparet horribiliter iratus, & cum eo pariter uniuersa creatu-
Psal. 6. ra. Tum nulla fuga, nulla consolatio, nec intus, nec foris, sed omnium accu-
 satio. Tunc plorat hunc uersum: Proiectus sum à facie oculorum tuorum.
 Nec saltem audet dicere: Domine ne in furore tuo arguas me. In hoc mo-
 mento (mirabile dictu) non potest anima credere, sese posse unquam redimi,
 nisi quod sentis nondum completam pœnam. Est tamen æterna, neq; potest
 eam temporalem existimare, solum relinquitur nudum desyderium auxiliij, &
 horrendus gemitus, sed nescit unde petat auxilium,

Hic est anima expansa cum Christo, ut dinumerentur omnia ossa eius,
 Nec est ullus angulus in ea, non repletus amaritudine amarissima, horrore,
 pauore, tristitia, sed ijs omnibus non nisi æternis.

Et ut dem Simile utcumq; si sphaera transeat super lineam rectam, quili. *Simile.*
 bet punctus lineæ tactus, totam fert sphaeram, non tamen comprehendit
 totam sphaeram. Ita anima in suo puncto, dum tangitur à transeunte inun-
 datione æterna, nihil sentit & bibit, nisi æternam pœnam, sed non manet,
 iterum enim transit. Igitur si uiuentibus contingit illa inferorum pœna, id
 est, intolerabilis ille pauor, & inconsolabilis, multo magis animarum in
 purgatorio uidetur talis esse pœna, sed continua. Et hic est ignis ille inter-
 nus multo atrocior, quam externus. Quod si quis ista non credit, non con-
 tendimus, Sed id tantum effecimus, quod illi ueniarum præcones, multa di- *Veniarum præ-
cones.*
 cunt, quæ uel ignorant uel dubitant, nimis audacter. Magis enim creden-
 dum est expertis in his, quam illis inexpertis.

Sexto, ad id facit autoritas Ecclesiæ, quæ canit, Libera eas de ore leo-
 nis, ne absorbeat eas tartarus. Item à porta inferi. Quibus uerbis certe uide-
 tur significari, esse animas uelut iam in porta, & introitu damnationis, &
 initio inferni, quod dixi prope desperationem esse, nec uana esse uerba Ec-
 clesiæ credo.

CONCLUSIO XVI.

Videntur Infernus, Purgatorium, Coelum differre, sicut
 desperatio, prope desperatio, securitas differunt.

Q

Si quis

RESOLUTIONES

*Cælum.
Inferni.*

Siquis duas præcedentes Conclusiones ueras putauerit, hanc quoque facile admittit. Imo, cum in cælo credamus regnare pacem, gaudium & securitatem in luce Dei, in inferno uero contra, læuire desperationem, dolorem, & horribilem fugam in tenebris exterioribus.

Purgatorium.

Purgatorium uero sit medium inter utrumque, sic tamen, ut propius sit inferno, quam cælo (quia non habent gaudium & pacem, Imo nihil de cælo participant, cum ponatur esse eadem poena cum inferno, sola duratione differente) satis patet, quod & in ipso sit desperatio, fuga, horror, & dolor.

Spiritus.

Sed addidi prope desperationem dicens, quia tandem cessat illa desperatio. Alioquin reuera, dum est in illo, anima non sentit, nisi desperationem, Non quod desperet, sed quod in tanta est perturbatione, & confusione paucis, ut non sentiat sese sperare. Solus Spiritus adiuvat ibi quam maxime infirmitatem eorum, gemitibus inenarrabilibus pro eis interpellans. Roma. 8.

Tentati.

Sic enim fit & tentatis in hac uita, ut nesciant an sperent uel desperent, imo sibi desperare uidentur, solo superstite gemitu pro auxilio. Ex quo signo non ipsi, sed alij intelligunt eos adhuc sperare. Sed omitto uerbosius de ea re loqui, quæ est abstrusissima, ne & mihi obijciant ueniales quæstores, quod sine probatione loquar, quanquam non, ut illi, assero, quæ ignoro, sed disputo & quæro, & eorum præsumptam certitudinem, dubiam, imo nullam esse contendo.

CONCLUSIO XVII.

Necessarium uidetur, animabus in purgatorio, sicut minui horrorem, ita & augeri charitatem.

Tria genera animarum decedentium.

ET hæc nititur præcedentibus tribus Conclusionibus. Sed tamen declaremus eam, & ponamus (sicut coepimus) animarum decedentium tria genera.

Primum earum, quæ sunt fide omnino uacua (id est, damnata) has necesse est in morte excipi summo horrore & desperatione, iuxta illud. Virum iniustum mala capient in interitu. Et iterum: Mors peccatorum pessima, scilicet, quia non habent fiduciam in Deo, ideo comprehendit eos ira. Psal. 143.
Psal. 34.

Secundum earum, quæ sunt fide omnino plenæ atque perfectæ (id est, beata) hos necesse est in morte excipi summa securitate & læticia, iuxta illud: Iustus cum ceciderit, non collidetur, Dominus enim supponit manum suam. Et iterum: Preciosa in conspectu Domini mors Sanctorum eius. Et iterum: Iustus si morte præoccupatus fuerit, in refrigerio erit. Et causa utriusque est, quia iniustus inuenit quod timuit, timuit autem semper mortem & poenam. Iustus autem satur huius uitæ maxime cupiuit dissolui, ideo desiderium eius tributum est ei, Ille non dimidiauit dies suos, iste ultra perfectum prolongauit incolatum suum. Ideo quod ille horret, iste querit, diuersissimo studio affecti, quod illi summus horror est, huic est summum lucrum & gaudium. Psal. 37.
Psal. 116.
Sap. 4.

Imperfectæ fidei.

Tertium earum, quæ sunt fide imperfectæ, & hæc uariæ differentes inter plenam & nullam fidem. Credo autem non negari ab ullo, quasdam animas imperfectæ fidei decedere, sed tamen infra id suadebimus latius. Igitur cum imperfectio fidei sit nihil aliud, nisi imperfecta nouitas uitæ in spiritu, & adhuc reliquum de uetustate carnis & Adæ (si enim esset perfecta, non timeret poenam, nec inuitus moreretur, aut cum affectu terreno

terreno huius uitæ migraret) clarum uidetur, animabus necessarium esse, non solum tollere pœnas, sed etiam addere perfectionem nouitatis, & tollere residuum uetustatis (id est, amorem uitæ & timorem mortis & iudicii) Nam quantumcunq; tolleretur pœna (si esset possibile) non per hanc ablationem esset sana, sicut nec in ista uita per ablationem pœnarum solam aliquis melior fit, sed per additionem gratiæ, & remotionem peccati. Quare & illis primo peccatum auferendum est, id est, imperfectio fidei, spei, charitatis.

Iob 6.

Secundo, Nulla pœna uincitur fuga aut timore. Verum est enim pro-
uerbium : Qui timet Infernum, descendet in eum, Imo qui timet pruina,
cadet super eum nix, Iob 6. id est, plus cadet super eum, quam timuit. Omnis
pœna timore sui augetur & roboratur, sicut amore minuitur & infirmatur.
Vincitur autem pœna amore, & amplexu sui. Deinde nulla pœna est mo-
lesta, dum fuerit uicta, Ideo amanti pœnas & mortem non sunt molestæ, sed
dulces, quia per amorem & spiritum uictæ. Sunt autem molestæ timentis,
quia per timorem & literam ei dominantur. Si ergo purgatorium affligit
animas, & molestus est eis pavor, euidentis est eis deesse amorem & spiritum
libertatis, & adesse literam ac timorem. Atq; hunc defectum amoris, uoco
imperfectam sanitatem Spiritus, cum autem sine perfecta sanitate nullus
cœlum intrabit, tandem concludo, necessarium illis esse, augeri charitatem
& sanitatem, sicut minui horrorem.

Qui timet Infe-
rum etc.

Pœna timore au-
getur.

Imperfecta Sanitas
Spiritus, est timor.

Si quis ista negauerit, neq; crediderit, contenderitq; animas esse ibi per-
fectas in uita Spiritus, solumq; debita præterita pœnarum luere. Respon-
deo primum, probent & ipsi suam sententiam, quam & ego nego, & certus
sum, quod uel nullis uel infirmioribus rationibus sua probabunt. Secundo
age, Quæro, an negent triplex illud supra positum animarum genus dece-
dentium? Si admittunt tertium quoq; genus, Respondeant ad prædicta,
quomodo auferatur pusillanimitatis Spiritus & timor, quando perfectus ho-
mo, sicut Pater eius Deus, nihil timet, omnia potest, omnia suffert, in omni-
bus gaudet ac delectatur. Si non admittunt, sed in morte perfici fidem arbi-
trantur, ac sic solummodo pœnæ soluendæ restent, & hoc totum sit purgato-
rium, ratio scilicet debitarum pœnarum, Tum præter id, quod iam fortissi-
mum & insolubile produxi Argumentum, uidelicet, quod nulla Scriptura,
nulla ratione suam sententiam possint probare, tamen adhuc uia suasoria
procedam, Sic enim & illi opinatores & postillatores faciunt.

Primo, Ad quid Deus uult puniri perfectos in spiritu? ad satisfactio-
nem? Contra: Super omnem satisfactionem est charitatis satisfactio, Neq;
enim Deus ipse etiam per pœnas quicquam aliud requirit, quā ut perficiatur
charitas, Charitas enim (nisi Apostolus mentitur) operit multitudinem pec-
catorum. At illos iam esse perfectæ charitatis positum fuit.

Secundo, Deo maxime satisfit per uoluntatem, ubi non inuenit facul-
tatem, ut cum B. Augustino sentit tota Ecclesia. At illi si sunt perfectæ cha-
ritatis, talem habent uoluntatem necessario, & tamen facultatem non ha-
bent defectu uitæ. Quare necessario sola uoluntate abunde satisfaciunt.

Tertio, Perfecti tales omnia reddunt Deo, quæcunq; debent, quia nihil
amplius debent, quam ut se totos ipsos cum intima uoluntate offerant. De-
us enim ab homine nihil requirit amplius, quam ipsum totum, sicut dicitur :
Præbe fili cor tuum mihi. Imo per pœnas cogit hominem ad id, ut se totum
offerat, quomodo ergo eo facto pœnæ manent? ad quid cogunt?

Q. ij

Quarto,

RESOLUTIONES

Quarto, Finge animam in morte perfectæ fidei & charitatis, quæ adhuc forte debeat 7. dies ieiunare, aut aliam canonicam poenam implere. Hic ergo Deus tam crudelis est, ut animam, quæ summa charitate ad eum sitit, eumque super omnia uehementissime diligit, quæ proximo suo omnia plenissime ignouit, & sibi omnia ignosci uehementissime cupiuit, cui propter hæc etiam debita fuit apud Deum & homines ignoscentia (talis enim est anima, quæ sana charitate moritur) hic inquam, Deus non remittit 7. illos dies propter summam in eum & proximum charitatem & humilitatem, quæ sunt summæ omnium eleemosynarum, qui tamen in Euangelio dicit, omnia remitti, & munda esse ijs, qui dant non de corde, se de ijs, quæ superfluent, eleemosynas, Et seruo solum roganti, & nihil facienti, nisi promittenti, omne debitum dimisit, etiam promissione data libera. Nec saltem intuetur Deus in hac re, quod tam facilis est uiuentibus, sineque mortis periculo talia concedere, morituris uero & summo iam periculo pressis, tam difficilis est ad remittendum tam parua, tam magnæ charitati? quis credet? aut quibus id uis suadebunt? Aut ergo desinant sua tam confidenter prædicare, aut melius robovent, & ista dissoluant.

Luc. 17.
Matt. 18.

Sententia Lutheri.

Dei bonitas.

Nos interim sentiemus, Animas in Purgatorio non propter solam poenam, imo propter defectum charitatis laborare in poena, quia hic noluerunt laborare, ad perfectionem, aut si perfectæ sunt omnibus, poenis amore triumphatis, liberas esse. Nec enim sic de Dei bonitate sapio, quod intuitu perfectæ & æternæ charitatis non remittat quibusdam poenam temporis breuissimi, qui propter modicam charitatem, omnibus passim remittit æternam, & qui sepius in uita ignouit omnes poenas pro uno opere inceptæ charitatis, non remittat unquam in morte aliquas poenas, pro omni opere consummatæ charitatis.

Veruntamen hæc sunt disputata, quia mirabilis est Deus in Sanctis suis, melius faceremus, si tam dubia relinqueremus, et in populum alia certiora doceremus, potens est Deus cum illis, nec secundum hanc, nec secundum illam sententiam agere. Non enim nostro, sed suo iam iudicio subiecti, quia potest & ibi punire gratis, ut ostendat gloriam gratiæ suæ, sicut fecit in Iob & Paulo. Tamen ultimo &.

Purgatorium.

Quinto, suadeo conclusionem, Si purgatorium tantummodo est poenarum officina, cur non potius uocatur punitorium, potius quam purgatorium? Ratio enim & uis uocabuli, purgationem aliquam importat, quæ intelligi non potest, nisi uetustatis & peccati relictæ, quo sunt immundi, qui terrenorum affectu fidei puritatem impediunt.

Quod si noua (ut sunt ad distinctiones prompti) uis æquiuatione, dixerint esse purgationem hic idem, quod solutionem, ut tum purgatæ dicantur, cum poenæ fuerint solutæ. Respondeo, hoc eadem facilitate contemnitur, quæ probatur. Quod si & ipsi contempserint, uis uocabuli ad purgationem uiciorum extendi, esto sane, non contendo, id tamen effectum est, utrumque esse dubium. Ideo præpostere alterum illorum tanta certitudine in populos dispersum, maxime cum nec ratio nominis illorum sententiæ conueniat.

Remissio culpe.

Sexto, Et ad hoc ualet illud Gregorij dist. 25. c. qualis, ubi non poenas tantummodo, sed culpas remitti dicit in futuro, scilicet ueniales, ut ibidem exempla ponit. At remissio culpæ non fit sine gratiæ infusione, & horror mortis est Sanctis peccatum ueniale, sed non paruum.

CON.

CONCLUSIO XVIII.

Nec probatum uidetur ullis aut Rationibus aut Scripturis,
quod sunt extra statum meriti seu augendæ charitatis.

HOC enim robustissimum est meum aduersus appositam opinio-
nem Argumentum, quod uidelicet sine autoritate docetur. Nostra au-
tem certe uel ea nititur autoritate, quod sine addita gratia nullus timor pel-
litur, quem sola perfecta charitas foras mittit. Hæc autem conclusio præue-
nit argumentum eorum, qui dicerent contra me, sunt extra statum meriti,
quare tres præcedentes Conclusiones falsæ.

Ego autem, ut opinando & disputando, nihil asserendo, sicut coepi,
prosequar, dico, Si purgatorium solum est soluendarum poenarum officina, *Purgatorium.*
& animæ in illo sunt suo affectu (ut ego sentio) immundæ, nec ab eo ui-
cio purgantur, fieret purgatorium idem quod infernus. Quia infernus est, *Infernus.*
ubi poena est cum culpa manente, At in animabus purgatorii est culpa, scili-
cet timor poenarum, & defectus amoris, cum iustus secundum Esa. 8. nihil
debeat timere, nisi solum Deum, Ergo peccant sine intermissione, quam-
diu horrent poenas & quaerunt requiem. Quod probō, quia quaerunt quæ sua
sunt, plus quam uoluntatem Dei, quod est contra charitatem. Quod si a-
mant Deum, amant amore concupiscentiæ (id est, uiciofo) cum etiam in suis
poenis debeant diligere Deum, & glorificare ac fortiter sustinere.

Atque ut inter tot disputationum spineta etiam asseram aliquid, Ego *Sententia Lutheri.*
libere confiteor me credere, nullam animam redimi de poenis purgatorii
propter suum timorem, donec posito timore, incipiat amare uoluntatem Dei
in tali poena, & plus Dei uoluntatem amet, quam poenam timeat, imo so-
lam Dei uoluntatem diligat, poenam uero uilipendat, aut in uoluntate Dei
etiam amet. Quia oportet, ut iusticiam diligat antequam saluetur. At iusticia
Matt. 10. est Deus, qui hanc poenam operatur. Deinde illud Christi: Qui non acci-
pit (id est, uolens & amans porrat) crucem suam, & sequitur me, non est me
dignus. At crux animarum est illa poena. Quæ cum ita sint, & uerissima *Crux animarum.*
credo, dicat qui potest, quomodo iste amor poenarum cum timore mutari
potest, sine noua gratia infusa. Ego fateor me nescire, nisi dixeris, quod pur-
gatorium non habeat terrorem poenarum, ac per hoc nec similem inferno con-
tra prædicta, atque tunc frustra oramus pro eis, quas audimus uolentes &
amantes esse poenarum suarum sine timore.

Rom. 8. Secundo probō, quod augeatur eis charitas. Apostolus dicit: Diligen-
tibus Deum, omnia cooperantur in bonum. Hoc autem bonum non potest
intelligi, nisi augmentum iam possessi boni. Ergo & purgatorium augeat bo-
num dilectionis Dei, imo maxime omnium augeat, dum sicut infernus dura
est æmulatio, & in tantis malis etiam diligit, sicut fornax aurum probatum
facit, ita poena dilectionem.

2. Cor. 12. Tertio, Virtus in infirmitate perficitur, omnis enim poena, si præsens est,
charitas est salutaris & proficua, non enim permittit preciosissima charitas
atque fecundissima aliquid secum sterile. At in purgatorio est maxima infir-
mitas, ergo maxime perficit charitatem.

Quarto, Impossibile est esse statum in uia, Via autem Dei est charitas *Via Dei.*
ad Deum tendens, ergo necesse est animas uel procedere uel retrocedere a
charitate Dei, cum nondum sint in termino & uisione, ut patet.

Quinto, Impossibile est ulla perseverantia creaturæ, nisi assidue accipi-
at magis ac magis. Inde enim dicunt acuti quidam, quod conseruatio rei sit
eius

RESOLUTIONES

Creare.

eius continuata creatio. Sed creare est semper nouum facere, ut etiam patet in riuiis, radijs, calore, frigore, maxime dum sunt extra suum principium. Quare & spiritali calori, id est, amoris Dei in animabus, opus est continuata conseruatio (donec absorbeantur in suum principium diuinum) ac per hoc & augmentum, etiamsi uerum esset, quod essent perfectæ, licet extra Deum esse, nec peruenisse, & esse perfectum, sint contraria.

SED uidere dignum est, quibus nam causis mouentur, ut animabus statutum meriti negent, aut negandum probent.

Augustini dictum.

Primum illud uulgatissimum B. Augustini, Hic omne meritum comparatur, post mortem nullum. Ergo, inquiunt, purgatorium non est merendi locus. Respondeo: B. Augustinus, & quicumque Patres similia dixerunt, ex auctoritate & usu Scripturæ loquuntur, quæ multo fortius in hanc sententiam loquitur. Vt illud Gala. 6. Operemur bonum, dum tempus habemur. Et Christus Iohan. 9. Venit nox, quando nemo poterit operari. Et Apoc. 14. Opera enim illorum sequuntur illos. Et illa manifestissima Ebre. 9. Statutum est omnibus hominibus semel mori, post hoc iudicium, deinde finis. Gala. 6. Quæcumque enim homo seminauerit, hæc & metet. Item oportet nos omnes manifestari ad tribunal Christi, ut recipiat unusquisque prout gesserit in corpore, siue bonum siue malum. Et multæ aliæ, quæ omnino sonant, ac si post mortem omnino sit iudicium recipiendi, sicut gestum est, id est, meritum hic, secundum illud Ecclesiasticis: Lignum ubicumque ceciderit, ibi erit. Gala. 6.
Iohan. 9.
Apoc. 14.
Ebr. 9.
Gala. 6.
Roma. 15.
Eccl. 11.

Dicta pro purgatorio adducta &c.

Sed hæc omnia æque contra totum purgatorium pugnant, quia non ponunt statum medium inter mortuos, damnatos & beatos. Si ergo illis non obstantibus, purgatorium defenditur uere, etiam id defendi potest, quod augeatur illis gratia, Non obstante illo quod dicitur: Hic omne meritum comparari, Quia loquitur non de purgatorio, sicut & illæ auctoritates nihil de purgatorio, sed de cælo uel inferno loquuntur, utrinque ergo intermittitur purgatorium. Quare illa uerba Augustini ad purgatorium non sunt tendenda. Omne meritum hic, non illic, id est, non in cælo aut inferno. Denique secundum B. Augustinum etiam hic meritum illud comparatur, quo dignus sit homo in purgatorio suffragio iuari. Alioqui in cælo uel inferno, nullum habet meritum, quo mereatur ibi iuari, sed tunc quidem ad purgatorium respexit, hic autem nequaquam.

Si autem quisquā contentiosior uoluerit asserere, auctoritates iam adductas, nihil aduersus purgatorium pugnare, Quod saluari possint per duplex iudicium, seu duplicem retributionem post mortem, Temporalem, scilicet, quæ est purgatorium, Aeternam, quæ est inferni, & sic alius metit purgatorium, alius infernum. Item alium sequuntur opera sua ad purgatorium, alium ad infernum. Hic respondeo. Sic dicendo potius destruuntur illæ auctoritates, quam saluentur cum purgatorio, per tam uiolentam & arbitratam æquiocationem, cum altera pars æquiocationis nunquam possit probari. Et meo iudicio, non esse licitum credo, longeque pessimum usum quibusdam hucusque fuisse seruatum, scilicet Scripturæ sanctæ simplicem sensum, in æquiocum & dubium diuidere. Rectius enim dicitur, hanc auctoritatem de hac re non loqui, quam dum de utraque re intelligere conamur, de nulla certam relinquamus. Pallium enim breue est (ait Esaias) utrumque operire non potest. Et ut uulgo dicitur: Non est altare alterius nuditate ornandum. Esa. 28.

Igitur dicendum est, quod homo illic metit, quod hic seminauit, intelligatur de præsentis & futura uitæ. Messis enim hinc nostra torsione & æquiocatione

uocatione arbitrij nostri relinquenda est in ea significatione, qua utitur Scriptura, scilicet futuri & uniuersalis iudicij. Atq; ita illæ Autoritates nihil pugnant aduersus purgatorium, non per æquiuationis cauillum, sed per ablationis sensum. Eodem modo & illud, Hic omne meritum, illic nullum. Alioqui quantus fuerat sudor ingenio meo, si & ego meritum æquiuocarem duplex, scilicet post mortem non esse meritum huius temporis, sed bene meritum illius status, & Augustinum loqui de primo, sed nolui.

Quid autem dicent ad illud Ecclesiastis : Lignum ubicunq; ceciderit, siue ad Aquilonem, siue ad Austrum, ibi erit? Siquidem per casum intelligunt mortem. Si ergo per Aquilonem infernum, per austrum cœlum, Quo cadent, qui intrant purgatorium? Ad austrum dicent, sed æquiuoce. Sed quid dicent? Ibi erit : ibi manebit, ergo nunquam exhibunt purgatorium? An hic quoq; æquiuocatur mansio scilicet temporalis & æterna? Claret itaq; quod hæc autoritas recta facit contra purgatorium, Quin etiam per æquiuationem sui facit ex purgatorio infernum. Non potest itaq; solui, nisi dicatur (sicut dixi) nihil eam de purgatorio loqui, non plus quam illam : Liber generationis Ihesu Christi.

Locus ex Ecclesiastis c. H.

CONCLUSIO XIX.

Nec hoc probatum esse uidetur, quod sint de sua beatitudine certæ & securæ, saltem omnes, licet nos certissimi simus.

NOS enim, quia credimus nullam in purgatorium uenire, nisi sit de numero saluandorum, certi sumus de beatitudine illarum, sicut certi sumus de electorum salute. Quanquam non nimis impugno, si quis asserat eas esse certas, ego non omnes dico esse certas. Sed quia totum negocium de animabus in purgatorio absconditissimū est, ideo suadendo magis, quam demonstrando, declaro Conclusionem.

Statu animarum in purgatorio incertissimus.

Primo ex supradictis, Si pœna purgatorij est pavor ille & horror damnationis & inferni, pavor autem omnis facit animum perturbatum, incertum inopem consilij & auxiliij, & tanto magis, quanto fuerit uehementior & inopinatio. Animarum autem est omnium uehementissimus & inopinatissimus, ut supra dictum est. Et Christus : Tanquam laqueus superueniet dies illa. Et Apostolus : Dies Domini sicut sur in nocte, ita ueniet. Quare ualde probabile est, eas præ confusione nescire, quo statu sint, an damnatæ uel saluatæ, imo sibi uidentur iam ire in damnationem, & descendere in lacum, omninoq; iam esse in portis inferi, Sicut Ezechias dicit. Sed & i. Reg. 2. Dominus deducit ad inferos & reducit. Igitur nihil aliud sentiunt, quam incipere suam damnationem, nisi quod sentiunt, nondum clausam post se portam inferi, nec dum etiam dimittunt uotum & desiderium auxiliij, licet nusquam apparentis. Sic enim loquuntur, qui id experti sunt.

Purgatorij pœna etc.

Animarum in purgatorio contritio.

Accipiamus simile : Si quis ad iudicium mortis inopinatus ueniat, putā incidens in latrones, qui dum intentant illi omni ex parte mortem, etiam si statuerint eum terrere, non occidere, hic ipsi certi sunt eum uicturum, ipse uero nihil nisi præsentissimam mortem uidet, atq; eo ipso iam moritur, Solum id sibi reliquum est, quod nondum sit mortuus, possitq; redimi à morte, sed nescit unde, uidet enim illos posse, sed nolle, Igitur fere nihil differt à mortuo. Ita uidetur in pauore æternæ mortis fieri, quod non aliud, quam æternā sibi sentiunt imminere omni ex parte. Sic canit Ecclesia pro eis : A portā inferi erue animas eorū, Et libera eas de ore leonis, ne absorbeat eas tartarus &c. Solū id reliquū scientiæ habet, quod Deus possit eos redimere, sed nolle

simile.

Pavor æternæ mortis.

Q. iij illis

RESOLUTIONES

*Damnati ultra de-
spirationem blas-
phemant.* illis uidetur. Damnati uero statim huic malo addunt blasphemiam, illi uero
solam querelam & gemitum inenarrabilem, sustentati à spiritu. Hic enim
fertur spiritus super aquas, ubi sunt tenebrae super faciem abyssi. Sed de hoc
supra latius.

S. Vincentius. Secundo, Multa leguntur Exempla, in quibus habetur, nonnullas ani-
mas hanc sui status incertitudinem confessas fuisse. Adparuerunt enim tan-
quam cunctes uocati ad iudicium, ut de S. Vincentio &c. Rursum legun-
tur multa, in quibus certitudinem suam sunt confessæ. Ad quæ dico. Primo,
me dixisse non omnes esse certas. Secundo, forte melius secundum prædi-
cta, eas non fuisse certas, sed præ nimio auxilij desiderio, tanquam certæ es-
sent, uelocius iuuari postulasse, ita ut potius opinentur, & timide præsumant
sele certas, quam sciant. Sicut & in Euangelio de dæmonibus dicitur, quod
sciebant ipsum esse Christum, id est, uehementer opinabantur, ut ait glossa.
Ita enim fit naturaliter in omni angustia & pauore, ut uehementer opine-
mur nos esse adhuc reparabiles, cum tamen magis sit ibi cupidō reparatio-
nis, quam spes, aut scientia, sicut in dæmonibus plus fuit cupidō sciendi,
quam scientia. Scientia enim salutis non pauet, neq; trepidat, sed confidit,
omniaq; fortissime tolerat.

*Sententia salutis.
Obiectio.
Responsio.*

*Vniuscuiusq; iudi-
cium particulare in
morte.*

Hic dicitur: Quid ergo de iudicio particulari, quod in morte cuiusli-
bet hominis fama est agi, & Innocen. testatur: uidetur enim per ipsum cer-
tus fieri homo de suo statu. Respondeo, quod non sequitur cum certum fie-
ri, etiamsi sit particulare iudicium. Potest fieri ut homo mortuus iudicetur,
imo accusetur, sed tamen sententia differatur, nec ei reueletur. Interim autem
accusante conscientia, urgentibus dæmonibus & minante ira Dei, nihil ali-
ud faciat misera anima, quam ut tremat à sententia omni momento cum hor-
rore expectata. Sicut de corporali morte facit & minatur Deut. 28. Dabit Deut. 28.
tibi Dominus cor pauidum, & pendebit uita tua ante te, Mane dices: Quis
det mihi uespere? & uespere dices: Quis det mihi mane? Ita & ibi mors
æterna simili pauore feriat, & horribili horrore cruciat animam.

*Opinio quorunda-
dam.*

*Historia de Monacho
quoquodam mori-
turo.*

Nec ista sententia multū absōna est ueritati, quandoquidem & Matt. 5. Matth. 5.
Dominus distinguit inter reum iudicij, & reum consilij, & reum gehennæ, id
est, inter accusatum, & conuictum, & damnatum. Sed & insignes quidam
Autores, scientia plus quam fama, audent dicere, quasdam animas pro suæ
trepiditate uitæ, per mortem rapi, & à Deo sic pronci, ut usq; in finem mun-
di nesciant, an sint damnatæ uel saluandæ. Et si recipitur historia illa de
Monacho morituro, & propter peccatum fornicationis uelut damnato, tam
blasphemante, deinde ad sanitatem reuerso, satis patet, quod iudicium & ac-
cusatio inferni potest animam affligere, & tamen nondum esse definitam
sententiam latam. Ad idem, id quod in homelia recitat quadam B. Greg.
de luene, quem in morte draco absorbere uolebat.

*Pœnæ à conscien-
tia.*

Hæc itaq; de tota materia pœnarum purgatorij uerisimiliter pono, mo-
tus primum ex natura horroris & pauoris. Deinde, quod Scriptura hanc pœ-
nam tribuit damnatis. Tandem, quod omnis Ecclesia dicit, easdem esse
pœnas inferni & purgatorij. Et ita credo hanc nostram sententiam in Scri-
pturis satis fundatam. Buccinatores uero Indulgentiarum, uidentur pœ-
nas animarum ita imaginari, quasi ab extra inferantur, sintq; penitus exter-
næ, non autem ab intra in conscientia nascantur, quasi Deus solum ab eis
auferat pœnas, Cum sit contrarium uerius, quod animas potius à pœnis au-
ferat. Sicut scriptum est: Diuertit ab oneribus dorsum eius, Non ait: Diuer-
tit onera à dorso eius. Et iterū: Si transibis per ignem flamma non nocēbit
te. Quomodo non nocēbit? nisi quia dat fiduciā cordi, ut ignem non timeat,
non autem ut ignis non sit, cum transeundum ei per illum sit. Quare diuer-
sio dorso ab oneribus non fit, nisi sanando animæ timorem, & confortandō
eam,

*Psal. 81.
Esa. 43.*

eam, Sicut & supra dictum est, quod nulla poena uincitur timore sui, sed amore & contemptu. At timorem non auferunt Indulgentiæ, imo inferunt quantum in eis est, dum uelut odibilem rem, poenas relaxandas suadent. Deus autem proposuit habere filios impavidos, securos, generosos, æternaliter & perfecte, qui prorsus nihil timeant, sed per gratiæ suæ fiduciā omnia triumphent atq; contemnant, poenasq; & mortes pro ludibrio habeant, cæteros ignauos odit, qui omnium timore confunduntur, etiam à sonitu solij uolantis.

Iterum obijcitur:

Si uolenter poenas ferunt animæ, cur pro eis oramus? **Respondeo:** *Obiectio.*
Colos. 4. *2. Thes. 2.* Nisi eas uolenter ferrent, certe damnatæ essent, sed nunquid non ideo *Responsio.*
 optare debent orationes, quando & Apostolus optauit pro se orationes fieri, ut liberaretur ab infidelibus, & sibi ostium uerbi aperiretur, qui tamē omni fiducia plenus, mortem contemnere se gloriabatur. Etiam si animæ non optarent orationes, tamen nostrum est, earum labori condolere, & succurrere oratione, sicut quibuslibet alijs, quantumlibet fortiter patientibus. Deinde cum animæ non adeo doleant poena præsentis, quam horrore instantis sibi & intentatæ perditionis, non est inirum, si cupiant suffragium, ut perseuerent, & non deficiant in fiducia, cum sint incertæ (ut dixi) de statu suo, nec tam timeant poenas inferni, quam odium Dei, quod est in inferno, sicut dicitur: Non est in morte qui memor sit tui, in inferno, quis confitebitur tibi? Et sic patet, quod non timore poenæ patiuntur, sed amore iusticiæ, ut supra. Timeant enim magis, ne non laudent & ament Deum (quod fieret in inferno) quam ne patiantur. Et hoc eorum sanctissimum, sed anxiosissimum desiderium, merito iuuat omnis Ecclesia, quantum potest, maxime quando & Deus uult illas per Ecclesiam iuari.

Et hic tandem sit aliquando finis tam obscuræ & dubiæ disputationis, de animarum poenis. Quibus qui potest meliora proferre, non inuidebo, *fumose hominum opiniones.*
 Modo id faciat, melioribus Scripturæ autoritatibus nixus, non fumosis hominum opinionibus obnubilatus.

CONCLUSIO XX.

Igitur Papa per remissionem plenariam omnium poenarū, non simpliciter omnium intelligit, sed a se ipso tantummodo positarum.

Hanc disputo, nondum pertinaciter assero, Rationes meæ sunt.

Prima, Ex dictis conclu. v. quod solum canonica poena remittitur per potestatem clauium. Ideo hæc Conclusio corollarium est illius, & illa negata, negatur & ista.

Secunda, Ex ipso stylo Pontificis, quod dicit: De iniunctis poenitentijs misericorditer relaxamus. Ergo non iniunctas à se uel à Canonibus non relaxat. Neq; hic curandum puto arbitrarium commentum quorundam, qui dicunt: Quando Pontifex non addit hanc clausulam, de iniunctis poenitentijs, tum intelligi omnium simpliciter remissionem poenarum. Dicerem ego. Et si non additur, tamen subintelligitur addi, tanquam necessaria, & de essentia styli clausula, Aut illi probent aliquo textu, quod dicunt. *Iniunctæ poenitentis etc.*

Tertia, Ad solitum uenio Argumentum, sed omnium fortissimum, & requiro, Quibus nam Autoribus probent, etiam alias poenas per clauis tolli, quam canonicas? Et exhibent mihi Antoninum, Petrum de Palude, Aug. de Anco. Capreolum, Deinde & Angelus summissa suum Franciscum Maronis inducit, redemptiones ueniarum eousq; uehentem, ut meritorias eas pronun-

RESOLUTIONES

pronunciare sit ausus, si Christo placet. Quasi uero illi homines tales sint ac tanti, ut quicquid senserint, statim necesse sit inter articulos fidei numerare. Verum illi magis sunt reprehendendi, qui ad ignominiam nostram & iniuriam illorum: allegant pro assertis: quæ illi pro pio suo studio fuerunt opinati, prorsus nihil aduercentes illud Apostoli fidele monitorium: Omnia 1. Thess. probate, quod bonum est tenete, Longe stultiores Pythagoricis, quippe cum hi ea tantum assererent, quæ Pythagoras dixisset, isti uero etiam ea, quæ illi dubitauerunt.

Thomas.
Bonauentura.

Sed ad originem & fontem ueniamus riuulorum istorum, id est, B. Thomam & Bonauenturam. Ex his enim illi partim acceperunt, partim de suo addiderunt, hi itaq; & sancti, & graues plane autoritate uiri. Verum cum ipsi magis opinentur, quam asserant, deniq; S. Bonauentura confiteatur esse rem dubiosissimam, omninoq; incertam, nonne clarum est, ex ipsis etiam nihil posse astrui? Tu uide si ullum textum aut Scripturam adducant? Nec mirum, quod ipsi nihil asserant. Cum enim hæc res sit fidei quidam articulus, si fuerit determinatus, adeo non pertinet ad Doctores definire, quod etiam ad solum Concilij uniuersalis iudicium sit suspendendus, nec summus Pontifex quid temere, in ijs habeat statuere quæ sunt fidei, nisi soli præcones ueniarum, Illis omnia, quæ libuit, licent. Vnicam tamen habent omnes rationem suæ sententiæ, quam & Panor. lib. 5. de pe. & re. c. Quod autem, assert, uidelicet hanc, Si Indulgentiæ solum canonicas pœnas dicuntur remittere, hoc est, Indulgentias nimis uilificare. Itaq; ne uiles sint Indulgentiæ, magis placuit fingere, quod nesciunt, cum nullum sit periculum animarum, si Indulgentiæ etiam nihil essent, nedum, uiles. Miserrimum uero sit, animabus figmenta & illusiones prædicare, etiamsi Indulgentiæ utilissimæ essent. Adeo non habetur ratio salutis animarum, sed tantummodo, ne non optima uideamur docuisse, plus laboramus pro gloria nostri uerbi, etsi non necessarij, quam pro fide simplicis, & nobis commissi populi, sola necessaria.

Indulgentiæ.

Sed antequam ad B. Thomam & Bonauenturam respondeam, dignum uidetur recitare opiniones de Indulgentijs, ne ego primus aut solus, eas in dubium uocasse uidear.

Glossa super c. Quod autem. lib. 5. de pe, & re, assumens declarationem super efficacia & uirtute Indulgentiarum, sic incipit, Quid ualeant tales remissiones, uetus querela, & adhuc satis dubia.

Opiniones de
Indulgentijs.

Alij dicunt, quod profunt quo ad Deum, sed non quo ad Ecclesiam. Quoniam si quis sine mortali decedat, nondum peracta pœnitentia, minus sentiat pœnas purgatorij, iuxta modum remissionis sibi factæ, Ecclesia tamen uiuenti, non propter hoc relaxat satisfactionem. Hæc opinio damnatur à Panor. ibidem, & placet eius damnatio.

Alij dicunt, quod profunt, quo ad pœnitentiã hic insunctã ex superabundanti, & ad cautelam, id est, tantum eas pœnas, quas non secundum modum, sed in cautelam superabundantius, quam peccatum merebatur, imposuit. Et hæc plus damnanda, quam prior.

Alij, quod profunt, quo ad Deum & Ecclesiam, sed remittens onerat se ad satisfactionem pro illo, & hæc est absurda.

Alij, quod profunt ad remissionem pœnitentiæ negligenter omissæ. Hanc Panor. damnans, dicit, quod ista remunerat negligentiam. Sed meo iudicio, hæc non omnino est falsa, quia uere remittuntur pœnæ quæcunq; etiam negligenter omissæ, dummodo displiceat negligentia, imo remittuntur etiam non negligenter omissæ atq; adhuc perficiendæ.

Alij,

Alij, quod ualeant ad relaxationem iniunctæ poenitentiae, dum modo sacerdos, qui iniunxit poenitentiam, permittat, ut possit commutare poenitentiam cum remissionibus. Et hæc est proba sententia & uera in re, nisi quod restringit potestatem conferentis Indulgentias, Verum est enim, quod iniunctas poenitentias relaxant, sed non requiritur consensus eius, qui iniunxit,

Sexta, quam ultra istas quinque in glosa prædicta positas, Panor. adducit, quod pro sunt, prout sonant uerba, & quo ad Deum, & quo ad poenitentiam, hic iniunctam, Et hanc dicit teneri à Goff. Host. Io. An. Et hanc ego quoque teneo, ut facit & sonat in uerbis. Sed non sequor intelligentiam omnium, Maxime propter istud uerbum, quo ad Deum, Per quod si intelligunt etiam poenas à Deo impositas remitti, siue hic, siue in purgatorio, ultra poenitentias ab Ecclesia uel Canonibus iniunctas, Non credo uerum, nisi sub tali moderatione, Quia poenae purgatorii remittuntur sine potestate clauis, per solam contritionem. Ideo si quis perfecte fuerit contritus, credo quod sit, quo ad Deum, à purgatorio absolutus. Quo ad poenas autem huius temporis, dico, quod id nullam habet auctoritatem, ut supra satis dictum est Conclu. 5. Non est enim nominabilis illa poena, quæ quo ad Deum, remitti credatur.

Ideo ego dicerem, quod illud, quo ad Deum, debet intelligi, non de poenis à Deo impositis, sed de eisdem ab Ecclesia iniunctis, ut sit sensus: Remissio illa iniunctarum poenitentiarum ab Ecclesia, tenet tam apud Deum, quam apud Ecclesiam. Eo quod Deus approbet hanc Ecclesiae suæ remissionem, secundum illud: Quodcumque solueris super terram, solutum erit & in cælis. Non ait: Quodcumque solueris super terram, aliud erit solutum in cælis, sed id idem, quod tu soluis, & ego solutum habebō. Quia per hoc Deus uult homines subijci sacerdoti, quod non fieret, nisi Deum approbare facta sacerdotis sciremus. Vides ergo omnia adhuc in opinionibus hære.

Porro id quod Angelus ex suo Francisco Maronis adducit, quod Indulgentiae etiam ualeant ad augmentum gratiae & gloriae, Non aduertit, quod Indulgentiae non sunt opera bona, seu remissiones bonorum operum, propter aliud minus opus. Etsi enim opus bonum, propter quod dantur Indulgentiae, sit meritorium, non tamen ideo Indulgentiae sunt meritoriae, cum opus seorsum factum non minus esset meritorium, & forte magis. Indulgentiae uero seorsum sumptae, potius sunt demeritoriae, quia remissiones bonorum operum. Igitur cum in omni materia dubitata, licitum sit unicuique disputare, & opponere, & ego quoque dico, me à B. Thoma & Bonauentura in hac parte dissentire, donec melius probent sua, atque dissoluant nostra. Ego enim præter opiniones, nihil uideo quæ probent, nec saltem unum Canonem, cum tot Scripturas ego superius Conclu. 5. produxerim pro mea parte. Et nunc ne sine canonibus etiam loquar, ecce.

Quarta ratio, c. Cum ex eo, lib. 5. de pe. & re. dicit: Per Indulgentias satisfactio poenitentialis eneruatur. Hoc uerbum licet ex dolore potius quam ex gratia dicat Papa, tamen Canonistæ, sicut sonat, intelligunt. Ergo si satisfactio eneruatur poenitentialis, patet, quod non nisi poena canonica remittitur. Cum satisfactio poenitentialis sit nihil aliud, nisi tertia illa pars poenitentiae Ecclesiasticae, & sacramentalis. Nam de satisfactione Evangelica nihil ad Ecclesiam, ut supra.

Quod si quis mihi obstet, Papam non negare, etiam alias poenas eneruari, Sed affirmat duntaxat, nec exclusiue loquitur, cum dicit: Satisfactio poenitentialis eneruatur. Respondeo: Proba ergo quod & alias relaxat, & non exclusiue loquatur, quod cum non feceris, Ego probo quod exclusiue loquitur per

Sententia Lutheri.

Indulgentiae remissiones bonorum operum.

Opiniones meræ, nihil ligant.

Satisfactio poenitentialis.

RESOLUTIONES DISPUT. LVTH.

tur per c. Cum ex eo, ut supra, ubi dicit, quod quæstores eleemosynarum, præter id, quod in literis eorū continetur, nihil permittantur proponere populo. Sed nihil continetur in ullis literis Apostolicis, præter remissiones satisfactionis sacramentalis, sicut ipsemet dicit Papa: Satisfactio poenitentialis eneruatur per Indulgentias indiscretas & superfluas, imo hoc uerbo adhuc rigidus Papa indulgentias restringit, Quia si superfluæ Indulgentiæ solum eneruant satisfactionem sacramentalem, ergo modestæ & legitimæ nec ipsam satisfactionem poenitentialem eneruant, multo minus cæteras ullas poenas. Sed hæc sunt non mei fori aut professionis, uiderint Canonistæ.

CONCLUSIO XXI.

Errant itaq; Indulgentiarum Commissarij hi, qui dicunt, per Papæ Indulgentias hominem ab omni poena solui & saluari.

Hanc omnino assero & probo.

Pœnæ remanentes.

Quia saltem relinquitur poena tertia, id est, euangelica, imo & quinta, puta mors & ægrotudo, & in multis illa omnium maxima poenarum, scilicet horror mortis, tremor conscientiæ, infirmitas fidei, pusillanimitas spiritus, quas poenas si compares ad remissas per indulgentias, sicut si rem cum umbra compares, erit comparatio. Sed neq; mens Papæ est, ut tam friuole & impune fabulentur, ut patet ex. c. Cum ex eo.

Pracones ueniarum obscure loquuntur.

Quod si dixerint: Nec nos dicimus has poenas tolli per Indulgentias: Respondeo: Cur ergo populum non instruis de cognitione poenarū, quas remittis? Sed omnino omnes remitti clamas, quascunq; pro peccatis suis luere deberet coram Deo & Ecclesia. Quomodo populos per seipsum intelliget, quod tam obscure & large loqueris?

CONCLUSIO XXII.

Quin nullam remittit animabus in pürgatorio, quam in hac uita debuissent soluere, secundum Canones.

Ecclesia Romana.

Hanc non latius assero quam octauam, ex qua fluit ceu corollarium, quod Canones poenitentiales nō transeant in aliam uitam. Quia omnis poena temporalis mutatur in poenam mortis, imo propter mortis poenam tollitur, & tollenda est. Imo finge (ut latius suadeamus) Romanam Ecclesiam esse, qualis erat etiam adhuc tempore B. Gregorij, quando non erat super alias Ecclesias, saltem Græciæ, Clarum esset, quod Canonica poenæ non obligabant Græcos, sicut nec nunc obligant, si qui sunt Christiani, non subiecti Papæ, ut in Turcia, Tartaria, Liuania. Illis ergo nulla istarum Indulgentiarum est necessaria, sed tantum in orbe Romanæ Ecclesiæ constitutis. Si ergo istos uiuos non obligant, multo minus mortuos, qui sub nulla Ecclesia sunt.

CONCLUSIO XXIII.

Si remissio ulla omnium omnino poenarum potest alicui dari, certum est eam non nisi perfectissimis, id est, paucissimis dari.

Hanc de poenis omnium generum intelligo, & sic assero, Nam quod remissio poenitentialis satisfactionis possit unicuiq; dari, non est dubium, ut satis est dictum. Imo hanc Conclusionem corrogo & dico, quod prorsus nullis, siue perfectissimis siue imperfectis, potest dari omnium poenarum remissio. Quod probo, Nam licet perfectissimis Deus non inferat flagella, seu quartum genus poenarum, saltem omnibus & semper, tamen

tertia

DE VIRTUTE INDVL AD LEO X. XCVII.

Roma. 8. tertia manet, scilicet Euangelica, imo & quarta, puta mors, & quæ mortis & ad mortem sunt poenæ. Licet enim posset Deus omnes perficere in gratia, forte sine poenis, non tamen statuit id facere, sed ad imaginem Filij sui (id est, crucem) omnes conformare. Et quid opus est multis? Quantumcunque magnifice extollatur poenarum remissio, quid, quæso, efficitur apud eum, qui mortem & timorem mortis atque iudicij ante oculos habet? Huic si omnis alia remissio prædicetur, & hæc non remitti conceditur, nescio si consolationis aliquid reportet. Igitur horrorem mortis & inferni attende & remissiones poenarum, uelis nolis, nihil curabis, ac sic non nostro studio, sed rei necessitate uilificabuntur Indulgentiæ, quæ timorem mortis non tollunt.

CONCLUSIO XXIII.

Falli ob id necesse est maiorem partem populi, per indifferentem illam & magnificam poenæ solutæ promissionem,

ET hanc assero, & scio ita contingere, Nam ego ipse audiui multos non secus intellexisse, quam quod sine omni poena euolarent per Indulgentias. Nec mirum, quando illi sic scribunt, legunt, clamant, quod si quis uenias consecutus, ante reciduiam moreretur, statim euolaret. Hæc omnia ita loquuntur, quasi non sint peccata, nisi actualia, ac si fomes relictus nulla sit immundicia, nullum impedimentum, nullum medium, quod moretur Ingressum regni. Cum, nisi ipse sanetur, impossibile sit intrare cælum, etiam si nullum assit actuale, Nihil enim inquinatum intrabit. Quocirca horror ipse mortis, cum sit uicium fomitis & peccatum, etiam se solo impedit introitum regni, Quia qui non uoluntarie moritur, non obedit uocanti Deo, nisi inuitus. Et tantum ibi non facit uoluntatem Dei, quantum inuitus moritur. Tantum autem peccat, quantum non obedit uoluntati Dei, Ideo rarissimus est, qui post omnes uenias, non etiam in morte peccet, nisi ille, qui cupiunt dissolui, & uocant mortem. Igitur ut non omnino cum eis discordem, dico, quod si quis sit perfecte contritus (id est, odiens se uitamque suam, & summe diligens mortem) statim euolabit, remissis sibi poenis, sed quotus sit hic, tu uideris.

*Non recte docetur
populus de uenijs.*

Fomes.

Horror mortis.

CONCLUSIO XXV.

Qualem potestatem habet Papa in purgatorium generaliter,
Talem habet quilibet Episcopus & Curatus in sua Diocœsi &
Parochia specialiter.

HÆc est illa blasphemia, quæ me mille mortibus dignum fecit, iudicio scilicet Quæstorum, ne dicam quæstuariorum. Verum antequam ego hanc Conclusionem ostendam, paululum præfabor de proposito meo.

Primum, dico iterum hic me disputare, non quo ad sententiam, quam intendo istis uerbis (hanc enim constanter assero, quia eam tenet uniuersa Ecclesia) sed quo ad uerba.

Deinde aduersarios meos etiam rogo, ut ferant dolorem meum, quo erucior, dum audio ea prædicari in Ecclesia Christi, quæ nunquam scripta, & statuta sunt, quando sanctis olim Patribus legimus uisum esse periculosissimum, aliquid ultra præscriptum cœleste doceri, ut inquit Hilarius. Et S. Spiridon Cypri Episcopus, huius disciplinæ tam rigidus obseruator fuit, ut

*Hilarius.
Spiridon.*

R

inter-

RESOLUTIONES DISPUT. LVTH.

interrumperet sermonem eius, qui tantum Græci uocabuli æquiuatione usus: Tolle cubile tuum & uade, dixerat, pro: Tolle grabatum seu lectum tuum & uade, reprehendens eum in re, quæ sensum nihil mutarat. Atq; huius doloris mei ueniam, puto mihi iustissime ab illis deberi, quando nos terere cogimur, nunquam rogati aut moniti eorum præsumptiones, quibus delectantur ea prædicare, in quibus nos cruciamur audiendo.

Concilium Pisanum, in quo præfedit Card. S. Crucis, pro reformatione Ecclesie laborauit.

Non hæc dico aut ago, quod tam impudenter arrogans sim, ut me inter doctos Ecclesie sancte numerandum putem, multo minus inter eos, quorum hæc sit statuere aut destituere, atq; utinam nouissimum merear Ecclesie membrum fieri aliquando. Sed id potius ago, Cum sint in Ecclesia & doctissimi pariter & sanctissimi uiri, ea tamen est nostri seculi infœlicitas, ut etiam tanti non possint Ecclesie succurrere. Quid enim potuerit hodie doctrina, & pius zelus, satis probauit infœlix euentus eorum doctissimorum & sanctissimorum uirorum, qui sub Iulio II. studuerunt reformare Ecclesiam, instituto ad hanc necessitatem Concilio. Sunt & alij passim, quos noui, optimi & eruditi Pontifices, sed exemplum paucorum imponit silentium plurimis. Est enim tempus pessimum (ut ait Amos Propheta) ideo prudens in illo tempore tacebit.

Leo X.

Deniq; est nobis hodie Pontifex optimus Leo X. cuius integritas & eruditio delitiæ sunt omnibus bonis auribus. Sed quid ille suauissimus homo potest unus, in tanta rerum confusione, dignus profecto, qui melioribus temporibus pontificaretur, aut meliora tempora essent sui pontificatus. Nostro seculo digni sumus pontificari non nisi Iulios secundos, Alexandros sextos, aut si quos alios atroces Mezentios, ut finxerunt Poetæ, Nam bonos ridet hodie etiam Roma ipsa, imo Roma omnium maxime, in qua enim orbis Christiani parte, liberius ludunt, etiam in summos Pontifices, quam in uera illa Babylone Roma? Sed sat ista. Cum itaq; præter innumeros priuatos, etiam in sedibus suis habeat Ecclesia doctissimos, si prudens uoluissim existimari illorum exemplo, & ipse tacerem. Sed præstat uel à stultis, à pueris, ab ebris ueritatem dici, quam omnino taceri, ut fiducia doctiorum & sapientum animosior fiat, ubi audiunt nos, rude uulgus tandem præ rei nimia indignitate clamare, sicut ait Christus: Si hi tacuerint, lapides clamabunt.

Iulius II.

Alexand. VI.

Roma Babylon.

Potestas iurisdictionis.

Ista itaq; præfatus, ad Conclusionem uenio, & primo de ea secundum sententiam, deinde secundum uerba seu sententiam aliorum. Igitur in hac Conclusionem nihil loquor de potestate iurisdictionis, quam infra sequente mox conclusione nego, & supra 22. & 8. idem negaui. Hanc enim potestatem illi ex his uerbis coeperunt, de qua dico, sicut dixi. Statuat Ecclesia alteram partem eius questionis, & sequar libentissime, Cessent interim temerarij suorum somniorum assertores. Ego dubito & disputo, an habeant potestatem iurisdictionis in purgatorium. Et quantum hucusq; lego & uideo, teneo negatiuam, paratus tenere affirmatiuam, postquam Ecclesie sic placuerit.

Dies omnium Animarum.

Interim hic loquor de potestate uirium, non iurium, de potestate operandi, non imperandi, ut sit sensus, Papa nullum quidem habet potestatem in purgatorium, sicut nec ullus alius Pontifex. Si autem habet aliquam, talem certe habet qualis sit & inferioribus participata. Hæc autem est, qua Papa & quilibet Christianus potest suffragari, orare, ieiunare &c. pro animabus defunctis, Papa generaliter, Episcopus particulariter, Christianus indiuidualiter. Patet itaq; Conclusio uerissima. Sicut enim Papa una cum tota Ecclesia suffragatur animabus (quale fit in die omnium animarum) Ita quilibet Episcopus cum sua Diocœsi id facere potest (sicut fit in diebus, quos uocant communes) & Curatus in sua parochia (sicut fit in exequijs & anniuersarijs)

DE VIRTUTE INDUL. AD LEO. X. XCVIII.

versarijs) & quilibet Christianus in sua deuotione. Aut ergo nega, suffragium esse intercessionem, aut concede quemlibet Prælatum cum suis subiectis posse suffragari animabus. Hæc igitur puto non esse tam dubia, quam sunt audaces illi sermones de iurisdictione Ecclesiæ in purgatorium. *Suffragium.*

CONCLUSIO XXVI.

Optime facit Papa, quod non potestate clauis (quam nullam habet) sed per modum suffragij, dat animabus remissionem.

Non credo necessarium, iterum protestari quid disputem, aut quid asseram. Sed cum nostro seculo sint tam zelosi hæreticæ prauitatis Inquisitores, ut Christianissime Catholicos, ui conentur ad hæresim adigere, oportunum fuerit super singulis syllabis protestari, Nam quid aliud fecerint Iohannes Picus Mirandulanus, Laurentius Valla, Petrus Rauen- *Picus Mirandulanus.* nas, Iohannes Vesalia, & nouissime diebus istis Iohannes Reuchlin, atq; Iacobus Stapulensis, ut inuiti cogerentur, & bene sentiendo, male sentire, non facile uiderim, nisi quod omiserint forte protestationem super singulis (ut dixi) syllabis, tanta est hodie in Ecclesia puerorum & effœminatorum tyrannis. *Iohannes Reuchlin. Iacobus Stapulensis.*

Itaq; protestor denuo, duo in ista Conclusionem me facturum. Primum de potestate clauium in purgatorium disputare, & negatiuam probare, donec alius affirmatiuam melius probet. Secundo de modo illo suffragij inquirere.

Primum probo sic.

Primo, per illam uulgatam Hostiensis rationem, uidelicet, Si clau- *Hostiensis.* es sese ad purgatorium extenderent, possent euacuare purgatorium. Atq; crudelis esset Papa, quod non euacuat purgatorium:

Hanc soluunt sic: Papa potest, sed non debet euacuare, nisi sub sit iusta causa & rationalis, ne aduersus iusticiam diuinam temere agat. Hanc frigidam & oscitantem solutionem, uix puto proferrent, nisi uel non aduertent, quid loquantur, uel inter uitulos marinos profundissime stertentes, se loqui arbitrentur. Ita fit, ut ex uno absurdo dato, plura sequantur. Et ut ille ait: Septem mendacijs eget uinum mendacium, ut uerum uideatur.

Igitur Argumentum uix potuit robustius firmari, quam tali solutione. Querimus enim, quod tandem nomen erit huius causæ rationalis? Constat autem, quod uel pro bello, contra infideles, uel pro structura sacra, aut communi, aliaue necessitate huius uitæ Indulgentiæ donantur. Sed nulla illarum tanta est, quin incomparabiliter maior sit charitas, iustior & rationalior. Si itaq; iusticia diuina non offenditur, si propter corpora fidelium, & res eorum tuendas, aut propter inanimatas fabricas, aut usum huius corruptibilis uitæ breuissimum, remittuntur tot, quot uoluerit (etiamsi omnes in eo numero comprehendis, ut sic etiam euacuetur purgatorium) quanto magis non offenditur, si pro sancta charitate redimantur omnes? Nisi forte iusticia diuina, tam est iniqua, aut forte melancholica, ut plus faueat charitati, in corpora & pecunias uiuentium, quam in animas tam egenas, exhibitæ. Maxime cum tanta res sit, succurrere animabus, ut fideles debeant malle seruire Turcis & corporaliter occidi, quam animas non redimi. Si ergo propter id quod minus est, infinitas, & forte per hoc ipsum omnes redimet, cur non & propter id, quod maximum est (id est) charitatem? Hic tamen ego illis angustia clausis consilium dederim, ut dicant causam rationabilem

R. n. nullam

Causa rationalis.

Charitas.

Succurrere animabus.

RESOLUTIONES DISPUT. LVTH.

nullam esse posse, ut sic secure elabantur huic obiectioni. Et ita si Papa possit, quo ad se, non tamen potest, quo ad causam, quæ esse non potest.

Iniunctæ pœnitentiæ.

Secundo, Ipse stylus Papæ idem probat, in quo dicitur de iniunctis pœnitentijs. Manifestum est autem quod tantum donat, quantum sonat, & eo modo donat, quo sonat, ut sic Episcopus 40. Card. 100. dies de iniunctis pœnitentijs, Ita Papa prorsus omnes plenarie dies de eisdem iniunctis relaxat, sed purgatorijs pœnas nulla clavis iniunxit.

Indulgentiarum ualor apud Recentiores.

Hic uero bellus quidam somniator sic fabulatur. Quando Papa dicit: Damus Indulgentias omnium peccatorum de pœnitentia iniuncta, intelligitur de pœna imposita per sacerdotem. Quando autem dicit: Damus Indulgentias omnium peccatorum, de quibus contriti & confessi fuerint, tunc non remittuntur oblita uel ignorata. Quando uero dicit: Damus remissionem omnium peccatorum, tunc euolaret, si moreretur, Et sic in manu Papæ est, quos uolet saluare. O furor. Vide pronuntiationem hunc, quam secure asserat, ac si oraculum ederet. Cui si dicerem, obsecro te, unde probabo hæc, si fuero iussus rationem reddere huius fidei? fortasse noua alia finget mendacia, quibus illa priora statuatur magna maioribus. Infelices Christiani, qui coguntur omnia audire, quæcunque tandem nugari libuit ineptissimis hominibus. Ac si non haberemus ipsam Scripturam, quam præcipiente Christo, populum doceremus, & tritici mensuram, non lapparum & tribulorum cados, illis tribueremus.

Inter cætera portenta, quæ hic suauissimus autor fingit, id quoque nobis audet persuadere, quod in manu Papæ sit remittere, uel non remittere, ignorata uel oblita, Quasi non sciat uniuersa Ecclesia, quod post omnem solutionem Papæ, cunctis fidelibus restet dicere: Delicta quis intelligit? ab occultis meis munda me Domine. Et quod etiam bona opera nostra cum Iob uereri oporteat, ne inueniantur apud Deum horrenda peccata. At clauis Ecclesiæ, bona opera, si sint mala coram Deo nec ne, nescit, nec iudicat, multo minus remittit. Psal. 19.
Iob. 9.

Confitendi modus laboriosus & inutilis.

Secundo, procedit eius somnium, ex laboriosa illa & inutili arte confitendi, imo desperandi & perdendi animas, qua hucusque docti sumus arenam numerare, id est, singula peccata discutere, colligere, atque ponderare, ad faciendam contritionem. Quod cum fecerimus, sit ut refricemus uel concupiscentias uel odia præteritorum memoria, & dum conterimur de præteritis, noue peccemus. Aut certe si fiat optima contritio, sit tantummodo uiolenta, tristis, mereque facticia, de metu pœnarum simulata duntaxat. Sic enim docemur peccata conteri, id est, ad impossibile, uel ad peius, conari.

Vera contritio unde incipiat.

Cum uera contritio sit incipienda à benignitate & beneficijs Dei, præsertim à uulneribus Christi, ut homo ad sui ingratitudinem primo ueniat ex intuitu diuinæ bonitatis, & ex illa in odium sui, ac amorem benignitatis Dei. Tum fluent lachrymæ, & odiet seipsum ex corde, citra tamen desperationem. Tum odiet peccatum, non propter pœnam, sed propter intuitum bonitatis Dei, qua inspecta conseruatur, ne desperet, & sese ardentissime odiet, etiam cum gaudio. Sic dum fuerit unius peccati uera contritio, omnium simul erit. Sic Rom. 2. Ignoras quod benignitas Dei te ad pœnitentiam adducit? O quam multi id ignorant S. Paule, etiam aliorum magistri. Sic enim in Nume: legimus filios Israel non fuisse à serpentibus suis ignitis liberatos per intuitum & horrorem eorum, sed potius auerso intuitu ab eis, & ad serpentem æneum (id est, Christum) conuerso. Item, & ab Aegyptijs uisis territi sunt, sed dato eis dorso, mare transeuntes saluati sunt. Ita sunt peccata nostra in uulnerato Christo, magis quam in nostra conscientia tractanda. Illic enim mortua sunt, hic uiuunt, Alioqui si illorum carnificina seruanda est, fieret,

Peccata nostra quomodo tractanda.

Rom. 2.

Nume. 2.

Exod. 14.

est, fieret, ut si quis subito ad mortem raperetur, non possit saluari, quia non habet tempus colligendi peccata. Sed habent quod hic dicant.

Quare ad commentum illius Commentatoris dici potest: In omni remissione summi Pontificis, præsertim illa publica & coram Ecclesia (ut sit in uenijs) debet subintelligi ista clausula, de iniunctis poenitentis, siue sint peccata oblita, siue ignorata, Hæc enim ad forum Ecclesiæ non pertinent.

Ortum est autem istud pelagus sermonum (ut mihi uidetur) ex quadam incuria inspiciendæ originis indulgentiarum. Nam tunc temporis, quando uigebant Canones poenitentiales, magnum erat relaxare quatuor dies, post hoc coeperunt centum dari, deinde mille dies, tandem multa milia dierum, & anni, & annorum centenaria & millenaria. Sic enim paulatim processit maior ac maior largitas ueniarum. Post hæc coepit septima pars omnium peccatorum remitti, Deinde tertia pars, Nouissime dimidia pars, ac sic peruen- Indulgentiarum origo. tum est ad plenariam remissionem omnium peccatorum, ut satis potest uide- ri adhuc in Stationib. urbis Romæ. Quod si in primis gradibus intelligitur poenitentia iniuncta, certe & in plenaria remissione intelligenda est.

Tertio, iterum stylus Papæ dicentis, per modum suffragij. Oportet enim diuersum esse modum suffragij, à modo potestatis. Quod si ipsi Papæ (sicut debemus) plus credemus, quam illis & nobis ipsis, patet nullam potestatem, sed suffragium ualere in purgatorium. Tutius est mihi cum Papa sentire, quam cum illis, Papa non arrogat sibi potestatem, sed suffragium sibi uen- Modus suffragij dicat. Et satis miror, qua fiducia illi contra expressam prohibitionē c. Cum ex eo. plus audeant prædicare, quam in literis Papæ continetur, cum suffra- Potestas. Suffragium gij modus ibi solum contineatur. Quod si sic intelligunt, Non habet pote- statem quidem iurisdictionis in purgatorium, sed tamen habet potestatem Clauium applicandi suffragia in illud.

Hic dico & ego, quod hoc nemo negat. Potestas applicandi, siue suffra- gia, siue satisfactiones, siue laudes Dei, prorsus est in manu summi Pontifi- cis. Verum an illa potestas sic sit solius Papæ, ut non etiam aliorum Pon- tificum sit, ut Conclusionē præcedenti dictum est, uel quid ego nondum intel- ligo in isto modo applicationis, in secunda parte huius conclusionis di- cam. Interim hanc primam prosequamur.

Matt. 16. Quarto, & omnium fortissime, Christus non ambiguus, sed claris, aper- tis, rotundis uerbis dicit: Quodcumq; ligaueris super terram, ligatum erit & in cœlis, Et quodcumq; solueris super terram, solutum erit & in cœlis. Non frustra adiecit, Super terram, Alioquin nisi restringere uoluisset potestatem Clauium, satis fuerat dixisse, Quodcumq; solueris, solutum erit. Aut ergo Super terram. Christus, ut nugator, superfluit uerbis, aut potestas Clauium solummodo est super terram.

Sed hic, o bone Deus, quam prompta est quorundam superstitio, qui sine scitu & sine uoluntate Papæ uolunt in his uerbis potestatem ei dare, ubi ipse suffragium sibi usurpat duntaxat. Et cum sentirent hæc uerba Christi sibi for- titer resistere, & errorem confutare, non id egerunt, ut erroris patrocinium desererent, & uerbis Christi incorruptis sensum suum accommodarent. Sed econtra, uerba eius sensui suo corrupto accommodant & torquent, dicentes: Illud, Super terram, potest dupliciter construi. Vno modo, ut ad soluentem. Alio modo, ut ad soluendum pertineat. Et primo modo esse Christum intel- ligendum, scilicet, Quodcumq; Petrus, dum fuerit super terram, soluerit, solutum erit & in cœlis. Volentes forte, quod etsi Diabolum solueret (modo ipse soluens super terram sit) solutus erit in cœlo. Nam qui dicit: Quod- cumq;, & nihil addit quo restringat, omnia certe solubilia esse ostendit:

R ij

Nescio

RESOLUTIONES DISPUT. LVTH.

Nescio quibus uerbis hanc rudem & insulsam superstitionem, imo temeritatem, infecter. Hieronymiano stomacho & eloquio dignus hic erat autor, ut sanctorum uerborum Christi, tam audax uiolentia & corruptio uindicaretur. Et ut omittam grammaticam, quæ uel sola potuit eos docere, non posse hunc eorum sensum istis uerbis stare, sed magis nouas dialecticas, quam ueram sequuntur grammaticam.

Videntur isti eo usque sapuisse, quasi Christus timuerit, ne quando talis Petrus uel Papa foret, qui & mortuus uellet ligare & soluere, & ideo necessarium ei fuerit tam insignem mortuorum Pontificum ambitionem & tyrannidem præuenire ac prohibere, ne ligent aut soluant, nisi dum fuerint in uita & super terram. Et forte (ut tam dignos Scripturæ interpretes digne laudemus) nec sine causa sic timuit Christus, ne uidelicet aliquando contingeret, ut mortuus Pontifex aliquid ligaret, & suus successor uiuus idem solueret. Tum fieret magnus error in cœlo, & Christus anxius ignoraret, cuius illorum approbaret officium, ut qui temere permisisset utrique idem officium, nec addiderit, super terram, ut mortuus compesceretur. Si enim ita non sapiunt, quid æstuant? quid laborant ostendere, quod super terram ad soluendum pertinet? Ecce o uere aureum opusculum aurei Doctoris, & aureis literis dignissimum, & ne nihil non sit aureum, aureis discipulis tradendum, illis uidelicet, de quibus dicitur: Simulachra gentium aurum & argentum, *Psalm. 135.* oculos habentia & non uidentia &c.

Recta uia isti incedunt contra Christum. Christus enim ideo addidit, Super terram, ne Pontifex, qui non potest nisi super terram esse, præsumat id ligare aut soluere, quod non sit super terram, uelut data opera, nostri temporis adulatores foedissimos præueniens & prohibens, qui inuito & recusanti Pontifici, regnum tradere incipiunt inferorum. Hos S. Hieronymus pro suo seruire dixisset, Theologos, id est, Deum loquentes, cum autem puta, qui apud Virgilium magnum uatibus inspirat furorem. Sed tamen agamus contra eos.

Si clauis soluunt mortuos, etiam ligant.

Primo, Si per hanc intelligentiam clauis soluunt mortuos, ergo & ligant, quia utrinque additur, Super terram, dicens: Quodcumque ligaueris super terram. Ergo & hic oportet eadem industria & acumine nobis distinguere, Super terram dupliciter construere, Vno modo, ut ad ligantem, Alio modo, ad ligandum pertineat. Ut sic concludant nobis, Pontificem posse ligare sub terra in purgatorio, modo id curemus (opere uidelicet medicorum) ut id uiuus faciat, & dum fuerit super terram, nam mortuus non posset ligare. Quod si ista prima pars uerborum Christi non recipit hanc torturam & uolentiam elusionem, ut ipsimet quantumlibet sint sine iudicio, asserunt: Qua fronte audebunt alteri parti eam uim facere, cum sit simili schemate per omnia composita? Nisi forte illis more suo, omnia liquerit uniuocare, & æquiuocare & amphibologizare & paralogizare sicut libuerit, & ubi libuerit. Dicant ergo, quod super terram, in prima parte pertinet ad ligandum, Sed in secunda parte pertinet ad soluendum, quandoquidem & maiora monstra in sacris etiam literis inuenerunt pro sua laudabili consuetudine.

Mos Theologorum peruersus.

in cœlis.

Quare cum omnes negent, Clauis posse ligare in purgatorio, necesse est negare, quod possint soluere, cum sint illæ duæ potestates æquales, & æqualiter à Christo Ecclesiæ suæ datæ. In hac sententia sunt quidam non pessimi Iuristæ, an saniores cæteris, uiderint illi.

Secundo, Ex ipsa antithesi ista sententia etiam confutatur, Quia, sicut in cœlis utique ad soluendum in cœlis respicit, ita super terram, ad soluendum super terram respiciat oportet. Et rursus, In cœlis, ad ligatum, Quare & super

super terram, ad ligatum referri debet. Vnde Christus uelut de industria, non dixit: Ego soluam in coelis, sed solutum erit in coelis. Vt si quis primo uerbo, scilicet, Quodcumq; solueris super terram, falsæ intelligentiæ calumniam quæreret, in sequente retunderetur, nec permetteretur ad soluendum aptare, Quia solutum in coelis, cogit certe intelligi solutum in terra, non soluentem, Et ligatum in coelis, cogit intelligi non ligantem, sed ligatum in terra, aut saltem utrumq;.

Tertio, Si clauis tenditur in purgatorium, quid frustra laborant? Cur non tollunt uerbū suffragij? cur non persuadent Pontifici, ut dicat per modum potestatis, & autoritate potius, quam suffragio soluere & ligare? Quippe, Quodcumq; soluerit (tantum caueat ne sit mortuus) solutum erit. Quid nos obtundit uocabulo suffragij, quod nemo intelligit potestatem, sed omnes intercessionem? *Suffragium.* Quin amplius faciamus, & rogemus Papam, ut purgatorium omnino tollat de rerum natura. Si enim Clauis Ecclesiæ, etiam quo ad soluendum duntaxat, illuc sese extendunt, erit in manu eius totum purgatorium. Quod probo sic, Det omnibus in illo existentibus remissionem plenariam. Secundo, omnibus morituris Christianis eandem similiter det remissionem. Tunc certum erit, ut nullus in eo maneat, nullus in ipsum ueniat, omnes autem euolent, & cesset purgatorium. Debet autem id facere, & subest iustissima causa, scilicet charitas, quæ per omnia, super omnia, in omnibus quærenda. *Charitas.* Nec timendum est, quod iusticia diuina offendatur à charitate, ad quam potius ipsa nos urget. Quod cum factum fuerit, deponamus totum officium defunctorum, satis hodie molestum, & neglectum tamen, mutemusq; id in officia festiua.

Quarto & ultimo. Si purgatorij pœna est castigatoria & afflictiua, ut supra s. Conclusionem, tunc certum est, eam non posse solui potestate clauium. At non esse aliam, satis puto ex sufficienti diuisione patere. Patet itaq; prima pars huius Conclusionis, ac per hoc tota satis probabiliter firmata, quod suffragium, non iurisdictio, intret purgatorium.

Secundum, scilicet modus ille suffragij, Et si non fuit à me positum, ut inquireretur, nec requiritur ad positiones meas, scire, quis aut qualis sit, tamen uolens exponam me in eo, quod iuste poteram omittere, ne uidear angulum quærere, salua semper mea Protestatione, quod non meum, sed Pontificis, imo Ecclesiastici forte concilij sit statuere, quis sit ille modus. Meum est inquirere & disputare, ac rationibus adductis, quid intelligam, aut nondum intelligam, indicare. Ergo duplici uia impenditur suffragium animabus. *Suffragij modum explicat.*

Primo re ipsa & officio præsentem, sicuti fit, cum sacerdos cum populo orat, ieiunat, sacrificat, aliaq; facit nominata opera, pro nominatis animabus, de quo suffragio nullum dubium est, quin uehementer prosit, & redimat animas, secundum quod Deo uisum fuerit, & illæ meruerint secundum B. Augustinum. De isto superius dixi conclusionem præcedenti, quod talem potestatem habet Episcopus specialiter, qualem Papa generaliter, Sed non iurisditionis, sed suffragij faciendi in purgatorium. De isto modo hic non quæritur, ut notum est.

Secundo, impenditur sine officio uel opere, sed mera iurisdictione per literas uel per uoces pronunciata. Et id quoque ex duobus thesauris.

RESOLUTIONES DISPVTV LVTH.

*Thesauri Ecclesie
triumphantis.*

*Militantis Ecclesie
thesaurus.*

Fraternitates.

*Merita militantis
Ecclesie non sunt
in manu Papæ.*

Primus est triumphantis Ecclesie, qui est meritum Christi & Sanctorum eius superabundantius, quam debuerant merentium. Et hunc esse relictum in Ecclesia, ut hic remuneretur & compensetur, dicunt illi. Alter est militantis Ecclesie ut sunt merita, bona opera uiuentium Christianorum, quæ habeat summus Pontifex in manu sua, applicare ea, uel pro satisfactione poenitentium, uel suffragio defunctorum, uel pro laude & gloria Dei. Sic enim & ego aliquando & docui & scripsi, Papam tripliciter habere militantis Ecclesie merita in potestate. Primo, ut ea offerat Deo pro satisfactione aliorum. Secundo, pro suffragio animabus. Tertio, in laudem Dei. Et hanc facultatem spiritualement, si uera est, in suis Diocæsis habere Episcopos, firmiter credo. Aut si erro, reuocet me qui potest. Alioqui quomodo stabunt sine errore Fraternitates illæ, in quibus sibi communicant sua studia & opera, tam maiores quam minores Prælati? Item monasteria & ordines, & hospitalia & parochiæ. Id enim non potest uerum intelligi, nisi quod tali modo unius opus pro altero satisfacit, suffragatur & glorificat Deum.

Dico itaq.

Quamquam ego prorsus non intelligo, quomodo sint ista merita militantis Ecclesie in manu Papæ, tamen interim sic pie credam, donec seus Gordus hunc nodum dissoluat. Causa autem, quare non intelligam, est hæc.

Prima, si pro uiuentibus uiuentium offert opera, iam non uideo, quomodo sit remissio gratuita, & non potius uera & iusta satisfactio & perfolutio usq. ad nouissimum quadrantem. Licet enim ille non operetur cui sit remissio, alij tamen operantur & satisfaciunt. Tunc enim id fiet, quod omnes constanter negant, scilicet, quod concedens oneret se ad satisfactionem, uere enim Papa tunc non remitteret, sed satisfaceret, scilicet per sibi subiectos.

Secunda, quod sic clauis Ecclesie nihil prorsus facerent, nisi quod iam de facto sit in Ecclesia, etiam sine clauibus. Nam ex lege charitatis, quilibet pro quolibet tenetur orare, Et Apostolus ait: Alter alterius onera portate, *Gala. 6.* & sic adimplebitis legem Christi.

Tertia, quod nomen Indulgentiæ huic sententiæ repugnat, quia debet illud indulgere, id est, remittere, ut non faciat quod debet, non autem imponere alteri, uel impositum dicere, ut Indulgentia prorsus extinguat debitum, non autem per alium soluat. Quare uidetur potius, sine isto thesauro, nuda sufficere potestas Clauium ad Indulgentias, maxime cum remittatur tantummodo canonica, non autem Euangelica satisfactio. Aut iterum hic dicendum erit, ut supra de remissione culpæ dictum est, quod sic etiam remittat per hunc thesaurum poenas, id est, declaret id fieri, quod etiam sine eo fit, scilicet Ecclesiam pro eo satisfacere, cui remittitur. Quomodo B. Augustinus dicit, Neminem suscitari, nisi quem suscitatur unitas Ecclesie, ut in uidua figuratum dicit. Sed adhuc durat ratio prima, & secunda, quod sit tunc potius satisfactio, quam remissio, siue declaretur siue concedatur.

Gratia Spiritus.

Quarta, Thesaurus ille Ecclesie militantis magis operatur gratiâ Spiritus, quam remissionem poenarum, & uidetur satis uiliter tractari, si pro poenarum remissione applicetur, cum remissio poenarum sit uilissimum donum in Ecclesia, etiam impijs donabitur, & sola clauis potestate, ut uidetur.

Dico secundo.

Non intelligo, quomodo aut quid fiat, quando Papa eundem thesaurum applicat pro suffragio defunctorum. Causa est hæc.

Prima,

Prima, Quia iterum non plus uidetur facere, quam quod de facto fit. Nam uniuersa Ecclesia de facto orat & suffragatur pro defunctis, nisi iterum hic putetur id facere declaratiue. Nec uideo quid illud obstat, quod dicitur de Missa, quæ plus prodest, si per sacerdotem uni applicetur, quam si sine applicatione pro omnibus celebretur. Fateor id uerum à me credi, Sed Papa, ut summus & generalis omnium sacerdos, certe non potest nisi generaliter applicare, imo debet id facere, etiam sine literis ueniarum.

Secunda, Cum per Indulgentias non remittantur nisi poenæ canonicae, prorsus non possum intelligere, quid animabus remittatur, cum Canones eas non ligent. Denique in morte sunt ab illis absolutæ, cum omnis sacerdos sit Papa in hora mortis. Item, quod nulla anima patitur in purgatorio pro criminibus & mortalibus peccatis, sed tantum pro uenialibus, ut dist. xxv. c. Qualis. Canones autem uenialibus, imo mortalibus occultis non sunt impositi, sed tantum criminibus cognitis, ut supra dictum. Dicat ergo qui potest, Quomodo Indulgentiæ suffragantur illis, id est, remissiones Canonum (nisi non tantum Indulgentias largiatur) imo illis uelut in superabundantem cautelam datis (uelut solent etiam mortui absolui in facie Ecclesiæ) simul inuoluat ultra Indulgentias, applicationem meritorum Ecclesiæ. Et tunc certe Indulgentiæ non fiunt suffragium, sed cum suffragio, tanquam altero dono, dantur animabus, id est, declarantur dari, uel applicantur.

Dico tertio,

De thesauro meritorum Christi & Sanctorum ad remissionem poenarum applicato, dicam infra in sua Conclusionem lviij. Vides ergo quam sint omnia obscurissima & dubiosissima, ideo periculosissima doceri.

Id unum dico & uideo, quod Papa (In Cle. de pe. & re. c. Abusionibus) damnare uidetur hanc sententiam, de redimendis animabus per Indulgentias, dum dicit: Animas de purgatorio, ut asserunt, mendaciter extrahunt, Vbi glossa, super uerbo, mendaciter, quia inquit, sunt iudicio Dei reueruaturæ. Et allegat ad hoc dist. xxv. c. Qualis. Et certe mihi uidetur recte sentire. Nam si per suffragium redimantur, non utique sequitur eas statim euolare, Non est idem suffragari & redimere seu liberare. Itaque ego hucusque sapio, quod uideo Indulgentias & suffragium meritorum Ecclesiæ esse duas res diuersissimas, alteram sine altera, & cum altera dari potentem. Indulgentiis sufficit sola potestas clauium, sine addito illo thesauro, qui tamen potest addi, uel solus dari. Solus datus, facit participem bonorum, ut satis supra est dictum.

Hæc si essent certa & uera, sequeretur, quod Indulgentiæ, in quantum tales, prorsus nihil proderent animabus, nisi quod coram Ecclesia absoluerentur (id est, denunciaretur eas esse absolutas) Aut si proderent, non id fieret uirtute ipsarum, sed alia adiuncta illis donatione, scilicet meritorum Ecclesiæ. Quæ donatio iterum distinguenda est à generali applicatione, qua Ecclesia de facto per illa suffragatur animabus, sine Papæ applicatione, & uidendum quid ipsa ualeat. Sed etiam alijs relinquendus est inquirendi labor, quibus est nondum fessum studium in tantis dubijs.

Nunc obijciatur,

PRimo, Celebre habetur, quod quidam Magister Parrisijs tenuit in disputatione sua, Summum pontificem habere potestatem in purgatorium, & Pontifex eo cognito & mortuo, dedit eam assertam remissionem uelut commendans.

Respondeo.

Me nihil mouet, quid placeat uel displiceat summo Pontifici, Homo est, sicut & ceteri, multi fuerunt summi Pontifices, quibus non solum errores & uicia

Missæ.

Canones.

Anima per Indulgentias redimenda.

Pontifex.

RESOLUTIONES DISPUT. LVTH.

uicia, sed etiam portenta placuerunt. Ego audio Papam, ut Papam, id est, ut in Canonibus loquitur, & secundum Canones loquitur, aut cum Concilio determinat, Non autem, quando secundum suum caput loquitur, ne forte cogar cum quibusdam, male Christum cognoscentibus, dicere, quod Iulij II. horrendæ cædes in Christianum populum, fuerint quædam beneficia p[ro] pastoris, in oues Christi collata.

Iulius II.

B. Bonauentura.

Secundo, B. Bonauentura lib. iij. dist. xx. Non esse resistendum impotenti, si quis asseruerit Papam habere potestatem in purgatoriū. Respondeo primū: Autoritas B. Bonauenturæ in re hac non sufficit. Secundo, quando Papa id asseruerit, non erit resistendū. Tertio, Bonauentura recte dicit, quia addit, seipsum exponens, dummodo id constet per autoritatem manifestam, aut dictamen rationabile. Sed illa nondum constat manifesta autoritas.

Hic uero obijciuntur.

Sixtus III.

Primo, Sixtus III. determinasse dicitur, quod per suffragium ille modus nihil minuit plenitudinem indulgentiarum.

Respondeo:

Papa non habet potestatem condere novos fidei articulos.

Primum, Si quis pertinax esse uellet, diceret: Probo quod dicis, optime pater, Maxime cum solius Papæ non sit nouos fidei statuere articulos, sed secundum statutos iudicare & descindere quæstiones fidei. Hic autem erit articulus nouus, ideo ad uniuersale Concilium pertinebit eius determinatio, multo magis quam conceptio B. Virginis, præsertim, cum hic nullum, illic multum & magnum sit animarū periculum, Alioquin cum Papa sit unus homo, qui errare potest in fide & moribus, periculo assidue laboraret totius Ecclesiæ fides, si quicquid sibi uisum fuerit, necesse sit uerum credi.

Concilium uniuersale.

Conceptio Mariæ.

Secundo, etiam si Papa cum magna parte Ecclesiæ, sic uel sic sentiret, nec etiam erraret, adhuc non est peccatum aut hæresis, contrarium sentire, præsertim in re non necessaria ad salutem, donec fuerit per Concilium uniuersale alterum reprobatum, alterum approbatum. Quod, ne multis agam, illo unico probatur, Quod Ecclesia Romana etiam cum Concilio uniuersali Basiliensi, ac tota ferme Ecclesia sentit B. Virginem sine peccato conceptam. Et tamen, quia altera pars non est reprobata, non sunt hæretici qui contrarium sapiunt.

Tertio, Ego dico, mihi nondum uisam illam Sixti determinationem. Sed hæc mihi uisa est, quod Indulgentiæ dantur defunctis per modū suffragij. Ex qua nondū sequitur, quod ideo animæ euolent, quibus ille modus datur.

Modus suffragij.

Quarto, Non possum esse alieni uerbi, multo minus summi Pontificis, interpretes, Quare donec seipsum interpretetur, interim opinemur, honoris gratia, defendendo dictum tale incognitum, Dupliciter potest id ipsum intelligi. Primo. Modus suffragij non minuit plenitudinem Indulgentiæ, id est, licet Indulgentiæ dentur ibi, non per modum Indulgentiæ, sed per modum suffragij, tamen tali suffragio & intercessione nihilominus fit, ut euolent omnino, quibus fuerit impensus. Ac sic non soluendo, sed intercedendo euolant, Hanc non teneo, sed illi ita putant dictum.

Sententia Lutheri.

Secundo, Modus suffragij non min. ple. indulg. id est, applicatio indulgentiarum per modum suffragij, permittit eas esse, quod sunt, scilicet Indulgentias plenas, nec tollit id, quod natura sua sunt, Solum, quod non agunt, ut Indulgentiæ, sed ut suffragium. Et hanc admitto & addo, Quod si non minuit aliquid, multo magis nihil auget Indulgentias illa applicatio suffragatoria. Ex his sequitur, quod non euolent animæ per illum modum. Et id sonant etiam uerba, Quia non dicit, modus ille suffragij plene redimit animas, Sed non minuit plenitudinem indulgentiæ, scilicet, quod Indulgentiæ licet plenæ, tamen tantum faciunt, quantum facere potest suffragium, nec amplius.

Iterum

Iterum obijcitur.

Forma absolutionis Apostolicæ dicit : Remittendo tibi pœnas purgatorij, in quantum Clauēs sanctæ matris Ecclesiæ se extendunt. Et hanc formam seruant pœnitentiarij Papæ, etiam in Vrbe. Respondeo :

Primo, Ista sunt extra propositum, quia est forma absoluendi uiuorum & morientium, non autem forma applicandi Indulgentias iam defunctis.

Secundo, Tamen quærendæ ueritatis causa, dico, quod cum sint dubia & obscure posita ista uerba, non potest errari in fide, si quis contra senserit, quam putantur intelligenda. Cur enim trepidat illa forma? cur uelut dubitans dicit, In quantum clauēs sese extendunt? Suspecta est mihi ista tremenda cauda, Non teneor firmiter credere, quod ipse non audet constanter pronuntiare. Cur hic solum & nusquam alibi adiungit, In quantum clauēs se extendunt? An nondum uidemus quam uigil sit Christus in Ecclesia sua, ut etiam errare uolentes, non permittat errare? Si tamen nos ipsos, neglecto eius monitorio, non præcipitarem in errorem.

Tertio dico, sicut prius, Etiam si Papa cum suis pœnitentiarijs hic non erraret, non ideo sunt hæretici, qui negent eius sensum, aut non credant, donec fuerit Concilij uniuersalis iudicio alterutra partiū definita uere probata. Sic enim, licet etiam Indulgentijs ornarint festum Conceptionis, tanquam rem certam fidei, non tamen damnant aut ligant eos, qui solutionem talium Indulgentiarum non quærunt. Ita quantumcunq; donetur Indulgentiarum, formam illam non est necesse credere esse ueram, donec statuatur Ecclesia. Et iterum uides, quanta sit necessitas legitimi & uniuersalis Concilij. *Concilium.* Sed timeo, nostrum seculum, non sit dignum donari nobis tale, sed potius ut operationibus erroris illudamur, sicut meruimus.

2. Thes. 2.

CONCLUSIO XXVII.

Hominem prædicant, qui statim, ut iactus numus in cistam tinnierit, euolare dicunt animam.

Hominem prædicant, id est, uanitatem & mendacia, secundum illud : Omnis homo mendax. Et iterum : Vanitas, omnis homo uiuens. Atq; ista positio, secundum meam sententiam, non eget probatione : Probatur tamen per sequentem Conclu. Quia arbitrio Dei, & merito animæ ualeat suffragium Ecclesiæ. Ideo etiam si illorum esset uera sententia, quod per modum suffragij profunt, Non sequitur, quod statim euolent.

Primo, non suffragium, sed exauditio suffragij, eiusq; susceptio liberat, cum non orante Ecclesia, sed operante Deo liberentur. *Exauditio suffragij.*

Secundo, Natura Deus sic agit, ut cito exaudiat, tardet autem dare, ut patet in omnium Sanctorum orationibus & doctrinis, ut probet perseuerantiam. Ideo longe distant suffragium, exauditio, executioq; eiusdem. *Cito Deus exaudit, tarde dat.*

Tertio, Quod hoc ipsum noue dicitur, sine autoritate ulla contra prohibitionem Canonis, ne quid ultra, quam in literis continetur, dicatur : Non ergo Dei & Ecclesiæ, id est, uera, sed sua propria, id est, mendacia loquuntur.

Quinto, non differunt, ille, qui loquitur falsum scienter, & ille, qui asserit certum, quod nescit esse certum. Sic enim & uerum loquens aliquando mentitur. Sed illa iam dicta sciunt sibi esse incerta, & tamen certa affirmant, tanquam Euangelia, nulla enim autoritate uel ratione possunt, ea certa esse, probare.

Sex 10,

RESOLUTIONES DISPVTV LVTH

Sexto, Tunc suffragium illud esset melius alieno officio, & per accedens, quam suo proprio, quia non tantum prodest operario, quam alteri, pro quo fit, imo hoc est Peripateticum, ideo transeo, Maxime cum illi ausint concedere, quod non profint operario, sed animæ &c. Possem & ego istas Fabulas ridendas exagitare & illudere, sicut ipsi per eas illudunt ueritatem, Sed desisto, ne magis dogma, quam problema ponere uidear.

CONCLUSIO XXVIII.

Certum est, numo in cistam tinniente, quæstum & auariciam augeri posse, suffragium autem Ecclesiæ est in arbitrio solius Dei.

Euangelium negligitur, solæ Indulgentiæ populo indicantur.

Mirum est, quod non tanto studio atq; boatu etiam Euangelium Christi prædicatur saluberrimum. Quæ res suspectum facit negotium, quod plus quæstum quam pietatem æstimare uidentur, Nisi forte iustissime excusentur per hoc, quod Euangelium Christi ignorant. Igitur, cum Indulgentiæ sint nullius pietatis, nec meriti, nec præcepti, sed licentia tantummodo quædam, licet opus, per quod redimuntur, sit pium, uidetur omnino quæstus augeri per eas magis quam pietas, dum tam effulse & solæ tractantur Euangelio uilius uix recitato.

Suffragium Ecclesiæ.

Probo primo, Quia suffragium Ecclesiæ non est iurisdictio Papæ, nec in manu eius, quo ad acceptationem Dei, sed tantummodo, quo ad oblationem, etiam si stet eorum sententia de animarum redemptione per illud.

Secundo, Falsa esset B. Augustini uulgata sententia, quod suffragia tantum his profunt, qui ea sibi prodesse meruerunt, quia potestate Papæ, non autem merito, animæ prodesse, cuicumq; prodesse.

Ex auditio suffragij.

Tertio, Contra naturam & uim uocabuli est, ut sit in potestate Papæ, per suffragium redimere, Nam quantumcunq; opus sit excellens, si ipsum uertitur in suffragium, non ut opus, sed ut suffragium, operatur. Ex auditio suffragij, potius redimit. Aut ergo alijs nominibus de re ipsa loquuntur, & tunc peius fallunt, Aut si proprio uocabulo de re sua loquuntur, tum non stat sententia eorum, repugnante uocabulo suffragij, significationi & intellectui potestatis.

Protestatio Lutheri.

Quarto, Tunc prorsus nulla esset differentia inter suffragium & potestatem, nisi uoce tantum, re ipsa erunt idem, quia idem efficiunt sine alio requisito ultra uoluntatem Papæ, Cur ergo non tacet suffragium, & cessat nos cogere alia intelligere per suffragium, quam per potestatem.

Hic iterum protestor, optime Lector, me de suffragio eiusmodi loqui, tanquam uere esset tale. Nam meam sententiam dixi supra, quod dubitem, nec intelligam, an sit, aut esse possit tale. Quod ideo dico, ne mihi ipsi quisquam contrarium me sibi fingat, dum hic uelut assero suffragium, quod prius pene negaui.

CONCLUSIO XXIX.

Quis scit, si omnes animæ uelint redimi a purgatorio, Sicut de Seuerino & Paschale factum narratur.

Seuerinus Paschalis.

NON quidem fide dignam Scripturam de his duobus legi. Narrari tamen audiui, quod potuissent suis meritis liberari, si minus uoluissent glorificari, ideo potius sustinuerunt differri gloriam uisionis, Sed in his credat quisq; quod uelit, mea nihil refert. Non enim negaui, quin & alias pœnas luant animæ in purgatorio, quam supra dixi, Sed uolui, ut etiam illis remissis, non euolarent, nisi & sanarentur in gratia perfecte. Posse tamen fieri, ut aliquæ nollent redimi, ex nimia Dei charitate. Ex eo fit uerisimile, quod Paulus & Moses potuerunt uelle esse anathema, & separationem a Deo

Paulus. Moses.

DE VIRTUTE INDVL AD LEO X CIII

Deo in æternum. Si tale in uita facere isti prompti erant, non uidetur negandum, & à defunctis idem fieri posse, de quo exemplum de quadam Virgine, uide in Ser. Tauleri. quæ sic fecit.

Iohannes Taulerus.

CONCLUSIO XXX.

Nullus securus est de ueritate suæ contritionis, multo minus de consecutione plenariæ remissionis.

HÆc dico, eorum sententia, qui uolunt contritionem esse necessariam ad remissionem poenarum, & non uident, quam uehementer incerta reddant omnia. Et satis patet conclusio. Nam primam partem omnes asserunt. Secunda autem necessario sequitur, Meo autem iudicio potest fieri certa remissio poenarum, scilicet canonicarum, etiam si ille dignus non fuerit, nec contritus. Non enim contritio, nedum certitudo contritionis, requiritur ad poenarum remissionem, quia tenet remissio, etiam si fictis concedatur, cum sit in mera potestate Papæ.

Secundum aliorum mentem loquitur.

Illi uero, ut supra quoque dictum est, si alias poenas quam criminum, uolunt remitti, scilicet quorumcunque mortalium peccatorum, faciunt, dum nimium magnificant Indulgentias, ut nullæ sint Indulgentiæ. Quia nec Indulgentiæ quidem sunt, si incertæ sunt. Incertæ uero sunt, si nituntur super absoluendi conscientiam, non super clauium potestatem, Maxime uero, si & super omnium peccatorum mortalium, non tantum criminum manifestorum, contritione nituntur, cum nullus certus sit, se sine peccato mortali esse. Certus autem esse potest, quod sine crimine est, id est, sine peccato, de quo coram Ecclesia possit accusari, ut supra. Ideo illam Conclusionem nego esse ueram, meo sensu loquens. Posui autem, ut uiderent illi absurditatem suæ iactantiæ, qua Indulgentias extendunt.

Veniarum incertitudo.

CONCLUSIO XXXI.

Quam rarus est uere poenitens, tam rarus est uere Indulgentias redimens, id est, rarissimus.

Iterum eorum loquor sententia, ut uideant suæ licentiosæ prædicationis temeritatem, imo contradictionem, qui cum tam multis eas prodesse clamitent, & tamen confitentur paucos esse, qui angustam uiam ambulat, nondum erubescunt, neque attendunt quid loquantur. Sed nec mirum, Non enim susceperunt officium contritionis & angustæ uiae docendæ. Meum itaque sensum dico, quod etsi pauci sint contriti, multi, imo omnes in tota Ecclesia possunt esse liberi à poenis Canonum, per ablationem Canonum, sicut & uere nunc sunt:

CONCLUSIO XXXII.

Damnabuntur in æternum cum suis Magistris, qui per literas ueniarum securos sese credunt de sua salute.

Hanc assero & probo. Sic Iere. xvij.

MAledictus, qui spem suam ponit in homine, & ponit carnem & brachium suum. Non est enim nobis ulla fiducia salutis, nisi unus Ihesus Christus, nec aliud nomen sub cœlo datum, quo nos oporteat saluos fieri. Act. 4. Pereat ergo fiducia in mortuis literis, in nomine ueniarum, in nomine suffragiorum. Secundo sicut dixi, Literæ & ueniæ nihil conferunt salutis, sed tantummodo auferunt poenas, nec nisi canonicas, nec has

Veniarum Suffragia.

S

omnes

RESOLUTIONES DISPUT. LVTH.

Deplorat infœlicitatē Christianorum

omnes tamen. Atq; hic mecum utinam terra & plenitudo eius gerneret ac fleret, super seductionem populi Christiani, qui passim Indulgentias non aliter intelligunt, quam salutare & ad fructum spiritus utiles. Nec mirum, cum non exprimatur eis rei manifesta ueritas. Infoelicissimi Christiani, qui nec in suis meritis, nec in sua conscientia bona possunt confidere de salute, docentur confidere in scriptam & cæratam papyrum, Cur non ita loquar? quid enim amplius ibi confertur rogo? non contritio, non fides, non gratia, sed tantummodo externi hominis poenæ à Canonibus statuta.

ATque ut paulum digrediar, audiui ego ipse multos, qui datis pecunijs & redemptis Literis, totam fiduciam in illas posuerunt. Ita enim uel audierant (ut dicebant) uel (ut ego honoris gratia credo) intellexerant, Præcones ueniarum docere. Non hic taxo, sicut nec mihi licet, qui non audiui Præcones ueniales, excusent sese ultra niuem candidius, mea causa licebit, certe populi redarguendi sunt aures tam illoræ, ut illis salutaria dicentibus, ipsi non nisi pestifera audiant.

Hæc et sequentia usq; ad 33. Conclusionem, pie lector, nō oscitanter lege.

Sed dum illi dicunt: Ante omnia fratres in Christum credite, atq; confidite, & poenitentiam agite, Crucem uestram tollite, Christum sequamini, mortificate membra uestra, discite poenas & mortem non formidare. Ante omnia mutuam inter uos charitatem habete, inuicem seruite, etiam neglectis uenijs. Primum pauperibus & egenis subuenite. Hæc, inquam, & similia tam pia & religiosa, & sancta illis narrantibus, insipiens uulgus, nouo miraculo subuersum, longe alia audit, scilicet hæc:

O uos insensatos & crassi cordis homines, bestijs prope similes, qui non percipitis tantam effusionem gratiarum. En cœlum undiq; apertum nunc est, Si nunc non intres, quando unquam intrabis? En tot potestis redimere animas. O duri, duri & negligentes, duodecim denarijs Patrem extrahere potes, & tam ingratus parenti in tantis poenis non succurris? Ego sane in extremo iudicio excusatus sum, uosq; magis accusati quod tantam neglexeritis salutem. Dico tibi, si uel unam solam tunicam haberes, hanc quoq; exuendam, & distrahendam iudico, ut tantas gratias obtineas.

Tum uero ubi uentum fuerit ad oblocutores gratiæ, cum illi meras benedictiones inundent etiam, stat tremens uulgus, & cœlum ruiturum, ac terram hiaturam formidat, longe peiores, quam infernales poenas sibi minari audit, Vt uerum forte sit, quod ubi illi maledicunt, Deus benedicit eorum maledictionibus, & ubi benedicunt, Deus maledicit. Nam quia uia fieri possit alia, ut illi tam aliena loquantur, ab his quæ audiunt, quia possit intelligere? Vnde istæ, quæso, uerborum larvæ? Sed nec omnia tamen credo, quæ populus passim sese audisse dicit, alioqui hæretica, impia, blasphema, illis prædicata, putarem.

Fabula.

Non credo uerum esse, quod unus illorum prohibuit fieri exequias defunctorum, & sacerdotum inuirationem, Sed magis ut imponerent in ciuitatem, qui exequias & missas, parentaliaq; uellet peragere. Populus hæc etiam fingit. Non credo fabulam illam, mendacijs refertam, ab ullo dictam, uidelicet, Quod in quodam loco, nescio quot milia (si recte memini, tria uel quinq;) animarum fuerint redemptæ per has uenias, inter quas solum tres fuerunt damnatæ, quia detraxerant Indulgentijs. Nemo hanc dixit, sed passionem Chris-

sionem Christi narrantibus, talia populus audiuit, aut postea audisse finxit. Non credo uerum, quod passim siue uectoribus, siue hospitibus, aut alias seruientibus, pro precio dant quatuor, quinque, uel quod libitum fuerit, animas.

Non credo, quod in pulpitis, postquam impetuoso mugitu despuma uerint suas exhortationes, ut populus imponat, clamitent: *Impone, impone, impone* (hanc enim populus uocem, caput & caudam, imo & uentrem, ac totum pene sermonem esse fingit) tum ut Apostolici prædicatores, rem non uerbis modo, sed exemplo docent, descendunt, primi ad cistam eunt, in omnium oculis, irritantes & prouocantes simplicem & stultum populum, ut penitus exugant medullas eius. Imponunt itaque splendido gestu, atque sonoro tinnitu, tum mirantur, si non pluant cæteri omnes totum æs suum, arri-
dent imponentibus, indignantur omittentes. Non dico ego istas nundinas esse animarum, et monopolia, populum indignor, qui tam pia studia, pro sua ruditate, non speciem, sed usque ad furorem, auariciam interpretatur. Quamquam mihi forte dignus uenia uideatur populus, qui ex istis nouis spiritibus, uel nouam mentem, uel errorem accipiat, cum prius magis audire sit solitus, quæ ad charitatem & humilitatem pertineant.

Sed si catalogum portentosorum audituum uelim perconsere, nouo uolumine fuerit opus. Ego uero mea sententia credo, si Indulgentiæ essent etiam præceptæ & salutares, tamen quia in tam grandem sunt nunc abusus & scandalum redactæ, ut uel hæc sola causa satis iusta sit, ut uniuersæ tollerentur. Ne forte si diutius permittantur uigere, tandem præcones earum præ pecuniarum amore insaniant. Vere quidem credo, non omnia ab illis dicta esse, quæ passim feruntur, Verum debuerant saltem populum in hoc arguere, & sese clarius exponere, aut, quod melius est, secundum Canones modeste loqui de Indulgentiis.

CONCLUSIO XXXIII.

Cauendi sunt nimis, qui dicunt, Venias illas Papæ donum esse illud Dei inæstimabile, quo reconciliatur homo Deo.

Pestilentes hæreticos debueram eos dicere, quid enim magis impia *Indulgentiæ Papæ non sunt gratia reconciliationis Dei.* um & hæreticum, quam dicere, Indulgentias Papæ esse gratiam reconciliationis Dei. Verum ut stomachum meum premam, uolo potius eos nulla malicia aut uoluntate talia dixisse, aut posuisse, sed mera inscicia, & tam cruditionis, quam ingenij penuria, Licet & in hoc sit temeritas, quod tam indocti, non potius bubulci opus fecerunt, quam opus docendarum animarum Christi subirent. Audiamus itaque istum bubulcum sua uerba grunnientem. Sic enim in Libello suo, postquam Indulgentias in quatuor principales gratias distribuerat, & multas alias minus principales. Prima, inquit, gratia principalis, est plenaria remissio omnium peccatorum, quæ quidem gratia, nihil maius potest dici, eo quod homo peccator, & diuina gratia priuatus, per illam perfectam remissionem & Dei gratiam denuo consequitur. Hæc ille:

Obsecro, quæ hæreticorum sentina, tam hæretice unquam locuta est? Vel ex hoc loco disce, qua causa fiat, ut cum illi sese sanctissima docere dicant, populus tamen tam impia audiat. Utinam hic sit diui Hieronymi zelus & eloquium, Pudet me tantæ temeritatis, quod iste blaterator non fuerit ueritus, eum Libellum ædere in faciem quatuor illustrium, & circumiacet *Libellus Indulgentiarum blasphemus.* tium Vniuersitatum, ac si omnino ibi ingenia uersa essent in fungos putidos. Doleo & hæreticis nostris propinquis Pighardis, tandem uenisse occasionem iuste criminandi Ecclesiam Romanam, si hæc in ea doceri audierint.

S ij

Quod

RESOLUTIONES DISPUT. LVTH.

Quod autem iste insulsus Autor, non malicia forte, sed inscitia ista dixerit, ex illo uidere licet, Quia inquit, per illam (id est, primam gratiam plenariam remissionem) consequitur homo perfectam remissionem. Quid est dicere, per plenariam remissionem consequitur perfectam remissionem, & per gratiam Dei, consequitur gratiam Dei? An non per febrem somniat, aut phrenesi laborat? Sed ad sensum hæreticum uerte animum.

Prima gratia.

Hanc primam gratiam uult eam esse, qua maius dici nihil potest, & quam consequitur homo priuatus gratia, quod nisi de iustificante gratia spiritus intelligi non potest. Nec ipsum aliter intellexisse clarum est, alioqui non esset, qua maius dici nihil potest. Quanquam si etiam de gratia iustificante alias loqueretur, satis impie loqueretur, cum solus Deus sit id, quo maius dici non potest. B. Augustinus enim, non sicut ille, sed in donis creatis, inquit, nullum est maius charitate. Hic uero gratiam Dei, & gratiam Papæ, in unius uocabuli Chaos confudit, dignus Autor tali uel opinione, uel errore.

Sequitur in eodem libro.

Delphicum oraculum.

Per quam etiam peccatorum remissionem, sibi poenæ in purgatorio, propter offensam diuinæ maiestatis, luendæ, plenissime remittuntur, atque dicti purgatorii poenæ, omnino delentur. Delphicum audiuius oraculum, ut nihil omnino dubitat, qui omnia ignorat, de potestate clauium in purgatorium secure pronunciat. Sed satis de his supra.

Sequitur ibidem.

Et licet ad tantam gratiam merendam, nihil satis dignum possit retribui, eo quod donum Dei & gratia æstimationem non habent &c. Vides ut iterum donum & gratiam Dei inæstimabilem uocet, id quod Papa remittit, homo dignissimus, qui Ecclesias doceat, id est, Hæreticorum prostibula. Postquam his uerbis gratiam illam ad forum & nundinas studiose adornarat, Mox tamen Mercurium suum habitu Iouis uestit, ne ullus intelligat, quod lucrum quæreretur, nisi qui non plus quam ipse intelligit.

Mendicantes fratres.

Permittit pauperibus quoque eam gratis dari, ita sane, si primum undecumque pecunias corradere tentauerint a bonis (ut inquit) fautoribus, ita ut mendicantes fratres sine licentia suorum superiorum pecuniam procurent (quia multo melior est apud hunc pseudolum remissio uel fictæ poenæ, quam salutaris obedientia) Cum uero nusquam patuerit uia corradendi pecunias, ut gratiam illam redimant (id est, denuo emant, non quod illi uendant, sed quod nimia rerum similitudo cogit uocabulis abuti) tum demum dicite: Regnum enim cœlorum non plus diuitibus patere debet, quam pauperibus. Iterum per uenias uolens patere cœlum. Sed subtrahio calamum, ne pro meritis in eos debacchetur. Sit satis indicasse fidelibus, pestilentiam eorum sermonum tam insigni (ut par erat) inuolutam inscitiae & ruditati, ut dignum esset operculum uase.

Dignum patella operculum.

CONCLUSIO XXXIIII.

Gratiæ enim illæ ueniales respiciunt tantum poenas satisfactionis sacramentalis, ab homine constitutas.

Hæc abunde patet ex V. supra, & XX.

CONCLUSIO XXXV.

Non Christiana prædicant, qui docent, quod redempturis animas uel Confessionalia, non sit necessaria contritio.

Obsecro

Oblecro, cur istam dilationem dant hominibus in periculum? Et quid prodest illis talia prædicari, nisi quod pecunia quæritur, & non salus animarum, etiamsi essent uera? Nunc cum sint & impia & falsa, multo magis sunt explodenda. Sane & ego superius permisi, posse pœnas remitti, etiam his, qui non sunt contriti, quod illi negant. Hic rursum, quod illi affirmant, negandum puto. Atq; de ^a Confessionalibus quidem, idem mihi, quod de pœnis, iudicium est, scilicet utroq; non requiri contritionem, neq; quo ad redemptionem eorum, neq; quo ad usum, quod negant, similiter & in pœnis remittendis, Quandoquidem pars confessionalis est remissio pœnæ.

Sed in redimendis animabus omnino dissentio, & peto, ut probent dicta sua. Ego quidem in redimendis animabus longe aliud uideri puto, quam in remissione pœnarum, Siquidem in remissionibus pœnæ, homo recipit bonum, sed in redimendis animabus facit bonum. At impius recipere bonum potest, sed nullo modo facere, nec potest placere opus eius Deo, qui ipse non placet, ut Gene. 4. Respexit Dominus ad Habel & ad mu-

nera eius. Deinde contra Scripturam est, ut quis primus alteri misereatur, Iouam animæ suæ, & prius festucam de oculo fratris eiciat, quam trabem de suo. Atq; omnino ut seruus diaboli redimat filiam Dei, & hoc apud ipsum Deum, Ridiculum est, ut hostis pro amico Regis intercedat. Quis, rogo, furor hic est? qui (ut uilissimæ pœnæ remissionem, & ad salutem inutilem magnificent) peccata, quorum pœnitentia sola fuerat magnificandæ, extenuent. Si hoc non est hæreticum, malefonans, scandalosum, piarum aurium offensuum, quid tandem est, quod his nominum portentis appellari possit? An his titulis: Hæreticæ prauitatis Inquisitores? Ideo catholicos, catholicasq; sententias uexant atq; fatigant, quo liceat eis solis impune & prohibito hæreses inundare?

Dicunt autem, quod redemptio illa non innititur operi redimentis, sed merito redimendi. Respondeo: Quis hoc dixit? unde probatur? Cur ergo non sine opere redimentis, merito redimendus proprio liberatur? Sed non tunc cresceret pecunia, cupita propter salutem animarum. Cur ergo nō inuocamus Turcas & Iudæos, ut nobiscum etiam suas pecunias imponant, non propter nostram auariciam, sed propter redemptionem animarum? Nec obfata uidetur, quod illi non sunt baptizati, quando hic non est opus, nisi pecunia dantis, nequaquam anima pereuntis, non enim illa datio innititur, nisi redimendæ animæ. Credo quod si uel asinus imponeret aurum, etiam redimeret, Quod si requiritur aliqua dispositio, necessario & gratia, cum Christianus peccator magis displiceat Deo, quam ullus infidelis, nec tantum dedecorat asinum rudibilitas, quam Christianum impietas.

Secundo, dixi Confessionalia quidem peccatoribus, sicut & remissiones pœnarum dari posse. Sed non dixi, ut hortandi, imo nec permittendi sint talia redimere, sicut ipsi impie & crudeliter docent, quod probō.

Primo, Omnis doctrina Christi est exhortatio ad pœnitentiam, & id agit, ut homines quantocius à diabolo recedant, sicut ait Ecclesiast. Ne tardes conuerti ad Dominum. Et ipse Dominus: Vigilate, quia nescitis diem neq; horam. Et Apostolus Ebr. 4. Festinemus ingredi in requiem illam. Et Petrus: Cum ergo hæc omnia consumanda sint, quales oportet uos esse in sanctis conuersationibus & pietatibus, properantes in aduentum diei &c.

Sed hæc ideo illi docuerunt, quia solliciti erant, nō quomodo pecunias colligerent, sed animas saluarent. Hi uero uelut secure illis tribuunt misera-

S. iij ram di-

^a
In Scholis uocantur
Confessionalia, Scri-
pta uel Libellos, qui-
bus confitendi for-
ma, et casus confite-
ntiæ comprehendē-
bantur. In curia Ro-
mana uocant Con-
fessionalia, indulta
Pontificia, quibus
uidebatur eligendi
facultas. Confessio-
um, qui autoritate
Pontificis commissa,
ab omnibus, uel
salte quibusdam Ca-
sibus reservatis Co-
fitemem absolueret
posset etc.

Hæreticæ prauitatis
Inquisitores etc.

Turce.
Iudæi.

Confessionalia.

Ebr. 4. 2. Pet. 3.

RESOLUTIONES DISPUT. LVTH.

Quid faciendum foret Indulgentiariis si uellent animas Christo lucrificare

leram dilationem, & quantum in eis est, in periculo æternæ mortis relinquunt, ita ut nesciam, an tali studio sint ab homicidijs animarum excusati, quippe non quæritur hic salus dantis, sed donum pereuntis, cum, si essent boni Pastores animarum, & uere Christiani, omnibus studijs agerent, ut peccatorem ad timorem Dei, ad horrorem peccati inducerent, nec quiescerent flendo, orando, monendo, increpando, donec animam fratris lucrificarent. Quod si ille pergeret pecuniam dare, perseueraturus malus, in faciem ei reijcerent, & cum Apostolo dicerent: Non quæro tua, sed te. Et iterum: Pecunia tua tecum in perditionem, & abhorrent a conspectu eius. Sic sic recte agerent.

Sed absit hoc à Mercurio nostro, quin id potius agamus, si uenerint peccatores, mediatoribus idoneis freti (id est, lucris) etiam inuito Christo cum uniuersis Apostolis, sint sicut unus ex nobis, nihil non potentes, quod nos possumus, etiam animas redimere ipsi sine intermissione pereuntes, etiam ridentibus nobis, & de dono eorum secure gaudentibus. Ista est charitas in populum Christi, & fratres nostros, ita curamus animas eorum, ut intelligant in suis peccatis, nos nouissimam, id est, nullam compassionem habere.

CONCLUSIO XXXVI.

Quilibet Christianus uere compunctus, habet remissionem plenariam a poena & culpa, etiam sine literis ueniarum, sibi debitam.

Alioqui in periculo essent, qui literas eiusmodi non haberent, quod falsum est, cum illæ sint neque præceptæ, neque consultæ, sed liberæ. Neque peccant, qui eas negligunt, nec ideo in periculo salutis sunt. Quod ex eo patet, quia tales iam sunt in uia mandatorum Dei. Et per casum, si quando ei non daretur eiusmodi remissio, debetur tamen ei, ut dicit Papa. Sed hic intercedit, O acutissimum ingenium quorundam dicentium, quod uera hæc essent, si Canones essent poenæ tantum à Papa positæ. Nunc uero sunt declaratorij poenarum à Deo inflictarum. Sic loqui decet eos, qui ueritatem semel perpetuo odio persequi proposuerunt.

Crux Evangelica.

Primum pronunciant uelut ex oraculo, quod Deus pro peccatis poenam satisfactoriam requirit, Aliam scilicet, quam crucem Evangelicam (id est, ieiunia, labores, uigilias) aliam quam castigatorem, non enim has intelligunt, quia has remitti nisi à Deo non possunt negare.

Secundo huic monstro addunt maius, scilicet quod Canones declarent impositam, ergo Papa non habet, nisi declarare, nunquam autem imponere, nec relaxare, alioqui contra uerbum Christi, hi sic docebunt nos, Quicquid ergo ligauero tu solues.

CONCLUSIO XXXVII.

Quilibet Christianus uerus, siue uiuus siue mortuus, habet participationem omnium bonorum Christi & Ecclesiæ, etiam sine literis ueniarum, a Deo sibi datam.

Esse Christianum.

Impossibile est esse Christianum, quin Christum habeat. Quod si Christum, & omnia simul quæ Christi. Dicit enim B. Apostolus Roma. 13. Induimini Dominum Ihesum Christum. Et Rom. 8. Quo modo non omnia nobis cum illo donauit? Et 1. Corinth. 3. Omnia uestra, siue Cephas, siue Paulus, siue uita, siue mors. Et 1. Corinth. 12. Non estis uestri, sed membra

Roma. 13.

Roma. 8.

1. Cor. 3.

1. Cor. 12.

1. Cor. 10 membra de membro. Et alijs locis, ubi describit unum corpus, unum pa-
 Cant. 2. nem, nos omnes esse in Christo singulos, alterum alterius membra. Et in
 Ephe. 5. Cantic. Dilectus meus mihi, & ego illi, Quia per fidem Christi efficitur
 Christianus unus spiritus, & unum cum Christo. Erunt enim duo in carne
 una. Quod sacramentum magnum est in Christo & Ecclesia.

Cum ergo spiritus Christi sit in Christianis, per quem fratres, cohære- *Spiritus Christi.*
 des, concorporales, & ciues fiunt Christi, quomodo ibi possit non esse par-
 ticipatio omnium bonorum Christi? nam & Christus ex eodem spiritu habet
 omnia sua. Ita fit, per inestimabiles diuitias misericordiarum Dei patris,
 ut Christianus possit gloriari, & cum fiducia præsumere in Christo omnia,
 scilicet quod iusticia, uirtus, patientia, humilitas, omnia merita Christi,
 sint etiam sua, per unitatem spiritus ex fide in illum. Rursum, omnia pecca-
 ta sua, iam non sint sua, sed Christi, per eandem unitatem, in quo & absor-
 bentur omnia. Et hæc est fiducia Christianorum, & iucunditas conscientia *Fiducia Christiani.*
 nostræ, quod per fidem fiunt peccata nostra, non nostra, sed Christi, in quem
 Deus posuit peccata omnium nostrum, & ipse tulit peccata nostra. Ipse
 agnus Dei, qui tollit peccata mundi. Rursum omnis iusticia Christi fit no-
 stra, Imponit enim manum suam super nos, & bene habemus, & extendit
 pallium suum, & operit nos, benedictus Saluator in secula, Amen.

Verum quando hæc participatio suauissima & iucunda permutatio
 non fit nisi per fidem, hanc autem homo nec dare nec auferre possit, satis cla-
 rum puto, quod uirtute clauium uel beneficio uenialium literarum hæc par-
 ticipatio non datur, sed potius ante & sine illis datur à solo Deo, sicut re-
 missio ante remissionem, absolutio ante absolutionem, ita participatio an-
 te participationem.

Quid ergo participat Papa sua participatione? Respondeo: Illi dice-
 rent, ut supra de remissione dictum est, Conclu. vi. quod declaratiue par-
 ticipat. Nam quomodo possint aliter dicere, non intelligere me confiteor.
 Meum sensum sequente ponam Conclusionem.

CONCLUSIO XXXVIII.

Remissio tamen & participatio Papæ, nullo modo est contem-
 nenda, quia (ut dixi) est declaratio remissionis diuinæ.

NON quod necessaria sit illa declaratio, quæ in literis publicis fit
 Indulgentiarum (sufficit enim ea quæ fit in priuata confessione) sed
 quod non sit contemnenda, quia per eam etiam Ecclesiæ nota fit, & appro-
 batur, priuatim facta declaratio. Sic enim ego intelligendum puto: Qui
 habet meliora, dicat ea, Non enim, quid alias illa participatio publica fa-
 ciat, uideo. Verum, licet hanc conclusionem ab omnibus (ut puto) acce-
 ptam, non negem, dixi tamen supra conclusionem vi. mihi non placere hunc
 modum loquendi, quod Papa nihil aliud faciat, quam quod declarat aut ap-
 probet remissionem diuinam, seu participationem. Nam id primo nimis ui-
 les reddit Ecclesiæ clauis, imo uerbum Christi facit irritum quodammodo,
 ubi dixit: Quodcumque &c. Declaratio enim nimis modicum est.

Secundo, Quia incerta erunt omnia ei, cui fit declaratio, licet alijs seu
 Ecclesiæ foris in facie certa fiat illius remissio & reconciliatio. Quare sicut
 superius de remissione culpæ, ita de participatione bonorum uolo opina-
 ri, donec erudiar melius, uidelicet, Quod sicut peccator post peccatum *Opinio Lutheri.*
 difficilime confidit in misericordiam Dei, adeo urget ad desperationem
 peccatum onere suo grauissimum, multoque facilius iram, quam misericordiam
 Dei cogitat, sicut ante peccatum facilius misericordiam quam iram cogitat.

S. iij

Omnia

RESOLUTIONES DISPUT. LVTH.

Omnia enim peruerse agit homo, timens, ubi non est timendum, sed sperandum, scilicet post peccatum. Præsumens, ubi non est præsumendum, sed timendum, scilicet ante peccatum.

Resurrectio Christi

Cuius rei exemplum abunde ostensum est in resurrectione Christi, ubi multis argumentis opus fuit, ut sese in cordibus discipulorum resuscitaret. Denique prima annuntiatio fuit muliebris, & delyramentis ab illis comparata. Ita & peccatori prima fiducia apparet mollis, & cui non, uel uix credendum putet. Ita multo difficilius est confidere, sese esse participem Christi

Magnitudo bonorum operatur diffidentiam.

bonorum (id est, inenarrabilium bonorum, ut sit particeps diuinæ naturæ, ut ait S. Petrus) Magnitudo bonorum etiam operatur diffidentiam, uidelicet, non solum esse remissa tanta mala, uerum & collata tanta bona, ut sit filius Dei, hæres regni, frater Christi, socius angelorum, Dominus mundi. Obsecro, quomodo hæc uera potest credere, qui peccati sui morsu, imo pondere fessus trahitur ad inferos.

2. Pet. i.

Iudicium clauis.

Hic itaque necessarium est iudicium clauis, ut homo sibi non credat, credat autem potius clauis, id est, sacerdoti. Atque nihil curo, si etiam sit forte indoctus clauiger aut leuis. Nam non propter sacerdotem, nec potestatem eius, sed propter uerbum eius, qui dixit, & non mentitur: Quodcumque solueris &c. In his enim qui credunt in uerbum istud, non potest clauis errare. Errat uero in his solis, qui non credunt absolutionem istam ualere. Nam si ge (per impossibile uel contingens) si quis non sit, uel non putet sese satis contritum, & tamen absoluenti, tota fiducia credat sese absolutum (fiducia mea sic opinor) hæc ipsa fides eum facit absolutum uerissime, quia credit in eum, qui dixit: Quodcumque &c. Fides autem Christi semper iustificat, non secus quam si baptizet te ineptus, leuis, imperitus sacerdos.

In quibus clauis Christi erret, & non erret.

Adde, si etiam non putes te satis contritum (tibi enim non potes nec debes confidere) nihilominus, si credis ei, qui dixit: Qui crediderit & baptizatus fuerit, hic saluus erit, dico tibi, hæc fides eius uerbi facit te uerissime baptizari, quicquid sit de contritione tua, ideo fide ubique opus est. Tantum habes, quantum credis. Atque sic intelligo quod nostri Doctores dicunt, Sacramenta esse efficacia gratiæ signa, non quia fit (ut B. Augustinus) sed quia creditur, ut supra. Ita hic, Absolutio est efficax, non quia fit, à quocumque tandem fiat, erret siue non erret, sed quia creditur. Nec hanc fidem potest reseruatio casuum impedire, nisi esset manifesta & contempta.

Sacramenta. Absolutio quando efficax.

Proinde dico, Homo quando in peccato est, ita uexatur & agitur conscientia eius, ut suo sensu potius participationem omnium malorum sese credat habere. Et talis homo certe proximus est iustificationi, & habet initium gratiæ. Ideo ei confugiendum est ad solacium clauium, ut arbitrio sacerdotis quietetur, & pacem obtineat, atque fiduciam consequatur participationis omnium bonorum Christi & Ecclesiæ. Quod si quis hanc participationem officio sacerdotis sibi factam, non crediderit, aut dubitauerit, non errore clauis, sed suæ infidelitatis seducitur, & magno damno suam animam afficit, & Deo uerboque eius iniuriam atque summam irreuerentiam facit. Ideo multo melius est ut non adeat ad absolutionem, si non credat sese absolui, quam si sine fide accedat. Fictæ enim accedit & iudicium sibi accipit, non secus, quam si baptismum uel sacramentum panis fictæ acceperit. Proinde non adeo est necessaria contritio, quam fides. Incomparabiliter enim plus ibi consequitur fides absolutionis, quam feruor contritionis.

Solacium clauium.

Fides. Contritio.

Informatores contritionis.

Et hac fide omiſſa, nos plurimi solum in formandis contritionibus laboramus, ut doceamus homines tunc confidere remissa peccata, quando senserint sese esse perfecte contritos (id est, nondum confidere, sed magis ad de-

DE VIRTUTE INDVL AD LEO X CVII

gis ad desperationem laborare) cum secundum Prophetam, non in nostram contritionem, sed in uerbum eius sit sperandum. Neque enim dixit: Memor esto contritionis meae seruo tuo, in qua mihi spem dedisti, sed memor esto uerbi tui, in quo mihi spem dedisti. Et iterum: In uerbum tuum (non utique in opus nostrum) supersperaui. Et iterum: Sustinuit anima mea in uerbo eius, sperauit anima mea in Domino. Et ut Psalm. 51. in Ebraeo est: Tibi soli peccaui, propterea iustificabis uerbo tuo. Igitur nec sacramentum, nec sacerdos, sed fides uerbi Christi, per sacerdotem & officium eius tete iustificat. Quid ad te, si Dominus per asinum uel asinam loquatur, dummodo tu uerbum eius audias, in quo speres atque credas?

Fides uerbi Christi

Sic intelligerem illud, quod nostri doctores Scholastici dicunt, sacramenta Ecclesiae esse in exercitationem nobis data, hoc est, tanquam inestimabilia dona, in quibus occasione habeamus credendi et iustificandi. Nam olim erat sermo Domini preciosus tempore Saulis, Nunc uero etiam per leuissimos, pessimos, indoctissimos homines suum uerbum tibi sonat, Tu in uerbum intende, & mitte ianuam personae, Erret, non erret ille, tu non erras, si credideris. Hic si erro & desipio, reuocet me qui sapit.

Scholastici Doctores.

Consequens ex his erit, ut tres illae ueritates Iohannis Gersonis iam diu in omnes libros & aures transfusae, prudenter intelligendae sint, puta quod non ideo confidat sese homo esse in statu salutis, quia potest dicere, se dolere de peccatis, Sed multo magis id aduertat, si sic optet sacramentum absolutionis, ut credat, si per ipsum fuerit affecutus, sese absolui. Hoc enim est sacramentum in uoto suscipere, id est, in fide uerbi uel praesentis uel desiderati auditus. Caue ergo, ne quando in tuam contritionem ullo modo confidas, sed in nudissimum uerbum optimi & fidelissimi tui Saluatoris Ihesu Christi, Cor tuum fallat te, ille te non fallat, uel habitus uel desideratus.

Tres ueritates Iohannis Gersonis.

Quae si ita sunt (det Dominus Deus, ut cum Propheta Michea sim uir non habens spiritum, ac mendacium potius loquar) timendum est, multas animas perdi per indoctissimos illos operum & contritionis bouinatores. Primum, quod fidem uerbi non docent, sed contritionem duntaxat, atque hanc tenuiter satis. Secundo, quod facilissimi sunt absolutiones impendere & participationes eiusmodi, quali sit passim omnium, istam fidem habere, neque discutunt, quem aut quare absoluant.

Itaque non tam necessarium est absoluendo dicere, doles, quam illud, credis tete absolui a me posse, sicut Christus ait ad caecos: Creditis me posse haec uobis facere? Credenti omniaabilia sunt. Haec enim fides certe illis maxime probatur, qui tremore conscientiae agitati, potius sese diffidere sentiunt. Illis uero qui talem miseriam non sentiunt, nescio an sint clauis illae consolatoriae, cum consolari non mereantur, nisi qui lugent, ne animari ad fidem remissionis, nisi qui trepidat diffidentia retentionis.

Atque ut finem tandem faciam, Haec sententia mea, credo, potestatem clauis non minuit, ut mihi impingitur, sed a falso honore & tyrannica reuerentia in sibi debitam & amabilem reuerentiam reducit. Non enim est mirum, si clauis contemptui fiant, si falsis honoribus, id est, terroribus tantummodo offerantur suscipiendae. Cum cognita earum saluberrima commoditate, saxum sit, aut lignum, qui non cum lachrymis eas exosculetur & amplectatur.

Clauis contemptus unde.

Quid ergo Pontificem propter eas magnificamus, & hominem terribilem fingimus? Non illius sunt clauis, meae potius sunt, mihi donatae, meae salutis, meae consolationi, paci & quieti concessae. Pontifex seruus est & minister meus in clauibus, ipse non eget illis ut Pontifex, sed ego. Adulatores uero omnia Pontificibus inflectunt, non nostram consolationem, sed illorum

Adulatores indulgentiarum.

RESOLUTIONES DISPUT. LVTH.

illorum tantummodo potentiam in illis iactitant, & per ea ipsa nos terrent, per quæ nos maxime oportuit consolari, adeo sunt hodie omnia peruersa, Et adhuc non putamus infelicia esse tempora, in quibus tantus est abusus optimarum rerum in pessimas res nobis uersarum. Itaque istam Conclusionem, ut iacet, non omnino teneo, sed ex magna parte nego.

CONCLUSIO XXXIX.

Difficilimum est etiam doctissimis Theologis, simul extollere ueniarum largitatem, & contritionis ueritatem coram populo.

Ratio huius est sequens conclusio.

CONCLUSIO XL.

Contritionis ueritas poenas quærit & amat, Veniarum autem largitas odisse facit, saltem occasione.

DA uerum poenitentem, & uidebis eum tam ardentem in se ipso quærere ultionem offensionis diuinæ, ut cogat te sui misereri, imo ut necessarium sit ei resistere, ne destruat sese, ut sæpe legimus & uidimus contisse. Et B. Hieronymus talem scribit suam Paulam fuisse, & ipsemet de seipso. Nihil istis est satis poenarum. Quin cum filio prodigo inuocant cælum & terram, & Deum ipsum contra seipsos, Sicut & Dauid, quando dixit: Verratur obsecro gladius tuus in me & in domum patris mei. Recte ergo me puto dixisse, poenitencias canonicas his tantum impositas, qui uel nollent meliora facere, ut pigri uel certe ut explorarentur de ueritate contritionis suæ.

Luc. 15.
2. Sa. 24.

Patet itaque quam difficile saltem doctis, inter odium & amorem poenarum medios ire, ut sic doceant odium earum, ut tamen maxime persuadeant amorem earum. Indoctis uero, cum sit nihil difficile, nihil obstat, quin & hoc sit facile. Euangelium quidem docet poenas non fugere, nec relaxare, sed quærere & amare, quia docet spiritum libertatis & timoris Dei usque ad contemptum omnium poenarum. At multo lucrosius est, & expedit caplis quæstorum, ut populus timeat poenas, & spiritum mundi atque timoris in litera & seruitute hauriat, dum audit esse tam horribilem rem, poenas quasdam canonicas, ut non nisi tanto studio, tanto impendio, tanta pompa, tantis ceremonijs doceantur uitari, quantis nec Euangelium docetur amari.

Obijcitur.

Quid ergo dicis de peregrinantibus Romam, Ierusalem, S. Iacobum, Aquisgranum, Treuerim, multasque alias regiones & loca, causa Indulgentiarum, Item in dedicationibus Ecclesiarum?

Respondeo.

Peregrinationes istæ sunt multis causis, rarissime iustis. Prima est omnium communissima, curiositas scilicet uiuendi & audiendi aliena & ignota, quæ leuitas uenit de fastidio & acidia cultus Dei, in Ecclesia propria neglecti. Alioqui incomparabiliter meliores Indulgentias domi inueniret, quam in omnibus iam dictis locis simul sumptis, similiter & Christum & Sanctos præsentius haberet, si non tam stultus esset, ut ligna & lapides præferret pauperibus & proximis suis, quibus in charitate seruiret, aut etiam suæ familiæ prouideret.

Alia erã est tolerabilis, scilicet causa Indulgentiarum. Nam cum Indulgentiæ sint liberæ, non præceptæ, ac per hoc nullius meriti, nihil prorsus meretur

Hieronymus,
Paula.

Canonice poenæ.

Odium & amor
poenarum.
Indoctis nihil difficile.

Quatuor cause peregrinationum.

1.

2.

DE VIRTUTE INDVL AD LEO X CVIII

meretur, qui præcise propter Indulgentias peregrinatur. Iuste autem illi sic illuduntur, qui domi Christum & proximum negligunt, ut foris decuplo plus consumant sine fructu & merito. Ideo qui domi maneret & illud cogitaret: Charitas operit multitudinem peccatorum. Et illud: Quod superest, date eleemosynam, & ecce omnia munda vobis, longe melius, imo solum hic bene ageret, quam si omnes uenias in Ierusalem & Roma afferret. Sed non placet adeo recte sapere, ideo tradimur & in desideria nostra.

1. Pet. 4.
Luc. 11.

Tertia est causa afflictionis & laboris pro peccato, quam credo raro contingere saltem solam. Nam & domi posset sese affligere & laborare, si laborem tantummodo quæreret. Si tamen facit, non est malum, imo bonum.

3.

Quarta, honesta, si fiat singulari deuotione pro honore Sanctorum & gloria Dei, ac suo profectu, sicut S. Lucia ad B. Agatham, & quidam sancti Patres Romam uisitarunt, quod non fecerint curiositate, exitus probauit. Proinde mihi placet in istis facultatibus, quod etiam uota talium peregrinationum commutentur in alia opera, Atque utinam gratis commutarentur.

4.
Lucia.
Agatha.

CONCLUSIO XLI.

Caute sunt ueniæ Apostolicæ prædicandæ, ne populus false intelligat eas præferri, cæteris bonis operibus charitatis.

Ego sic dicerem ad populum: Ecce fratres, scire uos oportet, quod triplex est genus bonorum operum, quod expensionibus pecuniæ fieri potest. Primum & ante omnia, Si quis pauperibus donet, aut proximo egenti mutuet, & omnino in quacunque necessitate laboranti subueniat. Hoc opus sic est agendum, ut etiam intermittendæ sint structura Ecclesiarum, & omittendæ oblationes ad uasa & ornamenta Ecclesiarum. Postquam hoc fuerit factum, & non restat qui egeat, Tum secundum erit, nostras & in nostris terris Ecclesias & hospitalia, & publicæ utilitatis structuras primum iuuare. Postquam autem id fuerit factum, tum demum, si placeat, potestis & pro Indulgentiis redimendis tertio loco dare. Quia in primo est mandatum Christi, in nouissimo illo nullum mandatum.

Triplex bonorum operum genus, quæ largiendo sunt.

Si dixeris: Ista prædicatione parum colligetur pecuniarum per Indulgentias. Respondeo: Credo. Sed quid hoc mirum, cum Pontifices per Indulgentias non quærant pecunias, sed salutem animarum, ut patet in his, quas dant in consecrationibus Ecclesiarum & altarium. Ideo non uolunt per suas uenias impedire meliora, sed promouere potius charitatem.

Ego libere dico, quod qui aliter docet populum, & hunc ordinem peruertit, non doctor, sed seductor populi est, nisi quod populus propter peccata sua meretur, aliquando non audire ueritatem recte prædicari.

CONCLUSIO XLII.

Docendi sunt Christiani, quod Papæ mens non est, redemptionem ueniarum ulla ex parte comparandam esse operibus misericordiæ.

Papam intelligo, ut supra dixi, prout sonat personam publicam, id est, ut per Canones nobis loquitur. Non enim sunt Canones, qui prædicent ueniarum dignitatem comparari operibus misericordiæ.

Papa.

Patet autem Conclusio, Quia præceptum Dei infinita dignitate præstat, eo quod per hominem quoque permittitur, ac nullo modo præcipitur, cum illic sit meritum, hic nullum.

Del præceptum.
Hominiis præceptum.

Hic ob

RESOLUTIONES DISPUT. LVTH.

Hic obijcitur.

At ueniae redimuntur per pium opus, puto contributionem ad fabricam, uel captiuorum redemptionem, ergo sunt meritoriae. Respondeo: Non loquor de opere, sed de uenijs. Nam opus illud poterat fieri sine uenijs, non enim alligatur necessario uenijs. Veniae autem sine opere concessae nihil conferunt, sed tantummodo auferunt. Opus autem sine uenijs confert, quia illic nostra recipimus, hic damus. Et ideo illic carni, hic seruatur spiritui. Et breuiter illic naturae, hic satisfit gratiae. Quare ueniae seorsum sumptae non sunt comparabiles ad opus misericordiae.

Abusus ueniarum. Item opus sine uenijs purius est, quam cum uenijs, & ueniae sunt operis aliquod uicium, quia recipit mercedem suam, imo plus quam mercedem suam. Sanctius itaque agerent, si nude contribuerent, & non propter uenias. Non quod ueniae sint malae & noxiae, sed quod abusus peruersus nocet, dum tale opus non facerent, nisi ueniae essent, ac sic finis operis huiusmodi fit uenia, imo ipse homo, qui querit quae sua sunt, dum deberet opus propter Deum & gratis facere, & uenias non aliter acceptare, quam gratis sibi, non propter contributionem datas, ut sic illi uenias non emant, nec isti uendant. Oportet enim utrobique esse gratuitam donationem, uel erit manifesta simonia, & uenditio turpissima. Sed quis haec populo dicit, quando dicitur: Impone gratis, & ego concedo gratis?

Simonia. Item, timendum ne per illam ordinis peruersitatem magna in Ecclesia alatur idolatria. Quia si populus doceatur propter poenarum euasione[m] contribuere (quod spero non fiat, & si multi forte sic intelligant) tunc clarum est, quod non propter Deum contribuunt, & erit timor poenarum, seu poena idolum eorum, cui sic sacrificant. Quod si ita fieret, tale aliquod malum ageretur in Ecclesia, quasi olim in Romanis gentilibus agebatur, quando febris & alijs laeuis & noxijs Numinibus seruiebant, ne laderentur. Ideo hic uigilandum pro populo, & tam dubia atque periculosa negotia uix doctissimis commitenda.

CONCLUSIO XLIII.

Docendi sunt Christiani, quod dans pauperi, aut mutuans egeni, melius facit, quam si uenias redimeret.

HANC sic pono propter rudes. Nam satis ex praedictis patuit. Hanc autem Conclusionem cum duabus praecedentibus & sequentibus, non ego primus aut solus, sed omnes & tota Ecclesia tenet, nisi quod solus populus haec nunquam audit, forte timetur, ne nimis cito intelligeret tam apertam & solidam ueritatem. Nam & S. Bonauentura & ceteri omnes, quando in hac materia agentes, sibiipsis opponerent, ergo omittenda sunt reliqua bona opera. Respondent unanimiter, nequaquam. Quia cetera bona opera sunt meliora, quo ad praemium essentiale obtinendum. Patet ergo Conclusio, cum hoc illi dicant, qui tamen asserunt Indulgentias esse thesaurum meritorum Christi & Ecclesiae.

Populus.

*Bonauentura.
Opera charitatis
meliora Indulgentijs.*

CONCLUSIO LXIII.

Quia per opus charitatis crescit charitas, & fit homo melior, Sed per uenias non fit melior, sed tantummodo a poena liberior.

Patet, Quia solum remissio poenarum ibi datur, nec Indulgentiae plus ualent, ut etiam omnes concedunt, quam ut tollant poenas, At ablatio poenae non facit bonum, siue meliorem in charitate.

CON.

CONCLUSIO XLV.

Docendi sunt Christiani, quod qui uidet egenum, & neglecto eo dat pro uenijs, non Indulgentias Papæ, sed indignationem Dei sibi uendicat.

Quia peruertit ordinem supra positum, & contra id agit Iohannis: Si quis uiderit fratrem suum necessitatem habere, & clauerit uiscera sua ab eo, quomodo manet in eo charitas Dei? Hanc autem necessitatem nostri Sophistæ interpretantur extremam, scilicet, ut charitati nunquam uel rarissime locum faciant operandi, cum tamen ipsi, si in necessitate essent non extrema, sed prima, uellent sese iuuari, alios uero uolunt iuuare, cum iam exhalarint spiritum. Optimi sane Theologi & Christiani, qui faciunt hoc hominibus, quod sibi uellent fieri.

CONCLUSIO XLVI.

Docendi sunt Christiani, quod redemptio ueniarum est libera non præcepta.

Satis id supra dixi, quod ueniæ sunt de numero eorum, quæ licent, non autem eorum, quæ expediunt, quomodo in ueteri lege libellus redempti, sacrificium zelotypiæ, Et in noua lege lites & iudicia propter infirmos, imo propter duriciam uestram, inquit Christus, Quæ quicumque egerit toleratur potius, quam commendatur, Imo ut glossa dicit lib. 5. de pe. & re. Quod autem, & multi alij, melius facerent, ut per se satisfacerent, & non redimerent uenias, quas tamen non nisi criminosis redimere opus habent.

CONCLUSIO XLVII.

Docendi sunt Christiani, quod nisi superfluis abundant, necessaria tenentur domi suæ retinere, & nequaquam pro uenijs effundere.

Quia Apосто. dicit, Qui suis & maxime domesticis non prouidet, fidem negauit, & est infideli deterior. Sed sunt multi, qui nec panem, nec uestem commodè habent, & tamen crepitu & strepitu uenialium prædicatorum inducti seipsos fraudant, & inopiam suam conficiunt, ut illorum copiam augeant.

CONCLUSIO XLVIII.

Docendi sunt Christiani, quod Papa, sicut magis eget, ita magis optat in uenijs dandis, pro se deuotâ orationem, quam promptam pecuniam.

HANC Conclusionem riderent domini nostri Curtesani Romæ curiæ consilij. Certum tamen est, quod ante omnia debet Pontifex à suis subditis optare orationem, sicut & S. Paulus sæpius à suis optauit. Et hæc est multo iustior ueniarum dandarum causa, quam si mille struerentur Basilicæ, eo quod summus Pontifex tot monstris dæmonum & impiorum hominum obsessus magis quam stipatus, non possit errare, nisi cum totius Ecclesiæ maximo malo, tunc maxime, si libenter audierit hanc pestilentem Syrenarum suarum uocem: Non præsumitur tantæ celsitudinis Apex errare. Item & illam: Omnia iura positiua sunt in scrinio pectoris sui. Non præsumitur quidem errare, sed an bona sit illa præsumptio, queritur. Et sunt quidem in scrinio pectoris eius omnia iura sua, sed an pectus eius bonum sit, queritur, id enim oratione curandū est. Sed de hac re omnium pulcherrime B. Bernardus ad Eugenium Papam, de Consideratione.

Pro se suorum deprecationem optet Pontifex.

Pontifex.

Adulatores Papæ.

Bernhardus ad Eugenium.

T

CON.

RESOLUTIONES DISPUT. LVTH.

CONCLUSIO XLIX.

Docendi sunt Christiani, quod ueniae Papae sunt utiles, si non in eas confidant, Sed nocentissimae, si timorem Dei per eas amittant.

Venia ex Deo non sunt, quia aduersus ueritatem crucis.

Vide itaque periculum, Populo ueniae praedicantur directe aduersus ueritatem crucis & timoris Dei, Quia permittitur libertas eorum a poenis, deinde securitas remissorum peccatorum. Et euidentis signum uidetur, uenias tali iactantia praedicatas non esse ex Deo, quod populus pronus accurrit, acceptat, obseruat, quam ipsum sanctum Euangelium Dei, ut probetur ueritas, Quia quod ex Deo uenit, fastidit mundus, alius uenit in nomine suo, & hunc suscipit. Et erroris causa sunt ipsi fabularum tales magistri, qui sedulius & pomposius, quam Euangelium, eas praedicant, tum quod omnibus praedicant, quae paucorum sunt. Nam ut supra satis patuit, Veniae sunt relaxationes, licentiae, permissiones, atque Indulgentiae, & uerae Indulgentiae (si rigidam uerbi significationem accipimus) id est, molliculae permissiones delicatiorum, frigidiorum, durorum Christianorum, id est, Gabonitarum & Hydrophorum ac seruorum, magis quam Israelitarum principum atque filiorum.

Iohan. 7.

Iudic. 9.

Probo autem Conclusionem.

Si opera charitatis feruide agentium sunt talia, ut nemo in eis confidere, aut securus esse possit, siquidem & Iob sanctissimus ueretur omnia opera sua. Et: Beatus uir qui timet Dominum. Item: Beatus uir qui semper est pauidus. Quanto magis ueniae incomparabiliter inferiores talibus operibus, plus quam cum timore suscipiendae, & minus quam fiduciam minimam, id est, nullam prorsus debemus habere. Sanctus timet, ne minus operetur, aut patiatur quam debet. Et ubi peccator erit, cui remittitur, ut minus agat, quam agere possit? Et quantum nostros uaniloquos, & mentium corruptores intelligo, faciunt nobis ex negotio Indulgentiarum, negotium perambulans in tenebris, & operationem erroris, dum per illas hominibus fiduciam suadent omnibus, quae tamen paucis conueniunt, & his (ut dixi) frigidis ac infirmis. Vide, ne exinde factum sit, magistro sancto Spiritu, ut proprio eorum testimonio appellent, Negotium S. Petri, negotium sancti Spiritus, quasi ipsimet confiteantur, negotiatores sese esse & Simonenses nundinas habere.

Mentium corruptores. Tit. 1.

Iob. 9.

Simonenses nundinae.

Veniae quibus utiles.

Quod autem dixi, sunt utiles intelligo, non omnibus, imo ueteri homini, & stertentibus operariis, eo quod melius sit illis eas remitti poenas, quam ut ferrent inuite, ueruntamen ista uoluntate eis permessa, propter maius malum uitandum, non debent secure frui, neque in ea confidere, sed eo magis dolere & timere, quod tales sunt, qui egent propter maius malum in minore malo relinqui, Quando uiderunt etiam eos timere, qui feruentissime in bono proficiunt, ideo dixi esse nocentissimas, si sine timore de tali licentia gaudeant.

CONCLUSIO L.

Docendi sunt Christiani, quod si Papa nosset exactiones ueniarum Praedicatorum, mallet Basilicam S. Petri in cineres ire, quam aedificari, cute, carnibus & ossibus ouium suarum:

Indulgentiarum.

Sic enim nostri Venatores robustissimi, postquam omni Christianae uitae ordini statum pecuniae numerum indixissent, tandem & uxores mendicare docent, etiam inuito uiro, & Fratres mendicantes, etiam inuitis Prae-

DE VIRTUTE INDUL. AD LEO. X. CX.

uitis Prælati suis, alicunde corradere, ut omnino nullus sit, qui residuum obuli habet, quin huc tribuat. Denique factum est, ut tunicas etiam uendere hortentur, aut undecumque mutuare, quod & factum dicitur.

Fratres mendicantes.

Ego uero sapio, quod cum Indulgentiæ sint utilissimum bonum omnium bonorum Ecclesiæ, nec nisi utilissimis Ecclesiæ donandum, Deinde nec meritorium, nec utile, sed plerumque nocentissimum, si non sint timorati, quod maledictione digna sit talis doctrina, & contra mandata Dei. Vxor enim debet sub uiri potestate esse, & eo inuito nihil facere, etiamsi esset meritorium, multo minus mendicare pro uenijs sibi non necessarijs forte. Tum Religiosi suam obedientiam seruare, etiam si possent alibi martyrio coronari, nec Papa unquam intendit contrarium, sed falsi interpretes illius. Alius uo-
mat stomachum, ego me cohibeo, unum dico, hinc saltem intellige Lector, an non suis prædicationibus pestilentibus id agant, ut populum credere faciant, quasi sit salus in uenijs, & uera Dei gratia, alioqui quomodo tam anxie eas commendarent, ut opera meritoria, & mandata Dei propter illas irrita facerent? Adhuc tamen sunt adeo non hæretici, ut glorientur se hæreticorum persecutores.

Hæreticorum
securis scilicet.

Hoc scilicet uoluit Papa, ut homines suæ curæ commissi, propter lapides & ligna usque ad uitam extemadantur? imo ut pestilentibus doctrinis ab istis latronibus & furibus (ut Christus ait) mactentur & perdantur. Melius erat Cæsarem illum habere, qui dixit, Boni pastoris esse oues tondere, non deglubere. At hi non deglubunt modo, sed deuorant eos corpore & anima, uere sepulchrum patens guttur eorum, linguis suis &c.

Tiberius Cæsar.

CONCLUSIO LI.

Docendi sunt Christiani, quod Papa, sicut debet, ita uellet, etiam uendita (si opus sit) Basilica S. Petri, dare illis, a quorum plurimis quidam Concionatores ueniarum pecunias eliciunt.

SIC B. Ambrosius calices conflauit pro redimendis captiuis. Et B. Paulinus Nolanus seipsum captiuum tradidit pro suis. Et ad hoc ipsum habet aurum Ecclesia, ut est in Decretis ex eodem Ambrosio sumptum. At nunc, bone Deus, quanti sunt, qui ligna, imo folia portant in syluam, & guttulas suas in mare, id est, obulos suos in marsupium illud, cuius (ut Hieronymi uerbis utar) lucrum est totius orbis religio.

Ambrosius.
Paulinus.
Aurum Ecclesiæ.

CONCLUSIO LII.

Vana est fiducia salutis per literas ueniarum, etiam si Commissarius, imo ipse Papa, impignoraret animam suam pro illis.

HOC hoc quoque portentum audent sine omni fronte proferte, ut timorem Dei ab hominibus tollant, per Indulgentiasque secum ad indignationem Dei perducant, contra dictum Sap. De peccatorum propiciatu, noli sine metu esse. Et iterum: Delicta quis intelligit? At inquit: Non tollimus timorem Dei. Si potest securitas per uenias stare cum timore Dei, uere non tollitis, sed populus acceptis literis, cum tanto iuramentum hiatu commendatis, si timet quod non sufficiunt literæ coram Deo, quomodo erit uera, illa gloriosa securitatis promissio? Sin confidit sufficere, quomodo timebit? Infelix sit omnis ille sermo in æternum, qui securitatem & fiduciam, suadet in aut per rem quamcumque præter nudam misericordiam Dei, quæ Christus est. Omnes sancti non solum timent, sed etiam desperant, et dicunt: Non intres in iudicium cum seruo tuo Domine, Et tu eos per literas securos introducis in iudicium eius. Vnde ego illam fabulam,

Dilemma pulcherrimum.

Christiana doctrina

Fabula.

Tamen quam

RESOLUTIONES DISPUT. LVTH.

quam quidam in tam effrenes mendacij gurgites sinxerunt, non ueritate penitus uacuum credo, scilicet uenisse quendam mortuum cum literis ueniarum ad infernum, per easque petisse libertatem, Tunc occurrisse daemone, qui legens, inter manus (præ seruire ignis) cæram & papyrum consumpsit, secumque traxit in profundum.

CONCLUSIO LIII.

Hostes Christi & Papæ sunt, qui propter Venias prædicandas, uerbum Dei in alijs Ecclesijs penitus silere iubent.

Verbum Dei prædicandū, non uenia

Quia officium & mens Papæ est, ut ante omnia semper & ubicunque uerbum Dei prædicari, sicut sibi præceptum esse à Christo nouit. Quomodo ergo credendus est Christo, & sibi ipsi repugnare? At nostri id audent sicut & omnia.

CONCLUSIO LIIII.

Iniuria fit uerbo Dei, dum in eodem sermone, æquale uel longius tempus impenditur uenijs, quam illi.

Satis patet ex dignitate uerbi Dei, imo ex necessitate, cum uerbum ueniarum neque sit necessarium, neque multum utile.

CONCLUSIO LVI.

Mens Papæ necessario est, quod si ueniæ (quod minimum est) una campana, unis pompis, & Ceremonijs celebrantur, Euangelium (quod maximum est) centum campanis, centum pompis, centum Ceremonijs prædicetur.

Euangelium.

Quia nihil in Ecclesia est maiore cura tractandum, quam sanctum Euangelium, cum Ecclesia nihil habeat preciosius & salubrius. Vnde & hoc unicum est opus, quod discipulis suis iniunxit, tam repetitis uicibus. Et Paulus dicit, se non ad baptizandum, sed ad euangelizandum missum. Denique Christus præcipit sacramentum Eucharistiæ non celebrari, nisi in suam commemorationem. Et Paulus 1. Corinth. 11. Quotiescunque manducabitis panem hunc, & calicem bibetis, mortem Domini annuntiabitis. Melius est enim omittere Sacramentum, quam Euangelium non nunciare.

1. Cor. 1.

1. Cor. 11.

Missæ.

Et Ecclesia statuit Missam sine lectione Euangelij non celebrandam. Plus itaque ponderat Euangelium, quam Missam Deus, quia sine Euangelio non uiuit homo in spiritu, sine Missa autem uiuit. In omni uerbo enim, quod procedit de ore Dei, uiuet homo, ut latius Iohan. 6. Dominus ipse docet. Deinde Missa reficit eos, qui iam sunt in corpore Christi, Euangelium uero, gladius spiritus, deuorat carnes, diuidit Behemoth, tollit uasa fortis & auget corpus Ecclesiæ, Missa nulli prodest, nisi iam uiuo, Euangelium prorsus omnibus.

Iohan. 6.

Euangelium.

Energumeni & Catechumeni.

Vnde in primitiua Ecclesia mittebantur Energumeni & Catechumeni usque post Euangelium interesse, & tum foris mittebantur ab ijs, qui de corpore Missæ erant, & nunc etiam permittunt lura excommunicatos usque post Euangelium interesse Missis. Sicut Iohannes præcurrit Christum, ita Euangelium Missam. Euangelium prostermit & humiliat, Missa humiliatis dat gratiam. Melius ergo facerent, si Missam prohiberent.

Quod pulchrum uero daemonibus spectaculum id esse putas, si quando ueniarum effusores, ipsi maxime uenijs indigi (puta Simoniaci & in Canones lapsi) dant illis, qui prorsus non egent uenijs.

CON.

DE VIRTUTE INDVL AD LEO X CXI

CONCLUSIO LVI.

Theſauri Eccleſiæ, unde Papa dat Indulgentias, neq̃ ſatis nominati ſunt, neq̃ cogniti apud populum Chriſti.

HÆc eſt mors ſecunda, quam merui. Ideo poſtquam multa iam diu aſſerui tam manifeſta, ut Proteſtatione non egerent. Nunc rurſum aliquando diſputandum eſt, ideoq̃ & proteſtandum nouiſſima proteſtatione in hac diſputatione. Diſputo ergo hic, & quæro ueritatem, teſtis Lector, teſtis Auditor, teſtis uel ipſe hereticæ prauitatis Inquiſitor.

Proteſtatio Lutheri nouiſſima.

CONCLUSIO LVII.

Temporales certe non eſſe patet, quod non tam facile eos profundunt, ſed tantummodo colligunt multi Concionatorum.

Satis patet experientia.

CONCLUSIO LVIII.

Nec ſunt merita Chriſti & Sanctorum, quia hæc ſemper ſine Papa operantur gratiam hominis interioris, & crucem, mortem, infernumq̃ exterioris.

Huius Concluſionis materia profunde nimis inhæſit, atq̃ penitus inſedit fere omnibus Doctõribus, ideo latius & firmitus probanda mihi erit, faciamq̃ id cum fiducia.

De meritis Sanctorum prius. Dicunt enim, quod Sancti in hac uita multa operati fuerunt, ultra debitum, uidelicet opera ſupererogationis, quæ nondum ſunt remunerata, ſed in theſaurum Eccleſiæ relictæ, quibus fit per Indulgentias aliqua digna compenſatio &c. Et ſic uolunt Sanctos pro nobis ſatiſfeciffe. Contra quæ arguo.

Merita Sanctorum. Opera ſupererogationis.

Primo, Ergo Indulgentiæ non ſunt Indulgentiæ, Quod probo, quia non ſunt gratuita remiſſiones, ſed alienæ ſatiſfactionis applicationes, & per omnia, ſicut ſupra argutum eſt, de Theſauro militantis Eccleſiæ, ſcilicet, quod tunc nihil efficitur uirtute Clauium, niſi translatio quædam operum, nihil autem ſoluitur, quod eſt contra uerbum Chriſti: Quodcunq̃ ſolueris.

Item, Quod tunc idem per Clauẽ agitur, quod de facto fit, Quia ſi ſunt opera Sanctorum in Eccleſia iſto modo, certe per Spiritum ſanctum non permittuntur ocioſa iacere, ſed de facto ſuccurrent, quibus poſſunt.

Roma. 8. Secundo, Nulla ſunt opera Sanctorum relictæ irremunerata, quia ſecundum omnes Deus premiãt ultra condignum, Et Paulus: Non ſunt condignæ paſſiones huius temporis ad futuram gloriam &c.

Tertio, Nullus Sanctorum in hac uita ſufficienter impleuit mandata Dei, ergo nihil prorsus fecerunt ſuperabundans, Quare nec ad Indulgentias aliquid diſtribuendum reliquerunt. Conſequentiam credo ſatis claram, Sed maiorem ita probo, ut non ſit dubitanda, ſed ita credenda, ut eius contraria ſit hæretica.

Nullus Sanctorum impleuit legẽ Dei.

Primo, per illud Chriſti, Cum feceritis omnia, quæ ſcripta ſunt, dicite: Serui inutiles ſumus. Sed ſeruus inutilis citra, non ultra feciſſe intelligitur, niſi forte quorundam inſulſiſſimorum hominum ſomnia ſequamur, qui humilitatis, non ueritatis gratia, hæc dici à ſuis, Chriſtum uoluiffe, garrunt, Chriſtum mendacem facientes, ne ipſi non ſint ueraces.

Serui inutiles ſumus. Luc. 17.

Secundo, per illud Matth. 25. Quod ſapientes uirgines prorsus nihil uoluerunt communicare de ſuo oleo, timentes, ne ipſis quoq̃ deficeret.

Sapientes uirgines. Matth. 25.

T in Tertio,

RESOLUTIONES DISPUT. LVTH.

Tertio, Paulus 1. Corinth. 3. Vnusquisque mercedem accipiet secundum 1. Cor. 3.
suum laborem, non autem, secundum alienum.

Quarto, Gala. 6. Vnusquisque pro se reddet rationem. Et iterum: Vt Gala. 6.
unusquisque recipiat, prout gessit in corpore.

Quinto, omnis Sanctus debitor est Dei diligendi, quantum potest,
imo ultra quam potest, sed nullus id fecit, nec potuit.

Sexto, Sancti per opus eorum omnium perfectissimum, scilicet, mora-
tem, martyrium, passionem, non faciunt ultra quam debent, imo faciunt
quod debent, etiam uix faciunt, Ergo multo minus in alijs operibus, plus
fecerunt quam debuerunt.

Septimo, Quod cum tot ego Argumenta producam, illi autem pro
sua parte nec unum, sed simplicem narrationem, sine Stripturis, Doctori-
bus, Rationibus loquentes, possumus, imo debemus ab eorum sententia
omnino recedere. Sed hæc sint mea.

Augustinus.

Nunc idem probo autoritate S. Patrum, Et primo illud familiae
re B. Augustini. Omnes Sancti necesse habent orare, Dimitte nobis
debita nostra, etiam tunc cum benefecerint, eo quod Christus nullum excep-
pit, quando orare nos docuit, Sed qui consentitur debita, certe non super-
abundant.

Hieronymus.

Secundo, per Psal. 32. Beatus uir, cui non imputauit Dominus pec- Psal. 32.
catum. Et infra: Pro hac orabit ad te omnis Sanctus. Quam B. Hierony-
mus dial. contra Pelagian. egregie tractans dicit: Quomodo est Sanctus,
si pro impietate sua orat? Rursum: Si est impius, non est Sanctus &c. Itaque
Sancti per orationem & confessionem suæ impietatis, merentur sibi non im-
putari peccatum.

Augustinus:

Tertio, B. Augustinus lib. 1. retract. Omnia mandata implentur,
quando quicquid non impletur, ignoscitur. Tractat enim ibidem quæ-
stionem: An Sancti impleuerint mandata perfecte, Et negat, dicens, quod
magis ignoscente Deo, quam implente homine.

Sancti indigent mi-
sericordia Dei.

Quarto, idem Confess. 9. Vix hominum uitæ quantumcunque lauda-
bili, si remota misericordia iudicetur. Ecce etiam Sancti indigent misericor- Iob. 9.
dia in tota uita sua. Ad quod illud Iob. Si etiam iustum quippiam habuero,
iudicem meum deprecabor. Quomodo ergo superfluent alijs, qui sibi non
sufficiunt?

Theologi uetusti.

Quinto B. Augustinus lib. 1. aduersus Iulianum inducit decem anti-
quos patres Ecclesiasticos, puta Hilarium, Cyprianum, Gregorium Nazan-
Iohan. Chrysostomum, Ambrosium, Hirenæum, Olympum, Rethicium,
Innocentium, in eandem sententiam, & illorum autoritate nititur. Probans
nullum Sanctum in hac uita sine peccato esse, secundum illud 1. Iohan. 1. Si 1. Iob. 1.
dixerimus, quia peccatum non habemus &c. Et in de natura & gratia idem.

Ex quibus & multis alijs, quæ longum esset hic narrare, concludo, Me-
rita Sanctorum nulla esse superflua sibi, quæ nobis ociosis succurrant.

Pia audacia Lau-
dandi.

Et ut aliquando audax sim, ea quæ iam dixi, protestor, me non dubita-
re, sed paratus sum ignem & mortem suscipere pro illis, & Hæreticum asse-
ram omnem, qui contra sapuerit.

Sanctorum poenæ.

TAmen per impossibile admittendo, quod uere superfluerent me-
rita Sanctis, Nescio, si satis dignum opus fieret ab Ecclesia, ut tam præ-
ciosa merita, tam uiliter expenderet, scilicet pro solutione poenarum, Cum
solutio poenæ, sit uilissimum donum Ecclesiæ, & uilissimis donabile, ut iam
sæpe dictum. Martyrum autem & Sanctorum poenæ debent esse potius ex-
emplum ferendarum poenarum. Sic enim oramus: Quorum festa colimus,
uirtutem quoque passionis imitemur.

Item, nea

Item, nec Ecclesia mater, tunc uidetur pie agere, quando relaxat, sed quando castigat & coercet, Vt patet in excommunicationibus & censuris, quas poenas utiq; non relaxat, sed potius infert, tunc maxime, quando fuerit maxime sollicita pro filiis suis. Si autem relaxat, quasi desperans hoc facit, timens peiora evenire.

Ecclesia poenas infert, non relaxat.

Igitur cum sint poenarum remissiones, tam uile donum, & sola potestas clauum ibi satis sit, uideretur certe non parua irreuerentia fieri tam egregijs laboribus Sanctorum, si stertentibus impartirentur. Multo melius B. Augustinus in ser. de Marty. Solennitates martyru (non remissiones) sed exhortationes martyrioru sunt, ut imitari non pigeat, quod celebrare delectat.

Remissiones poenarum.

Solennitates Martyrum.

Probata est itaq; ista pars, quod merita Sanctorum non possint esse thesaurus nobis, cum sint penuria ipsismet Sanctis, Nisi quis sic putet, ea nobis esse thesaurum, non quia superfluum, sed quia est communio Sanctoru, quod quilibet pro altero laborat, sicut membrum pro membro. Sed hoc fecerunt in uita, & si nunc facerent, intercessione potius quam potestate clauis id fieret.

Communio Sanctorum.

Sed hic a longe audio quorundam acutum argumentum, Verum est, inquit, Sancti non fuerunt sine peccato in hac uita, sed ueniali, nihilominus plura potuerunt facere quam debuerunt. Cum istis quidem obtusissimis ingenijs difficile est agere in hac re. Tamen breuiter dico, Id esse ueniale peccatum, quia minus faciunt quam debent, non autem id quod ipsi fingunt solum ueniale peccatum, scilicet risum, uerbum leue, cogitationem. Est quidem hoc ueniale peccatum, sed magnum ueniale. Verum etiam opus bonum optime factum, est ueniale peccatum, ut ex B. Augustino supra. Tuac mandata complentur, quando quicquid per nos non impletur, ignoscitur, quod in omni opere bono fit, semper enim ibi uenia petenda est, secundum orationem dominicam. Sed haec aliam disputationem requirunt, de quo alias. Inde S. Bonauentura, Cum asseruisset hominem posse sine ueniali peccato esse, utiq; defecit sanctus homo.

Veniale peccatum.

Augustini dictum.

Conducitur lapsus

De secundo, scilicet merito Christi.

HOC non esse Thesaurum Indulgentiarum, disputo, Esse autem thesaurum Ecclesiae, haereticus negat, Siquidem Christus est precium mundi, & redemptor, & ideo uerissime & solus unicus Ecclesiae thesaurus. Sed quod sit thesaurus Indulgentiarum, nego, donec docear, & causa negandi est.

Meriti Christi non est thesaurus indulgentiarum.

PRima, Quia nullis (ut iam saepe dixi) Scripturis id probari, nec Rationibus ostendi potest. Nec ipsi, qui hoc tenent, probant, sed simpliciter narrant, ut omnibus notum est.

Dixi autem prius, quod in Ecclesia aliquid asserere, cuius nulla potest ratio uel autoritas reddi, est Ecclesiam hostibus & Haereticis irrisioni exponere, cum secundum Apostolum Petrum, teneamur rationem reddere de ea, quae in nobis est, fide & spe. Et Paulus, ut sit Episcopus potens in doctrina sana, etiam contradicentes redarguere. Hic autem adeo est nulla autoritas, ut si hodie determinaret Ecclesia Romana partem affirmatiuam, nihilominus maneret idem periculum, scilicet quia non possumus rationem reddere aliam, nisi quia sic Papae & Romanae Ecclesiae placuit. Sed quid ista ratio faciet, si ab his urgeremur, qui Romanam Ecclesiam non sequuntur: ut haereticis, Pighardis. Hi non uoluntatem Papae & Romanae Ecclesiae, sed uel autoritatem, uel rationem probabilem quaerent, Et certe iste est mihi uel unicus scopus in ista materia tota.

Ratio semper reddenda.

SEcunda, Omnia argumenta hic plus ualent, quae de thesauro militantis Ecclesiae & Sanctorum meritis adducta sunt, scilicet:

T. iij. Primo,

1. Pet. 4.
Tit. 1.

RESOLUTIONES DISPUT. LVTH.

Primo, quod tunc Indulgentiæ non sunt Indulgentiæ, sed translationes operum alienorum ad alios, & uera ac legitima satisfactio, quia id facimus, quod per alium facimus. At per Indulgentias (ut dicit Canon lib. 5. de pœni. & re. ca. Cum ex eo) pœnitentialis satisfactio eneruatur, non autem transfertur, sed eneruatur.

Secundo, quod tunc Ecclesiæ clauēs nihil faciunt, & uere uilificantur, quia non soluunt, sed ligatum alio transferunt. At impium est dicere, quod clauis non soluat, si autem soluit, totum tollit.

Tertio, quod merita Christi de facto, sine clauibus eadem operantur, non enim erunt ociosa.

Quarto, quod tunc insignis fiet irreuerentia meritis Christi, si solummodo Pœnæ relaxationi expenduntur, cum ipse per ea fuerit exemplum omnium Martyrum, Contrarium itaque erit naturæ meritorum Christi, ut seruiant pigris, quæ extimulant etiam feruentes, Viliissimum est enim, ut iam dictum est remissio pœnæ.

Thomas.

Bonauentura.

TERTIA, Respondeant mihi ad istam contradictionem, B. Thomas & Bonauentura & sui sequaces constanter & unaminiter dicunt, Quod opera bona sunt meliora, quam Indulgentiæ, ut supra satis est dictum, Esto ergo hæc uera. Item per Indulgentias applicantur & expenduntur merita Christi. Esto etiam hæc uera, quia & hanc constanter omnes asserunt. Item merita Christi incomparabiliter sunt meliora, quam bona opera nostra, imo sola bona. Esto etiam hæc uera.

Hic ego concludo & infero, infœlix, qui non dimittit opera sua bona, & solum quærit opera Christi, id est, indulgentias, cum sit omnium blasphemiarum ultima sentina, sua opera bona præferre operibus Christi, Aut ergo opera Christi, non sunt thesaurus indulgentiarum, aut superbit miser, qui non omittis omnibus præceptis, etiam diuinis, solum Indulgentias redimit, id est, merita Christi. At contra S. Thomas & Bonauentura dicunt, quod non sunt præcepta indulgentiæ, & sunt uiliores bonis operibus, ergo non sunt opera Christi, & tamen sunt opera Christi simul & semel.

At forte, ut sunt arguti, respondebunt per Aristotelicas distinctiones. Verum est, merita Christi, ut simpliciter sumpta, sunt meliora nostris operibus, sed sic non sunt Indulgentiæ, uel per Indulgentias sic non applicantur, Accipiuntur autem pro ut, solum sunt satisfactoriæ pro pœnis, & isto modo applicantur. Respondeo, proba quod dicis, quid si nolim istud tibi credere nuda narranti? Probare iubeor spiritus, an ex Deo sint. Secundo, x. ioh. 4. Vbi nunc illud est, quod supra dictum fuit, ideo illa per uenias dispensari, quia nō essent remunerata, sed quia fecissent quædam, quæ non debuerant? Talia ergo sunt tam uilia merita, ut nullam aliam recipiant mercedem, quam ut sint aliorum pigrorum satisfactiones?

Opera supererogationis. Luc. 10.

Tunc arguo sic, Opera supererogationis sunt omnium nobilissima & perfectissima. Admittitis? Ita, Et talia non remunerantur Martyribus uel Sanctis, sed conceduntur pigris & stertentibus? & sic Sancti remunerantur, secundum opera & merita sua minora, quia perfectiora relinquunt alijs? Quis ita insaniat, oro? Ergo S. Catharina pro martyrio & uirginitate sua nihil accepit, Sed hæc Ecclesiæ relinquit, & sufficit ei præmium orationis, uigiliarum, & aliorum bonorum operum? Quod si dixeris, quod simul & pro eis remunerati sunt, & simul ea reliquerunt, ubi illud quod dictum fuit, Esse quædam, quæ non sunt remunerata? Vides ne, quid sit sine autoritate loqui, & per tenebras diuinare?

Quod

DE VIRTUTE INDUL. AD LEO. X. CXIII.

Quod si impium est dicere, quod opera supererogationis, uel plura, quam debuerunt Sancti, sic sint uilia & eis non remunerata, Quanto magis impium est, Christi opera, quæ omnia sunt superabundantia sic uilificare? Quare Indulgentias ita magnificare, & tamen rursus nostris operibus eas minorare, hoc est, Christum & Sanctos eius in suis meritis blasphemare, nisi id erronee & non uolenter fiat.

Indulgentias magnificare.

Quarto, Resumo argu. quod de glo. de pe. et re. c. Quod autem, adducit, scilicet, Si Indulgentiæ sunt remissiones poenarum omnium, non debet homo ultra ieiunare aut bona facere. Nec soluitur per hoc, quod sit incerta remissio, sed blasphemantur potius clauis Ecclesiæ, licet eum iuuent in hac sententia omnes ferme Doctores Scholastici. Illud autem, quod nescit homo, an amore dignus sit, intelligitur de futuro euentu, quia qui nunc credit, nescit, an sit in fide perseveraturus. Vnde ibidem Eccle. 9. statim additur: Nescit homo an amore uel odio dignus sit, sed omnia seruantur incerta in futurum, Præmisit enim: Sunt iusti & opera eorum in manu Dei &c.

Clauis Ecclesiæ. Nescit homo an amore dignus sit. Eccle. 9.

Quod si remissionem culpæ faciunt incertam, multo magis & poenæ, cum culpa manente, & poenam quoque manere necesse sit, sicut ibidem dicit glossa, Quod remissio illa intelligitur, quando per contritionem (imo per fidem Clauium) omnino deletum est peccatum. Quid ergo sunt Indulgentiæ incerta donatio? Absit, absit, ut tam impia illutio ab Ecclesia Christi, imo clauibus, fiat, Tum enim uere (ut quidam dicunt) Indulgentiæ essent, quædam impiæ fidelium deceptiones. Ad istum errorem uenitur, dum quarimus per opera nostra & nostram iusticiam iustificari potius quam per fidem. Ideo de contritionibus tantummodo docemus, quando optime docemus, nihil de fide clauium, quæ maxime omnium docenda erat. Sed supra de his latius est dictum.

Indulgentiæ fidelium deceptiones.

Fides clauium.

Aut ergo Indulgentiæ non sunt thesaurus meritorum Sanctorum. Aut optime sequitur, quod consecutus debet quiescere ab operibus suis bonis pro peccatis. Sed quod ista sententia sit impia in Christum, quia si per uenias mihi impenduntur merita Christi, & ego adhuc incertum habeo, mihi esse peccata remissa, ideo adhuc operandum pro eorum remissione. Tunc sequitur, quod dubito, an merita Christi applicata & donata mihi, sint sufficientia ad remissionem peccatorum. Quo dubio quid execrabilius? Si autem non dubito, sed sufficientia credo, impiissime fecero, si opera mea meliora putauero, quam Indulgentias (id est, opera Christi mihi impensa) Ego enim, si unicum opus, imo millies millesimam partem unius minimi operis Christi, possem obtinere, securus sum de redemptione æterna.

Cessemus itaque operari nostra opera pro peccatis, & nihil nisi Indulgentias redimamus, quia in illis non unum opus, sed omnia merita Christi, nec huius solum, sed omnium Sanctorum consequimur. Cum itaque merita Christi nulla proportionem bonitatis, nostris possint comparari, aut ipsa non sunt thesaurus Indulgentiarum, aut Indulgentiæ erunt præferendæ omnibus operibus omnium præceptorum Dei, aut meritis Christi fiet summa omnium irreuerentia & blasphemia. Deinde id quoque uide, quale est, quod huic thesauro, quasi solius Christi merita non sufficerent, addunt merita Sanctorum, item merita Ecclesiæ militantis.

At dicis: Ergo ne S. Thomas adeo errauit cum cæteris? Nunquid Papa & uniuersa Ecclesia errat, quæ ita sapit? An tu solus recte sapiens & primus?

Respondeo

RESOLUTIONES DISPUT. LVTH.

Respondeo primum : Non sum solus, sed ueritas mecum, & multi alij, scilicet, qui dubitauerunt, & adhuc dubitant, quid ualeant Indulgentiarum. Nec peccant eo dubio, cum sint remissiones tantum poenarum, quas siue quis credat, siue non, siue consequatur, siue non, nihilominus saluus erit.

*Indulgentia sunt
eneruationes poen
lentialis satisfactio
nis.*

Secundo, & Papa mecum est, Quia etsi concedit Indulgentias, nusquam tamen dicit, quod sint de thesauro meritorum Christi & Ecclesie, Imo sese declarans, dicit lib. 5. de poe. & re. c. Cum ex eo, quod sint eneruationes poenitentialis satisfactionis, sed eneruatio non est impensio meritorum Christi, sed tantummodo sublatio poenarum.

*Theologorum erro
res.*

Tertio, & tota Ecclesia mecum, Quia Ecclesia utique cum Papa sapit, & sicut Papa sapit. Sed iam dictum est, quid Papa sentiat.

*Thomae errores.
Aristoteles non in
tellectus à Scholas
ticiis.*

Quarto, etsi S. Thomas, B. Bonaventura, Alexander de Ales, sint insignes uiri cum suis discipulis, Antonio, Petro Palu. Ang. Anco. praeter Canonistas, qui omnes eos sequuntur, Tamen iustum est eis praeferre ueritatem primo, deinde & auctoritatem Papae & Ecclesiae. Nec mirum est tantos uiros in hoc errasse. Nam in quantis, quaeso, B. Thomam etiam Scholastici errasse arguunt? Imo quod maius est, iam plus trecentis annis tot uniuersitates, tot in illis acutissima ingenia, tot ingeniorum pertinacissima studia in uno Aristotele laborant, & tamen adhuc non solum Aristotelem non intelligunt, uerum etiam errorem & fictam intelligentiam, per uniuersam pene Ecclesiam spargunt, quanquam si etiam intelligerent eum, nihil egregiae sapientiae adepti essent, praesertim in eis libris Aristotelis, quos uisitatores habent, in quibus uel ipsiusmet testimonio apud Aulum Gellium lib. 10. c. 4. & Greg. Nazan. in Ser. aduersus Arianos, non nisi merus Logododalus & Logomachusprehenditur.

*Aristoteles artifex
uerborum &c.*

Audax, impudens, temerarius forte hic uideor, atque utinam mihi tantum superesset aetatis & oculi, ut huius temeritatis meae rationem reddere, & uerbis meis fidem facere possem, forte efficere, ut non frustra sic sapere uiderer. Non Aristotelem cum Platone & alijs concordarem, quod Iohannes Picus Mirandulanus coepit, sed Aristotelem suis coloribus pingerem, sicut dignum est pingi eum, qui ex professo est artifex uerborum (ut Gregorius Nazan. ait) & illusor ingeniorum.

*Christus iusticia,
lux, ueritas nostra.*

Si itaque per tantum tempus in tantis ingenijs permisit Deus, tantum nubis & tenebrarum dominari, quid adhuc nobis ita securi placemus, & non potius (sicut Christianos decet) omnia nostra suspecta habemus, ut solus Christus sit lux, iusticia, ueritas, sapientia, omne bonum nostrum. Igitur sancti illi uiri, cum uiderent Aristotelem ab indoctis & Christum ignorantibus, in tanta auctoritatis ueneratione haberi (ipsi ut erant humiles sensu) pia simplicitate sunt secuti, & in errorem lapsi, ceteris occasio fuerunt, tot turbinum, opinionum, quaestionum, errorum, sicut in Scholasticis Decoloribus uidemus. Et digni fuimus, qui Christum reliquimus, ut ipse quoque nos derelictos, etiam per Electos suos, in occasionem daret erroris & infiniti laboris. Sicut ait in Ezech. 14. Propheta cum errauerit, & locutus fuerit uerbum, Ego Dominus decepi Prophetam illum. Et ibidem: Si ueneris ad Prophetam interrogans me per eum, Ego Dominus respondebo ei secundum multitudinem immundiciarum suarum.

Eze. 14.

*Cum iudicio legenda,
etiam à Sanctis
scriptura.*

Ideo cum timore & iudicio omnia sunt legenda & suscipienda, etiam à magnis & sanctis uiris tradita, secundum Apostolum: Omnia probate, quod bonum est tenete. Et illud Iohan. Probate spiritus, utrum ex Deo sint. Quae consilia qui omiserint, & in hominem consili fuerint (sicut hi qui dicunt: Malo cum tantis errare, quam tecum recte sapere) digni sunt, quos etiam contemnat & relinquat consilium. Qui enim consilium spiritus spernit, cur non spernetur merito à spiritu consilij.

1. Thes. 5.
1. Iohan. 4

*consilium spiritus
perueniens.*

Ita &

DE VIRTUTE INDVL AD LEO X CXIIII

Ita & Indulgentijs factum est, cum uiderent sancti homines, illas ulgo tantum efferi (ut solet uulgius facere semper iudicium Paridis & Midæ) *Vulgi stultum iudicium.* & nollent tam uiles eas credere, coeperunt uel fingere honestum & preciosum eorum fundamentum, quia nullum aliud occurrebat, nec u'piam erat. Ad rem itaq; redeamus, & meritum Christi quæramus, & probemus, non esse thesaurum Indulgentiarum, iam causa.

Quinta, Nulli datur gratia contritionis, quin simul ei dentur *Gratia contritionis* merita Christi. Ergo ante Indulgentias habet thesaurum meritorum Christi, & nisi haberet, non proficerent ei Indulgentiæ, secundum opinionem ipsorum (ita enim sapiunt sublimiter de remissione pœnarum) Nam per contritionem homo redit in gratiam, sicut filius prodigus cum Christo patre suo, qui dicit: Omnia mea tua sunt. Et Esaia 9. Paruulus natus est nobis, & filius datus est nobis. Roma. 8. Quomodo non omnia cum illo nobis donauit?

Sexta, Alioqui foeliciores essent in Ecclesia hi, qui sunt peiores. *Indulgentiæ quibus utiles.* Dictum est enim, quod Indulgentiæ profunt criminosis duntaxat, & his dabitur thesaurus meritorum Christi. Pueris autem, uirginibus ac innocentibus, non dabitur, quibus maxime debetur, imo qui habent eum soli. Sed id argumentum parum facit apud eos, qui credunt, omnes pœnas tolli, nec posse Indulgentias conferri peccatoribus sine contritione, quod ego non credo.

Vltima, quam secum fert ipsa Conclusio probationem, scilicet *Merita Christi.* quod merita Christi & Sanctorum eius sine Papa operantur opus suum duplex, scilicet proprium & alienum. Proprium, id est, gratiam, iusticiam, ueritatem, patientiam, mititatem in spiritu hominis electi, Quia iusticia Christi & meritum eius iustificat & remittit peccata, sicut Iohannes ait: Ecce agnus Dei, ecce qui tollit peccata mundi. Et Esa. 43. Servire me fecisti in iniquitatibus tuis, & laborem præbuiisti mihi in peccatis tuis: Ego, ego sum, qui deleo iniquitates tuas, & peccatorum tuorum non recordabor. Delet autem merito suæ passionis. Et isto modo concederem, quod merita Christi sint quidam thesaurus, non Ecclesiæ, sed Dei patris, qui nobis per suffragium efficax apud Deum impetrat remissionem culpæ. Sic dicit in Iob per figuram: Faciem eius suscipiam. Et Apostolus Ebræ. 12. Sanguinem Christi melius clamantem, quam Habel, quia sanguinis Habel uindictam & iram postulat, Sanguis Christi misericordiam clamat, & interpellat pro nobis. *Sanguis Habel & Christi.*

Alienum (sic enim Esa. uocat ca. 28.) id est, crucem, laborem, pœnas uarias, deniq; mortem & infernum in carne, ut destruat corpus peccati, & mortificentur membra nostra super terram, & conuertantur peccatores in infernum. Nam quicumq; in Christo baptizatur & renouatur, ad pœnas, ad cruces, ad mortes paratur, ut æstimetur sicut ouis occisionis, & mortificetur tota die, sicut ait Psal. 44. Ego autem ad flagella paratus seu ordinatus sum, & dolor meus in conspectu meo semper. Sic sic oportet nos fieri conformes imaginì filij Dei, ut qui non acceperit crucem suam, & sequutus fuerit eum, non sit dignus, etiamsi sit omnibus Indulgentijs plenus. *Alienum opus &c.* *Baptizatus in Christo.*

Quocirca nunc uide, Num quo tempore cœpit Theologia Scholastica, id est, illusoria (sic enim sonat Græce) eodem euacuata est Theologia crucis, suntq; omnia plane peruersa. Theologus crucis (id est, de Deo crucifixo & abscondito loquens) pœnas, cruces, mortem, docet esse thesaurum omnium preciosissimum, & reliquias sacratissimas, quas ipsemet Dominus huius Theologiæ consecrauit, benedixitq; nō solum tactu suæ sanctissimæ carnis, sed &

RESOLUTIONES DISPUT. LVTH.

sed & amplexu suæ super sanctæ & diuinæ uoluntatis, easq; hic reliquit uere osculandas, quærendas, amplexandas. Quin beatus & benedictus, qui dignus fuerit Deo uisus, ut ei donentur hi thesauri reliquiarum Christi, imo qui intelligat sibi donari. Nam cui non offeruntur? Sicut B. Iacobus: Omne gaudium existimate fratres, cum in tentationes varias incideritis, Non est enim omnium hæc gratia & gloria, ut hos accipiant thesauros, sed electissimorum filiorum Dei.

Iacob. 1.

Peregrinantes.

Multi peregrinantur Romam, aliaq; sancta loca, ut tunicam Christi, ossa Martyrum, loca & uestigia Sanctorum uideant (quod non damnamus quidem) sed hoc gemimus, quod ueras Reliquias, scilicet passiones & crucces, quæ sanctificauerunt ossa & reliquias Martyrum, & tanta ueneratione fecerunt digna. Ita nescimus, ut non solum non acceptemus oblatas domi, sed summis uiribus repellamus, & persequamur de loco in locum, cum deberemus summa siti, & iugibus lachrymis, id apud Deum postulare, ut darentur nobis tam præciosæ reliquiæ Christi omnium sacratissimæ, tanquam donum electorum Dei filiorum. Sic Psal. 16. titulum in Ebræo fertur habere, Michtam, quod aureum insigne uel ut munusculum intelligas, cum ibi non nisi passio Christi canatur. Et Psal. Testimonium Asaph, quod eruditi uolunt potius, iocale Asaph, seu donum delizioso Asaph intelligere. Et ibi tamen Crucis personat hymnus.

Michtam.

Psal. 16.

Veræ reliquiæ.

Quin tam sanctæ sunt eiusmodi reliquiæ, & tam præciosi thesauri, ut cum aliæ possint seruari in terra, aut ut honorificentissime in auro, argento, gemmis, serico, hæc non possunt seruari nisi in cœlestibus, uiuis, rationalibus, immortalibus, puris, sanctis seruaculis, id est, cordibus fidelium, omni auro & gemma inæstimabiliter præciosioribus. At nunc adeo deest fides uulgi, qua hanc religionem talium Reliquiarum colat, ut etiam summi quidam Pontifices autores & duces eis fuerint, non modo repellendarum, sed etiam persequendarum, adeo, ut Turcas uorare uoluerint, deinde & ipsos Christianos in pelorem, quam inferni damnationem excommunicare, potius quam uellent obulum sui census remittere, nedum nominis aut corporis iniuriam sustinere. Qui tamen interim nihilominus cataractas cœli aperuerunt, & inundauerunt thesauros Indulgentiarum & meritorum Christi, ita ut & hoc diluuium prope sit pessundatus orbis Christianus, nisi me fallit fides mea.

Pontifices Romani

Diluuium Indulgentiarum.

Theologus gloriæ.

Aristoteles.

Theologus uero gloriæ (id est, qui non cum Apostolo solum crucifixum & absconditum Deum nouit, sed gloriosum cum gentibus, ex uisibilibus inuisibilia eius, ubiq; præsentem, omnia potentem uidet & loquitur) discit ex Aristotele, Quod obiectum uoluntatis sit bonum, & bonum amabile, malum uero odibile, ideo Deum esse summum bonum & summe amabile. Et inde dissentiens Theologo crucis, definit thesaurum Christi esse relaxationes & solutiones pœnarum, tanquam rerum pessimiarum & odibilissimarum. Contra, Theologus crucis, thesaurum Christi esse impositiones & alligationes pœnarum, tanquam rerum optimiarum & amabilissimarum. Et tamen adhuc ille accipit pecuniam pro suo thesauro, huius nec gratiæ oblatum dignantur uel intuitu, sed persequuntur denique.

Sed quis erit iudex horum, ut sciamus, utrum audiamus? Ecce, inquit Esa. 66. Ego eligam illusiones eorum. Et 1. Corinth. 1. Infirma mundi elegit Deus, ut confundat fortia &c. Quod iudicium, si adeo placet, ut uerum est, id nobis restat confitendum, si uolumus uera loqui, quod thesauri Indulgentiarum sunt omnium maxima damna, si intelligantur eo, quo modo ebuccinantur, scilicet esse eos omnium pœnarum remissionem, non tantum canonicarum, cum non sit maius damnum, quam tolli imaginem filij Dei ab hominibus

Esa. 66.

1. Cor. 1.

DE VIRTUTE INDVL AD LEO, X, CXV

hominibus, & eos spoliare thesauris inestimabilibus, de quibus S. Hagnes ^{Hagnes.} iucunda & beata iactantia superbiebat, appellans eos uernantes, corrumpentes gemmas ac ornamenta, monilia preciosa &c.

CONCLUSIO LIX.

Thesauros Ecclesiæ B. Laurentius dixit esse pauperes Ecclesiæ, Sed locutus est usu uocabuli suo tempore.

PAtet satis his, qui legendam S. Laurentij uiderunt. Deinde non est nunc usus uocabuli, ut thesauros Ecclesiæ uocent homines pauperes, Sed patrimonium Christi & S. Petri appellamus, quod palea quædam, sine ^{Patrimonium Christi & S. Petri.} tamen grano Constantini, dedit Ecclesiæ. Ideo & Psal. 2. ubi Deus dicit ^{Donatio Constantini fictitia.} Christo: Postula à me, & dabo tibi Gentes in hereditatem, & possessionem tuam terminos terræ, intelligi oportet oppida & agros ab oriente in occidentem, Alioqui nostro tempore, si quis loquatur aliter de rebus Ecclesiæ & spiritualibus, erit barbarus nobis, licet & B. Laurentius facultates Ecclesiæ dixerit diuitias, sed non solas.

CONCLUSIO LX.

Sine temeritate dicimus, Clauēs Ecclesiæ (merito Christi donatas) esse thesaurum istum.

SI istud meritum uocaretur, & thesauros Indulgentiarum, scilicet ^{Potestas clauium.} potestas Clauium, plana est intelligentia. Nullus enim dubitat, quin merito Christi donatum sit Ecclesiæ, quicquid donatum est.

CONCLUSIO LXI.

Clarum est enim, quod ad remissionem poenarum & casuum, sola sufficit potestas Papæ.

PRobatur ex ipso stylo Papæ, dum nunquam meminit meritorum Christi in ligando aut soluendo, sed tantummodo dicit de plenitudine potestatis, ex certa scientia & motu proprio.

Secundo, ex communi omnium sententia, probantium, Indulgentias uirtute illius uerbi donari, ubi Christus dicit: Quodcumq; solueris &c. Quod ^{Quodcumq; solueris &c.} uerbum putant sine uigore esse, nisi potestatem donandi permitteret. Quare & ipsi solam potestatem intelligunt sufficere, nulla autem autoritate probant thesaurum. Sed hanc autoritatem uelut sufficientem adducunt, quæ tamen sonat nudam potestatem, non autem applicationem meritorum.

Tertio, Alioqui etiam in alijs ligationibus & solutionibus intelligenda esset distributio meritorum, puta, quando sacerdotali officio excommunicat, absoluit, ordinat, deordinat, statuit, abrogat, præcipit, prohibet, dispensat, mutat, interpretatur. In ijs enim omnibus agitur uirtute istius uerbi: Quodcumq;. Si ergo in istis non est necessaria distributio meritorum, sed sufficit potestas nuda Clauium, quanto magis in remissione poenarum canonicarum? Cum talis remissio sit nihil aliud, quam absolutio à poenis, imo si uspiam sit distributio meritorum Christi, maxime fieri debet in absolute solutione excommunicati, ibi enim reconciliatur Ecclesiæ peccator, & rursum declaratur particeps bonorum Christi & Ecclesiæ. Nulla itaq; est ratio, quare illud uerbum: Quodcumq; solueris, in Indulgentijs includat thesaurum Christi, & non etiam in omnibus alijs solutionibus, cum sit eadem autoritas, eadem uerba, eadem sententia in illis.

V

Quarto

RESOLUTIONES DISPUT. LVTH.

Quarto, Si soluere per clauem in uenijs dandis, importat apertionem & effusionem thesauri Ecclesiae, ergo per oppositum, ligare importabit collectionem & inclusionem thesauri eiusdem. Sunt enim contrariae potestates, & contrariorum operum. Sed nusquam & nunquam est usus colligendi aut includendi hunc thesaurum, & tamen si solutio & effusio est, etiam inclusionem esse necesse est, cum utrunque donatum sit Ecclesiae, nec frustra, aut uane donatum. Ergo sicut ligare, intelligitur sine collectione thesauri, debitorem facere, nec aliquid ei positue auferre, ita soluere cogit intelligi, liberum facere, sine expensione thesauri positue.

CONCLUSIO LXII.

Verus thesaurus Ecclesiae est sacrosanctum Euangelium gloriae & gratiae Dei.

*Thesaurus Eccle-
siae est Euangelium.*

Satis incognita res est Euangelium Dei in multa parte Ecclesiae, ideo paulo latius de illo dicendum, Nihil enim reliquit in mundo Christus, praeter solum Euangelium. Vnde & nihil seruis suis uocatis tradidit, quam minas, talenta, pecunias, denarios, ut ex his ipsis uocabulis thesaurorum, ipsum uerum thesaurum esse ostenderet. Et Paulus dicit sese thesauris filijs suis, Et Christus thesaurum absconditum in agro. Et hoc ipsum, quod est absconditus, facit, ut sit pariter & neglectus.

2. Cor. 12

Euangelium quid?

Est autem Euangelium, secundum Apostolum Rom. 1. sermo de filio Dei incarnato, nobis sine meritis in salutem & pacem donato. Est uerbum salutis, uerbum gratiae, uerbum solacii, uerbum gaudij, uox sponsi & sponsae, uerbum bonum, uerbum pacis. Sicut ait Esa. 52. Quam iucundi pedes euangelizantium, euangelizantium pacem, praedicantium bona. Lex uero est uerbum perditionis, uerbum irae, uerbum tristitiae, uerbum doloris, uox iudicis & rei, uerbum inquietudinis, uerbum maledicti. Nam secundum Apostolum, Lex est uirtus peccati, & Lex iram operatur. Est Lex mortis. Ex Lege enim nihil habemus, nisi malam conscientiam, inquietum cor, pauidum pectus, a facie peccatorum nostrorum, quae Lex ostendit, nec tollit, nec nos tollere possumus.

Rom. 1.

Esa. 52

Lex quid?

Vox Euangelij.

Sic itaque captis ac tristibus, omninoque desperatis, uenit lux Euangelij, & dicit: Nolite timere, Consolamini, consolamini popule meus, Consolamini pusillanimes, ecce Deus uester, Ecce agnus Dei, ecce qui tollit peccata mundi, Ecce qui solus implet Legem pro uobis, qui factus est a Deo uobis iusticia, sanctificatio, sapientia, redemptio, omnibus, qui credunt in eum. Hoc suauissimum nuncium, cum audierit conscientia peccatrix, reuiuiscit, & tota exultat in tripudio, plenaque fiducia, iam nec mortem, nec amicae mortis poenarum genera formidat, neque infernum. Ideo, qui poenas adhuc timent, nondum audierunt Christum, nec uocem Euangelij, sed uocem potius Mosis.

Esa. 40

1. Cor. 1.

*Vera gloria Dei
ex Euangelio nascitur.*

Ex hoc itaque Euangelio nascitur uera gloria Dei, dum docemur, non nostris operibus, sed gratia misericordis Dei in Christo, impletam Legem & impleri, non operando, sed credendo, non Deo aliquid offerendo, sed ex Christo omnia accipiendo & participando, de cuius plenitudine participamus omnes & accipimus, De quo alias latius.

CONCLUSIO LXIII.

Hic autem est merito odiosissimus, quia ex primis facit nouissimos.

Euangelium enim destruit ea quae sunt, confundit fortia, confundit sapientia, & redigit eos in nihilum, in infirmitatem, in stultitiam, quia docet

DE VIRTUTE INDVL AD LEO X : CXVI

psal. 9. quia docet humilitatem & crucem. Sic *Psal. 9.* Increpasti gentes & perijt impius, nomen eorum delesti. Verum hanc Regulam crucis horrent omnes *Regula crucis.* quibus placent terrena & sua, dicentes : Durus est hic sermo, ideo non est mirum, si sit odiosissimus sermo Christi, his, qui deligunt aliquid esse, sapientiam, potentiam, coram se & hominibus, & primi sibi videntur.

CONCLUSIO LXIII.

Thesaurus autem Indulgentiarum, merito est gratissimus, quia ex nouissimis facit primos.

Quia docet horrere poenas, imo facit liberos a poena, quod est solummodo iustorum. Nullus enim indiget Indulgentijs, nisi seruus poenarum, id est, qui non calcat eas, contemptu superbo eis dominans, sed premitur illis et fugit eas, sicut puer ab umbris noctis et tenebrarum, et tamen permittuntur liberi, cum iusti etiam subiecti sint poenis varijs.

CONCLUSIO LXV.

Igitur Thesauri euangelici retia sunt, quibus olim piscabantur uiros diuitiarum.

SIC enim Apostolus : Non quaero uestra, sed uos. Et Christus : Faciam uos fieri pisces hominum. Verbum enim dulce trahit uoluntatem, imo facit uoluntatem hominis in Christum. Vnde S. Petrus in Urbe pius Piscator dicit : *Ecclesiam pro naue gero, mihi climata mundi
Sunt mare, Scripturae retia, piscis homo.*

*Distichon, quod
Romae legitur.*

CONCLUSIO LXVI.

Thesauri Indulgentiarum retia sunt, quibus nunc piscantur diuitias uirorum.

HAnc puto ex dictis claram, quia per remissiones poenarum homo non fit melior, nec trahitur plus ad Deum (hoc enim solo uerbo Christi fit) cum sint uerba hominis, dantis licentiam ac relaxationem, magis quam capientis & ligantis, Quod si aliquid capiunt, certe nihil nisi pecunias, non autem animas capiunt. Non quod damnum istud negotium pecuniarum contribuendarum, imo meo iudicio, uidetur, Dei prouidentia id curare in isto negotio, ut cum sit uilissimum inter dona & officia Ecclesiae, nec dignum in futura uita coronari, saltem in hac uita uel modica pecunia remuneret, ut nihil maneat irremuneratum, quanquam olim gratis fiebant relaxationes.

*Pecuniarum uicium
patet.*

CONCLUSIO LXVII.

Indulgentiae, quas Concionatores uociferantur maximas gratias, intelliguntur uere tales, quo ad quaestum promouendum.

SIC enim audet audax ignorantia, ut maximum uocet, quod minimum est, & relinquitur tum populo iudicium & facultas recte intelligendi, ut errans credat Dei gratiam hic dari. Ipsi enim non exponunt, ne sibi ipsis contradicere cogantur, aut mendaces inueniantur, quod paruum dixerint magnum.

Audax ignorantia.

CONCLUSIO LXVIII.

Sunt reuera minimae ad gratiam Dei & crucis pietate comparatae.

Imo comparatae ad Dei gratiam, sunt nihil & nullae, cum potius contraria operentur gratiae Dei, tamen propter ignauos & pigros toleratae, ut patet ex dictis.

RESOLUTIONES DISPVTV LVTH CONCLUSIO LXIX.

Tenentur Episcopi & Curati ueniarum apostolicarum Commissarios cum omni reuerentia admittere.

Autoritati Papæ cedendum est.

*

Ecclesia premitur.

Quomodo sententiae iniuste late, sint timende, & quare.

Quia autoritati papali, in omnibus cum reuerentia cedendum est. Qui enim potestati resistit, resistit Dei ordinationi, Qui autem Deo resistunt, ipsi sibi damnationem acquirunt. Et Dominus ipse: Qui uos spernit, me spernit. Igitur licet rebus in exiguis, nihilo tamē minus quam in magnis, autoritati cedendum. Hinc illud etiam uenit, quod & si Papa ferret iniustas sententias, timendæ tamen sunt, & ut Carolus inquit Imperator, Quicquid imposuerit, quantumuis graue sit, ferendum est. Sicut & experientia uidemus fieri ab Ecclesia, quæ certe infinitis oneribus hodie premitur, & tamen pie & humiliter fert quæta.

Rom. 13.

Matt. 10.

Id tamen intelligendum est, ne quis in erroneam conscientiam ueniat, quasi ideo sint timendæ iniustæ sententiæ, quia sint approbandæ tanquam iustæ, ab his, qui debent eas timere, Cum ipsemet Pontifex aliquos decernat ab Ecclesia ligari, qui tamen coram Deo ligati non sunt, & cogit eos ligationem ferre, nec eis nocet talis ligatio, quia est pœna tantum, & timeri debet, non autem scrupulum conscientiæ facere, Sicut timere debemus Deum in omni alia uolentia, etiam prophana, & non per contemptum superbe reluctari. Ita & onera sunt ferenda, non quod recte fiant, & approbanda sint, sed ut flagella a Deo inflicta, & humiliter portanda.

Quare sententiæ iniustæ & onera sunt timenda, non propter illud uerbum: Quodcumq; ligaueris, sed propter illud generale præceptum: Esto consentiens aduersario tuo in uia. Et illud: Qui te percusserit in maxillam dextram, præbe ei & sinistram &c. Et Roma. 12. Non defendentes uosmetipsos &c. Si enim hoc esset consilium (ut multi etiam Theologi uidentur errare) tunc liceret eadem libertate resistere Papæ in suis oneribus & sententijs iniustis, qua Turco, uel alijs aduersarijs, sed nullis prorsus est resistendum, licet non sit eorum opus approbandum, ne sit error in conscientia. Sed hæc materia necessaria ualde, aliud tempus & opus postulat.

Matt. 5.

Roma. 12.

CONCLUSIO LXX.

Sed magis tenentur omnibus oculis intendere, omnibus auribus aduertere, ne pro commissione Papæ, illi sua somnia prædicent.

Regula Iuristarū.

Probatissima est Regula illa Iuristarum, Papam in omnibus concessionibus sic agere, ut nulli alteri præiudicet, nisi id faciat expressa mentione & plenitudinis potestate, ut docet quoq; mos Curia atq; stylus. Quare certissimum est, quod dans Indulgentias, uult eas esse nihil plus, quā Indulgentias, neq; aliquid ualere, quam quod natura sua ualent, Permittit autem ualere, quantum ualent, contentus quod dederit, nusquam enim declarat ualorem earum. Hæc est commissio Papæ.

At nostri Præcones ultra procedunt, & non solum sese iactitant per pulpita, quod sint Papæ, quos rectius Pappos alij putant. Verum & nomini coniungunt officium, tam Papæ quam Ecclesiæ, ac nobis uelut e cœlo statuunt & pronunciant cum fiducia quid sint, imo longissime ultra quam sint, & esse unquam possint Indulgentiæ, ut uel ex libro suo potest probari nouissimo. Horum itaq; somnia tenentur Episcopi prohibere, ne sinant lupos intrare ouilia Christi, sicut expresse præcipitur lib. 5. de pœ. & re. ca: Cum ex eo, Et Cle, eodem cap. Abusionibus, ut nihil permittant populo proponere, quam quod in eorum literis continetur.

Episcopi uigilent.

CONCLV.

DE VIRTUTE INDUL. AD LEO. X. CXVII.

CONCLUSIO LXXI.

Contra ueritatem Apostolicarum ueniarum qui loquitur, sit ille
Anathema & maledictus,

Quia etsi res parua sit, ueniarum largitio, respectu gratiæ Dei,
& ad tantum boatum prædicantium eas, tamen contra potestatem
superbe agit, qui contradixerit, ideo merito maledicetur, cum obedientia
Ecclesiastica eo sit mirabilior, quo etiam in uilioribus suo sensui cedit & hu-
miliatur. Quæ autem sit ueritas Indulgentiarum, satis hucusq; est disputa-
tum, & adhuc expectat determinationem Ecclesiæ, nisi quod certum est,
eas esse relaxationes tantum temporalium poenarum, quæcunq; tandem
illæ sint. Relaxatio uero poenarum (ut dixi) uilius est donum, quod Ec-
clesia donare potest, præsertim si eam donet ijs, quibus culpam remiserit.
Remissio uero culpæ, est maximum omnium, cum sancto Euangelio, quod
illi non ita curant, aut certe ignorant.

Indulgentia.

Remissio culpæ.

CONCLUSIO LXXII.

Qui uero contra licentiam & libidinem uerborum Concionato-
ris ueniarum curam habet, sit ille benedictus.

SIC enim hodie habet uidua Christi, sancta Ecclesia, ut omnibus
Somnia liceant, & præsertim Theologis Scholasticis, inter quos inueni-
re est, qui ueras etiam sententias damnent, nulla causa nisi quia ex suo fon-
te non prodierunt, Ipsi tamen licet asserere, quod Deus peccatum facit,
Deus est causa mali, culpæ, & multa alia. Quæ si quis Poeta uel Orator (ut
uocant) aut græce, latine, hæbraice doctus diceret, omnium Hæretico-
rum pessimus fuerit, sed id maius damnum. Tantum est crimen, si quis
Christianus Turcis arma deferat, aut Romam petentes impediatur, aut lite-
ras Apostolicas uiolauerit, ut nulla unquam data sit facultas, illa remitten-
di, etiamsi plenissima plenissimarum daretur, sed sibi referuat sedes Apo-
stolica, tam sancte tunc agebat Ecclesia, & seruatis Dei mandatis primum,
etiam tam parua uoluerit, tanto rigore coercere, nondum enim erat illa ler-
na & tartarus Simoniarum, libidinum, pompæ, cædium, reliquarumq;
abominationum in Ecclesia.

*Ecclesia Christi.
Theologi Scholasti-
ci ueritatem dama-
nant.*

Lex Simoniarum

At si illa ita rigide coercentur, quo tandem putamus rigore sunt coer-
cendi, qui non Turcis, sed dæmonibus offerunt, non quæcunq;, sed nostra
propria arma, id est, uerbum Dei, dum illud suis somnijs contaminant, &
(ut Isaias solet loqui) conflant in Idolum per spiritum suum, ut sit non in-
strumentum, quo trahatur anima, sed seducatur in falsas opiniones? At hoc
uicium passim ita licet, ut uiciosissimus sit, qui non uirtutem & meritum me-
ritorum existimet à quocunq; factum fuerit. Sic & B. Hieronimus queri-
tur, scripturam omnibus patere, non ad discendum, sed ad lacerandum.

Deinde, si qui euntes Romam impediunt, adeo peccant, quid illi, qui
euntes in cælum impediunt, non solum pestilentibus doctrinis, sed etiam
corruptissimis moribus? Et illi, qui non literas Apostolicas, sed diuinas ui-
olant, quo ibunt? Clauem scientiæ tulerunt, ipsi non intrant, & introeuntes
prohibent, An ista portenta sunt forte maiora & peiora, quam ut in die
Coenæ legantur & referuentur? Sed legantur solum in cælo, & nunquam
remittantur.

Matt. 23.

Bulla coenæ.

Benedictione itaq; digni, qui nituntur purgare Scripturas sanctas, &
elucidare ex tenebris opinionum & humanarum rationum, quibus prope
facti sumus Pelagiani sensu, & Donatistæ opere. Sed hæc alias.

*Repurgatores scri-
pturæ.*

V iij

CON-

RESOLUTIONES DISPUT. LVTH. CONCLUSIO LXXIII.

Sicut Papa iuste fulminat eos, qui in fraudem negocij ueniarum, quacuncq; arte, machinantur.

Potestas clauium.

Iterum dico sicut prius (quicquid sit de intentione personali summi Pontificis) potestati clauium humiliter cedendum & fauendum est, nec temere contra nitendum, Dei enim potestas est, quæ siue per usum, siue abusum agatur, debet timeri, sicut omne aliud opus ex Deo, magis autem illa.

CONCLUSIO LXXIIII.

Multo magis fulminare intendit eos, qui per ueniarum prætextum in fraudem sanctæ charitatis & ueritatis machinantur.

Potestas tametsi honoranda est, tamen abusus eius improbari debet.

Quantumcuncq; enim potestas honoranda est, non ideo tam ignaui esse debemus, ut abusum eius non reprobemus, aut non resistamus. Sic enim omnes Sancti, potestatem seculi, quam etiam Dei uocat Apostolus, sustinuerunt & honorarunt, etiam in medijs pœnis & torturis, quas illa inferebat, sed tamen constanter eius abusum detestabantur. Et nō ideo sustinuerunt, quia illi recte uterentur potestate persequendo, Sed reliquerunt illis conscientiam malefacti, & per mortem secum traxerunt testimonium, & confessionem innocentiae, sicut B. Petrus ait: Nemo patiatur sicut fur &c. Ita si Ecclesia uel Pontifex aliquem priuauerit communione fidelium, sine causa, debet id sustinere, & potestatem non damnare, sed non debet ita timere, ut approbet quasi benefactum sit, sed potius mori in excommunicatione. Non est enim excommunicatus, nisi errante clauē, cuius errorem si approbet petens absolui, iam peius errat, Clauem honoret & ferat, errorem non probet. 1. Pet. 4.

Excommunicatus sine causa.

Venia non sunt gratis Dei.

Igitur fulminandi sunt, qui ita uenias prædicant, ut eas gratias Dei uideri uelint, hoc est enim contra ueritatem et charitatem, quæ sola talis gratia est. Multoq; melius erat, nullas esse uspiam Indulgentias, quam tales opiniones in uulgum seminari, quia sine Indulgentijs possumus esse Christiani, sed talibus opinionibus non possumus esse, nisi Hæretici. Certum est autem, quod summus Pontifex uel credit uel debet uelle, esse in populo, primum mutuam charitatem, & misericordiam, aliaq; præcepta Dei in illo florere, ac sic donat Indulgentias. Nunc uero fallitur, quia charitas & misericordia & fides, prope extincta est, nedum refriguit apud nos. Hoc enim si sciret; omissis uenijs, id ageret, ut populus primum ad mutuam charitatem rediret.

Opera charitatis sunt meliora, quam uenia.

Ita testor ego Dominum Ihesum, quod populus magna ex parte (alij putant ex omni parte) ignorat, quod opera charitatis meliora sunt quam uenia, credit potius sese nil melius agere posse, quam uenias redimere. Et huius hereticæ & pestilentis opinionis, nullum habet correptorem, aut fidelem magistrum, sed potius per pompas istas buccinas, instantissimos auctores.

CONCLUSIO LXXV.

Opinari, uenias Papales tantas esse, ut soluere possint hominem, etiamsi quis per impossibile Dei genitricē uiolasset, est insanire.

Insani.

Coactus sum insanos uocare, qui talia opinantur, ac uenia nobis à diua Virgine est petenda, quod talia dicere & cogitare cogimur, nec patuit uia, qua hanc necessitatem uitaremus. Nescio quo Diabolo operante factum.

DE VIRTUTE INDVL AD LEO X CXVIII

factum sit, ut populus istum rumorem ubiq; spargeret, siue id uere ita dictum est, siue ita intellectum à populo. Ego quidem etli constanter asseretur à multis, & magni nominis hominibus, ita esse prædicatum in multis locis, potius tamen mirabar, quam credebam, sed auditu fuisse falsos existimabam. Ideo nolui in hac Conclusionem ullum Concionatorem taxare, sed uulgum monere, qui talia opinari coepit, quæ forte nullus dixisset, siue enim illi dixerunt siue non, mea non refert, donec certior fiam. Opinio tamen illa pessima undecunq; orta fuerit, detestanda & damnanda fuit. Veruntamen non mirum fuerit, tale quid à populo fuisse intellectum, quando audit magna & horrenda peccata, quodammodo leuissima existimari, propter magnitudinem gratiarum.

Vera & Euangelica prædicatio est, peccata, quo ad fieri potest, magnificare, ut homo ad timorem & legitimam pœnitentiam ueniat. Deniq; quid prodest propter uilissimam pœnarum remissionem, tot auxesibus tonare, ad extollendas uenias, & propter saluberrimam crucis sapientiam uix mutire? Imo quomodo id non noceat simplici uulgo, qui tantum solet æstimare uerbum, quanto fuerit gestu & apparatu prædicatum? At Euangelium nullo, ueniæ omni apparatu proferuntur, scilicet, ut uulgus Euangelium nihil, uenias omnia credat esse.

Euangelica prædicatio.

Mirum tamen est, cum audeant clamare, homicidia, latrocinia, libidinem generis omnis, blasphemias in uirginem Mariam & Deum, facilia, ut his uenijs remittantur, Cur non etiam illa leuiora remitti clament, quæ in Bulla cœnæ referuantur? Pontifex non remittit, uide ergo forte ne & illa non remittat, aut saltem non tam facile remittat, quæ multo sunt illis grauiora.

Bulla cœnæ.

CONCLUSIO LXXVI.

Dicimus contra, quod ueniæ papales, nec minimum uenialium peccatorum tollere possint, quo ad culpam.

Hanc Meosin non posuisssem, nisi uoluisssem præcedentis Conclusionis opinionem detestabilem facere. Patet autem, quod nulla culpa remittitur, nisi à solo Deo. Ideo nec illa magna per facultates remittuntur, sed declarantur remitti, & eorum pœna remittitur. Hæc dico secundum illorum sententiam. Mea autem patuit superius satis.

Culpa remittitur à solo Deo.

Verum hic morandum fuisset in ueniali peccato, quod ita uilescit hominibus, ac si nullum pene sit, & timeo magna multorum perditione, qui secure stertunt in peccatis, ubi non uiderint sese crimina committere. Ego id fateor, donec legi scholasticos Doctores, nunquam intellexi, quid & quantum esset ueniale peccatum, an ipsi intelligant, nescio. Id breuiter dico, qui non assidue sic timet et agit, ac si mortalibus peccatis plenus esset, uix unquā saluabitur, quia dicit scriptura: Non intres in iudiciū cum seruo tuo Domine. Nam non solum uenialia, quæ nunc passim uocant, sed etiam bona opera, nō possunt iudicium Dei sustinere, sed egent ignoscente misericordia. Quia nō ait: Non intres in iudiciū cum hoste tuo, sed cum seruo & puero tuo, qui seruit tibi. Iste ergo timor doceret misericordiam Dei suspirare, & in eam confidere, Vbi ille deest, incipimus confidere in conscientiam nostram, magis, quam in misericordiam Dei, dum nihil criminis nobis conscij sumus fecisse, & hi in horrendum cadent iudicium.

Veniale peccatum.

Psal. 143.

Bona opera nō possunt iudicium Dei sustinere.

CONCLUSIO LXXVII.

Quod dicitur, nec si S. Petrus modo Papa esset, maiores gratias donare posset, est blasphemia in S. Petrum & Papam.

V iij

CON

RESOLUTIONES DISPVTV LVTH

CONCLUSIO LXXVIII.

Dicimus contra, quod etiam iste, & quilibet Papa habet maiores, scilicet Euangelium, uirtutes, gratias curationum &c. ut 1. Corinth. 12.

Quia in potestate & obedientia Papæ sunt omnes, qui ista habent in Ecclesia, quos potest mittere quo uolet, etiamsi ipse personaliter non haberet, ut non dicam, quod Bulla cœnæ, adhuc non est remissa cum suis casibus. Adhuc maior esset gratia summi Pontificis, si has omnes facultates, gratis donaret omnibus Christianis, qui eis egerent. Deinde si sublati Canonibus onerosi, libertatem populi Christiani restitueret, & tyrannides officiorum, ac Simonum exploderet. Sed hæc non sunt forte in potestate eius, inualuit enim inimicus, & Princeps prouinciarum facta est sub tributo, Dexterâ Domini faciet hanc uirtutem, si id digni fuerimus impetrare.

CONCLUSIO LXXIX.

Dicere crucem armis papalibus insigniter erectam, cruci Christi æquiuallere, blasphemia est.

Qua fronte sint hi homines, quis non uidet? quid non audeant, qui talia audent? His credendæ sunt animæ Christi sanguine redemptæ? Christi crux uiuificat totum mundum, occiso peccato, Crux illa armata largitur quasdam poenas remitti, & sic sunt æqualia, poena æterna & temporalis. Sed quid persequar portenta omnia, quæ ex tali sermone sequuntur, quæ nec cœlum possit sustinere, ut proferantur?

CONCLUSIO LXXX.

Rationem reddent Episcopi, Curati & Theologi, qui tales Sermones in populum licere sinunt.

At timetur potestas Ecclesiæ, denique errores & offensiones hodie factas in sedem Romanam, uindicantur gemino gladio, sed nunquid ideo tacendum? Nolite timere eos, qui occidunt corpus, Animam autem non possunt occidere. Qui me confessus fuerit coram hominibus, confitebor & ego eum coram Patre meo.

Verum id ego uehementer admiror, quisnam illam glossam inuenerit primus, quod duo gladij significant, unum spirituale (non ut Apostolus uocat, scilicet gladium spiritus, uerbum Dei) alium materiale, ut sic Pontificem utraq; potestate armatum, nobis non Patrem amabilem, sed quasi Tyrannum formidabilem faciant, dum nihil nisi potestatem undique in eo uidentur.

Et ista est fidelissima glossa, super Patrum Decreta, in quibus tam rigide prohibentur clericis arma. Hic uide, num Deus iratus, uidens quod pro gladio spiritus & Euangelio, dileximus intelligere ferrum, iustissime nobis fecit, ut daret gladium, quem uoluimus, & auferret quem noluimus. Ita ut nusquam in mundo fuerit crudellior strages bellorum, quam apud Christianos. Rursum uix neglectior sacra scriptura, quam apud Christianos. En tibi gladium, quem uoluisti. O glossa uel tartaro digna. Adhuc tamen sumus faxei, ut iram Dei non intelligamus.

Cur, quæso, illud amabilissimum ingenium, non etiam duas claves, pariter uidelicet subtilitate interpretatur, ut una sit diuitiarum mundi largitrix, altera uero diuitiarum cœli. Et quidem de altera satis plana est sententia, quia secundum Concionatores ueniarum, ipsa cœlum assidue aperit, & exundat diuitias

*Crux Christi.
Crux Indulgentiarum.*

*Potestas Ecclesiæ
timetur.*

Duo gladij.

Ira Dei.

Due claves.

Matt. 10.

Eph. 6.

DE VIRTUTE INDVL AD LEO X CXIX

diuitias Christi, Sed alteram non potuit sic intelligere, sciens uoraginē rapacissimam diuiciarum in Ecclesia. Non enim expedit Ecclesiæ & patrimonio Christi, ut tanta liberalitate diuicias mundi, quanta profundit diuicias cœli.

1sa. 9. Ideo altera clauis est clauis scientiæ, cui si adderetur alter gladius, id est, gladius scientiæ, apostolice, id est, recte & sancte dicerent: In his omnibus nondum est auertus furor Domini, adhuc manus eius extenta, scilicet, quia res est mire molesta, sacras literas meditari, quibus instructi (secundum Aposto:) destrueremus munitiones, & omnem altitudinem extolentem se aduersus scientiam Dei. Compendium illud laboris nobis placet, ut non hæreses aut errores destruas, sed hæreticos & errantes concrememus, ducti scilicet meliore consilio Catonis, quam Scipionis in Carthagine uastanda. Imo contra uoluntatem spiritus, qui scribit, ideo relinqui in terra promissionis Iebusæos & Cananæos, ut filij Israel discerent bellare, & habere consuetudinem bellandi. Quod si S. Hieronymus non decipit me, puto de bellis hæreticorum præfiguratum, uel certe Apostolus sit dignus fide, ubi dicit: Oportet hæreses esse. At nos: Nequaquam, sed oportet comburi hæreticos, ac sic radicem cum fructibus, imo zizaniā cum tritico euellere.

Clauis scientiæ.

Delentur hæretici, non hæreses.

Quid hic dicimus, nisi quod cum lachrymis Domino dicimus: Iustus es Domine, & rectum iudicium tuum? quid enim aliud meremur? Atq; hæc ideo quoq; commemoro, ne Pighardi nostri uicini, hæretici, infelix populus, qui fetore Romano gaudet, sicut Phariseus super Publicanum, non autem compatitur, ne, inquam, illi nos crederent nescire uicia, & labes nostras, & immensum aduersus nostram miseriam superbirent, si nos ista tacere & approbare uideremur. Scimus heu nostrum calum, & dolemus, non autem sicut hæretici fugimus, & semiuiuum transimus, tanquā alienis peccatis pollui timeremus. Quo furioso timore illi sic timent, ut non pudeant gloriari, sese ideo fugere, ne polluantur, Tanta est charitas. Nos uero, quo miserius laborat Ecclesia, eo fidelius assistimus & accurrimus, flendo, orando, monendo, obsecrando. Sic enim charitas iubet, alterum alterius onera portare, non sicut hæreticorum charitas facit, quæ solum commoda quærit alterius, ut potius portetur, & nihil molesti sustineat à peccatis aliorum. Quomodo si Christus uoluisset facere & Sancti eius, quis fuisset saluus factus?

Hæreticorum charitas.

CONCLUSIO LXXXI.

Facit hæc licentiosa ueniarum prædicatio, ut nec reuerentiam Papæ, facile sit etiam doctis uiris redimere a calumnijs, aut certe argutis quæstionibus Laicorum.

ET si amici mei, me hæreticum, impium, blasphemum, iam multis diebus clament, quod Ecclesiam Christi, & Scripturas sanctas non teneam catholico sensu. Ego tamen fretus conscientia mea, credo eos falli, me uero diligere Ecclesiam Christi, & decorem eius. Qui autem me iudicat, Dominus est, licet nihil mihi conscius sim. Et ideo istas Positiones omnes, coegit me ponere, quod uiderem alios falsis opinionibus infici, alios per tabernas ridere, & sanctum sacerdotium Ecclesiæ manifesto ludibrio habere, occasione tam effusæ licentiæ prædicandarum ueniarum, Non erat uulgus Laicorum, ampliore occasione, in odia sacerdotum excitandum, quod iam à multis annis propter auariciam & pessimos mores, nobis offensum (heu solo timore poenæ) honorat sacerdotium.

Lutherus amator Ecclesiæ Christi.

Laici.

CON.

RESOLUTIONES DISPVTV LVTH CONCLUSIO LXXXII.

Cur Papa non euacuat purgatorium, propter sanctissimam charitatem, & summam animarum necessitatē, ut causam omnium iustissimam, si infinitas animas redimit propter pecuniam funestissimam, ad structuram Basilicæ, ut causam leuissimam?

Nemo Pontifices docet ueritatem.

HAnc quæstionem non Papa, sed Quæstores excitant, Quia ut supra dixi, nusquam legitur summi Pontificis super hac re ullum decretum, ideo respondeant illi ad eam, qui suscitauerunt. Ego ad omnes istas quæstiones uno uerbo responderim, quantum pro Pontificum honore fieri potest, uidelicet quod nemo eos informat rei ueritatem, & frequenter fit, ut male narrantibus mala concedant.

CONCLUSIO LXXXIII.

Cur permanent Exequiæ & Anniuersaria defunctorum, & non reddit aut recipi permittit Beneficia, pro illis instituta, cum sic iam iniuria pro redemptis orare?

Cur negatis illorū sermones.

Multos scio ista quæstione fatigatos mecum, & multis euasionebus frustra à nobis laboratum, Diximus etiam, si euolarent animæ, tum officia instituta pro illis, iam in laudem Dei cederent, sicut fit, dum pueri & infantes decedunt. Alius aliter, sed nullus fecit satis. Tandem cœpi disputare, & negare illorum sermones esse ueros, ut uel sic elicerem tandem à doctioribus, quid hinc respondendum foret.

CONCLUSIO LXXXIII.

Quæ illa noua pietas Dei & Papæ, quod impio & inimico, propter pecuniam concedunt animam piam & amicam Dei redimere, & tamen propter necessitatem ipsiusmet piæ ac dilectæ animæ, non redimunt eam gratuita charitate?

CONCLUSIO LXXXV.

Cur Canones poenitentiales re ipsa & non usu, iam diu in semet mortui & abrogati, adhuc tamen pecunijs redimuntur, per concessionem Indulgentiarum, tanquam uiuacissimi?

CONCLUSIO LXXXVI.

Cur Papa, cuius hodie sunt opes opulentissimis Crassis crassiores, non de suis pecunijs magis, quam pauperum fidelium, struit unam tantum Basilicam sancti Petri?

Papa monendus.

AD hanc quidem & similes ego dico, non est nostrum iudicare uoluntatem Papæ, sed tantummodo ferre, etiam si quando fuerit iniurissima, ut supra dixi. Verum monendus tamen est, & præcones ueniarum, ut non detur tam manifesta occasio populis loquendi, sicut olim Eli sacerdos fecit, ut propter filios suos, homines detraherent sacrificio Domini. Si tamen mens Papæ unquam fuit, Ecclesiam S. Petri, tot pecunijs corrasis ædificari, & non potius eorum, qui facilitate eius, in suum lucrum abutuntur. Non est necesse literis tradere, quid passim de structura illa fabulantur, det Dominus ut mentiar, non diu poterit ista exactio prospera esse.

1. Reg. 2.

CONCLV.

DE VIRTUTE INDVL AD LEO X CXX
CONCLUSIO LXXXVII.

Quid remittit aut participat Papa ijs, qui per contritionem perfectam, ius habent plenariæ remissionis & participationis?

HAEC inde venit, quod multi etiam Iuristæ nescire se dicant, quid sit remissio culpæ per clauēs, de qua supra meum sensum dixi. *Iuriconsulti.*

CONCLUSIO LXXXVIII.

Quid adderetur Ecclesiæ boni maioris, si Papa, sicut semel facit, ita cencies in die cuiuslibet fidelium, has remissiones & participationes tribueret?

HIC mire mira, alij communem thesaurum fingunt, qui per Indulgentiās augeatur. Et ideo si homo septies in die remissionem plenariam obtinet, ut in Vrbe potest fieri, tanto plura bona consequetur. Hi sibi ipsi contrarij sunt, quod Indulgentiæ sint expensiones thesauri secundum eos, ergo non collectiones. Alij iuxta diuisionem continui in infinitum, remitti putant peccata, sicut diuiditur in semper diuisibilia lignum. Ita remittuntur peccata, semper remissibilia ulterius, licet semper minora fiant. Ego fateor me nescire quid dicam. *Communis thesaurus.*

CONCLUSIO LXXXIX.

Ex quo Papa salutem quærit animarum per uenias, magis quam pecunias, cur suspendit literas & uenias iam olim concessas, cum sint æque efficaces?

HÆC maxime omnium urit & displicet, & fateor magna cum specie, illa enim suspensio, unica est causa, quod uilescunt Indulgentiæ. Itaque ego non possum negare quidem, quod omnia ferenda sunt, quæ Pontifex facit, Sed doleo, quod non possum optima esse probare, quanquam si de mente Pontificis, sine intermedijs operarijs mercedum, dicendum esset, optima de illa præsumenda dicerem, breuiter & cum fiducia loquendo. Ecclesia indiget reformatione, quod non est unius hominis Pontificis, nec multorum Cardinalium officium, sicut probauit utrunq; nouissimum Concilium, sed totius orbis, imo solius Dei. Tempus autem huius Reformationis, nouit solus ille, qui condidit tempora. Interim uicia tam manifesta, negare non possumus. Clauēs sunt in abusu & seruitute auariciæ & ambitionis, & gurges accepit impetum, non est nostrum remorari eum. Iniquitates nostræ respondent nobis, & onus est unicuiq; sermo suus. *Suspensio Pontifex. Ecclesia indiget reformatione. Clauēs sunt in abusu.*

CONCLUSIO XC.

Hæc scrupulosissima argumenta Laicorum, sola potestate commiscere, nec reddita ratione diluere, est Ecclesiam & Papam hostibus ridendos exponere, & infelices Christianos facere.

Sic enim ex malo fit peius, dum terrore compescuntur, Quanto rectius doceremur, hanc iram Dei intelligere, & pro Ecclesia orare, & talia tolerare in spe futuræ Reformationis, quam dum tam manifesta uicia uolumus cogere, uirtutes uideri, peius iritemus. Siquidem nisi nos mereremur uexari, Deus non permetteret solos homines in Ecclesia dominari, daret nobis Pastores secundum cor suum, qui nobis pro uenijs darent tritici mensuram in tempore suo. Nunc autem, etiamsi sint boni Pastores, tamen non possunt ad officium suum uenire, tanta est ira furoris Domini. *Ira Dei. Orare pro Ecclesia.*

CONCLV.

RESOLUTIONES DISPVTV LVTH

CONCLUSIO XCI.

Si ergo ueniae secundum spiritum & mentem Papae praedicarentur, facile illa omnia soluerentur, imo nulla essent.

*Nimium extollens
do uenias, depres-
serunt.*

Quomodo? scilicet, si ut sunt, solum remissiones poenarum, non meritoriae, ac infra bona opera habendae, non fuisset ullus unquam commotus aliquid de his dubitare, Nunc propter sui nimiam magnificationem, suscitant quaestiones insolubiles, in earum propriam uilificationem, Mens enim Pontificis non potest esse alia, quam quod Indulgentiae sunt Indulgentiae.

CONCLUSIO XCII.

Valeant itaque omnes illi Prophetae, qui dicunt populo Christi: Pax, pax, & non est pax.

CONCLUSIO XCIII.

Bene agant omnes illi Prophetae, qui dicunt populo Christi: Crux, crux, & non est crux.

CONCLUSIO XCIII.

Exhortandi sunt Christiani, ut caput suum Christum per poenas mortis, infernosque sequi studeant.

CONCLUSIO XCV.

Ac sic magis, per multas tribulationes intrare coelum, quam per securitatem pacis, confidant.

Satis supra de cruce & poenis dictum est, hodie rarus sermo.

AD CANDIDVM LECTOREM

ET ERVDITVM.

NON tibi haec aedita existimes, erudite & candide Lector, quamquam quid opus hoc monitorio? quasi timeam Ciceronianam haec tibi uisum iri, Tu pro Genio tuo habes aliunde, quod legas. Me oportuit, cum mei similibus, nostra, id est, rudia & barbara tractare. Sic placitum fuit in coelo. Nec ausus fuisssem nomen summi Pontificis, his meis bullis, appellare, nisi uidissem amicos meos illius terrore quam maxime confidere. Deinde quod summi Pontificis peculiare sit officium, ut debitorem agat, sapientibus & insipientibus, Graecis & Barbaris. Vale.

Anno Domini M. D. XVIII.

DECLARATIONVM DISPVATIONIS DE

uirtute Indulgentiarum, reuerendi Patris, ac S. Theologiae
doctoris Martini Lutheri ad Leonem X. Pon-
tificem maximum.

FINIS.

MARTINVS



Vscitavit mihi Deus alium, & ex vetere nouum hostem, eximium illum, &, salua reuerentia, Reuerendum Patrem, Magistrum Iacobum Hostraten, Hæreticorum Magistrum vulgo & vere dictum, qui in Præfatione Apologiæ suæ, seu rectius mataeologiæ, Propositionem meam tertiam decimam carpens, dicit: Si ista Propositio uera sit, Romanos Pontifices esse hæreticos, Deinde, sanguinaria sua lingua ad cædem & fraternam perniciem anhelans, monet optimum Pontificem Leonem X. vt non agnino & Christiano, sed leonino & furiali animo exurgat. Dignus plane uir, qui inquirat hæreticos, & exhortetur Pontifices, facturus ex Pontificibus hominibus bestias, ex Christianis hæreticos, Nouum genus inquisitorum tormentorum.

Hæc Epistola debet præcedere Resolutiones Disput. de uirtute indulgentiarum etc. Est enim a D. Luathero scripta 13. Iulij, Anno 18. Sed hoc consilio huc locata, ne turbaretur ordo superiorum etc.

SEd uide hominem, qui omnes dies consumpsit & perdidit in Dialectica, tam multos docuit nos syllogismos Apostolicos, in eodẽ Libro, ex quibus intelligas, quæ eximie polleat in Dialectica. Hæc est enim consequentia Hostraten. Hoc est contra Scripturas, ergo est hæreticum. Gratias ago. Davidis adulterium fuit contra Scripturas, imo contra Decalogum, ergo id fuit hæreticum. Et breuiter, Nullum est peccatum quamlibet leue, quin sit contra Scripturas. Ideo sequitur, quod autore Hostraten: totus mundus non est nisi mera hæresis. Ipsa quoque Ecclesia, cum sine peccato non sit, est hæretica. Et cum omnes simus mali, contra Scripturas, sumus Hæretici omnes, excepto uno Hostraten, qui non est sicut cæteri hominum, vt omnes faciat hæreticos, quo latius pateat inquisitionis eius, id est, gloriæ & lucri, ministerium.

Quis est hæreticus, si tu non es hæreticus? qui iuxta admirabilem tuam Dialecticam, Præmissas tenes, ex quibus Conclusio omnium hæreticissima sequitur, scilicet, quod Ecclesia est hæretica. Dico ergo & ego, quod pestilentiozem & impudentiozem hæreticum sol non uidit, quæ Iacobum Hostraten. Surge ergo, o Leo X. Pastor mitissime, & hos hæreticos Inquisitores alijs Inquisitoribus inquire. Iam uides, quo animo inquirant hæreticos, & teipsum cum tota Ecclesia hæreticum facturi.

Arrige ergo aures, o Hostraten infelicissime, qui nec quid contra vel

MART·LVTH· AD LECTOREM

tra vel pro Scriptura sit, nosti, & cū summo dedecore Ecclesiæ Inquisitor es hæreticorum, Docebo te primum Antepredicamentum, definitionem scilicet equiuocorum, & tui S. Thomæ Canonem vsitatum, Quod omne multiplex indistinctum parit confusionem. Contra Scripturas primo est hæresis, Deinde quilibet error, tum omne peccatum, etiam ueniale, & verbum ociosum, sed & ipse ineuitabilis fomes, vt Roman. 7. Apostolus dicit, se peccatum contra Legem Dei sentire in membris suis. Proinde, si Pontificum Notarij, vel ipsi aliud quid senserint, aut Scripturas, humana passi, distorserint, contra Scripturas quidem sapiunt, hæretici tamen non sunt. Nisi quo modo tu velles esse omnes homines hæreticos, dolens, q̃ homicidijs, Christianorumq̃ sanguine pasci non permitteris, vt permittam, q̃ quantumlibet sit magnus error, non est hæreticus, nisi pertinaciter asseratur & defendatur. Quorum vtrunq̃ adhuc alienum fuit a Romano Pontifice, Necq̃ enim magno errore, nec pertinacia seu magni seu parui erroris repertus est maculatus.

Ito ergo, infelix & cruenta Parricida, qui nil nisi fraternali sanguinem sitis, & inquire scarabeos in suo fimo, donec discas, quid sit peccatum, error, hæresis, & omnia, quæ ad horum scientiam pertinent. Neque enim ignorantiorum Asinum ego vidi, præsertim, qui tot annos in Dialectica se gloriatur versatum. Quid mirum, si optimos Articulos optimorū virorum pro hæreticis damnas, qui necdum nosti, quid sit contra Scripturas, ac per hoc, nec quid sit damnandum, aut quid hæreticum. Gaudeo plane me damnatum abs te, tam te nebricoso cerebro. Et obsecro te, ne vnquam dicas me Christianum & catholicum hominem, ne cæteri credant te mentitum, & ex cæcitate loquutum. Semper autem me, quæso, hæreticū proclamato, & erunt, qui pro me dicant: Cæcus iudicauit de colore.

Hæc tibi sanguinarie, veritatis inimice. Et si te furor tuus incesse- rit, vt quid contra me tentes, vide, vt cum iudicio & mora agas (præmonens dico) Deus Scit, quid sis factururus, si vixero. Mea quidem fiducia est, ostendere omnibus palam, non fuisse Hæreticum in quadringentis annis pestilentiorum Iacobo Hostraten. Vale optime Lector.

XIII. Iulij, Anno M. D. XVIII.

Typogra

Qui Sermones legetis R. P. D. Martini Lutheri de decem Præceptis, meminisse debetis, ad populum fuisse dictos, qui, nisi rudi (quod aiunt) Minerva res tradatur, sic Doctorem audit, ut Lyram Asinus. Itaque uel sententiarum acumen, uel uerborum elegantiam ne expectetis. Siquidem hi Sermones ea dictionis simplicitate, nimirum extemporali, qua ad Populum è sacra concione fuerit Germanice pronunciati, hic triuiali stylo sunt editi, Non ut doctos delectent, sed ut rudioribus, cum Laicis, tum Sacerdotibus, prosint, quorum utilitatis præcipue rationem habuit, qui inuulgandos curauit. Igitur quicquid hoc est tumultuarium concionum, boni consulite, candidi Lectores, & Lutherum non minus purum ac sincerum Christianæ pietatis Doctorem, quam uitæ prorsus inculpata uirum, amate.

Et bene ualete.

Anno post Christum natum.

1. 5. 18.

DECEM PRÆCEPTA VVITTEMBERGENSI POPULO

prædicata, Per R. P. D. Martinum Lutherum

Anno M. D. XVII. primum ædita.

I

NON HABEBIS DEOS ALIENOS



Primum quaeritur: Cur non præcipit affirmatiue sic: Habeto proprium uel unum Deum, uel, Adora me unicum Deum? Secundo: Cur non imperatiue magis, & indicatiue, dicit: Non habeto Deos alienos?

Ad utrunque simul respondeo: Quod omne præceptum Dei magis positum est, ut ostendat iam præteritum & præsens peccatum, & ut futurum prohibeat. Siquidem

Præceptum Dei.

Roma. 3. iuxta Apostolum Roma. 3. Per Legem nihil, nisi cognitio peccati. Et iterum, Roma. 11. Galat. 3. Conclussit Deus omnes sub Peccatum, ut omnium misereatur. Ideo præceptum Dei ueniens, inuenit Peccatores, & auget, ut amplius abundet peccatum, Roma. 5.

Leges uero hominum propter futura peccata ponuntur. Ideo Spiritus, ut est benignissimus Magister, magis loquitur indicatiue, Q. d. O miser homo, ecce tuam tibi ostendo prauitatem. Talis esse deberes, qui nullos Deos haberes, Non assumeres nomen Dei tui frustra, Sabbatum sanctificares, Non occideres, Non concupisceres &c. Nunc autem totus es alius & peruersus.

Leges humane. Spiritus Dei loquitur indicatiue.

Ideo denique & negatiue præcipit, Quia negatiua est uehementior, & affirmatiua. Siquidem & Samaritani olim coluerunt unum Deum, sed simul Deos suos. Et nunc Iudæi atque gentes, hæretici & mali, imo omnis homo mundi, unum Deum colit, quem omnes cognouerunt, ut Rom. 1. Apostolus dicit. Sed ibi peccant, quod hunc sic colunt, ut simul & sua Idola colant. Ita nullus est hominum in mundo, qui non in aliquo gradu, quodlibet præceptum faciat: Quia nemo est, qui non aliquando nomen Dei in uanum assumat, qui non aliquando occidat, non mœchetur, non furetur, sed simul tamen omnia etiam contraria faciat, ut uidebimus latius infra.

Negatiua uehementior, quam affirmatiua.

X ij COROL.

DE I. PRAECEPTO COROL:

Omnes filij Adæ sunt idolatræ, & primi huius Præcepti rei.

Idolatria duplex,

1.
Exterior.

2.
Interior.

Verum sciendum, qd idolatriæ duo sunt genera. Alterum exterius, alterum interius. Exterius, quo homo lignum, lapidem, bestias, stellas adorât, ut notum est ex ueteri Testamento & Libris gentilium. Hoc autem procedebat ex interiori. Interius, quo homo uel timore poenæ, uel amore commodi affectus, foris quidem omittit culturam creaturæ, sed intus manet amor & fiducia in creaturam. Quæ est enim religio, non flectere genua diuitijs & honoribus &c. & tamen cor ac mentem, nobilissimam sui partem, offerre illis? hoc est, Deum adorare in corpore & carne, intus autem adorare creaturam in Spiritu.

*israel, si me
audieris.*

Hæc idolatria dominatur in omni homine, donec sanetur per gratiam in fide Ihesu Christi. Sicut dicit Psal. 81. Audi populus meus, & contestabor in te, Israel si audieris me, non erit in te Deus recens, neque adorabis deum alienum. Quod est dicere: Tuis studijs & uiribus nunquam eo peruenies, ut deum alienum non adores, Quia etsi non coles imagines, corde tamen mihi præferes creaturam. Tunc autem non adorabis alienum, si me audieris, id est, fides uerbi mei te faciet liberum à dijs alienis, & uerum cultorem Dei, Hæc enim abstrahet te à cupiditate & fiducia rerum, & trahet ad Creatorem.

Psal. 81.

Quomodo fiet istud?

*Fiducia in Christo
sum.*

Iudei.

Ita fiet, Fides Christi tollit omnem fiduciam sapientiæ, iusticiæ, uirtutis propriæ, docens, qd nisi ipse pro te mortuus esset, teque seruaret, nec tu, nec omnis creatura tibi posset prodesse, ac sic oritur omnium cōtemptus. At ubi audis, qd pro te passus est, & credis, iam oritur fiducia in eum, & amor dulcis, & sic perijt omnis rerum affectus, ut inutilium. Et oritur æstimatio solius Christi, ut rei necessariæ uehementer, remansitq; tibi nō nisi solus Ihesus, solus satis & sufficiens tibi, ita, ut de omnibus desperans unicum habeas hunc, in quo omnia speres, ideoq; super omnia eum diligas. At Ihesus est uerus, unus, solus Deus, quem cum habes, non habes alienum deum. Iudæi uero timentes, ne alienum deum haberent, si hominē Christū adorent eo, peius adorant alienū deum, scilicet, idola cordis sui, quæ sibi de Deo fingunt. Recte ergo dicit, Si audieris me, Q. D. impossibile est, ut non adores alienum, si non audieris me, quia non humiliaberis, nec auferetur tibi fiducia creature. Non humiliatus autem, non adorabis me, sed te & tua.

Psal. 81.

*Implet 1.
præceptum.*

Clare ergo patet, qd nemo implet hoc Præceptum, nisi credens in Christum, sperans, diligens, nudatus ab omnium rerum affectu, Quod sine gratia Dei est impossibile.

*Colentes alienum
deum.*

Ant sunt multi, qui cum interrogantur: An alienum deum habent, & idolatræ sint, constanter respondent, qd nequaquam. Hos ut deprehendas manifesto mendacio, id obserua, Num sint rebus ita mortui, & in Christo ita securi, ut nec diuitijs inflentur, nec paupertate deiciantur, nec honore tumeant, nec ignominia marcescant, nec uita lætentur, nec morte terantur, nec uoluptate gaudeant, nec passionibus tridentur. Et prorsus ita sint ad utrunq; immoti & quieti, ut quoquo modo illa cadant, satis eis sit, qd Ihesum Christum habent, imo ut paupertatem, ignominiam, passionem, mortem ament & optent, diuitias, gloriam, uoluptatem, uitam, fastidiant præ desiderio sui Dei Ihesu Christi. Sicut ille Psal. 42. Quemadmodū desiderat ceruus ad fontes aquarum &c. Et sponsa in Canticis: Filizæ Ierusalem, nunciate dilecto, quia amore langueo. Et Paulus: Cupio dissolui & esse cum Christo.

Psal. 42.

Cant. 5.

Philip. 1.

Qui uero

Qui uero hunc in se affectum nondū sentit, confiteatur se nondum esse purum Dei cultorem, sed multa mixtum idolatria, quia dolet, cupit, amat, odit, nō sicut debet, nec ea quæ debet. At hic dicitur: Hæc pertinent ad perfectos, nō ad omnes, Nō est necessaria tanta perfectio. Respōdeo: Et nos scimus hoc esse perfectorum (id est, non Iudæorum, sed Christianorum) Non q̄ damnati sint omnes, qui tam perfecti non sunt, sed q̄ ista meta & finis est nobis propositus, à cuius affectatione nemo excusatur, nisi is, qui cū gemitu agnoscit, & confitetur sese nō esse talem, & quotidie laborat, ut fiat talis. Et q̄ minus facit, humiliter petit ignosci, dicens: Dimitte nobis debita nostra. Et illud: *Cor mundū crea in me Deus.* His, inquam, timoratis, & confitentibus, quærentibus, petentibus, nō imputatur ista idolatriæ suæ mixtura, propter Christū, in quem credūt. Illis uero, qui sine timore, sine solitudine proficiendi in securitate stertunt, omnino imputatur, & sunt uere idolatræ. Nec excusabuntur, q̄ non sit necesse esse perfectum, quasi præceptum illud lapidibus aut lignis, ac non potius hominibus sit positum, & ita implendum plene atque perfecte, ut nec unum iota, aut unus apex sit prætereundus.

Enitendum ad perfectionem.

Isal. 51.

PRo clariore notitia, ita ut infirmiores possint capere, qui & quomodo contra hoc præceptum peccent, latissime ponam exempla, non tamen omnia (nisi uelim infinitum numerare) sed multa, ut eorum comparatione possint reliqua facilius intelligi.

Peccantes contra primum præceptū.

Primo, Sunt aliqui adeo rudes, ut uideatur Diabolus non serio, sed uelut moriones suos ioco illudere, inter quos sunt, sortilegi, diuini, malefici, incantatores, superstitiosi. Et horum multiplex species. Sed in compendium eos redigam, atque ut facilius teneantur memoria, iuxta ætatum differentias distinguam.

Superstitiosi.

Prima est Adolescentia, per se procliuius in seductionem hostis. Primo sunt, qui conceptis uerbis certisq̄ signis nouerunt consecrare, id est, execrari, gladios, tela, bombardas, & omne ferrum, ita, ut non possint lædi ab illis, siue in bello, siue alias. Vidi ipse ego adolescentem, qui stricto gladio, in uentrem nudū fixo, tam ualide urgebat aduersum seipsum, donec capulus reflexus copularetur acumini super uentrem, & nihil læsus, gladium rursus remisit.

Adolescentia. Gladius, telum, & similia, ne lædant.

Secundo, Qui possunt hæc soluere, circulo descripto, ductisq̄ in puluere signis, & ita alter alterius Sacramenta irrita faciens, sese occidunt.

Tertio, Sunt, qui literas aut characteres super uitrum scribunt & ad ignem ponunt, torquere soliti hac machina Puellas ad sui amorem. At illæ rursum, aliæ ollam ad ignem ponentes, suos Adonides per multa miliaria uocare possunt. Aliæ caput asini in medio foco ponentes, urgent ad se uenire quotquot uolunt, sui mysterij uel æmulos uel consortes. Et mirum dictū, q̄ non sit salus nec remissio uenire coactis, donec igne potiri eis licuerit, asini capitis coctore.

Characteres. In uitro puellæ Amasij. Caput asini.

Quarto, Habentur literæ, multis sacris & uerbis & signis repletæ, quas Carolo dicunt à Leone Papa missas in bellum, quod ultra uanitatem, etiam mendacium est, ut ex Chronicis patet, cum non fuerint synchroni Leo & Carolus. His tamen tantum tribuunt, ut nec occidi, nec lædi, nec iniuriam pati possit, qui illas portauerit, ita ut præsumant, & iniquis causis uictorias forentes.

Litteræ Leonis Pape.

Victoriæ forentes.

Quinto, Obseruant menses pro uxore ducenda. Alij, ne nascatur proles, alij contra, ut prole abundant. Ita non Deo, sed mensibus tribuunt hominis creationem, infelici insipientia, & tamen sunt Libri his nugis referti.

Observatio mensium pro uxore ducenda.

Sexto, Sacra illa cера paschalis cerei, à multis furtim abciditur, nescio in quot & quanta uel maleficia, uel superstitiones.

Cercus Paschalis.

X iij

Septimo,

DE I PRAECEPTO

Inuisibiles. Septimo, Sunt, qui accepta aqua benedicta, cum preculis suis sperant se in formicario ouum inuenturos, quod gestantes sint inuisibiles.

Fur. Octauo, Furem quærunt, dum suspecta nomina in chartulis inscripta, iaciunt in aquam benedictam, ut cuius nomen in ima ruat, ipse sit fur quæsitus.

Vxor ducta. Nono, Vxore ducta, stultis obseruationibus intendunt, uter utri sit superuicturus, ut qui prior obdormiat nocte prima, prior morietur. Item uxor primo ingressu domus uiri, superius limen tangat manu, adiunctis uerbis, quibus se Dominam uiri diuinet. Secundum hæc iudicentur similia, quanquam sint stulta magis q̃ mala, & ludus dæmonum, ut dixi, uidetur. Sed qui tandem in nimium serium uergat, scilicet, ut assuescant ijs minutis in creaturam confidere, & inde nec in magnis Deo credant. Excusant se sane, q̃ sint sacra signa, sacraq̃ uerba, quasi non ideo magis sint accusandi, q̃ rebus, signis, uerbisq̃ Dei, in re prophana & diabolica utuntur.

Illusio demonum.

Virilis ætas. Secunda est Iuuentus, & eorum, qui Coniugio iam sunt astricti, ubi S affectus prolis & rerum, mulierculas mire seductiles reddit in hoc opere Diaboli.

Fascini curatores. Primo, Curare nituntur infantes superstitionis quibusdam ritibus. Nam sunt, qui fascinosos curant pueros (quod malum apud nos frequentissimum est, adeo abundant pestilentes uetula, & dæmonum ancillæ in hunc usum)

Die Elbe. ignoto quodam morbo, quem teuto: *die Elbe*/uocant. His quidam sacerdotes & æditui rustici a magicis meretricibus edocti, literas scribunt pensiles ad collum. Sed non communi atramento neque papyro, nec omni die, nescio an & calamo & pulpito & loco usuali, habet enim res ea sua occulta mysteria, & fit tamen quod faciunt, quia credunt. Alij alium morbum, quem teuto: *das*

das hanz gelpans.

hanz gelpans/id est, pectoris distensionem, quam eo probant argumento, scilicet: Si mensura à cubitu ad cubitum non sit æqualis mensuræ, à poplite ad collum pueri. Deinde nescio, quot modis murmurandi cingulo metientes, capitis dolorem mitigent, sic & alios omnium membrorum dolores.

Hic ego vellem pueros intelligere & loqui, ut matres suas tam insignis stultitiæ arguerent, Non enim est dubium, quin resisterent, & sapientiores se matribus probarent.

Dicunt autem: Quis non misereatur infantis & filij uteri sui? Respondeo: Miserendum, sed non usque ad seruitutem Diaboli. Vel naturalem querere medicinam, uel Deum exora in simplici fide. Cur eum, quem Deus creauit, diabolo seruandum & sanandum offers? Verum Deus ad tentationem incredulorum permittit talia fieri in infantibus, per maleficos, ut diabolum quærant, qui Deum neglexerunt. Neque enim dubitandum est, infantium eiusmodi vexationes, quandoque non esse naturales, sed dæmones per maleficos adiurati, ita cruciant parentes eorum, occulto Dei iudicio, sed iustissimo, ut probet fidem, vel illorum vel aliorum, aut utrosque puniat.

Permissio diuina.

Infantium vexationes non semper naturales.

Pueri.

Secundo, Patres insufflant paruulis in palatum, vel guttur, nescio quo morbo laborantibus. Adducunt autem uerba ad adiurationem idonea septem vicibus.

Pecora.

Tertio, Qui pecora signant atque sic seruant a lupo, peste, aqua, igne. Quin totam ciuitatem vel domum ab incendio possunt ita seruare? Infelix lupo, iuste queri potest, portionem suam a Deo datam, sibi creptam per dæmonum foederatos. Si Iob ita fecisset, sua pecora seruasset, sed non a Deo laudatus esset. Iob. 1.

Fruges.

Quarto, Eadem religione fructus in agris & hortis consignant, adeo stulti, ut qui imbrem & incrementum ex Deo acceperunt, custodiam ex diabolo petant, velut contra Deum pugnantes, ne auferat, quod dedit.

Quinto,

Quinto, Ignem & aquam, item serpentes nouerunt adiurare, ne pecori noceant vlllo modo, id est, vt res eorum non sit subiecta Deo.

Sexto, Infirmi dum vouent Sanctis vota, deinceps peccatum putant medicinis vti, vt scilicet tentent Deum suis stultis votis. Atq; si qua mulier inuncta fuerit olei Sacramento, eam per annum non nisi nigris vestibus oportet vti, non saltare in chorea, non dormire cum marito. Adeo diabolus famulare habet organum, sexum istum foemineum, vt ipsum in sua sacra adificat, per ipsum suas leges dicet, suas superstitiones seminet, per omnia contrarie Deo, qui sacra & sacerdotium & verbum suum, viris imponit. Verum longe praualet sacerdotium istud muliebre, repleuitq; has terras innumeris superstitionibus, benedictionibus, documentis friuolis, à quibus longe plus ti-
ment, q̃ à legibus & sacris sacerdotij virilis ac diuini.

Septimo, Huc pertinent, qui ominationes, auguria, vt crociturum cor- uorum & aliorum gentilium portentorum, reliquias vel exempla observant.

Octauo, Qui dies Aegyptios observant, in profectionibus, in reditu, in ædificijs, in negocijs, in vestibus nouis induendis. Hi si sic crederent, q̃ ignis in hyeme gravior est q̃ in æstate. Item, q̃ in æstate conuenit foenum facere, fruges colligere &c. recte crederent. Aut quod omni mane bonum sit exire, si quis sanus sit & necessitatem habet, Malum autem, si ægrotus sit. Quid enim aliud meretur illusor ille Diabolus, q̃ vt rursus & nos eum rideamus? His non longe iunguntur, qui incisionem venarum, ablactionem puerorum, salubritatem balneorum, & oportunitatem seminandorum, nō ex humorum & calorum oportunitate, vel corporum necessitate, sed ex influentijs planetarum & stellarum nos docent. Cum optimi Medici doceant, necessitatem hic esse vnicam Regulam. Nisi forte parant nos fame occidere, dum non permittunt nisi paucis diebus nos seminare. Sed bene habet, q̃ istæ nugæ a nullis vel paucissimis (Deo melius cogitante pro nobis) observantur.

IVDICIUM LUTHERI DE ASTROLOGIA.



Nono, Sequitur lauta illa Astrologia seu Mathematica, quæ ualde cupit esse scientia, sed non potest stultitiam ingenitam exuere. Hæc est quæ nos docet: Quis, qualis quantusue sit futurus, quisquis natus fuerit in horoscopis signorum, consiliarij scilicet diuini secreti, nec angelis noti. Vnum ego miror, quidnam illis acciderit, ut non inuenerint stellam, quæ portendat, quis iustus, quis peccator sit nasciturus? Quandoquidem suos horoscopos maxime in hominibus ualere volunt. Tum non est res tam parui momenti, iusticia, peccatum, ueritas, mendacium, sed nec tam rara, q̃ sit balneator, cantator, trapezita, piscator, orator, amator, qui suos habent horoscopos. Cur ergo nullum ibi iusticiæ & veritatis signum? Aut si est, cur nunquam sortitur effectum? Siquidem omnis homo nascitur peccator, mendax, insipiens, licet nulla stella ad hoc fatum sit conficta, nec mutatur unquam, nisi supercœlesti gratia visitetur. Aut est cœlum adeo infestum & incuriosum iusticiæ & veritatis, vt vilissima balnea influat & ludos & veneres, iusticiam autem omnino nesciat. Aut tam inuidus Creator, qui nullum signum boni, sed tantummodo mali constituit, quippe cum nullus homo nascatur bonus, sitq; natura sua cum influentijs perseveraturus malus. Hos ego inter subtiles fatuos numerassem, nisi rudibus essent rudiores.

DE I N P R A E C E P T O

*In eos qui dicunt,
Astra non cogunt,
sed inclinunt.*

*Inclinatio mala in
nobis est.*

Sed pulcherrime solvunt obiecta, dicentes: Influentiæ non necessitant, sed inclinant ad peccatum &c. Quasi non sit idipsum impiissimum sentire, q̃ Deus fecerit creaturam ad inclinationem peccati, & non potius ad erectionem iusticiæ, ut omnia cooperentur in bonum, non in malum hominibus. Aut quasi ullus hominum necessitate compulsus peccet, & non potius semper inclinatione. Quis inuitum dicet peccare? Omnis mala inclinatio, non extra nos, sed in nobis est, Sicut ait Christus: De corde exeunt cogitationes malæ, Non quod intrat in hominem &c. Et B. Iaco. Vnusquisq̃ tentatur à concupiscentia sua abstractus & illectus, quæ non fato, sed origine peccati uenit. Omnia enim quæ fecit Deus, bona sunt, ideo ex natura sua, non possunt nisi ad bonum inclinare. Quale est unumquodq̃, tale & operatur. Math. 15.
Iacob. 1.
Gene. 1.

Paulus.

Quod autem ad malum seruiunt, non est natura, sed iniuria eorum, sicut Paulus ait: Omnis creatura subiecta est uanitati non uolens. Illi autem naturam eorum faciunt uanitatem, uolentes ex institutione Dei illa habere, ut ad peccandum inclinent. Cur ergo Adam & Heuam ante serpentem non inclinauerunt: cur non Christum? cur non Virginem? Pereat ea blasphemans impietas. Vox illa, uox patris Adam est, qui & ipse suam inclinationem ad mulierem transtulit, id est, creaturam Dei, dicens: Mulier, quam mihi dedisti &c. Verum, q̃ egregie mihi obstarent, si ullum Sanctorum, uel Martyrum his usum esse, aut scripserunt, aut approbasse possent ostendere. Nunc autem non modo non approbauerunt, sed etiam reprobauerunt. Præsertim B. Augustinus in multis locis, tum B. Gregorius. Et tamen inuenit ista languidula insipientia, languidiores qui credant. Roma. 8.
Gen. 3.

*Augustinus.
Gregorius.*

*Abraham.
Iosephus notatur.*

Abraham, inquiunt, docuit Aegyptios astrologiam, ut testis est Iosephus, Quasi Iosephus nusquam excesserit uerum, præsertim tam anhelus Iudaicæ gloriæ appetitor. Abraham sine dubio docuit Aegyptios Deum colere, & ueram Dei sapientiam. Sicut & de Ioseph dicitur Psal. 105. Ut erudiret principes eius, & senes eius prudentiam doceret. Non est credendum, sanctos illos uiros, nec astronomiæ, multo minus astrologiæ operam dedisse, quæ iuentutis sunt studia ociosa. Sed Iosephus uidens huius scientiæ opinionem apud Græcos extolli, & in gloria esse, fingere uisus est uoluisse, quomodo etiam in hac re Iudæi Græcis non impares, sed superiores essent, quod in omnibus alijs quoque facere conatus fuit, quæ ad uanam gloriam pertinent. Psal. 105.

Ociosa studia.

*Mirum est, demones
aëris incolæ, ex
influentijs non
fuisse mutatos.*

Deinde mirum est, demones non fuisse aliquando mutatos, qui tot seculorum influentijs subiecti, tum propiores, q̃ nos, utpote in aere habitantes, sunt. Non autem uenisse stellarum influentias super eos, aut eadem stellas, eodem modo eis fulsisse, absurdum uidetur, Manent enim obstinati in sua peruersitate, nec ullo signo mutantur, cum nostræ animæ breuissimo momento influentiarum mutari dicantur?

*Moses Deut. 4.
Sol, luna, astra, in
ministerium homi-
nibus creata.
In Ptolemaum.*

Vltimo, Quid ad Mosen dicemus? Deut. 4. Ne forte eleuatis oculis ad cælum, uideas solem & lunam, & omnia astra cœli, quæ creauit Dominus Deus tuus in ministerium cunctis gentibus &c. Si in ministerium, quomodo in dominium? At subtiliter euadunt, dicentes autoritate sui magistri Ptole- mei: Sapiens dominatur astris, ideo præuenire & impedire potest influentias stellarum. Ergo non sunt in dominium sapientibus, sed insipientibus tantum. Quid autem Moses? Cunctis, inquit, gentibus in ministerium. Si cunctis, ergo vel cunctæ gentes sunt sapientes, & ita dominantur astris omnes, vel aliquæ tantummodo sunt sapientes, & fiet, ut non cunctis gentibus sint creata

sint creata in ministerium, uel Moses uerax, & tu mendax. Vt omittam, q̄ si etiam uere sapiens esset dominus astrorum, nihilominus falsum dixisset Moses, utpote, q̄ astra non ministrent sapientibus etiam, sed magis impediunt, ita, ut nisi illi sapientia praearent, non possint earum fata uitare. Non ergo in ministerium, sed in bellum, sapientibus, & in dominium atq̄ tyrannidein insipientibus, dicendae fuissent stellae creatae. Quod est & Mosen mendacij arguere, & Deum crudelitatis accusare, omninoq̄ blasphemare.

Jerem. 10. Sed haec alij latius tractarunt, Sat sit indicasse uanitatem hanc prohibere. Iere. 10. Iuxta uias gentium nolite dicere, & a signis coeli nolite metueret. Solus enim Deus timendus est in omnibus. Caetera omnia ut ministeria in bonum electis cooperantia esse, debemus intelligere.

TERTIA aetas proprie est Vctularum, aut similia illis operantium, *Malefice.* ut qui cum daemonebus paciscuntur, de quibus passim habetur notitia.

Primo, Maleficijs possunt oculos laedere & excacare, corpora infirmare, sagittare crura, imaginibus deuouere, & prout libet uel occidere, uel lenta & incurabili plaga tandem consumere, ut uidi plures talia passos.

Secundo, Possunt tempestates, tonitrua concitare, perdere fruges, occidere pecora. Item, butyrum, lac, caseum alijs furari, id est, ex poste uel bipenne, uel mantili, mulgere.

Tertio, Huc pertinent, qui scientiam quaerunt per artem Notoriam, de qua in iure satis dicitur. Item, Qui occulta quaerunt per Crystallum, unguem, uel eburneum capulum, tamen prius consecratum. Nec id possunt, nisi puellae uel pueri uirgines, in circulo inclusi, ne desit species bona pessimo illi operi, Dicitur tamen huius inspectionis mysterium fallacissimum esse. Huius generis sunt, qui uirga diuinationis, occultos quaerunt thesauros, Maxime autem hi, quos uulgo uiros & mulieres sapientes (id est, Magos & Phytionistas) uocant, quorum oracula ex diuersis & longinquis locis petunt, Si quis aliquid amiserit, uel quodcunque passus fuerit, cuius ignoret autorem. Mirum hos, ab Episcopis permitti, impune talia publice audere.

Ars notoria.

Occulta quærentes per Crystallum.

Diuinatoria uirga.

Quarto, creditur a multis, q̄ equitent super scobam, alij super hircum, alij super alias nugas, ad quendam locum, ubi ad conuiuium conueniant eius mysterij consortes. Quod non solum prohibitum est fieri, sed etiam credi uerum esse, ut infra latius. Sicut & illud, q̄ uetulae mutantur in feles seu catos, & nocte uagentur, prohibitum est credi uerum esse.

Quinto, Dicitur apud aliquos, quendam dominam, alios Herodiadem, alios dominam Huldæ, alios Venerem, per annum circumuchi, ac uelut lustralem Februum peragere, quæ hospitibus suis relinquat, uel carbones, uel quisquilias currus sui, quæ postea inueniuntur esse aurum & argentum, ut etiam in latina lingua sit Prouerbiū de carbonibus & auro, hinc forte natum.

Hulda.

Sexto, Habent quidam domesticos quosdam daemones, uelut Lares familiares olim habebantur, qui aliquando per diem apparent. Hos uulgo uocant alij *vichtelen*/ alij *hælteplin*. Et creditur domus fortunatissima esse, quæ talibus daemonum illusionibus occupata fuerit, & plus timent offendere eos daemones, q̄ Deum & totum mundum.

Lares familiares.

Septimo, Aliquæ ut diabolū inueniant, ecclesiam circumeunt uersis uestigijs, & contra q̄ solitum est fieri, Et inuento illis obuiō, sese tradunt ei in pactum.

DE I. PRAECEPTO

Sacerdotis oca
curfus.

paſſum. Ex horum genere eſſe putandæ ſunt, quæ malum omen eſſe po-
tent, ſi mane obuium habuerint ſacerdotem. Signant enim ſeſe cruce, ne ma-
la eius diei incurrant, quæ primo occurſu ſacerdotis ſibi portendunt, magi-
ſtro, diabolo, futura.

Octauo, Sunt Incubi & Succubi dæmonum, de quibus latius ſtatim.

Verbena.

Nono, Etiam uſque ad Sacramentorum iniuriam proficit iſta nequitia
Satanæ. Sunt enim, qui baptizandis pueris, uerbena, caſeum, neſcio deni-
que, quæ nam alia alligant. Et quidem uerbena illa, nominatiſſima eſt ſu-
perſtitionum miniſtra, miris ceremonijs hanc effodiunt, deinde conſecrari fa-
ciunt. Et horrenda temeritate tot nomina Dei & Sanctorum ſuper eam in-
uocant, ſcilicet ex aliquo ludæo præſtigioſo ſeducti.

Menſtrua mu-
lierum.

Omitto hic menſtrua mulierum, quibus aliquæ, philtra infan-
tis amoris, ſapius mortis, conficiunt. Aliquæ in cibum porcorum miſcent, quo ſaginen-
tur foelicius. Omitto, q̃ infantibus, tabe uel macie laborantibus, ita ſo-
lent conſulere, ut poſitos in caldare, igne ſuppoſito, in aqua calida modeſte
conquant, alia foemina aſtante, alia circum domum ter corrente, & per fora-
men interrogante: Quid coquis? Illa tum reſpondente: Coquo carnem ue-
terem, ut noua fiat. Item, q̃ ablactatos eo periculo, timent relactare, q̃ pueri
exinde ſint futuri maledici, & linguæ malignæ.

In partu mulierum.

Omitto monſtra, quæ agunt in periculo partus. Religioſiſſimæ Legen-
dam S. Margarethæ legunt, & ipſi paſſioni Chriſti præferunt. Aliæ ſemo-
rale uiri, parturienti in colla ſuspendunt, alijsq̃ nugis delirant.

Frondeſ S. Marci.

Sunt præterea ſultæ quædam, quæ cum iocoſe aliquoties dictum audie-
rint: Si quid amiſeris, & reperire uolueris, da eleemoſynam, calidam ſcilicet
ſimilam, & pone ſalem benedictum deſuper, & mox inuenies. Quod ille lu-
dens, ſic uoluit intelligi: Pone ſalem deſuper, ſcilicet ſuper rem amiſſam, &
inuenies. Illæ uero intelligunt ſuper ſimilam. Non q̃ hæc magna ſint, ſed q̃
indignum ſit, Diabolum ſic eleemoſynas & ſalem benedictum in ludibri-
um uertere. Eiufdem ſapientiæ mulieres ſunt illæ, quæ ſimili ioco illuſæ,
frondeſ illas, quæ in die S. Marci per uiam Proceſſionis proſtratae fuerunt,
accipientes, ſuper ſata piſorum & fabarū uerrunt, ſcilicet, quia dicitur, Quan-
do talibus frondibus uerruntur ſata, ſalua erunt, ut gallinæ, aut uolucres coe-
li, ea non tollant. Non intelligentes, quando (id eſt, eo tempore, quo) uer-
runt, non facturæ id uolucres. Et quis huius ſeductilis ſexus omnia ludicra,
ridicula, falſa, uana, & ſuperſtitioſa recenſeat? Ex prima Heua eis ingenitum
eſt, falli & ludibrio haberi. Ex ijs ſimilia penſentur. Sed quia ſunt qui ho-
rum aliqua fieri poſſe non credunt, alij nimis credunt, ideo parumper de ijs
uidendum.

Dæmones permit-
tente Deo nocere
poſſunt.

PRI-mum, Non credunt aliqui, poſſe Magas & Pythoniſſas iſtas
tantum, ut tempeſtates commoueant, corpori noceant, pecoribus, rebus,
filijs, malum inferant &c. Habentes hanc ſuæ ſententiæ cauſam, q̃ non cre-
dunt eas, in creaturis Dei habere tantam poteſtatem, nec dæmonibus tanta a
Deo permitti. Et tamen, cum ſic omnia a Deo inferri credant, nō ad Deum
confugiunt, talia quædam paſſi, Ideo perſuadendi ſunt, ut ſciant dæmones
taliam omnino poſſe, permittente Deo. Quod ex ſcriptura ſatis probari poteſt.

Job. 1.

Primo, Job. 1. Vbi ignis de cælo cecidit, & pecora cum ſeruis
occidit, & uentus irruit, & domum euertit, filiosq̃ eius oppreſſit. Item,
tandem in corpore eius percuffit ulcere peſſimo. Nouiſſime autem in
anima

anima cum tentauit, grauissima desperationis tentatione. Et tamen textus sibi clare exprimit utrumque, scilicet, q̄ Diabolus hæc operatus fuerit, accepta licentia a Deo. Et q̄ Deus hæc eadem fecerit, sicut ibidem dicit: Ignis Dei cecidit de cœlo &c. Et ipsemet infra: Dominus dedit, Dominus abstulit &c. Cum tamen Dominus ibi dicat ad Diabolum: Ecce in manu tua sunt omnia, quæ habet. Et ipse: Tantum ne in animam eius extende manum. Si ergo igne & fulgura de cœlo potest Satan iacere, & tanta mala facere, Deo permittente, cur non & nunc idem non possit, ad pactum suum adiuratus?

Secundo, Aegyptiorum plagas per angelos malos esse factas, testatur Psal. 78. Misit iram & indignationem, immissiones per angelos malos. At illæ plagæ fuerunt maiores, q̄ nunc faciant ullæ maleficæ. *Aegyptiorum uexationes.*

Tertio, Quot obsessi recitantur in Euangelio? Quot animas quotidie occupat erroribus & peccatis? An minus est, animam immortalem perdere, q̄ membrum moriturum aut aerem uexare? *Demoniaci Enam gelici.*

Quarto, Nonne omnes sanctos Martyres ipse persecutus est & occidit? *Martyres.*
Matth. 4. Denique ipsum Dominum assumpsit, & de deserto in montem, de monte in
Apo. 12. pinnaculum templi transtulit. Item, cum Michael & Angelis eius pugnat.

Quinto, Passio Christi hæc omnia fortius probat, Si enim filius Dei tanta sustinuit à dæmonibus & membris eorum, Quid mirum, si horrea nostra possit destruere, & membra percutere, eadem permissione Dei? *Passio christi.*

Sexto, Illud uide, quomodo Deus dat tam multis malis hominibus potestatem abutendi rebus, diuitijs, potestate, dominio, in aliorum perniciem & suum peccatum. Multo magis dæmonibus permittit rerum abusum contra nos, siue ut puniat, siue ut erudiat nos. Verum est autem, q̄ sine Dei permissione nec folium arboris mouere possit, quia, ut Christus ait: Sine uoluntate Patris sui, nec arboris folium cadit in terram. Ideo Christianos oportet nosse hæc mala per dæmones, & magas suas quidem inferri, sed tamen a Deo sic ordinari. Bonum facit Deus per seipsum, malum per malos. Vnde Iob (ut B. Augustin. ait) non dixit: Dominus dedit, Diabolus abstulit. Sed Dominus qui dedit, idem abstulit. Sed de ijs latius infra. *Abusus rerum à Deo hominibus & Dæmonibus permittitur &c.*

SECUNDUM, Nimium credunt, qui vetulas mutari in catos posse credunt, aut quascunque alias formas, & ad conuiuia uehi nocte. Et ad hoc est expressus textus 25. q. 6. cap. Nec mirum, ne ullus credat, Sunt enim illusiones Diaboli, non autem res uera. Sicut pulchre patet ex quodam Exemplo, quod Iohannes Keiserberg recitat. Quod quædam uetula, ut Prædicatorem argueret mendacij, qui talia docuit esse falsa, sero eo uocato, & in oculis eius sese ungens, sedensq̄ in lintre pistorio, iamq̄ uolens uehi, ecce statim obdormiuit, & quibusdam gestibus mouebatur, donec caderet de scamno, & uulnus in caput acciperet, tandem reuersa ad se, conuicta est de illusionem ex uulnere & casu quantumlibet uidisse se iactasset mirabilia sua. *Anicularum metamorphosis.*

Idem patet ex uitis Patrum, de uirgine a parentibus ad S. Macarium ducta, quæ ab eo uisa est esse puella, cum alijs uacca uideretur. Et tales præstigiæ plures hodie quoque fiunt, Vt ille, qui Iudæo debebat, & dormiens, passus est sibi crus totum a corpore rapi, ut Iudæum confunderet. Idem de Monacho quodam refertur, qui plastrum fœni prope consumpsit &c. Multa de ijs ubique referuntur. Potest enim Diabolus se mutare *S. Macarius. Prestigie. Monachus.*

DE I^A P^R A^E C^E P^T O

*Legenda S.
Martini.
Monialis.*

se mutare de persona in personam, & miris modis ludere sensum, de quo in Legenda S. Martini. Vbi unus omnium sensus illusit cœlesti quadam ueste, à Diabolo sub nomine Christi donatus. Simile de quadam Moniali, quæ in suo cubiculo sedens, uisa est ab alijs lacinioso pallio seminuda, & bubalo stercore caput uelata, quæ tamen sese credebatur in fulgentissima ueste ac aurea Corona sedere, à Christo decorata.

*Legenda S.
Andree.*

Item & illud in Legenda S. Andree, quomodo in forma speciosæ mulieris tantum uirum illusit. Item de Equestri illo, qui sero in hospitium ueniens, iucundo conuiuio inter puellas & choreas & epulas sibi uilus, mane iacuit in profundo luto, & equus eius ad arborem ieiunus ligatus.

*Legenda S.
Germani.*

Sed omnium efficacissimum est, quod in Legenda S. Germani Altisiodorensis Episcopi (Vide catalogum Sanctorum lib. 6. ca. 9.) Cum enim aliquando hospiratus fuisset, & iam dormituri adhuc mensam pararent suis (ut requisiti ab eo dicebant) uicinis in nocte futuris, Tandem ille uenientes adiurauit, excitato Patrefamilias cum suis, percontatus an nossent istos? Illis uero asserentibus, iussit, ut ad uicinos irent uidere, an domi essent. Et inuenti sunt omnes dormientes in lectis suis. Et sic euidenter illusio Dæmonum & patuit & disparuit eo iubente.

*Mulieres in Ca-
tos mutatae.*

At, ut contentiosis quoque satisfaciam, Dicunt enim mulieres in catos fuisse mutatas, eo argumento uerum esse, q̃ quidam audaculus in uacua domo dormiens, plures uulnerauerit tales catos, mane autem facto, multæ uetulae sint inuentæ sic uulneratae. Vel enim id fictum est, uel Dæmones uere uetulas ipsi uulnerauerunt, ut rei mendaci fidem faciant, ac si uere uetulas ille uulnerasset, qui catos (id est, dæmones) uisus est uulnerare, Potest, inquam, fieri, ut uetulae, in somno uel extasi discurrere, uulnerari sibi uideantur, cum tamen in lecto iaceant quietæ, & uere uulnerentur a Dæmonibus, ut postea credant sese uere discursisse, & ab alio uulneratas esse.

*Herodias
Lares.*

Tale est quoque de equitando super scopam.

De Hærodiade & Laribus satis manifestum est, scilicet esse Dæmones.

*Incubi.
Succubi*

TERtio de Incubis & succubis tradunt insignes Autores, q̃ potest Satan in specie mulieris succumbere uiro, & accepto semine, rursum incumbere foeminæ, & ita generare, sed monstra non hominem uerum. Sic enim sollicitauit quendam Eremitam, usq̃ ad obscœnitatem, & postea euauit, ut recitat S. Iohannes primus Eremitarum apud Hieronymum. Quin dicitur, quandoq̃ Diabolus in specie infantis fuisse, & uix quinque nutrices ei satisfuisse.

In pallio uecti.

Quarto de ijs, qui uehuntur pallio prope dubito, potest fieri, ut uehantur paruo spacio, nescio an in longinquo, saltem tam breui tempore, ut dicitur. Hoc scio etiam si non uere uehantur, posse eum sic ludere omnem sensum, ut ille qui uehitur, sit quietus, & tamen existimet se uehi ad Dominam suam atq̃ cum ea omnia peragere, quæ tamen mera sint phantasmata.

Afferentes cibos.

Simile iudicium mihi est de afferentibus a longe cibos & potus, nec obstat, q̃ postea agnoscant uere loca, ubi fuisse se dicant, quia potuit similes species sensibus ingerere.

*Ministri dæ-
monum.*

Sic etiam de ministris, quos adducit, cuius id indicium uidetur, quia non permittitur aliquis eos alloqui, ne uidelicet euanescent sicut fumus.

Vltimo

Vltimo de ijs, quæ in Cristallis vel ebore uel vngue videntur, certum est esse præstigium Diaboli; figuras fingentis in Cristallis, quantum sibi permittitur, non enim semper nec coram omnibus id potest, ut factis compertum est.

Imagines in Cristallo apparentes.

Sed ex ijs cætera iudicentur. Infinita enim sunt, & quotidie augescunt eiusmodi portentorum genera, defectu operariorum in uinea Domini.

Hæc autem omnia faciliora & leuicula sunt apud Diabolum, puta, quibus carnosos sensus & phantasias illudit, infimas partes hominis. Sed maior subtilitate, ut & maiori periculo, illudit mentibus & intellectibus. Et quanquam sunt plurimi, quorum sensus illusionibus eius patent, tamen multo plures illudit mente, scilicet Doctos in scripturis, Sanctos in operibus. Ita ut ab Apostolo proprio titulo insigniatur: Corruptor mentium, Sicut Hetræ seduxit astutia sua, adeo, & ut in Angelum lucis sese transfiguret, Vnde & B. Ambrosius ser. de Pon. Supplantatores inuisi per omnes vias extendunt laqueos, innumerabilibus mortibus expauescendos, Animalia pusilla cum magnis, & reptilia, quorum non est numerus, Ita, ut impossibile sit vllum hominem esse tutum, in quocunque opere, sensu, intellectu suo, nisi qui assidue sibi ipsi suspectus timet in omnibus, & cum Hiob omnia opera sua ueretur.

Illudit Satan sensus hominum, & mentes.

Item doctos in Scripturis etc. Corruptor mentium.

Sed heu & prohi dolor, quæ securi sumus hodie, tam infimi quæ summi, docti & pariter indocti, tanquam Diabolus sit mortuus, adeo ut pro nostris opinionibus, etiam cruentissima geramus bella, aut sine fine litigemus & contendamus. Sic meruit iniquitas nostra, ut in sensum reprobum traderemur. Igitur de rudioribus & sensualibus hæc sint satis. Sequitur aliud genus transgressionis, nempe eorum, qui specie bona illuduntur. Quorum rursus duæ sunt species: Altera eorum, qui circa reliquias & uenerationem Sanctorum excedunt. Altera eorum, qui sapientia & iusticia propria superbiunt contra Deum.

Illusi specie bonâ.

De priore prius.

DVObus modis coluntur a nobis & inuocantur Sancti: Primo propter temporalia & corporalia duntaxat. Et hi false colunt Sanctos, imo magis seipsos in illis, quia sua querunt, non ea, quæ Dei sunt. Ac ideo Sanctos prope in idola sibi transformant. Hos sane B. Augustinus non peritus reiecit, sed ita duntaxat commendat, ut eos meliores asserat, quæ eos, qui per pacta Diaboli temporalia querunt. Melius est enim etiam temporalia a Deo petere, quæ a Diabolo. Sed per hoc non sunt commendati, imo nec Christiani, Modica laus est, imo magnum uituperium, non esse bonos, nisi pessimis omnium comparentur. Et tamen Deus, qui dat etiam pullis coruorum escas, in hoc cultu eos exaudit & largitur petita, ut per Scripturam probatur.

Sanctorum cultus.

Colentes Sanctos propter temporalia.

Primo per Naaman Syrum toti Syriæ salutem dedit, licet ille esset Idolatra, tamen magnus apud regem Syriæ.

Naaman Syrus.

Secundo, Samaritani, ubi coeperunt Deum colere, simul cum dijs suis, (quod impossibile est placere Deo) liberati sunt a Leonibus, quibus deuorabantur.

Samaritani.

Tertio, Ahab & alijs multis regibus Idolatris & malis, dedit multiplices uictorias, & beneficia propter aliqua opera externa hominibus apparentia.

Ahab.

Quarto, B. August. lib. 1. ciui. 8. disserit, Romanis concessum a Deo tam ingens Imperium, propter insignes quasdam eorum uirtutes, cum tamē Deo placere non potuerint, sed apud homines id tantummodo merebantur.

Romani.

Y Quinto;

DE IMPRÆCEPTO

Iudei.

Quinto, Iudæis solo timore pœnæ peccatum vitantibus sæpe pepercit, licet essent populus semper errans corde, & displicens Deo.

Psalm. 95.

Coacta pœnitentia.

Deum propter temporalia conlentes.

Superstitiosus Sanctorum quorundam cultus.

Sexto, & nunc quoque pestes, bella, fames sæpius auertit Deus propter emendam solo timore inceptam, cum tamen non placeat Deo coacta pœnitentia, quæ minus est quàm dimidia pœnitentia. Quod sane patet, quia remissa plaga, mox redeunt ad ingenium & mores priores, imo peiores. Hi omnes sicut Deum colunt & bene uiuunt propter temporalia, ita receperunt mercedem suam. Ita & cum sanctis Dei agimus, quos non ultra colimus, quàm pes aut caput dolet, aut marsupium eget. Et quanquam hæc sint nobis inutilia & stulta apud Deum, nec Deo, nec Sanctis placita, tamen profunt ad gloriam Dei, qui ex omnibus potest elicere bona. Cuius denique naturæ est etiam stultis, imo inimicis & blasphemis benefacere, plueri super gratos & ingratos, Vt eo ipso nos doceret, hæc non esse ea, propter quæ sit colendus ipse, vel Sanctus quisquam, cum viderimus ea non rogatum neque cultum pessimis quibusque copiose largiri.

Atque, quo hæc clarius intelligantur, aliquot enumeremus Sanctorum, quorum superstitiosus cultus omnibus notus est.

S. Antonius.

Intercessio.

Primus est S. Antonius, qui pro igne sacro a multis, alioqui nunquam cognoscendus, colitur, & ita colitur, ut eo prope ventum sit impietatis, quod ipsum sanctum Virum posse credant suis viribus, seu dono sibi à Deo collato, istas curationes tribuere. Adeo non à Deo per intercessionem S. Antonij, sed velut ab ipso solo Antonio petunt quod volunt, nihil memores intercessionis. Deinde hanc gratiam curationis ita apud hunc solum querunt, ut aut nescire aut non credere videantur, Deum posse idem per quemlibet alium conferre. Interim autem nullus plane auditur, qui id à B. Antonio imploret, ut & ipse mereatur læticiam spiritus ceterarumque virtutes Antonij imitari, de quibus tamen in Legenda eius memoria est, nihil prorsus de igne.

S. Sebastianus.

S. Martinus.

S. Rochus.

Allusio nominum.

Secundus est S. Sebastianus, vnus omnium, qui propter pestem colitur, nisi quod nuper socium admisit S. Martinum & S. Rochum, non ingratæ prorsus uitæ & autoritatis. Horum trium sanctimoniam & fidem, prorsus nemo est, qui curet postulare. Et sane, ut & ego ineptias suspicionis meæ effutiam, uideri potest, nonnullos Sanctos mera nominum allusione præ cæteris in hæc officia inuocatos. Siquidem S. Tonij Italica allusione prope sonat, ac si sanctus ignis, id est, sacer ignis, diceres, Quasi is propter nomen suum, sacro igni sit remediabilis Patronus, quo modo & gentiles Romani febrem & alias allusiones rerum, Dijs tribuerunt. Sic & Sebastianus, sancti patris/ quasi pro peste, idem ualeat solus, cum nihil in eius uita de pestilentia legatur. Vnde & in Italia, hi duo præ cæteris non secus honorantur, ac si inter gentes uideres Numina læua placari.

Iam S. Rochus nomen habet, quod Alemanice uindictam sonat & iram, quasi ipse ideo utilis sit, uindictam Dei auertere, quia Rochus uel uere uocatur uel fingitur. Huius tamen Legenda, si recipitur, talia quædam narrat.

S. Valentinus.

S. Vincentius.

Tertius, Valentinus, morbi caduci præfectus, quem cum nihil legitimus egisse cum hoc morbo, prope iurarem, ex allusione Germanica cum in huius auxilij sortem uenisse. Nam cadere, vallen/ significat, quod ad Valentinum quod proxime alludit. Nec mirum, cum & S. Vincentium superstitiosæ mulierculæ deputauerint, rebus perditis inueniendis, eadem ductæ allusione, Germanice enim inuenire, vinden/ dicitur. Atque ideo Vincentium seruum perditarum rerum & custodem constituerunt.

Nec est

Nec est magnum nec mirum, q̄ Deus hæc fieri permittit, & continuè adhuc beneficijs eadem prosequitur, & Ecclesia similiter approbat, præsertim de S. Antonio, quia, ut dixi, Deo parum curæ est de his tribuendis, quæ etiam hostibus tribuit. Et finit vel stultos, vel infirmos in fide, interim istis gaudere bonis, dum non sunt melioribus digni, vel donec meliorum capaces fuerint.

Quartus est Christophorus, ex Legenda non tam apocrypha *Christophorus.* q̄ suspecta, tantum tamen habens honoris, ut nullus Apostolorum sit cum eo conferendus, etiam si in media Biblia eius gesta scribantur, nec tamè ideo honoratur, q̄ hominibus remissionem peccatorum & fidem gratiamue Dei impetret, sed sicut extant Versiculi hoc cultu dignissimi:

Christophore sancte, virtutes sunt tibi tantæ,
Qui te mane videt, nocturno tempore ridet,
Nec Satanas cædat, nec mors subitanea lædat.

*Tres Versiculi qui
passim parietibus
inscribuntur.*

Primum, vide, ut hic impius virtutes tantas non Deo, sed imaginì ligneæ & pictæ tribuat, non saltem fidei tribuit, quæ sola facit, si quid impetrant Sancti, ut accipiamus.

Secundum, vellem doceri, qua Scriptura, quibus Miraculis probatum sit, id posse imaginem Christophori præstare. Ita sub pietatis specie, dum sacerdotium Ecclesiæ dormit aut lucris inhiat, ingressum est ingens pelagus superstitionum, nemine prohibente.

*Episcoporum ne-
gligentia.*

Tertium, Cur potissimum vesperi ridet, qui mane spectauerit? Quid si vesperi spectaret? Adeo ne virtutem suam matutinæ inspectioni alligauit, ut qui mane fuerit oblitus, aut tardius venerit, quocumq̄ deinceps diei tempore inspectauerit, frustra spectauerit?

Quartum, Cur non qui fidem tuam imitatus fuerit, semper ridebit? Qui passus fuerit tecum, tecum gaudebit? Sed absit, ut imitari velint, qui illa querunt. Absit etiam, ut illa querant, aut ita querant, qui imitari nolunt.

Quintum, Cur non crux Christi inspecta facit ridere inspectatores, quæ *Cruz Christi.* habet auctoritatem Scripturæ: nisi melior forte imago Christophori q̄ Christi, cum crux Christi, ipsa sit vere sola, quidam Christophorus.

Sextum, omnium pessimum, q̄ hac ratione homines plus diligunt, plus colunt, diligentius inspectant, plusq̄ in ipso confidunt, q̄ in ipsum Christum, ut ostendant, se non laudare Deum in Sanctis eius, sed seipsos, quia non gloriam Dei, sed suum commodum, atque id palam perfrictaq̄ fronte plane confitentes se morhorum gratia querere. Melius erat Sanctos imitando, subita morte præuentum saluari, q̄ non imitando naturaliter morientem damnari.

Sancti imitandi.

Videtur & hic Sanctus à militibus & nobilibus, & generolis primò repertus, quippe quibus in bellis mors subita (teuto: *gehende tod*) est formidabilis, maxime repertis Bombardis. At non cogitant, q̄ frequentius ibidem moriuntur stante morte, teuto: *des stehende tods* / & non solum *des gehende tods*.

Mors stataria.

*Prosonomasia
germanica.*

Septimum, Quod homines ex hoc securi querunt esse, & sine timore Dei vivere, cum omnis cultura Sanctorum pro timore Dei sit instituta, ut homines ad poenitentiam prouocet, memoriam mortis suggerat, uitam futuram ostendat. At illi solum ut fugiant hæc & teneant illa. Quare dicendum est Christo, ut verbum suum retractet, quando dixit: Vigilate, quia nescitis diem neque horam, Quia inuenimus Christophorum, qui pro nobis stertentibus uigilet, & integrum diem securi habeamus, nedum horam nesciamus. Quod si & Christophorus alium inuenisset Christophorum, quo inspecto, &

Sanctorum cultus.

Matth. 24

Y ij ipse

DE IMPRAECEPTO

*Inspectores Christi
stophorini.*

ipse tutus fuisset, ne Deus eum percuteret, quomodo ad martyrium pervenisset? Siquidem eo usque tandem haec iam non infirmitas, sed impietas procedit, ut etiam Deus suo imperio priuatur, ut qui inspectores Christophorinos, nec aqua, nec igne, nec ulla creatura possit eo die occidere.

S. Laurentius.

Quintus est S. Laurentius, quem, ut servet domum ab igne, ieiunio primum honorant, deinde in festo eius, nec scintillam ignis tota die in domo patiuntur, In alijs tamen domibus utuntur igne, quo cibos coquant, Ac sic non Laurentium, sed ignem potius timent & colunt. At forte tam stulti sunt, quod ignem S. Laurentio inuisum credunt, quia sit in illo adustus & tostus, ut ubi ignem viderit, recordatus iniuriae irascatur in eos, qui eum habent. Quod si ita esset, nullum Christianum liceret aliquo die ignem habere. An, quia superavit ignem, ideo Dominus ignis factus est? Quod quidem verum est, imo & Diaboli, peccati, mundi & carnis, & omnium malorum. Cur ergo pro solo igne colitur? Aut cur non eundem colis, pro impietate & furore, ira, superbia, quibus in Decio & ministris suis operantibus, igne tostus est, quas denique superavit, & adhuc in te superare potest precibus suis? Sed haec etiam alibi, quod in S. Laurentio, queri poterant, ideo sit ipse tantum ignis observator. Cui adiunctus est socius S. Florianus, & ipse ignem ultae & nominis, nec apud ipsos ullo modo cognitus, quod in papyro vident eum pictum, effundere aquam in ardentem domum. Hoc enim contenti sunt, quia & hoc solum in eo quaerunt.

S. Vitus.

S. Erasmus.

S. Ludovicus.

Reliquos breviter transimus. S. Vitus suam sortem habet in misera illa saltatione. Sanctus Erasmus avarorum Patronus, sic tamen, ut certo numero orationum & cereolis colatur, tum sane inundabit divitias, Quid enim aliud ageret tam ociosus? Sed & S. Ludovicus de ordine Minorum, quoniam semel cerevisiam curavit in vita, iam mortuo & beato, aliud agere non licet penitus.

S. Vuendelinus.

*Chaos deorum
Romanorum
Pantheon.*

S. Vuendelinus pastor, iam utilior est omnibus canibus adversus omnes lupos. Et vivus sua unius hominis pavit pecora, mortuus omnium cogitur pascere. Adhuc non pudet nos Christianos ita in Sanctos partiri negocia rerum temporalium, ac si essent nunc facti servi, & mancipia artificum, ita ut prope redierit ea Lerna superstitionum, ut rursus Romanorum illud Chaos deorum, & quoddam Pantheon denuo extruxerimus, atque hoc ipsum non alia causa, quam ut hic tantummodo bene habeamus.

Legenda S. Annae.

Vetera fastidimus.

Iam aliquot etiam Foeminas sanctas subiungamus, inter quas, ut recentior simul & antiquior, ita merito prior est S. Anna, cuius Legenda, cum sit dubiosissima, hoc tamen fuit & est nomine vel gratissima, quod nova venit, quia fastidire coepimus vetera, & ea quae certissimam habent auctoritatem. Sed multo gratior, quod non venit vacua, sed divitijs plena, nihil prorsus promotura, si paupertatem adduceret.

Nova festa veteribus cedunt.

Secundo, quod ipsa pene supra, quam B. Virgo, extollitur, sic semper nova Festa derogant pristinis, & extollimus recentia, magis ducti vulgi concursu, quam fideli devotione.

*Apocrypha
Legenda.*

Tertio, Quod planum & apertum est, eam coepisse coli propter divitias ex apocrypha illa & vehementer suspecta Legenda, ubi lusor illa depauperatus, rursus (etiam de coelo) ciratus est, ut dives fieret. Hoc enim solum in tota ista Legenda notavit oculus nequam avariciae. Et ob huius sanctae Matris festum,

tris festum, nunc omnium aliorum Sanctorum festa; nonnihil obscuritatis accipere, necesse est, praesertim Apostolorum, forte, quia paupertatem docuerunt. Atque utinam S. Anham ita pro diuitiis colerent, ut & alia quae spiritus sunt, quererent. Quod modo Ecclesia facit, ut Collectae quas uocant; eius diei ostendunt. Sed pro his credunt se satis multa Festa habere, usque ad fastidium etiam iam diu frequentata.

Secunda est S. Barbara, ad cuius Legendae similitudinem multae *S. Barbara.*
Saliae fabricatae sunt, ut Catharinae, Dorotheae, Margaretae. Eam uero qui religiosissime colunt, id quaerunt, ne sine Sacramento moriantur, quod non adeo damnable foret. Alij, ne praegnans periclitetur in partu.

Haec enim & alia legitur eadem sancta Martyr in transitu suo orasse, ut *Vita Barbara.*
si quis eius memoriam ageret, haec obtineret. Primum, omnium testimonio, Legenda illa & apocrypha est & suspecta, praesertim tum scribatur fuisse discipula Origenis, & tantae virginis non meminerit Eusebius. Denique in Legendam S. Catharinae, multa esse vel intermixta, nemo sentit, nisi cui nullus est nasus. Id vero, ergo miror pro mea temeritate; an sanctae illae Martyres pro Christo morientes, tantam arrogantiā vel habuerint vel simulauerint, ut optarint ab hominibus coli, aut certae fuerint, futurum; ut colerentur. Sed & illud vide, ipsae morientes non orant pro suis cultoribus; ut iusti & salui fiant, sed ut diuitias, sanitatem, securitatem; quae omnia per mortem ipsae contemnunt, obtineant; fortasse non eadem bona alijs prouidentes, ad quae ipsae iam pergunt. Inde nimis factum est, ut memoria *Memoria passionis Barbara.*
passionis Barbarae & similium diligentius peragatur, quam ipsius Christi; quae virtus est omnium illarum passionum. Sed sine, caeci esse studio conamur; alioqui palpare possemus & cognoscere; quod hodie in Ecclesia hi sancti plus habent honoris, quorum Legendae plus habent Fabularum aut luctri aut comodi. Feramus ergo nos quoque illorum infirmitatem, donec erudiamur & formentur in meliorem sensum.

Tertio, S. Iuliana & Othilia ophthalmicae sunt, quia a nullis coluntur, nisi qui oculis laborant; nec plane propter aliud quam oculos, volentes ex semel facto miraculo ius naturale, & infallibilem consequentiam facere, quod certe non longe mihi a tentatione Dei videtur abesse. *S. Iuliana: S. Othilia:*

S. Apollonia pro dolore dentium perpetuo cultu honoratur, atque pro alio nullo. Annosam eius virginitatem & ardentissimam fidem, nemo est qui meminerit. *S. Apollonia.*

S. Scholastica, domina facta est tonitruum. Et plane hanc fidem in mulierculis seculo regnare; quod in quacunque re audierint aliquem Sanctum versatum, hunc in eadem credunt plurimum valere, ac velut Dominum constitutum. Et sacerdotes aliquot hanc superstitionem non reprimunt, maxime si & lucrum odoretur. *S. Scholastica: Sacerdotes coniuncti*

Igitur sicut dixi, permittit haec Deus, & largitur ea quae petuntur, non quod magna sint, sed quia bonus & clemens tam infirmos ita fouens, quam indignos ita remunerans, quorum ignauus animus nescit meliora & aeterna petere, quae verum Deum decet & delectat peti & largiri. Nam qui rite Deum & Sanctos colunt, quarentes primo gloriam Dei in illis, & imitationem, sicut facit Ecclesia in suis Collectis, talia non petunt, imo si habent, auferuntur ab eis, ut sola sapiant spiritualia. *Veri Sanctorum cultores:*

Y in

Nec

DE IV PRAECEPTO

*Cultores veri
& falsi.*

*Sacerdotes,
Monachi.*

*Obiectio.
Legunt semper
et orant nunquam.*

Iohannes Gerson.

*Responsio.
Infirmi Christiani.*

Litania.

Nota bene.

Imperfecti.

Vita emendatio.

Nec meliori signo cognoscuntur & discernuntur veri cultores à falsis, quā si illis auferantur, istis coferantur copiae temporalium. Sicut enim Deus iusticiae exteriori confert exteriora bona, & aufert interiora, Ita iusticiae interiori confert interiora, & aufert exteriora. Quod in omnibus Sanctis patet, quibus si non in effectū, tamen in affectū abstulit temporalia. Ideo licet tales nihil mereantur in caelo, tamen merentur in terra. Et in hoc benefaciunt, q̄ nō a Diabolo hāc petunt. Sic enim & sacerdotes & religiosos multos, pinguius & suauiter pascit, qui tamen in tota vita nihil agunt, quam q̄ horas canonicas & frigide & inuite legūt semper, & orant nunquam. In quō ut sibi satisfecisse videntur Deo, ita Deus sibi quoq̄ satisfecisse videtur, si eos velut altilia saginet in hac vita.

SED ogganniunt hic aliqui contentiosi, Me temerarium esse, qui pro necessitate corporali Sanctos inuocari prohibeam, cum Ecclesia quae oret à periculis mentis & corporis, per eorum intercessionem liberari, ut ibi: Et ab aduersitate liberemur in corpore, & à prauis cogitationibus munda demur in mente, & similia.

Deinde adornant suam piā, ut uocant, intentionem, q̄ temporalia nō quaerunt, nisi quatenus per ea commodius spiritualia quere possint, & diutius ideo uiuere uolunt, & sani, ut poenitere, & boni fieri possint.

Tertio, q̄ nonnullis sit persuasum, ut Iohannes Gerson sentit, Sanctis in caelo sic esse distributa dona eiusmodi, sicuti in terris habuerunt dona diuersa spiritus, iuxta illud 1. Corin. 12. Alij gratia curationum &c.

1. Cor. 12.

Ad haec.

Primo illud Christi oppono: Primum quaerite regnum Dei & iusticiam eius, & haec omnia adijcientur uobis. Et iterum: Haec enim omnia Gentes inquirunt. Si Christus eos appellat gentes, qui talia quaerunt, spero mihi licere eos infirmos Christianos appellare, aut certe ignauos & pusilli desiderij homines.

Matth. 6.

Secundo, Nec prohibeo Sanctos inuocari pro temporalibus, sed q̄ forum pro temporalibus id faciant, damno, neglectis eorum uirtutibus & exemplis. Ostende tu unum ex omnibus Sanctis, qui pro humilitate, uel alia uirtute, tantum habeat concursum cultu & nominis, quantum habet S. Valentinus pro morbo caduco.

Tertio, Fateor, q̄ Ecclesia in Litanis à fulgure & tempestate, alijsq̄ corporalibus necessitatibus orat, Sed ordine recto id facit, primum misericordiam & remissionem peccatorum. Nam & Paulus iussit orari, ut pacem & tranquillitatem haberemus in uita. Sic tu quoq̄ fac, & uiues, atq̄ ex me nihil audies contrarium tibi.

1. Tim. 2.

Quarto, Fateor, infirmis in fide licere, ut sanitatem & uitam petant, quo deinceps melius uiuant. Sed duo hic dicam: Quis scit, aut de seipso audet affirmare, tam purum se habere cor, ut tam simpliciter intentione illa petat? Quod maior pars simulet potius emendationem uitae, exitus probat. Nam fere & semper efficiuntur peiores, qui ex plaga, aut castigatione Dei liberantur importunis suis uotis, ut hoc ipso Deus fructiciam nostram uideatur testari, scilicet nos non intelligere, q̄ dum flagellat, sanat, & dum remittit manum & nostrum uotum, potius magis sinit agrotare.

Secundo, Si uis uitam emendare, nunquā id melius feceris, quam si in flagello (id est, uerissima emendatione & medicina uitae) cepto perseueres usq̄ ad mortem. Haec enim emendatio uitae, tanto est solidior & constantior, quō non ex te, sed ex Deo longe uotum tuum praeueniente ceepit. Aut quomodo possunt

possum nunc recitare omnem gloriam & dignitatem uitæ passivæ: Stultifumus omnes, qui vitam præsumimus emendare in bona valetudine, cum in ægritudine non intelligamus eam esse emendari coeptam, & longe esse excellentiorem, q̃ omnem vitam activam.

Quare Christianis id potius suadendum esset, ut non modo ægritudines libenter ferrent, sed & ipsam mortem quantotius optarent venire. Nihil utilius Christiano, q̃ mori velocissime, ut S. Cyprianus docet. At nos Iuvenalem magis audimus: Orandum est, ut sit mens sana in corpore sano. Non sic B. Augusti. Quando nos sumus sani, tunc maxime concupiscentiæ morbus est insanus. Non q̃ querenda sit mala valetudo, sed q̃ illata per Deum, ut optimus nuntius Dei, sit excipienda. Quia nullum bonum sine voluntate Dei querendum est.

Iuvenalis.

Christiani.

B. Augustinus.

Mala valetudo.

Quinto, Hoc ipsum quoque Deus optime providit, ut aliqui Sancti habeantur formidabiles, & velut vindices, propter obstinatas & duras cervices. Sicut S. Antonius, & nonnulli alij. At nos Christianos docemus, quorum est fiducia, ut Sanctorum consortio aliquando copulentur.

Sancti formidabiles &c.

Sexto, Scio novam illam opinionem eorum, Quod sicut in vita Sancti diversis donis spiritus erant dotati, ita & nunc in cœlo eosdem habere, differentes gratias auxiliandi. Sed ego non uideo, quomodo id possint probare, nisi arguendo a simili, quod argumentum in ijs, quæ sunt fidei, est nocentissimum. Quid enim aliud facit Diabolus, cum in angelum lucis sese transfugurat, q̃ q̃ arguit a simili? Aut quot errores in Ecclesiam inundaverunt sub nomine Christi & Sanctorum eius, sub specie sanctitatis, sub pia, ut dicitur, intentione, & zelo catholice fidei, id est, a simili? Imo, quot veritates reſciuntur sub pietate aurium nimis tenera sub nomine scandalizant.

Nova quorundam opinio.

Argumentum a simili.

Errores in Ecclesiam inuoluti.

Nomen scandalizant.

Id ego uideo, q̃ Ecclesia non dicit: S. Paule, cura mea uulnera, sed: Ora pro me. Ideo sciendum est, q̃ omnes Sancti omnia possunt, & tantum per eos tibi a Deo dari, quantum credis te accepturum. Quare omnia tua commendas ei, in quem magis es affectus, primum peccata tua & necessitatem animæ, sicut S. Cecilia fecit in nuptijs suis; Omnes Sanctos per ordinem inuocans, pro sua castitate seruanda apud Deum.

S. paule ora pro me.

S. Cecilia.

Sane quod etiam B. Augustinus in quadam Epistola sentit. Quod uidelicet Deus per unum Sanctum, imo in uno loco facit, quod in alio non facit, non improbo. Quis consilium Dei nouit? si ipse distribuerit, recte distributum est. At non ideo tibi salutare est in Sanctos partiri negocia pro tua sumptione. Vnde non Dixit, q̃ martyres alia & alia dona acceperint in gloria, sed ait: Non uoluit fieri in omnibus memorijs Sanctorum ista, quæ in illo sunt &c. Et si, ut dixi, Deus ita suffert infirmos, qui talia solum querunt in Sanctis, donans pro sua uoluntate, quod querunt. Nostrum tamen est, Christianos erudire, & ad perfectionem inducere, & ea quæ sunt salubria & meritoria, docere, ne aliquando ad id labantur erroris, ut ex Sanctis Dei sibi idola fingant. Neq̃ enim est meritum sanari corpus, aut pecuniam augeri, sed infirmari & egere, id demum est pulchrum si meritum prudenter tuleris.

B. Augustinus.

Christiani ad perfectionem prouocandi.

Hæc de honore Sanctorum primo, id est, corporali & exteriori.

Secundo coluntur Sancti uere & interne. Hic autem cultus consistit in laude cordis primū, deinde in uoce & opere foris, id est, quando Deus laudatur in Sanctis, & Sancti laudantur in Deo, sicut scriptum est: Laudate Dominum in Sanctis eius, laudate eum secundum multitudinem magnitudinis eius.

Verus Sanctorum cultus et internus.

Y iij Sic Paulus

DE I. PRAECEPTO

Christiani primi.

Sic Paulus Gal. 1. fecisse scribit primitiuos Christianos: Et in me, inquit, clarificabant Deum. Sic facit Psal. 111. Confitebor tibi Domine in toto corde meo, in consilio iustorum & congregatione. Magna opera Domini, exquisita in omnes voluntates eius. Vult enim Dominus enarrari gloriam suam, & annunciarī opera manuum suarū, Sicut dicit: Vt annuncient in Sion nomen Domini, & laudem eius in Ierusalem. Et rursus: Narrabo omnia mirabilia tua. Item: Vt enarrem omnes praedicationes tuas in portis filie Sion. Et multa alia in Psalterio. Ideo enim operatur tot & tanta in Sanctis, ut ipse glorificetur. Rursus dicit: In Domino laudabitur anima mea. Et alibi. Laudamini in nomine Sancto eius. Et Psal. 16. Latabimur in salutari tuo, & in nomine Domini Dei nostri magnificabimur. Sic enim Apostolus docet: Quod qui gloriatur, in Domino gloriatur. Quare nō est dubium, quin Sancti nolint in seipsis laudari & glorificari, sed in Domino, & Dominum in se. Et iste modus colendi non modo erit Deo gratus, & ipsis Sanctis acceptus, uerum & tibi salutaris, & incomparabiliter utilior, q̄ si propter te & tua, eos colueris, imo solum ille est salutaris, & alius quilibet noxius.

Galat. 1.
Psal. 111.

Psal. 102.
Psal. 9.
Psal. 14.

Psal. 16.

Modus colendi
Sanctos, & Deo
Sanctis gratus.

Vnde ut pro rudibus demus modum, Ille scilicet colit uere Sanctos Dei in Deo, qui opera & gratiam Dei in illis intuitus & meditatus, mouetur & soluitur in dulcem affectum erga Deum, q̄ tanta & talia largiri illis dignatus est, Velut diceret: Benedico te & gratias ago tibi piissime Deus, quia aeterna misericordia tua, Sanctum hunc praeuenisti, & de peccati perditionisq̄ massa tam eximium gloriae uas tibi perfecisti. Sic Deum laudasti in Sancto suo.

Laudare Deum in
Sanctis.

Rursum & Sanctum ipsum in Domino ita laudabis, O sancte Dei N. benedictus tu in filiis hominum, qui dignus Deo uisus es, tam ineffabilis gratia, & gloriae Dei donis ornari. Quemadmodum S. Elizabeth benedixit beatam Virginē, dicens: Benedicta tu in mulieribus. Beata quae credidisti, perficientur in te, quae dicta sunt tibi à Domino: Oportet enim, ut diuinā gratiae odorē, effulum in Sanctos eius percipias, & guttulas bonitatis eius prae-gustes, ut & tu in amorem Dei succendaris. Quid enim aliud sunt Sancti, nisi uelut guttulae roris, seu guttae noctium in cincinnis & capite Sponsi, sicut dicit: Aperi mihi soror mea Sponsa, quia caput meum plenum est rore, & cincinni mei guttis noctium. Sic enim Mich. 5. Sanctos appellat rorem, dicens: Erunt reliquiae Iacob in medio populorum multorum, tanq̄ ros à Domino. Quia totū quod sunt & faciunt, ros & gratia coelestis est, spirans suauissimam Dei misericordiam super filios hominum. Sic sic oportet omnem gloriam Sanctorum referre in Deum, qui dedit eis hanc potestatem.

Luc. 1.

Canti 5.

Mich. 5.

Sancti guttulae
roris etc.

Quod Sancti faciunt, ros & gratia coelestis est.

Vide Ecclesiam, quae de B. Virgine canit: Benedicta filia tu (sed) à Domino, quia non à te, sed per te Fructum uitae communicamus. Et in omnium Sanctorum festis Ecclesia orationem dirigit nō ad Sanctos, sed ad Deum cū nominib. Sanctorū eorum merita ex Deo uenisse protestata, deinde per eadē preces suas Deo commendans. Isto enim sacrificio laudis primum rite peracto, tunc demum subnectenda est petitio nostra, primum pro simili Dei gratia, nouissime pro temporalibus, Si tamen temporalia petere potest, quiuit spiritualia.

In Sanctis tantum
consideramus, quid
boni nobis faciant.

Verum ista inuocatio & cultura Sanctorum adeo est neglecta, ut non solum non meditentur opera misericordiae Dei in Sanctis suis, sed etiam nesciant eorum gesta, imo & nomina, sicut ille, qui sanctam Trinitatem nominauit drey salteti/ Adeo non quid Deus boni in illis fecit, ut glorificetur, sed quid boni nobis faciant, ut nos laetemur, consideramus. At Spiritus sanctus & Ecclesia Christi id intendunt certe in omni cultu & festis Sanctorum,

Sanctorum, scilicet eleuare cor nostrum in Deum & diuina opera, & parare fiduciam ex contemplatione gratiarum in illos collatarum. Sicut Christus

Matth. 5.

Matth. 5. Sic luceant opera uestra bona. Ad quid: ut crus meum non doleat? Non, sed ut glorificent Patrem uestrum, qui in cœlis est. Hic B. Augusti. ut non desperent, inquit, etiam sibi, si uoluerint, posse præstari. Et Sancti quidem hac Regula & eo fine, uixerunt, & bona fecerunt, ut lucerent ad gloriam Dei. Et sit diabolo operante, ut eorum uita & opera non eo fine prædicentur aut celebrentur. Ipsi per omnem uitam quesierunt, quæ Dei sunt, Nos uero non solum in nostra, sed & in Sanctorum uita, non nisi quæ nostra sunt, querimus, nihil solliciti de gloria Dei. Et passim prædicatur solum, quid & quantum possint in nostris commodis, non, quantum fuerit misericors Deus in ipsis. Inde proceditur ad extremam temeritatem & audacem contentionem, Vter Sanctorum in cœlo sublimior sit coram Deo: quasi ipsi aliquid fecerint, ac non potius Deus, Oculos omnino in carnemmersimus & a Deo auertimus.

Festi dies Sanctorum ad quid instituti etc.

Sancti.

Quatenus uulgo Sancti prædicantur

Temeritas de Sanctorum præstantiæ contententium.

Imo nostra ætate (quod detestabilius) eo redactus est cultus Sanctorum, ut melius fuerit, neque festa Sanctorum agi, neque nomina eorum sciri. Quod ut cognoscas, percurre superstitiones stulti uulgi, & uide patrocinia illa diuersa diuersorum artificum. Aurarj fabri S. Eulogium, sutores S. Crispum & Crispinianum, fullones S. Seuerum, pictores S. Lucam. Medici S. Cosmam & Damianum. Iuristæ S. Iuonem, Artistæ S. Catharinam, aliquando & Aristotelem, habent Patronos. Alij alios, & Franci suum Kilianum, quælibet Natio suum. Sed quomodo hos honorent, aduerte:

patroni opificiorum artificum, Nationum etc.

Abusus horribilis in cultu Sanctorum.

Primum nihil eorum opera uel exempla curant. Deinde quando ad summum honoris itur, mane Missam celebrant, & eo toto die feriantur, nec aliò quoque indicio nisi ueste & ocio, tantum feriam simulantes potius q̃, agentes. Cæterum lasciujs, cantibus, moribus, corde nunquam tam alieno a Deo q̃ eo die, tempus perdentes, imo Sanctos illudētes, ac si Bacchanalia uel Saturnalia agerent. Atque hæc usque in alterum diem potando, ludendo, & breuiter usque ad cædes aliquando insaniendo perdurant. Hæc enim est gloria festorum dierum his perditis temporibus, Ita, ut nec Anubis aut ullum portentum gentilium deorum, sit foedius dehonestatum, imo nec porcus tuus ita se coli sustineret. Sed ita præualuit ira Dei, & tradidit in sensum reprobum, ut sint omnia peruersissima:

Hoc modo festos dies peragunt Christiani hoc perditissimo seculo.

Quanto rectius erat, humili & quieto corde, pacataq̃ domo parce refecti, & pauperibus uocatis ministrare prandium. Imo melius erat laborare & omnia opera seruilia perficere, q̃ ita feriari. Non enim eo tumultu pompæ & luxuriæ sed quietudine (unde & sabbatizare dicitur) & charitate in proximum seruitur Sanctis, Quod si turpissimum tu ipse iudicares, si quis in festo Pasche uel natali Christi talia perpetraret, cur Patronum tuum eo honoras, quem tunc maxime proposuisti honorare? An qui totum annum fuit quietus & securus a tuis irrisiōibus et ignominijs hoc die, quo minime oportuit, eisdem uexatur.

Prugaliter pasci, Pauperes fovere.

Charitate in proximum seruitur Sanctis.

Cur execramur Turcos, q̃ imagines Christi & Sanctorum foede conspurcare dicuntur? An nondum intelligimus, q̃ illorum figura ostendit nobis Deus, q̃ sibi displiceat, q̃ nos Christiani Sanctos suos in veritate & foedius conspurcamus? Quam pulchra religio & pietas, Sanctos Dei nemo foedius blasphematur, q̃ ipse, cuius est Patronus, nec id aliò die magis q̃ eo, qui cultus eiusdem sacratus est. Finge, an tu talem sustinere possis ab infimo homine cultum, id est, illusionem?

Christiani Turci peiores.

Hic itaque

DE I PRAECEPTO

Pontifices.

Festi dies sancto-
rum.

Hic itaque Pontificibus esset summe uigilandum, imo saluberrimum foret, omnes dies festos abrogare, paucissimis seruatis, in quibus mane uerbum Dei audiretur & missa. Nihil enim sunt Sabbata nostra, nisi opprobrium Ecclesiae, & non euebia, sed asebia in Deum, ut satis nimis ualde docet experientia. Potest & nobis Deus multo amplius q̄ ludæis dicere: Odi & proieci solennitates uestras. Et illud Isai. i. Sabbata uestra & Neomenias uestras odiuit anima mea.

Esai. i.

I. abusus in cul-
tus Sanctorum uana gloria.

Superest adhuc geminus abusus in cultu Sanctorum.

Primus est in superbia & abusione per gloriam uanam, qua inuicem quidam concertant etiam de Sanctis, dum quisque eum, qui uel sui studiū uel ordinis fuit, nititur ita celebrem facere, ut eum cæteris omnibus præferat. Non tam, q̄ uelint Sanctos Dei honorificari, q̄ seipsos, qui tales habeant Patronos. Horum uanitas etsi late patet, & plurimos occupet, nō tamen audeo latius prosequi, tum q̄ pulcherrima specie adornati, facile me temerarium iudicem proclamare auderent, seque purissime excusare, Tum q̄ ipsos proceres & optimates Ecclesiae quoq̄ ea res tangit, qui sunt multo impassibiliore, q̄ cœlum ipsum. Nam cœpit & hinc ferme turba Fraternitatum quædam oriri, & nescio an tot Fraternitatibus tandem efficiant, ut nec fratres nec sorores retineant. Sed sit hic aliorum iudicium, Species est bona, non licet acrius taxare, donec clarius seipsum prodat negotium.

Fraternitates.

Noua festa.

Huc dicerem pertinere eos, qui festum Conceptionis beatæ Virginis uolunt esse primum & summum omnium, & qui nouorum Festorum dignitate, priuilegijs, indulgentijs, replent totos Sermones. Nec frustra nos quoq̄ uixisse uidebit posteritas, quia nouis festis fecimus uetera ueterasse. Si nihil aliud fecimus, hoc unum satis est dignum æterna memoria.

Festum Abrahe.
Adæ & Heuæ.

Hoc seculo quiduis
potius audimus
quàm ueritatem.
Nota.

Spero futurum, q̄ adhuc festum Abrahæ etiam celebrabitur, quia in fide eius fuit origo salutis & promissus Christus, Si enim Abrahæ non promississet Deus, non fuisset Christus natus. Et forte diem Adæ & Heuæ quoq̄ celebrandum, est prædestinatum. Itaque uenerunt dies, in quibus omnia libentissime docemus & audimus, præter ea, quæ sunt antiquæ & solidæ ueritatis, ut Apostolus ait. A ueritate quidem auditum auertent, ad Fabulas autem conuertentur, coaceruantes sibi Magistros prurientes auribus. Non q̄ damnum affectum pium ad noua festa, sed q̄ uideam non pauca agi & extolli, ad inuidiam usque aliorum. Non egent Sancti nostra superbia & discordia, imo nō ipsi, sed nos idola ex nobis facimus, & sub nomine Sanctorum nos ipsos colimus.

2. Tim. 4.

II. abusus,
Auaritia.

Alter abusus est auaritiæ. Eriguntur passim erectæq̄ sunt Ecclesiae super Imaginibus non consecratis, præsertim ubi concurrit seductilis turba uulgi. Nec ipsæ Ecclesiae consecrantur, in quibus præter speciem & nomen pietatis, nihil nisi quæstus quæritur. Si enim sub nomine Christi diabolus mittit Pseudochristos, quanto magis sub nomine & imagine Mariæ aut alterius Sancti, potest operari errorem & illusionem. Atque eo liberius, quo neglectius nos Pauli consilium habemus: Omnia probate, quod bonum est, tenere. Et illud Iohan. Probate spiritus, utrum ex Deo sint Nos uero specie bona contehti, statim sine probatione accurrimus. Facit hos discursus Diabolus.

1. Thess. 5.

1. Ioh. 4.

A Diabolo fuit huiusmodi discursus.

Primo, ut populum a locis sacratissimis trahat, & affectum eius alienet à sacris, prophanisq̄ distrahat, dum nouis semper & alienis accendit curiosumq̄ facit. Hoc enim meruerunt, qui fastidiunt Ecclesiam suam domesticam.

Secundo,

Secundo, Vt per hoc accipiant occasionem uelut iustam, negligendi uerbi Dei & Parochialium officiorum. Omitto, q̄ per uias perdunt tempus, & substantiam profundunt, peccatis multis sese onerant, dum uana fabulantur, uel audiunt uel uident, & domum, rem, familiam negligunt, hoc est, frustra laborant, & multa mala committunt.

Quod autem tales concursus sint ex Diabolo, præter ea, quæ dicta sunt, ipse etiam præceptus concursus uulgi declarat. Ferunt enim uxores & famulos inter laborandum aut operandum raptos fuisse, ac uelut relinquere opus coactos. Quod a Spiritu sancto sit nequaquam, sed est euidentissima Dæmonis illusio. Spiritus sanctus non est spiritus temeritatis & præcipitationis, sed spiritus consilij. Nec reuocat Præceptum suum, quo præcepit mulieri esse sub potestate uiri, sine cuius consensu etiam uota sua nulla sunt, Et seruis, ut dominis suis fideliter seruiant, nihil fraudantes, Quomodo ergo nunc eosdem raperet ad inobedientiam tam rigide prohibitam? Vnde audiui, ubi tales Ecclesiæ fuerint consecratæ & legitimo Dei cultu ordinatæ, cessasse talem concursum. Sed & nunc dicuntur aliquæ ideo nō consecrari, ne desinat cōcur sus, & arescat lucrum, O Christianos, qui ea impietate lucrum querunt. Hoc ne ex Deo est, q̄ crucem & benedictionem sustinere non potest? Quis unquam crederet, posse Christianos, uel ab astutissimo Dæmone in hoc erroris barathrum præcipitari?

Præceptus concursus uulgi ad Statuas.

Spiritus sanctus.
Vxor.
Vxoris uota.
Serui.

O Christianorum impietatem.

Sed & ego noui hominem, qui simile Excelsum illusionis coepit profiteri, sub nomine uirginis Mariæ, quæ sibi in somnis apparuerat (adeo sancta & digna sibi superbia uidetur) sed a maioribus Ecclesiæ prohibitus, statim ibi quieuit Diabolus, & migravit alio, & ibidem præualuit erigere Lupanar suum. Vere hæc sunt signa & idola prostitutionis, quæ Dominus per Prophetam arguit, in quibus fornicantur animæ fideles a suo Christo, qui prohibuit ne crederemus his, quæ cum obseruatione locorum nobis prædicant: Ecce hic est, aut illic est Christus, Nolite, inquit, credere, ecce prædixi uobis. Quare tibi sit merito suspectum, tanquam negocium perambulans in tenebris, quantumlibet speciosum fuerit, quod in locis illis prophanis agitur. Non enim frustra Ecclesia instituit, Ecclesias & loca earum sanctificari per uerbum & orationem. Quod si cuius uxor uel seruis uociferetur, sese arripi tali peregrinandi spiritu, audi consilium, arripe & tu quernam aliquam crucem, & sanctifica dorsum eius aliquot ictibus fortiter, & uidebis, q̄ hoc a digito Dei eicietur dæmoniū illud. Mulieres enim ut sunt seductiles, soles familiaris istis nugis illudere.

Historia.

Ecce hic,
Ecce illic.

Quernam crucem erit opus.

Id. Baculo.

TERtio. Vbi non habet potestatem (sicut uere non ubique habet) in locis prophanis, facit hoc in locis sacris. Hoc autem facit, quando relictæ matrice Ecclesia, peregrinari sollicitat ad Dedicationes & Patrocinia aliarum Ecclesiarum, uel in deserto uel pagis positarum, ubi tamen videas tot tabernas & ganeas, ut Babylonem credere posses (sic enim hodie agunt Dedicationum & Patronorum festa) Vesperis uero domum redeunt pleni Indulgentijs, id est, cereuisia, luxuria, & alijs portentis peccatorū, quibus ibidem seruiunt. Si tamen redeunt, nam ferme est uelut regulare, aliquos occidi, aut saltem grauiter vulnerari in Dedicationibus, adeo, ut in Prouerbiū transierit: Indulgentias Dedicationis distribui sero, cum sese trucidauerint aut saltem læserint.

Dedicationes.

Cedes in Dedicationibus.
Prouerbiū germanicum.

Has Diabolus miserrimas nobis assidue auget ignominias, & adhuc melius ducimus esse tales Dedicationes non tolli, q̄ illas fieri. Det Dominus Episcopis nostris aliquando gratiam, ut has Indulgentias una cum dedicationibus reuocent, & non sinant Diabolum etiam de eade nostra nobis illudere, cui nimis fuerat permissum, q̄ erroribus nos illuderet.

At hic

DE I PRAECEPTO

*Peregrinationes
ad Sanctos.*

AThic mihi obijciuntur receptæ illæ Peregrinationes ad S. Petrum in urbe, ad S. Iacobum, ad Ierusalem, ad Treuerim, denique in diuersa loca ad honorandas reliquias Sanctorum, & indulgentias obtinendas.

*Dina.
Gene. 34.*

Respondeo: Non peccaret, qui omnes eas omitteret & domi maneret, Non præceptæ sunt, sed uoluntarie assumptæ. Tamen ego nō resistam tanto iam usui & consuetudini præualidæ. Eant sane, qui uolunt, dum modo id discant, sese interim eisdem sumptibus posse incomparabiliter melius Deo seruire, & salutem suam operari, si domi seruiant pauperibus, imo sibi commissis, ut uxori, filiis, familiæ, dominis. Deinde, si flagella Dei patienter tulerint, & quascunq; aduersitates. Quasi uero non satis nobis pugna relicta sit domi cum Diabolo, nisi & foras cum Dina egressi plus occasionum corruptionis queramus. Quanti enim resistunt cauillationibus & curis, quibus in domestica Ecclesia impugnat corda nostra? deinde crapulis, lusibus, & ocij per omnes dies nos uexat, omnia tentans, ne purus sit apud nos Dei cultus, & integra salus nostra.

7. Aurea misse.

Id quoq; nuper inuentum est à nostra philargyria, q̄ septem aureæ Misæ (scilicet ab aureo numo sic dictæ, quo persoluuntur) certis cereolis, certisq; alijs ritibus celebrantur, nescio, pro quo certissimo euentu. Ita iniquissimus hostis, nec hoc saltem sacrificium nobis reliquit sincerum.

*Saccus auaritiæ
sacrisculorum
pertusus.*

Quid, si saccus ille auaritiæ pertusus & insatiabilis huc pertineat, ubi ad structuram Ecclesiæ offertur, mendicatur, corraditur thesaurus sine fine, & reliquijs & indulgentijs in hanc rem uaserrime utuntur, ut ubi congesta fuerit pecunia, nec structuræ, nec pauperibus, sed pro bello, aut litibus, uel præsentibus expendantur, uel futuris reseruentur? Hag. 1.

*Clauum Christi
abusus.*

Sic enim & clauus Christi fecerunt auaritiæ ministerium, tamen sub sanctissima pietatis specie, ut aureos & argenteos numos perforant. Cur, si sola deuotio queritur, non potius papyrus aut tabulam perforant? Sed quid ego Lernam auaritiæ in Ecclesia describere tento, de qua Propheta ipse desperans, omniaq; in unum concludens dixit: Omnes sequuntur auaritiam à maximo usque ad minimum. Ier. 6. 1.

SIt tamen summa summarum, Omnes hi Sanctorum cultores contra hoc primum peccant præceptum, quia non quæ Dei, sed quæ sua sunt, in ipso etiam Deo & Sanctis eis quærunt, suntq; sibi ipsis huius operis sui ultimus (ut dicitur) finis & idolum, utentes Deo, fruente seipsis, De quibus potest illud dici Psal. 78. Cum occideret eos, querebant eum & reuertebantur, & diluculo ueniebant ad eum, Et rememorati sunt, quia Deus adiutor est eorum, & Deus excelsus Redemptor eorum est. Sed quo corde id fecerint, sequitur: Et dilexerunt eum in ore suo, & lingua sua mentiti sunt ei, Cor autem eorum non erat rectum cum eo, nec fideles habiti sunt in Testamento eius. Et illud Christi Iohan. 6. Amen dico uobis, queritis me, non, quia signa uidistis, sed quia manducaistis & saturati estis. Eadem causa & illum repulit, qui dixit: Magister, sequar te, quocunque ieris. Ipse uero: Vulpes, inquit, foueas habent, & Volucres coeli nidos, Filius autem hominis non habet ubi caput suum reclinet. Scilicet, ostendens, q̄ non propter Ihesum tantum, sed propter suam cupiditatem hæc dixisset ille. Psal. 78.
Iohan. 6.
Matth. 23.

*Decretum Christi
certissimum.*

Stat ergo sententiâ fixa: Qui uult uenire post me, abneget, non pecuniam, non uestem, nō denique sanitatem, sed seipsum, & tollat crucem suam, & sequatur me. Item: Qui non renunciauerit omnibus, quæ possidet, non potest esse Matth. 16
Luc. 14.

Luc. 14. esse meus discipulus. Item: Qui non odit patrem & matrem, & adhuc autem animam suam, non potest meus esse discipulus. *Luc. 14.*

Gen. 27. Porro cum illi etiam corpus suum quærant, & quæ corporis sunt, certum est, qd nō sunt digni Christo, Sunt tamen digni aliquibus donis mercenariorum, sicut filij Abrahæ ex Cetura, sed non hæreditate cum Isaac. Si autem nō sunt digni Christo, clarum est, qd non faciunt uoluntatem eius, ergo nec seruant mandatum eius.

Sunt digni remuneratione temporalis.

Non hæc dico, qd velim omnes esse damnatos, qui tales sunt, sed ut discant solum suam miseriam, & non sese ideo Christianos esse confidant, quia sic honorant & colunt Deum, & Sanctos, imo imperfectum suum uidentes intelligant, quid ille gemitus significet, quem nōs Christus docuit confiteri. Deinde iussit orare nos: Dimitte nobis debita nostra. Et: Fiat uoluntas tua &c. quia scilicet tales non sumus, cum tamen esse debeamus.

Gemitus.

Ideo, si consilium Dei liceat capere, non ista bona dat, ut ipsi velit satiare, sed magis irritare paruis his ad maiora petenda, vel ipsos imperfectos, vel saltem Filios suos, quibus talia non tribuit. Et hæc sat sint de hac materia.

Quo consilio Deus dat bona temporalia.

VErū, ne Pighardi hæretici in foelices, suas partes a me adiutas cōfidant, qui præ nimia ruditate nobis Teutonicis (superbissimo fastidio indignati) imponunt, qd sanctos Dei colamus, & idola faciamus, Et ideo contra nos acerrimum versuum Scripturæ congregant, in quibus prohibetur, ne adoret quis, nisi vnum Deum, Et ut nobis apud suos iustissimam inuidiam conflare videantur, insidiosissime omittunt, qd scribitur rex David & Salomo & multi alij adorati, simul impij peruersores Scripturæ, & subdoli calumniatores nostræ pietatis. Ita enim rustici illi nos tandem docent, qd solus Deus sit adorandus, & gloriantur, ac si nos id ipsum negauerimus unquam, cum tamen negare non possint, frequenter aulicos regios honorari, ac velut adorari, ut facilius ad Regem perueniatur.

Pighardi.

Job. 5. Propter horum itaque rudissimam & insulsissimam rusticitatem, Dico ego, ad Sanctorum suffragia recurrendum omni modo, sicut in Job dicitur, & ad Sanctorum aliquem conuertere. Et sicut Salomon suum patrem allegat: Memento Domine, David, & omnis mansuetudinis eius. Sed & Iacob Patriarcha dixit de Ephraim & Manasse: Inuocetur nomen meum super pueros istos, & nomina Patrum meorum Abraham & Isaac. Sed de his suo tempore, si Deus uolet.

Suffragia Sanctorum.

Hic fiducia quodq; Indulgentiarum taxanda fuisset, nisi iam plus satis illa multis modis à me taxata esset.

Fiducia indulgentiarum.

Behemoth. Job. 41. **N**unc de altera specie transgressionis dicendum, scilicet eorum, qui pro uero Deo, idolum sapientiæ & iusticiæ suæ colunt. Hi sunt filij superbiæ, quorum rex Behemoth ille Diabolus, vocatur à Deo. *Job. 41.* Horum est libero arbitrio confidere, non esse male habentes, non egere medico. His solis Christus gratis est mortuus, quia sine ipso possunt bene uiuere.

Filij superbiæ. Scholastici lib. ar. tit. assertores.

Sic olim Pelagiani præcipue, deinde hæretici omnes perditum sunt. Porro hodie quoque sunt, qui Pelagiani quidem non sunt, sapiunt tamen idem, vel peius qd Pelagiani. Nam Pelagiani Deo saltem id tribuerunt, qd per doctrinam Legis erudiret liberum arbitrium. Hi uero habent dictamen rectæ rationis, quæ deprecatur ad optima, ut Legis eruditione, non pro necessitate, sed pro comoditate tantum utantur. Dissentiunt tamen a Pelagianis, qd sine Christo non posse bene uiui meritorie concedunt. Et ita Christus non est mortuus propter peccatum, sed propter non meritum. Non fuisset necesse eum mori, ut inferni poenas solueret, sed tantum, ut mereri cælum contineret.

Dictamen rectæ rationis apud Scholasticos.

Z

geret.

DE I. PRAECEPTO

geret. Nam finge paruulum adulescere sine peccato mortali actuali (id enim etsi difficile , tamen asserunt possibile) huic non est necessarius Christus redemptor de potestate Diaboli, sed adiutor duntaxat ad coelum, quia si is moreretur, nec ad infernum nec coelum veniret.

Vasa irae. Qua Theologia mihi videntur asserere, neminem nasci filium irae & filium Diaboli, nisi filium irę diabolicę dixeris, id esse, quod non meritorium. Et dum sacerdos exsufflat Satanam in paruulis baptizandis, ut locum det Spiritui sancto, intelligitur, solum facere ex uase non meritorio meritorium. Sic enim uasa irae Apostolus cogitur nunc demum intellexisse. Et Baptismi sacramentum confert gratiam non in remissionem peccati, sed in initium meriti duntaxat, & illud symboli: Confiteor unum baptisma in remissionem peccatorum, noua glossa oportet intelligi, non de peccatis damnationis, sed de peccatis non meritorijs.

Peccatum originale. Ac sic peccatum originale nullum damnum intulit mundo, nisi q̄ priuauit merito & uisione Dei. Et ea priuatio uisionis, id est, omnium bonorum, non est malum, nisi uoce tantum, scilicet priuatiue. Sic enim theologizamus hodie. Et Christus pro nobis factus maledictum & peccatum, ut de maledicto & peccato nos liberaret, non aliter intelligitur, q̄ q̄ est factus non meritorium, ut de non meritorio nos liberaret. Deniq̄ uocabulum illud, peccatum, per totam Scripturam nouam accipiet significationem, id est, Scriptura induet confusionem. Sed mittamus has tenebras, aliq̄ tempori reseruemus, quia & alias saepissime de his diximus & egimus.

Pura sine meritis Christi gratia, nostrum omnium iustificatrix. **I**gitur, sicut supra diximus, cum simus iuxta B. Augusti. vna massa perditionis, nemo iustificatur, nisi per puram sine meritis gratiam Christi. Ideoq̄ necesse est, ut superbiat, sibiq̄ aliquid esse uideatur, qui nondum de se, sua ratione, pia intentione, suis operibus internis & externis desperauit, & ad thronum gratiæ tremens & miser accessit. Nam omnes illæ uirtutes morales, & scientiæ speculatiuæ duplo malo conficiunt hominem. Primo, Quod non sunt ueræ uirtutes & scientiæ, sed peccata & errores, quia fiunt necessario ex corde malo, & nondum sanato per gratiam, quod non potest nisi seipsum quærere in omnibus, & sic faciunt hominem uacuum & inane.

Pallunt & inflant. Altero, q̄ uallunt & inflant, ut homo sibi non malus nec stultus uideatur, Quibus fit, ut sit securus, & nihil, uel minus sollicitus de gratia quærenda, dum scit se nihil mali facere, licet fateatur se nihil meriti in tot bonis facere.

Vere iusti. Inde procedit malum latius, ut omnes despiciat, iudicet, damnet, mordeat, zelet, arguat, detrahat, qui sibi dissimiles fuerint, quia cum Phariseo nō est, sicut cæteri hominum, nec unus ex ipsis. Hi sunt, qui domum suam super harenam ædificant, horrendo periculo & æterna ruina casuram.

Iusticia. Veri autem serui iusticiæ, sciunt & consentuntur se totos esse peccatum, totumq̄ suum bonum, non intra se, sed extra se, in Deo & misericordia eius situm esse uolunt, Quia iustus ex fide uiuet, Non autem iustificatur in conspectu Dei omnis uiuens. Vnde suis malis pressi, neminem iudicant, nisi seipsum. Nulli detrahunt, neminem contemnunt, nisi seipsum. Et implent hanc definitionem iusticiæ, Iusticia est accusatio sui in principio, & iustus primum est accusator sui. Hi habent uere unum Deum, ex quo, per quem, & in quem iustificantur, & sunt sine peccato per misericordiam Dei ignoscentem, non per suam iusticiam operantem. Sic glorificatur Deus, & colitur uere, dum eius operibus tribuitur quicquid sumus, imo dum opera nostra non sint nostra, sed Dei, sicut Christus ait: Doctrina mea non est mea. Ita nihil nobis relictum est, nisi peccatum, stultitia, malitia, perditio, & con-

Luce. 18.
Matth. 7.

Hab. 2.
Psalm. 143.

Iohan. 7.

DECLAMATIVN POPVLAR CXXIII

& confusio. Ac per hoc non possumus nobis in ullo placere, aut idolum facere, redacti in nihilum, ex quo & uenimus, remanente solo Deo, omnia in omnibus.

Rom. 3. **S**ED quando hæc dicimus, obijciunt: Ergo non sunt facienda bona? *Obiectio.*
Sicut Apostolo quoque, hæc ipsa docenti, obijciebantur: Faciamus mala, ut veniant bona, Quorum damnatio iusta est.

Ebr. 11.
Rom. 14. Ideo illis respondendum: Primum, quod non prohibentur, sed quod maxime *Responsio.*
docentur bona fieri. Controversia duntaxat in vocabulo, bona, consistit. Nam sine fide impossibile est placere Deo. Et omne quod non est ex fide, peccatum est. Illa sane bona, quæ illi vocant, naturaliter & moraliter facta, ideo *Naturaliter & moraliter facta.*
sunt mala coram Deo, quia non fiunt ex Deo, nec propter Deum, id est, non cognoscuntur, nec referuntur in Deum, Sed homo sibi ea tribuit, & in eis tanquam suis, placet, cum non sint sua. Illud enim additamentum Leviathan facit, ut omnia sint apud Deum mala, quantumlibet speciosa sint coram hominibus. Vnde Paulus libera voce tam super Gentes quam Iudeos clamat: Non est iustus, non est qui faciat bonum, Omnes declinauerunt, simul inutiles facti sunt.

Rom. 3. Ut autem homo agnoscat opera sua esse Dei solius, gratia eum illuminat, natura non docet. Inde fit, ut talis homo sit patiens & mitis, siue vituperentur, siue laudentur eius verba & opera, sciens quia nihil amittit, cum non sint sua. At natura furit, ubi vituperatur, & insanit, ubi laudatur. Ratio omnium est, quod fides & spes non habet aliud fundamentum, nisi solum Deum *Fides.*
Ihesum Christum, petram ipsam, & nullam prorsus creaturam. Ratio autem *Spes.*
& natura habet fundamentum harenam, opera sua bona & sapientiam suam. *Ratio & natura.*
Inde fit, ut homo ruentibus suis operibus bonis, si per diffamiam irascatur, si per conscientiam & iudicii diuini reuelationem desperet in æternum. Iustus autem, etiamsi cadit, resurgit, & contra conscientiam, in Dei misericordia nititur, sicut scriptum est: Quoniam Rex sperat in Domino, & in misericordia Altissimi, non commouebitur.

Psal. 21. Quocirca definitio spei apud Magistrum Sententiarum, vel est *Definitio spei.*
falsa, vel est obscure & non intelligibiliter posita, Quia spes non prouenit ex meritis, sed contra, merita proueniunt ex spe, Quia sicut fides, ita spes, ita charitas, necesse est, ut sint ante omne opus meriti priores. Prouenit enim *Spes.*
spei non nisi ex misereunte & infundente Deo. Nec habet obiectum uel materiam seu fundamentum aliud, quam ipsam nudam Dei misericordiam, nequaquam opera nostra, quæ sunt potius obiectum, & ex quibus prouenit desperatio. Christus nobis uixit, & meritum nostrum est, si credimus in eum. Credentes autem in eo, iam non sibi uiuunt, nec sua merita cumulant; sed Christo seruiunt, & uicissim Christo merentur. Sic enim Apostolus docet **Rom. 14.**
14. Siue uiuimus, Domino uiuimus, siue morimur, Domino morimur, Ipse spes nostra, & nos, ut ita dixerim, spes seu expectatio eius. Sicut filius est spes patris, & pater spes filii, cui omnia prouidit & thesaurizauit.

QUOMODO autem de superbia rerum spiritualium dixi, ita & de *Superbia de rebus corporalibus.*
corporalium rerum superbia intelligatur, ut sunt diuitiæ, forma, gloria, potentia, fauor, genus, uoluptas & similia. In ijs enim qui confidit, & superbit, aliosque fastidit sui dissimiles, manifestum est, quod hæc sua facit, Deoque rapit, & sibi in idola transmutat. Quæ si solius Dei esse cognosceret, non *Preceptum utilissimum.*
distingueret inter se, & quemlibet perditissimum hominem, nihilque plus sese habere fateretur, nisi quod solus Ihesus Christus eius fiducia est.

Z ij Sic fiet;

DE I ET II PRAECEPTO

Sic fieret, si hoc praeceptum seruaretur, ut nulla superbia, id est, nulla radix, nullum initium peccati, ac per hoc nulla peccata essent. Sed pax, amor, mititas, largitas, patientia & omnium uirtutum plenitudo, Quod non in hac uita sperandum est, ideo semper manemus peccatores, & huius praecepti transgressores, Solo hoc sacrificio salui, q̄ hanc transgressionem non ignoramus, neque negamus, neq̄ cum impijs uerbis maliciæ in peccatis nos excusamus, Sed confitemur, & geminus auxilium gratiæ, & regni futuri accelerationem. Quia humilitate meremur nobis ignosci, in ijs quæ minus facimus, sicut B. Augusti. ait: Omnia mandata implentur, quando quicquid non fit, ignoscitur. Ignoscitur autem confitentibus, Quia humilibus Deus dat gratiam.

Gemitus ad Deum.

Augustin dictum.

Pestilens glossa.

Pulilli in Ezechiele.

Vnde cauenda est illa pernicioſa & adulatrix glossa, imo totius humilitatis expultrix & uastatrix, qua dicitur: Deus non requirit hoc praeceptum impleri in hac uita. Facit enim hæc glossa securitatem nocentissimam, dissoluit manus, & remittit genua strenuorum bellatorum. Et est unum de puluillis & cervicalibus, quæ in Ezechiele damnat Dominus. Nisi sane intelligatur, scilicet, q̄ non requirit quidem ab ijs, qui ipsi à seipsis requirunt eiusmodi plenitudinem, & dolent atq̄ confitentur sese non implere, & ideo festinant egredi, & cupiunt dissolui, ne sint diutius cum peccato, & inobedientia huius praecepti, sed cum Christo & iusticia, & plena obedientia praecepti, is, inquam, non imputat, nec requirit.

Ezech. 13.

Philip. 1.

Verum qui ipsi non requirunt, & extingunt à seipsis, sed consuunt sibi pulillos sub manibus, & sine timore incedunt, certi, q̄ non requiratur, ab ijs certe exiget usque ad nouissimum quadrantem. De ijs dicit Psal. 10. Propter quid irritauit impius Deum? Dixit enim in corde suo, non requirit. Qui enim non agnoscit se praeceptum hoc debere, quomodo se agnoscet esse peccatorem? Qui autem non agnoscit se peccatorem, quomodo timebit Deum & iudicium eius? Qui autem non timet, quomodo humiliabitur? Qui non humiliatur, quomodo gratiam consequetur? Qui gratiam non consequetur, quomodo iustificabitur? Qui non iustificatur, quomodo saluus erit?

Psal. 10.

PRAECEPTVM II

NON ASSVMES NOMEN DOMINI DEI tui in vanum.



HOC Præceptum (sicut & alia omnia) fuit ex primo. Seruato enim primo, & hoc facile seruatur, imo seruatum est, Quia ideo ponitur, ut cæcitati nostræ manifestetur insipientia nostra, cum non esset necessarium, si Adam stetisset, omnia enim illa sciuissimus. At nunc nec ipsa scimus, quæ necessaria sunt foris fieri, nedum intus.

Tribus rebus peccamus, corde, ore, opere etc.

Unum Præceptum affirmatiuum.

Igitur in primo Præcepto, cor & interior homo erga Deum institutus est, in hoc os instituitur. Tribus enim rebus peccamus, corde, ore, opere, contra Deum, ideo super singulis, singula sunt Præcepta, & sunt omnia tria negatiua siue prohibitiua. Nec est in toto Decalogo, nisi unum Præceptum affirmatiuum, scilicet: Honora patrem & matrem &c. Nam tertium, quod est Sabbatum sanctifices ipse Dominus exponit negatiue, dicens: Non facies omne opus in eo, Quod & nomen indicat, sabbatum, id est, requies, id est, uacatio ab operibus. Nullum enim opus in illo præcipitur, unde & solum lætationi Legis intendebant illo die. Igitur malum in omnibus prohibet, ideo & nullum aliud habet Promissionem, nisi unum, scilicet, affirmatiuum de honore parentum. Cætera uero, quæ malum prohibent, pœnam minantur.

Ideo,

Ideo, Sicut qui corde non peccat, nec ore nec opere peccat. Ita qui corde peccat, nec ore nec opere iuste facere potest, qui primum Præceptum non seruat, nec secundum nec tertium seruat.

Qui 1. præceptum non seruat.

Qui vero primum seruat, & secundum & tertium seruat. Non enim est metuendum, q̄ qui in Deum suam fiduciam posuit, Deum super omnia diligit, sperat, quærit, sitit, Nomen eius in vanum & irreuerenter nominet. Sicut non est timendum, q̄ subditus Principem diligens, non etiam nomen eius velit ubiq̄ clarum facere & habere. Vnde & pro maiori parte, in primo mandato dicti sunt, qui contra illud peccant, scilicet duplicis generis homines rudissimi & stultissimi, per omnia similiter hic dicenda sunt. Hoc enim Præcepto non prohibetur maledictio, nisi quando fit per nomen Dei, sed nec blasphemia in hominem, nisi fiat per nomen Dei, Sed infra: Non occi-

Id autem in primis notandum, q̄ hoc Præceptum subinducat affir-
mative, nomen Dei esse assumendum in os vere, vel in necessitate salu-
tis, & q̄ solum ibi prohibetur, ne in vanum assumatur. Vnde in Scripturis
frequenter præcipitur, nomen Domini inuocari, laudari, confiteri, benedici.

Nomen Domini inuocandum.

Roma. 10.

Sic Roma. 10. Omnis quicumque inuocauerit nomen Domini, saluus erit.

Videamus itaque primum rudiores, inter quos primo occurrunt supersticio-
si, sortilegi, & quidam ex Iudaicis fabulis superstitione quædam de nomine
Tetragrammaton fingentes. Quod ij nomen Domini in vanum assumant,
patet, quia nec ad salutem animæ, nec ad gloriā Dei, assumunt nomen Dei,
Sed ad curiositatem suam, ad pactum Dæmonū, in signis, uerbis gestibus, ut
supra dictum est. Non est enim id curant, an salutem animæ inde cōsequan-
tur, multo minus, an Deus in hoc glorificetur, sed tantum, ut suę satisfaciant
concupiscentiæ. Igitur sicut illi Deum abiecerunt de corde suo, & vanum
fecerunt in semetipsis, contra primum, ita & nunc Nomen eius polluant in
ore suo, & frustra assumunt.

Superstitio.

Tetragrammaton.

Frustra autem & vanum dicitur, quod sine necessitate & causa fit. Est
autem necessitas vel utilitas nominis Dei assumendi duplex, scilicet salus
nostra, & gloria Dei, imo sola gloria Dei, quia nec salutem nostram debe-
mus per Nomen eius quærere, nisi ad gloriam ipsius. Assumere autem in-
telligitur, ut cum aliquis sumit vel intendit facere, vel dicere, & ad hoc adhi-
bet nomen Dei. Sicut in corde assumit per fidem gratiam Dei ad salutem
suam. Ita in ore assumit, per reuerentiam nomen Dei, ad salutem suam &
aliorum. De istis ergo satis persuasum est, ut abstineant, in præcepto pri-
mo. Nec per hoc sese excusent, quia sancta verba, & orationes adhibent, cum
per hoc magis turpiter peccent, ut in simili.

Frustra & vanum quid dicatur.

Assumere nomen Dei.

Nonne furiosum putes eum, qui sacris vestibus, officijs diuinis aptatis,
ad choreas, spectacula, vel bella procedat, & iocum huiusmodi ex eo serio fa-
ceret. Si ergo hunc grauissime reprehenderes, Cur non multo magis repre-
hendis te vel illum, qui sancto, plus q̄ omnes uestes, imo quo sanctificantur
& vestes & omnia, non ad choreas, sed ad stupra, ad dæmoniaca opera abuta-
ris, vel saltem ad corporis salutem, contempta anima. Talis est ergo illorum
excusatio, qualis est eius, qui sic sacris abusus corripitur, & dicit: Eia, res ta-
men sacra & bona? Quid enim huic dicetur? q̄ illud: Quasi ego nesciam,
eam esse bonam & sacram? hoc me nunc doces? cum ideo te arguam, q̄ sa-
cris ita abutaris.

Simile.

At nos nunc hi sumus Christiani, qui calceos novos ne polluamus, ca-
llopodia emimus, & vestes bonas nullo modo in lutum trahimus, nec aureis

Festine & uere.

Z in

valis

DE II. PRAECEPTO

vasis contumeliam facimus cum urina, imo aqua immunda. At sacrum Dei nomen ad quæcunque indigna trahimus, sine omni fronte. Quod si hoc nullus in suis facit, finge aliquem ita furiosum, ut in suis idipsum faciat. Quid si de alienis? & eius, qui vult sua munda haberi? Quam gratam rem faceret, qui Principis titulum & nomen, & insignia, ad lutum traheret, & inuolueret, ipso scilicet uidente & prohibente, imo præcipiente in sublimi loco statui.

Stupore ipsi sumus Turci.

At nos cum audimus Turcos templa prophanare, altaria & omnia sacra polluere, miro ardore accendimur ad iram, & cogitamus iniuriam bello uindicare, & querimur, quod principes non contra Turcum bellant. Sed palpa sinum tuum, & Turcum palpasti. Interim Deus eo magis in poenam, principes in mutua bella tradit, ut nos magis quam Turcos puniat, quia peius polluimus sacra quam illi.

*Periuri, mendaces etc.
Per Deum maledicentes.*

Secundo nobis occurrunt, periuri, mendaces, dolosi, fraudulentissimi, & quicumque ueritatem relinquunt, ubi Deum testem adhibent & nomen eius, imo & per Deum maledicentes, iniuste excommunicantes, iocosi quoque ac blasphemii in Deum, de quibus supra aliqua dicta sunt, & infra plura dicentur.

*Duplex iuramentum.
Bonum.*

Hic vero videamus, qui iurando peccent in nomen Domini. Notandum itaque quod duplex est iuramentum. Bonum, de quo Deut. 6. & 10. Dominum Deum tuum timebis, & ei soli seruias, & per nomen illius iurabis. Ita enim Deus ipse iurat sæpius in Prophetis, dicens: Vivo ego, dicit Dominus. Et Psal. 110. Iurauit Dominus, & non poenitebit eum. & 132. Iurauit Dominus David veritatem. Sic Christus iurat in Euangelio, & Patriarchæ, Prophetæ, Apostoli, & omnes Sancti iurant, ac iurauerunt. Et hoc est opus meritorium, quia fit in ijs, quæ pertinent ad salutem. Vnde quoties aliquis dicit vel facit, quod expedit ad salutem, ut credatur, ubi timetur non credi, debet iurari. Sic iurat Apostolus ad Roma. 1. Quod sæpe proposuit venire ad eos. Que ratio iurandi? nisi quia expediuit eis, id credere ad salutem, ut eum fidelem Pastorem, non quæstuarium agnoscerent, & charitatem veram in eo esse considerent. Sic Psal. 63. Laudabuntur omnes, qui iurant in eo.

Deut. 6.

Psal. 110.

Psal. 132.

Paulus iurat.

Roma. 1.

Galat. 1.

Psal. 63.

Cur Deo placeat.

Ratio, quare hoc iurare placeat Deo, Quia per ipsum inuocatur veritas eius, & creditur in eum, ac propter eum fit pax & concordia iurantium, ideo sancte colitur in eo opere, quia destruitur opus Diaboli, scilicet dissensio & lis. Quia qui tibi non credit, nec quiescit, propter nomen Dei tibi credit, quod inuocas & quiescit. Ideo hunc honorem soli Deo debemus. Vnde Apostolo: Ebra. 6. Omnis controuersiarum finis est iuramentum.

Ebra. 6.

Iuramentum malum.

Aliud est malum. Et hoc duplex, Aliud enim est, quod ex consuetudine fit, & hoc est malum, quia sic vilescit assiduitate reuerentia nominis Dei. Sic Teuto: *Bey Gott/Warlich/ Fur war/ Als war Gott im Himmel ist/ Bey Gott vnd allen Heiligen/ per Deum vitum, per Deum sanctum, Auff mein theures creutz / Auff mein theures Blut / Bey dem Creutz Gottes/ Es ist marter gros/ marter schon/ id est. passionem Christi ita est.* Item sic detestari, *Der Teufel hol mich / brech mir den hals / Gott helff mir nimmermehr / Als mir Gott helff/ Auff mein Seel/ in conscientia mea, Bey meiner treu vnd ehre / Bey meiner Priesterschaft/ &c.* Ista & multa similia, heu pro dolor, tam sunt assidua multis in ore, ut prope secundum verbum sit iuramentum huiusmodi. Hic patres & matres familias vigilare super liberis & seruis ac familia deberent. Quia est pessima consuetudo, & contra hoc Præceptum.

SED propter rudes quæritur, An nomen Dei tangatur, quando iuratur in hæc verba, vere, veritatem dico? &c. Respondetur quod sic, Quia veritas est nomen Dei, cum ipse sit veritas. Sic enim Apostolus iurat Roma. 9.

Roma. 9. per veritatem & conscientiam suam. Et quamvis hoc ideo possit *Veritas,*
videri prohibitum, quia conscientia non est nomen Dei, cum æque sit pecca-
tum, iurare vane, & non iurare per Deum, seu per aliud, q̃ Deum, etiam vere,
Matth. 5. Tamen Christus Matth. 5. hoc totum refert ad Deum, quando dicit: Neque
per cœlum, quia thronus Dei est, neque per terram, quia scabellum pedum
eius, neq̃ per Hierosolymam, quia ciuitas Regis magni est, neq̃ per caput
tuum iuraueris, quia non potes vnum capillum facere album aut nigrum.
Ex quo patet, quod qui iurat per ea, quæ Dei sunt, vel ei applicata, etiam per
Deum iurat, ex quo, in quo, in quem omnia sunt.

Alterum est iuramentum falsum, Vbi quis ex proposito iurat & scienter *iuramentum*
falsum, secundum formas prædictas. Hoc est vehementer graue peccatum, *falsum.*
Et raro transit hoc peccatum impunitum, etiam in hac vita. Quod si dubitas,
interroga periuros. Sed grauissimum est, quando hoc fit in facie Ecclesiæ, *Periuri.*
cum solennitate & præscripta Forma, vt faciunt contrahentes matrimonia
clandestina, & in pœnam peccati, postea odientes sese separantur periurio,
horribilis culpa, sed horribilis & pœna.

Vnde inter omnia mandata, solum hoc habet additam pœnæ com- *Comminatio pœ-*
minationem, scilicet: Non enim habebit in fontem Dominus eum, qui *ne addita 2. Præ-*
assumpserit nomē Domini Dei sui frustra, Licet & primum habeat cō- *cepto.*
minationem, quod in quartam generationem visitet iniquitates eorum, qui
Isa. 6. oderunt. Sed quia Apostolus Promissionem, quæ in hoc continetur, non nu-
merat, sed quæ in quarto, quam dicit primam, ergo & hæc comminatio pri-
mi Præcepti non videtur numeranda. Et grande peccatum est profecto *Periurium graue*
periurium, quod primum patet ex detestatione Scripturæ, quia præcipit Do- *de peccatum.*
minus in lege: Non peierabis. Et Prophetæ vehementer periurium arguūt,
Hose. 4. Vnde Hoseæ 4. Non est veritas, non est misericordia, non est scientia Dei
in terra, maledictum & mendacium, homicidium & furtum, & adulterium
inundauerunt, & sanguis sanguinem tetigit. Denique adeo sanctum id
voluit, vt etiam regi Babylonis non seruatum à Zedechia vindicaret. Item
2. Reg. 24. nec Gabaonitis licuit nocere, licet falsi ab ijs iurassent. Item nec filijs Ben-
Iosue. 9. lamin, filias suas dari ausi sunt, propter iuramentū, & potius gentilem san-
Iud. 21. guinem permiserunt misceri fraterno sanguini, quam iuramentum solue-
rent.

Secundo, ex re ipsa, Quia iurare, est Deum testem adhibere, & *Ex re ipsa.*
medium, quo vniunt sese discordes. At sic falso iurans, Deum ludibrio expo-
nit, imo quod horrendum est, quando dicit: Sicut Deus est, viuit, verax est, *iurare.*
corde dicit, quod non sit ita verum. Ac per hoc Deum negat ore, imo & cor-
de, quo consentit in negationem oris. Et ista negatio est pessima, quia scit
Deum esse, & corde credit, & tamen simul etiam corde consentit in nega-
tionem eius, quia non negaret foris, nisi vellet negare. Et tamen contra cor
suum & conscientiam negat, Ideo grauissimum est hoc mendaciū & directe
contra Deum, qui vult eum non esse, vt suum mendacium stet firmum.

Tertio, a simili, Si principem permoueres, vt pro fide tua literas *A simili.*
& sigillum suum appenderet, in tua causa, vt sic pro nomine eius tibi crede-
retur, Et tu postea nequiter denegares, & principem in confusione relinque-
res, quid putas de te cogitaret? An putas, quod fideiussorem habeas? Aut
si, vt adesset pacto tuo cum alio, rogares, & in faciem venientem neges
esse principem, & proijcias? At Deus quanta maiestas, solus Dominus
est.

DE II. PRAECEPTO

Contra hoc preceptum dupliciter agitur.

1.

Iurando.

PRO planiori intelligentia notandum, contra hoc Mandatum in iuratione dupliciter agi. Primo in iurando, Secundo, in soluendo iuramento. Iurando, ut qui scienter in actu peierant, dolose dicentes se facere, quod nolunt facere ut liberentur, vel negantes dolose quod sciunt, ut fit in negocijs, depositis, quaestionibus iudicialibus. Hi grauius peccant, quam superstitiosi illi. Quia si nomen Dei assumunt in vanum, hi autem ad mendacium, quod longe grauius est, & hoc in negationibus fit potissimum. Psal. 24. Nec iurauit in dolo proximo suo.

Psal. 24.

2.

Soluendo.

Soluendo, ut qui sine dolo quidem iurauerunt, sed tamen postea mutantur, et non soluunt, quod in affirmationibus fit, ut Psal. 15. Qui iurat proximo suo & non decipit. Verum si non potest soluere, non ideo periurauit. At

Psal. 15.

Obiectio.

dicis: Quid? nisi iurem, damnum, vel periculum, vel mortem incurram? videtur, quod redimendus sim, ut si latro, vel hostis cogit fateri, quicquid habes.

Solutio.

Respondetur: Nullum peccatum est faciendum pro quacunque re, neque pro aeterna, quanto minus pro temporali. At dicis: Quis mihi reddet? Respondetur: Deus, pro quo veritatem dixisti. Sed non omnes casus huius monstri percensere possum, quia vere hodie inundauit & nihil curatur. O si paucitatem Saluandorum attenderemus, & timeremus, quam cito ista securitas de salute cessaret a nobis. Dicit itaque Dominus Matth. 5.

Matth. 5.

Securitas de salute.

AVDISTIS, quia dictum est antiquis: Non peierabis, reddes autem Domino iuramenta tua. Ego autem dico vobis: Non iurare omnino. Hoc loco sudatum est a multis, An liceat iurare? Et alij, quod a malo poenae, alij a malo iurantem sit, si iuretur. Sed inspiciendo Christi sensum. Vult utique nequaquam iurari, quia dicit: Non iurare omnino. Est ergo sensus, Iudaeis praecipit, ne peierarent. Iurare autem permissum est ad libitum. Vobis autem praecipio, nullo modo iurare, neque per coelum &c. In quo utique hoc vult, ut nullus voluntate sua iurare debeat unquam, libidinem scilicet & uoluntatem propriam iurandi prohibuit, & in quantum in eo est, Non debet iurare quis, ideo si ultra dicat quod est, est, non, non, peccat, & malum est.

Sensus Christi. Non iurandum omnino.

Requisitum iurare potest.

Per hoc non tamen prohibet, quin exactius iurare debeat quilibet fidelis, siue, inquam, exactus ui alterius, aut necessitate fratris. Quin potest ex me extorquere uel hostis, uel amicus, ut iurem, ut faciam omnia quae uult, dummodo sint licita. Sicut Christus dixit sequenter, quod auferrenti pallium, & tunica dimittenda, & etiam alia duo millia passuum eunda. Iam enim non ipse iurat, quia non est suae uoluntatis, sed seruit per humilitatem alienae uoluntati, uel per charitatem alienae necessitati. Cessantibus ergo ijs, nullo modo licet iurare, quin sit peccatum & a malo, quia ex mera uoluntate iurat, sine necessitate. Christus enim eo in loco instituit hominem interiore, qui non tantum periurium, sed etiam iuramentum uitare debet. Iudaeis prohibetur, Ne falsum iurent, Christianis autem, etiam ne uerum iurent, quia perfectior & integrior esse debet honor nominis Dei in noua Lege quam ueteri.

Christus perfectionem docuit.

Cur prohibitum iurare.

Secundo, Quia Christianus temporalia non debet amare, ideo propter ea non debet iurare. Quoniam qui non debet querere, quae sua sunt, quomodo etiam pro eis iurare permittetur, pluris itaque nomen Dei quam sua aestimare debet, quod tunc apud Iudaeos dissimulatum est.

Vbi uero alteri seruiendum fuit, ibi sine scrupulo, tamen cum timore Dei, frater fratri tenetur facere, quae sunt pro eius necessitate facienda. Et ratio est prohibitionis, quia scit quod nos non assumimus nomen Domini, nisi

nisi in vanum semper, præterq̃ ubi in charitate & humilitate pro alijs, vel sua salute assumitur, quod est fundamentum huius prohibitionis, 1. Corinth. 12. Nemo potest dicere: Dominus Ihesus, nisi in Spiritu sancto &c. Vel melius, Non iurare omnino, dicitur contra eos, qui effugium quæerunt, quia iurant, sed non per nomen Domini, sed per cælum, terram, Hierusalem, caput, animam, quasi ideo non sint rei, si periurent, quia non per nomen Dei iurant, ac sic iurare eiusmodi, quasi pro non iurare reputant. Quod hæc sit mens Christi, videtur ex hoc, q̃ statim secutus exponit, quomodo non velit iurari omnino, scilicet neq̃ per Hierusalem &c.

P R A E C E P T U M I I I

MEMENTO, VT DIEM SAB-
bati sanctifices.



HOC est Præceptum meum, vt diligatis inuicem, Iohan. 15. Charitas plenitudo Legis, ait Apostolus. Quæ habita, nulla est Lex necessaria, Sine qua nulla Lex satis est. Igitur in hoc tertio Præcepto, iam opus præcipitur, imo quies, vt non offendatur Deus operibus. Neq̃ enim aliquod in eo præcipitur opus. Quare hæc tria Præcepta parant hominem Deo, velut puram materiam, vt quiescat corde, ore, opere, id est, interiori & exteriori, & medio homine, qui sunt sensualis, rationalis, spiritualis, & sit pura quies. Hic ante omnia duo notanda sunt.

Quies.
Prima tria præcepta.

Sabbatum.

Opera seruilia.

Festi dies instituti
propter impera-
fectos.

Incipientibus opus
est certis ceremo-
nijs.

Proinde;

DE III. PRAECEPTO

Habentes fiduciam in operibus. Proinde, qui illis operibus factis, velut magnum aut totum se fecisse putat, & ibi stat, confidens in illa, securus, nec aliud per ea querens, ipse est vitula Ephraim docta diligere trituram, qui hoc putat esse bonum hominem, bona operari, scilicet, cum hoc sit, hominem parari ut bonus sit, Est enim baptismus aquae tantum, De quibus in tota Scriptura, multa, imo fere omnia, dicuntur, sunt enim hypocrite, iusticiarii, qui & Scripturam ab hæc torquent, nescientes (ut ait Apostolus) neque de quibus affirmant, neque quæ loquuntur. Sicut artificij cuiusque discipulus, ea facit, quæ artifex non nisi libeat, facit, sed per hæc ad magisterium proficit. Quod si in ijs stet, velut omnia sciens, stultus & ridiculus omnibus erit. Sic hic per bona opera, non efficitur boni, sed præparamur. Non enim operando, sed patiando boni sumus, cum patimur diuinas actiones, quieti ipsi.

Hos. 10.

1. Thm. 1.

Præceptum figurale.

Questio Gregorij. Charitas.

Igitur hoc præceptum Ecclesia, & multa alia figuralia, tenet, pro infirmis exercendis, ut proficiant, non ut ibidem stent, ijs facti securi.

Secundum notandum, quod B. Grego. hic quaerit? Quare Dominus id vnum mandatum adducat, cum omnia scripta plena sint mandatis. Verum omnia mandata (ut dixi) requirunt charitatem, cum sine charitate, id est, facili, prompta, hilari, libere, voluntate, si implentur, non implentur, manet enim inuita, ideoque & rea voluntas, licet opus faciat manu & extra. Sic enim: Qui offendit in uno, factus est omnium reus. Sic Psal. 1. Beatus vir dicitur, cuius voluntas in lege Domini sit (id est, qui habet charitatem, & diligit proximum) Et Psal. 110. Populi tui spontanei. Et Aposto. Hilarum datorem diligit Deus. Non enim placent Deo coacta seruitia, sed libera & voluntaria. Ut Psal. 53. Voluntarie sacrificabo tibi. Voluntas ipsa est charitas secundum B. Augustinum.

Psal. 1.

Psal. 110.

2. Cor. 9.

Psal. 53.

Respondet. Quare ergo non dedit, & sufficit in vno illo? Respondeo: Sufficit quidem, sed ostendendum fuit homini, in quibus charitatem habere deberet, Ne falsa opinione & fiducia seipsum seduceret, charitatem sese habere putans, cum non haberet. Facile enim optima de nobis, & pessima de proximo sentimus, cum debeamus contra. Ideo Decalogus præceptorum velut speculum est, in quo homo seipsum consideret, in quo & quantum deficiat aut proficiat. Nam in illis omnibus, non oportet attendere, ut faciat, sed omnino quo corde & voluntate faciat. Data sunt, inquam, in cognitionem nostræ voluntatis, deinde & in exercitationem eiusdem, quæ omnia fiunt in onus ijs, qui inuiti & difficiles sunt.

Decalogus,

Primum præceptum.

Nam ecce ut id ipsum declaremus, primum Mandatum omnia alia in se continet. Qui enim hoc seruat, omnia seruat, & qui aliquod non seruat, hoc non seruat, quia cor eius aliud quam solum Deum respicit. Verum Adam ille uetus noster adeo peruersus superbus est, ut sæpius velit sapientior & sanctior uideri, quam omnes Sancti. Idcirco fronte posita audet dicere, se primum mandatum seruare, & sibi non esse conscius. Non idolum habere, nihil iuxta Deum amare. Ideo remittendus fuit ad opera & verba, quæ ei testimonium perhibeant de seipso, & eum conuincant superbæ temeritatis, uel mendacij.

Discurrendum per singula præcepta.

Ut si præsumit, quod non habet Deum alienum, quærat linguam, si iuret? si in uanum assumat nomen Dei? Quia ex abundantia cordis os loquitur, facilis est error in opinione cordis, & lubrica temeritas. Neque facile potest fieri, an seruet primum, nisi opera & uerba interroget. Igitur, si iuret, aut uane Deum nominet, sciat se mentiri, aut falli. Si dixerit se Deum amare, & primum præceptum seruare, Non recte discussit & probauit cor suum.

Matth. 23.

Sed ecce, seruare uideatur sibi & secundum. Non est sibi conscius, interroget se in tertio, an prompte sanctificet sabbatum, an aude uerbum Dei audiat,

audiat, oret, meditetur, legat, disputet de Deo, intersit diuinis. Si hæc non facit, uel difficilius facit, quam alia sua, si dixerit se seruare primum & secundum, fallitur. Opera enim testimonium perhibent de eo. An potest fieri, ut quis assumat non vane nomen Dei, qui ipse vanus est? Quomodo vanus aliquid agat, quæ vanum? vanum loquitur, vanum cogitat, etiamsi Deum cogitet, loquatur. Vanus autem est, qui alia agit, quæ quæ Dei sunt, & inuitus quæ Dei sunt, præ ijs, quæ sua sunt. Et omnis homo vanitas.

Vanus.

psal. 39.

Tertio, videatur sibi & hoc seruare, crassius signum probet, videat quomodo suscipiat vicarios Dei, quos videt, parentes, inquam, & præfidentes. Si hos viliter æstimat & contemnit, quos videt, quomodo audet dicere, se Deum æstimare, & non aliud præ illo, quem tamen non videt?

Quarto in ijs, quæ ad Proximum, quem diligere utique est uoluntas Dei, quæ in primo Præcepto intelligitur semper. Si dicis quod diligis proximum, & eum odis, mordes, detrahis, lædis, despicias, occidis, maledicis, contumelialis, ecce opus tuum testimonium dat contra te. Item, si non defendis læsum, excusas, benedicis. Quia dilectio facit hæc, si est uera. Vide ergo hoc speculum bene.

Quinto, Si nec ex illo te cognoscis: sicut uere non satis ex illo cognosci potest, quia uaria est concupiscentia, & nulli satis etiam superius cognita, ideo per multa, imo per omnia ducenda, examinanda. Igitur non læsi proximum in corpore & persona, quid si in corpore uxoris suæ, quæ eadem caro est? Si eam concupiscis, impudice inspicis, trahis, alloqueris, aut talia facientem non reuocas, adiuuas, reducis, Quomodo diligis eum, quæso, sicut teipsum? cum hæc omnia uelis tibi ab illo fieri, quia sic utique te diligis, tibi faues.

Concupiscentia
uaria.

Sexto, Esto, & hic tibi non sis conscius, & Adam tuus sibi totus integer uideatur, sicut solet secundum cæcitatem suam, cum in nullo sit purus, Cogita quid in bonis eius externis pecces, scilicet, an fureris? id est, quacunque fraude ad te aliquid perducas? falsa quæ merce, pecunia, mensura, usura, dolo; rapina, furto, consilio, consensu ei noceas aut nocueris.

Septimo, Quid in bonis famæ? An detrahas, mordeas, & nullo linguæ peccato in eum reus sis? An gaudeas alios facere, quod ipse omittis?

Octauo, Si in operibus & uerbis integer es (quod rarissimum est) intra nunc, discute cordis secreta, & pondera delideria eius. Et nisi mentiaris, inuenies, quod sis plenus concupiscentia. Nec dicas tibi: Non concupisco, quia contra Scriptura dicit: Quis gloriabitur, se mundum habere cor? Nullus est mundus intus, Nam non satis est, ut concupiscentiam frenes, sed & non concupiscere debes, de quibus suo loco latius.

Non concupiscis.

Ideo ultima duo Præcepta sunt maxima; quæ sola Apostolus ad Romanos adducit, dicens: Non concupisces. Quare qui dilectionem habet, id est, sanam & plenam uoluntatem in legem Dei, & diligit eam, hic implet legem Dei. Non enim est timendum, quod diligens Deum nomen eius inhonoret, aut alium Deum quærat, aut polluat sabbatum. Et qui diligit proximum, non est timendum, quod contemnat Parentes, occidat, mœchetur, furetur, falsum testimonium dicat, aut etiam concupiscat. Cum potius quærat, ut benefaciat Proximo. Dilectio, inquit Apostolus, proximo malum non operatur, neque uerbo, neque facto, neque uoto.

Ultima duo
præcepta:
Dilectio.

Roma. 13.

Roma. 13.

Verum ad materiam huius Præcepti tertij reuertamur. Sabbatum, dixi olim fuisse, sicut & nunc figurale & ceremoniale propter infirmos,

DE III. PRAECEPTO

*Apud Christianos
omnis dies festus
est.*

infirmos. Nunc vero omnem diem esse festum, in quorum nullo sit peccandum. Quia si ille olim lapidibus obrutus est, qui ligna collegit in die sabbati, Num. 15. quid erit, qui in tempore gratiae enormia perpetrant crimina? maxime etiam festis diebus. In terrorem nostrum hoc scriptum est, Quia ligna colligere, non est malum tantum, sed significat malum, sicut & alia opera eiusdem diei seruilia. Num. 15.

I.

Primi igitur sunt, qui crasse & ruditer peccant in die festo, scilicet luxuria, ebrietate, ludis, ira, homicidijs, maledictis, rapinis, insidijs, fraudibus, dolis & similibus, de quibus dicit Mala. 2. Dispergam super uultum uestrum stercus solennitatum uestrarum, & assumet uos secum. Vide, stercus appellat solennitates talium, quia & stercoreant in illis, sicut porci immundi. Et Amos 5. Odi & proieci festiuitates uestras. Mala. 2.
Amos. 5.

*Ornatus uestium.
Victus.
Ocium.*

Hi enim similiter cum Iudaeis (de quibus hic loquitur) totum decus festi statuunt in ornatu uestium, & uictus splendore, & ocio laboris. Quae tria si sola sunt, sine eo quod significant, Iudaicam solennitatem faciunt, & non nisi prouocamenta sunt libidinis & uiciorum. Nam venter repletus, & anima ociosa, deinde obiectis ornamentis, coram oculis, quid faciant, nisi ut in luxuriam ducant & mala desideria? Et non cogitant, qui sic sabbatizant, quod si hoc esset sabbatizare, quaelibet meretrix hoc posset, & quilibet Turcus aut Paganus, imo equus & sus, scilicet comedere & bibere, deinde ociari, tandem pompose adornari.

Hic inuenias aliquos, qui uigiliam ieiunent, nonnunquam in pane & aqua, sed diem in crapula & luxuria consumunt. Et factum est uniuersaliter, ut sabbatum celebrius agatur, quam Dominica, qui abstinetur a carnibus saltem & ocio & pompa, quae in Dominica prodige aguntur. Et uniuersae vigiliae sunt sanctificationes, quam ipse dies celebritatis, mera scilicet peruersitate.

MYSTERIA.

Ocium corporale.

Ocium corporale significat ocium spirituale, ut cesset a cupiditatibus & cogitationibus malis, ut capax possit esse uerbi Dei, quod requirit animam vacuum. Quare quilibet Christianus se debet interrogare, quare hodie ociaris? Et sic monumentum & memoriale sibi habere quod uacandum ei sit, ad Deum audiendum.

*Ornatus uestium.
**

Ornatus uestimentorum, significat bona opera, ut audire missam, orare, eleemosynas dare, & alia misericordiae opera facere, ut Christus contra Phariseos docuit, de quibus latius infra.

Victus lautior.

Lautus victus significat
meditari, legere.

Beneficia Dei.
Passionem Christi, & ruminare uerbum Dei.
Peccata Propria. De quibus infra.

II.

Secundi sunt, qui operibus alias licitis, operantur, ut sunt opera necessitatis & substantiae nostrae parandae. Et si minus peccant, quam praecedentes, & adeo minus, quod etiam in multis casibus excusentur.

Necessitas.

Quorum primus est Necessitas. Haec autem necessitas quomodo intelligenda sit, ambiguum est, quia mire variat. Est autem non melius aestimanda, quam secundum regulam Saluatoris, qui in Euangelio dicit, Non esse peccatum, asinum vel bouem de puteo leuare & adquare.

Regula.

Ex quo sumitur talis Regula: Quod si damnum immineret tantum, vel etiam minus, quantum alius vel valor eius pensatur, potest opus fieri, quo

Luce. 14.

quo tale damnum cauetur. Quod tamen intelligitur, si tale aliquid, non voluntate eligente, sed necessitate casus accidente, contigerit. Hoc enim additur, ne auaritia sibi licentiam datam arbitrentur vendendi vel emendi, quia scilicet, si non venderent vel emerent, eius diei tantum lucrum periret. Sic enim nullus esset ponendus dies festus, quia quilibet fraudat lucrum, dum impedit negocia lucri & labores. Probatur Regula: Quia si illud Iudæis permissum est, & non fuit peccatum, quanto magis Christianis, qui liberiores sunt a ceremonijs iudicialibus. Ex ijs nunc particularia astimentur. Vt si mercator in die festo emerit uel uenderit, quod altero die uel hora, non sine magno damno emere uel uendere potest, ut quia emptor aut uenditor transitorius est, neque expectare uult, hic ideo excusatur, quia non quaesuit opus & lucrum, sed oblatum accepit, ut damnum caueret, alias non facturus ex intentione, malens quod altero tempore offerretur. Tunc enim sicut oblatum est insperato, ita potest & cito expedire, & ad feriandum reuerti. Par ratio est de quibuscunque alijs damnis, etiam minoribus, sub ea tamen conditione, ut diuina scilicet iussa & uerbum Dei non omittantur, nisi sit necessitas magna, quam arbitrium boni uiri excuset. Sed ut dixi, de damnis intelligitur, quæ non propter non usum negocij ueniunt, seu propter intermissionem negocij, sed casu, Nam damnum, intermissione negocij potest omni hora fieri.

*Christianorum
libertas.*

Mercator.

Secundo, de coquentibus & parantibus victum. Hæc enim necessaria sunt, & non est hic Iudaica superstitione insaniendum, qui non coquunt die Sabbati, licet vorent, crapulentur & luxuriarentur. Sic etiam afferri potum & cibum licet, & ut nostris moribus accedam, vas cereuicie in cellarium locare, non est peccatum. Hoc autem magis est peccatum, quod tot modijs & cantharis educitur, ut etiam usque ad vomitum inebrientur. Sic maius est peccatum, ex coquina & cellario nimis afferri, quam inferri. Hoc Iudæi non curant, illud autem curant, quos sequuntur multi.

*Coquentes, & parantes
victum.
Iudaica superstitio.*

Mira autem stulticia, quod cibum non parant. Cur non & amictum omitunt & nudi incedunt? quandoquidem induere est labor & opus. Deinde cur ambulant & vadunt, stant? cur non sedent, dormiunt? cur comedunt & bibunt? An hæc non sunt opera? Quomodo ergo sabbatificant, id est, quiescunt? Deinde, non est paruius labor, stare ad Missam & Sermonem, & diuina Officia, quod probo per omnes, qui inuite hoc faciunt, quorum multi sunt hic & alibi. Ergo dicunt illi: Feriandum mihi est, non laborandum. Et ex Præcepto contra præceptum agunt. Huc enim peruenit sapientia Iudaica.

Sapientia Iudaica.

Sic enim aliqui descenderunt ad minuta, ut etiam sarta facere, dicant prohibita. Quod si intelligant de ijs, qui uendunt illa, verum est. Virgo autem bene potest mane facere sertum suum, pro decore suo, quia potest illud ruptum reficere, ergo & efficere. Imo vestes induere & ornare se, vestes excutere & purgare pro induendo, componere peplum, & alia ornamenta, non est contra hoc præceptum, nisi fiat more quarundam, quæ a speculo non possunt recedere, & sic per hæc diuina negligant. Quæ uero ad superbiam vel concupiscentiam sese ornant, non contra hoc peccant præceptum, sed tanto grauius peccant, quod contra aliud præceptum Dei, in die sancto peccant.

*Culicem colant &
Elephantem deo
gloriantur.*

Tertio, de animalibus prouidendis in uictu & strato, mulgendo, pascendo, curando &c.

Pecorum cura.

Quarto, de tabernarijs, lanijs, pistoribus, piscatoribus & alijs artificibus, pro victu & amictu aliorum agentibus. Non peccant hi, nisi ubi ebriosis & ludentibus per hæc patrocinentur, & auxiliantur, aut faueant.

*Opificia ne
cessaria.*

a

Quinto,

DE III. P R A E C E P T O

Bonum commune.

Quinto, in communi utilitate, ut in reficiendo ponte, prohibendo flu-
uio, repugnando hosti, incendio extinguendo, & alijs publicis necessitatibus
prouidendo.

*In necessarijs oc-
cupati.*

Sexto, de medicinis, cursoribus, nuncijs necessaria ferentibus, fabris
equos sufferrantibus, molendinis &c. Hæc omnia in necessitate excusantur,
dummodo tamen per hæc diuina non negligantur.

Nundinas.

Septimo, de nundinas quærentibus, quia alio tempore non possunt. Et
ex his iudicetur de similibus.

Balistarum.

Verum hic mouetur Quæstio: An Vitembergenses sint excusa-
ti, q̄ die festo exercent balistarum artem pro aue deſcenda de hastili
erecto, cum id æque possint alio die facere, cumq̄ non sit hic necessitas, nec
pietas, nec modicitas, ac dimidius ille dies festus post prandium, possit Deo
dari, sicut & ante prandium. Simile iudicium de armorum ostensione, quasi
non & alia die fieri possit æque bene. Hic domini Consules vigilare debe-
rent.

Armilustrum.

Paucitas.

Alterum est modicitas seu paucitas. Ergo omnia opera hic facere licet,
quæ alijs diebus, dummodo sint pauca. Vt si tutor par vel duo paria calceorū
scinderet, sartor tunicam, mercator venderet aliquid, quod non exposuit ve-
nale. Sic de similibus per omnia officia & opera curre.

Pietas.

Tertium est pietas, ubi subuenitur pauperibus & indigentibus, item Ec-
clesijs. Sic enim balneare infirmum, lauare immundum, vestes, lectum eius
lauare, parare, seruire in victu & obsequio, est etiam sanctum, alioqui & elec-
mosynas petere & dare non liceret, cum id Fratres mendicantes, nonnuncq̄
in diebus festis agant, similiter & alij omnes. Sic vehere eis frumentum, lig-
na, potum, cibum, est licitum, dummodo tamen fiat ex pietate, & non ex cu-
piditate retributionis aut gulæ, ut nunc passim habetur mos.

III.

Cainista.

Tertij sunt, Qui sanctificant diem literaliter, sed non spiritualiter,
ut qui faciunt quidem opera externæ sanctificationis, sed sine corde. Et
quanquam satisfaciunt Ecclesiæ, & minus peccent, q̄ præcedentes, tamen
sunt Cainistæ, offerentes non personam, sed opus personæ, tantum cauent
scandalum, & utinam tamen omnes tales essent, qui peius agunt.

Sunt autem quinque facienda pro sanctificatione Festi, ut col-
ligitur ex Decreto, scilicet audire Missam, audire verbum Dei, orare,
offerre secundum aliquos, & conteri de peccatis,

*Audire missam.
Canon missæ.*

Primum, Audire missam. Hic nimium stulte quidam interpretan-
tur, Canonem, volentes ideo missam legendam altiore voce, q̄ non vi-
deri, sed audiri sit præcepta, quasi nō magis præceptum sit Canonem missæ,
qui solus proprie est missa, pressa voce legi, ne audiatur. Cætera autem sunt
Orationes, vel paramenta ad Canonem missæ. Quod si propter Euangeli-
um volunt eam altius legendam esse, cur non cogitant, q̄ aliud est præceptū
de verbo Dei, & aliud de missa? Sed cessent ista vana somnia, cum per om-
nem Ecclesiam nullus, nisi Sacerdos solus, missam audiat totam, magno, sci-
licet, eo sacramento, q̄ Christus verus Sacerdos, quanquam multa operatur
in Ecclesia, per externa sacramenta, & visibiles ceremonias, in quibus ei fi-
deles concinunt & cooperantur, sicut Clerus nunc facit Sacerdoti, in cantu,
oratione, responsione, tamen plurima agit inuisibiliter pro nobis apud Deū,
quæ populus & Ecclesia eius non videt, neque percipit.

Deinde

DEinde anceps quæstio est, An satis sit, audire Missam matutam? *Quæstio.*
 Item, An satis sit, in monasterijs tam audire? Hic distinguitur: Si est
 necessitas (de qua supra dictum est) tunc satis est audire matutam priuatam, *Missæ matutæ.*
 vel etiam monasticam Missam, Quia necessitas non habet legem.

Vbi autem non est necessitas, distinguitur fere semper, q̃ si non omittatur
 Parochia ex contemptu, sed ex deuotione petitur Monasterium, licet in mo- *Parochia.*
 nasterio audire. Sed meo iudicio dicā saluo vniuscuiusq̃ sensu. In hac perdita
 temporis miseria, prorsus non est tutum, relinqui vnumquemque, præsertim
 simplicioris & rudioris animi hominem, suæ deuotioni & discretioni contra
 apertos Canones. Cuius ratio est, quia ideo sunt positi canones Patrum, vt *Canonis Patrum.*
 dirigant populum. Et debet vnicuique sua deuotio semper esse suspecta, &
 tanto magis, quanto magis placet, cum est contra communem vsum, vel de-
 cretum Patrum. Cum sciamus, q̃ angelus Satanæ in lucis angelum sese
 transfigurans; summe sit timendus & cauendus; Qui sub specie deuotionis
 facile omnia decreta solueret. Et illud Deut. 12. & Iud. 19. ubi præcipitur, imo
 prohibetur ac reprehenditur, ne quilibet faciat, quod sibi rectum & bonum
 videtur. Alioqui primo aufertur timor ab hominibus, & reuerentia Ecclesiæ
 suæ & communitatis. Deinde nutritur securitas, etiam paulatim ad maio-
 ra alia permittenda.

Tertio, Redit illa antiqui populi licentia in Excelsis & lucis, & extra *Excelsa.*
 templum religio, quæ summe prohibita fuit. Nam de facto videmus, hac de- *Luci.*
 uotionis licentia permissa, non tantum Parochias, sed etiam monasteria ci-
 uitatis dimitti, & ecclesias campi & villarum, eadem deuotionis simulatione
 præferri. Et sic Ecclesiæ cultum, in Tabernarum redigi frequentia, ac nun-
 dinarum negotiationem, prætextu dedicationis, patronorum, votorum &c.

Dico igitur mea sententia: Quicquid sit de alibi audienda Missa;
 nulli esse licitum in hoc ipso suum iudicium, suam opinionem, suam deuotio-
 nem sequi, sed auctoritatem Ecclesiæ, & captiuandum sensum in obsequium
 Christi, quia scriptum est: Stultus est, quia confidit in corde suo. Et Ecclesia
 non potest errare. Quilibet autem potest in sua deuotione errare; cum &
 multi Prophetæ, Sancti, Reges similiter errauerint, nobis in monitionem &
 terrorem. Ne ergo ulli credas glossæ, super decretum istud. Qui enim sic glo-
 sat, ignarus est in lege Dei, & nondū cognouit, quid sit Diabolus & homo;
 multo minus, quid sit Deus. Et mira peruersitas glossæ, quæ vagam concedit
 deuotionis licentiam, quam textus data opera, voluit coercere. Imo semper,
 quicquid tibi teipsum dederit ac permiserit, tene suspectum, quia facit, vt in-
 ueniatur voluntas tua in ieiunio tuo, ut dicit Esa. Sic illudit Micheas Ahab
 dicens: Ascende &c. Quicquid autem tibi teipsum abstulerit, hoc sequere.
 Matth. 5. Esto consentiens aduersario tuo &c. Mich. 7. Ab amico custodi te:
 Item: Omnis amicus fraudulenter incedit.

Secundum, Est audire verbum Dei, quod iterum sub præcepto est, *Audire verbum*
 in parochia audiri, sicut & missam, nisi ubi intermittitur propter Dedi- *Dei.*
 cationem aliarum Ecclesiarum, uel monasteriorum. In quibus post prandium
 audire, est de consilio quidem Ecclesiæ; sed tamen de præcepto Dei, qui iult
 verbum suum omni deuotione ubique audiri.

Et hoc secundum est magis necessarium; quam primum. Imo primum *Euangelium.*
 est propter hoc secundum, ut ex Christo patet, qui dicit: Quotiescunque hæc
 facietis; in meam memoriam facietis. Q. d: Non celebrabitis missam, nisi
 prædicetis Euangelium. Et Apostolus: Quotiescunque enim manducabitis
 panem

DE III. PRAECEPTO

*Olim excommunicati
missae intererant
usque post
Euangelium.*

panem hunc, & calicem bibetis, mortem Domini annuntiabitis &c. Ideo non licet missam perficere sine Euangelio, priuatam priuato, publicam publico. Imo in primitiua Ecclesia, etiam Excommunicati, poenitentes, Catechumeni, energumeni intererant missae usque post Euangelium, quae & missa catechumenon vocabatur, ut ex Dionysio patet, Quod utinam adhuc hodie fieret, ut saltem verbum Dei audirent excommunicati, quo facilius intelligerent, ac compungerentur. Atrox esset nimium Excommunicatio, etiam ab auditu verbi Dei, quod tamen omnibus creaturis praecipuum est praedicari.

Hic iterum Quaestio est:

*An satis sit audire
Euangelium missae
priuatae?*

AN satis sit audire Euangelium missae priuatae? Respondetur, quod sit satis, si est intelligens simul, & coactus proficisci. Alioqui etiam si intelligat, tenetur tamen vocale audire sollemniter. Alioqui cuiuslibet liceret publicam praedicationem relinquere, & fieret ipsa contemptibilis. Imo si fuerit necessitas proficisci, etiam si non intelligit, imo si non audit, est excusatus. Debet tamen quilibet non solum cogitare, quanta necessitate cogatur absens esse, cum sit corporalis, sed etiam quanta necessitate verbum Dei sit habendum, cum sit spiritualis. Ideo pietas coelestis debet semper vincere cupiditatem terrenam.

*Ministri Ecclesiarum
doceant Euangelium.*

Hic tamen notandum, quod si populus tanto rigore ad audiendum verbum Dei est astrictus, quanto, quapropter, sunt astricti sacerdotes, ut etiam verbum Dei dicant, & dici procurent? Quod cum sit super omnia praecipuum instantissime mandatum, nescio qua miseria, hodie nihil minus curatur, in multis locis penitus omittitur, in pluribus ea praedicantur, quae omitti salubrius erat. In alijs locis praedicantur humanae, & doctrinae iuris ac Philosophorum. Euangelium, id est, memoria Christi tam rara, ut horror sit hoc attendere. Cogitur populus ad parochiam, & non obedit, quia coguntur Sacerdotes euangelizare, & non faciunt.

*Euangelium negligitur,
& alia indigna
piscis docentur
in Ecclesia.*

Quid ergo mirum, si vagentur populi licentia superstitiosa ad alias Ecclesias, quando Sacerdotes nugantur, crassa ignorantia, per fabulosas & vanas doctrinas? Tu non praedicas Euangelium, & grande crimen putas, quod populus discurrit ad idolorum Excelsum? Cum tu absis Ecclesiae & officio & verbo, quid sequetur, nisi ut populus absit, & obsequio & auditu? Tu ad literam es intus inutilis, spiritu foris. Ideo & populus corpore migrat foris pariter & spiritu, tanto minus peccans quam tu, quanto promptior est audire Euangelium si diceres, imo si didicisses. Tui occasione igitur euacuatur Ecclesia. Et pascua & uictum ouibus, dum cogis pecus in caulas, negas. Ideo disperguntur oves Christi in montibus, quia non erat pastor, dicit Dominus.

*In Sacerdotes non
docentes Euangelium.*

Orare.

Tertium est, orare, De oratione multa sunt dicenda, hic tamen de vocali vult intelligi, quod non est negandum, sed tamen ea debet esse minor & modica ad orationem spirituales. Oratio enim est ascensio mentis in Deum, verba sunt scala, sed vox est apparatus scalarum. Ideo dixi, quod hi sanctificant diem literaliter & male, qui voce tantum orant, imo non orant, sed orationes tantum proferunt aliorum, non aliter quam sicut liber, alterius scriptiones & verba, ipse mortuus nihil intelligens. Vel sicut organum profert cantum Cleri, ipse nihil sentiens, aut intelligens illum. Quod hodie magnum est mysterium. Quale est enim organum, talis & clerus, id est, boator sine sensu, vox sine verbis, sicut organum non nisi velut mutam & elinguem vocem, ac sonum refert. De spirituali autem oratione postea in quinto Praecepto.

Oratio quid.

*Voce tantum orare,
non est orare.*

Quartum,

Quartum, secundum quosdam est offerre, sed hoc abolitum est, *offerre.*
 licet in Ecclesia primitiua fieret hæc oblatio panis & escarum in com *Oblationes in pri-*
 muni, de quo offerebatur. Et reliquum in pauperes conferebatur. At nunc *mitiua Ecclesia.*
 vice huius, dotatæ sunt Ecclesiæ, monasteria, hospitalia &c. pro pauperibus.

Quintum, quod est maximum & omnium primum, scilicet re- *Reconciliari Deo.*
 conciliari Deo, per examinationem conscientiæ, & contritionem *Contritio peccato-*
 peccatorum. Hæc autem contritio sic paranda est, vt non tantum ex odio, *rum ex amore.*
 quantum ex amore procedat. Ex amore autem procedet (vt rudibus exempli
 gratia dicam) Si homo secum ruminet beneficia Dei in se per totam vitam
 collata, Tum illis opponat suam ingratitude & vitia, in abusu talium bo-
 norum, ut q̄ dedit quinque sensus, tot periculis seruauit, tot bona corporis,
 mentis, rerum dedit. Quæ omnia non bestiis, non lapidibus, non denique plu-
 rimis hominū dedit. Post hæc fiat ascensus ad spiritualia, q̄ Filium suū misit
 in carnem, crucifigi, mori, & alia infinitæ dignitatis, tandem promissa æter-
 na bona. Hæc omnia ruminata, & peccatis composita proprijs, mire excitant
 odium ac detestationem sui, amorem vero & laudem Dei. Hæc est verissi-
 ma contritio, uiua & efficax, vbi illa, de timore inferni, & peccati turpitudi-
 ne, est literalis ficta & breui durans, quia non radicata amore, sed incussa ti-
 more tantum. *Modus ueræ con-*
tritionis.

Sic de quodam legitur, qui per totam vitam pessime viuens, miris tamen *Historia.*
 beneficijs ac donis Dei prouehabatur, tandem etiam ad Episcopatum proue-
 ctus est. Tunc ad se reuersus, & admiratus Dei benignitatem, erga suam in-
 dignitatem, exclamauit: Vicisti Domine, & conclusisti me nimia bonitate
 tua, ideoq̄ ecce amodo totus tibi seruiam, & ita fecit.

Neque contemni debet rudis ille ascensus à primis corporalibus bonis *Historia de duobus*
 &c. Nam legitur in Historijs, q̄ tempore concilij Constantiensis duo Cardi- *Cardinalibus.*
 nales ad Concilium equitantes, pastorem in agro flentem viderunt. Vnus
 autem eorum animo misericordiore, non possum (ait) abire, nisi audito illo
 homine & consolato, Et accedens, causam fletus percunctatur. Ille dissimu-
 lat tristis, Instat Cardinalis, & cogit fateri. Tandem, ecce, inquit, hanc besti-
 am (buffonem intuitus) tam eximiam creaturam fecit me Deus, hominem
 erectum, decorum, rationalem, & nunquam gratias egi, q̄ non me quoq̄ tam
 deformem buffonem fecerit, hoc est quod amare fleo. Tunc Cardinalis inso-
 lita contritione hominis percussus, & sua maiora beneficia, maiore ingratu-
 tudine sua, subito conspiciens, de mulo exanimis cecidit. Tandem leuatus
 cura famulorum, & in ciuitatem perductus, semper exclamauit: O Augustine *Dictum Augustini.*
 sancte, q̄ uere dixisti: Surgunt indocti, & rapiunt cælum, & nos cum doctri-
 nis nostris, uolutamur in carne & sanguine.

Hæc sunt opera ueræ sanctificationis, quæ significantur omnibus exte- *Scala in Deum.*

Thre. 3. rioribus. Sic Threno. 3. Memoria memor ero, & rabsceat in me anima mea.
 Sine ijs duobus non accenditur mens & cor. Corde autem non succenso,
 omnia alia frigide, uane, & noxie fiunt, quia sine fructu. Et hæc duo debent
 ex Euangelio audiri, auditaq̄ ruminari. Sunt enim hæc duo, scilicet Dei bo-
 na, & nostra mala, scala ipsa in Deum, in qua descendimus in nos, & ascen-
 dimus in Deum, sicut figuratum est, Gene. 28. Sunt etiam duo illa Sacrificia
Gene. 28. laudis & confessionis, de quibus: Sacrificium laudis honorificabit me. Et q̄ *Sacrificium laudis*
Psal. 50. ille sit ascensus in Deum, sequitur: Et illic iter, quo ostendā illi salutare Dei, *& confessionis.*
 Id est, reuelabo ei æternam salutem. De altero, confessionis scilicet: Sacrifici-
Psal. 51. um Deo spiritus contribulatus, cor contritum & humiliatum Deus non de-
 spicies. Et hæc duo simul oportet offerri, ut sint eo perfectiora.

DE IIII PRAECEPTO PRAECEPTVM IIII

HONORA PATREM TVVM ET MATREM tuam, vt bene sit tibi, & sis longeuus super terram.

Iudei.

Honorare.



OC praeceptum Iudaei fecerunt irritum per traditiones suas, sicut & omnia alia. Quia honorem hunc exposcebant solum in verbis & signis, irritatores facti verborum Legis. Quia enim honorare significat signum reuerentiae exhibere, acceperunt illud secundum huius significationis corticem, ut solo exteriori signo honorandos docerent. Sed, ut saepius dixi, Lex Domini est spiritualis, immaculata, conuertens animas, ac interiorum instituens hominem, Ideo cor Psal. 19. primum obligat & requirit, Quare procedamus secundum hunc duplicem sensum, scilicet literae & spiritus.

Honor parentum spiritualis.

Honor parentum spiritualis, est exhibitio cordis, & reuerentia promptae voluntatis. In quo includuntur duo.

Primo, prompta obedientia ac voluntas ad omnia, quae volunt parentes. Secundo, digna aestimatio opinio & parentum. Honor enim cordis, est magna pietas, & maior quam charitas in proximum, quia charitas solummodo diligit, prompta seruire proximo, & preciosum eum existimans. Ideo istud Praeceptum statim post praecepta primae tabulae ponitur, quia est de illis, qui sunt vicarii Dei. Quare sicut Deus colendus est honore & timore, ita & Vicarius eius.

Vicarij Dei.

Spiritualis Parentum cultus.

Patet itaque, quod qui spiritualiter honorat Parentes, exhibet eis primo promptam obedientiam & uoluntatem. Ac per hoc non solum succurrit eis in necessarijs, sed etiam in omnibus obedit eorum beneplacitis. Et qui tale cor suis parentibus non exhibet, sciat se non implere hoc praeceptum. Quanquam & nunc quoque in ista intelligentia caeci, in nuda superficie uerborum laborent plurimi. Ergo honora, dicit, scilicet corde intimo, & affectu pleno, parentes tuos &c. Quomodo enim parentibus inobediens sit, qui cor eis non solum obtulit, sed & cum honore obtulit?

Secundo (quod maius est) exhibet reuerentiam (non in litera foris, sed in spiritu intus) id est, magnificam opinionem in corde de illis habens. Et hoc potissimum in hoc Praecepto commendatur, per quod & differt (ut dixi) a charitate, qua quilibet alteri obedire & seruire iubetur, Gala. 5.

Parentum ueneratio unde nascatur.

SED unde nascitur illa sublimis opinio de parentibus in filiis? maxime cum quandoque sint pauperes, ignobiles, infirmi, deformes, aut alias minus reputabiles. In istis enim multi offenduntur, ut fastidiant & erubescant parentes suos, dolentes, quod non de diuitibus, potentibus, nobilibus &c. nati sunt. O caecitas magna. His tradenda est Regula.

Gala. 5.

Cogitatio pii filij de parentibus &c.

Opinio parentum grandis fit respectu Dei, & uoluntatis eius. Sic enim pius filius cogitabit: Ecce, si summe Maiestatem non fuit indignum uisum, quod talem hominem uoluit parentem meum esse, cur mihi indignum uideatur, si Deo summo placuit in illo operari, & me creare, cur mihi displiceat, in illo fieri, aut factum esse? Nam quid faciunt parentes ad formationem filij? qui nec si sit masculus, foemina, oculatus, auritus, pedatus, uiuus, mortuus, albus, niger, capillatus siue non, futurus unquam, cogitant? Ergo officinam Dei mei, artificis mei reuerebor, Non aduertam oculos in paupertatem, deformitatem,

Parentes officina Dei.

rem, ignobilitatem parentum, sed in Deum operatorem. Sic sic fuit reuerentia ex Deo in parentes, non ex parentibus, dum altius intuentur, q̃ ut sunt caro & sanguis, sed ut officina summe Maieſtatis. Quis enim cōtemnet officinam principis? quod fabrefactum opus odit officinam suam, in qua factum est? Cum igitur Deus uelit parentes honorari, & iustissima sit causa, scilicet, quia uicaria & officina Dei est. Solo hoc differt istud mandatum a præcedentibus, q̃ Deus in illis honoratur ut in seipso, In isto, ut in alio, scilicet Regentibus, qui sunt sedes, officina, altare, propiciatorium eius. Hic ergo est uerus honor.

Honor parentum literalis, est inuito corde, & contemptore animo, sola scilicet formidine pœnæ, exterius signo honorare parentes. Nam qui sola formidine pœnæ honorat, scilicet, ne confundatur coram hominibus, uel puniatur hic, aut in futuro, tam diu honorat, quam diu timet, & pœnam cogitat. Semper autem intus corde contemnit, oblitus autem pœnæ, etiam opere foris contemnit, ut in multis Exemplis probatum est, & quotidie experimur.

Dilectum est, quo modo se filij debeant habere erga parentes. Sed oportet, ut illi rursus se exhibeant parentes, ut digno nomine sint parentes, ne honor filiorum conferatur in idola, & mortua simulacra parentum. Imo forte sunt peiores aliquando q̃ latrones, quia fouent carnem illorum, & interficiunt animas eorum.

Sæpius enim fit, ut filius in Patre peiorem homicidam habeat, & utilius fuerit filium a latrone occidi, q̃ a patre foueri. Aut cur putatis, q̃ pestis potissimum sæuit in paruulos? nisi quia Deus implet in eis, quod Sapi. 4. ait: Raptus est, ne malicia mutaret intellectum, aut ne fictio deciperet animam illius, propter hoc properauit illum educere de medio iniquitatum. Et infra: Condemnat enim iustus mortuos uiuos impios, & iuuentus celerius consummata, longam uitam iniusti &c. Sed de his latius postea.

Nunc, ut videamus, quid eis debeant, ut sint parentes. Apostolus Ephe. 6. postquam filios iussit, ut parentes honorarent, & præceptum illud commendasset, atque interpretatus fuisset, dicit: Filij, obedite parentibus uestris in Domino. Utique uolens, ut sint non tantum in carne parentes, sicut gentes, sed in Domino, & illi obediant etiam in Domino. Statim de parentibus dicit: Patres, nolite ad iracundiam prouocare filios uestros (quod Coloss. 3. exponit, Ne pusillo animo fiant) sed educate illos in disciplina & correptione Domini.

Primum, q̃ eis impendi uoluit, ad animum scilicet pertinens (nihil enim de corpore eorum prædicauit) ut non prouocent eos ad iram & deſectionem, Hoc est contra eos, qui furiose regunt filios, & dum animus adhuc mollis est, in totum timorem & pusillanimitatem uertitur, ita, ut odio parentum, tandem aufugiant, & faciant, quæ alias nunquam fecissent. Quæ enim spes hominis, qui diffidentia in parentes & odio, de illis desperat. Non enim uult Apostolus, ut filij non offendantur, aut uerberentur, sed ex amore castigentur, non ut illi furiosum animum expleant, nihil solliciti, quomodo emendent filiorum errorem.

Factus enim pusillo animo, ad omnia inutilis desperatus efficitur, timidus omnia agere & aggredi. Et quod peius, quod talis timiditas, teneris

DE IIII. P R A E C E P T O

Nutriculae. annis imbibita, uix unquam postea eradicabitur, quia enim ad omne uerbum parentum didicerunt terreri, ideo postea etiam ad folium arboris timent sonantis. Sed & illae Nutriculae, quae pueris illudunt terribilibus formis & gestibus, praecipue de nocte, sunt compescendae. Omni studio puer est formandus ad timorem bonum, ut timeat, quae timenda sunt, non autem ad esse timidum, sicut parentibus quibusdam satis est, si timidos, tantummodo habeant, quod est nocentissimum futurae aetati, Hoc pro declinatione ad sinistram, Nunc ne etiam in alteram partem peccetur, dicit.

Erudiendi & corripiendi liberi.

Secundo: Sed educate eos in disciplina & correptione Domini, id est, docete eos docenda, & corripite non seruantes ea. Vtrumque illis necessarium, & eruditio eorum, quae ignorant de Deo, & correptio, si cognita non sequantur. Vide itaque, ut ante omnia, filios uelis institui in spiritualibus, ut prius Deo tradantur, quam mundi negotijs. Et heu quod ista nunc sunt omnia peruersa. Nec mirum, quando nec parentes ipsi sunt eruditi, aut correptione probati. Fuit autem una spes reliqua in Scholarum magistris, ut saltem ibi, sub literis erudirentur in pietate, sed & haec periit. Omnes gentes, praesertim Iudaei, diligentius instituunt pueros suos, quam Christiani. Ideo & Ecclesia pessime habet, quia tota eius vis consistit in successoribus, qui in prima aetate negliguntur, sicut hortus in uerno tempore.

Indimagistri.

Eruditio Domini.

Igitur in eruditione Domini sunt educandi. Est autem eruditio Domini, qua docentur cognoscere Dominum Ihesum Christum, infigere eis recenti memoria, quomodo ipse pro nobis passus sit, ac quae fecit, quae promisit, Sicut filiis Israel praeceptum fuit, ut nota facerent filiis suis, ut cognoscat generatio altera mirabilia, quae fecit cum Patribus eorum in Aegypto. Et hoc

Correptio Domini.

cognito, si non discant amare Dominum, & gratias agere & orare, & sequi Christum, adhibetur correptio Domini, id est, terror iudicii Dei, & minationes irae Dei super malos. Hoc enim, qui ab ineunte aetate didicerit, scilicet beneficia Dei & promissa, unde diligat, deinde plagas & cominationes, unde timeat Dominum, facile haec tenebit factus maior. Nam in ijs duobus uult Dominus coli, Amari ut Pater, ex beneficijs praeteritis, praesentibus & futuris, Timeri ut Iudex, ex plagis praeteritis, praesentibus & futuris, sicut dicit: *Malach. 1.* Si ego sum Pater, ubi est amor meus, Si sum Dominus, ubi est timor meus?

Amor & timor Dei.

Sic ergo discant filij Domino cantare misericordiam & iudicium. Haec

Eruditio.

duo enim Apostolus intendit, quando dicit: In eruditione & correptione Domini. Ad eruditionem pertinet, ut dicas ei, quomodo Deus omnia creauit, ei sensum, vitam, animam dedit, quotidie omnibus bonis iuuat, quae creauit, pro eo passus est, & mirabilia fecit, praedicauit, adhuc maiora promisit, ut pro his gratus sit Deo, & Patrem agnoscat ac diligat. Ad correptionem pertinet, ut ei dicas, quantis olim plagis percussit Aegyptios, Gentes, Zodomitas, filios Israel; denique omnes in Adam. Item, quot adhuc ante oculos percutit peste, patibulo, gladio, aqua, igne, bestiis, morbis, & quanta comminetur in futuro, in gehenna cum Diabolis.

Correptio.

Et uult haec potius adhiberi, quam correptiones hominum, id est, proprias. Non sine causa, scilicet, ut discant semper sursum ad Deum aspicere, & non homines, sed Deum timere. Ne si parentum rugas timeant, tandem etiam in ijs, quae Dei sunt, homines timeant, hoc est, ne pusillo animo fiant. Hoc enim agendum est cum filiis, non ut parentes timeant, sed Deum offendere se sciant, si parentes non timeant. Sic enim non fient pusillo animo, quia ubi parentes etiam proprios, non nisi Deum timendo, timere didicerint, postea etiam in aduersis & prosperis, non a Deo recedant, timore vel amore quocumque.

Quod

Gene. 19. Quod autem gratum sit hoc Deo sacrificium, in filijs erudiendis, *Educatio li-
berorum.* patet in Genesi, vbi Dominus Abraham non potuit celare, quod faciturus erat. Sola hac causa motus dicit: Scio enim, q̄ docturus est filios suos, vt timeant Dominum. Ecce, quomodo correptionem Domini super Sodomas, dicit pro futuram per Abraham in educatione filiorum, ad timorem eorum.

1. Reg. 2. Similiter Ionadab, pater Rechabitarum, eximie laudatur, & in filijs benedicatur, quia eos pie & religiose educarat in timore Domini. Sic Tobias, *Ionadab pater
Rechabitarum.* Ioachim vxor Susanna, educati sunt. Econtra, Heli *1. Reg. 2. quid meruit,
1. Reg. 35.* filios suos negligendo, ibidem patet. Item, quid ille puer quinquennis apud B. Grego? Et vere stultissimi sumus. Ecce in proprijs filijs possunt mereri, vel vitam, vel mortem, & non aduertunt. Nam quid prodest, si tua culpa malos filios educes, etiamsi tu sis in teipso irreprehensibilis.

1. Cor. 7. Multi alienis studijs, Deo seruire prapostere nituntur, ieiunando, vestes *Prapostere
Dei cultus.* portando asperas, & alijs affectatis obseruantijs. Et hanc domesticam pietatem caeci non minus transeunt, q̄ olim Iudaei, relicto templo Dei, in Excelsis immolabant. Primū erat attendere, quid Dominus à te requirat, cuius officij tibi onus imposuit, vt Apostolus ait, in qua vocatione quisque vocatus sit. Hoc enim ante omnes indulgentias, orationes, Ecclesiarum visitationes, vōta quaecunque, curandum fuit & agendum.

Dictum fuit, Quomodo parentes se gerere erga filios debent, vt digno nomine parentes vocentur, ne ex parentibus fiant perdentes, & pereuntes simul cum filijs. Videamus igitur, qui sunt isti perdentes ac perditores filiorum,

I. Primi scilicet, Qui omittunt, & scienter sinunt eos crescere sine eruditione, & correptione Domini, quanquam nullo malo Exemplo noceant, tamen permissione eos perdunt, vt qui nimis carnaliter eos diligunt, ac tenere fouent, dicentes: Pueri sunt, non intelligunt quid faciunt. Et verum dicunt. *Parentes filios male
educantes per-
dunt eos.* Sed nec canis, nec equus, nec mulus, intelligunt quid faciunt. At vide, quomodo discunt ire, venire, sequi, facere, omittere, quae nō intelligunt. Sed nec lapis, nec lignum intelligit, q̄ sit inepta res ad domum, sed formatur ab artifice, & statim intelligit, quanto magis homo. Aut si aliorum pueri intelligunt, cur tui non intelligunt? Hi ergo peccata filiorum portabunt, quia faciunt eadem, vt sint sua. An non puer ille quinquennis, de quo B. Grego. fuit non intelligens?

II. Secundi, Qui verbis iupudicis & maledicis, deinde exemplis ac gestibus malis, eos praecedunt. Sunt reperti, & utinam nusquam adhuc sint, sicut ego noui, qui prostitutarum filiarum lucro uictitabant, & iussu parentum, filiae ac vxor fornicabantur. Quis dubitet, his filiabus pro parentibus, utiliores fuisse latrones? Sunt adhuc tam stulti, quibus mire placet, si filios habent Mauortios, & percussores faciles, tanquam laude dignissimos, q̄ nullos timeant. Horum stulticiae premium finale solet esse luctus & dolor, de subita filiorum occisione, & iuste. Nunc filij (vt iuuentus fert feruida) prouisi sunt ad concupiscendum & irascendum, ideo cauenda exempla parentum, in verbis & gestibus. Quid enim filius discat maledici ac impudici, q̄ maledicere & impudice loqui?

III. Tertij, Qui occasionem dant filijs ad mundum diligendum, ut qui nihil sunt aliud solliciti, q̄ quomodo discant incedere, saltare choreas, ornari, hominibus placere, concupiscentias irritare, mundo conformari. Vbi sunt nostra ætate, qui tanta cura filijs prouident Deum, quanta prouident vestes, lusus, diuitias, honores &c? Mare hic plenum reptilium maiorum & minorum occurrat.

Vide,

DE IIII PRAECEPTO

Portenta vestium.

Puella pileata.

Vide, quæ portenta vestium, hæc licentia attulit in utroque sexu, præcipue in mulieribus, Deus custodiat viros, ne lineum pepulū portent, quia mulieres birrheta nudis capillis portant, sicut masculi. Forte in vindictam, quia viri portare coeperunt reticula capillaria, quæ mulierum erant, ideo mulieres receperunt à viris birrheta. Et quare utrumque mundus pulchre decere putat, nisi quia placet nouus mos? Sed cogita tecum, quid sit viri caput inuolui reticulo muliebri, & mysterium, simul quod Apostolus tetigit, quando caput viri non uelari uoluit. 1. Cor. 11.

Ornatus mulierum.

S. Cecilia.

Anastasia.

Hester.

Sed primum distinguamus, Aut ornatus eiusmodi sit volentibus maritis ac iubentibus, hic possunt mulieres certe excusari, si tamen inuitæ faciunt solum ut placeant uiris, uiris, inquam, sensatis & habentibus. Ut S. Cecilia foris in aurea ueste incedebat, intus induta cilicio ad carnem. Et Anastasia similiter. Item Hester olim in uete. lege. Quin S. Augustinus grauius arguit quandam Editiam, quæ abiecerat inuito uiro uestes matronales, & habitum uidualem sumpserat. His ergo omisus, quia uiro obediendum est in ijs, quæ sine peccato fieri possunt.

Mulierum præcepta uiuendi.

De ijs videamus, quæ inuitis & coactis maritis exposcunt hos luxus, de quibus non me, sed primum Apostolum Petrum audite, qui pastor fidelis omnium constitutus est, 1. Pet. 3. Similiter & mulieres uiris suis subditæ sine, ut si qui non credunt verbo, per mulierum conuersationem sine uerbo lucrifiant, considerantes in timore sanctam conuersationem uestram (spiritualiter & corde subsint, quæ est in timore seu reuerentia subesse, ut magnifice opinentur de eis) Quarum non sit extrinsecus capillatura, aut circumdatio auri, aut indumenti uestimentorum cultus, sed qui absconditus est, homo cordis, in incorruptilitate quieti & modesti spiritus, qui est in conspectu Dei locuples. Sic enim aliquando & sanctæ mulieres, sperantes in Deo, ornabant se, subiectæ proprijs uiris. Sicut Sara obediebat Abraham, Dominum eum uocans, cuius estis filiæ beneficientes, & non pertimentes ullam perturbationem. 1. Pet. 3.

Hæc uobis Lectio recitatur mulieres, hoc latinum (ut pueris) uobis proponitur, discite & aduertite. Episcopus, Papa, Apostolus, pater, pastor uester, hoc dicit, & seruandum tradit. Postea & uiris, quid tradat, audiamus.

Vir.

Coniugati.

AC primum, ne quis de mulieribus, in hoc præcepto, non dicendum putet, sciat, quod omnis superior potestas humana hic præcipitur honorari, ut & antea dixi: Vir autem caput & dominus mulieris est, ac superior. Sicut econtra Potestas omnis hic monetur, ut se dignam honorem præstet. Quare post filiorum eruditionem, imo cum eorum eruditione, recte ac proxime, de coniugatis etiam inter se, dicendum est.

Apostolus suauiter docet.

Vide autem, quanta suauitate & modestia, quanta quiete & lenitate docendi procedat piissimus Apostolus. Non est turbulentus, non fulminat, non minatur, sed leniter ac suauiter docet, ita, ut uel ipsa dicendi gratia permouere debeat, ad seruanda ea, quæ docet, nedum utilitate rerum, quas docet, ac solum docere intendit.

Mulier subditæ sint uiris.

Primum uult, ut mulieres sint subditæ uiris suis, cui consonat Paul. Colof. 3. Mulieres uiris subditæ sint, sicut oportet in Domino. Et Ephe. 5. Mulieres uiris suis subditæ sint, sicut Domino. Quoniam uir caput est mulieris, sicut Christus caput est Ecclesiæ, Ipse saluator corporis eius, id est, non corruptor. Colof. 3.
Ephe. 5.

corruptor. Sed sicut Ecclesia subiecta est Christo, ita & mulieres uiris suis in omnibus. Ista autem subiectio quid sit, satis exponit sequenter, quando conuersationem earum in reuerentia & timore erga viros commendat vtilem ad virorum salutem.

Ergo subditas esse, est reuereri virum & honorare, in omnibus obedire. Nam ad hoc inducit exemplum Saræ, q̃ subdita viro suo fuerit, quia Dominum eum vocauerit, ac per hoc eum timuerit, ac reuerita fuerit, parata in omnibus obedire & cedere. Quod si Petrus maritis infidelibus sic subdi præcipit, quanto magis id fidelibus præstandum. Sicut & rursus Paulus: Vxor virum suum timeat, id est, reuereatur. Ephe. 5.

Exemplum Saræ.

Ephe. 5.

1. Cor. 14.

Gene. 3.

Contra hoc agunt, contemptrices, contentiosæ, pertinaces in viros suos, quæ nouissimum verbum habere volunt, aut quæ agunt sine scitu & voluntate virorum, dispensantes &c. Hæ omnes huius Præcepti sunt reæ, quia non sunt subditæ suo maiori. Nam Apostolus 1. Corinth. 14. dicit, q̃ mulieres subdi viris Lex dicat. Lex quidē Mosi in multis locis hoc habet, sed prima est Gene. 3. præceptum Dei ad Heuam, Sub potestate viri eris, & ipse dominabitur tui. Hic expressa est definitio dominij super mulierem. Si ergo non licet filio contra patrem, seruo contra Dominum, populo contra principem aut sacerdotem contendere & erigi, ita nec mulieri contra virum. Et notate hoc primum. Grande enim est, & rarissime tenetur.

Mulieres contra hoc præceptum Dei agentes.

Sub potestate viri eris.

Sic S. Monica faciebat, & suo viro tacuit & cessit. Alijs vero, quæ à viris verberabantur, dicebat, oportere memores conditionis suæ, non superbi- re contra dominos suos, quando recitatis tabellis matrimonialibus intelligere debuerant, se ancillas esse factas. Igitur, aut subdita sit vxor, aut non nubat. Si non vult habere dominum, desistat accipere virum, quia sic Deus in Apostolis & scriptura sua præcipit & ordinat.

Monica, Augusti- ni mater.

COROLLARIUM.

Quæcumq̃ habet morosum virum, nō præsumat par pari, vim vi repellere, sed moribus contrarijs ac placidis mutare. Sic enim hic docet Apostolus, vt ad fidem conuertantur viri, per bonam conuersationem mulierum. Quod autem de fide, hoc de quolibet alio minore bono faciendū est. Sic & Paulus 1. Corinth. 7. Sanctificatus enim est vir infidelis per mulierem fidelem. Malum enim malo non vincitur, sed augetur & roboratur, vincitur autem bono.

1. Pet. 3.

1. Cor. 7.

1. Pet. 3.

Secundum, q̃ ornatus earum non sit in exteriori capillatura, aut au- ro, aut indumentis. At iste nunc est potissimum ornatus Christianarum mulierum, & usq̃ ad monstra perductus hodie, quod dicit Apostolus: Iste externus cultus sit gentiliū mulierum, Christianæ alio orientur. Quis autem potest in tanto abusu tacere.

Ornatus mulierum licet.

Primum, Scio aliquot mulieres (nam non sunt omnes stultæ illius vanitatis cupidæ) quæ coguntur inuitæ se ornare istis cultibus, ac mire fastidiunt, sicut Hester regina, sicut S. Elizabeth regina, Et frequenter illæ sunt tales, quæ abundant vt possint ornari Illæ enim magis cupiunt, quæ non possunt. Sicut nunc nobiles & ciues, quo sunt egentiores suis auis, eo sunt in cultu effusiores. De istis itaque dicamus.

Hester. Elizabeth.

Sancta Agatha, cum esset ex nobili genere, non tantum in velo sicut mulier incessit, sed etiam in seruilī veste, & de hoc reprehensa, gloriabatur sese ancillam Christi, vt patet in eius Legenda.

S. Agatha.

Ac primum, nescio magis ne maritos an vxores arguam, aut certe magistratum ciuitatis, q̃ mulieribus talia permittant, quibus extenuentur eorum res scienter ac volenter. Cur enim ille non ponit leges, vt alibi sit: aut cur magis gistrati prohibentur

Ornatus mulierum sumptuosissimus nec à maritis nec à magistratū prohibetur

DE IIII. PRAECEPTO

cur maritus uxorem non compescit, cum sit dominus eius? Aut si hoc sustinet uolens, quid miratur exactiorem principum? Et uidete, nisi mutaueritis, non cessabit, sed crescet exactio, de quo uos uolo certificare, quia ista finita, ueniet maior alia, quia sic prouocastis Deum & prouocatis. Nonne debet pudescere honesta matrona, quod tanti precij habet uela, & calyptras, ut modesto ciui ad integram rem familiarem sufficeret? Quid dicam de tunicis & sumptuosissimis abusibus sericorum, purpurarum, auri & argenti? Et sane mitius damnum est, quod in fibulas, catenas, & annulos uertitur argenteos, quam quod in aureas uittas, reticula, simbrias, texturas, plumaria ac polymita fit ex serico. Hæc enim usu consumuntur, illa permanent utilia, etsi nondum utilia.

Machine planatorie.

S. Catharina.

Sed quid de illis nouis, nescio an quæstus, an damni magistris, qui ad plananda uela & cætera linea, rotarum sumptuosas machinas ædificant, ut 18. 20. florenis constent uela, 40. uel 50. constet machina planatoria. Potuit fulmen rotas S. Catharinæ paratas perdere, & non potest & has uanissimas ac mundanissimas machinas tangere? Sed hæc omnia sunt signa, quod interior cultus displicet, qui non ita displiceret, si exterior non ita placeret. Facile contemnit honesta matrona externum cultum, quæ studiosa est interni cultus, neque possunt uterque ex æquo curari.

Redijt itaque tempus Synagogæ, quod Esaias capit. 3. describit, dicens: Pro eo, quod filia Sion eleuata sunt, & ambulabant extento collo, & nutibus oculorum ibant, & plaudebant, & ambulabant pedibus suis, & composito gressu incedebant, decaluet Dominus uerticem filiarum Sion, & Dominus crimen earum denudabit. In die illa auferet Dominus ornamentum calciamentorum, & lunulas, & torques, & monilia, & armillas, & mitras, & discriminalia, & perischelides, & murenulas, & olfactoriola, et inaures, & annulos, & gemmas in fronte pendentes, & mutatoria, & palliola, & linteamina, & acus, & specula, & syndones, & uittas, & theristra. Et erit pro suauis odore foetor, & pro zona funiculus, & pro crispanti crine caluitium, & pro fasciâ pectorali cilicium &c. Esaie. 3.

Mundum muliebri.

Ecce, quot & quanta mulierum luxus congregauit, 21. ornamenta mulieri non satis sunt. Quis non horreat uxorem ducere? Nonne optimo uocabulo tam Græci quam Latini, ornatum muliebre appellat mundum? quia uelut congeries rerum, ita illæ mundum quendam constituunt. Lege etiam Theophrastum, B. Hieronymum contra Iovinianum, & Plautum in Aulularia, & uidebis, quod mulieri si licentia detur, infinita cupiditas est ornatus, ideo non explenda, sed præcidenda omnibus uiribus.

Matrona.

Et quid agit honesta matrona aut uirgo, ut tanto studio cupiat meretricibus conformari? aut quid quæris ornatu tanto? ut irrites animos alienorum uirorum? An significas, quia inuitam habes castitatem? An meretrix optas fieri? Quid quæris alij placere, quam uiro tuo? Quis non habeat suspectum hoc uotum placendi? Mulier satis abunde placet, si ita est ornata, quod uiro placet, huic enim soli debet placere, huic data est & subiecta.

Virgines.

Similiter & Virgines, cur stulte cupiunt placere iuuenibus? An non cogitas, quod terretur ducere te, si cogitet, quod tanto sumptu te cogatur decetam ornare? Si uis iuuenem amore capere, audi utilissimum consilium: Esto pudica, paucis ornata, paucis uerbis loquens, Nec oculos aliquando in faciem eius iaciens. Maximus cultus uirginis & mulieris est, pudica ueretur, Hæc enim prouocat & capit animos uirorum super omnem ornatum.

Pudica ueretur.

Insuper

Insuper denique stabile facit matrimonium, vbi amor carnis ornatu excitatus, cito fastidire facit nuptias, quia non moribus bonis, sed futili nixus est ornatu. Sic fac, & viri acquires (etiam Deo benedicente) citius, q̃ dissolutissimæ illæ voragine rerum, lupis & meretricibus simillimæ, de quibus Psal. 144. Filia eorum compositæ, circumornatæ ut similitudo templi, id est, præ alijs eminenter decoratæ, sicut templum præ cæteris domibus eminet, ornatur & spectatur &c.

Dictum est, quo modo mulier se erga virum habere debeat, vt honoret suum maiorem, secundum hoc Præceptum, duplici scilicet cultu, obedientiæ & reuerentiæ, ut sit prompti cordis, ad eius voluntatem agi, deinde honoret eum ex corde, magnifice de eo sentiens.

Si querat autem, quomodo possit virum habere in honore, qui sit de formis, morosus, ac prorsus nec amore quidem dignus, nedum honore. Respondeo, sicut de parentibus dixi, q̃ Deus in illo suspiciendus est, quia Deo placuit, ut uir eius sit, & uices eius gerat, ut ait Apostolus: Vir imago Dei est & gloria Dei, Mulier autem gloria viri. Ideo non debet sibi displicere, quod Deo cernit placuisse & placere. Magna dignitas viri, q̃ nomen Dei & officium participat, ideo honorandus est ab vxore. Deus enim uir est omnis Ecclesiæ & animæ, quod Sacramentum maximum etiam causa est, cur virum honorare debeat mulier, timere & audire. Auerte ergo oculū à carne, & Deū in viro agnosce, & cole, & facile erit honorare eum, *Maritus deformis.*

AT contra, Vt viri etiam se præbeant dignos viri & maioris nomine, nunc dicendum est. Sequitur ergo B. Petrus, vbi supra: Viri similiter cohabitent secundum scientiam, quasi infirmiori uasculo, impartientes honorem, tanquam etiam cohæredes gratiæ vitæ, vt non impediuntur orationes vestræ. *Viri in uxores.*

Primum docet viros, vt non simpliciter cohabitent mulieribus, sed secundum scientiam, id est, non secundum passionem & sensum, tantummodo voluptatis causa, nihil discernens inter vxorem & meretricem, nam sic & bestiae cohabitant, & gentes. Erudit itaq̃ oculum viri, quo vxorem inspicere debet, nempe, non oculo concupiscentiæ, sed scientiæ & cogitationis. Quasi scientia duo iubet scire & agnoscere virum in vxore. Primum, inquit, quasi infirmiori uasculo. Secundum, tanquam cohæredes eis sint mulieres. Et sic seipsum exponit, quid velit per cohabitationem secundum scientiam intelligi, scilicet, vt vir agnoscens vxorem, & infirmius vasculum, & tamen cohæredem gratiæ, habeat eam in honore, & non in passione desiderij. Declaremus autem latius. *Secundum scientiam.*

Scire debetis viri, q̃ mulier sit infirmius vasculum, q̃ vir, ideo secundum hanc scientiam eis cohabitatis. Vasculum vocat, & quo ad corpus, & quo ad animam, nam & vir eodem modo vasculum est, sed firmius. Mulier enim sicut est mollioris corporis, ita & animi, ideo ei impartendus est honor à viris firmiter. Vasculum omnes dicimur, propter animam in corpore, vt in vase, morantem. *Vasculum.*

Est autem iste honor vasculi, honor corpori muliebri impartitus, qui nihil est aliud, nisi casto amore vxorem diligere, vt 1. Thess. 4. Vt sciat unusquisq̃ vestrum, uas suum possidere, in sanctificatione & honore, nō in passione desiderij. sicut & gentes, quæ ignorant Deum, hoc est, abstinendū ab vxore est, & non satis faciendum concupiscentiæ, Sanctificatio enim illa est castitas. *Honor vasculi, Castus amor coniugij. Sanctificatio. Sed Apo. Castitas.*

DE IIII PRAECEPTO

Fœmina infirmius uasculum &c. Sed Apostolus hæc docens, per obliquum etiam vxores viris commendare uolens, ut patientiam cum ipsis habeant, uelut epitheto breuissimo, patientiam uirorum tangit, dicens: Infirmitate uasculo muliebri. Quasi si diceret: Mulier est, infirma est, uasculum est, habens animam nobilissimam. Hæc igitur scientes, impertite eis honorem propter eas, tum etiam propter uos, ne impediatur orationes uestræ. Passiones enim concupiscentiæ, quem sinunt orare? imo aliquod honestum agere? Cum oratio maxime requirat animum abstractum à passionibus carnis. 1. Pet. 3.

In re familiari multa condonanda nonnulla dissimulanda. Sed cum sit infirmius uas mulier, etiam ferenda est, & dissimulanda eius culpa, & non exacte semper punienda, pro rebus leuibus, sicut aliqui uiri nimis tempestuosi facillima causa tragediam agunt. Sicut Psalmista dicit Domino: Si iniquitates obseruaueris Domine, Domine quis sustinebit? Ita im- Psalm. 130. possibile est in re familiari, durare pacem inter uirum & mulierem, si alter alteri nihil cōdonet ac dissimulet, sed omnia ad unguem obseruet. Quis enim non offendit aliquando? Ideo dissimulanda sunt multa, ignoranda plurima, ut pacis ratio possit constare.

Igitur uirum moueat ad uxorem caste seruandam, quæ est infirmius uasculum propter corpus, scilicet mollius & animum molliorem. Deinde magis, quia est coheres tantæ gratiæ. Tertio maxime ne & uirorum salus ipsa impediatur. Vide, efficax persuasio & uehemens.

Vir diligit. *Vxor timeat.* Similiter Apostolus Paulus Ephe. 5. Viri, diligite vxores uestras, sicut & Christus dilexit Ecclesiam. Et unusquisque uxorem suam, sicut se ipsum, diligit. Vxor autem timeat uirum suum, id est, honoret ac reueretur. Pulchre distinxit, Vir diligit, uxor timeat, utrumque caste, castus amor descendat, castus timor ascendat, hunc inferior superiori, illum superior inferiori debet. Et Coloss. 3. dicit: Viri, diligite uxores uestras, & nolite esse amari ad illas, hoc est, quod supra dixi, ne nimis exquirant & obseruent materiam ob- Eph. 5. Coloss. 3. iurgandi.

Christus dilexit Ecclesiam. *Mariti officium erga uxorem.* Quomodo ergo Christus dilexit Ecclesiam? Vtique spiritualiter, cum non inueniret quod amaret, sed quod odiret in illa, tamen tradidit semetipsum pro ea, sanctificans illam &c. Ita uir, si inueniat in uxore minus amabile, oportet, ut ipse mutetur, & tradat se, id est, relinquat suum desiderium, quod non impletur propter defectum uxoris, ut sic tantummodo ea, in illa aspiciat, quæ amabilia sunt, & sic mundet eam sibi ipsi, ut exhibeat eam sibi absque ruga. Quod non fit, nisi, ut dixi, in bono uicerit malum, & discat diligere etiam non diligibilia, ut fiant diligibilia, uel ipsis mutatis, uel ipso. Nam cum omnes res sint indifferentes, possunt tum diligi, tum odiri, secundum quod mutatur animus, ut honor mundi idem manens, diligitur & oditur ab eodem homine auerso & conuerso. Et iste est modus optimus mutationis, ubi non res & obiectum, sed potentia mutatur, Hoc enim est stabile. Christianorum est hæc mutatio, & dexteræ Excelsi, sed mundanorum est, solum querere mutationem obiectorum. Satis de isto. Potentia mutatio.

Nunc de familia.

Serui dominos honorent. **H**onora patrem & matrem. quæ sub patre etiam intelligatur dominus. Huius domus, patet ex 4. Reg. 5. ubi serui Naaman uocauerunt eum patrem. Inde denique est nomen paterfamilias. Quare honorandi sunt serui sui Domini, eadem expositione, qua supra, scilicet honore spirituali intus, prompte eis obediendo, & sublimiter de illis sentiendo propter Dominum, cuius & nomen & officium in illis lucere uident, cuius & uoluntas hoc uult, ut 1. Pe. 2. Serui, subditi sitis (ecce obedientia) in omni timore (ecce reuerentia) dominis, non tantum bonis & modestis, sed etiam discolis, id est, difficilibus, prauis, morosis, obliquis, tortuosis &c. 4. Reg. 5. 1. Pet. 2.

Discoli.

Quamquam

Quamquam hic Apostolus de seruis proprie loquitur, non conducticijs, *Serui fraudulentis.* tamen eisdem tangit idem mandatum. Igitur serui, qui res dominorum suorum fraudant studiose ac uolenter, non lecus q̄ fures reputandi sunt, & tenentur ad refusionem, quia mercenarij sunt, ut sint fideles. At nunc tota querela totius mundi est contra familiam. Ideo hoc Præceptum eis diligentissime est notandum, quia hoc non est honorare dominos, appellare eos domi- *Honorare Dominos.* nos, sed ex corde obedire & timere.

Et pulchre isto uerbo Apostolus consolatur familiam, quæ de dominis suis queritur, q̄ sunt mali seu discoli, id est, difficiles, dicens: Hæc est enim gratia, si propter conscientiam Dei sustinet quis tristitias, patiens iniuste. *1. Pet. 2.* Quæ enim est gratia, si peccantes colaphisamini, & tunc suffertis.

Et Paulus Coloss. 3. Serui obedite per omnia dominis carnalibus, non *Serui.* ad oculum seruientes, quasi hominibus placentes, sed in simplicitate cordis, timentes Dominum, quodcunque facitis, ex animo operamini, sicut Domino & non hominibus: Scientes, q̄ à Domino accipietis retributionem hæreditatis, Domino Christo enim seruitis. Ecce quam pulchre ducit Apostolus hoc præceptum in spiritualem intelligentiam, q̄ ex corde honorandi sunt Domini, quia non illis, sed Domino seruitur in illis. Si ego hæc tam expresse dicerem, nemo crederet.

Sed sequitur quoque consolatio eorum, sicut & Petrus fecit, dicens: Qui enim iniuriam facit, recipiet id quod inique gessit (ecce patientiam eorum *Seruorum consolatione.* format) & non est acceptio personarum apud Deum, id est, non uos turbet, quod illi sunt domini, uos serui. Idem est apud Deum, qui bene uel male operatur, accipiet.

Ephe. 6. Eadem Ephe. 6. Serui, obedite dominis carnalibus, cum timore & tremore, in simplicitate cordis uestri, sicut Christo, nō ad oculum seruientes, quasi hominibus placentes, sed ut serui Christi (id est, quia Christo seruitis) facientes uoluntatem Dei ex animo, cum bona uoluntate seruientes, sicut Domino & non hominibus (in hoc enim non hominum, sed Dei uoluntatem facitis, & Deo seruitis) Scientes, quoniam unusquisque quodcunque fecerit bonum, hoc recipiet à Domino, siue seruus siue liber. Et Tit. 2. Seruos dominis suis subditos esse, in omnibus placentes, non contradicentes, nō fraudulentos. Sed omnem fidem bonam ostendentes, ut doctrinam Saluatoris nostri Dei ornent in omnibus.

CONtra, Dominos oportet etiam se non tyrannos exhibere, quia *Dominos non sint tyranni.* Cut supra dictum est, Impossibile est, ut seruus non aliquando omittat, aut committat, oportet multa dissimulare in bono seruo. Nam si illi debent obedientiam & reuerentiam, utique domini etiam debent clementiam & beneuolentiam. Vnde Ephe. 6. Et uos domini eadem facite illis, remittentes minas. Scientes, quia & uester Dominus est in cœlis, & non est personarum acceptio apud Deum. Quis enim potest seruire ei, qui ad omnem auditum increpat, iurgat, totusq̄ turbulentus est.

Hos sequuntur & alij mercenarij & operarij, ut manuales, mura- *Mercenarij mali.* rij, fabri lignarij, & similis generis, de quibus & fraude eorum ubique grandis est querela. Multo precio conducuntur, pigre operantur, & maiore parte fraudant dominos, quibus seruiunt, & heu nullam conscientiam sentiunt in hoc ipso, quasi non manifeste sint latrones & fures alienæ rei, quam iniuste accipiunt, dum non satis laborum pro ea faciunt:

b ij Nouissi-

DE IIII. PRAECEPTO

Primores Ecclesiastici & seculares.

Magistratibus non obloquendum.

Nouissime huc pertinent Episcopi & Principes, Plebani & Senatus, utrumque scilicet dominium, qui sunt quæ maxime timendi, quia gladium domini portant, quibus cauendum est, ne obloquatur ullus, Quia Lex dicit: Principi populi tui ne maledicas. Et iterum: Dijs tuis non detrahas. Et heu nullis liberius detrahitur quæ illis, Nullus timor est Dei in illis præfidentis. Omnis enim potestas à Deo est, & licet exactiohent & premant rusticos, aut ciues suos, aut sacerdotes, tamen sunt ferendi, non secus ac manus Domini prementis peccata nostra & demerita.

Exod. 22.

Acto. 23.

Roma. 13.

His, quia præ potentia non possunt nocere in operibus, nocent in uerbis, ideo Lex præcipit, ne detrahatur eis, neque maledicatur, Hoc est enim iudicare suum superius, quod omnino repugnat ordini. At quo illorum uita magis est in luce, eo magis iudicatur & reprehenditur, sed minus catholice, imo orthodoxe.

Concludamus.

Auaricia sacerdotum.

Doctrina Christiana.

Iudæi hoc præceptum irritum fecerunt, quando pro sua auaricia docebant: Munus quod per me, tibi prodest, id est, Si obtulero illud pro te Deo, erit utilius, quæ si tibi dederò. Quamuis & nunc illa stulticia passim regnet, agente eadem auaricia sacerdotum, ut plus tribuant ad mortuos lapides & ligna, & paratiore animo, quam proprijs parentibus, ac proximis uiuentibus.

Matth. 19

Quare, ut dixi sæpius, ne cum Iudæorum uanissima hypocrisis, legem Dei obliti, arguamur. Primum honoremus Dei præceptum, & sic honoremus, ut spiritualiter illud operemur & intelligamus. Hoc est, ut ante omnia istis externis bonis, seu corporis, seu rerum (quia Deus illorum non eget, nec ullum uerbum de ijs sibi conferendis, in primis præceptis posuit, ut dicit apud Ierem. 7.) parentibus obsequamur, si egeant, deinde propinquis, postea pauperibus & egenis. Tandem quibuscunque opus fuerit, mutuo uel gratis demus proximis & fidelibus. Et non sic, ut illis prætermittis (ut nunc furor regnat) templa, imagines, uela, uasa, in illis sumptuose comparemus. Hæc sint nouissima & modica, quia non necessaria. Necessary enim caremus, quia superflua struimus. Non enim necesse, ut superfluis studeamus, cum tot sint necessaria ad salutem, ut nemo sufficiat ea perficere. Alioqui si illa sunt necessaria ad salutem, ubi pauperes saluabuntur, qui hæc non habent?

Ierem. 7.

Sed nunc miserrimo tempore, ita illis instatur, tanquam hæc sint & necessaria & sola ad cultum Dei pertinentia, cum ad hominū cōsolationem data sint, & Deus non egeat, sed homo illorum, & non dantur hominibus, sed Deo, mira cæcitate. Et sunt qui dicant: Scimus, quod non eget Deus illis. Sed non respondent, si dixeris eis: Cur ergo das illa Deo, non cupienti, & subtrahis eadem fratri indigenti, contra uoluntatem Dei præcipientis? Et tantum de illo Præcepto quarto.

PRAECEPTUM V. NON OCCIDES.

Ordo sex postremorum præceptorum.



Dictum est de Præceptis, quæ respiciunt Deum tam in seipso, quæ suis locum tenentibus. Iam sex sequentia respiciunt proximum. Et uide mirum & aptum ordinem. Incipit enim prohibitio à maiori usque ad minimum, nam maximum damnum est, occisio Hominis. Deinde proximum, uiolatio Coniugis. Tertium, ablatio facultatis. Quod qui in his nocere non possunt, saltem lingua nocent,

cent, ideo quartum est, læsio famæ. Quod si in ijs non prævalent omnibus, saltem corde lædunt proximum, cupiendo, quæ eius sunt, in quo & invidia proprie consistit, de quibus uidebimus.

Talis processus est & in primis quatuor. Nam maximum est corde, ore, opere abijcere Deum. Deinde saltem ore in uanum nominare, quem corde & ore confiteris. Tandem, quem ore & corde colis, opere non colere. Et no- *Pharisei literaliter quantum. Præceptum seruandum dicebant.*

HOC autem Præceptum, sicut & omnia alia, ad literam traduxerunt Pharisei, tanq̃ nullus contra ipsum faceret, nisi manu propria occideret alium. Sic docebant, & ita quoque uiuebant. Quod autem sic docebant, patet per omnes Prophetas. Vnde & Psal. 19. intuitus, q̃ docerent opera illa externa tantum, non ex corde, tædio affectus, dicit: Cœli enarrant gloriam Dei, & opera manuum eius annunciat firmamentum. Q. d: Isti solummodo docent opera hominum, non opera Dei, quibus fit; ut legem Dei corrumpant, quæ est immaculata, conuertens animas, sed illi solas conuertunt manus.

Et ratio est, quia Lex est spiritualis. Et hic notandum, q̃ quando Lex dicitur spiritualis, intelligitur, non q̃ sit mystice intelligenda, sicut intelliguntur figuræ & mysteria. Aliud enim est mysticum, & aliud spirituale. Sed spiritualis dicitur, quia solo spiritu impletur, & spiritum requirit, hoc est, nisi corde & hilari uoluntate impleatur, non impletur. Sed talis spiritus non est in nobis, sed datur per gratiam Spiritus sancti, quæ facit uoluntarios in Lege Domini. *Lex spiritualis est.*

Vnde, quando auditur Lex quæcunque, præcipiens illa uel illa, semper oportet cogitare & subaudire, quia præcipit uoluntate talia facere, id est, libere, sine timore poenæ, & ex hilaritate. Quod cum in nobis non sit, statim intelligitur, quod Lex cogit ire ad gratiam, ut impleatur: Sic Psal. 1. Sed in Lege Domini uoluntas eius. Qui autem mysticum & spirituale idem intelligunt, oportet, ut Decalogum legis non spirituales intelligant, sed tantum ceremonias Legis, cum nullum sit mysticum præceptum in illo. Ac per hoc *Roma. 7.* Apostolo resistent Roma. 7. Lex spiritualis est, & loquitur de lege Decalogi, ut patet expresse in textu.

Quare mysticum & spirituale differunt, sicut superius & inferius. Omne spirituale est mysticum, sed non contra. Quia spirituale est nihil aliud, nisi *Differunt mysticum & spirituale.* quod est uel significat uiuam uoluntatem ad facienda uel omittenda. Mysticum autē sæpe significat externas operationes, ut immolatio passeris significat carnis macerationem. Sed hæc est adhuc literalis, licet mystica, quia potest fieri sine spiritu & uoluntate, quia & Euangelij præcepta sæpius in litera seruantur ex timore, & non ex uoluntate, quanquam uere secundum Euangelium uiuere, sit præcepta ex uoluntate libenter facere. Et qui aliter uiuit, non *Secundum Euangelium uiuere.* secundum Euangelium uiuit, sed secundum literam Legis.

Quocirca qui intelligentiam spirituales, & doctrinam spiritus, intelligunt ipsum Euangelium, & hoc secundum opera exteriora, prope sunt Pelagiani, quia talia opera etiam ab impijs fiunt. Sed opera Euangelij non nobis *Opera Euangelij sunt abscondita.* minantur secundum suum exterius, sed secundum suum interius; Ideo sunt opera abscondita, licet foris luceant, uoluntas tamen latet. Eadem causa etiam uocantur opera Dei, quia sunt opera gratiæ, & spiritus, Cum homo ex se *Opera Dei.* non habeat uoluntatem istam, ac per hoc nec opera ipsa.

b iij

De istis

DE V PRAECEPTO

Opera hominum.

De istis ergo operibus in Scriptura frequens est mentio. Et opera hominum acriter arguuntur, quod sunt similia quidem ueris, sed uera non sunt, quia sine uoluntate gratuite fiunt, sed semper habent, uel timorem poenae, uel amorem commodi pro fine. Taliter enim Iudaei uiuebant & docebant, ut dixi. Nam cum Christum ad Pilatum ducerent, nolebant eum interficere, ne peccarent, sed tradiderunt eum ad occisionem. Sic Saul quoque de Dauid: Non sit manus mea in illum, et tradidit illum in manibus Philistinorum, quasi ideo esset innocens, quia non manu occideret, sed corde.

Iudei.

Saul.

1. Sam. 18.

*Iusticia Scribarum
& Pharisaorum.*

Quo circa Christus Matth. 5. ait: Nisi abundauerit iusticia uestra, plus quam Scribarum & Pharisaorum, non intrabitis in regnum caelorum. Et quare hoc? Quia accipiebant Legem secundum dicta & sonum syllabarum, id est, non secundum intentionem Legislatoris. Ideo dicit: Audistis, quia dictum est antiquis, Q. d. Dictum, sed non intellectum, uerba tantum audierunt, intellectum autem non cognouerunt, ideo secundum literam uixerunt, & hoc totum, quia fuerunt antiqui, carnales, Adamitae, terreni. Ego autem dico uobis, quibus uobis? Vtique non antiquis, sed nouis, caelestibus, Christianis, spiritualibus, spiritualiter dico. Igitur audiamus, quomodo Christus hanc Legem spiritualiter exponit, Et uidebimus, quot genera contra hoc mandatum peccent.

*Ego autem dico
uobis. Matth. 5.*

I.
*Occidentes ad
literam.*

Primi itaque sunt, qui irascuntur in effectu, qui occidunt ad literam & in opere, de quibus dicit: Qui autem occiderit, reus erit iudicio, uel potius, reus erit iudicii, aut iudicio in dandi casu, pro eo quod est, obnoxius iudicio. Hoc facile omnes intelligunt, nisi quod sub opere illo comprehenduntur omnes, qui hortati sunt, consilium, auxilium, aut quocumque alio modo causam mortis dederunt, aut socij & participes fuerunt.

II.
*Irascens in
uerbo.*
Vocabulum fatue.

Secundi sunt, qui irascuntur in uerbo, de quibus dicit: Omnis qui dixerit fratri suo fatue, reus erit gehennae ignis. In uerbo autem, Fatue, intelliguntur omnes maledictiones, contumeliae, blasphemiae, quae procedunt ex ira delibata. Tales enim, etsi opere non occidunt, tamen uerbis ea super ipsum dicunt, quae si fierent, utique ille moreretur. Quomodo enim uiueret, si Diabolus auferret, si pestilentia occideret, si fulmen percuteret, imo aliquando usque ad animae mortem maledicunt, dicentes: Ut absorbeat te ignis interni. Assumit autem Christus uerbum modestius, scilicet Fatue, ut intelligamus, quid sit de illis, qui durius maledicunt, & hoc ex ira plena, & quae optet interitum illius, quem maledicit.

III.
*Irascens in
signo.*
Racha.
*Nemesis Aristote-
lica.*
Racha.

Tertij sunt, qui irascuntur in signo, de quibus dicit: Omnis qui dicit fratri suo Racha, reus erit concilio. In quo intelliguntur omnia signa alia, quae ex eadem ira mortali procedunt, ut sunt auertere faciem, tacere salutationem, aut responsionem, gratulatorijs uerbis malum eius protestari, & indignandis prospera eius prosequi. De quo Philosophus 2. Ethicorum fecit uirtutem, Nemesis, Nam hoc signum leuissimum Christus ponit, ut iudicandum relinqueret de peioribus. Imo quia parce & uerecunde exprimit Spiritus mala hominum, sed profunde uult intelligi. Racha certe, si meo iudicio sentire liceat, etiam usitatum uidetur apud omnes linguas, nam & nos cum indignamur, fragore quodam gutturi proferimus, uelut caninum arch seu rach. Talem enim fragorem & asperitatem gutturi, puto Dominum significare uoluisse, per dictionem istam, & hoc esse, quod alij interiectionem indignantis exponunt. Non est enim alia interiectio indignantis, & quidem uehementior, rach seu rarch, ut notum est. Talis itaque, licet nec uerbo, nec opere occidat, tamen id signat, quo cupit eum non esse, ira motus, ideo occidit signo.

*Sed Hebraei uidetur
esse uox Raca uel
Rah .i. uariis, ni-
hil, uacui &c.*

Quarti

Quarti sunt, qui irascuntur affectu, & is gradus est causa, qua supra dicti sunt peccata, quo sine, si etiam fierent, & possent fieri, non essent peccata. Ipse enim affectus iræ est caput & uita iræ uerbalis, signi & operis, sine quo non essent ira, de quibus dicit: Omnis qui irascitur fratri suo, reus est iudicio. Tales enim, licet non occidant opere, uerbo, signo, tamen corde, de quibus Io-

IIII.

irascens affectu.
Affectus.

1. Iob. m. 3.

han. in Cano. sua: Qui odit Fratrem suum, homicida est. Quare? quia non fauet ei uitam, sed mortem, ideo quo ad cor, est occisor fratris coram Deo.

Igitur hoc Præceptum est profundissimum, nec ullus est, qui id impleat sine gratia, cum nullus sit, quin habeat cui irascatur, si recte seipsum consideret, alioqui falsa erit Oratio dominica, quæ dicit: Sicut & nos dimittimus debitoribus nostris.

Sine gratia nemo
potest s. præceptum
implere.

Sine charitate enim impossibile est, ut homo hoc Præceptum non transgrediatur. Aut enim diligit, aut odit homo Proximum suum, licet nunc nati sint Neutrales quidam, dicentes, q̄ potest nec diligere, nec odisse. Verum tu ne illis confidas, suadeo.

Neutrales.

Quare, qui uult hoc Præceptum implere, studeat omnibus modis, omnem hominem dulci affectu diligere, imo petat à Domino gratiam dilectionis. Et non sibi frustra palpet, quod neminem odiat, ualde enim mitis & humilis est homo, qui hoc Præcepto non peccat. Quia spiritualis illa ira, quæ prohibetur in isto affectu, ita profunda est, ut etiam foris non apparente signo uel uerbo, intus uehementissime uiuat, de quibus Esa. 10. Væ uobis, qui profundi estis corde, & quorum sunt in tenebris opera eorum.

ira, quæ in hoc
præcepto prohibetur.

Esaie 10.

Est autem & ira alia, spiritualis & bona, quæ uocatur zelus Dei. Nam nisi Dominus etiam uellet significare iram bonam, absolute dixisset: Omnis qui irascitur. Nunc dicit: Omnis qui irascitur Fratri suo, ne contradicat sibi ipsi, ubi ait: Qui odit animam suam in hoc mundo &c. Quare ira & odium suipsius est nobilissimum, de quo alias.

Zelus Dei.

ira & odium
suipsius.

Sufficit itaque nobis huius Præcepti ista expositio Domini, præter hoc, quod & multos mouit, Cur Dominus hunc ordinem fecerit, ut simplicem iram iudicio, Racha concilio, fatue gehennæ deputarit? Nam id facile patet, q̄ per iudicium, quod dicit Lex: Qui autem occiderit, reus erit iudicio, intelligantur hæc omnia tria in spiritu, sicut ipse Dominus legem interpretatur, q̄ sicut sub, Non occides, comprehensa est uniuersa prohibitio iræ, ita sub iudicio, uniuersa poena iræ. Cur ergo nunc iudicium distinguit à concilio & gehenna?

Iudicio, Concilio,
Gehenna,
gradus poenæ
significantur.

Primus Lyra sentit, q̄ textus sit transpositus, cum concilium prius uideatur quam poena. B. Augustinus lib. 1. de sermone Domini dicit, quod ordo grauitatis hic ostenditur in poena, sicut & est in ordine culpæ. Sed quemodo id peragatur inuisibiliter in animabus, non posse dici. Itaq; relinquit incognitum, solū hoc asserens, q̄ grauior & grauior poena illis gradibus est expressa. Nam in iudicio adhuc datur defensionis locus, In concilio uero tractatur de conuicto, qua sententia sit plectendus. In gehenna uero, est certa & definita damnatio rei.

Lyra.

Augustinus.

Iudicium.
Concilium.
Gehenna.

Per illum itaque processum iuridicum exprimitur grauitas differentiarum criminum, quæ quo modo vindicentur, cum id B. Augustinus non expresse rit, nec posse exprimi dicat, ego quoque desistam exprimere. Nam si Dominus differentes poenas uellet illis gradibus significari, ita quod reus iudicio non sit reus concilio, aut gehennæ, sequitur, q̄ mortalis inuidia, non

Grauitas differentiarum
criminum.

b iij sit red

DE V P R A E C E P T O

sit rea gehennæ ignis, neque maledictio, neque detractio, quod est falsissimum. Imo sequitur, q̄ occidens opere, peius mereatur supplicium, q̄ gehennam ignis, quia peior & grauior illis tribus est, cum tamen non sit peius supplicium.

Ordines graduum. Quare, ut meditari liceat, sine temeritate omnium istorum quatuor, seu sint plures gradus occisionis, etiam in opere (quod utique uerum est, quia grauius occidit, qui patrem & matrem, aut uxorem occidit, quam alium hominem) una est poena, scilicet æterna damnatio, & gehenna ignis, Sed differentibus gradibus inferenda, quod significatur illis ordinibus graduum. Nam sicut remotior est à poena, & tardius ad eam uenit, qui iudicio tantum sistitur, in temporalibus, Ita tardius, id est, minus intense ac leuius puniatur in inferno, qui solum iratus fuit. Nam quod in tempore est tarditas aut celeritas, hoc in æternis est intensio aut remissio. Imo tarditas & celeritas in corporalibus proueniunt ex intensione & remissione spiritualium, ut patet in feruidis & ignauis animalibus, quæ multa breui, & modica longo tempore perficiunt. Segnis enim anima, modica agit, ubi intenta facit plurima. Ita, sicut qui concilio reus est, proprior est malo suo, q̄ qui iudicio, & tamen remotior q̄ qui gehennæ, ita intensius in illa puniatur hic q̄ ille. Reus uero gehennæ, sine mora est, id est, intense nimis puniatur, & non remisse. Qui uero occidit & peius quam occidit, utique intensissime punietur. Hæc ita dixim, ut nihil affirmauerim.

Occulte superbi. Sed sunt quidam occulte superbi, qui secure sibi persuadent, sese non esse reos huius præcepti, quia non occidunt, non irascuntur, nec consci sibi sunt odij, Quod potest fieri, & uerum esse, sed non in hoc sese iustificatos putare debent, & hoc præceptum penitus euacuasse ac implexisse, Quia Lex im- Psalm. 12. 19 maculata, & igne examinata, ac septuplum purgata. Idcirco non ante se quis gloriatur, non peccare in ira contra Fratrem, q̄ se senserit ita mitem & pacatum, ut si auferantur ei etiam omnia cum uita, non uelit irasci contra auferentem, ac non irascatur cum fuerit ita factum.

Peccata interiora, pugnantis cum s. præcepto.

Iactantia iusticie etc.

O q̄ grande & profundum est uerbum hoc. Facile est non irasci pacificis, & his, qui non lædunt, hoc & gentes, hoc bestię quoque faciunt, & bestię etiam immaniores. Quā egregia ergo est iactantia iusticiæ, q̄ non irasceris pacificis, scilicet usque ad serpentum & leonum peruenisti mansuetudinem. Verū si auferatur tibi pecunia, domus, pater, frater, mater, soror, filius, ager, corporis membrū, & ipsa uita, hic uide si possis, non solum non irasci, sed etiam gaudere, & benedicere Deum, ac benefacere & fauere hæc facientibus. Si hæc potes, gratias age, quia gratiam Dei habes. Si non posse te inueneris, intellige radicalem illam iram, ipsam spiritualem occidendi uoluntatem intus latentem. Hanc enim Lex prohibet & expugnat, ideo gratia hic opus est, quam sic cognita impossibilitas per Legem cogit querere.

Dicis itaque mihi:

Non uelle quidem irasci.

Odisse peccatum non poenam.

ITa ne purum esse oportet hominem, ut ne uelit irasci quidem in omnibus malis sibi illatis? Respondeo: Ita purum utique, quia nihil inquinatum intrabit in regnum cœlorum. Quam diu enim ista manet uoluntas in nobis, quæ data occasione ruit in iram, sumus immundi. Oportet ergo ita mundam fieri, ut non solum, sicut dixi, non irascatur, sed etiam benedicat maledicentibus, benefaciat persequentibus, gratias agat Deo in aduersis, & oportet plus aduersitates, ut solum peccatum odiat, & non poenam, Secundum illud: Benedicite lux & tenebræ Dominum. Et: Benedicam Dominum in omni tempore, semper laus eius in ore meo. Ideo q̄ Iudeorum Sancti tales Psalm. 14 non

Psal. 8. non essent, dictum est de eis *Psal. 8.* Destruas inimicum & defensorem. Ideo dixi, q Lex est spiritualis, qui enim aliter hoc Præceptum intelligit, Iudaice *Lex spiritualis* & literaliter intelligit, & non abundat iusticia eius à iusticia Phariseorum.

Exod. 21. *Leuit. 24.* *Deut. 19.* Inde B. Augustinus lib. 1. de sermo. Domi. sex gradus colligit in hoc mandato. Primus est, lædere etiam si non sis læsus, quæ est summa iniusticia. *Sex gradus lædendi.* Secundus est, lædere grauius, q̃ sis læsus, quod accedit ad legem Mosi. Tertius est, lædere tantum quantum sis læsus, Hucusque lex Mosi processit, quæ dicit: Dentem pro dente, oculum pro oculo, hæc enim donat aliquid, cum maiori pœna dignus sit nocens, q̃ innocens omni iure. Quartus est, læsus non lædas tantum, quantum sis læsus. Quintus est, læsus omnino non lædere. Hic appropinquat præcepto Domini, sed nondum est ibi. Sextus est, læsus, paratus ut sis amplius lædi, hoc est, alteram maxillam præbere. Vide itaque quam funditus iram extirpari uelit, ut non solum nō irascatur, sed etiam optet lædi, hic enim mundus est. Nonne qui hæc audis, cogitas illud *Psal. 119.* Latum mandatum tuum nimis? Quod si quis non læditur ab alio, necesse est, ut seipsum lædat, & irascatur sibi multis contritionibus. Ideo non est melius, nisi ut sicut præceptum est, diligere proximum sicut seipsum, ita quisque odiat seipsum, sicut proximum, ut sic omnia reducantur ad iustam formam.

Quocirca, uis irascibilis, quæ hoc Præcepto occiditur & mortificatur, *Vis irascibilis.* ipsa est inimica crucis Christi. Ideo, quoniam ipsa est homicida & occidit, oportet ipsam quoq̃ non uulnerari, sed prorsus occidi & mortificari, & legem talionis in illam exerceri. Qui enim occidit, occidetur, Occiditur autem ista *Lex talionis.* lege, id est, significatur occidenda, gratia autem sola occidit eam in effectu. quæ occisa, homo fit mitis, patiens, suavis, ad quoscunque etiam paratus inimicos diligere, & eis benefacere, gaudere in tribulationibus. Quæ omnia impedit impatiens illa, ac cruda uis irascibilis, quam heu q̃ pauci attendunt, securi de alijs suis bonis operibus, ignorantes q̃ uehementer sit spiritualis & immaculata Lex Domini.

Igitur qui amat crucem, & gloriatur in cruce Domini, hic est qui non occidit, non irascitur. Nam hæc est uera differentia spiritualis iræ bonæ & *irascendum propter malum culpæ.* malæ, q̃ ira mala, propter mala pœnæ tantummodo irascatur. Bona autem *ira mala.* solum propter mala culpæ, ideo sibi tantum displicet, & seipsam odit propter *ira bona.* peccata, omnes alios diligit, & non odit ullum, propter res ablatas.

At dicis

Luce 19. *Psal. 121.* *123.* **.* Si hoc ita esset, nullus saluus fieret, vel nimis pauci. Respondeo: Ideo *pauci saluantur.* dixi, q̃ valde spiritualis est Lex, & eo conandum, ut sic impleatur. Nec mirum, q̃ pauci saluantur, nec tamen ideo desperandum, quia, quod impossibile est nobis, Deo possibile est, ut *Luce 19.* Quæ impossibilia sunt apud homines, possible sunt apud Deum. Hoc est quod dixi: Lex recte & spiritualiter intellecta terret hominem, & cogit humiliatum ad gratiam confugere, *Ad gratiam conu fugiendum.* ac de seipso desperatum, oculos in cœlum leuare, & dicere: At te leuaui oculos meos, qui habitas in cœlis &c. Et iterum: Leuaui oculos meos in montes, unde ueniet auxilium mihi. Quia hic nulla est fuga, huc enim oportet hominem uenire, ut sit ira mundus, siue hoc fiat in uita, siue in morte, siue in Purgatorio. Noli ergo superbire, quod non pecces, si sentis te irasci pro temporalibus, quia nondum es in spiritu iustus cum Christo, sed cum Mosai: *irascens pro temporalibus nondum est in spiritu iustus.* cis in carne.

QVod

DE V. PRAECEPTO

Quod autem de isto Praecepto dixi, de omnibus intelligendum est simili modo. Quodlibet enim illorum est spirituale, immaculatum, fidele, probatum, purgatum septuplum, licet raro sic exponatur, ut Psal. 12. de eiusmodi conqueritur. Vnde quod in Graec. dicitur: Omnis qui irascitur fratri suo sine causa, merito per B. Hieronymum iubetur eradi. Tollitur enim (ut ipse ait) omnis occasio irae in isto Praecepto. Et illud additum est, quia in ueris Libris non habetur. Psal. 12.

Sine causa, adiecta particula.

At obijcitur:

Gradus praepiorum.

TV de perfectis loqueris, non autem omnes damnantur imperfecti. Respondeo: Verum est. Sunt gradus in isto & quolibet Praecepto, ut isti quatuor à Domino in Euangelio isto distincti, & sex per B. Augustinum, ut uisum est. Primum est enim, ne occidas opere, tamen prospiciendum, ne etiam uerbo, ac deinde ne signo, inde ne corde. Quod si nunc mereri etiam uolueris, oportet ut etiam libenter optes aduersa, & feras cum gaudio. Scio non oportere statim esse perfectum, sed gradatim ascendendum. Verum oportet tandem perfici & tendere semper ad perfectum, & non stare ac contentum esse in aliquo graduum praedictorum, sicut multi faciunt, peius peccantes propter non proficere, q̃ alij propter non incipere, eo q̃ illi superbiunt de incepta iusticia.

Superbientes de incepta iusticia.

Peccatores manifesti.

Inde denique sapius uenit, ut pessimi peccatores ac meretrices, compuncti, statim ita perficiantur, ut in supremum gradum euolent, parati omnia amittere, & sustinere cum gaudio, ubi alij multis annis laborantes, nec secundum attingunt. Quod si dixeris, non mirum, q̃ magni peccatores sic compungantur.

Phariseus. Iustificarius.

Ecce ecce, hic te audio Pharisee, tu non es magnus peccator, non es sicut ceteri hominum, inuenisti uias tuas bonas, Et caecitas nimis profunda & lata, quasi ista superbia non sis peior illis omnibus.

Fomes ira. Iacob. 1.

Igitur cogitandum semper, ut non tantum ira, sed fomes ipse irae, & totus Adam occidatur, arbor cum fructibus & radice, Ira enim uiri iusticiam Dei non operatur. Non enim Praecepta sic tantum sunt discenda, ut scias confessionem facere, quia iste fomes non pertinet ad Confessionem, sed tantummodo opera, neque tollitur per confessionem, quia neque per baptismum. Sed ad cognoscendum peccatum, & quid faciendum tibi sit, & quid à Deo petendum, per Legem enim cognitio peccati, Quia praecceptum Dei plus requirit, q̃ possumus.

Praecceptum Dei.

Roma. 3.

Sed hic clamant: Ergo impossibilia praecipit? Hac est blasphemia, ergo iniuste damnat. Respondetur non, Sed ideo praecipit, ut misereatur, & humiliet ad gratiam querendam. Qui enim solum discit ea, ut possit confiteri, uadit praesumens facere, quae didicit, & peius semper ruit, nihil aliud faciens, nisi q̃ conscientiam auget, & magnificat.

COROLLARIUM.

Quibus imputetur peccatum, quibus non?

Quod homo non est perfectus, sicut debet esse, peccatum est, sed

alij $\left\{ \begin{array}{l} \text{imputatur,} \\ \text{non imputatur.} \end{array} \right.$

- Imputatur ijs, qui stant, quia tales peccatum suum non odiunt, quod est in eis, scilicet fomitem, ac per hoc diligunt, & foedus cum gentibus Cananeis ineunt. Non imputatur eis, qui studio assiduo illud expugnant. Propter hunc

hunc enim feruorem & profectum, non imputatur eis, licet sit in eis, quia licet sit in eis, tamen non est in eorum uoluntate, sed cōtra uoluntatem in carne, Ideo non est in eis, quod est in eis. Vnde Apostolus dicit: Scio q̄ non habitat in me, id est, in carne mea, bonum, Habitat in eis, sed nō regnat in eis, sicut lebusei inter filios Israel, sed non regnabant. Et Rom. 8. Nihil damnationis ijs, qui sunt in Christo Ihesu, qui non secundum carnem ambulant. Quare? Quia qui sunt Christi, carnem suam crucifixerunt cum concupiscentijs suis. Ambulant enim assidue contra carnem, non secundū carnem, id est, expugnant fomitem, quem illi stertentes secure omittunt, de operibus contenti bonis.

Roma. 7.

Iud. 1.

Roma. 8.

Galat. 5.

Quid enim putas significat passio & mors Christi, nisi mortem ueteris hominis ac totius Adam? qui licet non subito occidatur, tot tamen alapis, colaphis, flagris, spinis, tandem clauis pungendus & fodiendus, donec expiaret inclinato capite. Caput est, ipse fomes, intima radix iræ & concupiscentiæ, qui non occiditur nisi multis aduersitatibus fractus, tandem quiescat mortuus.

Mors Christi.

Fomes.

Idem significatum est, q̄ olim filij Israel omnes mortui sunt in deserto, præter Iosue & Caleb, & non nisi alia Generatio intrauit terram promissionis, quæ secundam circumcisionem in spiritu figurabat, ut nō tantum a temporalibus, sed & a spiritualibus bonis abstinere.

Iosue.

Caleb.

Filij Israel in deserto mortui etc.

Nunc videamus Theologos nostros, quid de Præceptis istis sentiant. Dicunt itaque, q̄ intentio Legislatoris non fuerit, ut in charitate seruentur, nisi quis uelit uitam ingredi, secundū illud: Si uis ad uitam ingredi, serua mandata. Alioqui (inquiunt) sequeretur, q̄ peccaret, qui non occideret, & hanc omissionem sine charitate præstaret. Ecce hæc dicunt hi, qui nobiliores in Theologis. Quid autem dicunt, nisi q̄ Iudæi etiam sapiunt & dicunt, scilicet literam & traditionem facientes ex spiritualissimo mandato Dei. Non occides enim, intelligunt (id est, non facias opus homicidij) quod utique cum facile contingat obseruari, statim irruunt; & dicunt, Præceptum esse seruatum, nisi forte non in charitate, sed hoc non est peccatum, nec transgressio huius præcepti.

Theologi scholastici literaliter hoc Præceptum intelligunt, sicut Iudæi.

Math. 19.

Quid faceremus istis Pharisaicis Interpretibus, si non ipse Dominus hoc Præceptum exposuisset? prompti enim essent negare, q̄ in illo ira cordis etiam prohibita sit, nisi quando nō irritatus, ex malicia irasceretur homo, quod tamen nescio an huc pertinere sentiant. Si ergo scirent, q̄ ista malignitas iræ radicalis radicatus hic prohibetur, utique non negarent, Præceptum in charitate fieri iussum esse, nisi dixerint aliquem suis uiribus posse iracundiam in mititatem mutare, sine gratia.

Pharisei Interpretes.

Secundo, Illud quoque vel somniant vel somniare cogunt, q̄ non occides &c. referatur ad tempus quietis, in quo si quis irasceretur, peccaret. Quod ille nimirum uult, qui glossauit, sine causa, Q. d: Si fuerit non pulsatus iniuria &c. quasi non peccet, si læsus indignetur lædenti. Non enim hucusque intrant in Præcepti cognitione, ut uiderent, quoniam omnia referuntur ad tempus tentationis & probationis, ut homo ibi agnoscat spiritum suum, & carnalitatem suam, dum senserit sese rapī uiolenter ad peccandum, & non inuenit in carne sua bonum, ut gemat pro gratia sanitatis, hic enim sine gratia homo non potest iram omittere & impatientiam, ut patet experientia. Alioqui, non doceretur homo hic aliam iram ponere, quam diabolicam, quæ est, non irritatum irasci ac nocere, quæ nullis ferme bestiis

Sine causa, male exponitur.

me bestia

DE V. PRAECEPTO

*Diligere Deum su-
per omnia.*

me bestijs inest, aut quam paucissimis. Similiter somniant de actu diligendi Deum super omnia, scilicet in tempore quietis, & non cogitant q̄ impossibile sit in tentatione & passione.

*Cecitas & igno-
rantia Scholasti-
corum.*

Gratia.

Hoc totum illi pulchre abscondunt, quando disputant solum de operibus Praeceptorū secundum faciem syllabarum, Tunc enim inveniunt Iudaeae illius cecitatis monstra, scilicet q̄ gratia non est necessaria, nec intenta in Praeceptis, nisi conditionaliter, & hoc non propter defectum hominum, sed propter intentionem praecipientis, ut gratia fiat odiosa cunctis, dum potius uelut noua exactio imponitur supra Legem, & impossibiliorem faciat salutem, q̄ Lex ipsa, & non sit potius adiutorium & consolatio ijs, qui Legem debent implere.

*In gratia fieri
pracepta.*

Sic sic cogunt imaginari Theologi monstra ignorantiae, & prodigia tenebrarum. Igitur in gratia fieri Praecepta, non solum est intentio praecipientis, sed indigentia facientis. Nam uerum est, q̄ ille peccat, qui non occidit, existens extra gratiam, non autem peccat, q̄ non occidit ad literam, sed quia intus occidit corde, in spiritu. Vbi, sine gratia, non potest esse sine ira, & fomite indignationis, ut patet experientia tentationis & occasione data per aduersitates. Hoc enim latens malum irae facit, ut non possit non occidere, ergo reus est pracepti spiritualis, licet sit non reus eiusdem pracepti literalis. Patet ergo, q̄ de Lege loquuntur ad literam.

*Praecepta Decalogi
affirmatiua.*

*Negatiua uehemen-
tior affirmatiua.*

Tertio, Ex eadem caligine concludunt, quaedam esse Praecepta tantum negatiua, quaedam affirmatiua. Hoc iterum non est uerum, nisi corticem syllabarum teneas. Nam illo pracepto, Non occides, exprimit uehementissimam affirmatiuam, scilicet illam, Esto mitis & ex corde mansuetus, ac pateriens, & quietus, ac pacificus. Negatiua enim in Scripturis ideo ponitur, quia affirmatiua non est tam uehemens, ut ibi: Maria optimam partem elegit, quae non auferetur ab ea, (id est) in aeternum ei cumulabitur. Et Psal. 110. Iurauit Dominus & non poenitebit eum, id est, maxime & aeternaliter placebit ei. Et illud Psal. 1. Beatus vir, qui non abiit, id est, maxime hic inter pios profecit. Et sic de multis alijs. Nam & Apostolus Rom. 7. exponit illud, Non concupisces, affirmatiue, dicens: Quod uolo bonum, id est, contrarium concupiscentiae (scilicet castitatem & amorem) non facio, Facere enim positiue significat. Igitur hoc praceptum est quidem negatiuum secundum literam, sed affirmatiuissimum, secundum spiritum, quia Dominus requirit, ut sint mites & pacifici. Illi autem relinquunt internam foeditatem, q̄ Synagogae improperat Dominus dicens: Sordes in pedibus eius. Thren. 1. & Deut. 22. Peccauerunt ei, & non filij eius in sordibus.

Luce. 10.

Psal. 110.

Psal. 1.

Roma. 7.

Threno. 1.

Deut. 22.

Praeceptum.

6.

*Non moechaberis.
Gratia opus est.*

Sic & illud: Non moechaberis, negatiuum est, sed secundum literam, habet autem hanc affirmatiuam spiritualissimam, Esto castus, continens, temperans, sobrius, modestus, & hoc ex intimo, prompto, gratuitoq̄ corde. Hic autem gratia utique opus est, non propter Deum intendentem praecipiendo, sed propter carnalitatem nostram impotentem faciendo.

7.

Sic & illud: Non furtum facies, Litera est negatiua, sed Spiritus affirmatiuus, scilicet, esto pauper spiritu, contentus praesentibus, ac modestus &c.

1.

*Non habebis deos
alienos.*

Quin & illud primum: Non habebis deos alienos, est affirmatiuum, scilicet, Dominum Deum tuum diliges & coles, unum, super te & omnia, alioqui non erit unus, si aliud cum eo diligitur.

Et illud

DECLAMATIVN POPVLAR CLI

Et illud secundum similiter : Non assumes nomen Domini Dei tui in uanum, Hæc est litera. Sed spiritus dicit : Sanctum & terribile nomen eius. *Psalm. III.* Et iterum : Omnis qui inuocat nomen Domini, saluus erit. Vult ergo assumi nomen Dei assidua reuerentia, & timorosa inuocatione, magis autem glorificari & benedici humili suæ ignominia confessione. *Ios. 1.*

2.

Et illud tertium : Sabbata sanctifices. Id est ad literam, Nullum opus in eo facias, litera est negatiua, cum ibi affirmantur nobilissima & maxima opera Dei, in audiendo, docendo, meditando uerbo Dei in spiritu intus, foris quies, intus maxima actiuitas Dei operantis.

3.

Et si hæc tria præcepta exponas spiritualiter (id est, de internis operibus) inuenies, quod primum sit charitas Dei, secundum fides, tertium spes. Nam non habere alienum Deum, est Deum diligere super omnia. Non assumere nomen eius in uanum, est credere in nomen eius, & ipsum in fidei spiritu intus inuocare & glorificare. Quomodo enim inuocabunt, in quem non crediderunt? Omnis enim qui inuocat nomen Dei, saluus erit. *Rom. 10.* *Acto. 4.*

*Præcepta prima
tabula spiritualiter intellecta.*

Porro sanctificare quietem, est sese passibilem Deo præstare, ut in illo Deus solus operetur, hic patientia & spe est opus. Nam hic in caliginem intratur, ubi homo non operatur, sed ducitur uia passionis mirabiliter. Quoties ergo pateris, toties operaris non tu, sed quiescis, & Deus operatur in te. Sed tu nescis quid, quia pateris & es nuda materia. Hoc est quod ait: *Psalm. 46.* Vacate & uidete, quoniam ego sum Deus. Spes sola hic regnat in charitate per fidem. Recte itaque B. Augustinus dicit, quod cultus & latria Dei est in fide, spe & charitate. At hæc sunt affirmatiuissima, & tres Theologicae uirtutes, sub litera istorum trium uerborum significatae negatiue.

Sanctificare sabbatum.

*Augustini dictum.
Virtutes theologicæ.*

VNum restat affirmatiuum, Honora patrem & matrem. Sed & hoc quomodo sit spirituale, dictum est supra. Licet litera solummodo honorem signi externi docere uideatur, sed subtus affectum timoris & obedientia promptitudinem requirit, quæ sine gratia non est possibile fieri, ut patet in probatione tentationis, ubi occasio uenit ipsum obseruandi, contra uotum uniuscuiusque.

Quartum præceptum

Iam illud octauum satis notum est : Non falsum testimonium dices, Literam esse negatiuam, sed affirmatiuam esse in spiritu, ut proximo tuo sis ex corde paracletus, excusando, defendendo, & omnia, quæ tibi uelles fieri in famæ periculo & conscientia.

Octauum præceptum

Reliqua duo similiter nota sunt, quod non concupiscere ad literam, hoc sit, ex corde fauere proximis omnia bona, & nolle ullum malum. Ex quibus omnibus patet, quod Decalogus ad literam sonans, recte in spiritu exponitur à Christo & Apostolis, ubi docent fidem, spem, charitatem, obedientiam, reuerentiam, humilitatem, mansuetudinem, pacem, patientiam, modestiam, castitatem, paupertatem, bonitatem, benignitatem, hilaritatem, mutuam beneuolentiam &c. Hæc quidem sunt affirmatiua, sed sunt spirituales sermones Decalogi omnino.

*Nonum & Decimū
præceptum.*

*Decalogus à Christo
& Apostolis
spiritualiter expos-
itus.*

Reuertamur itaque ad propositum.

Incipit autem a mansuetudine ac suauitate spiritus instruere hominem, ut Deo similis esse studeat homo erga proximum, sicut uult Deum erga se esse. Nam bonitas summe commendat Deum, ideo ut homo sit mitis, benignus, suavis, mansuetus, clemens, facilis, tractabilis, bonus, id est, Deo similis. Dicit : Non occides, non sis occisor, Non sis crudus, asper, durus, amarus, difficilis, indignabundus. Hoc autem efficit spiritus

*Mansuetudo et
suauitas spiritus*

Spiritus gratie.

c

gratia,

DE V. PRAECEPTO

gratiae, qui hoc praecepto quæri & peti cogitur. Hoc idem dicit Dominus Matth. 5. Beati mites, quoniam ipsi possidebunt terram.

Mat. 5.

COROLLARIUM.

Vmbra Behemoth. Frustra sibi blandiuntur, qui non occidunt, & tamen ut sint benigni ex corde, non quærunt, quia per hoc solum speciem Præcepti, & literam habent mortuam, quibus uelut umbris protegitur interior umbra Behemoth.

Demus Simile.

Simile de calce. Calx apparet frigere, ac sine calore, sed effusa aqua, furit ardore, solo autem oleo quietissime extinguatur. Sed homo adustus fornace paternæ concupiscentiæ, occultam habet radicem iræ, quæ erumpit, data tentatione, nec sanatur, nisi per oleum gratiæ.

Aliud.

De latrone. Latro uel homicida, aut alius grassator, si non occidit, aut percutit de facto, nunquid contentus est in eo Princeps, si arma non ponat? Suspiciatur enim, quod data occasione percutiet. Ita homo, & si non irascatur de facto, tamen habet intus gladium iræ, & si in uagina reconditum, sed non placet Deo, nisi ponat gladium & abiciat. Nec satis est, quod in uagina sit, timor est de futura occasione, Nam iste est gladius, quo occisus est filius Dei. Ideo etiam si non occidas, tamen coram Deo occisor es, quia in armis occisionis Filij sui inueniris. Quis enim coram Principe securus gladium portet, quo constiterit filium Principis occisum? Ideo iram tam longe fieri oportet, & ex intimo corde, ut non possibile appareat aliquando ipsam erumpere.

ira prorsus euellenda.

Aliud.

De cane. Sic canis, etiamsi opere non mordeat, nunquid ideo non est mordax? Imo eo peior, quo insidiosior. Sed heu has insidias nostras cordis, quam pauci obseruant. Vnde Psal. 5. Interiora eorum insidiæ, quod nos (cor eorum uanum est) habemus. Psal. 5.

Gradus in peccando.

Igitur incipientium gradus primus, est proprius, scilicet abstinere a facto homicidij, seu per se faciendo seu consentiendo, consiliando, auxiliando, ut solet tertia lingua, & susurro, autor cædium, facere, miscere iras & dissensiones, rixas, insidias, homicidia, ut Gala. 5. docet Apostolus.

Gala. 5.

Monica Augustini mater.

Hic gradus uidetur facilis & exiguus, sed est grandis, si recte inspicitur, & pauci sunt innoxij, quia pauci sic linguam temperant, ut non seminent discordias, ac per hoc quantum in eis est, homicidia incipiunt. A quo malo magno & frequenti liberam fuisse matrem suam Augustinus dicit ex singulari gratia Dei 9. Confess. Neque enim ab eo facile se liberum sentiat, nisi qui pacificus ac mediator utilis est, ut ea tantum narret, quæ concilient ac placent iratos ac discordes, aut magis concilient concordēs, tacendo mala, & prædicando bona utriusque apud utrumque.

Exemplum.

DetraCTOR ter homicida est.

Sicut legitur Exemplum quoddam de nuncio prudentique seruo, misso a domino ad quendam, ut migrare iuberet de domo eius. Ille autem salutare dixit eum a domino suo. Et ad dominum rursus reuersus dixit, illum uelle migrare, donec mira (ut nunc omitto) ordinatione dominus mitigatus, intelligere prudentiam serui. Quapropter recte dictum est, quod susurro seu detractor est ter homicida, tres enim uno actu occidit, primo seipsum, deinde eum cui susurrat, tertio cui detrahit, Quia os quod mentitur, occidit animam.

Verum fit mendacium &c.

At excusant se, dicuntque se uera dicere, Sed male, quia uerum debet uere dici, secundum illud: Quod iustum est, iuste exequaris. Ergo etiam uerum fit mendacium, dum non ubi, quomodo, quando, cui, quantum dici debet, dicitur. Hinc & B. Bernhardus dicit, quod detractor habet Diabolum in lingua, qui

gua, qui auscultat in aure. Secundus occisus est ipse auditor detractoris, quia similiter peccat, præter hoc, quod ad iram, id est, mortem, eum inducit. Tertius ipse passus, qui cognito isto malo, similiter ruit in iram, id est, mortem, quod si non ruit, non est detractoris beneficium, sed Dei, fecit detractor, quantum in eo fuit. Cætera mala detractoris alibi.

Jacob. 1. **E**T epistola Iacobi de malo linguæ tractanda foret, ut appareret, quam latus sit iste primus gradus huius mandati, & quam pauci in illo sint.

Et breviter id faciemus. Dicit 1. capi. Itaque dilectissimi Fratres, *Locus ex epistola Iacobi explicatus.* sit omnis homo uelox ad audiendum, & tardus ad loquendum, & tardus ad iram, Ira enim uiri iusticiam Dei non operatur. Istis uerbis ad mansuetudinem monet, unde sequitur: Propter quod abijcientes omnem immundiciam & abundantiam maliciæ, suscipite in mansuetudine in situm uerbum &c.

Psal. 36. Quasi diceret: Ne perfeceritis omnem immundiciam, & abunde nimis maliciam, hoc est, ne tradatis uos immundiciæ & maliciæ, ut omnem expleatis, sed satis est, quod resistentibus & abijcientibus, adhuc tamen adhærebit uobis immundicia & malicia. Omnem, & abundantiam, addit, ad significandum, quod qui contra pugnant, non sine immundicia & malicia tamen sunt, quanto magis omnem. Et immundiciam habent, qui non pugnant, sed obediunt, secundum illud *Psal.* Astitit omni uir non bonæ, quia sequitur: maliciam autem non odiuit.

Porro immundiciam seu sordiciem uocat concupiscentiam, quæ est sordicies animæ & spiritus, quæ & causa est irarum inter homines, Ideo enim inuicem irascuntur, quia alter alterius concupiscentiam impedit. Ideo hanc uelut immundiciam totalem & capitalem abijciendam docet. *Concupiscentia immundicia dicitur.*

Maliciam autem ipsam iram dicit, quæ & ipsa est abundantia & superfluitas quædam spiritus, sicut fecda corporis superflua sunt, Q. d. Stercus & superfluitatem maliciæ, id est, maliciam, quæ stercus & obscœnum est animæ, abijcite, & nolite fouere. *Ira dicitur malicia.*

Hoc autem fit, si uelox sit quisque audire, tardus loqui. Irati enim sunt non tantum ueloces ad loquendum, & tardi ad audiendum, uerum etiam impotentes ad tacendum & audiendum, quia uelox ad iram, uelox etiam est ad loquendum, & e contra. Quare optimum remedium frangendi iram, est, ut homo sibi uim faciat & assuescat. Primum, tardus esse ad loquendum, quando fuerit iratus. Secundum, quod est perfectius, tardus ad iram, ut proponat in corde non uelle moueri ad iram, & uelle aliquando experiri, an possit tacere offensus. *Remedium frangendi iram.*

At excusant se quidam, Quod propter Deum & iusticiam irascuntur, & loquuntur, quibus occurrit, dicens: Ira uiri iusticiam Dei non operatur, impossibile est, ut Deo placitum faciat opus, qui iratus, & ex ira facit, cum sit Deus pacis & suauitatis, cui nullum turbulentum placet. Memorabilis sententia, quam multi nimis ignorant, qui contra iniusticias indignantur alienas, suas autem etiam palpant, & iactitant quandoque. *Ira iusticiam Dei non operatur.*

Jacob. 1. **I**Ta & infra, Si quis uidetur religiosus esse inter uos, non refrenans linguam suam, sed seducens cor suum, huius uana est religio. O magnum uerbum, quam multi sunt uerbosissimi, At etiam (de quibus hic proprie loquitur) amari, iracundi & asperrimi, & tamen uolunt religiosi & sancti uideri. Idem ergo est, quod religio linguosi uana est, quod ira uiri iusticiam Dei non operatur, ita ira facit per linguam religionem, & omnem iusticiam

Religio linguosi uana.

DE V. PRAECEPTO

iusticiam uanam, id est, foris speciosam, sed intus uacuam, Ideo & seducit non alios, sed cor suum, putans se religiosum, cum non sit.

Jacob 3.

Et capite 3. pericula linguæ & mala describens, ait : Nolite plures magistri fieri, fratres mei, scientes, quoniam maius iudiciū sumemus. Nolite, inquit, plures, id est, nolite omnes uelle docere, & prompti esse ad loquendum ac docendum, & tardi ad audiendum, sed quilibet optet se Discipulum posse fieri, & alteri cedat magisterium sui. Ne fiat turbulentissima dissensio, ut ubi plures sint qui doceant, nulli qui audiant, & quilibet contra alium, omnia repleant dissensionibus, sicut fecerunt hæretici in Ecclesia. Magistros fieri non est malum, sed quod multi uolunt fieri, id est, quod uolunt esse diuersi, neuter neutri audiens, hoc est, quod maius iudiciū sumunt. Et hoc dissuadet tali periculo, quia etiam absq; illo maiori iudicio, quod tales accipient, iam satis offendimus, Non est necesse occasionem peccati quærere, & maioris iudicij accipiendi. Quia

Nolite plures Magistri fieri.

In multis offendimus omnes.

In multis enim offendimus omnes. Omnes tales sumus, quod offendimus, & hoc non tantum in uerbo, sed in multis, scilicet oculis, auribus, manibus, ac omnibus sensibus, deinde cogitationibus. Et istæ offensiones debent nobis sufficere, ne & maioribus nos offeramus. Deinde hoc etiam persuadet, ne alter alterum superbe præsumat docere, quasi ipse non offendant in ullo, Q. d. Ut quid aspere uos inuicem reprehenditis, & unusquisq; alterius magistri fieri nititur? An ignoratis, quod omnes, nullo excepto, offendimus, non in uno tantum, sed in multis?

In uerbo non offendit.

Quod si quis in paucis uel in opere non offendit, quid de uerbo sentiet? Si quis in uerbo non offendit, hic perfectus est uir. Q. d. Hic se perfectum iactet & non antequam, etiam in uerbo non offendit, Q. d. Talis nullus erit inter uos, quia in multis offendimus omnes, multo magis & in uerbo, ut quid ergo contra inuicem superbitis & eleuamini, ac non potius in mansuetudine inuicem monetis & portatis? Hic, inquam, perfectus uir, potest etiam freno circumdare totum corpus, id est, si potest linguam domare, potest etiam totum corpus suum a peccato custodire, quia, qui non peccat in lingua, sine dubio & alia membra iam domita & obedientia habet sub freno.

*3. Similitudines
Jacob. 1.
11.*

Deinde tres proponit Similitudines, a quarum una iam coeperat. Ecce equis frena in ora mittimus, ad consentiendum nobis, & totum corpus eorum circumferimus. Ecce naues, cum tantæ sint, & a uentis ualidis minentur, circumferuntur autem a modico gubernaculo quo impetus dirigentis uoluerit, Ita lingua modicum membrum est, & magna exaltat seu iactat.

Q. d. Equos frenare & dirigere possumus, & naues, imo, ut infra, & bestias. Lingua autem contra, cum sit modicum membrum, debuit maxime posse comprimi & dirigi. At ipsa magna potius iactat ac mouet, quæ alias reguntur bene, mouet & iactat omnia, sicut uentus naues, recte contrario gubernaculo, quod frenat naues, similis est in quantitate clauo nauium, & in effectum tamen contraria, similis potius uentis & turbinibus.

III.

Lingua ignis.

Ecce quantulus ignis, quantam sylvam, id est, fit, ut paruulus ignis magnam materiam succendat, totam scilicet sylvam. Et lingua ignis, est inuersitas iniquitatis. Græce, mundus iniusticiæ, Q. d. tot parat iniusticias, ut quasi mundus putari possit, quia ignis est, & multa incendit.

Istis omnia

Istis omnibus & sequentibus uerbis id agit, ut nos moneat & doceat, quia maximus hostis noster est lingua propria, atq; ab ea non minus cauendum, quam ab inimico maximo, & quo est minor, eo nocentior, minor in re, sed maximus in uirtute. Nihil enim facilius lædit conscientiam quam lingua, ideo enim & in monasterijs silentium instituitur, licet contra illud diabolus Logicam quoq; illuc introduxerit, garrulitatis garrulosissimā magistram.

Lingua maximus hostis noster.

Mat. 12.

Eadem causa, ut uelocitatem locutionis compesceret Dominus, minatur de quolibet ocioso uerbo rationem reddendam, Dura, sed necessaria sententia aduersus tam lubricam pestem, ac præsentissimum uenenum.

Verbum ociosum.

Item, Id & Philosophi uiderunt, quod homini ideo sunt duæ aures datæ, sed una tantum lingua, atq; aures ipsæ non tantum patulæ, ac apertæ foris, sed etiam auriculis circumamiciantibus, ut facilius audiat, deniq; tutuolæ & uerbo quodammodo obiectæ, ne facile uerbum præteruolet. Lingua autem non tantum clausa & latens, uerum etiam osseo muro circumclusa, scilicet, dentibus. Deinde uallum carneum, id est, labia, præter hoc, quod tantum à pulmone distat & corde, tot requirat instrumenta, cum aures nullo indigeant, adhuc ipsa uelocior est omnibus sensibus.

Vna lingua, duæ aures, homini datæ

Ecce, quinque sensus uelut quinque naues natant in rebus istis corporalibus, & inferunt in memoriam res innumerabiles, scilicet uisu, auditu, tactu, olfactu, gustu, Nec tamen tot inferre possunt, quin illa plus efferat, Sapissime loquens coniecturas, suspitiones, opinioniones, somnia temeraria, frivole ficta, quæ nec sunt, fuerunt, nec erunt.

Quinq; sensus, instar quinque nauum.

Item, inde secunda statim plaga Aegypti fuit, ranarum immissio, quæ linguacitatem significant sterilem. Quia prima fuit sanguis, significans, q; quando homo fit caro & sanguis, totus fit lingua, & non nisi uana loquitur, & quo uanior est, eo plus uult loqui. Atq; fideli signo, uanum hominem per hoc cognoscas, si fuerit multiloquus, & econtra. Quo fuerit homo solidior & grauior, hoc signo cognoscas, Si fuerit parcus in uerbis, largus in opere, nam tales fastidiunt loqui, nisi dum obedientia, aut necessitate coguntur, ut Psal. 39. Obmutui & silui à bonis, sicut enim eos tædet uitæ suæ, ita & loquelæ.

Secunda plaga Aegypti, ranarum immissio.

Psal. 39.

Hioh. 4.

Psal. 140

Econtra, In multiloquio non deerit peccatum. Et ibidem: Vbi plura sunt uerba, ibi frequenter egestas. Hioh 4. Nunquid qui multa loquitur, poterit iustificari? Et Psal. 140. Vir linguosus nō dirigetur in terra. Sed hæc maxime sunt mala, dum ira magistra loquitur. Vnde Aesopus dicitur linguas emisse, cum iussus fuisset optimas carnes, & postmodum pessimas emerere.

Multiloquium.

Aesopus.

Quin multi timore infamiae sibi mortem conscuerunt, & Poetæ dicunt, Lycamben uersibus iambicis Archilochi adactum ad laqueum, Quod si quis adhuc dubitat, interroget eum, qui amaram habet mulierem ac litigiosam & uerbosam.

Lycambe amara mulier.

Psal. 57.

Psal. 75.

Deniq; quod bestijs dentes, ungulæ, rostra, cornua, aculei, uenenum, aut quæcunq; arma, imo quod malis bestijs tam uaria uasa & arma, hoc lingua est hominibus. Vnde Psal. 57. Filij hominum, dentes eorum arma & sagittæ. Item Psal. 75. Nolite extollere in altum cornu uestrum &c. Vnde arcus, gladius. Recte itaq; mundus iniquitatis, & modicus ignis, magnam syluam succendens.

Mundus iniquitatis

Et sequitur.

Sic lingua constituitur in membris nostris, quæ maculat totum corpus, Q. d. Nonne est mirum, quod illud maculat, & totum corpus maculat, quod adeo non est extra nos, imo adeo intra nos, ut sit inter propria

c in membra

DE V. PRAECEPTO

Lingua.

membra? Monstri hoc simillimum, quod membrum non tantum membro, sed toti corpori officiat, cum se mutua membra sollicitudine foueant. Hæc sola inter ea maculat totum corpus, id est, reum facit peccatorum, ut propter ipsam totus homo sit odiosus Deo & hominibus, quia adeo infamis & abominabilis est linguosus, ut etiamsi toto corpore sit formosus, aptus, diues, nihil tamen in eo non uelut foedum fugitur ab hominibus. Quis enim libenter cum loquacibus ac garrulis conuersatur? ac non potius abhorret ac nauseat & dicit: *By wie weßschig ist der.*

Loquax.

Rota natiuitatis.

Et inflamat rotam natiuitatis nostræ, & inflammatur a gehenna. Iacob. 3.
na. Videtur Apostolus natiuitatem intelligere, id quod nati sumus, ut sup. cap. 1. Similis est uiro consideranti uultum natiuitatis suæ in speculo. Et iterum: Voluntarie enim genuit nos uerbo ueritatis, ut essemus aliquid creaturæ eius. Igitur natiuitas, generatio seu creatio ac creatura, in quam nati, producti, creati sumus, Ergo rota natiuitatis dicitur, tota essentia, & quicquid creati sumus, sicut totum corpus. Et hanc rotam natiuitatis, totumq; circulum nostræ essentia, seu eius quod sumus, hoc ipsa inflamat. Ignis scilicet est & uniuersitas iniquitatis, ideo succendit non partem nostri, sed totum quod sumus ac uiuimus. Nam forte etiam ideo rotam appellauit, non tantum propter totale esse, sed etiam totale uiuere & operari in hoc tempore. Vita enim nostra rota uolubilis est.

Addit autem: Inflammata a gehenna, ne bona flamma hic inflammare intelligatur, quia ipsa infernali igne accensa, id est, odio & ira, totum quod sumus accendit ira & odio, dum prouocat & permouet ira, ut patet in iratis, qui intus & foris tremunt & feruent.

IIII. Similitudo.

Omnis enim natura bestiarum, & uolucrum, & serpentium, & cæterorum domantur, & domita sunt a natura, Linguam autem nullus hominum domare potest. Vide, quantis uerbis & sensibus linguam incessat, ut eam igni inferno similem, ac feris feriozem, ponat, Quis a se ipso non timeat, qui nocentiozem & feriozem bestiam apud se habet, quam totus mundus? quis non odiat linguam suam? quis non uereatur loqui? qui tantis nominibus foedari audiat suam linguam.

Sequitur.

*Inquietum malum.
Plena ueneno mortis.*

Venenum est susurronum.

Inquietum malum, plena ueneno mortifero. Parum est, quod sit inquieta, quod per se malum est, sed inquietum malum, id est, semper nocens, neq; a nocendo quiescens. Deinde plena ueneno mortis, id est, quod occidit, non tantum inficit, hoc est, præsentis ueneno, non lento aut tardo. Hoc sane patet, quam profunde penetret susurronum uehement, quod illis, quos intoxicarint aduersus inuicem, uix tota uita remedium prouideri potest, ubi usq; ad medullam processit inuidia & odium. Sepius cum odio moriuntur potius quam concilientur. Emphaticus itaq; & Epitaticus dicit, Veneno non infectorio, sed mortifero.

In ipsa benedicimus Deum & Patrem, & in ipsa maledicimus homines, qui ad imaginem & similitudinem Dei facti sunt. Q. d. Non potest simul utrumque facere, nisi fecte, ideo ne se quisquam fallat, quod Deo benedicit, si hominem maledicit, nec Deum benedicit, cuius homo factura est. Quis enim picturam ac statuam reprehendere ac maledicere potest, ut maledictio eiusmodi non redundet in pictorem & artificem? Sic Iere. 17. de ijs, qui operibus Domini maledicunt, dicit, Omnes maledicunt mihi. Et Esa. 8. Cum esurierit, irascetur, & maledicet Deo & regi suo. Iere. 17.
Esa. 8.
Inde

Exod. 22. Inde præcipue in Lege prohibitum fuit & est : Dijs tuis non detrahes , &
 1. Cor. 6. Principi populi tui ne maledicas. Et Apostolus : Maledici regnum Dei
 non possidebunt.

Quod si homines id attenderent, quod maledicendo hominibus, Deo
 quoq; maledicunt, cuius opus & facturam maledicunt, utiq; non ita prom-
 pti essent maledicere. Sicut Prouer. 14. Qui calumniatur egenum, expro-
 brat Factori eius. Quid enim facit, qui maledicit, nisi quod dicit : Vah,
 quod non aliud & aliter formatum, cui potius deberet misereri, & dicere o-
 rando : O Domine, fac eum alium, Sicut artificem licet monere & orare,
 non maledicere, ut ibidem 14. Prouerb. Honorat autem eum, scilicet Fa-
 ctorem eius, qui miseretur pauperis.

Maledicens homini,
 Deo maledicit.

Quod si B. Petrus prohibet, ne maledictum pro maledicto, nec malum
 pro malo reddatur, similiter & Christus : Orate pro calumniantibus & per-
 sequentibus uos. Et Paulus Rom. 12. Benedicite maledicentibus uobis, be-
 nedicite & nolite maledicere. Quid illis fiet, qui maledicunt non maledi-
 centibus ? Ideo Psal. 34. Prohibe linguam tuam à malo, & labia tua non
 loquantur dolum, Diuertere à malo, & fac bonum, inquire pacem & perse-
 quere eam, Id est, à malo, non tantum ferendo, sed etiam referendo seu red-
 dendo, Et bonum non tantum reddendo, sed etiam conferendo pro malo
 accepto, alioqui non inquiritur pax, aut persequitur, si malum malo reddas.

Non maledicendum
 maledicentibus.

Iste ergo gradus est secundus, à Domino prohibitus, ne quis maledicat,
 uituperet, detrahat proximo suo. Et sicut in primo gradu, plures sunt rei,
 quam credant, ita & in isto. Nam tria maxima uitia linguæ hoc Præcepto
 prohibentur, scilicet, maledictio, detractio, susurratio, sed istud tertium in
 primo gradu. Ac per hoc uniuersa mala linguæ prohibentur per 3. & 5. &
 6. & 7. mandatum, per 3. periuria & blasphemia, ac alia offensiones con-
 tra Deum quæcunq; Sed per 5. offensiones erga proximum, per 6. uerba
 impudicitia, per 7. uerba deceptionis & fraudis, in negocijs seu iudicijs,
 nam & in ipso 7. etiam detractio est, sed publica, aut coram iudice, Hic
 autem alia.

Tria uitia lin-
 guæ, maledictio,
 detractio, susurra-
 tio.

Igitur maledictio & detractio & susurratio sic differunt, quod maledi-
 ctio est in ipsum præsentem, uel tanquam in præsentem & in faciem, sub
 qua omnia contumelia, blasphemia, criminationis, uituperij, agnomina-
 tionis uitia comprehenduntur.

Maledictio.

Detractio est de absente ipso ad alium, & sequitur maledictionem, quia
 ubi mala in aliquem, uel foris præsentem, uel intus memoriæ obiectum
 congesserit, & hoc ad alium detulerit, iam maledictio facta est detractio,
 quare nullus est detractor, quin sit & maledicus, saltem apud se. Et hæc duo
 pulchre expressit uersus, Prohibe linguam tuam à malo (id est, ne ulli ma-
 ledicas, siue uoce, siue tacito murmure) Et labia tua, ne loquantur dolum
 (id est, detrahere caue) Nam dolus est, si quis in tergum loquitur, nescien-
 te illo, cui nocet. Non autem econtra, omnis maledicus etiam detra-
 ctor est, saltem hominis eiusdem, licet detrahat Deo, quando maledicit ho-
 minem.

Detractio.

Quod si ulterius detulerit mala duorum contra inuicem, uel unius ad
 alterum, tanquam alterius amicus, & alterius inimicus, iam bilinguis su-
 surro est, & discordia seminator, peior istis duobus, ideo extra istum gra-
 dum in primo cum homicidijs collocandus.

Susurro, homicida.

Concludamus itaque hunc.

Sicut primum gradum huius Præcepti non implet, nisi qui
 non tantum non occidit aut lædit, aut non discordias seminat (quia &
 omittendo potest committere) sed etiam ita mitis sit, ut potius uiuificet ac
 foueat

c iij

DE V. PRAECEPTO

Beati misericordes.
Matth. 5.

gradus 2.

Spiritualis intelligentia
gentis 5. precepti

Racha 3. gradus
ira.

Signa rancoris.

Quod tibi uis fieri
et c.

Signa rancoris et
ira ponere difficile
humani.

Hic mundus regni
Diaboli.

foueat operibus misericordiae & benevolentiae. Et ita pacificus, ut mitibus ac dulcibus uerbis etiam conciliare studeat discordes, quantum potest, & mediare, ne fiant discordes. Hi enim audienti Beati mites, Beati misericordes, Beati pacifici, quoniam ipsi possidebunt terram, misericordiam consequentur, filij Dei uocabuntur. Ecce istae tres beatitudines in isto Praecepto sunt comprehensae.

Ita secundum gradum non implet, nisi non tantum non maledicat, detrahat aut uituperet, sed etiam in omnibus benedicat persequentibus, & excuset accusatos, oret pro omnibus, & resistat detractoribus, quantum potest. Ecce haec est spiritualis intelligentia huius Praecepti. Nunc similiter de tertio gradu.

Tertius gradus irae.

EST dicere fratri suo Racha, quod Ebraicum est, Rak, idem quod uanum, aut uanum, aut nihil. In quo dixi omnia signa irae praeter uerba, imo & uerba praeter maledicta & detractationes comprehendere, ut sunt ironiae in uerbis, torsiones labrorum, rugae frontis ac nasi, ac excandescencia uultus, Deinde silentium, auersio uultus, dirus intuitus, quae omnia sunt indicia animi irati & odio pleni. Adde clamorem, & stridorem dentium etc.

Hic aliqui dicunt, quod necesse quidem est, rancorem dimittere, sed non signa rancoris, Quae sententia & si sit in aliquibus uera, non tamen uniuersaliter, & multo melius sic poneretur. Signa rancoris aliquando utile est exhibere, non quod sint signa rancoris, sed similia signis rancoris, Alioqui signa uere rancoris non sunt, aut nullo modo retinenda sunt, si uere sint. Unde adhuc optime diceretur, quod signa charitatis aliquando omittere, & signa irae exhibere, oportet. Nam si signa rancoris licet non deponere, ergo propter aliquem fructum? Quare ergo non potius exhibenda? ne scilicet sola licentia quaeratur omittendi bonum.

Exhibere itaque melius est quam non dimittere, quia qui exhibet, non ex ira facit, sed ex zelo bono, ideo manet sine suspitione mali, Qui uero non omittit, prius arguitur ex ira fecisse talia signa. Et ideo si non deponat illa, relinquit fratrem in suspitione irae, ac per hoc impedit ueram & integram pacem ac concordiam, cum ille non credat cor eius esse mitigatum, & offenditur rursus ad similia.

Quare tales Doctores sunt mittendi ad illud Praeceptum naturale: Quod tibi fieri nolis, alteri ne feceris. Et: Quod tibi fieri uis, alteri facias. Et gentilis: Si uis amari, ama. Sed non est dubium, quin omnes uelint, ut ille, quem offensum & iratum habuimus, non tantum signa ponat irae, sed eo magis contraria exhibeat, ut certi fiant de eo. Ideo largiora petuntur signa, quam si non fuisset offensus. Sic enim & Deus largius benefecit post peccatum humano generi, quam ante peccatum fecit, eo quod Filio proprio non pepercit &c. Quod si signa tanta omisisset, quis eum propitium factum credere posset, aut auderet? Filij ergo Dei, Deum patrem suum imitentur.

Rom. 8.

Istis autem dictis docemur, quam sit difficile mandatum Dei seruare, nam experientia patet, quam difficile sit hominibus haec signa mala ponere, & bona ostendere, quam se uertunt & reuertunt antequam induci possint, ut simulate saltem faciant. Nam uere & ex corde nunquam nisi gratia Dei adiuti, facient, Dicunt enim: Non possum tibi seruire, amabilis esse, Et infelices non cogitant, quod nollent ipsis ita fieri, neque a Deo, neque ab hominibus. Ideo uidetur in hoc monstro, quid sit futurus infernus, & quid sit praesens mundus, scilicet regnum Diaboli, in quo tantum malum inuenitur in hominibus, contra naturam & naturale proprium diestamen pertinaciter obdurans.

Quocirca

Quocirca ira & inuidia differunt non aliter, quam sicut uinum nouum, & uinum uetus, nam inuidia seu odium est inueterata ira, ut B. Augustinus in Regula: Ne ira crescat in odium, & irabem faciat de festuca. Nam ira quæ cito transit, & non fit odium, uix ira dicenda est, nam statim traditur obliuioni. Sed inueterata, fit tenacissimum malum, quia spirituale malum, adeo ut Prouerbiū sit: Nihil tardius obliuisci quam iniuriam, & nihil citius abolescere, quam beneficium. Vtrumque fit uicio naturalis prauitatis, cum contra fieri debeat, Nam bona natura hominis in hoc notatur, si cito obliuiscitur offensam, & beneficium semper memoratur, adeo ut non sinat sibi libenter benefieri, cernens quod obruitur multitudinem debitarum gratiarum actionum, & uicissitudinis sibi impossibilis. At contra mala naturæ ingenium semper retinere offensam, semper exprobrare & obſcere diu præterita.

Prouerbiū

Ira & inuidia differunt.
Ira cito transiens.

Bona hominis natura.

Igitur Exemplis demus, quando licet signa ostendere iræ seu asperitatis, ut si quis ita pertinaciter malus sit, ut semel & bis aut tertio, monitus nolit desistere, non solum licet, sed oportet signa iræ in illum ostendere. Vnde 1. Corinth. 5. Si is, qui nominatur frater inter uos, est fornicator, aut avarus, aut idolis seruiens, aut maledicus, aut ebriosus, aut rapax. Et 2. Thessa. 3. Si quis non obedierit uerbo nostro, notate, & non commisceamini cum illo, ut confundatur, Et nolite quasi inimicum existimare, sed corripite ut fratrem. Ecce non ut inimicus, sed ut frater emendandus est. Ista est ira sancta & bona, in Scripturis uehementer laudata, Ideo distinguendum est.

Quando licet iræ signa ostendere.

Ira sancta et bona.

Primo, ut moneatur secundum illud Christi: Si peccauit in te frater tuus, alioqui prima uice non est abijciendus, sed monendus. Si enim septuagies septies ueniam petierit, non est ei neganda.

Moneatur.

Secundo, Discerne, utrum ideo sic facis, quia te læsit, uel quia peccatum fecit. Si enim Deum plus diligis, quam teipsum, debes irasci magis, quod Deum læsit, quam te. Deinde eque misereri, quod seipsum peius læsit intus, quam te foris. Quibus respectibus factis, facile doceberis, quomodo & quo corde ei signa charitatis neget, uel non neget. Sed ne te fallat cor tuum, & dicas: Ita facio: Propter Deum irascor, & non propter me, & forte mentiaris, Hoc etiam proba apud te, & uide, si tantum doles & moueris, quod uel si alium læderet, quantum quia te lædit, Si enim illic non moueris, signum est, quod teipsum quæris & uindictas, non autem mederis.

An propter te?

An propter peccatum?

Et quid moror? Frustra est disputatio: An signa rancoris sint ponenda, quia prorsus sunt ponenda: Si autem est causa, quare sint ostendenda, hic penitus irascendum ex corde est, non tantum signa exhibenda. Signa rancoris si sunt rancoris, prorsus sunt omittenda. Si autem non signa rancoris, & dignum est, pro emendatione fratris, ea ostendere, etiam ira perfecta est addenda, ut uideat, quod ex corde ostenduntur sibi, & ex qua causa. Et non sic incedas tacens & simulans, ut frater nesciat, quomodo tecum habeat, Mala est talis doctrina, & penitus contra charitatem, docet enim simulationem.

Signa rancoris prorsus sunt ponenda.

Sed longa & multa sunt præcepta, quæ omnia cito uideret & fateret charitas, quæ si desit, nihil est, quod satis doceri potest, Ipsa enim docet, quomodo homo ipse uult diligere, foueri, sustineri, benefieri, nihil sibi simulari, Ita & idem docet proximo exhibere. Non enim amicus fraudulenter debet incedere, ut B. Hieronymus: Vera amicitia impatiens est simulationis. Si est rancor, ostende, Si non est, iterum ostende, & hoc uel signis declarationis uel sæueritatis.

Charitas.

Hieronymus dictum.

COROLLARIUM

Patet

DE V. PRAECEPTO

Patet quod nec iste gradus seruatur, nisi quis studeat non tantum omittere signa, sed etiam ex benigno corde contraria signa ostendere. Ad omnem enim mititatem nos isto format Praecepto Deus, & uniuersam irascibilis uirtutis radicem extirpare intendit, ut non nisi dulcedo cordis ibi relinquatur, quod gratia operatur, non natura.

Sequitur quartus gradus.

4. gradus irae,
Corde irasci.

Beatitudines
Matth. 5.

Quartus gradus, est irasci corde, Et hic est primus & omnium aliorum radix, Hunc enim ipsa Lex maxime tangit, quando dicit: Non occides. Cor enim mundum quaerit, non tantummodo manum, ut Iudaeorum hypocritis, ut Psal. 24. Innocens manibus, & mundo corde. Psal. 24. Quare ferme omnes beatitudines Matth. 5. in isto Praecepto includuntur, ipsumque exponunt. Nam beati mites, beati misericordes, beati pacifici, beati patientes, beati mundo corde, hic manifeste includuntur. Quod si beati pauperes, beati esurientes iusticiam, beati lugentes, eos significat, qui se agnoscunt non implere hoc mandatum, & ideo lugere & cupere ac esurire, quis dubitet quin sint hic, aut saltem tales esse oportet, ut hoc Praeceptum & quodlibet aliud impleant.

Igitur in hoc gradu sunt omnes cogitationes malae cum ipsa radice earum, scilicet irascibili uirtute prona ad uindictam, ut sunt irae, inuidiae, suspiciones malae, amaritudines, rancor &c. Et sicut hic est primus, ita habet pauciores species, quam proximus post eum. Nam homicidium in opere habet plurimas, ut homicidium, fratricidium, uxoricidium, parricidium, sacrilegium &c.

4. gradus 5. praec.
cepti.

coelum.
Mundus.
Inferi.

Ac per hoc patet, quomodo in isto Praecepto sunt quatuor gradus, & in singulis gradibus adhuc multi gradus, Et ideo nullus est in hac uita, qui non sit in aliquo illorum. Beatus autem qui in supremis, infelix qui in infimis. Nam mititas est coelum, ira est infernus, medium autem ex utroque est hic mundus. Ergo illuc ascenderunt tribus, tribus Domini, hic descendunt in lacum & infernum uiuentes, quanto propius mititati, tanto & ipsi coelo, & econtra. Psal. 122.

Quare non satis est pro hoc quarto gradu, esse non irascentem fratri, nisi simus etiam mitissimi in eum affectus & suauissimi cordis. Quod cum non simus, ad gratiam Christi fugiendum est, ut de sua plenitudine nostrum suppleat interim defectum, donec & ipsi perficiamur.

PRAECEPTUM VI. NON MOECHABERIS.



Breuissimum uerbunt, sed latissima sententia, ideo interpretatione opus habens, Quare Christum audiamus, qui Matth. 5. dicit: Audistis, quia dictum est antiquis: Matth. 5. Non moechaberis. Ego autem dico uobis: Quicumque uiderit mulierem ad concupiscendum eam, iam moechatus est eam in corde suo.

Breuius ipse quoque loquitur, quia relinquit ex praecedenti Praecepto eandem graduum fieri distinctionem, ponens eum tantummodo, qui est in corde. Quare & nos hic eosdem quatuor ponemus, scilicet in affectu, signo, uerbo, opere.

Adulter secundum
Iudaeos.

Hoc enim Praeceptum ideo exposuit Dominus, quia antiqui (id est, Iudaei) ipsum accipiebant secundum uim & rigorem uerbi, ac ita docebant, & irritum

& irritum faciebant hoc mandatum, sicut & omnia alia. Quod non esset adulter, nisi qui opere id impleisset, nihil de concupiscentia, signis, uerbis solliciti, ideo immundi facti sunt. Et in hac sententia sua ita steterunt, ut contra eos Ieremias diceret: Vnusquisque ad uxorem proximi sui hinniebat, & facti sunt sicut equi emissarii. Nouis itaque, id est, nobis aliter dicit, ut omnis concupiscentia hic euacuetur.

Dicit enim B. Augustinus hoc loco de sermo. Domini in mon. quod *Augustinus* nomine moechantium, qui hoc cap. commemorantur, omnem carnalem & libidinofam concupiscentiam oportet intelligi.

Primus itaque gradus est opus ipsum foris, quod sine dubio ex concupiscentia intus procedit, Vt ibidem probat B. Augustinus. Si autem omnis concupiscentia carnalis ibi prohibetur, ergo & omne opus, quod ex illa procedit. Idcirco ponuntur multae differentiae operum.

- I. Fornicatio simplex, solutus cum soluta, a quo distinguunt alij. *Fornicatio.*
- II. Meretricium, quod illa sit unius consuetudo mulieris, hoc autem in multis, uagus ardor libidinis. *Meretricium.*
- III. Stuprum, quod est uiolatio uirginis. *Stuprum.*
- IIII. Raptus, quod est, cum rapitur filia uel filius, in quo & furtum simul est, & maximum furtum. *Raptus.*
- V. Adulterium, quod quandoque est simplex, quandoque duplex, secundum quod uel ambo fuerint coniugati, uel unus tantummodo. *Adulterium.*
- VI. Incestus, est contra consanguinitatis honorem. *Incestus.*
- VII. Sacrilegium, quod est, cum religiosus, sacerdos, monialis, & omnes alij, qui Deo continentiam foverunt, fornicantur. *Sacrilegium.*
- VIII. Excessum in matrimonio quidam addunt. *Excessus.*

Hi gradus in opere sic uariantur, & sunt inuicem excedentia & excessiva, secundum quod circumstantiae mutantur. Nam sic & in homicidio praecedenti Praecepto, prohibita sunt multae operum differentiae, ut dictum est, secundum differentes circumstantias. *Circumstantiae.*

Quamuis autem omne praecceptum Dei sit uelut lux, quo cognoscatur, quid sit homo, mundus, & caro, & quantum a Deo simus remoti, tamen hoc Praeceptum praecipue illud ostendit, Apostolus enim dicit: Per Legem cognitio peccati, ergo Lex est lux, qua lucente uidemus innumerabilem miseriam humani generis.

Quis enim tam est lapis, ut si audiat haec praeccepta Dei, & illis cum illuminantibus, imo Mundum totum ostendentibus, si etiam attendere uelit, quam infinitus numerus hominum extra Praeceptorum uitam agant, possit saltem a gemitu & lachrymis continere? Si nulla alia esset causa, quare nunquam gaudere deberemus, sed semper lugere, haec sola satis esset, si hominum uitam cum ipsis praecceptis Dei ante oculos compararemus. Ibi enim uideremus, quomodo humanum genus sit miserrima perditionis massa, cum tam rari appareant, qui in praecceptis Dei uiuant & agant, & praecipue in isto praeccepto. Nonne horrendum est tot gradus operum esse, quibus contra hoc Praeceptum agitur, & homines sine ullo timore in illa ruere ac perire? Et adhuc ridemus talia.

Igitur uelut lucernam hoc Praeceptum attendamus, & per ipsum infinitos casus hominum. Tunc uidebimus, quod mundus iste sit horrenda Lerna, & inferno proxima, & parum iusticiae & ueritatis in eo. Imo Scriptura dicit quod omnis homo uanus & mendax sit, Quare uere infernus est in mundo.

Prima itaque miseria hominum est simplex fornicatio, in qua peccant non tantum hi, qui faciunt, sed & qui fouent, auxiliantur, consiliantur, non resistunt, rident, copulant, mediant, ac maxime, qui occasionem dant. *Simplex fornicatio.*
Fouent

DE VI PRAECEPTO

Fouentes.

Fouent autem, qui uel hospitantur in domibus suis, uel si Principes & Maiores ac Iudices non prohibent, sed permittunt. His nihil proderit, quod ipsi non fornicantur, dicetur enim eis: Si uidebas furem, currebas cum eo, & cum adulteris tuis portionem tuam ponebas. Hæc fecisti, & tacui. Existimasti inique, quod similis ero tui, arguam te, & statuum contra faciem tuam. Et ista miseria, heu quanta pestilentia nunc regnat, ubi æquales ab æqualibus erudiuntur, ducuntur, perduntur tam inter iuuenes, uirgines &c.

Psal. 50.

Mediantes.

Mediant, ut qui sunt internuncij & copulatrices, de quo uide pulchram Historiam distin. 5. c. 80. speculi Exemplorum. Hi autem proprium opus agunt diaboli, Nam quod diabolus non potest, nec posset per se, efficit per illas.

Non resistentes.

Non resistunt autem, qui nec monent aut corripunt secundum mandata Christi, neque compatiuntur animæ eorum, nec pro eis orant, sicut decet Christianos. Insuper & recitant & rident, iocantes in perditione proximorum, cum, ut dixi, iste sit ut magnæ miseriæ status inspiciendus.

Occasionem dantes

Cultus immodicus.

Occasionem autem dant, qui lubricis gestibus ac uerbis impudicis, aut exquisito ornatu irritant concupiscentias aliorum, maxime si id intentione faciant. Nam cultus ille immoderatus semper est causa, licet per accidens, concupiscentiæ, ut in choreis, plateis, conuiujs &c. Væ autem illis, qui impudicis uerbis innocentium corda uulnerant, ut nunc horrendus mos est, in hospitjs publicis, negociatoribus conuenientibus. Non est, ut aiunt, necesse pediculos in pellicium seminare, qui sponte sua nascuntur.

Offensio.

Concupiscentia.

Nam caro nostra in primo peccato duplici uulnere est grauissime percussa. Primum est offensibilitas, alterum concupiscentia, quæ duo uulnera per præcepta nobis manifestantur, sed per gratiam sanantur. Sed peius est uulnus concupiscentiæ, quo minus dolet & affligit, sed delectabiliter mouet, Ideo à stultis non reputatur malum, cum sit duplo peius quam alterum, ita ut Scriptura dicat: Virtus eius in lumbis eius, & fortitudo in umbilico uentris eius, Ante enim peccatum nihil erat quod offendebar, nihil quod libebat. Nunc autem utrumque.

Hib. 40.

Titillatio carnis.

Q Vapropter Christianus homo debet hoc scire, quod quando sentit se ad iram moueri, uel ad concupiscentiam, non secus putet, quam si mortiferum uenenum sentiat, & ulcus pessimum, & gemat pro illo ad Dominum, ut sanetur. Nam uerissimum est, quod hæc titillatio licet iucunda & luauis sit, tamen est ignitissimus serpentis antiqui morsus, horribilem conscientiæ paritura confusionem & amarissimam amaritudinem. Atque per hoc mouetur ad gratiam quærendam, sicut habet figura Numeri ca. 21. quod morfi ab ignitis serpentibus, ad æneum Serpentem suspicientes, sanabantur. Ita & titillatus carne ad Christum crucifixum debet respicere.

Numer. 21.

Nam hinc redditur ratio, cur Dominus non contentus, quod per se ipsum homo pronus ad malum, adhibet tentatorem & impulsorem Diabolum, scilicet, ut quia homo negligens est in quærenda sanitate sua apud Deum, ideo urget eum tentationibus, ut cogat eum quærere misericordiam & gratiam Dei.

Paulus.

Hieronymus.

Secundo etiam ideo, ne forte in donis sibi datis extollatur. Sic Apostolo Paulo, sic S. Hieronymo fecit, Sic multis alijs usque ad mortem. Vide in speculo Exemplorum. Litera, Tentatio:

Nullus sine gratia

De, continet.

Oratio remedium

contra libidinem.

Sunt autem alij, qui uehementissime rapiuntur hoc malo, Alij uero mitius, alij modico. Nullus tamen sine gratia Dei continet, Vt Sapien. 8. Et ut sciui, quia aliter non possum esse continens, nisi Deus det, & hoc ipsum erat sapientia scire, cuius esset hoc donum, adij Dominum &c. Ecce quomodo à morbo isto per orationem curationem quæri oportet, & magna sapientia est, agnoscere hoc malum suum & remediij locum.

Sapient. 8.

Sic & B.

Sic & B. Chrysantus martyr dicit : Errat , qui se suis uiribus putat ca- *Chrysantus martyr*
stitatem obtinere posse. Vnde B. Augustinus li. 1. de sermo. Do. in mon. *Augustini præcla-*
Quisquis carnalem delectationem aduersus rectam uoluntatem suam rebel- *ra sententia.*
lare sentit, per consuetudinem peccatorum , cuius indomitæ uiolentia rapi-
tur in captiuitatem, recolat quantum potest, quantam, qualemq; pacem pec-
cando amiserit , & exclamat : Infœlix ego homo, quis me liberabit de mor-
te corporis huius? Gratia Dei per Ihesum Christum Dominum nostrum. Ita
enim cum sese infœlicem exclamet, lugendo implorat consolatoris auxiliū,
nec paruus est ad beatitudinem accessus, cognitio infœlicitatis suæ.

Aurea hæc sententia. Non enim dicit , quod ridere , placere , gaudere,
debeat in titillatione, sed lugere, quia uenenum mortis in se sentit. Deinde *In iactatores liberi*
ubi sunt , qui liberum arbitrium iactant ? cur non cessant statim ut uolunt ? *arbitrij.*
imo cur non uolunt nec possunt uelle ? Cur S. Hieronymus & Paulus non *Stimulus carnis.*
potuerunt cessare à stimulo carnis ? Si enim uoluissent, utiq; factum fuisset,
sed non potuerunt etiam satis uelle , ideo contra suum uelle uolebant. Ea-
dem ratio est & de ira , cur enim non mox quiescunt , qui irascuntur, si pos-
sunt , imo si uolunt ? Sed neq; possunt, neq; uolunt , eo quod uoluntas eo-
rum iam alio est rapta & captiua ducta. *Ira.*

Tertio consolatorium est, Quod qui lugent hic, consolabuntur. *Beati qui lugēt etc.*
Sic enim sapientissima Dei misericordia nos mirabiliter deducit , dum ex *Consolatio pro his,*
ueneno ipsum uenenum expellit , & de ipsa luxuria nobis efficit emplastrū *qui flammam libidi-*
castitatis, dum ideo illam finit irruere, ut homo eam sentiens gemat, lugeat, *nis sentiunt.*
gratiam quærat , & sic eo maiorem affectum castitatis acquirat , tanto enim
castior est, non quo quietior , sed quo dolentior se castum non esse posse, ut
uult. Atq; ex hinc , licet hæc omnia ad quartum gradum infra pertineant,
tamen ne excidant , occasione data accipimus , quod consolandi sunt , qui
sentiunt sese uexari talibus stimulis, ut non stulta opinione statim datis ma-
nibus sese tradant desperationi , quasi non sit castus, qui æstuat medullis &
cogitationibus.

Periculosissima est hæc cogitatio, & in omne peccatum operis inclina-
tissima , propter desperationem. Sic enim iuuenis prius cogitationes carnis
non expertus, cum credat, castum esse non posse, nisi nullas habeat, statim
dicit : Quid differo opus, unum est si & facio, quia amissa tamen est in eor- *Castitas.*
de castitas. Non sic o miser, non sic, non est perdita castitas cogitationibus
talibus. Imo nunquam castior fuisti, si tamen sentis te inuitum illas habere.
Nam castitas, sicut & omnis alia uirtus uiua, ita est abscondita, ut non pos-
sit cognosci ab eo, qui habet, sed à solo Deo. Abscondit enim Deus omnē
uitam Sanctorum ita profunde , ut ipsi eam scire non possint , secundum
illud Psal. 1. Quoniam nouit Dominus uiam iustorum. *Omnes uirtutes*
sunt abscondite.
Vita Sanctorum ab-
scondita.

Igitur sicut uiua & uera gloria iusti, est in ignominia, uera sapientia in
stulticia, uera quies in tribulatione , uerum gaudium in luctu, uera libertas
in captiuitate , ueræ diuitiæ in paupertate , Ita & uera castitas est in luxu- *Vera castitas.*
ria, & quo fœdior luxuria, tanto speciosior castitas. Heu quod hæc sapien- *Nota bene.*
tia incognita hominibus est, quantum damnum facit .

Verum autem signum uiuæ castitatis est hæc , si se sentiat homo habe- *Verum signum ca-*
re displicentiam in præsentī, non quod tota sit displicentia, tunc enim non *statis.*
staret titillatio, sed mixta, nunc uult, nunc non uult, nunc infra, nunc supra,
ita quod sicut rota, uoluitur cogitationibus in luto, & tamen manet propo-
situm castitatis. Nam nisi esset ibi castitas uiua & uera , non persisteret, nec
resisteret , sed libere daret habenas cogitationibus , & non sentiret mole-
stiam, quia enim uult & delectatur in cogitationibus , & tamen simul sentit
se nolle,

DE VI. PRAECEPTO

se nolle, sunt ei mixtum dulces & amaræ, & per hoc molestæ, cum in neutram partem liberum sibi sit ire, sed medio rotatur statu.

Spiritualis homo.

Castitatis pugna.

Spiritualis enim ille homo, id est, affectus castitatis, ipse manet & seruat castitatem, licet exterior in membris & corde miras excitet procellas. Ideo in castitatis pugna non secus agitur, quam si nauicula in mari iaceretur fluctibus, dormiente Christo in illa. Curandum est ergo solum, ut ipse suscitetur, & imperet mari (id est, carni) & vento (id est, diabolo.)

Sacerdotum tentationes.

*Dæmon contem-
nendus.*

Immittit enim & sacerdotibus sæpe tales immundicias, ut retrahat ab altari. Qui est despiciendus, non solum in nudis obiectis turpibus cogitatis, sed etiam si inclinetur uoluntatem in illa, & suscitetur malos motus, imo eo magis ad sacramentum est currendum pro gratia & auxilio. At nunc multos noui, qui non accedere uoluerunt, nisi non solum quieti essent ab inclinationibus, sed etiam ab ipsis obiectis turpibus, Nimis stulti obsequutores diabolicæ fraudis & nequitiae.

Electis cooperantur in bonum etiam peccata.

Igitur sic utitur Dei misericordia & bonitas malo nostro, ut per ipsum magis promoueat bonum nostrum, ut omnia cooperentur Electis in bonum, etiam peccata, hoc totum, ut uitam & gratiam, quæ in nobis est, abscondat ac tegat, ne cognitis contenti tepeamus, sed potius ignoratis eis, tanquam pro non habitis magis suspiremus & gemamus.

Rom. 8.

*Virtutes tunc ad-
sunt maxime, cum
abesse putantur.*

Quo autem modo dictum est de castitate, ita & de omnibus uirtutibus, quæ tunc maxime donantur, quando denegantur, & tunc adsunt, quando nimis abesse putantur, neque aliter tunc potest homo credere, quin absint & sit perditus. Inde procedit gemitus, odium sui, desiderium earum, & imploratio. Tunc humilibus dat Deus suam gratiam, quam postea iterum abscondit & aufert, ut addat maiorem. Semper sub contrario abscondens contrarium. Ideo hæc est sapientia, quæ trahitur ex occultis, & est in absconditis.

1. Pet. 5.

*Castitas non expers
tentationis optima.*

Hæc autem castitas aurea est, respectu eius, quæ sine malis cogitationibus est, sicut patientia & mititas, extra irritamenta qualis est? Nam etiam bestiarum hæc est mititas & saltem gentium. Ita & castitas, quæ est sine luxuria & cogitationibus in quiete, etiam meretricum est & lenonum pessimorum, quia tunc casti sunt, quando caro expleta quiescit. Cæterum hæc quies futuræ uitæ est. Quare castitas est periculosa ad superbiam, dum patet (id est, est quæta) sed est etiam periculosa ad luxuriam, dum latet (id est, est tentata) dum utrobique periculum, sed superbiam magis, quam luxuriam.

Superbia.

Igitur utrumque fit.

Concupiscentia.

Præceptum non impletur spiritualiter, dum adhuc concupiscentia in nobis est, qua fit, ut de castitate præsumere ac præcepti impletionem nullus omnino possit, sed tantum accusare sese & confiteri peccatum suum.

Spiritus.

Rursus eo impletur, quod spiritus odit hanc concupiscentiam, ideo ipse est purissimus ab ea, & uere impletor Præcepti, quia consentit per omnia Legi, eamque approbat & diligit, dum suam miseriam odit.

Scortatio.

Alii uero luxuriosi, non abscondunt suam castitatem, sed extinguunt potius, Nihil est ergo, quod glorientur sese non nosse castitatem suam, non huc pertinent.

Secunda est meretricium, quod est magnum malum, ubi libido transit in habitum & consuetudinem, qui difficillime curantur. Nam Scriptura dicit: Beatus qui tenebit & allidet paruulos suos ad petram. Qui autem paruulos suos sinit crescere, in magnos gigantes inueterascere & confortari, quomodo tunc allidet, & non potius allidetur?

Psal. 137.

*Parentum cura pro
liberis.*

Et hanc nobilissimam spiritus Sancti doctrinam deberent parentes filiis suis inculcare, ut non tantum ui cohercerentur, sed etiam uoluntate ducerentur ad castitatem.

Frustranca

DECLAMATIVN POPVLAR CLVIII

Frustranea enim est pugna castitatis, nisi hæc Regula seruetur Spiritus sancti, scilicet, Petra est Christus, paruuli nostri sunt mali motus, mala desideria, quæ cum quis senserit, quid faciet? quomodo uincet? Audi, non aliter, nisi eos ad petram allidendo. Quomodo hoc? quia sicut, qui manu ad lapidem terit uermiculum, sic uoluntate & cogitatione tangendo Christum, statim conteritur mala cogitatio, Solum tenta, & uidebis, quam iucundum sit sic desideria contere, statim enim ut cor passum Christum tangit, omne malum recedit.

Petra Christus,
paruuli nostri mali
motus. Psal. 137.

Nume. 21. Sic figuratum fuit olim in Lege, Nume. 21. Quando à serpentibus ignescentibus percussi, per aspectum ænei serpentis in ligno pendentis, liberabantur. Porro ignescens serpens, est lubrica illa, molliterq; reptans libido cogitata: fuge, fuge tam immanem colubrum, accendit enim & mire facit carnem prurire & ardere. Sic etiam *Gene. 3.* Ipsa conteret caput tuum (id est, initium & primum motum, fidelis anima conterit) alioqui grandis factus, aut totus illapsus inficit & interficit. O si in tempore libidinis mouentis, tantum possemus figuram reptantis uenenati Serpentis cogitare, & applicare mysterium, facile fugeremus cogitatione ad Christum.

Ignitus serpens.
Æneus serpens.

Tertia species est Stuprum, quod est uirginis corruptio, quod olim in Lege mitius puniebatur, quam fornicatio aut meretricium, quia tenebatur eam dotare, aut in uxorem ducere. Verum nunc est uehementer magnum, quia tunc uirginitas summum erat opprobrium, nunc autem summa gloria, Tunc damnabile dedecus, nunc incomparabile decus, ijs saltem qui non proposuerunt nubere. Nam qui proponunt matrimonium, non habent actuale tantum dedecus, sed possunt habere, si ad uirginitatem animentur, de qua multi multa & magnifica scripserunt, quia uere nulli uirgini potest fieri restitutio. Sane tamen hoc intellige, quia uolenti non adeo tenetur, inuita autem non potest tolli, potest autem induci & sic tolli.

Stuprum.

Virginitas.

Quarta species est Raptus, hoc plectitur capite in Iure, quod est non tantum uirginis, filia aut ancilla, sed etiam uxoris, aut alius ad suam curam pertinentis, sed maximum est raptus uxoris. Fit autem raptus quandoque consentiente puella, puta inducta blanditijs, aliquando inuita, hoc maximum est. Sed leguntur multa Exempla, quibus non prospere cessit. Guarinus Veronensis de quadam Alda uirgine miserabilem casum elegiacò carmine compoluit, quæ secuta raptorem, relictis parentibus, tandem ab eo in sylua constuprata & abiecta, cum puderet ad parentes reuerti, petijt gladio percuti ab eo. At ille sic fecit, & occidit eam. Hoc peccatum etiam tur- tum includit, & quidem grauissimum omnium.

Raptus.

Guarinus Veronen-
sis.
Alda.

Quintum, Adulterium, quod est perplexissimum & grauissimum, quod ad poenam, sed negligitur hodie nimis. Hoc uicium est causa multarum questionum de possessione: Vtrum filium spurium debeat marito proderet? Vide Angelum in Summa, tradentem Regulas, Sed quis audebit credere regulis, aut casum in terminis dare potest? uarij sunt animi uiro- rum, & aliter hodie, aliter forte post annum cogitabunt, etiamsi hoc anno patientiam haberent in uxore adulterium confitente.

Adulterium.

At certe amaritudine dignum est, quod uir corpus suum dedit, pro corpore mulieris, & alius utitur corpore, pro quo ipse suum proprium dedit, propter quod sedet in arce sua, propter quod omnia facit, patitur, denique seruum se fecit & alligauit ad multa, qui uxori sese alligauit. Et ecce alter hæc omnia contaminare audet, quis digne ferre possit? Vide etiam legem

Lex zelotypie.
zelotypia Nume. 5.

DE VI PRAECEPTO

Zelotypiæ olim, qua nunc mulieres sunt leuatae & exoneratae, ideo eo gratius uiris suis adhærere deberent.

Incestus.

Gradus prohibiti.

Sacrilegium.

Excessus coniugii.

Rassio desiderij.

SExtra, Incestus, quod uulgo *blutschande* uocatur, quia ignominia consanguinitatis & propinquitatis est, cui eo maior debetur honor, quo propinquior. Nam & in Lege Dominus certos gradus prohibuit, Et quondam septem gradus erant prohibiti. Nam in Lege fere secundus tantum gradus prohibetur consanguinitatis & affinitatis, quia nondum erat gratia sanans concupiscentiam, sed regnabat Lex, irritans & augens eam.

Septima, Sacrilegium est, ubi iam non tantum castitas polluitur, sed etiam quæ Deo soli fuit oblata, tollitur, & sanctum prophanatur. Verum hoc ex institutione Ecclesiæ magis, quam ex Deo est in sacerdotibus, Sed in religiosis grauissimum est, quia sponte sese consecrauerunt Domino, & sese subtrahunt rursus.

OCrava additur, Excessus coniugum, quod ut B. Ambrosius allegatur lib. 2. contra Iul. B. Augusti. Ardentior amator propriæ coniugis, adulter est. De quibus Apostolus 1. Thessa. 4. Hæc est uoluntas Dei sanctificatio uestra, ut abstineatis uos à fornicatione (hoc primum) Deinde, ut sciat unusquisque uestrum, uas suum (coniugem suam) possidere in sanctificatione & honore, & nō in passione desiderij, sicut & gentes, quæ ignorant Deum. Et 1. Pet. 3. Viri similiter secundum scientiam cohabitantes, infirmiori uasculo muliebri impartientes honorem &c. de quo satis supra. Sed difficile est eis Regulam tradere, nisi quod uiciosum est ad omnem motum carnis, satisfacere libidini & concupiscentiæ, hoc est enim in passione desiderij esse.

1. Theff. 4.

1. Pet. 3.

Sequuntur nunc tres aliæ species.

*Mollicies.
Zodomia.
Bestialitas.*

Mollicies, qua quisque uigilando polluitur apud seipsum. Zodomia, qua uir uiro, mulier muliere, abutitur, uel etiam uir muliere, & mulier uiro, quæ omnia turpiora sunt, quam nominare liceat. Bestialitas, de quibus lege Leuit. 18. cætera ad confessionem pertinent.

Leuit. 18.

Pollutiones nocturnæ.

Allegoria.

Pollutiones diurnæ

Seminiflui.

VLtra hæc sunt pollutiones nocturnæ, quæ de se non sunt peccatum, licet Lex Deu. 23. Si quis inter uos fuerit homo, qui nocturno pollutus sit somno, egredietur extra castra, & non reuertetur, priusquam ad uesperam lauetur aqua, & post solis occasum regredietur in castra. Hoc est, mystice sic pollutus (licet & ipse aliud significet) debet abstinere à communione sanctorum, id est, Sacramento, donec sol (id est æstus & ardor relictus ex pollutione) sedatus fuerit, & sic lotus humili confessione accedere, Habet enim sapius sui causam, quæ peccatum est, ut sunt crapula, ocium, sexus alterius conuersatio aut memoria.

Deut. 23.

Denique sunt etiam pollutiones uigilantium & diurnæ, sed inuoluntariæ, quæ irruunt multis, dum longe aliud agunt, aut dum fricantur, equitant, uehuntur, id est, sine causa sua, quos Scriptura semifluos uocat, ut Leuit. 15.

Leuit. 15.

Sequitur alter gradus moechorum.

Moechi in uerbis.

Qui est in uerbis, ut quidam turpissime loquuntur de carnalibus peccatis, contra Apostolum Ephe. 5. Fornicatio autem & omnis immundicia, aut auaricia, ne nominetur in uobis, sicut decet Sanctos, aut turpitudine, aut stultiloquium, aut scurrilitas, quæ ad rem non pertinent, sed magis gratiarum actio, Id est, ne sit fama, uos tales esse.

Ephe. 5.

Tria

Tria posuit uicia linguae secundum concupiscibilem scilicet turpitudinem, quae est ipsa obscœnitas, impudicitia, & inuerecundia uerborum. Tria linguae uicia.
In qua dupliciter peccatur.

Primum ab ijs, qui de istis turpitudinibus uelut risum & consolationem Inuicem sibi præstant, tanquam sit iucunda res, de qua loquuntur. Hic alius nihil aliud facit, quam ut ostendat, quam obscœnus & ipse possit esse, omni turpitudine nominans membra & opera membrorum. Alius uero Historias ad hanc rem pertinentes, omni licentia recitat, tum ridetur, & res optima uidetur, donec monachi & sacerdotes etiam adducantur cum suis peccatis. Qui morbus heu quam dire hodie regnat in hospitij & tabernis, ut periculosum aut saltem poenitendum sit, aliquem religiosum uel pudicum hominem peregre proficisci. Spurciloqui.

Obsecro per Deum, uidete tamen quid isti faciant. Primum si sunt Christiani, ut nominari uolunt, ita deberent diligere uerecundiam, ut nec paterentur ea nominari inter se, si prohibere possent. Secundo saltem dolerent, si non possent. Tertio super Historias lapsorum, uel sacerdotum, uel religiosorum, uel principum, uel magistratum (horum enim eo iucundius recitantur uicia, quo efficacius & licentius præbent exemplum imitantibus) non secus dolere, quam super proprio casu. Sic enim requirit charitas, imo quod altior esset status, eo magis gemere & Deum pro eis orare, Hoc enim esset Christianum. Lapsis condolendū ex charitate.

Iam nunc uide, quam longe sint à moribus Christianismi, insulsi homines. Primo non solum hæc non faciunt, sicut certissime debent Christo. Verum secundo sese mutuo in rebus pessimis lætificant. Tertio se ipsos ad concupiscentiam fricant & prouocant his ignitis iaculis. Quarto alienam uitam ac famam polluunt detractioe ista grauissima, mortuos putres reuelantes, qui mortuos sepelire debuerant. Quinto alienam & suam miseriam ac ruinam irrident, ac lætantur in sua perditione & aliorum. Spurciloqui.

Matt. 12. Obsecro, cogitate, si Dominus dicit, quod de omni ocioso uerbo, quod locuti fuerint homines, rationem reddent in die iudicij, ubi isti quæso apparebunt? Væ, uæ, quam late regnat ista pestis. Verbum ociosum.

Similes sunt isti. Primo furiosis, imo quis tam furens ut in sua miseria & plaga rideat & gaudeat? Nonne miseria miseriarum est? dolet ulcus, aut oculus, & non cessat querulus gemitus, & adeo nullus ridet, ut etiam ridentes uelut pessimos omnium odiat ac detestetur, quæritur compatiens & adiutis aut consulens. Ecce autem titillat caro, imo grauissime dolet conscientia; deinde ruit ipsa uel anima alterius proximi, & adeo non queritur compatiens aut consulens, adeo non doletur ac gemitur, ut etiam qui condoleat ac consulere uelit, aut prohibere, irrideatur, despiciatur, odiatur. Spurciloqui similes furiosis.

Magne Deus, quando aperiemus oculos, ut cognoscamus quid sit mundus? Nonne ista est peruersissima peruersitas? An non libido, est uulnus supra omne uulnus? Nonne est ulcus & plaga supra omne uulnus & omne plagam? Sicut Ier. 10. dicit: Væ mihi super contritione mea, pessima plaga mea. Ego autem dixi, plane hæc est infirmitas mea, & portabo eam. Et Esa. 1. de populo Israel dicit: Vulnus & liuor & plaga tumens, non est circumligata, nec curata medicamine, neq; fota oleo. Et iterum: A planta pedis usq; ad uerticem, non est in eo sanitas. Mundus. Libido.

Hæ sunt plagæ & uulnera non ab homine, sed à diabolo inflictæ. Vnde itaq; uulnus, quod facit homo, ploratur, Quod facit Satan, ridetur & dulcissimum habetur. Sed heu dulce putatur. Beatus autem ille, qui ipsum intelligit & aduertit esse uulnus amarissimum, sicuti uere est. Nam licet eius amaritudo non sentiat, sentietur tamen inæstimabiliter tandem in conscientia. Vnde

Vulnus hominis.
Vulnus diaboli.

DE VI PRAECEPTO

tia. Vnde Prouer. 5. Ne intenderis fallaciae mulieris (id est, carnis & sensualitatis) Fauus enim distillans labia meretricis, & nitidius oleo guttur eius. Nouissima autem illius amara quasi absinthium, & acuta sicut gladius biceps. Et 23. Ingreditur blande, sed in nouissimo mordebit ut coluber, & sicut Basiliscus uenena diffundet. Ideo discamus per Deum, quod in talibus uerbis ludere, ridere, iucundare, hoc idem est, quod de propria morte & miseria gaudere, quod nullus facit nisi furiosus, uel plus quam furiosus.

Obsessus à Legione
Mar. 5. Luc. 8.

Secundo similes sunt ei, qui Marci 5. Lucæ 8. scribitur possessus à Legione, qui sine uestimento, neque in domo manebat, sed in monumentis, & catenis uinctus ac custoditus, rupit catenas, & agebatur à Dæmonio in desertum, & die ac nocte in monumentis & in montibus erat, clamans & concidens sese lapidibus. Spero, quod si intelligerent turpiloqui suum uicium in isto describi, magis timerent, Quid est enim, quod nudus erat, nisi quod turpiloquus etiam propriam ignominiam uerbis nudat: cum debuerit potius tegere, ut sanaretur.

Monumentum.

Deinde non manet in domo, scilicet, cum uiuis, de rebus uiuentium agens, sed in monumentis cum mortuis agens, hoc est, quod uicia & mala aliorum recitat, & in illis totus uersatur, Nam monumentum mystice est memoriale mortui, id est, fama & historia foetida peccatoris, scilicet principis, religiosi, sacerdotis &c. Item, concidit seipsum lapidibus clamans, id est, quod sibi nocet, ubi sibi uidetur plurimum iucundeq; prodesse. Sic Esa. 3. Peccatum suum non absconderunt, sed sicut Zodoma prædicauerunt (licet hoc de pharisaica iusticia dictum sit in spiritu) tamen in litera etiam huc pertinet.

Lingua.

Item, Legionem habet, ut nemo possit illic transire præ eorum sæuitia, hoc est, quod illi multorum Dæmonum officium agunt, dum multis nocent. Et ubi sunt blandissimi, ibi sunt sæuissimi, ut nulli sit sine periculo, cum eis conuersari, ut & supra dixi. Scio autem, quod nullus tam stultus sit & insensatus, quod si talem hominem uidisset, ridere potuisset, sed potius fugisset quantum potuisset, Et tamen ridet & ridetur ille, cuius ista figura tantummodo fuit. Denique & hoc ibi dictum fuit, quod nec catenis, nec custodijs potuit retineri, quin ageretur ruptis uinculis in desertum, nemo potuit eum domare. Hic prope consentit cum Apostolo Iacobo, Nullus hominum potest linguam domare, ita nullius prohibitione, nullis uerbis Evangelij coercentur illi, Quin lingua indomita erumpant atque uagentur ubi solent, nudī, laceri, nudantes, lacerantesque cæteros similiter.

Iacob. 3.

Stercus animæ.

Et ut in detestabilissimum uicium, etiam impure loquar, Nonne suæ sunt bestiae immundæ, quod stercore hominum deuorant? At illi in stercore suo & alieno linguam & dentes uersant. An est stercus corporis peius, quam stercus animæ? Oportet enim coram suis suillum loqui, ut intelligant. Si ergo uideris porcum uorare oletum, intellige: Ecce talem esse obscœnitatis & turpitudinis fabulatorem.

Membra corporis
inhonestæ.

Apostolus sane dicit, quod inhonestæ nostræ abundantius honestamus, illi uero etiam honestæ per inhonestæ, inhonorant. Quis autem ferat, ut alius reuelet cum risu sibi posteriora aut pudenda seu ignominiam? At quæ ignominia maior, quam fordes peccatorum in nobis & proximis? Lex autem prohibuit, ne proximorum ignominiam reuelemus.

1. Cor. 12

Secundo etiam peccatur obscœnitate, quando talia coram pueris & puellis

puellis innocentibus nominantur & dicuntur, Rei autem sunt omnium peccatorum & mortium, quæ ex illis sequuntur, Aetas enim mollis & inextinguenda harum rerum, facillime polluitur, & quod peius est, tenacissime seruat audita turpia, sicut macula impurum & tenerum pannum cadens tenacius hæret, quam in impurum aut rudiorum, quod & experientia didicerunt Gentiles, ut Horatius:

Quo semel est imbuta recens seruabit odorem
Testa diu. Et Iuuenalis.
Maxima debetur Puero reuerentia, si quid
Turpe paras, huius tu ne contempseris annos.

Quid autem faciunt qui hoc agunt? Primum, utique cum magnum bonum sit, teneram ætatem fouere, custodire, promouere in pudicitia & ueracundia, sicut dicitur, quod gratissimum sacrificium Deo, est zelus animarum, Omnium studia deberent eo uigilare, ut pueros & puellas custodirent & seruarent, ne quid discerent, uiderent & audirent obscœnitatis, qui per se ardent medullis, non cogitandum, quomodo igne adiecto accendantur, sed potius aqua apposita extinguantur. Non solum id non faciunt, sed etiam propriissimo Dæmonum officio usi, corrumpunt innocuas animas suis pestiferis Fabulis turpitudinis. Diabolus enim corruptor mentium dicitur, sed non corrumpit, nisi ministerio linguæ illorum, qui sunt ex parte illius & imitantur eum.

Innocens ætas.

Zelus animarum.

Diabolus mentium corruptor.

Quomodo enim potest puer aut puella rursum eradicare uerbum turpe, quod semel audiuit? Sed semen iactum est, & radicat in corde eius, etiam inuito, Deinde crescit in miras & incognitas cogitationes, quas non audet confiteri, & tamen nescit eis carere. Væ autem tibi, qui huic simplici & ignaræ huius rei menti, hunc laborem, hoc periculum, & hoc uenenum infudisti. Corpus non uiolasti, sed animam incomparabiliter nobiliorem (quantum in te fuerit) constuprasti. Nam per aurem infudisti & impregnasti eam foetu nocentissimo. Vnde Baptista Mantua.

Vnum turpe semel auditum.

Per sensus quasi per riuos, Venus acre uenenum
Influit in mentem, quod si male cauta recepit,
Vulnus agit sola Diuum medicabile dextra.

Igitur obscœnitas istorum, maior est quam illorum, quod iam non sit tantummodo obscœnitas, sed cades innocentium animarum, & de familia Herodis, qui occidit multos pueros in Bethlehem Iudæ. Sed uide, nonne ita est, quod nullus pater possit sustinere, ut filij sui occiderentur corpore? Quod ergo tibi in corpore tuorum filiorum fieri nolles, quare id audes in animabus filiorum alterius, imo Dei, perpetrare? Recte S. Ludouiscus rex Franciæ à sua matre didicit, quod filios suos mallet corporaliter uidere occidi, quam mortaliter peccare, Sic enim & mater quoque ad eum dixerat.

Herodes, Matth. 2.

S. Ludouiscus rex Franciæ.

Mat. 18.

Sed satis dire illis Dominus minatur, Matth. 18. terribiliter dicens: Qui autem scandalizauerit unum de pusillis istis, qui credunt in me, expedit ei, ut suspendatur mola asinaria in collo eius, & demergatur in profundum maris. Vide, quanta cura sit Christo de paruulis & innocentibus, quod nouam poenam illis decernit, qui eos offendunt, de nullis enim alijs talem poenam dictauit. Nimirum uolens, quod noua & singulari poena præ cæteris sint cruciandi. Denique sequitur: Væ mundo à scandalis, Necesse est enim ut scandala ueniant, Veruntamen uæ homini, per quem scandalum uenit. Et infra: Videte ne cõtemnatis unum ex pusillis istis, Dico enim uobis, quia angeli eorum in cœlis semper uident faciem Patris mei, qui est in cœlis. Ecce saltem Angelorum intuitu uult parci pueris, & reuerentiam illis haberi.

Christus precipit Paruulos non offendendos.

Quod si illos ideo castos dixerit quis, quia uerbis ludunt, re sunt casti, sicut eorum pater Ouidius quoque mentitur.

d iij. Crede

DE VI PRAECEPTO

Crede mihi, mores distant à carmine nostro,

Guidius.

Vita probata mihi, Musa iocosa mihi.

Respondet Christus, os eorum compescens: Ex abundantia cordis os loquitur. *Matt. 12.* Qualis arbor, talia & folia.

Ecclesiae ruina.

Hæc est etiam Ecclesiae ruina tota, si enim unquam debet reflorescere, necesse est, ut à puerorum institutione exordium fiat. Hæc de obsecratione dicta sunt.

De stultiloquio uero & scurrilitate ad hunc locum non pertinet, quamquam illa duo nunc apud honestissimos & religiosissimos adeo dominentur, ut eo ipso uelint honesti uideri, quo stultiloqui & scurriles sunt.

Stultiloquium.

Stultiloquium autem est uniuersae ociosae fabulae, in quibus nihil eruditionis & scientiae, ut Apostolus ipse exponit, quæ ad rem (inquit) non pertinent. Idem uocat Christus uerbum ociosum, ideo non nisi utilia, aut necessaria sunt dicenda. Tales sunt fabulae aniles, & neniae puellares, Historiae plebani de *Kalenberg / Dieterich von Bern* / & disputationes de rebus longinquis & extra nos politis. Quod genus sunt etiam opiniones Philosophorum, & glossæ super Aristotelem, Garrulitates dialecticæ, somnia astrologorum, Stultiloquium enim uocat, quia non sapientiae, sed stulticiæ uerba sint. *Eph. 5.*

Somnia astrologorum.

Eutrapelia.

Eutrapelia seu scurrilitas, quæ est facetia seu urbanitas, quam Aristoteles uirtutem esse putat, quando scilicet non turpia neque stulta, sed iucunda & erudita simul dicuntur, ut utilitas intret sub dulcedine comitatis. Itaque comitas seu affabilitas, seu urbanitas, seu facetia talis, quæ fit, ut tristes atque tentati in spiritu recreentur, laudabilis est. Verum quæ fit sine causa, tantum ad consolatiunculam uanitatis & carnis, præsertim cum huius semper non sit nisi leuitas causa, & sola libido fabulandi atque ridendi moueat ad illam, non conuenit Christianis. Sic enim & B. Augustinus in confessione confitetur, Quod nugari cum amicis sit parum Christianum, quod Christianorum res & uerba habere debeant solida & magna seria, plenamque gravitatem & auctoritatem, ut Psal. ait: In populo graui laudabo te. *Psal. 37.*

Christianos seria decent.

Abutentes sacris uerbis ad risum.

Porro hæc ipsa nugacitas & eutrapelia, tanto fit peior, quanto fit in rebus sacratoribus, ut nonnulli importunissima leuitate, abutuntur sacrae Scripturae dictis ad eam leuitatem, ridicule & iucunde eam torquentes illuc, ubi suam quaerunt uanitatem, cum sacris illis uerbis summa & reuerentia & terror debeat semper & ubique.

3. gradus mœchorum.

Tertius gradus mœchorum, qui est in signis, quorum unum Dominus expressit, dicens: Qui uiderit mulierem ad concupiscendum &c. Ecce uisus ipse, qui signum sit concupiscentiae, adulterium est. Nonne durissima lex Christi? sed ideo sanctissima & immaculata, conuertens animas. In hoc autem omnia alia signa comprehenduntur, cum uisus sit minimum & subtilissimum, Vnde posuerunt aliqui quinque lineas amoris: *Matt. 5.*

Lineae amoris.

Visus, colloquium, tactus, post oscula, factum.

Atque hic colloquium etiam aliud intelligitur, quam id quod est turpiloquium, & tactus similiter, item & oscula. Sed de singulis latius. Sunt autem plura, ut uisus, auditus, colloquium, literæ, internuncia, tactus, amplexus, risus, oscula. Non quod tot sint adulteria singillatim, quot signa quis fecerit, potest enim uno adulterio hæc omnia signa facere, alioqui opus ipsum emper esset triplex adulterium, cum sine tactu & concupiscentia non fiat.

Visus.

Oculorum custodia.

Visus itaque primum, Hoc autem est uelocissimum & frequentissimum omnium illorum signorum, quia longius, latius, citiusque officium suum agit, pluraque & clarius percipit. Ideo tam multa in Scripturis de oculorum custodia

Prouerbia
Moralia.

custodia dicuntur, cum nullus sensus tam facile & tot obiectis irritetur, nec aliorum sensuum aliquis tam atrociter uulnerat animam, tanto enim profundius figit in cor, quanto clarius cognoscit. Ita, ut sit prouerbium: Quod oculus uidet, cor nō fallit. Et Horatius: Segnius irritant demissa per aurem, Quam quæ sunt oculis subiecta fidelibus.

Et iterum: Validius oblectant &c.

Vt patet experientia, quia nunquam sic mouetur, qui de morte audit, sicut qui uidet, nec tantum mouetur, qui turpia audit & carnalia atq; munda-
na, quantum qui uidet. Exemplum esto: Alipius S. Augustini contuber-
nalis, de quo 6. Conf. scribit, Quod cum inuitus duceretur ad spectaculum
clausis oculis despiciens, tamen postea apertis, ita raptus est, ut multos quo-
que adduceret postea & ipse.

Alipius.

Eccle. 26.

Quocirca in iuuenibus & uirginibus ut summus decor est, oculorum inclinatio & depressio, ita summum uituperium, euagatio & incustodia, ita, ut aliqui signum corruptionis dent, oculorum euagationes, & uerum est. Eccle. 6. Fornicatio mulieris in extollentia oculorum, & in palpebris illius agnoscetur. Vide ibidem. Aut est signum iam corruptæ, aut facillime corruptibilis mulieris. Nam quæ sincere casta est, non intendit in uultum uiri, sed confunditur, ut de Rebecca Gene. 24. dicitur, quod conspectio
Isaac sponso suo tulit peplum suum, & operuit sese.

Oculorū euagatio.

Gene. 24.

Rebecca.

Item legitur de quodam sancto Viro, qui cum S. Antonio uenisset Ro-
mam oculis clausis, nihil de tanta ciuitate uidere uoluit, nisi Ecclesiam S.
Petri.

S. Antonij comes.

Item de Syluano legitur similiter, quod semper uelatis oculis incede-
bat, neq; Solem hunc uidere uoluit.

Syluanus.

Iob. 23.

Item Hiob 23. dicit: Pepigi foedus cum oculis meis, ut ne cogitarem
de uirgine (id est, iuuentula)

Hiob.

Econtra Dina egressa, ut uideret mulieres regionis illius, corrupta est. Et B. Bernhardus, dum quandam foeminam fixe fuisset intutus, graui ul-
tione seipsum coercuit.

Dina. Gene. 34.
Bernhardus.

Et B. Benedictus ex uisa in seculo foemina, grauissime fuit tentatus. Item, Quid contigerit Dauid ex aspectu Bersabeæ, & filijs Israel ex Moa-
bitarum aspectu, Num. 25.

Benedictus.
Dauid.

Item, alius tentatus à muliere uisa, cum mortuam audisset, de putre-
dine cadaueris illius sanauit concupiscentiam. Idcirco uisus non tantum in
præsenti concupiscentiam mouet, sed etiam memoria fixus ex præteritis
diu, mirandas suscitatur tentationes.

Visus insatiabilis.

Thre. 3.

Ideo dicit Iere. Thre. 3. Oculus meus deprædatus est animam meam.

Iere. 9.

Et iterum Iere. 9. Mors intrauit per fenestras nostras. Et 2. Pet. 2. Oculos
habentes plenos adulterij. Ecce quomodo adulterium in oculos ponit. Item:

2. Pet. 2.

Gene. 3. Heu primo mota est uisu pomi, quod esset pulchrum.

Heu.

Gene. 6.

Et de filijs Dei Gene. 6. scribitur, quod uisu ceciderunt: Videntes filij
Dei filias hominum, quod essent pulchræ, acceperunt sibi uxores, quas-
que elegerant.

Vnde & sapiens docet: Noli intendere in faciem uirginis, ne confun-
dat te uultus eius. Ita e contra: Nec puella in faciem iuuenis, propter simi-
le periculum.

1. Iohan. 2

Hinc dicit Iohannes, Quod omne quod est in mundo, est concupiscen-
tia carnis & oculorum & superbia uitæ. Concupiscentia oculorum intelli-
gitur curiositas multa experiendi & cognoscendi per sensus.

Concupiscentia
oculorum.

Legitur de S. Elisabeth, quod maritum suum in Ecclesia quandoq; iu-
cundius intuita, subito fuit à Domino correpta. Quid illis fiet, qui in Ec-
clesia fere nihil aliud agunt, quam illud Ouidij: Spectatum ueniunt, ueniunt
spectentur

S. Elisabeth.

DE VI PRAECEPTO

Mulier amari cupit.
Vir amare.

spectentur ut ipsae, nihil nisi uidere, uideri, concupiscere, concupisci? At sane quodam uelut naturae ingenio, proprium est mulieribus, quod amant concupisci & amari, uiris uero concupiscere & amare, licet & utrunque fiat, ut mulier insaniat concupiscendo & amando, & uir quaerendo concupisci & amari.

Sensus nostri.

Mira itaque miseria, quod sensus proprii sunt tam noxii nobis, ita ut uere dixerit Christus, Inimici hominis domestici eius (id est, sensus) Et Psal. 38. Amici mei & proximi mei aduersum me appropinquauerunt & steterunt, Quid enim facit oculorum curiositas, nisi quod aduersus animam pugnat?

Matt. 10.
Psal. 38.

Sensualitas, Serpens.

Vnde & B. Augusti. uocat sensualitatem Serpentem, quod sit lubrica & mobilis multis obiectis, figurata per serpentem in paradiso. Vide itaque, quomodo odium nostri & abnegationem nostri non gratis docuerit Christus in Euangelio, ut odiamus oculos & omnes sensus, omniaque membra, quoniam captiuam ducant animam in legem peccati, praesertim oculos. Vnde Eccl. 31.

Eccl. 31.

Oculus infatigabilis.

Verum non hoc tantummodo malum est, quod per oculum facit concupiscentia, sed etiam quia non saturatur, ut Eccl. 1. Non saturatur oculus uisu. Et Prouerb. 27. Infernus & perditio nunquam implentur. Similiter & oculi hominum infatigabiles. Quid ergo prodest oculorum cupiditatem irritare, & finito initio uidendi, infinitum desiderium, & nullum finem prouocare? Melius est statim ab initio uisum coercere, antequam dilatet uoraginem suae cupiditatis, quam explere non possis. Igitur ut B. Augustinus in Regula: Nec uos dicatis habere animos pudicos, si oculos habeatis impudicos. Impudicus enim oculus, impudici cordis est nuncius. Nullus ergo praesumat, quod non sit adulter, si opere cesset, oculo tamen concupiscat.

Eccl. 1.
Prou. 27.

Augustin. in Regula.

Haec de primo & de maiore signo.

Auditus impurus.

Aliud est auditus, quo indicatur concupiscentia intus ardens, ut qui uel prouocant dici uel cantari turpia (& non sunt peiores) uel qui tacite & libenter audiunt, etiam si non prouocent, delectantur enim in illis, neque auertuntur, ut ab immundicia & nocumento. Tertij etiam possunt esse, qui non prohibent, arguunt huiusmodi audientem, ut melioribus instruunt, neque coram eis increpant atque abominantur talia, ut terrerent audientes, omissione scilicet non peccant, quod non sunt solliciti salutis proximi, & perditionis eius negligentes, atque minus quam debent curiosi.

Colloquium.

Tertium, est colloquium, scilicet cum muliere uel uiro, nam concupiscentia id agit, ut fabulentur, saluent, tractentque secum, licet honesta quandoque, sed non causa honesta. Inde enim risus, ioci, fabulae, colloquia, tantummodo ut placeant sibi mutuo, & sese prouocent ad amorem sui mutuum, Et hoc uicio mulieres impense laborant, dum amant.

Puella garrula.

Luce 1.

In puella autem non tantum haec, sed omnis prorsus uerbositas turpissima est. Nec est signum constantis uirginitatis aut castitatis, si sit puella loquacula & garrula, praesertim cum iuuenibus. Nam ecce B. Virgo, quanto textu Angeli conuenta, non tamen nisi id dixit: Quomodo fiet istud? &c. sed neque, ut ait B. Ambrosius, resalutauit salutantem. Proinde quae libenter uolunt audiri in cantu, aut loquela, rursusque audire cantum, uel colloquium alterius sexus, quid aliud nisi eiusdem sexus concupiscentia sese ardere probant? Si non arderent, nihil colloquium aut aspectum curarent, si cut alia non curant, quorum affectu non tenentur. At nunc puellae plurae tota leuitate huc feruntur.

Tactus.

Quartum, tactus, ut sunt manuum traditio & amplexus, quae & honeste quidem fieri possunt in specie, tamen cum concupiscentia intus mouente. Hic

uente. Hic iam ignis libidinis acriter incenditur, ut etiam B. Hieronymus dicat, quod tactu ipso statim sexum intelligit concupiscentia, ideo quam longissime fugiendus tactus, sicut legitur de quodam Papa (non memini nunc nomen) quod data manu pro more osculanda, cum ex oculo mulieris sensisset titillationem, manum præcidi sibi permiserit.

Quintum, est osculum, quod transeamus. Hæc autem signa nusquam aguntur, & sunt uehementius, quam in choreis publicis. Mirum, quot & quanta ibi fiant peccata, quid sibi uisus & auditus hauriat, quid tactus & colloquium pariat. Breuiter, mundus est mundus, imo immundus, & inimicus Dei. Nec est querendum bonum, quod Deo placeat in mundo, Peccatum super peccatum ibi urget & addit, ira Dei ibi cernitur intensa nimis, & tamen ridetur, saltatur, gaudetur, tanquam in rebus parum nocentibus, imo bonis & utilibus.

Osculum.

Chori saltantium.

Mundus.

Sextum signum, & quidem non leue, est ipse ornatus peregrinus & nouus, qui nunc tot inuentionibus, artibus, studijs feruet, ut nihil nisi furiosum possis dicere mundum, cum tamen nulla sit causa, nisi ut placeant & conforment sese mundo. Necessitas enim aut utilitas, imo & honestas (quæ solæ sunt causæ iustæ) non requirit talia, modicisq; contenta est. Quis autem satis de illis potest dicere, cum sint inaudita genera sumptus et uestium? Sed acre malum et fomes libidinis sunt ista, licet nihil curentur. Credo, quod tandem nudi incedent, cum iam seminudi incedant. Sed sine, dabitur nostris sua moribus ætas, Peruenit ira Dei super mundum in finem, & beatus qui intelligit, quoniam uere ira Dei in illos peruenit.

Cultus peregrinus.

Ira Dei erga nos.

Omitto hic etiam amantium, id est, amentium, furdres, qui nocturnis officijs, amatriculis suis, ludo, cantu, musica seruiunt, & omnia tentant, ut placeant, hic etiam ipsi mundo stultas stulticias agunt, ideo transimus illa.

Amantes.

Quartus demum gradus est ipsa interna concupiscentia, de qua satis supra dictum est, qua nemo caret in hac uita, sed tamen hoc ipso saluamur, quod ei non consentitur, ut Roma. 6. Neq; exhibeat is membra uestra seruire peccato, ut obediatis concupiscentijs eius. Quanquam enim lex Dei immaculata requirit, ut prorsus nulla sit concupiscentia, sed tota & omnino immaculata mundicia, tamen misericordia Dei interim sustinet & gratiam habet diffensionem noui hominis intus, ne dominetur nostri omnis iniusticia. Hæc iugiter est mortificanda, gemitu, uigilijs, labore, oratione, humiliatione, & alijs partibus crucis, tandem ipsa morte.

Interna concupiscentia.

Non consentire.

EX quibus omnibus patet, quod hoc Præceptum non solum non est negatiuum, nisi in facie tantum uerborum & litera, sed maxime affirmatiuum, quia præcipit scilicet castitatem & continentiam purissimam intus & foris, Quis autem sapiat tam stulte, ut castitatē neget esse rem affirmatiuam. Sed negatiue præcipitur, dum prohibetur libido, ut purissima sine omni mixtione libidinis præcepta intelligatur, ut Psal. 12. Eloquia Domini, eloquia casta, argentum igne examinatum, probatum a terræ, purgatum sepius.

Non mœcheris, præceptum affirmatiuum.

in testa.

At per hoc iam patet, quomodo per Legem fit cognitio peccati, quia concupiscentiam nesciebam esse peccatum nisi Lex diceret: Non concupisces. Rom. 7. scilicet quia solum opus peccatum putabatur. Igitur non satis est, ut opere non mœcheris, non satis, quod uerbo sis pudicus, & aspectu, aut alio quouis signo, Imo nec hoc satis, quod corde non consentias, nisi etiam tandem purus fias ab ipsis motibus malis, intus ebullientibus. Ideo non nisi gemitus pro gratia Dei superest, cum Apostolo Roma. 7. Infelix ego homo, quis liberabit me de morte corporis huius?

Per Legem cognitio peccati.

Gemitus pro misericordia Dei.

P R A E C E.

DE VII. PRAECEPTO PRAECEPTVM VII. NON FVRTVM FACIES.



5.

6.

Vdiuimus, quod Praeceptum quintum: Non occides, prohibuit offensionem proximi in sua propria persona. Sextum autem: Non moechaberis, offensionem eiusdem in persona sociali, eademque carne. Et utrumque tam in opere quam corde, tam affectu quam effectu. Ita ut satis constet, quod spiritualis intelligentia istorum Praeceptorum negatiuorum, sit ista affirmatiua, ut mites

& casti simus, intus & foris, prorsus sine omni, tam amaritudine irae, quam dulcedine concupiscentiae, Quae duo sine charitate spiritus haberi prorsus non possunt, quia sunt fructus spiritus, 1. Corinth. 13. & Gala. 5. Ideo plenitudo Legis est dilectio. Haec enim est mitis & nulli nocet, imo omnibus prodest, & prodesse cupit, Est etiam casta & sancta, ideo neminem polluit.

1. Cor. 13.
Gala. 5.

Sequitur nunc prohibitio offensionis in rebus proximi, quod aequae sine charitate fieri non potest, saltem in spiritu, Vnde & hic quoque notandum, quod hoc Praeceptum dupliciter intelligitur.

Literalis intelligentia 7. praepcepti.

Primo ad literam & secundum sonum uocis, sic solummodo opus ipsum furti hic prohibetur, quia dicit: Non facies furtum. Non utique ait: Non doceas, non ostendas, non cupias, sed, non facies, Sic Iudaei intellexerunt, & superbi facti sunt in iusticia sua, tanquam non essent rei praeruaricationis. Vnde cum ipse Lucae 16. huius Praecepti ueram daret intelligentiam, dicens: Non potestis Deo seruire & Mammonae. Et: Facite uobis amicos de mammona iniquitatis, audiebant haec omnia Pharisei, qui erant auari, & deridebant eum, Et ait illis: Vos estis, qui iustificatis uos coram hominibus, Deus autem nouit corda uestra. Quia quod hominibus altum est, abominatio est apud Deum.

Luc. 16.

Spiritualis intelligentia.
Pharisei.

Deus cor requirit.

Ecce quomodo corda requirit in iustificatione Praeceptorum suorum, Denique sequitur ibidem, quomodo spiritualis sit lex, dicens: Lex & Prophetarum usque ad Iohannem, Ex eo regnum Dei euangelizatur, & omnis in illud uim facit. Facilius est autem coelum & terram praeterire, quam de Legge unum apicem cadere. Ecce uiolentia opus est in Dei praepceptis, quia non tantum cortex uerborum, sed nec unus apex praeteribit &c.

Spiritualis.

Pauperes fideles intelliguntur.
Paupertas in spiritu.

Secundo ad spiritum & secundum intentionem praecipientis, sic omnem cupiditatem hic prohibet cordis, ita quod sit impossibile impleri illud, nisi sis pauper spiritu, ut Matt. 5. Beati pauperes spiritu. Proinde in Psalmis proprio uelut nomine, fideles Christi uocantur pauperes. Psal. 10. Dum superbit impius, incenditur pauper. Et iterum: Et factus est Dominus refugium pauperi, Et quoniam non in finem obliuio erit pauperis, patientia pauperum non peribit in finem. Igitur spiritus huius literae, est paupertas in spiritu, Quare manifeste patet, quod sine gratia Dei nullus implet hanc Legem, cum sit homo naturaliter cupidus uicio primi peccati.

Matth. 5.
Psal. 10.

Corollarium sequitur.

Quod Legis huius in litera impletio, est nihil aliud, nisi decipula quaedam, ut Psal. 5. Quoniam non est in ore eorum ueritas, cor eorum uanum est. Ebra. sic: Quoniam non est in ore eorum rectum (quia docet scilicet umbram

Psal. 5.

umbram & literam operis tantummodo in Præcepto) interiora eorum in-
fidia (quia decipiuntur, dum sese iustos credunt, falsi specie operum, ut nō
agnoscant malum suæ cupiditatis) ideo non gemunt pro gratia, nec pecca-
tum confitentur, sed stant securi. Ideo Roma. 2. contra eos dicit : Qui do-
ces non furandum , furaris, scilicet cupiditate, licet non opere.

Voluntas corā Deo

Iuristæ autem hoc Præceptum non adeo late exponunt, sed ma-
nent in limitibus furti, uerum coram Deo, quicquid agit uoluntas, fa-
cere dicitur etiam si opus non sequatur. Scrutatur enim Deus renes & cor-
da, Psal. 7. Ideo nos in totam latitudinem operum eamus, quæ cupiditas
perficit, sed heu quanta est latitudo, Deus bone, quis enim auariciæ & spe-
cierum eius uituperia non audiuit.

Varie furti species

Igitur primum opus est secundum sonum textus, ipsum furtum.
Hoc rursum in quinque species, scilicet furtum simplex, sacrilegium, pecula-
tus, abigeatus, plagiatus, de quibus Iuristæ. Nam hoc Præceptum secun-
dum literam copiosissime & diligentissime tractant in omnibus speciebus,
teste proprio eorum sermone, quod iuridica facultas sit de pane lucrando,
Tolle meum & tuum, & nullo iure opus fuerit, Et sane infinitum nego-
cium præbet ista cupiditas hominibus eiusmodi.

Iuridica facultas

Igitur furtum est rei alienæ usurpatio, domino inuito & ignorante.
Quod si sit in rebus priuatorum, est furtum simplex, si in rebus sacris, sacri-
legium, si in republica, peculatus, si in ablatione iumentorum & pecorum,
abigeatus, si in ablatione hominum, plagiatus. Hos quinque gradus dire pu-
niunt leges hodie, ut notum est. Olim uero in Lege furtum non punie-
batur ultione mortis, ut Exod. 22. Sed pro oue una quatuor, & pro boue
uno quinque reddebant, si tamen uendiderat aut occiderat. Si autem adhuc
integra apud eum reperiebantur, duplum tantum reddebatur, quod si red-
dere non habuit, ipse uenundabatur.

Furtum.

Sacrilegium.

Peculatus.

Abigeatus.

Plagium.

Hæc certe Lex adhuc bona esset, nimis enim rigidum est, ne dicam in-
iquum, pro rebus uitam auferre, & animam pro uictu tolli. Nonne corpus
melius est quam uestimentum, & anima plus quam esca? Vnde & Prouer-
6. Legem Mosi sequutus, ait: Non grandis est culpa, cum quis furatus fue-
rit, Et hoc est uerum, si solum fuerit furtum. Vnde sequitur quale intelligat
furtum, dicens: Furatur enim, ut esurientem impleat animam, deprehen-
susq; reddet septuplum, & omnem substantiam domus suæ tradet, & libe-
rabit se (qui autem adulter est) propter inopiam cordis, perdet animam su-
am. At adulterium hodie mitissime plectitur, magna certe iniquitate, Fur-
ti intensa poena, quæ potius laxari debuit quam adulterij, maxime furtum,
quod inopia corporis facit & penuria.

Iniquum est, pro-
pter res sublata ho-
minem occidere.

Adulterium.

Furtum.

Porro Sacrilegium adhuc atrocius omnibus punitur, scilicet rota, cum
tamen sit eadem res sacra & prophana, quo ad precium & usum, uerum re-
uerentia sacrorum neglecta, tam acriter castigatur.

Sacrilegium.

Sed & hic supersticiosissimus est præsidentium rigor, qui nihil ita ful-
minant, atq; execrantur, ut recularum suarum, reddituum, possessionum, auri
scilicet & argenti usurpatores, Hic sunt centies Argi, & quidem uigilan-
tissimis uigilantiores. Verum quod interim tot milia negliguntur anima-
rum, quod stupris, adulterijs, reliquisq; libidinum portentis, totam fœdant
Ecclesiam, præter insatiabilis auariciæ auernum, cum simonijs suis ac dolis
& fraudibus infinitis, nemo punit, sed potius honorantur qui faciunt. An
forte ideo leuiores tam grauiter puniunt, quod tam grauiora non ad illos, sed
ad Deum pertinent grauissime puniri? Et id certe credo uerum, quod Deus
sibi uindictam seruat eo duriores in grauissimis, quo ipsi grauiorem exer-
cent in leuioribus.

Quanto

DE VII. PRAECEPTO

Quanto tutius agerent, ut furibus & sacrilegis parcerent, sicut sibi uolunt parci à Deo. At si illis parcerent, iam certe ipsa penuria cogerentur & ipsi melius uiuere, non parciunt igitur, ne sibi quoque parcat apud Deum. Sed sine illos, cæci sunt, De reliquis tribus furtis remitto ad ciuiles Iuristas.

Latrocinium.

*Decus & titulus
nobilium.*

Secundum opus est latrocinium, quod a furto ea differt gratuitate, quod non ignorante Domino, sed praesente & manifesta ui rapit alienum, Tamen magis raptores quam latrones si uocandi sunt, quod latrocinium inuoluit homicidium. Hoc peccatum autem nunc decus & titulus est nobilium, & in illis quandoque puniuntur, qui sese defendere nequeunt aut resistere, Satis hoc peccatum negociatores, & grauitatem eius nouerunt, qui ex eo aliquando doluerunt.

Usura.

Iudæi usurarij.

Tertium opus est usura, de quo Cato Censor Romanus, fures priuati in neruo & compede uitam agunt, publici uero in auro & purpura. Vnde usurarius sanguisuga populi dicitur. Et similitudine describitur tali, ut uermis in pomo uel nuce totum intus uastat, ita usurarius substantiam ciuitatis deuorat, miris & occultis modis. Quo uicio adeo Iudæi laborant, ut etiam sibi licere, imo iuberi ex Lege putent, ubi dicitur Deut. 23. Non foenerabis fratri tuo ad usuram pecuniam, nec fruges, nec quamlibet aliam rem, sed alieno, fratri autem tuo absque usura, id quod indiget, commodabis. Hoc Iudæorum duriciæ tunc permissum fuit, ut eo libentius abstinerent ab usura in Iudæos, quo licentius potuerunt in gentiles.

Deut. 23.

*Christiani peiores
usurarij.*

At Christiani non paruo gradu peiores sunt Iudæis, quod etiam fratribus suis foenerant, & tam frequens hoc malum, ut etiam inter raras iusti laudes ponatur. Psal. 15. Qui pecuniam suam non dedit ad usuram. Quod si abstinent multi, timore abstinent, non corde, Auaricia enim pestis est profundissima.

Psal. 15.

*Fraus in negotia-
tione.*

Quartum est fraus in negotio, de qua 1. Thest. 4. Ne quis circumueniat in negotio fratrem suum, quoniam uindex est Deus de ijs omnibus. Sed hoc tam latum est, ut nunc non possit per singula discursu, quomodo enim singula artificia & negotia cum suis excessibus, medijs, defectibus commemorem.

1. Thest. 4.

Regula charitatis.

Idcirco omnibus in genere illa Regula charitatis seruanda est, quam Dominus Matth. 7. ponit: Quæ uultis ut faciant uobis homines, & uos facite illis. Quare in omni tractatu necessarium est unicuique, ut prospiciat prius, quomodo secum uellet agi, si esset in alterius loco, ita faciat & ipse, & tutus erit. Hec uocatur Lex naturæ, imo est charitatis. Charitas enim est, quæ considerat quæ sunt aliorum, & prius inspicit, quid sibi uelit fieri, ut sic faciat proximo. Ideo enim Dominus addidit dicens: Hæc enim est Lex & Prophetæ, scilicet Lex & Prophetæ sola charitate implentur, Ideo si est Lex naturæ, est naturæ sanæ & incorruptæ, quæ idem est cum charitate. Qui autem hanc Regulam præterit, facile etiam fraudem perficit, antequam aduertat, quoniam periculum fidei est in omni negotio, nisi ui aliqua seruetur & industria.

Matth. 7.

*Lex naturæ,
Charitas.*

Fraus ubique.

Mundus.

At quanta est hodie fraudis copia? omnis domus & platea plena est, & omnes de ea queruntur, Nam & rustici alioqui rudes, ad fraudem sunt instructissimi. Et sane hoc unum etiam Præceptum satis indicat, quid sit mundus, cum sit non nisi rapina mutua rerum. Et quod magis dolendum est, ea nunc consuetudine fraus agitur, ut ne conscientiam quidem inde patiantur, quin bene se fecisse sibi uideantur, si alter alterum illuserit & imposuerit, Sed uæ mundo.

Igitur tu curre per singula officia artium, & numerosa fraudes, cum quotidie excogitentur nouæ, ut sit periculi res plenissima, cum hominibus agere,

agere, Lucem uertunt in tenebras, & tenebras in lucem. Deniq; obtinuit ut omnes uenditores pluris exponant, & emptores minoris accipiant, quam res sit in proprio precio, scilicet, quia usu fallendi mutuo, nullus alteri credit primis uerbis.

Quod autem dictum est de operibus huius Præcepti, & de spiritali intelligentia eius, quod scilicet paupertas spiritus, sit eius uera intentio, ut mortificetur insatiabilis illa bestia, auri sacra fames, auaricia, philargyria, & cupiditas, radix omnium malorum, ut Apostolus ait, quæ infinitos hodie laqueos tetendit & auget semper, non intelligendum est de paupertate in effectu, sed affectu. Nam & mendici ac religiosi possunt esse ditissimi cupiditate & auaricia interna, maximiq; fures coram Deo, dum inuident habentibus, & cupiunt eorum facultates. Et Apostolus uocat hoc uicium idolatriam, sicut Psal. 78. dicit, quod seruierunt sculptilibus Canaan, id est, denarijs, Nam Canaan mercator & negociator dicitur, cuius sculptilia, quæ alia possumus figurata credere, quam aurum & argentum signatum, monetarum & conflatum?

Deniq; quod sint cultores auri, & serui eius, etiam Psal. 76. habet, dicens: Et nihil inuenerunt omnes uiri diuitiarum in manibus suis, Non ait, diuitiæ uirorum, sed uiri diuitiarum, ut possessos uiros, possidentes diuitias intelligas, illi seruant, istæ seruantur, ideo illi serui, istæ dominae.

Igitur ut concludamus (cum sit omnibus notissimum hoc uicium) breuiter hoc Præceptum impletur, si non solum ab opere abstineas, imo nec satis est corde non cupias, nisi & æquissimo animo feras, tua tibi auferri. Nam nihil prodest, si aliena non cupias, tua autem imple diligas. Sicut in 5. præcepto, in seipsum quis potest occisor fieri, etiamsi nullum alium occidat, aut nemini sit iratus. Et in 6. cum propria uxore adulter esse, ut dictum est, Ita & in proprijs rebus etiam fur & auarus esse poterit, dum nimis tenaciter diligit sua. Quanquam qui seipsum occidit, quis eum credat non etiam alium occisurum esse, aut uitam ei saltem inuidere? Et qui cum propria coniuge abutitur libidine, quis præsumat, quod non alienam polluat saltem concupiscentia, cum sit totus libidine furens? Ita qui sua nimium diligit, quis credet, quod non etiam aliena concupiscat?

Igitur neuter esse debet in bonis quibuscunq; si abeunt, ne tristetur, si ueniant, ne lætetur, secundum illud Psal. 62. Nolite sperare in iniquitate, & rapinas nolite concupiscere. Diuitiæ si affluant, nolite cor apponere. Hoc autem uiciata natura non habet, sed oportet illud in Christo haurire, qui pro nobis pauper factus est.

Imo nec hoc gradu sit contentus, sed uideat etiam, ut de suis bonis magis uelit alijs impartire, quam aliena concupiscere. Nam hoc habet charitas, quæ sola est impletrix Legis, ut non solum longissime abstineat a rebus proximi, sed etiam proxima fiat conferendo res suas, si potest commode. Nam id sine dubio quilibet sibi fieri uellet, scilicet, ut sibi tribueretur, & nemo sua cuperet, sed omnia candide fauerent. Nec potest Regula melior tradi in hoc Præcepto, tam perplexis negocijs dato, quam ut quilibet, in quocunq; negotio cum proximo egerit, ante omnia coram oculis ponat hoc dictum Christi, scilicet spirituale interpretamentum omnium Præceptorum: Quod uultis ut faciant uobis homines, & uos facite illis. Et illud Tobia: Quod tibi fieri nolis, alteri ne feceris, hoc enim aspectu facile quiuisset erudietur, quid & quomodo agere debebit in quocunq; casu huius latissimi Præcepti.

e ij Nam si

Paupertas spiritus.
Auaricia.

Paupertas in effectu.

Canaan.

Viri diuitiarum.

Quomodo impletur præceptum 7.

Fur, etiam in proprijs rebus.

Animus æquus.

Charitas Legis impletrix.

Spiritualis interpretatio omnium præceptorum.

DE VII. PRAECEPTO

Nam si tibi faues diuitias, non autem proximo tuo, iam non habes charitatem, sed cupiditatem, & peccasti in hoc Praeceptum, Es enim fur coram Deo, quia id, quod proximo debes, scilicet fauorem rerum, abstulisti ab eo.

Omnes homines fures sine gratia.

Ex quibus patet, quam multi detestentur fures & furta, ipsi multo maiores, cum sine gratia nullus sit, cuius cor non inquinetur auaricia, uerum illos fures strangulat Imperator, hos uero ipse perdet omnium Creator.

Praeceptum hoc affirmatiuum.

Vnde nec istud Praeceptum pure est negatiuum, imo affirmatiuissimum, scilicet, ut si homo largus, facilis, liberalis in proximum, qualis esse non potest, nisi sit purissimus a furto in spiritu. Ideo negatio illa expressior est quam affirmatiua, cum possit aliquis esse quidem liberalis, ut in statu incipientium, sed tamen non sine cupiditate, ideo nondum perfecte Legis huius impletor, qui debet esse purissime liberalis.

Lusores sunt fures

DE lusoribus etiam quaeritur, An sint fures, & ad restitutionem teneantur? Quod lusores cupiditate & auaricia peccent (qui saltem propter lucra ludunt) ac per hoc coram Deo fures sint, alienarum facultatis appetitores, manifestissimum est. Nullus enim cum alio ludit, ut sua illi tribuere uelit (id enim sine ludo facere potest) Nec ut sua amittat, nec ut alienum uelut suum quaerat lucrum. Ac per hoc ludus semper est contra charitatem, & secundum cupiditatem, quia quaerit quae sua sunt, cum damno alterius, & saltem non ita quae sunt alterius, sicut quae sua sunt.

Ludus semper contra charitatem.

Lusor non tenetur ad restitutionem.

Attamen non tenetur ad restitutionem, quia coram hominibus non rapit, nec usurpat rem alienam inuito domino, sed consentiente per pactum ludi. Vterque enim ponit sua in periculum sciens & uolens, ideo qui amittit, scienter & uolenter amittit. Lex enim iustissima est, ut qui amat periculum, pereat in illo, nisi forte per fraudem luserint. Optima tamen poena foret, si posset fieri, ut uterque amitteret, hoc enim esset ius ludi uerum, quia uterque cum periculo suo, cupiditatem erga proximum exercet, Aut certe, ut fiscus principalis utriusque tolleretur lucrum, eo quod contra edictum & canonem Ecclesiae agant ludendo.

Probat.

Quod autem non sit necesse restitui, patet, quia non esset alia causa, nisi si quia cum peccato & contra Legem acquiritur lucrum eiusmodi. Sed si omne tale est restituendum, quod cum peccato acquiritur, iam etiam meretrices, imo omnia alia mercatorum & negotiatorum, quae mendacijs, periurijs (seclusa tamen fraude erga proximum, & dolo in re quae tractatur) cupiditate uenduntur & emuntur, essent restituenda, quod est absurdissimum, Quia in ijs non est facta iniuria proximo, sed Deo & Legi, ideo tenetur ad restitutionem, non rei acquisitae, sed uoluntatis suae malae, quam ibi expleuit, quod fit per contritionem & poenitentiam.

Sacerdotes beneficij.

Eodem modo de sacerdotibus & religiosis, uel non orantibus seu satisfaciuntibus, uel pluralia beneficia possidentibus, non tenentur ad restitutionem, sed ad poenitentiam de abusu, Quia Papa habet potestatem illa bona conferendi, tu tantummodo uideris, qui impetras uel te ingeris. Olim trahebantur fugientes ad sacerdotia, ideo a populo diligebantur, nunc irruunt retrahente populo, ideo odiuntur. Sed haec auaricia hodie horribiliter crescit in beneficiorum occupatione, ac si sine fraude impetrentur, non est restitutio facienda, Quamquam sine fraude seipsum ingerere, praesertim ad officia curarum, non uideatur satis possibile, fraudatur enim Papa & populus, si non fuerit talis, qualis requiritur. At quis hoc de seipso audeat affirmare? & tamen non pudet pro seipso supplicare.

Circa.

Tandem

Tandem & contractus redemptionis in magnum damnum totius mundi, nunc auariciæ seruit, cum ideo census emantur, ut lucra augeant, & certa fiat substantia sine labore & periculo, non ut Deo liberius seruiant, aut necessitati prouideant, cum tamen intentio Papæ fuisse & esse uideatur, non ut ocio uacent, nam labor & sollicitudo omnibus imposita sunt. *Gene. 3. In sudore uultus tui uesceris pane tuo. Et Hiob 5. Homo natus ad laborem, sicut avis ad uolandum.*

*Gene. 3.
Hiob 5.*

Emendorum redituum iuxta causæ.

Igitur aliquot causas assignemus iuste census emendi, si scilicet sunt primo senes, pueri, infirmi, Hi enim satis habent laboris ex ipsa uita sua. Secundo, si sunt alio labore occupati, scilicet qui Deo seruiunt, ut religiosi, sacerdotes, prælati, studio uerborum Dei uacantes. Et qui communitati seruiunt, & alienæ necessitati, ut principes, senatus, præsidentes oppidis, uillis. Alioqui si Deus unicuique secundum suum laborem redditurus est, quid recipient ociosi, qui pecunia sua non nisi ad lucrum, lucro non nisi ad ocium, ocio non nisi ad delicias, delicijs non nisi ad peccatum abutuntur? Non ergo illi sunt securi, qui tantummodo sibi seruiunt censibus emptis, Non quod emere census adeo sit malum, sed quod auariciæ in hoc seruire, nec aliud, quam diuicias securas quærere, peccatum est.

PRAECEPTVM VIII

NON LOQVERIS CONTRA PROXIMUM tuum falsum testimonium.



Necium linguae, quam Apostolus Iacobus mundum iniquitatis appellat, omnium post cor, membrorum est peccaminosissimum, nec ullum membrum tot speciebus peccat, excepto corde, quod omnibus speciebus peccat. Nam linguae uicium in iurando, promittendo, orando, docendo, nomen Dei assumendo &c. prima tabula in secundo præcepto prohibitum, id est, omne uerbum, quod contra Deum directe peccat. Item prohibitum est tertio, quarto, quinto, sexto, septimo, & nunc octauo, prorsus per omnia præcepta præter primum, nonum, decimum, quæ solum animum tangunt. Nam contra tertium agitur, non orando, gratias agendo, legendo die festo. Quartum, parentes superbe alloquendo, irreuerenter respondendo, exprobrando &c. Quintum, maledicendo, detrahendo, criminando &c. Sextum, impudice loquendo. Septimum, furandi consilium, exhortationem, excusationem, defensionem dando. Octauum, nunc ut uidebitur mentiendo, adulando &c.

Linguae uicium.

Cor.

Lingua.

Igitur sicut prohibitum est nocumentum personæ propriæ, personarum attinentium, rerum corporalium, Ita nunc bonorum, quæ sunt in fama, laude, honore, nomine, prohibetur nocumentum.

THEOLOGI

Contra hoc Præceptum peccant.

Primo & propriissime docti, maxime autem Theologi, & universi, qui falsa tradunt discipulis, Et utriusque dupliciter, scilicet uel scienter uel ignoranter, & secundum hoc grauius peccant uel leuius. De Theologis pri-

Theologi.

e in

logis pri-

DE VIII. PRAECEPTO

logis primum, quia hi grauissime omnium peccant contra hoc Praeceptum, quando Scripturam sanctam & uerbum Dei peruertunt & false exponunt, uel aptant non recte, Hinc enim fit, ut false dictum occidat animas, aut saltem discrutiet infelices conscientias.

*Heretici.
Monij.*

De primis horum sunt Haeretici & Monij singulares, qui Dei uerba suis sensibus aptant, & in sui obsequium captiuant, cum deberent contra, & hoc in ijs, quae pertinent ad fidem & salutem. Hoc tam magnum peccatum reputatur apud Deum, ut nullum aliud in Scripturis frequentius acriusque arguatur per omnes figuras & prophetias. Vnde Psal. 4. Filij hominum uiquequo graui corde, ut quid diligitis uanitatem, & quaeritis mendacium? Et 5. Odisti omnes, qui operantur iniquitatem, perdes omnes, qui loquuntur mendacium. Vbi de talibus Magistris loquitur, ut patet infra: Decidant a cogitationibus suis, id est, studijs &c. Et Psal. 1. Beatus uir, qui non abiit in consilio impiorum, & in uia peccatorum non stetit, & in cathedra pestilentiae non sedit. Et ubicunque de dolosis, linguaque dolosa loquitur, hos Pseudomartyres, id est, falsos testes, taxat.

Pseudomartyres.

*Zelus haereticorum
ex superbia procedens.*

Dico ergo: Nunquid excusantur, cum faciant id pia intentione & zelo Dei? Sic enim sese Haeretici solent excusare, ut nostri uicini Pighardi Bohemiae? Respondetur, quod non, Imo eo magis accusantur, quia ex superbia procedit iste zelus, quod doceri nolunt & audire, suipsius magistri facti. Vnde Rom. 10. Testimonium perhibeo illis, quia zelum Dei habent, sed non secundum scientiam. Et Gala. 4. Quicumque uos perturbabat, iudicium suum portabit. Et 1. Qui aliud euangelizauerit, anathema sit &c. Tales enim habent bonum zelum, sed non timent, Sunt enim de tali zelo securi, quasi non errent, quod pie intendant, & garriunt, quod omne peccatum est uoluntarium, & intentio nominat opus, At nos (inquiunt) bonam intentionem & uoluntatem piam habemus, & ita fiunt obstinati & securi.

Rom. 10.

Gala. 4.

Gala. 1.

*Bona intentio
pia uoluntas.*

Quibus respondetur, quod habent pessimam uoluntatem & uenenosissimam intentionem. Non dico eam, quam sentiunt & allegant, sed profundioram illam, qua superbi sunt, & nolunt aliud audire, quam suam intentionem bonam, nec credere alij, quam suae pie uoluntati. Hanc enim intimam suam superbiam non uidentes, uestiunt eam, ficta & uiolenta intentione bona & pia uoluntate. Vera enim bona intentio, & radicaliter bona uoluntas, nunquam stat secuta & sine timore, Veretur enim omnia opera sua cum Hiob, imo uerba & cogitata. Ideo nulli adharet bonae suae uoluntati & pie intentioni, semper paratior alijs cedere, quam sibi credere, quantumcumque speciosissima sua sit intentio. Quo timore fit, ut nihil noui molitur, seruet unitatem, custodiat pacem, & augeat concordiam.

Hiob. 9.

*Iusticiarij crucifixo
ros conscientiarum.*

Secundi, qui etsi falsa non doceant, ut occidant, tamen superficialiter, ac minus, quam debent, docent, ideo sunt crucifixores conscientiarum, & tortores animarum, Vt sunt ij, qui salua fide Christi, iusticias operum docent, raro fidem, saepius opera, de quibus mihi uidetur Apoca. 9. dicere: Quod locustae non occiderent homines, sed cruciarent eos mensibus quinque, quia scilicet docent, per opera satisfieri pro peccatis, & tamen per haec nunquam habent quietem conscientiarum, quam sola fides Christi donat.

Apoc. 9.

Sacra Scriptura.

Quocirca, cum Scriptura sancta uelit in timore & humilitate tractari, & magis studio pie orationis penetrari, quam acumine ingenij, impossibile est, quod sine damno sint, uel suo proprio, uel aliorum, quos docent, qui nudo ingenio freti, in eam irruunt illotis pedibus sicut porci, tanquam sit humana quaedam scientia, adeo nullo reuerentiae discrimine uersantur in illa. Inde ueniunt tot

niunt tot promptuli ad docendum, qui statim cognita grammatica, Theologia sine omni studio præsidentur dicentes: Hem, Biblia res facilis est. Maxime autem id faciunt, qui distenderunt uentrem suum siliquis illis porcorum (id est, Philosophorum) Vnde de eis conqueritur B. Hieronymus, quod arbitrio suo trahunt repugnantem Scripturam, & iam prouerbum factum est, Scripturam habere cereum nasum.

Biblia res facilis est.
Scriptura habet cereum nasum.

DOCTORES SCHOLASTICI.

HOc effecerunt insulsi illi & inepti somniatores, ludentes in sensu literalis, allegorico, morali, anagogico, & uocantur DOCTORES SCHOLASTICI, & hoc propriissimo utroque nomine, Scholastici enim sunt, id est, ludicri & lutores, imo & illutores tam sui quam aliorum, qui neque quid sit litera, neque quid spiritus, cognouerunt. Et ferendum erat tale studium in quadruplici illa expositione Scripturæ, si modo tanquam rudimenta haberentur pro incipientibus. Nunc uero totius fastigium eruditionis in isto ludo statuunt, nec unquam ad uerum intellectum pertingunt, qui sine puritate cordis nunquam potest attingi. Illam autem quadrigam uersant etiam impiissimi. Vide B. Hieronymum in prologo Bibliæ, de eadem temeritate tractantium Scripturas.

Doctores Scholastici.

IURISTAE.

Secundo de Iuristis, Hi enim ad literam contra hoc Præceptum agunt, quando in Labyrintho suo (id est, foro contentioso) nihil aliud quærent, quam uictoriam, omnia allegant, quærent, accipiunt, quæ pro se faciant, contra partem aduersariam. Vbi nouo miraculo unus & idem textus seruit contrarijs causis, Et factum est hoc studium periculis plenissimum. Sed dicunt: Nemo tenetur seipsum confiteri & accusare. Quid autem dicit Dominus? Non loqueris falsum testimonium aduersus proximum tuum, Cum hoc pro te alleges, quod contra illum est, quem scis iustam causam habere?

Iuriconsulti sunt calumniatores.

Dicitur Iuriconsultorum.

Sed habent Iuristæ priuilegium magnum, ut nulli contra eos loqui, aut eos iudicare liceat. Id autem est, quod nemo recte arguit, quod non intelligit, At Iuris intellectus est infinitus & inexhaustus, neque est repertus Iurista, qui omnia norit. Idcirco si non ante de eis licet iudicare, quam omnia eorum intellecta fuerint, nunquam licebit iudicare, semper enim dicent, non esse intellectum quod arguitur.

Priuilegium Iuriconsultorum.

Vnum tamen dicendum, quod & ipsa habent iura, licet neglectissimæ, scilicet, quod finis, uita, uirtus omnium legum est, pax, charitas, concordia, quæ si quis non intendit, Legibus non utitur, sed abutitur. Qui enim ideo quærit effugium in glossa, contra textum, ut litem proroget & augeat, putat ne uiuam legem habet? Imo literam mortis quærit, & contra pacem laborat.

Finis legum, pax & concordia.

At hoc ipsum qui non fecerit hodie, mirum si diu Iurista reputetur, aut diues efficiatur. Si enim tantum quærent pacem, quantum litem, non tot libris, laboribusque foret opus. Igitur noli in faciem uerborum intendere, nec quo & quomodo ea possis torquere & ponderare, sed uide quo ipsa respiciant, nempe ad finem litis & iurgiorum mortem.

Notent hæc Iuriconsulti.

At hic dignissime considerandum caput 6. 1. Corinth. ubi Apostolus reprehendit, quod propter secularia, id est, temporalia & uictualia iudicia haberent, & non magis fraudem paterentur. Item Christus iubet etiam pallium dari auferenti tunicam &c. Sed dicitur, quod sunt Consilia, non præcepta, nisi ad præparationem animi. Ego autem illam præparationem

Pauli & Christi doctrina, 1. Cor. 6. Matth. 5.

e iij animi

DE VIII. PRAECEPTO

*Augustinus nō re-
cte intelligitur.*

animi mirabilem non intelligo, quæ nunquam procedit & peruenit ad o-
pus. Et B. Augustinus, qui exemplum Christi adducit, quod coram Hanna
accipiens alapam non præbuerit & aliam, meo iudicio non recte intelligi-
tur, ac per hoc male defenduntur ipsi.

ARTISTAE.

Artiste.

*Meras nugas secta-
tur.*

*Poetarum studiosi
foeliciores Sophi-
stis.*

Consilium Lutheri.

*Aristotelica Philo-
sophia multum no-
tuit Christianismo.*

HVc forte pertinere potest, & illud miserum genus hominum,
quod sese per Philosophiæ Aristotelis falsissimum nomen decipit &
fatigat, cum Aristotelem neq; intelligant ipsi, neq; doceantur, falsis inte-
rim & fictis commentarijs pias in Christo animas occupant & onerant, imo
illudunt potius, dum credunt hoc esse Philosophiam, quod non est, merasq;
sectantur nugas. Et multo sunt ipsis Poetæ ac quicunq; fabulatores fortu-
nationiores, propterea, quod Poetæ (ut B. Augusti. dicit) etsi recitent fabu-
las, non tamen credunt eas esse ueras, sola uoluptate uanitatis delectati. Il-
li autem credunt, ueras esse suas fabulas.

Nam si meo consilio Aristoteles legeretur, certe uel in medio anno
disci posset ab ingenio mediocri. Legeretur autem non sicut hucusq; lectus
est, ea fide & religione, qua sacrae literæ, imo amplius, sed sic, ut alia quæ-
cunq; leuis & extranea materia, tantum ut sciretur, non ut defenderetur.
Vere enim sumus seducti per Aristotelem & commenta eius, Atq; si aliud
non esset, hoc unum satis erat argumentum, Quod tot sectæ & capita sint
in ista bestia gentili, simili Hydræ in Lerna, nam ibi sunt Thomistæ, Sco-
tistæ, Albertistæ, Moderni, & factus est quadriceps Aristoteles, & regnum
in seipsum diuisum, & mirum, quod non desoletur, sed prope est, ut deso-
letur. Quomodo ergo potest fieri, ut ueritas sit in tanta opinionum confu-
sione? cum enim sint contrariæ, necesse est, ut & falsæ.

*Falsa miracula præ-
dicantes.*

Sed si isti Doctores & Magistri peccant, & contra hoc mandatum a-
gunt, ubi manebunt illi somniatores, & perditum genus hominum, qui
prædicant falsa Miracula, mendaces Legendas, ostentant fictas Reliquias,
friuiolas suas Visiones? Hic aliquis impudenti fronte iactat se cum Christo
& Matre eius locutum & risisse, puto etiam saltasse. Hic habet foenum, in
quo Christus iacuit, quod tamen hoc anno natum est, & raptum in hor-
reo.

Pistæ reliquie.

Audiui ego factum, quod Mulier quædam (diabolo incitante, Deoq;
uolente, ut illuderet eiusmodi superstitionis quendam fatuum cultorem) pu-
bem suam totondit, & illi prorrexit, suadens, quod essent capilli S. Cathe-
rinæ, trans mare aduecti. Credidit ille cuculus, & pro reliquijs osculandos
præbuit & uenerandos. Et ecce quid sit? Coepit etiam miracula operari
pubes illa turpitudinis. Nec immerito, ut fallantur mendacijs, qui non co-
lunt ueritatem. Ecce hæc cum sint tam impura & impudentia, ut nec co-
ram pudicis referri possunt, tamen fiunt. Igitur hi loquuntur falsum testi-
monium, non contra homines, sed contra Deum, & Sanctos iam regnan-
tes.

Fœnum.

Tale & illud est, quod nuper quidam ostendisse dicitur fœnum, quod
fortuito inuenit, dicens esse fœnum, in quo Christus, seu nescio quis San-
ctus, dormierit.

*Monachi stationa-
rij.*

*Pastores ecclesiarij.
Euangelium negli-
gitur.*

Ista ergo fabulamenta, indocti passim sacerdotes, sed plus Monachi
stationarij multiplicant. Et Pastores non parum delectantur fabulis Legen-
darum & indulgentiarum, & omnium quæ dici possunt, præter Euange-
lium, Quia illa lucrosa sunt, dum populus a ueritate auditum auertit, ad fa-
bulas conuersus.

Sed uæ

2. Thes. 2

2. Tim. 4.

DECLAMATIVN POPVLAR CLXVII

Sed uæ uæ atque iterum talibus fabulatoribus. Opus hic esset maxima reformatione Ecclesiæ, ut prorsus nihil, quantumque pium & bonum, prædicari permetteretur, nisi quod authenticum & canonisatum esset, Nam sub tali pietatis specie pariter illa monstra fabularum intrauerunt, ut Prædicatores ecclesiastici prope superent Poetas gentiles fabulis & mendacijs. Imo ausim dicere, nec tutum satis esse, quod probatæ Legendæ & Miracula sic prædicentur, ut inde ueniat usus omittendi Euangelium. Sunt enim non principalis pars Sermonis habendæ, sed tantummodo interspergendæ Euangelio, ubi ad propositum faciant, & non integro sermone tractandæ.

Concionatores ecclesiastici prope superant Poetas gentiles fabulis et mendacijs.

Secundo prohibetur omne mendacium, hoc est, falsum testimonium contra proximum. Est autem triplex, Iocosum, officiosum, perniciosum, secundum B. Augusti. Iocosum proprie non est mendacium, quia statim percipitur esse mendacium, nemoque fallitur, & ille etiam qui sic mentitur, intendit sic loqui, ut appareat false loqui & nugari. Est tamen peccatum, scilicet turpiloquium seu scurrilitas & uaniloquium. Contingit autem, quod aliqui tam rudes sint, ut tali etiam fallantur, maxime quando in religionibus fit iste iocus, ut cum dicitur: Si rem perdidisti, da calidam similam pro eleemosyna, & salem benedictum desuper pone, scilicet super rem perditam, & inuenies. Quod rudes intelligunt super similam, & credunt se inuenturos. Et similia multa.

Mendacium triplex. Iocosum.

Officiosum, quod causa officij (id est, obsequij) fit ad salutem & utilitatem suam uel alterius, sine damno alicuius. Vt si pudicitia foeminae periclitaretur; & aliquis negaret esse eam, ubi est, uel aliud simile. Tale mendacium dixerunt obstetrices hebræarum mulierum in Aegypto. Item Michol uxor Dauid ad Saul, Vide ibidem utramque suo loco historiam.

Officiosum.

Exod. 2.
1. Sam. 19

An autem eo sit utendum? Respondet B. Augustinus, quod non, sed dicat uerum, quantum potest alijs uerbis, Vt de quodam Episcopo dicit lib. de mendac. qui iudici querenti reum, qui ad se confugerat, respondit: Nec mentiar nec prodam, Non tamen est peccatum mortale, maxime quando rationali causa fit, & perturbatione subita.

Perniciosum (id est, damnosum) quia ad damnum alterius falsum dicitur, & fallit sic mentiens proximum, sicut non uellet ipse falli. De quo Dominus per Zachariam: Loquimini ueritatem unusquisque cum proximo suo. Et iterum: Pacem & ueritatem diligite &c. Hæc enim sunt quæ placent mihi. Hoc malum in negocijs, tractatibus, pactis, foederibus, literis, sigillis, & omni conuersatione hominum hodie latissime, pestilentissime, potentissime regnat, secundum illud Osee: Mendacium, furtum &c. inunda- uerunt, quia homines obliuiscuntur illius Regulæ. Quod tibi uis fieri, fac & alteri, & quod nolis, ne feceris, excoecati cupiditate propria &c.

Perniciosum.

Zacha. 8.

Osee 4.

Math. 7.

Vide autem monstrum humani cordis, etiam si omnia alia peccata hominem non foedarent, hoc solum uicium maxime est contra naturam hominis. Primum, Quid enim omnis homo magis, quam scire desiderat natura? quid magis horret quam falli? Sicut B. Augusti. quod anima nihil adeo desideret, ut ueritatem, & tamen facit contra homo, & libenter.

Mendacium maxime contra naturam hominis.

Deinde etiam si gula & luxuria, ira, inuidia, acedia, auaricia, cum multis bestijs conuenit, hoc tamen uicio eas superat cum Diabolo, quod solus homo mendax est, & Diabolus pater eius, soli enim homini ratio & sermo data sunt, quorum officium est, ueritatem dicere. Et hinc credo, quod inter omnia conuicia nullum sit acrius, quam si quis dicatur in faciem mentiri. Vrit enim hoc conuiciu, plus quam si luxuriosus, ebriosus, iracundus, superbus dicatur, putoque quod

Diabolus mendax et homo.

Mentiri conuicium atrox.

DE VIII. PRAECEPTO

puto quod natura ideo facilius sentit, quia innaturalissimum uicium mini, denique humanae societatis maximus hostis est mendacium.

*Adulatio.
Tertia lingua.*

Tertio peccatur contra hoc mandatum, Adulatione, sive furro, bilinguis, & tertia lingua, & omnia mala linguae, alia cepto s. Hoc autem uicio nullus hominum uacuius est, nisi sit, qui occidi & omnium odia mereri, puta, qui recta cordis institutione cet ueritatem, secundum illud Psal. 15. Ad nihilum deductus est ictu eius malignus (id est, non timet ullum hominem malum, quia sit potens, diues, sapiens, iustus, non enim accipit personas, nec respursum timentes glorificat, quantumlibet sint infirmi & pauperes, &

*Aula Principum &
Pontificum.*

Idcirco, aut adulandum est mundo, aut odium sustinendum: quod in Christo, & omnibus Sanctis satis nobis monstratum est. Item uicium licet passim dominetur, tamen in aulis Principum & cum totis castris triumphat. Ibi enim sunt, qui mollibus uestiunt neras habent auriculas, Et certe non est in mundo locus, a quo adbeat abesse longius, & tamen ubi est frequentior & potentior? Siqueductio Principis in malum, aut retractio a bono, necesse est omnilectis noceat. Neque est nocentior pestis Regnorum & Prouinciarum adulator in aula. Quid enim querimus de bellis, aut gladijs aut adulatoris lingua super omnes gladios est. Deberent itaque ab aumaxime repelli, & grauissime puniri.

*Adulator nocentissimus
pestis.
Adulatoris lingua.*

*Alexander Imper.
Roma.
Diogenes.*

Legitur de Alexandro Ro. Impe. adeo infenso adulatoribus uideret coram sese, molliori gestu aliquem adulantem, non dimittipunitum, uel si maior erat, saltem derisum. Et Diogenes interquae nam ferarum esset nocentissima, respondit: Inter feras Tyranter cures Adulator.

Doech.

*Ziphei.
Siba.*

Horum duces & exempla in Scripturis sunt tarde reperta, forttestationem uicij huius. Nam primus & insignior ceteris est Doemæus, qui 1. Reg. 19. & infra Sauli in omnibus adulatus, causa fuomnium sacerdotum in Nobis. Sed & multa alia mala Dauid parauitsequuntur Ziphei, proditores Dauid. Tandem Siba seruus Miphqui etiam Dauid regem decepit.

Verba praecipitationis:

Sed attendant, quo fine Doeck consumptus est cum Saule, cubatur, Sed & filius eius patris adulationem infeliciter imitatus, 2. statim a Dauid occisus est. Vnde & Psal. 52. totus eundem Doeclnat: Quid gloriaris in malicia &c. Audiant adultores quod sequilexisti uerba praecipitationis, linguam dolosam, Propterea Deus te in finem, & euellet te, & emigrabit te de tabernaculo tuo, & radiam de terra uiuentium. Vide quam exaggerata imprecatione peradulatorem, Diligunt enim uerba praecipitationis, id est, quibus ptent, pessundent, absorbeant proximos suos apud Principes, ut ipsimodo dominantur & placeant &c.

IURISTAE.

*Regulae duae foren-
sium Patronorum.*

Vltimo peccatur falso testimonio, in iudicio publico, de supra dictum est. Hic autem Iuristarum, Notariorum, Patro Aduocatorum, Iudicum periculum agitur. Hic iura ipsa sanctissima tiuntur conditionem, ex qua colligit mel apis, uenenum aranea. Et pulchre sese excusantes: Vigilanti iura subuolunt. Et iterum: Cendendum est ad remedia iuris. Haec sunt duae Regulae uehementer utilimo ad prorogandam iusticiam, Deinde ad seminandam litem, Timplendum marsupium Causidicorum. Non quod Regulae illa aut falsae sint, sed quod fere nunquam bono usui seruiant, quod

fi a

DECLAMATIVN POPVLAR CLXVIII

Advertas, quid ipsi intelligant per Remedium iuris, & vigilantiam ad iura. Nempe id scilicet, quod cum uel teste conscientia pessimam habeat quis causam, uel saltem dubiam, Non hic audit consilium spiritus, Tene certum, dimitte incertum. Imo id cogitat tantum, quomodo ex causa pessima faciat optimam, uidelicet quod aegrotat, ideo remedia iuris illi adhibet. Et hoc est uigilare eorum, uigilant enim super iniquitatem, ait Propheta, Et ita fit, ut ex eodem textu iuris, unus uenenum, iniquitates defendens, alius mel, iusticiæ patrocians, hauriat.

*Remedium iuris.
Vigilanti iura suba-
ueniunt.*

Hic autem quid dicam? nisi ut miseriam Christianorum deplorem, qui omne studium suum conuerterunt ad lites, iudicia, forum, Nec uolens dignatur hic illud Christi attendere, Quod uultis ut faciant uobis homines, & uos facite illis. Obsecro te homo, tenta, proba, interroga teipsum, si quando habes causam cum proximo, Nonne uelles, ut te dimitteret in pace, non litigaret tecum, ut crederet tibi? Hoc ergo uis ut faciat tibi homo alter? Cur non facis & tu eidem, & cedis?

*Miseria Christiano-
rum.*

Matt. 7.

At inquis: Consilium est, non præceptum. Respondeo: Quomodo est consilium & non præceptum, quando Christus statim addidit: Hæc enim Lex & Prophetæ? Nunquid Lex est consilium? ergo nullum restat præceptum? nulla Lex? Quid hinc sequitur, nisi quod & Christi & naturæ legem oblitus, in medijs agamus tenebris? Idcirco periculosissimum est studium iuris hodie, cum non seruiat ad pacem, ad lites componendas, sed suscitandas, prolongandasque.

Imo præceptum.

*Studium iuris hodie
periculosissimum.*

At dicis: Si sic facere oporteret, cito futurum est, ut pedibus conculcemur, & omnia rapiantur quæ habemus. Hic dico; Hoc est quod uult Scriptura, Ideo enim pupillos, orphanos & uiduas, pauperes & oppressos nos uocat, Quod scilicet Euangelium seruantes, patimur plura mala propter uerbum eius, non uindicantes, non retaliantes, imo etiam orantes pro persequentibus & calumniantibus nobis, ut simus filij Patris nostri, qui est in cælis, quia & ipse benignus est super ingratos & malos. Et deberemus gaudere, nos esse pupillorum nomine dignos, quoniam protector eorum est Christus, quod si repetimus & litigamus, quando etiam pupilli?

Euangelium.

Christiani pupilli.

Verum & hæc salutaria Præcepta, nobis in Consilia mutauerunt, dicentes: Quod secundum præparationem intelligenda sint animi, Et non attendunt, quod assidue ueniunt casus, præparationem illam in opus extendendi, & tamen non faciunt. Atque hic uide Dei potentissimam sapientiam, & sapientissimam potentiam, Ipse dixit: Verba mea non transibunt, & unum iota non præteribit à Lege, donec omnia fiant. Vide, inquam, quomodo uerum sit: Ipse dixit & facta sunt.

*Salutaria præcepta
in consilia mutata.*

Luc. 21.

Matt. 5.

Illi, qui nolunt auferenti pallium, & tunicam dare, coguntur etiam camissam illi dare inuiti, quia non dederunt tunicam uolentes, & per illos inuitos impletur mandatum, quod per spontaneos non potuit. Frequentissime fit enim, dum duo super re quapiam contendunt, per amicum pactum quilibet alteri cedens, ambo accepta rei parte, contenti forent, ubi dum litigant, longe plura consumunt, & in Causidicos profundunt duplo, quam cogentur cessisse alteri partium.

Quid? quod aliqui ultra rei summam, duplam etiam consumunt, & tamen etiam illam perdunt. Hic cantari tempus est: Iustus es Domine, & rectum iudicium tuum. Da Causidico ingrato, alieno, irridenti te 20. florenos pro lite, qui noluit fratri cedere 10. florenos pro pace. Quis est hic reprehendendus, nisi tu omnium cecissimus, qui pecuniam profundis indignis cum peccato, quam cum merito poteras relinquere fratri aduersario tuo, quem Deus dignum iudicarat ut haberet? Quod si triumphaueris, tamen cum peccato habes triumphum, & in morte utroque nudus inuenieris.

*In eos, qui nolunt
componere lites.*

Verum

DE VIII. PRAECEPTO

*infirmis permitti-
tur, Christianis pro-
hibetur.* Verum hæc dicta sint de priuatis, nam publicæ personæ debent uigila-
re, ut nulli fiat iniuria, & requisiti uindicare illatam. Requiere autem per-
mittitur infirmis, prohibetur autem Christianis.

Attalus. **V**ltimo notandum, quod sicut Apostolus Petrus ait: Nemo pa-
riatur ut fur, aut malefactor, id est, non debet fateri sibi iuste fieri, si
sit innocens, sed culpam ablatori denunciare, & penes illum relinquere ac-
leum conscientia. Sic enim S. martyres, Attalus cum suis accusati, quod
infantes uorarent in occultis, omnes Christiani constanter negauerunt usq;
ad mortem. Sic Zacharias à Ioas rege occisus, dixit: Videat Dominus
& iudicet. Et S. Thomas Cantuariensis occisus est, non quia nollet res
auferri, sed quia iusticiam ablatores habere negauit, nam utiq; permisit au-
ferri res, neq; restitit ullo modo. Quin S. Stephanus quoq; adeo negauit
suos persecutores iuste agere, ut etiam pro peccato eorum oraret.

*Mulier septies per-
cussa apud Hiero-
nymum.* Sic S. Hieronymus scribit de muliere septies percussa, quod mortem &
omnia alia non timuit, sed innocentiam secum uoluit ferre. Imo ideo Chri-
stus cur Malcho respondit dure, & negauit se male locutum, ne iuste ille sibi ui-
deretur fecisse. Ideo etiam respondit Caiphæ, se esse filium Dei, & falsum
testimonium illorum confutauit, & tamen uitam sibi auferri permisit, imo
uoluit, ut ita & nos rem relinquamus, iusticiam seruemus.

*Huius præcepti im-
pletio.* **R**ecapitulemus itaque, & summam ducamus, Hoc Præceptum
tunc implemus, quando non solum falsum testimonium nō loquimur,
sed nec de aliquo dici uolumus audire aut permittere (sicut faciunt qui cre-
dunt uel adulatoribus, uel consentiunt detractoribus) Imo adhuc reus est
huius mandati, si non omni studio sollicitus sit fratris iniuriam, infamiam,
ignominiam excusare, tegere, aut saltem, si non amplius potest, extenuare,
contradicere infamantibus, accusantibus, detrahentibus. Sic enim sibi uel-
let quisq; fieri. Et sic erit filius spiritus Dei, qui paracletus uocatur, quia lo-
quitur bona pro nobis, & dat testimonium spiritui nostro bonum, contra
omnia testimonia diaboli & conscientia. Deinde, ut etiam doceat igno-
rantes Deum, Deiq; uoluntatem, moneat errantes, resistat decipientibus
& hæreticis, ac alijs mentium deceptoribus, ut Apostolus ait.

Nota bene. Quare hoc Præceptum requirit ueracem, iustam, salutarem, innoxiam,
& omnino totam fraternis officijs deditam linguam, atq; id ex intimo cor-
dis fauore. Hæc est charitas, quæ non agit perperam, non æmulatur. Igitur
etsi non sit necesse confiteri sacerdoti, si fratrem non excusaueris accusatum,
fœdatum falso testimonio, oppressum adulatione uel detractatione, forte
contentus, quod tu non ea feceris, Certe coram Deo reus argueris, tam im-
pii silentij, & male occidentis linguæ, quæ in hanc fratris tui necessitatem &
seruitutē tibi data est. At rursus, si id feceris, omnia in te deriuabis, & mox
occideris. Et id est, quod Deus uult, ut quantocius propter uer-
bum eius ē mundo eiciamur, & occidamur, & coro-

nam iusticiæ quanto citius accipiamus.

Hæc est uera & spiritualis huius

Præcepti intelli-

gentia.

PRAECEP-

DECLAMATIVN POPVLAR CLXIX

PRAECEPTVM IX ET X

NON CONCVPISCES DOMVM PROXI
mi tui.

NEC DESIDERABIS VXOREM EIVS,

non seruum, non ancillam, non bouem, non alinum,

nec omnia, quæ illius sunt.

Matt. 5.



HAEC sunt in Sexto & Septimo inclusa, quia secundum expositionem Christi, ibidem prohibetur omne desiderium & concupiscentia uxoris & rei proximi. Nam qui uiderit mulierem ad concupiscendum eam, iam moechatus est eam in corde suo. Deinde auariciam & cupiditatem adeo damnauit, ut etiam tunicam dandam suberet ei, qui pallium abstulerit.

Verum uidetur meo iudicio istis duobus Praeceptis prohiberi ipse fomes, & inuincibilis cupiditas, ipsa, inquam, radix malarum cogitationum. Ut scilicet sexto & septimo intelligantur prohibiti consensus cordis, & signum membrorum, uerbum oris, & opus corporis mali, hic uero etiam ipsi primi motus una cum fomite, qui est origo filiorum. Nam oportet nos ita pueros fieri, antequam in regnum coelorum ueniamus, ut nec motus mali in nobis sint, nec ullus fomes ad malum inclinans, sed perfecta sanitas corporis & animæ, ab omni prorsus uicio, quod sane in hac uita non fiet, nec est in potestate nostra. Quis enim gloriabitur se mundum habere cor? quis hunc ignem intimissimum extinguet? cum Apostolus clamet aduersus hanc membrorum Legem, & Legem peccati. Ideoque oculos, aures, omnesque sensus intus & foris cohibemus, ne regnet peccatum in nobis, sed concupiscentiam nullus cohibere potest. Ideo denique Deus misericors statuit corpus nostrum in puluerem redigere, & per ignem uniuersalem incinerare, ut consumatur omne uicium carnis nostræ per ignem, adeo odit Deus hanc immundiciam.

Postrema duo praecepta 9. & 10.

Roma. 7.

Cor mundum.

Cor corpus in puluerem redigatur.

Et hinc sequitur, quod sola ista duo sunt Praecepta, quæ à nullo quantumlibet sancto, aliquo modo implentur. Cætera omnia implent, quia opus, uerbum, consensum, fortiter opprimunt. Sed hic manent rei & peccatores, quia nihil de istis praeceptis implent, cum sint infecti inuincibili concupiscentia carnis & rerum. Ideo omnes peccant, & egent gloria Dei, Ideo omnes orant: Sanctificetur nomen tuum, Fiat uoluntas tua, Dimitte nobis debita nostra. Ideo omnes desperant in meritis suis, timore suæ immundiciæ, & confidunt de misericordia Dei, ut sic beneplacitum stet Dei super timentes eum, & sperantes in misericordia eius.

Omnes sancti sunt peccatores.

Roma. 3.

Psal. 147.

Hinc etiam dissoluitur concertatio illa Scholasticorum doctorum: An illa duo praecepta aliud prohibeant quam 6. & 7. Item, an sint diuersa praecepta? Et frustra laborant, dum hæc duo de cordis intelligunt operibus, quæ non possunt negare in 6. & 7. esse prohibita, ac sic eadem repetita, & frustra posita hæc duo, cum sint eadem cum illis. Nec possunt dicere, quod illic opus, hic uero cogitatio, seu illic manus, hic cor prohibeantur, quia Christus ipse resistit, qui illa de utroque intelligenda docet.

Restat ergo, ut Apostolum Paulum sequamur, qui illa duo in uno concludens, dicit, Concupiscentiam nesciebam peccatum, nisi Lex diceret: Non

Paulus.

Roma. 7.

DE IX. ET X. PRAECEPTO

ret: Non concupisces, Rom. 7. Et late ibi prosequitur illo teneri omnes Sanctos, etiam seipsum, Ergo fomitis malum, & (ut sic dixerim) essentialis seu causalis impuritas in nobis hic prohibetur. Qui ergo omnia illa superiora se putat implexisse, saltem hic uidet se immundum, & egere se Christi mundicia pro se oblata & acceptata a Deo patre misericordiarum.

Iudaeorum intelligentia.

iurista.

Synagoga.

Porro Iudaeorum uel potius porcorum intelligentia, indignior est, quam ut in praeccepta haec admittatur. Dicunt enim, quod 6. & 7. prohibeatur opus solum, & 9. ac 10. conatus exterior, & indicium operis manifestum, Quo modo & apud Iuristas conatus punitur, ut si quis rapere inciperet filiam alicuius, aut pararet insidias uitae alterius, plectitur capite. Ac sic apud eos cogitationes & uerba sunt libera, plena dolo & ira, & amaritudine, & omni (ut Christus ait) spurcitia, quia mundant id quod de foris est, intus autem plenum est auaritia & omni iniquitate. Ideo Synagoga est illa mulier, quae propter foeditatem suam, dato Libello repudij, dimissa est.

Denarius numerus Praeceptorum.

Haec sunt decem uerba (ut ait Moses) in quibus prorsus omne mandatum salutare continetur, & licet possint redigi in pauciora, rursus distribui in plura, tamen placuit Deo in denario numero illa ponere, qui est numerus uniuersitatis perfectaeque summæ, ut sicut omnia olim contingebant in figura, ita & numerus iste denarius praecceptorum ideo assumptus est, ut figuraret omnium praecceptorum summam.

Differentiae peccatorum.

Finitis Praeceptis decem, nunc reducenda sunt ad illa tam multa genera Peccatorum. Siquidem nullum est peccatum, nisi quod contra praecceptum sit Dei. Nescio enim an confessuris expediat tot differentiis peccatorum memoriam onerare, & sacerdotem fatigare, Vt sunt ommissio & commissio. Deinde corde, ore, opere. 3. quinque sensus. 4. sex opera misericordiae. 5. Septem sacramenta. 6. septem peccata mortalia. 7. septem dona. 8. octo beatitudines. 9. nouem aliena peccata. 10. decem praeccepta. xi. duodecim articuli fidei. xij. duodecim fructus spiritus. Vltra haec sunt quatuor uirtutes Cardinales, & tres Theologicae. Item peccata muta, peccata clamantia in coelum, & tandem peccata in Spiritum sanctum.

Confessio sit breuis

Obsecro, quid prodest ista confusio, & distractio mentis? Ita haec obseruantur, ut etiam necessarium existiment, nomina differentiarum & distinctionum numerare, ad perdendum scilicet tempus, ad obtundendum Confessorem, ad perturbandum seipsum, ut maiore cura, horum memoria laboret, quam contritionem meditetur, Item, ad alios etiam impediendum. Ex ignorantia docentium iste tumultus confessionum natus est, cum confessio debeat esse breuis & aperta, ut cito possit expediri uterque.

7. praeccepta mortalia.

Septenarius numerus.

Igitur peccata mortalia primum accipiamus, quorum numerus uidetur ex Iohanne Chrysostomo sumptus. Hic enim septem gentes Cananeorum Deu. 7. exponit septem uicia, moraliter uolens omnia peccata sub his comprehendere, magis ratione numeri septenarij (qui est uniuersitatis symbolum) quam proprietate nominum. Nam alij faciunt octo, alij nouem, addentes inobedientiam & uanam gloriam, tum alij diuidentes matres in filias, & in species genera, tota in partes integrales & subiectiuas, infinita ex illis deduxerunt, & maria peccatorum, interim nihil de praecceptorum uera intelligentia solliciti.

Igitur non tantum septem sunt peccata mortalia, nisi uoluntaria diuisione, non necessaria ratione uel autoritate, sed possunt tum pauciora, tum plura esse, secundum quod uaria tropologia in Scripturis occurrerit. Vnde B. Augustinus in duo diuisit, scilicet, igne accensa & suffossa, id est, amore male accendentem, & timorem male humiliantem.

PRIMUM

Primum itaque mortale peccatum est Superbia, quæ est duplex. *Superbia duplex.*
 Exterior, quæ in bonis corporalibus est. Interior, quæ in bonis spiri-
 tualibus est, & ideo semper est contra primum mandatum. Quod patet, quia
 non habere alium Deum, hoc est, in nullo confidere, placere, gaudere, de-
 lectari, frui, quam in Deo solo. At Superbia nunc in diuitijs, nunc in uiri-
 bus, nunc in forma & uestitu, nunc in potentia & honore, nunc in nobilita-
 te, Item intus in sapientia, arte, ingenio, iusticia, uirtute, sanctitate confidit,
 placet, Hæc bona creata eo actu colens, qui soli Deo debetur. Siquidem *Superbire uanā glo-
 riam includit.*
 superbire duo importat, Primum, sibi placere, Secundum, alios fastidire,
 ideo includit uanam gloriam intus, quæ si erumpat foras, eo peior est.

Ideo superbus, dum sibi alicuius boni conscius est, non in illo Deum *Superbus.*
 colit, aut gratias agens in eum refert glorificando, sed stat in seipso, dele-
 ctatus super se, & euanescit in cogitationibus, tunc simul aduertit eum, qui
 talia non habet, quem cum sibi comparauerit, necessario fastidit, & tunc di-
 cit, se esse aliquid, illum nihil. Et impletur illud Rom. 1. Dicentes se sapi-
 entes, stulti facti sunt, ita dicentes (scilicet intus apud se) se iustos, pulchros,
 diuites &c. iniusti, foedi, pauperes facti sunt. Apoc. 3. Dicis, quia diues
 sum & locuples, & nescis quia pauper es, & miserabilis, & nudus. Sic ita-
 que superbiæ substantia non est, nisi ubi sese uiliori comparauerit, uelut de-
 sursum ad infima despiciens. *Superbia.*

Econtra humilitatis substantia non est, nisi ubi sese meliori compara-
 uerit uelut sursum ad summa suspiciens. Igitur quatuor pedes habet super-
 bia, pedulens ille & crassus uitulus, scilicet, *Modestia.*

Ignorantia mali sui,	}	Dei
Scientia boni sui,		
Hæc est ignorantia uera	}	sui ipsius
Ignorantia boni alieni,		
Scientia mali alieni.		

Huius quadrati contrarium habet quatuor pedes humilitatis, scilicet:

Ignorantia boni sui,	}	Dei
Scientia mali sui,		
Hæc est cognitio uera	}	sui ipsius
Ignorantia mali alieni,		
Scientia boni alieni.		

Igitur non opus est, ut confitearis, te pronum esse ad superbiam. Quia
 semper sumus superbi omnes, nec ullus omni superbia caret. Sed tantum, si
 obedieris concupiscentiæ eius, & consenseris, uerbo, opere uel corde. Re-
 liquum Deo querendum occulto gemitu, & confessione obscondita in cu-
 biculo, ut ipse per gratiam suam malum illud radice antiquæ destruat.

Dictum est de superbia, quomodo prohibita sit sub primo Præcepto,
 eo quod initium peccati sit superbia, seu quod idem est, Initium peccati a-
 postatate à Deo, scilicet sibi ipsi idolum fieri, sibi placere, in seipso delecta-
 ri, potius quam in Domino, ac sic alienum Deum colere in semetipso, quod *Superbia primo
 præcepto prohibetur.*
 est grauissimum et primum peccatum, licet nemo sit ex Adam, quam diu ui-
 uimus, qui non aliqua ex parte hanc in sese idolatriam agat, Ideoque semper
 sibi poenitendum & gemendum de sui placentia.

Nunc de auaricia dicendum, quæ est cupiditas, radix æque om-
 nium malorum, secundum Apostolum, eo quod uolentes fieri diuites,
 incidunt in laqueum diaboli, & multa desideria inutilia & nociua. *Auaricia.*

f ij Hoc uicium

DE IX ET X PRÆCEPTO

Auaricia prohibetur 1. 7. & 10. præcepto.

Hoc uicium sub duobus Præceptis prohibetur, imo sub tribus, scilicet sub septimo illo: Non furtum facies, Et ultimo: Non concupisces rem proximi tui, Et sub primo. Cum enim sub septimo prohibeatur omnis tractatio rei alienæ, ut dictum est, & præceptum quodlibet, ut dictum etiam est, est ita spirituale, ut non tantum opus & fructum & folia & ramos, id est, opera, uerba, signa, prohibeat, sed etiam radicem & succum, id est, cupiditatem, ex qua talia ueniunt, manifestum est, auariciam sub suo toto prohiberi, cum eadem sit radix & furis & auari, scilicet cupiditas. Item, cum sub ultimo prohibeatur ad literam concupiscentia rei proximorum, manifestum est, etiam fontem & caput huius concupiscentiæ prohiberi in spiritu, sed hæc est auaricia. Ideo omnium propriissime, ultimum Præceptum prohibet, ultimum illud & uiuacissimum omnium uicium, quod cum senectutibus iuuenescit, & cum morientibus uiuit.

Auarus idolorum seruus.

Canaan. Psal. 78.

VERUM Apostolus Paulus Ephe. 5. suo sensu altius incedens dicit, quod auarus sit idolorum seruus, id est, cultor, ac sic sub primo mandato illud ponit. Quod etiam facit Baruch 3. Qui argentum thesaurizant, & aurum in quo confidunt homines. Et Psal. 78. in spiritu dicit: Et seruiuerunt sculptilibus Canaan. Canaan est negociator, quorum sculptilia, quid aptius quam monetas & numismata, uasa aurea & argentea, domus & alias possessiones, significant? Denique ideo in Lege potissimum prohibemur fabricare deos aureos & argenteos. Et prima idolatria populi in auro facta est, sub aureo uitulo, sed & maxima similiter tempore Hieroboam sub uitulis aureis. Ephe. 5. Baruch 3. 2. Reg. 11

Auarus idolatra.

Omne peccatum est contemptus Dei.

Nullus pure uacat auaricia.

Inde recte Apostolus, aurum, idolum intellexit, auarum idolorum cultorem uocans. Et in Latino non parum habent consonantiam, aurum & auarum, auri auro, auari auaro, una tantum littera differunt, ut aurum ab auere dici uideatur. Igitur Apostolus idolatram auarum uocans, eo ipso satis exponit primum mandatum, quod cor hominis in solum Deum confidere debeat. Nam eodem sensu & gulosos & libidinosos dicit esse uentris cultores, quorum Deus uenter est, inquit. Philip. 2

VERUM isto sensu omnia præcepta sunt in primo Præcepto, tanquam in capite suo. Nam omne peccatum est contemptus Dei, ac per hoc ipsum contra primum Præceptum, nec potest aliquod præceptum lædi, nisi simul & primum lædatur, quod continet omnia. Quia Dei uoluntas in omnibus offenditur, & postponitur nostræ. Ac sic Deus non colitur, imo alius pro eo colitur. Proprie tamen auariciam contra illud posuit Apostolus, quia imaginibus illa delectatur auri & argenti, multum similis ueræ idolatriæ, Cætera autem non ita simulacra & imagines habent.

Ideo redeundo concludamus, quod nullus pure uacat auaricia, sicut dicit Esaias & Ieremias: Omnes à maximo usque ad minimum sequuntur auariciam, beatus qui minus. Idcirco sequitur hanc inclinationem corruptæ naturæ, omnes oportet gemere coram Deo, sed non nisi opus eius internum uel externum confiteri coram sacerdote. Et qui diceret se uacuum esse cupiditate, magna certe superbia sibi arrogaret summam puritatis perfectionem. Ideo beati qui lugent, quoniam lugendi materiam habent in se ipsis, super seipsos, ut Dominus dixit ad mulieres se sequentes. Luc. 22.

Libido.

Gula.

TERTIUM mortale peccatum, est luxuria, cuius species satis dictæ sunt sub sexto Præcepto: Non moechaberis. Et nulli dubium, quin illuc pertineat, ideo indicasse id sufficiat.

QUARTUM, Gula, soror imo irritamentum & procus & minister luxuriæ, sicut & Ethnicus dicit: Sine Cerere & Baccho friget Venus. Hoc uicium Apostolus Philip. 3. sub primo mandato locat, dicens: Quorum Deus uenter est. Idem Roma. 16. facit: Huiusmodi non Christo, sed uentri suo seruiunt. Philip. 3. Roma. 16.

DECLAMATIVN POPVLAR CLXXI

seruiunt. Potest autem simpliciter sub sexto præcepto poni, Quia ubi libido prohibetur, ibi certe & omnis occasio & fomentum libidinis prohibetur.

Inter omnia autem fomenta libidinis, maximum et fortissimum est Gula, Cuius ratio est, quia internum, cætera ut aspectus, colloquium, auditus, tactus, sunt externa. Gula autem inflat uenas, & prouocat totum corpus ad libidinem. Nam & gentilis Plinius dicit, libidinem portentosam sequi post ebrietatem. Et B. Hieronymus ad Eustochium, & alias dicit, nihil ita mouere libidinem; sicut cibum indigestum; Ideo gulosus, uolens se tradit in libidinem.

Libidinis fomenta

Sic etiam & ocium, & pigritia, somnolentia, strati mollitudo, omniaque alia libidinis mancipia; prohibita sine dubio intelligendum est ibidem. Et nisi gulosus statim occupetur labore multo, inuicta capietur libidine & titillatione. Vnde B. Hieronymus: Venter mero æstuans; cito despumat in libidinem. Vide, quomodo libido sit quodammodo uelut naturalis spuma gulæ, sit fumus naturale ignis, & spuma nouiter infusi uini, & bullitio feruoris aquæ, Quis hæc prohibere potest, nisi summa uiolentia?

Hieronymi dictum.

Qui ergo præcipit castitatem, sine dubio & media castitatis præcipit, ut sobrietatem, uigiliam, laborem, orationem, lectionem, meditationem, studium, officium in proximum, frigus, æstum, pauperiem &c.

Media ad castitatem

Hic tamen notandum, de uomitu multi sibi maiorem conscientiam faciunt, quam de ipsa suffusione & ebrietate; sicut multi magis pollutionem nocturnam, quam ipsam causam eius, cogitationes, crapulasque ponderant. Sed certe uomitus non est res mala, nec peccatum unquam, cum uel fiat inuito, uel cum dolore. Idcirco non solum non fugiendus, sed etiam querendus est uomitus ebris. ut Eccle. 31. Si coactus fueris multum bibere, surge & uome, & refrigerabit te; & non adduces corpori tui infirmitatem. Hoc consilium sapientis acceptandum est, & non sine ratione. Quia, inquit, refrigerabit te, id est, alleuiabit. Valet enim illa exoneratio, ut non ita inflentur uenæ, & surgat pruritus carnis, dum facilius digeritur, quod minus remanet. Melius est enim uomitu euadere libidinem; quam oppletionem subire libidinem.

Vomitus.

Secundo, quia infirmitas corporis uitatur, ut læsio capitis & omnium sensuum & uirium. Quis autem non maius peccatum putet, totum corpus lædi suffusione & retentione, quam uomitu ab eo periculo liberari? Vitam enim abbreviare maius malum est, quam uomere, imo uomere nullum malum, sed replese te; & ingurgitasse, ut uomitu egeas, malum est. Et utinam sub præcepto omnes ebrj & suffusi uomere cogerentur, spero tandem horrerent ebrietatem, dum scirent se cito oportere uomere quod biberent, quanquam & modo cogantur mingere, & uentrem soluere, nihil tamen mouentur exinde. Quod autem Scriptura aliquando uomitum repræhendit, ut canis reuersus ad uomitum, & Esa. Mensæ repletæ uomitu, Intelligitur de uomitu boni & salutaris uerbi, quod retinere debuit.

Ebrj.

Tertio, Si uenenum aut aliud noxium aliquid bibens, sine peccato uomit, cur cum peccato uomit, qui uinum aut potum aliud ita bibit, ut ueneno simile nocumentum inferat? Igitur conscientia est habenda in fundendo, non effundendo, cum ibi multis malis seruiatur contra præceptum Dei, hic uero multis bonis contra nullum, imo pro præcepto Dei.

Species & differentias gulæ omitto, quia non semper sunt peccata mortalia, Siquidem nec ipsa gula semper est peccatum mortale, imo raro, nisi sit usu.

Gula non semper peccatum.

Q Vintum mortale est ira; quæ satis sub quinto præcepto est declarata.

Ira.

DE IX ET X PRAECEPTO

Inuidia.

Sextum, inuidia, quae non debuit distingui ab ira, cum sit nihil, nisi inueterata ira, sicut B. Augustinus in Regula: Ne ira crescat in odium, & trabem faciat de festuca. Nam ira est recens uirgula, Inuidia est arbor & trabs magna. Igitur & haec sub quinto praeecepto est, autoritate Iohannis Apostoli: Qui odit fratrem suum, homicida est.

*Acedia duplex.
Exterior.*

Septimum est acedia, quae est radium boni, pigrizia & id est a Graece, quae est duplex. Vna in cultu illo figuratiua Dei & exterior, ut sunt: Ecclesiam uisitare, uerbum audire, orare, legere, meditari, cantare, & sic est prohibitum uitium sub tertio mandato: Sabbatum sanctifices, ut satis patet.

Interior.

Alia est subtilior & interior, in toto & omni genere seruitutis Dei, Et sic est nihil aliud, nisi inceptae iusticiae fiducia, & proficiendi negligentia,

Vicium hypocritarum.

stare in uia Dei, tepescere, securum fieri, timorem Dei remittere. De quo uicio hypocritarum tota Scriptura loquitur. Haec enim facit iusticiarios securos, ante quorum oculos non est timor Dei, & auferuntur iudicia Dei a facie eorum. Horum fiunt nouissima peiora prioribus, quia inuenit Diabolus domum eorum ornata, sed uacantem & securam, ideo ingressi habitant ibi.

*Psalm. 10.
Luc. 11.*

Iusticiarii.

Ingressi habitant ibi

Q horribile uerbum nimis, quod habitant ibi, quia indurantur, qui eiusmodi sunt post inceptam iusticiam, longe magis, quam prius, Vt experientia uidemus, quomodo nihil mouentur ad omnia quae audiunt, se non tangi credunt, & facti sunt uere progenies uiperarum, palea igni inextinguibili praeparata.

Spiritualis defectus

Igitur hoc uicium sub omni Praeecepto comprehenditur, cum in quolibet sit proficiendum. Sed nescio an sit confitendum. Credo quod non, quia est spiritualis defectus, Deo soli, qui & solus ibi mederi potest, aperendus.

SERMONVM DE DECEM PRAECEPTIS,

quos R. P. Martinus Lutherus ad populum Vuittembergensem dixit, Anno M. D. XVI.
& XVII. Finis.

SEQVVNTVR IIII

CONCIONES D. M. L.

D. MARTINVS LVTHERVVS
PIO LECTORI SALVTEM.



Christus male audiri propter ueritatem.

MAGNA uero gratia mihi a Domino nostro Ihesu Christo collata uidetur, ut uerba mea solius tam ingrata & odiosa sint multis, Deinde nescio in quot haereses (ceu Prothei quida essent) secunda pene lingua transformentur. Et nisi idem ipsi Domino nostro Ihesu Christo, Apostolisq; omnibus atq; Prophetis contigisse scirem, iamdudum desperans, silentium essem. Nunc uero cum urgeat officij mei necessitas, eo nitor, quod magis obediendum est Deo, quam Hominibus, paratissimus officium & titulum docendi relinquere, si ita placet maioribus Ecclesiae, id est, Christo. Sin retinendum est, dent ueniam, & boni consulant, qui uolent,

Vent, mei studiū erit, omnibus uiribus sudare, ut Christus Christum Christo nunciet, & audiat.

Hæc commemoro, pie mi Lector, quod Sermonem quendam de excommunicatione feci ad populum Vuittembergensem, cuius ut ego prope sum oblitus, ita Aduersarij miseri, sunt plus quam oportet, memores, interpretesq; rigidissimi, ne dicam iniquissimi. Dabo itaq; operam, quantum sufficit memoria, ut sensa, si non uerba totius Sermonis, omnia in publicum exponam, ut probem, ea me docuisse, quorum neq; me poeniteat tractatorem, neque pium auditorē. Quid autem Amici mei paraphrasi aut pseudophrasi sua fecerint, aut faciant, det Dominus, ut aliquando uideant & ipsi. Amen. Vale.

Sermo de Excommunicatione.
Acmuli Lutheri.

I DE VIRTUTE EXCOMMUNICATIONIS.



Ebitum uobis Sermonem, totiesq; promissum, tandem aliquando persoluo, hoc est, de uirtute Excommunicationis hodie dicendum est, quod ut planissime intelligatis, distincte procedam.

PRimum, Videndum, quid sit Excommunicatio Ecclesiæ, & quantum uis uocabuli ualeat. Excommunicatio nihil est aliud, quam priuatio communionis, & extra communionem fidelium positio. Est autem fidelium communio duplex. Vna interna & spiritualis, alia externa & corporalis. Spiritualis est, una fides, spes, charitas in Deum. Corporalis est, participatio eorundem sacramentorum, id est, signorum fidei, spei, charitatis, quæ tamen ulterius extenditur usq; ad communionem rerum, usus, colloquij, habitationis, aliarumq; corporalium conuersationum.

Excommunicatio quid.

Fidelium communio, spiritualis, corporalis.

Igitur sicut priore illa spirituali communionē, nulla creatura potest animam uel communicare, uel excommunicatam reconciliare, nisi Deus solus. Ita non potest communionem eandem ulla creatura ei auferre, seu eam excommunicare, nisi solus ipse homo, per peccatum proprium.

Hæc sententia satis patet, quia fidem, spem, charitatem, nulla creatura potest conferre, uel auferre, iuxta illud Rom. 8. Quis separabit nos à charitate Dei? Et paulo post: Certus sum, quod neque mors, neque uita, neq; angeli, neque principatus, neq; uirtutes, neque instantia, neq; futura, neq; fortitudo, neq; altitudo, neq; profundū, neq; alia creatura poterit nos separare à charitate Dei, quæ est in Christo Ihesu, Domino nostro. Et 1. Pet. 3. Pet. 3. Et quis est, qui uobis noceat, si boni æmulatores fueritis?

Secundum, Consequens ergo est, Quod excommunicatio Ecclesiastica, est duntaxat externæ priuatio communionis, scilicet Sacramentorum, funeris, sepulturæ, publicæ orationis, deinde aliarum (ut dictum est) corporalis necessitatis rerum & conuersationum. Hæc enim sententia nota est, Sic & Paulus 1. Corin. 5. scribit: Vt non cōmisceantur, nec cibum sumant cum eo, qui nominatur inter eos fornicator, maledicus, ebriosus, rapax &c. Et 2. Thes. 3. Si quis non obedierit uerbo nostro, per Epistolam hanc notate, & non commisceamini cum illo, ut confundatur. Sequitur: Et nolite

Excommunicatio Ecclesiastica quid.

quasi ini

DE VIRTUTE EXCOMMV.

quasi inimicum existimare, sed corripite ut fratrem. Hæc si non de excommunicatione externa, salua interna communione dicta sunt, fateor me non intelligere Apostolū Paulum. Et Iohannes epistola 1. Si quis uenit ad uos, 2. Ioh. 1. & non affert doctrinam hanc, nolite eum in domum recipere, nec Aue ei dixeritis, qui enim dicit illi Aue, communicat operibus eius malignis.

Excommunicatio nō priuat bonis Ecclesiæ.

Tertium, Excommunicari non est animam tradi Diabolo, neque priuari bonis Ecclesiæ, communibusque orationibus eiusdem. Hoc ex dictis abunde patet, quia manente fide, spe & charitate, manet uera communio, & participatio omnium bonorum Ecclesiæ.

Significat priuationem.

Quartum, Excommunicatio, si iusta est, significat potius Animam esse diabolo traditam, & Ecclesiæ communionē spirituali priuatam, quia fertur super eum, qui peccato mortali seipsum priuauit communionē charitatis, & diabolo se tradidit, Sicut econtra reconciliatio sacramentū est, & externum signum interioris reconciliationis & communionis. Ideo uerum est, quod excommunicatio Ecclesiastica, non infert, sed præsupponit, aliquem esse in morte & peccato, id est, uere excommunicatum spiritualiter.

Reconciliatio.

Adiuuat internam communionem.

Quintum, Excommunicatio sic est temporalis & corporalis, ut tamen ordinetur, non contra, sed pro communionē interiore, uel reparanda, si iuste lata fuerit, uel augenda, si iniusta fuerit.

Separandi animas potestate nemo habet.

Probatur hoc per Apostolum, 2. Corinth. ultimo: Agam secundum potestatem, quam dedit Dominus mihi, non in destructionem, sed ædificationem. Hoc certe intelligo, quod non possit destruere, sed tantummodo ædificare per Ecclesiasticam potestatem. Nam & illum fornicarium 1. Cor. 5. sic excommunicauit, & Satanæ tradidit, ut spiritus nihilominus saluus fieret. Et ut supra dictum est, non existimandi sunt quasi inimici, sed corrigendi ut fratres, non ut perdantur, sed ut confundantur. Et ut audacius dicam, Nec Christus, ut homo, hanc habuit potestatem separandi animas, sicut dicit Iohan. 6. Omne quod uenit ad me, non eiciam foras. Et iterum: Hæc est uoluntas eius, qui misit me Patris, ut omne quod dedit mihi non perdam. Et iterum alibi: Non uenit filius hominis perdere, sed saluare animas. Iohan. 6.

Cū medicinalis etc.

Item ad hoc est apertus quoque textus lib. 6. de sen. com. ex c. Cum medicinalis, qui ualde est notabilis dicens, Cum medicinalis sit Excommunicatio, non mortalis, disciplinans, non eradicans, dum tamen is, in quem lata fuerit, non contemnat, caute provideat ecclesiasticus Iudex, ut in ea ferenda ostendat se prosequi, quod corrigentis fuerit & medentis. Hæc ibi. Cur non dixit, quod perdentis & occidentis fuerit, sicut quidam desperati timent, imo quidā Officiales tyranni affectant? Igitur ecclesiastica Excommunicatio, est pium & maternum Ecclesiæ flagellum, super corpus & res corporis impositum, quo non trudit ad infernum, sed potius reuocat, & urget ad salutem eos, qui ad inferna properant, ideo cum summa exultatione & reuerentia simul amplectendum, nedum patientissime ferendum est.

Excommunicatio est pium Ecclesiæ flagellum.

Excommunicatio nō contemnenda, sed ferenda & amanda.

Sextum, illud solum & maxime omnium curandum est, ne Excommunicatio tam fidele salutis ministerium, contemnatur, aut impatientius feratur, quia non modo propter potestatem Ecclesiæ, quæ per se ipsam semper est metuenda, sed etiam propter piam huius potestatis operationem, & salutis propriæ promotionem amanda.

Sit simile

D. MARTI. LVTHE. CONCIO. CLXXIII.

Sit simile, Quod mater corripit dilectum filium, quandoq; meritum, quandoq; immeritum, Hic constat pium esse flagellum, & filio salutare. *Simile de matre & filio.* Quod si ipse impatiens maternæ huius disciplinæ non omiserit prohiberi, aut non fecerit iussu, sed furens in matrem insurgat, aut contemnat, Ecce tum incurret in mandatum Dei, ubi præcipit, parentes honorari, & fiet, ut ex unica leuiuscula disciplina, quæ sine peccato, imo cum merito erat, sibi conflaret detestabilissimam culpam, & æternam poenam.

Ita & nostro seculo fieri (heu miseriam) uidemus, ut Officiales trucidant, Notarios & Nuncios rædant, demergant, captiuent, aliq; detestabilia portenta committant, quod non facerent credo, nisi uulgata illa erroneaq; opinione, crederent se per Excommunicationem tradi in damnationem, ac non potius quæri ad salutem. Hinc enim sceleribus adijciunt desperationem, nouissimum omnium horrendissimumq; malorum. Atque hæc causa fuit, ut hunc Sermonem meditarer, & nunc æderem quoque. Quamquam iuste permittat hanc eadem in Officiales Deus, ut qui hanc Sententiam salutis absconditam cupiunt, quo securius tyrannidem suam falso terrore hominum stabiliant, tandem extrema tyrannorum etiam patiantur.

Si uero populus huius potestatis & Excommunicationis optimam necessitatem, & saluberrimam uim, ac non contra eos, sed pro eis, ualere, doceretur intelligere, minus ipsi periculorum, & quiettorem obedientiam in populo haberent, quin & gloriam & amorem obtinerent. *Persecutio ministrorum fori Ecclesiæ.*

Igitur, mei Fratres in Domino, nolite hæc portenta cogitare, Sint Officiales uel Publicani, huius potestatis ministri, sint, inquam, boni, mali, qualescunque, non nocebit potestas ipsa uobis, sed proderit semper, siue sit in usu uel abusu, tantummodo recte seratis eam, aut cum humilitate euadere seu solui quærite, Matrem intuemini Ecclesiam, Quid ad te, si uirgam suam super te ponat per manum indigni, nihilominus matris tuæ dulcissimæ uirga est: & quidem saluberrima. *Causa cur ædiderit hunc Sermonem.*

Septimum, Id potius aduerte, & oculos huc uerte, ut illud magis uel facias uel omittas, propter quod excommunicaris et flagellaris, quam quomodo uirgam non feras. Sed heu omnia hæc peruerfissima sunt, nō quid uelit, sed quid faciat duntaxat uirga, consideramus. Quis est enim nunc inter nos, qui tanto timore, timeat Deum offendere (pro quo utiq; solo excommunicamur, si iuste excommunicamur) quando studet excommunicationem uitare uel euadere? Ita fit, ut semper poenas, etiam tum pias & bonas, plus timeamus, quam horrendissimas culpas. Et ad id, proh dolor, cooperantur, tam minaces & imperiosi huius optime potestatis ministri, Rabulæ forenses. *Tyrannus officialis.*

Octauum, Excommunicatio non tantum pro fidei contumaciâ, sed pro quolibet crimine scandaloso debet ferri, patet hoc ex prædictis, ubi Paulus 1. Corinth. 5. & 2. Thessalo. 3. iubet uitari etiam fornicarios &c. *Admonitio Christi in Ana.* Quamquam magna sit miseria, & huius potestatis iniuria, quod pro septima aut octaua parte florenti quandoq; excommunicentur, relictis interim horribilibus & scandalosis criminibus impunitis, efficit ad hanc tyrannidem colorandam, satis uastro commento, Quod scilicet non propter transgressionem, sed propter contumaciam excommunicentur, quasi non sit hoc crudele fati, quod pauperem pro tantillo precio trahunt per tantum spacium, in tantas carnificinas suas. Sed hæc alias. *Excommunicatio.*

Nonum, Id super omnia & in his omnibus considerandum est, quod potestas Ecclesiæ, cum sit Christi potestas, licet pro nostris peccatis plerumq; tradatur Pilatis, Herodibus, Annis & Caiphis, uiolentisq; alijs tyrannis, *Excommunicatio pro crimine scandaloso ferenda.* *Ecclesiæ potestas reuerenda.*

DE VIRTUTE EXCOMMUNICAT

Tempus hoc periculosissimum.

rannis, nostrum tamen est, eam summis semper studiis reuereri & colere, exemplo Christi, qui sic Annam, Caipham, Pilatum honorauit. Ideo nec indignissimæ eiusdem abusionis, nos debent permouere, quin quicquid ipsa fecerit, hilariter feramus, aut saltem cum reuerentia declinemus. Nam tempus nostrum periculosissimum est, ideo prudentissime oportet nos agere, ne propter personas potestatem pariter uilipendamus, imo propter potestatem, etiã uilissimas personas honoremus. Sic enim iratus nobis dicit: Dabo Pueros principes eorũ, & effoeminati dominabuntur eis, Esa. 3. Atq; id eo facilius efficiemus, quando cognoscimus, quod in Animæ profectum uel defectum nihil possunt nisi occasionaliter & exercitatie & tentatiue (ut ita loquar) agere.

Esa. 3.

Excommunicatio iniusta, nobilissimum meritum.

Decimum, Excommunicatio iniusta, nobilissimum meritum est, ideo dulciter ferenda, si excusationi tuæ humiliter præstita, locus non fuerit datus. Hic enim dices illud Psal. 109. Maledicent illi, & tu benedicies. Tantum uide, ne potestatem contempnas, uis potestatis prodest, contemptus uero te te perdet. Nam si filio (ut dixi) immerito correpto, eo maior gratia Matris accedit, postquam cognita fuerit eius innocentia patiens, quanto magis apud Deum maiorem gratiam consequetur, si patienti innocentia etiam a matre sua Ecclesia tulerit disciplinam, Imo si Aduersario iubeamur consentire, & benigni esse in uia, quanto magis dulcissima matri Ecclesiæ, etiamsi per indignissimos nos flagellet, Ipsa enim manet Mater, quia manet Ecclesia. Manet autem Ecclesia, quia manet Christus eius sponsus in æternum.

Psal. 109.

Matth. 5.

Mater Ecclesia.

Propter excommunicationem iniustam, non omittenda iusticia & ueritas.

Vndecimum, In excommunicatione iniusta summe cauendum, ne id deferas, omittas, facias, dicas, pro quo excommunicaris, nisi id sine peccato fieri possit. Nam iusticia & ueritas, cum sint de interiore communionem Ecclesiæ, non debent omitti propter Excommunicationem exterio-rem, etiamsi ad mortem usque procederet, qui sic pessime omnium excommunicaretur, si quis excommunicari timeret. Debet ergo humiliter ferre, & mori in Excommunicatione. Nec timere, quod non accipit sacramentum Eucharistiæ, funeris ritum, sepulturas &c. Hæc incomparabiliter minora sunt, quam ut iusticia propter ea prodatur. Nam qui etiam iuste excommunicatus moritur, non ideo damnabitur, nisi forte non contritus, & cum contemptu Excommunicationis moreretur. Contritio & humilitas omnia soluit & placat, etiamsi exhumetur, aut in aquas projiciatur. Beatus autem & benedictus, qui in Excommunicatione iniusta, mortuus fuerit, quia pro iusticia, quam non deseruit, etiam tanto flagello percussus, coronabitur in æternum.

*

Contritio et humilitas.

Pontifices censuras grauatim ferant.

Multiplicatio legum & censurarum.

DVodecimum, Monendi tamen sunt Pontifices, & eorum ministri, ut censuras grauatim & quam fieri potest, rarissime ferant. Quia cum censura sit lex quædam, omnis autem lex sit uirtus & obcausio peccati, & si ne gratia Dei, lex non impleatur, gratiam etiam Dei (id est, Legis implementationem) dare ipsi non possunt, Nihil aliud faciunt, multiplicando leges & censuras, quam quod multiplicandorum peccatorum, & offensionum Dei, causas & efficaces occasiones præstant, Quantumlibet enim nos obedire tenemur eorum Præceptis, multo magis tamen ipsi tenentur seruire nostris infirmitatibus.

FINIS.

II. DE DI.

II DE DIGNA PRAE

PARATIONE CORDIS, PRO SV.

Sciendi Sacramento Eucharistiae.

Hd. 19.



PRIMO, necessarium est, ut omnia peccata manifeste mortalia confitearis, atque doleas. Manifeste dico, quia occulta nemo scire potest, iuxta illud Psal. 19. Delicta quis intelligit &c.

Secundo, inter omnia peccata mortalia, praecipue inuidiam, displicentiam, aut quaecumque prorsus amaritudinem cordis erga Proximum tuum deponas. Non est enim aliud peccatum aequae huic Sacramento aduersum, atque discordia. Contrarium est enim, & nomini & rei huius Sacramenti. Nomen est communio. Res, unitas cordium, Sicut una fides, unum baptisma, unus Dominus, una spes, ac prorsus omnia eadem & communia. Quod & figuratur in speciebus Sacramenti, in quibus multa grana, amissa singulorum differentia, in unum panem, Item uuae multae, amissa sua quoque differentia, in unum uinum, redactae sunt.

Prim. 28.

Tertio, Quia iuxta Scripturam, Stultus est, qui in corde suo confidit, Cumque nullus sit hominum, qui non habeat debitorem, ut B. Augustinus ait, Id est, nullus est, qui non inueniat, aut certe non aduerit, uel ignorat se inuenire in aliquibus, uel aliquo quod sibi displiceat, desperandum est tibi de tuo studio, quod non poteris omnem erga omnes amaritudinem deponere. Ideoque iuxta Christi consilium, Intres cubiculum, ores Patrem tuum, ut ignorantias tuas non meminisse uelit, & id per gratiam suam facere, quod tuis uiribus non potes, id est, Cor dulce & commune dare. Sed haec praeparatio est remota, etiam confessuro necessaria, & quodlibet Sacramentum recepturo. Ideo

B. Augustinus.

Matt. 6.

Quarto, Oportet, ut animam uacuam & esurientem offeras, id est, te plenum multis malis morbisque animi confitearis, sicut in ueritate es, etiamsi forte non sentias. Nam, ut B. Augustinus ait: Iste cibus nihil atque odit ac satuum fastidientemque stomachum, nihil ita quaerit, sicut animam esurientem & sitientem, ut ipse quoque Dominus Matth. 5. testatur: Beati qui esuriunt iusticiam, quoniam ipsi saturabuntur. Item B. Virgo: Esurientes impleuit bonis, & diuites dimisit inanes. Et Psal. 107. Quia satiauit Animam inanem, & animam esurientem satiauit bonis. Bona uero quae sunt alia quam illa, quae Galat. 5. recitat Apostolus dicens: Fructus Spiritus sunt, charitas, gaudium, pax, patientia, bonitas, benignitas, mansuetudo, fides, longanimitas, modestia, continentia, castitas. In his si te sentis deficere, & gemis, optasque illa obtinere, securus accede, nusquam enim inuenies illa, nisi in isto Sacramento.

D. Augustinus.

Matt. 5.

Luc. 1.

Psal. 107.

Galat. 5.

COROLLARIUM I.

Optima dispositio est, non nisi ea, qua pessime es dispositus, & econtra, Tunc pessime es dispositus, quando es optime dispositus. Quod sic intelligitur, Quod quando sentis te miserrimum & egenum gratia, iam eo ipso capax es gratiae, & idoneus maxime. Rursus plus quam mortem & infernum timeas, ne quando sic accedas, ut tibi dispositus uidearis, ac dignus

Indigna & digna praeparatio.

DE PRAEPARATIONE CORDIS

dignus, quasi allaturus Deo cor mundum, quod potius tibi fuerat quaerendum & recipiendum. Stat firma & insolubilis sententia: Non est opus meo Mat. 9. dico bene habentibus, sed male habentibus. Nam sicut non tunc, ita nec nunc Christus uenit uocare iustos, sed peccatores ad poenitentiam. Ideo poenitentia potius post, quam ante Sacramentum digne peragitur. Deus tuus est bonorum tuorum non indigus, sed bonorum suorum largus in te, uenit ad te.

COROLLARIUM II.

Magnus & perniciosus error est, si quis accedat ad Sacramentum, ea nixus fiducia, quod confessus est, quod non est sibi conscius mortalis peccati, quod orationes & praeparatoria sua praemisit. Omnes hi iudicium sibi manducant & bibunt, quia his omnibus non fiunt digni neque puri. Imo per eam fiduciam puritatis peius polluantur, fiunt autem puri per fidem, ut sequitur.

Quinto, id cura, ut cum plena aut saltem possibili fide accedas, certissime confidens tete gratiam consecuturum. Tantum enim accipies, quantum credis te accepturum, sicut Christus ait: Quicquid orantes petieritis, credite te quod accipietis, & fiet uobis. Et iterum dicet tibi illud: Fiat tibi, sicut credidisti. Si enim accederes sine ista fide, iudicium tibi omnino acciperes & mortem. Sic enim in omni alio Sacramento non nisi illusio & fictio agitur, si sine fide percipitur, quod est horrendum. Haec itaque fides sola & summa ac proxima dispositio, facit uere puros & dignos, quia non nititur in operibus aut uiribus nostris, sed in purissimo, piissimo, firmissimoque uerbo Christi dicentis: Venite ad me omnes qui laboratis & onerati estis, & ego reficiam uos. Et iterum: Beati qui esuriunt & sitiunt iusticiam, quoniam ipsi saturabuntur. Fides enim est, quae iustificat, purificat, dignificat, Vt Act. 15. Fide purificans corda eorum &c.

Sacramenta sine fide percipiuntur.

Fides iustificat, dignos facit &c.

Mat. 11.

Mat. 11.

Mat. 5.

Act. 15.

COROLLARIUM III.

Quicquid sit de contritione tua, de poenitentia uera & falsa, illud maxime stude, ut in praesumptione istorum uerborum Christi accedas, & si accedens illuminaberis, & facies tua non confundetur. Vel matrem eius noli mendacem facere, quae dicit: Esurientes impleuit bonis. Multo magis ne ipsummet Dominum arguas mendacij, ubi promittit: Venite ad me &c. Argues autem mendacij, si non credis eum ita facturum tibi, sicut promittit. Ideo infidelitas est maximum peccatum, & recta blasphemia in ueritatem diuinam.

Infidelitas.

Luc. 1.

Sexto, Si sentis te nec ista duo posse, uel satis posse, sicut uere senties, si te ipsum probes. Hic non uerearis cum Apostolis Dominum orare: Domine adauge nobis fidem. Et cum patre illius daemoniaci, Mar. 9. Domine adiuua incredulitatem meam. Sic intra in cubiculum tuum, & dic patri tuo in coelis: Ecce mi Domine Ihesu Christe, miseriam meam respice, inops & pauper sum ego, & tamen adeo fastidiosus medicinae tuae, ut nec diuitias gratiae tuae suspirarem. Accende in me Domine desiderium gratiae tuae, & fidem promissionis tuae, ut non offendam te optimum Deum meum per uersa mea & incredulitate & saturitate. Ac sic accede cum fiducia misericordiae eius, & in timore indignitatis tuae.

Mat. 6.

Mar. 9.

Probet autem se ipsum homo.

1. Cor. 11.



Ed hic tractandum est illud Apostoli, 1. Cor. 11. Probet autem se ipsum homo, & sic de pane illo edat &c. Hoc uerbum multi sic intelligere uidentur, ac si uelit Apostolus, nos non ante debere accedere, quam donec

quā donec inuenerimus nos dignos & puros ab omni peccato. Ideo sibiipsis faciunt angustiam & carnificinam conscientiae, discutiendo, conterendo, confitendo, non solum uenialia, sed ea quae non sunt peccata. Et his factis (quod est horrendum baratrum praesumptionis) iam secure accedunt, nec de fide tua quicquam solliciti. Volunt enim iusti & digni uenire, & similes Deo, sicut Lucifer, cum deberent uelle iusti & digni fieri, & redire à Deo.

1. Cor. 1.

Igitur illud uerbum dictum est contra eos, qui Christum diuidebant in diuersas sectas, Alij uolentes esse Pauli, alij Cephae, alij Apollo, alij Christi, 1. Cor. 1. Et ideo inuicē iudicabant & damnabant atque cōtemnebant. Insuper ad Sacramentū alij alios praueeniebant & praesumebant, ut alij uenturi nihil haberent, ut clare ex textu & glossa B. Augustini patet: Quos Apostolus arguit, & pronunciat indigne manducare &c. uolens, ut seipsos potius probarent, iudicarent, damnarent, & non alios. Ea enim discordia (ut supra quoque diximus) maxime facit indignos & reos corporis Domini, & hanc eius esse sententiam, sequentia ostendunt: Itaque Fratres mei, cū conuenitis ad manducandum, inuicem expectate, ne in iudicium conueniatis. Item: Si nos ipsos iudicaremus, non utique iudicaremur à Domino. Item: Non dijudicans corpus Domini. Q. D. Ita acceditis, ac si corpus Domini nihilo esset dignius reliquo pane naturali.

Potest quidem illud uerbum etiam de probatione intelligi, qua homo peccata sua discutit atque ponderat, Sed ea nō est satis, nec pertinet nisi ad insensatos & crassos illos Sacramenti contemptores, Non enim sufficit, ut probes & ponderes, quod malus fueris, nisi magis ponderes ac probes, quod bonus fieri cupias & anheles.

COROLLARIUM I.

Rom. 3.

Psal. 19.

Ierem. 17.

SI Apostolus eo uerbo uellet nos probari a nobis, usque dum digni fieremus, prorsus ad impossibile nos obligasset, & omnes homines etiam Sanctos communione priuasset, sibi denique ipsi in plerisque locis contraxisset, ubi clamat, Omnes esse peccatores, & sola fide iustificandos. Oportet enim accessurum ad Sacramentum esse certissimum, se sine omni peccato mortali esse, si non uelit iudicium sumere. At impossibile est, ut ex se & suis uiribus certus fiat, iuxta illud: Delicta quis intelligit, ab occultis meis munda me Domine. Et illud Iere. 17. Prauum & inscrutabile est cor hominis, quis scrutabitur illud: Ego Dominus scrutans renes & corda. Relinquitur itaque, ut certitudo illa stet super firmam infallibilemque petram, id est, Christum & uerbum eius.

COROLLARIUM II.

QUARE. Vera & solida probatio est, si te inueneris inanem quidem, & sine pondere salutis & iusticiae, onustum uero ac laborantem in multis malisque cupiditatibus, quibus inuentis anhelus sitias gratiam & misericordiam, easque non dubites in te consequuturum.

Luc. 5.

Sic B. Gregorius reprehendens Petrum, quod Dominum iussisset exire à se, quia peccator esset, ait: Si te peccatorem agnoscis, non oportet Dominū repellere abs te, sed multo magis inuitare. Et B. Ambrosius: Quia quotidie pecco, necesse habeo quotidie communicare. Et quidam Patrum consuluit, ne facile quis se abstineret à communione, ne forte simul & longe

g

fiat à

DE PRAEPARATIONE CORDIS

fiat à Christo. Non enim venenum nobis dedisse ac reliquisse timendus est, qui nouissimum & maximum charitatis, quam ad peccatores gerit, memoriale seipsum protestatur nobis reliquisse, dum institueret Sacramentum illud.

Septimo, Si tandem adeo infirmus es in fide, vt nec illa te satis iuuent, aut non possis ea præstare, apprehende illud nouissimum infirmorum remedium, & permitte te, sicut infantem, gestari in vlnis, & sinu matris Ecclesiae, Imo cum Paralytico in lectulo, ut Dominus fidem illorum saltem intueatur, quando tua nulla est. Id est, vt in fide vel vniuersalis Ecclesiae, vel hominis fidelis tibi noti accedas, & audacter dicas Domino Ihesu: Ecce Domine mi Ihesu Christe, doleo me tam infirmum, vt de tuo inæstimabili in nos amore, nihil aut tam parum præsumam. Ideo suscipe me in fide Ecclesiae tuae, & illius aut illius hominis N. Quicquid enim sit de me, necesse est, o Domine, me obedire Ecclesiae tuae, quæ iubet vt accedam. In obedientia venio saltem, si nihil aliud affero. Et crede firmiter, quod non indignus accesseris, Non est dubium, quin obedientiam Ecclesiae tanquam sibi factam acceptet. Deinde non potest fieri, vt Ecclesiae fides te permittat perire, Non magis certe, quàm paruulum, qui alienae fidei merito baptizatur & saluatur.

Obedientia Ecclesiae utilis.

B. Bernhardus.

Sic B. Bernhardus, Cum aliquando Fratrem haberet nimis timidum & scrupulosum, ita vt nollet celebrare, ait ad eum: Vade mi Frater, & celebra in fide mea, luit ille obediens, & sanatus est ab omni languore conscientiae suae.

Ex Christo Mos sen facere.

Ihesus Christus.

Hæc itaque latius dixi, quia compertum habeo, multorum conuersionum terroribus, eo redactas Christianorum conscientias, vt sibi ex Christo Mo sen fecerint, ex gratia Legem, ex remedio venenum, dum Christum falso imaginantur exactorem magis quam largitorem, ultorem magis quàm propiciatorem, & in summa, damnatorem, non saluatorem, Ita, vt iam nec nominis sui, quod est, Ihesus Christus (id est, salutaris & unctus) gloria sit in cordibus nostris, nisi nudis syllabis. Non igitur omnibus oportet terribiles iudicii minas intentare, sed duris & insensatis, Trepidis vero atque scrupulosi, leuiore misericordiae promissiones sunt declarandæ, quia alia medicina alijs morbis conuenit.

Memoria passionis Christi.

Octauo, Nec illud obmittendum, imo maxime curandum, vt memoria passionis Christi non omittatur. Quid enim prodest, si digne præpareris, & non impleas id, ad quod te præparasti. Nam præcepit Dominus id Sacramentum, non nisi in memoriam sui celebrari, Ideo omittendum est, si memoriam eius omittere uoles. Sic dixit: Hæc quocienscunque feceritis, in mei memoriam facietis. Et Paulus: Quocienscunque manducabitis panem hunc, & calicem bibetis, mortem Domini annunciabitis, donec ueniat. Inde enim statuit Ecclesia, vt missa sine Euangelio non legatur. Hæc memoria autem alium requirit Sermone, quia non minus & ipsa in superstitiones & literalem hypocritin apud multos versa, quam pleraque alia sacratissima Dei dona.

1. Cor. 11.

FINIS,

Quomodo

QVOMODO CHRI^{CLXXVI}

STI PASSIO SIT CON=
SIDERANDA.

Vide ap. 34. 6.



Omini non est necessarium, vt Christum in ipsius passione deploret, sed magis seipsum in Christo. Nam passio Christi (ut S. Pater Augustinus dicit) non solum nobis exemplum est, ut sequamur eius vestigia, & in nobis membra terrena crucifigamus, sed etiam sacramentū & mysterium, Christum per suam temporalem & corporalem passionem, nostram spiritualem perpetuam passionem veteris hominis uicisse & crucifixisse.

Passio Christi nobis exemplum & mysterium.

Itaq; passionem Christi utiliter uel audirurus, uel lecturus, uel consideraturus, talem concipias necesse est affectum, tanquam ipse eandem passionem in & cum Christo patereris. Ergo audiens Christum flagellatum uel percussum, considera hoc significari, te spiritualiter flagellatum uel percussum. Sicut igitur tibi, si modo sanæ mentis homo es, dolet te spiritualiter à morte peccati & spiritu maligno cruciari, Ita dolet, & quidem uehementius dolet id Christo propter te in sua passione. Tu pateris ex merito, Christus propter te & innocenter portans in cruce non sua, sed tua peccata. Ita confitebatur Latro in cruce passionem Christi.

Latro dexter.

Sic & discere ex corporali passione Christi cognitionem tuæ spiritualis passionis, & noticiam tuipsum. Christus in sua passione personam nostrorum peccatorum suscepit, ideo nos in cordibus nostris tales coram Deo apparere debemus, sicut ipse coram hominibus pro nobis apparuit. Et quem admodum ipse propter nos lamentatus est, ita debemus nos ipsos super eum deplorare. Sicut mulieribus dixit: Nolite flere super me, sed super uos & filios vestros.

Luce. 22.

Igitur qui seipsum non intelligit & inuenit in passione Christi, eam non intelligit sufficienter, & frustra compatitur Christo, siue Christi uicem dolet, quia ex Christi passione non discit sibipsum compati. Ideo propter te Christus fleuit, cōquestus est & passus, ut discas tuam propriam passionem & miseriam coram Deo deplorare. Nam te recognoscens coram Deo filium mortis, merito debes flere, donec perpetuo libereris.

Si ergo ita efficaciter tuam miseriam in passione Christi, recognoscere, facilis tibi esset humilitas, mansuetudo, clementia, cōtemptus mundi & cetera, libenter etiam Christum in omnibus ipsius sequereris passionibus, Quis enim nollet flere, uidens suam miseriam esse tantam, ut pro ea æterna, infinita & innocens Persona pateretur? Nam terribile est auditu, neque mirandum in parte nostra, si quisquam nostrum penitus desperaret, tantam miseriam considerans, Nisi ē diuerso magna Dei misericordia in solatium succurreret, per quam nemo in Deo de sua salute desperare debet. Si enim Deus

Rom. 8.

Filium pro nobis tradidit, dedit etiam in ipso nobis omnia. Quapropter vocatus in conscientia tua in accusationem, poenam & mortem coram Deo, tunc confitere & deplora id totum ex merito uenisse, & respice Christum omnia innocenter & im merito patientem, id quod unicum tibi solatium sit.

FINIS.

g ij

III. DE

III. DE TRIPLICI IUSTITIA

TRIPLEX EST PECCATVM

cui triplex oponitur iusticia, Ger-
manice frömeit.

Peccatum mani-
feste malum.



Primum est criminale, id est, manifeste malum, quod etiam potestas secularis punit, ut furtum, homicidium, incendium, sacrilegium &c. Quorum aliqua, gladio, igne, aqua, furca, rota plectit, ut in iure civili. Aliqua, poenitentia Canonica, ut simplices fornicationes, & alia quaedam, ut in iure canonico.

Iusticia legalis.

Iusticia huic contraria, est illa species iusticiae, quae simias Salomonis, pauones, & sycomoros facit. Qua fit, ut coram hominibus bonus vir sit, & accusari non possit, euadatque poenas Legis, consequaturque promissa temporalia legis. Roma. 10. Moyses scripsit, quod iusticiam, quae est ex Lege, si homo fecerit, viuet in ea. Et Esai. 1. Si volueritis & audieritis me, bona terrae comedetis.

Naaman.

Reges Israel.

Samaritani.

Romani.

Talis fuit Naaman Syrus vir magnus apud dominum suum, per quem Dominus dabat salutem Syriae, 4. Reg. 5. Tales multi reges Israel, & populus Israel, quibus Dominus dedit bona temporalia, & victorias multas, licet essent iuxta Idolatrae. Tales Samaritani, a quibus abstulit Dominus leones, cum tamen idola colerent, & Dominum Deum simul. Tales Romani iuxta B. Augustinum lib. de ciui. quibus Dominus dedit imperium amplissimum. Sic solet & Principes ditare.

Iusticia legalis re-
muneratur in hac
uita.

Seruit sibi.

Tales usque hodie sunt omnes, qui poenitent propter pestem, famem, bellum, aliaue flagella Dei, qui tunc orant, qui Processiones faciunt, vota Sanctis vouent. Hi cultores Sanctorum, & sacerdotes propter praesentiam seruientes, & Religiosi similiter, & qui talia similia multa faciunt. Et breuiter. Haec est iusticia, quae recipit hic mercedem suam, & in futuro mitius quidem punitur, quam criminosi.

Secundo non Deo, sed sibi seruit, nec est filiorum, sed seruorum iusticia, nec Christianorum proprie, sed Iudaeorum & Gentilium. Nec Christiani ad eam sunt exhortandi, quia procedit ex timore poenae, vel amore commodi sui, non amore Dei.

Faciunt Hypocritas.

Tertio facit Hypocritas superbos mente cordis sui, temerarios iudices aliorum, ut patet in Phariseo illo & Simone leproso. Luc. 18. 7.

Maledicta est,
quia mercenaria.

Benedictio

Esau.

Gene. 27.

Quarto, hanc Apostolus Galat. 3. maledictam asserit, Qui ex operibus Legis sunt, sub maledicto sunt. Ideoque Christiani, qui aeternis bonis sunt ditandi, non sunt exhortandi ad illam, sed dehortandi potius ad meliorem. Vnde non est gaudendum in his, sicut Principes Saxoniae, Deus gloria, diuitijs, voluptate ditat, quia religiosi sunt. Et si haec non sunt satis, nascetur adhuc unus Mons argenti, & pax seruabitur. Ipsi uiderint, an bene id eis cedat, ne sint mercenarii. Sunt enim haec praemia uilissima huius et maledictae iusticiae, pertinentia ad benedictionem Esau & filiorum eius Hi sunt iactatores liberi arbitrij Themanitarum. Sic Deus munerat etiam mala, quia sicut in oculis hominum bona sunt, ita & in oculis hominum recipiunt bona.

Alterum

Alterum est peccatum essentiale, natale, originale, alienum, de quo Psal. 51. Ecce enim iniquitatibus cōceptus sum, & in peccatis cō-
cepit me mater mea. De quo Christus: Non potest arbor mala fructus bonos facere. Et Roma. 5. Per unius inobedientiam peccatores constituti sunt multi, & per unius delictum in omnes homines in condemnationem.

Et hoc est peccatum, quod facit priorem iusticiam esse nihil & malam, & maledictam, sicut Christus ait: Aut facite arborem bonam & fructus bonos, aut arborem malam & fructus eius malos.

Secundo, id peccatum est incurabile uiribus hominis, nec aliquid hic ualet liberum arbitrium, ita ut & Sancti dicant: Quod nolo malum, hoc facio. Roma. 7. Et Galat. 5. Non quæ uultis, facitis. Psal. 38. Quoniam lumbi mei impleti sunt illusionibus &c.

Tertio, id est, quod omnes sentimus in concupiscendo, irascendo, praesertim obiectis praesentibus, ut dicit Dominus de oculo nequam &c. Ideo dixi essentiale, quia per natiuitatem contrahimus & manet semper, nec aliquando transit sicut actuale, sicut fons, uenenum, aut aqua salis naturaliter falsa est, sicut corpus leprosum naturaliter est tale, & corpus cæcum similiter, non hic cum Logicis ago.

Iusticia huic contraria similiter est natalis, essentialis, originalis, aliena, quæ est iusticia Christi. Iohan. 3. Nisi quis renatus fuerit ex aqua & spiritu. Item Iohan. 1. Quotquot eum receperunt, dedit eis potestatem filios Dei fieri. Et 1. Iohan. 3. Qui natus est ex Deo, non peccat (id est, non est peccator) sed generatio Dei conseruat eum. Rom. 5. Per unius hominis iusticiam in omnes homines in iustificationem uitæ, et per unius hominis obedientiam iusti constituuntur multi.

Hæc est, de qua nuper dixi, quod sit fors, capitale fundamentum, petra nostra, & tota substantia nostra, in qua gloriamur in æternum, Ut Apostolus ait: Quod uita nostra abscondita est cum Christo in Deo. Et iterum: Ut nos essemus iusticia Dei in illo. Et 1. Corint. 1. Qui factus est nobis à Deo, iusticia, & sapientia, & sanctificatio & redemptio. Et 1. Corinth. 3. Fundamentum aliud nemo potest ponere.

Secundo, hæc fit nostra per fidem Roma. 1. Iustus ex fide uiuit. Et Rom. 10. Corde creditur ad iusticiam. Hæc per Baptismum confertur, hæc est propria, quam Euangelium annunciat, & non est iusticia Legis, sed iusticia Gratia.

Tertio, hanc qui habet, etiam si peccet, non damnatur. Psal. 89. Si peccauerit &c. Hic enim filius delicatus (ut dicitur) qui non potest offendere quicquid fecerit. Psal. 25. Vniuersæ uix Domini misericordia & ueritas.

Quarto, per hanc fit homo Dominus omnium, quia iusticia eius de cælo prospicit, & hic iusticia & ueritas obuiant sibi, iusticia & pax osculantur, Veritas enim de terra oritur. Nam sine misericordia homo est hypocrita, sine iusticia inquietus. Gratia facit ueracem, iustum, & uera iusticia pacem, sed ea ueritas Christus est, homo uanitas.

Quinto, Roma. 5. Apostolus dicit, quod Adam sit forma futuri, scilicet, Sicut Adam uno peccato omnes ex se natos facit eodem suo peccato proprio, illis iam alieno, reos, & dat quod habet. Ita Christus sua iusticia omnes ex se natos facit eadem sua iusticia, illis aliena & immerita, iustos & saluos. Ut si cut alieno peccato damnati sumus, ita aliena liberemur iusticia.

g iij Et ideo

DE TRIPLICI IUSTITIA

iustitia essentialis. Et ideo essentialem hanc dixi & æternam, quia manet semper, nec cessat aliquando sicut actualis. Iuxta illud Psal. 112. Iustitia eius manet in seculum Psal. 112. seculi. Solus Christus est æternus, ideo iustitia eius quoque æterna, & tamen nostra. Hæc est misericordia Dei Patris, hæc gratia noui Testamenti, quæ dulcis est Dominus his, qui gustant eum, in hac oportet nos saluos fieri, & nulla alia, Acto. 4. Non est nobis datum nomen sub cœlo. Psal. 31. In iustitia tua libera me. Et: Deus in nomine tuo saluum me fac &c. Hoc est quod Psal. 31. dixi: Nullus saluatur nomine suo proprio, sed appellatiuo, id est, non ut Petrus, Paulus, Iohannes, sed ut Christianus, sicut ait Iohan. 3. Nemo ascendit in Iohan. 3. cœlum, nisi qui descendit, filius hominis, qui est in cœlo, de qua nuper latius dixi.

Peccatum actuale. **T**ertium peccatum est actuale, quod est fructus originalis, hæc sunt iam propria peccata, omnia scilicet opera, quæ facimus, etiam iusticiæ priores ante fidem. Iuxta Apostolum Roma. 2. & 3. Qui alium doces, te ipsum non doces. Et iterum: Non est iustus, non est intelligens. Et iterum: Eadem facis, quæ iudicas, in quo enim iudicas, condemnas te ipsum. Et in hoc augetur malum peccati originalis, nec tamen potest vitari proprijs uiribus. Rom. 2. 3.

iustitia actualis. **I**ustitia huic contraria est actualis, fluens ex fide & iustitia essentiali, de qua Apostolus: Sicut portauimus imaginem terreni &c. Psal. 85. Iustitia ante eum ambulabit (id est, coram eo erunt iusti in opere) & ponet in uia gressus suos. Et de ista nunc latius dicendum, ubi dimissum fuit nuper à me. I. Cor. 15. Psal. 85.

Opera meritoria. Primum, Hæc opera dicuntur meritoria, nescio an intelligant, Ego fateor me non intellexisse. Fides est meritum totum, uanissimum est, ut vnus actus subitaneus dicatur dignus uita æterna, oportet ut persona sit digna. Christus meruit nobis & donauit, donatque quotidie.

Secundum, Quomodo possit esse meritum, cum tamen omnes Sancti peccent, iuxta illud: Non intres in iudiciũ cum seruo tuo. Et Christus Matth. 7. Vos cum sitis mali. Et dimitte nobis debita nostra. Et B. Augustinus: Vt hominum uitæ quantumcunque laudabili &c. Et rursus: Vnusquisque mercedem recipiet secundum suum laborem. Et 2. Para. 15. Est merces operi uestro. Et Gene. 15. Ego merces tua magna nimis. Et Eccle. 9. Vade & comede in læticia panem tuum, & bibe cum gaudio uinum tuum, quia Deo placent opera tua. Psal. 143. Matth. 7. 2. Para. 15. Gene. 15. Eccl. 9.

Qui semper peccant. Imo caueat omnis Christianus, ne unquam incertus sit, an Deo placeant opera sua, Qui enim sic dubitat, peccat, & perdit opera sua cuncta, frustra laborat. Sed oportet, ut credat sese placere Deo, ut Apostolus: Gloria nostra hæc est, testimonium conscientiæ nostræ, quod sine crimine conuersati sumus in hoc seculo. Et iterum: Non sic curro tanquam in incertum, non sic pugno quasi aerem verberans. Et Petrus: Satagite per bona opera certam facere uocationem uestram. Qui enim nescit aut dubitat sese bene agere, aut semper male se credit agere, semper peccat, ac perdit vitam suam totam, quia non ex fide, neque in fide agit. 2. Cor. 1. 1. Cor. 9. 2. Pet. 1.

Sententiæ contrariæ, quomodo conueniant. Quid ergo faciemus? quomodo simul iudicium deprecabimur, & gloriam petemus? Respondetur: Cherubim aduersis uultibus nos erudiunt. Hi enim uultu sunt contrarij, sed prospectu in Propitiatorium conueniunt. Sic illæ autoritates contrariæ inter se, in Christo concordant. Ideo opera nostra si sola aspicias, peccata, & ira iudicium tibi est deprecandum (id est, ne sola sine Christo discutiantur) sed in Christo confidas, ea placere Deo, quæ ipsa sola placere non possunt, ut orat Ecclesia.

Ideo,

Ideo, siue pecces, siue non, semper firmiter nitere super Christum & iusticiam illam naturalem. Septies enim in die cadit iustus, & toties resurgit. Et
 Psal. 37. Cum ceciderit iustus, non collidetur, Dominus enim supponit manum suam. Sicut ergo de Christo non debes dubitare, quin placeant propter Christum, in quo credis, & sic sunt opera talis fidei & gratissima, licet apud te, & in seipsis indignissima.

Tertium, quæ sunt opera potissimum facienda? Respondeo: Maxime illa, quæ promouent iusticiam capitalem, & minuunt originale peccatū. Ideo unicuique est propria sui obseruatio necessaria. Quia originale peccatum, unumquodque aliter & aliter impugnat. Generalia sunt, orationes, eleemosynæ, ieiunia. Imo Roma. 12. omnium pulcherrime, & alibi: Mortificate membra uestra. Quia illa tertia iusticia nihil aliud quæritur, quam ut peccatum originale expugnetur, & corpus peccati destruat, & sic meritum sit ipsa regnans iusticia, non autem quod actus mereatur, sed promouet meritum. *Quæ opera sint facienda.*

Quartum, præ omnibus custodi te ab operibus abs te electis, quia hæc non purgant peccata, sed polluant magis, ut sunt nostro tempore, ceremonialia, orationes, uoculæ, Ecclesiarum structurae. Ideo illa opera magis purificant, quæ Deus imponit & vocat, inde omnium sunt optima, passionibus, ægritudines, penuria, ignominia, mors, quia hæc solus Deus operatur, & homo patitur, & perfectissime occiditur Adam, mundaturque uitis Christus, & palme eius purgatur. Hæc est enim uia compendij ad salutem, sed odiosa ualde in actu, iucunda in fine. *Opera electa.*

III. DE DVPLICI IUSTICIA.

Philip. 2.



FRatres, hoc sentite in uobis, quod & in Christo Iesu, qui cum in forma Dei esset, non rapinam arbitratus est, esse se æqualem Deo.

Duplex est iusticia Christianorum, sicut & duplex peccatum est hominum.

1. Cor. 1.
 Iohan. 11.
 Iohan. 14.

PRima est aliena, & ab extra infusa. Hæc est, qua Christus iustus est, Sicut 1. Corinth. 1. Qui factus est nobis à Deo, sapientia, iusticia, sanctificatio & redemptio. Siquidem & ipse (ut Iohannis) 11. Ego sum resurrectio & uita, qui credit in me, non morietur in æternum. Et iterum Iohan. 14. Ego sum uia, ueritas & uita. *Iusticia infusa uel aliena.*

Hæc ergo iusticia datur hominibus in Baptismo, & omni tempore ueræ poenitentia. Ita ut homo cum fiducia possit gloriari in Christo, & dicere: Meum est, quod Christus uixit, egit, dixit, passus est, mortuus est. Non secus, quam si ego illa uixissem, egissem, dixissem, passus essem, & mortuus essem. Sicut sponsus habet omnia, quæ sunt sponsæ, Et sponsa habet omnia quæ sunt sponsi, Omnia enim sunt communia utriusque, sunt enim una caro. Ita Christus & Ecclesia sunt vnus spiritus. Sic benedictus Deus & Pater misericordiarum (secundum S. Petrum) maxima & preciosa donauit nobis in Christo. Et Paulus 2. Corin. 1. Benedictus Deus & Pater Domini nostri Iesu Christi, Pater misericordiarum & Deus totius consolationis. Et Ephe. 1. Qui benedixit nos in omni benedictione spirituali in cœlestibus in Christo.

2. Pet. 1.
 2. Cor. 1.
 Ephe. 1.

g. iij

Hæc

DE DVPLICI IUSTICIA

Hæc gratia & benedictio ineffabilis ^{primum} promittebatur Abrahe Gen. 12. In semine tuo (id est, in Christo) benedicentur omnes tribus terræ. Et Esaiæ 9. Paulus natus est nobis, & Filius datus est nobis. Nobis, inquit, quia noster est totus cum omnibus bonis suis, si in illum credimus. Sicut Rom. 8. dicit: Proprio Filio suo non pepercit, sed pro nobis omnibus tradidit illum, Quomodo non omnia nobis cum illo donauit? Omnia ergo sunt nostra, quæcunq; habet Christus, gratis & indignis nobis ex pura misericordia donata, cum potius iram & damnationem meruerimus pariter & infernum.

Vnde & ipse Christus, qui uenisse dicit se, ut hanc piissimam uoluntatem Patris sui faceret, factus est ei obediens, & quicquid fecit, nobis fecit, nostrumq; esse uoluit, dicens: Ego in medio uestrum sum, sicut qui ministrat. Et iterum: Hoc est corpus meum, quod pro uobis traditur. Et Isaias dicit 43. Seruire me fecisti in peccatis tuis, & laborem præbuiisti mihi in iniquitatibus tuis.

Igitur per fidem in Christum, fit iusticia Christi nostra iusticia, & omnia quæ sunt ipsius, Imo ipsemet noster fit. Ideo appellat eam Apostolus iusticiam Dei, Roma. 1. Iusticia Dei reuelatur in Euangelio, sicut scriptum est: ex fide uiuit. Deniq; & fides talis uocatur iusticia Dei, ut eiusdem 4. Arbitramur hominem iustificari per fidem. Hæc est iusticia infinita, & omnia peccata in momento absorbens. Quia impossibile est, q; peccatum in Christo hæreat, & qui credit in Christo, hæret in Christo, estq; unum cum Christo, habens eandem iusticiam cum ipso, Ideo impossibile est, q; in eo maneat peccatum.

Vide in Christum, iusticia eius, fit nostra.

Fundamentum iusticie proprie.

In iusticia tua libera me. Psal. 31.

Nomina fidei.

Iusticia aliend. Originale peccatum.

Iusticia nostra & propria.

Et hæc iusticia est prima, fundamentum, causa, origo omnis iusticie propriæ seu actualis, quia uere ipsa datur pro originali iusticia, in Adam perditâ, & operatur id, imo maius q; illa iusticia originalis fuisset operata. Sic intelligatur illud Psal. 31. In te Domine speraui, non confundar in æternum, in iusticia tua libera me, Non in mea, sed in tua, inquit, id est, in iusticia Christi, Dei mei, quæ est per fidem, per gratiam, per misericordiam Dei, nostra facta.

Et hæc uocatur in Psalterio per multa loca, opus Domini, confessio, uirtus Dei, misericordia, ueritas, iusticia. Omnia hæc sunt nomina fidei in Christum, imo iusticie, quæ est in Christo. Vnde & Apostolus ad Galat. 2. audet dicere: Viuo iam non ego, uiuit uero in me Christus. Et ad Ephes. 3. Ut det uobis Christum habitare per fidem in cordibus uestris.

Hæc igitur iusticia aliena, & sine actibus nostris per solam gratiam infusa nobis, trahente intus, scilicet Patre nos ad Christum, opponitur peccato originali, q; alienum similiter est sine nostris actibus, per solam generationem nobis cognatum & contractum. Et ita Christus expellit Adam de die in diem magis & magis, secundum quod crescit illa fides & cognitio Christi, Non enim tota simul infunditur, sed incipit, proficit, & perficit tandem in fine per mortem.

Secunda iusticia est nostra, & propria, Non q; nos soli operemur Deam, sed q; cooperemur illi primæ & alienæ. Hæc nunc est illa conuersatio bona in operibus bonis, primo in mortificatione carnis, & crucifixione concupiscentiarum erga seipsum, sicut Gala. 5. Qui sunt Christi, carnem suam crucifixerunt cum uicijs & concupiscentijs.

Secundo & in charitate erga proximum.
Tertio in humilitate ac timore erga Deum.

De quibus

D. MARTI. LVTHE. CONCIO. CLXXIX.

Tit. 2. De quibus plenus est Apostolus & omnis Scriptura. Breuiter autem omnia ad Titum 2. comprehendit, dicens: Sobrie (quo ad seipsum in carnis crucifixione) & iuste (quo ad proximum) & pie (quo ad Deum) viuamus in hoc seculo &c.

Galat. 5. Hæc iusticia est opus prioris iusticiæ & fructus, atque sequela eiusdem, sicut ad Galat. 5. Fructus autem spiritus (id est, spiritualis hominis, qui fit per fidem in Christo) Caritas, gaudium, pax, patientia, bonitas &c. Spiritus enim uocatur homo spiritualis illo loco, quod patet, quia illi fructus sunt opera hominum. Et Iohā. 3. Quod natum est de carne, caro est, quod natum est de spiritu, spiritus est. *Fructus spiritus.*

Iohā. 3. Hæc iusticia perficit priorem, quia semper laborat, ut Adam perdatur & destruat corpus peccati, Ideo odit se & diligit proximum, Non quærit quæ sua sunt, sed quæ alterius, & in hoc est tota conuersatio eius. Nam in hoc, quod odit seipsum, & non quærit quæ sua sunt, facit sibi crucifixionem carnis, Quod autem quærit quæ alterius sunt, operatur charitatem, & sic utroque facit voluntatem Dei, uiuens sibi sobrie, proximo iuste, Deo pie. Et in hoc imitatur exemplum Christi, & conformis fit imagini eius. Nam & hoc ipsum Christus requirit, ut sicut ipse omnia fecit pro nobis, non quærens quæ sua sunt, sed tantummodo quæ nostra, & in hoc obedientissimus fuit Deo patri, Ita uult, ut & nos idem Exemplum ad proximos exhibeamus. *Effectus iusticiæ.*

Roma. 6. Et hæc iusticia opponitur peccato actuali, & proprio nostro, ut ad Roma. 6. Sicut exhibuistis membra uestra seruire iniquitati, ad iniquitatem, Ita nunc exhibete membra uestra seruire iusticiæ ad sanctificationem. Igitur per iusticiam priorem oritur uox Sponsi, qui dicit ad animam: Tuus ego. Per posteriorem uero uox Sponsæ, quæ dicit: Tua ego. Tunc factum est firmum perfectumque atque consummatum matrimonium, ut in Cant. Dilectus meus mihi, & ego illi Q. d. Dilectus meus est meus, & ego sum sua. Tunc anima non quærit amplius esse sibi iusta, sed habet suam iusticiam, Christum, quærit ergo aliorum salutem tantummodo. Vnde per Prophetam minatur Dominus synagogæ, Quod auferetur ab ea uox laticiæ, uox sponsi, & uox sponsæ. *Imitatio exempli Christi.*

Philip. 2. Hoc est, quod thema propositum dicit: Hoc sentite in uobis &c. id est, sic sitis animati & affecti erga inuicem, sicut uidetis Christum affectum erga uos fuisse. Quomodo? Qui, scilicet, cum in forma Dei esset, non rapinam arbitratus est, esse se æqualem Deo, sed exinaniuit seipsum, formam serui accipiens &c.

Forma Dei hic non dicitur substantia Dei, quia hac Christus nunquam se exinaniuit, Sicut nec forma serui dici potest, substantia humana, Sed forma Dei est sapientia, uirtus, iusticia, bonitas, deinde libertas. Ita quod Christus homo fuit, liber, potens, sapiens, nulli subiectus, nec uiclo nec peccato, sicut sunt homines cuncti. Talibus enim præstabat formis, quæ maxime Deo cōueniunt, & tamē in hac forma nō superbiuit, nō sibi placuit, nec alios fastidiuit atque contempsit, qui erant serui, & uarijs malis subiecti, Sicut ille Phariseus, qui dixit: Gratias tibi ago, quia non sum sicut cæteri homines, Quem delectabat, quod alij essent miseri, utique nolens, quod essent ei similes. Et hæc est rapina illa, quam homo sibi arrogat, imo seruat, quæ habet, & non refert pure in Deum, cuius hæc sunt, Nec per ipsam alijs seruit, ut se similem faceret cæteris, & ita uolunt esse sicut Deus, in seipsis sufficientes, sibi placentes, in seipsis gloriantes, nulli debentes &c. *Forma Dei, Forma serui.*

Christus

Phariseus, Luca 18.

DE DVPLICI IVSTICIA

*Christus formam
serui assumpsit.*

Christus autem non ita arbitratus est, non ita sapuit, sed illam formam retulit in Deum patrem, ac exinaniuit, nolens illis uti titulis contra nos, nolens dissimilis nobis esse. Quin magis nobis factus est, sicut unus ex nobis, & formam serui accepit (id est, omnibus malis sese subiecit) Et cum esset liber (ut Apostolus quoque ait) omnium se seruum fecit, non aliter agens, quam si sua essent omnia ista mala, quae nostra erant. Itaque super sese accepit peccata nostra & poenas nostras, & egit ut uinceret ea, tanquam sibi ipsi, cum tamen nobis ea uinceret. Ita cum esset respectu nostri talis, ut Deus noster esse, & Dominus esse posset, tamen ita noluit, sed seruus potius fieri voluit noster, sicut ad Roma. 15. Non debemus nobis placere, etenim Christus non sibi placuit, sed sicut scriptum est: Improperia improperantium tibi ceciderunt super me, quae est eadem Sententia cum praedicta. Roma. 15.
Psal. 69.

Ex isto sequitur, Quod ista Autoritas negatiue debet intelligi, quam multi affirmatiue acceperunt, scilicet, quod Christus non arbitratus est esse se aequalem Deo, id est, noluit esse aequalis, ut sit per eos, qui id rapiunt per superbiam, qui dicunt Deo: Si non dederis (ut ait B. Bernardus) mihi gloriam tuam, ipsemet mihi usurpabo. Non autem affirmatiue sic: Non arbitratus est se esse aequalem Deo, id est, quod esset aequalis Deo, id non putauit rapinam. Hec enim sententia non habet aptam intelligentiam, loquitur enim de Christo homine.

*Christianus fiat,
Christi exemplo,
alterius seruus.*

Apostolus id uult, ut singuli Christiani, exemplo Christi, fiant alterius serui. Et si quid habent sapientiae, uel iustitiae, uel potentiae, quibus ceteris possint praestare & gloriari, tanquam formis Dei, non hoc seruent, sed in Deum referant, & omnino fiant, quasi non habeant, & efficiantur sicut unus illorum, qui non habent. Ut quisque sui oblitus, & exinanius a donis Dei, agat cum proximo suo eo affectu, quasi sua sit propria infirmitas, peccatum, stulticia proximi, non gloriatur, neque infletur, neque fastidiat, neque triumphet aduersus illum, quasi Deus illius, & equalis Deo sit, quod cum soli Deo sit relinquendum, rapina sit per talem superbiamque temeritatem.

Forma serui.

Sic itaque accipitur forma serui, & impletur illud Apostoli Galat. 5. Per charitatem seruite inuicem. Et Roma. 12. ac 1. Corinth. 12. Per similitudinem membrorum corporis docet, quomodo membra robusta, honesta, sana, non superbiunt aduersus infirma, inhonesta, egrora, tanquam dominantur & sint dominum eorum, Sed econtra magis seruiunt illis, oblita suae honestatis, sanitatis, potentiae, Sic enim nullum membrum corporis sibi ipsi seruit, nec sua quaerit, sed alterius, & eo magis, quo fuerit illud infirmius, aegrius, inhonestius, & ut uerbis eius dicam: Inuicem sollicita sunt membra, ne sit schisma in corpore. Galat. 5.
Roma. 12.
1. Cor. 12.

*Quod tibi uis fieri,
aliis facias.*

Ex istis nunc patet, quomodo agendum sit cum proximo, in quacunque causa. Et illa doctrina practicanda: Quaecumque uultis, ut faciant uobis homines, & uos facite illis. Exempli gratia: Si estis offensus a proximo, statim suggeritis, uindicta petenda (Sic enim sapit natura ex Adam) Hic apparent illae duae Formae, scilicet iusticia in offenso, & iniusticia in offensore, Si hic natura praualuerit, quid fiet? Nempe sibi ipsi placebit & inflammabitur aduersus offensorem, atque uelut iniustum despiciens per sententiam, & iudicat atque condemnat, & temere omnia agit contra eum, quae Dei sunt, tanquam superior illo, Dei enim est gloria, uindicta, iudicium, Rom. 12. Mea est ultio. Ioh. 8. Est qui quaerat & iudicet. Hic igitur fit homo Matth. 7.
Roma. 12.
Ioh. 8.

*Gloria, uindicta
&c. Dei est.*

homo sanguinum, iratus, inuidus, impatiens. Sed interim obliuiscitur, quod & ipse in plurimis alijs offendit Deum & hominem. In quorum tamen uno non uellet sic secum agi, sicut agit in isto unico, cum proximo suo, Nollet enim vindicari, iudicari, confundi &c.

SEcundo non uidet exemplar illud Christi, qui propter hoc, quod tam *Exemplar Christi.* multipliciter est offensus, non solum nō quærit vindictam in eum, sed etiam uelut misero & infano compassus submittit sese formæ eius, ac pro eo peccato, quo offensus est, ipse non aliter agit oblitus formæ propriæ, quam si ipse hoc fecisset.

TERTio non uidet, quod proximus ille offensor est, sicut membrum su- *Proximus offensor.* um ægrotum, inhonestum & sanandum. Quod magis compassione misericordiz fouendum est & sanandum, quam rigore iusticiæ exasperandum est & confundendum. Sic enim & nos à Christo fouemur, & non exasperamur, qui tamen quingentis talentis (id est, multo maioribus infirmitatibus & offensionibus ipsum lædimus) ubi nos proximus noster vix quinquaginta (id est, minoribus offensionibus) vrget & irritat. Ad hoc etiam oratio dominica cogit: Dimitte nobis debita nostra, sicut & nos dimittimus debitoribus nostris.

Luce. 7. Quod si nos non volumus sponte exuere istas formas Dei, & induere formas serui, cogemur & inuiti exuemur. De quo nota Luc. 7. historiam, ubi Simon leprosus in forma Dei & iusticia sua sedens, superbe iudicabat atque despiciebat M. Magdalenam, in qua videbat formam serui. Sed vide iudicem, statim Christus exuit eum forma iusticiæ, & induit forma peccati, dicens: Aquam pedibus meis non dedisti, osculum mihi nō dedisti, oleo caput meum non vnxi. Vide, quanta peccata, quæ ille non videbat, nec tam fœda forma sese putabat deformem. Non sunt in memoria vlla eius bona opera. Nescit Christus formam Dei, in qua ille sibi placens superbiuit, nō recitat, q̄ sit inuitatus ab eo, cibatus, honoratus, non est Simon leprosus iam nisi peccator factus, qui tam iustus sibi videbatur, detracta est gloria formæ Dei, sedet confusus in forma serui, velit nolit.

AT contra, Mariam honestat forma Dei, & suam imponit ei & super Simonem exaltat, dicens: Hæc pedes meos vnxit, osculata est, lachrymis rigauit, capillis terfit. Vide, quanta merita, quæ nec ipsa, nec Simon videbat. Non sunt in memoria vlla eius demerita, nescit Christus formam seruitutis in illa, quam magnificauit forma dominationis, nec est Maria aliud q̄ iusta, & exaltata est in gloria formæ Dei &c. *M. Magdalen.*

Sic faciet omnibus nobis, quoties de iusticia uel sapientia, vel potestate inflamur, & irritamur aduersus iniustos, stultos, impotentiores nobis. Tunc enim (quæ etiam est maxima peruersitas) iusticia contra iusticiam, sapientia contra sapientiam, potentia contra potentiam operatur. Nam ideo potens es, ut impotentes non impotentiores facias opprimendo, sed potentes facias exaltando & defendendo, Et ideo sapiens, ut nō rideas stultos, ac sic magis stultos facias, sed suscipias, sicut te ipsum velles, & erudias. Sic iustus es, ut iustifices & excuses iniustum, non ut condemnes tantummodo, detrahas, iudices, atque vindices.

Iohan. 3. Hoc est enim exemplum Christi erga nos, sicut dicit: Non venit Filius *Exemplum Christi* hominis, ut iudicet mundum, sed ut mundus saluetur per ipsum. Et iterum *erga nos.* *Luce. 9.* Nescitis cuius spiritus filij sitis, Non venit Filius hominis animas perdere, sed saluare.

At natura

DE DVPLICI IVSTICIA

At natura vehemens contra nititur, quia ualde delectatur in uindicta & in triumpho suae iusticiae, atque confusione iniusticiae proximi sui. Ideo suam causam agit, quam gaudet esse meliorem quam proximi, causam uero proximi persequitur, & quodammodo cupit esse malam, Quae peruersitas est tota iniquitas, contraria charitati, quae non querit quae sua sunt, sed quae alterius. Debebat enim dolere, quod causa proximi non est melior quam sua, & optare ut sit melior quam sua, non minori gaudio, quam quo gaudet suam esse meliorem. Haec est enim Lex & Prophetæ.

Sed dices: An non licet malos castigare? Non decet peccata punire? Quis non tenetur iusticiam defendere? Hoc enim esset occasionem præbere delinquendi.

Respondeo.

Vindicta magistratum.

Non potest hic simplex solutio dari. Ideo distinguendum de hominibus. Sunt enim homines uel publici uel privati. Ad eos qui sunt publici, id est, in officio Dei constituti, & in præsentia, nihil pertinent ea, quae dicta sunt, ad ipsos enim ex officio & necessitate pertinet punire & iudicare malos, vindicare & defendere oppressos, Quia non ipsi, sed Deus hoc facit, cuius sunt in hoc ipso serui, ut Roma. 13. Iam Apostolus prosequitur dicens: Roma, 13. Non sine causa gladium portat &c.

Verum hoc est intelligendum in causis aliorum, non autem propria, Nullus est enim in vice Dei propter se & sua, sed propter alios. Si autem habet causam propriam, alium Dei uicarium quam seipsum requirat, iam enim non est iudex, sed pars. Sed de his alij, & alias dicunt, latior est enim res, quam hic dici potest.

I.
Querentes uindictam apud uicarios Dei.

Privati uero & propriae causae homines sunt triplices. Primi, qui uindictam quaerunt, & iudicium apud uicarios Dei, & horum nunc est totus numerus. Hoc tolerat Apostolus, non autem probat 1. Corint. 6. dicens: Omnia mihi licent, sed non omnia expediunt. Imo dicit ibidem: Omnino non delictum est inter vos, quod iudicia habetis. Sed tamen propter maius malum toleratur hoc minus malum, scilicet ne seipsos uindificent, & uim alteri faciat, reddendo malum pro malo, aut reposcendo sua bona, Sed tamen tales non intrabunt in regnum coelorum, nisi fuerint mutati in melius, & licentia relinquant, sequendo expedientia, quia affectus ille sui commodi extinguendus est.

II.
Non resistentes malo &c.

Alij sunt qui non cupiunt uindictam, imo parati sunt (secundum Euangelium) tollenti pallium, & tunicam dare, & non resistunt ulli malo. Hi sunt filij Dei, fratres Christi, haeredes futurorum honorum. Ideo uocantur in Scripturis orphani, pupilli, uiduae, pauperes, quorum pater & iudex Deus vocari uoluit, eo quod seipsos non uindictant, Imo si praesidentes pro eis uindicare uelint, uel non cupiunt nec quaerunt, uel solummodo permittunt, aut si sint perfectissimi, prohibent & impediunt, potius parati & alia amittere.

Porta ducens ad uitam est angusta. Matth. 7.

Si dicitis: Paucissimi sunt tales, & quis posset in hoc mundo permanere, si hoc faceret? Respondeo: Non est nouum hodie, quod pauci saluantur, & quod angusta sit porta, quae ducit ad uitam, & pauci inueniant eam, Quod si nulli hoc facerent, quomodo stabit Scriptura, quae tales pauperes, orphanos, pupillos, populum Christi praedicat. Oportet ergo sic fieri.

Igitur

Igitur isti magis dolent de peccato offendentium se, quam de suo damno & offensa. Idque potius agunt, quò illos de peccato reuocent, quam quod iniurias suas vlciscantur. Ideo formas iusticiæ suæ exuunt, & illorum formas induunt, orantes pro persequentibus, benedicentes maledicentibus, benefacientes malefacientibus, & pro ipsis inimicis suis pœnas luere & satisfacere parati, ut salui fiant, hoc est Euangelium & exemplum Christo.

Tertij sunt, qui sunt affectu tales, quales secundi iam dicti, sed effectu alij. Hi sunt, qui non adeo reposcunt sua, aut reddi vindictam cupiunt, quia sua querunt, sed per eam vindictam & redditionem suorum, querunt emendam illius, qui rapuit, uel offendit, quem vident sine punitione, non posse emendari. Hi uocantur zelosi, & hoc in Scripturis laudem habet, Sed hoc non debet attentare, nisi qui in secundo gradu iam dicto perfectus est, & exercitissimus, ne furorem pro zelo apprehendat, & quod amore iusticiæ sese credit facere, ex ira potius & impatientia fecisse conuincatur. Similis est enim ira zelo, & impatientia amoris iusticiæ, ut nisi à spiritualissimis discerni satis non possint. Huiusmodi fecit Christus opus (ut dicitur) quando factis flagellis eiecit de templo vendentes & ementes. Et Paulus, quando dixit: In virga veniam ad vos &c.

III.

Zelosi.

Ira similis zelo est.

FINIS.

EXPLICATIO LOCI ECCLESIASTIS VII. NON est iustus in terra &c.

CONTRA SCHOLASTICORUM Sententiam.



QVOD iustus etiam inter bene operandum peccet, patet.

PRIMO per illud Eccle. 7. Non est iustus in terra, qui faciat bene, & non peccet. Hic autem ab alijs dicitur, Quod iustus quidem omnis peccat, sed non quando bene facit. Quibus respondetur: Si id uellet hæc Auctoritas, quid superfluit verbis? An Spiritus sanctus delectatur multiloquio & nugatione? Nam iste sensus fuisset abunde sic expressus: Non est in terra, qui non peccet, ut quid addit: Qui benefaciat? Quasi alius sit iustus, qui faciat male? non enim nisi iustus facit bene. At ubi de peccatis extra benefacto loquitur, sic dicit: Septies in die cadit iustus, Hic non dicit: Septies in die cadit iustus, quando benefacit.

Prouerb. 24.

SECMDO, per illud Apostoli, Roma. 7. Quod nolo malum, hoc ago, Quod uolo bonum, non ago. Et infra: Condelector legi Dei secundum interiorem hominem, Video autem aliam legem in membris meis, repugnantem legi mentis mee. Ecce, simul delectatur & displicet, in lege Dei.

Lex in membris repugnans legi mentis. Roma. 7.

Simul

EXPLICATIO DICTI ECCLESIAS

Simul uult bonum secundum spiritum, & tamen hoc non agit, sed contrariū. Hoc itaque contrariū est noluntas, quia semper est, quando est uoluntas. Per hanc bene facit, & per illam male facit. Nolle est ex carne, & uelle ex spiritu. Ideo tantum ibi est peccati, quantum noluntatis, difficultatis, necessitatis, resistentiæ, Et tantum ibi meriti, quantum uoluntatis, pronitatis, libertatis, hilaritatis. Mixta enim sunt hæc duo in omni uita & opere nostro. Quod si sit tota noluntas, iam ibi est peccatū mortale & auersio. Tota autem uoluntas in hac uita non est, Ideo semper peccamus, dum benefacimus, licet quandoq; minus, quandoq; magis. Hæc enim est causa, quare non sit iustus in terra, qui faciat bene, & non peccet. Est autem talis iustus in cælo tantummodo. Sicut ergo homo sine ista noluntate non est, ita nec sine ea operatur. Ac per hoc nec sine peccato est. Quomodo enim sine ea operari potest, qui sine ea uiuere & esse non potest?

Sic etiam Scriptura dicit: Quis gloriabitur se habere cor mundum? *Prov. 20.* Idem Galat. 5. Caro concupiscit aduersus Spiritum, & spiritus aduersus carnem, Hæc duo enim sibi inuicem aduersantur, ut non ea, quæ uultis, faciatis &c. *Galat. 5.*

TERTIO, per illud Psal. 143. Non intres in iudicium cum seruo tuo *Psal. 143.* Domine, quia non iustificabitur in conspectu tuo omnis uiuens. Hæc quæro, An ille iustus, qui fingitur, cū in ipso iam pulcherrimo merito actiualiter fuerit, etiam sit inter eos numerandus, qui uiuunt? Si est inter omnes qui uiuunt, ergo non iustificatur, Cur hoc, si non peccat in eodem merito suo?

Ratione probō.

Quicumq; minus facit, quam debet, peccat, Sed omnis iustus bene faciens minus facit quam debet, Ergo. Minorem probō, Quicumq; non plena & perfecta dilectione bene facit, minus facit q̄ debet. Sed omnis iustus ille est huiusmodi. Maiorem probō per illud præceptum: Diliges Dominum Deum tuum, ex toto corde tuo, & totis uiribus &c. De quo Dominus Matth. 5. Vnum iota aut unus apex non præteribit à Lege, donec omnia *Matth. 5.* fiant. Ergo oportet ex totis uiribus diligere Deum, aut peccamus. Sed Minor, Quod non ex totis uiribus diligamus, supra probata est, Quia uoluntas in carne & in membris impedit hanc totalitatem, ut non tota membra seu uires diligant Deum, sed resistit interiori uoluntati Deum diligenti.

Sed dicunt illi: Non requirit hoc perfectum mandatum Deus à nobis. Quæro: A quo tunc requirit? An à lapidibus & lignis? An à pæcoribus? Error hoc est, Quia Rom. 3. Scimus, q̄ quæcunq; Lex loquitur, ijs qui sunt in Lege, loquitur. Ergo nobis præceptum est, à nobis requiritur. Per istam falsissimam huius dicti intelligentiam: Deus non requirit perfectionem, factum est, ut diceretur nō esse peccatum, quicquid minus plenissima charitate fiat, Cum id ideo nō requirat, quia ignoscit, Non quia sit licitum & non peccatum, Alioqui præceptum suum mutasset, quod est contra suum dictum: Vnum iota aut unus apex non præteribit à Lege &c. *Rom. 3.*

Dictum Scho-
lasticorum.

Arguo nunc contra illa.

PRIIMO dicit Iohannes in sua Canonica: Qui natus est ex Deo, non *1. Iohan. 3.* peccat. Item, Gene. 20. Abimelech Deus testimonium dedit, q̄ in simplicitate cordis fecerit, ergo non peccauit. Psal. 86. Custodi animam meam, *Gene. 20.* quoniam sanctus sum, Et quæcunq; alia huc duci possunt. *Psal. 86.*

Respondeo:

NON ESTIVSTVS IN TERRA CLXXXII.

Rom. 7. Respondeo: Vtrumq; verum est, Quia natus ex Deo, non peccat, & peccat. Nisi forte Paulus Rom. 7. non fuit natus ex Deo, Aut ipse idem Iohannes mentitus contra seipsum dixit: Si dixerimus, quia peccatum non habemus, mendaces sumus. Peccat scilicet in opere eodem, propter voluntatem carnis, Non peccat, propter contrariam voluntatem spiritus. Natus ex Deo non peccat etc. I. Iohan. 3.

Matth. 5. Dicis itaq;: Quomodo ergo implemus legem Dei? Respondeo: Quod non implemus, ideo sumus peccatores, & Deo inobedientes. Nec hoc est peccatum ueniale ex genere & natura sua, Quia nihil inquinatum intrabit in regnum coelorum, Ideo pro omni peccato requiritur damnatio, cum Christus dicat, quod nec unum iota, nec unus apex preterire debeat, donec omnia fiant. Rectissime ergo B. Augustin. 1. retracta. 19. Omnia mandata diuina implentur, quando quicquid non fit, ignoscitur, Ergo precepta Dei implentur, plus ignoscente per misericordiam Deo, q̃ operante per iusticiam homine, Quia maior misericordia Dei, q̃ iusticia hominis. Hoc est quod illi dicunt: Non requirit Deus perfectionem, Vbi deberent dicere: Ignoscit Deus, Sed quibus? Nunquid securis, & peccatum illud non putantibus? Absit, Sed dicentibus: Dimitte nobis debita nostra, ex uero corde, hoc malum suum agnoscantib. odientib. Sicut Ezech. 20. Et displicebitis uobis in conspectu uestro, in omnibus malicijs, quas fecistis &c. Quomodo Lex impletur. Augustinus. Quibus Deus ignoscit.

Psal. 32. Hoc est quod Psal. 32. dicit. Pro hoc orabit ad te omnis Sanctus, Si est Sanctus, non habet impietatem, nisi in peccato remissam. Pro qua ergo orat? Vtiq; pro remittenda orat, Nam pro remissa gratias potius agit. Deinde non debuit dicere: Sanctus, sed: Omnis peccator, pro ea orabit, si de praterita uellet loqui, Sanctus est, cui remissae sunt iniquitates, Et Sanctus orat pro remissione iniquitatis. Mira sententia, Nec potest solui per illorum stultam & carnalem glossam, q̃ Sanctus de prateritis orat, Quia Propheta non de se, sed de ijs, quos uidebat sanctificatos, remissisq; peccatis eorum Sanctos, Et tamen dicit eos orare pro remissione, Nisi forte Propheta uel mentitur, uel adulatur, appellans eos Sanctos, quibus non essent peccata remissa, Sed orare, ut remittantur, cum ante remissionem utique peccatores dicere deberet.

Igitur.

Haec est dulcissima Dei Patris misericordia, q̃ non fictos, sed ueros peccatores saluat, sustinens nos in peccatis nostris, & acceptans opera & uitam nostram, omni abiectione digna, donec nos perficiat atque consumet. Interim in protectione & umbra alarum eius uiuimus, Et iudicium eius effugimus, per misericordiam eius, non per iusticiam nostram. Deus non fictos, sed ueros peccatores saluat.

Faceffant igitur Argumenta fumi humani, Vnus & idem actus non potest esse acceptatus & deacceptatus Deo, Sequitur enim q̃ sit bonus & non bonus. Respondeo: Ergo nec potest homo simul timere iudicium, & sperare misericordiam? Dico itaq; q̃ omnis actus bonus est acceptatus, & non deacceptatus, Et e contra: Est non acceptatus, sed deacceptatus, Quia est acceptatus per ignoscentiam, ac sic non deacceptatus, quia ignoscit per misericordiam, quod minus acceptatione dignum est. Idem autem est deacceptatus, id est, peccatum, in quantum est ex carnis malicia actus. Sed tamen hoc Deus ignoscit in hoc tempore, Et requirit tam in hoc q̃ futuro tempore. Non enim est ullus actus, quem Deus acceptet simpliciter. (ista enim nomina ex humano corde ficta sunt) Sed omni actui nostro ignoscit & parcat. Illi autem praesumunt, q̃ sit aliquis quem acceptet, sine ignoscentia, quod est falsum. Quando ergo ignoscit, non acceptat, neq; deacceptat, sed ignoscit: Omnis actus bonus etc.

h ij Et sic

EXPLICATIO DICTI ECCLESIAS

Et sic acceptat misericordiam suam in operibus nostris, hoc est, faciem Iob. scilicet Christi pro nobis: Ipse est enim propiciatorium Dei, qui opera nostra excusat, & ignoscibilia facit, ita, ut quod minus est in nobis, per plenitudinem eius suppleamus, Ipse enim est iusticia nostra solus, donec efficiamur conformes imagini eius.

Denuo probō.

Primo, Non est in me (id est, in carne mea) bonum, Multo minus Matth. 7.
in illis erit bonum, qui sunt omnino caro & sanguis. Apostolus enim in persona sua & omnium iustorum loquitur. Si ergo hi, dum faciunt quod extra eos est, & secundum gratiam, adhuc non faciunt quod debent, licet vehementer laborent, Quanto magis nō, qui id, quod sine gratia in seipsis est, facientes, non laborantes, contra faciunt q̄ debent? At hic iterum dicunt: Verum est, deficient, sed idem defectus non est peccatum. Respondeo: Ex natura sua peccatum est, sed gementibus Deus non imputat.

*Cuncta cogitatio
humani cordis ad
malum prona.
Gene. 6. 8.*

Secundo, per illud Gene. 6. Cuncta cogitatio cordis humani prona est ad malum ab adolescentia sua. Hic non dicit: Cogitatio, sed cuncta cogitatio, Et quicquid cogitat homo, malum est, quia quærit quæ sua sunt, nec potest aliter sine gratia Dei.

*Charitas non quærit
quæ sua sunt.*

Tertio, 1. Corinth. 13. Charitati soli tribuitur, quod non quærit 1. Cor. 13.
quæ sua sunt, Sine qua Apostolus Philip. 2. proclamat, Omnes quærere Philip. 2.
quæ sua sunt, non quæ Ihesu Christi, Sed quærere quæ sua sunt, est mortale peccatum.

Quarto, Osee 13. Perditio tua, seu perditio tibi Israel, Ex me tamen osee. 13.
tummodo auxilium tuum. Non ait: Iusticia, sed perditio tua est, Nihil nisi perditum operaris ex teipso.

Quinto, Non potest arbor mala fructus bonos facere. Matth. 7.

Sexto, Qui non est mecum, contra me est, Sed contra Christum esse, Luce 11.
est peccatum mortale, Et non esse cum eo, est extra gratiam esse.

Septimo, Si quis non manserit in me, mittetur foras sicut palmes, Et Iohan. 15.
colligent eum, & in ignem mittent, & ardet. Ecce extra Christum esse, est ignem mereri, & arescere assidue. Vtique operando quicquid operetur, quod utiq̄ de venialibus non potest intelligi.

Octavo, Virgines stultæ nonne reiectæ sunt, non quia non fuerunt Matth. 25
operatæ, sed quia sine oleo operatæ fuerunt, Fecerant bona ex se, sed non ex gratia, Quia gloriam suam quæsierunt, quo vicio sine gratia impossibile est hominem carere.

Nono, Pluit Deus super bonos & ingratos. At ingratus est, qui Matth. 5.
Dei bona non refert accepta Deo, quod est mortale peccatum. Ac sic necessario sunt opera extra gratiam.

Decimo, Qui facit peccatum, servus est peccati. Quomodo est Iohan. 8.
possibile, ut servus diaboli captivus peccati, faciat aliud q̄ peccatum, cui servit? Quomodo potest opus lucis facere, qui est in tenebris? Quomodo opus sapientis, qui est stultus? Quomodo opus sani, qui est ægrotus? Et multa

NON EST IUSTVS IN TERRA CLXXXIII

multa talia. Omnia ergo quæ facit, sunt opera diaboli, opera peccati, opera tenebrarum, opera stulticiæ.

VNdecimo, Si esse hominis est sub potestate tenebrarum, quomodo non etiam operari eius? Arbor est sub Diaboli tyrannide, & negantur fructus eius sub eodem esse.

Psal. 94. **Psal. 33.** **D**Vodecimo, Illud Psal. 94. quod Apostolus adducit: Deus scit cogitationes hominum, quoniam vanæ sunt. Et Psal. 33. Dominus dissipat consilia gentium, reprobatur autem cogitationes pupulorum, & reprobatur consilia principum. Hic quæro: An cogitationes hominum intelligas eas, quas homo cogitat ex se? Si sic audis reprobatur, & non tantummodo mortuas, Sed displicentes coram iudicio Dei, Si sunt autem cogitationes, quas homo non ex se, sed ex mala inclinatione facit, non debuit eas vocare hominum cogitationes. Certum est, quod ea consilia intelligit, quæ dictant homines ductu rationis naturalis, alioqui stulticias potius appellaret. Nunc id, quod est sapientiæ in hominibus, Deus reprobatur, quanto magis stulticiam?

Tertiodecimo, Illud Prouerb. 3. Ne innitaris prudentiæ tuæ. Hæc vniuersaliter, vel particulariter sunt intelligenda. Si vniuersaliter, nullum est dictamen rationis, non reprobatur & damnatur, Si particulariter, ut multi putant, ergo quandoque licet inniti sibi ipsi, & suæ prudentiæ, contra hunc expressum textum.

QVartodecimo, Si homo potest ex seipso aliquid facere sine peccato bonum, Ergo digne potest etiam sibi dare gloriam, pro modo bonitatis à se factæ. Dicat ergo se esse bonum, sapientem, fortem, & gloriatur caro in conspectu Dei, contra Apostolum expresse dicentem, Qui gloriatur, in Domino gloriatur.

Psal. 81. **Q**Vintodecimo, Psal. 81. Dimisi eos secundum desideria cordis sui. Ecce pœna est peccati, secundum cor suum relinqui hominem, Ergo mortale peccatum. At cor suum est etiam quæcunque voluntas hominis extra gratiam, Alioqui dixisset: Dimisi eos secundum desideria inimici, Et ibunt in adinventionibus hostium, non autem suis.

Sextodecimo, Roma. 14. Omne quod non est ex fide, peccatum est, Quod B. Augustinus de fide Christi intelligit, Licet alij exponant de conscientia. Veruntamen etiam fides Christi est conscientia bona, Sicut Petrus ait, Conscientiæ bonæ interrogatio in Deum, id est, quod in Deum bene confidit, Igitur si opus extra fidem non esset peccatum mortale, sequeretur, quod Paulus ibi propter veniale peccatum adeo laboraret, quod est falsum, cum sine veniali nullus possit vivere. Ergo omne, quod non est ex fide, peccatum mortale est & damnabile, quia & contra conscientiam est, conscientiam, inquam, fidei in Christum, quia non in fiducia eius operatur, Non enim credit sese placere Deo ad meritum, & tamen agit in tali infidelitate & conscientia.

1. Pet. 3. **D**ecimoseptimo, Melior esset conditio peccatoris, quam iusti, quia iustus in opere suo peccat venialiter, & impius non peccat, Quare necessarium est, ut plus peccare quam venialiter concedatur. Item, Iusti verentur opera sua, quanto magis impiorum opera sunt timenda, Aut iterum melior est conditio impij quam iusti, cum hic timeat, ille securus sit.

h ij

Decimo

EXPLICATIO DICTI ECCLESIAS VII

Decimooctauo, Si homini facienti quod in se est, datur gratia, Ergo homo potest scire, se esse in gratia, Probat, Quia homo aut scit sese facere, quod in se est, aut non scit. Si scit, ergo & gratiam se habere scit, Cum dicant, omnino gratiam dari facienti quod in se est. Si non scit, frustra datur illa doctrina, & cessat eius consolatio, Quia quocunque opere facto, nescit an fecerit, quod est in se, ergo dubius remanet semper.

Decimonono, Quæritur, quale sit illud opus, quod homo facit, quando facit quod est in se? Si nullum potest dari, Cur ita docetur facere, quod nescit quid sit? Si autem est, detur. Et datur a quibusdam actus diligendi Deum super omnia.

Hic (ut digrediar parum) dico primum, Tales Magistros gratiæ Dei nihil tribuere, præter ornatum quendam operibus nostris, Non ut sanet ægros, sed ut ornet fortes, Opera possumus tacere, sed non colorata. Et ita gratia est res uilissima, donumque non necessarium propter nos, sed propter uoluntatem, & intentionem præcipientis, ut dicunt. Et quis hanc iniuriam ferat Christianus? Christus ergo gratis mortuus est pro nobis, sed pro intentione Dei passus est, Nos non eguimus, sed intentio præcipientis, Siquidem nos potuimus implere Legem, sed Deus non erat contentus, quin ultra Legem exactionator esset gratiæ suæ, Et ita redit non Pelagius, sed peior blasphemator quam Pelagius. Sic Deum super omnia diligere naturaliter inuenimus, & non pudet dicere, super omnia. Sed tamen respondeo: Si actus diligendi Deum est facere quod est in se, adhuc stabit, quod homo nescit quando diligat, ac per hoc, nec quando faciat quod est in se, aut quomodo & quid faciat, ut faciat quod est in se, Aut certus erit de gratia, quod omnes negant.

Si dixeris: Debet conari ut faciat quod in se est. Respondeo, Iterum quero: An scit se conari, & quomodo conetur? Si scit, iterum certus est, Si nescit, iterum uana est doctrina. Imo illud conari, aut est idem quod facere in se, & redit eadem questio: Aut aliud, Ergo homo non faciendo quod in se est, sed conando ad tale facere, facit quod est in se, Ergo faciendo quod est in se, nondum facit quod in se est.

Vicesimo, Cessent uana uerba, & experientiam consulamus. Faciat quisquis quod est in se, dum irascitur, irritatur, tentatur, imo præparet se ad illuminationem eius, quod ignorat, & uideamus an impetret. Agat, queso, & incipiat, & uideamus quidnam faciat & fiat.

Vicesimoprimo, Si homo faciendo, quod est in se, gratiam obtinet, impossibile uidetur quod non omnis, uel saltem maior pars hominum saluarentur. Quero: Quando homo superbit, peccat &c. An faciat ipse homo tale opus, aut alius? Ipse utique. An ex se & suis uiribus? An ex alio & alienis uiribus? Ex se & suis uiribus. Ergo quando homo peccat, facit quod est in se. Quare econtra, quando facit quod est in se, peccat.

Sed hic dicitur, loquor de homine & uiribus, ut bonis naturaliter, non ut in abusu eius sunt. Respondeo: At uires naturales sunt semper in abusu, quia sauciæ, Est enim bona creatura, sed infirmata, Nec agit separatim a suis morbis, sed infecta morbo agit, Ideo non potest agere nisi ut infirma, etiam si sit bona, Sicut securis corrota, est ferrum, sed non agit nisi ut corrota, quantumlibet sit ferrum.

Vicesimo-

NON EST IVSTVS IN TERRA CLXXXIIII

Vicesimosecundo, Cur ergo concedimus concupiscentiam inuincibilem? Fac quod est in te, & non concupisce. At non potes. Quare nec Legem naturaliter imples. Quod si hanc non imples, multominus illam dilectionis. Item, fac quod est in te, & non irascere offendentī. Fac quod est in te, & non time periculum.

Vicesimotertio, Fac quod est in te, & non horreas mortem. *Quæso*: Quis hominum non horret, non diffidit in morte? Quis hanc non fugit? Attamen ex quo Deus eam vult nos subire, manifestum est, quod naturaliter plus nostram quam Dei voluntatem diligimus, Si enim plus Dei voluntatem diligeremus, cum gaudio mortem susciperemus, imo lucrum putaremus, sicut putamus, quando nostra fit voluntas. Ergo figmenta sunt quæ loquimur. Deum longe infra se diligit, imo odit, qui mortem (id est, voluntatem Dei) odit seu non diligit, At omnes sumus tales. Vbi nunc est amor Dei super omnia? Ecce non super vitam nostram & voluntatem nostram Deum diligimus. Quid etiam de inferno dicam? Quis hunc non odit?

Vicesimoquarto, Ipsa oratio dominica sola testis abunde est, quod mali sumus operarij in omni vita, Finge enim eum, qui facit quod est in se, An orandum sibi sit: Sanctificetur nomen tuum, Fiat voluntas tua. An potius sanctificatum est, & facta est? Si sanctificetur, ergo pollutum confidetur. Si fiat, ergo inobedientiam confitetur. Quod si id contingit in Filijs & Sanctis, quanto magis in impijs?
Anno M. D. XVIII.

INSTRVCTIO PRO CONFESSIO NE PECCATORVM

Abbrevianda, secundum Decalogum. Autore, D. Mar. Luthe.

Anno M. D. XVIII.

PRæceptum I.

Non habebis Deos alienos.

DEVVM habere, est talem aliquem habere, a quo confidas te adiuvare. *Deum habere.*
uari in omnibus malis, & prosperari in omnibus bonis, Quod cum non nisi vnus verus Deus facere possit, a nullo alio est expetendum, Ipse enim est & vult esse talis, id est Deus.

II.

Non assumes nomen Domini Dei tui in vanum.

Nomen Dei, est bonitas, iusticia, sanctitas, veritas, virtus, sapientia, & *Nomen Dei.*
omne quod nominari potest, Quia solus est omnia, & solus vocatur omnia.

h iij

III. Memento,

TRANSGRESSIO PRAECEPTO

III.

Memento, vt diem sabbati sanctifices.

Sabbatum.

Sabbatum, requies vel vacantia dicitur, quæ optima est ea, qua homo se ipso vacuus velut mendicus & pauper expectat eum, qui esurientes implet bonis, & diuites dimittit inanes.

III.

Deus Parentes loco suo constituit.

Honora patrem tuum & matrem tuam.

Honor ultra amorem, etiam honorem & reuerentiam includit, Insuper opus & ueritatē honoris hic intelligi uult Dominus, ut patet in Euangelio. Parentes enim & maiores Dominus suo loco constituit, & uicarios suos haberi mandauit.

V.

Non occides.

Non enim tantum ille occidit qui infert, sed etiam qui non aufert mortem. Vnde B. Augustinus: Pasce esurientem, si non pauisti, occidisti.

VI.

Non moechaberis.

Pessimum uicium adulteri nominauit, ut totam libidinem in omni differentia sua foedam & malam ostendat, ex qua tam magnum malum uenit.

VII.

Non furtum facies.

Hoc solum mandatum præ cæteris non plecebatur morte, sed poena retributionis duplæ uel quadruplæ, uel quintuplæ, ut Exod. 22.

VIII.

Non loqueris falsum testimonium aduersum proximum tuum.

IX.

Non concupisces uxorem proximi tui.

X.

Non concupisces domum proximi tui, Non seruum, nec omnia, quæ illius sunt &c.

Hæc duo præcepta exponunt præcedentia, nec pertinent ad confessionem, Cum de peccato fomitis inuincibilis in hac uita præcipiant, ut Apostolus Rom. 7. Quod nolo malum, hoc facio. Et Gala. 5. Caro concupiscit aduersus spiritum. Nemo ergo sine concupiscentia & auaricia perfecte mundus est in hac uita. Rom. 7.
Gal. 5.

Litera occidens.

TRANSGRESSIO SEV PRAEVARICATIO

io I. Præcepti.

Qui in rebus aduersis, magos, maleficos, incantatores, & diaboli pacta consulunt.

Qui tentant Deum subeundo pericula corporis & animæ sine necessitate.

Qui se literis, characteribus, herbis, consecrationibus supersticiosi, etiam sortilegijs contra aduersa tueri credunt.

Qui dies Aegyptios, signa Astrologorum, Hariolorum somnia, pro operibus suis obseruant.

Qui aduersitates suas diabolo, uel malis hominibus odiose attribuunt.

Qui non credunt omnia bona sibi uenire a Deo solo.

Qui

TRANSGRESSIO PRAECEPTO CLXXXV

Qui non sperant in omnibus malis iuari à solo Deo, qui omnia potest, nouit, uult solus.

Qui non referunt in solum Deum dulci corde & cum laude, omnia sua, siue bona, siue mala.

Qui etiam Sanctorum quorundam supersticiosam culturam, neglecta salute animæ, pro sola temporali securitate exercent.

Generaliter.

Qui creaturam quaecumq; timent & amant plus q̃ Deum.

Qui sibi placent ac superbiunt in iusticia, sapientia, aut quacumq; uirtute & bonitate.

II

Qui iurant ex mala consuetudine, & sine causa.

Qui iurant mendaciter, aut uouent mala, aut bona vota violant

Qui maledicunt etiam in nomine Domini.

Qui in scurrilibus fabulis iocantur in nomen Domini, & in scripturæ uerba.

Qui in aduersis non inuocant nomen Domini, nec in prosperis benedicunt & gratias agunt.

Qui iactant & uane gloriantur de bonis Dei, & gloriam quærunt apud homines.

III

Qui ludis, choreis, crapulis, ebrietatibus, otioq; vacant, vel etiam libidini, turpibusq; operibus.

Qui spectaculis, fabulis, discursibus seruiunt.

Qui diuina officia sine causa omittunt, præcipue uerbum Dei.

Qui contra Ecclesiæ præceptum laborant, & negociantur sine necessitate.

Qui sicte sabbatissant, tantum in victu, & amictu, sine fructu interni hominis.

III

Qui parentum suorum infirmitatem, paupertatem, ignobilitatem & humilitatem quaecumque erubescunt.

Qui necessitati eorum non seruiunt.

Qui eorum iussis non obediunt & ad iracundiam eos prouocant, vel etiam percutiunt vel detrahunt.

Qui non sublimiter de eis propter Deum sentiunt.

Qui Ecclesiæ præceptis non obediunt, & sacerdotium eius non honorant.

Qui principes, dominos, senatores, & omnes suos maiores non honorant, tam bonos quam malos.

Huc omnes hæretici, superbi, rebelles, schismatici, excommunicati pertinent atque apostata.

V

Qui occidunt opere, vel consilio, vel iussu.

Qui irascitur fratri suo, qui dicit ei Racha, id est, qui ex deliberato irascitur, Et signa quaecumq; mortalis iræ ostenderit, & signa rancoris non deposuerit.

Qui dixerit

Quia totus est nouum, & superius subditio.

Antor sui usq; ad contemptum Dei & proximi.

TRANSGRESSIO PRAECEPTO

Qui dixerit fratri Fatue, id est, omnes maledictiones, blasphemias, contumelias, uituperia, detractiones, iudicia, suspitiones & uniuersa amaritudo, qua os earum plenum est.

Huc pertinent inuidi & iracundi, contentiosi, iurgia, bella, praedae, latrocinia &c.

Qui opera misericordiae non exercent.

Qui inimicos non diligunt, non pro eis orant, non eis ignoscunt, non bene faciunt.

VI

Qui libidinem opere stupri, fornicationis, adulterij, immundicie, incestus etiam perfecit.

Qui turpibus uerbis, cantibus, historijs, picturis, delectatus fuerit.

Qui obscenis gestibus, libidinosis oculis, signis, gressibus, literis eam prouocavit.

Qui immoderato cultu corporis libidinem in alijs uel seipso irritauerit.

Qui cogitationibus cum consensu in libidinem delectatus fuerit.

Qui gulam, crapulam, ocium, pigritiam, somnolentiam, sexum, & alia fomenta libidinis non fugerit, quia qui amat periculum, peribit in illo.

Qui aliorum non tuetur & cauet castitatem, si potest, sed potius prodit & perdit.

VII

Qui rapit aliena furto, sacrilegio, peculatu, abigeatu, plagiatu.

Qui usuram agit.

Qui dolo & fraude in negocijs utitur, falsis mensura & pondere, quo modo sibi fieri nolle.

Qui iniustas hereditates possidet, uel accipit.

Qui quaerit diues fieri, & cupidus & avarus est.

Qui proximo suo non gratis mutuat, aut necessitatem habenti non donat.

Possunt & huc opera misericordiae applicari.

VIII

Qui coram iudicio veritatem obtinet vel supprimit.

Qui perniciose mentitur.

Qui adulatur.

Qui est susurro aut bilinguis.

Qui pacem turbat & discordias seminat.

Qui proximi vitam, uerba & opera, sinistre interpretatur.

Qui eiusmodi pessimas linguas libenter audit & adiuvat.

Qui proximum suum non defendit, nec pessimis istis linguis resistit.

Compendium decem Praeceptorum.

Quaecumque uultis ut faciant uobis homines, & vos facite illis. Haec est enim Lex & Prophetarum. Matth. 7. Nemo enim uult sua concupisci, rapit, Nemo infamari, maledici, uxorem pollui, occidi, noceri, Nemo rebellionem, ingratitude, irreuerentiam aliorum tolerare, sed magis amari, foueri, honorari, laudari &c.

Facile itaque patet, quomodo quinque Sensus in sexto potissimum praepcepto includantur, aliquando & in quinto.

Sex opera

Usurpatio rerum proximi, & subtrahio suarum.

Quinque sensus.

TRANSGRESSIO PRAECEPTO CLXXXVI

^a Sex opera misericordiae in quinto & septimo.

^b Septē peccata mortalia, Superbia in primo & secūdo, Luxuria in sexto, Sex opera misericordiae. Ira, Inuidia in quinto, Gula in sexto, Acedia intertio, imo in omnibus simul.

^c Aliena quoque peccata in singulis praeceptis sunt, quia potest iussu, consilio, auxilio fieri, quod proprio opere non fit contra singula mandata. ^b Septem peccata mortalia.

^d Frustra quoque peccata clamantia seu muta seorsim nominantur, cum sint in quinto, sexto, septimo.

Item ^e septem dona spiritus, & octo beatitudines sine causa etiam adducuntur, Similiter & Sacramenta septem. ^c Aliena peccata.

^f Sex autem peccata in Spiritum sanctum contra primum praeceptū sunt, quia contra fidem, spem, charitatem. Sed subtiliora sunt, quā ut simpliciores fatigandi sint eorum cognitione, multo minus confessione, ut sunt. ^d Peccata clamantia seu muta est.

Obstinatio

Desperatio

^e Septem dona spiritus.

contra fidem

contra spem.

Impugnatio

Præsumptio.

Finalis impoenitentia

contra charitatem Dei & proximi.

^f Sex peccata in Spiritum sanctum.

Inuidia fraternae gratiae.

PLENITUDO EORVM

I

Timor & amor Dei in plena fide & spe, quod est perfecta sui abnegatio & resignatio, id est gratia per Ihesum Christum Dominum nostrum.

II

Inuocatio, laus, glorificatio sancti nominis Dei, ac nominis proprii, vanaeque gloriae contemptus, id est gratia Dei per Ihesum Christum.

III

Actuatio primi & secundi praecepti, id est, seipsum capacem gratiae facere, & materiam sese praebere operaturo Deo, Quod fit orando, Missam & verbum Dei audiendo, Christi passionem memorando, & pro peccatis gemendo, quod est spiritualiter communicare, Totum gratia Dei per Ihesum Christum.

IIII

Obedientia & humilis subiectio omni humanae creaturae propter Deum. Seruare unitatem Ecclesiae, & suo sensui per omnia cedere, captiuum in obsequium Christi, & ædificationem proximorum, id est gratia Christi.

V

Mititas, benignitas, patientia, pax, beneuolentia, misericordia, Et omnino dulcis affectus cordis in omnes homines, etiam inimicos, Quod non habet natura, sed gratia Dei in Christo.

VI

Castitas, pudicitia, verecundia, sobrietas, temperantia, ieiunium, uigiliæ, occupatio, & omnia, quae castitatem promouent, & carnem subiiciunt. Hic notum est prae cæteris gratia Dei opus esse, quae sola strenuum & feruidum facit spiritum.

VII

Paupertas spiritus, largitas seu liberalitas, communicandarum suarum rerum facilitas.

VIII. Veritas

Abstinencia & reclusio & neminibus Dei, & oblatio sui nihil. Charitas Dei & proximi usque ad contemptum sui.

INSRTVC PRO CONFESSIO

VIII

Veritas & simplicitas, accusarum defendere, regere pauperem, & inopem iustificare, vt Psal. 82. dicit, Neminem fallere, nulli adulari.

IX ET X

Purissima castitas, & paupertas spiritus, radicitus euulsa libidine & cupiditate, Quod in hac vita incipit quidem & proficit, sed in futura perficitur.

Spiritus viuificans.



Aduerte, q̄ magnus est error eorum, qui ad Sacramentum Eucharistie accedunt, arundini illi innixi, q̄ confessi sint, quod non sibi conscij sint peccati mortalis, vel premiserint orationes suas, & preparatoria, Omnes illi sibi iudicium manducant & bibunt, Quia his omnibus non fiunt digni & puri, Imo per eam fiduciam puritatis peius polluuntur. Sed si credant & cōtidant sese gratiam ibi cōsequuturos, hæc sola fides eos facit puros & dignos, quæ non nititur operibus illis, sed purissimo, pijsimo, firmissimoque uerbo Christi dicentis: Venite ad me omnes, qui laboratis &c. In præsumptione, inquam, istorum uerborum accedendum est, & sic accedentes non confundentur. Vnde ait Aposto. 1. Corinth. 11. Probet autem seipsum homo & sic de pane illo edat.

Matth. 11.

1. Cor. 11.

Ista probatio alijs refertur ad discussionem peccatorum præteritorum, ut studio possibili peccata sua recorderetur atq̄ poeniteat. Sed hæc est inicialis, & adhuc rudis probatio, quæ non nisi timorem & angustiam conscientie facit, plusq̄ retrahit à Sacramento q̄ attrahat. Ideo in ipsa nullo modo standū est, sed procedendū ad probationem, quæ ad præsentis status cōditionem refertur, ut homo probet & examinet, quo affectu sit formatus, An cupiat gratiā, iusticiam, salutem, An adhuc potius sitiat vel lucrū vel honorem, uel uoluptatem. Hoc est q̄ alij dicunt satis obscure, An adhuc sit in proposito peccandi actuali. Nam summa & optima dispositio ad Sacramentū est illa, Si homo sese probans inuenit se sitire gratiā, ac credere illam consequi ibi posse, displicetq̄ sibi, ac miserū se & egenum in spiritu cognoscit, plenū multis atq̄ peruersis cupiditatibus. Talis est recte dispositus, quia secundum B. Augustinū, Iste cibus Sacramenti nihil ita odit, sicut fastidientem & saturum, Nihil itaq̄ requirit, sicut esurientem & sitientem, Qui ita facit recte se probat.

Talis etiam Apostolo satisfacit, qui ista scribit contra saturos & superbos, qui inuicem alter alterum despicientes, mutuo dissentiebant, qualium morbus est non nisi alios probare, iudicare, examinare, seipsos vero, tanquā iudicio, probatione, examine sui non egeant, negligere, ac sic gratiam fastidire. Vnde dicit: Seipsum probet, quasi dicat: Cesset probare alios, & inueniet sese satis miserum & egenum gratia, Quo inuento, iam digne manducat, qui alias indigne manducat, dum superbit, & alios despicit.

Gala. 6.

Sic & Gala. 6. Opus suum probet unusquisque, & tunc in semetipso tantum habebit gloriam, & non in altero. Et hic infra: Si nos ipsos iudicaremus, non utiq̄ à Domino iudicaremur. Tota ergo uirtus uerbi est in isto pronomine, se ipsum, quasi dicat: Vos indigne cōmunicatis, quia inuicem dissentitis, ac despicitis, Et hoc, quia inuicem probatis, Sed omittite probare inuicem. Verum seipsum quilibet probet, ac sic de illo pane edat &c.

Anno M. D. XVIII.

F. Mart. Luth.

PIO

Abstinentia à rebus proximi,
& exhibitio suarum.

PIO LECTORI



T semper inde vsque ab initio Mundi in certaminibus Ecclesiæ, simul historiam & doctrinam considerare necesse est, Nam historia multa monet, qualia sint Ecclesiæ pericula, qui hostes, qualis defensio dogmatum & confidentium, qualis instauratio, Ita in hac lectione librorum Reuerendi Patris D. Martini Lutheri, magnopere prodest, & huius nostræ ætatis hominibus & posteritati, considerare Historiam & Doctrinam.

Ante hæc certamina, tristissimæ in Ecclesia tenebræ fuerunt, de maximis rebus, de pœnitentia, de iusticia fidei, de gratuita remissione peccatorum propter Christum, de vera inuocatione, de discrimine legum diuinarum & traditionum, quæ superstitione humana sine modo cumulatae erant, de vsu & administratione Sacramentorum. Non dissimiles erant ethnicis opinionibus ac ritibus emptiones & venditiones Missarum, funebria spectacula, inuocationes hominum mortuorum. Nec tantum Tempia, sed etiam Scholæ plenæ erant & errorum, & insularum quæstionum, qualis est, An Deus possit præcipere odium sui? Sed hæc δυσφημία non sine dolore referre possum.

In hac tanta caligine ingeniosi homines multi, quia non tradebatur firma & explicata doctrina Euangelij, ethnicas & philosophicas opiniones de religione amplectebantur. Et malum hoc grassatum esset latius, nisi Filius Dei immensa misericordia sua, sicut subinde Ecclesiam instaurauit, excitasset Spiritu suo sancto Lutheri pectus & vocem, ad multorum errorum correctionem, & ad illustrandam Euangelij doctrinam. Sicut scriptum est de filio Dei: Sedet ad dexteram Patris, & dat dona hominibus, Apostolos, Prophetas, Pastores & Doctores, Ne circumferamur omni uento doctrinæ, id est, subinde exuscitat Christus salutare Doctores ad instaurandam Ecclesiam, alias magis, alias minus claros.

Vt post Moisen excitati sunt, Samuel, Nathan, Dauid, Deinde Elias, Eliseus, Esaias, Ieremias, Daniel, Haggeus, Esdras, Simeon, Zacharias, Baptista, Christus, Apostoli. Et post hos Athanasius, Augustinus, Prosper, Taulerus, Hilten, & passim aliqui plusculum lucis habentes, qui aliquos crassiores abusus taxarunt, donec Lutheri uoce ad fontes reuocata est Doctrina, & tota repurgata est.

Hic igitur vtrunq; faciendum est, Deploremus tenebras tam longi temporis, quæ adhuc remorantur multos, ne lucem aspicere possint, & in multis rebus emendationem impediunt. Agamus etiam

i. gratias

PIO LECTORI

gratias Deo, q̄ lucem restituit, Ac oremus ne extingui eam sinat. Hęc Lectoribus pijs in hac historia consideranda sunt præcipue.

Postea vide seriem certaminum, Vt Christus adolescens primum in Schola disputauit cum Doct̄oribus, Deinde vero post baptismum suum Pontifices & Sacerdotes taxauit, Postremo etiam apud Herodem & Pilatum accusatus est. Ita vides nunc initia fuisse in Schola, eruditissimas disputationes, de Pœnitentia, de immodicis præconijs liberi arbitrij, de iusticia fidei, de gratia, & alias. Deinde Pontificum, Episcoporum, Monachorum errores, & tyrannicæ leges reprehensæ sunt, Et totum agmen Phariseorum se aduersus Lutherum coniunxit, eumq̄ in Prætoria traxit.

Anno 1518. Post inquisitorum citationem, accersitus fuit Lutherus ad conuentum Augustanum Maximiliani Imperatoris tempore, in quo erat Legatus Pontificius Cardinalis S. Sixti. Deinde bellum accendit maius Eccius, qui & Bullam a Leone X, extorsit. Deinde in conuentu Caroli Imperatoris in vrbe Vangionum, Lutherus ab ipso Carolo Imperatore & senatu Principum auditus est. Et paulatim doctrina latius sparsa est. Et quamquam Pontifices, Episcopi & Monachi non solum calumnijs, sed etiam ferro & igni confessores Euangelij oppugnabant, Tamen multi pijs Gubernatores, Principes & populi Ecclesias pie, ad normam doctrinæ Lutheri, emendare cœperunt.

Anno 1525. Fuitq̄ mox Luthero dimicandum non modo cum factione Papistica, sed etiam cum alijs multis fanaticis hominibus, quorum alij, cum se iactarent Euangelij professores, passim agricolas ad arma uocauerunt, Alij de Sacramentis, baptismo et cœna Domini, falsas opiniones spargebant. Hęc historia ex serie Librorum cognosci poterit.

Cum autem Christus præcepit Apostolis, cum pauissent populum, vt fragmenta colligerent, monuit, vt suorum Doct̄orum monumenta diligenter asseruamus. Ideo hæc Scripta & colligimus, & ordine distribuimus. Et pios omnes hortamur, vt ea studiose legant, & eorum lectione se ad veram inuocationem Dei & Filij eius Domini nostri Ihesu Christi excitent, & orent, vt Deus Ecclesiæ suæ reliquias seruet & regat, Amen. Die Bartholomæi,

M. D. XLIII.

Casparus Crucigerus.
Georgius Rorarius.

Conuentus

CONVENTVS AV

GVSTANVS ANNO M^d·XVIII

EPISTOLA IMPERATORIS MAXIMI

liani Augusti: missa ex Conuentu Augustano, Anno M. D.

XVIII. De controuersijs Lutheri, ad Leonem

X. Pontificem Romanum.

BEATissime Pater, Domine reuerendissime, Accepimus nō adeo multos ante dies, quendam Fratrem Augustinianum, Martinum Lutherum, nonnullas Conclusiones in materia Indulgentiarum, scholastico more discutiendas, disseminasse, nec non in Concionibus suis & ea de re, & de uⁱ apostolicarum Excommunicationum plurima docuisse, in quibus damnosa & hæretica pleraq; videantur, Atque ea nunc per Magistrum sacri uestri Palacij notata esse. Quæ res nobis eo magis displicuit, quo pertinatius dictus Frater, ut edocti sumus, doctrinæ suæ inhærere, atque complures errorum suorum Defensores & Patronos, etiam potentes, consequutus esse dicitur.

Verum, cum suspectæ adsertiones, & periculosa dogmata a nemine melius, rectius & verius dijudicari queant, quam a Beatitudine vestra, quæ sola, ut potest, ita debet, vanarum Quæstionum, sophisticarum Rationum, & verbosarum contentionum Autores compescere, quibus pestilentiores Christianæ pietati nulli contigerunt, Huc tantum spectantes, ut quod ipsi didicerunt, id solum habeatur in precio, Quod præsentis seculi, & eruditiorum consensus, & pie antea in Christo defunctorum candida & solida doctrina comprobat.

Extat peruetustum Pontificij senatus Decretum, de constituendis Doctoribus, in quo de sophistica nusquam vnquam quicquam tantum est, Nisi q̃ ista in Decretis vocantur in dubium, Vtrum fas sit, ea discere nec ne, atq; horum studium a multis & magnis Autoribus improbatur.

Cum igitur, quod Pontificum autoritas iussit, negligitur, & de quo dubitatum, imo improbatum est, id solum recipitur, necesse est interdum hallucinari, somniare & cœcutire Magistros istos, quibus debetur, quod non solum hætenus Doctores ab Ecclesia recepti solidiores non lecti, sed pleriq; deprauati sunt, atq; mutili redditi.

i ij Tacemus

EPISTOLA MAXIMILIANI

Iohannes Reuchlin. Tacemus ijs Autoribus pullulasse longe plures, quam unquam damnatas fuisse hærefes. Tacemus Reuchlinianam infamationem, & nunc præsentem hanc periculosissimam de Indulgentijs atq; censuris Apostolicis disceptationem, his perniciosis Autoribus in mundum emanasse, Quibus nisi Beatitudinis uestre & reuerendissimorum Patrum autoritas legem finemq; imposuerit, breui non solum imperitæ imponent multitudini, sed & principum uirorum sibi auram & fauorem in mutuam perniciem comparabunt. Quibus si conuiuentibus oculis campus apertus atq; liber dimittatur, futurum est, ut quod omnium maxime in uotis habent, ut pro optimis & sanctissimis Doctoribus istorum nenias præ oculis habere cogatur totus mundus.

Hæc pro singulari nostra in sedem Apostolicam reuerentia Beatitudini uestre significauimus, ut sinceritas Christiana huiusmodi temerarijs Disputationibus & captiosis Argumentis, non lædatur & scandalizetur. Nos enim quidquid super his sancte statuerit in Imperio nostro, ad laudem & honorem Dei omnipotentis, & Christi fidelium salutem, ab omnibus obseruari faciemus.

*5. Augusti.
Anno 18.*

Datum in ciuitate nostra imperiali Augusta, Die quinta mensis Augusti, Anno M.D.XVIII. Regnorum nostrorum, Romani tricésimo tertio, Hungariæ uero uicesimo nono.

RESPONSIO D. FRIDERICI: DVCIS SAXONIAE. SACRI Imperij Electoris, ad Epistolam (quam desideramus) D. Raphaelis, Tituli S. Georgij ad uelum aureum.



Reuerendissime in Christo Pater, amicissime & Domine & amice, Charitatis vestre literas, datas Romæ die III. Aprilis, mihi die VII. Iulij redditas, ut perlegi, ita amanter a Charitate vestra accepi atq; intellexi. Maxime, qd adhuc Patris mei amantissimi beatæ memoriæ recordetur. Perpetuo enim honorem, & optima quæq; mihi de Cha: vestra pollicitus sum, Quemadmodum Cha: vestra ex meis hætenus literis facile potuit deprehendere. Neq; inferiora etiamnum mihi de Cha: vestra polliceor, paratissimus etiam vicissim, Cha: vestre gratiam referre. Et quoniam intellexi Cha: vestre, nescio quæ aduersa accidisse, grauatum vicem vestram tuli. Quod

RESPOND. FRI. SAXO. ELECT: CLXXXIX

Quod si res interim Cha: vestrae meliores factae sunt, non sine magna animi & voluptate & læticia intelligerem.

Porro, quæ Cha: vestra de Doctore Martino Luthero scribit, cognoui. Itaq; Charitas vestra, Deo volente, nunquam intelliget me secus daturum atq; futurum, mihi etiam neq; animum neq; voluntatem aliam fore, qm me obtemperantem atq; dicto audientem sacrosanctæ Ecclesiæ Catholicæ dandi.

Neq; etiam hætenus vnquam mihi sumpsi vel scripta vel conciones Doctoris Martini Lutheri tuendi, imo ne hodie quidē. Quem admodum ego idipsum etiam pontificiæ Sanctitatis Legato Cardinali S. Sixti, Imo & Pontificio Nuncio Carolo Miltitio, tum literis, tum coram ostendi.

Cæterum, vt audio, Doctor Martinus nunquam non obtulit, se coram æquis, commodis, non suspectis & prudentibus Iudicibus, fide publica munitum, obedienter compariturum, doctrinam suam ipse defensurus, Et meliora atq; sanctiora ex scripturis Sanctis edoctum, sese obtemperantem & ductilem præstaturum.

Ad hoc audio ipsi admotum Commissarium Archiepiscopum & Electorem Treuerensem, amicum meum, Ad cuius vocationem, non dubito fide publica probe & satis munitum obsequenter compariturum. Vt nemo mihi quidquam hoc nomine possit iure crimini vertere. Ex animo enim mihi doleret, mea hac ætate errores in sancta fide Catholica suboriri, atque existere, Hocq; molestius mihi esset, errores a me prouehi. A qua impietate, vt oro, me

Deus clementer præseruet intaminatum. Id quod

Cha: vestrae ad literas ipsius nolui clam esse,

flagitans, has meas literas non inamanter excipiendas atque intelligendas.

Quam Deo omnipotenti fœliciter conseruandam commendo.

Datum ex Augusta, V. Augusti,
Anno M. D. XVIII.

i. iii

LEO

LEO PAPA X.

DILECTO FILIO NOBILI VIRO, FRI-

derico, Duci Saxoniae, Sacri Romani Imperij

principi Electori, S.



ILleste fili, Salutem & apostolicam benedictionem. Cum memoria recolimus nobilissimam Familiam tuam, teq; ipsum caput & ornamentum familiae ad caeteras laudes proprias generis vestri hanc primam & potissimam esse voluisse, vt per vos Dei fides ac religio, & huius sanctae Sedis honor ac dignitas, quemadmodum quidem decet & fas est, salua atq; illibata manerent, non possumus existimare errantem quempiam a fide, vel aduersus eam potius oblatrantem, tuae nobilitatis fauore aut gratia fretum, superbiae & iniquitati suae frena tam audacter laxare.

Cum vero audimus, & ad nos vndiq; defertur, quendam iniquitatis filium, Fratrem Martinum Lutherum, ordinis Eremitarum, S. Augustini congregationis Alemanniae, immemorem habitus, professionisq; suae, quae in humilitate & obedientia consistit, praeuaricantem, in Ecclesia Dei iactare se, tanquam tuae nobilitatis praesidio munitus, nullius auctoritatem reprehensionemq; vereatur. Etsi cognoscimus falsum hoc esse, tamen eidem nobilitati tuae scribendum duximus, Hortantes eam in Domino, vt pro nomine & dignitate boni catholiciq; Principis, qualis tu es, retinere splendorem optimae famae generis tui immaculatum ab hac calumnia velis. Neque solum culpam euitare, quod facis, nulla enim adhuc in te nostro iudicio culpa est, sed etiam suspicionem fugere huius culpae, quam tibi illius temeritas inferre conatur.

Et quoniam ex doctissimorum ac religiosissimorum hominum relatione, ac praesertim dilecti filij Magistri sacri Palacii nostri, nobis constat, multa, dictum Fratrem Martinum Lutherum, impia & haeretica, audere asserere, & publice affirmare. Nos & eum citari ad respondendum iussimus, & dilecto filio nostro Thomae, tituli S. Sixti Presbytero Cardinali nostro, & huius sanctae Sedis de latere Legato, homini omnis Theologiae Philosophiaeq; consultissimo, quid eum agere oporteat, commisimus.

Cum autem haec res Dei catholicaeque fidei sinceritatem omnino concernat, sitque proprium officium Sedis Apostolicae, fidei magistrae cognoscere, qui recte sentiant aut perperam. Hortamur denuo nobilitatem

Sicut asinus ad
LXXVII.

nobilitatem tuam, & in virtute sanctæ obedientiæ mandamus, vt & Dei, & Nostri, & sui honoris causa, dare operam & efficere velit, vt is Martinus Lutherus, in ^b potestatem & iudiciū huius sanctæ Sedis, si ^b *ouis in potestatem Lupi.* cut a te Legatus prædictus requisierit, deducatur. Quod erit fidei catholicæ gratum & salutare munus, tuæ nobilitati, ob pietatis & religionis cultum, in primis honorificum. Siquidem ad honorem nominis tui & animæ salutem in primis pertinet, ne præsens & futurum seculum vlllo tempore commemorare possit, hæresin perniciosissimam in Ecclesia Dei, fauore Domus tuæ nobilissimæ, fuisse exortam, cui te periculo occurrere tua sapientia decet.

Quod si forte aliquid tibi de eo in bonam partem persuasum est, re' apud Sedem apostolicam discussa, & veritate indagata, aut is, si erit innocens, cum bona nostra gratia remittetur. Aut si prauæ mentis inuentus fuerit, mens tua ab omni errore liberabitur. Nos & paterno affectu, & ex pastoralis officio, neque innocentiae poenam vllam proponimus, & poenitentiae clementiae nostræ gremium largiter aperiemus.

Datum Romæ apud S. Petrum, sub annulo

Piscatoris, Die XXII. Augusti.

Anno M.D.XVIII. Pontificatus nostri anno sexto.

23. Augusti.


Anno XVIII.

Jacobus Sadoletus.

LEO PAPA X. DILECTO NOSTRO FILIO

Thomæ Tituli S. Sixti Presbytero Cardinali

nostro, & Apostolicæ Sedis de latere Legato.



ILecte fili noster, Salutem & apostolicam benedictionem. Postquam ad aures nostras peruenerat, quendam Martinum Luherum, Ordinis Eremitarum S. Augustini Professore, in reprobum sensum versum, nonnulla hæretice, & ab eo, quod sancta Romanæ Ecclesia, diuersa asseuerare, & super hoc Conclusiones, nec non famosos Libellos temeritate propria, & erecta ceruice, laxatis obedientiæ frenis, inconsulta Romana Ecclesia, fidei Magistra, in diuersis Germaniæ partib. publicare ausum fuisse, Nos temeritatem suam paterne corrigere volentes, Venerabili Fratri nostro

i iij

Hieronymo

EPISTOLA LEONIS X

*Hieronymus Episcopus
Asculanus.*

Hieronymo Episcopo Asculano, Curiae causarum Camerae Apostolicae generali auditori, commisimus, ut ipsum Lutherum ad comparandum personaliter coram eo, & se super praemissis examinandum, & qualiter de fide sentiret respondendum, sub certis poenis moneret, Ipseque Hieronymus auditor, contra dictum Martinum Lutherum monitorium huiusmodi, ut accepimus, decrevit.

^a Nuper autem ad noticiam nostram deuenit, quod dictus Martinus
^b benignitate nostra abusus, & audacior effectus, mala malis addendo,^b & pertinaciter in haeresi persistendo, nonnullas alias Conclusiones ac famosos Libellos similiter publicauit, in quibus nonnulla alia haeretica & erronea continentur, Quod quidem mentem nostram non modicum perturbauit.

Quare, prout pastorali nostro incumbit officio, in praemissis occurrere, & ne pestis huiusmodi adeo inualeat, ut simplicium animos inficiat, prouidere volentes, circumspectioni tuae (de qua tum ob singularem doctrinam & rerum experientiam, tum ob in nos, & hanc sanctam Sedem, cuius honorabile membrum existis, sinceram deuotionem plurimum in Domino confidimus) per praesentes mandamus, ut eisdem praesentibus receptis, absque ulla mora, quoniam res apud nos, tum ex fama, tum ex facti permanentia, notoria & inexcusabilis est, dictum Lutherum haeticum, per praedictum auditorem iam declaratum ad personaliter coram te comparandum, Inuocato ad hoc tam clarissimi in Christo filij nostri Maximiliani Romanorum Imperatoris Electi, quae reliquorum Germaniae Principum, Communitatum, Vniuersitatum & Potentatum, tam ecclesiasticorum, quae secularium, brachio, cogas atque compellas, & eo in potestate tua redacto, eum sub fideli custodia retineas, donec a nobis aliud habueris in mandatis, ut coram nobis & Sede apostolica sistatur.

Ac quod si coram te, sponte ad petendum de huiusmodi temeritate ueniam, uenerit, & ad cor reuersus poenitentiae signa ostenderit, Tibi eum ad unitatem sanctae matris Ecclesiae, quae nunquam claudit gremium redeunti, benigne recipiendi concedimus facultatem.

Si uero in pertinacia sua perseverans, & brachium seculare contemnens, in potestatem tuam non uenerit. Tibi in omnibus Germaniae partibus eum ac omnes ipsius adherentes & sequaces, etiam per Edicta publica, ad instar illorum, qui olim in Albo praetorio scribebantur, pro hereticis, excommunicatis, anathematizatis, & maledictis publicandi, & ab omnibus Christifidelibus, tanquam tales euitari faciendi, concedimus similiter facultatem.

Et ut

Et ut celerius & facilius morbus huiusmodi exterminetur, vniuersos & singulos Prælatos, & alias ecclesiasticas Personas, tam seculares quàm quorumvis Ordinum, etiam mendicantium regulares, nec non Duces, Marchiones, Comites, Barones, ac quascunq; Communitates, Vniuersitates & Potentatus (præfato Maximiliano electo Imperatore excepto) autoritate nostra etiam sub Excommunicationis latæ sententiæ, & alijs infra dicendis pœnis moneas, & requiras, vt sicut reputari cupiunt, & haberi fideles, dictum Martinum, & eius adhaerentes & sequaces capiant, & ad manus tuas transmittant.

Quod si, quod absit, quod nobis persuadere non possumus, prædicti Principes, Communitates, Vniuersitates, & Potentatus, aut aliquis eorum Martinum, aut adhaerentes & sequaces prædictos quomodolibet receptauerint, seu eidem Lutherò auxilium, consilium vel fauorem publice vel occulte, directe vel indirecte, ex quauis causa quomodolibet dederint, eorundem Principum, Communitatum, Vniuersitatum, & Potentatum, ac cuiuslibet eorum Ciuitates, oppida, terras & loca, Nec non ciuitates, oppida, terras, & loca ad quæ prædictum Martinum declinare contigerit, donec dictus Martinus ibidem permanserit, & per triduum post, ecclesiastico subiicimus Interdicto.

Mandantes nihilominus omnibus & singulis Principibus, Communitatibus, Vniuersitatibus & Potentatibus prædictis, vltra præfatas pœnas, quo ad ecclesiasticos & regulares prædictos sub priuationis Ecclesiarum, Monasteriorum, & aliorum Beneficiorum ecclesiasticorum, nec non inhabilitatis ad ea in posterum obtinenda, Priuatione quoq; feudorum. Quo vero ad Laicos, dempto prædicto Imperatore, infamiæ, & inhabilitatis ad omnes actus legitimos, ecclesiasticæ sepulturæ, priuationis quoq; Feudorum, a nobis & sede Apostolica, vel quibusuis alijs etiam secularibus obtentorum pœnis, eo ipso incurrendis, quatenus mandata requisitionis & hortationes tuas sine exceptione, contradictione & replicatione aliqua ilico exequantur, & a consilio, auxilio, fauore, & receptatione prædictis omnino abstineant.

Obedientibus vero Indulgentiam etiam plenariam, seu retributionem aliquam, aut gratiâ arbitrio tuo concedendi, tenore presentium tibi tribuimus facultatem. Non obstantibus exemptionibus, privilegijs, & indultis, iuramento, confirmatione Apostolica, vel quauis firmitate alia, roboratis, quibusuis ecclesiasticis seu cuiusuis Ordinis & mendicantium regularibus, Ecclesijs, Monasterijs siue locis,

POSTILLA D. MARTI LVTHE

locis, aut personis etiam secularibus, quomodolibet concessis, etiam si in eis caueretur expresse, quod excommunicari, suspendi, interdici, nullo modo possint, cum irritantis decreti appositione, quibus eorum tenores, ac si de verbo ad verbum presentibus infererentur, pro expressis habentes, ad effectum presentium specialiter & expresse derogamus, & derogatum esse volumus, Cæterisque contrariis quibuscunque.

Datum Romæ apud S. Petrum, sub annulo
Piscatoris, ^d Die XXIII. Augusti,
Anno M. D. XVIII.
Pontificatus nostri anno sexto.

23. Augusti.
Anno XV 112.

Jacobus Sadoletus.

POSTILLA F. MARTINI LVTHERI SUPER breue precedens.



Vis dixit Pontifici, me a abusum benignitate sua, qua me per Dominum Hieronymum citari fecit: cum tempore huius dati Brevis, aut certe huius benignitatis abusus, ego nondum quidquam de Citatione audierim, ut infra scies, sed insulsus aliquis Leucoeorax in Germania meam uidens fiduciam, ista crocitauit.

Item, b Quod in hæresi pertinaciter post Hieronymianam citationem & monitionem perstiterim, & alios Libellos ediderim, est apertum mendacium, non solum enim ante datum huius Brevis, sed etiam ante datum monitorij, cessatum erat a libellis meis edendis, Exceptis resolutionibus, quas necdum citatus plene absolueram. Sed satis indicat nasus, displicuisse defensionem meam uulgarem, quibusdam cucullis, quibus cum non cederem, fingunt mihi, Pontificem quendam c de permanentia facti, de fama notoria & inexcusabili, diuinantem. Iste enim Leo X. quem illi fingunt, forte est inter rationem rei ratiocinabilis, & rei ratiocinantis natus.

Vltimo & omnium suauissimum, Breue hoc datum est d XXIII. Augusti, Ego autem citatus & monitus fui VII. Augusti, & sic intra datū Brevis & citationem cucurrerunt 16. dies. Calculum pone, Lector, & inuenies Dominum Hieronymum Episcopum Asculensem, vel ante mihi insinuatam citationem, aut intra decimum sextum diem, post insinuatā, processisse contra me, iudicasse, dampnasse, declarasse. Si nunc queram, ubi tunc sexaginta illi dies mihi dati in citatione mea, qui inceperunt a. VII. Augusti, finiebantur autem circiter VII. Octobris. Est iste mos & stylus romanæ Curia, ut eadem die citent, moneant, accusent, iudicent, dampnent, declarent, Præsertim tanto spacio absentem & ignorantem? Quid respondebunt, nisi sese oblitos & eleboro purgandos fuisse, quando hoc mendacium adornare parabant?

IN fine,

Supra fol. 79. b.

Breue apostolicum.

D. Hiero: Episcopus
Asculensis.

IN fine, mi lector, accipe fidele meum monitorium, Vtunque cesses
Irit meis Propositionibus & quantūcūq; Indulgentias eleuauerint, ne in
meam stulticiam aliquando cadas, monco. Ego enim uere mihi donari me-
rita Christi per Indulgentias aliquando credebam, Atq; hac stulta opinione
procedēs docui, & iactaui in populū, quandoquidem tantę res essent Indul-
gentiæ, non licere eas relinquere, uiles & contemptas habere, Non aduer-
tens omnium Bardorum bardissimus, q; eo sermone, pene præceptum salu-
bre, aut certe consilium necessarium facerem, ex permissionibus, licentijs, re-
laxationibus, Huc enim me perpulit sensus meus, opinio n m & Extraua-
gantium male lucidis uerbis deceptus. Erraui, testis Lector, Reuoco, testis,
Lector.

Postquam autem receptis oculis viderem, ab omnibus Doctori-
bus, una sententiā, tradi, Indulgentias melius omitti q; redimi, & foeliciores
esse eos, qui per se satisfaciunt, q; qui Indulgentias redimunt, esseq; Indul-
gentias aliud nihil, q; relaxationes bonorum operum, quibus satisfactio im-
pletur, mox uidi proclui sequela, eas posse contemni, Imo saluberrimum
esse consilium, ut relinquātur & uiles habeantur.

Porro contemnere, relinquere, uilia ducere, sacrosancta, preciosissima,
inæstimabiliaq; merita Christi (id est, Indulgentias) horrendum sonabat, ac
non tam consilij q; furentis impietatis uerba iudicabantur. Ad hæc perur-
gebat, quod Indulgentiæ sine nomine meritorum Christi uilissimæ essent,
solumq; titulo meritorum Christi, rerum omnium preciosissimæ fierent, ac sic
sacrosancta (heu) incomparabilia merita Christi, ad turpissimā foedissimamq;
seruitutem quæstus prætexerentur. Quis enim Christianorum, si audiat, uel
nominari, nedum exhiberi uulnera, sanguinem, labores dulcissimi Saluato-
ris sui, non uitam quoq; nedum pecunias, prodigeret, idq; cum gaudio? At
quo rursum dolore cruciaberis, si hæc omnia non nisi in teterrimum quæstum
seruire uideris, ac non uno Iuda, nec semel, sed innumeris Iudis, singulisq;
momentis uendi reuendiq; Christum.

Math. 24 Igitur non te fallat nomen Christi, recordare prædictum esse, multos
uenturos Pseudochristos in nomine Christi, tantaq; prodigia & signa datu-
ros, ut in errorem ducant (si fieri potest) etiam electos. Sic mea Propositio fal-
sa, sint merita Christi thesaurus Indulgentiarum, Sed cogita, q; hinc sequi ne-
cessarium est, & dicere te oportet: Merita Christi relinquenda, & uilia du-
cenda esse, foeliciores esse eos, qui merita Christi non redimunt,
quam eos, qui deuotissime eadem quærun, Et cum merita
Christi, quam maxime (natura sua) ad bona opera
impellant, in Indulgentijs tamen sibiipsis pug-
nantia, bona opera relaxant, & quod natura
sua, uoluntateq; Dei faciunt, id uoluntate
Papæ soluant. Feci, quod debui, Le-
ctor, si deinceps erras, sine
mea culpa erras,
Vale.

Anno M. D. XVIII.

Epistola

EPISTOLÆ DVÆ ACA DEMIÆ VVITTEMBERGENSIS

MAGNIFICO ET GENEROSO VI-
RO: DOMINO CAROLO DE MIL-
titz, Cubiculario secreto, & Nuncio Apostoli-
co, Patrono nostro reuerenter
colendo.

I



ON sine graui animorum nostrorum dolore intelle-
ximus, magnifice & genere vir, Reuerendum Pa-
trem Martinum Lutherum Augustinianum, sacrae
Theologiae & bonarum Artium Magistrum, Aca-
demiae nostrae membrum praestantissimum, in tantam
sanctae Sedis Apostolicae adductum inuidiam, ut ci-
ratus Romam, multiplici sua oblatione fidei, pietatis & officij, Chri-
stiano homine digna, impetrare non potuerit haecenus, ut causa in
Germania commissa Iudicibus non suspectis, & locis tutis audiretur.

Sumus enim ita, cum erga totam Christianam religionem, tum
erga sanctam Sedem Apostolicam & sanctam Romanam Ecclesiam
affecti, ut si certum esset nobis, Doctorem Martinum lapsum, in tam
foedos & impios errores, primi omnium cum non solum permittere-
mus Legibus, sed etiam exigeremus eijceremusque, Tantum abest, ut
fauere velimus, a via veritatis euangelicae erranti.

Verum experti multis ab hinc annis hominis eruditionem tam
multijugam, quam pene singularem, moribus integerrimis & defecatis-
sime coniunctam, eamque multis regionibus Christianae fidei, nedum
nobis cognitam. Nostri muneris putamus, rogare pro pio Patre, tam
praeclare de nobis merito. Nisi enim talis esset, neque Christianissimo
& illustrissimo Principi nostro, Domino Friderico, Duci Saxoniae,
Sacri Romani Imperij Electori & Archimarscallo, Academiae nostrae
conditori, Patrono & Patri pietissimo, neque nobis in diem hodiernum
fuisset tolerabilis.

Quapropter magnificentiam tuam etiam atque etiam uehe-
menter rogamus, ut hominem pietissimum simul & eruditissimum,
erga sanctissimum Dominum nostrum, D. Leonem X. Pontificem
Maximum, ita habeat commendatum, ut impetrare possit, quod sese
obtulit facturum pro defensione sua. Nam cum te gratiosum sciamus
• apud Pontificem summum, non dubitamus te adiutore, te Patrono,
eo facilius consequuturum quod petimus, quo mitioris est ingenij
Pontifex

EPISTOLA ACADE VVITEM CXCIH

Pontifex Maximus, optimis & literis & Præceptoribus a puero institutus.

Da igitur, quæsumus, hoc patriæ tuæ, vt Germanus Germano non desis, præsertim eo calamitatis genere laboranti, vt nobis persuas deamus, multo sceliciores futurum, si Ponti: Maxi: integritatem, pietatem & eruditionem viri certo cognouisset. Scimus enim omnia facturum, quæ Christiano Theologo conueniunt, & nihil minus commissurum, quam ut in scirpo nodum quæsiuisse insimulari possit ab æquo Iudice.

Quod si magnificentia tua nobis gratificabitur, habebit nos semper non minus sibi deuotissimos, quam perpetuos tuarum laudum præcones. Valeat magnificentia tua sceliciores.

Datum Vvitembergæ XX V. Septemb.
Anno M. D. XVIII.

25. Septemb.
Anno 18.

Rector, Magistri, & Doctores
Academiae Vvitembergenfis.

II EPISTOLA ACADE MIAE VVITEMBERGENSIS, AD Leonem X. Romanum Pontificem, Testimonium præ bens de integritate D. Martini Lutheri, Et ex cusans eum, quare Romam proficisci non possit.

NON temeritati neq; impudentiæ nobis vertet, beatissime Pater, suauissima illa tua & vere pastoralis clementia, q; Sanctitatem tuam hisce nostris Literis adire præsumpsimus, Pietas ipsa & veritas vice nostræ verecundiæ abunde (speramus) nobis conciliabit patientissimam tuam, & passim omnibus munifice expositam beneuolentiam.

FRater quidam, Martinus Lutherus, Artium & sacrae Theologiæ Professor, nostri studij fidele gratumq; membrum (vt vocant) nobis supplex factus, fiducia nostræ intercessionis, Literas ad beatitudinem tuam postulauit, quibus testimonium perhiberemus & doctrinæ & famæ eius, quam a quibusdam iniquius damnari & accusari queritur.

Deniq; & nunc autoritate beatitudinis tuæ, per Commissionem propter disputatas aliquot apud nos Propositiones de Indulgentijs, citatus, & personaliter comparere in Vrbe iussus est.

k corporia

MART·LV·T·PHILIIPPO MELAN·

corporis valetudo, & itineris periculum, non patiuntur eum facere q̄ deberet & vellet, hæc res supra vires suas esse videtur, Idcirco nos eius & necessitati & petitioni compassi, negare non volumus id, quo sibi opus esse credit, testimonium nostrum.

QVare, beatissime Pater, humiliter & obnixè oramus, deuoti deditiq̄ filij sanctitatis tuæ, vt hunc Virum eum credere dignetur, cuius apud nos opinio usque adhuc nullius peruersi & quod a sacro sanctæ Romanæ Ecclesiæ sensu aberret, dogmatis labe resperſa aut contaminata sit. Nisi q̄ ritu & facultate disputandi liberius forte quedam posuerit (nihil asserendo) q̄ ferre potuerint quidam aduersarij sui. Nam nec nos ipsi tales vnqum videri volumus, qui pertinaciter aduersus catholicum Dogma quidquam sapere statuerent. Parati per omnia, tuis & sanctæ Ecclesiæ voluntatibus parere in Christo Ihesu Domino Deo nostro, qui & sanctitatem tuam nobis faciat propiciam & exorabilem, & gratia sua hic præueniat, & illic gloria æterna subsequatur, Amen.

Datum Vuitembergæ XXV. Septemb.
Anno M. D. XVIII.

Tuæ sanctitatis deuoti deditiq̄ filij
Rector, Magistri & Doctores
Academię Vuitembergensis.

MARTINVS LVTHE· RVS PHILIPPO MELAN·S·



Nihil noui aut miri hic agitur, nisi q̄ mei nominis rumore Ciuitas plena est, & omnes cupiunt videre hominem tanti incendiij Herostratum. Tu age virum, sicut agis, & adolescentes recta doce, Ego pro vobis & illis vado immolari, si Domino placet. Malo perire, & quod vnum mihi grauissimum est, etiam vestra conuersatione dulcissima carere in æternum, q̄ vt reuocem benedicta, & studijs optimis perdendis occasio fiam, apud hos, vt insipientissimos, ita acerrimos literarum & studiorum hostes.

Italia est in Aegypti tenebras palpabiles proiecta, adeo ignorant omnes Christum, & ea quæ Christi sunt. Hos tamen Dominos & Magistros habemus fidei & morum. Sic impletur ira Dei super nos, quæ dicit: Dabo pueros Principes eorum, & effceminati dominabuntur eis. Vale mi Philippe, & Dei iram castis precibus auerte. Augustæ feria secunda post Dionysij, Anno M. D. XVIII.

F. Martinus Lutherus.
BREVIS

Feria 2. post
Dionysij.
Anno XVIII.

BREVIS COMMEMO-

RATIO RERVM: QV AE AVGVSTAE,

Anno M. D. XVIII. Peractis iam Comitijs, cum D. Martino Luthero, Ordinis S. Augustini, de Indulgentijs pontificalibus sunt gestæ, Atque a claris & fide dignis hominibus ad quosdam summi Ordinis viros inter alia perscriptæ.



Estæ Celsitudini pro Nouitatibus hæc quoque obseruanter significanda duxi. Pridie, cum hæc scriberem, nempe die Iouis, dominus Philippus de Feilitzsch, eques auratus, et ego, Illustrissimi Principis Friderici Ducis Saxoniae Electoris &c. nomine, causam nobis a sua Cel. commissam, presente Doctore Martino Luthero, apud Romanum Cardinalem, Ordinis Prædicatorum, virum alioqui doctum, egimus. Ibi Doctor Martinus exhibuit responsum & declarationem suarum Propositionum, quas antea refutauerat ipse Cardinalis, q̃ sibi aduersus Pontificem & Ecclesiam Romanam egisse videretur.

D. Iohannes Ruel
Iureconsultus.

Inter alia vero Cardinalis legem quandam seu constitutionem pontificiam obstinatissime vrgebat, atque huic, tanquam fundamento suæ causæ, pertinaciter insistebat, quasi Lutherus eam infringere niteretur. Cæterum Lutherus, tanquam vir integer & Christianus, minime infitias ibat, illam constitutionem esse pontificiam legem, Sed tamen patrocinari eam sententiæ Cardinalis pernegabat. Hoc ille moleste ferens, subito ad Libros confugit, & istam quæsiuit Constitutionem, quam cum diligentius introspectisset, veram esse Lutheri sententiam deprehendit. Cardinalis, etsi errorem hunc suum prætextu quodam verborum studiose excusaret, & nos, excepta Religionis autoritate, non multum curaremus, neque quidquam etiam Indulgentijs derogaret; Lutherus tamen, vt vir doctus, illustre specimen eruditionis suæ præbens, susceptam causam multo dexterius, q̃ Itali volebant, defendit, Id quod domino Philippo a Feilitzsch & mihi valde placebat.

Cardinalis postea, disputationem, quam Lutherus studio veritatis vehementer expetebat, admittere nolens, postulauit, vt hac in parte Lutherus suam Concionem retractaret. Sed hoc Lutherus omnino recusabat, asserens doctrinam suam veram, atque Scripturæ testimonijs fundatam esse, Quod si reuocaret, se non modo contra

k ij suam

ACTA D. MARTINI LVTHERI

suam conscientiam, sed etiam contra Pontificem facturum, Quem admodum id etiam allegata Lex pontificia, cui tantopere Cardinalis inniti uideretur, apertissime demonstraret.

Tandem ubi Cardinalis nihil nisi retractationem quæreretur, Lutherus eum supplex orauit, ut eiusmodi responsum una cum obtestatione promptissimaque sua uoluntate ad Pontificem Maximum transmitteretur, Simulque rogans, ne tam duro atque rigido aduersus ipsum iudicio sanctitas sua uteretur. Se enim nihil magis spectare, quam ut ipsa ueritas palmam obtinere posset. Quod si certis & ueris Rationibus conuinceretur, nequaquam erubescere sese, quo minus, in honorem ueritatis, errorem suum reuocare uelit, Cardinalis tamen nihilominus in sua sententia perseuerauit.

Nemo preterea hic est, qui publica disputatione cum Luthero congredi audeat. Monachi, ceterique eius aduersarii omnes, qui plurima contra ipsum in his Comitibus scripserunt, iam nusquam apparent. Nos ita discessimus a Cardinale, & illo die cum Doctore Staupicio ac D. Luthero cœnati sumus. Post hæc eodem die Cardinalis ad se Doctorem Staupitz accersi iussit, cui inter alia dixit, Se Luthero iam amicissimum esse factum, eique ex animo fauere &c. Quid post hæc futurum sit, ignoro. Cardinalis quidem uehementer laborat, sed tamen Lutherum in aliam sententiam perducere hæcenus nunquam potuit, neque etiam persuadebit unquam, ut reuocare uelit. Lutherus omnia, quæ cum Cardinale sunt acta, publicis literis excudenda tradet. Veritati Dominus opem ferre dignetur.

ACTA REVERENDI PATRIS D. MARTINI LVTHERI

Augustiniani, apud Dominum Legatum Apostolicum
Thomam Caletanum, Augustæ, Anno
M.D. XVIII. in Octobri.

PIO LECTORI MARTINI LVTHE



Gnosce mihi, charissime Lector, quod toties nugis meis horas tibi perdo, facio id multum inuitus, dandum rogo putes & hoc necessitati. Placuit in cœlo, ut & ego Fabula hominum fierem, quod tamē sic me debere Domino confiteor, ut non dubitem totum his quoque hominibus tribuendum, quibus tanta est aurium pietas, ut suauissima piissimacque ueritate offendantur usque ad insanam cordis & oris & operis impietatem.

Vexauerunt

Vexauerunt iam diu Iohannem Reuchlin secretarium Consultos *Iohannes Reuchlin* rem, Vexant nunc Me quaestionarium (vt sic dixerim) Disputatorem, nec consilia, nec disputationes passuri. Speramus fore deinceps, vt prae ocio suo infaelicissimo somnia quoque & cogitationes mortalium vexent. Quis enim ab his Behemoth dentibus securus est, quando eos deuorant, qui secreto consulunt, aut aperte doceri tantum petunt? Nouum (Deum immortalem) & memorabile crimen, voluisse doceri, & quaesuisse veritatem, atque id in Ecclesia regnoque veritatis, in qua etiam oportet rationem reddi omnibus poscentibus. Sed haec alias.

NVNC, mi Lector, quod ago, tale est, Video Libellos edi, & rumores varios spargi de actibus meis Augustensibus, Quamquam uere nihil ibi egerim, quod & tempus & sumptus perdidit, Nisi id satis abunde fuerit operis, quod nouam audiui linguam latinam, scilicet, quod veritatem docere, idem sit, quod Ecclesiam perturbare, Adulari vero & Christum negare, id est, Ecclesiam Christi pacificare & exaltare. Neque enim video, quomodo, non tu sis barbarus Romanis, & Romani tibi, si hanc nescieris eloquentiam, etiam si alias Ciceronis eloquentiam superes.

Veritatem docere, est Ecclesiam perturbare.

Igitur ne in alterutram partem, uel Amici nimio eleuent, uel inimici nimio deprimant Causam, uolo ipse in publicum dare, ea quae obiecta mihi, & quae a me responsa fuere, simul uel hoc testimonio notum facturus, me praestitisse satis arduam, & abunde fidelem obedientiam Romano Pontifici.

Primum, quod pauperculus imbecillisque, pedester tamen, tam longo itineri, & tantis periculis me dedi, nec iustissimas & honestissimas omnium iudicio, absentiae causas apprehendi. Deinde coram eis sisti passus, qui de factione partis aduersariae iustissime poterant a me reijci.

Has autem iniquas & difficiles condiciones (quantum natus olfacit) ideo mihi videntur amici isti adornasse, & omnia praestruisse, ut non ueritatis inquisitionem, sed perditionem meam facillime operarentur, nec aduentum meum sperasse, sed contumaciam meam desiderasse uidentur, quod latis mox censuris, Causaeque nec audita nec cognita, triumpharent. Cuius rei non leue argumentum mihi fuit, quod post aduentum meum primo coeptum est queri, in quibus nam accuserer. Atque usque hodie sunt in domo Caiphae scripta mea, ubi quaeruntur aduersus me falsa testimonia, nec adhuc inuenta sunt. Etiam iste (ut uideo) nouus mos, nouumque ius Romanae Curiae coepit, ut Christum prius capiant, deinde quid obijciant, quaerant. Duo tamen mihi, imo unum, quod speciem haberet, obiectum est, commentum Extrauagantis, ut uidebis statim.

IGitur ne & Illustrissimum Principem Electorem Fridericum Ducem Saxoniae &c. frustra pro me laborasse permitterem (clementissime enim me & sumptu & Epistolis commendaticijs prouidit, atque ut causa ex Urbe committeretur, gratiosissime iam antea laborauerat) ueni Augustam, susceptusque fui a Reuerendissimo D. Cardinale Legato satis clementer, ac prope reuerentius. (uir enim est omnibus nominibus alius, quam hi Fratrum uenatores robustissimi.)

Hic ubi se nolle mecum disputare dixisset, sed suauiter & paterne rem componere, tria mihi de mandato sanctissimi Papae (ut asserbat) faciendae proposuit.

*Tria proponuntur
Luthero & Cardinale.*

k in

Primum,

ACTA Dⁱ MARTⁱ LVTHⁱ AVGVSTAE

Primum, ut ad cor redirem, erratusq^{ue} meos reuocarem.

Deinde, promitterem in futurum abstinere ab eisdem.

Tertio, & ab omnibus, quibus Ecclesia perturbari possit.

Ego, qui talia, etiam Vuitemberge sine periculis, sine labore tanto, me facere potuisse uidebam, nec in Augusta mihi fuisse quaerenda, mox petij doceri, in quibus errassem, me non esse mihi conscium ullius erroris. Tunc protulit Extrauagantem Clementis VI. quae incipit: Vnigenitus &c. Quod contra eam abseruisssem Propositione 58. Non esse merita Christi Indulgentiarum thesaurum. Urgebat itaq^{ue}, ut reuocarem, instabatq^{ue} cum fiducia, certissimus de uictoria, Confidebat enim, atq^{ue} adeo securus praesumebat, me non uidisse Extrauagantem, fretus fortasse eo, q^{uo}d non omnes Co-

Extrauagans
Clementis VI.

Propositi-
o 58.

Fides necessaria
accessuro ad Sa-
cramentum.

Secundo obiecit, Quod propositione 7. inter declarandum docueram, Necessariam esse fidem, accessuro ad Sacramentum, aut in iudicium accessurum. Hanc enim nouam & erroneam doctrinam putari uoluit, Sed potius incertum esse omnem accedentem, gratiam consequeretur, nec ne. Faciebatq^{ue} hac fiducia sua, praesertim aridentibus & pro more suo cachinnantibus Italis ceteris familiaribus suis, ut uicto similis uiderer.

Propositi-
o 7.

Extrauagans
Sixti IIII.

Ad haec respondi, Mihi non solum istam Clementis Extrauagantem esse diligenter uisam, sed & alteram eius emulam & analogam Sixti IIII. (uere enim legeram utraq^{ue} una cum uerbosissimo, & qui fidem illarum merito derogaret apparatu, tanta est refertus inscitia) uerum non habuisse eam apud me satis autoritatis, cum alijs multis, tum ea maxime causa, q^{uo}d Scripturis sanctis abutitur, & uerba (si modo sensus usitatus subsistere debet) audacius torquet in alienum sensum, quem suo loco non habent, imo contrarium habent. Ideo Scripturas, quas ego in Propositione mea sequor, esse ei praefendas omnino, ac nihil inde probari, sed recitari duntaxat ac narrari opinionem S. Thomae.

Potestas Papae su-
pra Scripturam.

Tunc coepit aduersus me potestatem Papae commendare, quam supra Concilium, supra Scripturam, supra omnia Ecclesiae sit. Et ut illud persuaderet, reprobationem & abrogationem Concilij Basiliensis recitauit, ac Gersonistas quoq^{ue} una cum Gersone damnandos censuit.

Gersoniste.

Appellatio Vni-
uersitatis Para-
rhisiensis.

Haec ut erant noua in auribus meis, Negavi contra, Papam supra Concilium, supra Scripturam esse. Deinde & Vniuersitatis Parrhisiensis appellationem comendavi, multaq^{ue} confusa interlocutione, de poenitentia, de gratia Dei, miscebamus, Nam alteram illam obiectionem cum dolore audiui nihil enim minus timuisssem, q^{uo}d hanc rem in dubium uocandam aliquando, Ita in nulla propemodum re conueniebamus. Sed ut altera alteram inueniebat (ut sit) ita semper noua surgebat contradictio.

Cum autem uiderem ista contentione nihil agi, nisi multa inchoari, & nulla consummari, ac iam uere nos nihil nisi multas Extrauagantes comminisci, praesertim cum ille (ut uice Pontificis summi) nollet cessasse uideri, petij, ut tempus daret deliberandi.

Altera die, praesentibus quatuor Caesareae Maiestatis senatoribus, adductis Notario & testibus, protestabar proprie & personaliter, legens coram Reuerendissimo D. Legato, in hunc, qui sequitur modum:

Protestatio Lu-
theri.

In primis ego Frater Martinus Lutherus Augustinianus, protestor me colere & sequi sanctam Romanam Ecclesiam in omnibus meis dictis & factis pra-

Etis presentibus, praeteritis & futuris. Quod si quid contra uel aliter dictum fuit uel fuerit, pro non dicto haberi & habere uolo.

Verum ex quo reuerendissimus Dominus &c. mihi de mandato D. Pape, ut asserbat, proposuit & exegit, ut super Disputatione, quam de Indulgentijs habui, tria haec facerem. *Disputatio de Indulgentijs.*

Primum, Redirem in mei cognitionem, & errorem reuocarem.

Secundum, Cautelam praestarem de futuro non repetendis.

Tertium, Promitterem abstinere ab omnibus, quae Ecclesiam Dei perturbarent.

Ego qui disputaui, & ueritatem quaesui, quaerendo delinquere non potui, multominus ad Reuocationem compelli, non auditus neque conuictus. Hodie protestor me non esse mihi conscius aliquid dixisse, quod sit contra sacram Scripturam, ecclesiasticos Patres, aut decretales Pontificum, aut rectam Rationem, Sed omnia quae dixi, hodie quoque mihi sana, uera, catholica esse uidentur.

Nihilominus tamen sum homo, potens errare, submisi me, & etiam nunc submitto iudicio & determinationi legitimae sanctae Ecclesiae, & omnibus melius sentientibus.

Tamen ad superabundantiam, offero me personaliter hic uel alibi, etiam in publico reddere rationem dictorum meorum. Quod si hoc non placet reuerendissimo Domino &c. paratus sum uel in Scriptis, suis obiectionibus, si quas contra me producere destinauerit, respondere. Et super illis audire iudicium & sententiam Doctorum insignium Vniuersitatum imperialium, Basiliensis, Friburgensis, Louaniensis. Aut si nec id satis est, etiam Parrhiensis, studiorum parentis, & ab antiquo semper Christianissime, ac in Theologia florentissimae Vniuersitatis. *Obiectionibus Caro di. uult respondere Lutherus in scriptis.*

Quo facto, repetijt disputationem hesternam de obiectione priora, Illa enim multam speciem pro sua sententia uisa est habere. Me uero tacente, & iuxta Protestationem in scriptis respondere promittente, rursus satis confidebat, Tandem admissa scriptili Responsione, abitum est. Tenor & textus responsionis est iste:

REVERENDISSIMO IN CHRISTO PATRI ET DOMINO.

Domino Thomae, Tituli S. Sixti, Cardinali, sanctae Sedis apostolicae Legato &c. F. Martinus Lutherus Augustinianus, S.



Vam non detrectem respondere, libensque uelim rationem reddere de singulis specialibusque meis dictis, Reuerendissime in Christo Pater, ut obiectionibus satisfaciam, quas heri & nudius mihi obiectas memini, hac uolui Epistola humiliter protestari, Nam duo sunt, quae mihi sunt a Pat. tua Reue. obiecta. Primum, Extrauagans illa Clemen. VI. quae incipit: Unigenitus &c. In qua thesaurus Indulgentiarum asseri uidetur esse merita Christi & Sanctorum, quod ego in Positionibus meis uideor negare.

Respondeo itaque: Non fuit mihi incognita Extrauagans illa, cum istas meditationes meas meditabar, Sed cum certissimus essem, unamque totius Ecclesiae sententiam esse scirem, merita Christi in spiritu non posse committi hominibus, nec tradi per homines, aut ab hominibus, sicut tamen Extrauagans

I.

Extravagans Clementis VI.

Merita Christi non committuntur hominibus.

k iij

uagans

ACTA D. MAR. LVTH. AVGVSTAE

uagans ista sonare uidebatur, uolui intactam relinquere, alijsq; ingenijs melioribus committere magnas illas molestias & angustias, quas pro tuenda Papæ reuerentiâ patiebar.

Legem Dei requirendam ex ore sacerdotis. Zacha. 2.

Occurrebat enim & mouebat, Primo, q; nuda essent uerba Pontificis, & aduersus contentiosum vel hæreticum, inualidum præsidium. Deinde, si quis diceret, Turpe esse, Principem loqui sine lege, Et iuxta Zachariam, Non uerba hominis, sed legem Dei requirendam ex ore sacerdotis. Item, quod uerba Scripturæ torquet, & in alienum sensum eis abutitur, Nam quæ de gratia iustificante dicta sunt, ad Indulgentias trahit, quo uidebatur magis narrare, & magis opinione quadam pia exhortari, quam solida demonstratione aliquid probare.

Decretales.

Vexabat etiam erroneas esse, quod fieri posse constat, Decretales aliquando erroneas esse, & contra sacras literas & charitatem militare. Nam licet Decretales R. o: Põtifia: tanquã uocem Petri oportet audire, ut dicitur di. xix. Tamen hoc ipsum intelligitur de his solum (ut dicitur ibidem) quæ consonæ sunt sacræ Scripturæ, & à prioribus Patrum decretis non dissentiant.

Petrus à Paulo reprehensus. Gala. 2.

Accessit ad hoc, q; de facto Petrus non incedens ad ueritatem Euangelij, reprehensus est à Paulo, Gala. 2. Ideo non mirum uideri, si successor eius in aliquo defecerit, Quandoquidem & Acto. 15. doctrina Petri non fuit suscepta, donec accederet & approbatio Iacobi minoris Episcopi Hierosolymitani, & totius Ecclesiæ consensus, Vnde fluxisse uidetur id iuris dogma, Legem tunc firmari, quando utentium moribus approbatur.

A. Ro. 15.

Panormitanus.

Melius sentiens supra Papam.

Præterea, q; multæ Decretales priores correctæ sunt per posteriores. Ideoq; & hanc forte pro tempore suo corrigi posse. Panormitanus quoq; li. 1. de elect. c. Significasti, ostendit, in materia fidei, non modo generale Concilium esse super Papam, sed etiam quemlibet fidelem, si melioribus nitatur autoritate & ratione, q; Papa, sicut Petro Paulus Gal. 2. Quod & illo 1. Cor. 14. confirmatur, Si fuerit alteri sedenti reuelatum, prior taceat. Ideo sic uocem Petri esse audiendam, ut tamen liberior sit uox Pauli eam redarguentis, porro omnium superior uox Christi.

1. Cor. 14.

Extravagans falsa continet.

Augustini dictum.

Maxime uero laborabam, q; eadem Extravagans manifestissime mihi apparebat falsa quædam continere. Primo, Quod dicit merita Sanctorum esse thesaurum, cum tota Scriptura dicat, Deum ultra condignum præmiare, ut Rom. 8. Non sunt condignæ Passiones huius temporis &c. Et B. Augustinus lib. 1. retract. xix. Tota Ecclesia usq; in finem mundi orat: Dámite nobis debita nostra, Ergo non superfluere alijs posse, quæ nec sibi sufficerent, Inde uirgines sapientes noluerunt oleum communicare insipientibus. Et B. Augustinus lib. ix. Confessionum: Væ hominum vitæ, quantumcunq; laudabili, si remota misericordia iudicetur. Et Propheta: Non intres in iudicium cum seruo tuo, quia nō iustificabitur in conspectu tuo omnis uiuens. Ideo Sancti non suis meritis, sed sola Dei misericordia salui fiunt, ut latius dixi in Resolutionibus.

Rom. 8.

Math. 25

Psal. 143.

Sancti in meritis deficiunt. Papa non super, sed sub uerbo Dei est.

Ego uero, non eram tam insigni temeritate, ut propter unam decretalem Pontificis hominis, tam ambiguam & obscuram, recederem à tot & tantis diuinis Scripturæ testimonijs apertissimis, quin potius arbitrabar quam rectissime, uerba Scripturæ, quibus Sancti describuntur deficere in meritis, incomparabiliter præferenda uerbis humanis, quibus scribuntur abundare, Cum Papa non super, sed sub uerbo Dei sit, iuxta illud Gala. 1. Si angelus de cælo aliud uobis euangelizauerit, quam accepistis, anathema sit. Iam illud quoq; nonnihil erat, q; Petro hunc commissum thesaurum dicit, de quo nihil constat, nec in Euangelio, nec ulla Scriptura.

Galat. 1.

HIS pet.

HIS perturbatus molestijs, vt dixi, consiliū mihi fuit, quiescere, & alios audire, cum Positiones meas uerissimas usq; hodie quoq; uiderem. Nunc uero, cum urgeor ipse tentare, quod ab alijs, maxime à summo Pontifice expectare debueram, cuius solius est declarare ea, quæ condidit, tamen pro uiribus ingenij & gratia Dei conabor pro tutela sincerissimæ ueritatis, Positiones meas, cum Extrauagante concordare, utraq; seruando in ueritate.

Primū, supponendo, quod Indulgentiæ prorsus nihil sunt (meta-
physice loquendo) quia certum est, eas esse aliud nihil) q̃ remissiones satisfactionis, id est, bonorum operum, eleemosynæ, ieiunij, orationis &c. Ideoq; certum est, eas esse bonum priuatium, dum permittunt non solui poenas debitas, aut non fieri labores operum, Quare necessario thesaurus hoc loco improprie accipitur, quia nihil confertur positue, sed permittitur, ut nihil soluatur.

*Remissio satisfactionis.
Indulgentie sunt bonum priuatum.
Thesaurus indulgentiarum.*

Secundo, Certo certius est, quod hunc thesaurum Papa non habet uelut in loculo uel cista, sed in uerbo uel clauibus, uel potestate, quia erogando, non cistam, sed uoluntatem & uerbum aperit, & sic donat.

Tertio, Ideo sequitur, quod thesaurus Indulgentiarū sunt merita Christi non formaliter, nec proprie, sed effectiue & improprie, Quia Papa non dat merita Christi formaliter, sed de merito Christi, id est, per clauē, quas meruit dari Ecclesiæ suæ. Quia in uirtute clauis est, ut remittatur satisfactio, & sic patet, q̃ recte dixi Conclusionē 60. Thesaurum hunc esse clauē Ecclesiæ merito Christi donatas. Et hoc sensu uerum est, Merita Christi esse thesaurum Indulgentiarum, scilicet improprie thesaurum & meritum Christi accipiendo, Patet ergo, concordantia Extrauagantis cum mea Positione.

Merita Christi, thesaurus Indulgentiarum.

Concl. 60.

Quarto, Hanc esse mentem Papæ in ista Extrauagante, probant ipsa uerba Papæ, ubi dicit, Hunc thesaurum Petro & successoribus suis à Christo commissum Sed constat & certum est, nihil Petro commissum, præter has clauē regni cœlorum, quæ sunt merita Christi (id est, de merito Christi donata) improprie & effectiue, ut dixi, Et alterum uerbi thesaurum, de quo dicit, *Palce, palce, palce oues meas.*

Iohan. ult.

Quinto, Hanc autem thesauri Indulgentiarum intelligentiam, certum est, esse incognitam apud populum Christi & innominatam, ut dicit Conclusio 56. quia uere non dicuntur, nisi impropria & obscura illa nomina, thesaurus, merita Christi &c. Ideo fere credunt, sese bonum aliquod proprium & positium consequi, sicut donum aliquod aut gratiam, cum tamen non consequantur nisi ministerium clauis, quo soluuntur, ne satisfaciant pro peccatis, ac sic priuatium bonum accipiunt & improprium thesaurum. Et ille est inexhaustus & infinitus, quia uirtus clauis est inexhausta, quæ merito Christi immediate nititur, Indulgentiæ uero mediate, Ac ideo potest etiam dici, merita Christi esse thesaurum Indulgentiarum, mediate.

Intelligentia thesauri Indulgentiarum incognita populo.

Concl. 56.

Sexto, Similiter admitterem etiam, merita Sanctorum esse hunc thesaurum, scilicet improprie, id est, q̃ merita Sanctorū per fidem Christi incorporata, & unum cum eis facta, iam idem sint & faciant q̃ merita Christi, Iuxta illud, q̃ uita iusti non est ipsius, sed Christi in eo uiuentis. Gala. 2. *Uiuo ego, non ego, uiuit uero in me Christus, Nam merita Sanctorum, ut Sanctorum, nihil essent & damnabilia, ut supra dixi, ut B. Augustinus: Vbi non ego, ibi felicius ego, quia Christus & Ecclesia sunt duo, in carne una.*

Virtus clauis

Gala. 2.

Vita iusti, non ipsius, sed Christi est.

Septimo, Verissimum tamen est, merita Christi non esse thesaurum Indulgentiarum positue, proprie & immediate, ut aliquid conferant, sicut intelligunt rudiores, quia quando conferunt donum positium, faciunt id, non ut Indul-

ACTA D. MAR. LVTH. AVGVSTAE

Thesaurus gratiae uitalis.

ut Indulgentiae thesaurus, sed ut gratiae uitalis thesaurus, tunc enim formaliter proprie & immediate donantur sine clauibus, sine Indulgentiis, a solo Spiritu sancto, non aut unquam a Papa. Quia per charitatem homo fit unus spiritus cum Christo, Ideo participat omnibus bonis eius. Et hoc est, q̄ mea Conclusio 58. dicit, Nec sunt merita Christi, quia haec sine Papa operantur Concl. 58. gratiam hominis interioris.

Merita Christi dupliciter accipiuntur.

BReuiter itaq̄ patet, quod merita Christi necesse est dupliciter accipi, si salua debet Extrauagans consistere. Vno modo proprie & formaliter & sic sunt thesaurus uitae spiritus, & propriissime a solo Spiritu sancto distributus, cui uoluerit.

Alio modo improprie & effectiue & literaliter, pro eo quod meritis Christi effectum est, Et sicut extrauagans improprie inducit Scripturas, ita etiam improprie thesaurum, improprie merita Christi, & omnia improprie accipit. Quo factum est, ut esset ambigua, obscura & occasio iustissima disputandi, ego autem proprie loquutus sum in meis Positionibus. Qui habet, det meliora, & reuocabo ista, non enim meum est interpretari Canones Pontificum, sed meis Positionibus adesse, ne contra Canones pugnare uideantur, Expectans humiliter, si alia fuerit mens Papae demum declarata, paratus eidem parere.

Acquisiuit.

Haec omnia tamen dicta uolo pro reuerentia Sedis Apostolicae, & reuerendissimi Domini Cardinalis &c. Nam si legitima & libera agendum mihi est sententia, cōtendo & probo eandem Extrauagantem esse proprie directe, aperte pro me mea q̄ Conclusionē, Et contra sententiam reuerendissimi Domini Card. quia textus expresse dicit, q̄ Christus thesaurum hunc acquisiuit Ecclesiae &c. Hoc uerbum, acquisiuit, euidenter conuincit, atq̄ concludit irrefragabiliter, aliud esse merita Christi, quibus acquisiuit & aliud thesaurum, quem acquisiuit, quia aliud est causa, & aliud effectus, ut etiam Philosophi dicunt. Ideo Cōclusio mea stat inuicta, Quod merita Christi non sunt thesaurus Indulgentiarum, sed acquisierunt eum. Nihilominus tamen etiam haec ipsa submitto iudicio Ecclesiae, ut supra.



Quicquid altera est, Quod in Conclusionē mea 7. declaranda, dixi: Neminem iustificari posse, nisi per fidem, Sic scilicet, ut necesse sit, eum certa fide credere, sese iustificari, & nullo modo dubitare, q̄ gratiam consequatur, Si enim dubitat & incertus est, iam non iustificatur, sed euomit gratiam. Hanc Theologiam nouam uideri putant & erroneam.

Ad quod respondeo:

Iustus ex fide uiuit.

PRimum, Infallibilis est ueritas, quod nullus est iustus, nisi qui credit in Deum, ut Roma. 1. Iustus ex fide uiuit, Ideo quicumq̄ non crediderit, iam iudicatus & mortuus est, Igitur iusticia iusti, & uita eius, est fides eius. Quare & omnia opera fidelis, uiua sunt, & omnia opera infidelis, mortua, mala & damnabilia, Iuxta illud: Non potest arbor mala fructus bonos facere. Arbor autem, quae non facit fructus bonos, excidetur, & in ignem mittetur. Roma. 1. Matth. 7.

Fides quid sit.

Secundo, Fides autem est nihil aliud q̄ illud, quod Deus promittit aut dicit, credere, sicut Roma. 4. Credidit Abraham Deo, & reputatum est ei ad iusticiam. Ideo uerbum & fides necessario simul sunt, & sine uerbo, impossibile est esse fidem, ut Isa. 55. Verbum quod egreditur de ore meo, non reuertetur ad me vacuum. Roma. 4. Esai. 55.

Verbum & fides coniuncta.

Tertio, Nunc probandum est, quod accessuro ad Sacramentum necessarium sit credere, sese gratiam consequi, & in hoc non dubitare, sed certissima fiducia confidere, alioqui in iudicium accedit,

PRIMO

APVD CARD·S·SIXTI:RO:PONT:LE· CXCVIII

1. c. 11.

PRimo per illud Apostoli Ebrē. 11. Oportet accedentem credere, *Fides necessaria*
 q̄ Deus est, & q̄ inquirentibus se remunerator est. Hic patet, q̄ non licet du- *accessuro ad Sacra-*
 bitare, sed firmiter oportet credere, q̄ Deus sese inquirentes remuneret. Quod *mentum.*
 si oportet credere remuneratorem, omnino oportet etiam credere iustificato-
 rem, & gratiæ largitorem in præsentī, sine qua præmium non donatur.

Secundo necessarium est sub periculo æternæ damnationis, &
 peccati infidelitatis, credere his uerbis Christi: Quodcunq; solueris super ter- *Quodcunq; solue-*
 ram, solutum erit & in cœlis. Ideo si accedas ad Sacramentum poenitentię, & *ris super terram.*
 non credideris firmiter tete absolendum in cœlo, in iudicium accedis &
 damnationem, quia non credis Christum vera dixisse: Quodcunq; solueris
 &c. Et sic tua dubitatione Christum mendacem facis, quod est horrendum
 peccatum.

Si autem dixeris: Quid si sim indignus & indispositus ad Sacramen- *Fides dignum*
 tum? Respondeo ut supra: Per nullam dispositionem efficeris dignus, per *facit.*
 nulla opera aptus ad Sacramentum, sed per solam fidem. Quia sola fides uer-
 bi Christi iustificat, uiuificat, dignificat, præparat, sine qua omnia alia, uel sunt
 præsumptionis uel desperationis studia. Iustus enim non ex dispositione sua,
 sed ex fide uiuit. Quare de indignitate tua nihil oportet dubitare, ideo enim
 accedis, quia indignus es, ut dignus fias, & iustificeris ab eo, qui peccatores,
 & non iustos, quærit saluos facere. Dum autem credis uerbo Christi, iam ho-
 noras uerbum eius, & ex eo opere iustus es &c.

TErtio, Hanc fidem multipliciter nobis commendauit in Euan- *Fides Cananea.*
 gelio. Primo quando mulieri Cananæ dixit: O mulier, magna est fides *Matth. 15.*
 tua, fiat tibi sicut credisti, Hic patet, q̄ non de fide illa generali agitur, sed de
 speciali illa, quæ erat de effectu sanandę filiæ, quem mater petijt. Hunc enim
 effectum, ipsa fortiter credidit, posse & uelle Christum efficere, & sic impe-
 trauit. Nunquam autem impetrasset, nisi ita credidisset. Ergo ad hunc effe-
 ctum nulla dispositione, sed sola fide, digna facta est.

Secundo, Quando ad cœcos illos dixit: Creditis, quia possum *Duo Cœcl.*
 hoc uobis facere? Et illi: Vtiq; Ait: Sicut credidistis, fiat uobis. Ecce cer- *Matth. 9.*
 ti erant, q̄ fieret, quod petebant, Ideo & factum est, sine omni alia dispositio-
 ne, Si autem dubitassent futurum, nec petissent bene, nec accepissent.

Tertio, Centurio ille: Dic tantum uerbum, inquit, & sanabitur *Centurio.*
 puer meus, Non utiq; generali fide, sed speciali, de præsentī effectu credidit *Matth. 8.*
 & impetrauit.

Quarto Iohan. 4. Regulus ille credidit sermoni, quem dixit illi Ihesus, *Regulus.*
 Scilicet: Vade, filius tuus uiuit. En ipsa fide, meruit uitam filij. Ita certe opor- *Iohan. 4.*
 tet omnem accedentem credere, sese cōsecuturum, quod quærit, aut nihil con-
 sequitur.

Marci 11.

Quinto illud Marci: Amen dico uobis, quidquid orantes petieritis,
 credite quia accipietis, & fiet uobis. Ecce dicit: Quidquid, nihil excipiendo.
 Patet autem q̄ in Sacramento quolibet petimus aliquid (nemo enim Sacra-
 mentum accedit, nisi gratiam petiturus) Ideo hic audiendus est Christus di-
 cens: Credite, q̄ accipietis, & fiet uobis, Alioqui omnia nutarent in Eccle-
 sia, & nihil certi constaret, quod est absurdissimum.

Sexto illud: Si habueritis fidem, sicut granum synapis, & dixeritis
 monti huic: Transi hinc, & non hæsitaueritis in cordibus uestris, Amen
 dico

ACTA D. M. LVTH. AVGVSTAE

Fides particularis. dico vobis, fiet. Et si totum Euangelium percurras, inuenies Exempla alia Matth. 17
multa, quæ omnia non de fide generali, sed particulari, & quæ ad effectum
aliquem præsentem pertineant, dicuntur. Quare necessaria est fides certa ab-
soluendo, cum Sacramenta nouæ Legis, iuxta Magistrum, sint in exercitiū,
& actuationem fidei nostræ instituta.

Petrus. Septimo, Hinc enim Discipulos & Petrum sepe arguit Dominus, Matth. 14
quod essent modicæ fidei, non generalis illius, ut dicitur, sed specialis de
effectu præsentis, ut patet.

*Dubitans non acci-
pit gratiam.* Octauo, Iacob. 1. Si quis indiget sapientia, postulet a Deo, postulet Iacob. 1.
autem in fide, nihil hæsitans. Nam qui hæsitat, similis est fluctui maris, qui
uento mouetur, Non ergo existimet homo ille, quod accipiet aliquid a Deo.
Ista est certe euidentissima autoritas, etiam cogens me ad hanc Sententiā,
quod gratiam aut sapientiā nullus accipere potest, qui dubitat sese acceptu-
rum, nec uideo, quid ad eam responderi possit.

*B. Virgo.
Lucæ. 1.* Nono, B. Virgo nunq̃ concepisset filium Dei, nisi Angelo nū-
ciantes credidisset, ita futurum, ut diceret: Fiat mihi secundum uerbum tuum,
sicut prædicat Elisabeth: Beata quæ credidisti, quia perficientur in te,
quæ dicta sunt tibi à Domino. Vnde fidem eius miratur diuus Bernardus, &
Hanna Samuelis mater. uniuersa Ecclesia. Sic Samuelis mater, Hanna, postquam credidit uerbo Eli,
abiit, & uultus eius non est amplius in diuersa mutatus. Contra, Filij Israel,
quia non crediderunt uerbo promittentis terram Canaan, in deserto prostra-
ti sunt.

*Fides Abrahæ.
Roma. 4.* Et breuiter, Quidquid illustre factum legimus in ueteri & noua Lege,
fide factum esse legimus, non operibus, nec fide generali, sed particulari, ad
præsentem effectum destinata, inde nihil aliud in Scriptura, quam fides com-
mendatur, præsertim Abrahæ, Rom. 4. quæ tamen fuit in filium nasciturum
Isaac, & nihilominus est ei in iusticiam reputata. Sic & nobis in Sacramentis
fiet, si credimus, consequimur, Si non credimus, in iudiciū accedimus.

*Accedit uerbum ad
elementum etc.
Augustin.* Decimo, Et B. Augustinus super Iohannem: Accedit uerbum
ad elementum, & fit Sacramentum, non quia fit, sed quia creditur. Ecce Ba-
ptismus abluit, non quia fit, sed quia creditur abluere. Inde & peccatricem
absoluens, dicit: Fides tua te saluam fecit, Vade in pace. Inde illud dictum Lucæ 7.
commune: Non Sacramentum fidei, sed fides sacramenti iustificat, sine qua
impossibile est, ut sit pax in conscientia, ut Roma. 5. Iustificati ergo ex fide,
pacem habemus ad Deum.

Bernardus. Vndecimo, Et B. Bernardus Sermone de Annuncia: 1. Neesse est
enim primo omnium credere, Quod remissionem peccatorum habere non
possis, nisi per Indulgentiam Dei, sed adde adhuc, ut credas & hoc, quod per
ipsum peccata tibi donantur, Hoc est testimonium, quod perhibet Spiritus
sanctus in corde tuo, dicens: Dimissa sunt tibi peccata tua. Sic enim arbitra-
tur Apostolus, gratis iustificari hominem per fidem. Hæc ille. Ista & mul-
tæ aliæ Autoritates tam expresse, tam copiose, cogunt, captiuant, ducunt,
me in sententiam, quam dixi. Roma. 3.

Quare, Reuerendissime in Christo Pater, cum diuino munere es
unus insignibus dotibus præsertim iudicij acrimonia, donatus,
Rogo humiliter Reue. tua Paternit. dignetur clementissime mecum
agere, & conscientia meæ compati, ac demonstrare lucem, qua possim
hæc

hæc aliter intelligere, & non cogere ad reuocationem eorum, quæ etiam teste conscientia, non alia duco, quam ea, quibus me necesse sit consentire, Et stantibus his Autoritatibus, aliud facere non possum, nisi quod obediendum esse Deo, magis quam hominibus, scio.

Velitq; Reue. Paterni. tua, apud Sanctissimum Dominum nostrum Leonem X. pro me intercedere, ne tanta rigoris inclementia in me promoueatur, ut in tenebras proiciat Animam, quærentem non nisi lucem ueritatis, & paratissimam cedere, mutare, reuocare omnia, ubi aliter intelligenda esse edocta fuerit. Nec tam arrogans & uanæ gloriæ studiosus sum, ut hac causa pudeam reuocare male dicta, imo gaudium meum primum fuerit, uictricem fieri ueritatem. Solum ne quid contra conscientia meæ sensum tentare cogar, Nam sine omni scrupulo hanc esse Scripturarum sententiam credo. Dominus Ihesus regat & seruet Reuerendissimam Paternitatem tuam in æternum. Amen.

Lutherus lucem ueritatis querit.

QUæ cum altera die obtulissem, primo contempsit & uerba esse, missurum tamen ea ad Urbem sese, dixit, Interim ad Reuocationem urgebat, intentans censuras sibi demandatas, ac nisi reuocarem, abirem, & non redirem in conspectum suum.

Quo audito, cum uiderem eum esse firmatum in Proposito, nec uellet audire Scripturas, Ego quoq; firmassem propositum non reuocandi, abij sine spe redeundi. Nam quanquam dixit, & etiam nunc gloriatur, sese paternæ, non iudicialiter mecum acturum, non intellexi tamen hanc paternitatem, nisi omni iudicio rigidiorē esse, ut quæ non nisi Reuocationem, contra conscientiam exigeret, nec saltem uellet aut posset potius ostendere & conuincere errorem. Nam cum uidisset à me reijci scholasticorum opinatorum commenta, promisit quidem, se acturum contra me, sacra Scriptura & Canonibus. Quod quomodo intellexerit, iterum ignoro. Nullam enim syllabam ex sacris Literis contra me produxit unquam, nec usque hodie, si quam maxime uellet, posset. Cum uno omnium consensu, firmatum sit, nihil de Indulgentiis in sacris literis haberi, quæ potius non nisi fidem commendant, & tam uacua sunt Indulgentiarum memoria, quam plenæ sunt fidei eruditione, ut impossibile sit, utrum illorum articulorum posse conuelli per ipsum.

Vbi uero ego Scripturas pro me attuli, cœpit homo, paterne agens, de corde suo mihi fingere glosas. Et qui tam uigilanter Extrauagantem contra me obseruabat, satis pulchre dissimulabat Canonem illum, quo prohibet Ecclesia, ne quis proprio ingenio Scripturas interpretetur, & iuxta Hilariū, non afferendas, sed referendas esse ex sacris literis intelligentias. Nec tamen hanc uiolentiam eius egre tuli, sciens eam facultatem interpretandi ex longa romanæ Curia consuetudine & Scholasticorum distinctorum usu sibi præsumptam. Creditum est enim iamdiu, quod quidquid Romana Ecclesia dixerit, damnarit, uoluerit, id mox omnibus dicendum, damnandum, uolendum esse, nec aliam reddi Rationem oportere, quam quia sic Sedes Apostolica & Romana Ecclesia sentit. Hinc, relictis sacris literis, & acceptis traditionibus uerbisq; hominum, factum est, ut Ecclesia Christi non mensura tritici pascatur, nec uerbo Christi, sed non raro teme-

Hila: ij dictum.

Ecclesia Christi nō uerbo pascitur.

ACTA D. M. LVTH. AVGVSTAE

ritate & uoluntate alicuius indoctissimi Adulatoris regatur, & eo profecerit nostrae infelicitatis magnitudo, ut ad Reuocationem & abnegationem fidei Christianae, & sacratissime Scripturae incipiant compellere.

Thomistica Theologia.

Porro, Si iste est modus reuocandi, nihil uideo futurum, quam ut praecedentem Reuocationem, sequente alia, sine fine reuocem. Nam si qua industria suum ipsius dictum, in eum ipsum retorsero; cito aliud cordis sui idolum mihi fingeret. (Est enim mire foecunda distinctionibus thomistica Theologia, ac uere Protheus quidam) cui necesse esset denuo, reuocando obedire. Cum enim non in soliditate petrae, sed in arena cogitationum suarum uagetur, nihil aliud quam perpetuum reuocandi negotium mihi incumbere.

D. Iohannes Stupicius.

Igitur accepto mandato non redeundi, mansi tamen eodem die in loco, Tum uocato reuerendo & optimo Patre meo Iohanne Stupicio. Vicario, egisse dicitur multis, ut ad reuocationem inducerer spontaneam. Mansi & sequente die, & nihil mandabatur. Tertia die, scilicet Dominica mansi, & literas dedi, nec aliquid respondebatur. Quarta die mansi, & nihil fiebat. Idem silentium quinta die passus. Tandem consulentibus Amicis praesertim cum antea iactasset sese habere mandatum, ut & me & Vicarium incarcerationet, disposita Appellatione affigenda, recessi, sat periculosam obedientiam me praestitisse arbitratus.

M. L. P I O L E C T O R I



Vnc, mi Lector, tu mihi conueniendus es. Posteriorem illam responsionem meam, etsi cum multa reuerentia dedi, ac uelut in arbitrium summi Pontificis reposui, non tamen id me fecisse credas, quod de re ipsa dubitem, aut animi sententiam sim unquam mutaturus. Veritas diuina est, etiam Domina Papae, non enim iudicium hominis expecto, ubi diuinum iudicium cognoui, Sed quia oportuit reuerentiam seruare ei, qui uice summi Pontificis fungebatur, tum quod etiam uerissime dicta, oporteat cum humilitate & timore asserere & tueri.

Priorem uero nihil refert, utut acceperis, nam in ipsa nullum periculum est, stet siue cadat, nec Indulgentijs quippiam accedit, si ficta ac falsa fuerit, nec quidquam decedit, si uicerit ueraque tuerit. Nec ad rem ipsam multum pertinet, nisi quod per eius ingressum subdole totius Disputationis calumnia queritur. Nam si superbius uoluisssem agere, non potuisssem ad unum uerbum cogi, cum tota Disputatio iam sit dedicata & oblata Pontifici, ita ut ad me amplius nihil pertineat, nisi expectare sententiam.

Fidem uerbi Christi negare.

In posteriore uero Responsione certe summa pendet salutis, Non es malus Christianus, siue scias, siue ignores Extrauagantem, Non es autem nisi Haereticus, si neges fidem uerbi Christi. Quid hic premam & taceam, credo te sentire, optime Lector, non sine gemitu.

Decreta corrumpunt Scripturam.

Vnum tamen te latere nolo, hac Disputatione nihil quari, quam sinceram Scripturae intelligentiam, quam nobis in multis locis sacra illa, ut uocant, Decreta, si non corrumpunt, certe uerbis detortis ac male tractatis obscurant, & uelut obducta nube purissimum Solem tegunt. De quo aliquando latius, si aliquis mihi Romanus adulator obstreperit, praestabo, Deo propicio, quendam Iuristheologum, Sed qui parum sit placiturus, praesertim

præsertim Romanæ curiæ adulatoribus, iamdudum enim gessit animus ludere bellum, quod gessit Iosue aduersus Aitas. Interim hunc gustum tibi prælibo, quod Conclusio mea uere est contra Extrauagantem illam, ideo falsa & erronea, & reuocanda. Quare & reuoco eam solenniter in his scriptis, damnatamq; à meipso pronuncio, profiteor deniq; quod ita posita est à me, & usq; hodie placet ipsa, atq; si posita non esset, adhuc ponerem.

Aite Iud. 7.

Secundo reprobō, damno, detestorq; Extrauagantem illam, tanquam falsam & erroneam, meritoq; reprobendam, Profiteorq; bonum fuisse, eam alijs uerbis positam esse; Non quod sit falsa in suo sensu, sed quod in theologico sensu errat, cuius uerba inducit contra sententiam textus apertissimam.



Cce Reuocationem, Iam satisfeci, etiam aduersarijs, spero. Quid? insanum me putas, Lector, aut ebrium censes? Non insanio, sed sobrietatis uerba loquor. Quod ut ostendam, etiam crassissimæ ruditati, clarum faciam, solere scilicet, Pontifices uim facere sacris literis in suis Decretis. Nam Reuerendissimus Dominus Legatus, omnium impatientissime tulit, quod nec Papæ sanctitati pepercerim (sic enim scribit ad Illustrissimum Principem Fridericum &c.) & relatione indigna dixerim, quod Papam torquere & abuti Scripturis dixerim, Nitendum itaq; mihi est, ut non possit negare, uim Scripturæ aliquando factam.

Papa scripturæ uim facit.

Legē infra Epist. eius initium est, Illustrissime & excellentissime Princeps &c. 205. b.

Primo, Dicit Decretalis de consti. Translato sacerdotio, necesse est, ut translatio legis fiat. Hæc Apostoli uerba sunt ad Ebræos, dicentis, Temporale sacerdotium Legis, finitum & abrogatum, succedente sacerdotio æterno Christi. Hæc est germana & genuina sententia istorum uerborum. At Decretalis huius sententia est hæc, Sacerdotium Christi est translatum à Mose in Christum, & à Christo in Petrum. Sic enim interpretantur iurista, & Pontifex permittit seu approbat.

Translato sacerdotio, fit & Legis translatio, Ebræ. 7

Quis autem non uidet alienam hanc, tortamq; & abusiuiſsimam esse uerborum intelligentiam? Imo prorsus talem, quæ nisi multo sudore morderetur, simul & indoctissima & impiissima sit. Impiissimum est enim dicere, Sacerdotium & legem Christi esse abrogata & finita, ut Petrus sacerdos & legislator amoto Christo sit. Id enim significat proprie uerbum Apostoli, translatio. Nolo Petrum aut Paulum sacerdotem habere, quoniam & ipse peccator est, non habens, neq; quod pro me, neq; quod pro se offerat, Ut interim taceam, foedissimam arrogantiam, quam talis olet intelligentia, scilicet in solum Petrum à Christo fuisse translatum sacerdotium Christi, Quasi ceteri Apostoli remanserint Laici, aut à Petro ordinati fuerint sacerdotes & Apostoli.

Christus unicus & æternus sacerdos.

Igitur, Si nunc posuero hanc Propositionem: Sacerdotium Christi, nec in Petrum, nec in Papam translatum est. Et reuerendissimus Dominus Legatus mihi hanc Decretalem opposuerit, cum gestu & tonitru maiestatis suæ, & urgeat me ad reuocationem, Et ego responderim, Papam ibi torquere Scripturas, & abuti uerbis eius, meam autem Conclusionem esse ueram in theologico sensu, Decretalē autem forte in aliquo alio abusu, putas me debere formidare minas uerbi humani, quibus terreor, quasi indignum relatu dixerim, & sanctitati Papæ non pepercerim? Honorabo sanctitatem Papæ, Sed adorabo sanctitatem Christi & ueritatis.

Item, Si illud Matth. 16. Tu es Petrus, Et tibi dabo clauēs regni cœlorum, quodcunq; solueris &c. tractarem uel in Scholis, uel in suggesto, & ponerem hanc Propositionem: Istis uerbis non potest probari, Romanam

ACTA D. M. LVTH. AVGVSTAE

Romana Ecclesia
non est superior alijs.
Pelagius Papa.

manam Ecclesiam esse cæteris per totum orbem Ecclesijs prælatam, Et mihi Reuerendus Dominus Legatus opposuerit (credo cum commotione præ relati indignitate) distin. xxi. ubi Pelagius Papa, tanta uoce clamat, non synodicis Decretis, sed euangelica uoce (bene uoce, sed non sensu) Romanam Ecclesiam esse cæteris Ecclesijs prælatam, & ad id inducat hunc Matthæi Apostoli locum, Credis ne me relicturum euangelicum sensum, & nō nisi Pelagij sensum amplexurum, qui uocem, non sensum Euangelij sese iactat sequi?

Non quod nouam Monarchiam nostri seculi Romanorum damnem aut negem, Sed quod uim Scripturæ uerbis fieri nolim, & insulsiſſimorum quorundam hominum stulticiam reprobem, qui nobis Ecclesiam Christi tempori & loco affixerunt, contra uerbum Christi dicentis: Non ueniet regnum Dei cum obseruatione, & Christianum esse posse audent negare, qui non sub Romano Pontifice, Decretisq; eius oppressus fuerit.

Luc. 17.

Ecclesie totius Orientis & Affricæ
ninq̃uam fuerūt sub Pontifice Romano.

Ac sic plus, quam octingentorum annorum Christianos, totius Orientis & Affricæ nobis ex Ecclesia Christi eijciunt, qui nunquam sub Romano Pontifice fuerunt, nec Euangelium unquam sic intellexerunt. Nam adhuc S. Gregorij tempore Romanus Pontifex, uniuersalis Episcopus non saluabatur, Imo ipsemet Greg. licet Romanus Episcopus, æcerrime persequitur nomen uniuersalis Episcopi, & totius Ecclesiæ Pontificem, plus fere sex Epistolis, ut non dubitet uocabulum eiusmodi prophanium appellare, quod nostro seculo & solum appellatur Sanctissimum. Sicut enim Petrus cæteros Apostolos non creauit (sic enim hodie uocatur Episcopos ordinare) ita successor Petri, nullum successorem aliorum Apostolorum creauit, Deniq; non nisi fratrem & coepiscopum & collegam uocauerunt Romanum Pontificem, cæteri Episcopi, ut Cyprianus Cornelium, & Augustinus Bonifacium & alios)

Vniuersalis Episcopus.

Tibi dabo clauēs regni cælorum.

Vnde S. Patres illud Matthæi: Tibi dabo, non intellexerunt ad sensum sacri istius Canonis, super cæteros fuisse Petro dictum. Sed unus, inquit, pro omnibus, ut æqualitas una omnium exprimeretur, dum quod Petrus respondet, omnes & singuli respondent. Vnde & alio loco in plurali eandem sententiam dicit: Quodcumq; ligaueritis &c. & quod uni dicitur, omnibus dicitur. Deniq; non primum super Petrum descendit Spiritus sanctus in die Pentecostes, nec in terris primum legitur insufflasse in Petrum, quod tamen, si quam maxime factum fuisset, non ideo Petrus Monarcha præ cæteris fuisset Apostolis.

Matth. 16.

Matth. 18.

Igitur Canon ille sit uerus, admitto, sed abusiue, mea euangelico & proprio sensu Conclusio uera est. Quod si Monarchia Papæ probari potest, potius ex illo Apostoli Roma. 13. probabitur, Omnis potestas à Deo est, & quæcumq; à Deo sunt, ordinata sunt, huius, inquam, uirtute (proprie loquendo) subiicimur Sedi Romanæ, donec Deo placuerit, qui solus, non etiam Romanus Pontifex transfert regna atq; constituit.

Roma. 13.

Talia multa, mi Lector, in sacris Decretis inuenies & alia quædam, quæ si nasum sponsæ respectorem Damasci, id est, carnis & sanguinis, adhibeas, sapius odore offenderis.

Extraneus
Clement. VI.

SI nunc de Extraneante illa dico, Merita Christi non sunt thesaurus Indulgentiarum, quia sine Papa operantur gratiam. Hæc Propositio euangelica est, ubi scribitur in multis locis, Christi sanguine & obedientia nos factos & constitutos iustos, præsertim Rom. 5. Per unius, inquit, obedientiam (credo hanc esse merita Christi) iusti constituti sunt multi, Per Indulgentias autem nemo sanctus efficitur, Quod de meritis Christi affirmari, est contra tam apertas Scripturas.

Roma. 5.

Igitur

Igitur, an sit ista Propositio contra uel Extrauagantem uel Intrauagantem, non curo, prior est ueritas Scripturæ, & post hoc, si hominis uerba uera esse possunt, uidendum. Nam ego certe non auderem unquam asserere, quod per Indulgentias amici Dei fiant, sicut expresse dicit Extrauagans, ducens uerbum sapientis, de participatione æternæ sapientiæ dicentis, ad participationem Indulgentiarum. Fuerunt istæ Scripturæ ueræ, ante tempus illius Extrauagantis, nec ab ipsa receperunt ueritatem, Nec potest dici, quod de Indulgentijs loquantur, cum per totam Ecclesiam notum sit, nihil in Scriptura haberi de Indulgentijs, ideo necessario sequi, si quæ Scripturæ de eis interpretentur, ut hic sit, uim eis fieri, & improprie ac abusive accipi.

Nihilominus tamen reuerentiæ causa, ueram eam confiteor, & utrunq; sensum uolo tueri. Et dicunt mihi, Imo istum (id est, deteriore) sensum seruabis. Alterum (id est germanum) negabis. Ideo si meam Conclusionem cogor falsam dicere, faciam quidem, sed simul Extrauagantem bis falsam prædicabo. Nam quod in me criminantur contra communem consuetudinem me sentire de Indulgentijs, plane fateor ita esse, & dedita opera à me factum, ut discuteretur aliquando ista communis opinio, iuxta quam merita Christi uocari thesaurum Indulgentiarum, non ignorabam, sed mihi falsa ad uerborum sonum uidebatur, Ideo posui, quod clauis merito Christi donatæ, essent hic thesaurus, nō omnino reiiciens ab Indulgentijs merita Christi, sed ad aliū sensum exponens, quam haberet opinio communis, Quod nisi cum humilitate & reuerentia uoluisssem communi huic opinioni contradicere, omisisssem dicere, clauis merito Christi donatas, ut penitus merita Christi excluderem. Nunc autem inuolui, ut mitior esset contradictio, Quin non peccasssem mortaliter, si Extrauaganti in faciem restitisssem. Et illud diuī Hieronymi adduxisssem, ubi de ijs loquens, qui quidquid dixerint, legem Dei putant, dicit: Nec scire dignantur, quid Prophetæ, quid Apostoli senserint (nota senserint) Sed ad sensum suū incongrua aptant testimonia, quasi grande sit, & non uiciofissimum docendi genus, deprauare sententias, & ad uoluntatem suam Scripturam trahere repugnantem. Sic certe facit hæc Extrauagans, Nam uerba de meritis Christi, quibus remittuntur peccata, trahit ad Indulgentias, quod qua fiat congruitate, aduerte quæso.

Diū Hieronymi.

Merita Christi tollunt peccata, & augent merita, Indulgentiæ tollunt merita, & relinquunt peccata. Et potest idem textus de utrisq; proprie intelligi: Credo, Orestes quoq; hoc negabit. Et tamen ego, reuerentiæ studio, id admisi, & asserui, licet multa uolentia, deniq; cum sit obscura uerbis Extrauagans, & uere quædam extrauagans, nunc sonans, quod merita Christi sunt, nunc quod acquisierunt thesaurum Indulgentiarum, dixi, quod & pro mea sententia stare potest contra communem sententiam, & super hac dubia, tortrice uerborum Dei, & deprauatrice (ut Hieronymus ait) sententiarum, Ego certam reuocationem faciam, non conuicto errore: nō faciam, sed constanter & cum fiducia nego, Merita Christi esse in manu Papæ ullo modo (ut uerba sonant) Ipse uiderit, quomodo suam Extrauagantem intelligat.

Sat igitur sit pro hac uice ostendisse, Non in omnibus Decretis Pontificum haberi uerum legitimum sensum Scripturæ, ideoq; citra eorum iniuriam, posse aliter dici, teneri, sentiri, quam ipsi habent. Siquidem ipsimet Scripturæ interpretandi auctoritatem Doctoribus tribuunt, sibi uero iudicium descendendarum causarum.

Deinde alia est facultas iuridica, quam theologica, multa permittuntur in illa, quæ in hac prohibentur. Eleuent Iuristæ suas traditiones, multo

ACTA D. M. LVTH. AVGVSTAB

Adulatores Papæ.

magis nos Theologi puritatem Scripturæ seruemus, eoq; magis, quo uideamus nostro seculo, surgere nocentissimos adulatores, qui summum Pontificem ultra Concilia eleuent, scilicet ut uno Concilio per alterum reprobato, nullum nobis certum relinquatur, tandem omnia simul conculcet unus homo, Papa, Idem super Concilium & infra, supra, dum potest damnare, infra, dum accipit à Concilio auctoritatem tanquam à maiori, qua fiat supra Concilium.

Sunt quoq; qui Papam non posse errare, & supra Scripturam esse impudentissime iactitent, quæ monstra si admissa fuerint, Scriptura perijt, sequenter & Ecclesia, & nihil reliquum erit, nisi uerbum hominis in Ecclesia, Sed quærunt hi adulatores inuidiam, deinde ruinam & perniciem Romanæ Ecclesiæ.

Quare ego coram te, Lector, protestor me colere & sequi Romanam Ecclesiam in omnibus, solum illis resisto, qui nomine Ecclesiæ Romanæ Babyloniam nobis statuere moliantur, uolentes quidquid cogitare poterint, modo linguam tantum mouere possint, ut Romanam Ecclesiam nominent, totum statim pro Romanæ Ecclesiæ sententiâ accipi, quasi non supersit Scriptura sancta, per quam (ut Augustinus ait) de omnibus iudicamus, contra quam sine dubio Romana Ecclesia nunquam sapit aut statuit.

Breue hoc uide supra folio 190. n. b. etc.

De quorum numero esse credo suauissimos istos Sycophantas, qui distarunt quoddam Breue Apostolicum contra me, cuius formam, ut uideas, quam prudentibus insidijs sint usi, uolo in publicum dare, Nam in Germania fuisse confectum, & aliqua deinde industria ad Romam missum, & forte solo nutu alicuius magnatis Romæ remissum ad Germaniam, statim ad dita Postilla, te uel certum uel suspiciosum saltem faciam, pertinet enim & hoc ad Actorum meorum partem.

FINIS.

EPISTOLÆ DVÆ LVTH. AD CARDINALEM

Caietanum.

REVERENDISSIMO IN CHRISTO PATRI ET DOMINO THOMAE, TITVLI S.

Sixti, Presbytero Cardinali, sanctæ Sedis Apostolicæ per Germaniam de latere Legato &c. In Christo metuendo & colendo, Salutem & omnem subiectionem sui.

I.



Reuerendissime in Christo Pater, Iterum uenio, sed per literas, dignetur reuerendissima Paternitas tua me clementissime audire.

Egit mecum reuerendus, mihiq; dulcissimus, Pater meus in Christo, Vicarius noster, Iohannes Stupicius, ut humiliter sentirem, & opinioni propriæ cederem, & sensum meum submitterem, cōmendauitq; ac exuberantissime persuasit Paternitatē tuam reuerendissimā mihi esse gratiosissimam.

nam. Ea res, & Nuncius pariter me mirum in modum exhilararunt, Est enim homo hic talis & tantus in oculis meis, ut nullus sit in mundo, cui libentius audirem & obsequeretur. Nec minus egit dulcissimus frater meus, Magister Venceslaus Lincus, qui ab ineunte ætate pari mecum studio adoleuit. Breuiter, non potuit reuerendissima Paternitas tua fortius & dulcius me mouere, quam his duobus Viris mediatoribus, quorum uterq; in solidum me habet in manu sua. Tanta est tua simul humanitas & prudentia, qua video tuam reuerendissimam Paternitatem non mea, sed me quærere, cum potuisset sola potestate in me dominari. Itaq; iam timor meus sensim transit, imo mutatus est, in singularem erga reuerendissimam Paternitatem tuam amorem, & ueram filialemq; reuerentiam.

Nunc, Reuerendissime in Christo Pater, fateor, sicut et alias falsus sum, me fuisse certe nimis (ut dicunt) indiscretum, acrem & irreuerentem in nomen summi Pontificis. Et licet acertime fuerim in hanc irreuerentiam prouocatus, tamen meum fuisse nunc intelligo, modestius, humiliter & reuerentius hanc materiam tractare, & non ita respondere stulto, ut ei similis efficerer, De quo sincerissime doleo, & ueniam peto, & per omnia Pulpita in uulgus promulgabo, sicut & sepius iam feci, Daboq; deinceps operam, ut alius sim, & aliter loquar, Deo miserente. Imo promptissimus sum, atq; facillime promitto, me posthac materiam de Indulgentiis non tractare, atq; his finitis quiescere, Mordo illis quoq; modus imponatur, aut sermonis aut silentij, qui me in hanc Tragœdiam suscitauerunt.

Promittit silentium de materia Indulgentiarum.

Cæterum, mi reuerendissime in Christo, ac iam dulcissime Pater, quantum ad sententiæ ueritatem pertinet, libentissime omnia reuocarem, tam tuo, quam Vicarij mei iussu & consilio, si ullo modo conscientia mea permetteret. Ego enim scio, nullius præcepto, nullius consilio, nullius gratia, me tantum debere permittere, ut aliquid contra conscientiam dicam aut faciam. Deinde narrationes diui Thomæ & aliorum tantæ non sunt, ut mihi in hac quæstione satisfaciant, cum dedita opera contra eas disputarim, ut optime perlectas & percognitas, uisæ enim sunt non satis firmo niti fundamento. Hoc autem unum superest, ut meliori superer Ratione, quæ est: Si uocem sponsæ audire merear, hanc enim certum est, uocem sponsi audire.

Reuocationem doctrinæ recusat.

Ideoq; omni humilitate supplico, reuerendissima Paternitas tua dignetur ad sanctissimum Dominum nostrum Leonem X. istam causam referre, ut per Ecclesiam hæc dubia determinata, ad iustam uel reuocationem uel credulitatem possit compelli. Nihil enim aliud cupio, quam Ecclesiam audire & sequi. Nam mea super dubijs & indeterminatis Reuocatio quid faciat, ignoro, nisi qd merito mihi obijci posse

EPISTOLA D. MARTI. LVTHE.

timeo, me, nec quid asseruerim, nec quid reuocarim, scire. Suscipiat reuerendissima Paternitas tua hanc humilitatis & paruitatis meae supplicationem, & in filij uicem clementer commendatum me habere dignetur.

Datum pridie Lucae Euangelistae, Anno M. D. X V I I I.

Reuerendissimae
tuae Paternitatis

deditus filius

F. Martinus Lutherus Augustinianus,

I I

REVERENDISSIMO

IN CHRISTO PATRI ET DOMINO

THOMAE, TITVLI S. SIXTI, PRES

bytero Cardinali, sanctae Sedis Apostolicae per Germaniam de latere Legato &c. In Christo metuendo

& colendo, F. Martinus Lutherus sa-

lutem & seipsum.



IDit reuerendissima Paternitas tua, Reuerendissime in Christo Pater, uidit, inquam, & satis cognouit meam obedientiam, qua per tantum iter, ac per tot pericula, imbecillis corpore, & pauperrimus sumptu, huc me contuli. Et ad mandatum sanctissimi Domini nostri Leonis X. coram reuerendissima Paternitate tua comparui, & me obtuli. Praeterea edito libello Resolutionum, me & omnia mea sub pedib. suae sanctitatis proieci, expectans accepturusque quidquid siue damnanti siue approbanti uisum fuerit. Et plane nihil me omisisse mihi conscius sum, quod ad deditum obedientemque Ecclesiae filium pertinere possit.

Quare frustra hic tempus terere nolo, necque possum, quia & sumptus deficit, & Patrib. his Carmelitis satis superque fuerim & sim onerosus, maxime cum reuerend. Paternitas tua mihi uiua uoce mandarit, ut si nollem reuocare, non redirem in conspectum reuerend. Pat. tuae. Reuocare quid & quantum ualeam, prioribus literis signaui.

Itaque nunc abeo, & alio me loco prouisurus migro. Et quanquam mihi consultum est, ab his etiam, qui uel maiores me mouere possunt, ut a reuerend. Paternitate tua, imo a sanctissimo Domino nostro Leone X. male informato, ad melius informandum (scio enim quod Principi nostro illustrissimo, gratum facturum appellando magis quam reuocando) appellem. Tamen quantum in me fuisset, non appellassem,

*Libellus Resolutio
nū supra fol. 79. b*

*Supra folio 199.
parag. 3. vers. 3.*

lassum, Primum, quod mihi non uideatur necessaria Appellatio uel commissio ad partes. Cum ego, ut dixi, omnia in iudicium Ecclesie retulerim, & non nisi sententiam eius expectem. Quid enim ultra facere debeo, aut facere possum? Neque enim me reo aut responsore opus est, qui non quid ego dixi, sed quid Ecclesia dictura sit, attendo, nec Aduersarius contendere, sed Discipulus audire uolo.

Deinde, quod mihi pene persuasum est, hanc causam reuerendiss. Paternitati tue esse molestam, & Appellationem gratissimam, Ideoque sicut non mereor, ita nec timere habeo censuras. Et si ego Dei gratia talis sim, ut censuras longe minus timeam, quam errores & malam in fide opinionem, sciens, quod censura non nocet, imo prodest, si sana fides & ueritatis sensus mecum fuerit.

Quare per Christi uiscera, & insignem tuam mihi exhibitam clementiam, rogo, dignetur hanc meam obedientiam hucusque prestitam & completam, gratiose agnoscere, & sanctissimo Domino nostro Papae benigniter commendatam facere. Atque hanc meam abitionem & Appellationem, pro mea necessitate & amicorum autoritate paratam, boni consulere. Nam eorum uox & ratio mihi insuperabilis est haec: Quid tu reuocabis? Nunquid tua Reuocatione nobis legem fidei statues? Damnet Ecclesia prius, si quid damnandum est, & eius tu iudicium sequere, non illa tuum sequatur iudicium, atque ita uictus cedo.

Valeat itaque reuerendiss. Paternitas tua in Christo, mihi obseruandissima.
Ex Carmelo Augustensi, die S. Lucae Euang. Anno M. D. XVIII.
Reuerendissimae
Paternitatis tuae

deditus Filius

Martinus Lutherus Augustinianus.

APPELLATIO D. MARTINI LUTHERI PRIMA: A CAIE. tano ad Papam, Facta Augustae, Anno M. D. XVIII. Mense Octobri.



NOMINE DOMINI, AMEN.

Anno à natiuitate eiusdem M. D. XVIII. indictione VI. die uero sabbati, XVI. mensis Octobris, Pontificatus sanctissimi in Christo Patris & Domini nostri, Domini Leonis, diuina prouidentia Papae X. anno VI. In mei Notarii publici, testiumque infra scriptorum, ad hoc specialiter uocatorum & rogatorum praesentia, personaliter constitutus reuerendissimus Pater, Dominus Martinus Lutherus Augusti.

APPELLATIO D. MART. LVTE.

Augustinianus, sacrae Theologiae Professor, eiusdemque in Vuitembergenſi ſtudio Brandenburgensi Diocœſis, Lector Ordinarius principalis, principaliter pro ſeipſo tenens & habens in manibus ſuis quandam Prouocationis & Appellationis papyri ſchedulam, iuxta cuius continentiam & tenorem, ſe, ut aſſeruit, à quadam commiſſione, à præhibato ſanctiſſimo Domino noſtro Papa, non bene informato, ad eiſdem Procuratoris Fiſcalis inſtantiam, ſignati, ac prætenſis ludicibus & citationibus, ac omnibus & ſingulis inde ſequutis, ſequuturis, nec non à quolibet grauamine futuro uelle dixit prouocare & appellare, quam in medium exhibuit, ac in contemnti iuxta eiſdem continentiam ad prælibatum ſanctiſſimum Dominum noſtrum Papam, eiſdemque S. Sedem Apoſtolicam prouocauit & appellauit, Apoſtolos petijt, ſe ſubmiſit, proteſtatus fuit, omniaque & ſingula alia fecit, contenta in eadem ſchedula, Cuius quidem ſchedulae Appellationis & Prouocationis tenor de uerbo ad uerbum ſequitur, & eſt talis.

Cum Appellationis remedium in ſubſidium & releuamen oppreſſorum à Iuris conditoribus ſit adinuentum, & non ſolum ab illatis uerum etiam ab inferendis & inferri comminatis grauaminibus & iniurijs, Iura appellare permittant. Idcirco ego Frater Martinus Lutherus Auguſtinianus, ſacrae Theologiae Professor, eiſdemque in Vuitembergenſi ſtudio Brandenburgensi Diocœſis Lector Ordinarius, principalis, principaliter, & pro meipſo coram uobis, Notario publico, tanquam publica & autentica perſona, à teſtibus hic præſentibus, animo & intentione prouocandi & appellandi, Apoſtolosque petendi & recipiendi, dico & propono.

Indulgentie remiſſiones ſunt ſatisfactionis poenitentialis.

Quod cum in materia Indulgentiarum uariæ & incertæ ſint opiniones Doctorum, tam Canonistarum quam Theologorum, nec in his uſque hodie aliquid certum & determinatum habeat Eccleſia, Niſi quod ex C. Quod autem &c. & C. Cum ex eo, alijsque quibuſdam clarum eſt, Indulgentias eſſe remiſſiones ſatisfactionis poenitentialis, à ſuo iudice impoſitæ. Satisfactio autem eſſe aliud non poteſt, quam optima illa opera, oratio, ieiuuium, eleemoſyna, ut eſt una omnium Theologorum & totius Eccleſiae concors ſententia. Et ex C. Abuſionibus, in gloſſ. ſuper uerbo, mendaciter, clare patet, quod per Indulgentias non extrahuntur animæ de Purgatorio, eo quod ſunt diuino iudicio reſeruatae. Nec ſatis conſtat, nec per Eccleſiam determinatum eſt, quid ſit, & quantum ualeat modus ille ſuffragij, per quem conferuntur Indulgentiae defunctis, præſertim cum non tantum poenæ, ſed & culpæ quoque remittantur in Purgatorio, ut dicitur diſtin. 25. Qualis, Culpas autem remitti a ſolo Deo, certum eſt, per inſuſionem gratiæ, quæ per Indulgentias inſundi non poteſt.

Deinde in his, quæ ſunt dubia & opinabilia, non ſolum eſt licitum diſputare & contradicere ſapientem ſapienti (maxime uero in his, quæ non ſunt præcepta, nec conſulta, nec neceſſaria ad ſalutem) uerum etiam alteram contradictionis partem pertinaciter aſſerere, periculolum & per Spiritum ſanctum prohibutum eſt, ubi dicitur apud Iohannem in Epistoſa: Probate ſpiritus, utrum ex Deo ſint. Et apud Paulum: Omnia probate, quod bonum eſt tenete. Ita, ut & Eccleſia eodem ſpiritu rectore, præceperit in Cle. C. Abuſionibus, ut non permittantur Quæſtores proponere populo aliud, quam quod in literis eorum continetur. 1. Ioh. 4. 1. Theſ. 5

Quibus Iuribus, imo præceptis nixus, diſputandam hanc materiam ſuſcepi, motus immodetiſſimis Declamationibus, nimiumque indiſcretis promulgationibus

mulgationibus, quibus Indulgentias diuulgabant quidam in nostris Regionibus, apostolici (ut asseriebant) commissarii & questores, ita, ut sub Indulgentiarum prætectu inauditas auariciæ & scandalosas machinas exercerent, in grauissimum Romanæ Ecclesiæ & Clauium ecclesiasticarum ludibrium & contemptum, reuerentiæq; apostolicæ Sedis non mediocriter detrimentum. Deniq; in seductionem populi, noua dogmata moliti sunt, ut auderent uerbis male sobrijs docere, & Libellos in uulgus edere, Indulgentias esse idem, quod, hominem consequi gratiam Dei iustificantem, donum scilicet inestimabile pro uenijs uenundantes. Et alia, quæ passim ostendit Libellus eorum, qui instructio summaria uocatur, absurdissimis & falsis Propositionibus plenus, ad sui suorumq; autorum ignominiam.

Et licet ego non de fide, non de moribus, non de præceptis Dei aut Ecclesiæ, sed de Indulgentijs (ut dixi) disputarem, quæ nec præceptæ, nec consultæ, nec meritorie sunt, ita ut sine his nihilominus Ecclesia Christi bene & forte melius haberet, pluribusq; meritis (quæ per illas remittuntur) salui fierent fideles, imo expresse fateantur Doctores, etiam Scholastici, Melius esse per seipsum satisfacere, quam Indulgentias redimere.

Deinde sic disputaui, ut totam hanc disputationem submitterem, non solum Ecclesiæ, sed etiam cuiusq; melius sentientis iudicio. In primis uero sanctissimo in Christo Patri, & Domino nostro, Domino Leoni X. Papæ moderno, ut in Epistola mea Resolutionibus meis præmissa, clare patet, ac ita res dubias, liberas, opiniosas, non determinatas, nec necessarias ad salutem, tractaui, disputandi gratia, Vt nulla prorsus esse possit iusta causa, & occasio citandi me, aut in ius trahendi, & merito debuerim à molestijs etiam inuidorum & malignorum tutus, & quietus uideri (quandoquidem de rebus serijs, necessarijs, diuinis disputantes securi sunt)

Nihilominus quidam Mammonæ cultores & lucri mancipia inquieta, in quibus Christi non pascua, sed lac & lanam tantummodo quærentes, timentesq; ne huius disputationis occasione fideles Christi eorum luerosas & auarissimas insidias intelligerent, ac sic quæstus ipsorum, sicut dignus est, funditus periret, exarserunt sicut ignis in spinis. Atq; cum ipsi sic Indulgentias non solum indiscrete, sed & subdole, in fraudem Animarum quoque, ac longe lateq; à mente summi Pontificis, sacrisq; Patrum decretis, prædicando aberrarent, etiam hoc mali adiecerunt, ut friuolis quibusdam & mendacibus delationibus, pro auaricia sua & tyrannide impia coloranda, adeo me apud sanctissimum Dominum nostrum, Dominum Leonem X. Papam &c. & eximium uirum Dominum Martinum de Perusijs suæ sanctitatis Procuratorem fiscales, fœdauerunt, & odiosum fecerunt, & tandem exaceruerunt & exasperauerunt.

Vt dictus D. Martinus ad importunam eorum instantiam, causam contra me, tanquam de hæresi suspectum, & in Ecclesiasticæ potestatis iniuriam, uilipensionem, diminutionem, clauiumq; irreuerentiam, machinatum. Reuerendissimis in Christo Patribus, Domino Hieronymo de Genutijs, Episcopo Asculanensi, auditori Camerae &c. & Syluestro Prieriati Ordinis Prædicatorum, Palatii Apostolici Magistro, committeret, Quin imo per illum ipsi potius extorserunt. Qui quidem Iudices & Auditores cum mihi, salua semper eorum reuerentia, suspecti sint, quod ipse Reuerendus Pater Syluester alias contra me, exacerbata affectionem suam abunde ostenderit, in Dialogo, quem contra meas Positiones edidit, in quo suæ opinioni plus æquo affectus, me hæreticum & insanum multisq; alijs nominibus criminum iudicauerit, & damnauerit.

D. Hieronymus de Genutijs, Episcopus Asculanus.

Dialogus Syluestri

Deinde

APPELLATIO Dⁱ MARTⁱ LVTⁱ

Deinde suis Fratribus, quos hæc res principaliter tangit, uerisimiliter præsumitur plus quam causæ fauere, atq; ita fieret, ut per ipsum Aduersarij ipsimet in sua causa Iudices fierent. Et ipsi Thomistæ, licet sibi ipsis contra me non constantes, sæpius tamen inuenti sunt pro suis opinionibus, maiora, & alia tentasse, quam cuiusq; merita postulassent, & æquitas Iuris pateretur. Deniq; cum idem Reuerendus Pater solum in scholastica Theologia sit institutus & enutritus, parumq; in Scripturis sanctis (ut apparet ex suis Scriptis uarijs) exercitatus. Et hæc materia Iudices quærat, in sacris literis & ecclesiasticis Patribus instructissimos, non præsumi potest, eum uel posse recte iudicare.

Reuerendus uero in Christo Pater, Dominus Hieronymus Episcopus &c. merito timetur alteri Collegæ suo adhærere, (quod pace ac reuerentia ac citra iniuriam dictum uolo) & qui Patri Syluestro ob Professionis Theologicae nomen, facile iudicium cederet, atq; ipse, qui in causis alijs ciuilibus & huiusmodi satis idoneus esset. Hæc autem cum sint de fide & hæresi (ut Aduersarij dicunt) extra suæ Professionis modum esse, satis intelligatur, atq; ideo mihi utriq; suspectissimi, me citari fecerunt, & citauerunt, ad comparandum personaliter Romæ, in loco mihi omnium suspectissimo & non tuto, Cum omnibus constet, quantum & in quam multos sæuitum sit, qui se Romæ crediderunt, etiam habentes saluum conductum, Et luce meridiana clarius sit, ipsum etiam optimum Pontificem, sanctissimum Dominum nostrum Leonem X. ac multos alios reuerendissimos Dominos Cardinales, sæpius in periculo mortis fuisse, nec satis tuto ibidem uiuere. Vt iuxta Esaiam de Roma fere dici possit: Iusti habitauerunt in ea, nunc autem ho-

Roma sedes homi-
cidarum.

Esai. 1.

Atque si quam maxime Romæ omnia tuta & salua forent, tanti tamen itineris prolixitas imbecillitati corpusculi mei prorsus impossibilis est, tot etiam pericula uiarum, & maxime omnium insidiæ Aduersariorum, quæ tantæ ac tam multæ sunt, ut omnino mihi per Magnates & Principes utriusq; status consultum sit, & pro certo denunciatum, ne ullo pacto muros Vuitembergæ egrederer, certissimos scilicet sese nosse, aut ferri aut ueneni insidias paratas. Atq; cum sim de Ordine Mendicantium, nihil proprii habens, & sub obedientia alterius uiuens, ipsa sane paupertate abunde comparere prohiberer.

Cum itaq; metu huiusmodi iustissimo, & qui in constantem uisum cadere potest, & causis his iustissimis impeditus, Romam ire non possem, sollicitauimus per illustrissimum Principem Fridericum, sacri Ro. Imperij Electorem, Saxoniae Ducem, Thuringiae Landgrauium, Misnæ Marchionem potentissimum, Vt à Sede Apostolica causa Viris aliquibus doctis, probis & honestis committeretur, in partibus, in loco tuto, coram quibus & ibidem comparere, & omnia facere, quæ iusticia suadet, paratissimus essem.

Quod cum sanctissimus in Christo Pater & Dominus, Dominus noster Leo X. ut cuius clementia & ueritatis & iusticiæ obseruantia, per totum Orbem dignissime celebratur, per aduersarios suæ causæ timentes, ut in personam Reuerendissimi in Christo Patris & Domini, Domini Thomæ, Tituli S. Sixti Presbyteri Cardinalis sanctæ Sedis Apostolicæ per Germaniam de latere Legati, transferretur, sperantes, quod cum idem Reuerendissimus Dominus &c. de Ordine eorum fuerit ruinosæ & ægræ causæ, facilius hoc ingenio mederentur.

Qui quidem reuerendissimus Dominus &c. etsi suspectus merito uideri poterat, quod de parte & opinione Aduersariorum sit & alijs quibusdam ue-

dam uerissimilibus causis, Tamen ut Vir est omnibus modis doctissimus & humanissimus, primum paterne quidem & clementer sese mihi exhibuit, meq; suscepit. Sed deinceps mihi (ut ait) consulere uolens, simpliciter instabat & urgebat ad Reuocationem meorum dictorum, antequam discuterentur & determinarentur, reiecta & posthabita omnium protestatione honestissima, quod uidelicet paratus essem uel publice denuo respondere, uel priuatim in scriptis rationem reddere, & omnia mea subicere, inprimis iudicio S. Ecclesiae Romanae, Deinde illustribus studijs Basiliensi, Friburgensi, & Louaniensi, Ac si opus esset, etiam antiquae illi studiorum Parenti, & in theologicis rebus praeter ceteris uti florentissimae, ita zelosissimae Vniuersitati Parisiensi.

His omnibus posthabitis & spreis, nec saltem docere uoluit, aut ostendere, in quibus & qua ratione errassem, ut cognitum errorem reuocarem. Nisi quod duos Articulos mihi opposuit, ad quos me satis abunde respondisse confido, ut in scriptis ad eundem Reuerendissimum Dominum datis, uideri potest. Sed simpliciter & nude me ad reuocationem adigere uoluit, minando mihi, quod nisi uel hoc facerem, uel Romae in quodam termino, penso in citatione, per supradictos praetensos Iudices praefixo, comparerem, me & omnes mihi adhaerentes & fauentes, sententia excommunicationis, innodare, ac ceteros quoscunq; ad quos me declinare contingerit, ecclesiastico interdicto supponere uellet. Super quibus omnibus sese mandatum sufficiens a Sede praedicta habere dixit.

Vide supra pagel.
156. & sequenti.

Ex quibus me grauatum laesumq; & oppressum sentio, cum & hodie fatear solummodo me disputasse, & omnia sub pedibus sanctissimi Domini nostri Leonis X. subiecisse, ut occidat, uiuificet, reprobet, approbet, sicut placuerit. Et uocem eius uocem Christi in ipso praesidentis agnoscam. Et legitime protestor me nihil dicere aut sapere uelle, quod non in & ex sacris Literis, & ecclesiasticis Patribus, sacrisq; Canonibus probari potest, Ut in libro Resolutionum mearum uideri potest. De quo denuo protestor, sicut alias saepius protestatus fui.

Idcirco, a praefato sanctissimo Domino nostro Papa, non bene informato, eiusq; praetensa commissione, ad supradicti Domini Procuratoris Fiscalis instantiam (ut praefertur) signata, ac a praetensis Iudicibus & Citatione supradicta, ac praetenso Processu, contra me forsitan instituto & instituendo, & omnibus inde sequutis & sequuturis, & quolibet ipsorum, nec non a quolibet futuro grauamine, quod mihi ex eo uenire poterit, ad sanctissimum Dominum in Christo Patrem, & Dominum nostrum, Dominum Leonem, diuina prouidentia Papam X. melius informandum prouoco, & appello in his scriptis, Apostolosq; primo, secundo & tertio, instantem, instantius, & instantissime mihi dari peto, si quis sit, qui mihi hos dare uoluerit & potuerit, & praesertim a uobis, Domino Notario testimoniales, subiiciens me mihiq; adhaerentes, & adhaerere uolentes, in his protectioni ac defensionis praefati sanctissimi Domini nostri Papae, melius informandi. Et protestor de proseguendo hanc meam Appellationem suis temporibus, & locis congruis, per uiam nullitatis, & alias, prout melius poterero, mihi reservata facultate addendi, minuendi, mutandi, corrigendi, & in melius reformandi, omniq; alio Iuris beneficio semper saluo.

Super quibus omnibus & singulis praemissis, praelibatus reuerendus Pater D. Martinus Lutherus, sacrae Theologiae Professor, & appellans, sibi a me Notario publico infra scripto, loco Apostolorum testimonialis, unum uel plura publicum seu publica, fieri atq; confici petijt instrumentum & instrumenta.

EPISTOLA THOMAE CAIE CAR

Acta fuerunt hæc Augustæ, & ibidem in monasterio Ordinis Fratrum Carmelitarum, sub anno, indictione, die, mense & Pontificatu, quibus supra, Præsentibus ibidem honorabilibus uiris, Dominis Venceslao Steinbeiss, & Bartholomæo Vtzmaier, presbyteris Augustensis Diocœsis, Testibus ad præmissa uocatis atq; rogatis.

ET ego Gallus Kunigender de Herbrachtingen, Laicus Augustensis Diocœsis, publicus sacris apostolica & imperiali autoritatibus, Notarius, quia supradictæ schedulæ Appellationi, exhibitioni, prouocationi, submissioni, Apostolorum petitioni, protestationi, omnibusq; alijs & singulis præmissis, dum (sicut præmittitur) fierent & agerentur, una cum prænominatis testibus, præsens & personaliter interfui, eaq; omnia & singula sic fieri uidi & audiui. Idcirco hoc præsens publicum instrumentum, manu propria scriptum, exinde confeci, subscripsi, publicaui, & in hanc publicam Formâ redegi, signoq; & nomine meis solitis & consuetis, signaui, in fidem & testimonium omnium & singulorum præmissorum rogatus & requisitus.

ACTORVM, D. MARTINI LVTHERI,
apud Legatum Apostolicum Augustæ.

FINIS.

EPISTOLA THOMAE

CAIETANI TITVLI S. SIXTI
PRESBYTERI CARDINALIS, AD

D. Fridericum, Saxoniae Ducem, sacri Imperij Electorem, &c. De Lutheri causa, Post discessum eiusdem Lutheri ex Augusta,
Anno M. D. XVIII.

Illustrissime & excellentissime Princeps, Venit Frater Martinus Lutherus cum literis excellentiæ uestræ, Et antequam nos adiret, uoluit se munire saluo conductu, quem ab illis Dominis, Cæsareæ Maiestatis Consiliarijs, uestre illustrissimæ Dominationis intuitu & fauore impetrauit. Non tamen sine scitu meo, Noluerunt enim hi Domini quidem illi concedere, nisi me permittente. Quibus respondi, Facerent quidquid eis placeret, dummodo nomen meum non misceretur. Et hic coepi mirari, Nam si excellentia uestra in me confidebat, non erat opus saluo conductu, Si non confidebat, non erat mittendus ad me, ut Patrem.

Adijt deinde nos Frater Martinus, primum excusans se super impetra-

L. Pct. 2.

impetratione salui conductus propter inimicitias &c. Deinde dicens, se uenisse, ut nos audiret, & ueritatem a nobis agnitam profiteretur. Nos hominem libentissime ac humanissime excepimus, paterneq; complexi sumus. Dixi ante omnia, quod secundum solidam Scripturam sacram & sacros Canones interrogandus esset, & quod si se cognosceret, & de cætero caueret, possemusq; secure dormire, ne reuerteretur ad uomitum, omnia componerem, sanctissimi Domini nostri Papæ Leonis X. autoritate.

Ostendi deinde, monuicq; paterne, Disputationes & Sermones eius, esse contra Apostolicam doctrinam, maxime super Indulgentiis, citauicq; Extrauagantem Clementis VI. aperte contra ipsum stantem, tam super causa, quam effectu Indulgentiarum. Adduxi præterea antiquam & communem Romanæ Ecclesiæ consuetudinem, ac interpretationem super alio etiam Articulo de fide Sacramentorum aperui, admonuicq; opinionem eius non esse sanam, sed manifeste dissentire a sacra Scriptura & recta Ecclesiæ doctrina, quæ illi omnino repugnat. Is ad Extrauagantem claram & apertam dixit, nescio quid relatione indignum, & petijt diem ad deliberandum, rediturumq; se affirmavit. Ego illum hortatus, ut se cognosceret, dimisi.

Redijtq; postridie, una cum Patre Vicario generali congregationis Obseruantium, multisq; stipatus. Et cum expectarem, ut se uere agnosceret, coepit coram Notario, quem secum duxerat, protestari, Ego id subridens, iterum humanissime hominem hortatus sum, ut relicto huiuscemodi inani consilio, ad cor & sanitatem rediret, durum esse illi contra stimulum calcitrare. Addidit deinceps, in scriptis se uelle mihi respondere, & causam suam agere, Me anteriore die satis digladiatum uerbis cum illo fuisse. Ego audaciam hominis miratus dixi, Fili, neq; tecum digladiatus sum, neq; digladiari uolo, Tantum paratus sum, intuitu illustrissimi ducis Friderici, te paterne ac benigne (non disputandi contendendique gratia) audire, ac pro ueritate monere ac docere, conciliare etiam (si uoles) sanctissimo Domino nostro Papæ Leoni X. & Romanæ Ecclesiæ.

Rogauit me tum is, tum Vicarius eius, ut illum in scriptis audire uellem. Dixi me libentissime auscultaturū, & facturum omnia paterne, non tamen iudicialiter. Itaq; abiit, reuersusq; postea tertio est, & longam scripto exhibuit phylacteriam, in qua fatue admodum respondet ad constitutionē Extrauagantis Papæ, nec parcat etiam suæ sanctitati, quam dicit abuti autoritatibus sacrae Scripturæ. Ad illud uero de fide Sacramentorum implet papyrum locis sacrae Scripturæ omnino impertinentibus & perperam intellectis.

Ego postquam ostendi non ita esse intelligendum, quod in illa

m ij

Extraua-

EPISTOLA THOMAE CAIETANI

Extrauagante & sacris literis scriptum est, Iterum atq; iterum Fratrem Martinum ut filium monui & obtestatus sum, Nollet plus sapere, quam oporteret, nec noua dogmata in Ecclesiam intrudere, Sed seipsum cognoscere, & saluare animam suam.

Venit ad me deinde Pater Vicarius congregationis, cum quo, praesente magnifico Domino Urbano Oratore Montis ferrati, & uno Magistro Theologiae dicti Ordinis, multasq; horas tractauimus de negotio hoc, ut tolleretur scandalum, salua reuerentia Apostolicae Sedis, & sine ulla nota Fratris Martini. Venit postea solus ille Theologiae Magister, socius Fratris Martini, qui probauit & colaudauit tractatum.

Iactis his fundamentis, cum bene sperarem omnia, profectus est hinc idem Vicarius, insalutato hospite, ac me omnino inscio. Subsequutus est deinde Frater Martinus & socij eius, mihiq; omnino, imo sibi, perbelle illuserunt. Accepi interea Fratris Martini^a literas, quibus petit fucatam ueniam, Non ideo uero reuocat maledicta & scandala, quae catholicae Ecclesiae incussit.

^a
Supra fol. 101. b.
201. etc.

EGO, illustrissime Princeps, fraudulentum Fratris Martini & sequacium consilium, non solum admiratus sum, uerum etiam prorsus perhorruui & obstupui. Cum enim de bona illius ualitudine maxime sperarem, maxime sum frustratus. Non uideo tamen cuius fiducia haec agat.

In causa uero tria affirmauerim. Primo, dicta Fratris Martini in Conclusionibus suis disputatiue esse posita, In sermonibus tamen ab eo scriptis, affirmatiue & assertiue esse posita, & confirmata in uulgari germanico, ut aiunt. Ea autem sunt partim contra doctrinam Apostolicae Sedis, partim uero damnabilia. Et credat mihi illustrissima Dominatio uestra, quia uera dico & loquor, ex certa scientia non ex opinionibus.

Secundo, illustrissimam illam uestram Dominationem hortor & rogo, consulat honori & conscientiae suae, uel mittendo Fratrem Martinum ad Urbem, uel eijciendo extra terras suas, postquam non uult paterna uia errorem suum cognoscere & cum uniuersali Ecclesia bene sentire.

Postremo, Illud sciat illustrissima Dominatio uestra, nequaquam hoc tam graue & pestilens negotium posse diu haerere. Nam Romae prosequuntur causam, quando ego laui manus meas, & ad sanctissimum Dominum, Dominum nostrum huiusmodi fraudes scripsi.

Bene & foeliciter ualeat Excellentia uestra, cui me intime commendo.

Ex Augusta Vindelicorum, XXV. die Octobris
Anno M. D. XVIII.

Iterum

ITerum atq; iterum rogo, ut Dominatio uestra illustrissima, non permittat se decipi a dicentibus: Nihil mali continent Fratris Martini Lutheri dicta, Nec ponat maculam in gloriā Maiorum suorum, & suam, propter unum Fraterculum, ut toties promisit. Ego loquor puram ueritatem, & seruabo Ihesu Christi regulam: A fructibus eorum cognoscetis eos. Hæc pauca manu propria, E. V. & illustriss. D.

ad obsequia

Thomas, S. Sixti Cardinalis, Legatus Apostolicæ Sedis.

ILLVSTRISSIMI

PRINCIPIS: D. FRIDERICI, DV-

cis Saxoniae, Romani Imperij Electoris, Responsio

ad literas D. Thomæ, Tituli S. Sixti Car-

dinalis, præcedentes,



Reuereudissime in Christo Pater, singulariter nobis dilectissime Domine, & amice, Vestrae Charitatis literas die XXV. Octob. Augustæ datas, die XIX. Nouemb. per tabellarium non peculiarem, sed fortuitum, redditas, accepimus, ad D. Martinum Lutherum Augustinianum pertinentes, quas undecūq; cum toto earum argumento percepimus atq; intelleximus.

Quoniam ergo dictus Martinus coram pietate uestra apud Augustam comparuit, sicut cum charitate uestra colloquuti Augustæ pollicebamur, nostræ satisfacimus promissioni. Præterea, persuaseramus nobis, uestram pietatem, audito Martino, secundum uestrae Reuerentiæ promissionem multiplicem, eum paterne & beneuole dimissuram fuisse, Neq; quamuis nondum cognita causa & sufficienter discussa, ut Martinus refert, coacturam ad reuocationem & palinodiam. Sunt enim plurimi eruditorum, in nostris principatibus & terris, & alibi in Vniuersitatibus studiorum, a quibus hætenus & in hodiernum usq; diem constanter & irrefragabiliter certiores fieri non potuimus, Martini doctrinam impiam, non Christianā, & hæreticam esse. Exceptis nonnullis, quorum rei priuatæ & utilitati pecuniariæ eruditio eius non profuit, qui ut propriæ commoditati consulerent, Martino sese aduersarios opposuerunt, suo tamen proposito contra Martinum nondum probato. Nam si aliquo constanti fundamento & ratione intelligeremus, D. Martini Lutheri doctrinam impiam &

m iij

instabilem

EPISTOLA D. MART. LVTHE.

instabilem esse, Dei omnipotentis auxilio & gratia, ipsimet ita nos doceremus, ut nulla indigeremus exhortatione atq; admonitione. Noster enim animus, nostra uoluntas, nostra mens, in hoc tota est, ut ad Christiani Principis officium sit paratissima, & qui Deo adiutore, & honori & conscientiae suae cupiat consultum.

Quapropter modis omnibus sperauimus, non futurum, ut in hoc rerum statu, hac afficeremur comminatione, scilicet Ro. curiam id causae prosequuturam, & Reuerentiam uestram manus lauuisse, uel ut a nobis postularetur, ut Martinum Lutherum siue Romam mitteremus, siue ex nostris Regionibus expelleremus. Non tamen ob alia, quam quod Martinus Lutherus criminis hereseos nondum conuictus est. Pelleretur enim incommodo nostrae Vniuersitatis, sicut in hanc diem notum est, Christianae, & multos bonos & doctos & studiosos homines habentis.

Necq; omisimus D. Martino uestrae charitatis literas exhibere, ad quas nobis secundum tenorem exempli, his nostris literis inclusi, respondit.

Cum itaq; D. Martinus sese offerat ad aliquarum Vniuersitatum iudicium, & in locis tutis disputationem, & cognita causa permissurum se obedienter, ut doceatur & simul ducatur. Arbitramur eum merito admittendum, aut saltem ei ostendendos in scriptis errores, Id quod & nos petimus, ut sciamus, quamobrem tamen haereticus esse debeat, & habeamus quod sequamur & faciamus. Necq; enim nos ita (nondum conuictum) pro haeretico reputandum & scribendum sentimus. Deniq; non libenter permetteremus, nos in errores pertrahi, Necq; ut inobedientes a sancta Sede Apostolica inueniri.

Hoc uestram charitatem (quam Deo omnipotenti diu sceleriter conseruandam commendamus) caelare noluimus.

Datum Aldenburg, die VIII. Decembris.

Anno M. D. XVIII.

EPISTOLA D. MART. LVTH. AD ILLVSTRISSIMUM ET CLE.

mentissimum D. Fridericum, Saxoniae Ducem &c. In qua re-

spondet ad ea, de quibus eum Legatus Apostolicus

accusat, in Literis suis ad praedictum Saxo-

niae Electorem ex Augusta

missis.

ILLVS

AD D. FRIDE. ELECTO. SAXO. CCVIII.

ILLVSTRISSIMO ET VERE OPTIMO PRINCIPI, D. FRI.

derico Electori, sacri Romani Imperij Archimarschallo, Duci Saxo-

niae, Praesidi Thuringiae, Marchioni Misnensi, Domi-

no suo Clementissimo, Deditum mancipium, F.

Martinus Lutherus Augustinianus, foeli-

citatem, & quidquid potest oratio

peccatoris.



Ccepi clementissime ac illustrissime Princeps, per amicissimum meum Dominum Georgium Spalatium, literas una cum exemplo literarum Reuerendissimi Domini Thomae Caietani, Tituli S. Sixti Cardinalis, Sedis Apostolicae Legati, uoluntate illustrissimae Dominationis tuae ad me misso, Accepi autem & reuerenter & hilariter. Video enim pulcherrimam totius causae meae exponendae occasionem datam. Vnum solum ab illustrissima Celsitudine tua precatus fuero, ut sordidum hunc & mendicum Fraterculum splendor magnitudinis tuae clementissime tolleret balbutientem.

Primum uere scribit Reuerendus Dominus Cardinalis me saluo conductu uoluisse muniri ineam Augustae praesentiam. Neque id feci aut meo aut illustrissimae Dominationis tuae consilio, sed amicorum singulorum & omnium, quibus fueram literis commendatus, Excepto uno, magnifico Domino Urbano Oratore, qui solus multis uerbis dissuasit. Sed necesse fuit mihi, ut omnes praefeream uni, ne si quid temere mihi contigisset, me contempsisse scriberent, & illustrissimae Dominationis tuae commendatione, & ipsorum fidelissima operam. Deinde non capitosi, sed naturalis affectus est, multos Germanos antea cognitos, atque uita & autoritate celebres, a me Germano praeferrere uni Italico. Ipsa enim Natio & multitudo me, spero, iustissime excusabunt, ne Orator ille Dominus magnificus se a me contemptum possit causari.

Non ergo tua, illustrissime Princeps, diffidentia arguenda fuit, imo plus in reuerendissimum dominum Legatum confisum est, quam sperauerant amici, Ita ut meam temeritatem mirarentur, seu (ut ipsi honorabant) audaciam, quod sine conductu essem ingressus Augustam. Mandauerat enim mihi illustrissima tua Dominatio per Spalatium meum, non esse mihi necessarium saluum conductum, adeo illustriss. tua Celsit. omnia bona de reuerend. Legato praesumebat.

Percurram & caetera Epistolae Reuerendissimi domini Legati membra, ac paucis respondebo ad ea.

EPISTOLA D. MARTI LVTHE

Vere scribit me tandem comparuisse, & dilationem accessus ac salui conductus impetrationem excusasse. Dicebam enim me a magni Ordinis utriusque status uiris fuisse monitum, ne muros Vuitemberge egrederer, esse enim mihi insidias aut ferri aut ueneni paratas. Deinde addidi & causam prædictam, scilicet amicorum studium nomine illustrissimæ Dominationis tuæ mihi consulentium. Obtuli itaque me prostratum ante pedes reuerendissimi Domini Legati, & omni reuerentia & humilitate petij ueniam, si quid temere uel dixissem uel egissem, esseque me paratissimum doceri & duci (sicut & hodie sentio) in saniolem sententiam.

Hic me reuerendissimus Dominus Legatus paterne & clementissime suscepit, commendans & congratulans huic meæ humilitati, Statim tria mihi facienda proposuit, de mandato Sanctissimi Domini nostri Papæ Leonis X. sicut aiebat (nam exemplar Breuis petenti denegabat)

Primum, ut redirem ad cor, & erratus meos reuocarem.

Secundo, ut promitterem, in futurum abstinere ab eisdem.

Tertio, ut ab omnibus quoque alijs abstinere, quibus perturbari possit Ecclesia.

Ad primum petij, ut monstraret mihi, in quo nam errassem, Mox id obiecit, Quod Cōclusionē 7. inter declarandum dixeram, Oportere eum, qui ad Sacramentum accedit, credere, se consecuturū gratiam Sacramenti. Hanc enim doctrinam esse contra sacram Scripturam & rectam Ecclesiæ doctrinam uoluit. Ego uero constanter dixi in eo puncto me non esse cessurum, sicut nec hodie neque in æternum sum cessurus. Tunc ipse: Velis, nolis, hodie oportebit te reuocare, alioqui uel propter hunc locum omnia tua dicta damnabo.

Et quanquam dicebat sese non opinionibus Doctorum, sed Scripturis sanctis & Canonibus mecum acturū, nec syllabam tamen Scripturæ contra me produxit, cum ego contra multas Scripturas pro me adducerem, ut uideri potest in schedula responsionis meæ. Nisi quod de efficacia Sacramentorū mihi Concilia recitabat, quæ non negaui, neque contra me erant. Labebatur tamen inter dicendum semper in opiniones Doctorum. Et expecto, peto, rogo usque hodie unam Scripturæ autoritatem, uel sanctorum Patrum, quæ sit contra meam hanc sententiam.

Et ut tibi, illustrissime Princeps, ex corde loquar, Doleo totis uisceribus hanc rem fidei nostræ in Ecclesia non solum dubiam & ignotam, sed etiam falsam putari. Verum, optime Princeps, coram Deo et Angelis eius protestor, fiat de alia mea Responsione quicquid fieri potest, sit falsa, sit contra Extrauagantē, sit damnanda, sit reuocanda, faciam hic omnia, si ita oporteat, Hanc autem sententiam moriens confitebor

confitebor, & omnia potius negabo, quam illam reuocabo. Nam siue merita Christi sint thesaurus Indulgentiarum, non ideo Indulgentiis aliquid accedit, siue non sint, nihil ideo decedit. Manent Indulgentiæ id quod sunt, quocumq; tandem nomine honorentur & inflentur. Nec sum ideo malus Christianus, si Indulgentias nolim, quas ille tantum solas extollit & pro eis pugnat. Sed si hanc fidei sententiam mutaue-
ro, Christum negauero. Sic sapio, sic sapiam, donec contraria senten-
tia per scripturas fuerit probata, & adductæ per me autoritates disso-
lutæ, Quod nondum est factum, neq; fiet (Deo propicio) unquam.

Deinde quia Indulgentiæ mouebant plus, quàm materia illa fidei, sicut & scribit, maxime (inquit) super Indulgentiis, attulit extraua-
gantem Clementis VI. contra Propositionem meam LVIII. ubi ne-
gavi merita Sanctorum & Christi, esse thesaurum Indulgentiarum, sicut adhuc nego, saltem ut iacent & sonant uerba, Quantumcumq; ipse claram apertamq; iacet Extrauagamtem, Ego contra obscuram
ambiguam, impropriam dico, Sicut in Responsione mea priore pa-
tet.

Quod autem in Literis suis scribit, Me dixisse ad Extrauagan-
tem nescio quid relatione indignum, Hoc tanquam Laico scribit. Il-
lud indignum relatione (ut odium uerbi illius reuelem, & appareat,
an hoc sit paterne me querere) hoc fuit illustrissime Princeps, Quod
dixi Extrauagamtem illam non satis ualere contra meam Conclusio-
nem, maxime cum torqueat in alienum sensum Scripturas & abuta-
tur eis, Hoc uerbum, torquere & abuti, mire torquebat hominem &
adhuc torquet, ut indicant literæ eius. Voluit enim & uult uerba hu-
mana Pontificis simpliciter accipi, non habita ratione, an consenti-
ant cum Scripturis, nec ne.

Verum, optime Princeps, permittat Celsitudo tua, ut & ego
tanquam coram Laico hanc rem tractem, id est, crasse & aperte. Vo-
lo interim obliuisci acerrimū illud & omnibus doctissimis quoq; for-
midabile iudicium, quo Deus insigniuit præ omnibus, quos nostra
uidit ætas, ingenium Principis Friderici. Dico itaq; non esse rarum
atq; nouum, Scripturas sanctas a Pontificibus & Doctoribus sanctis
fuisse tortas & in alienum sensum ductas, Quod ne multis agam, e-
tiam crasso cuique Bubulco clarum faciam, uno extra propositum (ut
uocant) exemplo adducto.

Dicit Decretalis quædam, de constitutionibus: Translato sa-
cerdotio, necesse est ut legis fiat translatio. Hæc uerba Apostoli sunt
apud Ebræos cap. 7. docentis temporale sacerdotium & legem ab-
rogata & finita, succedente æterno sacerdotio Christi. Hæc est pro-
pria & genuina sententia uerborum Apostoli.

At in Decretali est ista sententia, Sacerdotium Christi est trans-
latum

EPISTOLA Dⁱ MARTⁱ LVTHE

latum in S. Petrum, sic enim Iuristæ interpretantur. Quis non uidet alienam esse hanc intelligentiam, & prorsus talem, quæ nisi multo sudore moderetur, sit impiissima omnium. Impiissimum enim est dicere, sacerdotium Christi æternum esse translatum, id est, abrogatum et finitum, & legem eius æternam esse abrogatam & translata, ut Petrus sit sacerdos & Legislator amoto Christo.

Nolo Petrum aut Paulum habere sacerdotem, quoniam & ipse peccator est, non habens, quod neque pro se, neque quod pro me offerat. Ut interim taceam, quod in solum Petrum a Christo translatum dicitur, Quasi cæteri Apostoli Laici remanserint, aut a S. Petro in Apostolos ordinati fuerint. Quanto rectius ergo non sacerdotium, sed ministerium tantum sacerdotij in Petrum positum intelligeretur, aut alio quocunque sensu, qui illæsum permittat germanum Apostoli sensum.

Nunquid ergo male dico, si in faciem huius Decretalis dixero, hanc contrariam Propositionem: Sacerdotium Christi cum sit æternum, non est translatum in S. Petrum: Aut etiam hic me coget reuerentissimi. Dominus Legatus, ut uerum sensum negem, & Decretalis sensum solum amplectar? Talia sunt in iure Canonico multa, quibus (ut cum fiducia loquar) si non corrupta, certe obscurata est Scriptura.

Tale quid & in Extrauagantem a me factum est, Nam certissimum est Merita Christi non posse per hominem dispensari. Deinde etiam ipsa potius imponunt, quam relaxant bona opera (quod est Indulgentias esse) poenitentiae, ut Petrus aperte dicit. Christus pro nobis passus est, uobis relinquens exemplum, ut sequamini uestigia eius. Non ait, Passus est pro uobis, ne uos pateremini, aut ut uos relaxaremini, sed exemplum reliquit sequendi, non reliquit thesaurum omitendi &c.

Hæc est enim proprie uirtus meritorum Christi, armare ad opus, non ponere ceruical, & ponere puluinos sub cubitis & capitibus, ut ait propheta Ezechiel. Ideo contra Extrauagantem, imo contra malum eius intellectum opposui, & adhuc oppono. Nec est ista communis Ecclesiae consuetudo, quam iactat, sed corruptela & abusus, contra Scripturæ ueritatem militans.

Igitur permitto Extrauagantem esse ueram, sed nego sensum eius esse, quem adducta uerba Scripturæ habent in suo loco, Quæ uerba utique uera fuerunt plus quam per duodecim annorum centeharia, ante constitutionem huius Extrauagantis. Neque ab Extrauagante uel a tempore eius primum ueritatem acceperunt. Nam si ista uerba Scripturæ de Indulgentijs debent intelligi proprio & genuino sensu, iam possent ex sacra Scriptura probari & demonstrari Indulgentiæ, quod ad unum omnes constantissime negant.

Igitur

Exc. 13

Igitur uolo utrunq; seruare, Et dicitur mihi: Imo istum (scilicet peiorem sensum) seruabis, Alterum (scilicet meliorem) negabis. Ego autem nolo, sed sufficere puto, uerbo hominis me tantum reuerentiæ gradum dedisse, ut uerum esse confitear. Nolo uerbum Dei, qui mentiri (ut ille) non potest, propter illius uerbum negare. Non igitur relatione indignum est (nisi dum alteri uelis mortē & perditionem mori sine causa) dicere, quod Papa aut sancti Patres aliquoties torserint Scripturas, & in alienum sensum abusi sint, Aut si id pertinaciter negatur, iam & Papam & Sanctos hæreticos & impios faciemus, Ut quos manifestum est, alium sequi sensum, quam sit in Scriptura, & id non paucis locis, neq; raro.

Hucusq; prima die actum est, id est, duo ista obiecta sunt. Petri enim diem ad deliberandum, & abij. Non enim e re mea fore uidi, uerbis rem agere, quod ille loco Pontificis sedens, quidquid diceret, ratum apud me esse uoluit, Rursum, quidquid ego opponerem, exhibitum fuit, explosum, imo derisum, etiamsi sacras aducherem litteras. Nam omitto dicere, quod potestatem Papæ & supra Scripturas & supra Concilia tollere conabatur, Allegans, quomodo iam Papa Concilium Basiliense abrogasset, Cum rursus Parisiensis Vniuersitatis appellationem allegassem, uidebunt, inquit, poenas suas.

Tandem nescio, quos Gersonistas damnauit, Nam Basiliense Concilium, aut certe Gersonem allegaueram in Resolutionib. quoddam hominē mouebat. Breuiter paternitas illa toties illustrissimæ tuæ Dominationi promissa erga me, in hoc constitit, aut uim me passurum, aut reuocaturū, Non enim disputare sese mecum uelle aiebat. Ideoq; consilium fuit, scriptis respondere, quæ id certe oppressis præbent solacium, quod aliorum quoq; iudicio examinari possunt, & nonnihil conscientiae atq; timoris incutiunt alioqui uerbis præuolenti.

Altera itaq; die redij, & mecum reuerendus Pater Vicarius Ioannes Supitzius, qui interim aduenerat, præsentibusq; quatuor insignibus uiris Cæsareæ Maiestatis senatoribus, cœpi coram Notario, quem adduxeram, protestari, Me nihil uelle dicere aut dicturum esse unquam, quod contra sanctæ Ecclesiæ Romanæ doctrinam esset, paratumq; esse doceri ac duci, sicubi errassem, subiiciens mea dicta summo Pontifici. Deinde quatuor Vniuersitatibus, Basiliensi, Friburgensi, Louaniensi, Tandem si hoc non esset satis, etiam ipsi parenti studiorum, Parisiensi, ut schedula protestationis meæ indicat.

Hic iterum ridens meum hoc consilium, cœpit monere, ut ad cor redire

EPISTOLA D. MART. LVTHE

cor redirem, ueritatemque agnoscerem, Velle sese rursus me reconciliare Ecclesiae & summo Pontifici, & his similia, quasi iam haereticus, Apostata & extra Ecclesiam essem declaratus. Sed cum ego non uerbis, sed scriptis respondere promitterem, & peterem, Satis fuisse mecum anteriori die digladiatum. Hoc uerbum, digladiatum, mordicus apprehendit, & ridens, Fili mi, inquit, non sum tecum digladiatus, nec uolo tecum digladiari, sed monere, & intuitu illustrissimi Principis Friderici, paterne ac benigne audire. Hoc est (ut ego cogebam intelligere) ad nihil aliud quam ad Reuocationem urgere. Displicuit enim merito stulticia mea, quod pro disputare uel contendere (quod anteriori die egimus, reipsa, si non oportet negare) digladiari dixeram, elegantius, quam tunc res ipsa postulabat.

Interim me tacente surgit reuerendus Dominus Vicarius, petens, ut me (sicut & ipse petieram) in scriptis audiret. Quod tandem uix obtinuimus, Nam publicam Disputationem noluit, priuatim quoque negabat se mecum disputaturum. In scriptis etiam respondere similiter usque ad eam horam noluit concedere, Solummodo reuocandi uerbum inculcabat. Quod si fecissem, non dubito omnia fuisse uel paternissime composita, Benignissimus enim uir est, meo iudicio, sed qui reuocare libentissime audiuisset.

TERTIO reuersus, obtuli Responsiones ad obiecta duo in scriptis, Quas primo multa & inania uerba esse dixit (sicut & nunc scribit) me admodum fatue respondisse, & impleisse papyrum locis scripturae impertinentibus, seseque ueram eorum intelligentiam dedisse. Verum cum dixissem tandem pro me stare, quod Extraneus dicit, Christum suis passionibus acquisiuisse thesaurum Ecclesiae suae, Statim arripuit Codicem, legit & in uerbum, acquisiuit, impexit, sedulo tamen dissimulans sese impexit.

Surgens tandem dixit: Vade, inquit, aut reuoces, aut in conspectum meum non reuertaris. Ego uero mox abijt, credens me simpliciter non reuerti audere, quandoquidem propositum non reuocandi firmaueram, nisi aliud docerer. Taceo, quod rumor circumferebatur, permissum esse a reuerendo Patre Generali, me capiendum & in uincula, nisi reuocarem, conijciendum. Mansi tamen Augustae eodem die. Erat tum feria sexta.

Post prandium uocato reuerendo Patre Vicario, tractauit cum eo, ut me ad Reuocationem adduceret, sine mea nota, ut hic scribit, id est, cum perpetua infamia, quae solet eos sequi, qui timore hominum contra Conscientiam abnegant ueritatem. Quod ille quidem fecit, Sed rogatus, ut Scripturas mihi solueret, Dicebat, supra uires suas esse, Et

esse, Et ego, contra conscientiam meam esse reuocare, nisi Scripturæ mihi aliter elucidarentur. Mansi deinde & sabbato toto, nihil dicebatur, nihil mandabatur. Mansi & sequenti Dominica, vbi saltem per^a literas adij reuerendissimum Dominum Legatum, Sed nihil fiebat. ^a *Supra fol. 201. b.* Mansi & feria secunda. Mansi & feria tertia. Et suspectum mihi & omnibus amicis silentium factum est. Ideo timens uim, ^b Appellatio^{ne} disposita, reliqui Augustam, & feria quarta recessi, Confidens me ^b *Supra fol. 203. a.* præstitisse abunde arduam & fidelem obedientiam summo Pontifici, iuxta tenorem Citationis. Si quid autem ultra prosequantur, vigore eiusdem, nihil mirum, si iniuriam patiar.

DEinde vide, optime Princeps, quod vere Deus in altis habitet, & comprehendat astutos in astutia sua. Dicit enim, Tria affirmauerim in hac causa.

Primo, Dicta fratris Martini in Conclusionibus suis disputatiue In Sermonib. tamen ab eo scriptis affirmatiue & assertiue esse posita.

Respondeo: Si disputatiue posita intelligit, quid ergo me miserum & pauperem Hominem tot molestijs uexant, tot sumptibus extenuant, tot criminibus & ignominijs afficiunt, tot scandala & prope schismata excitant? Sunt Disputationes (inquit) gratias ago, absolutus sum. Imo & damnati sunt omnes, qui me in ius vocauerunt, Ipse enim reuerendissimus Dominus Legatus his verbis testis nobis sit, se frustra & iniqua ratione omnia contra me egisse, & ista quoque non sincere scripsisse. An nondum pudet eos suæ tyrannidis, quam proprio testimonio tam clare confitentur? Quid enim disputationi potest obijci criminis? Quid Disputatori, qualem hic me confitetur? Quid istis literis uoluit? An ut nosceremus Fratrem Martinum nihil egisse, nisi disputasse? Ideoque contra cum motos fuisse eius Aduersarios, ipsumque reuerendissimum Dominum Legatum, & non nisi insidiosè calumniam & iniuriam ei molitos fuisse? Nam super disputatione fuit citatus, non super Sermonibus, Super Sermones enim, postquam fuerat citatus, facti sunt certiores, Quos ego facilius defendam (Deo propicio) quam ipsas disputationes. Nam hic multa dubitavi & ignoravi, illic loquutus sum ex certa scientia, & non ex opinionibus.

Nunc hoc videamus, quod ea, quæ in Sermonibus dixi, partim damnabilia, partim contra doctrinam Apostolicæ Sedis asserit. Quia scilicet ei aliud est, esse damnabile, & aliud esse contra doctrinam Apostolicæ Sedis. Forte quod damnabilis non est, qui contra doctrinam Sedis Apostolicæ loquitur. Ac sic iterum absoluior & iustificor, qui in hoc maxime & solum accusatus sum, & citatus, quod contra doctrinam Sedis Apostolicæ fuerim loquutus, id est, non damnabiliter, ut hic distinguirur.

EPISTOLA D. MART. L V. TH.

Quam vellem, illustrissime Princeps, hanc Epistolam ab aliquo Siluestro Prieriate fuisse scriptam, ut libertate plena ingenij eam liceret excutere. Ostenderem profecto, quod difficile sit, malam & sinistra conscientiam dextera operire specie. At nunc reuerentia optimi & humanissimi uiri cogit me bullientis cordis mei premere aestus usque in aliud tempus.

Sed hoc pati non possum, quod ex prudentissimo & acerrimi iudicij Principe, nobis quendam facere Pilatum conatur. Nam cum Iudaei Christum coram Pilato statuissent, & interrogati fuissent. Quam accusationem afferrent, aut quid mali fecisset homo ille? Dixerunt: Si non esset malefactor, non tibi tradidissemus eum. Ita & hic reuerendissimus Dominus Legatus, cum Fratrem Martinum Principi obtulisset multis odiosis uerbis, Et Princeps interrogare posset: Quid fecit Fraterculus ille? Respondet: Credat mihi, illustrissime Princeps, Dominatio uestra, quia vera loquor ex certa scientia, non ex opinionibus. Respondebo ego pro Principe, Fac, ut sciam hanc esse certam scientiam, ponatur in scriptis, formetur in literas, non uereatur publicum & lucem. Quod ubi factum fuerit, tunc mittam Fratrem Martinum ad Urbem, imo ipse eum capiam & interficiam. Tunc consulam honori meo & conscientiae meae, & non ponam maculam in gloriam meam. Donec autem illa certa scientia lucem fugit, & non nisi uoce tantum prodit, nolo in tenebras confidere, quando nec lux satis tuta est. Sic enim ego responderem, Princeps illustrissime, Verum nec Doctore, nec Consule eget illustrissima tua Prudentia. Nam crassae istae Italitates (ut sic dixerim) & Romanitates, iam pueris quoque cantatae sunt.

NUNC iudicet illustrissima Dominatio tua, quid amplius facere debui aut debeo, Per pericula tanta uitae & salutis, contra omnium amicorum consilium comparui, ut & hodie dicant, me non fuisse obligatum comparere. Deinde coram reuerendissimo Domino Legato reddidi rationem dictorum meorum. Poteram legitima libertate unum uerbum respondisse, nec me in aliquam examinationem dare, praesertim, cum Resolutiones meae essent oblate & significatae summo Pontifici, ita, ut ad me nihil pertineret haec causa, nisi ut expectarem sententiam, Nam in arbitrium Ecclesiae a me translatum iam reposueram, Et tamen ob reuerentiam reuerendissimi Domini Legati passus sum ultra haec me etiam examinari. Non ego fraudulentus fui, sed uim iustissimo timore declinaui. Nihil me omisisse uideo, nisi sex istas literas, **REVOCO.** Caterum damnent, doceant, interpretentur, uel Reuerendissimus Dominus Legatus, uel ipse summus Pontifex, Non autem dicant solum: Errasti, male dixisti, sed in scriptis signent errorem, probent maledictum Rationem,

Rationem, quam debent, reddant, dissoluant Scripturas a me indu-
ctas. Doceant sicut iactant, verbis sese fecisse, Instruant doceri cupien-
tem, petentem, volentem, expectantem, quæ nec Turcus homo mihi
negaret. Vbi videro aliter intelligenda, quam intellexi, si tunc non re-
uocauero, & meipsum non damnauero, illustrissime Princeps, tua
Celsitudo sit prima, quæ persequatur me, expellat me, obruant me vi-
ri Academiae nostræ, Denique cœlum & terram contra me inuoco,
Perdatq; me ipse Dominus meus Ihesus Christus. Loquor & ego
ex certa scientia, & non ex opinionibus, Nolo mihi Dominum Deum
ipsum, nolo vllam creaturam Dei mihi fore propiciam, si edoctus me-
liora sequutus non fuero.

Quod si me Fraterculum & mendicum præ nimia conditionis
meæ vilitate contempserint docere & in viam veritatis reduce-
re, Age faciat tua illustrissima Celsitudo, & oret reuerendissimum
Dominum Legatum, vt saltem tuæ Celsitudini scribat, in quibus er-
rauerim, & quomodo me errorem emendare oporteat, vt saltem per
illustrissimam tuam Dominationem audire merear, quibus rationi-
bus, quibus autoritatibus errorem meum confutare possint. Quod si
etiam illustrissimæ tuæ Dominationi hoc denegauerint, scribant id
vel Imperatori vel Archiepiscopo alicui in Germania. Quid enim
aliud possum facere? Mira res est, q̄ errasse arguor, & obtinere non
possum (nec per tantum Principem) in quibus, & quare ipsi me errasse
putent.

Videat igitur tua illustrissima Dominatio, Disputationem publi-
cam mihi negat (quam vsq; hodie vel Lipsiæ, vel Erphordiae, vel
Hallis, vel Magdeburgi, vel vbiuncq; tuæ Dominationis valet impe-
rium, seu saluus conductus, non detracto, quin etiam oro, & vtinam
exorem) Priuatam similiter negat. In scriptis etiam ostendere erro-
rem negat. Quatuor illustrissimarum Academiarum iudicia recu-
sat. Si nunc id addat, vt illustrissimi ac potentissimi Principis peti-
tiones resciat, quomodo possum aliud quam meram uim & insidias
susplicari?

Iterum ego quoq; atque iterum, & tertio iterum rogo, illustrissi-
ma Dominatio tua non credat ijs, qui dicunt Fratrem Martinum male
dixisse, antequam audiat & doceatur male dixisse. Errauit Petrus,
etiam post acceptum Spiritum sanctum, etiam errare potest vnus Car-
dinalis, quantumlibet doctus.

Consulat igitur illustrissima Dominatio tua honori suo, & con-
scientiæ suæ, non mittendo me ad Urbem. Homo enim non habet
hoc mandare illustrissimæ Dominationi tuæ, cum sit impossibile me-
tutum fore in Vrbe, Et id nihil aliud esset, q̄ illustrissimæ Domina-

EPISTOLA Dⁱ MARTⁱ LVTHⁱ

tionem tuam mandare, ut traderet sanguinem Christiani, & fieret homicida, ubi nec ipse summus Pontifex latis tuto viuit. Habent papyrum & calamos, & atramentum in Vrbe, habent infinitos Notarios, facile erit in papyrum signare, in quibus & quare errauerim. Possum leuioribus expensis doceri absens per literas, quàm perdi per insidias præsens.

Vnum ego intimo corde dolco, quod literis suis reuerendissimus Dominus Legatus oblique mordet illustrissimam Dominationem tuam, quasi fiducia potentiae Celsitudinis tuae moliar ista omnia. Sic enim & apud nos quidam sycophantae iactauerunt, tuae Celsitudinis hortatu & consilio, me ista disputasse, cum huius Disputationis nullus, etiam intimorum amicorum fuerit conscius, nisi reuerendissimus Dominus Archiepiscopus Magdeburgensis, & Dominus Hieronymus Episcopus Brandenburgensis. Hos enim, sicut intererat eorum ista monstra prohibere, ita priuatis literis antequam Disputationem ederem, humiliter & reuerenter monui, ut super oues Christi vigilarent aduersus lupos istos. Bene sciebam hæc non ad Principes laicos, sed ad Episcopos primum referenda. Extat Epistola mea, multorum in manus deuoluta, horum omnium testis, Ista ego feci.

Quæ lege supra
fol. 1. 76.

Sed quod nunc vellet reuerendissimus Dominus Legatus tuæ illustrissimæ Dominationi maculam inurere, totique sanguini Domus Saxoniae, & in inuidiam summi Pontificis vocare, Adeo homines hodie credunt Christum esse sepultum, quasi non & nunc per Asinam loqui possit, & Apostolis apostolicisque viris tacentibus, per ligna lapidesque clamare.

Verum opto, oro, cupio, ut illustrissima tua Dominatio in omnibus adhæreat Ecclesiae & summo Pontifici, mihi vero in omnibus aduersetur. Nisi id vnum pro me (imo pro sancta veritate, pro Ecclesia, & pro summi Pontificis, denique pro ipsius reuerendissimi Domini Legati honore, denique pro illustrissimæ Dominationis fama quoque) supplicet, ut rationes & auctoritates appareant aliquando, quibus error meus conuinci putatur. Nam sine his me damnare, neque tuæ illustrissimæ Dominationi, neque summo Pontifici, neque Ecclesiae, neque reuerendissimo Domino Legato honorificum fuerit. Viuunt fideles, viuunt Christus, viuunt vel homines certe, qui iudicent.

Quod vero reuerendissimus Dominus Legatus, illustrissimam tuam Dominationem admonet, ut nisi in Urbem me miserit, vel eiecerit e Regionibus suis; Romæ causam prosecuturi sint &c. In exilium ire non magnopere abnuo, ut cui undique ab aduersariis meis insidias parari videam, neque facile usquam tuto degere possim. Quid enim ego miser & humilis Monachus sperem, Imo quid non timeam discriminis? Quid non metuum mali ab æmulis meis? cum
illustrissi-

illustrissimam quidem tuam Dominationem, quamvis tantum Principem, tantum Romani Imperij sacri Electorem, tantum Christianae religionis cultorem, non dubitent ita insigniter offendere, ut multo meliora merito minari videantur, nescio quam calamitatem, nisi me vel in Urbem mittat, vel e terris suis eijciat.

Quapropter, ne illustrissimae tuae Dominationi quidquam meo nomine mali (quod minime omnium velim) accidat, ecce Res valedicit Principi, cessurus Ducatu, ne inuidiam aut periculum ei coëlicit. giones tuas relinquo, iturus quo Deus misericors voluerit, & eius diuinae voluntati me in omnem permissurus euentum. Nihil enim minus sequor, quam ut quisquam mortalium mea causa (nedum illustrissima Dominatio tua) vel in inuidiam, vel in periculum aliquod adducatur.

Quamobrem, illustrissime Princeps, illustrissimam tuam Dominationem reuerenter saluto, eique simpliciter uale dico, gratias immortales pro omnibus suis beneficijs erga me agens, Ego enim ubicunque ero gentium, illustrissimae Dominationis tuae nunquam non ero memor, futurus semper sincerus & gratus pro tua & tuorum foelicitate precator.

Porro, Quod ait reuerendissimus Dominus Legatus, reuerendum Patrem Vicarium abijisse insalutato hospite, Quid hoc ad illustrissimam Dominationem tuam? Vicarius non erat uocatus, nihil ad eum causa ista pertinebat, Poterat ire, redire, abire, uenire, omni hora ut uoluit. An etiam portas Augustae ingredientibus & egredientibus propter me claudi oportebat? Sed timeo, quod vndecunque corrodatur & queratur causa contra me, Necesse est enim quaeri causam ab eo, qui uult habere causam, ubi nullam habet causam.

Sed iam ignoscat illustrissima Dominatio tua uerbosissimis nugis meis. Ego adhuc gratia Dei gaudeo, & gratias ago, quod Christus Dei filius in tam sancta causa me pati dignum iudicauerit.

Qui conseruet illustrissimam Dominationem tuam
in aeternum, Amen.

XIX. Nouemb, Vuitembergæ,
Anno M.D.XVIII.

Illustrissimae Do-
minationis tuae

precator indignus

F. Martinus Lutherus Augu-
stinianus.

n in

EPISTOLA

EPISTOLA ACADE-

MIAE VVITEMBERGENSIS AD
D.Fridericum Saxoniae Ducem &c. In
causa Lutheri.

ILLVSTRISSIMO PRINCIPI:
ET DOMINO, D.FRIDERICO, DVCI SAXO-
niae, sacri Romani Imperij Archimarscallo, & Principi Ele-
ctori, Landgrauio Thuringiae, & Marchioni Misnae,
Domino nostro gratiosissimo, Gratiam &
pacem a Domino nostro Ihesu Chri-
sto, cum sui commen-
datione.



Etulit nobis, illustrissime & clementissime Princeps,
venerabilis uir Frater Martinus Lutherus, artium &
Theologiae Magister, nostrae Academiae nobile &
celeberrimum membrum, Quomodo reuerendissi-
mus Dominus Legatus Sedis Apostolicae, Thomas
Tituli S. Sixti Presbyter Cardinalis, illustrissi. tuae
Celsitudini scripserit, & consuluerit, ut eundem ipsum Martinum, vel
ad Urbem mitteret, vel extra terram expelleret, propter quasdam Pro-
positiones a se disputatas, ac iam diu summo Pontifici oblatas. Addi-
ditque, quod & ad publicam sese Disputationem obtulisset, vel ad pri-
uatam in scriptis responsionem, Petissetque, ut errores sui in scriptis ei
signarentur, adiectis rationibus & autoritatibus Scripturae & Sancto-
rum Patrum, quibus illustratus videre & agnoscere posset errores suos,
Nullum tamen istorum obtinere potuerit, Sed simpliciter ad Reuoca-
tionem male dictorum suorum eum compulsum. Nec ei illud fidele
Pastoris officium prius exhibitum esse, quo rationem reddere oportet
omni poscenti, & non solum volentibus doceri, sed etiam nolentibus,
oportune importune mandatum est instari,

ROgavit itaque atque impetrauit, ut apud illustrissimam tuam Cel-
situdinem intercederemus & supplicaremus, quatenus illustrissima
tua Celsitudo dignetur, ad eundem reuerendissimum Dominum Le-
gatum, vel ipsum summum Pontificem scribere, & gratiose interueni-
re, ut in scriptis sibi signarentur Articuli & puncta errorum suorum,
& adderentur, vel Rationes vel Autoritates, quibus cognosceret sese
errasse & sic reuocaret, Nec antea cogeretur damnare Sententias, quae
cognosceret esse damnandas. Quum sic antiqua fuerit Ecclesiae con-
suetudo, & Patrum sic doceant exempla, ut datis rationibus & auto-
ritatibus,

ritatibus, ad emendationem erroris urgerent, Non autem nuda sua
assertione & potestate damnarent vllius dicta.

Nos itaq; illustrissime Princeps, etsi viri huius petitionem repe-
lere non potuimus, vt iustissimam, narrationibus suis credentes, Ta-
men ante omnia mirifice placet, quod illustrissimæ tuæ Celsitudini
simpliciter, & pure defert honorem sanctæ Ecclesiæ & summo Ponti-
fici, Neque nos unquam aliud sapiemus. Deniq; id addimus, si reper-
tus fuerit hic Homo in aliquo male sensisse, erimus primi, qui eum alie-
num habebimus, Nihil enim antiquius ducimus iudicio sanctæ Ro-
manæ Ecclesiæ.

Idcirco id solum deprecamur, optime Princeps, & huius nostri
studij, nunc Dei fauore, tuæq; opera florentissimi, unicum præsidium,
ut illustrissima tua Celsitudo non uelit grauari, & postquam humilime
& deuotissime Romanæ Ecclesiæ reuerentiam (vt sine magisterio no-
stro quam optime facturam scimus) per Literas exhibuerit, huius tan-
dem Hominis petitionem, præsertim ob reuelandam ueritatis purita-
tem laborantis, non obliuiscatur, sed implorare dignetur lucem ei,
quem in tenebris esse dicunt, Quandoquidem non negat sese in tene-
bris esse, optat vero illud iustissimum Christianisq; dignissimum offi-
cium, vt accensa luce, & datis testimonijs ueritatis, e tenebris educa-
tur, & non in ulteriores tenebras detrudatur. Non quod speret un-
quam id facturum sanctissimum Dominum Leonem X. Sed quod
malignorum studia formidet, uel sub nomine sanctæ Ecclesiæ moliri,
quod Ecclesia quam maxime esset amolitura, si cognosceret.

Dominus Ihesus seruet illustrissimam tuam Celsitudi-
nem, nobis & toti Ecclesiæ suæ foelicem
longissime, Amen.

Vuitembergæ, nono Kalend. Decemb.
Anno M.D.XVIII.

Illustriss. tuæ Celsitudinis

Subditi,

Rector, Magistri & Doctores Vni-
uersitatis Studij Vuitembergenfis.

n iij

NOVA

NOVA DECRETALIS

LEONIS X. PONTIFICIS MAXIMI:
DE INDVLGENTIIS, Anno
M.D. XVIII. condita.



NOMINE DOMINI AMEN.
Vniuersis & singulis præsens transsumptum seu publicum Instrumentum inspecturis, pateat, & euidenter sit notum, Quod anno a natiuitate eiusdem Domini, Millesimo, quingentesimo decimo octauo, inditione sexta, die vero decimatertia mensis Decēbris, Pontificatus sanctissimi in Christo Patris & Domini nostri, Domini Leonis, diuina providentia Papæ decimi, anno sexto. Ego Petrus Antonius Berrus Parmensis, publicus apostolica auctoritate Notarius, ac in Romano Archiuo descriptus, Constitutus in Lintz oppido, Archiducatus Austriæ, in camera reuerendissimi in Christo Patris & Domini, Domini Thomæ Tituli S. Sixti S. R. E. Præsbyteri, Cardinalis ad Cæsaream Maiestatem &c. Sedis Apostolicæ de latere Legati, sita in monasterio Fratrum Conuentualium S. Francisci, oppidi prædicti ad infra scripta per reuerendissi. Dominum, Dominum Cardinalem, Legatum ibidem personaliter constitutum requisitus, ut exemplum seu transsumptum literarum Apostolicarum, de quibus infra sit mentio, & quarum tenor subinferitur, in forma autentica conficerem, easq; transsumerem, & earundem ueram copiam siue transsumptum facerem, & cum originalibus mihi Notario infra scripto per præfatum reuerendissimum Dominum Legatum præsentatis & traditis collationarem, & facta collatione transsumptum, siue copiam huiusmodi in publicam formam redigerem, Quarum literarum apostolicarum post reuerendissimi Domini, Domini Cardinalis Legati earundem insinuationis exordium infra scriptum, tenor subsequitur & est talis:

Thomas miseratione diuina, Tituli S. Sixti, scilicet: Ro: Ecclesiæ Præsbyter Cardinalis, ad Cæsaream maiestatem &c. Apostolicæ Sedis de latere Legatus, Vniuersis & singulis Dominis, Archiepiscopis, Episcopis, cæterisque locorum Ordinarijs, Salutem in Domino, sinceræq; dilectionis affectum, & præsentibus fidem indubiam adhibere. Sanctissimus in Christo Pater & Dominus noster, Dominus Leo, diuina providentia Papa, decimus, suas nobis transmisit literas, cū uera Bulla plumbea cum Cordulis ex Canopo, more Romanæ Curiae bullatas, sanas siquidem & integras, non uiciatas, non cancellatas, nec in aliqua sui parte suspectas, sed omni prorsus uitio ac suspitione carentes, Tenorem qui sequitur, de uerbo ad uerbum continentes.

LEO



EO Episcopus : seruus seruorum Dei , Dilecto filio Thomæ tituli S. Sixti, ad charissimum in Christo filium nostrum Maximilianum in Imperatorem electum , nostro & Sedis apostolicæ Legato , Salutem & apostolicam benedictionem.

CVM postquam Circumspectio tua Germaniam applicuerat, ad aures nostras peruenisset, quod nonnulli Religiosi, etiam ad euangelisandum verbum Dei deputati, super Indulgentijs, a nobis & Romanis Pontificibus prædecessoribus nostris ab immemorabili tempore citra concedi solitis, publice prædicando, multorum cordibus imprimerent errores, idque nobis intelligere nimis graue & molestum esset, Alijs nostris Literis eidem circumspectioni tuæ, de qua propter eius singularem doctrinam & in rebus agendis experientiam specialem, in Domino fiduciam obtinemus, commisimus, vt autoritate nostra approbatione digna approbares, Ea uero, quæ minus recte dicta essent, etiam per eos, qui Rom. Ecclesiæ doctrinam se sequi paratos asserent, reprobare & damnare curares.

Et ne de cætero quisquam ignorantiam doctrinæ Rom: Ecclesiæ circa huiusmodi Indulgentias & illarum efficaciam allegare, aut ignorantia huiusmodi prætextu se excusare, aut protestatione conficta se iuuare, sed ut ipsi de notorio mendacio ut culpabiles conuinci, & merito damnari possint, per præsentis tibi significandum duximus, Roma: Ecclesiam, quam reliquæ tanquam Matrem sequi tenentur, tradidisse, Rom: Pontificem, Petri Clauigeri successorem, & Ihesu Christi in terris Vicarium, potestate clauium, quarum est aperire tollendo illius in Christi fidelibus impedimenta, culpam scilicet & poenam pro actualibus peccatis debitam, Culpam quidem mediante sacramento poenitentia, Poenam uero temporalem pro actualibus peccatis secundum diuinam iusticiam debitam, mediante ecclesiastica Indulgentia, posse pro rationalibus causis concedere eisdem Christi fidelibus, qui charitate iungente, membra sunt Christi, siue in hac uita sint, siue in Purgatorio, Indulgentias ex superabundantia meritorum Christi & Sanctorum, ac tam pro uiuis quam pro defunctis apostolica autoritate Indulgentiam concedendo, thesaurum meritorum Ihesu Christi & Sanctorum dispensare, per modum absolutionis Indulgentiam ipsam conferre, Vel per modum suffragij illam transferre consueuisse. Ac propterea omnes tam uiuos quam defunctos, qui

veraciter

Quam uere rugit hic Antichristus, iuxta Dani. 12. & 2. Thess. 2. collo- cans se supra Deum.

NOVA DECRETALIS

veraciter omnes Indulgentias huiusmodi consecuti fuerint, a tanta temporali poena secundum diuinam iusticiam pro peccatis suis actualibus debita liberari, quanta concessæ & acquisitæ Indulgentiæ æquiualeat. Et ita ab omnibus teneri & prædicari debere sub excommunicationis latæ sententiæ poena, a qua illam incurrentes ab alio, quam a Romano Pontifice, nisi in mortis articulo, nequeant absolutionis beneficium obtinere, autoritate apostolica earundem tenore præsentium decernimus.

Et ne quispiam de præmissis valeat ignorantiam allegare, circumspeditioni tuæ mandamus, Quatenus vniuersos & singulos Germaniæ Archiepiscopos, Episcopos, & alios locorum Ordinarios, in virtute sanctæ obedientiæ & sub suspensionis a diuinis poena, moneas, eisque districte præcipiendo mandes, vt præsentis literas siue earum transumptum, infra tempus per circumspeditionem tuam eis præfigendum, in eorum Ecclesijs, dum inibi populi multitudo ad diuina conuenerit, publicare, & circa Indulgentias prædictas supradicta sub simili excommunicationis latæ sententiæ poena tenere & prædicare debeant, Et nullus contra ea quouis modo directe vel indirecte venire præsumat. Tibi nihilominus contra præsumentes & inobedientes procedendi, illosque debitis poenis, quibus tibi videbitur, puniendi plenam & liberam etiam per præsentis concedimus facultatem, in contrarium non obstantibus quibuscunque.

Et quia difficile foret easdem præsentis Literas ad singula quaque loca, in quibus expediens fuerit, deferre, Volumus, & dicta autoritate decernimus, illarum transumptis manu publici Notarij inde rogati, subscriptis, & sigillo alicuius Prælati seu Personæ in dignitate ecclesiastica constitutæ munitis, vel curiæ ecclesiasticæ, ea prorsus in iudicio & extra, ac alias ubilibet fides adhibeatur, quæ præsentibus adhiberetur, si fuissent exhibitæ vel ostensæ. DATVM Romæ apud S. Petrum, Anno incarnationis dominicæ, Millesimo, quingentesimo, decimo octauo, quinto idus Nouembris. Pontificatus nostri anno sexto.

Bembus.

Scriptor Albergatus.

A tergo vero Literarum apostolicarum præfatarum, Registrata apud me Bembum,

Quas quidem

Quas quidem literas Apostolicas cum ea, qua decuit, reuerentia, per nos acceptas debite executioni mandare, & mandatum sanctissimi Domini nostri, Domini Leonis Papæ decimi, nobis in hac parte directum, omniaq; & singula in præinsertis Literis apostolicis contenta reuerenter exequi (vt tenemur) uolentes, Nos Thomas Legatus Cardinalis præfatus, autoritate apostolica, qua fungimur in hac parte, Literas apostolicas præfatas de uerbo ad uerbum præsentibus, fideliter insertas vobis uniuersis & singulis Dominis Germaniæ Archiepiscopis, Episcopis, alijsq; locorum Ordinarijs præfatis, intimamus, insinuamus, notificamus, & quantum fieri potest, ad uestrum omnium & singulorum noticiam deducimus, Monentes uos omnes & singulos Dominos Archiepiscopos, Episcopos, cæterosq; locorum Ordinarios ante dictos, & requirentes primo secundo & tertio, uice ac nomine sanctissimi Domini nostri, D. Leonis Papæ decimi, in uirtute sanctæ obedientiæ, & sub suspensionis a diuinis pœna ac districte præcipientes, quatenus præfatas Literas apostolicas, siue illarum præsens Transsumptum, ac omnia & singula in eis contenta, intra mensem, a noticia præsentium publicetis, adimpleatis, & adimpleri mandetis ac faciatis, & quilibet uestrum adimpleat, adimpleriq; mandet & faciat, pro vt in dictis Apostolicis literis plenius continetur.

In quorum omnium & singulorum fidem præsentis literas, transsumptum, intimationem, insinuationem, notificationem & monitionem præmissaq; alia cōtinentes, sigilli nostri minoris impressione fecimus communiri. Et vt efficaciores essent, rogauimus Notarium publicum infra scriptum, vt de omnib. & singulis præscriptis publicum Instrumentum, seu publica Instrumenta conficeret & publicaret.

Quocirca ego Petrus Antonius Berrus Parmen; Notarius supra & infra scriptus, Literas præfatas cū ea, qua decuit, reuerentia, ad me recipiens, una cum infra scriptis Testibus ad hæc a me specialiter uocatis et rogatis, uidi, legi, et diligenter inspexi, quibus uisis & perlectis, uidimus seu transsumptum, atq; earundem literarum præsentem copiam cum ipsis originalibus diligentissime per me auscultatā in omnibus & per omnia concordare inueni. Ideo transsumptum huiusmodi siue actum autenticum in hanc publicā Formam ad præfati reuerentissimi Domini, Domini Cardinalis Legati instantiam & requisitionem. redegī, signocq; & nomine meis solitis & consuetis signauī, Vt eisdem tanquam Literis originalibus vbilibet in locis omnibus & singulis, quibus oportunum fuerit, fides adhibeatur plenaria, & adhiberi possit, ac transsumpto huiusmodi in quocuncq; foro siue iudicio & extra stetur, ac si originales ipsæ Literæ apostolicæ appa-
rerent.

NOVA DECRETALIS

rerent, Super quibus omnibus & singulis idem reuerendissimus Dominus, Dominus Cardinalis Legatus, a me Notario publico infra scripto vnum vel plura publicum seu publica confici petijt instrumentum seu instrumenta.

Acta fuerunt hæc in Lintz oppido Archiducatus Austriae, in Camera præfati reuerendissimi Domini, Domini Cardinalis Legati, sita in monasterio S. Francisci prædicto, Anno, inditione, die, mense, & Pontificatu, quibus supra. Præsentibus ibidem nobilibus uiris Dominis, Hilarione Vrsino nobili Romano, Petro Flavio Aquilano, ac Iohanne Caspare Caracciolo Neapolitano, Testibus ad præmissa uocatis specialiter atq; rogatis.

ET Ego supradictus Petrus Antonius Berrus Parmen. publicus apostolica autoritate Notarius, ac in Archiuo Romanæ Curiae descriptus, quia dictarum Apostolicarum literarum præsentationi, receptioni, requisitioni, transumptioni, collationi, auscultationi, omnibusq; alijs & singulis præmissis, dum sic, vt præmittitur, fierent & agerentur, una cum prænominatis testibus præsens interfui, eaq; omnia & singula sic fieri vidi & audiui. Ideo hoc præsens publicum Instrumentum manu mea propria scriptum exinde confeci, subscripsi, publicaui, & in hanc publicam formam redegi, signoq; & nomine meis solitis & consuetis signaui, vna cum reuerendissimi Domini D. Cardinalis Legati præfati minoris sigilli impressione, in fidem & testimonium omnium & singulorum præmissorum rogatus & requisitus.

Impressum Viennæ Pannoniæ, cum reuerendissimi Domini Episcopi ibidem assensu & voluntate.

Auscultata præsentis Copia, quia illam cum originali concordare inueni, ego Petrus Antonius Notarius, qui supra hic me propria manu subscripsi, sigillisq; præfati reuerendissimi Domini, Domini Cardinalis Legati impressione comuniui, in præmissorum testimonium & fidem.

APPELLA

APPELLATIO F

MARTINI LVTHERI: A
PAPA AD CONCILIVM &c.



N NOMINE DOMINI, AMEN.

Anno a natiuitate eiusdem, M.D.XVIII. indictione VI. die uero solis, XXVIII. mensis Nouemb. Pontificatus sanctissimi in Christo Patris, & Domini nostri, Domini Leonis, diuina prouidentia Papæ X. anno VI. In mea Notarij publici, testiumq; infra scriptorum ad hoc specialiter uocatorum & rogatorum, præsentia, Constitutus reuerendus Pater Dominus Martinus Lutherus Augustinianus Vuittemberg. sacre Theologiæ Magister, ac ibidem Lector ordinarius Theologiæ, principalis, ac principaliter pro seipso, citra tamen quorumcunq; Procuratorum suorum quomodolibet hætenus per eum constitutorum reuocationem, habens & tenens suis in manibus quandam Prouocationis & Appellationis papyri schedulam, animo & intentione prouocandi & appellandi, apostolosq; petendi, dicens, narrans, prouocans & appellans, certis & legitimis de causis, in eadem schedula contentis & comprehensis, ad Concilium proxime & immediate futurum, saltem in Spiritu sancto legitime congregatum, alijs uero congregationibus, factionibus & concionibus priuatis penitus seclusis, protestans aliaq; faciens, prout in dicta Appellationis schedula plenius continetur, habetur & describitur, Cuius tenor sequitur & est talis:

CVM Appellationis remediũ in subsidium & releuamen oppressorum adiurium conditoribus sit adinuentum, & non solum ab illatis, uerum etiam ab inferendis, & inferri comminatis, grauaminibus, & iniurijs, iura appellare permittant. Adeo, q; inferior de non appellando ad superiorem statuere non possit, & manus superiorum claudere. Sed cum satis sit in professo, sacrosanctum Concilium in Spiritu sancto legitime congregatum, sanctam Ecclesiam catholicam representans, sit in causis fidem concernentibus supra Papam, euenit, q; nec Papa in causis huiusmodi, ne ab eo ad Concilium appelletur, statuere possit, tanquam id agens, quod ad officium suum non spectet ullo modo, Sitq; Apellatio ipsa defensio quædam, quæ iure diuino, naturali, & humano cuiq; competit, neq; per Principem auferri possit.

Idcirco ego Frater Martinus Lutherus, Ordinis Eremitarum S. Augustini Vuittemberg. sacre Theologiæ Magister indignus, eiusdemq; ibidem Lector ordinarius principalis, principaliter & pro me ipso, coram uobis Notario publico, tanquã publica & autentica persona, ac testibus hic præsentibus, animo & intentione prouocandi & appellandi, apostolosq; petendi, & accipiendi, præmissa tamen expressa hac & solenni Protestatione, Quod cõtra unam sanctam & Catholicam & Apostolicam Ecclesiam, quam totius orbis esse magistram, & obtinere principatum non ambigo, sanctæq; Sedis Apostolicæ autoritatem, ac sanctissimi Domini nostri Papæ bene consulti potestatem, nihil dicere intendo, Si quid autem ex lubrico forsan linguæ, sed aduersariorum potius irritamento, minus recte, & non ea, qua debeat, reuerentia dictum fuerit, paratissimus sum illud emendare.

Sed quoniam is, qui uicem Dei in terris gerit, quem Papam dicimus, cum sit homo, similis nobis, ex hominibus assumptus, & ipse (ut Apostolus dicit)

APPELLATIO Dⁱ MARTⁱ LVTHEⁱ

dicat) circumdatus infirmitate, potens errare, peccare, mentiri, uanus fieri, nec sit exceptus ab illa Prophetæ generali sententia : Omnis homo mendax. Nec S. Petrus, primus & sanctissimus omnium Pontificum, ab hac infirmitate liber fuit, quin noxia simulatione contra ueritatem Euangelij incederet, Ita, ut rigida quidem, sed sanctissima reprehensione Apostoli Pauli opus ha-

Gal. 2. buerit corrigi, ut ad Galatas 2. scribitur. Quo nobilissimo exemplo per Spiritum sanctum in Ecclesia monstrato, & in literis sacratissimis relicto, fideles Christi erudimur, & certi sumus. Quod si quis summus Pontifex eadem Petri, uel simili infirmitate lapsus, quid præceperit uel decreuerit, quod contra diuina militet mandata, non solum obediendum ei non esse, uerum etiam cum Apostolo Paulo in faciem ei resisti posse, imo debere, ac uelut per inferiora membra infirmitati capitis, pia totius corporis sollicitudine succurri. Et in huius exempli præsentem ac perpetuam memoriam, non sine singulari Dei consilio factum esse, non obscure intelligitur, ut non solum S. Petrus, sed etiam salutaris eius reprehensor Paulus, sanctæ Romanæ Ecclesiæ iuxta & simul patrocinentur, & præessent, ne scilicet solum literis, sed sensibili quoque monumento huius summe necessarij ac saluberrimi exempli, assidue moneremur, tam ipsa capita, quam nos membra. Quod si qua potentium uel armatus, tantum præualuerit, ut resisti ei non possit, unum certe illud prædictum Appellationis remedium, reliquum est, quo oppressi releuentur.

Ad quod & ego Frater Martinus Lutherus prædictus, modo & animo prædictis confugiens, dico & propono. Quod cum diebus superioribus Indulgentiæ à quibusdam Commissarijs (ut asserbant) Apostolicis indiscrētissime prædicarentur, in regione nostra Saxonie, adeo ut ad exugendas populi pecunias inciperent, absurda, hæretica, blasphema quædam prædicare, in seductionem animarum fidelium, & summum ludibrium ecclesiasticæ potestatis, præsertim de potestate Papæ in Purgatorium, ut continet eorum Libellus, qui summaria institutio uocatur, cum tamen certum sit ex c. Abusio-
Summaria institutio. nibus, Papam non habere prorsum ullam potestatem in Purgatorium. Deinde una totius Ecclesiæ sententia, omniumque Doctorum consensu, Indulgentiæ sint nihil, nisi remissiones satisfactionis poenitentialis à suo Iudice impositæ, ut est clarus textus. c. Quod autem. Satisfactio autem poenitentialis ab ecclesiastico iudice imposita, aliud non sit, quam opera ieiunij, orationis, eleemosynæ &c. Ideoque clauibus Ecclesiæ remitti non possit, quod eisdem non fuerit impositum. Item quod certum est ex distin. xxxv. c. Qualis, quod in Purgatorio non solum poena, sed & culpa remittitur. Culpam autem Ecclesia remittere non potest, sicut nec gratiam conferre.

Istis autoritatibus nixus, cum disputandi more fuisset reluctatus impuris & insulis illorum dogmatibus, coeperunt illi, lucri studio furentes, Primum publicis declamationibus ad populum declarare, me hereticum, temeritate impudentissima. Deinde apud sanctissimum Dominum nostrum Leonem X. per quendam Dominum Marium de Perusijs, Procuratorem fiscale accusare, tanquam hæresi suspectum. Et per eundem Dominum tandem impetrantes Commissionem citandi mei in personas reuerendissimorum dominorum & Patrum, Hiero. de Genu. Episcopo. Asculani, causarum Camerae auditoris, & Siluestri Prieria. Palatii Magistrum, per eosdem me citari curarunt ad Urbem, ad personaliter comparandum.

D. Marius de Perusijs.

Cumque ego nec Vuitembergæ tutus ab insidijs, tantum iter perficere non possem, nec Romæ tuto consistere, & pauperculus & imbecillis corpore. Deinde Iudices præfati mihi multis causis fuissent suspecti, præsertim quod R. P. Silvester Aduersarius mihi fuerit. & Dialogum contra me iam ediderat, & in sacris literis minus eruditus, quam ista causa ferre possit. Dominus autem Hieron. in iuribus quoque plus, quam Theologia doctus, merito timebatur syluestrinæ Theologiæ concessurus, & extra modum suæ professionis hanc rem habere.

Suprà fol. 16. & seq.

Sollicitum

A PAPA AD CONCILIUM CCXVIII

Solicitaui per illustriss. Principem, D. Fridericum Ducem, Saxoniae, sacri Roma: Imperij Archimarscallum, Landgrauium Thuringiae, Marchionem Misnae, vt causa ad partes committeretur, non suspectis, sed honestis & bonis viris.

Tunc illi crassa quadam & insulsa astutia instructi, apud sanctissimum Dominum Leonem &c. egerunt, ut causa in seipsos, hoc est, in personam R. Domini Thomae, S. Sixti Cardinalis, tunc in Germania Sedis Apostolicae Legati, transferretur, vt qui de Ordine Praedicatorum, & Thomisticae factionis, id est, aduersariae uel primarius, facile speraretur, contra me pro ipsis definiturus, aut, ut uerisimile est, certe ut huius facie Iudicis absterritus, recusare comparere, & contumaciam incurrerem. Ego tamen ueritate Dei fretus ad Augustam multo labore & magnis periculis ueniens, humaniter quidem a praefato R. Domino Thoma S. Sixti Card. &c. susceptus sum. Qui cum posthabita protestatione mea & obligatione, qua vel publice uel priuatim me responsurum obtuli, coram Notario & testibus, denique praesentibus quatuor insignibus uiris, Caesareae maiestatis Senatoribus, simulque subijcerem me meaque dicta sanctae Sedi Apostolicae, & iudicio quatuor illustrum Vniuersitatum, Basiliensi, Friburgensi, Louaniensi, tandem & studiorum Parenti, nobilissimae Pariensi, me simpliciter ad reuocationem urgeret, nec uellet ostendere mihi errores meos, & quibus rationibus, uel autoritatibus error a me intelligi posset, nimio scilicet suae factionis fratribus affectus, & iniquitatis faciem assumens, tandem nisi reuocarem, abiectis precibus & uotis discindi, & informationis petitionibus, minas diras ac crudelissimas uigore cuiusdam Apostolici Breuis intentauit, ac ne redirem in faciam suam, impetrauit.

Vide supra Acta Augustana 194. b.

Supra folio 89. b. 90. a.

Quibus grauaminibus laesus, tunc ab eius iniqua & uiolenta praesumptione & praetensa sibi Commissionem, appellauit ad sanctissimum Dominum nostrum Leonem X. melius informandum, prout in schedula huiusmodi Appellationis plenius continetur. Nunc vero etiam ista Appellatione (ut dixi) contempta, cum usque hodie cupiam, non nisi ut ostendantur mihi errores mei, quicumque tandem id possit praestare, De quo denuo legitime protestor, paratissimulus sum reuocare, si quid male dixisse fuero edoctus. Deinde totam Disputationem meam subiecerim summo pontifici, ita ut nec ego amplius aliquid in ipsa facere habeam, quam expectare sententiam, quam & usque hodie expecto.

Nihilominus tamen, ut audio, & idem reuerendissimus Dominus Thomas S. Sixti Cardinalis, scribit ad illustrissimum Principem D. Fridericum &c. in Romana Curia procedi contra me, & autoritate eiusdem sanctissimi Domini nostri &c. Iudices praetensos causam prosequi in damnationem meam, Non attendentes meam fidem & superabundantem obedientiam, qua tanta difficultate comparui Augustae, nec curantes oblationem meam honestissimam, qua me ad responsionem publicam & priuatam obtuli, Denique contemnentes ouem Christi petentem humiliter doceri ueritatem, & reduci ab errore, Sed simpliciter nec audita, nec reddita ratione, mera autem tyrannide & plenitudine potestatis urgere ad Reuocationem sententiae, quam ex conscientia uerissimam iudico, & ad abnegandam fidem Christi & ueram apertissimae Scripturae intelligentiam (quantum mea capit conscientia) seducere uolentes, Cum potestas Papae non contra nec supra, sed pro & infra Scripturae & ueritatis maiestatem sit, nec potestatem Papa acceperit oues perdendi, in Luporum fauces proijciendi, & in errores errorumque Magistros tradendi, Sed ad ueritatem (sicut Pastorem & Episcopum, Vicarium Christi, decet) reuocandi. Ex quibus me lesum, grauatumque sentiens, cum tali uiolentia uideam futurum esse, ut nullus etiam ipsum Christum audeat confiteri,

o ij nec

APPELATIO D. MARTI LVTHE

nec Scripturas sacras in Ecclesia sua propria profiteri, atq; ita me quoque a uera, sana, christianaq; fide & intelligentia, in uanas & mendaces hominum opiniones uiolenter protrudi, & in seductorias populi Christiani fabulas urgeri.

Idcirco a præfato sanctissimo Domino nostro Leone non recte consulto, supraq; dictis prætensis Commissione & Iudiciis, & eorum citatione ac processu, & omnibus inde secutis & secuturis, & quolibet ipsorum, ac a quibuscumq; excommunicatione, suspensione & interdicti sententijs, centuris, poenis & mulctis, atq; alijs quibuscumq; denunciationibus & declarationibus (ut prætendunt) hæresis & apostasiæ per eos uel alterum eorum quomodolibet attentatis, factis & molitis, attendendis, faciendis & moliendis, ipsarumq; nullitate (suis honore & reuerentia semper saluis) tanquam iniquis & iniustis mere tyrannicis & uiolentis, Nec non a quolibet futuro grauamine, quod mihi ex eo uenire poterit, tam pro me, quam pro omnibus & singulis mihi adhærentibus, & adhærere uolentibus, ad futurum Concilium legitime, ac in loco tuto, ad quem ego, uel Procurator per me deputandus, libere adire potero, uel poterit, Et ad illum, uel ad illos, ad quem, seu quos de iure, priuilegio, consuetudine, uel alias mihi prouocare & appellare licet, prouoco & appello in ijs scriptis, Apostolosq; primo, secundo, tertio, instantè, instantius, & instantissime mihi dari peto, Si quis sit, qui mihi dare hos uoluerit & potuerit, & præsertim a uobis Domino Notario, testimoniales, Et protestor de proseguendo hanc meam Appellationem per uiam nullitatis, abusus, iniquitatis uel iniusticiæ, & alias, prout melius potero, optione mihi reseruata, addendi, minuendi, corrigendi, & in melius reformandi, omniq; alio iuris beneficio, mihi, ac mihi adhærentibus & adhærere uolentibus semper saluo.

Qua quidam schedula coram me & testibus infra scriptis, ut præmittitur interposita protestatus fuit, & protestabatur expresse se, per se uel Procuratorem, non posse ad eum accedere, a quo extitit appellatum, tum propter metum plurimorum, sibi, & uitæ suæ insidiantium, ac eius, a quo appellauit, tum propter uiarum discrimina. Ideoq; petijt sibi à me, Notario publico, cū debita instantia apostolos tales, quales sibi de iure deberentur, dari atq; concedi. Cui quidem petenti dedi apostolos tales, quales sibi debentur, uel saltem testimoniales præsentī Instrumento publico extunc exarandos. Super quibus omnibus & singulis petijt a me Notario infra scripto unum uel plura confici atque fieri publicum uel publica Instrumentum uel Instrumenta.

Acta sunt hæc Vitembergæ, Brandenburgensis Diocesis, Sub anno, inditione, die, mense, & Pontificatu, quibus supra. Regnante Diuo Maximiliano Romanorum Imperatore, hora tertiarum, uel quasi, in capella Corporis Christi, in Parochiali ibidem cemiterio situata. Præsentibus ibidem Christophoro Beehr, Sacris apostolica & imperiali autoritate uice comite Constantien.

Et Hieronymo Papisi Curiensis Diocesis Clerico, testibus ad præ-

missa uocatis roga-

tisq; pariter

& requis-

itis.

BREVIS

BREVIS EXPLICA^{CCXIX}

TIO DICTI EX VI. Cap. IOHAN: OMNE
quod dat mihi pater. Autore D. Marti. Luthe.



IN Euangelio Iohannis, oportet longe alia, quam in ceteris Euangelij, intentione, procedere. Nam huius Euangelij vnicus est ille Scopus, vt cognoscamus hominem ex seipso prorsus nihil posse aut habere, Sed tantū ex diuina misericordia. Hanc autem misericordiam sic tractat, vt eam omnibus modis soli Patri tribuat, soliꝑ Patri gloriam, laudem, gratias referendas concludant. Et q̄ mirabilius est, in eodem simul textu, sic omnia soli Patri tribuit, vt tamen filio asserat omnia communia, vt quia Filius est Patris, ideo omnia Patris in Filio, solius patris sunt, cuius & Filius est, in quo omnia sunt quæ Patris sunt, Et prorsus, ineffabili Magisterio describit Patris & Filij æqualitatem & originem. Hinc illa contradictio, Doctrina mea, non est mea. Quomodo sua, non est sua? Et iterum, verba quæ ego loquor, non loquor à me ipso, sed Pater in me manens, ipse facit opera. Ita hic.

Omne quod dat mihi Pater, venit ad me (Id est, Nullus venit ad me, nemo cognoscet me, nemo credit in me, nisi donante Patre, Quicquid ergo venit ad me, nō suo studio, sed Patre misereute venit, vt infra eodem, Nemo potest uenire ad Me, nisi Pater meus tulerit eū. Item: Erūt oēs docibiles Dei, id est, non humano magisterio, sed Dei spiritu docebuntur. Sic Isai. 54. *Isai. 54.* Vnde hoc verbum sumpsit Christus; dicit: Dabo filios tuos uniuersos doctos à Domino. Quod Apostolus 1. Cor. 3. egregie tractans exponit, Neque qui *1. Cor. 3.* plantat, neq̄ qui rigat, est aliquid, sed qui incrementū dat, Deus, Q: D: Oēs docemus verbo externo, Sed nisi interne à solo Deo doceantur, non ueniunt ad Christū. Quare hoc uerbo, superbos & de seipsis præsumentes, deiecit Christus, ut salubriter de seipsis desperantes, intelligant, vnde petendum sit, ut ad Christum veniamus, ac sic Deus solus glorificetur de misericordia, indignis præstita, ideo omne q̄ Pater mihi dat, hoc solum, & nullū aliud, uenit ad me, ideo frustranea est vniuersa præsumptio nostræ virtutis.

Et eum, qui uenit ad me, non eijciam foras, Quia descendī de cœlo, non ut faciam voluntatem meam, Sed uoluntatem eius, qui misit me, Patris.

Hoc est, non solum hoc totum Patri tribuendum est, q̄ ad me, ipso donante, uenitur, sed etiam idiplum, q̄ à me recipitur, & non eijcitur, qui uenerit, non enim nostris uiribus uenimus, Ita multo minus nostris uiribus seruamur, seu perseueramus, Quod aut hoc Patri tribuendum sit ostendit, Quia non mea sed Patris uoluntate recipio uenientem. Ac sic dulcissime nobis cōmendat Patrē misericordiārū, et in omnibus quæ in Christo agi uidemus, nos ducit ad amandū, honorandū, glorificandū Patrem, ut ne scilicet pedem figamus in humanitate Christi, per quā nobis misericordia exhibetur, sed per eam in inuisibilem Patrem rapiamur, admirantes eum, quem audimus tanta nobiscum facientem per humanitatem hanc Christi.

Et is est unicus & solus modus cognoscendī Dei, à quo longe recesserunt Doctores sententiarum, qui in absolutas diuinitatis speculationes, reperunt, omiſſa Christi humanitate, & ideo à magnitudine potentie, Maiestatis, sapientie eius, non potest subsistere anima, in quo studio ego miserrime & periculosissime sum uersatus & multi alij, Ideo repeto, iterumq̄ monebo. Quicumq̄ uelit salubriter de Deo cogitare aut speculari, prorsus omnia postponat præter humanitatem Christi, Hanc aut uel suggestentem uel patientem sibi præfigat, donec dulcescat eius benignitas, tunc ibi non sistat sed, penetret ac cogitet, Ecce non sua, sed Dei Patris uoluntate, hæc & hæc facit, ibi incipiet placere

Doctores sententiarum.

EXPLICA: DICTI EX 6. CAP. IOHAN.

cere suauissima uoluntas Patris, quæ in humanitate Christi ostendit. Hac uoluntate Deus Pater secure potest apprehendi, & cum fiducia: Ista uia neglecta, non restat aliud, nisi præcipitium in æternum barathrum, Nam alia uia non uult adiri, cognosci, amari, sicut dicit. Ego sum uia, ueritas & uita, Nemo uenit ad Patrem nisi per Me. Audis absolutam sententiam, Neminem nisi per Christum ad Patrem uenire, In hac uia exercere, & eris breui profundior Theologus omnibus Scholasticis, qui hoc ostium & hanc uiam, non solum ignorant, sed suis incoelicibus præsumptionibus uelut machinis speculationum sibi præcludunt.

Illud uero, Non eijciam foras, iuxta tropum Scripture, quæ per negatiuas uehementissime affirmat, intelligendum est ita, Non eijciā sed libentissime amplectar, ut sit expressio iucundæ & promptæ obedientiæ Christi ad Patrem, simul & cōmendatio sue dulcissime charitatis, qua nos donatos à Patre charissime complectatur (modo totum id, non suæ charitati aut uirtuti, sed paternæ uoluntati tribuatur) quem uult per se & in se glorificari & agnosci, Ac si diceret, Etsi ego uos ardentissime cupio & amplector, nolo tamē in hoc uos gloriari, aut sustere, sed ut eum agnoscatis & ametis, cuius optima uoluntate, iussus ego uos ita amplector. Sic enim diligit non se nec suam gloriam, sed nostrā querit salutem & in hac non nisi laudem & gloriā & amorē Patris, optime nobis uolentis & cōsulentis. Ideo ut hanc optimā Patris uoluntatem sibi mandatā nobis reddat cumulatiuissime cōmendatā exponit eā dicens.

Hæc est autem uoluntas eius, qui misit me Patris, ut omne quod dedit mihi, non perdam ex eo, sed resuscitem illud in nouissimo die.

Vides quare non eijciat uenientem, quia, inquit, ita placet Deo, ne forte mihi detur gloria & in me stetur, sed uoluntas Patris ametur, quæ uult, ut nullum eijciā uenientem ad me, imo non solum non eijciam sed nec perdā. Videte ergo quæ diligat Pater mundum, ut Filio imponat omnia, quibus non eijciāmini aut perdamini, sed seruemini. Quod autem addit, sed resuscitem illud in nouissimo die, ad confutandam stultam carnis intelligentiam dicit, cum enim hoc diceret, Iudei de perditione temporalis mortis, eum loqui accipiebant, Ideo dicit adeo uult Pater ne aliquem perdā sed omnes seruem, ut etiā si corporaliter perdit fuerint, non perdantur, sed adeo seruentur, ut in nouissimo die resuscitentur, Sicut eiusdem Iohan. II. dicit: Qui credit in Me, non morietur, etiamsi mortuus fuerit uiuet, Ego sum Vita & Resurrectio. Quare non possunt perdi, qui ad Christum ueniunt, Imo eodem Textu manifeste ostendit, quid uelit intelligi per perditionem, Qui promittit se suscitaturum eos à morte, Ergo morituros prædicit, & tamen non perituros, non enim suscitatur à morte, nisi mortuus, Quare mortui non pereunt illi, sed uiuunt ei omnia.

Si nunc quæras, Quæ est ista uoluntas Patris? Quid præscribit, quo facio ad te uenire & tibi dari, non eijci, non perdi, sed seruari & resuscitari mereamur, Hoc iam ponit dicens.

Hæc est autem uoluntas patris mei, qui misit Me ut omnis, qui uidet filium et credit in eum, habeat uitā eternā, et ego resuscitabo eum in nouissimo die.

Habes nunc quid sit uenire ad Christum, exposuit uoluntatem Patris, quid uelit, nempe uenire ad Christum, est uidere eum & credere in eum & non eijci, non perdi, uoluntate Patris, hoc est, æternam uitam habere, Voluntas ergo Patris est, ut omnes donati Christo, salui fiant per Christum in æternū.

Magna uerba & alio tempore satis tractata, quod fides Christi satis est ad æternam salutem, non dicit, sic ieiunabis, sic orabis, Hæc & hæc facies, sed crede in Filium, & saluus eris, sic uult pater. Verum ne iterum carnalis sensus uitam existimet dari æternam siue morte corporali, prædicit morituros quidem, sed tamen uitam æternam non amissuros, Quia resuscitandi sunt in nouissimo die. Vides quæ Euangelij uerba seipsa exponant, suasque glosas secum habeant, ut nihil necesse sit aliena & humana miscere.

Hucusque

Hucusq; docuit hominem spiritualiter sapere de uita & morte, & omnia accepta Patri referre, nosq; nihil ex nobis habere.

Sed nunc vide, & intende animum, q̄ asserat cōmunem sibi cum Patre diuinitatem & omnia. Omnia dixit volente Patre se facere, ideo non dubiū, quin Patris opera sint, quæ Christus fecit, sed & ipse eadem opera sese facere protestatus dicit, Et ego resuscitabo eum à mortuis, Certe uitam dare et resuscitare solius Dei est, Cum aut unum & idem opus sit, manifeste patet, quod Christus uerus Deus & unus cum Patre sit, cum non sint duo Dñi, Et tamen cum sese discernit à Patre, tanq; de alio loquens, & filium se nominans, pulchre concludit se a Patre uero Deo, uerum Deum esse, & utrumq; non duos, sed unum Deum equalis uirtutis, eadem omnia potentem, facientē, uolentē,

Idem Argumentum, Quod non eiecturum se dicit, non perditurū, Nam seruare uitam eiusdem est uirtutis, cuius est dare, Pater dat, & Filius non perdit sed seruat, Ergo alius quidem est, sed non diuersus Deus, eadem cum Patre habens ac potens.

Porro maxime omnis probat, Quod dicit, Qui credit in filium &c. Impietas est credere, nisi in unum uerum Deum, & Pater uerus Deus uult credi in Filium, Quid uult, nisi in uerum Deum credi? Non enim gloriā suam dabit alteri, at gloria est, ut credatur in eū, Nulla enim creatura sufficit, ut possit in se credentem sustentare, aut ei prodesse, Soli Deo enim debetur fides, spes, charitas, unde & Theologicæ uirtutes appellantur, Sed addit, Qui credit in filium habeat uitam æternam, Prorsus fides filij non posset uitam æternam prestare, nisi ipsemet esset Deus æternus & uerus.

Hæc mi Spalatine, ut ansam latius scrutandi tibi, accipe, Video & ego multa alia, sed non est ocium, ut me totum illis dare possim, occupatissimus enim sum, Horror autem est mihi in Euāgelio Iohannis per otium uersari, tantum est ibi inæstimabilis Theologiæ, sum hoc sæpius expertus, Interim hæc breuiter degustata accipe, & me illustriss. Principi commenda. Vale.

ANNVS RESTITVTÆ

SALVTIS M^d XIX

LEO PAPA X^d DILE

CTO FILIO DEGENHARDO PFEFFINGER, Dilectissimi Filij, nobilis uiri Friderici Ducis Saxoniae, Consiliario,



Dilecte Fili, Salutem, & Apostolicam benedictionem. Quanto affectu paternois amore, sacratissimā auream Rosam, quotannis a Romanis Pontificibus quarta Dominica sacratissime Quadragesimæ consecrari magno mysterio, & alicui ex primoribus Christianorum Regi vel Principi dicari & mitti solitam, hoc anno dilecto filio nobili Viro, Friderico Duci Saxoniae, utpote suorum clarissimorum Progenitorum more, de nobis & sancta apostolica Sede bene merito, utq; posthac magis mereri possit, dicauerimus, ex dilecto Filio Carolo Miltitz, Nūcio cubiculario secreto, ac familiari nostro, & quædam, quæ nos Sedisq; prædictæ dignitatem auctoritatemq; respiciunt, deuotio tua plenius intelliget.

Scientes insuper, & merito quidem, quanta sit deuotionis tuæ apud eundem Ducem gratia, quantiue ille, salubre ac prudens consilium tuum, faciat, Deuotionem ipsam tuā hortamur in Domino, ac paterne requirimus, ut pro sua debita erga nos, eandemq; Sedem deuotione & obseruantia, recte consi-

o iij derans

EPIS VICECANCELLA: LEO: X

*Hinc ille lachry-
me hinc illa miseri-
cordia, mittentes
rosam auream.*

derans quanto decore, quoue munere eundem Ducem dignum duxerimus. Cōsiderans etiā q̄ detestabilis sit unius Satanæ filij, Fratris Martini Lutheri nimia temeritas, quæ etiam & notissimam hæresin sapit, & tanti Ducis clarum nomen, claram etiam suorum Progenitorum famam denigrare potest, eodem Carolo Nuncio nostro audito, ea eidem Duci suo sano consilio persuadere uelit, Per quæ nostræ & dictæ Sedis dignitati, & eiusdem Ducis decori recte consulatur, & dicti Martini temeritas comprimat, & error, heu nimium grauis, qui in populo plerumq; nimium credulo ita seminatur, te uno potissimum rem iuuante, teq; bono consultore tollatur.

In quo deuotio eadem tua, Deo Saluatori nostro, cuius causa agitur, rem acceptam, & nobis, qui nihil magis, q̄ zizaniā loliumq; huiusmodi ex agro Domini extirpare pro posse studemus, gratissimā faciet, Pro qua in suis etiam prijs uotis & desiderijs deuotio eadem tua nos Sedemq; predictam magis sibi propicios inueniet atq; benignos, Pro ut ex eodem Carolo a nobis plene instructo eadem deuotio plenius intelliget. Datum ciuitatis ueteris Vi-
terbien. Diocesis, sub annulo Piscatoris, kalend. Ianua. Anno M. D. XIX.

Pontificatus nostri anno VII. Euangelista subscripsit.

MAGNIFICO DOMINO DEGENHARDO PFEFFINGER, ILLVSTRISSIMI SAXONIAE

Ducis consiliario, Amico nostro præcipuo.



AGnifice Domine, Amice noster charissime, Cum in præsentia contingat venerabilem Dominum Carolum de Miltitz, sanctissimi Domini nostri Cubicularium secretum, istuc concedere, ob quædam sue sanctitatis negocia, nolimus illum sine nostris ad uestram magnificentiam literis proficisci. Scimus enim, quantum, ob egregias eius uirtutes et animi dexteritatem, apud istum illustrissimum Principem valeat & autoritate & gratia, quantumq; semper rebus sanctissimi Domini nostri, & Sedis apostolicæ affecta fuerit.

Idcirco rogamus eandem, uelit continuo in eadem sententia permanere, ac nacta occasione, res huius sanctæ Sedis apostolicæ, isti illustrissimo Principi commendare, persuadens excellentiæ suæ, uelit sanctæ prædecessorum suorum vestigia imitari, qui inimicos sanctæ Romanæ Ecclesiæ ubique persecuti sunt, nec unquam eorum ciuitates & loca incolere passi sunt. Quod etiam istum illustrissimum principem facturum, & sanctissimus Dominus noster, & tota Romana Curia sibi persuadet, Nam illud & ipsius nobilitas & candidissimi mores omnibus pollicentur.

Cæterum ipsum Dominum Carolum uestræ magnificentiæ enixe commendamus, rogantes eandem, uelit illum & negocia sua apud istum illustrissimum Principem fouere. In quo magnificentia uestra, & sanctissimo

Domino nostro, & nobis satisfaciet.

Bene valeat, ex Capite Montis, V. Ianuarij.

Anno M. D. XIX.

Vicecancellarius.

*Breue aliud Leo:
X. prorsus eiusdem
Argumenti cum
proximo ad De-
genhardum Pfeff-
inger. etc.*

LEO PAPA X. DILECTO FILIO GEORGIO SPALATINO, dilecti Filij nobilis uiri D. Friderici Ducis Secretario.

TITVLI

TITVLI S. LAVRENTII CCXXI


IN DAMASO PRESBYTER CARD.
DE MEDI. S. R. E. MAGNIFICO DOMINO

Georgio Spalatino, Illustrissimi Saxoniae Ducis Secretario, Amico nostro praecipuo.



Magnifice Domine, amice noster praecipue. Cum venerabilis Dominus Carolus de Miltitz, sanctissimi Domini nostri Cubicularius secretus, pro nonnullis eius negocijs, ad illustrissimum Principem, Saxoniae Ducem, se conferat, desiderantes sibi, quo possumus, favore et auxilio adesse, Visum est nobis magnificentiam vestram, quae plurimum apud eius excellentiam autoritate & gratia valet, enixe hortari, Vt non solum eiusdem Caroli rebus favere, sed eidem in nonnullis, honorem & dignitatem sanctissimi Domini nostri, & sanctae Romanae Ecclesiae concernentibus, quae coram melius explicabit, fidem adhibere, & res Ecclesiasticas praefato Principi commendare velit, per illius excellentiam, praedecessorum suorum more fouendas & tuendas, In quo magnificentia vestra sanctissimo Domino nostro & nobis plurimum satisfaciet, cui nos offerimus, Quae bene valeat ex Corneto.

VII. Ianuarij. Anno M. D. XIX.



ANNO a natali Christi M. D. XIX. in Germaniam ad illustrissimum Principem D. Fridericum Ducem Saxoniae, Electorem &c. missus est a Leone Pontifice Romano Carolus Miltitius, natus in familia nobili Misnensi, adferens a Leone X. Rosam, ut uocant, auream, monstratam Romae Dominica quarta Quadragesimae, ut consuetudo est ibi. Etsi enim Dux Fridericus non profitebatur se defensorem esse eorum, quae contra Indulgentias ediderat D. Martinus Lutherus, Tamen nec Iudicem se facere uoluit, nec ui opprimere D. Martinum Lutherum, rebus neque cognitis neque iudicatis.

Ideo Leo X. conatus est quibuscunque officijs & nuncijs missis accendere Ducem Fridericum ad asperiora consilia. Exhibitaque Rosa Carolus Miltitius querelas & mandata Leonis X. exposuit, & deplorauit discordiae initia & semina in Ecclesia, & aperte culpam in D. Martinum Lutherum & recte in Ducem Saxoniae Fridericum contulit, & magnis obtestationibus petiuit, ut D. Martinus Lutherus opprimeretur. Hec saepe, rediens ad aulam Carolus Miltitius, sedulo agebat.

Cum autem deliberaretur de responsione danda Carolo Miltitio, reuerendus D. Martinus Lutherus in aedibus D. Georgij Spalatini Aldenburgi haec capita responsionis annotauit.

PRIMO, Arguendum esse summum Pontificem, & in hunc solum, totam, & summam congerendam accusationem, & omnia argumenta (Quorum quinque annotauerat Carolus Miltitius. 1. Populum seductum

EPIS: D. MAR. LVTH. AD LEONEM X.

seductum in opinione Indulgentiarum, 2. Lutherum huius seductionis autorem, 3. Iohannem Tetzel occasionem dedisse Luthero, 4. Episcopum Magdeburgensem impulisse Iohannem Tetzel ad opus studio questus, 5. Iohannem Tetzel excessisse modum impositi operis.) Nam hic pro officio suo debuerat, vel prohibere Episcopum Magdeburgensem, ne tot Episcopatus ambiret vnus, Aut certe gratis (sicut accepit a Domino) ei conferre. Nunc quia & ambitionem illius aluit, & suam auariciam expleuit, tot milibus pro Pallijs & dispensatione, necessitatem fecit Episcopo, pecunias isto modo querendi, & pro Indulgentijs populum Christi foedissime deglubendi. Atq; in hoc ipsum iam tertia culpa, summus Pontifex eidem consensit.

Ex ista autem necessitate Episcopus coactus est, eum hominem querere, qui pecuniarum corradendarum & populorum deglubendorum, per multos annos, exercitatissimus esset artifex, atq; ad aliud nihil utilis. Hic tandem, vt & Episcopo in uota responderet, sua quoque interim nihilominus curaret, despumauit virtutes indulgentiarum in eam labem, quam hodie passim orbis abominatur.

Ibi primum populi miserabilem seductionem & exactionem impatienter ferens, impatientissime uero Florentinorū illorum auariciā, qui simplicis ingenij Pontificem, in quem uoluerunt portum, imo naufragium, impellunt. Nam impudentissimorum illorum auaricia, pene sexcentis Tartaris insatiabilior cognita est. Ideo data aliquando in Romanam auariciam occasione, non inuitus apprehendi, & ea, quae supra excusa sunt, & quae subiicientur, contra Indulgentias emisi.

AD LEONEM X.

LVTHERI EPISTOLA.

BEATISSIMO PATRI LEONI X. PONTIFICI MAXIMO, F. MARTINVS

Lutherus Augustinianus, Salutem æternam.



BEatissime Pater, Cogit iterum necessitas, ut ego sex hominum & puluis terræ, ad beatitudinem tuam, tantamq; maiestatem loquar. Quare paternas ac uere Christi uicarias aures huic ouiculæ tuæ interim clementissime ac cōmodare dignetur Beatitudo tua, & balatū meū hunc officiose intelligere.

Fuit apud nos honestus hic uir Carolus Miltitius, Beatitudinis tuæ Secretarius Cubicularius, grauissime causatus nomine Beatitudinis tuæ apud illustrissimum Principem Fridericum, de mea in Romanam Ecclesiam & Beatitudinem tuam, & irreuerentia & temeritate, expostulans satisfactionem. Ego ista audiens, plurimū dolui, officiosissimum officiū meum tam infœlix esse, ut quod pro tuendo honore Ecclesiæ

Ecclesiæ Romanæ susceperam, in irreuerentiam etiam apud ipsum uerticem eiusdem Ecclesiæ ac plenam omnis mali suspensionē venerit.

Sed quid agam Beatiss. Pater. Desunt mihi consilia prorsus, Potestatem iræ tuæ ferre non possum, & quo modo eripiar, ignoro. Reuocationem expostulor Disputationis, Quæ si id posset præstare, quæ per eam queritur, sine mora ego præstarem eam. Nunc autem, cum resistentibus & prementibus aduersarijs, scripta mea latius uagentur, quæ vnquam speraueram, simul profundius hæserint plurimorum animis, quæ ut reuocari possint, Quin cum Germania nostra hodie mire floreat ingenijs, eruditione, iudicio, Si Romanam Ecclesiam volo honorare, id mihi quam maxime curandum video, ne quid vlllo modo reuocem, Nam istud reuocare nihil fieret, nisi Ecclesiam Romanam magis ac magis foedare, & in ora omnium hominum accusandam tradere.

Illi illi, heu Beatissi, Pater, hanc Ecclesiæ Romanæ intulerunt iniuriam & pene infamiam apud nos in Germania, quibus ego restiti, id est, qui insulsißimis suis Sermonibus, sub nomine Beat. tuæ non nisi deterrimam auariciam coluerunt, & opprobrio Aegypti contaminatam & abominandam reddiderunt sanctificationem. Et quasi id non satisficeret malorum, me, qui tantis eorum monstris occurri, autorem suæ temeritatis apud Beat. tuam inculpant.

Nunc Beatiss. Pater coram Deo & tota creatura sua testor, me neque voluisse, neque hodie velle, Ecclesiæ Romanæ ac Beat. tue potestatem vlllo modo tangere aut quacunque versutia demoliri, Quin plenissime confiteor huius Ecclesiæ potestatem esse super omnia, nec ei præferendum quidquam siue in cælo siue in terra, præter vnum Ihesum Christum Dominum omnium, Nec Beat. tua vllis malis dolis credat, qui aliter de Luthero hoc machinantur.

Et quod vnum in ista causa facere possum, promittam libentissime me Beat. tue, istam de Indulgentijs materiam me deinceps relicturum, penitusque taciturnum (modo & aduersarij mei suas vanas ampullas contineant) Editurum denique in vulgus, quo intelligant et moueantur, ut Romanam Ecclesiam pure colant, et non illorum temeritatem huic imputent, Neque meam asperitatem imitentur aduersus Romanam Ecclesiā, qua ego usus sum, imo abusus & excessi aduersus Balatrones istos. Si qua tandem gratia Dei, vel eo studio rursum sopiri queat excitata discordia. Nam unicū a me quesitum est, ne auariciæ alienæ foeditate pollueretur Ecclesia Romana mater nostra, neue populi seducerentur in errorem, & charitatem discerent posthabere Indulgentijs. Cætera omnia, ut sunt neutralia, a me uilius æstimantur. Si autem & plura facere potero aut cognouero, sine dubio paratissimus ero. Christus seruet Beatitudinem tuam in æternum.

Ex Aldenburgo III. Martij, Anno M. D. XIX.

EPISTOLA

*Promittit silentiū
modo Aduersarij
taceant.*

EPISTOLA ERASMI

AD ILLVSTRISSIMVM D^r FRI-
DERICVM, SAXONIAE DVCEM &c.

ILLVSTRISSIMO PRINCIPI FRI-
DERICO DVCI SAXONIAE, SACRI IMPE-

rii Electori, Erasmus Celsitudini tuae addictissi-
mus, salutem ac foelicitatem.

Illustrissime Princeps, Tamen si mihi nunquam contigit, illustrissimam Celsitudinem tuam intueri coram aut alloqui, quod ego sane non in minima in foelicitatis meae parte numero, Tamen inflammatum omnium praedicatione, miro consensu, cum eximias tuas dotes, uel summo dignas Imperio, tum mirificum quendam animum erga bonas literas prouehendas, laudibus uehementium, atque in me quoque peculiariter & eximie propensum, ausus sum Caesarum uitas per me recognitas, tuo dicare nomini, Nihil aliud uenans aut captans a sublimitate tua, nisi ut ei disciplinarum optimarum studia redderem comendatiora, aliquoque pacto testarer, me tanti Principis ultroneo fauori, mutuo quodam amore respondere.

Porro, quo minus Volumen ad te miserim e Basilea, nam illic opus excusum est, in causa fuit, quod cum iter esset ingens, id enim temporis agebas Vuitembergae, non dabatur certus quispiam, cui tuto committi posset. Mox uero uisum est superuacaneum, mittere Librum, qui nusquam gentium non esset euulgatus. Libuit tamen interim hasce Literas, uelut exploratrices mittere, quarum indicio cognoscam, grata ne fuerit nostra sedulitas, an secus. Si parum foeliciter cessit audacia, dabitur opera, ut quod hic admissum est errore, alias farciatur. Neque dubito, quin singularis illa tua, & nulli non praedicata clementia, culpam eam facile condonatura sit, animo sedulo certe propensoque, cui, si iudicium defuit, studium non defuit demerendi magnitudinem tuam.

Sin bene cessit, quod ausi sumus, non aliud officij praemium poscimus, nisi ut pergas fauere melioribus literis, tam passim per nostram etiam Germaniam efflorescentibus, Atque hanc quoque laudis partem tuis asserere, quae fortassis non minus dignitatis sit allatura, uel patriae uel Principibus ipsis, quam haec tenus peperit bellicae rei gloria. Ea foelicitas nobis continget, si & Principum benignitas fouebit optimarum literarum Professores, ac iuuenum ingenia, quae spem non uulgarē de se praebere uidentur, & autoritas aduersus *μισομουσοσ* istos, ac ueteris inscitiae tyrannidem, omnia armorum uel pertinacissime tuentes, sit nobis praesidio. Quid enim non moliantur hostes deuoti bonorum studiorum? quas non technas? quas non Sycophantias? quas non insidias comminiscuntur? quibus non cuniculis conantur obrepere? quas non admovent machinas? quae non tela in nos torquent letali ueneno tincta? quae conspiratio? quam arctum inter istos foedus ad profligandas literas? quas quia pueri non didicerunt, pudet senes discere? cum minore pene opera discere potuerint, quam impugnare. Quam hic concordēs sunt, qui nusquam consentiunt, nisi ad laedendum? quam hic habent ingenium, ad meliora stupidi? quam hic uigilant, ad bene merendum oscitabundi?

Prodiere

Probdiere nuper lucubrationes aliquot Martini Lutheri, simulq; rumor *Lucubrationes aliquot. M. L.* allatus est, hominem supra modum grauari autoritate reuerendissimi Cardinalis S. Sixti, qui apud Sueuos, Romani Pontificis agit Legatum. Ut hic protinus exilierunt: ut gestierunt: ut gauisi sunt: occasione, ut ipsis uisum est, maxime opportunam esse datam, lædendi bonas literas: Nam, iuxta Græcorum Prouerbiū: Improbis præter occasionem nihil deest, quæ uidelicet nocendi facultatem præbeat ijs, quibus adest perpetua nocendi uoluntas. Continuo sacræ apud populum conciones, scholæ, conciliabula, conuiuia, nihil aliud crepabant, q̃ hæreses & antichristos. Atq; huic tam odioso negotio, præsertim apud mulierculas & indoctam plebeculam, miscuerunt homines callidi, trium linguarum, eloquentiæ, politiorisq; literaturæ mentionem, quasi aut Lutherus his præsidij fideret, aut ex hisce fontibus hæreses nascerentur. Hæc impudentia plus quam sycophantica, cum optimis quibusq; displiceret, tamen ut bellum inuentum probabatur quibusdam, qui se Theologiæ antesignanos, & Christianæ religionis columnas existimant. Et uide, quam studio cæci, nostris blandimur uicijs, atrocem contumeliam, imo facinus hæresi proximum ducimus, si quis Theologū Rabulam, quales sunt non pauci, pro Theologo *ματαιολόγος* nominet. Ipsi nobis ignoscimus, cum apud frequentem populum, hæreticum & Antichristum uocamus, cuiuscunq; succensemus.

Lutherus mihi tam ignotus est, quam cui ignotissimus, ut suspectus esse non queam, quasi faueam amico. Huius lucubrationes nec tueri meum est, nec improbare, ut quas hætenus non legerim, nisi carptim. Certe uitam hominis nemo qui nouit, non probat, quæ cum longissime absit ab omni suspicionē auariciæ atq; ambitionis, & morum innocentia, uel apud Ethnicos fauorem inuenit. Quam non congruit mansuetudini theologicæ protinus, ac ne perlecto quidem libro, tam immaniter debacchari in nomen ac famam probi uiri, Idq; apud imperitam plebeculam, quæ prorsus caret iudicio: Præsertim cum ille disputanda proposuerit, cum omnium iudicio sese submiserit, quorum oportuit, et quorum nō oportuit. Nemo monuit, nemo docuit, nemo reuicit, Tantum uociferantur hæreticum, seditiosis clamoribus ad lapides prouocant. Dicas eos sitire sanguinem humanum, non salutem animarum. Quo inuisius est hæreseos nomen auribus Christianis, hoc minus committendum est, ut temere in quemquam impingatur. Non statim cuius error hæresis est, Neq; protinus hæreticum est, quidquid huic aut illi displicet. Neq; semper fidei negotium agunt, qui prætexunt huiusmodi splendidos titulos. Imo, pleriq; suum agunt negotium, uel questui suo consulentes, uel tyrannidi. Quin præcipiti lædendi studio sæpe criminantur in alio, quod ipsi domi probant.

Deniq; cum tot sint ueteres ac neoterici Scriptores, nec horum quisquā adhuc repertus sit, in cuius libris non fateantur inesse periculosos errores. Cur reliquos taciti placatiq; legimus, in unum aut alterum tam atrociter læuimus? Si ueritati patrocinemur, cur non ex æquo offendit, ubicunq; reperitur, quod ueritati repugnat? Sanctissima res est, fidei religionisq; sinceritatem tueri, sed sceleratissima res est, prætextu defendendæ fidei, nostris seruire cupiditatibus. Si quidquid in Scholis receptum est, oraculum haberi uolunt, cur inter se Scholæ dissentiant? cur scholastici Doctores inter sese pugnant ac digladiantur? Imo, cur in eadem Sorbona Theologus à Theologo dissentit? Imo, perpaucos reperias, qui consentiant, nisi conspirarint. Ad hæc, non raro deprehenduntur damnare in recentium libris, quod in Augustino aut Gersono non damnant, quasi ueritas cum autore mutetur. Eos, quibus fauent, sic legunt, ut omnia torquentes nihil non excusent, Quibus infensi sunt, sic legunt, ut nihil non calumnientur.

RESPONSIO DVCIS FRIDE:

Optima Christianismi pars est, uita Christo digna. Quædum suppetit, non debet esse facilis hæreos suspitio. Nunc quidam noua comminiscuntur fundamenta, sic enim uocant, hoc est, nouas leges condunt, per quas docent, hæreticum esse, quidquid non placet. Quisquis alterum hæreos accusat, ipse præstare debet mores Christiano dignos, charitatem in admonendo, lenitatem in corripiendo, candorem in iudicando, lenitudinem in pronunciando. Cum nemo nostrum careat erratis, cur alienos lapsus tam inclementer insectamur? cur malum uincere, quæ mederi? cur opprimere, quæ docere? At ille, qui solus omnium omni caruit errore, non comminuit baculum confractum, nec extinguit linum fumigans. Augustinus de Donatistis plus quæ hæreticis agens, non uult eos cogi, sed tantum doceri. Et ab horum ceruicibus magistratum gladios depellit, quorum siccis ipse quotidie impetebatur. Nos quorum proprium munus est docere, cogere malumus, quia facilius.

Hæc, illustrissime Dux, eo scribo liberior, quo minus ad me pertinet causa Lutherana. Caterum, ut tuæ Celsitudinis est, Christianam religionem pietate tua protegere, ita prudentiæ est, non committere, ut quisquam innocens, te iusticiæ præside, sub prætextu pietatis aliquorum impietati dedatur. Vult idem Leo Pontifex, cui nihil magis est cordi, quam ut tuta sit innocentia. Pater uocari gaudet, nec amat eos, qui sub ipsius umbra tyrannidem exercent. Neque quisquam magis paret animo Pontificis, quam is, qui quod æquissimum est, exequitur. Quid istic de Luthero sentiant, nescio. Certe hic uideo libros illius ab optimis quibusque cupidissime legi, Quamquam mihi nondum uacauit euoluere. Bene ualeat eadem tua Celsitudo, quam nobis diu incolumem foelicem, florentemque seruet Christus optimus maximus.

Multa admodum sunt Epistolæ Erasmi, in quibus mentionem facit cause Lutheri, Qui eas uolet legere, uolet opus Epistolarum eius.

Antuerpiæ X V I I I . kalend : Maias
Anno à Christo incarnato M. D. XIX.

PRINCIPIS ELECTORIS SAXONIAE DVCIS

Friderici Responsio ad Erasmus
Roterodamum.

DEI GRATIA FRIDERICVS DVX
SAXONIAE, SACRI ROMANI IMPERII
Archimarscallus, Princeps Elector & Vicarius, Landgrauius
Thuringiæ, & Marchio Misnæ, .S P.



Vamuis non dubitemus, Erasme eruditissime, te ex literis nostris, Iodoco Ionæ ad te nuper proficiscenti, datis, plane cogniturum, tuam erga nos singularem istam beneuolentiam, ut alioqui, ita in dedicatione Suetonij & aliorum historicorum illustrem, nobis esse gratissimam, Respondendum tamen tuis existis-
mauinus,

RESPON:DV:FRI:AD LI:ERAS:ROT. CCXXIIII

mauimus, ad nos Antuerpiæ XVIII. Calend. Maias scriptis, cum ob alia non pauca, tum quod eruditissimæ simul & elegantissimæ tuam erga nos synceram & veram Christi eruditionem & euangelicam veritatem studium & amorem pientissimum iam pridem nobis exploratum fecerunt perspectiorem.

Est, vt scribis, mira osorum melioris doctrinæ conspiratio in id solum idonea, vt bonis, pñs, & probe literatis noceat.

Non damnari ab eruditis causam Lutheranam, & Doctoris Martini lucubrationes ab optimis quibuscq; istic, cupidissime legi, lætatur. Eoq; magis, quod plerique bonorum & eruditorum in nostris quoque Regionibus & Principatibus, nedum externis, hominis, tam uitam & mores, quam eruditionem, miro cōsensu laudant. Quod enim hætenus in Saxonibus nostris degit, non tam homini, quam causæ dedimus, Nihil minus unquam conati, quam ut dignos præmijs poena premeret. Neque Deo omnipotente iuuante commitemus, ut nostra culpa innocens quispiam sua quærentium impietati dedatur.

Ad hæc, Deo Autore, bonis literis & rectis studijs, & eorum tam Professoribus quam studiosis, non minus in posterum fauebimus, quam hætenus fauimus. Id quod pro præcipua nostra erga te gratia latere te noluimus in præsentiarum. Bene
uale, doctissime
Erasme.

Ex Arce nostra Grimnensi,
Pridie Idus Maias.
Anno M. D. XIX.

p ij

VENERA.

EPISTOLA F. MART. LVTH.
 VENERABILIBVS
 PATRIBVS ET FRATRIBVS CON-
 uentus Iutterbocensis, Ordinis Minorum.

Obiurgat rudes, &
 ignavos sue Doctri-
 nae censores.



Salutem & pacem. Oblatae sunt mihi duae Schedules, venerabiles Patres, quarum una ad Reuerendiss. D. Episcopum, Dominum nostrum gratiosum Brandenburgensem, à toto Conuentu missa, meum nomen foedissime conspurcat, & aliquot Propositiones uerissimas impudenti temeritate arguit erroneas esse. Ego sane fui satis admiratus, quod uos, qui obseruantiae titulo inflammini, & populi uos Saluatores iactatis, & tunicae inconsutis zelatores, adeo fueritis oblitii Euangelij, ut non ante Fratrem monueritis, inter te & ipsum (ut inquit) solum, ac magis uoluistis detractores alieni nominis, tum, quod foedius est, iudices alienae sententiae, autoritate propria fieri. Est ista superbia & petulantia, religionis uestrae & obseruantiae modus? Matth. 18.

Verum, ne reddam malum pro malo, optionem uobis do, Aut reuocate hanc temeritatem, & reddite mihi nomen meum, Aut ego publicabo per impressuram hanc uestram Schedulam, adiecta confutatione uestrae ignorantiae, quod non erit honorificum Ordini uestro. Vos, qui, uestrae Obseruantiae ritu, studia contemnitis, & literas sponte vultis nescire, sed tantum uisionibus & cogitationibus uestris populum occupare, decebat, ut sileretis, & alios studere permetteretis. Mea doctrina tribus annis in Vniuersitate nostra assidue est agitata, discussa & iudicata, disputando, legendo, docendo, praedicando, scribendo, cum acutissimis & diligentissimis uiris, necdum inuenta reprobata. Et nunc post fornacem uestri Conuenticuli, ab uno aut duobus stertentibus Fratribus, qui Magistrum forte viderunt aliquando, & cognouerunt nunquam, debet haeretica damnari? Videte, ne uos inueniamini haeretici, & omnino tales, qualem me & meos criminati estis. Mihi non erit difficile (Deo propicio) defendere mea dicta contra uos, Sed uobis interim & Ordini uestro parcam, donec audiam, quid sitis facturi.

Omitto, quae Lector uester Bernhardus, caput ineptissimum, blaterat, ad vicarium Episcopi, de scissura inconsutis tunicae. Quasi Ecclesia ideo sit peritura, si Thomas aut Bonauentura repudientur. Quis seruauit Ecclesiam, antequam Thomas & omnes Monachi essent in rerum natura? Deinde homo suauis Disputationem priuatam se habuisse confitetur, in qua solemus libere & familiariter loqui, & tenere quae etiam non praedicamus. Et nihilominus hanc ipsam Detractor iste in accusationem vertit, & nobis imponit, quod Laici querunt: Vbi in Euangelio dicatur de confessione & ieiunio? Videte hunc venenatum insidiatorem. Cur non & alias quaestiones Laicorum mihi imponit, aut etiam vetularum crepitus? Verum, ut dixi, Accipite aut Pacem aut bellum, ut uolueritis. Attamen, ut superabundanter agam, breuibus hic Rationem signabo coram eorum, quae cum Lectore uestro audio fuisse disputata.

Primo dicitis fuisse dictum, quod Deus praeceperit homini impossibilia. Respondeo: Cur ergo Paulus Rom. 8. dicit, fuisse impossibile, non tantum nobis, sed etiam Legi, ut iusticia fieret? Ideo necesse fuisse, ut Christus moreretur? Legite B. Augustinum de perfectione iusticiae, & inuenietis vos potius Rom. 8.

uos potius errorem schismaticum & pestiferum docere, quando negatis, homini esse impossibilia praecepta. Aut dicite, Si sunt possibilia, ad quid necessaria est gratia? Aut illuditis & irridetis misericordiae Dei beneficium?

Denique, cur oratis: Fiar uoluntas tua, si per uos potestis facere uoluntatem Dei? Pudet me tam crassae uestrae temeritatis, quod hanc Christianissimam doctrinam, appellatis pestiferos & perniciosos errores.

Secundo errorem dicitis, quod Deus exigit a quolibet Christiano summam perfectionem & totum Euangelium.

Math. 5. Primum quero ab insigni uestra prudentia, quibus sit Euangelium datum, lapidibus an lignis? Si hominibus, Cur ergo non tenentur praecepta Dei tenere, quando Christus dicit, Ne unum iota praeteriturum? Doleo miro modo uos Inconsutistas & Tunicastrors sic delipere, ut negetis homines esse *Inconsutistas.* debitores seruandae uoluntatis & praeceptorum Dei. Et nunc demum dubitandum ac disputandum sit, An obedire oporteat praecipienti Deo? O furor. Igitur omnes debemus totum Euangelium & omnia praecepta, Sed quia non possumus, Ideo sumus peccatores, & currimus ad thronum misericordiae Dei. Haec est B. Augustini sententia in tota parte octaua. Vos autem homines a misericordia trahitis ad iudicium, dum non sinitis eos sese agnoscere peccatores & praeceptorum Dei debitores.

Tertio, quod nulla sunt Consilia, sed omnia Euangelii sunt praecepta. Haec inuidia & nequitia uestra mentita est. Illi enim sic dixerunt: Praecepta sunt ultra Consilia, Et: Praecepta sunt plus quam consilia, Quia consilia sunt quaedam media, quibus facilius implentur praecepta. Vt uirgo & uidua aut celebs facilius seruat praeceptum: Non concupisces, quam coniugatus, qui concupiscentiae aliquo modo cedit.

Quarto, Quod Canones docent, luxuriam, auariciam, superbiam, Et quod sunt contrariae Scripturis sacris. Et hoc Leuiathan uester sic addidit & peruertit. Nihil enim recte accipit unquam inuidia. Illi dixerunt, quod Canones & Decretales olent seu sapiunt aliquando superbiam & auariciam, hoc est, quod ij, qui statuerunt, aliquando quesierunt quae sua sunt, plus quam charitatem. Hoc uos dicitis docere superbiam. Rogo uos: Non potest superbus & auarus praedicare ueritatem, & tamen sic praedicando olere, quærere lucrum? Sicut uos in hac Scheda, etiam si uera dixissetis, tamen fraternam inuidiam & asiniam insecitiam olerent uestra uerba. Deinde hoc uerum est, quod Canones sapissime abutuntur Scripturis, & torte exponunt in alium sensum quam suo loco habent.

Et quid hoc mirum? Nonne & uos tunicam inconsutilem & Ecclesiae unitatem hic accepistis in contrarium sensum? Sed pro uestra stulta opinione, sine qua Ecclesiae unitas recte stabit, legite C. translato. de constitutione lib. 1. & uidete, an recte ibi Papa dicit, Sacerdotium Christi in Petrum translatum, quod Apostolus ad Ebraeos de sacerdotio Aaronis in Christum dicit.

Sed uos nec legitis quidquam, multo minus intelligitis, & adhuc iudicare uultis de doctrinis. Idem de libero arbitrio, quod nullum est teste B. Augustino. Non enim potest nisi malum facere, nunquam autem bonum, nisi gratia adiutum. Ergo se solo non est liberum, sed seruum peccati, ut Augustinus. *Libertum arbitrii.* libro 2. contra Iulianum docet. Sed rogo uos, cohibete temeritatem uestram, ac desistite ab insulsis uestris somnijs, nimis nihil sapitis in doctrina Christiana. Estote pro uobis Sermo cinista, Sinite nos doctores sanctos legere. *August: contra Iulianum.*

Quinto, Quod Laico habenti auctoritatem (Scripturae) plus sit credendum, quam Papae, quam Concilio, imo quam Ecclesiae. Hoc etiam Iurista docent, ut Panormitanus c. Significasti. Et adeo est catholicum, ut Augustinus in multis locis

EPIS: F. M. L. AD CONVENT. IVTTER.

tis locis hoc pro Regula habeat legendi Autores. Nec fuit ullus tam foedus hæreticus, qui hoc negaret, nisi noui isti hæretici omnium temerarijssimi luterboccenses Obseruantini, qui fronte sua meretricia, sacratissimas Patrum doctrinas, quas nunquam legerunt, pronunciant pestiteras, absurdas, alienas à catholica doctrina. Nonne hæc est in Spiritum sanctum blasphemia?

Sexto, Quid Thomas prædicarit, nescio, nisi quod iterum uideo uestram maliciam prodere seipsam. Nam cum ille in generali Prælatos carpsisset Papas & Episcopos, quod utique non solum licet, sed etiam debet fieri, nisi Scripturas uelitis negare & prohibere, ubi Christus fures, latrones, lupos reprehendit. Vos autem ei audetis pro culpa imponere. Quod tunc recte fecissetis, si ille aliquem nominasset indiuidualiter. Nunc autem detractatores & calumniatores estis, quia nihil legitis nec intelligitis. Quidquid autem allegatis, totum secundum cerebrum uestrum accipitis & secure pronunciatís, Quando satisfacietis illi & nobis pro tam graui detractiõne?

Septimo, iterum uos proditis, dum Magistrum Franciscum accusatis, quod de literis Confessionalium docuerit stupræ retiaculum facere, & prohibuerit bona opera, confessionem & ieiunia. Nec pudefcitis ipsi uos fateri, quod talia ipse negauit uobis. Vos autem ad detrahendum accensi, accusatis eum de ijs, quæ ignoratis, quæ ipse negat, quæ aliorum relatu audistis. O intolerabilem & pestilentem temeritatem. Cur non expectastis, donec sciretis? Cur non os uirulentum cohibetis, nec ei neganti magis creditis publice, quam alijs narrantibus? Est ista charitas uestra? Didicistis hoc ex Regula uestra? Quid faceretis, si & nos publice uos accusaremus de magnis horrendisque monstris, quæ uulgo de uobis iactantur? Nouus mos accusandi ex aliorum relatu, ex propria suspiciõne, ex temerario iudicio Fratrem negantem, nec conuictum accusare.

Si Laici quærent de ieiunio aut confessione ex Euangelio, recte faciunt. Et uos tenemini ad responsionem, debetis enim scire Euangelium. Si non potestis respondere, desinite ijs, qui possunt, detrahere.

Ultimo, Quod Lector nunc negauit Papam solum esse Vicarium Christi, Et Petrum esse principem Apostolorum in potestate, Et, nullum esse casum referuatum iure diuino, recte dictum est. Sed, ut uideo, nescitis, quid sit ius diuinum uel ius humanum, & estis in utroque iudices cum fiducia, iure diuino (ut D. Hieronymus multis locis probat) Apostoli omnes sunt æquales, Episcopi omnes sunt æquales. Imo addit idem Hieronymus, Quod Presbyter & Episcopus iure diuino sunt idem. Quid hic facietis? An Hieronymum comburetis? An ipse quoque tunicam inconsutilem scindet uobis? Legite eum in Epistola ad Euagrium, & in commentarijs ad Titum et Ephesios, Et uidebitis uestram negligentiam & temeritatem. Igitur Papa solum humano iure est Vicarius Christi, sicut etiam Romæ scriptum est in Ecclesia, matre omnium, Lateranensi.

In fine expecto uestram Responsionem quantocius, ut sciam, an ceruices uestras uelitis inclinare, an erectis contra ueritatem pugnare. Ego, ne dubitetis, uos egregie tractabo, & omnibus exponam miram uestram sapientiam. Bene ualete, & Dominus det uobis recte sapere & uelle, Amen. Si uultis esse amici, ero gratissimus, Sin non uultis, Age facite quod facitis. Ego nomen meum & uerbum Christi non deferam, credite firmiter.

Vuitembergæ Dominica Iubilare,
Anno M. D. XIX.

F. Martinus Lutherus
Augustinianus.

ARTICVLI

Epistola Hieronymi
ad Euagrium.

ARTICVLI A FRA

TRIBVS MINORITANIS IVT
TERBOCCENSIBVS DOCTORI

Martino Luthero adscripti.

- I Nihil tenet de Concilijs generalibus, Quia non representant vniuersalem Ecclesiam.
- II Papam negat Vicarium Christi.
- III Petrum negat Principem Apostolorum.
- IIII Canones dicit institutos propter auariciam summi Pontificis & aliorum Pontificum, Quia nullus esset Casus reseruatus de iure diuino.
- V Nulla dicit esse Consilia euangelica, sed omnia, quæ in Euangelio sint, dicit esse Præcepta.
- VI Dicit etiam, Quod Deus exigeret summam perfectionem a quolibet Christiano, & obseruantiam totius Euangelij.
- VII Confessionem sacramentalem dicit non esse de iure diuino, sed ex institutione Innocentij III.
- VIII Canones dicit docere auariciam, superbiam, luxuriam.
- IX Hominem dicit non habere Liberum arbitrium.
- X Multos Canones contrarios sacrae Scripturae, eamque extor-
te exponentes.
- XI Quod plus sit credendum simplici Laico, Scripturam alle-
ganti, quam Papæ vel Concilio Scripturam non alleganti.
- XII Dicit non esse necessaria bona opera.
- XIII Deum præcepisse homini impossibilia.
- XIIII Christus nihil sibi meruit, sed tantum nobis.
- XV Bohemos esse meliores Christianos nobis.


p iij CONTRA

CONTRA MALI- GNVM IOHANNIS ECCII IVDI- CIVM: SVPER ALIQVOT ARTICV-

lis, a Fratribus quibusdam ei suppositis, Mar-
tini Lutheri Defensio.

Errores item hæretici XXIII. ex Eccij Fratrumq;
dogmatibus consecrati.

MARTINVS LVTHERVVS
PIO LECTORI, S.



Egimus in Euangelio, Iudæos, quādo Christum per-
dere quærebant, nec haberent in quo accusarent, ver-
ba eius captasse, atq; deprauasse, & crimina aduersus
eum mendacijs suis composuisse. Quale est, cum
reddenda quæ sunt Cæsaris Cæsari docuisset, Quod Matth. 22
homicidæ illi in aliam partem rapientes, criminati
sunt, eum prohibuisse, tributa dari Cæsari. Ita, cum illos templum
suum soluturos prædiceret in signum, Illi templum Dei ab eo soluens-
dum & in triduo reædificandum interpretantes, tanquam Blasphæ-
mum accusarunt.

In tales & ego, mi Lector, nouos quosdam Sanctos nuper impe-
gi, qui eadem inuidia languentes, cum Christi uerbis, per me expositis,
resistere non possent, coeperunt mendosos aliquot Articulos effinge-
re, mihiq; adscribere, vt ipsos ueros damnarent.

Et, ut totam noscas Fabulam, Sunt nobis finitimi quidam Fra-
tres, qui, cum auditoribus meis ad se vocatis, familiariter congressi,
priuato colloquio super doctrina mea contenderunt (nam, ut sunt ho-
mines de Deo penitus desperantes, fame se perituros timent, nisi po-
pulum suis nænijs ac fabulis, uel a se, uel suæ farinæ Fratribus excogi-
tatis, sibi conciliarent) Quos cum neq; conuincere, neq; eorum doctri-
næ resistere possent, collegerunt Articulos, quos ex eo colloquio
male apprehenderant, sparserunt eos ubi poterant, obtulerunt sub no-
mine meo Magnatibus, ac iam vulgo quoq; me traduxerunt.

Ego, qui eorum ruditatem miseratus, hæc floccifeci, sciens, qd non
modo citra, sed contra quoq; voluntatem suorum, tum Maiorum, tum
omnium, qui eiusdem Professionis sunt, id tentarunt. Scripsi tamen
eisdem, primum beneuole monens, ut sibi temperarent, ne forte incen-
dium nouum contra seipsos conflarent. Aut si fiderent suo ingenio &
Scientiæ, proximā sibi Vuiteimbergam uenirent, disputaturi, ac confu-
taturi errores meos, Simul addidi, qui essent falsi, & qua ratione quicq;
intelligi

Intelligendi. At Fratres, non hoc quærentes, quo veritatem agnoscerent, sed quomodo me detractionibus & calumnijs opprimeret, sperauerunt fore, vt Ecciana autoritate ex mendacijs veritatem facerent, & quod male ac temere tentarant, illius nomine publice ornarent.

Eccius vero occasionem aduersus me insaniendi libentissime pro modestia sua amplexus, informationes effutiuit super eosdē, velut gaudens ac gratulans, q̄ me proscindere in tergum, neque monitum, nec cognitum liceret. Huc enim maligna eius inuidia ab initio nominis mei semper spectauit, Similem namq̄ ludum & in virulentis, Obeliscis suis iam antea in me luserat, quem ego iam diu beneuolentissime, nisi ei ignouissem, talem forte orbis Eccium spectaret, vt Siluester meus eius comparatione, & doctissimus, & speciosissimus haberetur. Nam mihi non est difficile, Eccium eccianamq̄ scientiam suis pingere coloribus, qui norim hominem intus & in cute, qui, vt lupus ad Phisomelam dixit: Vox est, ac præterea nihil.

Ego vero, etsi indignior sum, quam ut his Christi Domini mei tentationibus conformer, qui inferna millies merui, Tamen quando sic placitum est in oculis misericordiae Dei, non abijciam gratiam eius, & cum inuidia inuidisq̄ ac maleuolis calumniatoribus, libenter negocium habebō, non minore fiducia veritatem contra mendacia defensusurus, quam illi præsumpserunt mendacia contra veritatem producere.

Quare, te Lector charissime, rogo in hac re, nec mihi, nec Eccio, nec Fratribus illis faueas, sed puræ & simplici veritati, purum & a studijs partium alienum animum aduerte, solumq̄ id specta, non q̄ multa illi vel ego adduxerimus, sed quam apte, quam proprie, vel ad sacram Scripturam, vel ad iustam rationis opinionem. Quod a te hoc nomine q̄ enixe peto, quod mei moris sit, non adeo multa, sed eadem proprie & quantum fieri potest, apte ad rem adducere.

Eccij scopus.

Eccij contra, vnicus scopus sit, quam plurima, eademq̄ tum peregrina, tum pugnantia producere, solum vt multa salua coacta, multum spuat, nulla prorsus ratione habita, unde, qua, quid aut quo ualeat quod loquitur, Neq̄ enim mihi in istis Sophistis aliud æque displicet, quam quod dedita opera, a uerbis sacrae Scripturae fugiunt. Quorum vnus mos est dicere: Sancti sic dixerunt, Nunquid tu maiores Patre nostro Abraham?

Tu vero, Lector, illud Augustini utrinq̄ adhibeto fidelissimum documentum, quo dicit: Ego solis eis libris, qui Canonici appellantur, hunc honorem deferre didici, vt nullum Scriptorem eorum errasse firmissime credam, Cæteros vero, quantalibet sanctitate doctri-
naq̄ præpolleant, ita lego, vt non ideo uerum existimem, quia
ipsi sic

Dictum Augustini.

CONTRA MAL: IOHAN: ECCII IVDI:

ipsi sic senserunt, sed si Canonorum librorum autoritate, uel probabili ratione mihi persuadere potuerunt. Hoc est, quod B. Paulus quoque 1. Thes. 5. dicit: Omnia probate, quod bonum est tenete,

Has Sancti spiritus regulas Eccius meus semper & egregie contempsit, verba textus in sacris literis prorsus pro fabulis habens, Quo fit, ut neque Scripturas ipsas, neque Patrum, quos iactat, sententias, recte possit aut intelligere aut aptare, & hac temeritate impleat illud Pauli 1. Timo. 1. Volentes esse legis Doctores, cum ignorent, neque 1. Timo. 1. quid loquantur, neque de quibus affirmant. Quæ omnia, an vere de Eccio dixerim, iam ecce tu ipse Lector, clare uidebis.

Cæterum, quod in Eccium mihi inuehendi digna esset occasio, qui pactum, quod tanto tumultu nobis Lipsiæ extorsit, ipse primus male dicæ scriptionis genere, sine causa rupit, interim dissimulabo, contentus, quod scedifrago & maledico calumniatori coactus sum respondere, gaudensque, quod non mihi, sed suæ temeritati imputare cogitur, pacti læsa iura. Vale optime Lector.

ARTICVLVS I.

Nihil tenet de Concilijs generalibus, quia non representant uniuersalem Ecclesiam.

HVNC non esse meum, credo intelligit, quicumque Resolutiones meas & Dialogum contra Siluestrum legerit, Quando id unice deploro ac gemo, nos dignos non esse uidere legitimum Concilium. Ut taceam, quod ipsa fraternalis latinitas, à tropo meæ locutionis abhorrens, satis indicat, inuidiæ commentum esse. Sed Eccius, si boni uiri uoluisset officio fungi, Fratres compescere debuit, aut Fratrum Mercurios, & sententiam meam (quam utique nouerat) ostendere. Nunc uero, ut ostendat se gaudere alienis malis, addit super dolorem uulnerum, & uirulenta² Fratrum mendacia confirmat, eo ipso, quo non compescit, præsertim non audita parte altera. Certus enim sum, hoc nolle ipsum à me sibi fieri, quod ipse facit mihi. Neque patiar eum se expurgare, quod meam personam non designatam à se forte dicet. Non enim alio studio nomen meum his suis laruis ineptissimis interfuisse credi potest, quod ut hæc monstra mihi inureret, tantus est homini ex maledicta gloria inuidiæ morbus.

Credo autem auditores meos forte dixisse, Concilium generale sæpius errasse, & errare posse, tum quod rara sunt Concilia illa legitime generalia, quale Nicenum fuit, hoc enim dicentes, uerissime dixerunt. At illi pro rusticitate sua, ex particulari mox intulerunt uniuersalem, omne uidelicet Concilium reprobatum assumentes. Hoc autem eo facilius credo, quod multa similia mihi ab eisdem impacta sunt, Nam cum docerem opera quædam bona male fieri, mox criminati sunt, quod omnia opera bona negarim. Et cum Sanctos inuocari pro pecunia & re temporalis, parum Christianum esse docuissem, statim inuidia magistra iactauerunt, me cum Pighardis negare Sanctorum culturam, Adeo his eccianis Theologis placet error, & populi Christiani seductio, ut eos pro uentre suo non pudeat etiam apertæ ueritati resistere. Ita Concilium

*Minoritarum in
Interloch.*

Concilium quodlibet negari à me mentiuntur, ubi aliquod vnum, vel errasse vel errare posse dixi, Digni plane discipuli Eccio magistro.

II.

Papam negat Vicarium Christi.

Petrum negat principem Apostolorum.

Hic vide, quæso te lector, an Eccium meum debeas Theologum an Sophistam existimare.

Primum fraternalis inuidia, articulos non integre posuit, omittens hanc partem (iure diuino) nam si hanc addas, catholici sunt articuli.

Sed Eccij videamus inæstimabilem, & uere eccianam eruditionem, Assumens enim articulos confutandos, iure diuino, multam sane euomit probationum crapulam, autoritates Scripturæ & Patrum sic tractans, ut appareat à conuiuio, & à calicibus hanc crapulam ab eo eructatam.

Math. 16. **P**rimo probat ex promissione Petro facta, Matth. 16. Tu es Petrus, & super hanc Petram ædificabo &c. Hoc est iuxta Eccium, Tu es Vicarius Christi, & Apostolorum princeps, Iste est enim modus Scripturæ interpretandæ apud Eccium. Neq; enim aliter decet eum, qui Grammaticam insigni fastidio contemnens, Grammatistas & puluerulentæ scholæ Magistros appellat, qui suas lamias in sacris literis non adorant. Sed videamus Sophistæ impias uerborum Christi deprauationes.

Tu es Petrus.

Pincipio hoc verbum Christi: Tu es Petrus &c. oportet quod habeat unum, primum, principale, & proprium sensum, in quo Christus ipsum protulit, Hic aut, vel est iste, Quod per petrā intelligitur Christus ipse, uel Apostolus Petrus, uterq; principalis esse non potest, quia ex duobus sensibus nihil probari potest. Si utrunq; Eccius cōfiteretur, iam prorsus nihil probat, quia qua facilitate ipse per petram Petrū, eadem ego Christum accipiā. Imo non licet, nisi bono moderamine, quod infra dicam, uerbum Scripturæ de Christo dictum, alteri tribuere. Si autem alterum tantum sequitur, scilicet, q; petra sit Petrus, nec simul permittit alium quoq; valere, iam impius deprauator est Eccius, quod demonstro.

Tu es Petrus.

1. Cor. 10. **Math. 7.** **P**rimo, Quod nusquam in sacris literis Petrus petra dicitur, sed Christus, ut 1. Corinth. 10. Petra autem erat Christus. Et Matth. 7. Comparabitur viro sapienti, qui ædificauit domum suam supra petram. Et infra: Fundata enim erat super petram. Adducat ergo Eccius etiam uel unum locum Scripturæ, ubi Petrus dicatur petra. Plus mihi ualet unus locus Scripturæ, quam omnes Doctores per Eccium adducti, quanquam nec ipsos recte adduxit, ut videbimus.

Christus petra dicitur.

Secundo, etiam in præsentī loco Christus manifeste distinguit Petrum à Petra, Nam si uellet per petrā intelligi Petrum, dixisset: Tu es Petrus, & super te ædificabo Ecclesiam meam, At cum repetit petram, manifeste indicat, aliud esse Petrum & aliud petram, quam per pronomen, hanc, secernit à Petro, demonstrat & exprimit. Et sic ex textu præsentī facile prohibebo, ne Eccius possit ostendere, Petrum esse petram, sed & textum, ipse pessime sibi conscius, ob hoc maxime fugit, quod sentit eum contra se stare, nec posse quidquam ab eo promoueri per ipsum, Ideo ad Doctores fugit.

Non dicit, Super te ædificabo Ecclesiam &c..

Tertio, Quæro, an Petrus sit pars Ecclesiæ, si est pars Ecclesiæ, ergo Petrus est pars non Ecclesiæ.

CONTRA MAL: IOHAN: ECCII IV DI:

non potest esse petra in hoc loco, quia Christus dicit: Super hanc petram ædificabo Ecclesiam meam. Quare Petrus cum Ecclesia ædificatur super petram, & non est petra ipsa, Nili ecciano interpretandi more, idem super se ipsum ædificari garrias. Vides ne, quid sit relictis uerbis Scripturæ, Patrum dicta sine iudicio legere? Aut ergo Petrus non est petra, super quam Ecclesia ædificatur, aut non est pars Ecclesiæ, quæ ædificatur super petram.

Ædificari.

Quarto, uerbum ædificari, uerbum spiritus est, significans per fidem incorporari, & crescere in Christo. Ideo non sine prauitate cogi potest, ad potestatem regendæ Ecclesiæ, quæ sine fide geri potest, Nam potest tam Papa quam subditus malus esse. Quare prorsus nihil ad rem pertinet tota ista auctoritas, quæ nihil de primatu, aut potestate regiminis (quæ sine fide haberi possunt) sed de fide in Christum solum sonat. Sicut & Matth. 7. Fundata enim erat super petram, ubi loquitur de persecutionibus. Sed constat, quod potestas regiminis, qua fundat Ecclesiam, nihil potest in persecutionibus (cum & ipsa patiatur) sed fundatio fidei in Spiritu super Christum seruat. Ita 1. Pet. 2. docet Petrus, ut super Christum ædificemur domus spiritalis.

Matth. 7.

1. Pet. 2.

*Domus fundata
super petram.*

Postulo ergo ab Eccio, ut mihi unum etiam locum ostendat Scripturæ, ubi ædificare significet suum somnium de regimine, Quod ubi non fecerit, nihil est, quod Patrum dicta sine textu, sine iudicio profert, Non enim licet claro textui contradicere, per quorumcumque auctoritatem.

Sed & illam sequelam, qua Dialectica didicerit, vellem scire, Ecclesia ædificatur super aliquid (ut Petrum) ergo illud est Vicarius Christi, & princeps Apostolorum. Ergo, si supra fidem ædificabitur (sicut uerum est) fides est Vicarius Christi, At hunc Vicarium quis uidebit? Non ergo Petro hic regimen promissum est, ut deprauator cæcus errat, sed Ecclesiæ constructio in spiritu fidei descripta, in cuius Petrus persona consistetur Petram, clauis accipit, ut unanimiter dicunt S. Patres.

*Petrus primus nominatus inter
Apostolos etc.*

IAM secundo probat, Petrum esse iure diuino Vicarium Christi, æque digno ecciana sapientia argumento, uidelicet ex nominatione, quia primus nominatur inter Apostolos, Matth. 10. Putas ne anxium istum Sophistam uehementer gauisurum fuisse, si potuisset inuenire, Petrum fuisse primo ad apostolatam uocatum, Nam qua gloria Eccius ex nominationis ordine Petro primatum tribuit, eadem alius ipsum Andreæ tribuet, ex uocationis ordine, cum sit prior Petro in uocatione, præsertim cum ad hoc auctoritas sit Pauli Apostoli, qui ideo antecessores & magnos Apostolos uocat, quia ante se fuissent uocati. Surgat itaq; Andreæ aliquis tutor, sicut Eccius Petri, & nominationi Petrinæ obtendat uocationem Andreæ, & uidebis apparere, Andreæ esse primum.

Ruben. Gene. 49.

Doleo Theologiæ titulos in hæc ridicula commenta & aniles nugæ descendere, quasi ideo aliquis sit potestate superior, quia nominatur prior, cum sic quamlibet rem mundi oporteat esse altera maiorem, quia potest primo nominari. Nonne inter Cardinales, Episcopos, imo ut in Scriptura maneamus, Ruben prior est inter Patriarchas nominatus, & tamen non iure diuino eorum fuit maior. Et Stephanus prior nominatur inter Diaconos, ergo iure diuino rector eorum. Et Lucas ante Iohannem in Euangelij, Marcus ante Lucam nominatur, ergo rector eiusdem. Sed & Iacobus post Petrum ante Iohannem nominatur, ergo Iacobus rector erit Iohannis, iure diuino. Et ultimus Apostolorum à penultimo regetur, quia, quæ ratio primi ad secundum, eadem erit secundi ad tertium. Tum uide cæcos magnum quæstionis, Petrus, Iacobus, Iohannes, suo ordine nominantur frequentissime, At Matth. 10.

MARTI LVTHE DEFENSIO CCXXIX

thæi 10. Andreas locum secundum habet, Philippus tertium, Bartholomeus quartum.

Galat. 2. Sed piget pudetq; me tam insulsæ Dialecticæ Eccij, ex ordinis primitate potestatem regiminis inferentis. Quid tum dicit ad Paulum Gala. 2. qui Petrum postponit Iacobo minori, Episcopo Hierosolymitano? Ergo Iacobus ex nominatione erit rector, Tenet consequentia ab autoritate Eccij, per nouam Dialecticam. Sed & Iohannis 20. Andreas primus & nominatur & uocatur ante Petrum. Itaq; uides, quam soleat Eccius ludere in sacris literis, quoduis ibi aliud, quam ueritatem quærens.

Matth. 17. Tercio probat Eccius egregius eundem primatum, ex solutione tributi, Matth. 17. Nisi esset sibi de errore & defectu ueritatis conscius, putaret ne, tam anxie, tam ridicule quæreret suffragia? Quantis eget mendacium, ut uerum uideatur. Ista sane anxietas satis magnum argumentum est, se teste conscientia suscepisse mendacij patrocinium, Non eget ueritas simplicissima & aperta tam extortis ac uiolentis suffragijs, sed ipsa sibi satis est.

Mendacium.
Veritas.

Ad rem.

Gratias Eccio, quod Petrum solum æquatum Christo dicit in tributo dato, nam nunc discimus, Petrum Christo æqualem, cuius prius didicimus esse inferiorem, & Vicarium, Ita in arbitrio est Eccij, ex Petro facere, quodcunq; uisum est.

Obsecro, cur non uidit, aut oblitus est, quod æqualitas passionis, æqualitas miraculorum, æqualitas uerbi & multa alia, Petrum non fecit Principem, quarum quælibet multo maior est, quam æqualitas tributi dati? sed & omnes homines æquales sunt in humanitate, quæ est omnium summa & admiranda æqualitas, ex qua omnis dignitas hominibus, & tamen nulli ex hac sequitur Primatus regiminis.

Quid uero, si æqualitas ista census indicet minoritatem Petri, ut quia Apostoli alij liberi à censu fuerunt, ut & textus indicat, q; censum dare sit nō filiorum Regis, sed seruorum & inferiorum, Ideo Christus cum Petro se subiecit inferioribus, quod alijs Apostolis non præcepit, Sed & Apostoli, cum idem argumentum conciperent, quod Eccius, suspicantes Petrum ob id primum fore, cœperunt quærere, Quis esset maior. Acceperunt autem solutionem argumenti eiusdem per interpretationem sequenti capite, prohibiti, ne quis maior inter eos esse cuperet.

Apostoli autem solutionem quidem acceperunt, sed Eccius forte maior Apostolis, & etiam Christo, inconclusibilis, non est cōtentus solutione Christi, Adhuc uersat questionem, & determinat partem contrariam Christo, laudabili more Scholasticorum, Et inuenit cum suis mendacibus Sophistis nouum genus illusionis (distinctionis uolui dicere) sacre Scripturæ, dicens, Non maioritatem ibi prohibitam, sed ambitionem. Cum eadem ratione dicendum sit, non seruitutem, sed cupiditatem seruitutis præceptam, quando dicit Christus: Qui uult maior esse, sit uester seruus, Iste enim est mos impiorum istorū deprauatorum. Itaq; autore Eccio, non est necessarium, ut seruiamus inuicem, sed sufficit, ut cupiamus seruire, sicut opus est non ambire maioritatem, est tamen maioritas adeunda.

Sed facessant laruæ lamiarum, & nocturni Eccij lemures, Christus occasionem ambitionis amputauit, tollens maioritatem, & præbet occasionem humilitatis, imponens seruitutem. Ille ergo maior est in Ecclesia, non qui multa ditione dominatur, sed qui multa humilitate seruit. Iste est sensus purus Euangelij, si uenena ecciana excluderis, cuius ingenium est Abimelech imitari, & cæcis de saltu zelmon ramis, ignem facere, seu, ut Isa. 44. de ligno

Major in Ecclesia.

Abimelech imitari. Iud. 9.

q

Scripturæ

Isa. 44.

CONTRA MALIG: IOHAN: ECCII IVDI.

Scripturæ sibi idolum facere, dum unum locum apprehendit, præcedentiæ & sequentiæ penitus contemnens.

Quis uero non rideat, si Dominus & seruus aliquo casu simul capiantur, simul soluant censum æqualiter, statim hunc seruum, cæteris omnibus seruis Dominum fieri hoc ipso casu. Sed ista mendicitas suffragiorum, indicat eccianam esse causam pessimam.

Confirma fratres
tuos. Luc. 22.

Quarto probat eundem primatum ex confirmatione ei commissa, & indefectibili fide, Luc. 22. Rogauit pro te, ut non deficiat fides tua, Et tu aliquando conuersus, confirma fratres tuos. Nec opus est, ut Eccius uerba ista ponderet, quid uelint, sed iuxta suam Dialecticam inferat, quodcumq; voluerit, quia ad necessarium sequitur quodlibet. Quare & hic syllogissat, Confirma fratres tuos, ergo Petrus est omnium Princeps, prima pars est necessaria, quare, quodlibet sequitur, noua, ut dixi, Dialectica.

Fides Petri.

Obsecro, quid hoc ad primatum Romanæ Ecclesiæ, q̃ Petri fides non sit defectura? An fides & potestas regiminis sunt idem apud Eccium? ergo quicumq; habent fidem Petri, sunt principes Vicarij Christi, habent autem omnes fidem Petri, quia omnes credunt, quod Petrus, sicut Paulus, Ephe. 4. dicit, Vna fides &c. Non enim de fide Petri personali locutus est Christus, quia hæc cecidit, Sed de fide Ecclesiæ, quam Petrus tenebat, Nam & ego fidem Petri habeo, & ut 2. Corinth. 4. habentes eundem spiritum fidei. Hæc, inquam, fides, nec cadit, nec deficit unquam, quia in Petro deficiens, orta est in Latrone. Ephe. 4.
2. Cor. 4.

Confirmare est exhortari infirmos
& consolari afflic-
tos &c.

Iam confirmare accipitur dupliciter (ut & ego distinguam) Vno modo, ut confirmationem potestatis significet, qua hodie Episcopi facta, verba confirmantur. Hoc modo Ecciana larua accipit hoc loco. Alio modo pro exhortari et consolari tribulatos & afflictos, Ita hic Christus accipit, quod ex uerbo Christi liquet: Et tu aliquando conuersus &c. ut scilicet lapsos corroboraret uerbo.

Hic patet, q̃ nulla potestas traditur, sed officium fraternum & charitatis commendatur, quod nemo illorum quærit, qui primatum regiminis quærent, quod sine primatu ipsum impleri potest, tam ad inferiores quàm superiores, & æquales. Ergo generali sententiâ, nos omnes in vno Petro docemur, exhortari infirmos, & consolari lapsos.

Pontifices non
confirmant fratres
&c.

Sed age, retorqueamus in ipsum autorem ineptas suas nugas. Si per uerbum confirmare, datur primatus Petro, iam nullus est successor Petri, nisi confirmet Fratres suos, ipse primo conuersus & indefectibilem fidem habens. Aut ergo necessaria erit Pape fides, & exhortandi officium, aut his uerbis prorsus nihil potest gaudere, nec successor Petri haberi. Et ubi tunc erunt Pontifices, qui iam multis annis non confirmauerunt, sed fide & uerbo inanes, solum fulminibus confregerunt substantias Fratrum, bellis, dolis, censuris, plus q̃ tyranni consumpserunt? Hos necesse est, Eccius fateatur non fuisse successores, quare nec Pontifices. Ita fit, & iusto Dei iudicio excæcatur Eccius & sui discipuli, dum diuinas literas de spiritu fidei & officio loquentes, trahunt ad dignitatis pompam, labantur in pestilentissimos Donatistarum & Pighardorum errores, ut si non volunt negare uerba Christi, cogantur affirmare, malos Pontifices non fuisse Pontifices, nec successores Petri.

Officium confir-
mandi, non digni-
tatem imponit
Christus Petro.

Arrigat ergo aures Grammaticæ contemptor. Hic Christus apertis uerbis Petro, non nisi conuerso, non nisi indefectibili fide credenti, imponit, non dignitatem, sed officium confirmandi. An noua Eccij grammatica docendi sumus, Fidem non deficientem, significare potestatem regiminis? Quare successor Petri non erit, nisi conuersus fideq; præstans, confirmet lapsos, At quis hominum ab his oneribus non fugiat?

Alijs

Alijs ergo uerbis iste ociosus dignitatis ac potestatis primatus, statuen-
 dus est, hæc uerba, fidem & officium Petri postulant, quod si Petri & succes-
 soris, aut nihil ad eum pertinent. At, quis nos certos faciet, quisnam conuer-
 sus fide præstet? Relinquitur ergo his uerbis, generalem omnibus tradi do-
 ctrinam, nihil Petro externi principatus conferri. Quare textus est quæren-
 dus, qui non de fide, aut conuersione Prælatorum, sed de sola potestate lo-
 quatur, quæ sine fide esse possit, qualis est illa Roma. 13. Omnis potestas à
 Deo &c.

Similiter dicemus de Tributo, q̃ Petri successor non sit, nisi qui æqua-
 liter Christo & Petro soluerit Imperatori & Principibus mundi tributa. Vbi
 ergo manent Ecclesiarum priuilegia? Vides ne, quantum impię Eccij glos-
 sæ aperiant foramen laicis principatibus? Nam si tributæ æqualitas probat
 primatū in Petro, debet etiam eundem probare in suo successore, ne sit Chri-
 sto inæqualis, & Petro dissimilis. Qua sapientia Eccij, quid aliud discimus,
 q̃ omnes Pontifices fuisse impios & hæreticos, qui statuerunt de rebus Ec-
 clesiæ non alienandis, censu, tributo, uectigali, liberis, Deniq̃ funditus
 hæc Ecciana sententia subruit ius Canonicum.

*Æqualitas tributæ
in Petro &c.*

Aut confitebitur Romanos Pontifices Petro inæquales, & per hoc non
 Petri, nec Christi, sed aliorum potius Apostolorum, esse successores, qui non
 soluerunt. Ita sit, ut quandoquidem tributæ pensio honoris & dignitatis fuisse
 in Christo & Petro asseritur, successio Petri stare nō possit, nisi clerici omnes
 subiiciantur potestatibus temporalibus, maxime Romanus Pontifex, quem
 præ cæteris conuenit æquali honore & dignitate cum Petro fulgere, hoc
 est, omnium maxime subesse in temporalibus pensionibus.

O Eccium tutorem Romanæ Ecclesiæ, quo clamore me persequeretur,
 si hoc chaos malorum fuisset adortus contra priuilegia Romanæ Ecclesiæ?
 Adeste ergo Principes terræ, utimini iure uestro, Euangelium uobis, autore
 Eccio, tribuit, ut Pontifices, Petri successores esse non possint, nisi uobis pen-
 deant tributa. Imo auxilio uestro cooperemini, augete dignitatem & hono-
 rem illorum, id est, ut plus quam cæteri Christo & Petro æquales sint, plus
 pendeant omnibus alijs.

*Eccius Romanæ
Ecclesiæ defensor,
qualis.*

Sed huc rotari debet, qui Spiritus sancti uerba in suas nugas molitur
 transformare. Vides iam, hac ratione Eccium oēs articulos Vuicleff & Hufs,
 omniumq̃ Bohemorum asseruisse, defendisse, Decreta, omnesq̃ Decretales
 euacuasse, Concilium Constantiense articulorū damnatorum caput, damna-
 se, & mirabili circulo id luisse, ut dum pro Ecclesia cōtra Bohemos pugnat,
 uelut insanus, contra Ecclesiam pro Bohemis triumphat.

Tertio & illud: Tu es Petrus &c. quando uerba Christi sunt aperta, nō
 cuiuslibet, sed beato Simonī Bariona, qui reuelante Patre, Christum cognoue-
 rat, & confessus fuerat, dictum est: Tu es Petrus, Tibi dabo. Non permittam
 hoc Eccio meo, ut hoc uerbum ulli alteri aptet, q̃ ei, qui similis sit Petro, ha-
 bens Christi reuelationem, et Spiritum sanctum. Nam talem successorem Pe-
 tro hæc uerba quærunt, nec quidquam faciunt ad successorem, sine fide Petri,
 qui alijs q̃ istis uerbis statui debet. Quare iterum Eccius Donatista & Pi-
 ghardus cogitur dicere, malos Pontifices non esse Pontifices, aut hunc tex-
 tum ad malos non pertinere, sed tantum ad bonos, At bonos certe nemo
 nouit.

Tu es Petrus.

Quare in persona Ecclesiæ ipsa per Petrum dicta, oportet intelligi. Nec
 habet Eccius, quod hic obtendat, nisi forte maiores insanias. Cum enim pri-
 matu Papæ sit res neutra, potens administrari, tum à bonis, tum à malis,
 Textus autem hic non de re neutra, sed necessaria, scilicet fide loquatur.
 Deinde primatus res temporalis & externa, fides res spiritalis & interna,
 clarum puto cuius, q̃ apte Ecciana temeritas hæc uerba de primatu exponat.

*Primatus Papæ
res neutra.*

q̃ ij Sed

CONTRA MALIG:IOHAN:ECCII IV DI:

*Petrus os
Apostolorum.*

Sed & ipse sentiens Chrysostomum sibi contrarium, addit, Quod Petrus pro Apostolis responderit, tamen os & uertex Apostolorum dicitur. Hoc enim uolui, quod Petrus sit os Apostolorum, & pro Apostolis responderet, & Hieronymus hoc loco dicit, ergo non in persona sua, sed omnium loquitur. An non Eccius delirat, quod hæc pro persona Petri inducit contra me, quæ ipsemet fatetur pro me, in persona Apostolorum, cum Petro fuisse gesta. Sed, ut dixi, Eccio non fuit cura, quam bene, sed quæ multa, diceret, nec rarum illi est, simul pro se, & contra se dicere.

QVinto, probat ex Bernardo, Quod Iohan. vlti. per mare totus mundus significatur, subiiciendus Petro, qui in mari ambulauit.

*Petrus ambulat
super mare &c.*

Quid audio? Mare significat mundum, & Petrus super mare ambulat, ergo est princeps Apostolorum & Vicarius Christi, Imo, quo sit huius Dialecticæ nouæ festiuior consequentia, Petrus ambulat super mare, ergo successor Petri est Dominus mundi.

*Figura nihil
probat.*

Primum docendus est Eccius per Augustinum, quod figura nihil probat. Quare, siue mare significet mundum, siue cælum, oportet mundi uocabulum expresse poni ad literam, & ibi ostendere, Petrum ambulare super mundum, nisi forte Grammaticorum contemptor pro arbitrio suo quodlibet per quodlibet intelligere doceat.

Mare.

Secundo, Esto, mare mundum significet, uide Dialecticum insignem, Petrus ambulat super mundum, ergo est princeps Apostolorum. Ex quo sequitur, quod Apostoli sunt mare & mundus, quia Petrus super eos ambulat, id est, prælatus est eis. Sic Eccius. Si autem Apostoli sunt mare & mundus, Petrus quid est? Nondum, quæso, frons meretricis pudescit, à tam insulsis delirij suis?

*Quilibet Christianus
calcat mare.*

Tertio, quid si uerius per mundum significantur uiciosi affectus, quibus inquietamur, uelut mare? At hos affectus, hunc mundum, hoc mare, cum quilibet Christianus calcet, & suspenso fidei gradu superambulet ad Christum, in littore gloriæ stantem, Sequetur, quemlibet Christianum esse Papam. Et Eccius iterum donatissabit ac Pighardisabit, Papam non esse, qui mare non calcat, id est, affectibus mundanis non imperat, quia Petrum non refert, nec sequitur.

*Conculcare
mare.*

Quod si mare conculcare sit aliud nihil, quam super homines dominari, sine affectuum suorum imperio, tantum externa pompa fulgere, Quid prohibet etiam Imperatorem temporalem esse Petri successorem, cum & ipse super mare hoc ambulet, potestate dominante, Sic Eccij temeritas, quæ ad Scripturas perdendas nata uidetur, audet.

Sexto, probat ex commissis ouibus, Iohan. vlti. Vbi Papam constitutum dicit à Domino, secundum Chrysostomum & Gregorium, Hoc est, secundum lemures & somnia Eccij, cum nec nomen Papæ in Chrysostomo & Gregorio facile inuenias. Sed uideamus, hæc enim ultima est Eccij autoritas ex sacris literis perditæ (producta uolui dicere.)

*Pasce oues
meas.*

Est enim Dialectica eius hæc, Christus dixit ad Petrum: Pasce oues meas, ergo Petrus est princeps Apostolorum, & Vicarius Christi, Hæc enim enthymemata apud Eccium uel demonstrationibus sunt potiora. Si uelstrum & Syluestrinos rudes passus sum, sed eruditos eos reddit Eccius excellentissimæ ruditate sua.

Dico

Dico ergo, Pascere oues, significat aliquando id quod dominari, præesse, *Pascere oues.* regere secure in ocio, & oues nihil curare, & sic Eccius Grammaticæ nouæ magister accipit. Ita nullus est, qui non optet pascere omnes oues Christi; sicut uidemus in Romana Curia, ad hoc miris artibus contendere.

Aliquando, imo sæpius, significat uerbum Dei docere, orare pro ouibus, exemplo bono præesse, etiam animam suam ponere pro eis, totumque se impendere, ut Oues bene habeant. Hoc modo, nullus est hodie, qui non in plurimam partem solitudinis, imo totam solitudinem uelit uocari quam plurimos, & totum Primatum hoc modo libenter cedere. Pro hoc primatu nemo terrat, nemo ad hunc aspirat, quem omnes libenter admittimus cuiusque, & non inuenimus, qui admissionem nostram curet. Qui contra hunc scriberet, bene tutus esset à censuris ac homicidiis istis Romanis adulatoribus, Imò nec tantum possumus, ut huius primatus commissionem, uel super tres animas dignentur acceptare. Cur ergo nos persequuntur? Afferimus primatum; optamus, petimusque, ut Romanus Pontifex pascat omnes oues, tantum abest, ut nos, uel unguem latum, hanc potestatem ei imminuere uelimus, ut unice ploremus, quod ne unguem quidem latum ipsi dignantur eam acceptare.

Quare iterum Eccius deprauat uerba Dei, aut si integra relinquit, Donatistarum hæresim reuocat, statuens, Pontificem non pascentem, non esse Pontificem, quia hæc uerba Christi incorrupte seruata, officium imponunt (sane omnium maximum & periculosissimum, scilicet uerbi docendi, & moriendi pro animabus) aut nihil ad Pontificem faciunt. Iam enim erat Petrus quod erat, Apostolus scilicet & primus, quando audiuit officium pascendi sibi impositum.

Addit tandem Eccius Coronidem his dictis, dicens: Sic sancta Mater Ecclesia canit: Tu es Pastor ouium, princeps Apostolorum, tibi tradidit Deus omnia regna mundi. Primam particulam scilicet, Tu es pastor ouium, Eccius satis constanter paruipendit, sicut & ij, quos palpat, Quam si seruarent, primum, ut dixi, nemo principatum omnium non tribueret, Verum, neque pasturam, neque principatum hunc, neque Regna mundi hoc modo tradita, ullus Pontifex affectat, sed exhorrent omnes.

Quare, sicut uerba Christi sunt spiritualia, ita & Ecclesiæ. Omnia regna mundi tradita sunt Petro, ut doceat. Cui Petro? Non uni personæ, sed Ecclesiæ & Apostolorum, in cuius persona, ut diximus, audiuit: Tibi dabo clauis regni cœlorum. Eccius uero tradita regna mundi intelligit, ad dominandum, non ad seruiendum.

Post hæc inducit Patrum dicta (nam in hac materia multum laborat) Primo Cyprianum de simplicitate Prælatorum deprauatissime inducit, ita ut maliciam plus quam insciam Eccius suam prædat. Cyprianus ibi contra Nouatianos hæreticos loquitur, ubi Eccius maliciose decerpit, quæ pro se uidentur stare, cæteris tacitis. Verba Cypriani sunt hæc: Quamuis Apostolis omnibus post resurrectionem suam, parem potestatem tribuat; & dicat: Sicut misit me Pater, & Ego mitto uos, Si cui remiseritis peccata, remittentur illi. Tamen, ut unitatem manifestaret, unitatis eiusdem originem ab uno incipientem, sua autoritate disposuit. Hoc erant utique & cæteri Apostoli, quod Petrus fuit, pari consortio præditi, & honoris & potestatis; Sed exordium ab unitate proficiscitur, ut Ecclesia una monstraretur.

Vbi hic Petrus princeps constituitur Apostolorum, sicut deprauator infelix garrit, sua nobis pro Cypriani uerbis inculcans: Cyprianus parem honorem & potestatis gratiam palam asserit, sed quia unitas ab uno uenit; ideo testatur Apostolorum hanc

CONTRA MALIG:IOHAN:ECCII IV DI:

hanc potestatis parilitatem dicit inceptam ab uno Petro, quando dixit: Tu es Petrus, ut unitas Ecclesiae monstraretur.

Vix similem & pulchriorem interpretationem uidi, Claret enim, mentem S. Martyris esse, non Petrum esse principem Apostolorum in regimine, quia clare dicit: Hoc erant ceteri Apostoli, quod Petrus, Sed quod potestas hæc omnium æqualis, sit primum data Petro, ut ab uno Petro, non potestas Petri (ut Eccius delyrat) sed unitas Ecclesiae monstraretur. Non uult originem potestatis à Petro uenire in Apostolos. Sed sicut unitas multorum ab uno uenit, Ita exordium à Petro inciperet, licet æqualiter omnia omnibus donarentur.

Cyprianus. Merum ergo & friuolum commentum est Eccij, Apostolos omnes fuisse pares in Apostolatu, sed non in regimine. Tunc enim ceteri Apostoli non fuerunt quod Petrus, nec parem habuerunt potestatem & honorem, ut Cyprianus dicit. An non est aliud regere, & aliud regi? Nonne inæqualis potestas & honor recti & regentis?

Apostolatus. Etiam erroneum est, Apostolatum esse aliud quam regimen, quia Apostolatus officium regiminis est omnino. Distinctio ista nata est, quod coepit distinguere inter dignitatem & officium, quod iuridicum est, non theologicum. Alioqui Cyprianus fuisset hæreticus, qui sine autoritate Romani Pontificis Episcopos creauit, Concilia habuit, & ordinandorum Episcoporum regulas præscripsit. Quæ omnia Eccius nequissime tacet, ad statuenda mendacia sua contra ueritatem.

Hæretici cauendi. Vult igitur Cyprianus, Quod hæretici sunt cauendi, qui scindunt unitatem Ecclesiae, non semper Romanæ, sed cuiuslibet, in qua oriuntur, nam quælibet est una, & tota uniuersalis est una, quam totius & particularis cuiuslibet unitatem dicit monstratam in unitate Petri, qui sua unitate, uelut origo sit cuiuslibet unitatis, & totius unitatis, non disponens autoritate sua, sed Christi (inquit) sic disposuit. Verum, legat Lector Cyprianum, & videbit Eccium esse Cypriano per omnia contrarium. Non ergo Cyprianus contra scissores primatus, sed unitatis ecclesiasticæ, loquitur, quæ in unaquaq; Ecclesia scindi & seruari potest. Aut si per unitatem Eccius omnino potestatem intelligit primatus. Cæcus ille natus Iohan. 9. etiam Papa erit, quia sua unitate similiter unitatem Ecclesiae repræsentauit, & quotquot alij, qui singuli à Christo sunt curati. Iohan. 9.

Augustinus. Secundo, Augustinum inducit super Iohannem, cuius Ecclesiae Petrus Apostolus propter apostolatus sui primatum gerebat personam. Obsecro, quanta est Eccij hebetudo? Augustinus dicit (quod ego semper uolui) Petrum gessisse personam Ecclesiae, quod Eccius intelligit principatum Ecclesiae, Quis enim negat Apostolum Petrum primum fuisse, primatum Apostolatus habuisse, etiam principem Apostolorum esse? Quid hæc ad rem? non per hoc potestatem super eos habuisse probatur, quos paris potestatis fuisse dictum est a Cypriano. Nunquid ipse Augustinus a Romano Episcopo fuit ordinatus? Ergo hæreticus Augustinus, si intellexit primatum potestatis, & tamen egit in uita, ut solum primatum honoris deferret Romano Pontifici.

Eccius dedita opera, sicut Scripturas deprauat, ita & dicta Patrum, ubi illi Petro tribuunt primatum honoris & ordinis, Hic mox suo Leviathan autore addit, & nobis interpretatur potestatem, Nec aduertere præcelsitudine cerebri sui potest, quam S. Patres hanc potestatem nunquam agnouerunt.

Simul

Simul hoc quoque notandum, Quod multa dicuntur in laudem S. Petri, quæ nequaquam conueniunt eius successori ullo, Sic nonnulli S. Patres illud: Tu es Petrus. &: Tibi dabo &c. Petro tribuunt, quia certum erat ipsum esse sanctum, ideo ea verba ei aptari possunt, sed non mox ad successorem etiam pertinent, Neq; de successoribus ea ullus Patrum intellexit, sicut faciunt nouissimi Scripturæ deprauatores, omnia sine iudicio Romanis Pontificibus inflectentes, quæcunq; de Petro legere possunt. *Tu es Petrus.*

Sic Petrus potest petra dici, quemadmodum semel Augustinus facit & Ambrosius, quia reuera, quidquid de Christo ipso dicitur, mox de quolibet eius membro uero & proprio dici potest. Sic quilibet Christianus est agnus, iustus, sanctus, petra, fundamentum &c. Verum hæc, quia uerba spiritus sunt, non mox successorī aut Romanæ Ecclesiæ aptanda sunt, cum successor Petri nesciatur, an sit membrum Christi. *Petrus potest petra dici.*

Hic tamen sensus non est primus & principalis, quia de Christo omnia primo dici debent & proprie, de cæteris uero nequaquam, nisi pia digressione & abusu modesto, in quo, etsi non pugnant in contentione, (nec consequentibus conueniunt) tamen sine periculo fidei sic intelliguntur.

Error ergo est, q; quæcunq; de Petro, ut sancto locuti sunt Sancti, nostri palpones mox de successore Petri intelligant. Quanquam secundum rei ueritatem, non solus Romanus Pontifex sit Petri successor, sed omnes Episcopi, quos ipse instituit, ideoq; successor Petri longe minor est, q; ipse Petrus. Nec sequitur, (etiamsi uerum esset) Petrus fuit super uniuersum orbem, ergo etiam Romanus Pontifex est super uniuersum orbem. Petrus in Romana Ecclesia nō relinquere potuit Apostolatum suum, quem à Christo acceperat, sed Episcopatū, quem ipse instituerat, Quare Romanus Pontifex non plus habet à Petro, q; quilibet alius Episcopus ab eodem Petro institutus. *Successor Petri longe minor est quam ipse Petrus.*

Et huius argumentum est, Quod Chrysostomus, Augustinus, Ambrosius, & quicunq; sancti Patres, qui S. Petrum super omnes extollunt, honoris quidem ornant præconio, sed nec potestatem ei super omnes tribuunt. Nec ipsi in uita Romano Pontifici subditi fuerunt, nec unquam de primatu Romani Pontificis aliquid meminerunt, quod tamen Eccius suis lædis adulationibus & deprauationibus statuere quærit.

Tertio Hieronymum inducit contra Pelagianos, Quid Platoni & Petro? Ut ille Philosophorum princeps, ita hic Apostolorum fuit, super quem Ecclesia Domini stabili mole fundata est. *Hic Hieronymus.*

Respondeo: Placet similitudo, Sed nunquid Plato Philosophorum princeps, mox super Philosophos dominatus est iure potestatis? Non, sed excellentia doctrinæ & honoris. Ita Petrus princeps, non potestate, sed honore primatus. Et q; super eum ædificatam Ecclesiam dicit, uerum est sensu secundo, ut supra dixi, alioqui & ipse Petrus primario sensu, cum sit pars Ecclesiæ, super petram, non super seipsum, ædificatus est. Abusus est uerbo Euangelij Hieronymus hoc loco, qui alibi contrarium dicit, Euangelium interpretans ex animo.

Quarto Chrysostomum Matth. 16. Quid igitur Petrus, omnis quum Apostolorum os & uertex totius consortij, sublimiora ipsum sapere fecit, & Ecclesiæ future Pastorem constituit, Et infra, hunc uniuerso terrarum orbī Christus præfecit. *Chrysostomus.*

Hæc si intelligat de potestatis iure, sine autoritate dicuntur, quia uerba Christi hoc non habent, ut supra dixi.

q. iij

Secundo,

CONTRA MALIG: IOHAN: ECCII IVDI:

Secundo, quia Chrysostomus ipse non seruauit, ordinatus Episcopus à Theophilo Alexandrino, non à Romano.

Tertio, quia etiam si Petrus talis esset, non ideo Romanus Pontifex talis esset, tum quod Apostolus, ille Episcopus, tum q̄ sanctus, ille forte peccator. Quare sensum Chrysostomi, ne cum præcedentibus pugnet, probō & accepto, q̄ Petrus os Apostolorum fuit, ac per hoc non in sua persona locutus est, & audiuit: Tibi dabo &c. ita præfectus est toti orbi honore, & in Ecclesiæ persona, quæ est mater omnium nostrum.

Leo. **Q**uinto inducit Leonem, c. Beatissimus Petrus à Domino accepit primum, Verum est, sed non successor Petri idem. Sed cum Decretis nihil ago, quia frigidissime tractant uerba Dei. Quod uero Bernardus inducit, non pugnat. Beda plus pro nobis facit, Petrum confitens Apostolorum personam gessisse, ideo subdole solum nomen eius Eccius retulit, metuens eius sententiam sibi noxiam, adeo sycophantissat Theologus.

Bernardus.

Beda.

Dionysius.

Eccij temeritas.

Iam & Dionysium cap. 3. de di: no. adducit, quasi hic de Papa Vicario Christi & Petro, super omnes Ecclesias constituto, dicat, cum nihil illorum uspiam sit in Dionysio. Displicet mihi Ecciana ista audacia, quæ tam contemptim de omnium ingenijs & studijs sentit, ut speret se uniuersis, nō secus ac stolidis & stupidis morionibus posse abuti, Allegans quæ nusquam sunt, deprauans quæ usquam sunt, omniaq̄ pro mera libidine tentans. Quod si omnino placet, nomina autorum coaceruare, consilium dederim, ut Martyrologium aut Calendarium apprehenderet, ne interim tot mendacijs Patrum & Scripturæ uerba conspurcasset.

Cyprianus.

Sexto, Cypriani locum, quem Lipsiæ non potuit indicare, nec modo audeo nominare, nisi quod lib. 1. Epistolarum citat. Adeo non ipse legit autores, sed per Compilatores excerpit dicta, quæ suo seruiant errori quacunq̄ specie. Respondeo tamen, quod est Epistola tertia lib. 1. ad Cornelium, quam Lipsiæ nescio ad quem esse somniauit.

Post ista (inquit) adhuc insuper pseudepiscopo sibi ab hæreticis constituto nauigare audent, & ad Petri cathedram atq̄ Ecclesiam principalem, unde unitas sacerdotalis exorta est &c. Tūc infert Eccius, Ergo Romanus Pontifex iure potestatis omnibus superior est. Sic enim perpetuo delirat, quidquid uoluerit in Patrum dictis intelligens. Cyprianus hic cōtra hæreticos unitatem Ecclesiæ tuetur, nō potestatem Romani Pontificis, principalem uocat Ecclesiam, & bene, quia primus Apostolorū ibi Petrus, & inde orta est in alias Ecclesias unitas (inquit) sacerdotalis. Vnde: à Petro scilicet, secundum superiorem auctoritatem eiusdem Cypriani, non q̄ Petrus omnes sacerdotes fecerit, sed q̄ Christus Apostolis parem potestatem tribuens, ab uno Petro incipiens, unitatem Ecclesiæ monstraret.

Errat ergo Eccius, qui hoc uerbo putat sacerdotes omnes ex urbe Romana uenire, & debere haberi, Sic enim nulli Apostoli ordinassent Episcopos. Et ipsemet Cyprianus non ex Vrbe suam retulit sacerdotium, nec ullus Aphricæ & Orientis Episcopus. Quod Eccius fortiter transit, solum in literis & syllabis, sophistica pertinacia hærens, quo faciat nobis Cyprianum hæreticum, cuius uerba pro iure suo diuino, contra uitam eiusdem torquet.

Hieronymus

ad Euagriū.

Septimo, Hieron. ad Euagriū, nec altera urbis Romæ, altera totius orbis existimanda est Ecclesia. Vide hunc audacem & impium impostorem. D. Hieronymus id agit ea Epistola, q̄ omnes Episcopi sunt æquales inter se,

inter se, & Presbyteros eosdem, quos Episcopos esse. Breuiter, hæc Epistola, uel sola funditus euerit adulatorium dogma Eccj de primatu Papæ, iuris diuini, ita, ut Lipsiæ per eandem à me petitus, coactus sit confugere ad commentum distinctionis suæ inter apostolatam & regimen, Clare enim ibi dicit Hieronymus, Episcopum altero superiore fieri potentia diuitiarum, non sacerdotij dignitate, Eiusdem meriti, inquit, est Episcopus Romæ & Eugubij &c.

Plane ergo patet, Eccium his laruis aliud non quæsiisse, quam ut illuderet simplicium & rudium animabus, & S. Hieronymo imponeret suas impias deprauationes, dum ea allegat, quæ maxime contra eum pugnant.

Sed neq; quid uelit, possum diuinare, quando dicit: Non est altera urbis Romæ, altera totius orbis Ecclesia. Hieronymi sententia clara est, orbem esse maiorem Vrbe, sicut ibi dicit, ergo id sentiri in Roma, quod in toto orbe, cum sit una Ecclesia, nec Romana diuisa ab uniuersali Ecclesia. Eccius autem puluerulentas Grammatistarum scholas fastidians, suasq; Dialecticas sequens, hoc uult, Non est altera Romæ, altera totius orbis Ecclesia, ergo Papa est Vicarius Christi, & princeps Episcoporum (nam hanc suscepit probandam) Et consequentia est clara, si modo insanire licet, & phrenetico capite syllogizare. Aut forte hoc uoluit, Non est Ecclesia dicenda, quæ non est sub Romana Ecclesia. Verum hæc Eccius, non Hieronymus, dicit, imo Hieronymus contrarium dicit. Vide Epistolam.

Quid ergo mirum, si Sophistæ eiusmodi Scriptorum disceptatores, prorsus nec sua nec aliena intelligant, cum quidquid apprehenderint, suis afforment somnijs, & contaminent ludibrijs?

Eundem Hieronymum ad Damasum quoq; citat, sed nominatenus, facturus Lectori simplici suspicionem de re, quæ in Hieronymo non habetur. Nam id Eccius quærit solum, ut qua potest arte Lectorem subuertat potius q; erudiat. Hieronymus ibi cum Piscatoris successore loqui se dicit, & Romanam Ecclesiam cõmendat, q; nunquam sit hæretica prauitate contaminata, sitq; docente Christo supra petram ædificata. His dictis Hieronymi uerissimis Eccius addit aduerbium, tantum, quasi hæc soli Romanæ Ecclesiæ conueniant, quando Christus totam Ecclesiam suam (quæ non est sola Romana) super petram ædificaturum se promittat. Verum, quid Eccio & Christo?

Hieronymus ad Damasum.

Octauo, Ambrosium adducit ex Decretis, nam non vacat legere originalia. Non habent hæreditatem Petri, qui fidem Petri non habent. Obsecro, quis hæc unquam negauit? An est altera fides Petri & Pauli & omnium Apostolorum? Aut altera fides Romanæ Ecclesiæ, & totius orbis? Habet totus mundus fidem Petri, & Romanæ Ecclesiæ, imo, quod Eccius miretur, Romana Ecclesia habet fidem meam. Quid ergo? habet fidem Petri, ergo Petrus est Dominus omnium, iuxta noui huius Dialectici regulas. Sed & Prophetæ in ueteri Testamento habuerunt fidem Petri, sicut Paulus dicit 1. Cor. 10. eandem escam manducauerunt, ergo fuerunt sub potestate Petri, Aut Eccio magistro hæretici fuerunt.

Ambrosius.

*Fides Petri.
Fides Romana Ecclesiæ.*

Iam, si habere fidem Petri, est sub Petro esse, Quam fidem habet Petrus ipse? aut sub quo Petro erit ipse? Ita, si habere fidem Romanæ Ecclesiæ est sub Romana Ecclesia esse, Sub qua Ecclesia est ipsa? an sub se ipsa, quia habet suam fidem?

Credo te, Lector, iam diu saturum esse insulsissimarum istarum naniarum Eccj, quas uides, q; sola grammatica potuisset Eccio diluere, q; ridet dici utilem ad sacram Scripturam magis, q; sua sordida phantasmata.

Eundem

CONTRA MALIG: IOHAN: ECCII I V DI:

Ecclesia Mediolanensis.

Eundem iterum allegat, Typum Romanæ Ecclesiæ in omnibus sequimur. Et nos sane, quantum ad fidem attinet. In alijs Ambrosius non sequebatur, Nam sabbato non ieiunabat cum Romana Ecclesia, Et habet illa eadem Ecclesia Mediolanensis, usq; in diem hodiernum alium typum in ritibus, q̃ Ecclesia Romana. Nihil ergo est fumus iste Ecclesiæ loquacitatis. Sequimur typum Romanæ Ecclesiæ, ergo Romana Ecclesia est super omnes Ecclesias. Sufficit, q̃ Eccio ista probentur, qui nec dignus est melioribus duci rationibus, quia sponte errorem sequitur.

Augustinus.

NOno, Iterum Augustinus: In Romana Ecclesia semper apostolicæ cathedræ uiguit principatus Manhu. Eccii, Augustinus Ecclesiam Romanam habere dicit principatum Apostolicæ cathedræ, qui & alibi, ut li: 2. ca. 8. doctrinæ Christianæ Ecclesias Apostolicas, cæteris solet præferre. Eccius uero de suo addens, Principatum apostolicæ cathedræ, intelligit principatum vniuersalis Ecclesiæ, per cathedram, Ecclesiam: per apostolicam, catholicam; accipiens, nimirum, beneficio Grammaticæ contemptæ.

Romani Pontifices docti.

Post hæc dicit, se omittere Decreta, & bene facit, quia sunt contraria sibiipsis. Nam ea, quæ à sordidis Notarijs sunt consarcinata, definiunt pro Eccio. Quæ autem à doctis Pontificibus, ut Pelagio, Gregorio, statuunt pro me, ut ostendi in Resolutione mea nouissima.

Disputatio Lipsica.

Sed & Conciliorum nomina recitat, quia nihil in ijs, pro sua sententia statutum est, excepto Cōstantiensi, quod tamen hic tacet, quia nouit & ipsum esse dubium, imo contra se. Ego pro me habeo Nicenum & Aphricanum, Imo sex prima & celeberrima, ut in Disputatione Lipsica uidebitur. Nihil ergo quærit Eccius nominum istorum cumulo, q̃ ut Lectores idiotas & ignaros stupefaciat & illudat.

Cætera, quæ ad hanc materiam pertinent, uide, Lector, in Resolutione, ut dixi, nouissima & disputatis Lipsiæ.

IIII.

Canones dixit institutos propter auariciam summi Pontificis, & aliorum Pontificum, quia nullus esset casus reseruat^{us} iure diuino.

HVnc erroneum probaturus Eccius, multa consarcinauit ex Decretis. Nam apud Eccium ius diuinum in Decretis humanis residet, quod apud nos in sacra Scriptura regnat, Ideo, quidquid ibi blaterat, omitto. Optime scio, non esse præcepta apostolica & statuta Maiorum contemnenda, Sed hoc quæritur, an iure diuino sit ullus casus reseruat^{us}? Hoc Eccius nunquam probabit. Quia, supra probatum est, Episcopos omnes esse æquales iure diuino, quare nullus poterit casum alteri excipere iure diuino, imo nec Episcopus Plebano.

Cyprianus.

Vnde Cyprianus Episto. 3. lib. 1. reprehendit eos, qui alibi circumcursant, quam in Ecclesia sua, ubi peccauerunt, dicens: Cum statutum sit ab omnibus nobis, & equum sit pariter & iustum, ut uniuscuiusq; causa illic audiatur, ubi est crimen admissum, & singulis Pastoribus, portio gregis sit adscripta, quam regat unusquisq; & gubernet: Oportet utiq; eos, quibus præsumus, non circumcursare, nec Episcoporum coherentem concordiam, sua subdola & fallaci temeritate collidere, sed agere illic causam suam, ubi & accusatores habere, & testes sui criminis possint. Hæc ille.

Vides

MARTI LV THE DEFENSIO CCXXXIII

Vides unicuique Pastori portionem gregis adscriptam, At nunc unus grex, quatuor, imo centum Pastores vel depastores habet. Vides nullum casum reservatum, sed in sua Ecclesia quonque debere poenitere. Si hoc est contra ius diuinum, Cyprianus est hæreticus in hoc dogmate, quod & Nicenum Concilium constituit.

Nec est quod garrat Eccius, disciplinam Christianam euertere hac sententia. Cur Cyprianus eam & Nicenum Concilium non evertunt? imò per Romanam Curiam & casum reservationem disciplina evertitur. Si seruaretur hoc Cypriani & Concilij Niceni Decretum, minus impunita esset peccandi hodie licentia. Plebani nullam habent potestatem, Paulo maiorem Episcopi, tota Romana Curia. At illic nemo disciplinatur, sed pro pecunijs omnia peccata venduntur, ubi est Vrbs meris Indulgentijs, id est, disciplinæ euerfionibus plena, usque ad clamorem in cælum.

Per Casuum reservationem Christiana disciplina evertitur.

Miror autem, quod Eccius priorem partem articuli præterijt, An verum credat, nescio, Canones institutos propter auariciam. Hoc enim Fratres isti discipuli Ecciani addiderunt, Vere enim observant, non suam Professionem, nec seipsos, sed alios tantum, ut detrahant & criminentur.

Dictum est autem, Canones hodie & reservationes Casuum, prorsus nihil esse, nisi laqueos auariciæ, non suo vicio, sed Romanensium tyrannorum. Impudentissima. n. auaricia est Romanæ Curia, si dederis pecuniam, Canones & omnia uenalia habes. Si non, casus est reservatus, etiam si promptus sis omnibus Canonibus satisfacere, & omnem disciplinam Christianam ferre. Hi sunt ergo casus reservati, hi Canones, qui evertunt disciplinam Christianam, & seruiunt auariciæ.

Canones.

Auaricia Romana Curia.

Post hæc recitat egregius Dominus Doctor, Iuris & Theologiæ & Dialecticæ Magister, articulos Constantiæ damnatos, asserens eos plenos erroris, scilicet hos:

PApa non est immediatus Vicarius Christi & Apostolorum. Decretales Epistolæ sunt Apocryphæ.

Non est de necessitate salutis, credere, Romanam Ecclesiam esse super alias.

Petrus non est nec fuit Caput Ecclesiæ sanctæ catholicæ.

Nullus sine reuelatione assereret rationabiliter de se, vel de alio, quod esset caput Ecclesiæ particularis sanctæ, vel Romanus Pontifex caput Romanæ Ecclesiæ.

Obedientia ecclesiastica est obedientia secundum adinventionem sacerdotum Ecclesiæ, præter expressam auctoritatem sacræ Scripturæ.

HOs Eccius omnes erroris plenos vocat, tanquam Dominus super Concilium, & Ecclesiam sanctam, cum Concilium non omnes erroneos iudicarit, quod ego ex verbis ipsius Concilij probabo, & probaui Lipsiæ.

In fine dicit, Petro commissam plenitudinem potestatis, quam habet suus successor, alij uocati in partem sollicitudinis, sicut dicit sanctus & humilissimus Gregorius. Respōdeo: Ergo est iure diuino potens. Tenet Cōsequentia, ab auctoritate Gregorij, cuius verbum apud Eccium est ius diuinum. Quam crassa autem astutia dissimulat Eccius, quod Gregorius idem, quod hic semel dicit,

Gregorine.

CONTRA MALIG: IOHAN: ECCII IV DI:

dicit, decies ferme alijs locis contrarium dicit. Iustum ne est, ut Eccio credamus, unum locum ambiguum Gregorij adducendi, & decem alios locos certissimos eiusdem negemus? De quibus in Resolutione mea. Quanto rectius hic unus locus, præter intentionem dictus, ad decem alios locos exponatur, q̃ q̃ eccianis somnijs obtemperemus?

Dicit Gregorius in Epistolis, Primatum fuisse à Synodo Chalcedonensi oblatum Romanis Pontificibus, & tamen à nullo assumptum. Si fuit iure diuino primatus, utriq̃ impie egerunt, illi, quod obtulerunt, quod non erat eorum offerre, sed reddere, hi, quod non assumpsērunt. Ius enim diuinum, etiam per mortem assumi debet, & nulla causa relinqui. Sed, ut dixi, Eccius, qui in lucidis Scholis uersatur, alia curat, quam ut Grammaticam discat, Ideo ignoscendum inscicię eius, q̃ neq̃ quid sit, neq̃ quomodo seruandum sit ius diuinum, nouerit.

V. & VI.

Nulla dicit esse consilia Euangelica, sed omnia, quæ in Euangelio sunt, dicit esse præcepta.

Dicit etiam, q̃ Deus exigeret summam perfectionem a quolibet Christiano, & obseruantiam totius Euangelij.

Consilia euangelica etc.

FRatres, qui ex me audierant, non esse hunc articulum ab ullo dictum, nihilo secius effinxerunt, saltem priorem partem. Verum, Eccio eram ignoturus, q̃ alieno mendacio fuisset seductus, nisi uiderem suis uenijs sese ostendere ignarum tam præceptorum quam consiliorum. Ponam ergo articulum integrum. Sic dictum est: Consilia euangelica non sunt supra, sed infra præcepta, hoc est, consilia sunt quædam uix & cōpendia facilius & feliciter implendi mandata Dei. Ideo etiam seruatis Consilijs, nondum impletum est præceptum Dei, Nam Rom. 7. Apostolus dicit, se seruire legi peccati, & habere peccatum in carne sua (quod utiq̃ est contra præceptum Dei) & tamen uiuebat in summo gradu consiliorum.

Rom. 7.

Non ergo distinctio est inter consilium & præceptum, q̃ consilium plus, quam præceptum sit. Sic enim errant & nugantur Theologi, sed quod sunt media commodiora ad præceptum. Facilius enim continet, qui uiduus aut uirgo est, separatus a sexu, quam copulatus cum sexu, qui concupiscentiæ aliquid cedit.

Status perfectionis.

Proinde, quæ Eccius ex Apostolo adducit, qui loquebatur sapientiam inter perfectos, neq̃ quid ibi Apostolus per sapientiam, neque quid per perfectos intelligat, nouit. Idem sapit de statu perfectionis, & satis ridicule arguitur, quod omnes oporteret fieri Monachos & Virgines, si ad perfectionem summam teneremur, quasi Monachos & Virgines perfectos faciat status perfectionis (id est, uocabulum perfectioni.)

1. Cor. 1.

Non concupisces.

Quæram ego ab Eccio, cui sit datum præceptum illud: Non concupisces? An Virginibus tantum? Si omnibus hominibus, ergo omnes obligantur ad summam perfectionem, quia non concupiscere, est summa castitas, quam nec Apostolus Paulus se habere dixit, sed nec uirgines eam habent, & tamen omnibus præcipitur in communi Decalogo. Quid hic faciet? An Coniugium tollet de medio, quod sine concupiscentia stare non potest? at concupiscentia est contra præceptum Dei. Bulla Theologus. Audi ergo, Deus requirit ab omnibus non concupiscere, ad quod proxime accedunt uidui & uirgines, nullus autem attingit, Omnibus autem ignoscit, propter gemitum, quo dolent sese non posse attingere, & dicunt: Quis liberabit me de morte corporis huius? Vbi es ergo Eccius, qui Propositiones istas temerarias &

Coniugium.

Vidui.

Virgines.

Rom. 7.

rias & seductiuas ausus es asserere, uides ne, te non adeo saltem profecisse, ut unum præceptum Decalogi intelligas.

VII.

Confessionem sacramentalem dicit non esse de iure diuino,
Sed ex institutione Innocentij III.

Innocentius 3.

HVnc Eccius eximius noster errorem Græcorum uocat & Ebreorum, & probat per Augustinum, Ambrosium, Origenem, Petrum Alexandrinum. Obsecro te, si petat gentilis ius diuinum, & tu ei hominum uerba reddas, insanum ne te, an sanum iudicabit? Tot annis Eccius Theologus est, & orbem fatigare promptus est, necdum scit, quid sit ius diuinum. Cyprianum miror, quod omiserit, qui omnium fortissime exomologesin asserit, sed eius compilator Grammaticam contemnens, forte exomologesin græcam, non intellexit latinam confessionem significare.

Dico ergo: Confessio illa, quæ nunc agitur occulte in aurem, nullo potest iure diuino probari, nec ita fiebat primitus, sed publica illa, quam Christus Matth. 18. docet: Si peccauerit in te frater tuus. Et Paulus: Aduersus Presbyterum accusationem &c. Tunc enim testibus & accusatoribus crimina examinabantur, sicut supra ex Cypriano adduxi, donec confiteretur conuictus. Hæc inquam, confessio est iuris diuini, ab Apostolis & sequentibus seruata, de qua scribunt Patres, per Eccium nihil intelligentem induciti. Non tamen damno istam occultam, nisi quod doleo ipsam esse in carnificinam quandam redactam, ut cogantur homines confiteri, & scrupulos facere de ijs, in quibus nullum est peccatum, aut ueniale tantum.

Iam uideamus Scotistam nostrum, quomodo iure diuino probet confessionem, Iohan. 20. Quorum remisieritis peccata &c. ibi, inquit, Christus posuit Apostolos & successores eorum Iudices, absoluendo & ligando, Modo Iudex non potest pronunciare, nisi causa cognita, quod fit per confessionem. Vide, ut reptat languens iste Sophista.

Cuius fabula est hæc, Nullum peccatum remitti, nisi confessione publicetur, cum uero nullus hominum nosse possit omnia peccata, fiet, ut ad impossibile obligetur. Nam hinc uenerunt torture istæ conscientiarum, quod discussionibus, & diligentiae adhibitionibus confitendi nullus sit finis, inde Confessionalia cum nepotibus, filiabus, speciebus, generibus peccatorum, ut ipsorum etiam memoria magis sit laborandum, cum sola conscientia in hac causa esset consulenda.

Torture conscientiarum.

Christus non dixit: Quorum uos non remisieritis, non erunt remissa, & quorum non tenueritis, non erunt retenta. Plura remittit & retinet Deus, quæ sacerdos nec retinere nec remittere potest, licet quæ remisit, remissa sunt. Non sequitur, Ego ignosco tibi omnia, quæ mihi male fecisti, ideo Deus omnia tibi remisit. Ita non sequitur, Ecclesia remisit tibi, quæ confiteris, ergo omnia remissa sunt, sed reliquum est illud: Delicta quis intelligit? & illud Iob. Verebar omnia opera mea. Non est in Ecclesia negocium, quod æque ut istud confessionis & pœnitentiæ indigeat reformatione. Nam hic omnes leges, quæstus, vis, tyrannis, error, pericula, & infinita mala omnium animarum, & totius Ecclesiæ grassantur pleno impetu, quod Pontifices parum curant, & Sophistis animarum tortoribus relinquunt, Quod interim cum inscicia Eccij, transeat in tempus suum.

VIII.

Canones dicit docere auariciam, superbiam, luxuriam.

Clarum

CONTRA MALIG: IOHAN: ECCII I V DI:

CLarum est, Fratres istos esse mendaces. Quis enim ita insaniat, ut hæc dicat? Nisi forte ista fuerit disputatio, Quod lex est virtus peccati, & per legem peccatum augetur. Atque sic Fratres verbum docere posuerunt, pro causam esse. Nam hoc verum est, quod multiplicatis legibus multiplicantur peccata, Ideo infeliciissimum genus administrandi est, legibus multiplicatis, Ecclesiam Christi liberrimam onerare. Neque enim Romana curia alia re magis nocuit Ecclesiae Christi, quam multitudine & uarietate legum suarum, quæ mihi uidentur esse nouissima & omnium maxima persecutio, ut in qua tot irretitæ conscientiæ pereant irreuerabiliter, ut turpissimum questum fideam, qui legibus istis alitur.

IX.

Hominem dicit non habere liberum arbitrium.

HVnc hæresim Manichæorum vocat Eccius, Ego autem inuidiam Eccianam toto corde detestor, quæ tantum candoris non habet, ut permittat eum pure & aperte docere ueritatem, etiam si eam noscat, Sed inuolucris gaudet, delectatus, quod alij in errore maneant, ut discipulos habeat, in utraque parte contradictionis. Væ tibi gloria maledicta, & maledicat tibi omnis creatura.

Liberum arbitrium ante gratiam etc.

Scito ergo, Lector, & certus esto, Eccium nihil prorsus in hac re dissentire mihi, nisi ad meram vocem & speciem. Quod ut noscas, aduerte. Eccius Lipsiæ concessit, liberum arbitrium ante gratiam non ualere, nisi ad peccandum. Ergo non ualet ad bonum, sed tantum ad malum. Vbi ergo libertas eius? Nam omnis homo, saltem rudis, audiens liberum arbitrium, intelligit ipsum æque posse in bonum & in malum, prorsus non cogitans, quod solum possit in malum. Inde procedit in fiducia sui, præsumens, posse se ad Deum ex suis viribus conuerte. Eccle. 15.

Seruum arbitrium.

Hæc esse impia Eccius bene nouit, nec tamen Fratres erudit, sed eorum errori impiissime cooperatur. Dico ergo, quod homo habet liberum arbitrium, non quia sit modo, quale fuit in Paradiso (de quo loquitur Eccle. 15. per Eccium inductus) sed quia fuit liberum, & potest fieri per gratiam iterum liberum, alioqui uere est seruum arbitrium. Non ergo liberum arbitrium, tam à facto esse, quam à debito esse dicitur. Vnde Augustinus lib. 2. contra Iulianum, uocat ipsum seruum arbitrium. Et Christus: Qui facit peccatum, seruus est peccati. Et iterum: Nemo potest accipere quidquam, nisi ei datum fuerit, Iohan. 3. Sicut ergo ciuitas uastata, uel collapsa domus, habet quidem nomen & titulum, quem prius habuit & posterius habebit, non tamen idem potest quod prius, ita liberum arbitrium. Iohan. 8.
Iohan. 3.

Quid autem cum indoctissimis Fratribus agam? Eccius respondeat, Si liberum arbitrium est liberum, cur in potestate Pauli non fuit Roman. 7. facere quod uolebat? Cur seruit peccato, quod odiebat? Ecce in gratia Apostolus captiuum se dicit in lege peccati, & tu homini peccatori tribuis liberum arbitrium? Sed iterum, Si liberum est arbitrium, cur oramus: Sanctificetur nomen tuum? Fiat uoluntas tua? An, ut facilius possimus, sicut Pelagiani dixerunt? Si oramus, impossibile est quod oramus, ac per hoc nullo pacto in libertate nostra. Quid moror? Augustinus dicit contemnendos esse, qui ex malicia resistunt ueritati, docendos, qui ex ignorantia. Eccius autem hæc non

MARTI LVTHE DEFENSIO CCXXXVI

non ignorat, ut dixi. Quando ergo S. Patres liberum arbitrium defendunt, capacitatem libertatis eius prædicant, quod scilicet uerti potest ad bonum per gratiam Dei, & fieri reuera liberum, ad quod creatum est.

X.

Multos Canones contrarios sacrae Scripturae, eamque extor-
te exponentes.

Hunc iniuriosum in summos Pontifices dicit Eccius & errone-
um, & nomine meo interfecto, reprehendit me, quod in Actis Augu-
stenis idem scripserim, & iniquissime ibi iudicari. Deinde, confutatu-
rus Acta mea, & defensurus Canones, dicit, B. Cyprianum exposuisse illud :
Tu es Petrus &c. Quomodo Pelagius exponit distin. xxi. Similiter et B. Au-
gustinus, Hieronymus, Ambrosius, Bernardus, Beda, Glosa ordinaria, omnes
per Petrum exposuisse petram. De his quidem superius satis est dictum. arti.
ij. & iij. Quod maior pars Sanctorum, Petrum gessisse personam Apostolo-
rum & Ecclesiae dicit, & abusiue Petrum intelligi per petram. Nec uerba
Euangelij posse per consequentiam pati hanc expositionem, quod absurdum
sit, Petrum ædificari super seipsum, Ideo eos potissimum Patres esse sequen-
dos, qui principalem & proprium sensum Euangelij sequuntur, ut Augusti-
num, Hieronymum, Bedam Origenem.

Acta Augustina.

Tu es Petrus.

Recte ergo dixi, Pelagium uolenter exponere Euangelium, non quia
per Petrum petram intelligit, quod hic Eccius peregrina sectatus causatur,
sed quod personam Petri ibi non pro Apostolorum persona intelligit. Hoc
enim tunc agebam, non an Petrus esset petra. Deinde, quod per petram, sibi
potestatem super totam Ecclesiam uendicarit, quod uerba Euangelij non pa-
tiuntur. Ista debuit Eccius confutare, et non illic ignem extinguere, ubi nul-
lus ardet, nisi quod, ut dixi, Eccio multa dicere fuit propositum, quam apte
autem & recte, stupidis Lectoribus sciebat non esse necessarium, Qui enim
uulgi iudicium & famam aucupatur, etiamsi delyret (modo sit copiosus) fa-
cile obtinebit.

Elzev. 7.

Similiter & illud quam theologice confutat, quod Decretalis, quæ ha-
bet uerbum Pauli : Translato sacerdote, necesse est ut legis translatio fiat,
Dicit me potius glossam quam textum (ut qui sit Augustini & Pauli) im-
probasse. Ridiculum caput, quasi textum improbarim, quando Pelagium
improbauit, in præcedenti puncto, ac non potius abusum textus, & extortam
expositionem. Nunquid enim toto hoc negotio textus improbo, quando
deprauationes impias Eccij persequor?

*Translatio sacra-
dotio &c.*

Ita hic non fuit propositum meum, textum improbare, sed quod Ponti-
fices hunc textum male traherent ad suum sacerdotium, & leges suas, ut cui-
libet patet legenti. Nam alias non potest dari causa, cur in eo loco de con-
stitutionibus, hunc textum Pauli adduxerint, nisi pro legibus suis, sicut glos-
sa dicit. Eccius Iuris Doctor est, & nescit ex titulo intelligere scopum Le-
gis, in eodem positæ, An est iuris sorbilis forte Doctor magis quam intel-
ligibilis?

XI.

Quod plus sit credendum simplici Laico, Scripturam alle-
ganti quæ Papæ, vel Cōcilio, Scripturam non alleganti.

r ij

Hanc

CONTRA MALIG:IOHAN: ECCII IVDI:

HAnc Eccius (licet Gerson fortiter ei resisteret) procacem, tum promotiuam hæresis, augmentatiuam pertinaciæ, generatiuam singularitatis, inobedientiæ, & rebellionis, contra summum Pontificem & sacra Concilia, & sic similia pulchra latinitatis ornamenta ex Grammatica contempta.

Eccius asserit non credendum Scripturæ sacræ.

Tu uero, Lector, hic Eccium observa (ut ecciano more insultem) an non intus & extra, à planta pedis ad uerticem usq; perfusus totus sit hæreticissima prauitate, una cum suis discipulis Fratribus. Quid putas boni sentit, qui Scripturæ sanctæ non credendum asserit? Quis unquam auditus est hæreticus, qui verbo Dei non credendum docere præsumpsisset? Sic debent cadere, qui fraterna inuidencia & adulandi furorc perdit, non nisi perniciem, & Ecclesiæ, & ueritati, pro maledicta gloria sua quærunt.

Quid hic faciet? Scriptura sancta est uerbum Dei, Quod si Asina diceret, audiendum est, etiam præ omnibus Angelis, si uerbum Dei non haberent, nedum præ Papa & Concilio, sine uerbo Dei agentibus. O furor, uerbo Dei non credendum, sed humanis uerbis docet Eccius Doctor sacre Theologiæ (id est, uerborum Dei) Docent idem sui discipuli, uiperæ uiperina genimina. I nunc Eccii, & doceto, qd audire uerbum Dei, & credere Scripturam sanctam alleganti, sit promotiuum hæresis, generatiuum singularitatis, inobedientiæ & rebellionis.

Obsecro, ubi nunc est zelus Romanæ Curie, ubi Principes, ubi Pontifices, hæc monstra ferre potestis? Ego tot patior hostes, propter hominum opiniones neglectas, hic gloriam habet hostis uerbi Dei, abnegator Scripturæ sanctæ.

XII.

Dicit non esse necessaria bona opera.

HAnc hæreticam pronunciat Eccius, & bene probat. Sed nonne suam prodit maliciam & inuidiam, cum sciat me ita non sapere, & tamen à malignis Fratribus hanc libenter acceptans, ostendit se malle, ut tam insigniter errarem, quo liceret ei cōtra me gloriari, qd ut uera saperem. Quam pulchra fuisset modestia Ecciana, si istis fratribus restitisset, dicens: Falsum uos dicitis, Lutheri scripta legi, non ita sapit, sed iuxta Bernardum. Hoc pro Eccio.

Bona opera extra gratiam facta.

Cæterum, huius Propositionis originem puto esse, quod sæpius docui, Bona opera, quæ extra gratiam fiunt, nihil esse. Deinde, soli fidei, sine operibus legis, iuxta Paulum, tribui iusticiam. Tum Fratres illi, neq; quid opera Legis, neq; quid opera bona significant, docti, pro operibus Legis, quæ necessaria nō sunt, imo noxia sunt, posuerunt opera bona. Nam, quid de Legge aut operibus Legis scient, quibus professio nihil uelle discere, est, nihil scire, sed uisiones capitis sui pro pugillo hordei, & fragmine panis (ut Ezechielis uerbis dicam) miserrimo populo inculcare.

Ezechiel. 13.

Stat ergo sententia:

- Non sunt necessaria, imo sunt noxia opera legis cuiuscunq;,
Sed necessaria sunt & salubria opera bona quæcunq;.

XIII. Deum

MARTI LVTHE DEFENSIO CCXXXVII

XIII.

Deum præcepisse hominī impossibilia.

Matth. 11.
1. Iohan. 5.

HIC multas conuehens auctoritates Scripturæ, in quibus iugum Christi leue, Matth. 11. Mandata non grauiā. 1. Iohan. 5. Quæ, dispeream, nisi simulet, aut penitus ignoret, quid velint. Dixi supra Eccium mecum sentire, quod liberum arbitrium sine gratia non ualet, nisi ad peccandum. Obsecro, quæ tandem est rabes tanta inuidiæ, hanc nostræ miseriæ & impotentiae scientiam abscondere à Fratribus nostris? Si non ualet nisi peccare homo, quomodo non sunt impossibilia ei omnia mandata Dei? Pereat ista maledicta Sophistarum simulatio & dissimulatio, quæ aliud nihil facit, q̃ Sophistarum simulatio etc. q̃ aliud hic, aliud sibi dicit, ad seducenda corda simplicium.

Philip. 4.
2. Cor. 1.

Dico ergo: Mandata Dei, etiam leuissima & minima, sunt hominī impossibilia per seipsum, Sed cum gratia Dei sunt facillima, ut Apostolus: Possum omnia in eo, qui me confortat. Qui alibi dicit: Non sumus sufficientes aliquid cogitare ex nobis, tanquam ex nobis. Cur enim oramus: Voluntas tua fiat, si sunt possibilia nobis? Recte ergo dicit Hieronymus, Anathema esse, qui dixerit impossibilia esse mandata Dei, sed non negauit nobis esse impossibilia, Deo omnia sunt possibilia, nobis nihil est possibile. Sicut dicit Psal. 139. Nec sermo est in lingua, quanto minus opus est in manu mea?

Hieronymi dictum.

Psal. 139.

Hanc elucidationem potuit Eccius dare, sed noluit, ne non haberet, q̃ in me crimineretur, & calumniaretur. Plus eum delectat, inuidiam mihi mouere, q̃ proximis veritatem docere, Malletq̃ omnes homines in errore perire, q̃ tabidam suam inuidiam non explere.

Deut. 30.

Transeō illud Deut. 30. Non est trans mare &c. quod tanta inscicia trahat, ut insanire uerius uideatur, quam loqui, Suo hæc tempori.

XIIII.

Christus nihil sibi meruit, sed tantum nobis.

Esai. 43.

DE hac Propositione ipse adhuc dubito, quia omnia erant Christi ab instanti primo suæ conceptionis, Ideo meritum hic æquiuoce accipi oportet. Sed nec scio, an unquam hunc dixerim, Hoc scio, quod quidquid Christus fecit & obtinuit, nobis fecit & obtinuit, ad implendam uoluntatem Patris, nihil enim sibi quæsiuit. Et hoc sensu, si ab aliquo meorum auditorum dictum est, recte dictum est, Nam id me in populum concionatum esse certus sum. Est ergo sensus: Christus merendo non sibi, sed nobis seruiuit, Sicut dicit Isa. 43. Seruire me fecisti in peccatis tuis.

Verum, hæc Propositio ideo offendit Fratres ruditatis, q̃ ipsi populum soleant seducere, & ad magna merita cumulanda exhortari, maxime operibus à se doctis & electis, Quo faciunt, ut homines assuescant quærere, quæ sua sunt in Deo, & propter merum commodum Deo seruire. Cum ad exemplum Christi, qui propter nullū suum lucrum aut meritum, sed propter solam uoluntatem Dei ad nostram salutem, omnia fecit, Et nos, non propter ullum commodum debeamus Deo seruire, nec cogitare, q̃ magna mereamur, sed q̃ bene uoluntati Dei placeamus.

Hanc sanam doctrinam isti insani Fratres & Pseudoprophetae non intelligentes, mundum replent erroribus, & Infernū damnatis animabus, dum hominibus magis inculcant meritorum uocabula, q̃ diuinæ uoluntatis memoriam.

XXIIII. ARTICVLI HAERETICI.

Mereri. moriam. Quod Christum non sibi meruisse dixi, qui nec quid mereri sit, unquam cognouerunt, neque cognoscere possunt. Mereri enim, non est animo merendi bona facere (ita enim solent isti mentium deceptores populū Christi illudere) sed simplici corde, nullo meriti, aut præmij respectu, solo gratuito affectu, gratis diuinæ uoluntati obtemperare, Charitas enim non quærit quæ sua sunt, merita uero & præmia sua sponte sine nostro studio sequuntur, ad obedientiam diuinæ uoluntatis.

XV.

Bohemos esse meliores Christianos nobis.

1. Cor. 4. **H**unc Eccius fortium hæresis derogantem sacro Concilio Constantiensi dicit. Nihil habet pannosus hic & penuriosus Theologus, quæ iactet, quæ Concilium Constantiense, quod alias satis dixi & errasse, & multa non pro hæreticis, nec erroneis statuisset, quæ Eccius hæretica & erronea, de proprio cerebro pro sua temeritate statuit. Apostolus hic audiendus est. Tu quis es, quis iudicas alienum seruum & suo Domino stat aut cadit.

*Canonisatio
Sanctorum.*

In fine, articulum de canonisatione Sanctorum, non satis expressit, ideo nihil possum adhuc dicere, nisi quod dicit, ipsum esse scandalosum, & derogarium papalis potestatis sibi traditæ. Valde uellem scire, ex quo loco scripturæ tradita sit potestas Papæ, Sanctos canonisandi & Deinde, quæ necessitas Sanctos canonisandi & Tandem, quæ utilitas Sanctos canonisandi & Sed, quia ipse hic transijt, transeam & ego, Nihil dicens, nisi quod mihi non satis placet canonisatio Sanctorum, more, quo uidimus multos canonisari, qui optime seipsos canonisassent: licet non damnem: Canoniset quisque quantum uolet.

Vidisti (inquam) Lector charissime, quam inique & malitiose me Eccius & Fratres quæsierint, ut, cum mea calumniari non possent, sua mihi figmenta imposuerunt, ut calumniandi libidinem utcumque explerent, in qua re, si me non prohiberet Christiana professio, utrosque misce possem tractare.

Verum, ne me tam stupidum arbitrentur, quasi eorum nequicias deprehendere nequeam, tentabo & ipsis, non mea, sed sua uenena proponere, & cogitationes eorum releuare, ut habeant tam ociosi criminatores negotium, quo occupentur. Producam ergo hic per ordinem Articulos hæreticos & errores, quos ex prædictis eorum calumnijs collegi, & uidebunt, quanto sit difficilius propria tueri, quam aliena carpere.

XXIIII. ARTICVLI HAERETICI IOHANNIS ECCII ET

quorundam Fratrum, ex illorum assertis & negatis, Per
Martinum Lutherum deducti.

- I. - Nicenum Concilium cum quatuor sequentibus est hæreticum.
- II. Aphricanum Concilium est hæreticum. Probatur ex Eccianis

cianis dictis, quia determinauerunt contra Constantiense Concilium, Romanum Pontificem non esse vniuersalem Episcopum super omnes Ecclesias, nec Episcopos ex vrbe Romana confirmandos.

III. Orientalis Ecclesia fuit plus quam per mille annos hæretica. Patet, quia uixit secundum statuta Niceni, contra Concilium Constantiense.

IIII. Aphricanae Ecclesiae cum Cypriano Martyre fuerunt hæreticae. Quia vixerunt in eodem puncto secundum Nicenum Concilium. V. S. Augustinus, Ambrosius, Martinus, Nicolaus sunt hæretici. Quia non fuerunt ordinati à Romano Pontifice, contra Concilium Constantiense.

VI. Gregorius Nazianzenus, Athanasius, Basilius Magnus fuerunt hæretici. Quia secundum Nicenum Concilium, contra Constantiense egerunt.

VII. Romani Pontifices omnes usq; in hodiernum diem sunt hæretici. Quia approbauerunt statuta Niceni Concilij, contra Constantiense Concilium.

VIII. Gregorius Magnus fuit hæreticus cum suis Prædecessoribus. Quia oblatum à Concilio Chalcedonensi primatum recusarunt, & sic iuri diuino resisterunt, contra Concilium Constantiense.

IX. Tota vniuersalis Ecclesia est hæretica per totum orbem, excepto Eccio & Fratribus. Quia tenet Nicenum Concilium Euangelii o æquale.

X. Decreta Romanorum Pontificum plurima sunt hæretica. Quia determinant, Nicenum Concilium Euangelij comparandum, contra Constantiense.

XI. Papa malus, non est Papa. Quia verbum Christi: Tu es Petrus &c. ei non conuenit, cum non sit Petra, nisi qui Petro similis sit, quoniam per Eccium isto verbo Papæ autoritas probatur. Hic est Donatistarum & Pighardorum articulus.

XII. Papa non prædicans Euangelium, non est Papa. Quia verbum Christi: Pasce oues meas, non seruat, quo Papa constituitur iuxta Eccium. Idem, Si non confirmat Fratres suos lapsos & tribulatos, per eundem Eccium.

XIII. Papa non diligens Christum, non est Papa. Quia iuxta Eccium Petrus Papa constituitur per verbum: Pasce oues meas, ubi prius dilectio requiritur à Christo.

XIIII. Præcepta Decalogi non sunt data, nisi ijs, qui sunt in statu perfectionis. Quia Præceptum: Non concupisces, nulli conuenit seruare, nisi in statu perfectionis, multo minus alia grauiora.

XV. Peccata non posse remitti, nisi cognita & confessa. Patet ex Iohan. ultimo: Quorum remisistis, & ex glossa Eccij, sed hoc est erroneum & hæreticum, cum sint occulta & oblita.

XVI. Liberum arbitrium sine gratia esse liberum, ac non seruum. Contra Paulum Rom. 6. Serui fuistis peccati &c.

ROMA. 6.

r iij

XVII. Ro.

XXIIII. ARTI. HAERE: IO. ECCII

XVII. Romanum Pontificem esse hæreticum. Quia exemplo Christi & Petri (quibus est æqualis) non pendit tributum.

XVIII. Clerus totus est hæreticus. Quia non soluit Principibus secularibus tributum, patet per idem.

XIX. Iura de priuilegijs & immunitate Ecclesiarum, & rerum, & personarum, sunt hæretica. Quia contra Christum & Petrum soluentes tributum, quibus debent æquari, cum per æqualitatem illam Eccius probarit Romani Pontificis potestatem.

XX. Reges & Principes Euangelio obediunt, si accipiant maiores pensiones à Papa & Clero, quam à Laicis. Patet per idem.

XXI. Verbo Dei non est credendum, sed verbo hominum. Quia Laico Scripturam habenti credendo, dicit Eccius fomentum hæresis fieri.

XXII. Concilium est supra Scripturam & verbum Dei. Quia Eccio Magistro, plus eis credendum, etiam sine Scriptura, quam Laico cum Scriptura.

XXIII. Papa est peior, quam Lucifer & Antichristus. Quia Lucifer & Antichristus tantum æqualitatem Dei quærunt, sed Eccius Papæ tribuit superioritatem Dei, dum cum præfert uerbo Dei.

XXIIII. Præcepta Dei sunt homini possibilia, & per consequens gratia Dei non eget, sicut Pelagiani dicunt.

HOS pestilentes & blasphemos errores protestatur Martinus Lutherus contineri in Eccianis & Fratrum articulis, cum earum declarationibus, & promittit eos conuicturum se de his omnibus & probaturum, nisi reuocarint sua pessime dicta.

Hæc autem, Lector, tentavi non curiose, longe plura inuenturus, si Eccij & Fratrum more, ad uiuam, quod dicitur, cutem, ea sim examinaturus, quæ ipsi in papyrum expuerunt, quæ omnia in suum tempus referuo refutanda. Nondum enim Eccium tractavi, quomodo me semper tractat.

Erit autem forte, ut Canem dormientem irritet, & pacientia mea abusum semel soluat. Vale, & ora, ut Eccius meus sanus fiat, & liberetur à miseria insanæ adulationis & gloriæ,
Amen.

DISPUTATIO

DISPUTATIO ET

EXCVSATIO F. MARTINI

Lutheri aduersus criminationes D. Iohannis Eccij.

D. MAR. LVTH. PIO. LECTORI.



Ccius meus irascitur, mi Lector, consecrauitq; Sedi Apostolicæ aliam Disputationis schedam, plenam iræ suæ & criminationis mei, adiecitq; prioribus Propositionibus vnā, fortiter irascentem, hoc est, nisi timerem Disputationi futuræ impedimentum fieri, pulchram occasionem maledictis suis semel respondendi. Sed omnia tempus habent, Hoc nunc satis fuerit.

Quod adductis aliquot S. Patrum dictis me hostem Ecclesiæ criminatur, sic intellige Lector, Per Ecclesiam Eccius opiniones suas & heroum suorum, qui sudauerunt in Indulgentijs, significat. Nam consecrator est Sedis Apostolicæ, & more opinatorum Heroum suorum loquitur, qui Scripturæ & Patrum verbis, vtuntur, velut Anaxagoræ elementis, ut quam primum ea consecrarint Sedi Apostolicæ, mox transubstantiata in eorum arbitrium vocabula (mirum dictu) quodlibet ex quolibet fiunt, etiam id significare idonea, quæ vel per se brem ipsi somniant, vel per muliebris inuidiæ impotentiam delirant.

1. Tim. 1.

Deniq; tam infœliciter suæ eis cedunt disciplinæ, vt hoc ipsum, quod bonum didicerunt, nunquam bene intelligant, & iuxta Apostolum, non intelligunt, neq; quid loquuntur, neq; de quibus affirmant, hoc est, nec prædicatum cum subiecto, nec subiectum cum prædicato in Propositione cathégorica componere docti. Speramus futurum, vt simili dexteritate & alia testimonia nobis producturus sit in futura Disputatione, ne desit, quod etiam pueri rideant. Speraueram, Eccius didicisset ex epistola Erasmi literarum principis, hebetudinem capitis sui, verum patientia Ecciana vincit omnia, satis est, si cæteris omnibus displiceat, sibi saltem & heroibus suis placeat.

*Erasmus literarum
Princeps.*

Quod autem me hæreticum & Bohemum conscelerat, dicens me ignire veteres cineres &c. pro modestia sua facit, aut pro officio consecrationis, qua quidquid consecrat, consecratum est, nullo alio vsu chrismate, q̃ veneno linguæ suæ.

Tu vero (ne hoc mali nominis agnoscam) interim scias, mi Lector,
me de

MAR· LV TH· PIO LECTORI·

me de Monarchia Rom : Pontifi. non spernere venerabilem consensum tot fidelium per Italiam, Germaniam, Galliam, Hispaniam, Angliam, aliasq; Regionēs. Vnum tantum a Domino precor, ne vnquam sinat me dicere aut sentire, quod Eccio, qui nunc est, placeat, Ne forte pro libero arbitrio Christum filium Dei ostentui habeam, & pro Rom : Ecclesia Christum in India & Oriente viuere & regnare negem, Seu, vt & ego quid enigmatizem festiuo huic Enigmatisti, ne cum Eccio cloacam Constantinopolitanam denuo recludam, & de antiquis Aphricæ homicidijs, noua celebrem Ecclesiæ martyria.

Iohannes Hu's. Nam vt venenati sui Enigmatis scandalo non lædaris, Scias, mi Lector, inter articulos Iohannis Hufs censerī, etiam a nonnullis, hunc, quod Rom : Pontificis papalem excellentiam a Cæsare esse dixerit, quod & Platyna manifeste scribit. Ego vero non cæsareis, sed pontificijs Decretis eandem Monarchiam probari posui, Ita sane ipsamet Ecclesia Lateranensis in Vrbe, de frontis suæ peripheria cantat, dogmate Papali simul & imperiali, se esse matrem Ecclesiarum &c. Noti sunt versiculi. Quid igitur? Necessē est, vt ipsa quoq; Ecclesia Eccio sit Hussita, & igniat cineres. Deinde, quia mandato Papæ, consensu Cardinalium totius Romæ & vniuersalis Ecclesiæ, illa sic cantat, nihil mirum, si Eccius fastidiat antiquos cineres, & pro officio consecrationis suæ, consecrare anhelet nouum holocaustum Sedi Apostolicæ, semel Papam, Cardinales ipsamq; Ecclesiam Lateranensem in cineres nouos redacturus. Deo gratia, quod vnus saltem Eccius reliquus est, qui Catholice sapiat, singularissimus ille singularitatis persecutor, cæteris omnibus per virus Boemiæ perditis.

Sed quid mirum, quod Sophistæ eiusmodi Historias ignorent, quando suas Propositiones cathedricas non intelligunt? Ego quidem hanc materiam nunquam tractaui nec cogitaui disputare, Verum Eccius iam diu grauissima in me exulceratus inuidia, has odiosas esse Propositiones sciens, cum in cæteris desperaret victoriam, hic saltem mihi conciliare sperauit indignationem, doctus catulum (vt dicitur) ferire coram Leone, & ex Disputatione veritatis, facere Tragœdiam inuidiæ.

1. Reg. 18. Sed crimentur quantum velint, consecrent Sedi Apostolicæ suas adulationes, consecrent scamno & scabello, consecrent etiam ciste Apostolicæ (quandoquidem hoc ad rem Indulgentiarum & Monarchiam maxime omnium pertinet) Transilient altare sui Baal, clament voce maiore, Deus enim est, forsitan loquetur, aut in itinere, aut in diuersorio est, aut certe dormit, vt excitetur. Sufficit mihi, quod Sedes apostolica

apostolica neque vult, neque potest quidquam contra Christum, Nec in hac re timebo, seu Papam seu nomen Papæ, multo minus pappos & puppas istas.

Vnum ego specto, ne nominis mei Christiani spoliū cedat in doctrinæ Christi purissimum dispendium. Nam hic nolo, vllus meam expectet patientiam, Nolo Eccius querat, nec sub nigra, nec sub alba cuculla, modestiam. Maledicta sit impiæ illius clementiæ gloria, qua Achab dimittit Benhadab hostem Israel, Hic enim uellem non modo esse potentissimus mordendo (quod Eccius dolet) sed inuictus quoque deuorando, quo & Siluestros & Ciuestros, & Caietanos & Eccios, reliquosque fratres Christianæ gratiæ impugnatores, vno (ut Isaia verbo utar) ore deuorare possem. Terreant alium per adulationes & consecrationes suas, Lutherus sacerdotes & consecratores Sedis Apostolicæ contemnit. Cætera in disputatione & post disputationem.

1. Reg. 22.

Tamen interim gaudere permittimus, miseram cōscientiam, simulata spe triumphī, & vana minarum iactantia. Igitur addo & ego meis Propositionibus tertiamdecimam aduers-

sariam Ecclesiæ iracundiæ, Dei fuerit

ex ea Disputatione bonum pro-

mouere, quam tot malis inui-

diæ & detractionis Eccie-

us contaminat. Be-

ne uale, mi

Lector.

CONTRA NOVOSET

VETERES ERRORES DE-
FENDET D. MARTINVS LVTHVS

therus has Positiones sequentes in
studio Lipsensi.



1. **Q**uotidie peccat omnis homo, sed & quotidie poenitet, docente Christo, Poenitentiam agite. Excepto vno nouo quodam iusto, qui poenitentia nō indiget, cum etiam palmites fructiferos quotidie purget Agricola cœlestis.

2. In bono peccare hominem, & peccatum veniale, non natura sua, sed Dei misericordia solum esse tale, aut in Puerō post baptismum peccatum remanens, negare, hoc est Paulum & Christum semel conculcare.

Qui

CONTRA NO: ET VE: ERRO: D: M: L:

3. Qui opus bonum aut poenitentiam, a peccatorum detestatione ante dilectionem iusticiæ incipi, nec in eo peccari, asserit, hunc inter Pelagianos hæreticos numeramus, Sed & contra sacrum suum Aristotelem desipere probamus.
4. Deus mutat poenam æternam in temporalem, scilicet crucis portandæ, cuius Canones aut Sacerdotes, nec statuendæ, nec auferendæ, habent vllam potestatem, quanquam id ab Adulatoribus noxijs seducti, præsumere possint.
5. Quilibet Sacerdos debet absolvere poenitentem a poena & culpa, aut peccat, æque peccat superior Prælati, si occulta sine causa reservat rationabilissima, quantumlibet vsus Ecclesiæ, id est, Adulorum, resistit.
6. Forte satisfaciunt animæ in Purgatorio pro peccatis, Sed quod Deus a morituro plus quam voluntariam mortem requirat, uanissima temeritate asseritur, quia nullis modis potest probari.
7. Neq; quid Fides, neq; quid Contritio, neq; quid Liberum arbitrium sit, ostendit se nosse, qui Liberum arbitrium actuum, siue bonorum, siue malorum Dominum esse balbutit, aut non sola Fide verbi, quem iustificari, aut fidem non tolli quolibet crimine, somniat.
8. Veritati & rationi contrarium est quidem, inuite morientes desicere in charitate, ideoq; pati horrorem Purgatorij, modo veritas & ratio sit idem, quod opinio Theologistarum.
9. Animas in Purgatorio esse certas de salute sua, nec gratiam in eis augeri, scimus a Theologistis asseri, Sed miramur doctissimos viros, quod huius fidei suæ rationem, nec stultæ verisimilem reddere possunt.
10. Meritum Christi esse thesaurum Ecclesiæ, & Sanctorum meritis iuuari, certum est. Esse autem thesaurum Indulgentiarum, nemo, nisi foedus adulator, Extrauagantes a veritate, & fictæ quædam Ecclesiæ praxes aut vsus simulant.
11. Dicere, Indulgentias esse bonum Christiano, est insanire, sunt enim verissime operis boni viciū, & improbare Indulgentias debet Christianus, ob abusum, quia Dominus dicit: Propter me deleo iniquitates tuas, non propter pecunias.
12. Papam posse remittere omnem poenam pro peccatis debitam, huius & futuræ vitæ, & quod Indulgentiæ prosint non criminosis, somniant secure indoctissimi Sophistæ, & pestiferi Adulatores, non tamen vel nutu possunt ostendere.
13. Romanam Ecclesiam esse omnibus alijs superiorem, probatur ex frigidissimis Ro: Pontificū decretis, intra quadringentos annos natis, Contra quæ sunt Historiæ approbatæ mille & centum annorū, textus Scripturæ diuinæ, & decretum Niceni Concilij, omnium sacratissimi.


CONTRA

CONTRA F. MARTI

NUM LV THER VM : IN LIPSENSI
STVDIO, HAS DISPVTABIT POSITIO.

nes Eccius, IIII. Iulij, Anno M. D. XIX.

hora VII.



Equē dictis sacrae Scripturae, aut sanctis Patribus, Augustino & alijs concordat, Dominum & Magistrum nostrum Ihesum Christum, dicendo: Poenitentiam agite, voluisse omnem Fidelium vitam esse poenitentiam. Vnde & de sacramentali poenitentia illud uerbum idonee potest intelligi.

Et si peccata venialia sint quotidiana, tamen Iustum semper peccare in omni opere bono, etiam bene moriendo, negamus. Sicut erroneum dicimus, iustum, manente iusticia, peccare posse mortaliter, aut in puero, post baptismum, alienae voluntatis peccatum remanere.

Astruentem poenitentiam, non recte inchoari a detestatione peccatorum, recogitando grauitatem peccati & poenae, & quod faciat magis peccatorem, tanquam Euangelio & sanctis Patribus contrarium, non dicimus audiendum.

Dicere, Deum remittendo culpam, remittere poenam, & non commutare in poenam aliquam temporalem satisfactoriam, per Canones & Sacerdotis iniunctionem, in parte vel toto declaratam, ut sacrae Scripturae, & usui Ecclesiae repugnans, existimamus.

Quemlibet sacerdotem, nullo Praelato dempto, suo subdito peccanti, posse remittere, aut debere poenas & culpas, ita, quod Praelatus non plenarie absoluens a poena & culpa, peccet, uelut usui sanctae matris Ecclesiae aduersum, non acceptamus.

Animas in Purgatorio non satisfacere pro peccatorum poenis, a quorum culpis absolute, hic non satisfecerunt, reputamus erroneum, sicut non est sine errore, qui non credit Deum a morituro requirere aliam, quam mortis, poenam.

Errat, qui Liberum arbitrium hominis, negat Dominum actuum hominis ex eo, quia ipsum habeat se actiue ad malum, ad bonum uero tantum passiuē, Sicut non est sine errore, qui fidem quolibet crimine corrumpi, contra Scholasticos existimat, nec sine maximo errore, qui nulla contritionis habita ratione, in sola Fide, quem absolui, procaciter praedicat.

Ex imperfectione charitatis uel fidei, in Anima mortui, fieri horrorem & quasi desperationem, quibus in Purgatorio afficiantur, & quod

AD LECTOREM

quod illum horrorem ex timore mortis incurrant, quo quasi inuiti moriantur, non recipimus, quia veritati & rationi contrarium.

9.

Animas in Purgatorio mereri maiorem gratiam, aut eorum premia minui, si alienis meritis liberentur, aut non esse certas de salute, aut suffragia nostra nolle, vt fidei nostræ & omni rationi aduersa, negamus.

10.

Meritum passionis Christi, non esse thesaurum Ecclesiæ, ex quo dentur Indulgentiæ, quia veritati & apostolicis Decretis obuians, negamus, sicut claues esse thesaurum Ecclesiæ, imperitissimum opinamur. Meritis quoque Sanctorum nos adiuuari pie credimus.

11.

Dicere, Indulgentias non expedire, est error, dicere item, Indulgentias esse uicium aliquod operis, quo ipsum minus valeat, error est pessimus. Quare & hunc errare sentimus, qui dicit, se teneri improbare Indulgentias, quia Dominus dicat: Propter me deleo iniquitates, non propter pecunias.

12.


Papam non posse remittere poenam, pro peccato debitam, per Indulgentias, error. Imo, erroneum est, cum non posse absolvere a poenis animas in Purgatorio existentes. Omnium autem maxime non recipimus, quod morituri, infirmi, legitime impediti, non crimina publica habentes, Indulgentijs non egeant.

13.

Romanam Ecclesiam non fuisse superiorem alijs Ecclesijs ante tempora Siluestri, negamus. Sed eum, qui sedem beatissimi Petri habuit & fidem, successorem Petri & Vicarium Christi generalem semper agnouimus.

Contraximus, quo ad fieri potest, Propositiones, & has paucas accepimus, & quod alia ab his pendeant.

AD LECTOREM



Abes hic, Lector, quisquis es, Disputationem illam celebrem, quam Lipsiæ uidimus & audiuius inter insignes uiros, D. Iohannem Eccium, & Martinum Lutherum habitam. Erunt fortasse, qui nollent editam, alij uero & damnent excusam, quod communi consilio Partes utrinque conuenisse dicuntur, ne qua via Disputatio eiusmodi disseminaretur. Verum his sermonibus nihil mouearis, Lector, Si enim serio uoluissent occultatum iri hoc pelagus & chaos uerborum, non utique permisissent publico conspectu, a quouis libitum esset, excipi & in literas referri. Nam cum plus triginta Exemplaria sint illic excepta, & in diuersas orbis partes emissa, satis palam est, uoluisse omnia inuulgari, Nisi forte Notariorum (qui ad hoc

hoc ipsum seorsim designati erant) Exemplaria his legibus suis subiacere curarint.

Nos, si quid utilitatis in ea pio Lectori afferre possemus, solliciti fuimus. Sunt in ea sane pleraque talia, quæ hucusque aut non nouimus, aut non ausi sumus nosse. Quæ si bene cedunt, quid ueritatis sint allatura, viderint illi, quorum interest, libertatis certe non nihil paritura sperantur, quæ de rebus Ecclesiæ & Christianismo, audentius & loqui & audire contingere putantur.

Quamquam multa quoque sint in hac sylua, quæ extra propositum dicta sint, nolimus tamen quidquam imminuere, sed simplici fide, ut dicta & gesta sunt, plene omnia reddere.

Porro, nostræ opis non ignari nec inmemores, neutri partium quidquam arrogare aut derogare possumus, nec iudicium tentare, quo solet uel allici uel retrahi Lectoris affectus. Relinquimus autem omnia in omnium & singulorum iudicio, quod ut uarium futurum non dubitamus, ita ut optimum quodque præualeat, optamus, ad laudem Dei & communis rei Christianæ incrementum. Vale Lector pie,

& pie legas, quæ pie monstrantur a nobis, Quod facies,
si nostrum studium boni consulas.

DISPVATIO EXCELLENTISS: THEOLOGO: IO-

hannis Eccij & D. Martini Lutheri Augustiniani, Quæ

Lipsiæ cœpta fuit IIII. die Iulij, Anno

M. D. XIX. hora VII.

PROTESTATIO PATRIS MARTINI LVTHERI.



NOMINE DOMINI AMEN.

PROtestationem egregij Domini D. Iohannis Eccij amplector & sequor. Hoc unum addo, quod pro reuerentia summi Pontificis & Ro: Ecclesiæ libens hanc materiam, non necessariam & mire inuidiosam prætermissem, nisi per Propositionem egregij Do. D. Iohannis Eccij in eam pertractus fuisset. Doleo etiam eos non adesse, quos maxime oportuit, qui cum & priuatim & publice toties me crimine hæreseos profanarunt, nunc cum instet cognitio causæ, se subtraxerunt, Hæreticæ prauitatis Inquisitores dico, qui fraternali monitionem & doctrinam postposuerunt criminationibus suis.

f ij

SCOPVS.

DISPV: LIPSIÆ HABITA ANNO XIX
SCOPVS.

DE POTESTATE, PAPAE IMO DE
primatu Ro: Pontificis, Eccj Protestatio.

IN nomine tuo dulcis Ihesu. Antequam in arenam descen-
dam, Protestor coram vobis illustrissimis, nobilibus, magnificis
& excellentissimis Dominis, omnia per me dicenda & dicta in
primis esse subiecta iudicio primæ sedis, & Domini in ea seden-
tis. Deinde, quorumlibet aliorum, quorum est errantes corrigere, & ad veritatis cognitionem reducere.

Et quia Reuerendus Pater in præfatione sua quasi se excusando, testatur se libenter hanc omisisse materiam, pro summi Pontificis reuerentia, nisi per meam pertractus fuisset Propositionē. At meminerit Reuerend. Pater, nisi prius ipse in Resolutorio ante tempora Siluestri negasset, Rom: Pontificem alijs superiorem, non fuisse necessarium, me tredecimam illam posuisse Propositionem, Et quod in Actis Augustæ coram Legato Sedis apostolicæ B. Pelagium Pontificem euangelica scripta torsisse causatur, qui tamen maxime omnium ad sanctorum Patrum intentionem verba Christi accepit. Frustra ergo Reuerendus Pater in me causam torquere nititur, cui ipse non semel occasionem præstitit. Sed iam ambagibus relictis, principale institutum, Deo dace, aggrediamur.

Reuerende Pater, Vestra Conclusio tredecima meæ contradicens, fatetur Ro: Ecclesiam esse alijs superiorem, iuxta frigidissima Ro: Pontificum Decreta, intra quadringentos annos nata, Quibus obstare dicitis textum sacræ Scripturæ, & Historias approbatas mille & centum annorum, Contra quam sic oppono.

Monarchia & vnus principatus in Ecclesia Dei est, de iure diuino, & à Christo institutus, Quare textus sacræ Scripturæ vel Historiæ approbatæ, ei non aduersantur. Quoniam Ecclesia illa militans, quæ est velut vnum corpus, iuxta D. Pauli sententiam, est instituta & facta ad imaginem Ecclesiæ triumphantis, in qua est una Monarchia omnibus per ordinem dispositis, usq; ad vnum Caput, scilicet Deum. Quare & talis ordo à Christo in terris est constitutus, cum fateatur Iohan. 5. Filium non facere quidquam, nisi quod viderit Patrem facientem. Quare non de cœlo est, qui Capiti subesse recusat, sicut non de cœlo, sed de Lucifero est, qui Deo non vult subijci.

Quæ omnia latissime confirmari possunt, maxime per sacram illam Animam B. Dionysium Areopagitam lib. de ecclesiastica hierarchia, ubi ait: Nostra enim hierarchia a Deo traditis ordinibus sancte disposita, sanctis & cœlestibus Hierarchijs conformis est. Ita Gregorius Nazan. in Apologetico: Sacrosancta mysteria (ait) ad instar cœlestis imaginis celebrari, per quæ utiq; in terris cœlestibus ordinibus associamur. Nam quod monstrum esset, Ecclesiam esse Acephalam? quod omnes ferme hæretici moliti sunt (ut S. Cyprianus ad Rogationum & Puppianum innuit) ut sic debilitato Capite errores suos & virus impune possent mentibus hominum inculcare. Et hæc fuit ratio principalis cum alijs annexis, propter quam Parisiense foelix studium Iohannem Tornacensem damnavit, negantem primatum Ecclesiæ Romanæ. Sic & error fuit Vuiklefficus, Romanam Ecclesiam alijs non esse superiorem de lege Euangelij.

LVTHERVS.

Ecclesia militans.

Ecclesia triumphans.

Dionysius.

Gregorius Nazan.

Cyprianus.

Iohannes Tornacensis.

Iohan. 5.

A NOTARIIS EXCEPTA CCXLIII LV THERVS.

Q Vando Dominus D. arguit, Omnino esse caput Ecclesiae vni-
uersale, optime facit. Etsi est aliquis qui privato pacto conuenerit
cum dominatione sua ad defendendum contrarium, surgat in medium, ad
me nihil pertinet.

ECCIVS.

Q Via reuerendus Pater dicit, nihil ad se pertinere de contrario
illius, q̄ intendebam probare de iure diuino, esse Monarchiam in Ec-
clesia militante, sicut & triumphante. In quo eū collaudo, q̄ & in hoc D. Io-
Apos. 22. hanni in Apocalypsi consentit: Vidi ciuitatem sanctam nouam descenden-
tem &c. At propius ad rem accedentes. Si Ecclesia militans non fuit sine
Monarcha, uellem audire, quis esset iste Monarcha alius, aut unq̄ fuisset nisi
Ro: Pontifex, aut quæ alia prima Sedes, nisi sedes Petri & eius Successorū?
Iuxta illud B. Cypriani, qui in Epistola 2. ad Cornel: Rom: Pontificem scri- *Cyprianus.*
bens, contra Nouatianos subdole Romam accedentes, inquit: Post ista ad-
huc insuper cedo Episcopo, sibi ab hæreticis constituto, nauigare audent, &
ad Petri cathedram atq̄ Ecclesiā principalem, unde sacerdotalis unitas ex-
orta est, à schismaticis & prophanis Literas ferre, ne cogitare eos esse Ro-
manos, quorum fides ab Apostolo laudata est, Ad quos perfidia habere non
possit accessum. Et Hieronymus idem testatur contra Luciferianos: Ecclesiae *Hieronymus contra*
salus (ait) in summi sacerdotis dignitate pendet, cui si non exors quædam & *Luciferianos.*
ab omnibus eminens detur potestas, Tot in Ecclesijs efficiuntur schismata,
quot sacerdotes.

Et q̄ ille summus sacerdos sit Romanus, liquet apud eundem B. Hie-
ronymum in duabus Epistolis ad Damasum Papam, cuius ferme singula uer-
ba ad institutum faciunt, uerum breuitatis studio illa signemus. Cum suc-
cessore Piscatoris & discipuli Christi loquor. Ego nullum premium sequens,
nisi Christum beatitudini tuæ, id est, cathedræ Petri consocior, Super illam
Petram fundatam Ecclesiam scio. Et infra: Quicumq̄ tecum non colligit, il-
le dispergit. Ex quibus quisq̄ bonus Christianus facile conijcit, unitatem sa-
cerdotalem à Ro: fluere Pontifice, & illam fuisse semper cathedram princi-
palem, & omnibus alijs prælatam, & quod illa sit Petra, sicut Hieronymus
dicit, se scire, super quam fundata sit Ecclesia. Vel reuerendus Pater assignet
alium Monarcham Ecclesiae priscis temporibus.

LV THERVS.

Monarchiam Ecclesiae militantis prorsus confiteor, eiusq̄ Caput
non hominem, sed Christum ipsum, Idq̄ autoritate diuina. Prima ad
1. Cor. 15. Corinth. 15. Oportet illum regnare, donec ponat omnes inimicos sub pedi-
bus eius. Et paulo ante. Deinde finis, cum tradiderit regnum Deo & Patri,
& euacuauerit omnem principatum. Quod Augustinus lib. 1. de Tri. ul. cap. *Augustinus.*
exponit de regno Christi præsentis temporis, Ita uidelicet, q̄ Christus, Caput
Ecclesiae, per fidem transferet nos, qui Regnum eius sumus, ad speciem. Sic
Matth. 28 Matth. vlt. Ecce ego uobiscum sum, usq̄ ad consummationem seculi. Item,
Act. 9. Act. 9. audiuit Paulus de cælo: Saule, Saule, quid me persequeris? ubi iterum
Augustinus dicit, Caput loqui pro membris suis.

Quare prorsus audiendi non sunt, qui Christum extra Ecclesiam mili- *Ecclesia militans*
tantem trudent in triumphantem, cum sit regnum fidei, hoc est, quod Caput *regnum fidei.*
Ps. 122. nostrum non uidemus, & tamen habemus, iuxta illud Psal. 122. Illic sederunt
f iij sedes in

DISPV: LIPSIÆ HABITA ANNO XIX

sedes in iudicio, super domum David, multæ scilicet sedes, in quibus vnus sedet Christus. Sedes videmus, non scissorem vel regem.

PRoinde ad auctoritates, egregie D.D. veniendo, quando asserit, in Ecclesia militante esse vnum Principatum, diuino iure & à Christo institutum, Sua dicit, sed nihil probat. Nam prima eius auctoritas Pauli, nimirum Ephe. 4. quæ Christum Caput Ecclesiæ dicit, pro me contra cum valet; cum certissime loquatur ibi de Ecclesia militante, & Christum appellat eius Caput. Est etiam eadem sententia contraria huic, 1. Corinth. 3. Quid est Apollo? quid Cephas? quid Paulus? Diuisus est Christus? &c. vbi manifeste prohibet aliud Caput q̃ Christum. Ephe. 4.
1. Cor. 3.

2. Secunda eius Auctoritas Iohan. 5. Non potest Filius facere quidquam, nisi quod viderit Patrem facientem, neq̃ de Ecclesia militante, neq̃ triumphantem loquitur, sed omnium Doctiorum sententia, de æqualitate sua cum Patre, q̃ nihil facit aut possit facere Pater, quin idem possit & Filius. Iohan. 5.

*Æqualitas Filij
cum Patre.*

Omitto, q̃ dixit, Non esse de cœlo, qui Capiti subesse recusat, Et esse de Lucifero, qui Deo nō vult subijci, Quia sicut præcedentia male sunt assumpta, ita ad hæc male illata.

3. *Dionysius.*

Tertia, quæ est Dionysij, nihil contra nos, non enim negamus Hierarchiam ecclesiasticā, Sed de Capite disputamus Monarchiæ, non Hierarchiæ.

4. *Gregorius
Nazan.*

Quarta, Quæ Gregorij Nazan. adducitur, Quod per sacrosancta mysteria sociamur sanctis ordinib. cœlestibus, à quouis Grammatico intelligitur, nihil sonare, neq̃ de Monarchia, neq̃ de Capite.

*Christus caput
Ecclesiæ.*

Iam q̃ addidit esse monstrum, si Ecclesia acephala esset, fateor, sed hoc Caput neq̃ ipse D.D. aliud dare possit, q̃ Christum. Quod probō euidenter, Quia si suum caput, quod Ro: Pontificem appellat, moritur, vt est homo, iam Ecclesia est acephala, Si autem Christus interim Caput est Ecclesiæ, donec alius eligatur, non minus monstrum est, Christum cedere viuo Pontifici, & succedere mortuo.

5. *Cyprianus.*

Quinta B. Cypriani, qui Hæreticos insectatus, q̃ debilitato Capite mortui sunt errores suos impune hominibus inculcare, prorsus nihil facit ad Propositum. Loquitur enim non de Ro: Capite, sed de quolibet Capite cuiusque Episcopatus. Et si egregius D. D. voluerit stare auctoritati Cypriani, hac hora finiemus disputationem. Ipse enim Cornelium Pontificem nunquam aliter salutatur, nisi charissimum fratrem. Deinde describens Episcoporum electiones & confirmationes per multas Epistolas, ex diuinis literis efficacissime probat, ad plebem pertinere & vicinos duos Episcopos vel tres, quemadmodum & sancitum est in sacratissimo Niceno Concilio. Quin idem beatus Martyr, vt B. Augustinus allegat lib. 2. ca. 2. de baptismo, sic dicit: Neque enim quisquam nostrum Episcopum se esse Episcoporum constituit, aut tyrannico errore ad obsequendi necessitatem Collegas suos adigit, quando habet omnis Episcopus pro licentia libertatis & potestatis suæ arbitrium proprium, tanq̃ ab alio iudicari non possit, quo modo nec ipse potest alterum iurare, id sed expectemus vniuersi iudicium Domini nostri Ihesu Christi.

Cornelius.

Nicenum Conciliū.

Quod autem dicit, e Rom: & Petri cathedra ortam esse sacerdotalem vnitatem, libentissime admitto, quantum pertinet ad Ecclesiam occidentalem. Nam reuera etiam Ro: Ecclesia orta est ex Hierosolymitana, hæc est matrix proprie omnium Ecclesiarum. Sed nec valet consequentia, ex Rom: Ecclesia orta est sacerdotalis vnitas, ergo ipsa est Caput & Domina omnium prima, alioqui insuperabiliter concluderet, Hierosolymitanam esse Caput & Dominam omnium.

*Hierosolymitana
Ecclesia mater
omnium Ecclesiarum.*

6. *Hieronymus.*

Vltima auctoritas diui Hieronymi non recte inducitur ab egregio D. D. etiamsi per omnia esset vera auctoritas Hieronymi, quia D. D. intendit probare

probare Ecclesiæ Ro: potestatem monarchicam iure diuino à Christo institutam. Hoc verba Hieronymi non habent, quia dicit: Cui si non exors quædam ab omnibus eminens detur potestas, tot in Ecclesijs efficiuntur schismata, quot sacerdotes. Detur, inquit, hoc est, iure humano posset fieri consentientibus cæteris omnibus fidelibus. Nam nec ego hoc nego, si consenserint totius orbis fideles in Ro: vel Parisiensem, vel Magdeburgensem, vel quemcunque, ut esset primus Pontifex & summus, hunc propter reuerentiam totius Ecclesiæ fidelium sic consentientis, habendum esse summum Monarcham, Hoc autem neque factum est vnquam, neque fit, neque fiet, cum usque ad nostra tempora græca Ecclesia non consenserit, neque tamen sit habita hæretica.

Et hanc esse sententiam D. Hieronymi, probo ex Epistola ad Euagrium, ubi dicit: Vbiunque Episcopus fuerit, siue Romæ siue Eugubij, siue Constantinopoli, siue Regij, siue Alexandria, siue Thanis, eiusdem meriti, & eiusdem sacerdotij est. Potentia diuitiarum, & humilitas paupertatis, vel sublimiorem vel inferiorem facit. Cæterum omnes Apostolorum successores sunt. Recitatur hæc Epistola in Decretis non frigidis dist. 93. ca. legimus. Idem super Epistolam ad Titum, Idem est ergo Presbyter, qui Episcopus, & antequam diaboli instinctu studia in religione fierent, & diceretur in populis: Ego sum Pauli, ego sum Cephæ, communi Presbyterorum consilio Ecclesiæ gubernabantur. Postquā vero vnusquisque eos, quos baptizabat suos esse putabat, in toto orbe decretum est, ut vnus de Presbyteris electus superponeretur. Et inductis autoritatibus Scripturæ dicit in fine. Sicut ergo Presbyteri sciunt se ex Ecclesiæ consuetudine ei, qui sibi præpositus fuerit, esse subiectos, ita Episcopi nouerint se magis consuetudine quæ dispositionis dominicæ veritate Presbyteris esse maiores. Ideo quod D. D. addidit, à Hieronymo intellectū esse, summum Pontificem Ro: dum dicit: Cum successore Piscatoris & discipuli Christi loquor, & beatitudini tue, id est, cathedræ Petri consocius, super illam Petram fundatam Ecclesiam scio, nihil facit, Non sequitur, conforciior huic Ecclesiæ, ergo hæc est sola prima. Nec sequitur, est fundata supra Petram, ergo sola est fundata.

Hieronymus in Epistola ad Euagrium.

Idem est Presbyter, qui Episcopus.

Accedit ad hoc decretum Concilij Africani, dist. 99. ca. Primæ. Primæ, inquit, Sedis Episcopus non appelletur princeps sacerdotum, aut summus sacerdos, aut aliquid huiusmodi, sed tantum primæ Sedis Episcopus. Vniuersalis autem Pontifex, nec Romanus appelletur. Quare si diuino iure staret monarchia Ro: Pontificis, hæc omnia essent hæretica, quod est temerariū asserere, Et in fine audiamus ipsum Dominum, qui Lucæ 22. dicit, Facta est autem contentio Discipulorum, quis eorum videretur esse maior. Dixit autem eis: Reges gentium dominantur earum, & qui potestatem habent super eos, benefici vocantur, Vos autem non sic, sed qui maior est vestrum, fiat sicut minor.

Decretum Concilij Aff. 1. an.

Vos autem non sic. Lucæ 22.

ECCIVS:

Reuerendus D. Pater satis instructus descendit in arenam, materiam suam habens bono ordine contextam in Libello impresso, & per eum composito, Quare illustriss: Dominationes vestræ, magnificentia & dominationes veniam dabunt Eccio, multo iam tempore alijs negocijs occupato, si nō tam rotunde et accurate euestigio tanta cumulare poterit, quantum reuerendus Pater iam congeffit. Venit enim disputaturus, nō Librum editurus. Verum quid reuerendus Pater dixerit, per ordinem dispiciamus.

Primo omnium, Caput esse Ecclesiæ Christum, probare intendit, quod tamen fuerat superuacaneum, cum nullus hoc negare præsumat, nisi qui Antichristus sit, Miror tamen vehementer, quod hoc non perpendit, sicut pollicetur

Christus caput Ecclesiæ.

f. iiii

in Actis

DISPV: LIPSIÆ HABITA ANNO XIX

in Actis coram Legato Sedis Apostolicæ, posse se præstare quendam Iuristotheologum, plura esse posse capita subordinata, in quo mystici capitis ratio aut symbolici à ratione capitis naturalis deficit, Quare præter caput Christum, & aliud oportere quærì caput in Ecclesia statim probabitur. Neque ei suffragatur, quod Apostolum inducit, 1. Corinth. 3. Diuisus est Christus? 1. Cor. 3. Nam etli Paulus ibi Petri meminerit, non tamen falsum dixit B. Hieronymus libro 1. contra Iovinianum colum. 18. Vnus eligitur, loquitur de Petro, ut capite constituto schismatis tollatur occasio. Clare appellat Petrum caput in Ecclesia esse constitutum. Sed hæc missa facimus, solutiones ad nostra inducta repulsuri.

Primo, Cum respondet ad illud Iohannis 5. Neque enim Filius potest facere quidquam, nisi quæ uiderit Patrem facientem, Dixit secundum S. Patres exprimi hic æqualitatem Patris & Filij. Verum legat attentius, quæso, reuerendus Pater B. & inadulabilem Patrem Bernardum lib. 3. de consideratione ad Eugenium, Vbi de forma Ecclesiæ loquens, & eam esse de iure diuino probans, nostram rationem formauit mihi, colum. 7. Nec uilem reputans formam hanc, quia in terra est, exemplar habet in cœlo. Neque enim Filius potest facere quidquam, nisi quæ uiderit Patrem facientem, præsertim cum ei sub Mosi nomine dictum sit, Vide omnia facias secundum exemplar, quod tibi in monte monstratum est. Viderat hoc qui dicebat: Vidi ciuitatem sanctam &c. Ego enim propter similitudinem dictum reor, quod sicut illic Seraphim & Cherubim, & cæteri qui usque ad Angelos & Archangelos ordinantur, sub uno capite Deo, Ita hic quoque sub uno summo Pontifice, Primates uel Patriarchæ, Archiepiscopi, Episcopi, Presbyteri uel Abates, & reliqui in hunc modum. Tunc subdit Bernardus: Non est paruipendendum quod & Deum habeat Autorem, & de cœlo ducit originem. Quis iam non intelligat hanc ecclesiasticam Hierarchiam, secundum Bernardum, à Christo institutam, & velut Deus caput est in cœlo, ita summus Pontifex Caput sit in militante Ecclesia? Neutiquam Christum excludendo, cuius se fatetur Vicarium.

Ecclesia Acephala. Sed ad Ratiunculam plebeiam, quam induxit, Ecclesiam manere acephalam Papa mortuo, nisi ridicule diceremus, Christum cedere Papæ uiuo & succedere Papæ mortuo. Ridicula prorsus ratiuncula, quæ in re tam seria, inter tot præstantes uiros, uix est digna enarrari, Cum ab initio dixerim, Caput illud symbolicum à uerè Capitis naturalis ratione in aliquibus conuenientijs deficere. Neque Christus, cuius Regnum manet in æternum, & cuius sempiternum est sacerdotium, cedit Papæ vel succedit, cum ei sit data omnis Potestas in cœlo & in terra. Matth. vlt. Et defuncto Papa, modo cœtus Cardinalium, sicut defuncto Episcopo Capitulum, iura illa teneat, usquequo nouus Pontifex deligatur. Matth. 28

Cyprianus. Quod uero secundo loco reuerendus Pater dicit, Cyprianum loqui de quolibet Episcopo, non de Ro: Pontifice, plurimum miror, cum intelligentia dictorum ex causis dicendi sit accipienda, & Cyprianus in locis per me adductis eos increpet, qui à Cornelio defecerunt, qui certe Romanus fuit Pontifex. Ob id sciat reuerendus Pater, me non nudis uerbis satiari, ut Sophistas pascere solemus. Quæ ex Cypriano pro se affert, opponendo, arbitror, cumulatius efficiet. Nam quod Cyprianus Cornelium fratrem appellat, & Apostolos fratres fuisse nemo nescit, Attamen Petrus, sicut & eius successor Cornelius, Caput fuit Apostolorum, apex & vertex, iuxta B. Dionysij ca. 3. uel 7. de diu. nominibus sententiam.

De electione

De electione & Concilio Niceno, & a Cypriano conscripta, nec pro- Concilium Nic
mouent, nec impediunt negotium, & multo minus Augustinus lib. 2. cap. 2. Augustinus.
de baptismo paruulorum debebat adduci post Cyprianum, Nam Augustinus
arrogantiam & temeritatem eorum, qui per ambitionem & superbiam ad ec-
clesiasticas praelaturas se ingerunt, reprehendit, q̄ non debeant se constitue-
re, nec alios cogere ad se constituendum, Cum quisq̄ Prælatum expectare
debeat, ut vocetur, sicut Aaron.

Tertio aliam Cypriani sententiam ex 2. Episto. ad Cornelium dilutu- Cyprianus ad
rus, respondit, Vnitatem quidem sacerdotalem in occidentali Ecclesia a Ro- Cornelium.
mana exortam, non in orientali. Obtulit hic reuerendus Pater, q̄ Cyprianus
præcedenter Romanam Ecclesiam appellauit Petri cathedram atq̄ Ecclesi-
am principalem, Sed quid sua Solutio possit, medullam verborum inspicienti
est manifestarium, Nam reuerendus Pater, more grammatico, ortum unitatis
sacerdotalis intelligit, quo ad auspiciū & initium, Cum profecto Cyprianus
voluerit explicare ortum commissionis, subordinationis seu influxus, ut ab
uno Petro, uelut a capite, in cæteros omnes iurisdictio sit deriuata, alioqui
non dabit unum sacerdotem, nec Hierosolymis. Taceo, quod eum non rele-
uat glossula adiecta de occidentali Ecclesia, cum B. Hieronymus ab initio
suz Epistolæ ob id orientalem Ecclesiam ex Oriente scribens schismaticam Orientalis Ec-
clesia.
dicat, quæ indiscissam Domini tunicam & desuper contextam minutatim
per frustra disceperit. Christi vineam, inquit, vulpes exterminant, denotans sci-
licet Hieronymus, quod sponsa in Canticis cōquerebatur, capite nobis Vul-
peculas, quæ demoliuntur uineam. Taceat ergo, quæso, reuerendus Pater, &
nobis non insultet cum Græcis & Orientalibus, qui a Ro: deficientes Eccle-
sia, a fide quoq̄ Christiana facti sunt exules. Consectarium est, quo pacto ac-
cipienda sit illatio. Est radix, ergo domina, Non enim de radice loquimur
initij, vel temporis, sed de radice influxus & principalitatis.

Quarto loco nititur reuerendus Pater, se euoluere ex verbis Hierony-
mi, & illa uitare. Nam summo sacerdoti tribuit quidem & dari summam di-
gnitatem, sed hoc fiat iure humano. Sed cur tunc B. Hieronymus Damasum
Math. 16 Piscatoris appellat successorem, & cathedræ Petri vult associari? Illud diui-
num citans Matth. 16. super illam Petram fundatam Ecclesiam scio. Quod
ita reliquis Ecclesijs appropriari non potest, ut Bernardus ratiocinatur, &
proh dolor cum summa Christianorum iniuria sumus experti portas infero-
rum præualuisse Ecclesiæ Hierosolymitanæ, Antiochenæ, Alexandrinæ
addo quoque Boemicæ, Quod tamen de Ecclesia, quæ fundata est super Pe-
tram, ueritas incorrupta Christi non patitur. Sed uerissimum est in ijs, quæ
Math. 24 sunt fidei, quod Hieronymus in eadem Epistola affirmat, Vbicunq̄ fuerit
corpus, ibi congregabuntur & aquilæ. Profligato a mala sobole patrimonio,
apud uos solos incorrupta Patrum omnino seruatur autoritas. At hoc in
principali adhuc euidenter probauimus, non iure humano, primatum obtine-
re Ecclesiam Ro: sed diuino.

Præstat tamen diluere, quæ uenerandus Pater pro se ex Hieron. Hieron: ad Eua-
adduxit, Primo ad Euagrium, ubi Episcopū Romæ & Egubij, Cōstanti- grum.
nopoly & Regij, eiusdem meriti dicit & sacerdotij, Hoc sciuius, antequam
Theognis nasceretur, Neq̄ Papatus est ordo ultra Episcopatum, Nam sic &
alio loco æquales dicit fuisse Apostolos, ubi tamen primatum S. Petro non
abstulit.

Sed q̄ reuerendus Pater tantopere a me efflagitabat, ne diuerticula quæ-
reram, quod nunquam facere sum solitus, ipsum Canonem legimus, adducēs
93. distin. me ad hoc ducit Procardum, q̄ Domini Canonistæ & Theologi,
an Episco-

DISPV T: LIPSI AE HABITA ANNO XIX

an Episcopatus ordo sit proprio caractere insignis sacerdotio additus, de quo in praesentia velut impertinente nihil decerno. Hoc tamen dico, apparere mihi, saluo semper meliori iudicio, non talem fuisse in primitiua Ecclesia confusionem, vt Episcopus à sacerdote non separaretur, cum duodecim Apostoli septuaginta duos excedant discipulos. In cuius rei testimonium B. affero Dionysium, Hieronymo antiquiorem & primitiuae Ecclesiae Hierarcham, qui lib. de Ecclesiae Hierarchia inter sacros ordines Episcopatum ponit, & supremum Hierarcham, & quo pacto is debeat consecrari, cui assentiens, Episcopos ab ipso Ecclesiae initio commune sacerdotium excelluisse opinor.

72. Discipuli.

Canon Africani Concilij.

Apostolorum contentio. Lucae 22.

Gregorius.

Tertio, Adduxit Canonem Concilij Africani 66. distin. can. .1. Vbi Concilium prohibet, nec Romae Pontificem debere dici Vniuersalem, & quod Christus hoc prohibuerit, Lucae. 22. Reges Gentium &c. Respondeo verum esse, fastuosum vniuersalis Episcopi nomen fuisse prohibitum, non quod Romae Pontifex unquam à vero Christiano habitus sit non primus & summus Pontifex, sed quod Episcopus peculiariter Romanae Ecclesiae non sit proprius cuiusque Ecclesiae Episcopus, sed primus, quod alioqui debitus honor Episcopis inferioribus non tribueretur. Verum nihil criminis inest, si quispiam Romae Pontificem vniuersalem dixerit pro primo, rectius vero dicetur non Episcopus vniuersalis, sed vniuersalis Ecclesiae Episcopus, veluti est Christi Vicarius. Quod Dominus ambitiosam redarguit Apostolorum contentionem, qualis inter seculares quaeritur, hoc primatum Ecclesiae Romanae non auferit, sed quod B. Gregorius primus fecit, & agnouit se ideo Ecclesiae catholicae Praelatum, vt seruum seruorum se esse agnosceret, In qua re sequentes Pontifices non conuijs laceffere, sed orationibus, ut tales fiant, à Deo impetrare studeamus.

Lucae 22.

HORA II POME R I D I A N A :

IIII. die Iulij, Anno M. D. XIX.

LV T H E R V S.



Primam responsionem meam, qua ex autoritate Pauli 1. Corinth. 3. ostendi, ab Apostolo prohibitum, ne fideles sibi arrogarent, vel Cephae, vel Paulum, vel Apollo, Ad istum modum confutauit D. D. egregius, quod et si Paulus ibidem Petri meminerit, non tamen falso Hieronymus contra Iouinianum dicit: Vnus eligitur, quod capite constituto occasio schismatis tollatur, clare appellat Petrum caput in Ecclesia constitutum. Adiecit, sed haec missa faciamus.

1. Cor. 3.

Respondeo: Non patior propter minorem auctoritatem inductam me diuelli à maiore. Nec tantus est Hieronymus, vt propter eum Paulum deferam. Non ergo Paulus solum meminit ibi Petri, sicut conatur extenuare ista confutatio, sed cum plena auctoritate docet, & prohibet, ne quis dicat se esse Petri. Vnde & eodem Capite concludit: Omnia vestra siue Paulus, siue Cephae, siue mors, siue vita, Vos autem Christi, Christus autem Dei. Stat ergo ista Responsio mea adhuc inuicta, & nisi robustius confutata fuerit, oppono eam omnibus praeteritis & futuris argumentis D. D. Verbum enim Dei super omnia verba hominum est.

1. Cor. 3.

Verbum Dei.

Hieronymus.

Ad Hieronymum autem dico, quod & ego missa facio ea, cum sit ambigissimus locus, vt bene sensit D. Doctor.

Secundam

Secundam Responſionem meam ad autoritatem Iohan. 5. ubi dixi, Chriſtum loqui de æqualitate potentiæ paternæ, iuſſit me D. D. attentius legere B. Bernardum, qui hanc Autoritatem inducit pro Eccleſia militante, ſicut *Bernardus.* auditum eſt. Reſpondeo: D. Bernardum ueneror, & eius ſententiam nō con- temno, ſed in contentione accipiendus eſt ſenſus genuinus & proprius Scri- pturæ, qui ſtare in acie poſſit, à quo ſancti Patres nonnunq̃ locupletandæ orationis gratia digrediuntur, & ſine culpa. Nunc autem ex præcedenti & ſequenti textu clarum ſit, Chriſtum loqui de æquali omnipotentia ſua cum Patre. Propterea perſequebantur Iudæi Iheſum, quia faciebat hæc in ſabbato, Ergo magis querebant eum Iudæi interficere, quia non ſolum ſoluebat ſabbatum, ſed & Patrem ſuum dicebat Deum, æqualem ſe faciens Deo. Re- ſpondit itaq̃ Iheſus, & dixit eis: Amen amen dico uobis, non poteſt Filius à ſe facere quidq̃, niſi quod uiderit Patrem facientem. Et ſic clare patet, q̃ Bernardus alio ſenſu tractat hoc uerbum Chriſti.

*Æqualis potentia
Chriſti cum Patre.
Iohan. 5.*

Ad tertiam, uidelicet plebeiam, ut dixi & ridiculam ratiunculam, qua dixi, Etiam ſine Papa Eccleſiam habere caput ſuum. Oppoſuit, quod nō eſſet digna enarrari coram tantis uiris, & in re tam ſeria. Reſpondeo: Sit plebeia & ridicula modo ſit inuicta, Nec dum uideo eam confutata, Non enim in- telligo, ſi Eccleſia ad tres vel quatuor meſes non eſt acephala mortuo Pa- pa, modo ſint alij Epiſcopi, quomodo etiam non ſit acephala cum nullus ſit Papa, Nam quod adduxit de Cardinalibus, penes quos ſit ius eligendi &c. Reſponſionem meam confortat, cum hinc ſequatur, eo tempore, quo non- dum erant Cardinales, ut tempore Hieronymi, non potuiſſe eſſe Papam.

Ad quartam Cypriani autoritatem, ubi dixi eum loqui de quolibet Pon- tifice, obiecit, q̃ ex textu peruincatur, eum locutum eſſe de Cornelio, Rom: Pontifice, contra Nouatianos. Reſpondeo: Mea non refert, nec eam Epi- ſtolam in memoria habeo, Hoc autem ſcio, q̃ D. Cyprianus per multas Epi- ſtolas in hoc rotus eſt, ut aſſerat cuiſlibet Eccleſiæ, ſuum Caput & ſuum Epi- ſcopum, per ſuffragium plebis, & iudicium uicinorum Epiſcoporum ordina- ri. Ideoq̃ ſi eſt, ut D. D. allegat, contra Nouatianos, de Cornelio dico, certum eſt eum locutum de capite Ro: Eccleſiæ, non vniuerſalis Eccleſiæ.

Cyprianus.

Item & illud confutauit, q̃ Cyprianus Cornelium ſemper compellat fra- trem, nunquam autem Dominum, ut nunc Epiſcopi faciunt, ponentes relati- uum ſine correlatiuo. Obiecit, q̃ & Petrus Apoſtolos habuerit fratres, & ta- men caput & vertex Apoſtolorum fuerit, iuxta Dionyſium. Reſpondeo: Si poterit egregius D. D. probare, q̃ Petrus unquam vnum Apoſtolorum or- dinauerit, imo unum ex ſeptuaginta diſcipulis, aut vllum illorum unquam miſerit, cedo omnia, & uolo eſſe victus. Si autē ego probauero, q̃ ne omnes quidem Apoſtoli potuerint vnum Apoſtolorum mittere vel ordinare, rogo, concedat mihi, Petro nihil fuiſſe poteſtatis ſuper cæteros Apoſtolos. Quo ſequitur, multo minus poteſtatis eſſe Epiſcopo ſucceſſori Petro, ſuper Epiſco- pos ſucceſſores cæterorum Apoſtolorum.

*Petro nihil fuit
poteſtatis ſuper
cæteros Apoſtolos.*

Nunc autem clariffimus textus eſt, Acto. 1. q̃ Matthias Apoſtolus ab vniuerſo cœtu Apoſtolorum, & diſcipulorū ordinari non potuit, ſed de cœ- *Ado. 13.* to, ſicut & cæteri omnes, electus & ordinatus eſt a Chriſto, Ita & capite 13. Saulus & Barnabas, ſegregante Spiritu ſancto, aſſumpti ſint in opus. Error ergo eſt apertiffimus, q̃ Petrus habuerit poteſtatem ſuper Apoſtolos. Hoc ſane fateor, Apoſtolum Petrum fuiſſe primum in numero Apoſtolorum, & ei deberi honoris prærogatiuam, ſed non poteſtatis, æqualiter electi ſunt, & æqualem poteſtatem acceperunt. Ita & de Ro: Pontifice ſentio, q̃ honoris prærogatiua cæteris debeat anteferri, ſalua cuiusq̃ æquali poteſtate, & non ſicut Pelagius in frigidiffimo ſuo decreto inferit, Vbi maior autoritas, ibi ma- ior poteſtas, & manet cæteros obſequendi neceſſitas.

*Electio & ordina-
tio Matthei, Act. 1*

*Æqualis poteſtas
Apoſtolorum.*

*Decretum Pelagij
frigidiffimum.*

Ad quintam,

DISPV: LIPSIÆ HABITA ANNO XIX

Ad quintam, Vbi electionem Episcopi ex Cypriano & Niceno Concilio attuli, Egregius D. D. satis rhetorice contemplit, dicens, Quod nec promoueant, nec impediant negotium, Sed per hoc non dissoluitur mea Responsio, stat ergo adhuc decretum Nicenum, Aut si non stat, & contra ius diuinum statuerunt, nō catholicum Concilium, sed diabolicum conciliabulum appellandum erit. Sic cum putaret Augustinum, non fuisse inducendum, & pulcherrima glossa sua Cyprianum per Augustinū adductum ita interpretatus est, Quod Cyprianus ambitionem & superbiam eorum reprehenderet, qui seipsos ingererent, antequam uocarentur, sicut Aaron. Hoc mera fiducia dixit, ceterum Textus satis clarus est, q̄ nullus Episcopus, qui iam sit Episcopus, se constituere debeat aliorum Episcoporum Episcopum, Stat ergo adhuc mea Responsio.

Ad sextam, Grauius me reprehendit idem egregius D. Doct. quod in altera autoritate Cypriani obtinuerim hoc uocabulum, Principalem Ecclesiam, Deinde uelut Grammaticum me naso suspendit, quod dixerim, ortam esse vnitatem sacerdotalem ex Petri sede. Ideo nouus Dialecticus vel Philosophus potius, ortum hunc interpretatur commissionis, subordinationis, seu influxus, Alioqui, inquit, nec ex Hierosolymis dabit vnum sacerdotem. Respondeo: Siue docuerim, siue locutus fuerim, hoc uocabulū principale idem est, nec enim potest principalis vocari respectu orientalis Ecclesiæ, vt satis dictum est.

Ecclesia ex Hierosolymis orta.

Deinde commentum suum de ortu influxus, eadem facilitate contemno, qua ipse finxit, & non est difficile mihi dari unum sacerdotem ex Hierosolymis, scilicet ipsum Christum, à quo incepit, & hinc orta & profecta est Ecclesia, iuxta illud Isaia 2. De Sion exibit lex, & verbum Domini de Hierusalem. Iam quod addidit, autoritate Hieronymi, orientalem Ecclesiam fuisse schismaticam, et indiscissam Domini tunicam minutatim diserpentem. Nescio sane, quid velit, nec enim potest dicere, quod tota orientalis Ecclesia, & semper fuerit schismatica. Hinc nec negare potest, quod & latina Ecclesia sua habuit aliquando schismata, & tamen mansit Ecclesia. Proinde nihil est, quod iubeat me tacere, & non insultare per græcam Ecclesiam, quia deficientes à Romana Ecclesia, simul facti sunt & à fide Christi exules. Ego potius rogo D. D. Eccium, vt pro Ecciana modestia, quam iactat, parcat tot milibus Sanctorum, cum vsq̄ ad nostra tempora durarit Ecclesia græca, & sine dubio vsque hodie durat & durabit, Non enim Christus accepit medium terræ Romanæ, sed omnes fines terræ in possessionem & hæreditatem a Patre, Psal. 1.

Esai. 1.

Latina Ecclesia.

Ecciana modestia.

Ad septimam, Quam ex Hieronymo de summo sacerdote opposuit, Meam Responsum dixit esse euasione, Ideo confirmaturus dictum suum adiecit. Cur B. Hieronymus Damasum Piscatoris successorem dicat, & cathedræ Petri vult associari? illud diuinum citans Matth. 16. Super illam Petram fundatam Ecclesiam scio, quod ita reliquis Ecclesijs appropriari non potest, Et deinde complorauit Hierosolymitanæ, Antiochenæ, Alexandrinæ, tandem & Boemicæ casum, & quod eodem Hieronymo, teste apud solos Romanos incorrupta Patrum seruaretur autoritas. Respondeo, & rogo D. D. egregium, velit dicta Patrum allegare secundum conscientiam, ne pro Theologis videamur esse Sophistæ, Nam summum sacerdotem eo loci Hieronymus appellat Episcopū quemlibet etiam, ut qui de numero reliquorum sacerdotum sit eleuatus, ideo nihil pertinet proprie ad Romanum Pontificem.

Psal. 1.

Hieronymus dicit Damasum Piscatoris successorem.

Matth. 16

Deinde illa autoritas Matth. 16. non appropriatur Romanæ Ecclesiæ tantum, quod expresse indicant verba Christi, cum dicit: Ecclesiam meam, Quæcunq̄ ergo est Ecclesia, est ædificata supra petram, & non solum Romana.

mana. Aut si non conuenit cæteris Ecclesijs hoc verbum, Romana Ecclesia
 erit sola, & per consequens non prima. Quare vnitas Ecclesiæ nō ab vnitate
 episc. 4. primatus Romani, sed longe melius iuxta Apostolum Ephe. 4. ab vnitate
 fidei, baptismatis, Domini, pendet, sicut & frequenter Cyprianus in Episto-
 lis suis sentit. Nec mansit apud Romanos solos in corrupta Patrum autori-
 tas, nisi forte eo tempore quo scripsit Hieronymus, Imo tradunt historiae Li-
 berium Romanum Pontificem cōcessisse Arrianis, & illud Hieronymus in
 viris illustribus scribit, Quod Achacius Cæsariensis Episcopus Arianus, Eu-
 sebij Ariani discipulus, autoritate Constantij Imperatoris ordinauit Foeli-
 cem in Romanum Pontificem.

Ecclesiæ unitas.

Cyprianus.

Liberius Romæ
Pontifex.Hieronymus ad
Euagrium.

Octauo, confutans autoritatem Hieronymi à me inductam ad Eua-
 grum, Dicit se sciuisse omnes eiusdem meriti, eiusdemq; sacerdotij omnes
 Episcopos fuisse & esse, Sed papatum esse ordinem ultra episcopatum, sed
 non euicit responsionem meam, quia Hieronymus sublimitatem & inferiori-
 ritatem Episcoporum non iuri diuino, sed consuetudini & potentia diuitia-
 rum tribuit. Ideo adhuc maneo cum Hieronymo.

Ad nonum, Super Canonem 99. dist. dicit sibi non apparere in Ecclesia
 primitiua fuisse talem confusionem, vt Episcopus à sacerdote non seperare-
 tur. Respondeo: Quid hoc ad me? pugnet cum Hieronymo & Canonibus.
 Quod autem Dionysium inducit, inter sacros ordines episcopatum recense-
 re, miror, q; non etiam inducit ex eodem autore Ro: Ecclesiæ monarchiam,
 cum habeat tantum momenti ad Hierarchiam, vt sine hac similitudo trium-
 phantis Ecclesiæ consistere non possit. Decuit autem professorem scribende
 Hierarchiæ argumento suscepto, præsertim in præstantiore eius parte satis-
 facere, At Dionysius usq; ad Episcopum solum deducit.

Dionysius.

Ad decimam, Ad Canonem 99. dist. vbi respondi, Prohibitum fuisse,
 ne Ro: Pontifex vniuersalis Ecclesiæ Episcopus appellaretur, Confutauit in
 hunc modum, Non q; Ro: Pontifex nō sit primus & summus, sed q; Episco-
 pus peculiariter Rom: Ecclesiæ non sit proprius cuiuslibet Ecclesiæ Episco-
 pus. Respondeo: Quasi vlli mortalium possit tam stultus incidere affe-
 ctus, vt vna persona velit omnibus Ecclesijs & singulis præesse, vt tantam
 insaniam necesse fuerit prohibere. Tamen relinquens hanc confutationem,
 rectiorem dedit, scilicet non Episcopum vniuersalem, sed vniuersalis Eccle-
 siæ Episcopum eum Ro: Pontificem dicendum. Nisi parcerem & ego suspen-
 derem hanc Solutionem, sed iudicent iudices & auditores.

Vltimo, ad autoritatem Christi, vbi dixit: Vos autem non sic, dixit am-
 bitionem fuisse redargutam, sed non primatum. Respondeo: Hæc est peti-
 tio principij, quasi iam obtinuerit, scilicet principatum. Deinde clarus est
 textus, q; non tantum ambitionem, sed ipsam maioritatem super cæteros
 prohibuit.

Vos autem non
sic etc. Luc. 22.

ECCIVS.

AD defensiones Solutionum a reuerendo Patre datarum, dico de
 primo, Non increpasse Paulum eos, qui dixerant se esse Petri, quia ha-
 buissent intentionem principatus Apostolorū, sed quia singularitatem aspi-
 ciebant personarum. Quod verba ipsa clare indicant diuisionis & schisma-
 tis. Et quanquam merito Paulum præferat Hieronymus, pie tamen creden-
 dum est, Hieronymum eo loco sententiam Pauli bene intellexisse. Nec locus
 est ambiguus, ob id caput in Ecclesia constitutum, vt schismatis tolleretur
 occasio, Quod grammateo satisfacit lectori, quam disciplinam præcipuam
 præ alijs partibus Philosophiæ Theologiæ subservientem, dixit in disputa-
 tione quadam reuerendus Pater.

t

Secundo,

DISPV: LIPSIÆ HABITA ANNO XIX

Secundo, Nemo negauit Christum, Iohan. 5. æqualitatem cum Patre affirmasse nisi Arianos, neq; alio sensu inducit Bernardus. Sed quod reuerendus Pater arbitratur sanctos Patres sanctam induxisse scripturam, locupletandæ orationis gratia, respuimus, quoniam talem ostentationem de eis suspicari non licet. Iohan. 5.

De tertio, De Papa mortuo tunc Ecclesiam esse acephalam, dico, Nunquam negatum Christum esse caput Ecclesiæ, iuxta etiam glossam Cant. 5. Cant. 5. Caput eius aurum optimum, Glossa, caput, id est, Christus, Papa uero est eius Vicarius. In consistorio autem Episcopus & Vicarius computantur pro una persona, vnde appellare à Vicario ad Episcopum non licet.

Nicolaus Pontifex.

De Cardinalibus uero dixi, quod nunc, hoc est, iuxta Ecclesiam iam institutam, electio ad Cardinales uenerit, Nicolao quodam Pontifice ordinante, tamen tempore Hieronymi fuisse Cardinales credo, nisi Hieronymus nō fuerit presbyter Cardinalis.

Numidia.

Cyprianus appellauit Cornelium fratrem.

Quarto de Cypriano. Certe fieri non potest, ut S. Martyris uerba in Romanæ diocœsis angustia coartet. Quia Episcopum Maximum ex Numidia, quæ regio est Africæ ultra Atlantem, ut Ptolemæus & Strabo autores sunt, ad Romam aduentarunt. Quod uero Cyprianus Cornelium fratrem appellauit, arbitror collectoris fuisse, non Cypriani mentem, Nam si sanctorum Episcoporum epistolas legerimus, inueniemus clare ea tempestate uisitationes fuisse cōscriptiones illas laudabiles & magnificas, quam modo fiat, Rom: Pontifici, ut de Ambrosio, Augustino, Hilario, cæterisq; liquet Patribus, Nam mutuo se uocant, beatissimos, sanctissimos, Deo amabilissimos &c. Ad adiunctum, Causatur, quod queram diuerticula, & ad rem non pertinentia, Cum bona ueniam libenter dicerem, Turpe est Doctori &c. Petit à me, ut probem Petrum ordinasse aliquem Apostolum, sed hoc ad institutum nostrum est impertinens. Non enim quærimus, quis vnum aut alterum ordinauit, sed quis primatum super alios à Domino Ihesu accepit. Subsequens omnino respuo, cum huiusmodi fecit illationem, Petrus nullum potuit ordinare Apostolum, Quare nec successor Petri successorem alterius potuit ordinare, vel super eo habere potestatem. Nam assumptum est verum, illatum est manifeste falsum, cum summus Pontifex modo potestatem habeat, & ordinet alios Episcopos. Verum Ratio enodandi nodum erit ista, quod Apostolatus officium fundamentum Ecclesiæ, plus dicit, quam esse Episcopum. Quare Leo X. successor est Petri Apostoli, non Apostolus.

Cyprianus contra Nouatianum.

Sed quod fatetur Petrum bene fuisse primum Apostolum, numero & honoris prærogatiua, & non potestatis, illud non satisfacit instituto. Primo, quia Euangelistæ numerum Apostolorum non æqualiter inceperunt, sicut Chrysostomus super Matthæo annotat, & glossa videatur Matth. 10. Deinde, quod de potestate & honoris prærogatiua variat, expresse est contra S. Martyrem Cyprianum, qui in tractatu de simplicitate Prælatorum contra Nouatianum loquens, de diaboli astutia, Increpat eos, qui velut iusticiæ ministri asserunt noctem pro die, interitum pro salute, desperationem sub obtutu spei, perfidiam sub prætextu fidei, Et infra: Et quamuis Apostolis omnibus post resurrectionem suam parem tribuat potestatem, & dicat: Sicut me misit Pater &c. Tamen ut vnitatem manifestaret, vnitatis eiusdem originem ab vno incipientem, autoritate sua disposuit. Hoc erant utiq; & cæteri Discipuli quod Petrus, pari consortio præditi, & honoris & potestatis, hoc ponderandum. Sed exordium ab vnitatem proficiscitur, ut Ecclesia vna esse monstretur, Et infra: Hanc vnitatem qui non tenet, legem Dei non tenet, non tenet Patris & Filij fidem, vitam non tenet & salutem. Hæc notatu dignissima. Cypriani verba, qui inter prærogatiuam honoris & potestatis Apostolos non variat. Matth. 10. Iohan. 10.

Ad quintum,

A NOTARIIS EXCEPTA CCXLVIII

Ad quintum, de electione ; Dico vt prius, nihil nos disputare de modo eligendi, sed de qualitate, aut potius quantitate ipsius Electi, quare Concilium Nicenum non fuit conciliabulum. Sed quæ factum & conuersationem respiciunt, pro temporis, personarum & locorum, qualitate, mutari possunt, vt in multis Canonibus videmus.

Ad sextum, Quod obseruandus D.D. vti Dialecticum opponit me finxisse distinctionem de duplici ortu, iam audiuius Cyprianum, & loquatur pro Eccio, cui non tantum suppetit ingenium, vt noua fingat, sed vetera Sanctorum dicta pro virili explanat. Dum vero omnium dat mihi sacerdotem Christum, Primo Cypriani attentionem non assequitur, nec Hieronymi, quoniam Petrum primum Apostolorum constitutum volunt, vnde reliquorum sacerdotum potestas defluat. Non quidem interius conferendo, quod Christi est velut Capitis, sed potestatem ecclesiasticam communicando.

Septimo, Quod desiderat ecclesiam modestiam, Græcos & Orientales pro damnandis iudicantem. Respondeo: Græcos longo tempore non solum fuisse schismaticos, sed hæreticissimos, vt tot errorum cumulus & peruicax obstinacia testatur Clementissim: Trini. Vt de Spiritu sancto, de confessione, de trium Euangelistarum falsitate, & innumeris alijs, quamuis sæpe ficta fecerint Ro: Ecclesie obedientiam, vt in Concilio Florentino Eugenij III. temporibus factum est. Quare si pauci Christiani apud nos multorum sententia saluari debent, quanto magis paucissimi aut nulli in Turcia saluantur, nisi religiosi aliqui, & eis adhaerentes, qui Romanam tenent obedientiam.

Concilium Florentinum.

De octauo, Rogat Reuerendus Pater, vt Autores allegem secundum conscientiam, in quo nihil hæsitet. Vellem, q̃ eos adducere possem, etiam secundum scientiam. At Hieronymum agnoscere Damasum velut summum Pontificem, nulli potest esse dubium. Sic quoq̃ Ecclesiam vniuersalem esse fundatam supra petram nemo ambigit. Sed petram illam esse Petrum & eius successores, alio tempore probabo.

Hieronymus.

Suggillat tamen nonnihil Hierony. cum dixisset, Apud vos solos incorrupta prima omnino seruetur autoritas. Quasi & Ro: Pontifices non fuerint sine nauo. Si ad tempus Hieronymus refert, Liberius & Anastasius eum præcesserunt. Hoc dico, quod merito in mentibus fidelium est admirandum, nullum Ro: Pontificem, quantum cuiq̃ malū, uel errantem definiuisse iudicialiter, & ex constituto, quod unquam meminerim, quod est contra fidei Christianæ mandata, quamuis factio ipso sæpe errauerint, imo talia iudicia erronea facere attentarūt, Vbi diuino quoq̃ correpti sunt iudicio, ut de Leone Ariano aduersante Hilario, ut de Anastasio can: Anastasius xx. distin.

Liberius Papa.

Ad nonum, De Canone, Legimus 93. distin. forte reuerendus Pater me non intellexit. Nunq̃ uenit mihi in mentem, Papatum esse ordinem ultra Episcopatum, sed dignitatem. Quod uero dicit, mihi bellum esse cum Hieronymo & Canonibus, dixi quid sentiam, præfero hoc loco Dionysij autoritatem uelut senioris. At cum rhetoricetur reuerendus Pater de Dionysio, Cur non Monarcham Ecclesie descripsit, imo ultra Episcopatum non progrediatur? Facile est quod dicam, Dionysius enim sacramenta Ecclesie perstringit, papatum autem eum ordinem esse negauerim, Episcopatus inter ordines omnium consensu supremum obtinebit locum.

Dionysius.

Decimo, Quod neminem tam insanum existimat, qui crediderit aliquem esse Episcopum proprium singulis Ecclesijs. Quid est quod ego conqueror, nisi q̃ stultorū & qui singularitati student, infinitus est numerus. Legat reuerendus Pater Aluarum de planctu Ecclesie, Iohannem de turre cremata in summa Ecclesie, Vuilhelmum de Ocam in dialogo, & inueniet homines quandoq̃ illius fuisse insanie.

Aluarus de planctu ecclesie.

¶ ¶

Quod

*

Luce 22.

DISPUTATIO LIPSIÆ HABITA ANNO XIX

Bernardus ad
Eugenium.

Quod uero suspendere uult solutionem nostram de eo, quod dixi, Papam uniuersalis Ecclesiæ Pontificem melius, quæ uniuersalem Episcopum, Fecit hoc diu Bernardi autoritate & summorum Pontificum consuetudine, Ait enim Bernardus lib. 2. de considera: ad Euge: col. 7. Nempe signum singularis Pontifici Petri &c. Infra ita: Cum quisq; cæterorum suam habet Ecclesiam, tibi una commissa est, grandissima nauis, facta ex omnibus ipsa uniuersalis Ecclesia, toto orbe diffusa.

Richardus Amaranus.

Ad decimum, Verbo Christi non satisfactum, Lucæ. 22. quasi sit com-
mentum meum. At non sine autoritate loquor, Adduco ei Richardum Amaranum, lib. 7. cap. 3. de questionib. Armeniorum, locum istum ita intelligentem. B. Leonis autoritate. Et q; hoc sit uerum, uerba indicant: Et qui maior est inter uos &c. Ergo præsupponebat Christus aliquem esse maiorem. Quis autem esset maior, non tunc indicauit, sed posterius, cum Petro diceret, de dæmone eos expetente, & quomodo rogaret pro eo, ut conuersus, confirmaret Fratres suos, ubi maioritatem eius declarauit. Luc. 22.

MANE HORA VII. DIE MARTIS: quæ erat V. Iulij.

LVTHERVS.



Confutaturus Responsum egregij D.D. in causa, ad illud 1. Corinth. 3. Quid est Paulus? quid est Cephas? Dixit ibi non esse intentam principalitatem, sed singularitatem personæ, idq; indicari per uerba schismatis. Respondeo: Plus me mouet ipse textus Pauli, q; tam violenta & extorta distinctio, quæ nulla prorsus nititur Autoritate, cum tamen uelit e diuino iure arguere. Clarum est autem, contentiorem eorum fuisse de præstantia vel principalitate personarum, quod indicat ipsa confutatio Pauli, per tapinoses & comparationes, uirgens & dicens: Quid est Cephas? quid Paulus? Ministri, per quos credidistis. Itaque qui plantat & qui rigat, unum sunt. Neq; qui plantat, est aliquid, neq; qui rigat, est aliquid, sed qui incrementum dat, Deus. In quo manifeste detrahit personam, id est, occasionem schismatis. Quomodo & ad Gala 2. cum titulo præstantiæ Petri & aliorum Apostolorum Galatæ essent seducti, audet & dicit, Qui videbantur esse aliquid, quales aliquando fuerint, id est, q; magni, nihil mea refert, Deus enim personam hominis non accipit. Q. d. Siue Petrus vel quicumq; Apostolus primus vel ultimus sit, nihil ad rem. Vellem ergo egregius D. D. Scripturas rectius legeret, antequam sic allegaret. Stat ergo, quod Primatus iste seu persona nihil pertineat ad Ecclesiam de iure diuino saltem. 1. Cor. 3. Galat. 2.

Numidia.

Transco illud, Quod Hieronymum dicit Pauli sententiam intellexisse. Item & illud, quod concessit Iohan. 5. Item & illud de plebeia Ratiuncula transeo, quia non est confutata. Quod de Episcopo & Vicario in Consistorio adduxit, nihil ad rem est. Mea ratio hoc uoluit, Si Ecclesia non est acephala mortuo Papa, nec acephala nullo Papa. Transeo illud de Cardinalibus, quia omnibus notum, quando coeperint. Transeo & illud de Cypriano, quia ex propria salua D. D. dixit, nescio de Numidia ultra Atlantem, quæ non est in rerum natura. Et illud, q; Cornelius frater appellatur à Damaso, transeo, quia non confutatum est, licet dictum sit, quod honestissimis titulis se honorauerint ut beatissimos, sanctissimos appellando, Nam & hoc ego dico. Non autem

autem soli Ro: Pontifici, sicut hodie, sic scribebatur. Hoc enim probandum erat.

Transeō & illud, Quod dixerit impertinens esse ad institutum, an Petrus Apostolum aliquem ordinaret, Quia hic vnicus neruus est, & inuictus contra D. Eccium, ideo non inconsulte transit, ne irrecuperabiliter impingat. Item admitto, quæ ex Martyre Cypriano adduxit de honore & potestate æ quali Apostolorum, & accipio tanquam gratiam mihi factam à D. D. Simili cura quod transijt à Niceno Concilio & à Cypriano descriptam Ecclesiam Episcoporum, placet, quia non potest confutari. Quod aut repetijt de distinctione ortus sacerdotalis, vnde patet, q̄ intentio Cypriani sit, de defluxu potestatis sacerdotalis, quia nihil dixit nisi sua verba, apud me nihil concludit.

Cyprianus.

Illud quoq̄ magis attendendum, q̄ Græcos hæreticissimos ausus est appellare satis modeste, cum in vniuersa Ecclesia nulla pars dederit plures excellentiores Scriptores, q̄ Græca. Nam q̄ toties mihi submordens Bohemiā opproperat, aliasq̄ calūnias intertexit, ad Sophistas relego, indigniora sunt q̄ ut in graui & theologica Disputatione memorentur, nedum obijciantur.

Quare illud Matth. 16. Super hanc petram &c. Videamus. Vbi dico, aut petra significat hoc loco potestatem vel fidem, (confido enim Dominum D. nunquam satisfacturum suæ promissioni, q̄ petra significet Papam seu successorem Petri) Si potestatem, superflue dicitur infra: Tibi dabo clauēs regni cœlorum, id est, potestatem, nisi dixeris, potestatem potestati traditam. Deinde si omnino potestatem significat, eadem erit omnium Ecclesiarum, quia dicit: Super hanc petram ædificabo Ecclesiam meam, non Romanam tantum. Aut significat fidem (quod uerum est) iterum eadem est fides omnium Ecclesiarum. Ita patet, q̄ hoc solum pronomen, meam, communem facit petram, quidquid significetur per petram.

Super hanc Petram. Matth. 16.

Petra significat fidem.

Eph. 4.

Ideo frigidissime inducunt hanc autoritatem Decreta Pontificum, pro singularitate principatus, quæ tamen constanter defendunt communitatem petreæ. Et sic concordat cum Apostolo ad Ephesios: Vna fides, vnum baptisma, vnus Dominus. Non enim vt B. Hierony. ait ad Euagriū, alia fides Ro: Ecclesiæ, alia Britannicæ & totius orbis, ita nec alius Christus, nec alia petra. Quod si eadem fides & idem Dominus, & idem baptisma omnium Ecclesiarum, sequitur, q̄ etiam eadem omnia reliqua, quæ ad fidem & ad baptisma, & ad Christum, sequuntur.

Hieronymus ad Euagrium.

Vltimo ex Richardo Amarcano interpretatus est verbum Christi de ambitione non de maiestate, quia inquit, præsupponebat Christus, esse unū inter eos maiorem, licet non indicarit quis esset. Respondeo, Quidquid sit de Amarcano, præualet clarissimus textus obscuro Autori, quia scribitur, Quod contentio facta sit inter eos, quis eorum videretur esse maior. Et Christus: Qui vult inter vos esse maior, satis indicat, nullum suppositum fuisse esse maiorem, & ex consequentia textus patet, q̄ noluit ullum esse maiorem &c. Quod autem pro confirmatione sua induxit illud Lucæ: Rogauī pro te Petre, & tu confirma, Pro me valet, quia fratres Petri Petro confirmandos præcipit, non maiestatem.

Richardus Amarcanus.

Lucæ 22.

ECCIVS.

DE Apostolis quod attulit reuerendus Pater, vt semel dicam, ex Cypriano Audiuius & Hieronymo, quod & S. Martyr & Papa Anacletus testatur canone, in nouo, dist. 21. Aequalis fuisse eos in Apostolatu, q̄ nemo negat. At æqualitas illa apostolatus non præiudicat primatui & principatui, nisi impudenter dicatur, S. Martyrem Anacletum in eodem decreto sibi contradixisse. Quod vero tantum ponderis & præsidij locat in ordina-

Anacletus.

t. iij

tione

DISPV: LIPSIÆ HABITA ANNO XIX

tionem Apostolorum, scio quod Paulus ingenue scripsit. Postquam ascenderit Hierosolymam, nihil se recepisse ab ijs, qui videbantur aliquid esse, Verum si neruus iste tam inuincibiliter Ecclesiam ligare debet, utatur eo, cum copiam opponendi habuerit. Sed quod gratiam sibi factam ait ex Cypriano, Apostolos pari consortio præditos honoris & potestatis, Si istam appellat gratiam, Solutiones suas interimere, paratus sum sæpe ei talem gratiam exhibere. Nam distinxerat reuerendus Pater, Petrum fuisse priorem prærogatiua honoris, non potestatis, Cyprianus in utroque eos æquiparat. Galat. 2.

Numidia.

Mauritania.

De Numidia, quam ait esse inter Mauritaniam & quod attulit, ad negotium est impertinens & diu Cosmographicum negotium non agens, non omnium etiam memini. Hoc scio Mauritaniam Turgaricam & Cæsariensem ab Atlante vergere usque ad mare, Neque Atlantem poni terminum Afri-
cæ, sed Africam pro magna sui parte diuidere ad plures gradus. Sufficiat venientes ad Cornelium ex Numidia non fuisse de diocæsi Romana, sed primam adiisse Ecclesiam. Ob id inuicta stat adhuc Cypriani illa sententia nondum soluta. De influxu miror, quod affert uerba mea fuisse, cum Cyprianum contra Nouatianum adduxerim, ad quem reuerendus Pater nihil respondit.

Cyprianus contra
Nouatianum.

De Græcis, fateor eos olim fuisse Christianissimos, & doctissimos, cum Romæ Ecclesiam primam appellabant sedem. Sed superbia elati & inuidia infecti, ab obedientia Romæ Sedis se subtrahentes, in pessimos inciderunt errores, & simul fidem cum Imperio perdidere. Quod uero diuinatur, me non exhibiturum pollicita, & argumentum fecit ex Matth. 16. Miror uenerandum Patrem Sophistis tam infestum, & tamen Sophistarum cautelis pulchre utitur. Et cum sit respondens, se ad partem opponentis transfert. Quare nihil iam respondeo, sed quod petit per me probari, probabo, ne semper tempus deliberandi ad partes suas veniat. Matth. 16

Postremo obscurum Doctorem Richardum Amaranum reijcit, illius oblitus, quod Richardum dixi, id facere B. Leonis autoritate. Porro id ex litera non euincit, quod petit contentionem inter discipulos factam, Christus merito reprehendit. Quare & uerba Christi sic sunt accipienda, ut contentionem reprimant, Primatum non auferant. Et textum posterius inductum credit reuerendus Pater facere pro se, Quod Christus Apostolos uocauerit fratres, & ita eum non fecerit maiorem. At si uerba textus ponderaret, uti alias facere solet, iam videret Petrum alijs Apostolis superiorem, cum maior sit confirmans confirmato. Hoc de solutionibus dictum. Lucæ 12.

Venio ergo ad principale, quod petit, probaturus primatum Ecclesiæ Romanæ esse de iure diuino & constitutione Christi. Ita, quod Petrus fuerit Monarcha Ecclesiæ, a Christo institutus cum suis successoribus. Pro quo repeto rationem Bernardi inductam & nondum solutam. Repeto dictum Cypriani pariformiter, & tertio probo per illa uerba Christi, Matth. 16. Tu es Petrus, & super hanc Petram ædificabo Ecclesiam meam. Vbi glossa ordinaria specialiter illam potestatem Petro concessit, ut ad unitatem nos inuicaret, ideo enim eum principem Apostolorum constituit, ut Ecclesia unum principalem Christi haberet Vicarium, ad quem diuersa membra recurrerent, si forte inter se discuterent, quod si diuersa capita essent, uinculum unitatis rumperetur.

Tu es Petrus.
Matth. 16.

B. Augustinus contra
Donatistas.

Hieronymus contra
Pelagianos.

Ita B. Augustinus in Epistola contra Donatos exposuit: Tu es Petrus, & super hanc petram, id est, Petrum, ædificabo Ecclesiam meam, Et quamuis idem Augustinus alicubi exposuerit super hanc petram, id est, Christum, ad mentem Apostoli, Petra autem erat Christus, tamen in lib. Retracta: expositionis suæ primæ eum non poenituit, Ita & B. Hieronymus libro primo contra Pelagianos: mihi col. 5. ait: Quid Platoni et Petro, ut ille enim princeps Philosophorum,

Iosophorum, ita & hic Apostolorum fuit, Super quem Ecclesia Domini stabili mole fundata est, quæ nec impetu fluminum, nec vlla tempestate concutitur. Ita B. Ambrosius Sermo: 47. Petrum dicit fuisse petram.

Ambrosius

Huic quoque sententiæ Chrysostomus astipulatur ab initio eiusdem capituli: Quid igitur Petrus, inquit, omnium Apostolorum os, vertex totius consortii. Et infra: Sublimiora ipsum sapere fecit, & Ecclesiæ futuræ Pastorem constituit, & post hunc vniuerso orbi terrarum Christus præposuit. Fatetur hoc S. Martyr Cyprianus ad Cornelium Papam dicens: Petrus, super quem ædificata fuerit ab eodem Domino Ecclesia, Vnus pro omnibus loquens, & Ecclesiæ voce respondens, ait: Domine, ad quem ibimus? &c. Propterea S. Leo 14. q. 1. cum beatissimus, ingenue fatetur, Petrum Apostolum accepisse primatū Ecclesiæ à Domino. Ita omnes consentiunt S. Petrum à Christo primum totius Ecclesiæ obtinuisse, iuniores prætereo: Bedam, Bernar. & similes.

Chrysostomus

Iohan. 6.

Loquatur S. Papa & Mar. Anacletus, qui non à quadringentis annis frigidissima Decreta cōposuit, sed à mille & quadringentis annis ita intonat, Sacrosancta Romana & apostolica Ecclesia, non Apostolis, sed ab ipso Domino & Salvatore nostro Primatū obtinuit. Sicut B. Petro Apostolo dixit: Tu es Petrus, & super hanc petram &c. Et infra: Hæc autem apostolica sedes caput & cardo, ut præfatū est, à Domino, & non ab alijs cōstituta est. Transferentur hæc uerba can. sacrosancta. 22. dist.

Anacletus

Ita S. Marcellus 4. ante Siluestrum can. Rogamus, 14. q. 1. scribit, Episcopis Antiochenis, Licet prima sedes fuerit apud Antiochiam, posterius Domino iubente Romam translata est. Sic B. Iulius 3. q. 6. can. B. Petrus à Christo testatur Ecclesiam Romanam habere Primatum, & esse caput aliarum Ecclesiarum.

Marcellus

Iulius

Sic Pelagius Papa non à quadringentis annis, sed nongentis & 28. S. Patrum secutus sententiā, uerba Christi: Et super hanc petram &c. eodem modo accepit. Hinc inter damnatos & pestiferos errores Iohannis Vickless damnatus est & ille, Non est de necessitate salutis credere Ro: Ecclesiam esse supremam inter alias. Sic inter pestilentes Iohannis Hufs errores ille quoque connumeratur, Petrus nō est nec fuit caput Romanæ Ecclesiæ S. catholicæ. Et alius, non est scintilla apparentiæ, quod oporteat esse vnum Caput in spiritibus alibus regens Ecclesiam, quod semper in militante Ecclesia conuerfetur.

Pelagius Papa

Iohannes Vickless

Iohannes Huf

Et ista papalis dignitas à Cæsare inoleuit. Et Papæ præfectio & institutio à Cæsare emanauit. Ita Bonifacius 8. hæreses condemnans Lugdunensium, contra errorem eorum decernit, esse de necessitate salutis, omnem humanam creaturam subesse Ro: Pontifici. Vt super hoc habetur decretalis, Vnam sanctam. Iohan. quoque 22. hæresim Marsilij Paduani cōdemnans, huic quoque reprobauit, B. Petrum Apostolum non plus fuisse caput Ecclesiæ, quam alios Apostolos. Ita longa serie incipiendo à primitiua Ecclesia, semper in confesso fuit, apud bonos Christianos Ecclesiam Romanam primatum obtinuisse à Christo, non iure humano & populi consensu.

Bonifacius VIII.

Fateor, quod Bohemi in suorum errorum pertinaci defensione illa commorant, et his armis virulentis se defendunt, ut est videre in eorum oblatione facta in Concilio Basiliensi, & in alia Disputatione facta coram Rege & optimatibus regni inter Ragusium, & illum iniquitatis ministrū Iohannem Rockenzcenam. Vnde veniam precor à uenerando Patre, si Bohemis (non loquor de Christianis, sed schismaticis) sum infestus tanquam Ecclesiæ inimicis, & quod eorum præsentis memor sum Disputatione, quoniam & Conclusio ipsa, & ea, quæ heri allata sunt, primatum Ecclesiæ iure humano constitutum, meo paruo & exili iudicio, plurimum fauent erroribus eorum &, ut fama est, de hoc plurimum gratulantur. Hæc modo in præsentia afferre libet, auditorum reuerendi Patris & sententiā & allegatorum Solutionem.

Bohemi

Iohannes Rockenzcenā

t iij

LVTHERVVS.

DISPVTVS LIPSIÆ HABITA ANNO XIX LVTHERVVS.

PRIum diluam contumeliam, Quod me egregius D. Doctor insinuat Bohemicæ factionis studiolum, & plane Patronum, Parcat ei Dominus, præsertim in tanta corona tantorum virorum. Nunquam mihi placuit, nec in æternum placebit, quodcunq; schisma, Inique faciunt Bohemi, q; se Autoritate proprio separant à nostra vnitate, etiamsi ius diuinum pro eis staret. Cum supremum ius diuinum sit charitas & vnitas spiritus.

Græca Ecclesia.

*Romana Ecclesia
non est prima &c.*

Hoc ego quesui solum, & rogo quemlibet bonum Christianum, dignetur Christiana charitate perpendere, An non sit longe impudentissima iniquitatis, tot millia Martyrum & Sanctorum per annos mille & quadringentos in græca Ecclesia habitos, extra Ecclesiam eijcere, & nunc demum etiam regnantes, in cœlo velle deturbare? Nam si etiam insistant omnes adulatores Ro: Pontificis, negare non possunt, Ecclesiam Christi fuisse 20. annos fundatam, coronatam, per multam orbis terrarum partem, antequam Ro: Ecclesia fieret ex Petro, vt clarissime patet ex epistola ad Galatas, vbi scribit Paulus, Se post tres annos venisse ad Petrū. Deinde post quatuordecim annos iterum ascendisse ad Petrum, Qui si conferantur, inuenientur ferme decem & octo anni post ascensionem Christi, quando Petrus adhuc erat Hierosolymis, vt taceam annos, quibus sedet Antiochiæ. Vt non possit dici, Rom: Ecclesiam esse primam, & caput iure diuino. Iam illud magis vrget, quod græca Ecclesia usq; ad nostra tempora nunq; accepit Episcopos suos confirmatos ex Ro: Ideo si fuisset ius diuinum per tantum tempus, omnes Episcopi Alexandriæ, Constantinopolis aliquot sanctissimi, vt Gregor. Nazan. & cæteri q; plurimi essent damnati, hæretici & Bohemici, Qua blasphemia nihil potest detestabilius dici.

Gal. 2.

Ad argumenta solutionum.

Anacletus.

Quando egregius D. D. dicit: Aequalitas apostolatus non præiudicat primatui, & adducit S. Mar. Anacletum distin. 21. Ca: in Nouo testa. Dico breuiter, hoc est vnum de frigidissimis Decretis, quod impugno, nec vllus mihi persuadebit, hoc Decretum esse huius sancti Pontificis & Martyris. Ad secundum, Non posui uim in ordinatione Apostolorum, de quo in opponendo videbimus.

Cyprianus.

Tertio, Quod Cyprianum induxit æquiparantem Apostolos tam in honore q; in potestate, cum ego dixissem B. Petrū honore fuisse priorem, libentissime admitto, Et si opus est, libenter errare volo, modo D. D. obtineat hoc pro veritate, & dicat postea vbi postea maneat principatus. Dico tamen, q; æqualis est honor Apostolorū ad alios, verum inter se merito Petro primum locum dederunt. Vnusquisq; enim Apostolorum in sua sorte, & sicut unusquisq; Episcopus in sua Diocœsi æqualem habet honorem.

Achatius.

Epiphanius.

Quod exprobat, me nihil respondisse ad Cyprianum, quæsiui Epistolam, & non inueni. Tamen satis responsum est ex præcedentibus, quod Cyprianus cuiuslibet Ecclesiæ tribuit suum caput per multas Epistolas. Hi, qui fuerunt ex Numidia, non probant ius diuinum esse, sed factum ostendunt. Sicut in simili Achatius de facto constituit fœlicem Rom: Pontificem, quod dictum est heri. Imo Epiphanius Episcopus Cypri deposuit maiorem Episcopum Constantinopolitanum, scilicet Iohan. Chrysost. ut est in tripar:histo: Non tamen ex facto isto factum est ius, & multa alia Exempla.

Satis miror, D. D. instituisse probare ius diuinum, & usq; hodie ne vnā quidem syllabam Scripturæ inducit, sed tantum dicta & facta Patrum eademq; sibiipso repugnantia.

Quod

Quod Græcos olim fatetur Christianissimos fuisse, postea recedentes ab obedientia Ro: Ecclesiæ fidem cum imperio perdidisse. Idem est, quod heri dixit eadem autoritate ecclesiastica, Præualuisse aduersus eos portas inferi, sic tractans Scripturas, ut intelligat per præualentiam inferorum terrenæ vitæ vel rerum amissionem. Bellissima glossa certe, quasi non potuerit fides manere amisso imperio, & ita liceat diuinare, q, nulli sint Christiani in Græcia, quia nullum imperium, Eadem ratione dicet & Martyres ab inferis esse superatos.

*Portæ Inferorum
quid sint, secundum
Eccium.*

Exprobat etiam dicens, Quod ex respondente factus sum opponens, gratus accipio monitionem. At hoc ideo fecerim, ut tempus haberem deliberandi. Non sunt tanta Ecclesiastica fulmina (ut & ego quid glorier) ut necessaria sit mihi deliberatio.

Illud etiam, q, Richardus Amaranus non sua, sed Leonis autoritate, verbum Christi tractauerit, parum mouet. Ostendat ipse ex ipso textu, hoc est, iure diuino Propositum, & ero contentus.

Richardus Amaranus.

Ad vltimum, ubi sic ratiocinatur, Confirmans est maior confirmato, ergo Petrus maior Apostolus, forte, q, ex Aristotele putet agens suo passo esse præstantius. Sed argutabor & ego plane aristotelice: Confirmans est bene maior per se, sed per accidens bene minor, nisi fortassis confirmationem hic intelligat sacramentum confirmationis, quod non credo. Alioqui non rarum est, superiorem per inferiorem adhortari, consolari, confirmari, hoc ad confusiones eius.

Ad principale.

AD principale accedens, probauit, Petrum esse Monarcham iure diuino, & hoc ex autoritate Bernardi superius inducta. Cypria. Hiero. Ambro. Chryso. Augustini, Deinde omnium Sanctorum consensu. Item multis Decretis & Decretalibus diuersorum Pontificum. Respondeo: D. D. Eccius voluit iure diuino probare, & mox sui oblitus incidit, in autoritates Patrum, quas pro maiore parte iam tractauimus, & uidimus eos in diuersis locis diuersa aliquando sensisse, & multo plures & sæpius pro me, quam pro D. D.

Secundo uideamus tamen per ordinem.

Prima Bernardi superius satis est dissoluta, Quod uidelicet, non probat, sed suadet tantummodo, eo q, nitatur in alieno sensu Scripturæ, ut ipsemet D. D. concessit Similiter & Cypriani autoritas de principalitate & de ortu sacerdotalis unitatis, satis visa est.

Tertio probauit per illa verba: Tu es Petrus, & super hanc petram &c. Tu es Petrus. Quæ Augustinus sic exposuerit: Super hanc petram, id est, Petrum, & hanc non retractauerit. Respondeo: Quid ad me? Si vult pugnare contra me, conciliet ipse primum dicta contraria. Certum est enim Augustinum sæpius exposuisse petram Christum, et fortassis vix semel Petrum, ideo plus pro me, q, contra me facit.

*Fundamentum aliud
ud nemo ponere
potest &c.*

1. Pet. 2.

Quod si etiam Augustinus & omnes Patres, Petrum intellexerunt per petram, resistam eis ego unus, autoritate Apostoli, id est, diuino iure, qui scribit 1. Corinth. 3. Fundamentum aliud nemo ponere potest, præter quod positum est, quod est Ihesus Christus. Et autoritate Petri, 1. Pet. 2. ubi Christum lapidem viuum & angularem appellat, docens, ut superædificemur in domum spiritualem. Alioqui si Petrus esset fundamentum Ecclesiæ, lapsa fuisset Ecclesia ad vnius ancillæ ostiariæ vocem, quam tamen nec portæ Inferorum expugnare poterunt.

1. Cor. 3.

Sequitur ergo, Quod sancti Patres, quando Petrum appellant petram hoc loco, vel humana patiuntur, vel aliquem alium sensum habent, de quo non pronuncio. Ideo illud Ambrosij dicentis, Petrum esse petram, facile admitto,

mitto,

DISPV LIPSIÆ HABITA ANNO XIX

mitto, cum & quilibet Christianus sit petra propter Christum, in cuius soliditate firmatur, & vnum cum eo efficitur.

Quando autem Chrysostomus Petrum appellat Pastorem futuræ Ecclesiæ, & constitutum Præpositum vniuerso Orbi, sum contentus, modo intelligatur ista pastura non totius Ecclesiæ, ne Paulum Apostolum excommunicemus, qui multo plures Ecclesias pauid quam Petrus, & Petrum esse primum in honore in toto orbe confiteor, Et hoc etiam Chrysostomus tangit, quando dicit, Eum esse verticem totius consorcij apostolici. Vertex non est caput verticis, sed pars capitis. Imo apertius appellat eum Apostolorum os, quod & Hieronymus & Cyprianus asserunt, quia non in sua Persona solum, sed omnium Apostolorum & totius Ecclesiæ audiuit: Tibi dabo claves &c.

petrus Apostolorum os.

Anacleti decreta.

Ad Decreta nihil dico, quæ dixi frigidissima, & præsertim istius Anacleti multum iactati hæc hora, quod bonus Christianus non credat Anacleti esse Martyris, qui Cephas interpretatur caput, & Roma: Ecclesiam vocat Cardinem.

Bohemorum criminatores.

In fine, quandoquidem adeo displicent Bohemi D. D. egregio, Ostendat memoriam & ingenium suum, scribat contra eos. Satis ego miror, tam multos inueniri Bohemorum criminatores & hostes, nullum tamen esse, qui fraterna charitate dignetur eorum errorem confutare in gloriam Romanæ Ecclesiæ.

D. Martinus petijt Eccium, ne velit impingere tantam contumelliam, ut eum Bohemum faceret, quia sibi semper inuisi fuissent, ideo, quod ab unitate dissentiant.

HORA II CONTIN VATA

est Disputatio, eadem V. die Iulij.

LV THERVS.

Articuli Vuickleff & Hufs.



Biccit egregius D. D. in fine, articulos Vuickleff & Iohannis Hufs damnatos, & Bonifacium damnatorem eorundem. Respondeo, sicut prius, Me non velle nec posse defendere Bohemorum schisma, sed græcam Ecclesiam mille & quadringentorum annorum, siue cum ea senserint Bohemi, nihil ad me, Certum habeo, qd nec Rom: Pontifex nec omnes eius adulescentes possint tantum numerum Sanctorum sub potestate Rom: Pontificis nunquam agentium de cælo deturbare.

Vna Ecclesia vniuersalis.

Secundo, & hoc certum est, inter articulos Iohannis Hufs vel Bohemorum multos esse plane Christianissimos & Euangelicos, quos non possit vniuersalis Ecclesia damnare, Velut est ille & similis, Quod tantum est vna Ecclesia vniuersalis. Hæc enim agentibus impijsimis adulatoribus inique est damnata, cum oret vniuersitas Ecclesiæ: Credo in Spiritum sanctum, sanctam Ecclesiam catholicam, Sanctorum communionem. Hunc nobilissimum articulum fidei inter articulos Iohannis Hufs numerant.

Deinde ille, Non est de necessitate salutis, credere Rom: Ecclesiam esse alijs superiorem, siue sit Vuickleff, siue Hufs, non curo. Scio qd saluari sunt, Gregorius Nazanzenus, Basilus magnus, Epiphanius, Cyprianus, & innumerales alij Græciæ Episcopi, & tamen hunc articulum non tenuerunt. Nec est in potestate Rom: Pontificis, aut Inquisitorum hereticæ prauitatis,

nouos

nouos condere articulos fidei, sed secundum conditos iudicare. Nec potest fidelis Christianus cogi ultra sacram Scripturam, quæ est proprie ius diuinum, nisi accesserit noua & probata reuelatio. Imo ex iure diuino prohibemur credere, nisi quod sit probatum, vel per Scripturam diuinam, vel per manifestam reuelationem. Vt Gerson etiam etsi recentior in multis locis asserit, & diuus Augustinus antiquior pro singulari Canone obseruat dicens ad diuum Hieronymum: Ego solis eis Libris didici hunc honorem deferre, qui Canonici appellantur, Cæteros autem ita lego, vt quantalibet doctrina sanctitateque præpolleant, Non ideo verum existimem, quia illi sic senserunt, sed si ex libris Canonicis vel probabili ratione mihi persuadere potuerunt.

Gerson.
Augustini Canon.

Quinetiam ipsi Iuristæ, de quibus minus videretur in cap. Significasti, de elec. statuerint, præualere vnus priuati hominis sententiam, tam Pontifici Ro: quam Concilio & Ecclesiæ, si meliore Autoritate nixus fuerit vel Ratione. Ideo nihil est, quod Dominus egregius Doctor, volens ex iure diuino contra me arguere, dimisso iure diuino, arguit contra me ex collectaneis hereticæ prauitatis Inquisitorum.

Proinde ista Propositio Iohannis Hufsi: Papalis dignitas à Cæsare inoleuit, si est falsa, eradatur Platyna in vita Benedicti secundi, vbi scribit Constantinum IIII. Imperatorem Græcorum sanxisse, Pontificem Ro: esse Vicarium Christi generalem, Quam nec sic sit obseruatum à Græciæ Episcopis.

Platyna in vita
Benedicti 11.

Quare, quantum me vrget egregius D. Doctor per Bohemos nondum centum annorum, tantum ego vrgeo eum per orientalem Ecclesiam, æmeliorem partem vniuersalis Ecclesiæ, & mille quadringentorum annorum, Si illi sunt hæretici, quia Ro: Pontificem non agnouerunt, Hæreticum accusabo Adversarium, qui tot Sanctos per vniuersalem Ecclesiam celebratos audet asserere damnatos. Per eadem dico ad Bonifacium VIII. qui qualis Pontifex fuerit, & qua fide eius Gesta recipienda, satis probant historiae.

Bonifacius VIII.

Proinde concludo & rogo, D. Doctor velit Ro: Pontifices concedere fuisse homines, & non constituere Deos, præsertim, quoties iudicauerunt in causa propria. Deinde non per seipsos, sed per indoctissimos adulatores, quando diuus Gregorius multis Epistolis, etsi Rom: Pontifex, reiecit à se primatum totius orbis, allegans ad hoc prædecessorem suum Pelagium, dicens inter cætera, quod veneranda Synodus Chalcedonensis obtulit hunc primatus honorem Ro: Pontifici, & nullus tamen ausus est acceptare. Si ergo ego erro, errat mecum Gregorius primus, cum suis prædecessoribus, & damnabiliter peccauerunt, quod oblatum primatum non assumpserunt.

Gregorius primus.

Per hæc volo probatum, quod ex Decretis, damnationibus, approbationibus recentioribus Ecclesiæ Rom: nihil contra me agitur, cum sint suspectissima omnia, & antiquæ veritati & consuetudini per omnia contraria, Nihilominus tamen pro reuerentia & vitando schismate, libentissime tolero, & toleranda persuadeo, modo non tantum iure diuino tot Sanctos præcedentes damnemus. Hæc habui, quæ dicerem de Articulis.

ECCIVS.

Quod reuerendus Pater, honorem suum excusaturus, negat se Bohemorum patronum. Si facta verbis responderent, magnificarem eum, At vltima primis non concordant, cum pestilentissimos Hussitarum errores non Christiane dicit Christianissimos. At de his posterius.

Conclusionem tamen illam odio, quod schismatici Bohemi & Picardi tantum Deum acceptare possent, si pro eis staret ius diuinum. Græcos laudatissimos & sanctos Martyres semper laudauit. At reuerend. Pater, artis coquinariæ minus

DISPV T: LIPSI AE HABITA ANNO XIX

minus instructus, commiscet Sanctos græcos cum schismaticis & hæreticis, ut fuco sanctitatis Patrum, hæreticorum tueatur perfidiam. Quoniam mille & quadringentos simul inculcat annos.

Lutherus protestabatur, dicens:

Protestor coram vobis omnibus & publice, quod egregius D.D. hoc mendaciter & impudenter de me loquitur. Et Eccius protestatur se uelle probare scriptis & dictis, in quibus longo tempore maior Græcorum pars & Ecclesia fuit hæretica & schismatica, sed non est conuentio lucis ad Belial & schismaticorum ad sanctos Martyres & Confessores.

ECCIVS.

DE Ecclesia, ante Romanam viginti annos existente, dicam, quam reuerendus Pater mihi componit, non moueor, quod Episcopi græci à Ro: Pontifice non fuerint confirmati, nam & Plebani seu Parochiani sacerdotes à Papa iam non confirmantur. Sed extremæ esset dementiæ, dicere, ob hoc summum Pontificem non habere Primatum super plebeios sacerdotes.

Anacleti decretum.

De frigidissimo Anacleti Decreto, dicam inferius, alia quoque Decreta defensurus. De Numidia reuerendus Pater dixit, esse factum non lus, quod est præter Cypriani sententiam, qui eos inculcat uelut schismaticos, qui audent ad cathedram Petri, & principalem Ecclesiam, unde unitas orta est, accedere. Quod Epiphanius, Cyprianus, Iohannem Chrysostomum Episcopum superiorem ab episcopatu expulerit, uiderit ipse, Hoc, inquam, factum non iustum fuisse censeo.

Præterea, Quod in me cauillos torquet, quasi non idonee sacras literas tractem, qui ob amissionem rerum temporalium & diuitiarum dixerim aduersus Græcos portas inferi præualuisse. Nunquam cogitatum mihi imponit, nam hæreses, schismata, errores contra Græcorum Ecclesiam inualuisse dixi. Verum est, quod & Imperij amissio cum magno Christianitatis pudore subsecuta est.

Richardus Amaranus.

Deinde quod gloriatur reuerendus Pater, se iure diuino loqui Luc. 22. Ego obscurum uirum asseram Richardum Armarcanum etiam Leonis auctoritate fretum, dicat & me eundem credere Euangelij scripturam & ius diuinum. At reuerendus Pater suo nixus intellectu, me respuit Antiquorum sequentem intelligentiam. Indubitatum est & Arium (Pater maior me est) hæreticum, & Athanasium habuisse Euangelium, Verum Arius erronee, Athanasius ut Spiritus sanctus efflagitabat, intellexit. De adiecta confirmatione non refert, cum quisque prudens intelligat eum, qui auctoritate superioris sibi concessa, alios confirmat præstare in hoc confirmatos, De per se & per accidens, nescio quo pertineant, Hoc pro primo.

Arius.
Athanasius.

Assumpturus reuerendus Pater argumenta mea, contra principalem intentionem, exprobrat mihi immodice institutum meum fuisse, probare iure diuino Ecclesiam Ro: esse alijs prælatam, & tamen solum in dicta Patrum & Sanctorum inciderim, quasi amphoram facturus urceolum accipiam. Patcat mihi reuerendus Pater si intentionem meam noluerit uel non potuerit assequi. Nam hoc fore de iure diuino satis fit, dum tot S. patres de iure diuino esse dixerint, Licet ius diuinum non obtinuerimus Matth. 16. Super hanc petram, ubi auctoritates S. Patrum induxi.

B. Bernardus.

De Bernardo, cuius auctoritas & simul ratio est inuincibilis, nescio, quomodo

Matth. 16

quomodo reuerendus Pater sui oblitus, dixerit, me admisisse Bernardum alio sensu locutum, Quod nullis armis possit deuincere, Seruato enim vero & genuino Scripturæ sensu, æqualitatis Filij ad patrem, optime procedit S. Bernardi ratio.

De Augustino & alijs, qui Petrum dixit esse petram, tanquam contra-
 ria dicentem, insinuat se non recipere. Contra quem ego dico, Quomodo
 audeat tam sanctum, tam doctum Patrem credere sensisse contraria in eo-
 dem libro? in eodem capite, in utriusq; sententiæ collatione, lib. i. retract.
 ca. 21. Sed q̃ modeste & humiliter reuerendus Pater Augustinianus respon-
 derit, aliorum sit iudicium, cum unus se promiserit tot sanctis Patribus se
 oppositurum. Hoc est uerum Boemicum, plus uelle intelligere sacram Scri-
 pturam, q̃ summi pontificis Concilia, Doctores & Vniuersitates in mag-
 no uigore existentes, cum tamen Spiritus sanctus Ecclesiam suam non dese-
 ruerit, Et mirum esset, si illam ueritatem Deus tot Sanctis & Martyribus oc-
 cultasset usq; ad aduentum reuerendi Patris. Neq; euincit quippiam B. Pau-
 li inductio, q̃ eius dicta S. Patribus & Doctoribus minime aduersentur. Est
 Christus petra, est fundamentum, est lapis angularis, est caput Ecclesiæ in-
 dubitatum.

Porro illa non debere attribui eius Vicario, contra S. Patrum & Mar-
 tyrum attestationem, non esse acceptandum. Ratiunculam adiecit etiam nu-
 per in vulgari sermone disseminatam. Si super petram, quomodo super Pe-
 trum Ecclesia ædificari potuit, qui ad vnus ancillulæ vocem Christum & fi-
 dem Christianam abnegarat. Parcat mihi reuerendus Pater, cum Philoso-
 phiam Aristotelicam contemnat, & Grammaticam tanti faciat, Cur hic lyn-
 ceis suis oculis verbum, Aedificabo, futuri temporis non perspexit, nō enim
 Sponso præsentē, ubi filij lætabantur, opus erat Vicario, Neq; tunc Christus
 ei potestatem dedit clauium, sed potius promisit. Ante ergo clauium & pote-
 statis dationem ab ostiaria interpellatus fuit S. Petrus, quod & Ambrosius &
 Gregorius dehinc testantur.

Ad Chrysostomum respondit, Petrum superiorem fuisse honore, Nam
 & Paulus plures pauerit Ecclesias. Quasi reuerendus Pater non plus prædi-
 cauerit, q̃ iam summus Pontifex, Et ob hoc non sit dicendus maior Pastor q̃
 Papa? Sic nimis subtiliter se torquet in dictione, vertex, quasi Chrysostomus
 non Primatum voluit intelligere. Sed quis hoc feret, cum symbolicum sit,
 & vertex pro summitate in tali translatione & metaphora usurpetur? Sic &
 os Apostolorum dicitur, q̃ sæpe pro omnibus Apostolis fuerit locutus, q̃
 & B. Chrysostomus ponderat.

De Decretis dicit, illa esse frigidissima decreta, De quo plurimum mi-
 nor, cum in Disputatione sua posuerit, Ro: Ecclesiam esse omnibus alijs su-
 periorem, probatur ex frigidissimis Ro: Pontificum decretis, intra quadrin-
 gentos annos natis, Et ego ei multum vetustiora adduxerim, anteq̃ incepit
 refrigerescere charitas multorum.

Subterfugium suum nō accipio, quo negat cōstitutionem illam esse Ana-
 cleti, Nam sic omnium Conciliorum & summorum Pontificum decreta mihi
 sigillatim eluderentur, & sic tota facultas Iuridica falsitatis insimularetur,
 quasi falsis fundamentis sit innixa, in lectionibus, decisionibus, iudicijs & si-
 milibus. Et sic iura eorum Pontificia erunt de nigra faba, nisi consensu totius
 Christianitatis fuerint approbata. Vnde nullo pacto recipienda est reuerendi
 Patris sententiā, cum omnium summorum Pontificum decreta & Concilio-
 rum in pluribus locis reperiantur, & ut est audax hominum genus, dudum
 fuissent reperti, qui simiam illam Anacleti leonina pelle incedentem diri-
 puissent, Nisi ergo ostenderit in Originalibus illa non haberi, fidem ei non
 adhibeo.

u Postremo

DISPV: LIPSIÆ HABITA ANNO XIX

Criminatores Bohemorum.

Patres in Constantiensi Concilio etc.

Nicolaus Cusanus.

Postremo de Bohemis dixit, certe non sine christianorum Doctorum contumelia, Plures esse criminatores Bohemorum, ubi sint qui ex charitate & bono zelo contra eos scribant & eos exhorrentur, ibi exerceant ingenium & memoriam. Quid surdo narrarem fabulam? At Christianus negare non debet plurimos optimo zelo motos, contra Bohemos scripsisse, quales fuerunt Patres in Constantiensi Concilio deputati, qualis fuit Doctor respondens Bohemis in Concilio Herbipolensi, qualis Ragusius, qualis optimæ probitatis & doctrinæ Iohannes Capistranus D. Francisci sacerdos, omnib. fidelib. notissimus. Nicola: Cusanus Germanorum doctissimus cum pluribus alijs, ut obijcit mihi reuerendus Pater, inquisitoribus, prætereo. Quare non defuerunt Bohemis, qui bona scriberent, sed ipsi defuerunt, qui in hæresi obstinati bona non sequerentur.

Constantiense Concilium.

De græcis Sanctis diximus sapius, sed hoc horrendum omnibus Christi fidelibus esse arbitror, Quod reuerendus Pater contra tam sanctum & laudabile Constantiense Concilium tanto consensu totius Christianitatis congregatum, non veretur dicere, Articulos aliquos hussiticos et vuiklefficos fuisse Christianissimos & Euangelicos.

Protestatur Lutherus.

(Non est verum, quod contra Constantiense Concilium locutus sim.)

B. Augustini dictum.

Protestatur Lutherus.

Eccius contra offert, se probaturum ex dictis & scriptis, quos non possit vniuersalis Ecclesia damnare, Sicut pessime sonat, Inique esse damnatum articulum illum hussiticum, De necessitate salutis Ro: Ecclesiam alijs superiorem, de quo quidem dicto Bohemi non immerito exultant, & hoc orationibus suis apud Deum postulauerunt, verum magna Ecclesiæ iactura. Quod (sicut B. Augustinus alibi ratiocinatur) si vllum mendacium ad sacras Scripturas fuerit admissum, tota erit de veritate suspecta. Ita & damnati Hussitæ reuerendi Patris fulti patrocinio procul dubio (Mendacium est impudentissimum) dicturi sunt. Si Concilium errauit in his duobus articulis Christianissimis, ita eius apud nos in alijs Articulis vacillabit autoritas.

Vnde in re prius condemnata nolo plura verba prodigere, ad quid cogendus sit Christianus aut admittendus, Hoc dico autoritate Concilij vel Ro: Pontificis fieri, ut sententia sine suspitione hæresis defendi non possit, quæ alioqui citra fidei læsionem impune posset defendi. In promptu est exemplum, An essentia in diuinis generet. Quam sententiam Richardus amplexus lib. de trinitate minime inculpatur. At decisione per Concilium facta, nullus iam sine hæresis suspitione essentiam diceret generare, credo in capitulo: damnamus, de summa Trinitate.

Platyna in vita Benedicti II.

Ad Augustinum de legendis canonicis Scripturis inductum, nihil moueor, Quoniam Conciliorum & summorum Pontificum Decreta, non excludit. Quid Domini mei Iureconsulti in c. Significasti, de elect. ponderent, tam non memini. At suæ Professionis memores velut iusticiæ cultores non dabunt, ut arbitror, leges pontificias pessundari. Quod uero Platynam adducit, quasi ille plus sit, q̃ summus Pontifex, uel Augustinus uel Cyprianus, qui in vita Benedicti II. renarret Constantium III. sanxisse, Ro: Ecclesiæ deberi primatum. Legat, queso, reuerendus Pater, quæ Domini Iureconsulti annotant in capitulo Ecclesiæ S. Mariæ de constitu: quid, quantum & quomodo ualeant secularium constituta in ecclesiasticis rebus, & uidebit, quo sensu uerba Platynæ (ne dicam Ro: Imperatoris de Ecclesijs & hæreticis) debent accipi.

- Ultimo loco proponit, me urgere Bohemos Græcos, fateor schismaticos. Nam S. Patres græcos canonizatos nō damno, sicuti Gygantes uolebāt in fabulis Iouem e cœlo pellere. Sed tunc uere occurrit nobis reuerendus Pater,

Pater, quando dabit Græcum inobedientem & rebellem Ecclesiæ Romanæ, qui sit canonisatus. Et quis est hic, & non laudabimus eum? Frustra ergo assumit se tolerare Monarchiam, quasi non esset de iure diuino, sed quadam tolerantia populi & consensu fidelium inducta.

Quod per maxime liquet ex Gregorio inducto, qui Primum inter fideles sibi oblatum reiecit. An sensum sequatur reuerendus Pater, non uerborum corticem, & reperiet in Epistolis summam optimi Patris humilitatem, ut plus mititate & humilitate sua superbiam Patriarchæ Constantinopolitani infringeret, quæ quod suspitio elationis aut superbiæ de eo haberetur. Vnde etiam Seruum seruorum se primus scripsit. Et quod hoc sit uerum, si tam diligens est reuerend. Pater Gregorij lector, potuit in eiusdem Epistola legere (sicut transponitur in Decretis: can. 2. q. 6. de cetero) ubi potestatis suæ memor humillimus Pater diuitiarum & gloriæ contemptor scribit, Alios Episcopos, præter quæ Romanum, in partem uocatos sollicitudinis, non in plenitudinem potestatis. Nemo est, qui hic dubitare possit, quin reliquis Episcopis partem, Romanus uero Pontifici plenitudinem ex grammatico sensu dare uelit. Ob id rogo, reuerend. Pater ea, quæ dicta sunt, uel per alios, uel per me, non semper uelit rejicere in adulationis studium, quippe adulari non didici, adulari etiam nescio.

scribit scyphorum.

VI DIE IULII: HORA VII MANE
Lutherus exorsus est.



Ostendit heri egregius D. D. non Partis, sed Iudicis officium usurpans, contra conventionis pactum & uoluntatem illustrissimi Principis Georgij, Patroni nostri, me toties definiuit & proclamauit Hæreticum, cum sui officij fuisset solum adductis Rationibus & Autoritatibus, Iudicibus relinquere, essem hæreticus nec ne. In quo, si non est violata publica fides, uiderint hi, quorum interest.

Ad causam primum obiecit, quod errores Hufs pestilentissimos uocauerim Christianissimos, De quo testor meam innocentiam. Nec hoc poterit unquam probare, & exoptulo, ut assignet eosdem Articulos, quos pestilentissimos uocauerim Christianissimos, aut uocem suam reuocet.

Secundo criminatur, quod commiscuerim Sanctos græcos cum schismaticis. Quid aliud faceret, qui non haberet quod diceret, Cum certissimum sit tempore nouissimæ uastatæ Constantinopolis fuisse integerrimos Christianos in Græcia, postea in Italia receptos. Atque etiam si hoc non urgeret, adhuc stat, quod usque ad Concilium Nicenum saltem fuerint integri Christiani per totum Orientem, non subiecti Romano Pontifici, Ut clarissime testatur Decretum eiusdem Concilij Niceni dicentis lib. 10. hist. Eccl. Et ut apud Alexandriam vel in urbe Roma uetusta consuetudo cōseruetur, ut ille Aegypti, hoc suburbanarum Ecclesiarum sollicitudinem gerat. Idem Concilium non Romano, sed Hierosolymitano tribuit honorum Primum, dicens ibidem: Et ut Episcopo Hierosolymorum antiquitus tradita honorum prærogatiua seruetur.

Christiani in Græcia fuerunt tempore Constantinopolis uastatæ.

Anno 1453.

Quod si nec ista satis sunt, quod tamen adhuc concludit, quod egregius D. D. satis callide tacuit, quod Ecclesia Christi uiginti annos ad minus fuit, antequam Romano Ecclesia nasceretur. Ideo ridicula est eius confutatio, quod fingit me miscere Sanctos cum schismaticis, cum suos schismaticos assignare non possit.

Tertio, Cum cōfutasset Rationem meam, quia scilicet non cōfirmarentur Episcopi Græci a Romano Pontifice, dixit hoc nihil esse, cum nec Plebani passim confirmantur a Romano Pontifice. Quis non uidet hæc perdendi temporis gratia dicta: cum Plebani tamen ab Episcopis ordinantur, Hæc omnia simul

u. ij remitto

DISPV: LIPSIÆ HABITA ANNO XIX

Hieronymus ad
Enagium.

remitto ad prius dicta de Hierony. ad Euag. Eadem causa & illud toties repetit de Numidia, cum illi scribantur uenisse ad Romam non uocati, & accusentur, q̄ uenerint. Et adhuc D. D. ius ex hoc facto Ro: Pontifici diuinum tribuit. Sed & illud, Quod Epiphanius Cyprius Iohannem Chrysostomum deposuit, non pro iure, sed factio accepit. Et sic vult confutasse, cum ille egerit secundum statutum Niceni Concilij, & auctoritatem Cypriani de ordinandis Episcopis citra auctoritatem Ro: Pontificis.

Stat ergo adhuc inuicte, Quod Ro: primatus aut non est iure diuino firmatus, aut totius orientalis Ecclesiae Sanctos esse in æternum damnatos. Illud prætereo, q̄ præualentiam portarum inferi, interpretatur inualentiam hæresium, quod non curo, nihilominus non ostendit Græcos fuisse hæreticos, cum vulgatum sit etiam per iura, Græcos non haberi pro hæreticis. Transeo & illud Leonis & Amarcani, ubi dicit se sequi intelligentiam Antiquorum, accipiendo numerum pro numero, scilicet vnus Leonis singularis. Item de confirmatione fratrum Petro commissa nihil dicam, satis dictum est, cum nihil probet, nec adhuc confutatum sit.

Tu es Petrus &c.

Et super hanc
petram &c.

Tu es Christus
Filius Dei &c.

Ad rem principalem dicit, se tenuisse ius diuinum, quia illud Mat. 16. Tu es Petrus, cum sententijs Patrum sit secutus, præsertim Ambrosij & Augustini, qui dixerint, Petrum esse petram, Ausus etiam hoc addere, quod Augustinus non retractauerit, Ego postea consulens Librum retracta: inuenio contrarium. Vere enim retractat, & dicit, Petrum non esse petram, sed confessum esse petram. Idem hoc dicit in homelia, quam omnes sacerdotes orant, in die Petri & Pauli, Vbi dicit. Super petram, non super te, sed super Petram, quam confessus es. Idem inuenio in Ambrosio, quanquam & ipse variet. Ad hoc est similis aurea illa glossa, ut gloriantur, super capi: Ita Dominus, dicens: Et super hanc petram &c. per hanc dictionem non credo Dominum aliud demonstrasse, q̄ hæc verba, quæ Petrus respondit Domino, cum dixit: Tu es Christus Filius Dei uiui, Quia super isto articulo fidei fundata est Ecclesia, Ergo super seipso fundauit Christus Ecclesiam.

Nihil est ergo, quod gloriatur egregius D. D. dicta Patrum à se stare cum multo fortius inueniantur à me stare. Poterat ergo parcere linguæ suæ & auribus nostris, quando rhetorico boatu exclamauit, Me velle vnum esse doctiorem omnibus, plus velle intelligere Scripturam, q̄ Doctores, Vniuersitates, Concilia & Ro: Pontificem, & mirum esset, si mihi soli tam diu occulta veritas reuelata esset. Hoc enim non fuit disputare, sed inuidiam mouere.

Quod uero ridet meam Ratiunculam, ubi dixi, Lapsam esse Ecclesiam negante Petro, si super eum esset ædificata, Adducens grammaticè uerbum futuri temporis, ædificabo, quasi post mortem ædificata sit Ecclesia super Petrum, transeo, quod quisq̄ facile videat, qui valeat. Nihilominus tamen etiam post Spiritum sanctum missum grauissimo scandalo fidei cecidit Petrus. Gal. 2. cum redargueretur à Paulo, in quo permansit integra fides & confessio, in Petro quidem fides, sed simulatio aduersus veritatem Euangelij.

Petrus à Paulo
redargutus. Gal. 2.

Accipite spiritum
sanctum. Iohan. 20

Admitto tamen, q̄ egregius D. D. hac Auctoritate præcipue nixus nunc seipsum excludit ab ea, ut sic nihil iuris diuini relinquatur ei. Nam si promissio tantum facta est, eundem est ad locum, ubi exhibita promissio est, & inuenietur illud Iohan. vlti. ubi non dicit: Petre accipe Spiritum sanctum, sed æqualiter omnibus: Accipite Spiritum sanctum, quorum remiseritis &c. Transeo & illud de Chrysostomo, ubi Petrum honore superiorem fuisse dixi, D. D. confutaturus opposuit, cum Paulus plus prædicauit, q̄ Petrus, plus etiam habebit honoris, quasi ego de multitudine laboris, ac non potius de primatate ordinis dixerim. Transeo de uertice & symbolico suo capite, quæ sunt mera verba.

De Decretis,

De Decretis, Miratur me dicere frigidissima Decreta, & intra quadringentos annos nata. De quadringentis annis supersedeo, postea dicturus. Nā non fuit opus, ut docerer ante mille & ducentos, imo quadringentos annos, fuisse Decreta, imo fuisse & contentiones de primatu. Miretur interim ipse D. D. q̄ auctoritatem Matthæi intelligit promissionis uerbum esse, non exhibitionis, cum tamen Decreta ipsa super idem uerbum tanq̄ exhibitionis penitus nitantur. Necessesse ergo est, aut Decreta improprie tractare, etiam autore D. D. aut ipsum errare.

Quod uero non accipit negatum à me Decretum Anacleti, & quæ de sigillatis Decretis ibi ludit, transeo, nondum enim confutauit quod idem Decretum, Cephā interpretatur caput, quæ inscicia tanto Pontifici non est tribuenda, præsertim eo tempore, ubi floruerunt linguæ, & Iudæorum habebatur copia. Sed hoc constat librum Decretorum nondum esse approbatum.

Illud etiam grauiter infectatus est, q̄ dixi, Plures esse criminatores Bohemorum, q̄ instructores. Vtinam mendacium fuisset locutus. Video quidem multa dici & scribi contra eos, sed satis infœliciter, q̄ non nominentur fraterno nomine, quod tamen Paulus Galatas lapsos in perfidiam Iudeorum non dedignatur. Credo ego Bohemos esse homines & blandis sermonib. & concessionibus posse attrahi, qui criminationibus & opprobrijs hæretici nominis magis indurantur, Non est ergo, quod excusemur non esse narrandam fabulam furdo, cum præcipiente Paulo instandum sit importune, opportune.

De græcis Sanctis sapius diximus. Illud autem tractandum est, quod ad concitandam inuidiam multum clamauit, Horrendum esse omnibus Christi fidelibus, q̄ contra tam sanctum & laudabile Constantiense Concilium, non uereretur dicere, aliquot articulos Hufs fuisse Christianissimos & euangelicos, quos non possit vniuersalis Ecclesia damnare. Respondeo: Inter articulos Hufs est & ille: Vna est sancta uniuersalis Ecclesia, quæ est prædestinatorum vniuersitas. Item alius: Vniuersalis sancta Ecclesia tantum est vna, sicut tantum vnus est numerus omnium prædestinatorum. Hi duo non sunt Hufs, sed Augustini super Iohannem ad uerbum prope, & repetuntur per Magistrum 4. sententiarum de sacra: Eucha: Tertius est: Duæ naturæ, diuinitas & humanitas, sunt vnus Christus. Hos articulos credo confitetur mecum D. Iohannes Eccius. Quartus: Diuisio immediata humanorum operum est, quod sunt vel uirtuosa uel uiciofa, quia si homo est uiciosus, & agit quidquam, tunc agit uiciose, & si est uirtuosus, & agit quidquam, tunc agit uirtuose, &c.

Iste articulus, ut audiuius, præcedente hebdomada triumphatus est, ita, ut egregius D. D. Iohannes Eccius coactus sit Scotum & Scotistas, Capreolum & Thomistas cum uiuersis suæ factionis Doctoribus celebrioribus repudiare, & Antagonistæ suo consentire.

Proinde, quæ heri in me euomuit, q̄ essem patronus Bohemorum, hæreticus pestilentissimus, & si qua similia, refero in sinum eius. Hic sentit cum Iohanne Hufs, quidquid pro se dixerit, pro me contra eius criminationes dictum est. Illud addo, q̄ recte dixi Christianissimos & euangelicos, præsertim illum: Duæ naturæ &c. Quare debuit mihi hoc admittere egregius D. D. q̄ pro reuerentia Concilij Constan: crederem hos & similes articulos non fuisse ibi damnatos, sed ab aliquo impostore interfertos. Verum contra hæc cum ipsummet Cōcilium dicat, aliquos esse hæreticos, aliquos erroneos, aliquos blasphemos, aliquos temerarios, aliquos seditiosos, aliquos piarum aurium offensiuos, debuit prius egregius D. D. pro sua prudentia quemlibet in suum ordinem redigere, & non contra determinationem Concilij omnes in uniuersum hæreticos damnare, quos Concilium vix temerarios esse uoluit. Nam potest & ipsa purissima ueritas, temeritatis, scandali, seditionis, offensionis

DISPV: LIPSIÆ HABITA ANNO XIX

sionis aurium accusari, sicut Christo contigit. Nec ideo falsus est articulus, multo minus hæreticus, quia temerarius vel offensiuus. Et sic patet, quod nimis precipitanter & longe citra modestiam ecclesiam hæreticus acculatus sum, quem fortassis vix offensiuum poterit probare, imo cum ad eum non pertineat prorsus de Articulis istis iudicare, qui erronei, qui hæretici, qui temerarii, clarum patet, quam inique & temere me hæreticum, & pessissimo nomine accusat.

Proinde non esse de necessitate salutis, Romanam Ecclesiam esse superiorem alijs, nondum conuincitur esse Articulus hæreticus, etiamsi inter hæreticos numeretur.

Panormitanus. Quod autem ratiocinatur Augustini exemplo: Si vllum mendacium in Concilio admittatur, vacillabit vniuersa autoritas Concilij. Infelix similitudo est, Augustinus de Scripturis diuinis ratiocinatur, quæ sunt verbum Dei infallibile, Concilium vero creatura istius verbi. Ideo iniuria verbo Dei fit per hanc comparationem, cum concessum sit, Concilium posse errare, vt notat Panormitanus in capi: Significasti. Transeo illud de essentia diuinæ generatione, quia nihil ad propositum.

Omnia probate. 1. Thes. 5. Ad Augustinum, qui excepta Scriptura, omnium scripta cum iudicio iubet legere, Dicit egregius D. D. Non esse exclusa per eum decreta R. o: Pontificis & Conciliorum. Hoc dicitur, sed non probatur, Quin solutionem meam confirmo autoritate Pauli ad Thessalo: Omnia probate, quod bonum est tenete. R. o: Pontifex & Concilia sunt homines, ergo probandi sunt & sic tenendi, nec eximendi ab hac regula Apostolica.

Quod per me adductum capi: Significasti, dicit se non meminisse, & Dominos Iuristas monet, vt nō pessundent leges pontificias, Quod & ipsum valet ad concitandam inuidiam mihi. Nec per hoc pessundantur leges pontificia, si eis præferantur leges diuinæ, Quod cum faciunt Domini Iuristæ, pessime faciunt Theologi, qui in hac re etiam resistunt optimis Iuristis.

Platyna. Platynam per me allegatum, dicit non esse plus, q̃ R. o: Pontificem, Augustinum, Cyprianum, Quasi per Augustinum & Cyprianum, aut summum Pontificem iam probauerit Primatum, qui toties iure diuino se probaturum promisit, nec nisi decreta frigidissima exhibuit, & aliquod Patrum false intellectas Autoritates. Platynæ nihil tribuo, sed historia, quæ est mater veritatis, quam scribit Platyna.

Quod de Constitutionibus dicit, transeo.

Tandem fatetur, græcos Sanctos non esse damnatos, sed solum schismaticos. Hoc nihil est ad propositum, neq̃ ego enim unquam respondi de schismaticis Græcis, sed de sanctis præsertim Niceni Concilij, sicut nec credo ipsum sentire de schismaticis Latinis, quando de R. o: Ecclesia loquitur.

Gregorius. Gregorium à me inductum dicit esse sequendum, secundum sensum, non secundum corticem verborum, Et sic satis est confutata mea responsio, Sufficiunt enim sola verba Ecclesiana.

Quod autem induxit 2. q. 6. ca. de cætero, vbi scribit idem Gregorius, alios Episcopos, præterquam, Romanum in partem vocatos sollicitudinis, non in plenitudinem potestatis. Debuit D. D. ostendere, q̃ omnes Episcopos intellexerit per Orbem, & non solum occidentalis Ecclesiæ Episcopos. Quod si q̃ maxime faceret, non ideo probatur ex iure diuino, Gregorius homo est, eoq̃ minus probatur, quo multo in pluribus locis diuersum sentit. Vt magis sit mihi ius dicendi D. Doctori, vt ipse sensum, & non corticem in suis adductis sequatur, aut primum eundem sibi conciliet.

Vltimum, Quando ego contra egregium D. D. induxi Paulum, 1. Cor. 1. Cor. 3. Quod fundamentum aliud nemo ponere potest, præter id q̃ positum est, quod est Ihesus Christus, dixit etiam tribuendum Vicario Christi, ergo oportet

oportet sic dicere : Nemo aliud fundamentum ponere potest, præter id quod positum est, quod est Ro: Pontifex, & sic resistendum erit evidentissimæ autoritati Pauli, aut reuocandum, q̄ hæc non sint tribuenda Vicario Christi.

Ed. 2. Similiter illud Gala. 2. vbi dixit Paulus, qui videbantur (loquitur de Petro, Iacobo, & Iohanne) quales aliquando fuerint, nihil mea refert, Deus enim personam hominis non accipit. Ibi Paulus evidentissime dicit, Petri magnitudinem & qualitatem nihil referre, nec eam accipi à Deo. Si autem est de iure diuino, certissimum est, Paulum hic mentiri, nam quod ius diuinum est, omnino accipitur à Deo, & multum refert. Ideoq̄ ista autoritas Pauli cogit primitatem vnius hominis Episcopi non esse de iure diuino, & ideo reuocandum, quod D. D. dixit de iure diuino, cum apparenter contradicat Apostolo hic. Sic dico, q̄ nisi D. D. egregius suam Sententiam mutarit, tanquam evidentissime contrariam Paulo, non sim cum habiturus pro catholico. Hæc satis sint de mea Respōsione ad obiecta D. D. Iohannis Eccij super Propositione tertiadecima de potestate & primatu summi Pontificis, quæ relinquo iudicio Iudicum & omnium Lectorum.

ECCIVS.

CVM reuerendus Pater mihi impropere, q̄ iudicis occupauerim officium, nihil ad rem, sum disputator. Neq̄ hæreticum dixi, sed dicta sua hæreticis & maxime Bohemis fauere & patrocinari, potissimum cum illud horrendum dicere auderet, Aliquos articulos Iohannis Hufs per Concilium sacrum Constantiense reprobatos, esse Christianissimos & euangelicos. Ad rem potius descendamus. Duos heri protulit huiusmodi articulos, hodie aliquos addidit, de quibus infra.

Articuli Iohannis Hufs etc.

Quod vero ad Græcos attinet, mirum quo studio reuerendus Pater eos defendit, quos fuisse bonos asserit etiam in excidio Constantinopolitano, qui deinde in Italiam venerint, oportere me ostendere & nominare qui fuerint Græci schismatici & hæretici. Miror, q̄ reuerendus Pater in sua Epistola obiecit mihi historiarum ignorantiam, & ipse hoc loco nolit scire, quod tota nouit Ecclesia. Nonne schismaticus fuit Nestorius, Macedonius, Eutyches, Achatius, Iohannes Constantinopolitanus, & longo tempore in schismate perseverantes sub Eugenio III. in Concilio Florentino obedientiam fecerunt Ecclesiæ, quamuis pro pertinaci perfidia statim ad uomitum redierint. Alioqui si Græci non fuissent schismatici & Hæretici, non haberemus decisionem de summa fide catholica contra Græcos. Vel forte reuerendus Pater ignorat Thomam edidisse librum de erroribus Græcorum.

Nestorius. Macedonius.

Liber Thomæ de errorib. Græcorum. Ecclesia orientalis.

Addo, quia induxit iam sæpius Ecclesiam orientalem non fuisse subiectam Ro: Pontifici, & Epiphanium, Cyprianum, repulisse S. Chrysostomum ab episcopatu, quod bene factum dicit reuerendus Pater autoritate Niceni Concilij & Cypriani, Sed cecidit in foueam, quam fecit, quoniam S. Chrysostomus odio Imperatricis fuit deiectus, & hæreticus Arianus substitutus, quem summus Pontifex Iulius mandauit recedere, & Iohannem Chrysostomum restituit. Quod dum factum non esset, Iulius Papa Iohannem Chrysostomum restitui præcepit, & Imperatorem excommunicauit. Ita & contra alios Episcopos hæreticos processit. Vt non semel, sed decies Græcos ab obedientia Ro: Ecclesiæ recessisse Historiæ tradant. Eat nunc reuerendus Pater, & dicat Ro: Pontificem de Ecclesijs orientalibus non disposuisse, vel iustificet tam S. Patris Chrysostomi repulsam.

Tertio, de Nicena Synodo, quam ex Historia scholastica li. 10. adduxit, si ista est constitutio, quam in sua voluit Conclusionem, bona est, inquam, sed ad propositum frigida. Iam Synodus nullo etiam eo tempore legitima

Nicena Synodus.

u iij arbitrabatur,

DISPV : LIPSIÆ HABITA ANNO XIX

arbitrabatur, quæ non foret autoritate Ro : Pontificis congregata. Ita Leo, ita Marcellus, ita Iulius, sancti non frigidi Papæ sanxerunt, circa idem tempus viuentes. Constitutiones eorum leguntur dist. 19. can: Synodum, & sequentibus. Vnde q̄ Patriarchæ hierosolymitano prærogatiuam honoris derunt, sed non primatum totius Ecclesiæ, hoc debebat probare Dominus Pater. Sexta autem Synodus expresse primam sedem dat Romanæ Ecclesiæ, quæ transsumitur xxij. distin. Quod & Leo Papa contra Imperatorem Michaellem, & B. Gregorius, contra Iohannem Constantinopolitanum, & Mauriciū Imperatorem obtinuit.

B. Gregorius.

Platyna.

Vnde hoc loco id quoq̄ excutiam de B. Gregorio, quem ita inducit, ut primatum reiecerit, Quod constat esse falsissimum, cum Platynæ tantum tribuat, qui sic de S. Gregorio scribit. Præterea uero cum Iohannes Constantinopoli: Episcopus, habita Græcorum Synodo, seipsum œcumenicum, id est, vniuersalem Patriarcham creasset, monuisset Gregorium Mauricius, ut Iohanni obtemperaret, Respondit homo constantis ingenij & fidei, potestatem ligandi atque soluendi Petro traditam, cuiusq̄ successoribus, non Episcopis Constantinopolitanis, Proinde desineret iram Dei in se concitare.

Ex quo constat Gregorium sine dubio sanctum & humilem Patrem, primatum non solum non reieciſſe, sed etiam asseruisse contra Imperatorem & Iohannem Episcopum Constantinopoli: Vnde ego nolo tam sancto Patri imponere, quod reuerendus Pater, ut sui minime constans, q̄ contraria & pugnantia dixerit Gregorius, sed vniuersalem se esse Episcopum negauit, ad sensum datum, in priore disputatione, & tamen primatum obtinuit.

Epistola 92.

Augustini.

Quod autem semper iste fuerit mos, etiam tempore Concilij Niceni, obseruatus, liquet ex Epist. 92. Augustini & Coepiscoporum ad Innocentium I. ubi inquirunt, Quia te Dominus gratiæ suæ præcipuo munere in Sede apostolica collocauit, talemq̄ nostris temporibus præstitit magnis periculis infirmorum membrorum Christi pastorem diligentiam, quæsumus adhibere digneris. Respondet Papa in Epistola sequenti. Diligenter ergo & congrue apostolici honoris consilitis fastigium, honoris, inquam, illius, quoniā præter illa, quæ sunt extrinseca, sollicitudo manet omnium Ecclesiarum, super anxijis rebus, quæ sit tenenda sententia antiquæ scilicet Regulæ formam secuti. Quid expressius dici possit tempore Augustini, Papam habuisse sollicitudinem de omnibus Ecclesijs, & quod tunc non incepit, sed sit forma antiquæ Regulæ.

Marcellinus Pa

pi, martyr.

Affigere.

Deinde uenit reuerendus Pater, cum suo Hercule, hoc est, Raotine illa viginti annorum, Vbi Ecclesia fuerit ante Roma: Respondeo, Verum esse, Christum in Euangelio non expressisse Romanam Ecclesiam, sed Petrum principem Apostolorum constitutum. Vnde quia Petrus, cuius erat Principatus iubente Domino, transulit sedem ab Antiochia ad Romam. Quare tunc non iure humano, sed iussu Dei facta est prima, iure prius à B. Petro habito, ut testatur Marcellus sanctus Martyr & Papa ca: Roga: 24. q. 1. Licet prima sedes in Antiochia fuerit, Posterius iubente Domino Romam translata est. Quis enim ita desipit, ut Primatum uelit loco affigere. Sed hæc est S. Patrū sententia, quia iure diuino Petrus cōstitutus sit Christi Vicarius, & omnes successores, quales sunt Romani Pontifices, ubi locorum fuerint, sunt Vicarij Christi. Romanus Rex vel Imperator non est vel ob hoc Romæ. Ita uidetur sensisse B. Augustinus contra Manichæos, Palam est, inquit, quod in re dubia ad certitudinem fidei valeat autoritas Ecclesiæ catholicæ, quæ ab ipsis fundatissimis Apostolorum sedibus usq̄ ad hodiernam diem, succedentium sibi met & Episcoporum serie & populi consensu, firmatur, Quare in Epistolis catalogum refert B. Augustinus Romanorum Pontificum. Hec de præambulis.

Augustinus.

Nunc

Nunc ad principale.

Matth. 16. **R**esponsurus reuerendus Pater inductis per me, dixi enim Petrum, iure diuino cæteris Apostolis prælatum, Matth. 16. Allegaui Hieronymum, Bernardum, Leonem & Cyprianum. Ad quos nihil respondit, quamuis manu sua in suo Libro fateatur, B. Cyprianum sensisse Ecclesiam fundatam supra petram, sed ausus fuit addere, q̄ B. Cyprianus ibi fallatur. Ad Augustinum nisus est respondere, nam de Cypriano est indubitatum, qui alia Epistola ad Cornelium VIII. Rom: Ecclesiam vocat matricem & radicem aliarum.

Cyprianus ad Cornelium etc.

Augustinus.

Impingit mihi, q̄ dictum citauerim ab Augustino retractatum. Lectoris iudicium obscurare nequit reuerendus Pater, nam adeo eum suæ prioris sententiæ non poenitet, ut etiam pro firmamento B. Ambrosium introducat. Sed quod ab initio induxi, testatur Augustinus, se per Petram etiam exposuisse Christum, neutram retractans sententiam, neutram etiam præ eligendo subdit, Harum autem sententiarum, quæ sit probabilior, eligat Lector. Augustinus definire non audet, & reuerendus Pater vnâ sententiam vult reijcere, tot S. Patribus acceptatam, & eam suo arbitrio acceptare. Vnde Augustinum non admitto in 9. capite dixisse contraria uel aduersa, sed diuersa. Quoniam ambas amplectatur sententias, quoniam petra est Christus, & Petrus fuit petra. Quare maneo cum Ambrosio, Hieronymo, Cypriano, Bernardo, & alijs sacris Concilijs ac Decretis.

Matth. 16 Secundo, Cum ab Ostiaria sumpsisset Argumentum, reuerendus Pater, meam sententiam debellaturus, iussi eum, Vt grammatica ratione verba Christi melius ponderaret, omnium enim consensu, Matth. 16. Super hanc petram edificabo &c. Et tibi dabo &c. Christus promisit Petro, non tunc dedit. Sed dimittens Grammaticam suam, quam dixit tamen plus valere reliquis partibus Philosophiæ, opponit, quare tunc Decreta fundent se in illo loco Matth. 16. & ipse me fundarim, à qua iam recedo. Respondeo: Quia Christus est uia, veritas & vita, ideo indubitate credendum est eum præstitisse Petro, quod fuerat pollicitus. Quare Decreta recte argumentantur ab illo loco, ubi Christus promisit, sed primo post resurrectionem præstitit.

Super hanc Petram etc.

Iohan. 14. Sed tacite obijcit, Christum non solum Petro, sed omnibus Apostolis hoc præstitisse, dicendo: Accipite Spiritum sanctum, quorum remiseritis peccata &c. Noluît reuerendus Pater exprimere, ubi promissum principatum Petro dederit, nam in hoc conueniunt Doctores, in cœna Christum Discipulos fecisse sacerdotes, dando eis potestatem supra corpus Christi verum, dicens: Hoc facite in meam commemorationem, Lucæ 22. Et deinde in die resurrectionis, dedisse potestatem supra corpus mysticum: Accipite Spiritum sanctum. Sed primatum & prælaturâ totius Ecclesiæ promisit Petro: Pasce oues meas, Iohan. ult. Hinc Gregorius, Chrysostomus, & alij S. Patres testantur, Ait enim Chrysostomus: Eximius Apostolorum erat Petrus, & os discipulorum, vertex collegij. Vnde & negatione deleta, promittit prælationem fratrum. Et Homilia 8. de poenitentia: Sed eadem nocte Petrus lapsus est & resurrexit, Post illum tam grauem casum rursus eum ad priorem gradum duxit poenitentia, & ei per totum orbem terrarum Ecclesiæ præsidentiam tradidit. Sic glossa 1. Pet. 5. Pascite qui in uobis est, ait, sicut Dominus soli petro totius gregis curam habere commisit &c. Quare prius promissum Christus tunc præstitit. Sicut & B. Gregorius consentit, Cura totius Ecclesiæ & Principatus Petro committitur, scilicet: Pasce oues meas. Quod si coram non monstrassem, ubi Christus dedisset, veritas tamen mentiri non poterit. Et multa sunt facta, quæ non sunt scripta, vt eleganter docet Alexander. 39. ca. Cum Martha &c.

Accipite Spiritum sanctum.

Hoc facite in meam commemorationem etc. Pasce oues meas etc.

Sed iterum

DISPV T: LIPSI AE HABITA ANNO XIX

Galat. 2.

Sanctificati
in utero.

Gilibrechtus
Episcopus
Colonienfis.

Anacleti De-
cretum.
Nicolau
Cusanus.

Sed iterum opponit reuerendus Pater, Quia post Spiritus sancti missionem adhuc Petrus peccauerit. Et satis magnificauit peccatū Petri, sicut scribitur ad Gala. 2. Quamuis dissensio fuerit primo inter Apostolos Petrum & Paulum, Deinde inter Ecclesiae Doctores, Hieronymum & Augustinum, Tamen nō possum in hanc adduci sententiam, vt aliquis Apostolorum post missionem Spiritus sancti ceciderit in aliquod peccatum mortale, Sicut illud de sanctificatis in vtero etiam non admittitur. At illud prater institutū, dato tamen & minime concesso, q̄ scilicet Petrus in simulatione sua peccasset mortaliter, adhuc mansisset petra & caput Ecclesiae. Nisi reuerendus Pater velit & hunc articulum Hussiticum defendere, quod non credo. Nullus est Dominus ciuilis, nullus Prælatus, nullus Episcopus in peccato mortali, quod summam faceret Christianae religionis incertitudinem.

Quarto, De Decretis apud eum frigidissimis hoc dico, Toties in Ecclesia summorum Pontificum constitutiones in materia fidei receptas, & q̄ plus est, olim Ro. Pontifex Episcopum non confirmabat, nisi mitteret schedam protestationis fidei, in qua profitebatur se credere Euangelia, quatuor Concilia, Synodos legitimas, & Decreta summorum Pontificū. Ob eam rem Iohannes Papa Gilibrechtū Colonensem Episcopum noluit confirmare, q̄ hanc fidei schedam nō perfecte obtulisset, vt legimus can: optatum. 20. dist.

Quod uero Anacleti Decretum reijcit, Diximus heri, qua autoritate id faciat uel qua probatione. Nam cum originalia sint prae manibus, nullus adhuc dixit istud Decretum S. Martyris Anacleti non esse. Sed Nico: Cusanus Germanorum doctissimus, qui fatetur se concordantiam fidei scripsisse, ex originalibus illud Anacleti allegat. Fucum addidit reuerendus Pater, quia in tam S. Martyre non sit talis inscicia, vt exponat Cephā, id est, caput. Quasi ad sanctitatem uitae tanta requiratur scientia. Dicamus tamen vnum, quia Cephe aut Cephas debet esse Syriacū, & Ebreis quoq̄ familiare, ualens tantum sicut Petrus uel solidum, ut Erasmus post Hieronymum refert. Ad damus hoc & singulare, quod Cusanus chaldaice & ebraice doctus, in libris excitationum testatur, Petrus etiam ualere tantum, sicut caput domus. Quare non tanta inscicia laborauit Anacletus, si Cepham pro capite interpretatur. Sed utcūq̄ sit, non video, quo fucō possit negare alia Decreta S. Martyrum & confessorum, Vt Clementis xx. dist. Marcelli, Iulij, Pelagi: Nicola: Agathonis, Simonis, Vigilij, Benedicti &c. Quare tantis Patribus & sacro Concilio malo condescendere.

Ad scrupos.

AT omnium inuitissime audiui, q̄ reuerendus Pater cōtra illustrissimū Principis iussū, quo intacta manere uoluit illustrissimus Princeps à sacris Cōcilijs decisa, Reuerend. tamē Pater in hesternā obduruit sententia, & quatuor proposuit articulos inter Hussiticos cōdemnatos, quos reputat ipse catholicos & euangelicos, pulchre certe Bohemis patrocinator. Pro Conciliij tamen reuerentia, uoluit ab impostore aliquo additos. Primo omnium egregius Doctor & nobilis Hieronymus de Croatia, qui acta Conciliij curauit imprimi, transsumi fecit sub forma autentica, & cum res ita manifeste acta sit Cōstantie, Hussite tam diu nō reticuisset articulos aliquos esse subditicios. Neq̄ poterit suspicari reuerendus Pater, q̄ heri assumpserat, adulatoris pernicio in Ro: Pōtificem factū. Cum Iohannes Huss anno XV. fuerit cōbustus, Hieronymus collega suus anno XVI. Martino V. primum electo anno XVII. ipso die Martini. Quare S. Patres & uiri inadulabiles ex omnibus nationibus principalibus ad hoc deputati, Articulos illos discussuerunt, & sacrosancta Synodus eos damnauit, reprobauit & autorem combussit.

Hieronymus de
Croatia.

Iohannes Huss
combustus An-
no 1415.

combussit. Ideoque à quolibet bono Christiano pro condemnatis & reprobatis habendi sunt. Nec imponat mihi reuerendus Pater, quod velim de illis Articulis iudicare, quia iam iudicati sunt.

Non releuat, quod cum Synodus meminit aliquos esse hæreticos, alios temerarios, alios seditiosos, & ipsarum aurium offensiuios. Quoniam in quemcunque ordinem redegerit illos articulos, non possunt dici Christianissimi & euangelici, & quamuis non assumpserim hunc laborem defendendi totam Synodum in articulorum condemnatione, doceamus tamen aliquid, & breuibus.

Articulum primum iudicat Catholicum, & esse Augustini ca. 6. super Iohan. Dico, Forte reuerendus Pater benigniter interpretatur articulum, sed quia res non sermoni, sed sermo rei est subiectus, non fuerunt stupidi Concilij definitores. Verum est, vnam sanctam & vniuersalem esse Ecclesiam, sed quod si tantum vna, sicut est vnus numerus prædestinatorum ad Hussiticam intelligentiam, est hæreticissimum, quo ipse voluit existentes in peccato mortali, velut amissa fide, non esse in Ecclesia, Cum tamen regnum cælorum à Christo comparetur decem Virginibus, vbi quinque erant prudentes, quinque vero fatuæ, cum reliquis parabolis eidem proposito deferuientibus. Neque Augustinus tract. 26. super Iohannem, facit iotam ad Hussiticum propositum, communionem Eucharistiæ commendans, de quo Lectoris desiderio iudicium.

Math. 25

Ita de alio dicit articulo. Duæ naturæ, diuina & humana, vnus est Christus. Nihil pro hoc adduxit, nisi quod sit de fide. In Athanasij symbolo aliter legimus, Deus & homo vnus est Christus, non deitas & humanitas.

Athanasij
symbolum.

In alio articulo, Diuisio immediata operum &c. quam ipse mire in me retorquet, Et quasi à me iudex citatus, suum collegam exclamauit triumphasse. De quo uos omnes, qui interfuistis, potestis dare testimonium, quam verissime dixerit reuerendus Pater, & encomium prius cecinit ante victoriâ Vuitembergæ, iam aliud etiam, quasi perdata uictoria.

Ad rem.

Articulum illum nunquam reputabo Christianum, & ob hoc Grego. Arim. 28. dist. 2. repulsi. Neque actum fuit inter nos, an possit dari opus indifferens, vel an omnis vita infidelium sit peccatum, vel similia, quæ hunc respiciunt articulum. Vnde quod palliando errores Hussiticos, innuit aliquando sinistre verba intelligi, sicut Domino Christo euenerit. Quæ, rogo, comparatio lucis ad Belial? Iohannem Hufs in hoc comparat Christo, non passus, quo ad veritatis sugillationem in parte admissam, me comparare sacra Concilia sacris Scripturis. In quibus vtriusque est indubitata & infallibilis veritas. Nullum enim Christianum mouere debet, & quod dicit, Concilia esse homines, & ita creaturas, & sic peccare posse, nam si errant, ut fuit Concilium Ephesinum à Leone, credo, Papa, damnatum, ut Ariminense, Aquisgranense, tunc non sunt Concilia, sed Conciliabula. Vnde potius hoc constantissima fide tenere debemus, quidquid Concilia legitime congregata in his, quæ sunt fidei, determinauerint & definiuerint, esse certissimum. Sic enim Christus manet nobiscum usque ad consummationem seculi. Et si duo congregati fuerint in nomine meo. Præarandum est, quia homines sunt in Concilio, & ita errare possunt, Nam etsi ut homines defectibiles sint, verum in Concilium legitime congregatum, non humano sensu, sed spiritu diuino, ut sat probata sint, quæ Concilium probauit, & non sunt per cuiusque singularitatem vel capitolitatem vltius discutienda, sed captiuare debemus intellectum in obsequium fidei. Quare miror, quod textum negaturus, Sicolum commentatorem admittit Panormitanum.

Iohannes Hufs.

Sic quod

DISPV: LIPSIÆ HABITA ANNO XIX

*Responsorium de
S. Petro.*

Franciscus.

Sic quod postremo adduxit ex uerbis Apostoli, patet, De fundamento semper dixi, hoc esse de omnium catholicorum sententia, Christum esse caput Ecclesiæ, ille enim est principalis Dominus. Sed quia Petrum constituit Vicarium, & potestatem ei super tota Ecclesia contulit, ubi S. Leo can: ita Dominus 21. dist. testatur. Et miror plurimum, quod relicto textu S. Leonis reuerendus Pater arripit ibi vnam glossam textui contrariam. Imo tantum confert Christo ascendenti ad cœlos, ut loco sui constitueret hic Vicarium caput, ad quod esset recursus in dubijs, & alijs casibus emergentibus, ne tota Christi Ecclesia esset unum confusum chaos Anaxagoricum. Istam sententiam tota tenet Ecclesia, sicut est in Responsorio, quo Ecclesia de S. Petro utitur: Tu es Pastor ouium, princeps Apostolorum. Tibi tradidit Deus omnia Regna mundi. Ita oramus in Ecclesia. Imo diuinus Franciscus sigillis stigmatum approbatus, Fratres suos & totum orbem terrarum docuit obedire summo Pontifici, & in Regula hoc præcepit. Ideo de eo canit Ecclesia: Franciscus uir catholicus & totus Apostolicus, tenere fidem Rom: Ecclesiæ docuit. Ita plurimi summi Pontifices, ita sacra Concilia definiuerunt, quæ breuitatis studio non adduco. Plurimæ quoque S. Patrum sententiæ idem sonant & approbant. Quæ omnia suo tempore, cum uidero reuerendi Patris tractatum super hoc negotio adducere non negligam.

Si tamen primatus Ro: Pontificis tantum iuri innititur humano, & eleuatur cōsensu populi, unde tunc reuerendi Patris mendicitatis priuilegium? Vnde iste religionis habitus? Vnde potestas confessiones audiendi, prædicandi, cum alijs innumeris priuilegijs, quibus à sede Apostolica obuiuntur, Episcopis, Archiepiscopis & Curatis frequenter contradicentibus? Qui tamen ut filij obedientiæ Ro: Pontificem audiunt, & in eo Christum, ut sic per patientiæ bonum, uitam adipiscantur æternam.

Hæc breuia uolui adijcere in præsentis Disputationis negotio, quantum tempus dedit, plura alioqui allaturus, nisi fastidium me absterret, & illustissimi Principis iussus.

LV THERVS.

DVO mihi incumbunt agenda, Primum respondendum confusionibus egregij D. D. Secundo pro conuentionis pacto opponendum idem. Et quia iam triduo respondi, tempusque consumptum est, ut nec unum possim explere, Dico breuiter.

Quod omnia inducta per egregium D. D. copiosissime quidem sunt dicta, sed prorsus nihil ad Scopum, cum iam per tres dies promiserit, diuino iure acturum se contra me, nec adhuc audita est una autoritas diuini iuris, præter illam Matth. 16. Quam omnes audiuius, quam uarie tractetur à S. Patribus, & quod maior pars, eorumque sanior sententia pro me stet. Vnum ipse locum Augustini, & alterum Ambrosij pro se adduxit, cætera omnia fuerunt uocabula Pelagij, Anacleti, eorumque, qui iura humana conscripserunt. Cyprianus uero fere totus mecum sentit, quod committo iudicio prudentis Lectoris. Similiter & clarissimus textus Hieronymi ad Euagrium & super Titum. Deinde Gregorij in registro per senas ferme Epistolas. Post hæc Historiæ & usus orientalis Ecclesiæ. Neque enim quidquam facit ad rem, quod D. D. schismaticos Græcos allegauit, Nestorium & cæteros, Non erant illi Ecclesiæ orientalis. Possum & ego latinam Ecclesiam sic describere, per Pelagios, Manicheos, Iovinianos, Vigilantianos, Helpidia: & similia monstra. Sed absit, ut propter paucos malos & schismaticos totam aliquam Ecclesiam schismaticam appellem.

Cætera

*Cyprianus.
Hieronymus ad
Euagrium.
Gregorius.*

Matth. 16.

Cætera non potero prosequi. Et referuo mihi præcipue articulos Iohannis Hufs mihi obiectos, & inter eos nouissimum de humanis actibus ad calamum & papyrus, & cætera omnia, quæ habebam opponere, ut quæ hic facere non possim exclusus spatijs præstem per Scripturam. Voloq; in hoc cedere & obediuisse illustrissimi Principis, studiorum Patroni clementissimi, iussis, de quo vos Dominos Notarios requiro, & Auditores in testimonium voco.

DIE VII. IULII: ANNO

M. D. XIX. Mane hora VII.

ECCIVS.



Via reuerendus Pater heri horam habuisset respondendi ad nostra, ut sic illustrissimi Principis iussa tuisset executi, ubi respondendo plurimum per verbum, transeat, appellauit ad calamum, Tamen deliberatione habita, proposuit, se iam plenius responsurum. Cui ego non dissensi pro veritatis amore & elucidatione. Admiror, quomodo reuerendus Pater magno boatu audet coram tot doctis viris intonare, quia dixerim me probaturum de iure diuino, Monarchiam & primatum in Ecclesia, cum tamen solum allegauerim dicta S. Patrum, Decreta Pontificum, cum tamen adduxerim ei ius diuinum Matthæi 16. de promissione ædificationis supra petram, q; Christus specialiter rogauit pro fide Petri, quod specialiter ei promisit, ut confirmaret Fratres, q; specialiter ei commisit in præsentia Iohannis & Iacobi, ut pasceret oves, tribus vicibus. Et hoc ius diuinum ita esse intelligendum, tunc adduxi S. Patres, summos Pontifices & Martyres, consensum Conciliorum & omnium Vniuersitatum. Quare ex iure diuino probatum est, esse primatum in Ecclesia Dei, nisi q; reuerendus Pater intelligentiam suam proponit intellectui tot. S. Patrum, summorum Pontificum, & sacri Concilij, Cum laudabile Constantiense Concilium talem Articulum inter pestilentes Iohannis Hufs damnaverit. Ad quod reuerendus Pater silet, si vult afferre meliora, pro veritatis elucidatione, quod heri potuisset fecisse, iuxta illustrissimi Principis iussum, sum paratus audire, eo pacto, q; dum fungitur officio Respondentis, iam in fine actus non transferat se callide ad personam opponentis, Sed quæcunq; oppositurus sit contra istam ineluibilem veritatem, paratus sum his adductis respondere, & ea diluere, de quo protestor.

Matth. 16.

Luce 22.

Ioh. 21.

LV THERVS.

CVM heri statutum esset nomine illustrissimi Principis, patros Uni nostri, ut materia ista consummaretur eo die, & egregius D. D. maiorem partem temporis sine necessitate, & odiosius q; decebat hoc splendidum Auditorium, consumpsisset, mihi pro triduana Responsione vnica fuit reliqua horula, qua tantæ farraginis suæ responderem, simul & opponerem. Placuit postea gratuito affectu eidem illustrissimo Principi nostro, ut copia daretur mihi & respondendi et opponendi, de quo gratias ago illustrissimæ gratiæ suæ q; maximas. Ideoq; ad propositum veniendo, antequam coeptam hesternam Responsionem continuem, primo hanc matutinam nebulam D. D. Eccij dispellam, Vbi more suo satis odiose & semper obijcit Hussiticas prauitates,

x

non

DISPV: LIPSIÆ HABITA ANNO XIX

non obstante, q̄ toties me expurgauerim. Ideoq̄ paulum præfabor germanice, q̄ intelligamne pessime audire apud vulgum.

Declarabat autem se non impugnare, nec Christiane a quoquam impugnari posse primatum & obedienuam Romanæ Ecclesiæ. Verum eo pertractum esse, vt declarare se oporteat, Eum Primatum non esse de iure diuino, sicut neq̄ imperatoriam potestatem apud Germanos improbari posse, quamuis in sacra Scriptura non fundatam, quamuis D. Eccius dixit, verum esse, eam esse controuersiam, an primatus Ecclesiæ Romanæ sit de iure diuino, quod improbare, constat esse Hussiticum, & articulum à Constantiensi Concilio condemnatū, esseq̄ dolendum, si Christianorū corda tam frigida essent, vt nemo hoc defenderet. Post hoc cœpit D. Martinus latine prosequi.

Quod ergo inducit hanc auctoritatem Matth. 16. contendens ibi primatum promissum esse, satis responsum est in præcedentibus, Quod D. egregius D. vix duos Autores habet, & eosdem ambiguos in suam sententiam. Cum tamen maior pars statuatur Petrum ibi fuisse personam omnium Apostolorum & fidelium, quod & ipse textus consequentia sua vrget, dum Christus interrogat omnes, & non solum Petrum, dicens: Vos autem, quem me esse dicitis? Et ibi, Petrus os Apostolorum, ut Chrysostomus ait, & persona Apostolorum, vt Hieronymus & Origines dicunt, & Beda & Augustinus, & Ambrosius, respondet pro omnibus. Ideo dixi nihil probari ex hac Auctoritate de primatu. Item, q̄ textus ipse non dicit sic, Tu es Petrus, & super te, sed super hanc Petram, manifeste indicans petram aliam à qua Petrus dictus sit. Proinde cum sint vulgata iura, & ipsi Ro: Pontifices testentur interpretationem Scripturæ magis valere apud Doctores, q̄ apud seipsos, in causis vero descendendis secus.

De articulo illo Hussitico dixi satis heri, q̄ nondum probatum est, cum esse hæreticum. Hoc pro responsione matutina.

Redeundo ad hesternam, Quando egregius D. D. secundo loco opposuit, depositionem Chrysostomi ideo factam illegitime, quia odio Imperatricis facta sit. Nego consequentiam, non ideo potestas ordinandi & deponendi per factum Nicenum Concilium statuta fuit illegitima, quia casu forte habuit malum vsum. Nam in eadem etiam Historia scribitur, q̄ Rom: Pontifex Victor Martyr, uoluit Asiæ Episcopos excommunicare. At illi rursus tanquam superiores mandauerunt silentium, & vt Ecclesiam non perturbaret, iusserunt, lib. 5. Ecclesiasticæ historiæ. Sed & Hyreneus Lugdunensis Galliæ Episcopus eundem Ro: Episcopum coercuit, & erant tunc temporis in Græcia Epiphanius celeberrime laudatus à Hieronymo, Gregorius Nazanzenus, Basilus, Christianissimi uiri, Non tamen sub Rom: Pontifice unquam fuerunt, sed iuxta Niceni Concilij statuta ab Episcopis Prouinciærum ordinabantur.

Quod uero egregius D. Doct. inducit Iulium I. excommunicasse Arcadium Imperatorem, nihil facit ad rem. Nam & Bonifacius VIII. ausus est regem Francorum uelle à sede eiicere. Non probatur ius esse, quidquid Rom: Pontifices pro humana fragilitate quandoq̄ tentauerunt. Nec mirum est, sanctos istos viros ambitionis tentatione vexatos fuisse, quando plus q̄ semel sanctissimi Apostoli, etiam præsentem Christo laborauerunt eadem.

Quod dicit Episcopo Hierosolymitano datam honoris prærogatiuam, recte dicit, sed non probat primatum Ro: Pontificis, saltem iure diuino esse.

• Etiam ibi optime dicit, egregius D. D. Quod sexta Synodus dedit Romanæ Ecclesiæ primatum, non autem præcedentes Synodi. Hoc est enim quod volui, q̄ synodiciis statutis & humano iure, consensu fidelium Christi, cui non

Vos autem quem
me esse dicitis?
Matth. 16.

Non dicit
super te.

Victor Romanus
Pontifex.
Hyreneus.

Epiphanius
Nazanzenus.

Iulius. I.
Bonif. VIII.

cui non licet resistere, datus sit iste primatus. Quod & D. Gregorius in regis-
stro in hæc uerba dixit. Scitis, q̄ ueneranda synodus Chalcedonensis huic *Synodus Chal-*
apostolicę Sedi obtulit primatum, & tamen nullus prædecessorum meorum *cedonensis.*
unquam præsumpserit acceptare. Proinde nihil facit, q̄ egregius D. D. di-
cit, Gregorium non reieciſſe primatum, sed aſſeruiſſe. Legat pius Lector,
Epistolę Gregorij, & inueniet Gregorium prohibuiſſe Primatum, & cęks-
menicum pontificatum non uendicaſſe, ut ex ſupra relatis diſt. 95. latius pro-
bauimus.

Ad autoritatem Auguſtini, ad Innocentium Ro: pontificem, & huius
ad illum. Reſpondeo: Legat Lector utriuſq̄ uerba, & iudicet, an ne egregi-
us D. D. nouas ſignificationes uocabulis impoſuit.

De uiginti duobus annis Eccleſię ante Romanam, dixit, cum Petro fuiſ-
ſe translatum primatum ad Romam, forte uolens hoc prouerbiũ: Vbi Pa- *Vbi Papa,*
pa, ibi Roma. Reſpondeo: Probandus erat primatus qui transferretur, non *ibi Roma.*
translatio, quam libens concedo.

Induxit etiam autoritatem Auguſtini contra Manich: quam ſuſpicio eſt
ſe 2. lib. doctrinę Chriſtianę c. 8. q̄ in re dubia ad certitudinem fidei ualeat
autoritas Eccleſię catholicę, quę ab iſſis Apoſtolorum ſedibus ſuccedenti-
um ſibi met & Episcoporum ſerie & populi conſenſu firmatur. Nihil de Ro.
Eccleſia loquimur, ſed uniuerſali, & pro me facit, contra D. D. Quia ſuc-
ceſſiones diuerſarum ſedium apoſtolicarum ſibi met & conſenſu populi de-
ſcribit Auguſtinus, non autem confirmationem aliarum ſedium per unam
ſedem.

Nunc ad rem iſſam.

Matth. 16. **D**E autoritate *matth. 16.* Tu es Petrus, & ad inductos autores di- *Tu es Petrus.*
cit me non reſponſiſſe, Quod committo uobis Auditoribus & Lectori-
bus, an uerum ſit. Auguſtinum in tract: relinquentem electionem Lectori
ſuper duabus ſententijs eiſdem autoritatis, oppoſuit dicens, ſe ambas am-
plecti ſententijs, quod mihi placet, & ſic nihil contra me probat.

Iohan. 21. Secunda Autoritas diuini iuris a dominatione ſua inducta, eſt hec: Paſ- *Paſce oues meas.*
ce oues meas *Iohan. ult.* et gaudeo tandem poſt tres dies aliquando audiri
unam autoritatem diuini iuris, quo firmiſſime nitatur eiſ ſententia, Sed
uideamus & iſſam.

Primum iſſa autoritas uidetur intelligi dupliciter. Vno, per uerbum *Diligere.*
diligere, id quod eſt, ſibi iſſi fidere, & quiduis licere, Et per uerbum *paſcere.*
idem quod primum eſſe & regnare. Et ſic erit ſenſus: Petre, ſi diligis me, id
eſt, ſi tua quęſieris & omnia feceris, quę adulatoribus tuis placent, paſce
oues meas, id eſt, eſto primus & dominus omnium. Hunc ſenſum non ha-
beo in meo codice.

Alio modo, Si diligis me, id eſt, abnegas te iſſum, ſi ponis animam tuam *Si diligis me.*
pro me, ſi etiam omnem dignitatem reſpueris, & nihil niſi me dilexeris, ut
egregie exponit Auguſtinus in eodem loco. Paſce oues meas, id eſt, doce,
prędica uerbum, exhortare, ora, bono exemplo pręcede, Nam uerbum
gręcum hoc loco non ſimpliciter regere & paſcere ſignificat, ſed ſuaui-
ter & molliter curare, & omnia facere, ne quid deſit ouibus, & hunc ſenſum credo
eſſe euangelicum.

Proinde rogo D. D. Eccium, ut mecum roget Dominum Iheſum Chri-
ſtum, quo uelit inſpirare, non ſolum ſummo, ſed etiam omnib. pontificibus
ut hæc uerba credant ad ſe pertinere, Non eſt dubium, quin totus Orbis ob-
uijs manibus & profuſis Lachrymis ſit excepturus talem uirum, qui ſecu-
dum hæc uerba ſe gerere uellet. Proinde ſi egregius D. D. textum diligen-
ter inſpiciat, non ius ibi conceditur & priuilegiũ, ut putatur, ſed Pręceptum
x ij imponitur,

DISPV: LIPSIÆ HABITA ANNO XIX

imponitur, & labor hodie intolerabilis iniungitur, & officium demandatur, ei qui de facto est, vel in primo, vel in medio loco constitutus, & non primū constituitur. Quod si vrgeat Officium non posse administrari, nisi primum locus potestatis habeatur, placet, Sed tunc alio modo struendus est iste locus, hic hoc verbum non nisi officium commendat.

Proinde recte fecerunt Patres S. qui hunc locum ad omnes pertinere dicunt, nam hoc nemo potest negare, Si Petro hic sunt commissæ omnes Oves, q̄ ipse non omnes paut, ut B. Augustinus dicit, & Apostolorum Acta euidenter demonstrant, & sic Christo inobediens fuit. Nec potest dici, q̄ licet per se non pauerit, tamen per alios subordinatos. Primum, vt donemus, quod possimus reddere, non esse dictum Petro: Pasce per alium, sed ipsimet in persona propria: Pasce tu. Tamen hoc conuincit, quod nec Apostolus vllus nec Paulus, saltem à Petro sunt subordinati, qui multo plures oues pauerunt q̄ Petrus. Ideo verbi intelligentia ex tota Scriptura & circumstantia rerum gestarum petenda est, quod hæc autoritas non ad solum Petrum pertineat, aut non ad omnes oues.

Tertio, si per ista uerba probabitur Primatus, incertus & nullus erit primatus, quia non ponitur primatus nisi sub conditione dilectionis, nec enim oportet Scripturam dirumpere in diuersas partes, sed magis concinnare. Ideoque cum sit incertum, quis diligat Christum, incertum quoq̄ erit nobis, quis sit pastor noster. Et si ei non est necessaria dilectio, nec nobis necessariū erit agnoscere Pastorem. Rectius ergo dicitur, q̄ hoc verbum sit præceptum datum vniuersis prælatis Ecclesiæ, vt contemptis diuitijs, dignitate, etiam ipso primatu, tandem uita & morte sese impendant pro ouibus Christi. Quis est hic & laudabimus eum?

Transeo ea, quæ ex Chrysostomo attulit de uertice Collegij, & quomodo Petro tradita sit præsentia orbis terrarum, quia omnia concedo, q̄ sit primus in honore, sed non solus in administratione, saltem iure diuino.

De casu Petri, Galat. 2. Vbi iterum egregius D. D. odiosius mihi articulum Hussiticum obiecit, Nullum esse Dominum spiritualem, vel civilem, qui sit in peccato mortali. Si dicerem, Petrum ideo non esse prælatum, quia peccasset mortaliter. Respondeo: Hoc non agebatur, & ad Rhombū est ista disputatio, Scio & optime scio, q̄ Prælatus malus non sit reiiciendus. Ideo & ego damno Hussiticum articulum. Sed hoc voluit, q̄ Petrus, quando in causa fidei præbuit scandalum, si non fuisset emendatus per Paulum, merito debuit amoueri à Prælatura, Nam hæreticus Pastor, aut is, qui simulat in periculum fidei, grauiter peccat. Nam hac simulatione Petri funditus peribat fides Christi, ut Paulus dicit, ideo potius fuisset faciendum, nisi emendatus fuisset Petrus, vt Petrus pro nullo haberetur, nedum pro summo Pōtifice. Peccatum mortale nocet personæ propriæ, sed hæresis nocet personæ communi & cōmunitati. Ideo gratias ago D. D. q̄ saltem hoc didicit ex hac Disputatione, quod ædificare super petram, significat, subesse prælato, siue bono, siue malo. Nam hanc significationem ædificationis & petrae fateor prius ignoratam, quia dixit etiam: Si cecidisset Petrus mortaliter, adhuc mansisset Petra, id est, primus & prælatus.

Quod dicit, olim Episcopos non fuisse confirmatos, nisi præstita scheda fidei, admitto, sum contentus, Verum nihil ad ius diuinum, nihil enim dero. go Pontifici, quidquid tribuitur ei.

Post hæc adduxit Nicolaum Cusanum, & excusauit Anacletum S. vi. rum, q̄ nō fuerit ei necessaria tanta scientia, tam sancto viro. Fateor. Verum tamen summo Pontifici, siue sancto, siue nō sancto, turpe est Euangelia ignorare, cum sit pastor ouium & Doctor Euangelij. Cum autem Cephe interpretetur per Iohannem Euangelistam ca. 1. dicentem: Tu es Simon, tu vocaberis Cephe,

Lapsus Petri.
Galat. 2.

Peccatum.
Hæresis.

Ædificare super
Petram.

Nicolaus Cusanus.

Cephe, quod interpretatur Petrus. Quando ergo filius tonitruī sic tonat, qui nouit omnium linguas, merito debet tacere uanitas terreni fumi, siue sit Nicolaus Cusanus, Chaldeus uel Ebreus, Non q̄ reprehendam egregium D. D. qui dixerit Petrum idem ualere, sicut caput domus Chaldaice, autore suo Cufano, Sed q̄ laudem imperterritum Disputatorem, qui audeat se committere in harenam Theologorum, nec tantum prius in Euangelio studuerit, ut primum caput in Iohanne legerit Euangelista. Similiter non habet in libro suo, quid sit Cephe, quod ignosco, legat tamen c. 1. ad Corinth. 1. & inueniet.

Vltimum, de articulis Bohemorum non uult iudicare, licet nunquam desistat me sugillare, & ego de eis transeo, nihil dicens, nisi q̄ Gregorium Ariminensem dist. xxviij. reprobaturum ab egregio D. D. ego approbo. Est enim totus aliud nihil, q̄ Augustinianus, & diuina Scriptura, resistens quidem omnibus Doctoribus scholasticis, tum maxime Aristoteli, sed nondum ab ullo confutatus est.

Articuli Bohemorum.

Gregorius Ariminensis.

Consentio cum D. D. q̄ Conciliorum statuta in ijs, quæ sunt fidei, sunt omni modo amplectenda, Hoc solum mihi referuo, quod & reseruandum est, Concilium aliquando errasse, & aliquando posse errare, præsertim in ijs, quæ non sunt fidei, Nec habet Concilium auctoritatem nouorum Articulorum condendorum in fide, alioqui tot tandem habebimus articulos, quot hominum opiniones.

Quod in fine S. Franciscum induxit, debere nos summo Pontifici obedire, Miror contra quem dixerit. Item transeo istas criminationes de Fratribus mendicantibus, miser iste etiam habitus cruciat egregium D. Doct. Ego pro mea sententia pronuncio, uelle me, esse nullum Ordinem mendicantiū. Ecce hæc habui, quæ responderem ad obiecta egregij D. D. super Propositione 13. Quare nunc finita responsione, restat, ut ego moueam aduersus egregium D. D. quæ me mouent.

Hic intonuit Eccius, se obiectis uelle respondere, quasi & ipse respondens fuisset. Respondit Lutherus, hoc pacto nunquam finiendam Disputationem, accusans eccianam petulantiam, quæ solet singula etiam uerba aucupari. Contigit prorsus uirgula diuina, ut clementissimus Dux Georgius interesset, cuius nutu & pio sceptro concessum est Luthero, impetere eccianam Conclusionem, quæ contraria est huic iam discussæ.

LV THERVS.

Contra sententiam egregij D. D. uidetur id militare, quod satis fortiter transiit in confutando, & 1. Corinth. 3. ubi Paulus detrahens personam omnibus Apostolis, dicit: Quid est Apollo? quid Paulus? quid Cephe? ministri, per quos credidistis. Vbi Paulus prorsus uult tollere occasionem cōtentionis & schismatis, negat ullam Ecclesiam ad ullum Apostolorum pertinere, sed esse omnia omnibus communia. Vnde in fine 3. c. dicit: Omnia uestra, siue Cephe, siue Apollo, siue Paulus, uos autem Christi.

Nec ualet euasio, qua dicitur, eos non de principalitate, sed singularitate personarum contendisse, cum manifestus textus sit, q̄ de dignitatibus Personarum contenderint, quod alij præferebant omnibus Petrum, alij Paulum, alij Apollo, alij uero solum Christum. Confirmatur per illud Gala. 2. ubi simili contentione seducti Galatæ, propter primitatem Petri commendatam. Paulum & doctrinam eius uelut indigniorem reliquerunt. Contra quæ longo textu probat, nihil ad rem pertinere Petri maiestatem uel aliorum Apostolorum, dicens, Se neq̄ ab homine, neq̄ per hominem esse missum ad eos, nec uidisse quidem Petrum, nec didicisse ab eo, sed omnia sine Petro habuisse & tradidisse.

x iij

Si ergo

1. Cor. 3.

Galat. 2.

DISPV: LIPSIÆ HABITA ANNO XIX

Si ergo autoritas Petri fuit necessaria & ius diuinum, erit Paulus in hoc loco manifeste impius & blasphemus, vt qui nolit etiam à Deo per hominem mitti uideri, & prorsus reijcit autoritatem Petri. Tertio & infra clarius, vbi dicit: Mihi qui videbantur esse aliquid, nihil contulerunt, & quales aliquando fuerint, nihil mea refert, Deus enim personam hominis non accipit. Ecce hic clare dicit, q̃ qualitas Petri & aliorum Apostolorum nihil sua referat, quod esset impiissimū dicere, si qualitas Petri iure diuino fuisset seruanda. Eadem impietate diceret: Deus personam hominis non accipit, cum ius diuinum, & ea quę sunt iuris diuini, etiam sub æternæ maledictionis poena præcipiat. Quare uidetur primatus iste & maiestas, vel quocunq; nomine censetur Petri persona, seu qualitas, non statui iure diuino.

ECCIVS.

DVM reuerendus Pater contra me iuducit tres B. Pauli auctoritates, dudum ab aduersarijs Sedis apostolicę ventilatas, & per apostolicę Sedis defensores enodatas, facile ei respondeo, annectendo malos fucos, quibus dogma suum nititur palliare, & hominibus os & oculos oblinire. Dico primum, me non transiisse, sicut imponit, locum Apostoli, 1. Corin. 3. quāuis ipse false adduxerit cum Paulo & Apollo Cephā, quia textus ab initio non habet, sed in fine meminit Cephe, sed statim glossa interlinearis fatetur eum maiorem omnibus. Non ergo suo capite, sed Sanctorum, accipiat sacram Scripturam reuerendus Pater. 1. Corin. 3.

*Fuerit contra
Iouinianum.*

Et dico Solutionem datam fuisse optimam & infringibilem, Et fucus reuerendi Patris, quo simplicibus illudit, nihil facit, testis est B. Hieronymus lib. 1. contra Iouinianum, col. 18. mihi, vbi expresse dicit, supra Petrum ædificatam Ecclesiam. Ibi fortiter transiit reuerendus Pater, & nihil dicit. Et infra, vt capite constituto schismatis tolleretur occasio. Ergo quod Apostolus Paulus voluit cauere schismata, contentiones, per hoc primatum capitis non abstulit, q̃ schismata melius tolli non possunt, nisi per caput. Vnde nec verbum facit nec apex ad propositū de negatione primatus. Quare false auspicatus est hodie, me uix duos adduxisse S. Patres & eos ambiguos, cum certos & indubitatos adduxerim, Augustinum, Ambrosium, Hieronymum, Chrysostomum, Leonem, Bernardum &c. Quod autem laudat, me amplecti ambas Augustini sententias libro 1. retract. cap. 21. affirmat & seipsum facere idem.

*Negauit Doctor
Martinus.*

Quod vero secundo loco inducit Paulum ad Galatas, quasi ille scripserit contra Petrum, uolens Galatas confirmare in fide, & toto ibi processu ostendat se æqualem fuisse Petro, & alijs, quia non ab homine, neq; per hominem acceperit. Dico, q̃ si reuerendus Pater tam diligens esset ueritatis inquisitor, sicut promittit, didicisset uera Fundamenta & intelligentiam Scripturarum, ut non opus esset ita iactanter eum in tanto confessu dicere, se vnum velle resistere mille. Ita habet ueritas & negocium in apostolatu & ordinis dignitate. Apostoli omnes fuerunt æquales, hoc sacra Scriptura, hoc S. Patres uoluerunt. Palam dicit Hieronymus non reprehendisse Petrum, si sciret se imparem. Ita Anacletus can: In nouo. dicit Apostolos æquali potestate dotatos. Ita Cyprianus, ita & alij. Cum ergo Paulus affuerit designatus Apostolus à Christo, ingenue dixit, se non ab homine, neq; per hominem accepisse, & quod Iacobus & Petrus sibi nihil contulerunt, omnia enim ista ad Apostolatū referenda sunt. Galat. 1.

Aliud uero est de potestate regiminis & administrationis, vbi concors est S. Patrum sententia, Concilium contra Iohannem Huls, ad ipsum Petrum huiusmodi primatum pertinuisse. Non ergo recte utitur sacre Scripturę testimonijs,

testimonijs, sed eas aliorum trahit pro suo arbitrio, contra quam Sanctus spiritus efflagitat. Quod enim hodie ponderabat Paulum dixisse, nihil referre ad eum, quales fuerint, non hoc quod volebat reuerendus Pater, sed hoc significat, Petrum & Iacobum & ceteros fuisse idiotas & minus peritos, antequam cum Domino ambulassent, Et sic Deus personam non accipit.

Sed inquiet, ut est cordaculus, Hoc est commentum ecclesiarum, legat Ambrosium eodem loco, qui sententiam Pauli non corrumpens, ingenue testatur, Ecclesiam fundatam supra petram. Quare nisi firmiora adduxerit rogo, ab instituto desistat. Vnde hodie, dum dixissem articulum esse Hussiticum, obedientiam ecclesiasticam non esse expressam autoritate Scripturæ sacræ. Respondit breuibus, Articulum non esse hæreticum. Mallem punctum agere cum reuerendo Patre, & dicere: Ille est articulus damnatus, & ipse tenet eum, itaque tenet articulum damnatum & reprobatum.

Item quæro: Si articulus non est hæreticus, uel est temerarius, uel seditiosus, uel offensiuus piarum aurium, utcumque dederit ipse Pater, erit uel temerarius, uel seditiosus, de hæresi suspectus, pias offendens aures, contra Theologicum institutum.

Matth. 16. Mirum, quo colore pauonico ornet verba Christi Matth. 16. Quia Christus omnes interrogauerat discipulos, & ita Petrus pro omnibus responderit, quis hoc negat? Sed de sua farina addidit, propterea Petro pro se & alijs Apostolis dictum: Tu es Petrus, & super hanc petram &c. quod tanquam commentum lutheranum non recipio cum sanctis Patribus.

De Chrysostomo, Mirum, quam facit iniuriam S. Patri, quasi legitime & secundum Decreta Concilij Niceni fuerit destitutus, cum exploratum sit ab historijs post Eusebium Antiochenum, credo schismaticum, cum alijs Romanorum Pontifici rebellibus, Christianos Episcopos fuisse expulsos, quia prima sede refugium quærentes, ab impijs schismaticis repulsam passi sunt, usque ad tempora Theodosij Christianissimi Imperatoris. Vbi tunc schismatici triginta annis sedem occupassent, S. Gregorius Nazanzenus Constantinopoli episcopatum accepit, non ambitione, sed ne alij schismatici succederent.

Sanctus uero Chrysostomus iniuria per Epiphanium pulsus, Arsatio schismatico substitutos Romanorum Pontifici, autoritate regressus est Nec ualet, quod reuerendus Pater tunc Romanorum Pontificem & Sanctos sibi adherentes calumniatur, quasi de facto, non de iure, processerint contra illos schismaticos. Quod nudis suis verbis ait, & tot Sanctos, etiam à D. Patre commendatos, Romano Pontifici non consensisse. Vnde sine causa S. illos Patres ante mille annos uiuentes, reuerendus Pater iam incipit ambitionis insimulare, à quo uitiò à tot seculis ab omni Ecclesia habiti sunt immunes.

Ita captiosum est, & simplicibus illudit, quod B. Gregorius noluerit se œcumenicum & uniuersalem Pastorem appellare, Nam Platynam tanti fecit pridie, historiæ, ut dicebat, secutus veritatem. Iam Platynam pro suo arbitrio reijcit, quod ubique existimat sibi licere.

Decretum allegat pro se, si allegetur, respuit, & dum textus apertissimos etiam Leonis can: Ita Dominus 19. dist. cum similibus habeat sibi contrarios, glossam acceptat, sicut proci Penelopes, ut per iocum dicam, cum Domina potiri non poterant, ancillas sequebantur. Certum est, Sanctos quoque Pontifices scripsisse se uniuersales Episcopos, ut Sixtus, ut Victor, & ut in Chalcedonenſi Concilio acclamatum fuit Leoni, uiuat Leo sanctissimus œcumenicus Patriarcha. Quamuis humilitatis & Christi formam sequentes Pontifices, ab eo nomine sibi temperarunt, melius se seruos seruorum fatentes. Et ne crederentur uelle se tollere Episcoporum autoritatem, ut dudum ad illa respondit S. Thomas li. de impugnatione fidei.

DISPUTATIO LIPSIÆ HABITA ANNO XIX

De Epistola Augustini facit vobis Dominis Auditoribus, negotium, ut verba legatis, verba audita fuere. Innocentius ante centum & mille annos, dixit esse veterum more consulendum Pontificem in ijs, quæ sunt fidei. Ita dictum contra Manichæos voluit reuerendus Pater transplantare in hortum suum. At hoc non faciet, si Epistolam Augustini legat, in qua non seri- em Vniuersitatis Episcoporum, sed Romanorum Pontificum, enumerat ab ipso Petro usque ad tempora sua.

Solutionem per me datam de viginti annis, dicit per me non probatam, acutus est Disputator reuerendus Pater, hoc nondum sciui debere Respon- dentem probare suam solutionem, Semper arbitratus sum, respondentem offerre solutionem, opponenti improbandam. Debilis fuit Hercules suus, si alieno Marte nititur.

Quod uero tanta laborat impudentia, ut audeat illustrissimis domina- tionibus, & reuerendis paternitatibus uestris suggerere, quasi primum caput Iohannis non legerim, insignis profecto temeritas, cum puer nondum decen- nis, demptis Prophetis, Bibliam totam legerim, Sed hoc nihil ad rem, quan- tum quisque legerit.

Anacletus.

Dixi Anacletum defendendo, non usque adeo inscitam fuisse interpreta- tionem eius, Cephas, id est, caput, non ignorans quod Kephale græce caput sig- nificat, sed quia apud Iohannem, quem heri uidi apud Augustinum, & glossam ordi: Cephe interpretatur Petrus. Petrus autem, Cusano autore, etiam signifi- cat caput domus, quæ omnia in risum trudit reuerendus Pater, de quo iudi- cent ordinandi iudices.

Pasce oues meas.

At illud præstantius, quod auctoritatem, Pasce oues meas, tantis ambagibus inuoluit, solum ut homines uidentes faciat non uidere, mitto, quod tam ridi- culam attulit expositionem à se fictam. Sed ad alium eius sensum ueniam, ubi multa dixit. At ego non singularitati studens, quæ est mater errorum, S. Patrum secutus sententiam, et S. matris Ecclesiæ accepi uerbum, Pasce, quod eum pastorem ibi constituerit, & primatum dederit vniuersalis Ecclesiæ. Ita Gregorius, ita Chrysostomus intellexerunt, ita Ambrosius Lucæ vlti. heri per me non allegatus. Ad quos pulchre prætergrediens nihil dixit reueren- dus Pater, Verum attulit Augustini sententiam, cuiusmodi debeat esse pa- stor, quem & ego admitto, & credo quemlibet fidelium orare, ut & summus Pōtifex, quilibet Princeps, quilibet Prælati quereret honorem Dei, & sub- ditorum salutem, quod hoc sit uerissima pastura, per quam, sicut hic princi- pantur in terris, etiam eleuantur ut regnent in cœlis. Quare Augustinus nō aduersa, non pugnantia, sed talia dicit, ex quibus Prælati intelligere debet, qualis sua sit institutio.

Nec valet, Quod reuerendus Pater adduxit sub conditione ei commis- sas oues, cum nulla ibi adhibeatur conditio, nisi sua paternitas aliud habeat Euangelium, quam ego. At qualis debeat esse pastor, significans Christus, dilectionem & amorem Dei à Petro querit, & sic eum pastorem totius Ec- clesiæ fecit, sicut canit S. mater Ecclesia, & reuerendus Pater orat vel legit: Tu caput Ecclesiæ, pastor ouium &c. Quare iure diuino habemus hoc loco, debere Prælatum diligere Deum, habemus Petrum constitutum Pastorem ouium, sicuti S. Gregorius, S. Ambrosius & Chrysostomus etiam Græcus, intellexerunt.

Non refert pretenuis Ratiuncula, in diuersum à reuerendo Patre induc- ta, Petrum non omnes pauisse, quod nostro nomine agitur, & nos fecisse dici- mur. Sicut Clemens 21. vlti. distin. testatur, Petrum ordinasse Presbyteros, Episcopos, & Diaconos, qui per vniuersum orbem terrarum Euangelium seminarēt, ut legitur in can. illis, 80. uel 81. dist. Vnde missus a principali, si- cut fuit S. Paulus, nō cogitur mitti ab ipsius Vicario, tamen Paulus ascendit cum

cum Tito, ad Galat. 2. & contulit cum Petro Euangelium, qui dederunt ei dexteram societatis.

Porro, q̄ cudit in me glossam, nunquam à me cogitatam, quasi dixerim, Aedificare supra petram, sit subesse Ro: Pontifici. O somnia, o uerborum portenta, nunquam hoc fuit mentis meæ. Christus enim ædificat Ecclesiam, non hi qui subsunt, Subditi enim ædificatæ Ecclesiæ esse debent.

De Gregorio Ariminensi, cuius sententia mihi displicet, ei placet, nihil iam ad propositum. Nolo ergo in ista diuerticula descendere. Sed ut accipimus, defendamus articulum Constantiensis Concilij esse verum, & quicumq̄ huic contradixerit, errare, & veritati & honori Concilij contradicere.

LV THERVS.

ANtequam ad Autoritates a me oppositas veniam, breuiter discutam, quæ egregius D. D. de hesternæ & hodiernæ Responsione mea commiscuit. Vbi inter cætera, tanquam consumptis omnibus armis, desperans, in unum articulum Constantiensis Concilij extremum fiduciæ præsidium collocat, & odiosissime repetit & inculcat, quasi non abunde satis supra ad ipsum sit responsum. Dicam tamen adhuc semel.

Quando articulus de operibus hominum inter damnatos recensetur, & à S. Paulo & Augustino asseritur, deinde per Gregorium Ariminensem, per omnes Vniuersitates usq̄ hodie defenditur, nō mouebor odiosissimis inculcationibus huius articuli, donec egregius D. D. probauerit, Concilium non posse errare, non errasse, aut etiam non errare, cum Concilium facere ius diuinum non possit, ex eo, q̄ natura sua non est ius diuinum, ideo neq̄ hæreticū est, nisi quod contra ius diuinum est. Hæc pro isto Articulo.

Quod Chrysostomum legitime destitutum carpit, non intellexit me, cum clare dixerim hodie, potestatem ordinandi & destituendi Episcopi fuisse legitimam in B. Cypriano & Theophilo, quanquam an bene tum usi sint, an male, hac potestate legitima, nihil disputauerim. Sufficit mihi q̄ citra autoritatem Romani Pontificis tot sancti & celeberrimi uiri Græciæ catholicissimi, nō schismatici, potestatem habuerunt ordinandi et destituendi Episcopos.

*Cyprianus.
Theophilus.*

Eleuat etiam egregie, quod antiquos Sanctos insimulauerim ambitionis, nec attendit, quod dixi etiam in Apostolis hanc fragilitatem fuisse præserte Christo.

Quod Platynam ita nunc magnificat aduersus sanctum Gregorium, *Platyna.* mea autoritate, satis claret cuilibet uel mediocriter ingenioso, quid concludat. Ego enim ex Platyna historias accipio, & non amplius. Quod autem idem Platyna rationes quasdam adducit, respuo propter autoritatem Gregorij contrariam.

Iam illud transeo, Quod Sixtus, Victor scripsere se vniuersales Pontifices, & Leoni acclamatum sit in Concilio Chalcedonensi, de quo hodie satis dictum est. Illud obseruandum, quod sequentes Pontifices dicit egregius D. D. humilitatis formam in Christo secutos, sibi temperasse ab hoc nomine, Quod ego aliter intelligere non possum, q̄ quod causa humilitatis iuri diuino detraxerint, mendaces & inobedientes facti fuerint, si ius diuinum est, hoc est, præceptum, fuisse eos vniuersales Pontifices.

Innocentij responsuam Epistolam ad Augustinum, repetens, dicit, ueterem morem fuisse consulendi Romanos Pontifices, in his quæ sunt fidei. Optime dicit. & placet, præsertim in latina Ecclesia, Sed quid fidei & primati: hoc est, quid ad propositum?

Causatus est etiam, q̄ exegerim ab eo probationem solutionis de uiginti annis, dupliciter deficit egregius D. D. primo, q̄ ipse fuit opponens
semiquatuor

DISPV: LIPSIÆ HABITA ANNO XIX

semiquatuor dies, & hac hora solum cœpit esse respondens. Deinde non cœgi, ut probaret solutionem, sed translatum primatum cum Petro.

Excutiens se etiam de Cephe, quod Petrus interpretatur apud Iohannem, adhuc persistit in eo, q̃ Petrus etiam significet caput domus, quasi videlicet Iohannes Græcis interpretaturus Euangelium, non græce, sed chaldaice sit locutus, ne forte intelligeretur.

Pasce oues meas.

*omnium scripto-
rum dicta indicant
da per diuinam
Scripturam.*

Verbum, pasce, sic accipit, vt constitutionem uniuersalis Pastoris significare velit, & ad hoc Grego. Ambro. Chrysostomum heri non allegatos adduxit, ad quos ego nihil dixerim. Dicam ergo nunc, si fui oblitus, & simul oppono Regulam diui Augustini, Quod omnium scriptorum dicta iudicanda sunt per diuinam Scripturam, cuius est maior autoritas, q̃ totius generis humani capacitas, Non q̃ damnum illustrissimorum Patrum sententiã, sed q̃ eos imiter, qui proxime Scripturæ accedunt, & præ omnibus, si aperta fuerit Scriptura, eam ipsam amplector. Cum ergo clarum sit, pascere, ui uocabuli & usu Scripturæ non significare nisi docere, curare oues, sicut Petrus accipit uult. Pascite, qui in uobis est, gregem. Non oportet uocabulum æqui-uocare, & simplicem sensum sine necessitate relinquere.

Dissoluit etiam, q̃ dixi esse conditionem in uerbo Christi: Si diligis me, quando ego arbitrer non modo conditionem, sed & pactum esse inter Christum & Petrum, dum ille dicit: Diligis me, & hic respondet: Amo te.

Omitto Dialecticam, in qua exercitatissimus est D. D. Et coniunctionem conditionalem, si. Vellem audire, quid diceret ad Decretalem de elec. c. significasti. Vbi paschalis pontifex manifeste dicit hic conditionem esse, si saltem adeo ualet autoritas Ro: Pontificis, sicut hucusq̃ contendit, dicit enim ad sensum.

At Rationem meam sic confutauit, q̃ Petrus non omnes pauerit, quia, inquit, quod nostro nomine agitur, & nos fecisse dicimur. Quanquam non credo, per hoc D. D. uoluisse satisfactum Rationi meæ, dum dicere non possit Paulum nomine Petri prædicasse, qui contra ad Roman. 1. Apostolum se dicit; pro nomine Christi, quod ex eo conijcio, quia dicit Petrum, ^{ROM. 1.} autore Clemente, ordinasse Episcopos, Presbyteros, Diaconos, qui per totum orbem Euangelium seminarent, inter quos Paulum non numerat.

Sed hoc uidetur ad rem facere, Quod missus a principali, non cogitur mitti ab ipsius Vicario. Hoc admitto, si fuerit primum probatum, Petrum esse Vicarium. Nunc uero non minus Paulus est Vicarius, q̃ Petrus, ut iam dictum est, q̃ nomine Christi sit Apostolus, & sic tot Vicarij, quot Apostoli.

Nunc ad propositum.

AD autoritatem pauli 1. corinth. 3. primum dicit, Cephe non esse ^{1. Cor. 1.} de textu ab initio. Sed in fine memorari, ubi glossa fateatur, Petrum maiorem omnibus, Leuiculum hoc est, transeo, cum in principio primi capituli utiq̃ ponatur Cephe.

Secundo, dicit aliud nihil, q̃ q̃ nec uerbum nec apex de negatione primatus sit in textu, & sic uult solutam istam autoritatem. Adiecit tamen autoritatē Hieronymi, Augustini, Ambrosij, Chrysostomi, Bernardi, Leonis &c. dicentium, Petrum esse petram. Contra quæ dico, & replico, hoc secundū dictum nihil est ad propositum, & supra satis disputatū, an Petrus sit petra. Similiter & illud non soluit quod dicit, nullum uerbum, nullum apicem esse de negatione primatus, q̃ si etiam Hieronymus constituat caput, ut occasio schismatis tollatur, satis robuste contrapugnat textus apertus, tollit caput, ut occasio schismatis tollatur. Dicit enim: Quid Paulus? quid Apollo? uolens solum

solum Christum esse caput, quo uere tollitur omne schisma. Non est mihi satisfactum sic ad responsionem.

Ad autoritatem Gala. 2. Dicit quidem Apostolus omnes æquales, quod & Hieronymus & can: in nouo testantur. Sed aliud esse potestatem regiminis & administrationis, His tribus uerbis, soluere tantam autoritatem, est mihi satis mirabile. Sed & nec intelligo quid velit, quomodo distinguat regimen & administrationem.

Quod autem dixit, Paulum ascendisse cum Tito ad Petrum, ut conferat Euangelium cum eis, clarum est ex textu præcedenti & sequenti, ut & Hieronymus ipse exponit, non hoc fecisse Paulum, ut consulere Petrum super Euangelium, quod iam plus 14. annis prædicarat, & non ab homine accepisse iactauerat, sed ut Pseudapostolorum os obstrueret, Galatas confirmaret, eadem esse, quæ ipse & ceteri Apostoli prædicassent.

ECCIVS.

Quod reuerendus Pater articulum Iohannis Hufs de obedientia ecclesiastica commiscet alteri articulo de operibus humanorum actuum, autoritate Gregorij Arimi: qui per omnes Vniuersitates defendatur, quem adhuc in eo loco in nulla Vniuersitate, quous in plurimis fuerim, audiui defensum. Petit tamen à me, ut probem ei, Concilium non posse errare, Nescio quid sibi velit ista petitio, an tacite laudabile & Constantiense Concilium uelit habere suspectum. Hoc dico vobis, reuerende Pater, si creditis, Concilium legitime congregatum errare & errasse, estis mihi sicut ethnicus & publicanus. Quid sit hæreticus in præsentia non discutiam.

De Chrysostomo, Non vult eius expulsionem se iustificasse, sed ordinationem Episcoporum à Niceno Concilio institutam laudasse. Placet mihi pro S. Chrysostomi reuerentia, Et semper Ro: Põtifces in diuersis Nationibus diuersos permiserunt modos Episcopos eligendi, Tamen ex Gregorio Nazanzeno & Chrysostomo restituto satis liquet, interuenisse autoritatem Ro: Pontificis, quod S. Athanasius Alexandrinus, S. Paulus & alij orientalis Ecclesiæ Episcopi, testantur, qui se ad Ro: Pontificem pro restitutione contulerunt. Quod in Apostolis quoque quid humanæ fragilitatis fuisse assignat, nouimus. Sed cum publico fungerentur officio, absque iudicio & causa tam S. uiris non est detrahendum.

De Platyna dicit, se recipere eius historię autoritatem, & ego neque autoritatem ex Platyna adduxi, sed historiam.

Ad Innocentij Epistolam respondet, Eam nihil facere ad propositum, quod de latina illum probat Ecclesia, & non de alia. Sed quia hæc est glossa Lutherana nulla autoritate fulcita, uel persuasione, ea facilitate contemno, qua adducitur,

De uiginti annis respondit, Me fuisse opponentem iam triduo. Deberem utique fuisse, nisi reuerendus Pater suis cautelis aliquando fecisset ex opponente respondentem. Non enim hoc opposui Argumentum, sed ipse posuit, & certe cathedram illam Petrus non secum sumpsit ad Romam, sed primum transfudit.

De verbo pascere, vult dimittere Gregorium, Ambrosium, Chrysostomum, Quia simplex uerbum non debeat æquiocari. Dico, quis hoc ignorat uerbum Pastoris esse nomen officij, honoris & etiam oneris? Vnde & prælationis accepit officium & simul pascendi onus. Pascere.

De conditione non recipio allegata per reuerendum Patrem, quia nec Christus sicut ipse, semper inhaeret literæ, conditionem iunxit pasturæ. Nam sic error confirmaretur hussiticus, quod non existens in charitate, non esset Episcopus, Prælatus, Pastor &c.

De capi

DISPV T: LIPSI AE HABITA ANNO XIX

Gerfon.

De ca: Significasti, de elect. scio Gerfonem & alios Doctores ponderare in materia, An Concilium sit supra Papam? Sed quia verba Decretalis non sunt adducta, nihil possum dicere, sed conijcio nolens me huc allegare, pastorem conditionem accepisse pro qualitate.

De Paulo, qui primatum Petri non agnouerit, sed fuerit Apostolus Christi, Omnes sumus Christi, ut arbitror, tamen Petro primatum nullibi abstulit regiminis, sed & moriturus, ut in Epistola de transitu Apostolorum scribitur, Petrum valedixit, ut caput Ecclesiae, Quae Epistola an sit B. Dionysij vel minus, incertum habeo.

Paulum dixit Vicarium Christi, sed non generalem, nam etiam in Apocalypsi ponuntur duodecim fundamenta Ecclesiae, & tamen fundamentum aliud, scilicet principale, nemo ponere potest, quam quod positum est, scilicet Christum. 1. Cor. 3.

De secundo dixit, Non esse ad propositum, an Petrus sit petra, & est totum negotium nostrum. Tamen solutionem pridie per me datam, ad quam me retuli, ipse reticuit, cum expressum sit de litera Paulum improbare contentionem. Sed nescio, quo ingenio reuerendus Pater arbitretur propterea Paulum negasse primatum, ut tolleretur schisma, forte non fuit in Prouincia, quae caruit Principe, Fuisset enim contrarium expertus, quot dissensiones, contentiones & dissidia emergunt, ubi non est Princeps & caput, inter causas dijudicans & agnoscens.

Et mirabile videtur ei, si tam paucis verbis, scilicet apostolatus & regiminis tantam uelim soluere auctoritatem. Principia in quantitate sunt minima, in virtute maxima. Si reuerendus Pater illa duo minuta vocabula, apostolatus & regiminis, capituli principalis & secundarij attendisset, dudum pugnantes, ut sibi videtur, sacrae Scripturae, & S. Patrum sententias reconciliasset, quibus neglectis, necesse est exotica & aliena sequi dogmata.

DIE I V L I I V I I I

LV THERVS.



D Auctoritates, a me inductas, Pauli ad Corinth. & ad Galatas, egregius D. D. more suo nihil respondet, nisi quod ingeminat Concilium Constantiense, & Hussitas, per quae non soluantur mihi auctoritates. Nam sicut dixi, Concilium Nicenum alia statuit longe sacratius & celebrius. Ideo quantum ille nititur suo, tantum ego meo, Et dico, sicut heri dixi, quantumlibet allegetur Concilium, nondum habetur ius diuinum, de quo solo Quaestio est, ideo Concilium nihil ad propositum.

Secundo, ut eluderet auctoritates potius quam solueret, aduexit dist. apostolatus & administrationis, quae quia humano arbitrio est reperta, neque in sacris literis, neque in S. Patribus eas interpretantibus habetur, non sum contentus, eam mihi esse redditam, praesertim quando Apostolatus, non ut ipse cum suis sentit, dignitatis nomen sit, sed officij, ut clarus est Apostolus ad Romanos, & ubique, ubi se dicit accepisse gratiam & Apostolatum, ad obediendum fidei. Est enim Apostolus nuncius verbi, & apostolatus seu Apostolorum officium verbi, & sic in sacris literis apostolatus siue administratio fere idem erunt. Nisi administrationem intelligat contentiones forenses de rebus temporalibus, ecclesiasticis, quae non est proprie administratio apostolica. Fateor quidem,

*Apostolus
Apostolatus*

Roma. 1.

quidem, si ista permittatur libertas fingendi, fingens & ego S. Iohannem esse Cancellarium, & alium Apostolum aliud esse. Sed hæc omnia non sunt iuris diuini. Euanesceit ergo principium illud, quod minimum in quantitate iactitatur, in virtute maximum &c. Et satis admiror, quod Dominus egregius sacras literas ita exhorret, & faciem eorum fugit, diuertens in istos cuniculos humanitus inuentos.

1. Cor. 1. Proinde adhuc stat Autoritas ad Corinth. quod pro schismate tollendo, *Apud Deum non est personarum respectus.* Paulus tollit personam Petri, Pauli, Apollo &c. & solum Christum relinquit, sibi relicto ministerio duntaxat verbi, quod est vere apostolatus & administrationis Ecclesie. Nec valet, quod hanc robustissimam Autoritatem voluit dissoluere frigida ista similitudine, quod Prouincia sine capite, exposita sit schismatibus & periculis multis, nam non dabitur Ecclesia sine capite, quando dabuntur multi Episcopi sine Papa.

Quemadmodum videmus fieri in foederibus, ubi eo pulchrius administrantur Respub. quo minus habent commune caput, Nam hoc est ad oculum, quod regnum Francie, Anglie, Britannie, Gallie, & infinitorum in mundo, sunt sine communi capite, & tamen non colliduntur quolibet Regno, suo rege contenti. Quod si in istis temporalibus fluctuantibus tot diuersis ingenijs & moribus hominum, non habentibus, neque in celo, neque in terra, commune caput, stat pax & concordia terrarum. Quanto magis id fieri potest in spiritualibus rebus constantissimis, hoc est, vna fide, eadem charitate, eisdem moribus præditis hominibus. Deinde commune caput in celo habentibus, sicut Apostolus dicit: Vna fides, vnus Dominus, ad Ephe. Quare si decem essent Papæ, si mille essent Papæ, non ideo schismata fierent.

Quare peto adhuc D. D. velit autoritatem Pauli melius soluere, similiter & illam ad Gala: Deus personam hominis &c. ubi Paulus reijcit, quidquid in Petro & Apostolis personatum esse potest, seu qualificatum, ut dicunt. Vtraque nondum est tacta nedum soluta.

Quibus, ut finiam Disputationem, addo & illud, quod Paulus 1. ad Corin. 12. describens corpus ecclesiasticum, primo loco Apostolos, secundo Prophetas, tertio Doctores, & fere postremo loco Gubernationes, quas D. D. administrationes uocat, recenset. Si ergo primatus Petri tanta res, & tam necessaria esset iure diuino, insufficienter descripsisset Paulus Ecclesiam, ut qui principalissimum, quod in ea est, omisit.

Insuper & hoc adhuc stat, quod nec Petrus nec vniuersi Apostoli Matthiam ordinare potuerunt, Act. 1. nec ei administrationem dare. Ideo Ro: Pontifex plus sibi arrogat administrationis conferendæ per totum Orbem, quam in suo præcessore Apostolo non inuenit.

Similiter sentio de ordinatione Pauli & Barnabæ, Act. 13. Spiritus sanctus, non Petrus aut Ecclesia, segregauit. Ideo gloriatur non immerito, se nihil accepisse ab Apostolis magnis, Imo ad Corinth. scribens, dicit, Nihil minus se fecisse cæteris Apostolis.

Sed & illa autoritas adhuc Petrum arctius stringit, qua scribit ad Gala: Qui operatus est Petro in apostolatum Circumcisionis, operatus est & mihi inter Gentes. Et infra: Dederunt mihi dexteras & Barnabæ societatis, ut nos in Gentes, ipsi autem in circumcissionem, tantum ut pauperum memores simus. Qua autoritate, si vellem niti, non posset D. D. cogere, aut vllus hominum, apostolatum Petri latiore esse, quam in Iudæos, iure diuino, & per hoc omnes Autoritates, quibus nititur, Pasce oues meas &c. & Tu es Petrus &c. referendas esse ad terminos sui apostolatus, quemadmodum Christus, clare Iohan. 10. oues Gentium secernit, ab ouibus Israel dicens: Habeo adhuc alias oues, quæ non sunt ex hoc ouili.

y Et in

DISPV : LIPSIÆ HABITA ANNO XIX

Et in fine, quod & D. D. heri tetigit Apoca. 21. describitur Hierusalem noua cum duodecim Fundamentis, præter illud fundamentū capitale Christus. Et tamen ibi nihil differentiae ponitur inter Fundamenta duodecim, quod omnino faciendum erat, si tantum erat de primatu Petri sentiendum. Ad hoc idem valent plurimæ figuræ in Scripturis, vt duodecim boues, 3. Reg. 4. maris ænei. Item duodecim Leunculi troni Salomonis, duodecim lapides Iordanis, & similia, in quibus omnibus prorsus omnimoda equalitas omnium Apostolorum descripta est, Nec potest vlla inæqualitas in contrarium probari iure diuino.

12. boues mai-
oris ænei.
2. Reg. 4.

Hæc sint dicta pro ista Conclusionem, quam ego vsq; hodie verissimam credo, Imo certe scio, nec spero, posse eam unquam conuelli. Quare rogo D. D. egregium, ex quo nullam adhuc posuit Autoritatem diuini iuris pro sua sententia, saltem dissoluat aliquas clare & sine diuerticulis, alioqui non habeo eum pro recte sentiente de Scripturis Theologo, & relinquo, imo refero ad iudicium, non inuidiæ neq; vulgi, sed ordinandorum Iudicum, & cuiuslibet prudentis Lectoris candidiq; Auditoris.

ECCIVS.

Nescio, quid reuerendus Pater velit, quod ab initio sermonis dicit, me nihil respondisse, & tamen in eius procursu Solutiones meas heri datas inuictas & robustissimas nititur infringere, an illa sibi constent, ipse uiderit.

Deinde, Quod autoritate Concilij Constantiensis non vult se artari, Viderit ipse, videant Iudices, q̄ iuste fecerit. Nicenam Synodum non respuo in ijs quæ sunt fidei, atque mores respiciunt, vt ordinationes Episcoporum pro qualitate temporum & locorum mutari possunt.

Nicena Synodus.

Postulat ex me, ut ius diuinum ei afferam, quod etsi sæpius fecerim, Conclusio tamen mea illud non habet, sed duntaxat, quia reuerendus Pater in Resolutorio dixit, Ro: Ecclesiam ante tempora Siluestri non fuisse alijs superiorem, quod in Conclusionem meam nego, tamen fateor, primatum Rom: Pontificis esse de iure diuino, secundum allegata per me.

Deinde reprobaturus solutionem, dicit, distinctionem meam humano arbitrio inuentam, Quasi non liceat in Theologia distinguere, sicut Arrius uoluit Athanasium irridendo, Nam nimis literæ tenax, dixit Filium esse creaturam, per illud: Pater maior me est. Quod diluens Athanasius distinguendo, Pater maior me est, secundum humanitatem, sed non secundum diuinitatem, Quia sacras Scripturas non distinxit Arrius, eam non recepit, & ita in errore pertinaciter mansit. Sic in præsentia, cum qui elucidant sacram Scripturam, uitam æternam habebunt. Diuersos passus Scripturæ conferendo, ne in sacris literis contrarietas admittatur, distinctiones dandæ sunt, ut literæ nimis tenax, occidatur, sed magis à Spiritu uiuificetur. Et quia Petrus alijs præferatur sæpius in sacris Scripturis, sæpe eis æqualis reperitur, ad contrarietatem uitandam necessarium est, distinctionem ponere, sacre Scripturæ conformem.

Pater maior me
est. Iohan. 14.
Arrius.

Apostolatus.

Sic & Hieronymus innuit & Cyprianus per me allegati, Et Epistola 9. qui & equalitatem apostolatus fatentur, & tamen primatum Petro tribuunt, Quod fieri non potest, nisi ad diuersa referas. Placet mihi apostolatum dicere officium, ita tamen q̄ etiam dicat honorem. Sunt enim ista nomina & honoris & oneris, ut dixi, quod Apostolus ad Romanos indicat capi. 10. Quomodo euangelisabunt, nisi mittantur?

Rom. 10.

De adm.

De administratione iterum assentior reuerendo Patri, illam scilicet in temporalibus esse multo inferiorem, quam illa in spiritualibus. Deum optimum rogemus, ut Episcopi nostri illud agnoscant, & spiritualia non per Vicarios, & temporalia per seipsos administrent. Denotaui ergo administrationem regiminis in spiritualibus potestatiue, Nec obstat, q̄ reuerendus Pater dicit, sic se posse fingere Iohannem Cancellarium, Marcum Sigilliferum &c. quoniam, ut Augustinus ait, liberis verbis vtuntur Philosophi, nobis vero ad certam Regulam loqui fas est, ideo talia oportet afferre, quæ fundamentum recipiant ex sacra Scriptura, sicut primum membrum apostolatus in Apostolorum æqualitate, Alterum membrum regiminis in Petri primatu. Vnde fateor robustissimam esse auctoritatem Pauli, & quæ mihi nec in vna litera aduersetur.

Contempsit reuerendus Pater simile per me adductum, de schismatibus in Prouincia Præsede carente, quoniam iam ita sit in regnis fidelium Hispaniæ, Galliæ, Angliæ, Hungariæ, quæ sunt sine capite, & tamen stat pax quia concordia. Inter illa miror quomodo reuerendus Pater tantarum cædium, bellorum, præliorum, iam fuerit oblitus, quæ non potest ignorare. Dicere nolo tam diuturnum dissidium & perpetuum odium inter Gallos & Anglos. Odium etiam inueteratum inter Gallos & Hispanos, qui toties pro regno Neapolitano cum maxima Christiani sanguinis effusione bella gesserunt, & vtiā tandem pax esset stabilis & permanens. Vnam fidem, vnum Dominum Christum agnosco cum Apostolo, sed Romæ Pontificem, vt Christi veneror Vicarium. Stat ergo prior Solutio inuicta & valida meo saltem exili iudicio, de quo Doctiores iudicent.

Odium inueteratum inter Gallos & Hispanos.

Præterea obseruandus Pater dicit, uerba Pauli per me non tacta, Deus personam hominis non accipit, & sic minus soluta, Forte obaudiuit, quoniam tam ex Ambrosio, quam Hieronymo adduxi eorundem uerborum sententiam, Iohannes enim & Petrus idiotæ fuerant & analphabetici in Lege. Paulus contra doctus fuit, proficiens supra multos coetaneos suos, vt de se testatur. Noluit ergo Paulus reputare, quales fuissent Petrus & Iohannes, quia personam hominis Deus non accipit. Ita enim elegi Piscatorem, sicut doctum Scribam. Sed per hoc primatus non tollitur, sed acceptio personarum Deo non imputatur, etiamsi vnum alteri præelegerit, ut de Cornelio Petrus fatebatur: In veritate comperi, quia non est acceptio personarum apud Deum. Veniamus ad inducta per reuerendum Patrem.

Deus personam hominis non accipit.

Gal. 2.

Apo. 16.

1. Cor. 12.

Apostolum citat, 1. Corinth. 12. qui corpus mysticum describens, referat Apostolos, Prophetas, Doctores, & nouissime administrationem. Dico egregie quidem Apostolum descripsisse, sed primatum ibi nec negasse, nec astruxisse. Invalidum est ergo argumentum, Hic Paulus huiusmodi primatus non meminit, ergo primatus non est in Ecclesia. Tum quod pueri sciunt locum ab auctoritate negatiue non valere, tum q̄ etiam in sacra Scriptura vno loco non expressum, iuxta Augustini doctrinam, li: de doct: Christiana, ex alio loco accipi debet, sicut nos fecimus.

Apo. 21.

Pariformiter respondemus ad illud Apo. 21. Fateor, duodecim sunt Fundamenta, sint illa etiam figurata per duodecim Boues, per duodecim Leuæculos, per duodecim lapides Iordanis, sed in ijs numerus duodenarius Apostolorum asseritur, primatus ob hoc non negatur. Ego autem etiam locum ob hoc induxi, q̄ oporteat passus sacre Scripturæ concordēs ostendere, Et cum Apostolus vnum Fundamentum, Christum, posuisset, & nemo aliud ponere posset, Petrum per hoc fundamentum Ecclesiæ negari non debere, quia Iohannes & ipse sanctus duodecim posuerit fundamenta, q̄ nisi distinctionem acceperis de fundamento fundamentorum, id est, principali & de fundamento substituto seu secundario, Paulum & Iohannem non concordabis.

12. fundamenta 12. Apostoli.

1. Cor. 3.

y ij

Secundo

DISPV: LIPSIÆ HABITA ANNO XIX

Matthiæ ordinatio.
Año. 1.

Dionysius.

Non est uerum,
dixit Lutherus.

Eccianam modestia.

Sequere me.

Secundo loco induxit, Petrum non potuisse ordinare Matthiam, sic Spiritum sanctum segregasse Paulum & Barnabam. Respondeo: Cum Aposto- *Año. 13.*
li fuerint Episcopi, non memini me reperisse in sacra Scriptura ordinatos à Christo Episcopos, cum in ultima Cœna primum eos ordinauerit sacerdotes. Quare & illud in Petrum referre possum, quo ad episcopatus ordinationem, Attamen, quia apostolatus officium à solo Deo tributum admitto, non mirum, q̃ diuinum postularunt præsidium, Sortes enim miserunt, non uulgari more, sed ut sacer Dionysius testatur, fors illa fuit Spiritus sancti uisibilis apparitio. Vnde locus ille pro primatu Petri facit, quia primatum sibi concessum executus est. In diebus illis exurgens Petrus in medio fratrum &c. Si- *Año. 1.*
cut & de Saphira & Anania, sicut in excusatione Apostolorum, q̃ non essent multo repleti, sicut in responsione & defensione coram Concilio Iudæorum *Año. 5.*
& alijs in Actis Apostolorum cōtentis, ubi regimen superioritatis exercuit. *Año. 2.*
Vnde Matthiam credo Apostolum à Domino factum, & à S. Petro Episcopum ordinatum. Sic & de Paulo dudum concessi, q̃ apostolatum à Deo acceperit, abundantius eum laborasse alijs, fateor.

Sed ad tertium veniamus, quod uidetur magis facere ad propositum inter alia per reuerendum Patrem adducta: Qui cooperatus est Petro, ad Gala- *Galat. 2.*
2. Et dico, Paulum non promulgasse ibi ius diuinum, sed narrasse factum, quoniam & Petrus in Actis Aposto. Cornelium gentilem iussus est in fide *Año. 10.*
instruere, & gentib. in Antiochia, ubi præfedit, & similiter Romæ, ubi tandem martyrio à Nerone gentili coronatus est, præfuit & docuit, simul cum Iudæis ad fidem conuersis & conuertendis. Vnde clare liquet, Paulū factum tunc narrasse. Prætereo, q̃ S. Paulus, non meminit officij regiminis uel primatus præfidentie, sed executionis apostolatus, secundum quem Apostoli diuerfas sortiebantur Prouincias, in quo & Petrus alijs Apostolis æqualis fuit secundum Anacletum can: in nouo, secundum Hieronymum contra Iovinianum, & super Epistola ad Galatas secundum Cyprianum, in Epistola 9. ad Cornelium Papam, lib. 4. Qua de re sacra Scriptura intelligenda est cum effectu, ut aduertamus quando de officio apostolatus loquatur, & quando de regimine potestatis seu præfidentie.

Non refert, q̃ reuerendus Pater adhuc negat, me adduxisse ius diuinum pro primatu, & non dissoluisse Autoritates per eum inductas, quia idem dicerem de eo. Attamen nullus ex S. Patribus ita intellexit autoritates per reuerendum Patrem inductas ad negationem primatus Petri super alios, sicut ipse induxit. Contra uero plurifariam sancti Patres intellexerunt Autoritates per me inductas loqui de primatu Petri. Vnde circa illam Conclusionem, si aliquando acerbius & durius quidquam locutus sum contra reuerendum Patrem, nollem arbitremini in personam suam dictum, sed causa ipsa, quæ uertitur tam pregnans, & necessaria mihi uidebatur, ut uerba aliquando acriora essent utenda. In reliquis Conclusionibus Eccianam semper experiemini modestiam.

Vnde & ego istam Conclusionem uolo finire in præsentia, q̃ repetam S. Petrum primatum totius Ecclesiæ à Christo tenuisse, ex promissione ei facta Matth. 16. sicut intelligit Hieronymus, Ambrosius, Cyprianus, & alij, *Matth. 16.*
ex nominatione, quia primus nominatur Matth. 10. secundum glossam ibi- *10.*
dem. Ex solutione tributi, Matth. 17. ubi solus ipse fuit æquiparatus Christo, *17.*
secundum Augustinum & Ambrosium. Ex eo q̃ Christus rogauit pro fide eius indefectibili, & iussit eum confirmare fratres Lu. 22. secundum Chryso- *Luce. 22.*
stomum & S. Leonem, Quod pastor ouium Christi constitutus est, Iohan. ul- *Iohan. 21.*
ti. secundum Chrysostomum & Gregorium, Quod Christus ait ad Petrum: Sequere me, non solum scilicet genere martyrij, sed & ordine magisterij, secundum Theophylum, q̃ solus iussus est Petrus, venire super mare ad Christum,

sum, ut sic Mūdus per mare designatus, totus ei subiectus secundū Bernardum, de consideratione ad Eugenium, & per alia superius adducta, reputo Conclusionem illam à tot sanctis Patribus, & nouissime à Concilio Constantiensi probatam esse ueram Nolo tamen inniti propriæ prudentiæ, paratus captiuare intellectum meum, & in ijs & quibuscunq; alijs iudicio iudic, cum ordinandorum sedi apostolicæ, & aliorum prudentium & bonorum Virorum.

SOLI DEO GLORIA.

HORA II.

LVTHERVS.



Ogimur adijcere coronidem, quia egregius D. D. diluens obiecta mea, simul plurima opposuit, et rursus me respondere coegit. Et quanquam id uoluisssem præterire, tamen ut ordinandis Iudicibus per omnia meam sententiam declarem, paucis respondeo.

Primum opponebat, Quod Petrus præfabatur electioni Matthiæ, exhortans Apostolos &c. Credo autem nec ipsi D. D. uideri per hoc probari primatum Petri, si Petrus prædicat, cum in superioribus ipse mihi responderit, aliud esse Apostolatū, & aliud administrationem regiminis, Non recte ergo dixit, Petrum sic prædicando exercuisse administrationem regiminis, alioqui & Stephanus erit primus, & Papa, quia & ipse prædicauit & multa fecit in populo.

Stephanus.
Acto. 6. 7.

Et q̄ credit Matthiam Apostolum esse Episcopum ordinatum à Petro, sum contentus, ut credat quidquid uolet, ego nō credo, nisi probet. Item, q̄ Petrus exercuerit primatum in percussione Ananiæ & Saphiræ, potest dici, Sed nō probatur, nam suscitauit mortuos, quod & alij Apostoli fecerunt. Item, q̄ excusauit Apostolos, ne uiderentur esse ebrii, Nec hoc indicium est primatus, cum, ut dixi, egregius D. D. semper distinxerit primatū ab omnibus operibus & administrationibus communibus cæteris. Item, q̄ Petrus ambulauit super mare, & Bernardus per mare interpretatur Mundum, concedo, Sed nihil ad primatum, cum & nos calcare debeamus mundum.

Ananiæ & Saphiræ. Acto. 5.

Illud libens transco, de fidei indefectibilitate, rogante Christo, promissa, concedo enim fidem Petri nunq̄ cecidisse, & si ipse ceciderit à fide. Tunc enim Latro credidit fide Petri, quando Petrus negauit, ut Augustinus ait, Longe aliud est fides, q̄ primatus.

Matth. 17.

Item & illud, q̄ Petrus dedit staterem pro Christo & se, in quo æquiparatus dicitur Christo, concedo, sed nihil ad primatum, imo contra primatum, nam mox sequitur, ut & Hieronymus interpretatur, cæteros Apostolos ideo offensos, q̄ Petrum suspicarentur fore maiorem, cœperunt disputare, quis esset maior. Ideo Christus, aduocato Paruulo, cōpescuit eorum ambitionem, & sic sequentia textus fortius pugnant contra primatum, q̄ præcedentia pro primatu.

Illud Iohan. vlti. q̄ soli petro dictum est: Sequere me, interprete Theophylo, sit intelligendum, non modo de genere martyrii, sed & ordine magisterii. Nego Theophylum, cum q̄ Augustinus melius videatur sentire, dicens sic. Sequere me tēporalia mala perferendo. Et si Augustinus nō diceret, ipse textus Euangelij conuinceret. Exijt enim sermo inter discipulos, q̄ Discipulus ille non moreretur, cum audissent Christum dicentem: Si uolo illum

Sequere me,
Iohan. 21.

y iij manere,

DISPV: LIPSI AE HABITA ANNO XIX

manere, quid ad te? Tu me sequere. Ideo manifestissimum est, q de genere martyrii & passionis imitatio ista intelligenda sit.

Quare ego rogo D. D. omittat noua adducere, & præfertim ea, que non faciunt ad rem, cum & ego possem inducere illud Act. 8. vbi Apostoli miserunt Petrum & Iohannem tanquam inferiores, & Acto. 15. Iacobus sermonem Petri & confirmauit & mutauit. Sed nolui hæc & similia inducere, cum iamdudum concesserim primatum honoris Petro, solumq; negauerim primatum potestatis super cæteros Apostolos. Hæc est enim illa persona, imo & primatus honoris, quam Deus non respicit, vt superius induxi, non autem illa persona piscatoris & paupertatis, ut Ambrosius, referente Doctore, exposuit. Hieronymus enim melius de magnifica qualitate Paulum interpreta-
tur, quam pseudapostoli ad Galatas, tanquam ab autoritate Petri, subuertere uoluerunt. Sum enim cõtentus optime, q D. D. suam Propositionem per au-
toritates Hieronymi, Ambrosij, Bernardi, Leonis confirmauit, præcipue su-
per hanc autoritatem: Tu es Petrus, Modo mea sententia, ut in præceden-
tibus dictum est, eisdem & maioribus Autoritatibus & magis ad intentio-
nem loquentibus, confirmatio habetur, referens hæc quoque ad iudicium,
vt supra.

Primatus honoris,
potestatis etc.

Tu es Petrus.

Acto. 8.

Acto. 15.

ECCIVS.

Reuereendus pater recludit hodie conclusa, et ea, que velut accesso-
ria & emblemata in Conclusionem adiecit Coronidem, repercutit ut prin-
cipalia, & adeo metamorphosin curat, ut ignorem, an in opponentem uel re-
spondentem sit transformatus. Ad rem breuibus.

Nunquam somniaui illam consequentiam, Petrus prædicatur, ergo fuit
primus. Deinde credulitatem meam de Matthia improbat, & tamen ratio-
nem meam non diluit. Matthias & cæteri Apostoli fuerunt Episcopi, &
non fuerunt ordinati à Christo, nec seipsos ordinauerunt, Quare non nisi à
Petro fuerunt ordinati, quem Christus pastorem constituit. Quare mecum
credat, uel aliud ad illud respondeat.

De excusatione Petri imponit mihi nunquam cogitatum, Quod pri-
matum separauerim ab operibus administrationis aliorum Apostolorum,
nunquam fuit mentis meæ, imo allegaui B. Gregorium, alios Episcopos uo-
catos in partem sollicitudinis, non in plenitudinem potestatis.

De Bernardo super transitu Petri super mare, dicit nihil facere ad pri-
matum. De quo miror, quomodo dicere possit, si Bernardum legit, Nam ex
intentione Bernardus uoluit probare ex hoc primatum Eugenij super alios,
& totum Mundum debere ei esse subiectum, Non sic alijs Episcopis uel
Apostolis.

De statere ex litera sequenti vult elicere oppositum, quod tamen non
fecit, sed Christus murmur Apostolorum compescuit. At ego non meo capi-
te, sed sanctorum Patrum, uerba sacre Scripturæ accipio, Nam ex hoc B.
Ambrosius uoluit denotatum, Petrum reliquis superiorem futurum, quod &
Augustinus in quæst: Euange: testatur expressissime, Quæstio mihi non oc-
currit. Quare nostro sensui non innitatur, sed S. Patribus.

Matth. 17.

De fidei defectibilitate transijt Pater, adducens tamen illud Augustini,
quod fidem, quam Petrus negauit, Iatro in cruce seruauit. Et ego de illo di-
cto transeo. Sciat tamen reuerendus Pater, quod S. Cyprianus uerbis Christi
innixus, uoluit nullas hæreses Romæ uel in alijs Ecclesijs exortas, sicut pri-
die dixi, quod in Romana Sede fuerunt ducenti & duodecim Papæ, & ta-
men ante eorum amotionem nullus definitiue & sententiam ferendo in fide
errauerit.

Petrus.
Iatro.

Ad Theo-

Ad Theophylum, quem pro suo nutu negat, sine alicuius uel autoritatis, uel rationis inductu, Miror, q̄ ecclesiasticos Patres ita contemnit, qui Sophistis est admodum insensus Augustinum induxit, qui Theophylo non aduersatur, Christum locutum de genere martyrij. Sed doceat, ubi Augustinus ordinem magisterij negauerit, cum ibidem tract: 124. de Petro fateatur, cum fuisse abundantiore gratia, vnum eundemq̄ primum Apostolum. Et in Epistola 162. In Romana Ecclesia, inquit, semper apostolicę Cathedrę uiguit principatus. Quare non me roget, ut Conclusionem nostram, quam reputo veram, non defendam.

Augustinus.

110. 8.

Suaq̄ adduxit de Petro, misso in Samariam, & per hoc primatum ab eo ablatum. Quasi nesciamus aliquem mittere seipsum, ut Filium Dei à Patre & à seipso missum, Non nouiter ista uentilari cœperunt, sed omnia dudum fuerunt soluta per Alpharum, Iohannem de tur: cre: & alios. Quod si Petrus Iacobo celsit Hierosolymis in Concilio, & loci & senectutis rationem habens, primatum Petro non aufert. Sed ut videatur aliquid facere, tribuit primatum honoris Petro, forte uelut ambitioso, cum ex me audierit Cyprianū, Hieronymum, & Anacletum, Apostolos æqualis fuisse honoris. Ergo primatum honoris reuerendus Pater tribuit Petro, quem S. Patres negāt. Contra, primatum regiminis negat Petro, quem concors S. Patrum sententia & Concilij Constantiensis Petro tribuit.

Alpharus.

Iohannes de turre cremata.

Desinat ergo, oro, gloriari, se contra tam S. Patres, contra tam celebre Concilium, se maioribus Autoritatibus nixum, q̄ saepe ostenderim autoritates per eum inductas, primatum non negare alicuius S. Patris sententia. Quare potius cum Græcis sero sapientibus, uelut de Troianis dicitur, tandem sapiat Ro: Pontificem uerum Christi Vicarium, primatum in orbe tenere locum, sicut Græci ipsi, Imperator, Patriarcha & Primates hoc confessi sunt, & obedientiam fecerunt Ro: Ecclesia. Anno 1439. 12. Nouemb. & sic fiat pax in diebus nostris, quæ omnia, ut supra, committo iudicio eorum, quorum interest & intererit, Soli Deo gloria.

Annus 1439.

Non displicent omnia ferme, quæ locutus est egre. D. D. præcipue illud Aug. q̄ apostolicę Cathedrę principatus uiguit semper in Ecclesia Ro: si addidisset et unum uerbum, scilicet principatus potestatis super omnes Episcopos, & Bernar. credo torquere textum de ambulante Petro super mare, cum sequentia manifeste fidei tribuant ambulationem illam, non primatus, dicente Christo, cum submergeretur Petrus, Modicę fidei quare dubitasti: Et q̄ cupis ut credam secum Apostolos ceteros fuisse ordinatos Episcopos à Petro Apostolo, modo non placet obsequi, cum omnes fuerunt Episcopi æqualiter Petro, ut textus per Petrum inductus probat de Iuda, Et episcopatum eius accipiat alter. Hæc de isto.

Bernardus.

111. 109.

De episcopatu, q̄ etiam Iudas fuerit Episcopus iuxta illud Psal. Et Episcopatum eius accipiat alter. Dico episcopatum ibi usurpari pro apostolatu, & non pro ordine episcopali. Nam apud plerosq̄ dubium est, an Iudas etiam fuerit sacerdos. Sed hoc nihil ad rem. Exijt tamen Iudas buccella sumpta, quare dum in cœna Christus ordinauerit Discipulos sacerdotes, Iudas non fuit Episcopus consecratus. Committo hæc iudicanda, ut alia.

Eccius.

DE PURGATORIO

Contra nonam Conclusionem argumentatur Eccius.

y iij

NON



NON solum apud Theologos, sed etiam in sacra Scriptura, in S. Patrib. habetur, q̄ uita haec praesens sit status & terminus merendi & demerendi. Quare existentes in Purgatorio amplius mereri non posse, & sic non maiorem gratiam accipere. Et hoc ita esse probō per Ieremiam 25. Reddam eis secundum opera eorum, & secundum facta manuum eorum. ita etiam Paulus ait: Omnes nos Ierem. 25
2. Cor. 5. manifestari oportet ante tribunal Christi, ut referat unusquisq̄ propria corporis, pro ut gessit, siue bonum siue malum. Sciens ergo timorem Domini, hominibus suademus.

Addo Hieronymum, ut gradatim descendam, eo loco Apostolum intelligentem. Hoc dicit, inquam, q̄ diu in mundo positi peregrinamur a Domino, conuersatione bona id agamus, ut ei in futuro placere possimus, non, ut quidam putant, q̄ posteaquam excesserimus e corpore ibi aliquid operantes promereamur. Idem fatetur glossa ordinaria. Frustra ergo homo post corpus sibi hoc promittit, quod hic comparare neglexit. Ita etiam intellexit Ambrosius, solum facta corporis alibi premiari.

Ex quibus liquet, cum gratia augeatur ex meritorum respondentia, & animae in Purgatorio non poterunt aliquid operari meritorie, ex allegatis non poterit etiam in eis augeri gratia. Subscribit apertissime B. Augustinus in Ench. ca. 109. & 110. & repetit eadem verba principaliter quaest. 1. de 8. Dulcius quæst post multa. Quocirca, ait, hic omne meritum comparatur, quo possit post hanc uitam releuari quispiam vel grauari. Nemo autem se speret, quod hic neglexit, cum obierit, apud Deum promereri. Cessat ergo post mortem meritorij operis auctio, cessat & gratiae auctio meritis respondens.

LV THERVS.

Opposuit egregius D. D. duas diuinæ Scripturæ autoritates, & quatuor S. Patrum. Prima Ieremie, ubi Deus dicit: Reddam eis secundum opera eorum. Miror satis, q̄ egregius D. D. hac & similia arbitretur contra me pugnare. Cum ego in Resolutorio meo multo plures adduxerim, in hanc formam, & exposuerim, quomodo nihil contra me pugnent. Aut æque contra Purgatorium pugnant. Cum enim diuina Scriptura tota prorsus nihil habeat de Purgatorio, sed omnia loquatur vel de inferno, uel coelo, uolo hoc hac una responsione ad omnes Autoritates respondisse, Quod non faciunt ad propositum, sequenter & expositiones omnium Patrum, nisi expresse meminerint Purgatorij. Nam credibile est, q̄ quando tractant Scripturas sanctas, sensum etiam Scripturæ sanctæ sequantur. Ideoq̄ alijs rationibus & autoritatibus doceri oportet, animas esse certas, & non augeri eas in charitate.

ECCIVS.

Cum reuerendus Pater plures se allegasse dicat autoritates in Resolutorio & exposuisse, vidimus, Vidimus quoq̄ glossam suam ad textum nihil facere, quod iam ostendimus. Hoc quoq̄ non accipimus, in sacra Scriptura nihil haberi de Purgatorio, q̄ dictum quidem Græcis & Picardis esset fauorabile, uerum Christianæ fidei aduersum, ut recte meministi in Resolutorio, Sed ponamus solutionem suam unicam ad aciem, qua dicit, adducta nihil facere ad propositum, quam concinne respondit. Apostolus dicit, Vnum 2. Cor. 5. quemq̄

quemque recepturum secundum quod in corpore gessit, D. Pater dicit, hominem recipere etiam secundum quod in Purgatorio gessit. Augustinus dicit, Omne meritum hic comparari, & D. Pater contradicit, etiam in purgatorio meritum comparari. Hieronymus dicit, postquam ex corpore excesserimus, nihil nos promereri apud Deum, D. Pater contradicit, postquam ex corpore excesserimus, adhuc in Purgatorio nos promereri, ita de Ambrosio. Iudicent iam illustriſſimæ dominationes, excellentiæ & prestantiæ uestre, an per me inducenda nihil faciant ad propositum, quæ directe nihil dictis Patrum contrariantur. Peto ergo, quod uere soluat, uel ostendat, quomodo ad propositum nihil faciat, nec mereatur, quomodo & ego plures sum ei adducturus Autoritates, ut manifestarium sit, hoc non esse Theologistarum, sed uerorum Theologorum.

LVTERVS.

EGo, qui credo fortiter, imo ausim dicere, scio Purgatorium esse, facile persuadeor in Scripturis de eo fieri mentionem, Quemadmodum illud Matth. inducit Gregorius in Dialogo, Non remittitur, neque in hoc seculo, nec in futuro, uolens peccata quædam remitti in purgatorio.

Admitto & illud 2. Machab. 12. Sancta est & salubris cogitatio pro defunctis exorare &c. Sed hoc uolo, quod in uniuersa Scriptura non habeatur memoria Purgatorii, quæ posset stare in contentione & conuincere, nam & liber Machabæorum, cum non sit in canone, pro fidelibus potens est, contra peritinos nihil facit. Et dictum Gregorii facillime eluditur, quod neque hic, neque in futuro peccatum remittatur, id est, nunquam. Ideo nolo mihi suspicionem fieri, quod fauerem Bohemis & Græcis. Hoc pro primo.

Ad Replicam D. D. dicam nihil aliud, quam quod iam prius dixi. Idem enim repetit, ideo & idem respondeo.

Dixi enim, in sacris literis nihil haberi de Purgatorio, ideo non posse eas, neque expositiones earum ad negocium purgatorii aptari. Redditur autem aut bonum bonis, aut malum malis post mortem. Medij sunt qui in purgatorio sunt, de quibus dictæ Autoritates non loquuntur, quibus neque redditum est bonum neque malum, & sic Purgatorium per medium autoritatum semper transijt.

ECCIVS.

Quod se excusat, credere se & scire purgatorium esse, bene accipio, & prius noui. Sed quod negat in sacra Scriptura purgatorium probari, hoc tanquam falsum & gratia amicum respuo, in proposito manens, quamquam nec illud nec alia multo maiora contra proteruos & pertinaces conuinci possint, ut de Ario & alijs Patribus. At quod propterea illud dicatur, non reperiri in Scriptura, quia contra pertinacem conuinci non possit, est omnino captiosum & religioni nostræ aduersum.

De libris Machabæorum, quos dicit facere pro fidelibus, sed non esse in Canone, Et hoc, inquam, falsum est, quamuis enim apud Ebreos in canone non fuerint, tamen Ecclesia recepit eos in canonem, ut Pater Domini Patris Augustinus, lib: de ciuitate Dei testatur lib: 8. & S. Ipho in suis Decretis constitutionem inserit, qua Ecclesia libros illos in canonem recepit. S. Ipho.

Quod in suo proposito persistere uult reuerendus Pater allegata per me non facere ad propositum, quæ tamē de directo ei contrariantur. Primo enim, quod dicit autoritates illas respicere cælum uel infernum, non iuuat, quia de directo faciunt mentionem de statu merendi & demerendi, & hunc statum definiunt morte terminari. Contra reuerendus Pater nullo S. Doctore innixus

DISPV: LIPSIÆ HABITA ANNO XIX

innixus audet animabus à corpore existentibus, terminum merendi prorogare, & merita Purgatorij in cœlo remunerari, & apostolica clamat sententia, solum remunerari opera, quæ homo in corpore gessit. Quare dicta in Resolutione sua perpendi, sed tanquam insufficientia acceptare non potui, ut illas contrarietates prius aperiat.

L V T H E R V S.

PRimum, Quod egregius D.D. dicit, non ideo aliquid negandum esse de Scriptura, quia pertinaces conuinci non possint, optime & verissime dicit, 'Sed loquor ego de his pertinacibus, qui nos nostra autoritate & proprio iaculo confodere possunt. Euidens enim est librum Machabæorum pertinere ad vetus Testamentum. Quando ergo S. Hieronymus Canonem Ebræum conscripserit, & eos solos libros valere in contentione, qui de Canone sunt, definiat, sitq; in hac sua sententia receptus, facile nostro telo verberabimur, nisi fidelibus persuadeamus.

SEcundo probat, librum Machabæorum esse receptum in Canonem, contendit ad æquiocationem, & facile concordabimur. Scio, q; Ecclesia recipit hunc Librum, & hoc dixi, sed non potest Ecclesia plus tribuere autoritatis aut firmitatis Libro, q; per se ipsum habeat, sicut & cæterorum Patrum epuscula approbat & recipit, sed non ideo confirmat aut meliora reddit. Transeo ergo ista, quæ in multis dicuntur, Canon & Canon.

TERTio dicit, autoritates inductas directe facere mentionem de statu merendi, & eundem morte terminari. Respondeo, sicut prius, quia nihil de Purgatorio meminerunt, sed tantum de cœlo & inferno. Ideo moriens ad cœlum non meretur, moriens ad infernum non meretur, & sic terminatur utriusq; status merendi, alioqui possit eisdem autoritatibus euidentissime probari purgatorium.

QVarto dicit, me nullo Autore inniti, & prorogare terminum merendi, Item, merita purgatorij remunerata asserere. Fateor, Hoc enim feci, ut disputarem & audirem meliora, q; ego nouerim. Ego enim nihil de Purgatorio noui, nisi animas ibi pati iuuandas operibus & orationibus nostris. Paratus humiliter doceri, si quæ plura de ipso possunt tradi. Quare Apostolus contra me inductus, q; solum opera in corpore gesta remunerentur, relative ad purgatorium acceptus est à D. D. quomodo iam dixi, non posse accipi, sed solum ad cœlum vel infernum. Ista relatio si obseruetur, patet, q; non pugnet contra me, aut demonstrabit Purgatorium.

I X I V L I I

E C C I V S.



PRimo, Cum D. Pater dicit, Autoritates inductas non intelligi de Purgatorio, placet, quo ad hoc, quia meritum solum in hac vita, ergo purgatorium excludunt in hac vita. Deinde, certum est, Augustinum in Ench. loqui etiam de purgatorio, quia ibidem probat animas suffragijs uiuorū releuari. Et Hieronymus increpat eos, qui putant animas exutas mereri, qui purgatoriū asserit Esa. ult.

Quod uero dicit, Conclusionem suam esse Disputationem, quasi nō habens de ea magnā fiduciam, miror plurimū, cum iam post annum, illam uentilauerit,

Esa. 66.

tilauerit, & magnifico titulo Disputationem inscripserit contra nouos & ueteres errores, Sententiam quoque recentiorum Theologorum nec stulto uerisimilem affirmat, ac contemptim eos Theologistas nuncupat. Quod uero diuinatur Canonis æquiocationem, non patior, quoniam Augustinus in illo lib. 18. de ciui. Dei, eundem terminum, maxime in puncto aduersariuo, non potuit æquiuocare, dicendo, quod non fuerit in Canone apud Ebræos, sed apud Ecclesiam. Deinde exploratum est, cum plura essent Euangelia scripta autoritate Ecclesiæ quatuor, in Canone recepta, & sic libros Macchabæorum receptos testatur prologus, tamen ab Ecclesia inter diuinorum uoluminum annotantur Historias. Sed melius ad rem.

Quia se fundat in hoc, Quod purgatorium non sit in sacris literis expressum, Contra quod est Concilij Flo. Decretum, quod & Græci abnegato errore assumpserunt. Deinde plures loci sacre Scripture, ut illud: Transiimus per aquam & ignem, & perduxisti nos in refrigerium. Illud Eccle. 4. De carcere & cathenis egreditur ad regnum. Illud Matth. 5. dixit Dominus: Esto consentiens &c. ne in carcerem mittaris, Amen dico tibi, non exies inde, donec reddas nouissimum quadrantem. Vbi per carcerem intelligit locum Purgatorij, ex quo homo non liberatur, nisi plene satisfecerit, sicut interpretatur B. Gregorius in loco respondente super Lucam. Ratio tamē Gregorij, quam reassumit B. Bernardus ser. 66. super Canticis est valida, quod Christus innuat aliqua peccata remittit in futuro seculo.

*Esto consentiens
aduersario tuo &c.*

Sed apertissimus textus est. 1. Corinth. 3. Si cuius opus arserit, detrimentum patietur, Ipse autem saluus erit, sic tamen quasi per ignem. Et dies Domini declarabit, quia in igne reuelabitur. Et vniuscuiusque opus quale sit, ignis probabit, & ibi de stipula, fœno &c. ubi B. Ambrosius dicit, Apostolum expresse locutum de purgatorio. Idem testatur glossa interlinearis, glossa quoque ordinaria. Subscripsit B. Hieronymus lib. 2. contra Iouinianum, B. quoque Gregorius de purgatorio accipit, quod & B. Bernardus super Canticis facit, Et ne quis obijciat mihi Augustinum in Ench. ca. 67. qui & de igne præsentis seculi uerba illa posse intelligi ait, Legat eundem cōpletius ibidem, & quest. 2. de 8. Dulcicij quæstio. & reperiet Augustinum illa uerba Apostoli, sicut sunt manifestissima, accipere quoque de purgatorio.

*Aassertio purgato-
rii, iuxta Eccle-
sententiam.*

Quare nedum in libris Macchabæorum, quod utique Ecclesiæ sufficeret, sed & in alijs Scripturis purgatorium asseritur, Nisi Gregorius, Ambrosius, Augustinus, Hieronymus, Bernardus, sint de numero Theologistarum, nescio aliqui quomodo reuerendus Pater possit fateri, se scire esse Purgatorium, cum literæ sacre Scripture ita valide uelit inniti, & cum clarissima sint Scripture testimonia pro neotericis Theologis. Ipse nec unum locum in Scriptura assignare potest, ubi merita uel gratiam in purgandis augeri asseratur, cum contra Sapiens dicat, Eccle. 11. Et si ceciderit lignum ad Austrum aut Aquilonem, ad locum ubi ceciderit, ibi erit. Glossa ordinaria, id est, locum quem hic tibi præparaueris, tunc habebis, quia in domo Patris mei, ait Christus, mansiones multæ sunt, Certa mansio morienti deputatur, ultra quam suis meritis in Purgatorio ascendere nequit. Sic Damasce. lib. 2. cap. 4. testatur.

Damasceus.

Scire autem oportet, quod hoc est in hominibus mors, quod in Angelis casus, & declarat hoc quo ad terminum merendi. Sic Sapiens Eccle. 9. Quidquid potest manus tua instanter operare, sicut ad illum sensum allegauit deuotus ille & dignus Ecclesiæ minister, Iohannes Capistranus. Ita hoc Apostolus docuit ad Gala. 6. Nolite errare, Deus non irridetur. Quæ enim homo seminauerit, hæc & metet. Quoniam qui seminant in carne sua, de carne merent corruptionem, Bonum autem facientes non deficiamus, ergo dum tempus habentes operemur bonum ad omnes. Glossa, quod homo seminauerit,

*Iohannes Ca-
pistranus.*

DISPV: LIPSIÆ HABITA ANNO XIX

uerit, scilicet præsenti uitæ labore. Non ergo in Purgatorio seminantur merita, sed in præsenti vita. Quod & Chrysostomus confirmat per illud Iohannis 9. me operari oportet opera eius, qui misit me, donec est dies, Venit enim nox, quando nemo operari potest. Dies, ait Chrysostomus, est præsens vita. Ideo Augustinus hortatur nos, deberi operari, dum uiuamus, ne per noctem praueniatur. Accedat testis etiam B. Ambrosius, uolens Apostolum loqui de tempore præsenti uitæ nobis concessæ, ut iuste conuersemur. Quare egregius Psalter ait, Psal. 104. Exiuit homo ad opus suum, et ad operationem suam usque ad uesperam. Iohan. 9. Psal. 104.

Postremo, expressa est illa Augustini sententia, præter superius allegata, ubi tamen Purgatorij meminit, sententia est eius cap. 3. de fide ad Petrum, Tempus acquirendi uitam æternam, in ista tantum uita Deus hominibus dedit. Hieronymus quoque lib. 3. super illud ad Gala. 6: Vnusquisque onus suum portabit, Ostendit, quomodo homines meritis suis iuuentur in hac uita, sed vocati ante tribunal, quod sit in morte, tunc nec Iob, nec Noe, nec Daniel possint stare pro quocunque, sed unusquisque portabit onus suum, Nam, ut pulchre B. Bernardus docet, in cuiusque hominis morte particulare fiet de eo iudicium, quod fieri non posset, si adhuc terminum haberet merita sua in Purgatorio cumulandi, & gratiam augendi, quia, ut per Prophetam Zachariam iquit, adæquabit gratiam gratiæ, gratiam gloriæ reddet in proportionem ad gratiam fidei. Quod si etiam testimonia illa non essent ita clara, quæ tamen sunt apertissima, hoc unum deberet reuerendum Patrem in proposito abstergere, quod Theologus absque theologico Fundamento pro suo arbitrio non existens iudex, nec iudicis assessor, animabus exeuntibus terminum merendi vult prolongare. Quare, quo ad istam particulam concludendum uidetur, Animus in purgatorio satis pati & purgari à delictis, sed maiorem gratiam non mereri.

De secundo principali, quo negat, Animas in purgatorio esse certas de salute, Hoc iterum arbitror nulla sacre Scripturæ autoritate fundatum. In præsentia tamen, quod sint certæ de salute, adduco illud Apoc. 5. Vidi in dextra sedentis supra thronum &c. Et nemo inuentus est dignus aperire librum, nec in cælo nec in terra, nec sub terra. In inferno indubitate nulla est dignitas librum aperiendi, quare de Purgatorio loquitur. In quo etiam sunt aliquando S. uiri, miraculis coruscantes, licet de S. Paschasio testatur B. Gregorius 4. dialogo, & historia de S. Seuerino Coloniensi Episcopo, natione tamen Sueuo. Illud idem asserit & infra: Et omnes cantabant, in cælo, in terra, & sub terra. Sed de Salute quasi desperantes, non cantant, Quare eo ipso, quod sacra anima tantum ibi esse asserit animas, certas de salute affirmat. Apoc. 5.

S. Paschasius.
S. Seuerinus.

Canon missæ.

Præterea in Canone missæ, ubi pro defunctis in Purgatorio oratur, ita dicimus: Memento Domine famulorum tuorum, qui nos præcesserunt cum signo fidei, & dormiunt in somno pacis &c. Ipsi & omnibus in Christo quiescentibus. Si ergo iuxta sacratissimum missæ Canonem animæ quiescunt in Christo, quomodo possunt esse in tali turbatione & horrore, quasi desperationis, sicut declarat reuerendus Pater in suo Resolutorio Conclu. 14. usque ad 20. Non enim video, quomodo in tali horrore, tremore, turbatione, & quasi desperatione, quæ omnia maximam dicunt inquietudinem, animæ purgandæ possint dici dormire in somno pacis, quod prædicta omnia paci aduersentur. Sed tunc à ueris Christianis recte censebuntur in pace quiescere, dum securæ expectant terminum suæ purgationis. Hæc sunt partim, quæ me mouerunt, & hodie mouent, ad dissentiendum reuerendo Patri, paratus tamen stare iudicio & informationi aliorum.

LV THERVS.

LV THERVS.

TRia per ordinem egregius D. D. copiosissime contra me professus est, Primum canonem Scripturæ comprehendere libros Machabæorum. Deinde purgatorium probari etiam alijs locis Scripturæ. Tertio conatus ostendere, Animas esse certas de salute sua.

Respondeo: De primis duobus nulla est inter me & dominationem suam cōtrouersia, Ideo nō erat necesse tot autoritates colligere ad eam rem, quam forte constantius affirmo, quam ipse, vt qui me scire professus sim, esse purgatorium. Sed hic vertitur scopus, an possit probari, animas in purgatorio mereri, & gratiam in eis augeri, Tamen transeamus per ordinem.

PRimo dixit autoritatibus heri adductis statui meritum solum in hac uita, ergo excludi in futura uita, Quod ipse intelligit purgatorium, Et sic aptat autoritates ad purgatorium. Ego autem concedo de futura vita, vel inferni vel cœli. Adduxit etiam Augustin. in Ench: loquentem de purga. & Hiero. increpantem eos, qui exutas animas mereri asserant. Vtrumq; concedo. Me etiam reprehendit, quod dixerim, me disputare hanc Propositionem, quasi non habens fiduciam de ea, qui magnifico titulo scripserim, Contra nouos & veteres errores me disputaturum, Sententiam recentiorum, nec stulto verisimilem affirmarim ac contemptim eos Theologistas nominarim.

Augustinus.

Hieronimus.

Dico, sicut heri dixi, me adhuc nihil scire de negotio Animarum & Purgatorijs, & hoc appellem errorem, q̄ quidam audent asserere quod ignorant, & opiniones Patrum, vt B. Thomæ, Bonauenturæ & similium, quas ipsi non asseruerunt, ipsi tanquam certos articulos fidei pronunciant. Hos ego appello Theologistas, & non Theologos. Opiniones tractari debent in Scholis, in populum prædicari uerba & opera Dei. Psal. 19. Cœli enarrant gloriam Dei &c. Non ergo ego damno opiniones optimorum Patrum, Sed resisto fabulis istis, qui ex opinionibus hominum nobis conuant articulos fidei, quod non est boni Theologi officium.

Theologistæ.

Psal. 19.

Quod Canonem ego æquiouocauerim contra Augustinum lib: 18. cap: 26. coegit me diuus Hieronymus. Item Eusebius in histo: ecclesiastica recensens & antiquorum autoritates. Ideo stat æquiuocatio, cum aliter Augustinus aliter Hieronymus de antiquioribus, de Canone sentiunt, & per consequens nullum robur argumenti in contentione relictum est. An prologus Hieronymi inter diuina volumina libros Machabæorum enumeret, non memini. Transeo illud, quod quatuor Euangelia, autoritate Ecclesiæ recepta sunt. Hæc enim erit alia materia.

Post hoc dicit, contra Concilium Florentinum esse, q̄ purgatorium non sit in Scriptura expressum. Respondeo: Concilium nō potest facere de Scriptura esse, quod non est de Scriptura natura sua, sicut nec Ecclesia potuit facere Euangelia, etiamsi approbavit Euangelia.

Concilium Florentinum.

Psal. 65.

Quare videamus Autoritates, Primo illo Psal. 65. Transiuimus per ignem & aquam. Respondeo: Non ualet ad purgatorium, loquitur de persecutionibus Sanctorum, sicut in multis alijs locis, Psal. 17. Igne me examinasti. Item 26. Vre renes meos & cor meum. Et 1. Pet. 1. Modicum, si nunc oportet contristari in varijs tentationibus, ut probatio fidei uestre multo sit preciosior auro, quod per ignem probatur. Et breuiter, tropus est iste vulgatissimus Scripturæ, per ignem & aquam intelligit tribulationes. Ideo nimis hæret in literis & Syllabis, quod mihi imponit D. D. qui ignem pro purgatorio accipit.

Transitus per ignem & aquam.

Psal. 17.

Psal. 26.

1. Pet. 1.

Eccle. 5.

Item & illud Ecclesi. Quod aliquis de carcere & cathenis egreditur ad Regnum. Satis est clarus textus, de vanitate huius mundi disputantis, quod

DISPV: LIPSIÆ HABITA ANNO .XIX◀

casu uertente, is, qui nunc seruus est, fit rex, & qui rex est, fit seruus. His & similibus Autoritatibus, si contra negantes pugnaremus, nihil nisi ludibrium de nobis & Ecclesiæ aduersarijs faceremus. Quanquā ego libentissime omnia hæc admitto, & si qua sunt similia.

*Esto consentiens
aduersario tuo.*

Tale & illud est Matth. 5. Esto consentiens aduersario tuo, ne tradat te tortori &c. Vbi per carcerem dicit intelligi per Ambrosium locum purgatorii, libenter admitto, Sed quia alij Patres in diuersum exposuerunt, præsertim Augustinus de inferno & nunquam egressuro exponit, fit Autoritas dubia, fidelibus suadens, resistens non conuincens. Vt id taceam, q̃ textus consequentia ne patiat̃ur quidem de purgatorio intelligi, dicit enim de consentiente aduersario & dissentiente, uolens dissentientem damnabiliter, & contra Christi præceptum peccare, quæ pertinent ad infernum non ad purgatorium.

Rationem Gregorij consentiente Bernardo, dicit esse ualidam, q̃ Deus remittit aliqua peccata in futuro. Respondeo: Verum est apud fideles, sed inualida apud resistentes.

Post hæc dicit, Esse apertissimum textum 1. Corinth. 3. Si cuius opus arserit, detrimentū patietur, ipse autem saluus erit, Sic tamen, quasi per ignem, & Ambrosium & Hieronymum, glossa ordina: & interliniare, Gregorium, Bernardum, intellexisse hoc loco Apostolum de purgatorio, licet Augustinus alicubi de præsentis seculi igne, eadem uerba posse intelligi dicat. Respondeo: Adeo non est apertissimus hic textus, ut ego hodie fatear, cum multa excusserim, me adhuc nescire germanum sensum Pauli, ita uariantib. Interpretibus, quanquam per me libens admittam de purgatorio. Verum cum Apostolus apertissime dicat, Opus uniuscuiusq̃ per ignem probari, in quo igne dicit reuelandam diem Domini, quæ declaret uniuscuiusq̃ opus, ut sunt aperta uerba, meo tenui iudicio uidetur loqui de igne conflagrationis & extremi iudicii, aut, ut Augustinus, tropologice de igne persecutionis temporalis, qua maxime probatur fides & fidei doctrina. Et quæcunq̃ super hæc ædificantur.

Quare adhuc nihil habetur ex sacris literis manifestum de Purgatorio, quod in contentione ualeat. Non ergo beatissimos Patres de numero Theologistarum habeo, quia Purgatorium cum eis confiteor, nec ipsi opiniones & ignorantias suas de statu Animarum pro articulis sanxerunt, sicut faciunt Theologistæ.

Miratur D. D. quomodo possim scire, esse purgatorium, & ego nec unum locum habeam pro me in Scripturis, cum hæc, ut dicit, clarissima Scripturæ testimonia pro neotericis Theologis facere putet. Respondeo: Non est necesse confiteri, qua uia nouerim purgatorium, uel quæcunq̃. Deinde, hæc testimonia clarissima pro purgatorio sunt adducta, non pro statu animarum in purgatorio.

*In quocunq̃ loco
cecidit lignum
&c.*

Iam illa Autoritas Eccle. 11. In quocunq̃ loco ceciderit lignum, siue ad Austrum siue ad Aquilonem, ibi erit. Vbi glossa ordinaria intelligit locum, quem hic tibi præparaueris, habebis. Nescio, quo ingenio ad propositum ducatur, Si enim per locum præparatum intelligit purgatorium, manendum erit in æternum in purgatorio, Si autem intelligit, q̃ si hic præparaueris, id est, merueris, tunc non facit ad autoritatem Eccle. 11. qui nihil de merito loquitur, sed de morte hominis.

*In domo Patris
mei &c. Ioh. 14. 14*

Transco illud, q̃ Christus dicit, In domo Patris sui esse multas mansiones, & q̃ certa mansio morienti deputatur, ultra quam ascendere nequit. Totum pro me est. Scio, q̃ unicuiq̃ mansio deputatur post mortem, sed non statim peruenit ad mansionem post mortem, nisi mansionem iterum pro purgatorio accipiat, & sic morientes ab æterno Regno excludit.

Item &

A NOTARIIS EXCEPTA CCLXXII

Item & illud Damasce. Hoc hominibus mors, quod angelis casus. Respondeo : Si ergo post mortem ceciderit in purgatorium, sequitur, quod in æternum purgabitur, aut oportet Damascenum, sicut & omnia præcedentia, intelligi de duabus ultimis mansionibus, damnationis & beatitudinis, & non de purgatorio.

*Hoc in Homini-
bus mors, quod in An-
gelis casus.*

Eccle. 9. Ita & illa Eccle. 9. Quodcumque poterit manus tua instanter operare, quia nec ratio nec sensus apud inferos est, quo tu properas. Si de purgatorio intelligit, iterum purgatorium erit infernus. Ergo solum de inferno, citra memoriam purgatorii, loquitur.

Iohannem Capistranum libenter admitto, sed extra contentionem.

*Iohannes Cap-
istranus.*

Galat. 6. Iam, quod Apostolum Gala. 6. dicit contra nostram sententiam loqui, Que
Iohan. 9. homo seminauerit in carne, hæc metet, & illud Iohan. 9. Venit nox, quan-
do nemo poterit operari, quod Ambrosius de præsentis temporis uita expo-
nit, quomodo meremur, clarum est, quod nihil faciat ad rem. Apostolus enim
non de purgatorio, sed de extremo iudicio loquitur. Et Christus per noctem, Nox.
salua tamen reuerentia Chryso. intelligit infidelitatem, ut clarum est ex pro-
ximo textu, quod diu ego in mundo sum, tam diu lux sum mundi, uolens, quod
extra fidem Christi nemo possit bene operari, Tamen Chrysostomum admit-
to, quia respicit ad extremum iudicium.

Psal. 104. Autoritas Psal. 104. Exiuit homo ad opus suum usque ad uesperam, per-
mittitur trahi figuratiuo sensu ad uitam & mortem hominis, sed genuino
sensu, & qui pugnet in contentione, loquitur de admirabili dispositione
Dei, quod hominem ita disposuerit, quod homo exeat usque ad uesperam
diei naturalis, ad operationes suas. Et Augustinus recte sentit capite 3. de fide Augustinus.
ad Petrum, tempus acquirendi uitam æternam esse datum hominibus, tamen
in ista uita, quia ut dixi, semper ad futuram uitam respiciunt, non ad purga-
torium.

Galat. 6. Et Hieronymus super Galat. 6. Vnusquisque portabit onus suum &c. & Hieronymus.
bene ostendit, quod homines meritis suis inuentur in hac uita, sed uocati an-
te tribunal, quod fit in morte, tunc nec Iob, nec Daniel possunt stare, pro quo-
quam. Respondeo, quod autoritas est robustissima contra egregium D. D.
quia si verum est, hominem in morte uocari ante tribunal, & tunc nec Iob,
nec Daniel possunt stare, frustra orat Ecclesia pro mortuis. Et sic negatur
purgatorium. Quare de tribunali nouissimo loquitur Hieronymus, post fi-
nitum purgatorium.

Bernardum etiam induxit, quod in hominis morte agatur particulare Bernardus.
iudicium, quod non fieret, si haberet terminum adhuc merendi. Respondeo :
Quidquid sit de particulari iudicio, consequentia non ualet.

Transseo autoritatem Zachariæ, Adæquabit gratiam gratiæ, quia tro-
pologico & bono sensu exponitur, sed non proprio.

In fine huius Articuli dicit, Etiam si non essent tam clara hæc testimo-
nia, hoc tamen deberet me absterre Theologum, quod sic absque fundamen-
to pro meo arbitrio, cum nec Iudex, nec assessor fuerim, & tamen animabus
exeuntibus terminum prorogarem merendi. Idem retorqueo in ipsum D. D.

cum nec ipse Iudex nec assessor fuerit, & tamen animabus certum
statum iuxta opiniones suas definiat absque fundamento,
præsertim cum id nolit esse opinionem duntaxat
(quod libentissime tolerarem) sed
certam scientiam.

z h

HORA

DISPUTATIO LIPSIÆ HABITA ANNO XIX.

HORA II. CONTINUATA

Disputatio, per eundem D. Martinum Lutherum,
qui dixit declaraturum, se recte & candide
de de Scripturis sentire.



Et quia mea sententia non satis intellecta videtur egregio D. D. quantum possum, apertius me expono, quod Scripturæ & S. Patres antiqui in suis sententijs respiciunt futuram uitam, qua uel saluantur uel damnantur Animæ, nihil de purgatorio interim cogitantes. Ideo multæ illæ Autoritates, quæ abnegant statum merendi post hanc uitam, non pertinent ad purgatorium. Quod si adhuc non intelligitur, tingatur Purgatorium nullum esse, sicut non fuit eius cogitatio in mentibus eorum. Tunc adhuc stabunt & ueræ erunt omnes Autoritates inductæ, quæ ante mortem est vita merendi. Deinde non sic de meritis loquor animarum in purgatorio, quod aliquid operentur, sed quod recipiant gratiam ampliore. Cum apud omnes constet culpam non remitti, etiam uenientem sine augmento gratiæ, & in purgatorio culpas remitti scribat diuus Gregorius in dialogorum 4. Et recitatur dist. 25. ca. qualis. Sic tamen hoc assero, ut pro opinione habeam, imo ut fatear, pro ignorantia. Soli Deo credo cognitum esse statum animarum in purgatorio.

Ad tertium principale de scientia salutis earum, ubi induxit primo Apoc. 5. caput. quod nemo inuentus est nec in cælo, nec in terra, nec sub terra, qui dignus esset aperire Librum, uolens per sub terra intelligere Purgatorium, ut in quo & aliquando sancti uiri fuerunt, sicut Paschalius & Seuerinus.

*Paschalius
Seuerinus.*

Dico, quod hæc glossa auctoritatem non habet, ideo eadem facilitate contemnitur, qua probatur. Fateor quidem, Sanctos in purgatorio fuisse, imo nullum in purgatorio esse, nisi Sanctum. Posset ergo contentiosus dicere, sub terra esse idem, quod infernus, uel quodlibet aliud, ut quod nec dæmones, nec homines, nec Angeli possint aperire Librum, Sicut dicitur, trina rerum machina colere Deum. Et apud Apostolum tam cælestia, quam terrestria, quam inferna genua flectere. Siquidem & dæmones contremiscunt, imo, ut in eodem Libro modus est, Sub terra, significat etiam mortuos, ut dicit in alio capitulo: Terra dedit mortuos suos, & infernus dedit mortuos suos.

Sub terra.

*Philip. 2.
Iacob. 2.*

Quod autem sequenter inducit omnes, Cantabant in cælo, & in terra, & sub terra, desperantes autem non cantare posse. Respondeo: Non dixi Animas desperare unquam, sed quando una Ecclesiæ sententia eadem est poena inferorum & purgatorii, dixi eas similes esse desperatis, quomodo leguntur & in hac uita quidam tentati fuisse desperatione, ut in Psalterio in multis locis: Ne auertas faciem tuam à me, & assimulabor descendentibus in lacum. Deinde cantare Domino, non semper est latari & gaudere, imo canticum nouum est canticum crucis, hoc est, laudare & portare Deum in medijs tribulationibus atque adeo in morte.

Cantare Domino.

Canon Missæ.

Quod tertio adduxit, Canonem Missæ, ubi pro defunctis orantes dicimus: Dormiunt in somno pacis, & quiescunt in Christo. Non uidet, ut dicit, quomodo possint dici dormire in somno pacis, si sint in tali turbatione, tremore & inquietudine maxima. Ideo interpretans hanc quietem pacis, dicit, quod expectant secure terminum suæ purgationis. Respondeo: Non satisfacit mihi hæc glossa, & idem per idem probatur. Nam esse eos inquietos, probat id quod sequitur in Canone. Ipsi Domine & omnibus in Christo quiescentibus,

tibus, locum refrigerij lucis & pacis indulge, Et illud quod omnes oramus: Requiem eternam dona eis Domine. Item: Dona eis pacem, Quod non potest intelligi, dona eis, expectare secure terminum luæ purificationis, quod D.D. interpretatus est esse pacem. Rectius ergo meo iudicio requiescunt in pace, quo ad corpus. Dormire enim in sacris literis in pace, significat quiescere in sepulchro. Et sic patet, q̄ egregius D.D. non probauit scientiam salutis eorum, imo quodammodo tollit pœnas purgatorij, dum eis tribuit pacem.

ECCIVS.

Quia nobis constitutum est arctum tempus hanc materiam hodie finiendi, ut pro qualitate materiae Solutiones nihili refutare non possim, & alia puncta purgatorij attingere, paucula quædam afferam, ut facile agnoscatur vitasse reuerendum Patrem, materiae nostræ medullam, & diuerticula quæsiuisse. Vnde primo cum Augustino dixissem, Omne meritum hic comparatur, & q̄ nemo speret, quod hic neglexit, cum odierit, apud Deum promereri. Similiter & Hieronymus dicit, se utrumq̄ concedere. Sed quæ tunc est ista obstinatio, si Augustinum concedit, Omne meritum hic comparari, vt dicat gratiam in animabus, etiam in purgatorio augeri.

Nec valet in præsentia collyrium suum ad omnes Auctoritates, quas dicit non loqui de purgatorio, Nam B. Augustinus illud idem dixit cum de animabus in purgatorio tractaret, & in Ench. & in libro de cura pro mortuis agenda c. i. Nam post mortem non possumus agere quod prodest, sed recipere quod egimus. In hanc enim inciderat Augustinus difficultatem, quomodo suffragia mortuis prodesse possunt, quia nihil mererentur? Recurrit ad hoc, ut in uita meruerint, quod eis post mortem prodesset, Quare frustra nitentur me instruere de sensu suo, quem satis bene accepi. Nec persuasiuncula sua quidquam momenti habet apud Christianum, quia uenialia non remittantur sine augmento gratiæ. Probet hoc reuerendus Pater, nulla auctoritate hoc est fulcitum, imo est falsum, cum peccatum veniale Dei offensam non faciat ex Dei misericordia, Non opus est noua gratia in eius deletionem, sed sufficit, q̄ aliquis pro eo satis patiatur.

Augustinus:

Quod vero secundo loco excusat se de errore, quia non uideo unam litteram adductam per D. Patrem, pro sua noua doctrina. Ideo merito debet reputari suspecta, cum recentiorum Theologorum sententia tot sacra Scripturæ & sanctorum Patrum nitatur auctoritatibus. Nec hoc excusat, q̄ aliquibus imponit facere opiniones Thomæ vel Scoti, sicut articulos fidei, de quo mihi non constat. Ego non Thomam vel Scotum, sed clarissima Ecclesiæ Lumina cum sacra Scriptura adduxi, uiderit ipse, quos Theologistas incuset.

Tertio ad Augustinum dicit de libris Machabæorum, fortio rem opponendo B. Hieronymum, At Hieronymus nullibi negat libros Machabæorum apud Ecclesiam esse de Canone Biblię, quin in prologo hoc constanter asserit fuisse annotatum inter diuinorum uoluminum historias. Quare opusculis S. Patrum in can: Rom. 15. dist. non debuit æquiparari.

Cum uero ei opposuissem de Concilio Floren. respondet, Concilium non posse facere aliquid esse de Scriptura quod non sit. Hoc quidem uerum, sed quid hoc est, Concilium tam laudabile tanta temeritate contaminare, ut hoc absurdum decernat. Cum uero doctissimi fuerint in eo Concilio uiri, malo credere Concilio, quod à Spiritu sancto regitur, q̄ Domino Luthero, non q̄ Concilium faciat aliquid de Scriptura, quod non sit, sed q̄ credam Concilium melius habere sensum & intelligentiam Scripturarum decernendo hoc esse de Scriptura, quod in Scriptura reperitur.

Concilium Florentinum.

DISPV: LIPSIÆ HABITA ANNO XIX

Arim.

Euangelium Nicodemi &c.

Euanida est sua excusatio, posse reperiri semper expositionem, ita, quod textus allegatus non valeat in cōtentione contra pertinaces, nam illud esset omnium hæreticorum latibulum, qui semper aliquem expositionis fucum possent asserre, quibus contenderent catholicas ueritates in Scriptura sacra non esse expressas. Ita hodie adhuc perfidi Arii duraret heresis, q̄ homouision ex sacris literis tam expresse probari non posset, quin in cōtentione pertinax qualicuncq̄ fucō non euaderet.

Similiter bene nouimus, Ecclesiam non posse facere Euangelia, tamen Ecclesia facit, ut relictis Nicodemi, Bartholomæi, Thomæ & aliorum Euangelij, quatuor duntaxat indubitatam fidem adhibeamus, In quo Ecclesie iudicio standum est in Euangeliorum acceptione. Ita & in sacrarum Scripturarum intelligentia & expositione.

Porro assumens Autoritates per me inductas ab initio, uoluit præter necessitatem hoc factum, quia & ipse crederet purgatorium esse, Non meminit, q̄ ex tot Autoritatibus terminum merendi in præsentī uita statuentibus, uoluit se euoluere, quia purgatorium ex sacris literis non probaretur, Quod dictum, ne Picardi & alij Schismatici pro se arriperent, qui non sciunt purgatorium esse, sicut D. Pater, merito fuerat à me confutandum, Dimissis alijs quibus, duos saltem conspiciamus locos.

Matth. 5. Noluit per carcerem intelligi purgatorium, quia & Augustinus, quod minime me latebat, per carcerem infernum intelligit. Addo ultra D. Patrem, Chrysostomum intelligere præsentem uitam, sed rectiorem esse Ambrosij sententiam, uel saltem non contemnendam, qui per Carcerem purgatorium intelligit, uerba Christi hoc indicant, debere illum soluere usq̄ ad nouissimum quadrantem, sed in inferno nulla est solutio, sicut nulla est redemptio. Neq̄ fucus additus ad Ambrosij expositionem refellere potest, q̄ in carcerem tradendus peccauerit mortaliter. Quoniam & propter peccata uenialia & propter peccata mortalia tamen contrita, in purgatorio puniuntur, quod ex Machabæis accipimus, dum inquit: Sancta & salubris est ergo cogitatio pro defunctis exorare, ut à peccatis soluantur. Hi enim qui occisi fuerant, & pro quibus Iudas Machabæus oblationes fecit, peccauerant mortaliter propter spolia idolorum, quamuis credantur poenituisse in ipsa cæde. iuxta glossam ordi: ibidem. Et illud Psal. Cum occideret eos, quærebant eum.

Matth. 5.

2. Mac. 12.

Psal. 78.

Iudas Machabæus.

Quarto, dum apertissimum Pauli Apostoli locum 1. Corinth. 3. adduxissem, quem Augustinus, Ambrosius, Hieronymus, Gregorius, Bernardus, Isidorus, cum glossa ordi: intelligunt de igne purgatorij, fatetur reuerend. Pater se germanum sensum huius loci non habere, Ideo contemptis tot Patribus, nouam attulit sententiam, Apostolum loqui de igne conflagrationis, quia Apostolus meminerit dici Domini, & q̄ uniuscuiusq̄ opus ignis probabit, Ego, qui semper audiui antiquiorib. maxime sanctis credi debere, S. Patrum exosculor sententiam, & nouam illam glossam, & uerba D. Lutheri non accipio, nisi probetur sacra Scripturae autoritate. Nec iuuant ea, quæ ponderat in præsentia, quæ & S. Patres bene legerunt. Quamuis enim peculiariter dies iudicij extremi dies Domini dicatur, ut Bernar. quoq̄ meminuit, tamen in cuiusq̄ hominis morte, cum iudicium sit, dies Domini dici potest, neq̄ tam exactam & captiosam accipiat distributionem, ut Sophistæ facere solent, in uocula uniuscuiusq̄. Sed de his accipiat, qui stipulam, lignum & fœnum superædificauerunt, sicut & August. complicat distributionem Iohann. 1. Illuminat omnem hominem uenientem in hunc mundum. Vnde in uita est apostolica sententia, eos, qui super fundamentum ædificant lignum, fœnum, stipulam, salues fieri, sed per ignem purgationis, ut sic nullum malum maneat impunitum.

1. Cor. 3.

1. Corin. 3.

Iohann. 1.

Dies Domini.

Ad illud

Eccl. 11. Ad illud Eccle. de casu ligni responderet. Si loquatur de purgatorio, sic probari perpetuo animam manere in purgatorio. Dico optime sensisse glossam, per lignum intelligi hominem, hinc & Ezech. 31. rationalem creaturam significat, Omne lignum Paradisi &c. Et per casum mortem. Nec tamen sequi ideo perpetuo remanere in purgatorio, sed, ut egregie exponit B. Hiero. per Austrum bonum, per aquilonem malum, & damnationem significare, Quare sapiens non loca illa intellexit, sed statum, q̄ in casu uel est bonus, & ita perseverabit sine augmento gratiæ ob peccatorum deletionem, si est malus, perdurabit malignus.

De mansione apud Iohannem dixit, statim post mortem certam animæ deputatam mansionem. Quomodo ergo erit certa, si fiat accessio maioris gratiæ. Nam tunc necessario accedet altior mansio, consecrarium quoq̄ esset, eum qui ad purgatoriū descenderet, cum pluribus uenialibus melius habere, q̄ descendente cum paucis, uel moriente cum nullis, quia maior fieret ei gratiæ accessio ad plurium uenialium deletionem. Addo, q̄ noxium & damnable esset orare pro mortuis, & plus prodesset eis, si in pœnis purgatorii perdurarent propter maioris gratiæ accessionem, sicuti alicubi scripsit reuerendus Pater, Animam alienis suffragiis liberatam minus beari, q̄ si per se in purgatorio satis pateretur, Quod est non solum contra sacram Scripturam: Sancta ergo & salubris cogitatio &c. sed & contra obseruantiam & pietatem totius Ecclesiæ, quam mortuis impartiri debemus, ut B. Augustinus pulcherrime, libro de cura pro mortuis agenda, & lib: Ench. explanat.

Ad Damascenum porro respondit, eum non loqui de purgatorio, quoniam si animam sic perpetuo durarent in purgatorio. Et ego sentio nec Damascenum, nec alias autoritates sonare de purgatorio, quoniam alioqui mihi obessent, & D. Patri prodesset. At cum de præsentī loquantur uita, in qua terminum ponant merendi & demerendi, non potest porrigi tempus merendi ultra terminum constitutum. scilicet mortem, Quare nō aliam accipio expositionem quam auctor ipse uelit, qui de termino merendi in loco allegato loquitur.

Ita & de alijs dicere possum, neq̄ simili obiurgatione increpari possum, sicut reuerendus Pater, q̄ autoritate S. Patrum & sacre Scripturæ cursum & merendi terminum cum morte finiam. Ipse autem, nulla fulcitus sacre Scripture autoritate, eis terminum porrigit & prorogat, contra Augustinum & contra Hieronymum, quamuis suæ sit modestiæ ut hanc dicat sententiā suam esse opinionem, sed tunc non debuit oppositum uocare errorem.

De autoritate Hiero. conatus est eam in me retorquere, nec Noe, nec Iob, nec Daniel stare pro quoquam post mortem, quia ibi de extremo loquatur iudicio, quod tamen ex litera non conuincit, Non solum enim in extremo iudicio, sed statim etiam post mortem, unusquisq̄ onus suum portabit.

Postremo ad aliam accedens particulam. Respondit ad illud Apo. q̄ per sub terram intelligatur infernus. At tunc sequens de cantico stare nequit, quia dæmones & damnati non cantant, sed blasphemant & eiulant. Quare per sub terram necessario purgatorium & non inferos intelligere potest. Quamuis non negem in sacra Scriptura etiam dæmonum fieri mentionem in inferis, in Apostolo cœlestia, terrestria. Sed hoc nihil ad Rhombum.

Apportauit autem glossam super illo uerbo, cantat, quod sit crucem portare & in tribulationibus Deum laudare, quam glossam, ut à D. Patre hoc loco fictam, ea facilitate contemno. Imo Iohannes non patitur sic se exponi, quia inquit: Cantabunt in Cœlo, in terra, modo in cœlo non portant crucem, nec in tribulationibus laudant Deum, quoniam abstergit Deus sic omnem lachrymam ab oculis eorum, tam non est ullus labor & dolor &c.

Quod si etiam daretur expositio sua, & esset uera, sicut tamen literæ repugnat, adhuc hoc propositū non rumperet, nam laudantes Deum in tribu-

DISPV: LIPSIÆ HABITA ANNO XIX

lationibus post mortem certissimum haberent futuræ beatitudinis signum, cum damnati contra consummato odio Dei in perpetuam prorumpunt Creatoris blasphemiam. Quare animæ purgandæ de salute securæ cantant & Deum laudant, terminum purgationis expectantes.

Canon Missæ.

Cum uero induxissem Canonem Missæ, quo eos dormire in somno pacis asseritur, non patitur illationem meam, si in somno pacis, ergo sunt securæ de salute, & non in horrore, tremore, pauore, & quasi desperatione. Rationem duplicem adduxi. Primo, quia sequatur, Vt eis locum refrigerij lucis & pacis indulgeas. Secundo, quia frequenter oramus: Requiem æternam dona eis Do. Et: Dona eis pacem.

Ideo aliam glossam dedit, Quod dormiant somnum pacis, scilicet quoad corpus, non contentor, nec obiectione, nec noua sua glossa, quæ nullam habet apparentiam, nullum quoque fundamentum. Nam dicit Canon: Memento eorum, qui dormiunt. Et infra: Et omnibus in Christo quiescentibus. Non dicit: In sepulchro quiescentibus. Porro quid refert ad animam corpus habere pacem, uel minus, siue à mari iactetur, siue à feris laceretur, quemadmodum D. Augustinus testatur. Et quis hominum patitur corpus exanime & exangue dormire in pace? Vnde distinctiones in neotericis Theologis non libenter admittit, & tamen egregie hic de pace distinguit corporis & animæ.

Quare uereor amplectenda est sententia, animas purgandas, & dormire in pace, & quiescere in Christo. Vnde quies illa & pax turbationem animæ horrorem & quasi desperationem excludit, cum inquietissimæ sunt animæ, quæ hac turbatione mentis agitantur, ut quasi desperent.

Ad inducta uero non impendio respondemus: Orare nos & obsecrare Deum, ut det eis pacem, non pacem, quam modo habent, securitatis scilicet de salute, sed pacem æternam, quoniam pax est, ut Bernardus testatur, & à culpa & à miseria. Det ergo Deus animabus in purgatorio pacem a pœnis, sicut contulit eis gratiam contra peccata.

Quare ad huc uera & inconcussa est ueritas, Animas in purgatorio non quasi desperare de salute.

LV THERVS.

Augustinus.

Contra Solutiones replicat egregius D.D. ex Augustino dicente: Omne meritum hic comparatur, atque agente de purgatorio, quod post mortem solum recipiamus, quod egimus. Respondeo breuissime: Ergo non est purgatorium, aut purgatorium erit, quod recipitur pro uita præterita. Quare patet, Augustinum non posse de purgatorio intelligi. Non enim hoc egerunt in uita præterita, ut purgatorium reciperent. Quanquam & hæc auctoritas mihi patrocinetur, quod meritum, quo merentur iuari, hic meruerunt. Ego autem fateor intelligere me non posse, quomodo iuentur animæ in purgatorio, & liberentur absque ullo munere gratiæ, per solam ablationem pœnarum, intelligat qui potest.

Deinde dicit, hoc falsum esse, uenialia non remitti sine augmento gratiæ.

Quando ergo uult D. D. quod uenialia possunt remitti absque augmento gratiæ, non concedo, donec probet. Imo est contra expressum textum, ad Roman. 7. Gal. 5. Vbi Apostolus dicit: Venundatus sum sub peccato, quis liberabit me de morte corporis huius? Respondet: Gratia Dei per Ihesum Christum. certum est autem Apostolum non fuisse in peccatis mortalibus. Cetera relinquo futuræ disputationi inter egregium D. Doctorem N. & Iohannem Eccium. Et hoc erroneum est, quod ueniale peccatum Deum non offendat cum

Matth. 5. cum displiceat Deo omne immundum, & reprobet eum, qui minima soluerit. *Matth. 5.* Nec probauit D. D. sufficere, q̄ satis patiantur.

Secundo criminatur, q̄ nec vnā literam pro mea sententia induxerim, cum ipse pro recentiorum sententia tot Scripturæ & Patrum induxerit autoritates. Respondeo: Eo magis mihi suspecta eius sententia, quo plures induxit, quia per capillos & obtorto collo adduxit, sicut in præcedentibus factis dixi. Minus peccat, qui dubitat in cogitationibus suis, q̄ qui dubia sua uerbis diuinis nititur statuere.

Dicit etiam, non constare sibi, qui pro articulis fidei opiniones Thomæ uel aliorum statuerint, quia Ecclesiæ lumina cum Scriptura adduxerit. Monet ergo, ut videam, quos appellem Theologistas. Dixi hodie, & iterum dico, Permitto opiniones esse opiniones, neminiq̄ hoc uicio uerto, Sed trahere repugnantem Scripturam in alienum sensum, pro cōfirmandis opinionibus, & in hoc pertinaciter stare, hoc dico Theologistarum esse officium.

Ad aliud, de Canone librorum, ubi nixus Hieronymi & Concilij Floren. *Canon librorum.* autoritate, mauult credere Concilio, quod à Spiritu sancto regitur, quam mihi, Et gratias ago. Pie enim sapit, nunquam uolui mihi credi. Sed respondeo breuiter: Conciliet ipse primum Hieronymum sibi, qui in prologo galeato, Machabæorum libros & nonnullos alios manifeste inter Apocrypha recenset, qua autoritate sit, ut mihi liber Machabæorum sit gratus & probatus, sed contentiosis pateat ad repulsam. Satis hodie de Concilio dixi, imo, ut ipsemet D. D. dicit, Concilium non errat, si autem errat, non est Concilium, Et ut meo sensu loquar, credo Concilium & Ecclesiam nunquam errare, in his quæ sunt fidei, in cæteris non est necesse non errare.

Quod uero exclamat, Latibulum hoc esse hæreticorum, qui hac fiducia quaslibet expositiones autoritatum refutarent uel reciperent. Respondeo: Quare hoc non sunt conquesti S. Augustinus, Hieronymus, aliq̄ uictoriosissimi hæreticorum triumphatores, sed donatis ambiguis locis studuerunt certis & apertis locis pugnare? Hoc faciamus & de animabus in purgatorio.

Ad rem, Ad autoritatum solutionem dixit, à me contemptos esse Augustinum, Ambrosium, Bernardum, Hieronymum, Gregorium, Isidorum cum glossa ordi: Hoc pro modestia, imo molestia ecclesiana dixit, nimis cupidus mouendæ inuidiæ. Dixi hodie, non esse contemptos à me, & iterum dico.

Quod autem meam glossam non accipit, non curo. Probet autem ipse & suam. Cum textus sit clarus de die Domini, & igne in quo reuelabitur dies Domini. Quod etsi potest trahi ad purgatorium, ut dixi, & sic sententiam D. D. non reprobauit, Purgatorium, scilicet esse, non tamen potest hac intelligentia opilari os contentiosum.

Matth. 5. Item & illud *Matth. 5.* de carcere, non contempsi pro Ambrosii sententia, Quod addit D. D. uerba Christi indicare, debere solui usq̄ ad nouissimum quadrantem, ideo de inferno intelligi non debere. Respondeo: Hoc satis eluitur per diuum Hieronymum, qui aduersus Heluidium hanc dictionem, donec, recte exponit, ut non cogatur significare quod Ambrosius cum D. D. hic ponit. Nam & sic *Matth. 1.* scribitur de Ioseph: Nec cognouit eam donec peperit Filium suum, & tamen non sequitur, quod post partum cognouerit eam, Ita hic non sequitur, quod sit exiturus post solutionem, Sed soluet & non exibat.

Matth. 1. Hieronymus aduersus Heluidium.

Quod autem confutauit, q̄ non peccauerit mortaliter, dissentiens aduersario, atq̄ q̄ & mortalia non sint contrita, & uenialia purgantur in purgatorio. Dico, q̄ hic textus non loquitur de contritis mortalibus, nam contritum mortale iam non est mortale, & pœnitens iam non est dissentiens aduersario suo, Ergo de dissentiente & sic permanente loquitur Christus.

Transco

DISPV: LIPSIÆ HABITA ANNO XIX

Transco illud de casu ligni apud Ecclesiasten, ubi Hieronymus dicit, *Eccle. 11.* intelligere per Austrum statum bonum, & per Aquilonem statum malum, Concedo utrumq; & nihil ad purgatorium.

De mansionem apud Iohannem certa, ubi argutatur in hunc modum. Quomodo fiet certa, si fiat accessio gratiæ, cui debeatur altior mansio? Potest idem argui de quolibet fidei post Baptismum, cui est certa mansio ab æterno prædestinata. *Iohan. 14.*

Deinde in purgatorio existentes sic ordinati sunt, ut hoc modo ad certam mansionem ueniant. Illud etiam humanum Argumentum nihil concludit, qd sequeretur descendentem cum pluribus peccatis melius habiturum esse, qm eum, qui cum paucis. Si hæc ratio bona est, timendum est, ne meretrix melior fiat, qm B. Virgo. Quasi non sint differentes gradus Animarum in purgatorio, cum ipse hodie Sanctos, uelut præ cæteris præstantiores, in purgatorio asseruerit.

Siluestrinum argumentum.

Deinde Siluestrinum argumentum inducit, quod prodesset eis, si perdurarent in pœnis, Nam sic & Martyribus expediret usq; in diem iudicii mori & pati, quasi ignoret D. D. ad certam mensuram pœnas esse animabus constitutas. Non ergo damnabile est, orare pro mortuis, sicut nec damnabile fuit, quod Apostolus pro se orauit, & orari petijt, cum tamen cresceret uirtus eius in infirmitate. Ita quilibet fidelis pro qualibet necessitate cuiuslibet fidelis debet orare, debet adiuuare, non obstante, qd ille per necessitatem istam magis ac magis mereatur. *2. Cor. 12.*

Per idem uolo solutum, Quod contra obseruantiam Ecclesiæ & pietatem sit, qd dixi, Animam alienis suffragiis liberatam minus beari, qm si per se satis patiatur in purgatorio. Hoc uelut corollarium sumpsit ex dictis meis, ubi ego sensi animabus esse succurrendum, quantumlibet perfectius genus meriti esset iusticiæ diuinæ omnibus modis satisfacere.

Damascenum transeo cum termino meriti, & remitto ad præcedentia.

Item, iterum me carpit, qd nullo fulcitus testimonio, prorogo terminum meriti, Ipse autem nitatur multis, & neget. Respondeo, Nullis nititur & ipse, nisi violenter intellectis, ut satis dictum est.

Capere etiam me in uerbis meis uolens, dicit, Me appellasse sententiam meam opinionem, ergo male oppositum appellauerim errorem. Dico sicut prius. Non solum opinionem, sed & ignorantiam appello meam sententiã, errorem appellauit non contrariam opinionem, sed quod opinionem pro ueritate statuunt.

Deinde Autoritatem de Noe, Iob & Daniel dicit, non ualere tantum pro extremo iudicio, nec possim hoc conuincere ex litera. Relinquo hoc iudicio melius sentientis, cum textus manifeste habeat, qd pro homine ad tribunal, quod in morte fit, raptis, nec Iob nec Daniel orent, quod omnino de iudicio extremo intelligi oportet, aut saltem nō de purgatorio, quia pro mortuis in purgatorio orant Noe, Iob, Daniel, & omnes Ecclesiæ.

Ad autoritatem Apoca. recte dicit, qd daemones in inferno non laudant, sed blasphemant Deum.

L V T H E. Reliqua exclusus tempore D. Martinus Lutherus, uult signare in scheda, & ostendere D. D. & dominis Notarijs, obtulit autem sequenti loco infra scripta.

Subtus terram.

Quod demones in inferno non laudant, sed blasphemant Deum, scio, Sed qd ideo subtus terram significet purgatorium, in quo cantent animæ, non sequitur. Primum, qd sunt in tribulationibus & pœnis, necdum absterfit Deus omnem lachrymam ab oculis eorum. D. D. autem negat cantare esse in tribulationibus laudare Deum. Ideo contra seipsum loquitur, dum subtus terram

terram in purgatorio laudem ponit simul & pœnas, in quibus non laudent. Nego autem & ego, Quod animæ ideo content, quia habent certissimum signum beatitudinis. Hoc enim signum certissimum fuit probandum. Deinde ego, sub terram, non dixi significare solum infernum, sed et alia, quæcunque sub terra sunt, in quibus omnibus laus Dei abundat, Omnia enim sunt plena gloria & laude Dei, qui laudabilis est in omnibus operibus suis. Alioquin oportet D. Doct. non solum purgatorium per subtus terram intelligere, sed etiam aliquod quartum, per subtus mare, cum eodem Apocal. 5. etiam subtus mare recitetur, & omnia, quæ in eo sunt. Rectius ergo creaturas omnes hoc quaternario intelligimus significatas, quam ea, quæ D. Eccius imaginatur.

Apoc. 5.

Rom. 5.

Ps. 42.

Iacob. 5.

Ps. 32.

Ps. 49.

Quod autem in tribulationibus laudare Deum, sit cantare, proba non esse à me fictum, ut D. D. dicit, Quia Roman. 5. dicit: Gloriamur in tribulationibus. Et Psal. 42. In die mandavit Dominus misericordiam suam, & non est cantare. Et (id est, tribulationibus) canticum eius. Et Iacob. 5. Tristatur aliquis, oret æquo animo, & psallat. Item: Benedicam Dominum in omni tempore. Omni, inquit, tempore, etiam aduerso. Contra, uituperatur ille, de quo Psal. Confitebitur tibi, cum benefeceris ei. Fateor autem hoc me non dixisse de damnatis subtus terram, Sed ut excluderem sententiam D. D. uolentis, q̃ cantare sit tantum de beatitudinis securitate in purgatorio.

De Canone Missæ non est contentus, q̃ dormire in pace ad corpus retuli, quia dicit Canon: In Christo quiescentibus non in sepulchro quiescentibus. Porro quid referat ad animam, corpus in mari aut aere uersari ac non quiescere?

Item, quis (inquit) corpus exanime dicat dormire in pace? Respondeo: Nihil ista argutia ualet, Nam quiescentes in sepulchro aut ubilibet secundum corpus iactati uere quiescunt in Christo, hoc est, ut Apoca. 14. requiescant à laboribus suis, uidelicet quod separata anima à corpore iam non laborat in corpore in uarijs huius mundi molestijs. Alioqui quomodo Christi corpus in sepulchro negabit dormire in pace, & quiescere in Deo, cum in tot locis de eo sic loquatur Scriptura, & cantet Ecclesia. In pace in idipsum dormiam, & requiescam. Et Psal. 16. Et caro mea quiescet in spe. Item Apoca. 14. Beati qui moriuntur in Domino. Item Stephanus Acto. 7. Obdormiuit in Domino. Quod sine dubio de corporali morte, tropo Scripturæ, dicitur. Si Eccio non dormit corpus exanime, sinat, quæso, illud dormire suscitaturus Deo & Scripturæ autoritati.

Apoc. 14.

Ps. 4. 16.

Apoc. 14.

Acto. 7.

In fine dicit, Orari à nobis pro pace, Non quam habent, sed quam habere à miseria pœnarum contingat purgatis. Respondeo: Hoc est petitio principij, quia pax illa securitatis, quam habeant, nondum est probata, Relinquitur ergo, quod in pœna sunt, & ut ab hac soluantur, & pacem habeant, oremus.

Hæc omnia, sic uolo dixisse, ut ostendam me ignarum esse eorum, quæ in purgatorio agat Deus, nimis eos audere, qui huius ignorantie impatientes, potius fingere uolunt sua, quam confiteri se ignorare. Mea probare non possum, sed nec illi sua. Quare recte mea Conclusio id tantum uoluit esse, nec Scripturis, nec Rationibus probatum, animas certas esse saltem omnes de salute sua, & gratiam in eis non augeri, sufficit, quod scimus eas pati & nos debere ei succurrere, Cætera Deo relinquenda soli.

Acta sunt hæc X. Iulij, præsentibus &c.

ECCIUS.

DISPVTVS LIPSIÆ HABITA ANNO XIX

ECCIVS PER SCHEDAM

respondit X I. Iulij.



Solutiones reuerendi Patris apparent mihi insufficientes, potissimum quod Augustinum dicat, non loqui de purgatorio, cum maxime id agat, scilicet de purgatorio. Neque negandum est, Animas defunctorum pietate suorum uiuentium releuari, cum pro illis sacrificiū mediatoris offertur, vel eleemosynæ in Ecclesia fiunt, sed hæc eis prosunt. Qui cū uiuerent, ut hæc sibi postea prodesse possint, meruerunt. Est enim viuendi modus, nec tam bonus, ut non requirat ista post mortem, nec tam malus, ut ei non prosint post mortem. Quocirca hic omne meritum comparatur, quo possit post hanc vitam releuari quispiam vel grauari. I nunc Luthere, & dic Augustinum hic non de purgatorio locutum.

Præterea non probat ad deletionem peccati venialis, requiri augmentum gratiæ. Fateor, augmentum gratiæ tollere aliquando uenialia, sed etiam veniale tollitur satisfatione. Vnde Apostolus allegatus Roman. 7. non loquitur de veniali peccato, porro si loqueretur satisfationem non excluderet. At de eius consensu, velut impertinente, nihil dico in præsentia. Veniale, fateor, offendit, sed venialiter, quia hominem in odio Dei non constituit, nec inimicum Dei facit, quod alioqui cum gratia stare, ideo in purgatorio habent quidem peccata venialia citra inimicitiam Dei.

Roma. 7.

At quod causatur me torquere Autoritates per capillos ad propositum, Dispeream, si tota Disputatione vel vnam adduxerit autoritatem tam pertinentem, sicut ego hic adduxi. Sed hoc iudicent Iudices, non Lutherus.

Indignatur, cur non & Augustinus & Hieronymus causati sint hoc lachrybulum hæreticorum, quod dixi, Bone Deus, si non ubique clamet Augustinus & Hieronymus contra Pelagianos, Cyprianus & Ambrosius contra Arianos & Nouatianos, eos pro arbitrio interpretari sacram Scripturam.

Petit, quod probem meam Sententiam, cum suam probare non possit, meam uero probatam Iudicum relinquo iudicio.

De donec alia est ratio Hieronymi ad Helpidium, quia aliunde probatur ex Scriptura, Mariam semper mansisse virginem, igitur donec ibidem non dicit consummationem, quod hic non potest facere.

Porro de Rationibus meis gratia breuitatis non moror. Sed quod dicit, me certum fecisse ex dictis suis, quod animæ suffragiis uiuentium liberatæ minus beentur, Male mihi imponit, Nec enim mihi somnia fingo. Reperietur enim in dilutione adnotationum mearum, noluisse Paschalem sua sibi minui premia, Ideo maluisse ardere, Sed missa hæc facio, & Iudicibus committo.

Paschalis.

Porro, non nego, quin in tribulationibus quis laudet Deum, Sed hoc loco accipi non potest, quod & in cælo cantare eos dicit, & ab illis absterferit Deus omnem lachrymam &c. Vnde liquet Lectori, quomodo sententiā meam inuertat, Vnde animæ in purgatorio cantant, secundum Iohannem, Deo, Et quero causam, explicet, nisi certitudinis gloriæ, Quare falsissime comminiscitur, quod contra meipsum loquar. Vnde non nego, bonos gloriarī in tribulationibus, & cantare, Sed negauī illam glossam, quam ipse finxit, quod cantare sit in tribulationibus, Deum laudare, alioqui Angeli non canerent Deo & beati.

Cantare in tribulationibus.

Quod errorem patentissimum defendere conatur, scilicet animas dormire somno

mire somno pacis, scilicet quo ad corpus &c. Quoniam anima separata à corpore non laborat in corpore varijs molestijs. Vide vafriciem, qui cum soluendo ad corpus retulisset in sepulchro quiescentes, iam se transfert ad quietem animæ à laboribus corporis. Sed heus bone vir, Est hoc quiescere à laboribus, quia videlicet, non in corpore molestias patitur, tamen incomparabiliter maiores molestias sentiat extra corpus in anima: quid iuuat, si quiesco à febris, & infestor calculo?

De Christi quiete aliud est, Resurrectionem absq̃ corruptione expectante. Beati ergo, qui moriuntur in Domino. Sed quis dicturus est corpus beatum, nisi per redundantiam animæ in corpus? Sic de B. Stephano, qui in Domino obdormiuit.

Demum, inquit, me petere principium, Sunt in pace, & tamen eis petimus pacem. Et quia ridiculum est, referre pacem habitam ad corpus, sequitur, illam esse in anima scientiam securitatis.

Quod ait, Se sua probare non posse, reputo verissimum, Contra alij sua probant, quamuis pertinax & ceruicosus etiam demonstrationibus non acquiescat, quin semper contenderet, non esse demonstrationem, velut Gregorius Arimi: & Petrus Aliacensis Aristoteli faciunt in rationibus de primo motore in 7. & 8. Physicorum. Quare cum communi concludo sententia, & in purgatorio gratiam non augeri, & eas certas esse de salute.

DE INDVLGENTIIS

DIE XI. IVLII: QVAE FVIT
dies Lunæ.

ECCIVS.



Primis, antequam descendam in hanc Disputationem Indulgentiarum, protestor, nō esse mentis meæ, aut propositum, uelle hac mea disputatione cotrauenire mandatis summi Pontificis, quibus mandat in Decreto incipiente: Cum postquam, non debere defendi uel predicari contrarium certis punctis de Indulgentijs, sub poena excommunicationis, Sed magis esse intentionis meæ, defendere veritatem in eodem Decreto approbatam. Quo sic præfato, accedo ad impugnandam Conclusionem undecimam.

Dicere, Indulgentias esse vtilis Christianis, est uerum & pium, nec Indulgentiæ sunt vicium boni operis, Quare non uidetur bene dictum, q̃ hoc affirmantes insaniant. Hoc probatur, quia Ecclesia in ijs, quæ sunt fidei, non errat, & quæ respiciunt animarum salutem.

Imo, ut S. Cyprianus ait, Deus non permittit maiorem partem Cleri errare, Sed in Concilijs generalibus, & per uniuersitatem cleri iam à trecentis annis Indulgentiæ reputatæ sunt utiles & piæ Christianis. Quod patuit in Concilio Vienensi, ubi approbatæ sunt datæ per Urbanum III. pro uenerabilis Eucharistiæ ueneratione, Nam Concilium hanc addidit rationem motiuam, ut Christi fideles essent magis parati ad obsequia uenerationis & honoris Sacramento impendenda. Urbanus III.

Sic Innocentius III. in Concilio generali, ubi utilissimam constitutionem: Omnis utriusq̃: à tota Ecclesia receptam, edidit, de Indulgentijs quoq̃

AA disposuit

DISPV: LIPSIÆ HABITA ANNO XIX

Lugdunense
Concilium.

Constantiense
Concilium.

Gerſon.

Vuilhelmus Al-
tiſidoreſis.

Gregorius.

diſpoſuit hoſpitaliorum, dicens: Iniungimus vobis in remiſſionem peccatorum, quatenus de bonis vobis collaris grata eis ſubſidia charitatis erogetis, vt per ſubventionem ueſtram ipſorum inopia conſulatur, & vos præponat, & alia, quæ Domino inſpirante feceritis, ad æterna poſſitis gaudia peruenire. In eodem quoque Concilio limitata fuit inferiorum Prælatorum Indulgentias dandi poteſtas, qui in Lugdunenſi Concilio deinde fuit approbata. Sed ſi Indulgentiæ eſſent uicium boni operis, & Chriſtianis inutiles, quid opus eſſet collationem uitij operis minuire in inferiori Prælato, & conferre in plenitudinem poteſtatis?

Accedit, quod laudabile Conſtantiense Concilium, quod & inter errores damnauit Indulgentiarum contemptum, contulit Indulgentias omnibus in Concilio exiſtentibus, & feria ſexta ieiunantibus. Quod fuiſſet bona operantorum Patrum inquinare & inficere. Et Gerſon, quem reuerendus Pater illuſtrem Theologum appellat, ſicut fuit ueri & honeſti ſtudioſiſſimus, is decidit, Indulgentiarum conſeſſionem non eſſe paruipendendam ſeu contemnendam, ſed deuote amplectendam, in fide, ſpe & charitate Domini noſtri Iheſu Chriſti, qui talem poteſtatem clauium eccleſiaſticarum dedit hominibus. Conſtat enim, quod fructuoſior eſt & Deo acceptabilior operatio talibus Indulgentijs innitens, quam altera & cæteris paribus non innitens. Hæc Gerſon.

Sic & alij Sancti & optime exiſtimationis uiri, tempore datarum Indulgentiarum, uoluerunt, quæ à B. Gregorio quoque datæ ſunt ante nongentos annos, & Paſchaſio ante ſexcentos annos. Vnde ſola tanti Patris autoritas debet quemlibet Chriſtianum mouere, ut credat Indulgentias eſſe utiles Chriſtianis. Quamuis non ignorem, quod Vuilhelmus Altiſidoreſis referat non deſuiſſe, qui etiã, uiuente B. Gregorio, ſancto Patri in Indulgentijs contradixerint.

Porro hoc addam, Si Indulgentiæ ſunt uicium boni operis, hoc potiffimum meo arbitratu ex eo ſuſpicari poſſem, quod ſunt ſatisfactoriæ, ſed per opus ſatisfactorium non minus meremur, quam ſi non eſſet ſatisfactorium, alioqui præſtaret nos nulla facere opera ſatisfactoria, ne merita noſtra pro iſto ſtatu minueremus. Sed in benedictionibus ſeminantes, de benedictionibus quoque metemur. Sed hic audiam reuerendum Patrem. Accedat tantus totius Chriſtianitatis conſenſus in Iubileis, per ſummos Pontifices celebratis, per bonifacium, Clementem VI. Vrbanum VI. Nicolaum V. integerrimum & doctiſſimum Pontificem Sixtum. IIII. & quod communi conſenſu Chriſtianiſſimorum Regum & Principum pro paſſagijs & cructatis, ſumus Pontifex pleniffimas ſæpe dedit Indulgentias.

Cum ergo fides Eccleſiæ ſit indefectibilis, pro qua Chriſtus rogauit, ut non deficeret, Lucæ 22. & pollicitus eſt, ſe nobiſcum eſſe omnibus diebus, uſque ad conſummationem ſæculi Matth. 28. Non eſt admittendum, Eccleſiam cum animarum pernicie tanto tempore erraſſe, & quia Decreta ſummarum Pontificum ab omnibus communionem Eccleſiæ ſanctæ habentibus, ſunt acceptanda, ut ait Gregorius can: Præceptis, 12. diſtin. Item can: omnia Decretalia, 24. quaſt. 1. cum multis concordantibus, & Pontifex modernus ſub poena excommunicationis latæ ſententiæ definiuit, Indulgentias eſſe utiles ad poenam peccatis debitam, ijs, qui charitate iungente membra ſunt Chriſti, delendam. Et q̄ huiuſmodi remiſſio ex merito Chriſti & Sanctorum, autoritate ſummi Pontificis, quaſi compenſetur. His omnibus perſuaſum uolo Chriſtiano fidei, Indulgentias non eſſe uicium boni operis, nec dicere, Indulgentias Chriſtiano eſſe utiles, eſſe inſanire, quod nihil aliud eſt, q̄ dicere, totum clerum in Eccleſiâ tanto tempore inſaniuiſſe.

L V T H E R V S.

Lucæ 22.

Matth. 28

A NOTARIIS EXCEPTA CCLXXVIII. LUTHERVS.

DVodecim Argumentis impugnat egregius D.D. Conclusionem meam undecimam, Ad quæ priusquam respondeam, primo diluam illud, q̄ infaniam esse dixi, haberi Indulgentias bonas Christiano, esseq̄ eas viciũ boni operis. Dico ergo, quando Propheta Psal. 40: audet infanias falsas appellare, & Psal. 119. iniquorum fabulationes, ipsas traditiones hominum, quæ de se non erant malæ, nisi q̄ malam fiduciam aduersus iusticiam Dei præstabant insipientib. Quanto magis infania est Indulgentiæ, quæ neq̄ præcepta, neq̄ consulta sunt, neq̄ necessaria ad salutem, Imo remissiones sunt bonorum multorum operum, haberi pro bono Christianorum. Cum omne bonum nostrum & necessarium ad salutem comprehensum sit in Præceptis & Consilijs. Imo amplius dico, Quando saluberrima Dei lex, teste Ezechiele & Apostolo Paulo Ro. 7, non est bona homini, imo occasio peccati, sola autem gratia bonum Christiano, Quanto magis Indulgentiæ, quæ nedum cum gratiæ, sed nec cum legis ullius bonitate ullo modo comparari possint: cum sint nihil & privatio quædam bonorum operum, haberi debent pro bono. Non q̄ noxias aut perniciosas arbitrer, ut dicemus.

Psal. 119.

Roma. 7.

Traditiones hominum, infanice falsæ sunt.

Quando ergo egregius D.D. dicit, Primo Ecclesiam in ijs, quæ sunt si dei, non errare, nec in ijs, quæ respiciunt animarum salutem, recte dicit, sed tales non sunt Indulgentiæ, ut dictum est.

Cyprianus.

Quod autem Cyprianus dicit, Deum non permittere, q̄ maior pars Cleri erraret, Viderit ipse quid dixerit. Certum est, quod tempore Arianæ perfidie maior pars & eloquentiorum Episcoporum & doctiorum uirorum errauit in tanto articulo fidei, adeo ut nullus catholicus Episcopus ferme resideret in cathedra sua.

Quod dicit, In Concilijs generalibus iam trecentis annis habitis, Indulgentias utiles & pias Christianis, & in Concilio Vienenſi approbatas, quas Urbanus III. pro reuerentia uenerabilis Eucharistiæ in fidelibus excitanda largitus est. Respondeo: Nunquam negaui esse utiles Indulgentias, sed non Christianis, hoc est, feruide agentibus, Christum secundum nomen suum amantibus & quærentibus, ijs enim ingrata est remissio operum, grata uero impositio operum. Secundo dico, Quod in ijs rebus non est respicienda persona ullius siue Concilij, siue Papæ, sed quid dicatur, præsertim quando hic error de Indulgentijs, ut in re non necessaria, non est periculofus, cæteris tamen paribus, hoc est, si sciant eas esse non necessarias, nec in eas confidant.

Urbanus III.

Ad secundum, de Concilio generali & Innocentio III. qui iniunxit pro dispositione hospitaliorum, ut in remissionem peccatorum conferrent grata subsidia &c. Dico me adhuc non intelligere hoc uerbum Papæ, cum remissio peccatorum mihi uideatur esse aliud, quam indulgentiæ, atq̄ si esset idem, dico sicut prius.

Innocent. III.

Ad tertium. De Lugdunensi Concilio, in quo approbata dicitur limitatio potestatis conferendi Indulgentias inferiorum Prælatorum. Admitto totum. Quod autem sequitur, Si essent inutiles, non fuisse necessarium collationem uicij operis minuere in inferioribus Prælatis. Dico Indulgentias esse vocatas à me uiciũ operis, secundum quod impugnatus sum à D.D. Conclusionem mea 42. in Resolutorio, ubi sic dixi: Non q̄ veniæ sint malæ & noxiæ, sed q̄ abusus peruersus nocet, dum tale opus non facerent, nisi ueniæ essent. Sic enim finis operis huiusmodi fit ipsa uenia, & clarissimum est, q̄ raro homines contribuerent, nisi Indulgentiæ promitterentur. Idco semper ibi est periculum, saltem uicij operis.

Lugdunense Concilium.

AA ij

Quarto

DISPUTATIO LIPSIÆ HABITA ANNO XIX.

*Constantiense
Concilium.*

Quarto induxit laudabile Constantiense Concilium, quod inter errores cæteros damnauit cōtemptum Indulgentiarum. Respondeo: Nunquam ego contempni aut contemnendas esse docui, nisi contemptus intelligatur hoc modo, q̄ incomparabiliter meliora possumus eisdem expensis facere, quib. Indulgentiæ redimuntur, uel quam sunt Indulgentiæ ipsæ. Quare prærogatiua melioris non est contemptus deterioris. Sicut aurum nō est contemptus ligni aut fœni, etsi præstantius.

Gerſon.

Per idem ad quintum, ubi Gersonem inducit, Indulgentiarum concessionem non esse paraspiciendam, Addo, in suo genere, leu, sicut ipse dixit, cæteris paribus. Nec credo hanc sententiam D. D. satis placere, quod Indulgentiæ sint suscipiendæ in fide, spe & charitate, cum tenuerit satisfactio- nem impleri & remitti posse, etiam ijs, qui sunt extra gratiam. Admitterem quod fructuosior sit operatio innitens Indulgentijs, quam altera non inni- tens cæteris paribus, modo cætera illa paria recte comparentur, Sicut non nego meliorem esse posse unam orationem dominicam Laici, quam omnes horas Canonicas unius sacerdotis.

*Gregorium.
Pascasius.*

Sexto inducit B. Gregorium ante nongentos annos, Pascasium ante sexcentos annos dedisse Indulgentias, quamuis, recitante Vuilhelmo Altis- diorensi, aliqui contradixerint S. Gregorio. Respondeo: Nondum habeo fi- de dignam historiam de indulgentijs Gregorianis. Tamen quidquid sit, non ideo sequitur, Indulgentias esse aliud, quam Indulgentias, hoc est, remissio- nes bonorum operum, quas nemo bonas poterit appellare Christianis, quan- tumlibet sancta Concilia uel quilibet sancti eas dederint uel approbauerint. Ideo D. D. non solum contra me agat solis nominibus autoritatum, sed & ipsius rei ueritate.

Septimo, Suspiciatur eas esse ideo boni operis uicium, quia sunt satisfac- toriæ. Dico q̄ non sunt satisfactoriæ sed remissiones satisfactionis, nec ha- bendæ ut opus satisfactorium. Ideo male hoc Argumento comparantur o- peribus satisfactorijs, quasi ideo merita nostra minuantur, si Indulgentiæ re- linquantur, Imo contrarium uerius est, merita augentur dum Indulgentiæ relinquuntur.

*Iubileus.
Bonifa. VIII.*

Octauo, Dicit consensu fidelium receptum annum Iubileum Bonifacij VIII. Clementis 6. Sixti &c. Respondeo: Quis scit, si consensus fidelium eum receperit. Nec est Bonifacius tantæ opinionis, ut quidquid gesserit, statim pro re bene gesta habendum sit, præsertim in re non bona nec necessaria ad salutem, Qui & alia monstra perpetravit, quæ in rebus necessarijs malum exemplum præbuerunt.

Nono, Quod dederunt Romani Pontifices consensu Christianissimo- rum Regum & Principum indulgentias pro passagio. Dico sicut prius, non est miraculum, quod Deus hæc contemnat & sinat agi & agere, quæ imperti- nentia sunt ad salutem, qui in hoc super nos uigilat, ut doceat utilia, ut Apo- stolus Titum 3. dicit, hoc est, præcepta sua & consilia.

*Fides Ecclesie
indefectibilis.*

Decimo, Arguit fidem Ecclesiæ esse indefectibilem & Christum nobis- cum, ideo Ecclesiam non potuisse errare tanto tempore cum animarum per- nicie. Dico non tota Ecclesia errauit. Deinde si etiam erraret in ijs rebus ni- hili (semper de Christianis loquor) non est periculum salua fide, Variari opi- niones & errare in temporalibus, non tollit Ecclesiam Christi.

*Romani Ponti-
fices.*

Vndecimo, Decreta Romanorum Pontificum acceptanda esse con- tendit. Respondeo: Sine dubio sunt acceptanda, Sed tamen cum iudicio, ut habetur dist. 22. ca. Anastasio, Quia Romani Pontifices homines fuerunt, & homines circū se habuerunt, errare potuerunt. Deinde nullum est Decre- tum, q̄ præcipiat indulgentias redimere, nec est usq̄ hodie, q̄ indulgentia- rum ualorem aperte declarauerit.

Ultimo,

Ultimo, De moderni Pontificis definitione, esse videlicet viles indulgentias, & de merito Christi & Sanctorum acceptas. Respondeo: Nec ipse latet exprimit, nec probat uel vna syllaba, quæ dicit: De qua re copiosius in actis meis Augustensibus dixi. Non sequitur ergo totum Clerum in Ecclesia tanto tempore insaniuisse, cum interim semper fuerint, quibus & displicerint, qui & contradixerint saltem priuatim indulgentijs, ut testatur uulgarissimum proverbum: Indulgentiæ sunt piæ deceptiones.

*Indulgentiæ
sunt piæ de-
ceptiones.*

ECCIVS.

ACcepi reuerendi Patris sententiam, in multis mitiorem & æquabiliorem, quàm verba Conclusionum pretenderent, aut alia sua Scripta mihi videbantur significare. Neque mei est instituti, indiscretas indulgentiarum proclamationes aut abusus defendere, sed veritatem & quantum indulgentiæ rationabiliter datæ possunt prodesse, tutari. Et ut sim brevis, non discutio de excusatione suæ Conclusionis. At cum assumit indulgentias non preceptas, non necessarias esse, fateamur. Sed in hoc toto meo exili iudicio apparet esse difficultas nostræ dissentionis principaliter, quia reuerendus Pater dicit, indulgentias non esse, nisi remissiones bonorum operum, quam interpretationem apud nullum indulgentias uel dantem uel admittentem memini me reperisse, quoniam sic indulgentiæ essent uere noxiæ, periculosa & damna-biles. Cum sic Concilia & summi Pontifices remitterent hæc bona opera, ut uel sic homo non mereretur tantam beatitudinem, quod est contra animarum salutem, uel homines decepti remissione bonorum operum ad Purgatorium mitterentur, ut poenas hic non dilatas ibidem sustinerent, quod reuera damnable est. Vnde omnium uel dantium uel admittentium indulgentias vnus consensus est, indulgentias non esse bonorum operum remissiones, sed remissionem esse poenæ temporalis pro peccato contrito adhuc debitæ, & non solutæ. Sicut Leo modernus Papa expresse in præfato Decreto definiit, quod Sixtus III. ante cum expressissime fecit tempore lumbilei sui.

*Leo X.
Sixtus III.*

Vnde concordare non possum, quod reuerendus Pater in suis Resolutionibus dicit, Indulgentias solum datas pigris, quod etiam in Ser-mone uulgaris affirmat non uolentibus implere Canones poenitentiales. Et tamen in eodem Resolutorio dicit canones poenitentiales pigris impositos, quod uiri, alioqui strenui, omnem vitam poenitentiam agerent. Vnde infelicissimæ essent indulgentiæ, si essent bonorum operum remissiones.

*Sermo uulgaris
de Indulgentijs
D. M.*

Soluturus ad primum respondit, Indulgentias non attinere ad animarum salutem, cum profecto maxime inter sit salutis animarum, an salutem promoueant uel impediant. Interest etiam fidei nostræ, an Papa, ut Christi Vicarius, poenas peccato debitas facta recompensatione per merita Christi & Sanctorum possit remittere & delere.

De Cypriano obiecit mihi, quod occurrebat Cyprianum legenti, quamuis non plene mihi constet, an sicut in Græcia, ita & in alijs regionibus Ecclesiæ maior pars Cleri fuerit infecta.

Deinde ad Concilia respondit, Indulgentias non esse bonas Christiano, id est, qui fide & charitate Christum sequatur. Hoc certe dicta Conciliorum destruit & indulgentiarum largitionem, quia non nisi Christi fidelibus & contritis & confessis sub communi forma conceduntur, Quare communis sententia indulgentiæ non sunt bonæ malis, quia eas non consequuntur, sed bonis & vere Christianis.

Non accepto, quod reuend. Pater dictum Senecæ hic usurpat, Non attendendum, quis, sed quid dicatur, quoniam maxime in ijs, quæ sunt fidei,

Senecæ dictum.

DISPV: LIPSIÆ HABITA ANNO XIX

attendere oportet etiam quis dicat, & Concilium legitime congregatum est ab omni Christiano audiendum.

Dicit errorem non periculosum, si hic de indulgentiis erretur. At mihi contrarium uidetur, cum periculosi errores fuerunt iudicati, qui sacris ordinibus uestris fratrum Mendicantium ab initio detraxerunt.

2. Mac. 12.

Ad Innocentiū in generali Concilio Constitutionem dicit, se non intelligere quomodo valeant, uel indulgentiæ sint remissio peccatorum. Dico, ut semper, non dabo tam solenne Concilium & legitimum potuisse errare, cum à Spiritu sancto non derelinquatur, & remissio peccatorum intelligenda sit quo ad poenam, quia nomen peccati non semper pro culpa, sed etiam pro poena culpæ debita usurpatur, sicut apud Machabæos, ut à peccatis soluantur, quod de culpa nequit intelligi mortali, sed de poena culpæ debita. Et si indulgentiæ dicantur dari, ut absoluantur à poena & culpa, eas consequentes nullus existimare debet indulgentias remittere culpam, sed quia Papa concedit ut à culpa, mediante sacramento poenitentiae, à deputatis Commissariis absoluantur, & deinde indulgentias, id est poenarum remissiones consequantur.

Hic continuauit

Ecceius hora 2.

diei 11. Julij.

1519.

Quod uero se excusat, quod dixit, Indulgentias esse uicium boni operis, quia & ipse uoluerit cæteris paribus opus bonum cum indulgentiis esse melius, quæ sine indulgentiis. Sed sicuti fieri soleat, quia ita homines indulgentias redimant, ut bona opera illa sine indulgentiis non facerent, Quamuis pleraque super illo dicto afferri possent, & in simili, quando uicini propter amicitiam uicinatorum conueniunt ad oblationes & offertoria plus quam intuitu mortuorum. Attamen mihi apparet meliori iudicio, semper saluo hoc non esse uicium boni operis. Primum ex eo, quia sacrum Concilium per indulgentias uult excitare homines ad bona opera. Secundo, quia esto, quod tale quid faciant, uel exhibeant, propter indulgentias consequendas, tamen ista opera ex illo fine non inficiuntur, quoniam finis iste indulgentiarum non discrepat à fine ultimo, ita quod poenarum remissio congruenter in Deum ordinatur, alioqui præscindendo subordinationem finium paucissima uel nulla essent bona opera.

De contemptu indulgentiarum, per Constantiense Concilium improbatum, dicit reuerendus Pater, se illas non contempsisse, fateor ingenuè, si eo semper fuisset usus moderamine, sicut se hodie exposuit, & forte eius interpretationi est standum, & in conscientia sine foro, Tamen scriptus eius Sermo uulgaris aliam exhibet intelligentiam Laicis. Sed hoc nihil ad me.

Gerfon.

Ad Gersonem respondit admittendo, tamen arbitratur Gersonem mihi aduersari, qui indulgentias tunc utiles reputat, quando fide, spe & charitate percipiuntur, quod ego alias renuerim posse fieri satisfactionem in peccato mortali. Dico & ipsum Christianissimum Cancellarium hoc tenere, aliquem posse satisfacere de iniuncta poenitentia in peccato mortali, alioqui imprudentissime agerent confessionum auditores, durantem imponendo poenitentiam. Sed an quispiam indulgentias in peccato mortali consequatur, nihil ad rem, Ratio diuersitatis est obuia, quoniam indulgentiæ non solent concedi, nisi contritis & confessis, Ideo non mirum, si peccatores harum non sunt capaces, quia indulgentiæ tantum ualent, quantum sonant.

Subiunxit reuerendus Pater. Orationem Dominicam Laici tantum ualere, sicut horas canonicas Clerici, si cætera sunt paria, illud non admitto.

De B. Gregorio dicit, se nondum receptam uidisse historiam. At tam constantissima fama, sicut B. Augustinus li. de tri. de Alexandria inquit, hoc negare non permittit, negat autem indulgentias esse satisfactorias, sed solum sint remissiones bonorum operum. In hoc credo principali nos dissentire, & magnam partem controuersiae hinc fundari. At prius memini indulgentias

gentias esse non remissiones bonorum operum, ut credit reuerendus Pater, sed remissiones poenarū peccatis debitarum. Vnde homo uere Christianus accipiens indulgentias, nō minora, sed plura facit bona opera, q̄ si non consequeretur indulgentias. Sic autem intelligo indulgentias esse satisfactorias, sicut Papa Sixtus, Clemens V I. Papa modernus declararunt, non q̄ consecutus indulgentias satisfaciatur, sed quia nullum malum manet impunitum & nullum peccatum manet inultum (can: sicut primi de poeni. dist. i.) Ita Vicarius Christi dispensator eius thesauri, ubi homo pro poena peccati non reddit æquiualens ipse ex thesauro sibi commissio merito Christi sufficientissimo illud recompensat, & pro eo satisfacit.

Esa. 61.

Quare concessi in prioribus, Indulgentias de se non delere culpam, sed poenam, Et q̄ sit talis remissio poenarum in indulgentijs, & non remissio bonorum operum, patet per illud Esaia: Spiritus Domini super me, eo quod unxit me, ad annunciandum mansuetis misit me, ut mederer contritis, ac prædicarē captiuis indulgentiam, & clausis apertionem. Christus eadem uerba de se assumens, pro uerbo, indulgentias, remissionis nomen accepit. Sic Theophylus ait, ut B. Thomas renarrat, Nam prius ab inferis animæ omnia tenebantur, donec uenit, qui prædicaret captiuis remissionem.

Theophylus.

Deinde contendit reuerendus Pater, merita augeri relictis indulgentijs. Hoc ego non uideo, quoniam, ut dixi, non redimentes uel relinquentes indulgentias aliquando istam pecuniam in bonis conuiuijs uolūt consumere, nō merita augere. Fateor, q̄ aliquando posset quis facere maius opus merito, cū illa pecunia, q̄ si redimeret indulgentias, casus nō oportet speciuocari.

De Iubileis celebratis non uult admittere, accessisse consensum fidelium, & suspecta Bonifacij VIII. uita, potest suspectum facere eius Iubileum. Dico, satis magnum esse populi consensum, quod ex toto Christiano orbe in Iubileo Christi fideles confluunt, quomodo alias consensum fidelium probare possit, non uideo.

Bonifa. VIII.

Quod consensum Principum dixi pro passagio & cruciatis à summo Pontifice indulgentias datas. Respondet parum conficere, si hic errauerint in re nihili, Quasi nihil esset, Christifideles decipere, & vnam Christia- norum Principum & Regum consensum in tam fallacem descendere Fide- lium deceptionem.

Præterea, nullum, ait, esse Decretum expressum & clarum super indulgentijs. Oppono ei declarationem Sixtinam, & iam nouissime declaratio- nem moderni Pontificis, ubi inquit, Romanā Ecclesiam, quam reliquæ, tan- quam matrem, sequi tenentur, tradidisse Romanum Pontificem Petri Cla- uigeri successorem, & Ihesu Christi in terris Vicarium potestatem clauium, quarum est apirere tollendo illius in Christo fidelibus impedimenta, culpam scilicet & poenam pro peccatis actualibus deletam, Culpam quidem, medi- ante sacramento poenitentiae, Poenam uero temporalem pro peccatis actua- libus secundum diuinam iusticiam debitam, mediante ecclesiastica indul- gentia posse pro rationabilibus causis eisdem Christifidelibus, qui charitate iungente sunt membra Christi, siue in hac uita, siue in purgatorio, indulgen- tias ex superabundantia meritorum Christi & Sanctorum, & tam pro uiuis, q̄ pro defunctis apostolica autoritate indulgentiam concedendo, thesaurum meritorum Christi & Sanctorum dispensare &c. Vbi clare determinat cum sequentibus, Indulgentias non esse remissiones bonorum operum, sed remis- siones poenarum, quæ fiat compensatione facta meritorum Christi.

Leo X.

Vide supr. 215.

Et q̄ ratiocinabar, Ecclesiam tot annis totam non errasse, Respondit, nō totam Ecclesiam errasse, quia semper interea fuerint, quibus hoc negotium fuerit suspectum. Hinc vulgatum illud: Indulgentiæ sunt pia deceptiones fidelium. Ad quod dico: Quando alicuius rei habenda est ratio, non quod

Indulgentiæ sunt
pia fidelium de-
ceptiones.

AA iij

quisq̄

DISPV: LIPSIÆ HABITA ANNO XIX

quisque dicat, sed quod boni, docti, honesti & optimi statuunt, audiendum est. Quod enim fuerunt probatissimi & honestissimi viri, per totum Christianum orbem in trecentis annis & horum aliqui in Catalogum Sanctorum relati, non tamen indulgentias hoc pacto probauerunt, etiam si abusus eis sicut in omni re displicuerit. Thomas sanctus est, Bonaventura, Albertus Carmelita, Bernardinus & alij magni Viri. Ales, Gerlen, Capistranus &c. qui tamen indulgentiarum concessionem non reprobarunt. Quare nihil reuertitur, quod Iohanni Vuickleff & Vlrico Kalteisen in Anglia, Domino Iohanni de Vuesalia, qui tamen hoc retractauit Maguntiae, Bohemis indulgentiarum concessionem non placuerunt.

Quare concludamus, Indulgentias rationabiliter datas, ad Dei honorem & fidei exaltationem, non esse inutiles Christi fidelibus deuotis non praesumentibus, sed eas cum humanitate & gratiarum actione accipientibus, abusus reiectis & repullis, Vt sic potius de toto munere Deo gratias agamus, quam ut illud superbe contemnamus, Semper in animo habentes, optimam indulgentiam esse ueram contritionem. Tamen omnino, si hodie exposita sententia fuit mens reuerendi Patris, maluissimè, ut illud clare dixisset, & simplicibus non dedisset occasionem aliud cogitandi, quia nemo est omnium Auditorum, qui sensum hodie datum intellexerit in Conclusionem undecimam: Dicere, Indulgentias esse bonum Christiano, est insanire, Sunt enim uerissime operis boni uisum. At sum bene contentus de sua expositione, quantum ad me attinet.

LV THERVS.

CONtra Solutiones meas opponit egregius D. D. Primo, Indulgentias non esse remissiones honorum operum, nec se uidisse, qui hoc assereret, Sequi etiam ad hoc, Indulgentias esse vere periculosas, noxias & damnabiles, esse potius eas uno consensu dantium et admittentium remissionem poenarum pro peccatis debitaram. Respondeo: Satis admiror, quid haec uerba D. D. uelint, cum sine dubio per poenas pro peccatis debitas, intelligant omnes labores satisfactionis, quae tertia pars est poenitentiae. Inter quos certe sunt bona opera, eleemosynae, orationes, ieiunia, uigiliae & similia. Ad quod est expressus textus lib. 5. ca. Cum ex eo. Vbi Papa dicit, Per indiscretas indulgentias enervari poenitentialem satisfactionem, Et omnes Bullae indulgentiarum ferme hanc clausulam habent. De iniunctis poenitentibus relaxamus.

Sed age, dato, quod essent poenae & non opera, Dico peius esse, remitti poenas, quam opera. Cum uita passiva & poenosa plus perficiat aut prodest, quam actiua, ut Apostolus 2. Corinth. 12. Cum infirmior, tunc fortior sum. Purius est enim opus, quod solo Deo operante, nobis patientibus, perficitur, quam quod nobis cooperantibus efficitur. Iuxta illud Deutero. 32 Ego percutiam & sanabo, occidam & uiuificabo. Quare ad sensum egregij D. D. plura absurda sequuntur ex indulgentiis, quam ad meum sensum, Et sane nescio, an uerissime dicam.

2. Cor. 12

Deut. 32.

Secundo, Non potest concordare, quod dixi, Indulgentias solum pigris esse datas, & Canones similiter tantum pigris impositos. Dico: Non memini me dixisse, Canones esse pigris impositos, Si autem dixi, sensus meus est, quod strenui & feruentes siue poenitentes plus faciunt, quam Canones exigunt.

Tertio, Contendit eas esse necessarias ad salutem, quia expedit nosse, an promoueant, nec ne, ad salutem.

Et si non

Et si non fateatur, necessarias esse ad salutem, expedit tamen scire, promoueat ad salutem, nec ne. Respondeo: nec hoc est necessarium scire, sed si nocerent saluti, Non enim est necessarium scire non necessaria ad salutem.

Item, Quod interest, An Papa per merita Christi possit remittere, Nescio an interlit. De meritis Christi postea.

Post hec dicit, Meam sententiam destruere dicta Conciliorum & indulgentiarum largitionem, quæ communi forma concedunt contritis & confessis. Respondeo: Non ideo destruit mea sententia dicta Conciliorum, quia sunt contriti & confessi, qui pigri sunt ad soluendas satisfactiones, quos Scriptura etiam infirmos uocat, & propter hos damnandæ non sunt indulgentiæ.

Reprehendit etiam in me, quod usurpauì dictum Senecæ, Non quis, sed quid dicatur, q̃ in his, quæ sunt fidei, attendere oporteat, etiam quis dicat. Respondeo: Hoc non est ad propositum, quia materia indulgentiarum non est materia fidei. Deinde, in materia fidei multo maxime opus est attendere, non quis, sed quid dicatur, quia non est respectus personarum habendus, sicut manifeste præmonuit Matth. 7. & 24. Attendite à falsis Prophetis, qui ad uos ueniunt &c. Item multi ueniunt in nomine meo dicentes: Ego sum Christus. Et Iohan. 10. Oues meæ uocem meam audiunt. Proinde etiam summo Pontifici non temere credendum est, ut stet regula Iohannis Apostoli: Charissimi, probate Spiritus, utrum ex deo sint.

Matth. 7.
et 24.
Iohan. 10.
Iohan. 1.

Seneca dictum.

Dicit deinde, Periculum esse in errore indulgentiarum ex eo, q̃ periculosus error habitus sit eorum, qui ordinibus Mendicantium ab initio detraxerunt. Quidquid sit de detractoribus, per hoc non probatur error periculosus in indulgentiis, nec mox error est, quod ordines Mendicantium uel sacerdotes Ecclesiarum errorem indicauerint. Per idem ad id, quod dicit, Concilium nō errare, quia regitur à Spiritu sancto, Addo ego, scilicet in his, in quibus regitur à Spiritu sancto, id est, in rebus fidei. Et ut aliquando dicam, non dixi errasse in concilio, in dandis indulgentiis, sed postea.

2. Mach. 12.
Hs. 53.

Transeo illud, q̃ remissionem peccatorum intelligit remissionem poenarum, cum sæpe peccatum pro poena accipiatur, Machab. 12. Ego non sæpe inuenio peccatum pro poena accipi, nisi forte, ubi de Christo scribitur, Quod peccata nostra ipse portauit, quod tamen & ipsum non ausim dicere simpliciter pro poena accipi. Sed hæc extranea.

Gerson.

Confutaturus illud, q̃ uenias dixi esse uicium operis, dicit esse subordinationem finium in operibus, ideo si ueniæ referantur in Deum, non uiciant opus. Respondeo: Da exemplum demonstrandi. Dixi enim hodie raros inueniri, qui tantum darent gratis & propter Deum, quantum dant pro indulgentiis, Ex fructibus ergo cognoscetis eos, Imo si audiant melius se posse facere, q̃ redimere indulgentias, probabile est, nullas esse redempturos indulgentias.

De contemptu indulgentiarum dicit: Si fuisset usus hoc moderamine, standum esset eius declarationi. Verum uulgaris sermo aliam indicat Laicis intelligentiam. Respondeo: Videat diligentius eundem Sermonem egregius D.D. & inueniet me expressis uerbis dixisse, non esse contemnendas indulgentias, sed relinquendas liberas, Neminem esse absterrendum, sicut neminem urgendum, Esse uidelicet pigrorum solatia. Quare sine mea culpa hanc declarationem & satis moderatam sententiam non intelligunt.

Transeo illud de Gerson, ubi dicit, Aliud esse satisfacere in peccatis, & redimere indulgentias in peccatis. Quia in ijs obstat forma concessionis, quæ solum confessis & contritis permittit indulgentias, Illic uero & ipse Iohannes Gerson secum sentiat. Dico: Relinquendo hoc tanquam extra capacitatem intellectus mei, uere enim non capio, quomodo peccator possit satisfacere in

cere in

DISPV : LIPSIÆ HABITA ANNO XIX

cere in peccatis, & non etiam possit recipere licentiam nō satisfaciendi, cum plus uideatur requiri ad operum perfectionem, q̄ ad omissionem.

De Gregorio, Etsi Historia non habeatur recepta, tamen famam dicit non permittere negari, Dico: Famæ tentere nemo credat, & transeo.

Tandem ad id redeo, q̄ indulgentiæ sint satisfactoriæ, & non remissiones bonorum operum, sed poenarum; fortassis contendimus in æquiuoco, q̄ satisfactorium D. D. appellat, quia permittitur virtute indulgentiarum, ut non satisfaciatur, & hæc permissio non satisfactionis pro satisfactorio habeatur, Ego satisfactorium appello, quod implet satisfactionem, non omittit.

*Spiritus Domini
super me etc.*

Adduxit etiam autoritatem Esai. 61. ubi Christus Lucæ. 4. legens ex Esai. 61. Isaia, dicit: Spiritus Domini super me, eo q̄ unxerit me, prædicare captiuis indulgentiā, Vbi Christus remissionē dixit, Addidit Theophylum, qui exponit, q̄ animæ tenebantur &c. donec, uenit qui prædicaret captiuis redemptionem, Quod illa autoritas nihil faciat ad rem, ipsa uerba & consequentia textus declarant, quia Christus ibidem dicit: Hodie impleta est Scriptura hæc in auribus uestris. Deinde, quia loquitur de uero anno Iubilei, hoc est, de plenitudine temporis, de corona anni benignitatis, & non de remissionibus poenarum, sed de remissione peccatorum, de qua tota Scriptura loquitur, cum Iubileus Bonifacianus tanto post tempore cœperit. Item q̄ neget augeri merita relictis uenijs transeo, quia non per hoc confutatur, q̄ aliquando pecuniā eandem uolunt consumere in conuiuijs.

Esai. 61.

Lucæ 4.

*Verum annus
Iubileus.*

De Iubileis celebritatis dicit, satis magnum esse populi consensum, q̄ ad indulgentias fideles in toto Orbe confluunt, excepta tamen Italia & Roma, nec uidet quomodo alias possim probare consensum fidelium. Respondeo: Eum consensum ego probarem esse fidelium, qui re patefacta & ueritate indulgentiarum exposita, fideles ad conflendum moueret. Nunc uero conflunt ignorantes, quid & quare, cum maior pars credat se rem necessariam & meritoriam facere.

Post hoc de passagijs & cruciatis arbitratur egregius D. D. non esse rem parui momenti, tot fideles decipi, præsertim Magnates. Respondeo: Nec est res magni momenti, quandoquidem & diuus Hieronymus Matth. 23. de sanguine Zachariæ Prophetæ dicit: Non damnamus errorem, qui de pietate fidei descendit. Ita & hic error est sine damno animæ, citra etiam lucrum pecuniæ, q̄ deferunt pro honore S. Ecclesiæ Rectoribus Ecclesiarum.

Math. 23.

Quando ego dixi, Nullum esse Decretum super indulgentijs, opposuit Sixtinam & Leoninam nouissimam, ubi declarantur virtutes indulgentiarum. Dico: Hæc alia questio est. Ego dixi, nullum esse Decretum, quod præciperet indulgentias redimere, ideo non esse necessarias.

*Indulgentiæ sunt
piæ fidelium de-
ceptiones.*

In fine, ad prouerbium illud: Indulgentiæ sunt piæ fidelium deceptiones. Per quod volui, non totam Ecclesiam errasse. Dicit, non esse audiendum quod quisq̄ dicat, sed quod boni & honesti uiri statuunt. Nunc uero aliqui etiam in Sanctorum catalogum relati, non improbant indulgentiam. Respondeo: Nec ego sane. Hoc tamen addo, q̄ Ecclesia accipiens opiniones, nō facit ideo ex opinionibus ueritates. Ideo ad istam Leonis X. declarationem dico, sicut in actis dixi, Non probari nuchis uerbis, præsertim hominum indulgentias esse de thesauro Christi sumptas, & soluere poenas iusticia diuina requisitas, licet opinionem non damnem. Nam, ut dicam quod sentio, cum Christi merita siue accipiantur ut suffragia, siue quocunq̄ modo & nomine, nihilominus sunt merita Christi, nec propter usum uel applicationem metamorphosin subeunt. Si autem sunt merita Christi, gratia & ueritas sunt. Iuxta illud Psal. 25. Vniuersæ uia Domini misericordia & ueritas. Et Ioan. 1. Gratia et ueritas per Ihesum Christum facta est. Ibidem: Vidimus plenitudinem gratiæ & ueritatis. Quare etiam si Angelus de cœlo aliud persuaserit, non

*Psal. 25.
Ioan. 1.*

644. 1. non credam esse in manu ullius hominis gratiam & veritatem dare, hoc est, merita Christi dispensare, non tamen resisto Pontifici. Sed ad declarationem in actis me refero.

ECCIVS.

Quia ut dixi, magna pars dissensionis iacet in eo, An indulgentiæ sint remissiones bonorum operum, uel poenarum, ubi in meam partem dixi descendere Ecclesiæ Doctores & Rom: Pontifices, qui hactenus de indulgentiis scripserunt. Sed hoc reuellit acute & docte reuerendus Pater. Quia remittere poenā esset remittere labores satisfactionis, inter quos sunt bona opera contra Decretum Innocentij, in ea: cum ex eo, de poenitentiis, ne poenitentialis satisfactio enervetur. Dico bene remitti labores satisfactionis, sed non propterea bona opera, quamuis enim oratio, ieiunium &c. sint satisfactiones, tamen sunt bona opera, etiamsi ipsa non satisfaciamus. Accedit, quod satisfactio non solum sit labore bonorum operum, sed etiam satisfactio. Quare plerique uolunt, non debere cogi filium confessionis ad satisfactionem in se recipiendum. Iuxta illud commune, Melior est, ut confessor filium cum parua poenitentia mittat ad purgatorium, quam cum magna ad infernum. Nec mirum, si Pontifex plenarias releuit indulgentias ad satisfactiones poenitenciales eluendas, si passim à Prælatiis fiant. Sic particula Bulla de iniunctis poenitentiis, id est, quæ secundum iusticiam diuinam iniungi deberet, ut Doctores Ecclesiæ de indulgentiis scribentes declarant.

Porro, Quod argumentatur, Peius esse remittere poenas, quam opera, non accipio, qui pro tanto poenæ profunt, ut homo instruat bene operari, & sic uirtus in infirmitate perficitur, Sed hoc ad iudices. Et quia errare in indulgentiis esset animabus periculosum, ut hodie induxi, ideo Ecclesiæ non errant, si solum pigros contritos uolunt recipere indulgentias, Certe ad Carthusianos uenire non debent.

In materia fidei dicit maxime attendendum, quid dicatur. Ego autem auctoritatem reputo in Theologia potentissimam, & quod audire præcipimus sedentes supra cathedram Moysi, Ideo quis dicat, attendere debemus, ut Math. 23. captiuemus intellectum, iuxta præceptum Apostoli, in obsequium fidei, pro 1. Cor. 10. pterea Concilia habita sunt, ut eorum auctoritate errores exterminarentur.

De Mendicantibus transeo.

Quod uero ait, Concilium in istis, in quibus regitur à Spiritu sancto, non errare, Dico ego, antiquorum Patrum secutus sententiam, semper debere præsumi Concilium regi à Spiritu sancto, quam diu non constat de opposito scilicet de illegitimitate congregationis.

Sed adhuc fortiter stat reuerendus Pater in uicio boni operis, quod dans pecuniam propter indulgentias, alias non daturus, quasi hoc sit uicium boni operis. Quererem à reuerendo Patre, si ipse cum suis Fratribus habet antiuersarium alicuius Principis uel Nobilis cum 30. Missis, quia dantur bonæ Præsentia, alioqui non habiturus anniuersarium, An hoc sit uicium boni operis?

De Indulgentiis ab eo non contemptis, iudicent, qui Sermonem uulgarem legerint.

Porro, reuerendus Pater factus interpret meus, dicit, indulgentias forte sic factas esse satisfactorias, quia propter istas aliquis satisfacere non teneatur. Non iste est sensus meus, sed quia homo deberet pro peccatis etiam contritis satisfacere de suo, & per indulgentias satisfacit de alieno, quia summus Pontifex dat ei de thesauro Ecclesiæ, unde soluat, ut sic, iuxta communem Patrum

DISPV : LIPSIÆ HABITA ANNO XIX

trum sententiam, etiam in indulgentijs peccatum non manet impunitum, saluo eo, q̄ etiam de proprio satisfacere non posset, non accedentibus Christi meritis.

De consensu fidelium, credo neminem esse tam stultum, qui credat rem esse necessariam indulgentias in Iubileo, Et si existimet iter Romanum esse meritorium, nec hic errat, Stat enim opus, per quod quis consequitur indulgentias esse meritorium, & tamen ipsas indulgentias non esse meritorias.

Porro, de uerbis Sixtinæ & moderni Pontificis non facio uim, quia cathedram Petri sequor, & eius sententiam, qui in ea sedet, quam diu in hæresin, quod absit, prolapsus non fuerit. Scio eum nō probare, sed definire, quem ut Christi Vicarium definiendo arbitror esse indefectibilis fidei. Sed hæc omnia eorum committo iudicio, quorum interest, paratus errata expungere, si quæ ostendentur.

Iussit Lutherus addere. Et ego.

XII IVLII ARGVMENTATVS

est Eccius, Respondente Luthero.

DE POENITENTIA

In nomine tuo dulcis Ihesu.

Sermo de poenitentia
Supra fol.
13. a.



ONtra Conclusionem reuerendi Patris & partem Sermonis sui de poenitentia, pro defensione optimorum Patrum prædicantium intendo probare, Poenitentiam ueram incipere a timore etiam poenæ, & q̄ bene quis se præpararet discutiendo, recogitando &c.

Primo, quia talem modum prædicandi obseruauit Dominus Ihesus, & eius præcursor S. Iohannes. Luc. enim

Filius prodigus. 15. huius prodigus gerit typum poenitentis secundum Augustinum de quæst. Luc. 15.

euange. Ambrosium libro 2. de poeniten. c. 3. Chrysostomum, Hieronymum & alios, sed eum ita proponit nobis Christus, q̄ in se conuersus dixit, quantū mercenarij in domo patris mei abundant panibus, ego autem hic fame pere-
eo, Surgam, & ibo ad patrem meum, & dicam illi: Pater, peccaui in cœlum
& coram te &c. Hic Dominus Christus modum poenitentis describens, ex-
ponit primo motum poenitentem premiorum magnitudine, scilicet abun-
dant panibus, & timore poenæ, scilicet, hic fame pere-
eo, quibus gradibus eue-
ctus, poenitentiam ueram cœpit meditari, scilicet, & dicam: Pater, peccaui. Et
Basilii, hoc Basilii explanat: Tres sunt ibi poenitentię gradus, mercedis spes, sup-
pliciorum timor, & bonitatis paternæ sincera dilectio. Et sic, antequam fiat
amicus Dei, qui extitit inimicus, efficitur prius seruus.

Sic Iohannes inceptit a timore, Progenies uel genimina uiperarum, quis monstrauit uobis fugere? &c.

Sic etiam in toto actum est veteri instrumento, ut timore poenarum ad mandatorum obedientiam homines traherentur, ut in legalibus Historijs, Prophetis hoc ubiq̄ reperitur. Sufficiat adducere unum locum, Psal. 89. Si autem dereliquerint filij eius legem meam, et in iudicijs meis non ambulaue-
runt, Si iusticias meas prophanauerint, & mandata mea non custodierint, Vi-
sitabo in uirga iniquitates eorum, & in uerberibus peccata eorum, cum con-
cordantibus. Quare Prædicatores sacram imitati Scripturam hætenus, bo-
num habuerūt modum de poenitentia patanda, recogitando grauitatem pec-
carorum, æterni supplicij &c.

Psal. 89.

Accedit

A NOTARIIS EXCEPTA CCLXX·XIII

Accedit ratio Dionysiaca, Quia sic Deus res administrat, ut ima ad superiora per media ducat. Quare cum peccator sit in imo, quia non est dignus pane, quo uestitur, volens ascendere ad superiora gratia, hoc faciat per medium timoris. Ratio Dionysiaca.

Bene esset perfectionis, quod aliquis immerfus luto peccati posset se mero obtutu dilectionis Dei & amore iusticiae erigere ad gratiam, capessendam, Sed quis est hic & laudabimus eum?

Imo B. Augustinus approbat modum prædicandi nostræ tempestatis, docens expresse, nullum peruenire ad charitatem & ad veram gratiam, nisi præcedente timore, non filiali, sed etiâ seruali. Hæc Aug: sententia est tract: 9. Ergo incipiat timor, quia iniciû sapientia, timor Domini. Cum autem coeperit charitas habitare, pellitur timor, qui ei locum præparauit. Quantum enim illa crescit, ille decrescit: & quantum illa fit interior, timor pellitur foras: maior charitas, minor timor: minor charitas maior timor. Si autem nullus timor, non est qua intrat charitas (Dat comparisonem) Sicut videmus per setam introduci linum, quo suitur, seta prius intrat, sed nisi exeat, non succedit linum: Sic timor prius occupat mentem, quia ideo intrauit, ut introduceret charitatem. Allegat illud Psal. Conuertisti luctum meum in gaudium. Et infra sententia dicta est de Scripturis, Nam qui sine timore est, non poterit iustificari. Opus ergo est, ut intret primo timor, per quem veniat charitas. Timor medicamentum, charitas sanitas. Ex istis apertissime liquet, quia poenitentia est medicinalis, & timor est medicamentum secundum Augustinum, & charitas non intrat nisi per timorem, ideo bene prædicatur, poenitentiam à timore incipere. Augustinus.

Et non accipio, quod reuerendus Pater ab inicio Resolutoriæ refert, reuerendi Patris Staupiciæ vocem quasi cœlitus demissam, Poenitentiam incipere ab amore & dilectione: Nam huic expresse reluctatur B. Ambrosius, bonus animarum medicus, in Epistola ad Studium, Vbi poena præscribitur, debet esse poenitentia peccatorum: ubi remissio donatur, gratia est: præcedit poenitentia, sequitur gratia. Neque ergo poenitentia sine gratia, neque gratia sine poenitentia. Debet enim poenitentia prius damnare peccatum, ut gratia possit illud abolere. Illud idem testatur Chrysostomus toto Libro de cordis compunct. Et homilia 80. de poeni: Et Sermone 19. Similitudo Augustini.

Addo etiam Isidorum libro 2. de summo bo. ca. 12. Compunctio cordis est humilitas mentis cum lachrymis, exoriens de recordatione peccati, & timore iudicii. Et toto libro de contritione cordis. Et speculo peccatorum Augustinus nihil aliud agit, imo hortatur peccatorem volentem poenitere, ut recogitet tres abyssos, scilicet peccatorum suorum, poenarum, & iudiciorum Dei. Sic B. Bernardus super Canticis ser. 16. & alijs pluribus locis. Gregorius in moralibus lib. 2. & 5. & item super ca. 19. Iob, Libro quoque 2. super Ezech. ubi Homilia 19. inquit: Scriptum est: Initium sapientia timor Domini. Constat proculdubio, quia à timore ad Dominum ascenditur, non autem à sapientia ad timorem reditur. Propheta ergo de cœlestibus ad ima loquebatur, coepit magis à sapientia, & descendit ad timorem. Sed nos, qui à terrenis ad cœlestia tendimus, eisdem gradus ascendendo numeramus, ut à timore ad sapientiam peruenire valeamus. Idem lib. 1. super Ezech. dixit, duas esse pennas, scilicet timorem & poenitentiam, quæ tegere corpora dicuntur, id est, peccata. Isidorus.

Ex quibus omnibus, quo ad vnam particulam de timore, volo habere conclusum, Bene prædicasse nostræ tempestatis & superioris Prædicatores, quod poenitentia à timore incipiat: & quod nituntur sermonibus suis in populo timore Dei seminare, ut sic semen Diaboli extirpetur, iuxta illud Origenis lib. 3. super Iob: Bonus est timor poenæ & iudiciorum, quem nisi de-

B B mon

DISPV: LIPSIÆ HABITA ANNO XIX

mon expulerit, non poterit seminare semen peccatorum. Ex quo deinde confectarium est, pœnitentiam non incipere ab amore & dilectione iusticiæ, quamvis si sic inciperet, fateor eam esse laudabiliorem & perfectiorem, quam q̃ a timore pœnæ inciperet. At fragilitas nostra id non patitur, cui Dominus Ihesus & Prædicatores condescendentes timorem prædicant, tanquam gradum, quo verum iusticiæ amorem consequamur.

LVTHERVS.

Non est iste modus Scripturas diuinas foeliciter intelligendi, vel interpretandi, si ex diuersis locis diuersa decerpantur Dicta, nulla habita ratione, vel consequentiæ vel collationis. Imo iste est Canon errandi vulgatissimus in sacris literis. Oportet ergo Theologum, si nolit errare, vniuersam Scripturam ob oculos ponere, & contraria contrarijs conferre. Et sicut duo Cherubim aduersis vultibus vtriusq̃ diuersitatis consensum in medio Propiciatorij inuenire, alioqui cuiuslibet Cherubim vultus longe diuertet sequacem oculum a Propiciatorio, id est, vera Christi intelligentia.

Duo Cherubim
Propiciatorij.

Proinde nunquam mihi egregius D. D. remotior visus est a sacris literis, quam hodie, atq̃ eo magis, quod concludendo fatetur, laudabiliorem & perfectiorem esse pœnitentiam, si ab amore iusticiæ inciperet, sicut ego sapio, quam si a timore pœnæ inciperet. Quasi non conandum sit, vt laudabiliter, & ut Iohannes ait, dignos fructus pœnitentiæ agamus. Nam hoc prorsus non accipio, quod dicit, fragilitatem nostram obitare, quo minus ab amore iusticiæ pœnitentiam incipiamus. Si secundum fragilitatem nostram agendum est, & Scriptura exponenda, nunquam pœnitebimus, sed de die in diem peiores siemus. Quare antequam respondeam suis obiectionibus, primo declaro meipsum.

Matth. 3.

principium pœ-
nitentiæ est Lex :

Omnis bona vita necesse est vt instituat per aliquam legem, ideo Lex principium est pœnitentiæ cuiuslibet boni operis. Quare & in pœnitente ante omnia oportet uel reuelari uel suggeri Legem, contra quam fecerit, & secundum quam facere debet. Lege autem manifestata aut in memoriam reuocata, mox sequitur augmentum peccati, si desit gratia, Quia naturaliter odit uoluntas Legem, ut sunt expressa testimonia Pauli ad Rom : & ad Galat. Rom. 7. Lex intrauit, ut abundaret delictum. Gala. 3. Lex propter transgressiones posita est. Ideo B. Augustinus de spi. & lite. c. 3. Neq̃ enim liberum arbitrium ante gratiam quidquam ualet, nisi ad peccandum, non autem ad pœnitendum, ut D. D. dicit (hoc enim Pelagianū est) Porro dicit Augustinus: Et cum cœperit cognosci se non latere, quod faciendum est, nisi Spiritus sanctus diffuderit charitatem in cordibus nostris, non diligitur, non suscipitur, non bene uiuitur. Ibi clarissime dicit Augustinus, q̃ Lex Dei non potest diligi, nisi accepta gratia Spiritus sancti. Si autem non diligitur Lex, contrarium eius peccatum non oditur. Ergo impossibile est pœnitere ante dilectionem Legis. Hoc est quod Roma. 4. Apostolus uult: Lex iram operatur, hoc est, monstrat peccatum, sed non dat gratiam, ut odiatur peccatum. Ideo manet odium Legis & dilectio peccati, quantumlibet per increpationes forinsecas aut intrinsecas homo concutiat timore seruilis. Nam etsi abstinet ab opere peccati, non tamen abstinere potest ab amore peccati. Hoc & Christus Iohann. 6. docet, ubi dicit: Nemo uenit ad me, nisi Pater meus traxerit eum. Concedo ergo, q̃ Lex, recordatio peccatorum, intuitus pœnarum possunt terrere peccatorem, sed nunquam faciunt pœnitentem.

Rom. 7.
Galat. 3.

Libertum arbitrium
ante gratiam &c.

Lex iram opera-
tur.

Rom. 4.

Iohan. 6.

Filius prodiguit.
Luc. 15.

Respondeo ergo ad obiectionem primam, de filio prodigo Luc. 15. ubi incepit pœnitentiam a recordatione magnitudinis præmij dicens: Abundant

A NOTARIIS EXCEPTA CCLXXXIII

dant panibus mercenarij &c. Dico, quod hic filius prodigus incepit vere ab amore iusticiæ, quia conuersus in se cognouit primo bonum : & ex cognito bono intellexit iuum malum. Hanc autem conuersionem sui in seipsum non habuit ex fragilitate sua, aut ex timore pœnæ, sicut ipsemet D. D. dicit, quod timor pœnæ post præmiorum magnitudinem mouerit. Ergo non incepit à pœna & timore. Habuit autem eam ex trahente intus Patre, & dilectionem inspirante paternæ domus, dum dixit : Quanti mercenarij in domo Patris mei. Nam cum prius uixisset in peccatis, bonum nec cognouit nec dilexit, nec peccatum odiuit : cum tamen non posset ignorare peccatum. Ergo necessaria fuit alia affectio, id est, amor boni.

Secundo, Induxit Iohannem Baptistam, Luc. 3. Quod inceperit à timore re dicens: Quis monstrauit uobis fugere? &c. Respondeo: Aliud est prædicare pœnitentiam: aliud incipere pœnitentiam. Aliud est prædicare bonum opus, aliud incipere bonum opus: Prædicator monet, terret, allicit &c. sed nihil sequitur, nisi gratia mouerit uoluntatem.

Psal. 89.

Ierem. 5.

Esa. 1.

Idem dico ad Psal. 89. Visitatione in uirga iniquitates eorum &c. Percuti potest peccator, sed nisi gratia cooperetur, nihil proficitur, ut Iere 5. Percussi eos: & non uoluerunt. Et Esa. 1. A planta pedis usque ad uerticem non est in eo sanitas: super quo percutiam uos ultra? quia nihil profecit percutiendo.

Et satis admiror egregium D. D. q̄ oblitus luminis naturæ Aristoteles, audeat statuere alicuius uirtutis initium in timore urgente, cum ille tot uerbis iam receptissimis 3. Ethic. persuadere conetur: Oportere esse uoluntarium opus bonum & libera uoluntate fieri. At uoluntas certe aut amor est, aut soror amoris. Inde etiam dicitur, Oportere opus bonum fieri per liberum arbitrium. Addo & illud, q̄ Christus nunquam peccatores coegit timore ad pœnitentiam, sed suauiter allexit quoscunq̄ uocauit, ut Zachæum, Magdalenam, Apostolos & omnes. Sicut & apud Iere. ca. 2. dicit: Perpetua charitate dilexi te, ideo attraxi te miserans tui.

Ierem. 2.

1. Reg. 2.

Dico ergo, quod timor Domini quidem necessarius est, sed filialis. Quia sine amore impossibile est ferre conuersionem sui, in qua terretur, conteritur & humiliatur peccator, iuxta illud 1. Reg. 2. Dominus deducit ad inferos, & reducit. Credo autem etiam ipsius egregij D. D. sententiam & omnium scholasticorum Doctorum mecum sentire: & contra obiecta eius pugnare, Cum omnes consentiant contritionem oportere fieri in charitate, si debet esse bona & meritoria pœnitentia. Quod ego sane intelligo, contritionem fieri mouente & imperante charitate, ut sic sit uoluntaria, hilaris, amorosa pœnitentia. Ideo licet Iohannes increpauerit Iudæos & terruerit, non ideo sequitur, pœnitentes incipere etiam à terrore. Aut si incipiunt à terrore, nisi accesserit gratia, hypocritæ sunt uerius, quam pœnitentes.

Timor Domini filialis.

Adiecit D. D. rationem, q̄ Deus res sic administrat, ut ima per media ducat ad superiora, q̄ aptauit ad timorem, uolens, peccatum esse imum, timorem medium, amorem superius, quod ego transeo: & non accipio.

Dicit etiam, esse perfectionis, si homo posset se mere Dei obtutu & amore iusticiæ erigere ad gratiam capeffendam. Sed quis est hic: & laudabimus eum? Respondeo: Nec timore nec amore potest se homo erigere ad gratiam capeffendam: Sed gratia præuenit, & mouet ad merum Dei obtutu & amorem iusticiæ.

Augustinus.

Ad Augustinum, qui doceat præcedere timorem ante gratiam, & intrante charitate pelli timorem, dico: Si recte intelligatur, admitto, hoc est, quod pœnitentia nondum est incepta, quando timor præcedit charitatem. Sed intrante charitate incipitur pœnitentia, id est, amor iusticiæ & odium peccati. Si autem charitas non intraret: timor non operaretur: nisi maiora peccata. Quare ista similitudo setæ & lini probatur mihi, modo non intelligatur, q̄

BB ij timor

DISPV: LIPSIÆ HABITA ANNO XIX

timor inducat charitatem, quod ex ipsius D. D. uerbis capio, q̄ nisi exeat se-
ta, non succedit linum, hoc est, nisi timor, qui impedit pœnitentiam veram,
pellatur per instantem charitatem, nunquam uere pœnitetur, ut sic dixerim.

*Ambrosius ad
Studium.*

Ambrosium inductum in Epistola ad Studium, q̄ præcedit pœnitentia,
& sequitur gratia, & alia. Item, Ilidorum de summo bono. Item tres abyssos
recogitandas peccatorum. Bernardum super can: Gregorium in Moralibus,
& alios Patres, qui docent à timore ascendendum ad sapientiam & pœni-
tentiam, à timore incipiunt, Libenter admitto, sed non contra Apostolum
Paulum, de Lege & timore Legis docentem intelligo. Dico & ego habita
charitate simul moueri hominem ad timorem Dei, & sic incipi pœnitentiam
à timore in charitate, Alioqui stat firma sententia, q̄ timor pœnam habet,
bonum non operatur, sed odit Legem.

1. Ioban. 4.

Non ergo egregius D. D. concludit, pœnitentiam non incipere ab a-
more iusticiæ, quantumlibet bonus sit timor pœnæ, ex Origine. Non enim
timore pœnæ, sed timore Dei pœnitendum est, q̄ ille sit seruus, non mansu-
rus in domo, hic autem filius & hæres. Ideo & illud Prouerbio. 1. Principium
sapientiæ timor Domini, non admitto intellectum de timore pœnæ, qui
ante gratiam torquet hominem infructuose, cum expresse dicat: Timor Do-
mini, non timor pœnæ. Timor pœnæ potius est principium insipientiæ. Vi-
deat ergo egreg. D. D. vt non in vnum chaos confundat timorem seruilem,
& timorem filialem, ne sibi ipsæ Scripturæ & Patrum intelligentiam præ-
cludat.

*Iohan. 8.
Prouer. 1.*

Timor pœnæ.

ECCIVS.

Reuereudus Pater suco verborum conatur se euoluere, ex tam ex-
pressis sacrae Scripturæ & S. Patrum autoritatibus. Et ut hoc nobis
persuaderet, ausus est dicere, me longe fuisse alienum à sacra Scripturæ in-
telligentia, hoc loco diuerticulum querens de Cherubim se respicientibus.
Sed iudicent, quorum interest, vter rectius sentiat de sacra Scriptura. Tamen
ut suas solutiones impertinentissimas excludam. Duo frequenter adducit,
quorum in Sermone recitando secundum uiam communem non memini,
nec ullus prædicatorum, quod meminerim, negauit. Et hunc quoq̄ timo-
rem, in quantum disponit ad veram pœnitentiam præueniri inspiratione di-
uina. Nam indubitatum est apud Christianum contra Pelagij perfidiam, quod
salutis nostræ initium, Deo inspirante habemus. Quare non fuit necessari-
um, hoc afferre, vel ob hoc modum prædicandi reprehendere.

In vno tamen videtur mihi æquiuocatione falli, q̄ hanc gratiam, qua
Deus præuenit corda hominum mouendo, credit esse charitatem, cum sit
aliud gratuitum Dei munus. Et per hoc resoluta est B. Augustini de spiri: &
lite: sententia, contra improbos Pelagianos.

Augustinus.

Alterum quod dicit, Timorem esse infructuosum, nisi accedente chari-
tate, Quis hoc unquam uel Scholasticorum vel Prædicatorum negauit, qui
omnes Apostoli Pauli ad Corinth. de charitate sequuntur sententiam?

1. Corin. 13.

Porro, Quod laudabiliorem dixi pœnitentiam, quæ ab amore incipiat,
assumpsit nos debere illam facere, iuxta illud Iohannis: Facite dignos fru-
ctus pœnitentiæ. Nam si secundum fragilitatem nostram esset agendum,
nunquam pœnitebimus. Dico nos quoq̄ posse facere dignos fructus pœ-
nitentiæ, etiamsi à timore inceperimus, & ad charitatem perueniamus.

Matth. 3.

Gregorius.

Et miror, quod D. Pater vult nos facere Angelos, & fragilitatis nostræ
oblitos, cum B. Gregorius lib. 2. super Ezechielem expresse declarauerit,
Prophetam descendisse de sapientia ad timorem, sed nos eodẽ gradus
ascendendo,

A NOTARIIS EXCEPTA CCLXXXV

ascendendo, à timore ad charitatem peruenimus, sicut multa alia fragilitati nostræ condonantur.

Gal. 5.
Gen. 5.

Mentem suam declaraturus, ostendit, quomodo dilectio Legis præcedere debeat poenitentiam. Quia per Legem abundauit delictum. Et ad Gal. 5. &c. Dico: Verum est, ut S. Augustinus contra Faustum lib. 22. testatur. Peccatum factum uel dictum contra Legem, ideo non esse peccatum, si non esset Lex prohibens, sed sicut Legis transgressione abundat delictum: ita Legis obseruantia augetur meritum. Quare omnino ista diuerticula ad propositum non conferunt; & solutiones datas, esse contra sacra Scripturæ intelligentiam, post prandium manifestabimus.

Augustinus contra Faustum.

HORA II

Continuauit Eccius semiplenam orationem.



Luce 15.

Reuerendus Pater ad illud de filio prodigo respondit, præcessisse amorem iusticiæ, iuxta illud; Et conuersus in se, quia memoriam paternæ domus habuerit, Sed hoc non diluit oblectum, quia conuersio illa fuit facta contemplatione poenæ, dum neminem haberet, qui eum filius quis satiares, durante enim pecunia non conuertebatur in se, sed famelicus est conuersus in se. Accedit, quod B. Augustinus ait, verba eius fuisse uerba poenitentiam meditantis, nondum agentis. Quod si conuersus in se fuisset amore iusticiæ, iam poenitentiam incepisset contra Augustinum. Quare solutio sua propositum non infringit, & Basilio manifeste reluctatur.

Prosequamur hodie incepta.

Ad Iohannem respondit, Aliud esse incipere, aliud prædicare, & alias dixit, Prædicatores terrere, sed non facere poenitentem per poenarum cruciatum. Iterum euanida est solutio, Quia si Iohannes prædicauit, certe intendebat fructum suæ prædicationis, & quia insinuauit eis timorem, signum est hoc pacto poenitentiam auspicari. Et nostri Prædicatores prædicant, quomodo incipiant, scit Deus.

Porro, Quod poenitentia initium gratiæ tribuit, & nostri Prædicatores & Doctores nunquam negauerunt, quia Deus aspirando præuenit.

Aristoteles.

Luce 14.

Præterea Aristotelem non vult acceptare in Scholis Theologicis, & tamen audet eum mihi opponere. Sed dico constantem esse Ethnicorum sententiam, sistendo in timore poenæ non esse perfectam virtutem, iuxta Illud: Oderunt peccare mali formidine poenæ, Oderunt peccare boni, virtutis amore &c. Nec opus virtutis debet esse coactum, sed liberum. Aliud tamen est liberum arbitrium induci, aliud est liberum arbitrium cogi. Fateor, Christus beneuolis verbis vocauit Apostolos, Zachæum, Magdalenam. Sed ipsum aliquando durius vocare, factum Pauli nobis innuit, de quo Augustinus ait 23. quæst. 4. can: Quis. Cui Christus vim intulit, quæ coegit, Et in Euangelio, de vocatione ad cœnam dicit: Compelle intrare. Sicut pluribus verbis B. Gregorius in Homilia, prosequitur. Taceat ergo, quæso, reuerendus Pater, solum beneuolentem asserens vocationem.

Præterea solum timorem filialem necessarium arbitratur poenitenti, de quo plurimum miror, cum hodie me ad veram Scripturarum intelligentiam monuerit, quod seipsum primo non emendauit, Nam & B. Augustinus in loco hodie allegato super Iohanne, loquitur de timore seruili, quem foras mittit charitas, & de illo dicit loqui Sapientem: Initium sapientiæ timor Domini.

BB iij Et ita

DISPUTATIO LIPSIÆ HABITA ANNO XIX

Timor seruilis. Et ita de timore seruili intellexit glossa super Psal. Incium sapientiæ &c. *Psalm. III.*
 Metus iudicij ianua est conuersionis ad Deum, & est glossa Cassiodori. Sic
 glossa super illud Apostoli ad Roma 8. Non enim accepistis spiritum serui- *Roma 8.*
 tutis in timore, Dicit timorem seruilem esse bonum & a Deo. Sic Paulus te- *1. Tim. 5.*
Longobardus. statur illum bonum 1. Timoth. 5. Peccantem coram omnibus argue, ut & cæ-
 teri timorem habeant. Ita Augustin. super Psalmis ait, & Longobardus eum
 enarrat in. 3. Timor seruilis est, cum per timorem gehennæ continet se homo
 a peccato, quo præsentiam iudicis & pœnas metuit. Et infra: Bonus est iste
 timor & utilis, licet insufficiens, per quem paulatim fit consuetudo iusticiæ.
Beda. Beda quoq; exponit: Incium sapientiæ timor Domini, scilicet seruilis.

Quare aliud quærat sibi patrociniū, & aliam det solutionem, quoni-
 am ista S. Patribus non concordat. Quod si nolit dictis Sanctorum stare, ha-
 bebant aduersum se sacræ Scripturæ locos. Nam dum timor Domini est initi-
 um sapientiæ, adhuc charitas foris pellit timorem, sed timor filialis iuxta
 Dauid in æternum permanet, & in seculum seculi. Quare alius est timor, *Psalm.*
 quo sapientia iniiciatur, alius est, qui cum aucta permanet. Vnde cum reue-
 rendus Pater negat timorem inducere charitatem, expresse S. Augustino
 contradicit, qui in loco allegato hoc totum ait, timorem scilicet seruilem esse
 initium sapientiæ, & per charitatem iterum expelli. Subscribit sententiæ Au-
 gustinianæ mellissius Bernardus Ser: 52. super Canticis, quem breuitatis gra-
 tia non adduco. Sed etiam plus dico, charitatem non sic expellere timorem,
 sicut vnum incompatible aliud, sed successu ad augmentationem gratiæ
 minui timorem seruilem, & aucta gratia timorem omnino auferri.

Beda. Nec refert, q; ponderabat hodie D. Pater: Timor Domini, Non timor
 pœnæ est initium sapientiæ, Quoniam & timor pœnæ & timor reuerentiæ
 uterque est Domini, & vterque est a Domino. Sola media timendi sunt di-
 uersa, ut Beda & alij per Longobardum inducti testantur, præter Augusti-
 num prius citatum. Et satis liquet ex verbis Christi, si nihil aliud habere- *Matth. 10.*
 mus, Matth. 10. Nolite timere eos, qui occidunt corpus, animam autem non
 possunt occidere, sed potius timete eum, qui potest animam & corpus perdere
 in gehennam. Si enim timor seruilis esset damnabilis, sicut dicit reuerendus
 Pater, Cur Christus nos ad eum inuaret: & Augustinum & alios ita intel-
 lexisse, confesso in iudicium eorum, quorum intererit.

Insuper dicit, Scholasticos omnes concordare, q; contritio nullius sit vti-
 litatis, nisi fiat in charitate, Hoc quidem verum, sed secundum Augustinum,
 ad charitatem non peruenitur, nisi per timorem. Timor medicamentum est,
 charitas sanitas. Vnde non accedente charitate, omnes bene nouerunt timo-
 rem illum insufficientem, propterea in via illum constituunt non in termi-
 no.

Ad rationem ex B. Dionysio sumptam transiit, sed non aperuit D. Pa-
 ter, cum peccatum sit imum, & charitas superius, quod sit medium perueni-
 endi à peccato in charitatem, & profecto aliud dare nequit, q; Basilii, Beda,
 Augustinus, Bernardus, timorem.

Deinde assumit gratiam præuenire timorem & amorem, Quod si lo-
 quitur de gratia motionis diuinæ, qua Deus nos aspirando præuenit, Fateor
 quidem tunc, Si autem loquitur de gratia charitatis, illud non accepto, Quia
 illius, quæ recte sapientia in Scripturis appellatur, initium est timor Domi-
 ni, quamuis timor iste absq; charitate sit infructuosus.

Porro, q; Ambrosium, Gregorium, & alios Doctores admittit, sed non
 contra Apostolum de timore Legis, nescio quas offundit nebulas. Dicat
 clare, aut isti S. Patres per me allegati repugnent dictis Apostoli, vel minus.
 Si repugnant

Si repugnant dicto Apostoli, hoc ostendat, quod nunquam fieri posse arbitror, Cum in sacris Scripturis fuerint exercitatissimi & Spiritu sancto repleti, Apostolum Paulum aequè bene intelligentes, sicut nos. Si non repugnant dictis Pauli, stet eorum sententia, & Prædicatores modum contritionis & poenitentiae præfatum docentes non improbet, nec ab hominibus peccatoribus huiusmodi timorem seruilem utilem & quasi necessarium medium excludet.

Non releuat eum, q̄ existimat habita charitate, moueri mentem ad timorem, quoniam hoc esset cancrino more retrogradi, contra B. Gregorij sententiam lib. 1. Homilia 19. super Ezechielem. Constat proculdubio, quia à timore ad sapientiam ascenditur, non autem à sapientia ad timorem reditur. Habet ergo timor poenam, quæ charitate aucta minuitur, & totaliter absorbetur.

Præterea, ob temporis angustiam, alia in eodem sermone contenta, quæ ramen omnino venirent discutienda, nisi hodiernus dies præfixus esset ad hanc materiam terminandam, Sicut est punctus de sigillata peccatorum confessione in spem, vti meminit Chrysostomus super caput 12. Matth. de puncto, q̄ Scholastici ponant tres partes poenitentiae, scilicet contritionem, confessionem, & satisfactionem, quas prius posuit Chrysostomus sermone 29. de poenitentia. De duplici modo confitendi Sacerdoti, cum alijs punctis, quæ omnia prolixè possent tactari & excuti. Sed iacto iam Fundamento totum simul sermonem, & ea quæ adduxi, pro parte mea confero in iudicium Iudicum eligendorum.

Gregorius.

Tres partes poenitentiae.

Chrysostomus.

LV THERVS.

SPerabam egregium D. D. confutaturum meas Solutiones, præsertim ea, quæ pro Fundamentis ex Paulo induxeram de Lege, quæ ante charitatem non operatur nisi iram, & auget peccatum, taceo, q̄ disponat ad gratiam, quemadmodum timor seruilis fructus Legis iram operatur, & auget peccatum. At ipse hæc fortiter transfiliens, eandem cantilenam recantauit, ac nobis hæc, non succum sed medullam Scripturæ contendit persuadere, discurrat per singula.

Lex ante charitatem operatur iram

Rom. 8.

Proinde dicit, Non fuisse necessarium afferre, q̄ initium salutis nostræ sit ex Deo inspirante, Vbi & timorem disponentem dari intelligit. Respondeo: Hæc plane omnia sunt erronea propter verbum Pauli, qui dicit, Impossibile esse Legem impleri, imo peccata non augeri, nisi Spiritus sanctus diffundat charitatem in cordibus nostris. Hæc Autoritates iam expressas oportuit confutatas, & illam B. Augustini ca. 3. de spiri: & lite: Cum cœperit non latere, quomodo viuendum est, nisi gratia donetur, non suscipitur, non bene viuitur. Vadat ergo cum suo seruili timore, qui non operatur, nisi odium Legis & Dei, & cum iniuria vocatur disponens ad gratiam.

Seruilis timor.

Inuenit etiam æquiocationem gratiæ, aliam esse charitatem, aliam donum, quo primum mouemur. Transeat hæc distinctio, nihil ad propositum, est elusio verborum Pauli. Clarissimus est textus Pauli, nisi gratia & charitas faciat nos diligere legem, Lex semper iram operatur, Hoc donum autem, quo primum mouemur, non diligit Legem, sed charitas spiritus.

Tertio, concessit timorem esse infructuosum sine charitate, & hoc nulum negasse Respondeo: Cur ergo docent infructuosas poenitentias, & resistunt mihi fructuosam docenti? Relinquo hæc esse omnino subuersam, cum tot opusculis Augustinus, etsi Augustinus non faceret, tot fulminibus, tamen unus Paulus concludit, opera quæcumq̄ ante charitatem esse peccata

Opera ante charitatem peccata sunt.

BB iij

& damna-

DISPV : LIPSIÆ HABITA ANNO XIX

& damnabilia et indisponentia ad gratiam. Et per hæc dicta ferme ad omnia sua replicata responderi potest. Ipse quidem pro more suo dicta Scripturæ diuinæ temperat ad dicta Patrum, imo trahit ad intelligentiam suam, quam habet in Patribus, cum potius contra scripta Patrum debeant conferri, & iudicari ab dicta Scripturæ.

Quarto, non accipit quod assumpsi, Nos debere facere laudabiliorem illam pœnitentiam, sed dicit nos posse etiam dignos fructus pœnitentiæ facere, si à timore inceperimus. Hoc secundum B. Augustinum sic expono, Si peccata peccatis addiderimus, cū, vt sapius iam dictum est, quidquid ante sanatum per gratiam voluntatem sit, fructus malæ arboris sit, quæ non potest bonos fructus facere. Ergo per timorem seruilem nunquam peruenitur ad charitatem.

Gregorius super
Ezechielem.

Quinto, Innixus Gregorio super Ezechielem, qui descendit de sapientia ad timorem, sed nos contra descendere à timore ad charitatem. Docenti sic respondeo, Quod diuus Gregorius non debet excludere charitatem, nec excludit à timore incipiente pœnitentiam, sicut D.D. intelligit, sicut nec à charitate excluditur omnis timor seruilis, præsertim in hac vita, cum charitatis officium sit expellere timorem seruilem, atq; id tota vita, & inducere timorem filialem.

August. contra
Faustum.
Peccatum.

Sexto, ad auctoritates Pauli, Quod Lex propter transgressiones posita est, & auget delictum, dicit nihil esse ad propositum, & me diuerticula quæsiuissse, adducens Augustinū contra Faustum li. 22. Peccatum, esse dictum vel factum contra Legem Dei. Nescio quid velit D.D. Non est hic Disputatio, quid sit peccatum, Ideo superfluis verbis hoc tempus perditum est. Scopus iste versatur, quod auctoritate Pauli timor seruilis non possit esse nisi peccatum, & augere peccatum per virtutem Legis, si desit gratia. Et sic auctoritates Pauli non sunt diuerticula, sed fulmina conterentia sententiam D.D. usque ad puluerem. Nō ergo ego ex hominibus Angelos facio, oblitus fragilitatis, Sed doceo, ne Deos faciamus ex peccatoribus, dum obliuiscuntur fragilitatis suæ, qua non possunt nisi malum facere ante gratiam.

Conuersio filij
prodigi. Lucæ 15.

Quod conuersionem filij prodigi factam dicit contemplatione pœnæ, nego. Ad probationem, Quod neminem haberet, qui eum siliquis satiaaret, dico: Nisi intus fuisset tractus & in se conuersus, potius fame mortuus esset, quam rediisset, vt stet sententia: Nemo venit ad me, nisi Pater meus traxerit eum.

Quod Augustinus dicit, Verba eius fuisse verba pœnitentiæ meditantis, nondum agentis, spero q; pro me faciat, quando meditari pœnitentiam, præsertim medullitus in corde, sit certe incipere pœnitentiam. Ergo illud nondum agentis oportet de perfectione ad extra intelligi.

Idem ad Basilium dicitur.

De verbo Iohannis Baptistæ, Dicit euanidam esse solutionem, Quod dixerim, Aliud esse pœnitentiam docere, aliud incipere. Respondeo: Salua reuerentia, egregius D. D. non videtur Paulum intelligere, nec virtutem Lex. Legis cognouisse. Lex enim docet quidem sancta, iusta, & bona, Sed sola Gratia. gratia incipit, facit & perficit ea. Ergo etiam si Iohannes timorem docuisset esse initium pœnitentiæ, non ideo sequitur, pœnitentiam incipere à timore. Sicut si insinuem quodlibet bonum opus per terrores & minas, non ideo incipit opus bonum à terrore & minis, sed à charitate.

Indignatur, q; Aristotelem ei obiecerim in Scholis theologicis, quem tamen non acceptarim. Fateor, minor est, q; vt valeat in theologica Schola, cum seductor fuerit scholasticorum Doctorum. Sed satisfacere volui Conclusioni meæ, quod contra sacrum suum Aristotelem desipiunt, qui pœnitentiam

A NOTARIIS EXCEPTA CCLXXXVII

rentiam à timore, & non libera uoluntate incipiunt. Nam distinctionem de libero arbitrio coacto & inducto transeo. Nam enim uerum est, q̃ liberum arbitrium unquam cogatur ad bonum, aut cogi etiam possit. Si autem cogitur, in diuersa rapitur, & coactionem sui odit. Sola autem gratia trahitur, hoc est, uere liberum efficitur, ut Augustinus contra Iulianum lib. 2. & in multis locis.

*Liberum arbitrium
potest cogi ad bonum.*

Luce 14.

Vbi Christum dixi vocasse Apostolos & Magdalenam blando tractu, contra opponit, Paulum vocatum esse durius, & in Euangelio iussu esse seruum, ut compelleret intrare. Primum satis admiror, q̃ cum nos exemplum Pauli soleamus adducere pro defendenda gratia, ipsi nobis elabuntur dicentes, hoc esse miraculosum factum, & non facere Regulam. Hic tamen egregius D. D. quasi non pro miraculo habens, pro regula inducit. Sed hoc dimitto. Dico, non potuisse Paulum intus ex corde conuertere, nisi trahente gratia, ut B. Augustinus contra Epistolam Pelagiano. docet, gratiam Dei facere ex nolentibus ac resistentibus, uolentes & sequaces. Ita & illud in Euangelio soluitur, q̃ seruus potest compellere verbo, sed nisi (ut Esa. loquitur) Dominus sibilat, nihil sequitur.

B. Augustinus.

Psal. 110.

Ad illud Augustini, intelligentis seruilem timorem in uerbo Salomonis: Initium sapientiae timor Domini. Et illud glossae Psal. 110. Metus iudicii ianua est conuersionis ad Deum. Respondeo: Si adsit gratia, alioqui seruilis timor sine gratia (neq̃ enim Augustinus excludit) non operatur nisi iram. Oportet enim q̃ Augustinus non pugnet, sicut uere non pugnat, cum Paulo, damnante omnia quae sunt extra gratiam. Glossam super illud Roma. 8. Non accepistis spiritum seruitutis in timore, dicentem, esse seruilem timorem bonum, potius, reijcerem, tanquam expresse contra textum loquentem. Apostolus enim dicit: Non accepistis spiritum seruitutis in timore, damnans eum. Aut dico, q̃ glossa textum non exponit.

Roma 8.

1 Tim. 5.

Illud Apostoli ad Timoth. Argue coram omnibus, ut & ceteri timorem habeant, D. D. ad seruilem timorem adaptauit, quod relinquo. Ego de filiali timore accipio, donec aliter probet. Quod autem Augustinus, Magistro recitante lib. 3. dicit: Timor seruilis est, cum per timorem gehennae continet se a peccato, quo poenitentiam iudicis, quo poenas metuit &c. Continet, inquam, se a peccato externo tantum, intus tamen auget odium iusticiae gehennam comminantis. Et infra: Bonus est timor & utilis, licet & insufficiens, per quem paulatim fit consuetudo iusticiae. Hoc est meo iudicio consuetudo desperandi & odiendi Deum, si excludatur gratia: uerum autem est, si includatur gratia.

Non est ergo necesse, ut dem aliam Solutionem, nisi D. D. egregius primū probauerit, S. Patres loqui de Seruili timore, exclusa gratia, Aut charitatem non habere negocium in expellendo timore seruili. Quare, quae consequenter induxit de expulsionem timoris, de initio sapientiae, & quomodo expellat charitas timorem successu per augmentationem gratiae, ex praecedentibus satis intelliguntur.

Matth. 10.

Superest robustissima autoritas Matth. 10. quam vnā sufficere putat. Nolite timere eos, qui corpus occidunt &c. sed timete eum &c. Ideo non esse seruilem timorem damnabilem, ad quem Christus nos inuitat. Respondeo primum: Si hoc uult D. D. contradicetur praecedentibus, ubi timor seruilis insufficiens dicitur, Ideo aequum absurdum est dicere, Christum nos docuisse insufficientiam. Dico tamen ego, non esse ibi seruilem timorem Domini, quia et filialis timor timet offendere Deum, & separari ab eo. Atq̃ etiam si de mero seruili timore loqueretur, nondum intelligitur exclusa gratia, imo inclusa, cum teste Apostolo & Augustino, omnis Lex & doctrina sit litera requirens Spiritum.

*Nolite timere eos,
qui occidunt cor-
pus &c.
Matth. 10.*

Consensit

DISPUTATIO LIPSIÆ HABITA ANNO XIX.

Consensit etiam Scholasticos uere dicere: Contritionem non ualere extra charitatem, sed non confutauit. Stat ergo eorum ipsorum Autoritas contra eos: nisi confutet contritionem in charitate esse id, quod à charitate incipit fieri.

Illud Augustini bene placet: quod timor est mendicamentum: charitas est sanitas, timor scilicet in charitate imperfecta, & charitas perfecta.

Dionysius.

Rationem illam ex Dionysio sumptam, de imo, medio & summo, dicit me transiisse, & non aperuisse: quod sit medium inter peccatum imum, & charitatem superiorem. Fateor me libenter transiisse, ut qui crederem ipsi D. D. satis esse perspectam hanc Rationem, nihil esse ad propositum. Dionysius enim loquitur de ordinibus infinitis, medijs & summis. At ego prorsus nullum habeo medium inter peccatum & gratiam. Sicut nec Christus, quando dicit: Qui non est mecum, contra me est. Et iterum: Aut facite arborem bonam: aut tacite arborem malam, Sed & ipsum D. D. credo id ipsum assertare, quod gratia & peccatum apud Scholasticos immediate opponuntur.

Non accipit D. D. Quod gratiam dixi præuenire amorem & timorem, nisi loquar de gratia primæ motionis. Respondeo: Ego cum Apostolo & Augustino sentio: quod nisi Lex diligatur (quod est charitatis & non primæ motionis) non bene uiuitur. Ergo nec Deus timetur, nec colitur.

In fine, Instruit aduersus me cornutum syllogismum, aut Ambrosius, Gregorius, alijque repugnant dictis Apostoli: uel non. si sic, quod ostendam: si non, ut stem eorum sententiæ Respondeo & per medium transeo, non repugnant dictis Apostoli: & sto eorum sententiæ, non autem Ecclesiæ intelligentiæ, imo errori. Non enim excludunt charitatem à timore siue seruilis siue filialis.

Dicit D. D. esse cancrino more retrogredi, quod dixi: Habita charitate moueri mentem ad timorem. Satis miror, siue scorpionem, siue cancrum istum, cum & gentilis ille Poeta dixerit: Res est solliciti plena timoris amor. Quasi si ignoremus, quod amor fons & caput est omnium affectuum. Ideo enim timetur poena & infernus seruiliter, quia diligitur uita & uoluptas pueriliter & seruiliter. Ad hunc timorem & amorem extirpandum, diffunditur charitas Dei, qua amemus aliam uitam: & timeamus aliam mortem, id est, separationem à Deo.

Amor fons omnium affectuum.

Transiit D. D. de punctis in Sermone meo signatis: & de toto Sermone confutando. Dico breuiter: Habet calamum & papyrus, aggrediatur eum cum fiducia, uidebitur, an Sermonem confutauerit, vel seipsum irriserit. Hoc relinquo iudicio ordinandorum.

ECCIVS.

Quia ob temporis angustiam respondere non possum illis, quæ reuerendus Pater adduxit: refero tamen me ad ludices, Me nihil transiisse neque fuisse de mente Prædicatorum aut Doctorum legem adimpleri sine charitate, Neque aliquos docuisse infructuosam poenitentiam: Sed quomodo per timorem seruilem ad fructuosam perueniatur. Et quod magifico verborum apparatu recessit ab hodierna solutione, quia dixerat Sapientem loqui de timore filiali, iam uero admittit loquentem de timore seruilis non tamen excludendo gratiam. Quod nec textus, nec S. Doctores patiuntur. Nam per sapientiam intelligit charitatem, & ita initium esset ante initium. Totus quoque Augustinus non laborat, quomodo timor seruilis cum charitate sit initium charitatis, sed quomodo timor seruilis primo occupet mentem, & primo ingreditur & sic inducat charitatem, quod etiam

A NOTARIIS EXCEPTA CCLXXXVIII

etiam est de mente Gregorij improbantis redditum cancrinum, ubi reuerendus Pater pro Gregorio. Scorpionem mihi adducit: Res est sollicita &c. Omnes ergo S. Doctores hodie citati, uolunt timorem seruilem esse initium charitatis, ad intelligentiam sæpe datam, & quam Prædicatores solent dare, de quo refero me ad Iudices.

XIII. IULII: ANNO M. D. XIX.
HORA II.

Circa materiam Conclusionum quartæ & quintæ.

ECCIVS.



Euerende Pater, quia tempus nobis præfixum, est nimis arctum, tamen tangendo fundum negocij aliqua obiter attingemus. Illud scilicet, quod quilibet Sacerdos absoluat a poena & culpa, contra communem usum totius Ecclesiæ. Et quod in Sermone uulgarj & Conclusionem dicis, Ex nulla Scriptura probari, diuinam iusticiam aliquam poenam uel satisfactionem expostulare a peccatore. Et illis innitor, quia in absolutione sacramentali culpa remittitur simultanee, sed poena peccato debita æterna commutatur in temporalem. Hoc liquet ex sacra Scripturæ traditione, & S. Patrum usu. Et ut breuior sim, expresse hoc uoluit Ambrosius super Lucam, Hieronymus lib. 1. contra Iouinianum, Augustinus quæstion. 1. de octo Dulcicij quæstionibus, & pertinetur Ambrosius Luc. 5. testatur satisfactione poenam peccati dissolui.

ch. 18.
m. 11.

Scriptura est in promptu. Quoniam peccatum Adæ, culpa iam remissa, *Peccatum Adæ.* punitur in tota posteritate. Quare transeunte culpa, remanet poena. Quam rationem tangit Augustinus tractatu. 124. supra Math. & glossa. 2. Regum. 12. Similiter de Dauid. 2. Reg. 24. ubi Dauid poenituerat & percusserat cor *Dauid.* eius, peccaui, dixit, valde in hoc facto, sed peto ut transferas iniquitatem serui tui. Modo peccatum nõ transfertur quo ad culpam, quia, ut Propheta ait, Anima ipsa quæ peccauerit morte morietur. Restat ergo ut peccatum quo ad poenam transferatur. Sic per Prophetam Natan dicitur Dauid. Transtulit Deus peccatum tuum. Vbi glossa, Deus delictum delet, sed inultum non deserit. Aut enim homo in se poenitens punit, aut Deus cum homine uindicans percutit.

Et ut ad S. Patres ueniamus, a quibus usus & praxis Ecclesiæ principaliter ab Apostolis deriuatus est. Nam primo nullum peccatum manet impunitum, & poena est ordinatiua culpæ. Quas rationes tangit Augustinus & refert Gratianus (sicut primi de poenitentia distinctione. 7.) Nam Deus malum fieri non pateretur, nisi illud per iusticiam ordinando melius stare in mundo faceret. Inquit ergo Augustinus lib. de poenitentia medicina. Non *Augustinus.* sufficit mores in melius commutare, & a factis malis recedere, nisi etiam de ijs, quæ facta sunt, satis fiat Deo per poenitentia dolorem, per humilitatis gemitum, per cõtriti cordis sacrificium, elemosynis cooperantibus &c. Non enim dictum est, ut tantum abstinere a peccatis, sed & de peccatis, inquit, deprecare Dominum, ut tibi dimittantur etc.

Sed si

DISPV T: LIPSI AE HABITA ANNO XIX

Sed si reuerendus Pater, sicut in Resolutorio & alias, meo quidem sensu, facere nititur, satisfactionem illam fieri Ecclesiae, sed Deum talem poenam non requirere, & quam Deus requirat, homo non auferat. Contra ego oppono Primo quod Augustinus in Enchiridio inquit cap. 71. loquitur de Oratione dominica. Delet omnino hæc oratio, minima & quotidiana peccata, delet & illa à quibus vita fidelium scelerate gesta, sed poenitendo in melius mutata discedit. Vbi constat Orationem dominicam delere venialia & etiam mortalia, non quo ad culpam, sed quo ad poenam, quia poenitendo mutata, quæ mutatio Augustini intelligi nequit, nisi de mutatione poenæ æternæ in temporalem.

Cyprianus
ad Fidum.

Eos, qui fuerunt à quadringentis annis, non adduco Huc Vuilhelmus, Parisiensis, Vuilhelmus Altisidio: qui id pleno ore affirmant. Accedat Cyprianus in Epistola ad Fidum, ubi sic ait: Legimus literas tuas, charissime frater, quibus significasti de quodam Presbytero Victore, quod ei, antequam plenam poenitentiam egisset; & Domino Deo, in quem deliquerat, satisfecisset, temere Therapius collega, præpropere pacem dederat. Hic, S. Cyprianus non dicit Victorem Ecclesiae non satisfecisse, sed Domino Deo.

Cyprianus ad
Cor. Pap.

Idem Cyprianus ad Cornelium Papam de hæreticis ait: Elaborant ut opus suum diaboli malicia consument, ne vulneratos diuina clementia in Ecclesia sua curet. Miserorum poenitentiam mendaciorum fraude corrumpunt, ne Deo indignanti satisfiat. Apertissime sacer Matyr hæreticos increpat, qui poenitentiam ab Ecclesia iniunctam existimabant non esse satisfactionem Dei.

Chrysostomus.
Gracianus.

Quamuis reuerendus Pater citra modestiam sæpius mihi impropere, quasi Scripturarum sanctarum intelligentiam non idonee tractem, de quo iudicent hodie designati Iudices, vter rectius de fide & sacrarum Scripturarum sensu sentiat. Attamen, quantum ego video, vniuersi sacrarum Scripturarum tractatores in hanc sententiam descendunt. Ad quid enim Ecclesia vellet imponere tale onus graue poenitentibus, cum Dominus & caput Ecclesiae illud non exigeret? Quam rationem in annotationibus tetigi, non tamen fuit mea, sed Chrysostomi, sicut refert Gracianus 26. quæst. 7. can: Allegat homo, Cui graue pondus poenitentiae imponis, aut poenitentiam reijciat, aut dum sufferre nequit, scandalizatus amplius peccat. Deinde etsi eramus, poenitentiam modicam imponentes, nonne melius est, propter misericordiam rationem reddere, quam propter crudelitatem? Vbi enim paterfamilias largus est dispensator, non debet esse tenax. Si Deus benignus, ut quid sacerdos vult esse austerus? Hoc pro confessoribus.

Gregorius 4.
moralj.

Idem Homilia 31. ait super Epistola ad Ebraeos: Peccatum confessione minuitur, sed non minuitur, quo ad culpam, quia impium est, ut Hieronymus ait, à Deo, dimidiam sperare veniam, ergo minuitur, quo ad poenam.

Addo Gregorium 4. moral. ca. 49. post multa sic dicit: Sed quia nullum peccatum Deus inultum relaxat, aut enim nos hoc flendo insequimur, aut ipse iudicando. Restat, ut ad emendationem suam semper mens solerter inuigilet.

Hieronymus.

Hoc sensit & B. Hieronymus verba sua transcripta sunt can: Mensuram, de poeniten. dist. 1. Mensuram temporis in agenda poenitentia. Idcirco non satis præfigunt Canones pro vnoquoque crimine, ut de singulis dicant, qualiter vnumquodque emendandum sit, sed magis in arbitrio sacerdotis intelligentis relinquendum statuunt, Quia apud Deum non tam valet mensura temporis, quam doloris.

Augustinus.

Augustinum quoque refert in can: Nullus, Nullus debitæ grauioris poenæ accipit veniam, nisi qualemcumque etsi longe minorem, quam debeat, poenam soluerit, ita enim impertitur a Deo largitas misericordiae, & non relinquitur

linquatur iusticiæ disciplina. Hic habet Reuerendus Pater Augustinum in defensione mea adductum, cuius sententiam prosequi, non est instituti nostri in præsentia.

Accedat postremo Isidorus lib. 2. de summo bono, ca. 13. Quamuis per *Isidorus de summo bono.* poenitentiam propiciatio peccatorum sit, tamen sine metu hoc esse non debet. Quia poenitentis satisfactio diuino tantum pensatur iudicio, non humano. Quare poenitentia iniuncta non est, quia satisfacit tantum Ecclesiæ, sed etiam quia satisficit Deo. Nam & apud Deum productior est poena, quam culpa, ut Augustinus testatur tract. 124. super Iohannem.

Quibus omnibus pro indubitata ueritate habitis, faciliter patet improbatio Conclusionis quintæ, ubi dicit reuerendus Pater, Quemlibet sacerdotem debere absolvere poenitentem a poena & a culpa, Et ita quilibet sacerdos uillanus esset in sua parochia Episcopus, Archiepiscopus & Papa, Quod esse manifestissime falsum præter usum totius Ecclesiæ, non solum adulatorum. Probatum primo ex his, quæ dicta sunt, Quia per absolutionem sacerdotalem culpa deletur, poena manet, licet cōmutata. Deinde, quia sacramentum poenitentis est iudiciale, ut formā huius iudicii describit B. Augustinus ca. 2. de poenit. medi. Et ad iudicium ferendum pertinet iurisdictio, nisi uelit Anaxagoreum chaos & confusionem maximam facere in Ecclesia Dei.

Et cum iurisdictio se ad duo extendat materialia, in hoc Sacramento habita, Nam peccator poenitens, & peccata ipsa sunt de materia poenitentis, & nemo negat iurisditionem in inferioribus Prælati, ad confusionem tollendam esse coartatam, quo ad materiam peccantium, nam hinc proprii Sacerdotis habetur determinatio. Et quia sententia non lata à suo Iudice est nulla, ideo absolvens non subditum nihil facit.

Sic a simili materia peccatorum potest coartari iurisdictio eadem ratione, & in criminum detestatione. Quod autem etiam a sibi commissis non possit plenarie absolvere, Ex eo patet, quia tanta potestas, nisi autoritate fundetur contra totius Ecclesiæ consensum, cuius praxis debet homini Christiano esse pro regula, non debet tribui. Sed in superioribus ostensum fuit per maiores Clericos, Cyprianum, Chrysostomum, & Augustinum, poenæ debitum remanere post culpam. Ideo reuerendus Pater cedat S. Patrum autoritati, & consuetudini totius Ecclesiæ obtemperet, Aut cur id fieri non debeat autoritate sacre scripturæ, Conciliorum uel sanctorum Patrum, exponat.

LV THERVS.

Admitto D. D. quod habeat ultimum uerbum, quia sic uult. Arguit autem egregius D. D. contra Conclusionem meam, uolens probare, poenam requiri a Deo, Et pro primo inducit Scripturam, Gene. 3. ubi peccatum Adæ, etiam remissa culpa, punitur in posteritate, ergo poena remanet, transeunte culpa. Volo D. D. obstrictum hoc exemplo, & non replicet, nisi confirmet, aut sententiam cedat. Si ista poena requiritur pro peccato, & similiter sentiendum est de qualibet poena, ut infert, Habeo propositum, quod poena non possit remitti per Papam aut ullum sacerdotem, quia nullus adhuc remisit mortem, infinita genera poenarum, morborum, & similium miserationum, quæ omnes pro peccato primo sunt illatæ. Et sic probatio D. D. probauit Conclusionem meam contra seipsum.

Adam. Gene. 3.

Secundo, Quod a Dauid translato peccato, non est translata tamen poena, etiam pro me facit, sicut & in Sermone eodem uulgari sequenter dixi. Quia erat poena, quam Deus requisit, ideo nemo auferre potuit. Si D. D. non intellexit me, legat diligentius, Ego enim dixi & dico, Quod hanc poenam

Dauid.

DISPV: LIPSIÆ HABITA ANNO XIX

pœnam Deus non requirat, quam Papa vel homo possit soluere: Quam autem ipse requirit (scilicet immediate loquitur) non possit homo soluere.

Tertio, induxit glossam: Deus delictum delet, sed inultum non dimittit: nihil pugnat contra me. Vlciscitur enim, siue per ipsummet hominem conterendo, siue per Ecclesiam emendando, siue per seipsum iudicando. Et hoc ultimum & primum genus pœnæ in nullius hominis arbitrio est: sicut Apostolus I. Cor. II. dicit: Si nos ipsos iudicaremus, non utiq; iudicemur a Domino: cum autem iudicamur a Domino corripimur, ut non cum hoc mundo damnemur. Ibi clarum est, quomodo Deus pœnam requirat, & non requirat. I. Corin. II.

B. Augustinus.

Quarto, Augustinum per Gratianum relatum, Quod Deus non permetteret malum fieri, nisi per iusticiam illud ordinando melius stare faceret. Miror D. D. q̄ has & similes Autoritates ita confarcinat, cum nemo eas negat, aut contrarium sapiat. Ego enim hoc solum impugnauī semper, q̄ uirtute clauium iactant solui pœnas per iusticiam diuinam requisitas. Hoc enim non credo esse uerum, nec probabitur. Non enim dixit ad Petrum: Quod ego ligo, tu solues: Sed, Quodcunq; tu solueris, solutum erit.

Matth. 16.

Quinto, Illud de pœnitentiæ medicina: Non sufficit mores in melius commutari, nisi etiam satisfaciatur Deo, de ijs quæ facta sunt per pœnitentiæ dolorem, per humilitatis gemitum, per contriti cordis sacrificium. Hæc omnia ego quam maxime uolui semper. ut quid ergo per indulgentias ista iactantur remitti: Si non sufficit, mores in melius commutare, & diuina iusticia has requirat satisfactiones. Frustra ergo gloriatur D. D. q̄ non dictum sit, q̄ tantum abstinence a peccatis, sed de præteritis deprecari Dominum. Et sic patet, q̄ adhuc nulla Scriptura contra me adducta est, quanquam ego possem multo fortiores inducere contra me.

Post hæc, adducit Augustinum in Enchiridio: Delet omnino hæc oratio minima & quotidiana peccata, delet & illa, a quibus uita fidelium scelerate gesta, sed pœnitendo in melius mutata &c. Hoc est quod dixi, peccatorem post conuersionem teneri ad crucem & passionem uitæ, secundum quod Deus intulerit, quas non possit homo soluere, Et iterum hæc autoritas pro me facit.

Cyprianus ad Fidum.

Eos, qui a quadringentis annis fuerunt, non adducit: & placet. Ad Cyprianum, epistola ad Fidum, ubi damnat Therapium, q̄ præpropere pacem dederat Victori, antequam plenam egisset pœnitentiam, & Domino satisfacisset. Ecce, inquit, non Ecclesiæ, sed Domino non satisfacisse dicit Victorem. Respondeo: Legat & conferat Cyprianum bene D. D. & inueniet eos etiam, quos paci dederant, ideo datos esse paci etiam præpropere, ut crucis & martyria expeditius sustinerent. Quæ ipse per multas Epistolas exponit esse pœnas & flagella pro peccatis a Deo inflictis. Quare Victor hoc modo nondum satisfacit Deo: & tamen satisfacit, Quia Ecclesiæ, quam nos uult audire Deus, satisfacit. Hoc enim habent uerba Christi, q̄ Ecclesia debet imponere pœnas, quando dicit: Quodcunq; ligaueris. Et hoc modo possem admittere, Deum requirere pœnas, quas Ecclesia possit soluere, quia pacem fecit cum illa.

Cyprianus ad Cor. Papa.

Altera autoritas Cypriani ad Cornelium, qua iterum scribit, Hæreticos impedire peccantes, ne indignanti Deo satisfaciant. Quanquam Cyprianus ibi de pœnitentibus non loquitur, sed de Hæreticis, qui tanquam iusti & quasi bene fecissent, excusauerunt & defenderunt se in peccatis suis, Tamen respondeo sicut ad priorem.

Post hæc addidit rationem: Ad quid Ecclesia uellet onus imponere pœnitentibus, si illud Dominus non exigit: & longam autoritatem allegat Capitulum. quæ inducis omnia transeo, & dico, Quod Ecclesiæ mandatum est, ut castiget

ut castiget & iudicet peccatores, quod si nō fecerit, Deus irremissibiliter faciet, iuxta sententiam Pauli superius adductam 1. Corinth. ii. & sic non potest solui.

Item, Idem Homilia 31. super Ebræos: Peccatum confessione minuitur. Ex quo verbo colligit D. D. in hunc modum. Non minuitur, quo ad culpam, q̄ impium sit à Deo sperare dimidiam veniam. Ergo quo ad pœnā admitto totum, secundum prædicta.

Iam illa autoritas Greg. 4. Mor. Aut enim nos hoc flendo insequimur, aut ipse iudicando, Vix aliud aptius pro me adduci potuit. Similiter & illud Hiero. c. Mensuram, admitto, quod tamen Hieronymi esse dubito. Gregorius 4. Moral:

Admitto totum, q̄ Canones non satis præfigunt, Ideo relinquo arbitrio sacerdotis. Addo & ego, multo magis arbitrio Dei, qui solus est ponderator spirituum, & non ignarus neq̄ iniquus iudicat.

Placet & illa autoritas Augustini c. nullus. Ita impartitur à Deo largitas misericordiæ, ut non relinquatur iusticiæ disciplina, Potest pro me, & pro D. D. valere, transeo. Augustinus.

Et Isidorus, quamuis non satis grauis autor in his rebus, placet tamen, q̄ pœnitentis satisfactionem tantum diuino pensari iudicio dicat, non humano. Ergo multo minus remitti potest humano iudicio, cum clauis potestatis non debeat operari, nisi prior sit clauis scientiæ, quæ sciat quid & quantum soluat. Isidorus.

Apud Deum productiorem esse pœnam q̄ culpam ex Augustino concedo, salua tamen autoritate Pauli Roman. 7. dicentis: Non inuenio in me, hoc est, in carne mea, bonum. Cuius sententia est, pœnam & peccatum simul finiri. Rom. 7.

Hæc de prima Conclusionem. Sed contra aliam dicit, esse manifestissime falsam & præter usum totius Ecclesiæ, q̄ quilibet Sacerdos debet absolvere à pœna & culpa pœnitentem. Et hoc probat primo ex dictis, id est, ex nihilo. Secundo per rationem, quia Sacramentum pœnitentiæ sit quoddam iudiciale: & ad iudicium ferendum pertinet iurisdicctio. Iurisdictionem autem esse coartatam in inferioribus Prælati ad tollendam confusionem, tam in peccantibus q̄ in peccatis, Secundo in detestationem criminum, alioqui quilibet Villanus sacerdos esset Episcopus, Archiepiscopus & Papa.

Respondeo & dico duo, Primum, me nescire usq̄ in hodiernum diem, an coartatio istius iurisdictionis fecerit hoc, quod pretenditur, scilicet, criminum detestationem, & confusionis ablationem. Hoc certum est longe secius euenisse, Nam peccata crassissima etiam ridentur in maioribus curijs, quæ in proprijs Parochijs possent pulcherrime puniri, si seruatus esset modus, quem instituerunt Apostoli, & seruauerunt S. Patres usq̄ post Nicenum Concilium, Vbi definitum est, & longe post seruatum, ut Dioeceses nō permiscerentur, & vnusquisq̄ pœniteret in sua Diocesi. De quo extat cum alijs præclarissima Epistola Cypriani ad Cornelium Romanum Pontificem III.

Nam cum statutum sit ab omnibus nobis, & æquum sit pariter & iustum, ut vniuscuiusq̄ causa illic audiatur, vbi est crimen admissum, & singulis Pastoribus portio gregis sit adscripta, quam regat vnusquisq̄ & gubernet, rationem sui actus Domino redditurus, Oportet utiq̄ eos, quibus præsumus, non circumcursare, nec Episcoporum concordiam coherentem sua subdola & fallaci temeritate confidere: sed agere illic causam suam, vbi & accusatores habere & testes sui criminis possint &c.

Loquitur enim de ijs, qui in Africa peccauerunt, & ad Romanum Pontificem Cornelium cucurrerant. Et sic patet vsus primitiue Ecclesiæ de ligandis & soluendis peccatoribus.

Cum autem, ut Apostolus Acto. 20. ostendit, idem sit Episcopus & Presbyter. Idem Episcopus byter. & Presbyter.

DISPV: LIPSIÆ HABITA ANNO XIX

byter. Et ad Tit. 1. quælibet ciuitas suum Episcopum habere debeat iure diuino. Longe vtilior esset ad corripienda peccata modus, si quilibet Sacerdos in sua parochia ligaret & solueret pœnitentem, Quod exemplum monstrauit Apostolus, 1. Corinth. 5. vbi cum Corinthiis præsens spiritu, tradidit fornicarium Satanæ, obiurgans q̃ ipsi non fecissent. 1. Cor. 5.

Quo vero iure, aut qua Ecclesiæ felicitate, hic modus diuino iure præscriptus, & in tantum tempus roboratus, sit sublatuS, viderint alij. Ego quidem negare non possum, quia ad oculum uidemus ita fieri, ita statui, q̃ tam peccantes q̃ peccata reseruentur, & uni animæ sex uel septem Pastores secundum sub & supra imponantur. Sed an ita debeat fieri, aut expediat, non definio. Scio, q̃ inferior tenetur obedire restringenti & vexanti, quanquam nullo iure diuino. Superior tamen, ut dicit Conclusio mea, grauissime peccat, si reseruet occulta peccata sine rationabilissima causa, Imo adhuc dubito, & quantum capio, credo sine temeritate, nullum occultum peccatum debere reseruari aut posse, optans audire Probationem contrariam.

Secundo dico, Ecclesia non esset ruitura, si idem Plebanus, Episcopus, Archiepiscopus & Papa esset, ac sola concordia coherente, ut Cyprianus ait, Et sicut usus prioris Ecclesiæ fuit, iungerentur.

Proinde, q̃ & damnatus fertur articulus in Constantiensi Concilio, de istis Reseruacionibus, non satis curo. Hoc scio, q̃ probatus fuit, & reprobata ista reseruatio in primitiua Ecclesia & institutione Apostolorum, Et nunc quoq̃, ut miserrima Ecclesiæ experientia docet, esset utilissimus & saluberimus ad coercenda peccata, & tollendam detestabilem confusionem omnium Episcopatum, quam hodie videmus. Qua causa autem sit suo tempore mutatus, transeo. Mutabilem inuenio, mutabilem relinquo. Hæc in arbitrium Iudicum. Hora transijt.

XIIII DIE IULII, MANE HORA VII

Continuauit Eccius præter pactum.

ECCIUS,



Reuerendus Pater ab initio satis glorianter paruipendit per me adducta, quasi sibi minime obstant, quæ maxime aduersantur. Nam ipse voluit in Sermone vulgari non fieri commutationem pœnæ æternæ in pœnam temporalem, & opinioni communi contradicere, Quasi non possit probari, Deum exigere aliquam satisfactionem, præter portationem crucis. Et in Sermone latino collaudat dictum vulgarium ultra omnem doctrinam Doctorum scholasticorum, de pœnitentia datam: *Nimmer thun/die hoheste Bussse.* Optima pœnitentia noua uita, secundum glossam eius. Addiderunt talem persuasionem ipse & propugnator, quia si auerterit se impius a iusticia sua &c. Si ad nouam pœnam imputat, quomodo dicitur non recordari, & patet Conclusio sua manifeste dicens, peccare sacerdotem, qui non absoluat a culpa & pœna. Huic errori ego contradixi S. Patrum autoritatibus, quibus ipse uoluit illudere, & auditores fascinare, quasi apud eum solum esset potestas interpretandi sacram Scripturam.

Optima pœnitentia, noua uita.

Vnde

Vnde bene adduxi contra eum Augustinum. Non sufficit mores in melius commutare & à malis factis recedere &c. Vbi est liquidissimum, doctrinā ex Sermone allegatam, esse falsam, Quia noua vita non est optima poenitentia, cum non sufficiat secundum Augustinū. Et bene etiam doctrina illa improbat per B. Ambrosiū. li. 2. de poeniten: c. 5. Apostoli secundū Christi magisterium docuerunt poenitentiam. Et infra: Qui enim agit poenitentiam, non solum diluere debet lachrymis peccatum suum, sed etiam emendatioribus factis operire & tegere peccata sua. Clarissima S. Patris verba, quod emendatioribus factis agendo poenitentiam tegere debemus peccata.

At cum Auctoritates forent expressissimæ, Deum non remittere peccatum impunitum, cōfugit ad mirabilem poenarum distinctionem, qui tamen solitus est, Scholasticos ob distinctionū vsum improbare, & dixit, poenam, qua Deus vult peccatum punire, non posse auferri per hominem vel per Papam, quod est omnium falsissimum, & potestatis clauium annullatiuum. Nam in poenitentia facta commutatione poenæ, certe homo potest soluere illam poenam, per ipsum Apostolum, per reuerendum Patrem inductum, 1. Cor. 11. 1. Cor. 11. 22. Si nos ipsos iudicaremus, non utiq; iudicemur à Domino. Quare, si nos pro hac poena satisfacimus, Deus pro peccato à nobis aliam nō exigit, alioqui contra Prophetam, illud quod nos puniremus, si Deus vellet punire, iam bis puniret idipsum.

Præterea, Clara fuerunt verba Cypriani, Chrysostomi, Gregorij IIII. Hieronymi, q; poena iniuncta à sacerdote in satisfactionem, est poena Deo debita, & ita Victor, quia non impleverat poenitentiam iniunctam à Cypriano, dicitur nondum satisfecisse Deo. Quod & Theodorus in suo poenitentiali, quem sequitur quasi ad verbum Beda, idipsum testatur, Quamuis forte nec ij Autores, sicut nec Isidorus ei satisfaciunt.

Vnde quidquid dicat ore, auctoritates omnes facere pro eo, tamen necessariū est, q; corde dissentiat. Cū hæ auctoritates doctrinā eius & Conclusionem subuertant. Si enim Sacerdos peccat non absoluendo a poena & culpa, tunc Episcopi peccassent nō absoluentes Victorem à poena & culpa, & omnes sacerdotes peccarent per orbem Christianum absoluentes extra indulgentias.

Neq; releuatur in eo, q; debeat crucem portare, & hanc poenam exigit Deus. Quia ista crucis portatio non est aliud, q; vita Christiana, sicut ipse reuerendus Pater docte hoc exposuit, Sed cum hoc oportet de præteritis satisfacere, & Dominum deprecari de præteritis.

De reservatione casuum Conclusio mea nihil habet, tamen reservationes moderatas credo esse viles, quod etiam Prælati in monasterijs experiuntur. Fateor ingenue, me esse in voto Gersonis, in Concilio Constantiensi interpellantis pro delenda immodica reservatione casuum, & potissimum displicet mihi illa reservatio, sicut & Domino Patri, quando habet auariciam commitem, id est, pecuniarum poenam annexam.

Ecclesiam non dicit ruituram, si Sacerdos in sua parochia esset Episcopus & Papa, Certe apparet mihi, si esset illius pulcherrimi Ordinis hierarchici corruptio, q; etiam esset Ecclesiæ subuersio.

Sed maneam in principali, quia peccatum non manet impunitum, secundum Augustinū, Gregorium. Quare satisfactio merito tertia pars poenitentiae asseritur. Et plene probauit Augustinus in Ench. per orationem dominicam nos satisfacere pro scelerate gestis. Et vt vere dixit heri reuerendus Pater, Deus fecit pactum cum Ecclesia, si Ecclesia non facit, Deus facit. Ergo habeo propositum Scholasticorum & prædicantium, q; oportet vel nos satisfacere, aut Deus exigit. Quod si per orationes nostras vel bona opera satisfacimus, cur illud non posset fieri accedente virtute clauium, quas Deus nos frustra suæ sponsæ Ecclesiæ contulit. Et cum iuxta Gregorij sententiam Cans

DISPV T: LIPSIÆ HABITA AN. XIX. &c.

de cætero 2. q. 7. alij Episcopi sunt uocati in partem sollicitudinis, Papa habet plenitudinem potestatis, per indulgentias ab eo datas satisfit pœnæ pro peccatis debitæ, solutione ex thesauro Ecclesiæ facta, ut post Sixtum declarauit Papa Modernus, præcipiendo sub pœna excommunicationis ita doceri, teneri, & prædicari. Quare si reuerendus Pater contra doceat, prædicet uel disputet, iam est anathemate percussus. Placuit tamen mihi, q̃ ultra clauem potestatis heri posuit clauem discretionis, cum tamen plures clauēs contra scholasticos Doctores neget Conclu: 7. Resolutorij.

Hæc volui omnino adijcere, ut futuri Iudices apertius intelligerent, quæ nostra esset controuersia in hoc puncto, Quoniã si reuerendus Pater stat sententiæ Doctorum per me allegatorum, nō aduersabitur nec Scholasticis, nec Prædicatoribus, nec mihi. Quare si voluerit etiam sententiam suam pro informatione dominorum Iudicum, poterit clarius exprimere.

LV THERVS.

A Distas nenias & ineptias D. D. heri satis respondi, repetit enim eadem, & velut ridiculus Citharedus chorda semper oberrat eadem.

Secundo scopum controuersia non attigit. Non enim quaestio est, An Deus peccatum inultum dimittat, quod satis obpiose probaui, sed an Papa uel Ecclesia remittat, quas pœnas Deus exigit? De hoc nihil probauit, quod relinquo iudicio Iudicum & omnium auditorum.

Tertio, obtulit hodie Scripturas sanctas, Ideo sto in eius probatione hesternæ primæ, ex Gene. 3. ubi probauit, Pœnas requiri à Deo, quas ibi Scriptura ostendit irremissibiles. Dolco, q̃ D. D. ita profunde penetrat Scripturas, sicut tippula aquas, imo uidetur fugere a facie earum, sicut Diabolus crucem. Quare, saluis reuerentijs Patrum, præfero ego auctoritatem Scripturæ, quod commendo Iudicibus futuris.

ECCIVS.

Q Via impatiens monachus scurrilia quædam addidit, præter grauitatem theologicam, de quo integri uiri iudicent, an recte induxerim contra eum, Iudices iudicabunt. Sed hanc fuisse materiam nostram, patet ex Conclusionem 4. dicere, Deum remittendo culpam remittere pœnā &c. Hoc erat saxum per nos voluendum, & quia præfert auctoritatem sacræ Scripturæ Patribus, quasi ipse velut alterum oraculum Apollinis solus habeat Scripturarum intelligentiam, ultra S. Patres, & apparenter inducit Auctoritatem heri per me citatam. Dico duo.

Primo me adduxisse in eum finem, ut ostenderetur, cum impius auertisset se ab iniusticia sua, Deum adhuc recordari, non quo ad culpam, sed quo ad pœnam, quod facit pro Scholasticis & Prædicantibus.

Secundo, Cum reuerendus Pater reflectit auctoritatem illam contra me, quia pœnæ istæ a Deo peccato Adæ impositæ sint irremissibiles a Papa & homine, Verum est, & fateor. Quia istæ sunt pœnæ, quæ non solū cōsequuntur personam, sed etiam consequuntur naturam, Et ergo non est mirum, quod istæ pœnæ sunt irremissibiles ab homine, sed per hoc non probatur pœnas personales pro peccato debitas non esse a Papa uel sacerdote remissibiles. At in his remitto me ad Iudices, paratus mutare sententiam, si me aliter ad melius docuerint.

Finis sunt hæc XIII. die Iulij, hora VIII. præsentem
frequenti Concione auditorum.

Soli Deo honor & gloria. Anno M.D.XIX.

SERMO

SERMO LV THERI

LIPSIÆ IN ARCE PRAEDICA-

tus in ferijs Petri & Pauli, Anno M. D. XIX. tem-

pore Disputationis illic habitæ, vna cum excu-

satione aliquot Articulorum, a malis

uolis falso intentatorum.



Aud dubie plerisque omnibus notum est, quomodo ego Martinus Lutherus abusum Romanarum indulgentiarum taxarim, vrgente me, ad hanc lernam aggredendam, Christiano studio et cōmodandī pijs amore, cum viderem tam misere, aliquorū Concionatorū insano instituto promiscuæ populi multitudini imponi, cuius simplicitati illi prætextu indulgentiarū perditæ insidiabantur, nō

solum cum Animarum dispendio, sed etiam victui necessaria suis præstigijs miseris subtrahendo. Ex quo propenso meo in commune studio multum odij & periculi mihi contraxi, multos labores sustinui, multa insumpsi. Ad hæc nominis mei, & non negligendæ Christiano existimationis grauem iacturam feci, cum passim traducerer a quibusdam sapientibus & sanctulis pro suggestu, in angulis, plateis, & vbi non: idq; grauissime, quod iam ad bienium citra intermissionem durauit.

Quamquam in his omnibus illud maxime me turbauit, q̄ per eiusmodi clamores & calumnias, tot Christiani commoti sunt & accensi ad odium, inuidiam, obrectationes, temerarium iudicium, & id genus grauiā peccata, cum tamen si non perditissima auaricia instigaret, non tanti sint indulgentiæ, vt earum nomine unius hominis cor odio aut maleuolentia inficiatur, aut aliquod Dei præceptum violetur, cum nec a Deo, nec ab hominibus illæ præceptæ sint, & citra indulgentias salus melius constet. Atqui cum diuina gratia & ope veritas & fundamentum indulgentiarum omnibus iam pateat, ut nihil opus sit, Aduersarios meos mendacij & uanitatis arguere, siquidem lux eorum tenebrosa opera per se accusat, ut plane uideri & tangi queat, q̄ tam insanas uociferationes & tragœdias ad oppressionem ueritatis & meam perniciem excitarint.

Et quamuis harum iniuriarum Antesignanos in ius uocare potuerim, & meam existimationem per hoc restituere, Remisi tamen noxam, quod Deus ita facere iusserit, qui mihi multas myriadas delictorum condonauit, & ut in posterum, ut spero & credo, condonabit, a quo uno verè indulgentiæ fluunt. Facit & hoc me placatiorem, q̄ expertus sum, quantum in uexanda ueritate inuidia virium habeat, nihil tamen, quamlibet sese torqueat, ad illam opprimendam obtinere misera possit.

Verum cum iam hæc tempestas magna ex parte sopita esset, Ecce tibi nouus ludus occipitur. Nam ex proxime Lipsiæ habita concertatione, omnem priorem audaciam & furores, quibus in me inuecti sunt, tegere conantur, noua in me comminantes. Siquidem intentant mihi, quod Bohemorum hæresin institutam propugnare, & vt uerisimile hoc faciant, sigillū talibus mendacijs dignum appendunt, multa alia leuia & puerilia commenta in me confingentes. Huic Papam omnino in ordinem redigo, huic baccas orarias dicor auulsiſſe, alijs aureis annulis digitos reuinxī, huic ferta gestaui, & huius

C C ilij

generis

SERMO LV THER I

generis alia, indigna sane, quæ coram grauibz hominibus percescantur. Ita deplorata & perdita inuidia cum sua firmare veris nesciat, multo laboriosius ipsi est mendacia fingere, quam mihi ea sustinere, id quod prius etiam in re indulgentiaria vsuuenit.

Facile à quouis honesto & bono viro iudicari potest, q̃ sicut illi prius mendacijs me traduxerint, ita & porro facturos, maxime cum tam puerilibus Fabulis se prodant, q̃ parati sint ad perdendū, si modo technæ procederent. Et cum hætenus Christiano digna egerim, & contra omnes istorum calumnias innocens repertus sim, Bene sperandum, me & nunc non nisi Christiane acturum, quanquam inuidiæ paulisper cedendum est, & alacriter crimina, quæ Christiano nomini meo impinguntur, ferenda.

Atqui mearum partium est, ne mihi in hac re desim, & quemlibet pium & Christianum admoneam, vt suam Animam à talibus obtrectionibus tutetur, Nec temere iudicādo, aut licenter calumniando, Dei indignationem incurrat. Quocirca hac Scriptione mea, omnibus innocentiam meam testatam esse uolo. Siquidem, conscientia mea teste, aliud nihil mihi conscius sum, q̃ omnia, quæ Lipsiæ propugnaui adeo Christiana esse, vt non dubitem in ea persuasione fato meo defungi, gratia & subsidio Dei mihi aspirantibus. Hoc confido sane, & suo tempore palam faciam, ac facile tutabor, multo quidem facilius, q̃ rem indulgentiarum falsam esse ostendi.

Ne quenq̃ existimo bonæ fidei virum, qui de me affirmare possit, q̃ alia cuius hæreseos, siue ea bohémica siue gallica vocetur, conuictus fuerim. Eiusmodi virum velim coram & videre & audire, siue doctum siue indoctum, qui tale quiddam de me in lucem & medium proferre ausit. Quocirca hic me excusatum uolo. Quod si quis posticis calumnijs me proscindet, hic nihil incommodi mihi afferet, sed in suum iudicem incidet. Porro ne mihi vni inseruiam, sed ut aliquid etiam emolumenti consequatur, qui hæc legit, Sermonem in medium dabo, quem Lipsiæ in arce habui, qui incendijs magna ex parte occasio fuit, Ita tamen agam, vt molliam, quæ forte in odium incurrere possint, & germanam sententiam explicatius tradam.

ENARRATIO EVANG. MATT. XVI

In festo Petri & Pauli.



Quidquid caro &
sanguis potest, ni-
hil est &c.

Hoc Euangelium vniuersam materiam totius Disputationis hic agitatae cōtinet, Nam de duabus rebus potissimum loquitur. Primo de gratia Dei, & libera voluntate nostra. Secundo de potestate Petri, & clauium. Prior inuadit magnos, sapientes & sanctos, quos omnino in nihilum redigere conatur, cum ipsi persuasi sint, se sua sapientia & operibus omnia posse efficere. Atqui Dominus hic docet hæc omnia nihil esse, quidquid caro & sanguis est & potest. Siquidem Christum cognoscere nemo potest, multo minus sequi carnis & sanguinis ductu, sed vt Pater, qui in cœlis est, reuelet, oportet, id quod hic diuo Petro accidit. Hoc ipsum etiam innuit, q̃ quærit, Quid homines de se loquantur, nec aliquid certæ & firmæ responsionis datur, verum variæ & vacillantes opiniones vulgi percescantur, Quo quidem ipso ostenditur citra gratiam Dei hac & illac declinari, & incertas opiniones de Christo fingi, donec Pater reuelet, tum demum cognoscit homo, quid Christus sit.

Liberum ar-
bitrium.

EX hoc sequitur, liberum arbitrium hominis, quamlibet laudibus vehatur, ex seipso nihil prorsus posse, nec in sua esse potestate bona cognoscere aut facere,

aut facere, sed id esse tantum gratiæ Dei, quæ ipsum liberum reddit, quæ de-
 stitutum in peccatis & erroribus captiuum iacet, & per se liberari nequit. Si-
 cut & Christus Iohan 8. Veritas liberabit uos. Et paulo post: Qui facit pec-
 catum, seruus est peccati. Seruus autem non manet in domo in æternum, si-
 lius manet in æternum. Si ergo uos Filius liberos reddiderit, uere liberi estis.
 Ita & diuus Paulus Rom. 3. ait: Non est distinctio, Omnes enim peccau-
 runt, ac destituuntur gloria Dei. Et paulo supra ex Psal. 14. & 53. dicit: Non
 est iustus, ne vnus quidem, Non est qui intelligat, non est qui exquirat Deū.
 Omnes deflexerunt, simul inutiles facti sunt, non est qui faciat bonum, non
 est usq; ad unum. Quod si à nobis boni aliquid faciendi initium esset, cur
 Christus iubet nos pro gratia orare, & in Dominica precatione dicere nos
 docet: Tua uoluntas fiat, quemadmodum in cœlo, sic etiam in terra? Quo
 probatur, nos Dei uoluntatem facere non posse ex libero nostro arbitrio.

Vltra sequitur, Liberum arbitrium nunquam sic rite nominari aut acci-
 pi, nisi Dei gratia redimtum sit, citra quam magis serua uoluntas q̃ libera
 vocandum erat. Nam sine gratia uoluntati diuinæ se non attemperat, sed
 suæ ipsius uoluntati, quæ nuncq; bona est. Libera quidem in Adam fuit, ve-
 rum nunc per lapsum ipsius perdita & in peccatis capta, nomen duntaxat li-
 bertatis retinet, eo quod libera fuerit, & per gratiam rursus libera reddenda
 sit.

Quare, si quis scire cupiat, quomodo iusti euadere & bona operari de-
 beamus, quæ iam uulgaris & uisitatissima questio est, Prius dixi, primum hoc
 & præcipuum esse, ut sciat aliquis, quod ex seipso non possit iustus fieri, aut
 bene agere. Proinde de seipso desperet oportet, manus & pedes ferri permit-
 tat, hoc est, suarum virium & operum fiduciam abijciat, se tanquam hominem
 inutilem coram diuinis oculis reputet, & sic gratiam Dei imploret, in qua
 sola firmiter confidere debet. Qui aliam rationem aut viam ad iusticiam per-
 ueniendi docet aut quærit, quam hanc præscriptam, hic errat, & tam se, quam
 alios seducit. Ut faciunt illi qui dicunt: Heus, tu liberam uoluntatem habes,
 fac quantum in te est, Deus etiam suum faciet. Et disputant, hominibus non
 persuadendum esse, ut de se ipsis desperent. Minime quidem fieri debet, ut
 desperationis alicui autores simus. Verum de desperatione distincte docen-
 dum erat. De gratia Dei obtinenda nemo quisquam desperare debet, sed
 contra totum mundum aduersus omnia peccata firmiter Dei misericordia
 nitendum, At de seipso prorsus desperandum, & nullo modo libero arbitrio
 confidendum est, etiam ad minimum opus Deo gratum efficiendum.

Quocirca bene Hieronymus super hoc Euangelio dicit, scilicet notan-
 dum esse, quomodo Christus Discipulos suos interroget, quid homines de se
 loquantur. Postea, quid ipsi de se loquerentur, quasi ipsi homines non essent.
 Siquidem verum est, hominem gratia adiutum, plus quiddam & augustius
 esse, quam hominem, Atq; adeo gratia Dei ipsum deiformem reddit & quasi
 deificat, ut & Scriptura ipsum Deum, & Dei filium vocet.

Ita hominem supra carnem & sanguinem exui oportet, & plus quam ho-
 minem fieri, si iustus coram Deo esse cupiat. Hoc tum fit, cum cognoscit ho-
 mo hoc sibi impossibile, & deiecto animo gratiam Dei quærit, ac in seipso
 penitus desperat, Postea demum bona opera sequuntur. Cum iam ita ob-
 tenta est gratia, tum vere liberam uoluntatem habes, tum quod in te est, fa-
 cito. Fieri nequit, ut Deus alicui gratiam suam neget, qui ad hunc modum
 ex toto corde imbecillitatem & suam indignitatem agnoscit, & de se prorsus
 desperat. Hæc optima & proxima est ad gratiam præparatio, ut diu-
 Virgo in suo hymno docet ac dicit: Esurientes bonis implet, & diuites ina-
 nes dimittit.

Hæc præ-

SERMO LV THER I

*Preparatio ad
gratiam.*

Hæc prædicanda essent, & homines prius exuendi sua propria persuasione, & falsa fiducia, post vero bonis operibus implendi. Contra illi plura de bonis operibus subinde inculcant, & mire pauca de initio faciendi bona opera, in quo plus situm est, quàm in bonis operibus. Vbi enim initia non bene habent, raro exitus foelix sequitur. Vbi autem gratia Dei obtenta est, abunde operum sequetur.

Huiusmodi desperatio sui, & gratiæ inquisitio non horam aut aliquantum temporis durare debet, post desinere, verum omnia opera nostra, verba, cogitationes, quoad hic viuimus, non aliter ordinata sint, quàm eo, ut nunquam non nobis ipsis desperabundi simus, & in Dei gratiæ desiderio & siti permaneamus, uti Propheta in Psal. 42. inquit. *Eiusmodi sitim ad Deum & ad iusticiam perueniendi gratia incipit, & ad mortem usque durat. Quapropter iuxta etiam desperatio sui ipsius durare debet, & sui falsa fiducia omittenda.* *Psal. 42.*

ALTERA PARS de potestate diui Petri.

*Clauibus quomo-
do utendum.*



Cluperito vulgo nihil opus est, multa de potestate diui Petri aut Papæ disputare, In eo plus situm est, ut scia-
tur, quomodo ea foeliciter vtendum sit. Verum est, cla-
ues diuo Petro esse traditas, sed non ipsi, ut suæ personæ
sed in persona Christianæ Ecclesiæ, adeoque mihi & tibi
traditæ sunt in consolationem conscientiarum nostrarum.
Diuus Petrus & quiuus sacerdos, minister est in clauium
officio. Ecclesia domina & sponsa est, cui seruire debet
potestate clauium, uti quotidiano vsu obseruamus, quod Sacramenta omnibus,
qui ea a sacerdotibus petunt, porriguntur.

Porro ut pertipiatur, quomodo Clauibus foeliciter vtendum sit, supra
dixi, cum coram Deo iusti seu accepti esse cupimus, & nostræ possibilitati
nuncium remittendo, gratiæ capaces iam facti sumus. Postea in eo tantum
res sita est, uti sciamus, an gratia Dei obtenta sit, vel secus. Siquidem scire o-
portet, quomodo cum Deo nobis conueniat, si modo cōscientiam exhilarari
& roborari volumus. Etenim, si quis dubitet, nec certo persuasus sit, se propi-
cium Deum habere, certe eum non habet. Sicut credit, ita & habet. Proinde
nemo scire potest, quod in gratia sit, & Deum propiciū habeat, nisi per fidem.
Si credit hoc, saluus est, si non credit, condemnatus est. Talis enim fiducia &
bona conscientia, uera & probata fides est, quæ Dei gratiam nobis adfert.

Vide, huc tibi Clauēs ancillantur, ad hoc sacerdotes instituti sunt. Cum
sentis cor tuum vacillare aut dubitare, se non esse in gratia coram diuinis o-
culis, tum peropus est tibi, ut Sacerdotem accedas, & absolutionem delicto-
rum tuorum petas, ac ita potestatem & consolationem Clauium queras. Cum
iam sacerdos pronunciat & te absoluit, idem est, ac si dicatur: Remissa sunt
tibi peccata tua, Misericordem Deum habes. Hic demum sermo consolatio-
ne plenus est, & verba Dei sunt, qui sic fidem suam obligauit, & in cælo so-
lutum esse vult, quod sacerdos solutum pronunciat.

Hic tibi etiam atque etiam videndum est, ne quid dubites sic se habere.
Atque citius non vnam mortem obire debes, quàm de Sacerdotis iudicio dubita-
re. Nam Christi & Dei iudicium est. Si hæc ita credere potes, oportet ut cor
tuum præ læticia rideat, & sacerdotis potestatem deamet, Deo gratias agat,
cumque

cumq; laudibus efferat, q; tuam conscientiam ita per homines consolari dignatur. Sin uero credere nescis, & te huius condonationis indignum iudicas, nequaquam existimes te satisfecisse pro tali fide obtinenda Deo, supplicato, hanc enim nisi habeas, aeternum tibi pereundum est, estq; hoc certum signum te in fide non satis instructum esse, in operibus autem plus satis.


Millies plus in eo situm est, ut certo & constanter credas sententiæ absolutionis, q; quomodo dignus sis, & satisfacias, Adeoq; talis fides dignum te reddit, & ueram satisfactionem præstat. Atq; ita potestas clauium adiuuat, non sacerdotes ut sacerdotes, uerum tantum, ut infirmæ & peccatis obrutæ conscientiae, quæ gratiam per fidem accipiunt, pacentur, & firmam in Deum fiduciam concipiant.

*Pax & gaudium
conscientiæ.*

b.ii. Ex quo postea sequitur, q; omnis uita & afflictio leuiter feratur, & homo hilaris suo propicio Deo inferuire queat, qui alioqui per cordis æstum & perpetuam dubitationem, nullum unquam uere bonum opus facit. Hoc demum dulce illud onus est Domini nostri Ihesu Christi, de quo Matth. ii. loquitur: Iugum meum commodum est, & onus meum leue. Atq; hæc de hoc Evangelio.

RESOLUTIONES LV- THERI, SUPER PROPOSITIONIBVS suis Lipsiæ disputatis, emendatæ.

OPTIMO ET ERVDITO VIRO: D:
GEORGIO SPALATINO, Illustrissimi Principis
Friderici Saxoniae Electoris Imperij, eiusdemq; Vicarij
&c. A libellis & sacris suo, S.



Istoriæ famosæ huius Disputationis, quam Lipsiæ habuimus, optime Spalatine, cupis nosse, ea vel maxime causa, q; audieris Eccium nostrum, & Eccianæ factionis aliquot homines iamdiu & secure triumphare, Encomiaq; cantare. Ego sane gaudeo, & gratias ago, si tam vera est victoria, quam magna est

Quid homini maxime optandum, præsertim Theologo &c.

iactantia. Quid enim Christianis, præsertim Theologis, magis optandum, quam ut veritas triumphet, error traducatur? Sed rursus, quando unquam auditum est a seculo, hanc esse gloriam veram & stabilem, quæ seipsam prædicat, & ante tempus iactat? Nonne in hanc sunt Prouerbia edita: Encomium ante victoriam: Rumor ante salutem? Deinde illud Triumphi: Propria laus sordet, & laudet te os alienum? Tum Christus, Si gloriam meam quaero, gloria mea nihil est. Et Prouerbiorum autor Salomon, hæreditas (inquit) ad quam in principio festinatur, in fine benedictione carebit. Iustus enim (ut Scriptura dicit) in principio non est iactator, sed accusator sui: Phariseus autem primo est laudator sui, simul accusator omnium aliorum.

Iustus accusator sui.

DE Eccio

RESOLV : D M L SVPER PROPOSI :

DE Eccio nostro autem eo facilius credo, iactasse cum victorias, quo iam olim mihi est ingenium hominis perspectum, ut gloriæ miserrimum mancipium, tum quod iam magis expertus sum, solere cum in Disputatione magis criminari quam disputare, & more indoctorum Declamatorum, tempus conuicijs & contumelijs hominum perdere. Ideo nihil mirum, si non nisi gloriam quærat. Mihi vero, qui iam duos annos patior multos eiusmodi victoriæ iactantissimos & vanissimos gloriatores, rabidosq; criminatores, Deinde contempsi, nescio, quæ tartara mihi intentata, Pro minimo est, hanc eorum simulatam gloriam audire, quorum magis misereri, quam pigere oporteat. Nam si conscientia eorum idem gloriaretur, ne dubites, foris neq; gloriarentur, neq; criminarentur.

*Lipfica disputatio,
non ueritatis in-
quisitio, sed tem-
poris perditio
fuit.*

TAmen ut tibi satisfaciam, breuiter rem ipsam secundum veritatem describam, & ita describam, ut intelligere possis, Disputationem illam fuisse perditionem temporis, non inquisitionem ueritatis. Deinde Eccium, Eccianosq; simulare in gloria aliud, & aliud sentire in conscientia. Nā quantum in Eccio fuit, fere nullus scopus tactus est. Sin tactus est, non nisi notissimis & uulgo proculcatis Argumentis certatum est. Nam Deus nouit, quod totam istam Conclusionum cohortem multo acrius & ualidius nostri Vuittembergenses duobus annis oppugnaverunt, & ita examinauerunt, ut ossa earū numerare licuerit, quas Eccius uix in facie cutis leuiter perstrinxit, Nisi quod multo fortius clamauit una hora, quam nos integris duobus annis, ac gestibus immaniter fastuosis & gloriofis, etiam seipsum clamatorem superare uelle uisus est. His enim moribus, sane quietis & tranquillis, pacificam illam, & insilentio ac mysterio profundissime quietissimeq; latentem Theologiam quæsiuit hucusq; Ecciana modestia. Ita me Deus amet, fateri cogor, nos esse uictos clamore & gestu, hoc est Ecciana modestia, sic enim ipse uocat.

Ecciana modestia.

Verum, antequam rem ipsam dicam, præfabor, & veniam petam, si homines quosdam inuoluam pariter, libenter omissurus, si ipsi sese non inuoluissent sine causa, & ut dicitur, neutrales & indifferentes habuissent utrinq;. Ideo non mihi, sed sibi imputabunt, si tangantur & ipsi, quos par gloriæ studium, & inueterata iam diu inuidia coegit, pro Eccio contra nos machinari, non bonas machinas. Non sane omnes dico, Nam sunt in ea Academia præclarissima candidissimi & rectorum studiorum optimi assertores, Atq; hoc ipso tamen nomine alterius illius fermenti hominibus, uelut sudes in oculis, & offendiculum a latere, ut Iosue uerbis dixerim. Sed & prudentissimus senatus, ornatissimiq; ciues, tam absunt ab hoc maligno ingenio, ut nemo magis abominetur, hoc peruersum & bonis literis inimicum genus.

*Assertores recto-
rum studiorum
Lipficæ Academiæ
laudantur.*

Omniū autem maxime laudandus est illustrissimus Princeps Dux Georgius, qui uere principali clementia & munificentia, nihil omisit, quod ad foelicissimum huius Disputationis fructum facere possit, si talis fuisset, ut pura ueritas, post habita gloria, quæreretur. Deniq; & sua splendidissima præsentia id negocij dignatus est mirifice illustrare, omnia cauens & mouens, ut modeste & quærendæ ueritatis studio agerentur. Nihil ergo optimæ huius Academiæ me debere confiteor, quam omnem honorem, & omne officium,

officium, Duntaxat inuidiam quorundam (ut sunt res mortalium ex nulla parte integræ) fateor mihi satis displicuisse.

Igitur hæc est siue Tragoedia, siue Comœdia huius Disputationis (quam Satyram potius dixeris) Primo ruptum est pactum, quo inter Eccium & nos conuenerat, ut libere disputaretur, & excepta per Notarios in publicum totius Orbis iudicium ederentur, quemadmodum in literis vtrinq; editis legitur. Nam uoluit potius Eccius noster sine Notarijs, meris & liberis clamoribus rem agi. Consenserunt in idem suæ factionis iuri, ubi hoc obtinere non potuerunt, ad aliam pacti illusionem itum est, scilicet ne excepta per Notarios ederentur, nisi Iudicibus nominatim & communiter electis oblata, accepissent sententiam. Additum est commentum, quo velut honestissimo titulo hoc foedifragium apud idiotas ornaretur, videlicet, Oportere Iudices certos habere, quos si recusaremus, iam haberent, quo in odium vulgi nos traherent, & iactarent, Nolle scilicet nos pati ullos Iudices.

Quid initio Disputationis actum sit.

Ita solidissima veritas Eccij & Eccianorum, metuit lucem & publicum, sibi scilicet optime conscia, Quasi orbis, & cuiusq; optimi viri iudicium parum sit, quo recepta sunt tam multa, quæ olim S. Patres dixerunt, scripserunt, disputauerunt. Fecerunt ita forte, quod Iudices fore sperarent eos, quos in Academicis passim contra nos, pro se stare sciebant, Aut quod magis suspicor, quod Eccius meus conscius sibi non intellectæ à se Scripturæ, latibulum huius conscientiae hac ratione quæreret. Nam etsi est homo in literis humanis & opinionib. scholasticis varie & copiose eruditus: Tamen sacrarum literarum ego inanem inueni Disputatorē, Quod mihi pro modestia sua ignosceat, Quia verum dico, & suo tempore probabo, ubi ea non suffecerint, quæ ipsemet in papyrum effudit testimonia imperitiæ huius credibilia nimis. Non quod mihi soli vendicem Scripturarum sanctarum scientiam (sic enim me solet criminari, quando aliud quod dicat, non est ad manum) sed quod arbitrer me in sacris literis tantum versatum & exercitatum, ut de scholastici Theologi scientia, qui sacras literas uix à limine salutauit, possim sine periculo pronunciare.

Eccij eruditio.

Altera machina fuit, Carolo Stadius iam non noster, secum libros attulerat. Cum sit honestissima disputandi & tutissima ratio, ex præsentibus Libris loca ostendere, & Dicta vel probare vel refutare, magno tumultu hoc Eccius noster detrectauit. Nam videbatur cuiusdam Compilatoris ingenio & opera fretus, multas confarcinasse autoritates S. Patrum, studioq; factionis suæ auxisse, Vbi periculum erat, ne sicut aliquoties conuincebatur, ita semper conuinceretur, male induxisse dicta Patrum. Nam cum præcedentia & sequentia non vidisset (nec enim veritas, ut dixi, quærebatur) ita alias aptauit ad propositum, ut nihil minus valeret ad propositum, nisi quod delectabat eum aliquando & risum miscere Auditorio.

Honestissima tutissimaq; disputandi ratio, quæ sit per præsentis Libros.

Statuerunt itaq; pro Eccij voluntate, Libros domi relinquendos esse, & solius memoriæ & lingue viribus, ac libertate disputandum, hoc est, qd optimi quidam dixerunt, Hanc Disputationem non de veritate, sed de laude memoriæ & linguæ agitari. Prætexuit tamen & hic Adam ille, folium fici pulcherrimum, quod sane nullus, nisi sit stipes, intelligat, videlicet, Puerile & ridiculum esse, Theologum à Libris aut schedis disputare. Et mirum, quam blandum sibi vulgi murmur hoc ingenio inuenerunt, quod de his rebus iudicat, sicut de puerorum scholasticis exercitamentis, Quasi non & Augustinus contra Manichæos & Donatistas collatis Libris pugnaverit. Verum, veritatem ille quærebat, non gloriam.

Pugna Augustini contra Manichæos & Donatistas.

RESOLV: D: M: L: S: V: P: E: R: P: R: O: P: O: S: I: T: I: O: N: E: S:

Prætereo, quod Eccio necesse fuit vltimum verbum cedere, siue opponeret, siue responderet, vt sic Argumenta insoluta, facilius victoriam simularent. Tum si alicui rei finiendæ dictus fuisset dies, liberum illi fuit hoc non obseruare, nos religiosos & obseruantes esse oportuit. Breuiter, qui pugnatum veneramus contra errores & hæreses, cum inuidia & vana gloria negocium habere coacti sumus. Nam quod ad me pertinet, cum me tot Concionibus in populo fabulam & sibilum faceret, ita uolentibus suis squamis, libens transco, ut qui nihil æque optarim, q̃ nominis mei obliuionem. Nec sic tamen quidquam promouerunt, Nam uelint, nolint, testari coguntur & ipsi, D. Bodenstein Propositiones, domum saluas rediisse, nec vna vel syllaba refutatas, quas etiam crudas deuorare Eccius statuerat.

Quin egregius iste scholasticorum Doctorem Patronus, quo caueret, ne uictus uideretur, inter disputandum Protheum imitatus subito, ea quæ in principio magno impetu impugnarat, in fine omnia concessit, imo affirmavit, tum præoccupans gloriatus est, quod in sententiam suam Carolostadium pertraxerit, Audens etiam hoc dicere, scholasticos Doctores nunq̃ aliter docuisse & sapuisse. Quod cum sentiret impudentius dict, q̃ audire possit quicumq̃ Scholasticos legisset, sic sane temperauit, ut Scotum cum Scotistis suis, & Capreolum cum Thomistis suis constanter negaret, antiquiores Altiſiod Bonauen. & nescio quos autores allegans. Credo autem, q̃ hæc suæ farinae hominibus magnæ cruci fuerint, etſi risum miserrime simularent, cum Ducem suum, tam fortiter aggressum certamen relictis signis, mox senserunt (si tamen senserunt) desertorem exercitus & transfugam factum. Nam id Carolostadio satis erat, scholasticorum Doctorem tres celebriores Sectas fuisse ab Eccio eadem hora negatas, quas nisi negasset, Pelagianus Ingolstadium reuersurus erat. Certum est enim, Modernos (quos vocant) cum Scotistis & Thomistis in hac re (id est, libero arbitrio & gratia) consentire. Excepto vno Gregorio Ariminenſi, quem omnes damnant, qui & ipse eos Pelagianis deterioribus esse, & recte & efficaciter conuincit. Is enim solus inter Scholasticos, contra omnes Scholasticos recentiores, cum Augustino & Apostolo Paulo consentit.

Gregorius Ariminenſis.

Pelagiani.

Scholasticorum
somnia.

Nam Pelagiani, etſi sine gratia opus bonum fieri posse asseruerint: non tamen sine gratia coelum obtineri dixerunt. Idem certe dicunt Scholastici, dum sine gratia opus bonum, sed non meritorium fieri docent. Deinde super Pelagianos addunt, Hominem habere dictamen naturale rectæ rationis, cui se possit naturaliter conformare voluntas, Vbi Pelagiani hominem adiuuari per legem Dei dixerunt. Nec hanc metamorphosin Ecciano ingenio alienam existimes, est in ea promptissimus. Nam hac die quidem cum Gregorio (ut dixi) sensit & Carolostadio, Rursus altera mecum congressus, eundem mihi Gregorium in eadem etiam materia negauit, propter articulum Hussiticum in Constan. Concilio damnatum. Ita uere mirificus est, & cui non uiderim similem, disputator Eccius, apud quem nihil sit uel periculi uel vitij, Gregorij Arimi. sententiam cum D. Carolostadio contra omnes Scholasticos pugnantem, pro Scholasticis amplecti, eundem rursus pro Scholasticis eisdem, in eadem re repudiare. Sic habes uictoriam, qua gloriatur Eccius, gloriaturq̃ suum fermentum, q̃ negatis fere omnibus scholasticis Doctoribus, quos tutandos susceperant, cum Ecclesiasticis consentiunt.

- Sed & nos Vuitembergæ sciebamus scholasticos Doctores, si cum tenebris suis, id est, lumine nature secundū Eccium, Aristotele negentur, posse conuenire cum Ecclesiasticis. Verum hanc negandi rationem, & pernegationem

tionem concordandi Vuitembergæ ignorantes, Lipsiæ didicimus, quam & tibi & omnibus qui uolunt, ecce libenter communem facimus. Primum, ut in exordio Disputationis, alicuius dicta fortiter impugnes, protestatus etiam per publicas schedas, te contra nouam doctrinam pro veritate fidei & honore S. Ecclesiæ pugnaturum, ita ut montes parturire putentur, Tamen in negotio sensim & subdole cedens, ne quis te victum sentiat, idem constanter affirmes, & simul vicisse glories. Deinde multa confidentia fingendum tibi est, nullum eorum, qui adsunt, habere vel memoriam vel sensum communem, ut libere queas dicere, te ab initio ita sentisse, & hanc non nouam, sed veterem esse doctrinam, Nihil moratus interim, si amiseris totum exercitum Doctorum, quos defendere proposueras. Atque hic quidem est modus & euentus Caroloſtadianæ & Eccianæ disputationis.

Post hæc mecum congressus est, de primatu Rom: Pontificis, de Purgatorio, de Indulgentiis, de Pœnitentia, de Potestate absoluendi cuiuslibet sacerdotis. In quibus omnibus quid fecerimus, suo videbitur die. Nam de me parcius mihi dicendum est, ne mihi præco fiam. Interim hoc dico, quod de Pœnitentia & Purgatorio ipse pene ignoro, quantum dissenserimus. Nam pœnitentiam incipere ab amore iusticiæ, laudabile quidem esse, sed non necessarium voluit. Quod ego omnino necessarium assero usque adhuc, cum ante gratiam (quæ est charitas) non possit fieri ullum opus bonum, ut ipsemet concesserat. Causa dissidij mihi visa est, quod ille multis Autoritatibus inductis, pœnitentiã à timore etiam seruilis incipi contenderit, vel ignorans uel dissimulans, quod seruilis timor in hac uita non penitus tollitur. Ideo etiam infusa gratia, quæ incipit pœnitentiam, timorem seruilem commouet, simul operans timorem filialem, cum sint opera Dei terribilia, dum uiuificaturus occidit &c. An autem animæ essent certæ de salute & gratia in eis augeretur, dixi me nescire, iuxta Disputationem meã in Resolutorio, necdum ipse demonstraui contrarium, Ita adhuc media pendet sententia.

Congressus Lutheri cum Ecclo.

*Opus bonū non fit
ri ante gratiam.*

De Indulgentiis pene concordamus, quæ & prope in risum abierunt, siquidem & ipse palam in uulgus quoque concionatus est, Non esse quidem eas condemnandas, nec tamen in eis fidendum, Quomodo si fuissent per Indulgentiarios prædicatæ, nec Lutheri nomen hodie ullus forte nosset. Sed & in seipsis iam diu corruissent, morientibus præ fame Commissariis, si populus nouisset, non esse in eas fidendum. Itaque quam ego fore putabam summam Disputationis & rem omnium periculosissimam, adeo sine negotio confecimus, ut nihil fere segnius tractauerimus, imo nunquam infelicius & miserius habuerunt Indulgentiæ.

Indulgentiæ

Quare satis tutus mansit Sermo meus de Indulgentiis vernaculus, cum his quæ in Resolutorio & contra Siluestrum in hanc rem scripsi, Licet vel more suo, vel iussu fermenti sui non potuerit eum irreprehensum relinquere, causans quod deciperem homines uerbis meis, & vitam nouam & crucem, quam à Deo requiri in peccatore, dixeram, tam profundus Theologus non intellexit, includere omne genus mali etiam mortis in hoc mundo. Nec mirum, quia non Scripturas, nec tropos eius, sed lumen naturæ, Aristotelem, & illuminatos eodem lumine Doctores duntaxat legit. Et tamen uelut Moab arrogantissimus plus præsumens quam posset, omnia quæ unquam dixissem calumniari & traducere conabatur.

Proinde miror, quid nunc dicturi factorique sint Fratres illi, qui me passiim apud Principes & ubique terrarum Hæreticum, & nescio quot nominibus cri-

D D ij minati

RESOLV : D M L SVPER PROPOSI :

minati sunt, propter Indulgentias, tum schedulas satis amplas Disputationis contrarias, magno (ut dicitur) stipendio, alienoq; studio paratas, inuulgauerunt, & Christi populum suis impudentibus imposturis, & in Anima seduxerunt & in corpore rebus suis spoliauerunt, cum uideant causam istam ita iri-
guisse in hac Disputatione, quam inferno ardentiorē esse uoluerunt. Suffi-
cit mihi, q; summa causæ cecidit in foelice Lipsia, & omnium iudicio indul-
gentiæ, clamatoresq; earum ridiculum fuerunt.

De primatu Romanæ Ecclesiæ acrius certatum est, Ego prima-
tum honoris non negavi, nec potestatis dedi, saltem iure diuino, nihil repu-
gnaturus, imo constanter confessurus ac defensurus, si factio vel iure huma-
no eum habeat. Nihil enim minus quæro, q̃ ne à summa sede S. Petri &
Pauli vlla causa quisquam recedat, aut obedientiam debitam subtrahat. So-
lum ne tot S. Patres in cœlo regnantes, qui in Oriente uiuentes, sub Roma-
na sede non fuerunt, contra ius diuinum egisse concedam. Ille contra, iure
diuino vtrunq; conatus asserere, cum multas autoritates Patrum conueheret,
inuentum tandem est, eos ambiguos & varios esse, in alteram sententiam ali-
quando videri inclinasse. Quanq; pro me robustius & locupletius senturent,
præsertim ubi id agunt ex animo, ut Euangelium interpretentur.

Tu es petrus.

Iam illud Matth. 16. Tu es Petrus, Item illud Iohan. 21. Pasce oues
meas. Et: Sequere me. Item Lucæ 22. Confirma fratres tuos, & nonnulla mi-
nus ad rem, quam hæc, facientia, cum non urgerent, Tandem confugit ad
Concilium Constantiense, plena fiducia, q; esset illic determinatum contra-
rium, & sententia mea inter articulos Hufs & Vuickleff damnata. Hic torus
immoratus anhelabat, quo poterat odiosius mouere inuidiam, quia aliud non
habuit, quo suo fermento palparet blandius. Vbi enim defecit in iure diuino,
cucurrit ad ius humanum, probaturus per ipsum ius diuinum. Neq; sic tamen
rideri oportuit, quæ tantus Theologus tentaret.

Matth. 16.
Iohan. 21.
Lucæ 22.

*Concilium
Nicenum.
Aphricanum.*

Cui ego duo Concilia antiquiora & celebriora, Nicenum & Aphrica-
num, contra unum opposui, Deinde & ipsum Constantiense non recte fuisse
ab ipso & fermento nequiciæ (cui tum seruebat) intellectum. Nicenum enim
Concilium decreuit, Romanum Pontificem debere curam habere Ecclesia-
rum suburbanarum, sicut Alexandrinum Aegypti, Deinde Episcopos, nō, vt
modo, ex Vrbe emptis pallijs & potestate, sed per vicinos Episcopos ordi-
nandos esse, vt lib. Ecclesia: histo: 10. scribitur. Hic vero anguilla ista, aie-
bat, Hoc vt fieret, permissum esse à Rom: Pontificibus, fingens (ut solet) ex
capite proprio glossas nouas, Quasi non impiissime & hæreticissime fecis-
sent, tam Romani Pontifices, quam Nicenum Concilium, si vel statuerent
vel permitterent, quod esset contra ius diuinum. Nam si est ius diuinum, Ro-
manum Pontificem omnia in omnibus Ecclesijs posse, non est in eius pote-
state permittere contrarium, vel vna hora fieri, nec in Concilij potestate
contrarium, aut de Romano Pontifice, vt inferiore suo disponere, aut diuer-
sum, aut aliud statuere, non magis certe, quam in potestate eius sit, permittere
aut statuere stupra & adulteria licere, Ita fiebat, vt miser Romanæ potestatis
tutor & patronus, Primatum hunc tueri non posset, nisi blasphemaret, tum
sacratissimum Nicenum Concilium, tum ipsos Pontifices, dūm eos soluisset
ius diuinum asseruit. Quid est hæreticum & blasphemum, si hæc Ecciana
modestia non est hæresis & blasphemia? Sed sic loqui debet, qui loquitur, vt
hominibus placeat.

Iam cum

SVIS LIPSIÆ DISPVT: AN XIX CCXCVII

Iam cum Concilium Aphricanum, vt habetur dist. 99. C. Primæ, prohibi- *Concilij Aphrica-*
 buisset Ro: Pontificem appellari vniuersalem Pontificem, dicens in hunc mo- *nij statutum de Ro*
 dum: Vniuersalis autem Pontifex nec Romanus appelletur. Hic sibi tem- *mano Pontifice.*
 perauit quidem à blasphemia, non dicens, quod contra ius diuinum aliud per-
 missum aut statutum sit, sed glossam certe tanto Theologo dignā effinxit, q̃
 non ponerem, nisi eam scirem gloriæ audissimo Disputatori satisfacere, &
 gloriam absolutam ei parere. Dixit enim: Etsi Ro: Pontifex non sit appel-
 landus Vniuersalis Pontifex: tamen appellari debet vniuersalis Ecclesiæ
 Pontifex. Rîsum, quæso, teneas amice, sine suum fermentum ridere, nemo
 enim dignius rideat ad tam insignem glossam. Ego gloriôr me tot expen-
 sis, non frustra Lipsiæ moratum, saltem hoc didicisse. Non est vniuersalis, est
 tamen vniuersalis Ecclesiæ Episcopus, non est forte etiam Moguntinus, est
 tamen Moguntinæ Ecclesiæ Episcopus.

Hæc ad mea duo Concilia ille opposuit, Nam Nicenum per uerbum,
 permisit, Aphricanum per nomen, Ecclesiæ, soluit. Adeo facile est, Magistris
 Nostris eximijs magnas quæstiones soluere, & etiam Conciliorum autoritati
 detrahere, qua tamen mirum est, q̃ soleant alios strenue ad hæresin adigere.

Nunc vide, an ego melius vel peius ad suum vnicum responde- *Non omnes articu-*
 rim, certum est, non omnes articulos Constantiæ damnatos, esse hæreticos, *li in Concilio Con-*
 sicut temerarie & impudenter latrabat Eccus. Quod probo euidenter, Pri- *stantiensi damnati,*
 mum ex ipsius Concilij verbis, quæ sic habent: Quidam ex eis sunt notorie *sunt hæretici.*
 Hæretici, quidam erronei, alij blasphemii, alij temerarij & seditiosi, alij pia-
 rum aurium offensiui. Hæc ibi. Nonne clarum est, hæc verba esse eorum,
 quos hæreticæ prauitatis Inquisitores uocamus, quos in eo Concilio apparet
 tyrannidem obtinuisse? Nam horum pene alia non est uox, q̃ hæc, Ista Pro-
 positio est hæretica, ista schandalosa, ista seditiosa, ista offensiua, Vel certe
 Spiritum sanctum nimio præsentem, illis ludentibus aut dormitantibus uigi-
 lasse, ut coacti sint omnino imprudentes propria uoce testari, se quosdā dam-
 nasse, nec hereticos, nec erroneos, ac per hoc catholicos, Christianos & veros.
 Nam si dixissent sine discrimine, omnes esse & hæreticos simul & erroneos,
 simul temerarios, simul offensiuos, non pateret ueritati locus aut fuga. Nunc
 ipsi discernunt hæreticos ab erroneis, & ab vtriusq̃ temerarios & seditiosos.

Dicam ergo, quid ad me, si temere & offensiue loquar, modo uere & ca-
 tholice loquar? Tuo te urgeo gladio, alios Hæreticos dicis, ut quos in fidem
 peccasse certum sit, alios erroneos, forte, qui in mores & statuta hominum
 peccent. Iam de reliquis triumphamus, eos neq̃ in fidem, neq̃ in statuta mo-
 rum peccare, etsi forte teneras auriculas, ueritatis impatientes mordacius of-
 fendant, sufficit q̃ sint fideles & ueri. Semper ita fuit, q̃ ueritas esset temera- *Veritas semper*
 ria, mordax, seditiosa, & offensiua. Ita ego credo hunc unum esse offensiuo- *temeraria &c.*
 rum, Ro: Pontificem non esse iure diuino dominum omnium in potestate.
 Quid enim atrocius offendit? quid magis temere dici hodie, & à multis an-
 nis potuit? Ita & ille in auribus Thomistarum offensiuius est, quem Grego-
 rij Ariminensis esse, imo Pauli & Augustini supra esse dixi, Omnem scilicet
 actum hominis esse, aut bonum aut malum.

Ego quidem rogabam mihi donari, ne omnes articuli a Concilio
 damnati dicerentur, sed ab aliquo Thomista quosdam Christianissimos in-
 trusos, ut est iste: Omnis actus hominis aut est bonus aut malus, Sicut omnis
 arbor, aut est bona aut mala, iuxta Euangelium: Sed noluit. Verum quid ad
 me, q̃ Thomistæ offenduntur ueritate? Sufficit, q̃ sit neq̃ Hæreticus, neq̃
 erroneus. Aut si est hereticus & damnatus, iam quid Eccius faciet, qui contra
 DD iij laudabile

RESOLV: D. M. L. S. V. P. E. R. P. R. O. P. O. S. I. T.

*Privilegium Ecclesiae
modestiae.*

laudabile illud Concilium Constantiense pro laudabili eodem Concilio disputans, concessit Carolostadio, ipsum esse verum & catholicum, nec scholasticos Doctores aliter sapuisse, ut dixi supra. O horrendum facinus, quod Ecclesiae sanctae patrono, sit intollerabile, quod Bohemorum & haereticorum (ut eius verbis tonem) patronus cum Concilio contra Concilium sentit, & ut cum suis Doctoribus Christianus sit, haereticus efficitur. Sed ut dixi, Ecclesiae modestiae privilegium est, subijpsi libere dissentire, & in re eadem contradictoria tenere, Sicut & Viennae fecisse se testatur, & forte etiam Bononiae.

Conciliorum concordia &c.

Claret ergo, Concilium Constan. non contra me pugnare, nec haereticum, nec erroneum, imo catholicum & veracem ex eodem me probari, Vt sic stet concordia cum Niceno & Aphricano Concilio & Constantiensi. Quod autem haec non videt Eccius, & sua farina, Deinde & haereticae prauitatis Inquisitores, in causa videntur esse, quod omnes hi promptiores ad contumeliam haeretici opprobrii sunt, quam tantos deceat populorum Magistros, & hac caecitate percussi, sicut Scripturas sacras & S. Patres legunt, ita & omnia alia, hoc est, non cogitant quam bene & quam diligenter, sed ad quantum odium & inuidiam aliorum legant. Ideo quidquid alienum a suo sensu audierint, mox haereticum quoque affirmant, suam iuxta & oscitantiam in legendo, & temeritatem in iudicando omnibus ludibrio exponentes.

*Concilium Romanum
nouissimum &c.*

Deinde, si non placet ista Conciliorum concordia & pertinaciter mihi Constan. vnum contra duo obtendatur, iam non difficile mihi erit statuere, utrius Autoritas debeat praeponderare. Nam cum Concilium possit errare, potius Constan. quam Nicenum & Aphricanum errasse confitear, quod haec longe felicius quam illud processerint & egerint, ac iam diu sacris Evangelijs etiam praeter ceteris Concilijs comparata sint, praesertim Nicenum, ad quam gloriam Constantiense necdum peruenit. Et in hoc imitabor nouissimum Rom: Concilium, in quo Basiliense damnatum est, & Constantiense quoque passum non parua suae Autoritatis detrimenta, dum Papam supra Concilium esse sanxit, cuius contrarium in Constantiensi definitum est. Atque ita inuicem sese reprobantia Concilia, interim satis nos tutos reddunt, & liberos ad contradicendum utrisque. Quae enim sibi dissident, cui conuenient? Atque haec latius, Deo dante, cum Eccius in publicum se dederit.

Resolutiones.

Verum, quando, ut dixi, hac Disputatione magis tempus est perditum, quam veritas quaesita, uolo Propositionum mearum Resolutiones in lucem dare, confusus, maiorem cognitionis fructum hinc prouenturum, quam si bis septies ad hunc modum disputetur. Quare, si cui videar errare, age, confutet errorem, si odit, aut rectiora doceat, si diligit.

*Dux Saxoniae
Georgius.*

HAbes, mi charissime Spalatine, historiam fere totam, nam si quae alia non dixi, ad reuerentiam Academiae Lipsensis, mihi charissimae, non dixi, ne regis Idumae ossa ad cineres redigerem. Quanquam nisi scirem hoc meis peccatis debitum, satis indigne ferrem, me tam sterilibus negocijs occupari de indulgentijs, Primatu & privilegijs, alijsque ad salutem nihil necessarijs rebus, quibus ab optimis nostro seculo studijs auocor indignandum. Nam ut illustriss: Princeps Dux Georgius, prudentissime ambos nos verberans dixit: Siue hoc sit iure diuino, siue humano, Rom: Pontifex est, & manet summus Pontifex, Ita uere dixit, & non leuiter inutilem hanc nostram Disputationem insigni hac modestia taxauit.

Peruasus

Persuasus vero sum, vbi hæc viderit Eccius meus Eccianaq; factio, statim vociferaturos esse, Non seruasse me foedus, nec conuentioni pa- *Disputationis*
ruisse, vbi cautum est, ne Disputatio inuulgetur ante decretum Iudicum. *foedus.*
Quasi vero ullum pactum nobis unquam seruauerint ipsi. Respondeo ta-
men, me conuenisse, ne per nos Disputatio euulgetur, ea quæ manu Nota-
riorum excepta est, Cætera uero exemplaria, sicut permittebatur cuilibet, si-
bi eadem colligendi potestas, quis prohibebit ne edantur? Sed esto, nec ipsa
edantur, meum Notarij exemplar non edetur, pulchre ita seruato pacto. Ve-
rum, ne præterea scriberem, non pepigi, imo palam protestatus sum, cum ini-
quioribus nostram libertatem conditionibus vexarent, ne præsumerent, me
taciturnum, itaq; nolo tacere.

Sed finge me ita pepigisse, rogo, vter primo soluit pactum? Nonne Ec-
cius, qui vt audio, ampullosis & iniquissimis literis, etiam illustriss: Principē
& Patronum nostrum (quem suæ factioni stupidissimæ similem somniat) cor-
rumpere molitus est, pessima de me, quantum potuit, recensens. Quasi ne-
gasset S. Patrum simul omnium sententias, mihi soli arrogari Scripturæ
intelligentiam, Concilia negari, Hæreticos defenderim. His enim menda-
cijs, homo ille purus & S. Theologus, tam sacrū & venerabile caput ausus est
tentare, & me coram optimo Principe tam egregie commendare. Quid ad
alios, putas, scribit & loquitur (sine scilicet pacti violatione) qui ad nostrum
Patronum ista scribit? Aut quid apud æmulos meos uerum dicet, qui ad ra-
lem, tam prudentem, tam formidabilis iudicij Principem, mentiri nihil pu-
det?

Audio deniq; confasse eum, quasdam interpretationes super Articulis
quibusdam, mihi per inquietos & mali sui cupidos Fraterculos impositis, at-
que iterum me coram Magnatibus, mihi charitate Manichæum, Hussitam,
Vuiclefistam, & nescio quot generibus hæreticum descripsisse. Sic solet Ec-
ciana modestia seruare pactum. Verum hanc suam insaniam mihi facile est
contemnere, qui norim hominis ferme totam suppellectilem. Atq; vbi illa
sua genimina in manus meas venerint, spero qd Eccium meum digne & ma-
gnifice tractare possim, si qua tandem uia intelligere possit, quid sit multa
pacisci, & nihil seruare, & tamen ab alijs seruanda exoptulare, atq; his omni-
bus aliud nihil quærere, qd vt noceat, & veritatem conculcet.

Interim sufficit mihi, quod carnifex illa conscientiarum Theologiæ *Scholastica Theologia, carnificina conscientiarum.*
Istria, cui totum debeo, quod mea conscientia patitur, cecidit in hac dispu-
tatione. Nam prius didiceram, Meritum aliud esse congrui, aliud condigni,
Facere hominem posse, quod in se est, ad obtinendam gratiam, Posse remo-
uere obicem, Posse non ponere obicem gratiæ, Posse implere præcepta Dei,
quo ad substantiam facti, licet non ad intentionem præcipientis, Liberum
arbitrium posse in utroq; contradictorium, Voluntatem posse ex puris na-
turalibus diligere Deum super omnia, Posse ex naturalibus haberi actum
amoris amicitiae, & id genus monstra, quæ pro primis ferme Principijs se- *Principia scholastica theologiae.*
runtur scholasticæ Theologiæ, & omnium libros & aures impleuerunt. At
nunc hi omnes errores, sub Ecciano præsidio & triumphabundis signis, satis
strenue ceciderunt, sine vlllo ferme Marte, conterriti ad solum conspectum
duarum Propositionum illarum, quarum prior hæc Augustini: Liberum ar-
bitrium sine gratia nihil valet, nisi ad peccandum. Posterior Ambrosij hæc:
Liberum arbitrium sine gratia tanto citius propinquat iniquitati, quanto for-
tius intenderit actioni.

D D iij

Similia

RESOLV. D. M. L. SVPER PROPOS.

Quid sentiat Lutherus de indulgentijs.

Similia trophæa & spolia retulerunt ferme & indulgentiæ ex hac pugna, quas non mitiore (vt garrunt) sententia vtilis esse admisi, sed vtilis solum pignus & iterentibus. Cæterum insaniam esse defendi, si quis eas bonas & vtilis esse Christiano homini dixerit. Hæc, inquam, mihi interim satis sunt euenisse ex hac Disputatione, quæ ideo recitavi, vt iactantiam gloriosam Eccianæ hærelis aliquantulum iuuarem, Cætera ubi hæc quispiam eorum impetierit, fortasse dabit Dominus in lucem venire.

Excusatio Eccij, aduersus Philippum Melanthonem.

Vidisse te credo Eccij excusationem aduersus Philippum nostrum satis dignam Ecciano ingenio, in qua homini etiam in sacris literis, terq; quaterq; omnib. Eccij doctiori, deniq; & sordidæ illius Eccianæ Theologiæ non gnaro, opprobrat pro magno vitio grammaticam professionem, Tam recto sunt iudicio Magistri illi Nostri eximij, ut eruditionem metiantur secundum qualificationes suas, & inanes titulos. Conatus est & eundem mihi inuidiosum reddere, dum mihi & ingeniū & eruditionem, nescio quantam tribuit. Nam vt hoc etiam scias, me quoq; nonnihil gloriæ retulisse ex Disputatione ista, Tribuit mihi Eccius eruditionem, tribuunt & Lipsenses, adeo (quantum fama cepi) ut nisi Eccio, subsidiarias opes suffecissent ipsi, fateantur Eccium à me fuisse prostratum, atq; ita uictoria iam ab Eccio in Lipsenses incipit migrare. Rursus dicitur, illum magnificum contemptorem Lipsenses habuisse, pro bonis quidem hominibus, sed in quibus longe plura sperasset, & se solum omnia fecisse.

Ita uides nouam quandam Iliada & Aeneida illos cantare, & me saltem Hectora & Turnum arbitrari, quo illum, Achillem & Aeneam statuunt, Nisi q; in hoc uictoria fluctuat, an suis id Eccius præstiterit, an Lipsensium utribus & copijs, Certum est ipsum solum semper clamasse, illos autem semper tacuisse, putas ne magnas me illis debere gratias?

Philippus Melanthon.

Sed redeo ad Philippum, quem tantum abest, ut ullus Eccius mihi redere possit inuidiosum, ut in omni mea professione nihil ducam antiquius Philippi calculo, cuius vnus iudicium & autoritas mihi stant pro multis milibus sordidorum Ecciorum. Neq; me pudet, etsi Magistrum Artium, Philosophiæ & Theologiæ, & omnibus pene Eccij titulis insignem, si huius mihi Grammatistæ dissenserit ingenium, meo sensu cedere, Quod & sæpius feci, et quotidie facio, ob diuinum donum, quod Deus in hoc fictile uasculum (Eccio quidem contemptibile) larga benedictione infudit. Philippum non laudo, creatura est Dei, & nihil, sed opus Dei mei in ipso ueneror. Nec Eccium uitupero, sed crassas istas seminandæ discordiæ & inuidiæ concitandæ vafritias toto corde detestor abominorq;, quas neque frequentiores, neque maligniores usquam uidi, q; in Eccio, quibus & pene totius nostræ Disputationis farraginem fermentauit. Nam hac una sola pene re pessima, potens est Eccius, ad rem theologicam ὄνος πρὸς λύραν.

Eccius.

Sed iam ad Resolutiones accedo, tu interim cura, vt illustrissimo Principi Eccium commendes, sicut seipsum commendari meruit.

Quantq; nihil hoc officio sit opus apud tantum Principem.

Vale. Vuitembergæ, Anno M. D. XIX.

Assumptionis Mariæ.

CONCLV.

SVIS LIPSIAE DISPVT: AN·XIX· CCXCIX
CONCLUSIO. I.



VOtidie peccat omnis homo, sed & quotidie pœnitet, docente Christo: Pœnitentiam agite, Excepto vno, nouo quodam iusto, qui pœnitentia non indiget, cum etiam palmites fructiferos quotidie purget Agricola cœlestis.

Sta Conclusio pendet ex eo Fundamento, Quod omnis actus humanus aut est bonus aut malus, nec datur actus neuter, seu, ut illi dicunt, moraliter bonus, Ideo primum mihi sunt amolienda duo, quæ his opponi solent.

Primum, est autoritas Scholæ omnium fere Theologorum per orbem, qui contra sentiunt, His quanquam omnem debeam reuerentiam, ueniam tamen mihi dabunt, q̄ eis diuinas literas præfero. Quare obsecro, si cui displiceo, non mihi statim opponat: Tu solus sapiſ, & Ecclesia hucusq̄ sine te errauit, nec tot Capita videre potuerunt quod tu vides, atq̄ his similibus suasionibus mecum expostulet. Vt enim omittam, q̄ per Asinam quandoq̄ locus est Deus, quod Prophetam cœlauit, & Samueli puero ostendit, quod sacerdoti Israelis Eli non reuelauit, Saltem suo exemplo mansuescant, & quod ipsi sibi mutuo & inuicem concedunt, mihi quoq̄ permittant. Surrexit Scotus unus homo, & omnium Scholarum & Doctorum opiniones impugnauit & præualuit. Idem fecit Occam, fecerunt & multi alij, faciunt vsque in præsentem diem, Et cum singulis eorum liberum sit omnibus contradicere, Cur ego vnus hac gratia prius? Deniq̄ cum & ego in alijs multis sententijs sine querela omnibus contradixi, Cur in hac vna nouam legem patior?

Deus per Asinam locutus.

Scotus. Occam.

Matth. 23.

Psal. 14.

Itaq̄ rogo, attendat qui volet, non quis, aut contra quos, sed quid, & contra quæ dicam. Cedat respectus personarum, quas Deus non accipit. Legimus in Euangelio, præcipiente Christo, Scribas & Phariseos in cathedra Moſi sedentes audiendos esse, non quia personæ essent, id est, Scribæ & Pharisei, sed quia Moſen docerent. Alioquin cum sit iam seculum corruptissimum, temporaq̄ periculosissima, in procliui erit, si superbia & contemptu cœperimus agere, vt incurramus illud Psal. 14. periculum: Consilium inopis confudistis, quoniam Dominus spes eius est. Quare memores inuicem, quod omnes sumus homines, q̄ facile sit errare, q̄ raro & difficile contingat vera sapere, & recte agere, communi studio veritatem quæramus potius, quam inuicem solo gloriæ, aut sensus proprii tuendi studio, mordeamus & consumamur.

Seculum nostrum corruptissimū &c.

1. Pet. 3.

Secundum, quod mihi obiicitur, Quod hic articulus in Constantiensi Concilio est inter Hussiticos expresse damnatus. Hic si non mox sileo & reuoco, continent aures, & impetu facto, ignem mihi minantur, neq̄ enim dignantur hic vllam moram vel excusationis. Sed obsecro, est ne is modus veritatem quærendi, statim obstruere os quærenti veritatem? Et vbi est, q̄ Petro præcipiente, ratio reddenda est omni poscenti? Deinde, Nonne Concilia sæpius errauerunt? Nonne Cyprianus cum totius Africæ Episcopis habito Concilio, errauit etiam in articulo grauissimo fidei, de uirtute Baptismatis? Et quid mirum, si hodie quoque Concilium non omnia attingat, quando sumus in tempore longe frigidior, q̄ Cyprianus? Et vt plane & libere dicam quod sentio, credo me Theologum esse, Christianum, & in regno veritatis viuere, ideo me debitorem esse, non modo affirmandæ veritatis, sed etiam asserendæ & defendendæ, seu per sanguinem, seu per mortem.

Cypriani & aliorum Episcoporum errores.

Proinde

RESOLV. D. M. L. SVPER PROPOS.

Proinde uolo liber esse, & nullius, seu Concilij, seu potestatis, seu Vniuersitatum, seu Pontificis autoritate captiuus fieri, quin confidenter confitear, quidquid uerum uidero, siue hoc sit à catholico, siue hæretico assertum, siue probatum, siue reprobatum fuerit à quocumque Concilio. Nec uerebor etiam ipsam inuidiam, quæ me hæreticorum Patronum forte criminabitur. Quod sciam veritati cum inuidia nihil esse commercij, sicut dicit Sapiens. 6. Nec cum inuidia tabescente iter habebō, quoniam talis homo non erit particeps sapientiæ. Quid ergo ad me, quod mendax inuidia me criminatur? Laus est impijs displicuisse. Displacent & mihi hæretici, sed quando hodie nullo opprobrio Sophistæ magis insaniunt, faciunt ut pene apud hæreticos, sola reliqua sit Ecclesia catholica Christi, Hæreticos, inquam, non qui sunt, sed qui illorum furore appellantur.

Laus est impijs
displicuisse.

Panormitanus.

Et sequar in hoc meo proposito Iurisperitorum quoque definitionem (ne solus & temere id facere existimer) Dicit enim Panormitanus de Elect. c. significasti. Plus credendum uni priuato fideli, quam toti Concilio, aut Papæ, si meliorem habeat autoritatem uel rationem. Si hæc uera sunt, cur non liceat uti? cur non audeam tentare, si unus meliorem ostendere possim autoritatem quam Concilium?

ITacq; de Concilijs videamus, Nonne omnibus notum est, Contraria aliquando fuisse damnata ab Ecclesia, uelut illa: Deus facit malum, Deus non facit malum? Quanquam ego nescio, an Ecclesia fuerit, quæ hæc damnauit. Nam Ecclesia non habet potestatem damnandi, expressam sententiam sacræ Scripturæ, etiam ad uerbum in textu positam, Nam illa: Deus facit malum, expresse ponitur Esa. 46. & Amos 3. & multis alijs locis. Nec quidquam facit quod dicitur, propter hæreticorum falsam intelligentiam esse damnata. Non sunt damnanda Scripturæ uerba propter cuiuscunque falsam intelligentiam, Alioquin damnandum erit propter Arianos, & illud: Pater maior me est. Imo tota Scriptura damnanda erit, & sola, cum e nulla alia hæreses ortæ sint. Quid autem insanius isto præsumi potest? Absit enim, ut pius & simplex Christianus quidquam in sacris literis recte didicerit, quod ubi in quosdam Inquisitores impegerit, quorum pedes ueloces ad effundendum sanguinem, cogatur, propter aliorum falsam intelligentiam damnatam, ipse quoque damnare. Nam hac ratione uiam faciemus, semel uniuersam sacris literis autoritatem conuellendi, & surgent omnium blasphemorum impijssimi illi blasphematores, qui dicunt, Bibliam esse librum hæreticorum, Christianos oportere alijs libris, scilicet Doctorum, sese tueri.

Deus facit malum.

Esa. 46.
Amos. 3.

Pater maior me
est. Iohan. 14.

Blasphemia uox,
Bibliam esse librum
hæreticorum.

Constantiense
Concilium.

Ita inuenio & in Constantiensi Concilio duo contraria. Primum determinatum illic est, Concilium esse supra Papam, Quod ego uerissimum iudico. Nam & B. Hieronymus ad Euagrium dicit: Si autoritas quaeritur, maior est orbis urbe. Ita tota Ecclesia maior est una Romana Ecclesia. Atque ita Romana Ecclesia, non est super uniuersalem totam Ecclesiam, sed contra, tota Ecclesia (& Concilium, quod illam representat) super Romanam Ecclesiam, sicut super quamlibet aliam particularem, Totum quoque maius est sua parte, cum Romana Ecclesia pars sit totius Ecclesiæ uniuersalis.

Quod si hæc uera sunt, apparet Concilium Constantiense male damnasse hunc articulum Iohannis Hufs: Papa non est iure diuino super omnes Ecclesias. Nam si Romana Ecclesia & Papa est iure diuino super omnes Ecclesias, & super Concilium, contra ius diuinum determinatum est (quod est impijssimum & hæreticum) Papam & Romanam Ecclesiam, esse infra Concilium & totam Ecclesiam, quia non est in manu Ecclesiæ aut Concilij ius diuinum infringere, Ideoque non potuit Papam uel deponere uel constituere.

Articulus Iohannis
Hufs condemnatus.

stituere. An credis passurum Episcopum Lugdunensem, sese deponi vel constitui per Episcopum Mogun: si iure diuino se superiorem Mogutino sciret, quantumlibet meritis fuerit? Imo non id pati deberet, nisi mallet impius & hæreticus esse. Ita Rom. Episcopus non potest nec debet pati se à Concilio regi & statui, si est super Concilium & Ecclesiam iure diuino. Eius enim est regere, non regi, qui iure diuino superior est.

Ius diuinum infringere, non est in manu Ecclesie &c.

Atq; ita patet Constantiense Concilium, aut articulum Hufs male damna-
nisse, aut contra ius diuinum impie determinasse & egisse.

Sed ultra vide Spiritus sancti præsentiam in Ecclesia, id quod in Constantiensi Concilio determinatum est, Papam scilicet esse infra Concilium & Ecclesiam, ac per Basiliense confirmatum, iam nouissimo Romano Concilio est reprobaturum, & totum Basiliense abrogatum, atq; statutum, Papam esse superiorem Concilio. Quid hic dicemus? necesse est aut Romanum aut Constantiense Concilium hæreticum esse, si non licet à Decretis Conciliorum recedere.

Concilium Basiliense.

Concilium Romanum.

Deniq; uia iam nobis facta est eneruandi auctoritatem Conciliorum, & libere contradicendi eorum gestis, ac iudicandi eorum Decreta. Nam ut dicunt, si in uno Articulo errasse deprehenditur, iam tota eius uacillat auctoritas. Quis est igitur tam audax, qui me præsumat hæreticum arguere, etiamsi uniuersa Decreta Concilij, tam Romani q̃ Constantiensis negem, qui habeam hoc munimentum, & hanc excusationem, q̃ Concilio incumbit probare sua Decreta, & ostendere se non errasse, postq̃ constitit, ipsum aliquando errasse & errare posse.

Quid ergo putas nobis præstant uicariæ illæ Conciliorum nostri seculi determinationes & reprobationes, nisi quod nos reddunt (si in illas nixi fuerimus) incertos, ubi tandem quærendus sit Christus, Ecclesia, Concilium, Spiritus sanctus, omniaq; plane in primum chaos confundantur.

Sed ad Constantiense reuertor, quo magis impetor, cuius damnationem in articulo illo Hussitico: Papa non est iure diuino super omnes Ecclesias, etiam ideo iniquam assero, q̃ sit contraria Niceno Concilio & Aphricano, & toti orientali & Aphricanæ Ecclesiæ, Cum non nisi sexta Synodo Calcedonensi oblatus sit Primatus (non iure diuino) sed ab Ecclesia Romanæ Pontificibus, Nec sic tamen ab eis assumptus, ut scribit S. Gregorius. Nam si iure diuino staret primatus, Nicenum cum quatuor sequentibus esset hæreticum, omnesq; in Ecclesia Orientis hæretici, hæretici Romanæ Pontifices, qui oblatum respuerunt. Quare volo, auctoritati Constantiensis Concilij in hac parte nihil cedere. Non enim patiar ulla ratione maiorem partem Ecclesiæ hæreticam fieri propter Constantiense Concilium, quod errasse palam est. Nec mirum, cum administrata hæc sint potissimum machina Inquisitorum & scelerum suorum.

Primatus Romanæ Pontificis oblatus in 6. Synodo Chalced.

Sunt & multi alij articuli Hussitici uerissimi ibidem damnati, quos expeditam, cum aduersarius me excitauerit, nam hoc ipsius Concilij uerbis cunctanter probabo, Iohannis Hufs sententiam non fuisse, q̃ malus Pontifex, aut in peccato mortali existens, non sit Pontifex habendus, licet sanguinarij Inquisitores multos articulos ei in hanc rem impositos damnari curarint: Nec hic curo, quod me Bohemorum patronum uociferantur, Ipsius Concilij, quod contra me iactant, ostendo & sequor uerba, quæ si falsa inuenta fuerint, quid ad me? Sin uera, cur non sequar? Meum est, ut dixi, contra omnem uocabulorum, titulorum, nominis, dignitatis strepitum, uerum dicere, & falsum negare. Sic enim Christiano faciendum esse credo. Et rogo, si non placeo nomine Christiani, fingant & sinant me interim uelut Turcam, aut quemuis infidelem

Iohannis Hufs articuli multi uerissimi damnati in Conc. Const.

RESOLV : D M L SVPER PROPOSI :

infidelem eis opponere, meas Rationes & Auctoritates, vt saltem sic videant & experiantur, quo studio possint fidem suam tueri, & quam facile sit dicere: Concilium sic determinauit, & quam difficile sit idipsum bene determinatum esse tueri.

Omnis actus hominis, aut est bonus, aut est malus.

Dico ergo, qd iste articulus sit male damnatus Constantiæ: Omnis actus hominis aut est bonus aut malus, Ac respondeat qui se putat determinationem illam defendere.

Primum dicit Apostolus Roma. 8. Qui spiritu Dei aguntur, hi filij Dei sunt. Item, Quod si quis spiritum Christi non habet, hic non est eius. Hic quæro, citius sit ille, qui non est Christi? Nonne diaboli & peccati? At qui seruus est peccati, facit non nisi peccatum.

Rom. 8.

Locus Apostoli Galat. 3. explicatus.

Secundo, Dicit idem Gal. 3. Quicumq; ex operibus Legis sunt, sub maledicto sunt. Ecce, hic opera Legis extra gratiam, dicit esse maledicta. Ergo non neutra. Et dicit: Quicumq;, neminem excipiens, nec aliquod medium inter maledictum & gratiam faciens. Nec valet, qd Apostolum hic de lege ceremoniali loqui dicunt, quod ea tunc mortifera fuerit. Nam ex sequentibus patet, qd de omnium legum operibus loquitur, cum inducat Moysen dicentem: Maledictus, qui non permanet in omnibus, quæ scripta sunt in libro Legis. Deinde dicit, Christum nos redemisse de maledicto Legis. At Christus vere nos non redemit de lege ceremoniali post mortem eius abrogata, sed de lege quacumq;, dans gratiam vt possit impleri. Si ergo omnia (vt Moyses dicit, autore Paulo) opera Legis sunt maledicta sine gratia, quanto magis nulla alia opera sunt neutralia, seu in genere morum bona.

Galat. 3.

Tertio, Luc. 12. Aut facite arborem bonam, & fructum eius bonum, aut facite arborem malam, & fructum eius malum. Hic nihil medium Christus permittit intelligi, sicut & ibidem dicit: Qui non est mecum, contra me est, & qui non colligit mecum, dispergit. Vides, qd aut cum Christo colligendum aut dispergendum, vel cum eo vel contra eum esse oporteat, At contra eum, non est nisi peccatum, nec dispergit, nisi qui peccat.

Deut. 27.

Luc. 12.

Luc. 12.

Quarto, Iohan. 15. Si quis in me non manserit, mittetur foras sicut palmes, & arescet, & colligent eum, & in ignem mittent, & ardet. Ecce arescit & perit, quisquis extra Christum est, Et tu dicis, neutrum, qd nec arescat neque uirescat, sed medium se aliquando habet.

Iohan. 15.

Quinto, Roma 14. Omne quod non est ex fide, peccatum est, quod B. Augustinus pro Regula habet. Quod autem dicunt, Ibi fidem pro conscientia accipi, & Apostolum loqui de ijs, qui contra conscientiam operantur, Quanquam hoc B. Augustinus repellit, tamen age, sit ita. Adhuc stat sententia, qui non habet fidem in Christo, non habet conscientiam bonam erga Deum. Ergo vel non credit, vel dubitat se placere Deo in operibus suis. Si dubitat, peccat contra conscientiam, Quia non credit firmiter, se Deo placere. Quare agit quod credit non bonum, & ita semper peccat. Sola autem fides firmiter confidit se placere Deo, & hac fide sit, ut placeamus Deo, quia hæc fides vere de Deo bene sentit, ac pro Deo vero eum habet, præsumens bona de ipso, iuxta illud Sap. 1. Sentite de Domino in bonitate. Impossibile est enim hominem saluum esse, & bene viuere, nisi de Deo erga seipsum bene sentiat.

Rom. 14.

Sola fides firmiter confidit se placere Deo.

Sapient. 1.

Ratio Augustini.

Sexto, (vt omittam plura, ne prolixior sim) Adduco rationem, qua utitur fere S. Augustinus, præsertim contra Iulianum lib. 4. & repetit eandem Gregorius Ari. lib. 2. q. 28. quæ est hæc: Virtutes discernuntur finibus, non officijs. Iam quælibet uirtus extra gratiam, quærit quæ sua sunt, nec potest quærere quæ Dei sunt. Quia non potest in opus charitatis, de qua dicitur laude propria, 1. Corinth. 13. Charitas non quærit quæ sua sunt. Quare

1. Cor. 13.

nulla

R nulla virtus habet Deum pro fine, nec potest Deum diligere super omnia & propter Deum, alioqui gratia non esset necessaria. Atq; hac sola causa fit, ut omnia opera bona gentium aut naturalia, sint mala, quia fine debito carent, *Rom. 3.* Hoc est, quod Apostolus Roman. 3. inuoluens prorsus omnes homines, tam Iudæos q̃ Gentes, licet illi iusticia, hæ sapientia, quantum poterant, præstabant, dicit: Non est iustus, non est intelligens, non est requirens Deum, Omnes declinauerunt, simul inutiles facti sunt. Ecce, nemo requirit Deum, & omnes declinant, nullus intelligit Deum, nedum pro fine Deum habet in opere suo. Vnde fidenter concludit dicens: Concluit Deus omnes sub peccatum. Ecce neminem excipit, omnes sub peccatum, quod & Dauid dicit: Omnis homo mendax, A mendace vero quid verum dicetur? Ab immundo quid mundum fiet? ait Sapiens.

Non est iustus etc.

*Rom. 11.
Psal. 116.*

Matth. 7.

Quod vero dicitur: Nonne Caiphas prophetauit verum? Nonne Matth. 7. Multi prophetauerunt in nomine Christi, & multas virtutes fecerunt? Respondeo: Vera, sed non vere dixerunt, bona, sed non bene fecerunt. Quis enim non dubitat, quando meretrix, tam bonum aurum gestet quam pudica matrona, & tam formosa quoq; membra habeat? sed non tam bene gestat & utitur. Eodem modo & bona illa opera sapientia, virtutum, donorum, cum sint gratuita dona Dei, bona sunt valde, sed quia non in finem debitum referuntur, bona faciunt, sed non bene. Quare è bonis donis Dei, mala opera nostro vicio fiunt. Ideo Christus illis dicturus est: Discedite à me omnes operarii iniquitatis. Quomodo sunt operarii iniquitatis, qui tanta bona fecerunt? nisi quia bonis male usi sunt, etiam si hoc male vsi, alijs profuerunt.

Caiphas prophetauit verum. Ioh. 11.

Operarii iniquitatis. Matth. 7.

Septimo, Si iustus in gratia non potest facere bonum, quin simul peccet, quanto magis iniustus non facit bonum? Ac per hoc concludo, Aut bonum aut malum esse actum hominis quemcunq;, nec dari actum medium & neutrum. Antecedens probabitur euidenter Conclusionem sequente.

Quare ad rem Propositionis redeundo, Omnis Christianus quotidie pœnitet, quia quotidie peccat, non quidem perpetrando crimina, sed non perficiendo mandata Dei. Et ad hoc probandum, sufficeret autoritas Iohan. in Conclusionem posita, quod fructiferos palmites quotidie purgat cœlestis Agricola. Si sunt purgandi, sunt immundi, si sunt immundi, sunt peccatores, si peccatores, pœnitentia indigent. Quare ad eos pertinet verbum Christi: Pœnitentiam agite.

Omnis Christianus quotidie pœnitet.

Ioh. 15.

Iohan. 1.

Secundo, Illud eiusdem I. Iohan. 1. Si dixerimus, quia peccatum non habemus, nos ipsos seducimus, & veritas in nobis non est. Quam autoritatem B. Augustinus in multis locis adducens, ponderat in verbo, habemus, præsentis temporis, q̃ non dicit, habuimus, sed habemus. Quare quotidie peccamus, & quotidie peccatum purgamus, ita ergo pœnitemus, Nisi pœnitentiam dicas non esse peccatorum purgationem, contra omnium sententiam, qui contritionem culpæ deletricem, pœnitentiæ potissimam partem ponunt. Deniq; hoc verbo Iohan. nixus B. Augustinus lib: de natura & gratia, audet dicere: Si omnes Sancti in vnum congregati quærerentur, an peccatum haberent, quid essent (inquit) dicturi, quam: Si dixerimus, quia peccatum non habemus, nos ipsos seducimus, & veritas in nobis non est: At nullum peccatum sine pœnitentia tollitur.

Pœnitentia.

Tertio illud Psal. 32. Pro hac orabit ad te omnis Sanctus in tempore oportuno. Ecce omnis Sanctus orat pro impietate peccati sui, hoc autem est pœnitere utiq;, nec potest dici quod pro præterito, aut pro poena præteriti peccati oret, sed pro præsentis. Nam ut hoc ostenderet, adiecit: Impietatem peccati mei, *Psalm. 32.*

E E

cati mei,

RESOLV : D M L SVPER PROPOSI :

cati mei, pro hac orabit, non scilicet pro peccato, quo aliquando poena significatur, sed pro impietate peccati, quæ est culpa, nam pro remittenda oratur, pro remissa gratias agimus.

Quarto, Illud 1. Timoth. 1. Venit Ihesus Christus peccatores saluos facere, quorum primus ego sum, Non dicit fui, sed sum peccator, Iuxta illud Roma. 7. Scio qd non habitat in me, hoc est, in carne mea, bonum. Quod nolo malum, hoc facio. Et: Ego autem carnalis sum, venundatus sub peccato. Sic Gala. 5. Caro concupiscit aduersus Spiritum, & Spiritus aduersus carnem. At concupiscere contra spiritum, peccatum est, quia prohibitum præcepto Dei: Non concupisces. Quare hoc peccatum est proprie peccatum, & per poenitentiam diluendum, sicut Roma. 6. docet, destrui corpus peccati, & non obedire desideriis carnis. At desideria carnis, peccata & contra legem sunt diuinam. Quare poenitentia pro eis opus est.

Quinto, Luc. 13. Putatis quia ipsi debitores fuerunt præ omnibus hominibus habitatoribus Ierusalem: non, Dico vobis, nisi poenitentiam habueritis, omnes simul peribitis. Ecce, omnibus poenitentiam indicit. Ita Luc. 24. Oportuit prædicari in nomine eius poenitentiam & remissionem peccatorum, in omnes gentes. Ecce totum Euangelium nihil est, qd prædicatio poenitentiae. Ergo uita euangelica est aliud nihil, quam poenitentia. Ideo Bernardus recte dicit: Qui non assidue ad poenitentiam festinat, facto ostendit se poenitentia non egere, quasi scilicet sit longe absurdissimum, esse aliquem, qui poenitentia non egeat.

Sexto, Tota Ecclesia, teste Augustino, usq; in finem mundi orat: Dimitte nobis debita nostra. Hæc autem vox est poenitentiae, ita ut Christus dicat: Si non remiseritis hominibus peccata eorum, nec Pater uester remittet uobis peccata uestra, Loquitur ad Apostolos sanctos filios Dei, & ubi sunt eorum peccata: venialia quidem sunt, sed mortalia erunt, nisi remittantur. Sane sunt quidam, qui hanc orationem pro poenis peccatorum orari garriant, quos oportet tanquam verbi Dei deprauatores cauere. Nam quid dicent ad illud: Sanctificetur nomen tuum, Adueniat regnum tuum, Fiat uoluntas tua: hoc sanctissimi etiam orant, at orando confitentur se nondum sanctificasse nomen Dei, nondum in eis esse regnum Dei, nec iusticiam eius, Sed quærunt hac oratione regnum Dei & iusticiam eius, nondum se fecisse uoluntatem Dei. At hæc omnia sunt debita culpæ, & peccata contra legem Dei, qui uult nomen suum sanctum esse, in nobis regnare, uoluntatem suam in nobis fieri, Nec putandum, qd fecte oretur.

Quare sequitur, omnes uere orare, & uere sibi hæc deesse confiteri. Et ita patet, qd sola oratio Dominica nos docet, Primo, esse nos quotidianos peccatores, & semper peccare. Deinde totam uitam esse poenitentiam & orationem & contritionem. Ex quo ulterius sequitur contra Concilij Constantiensis determinationem, Omnem actum hominis esse malum extra gratiam, quando etiam actus iustorum in gratia non est bonus, nec implet mandatum Dei.

Ultimo ad hoc urgent tot Apostoli Pauli exhortationes, Ut mortificemus membra, quæ super terram sunt, Col. 3. Et facta carnis, Roma. 8. Et re-nouemur in nouitate sensus, Roma. 12. Et carnis curam non faciamus in desideriis eius. Roman. 13. Crucifigamus carnem cum concupiscentiis, Gala. 5. Quæ omnia eo tendunt (ut clarum est) qd assidue poenitendum sit, quia peccatum fomitis assidue mouetur, & noua desideria profert, ceu spinas & tribulos terra maledicta Gene. 1.

Cætera in Resolutorio Conf. 1. 2. & 3. & con. Sed nec adhuc video huius Conclusionis sententiam confutatam, Neq; enim tacta fuit Lipsiæ in vna syllaba. Eius sententiam si neget necesse est, ut neget omnes ferme libros B. Augusti.

Augustin. contra Pelagianos editos, qui totus per omnia in hanc sententiam procedit.

Sequitur ergo, hanc non esse doctrinam nouam, ut Eccius calumniatur, Sed Eccij Propositio contraria huic, est nouus & vetus error, ad hæresin pertinens Pelagianorum, nec Concilium quicquam contra statuere habet, nisi velit errare, sicut sæpius fecit.

CONCLUSIO II.

In bono peccare hominem, & peccatum veniale non natura sua, sed Dei misericordia solū esse tale, aut in Puero post baptismum peccatum remanens, negare hoc, est Paulum & Christum semel conculcare.

TRia ista Conclusio comprehendit, Esse peccatum in bono opere, Deinde peccatum non natura, sed misericordia Dei esse veniale, & peccatum post Baptismum remanere.

Primum ita ostenditur.

54. Esa. 64. Et facti sumus immundi omnes nos, & quasi pannus menstruatæ vniuersæ iusticiæ nostræ. Hæc vel sola Autoritas obstruat omnium contradictorum os & gulam, cum sit apertissima, Esse nos omnes immundos, & non modo iniusticias, sed iusticias quoque nostras apud Deum.

7.10. Sed scio, quid hic soleant opponere, scilicet Prophetam loqui de iusticia nostra, quæ ex Lege est, quam Apostolus quoque damnat. In hanc sententiam & D. Hieronymus cedere videtur. Sed verba Prophetæ sunt manifesta, loquitur enim in persona sua, & totius fidelis populi, qui non iusticia legis, sed gratiæ iusti erant, Siquidem & ipsi eandem escam manducauerunt, & eundem spiritum fidei habuerunt, vt Apostolus dicit, Neque enim iusticia Legis iusticia Legi, confitetur Deo in humilitate, non est accusatrix sui in principio, sed inflata excusat se, & iustificat, Quare solius gratiæ iustificantis est dicere & confiteri, sese esse immundum & iniquum. Gratia iustificans.

Secundo, Non dicit, iusticiæ nostræ, aut nos, sed omnes nos, & vniuersæ iusticiæ nostræ, neminem excipit, & nullam iusticiam mundā asserit. Ergo non potest trahi ad aliquos, qui non fuerint gratia iustificati, nec ad solam legalem, sed ad omnes, & ad omnem iusticiam eorum. At certum est, aliquot inter eos fuisse, qui plus quæ legali iusticia iusti essent, & aliam quam iusticiā legalem tunc fuisse simul, Et tamen dicit omnes immundos, & vniuersas iusticias pollutas. Quare vincit hæc Autoritas, & tam aperta verba cogunt cuiuscunque interpretationem posthaberi suo apertissimo sensui.

Sed & illud malo intelligendi usu dicitur, quod iusticia legalis fuerit immunda ad iusticiam euangelicam comparata. Quia Lex vtcunque ceremonialis erat bona, & à Deo instituta, quare iusticia eiusdem non erat de se immunda ullo modo, cum tunc non minus cogerentur ea seruare, quam Decalogi præcepta. Ideo, qui de iusticia Legis tanquam immunda loquuntur, solum respiciunt ad tempus Euangelij, in quo est abrogata, non quia immunda, sed quia fiduciam præbebat stultis contra gratiam Dei, ut Apostolus ad Gala. & Rom. docet. Quare sicut ceremonialis iusticia erat bona & recta, & tamen immunda, ita & Decalogi eorum iusticia erat immunda, quantumlibet bona. Propheta enim pro suo tempore loquitur, quo iusticia Legis nondum erat abrogata, alioqui dicendum, quod Deus eis præcepisset immunda seruare, quod est detestabile. Stat ergo verbum vniuersæ iusticiæ nostræ immunda, & omnes nos immundi.

EE ij

Secundo,

RESOLV. D. M. L. SVPER PROPOS.

*Non est iustus in
terra &c. Eccle. 7.*

Secundo, Illud Eccle. 7. Non est iustus in terra, qui bene faciat, & non peccet. Solet autem & hoc uerbum sic eludi, Quod iustus aliquando bene facit, aliquando peccat, Sed hoc non stabit. Si enim hoc voluisset, suffecerat dicere: Non est iustus qui non peccet, quid enim superflueret verbis, quasi aliquis sit iustus, qui faciat male? Non enim nisi iustus facit bene, & a benefaciendo iustus est. Ideo ut exprimat vitium, addit, qui faciat bene, & non peccet. Nam dum de operibus extra benefacta loquitur, sic dicit: Septies in die cadit iustus, & toties resurgit. Hic non addit, iustus qui bene facit.

*Quod nolo malum,
hoc facio &c.
Rom. 7.*

Tertio, Illud Roma. 7. Quod nolo malum, hoc facio, Quod volo bonum, hoc non facio. Et infra: Condelector enim legi Dei secundum interiorem hominem, Video autem aliam legem in membris meis, repugnantem legi mentis meae &c. Hic aduertamus Apostolum, cedant huic ratio & autoritas, siue Ecclesiae siue Concilij. Quoniam hic docetur, cuius contrarium, Si Angelus de caelo docuerit, non credam. Nemo hunc locum Apostoli mihi superabit, nec euadet.

*Repugnare legi
Dei. Rom. 7.*

Noluntas.

Primum, Hic idem vnus homo Paulus S. Apostolus, plenus gratia, simul delectatur in lege Dei, simul repugnat legi Dei, simul vult bonum secundum spiritum, non tamen agit propter carnem, sed contrarium. Ergo peccat, dum bene facit. Nam repugnare legi Dei, quis aliud quam peccare audeat intelligere? Non agere bonum, nonne contra legem Dei est? At dum vult hoc bonum, eo ipso non facit hoc bonum, sed malum contrarium, Cur ergo nunquam sit sine repugnantia, nunquam sine uitio bene facit, nunquam ergo plene implet legem Dei. Quare, ut sic dixerim, Noluntas illa legis Dei in carne semper est, quando uoluntas est, legis Dei, Per hanc bene facit, per illam malefacit. Nolle est ex carne, uelle ex spiritu. Ideo oramus, ut fiat uoluntas Dei in terra (carne) sicut in caelo (id est spiritu) sit. Sic dicit: Velle mihi adiacet, perficere non inuenio. Hoc & Scholastici dicunt, Quod homo sit Rom. 7. difficilis ad bonum, & pronus ad malum, Et tamen audent dicere, non esse peccatum in opere bono, quasi difficultas, quae impedit hilarem & liberam Legis dilectionem non officiat, quo minus legi Dei satisfiat, Quae non nisi puro & libero amore impletur. Psal. 1. In lege Domini uoluntas eius, & 1. Psal. 1. Timoth. 1. Finis legis charitas. Ita de Christo Psal. 45. Dilexisti iusticiam, & Psal. 45. odisti iniquitatem.

Concludit ergo Paulus: Igitur mente seruis legi Dei, carne autem legi peccati. Quid expressius dici potest, idem seruus, eadem seruitute legi Dei & legi peccati seruit? Adhuc negas peccatum esse, seruire legi peccati? Eadem fronte neges, bonum esse seruire legi Dei. Est ergo omne opus bonum uiciosum cuiuscunque hominis in hac uita, propter seruitutem peccati, qua tenetur captiuus in carne, ut legi Dei semper debitor & peccator maneat, hoc uno saluus, quod cum Apostolo clamat: Infelix homo ego, quis me liberabit de Rom. 7. morte corporis huius?

Quarto eadem eiusdem sententia est Galat. 5. Caro concupiscit Galat. 5. aduersus spiritum, & spiritus aduersus carnem, Hec enim sibi inuicem aduersantur, ut non ea quae vultis, faciatis. An etiam hic non satis apertus est Paulus? Concupiscere aduersus spiritum, peccatum est, & contra legem Dei. At haec duo manent, quod diu caro manet, ita non faciunt quod uolunt. Volunt legem Dei seruare, ne concupiscant aliquid contra legem Dei, sed non faciunt, nec implent hoc uelle, Ideo manent peccatores, et non vnum saltem opus faciunt, in quo nihil sit debiti, aut defectus a lege.

Hic

Hic vero obstrepunt, dicentes : Hic defectus proprie peccatum non est, Ideo tenendus est vsus loquendi, & loquendum ut multi: Respondeo. Tuus usus est perniciosus, qui à loquendi vsu recessit, qui in sacris literis est, cuius Theologos oportet esse constantissimos obseruatores. Paulus dicit, q̄ seruit legi peccati, & contra Legem agat. At peccatum magis proprie dici non potest, q̄ id quod contra Legem est, & legi peccati seruit. Valeat ergo tuus loquendi abusus. Sed de hoc infra in peccato veniali.

Peccatum.

Igitur tantum est ibi peccati, quantum voluntatis, difficultatis, repugnantiae, Et tantum tibi meriti, quantum uoluntatis, libertatis, hilaritatis. Mixta sunt hæc duo in omni uita & opere nostro, Non enim sine carne sumus, nec sine ea operamur, At qualis est caro, talia operatur. Quod si sit tota uoluntas, iam est peccatum ibi mortale & auersio, Tota autem uoluntas in hac uita non est, ideo semper peccamus, dum bene facimus, licet quandoq̄ minus, quandoq̄ magis, secundum q̄ caro minus fuerit importuna, cum suis immundis desiderijs.

Peccamus etiam bene facientes.

Hæc ergo est causa, quare non sit iustus in terra, qui faciat bene, & non peccet, Est autem talis iustus solum in cœlo. Cum autem homo sine ista uoluntate non sit, nec sine ea operetur, per hoc nec sine peccato in opere bono erit. Quomodo enim sine ea operari potest, qui sine ea uiuere & esse non potest? Quare iustus est uelut instrumentum corrosum rubigine, quod Deus suscepit expoliendum, quod ubi corrosum est, male secatur, donec perfecte sit expolitum.

Eccle. 7.

iustus.

Luce 10.

Quinto, Ad hoc ualet illa Parabola (Luce 10.) Samaritani, qui semiuuio homini infuso vulneribus oleo & uino, alligauit quidem uulnera, sed nunquid mox sanauit? non, sed curam eius commisit Stabulario, donec rediret. Itaq̄ Ecclesia stabulum est, in quo accepta gratia Baptismi, quotidie curamur à peccatis, Et opera nostra talia sunt, qualia eorum, qui incipiunt sanari, sanati autem nondum sunt, Quia patet, q̄ sint partim egra, partim sana, multum ab his distantia, quæ sani perfecte faciunt. Inde Christus Matth. 7. Apostolos plane malos appellat, dicens, Vos cum sitis mali, nostis bona dare filijs uestris. Si autem sunt mali, iam stabit eiusdem Domini sententia. Arbor mala non potest fructus bonos facere, & tantum faciunt bonos, quantum sunt arbor bona, & e contra.

Parabola de Samaritano.

Stabulum Luce. 10.

Matth. 7.

Vos cum sitis mali.

Quod autem hæc intelligentia aut vsus loquendi apud Theologos perijt in causa est, quod relictis sacris literis, ceperunt de his rebus diuinis humano, id est, faciliore (ut ipsi putant) modo loqui, & sic paulatim amiserunt, & sensum Scripturæ, cuius uerba tanquam uasa reliquerunt simul, Qui cum in Baptismo remitti omnia peccata scirent, statim intulerunt, nullum ibi relinqui peccatum, Fomite non peccatum, sed infirmitatem, contra expressum textum Apostoli appellantes, cum peccatum remittatur ibi, non ut non sit, sed ut non imputetur (ut B. Augustinus ait) Est ergo peccatum ibi uerissime, nisi quod non imputatur, eo q̄ ceptum est ex pelli, Reatus quidem solutus est, ipsum autem manet, donec & ipsum expellatur. Sumus enim in phase, id est, transitu de peccato ad gratiam. Quod si cesses illud expellere, ac pro non peccato habeas, iam pactum non seruas baptismi, & redit reatus eius. Pactus enim es, te peccatum expugnaturum, ac Diabolo pompisq̄ eius reluctaturum, Quod cum de peccatis extra te positis intelligis, & tuum peccatum intus nullum esse putas, Nec recte Baptismi sacramentum intelligis, nec accipis. Nihil ergo differt peccatum fomitis à quolibet crimine post vel ante Baptismum, cum sit æque contra legem Dei, sicut quodlibet aliud, nisi q̄ non imputatur.

Fomes.

Peccatum in baptismo remissum etc.

E E iij

Quare,

RESOLV: D: M: L: S: V: P: E: R: P: R: O: P: O: S: I: T: A

Scholastica
Theologia.

¶

Quare, quid alij in Theologia scholastica didicerint, ipsi viderint. Ego *Matth. 13.* scio, & confiteor, me aliud nihil didicisse, q̃ ignorantiam peccati, iusticiæ, baptismi, & totius Christianæ uitæ, nec quid uirtus Dei, opus Dei, gratia Dei, iusticia Dei, fides, spes, charitas sit. Breuiter non solum nihil didici (q̃ ferendum erat) sed & non nisi dediscenda didici, omnino contraria diuinis literis. Miror autem, si alij foelicius didicerint, Qui si aliqui sint, candide eis gratulor, Ego Christum amiseram illic, nunc in Paulo reperi.

Parabola de
fermento.

Satum.

Farina.

Fermentum.

Sexto, Huc parabola *Matth. 13.* pertinet, Simile est regnum coelorum fermento, quod acceptum Mulier abscondit in farinæ satis tribus, donec fermentaretur totum. Satum genus mensuræ est, Ebraicum modium & dimidium continens autore Hieronymo. Quæ autem sint tria fata ista farinæ, modo non est locus dicere. Sat nunc est farinam esse nos homines, fermentum absconditum, Christum, gratiam nobis largitam in spiritu fidei. Sed sicut fermentum non subito fermentat conspersionem totam, Ita gratia infusa, non mox diffunditur per totum corpus, sed paulatim totum hominem fermentat, sibiq̃ similem reddit. Quare peccatum ibi reliquum est, sed quia ceptum expurgari, non imputatur expurgatori, hoc est enim in Baptismo omnia peccata remitti, non imputari scilicet, non autem penitus euacuari.

Formale peccati.
Materiale peccati.

Error ergo est, & humana sunt commenta, Quod peccatum, quo ad formale suum tollitur. Formale autem appellant priuationem gratiæ, Materiale ipsum fomitem uel habitum. Reatus tantum tollitur, formale autem tantum manet, quantum materiale, hoc est, priuatio gratiæ, tanta ibi est, quanta est concupiscentia reliqua. Oportet enim in locum concupiscentiæ succedere charitatem, quæ nō est, ubi concupiscentia est, Causa erroris est, q̃ subiectum gratiæ dant solam animam, eiusq̃ nobiliorem partem. Deinde, quod carnem & spiritum distinguunt metaphysice, tanquam duas substantias, cum totus homo sit spiritus & caro, tantum spiritus, quantum diligit legem Dei, tantum caro, quantum odit legem Dei. Sic sanitas & morbus iuxta sunt in eodem corpore, aut eodem loco carnis. Ideo enim iuxta Salomonem, Nemo gloriari potest se habere mundum cor, Quia caro, id est, affectus carnis & concupiscentia, quæ est fermentum vetus nequitiæ, totum hominem corrumpit. Iuxta *Gene. 6.* Non permanebit Spiritus meus in homine, Quia caro est, inquit, non carnem habet, quia toto affectu cordis carnem sapit. Quare fermentum nouum, quæ est charitas, rursus miscetur huic fermento veteri, ut ipsum ē toto homine efficiat, primum de corde, deinde de toto corpore & omnibus membris.

Non intres in iudicium cum seruo tuo.

Septimo, Illud præualidum in *Psal. 143.* Non intres in iudicium cum seruo tuo, Quia non iustificabitur in conspectu tuo omnis uiuens. Hic quæro, An ille iustus, quem fingunt, cum in ipso pulcherrimo merito iam actualiter fuerit, etiam sit numerandus inter eos, qui uiuunt, cum *Psal. omnis uiuens vniuersaliter dixerit.* Si inter eos numeratur, non iustificabitur coram iudicio Dei, ut hic dicit. Cur hoc, quæso? Si sine peccato est in opere bono, non potest damnari à Deo, qui iusticia est ipsa, nihil magis amans q̃ iusticiam, Nec timendum q̃ iustus iudex iusticiam damnet, Si autem damnatur, iam sine peccato non est, & contra legem Dei inuenitur egisse. Non enim damnatur, nisi qui legi Dei non satisfecit.

Quod si is non iustificabitur in iudicio Dei, qui seruus Dei est, nec omnes uiuentes, inter quos necesse est sanctissimos aliquot esse, si Ecclesiam sanctam,

sanctam, Sanctorum communionem in terris viuere credimus, qui tamen legem implent, Qalis putas furor est eorum, qui citra gratiam & extra Ecclesiam insaniunt, Legem posse impleri ex naturalibus uiribus, quo ad totam substantiam facti, licet non ad intentionem præcipientis? Ad hoc, ut iterum ad articulum Hussiticum Constantiæ damnatum redeam, quantus error est, Actum neutrum & non malum inueniri dicere, quando actus iustorum non est iustificabilis coram Deo? Quibus recte illud Iere. 49. dici potest: *Ierem. 49.* Ecce quibus iudicium non erat, ut biberent, bibentes bibent, & tu innocens eris? Non eris innocens. Et 1. Pet. 4. Si iustus vix saluabitur, peccator & impius ubi parebunt? *1. Pet. 4.*

Et vide monstra quæ hinc sequuntur. Impio extra gratiam, in suo opere bono tribuunt, nec veniale peccatum, sed solummodo non meritorium, Cum hic iusto in opere bono tribuatur adeo peccatum, ut si iudicio Dei sistatur, non possit iustificari (hoc est, mortale & damnabile) Quanto ergo magis impiorum opera bona sunt damnabilia & mortalia, nequaquam neutralia seu media. Et adhuc gloriantur, Theologiam scholasticam non esse contra Theologiam sacram, cum hac ratione melior esset conditio peccatoris quæ iusti, ubi ille non peccaret, in quo iustus peccaret. Hinc iam uidemus, unde fluant S. Patrum sententiæ.

*Scholastica
Theologia.*

Augustinus li. 9. Confess. Væ hominum vitæ, quantumcunque laudabili, si remota misericordia iudicetur. Quid hic, quæso, sequitur? Nonne omne peccatum esse omnino mortale ex natura sua, sola autem misericordia Dei veniale? Nec mirum sane, quia omne peccatum est contra legem Dei, At contra legem Dei esse, iam grauissimum est, quantum in ipso est. Neceffe est enim perpetuo separari à Deo, quidquid quomodocunque contra legem Dei est, cum nihil inquinatum intraturum sit in regnum cælorum. Deinde cum nec apex sit præteriturus à Lege, qui non fiat, necesse est nec veniale quidem peccatum remanere. Eloquia enim Domini casta, argentum igne probatum, purgatum septuplum. Ita purum esse oportebit & hominem, alioqui saluus non erit, aut apex vnus præteribit.

Augustini dictum.

*Omne peccatū con-
tra legem Dei est.*

Quocirca grauis error est iterum Theologorum, peccatum veniale peccatus nihil curantium, & garrientium, quod veniale peccatum Deum non offendit, aut solum uenialiter offendit. Si tam levis offensio, cur iustus uix saluus erit? cur non sustinet iudicium Dei, & iustificari iustus non potest? Cur tam serio, & non uenialiter nec improprie orare cogimur: Dimitte nobis debita nostra. Et: Fiat uoluntas tua, Adueniat regnum tuum, Sanctificetur nomen tuum? Nonne apparet hos Theologistas, primum extinguere timorem Dei in hominibus, deinde puluillos & ceruicalia sub manibus & capitibus eorum ponere, ut Ezechiel dicit, ac orationes eorum remittere, & Spiritum extinguere? Non est res levis momenti (dicant quid uelint) Legi & uoluntati diuinæ, uel vno pilo dissentire, Nec res est levis misericordia diuina, quæ ueniale ignoscit. Ita illi Legem & uoluntatem ac misericordiam diuinam pene pro ignauia habent, ne ferueat oratio, neue ardeat gratitudo iustorum. Attendamus ergo à fermento isto pharisaico.

Error Theologorum.

*Fermentum
Pharisaicum.*

His interim satisfactum est. Eccianam secundam Propositionem esse & erroneam & impiam, quando negat, iustum in omni opere bono peccare. Aut iustum peccare mortaliter (si iudicium diuinum spectes) Aut peccatum in baptisato remanere. Hæc enim humanis somnijs concepit, qui in sacris literis, quid peccatum, aut opus bonum sit, nec legit, nec intellexit.

*2. Eccij Propositio
erronea & impia.*

Iterum Augusti. lib. 1. retract. 29. ubi quæsiuisset, An mandata Dei fuissent ab Apostolis impleta omnia, dicit: Omnia mandata implentur, quando

*Omnia mandata
implentur, quando
quidquid*

E E iij

RESOLV : D M L SVPER PROPOSI :

quidquid non im-
pletur, ignoscitur.
August.

quidquid non impletur, ignoscitur, Quia in eisdem mandatis est & illud, q̄ tota Ecclesia usq̄ ad finem mundi orat: Dimitte nobis debita nostra.

Vides, q̄ mandata non operantibus hominibus, sed ignoscente Deo, implentur. Quid autem ignoscitur in operibus mandatorum nisi peccatum? At non levis est ignoscentia, quam diuina maiestas donat. Desinant ergo, veniale peccatum leue facere, ad cuius remissionem nō homo, non Angelus, sed Misericordia æternæ maiestatis necessaria est. Deinde non leue mandatum est, q̄ eadem maiestas iussit orare (ut Augustinus hic dicit) Dimitte nobis debita nostra. Diuina Maiestas veniale peccatum tanti facit, vt pro eo delendo, præceptum statuatur orandæ misericordiæ suæ, & homo sibi securitatem in illo fingit? Væ illi, per quem tantum scandalum uenit.

Augustinus Epist.
29. ad Hierony.
Virtus quid.

Iterum, Idem Augustinus Epist. 29. ad beatum Hiero. de virtutibus disputans. dicit, Et vt generaliter breuiterq̄ complectar quam de virtute habeam notionem, quod ad recte viuendum attinet. Virtus est charitas, qua id quod diligendum est diligitur. Hæc in alijs maior, in alijs minor, in alijs nulla est, Plenissima vero, quæ non possit augeri, quamdiu hic viuit homo, est in nemine. Quamdiu autem augeri potest, profecto id quod minus est quā debet, ex vitio est. Ex quo vitio, non est iustus in terra, qui benefaciat & non peccet, Ex quo vitio, non iustificabitur in conspectu Dei omnis uiuens, Propter quod vitium, si dixerimus, quia peccatum non habemus, nos ipsos seducimus, Propter quod etiam quantumlibet profecerimus, necessarium habemus dicere, Dimitte nobis debita nostra, cum iam omnia in Baptismo, dicta, facta, cogitata dimissa sint.

Hæc clarissimi Patris clarissima sententia, nonne prædicta omnia confirmat, Quod defectu charitatis reliquam nimirum concupiscentiam causam facit peccati in quolibet opere bono?

Hieronymus.

D. Hieronymus lib. 2. contra Pelagianos, tranſcans illud Psal. 32. Dixi, confitebor aduersum me iniusticiam meam, & tu remisisti impietatem peccati mei, Pro hac orabit ad te omnis Sanctus in tempore oportuno. Si Sanctus est, inquit, quomodo orat pro impietate? Si iniquitatem habet, qua ratione Sanctus appellatur? Tandem plurima Scripturæ testimonia, præsertim Iob. adducens, concludit: Ecce Iob noster immaculatus & sine querela, & abstinens ab omni malo, quali sine iusticiæ coronatur, ut misericordia Dei indieat.

Iusti sunt qui fa-
tentur se pecca-
tores.

Idem lib. 1. Tunc iusti sumus, quando nos peccatores fatemur, & iusticia nostra non ex proprio, sed ex Dei consistit misericordia. Quare misereantis est & ignoscentis Dei, non uolentis neq̄ currentis hominis.

Gregorius in
moralibus.

Addamus Gregorium in moralibus primo, super illud Iob 9. Non iustificabitur homo compositus Deo, Sanctus, inquit, uir, quia omne meritum virtutis nostræ vitium esse conspicit, si ab interno arbitrio districtè iudicetur. Ideo recte subiungit, Si uoluerit contendere cum eo, non poterit unum respondere pro mille.

Secundo, ibidem super illud: Si repente interroget, Quis respondebit ei? Quia, inquit, si remota pietate discutitur, in eo examine etiam iustorum vita succumbit.

Humana iusticia.

Tertio ibidem super illud: Si habuero quippiam iustum, non respondebo, sed meum Iudicem deprecabor. Vt enim (inquit) sæpe diximus, Omnis humana iusticia, iniusticia esse conuincitur, si districtè iudicetur, Prece ergo post iusticiam indiget, ut quæ succumbere discussa poterat, ex sola iudicis pietate conualeſcat.

Quarto, ibidem: Verebar omnia opera mea, sciens quia non parcis delinquenti. Ecce vir Sanctus in operibus omnibus non malis (quæ non faciebat Sanctus, ut testatur Dominus de eo in principio Libri) timet & deliquisse

quisse se sentit, ac minus fecisse. Ibi Gregorius dicit, Quæ aperte egerim vi-
deo, sed quid intus latenter pertulerim, ignoro.

Quinto ibidem: Si fullerint velut mundissimæ manus, meæ, tamen for-
dibus tinges me &c. Grego. Quia quousq; pœna corruptionis astringimur,
quantumlibet rectis operibus, veram mundiciam nequaquā apprehendimus,
sed imitamur. Et infra, Quamuis per studia rectæ operationis exercear: in
tua tamen noticia uideo. Quia mundus non sum. Et in fine moralium: Quis
inter ista remanet salutis locus, quando & mala nostra pura mala sunt, & bo-
na nostra, quæ nos habere credimus, pura bona esse nequaquam possunt.

Vides ergo, omne opus bonum esse partim malum, etiam in tantis vi-
ris. Imo quod amplius est & mirabile, Quomodo potest utrunq; uerum esse,
q̃ lob sese confitetur peccatorem per totum librum, quem Deus in principio
eximie laudat & iustum pronunciat: Neque enim Deus mentitur, neq; lob
mentitur, quem non mentiens Deus, utiq; de veritate laudat. Est ergo ue- *Iob peccator &*
rissime peccator lob, sicut uere confitetur, Est etiam uerissime iustus, sicut *iustus.*
Deus eum commendat. Quomodo hæc conuenient? nisi q̃ reuera peccator
fuit, sed sola Dei ignoscente misericordia iustus.

Dicunt autem hic quidam: Verum quidem est, Nullus est iustus, si cum
Dei iudicio comparetur, imo, inquit, sic nec Angeli iusti sunt. Respon- *Responso ad*
deo: Hoc ultimum blasphemum est. Quia Deus mirabilis est in Beatis (ut *obiectionem.*
Apostolus ait) nec eorum iusticia, nostræ iusticiæ modo pensanda est. Sunt
enim plene & pure iusti, etiam Dei iudicio. Verum nos, quia in peccato nati,
& peccatum, uelut naturam induti, sine peccato non sumus, donec similes
Angelis erimus.

Primum autem pro me facit, Nam ideo dixi, nullum esse peccatum na- *Nullum peccatum*
tura sua ueniale, sed omnia damnabilia, Quod autem uenialia sunt, Dei gra- *natura ueniale.*
tiæ quæ magnipendenda est)tribuendum est. Ideo ne paruipendatur diuinæ
maiestatis misericordia, necesse est uenialia peccata maximi facere.

Rationem etiam addemus dictorum.

NEcesse est hoc mandatum impleri: Diliges Dominum Deum tu- *Diliges Dominum*
um ex toto corde, ex tota anima tua, ex totis uiribus, ita ut nec iota *Deum ex toto*
nec apex prætereatur. At cum ex Apostolo Roma. 7. probauerimus, pecca- *corde.*
tum & concupiscentiam in membris repugnare legi Dei, clarum est, q̃ nec
ex toto corde, nec ex tota anima, nec ex totis uiribus diligere ullus possit.
Vbi enim concupiscentia in corde, in anima, in uiribus est, ibi non totum
cor, non tota anima, non totæ vires diligunt, ac per hoc tantum peccant,
quantum ibi reliqua est concupiscentia, seu peccatum. Atq; sic Deus hoc
præcepto omnes sub peccato tenet conclusos, ut omnium misereatur.

Verum inuenerunt hic glossam, qua in mille annis uix data est pesti- *Glossa Sophi-*
lentior, scilicet, q̃ Deus non requirit perfectam impletionem huius & similiū *starum.*
legum, Cum Christus clare dicat, nec iota, nec apicem à Lege prætereundum.
Ideo timendum est, istos Doctores esse inter eos, quos describit. Christus,
dicens: Qui ergo soluerit vnum de mandatis istis minimis, & sic docuerit
homines, minimus uocabitur in regno cœlorum. Non ergo dicendum est:
Deus non requirit perfectum mandatum, hoc enim est mutare mandatum
Dei, sed ignoscit quod minus facimus. Non autem ignoscit stertentibus, sed
operantibus, timentibus & cum lob dicentibus: Verebar omnia opera meæ,
sciens quoniam non parcis delinquenti. Illi uero docent, q̃ parcat delin-
quenti, dum dicunt, non requirit. Caue ergo, ne putes à te non requiri
totum

RESOLV: D. M. L. S. V. P. E. R. P. R. O. P. O. S. I. T.

totum mandatum, ne forte ignores te quantum debeas Deo, ac per hoc superbias ac tepidus fias, gratiam eius fastidiens, ad quam te quæ maxime urgere voluit mandato tibi impossibili.

IN fine iterum induco orationem dominicam, quæ sola plus & melius erudit animam de libero arbitrio, gratia, & peccato, quæ omnes recentiorum Theologorum libri & argutæ disputationum.

Sanctificetur nomen tuum.

Qui ergo orat: Sanctificetur nomen tuum, petit sine dubio, quod non habet, Non enim fictis verbis apud Deum ludere licet, Si non habet, ergo pollutor est nominis Dei. At nomen Dei non sanctificare, sed polluere, leue existimamus?

Adueniat regnum tuum.

Ita qui orat: Regnum Dei aduenire, quod est iusticia & pax, & intra nos (ut Christus & Paulus docent) nonne confitetur se iniustum & iusticia indigentem? At hæc orant, non nisi filij Dei, iusti & sancti.

Fiat voluntas tua.

Ita, qui dicit: Fiat voluntas tua, nonne rebellem se Deo esse confitetur? An non est peccatum, Dei voluntatem non fieri? Vbi nunc liberum arbitrium? An non hic de se desperat, ad solam gratiam confugit, non nisi peccatum sibi tribuit, & impossibilia mandata Dei sibi esse confitetur? Vbi hic est facere quod in se est, quando iusti orant, & peccatores sese tot modis confitentur? Ita in omni ore hæc oratio uoluitur. Et adhuc Theologi liberum arbitrium, peccatum, gratiam tot studiis & questionibus non inuenerunt quid faciant aut possint. Recte ergo dixi, Oportere hominem de suis operibus diffidere, & velut paralyticum, remissis manibus & pedibus, gratiam operum artificem implorare, licet hanc sententiam Eccius cum factiosis suis in singulare suæ inficitæ argumentum damnauerit.

Facere quod in se est.

Facebant ergo nugæ & argumenta humana, quæ dicunt: Vnus & idem actus non potest esse acceptatus & deacceptatus, quia esset bonus & non bonus. Hoc enim subtilitatis Scoticæ induco, ut ostendam, quæ longe absint à veritate, dum res istas diuinas humanis Ratiunculis incipiunt metiri. Nam nisi Scripturæ veritatem ignorarent, ista non dicerent, Et si recte intelligerent materiam gratiæ, peccati, & liberi arbitrij, non istas cauillationes pro bonis Rationibus ducerent.

Idem actus acceptatus.

Dico ergo: Idem actus est acceptatus & non deacceptatus, Quod autem non deacceptatur (oportet enim eorum uerbis uti) non est bonitas actus in causa, sed ignoscencia diuina, quæ nisi esset, nullus esset acceptatus. Quare satis patet, quod sunt ignari diuinæ misericordiæ, ac per hoc & Christi, dum opus bonum inueniunt acceptance dignum, sine misericordia ignoscente.

Qui natus est ex Deo, non peccat.

Dicerent rursus: Cur ergo 1. Iohan. 5. dicit: Qui natus est ex Deo, non peccat. Respondeo: Impossibile est, ut peccet filius Dei quicumque. Tamen simul uerum est, quod peccat, Sed quia ignoscitur ei, ideo uere etiam peccans non peccat, Nisi Paulus non fuit natus ex Deo, Roma. 7. ubi seruire se dicit legi peccati, aut ipse Iohannes mentitus est contra seipsum, ubi dicit: Si dixerimus, quia peccatum non habemus, nosipsum seducimus, & ueritas in nobis non est. Sequitur. n. expositio & concordia, quæ dedit: Si autem, inquit, confessi fuerimus peccata nostra, fidelis est & iustus, ut remittat nobis peccata nostra. Sic confitentibus remittit, & facit, ut peccatores non sint peccatores, Negantibus autem reseruat & facit, ut iusti non sint iusti. Proinde definitio iusti in hac uita est hæc: Iustus primo accusator est sui, Ideo iusticia Christiana, est accusatio sui, quam cito perit accusatio sui, statim recedit quoque

1. Iohan. 5.

Rom. 7.

Definitio iusti.

quoque iusticia, Hos confessores Christus gestat in triumpho suo: Ihesus Nazarenus Rex Iudæorum, id est, confessorum, hoc est verbum bonum & suauē, quod Apostolus 1. Timoth. 1. iucundissime resonat: Fidelis sermo, & omni acceptatione dignus, quia Ihesus Christus uenit in hunc mundum peccatores saluos facere, quorum primus ego sum.

Igitur stat mea secunda Propositio, & claret, quomodo peccatum remaneat post Baptismum, & in omni opere bono sit peccatum (si misericordia non succurrerit) mortale, & nullum esse natura sua veniale. Quare iterum stabilitur, quod multo magis actus impiorum, sunt mere mali, & sic omnis actus aut bonus aut malus contra determinationem Concilij Constantiensis, id est, Thomistarum, quos ibi regnasse apparet.

Peccatum post baptismum remanet.

Ex his etiam inferitur, Liberum arbitrium esse mere passiuum in omni actu suo, qui velle vocatur, & frustra garriri distinctionem Sophistarum. Actum bonum esse totum à Deo, sed non totaliter. Est enim totus & totaliter à Deo. Quia voluntas, gratia non nisi rapitur, trahitur, mouetur, qui tractus redundans in membra, & vires seu animæ seu corporis, est eius actiuitas, & nulla alia, Sicut tractus ferræ secantis lignum, est ferræ mere passiuus à sectore, nec ad tractum suum quidquam cooperatur, sed tamen tracta iam in lignum operatur, impulsus magis impellens, quæ ferratio opus eius cum ferratore dicitur, cum tamen mere patitur. Sed de hoc suo tempore latius.

Liberum arbitrium.

Simile.

Actus ferræ.

CONCLUSIO III.

Qui opus bonum aut pœnitentiam a peccatorum detestatione ante dilectionem iusticiæ incipit, nec in eo peccari, asserit, hunc inter Pelagianos hæreticos numeramus, sed & contra sacrum suum Aristotelem desipere probamus.

Ista Conclusio ex præcedentibus firmiter probatur. Si enim verum est, adeo nullum opus bonum ante gratiam fieri posse, ut nec in gratia pure bonum fiat, Pœnitentia autem bonum opus nimirum sit, Necesse est eam gratia præueniente inchoari. De pœnitentia enim salutari loquimur, non de pœnitentia ludæ, aut damnatorum. Est ergo expresse hæresis Pelagiana dicere, Pœnitentiam ante dilectionem iusticiæ incipit, Dilectio autem iusticiæ, gratia Dei est, non natura. Verum ut Eccianæ Propositionis impietatem manifestius videamus, rem paulo altius incipiamus.

Pœnitentia salutaris.

Docui ego in Resolutionibus & Sermone de pœnitentia, peccatorum recordationem ante amorem iusticiæ nemini esse salutarem, sed noxiam. Ideo primum conandum, ut iusticia diligatur, tum amore iustitiæ peccata detestentur. Quam doctrinam Ecciana modestia, non hæreticam quidem nominauit, sed Euangelio & S. Patribus contrariam asseruit. Ideo magnifico titulo suis Propositionibus præfixo, contra nouam doctrinam (eadem modestia) se disputaturum ebuccinauit.

Sermo de pœnitentia.

Age, Paulum Apostolum videamus, qui Rom. 4. dicit. Lex iram operatur, Vbi enim non est lex, nec præuaricatio. Et 5. Lex subintravit, ut abundaret delictum. Et Galat. 3. Lex propter transgressionem posita est. Et 1. Corinth. 15. Virtus peccati Lex. Quibus omnibus id vult Apostolus, quod

Lex iram operatur.

Rom. 4.
Rom. 5.
Galat. 3.
1. Cor. 15.

RESOLV: D: M: L: S: V: P: E: R: P: R: O: P: O: S: I: T: I: O: N: E: S:

quod per Legem peccata potius augentur, quam tolluntur, & concupiscentia magis irritetur, quo magis prohibetur. Sed omnium manifestissime Rom. 7. occasione accepta, peccatum per mandatum operatum est in me omnem concupiscentiam.

Lex occidit & auget peccatum &c.

Stat ergo sententia, Quod sine gratia, Lex occidit & auget peccatum, etsi foris cōhibet manum; tamen intus eo magis inuitum accendit animum. Cum ergo peccator ante gratiam iussus peccata sua discutere, necessario legis Dei memor sit, contra quam peccauit, necesse est, ut concupiscentias reſtrictet, & Legem odiat, quam sola gratia diligere facit. Ita fit, vt hypocrita fiat, & peior, quam prius dum simulat se odisse peccata, quæ vere nec odit nec odisse potest, nisi Legem prius dilexerit, imo plus iam diligat peccata, quam prius, atq; idipsum si auderet, sine dubio fateretur & ipse. Quare istis pestilentibus & hæreticis doctrinis, repletur Ecclesia hypocritis, dum raro de dilectione iusticiæ, semper autem de odio peccati docent, nec quomodo ad odium peccati perueniatur, aut sciunt, aut docent.

Librum arbitrium ante gratiam.

Et quid moror? Cum ipse Eccius meus concedat liberum arbitrium ante gratiam non valere, nisi ad peccandum, Qua insania dicere audet in ista Pelagiana Propositione, q non modo non peccet, sed secundum Euangelium, & secundum Patres agat, qui pœnitentiam à detestatione peccati incipiat, hoc est, à peccando, pœnitere incipiat, cum ante gratiam, non nisi peccare datur in homine.

Scholasticorum sententia.

Deinde etiam Scholasticorum sententia est, contritionem fieri oportere in charitate, Ergo charitas prior contritione. At charitas amor est Legis & voluntatis diuinæ. Quod si & ipse suam Propositionem intelligit de peccatorum detestatione ex charitate fluente, Quæ est ergo impudentia & temeritas, hoc appellare doctrinam nouam, & contrariam Euangelio & S. Patribus? Quare dico: Si Propositionem suam meæ vult esse contrariam, hæreticam, Pelagianam tenet sententiam: Si consonam, temere & stulte eam nouam doctrinam, & contra Euangelium esse iactitat.

Aristoteles. Actus uirtutis.

Deinde nec Aristotelem suum intelligit, qui & ipse, licet cæcus gentilis, acutius tamen Eccio meo vidit, omnem actum uirtutis ab electione libera & uoluntate ac amore proficisci, atq; priuationem nec nosci nec odiri posse, nisi cognita & amata re positua, Peccatum autem priuationem esse omnes dicunt, iusticiam autem rem posituam.

Peccatum. Iusticia.

CONCLUSIO IIII.

Deus mutat poenam æternam in temporalem, scilicet crucis portandæ, cuius Canones, aut Sacerdotes nec statuendæ, nec auferendæ habent vllam potestatem, quanquam id, ab Adulatoribus noxijs seducti, præsumere possunt.

HVius Propositionis nullam adhuc confutationem audiui, nisi q in contraria Ecclj Cōclusionē dicitur, Hoc esse repugnans Scripturæ & vsui Ecclesiæ, Verum an aliam ille Scripturam & Ecclesiam habeat, ignoro, forte Ecclesiam malignantium, & eius abusum intelligit, & Scripturam, bulas & literas eorum.

Mihi sufficit, q Ecclesia in his, quæ Deus vult & facit, profus nihil possit, præter orationem, clauēs habet, quibus utitur in terris, Nec video quomodo ligare aut soluere possit, cuius prorsus nullam potest habere noticiam, cum vsui clauium necessaria asseratur scientia. De ijs abunde in Resolutionibus meis, quas vbi confutatas videro, cedam.

CONCLV.

SVIS LIPSIAE DISPVTAT: AN: XIX. CCCVII
CONCLUSIO V.

Quilibet Sacerdos debet absoluere poenitentem a poena & culpa, aut peccat. Aequè peccat superior Prælati, si occulta sine causa reseruat rationabilissima, quantumlibet usus Ecclesiæ, id est, adulatorum resistit.

ET hanc vsui matris Ecclesiæ aduersam Ecciana arguit Propositio. Ego uero, non quid fiat, sed quid fieri debeat, disputo. Quod autem Sacerdotes restringuntur per Episcopos, & Episcopi per Papam, quo minus id possunt quod debent: quo iure id fiat, fateor me ignorare. Vsum uideo, ius quæro, ius, inquam, diuinum: nam humanum & usum pro eodem accipio. Cum enim Presbyteri & Episcopi iure diuino sint idem, & olim idem fuerint, dum populorum curam haberent prædicando, & ministrando: non uideo, quo iure, Episcopi relicto officio Presbyteris, ius tamen presbyterorum secum ascendentes sustulerunt.

Multa sunt & alia in iure & usu Ecclesiæ, quæ non capio, quomodo fieri potuerunt, Quale est iuramentum Episcoporum, quod pro palliis præstare coguntur, & in meram seruitutem iniquissimæ Romæ capiuntur. Quale est mensis papalis, & gratiæ expectatiuæ. Quales seruatiões Casuum, & infinita his similia. Quæ fiunt quidem, sed contraria fieri debent.

CONCLUSIO VI.

Fortè satisfaciunt animæ in Purgatorio pro peccatis, sed quod Deus a morituro plus quam voluntariam mortem requiratur, vanissima temeritate asseritur, quia nullis modis potest probari.

ET hanc nemo adhuc tetigit, & abunde satis de his rebus alibi scriptum est. Nec multum nocet, quod Ecciana Propositio, erroneum dicit, quid quid hæc mea Propositio statuit: quia multi multa loquuntur. Ne ergo eadem repetam, illuc remitto ubi dixi.

CONCLUSIO VII.

Nec quid fides, nec quid contritio, nec quid liberum arbitrium sit, ostendit se nosse: qui liberum arbitrium actuum suorum, siue bonorum siue malorum, Dominum esse, balbutit: aut non sola fide uerbi quem iustificari, aut fidem non tolli quolibet crimine, somniant.

Tres errores Eccianos hic signaui.

PRImus, Quod liberum arbitrium sit Dominus actuum suorum, quod una solius Apostoli autoritas satis confutat, Rom. 6. Fuiſtis serui peccati, liberi autem a peccato, serui facti estis iusticiæ. Ita in quocumque statu

RESOLV : D M L SVPER PROPOSIT :

statu sumus, serui sumus, seu concupiscentiæ, seu charitatis. Vtræq; enim dominabitur libero arbitrio. Sic Christus Iohan. 8. Qui facit peccatum, seruus est peccati. Ita & Petrus, 2. Petri. 2. A quo enim quis superatus est, huius & 2. Pet. 2. seruus est.

Si dices : Est tamen aliquo verum sensu liberum arbitrium esse dominum, non excludendo gratiam. Respondeo: Siue sit sensus siue non, Theologum decet loqui ad vsum Theologiæ & sacræ Scripturæ. Et cum in suas repertas loquendi Regulas cogant omnes Christianos, cur tam liberi sunt contemptores Regulæ diuinæ? Fateor, liberum arbitrium posse dici Dominum, Principem, Episcopum, Regem, & alia quæcunq; , sed hæc periculo gratiæ Dei, & Scripturæ intelligendæ dicuntur, quæ seruitutis vocabulo nos signat, & qui aliter liberum arbitrium intelligit, non intelligit.

Alter error, magis noxius, & qui euidenter indicat, Eccium meum nescire, quid fides sit, dum negat per eam solam iustificari hominem, sed nec quid sit iustificari intelligit.

Dicimus ergo cum Paulo Rom. 1. Iusticia Dei reuelatur in illo ex fide in fidem, sicut scriptum est: iustus ex fide uiuet. An Apostolus ab Eccianis docendus fuit, ut glossam illam mirabilem adderet, sed non ex sola fide? Item Rom. 10. Corde creditur ad iusticiam. Vide, ut hic soli fidei tribuat iusticiam, adeo, ut solum cor nominet, cæteris membris, quæ operentur, tacitis. Ore, inquit, confessio fit ad salutem, sed ubi iam iustificatus est per fidem. Rom. 1. Rom. 10.

Sola fides iustificat.

Iusti facti, iusta operamur.

Dicam ergo, ut nugas istas insulas Sophistarum præteream, Nulla opera iustificant, seu iustum faciunt: Sed sola fides. Iustificatus autem facit opera. Sic enim habet sensus Scripturæ, ut iustificatio sit prior operibus, & opera fiant à iustificatis. Non enim, ut errat Aristoteles, iusta faciendo, iusti efficiuntur: Sed iusti facti, operamur iusta. Sicut non fit Episcopus, opera Episcopi faciendo: sed Episcopus factus, facit opera Episcopi. Sic non opera fidei faciunt fidem, Sed fides facit opera fidei. Sic non opera gratiæ faciunt gratiam, sed gratia facit opera gratiæ. Inde est quod Deus respicit primum ad Habel (in quo sibi placet) & sic tandem ad opera. Hoc est, quod uult Apostolus, quod sola fide iustificamur, non operibus, licet opera iam iustificati nō omitteremus. Gen. 4.

Lex iusto non est posita.

Non auditores, sed factores Legis iustificabuntur.

Rom. 2.

Fides sine operibus mortua.

Et inde latius audet dicere, Quod Lex iusto non est Posita, Quia iam iustus ex fide, non eget Lege, Sed sua sponte facit opera. Hunc loquendi & intelligendi modum in operibus suis submersi, nunquam intelligunt Sophistæ huiusmodi. Nam quod Romano. 2. dicit: Non auditores Legis, sed factores Legis iustificabuntur, loquitur, quod reputantur iusti, non quod per opera iustificentur. Atq; facere Legem, est implere Legem, quod est credere in Christum. 1. Timo. 1.

Quod autem Iacobi Apostoli Epistola inducitur: Fides sine operibus mortua est. Primum, stylus Epistolæ illius longe est infra apostolicam maiestatem: nec cum paulino ullo modo comparandus. Deinde de fide uiua loquitur Paulus. Nam fides mortua non est fides, sed opinio. At uide Theologos, hanc unam Autoritatem mordicus tenent, nihil prorsus curantes, quod tota alia Scriptura fidem sine operibus commendet. Hic enim mos eorū est, una abrepta oratiuncula textus, contra totam Scripturam cornua erigere. Iacob. 2.

Mos Sophistarum.

Debant ergo hi, qui titulo Theologiæ instantur, discere primum, quid esset fides & opera iuxta Scripturas: ac non mox damnare, quidquid contra suas opiniones inueteratas offendissent. Quod si populus his offenditur, suis imputent infœlicib. studijs, quod populum non docuerunt intelligere, uerba Dei, & tropos Scripturæ necessarios ad salutem. Ipsi autores sunt scandalorum huiusmodi. Multo periculo prædicantur, opera præ fide: fides autem sine opere nullo periculo prædicatur, propterea quod facilis est, & procliuus

proclius populus in fiduciam operum, & opera facile preponderat fidei. Vbi autem pura fides recte docetur: sponte sua, & sine periculo uenient opera, dum didicerint, maiorem uim, imo totam, in fide positam, quæ faciat opera.

Horror est intendere, quam ignari sint etiam Theologi, nedum populi, in cognitione fidei, quam profitentur: adeo Ecclesia repleta est iactantia operum externorum, ut Christus de nostro tempore dixisse videatur: Filius hominis cum uenerit, putas inueniet fidem in terra? Breuiter, Cum fides sit recta & bona opinio de Deo: Opinio autem quælibet per se solam hominem trahit in opera: Non est dubitandum, quin omnia opera faciat, qui fidem habuerit. Si enim opinio & amor mulieris, non sinit esse ociosum, sed sine lege & magistro facit plura, quæ postuletur: Quomodo non fides multo magis id præstet? Mundus regitur solis opinionibus, & sola fide non possit regi Christianus? Denique quis docet Sophistas Theologos: tot & tanta facere, pati, cogitare, uisitare pro opinionibus suis? Nonne sola affectio opinionis suæ? Sed alias plura.

Theologi in cognitione fidei ignari.

Amor mulieris.

Tertius error impiissimus, Quod fidem non tolli quolibet crimine dicit, cum fides sit iusticia, crimen autem contrarium iniusticia. At scio quod mihi commentum de fide infusa & acquisita obijciat. Sed nunquid hoc est boni viri, nedum Theologi, officium, scire alicuius Propositionem esse ueram, & tamen alium sensum querere, quo eandem garrias esse falsam, & ita ad uocem, & vocabuli æquiocationem veritatem calumniaris? quam eximia vero Theologia hæc est, ut hanc: Canis est animal latrabile, oppugnes & dicas: Contra, Canis est sydus cœleste, cum scias certissime canem ab illo aliter acceptum, quam abs te.

Fides infusa & acquisita etc.

Ista Sophistica & odibilis duplicitas, seu rectius multiplicitas, cui non odiosa sit in Protheo, nedum in Theologo? Verum quando Eccius titulo præfixo contra nouam Doctrinam disputare se dicit: intelligo eum pro simplicitate theologica, non de alia fide loqui, quæ ego loquutus sum: alioqui non contra meam nouam doctrinam loqueretur, & titulus mentiretur. Ideo dico, quod sua hæc contraria Propositio sit omnium, quas uiderim unquam, hæreticissima & impiissima, ut quæ fidem solam iustificatricem, contra Paulum Apostolum, & Euangelium Christi neget: & eam nullo crimine tolli affirmet. Deinde liberum arbitrium actuum dominum contra Scripturas defendit.

CONCLUSIO VIII.

Veritati & rationi contrarium est quidem, inuite morientes deficere in charitate, ideoque pati horrorem Purgatorii, modo veritas & ratio sit idem, quod opinio Theologistarum.

Hæc nullum adhuc habet Confutorem: & de eadem multa in Resolutorijs dixi. Ne sim tædio, repetere nolo.

CONCLUSIO IX.

Animas in purgatorio esse certas de salute sua, nec gratiam in eis augeri, scimus a Theologistis asserti: Sed miramur doctissimos viros, quod huius fidei suæ rationem nec stulto verisimilem reddere possunt.

Hanc multis impetijt Eccius, sed nihil effecit, cum nullus hominum scire possit, quid cum Animabus agatur in purgatorio. Hac ignorantiae professione, facile eludo omnium contraria Argumenta, quod nullus possit docere, quod nec uidit, nec audiuit, nec in cor hominis ascendit. Opinari possumus de ijs & similibus, quantum volumus, sed solis Theologistis conuenit, ut quæ opiniones sunt, pro Articulis certissimis fidei iactent.

Status animarum in purgatorio.

RESOLVM LVSUPER PROPOSITIO:

Ad argumenta uero, quorum caput est & una uirtus illud, Hic omne meritum comparari, non illic, Respondi satis in Resolutorio. Nec ego eas mereri dixi, sed gratiam augeri: & in statu merendi non esse eas, dixi nondum demonstratum esse, postquam fuerit demonstratum, cedam.

CONCLUSIO X.

Meritum Christi esse thesaurum Ecclesiae, et Sanctorum meritis nos iuuari, certum est. Esse autem thesaurum Indulgentiarum, nemo nisi foedus adulator, extrauagantes a ueritate, & fictae quaedam Ecclesiae praxes, aut usus simulant.

Articulos fidei statuere, non est in manu Papae.

Hic forte propter illam declaratoriam Leoninam, addenda sunt quaedam ijs, quae copiose in Resolutionibus dixi. Primo, quidquid sit de Extrauagante illa & declaratoria, certum est in manu Ecclesiae aut Papae prorsus non esse, Articulos fidei statuere, imo nec leges morum seu bonorum operum, quod haec omnia in sacris literis sunt tradita. Ideo reliquum est, ut articulo- rum declarandorum tantummodo potestatem habeat, deinde ceremonias ordinare ad externam speciem ecclesiae Dei, quas rursus destituat, si pietatis ratio postulet.

Gerson.

Ecclesia non describitur spiritu Christi.

Deinde in declarandis fidei articulis, oportet, ut non eos adhibeat, qui humanis traditionibus, iuribus & opinionibus sunt exerciti, hi nihil boni declarabunt, sed Theologos insigniter eruditos, uitaque probatos, ut & Iohannes Gerson censet. Non sicut hodie errant quidam pontificij adulator, quod sine literis, sine ratione bonae uitae, pronunciant de capite suo, uelut certi, quod Spiritus sanctus eos regat. Fatemur, Ecclesiam non deferi spiritu Christi, sed Ecclesia ibi non intelligitur Papa & Cardinales, aut etiam Concilium. Ideo ponenda est ista stulta fiducia praesentis spiritus, securitasque pronunciandi, & cum timore consultis sacris literis res gerenda.

Merita Christi.

Gratia Dei non datur per hominem.

K

Merita Christi.

Secundo dico, Quod merita Christi sunt spiritus & uita, sunt gratia & ueritas, ut Iohan. 1. Gratia & ueritas per Ihesum Christum facta est. Cum autem in nullius hominis potestate sit, gratiam & ueritatem, spiritum & uitam tribuere, Ideo non poterit Papa vel Ecclesia merita Christi dispensare, id est, gratiam & ueritatem. Et hanc sententiam ita teneo ac tenebo, etiamsi Angelus de caelo, nedum Papa, aliud dixerit, Quandoquidem & uniuersa Ecclesia, omnesque in unum Doctores negent, gratiam Dei per hominem dari. Quod si dixeris: Applicare tamen potest merita Christi, quo uolet. Respondedo: Merita Christi sunt gratia & ueritas, siue dentur, siue uendantur, siue dispensentur, siue applicentur. Non enim fiunt aliud, quam merita Christi, in quocumque eorum usu. Ideo sicut nec dare, ita nec applicare ea potest homo, dicas quid uelis.

Iohan. 1.

Indulgentiae.

Rursus dices: Ministerialiter dat merita Christi. Haec concedo, sed non pro Indulgentijs. quia indulgentiae sunt contrariae meritis Christi, merita Christi sunt gratia & ueritas, quae faciunt meliorem in spiritu, & sanctiorem eum qui consequitur. Indulgentiae uero nihil boni conferunt in spiritu: sed remittunt bona spiritus contra merita Christi. Quare ipsi uiderint sua uerba & usum suum, Ego, salua eorum reuerentia, dico, quod, ut uerba sonant, merita Christi non esse posse thesaurum Indulgentiarum, sed contra, thesaurum impositionum, & poenarum ferendarum omnino contraria Indulgentijs.

Ideo fateor ea conferri ministerialiter in absolutione culpe, ibi enim res spiritus agitur, ibi merita Christi operantur ad uerbum sacerdotis, si credat peccator, alias nequaquam.

Quare declaratoriam illam non damno, sed in suo sensu eam relinquo. Si autem aptata fuerit, ut contra praedicta militet, respuo, & postulo, ut reddatur ratio dictorum. Deinde ostendatur potestas faciendi articulos fidei, aut proferatur probata reuelatio, nudis uerbis prohibet me Paulus credere.

CONCLV.

LIPSIÆ DISPV TATIS ANNO XIX. CCCIX.

CONCLVSIO XI.

Dicere, Indulgentias esse bonum Christiano, est insanire. Sunt enim verissime operis boni uicium. Et improbare Indulgentias debet Christianus ob abusum, quia Dominus dicit: Propter me deleo iniquitates tuas, non propter pecunias.

Pfal. 40. **P**ropheta Psal. 40. appellat insanias falsas hominū doctrinas, qui *insanie false.* bus colitur Deus, cōtempo eius mandato. Quanto magis insaniunt nō, qui, cum Indulgentiæ sint remissiones bonorum operum & salubrium pœnarum, audeant hæc bona profiteri Christiano, cuius bona sunt, esse plenum bonis operibus & pœnis crueis, imagine Domini sui Christi. *Indulgentie.*

Deinde semper sunt uicium operis, dum non daretur id, quod datur, nisi Indulgentias scirent reddendas. Ita propter malum suum, seu minus bonum, faciunt bonum suum, ubi certum est, q̄ non quæritur Deus, sed ipse homo.

Tenta, et videbis me verū dicere. Nā in Italia, ubi gratis sunt Indulgentiæ passim expositæ, nemo eas curat, In Germania contra, nisi des, eas nemo tibi dabit, Ita mirum est ingenium Indulgentiarum, quod aliter in Italia, aliter in Germania regnant.

Hanc Propositionem Iohannes Eccius Lipsiæ impugnavit, sed ita, ut in sibi solum perse ierint vniuersæ Indulgentiæ, neq̄ ipse enim visus est eas magnificere, atq̄ vtinam iam diu sic fuissent commendatæ, sicut ab Eccio nostro sunt commendatæ, minus rapinarum & spoliolum Romana auaricia *Romanenses popu-
lorum seductores.* tulisset e Germania, tum non ita irrisissent Germanorum barbaram ruditatem Romanenses populorum illulores. Cætera in Resolutorio.

CONCLVSIO XII.

Papam posse remittere omnem pœnam pro peccatis debitam huius & futuræ vitæ, & quod Indulgentiæ profunt non criminosis, somniant secure indoctissimi Sophistæ & pestiferi aduatores, non tamen vel nutu possunt ostendere.

ET hanc nemo aggressus adhuc, quem viderim, præter Propositionis eccianæ ventum, ad quem non est secuta pluuia. Verum quia & hæc est contra nouissimam declaratoriam, quæ dicit, Ecclesiam remittere pœnas pro peccatis secundum iusticiam diuinam requisitas. Hic dico.

Sæpius dixi, Ecclesiam nihil posse contra iusticiam diuinā, præter orationem, nisi equiuoce iusticiam iustinam accipias. Nam mihi nullū dubium est, pœnas, quas Ecclesia requirit a peccatore, simul requiri a iusticia diuina, per pactū q̄ fecit cum Ecclesia, dicens: Quodcūq̄ ligaueris super terram, ligatū *Pactum Christi
cum Ecclesia.* erit & in cœlis. Vbi clare dicit ligari apud se, q̄ in Ecclesia ligatū est, & ita consonat iusticia Ecclesiæ et Dei super peccatore. Verum hoc modo nō habet usus loquendi, qui per iusticiā diuinam intelligit aliam seorsim extra pactum iusticiam Dei, secundum quam Ecclesia non imposuit aut imponit. De hac dico, si declaratoria loquatur, non ei credam. Sinam tamen esse opinionem, sicut & sumpta est ex opinionibus. Nam, ut dixi, novos fidei articulos non recipio a quocūq̄ statuatur, nisi assit probata relatio. Nec declaratoriam articuli cuiuscūq̄, nisi per diuinas Scripturas declauerit, quarum ne syllabam quidem habet ista declaratoria iuristica magis q̄ theologica.

An hic mihi obstrepunt, magnam & infallibilem esse autoritatem Ecclesiæ, quæ Spiritu sancto regatur. Deniq̄ iuxta Augustinum: Euangelio non crederem, nisi Ecclesiæ crederem. Hic sane nouum pelagus Disputationis nauigandū est. Dico, sicut paulo ante dixi, magnam & infallibilem esse Ecclesiæ *Ecclesiæ autoritas
infallibilis.* autoritatem, q̄ Spiritu Christi regatur, pleno corde confiteor. Sed Iuris perditis quibusdam et assentatoribus Theologis debemus hanc intelligentiā, q̄

FF in

Ecclesia

RESOLV : D M L SVPER PROPOS :

Ecclesia ibi pro Notarijs & pœnitentiarijs, aut Magistris Palacijs Papæ accipitur (nam ipsi Pontifices raro has res curant) cū de uniuersali Ecclesia tota loquatur, non de Romanæ Ecclesiæ quadam parua, & nonnunquā vilissimā parte. Et inde habemus etiā bullas & definitiones ex Vrbe, dignas tali Ecclesia.

Ad Autoritatem Augustini dico primum.

Augustini dictum,
Euangelio non
crederem &c.

Esse eius vulgatam quorundam sententiam hanc : Euangelio non crederem, nisi Ecclesiæ crederem, id est, Plus credo Ecclesiæ, q̃ Euangelio. Et q̃ hæc eorum sit sententia, ex eo patet, q̃ Papæ hinc tribuunt autoritatem interpretandæ Scripturæ, soli etiam. Deinde eam opponunt omnibus, quos audiunt vel dubitare vel reluctari Pontificum vel literis vel factis.

Qua sententia, nec Lucifer ipse, nec omnes hæretici simul sumpti, damnatiorem imo nec similem impietatem cogitauerunt. Nam hinc sequitur, Papam & Notarios Palacijs esse supra Euangelium, ac per hoc supra Deum, cum Lucifer solum æqualis Deo esse conatus fuerit. Qua sapientia noua, Papam nobis hominē illum statuūt, de quo dicit Paulus: Qui extollitur supra omne quod colitur, aut q̃ dicitur Deus. Ecclesia enim creiura est Euangelij, incomparabiliter minor ipso, sicut ait Iacobus: Voluntarie genuit nos uerbo ueritatis suæ. Et Paulus: Per Euangelium ego uos genui, Vnde idem uerbum, uocatur uterus & uulua Dei, Esa. 46. Qui gestamini in utero meo, et portamini in uulua mea, quia scilicet ex Deo nascimur & portamur uerbo uirtutis suæ. 2. Tb. 2. Iacob. 1. 1. Cor. 4. Esu. 46

Euangelio non
crederem &c.

Si hoc uoluisset B. Augustinus, sicut ei innocentissimo imponunt, quis nō Augustini mallet nunquam audiuisse nomen? Igitur ad fontem eundum est. Scribit enim B. Augustinus contra Epistolam fundamenti Manicheorum, non Vincentij (ut illi dicunt) capite 5. Adeo studiosi sunt tum librorum tum uerborū, ut nec ad originem, nec ad sensum curent pedem mouere. Deniq̃ uerba Augustini, quæ sic habent: Euangelio non crederem, nisi me Ecclesiæ commoueret autoritas, illi (Thrasones sic reddunt: Euangelio non crederem, nisi crederem Ecclesiæ. Inde nihil mirum, si tantum sit laboratum in huius Dicti intelligentia, & tot sensuum riuulos inde ductos. Iustus enim labor his est, ut multis torqueantur interpretationibus, qui librum & autorem non dignantur lectione, sed de suis capitibus diuinare conantur, unde libet decerpitis deprauatisq̃ dictis intelligentiam.

Primum, familiaris tropus est B. Augustini, dicere: Se esse commotum huius uel huius autoritate. Sic enim li. 1. Retract: Postea cum legissem nonnullos diuinorum eloquiorum tractatores, quorum me moueret autoritas &c. Deinde per Autoritatem non intelligit potestatem, ut uulgo intelligitur, Sed, ut latinissimi, quo modo Plinius, uino uel gemmæ solet præ cæteris autoritatem tribuere, cum nullius sint in alias potestatis, quasi dicas, preciosam opinionem & ualorem.

Ecclesiæ

Secundo, Ecclesiam hoc loco, nec Papam, nec Romam accipit, sed per totum orbem diffusam uniuersalem Ecclesiam, ut mox ibidem secutus dicit: Euangelio enim catholicis prædicantibus credidi.

Est ergo argumentum, scopus & summa B. Augustini eo loco eiusmodi: Vobis Manichæis nō credo. Quare? quia in Euangelio nihil de uobis lego. Cum autem catholici uos per totum mundū detestentur, Euangelium autem commendent mihi, & constanter ubiq̃ prædicent, Euangelio autem non credidissem, nisi totus orbis tam concorditer docens, hac Autoritate sua me moueret ad credendum, simul eadem autoritate moueor ad uobis non credendum, Quia nihil de uobis lego in Euangelio, cui motus autoritate totius orbis credo. Ex quibus clarum est, Augustinum hoc uelle, Posse scilicet probari tanto omnium consensu, Euangelium & Ecclesiam, & improbari hæreses contrarias tantæ multitudini, præsertim ubi hi, cum quibus agitur, libros acceptant, ex quibus id probatur.

Hunc esse sensum B. Augustini, patebit quibuslibet, qui præcedentia & sequentia

sequentia conferunt, & scopum Augustini observant. Frustra Gerson, frustra Mayron, frustra & alij, hoc de primitiua Ecclesia, alij de Ecclesia cum Christo Deo incluso intelligunt. Nam & lib: Confess: idem dicit, se non leuiter motum ad Christi fidem, q̄ uideret sacris literis à Deo tantam esse datam autoritatem, q̄ toto orbe haberentur in summo autoritatis fastigio. Sic hic dicit se motum, tanto per orbem populo in Euangelium consentiente, in quo tamen nihil inuenisset de Manichæis, ideo non posse se Manichæis credere, quos illi detestarentur, quos Euangelium uidebat ita constanter recipere, vt eorum moueret autoritas ad credendum hoc esse Euangelium.

Nec hoc ergo recte dicitur q̄ approbante Ecclesia, Euangelium noscatur, cum de approbatione Augustinus nihil dicat, præsertim si Romanam Ecclesiam intelligas, sed de multitudine totius orbis, quæ res non leuis est autoritatis, cum sine Dei maximo miraculo fieri, tot resistentibus Tyrannis, tot morientibus Christianis, non potuisset, ut Euangelium sic maneret & cresceret. Si enim hoc non uidisset fieri, Euangelio non crederet. Quid hoc? An non crederes etiamsi totus orbis insaniat contra Euangelium?

Dixi ergo, q̄ magis loquitur de conuincendis hæreticis, & probanda fide catholica (hoc enim tunc agebat) q̄ de sua propria fide, quæ non vllorum autoritate, sed spiritu solo Dei oritur in corde, licet per verbum & exemplū moueatur homo ad eam. Sed quia hæreticis hoc exemplo pro fide fortiter resistitur, quasi diceret: Fidem, quam habeo in Euangelium, non possem ita tueri contra uos, nisi Ecclesiæ ista moueret autoritas.

Et est simile, Sicuti Deo non credidissem, nisi Paulo prædicanti credidissem, quia fides non nisi ex auditu. Quomodo enim credent ei, quem non audierunt? Ita probatio fidei non nisi ab exemplo totius Ecclesiæ per orbem, quomodo enim persuadebit, etiamsi solus fortissime credat, nisi proferat & aliorum exemplum, & hoc quo poterit potentissimum?

Igitur non crederem, necessario intelligitur, id est, non possem persuaderi, & persuadere ad credendum, alioqui falsissime diceret, cum solus Spiritus sanctus faciat credere quemq̄.

1. Iohan. 3.

At iterum simile esto: Iohan. dicit: Qui non diligit Fratrem, quem videt, Deū quomodo potest diligere, quem nō videt? Cum sit impossibile fratrem diligi, nisi in Deo prius dilectio. Est ergo sensus: Non probatur diligere Deum, quem non videt, qui non ostendit se diligere fratrem, quem videt.

Qui non diligit fratrem quem videt &c.

Vides ergo, q̄ longe abierint ab Augustino, qui hunc tropum non obseruauerunt, & q̄ inepte ad Romanum Pontificem & Ecclesiam Romanam ista directa sint.

Luce 22.

Dicis iterum: Christus rogauit pro Petro dicens: Vt non deficiat fides tua. Si deficere accipitur latino tropo, manifestum est, Petri fidem defecisse, quando cecidit negato Christo. Quare Petri fides tum non in Petro, sed in virgine Maria mansit, & in Latrone dextro orta est. Eadem enim est Petri fides, quæ omnium, sicut Augustinus de Tri: dicit lib: 1. Hac mea fides est, quoniam hæc catholica fides est. Atq̄ hoc modo fides Petri nihil ad Romanam Ecclesiam, q̄ sensus est, Fidem Christi (quæ totius Ecclesia est) quæ tunc in petro fuit, nunquam defecturam.

Petri fides.

Fides Christi.

Si autem ebræo tropo deficere accipitur pro finiri ac penitus cessare, nec aliquando reparari, clarum est, Petri fidem cecidisse quidem, sed non defecisse, quia reuersa est à lapsu, Verum ex hac personali fide nihil pro vllō Episcopo infertur, nec aliquid ad successorem pertinet de hac fide quantum verborum proprietas facit.

Fides Petri cecidit, non defecit.

CONCLUSIO XIII.

Romanam Ecclesiam esse omnibus alijs superiorem, probatur ex frigidissimis Romanorum Pontificum Decretis, intra

FF iij

quadrin.

RESOLV: D. M. L. S. V. P. E. R. P. R. O. P. O. S. I. T.

quadringentos annos natis, Contra quæ sunt Historiæ approbatae mille & centum annorum, textus Scripturæ diuinæ, & Decretum Concilij Niceni omnium sacratissimi.

HAnc edita Resolutione aliquanto declaravi, plura dicturus futuris aduersarijs. Interim, quia scandalosa est Propositio in auribus pietatis, id est, inuidiæ & superbiæ, pauca iterum, ne nuda prodeat, addam. Pro quo primum probo, Quamlibet ciuitatem habere debere Episcopum proprium iure diuino, quod ex Paulo Tit. 1. ostendo dicente: Huius rei gratia reliqui te Cretæ, ut quæ desunt, corrigas, & constituas Presbyteros per ciuitates, sicut ego disposui tibi. Hos autem Presbyteros esse Episcopos, testatur Hieronymus & textus sequens ostendit dicens: Oportet. n. Episcopum esse irreprehensibilem &c. Sed & B. Augustinus Epistola 29. ad Hieronymum Episcopum, descripturus, rationem addit & dicit: Erat enim ciuitas, quali diceret, non erat simplex Presbyter, sed Episcopus, de quo loquor, quia erat ciuitas, cui præerat.

Secundo suppono.

Christum habere, aut aliquando habuisse Christianos in omni termino terræ, ut in extrema parte Indiæ & Aethiopiæ, & alijs finibus iuxta Psal. 2. Possessionem tuam terminos terræ. Et Psal. 72. Dominabitur à mari usque ad mare, & à flumine usque ad terminos orbis terrarum. Psal. 2. Psal. 72.

Tertio suppono.

Fideles Christianos posse esse perfectos & pauperes, relictis omnibus suis rebus, ita ut nihil proprij habeant.

Tunc arguo.

Dentur hi fideles in extremo aliquo termino terræ, perfecti & pauperes, credis ne Christum, qui legem suam uoluit esse suauem, voluisse, ut per tantum iter, tantis sumptibus fideles sui Episcopum à Roma palliatum & confirmatum acciperent? Nam hinc vere plus imposuisset oneris Ecclesiæ suæ, quam unquam imposuit Synagoge. Quin coegisset eos, paupertati euangelicæ renunciare, & contempto præcepto eius, curam habere & sollicitos esse, Quomodo diuitias & sumptus coaceruarent, quo pallia & confirmationes impetrare possent. Nam si est ius diuinum, Episcopos omnes à Roma accipere: Non licet hoc ullo vel loci uel rerum casu infringere, Ac per hoc infringere oportet aliud ius diuinum, scilicet, ne solliciti sint de castrino, ut Matth. 6. docet. Impossibile est enim, à tot & tam remotis finibus terre, tantum iter confici ab his, qui iuxta Euangelium solliciti non sunt de crastino, non enim habebunt sumptus. Matth. 6.

Si dicis: Potest Romanus Pontifex committere vicinis Episcopis potestatem suam. Respondeo: Tunc non erit ius diuinum ex urbe Roma, Episcopos petere, Quia ius diuinum non potest mutari aut transferri in alium, ab eo cuius est. Et cur hodie quoque Primatibus non confert hanc potestatem? Quid enim hic obstat, nisi detrimentum lucri & gratiæ?

Sed finge aliquam Ecclesiam ab hostibus captam, ut non possit ad Romam mittere pro Episcopo. Quid hic faciet? Si est ius diuinum, captiuitas non excusat. Ius enim diuinum est nulli rei alligatum, sed super omnia omnibusque seruandum. Si dicis: Sufficit votum mittendi. dico: Cur non & in alijs Episcopatibus hoc uotum sufficit, qui exhausti sunt; & tam longe à Roma positi, ut magno suo detrimento (contra charitatem) Episcopum emere cogantur?

Secundo, Sequitur ex verbo Pauli, quo cuiuslibet ciuitati Episcopum tribuit (qui nunc Plebani dicuntur) Episcopos, Patriarchas, Primates, qui hodie sunt, esse iuris humani tantum, quod & Decreta indicant, quibus Romæ Pontifices sibi tribuunt omnium Ecclesiarum & dignitatum constitutionem,

Atque

Iure diuino non oportuit omnes Episcopos Romæ accipere.

Ius diuinum.

Paulus cuiuslibet ciuitati Episcopum tribuit.

LIPSIÆ DISPVTATIS ANNO XIX. CCCXI

Atq; ita iure diuino, Papa nulli est superior omnino, aut solis Plebanis superior est. Cæteris medijs ac maioribus suo iure & usu superior est, quo & Cardinalibus. Atq; vt Plebanus alteri non præfertur iure diuino: ita nec ullus Episcopus vlli Episcopo. Omnia enim hæc per Ecclesiam ordinata sunt:

Ex quo ulterius sequitur, Quod cum vnus Romanus Episcopus non possit omnium Parochiarum curam habere (quibus solis est superior iure diuino, si superior est, ut dixi) non esse credendum, quod Christus ad impossibile eum voluerit iure diuino astringi, ac per hoc nec iure diuino superiorem esse omnibus. Quod si non omnibus, eadem ratione, nulli particulariter, ac sic omnes omnium ciuitatum Episcopi æquales iure diuino sunt.

Iam quod in principio egimus: Concilium Constantiense determinauit, Concilium esse supra Papam, sicut & huius determinationis usum ibidem seruauit, deponendo & statuendo Papam. At si in iure diuino Papa omnibus superior est: Concilium hæresim, & fecit & definiuit. Quia hæreticum est, diuinum ius damnare, & contrarium statuere.

Concilium est supra Papam &c.

Quod si dixeris: Concilium non Papam, sed hominem dat uel aufert, papatu semper manente. Respondeo: Hoc est ridiculum & insulsum commentum. Sequitur enim, quod non Papam ut Papam, sed hominem tantum deponit, Ergo Papa depositus Papa erit. quia manet idem qui prius, cum in eius papatum nihil sit actum. Quid moror? Non in hominem agit, sed in Papam ut Papam, quia administrationem ei aufert tanq; habens potestatem tradendæ administrationis, non secus, quam Papa ipse Episcopum statuit, ubi utiq; non hominem ut hominem, sed Episcopum ut Episcopum, statuit, conferens ei administrationis ius. Alioqui & hic dicetur, Non Episcopum statui aut Pontificem, sed hominem episcopatu manente. Has laruas inueniunt, dum episcopatum non officij, sed dignitatis uocabulum (nescio in quo uniuersali reali latentis) fecerunt.

Quod si Papa est iure diuino, non licet eum deponere ullo modo, siue sit malus siue bonus, siue hæreticus, siue catholicus, sed est tolerandus usq; ad mortem. Sicut Saulem à Deo unctum iure diuino regem Dauid tolerauit. Quare iterum errant, & hæretica erunt Decreta, quæ statuunt, Papam pro hæresi deponendum, quia contra ius diuinum statuunt, cum non sit superior, qui eum deponat. Si autem est ullus superior, ut Concilium (quod uerū est) iam ipse non est omniū superior iure diuino, sed accipit hanc Superioritatem humano Concilij iure, cui eam rursus debet mutandam eius arbitrio.

Error Decretorum.

Plura (ut dixi) prouocatus. Nam seruanda sunt, & in præsidio arma aduersus pertinaciam æmulorum.

In fine repeto, quæ in principio dixi, Me prorsus confiteri & tueri primatum Romani Pontificis, quantus quantus est, fuit aut futurus est, Solum, quod nouum dogma esse scio, iure diuino eundem stabiliri, quia nullus antiquorum Patrum meminit eius articuli fidei, qui tamen omnia tam pie & sollicitè, quæ nostræ fidei sunt, exquisierunt, nec secundum eundem egerunt aut uixerunt, quos omnes hæreticos dici nulla ratione patiar. Atq; in dies magis mihi placeo & superbus fio, quod uideo nomen pessimum mihi crescere. Veritatem enim, id est, Christum, oportet crescere, me autem minui. Plus gaudeo ad uocem sponsi & sponsæ, quam tumultum & clamorem luxuriosorum procorum metuo, Certus, quod homines, qui uidentur mihi aduersarij, ipsi non sunt malorū autores, nec eos odio habeo, Sed Behemoth ille Princeps malorū, quem per umbras suas uideo, uellet mihi formidabilia fieri, si posset, & veritatem e regno suo mei occasione exturbare,

Christus est ueritas.

Sed maior est, qui in nobis est, quam qui in mundo, quo
duce, nihil proficiet inimicus iste, Amen.

Præsens male iudicat ætas, Iudicium melius posteritatis erit.

RESOLVTIO

RESOLV : D M L SVPER PROPOSI :
RESOLVTIO D M L
SVPER PROPO : XIII DE
potestate Papæ, per Autorem locupletata.

MARTINVS LUTHERVS
Pio Lectori, salutem in Christo.



Vper Propositionibus tredecim Resolutiones meas nuper tumultuario negotio edidi, vt ferebat & temporis & occupationum mearum ratio: Ita enim cogor pene imparatus, pessimo nomini, quod mihi a multis intentatur, occurrere: Quas cum videam maiore studio peti, quam speraueram, visum est eas sub incudem reuocatas augere, vel emendare saltem, si qua digniore facie in publicum venire possint.

IN qua re, optime Lector, te primum oro, ne styli mei uarietatem mireris: Sum plane aliquando sordidior, penitusq; mei dissimilis, quod de industria facio, quod mihi non sit spes nominis & memorie diuturnæ, nec tale quippiam vnquam quæsiui. Sed sicut vi in publicum tractus sum: Ita cogito semper quam possim citius redire in meum angulum, saluo Christiano meo nomine. Habere enim puto Theatrum meum suam horam, Post me alius sequetur, si Dominus volet, vbi ego tempori meo satisfecerim.

Videor & multis paulo durior in Aduersarios, & velut modestiæ theologicæ oblitus. Hic si qua & alia vitia mea inueniantur, non magnopere deprecor culpam, quod hoc me alia causa facere non sum mihi conscius, q̃ nimio publici tædio & odio, in quod me mergunt illi, plurimum mihi preciosissimi temporis suffurantes. Deinde, quod tam præfactos & obstinatos oblatratores patior, vt e quauis syllaba mihi ignominiam, sibi victoriam nominis Christiani insidiosissime & pertinacissime quærant, vt malo nodo malus mihi cuneus necessarius videatur. Quanc̃q; videor mihi stomacho meo multam semper fecisse vim, ne facerem quæ possem. Et nescio, si molliter simul & vtiliter tangi queant, qui inueteratissima iam diu consuetudine opprobRANDI hæretici nominis, ita in iudicandis aliorum Scriptis obstupuerunt, & ad audiendam veritatem obduruerunt, suisque opinionibus obscurant, vt vix caduceo diuino quopiam excitari posse videantur.

Vt id

XIII DE POTESTATE PAPAE CCCXII

Vt id taceam, quam intollerabile sit leuiter arguere eos, qui e templo Dei speluncam latronum fecerunt, & e Scriptura Dei negotium hominum, abominationem eam e loco sancto: & Christus flagellis pepulit, & Paulus dure increpandos censuit hos vaniloquos. Nam id coguntur, velint, nolint, confiteri, sacras literas passim in vniuersalibus Studijs fuisse neglectas penitus, quantumuis sese iactent Scripturas intelligere religiosius humano aliorum sensu, quam illarum proprio. Ego mihi nolo hanc cantari cantilenam, nec saltitabo ad eam. Volo, non iudice humano die, Scripturam, sed Scriptura iudice, omnium hominum scripta, dicta, facta intelligere.

Postremo, omnium criminum nomina modeste & patienter tulisse, laus esto. At spoliū nominis Christiani, rapinam gloriæ Dei, abnegationem Christi (quod moliuntur, qui hæreticum tam facile quam temere pronunciant) agnouisse, ac non potius usq; ad sanguinem omnibus viribus reclamasse, anathema sit.

Proinde, qui me patientem desiderant, primum alio quam hæretico, perfido & apostatico nomine criminentur: Aut, quod debent, talem me esse prius conuincant. Neq; enim mihi retaliasse videor quemquam talium criminatum, etiamsi sexcentis nominibus malis eos onerasset. Hæresis enim similia sibi monstra non habet, cum sit *Hæresis.* peccatum in Spiritum sanctum. Quanquam intutus omnium Sanctorum exempla, & impotentem illorum animum, qui tam celebre hoc crimen faciunt, pene mihi persuadeo, non minus ferendum esse hæretici, quam cuiusque vitij opprobrium. Quando & Christum habere dæmonium Iudæi insaniebant, obsequium Deo se præstare arbitri. *Iohan. 8.*

Verum, utut sit, nullius Persona unquam mihi erit odiosa, qui sperem omnes nos tandem pacatos in regno Christi victuros in æternum. Causam vero Scripturæ sanctæ, si concitatore zelo egero, veniam mihi, spero, iustam non negari, quod non possit esse parvulus læsio seu iniuria, cum iniuria diuinæ Scripturæ colata. Hic enim vita nostra læditur æterna, illuc putridum nomen corruptibilis hominis. Dominus autem ipsa Ihesus regat & seruet nos omnes custodiatq; corda & intelligentias nostras,
AMEN.
 Vale, optime Lector.

GLORIA

RESOLVD M L SVPER PROPOSITIO:

GLORIA IN EXCELSIS DEO

PROPOSITIO ECCIANA.

Romanam Ecclesiam non fuisse superiorem alijs Ecclesijs ante tempora Siluestri, negamus. Sed eum, qui sedem beatissimi Petri habuit & fidem, successorem Petri & vicarium Christi generalem, semper agnouimus.

PROPOSITIO LVTHERANA.

Romanam Ecclesiam alijs Ecclesijs fuisse superiorem, probatur ex frigidissimis Decretis Romanorum Pontificum: contra quæ sunt textus diuinæ Scripturæ, Historiæ approbatae mille centumq; annorum, & Decretum Concilij Nicæni omnium sacratissimi.



Primum vides, Lector, de re ipsa nos non admodum dissentire, sed de causis & origine rei. Nam nec ego nego Romanum Pontificem esse, fuisse, fore primum, nec de hoc disputo, nec hoc quæritur: Sed, An probationes ualeant, quibus id asseritur. Mihi sane, quod fateor, maxime omnium displicet, quod in Ec-

clesia aliquid assertum studio adulationis uel mendacijs probatur, quibus Ecclesiam & fidem nostram aduersarijs ludibrio exponamus. Non eget Ecclesia Christi nostris mendacijs: Super fidei Petram stabilitur: Non abhorret discuti & inquiri. Inde factum est, ut Romanorum Pontificum adulatores in hoc primatu, iam diu suspicionem tyrannidis passi sint; dum velut male fidei Possessores, non permiserunt huius rei ueritatem libere inquirere & disputare: quod tamen in omnibus etiam diuinis rebus (modo primatum hunc non tangerent) libentissime permiserunt.

Ecclesia super Petram fidei stabilita.

Omitto itaq; Eccianam Propositionem. Primum, quod eam, ut inuidiose & subdole positam, mihi non capere uideor. Nam sine vlla causa hanc in publico mihi inuidiam mouit, cum hanc materiam in nullo meorum dictorum tractarim: sed adulator sua quæsiuit, etiam cum Fratris sui perniciæ. Deinde, q; homo suauis, Vicarium Christi & Petri successorem non asserit, nisi & fidem habeat. In quo aut insanit, aut multos Pontifices Romanos negat uicarios Christi fuisse, & fore posse, ut quos fidem habuisse nesciamus, atq; quod omnium intolerabilissimum

Ecciam Romanum Pontificem onerat.

XIII DE POTESTATE PAPAE CCCXIII

rabilissimum est, Romanis Pontificibus sanctitate & pietate necessarios eos onerat, cum apud nos ratus sit, etiam eius uicariatus & pontificatus, qui sine fide & sanctitate sit.

SEd age, lubricam hanc anguillam differam, & duo in mea Propositione faciam. Primo, adducam firmamenta, quibus primatus iste stabiliri fideliter posse mihi uideatur, ita, ut per ipsa etiam haereticis & schismaticis efficaciter resisti possit. Deinde ostendam, quod nihil faciant Decreta & probationes, quibus hucusque nixi fuerunt, qui eundem Primatum statuerunt.

DE PRIORE PRVS.

PRIum, quod me mouet, Romanum Pontificem esse alijs omnibus, quos saltem nouerimus se Pontifices gerere, superiorem, est ipsa uoluntas Dei, quam in ipso facto uidemus. Neque enim sine uoluntate Dei in hanc Monarchiam unquam uenire potuisset Romanus Pontifex. At uoluntas Dei, quoquo modo nota fuerit, cum reuerentia suscipienda est. Ideoque non licet temere Romano Pontifici in suo primatu resistere.

I.

Hæc autem Ratio tanta est, ut si etiam nulla Scriptura, nulla alia causa esset: hæc tamen satis esset ad compescendam temeritatem resistendum. Et hac sola ratione gloriosissimus martyr Cyprianus, per multas Epistolas confidentissime gloriatur, contra omnes Episcoporum quorumcunque aduersarios, sicut 3. Reg. 12. legimus. Quod decem tribus Israel discesserunt a Roboam filio Salomonis, & tamen quia uoluntate Dei, siue autoritate factum est, ratum apud Deum fuit.

S. Martyr Cyprianus.

Nam & apud Theologos omnes uoluntas signi, quam uocant operationem Dei, non minus quam alia signa uoluntatis Dei, ut præcepta, prohibita &c. metuenda est. Ideo non uideo, quomodo sint excusati a schismaticis reatu, qui huic uoluntati contraueniunt, sese a Romani Pontificis autoritate subtrahunt. Ecce, hæc est una prima mihi insuperabilis Ratio: quæ me subiicit, Romano Pontifici, & Primatum eius confiteri cogit.

Voluntas signi.

SECunda, Si iuxta præceptum Christi cedere aduersario iubemur, & qui angariarit nos mille passus, eundum est cum eo & alijs duobus millibus: Quanto magis, si Romanus Pontifex exegerit in suo Principatu cedendum, siue id iuste, siue iniuste egerit. Nam incomparabiliter minor res est, Principatus iste, quam ut unitas & charitas & humilitas propter ipsam per nos dissoluatur. Ideo non dubito peccare eos, qui in dissensionem sese tradunt, & spiritus æternam unitatem propter hanc temporalem, terrenam excellentiam fugiendam, dissoluunt. Ferenda enim sunt omnia, quæ non sunt peccata.

II.

TERTIA, Quod si propter peccata nostra nos Deus uoluerit præmere multis Principibus, sicut in Prouerbijs dicit Salomon: Nunquid resistendum est flagello Dei? Propter peccata (inquit) populi, multi Principes eius. Proinde, quando nostrum non est definire, irata ne an propitia uoluntate Deus nobis quoscunque Principes dederit, hoc nostrum est,

III.

Consilium Dei non definiendum.

GG

uolunta.

RESOLVENDUM SUPER PROPOSITIONE

uoluntatem eius pro simpliciter timore suscipere. Quo modo, etiam si sub Turca nos esse uellet, Turcæ subesse libenter deberemus.

IIII.

Quarta, Rom. 13. Apostolus dicit, Omnis anima potestatibus sublimioribus subdita sit. Non enim est potestas, nisi à Deo: Quæ cunctæ autem à Deo sunt: ordinata sunt. Itaque, qui resistunt potestati, Dei ordinationi resistunt: qui autem Deo resistunt, ipsi damnationem sibi acquirit. Hac certe omnium robustissima, quantum ego capio, causa, nos Romano Pontifici subiecti sumus, in qua clare asserit, nullam potestatem nec esse quidem posse, nisi à Deo. Cum autem Romani Pontificis potestas iam sit robustissime stabilita, ut uideamus, certe non oportet Dei ordinationem hanc impugnare: sed quanta quanta est, humiliter sustinere, etiam si iniusta esset: & iudicium Deo relinquere.

V.

Humana creatura.

Quinta, Est B. Petrus docens, Vt subditi simus omni humane creature, quia sic est uoluntas Dei. At humanam creaturam uocat Magistratus, hominum arbitrio institutos, ut clarum est ex sequentibus, ubi dicit: Siue Regi tanquam præcellenti, siue Ducibus, tanquam ab eo missis. Cum autem & Romani Pontificis potestatem arbitremur, humano Decreto statutam, & ordinante Deo sic roboratam: sine crimine non est, qui sese sua autoritate subduxerit.

VI.

Sexta, Ad hoc facit unus ille consensus omnium Fidelium, qui hodie sub Romano Pontifice sunt. Nam, cum potestas illa sit res temporalis & longe submittenda unitati Fidelium: non sine foedissimo crimine esse poterit, si propter rem temporalem, hunc tot fidelium communem sensum despexerit, hoc est, Christum negauerit: & Ecclesiam contempserit. An possibile est, Christum non esse inter tot ac tantos Christianos? Si autem Christus ibi est & Christiani: cum Christo & Christianis standum est in quacunque re, quæ contra Dei præceptum non fuerit.

Hæc, inquam, ratio fortis est, & insolubilis. Et ex ijs possunt multæ aliæ formari: Quin huc potest uniuersa Scriptura duci, ut quæ ubique charitatem, humilitatem, unitatem spiritus, & timorem Dei commendat, non uiolandas esse, pro ulla re mundi, nedum pro unius uno Pontificatu uel primatu, etiam si solo iure humano esset institutus. Et hac Ratione, ut mihi uideor, longe melius stabiliretur Romani Pontificis monarchia: si uoluntatem Dei & consensum Fidelium, non tantum subditi, sed & Romani Pontifices attendere & timere cogerentur, quam, dum uelut iure diuino teneant, ut & terrore extorquent, non nisi odium sibi accendunt in subditis: & sese per securitatem in tyrannidem paulatim confortant.

DE POSTERIORE.

Quod Probationes hucusque habitæ, nihil sint, tripliciter ostendam. Primo, Scripturas adductas dissoluendo. Secundo, Canonum seu Decretalium inefficacem probationem. Tertio, Rationes robustissimas adducendo.

Ad primum duæ sunt autoritates Scripturæ, quibus creditum est, stabiliri primatum Romanæ Ecclesiæ.

PRIMO

XIII DE POTESTATE PAPAE CCCXIII

Mat. 16. **P**rimo, Adducitur illa autoritas Matth. 16. Tu es Petrus, & super hanc petram ædificabo Ecclesiam meam, Et tibi dabo claves regni coelorum &c. Ex hoc enim textu clamant, Petrum solum accepisse Claves præ cæteris Apostolis.

Tu es Petrus.

Sed quod hæc nihil ad hoc faciant, probo.

Primum, quod ipsimet Iuristæ primatus huius assertores, recedunt ab hoc sensu, & negant hoc uerbo, Petro datam primitatem, consequenter & Romano Pontifici, Sicut gloss. in c. considerandum, dist. 50. Et Panormitanus de elect. c. Significasti, unde dicunt, Non hoc uerbo, sed illo uerbo, Pasce oues meas, Petro esse collatum pontificatum Ecclesie.

Pasce oues meas, Iohan. 21.

Si ergo ipsis Iuristis licet negare tot Textus expressos Decretorum, & dissentire omnibus, quæ distin. xvij. xvij. xix. xxi. xxij. tam copiose & pertinaciter ex hoc uerbo Matth. 16. statuuntur, Cur mihi non liceat frigidissima Decreta appellare Theologo, cum ea negare & annihilare liceat Iuristis? Persequantur primum seipsos, maioris criminis reos, aut, si ueniam merentur Decretorum negatores & cassatores, sine peccato erit, qui inefficaces asserit, & frigidas Decretorum probationes. Neque enim ego ea negaui, sicut illi, sed frigere tantum ad probandum dixi, sicut reuera frigent, Nisi quod ad locupletandum locum ualent, exemplo eorum, quæ per uim dicuntur, & in alienam sententiam trahuntur.

Nihil ergo probatur hoc textu, à quo ipsimet discedunt. Nihil istis Decretis probatur, quæ ipsimet negant, neutrisque confidunt. Et mouentur ad hoc satis forti Ratione, quæ aduersarios reddat inuictos, scilicet hac, Quod Christus (ut etiam B. Hiero. eodem loco exponit) non tradit Petro claves, sed promittit duntaxat. Ideo currendum esse ad locum, in quo tradit claves, Et tunc inuenitur illud Iohannis ultimo, quod non ad Petrum, sed ad omnes dicit: Accipite Spiritum sanctum, quorum remiseritis peccata &c. Ex quibus uerbis liquet, non solum, quibus in Petro claves promiserit (nempe toti Ecclesie) sed etiam quid per claves promissas intelligi uelit, nempe, remissionem & retentionem peccatorum.

Accipite Spiritum sanctum Ioh. 21.

Secundo, Quod idem uerbum Christi male Decreta aptant soli Petro & Romano Pontifici. Nam apud S. Patres, Christus hoc uerbum dixisse ad Ecclesiam & omnes Apostolos, in persona Petri, asseritur. Quorum primus est D. Hieronymus, qui hoc loco interpretatus uerbum Petri, dicit: Petrus ex persona omnium Apostolorum constitetur, dicens: Tu es Christus filius Dei uiui. Et in hoc sequitur suum (ut solet) Origenem, qui idem eodem loco sentit.

D. Hieronymus.

Tu es Christus filius Dei uiui.

Matth. 16.

Chrysostomus.

Chrysostomus autem, etsi hunc locum totum in Petri laudem trahat, dicens eum caput & Pastorem constitutum Ecclesie futuræ, & toti Orbi præpositum: Tamen & ipse uocat eum os Apostolorum, quod uice omnium responderit, dicens: Petrus omnium Apostolorum os, & uertex consortij totius, cum omnes interrogati essent, ipse solus respondet. Ergo non solum ad Petrum iste locus pertinet, sed ad omnes, etiamsi primus & princeps inter Apostolos ipse fuerit.

B. Augustinus Psal. 109. Sicut quedam dicuntur, quæ cum ad Apostolum Petrum

Augustinus.

GG ij

lum Pe

RESOLVENDUM SUPER PROPOSITUM

Tibi dabo claves regni coelorum.

lum Petrum proprie pertinere uideantur : nec tamen habent illustrem intellectum , nisi cum referuntur ad Ecclesiam , cuius ille agnoscitur in figura gessisse personam , propter primatum , quem in Discipulis habuit. Sicuti est : Tibi dabo claves regni coelorum , & si qua huiusmodi. Ita Iudas personam sustinet quodammodo inimicorum Christi &c. Vides , quod claves Ecclesiae in persona Petri datas asserit. Idem lib. 1. de doct: Christiana. c. 17. Has igitur claves dedit Ecclesiae suae , ut quaecumque solueret in terra , soluta essent in coelis.

Et cur non nos ipsi potius textum & uerba Christi consideramus , qui nos clarius per seipsum instruet ?

Dicit itaque : Venit Ihesus in partes Caesareae Philippi , & interrogavit discipulos suos : Quem dicunt homines esse filium hominis &c.

Matt. 16.

B. Hieronymus.

Ubi significanter B. Hieronymus. observat , aliter Christum interrogasse de se , quando hominum , aliter quando Apostolorum sententiam quaesivit. Illos uocat homines , hos autem Deos esse significat. Deinde de hominibus quaerens , Filium hominis se appellat , uelut uago nomine. At ex Apostolis quaerens , me , inquit , certam & singularem personam monstrans. Atque ubi de hominibus quaerit , nullus designatus Discipulus respondet. Ad significandum , quod sine nomine sunt , qui indigna de Filio Dei sentiunt. Quibus adde & hoc , quod opiniones inconstantes sunt hominum de Christo. At ubi Apostolos de se interrogat , ibi designatus unus certus respondet , & constantem absoluit & pronunciat fidei confessionem , ut ueram Christi cognitionem in unitate & firmitate consistere , non multorum opinionibus , uelut arundinem agitari , doceret. Vides ergo adhuc nihil ad Petrum proprie pertinere , nisi quod commune organum est , omnium Apostolorum.

Petrus commune organum omnium Apostolorum.

Iam illud uide , quod & a Laicis observatum ipse didici (est etiam in Laicis spiritus Christi) uerbum hoc Christi non posse ad solum Petrum dictum intelligi , quia Christus non solum Petrum , sed omnes Apostolos requisivit dicens : Vos autem , quem me esse dicitis ? non dixit : Tu Petre , quem me esse dicitis ? Nisi ergo per Petrum omnes Discipuli respondissent , certe Discipuli non fuissent , nec Magistrum audissent , nec satisfecissent interroganti , quod est impium de Apostolis sentire.

Vos autem , quem me esse dicitis ?

Relinquitur ergo , quod Christus responsum Petri acceptarit , non pro solo Petro , sed pro toto collegio Apostolorum & discipulorum , Alio qui & alios quoque denuo interrogasset.

Ex quibus ulterius sequitur , Quod sicut Christus personam respondentis Petri pro omnibus acceptat : Ita sequenter quoque non ad solum Petrum , sed ad omnes , quorum persona Petrus loquitur , dicat , Tu es Petrus , Tibi dabo claves &c. Alioqui Scriptura non recte intelligitur , nisi praecedentia & sequentia recte conferantur.

Tu es Petrus.

Beatus es Simon Bariona .

Atque ut hoc eo sit certius , non soli Petro a Christo aliquid dictum esse , exponit seipsum Christus , cui loquatur , & cui tradat claves , dicens : Beatus & Simon Bariona , caro & sanguis non reuelavit tibi : sed Pater meus , qui est in coelis. Obsecro , quid hic potest contra uel fingi , quid apertius dici , quam quod Petrus in hac persona non est Petrus , non est caro , neque sanguis ? Sed est is , cui reuelat Pater , Omnino Petrus extra hominem ponitur , & iam non est ulla persona per se , sed reuelantis Patris auditor.

Non Si

XIII DE POTESTATE PAPAE CCCXV

Non Simon Bariona hæc respondet, Non caro & sanguis, sed reuelationis Paternæ auditor. Poteſt ne hic calumniator ullus uerbum Christi ad Petrum hominem torquere? Quid ergo? Is qui auditor est paternæ reuelationis, huic dantur Clauēs; non Petro, non filio Iohannis, non carni & sanguini.

Quod si ita est, prouum iam sequitur, quod nulli priuato homini datæ sunt Clauēs, sed soli Ecclesiæ. Quia de nullo priuato homine certi sumus, habeat, nec ne, reuelationem Patris. Ecclesia autem ipsa est, de qua dubitari non licet; Cum sit corpus Christi, una caro, eodem spiritu uiuens, quo Christus. Ipsa est Petrus ille auditor reuelationis, & acceptor Clauium. Quia sic symbolum stat firmiter: Credo Ecclesiam sanctam, communionem Sanctorum, non, ut nunc aliqui somniant: Credo Ecclesiam sanctam, esse Prælatum, uel aliud quod fingunt. Totus mundus confitetur sese credere Ecclesiam sanctam Catholicam aliud nihil esse, quam communionem Sanctorum. Vnde & antiquitus articulus ille, Sanctorum communionem, non orabatur, ut ex Ruffini symbolo exposito uidere licet. Sed glossa aliqua forte, Ecclesiam sanctam catholicam exposuit esse, Communionem Sanctorum. Quod successu temporis in textum relatum, nunc simul oratur. Sed o necessarium & optabilissimum factum, propter eos, qui Ecclesiam hodie quiduis uocant, quam communionem Sanctorum.

Clauēs datæ Ecclesiæ, nulli priuato homini.

Ecclesia sancta catholica.

Sequitur autem: Et super hanc petram ædificabo Ecclesiam meam. Si per hanc petram intelligimus potestatem Papæ, uide quid facimus. Primum sequitur, quod Ecclesia primitiua Apostolorum non fuit Ecclesia, quia Petrus (ut solidis probem Argumentis) anno decimo octauo adhuc fuit Hierosolymis, nec dum uiderat Romam. Quod ex Paulo ad Galatas clarum sit, qui scribit, se post conuersionem sui abiisse primum in Arabiam. Deinde post annos tres, uenisse Hierosolymam, uidere Petrum. Ac postea, post quatuordecim annos ascendisse, & contulisse cum Iacobo, Petro & Iohanne Euangelium præputij.

Et super hanc petram &c.

Quis autem ita insaniat quæso uel Orestes, Ecclesiam Hierosolymitanam, & Catholicam, non fuisse Ecclesiam, Quia potestas Romanæ Ecclesiæ nondum fuit nec forte fides eius. Non ergo super Petram, id est, potestatem Romæ Ecclesiæ; sicut Decreta quædam exponunt, sed supra fidem à Petro, sub totius Ecclesiæ persona confessam, ædificata est, cum & uniuersalis & Catholica ecclesia, tanto tempore ante Romanam ecclesiam fuerit.

Hierosolymitana Ecclesia.

VLterius Matth. XVIII. in plurali numero dicit, non ad Petrum, non ad Apostolos, sed ad Ecclesiam, dicens:

Si Ecclesiam non audierit &c. Matt. 18.

Si Ecclesiam non audierit, sit tibi sicut Ethnicus & Publicanus. Amen dico uobis; Quæcunq; ligaueritis super terram; ligata erunt & in coelo.

Accede nunc, qui uoles, & hunc cum illo loco confer. Ille sonat, soli Petro datas clauēs; hic negat, & non soli datas asserit. Quomodo utrumq; stabit? Concordandum utiq; est utrumq; uerbum, quod idem Christus dixit. Si soli Petro collatæ sunt, mendacium est, quod hic dicit omnibus collatas. Quis autem non uideat, hunc posteriorem locum esse interpretem prioris, & in hoc rem esse clare expositam. Illic uero in Petro uni-

GG iij tatem

RESOLVENDUM SUPER PROPOSITUM

claves Ecclesie datus.

tatem multorum in Ecclesia commendatam. Perspicuum est itaque, claves esse Ecclesie datas, nec est quod huic loco possit opponi, quando dicit. Dic Ecclesie, Si Ecclesiam non audierit. Non dicit, Dic Petro, si Petrum non audierit &c.

Tu es Petrus.

Si peccaverit in te &c.

Quin uide quoddam mirabile. Illic incipit ab omnibus, dicens. Quem uos me esse dicitis, & finit in uno Petro, dicens, Tu es, & tibi dabo. Hic contra incipit, ab uno dicens, Si peccauerit in te frater tuus &c. & desinit in omnibus, dicens, Quaecumque ligaueritis &c. Nonne clarum est, per unum Petrum illic idem uoluisse, quod hic per uniuersos, & Claves non esse ullius hominis singularis, sed Ecclesie & communitatis, ut firmum sit, Sacerdotem non suo iure, sed ministerio (quia Ecclesie minister est) Ecclesie clauibus uti, nec tanquam suis aut sibi, sed Ecclesie traditis.

Verus clauis usus.

Credo iam hæc ferme, fidem factura hanc Matthei auctoritatem, neque ad Petrum neque ad Successorem, neque ad unam aliquam Ecclesiam, sed ad omnes Ecclesias pertinere. Quia (ut dixi) quis poterit negare, illi esse Claves traditas, qui reuelante Patre Christum confitetur? Quo posito, necesse est, ut ubi sit reuelatio Patris & confessio Christi, illic & clauis. At hæc in qualibet Ecclesia est, non autem in ullo uno singulari & incerto homine.

Vade post me Satana.

Quod, ut Christus nobis commendaret, statim post gloriosam istam Petri commendationem, cum eum Petrus prohibuit, ne moreretur, audiuit: Vade post me Satana, non enim sapis ea, quæ Dei sunt. Quid hoc est? non sapis Petrus quæ Dei sunt? nonne Pater reuelauit ei? Si hæc ante commendationem Petri facta fuissent, aliquid momenti haberent, Petrum pro sua & Successorum aut unius Ecclesie persona fuisse commendatum, At nunc, cum post commendationem uituperetur, ut ignarus Dei, clarum sit, illum superiorem Petrum, qui clauis accepit, non fuisse Petrum filium Barlona, sed Ecclesiam filiam Dei, quæ uerbo Dei genita, uerbum Dei audit & confitetur perseveranter in finem, non aliquando non sapiens quæ Dei sunt, & retro abire iussa, sicut Petrus.

Tibi dabo clauis &c.
Vade post me Satana.

Aut, si hoc ad Romanum Pontificem & Ecclesiam pertinet, quod ad Petrum dicitur: Tibi dabo clauis, iam irrefragabili sequela etiam ad eandem & illud pertinebit: Vade post me Satana, non enim sapis quæ Dei sunt, Quia & hæc ad Petrum Romanæ Ecclesie futurum Episcopum dicta sunt. Aut, si hæc non ad se pertinere putant, iam nulla ratione conuincere possunt ea, quæ superius dicta sunt, ad se pertinere.

Tu es Petrus.

Cum iunior esses &c.

Sed age latius, Si omnino ad rigorem istum grammaticum se recipiunt, quod soli Petro dictum est: Tu es Petrus, Tibi dabo clauis &c. Quomodo resistemus hæreticis, si qui hoc nostro rigore uerborum nixi, nos urgeant & dicant: Esto, ad solum Petrum hæc dicta sunt, Ergo non ad Successorem, Ergo Ecclesie clauis cum Petro uenerunt & abierunt. Vbi ergo nunc Ecclesia? Non enim ad plures pertinere potest, quod ad unum dicitur, sicut illud: Cum iunior esses, cingebas te &c. quod ad solum Petrum ita dictum est, ut cum Petro impletum & finitum sit, ad nullum Successorem eius pertinens.

Iohan. 21.

Si autem ad Successorem & aliquam Ecclesiam dictum est, iam nulla Ratione prohiberi potest, quin ad omnes dictum sit, Imo necessaria ratione ad Apostolos omnes, qui præsentibus erant, magis, quam ad unius Petri suc-

tri successores, qui nondum erant, dictum accipietur. Quod si ad omnes Apostolos, iam etiam ad omnium Apostolorum, & non unius Apostoli successores dictum intelligitur.

Sed respondeat tamen mihi qui potest, Quis nam credendus sit habere claves, etiam in Romana Ecclesia? An ipsa Ecclesia an Papa? & attende quod dico. Quando Papa eligitur, an secum affert claves an non? Si affert, ergo erat Papa antequam eligeretur, Si non affert, a quo accipit? nunquid ab Angelo de coelo? nonne ab Ecclesia? Item quando Papa moritur, cui relinquit claves? aufert eas secum? Si non aufert, cui relinquit nisi Ecclesiae, a qua accepit? Quid igitur potest dici contra hanc evidenterissimam experientiam, optimam Evangelij interpretem, Claves, nec Petro, nec successori, sed soli Ecclesiae datas, a qua tanquam minister accipit, usus eis sacerdos. Vbi nunc est, quod soli Petro dictum esse putatur: Tibi dabo claves, imo, ubi nunc est, quod soli Ecclesiae Romanae claves datae sunt? Neesse est, ut in qualibet Ecclesia claves sint, ut dixi supra.

Claves nec Petro, nec successori, sed soli Ecclesiae datae.

Rom. 4. **A**Dhuc unum dicam, & utar Apostoli Pauli argumento, Ro. 4. Ubi probat ex circumstantia temporis & facti, Abraham non ex circumcisione, sed ex fide iustificatum. Nulla alia ratione usus, quam quod Abraham ante circumcisionem fuerit iustus apud Deum per fidem. Si hoc eius Argumentum valet, sicut necesse est valere, Neesse erit & hoc valere, quod nunc produco in hunc modum: Petrus, quando claves accepit a Christo (si omnino personam eius solam contendis accipere) nondum erat Episcopus urbis Romae (imo proprie nunquam fuit Episcopus ullius civitatis, sed Apostolus, Episcoporum institutor, maior omnibus Episcopis) Sed erat unus inter Apostolos. Ergo claves non sunt ei datae, secundum quod postea vel factus vel mutatus est, vel loco vel officio. Sicut Abrahae non est iusticia reputata, qualiscunque post fidem factus est. Sed prout fuit Apostolus tantum, & praesertim habens Patris revelationem, Quare prorsus nihil haec autoritas ad Romanum Pontificem pertinet, etiamsi soli Petro dicta fuisset, Quanto nunc minus pertinet, quando nec soli Petri personae dicta conuincitur.

Abraham non ex circumcisione, sed fide iustificatus.

Rom. 4. **A**DDo & aliud similis formae Argumentum, quo Paulus Rom. 4. & Gala. 3. utitur, dicens: Quod sicut Abrahae ex fide reputata est iusticia, Ita & omnibus qui credunt, reputabitur iusticia. Quare & his sicut Petro habenti revelationem Patris, & Christum confitenti, Claves dantur, Ita necesse est, omni similiter confitenti & revelantem habenti Claves donatas esse, Quod nulli nisi Ecclesiae, id est, communioni Sanctorum convenire potest, cum nullus singularis fidelis, constanter & certo ac perseveranter habere possit hanc confessionem, cum nec Petrus ipse in eadem perseverarit, Quia non modo aliquando, sed mox post acceptas Claves erravit, Et tamen non sunt ei Claves rursus ablatae, quia non in sua, sed Ecclesiae persona eas accepit. Quod si haec Argumenta non concludunt, nec illa Apostoli Pauli, quae allegata sunt.

Ecclesia Sanctorum a communio.

Verum, ut opinionem contrariam penitus iugulemus, Age, si ista verba: Tibi dabo claves &c. ad Petrum & successorem eius pertinent, Neesse erit, ut & praecedentia & sequentia, ac ui sententiae cohererentia, ad eisdem pertineant. Non enim in sacris Evangelij uerbis admittendi sunt, qui pro arbitrio sensus sui, partem huc, partem illuc torquent & rapiunt, Sed ex consequentia sensus & uerborum & ex circumstantijs intelligentia referenda est, iuxta Hilarii documentum.

Tibi dato claves regni caelorum.

S. Hilarius.

GG iij

Cum

RESOLVD M L SVPER PROPOSITIO

Cum igitur Christus Claves noluerit tradere ; nisi prius omnibus Discipulis de sui Confessione exploratis. Deinde non nisi accepto & approbato responso Petri ; ex reuelatione Patris loquentis ; clarum est , Claves non esse ; nisi eius qui talis est , qualis tunc Petrus fuit. Quo sequitur absurdissima absurditas ; quod malus Papa uel Episcopus non esset Papa nec Episcopus. Quia non haberet fidem , quæ constituit acceptorem Clauium.

Deinde sequitur ; contra textum & sensum eorum ; Quod nec Petrus Claves acceperit aut retinuerit. Quia Christus dicit , Quod portæ *Portæ inferi non præualebunt aduersus Ecclesiam.* Inferi non præualeant aduersus uel Ecclesiam uel fidem , quam tunc Petrus tenuit. At contra Petrum præualuit etiam ancilla ostiaria. Si itaque illorum sententia staret ; necessaria omnino sequela sequetur : Aut Romanos & omnes Pontifices oportere esse sanctos , & habere Patris reuelationem , nec esse carnem & sanguinem. Aut eos non esse Pontifices , nec habere claves. Nec uideo , quid contra hæc dici possit ; cum stet tam clarus textus ; Quod claves sunt datæ , non nisi ei , qui carnem & sanguinem non audit ; sed Patrem cœlestem , hoc est , sanctum & iustum in spiritu. Alioquin omnis Pontifex est Satanas ; non sapiens quæ Dei sunt.

At , si hoc dicimus ; iam hæreticorum nouorum & antiquorum Donatistarum errorem renouamus , Qui malum Episcopum non esse Episcopum asseruerunt ; quod absit a nobis ; qui sanctæ & iustæ Ecclesiæ ministrum impium & malum esse posse confitemur. Ita fit , dum per hæc uerba , uolunt ex Romano Pontifice solum ; & omnem ; & uniuersalem Pontificem facere , nullum pontificem , nobis relinquant , ut uideant , quo stipendio Scripturas uiolenter adulescentes & ambitiosi.

Reliquum ergo est , Euangelium hoc loco , nec ad Petrum , nec ad successorem eius , nec ad ullum Episcopum aut ullum hominem singularem pertinere ; sed ad communionem Sanctorum , quæ est Ecclesia , hæc deinceps potest Claves committere , tum digno , tum indigno. Indigno inquam , coram Deo. Quia nescit , utrum dignus Deo , alioquin non nisi digno coram hominibus committere debet.

Quare satis patere arbitror , quando Decreta quædam hunc textum ad Romanam sedem & Pontificem trahunt , non modo frigidissime (quod modeste dixi) sed etiam contrarie sensui euangelico uerbum Christi tractare , quod clarius faciemus , quando ea inferius examinabimus. Interim de hac Autoritate , satis sit in summa dictum. Quod si cui Claves arrogantur , huic necessariam quoque esse fidem Petri. Quod si fides Petri necessaria esse negabitur ; eadem ratione , negabitur & Claves esse ei datas , cum utrumque copulet & exprimat , imo fidem magis , & primo quærat Christus. Quare non nisi de Ecclesia Christum esse locutum clare intelligitur , nec de una aliqua , sed de qualibet , in qualibet parte mundi.

*Simon diligis me
Eccl. Johan. 21.* **S**ecundo , adducitur illud Iohan. ultimo : Simon diligis me , Pasce oues meas. Hoc enim , quia ad solum Petrum dictum putatur , ipsum super omnes constitutum arbitrantur. Verum , quod & hæc nihil efficiat , ostendo. Primo , quia certissimum est ; a Petro nullum Apostolorum esse uel creatum uel missum. Quare nec uerum , nec possibile est , Petro omnes oues esse commissas ; Sed generali sententia omnibus dictum : Pasce oues meas. Non enim dicit omnes ; sicut ad omnes Apostolos dicit : Ite in orbem uniuersum , & docete omnes gentes.

Verum,

Verum, ego non possum satis admirari, quod tot ac tanti uiri, contra tam expressas Scripturas, tam euidentem experientiam, omnes oues Petro arroganti, qui tamen unanimiter confiteri coguntur, singulos Apostolos in suas sortes esse missos, & Paulum de coelo in Apostolatum gentium uocatum, In quibus omnibus, quomodo Petrum adhuc omnium Pastorem asserere audemus? qui nullum illorum misit, praesertim Paulum, ut ad Galat. 1. multis uerbis contendit. Sunt haec tam aperta, ut confutatione opus non uideatur. Illi, inquit Marcus, profecti, praedicauerunt ubique.

*Singuli apostoli in
suis sortes misit.*

Sequitur ergo, aut Petro & successori suo non esse omnes Christi oues commissas: Aut oues, quas non Petrus, sed Paulus & ceteri Apostoli pauerunt, ad oues Christi non pertinere. Quo quid blasphemius? Ergo Corinthij, Galatae, Philippenses, & aliae Gentes, quia nec pascentem, nec Pastores mittente Petro, pastae sunt, oues Christi intelligendae non sunt. Sed quid moror in re tam aperta?

Si dicis: At uerbum Christi ad solum Petrum dicit: Pasce oues meas. Respondeo: Non dixit, omnes oues meas, alioqui peccasset Petrus, si non omnes pascisset solus, sine ceteris Apostolis. Peccaret etiam hodie Romanus Pontifex, quod non pascit, nec Pastores mittit ad Turcas & alias Gentes.

Pasce oues meas.

Quin aliud dicam: Ex isto uerbo nihil potest cogi aliud, quam ut Petrus pasceret oues, quae fuerunt ex ouili Iudaeorum, & sic nihil ad eum pertinet, nec ad Romanum Pontificem & successorem eius: Aut non ad solum eum pertinet. Quod ex Apostolo Paulo Gala. 2. probo, ubi Petrum uocat Apostolum circumcisionis, & se Apostolum Gentium. Ergo si quis pertinax esset, nulla ui posset cogi, hoc uerbo Christi aliud intelligi, quam pasturam ouium, quae fuerunt ex circumcisione: Aut, si extenditur ad Romanum Pontificem, iam nec prohiberi potest, quin ad omnes pertineat, & extendi pari negotio ad omnes queat.

Oues ex ouili Iudaeorum.

Secundo, ego rogarem, ut adulatorem Romani Pontificis omitterent hoc terribilissimum uerbum, allegare, pro statuendo primatu eius. Neque enim terribilius ego uerbum in tota Scriptura legi, quod Romanum Pontificem & omnem Pontificem magis terrere possit. Primum, quia si pasce- re non significat id, quod esse primum aut principem, ideo ex ipso nihil aliud probatur, quam quod Romanus Pontifex debet praedicare, docere, & uerbum Dei. Quod si hoc debet, iam ei deponendus est totus iste Primatus, die ac nocte in literis sacris uersandum, pure orandum, periculis & morte pro uerbo laborandum. Breuiter, tota Roma ut hodie est, longe in aliam faciem mutanda. Desinant ergo, propter Deum, uerba Christi spiritualissima, suis cupiditatibus aptare. Haec enim si Romano Pontifici aptantur, sequitur irrefragabiliter necessarium esse, ut doceat uerbum: Aut, si non docet, nihil ad eum pertinet.

Pasce quid.

Verum, magis obserua, Christus non imponit pasturam Petro, nisi prius diligat. Obsecro te, quid hoc est? Nonne sequitur, quod si non diligat, non sit audiendus? At quis nos certos faciet, de amore Pastoris? Dubitabimus ergo, quem nam audiamus? Nam si audire nobis Pastorem necesse est, etiam illi amare Christum necesse est. Aut, si amare Christum non est necesse, nec audire Pastorem necesse est, cum utrunque Christus copularit, nec pasturam, nisi amanti commiserit. Quid hic faciemus? scio, quod si recte pensaret hoc uerbum Christi quilibet Episcopus, desperaret, se medium unius Ciuitatis pascere posse.

*Pasturam Christus
non committit, nisi
amanti &c.*

Igitur

RESOLVENDUM SUPER PROPOSITO

*Episcopus non est,
qui non docet &c.*

Igitur hoc effectimus, quod ista Autoritate nihil probatur, nec valet ad probandum primatum. Si autem aliquid facit, tunc hoc urgebit, non esse Episcopum in Ecclesia, qui non doceat, nec docere aliquem debere, nisi diligat. Hoc, inquam, & non aliud ista verba concludunt, nisi nova Grammatica usus dicas: Si diligis me, pascere oves meas; idem sit, quod, si diligis te, esto primus super totam Ecclesiam.

Dilectio Christi.

Rectius ergo facies: Si hoc verbum Christi accipias pro exhortatione, imo præcepto, non quo oves ad subiectionem, sed quo Pastores ad diligendum Christum & pascendum populum astringantur. Porro dilectio Christi (ut B. Augustinus hic exponit) etiam mori pro ouibus Christi requirit.

*Quærela totius dy-
bis.*

Atque utinam hoc verbum ad se pertinere crederent Romani Pontifices. Hæc est enim totius Orbis quærela, quod dilectionem & doctrinam alijs relegantes, ad se nihil putant pertinere. Intelligunt enim, hæc verba ad populum pertinere, ut per quæ cogere ad subiectionem omnes volunt: & tamen pascua & auditum verbi (quod verba sonant) nemo ex eis intelligit. O felix ambitio, si quis utquam inueniretur, qui omnium Pastor esse ambiret. Quis hunc non libentissime admitteret? Nunc autem libenter permittunt cuicumque diligendi & pascendi officium, sibi vero Titulum diligendi & pascendi, & quæ Titulum sequuntur, lucra scilicet & honores, reseruant. Desine itaque à verbis Christi torquendis. Quia ea, quæ per hoc Pontifici tribuis, penitus aufeunt: & omnia ea imponunt, quæ non tribuis, & ille quam maxime exhorret.

Illudere Scripturæ

At dicis: Pascere non potest, nisi sit superior. Ergo, licet non faciat officium Pastoris, non per hoc superioris amittit locum. Respondeo. Quid hoc ad me? Quære ergo alia verba, quibus locum potestatis asseras. Hæc verba, aut amantem & pascentem requirunt, aut prorsus nulli conveniunt, nisi iterum nova latinitate, diligere plus his, accipias pro eo, quod est, præesse cæteris omnibus. Et pascere, omnium iura & opes possidere. Proinde nihil mirum, si primatum tanto astu quærunt, quem si verbis in suo significato acceptis, gerere deberent, nec Deum ipsum pro præmio essent expectaturi. Vides ne ergo, quid sit illudere Scripturas, seu, ut modestius dixi, ex frigidissimis Decretis, primatum hunc probare?

Sequitur ex ijs, quod præesse cæteris, & nec diligere, nec pascere, non est evangelicum, neque Christianum officium, sed mundanum & humanum. Dic mihi, si subditi erecti aduersus Pontificem dicerent: Nolumus te audire, nec habere pro Pontifice, quibus uelles eos verbis compescere? Nunquid his? Pasce oves meas? At ipsi dicent: Quando autem pascis? quando diligis? ubi opus & res huius verbi? Ergo alio verbo cogendi essent, non isto. Quare sequitur quoque, quod his verbis, nec ulla potestas, nedum Primatus committitur, sed potestatem habenti, officium diligendi & docendi imponitur, sicut Petro iam in Apostolatum uocato, hæc dicuntur.

Pasce oves meas.

Et hoc est, quod istos adulatores, verborum Christi oscitantes & stertentes Lectores, ab intellectu sano propellit, quod non discernunt, verbum officij & potestatis. Vocatio Petri fecit eum primum, & qualem ipsi uolunt statuere. Sed impositio officij, per verbum pascere, nullum ei maiorem gradum contulit, nec conferre potuit, nisi dicant: Petrum super seipsum etiam eleuatum per verbum, pascere.

*Per alium docere
& diligere &c.*

Dicis autem: Sufficit, quod per alium doceat & diligat, non est necesse, ut per

XIII DE POTESTATE PAP CCCXVIII

ut per se solum faciat. Respondeo : Admitto, sed hoc isto uerbo Christi non traditur : & alio uerbo hanc licentiam adiri oportet. Hoc uerbum in superabiliter concludit, Aut Pastores esse debere, etiam per seiplos amantes & docentes : Aut, si non per seiplos amant & docent, nihil hoc uerbum ad eos pertinere. Atq; ita nihil probatur ex ipso, pro monarchia Romana, sed potius contra pugnatur. Cum tot amari & pasci ab uno, sit impossibile.

Vidimus quidem officium diligendi & pascendi à Pontificibus Romanis tradi Episcopis, retento titulo pastoris & amatoris; & Episcopi eodem nomine seruato, tradunt Curatis, Curati Capellanis, nomen per omnes transit & hæret : officium transit, & in nullo hæret. Sed & Fratres mendicantes sumpto ab illis officio, strenue eos imitantur. Maiores & Magistri officium docendi fratribus Terminarijs imponunt, ipsi nomine officij contenti. Adeo molestum est uerbum Dei docere, diligere & pascere, propter quod unum Filius Dei uenit in mundum, misitq; Spiritum sanctum : & omnia fecit, ut officium hoc esset officiosissimum.

Curati.

Docere, diligere, pascere molestum est &c.

Quod si satis est, per alium docere, quid amplius facit Episcopus, quam Laicus? Nonne uel Turca potest iubere aut permittere, ut alius diligat ac pascat? Quid Ergo necesse fuit Petro, tot uicibus repetitis, mandare hoc officium, & tam instanter urgere? Est iste modus Euangelij interpretandi : Pasce oues meas, id est, permitte, iube, ut alius pascat? Si ille, alius item per alium pascat, & tertius per quartum, ac sic sine fine, usq; ad neminem, ubi manet uerbum Christi? Aut qua decentia cæteri sequaces pascunt, quando Primores, & qui plus ijs debent, non pascunt? Cur Christus non fecit idem? cur Petrus non etiam ociatus per alios pauit?

Pasce oues meas &c.

Igitur, si ista uerba ad Pontificiam potestatem cogas seruire, in nerum res tua ibit : Et concludes à tempore Gregorij Magni, non fuisse Pastorem in Romana Ecclesia. Hic enim fere ultimus est eorum, qui sacras literas tractauerunt. Quare, si gloriaris dictum esse Petro : Diligis me plus ijs, bene, fac hoc & uiues, dilige plus cæteris, pasce plus cæteris. Et induentur arietes ouium, & ualles abundabunt frumento, clamabunt, & hymnum dicent. Quod si per diligere plus his, intelliges, maiorem te alijs esse, iam uerbo Christi alienam intrudis intelligentiam. Non enim aliquid iubetur subditis, per hæc uerba, sed Petro. Non dicit : Estote oues sub Petro; sed : Petre, pasce oues : Et tamen illud uolunt, hoc nolunt.

Gregorium Magnum. Diligis me plus his?

Credo itaq; manifestissimum esse, has duas Euangelij autoritates nihil ad rem facere : & frigidissimum atq; inefficax esse, quidquid hucusq; per ipsas in hac re formatum est. Ex ijs iam facile est, Decreta ipsa iudicare, quam infirmiter sua probent. Quod ut clarum faciam, aliquot adduco.

Primus est Leo dist. xix. c. Ita Dominus noster, inquit, Iesus Christus humani generis Saluator instituit, ut ueritas, quæ antea Legis & Prophetarum præconio continebatur, per tubam Apostolicam, in salutem uniuersitatis exiret, sicut scriptum est : In omnem terram exiuit sonus eorum, & in fines orbis terræ uerba eorum. Sed huius muneris sacramenta, ita Dominus ad omnium Apostolorum officium pertinere uoluit, ut in beatissimo Petro omnium Apostolorum summo principaliter collocaret, ut ab ipso, quasi

Verba Leonis.

RESOLVD-M-L-SUPER PROPOSITIO

quasi a quodam Capite dona sua, uelut in corpus omne diffunderet, ut exortem se intelligeret diuini mysterij esse, qui a Petri soliditate recederet. Hæc ille.

*Soliditas Petri.
Matth. 16.*

Quis, obsecro, non uidet sanctum & eruditum hunc uirum, humana passum? Nam si per soliditatem Petri intelligit fidem, qua Petrus Christum confessus est Matth. 16. recte & euangelice dicit. Hæc enim fides est petra, à qua Petrus nomen habet. A qua qui recesserit, merito exors est diuini mysterij. Verum, si per soliditatem Petri, intelligit iurisdictionem & potestatem Petri & Romani Pontificis, quilibet facile capit, quod uerbo Euangelij abutitur & fallitur. Nonne omnes Apostoli fuerunt in soliditate Petri, & tamen sub Romana Ecclesia non fuerunt? S. Stephanus & alij à Paulo persecutionem passi, in soliditate Petri fuerunt, antequam Romana Ecclesia fieret. Deinde, eadem humani affectus labilitate, dicit in Apostolo Petro principaliter collocatum munus docendi, Psal. 119. trahens ad singularem Petrum, quod Propheta plurali & indiscreto numero dixit: Sonus eorum & uerba eorum.

Sed & hoc manifeste falsum est, quod Petrus caput sit totius corporis, à quo dona sua Christus in omne corpus diffundat, Nisi intelligat partem Ecclesiæ, quæ docente Petro erudita est, ut est Latina & occidentalis Ecclesia. Nam etiam per alios Apostolos, præsertim Paulum, dona sua diffudit in multo plures quam per Petrum, ut mihi Miraculum sit, tam profunde huius Pontificis mentem fuisse occupatam, ut hæc scribens, non meminisse potuerit Pauli & aliorum Apostolorum. Si ergo dixisset, per quem dona sua in corpus diffunderet: recte dixisset. Sed in omne corpus, nimium dictum est.

Verba Leonis.

Sequitur idem Leo, Hunc (Petrum) enim in consortium indiuiduæ unitatis assumptum, id quod ipse erat, uoluit nominari dicendo: Tu es Petrus, & super hanc petram ædificabo Ecclesiam meam, ut æterni templi ædificatio mirabili munere gratiæ Dei, in Petri soliditate consisteret.

Iterum per soliditatem Petri, non fidem uniuersalis Ecclesiæ, sed potestatem Romanæ Ecclesiæ significat, & uerbum Christi, sub persona propria Petri, non autem Ecclesiæ, accipit dictum, ut clare ex sequentibus patet, ubi dicit. Verum hanc firmitatem Petri istius sanctissimam, Deo (ut diximus) ædificante constructam, nimis uult impia præsumptione uiolare, quisquis eius potestatem tentat infringere, fauendo suis cupiditatibus, & id quod accepit a ueteribus non sequendo.

Soliditas Petri.

Ecce seipsum exponit, soliditatem Petri, esse potestatem Romanæ Ecclesiæ, Idem per secretissimam fidem spiritus, & externam iurisdictionis potestatem intelligens, non sine uerbi euangelici iniuria. Non ergo infringit soliditatem Petri, qui sub legibus Romanæ Ecclesiæ non uiuit: sed qui non id credit, quod Petrus confessus est.

*Abusiones Scripturæ.
v. c.*

Protestor autem ego, quod Decreta quidem huiusmodi non damno. Nihil enim meæ saluti deperit, si tolero alicuius uolentiam Scripturæ interpretationem, modo uera & legitima intelligentia iuxta salua sit. Sed hoc adnitor, ut rem & fidem nostram constanti & solida intelligentia discamus firmare. Quamuis enim eiusmodi abusiones Scripturæ ualeant pro ijs, qui iam credunt, & tolerandæ sint. Tamen oportet etiam, si cum contentiosis oriatur bellum, habere simplicem et germanum sensum Christi, qui stare in

stare in acie uictor possit, ne Ecclesiam & omnes nos ludibrio exponamus. Neque enim cum illis sentio, qui Romanos Pontifices non errasse putant: & apud eos solos esse ueram Scripturæ intelligentiam, cum longe contrarium hic & multis alijs locis uideatur. Homines fuerunt, sicut & cæteri Episcopi.

Simplex & geminus scripturæ sensus &c.

Neque sane grande miraculum est, sanctos hos Pontifices humana infirmitate sibi ambiuisse primatum, quando & ipsi Apostoli præsentem Christo, non solum ambiuerunt, sed etiam non semel inter se contenderunt, Quis eorum uideretur maior. Sicut ergo Christus benigne tulit eorum humanitatem: ita & Ecclesia talium Pontificum ambitionis reliquias ferendas discit: & Decreta eiusmodi, ideo non penitus rejicit. Porro illis & manibus & pedibus resistendum est: qui non contenti, quod huiusmodi Decreta humiliter ferimus: sed eo insaniunt, ut tanquam non sit alius in Scriptura sensus, ea pro necessarijs articulis fidei nobis sancire: & omnem alium sensum hæreticum proclamare audent, omnia sine ullo iudicio legentes. Qua temeritate necessario tandem fit, ut legitimum Christi sensum amittamus: & in humanum arbitrium & arenam ædificemur.

Contentio Apostolorum de maiestate inter se.

Si enim uerum esset, quod hic Leo iste dicit: & tanquam diuino præcepto eius uerbis obediendum esset: iam tota orientalis Ecclesia ab initio sui usque ad finem fuisset exors diuini mysterij: quia nunquam sub Roma: Ecclesiæ potestate fuit. Tolerandus itaque error huius Leonis: non autem propter eum alius & uerior sensus relinquendus.

Orientalis Ecclesia

Secundus est Leo III. distinct. xx. c. de libellis, dicens: Quam nobis causam luculentius & magna uoce pronunciare non timeo: Quia qui illa (quæ diximus) S. Patrum statuta, quæ apud nos Canonum nomine prætitulantur, siue sit Episcopus, siue Clericus, siue Laicus, non indifferenter recipere conuincitur, nec catholicam, nec apostolicam fidem, nec quatuor Euangelia utiliter & efficaciter ad effectum suum retinere, uel credere probatur.

Leo III.

Vere nimis nihil times, mi Leo, pronunciare, audens humana statuta Euangelij æquare: & audaciter satis affirmas, ijs non seruatis, nec fidem catholicam seruari. Si de contemptoribus, & ijs, qui sub te sunt, diceres, recte diceres. Nunc contra, quando mores & fidem, traditiones cum Euangelio: uerbum hominis cum uerbo Dei confundis: nonne homo es? Quis ferat, ut Euangelium & fidem non seruare putetur, qui sub statutis illis non fuerit? Tu cum tuis serua statuta & Canones: Illis, qui sunt in Oriente, alia sunt statuta, sed idem Euangelium.

Tertius, distin. xxi. c. Clero: Quod capitulum ego nunquam credam esse ab aliquo Romano Pontifice constitutum: sed uidetur Isidorus commentum esse. Qui Metropolim mensuram ciuitatis, & Acolytum cæroferarium aliosque gradus egregia inscicia describit, & inuenit tamen auctoritatem.

Isidorus.

Pontifex, inquit, Princeps sacerdotum est, uel esse dicitur, quasi uia sequentium. Ipse enim summus Sacerdos, Ipse Pontifex maximus nuncupatur: Ipse enim efficit Sacerdotes & Leuitas, ipse omnes Ordines ecclesiasticos disponit: ipse quod

HH

unusquisque

RESOLVENDUM SUPER PROPOSITO

unusquisque facere debet. Antea autem Pontifices & Reges erant, Nam maiorum hæc consuetudo fuit, ut Rex esset Sacerdos & Pontifex. Unde & Pontifices Romani Imperatores appellabantur.

Hunc diuinatorem contemptum præterissem cum erroribus suis, nisi uiderem hinc sumi hodie a nonnullis, quod Papam, Imperatorem, maximumque Pontificem iactant. Ideo non inter Canones, sed inter Canes hunc deputo.

Canon Concilij Africani.

ET ne id sine iudicio faciam, opponam ei contraria Decreta, quæ simul sententiam nostram iuuabunt. Dicitur enim dist. xcix. c. Primæ: Primæ sedis Episcopus non appelletur Princeps sacerdotum, uel summus Sacerdos, aut aliquid huiusmodi, sed tantum primæ sedis Episcopus. Et sequitur. Vniuersalis autem, nec etiam Romanus Pontifex appelletur.

Concilium Aphricanum.

Hic ego in iudicium uoco ipsos Canones & Canonistas, doceant me, quæso, quid hic dicam. Iste Canon probatus est, sed uide quanto maiora crimina committat in summum Pontificem, quam ego unquam ausus essem cogitare. Primo, non solum frigidos asserit, sed & negat & prohibet, ac damnat eos Canones & Canonistas, qui Romanum Pontificem, principem, caput, summum, maximum appellant. Deinde primatum ei auferens penitus, eum reliquis primarum sedium Episcopis, id est, Patriarchis, æquat. Vbi sunt ergo, qui me noua posuisse garriunt, qui frigidissima Decreta dixi superiora: & credo, non inique. Nam hic Canon Concilij Aphricani, eo plus illis præferendus est, quo longius ab ambitione recedit, & Euangelicam modestiam sapit.

Qui ergo me Hæreticum accusant, obsecro, parcant saltem huic Canoni, si mihi nolunt parcere. Ego omnia admisi, quæcunque Romano Pontifici hodie tribuuntur, rem non nego, facto non contradico, Sed de iure eius disputo & sentio: Quod non iure diuino, sed Decretis hominum, talia tribuantur. Quid amplius faciendum mihi est? an non solum debeo factum confiteri, sed etiam mendacijs & corruptionibus Scripturæ idem stabilire? Absit. Igitur damner, quantum uolunt, hic habeo Canonem, qui damnat Romanum Pontificem, uniuersalem pontificem uocari, quod ego tamen nunquam damnaui. Sed addamus plura.

Pelagius.

IBidem Pelagius omnibus Episcopis scribit in hunc modum: Nul-
lus Patriarcharum uniuersitatis uocabulo unquam utatur. Quia si unus Patriarcha uniuersalis dicitur, Patriarcharum nomen cæteris derogatur. Sed absit hoc a Fidelibus, sibi uelle quempiam arripere, unde honorem Fratrum suorum imminuere ex quantulacunque parte uideatur. Quapropter charitas uestra neminem unquam, etiam in Epistolis suis, Vniuersalem appellet, ne sibi debitum subtrahat, cum alteri honorem infert indebitum.

Vides, quod honoris fraterni imminutio sit, si unus omnibus præferatur, etiam Romano Pontifice autore.

B. Gregorius.

IBidem B. Gregorius Eulogio Patriarchæ Alexandrino. Ecce in præfatione Epistolæ, quam ad meipsum, qui prohibui, direxistis, superbae

superbæ appellationis uerbum, uniuersalem Papam me dicens, imprimere curastis. Quod peto mihi dulcissima sanctitas uestra ultra non faciat. Quia uobis subtrahitur, quod alteri plus, quam ratio exigit, præbetur. Nec honorem esse deputo; in quo Fratres meos honorem suum perdere cognosco. Meus namq; est honor uniuersalis Ecclesiæ; meus honor est Fratrum meorum solidus uigor. Tunc ego honoratus sum, cum singulis quibuscq; honor debitus non negatur. Si enim uniuersalem Papam uestra sanctitas me dicit, negat se hoc esse, quod me fatetur, uniuersum. Sed absit hoc; recedant uerba, quæ ueritatem inflant, & charitatem uulnerant.

Obsecro, quid hic dicemus? An adhuc pecco, quod frigidissima Decreta uocaui aliquorum Romanorum Pontificum, forte confictorū nominum? qui ista sequutus debueram appellare uerba ueritatem infantia (id est, leuem & uanam facientia) & charitatem uulnerantia. Quid si ego ista dixissem, esse uidelicet non modo inefficacia; sed etiam inimica ueritati, & contraria charitati.

His adde & senas ferme Epistolas B. Gregorij in Regeſtis ſuis, quibus ad Imperatorem Constantinopolitanum, & Patriarcham eiusdem acerrime idem proſequitur: Proſtans, oblatum fuiſſe a Concilio Chalcedonenſi Romano Pontifici hunc Primatum, & tamen a nullo aſſumptum. *Concilium Chalcedonenſe.*

Quod ſi dixerint Canoniſtæ nouelli, eſſe hæc abrogata; uel per conſuetudinem deſiſſe. Gratias ago, hoc uolui. Sequitur ergo, quod non uerbis euangelicis & iure diuino iſte Primatus ſtet, ſed iure hominum & uſu. Hoc admitto; hoc conſiteor; alioqui, ſi iure diuino ſtaret, nunquam debuit non eſſe & fuiſſe, & peccaſſent mortaliter hic Pelagius & Gregorius, ſicut caſſantes ius diuinum, & Euangelium deprauantes. Quando ergo iura humana ſic cum aſſerunt, ut per uerbum Euangelij contentur probare, nonne neceſſe eſt, ut frigidiffime & inefficaciſſime & uiolentiſſime id faciant? ſicut uidemus in prædictis; & nunc ecce ampliùs uideamus.

Quartus Anacletus xxi diſt: c. In nouo, In nouo, inquit, Teſtamento, poſt Chriſtum Dominum, a Petro ſacerdotalis cœpit ordo. Quia ipſi primo pontificatus in Eccleſia Chriſti datus eſt, Domino dicente: Tu es Petrus &c. *Anacletus.*

Hæc ſi intelligit, quod ſacerdotalis ordo cœpit a Petro in Eccleſia latina, poteſt ut cunq; ſuſtentari; Quemadmodum & B. Cyprianus Epistoſta tertiã, ſedem Petri principalem, & unde ſacerdotalis ordo cœperit, appellat, aut ſic cœpit; quod Petrus, primus inter æquales Apoſtolos fuerit. Si autem intelligit, quod à Romana ſede omnis ordo ſacerdotalis primo & ſolum ueniat, ex diſtis ſatis patet; quam ſit erroneum. Nec hoc tunc Anacleti eſt Decretum, ſed ficti alicuius Anacleti palca. *Cyprianus.*

Quintus; Pelagius eadem diſtinct. xxi. Sancta Romana Eccleſia catholica & Apoſtolica (forte quod cæteras; nec *Pelagij uerba.*
H H ij ſanctas

RESOLVD M L SVPER PROPOSIT

sanctas, nec catholicas reputat) nullis synodicis constitutis, cæteris Ecclesijs prælata est: Sed euangelica uoce Domini & Saluatoris nostri Primatum obtinuit, Tu es, inquit, Petrus.

Hic magis erumpit & audet, non tantum contra prædicta dist. xcix. adducta Decreta, sed etiam quod uerbum Christi ad Petrum, omnino torquet de fide, ad potestatem iurisdictionis & pompam Primatus. Deinde, solam Petri personam in uerbis Christi accipit, reiecta persona Ecclesiæ, quam uere Petrus tunc gessit. Ergo uoua grammatica: Tu es Petrus, significat, tu es primus. & Tibi dabo clauces, id est, soli Romanæ Ecclesiæ, cæteris Ecclesijs nihil habentibus. Sed piget me omnia com memorare.

Tu es Petrus.
Tibi dabo clauces
etc.

Quo tempore nata
sit Ecclesia Roma
na.

In summa, ut dixi, si his uerbis Christus Romanam Ecclesiam significauit, cum Romana Ecclesia uix uicesimo anno Ecclesiæ primitiue nata sit, Sequitur quod ipsa primitiua non fuerit Ecclesia, & deinceps omnes, quæ Clauces ex Romana Ecclesia non acceperunt, Christo inobedientes fuerint, Et ita S. Stephanus, cum tot milibus Martyrum orientalis Ecclesiæ damnati censebuntur. Vt omittam, Quod si per uerbum Christi potestas Romanæ Ecclesiæ intelligeretur, ut hic uult, & Christus super hanc petram Ecclesiam suam se ædificare promittat, Sequitur, quod uniuersalis Ecclesia non super fidem, sed super potestatem Romanæ Ecclesiæ ædificata est: Super quam tunc ipsa Romana ædificata est? non super petram, id est, suam potestatem, nec super fidem, Ergo super nihilum, Quis ferat hæc?

Decreta frigidissima.

Vides ergo quam possum inuehi in istos hominum sensus, si uellem libere agere. Nunc autem sufficit mihi ostendere, quod his Decretis contra hostes & in contentione nihil effici potest, Sunt enim languidissima, frigidissima, & penitus ineptissima, ad contentionem, Sat est, quod tolerantur pro fraterna charitate, non etiam adorentur pro solida & germana charitate.

Sed nec hoc ferendum est, quod infert: In his omnibus quanto grauius celsior, tanto maior auctoritas inuenitur. In maioribus siquidem est regendi iubendique potestas, In minoribus obsequendi necessitas.

Vide, ut necessitatem omnibus imponit, & sibi soli (contra charitatis officium) libertatem arrogat, Sed pessima consequentia. Non enim mox maior auctoritas est, ubi gradus celsior est. Petrus enim primus Apostolorum fuit, sed nullam in eos auctoritatem habuit unquam, imo contra, Apostoli in Petrum habuerunt auctoritatem, ut Act. 8. scribitur, quod Apostoli miserunt Petrum & Iohannem, qui tunc Primores erant inter Apostolos, & tamen missi sunt ab Apostolis, tanquam maioribus, ad Samariam fideles.

Acto. 8.

Autores Canonum.

Labitur ergo Pelagius hoc loco satis aperte. Quanquam ego credo, hos & similes Canones nihil præter nomen de Romanis Pontificibus habere, Esse autem compositos ab eorum Officialibus & Scribis, in Theologia parum doctis. Ideo nihil euangelicum, nihil ecclesiasticum spirant, sed humanum affectum, carnem, & sanguinem.

Nicolaus Papa.

Sextus, Nicolaus Papa eadem dist. c. Inferior, uolens robustissime probare, quod inferior non potest superiorem absolvere (intelligit

11. 10. telligit autem Constantinopolitanam Ecclesiam inferiorem, Nam hæc mul-
torum Canonum causa fuit pro isto primatu) inducit illud Esa. 10. Nunquid
gloriabitur securis contra eum, qui secat in ea, aut exaltabitur serra contra
eum qui trahit eam?

His inquit, ex diuina Scriptura commemoratis, sole clarius exhi-
buimus, non posse quenquam, qui minoris autoritatis est, eum, qui maioris
potestatis est, iudicijs suis subijcere.

Quis non miretur? Adeo iste autor sub nomine Papæ, Scriptur-
as tractat apposite, Deum facit ex Papa, cæteros Episcopos, non fratres,
non homines saltem, sed instrumenta facit, Hoc est nimirum, sole clarius ex-
hibere, id est, tenebras offundere.

Deum Papa.

Vt omittam, quod hoc Syllogismo probat, non posse inferiorem supe-
rioris esse Iudicem, qui probandum suscepit, quis esset superior & inferior,
Tam apte & acute disputari, dignus fuit iste primatus ambitionis foedis-
simæ.

Deinde in fine, Romanam Ecclesiam matrem uocat omnium Ec-
clesiarum. In quo mirum est cuius filia & disciplina fuerint Ecclesie Iudææ
de quibus Paulus ad Galatas dicit: Eram ignotus facie Ecclesijs Iudææ, Et
quæ Ecclesia fuerit, quam Paulus uastabat. Siquidem Romana Ecclesia tunc
erat adhuc in lumbis Patris sui Petri, qui Hierosolymis erat. Quid, quæso,
Hierosolymitana Ecclesia didicit à Romana? Cur mentitur Paulus Roma.
15. dicens, Pauperes Sanctos in Iudæa, iuste accipere collectam à Romanis
& alijs gentibus, quod spiritualium illorum participes facti essent? Quo
uerbo Apostolus Hierosolymitanam Ecclesiam matrem, matricem, radi-
cem signat omnium plane Ecclesiarum totius orbis, etiam Romanæ, quod
& uerum est.

Ecclesia in Iudæa
uastatior Roma-
na.

Quis enim negare potest, Ecclesiam Gentium posteriorem esse Eccle-
sia Iudæorum, & ex hac illam natam? cum tot in locis hoc de Gentibus Pro-
phetæ prædixerint, cum in Actibus Discipuli dispersi solis Iudæis prædicasse
uerbum, & de Gentium salutem obstupuisse legantur? Et Paulus Roman. 15.
Iudæorum ministrum fuisse Christum, & Gentes misericordiam consecutas,
ad ruinam Iudæorum doceat? Sed & Christus Iohan. 4. Salus, inquit, ex Iudæ-
is. Modeste itaque dixisset, Matrem Ecclesiarum, matrem uero omnium Ec-
clesiarum, Hyperbole est nimia.

Ecclesia Gentium
posterior Iudæorū.

Septimus, Nicolaus iterum dis. xxij. c. omnes, de quo textu nescio
Squid dicam. Nam prope corrigo meam Propositionem, & dico,
quod Romanam Ecclesiam alijs esse superiorem probatur, ex delira-
mentis cuiusdam ineptissimæ Paleæ, nomine Romanorum Pontifi-
cum, Ecclesiam Christi illudentis.

Nicolaus.

Audi, quæso per Christum, quid hic dicat.

Omnes, inquit, siue Patriarcharum, siue cuiuslibet apicem, si-
ue metropoles, primatus, aut episcopatum cathedras, uel Ecclesia-
rum cuiuscunque ordinis dignitatem instituit Roma: Ecclesia, Illam
uero ipse solus fundauit, & supra fidei petram mox nascentis erexit,
qui B. Petro æternæ uitæ clauigero, terreni simul & cœlestis Imperij
iura commisit.

RESOLVENDUM SUPER PROPOSITO

Rogo te, Lector, de Rom: Pontificibus & ipsa Rom: Ecclesia, tot milibus Martyrum in cœlo & terra fulgente, aliaquæ potes, sentias, modo propicius tibi sit Christus, ne hoc Decretum credas editum ab ullo Romano Pontifice, saltem sciente.

*Super hanc petram
ædificabo Ecclesiā
meam.*

Primo, verbo Christi solam Romanam Ecclesiam fundatam garrit hic impius, quisquis est Romani nominis ementitor. Cæteras autem (sequitur) non Christus, sed Romana Ecclesia fundavit. Quia Romanam Ecclesiam supra fidei petram erexit, supra quam petram, quæso, alias Ecclesias erexit? An supra harenam? Non credunt idem Romana Ecclesia & alia Ecclesia? Non sunt ipsæ etiam Ecclesiæ? Si sunt Ecclesia Christi, cur tu impijssimo ore resistis Christo dicenti: Super hanc petram ædificabo Ecclesiam meam? Quid significat Ecclesiam meam? Non est nisi una Romana Ecclesia sua Ecclesia? Si autem quælibet alia etiam Ecclesia Christi est, & Christus affirmat eam ædificandam supra petram fidei, impio iam errore dicitur, ad solam Ecclesiam Romanam pertinere, & non ad alias omnes.

Impijssima Decreta.

Te nunc appello, Lector, ut iudices, an hæc Decreta modeste an immodeste frigidissima dixerim, quæ uerius impijssima dicere debuisssem, Non quod Romanorum Pontificum sint, sed quod nomine eorum uulgentur, & per ipsa iam multis annis adulentur summis Pontificibus, has insanias nihil curantibus, quin & suauiter audientibus.

In adulatores Pontificum.

Igitur Euangelium, hoc interprete, sic intelligemus & locupletabimur, Ego supra fidei Petram ædificabo Ecclesiam meam Romanam. Romana autem ædificabit supra suam sententiam Ecclesias suas, non meas. Quia meam supra fidei petram ædificabo. Ecce nunc eant adulatores, & stuant nobis Scripturæ sanctæ interpretationem ad Romani Pontificis scribas pertinere.

*Iuristas dominari
in curia Romana.*

Deinde uide, quid sit in Curia Romana, Iuristas dominari, & sine Theologis ac sacris literis, de sola potestate & Spiritus sancti præsentia præsumere, hoc est, per solam potentiam Scripturas tractare. Cæterum iuxta Augustini regulam, & Romanus & omnis Pontifex subiacet cuiuslibet fidelis etiam iudicio, maxime in materia fidei.

Blasphemia impijssima.

Iam illud quam euangelice dictum est, Quod Cœlestis imperij & terreni iura Petro commisit, Obsecro, non est hæc res omnibus lachrymis digna, quod hæc non modo legere, sed etiam credere pro oculis Spiritus sancti urgeamur, & ita urgeamur, ut ignem minentur, si contra quid mutiamus? Atq; ita fit, ut hæc maiore timore & religione amplectamur, quam ullum aliud, uel fidei uel morum præceptum diuinum, ubi ignem nemo minatur, quin glorificentur, Et adhuc bonum statum Ecclesiæ somniamus, nec Antichristum in medio templi agnoscimus.

Igitur, uox ista blasphemia est impijssima, quod Petrus iura cœlestis imperij teneat, cum solum ministerium uerbi teneat in terra, Christus solus sit Dominus cœli & terræ. Deinde imperium terrenum & Christus docuit & Petrus contemnere. Hic non solum non habere, sed etiam iura eius in manu Petri constituit.

*Rom. Pontifex Dominus constitutus
in utroque regno
&c.*

Hinc sequutum est malum, quod adulatores Romanum Pontificem in utroq; regno Dominum constituunt, quod nec Christo quidem datum est, qui suum Regnum negat ex hoc mundo esse. Mirum autem, quod Petrus Neronem Principem passus est, non modo in Roma, sed etiam in sua cruce

sua cruce , qui potuit ei iura terreni imperij auferre , aut certe friuolum & impium est , successorem Petri hoc præsumere , quod in Petro non fuisse cernitur. Pereant ergo arrogantissima uocabula ista, Imperij, iura imperij, celestis & terreni Imperij. Soli Deo hæc conueniunt, Ministro Ecclesiæ & sacerdoti, Christi seruo , modestiora tribuantur.

Sequitur eadem Palea.

Non ergo qualibet terrena sententia , sed illud Verbum , quo *Verba paleæ.*
constructum est cælum & terra, per quod denique omnia condita sunt elementa , Romanam fundauit Ecclesiam.

Vide monstra , aut hæc de sola Ecclesia Romana dicuntur , & sequitur , omnes alias Ecclesias esse terrena sententia statutas , & sine uerbo Dei , sine quo nihil factum est , quod factum est , Et sic omnes alias Ecclesiæ sunt nihil. Aut simul etiam de alijs Ecclesijs intelligendum est, esse scilicet eas per uerbum Dei, quod omnia condidit, statutas. Et sequitur hinc, nihil singulare de Romana Ecclesia dici , nisi inanem pompam syllabarum. Et ita Decretistam hunc , aut intolerabili impietate negare cæteras Ecclesias una cum Christo , aut seipsum sua inscitia manifestissime irridere.

Quod si de constitutione Ecclesiarum iuxta dignitatis gradus loquitur , non iuxta substantiam , patet ex prædictis , quam peruerse hoc uerbum Christi , de fide totius Ecclesiæ uniuersalis torqueat , ad potestatem unius hominis. Christus suam Ecclesiam supra petram ædificare se dicit, Hic uero non , sed duntaxat Romanam , hoc est , cæteras Ecclesias nihil facere , & Christum negare.

Porro , si cæteræ Ecclesiæ sunt terrena sententia statutæ , & hanc sententiam Romanæ Ecclesiæ esse dicit, suo ore sese damnat, suam sententiam esse terrenam , non diuinam , dicens. Et ubi manet , quod uocem Petri tanquam diuinam & non terrenam audire oportet ? Porro, quis constituit Ecclesiam Hierosolymitanam , antequam Ecclesia Romana esset ? An non Petrus uerbo Dei Romanam Ecclesiam constituit ? Verum si de dignitatis constitutione loquitur , non de substantia Ecclesiæ.

TVNC ARGVO SIC.

Romana Ecclesia est diuino uerbo alijs superior constituta. Ergo necesse erit , ut eodem uerbo cæteræ Ecclesiæ sint ei inferiores statutæ. *Argumentum.*
Quia non potest statui superior , nisi sint , quibus superior statui possit. Vbi ergo est , quod supra dixit , inferiores cæterarum Ecclesiarum ordines à Romana Ecclesia institui , non uerbo diuino , quo uult sola constitui ipsa ? Nam , quomodo Christus potuit statui Dominus , nisi simul Gentes & termini terræ subijcerentur , & mons Zion , cui Rex præficeretur ?

Adde his , si quis dicat: Si Romana Ecclesia diuino uerbo fundatur super omnes, oportet ergo & eas certas nominari, quæ uerbo diuino subijciantur. Age, esto ergo hæc sententia diuina : Romana Ecclesia est alijs superior, Dic ubi scriptum sit eius correlatiuum : Ecclesia Mediolanensis est ea inferior , aut ulla alia ? Si nulla nominatur , nulla subesse debet , præcepto saltem diuino. Quid hic melius dici potest , quam quod uerbum Christi

HH iij nec de

RESOLVENDUM SUPER PROPOSITO

nec de superioritate nec inferioritate Ecclesiarum intelligi possit, Sed de sola, eadem, inuictaque fide & potestate omnium Ecclesiarum æqualiter. Vides ne, quid sit sacras literas pro humano affectu & sine timore Dei tractare?

SEQUITUR:

Illius certe privilegio fungitur, cuius autoritate fulcitur.

*Super hanc petram
etc.
Romana Ecclesia
non est superior alijs.*

Vide, quæ Corollaria inferat. Verbum Christi, de fide ad potestatis significationem detortum, privilegium sit Romanæ Ecclesiæ in verbo, quod communiter omnibus Ecclesijs conuenit. Quia Christus dicit: Super hanc petram ædificabo Ecclesiam meam, Meam, inquit, meam. Si Ecclesia alia quælibet est Ecclesia Christi, ipsa certe ædificata est super eandem petram, & nullum est ulli privilegium. Si non est ecclesia Christi, & sola Romana est ecclesia, privilegium non stat, quia nulla est Ecclesia, cui Romana superior esse possit. Iterum dico: Prædemonstratio, meam, aut significat solam Romanam ecclesiam, aut omnem Ecclesiam. Si solam, non habet privilegium præ cæteris. Si omnem, iterum non habet privilegium præ cæteris. Eligat ergo quod uult, per hoc uerbum Christi, Romana Ecclesia aut erit sola, aut non erit prima.

Alia ergo uia probandus iste Primatus. Quia illusionem hanc sui Evangelium Christi (ut uides) quam pulchre eludit, & (ut proverbium Salomonis habet) illudit illutores suos. Et sunt tamen tam multi, qui ex hac misera Palea privilegium Romanæ ecclesiæ passim pro articulo fidei, uel omnium primo & maximo iactitent, patientiores, si Christum neges, quam si hoc privilegium, uerba Christi peruertens, non adores.

Sequitur iterum Corollarium, tali themate dignum.

VNde non est dubium, Quia quisquis cuiuslibet Ecclesiæ ius suum detrahit, iniusticiam facit. Qui autem Romanæ Ecclesiæ privilegium, ab ipso summo omnium Ecclesiarum capite traditum, (uide hiatus istum Stentoreum) auferre conatur, hic procul dubio in hæresim labitur.

Petra fidei.

Ecclesia Romana non habet ius, sed privilegium. Quod? quod est supra petram fidei ædificata, Hoc enim solius Romanæ ecclesiæ est, isto autore. Deinde, petram fidei, intelligit prælationem hanc primatus terreni. Nam hæc duo perpetuo miscet & confundit hæc Palea.

Obsecro, quanta patientia est, ista tolerare? Primum sicut dixi, Si Petra fidem signat, eadem est omnium Ecclesiarum, nullo reliquo privilegio. Si autem non omnium est eadem, sola erit ecclesia Romana, non habens cui præferetur. Secundo, si petra fidei, dignitatem significat, iam sibi ipsi contradicit in eodem verbo, uerbumque Christi adulterat, fidei significationem in potestatis significationem subuertens, & spiritum in carnem, Christum ad mundum trahens. Non ergo est hæreticus, qui negat hoc privilegium Romanæ ecclesiæ, sed ille deprauator est uerbi Dei, qui per fidei petram intelligit, Privilegium potentiae temporalis.

Ambrosius.

• Quod autem in fine Ambrosium adducit, qui se matrem Ecclesiarum asserit sequi Romanam. Utinam & ipse idem faceret cum Ambrosio

Ambrosio, ecclesia Romana mater est, sed non omnium Ecclesiarum. Nam & Metropolis quælibet est mater Ecclesiarum, iuxta Patrum statuta. Deinde Romana ecclesia nunquam uerbis Christi has contumelias fecit, quas hæc Palea facit, sed per Petram fidem intelligit, non tyrannidis ambitionem.

Petra significat fidem, non tyrannidis ambitionem.

Octauus (ut finem faciamus horum deplorandorum Interpretum Scripturæ diuinæ) est iterum Anacletus eadem distin. c. Sacrosancta, Sic enim ausus est, quisquis fuerit iste barbarissimus Notarius, etiam tanto Pontifici tribuere, tantam & inscitiam, & temeritatem, quantum uidebimus.

Anacletus.

Sacrosancta Romana Ecclesia (Quia aliæ non sanctæ, aut non sacrosanctæ sunt, etiam si eadem fide, uerbo, sacramento, spiritu, prorsusq; eadem sanctitate sanctificentur) non ab Apostolis, sed ab ipso Domino & Saluatore, Primatum obtinuit, Sicut B. Petro dicit: Tu es Petrus &c.

Si aliquis gentilium sic exponi uerba Christi audiret, quando Christianus fieret? Igitur & hic primatum intelligit per uerbum: Tu es Petrus, seu per hanc petram. Eligant autem (ut iterum eadem repetam) utrum uoluerint. Petra hoc loco aut significat fidem Spiritus, aut primatum exterius, utrumq; enim simul nequit significare.

Tu es Petrus.

Si fidem, iam omnes ecclesiæ super eam sunt edificatæ, quia Christus dicit: Super hanc petram ædificabo Ecclesiam meam. Ergo cuiusq; conuenit dici à Christo: Ecclesia mea, ad eandem pertinet, petra & petrus, super quam ædificatur, Ita nihil proprium Romana Ecclesia habet, sed omnia sunt cõmunia, Quia ubi eadem fides, eadem quoq; potestas clauium, Fidei enim & petræ datæ sunt clauis ut patet. Si potestatem, iam iterum omnes sunt æquales Ecclesiæ, Quia cuiusq; dicitur à Christo: Ecclesia mea, simul dicitur: ædificabo te supra petram, id est, potestatem. Quare quælibet Ecclesia, hoc uerbo erit omnium prima, quia habet eandem petram, qua Romana ecclesia gloriatur esse se primam. Ita quocunq; te uertas, semper occurrit & resistit tibi Christus, dum Ecclesiam suam supra petram ædificat, nec finit ulli particulari Ecclesiæ hanc petram appropriari, Ideo nec Petrum.

Super hanc petram ædificabo Ecclesiam meam.

Vides ergo, quod unicum illud prouomen, Meam, tanquam chrySTALLUS coelestis, omnes has Decretales infrigidat, ut ante faciem frigoris eius nulla sustinere possit, dum communem petram, communem potestatem, cõmunes clauis, communem Petrum, & omnia communia facit. Ita iure diuino, Quidquid habet Romana Ecclesia, habet quælibet Ecclesia, quantumlibet parua. Quia ad omnes dicit, & Paulus 1. Corint. 3. Omnia uestra, siue Paulus, siue Apollo, siue Cephe, siue mundus, omnia uestra, uos autem Christi:

Ecclesia mea.

Effet sane ridiculum, quod omnium Ecclesiarum idem est Baptismus, eadem Eucharistia, eadem Confirmatio, idem uerbum Dei, idem sacerdotium, eadem poenitentia, unctionis, matrimonij, & omnia sacramenta, eadem fides, spes, charitas, gratia, mors, uita, gloria, & una hæc temporalis potentia, uni tributa esset, per uerbum Dei, quod commune est omnibus.

Idem baptismus &c. omnium Ecclesiarum.

Quare ubicunq; predicatur uerbum Dei, & creditur, Ibi est uera fides, petra ista immobilis: Vbi autem fides, ibi Ecclesia: Vbi Ecclesia, ibi sponsa Christi, Vbi sponsa Christi, ibi omnia quæ sunt sponsi. Ita fides omnia secum habet, quæ ad fidem sequuntur, Clauis, Sacramenta, Potestatem, & omnia alia.

Vbi fides, ibi Ecclesia &c.

Quæro etiam: Si soli sunt Petro clauis datæ, & non uniuersali Ecclesiæ,

Ecclesiæ,

RESOLVD-M-L-SUPER PROPOSITIO

*claves tradite cui
libet Ecclesie.*

clēsiae, Cur non uocantur clauēs Petri? cur non uocantur clauēs ecclesię Romanę? Cur ipsemet Pontifex in suis literis uocat eas clauēs sanctę matris Ecclesię? Aut enim hęc uox communis totius Ecclesię, iniuriā facit Romanę Ecclesię, in suo priuilegio, sibi soli attrahenti clauēs. Aut Romana Ecclesia, schisma quærit, dicens: Ego sum Cephe, & toti Ecclesię rapit rem, quam ipsamet confitetur communem. Patet ergo, testimonio omnium publico, non Petro, sed Ecclesię esse clauēs traditas, non Romanę, sed uniuersali & cuilibet.

Petra fidei.

Præter hęc, uide, quā recte per petram intelligant potestatem. Nam cum potestas esse non possit, nisi Ecclesia sit prius fundata, quę accipiat potestatem, quomodo Ecclesia super potestatem, id est, prius ædificatur super posterius? Deniq; potestatem non per petram, sed per clauēs Christus intelligit, quas Ecclesię supra petram (id est, fidem) prius ædificatę tradit, ut clare textus ordo probat. Vides ergo, quā ambitio excæcet oculos mentis, ut clauium potestate non contenta, etiā ex petra fidei (quę est Ecclesię substantia) potestatem facit.

*Anacletus seipsum
redarguit.*

Quod autem hic Anacletus Romanam sedem primam uocat, & Alexandrinam secundam, & Antiochenam tertiam, Seipsum iterum redarguit, non solum, quia iste ordo iam diu mutatus est, uerum etiā, quod sequitur hinc, aut Alexandrinam esse iure diuino secundam, & Antiochenam tertiam, aut nec Romanam primam, quia eodem iure oportet esse primam, quo secundam & tertiam. At manifestum est, quod secundam & tertiam suo iure ordinat Romana; Ergo & seipsam primam suo iure ordinat.

*Euodius.
Ignatius.*

Errat etiā in Historia, quod Ignatium scribit constitutum à Petro Episcopum Antiochię sibi successorem, Cum in Ecclesiastica historia pateat, Euodium Petro, & Euodio Ignatium, successisse. Ideo non est credibile, huius Canonis autorem esse Anacletum.

Iam audi iterum securum affirmatorem, id est, temerarium: Inter Beatos Apostolos, inquit, quædam fuit discretio potestatis: & licet omnes essent Apostoli, Petro tamen concessum est a Domino, & ipsi inter se uoluerunt idipsum, ut reliquis Apostolis omnibus præesset. Obsecro, quæ fuit ista discretio potestatis? Nunquid Petrus ordinauit Apostolos? nunquid misit eos? nunquid confirmauit eos? Vbi legisti beata, quod à Domino concessum est Petro habere discretam potestatem ab alijs? quando hoc ipsi uoluerunt?

Primatus honoris.

*Petrus Apostolorū
princeps.*

Quin hic signa, Duplex est primatus, honoris & potestatis. Quod Petrus primus fuit in ordine, nemo negat. Nam & inter Cardinales, Episcopos, Sacerdotes, Doctores, Principes, etiamsi nullus alteri subiectus est, tamen necesse est, in conuentu aliquem primo loco sedere, cum tamen nihil habeat præcipere illis. Ita Petrum fatemur principem Apostolorum, primum Ecclesię membrum, caput collegij apostolici, & alia, quæ de eo S. Patres dixerunt. Ita uidemus & Romanos Pontifices semper fuisse honoratos, ut successores Petri, & primo loco habitos. Et in hoc recte & laudabiliter actum est, & agitur, agendumq; est, sine querela.

*Primatus potestatis
Petro nunquam
datus.*

Alter autem primatus potestatis, nunquam fuit Petro datus, quia quilibet Apostolorū sine autoritate Petri prædicauit Euangelium, Episcopos & Presbyteros ordinauit in locis suis. Omnes a solo Christo sunt æqualiter missi, & immediate. Hunc primatum isti honestissimi Canones ambiunt, et uerbis Dei abutuntur ad hanc tyrannidē stabiliendam. Nolunt enim ullum Episcopū in toto mundo fieri, nisi palliū & autoritatē Ro. Pontificis habeat.

XIII DE POTESTATE PAPAE CCCXXIII

habeat. Et ubi Petrus sese non extulit super Apostolos, ibi unius Apostoli successor, longe minor suo prædecessore (sicut Episcopus Apostolo) non contentus honoris primatu, omnium Apostolorum successoribus uult dominari in potestate & uiolentia, sed non etiam ipse pascere &c.

Hanc Rationem inuictam oppono omnibus, qui Romano Pontifici adulantur super totius Mundi dominio, & expecto cum fiducia, quidnam contra possint mouere, aut gannire. Qua simul fretus, tanquam certissima, & omnibus notissima Veritate, cum fiducia proclamo: Quod Decreta quæcunque aliter statuunt, non modo frigidissima sunt, sed etiam contraria diuinæ Scripturæ, Euangelio & Actibus, Epistolis Apostolorum. In quibus tam crebre, tam aperte, Apostolorum æqualis, & in mundo diuersa commissa prouincia describitur, ut ego non possim satis admirari, esse potuisse unquam tam temerarios adultores, qui contra hæc fulmina Scripturæ, fumum suum terrenum leuare auderent: hoc successori Petri Episcopo arrogantes, quod nec Apostolo Petro prædecessori unquam permissum est. Nec tamen mirarer, si id solum arrogarent, nec hoc quereretur: Sed quod huic arrogantiae repugnantes Scripturas maluerint corrumpere, quam repugnantibus temporalem hunc potestatis Primatum cedere.

Decreta contraria diuinæ Scripturæ.

Apostolorum æqualis prouincia etc.

Addo ad hæc, Quod nec in hoc recte & euangelice fit a Romanis Pontificibus, quod Episcopos à Romana Ecclesia propagatos, id est, Ecclesiam Latinam sic administrant, ut soli ipsi ordinent & confinent Episcopos omnes. In hoc enim non Christo, sed sibi Ecclesiæ Christi uidentur arrogare, cum Apostoli Pauli exemplo, deberent etiam alijs committere constitutionem Episcoporum, uidelicet Archiepiscopis & uicinis. Deberent ergo illos Deo committere, & nequaquam cogere, ut pro nouo Episcopo ad Urbem mitterent. Habet enim hoc speciem non leuem auariciæ & tyrannidis, qua dominantur fidei eorum, quod Paulus noluit in Corinthios sibi usurpare. Sufficeret enim semel Episcopum dedisse: & deinceps eos gratiæ Dei commendatos propagationi proprie eos relinquere: aut solummodo curam agere, ne à fide degenerarent, sicut Apostolus in Galatis monstrauit exemplum. Nunc uidemus prætextu huius beneficii & primatus, omnium episcopatus & sacerdotia, in uoraginem Romanæ auariciæ rapi, tot Simoniacæ impudentissimæ monstris, hoc uno operculo tectis.

Fidele & purum consilium.

SEQUITUR.

ET cephas, id est, caput & principium teneret apostolatus. Vel hic locus ostendit, magis affectu potestatis, quam ueritatis studio, hunc Primatum quæsitum. Quomodo enim tot falsis Argumentis uterentur, si semel & solidam haberent causam? multis autem eget mendacium, ut uerum appareat. Itaque tam inscius est iste scenicus & poeticus Anacletus, ut Cephan, caput interpretetur, contra euidentissimum et apostolicum testimonium Iohannis Apostoli, qui dicit Iohan. 1. Inuitus cum Ihesus dixit: Tu es Simon filius Iohanna, Tu uocaberis Cepha, quod interpretatur Petrus. Pudet me, quod super hoc errore crassissimo tantum negocium struitur, in quo simul indiligentes se fuisse Euangelij lectores. Ideo non mirum, quod & falsos intellectores se ostendunt. Melius Leo supra Petram, soliditatem intelligens, uocabulum Cephe bene nouit: At hic nec Euangelium, nec Canones recte intelligit.

Mendacium, ut uerum appareat, multis eget etc.

Est autem Cephe, teste Hieronymo, syrum uocabulum, significans soliditatem, quam Græcus petrum uel petram, id est, saxum uel rupem firmam

Cephe.

RESOLVENDUM SUPER PROPOSITO

mam transtulit. At noster nugator κεφαλή græce pro cepha syriace accepit: & tamen inter sacros Canones, uel primus habetur. Nam in Decretalibus, quas Gregorius IX. & Bonifacius VIII. congegesserunt, huic Canonis suisque similibus, autoritas tanta tribuitur, ut uix una sit, quæ non totum hunc spiret. Prætereo, quod deinceps hanc formam successoribus traditam fabulatur, seruandam a cæteris Episcopis, omnino aliud nihil, quam ambitiosissimum spirans affectum.

Sequitur pulchra Similitudo.

ET non solum in nouo Testamento est constitutum, sed etiam in ueteri fuit, sicut scriptum est: Moses & Aaron in sacerdotibus eius, id est, primi inter eos fuerunt.

Quid audio? quam non frustra hos Canones lego: quam egregie discō Scripturas intelligere. Primum, qui unum solum summum Sacerdotem in ueteri Lege noui: nunc didici duos fuisse primos. Secundo, etiam grammaticam nouam uide, in Sacerdotibus eius, idem est, quod primi inter eos fuerunt: cum hucusque hoc uersu Psalmi, intellexerim nihil aliud dici, quam Moysen & Aaron sacerdotes, uel de numero sacerdotum fuisse: sicut Samuel inter inuocantes nomen eius, nihil de primatate ulla cogitans. Tertium documentum, quod summus Sacerdos ueteris legis fuerit figura Romani Pontificis. Apostolus enim ad Ebræos, me mirum in modum decepit, cum uniuersis Ecclesiæ Doctoribus, docens, non Romanum Pontificem, sed Christum solum fuisse per summum & unum Pontificem significatum.

Ut hoc omitam, Quod illis omnia in figura contigisse scimus: & in nouo Testamento figuram ille denuo reuocat, ut sit similis figura utriusque Testamenti, nihil iam utrunque ab utroque differens. Vror ego, diuinas litteras ab his porcis, tam impudenter conculcari, præsertim sub nomine Romani Pontificis & Romanæ Ecclesiæ.

Quid autem hoc est? quod duos primos Sacerdotes in ueteri Testamento statuit, magno sui primatus detrimento? Imitare quod dicis (& si falsum) stet similitudo, & da etiam nunc duos primos. Quomodo unum primum probabis per duos primos? Vides ergo hos homines, eos fuisse, qui simplicitate fidei nostræ abusi, ausi sunt statuere, quidquid uel somniare potuerunt.

In fine concludit & eadem dexteritate, Romanam Ecclesiam cardinem uocat, in quo omnes Ecclesiæ reguntur, Domino disponente: & tandem sit finis hic. Nam cæteri Canones, qui eadem spirant, horum nam mirum influxu infecti sic spirant.

Non possum autem omittere, quin & Decretalem, uel unam adducam, ut appareat, quid prosit Ecclesias regere, & Scripturas sacras non intelligere. Sunt enim & Decretales quam plurimæ frigidissimæ, hæ maximæ, quæ maxime sunt in usu. Transeo illam de constitutione, c. Translato: quam puto sic à me uindicatam antea, ut necesse non sit repetere. Assumo onus illud c. Significasti, de elect. ubi Archiepiscopus Panormitanus cum rege & regno Sicilia iustissime mirati, quod pallium accepturus exigeretur iuramentum: & ubi pulchra modestia contra hanc infelicitissimam exactionem, adduceret præceptum Christi & statuta Conciliorum, talem accepit responsionem & interpretationem Scripturæ sanctæ à Paschale Romano Pontifice; hoc est, à Notarijs Romanis:

Mirentur

in sacerdotibus
eius.

Ecclesia Romana.

Archiepiscopus
Panormitanus.

Paschalis Romanus
Pontifex.

Ebræ. 7.

Mirentur, inquit, Dominum nostrum Ihesum Christum, qui cum ouium suarum curam Petro committeret, conditionem apposuit, dicens: Si diligis me, pascue oues meas &c. Adeo perculsi sunt Papæ & Romanæ Curie procures unius huius Episcopi interrogatione, ut quid responderent, non inuenirent, donec Spiritus Domini eos huc rotaret, ubi omnibus ostenderent, in lege Domini nec uoluntatem, nec meditationem eis fuisse. Agam interim partes Archiepiscopi.

Si diligis me, pascue oues meas.

Si exemplum Christi placet & ualet apud te, o Paschalis, cur non imitaris? Si non placet, cur adducis, cur tu quoque non contentus querere, an diligat Christum? sine iuramento committis oues Christi? Cum placeat exemplum, cur non sufficit & conditio? An melior & sanctior est conditio iuramenti quam amoris? An plura speras eum facturum, qui coactus iurauit, quam qui sponte amat? Christus soluit Petrum à lege & à coactione uoti & iuramenti, solam libertatis & charitatis in eo querit fidem. Et tu libertatem tollens, lege iuramenti cogis? Vbi est exemplum Christi? ubi conditionis similitudo? Est per uerbum, diligere, intelligendum iuramentum?

Nunquid Christus à Petro iuramentum exegit pro Romana Ecclesia? Quid hoc ad oues Christi, quod tibi iuratur & Ecclesiae tuae? Tuae sunt oues, an Christi? At tu optime Pater, an Christum diligat, prorsus nihil curas, Sordet hæc tibi, ut uilissima conditio, tibi ut fidelis sit, iuramento adstringis, Adhuc stat interrogatio Archiepiscopi, non satisfacisti.

Oues Christi, non tuae.

Adhuc queritur: Quo iure hanc fidelitatem extorqueas? Tua responsio profundius te mergit & capit. Deinde, cui, queso, tu iurās fidelitatem? Cur facis & imponis alteri onus, quod digito non uis mouere, contra & charitatem & legem naturæ?

Deinde, adhuc quaestio etiam illa stat, Cur præcedentes Pontifices non exegerunt iuramentum? Cur alij non præstiterunt? unde noua ista exactio? Vis dicam? Ex malæ fidei possessa potestate, conscientia metu, iusticia non suffragatur. Ideo queritur utcumque solacium & firmitermentum.

Obserua hæc.

Itaque hodie pontificari non licet, nisi iures Romano Pontifici fidelitatem. Iurata autem fidelitate, mox dignus es pontificari, siue diligas, siue pascas, has enim conditiones Christus requirat, Quid de his nostro seculo? nec hoc curetur, an sanctus doctusque sit, an minus? solum sit seruus Rom: Ecclesiae. Non licet Christo libertatis Magistro seruire, nisi primum fias iuratum mancipium Rom: Curiae. Satis est ab exemplo Christi didicisse, quamlibet conditionem fratribus etiam iniquissimam, imponere pro libito, Ipsam uero Christi conditionem, ne syllaba quidem meminisse.

Nihil nostro seculo cum conditionibus Christi.

Sed responde adhuc semel, Paschalis, tuo te iudicio peto. Si Christus conditionem ibi posuit, ut dicis, iam tuo ore definimus, Nullum esse Romanum Pontificem, nisi diligat ac pascat, Quia pactum & commissio conditionalis, si conditio non stet, non ualet. Tuo ergo enthymemate utar. Archiepiscopus Panormitanus sine conditione iuramenti præstiti in facto, non est Episcopus. Ergo nec tu Papa, nisi in facto primum præstes conditionem amoris & pascuæ. Quæ si uera sunt, iam in sexcentis annis non habuimus Papam. Nullus enim docuit nos uerbum Dei. Nec sufficit, quod promittas te amaturum, quia tibi non sufficit promissio iurata, Sed sicut tu à Fratre exigis conditionem in facto, ita nos nomine Christi maiorem hanc conditionem exigimus in facto, aut tua autoritate Papam negamus.

Nullus est Romanus Pontifex, nisi diligat & pascat ex sententia Paschalis.

Quid hic facies? uides ergo, quam impatiens sit Scriptura corruptio-

RESOLVENDUM SUPER PROPOSITO

Miseria Ecclesie.

nis, quam uanos ostendat eos, qui se maculant. Noluit Paschalis uinci interrogatione, nec male egisse uideri, & ignarus seipsum toto pontificatu indignum redarguit, dumq; festucam fratri eruit, trabes suas nobis ostendit. Ista ergo est pastura, quod Romani Pontifices omnia sibi inflectunt, omnibus omnia imponunt, omnibus se subtrahunt, & quod atrocius est, non ad Christum, sed ad seipsos nos cogunt, non exigunt conditionem, qua Christi libertatem promittamus, sed qua sibi seruitutem iuremus. Quæ autem maior miseria Ecclesie, quam non amore, sed ui conglutinari? Pontifices non beneuolentia, sed potestate imperare? Subditos non amore, sed odio & timore coactos seruire?

Sed sequitur digna applicatio similitudinis.

SI conscientiarum factor & cognitor secretorum, conditione hac usus est, nec semel tantum, sed & secundo, & usq; ad contristationem, Qua nos oportet sollicitudine tantam Ecclesie prælationem imponere Fratribus, quorum conscientias non uidemus?

Christus non iuramentum, sed dilectionem exegit à Petro.

Nec mirum certe, Quia Petrus, Paulus & alij Apostoli, non erant tam solliciti, tanta sollicitudine, quanta nunc sunt Romani Pontifices. Deinde, quia cognouerunt forte conscientias illorum, quos sacerdotes constituebant, nec exemplum Christi adeo curauerunt. Nonne hoc est seipsum ridere? Sed nec Christus, cuius oues sunt propriæ, licet pro eis se traderet, non tamen fuit tam sollicitus, ut iuramentum à Petro exigeret, sed uelut dormitans dilectionem tantummodo, rem sane leuissimam, exegit. Quandoquidem, nisi iuramentum Paschalis charitati præponeret, sine dubio exemplo Christi contentus esset, nec se oportere magis sollicitum esse quereretur, quam Christum ipsum, qui & Iudam præposuit ouibus pascendis, quem malum esse nouit, atq; id sine conditione. Vides enim, ut arguit à minori? Christus exegit, quanto magis nos. Quasi uero hoc aliquid ad rem pertineat, quod Christus conscientias nouit, Romanus Pontifex non nouit, Cum Christus exemplum in hoc omnibus præbuerit imitandum. Deniq; & nos non nouimus conscientias Romani Pontificis, iuret ergo & nobis conditionem, Christi saltem.

Job. 18.

Iuramentum nō est tan i, quanti est Ecclesie administratio.

Iterum quæro: Si ignorantia conscientiarum sola est causa exigendi iuramenti, Cur non cogis, ut iuret se recte iurasse, idq; sine fine, cum in nullo iuramento conscientiam eius noscas, recte ne iuret, an secus? Si autem ignorantia ista conscientie non mouet ad exactionem iuramenti, Qua fronte ignorantiam conscientiarum pro causa adducis? Quæ est ista mirabilis in uno homine super eodem homine, patientia & impatientia ignorantie conscientie? Si accepto iuramento, tantam administrationem ei cedis, Cur non, quod leuius erat, iuramentum ei cedis? An putas, quod maior res sit iuramentum tibi præstitum, quam tantæ Ecclesie administratio?

Ad hæc, ignorata conscientia debuit te quam tutissimum facere ad imponendam prælationem, ut eo magis relinqueres iuramentum, quo minus conscientias nosti, ne forte ad periurium eum cogeres. Gaudendum tibi fuit, hanc tibi a Christo relictam libertatem, ut possis eis oues committere, quorum corda nō nosti. Nunc per iuramentum secreta exploras, aut in periculum fratrem adducis, quorum utrumq; grauissimum est. Idq; sine causa, nec propter Deum, sed propter fidelitatem Romanæ Ecclesie.

Demum, Si ignorantia est causa iuramenti, Sequitur, Si scires conscientiam, male te ea egisse iuramentum. At cum quisq; de quolibet debeat presumere optima præsumere, & charitatis sit omnia credere, hæc ipsa fides de fratris bonitate

XIII DE POTESTATE PAPAE CCCXXVI

bonitate, certior est omni scientia, quod etiam si scires, diu scire non possis, credere autem semper possis. Ultimo, Nunquid post iuramentum nostri eius conscientiam? Cur ergo non toto tempore tibi iurat, qui toto tempore causas iuramenti tibi praestat?

Haec dixi, ut uideamus, quid sit uerbo Dei nolle cedere, & Scripturas suo sensui aptare. Quomodo ergo sperem apud Romanos Pontifices esse ius interpretandae Scripturae, qui tam manifeste Scripturas in alieno sensu tractant? Vel, quid non obtineant in terra Romani Pontifices? quid non audeant eorum nomine adulescentes, si haec persuasio eorum nos coeperit & euerterit, non licere scilicet eorum dicta cum iudicio legere, & eis solis interpretandae Scripturae iura concessa esse. Tunc enim (ut Augustini uerbo utar) uere sine periculo primatus huius in Ecclesia iudicatur, sed mirum, si non Deo & nobis illudatur. Absit, absit, ista plus quam Babylonica captiuitas.

Pontificum adulescentes.

Sequitur nunc oppositorum dissolutio.

Aunt, omne iusiurandum a Domino in Euangelio esse prohibitum, nec ab Apostolis post Dominum, nec in Concilijs inueniri posse statutum.

His ictibus insuperabilibus prostratus quid dicat, audiamus. Quid est ergo, quod Dominus subsequenter ait: Quod amplius est, a malo est? hoc enim amplius, ut exigamus malum, nos illo permittente compellit. Quod Christus prohibet & negat, hic affirmat & praecipit. Christus dicit: Quod amplius est, a malo est, id est, non debet fieri. Loquitur enim de proinitate iurandi, sine necessitate fratris, hoc est, de libidine iurandi, Sicut Mulierem concupiscere prohibuit, qui tamen debitum coniugibus reddendum non prohibuit. Ita libidinem iurandi, non iuramentum debitum prohibuit. Hic dicit, hoc amplius cogit nos, id est, fieri omnino oportet. Sed audiamus hoc malum, quod nullus in uerbis Euangelij cogitauit unquam.

Christus libidinem iurandi prohibet.

Nonne malum est, inquit, ab Ecclesiae unitate & a Sedis apostolicae obedientia resilire, & contra canonum statuta prorumpere, quod multi etiam post praestitum sacramentum praesumpserunt? Ego putabam, quod hoc malum esset interpretaturus, non diligere Christum, non pascere oves, & harum sollicitudine exemplo Christi torqueri ad iuramenti exactiorem. Verum, haec Christus a Petro requirat, hodie curandum, ne ab obedientia sedis apostolicae resiliant Episcopi.

Tunc ego, Episcopus meus nondum quidquam illorum maiorem fecit, ut quid ergo exiges iuramentum? An quod ignoras eum non facturum? Cur non in omni praeepto Dei exiges iuramentum? cur hic te non compellit malum? an non est malum a praeeptis Dei resilire? Quin Ecclesiam repleas, non nisi iuramentis. Si autem in Dei praeeptis tam patiens es, ut te tot mala, quae in prospectu dominantur, etiam in domesticis tuis, ad iuramentum non compellunt, Quomodo in tuis praeeptis, mala, nec praesentia, nec forte unquam futura, te compellunt? Nonne perspicuum est, quod amor sui, quo magis sese ornat, magis seipsum prodit? Prorsus nulla reliqua est ratio, quin si in tuis praeeptis iuramenta exigas pro tuo commodo, multo magis exigas pro Dei commodo, aut si hic non facis, non sine culpa ibi facis.

Amor sui.

Habes ergo malum, quod Romani Pontifices in Euangelio intelligunt, quod est suspicio mala de fratribus bonis, Nam transgressionem mandatorum Dei, an mala sint, alij uiderint. Oculus ambitionis & avaritiae.

RESOLVD M L SVPER PROPOSITV SEQVITVR.

Hoc nimirum malo ac necessitate compellimur iuramentum pro fide, pro obedientia, pro unitate requirere. Nunquid etiam pro fide Christi, pro obedientia Dei, pro unitate fratrum? Non, sed hoc unum Ecclesiae bonum & necessarium est, ut Roma secure dominetur, & cetera omnes seruiant captiuitatem.

Bonum & necessarium Ecclesiae.

Proinde Christiani in India, adhuc magno malo laborant, ita suspicio pessima de optimis fratribus est causa exigendi iuramenti, quam tamen non habent in praeceptis Dei, in quibus praesumunt omnia seruari.

Etiam hic unitatem Ecclesiae, fidem & obedientiam Romanae Ecclesiae intelligit, Non fidem, spem, charitatem, sacramenta, uerbum, & cetera, quae eadem sunt, Sed hoc singulare, quod nulli Ecclesiae conuenire uolunt, nisi suae, & tamen unitatem uocant. Sola Romana Ecclesia hoc habet hodie uel summum honum, & tamen cetera omnes in eo ipso conueniunt, quod non habent, & fiunt unum in re non communi, sed singularissima & uni homini tributa, Sic enim discenda sunt noua uocabula nostris temporibus in Scripturis & Ecclesia Dei. Quanto rectius Cyprianus unitatem hanc charitatem intellexit, sicut & Christus rogauit, Iohan. 17. *Iohan. 17.*

Cyprianus unitatem hanc charitatem intellexit.

Ut sint unum in nobis, sicut & nos unum sumus, unum, inquit, in nobis, non in ecclesia Romana.

IN FINE.

De Concilijs.

Aunt in Concilijs non inueniri statutum, quasi Romanae ecclesiae, legem ullam praefixerint, Cum omnia Concilia per Romanae ecclesiae auctoritatem & facta sint, & robur acceperint. Et in eorum statutis, patenter excipiat Romanus Pontificis auctoritas.

Nicenum Concilium, non est auctoritate Romanae Ecclesiae coactum.

Quis haec ferat, quaeso? Nunquid Nicenum Concilium robur accepit, aut factum est auctoritate Romanae ecclesiae? Nunquid & multa alia per Augustinum & olim Cyprianum in Africa habita? Denique, etiam si statuta exciperent Romanum Pontificem, tamen ipse debet nolle excipi, pro aedificatione Ecclesiae. Hic autem gloriatur se nemini quidquam debere, ut & Deus ei nihil debeat.

Panormitanus Archiepiscopus.

Ego sane Archiepiscopo Panormitano non tam duro et fragoso plenoque contentionis & rumoris respondi sermonem, quo furor & odium suscitatur, sed dixi: Sustine Frater interim, res magna est, tua solius gratia, haec tam subito cassare, quae nos non statuimus. Sic enim pax & charitas aleretur, At ista Decretalis meram superbiam, & praefractam fiduciam spirat.

Imperator Constantinopolitanus, obiecit Romano Pontifici uerbum Petri Subditi estote omni humane creaturae.

Adiciamus & alteram Decretalem, quo firmitus probemus, Non esse solis Pontificibus Romanis ius interpretandi sacras literas, nec oportere captiuos esse Christianos in eorum uerba, sed cum libero iudicio omnia eorum legenda.

De maiestate & obedientia e. solita, ubi, cum Imperator Constantinopolitanus obiecisset Romano Pontifici uerbum Petri, Subditi estote omni humanae creaturae &c. quo uoluit Patriarcham Constantinopolitanum sibi inferiorem facere. Respondet Innocentius III. siue quisquis fuerit, familiaris eius Scriba, prorsus ignarus sacrarum literarum, dicens:

Verum, si personam loquentis, & eorum ad quos loquebatur, ac uim locutionis attendisses diligentius, talem scribentis non expressisses intellectum.

Vide

XIII DE POTESTATE PAPAE CCCXXVII

Vide, quæso, Pastorem hunc ouium Christi, qui interpretaturus uerbum Dei, parat personarum differentias afferre, cum uerbum Dei nihil æque impugnet, atq; respectum personarum. Non est enim acceptio personarum apud Deum, sed quidquid præcipit, omnibus præcipit, magnis & paruis. Sed age, uideamus, quam loquentis personam hic nouus aduehat Scripturæ interpretes.

Deus quidquid præcipit, omnibus præcipit.

Scribebat enim Apostolus subditis suis, & eos ad meritum humilitatis prouocabat.

Sic habes loquentis personam, & eorum ad quos scripsit, id est, maioris & minoris, Deinde uim locutionis, quæ est, prouocatio ad meritum humilitatis. Hæc ille.

Principio, quid noui, quæso hæc affert interpretatio? Quis unquam præcipit alijs, aut docet alios, quam subditos suos? Quid ergo necessaria est distinctio personarum, ad intelligendum hunc solum locum Petri, præ cæteris eiusdem, & omnium Doctorum scripturis? An in cæteris, subditi docent maiores, discipuli magistrum, gentes Apostolum? Verum, sic oportet loqui, ne taceant, qui uel pessimam causam tuentur, uel ignari sunt literarum sacrarum. Fallit autem hunc Locutorem, quod uerba Petri, interim arbitratur esse iuris sui humani, in quibus aliquando maiores statuunt pro inferiorum salute, quæ ipsos non tangunt. Atq; hoc nimirum est, quod ex diuino præcepto Petri, nobis consilium facit, dicens; Eum prouocasse subditos ad humilitatem, uidelicet non præcepisse, nec consuluisse, sed tanquam ad humilitatis supererogatum (ut uocant) meritum prouocasse. Hanc scilicet uim in locutione Dei, inueniunt Pastores ouium, cum Petrus præcipiat, præceptum diuinum & necessarium addens: Sic est uoluntas Dei.

Notarij error.

Sequamur tamen sensum eius, qui est, hac locutionis uim distinctis personis, non Petrum, non successores eius, non rectores in Ecclesia, sed subditos tantum prouocari ad subiectionem. Videamus quid sequatur.

Sensus Innocentij.

Primo, Petrus & Pontifices sunt exempti à præcepto Dei, non decet eos obedire Deo, sed solos subditos. Et cum ius seu uerbum diuinum omnibus præfigatur, magnis & paruis, nullumq; sinat exceptum, Notarius tamen Papæ, potestatem habet excipere, quos uolet. Ita uides, per Decretales extinguere Euangelium, per uerbum hominis tolli uerbum Dei; Et hoc monstrum adoramus Christiani in Ecclesia Christi, pro uerbo Dei. Quis, quæso, non uratur?

Per uerbum humanum tollitur diuinum.

Quis autem ita insaniret alius, ut Petrum hanc subiectionem subditis imposuisse sua autoritate crederet, quo se ipse ab eodem præcepto eximeret? Hoc si fecit, aliud docuit uerbo, & aliud monstrauit exemplo, hoc est, destruxit quæ docuit. An oportet subditos Petri & non successores esse subiectos Cæsari, ipsos uero contrario exemplo idem eisdem dissuadere? An non Petrus fuit subditus potestatibus, sicut docuit? Non fuit Christus sub Cæsare? Nonne omnes Apostoli & Sancti? An Romano Pontifici non licet prouocari ad meritum humilitatis? Huic soli licet erigi in peccatum superbix? Itaq; aliud iam Pontifices sunt, quam Christiani, quoniam lex Christianorum eos non ligat. Alio eunt ipsi, alio eorum subditi, alio Pastores, alio oues, alio duces, alio greges; noua certe ratione, ducendi, pascendi, regendi. Non iam dicant, uenite, sed, ite, non præcedant, sed tantummodo dimittant populum in mandatis Dei.

Quod si in hoc loco ista sapientia ualet, ualebit & in omni alio præcepto Petri, ubi docet fidem Christi, euacuabiturq; uniuersa autoritas Petri, quia ubiq; dicitur, Hoc subditis præcepisse, non sibi nec Successoribus;

RESOLVD M L SVPER PROPOSIT

Expende Romanum
sem morem.

Qualis sacerdos,
talis populus.

quandoquidem, non nisi subditis loqui potuit. Dicamus ergo & hic: Si loquentis personam attendisses, & eorum ad quos loquitur, non ita exposuisses intellectum eius. Quia loquitur subditis suis, & eos ad meritum fidei, spei & charitatis prouocat, seipsum & nos exemptos uoluit. Et recte, sic enim hodie attendunt diligentissime Romani loquentis sui Petri personam, ut eis licere nihil eorum seruare, quæ ille locutus est, intelligant, ne Christo quidē credere, & Christianos esse ac uiuere, ut reiecto uerbo Christiano Petri, digni fiant hac Decretali Christiani, Qualis lex, talis & populus.

Vbi ergo manebit, quod in omnibus, quæ docentur in sacris literis, oportet primos esse Pontifices, & lucem mundi, ut uideantur eorum opera ab hominibus? Quid, si subditi dicant: Aliud nec facere nec debere possumus, quam à Pastoribus nostris fieri uidemus? Vbi tunc manebit uerbum Petri? ubi tunc eorum persona, ad quos loquitur? Quando subditi maiorem causam habent illud reiiciendi, eo ipso, quo uident, ipsum non modo non seruari, sed etiam reiici ab his, quorum exemplo uiuere debent. Vix me contrineo, ne Decretalem hanc impiissimam & peruersissimam dicam blasphemiam.

Sed iam cognita & persona loquentis & audientis, & ui locutionis, prosequamur, quomodo hæc exequatur.

Nam si per hoc, quod dixit, Subditi estote, sacerdotibus uoluit iugum subiectionis imponere, & eius prælationis auctoritatem auferre, quibus eos subiectos esse monebat, Sequeretur ex hoc etiam, Quod seruis quilibet in sacerdotes imperium accepisset, cum dicitur, omni humanæ creaturæ.

Quam amatum uerbum, Subditi estote, unde & repetit, quam potest odiosius, appellans iugum subiectionis, contra auctoritatem prælationis, & serui imperium uelut querulans. Deinde, monebat (inquit) exhorrens præcepti uocabulum, aliud nihil spirans, quam ne cogatur subesse ulli hominum, sed ut liceat omnibus præesse, aut saltem, ut consilium ex præcepto faciat.

Christus iubet non
in summo loco sedere

Quale autem est inconueniens, Esse sacerdotem subiectum seruo? Nonne Christus in medio omnium uenit ministrari, & formam serui accepit? An hæc prouocatio ad meritum humilitatis non nisi ad subditos Christi pertinet, cuius Romani Pontifices nolunt esse subditi? Christus iussit nouissimo loco sedere, Et Petrus omnes iubet insinuare humilitatem, Et Paulus: Superiores inuicem arbitantes, & honore præuenientes, Verum, hæc subditis suis dixerunt personæ loquentium, & alia secutæ sunt.

Creatura humana.

Quanquam de hac subiectione Petrus hoc loco non loquatur, quæ mutua humilitate spiritus in Christianis regnat, sed de ea, qua subiciebantur prophanis Magistratibus, Præsidibus, Iudicibus, quos potestas Romani imperij ordinauerat. Hanc enim constitutionem uocat Petrus creaturam humanam, quod per homines creentur hi Magistratus. At hic Decretalista, nec uocabula Scripturæ intelligit, & audet eam interpretari. Esse autem creaturam humanam (id quod dixi) potuisset intelligere (si tam sensum Petri, quam suam ambitionem quæsiuisset) ex mox sequentibus, ubi Petrus distribuens per singula, quæ in collectione dixerat, seipsum exponit, Omni, inquam, creaturæ, siue Regi, siue Ducibus, Q. d. Ideo dixi omni creaturæ, & omnibus hominum ordinationibus subijci, ne qui uestrum se

XIIII DE POTESTATE PAPAE CCCCXVIII

stium se aduersus minores Praesides eleuent, quasi tantummodo Regi obtemperaturi, sed etiam missis ab eo, date, facite, seruate, quae danda, facienda, seruanda sunt, Quomodo Rom. 13. Cui honorem, honorem: Cui timorem, timorem: cui tributum, tributum.

Non ergo de creatura Dei loquitur, quam Innocentius in suis opinionibus cogitat, Sed de creatura humana, ut uerba expresse sonant, qualis non est seruus, quem timet imperium accipere super sacerdotes, licet (iuxta Euangelium) cuius seruo nos oporteat submitti, Quin totum hoc uerborum chaos Innocentij, & nihil facit ad rem, & inscitiae suae duntaxat testimonia sunt.

SEQUITUR.

Quod autem sequitur, Siue Regi tanquam praecellenti, Non negamus, quin praecellat Imperator in temporalibus, illos duntaxat qui ab eo suscipiunt temporalia.

Hic si quaeras, Qua autoritate uerbum Petri sic coartet, & quod omnibus dictum est, ad aliquos duntaxat deprauator aptet. Respondebit Aliud nihil, quam sic uolumus, nostro uerbo credi fas est, etiam plus quam expresso textui uerborum Dei.

Primum, hic Scriba laborat, ubi non urgetur, & fugit, nemine persequente, scilicet mala fide, & conscientia uexatus. Petrus dicit, Regi subdi debere tanquam praecellenti, id est, qui sit primarius & plus quam Ducibus ab eo missi. At Decretalista uocabulo, praecellenti, male tactus, timens, ne praecellentiam sonet Imperatoris, super Pontifices, anxie occurrit, & de praecellentia Regis & Pontificis, longe extra sententiam Petri disputat, non aduertens uerbum Petri, qui non modo Regi praecellenti, sed etiam Ducibus ab eo missis obtemperare praecipit, imo, omni creaturae humanae, de quibus nihil est sollicitus Decretalista, quia uerbum praecellentiae in Ducibus, & creatura humana non sonuit terribiliter in auribus eius. Breuiter, ne dictionem unam quidem in Petri hac autoritate intelligit is, quisquis est, Scriptorculus Romanus, & contendit tamen omnes oues Christi docere.

Petri uerba deprauat Decretalista.

SED SEQUAMUR EIVS FVMVM.

Dico, Imperator in temporalibus omnibus praecellit, etiam sacris, idque iure diuino, ut haec Petri uerba cogunt, Tamen, quia in arbitrio eius est, & sunt creaturae humanae, potest hanc praecellentiam ipse sponte uel retinere, uel dimittere, & in utroque habet ius diuinum. Sic a Constantini tempore, non autoritate Pontificum, sed Imperatorum, creaturis humanis data est libertas, personis & rebus ecclesiasticorum, nec potest ad hoc ullus respondere aliud quod ualeat. Vnde, si Imperator uel Ducibus hanc reuocent, quae sua autoritate donarunt, non potest eis resisti sine peccato & impietate. Quare nihil hic facit deprauator, duntaxat eos Imperatori subiiciens, qui temporalia ab eo suscipiunt, aperte & temere uerbum Dei Petri discerpens.

Autoritate Imperatorum data libertas personis & rebus ecclesiasticorum.

A quo rogo, habet ipse temporalia? A diabolo, uel rapina? Et ubi est, quod supra dixit, Personam loquentis attendendam, quod Petrus haec scripserit suis subditis? Qui sunt Petri subditi? An soli Laici? Cur ergo omnes oues Christi sibi commissas in Petro iacet? Ergo omnes oues Christi, id est, omnes subditi Papae siue Laici, siue Clerici, ac per hoc, & ipse Dux ac Pastor, & Arietes gregis, subditi sunt Imperatori & Ducibus. Sic

Omnes, siue Laici, siue Clerici, sunt subditi Imperatori.

RESOLVENDUM SUPER PROPOSITUM

enim ipsiusmet Decretalistarum huius verba sibi collata cogunt. Aut ergo non nisi Clerici sunt oves Christi, Petro commissi, aut Clerici subditi sunt Imperatori simul cum Laicis, quia omnes Petro subditi, subduntur a Petro Imperatori & Ducibus.

Sed Pontifex in spiritualibus antecellit, quæ tanto sunt digniora, quanto anima præstat corpori.

Et cur hic non additur, Duntaxat illos, qui spiritualia ab eo suscipiunt? Nempe, quod in temporalibus excellere uult, ne Imperatori ulla parte cogatur subdi, quem Petrus in totum subdit Imperatori, Ita cogitur sacrum & tremendum verbum Dei postremo loco sedere, & nostris affectibus cedere. Sed dicito.

An Petrus ignorabat spiritualia præcellere temporalibus? Cur ergo seipsum & omnes subijcit temporalibus administrationibus? Verum illud longe suavius. Subditi Petri & Papæ sunt spirituales, ideo non subditi Imperatori, Ex quo sequitur, quod Laici, quia spirituales non sunt, nec subditi Petri, non sint oves Christi, quia has omnes Petro subiecit. Cum autem Petrus (hoc autore Decretalista) suis subditis hæc scripserit, sequens erit, solos Clericos debere, & nullos Laicos, subesse Imperatori, Aut, quod maxime horrent, non omnes oves Christi per mundum, sub Petro sunt, aut omnes subditos esse oportet æqualiter spirituales, si omnes oves & subditi sunt Petro, ac per hoc distinctio ista temporalium & spiritualium prorsus corrumpit.

Omnes subijciuntur gladio iure diuino &c.

Quid aliud mereatur, qui sacras literas humanis traditionibus tractare & contaminare audet, quam ut in hæc monstra confusionis & contradictionis ruat? Non ergo alij sunt subditi Papæ & Imperatoris, nisi quantum donauit Imperatoris constitutio & creatura. Hoc uerbo Petri & iure diuino omnes subijcitur gladio & potestati mundanæ, Sicut & Rom. 13. & Tit. 3. Scribitur: Omnis (inquit) anima potestatibus sublimioribus subdita sit, Non sine causa gladium portat, ministra Dei est, tibi in bonum. Credo, qui omnis anima dixit, nec animam Pontificis, nec suam ipsius exceperit. Sed perpendamus singula, ut uideamus Scripturæ sacræ interpretationem Romanam hodiernam.

1. Pet. 2.
Rom. 13.
Tit. 3.

SI spiritualia temporalibus præcellunt, quanto anima corpori, ideoque spiritualia non licet subdi temporalibus, Omnis autem homo habet animam, id est, spirituale, Ergo nullus homo alteri subdatur, nec oves Christi Petro, cum Petrus sit homo sicut & illi. Paulus dicit: Omnis anima subdita sit, quæ utique spiritualis est. An Christus non erat spiritualis, quando cum Petro soluit Cæsari didrachmum? An Pontifices exceperit, quando dixit: Date, quæ Cæsaris sunt Cæsari.

Matt. 17.
c. 22.

In uerbo & sacramento tradendo, Romanus Pontifex excellit omnes.

At hoc Syllogismo concludemus: Quod magis spirituale fuerit, præcellat minus spirituale, Tum Virgo sancta ancilla, dominabitur impio Pontifici, & pannosus mendicus Imperatori. Obsecro, quæ tandem hinc ludibria sequuntur? Hoc sane uerum, in uerbo & sacramento tradendo, (hæc enim sunt spiritualia) Pontifices sunt super omnes. Verum, in temporalibus rebus, officiis, tributo, censu, uectigali, & omnibus oneribus temporalis reipublicæ prorsus Pontifices & Clerici sunt magistratibus subiecti iure diuino, nec exempti, nisi beneficio huius humanæ creaturæ.

Quid per spiritualia intelligat.

Quod si dixerit: Spiritualia non intelligo personas ipsas, nam uolueramus omnes oves Christi, nobis esse subiectas & spirituales, Sed res ipsas spirituales, ut per temporalia, res temporales. Respōdeo: Tuo laqueo te capio. Si

pio. Si Imperatori tribuis temporalium omnium potestatem, cur ergo tua temporalia subtrahis, & non uis subdita? Et quod maius est, & in altimabile monstrum, cur tu Imperia, Regna, Domina, tenes, aufers, confers, transfers? Cur his te milces? Est hoc Imperatori temporalia permittere, & tibi spiritualia seruare?

Quid hic dicent omnes Decretalistsæ, nisi quod tam ex uerbis quam operibus suis cognoscuntur, ceu ex folijs & fructibus se nescire, quid sit, uel temporale, uel spirituale, imo amissis spiritualibus, solum temporalia amare, ut præcellentiam, opulentiam, uoluptatem. Si enim Imperator excellit in temporalibus, non debet ea spiritualis Pontifex usurpare, sed subdita illi relinquere, tributum de eis pendere Imperatori & Ducibus, ac reipublicæ temporali per illa seruire, quoties fuerint requisiti.

Licet non simpliciter dictum fuerit: Subditi estote, sed additum fuit: Propter Deum.

Quid hoc? An iterum consilium fiet ex præcepto? an non simpliciter persona loquentis attendenda est? an non simpliciter subditos suos Petrus prouocauit ad humilitatem? Non simpliciter Imperator præcellit in temporalibus? O miserum & anxium effugium, imo deploranda inscicia, que nondum, quid propter Deum uelit, accipit. Petri sensus planus est, ut statim se ipse exponit, Quia (inquit) sic est uoluntas Dei, ideo scilicet propter Deum subdi debere, non, quia illi mereantur magistratus, sed quia Deus ita uoluit. At Decretator forte conatur hoc uerbo, non necessariam esse subiectionem eiusmodi docere, quasi Petrus indebitos obsecrarit, meriti uidelicet humilitatis causa. Væ tibi, qui uerbum Dei saluberrimum tam audacter corrumpis, miserrime Decretator.

Nec pure sit scriptum, Regi præcellenti, sed interpositum fuit, forsan non sine causa, tanquam.

Tot mendacium eget fucis, ut uerum saltem uideatur, quam misere torquetur hic fugax Autor, ut Dei præceptum illudat. Si hoc, tanquam, minuit ueritatem, uel Regis, uel præcepti, cur superius non similiter dixit: Subditi estote tanquam omni humanæ creaturæ? Cur præcipit subdi sine tanquam? Cur non dixit: Estote tanquam subditi, simulantibus subiectionem, sicut ille simulat Regem, tanquam sit Rex? Insulsiore est ista glossa, quam ut mereatur refutari. Petrus uult, hoc, tanquam, rationalem esse coniunctionem, ostendens, quare sit subdendum, Quia, inquit, præcellit, & quia Duces missi sunt ab eo, Hoc est, ipsa præcellentia & potestas, quia Deo uolente geritur, est causa, quare propter Deum subdi ei debeatis.

Pet. 2. Quod autem sequitur, ad uindictam malorum, laudem uero bonorum, intelligendum non est, quod Rex uel Imperator super bonos & malos acceperit gladij potestatem, sed in eos solummodo, qui utentes gladio, eius sunt iurisdictioni commissi.

O Neccessariam Romanæ Curia & Cleri licentiæ impunitissimæ glosam. Hic sane opus erat oculos intendere, hic ulcus tangebatur, sed frustra. Iterum, hic cum suo duntaxat prodit, uerbum Dei generale torquens in partem populi Christi. Quare & nos eadem absurda, pro uerbo Dei, contra uanitatem hanc reducamus. Et queramus, An omnes oues Christi sint Petro subditæ? & An ad suos subditos hæc scripserit? & an

RESOLVM L SVPER PROPOSITIO

& an alij sint subditi Petri & Regis : hæc enim tria , necesse est , confiteatur uera , ut ex prædictis patet.

Quare , si suis subditis hæc scripsit , & hi alij sunt à subditis Imperatoris , gladij potestas , uerbo Petri , solum super Clericos , in uindictam maiorum , & laudem bonorum ualebit , eruntq; exempti omnes & soli Laici , Cur ergo contraria uidemus fieri , adeo , ut Clericos tradant seculari foro , non nisi exutos clericatu : Sin omnes sunt subditi Petro , & ad omnes hæc scripsit , qui sunt oues Christi . Ergo , uel Clerici gladio exempti , non sunt oues Christi , uel hæc deprauatio & distinctio uerborum Petri , prorsus impia & ueritati aduersa est.

Heretici potestate
gladij puniti.

Deniq; , hæc glosa id præstabit , ut iam nulla sit potestas gladij , quandoquidem Pontifici totum orbem subiiciunt , subiecti uero ei , non sunt sub Imperatoris iurisdictione , Nisi noua & humanitus instituta iurisdicção , Clericos solos eximat , ac Laicos illic relinquat . Sed hoc non est uerbum Petri exponere , qui omnes gladio subiicit , qui sibi subiecti sunt . Ita pugnant leges hominum , cum lege Dei . Quare nullus est exemptus à potestate gladij , siue Laicus , siue Clerus , nisi quantum ipsa potestas gladij donauit ac permisit . Sicut olim hæretici tempore Augustini puniebantur potestate gladij , & etiam nunc per ignem . Quod nullo modo liceret fieri , si ecclesiastica iurisdicção esset iuris diuini , ea scilicet , qua exempti sunt Clerici à gladij potestate . Et sicut hodie habet clericalis status , melius esset , sublati exemptionibus , rursus gladio subiici , iuxta præceptum Petri & Pauli , omnes Cleros , ut punirentur , tunc Ecclesia melius haberet , timore gladij , peccatis coercitis , Nunc autem suis legibus impune aluntur in omne malum .

Potestas gladij.

Potest autem potestas gladij Clero gratuito concedere suum rigorem . Verum , si id nollet facere , non posset cogi , nec ullis Pontificum decretis impediri . Non enim habent potestatem gladij coercendi , quem Deus dedit solus . Nec uerum est , quod in manu Papæ sit iubere gladium eximi , uel condi , libera est potestas gladij à Deo collata , sicut & supra dixit , quod in temporalibus eam haheat Imperator , Vbi in omnibus dicere debuit , Adeo non potuit omnino negare , gladium non esse in sua manu .

Potuißes autem prærogatiuam sacerdotij ex eo potius intelligere , quod dictum est , non a quolibet , sed a Deo , non Regi , sed sacerdoti , non de regia stirpe , sed de sacerdotali prosapia descendenti . De sacerdotibus uidelicet , qui erant in Anatoth , Ecce constitui te super Gentes & Regna , ut euellas & dissipes , ædifices & plantes .

Jerem. I.

Quid hoc ? An non est a Deo dictum , quod Petrus & Paulus dixerunt : Subditi estote : Non est sacerdotibus dictum , non est omnibus dictum , quando Paulus dicit : Omnis anima :

Rom. 13.

Petrus.
Paulus.
Jeremias.

Quid si Imperator dicat : Ego duos Apostolos primos pro me habeo , quibus plus credendum est , quam Ieremiæ , eo quod illi ueritatem reuelatam noui Testamenti , iste more prophetico occultatam locutus est : Ideo nihil probatur contra me . Quid hic dicetur : Sed adde , si hæc uera sunt : Ergo Ieremias est summus Pontifex , Quandoquidem hunc eius titulum soli Ro. Pontifices arrogant , quod constituti sunt super gentes & regna .

Præcellentia in Ecclesia.

Igitur de Propheta & opere Prophetæ locutus est Deus , nihil de præcellentia sacerdotali . Non est alia præcellentia in Ecclesia , quam uerbi ministerium , quod bene saluum manet , si sacerdotes in omnibus temporalibus subiecti sint potestati gladij , sicut fuit in Christo & Apostolis , & primoribus Episcopis .

Deniq;

XIII DE POTESTATE PAPAE CCCXX

Denique, cur non euellit, dissipat, ædificat, plantat, si hoc ad se pertinere putat? Non sunt dignitatis & præcellentiæ, sed laboris & officij uerba, quæ hic ponuntur. Et ubi fuit summus sacerdos in lege, si Ieremias hoc uerbo, Sacerdos constituitur super gentes & regna, super quæ ille non erat constitutus. Vbi est & illud quoque, quod Pontificem in spiritualibus duntaxat præcellere dixit, partitus cum Cæsare imperium, si super gentes & regna constitutus est, ad hunc sensum?

Ieremie uerba non dignitatis, sed laboris.

Præterea nosse debueras, quod fecit Deus duo Luminaria magna in firmamento cœli, luminare maius, ut præesset diei, & luminare minus, ut præesset nocti, Vtrumque magnum, sed alterum maius. Ad firmamentum igitur cœli, id est, uniuersalis Ecclesiæ, fecit Deus duo luminaria magna, id est, instituit duas dignitates, quæ sunt pontificalis autoritas & regalis potestas, Sed illa, quæ præest diebus, id est, spiritualibus, maior est, Quæ uero carnalibus, minor. Et quanta est inter solem & lunam, tanta inter Pontifices & Reges differentia agnoscitur.

Duo Luminaria magna in firmamento cœli.

A quo cognoscitur? a glosa hoc textu dignissima, quæ dicit, Papam quadragies septies esse maiorem Rege, Adeo certi sibi sunt de mensura utriusque magnitudinis, & solis & Pontificis. Nisi quod hic magna quæstio oritur, Quomodo in ueteri lege Reges erant super Pontifices, nisi tunc non fuisse Ecclesiam, id est, firmamentum cœli, credendum sit, quando una Ecclesia Dei est, ab origine mundi ad finem usque. Sed esto, Ecclesiam Christianam intelligat. Quid dicit? Quis certiores nos faciet, Sol nouum an ueterem sacerdotem significet? Siquidem allegoria dubia est, & nihil probat, Imo qua ratione compescetur Imperator, si suam potestatem dicat intelligi per Solem maius lumen, ut cui subiecta per Pauli uerbum sit omnis anima, quantumlibet spiritualis?

Papa quadragies septies maior Cæsare.

Rom. 13.

Quid? quod hac ratione sequitur, Iulium, Augustum, & alios gentiles Imperatores fuisse in Ecclesia, quia fuerunt minus lumen Ecclesiæ, a Deo factum? Et quod festiuus est, Iulius & Augustus erant minus lumen, antequam fieret firmamentum, id est, Ecclesia, imo antequam Christus nasceretur, caput & autor huius firmamenti, Sed & uniuersalis Ecclesia diu fuit sine isto maiori luminari, & etiamnum est in Græcia & India, Illi forte adhuc in tenebris sunt, licet in firmamento cœli sint.

Iulius, Augustus.

Festina celsionem.

Dolendum sane istis ludicris & nugis, uerba Dei in res (ut putant) tam serias stabiliendas deformare. Facebant laruæ, figura nihil probat. Deinde, allegoria horum uerborum est hæc. Sol est Christus. Luna Ecclesia. Cœli Apostoli. Stellæ Sancti. Potestas Imperatoris nihil pertinet ad Ecclesiam, non magis quam quæcunque res mundi.

Sol. Luna. Cœli. Stellæ.

Nobis autem commissæ sunt oues Christi, in B. Petro, dicente Domino: Pasce oues meas, Non distinguens inter has oues & alias, ut alienum a suo ouili demonstraret, qui Petrum & Successores ipsius, Magistros non recognosceret & Pastores.

HOc sane necessarium erat addere, quo ambitio aperte ostenderetur. Quis autem hanc glosam accipiet? quo neruo firmabitur? quando dicis, non distinguens inter has & alias: Cuius oues Paulus pascebat & alij Apostoli? suas? Cur non potius dicendum, quod non distinxerit inter

inter

RESOLVD-M-L-SUPER PROPOSITIO

Omnes oues pasci a Petro, impossibile
inter Petrum & alios Pastores ; cum impossibile fuerit , ab uno Petro pasci omnes. Sin per alium potest pascere ; quid refert & oues posse per alium audire ? Vbi tunc erunt tam Pastor quam oues ? Siccinè uerbum Dei licet ludere ?

Pascere.
Cur autem , qui hoc uerbum , pascere ; ad se solos pertinere putant , non eunt in Turcas ? imo cur non in Bohemos saltem ? Verum , quid hoc laboro ? Cur non pauit hic Paschalis hunc Decretaliam , & suam Curiam , ut uerba Christi recte intelligeret , pro animæ cibo , & non tam misere contaminaret ? An in Turcia & Bohemia non sunt animæ pascendæ ? An solum pastas sibi credit commissas ? Cur ergo Petrus non contentus pastis à Christo ouibus , ipse per totum mundum pascendas & docendas quæsiuit ? Cur , inquam , pascere sibi usurpant , & tamen non faciunt ? nisi quod cupiunt nos scire , quid intelligant per uerbum , pascere ; quibiles illi ad se oues pertinere iactant , scilicet dominari , in ocio tondere oues , meracq; tyrannide in Ecclesia præualere ?

Error itaq; est , alienum esse ab ouili Christi , qui Petrum & successores ipsius non recognoscit Pastores & Magistros. Primum , quod ipsi nec pascunt , nec regunt , Alioqui iam omnes Christiani essent alieni à Christo , quod nullus eorum uideat , etiamsi quam maxime uelit Pastores & Magistros Romanos Pontifices. Vident autem eos , & recognoscunt dominantes & pompantes , & tamen hac recognitione non magis sunt de ouili Christi , sed pethe eiciuntur per uim , tam efficacia sunt eorum scandala. Deinde , quia satis est , Paulum , imo quemuis sacerdotem recognoscere Pastorem & Magistrum , ubi ubi fuerit. Hic enim pascit & regit , Illi uero pastas solum tondent & maciant. Sed satis hæc , ne uidear studio reprehendendi hæc moliri , tum aliud non quæram , quam ut illis os obstruam , qui nobis Scripturarum intellectum liberrimum à Christo datum , captiuare audent in sensum & uerbum hominum Pontificum , Volentes de uerbis Dei iudicare secundum uerbum hominum , Cum contra uerba hominum iudicanda sint secundum uerbum Dei , quod iudicat omnia.

Ad tertium , ad Rationes.

Vbi illud primum tractandum , Quod Decreta , quibus primatus Ecclesiæ Romanæ probari à me dicitur , dixi intra quadringentos annos nata , & contra hoc esse Historias mille & centum annorum.

Primo , sciebam hæc offensura , & manifestissime omnium falsa uideri omnibus. Certum est enim , esse Decretis Romanorum Pontificum , ante mille annos certatum pro hoc Primatu.

Romana Ecclesia non est superior alijs.
Ego autem hoc spectauim , quod Romana Ecclesia nunquam fuit , nec est , nec erit unquam super omnes totius orbis Ecclesias , licet super pluras sit. Nec enim fuit unquam super Græciæ , Aphricæ , Asiæ Ecclesias , nec eorum Episcopos confirmauit , sicut modo nostros confirmat , ut satis probant historiae. Deinde sunt sine dubio Christiani in Oriente , cum Christi regnum sit orbis terrarum , iuxta Psal. 2. & tamen Episcopi eorum non instituantur , non confirmantur à Roma , nec est necessarium. Psal. 2.

Quo tempore ceperunt multiplicari leges & iura Rom. Pontif.
Deinde ab hoc tempore ceperunt multiplicari leges & iura. Nam Gregorius IX. Bonifacius VIII. Clemens V. nisi consarcinassent , & alias recisas , alias additas Epistolas , scholis legendas ac docendas tradidissent , sine dubio , tot maria glossarum , & infortunissimum Iuris studium non essent. Delituisse autem tam Decreta , quam Decretales magno Ecclesiæ lucro , & Euangelij comodo , intra arcas Romani Pontificis , Nunc autem

autem quæ sit facies Ecclesiæ uigore istarum legum, plus satis uidemus. Nec hoc satis, indies augescunt eiusmodi libri, & tamen nihil faciunt, nisi quod plures animabus laqueos ponunt. Inde Dispensationum, confessionum, indulgentiarum, exemptionum turpissimæ nundinæ. Inde Episcopatum, sacerdotiorum, officiorum, palliorum, annatarum rapinæ, & uenditiones impudentissimæ. Inde censuræ, minæ, fulmina, uis, fraus, dolus, & infinita monstra, Quorum nullum, aut saltem rarum esset, si Epistolæ eiusmodi, sicut oportuit, intra annales & regestas mansissent sepositæ, & Euangelio in publico locum reliquissent.

*Quæ monstra nata
ex Rom. legibus.*

Proinde traditiones Romanas nunquam ita sensit mundus, ut in annis istis quadringentis. Ideo totum eorum pondus & omnem uim Gregorius IX. tribuendum existimo, per quem uelut natæ sunt & ortæ. Ab hoc enim usus eorum robur accepit, & inualuit, ut legibus istis & traditionibus ita sint omnium officia, statuta Ecclesiæ, ordines, in unum chaos confusa, intra istos quadringentos annos, ut Babylone ipsa confusior sit hodierna Ecclesia. Nemo in suo ordine incedit, quilibet sibi ex Vrbe legem emit, qua uiuat, Ille exemptus, iste privilegiatus, iste familiaris, iste officialis, iste nescio quo titulo, omnes libertatem quidlibet essendi, faciendi, audendi habent per has Romanas leges.

Gregorius IX.

*Hodierna Ecclesia,
confusior ipsa Ba-
bylone.*

Nec Romæ aliud curatur, quam ut hac Ecclesiæ Numma calamitate roboretur potestas & dominatio sua in omni indiuiduo suo sola. Et hunc Ecclesiæ occasum, si quando gemimus, si dolemus, si querulamur, Hæretici sumus, irreuerentes in Romanam Ecclesiam sumus, scandalosi, seditionosi, procaces sumus. Quia uidelicet querulari non possumus, nisi Romani Pontificis, tum iura, tum potestatem, imo tantas iniurias populi Dei simul tangamus. Nam hic fons est, aut seruandæ aut perdendæ Ecclesiæ. Cum autem hodie omnia sint in Vrbe inquinatissima & corruptissima, & agentibus impiissimis adulatoribus, de ipsis nihil liceat uel mutire, nisi quod portenta ista laudet, iustificet, glorificet. Quid mirum, si sub uenerabili Romanæ Ecclesiæ nomine, tot mala inundauerint in omnem Ecclesiam pleno impetu, & præcipiti, cui nemo resistere possit, gurgite.

*In Vrbe omnia cor-
ruptissima.*

Denique, eodem deuenit legum Romanarum studium, & Euangelij neglectus, ut necesse habuerint, statuere in Concilio nouissimo, Animam hominis esse immortalem. Quid, putas, hoc decretum indicat?

*Decretum de im-
mortalitate animæ*

Itaque unusquisque in suo sensu abundet, mihi Decretorum autores sunt, Gregorius IX. Bonifacius VIII. Clemens V. & Extrauagantium Pontifices. Quod his agentibus, in publicum sparsa & præcepta sunt, & omnia stabilita. Quæ si instar Epistolarum Gregorij, Augustini, Hieronymi, Bernardi, & aliorum, uel in Bibliothecis, uel arcis, pro cuiusque arbitrio consulenda, citra ullum præceptum, relicta fuissent, foeliciores esset Ecclesia. Nunc uero, quando summis articulis fidei æquantur, ab adulatoribus autem & præferantur, fructum illarum habemus, ordinis Ecclesiastici confusionem, conscientiarum horrendas carnificinas, Euangelij ignorantiam, scelerum impunitissimam licentiam, adulatorum Romanensium odiosissimam tyrannidem, donec id meruerint, ut sub uasto cælo non sit nomen odiosius & graueolentius nomine Romanæ Curiae.

*Decreta Pontificum
summæ articulis fidei
non solum æquata,
sed prælata Ec-
clesiæ statum per-
diderunt.*

Ex his credo intelligi, me non fuisse tam crassæ ignorantiae, ut nescirem longe ante quadringentos annos Decreta Romani Pontificis nata. Alioqui quomodo certos quadringentos annos, & non plus aus minus potuisssem recitare? quomodo iudicare quod essent frigidissima? quomodo historias allegare? quomodo textum Scripturæ contrarium asserere? nisi diligentissime omnia perdidisssem & contulisssem? Ex his inditijs uolui na-

KK

suto Le-

RESOLVD·M·L·SVPER PROPOSIT·

futo Lectori satisfactum, ut me non sine causa sic posuisse cognosceret, nec ignorantia, sed de industria sic locutum fuisse, Simul, ut invidiosa & adulatoria propositioni Eccij per omnia par referrem.

Qui cum adstruxisset, ante tempora Sylvestri, Romanam Ecclesiam fuisse alijs superiorem, & ego persuasissimum haberem, Eccium non esse tam impudentem, ut publice mentiretur, nec tam ignarum Historiarum, ut hæc uera crederet, insidias suspicatus sum, ut qui morem Sophistarum & lubricitates istorum Proteorum probe callerem, Qui si uolent, falsum facient uerum, & uerum mutant in falsum, cum interim in alijs cum loquendi rigorem exigant, ut nec uerba Dei tuta coram eis sint. Proinde, uolui animosiores, ac ante diem triumphabundum reddere, sicut ipse me formidabundum nifus est facere.

CUm ergo mihi satis esse potuerit, quod Scripturæ sanctæ autoritas mecum est, qua probatur Primatus ecclesiasticus iure diuino nullus esse; Tamen, ne solus & solas Scripturas iactare uidear, iam & aliorum Sententias audiamus cum Rationibus.

Hieronymus ad Euagrium.

Primus est D. Hieronymus in Epistola ad Euagrium, sic scribens: Legimus in Isaia: Fatuus fatua loquitur. Audio quendam in tantam erupisse uecordiam, ut Diaconos Presbyteris anteferat. Nam cum Apostolus perspicue doceat, eosdem esse Presbyteros, quos Episcopos, quid patitur mensuram & uiduarum minister, ut super eos tumidus se efferat, ad quorum preces corpus & sanguis Christi conficitur? Quæris autoritatem? Audi testimonium, Paulus & Timotheus serui Ihesu Christi, omnibus Sanctis, qui sunt Philippis cum Episcopis & Diaconis. Philip. 1.

Idem Episcopus qui Presbyter.

Vis & aliud Exemplum? In Act. Apostolorum, ad unius Ecclesiæ sacerdotum ita Paulus loquitur: Attendite uobis & uniuerso gregi, in quo Spiritus sanctus posuit Episcopos, ut regatis Ecclesiam Dei, quam acquisiuit sanguine suo. Ac ne quos contentiose in una Ecclesia plures fuisse Episcopos contendat, audiat aliud testimonium, in quo manifestissime comprobatur, eundem esse Episcopum atq; Presbyterum: Propter hoc reliquite Cretæ, ut quæ deerant, corrigeres, & constitueres Episcopos per ciuitates, sicut tibi mandaui, Si quis est sine crimine, unius uxoris uir, filios habens fideles, non in accusatione luxuriæ, aut non subditos. Oportet enim Episcopum sine crimine esse, sicut Dei dispensatorem. Et ad Timot. Noli negligere gratiam, quæ data est tibi per prophetiam, & per impositionem manuum Presbyteri. Sed & Petrus 1. Pet. 5. Presbyteros, qui in uobis sunt, precor ego Conpresbyter & testis passionum Christi, & futuræ, quæ reuelanda est, gloriæ particeps, Regite gregem Christi, & inspicite non ex necessitate, sed uoluntate, iuxta Deum. Quod quidem græce significantius dicitur *Επισκοποῦντες*, unde & nomen Episcopi tractum est. Act. 20. Tit. 1. 1. Tim. 3. 1. Pet. 5.

Petrus Conpresbyter &c.

Iohannes Presbyter.

Parua tibi uidentur tantorum testimonia uirorum? Clangat tuba euangelica, filius tonitru, quem Ihesus plurimum amauit, qui de pectore Saluatoris, doctrinarum fluenta potauit. Presbyter electæ Dominae & filij eius, quos ego diligo in ueritate. Et alia Epistola, Presbyter Gaio charissimo, quem ego in ueritate diligo.

Episcopus electus.

Quod autem postea unus electus est, qui cæteris præponeretur, in remedium schismatis factum est, ne unusquisq; ad se trahens, Ecclesiam Christi rumperet. Nam & Alexandriæ à Marco Euangelista, usq; ad Heracliam & Dionysium Episcopos, Presbyteri semper ex se unum eligebant, & in excelso gradu collocabant, quem Episcopum nominabant. Quomodo si exercitus sibi Imperatorem faciat, Diaconi autem eligant de se, quem industrium nouerint, & Archidiaconum nuncupent. Quid enim facit, excepta ordinatio

ordinatione Episcopus, quod Presbyter non facit? Nec altera Romanae urbis Ecclesia, altera totius orbis aestimanda est. Et Galliae & Britanniae, Nam & Aphrica, & Persis, & Oriens, & India, & omnes barbarae Nationes unum Christum adorant, unam obseruant regulam veritatis. Si autem autoritas quaeritur, Orbis maior est urbe, Vbicunque Episcopus fuerit, siue Romae, siue Eugubij, siue Constantinopoli, siue Regij, siue Alexandriae, siue Thanis, eiusdem meriti est, & eiusdem sacerdotij, potentia diuitiarum, & humilitatis, paupertatis, uel sublimiorem uel inferiorem facit. Caeterum omnes Apostolorum successores sunt. Hæc D. Hieronymus.

Non alia urbis, alia
urbis Ecclesia.

Nihil de mutatione temporum loquor, nihil de iure positiuo. Hoc contendo, Si unus Episcopus iure diuino caeteris praefertur, manifeste hic Hieronymus haeresim docet, non solum ipse (nam ei non crederem) sed Petrus, Paulus, Iohannes, Lucas, quos inducit irrefragabiles auctores. Quis, quaeso, his resistet? Cur adulator negat Romanum Pontificem caeteris esse Coepiscopum, cum primus Petrus se Conpresbyterum appellat? Si successores sunt Petri, quid erubescunt titulum sui praedecessoris? Si nomen superbissimum, sanctissimi, summi, maximi Pontificis haereditant ex recentioribus, Cur non nomen Conpresbyteri & Coepiscopi a primo? Obsecro, an Petrus, Paulus, Iohannes, Lucas, & omnes Apostoli ignorauerunt, quid uerbum Christi sibi uoluerit: Tu es Petrus, & Tibi dabo clauēs, & Pascē oues meas, quod non exinde Petro primum diuinitus datum obseruauerunt.

Pontifices erubescunt
titulum Petri
sui praedecessoris.

Si me omnino haereticum clamant, qui omnia quae uolunt tribuo Romano Pontifici, solum ne autoritate Scripturae, id est, mendaciter facere cogar, parcant S. Hieronymo tantis autoribus munito. Proclamat ille longe impudentius, Episcopos, potentia diuitiarum & humilitate paupertatis inuicem esse, uel sublimiores uel inferiores. Ego consensu fidelium & decretis hominum id adstruo. Cur non hunc irreuerentem, blasphemum, seditiosum, bis septies comburant haereticæ prauitatis prauissimi Inquisitores? Sinant me cum Hieronymo interim sapere, Sinant cum Paulo, Petro, Iohanne, Luca sentire. Si hoc non est satis, age, comburant sua Decreta primum. Nam hæc Epistola recitatur in Decretis, distin. xcij. c. legimus, legitur, auditur, docetur, approbatur hæc ab uniuersis in Ecclesia Romana. Cur ego unus prohibeor dicere & sentire, quod ipsimet omnes dicunt, sentiunt, iubentque sentire?

Hieronymus non modo Episcopos aequat inter se, sed & Presbyteros Episcopis comparat, alterum ætatis, alterum officij nomen esse pronuntians. Ego longe reuerentius locutus, nihil peto, nisi ut contra hanc ueritatem non cogar Scripturas & uerbum Dei illudere. Sit Romanus Pontifex quidquid uoluerit, Modo autoritate Scripturae id non adstruant, sed & Scripturas eorum sensui aptari patiar, Modo ne hunc esse germanum & solum sensum contendant. Sat ergo est, quod frigidissimis Decretis primum assertitur, qui feruentissimis Dei uerbis negatur. Sed audiamus iterum eundem, in commentariis super Epistolam ad Titum.

Hieronymus Presbyteros Episcopis
comparat.

D. Hieronymus in commentariis Epistolæ ad Titum.

Idem est ergo Presbyter qui Episcopus, & antequam Diaboli instinctu, studia in religione fierent, & diceretur in populis: Ego sum Pauli, ego Apollo, ego autem Cephe, communi Presbyterorum consilio Ecclesiae gubernabantur. Postquam uero unusquisque eos, quos baptisarat, suos esse putabat, non Christi, in toto orbe decretum est, ut unus de Pres-

KK ij byteris

RESOLVENDUM SUPER PROPOSITO

Presbyter etatis,
Episcopus officij
nomen est.

byteris electus superponeretur, ad quem omnis Ecclesiæ cura pertineret, & schismatum semina tollerentur. Putat aliquis, non scripturarum, sed nostram esse sententiam, Episcopum & Presbyterum unum esse, & aliud ætatis, & aliud esse nomen officij, relegat Apostoli ad Philippenses uerba, & cætera, quæ supra in Epistola ad Euagrium induxit. Et in fine. Sicut ergo Presbyteri sciunt se ex Ecclesiæ consuetudine, ei qui sibi præpositus fuerit, esse subiectos, Ita Episcopi nouerint se magis consuetudine, quam dispensationis diuinæ ueritate Presbyteris esse maiores, & in communi debere Ecclesiam regere.

Philip. 1.

Vide ergo, an Propositio mea male uel bene dixerit, Esse contra Scripturarum textum, Romanam Ecclesiam esse alijs superiore, cum etiam sit contra ipsa Decreta. Nam & hæc B. Hieronymi uerba recitantur distin. xcv. c. Olim. Atq; si non tibi approbarentur, tamen quia solidis pugnant diuinæ Scripturæ armis, etiam si totus mundus & Angelus de cælo contradixerint, nihil dixerint. Atq; ita satis puto & probatam nostram Propositionem, & dissoluta omnia argumenta, quæ uel fingi contraria possunt. Stat sententia, non dispensationis diuinæ ueritate, sed Ecclesiæ consuetudine, Episcopos esse maiores Presbyteris.

Gala. 1.

Addo tertium Decretum eadem distin. xcv. c. Episcopus, Episcopus in quolibet loco sedens, stare Presbyterum non patitur. Et iterum alio c. Episcopus, Episcopus in Ecclesia in consessu Presbyterorum sublimior sedeat, intra domum uero collegam Presbyterorum se esse cognoscat. Hæc ibidem esse Decreta Concilij Carthaginensis quarti dicuntur, Quæ certe hæretica sunt, scandalosa & seditiosa (ut uocant) si Episcopi iure diuino Presbyteris sublimiores sunt, quos esse collegas Episcoporum statuunt, multo magis, si unus Episcopus cæteris sublimior est. Deleant ergo primum sua Decreta, quæ nos cogunt discere, ut quid damnant in nobis, quod ipsi nos docent.

Patet itaq; re ipsa æquales Episcopos inter se & Presbyteros, solo usu & Ecclesiæ causa, alium alijs præferendum. Ex quo ulterius sequitur, Si primatus Romani Pontificis uergere incipiat in Ecclesiæ detrimentum, omnino tollendus est de Ecclesia, quia humana iura & consuetudines pro Ecclesia seruire debent, non contra Ecclesiam militare. Quod si non fiat, iam coram Deo, traditio hominum irrita facit mandata Dei. Quare uide, quam tenui pendeat filo, Romanorum adulatorum tyrannis, quæ seipsam autoritate diuina conata stabilire, seipsam penitus ea ratione subuertit.

Cyprianus.

Huc & Cyprianum uoco, quem & B. Augustinus allegat lib. 2. c. 2. de Baptismo, dicentem: Nec enim quisquam nostrum Episcopum se esse Episcoporum constituit, aut tyrannico terrore ad obsequendi necessitatem Collegas suos adigit. Quando habet omnis Episcopus pro licentia libertatis & potestatis suæ arbitrium proprium, tanquam ab alio iudicari non possit, quomodo nec ipse potest alterum iudicare, sed expectemus uniuersi iudicium Domini nostri Ihesu Christi. Hic gloriosus Martyr palam confitebatur tyrannidem esse, ab uno Episcopo alios cogi ad obedientiam. At hanc tyrannidem, uelut iusticiam, pene omnes Decretalium syllabæ, & statuunt & seruant, tanquam diuinam autoritatem. Deinde mirum est, quod B. Augustinus non redarguit Cyprianum à se allegatum, si sensit etiam contra ius diuinum loqui, sed potius cum eo sentit, omnes scilicet esse Episcopos æquales.

Omnes Christiani
æquales.

SED VIDEAMVS ET ALIA.

Idem Cyprianus libro Epistolarum primo, Epistola quarta, ad
Fœlicem

XIII DE POTESTATE PAPAE CCCXXXIII

Fœlicem Presbyterum, probaturus diuinis testimonijs, quod in potestate non Episcopum, sed plebs, maxime sit eligere aut recusare Episcopos, dicit, Propter quod Plebs obsequens dominicis præceptis, & Deum metuens, à peccatore Præposito separare se debet, nec se ad sacrilegi Sacerdotis sacrificia miscere, quando ipsa maxime habeat potestatem, uel eligendi dignos sacerdotes, uel indignos recusandi. Quod & ipsum uidemus de diuina autoritate descendere, ut sacerdos plebe præsentē, sub omnium oculis deligatur, & dignus atq̃ idoneus, publico iudicio ac testimonio comprobetur, sicut in Numeris Mosi præcepit Dominus, dicens: Præhende Aaron fratrem tuum & Eleazarum filium eius, & impones eos in montem coram omni Synagoga, & exue Aaron stolam eius, & induc Eleazarum filium eius, & Aaron appositus moriatur illic. Coram omni Synagoga iubet Deus constitui sacerdotem, id est, instruit & ostendit ordinationes sacerdotales, non nisi sub populi assistentis conscientia fieri oportere, ut plebe præsentē, uel detegantur malorum crimina, uel bonorum merita prædicentur, Et sit ordinatio iusta & legitima, quæ omnium suffragio & iudicio fuerit examinata.

Plebs habet potestatem eligendi aut recusandi Episcopos.

AA. 1.

Quod postea secundum diuina magisteria obseruatur in Act. Apostolorum, Quando de ordinando in locum Iudæ Episcopo, Petrus ad plebem loquitur: Surrexit, inquit, Petrus in medio discipulorum, Fuit autem turba in uno. Nec hoc in Episcoporum tantum & Sacerdotum, sed in Diaconorum ordinatione obseruasse Apostolos animaduertimus, de quo & ipso in Act. Apostolorum scriptum est, Et conuocauerunt, inquit, illi duodecim, totam plebem Discipulorum, & dixerunt eis: Quod utiq̃ idcirco tam diligenter & caute conuocata plebe tota gerebatur, ne quis ad altaris ministerium, uel ad sacerdotalem locum indignus obreperet.

Ritus eligendi Episcopi.

AA. 6.

Propter quod diligenter & diuina traditione & apostolica obseruatio ne seruandum est & tenendum, quod apud nos quoq̃ & fere per prouincias uniuersas tenetur, ut ad ordinationes rite celebrandas, ad eam plebem, cui Præpositus ordinatur, Episcopi eiusdem Prouinciæ propinqui quiq̃ conueniant, & Episcopus deligatur plebe præsentē, quæ singulorum uitam plenissime nouit. Quod & apud uos factum uidemus, in Sabini nostri Collegæ ordinatione, ut de uniuersæ fraternitatis suffragio, & de Episcoporum, qui in præsentiam conuenerant, qui de eo ad uos literas fecerant, iudicio, Episcopatus ei deferretur, & manus ei in locum Basilidis imponeretur.

Hunc ritum & per multas alias Epistolas idem Cyprianus commemorat, semper suffragium populi, & iudicium propinquorum Episcoporum allegans, ut hanc ex Deo ordinationem esse cum fiducia pronunciet.

Suffragio populi, & iudicio propinquorum Episcoporum, Episcopus eligebatur.

Qui ritus, quid sit ad eum, qui hodie ex Vrbe petitur, in quo nō modo exclusus est populus, sed nec Sacerdotum electio satis est, alijs relinquo. Nec referre est necesse, quanto fœlicius hodie is ritus diuinus seruaretur, præsertim, tot sacerdotibus malis regnantibus, & inuito populo impositis, Nam uidemus per Romanam Curiam, per gratias suas expectatiuas, passim in mundum etiam intrudi sacerdotes. Transeant hæc. Hoc queror, quod hunc ritum sacratissimum & uetustum, iuriq̃ diuino per omnia conformem, hi nostri hæreticum & damnatum haberi uolunt, præ ritu suo recentiore, cum certum omnibus sit, S. Nicolaum, S. Martinum, S. Augustinum, S. Ambrosium, omnesq̃ priscos Patres eo modo fuisse ordinatos. Sit itaq̃ ritus hodiernus, qualis esse potest, modo Romanum Pontificem non iure diuino id posse putemus, ne tot seculorum Sanctos & Martyres contra ius diuinum egisse damnemus.

KK iij

Gregori.

RESOLVM L SVPER PROPOSITVM

Gregorius. 1.

Gregorius I. lib. 4. Registro. Epistola. 32. licet per auctoritates illas : *Pasce oues meas. & Tu es Petrus &c.* Petro Apostolorum Principi totius Ecclesiae curam à Domino commissam dicat : Tamen in hac cura nullum Episcopum ei successorem patitur , Sed nec Petrum Apostolum uniuersalem appellari dicit , scribens ita Mauricio Augusto de Iohanne Constantinopolitano. Cura totius Ecclesiae & principatus Petro committitur , & tamen uniuersalis Apostolus non uocatur. Et uir sanctissimus confacerdos meus , uocari uniuersalis Episcopus conatur. Exclamare compellor , ò tempora , ò mores. Et infra : Si nomen illud in Ecclesia sibi quisquam arripit. Vniuersa ergo Ecclesia (quod absit) à statu suo corruit, quando is , qui appellatur uniuersalis , cadit. Sed absit à cordibus Christianorum nomen istud blasphemiae , in quo omnium sacerdotum honor adimitur , dum ab uno sibi dementer arrogatur.

Vniuersalis Episcopus.

Ecce habes , quod blasphemiae nomen sit , uniuersalis Episcopus. Quid putas , de nomine summi , maximi , sanctissimi dixisset ?

Chalcedonensis Synodus.

Sequitur : Certe pro B. Petri Apostolorum Principis honore , per uenerandam Chalcedonensem synodum, Romano Pontifici oblatum est, sed nullus eorum unquam hoc singularitatis uocabulum assumpsit, nec uti consensit, ne dum priuatum aliquid daretur uni, honore debito priuarentur sacerdotes uniuersi.

Seruus seruatorum.

Perspicuum est, hunc Gregorium, qui se cunctorum sacerdotum seruum potius quam Dominum uocat , & seruum seruorum Dei , non credidisse solum Romanum Pontificem Petri successorem esse, ut qui abhorreat princeps sacerdotum & Episcoporum dici , cum illum principem Apostolorum dicat.

Idem in sequenti Epistola ad Constantiam , eundem Iohannem Luciferum comparat , dicens : Quia illum uidelicet imitatur , qui spretis sociali gaudio Angelorum legionibus , ad culmen conatus est singularitatis erumpere.

Gregorius Romanus Pontifex.

Idem Epistola 36. ad Eulogium Alexandrinum & Anastasium Antiochenum Episcopos , Sicut nouit ueneranda sanctitas uestra, per sanctam Chalcedonensem Synodum , Pontifici sedis apostolicae (cui Deo disponente deseruio) hoc uniuersitatis nomen oblatum est. Sed nullus unquam praedecessorum meorum hoc tam prophano uocabulo uti consensit. Quia uidelicet , si unus Patriarcha uniuersalis dicitur , Patriarcharum nomen ceteris derogatur. Sed absit hoc à Christiana mente , id sibi, uelle quempiam arripere , unde Fratrum suorum honorem imminuere , ex quantulacunque parte uideatur. Sed nonne, si ius diuinum est primatus Papae, tam ipsi Pontifices Romani haeretici fuerunt , quam Concilium. Illi, quod ius diuinum non assumpserunt, sed conculcauerunt, Hoc, quod obtulit, quae non erant sui iuris offerre.

Et infra de eodem , Vniuersa tentat sibi adscribere , & omnia membra , quae soli uni Capiti coherent (uidelicet Christo) per elationem pompatici sermonis , eiusdem Christi sibi studet subiugare. Obsecro, quid mereretur, qui hodie sic loqueretur, hic Gregorius Romanus Pontifex persequitur tanquam prophanum , quod nostri statuunt, quasi sit ius diuinum.

Ego sum Pauli etc.

Et Episto 38. ad ipsum Iohannem Episcopum praedicta iterans , & copiosius explicans dicit : Certe Paulus Apostolus cum audiret quosdam dicere : Ego sum Pauli , ego Apollo , ego uero Cephe , hanc dilacerationem corporis dominici , per quam membra eius alijs se capitibus quodammodo sociabant , uehementissime perhorrescens exclamauit & dixit : Nunquid Paulus

XIII DE POTESTATE PAPAE CCCXXIIII

Paulus pro uobis crucifixus est : aut in Pauli nomine baptizati estis : Si ergo ille membra dominici corporis certis extra Christum , quasi capitibus & ipsis quidem Apostolis subijci particulariter euitauit : Tu , quid Christo uniuersalis sanctæ Ecclesiæ capiti in extremi iudicii es dicturus examine , qui cuncta eius membra tibi met conaris Vniuersalis appellatione supponere : At nonne & hoc summo impetu faciunt , & conantur , o Gregori , tui successores :

Et infra , certe Petrus Apostolus primum membrum S. & uniuersalis Ecclesiæ est , Paulus , Andreas , Iohannes , quid aliud , quam singularium sunt plebium capita , & tamen sub uno capite omnes sunt membra Ecclesiæ. Sed hæc satis.

Avdiamus iam ipsum caput omnium , Quid super huius Monarchiæ statu definierit. Nam hic præscius futurorum , quæstionem hanc primus omnium , & dedita opera , dissoluit , & tot adhuc seculis super ea certatur , quasi uerba Christi sumus sint , & inanis fabula.

Luc. 22.

Dicitur itaq; Luc. 22. Facta est autem contentio , quis eorum uidetur esse maior ; Dixit autem eis : Reges gentium dominantur eis , & qui potestatem habent super eas , benefici uocantur , uos autem non sic , Sed qui maior est uestrum , fiat sicut minor. Et qui præcessor est , sicut ministrator . Et exemplum suum subiungit. Nam quis maior est , qui recumbit , an qui ministrat : Nonne qui recumbit : Ego autem in medio uestrum sum , sicut qui ministrat.

Reges gentium dominantur eis.

Ezech. 4.

Psal. 110.

Vides , quod Christus aperte pronunciat esse Reges gentium , non Pontifices , qui uolunt esse maiores. Et potestatem illam mundanam (id est , sine uerbo & dilectione) prorsus damnat. Verum ego credo , quando quidem Ecclesiam necesse fuit semper à gentibus opprimi , ut Ezech. 4. dicit : In medio gentium posui eam. Et Psal. 110. Dominare in medio inimicorum tuorum. Ideo quando defunt gentes aliæ ut Scriptura impleatur , in Ecclesia Reges gentiles fieri oportuisse , & potestate dominante super Ecclesia tyrannizare , diligendi & docendi officio , ad alios translato. Item , Marc. 10. Vbi filij Zebedæi ad potestatem aspirant , ut unus ad dexteram et alius ad sinistram sederet , acceperunt sane responsum dignum , scilicet , ut calicem biberent , nec tamen certi , ubi sessuri essent. Hanc ambitionis infirmitatem , quid mirum est in Pontificibus quoq; Romanis fuisse , quantumlibet sanctis , etiam Martyribus , quando in Apostolis eam Christus pertulit : Deniq; cum illi duo Apostoli hac arrogantia cæteris indignationem commouissent , & iterum oriretur contentio de maiestate. Ihesus conuocans eos , dixit eis : Scitis , quia hi qui uidentur gentibus principari , dominantur eis , & principes eorum habent potestatem eorum. Non autem ita est in uobis , sed quicumq; uoluerit fieri maior , erit uester minister , Et quicumq; uoluerit in uobis primus esse , erit omnium seruus (iterum exemplum sui addit) Nam & filius hominis non uenit , ut ministraretur ei , sed ut ministraret , & animam suam daret redemptionem pro multis. Quis autem nō uideat , quod hoc ministeriū nec Pontifices nec eorum adulescentes quærunt , sed potestatem solam : Quia Christum ministratorem arduum est imitari .

Reges gentium.

Filii Zebedei Mar.

10.

Ambitionis infirmitatem pertulit Christus in Apostolis &c.

Item eiusdem 9. Et uenerunt , Capernanum , qui cum domi essent , interrogabat eos : Quid in uia tractabatis : At illi tacebant , Siquidem in uia inter se disputauerant , quis eorum maior esset. Et residens , uocauit duo decim , & ait illis : Si quis uult primus esse , erit omnium nouissimus & omnium minister. Et accipiens puerum , statuit eum in medio eorum , quem cum complexus esset , ait illis : Quisquis unum receperit in nomine meo , me recipit.

Primus in regno celorum fit omnium nouissimus.

KK iij

Eadem

RESO·D·M·L·SVPER PROPOSITIO·

Eadem Lucas 9. Intrauit autem cogitatio in eos, quis eorum maior esset. At Ihesus uidens cogitationes cordis illorum, apprehendit puerum, & statuit illum secus se, & ait illis: Quicumq; susceperit puerum istum in nomine meo, me recipit, & quicumq; me receperit, recipit eum, qui me misit. Nam qui minor est inter uos omnes, hic maior est. Item Matt. 18. In illa hora accesserunt ad Ihesum Discipuli, dicentes: Quis, putas, maior est in regno caelorum? Et adduocans Ihesus paruulum, statuit eum in medio eorum, & dixit: Quicumq; humiliauerit se, sicut paruulus iste, hic maior est in regno coelorum.

Non potestas, sed
seruitus imponitur
Episcopis.

Nunc uide, quantis uerbis, quot Exemplis, quanta diligentia Christus praeuenerit & prohibuerit ambitionem illam, quam tanto tumore iactant Decreta & Decretales, ac ita repetunt & inculcant, ac si hoc sit pascere populum Christi, quod est potestatem iactare, & ambire. Non ergo potestas, sed seruitus imponitur Episcopis. Quis autem non libens patietur eos seruire, si uellent.

Vnde meo iudicio, sicut Apostoli usq; ad finem uitae Christi, contenderunt, nec tot Exemplis & uerbis Christi ab humana ista affectione temperarunt, & tamen nullum permisit obtinere primatum, donec omnes dispersi eum relinquerent, Ita in Ecclesia tot iam seculis contenditur de primatu prohibito, nec auditur Christus interim tot uocibus resistens, nec ulli obtinere permittens, donec forte & ipsi adueniente Antichristo, dispergantur, & Christum negent.

Nam Apostoli primum haec pulchre seruabant, quando Iacobum minorem Episcopum Hierosolymis constituerunt, & Petrus, Iacobus ac Iohannes a se, suos primatus reiecerunt. Post illos autem mox tam Christi quam Apostolorum exemplo neglecto, sine fine contendunt, non pro uerbo, quo plus doceant, sed quo latius mandare, ligare, soluere, & lucrari queant, sic enim & nos infirmitates Pontificum, non sine multis scandalis ferre cogimur, propter Christum. Si enim iuris diuini erat primatus Petri, impiissime fecit una cum Iohanne & Iacobo, quod minorem Iacobum sibi Episcopum praetulerunt in Ecclesia Hierosolymitana, cuius omnes erant membra, Vnde & Paulus Gala. 2. Iacobum praefert Petro, in censendis columnis Ecclesiae.

Nunc ex Historijs & Rationibus.

1.
Apostoli omnes
qualiter uocati &
instituti Act. 15.

Prima est ipsa Act. Apostolorum, ubi Petrus aequalis scribitur ceteris Apostolis, deniq; sui sermonis c. 15. confirmationem a loco accepit. Deinde, nullum Apostolorum ipse ordinauit, nec ullus sub ipso fuit. Quomodo ergo successor Petri omnium Apostolorum successores sub se habere potest, Quid, quaeso, ad haec dici ab ullo potest? Item Matthiam nec ipse nec omnes simul ausi sunt in Apostolum ordinare, sed ex Deo postularunt tantum. Quod est euidentissimum argumentum, nullum Apostolorum alteri fuisse praetatum, sed a solo Deo, quemlibet ceteris aequaliter uocatum & institutum.

2.
Petrus a Paulo re-
prehensus Gala. 2.

Secunda, Gala. 2. Antiochia Petrus a Paulo reprehendebatur, in quo patet, Romanum Pontificem subesse cuilibet melius sentienti. Nec ideo uerum esse, aut bonum, quia ipse sic dicit aut facit, sed ratione reddere tenetur, imo non semper potest reddere, sed aliquando cum Petro errat.

3.
Victor I. Ro. Pon.
Irenaeus Episcopus
Lugdunensis.

Tertia, ecclesiastica historia lib. 5. Victor I. Romanus Pontifex Asiae Episcopos uoluit excommunicare, Redargutus autem est non a Paulo, sed ab Ireneo Lugdunensi, & coercitus etiam a ceteris omnibus, monitus & iussus pacem habere, & Ecclesiam non conturbare, quibus, sicut decuit, cessit. Item ibidem, Anicetus quoq; cessit Polycarpo, Smyrnae Episcopo.

Anicetus.
Polycarpus.

neo Episcopo, nec eum cogere potuit, in sua decreta. Item historia tripar. lib. 4. Iulius primus conatus prohibere, ne citra suam auctoritatem Concilium cogerent orientales Episcopi, inaniter egit, quia nihil illi hoc curarunt & acutissime ei rescripserunt.

Quarta, Romanum Pontificem esse omnibus superiorem humano decreto sancitum est, nempe constantini. IIII. Graecorum Imperatoris, ut scribit Platina in Benedicto 2. nec sic tamen observatum Episcopis alijs.

Quinta, Nunquid Cyprianum & Augustinum, aliosque Africa Episcopos confirmavit Papa, qui tamen de latina Ecclesia erant? Nunquid eorum Concilia impedivit? aut concilia abula fuerunt, quia sine Romani Pontificis auctoritate gesta sunt, ut in eorum libris clare habetur.

Sexta, Quando Alexandrinum, Antiochenum, Hierosolymitanum, & alios Aegypti, Arabiae, Syriae, Asiae, totiusque Orientis Episcopos instituit? Hi omnes ergo haeretici fuerunt? Absit.

Septima, nec hodie sub Romano Pontifice sunt, qui in Perfide, India, Schytia, totoque Oriente sunt. An putas nullos ibi esse Christianos? & regnum Christi in Romam coactum, cuius sunt omnes fines terrae? Psal. 2. & 22. An non sunt Episcopi, quia non induunt uestes, non habent palatia, equos, aliasque pompas Romanas? Sufficit, quod uerbum Dei docent, quod diligunt ac pascunt. Quia sic nec Apostolos confiteberis Episcopos fuisse, si faciem rerum, non res ipsas contemplari coeperis. Imo eo meliores Episcopi, quo a larvis facierum remotiores, & eo minus Episcopi, quo propiores.

Octava, Scribit Hieronymus de illustribus uiris, quod Achatius Episcopus Caesariensis discipulus Eusebii Pamphili, imperante Constantio, Liberium Papam deposuerit, & Foelicem constituerit. Item, Iohannem Chrysostomum non Romanus Pontifex, sed Theophilus Alexandrinus & Epiphanius Cypri Episcopi (ut in tripart.) deposuerunt. Idem Epiphanius Cypri minor Episcopus Iohanne Hierosolymitano Episcopo, eundem excommunicauit, & poenituit communicasse cum illo, ut D. Hieronymus scribit contra eundem. Et si Historias consideres, quomodo nunc Imperatores Papam, nunc contra, Papam Imperatores, Item, Papa Episcopos, & Episcopi Papam mutarint, statuerint, deposuerint, credas te illada quandam uidere, Nec mirum, quia Christum non audierunt, ambitiones prohibentem, ideo toties colliduntur & turbantur.

Nona, Quid ad hoc dicemus? Vera ne est illa sententia, quam tota Ecclesia, omnia etiam Decreta, omnes Doctores tenent, Esse uidelicet Episcopos Apostolorum successores, ut dist. xxi. in nouo. Si est falsa, quid iactatur tanta auctoritate? Si uera, Quomodo solus Romanus Pontifex est successor unius Apostoli Petri, & caeteri omnes Romani Pontificis sunt subditi? Cur non & alij Apostoli habent successores? Num fuerunt caeteri Apostoli successores unius Petri? Cur caeteris Apostolis auferatur sua gloria, & tribuitur soli Petro? Cur non quilibet Episcopi habent, quod Apostoli eorum habuerunt, cum Romanus habeat, quod Petrus suus praedecessor habuerit? Muta ergo uerbum, & dic, Quod Episcopi sunt Apostolorum successores, sed unus Episcopus Romanus, est unius Apostoli successor. Ista ratio, fateor, nisi ego sum insensatio, tranco, cogit, & omnium obstruit os, Esse Episcopos omnes aequales, & sicut Romanus Pontifex a nemine ordinatur, ita quilibet per solam electionem, sicut

4. Platina in Benedicto 2.

7. Regnum Christi

8. Achatium. Liberium. Foelicem.

9. Episcopi successores Apostolorum.

Episcopi omnes aequales.

RESOLVENDUM SUPER PROPOSITO

nem, sicut ipse ordinari debet, iure diuino. Stat enim firma sententia, Nullum Apostolorum à Petro missum esse, sed omnes eadem à Christo Domino æqualia accepisse in suas sortes. Ergo eorum Episcopi successores, æqualia habent cum Romano Pontifice, excepta prerogatiua honoris seu dignitatis, sicut Paulus ad Corinth. clare scribit, Quid enim minus feci à magnis Apostolis?

10.
Ecclesia primitiua
non oppressa ty-
rannide Papæ.

Decima, Responde, Si Romanus Pontifex præcepto Dei est Vicarius generalis in tota Ecclesia, sequitur inuitabile peccare eos, imo esse hæreticos, qui non sub eo fuerint. At tunc Ecclesia tota primitiua, saltem usq; ad quadringentos annos cum tot Martyribus & Sanctis, hæretici erunt. Obsecro, quid prodest tantam blasphemiam in Ecclesia pro fumidæ potestatis pompa statuere? Deniq; etiam S. Petrus erit hæreticus, qui ante Romanam Ecclesiam cum Apostolis fuit Hierosolymis. Vincit me hæc ratio inuisita.

11.
Ecclesia Hierosoly-
mitana potius ma-
iorem aliarum, quam
Romana.

Vndecima, Si ulla Ecclesia est prima, & mater omnium, non est alia nisi Hierosolymitana, ut dixi supra. Quid enim faceret Roma, si haberet hæc pro se, quæ habet illa? Nempe, quod Isaïas & Michæas, & omnes Prophetæ pronunciarint, de Zion exituram legem Euangelij, & de Ierusalem uerbum Domini. Item, quod Dominus ibi dedit gloriam in domo sua nouissima, ut Haggeus dicit, Quod Christus ibi Pontifex, Apostoli autem uelut Presbyteri, quod Christus ibi oblatus, Spiritum sanctum misit, Et breuiter, hinc in omnem terram exiuit uerbum Dei, hinc omnes Ecclesiæ. Nec est ullius tam impudens frons, qui possit negare hanc esse uere matrem Ecclesiarum omnium, fontem, radicem ac matrîcē, etiam Romanæ Ecclesiæ. Vnde li. 9. tripar. c. 14. Episcopi in Concilio Constantinopolitano congregati, significant Damaso Episcopo Romano inter cætera, quæ ordinarant in hunc modum, In matre cunctarum Ecclesiarum Hierosolymis constituta, reuerendissimum & Deo amabilem Cyrillum Episcopum esse significamus, qui regulariter olim à Prouincialibus ordinatus &c. Hic claret matrem omnium Ecclesiarum, tunc habitam Hierosolymitanam, & Concilium fuisse citra Romani Pontificis auctoritatem habitum, quod esset hæreticum, si iure diuino niteretur Romani Episcopi potestas. Si ergo hæc non habet primatum, imo uix quintum ei dedērunt, quanto minus Romana habet, quæ est eius discipula? Dicat aduersus hæc aliquid qui potest.

Isa. 2.
Mich. 4.
Hag. 2.

Damasus.
Cyrillus.

12.
Concilium Nicenū
cōmittit Romano
Pontifici suburba-
narum Ecclesiarū
curam.

Duodecima, Concilium Nicenum, ut scribitur lib. 16. c. 6. hist. ecclesiast. statuit arti. 6. in hunc modum, Et apud Alexandriam, uel in urbe Roma, uetusta consuetudo seruetur, ut uel ille Aegypti, uel hic suburbanarum Ecclesiarum sollicitudinem gerat. Responde, Hoc Concilium omnium fere sacerrimum est. Et ecce, non modo non primatum & monarchiam Romano dat Pontifici, sed ex uetusta consuetudine, non iure diuino, tribuit sollicitudinem Italicarum & suburbanarum Ecclesiarum. Atq; hæc in Propositione mea tetigi, quando dixi, quod contra frigidissima Decreta staret Detretum huius Concilij.

Si ergo sum hæreticus, Age, tollant primum hoc Concilium, cui me, ipsa quoq; Decreta, tanquam Euangelio cogunt obedire, Non possum duobus Dominis seruire contrarijs.

13.
Nicenum Concilium
statuit Episcopos
ordinandos à pro-
uincialibus Episco-

Decimatertia, Idem Nicenum Concilium statuit, non a Romano Episcopo omnes Episcopos ordinari, sed à Prouincialibus Episcopis, dicens: Et ut, si forte in ordinando Episcopo, duo uel tres, pro aliqua contentione dissentiant, reliquorum auctoritas, & præcipue Metropolitanæ, tum cæ-

XIII. DE POTESTATE PAPAE. CCCXXXVI.

cum cæteris firmior habeatur. Obsecro, quid amplius facere debeo? Non satis est, quod Romano Pontifici omnia quæ sibi arrogat, libens cedo, de beo insuper probare, quod hæc Decreta sunt contempta & irritata humanæ unitus Episcopi arbitrio?

Decimaquarta, Idem Nicenum Concilium, Episcopo Hierosolymitano, non Romano tribuit honoris primatum, dicens ibidem: Et ut Episcopo Hierosolymorum antiquitus tradita honoris prærogatiua seruetur, manente nihilominus & Metropolitani ipsius prouinciæ dignitate. Doce me, Lector, quid faciendum sit, quando non satis est, me hodierno tempore confiteri, Rom. Pontificem esse primum, nisi mentiar quoque, & negem alium antiquitus fuisse primum; & tanti Concilij autoritati resistam. Denique, in Concilio Niceno primo loco sedisse scribitur Eustachius, Antiochenæ Ecclesiæ Episcopus, non Ro. nec Legatus Ro. Episcopi lib. 2. tripar. c. 5. quod esset intolerabile hodierno iuri Ro. Episcopi, nec tamē ideo hæreticus fuit, aut Nicenum Concilium contra ius diuinum egit.

14.

Eustachius.

Decimaquinta, Si Romana Ecclesia est prima propter primum Apostolum Petrum, eadem necessitate confitebimur, & compostellanam Ecclesiam esse secundam propter Apostolum S. Iacobum, & Ephesinam tertiam, propter Apostolum tertium, Iohannem, & sic per ordinem Apostolorum. At iste ordo, nunquid seruatur? Quo iure ergo solus Petrus primam facit Ecclesiam, nisi humano? Cur ergo Constantinopolitana, quæ nullum habet Apostolum, præfertur secundo loco Compostellanæ? Cur Alexandrina, quæ & ipsa nullum habet Apostolum, præfertur Ephesinæ? Cur Antiochena sine Apostolo præfertur Edissenæ, quæ Apostolum Thomam habet? Cur Hierosolymitana, his omnibus quinto loco postponitur, quæ Christum, Petrum, Iacobum, Iohannem, Item Iacobum columnas, (ut Paulus Gala. 2. scribit) habuit, & uniuersos Discipulos? Vides, quam sit nulla ratio? quam Christus studiose huius primatus ambitionem præuenit, & causas eiusdem penitus confuderit.

15.

Ecclesia Compostellana.

Gala. 2.

Decimasexta, Si ad solos Petri successores pertinet uerbum Christi: Tu es Petrus, & Pasce oues, pari sequela concludetur. Solius Iohannis successores esse filios Mariæ in cruce commendatos, solos plus cæteris dilectos. Quia hunc solum in cruce allocutus matri commendauit. Ergo ab Ephesinis Episcopis accipiunt cæteri, ut sint filij Ecclesiæ & Mariæ. Item soli successores Iacobi & Iohannis essent filij Tonitru, & soli successores Iacobi minoris, essent fratres Domini. Et omnino omnium, ad quos Christus semel locutus est, successores, haberent eadem iure diuino. Quo, quid uanius dici potest?

16.

Tu es Petrus.

Decimasextima, Si Papa esset iure diuino super omnes fideles Ecclesiæ, nullus posset eum absolvere, nec confitentem audire. Quia quid quid iuris diuini est, immutabile est, nec ulla ratione potest se alteri submittere, & potestatem super se pati, sine iuris diuini iniuria. Non enim potest inferior superior fieri ullo pacto, nisi hominum arbitrio. Ius diuinum stat fixum in eo quod est.

17.

IN fine dico, me nescire, an Christiana fides pati possit, in terris aliud caput Ecclesiæ uniuersalis statui, præter Christum. Sunt, qui Christum in Ecclesiam triumphantem reijciunt, ut Romanum Pontificem militantis Ecclesiæ caput constituent, contra expressum Euangelium Matth. ultimo: Ecce ego uobiscum sum, usque ad consumationem seculi. Et illud Actor. 9. Saule Saule, quid me persequeris? Ideo enim regnum fidei Ecclesia uocatur, quod rex noster non uidetur, sed creditur, Sicut fidei.

Ecclesia regnum fidei.

Matth. ult.

I. CONCIO DE SACRAMENTO

Sicut 1. Corinth. 15. dicit : Oportet illum regnare , donec ponat inimicos suos scabellum pedum suorum , Et tunc tradet regnum Deo & Patri. At hi regnum rerum presentium faciunt , dum uisibile caput erigunt. Nam & mortuo Pontifice , Ecclesia non est sine capite , cur ergo uiuo Pontifice Christus non pro capite solus habetur? An uiuo Pontifici cedit , & mortuo succedit , uelut quidam alternus Pontifex, Si autem & uiuo Pontifice caput est, ut quid duo capita in Ecclesia statuimus?

CONCLVDO.

*Totum scriptum
est.*

Omnis Sacerdos in articulo mortis & necessitatis est Episcopus, est Papa , habens plenissimam plenitudinem potestatis super confitentem, ut tenet sententia communis totius Ecclesiae , & ex B. Cypriani Epistolis euidenter conuincitur. Ergo nec Papa est Episcopus , nec Episcopus est superior Presbyteris iure diuino. Tenet consequentia , quia ius diuinum est immutabile, tam in uita , quam in morte.

FINIS.

Si quid requiris amplius , alibi inuenies.

ET IN TERRA PAX HOMI-
NIBVS BONAE VOLVN-
TATIS.

VI. CONCIONES VIRI DEI D. M. L.

I.

DE SACRAMENTO BAPTISMI.

Baptismus.



PRIMO, Nomen , Baptismus , graecum est , latine potest uerti , Mersio , cum immergimus aliquid in aquam , ut totum tegatur aqua.

Et quamuis ille mos iam absoleuerit apud plerumque (neque enim totos demergunt pueros , sed tantum pauca aqua perfundunt) debebant tamen prorsus immergi , & statim retrahi. Id enim etymologia nominis postulare uidetur , Et Germani quoque Baptismum , Tauff / uocant , a profunditate , quam Tieff , illi sua lingua uocant , quod profunde demergi conueniat eos , qui baptizantur.

Et sane

BAPTISMI D. MART. LVTH. CCCXXXVII

Et sane, si species quid Baptismus significet, idem requiri videbis. Hoc enim significat, ut vetus homo, & natiuitas nostra plena peccatis, quæ ex carne & sanguine constat, tota per diuinam gratiam demergatur, Id quod post copiosius indicabimus. Debebat igitur modus baptizandi respondere significationi Baptismi, ut certum ac plenum eius ederet signum.

Secundo, Est quoque Baptismus externum signum seu nota, quæ nos discernit ab omnibus alijs hominibus, qui non sunt baptizati, ut cognoscatur, quod simus populus nostri ducis Ihesu Christi, sub cuius signis (ea crux est) assidue contra peccata pugnamus.

Tria igitur in hoc Sacramento nobis sunt spectanda, Signum, Significatio signi, & fides. Signum in eo consistit, quod homo in aquam demergitur, in nomine Patris & Filij & Spiritus sancti. Non autem in aqua retinetur, sed statim retrahitur. Hinc nostri Germani Catechistam dicunt, de fonte baptismi leuasse puerum, utemur enim vulgari loquendi consuetudine. Sic ambo illa in signo requiruntur, ut & demergatur puer in aquam, & rursus retrahatur.

Tertio, Figura seu significatio Baptismi ea est, ut mortificentur primo peccata, post ut resurgamus per gratiam Dei, ut vetus homo, qui in peccatis conceptus & editus est, totus demergatur, & prodeat nouus homo, renatus per gratiam Dei.

Sic S. Paulus ad Titum 3. vocat Baptismum lauacrum regenerationis ac renouationis, quod in eo lauacro regeneremur & renouemur. Sic Christus quoque Iohan. 3. dicit: Nisi quis renatus fuerit ex aqua & spiritu (gratiæ scilicet) non potest introire in regnum Dei.

Quemadmodum enim mater illo carnali partu plenum peccatis puerum & iræ filium edit, Ita Baptismus edit spirituales partum, & regenerat nos, ut iustificati simus filij gratiæ. Sic peccata in Baptismo demerguntur, & emergit pro peccatis iusticia.

Quarto, Porro illa peccatorum demersio & mortificatio non perfecte in hac vita absoluitur, donec hoc mortale corpus pereat, & totum in puluerem abeat. Sacramentum vel signum baptismi, id quod videmus, breui perficitur. Verum significatio eius & spiritualis baptismus, demersio scilicet peccatorum, illa per hanc totam vitam durat, & non nisi in morte perficitur. Tum enim uere demergitur homo in Baptismum, & uere fit hoc, quod Baptismus significat.

Non igitur hæc uita aliud est, quam perpetuus Baptismus spiritualis, donec moriamur, & adiudicatur morti is, qui baptizatur. Perinde atque si dicat Sacerdos, cum baptizat, Ecce tu nihil aliud es quam caro plena peccatis, Demergo itaque te in nomine Dei, & sententiam mortis contra te in eodem Nomine fero, ut tecum omnia peccata tua moriantur & demergantur. Atque sic S. Paulus quoque ad Roma. 6. dicit: Sumus cum Christo sepulti in mortem per Baptismum.

Quo igitur citius homo à Baptismo moritur, eo citius Baptismus suus perficitur & absoluitur. Neque enim cessant peccata, quod diu hic viuimus, Nam cum toti ex & in peccato simus nati, natura nostra peccatum est. Id quod Propheta quoque confirmat: Ecce in iniquitatibus conceptus sum, & in peccatis concepit me mater mea. Nec aliter consuli huic naturæ uicio potest, quod per mortem, cum tota una cum peccatis interit.

Vides igitur Christianam vitam nihil esse aliud, quam initia quædam à Baptismo feliciter & sancte moriendi, donec hoc corpus intereat.

L L enim

I. CONCIO DE SACRAMENTO

enim Deus hominem in nouissimo die resurgere, vt tum plane nouus sit.

Spiritualis regeneratio.

QVinto, Quemadmodum autem demersionem in aquam breui perfici uidemus, Ita quoque mox retrahitur ex aqua infans & leuatur. Verum significatio huius, spiritualis scilicet regeneratio, donum gratiae & iustitiae, illa in Baptismo quidem incipiunt, non tamen prius perfecte ea consequimur q̃ moriamur, Imo cum in nouissimo die hæc caro resuscitabitur, tum demum coeptum opus absoluet Deus, & liberi à peccato & morte, alijsq̃ malis resurgemus, & in æternum uiuemus, tam hoc corpore, quam etiam anima purificata, Tum demum perfecte è baptisimi fonte leuabimur & renascemur, perpetuo in cœlo uicturi.

Nam hoc, quod demersum infantem ex aqua retrahūt Catechistæ, nihil aliud est, quam si dicant: Ecce iam demersa sunt tua peccata, nos igitur te in nomine Dei excipimus, ut eum, qui iam in æternum & in innocentem migraturus sis uitam. Sic enim Angeli Dei in nouissimo die omnes pios baptizatos Christianos producent, & tum uere hoc fiet, quod & baptisimus & Catechistæ significant. Quemadmodum dicit Christus Matth. 24. Emittet Angelos suos, & ipsi congregabunt Electos eius à quatuor ventis, à summis cœlorum usq̃ ad terminos eorum.

Matth. 24.

Diluuium typus Baptisimi.

Sexto, Huius quoque Baptisimi typus fuit diluuium illud Noha, quo totus mundus periit, excepto Noha cum tribus filijs, eorumq̃ uxoribus. Neque enim plures quam octo in arca sunt seruati. Quod igitur homines Diluuiο perierunt, significat in Baptismo demergi nostra peccata. Verum, quod octo homines seruantur, cum omni genere animalium, significat per Baptismum hominem saluari. Sicut S. Petrus in prima sua Epistola hanc figuram de Noha exponit.

1. Pet. 3.

Baptismus est diluuium gratiae.

Porro multo latius patet Baptismus, q̃ diluuium illud. Nam diluuium, quod Noha temporibus fuit, vnus anni homines perdidit. Baptismus autem adhuc per totum mundum à Christi Baptismo durat, & durabit usque ad nouissimum diem, Et est diluuium gratiae, sicut illud erat iræ diluuium. Id quod Psalmus quoq̃ 29. prædixit, Dominus diluuium inhabitare facit, Proculdubio enim plures homines Baptizantur, q̃ illo diluuiο perierint.

Psal. 29.

Homo à Baptismo qualis.

Septimo, Ex his igitur colligimus verum esse, quod homo statim à Baptismo sine peccatis sit, & plane innocens. Verum multi sunt, qui hoc non recte intelligunt. Sic enim quidam somniant, cum nullum plane sit reliquum peccatum à baptismo, licere sibi ociosis esse, neque vnquam cogitant de mortificanda illa peccatis plena natura, Id quod multi quoq̃ a confessione solent facere. Recte igitur hæc, vt supra monuimus, sunt accipienda, & sciendum, quod hæc nostra caro, q̃ diu uiuimus, mala sit & plena peccatis, cui non alia ratione potuit consulere Deus, quam si totam refingeret & reformaret. Sicut Ierem. indicat cap. 18. Figulus cum videt aliam esse iam ficti uasis formam, q̃ ipse velit, redigit in lutum, & refingit (Sic inquit Deus apud Prophetam) Sicut lutum in manu Figuli, sic vos in manu mea estis.

Ierem. 18.

Baptismus typus est mortis & resurrectionis.

Quia autem primus partus ipsi non probatur, q̃ sit corruptus, ideo in terram nos denuo per mortem redigit, in nouissimo autem die refinger, vt integri & sine peccatis simus. Hocque consilium inchoat Deus in Baptismo, qui mortis & resurrectionis nouissimi diei est typus. Quantum igitur ad figuram & ad signum Sacramenti attinet, mortua etiam nunc vna cum homine sunt

BAPTISMI DE MAR. LVTH. CCCXXXVIII

ne sunt peccata, & resurrexit homo. Verum, quantum ad opus attinet, Sacramenti effectus nondum perfecte est absolutus, hoc est, mors & resurrectio in nouissimo die nondum sunt facta, sed fiunt.

Octauo, Homo igitur sacramentaliter ab omnibus peccatis mundus & innocens est, Hoc est, signum diuinum habet, quod significat, quod omnia ipsius peccata mortua esse debeant, & ipse quoque foeliciter mori & tandem ipse nouissimo die mundus ab omnibus peccatis, resurgere ad æternam vitam debeat. Quantum igitur ad Sacramentum attinet, uerum est quod simus sine peccato. Verum, cum nondum perfectus sit Baptismus, & nos adhuc in illa carne plena peccatis simus, capta tantum illa Christiana innocentia est, non etiam absoluta.

Postquam igitur adoleuerit homo, tum se peccatrix natura exerit, tum se prodit concupiscentia & affectus iræ, odij, libidinis, amoris, auariciæ, superbiæ, & si qui sunt similes, quorum nullus sentiretur, si in Sacramento deemeria & mortua omnia peccata essent. Verum baptismo peccatorum mortificatio tantum significata est, nondum penitus perfecta, perficitur autem per mortem & resurrectionem in nouissimo die. Sic S. Paulus Roma. 7. Item reliqui Sancti omnes cum eo queruntur, se peccatores esse, & vi naturali ad peccandum rapi, quamuis baptizati & sancti essent, Quoad enim uiuimus, sentimus, quod natura feramur ad peccandum.

Peccatorum mortificatio in baptismo significatur.

Nono, Queras igitur, quid profit Baptismus, cum non totum peccatum tollat & abluat? Hæc quæstio occasionem dabit, ut intelligamus, & quid sit Baptismus, & quis eius verus usus. In Baptismi enim Sacramento Deus tecum foedus iungit, & se tibi conciliat foedere & gratia & consolationis pleno.

Usus Baptismi.

Primo, quod Baptismus, & hoc quod significat expetis & exoptas, videlicet, ut una cum peccatis intermoriaris, & in nouissimo die reingaris (id enim Baptismus significat) hoc in te probat Deus, & sinit te baptizari, statimque à Baptismo te reingere incipit, Te sua gratia ac spiritu suo perfundit, Sanctus autem Spiritus statim naturam & peccata mortificare incipit, atque ita te ad mortem & resurrectionem in nouissimo die præparat.

Secundo, Præterea, quia tuam fidem obstringis, te quoad uiuas, tuam carnem ac peccata mortificaturum, Eam quoque uoluntatem tuam probat Deus, teque multis ac varijs bonis operibus, quoad uixeris, exercet, præterea cruce & afflictionibus, quibus hoc, quod tu in Baptismo petisti, conficit, nempe, ut te liberet, à peccatis, mortificet, & resuscitet in nouissimo die, atque ita Baptismus absoluitur.

Cum igitur legimus aut uidemus, Sanctos misere affligi, uarijs item exerceri calamitatibus, sic sentiamus: Illa omnia fieri à propicio Deo, ut eos mortificet, & sic satisfiat Sacramento Baptismi, nempe, ut mortui reingantur. Nisi enim hoc fiat, ut uarijs malis exerceamur & iactemur, corrupta hæc natura vincet nos ut nullus sit Baptismi usus, sed subinde è peccato in peccatum recidamus, & tales perpetuo, quales nati sumus, maneamus.

Decimo, Cum ergo tu cum Deo tale iungas foedus, ipse vicissim per gratiam suam te obstringit, quod reliquias peccatorum, quæ à Baptismo in natura tua supersunt, nolit imputare, adeoque quod propter eas te nolit condemnare. Et satis est ei, hocque unice probat, si assiduo labores peccata mortificare, & mortem exoptes, quæ innatam illam ad peccandum uim tollat.

LL ij

Si igitur

I CONCIO DE SACRAMENTO

Si igitur sentias te malis cogitationibus, concupiscentia, item alijs affectibus agitari, Imo si videas aliquando prolapsus te in peccatum aliquod, illa omnia certo tibi sunt condonata, ut foederis, quod cum Deo iunxisti in hoc Sacramento, si modo resipiscas ac redeas ad hoc foedus, et credas.

Id quod S. Paulus Rom. 8. indicat, cum dicit: Nulla nunc condemnatio &c. id est, Illa naturæ vis, qua ad peccandum inuiti rapimur, neminem, qui in Christum credit, condemnat, si modo eam non probemus ac defendamus. Rom. 8.

Item S. Iohannes in sua Canonica. c. 2. Si quis peccauerit, habemus Advocatum apud Patrem Ihesum Christum iustum, Et ipse est propiciatio pro peccatis nostris, non pro nostris autem tantum, sed etiam pro totius mundi. Porro, hoc totum in Baptismo fit, in quo Christus nobis donatur, Id quod in sequenti parte concionis tractabimus. I. Ioh. 2.

Vndecimo, Nisi ergo hoc foedus cum Deo esset, & Deus ratione huius foederis ad nostra peccata coniuveret, nullum tam leue esset peccatum, quod nos non condemnaret. Neque enim ullum peccatum, quantumvis exiguum, Dei iudicium sustinere potest. Non igitur est aliud, maius & suavius solacium in hoc mundo, quam Baptismus. Per Baptismum enim & gratiam & misericordiam consequimur, quæ peccata non accusant aut damnant, sed potius magno labore & usu eiciunt ac repellunt.

Baptismi commendatio.

Dictum B. August.

Pulchre igitur S. Augustinus scripsit, Peccata in Baptismo condonari, non quod nullæ peccati reliquæ supersint, sed quod non amplius imputetur peccatum. Q. D. Peccata quidem in mortem usque in nostra carne hærent, se commouent ac subinde produnt, verum cum illa fiant nobis inuitis nec approbantibus, hoc Baptismi beneficium est, quod nos non condemnant, nec nobis nocent, sed indies magis ac magis, donec moriamur, mortificantur.

Deus obstrinxit se nobis in Baptismo.

Cum igitur sentis, te concupiscentia, aut alijs vitijs tentari, non ideo exhorresces nec desperabis, neque etiam, si in manifestum aliquod peccatum prolaberis, sed Baptismi recordare, teque eo consolare. Nam in Baptismo Deus se tibi obstrinxit, quod & tua peccata velit mortificare, & ea condonare, si modo ea aut non approbes, aut etiam in eis non perdures.

Et sic quoque accipiendæ sunt malæ cogitationes, concupiscentia, & peccata, quæ sentimus, non ut ipsæ ad desperationem adigamur, sed sentiamus ea esse ceu monumenta quædam diuina, quæ nos commoneant Baptismi, quid in eo uouerimus, nempe, ut inuocemus diuinam gratiam, & in assiduo belli usu contra peccata simus, ut etiam exoptemus mortem, ut vel illa ratione ab hoc corpore peccati liberemur.

Tertia huius Sacramenti pars est fides.

DVodecimo, Restat iam tertia huius Sacramenti pars tractanda, nempe, Fides, ut scilicet constanter & firmiter credamus, quod non solum significat hoc Sacramentum mortem & resurrectionem in nouissimo die, per quæ homo renascitur in æternam vitam, sed quod Baptismus illa omnia dum etiam hic viuimus, uere in nobis operetur. Hæc enim Baptismus agit, Deum nobis, & nos uicissim Deo obstrinxit, Quod uelimus peccata, quoad viuimus, mortificare, & contra ea pugnare, Quod uicissim ipse Deus uelit indulgere nobis, condonare errata, nobiscum non summo iure agere, neque ideo damnare nos, quod dum hic uiuimus, sine peccatis uiuere non possimus.

• Sic utrunque intelligis, Et quod Baptismus innocentes faciat, omniaque tollat peccata, Et quod reliquæ peccati in nobis remaneant, neque illa innata ad peccandum uis & natura tota aboleatur. Eum igitur, qui iam baptizatus est innocentem

Psal. 32.

centem ideo vocamus, q̄ cœperit fieri innocens, & iam innocentia signum ac fœdus acceperit, ut subinde illa innocentia crescat & augeatur. Si qua autem errata & peccata remanent, ea Deus propter ictum fœdus non imputat, Ita, ut illa innocentia tota pendeat, non ex homine, sed ex imputatione Dei. Sicut Propheta ait Psal. 32. Beati quibus remissa est iniquitas, & beatus homo cui non imputat Dominus peccatum.

Porro, hæc fides est omnium maxime necessaria. Ea enim sola, & nulla alia res, afflictam ac turbatam cōscientiam consolari & erigere potest. Quod si qui hac fide careant, illi necessario propter peccata desperabunt. Nam peccata, quæ à Baptismo manent, in ijs qui non credunt, omnia etiam bona opera contaminant & coinquinant coram Deo.

Quare constanti & firmo animo inniti Baptismo convenit, ut obijciamus eum peccatis & omnibus terroribus conscientia, & demisso animo dicamus: Scio omnia mea opera impura & coinquinata esse. Verum sum baptizatus, & scio, quod Deus, qui mentiri non potest, per Baptismum se mihi obstrinxerit, quod nolit peccata mihi imputare, sed potius ea in me mortificare & abolere.

TERTIODECIMO, Intelligis igitur nostram innocentiam, in qua a Baptismo sumus, totam diuinæ misericordiae deberi, quæ nos peccatores tolerat, neque imputat nobis peccata, perinde atque si sine peccatis essemus.

Hinc quoque intelligis, Quare Christiani misericordiae filij, populus gratia, item homines, quibus Deus bene uelit, in sacris literis appellentur. Ideo scilicet, q̄ in Baptismo cœperint purificari, & peccati reliquiae (si quæ in eis remaneant) non condemnant eos. Tum demum autem omnino ab omnibus peccatis liberi viuent, cum mortui in nouissimo die resurgent, id quod Baptismi signum indicat.

Longe igitur errant, si qui putant, iam tum à Baptismo se ab omnibus peccatis mundatos ac liberatos, facit enim ille error, ut securi obambulent, neque unquam de mortificandis peccatis cogitent. Si quod admiserunt peccatum, se non peccasse opinantur, ita autem fit, ut in peccatis perdurent, ac prorsus inutilem sibi Baptismum reddant. Hærent enim in externis tantum operibus, sub quibus sepulta superbia, odium, aliaque uitia, magis ac magis ipsis ignorantibus, crescunt.

Verum, non ita faciendum est, necesse est enim, ut peccata item uitiosos affectus, pro ueris peccatis agnoscas. Quod autem illa te condemnare non possint, illud totum diuinæ misericordiae referes acceptum, neque enim Deus ea vult imputare, ita tamen, ut tu quoque cum eis depugnes cruce & bonis operibus, donec per mortem omnino aboleantur. Hæc qui non faciunt, illis non remittentur peccata. Neque enim Baptismo & fœderi, quod cum Deo iunxerunt, satisfaciunt, sed inceptum tum Dei tum Baptismi opus remouentur.

QUARTODECIMO, Non autem multum his absimiles sunt, qui satisfactionibus peccata delere conantur. Hi eousque progrediuntur, ut & plane contemnant & negligent Baptismum, perinde atque si nullus alius Baptismi usus esset, quam corpus aqua perfundi. Nesciunt enim, q̄ debeat esse eius usus per totam uitam in mortem usque, imo usque ad nouissimum quoque diem, sicut supra docuimus.

Solliciti igitur aliud quærunt, quo pro peccatis satisfaciunt, opera scilicet, Verum ea res mirabiliter conscientias excruciat ac terret, neque enim

L L iij vnquam

I. CONCIO DE SACRAMENTO

unquam certa esse potest conscientia, quæ operibus nititur, In mortis autem periculo etiam desperat, neque nouit quæ sit Dei erga se voluntas. Sic enim sentiunt tum homines illi, frustra esse Baptismum, neque ullum eius amplius propter admissa peccata esse uilum.

Verum hoc ipsum summe caueri oportebat. Sic enim supra monuimus, ut quam primum quis peccatum sentit, statim ad Baptismum, ceu ad asylum, recurrat ac confugiat, & recordetur diuini fœderis, quo se obstrinxit Deus condonaturum omnia peccata, si modo tu cum eis depugnare in mortem usque uelis.

Vsus Baptismi ue-
rus.

In hanc promissionem desigendi sunt oculi, huic tuto est innitendum. Atque hic uerus est ac proprius baptismi usus, & hoc modo pacatur & confirmatur cor, non aliqua satisfactione aut aliquo nostro opere, sed misericordia Dei, quam in Baptismo Deus promissit.

Qui a fide discedit
sentit Deum men-
dacem esse.

Porro adeo constanter retinenda hæc fides in animo est, ut etiamsi omnes creaturæ, omnis generis peccata te obruant, tu tamen firmiter in ea hæreas, Qui enim ab illa fide discedit, Deum mendacem esse sentit, neque seruauit fœderis, quod in Baptismo nobiscum iunxit.

Quintodecimo, Fidem autem potissimum tentat & sollicitat Satan, quam ubi euerit, tum certam habet uictoriam in manibus. Nam & poenitentia (de qua supra egimus) ceu fundamentum, Baptismus est. Solis enim illis remittuntur peccata, qui sunt baptizati, hoc est, quibus promissit Deus remissionem peccatorum. Poenitentia igitur, ceu reuocat ac renouat Baptismi Sacramentum.

Quibus peccata
remittantur etc.

Duo Baptismus
operatur.

Perinde atque si sic dicat Sacerdos, tum, cum confitentem absoluit (utemur enim uulgarî uocabulo) Ecce, condonauit iam tibi Deus omnia peccata, quemadmodum & in Baptismo antea promissit, & iam mihi mandauit uirtute Clauium. Sic reuocamur ad uerum Baptismi usum. Quod si crediderimus, sine dubio peccatorum remissionem habebimus, sin minus, damnabimur. Sic uidemus remissionem ac mortificationem peccatorum (ea enim duo operatur Baptismus) aliquando peccatis impediri. Incredulitate autem prorsus reddi inutilem, quemadmodum quoque sola fides interceptum Baptismi opus reparat ac repetit, adeo omnia ex fide pendent.

Vt autem paulo rudius ac apertius rem explicemus, Aliud est peccata remittere, & aliud eijcere uel mortificare peccata. Fides peccatorum remissionem impetrat, etiamsi nondum sint mortificata. Mortificantur autem peccata tum, cum eis obnitimur, item, cum morimur, tum enim prorsus peccatum interit. sunt autem ambo Baptismi opera.

Peccatū inherens
deponendum.

Sic Apostolus Ebreis 12. scribit, qui tamen ante baptizati, remissionem peccatorum iam erant consecuti, ut peccatum renaciter inherens deponant. Tum enim uim suam Baptismus obtinet, & certo mihi remissa sunt peccata, cum credo Deo promittenti, q̄ nolit mihi peccata imputare, quamuis maxima eorum pars adhuc in carne remaneat. Illam autem fidem sequitur peccatorum mortificatio, quæ fit per crucem & per mortem.

Ebre. 12.

Atque hic ille fidei articulus est, quem profitemur: Credo in Spiritum sanctum, Remissionem peccatorum &c. Alludit enim ad Baptismum, in quo remittuntur peccata, propter fœdus illud, quod nobiscum iunxit Deus. Nihil ergo de remissione peccatorum dubitabimus.

Afflictiones per
Baptismum saluta-
res.

Sextodecimo, Iam igitur hoc quoque uides, omnis generis afflictiones, etiam ipsam mortem, per baptismum salutarem ac utilem effici, ut sit, ceu instrumentum, quo Baptismus ad mortificationem utitur. Neque enim

enim alter fieri potest, quam ut illi, qui Baptismo satisfacere, & peccatis liberari uolunt, moriantur. Quia autem peccatum, non nisi coactum moritur, ideo etiam fit ut mors tam acerba & horribilis carni appareat. Sicque cernimus Dei tum misericordiam tum potentiam ea in re, quod peccatum morte tollitur, quæ mors peccati tamen est fructus & merces, sicut eam Paulus uocat Rom. 6. ὁ φόνος τῆς ἀμαρτίας θάνατος

Inuenias autem multos passim, qui uellent se iustos esse, neque aliud æque expetunt ac sanctam uitam. Verum non est alia magis compendiarium, qua iusticiam assequamur, quam per Baptismum, eiusque opus, hoc est, per crucem & mortem. Quæ cum illi fugiunt, apparet, quod neque intelligant quid sit iustum esse, neque etiam uere id cupiant.

Varia uite genera

Deus igitur in uaria uitæ genera coniecit homines, in quibus se quisque exerceret & suam ferret crucem. Alii uiuunt in coniugio, alii imperant, alii imperata faciunt. Porro hi omnes satis laborum ac molestiarum habent, quibus mortificetur caro. Et si qui baptizati sunt, illis ocium, securitas & pax mundi, ceu uenenum est, quod iustum Baptismi opus remoratur. Neque enim illi, qui ociose ac secure agunt, aut crucem & mortem tolerare, aut peccatum odisse, possunt. Hoc potius inde accidit, ut hanc uitam ardentius complectantur, illam autem futuram & æternam horreant, metuant mortem, atque peccatorum mortificationem refugiant.

Decimoseptimo, iam ergo si hominum uitam ac mores diligentius intuearis, multos passim inuenias, qui ieiunijs, orationibus, peregrinationibus & similibus operibus non ad mortificanda peccata, sed ad promerendam gratiam & cumulanda merita, utantur.

Verum ieiuniorum & aliorum similium operum hic esse debebat usus, ut ueterem Adamum illamque innatam ad peccandum uim, premerent, & assuefacerent ad contemnendas huius uitæ illecebras. Ut sic magis ac magis parerentur animi ad mortem, ac Baptismo satisfaceret. Debebat tamen illorum omnium esse modus quidam, non quod magnitudo uel numerus illorum certus præscribatur, sed hoc quisque animaduertat quantum & quid Baptismus postulet, id quod sic accipiendum est. Sentit unusquisque sua uitia, in quibus ipse maxime laborat, qua igitur ratione illa opprimi aut mortificari posse putabit, ea utetur, Quod si animaduertet decrescere uitia & imminui, de mortificatione quoque aliquantum remittat.

Neque autem tentantur hæc humanis uiribus, nos enim de ijs dicimus, qui baptizati & recepti sunt in gratiam, & qui credunt iam Deo promissioni peccatorum remissionem. Hi fide ad mortificandas peccati reliquias, & omnia alia bona opera commouentur & excitantur. Iam qui nullam habent fidem, se multis ac uarijs defatigant operibus, iam hoc iam illud instituunt, & contenti sunt illa nuda & externa operis specie, in quo ceu in lignea statua, neque uita nec spiritus aliquis inest, uno perfecto, conuertuntur mox ad aliud, ac mira inconstantia perpetuo feruntur, neque eius rei ullum sentiunt fructum. Nonnulli etiam ad insaniam illo studio redacti sunt, ut nec sibi nec alijs prodesse possent.

Carentes fide fatigant se multis operibus.

Verum omnia illa incommoda inde sunt enata, quod ab impijs Doctoribus persuasi, sentimus nos a Baptismo seu contritione, sine peccatis esse. Item, Quod bona opera non ad mortificanda peccata, sed ad cumulanda merita, & ad satisfaciendum pro peccatis, ualeant. Confirmant autem impiam hanc opinionem, qui uitas & opera Sanctorum imprudenter prædicant, quasi ea proposita sint exempla, quæ nos imitari conueniat. Stulti igitur homines, qui omni iudicio in his rebus carent, cæco impetu in ista Sanctorum exempla irruunt, & bene secum actum putant, si utcunque externam larvam facti expresserint.

LL iij

Verum

I. CONCIO DE SACRAMENTO

Baptismi signi-
ficatio.

Verum Deus singulis Sanctis, singulas dedit dotes, quibus isti suo Baptismo satisfacerent. Est autem Baptismus una cum eo quod significat, generalis quædam Regula proposita omnibus, ut unusquisque eam rationem deligat, quam sibi suoque vitæ generi maxime convenire putat, qua Baptismo satisfiat, hoc est, qua mortificentur peccata, & præparentur animi ad mortem æquius ferendam, ac leue ac suaue fiat onus Christi, neque nos ad illud resistamus, aut impatientius id feramus. Sicut Salomon dicit: Insipientis opera excruciant eum, propterea quod viam ad ciuitatem nesciat. Quemadmodum enim, si qui ad urbem aliquam tendunt, cum à via aberrant, dolent, Ita his quoque accidit, qui cum per totam vitam multis ac varijs se operibus defatigarint, nullum tamen inde capiunt fructum.

Votum Baptismi.

Decimo octauo, Huc quoque pertinent notæ illæ quæstiones: An Baptismus, & votum quod in Baptismo uouimus, maiora sint uotis, quibus se obstringunt homines ad castitatem, ad monachatum, ad ordinem sacerdotum, cum tamen Baptismus sit communis omnibus Christianis, & Religiosorum vota singulare ac maius quiddam præ se ferre uideantur?

Si quis igitur ea, quæ supra diximus, diligenter legit, is in promptu habebit quid respondeat. Nam in Baptismo vnum & idem omnium est uotum, Vouent enim omnes illi, qui baptizantur, quod velint mortificare peccata, & sanctificari per misericordiam Dei, cui se tradunt & offerunt, ceu lutum figulo, neque hic quisquam alteri præstat, sed omnium eadem est conditio.

Ratio autem, qua satisfiat Baptismo, & qua mortificemus peccata, illa non poterit esse eadem. Quare iam antea monui, ut quisque diligenter uideat, quæ nam ratio mortificandi peccata & reprimendæ carnis sibi maxime conueniat, quod item uitæ genus. Verum igitur hoc est, nullum neque grauius neque melius, neque etiam maius esse uotum, quam Baptismi. Quid enim amplius quæso uouere poteris, quam quod velis mortificare peccata, mori, hanc uitam odisse, sanctificari?

Coniugium.

Præter hoc autem uotum, potes te quoque certo uitæ generi addicere, quod tibi commodissimum uidebitur, ut in eo illi uoto satisfacias, quod in Baptismo fecisti. Atque is delectus in nostra manu est. Quemadmodum quoque, si duo una iter faciant in aliquam ciuitatem, potest alter in semita, alter in publica uia, prout utrique commodissimum fuerit, ingredi. Si quis ergo se coniecerit in matrimonium, ille labores ac molestias, quæ in coniugio sunt, perferre cogitur, quibus dum exercetur natura, assuescit & bona & mala æquius ferre, cauere peccata, se comparare ad mortem, quæ omnia commodius potest in illo genere uitæ, quam si uiucret extra coniugium:

Episcopi.

Est autem præter coniugium, aliud vitæ genus amplius ac præstantius, illorum scilicet, qui spirituale tenent regnum (utemur enim communibus uocabulis) quales sunt Episcopi, Parochi &c. Atque hi quidem singulis horis debebant esse parati, ad omnem aduersam fortunam, & ad mortem quoque perferendam non solum propter suam ipsorum salutem, sed etiam propter illorum, quibus præsunt.

Porro debet modus esse in his omnibus, sicut supra monui, ut spectetur, non multitudo aut magnitudo operum, sed tantum peccatorum mortificatio.

Verum sicut nemo, neque Baptismi, neque quid significet Baptismus, neque voti, quod in Baptismo fecimus, meminit, quod scilicet hoc nobis sit præstandum, ut nostram carnem, quamdiu hic uiuimus, mortificemus, Ita quoque nemo conditionis suæ, in qua uiuit, meminit. Et pauci sunt, qui norunt, quare hunc, in hoc, illum, in aliud uitæ genus coniecerit Deus. Ideo autem à Deo ista sic

ista sic fiunt, ut vnusquisq; commodius Baptismo satisfaceret. Iam in pom- *Varia uite ge- nera.*
 pam ea res abiit, neq; quicquam aliud, quam externa quædam species est re-
 liqua. Id quod Esa. cap. i. quoq; conqueritur: Argentum tuum conuersum
 est in scoriam, & vinum tuum in aquam. Est autem ea indigna & miserabi-
 lis omnino calamitas, cui vtinam aliquando Deus medeatur, Amen.

Decimonono, Quia autem Baptismus, ceu thesaurus quidam *Dignitas Baptismi.*
 gratiæ diuinæ & consolationis est, ideo magnas Deo gratias, laudem
 ac gloriam pro eo nos debere sentiamus. Puto enim nostræ ingratitude
 hanc fuisse pœnam, q̃ illo superiore seculo excæcati prorsus ignorauerimus
 tantas in Baptismo sepultas opes. Cum enim Baptismo ac gratia sua Deus
 mundum obruisset, nos tamen in molesta opera prolapsi, post Indulgentijs,
 alijsq; similibus nugis decepti ac seducti sumus. Neq; prius deo volumus cre-
 dere, q̃ satis fecissemus pro peccatis, perinde atq; si venalem nostris operibus
 gratiam proposuisset Deus.

Verum, qui non sic sentit, q̃ Deus per gratiam peccatores suscipiat, to-
 leret ac saluet, neq; alia ratione iudicium Dei posse sustineri à nobis, quam
 præsidio gratiæ, is neq; amare neq; prædicare Deum unquam poterit, sed
 perpetuo tanquam horrendū Iudicem extimescet. In Baptismo autem Deus
 talis prædicatur, quod nos peccatores suscipiat, nobis parcat, indies magis ac
 magis peccatorum reliquias expurget. Ea cum audit cor, & constanter cre-
 dit, non potest non gaudio exilire, amare & prædicare Deum.

Talem quoq; nobis Propheta Deum describit, Sicut pater parcat filijs,
 ita Ego illis parcam. Requiritur igitur à nobis, ut amplissimæ Maiestati,
 quæ nos miseros ac damnatos uermes, tanta gratia ac misericordia prosequi-
 tur, agamus gratias, ac misericordiam illam, sicut meretur, agnoscamus &
 prædicemus.

Vigesimo, Verum cauendum est hic, ne secure nimium agamus,
 & sic sentiamus: Si tantus thesaurus gratia in Baptismo est repositus, ut
 Deus peccata imputare nolit, & si statim remissa sunt peccata ui Baptismi,
 cum nos ab eis recesserimus, tum securus omnia, ut mihi placuerit, nūc agam.
 Possum aliquando post, cum commodum uidebitur, vel etiam in mortis
 periculo Baptismi meminisse, & Deum sui commonere foederis, ac satisfacere
 Baptismo.

Quod igitur sic sentis, Si à peccatis recedas, & foederis, quod in Baptis-
 mo cum Deo iunxisti, sis memor, tum remissa tibi esse peccata, in eo quidem
 non falleris, & recte sentis. Verum hoc uide, ne cum adeo impudenter fidu-
 cia gratiæ pecces, diuinum iudicium in ipso peccato, priusquam tu redeas, te
 obruat, ne (sic permittente Deo) in tantas tentationes conijciaris, ut ne, si ve-
 lis quidem, credere aut Baptismi meminisse, possis, & conscientia victa, fides
 succumbat.

Nam cum ægre illi seruentur, qui non peccant, aut qui infirmitate pec-
 cant, Quid de te futurum est, qui adeo impudenter gratiam tentasti ac con-
 tempsisti? In timore igitur Dei ambulemus, vt constanti fide illum
 gratiæ thesaurum retineamus, & pro illa misericordia læ-
 ti prædicemus ac laudemus Deum in
 secula, Amen.

FINIS.

II. QVOMODO

II. CONCIO DE PASSIONE II. QVOMODO CHRISTI PASSIO SIT MEDITANDA.



PRimo, plerique hominum sic Christi passionem meditantur, ut grauiter irascantur Iudeis, & Iudæ peccatum multis modis execrentur, ac præterea nihil faciant. Sic enim illi sunt soliti, & aliorum quoque hominū calamitates deplorare, & accusare illos, qui non meritis attulerunt iniuriam. Verum hoc rectius diceretur Iudæ ac Iudæorum improbitatem, quæ Christi passionem meditari.

Alberti dictum.

Secundo, Collegerunt quidam varia commoda, quæ ex diligentiori meditatione passionis Christi proueniant. Hinc illud Alberti vulgo iactatur, Satius esse Christi passionem, semel & obiter in vita meditari, quam si per totum annum singulis diebus ieiunes, aut totum Psalmorum librum euoluas &c.

Est autem hac & similibus alijs Sententijs effectum, ut ceu cæci homines, uerum usum passionis Christi nunquam sint assecuti. Neque enim in ea quidquam quærebant, quam priuatum commodum. Circumferebant enim secum imagunculas, libellos, tabulas, cruces, aliasque nugas. Quidam eousque quoque prolapsi sunt, ut se his etiam tutos credant ab aqua, igni, ferro, alijsque periculis. Quasi vero Christi passio ab externis illis malis & à cruce liberet, cum tamen diuersum potius efficiat.

Tertio, condolent quoque Christo, & queruntur de eius innocentia, ac desilent eum, quemadmodum mulierculæ illæ Hierosolymitanæ, Lucæ 23. quas reprehendebat Christus, ac monebat, ut se suosque deslerent Liberos.

Quibus haud dissimiles sunt Concionatores illi, qui ista ratione Passionem tractant, ut in media fere narratione historiarum, in hos excurrant locos, Quomodo suis in Bethania ualedixerit Christus. Quantis doloribus discruciatata sit Maria, & in similes alios, in quibus consistunt longius, eisque immorantur. Hinc quoque factum est, quod in tot horas, cum narrarent passionis historiam, res sit extracta, nescio an dormiendi an uigilandi causa.

Qui recte meditantur passionem Christi.

Ira Dei in peccatores.

Quarto, Hi ergo vere & recte Christi passionem meditantur, qui in ipsius passione peccata sua cernunt, & illo conspectu peccatorum exterrentur, quorum conscientia ceu in desperationem labitur. Porro ille metus & terror inde nascitur, quod uides in hac Christi passione, uehementem iram & constantem Dei in peccatores saueritatem, qui noluit in gratiam unigeniti sui Filij impunitos peccatores ac liberos dimittere, nisi eos sua morte redimeret Filius. Id quod Esaias quoque confirmat cap. 53. Propter peccata populi mei percussus eum. Esai 53.

Quid ergo de nobis peccatoribus fiet, cum dilectus Filius adeo duriter tractetur ac percutiatur? Necessè est ineffabilem & plane intolerabilem iram ac saueritatem esse, cui se opponere tanta Persona coacta sit, & ad quam placandam & sedandam, Dei filius passus ac mortuus sit. Et sane, si quis hic diligenter expendat ipsum Dei filium, qui est æterna Patris sapientia, pati, grauius, sat scio, exterrebitur.

Quinto,

lo. 2.

QVinto, Hoc quoque animo tuo insculpes, neque dubitabis quin tu quoque ex illorum sis numero, qui Christum ita excarnificant, & cruci affigunt, Peccata enim tua coniecerunt eum in illos cruciatus. Atque sic quoque S. Petrus Acto. 2. Iudæos, ceu tonitru quodam, perterrefecit, cum inquit ad omnes, qui aderant: Vos eum crucifixistis. Tria igitur milia hominum ea voce conterriti, Quid igitur faciemus Fratres? ad Apostolos dicebant. Ergo cum clauos infixos manibus Christi cernis, cogita, illos clauos esse tua opera, cum Coronam spineam, cogita eam esse malas & impias tuas cogitationes &c.

Sexto, Vbi igitur Christum vna Spina pungi vides, tu cogita te meritum, ut millies grauius & sapius pungereris. Vbi Clavis perfossas manus ac pedes cernis, cogita te longe maiores meritum cruciatus. Et sane, qui Christi passionem negligunt, illi omnes illos grauissimos cruciatus indefinenter patientur. Neque enim hoc exemplum iræ diuinæ, in Christo propositum, nos fallat. Ista omnia atque his etiam grauiora, impij experientur.

Septimo, Ac talem quidem terrorem S. Bernardus ex Christi *B. Bernardus.* passione accepit, ut diceret: Securus incedebam, nihil sciens de iudicio Dei horrendo, quod contra me latum erat in cælo. Et ecce mittitur uirginis Filius, Filius Dei altissimi, & iubetur occidi, ut vulneribus meis, precioso sanguinis ipsius balsamo, medeatur. Agnosce homo, quam graua sunt vulnera, pro quibus necesse est Dominum Christum vulnerari. Si non essent hæc ad mortem, & mortem sempiternam, nunquam pro eorum remedio Dei filius moreretur &c.

ca. 23.

Sic Christus quoque monebat mulierculas: Nolite flere super me, sed super vos ipsas flete, & super filios vestros. Et addebat rationem: Quia si in humido ligno hæc faciunt, in arido quid fiet? Lucæ 23. Q. D. Discite ex hac mea passione, quos cruciatus vos sitis meriti, & quæ vos maneat, ni credideritis, poena. Plane enim hic videmus fieri, ut cadatur catulus in terrorem vetuli canis.

ch. 1. r.

lor. 2.

Sic Propheta quoque dicit: Et plangent seipsos super eo omnes tribus terræ. Non dicit: Deplorabunt eum, sed plangent seipsos super eo. Sic terrebantur illi Act. 2. id quod supra indicauimus. Et Ecclesia canit: Memoria memor ero, & tabescet in me anima mea.

Octauo, Atque in hac quidem parte diligenter se exercebunt pii *Exercenda meditatio iræ Dei aduersus peccata in passione Christi.* animi, Nam ex ea pendet verus usus passionis Christi, ut homo se ipsum cognoscat, & sui conspectu terreatur, ac ceu conteratur. Et sane, nisi eo deueniat homo, plane nullam utilitatem ex Christi passione capiet. Hoc enim uerum ac germanum opus est, quod passio Christi in cordibus piorum efficit, ut conformes imagini illius reddamur, hoc est, ut quemadmodum Christus tum corpore tum etiam animo grauiter propter peccata nostra cruciatur, Ita nos quoque nostra conscientia excarnificet, ob peccata admissa. Neque ad hanc rem multis est opus uerbis, sed diligenti cogitatione, & ut sentias peccati magnitudinem.

Possumus autem hac similitudine uti. Fingamus principis cuiusdam in *Similitudo,* terfectum filium, & percussorem raptum iam in iudiciū, capitaliter accusari, Quod si is coram iudice eadem quidem à se factam esse fateatur, uerum se a te subornatum percussorem dicat: tu autem securus interim cantans aut ridens obambules, & statim ex insperato in carcerem conijciaris. An non

tum

II. CONCIO DE PASSIONE

tum etiam amplum hoc mundi spacium angustius uidebitur, quam in quo latere possis: præsertim si te tua accuset conicientia, & conuincat admissi sceleris: Ita non potest non multo grauius dolere, qui hanc Christi passionem diligenter meditatur. Iudæi enim, quamuis illi iudicium suum iam habeant, & reiecti sint à Deo, tamen tui peccati ministri fuerunt, & tu reuera peccatis tuis Dei filium occidisti, eumq; affixisti cruci, sicut supra quoq; monuimus.

Nono, Porro si qui adeo duri & saxeï sunt, vt ex Christi passione neque terreantur, neque etiam se cognoscere incipiant, illi merito sibi male metuent. Neque enim aliter fieri potest, quam ut conformes imagini Christi reddamur, siue illud in uita, siue in inferis fiat, uel etiam in periculo mortis, vt in illos terrores coniiciamur & contremiscamus, ac omnes illos sentiamus cruciatus, quos Christus in cruce pertulit. Est autem horrendum, illa tum demum, cum de uita periclitamur, experiri.

*Orandum, ut Deus
frangat duriciem
nostram.*

Orabit igitur vnusquisq; Deum, vt cor suum induratum emolliat, vt possit cum fructu aliquo passionem Christi diligentius animo meditari. Nam hoc nemo cogitabit, quod nostris uiribus sine diuina gratia passionem Christi vere meditari possimus, Dei illud est opus, non nostrum. Neque etiam hæc uel alia docentur, ut cogites tuis uiribus præstari ea posse. A Deo illa facultas postulanda est, vt illius gratia, non nostris uiribus adiuti, præstare ea possimus. Nam quod illi, de quibus supra diximus, non recte Christi passionem tractauerunt, id totum inde manauit, quod suis uiribus freti, humanis rationibus rem tentauerunt, neque diuinam gratiam implorauerunt. Nullam igitur inde reportarunt utilitatem.

Dictum Alteri.

*Germanum passio-
nis Christi opus.*

Decimo, Qui igitur Christi passionem uel per vnum diem, uel per horæ spacium, sic animo meditatus fuerit, De illo sane dici illud Alberti patiemur, quod melius illud tempus collocauerit, quam si per annum singulis diebus ieiunet, aut Psalmorum librum euoluat. Hæc enim meditatio totum immutat hominem, & quodammodo regenerat, sicut Baptismus. Atq; hoc illud germanum & præclarum passionis Christi opus est, vt mortificet veterem hominem, vt voluptates, item fiduciam ac spem in creaturas eiciat. Quemadmodum Christus quoq; ab omnibus, etiam ab ipso Deo, erat desertus ac destitutus.

Vndecimo, Cum igitur non sit nostrarum uirium sic meditari Christi passionem, nonnunquam accidit, ut id à Deo postulemus, neq; tamen impetremus, eo, quo nos uolumus, tempore, Quod si fiat, non ideo statim desperandum aut intermittenda oratio erit. Nonnunquam accidit, vt pro ea re prorsus non oremus, id quod Deus quoq; nouit, neq; enim semper Spiritum ad orandum donat, & uult illud donum omnino esse liberum, neq; alligatum uel loco uel tempori uel personæ. Fit igitur, vt grauiter perturbentur animi, cum illud sentiunt, & ut homo sibi prorsus displiceat.

*Verus passionis
Christi usus.*

Fieri autem potest, ut illa ipsa animi perturbatio, sit ipsissimum passionis Christi opus, quod ipsa in nobis, nihil tale cogitantibus, efficit. Quemadmodum quoq; sæpe accidit, ut qui diligentissime Christi passionem meditantur, nunq; ad sui ipsius cognitionem ueniant, qui tamen uerus passionis Christi debebat esse usus. Illi igitur passionis Christi fructum uere habent, quanquam latenter, hi autem tantum speciem. Et sic sæpe inuertit Deus omnia, ut illi, qui Christi passionem meditantur, nihil minus q; illud faciant. Contra, qui hoc faciunt in speciem, reuera id faciant.

Duodecimo,



DVodecimo, Haftenus crucem & passionem Christi tractauimus, iam quoq; ad Resurrectionē accedemus. Cum homo sic sua peccata sentire & cognoscere incipit, & terretur conspectu peccatorum suorum, diligenter cauendum est, ne illi terrores diutius in conscientia hæcant. Nam inde in desperationem animi prolaberentur. Sed quemadmodum peccata & eorum cognitio ē Christi passione manarunt, ita quoq; regeneranda in Christum sunt, & exonerandæ conscientiæ.

Diligenter cauebis igitur, ne quemadmodum peruersi quidam homines solent, tu quoq; facias. Nam cum illi sentiunt peccata, & mordentur à conscientia, recurrunt ad bona opera & satisfactiones, item ad indulgentias, seq; miris excruciant modis, iam huc, iam illuc cursitando, ut se e peccatis euoluant & explicent. Verum frustra id tentant, quanquam ille mos de falsa fiducia in satisfactiones adeo inoleuit, ut miserabilem religionis ruina[m] secum traxerit.

Tertiodecimo, Porro sic reijcies peccata tua in Christum, si constanter credas, quod uulnera & crux ipsius tua sint peccata, quæ cum in se receperit Christus, pro eis quoq; satisfecit. Sicut Esai. 53. ait: Posuit Dominus in eo iniquitates omnium nostrum. Et 1. Pet. 2. Ipse in suo corpore nostra peccata pertulit in ligno crucis. Et Paulus 2. Corinth. 5. Eum qui peccatum non nouit, pro nobis Deus peccatum fecit, ut nos efficeremur iusticia Dei per illum.

Quanto igitur magis te tua Conscientia excruciat, tanto tu firmitus ac constantius his atq; alijs similibus sententijs inniteris ac credes. Nam si per contritionem tuam & satisfactiones sedare conscientiam tentes, nunquam certus eris, sed perpetuo labore exhaustus, tandem etiam ad desperationem adigeris.

Neque Conscientia consistere potest, cum uidet peccatum, quale in se est, agnoscit enim longe maiorem uim peccati esse, quam ut nostræ uires ferre possint. Sin autem uiderit coniecta omnia omnium peccata in Christum, & per mortem & resurrectionem crediderit ea uicta, tum sentiet, quam nulla in peccato uis sit. Quemadmodum enim nulla neq; uulnorum neq; doloris uestigia amplius in corpore Christi hærent, sic peccata quoq; omnia, ceu fumus euanuerunt.

4. Atq; sic S. Paulus quoq; dicit, quod Christus propter nostra peccata sit mortuus, resurrexerit autem propter iustificationem nostri. Hoc est, Passio Christi nostra nobis ostendit peccata, sicq; ea tollit, Per resurrectionem autem ipsius iustificamur, & ab omnibus peccatis liberamur, si modo credamus.

QVartodecimo, Sin autem sentiamus nostram incredulitatem, quod non possimus nobis certo persuadere, ista sic esse, reliqua oratio est ut ante monuimus, ad quam confugiamus, Nam & hoc totum in manu Dei est, & quemadmodum supra de passione dixi, ita & hoc alijs, ut manifeste sentiant, alijs occulte donatur. Sunt autem quædam uia, quibus ad hanc fidem nos inuiitemus.

Oratio.

Principio, deflectes oculos à passione Christi, nam illa iam suum opus peregit, & perrumpes, ac animum Christi plenum humanitatis introspicies, qui adeo te amauit, ut conscientiam & omnia tua peccata in se receperit. Capiet autem & delectabit hæc cogitatio animum tuum, & confirmabitur ita fiducia in Christum.

M M

Postea

II. CONCIO DE PASSIONE

Postea hoc quoque facies, ut in illo Christi erga te animo, uideas, quænam Patris erga te sit uoluntas. Tum enim apparebit, non potuisse Christum tantum beneficium in te conferre, si non antea à patre sic fuisset decretum. Nam illi Christus paruit, cum pro te est passus. Atque hoc modo cernes plenum humanitate Dei animum, & per Christum sic traheris ad Patrem, ut intelligere illud Christi possis: Sic Deus dilexit mundum, ut Filium suum unigenitum daret, ut omnis qui credit in eum, non pereat, sed habeat uitam æternam &c. Et hoc est uere Deum cognoscere, quando non maiestatem aut sapientiam (quibus terrentur animi) sed bonitatem & amorem apprehendimus, in quibus consistere potest fiducia, qua homo plane in Deo regeneratur.

Deum uere cognoscere.

15

Exemplum in passione Christi nobis propositum.



QVintodecimo, Cum igitur sic confirmatus tuus animus in Christo fuerit, & reuera iam odisti peccatum, non poenæ metu, sed amore erga Deum, Hoc quoque restat, ut totius tuæ uitæ gerendæ Exemplum, in Christi passione propositum, sentias. Atque hæc ratio meditandæ passionis Christi, longe à superiore diuersa est. Hactenus enim sic eam sumus meditati, tanquam Sacramentum aliquod, quod in nobis patientibus operetur, iam autem sic meditabimur eam, ut ipsi operemur, nempe in hunc modum.

Cum dolore aut morbo aliquo laboras, cogita, quam leuis is sit cruciatus, si cum Christi spinea corona & clauis comparetur.

Cum facere aut obmittere aliquid contra quam uelles, cogeris, cogita, Christum uinctum sursum ac deorsum iactari.

Tentaris superbia, uide, quam indignis modis illudatur Christus, & ut cum Latronibus reputetur.

Tentaris libidine & concupiscentia carnis, cogita, quæ crudeliter tenera Christi caro flagris cæsa, confossa & lacerata sit.

Tentaris odio aut inuidia aut uindicta, cogita, Christum magno clamore & eiulatu, pro te alijsque inimicis suis oralle, de quibus multo iustius potuisset poenam sumere.

Tentaris afflictionibus alijs, qualescunque tandem sint, siue internæ siue externæ, confirma tuum cor & sic dicito: Magna ea esset ingratitude, si paruam hanc afflictionem patienter ferre nollem, cum Christus Dominus ac redemptor meus, in horto præ angoribus sanguineum emisericit sudorem. Quid enim esset turpius, quam seruum in lecto molliter se curare, tum, cum Dominus ipsius pro uita dimicaret?

Ecce ad hunc modum confirmare & consolari te Christi passione poteris, contra omnia uitia & peccata, Atque hæc uera meditatio passionis Christi est, & hi sunt ueri fructus, qui ex ea nobis petendi sunt. Qui igitur se diligenter ad hunc modum in ea exercent, illi longe rectius faciunt, quam si millies historiam passionis audirent. Et hi tantum Christiani uere dicuntur, qui ad hunc modum Christi uitam ac nomen in sua uita exprimunt, quemadmodum S. Paulus quoque dicit: Qui Christi sunt, carnem suam cum concupiscentijs una cum Christo crucifixerunt. Neque enim uerbis aut gestu quodam externo, sed uita ac moribus Christi passio nobis est exprimenda. Gal. 5.

Id quod apostolus quoque monet, Ebre. 12. Recogitate Ihesum, fidei nostræ ducem, qui talem sustinuerit a peccatoribus aduersus se contradictionem, ne defatigemini animis uestris defecti. Ebre. 12.

Et S. Petrus ca. 4. Sicut Christus passus est carne, sic uos quoque iuxta eandem cogitationem armemini. 1. Pet. 4.

Verum

Verum obsoleuit hæc ratio meditandæ passionis Christi, & rara est, cum tamen S. Paulus & S. Petrus in suis scriptis eam subinde repetant ac doceant. Nos hoc totum in externam quandam speciem mutauimus, & contenti sumus, si historiam passionis in parietibus depictam inuicemus.

FINIS.

III. CONCIO DE CONFES- SIONE ET SACRAMENTO EVCHARISTIAE.



AEpius a me dictum est, non posse nec debere Christianos ad Sacramentum altaris, certo hoc Paschatis tempore cogi, sed liberum esse unicuique, quando & quoties uelit hoc Sacramento uti. Atque ad eam rem; ministri in Ecclesia constituti sunt, qui tum uerbo tum Sacramentis populo quotidie præessent.

Longè igitur illi errant, & peccant quoque grauiter, qui cogunt homines sub peccato mortali in Paschatis festo, Sacramento uti, id quod hætenus fieri solitum est, & adhuc multis in locis fieri solet. Neque enim huius Sacramenti natura ferre potest, ut quisquam coactus eo utatur. Animam sitibundam requirit, quæ ipsa sese cogit, & gaudet, quod possit hoc Sacramento frui. Qui ab alijs coacti hoc Sacramentum accipiunt, cum nullo suo fructu id faciunt.

Vides igitur ex Satanæ consilio, Papam omnia egisse, Satan enim sine dubio impulit Papam, ut cogeret sine discrimine omnes ad hoc Sacramentum. Ex qua re hoc secutum est incommodum, ut & irreuerenter ac indigne propter Papæ præceptum tractaretur Sacramentum, & Mundus maximis se oneraret peccatis. Neque enim aliter atque porci, illotis (quod aiunt) manibus ac pedibus, homines ad Sacramentum hoc accipiendum ruebant. Non ergo sinemus nos aliqua lege ad Sacramentum cogi, sed illam libertatem, quam nobis Christus contulit, retinebimus.

Dico autem hoc propter illos, qui nolunt alio tempore Sacramentum accipere, communi omnium consuetudine inducti, quam hoc Paschatis tempore. Non tamen est hoc sic accipiendum, atque si sentiam, peccatum esse Paschatis tempore Sacramento uti. Imo laudo eam consuetudinem, si modo conscientia non sit alligata temporis, & quoque si tua te cogat necessitas ad accipiendum Sacramentum, non aliqua Papæ leges.

Sed priusquam pergamus de hoc Sacramento latius differere, de Confessione quoque, ad quam Papa similiter coegit homines, pauca dicemus.

TRIPLEX CONFESSIO.

MM. ij

I. PRIMO

III CONCIO DE CONFESSIONE

I

Tria Confessionis genera.



Primo, Tria sunt Confessionis genera. Primum Confessionis genus, est ea, quam coram Deo facimus, De qua dicit Propheta Psal. 32. Peccatum meum notum tibi feci, & iniusticiam meam non abscondi. Dixi: Confitebor aduersus me iniusticiam meam Domino, & tu remisisti impietatem peccati mei. Et in eodem Psalmo: Quoniam tacui, inueterauerunt ossa mea, immutatus est humor meus, in siccitates aestatis. Psal. 32.

Hoc est, coram Deo nemo subsistet, nisi hanc Confessionem secum afferat. Sic Psal. 130. prädicat: Apud te propiciatio est, ut timearis. Hoc est, qui cum Deo agere uolet, ille sic agat, ut ex corde confiteatur sua peccata, & dicat: Domine, si tu tuam mihi negaueris misericordiam, actum de me est, quantumcunque sim probus. Psal. 130.

Est autem hæc Confessio communis omnibus Sanctis, sicut rursum in Psal. 32. dicitur: Pro hac orabit ad te omnis Sanctus &c. Sic docet nos hæc Confessio, quod omnes iniusti & improbi simus. Si qui uero singularia habent dona, illi pro eo beneficio agant Deo gratias, neque se efferant. Sin in peccata prolapsus fueris, cogites eam esse carnis & sanguinis naturam, neque tam magnum tuum esse peccatum, quin in idem aut etiam in maius aliud quouis alius prolabi possit. Non igitur est alia res quæ nos discernat, quam gratia Dei. Psal. 32.

Atque hæc quidem Confessio tam est necessaria, ut nullo temporis momento sit intermittenda, & debet ad hanc omnis Christianorum uita esse comparata, ut perpetuo Dei gratiam prædicet homo, & suam uitam apud Deum accuset ac damnet. Nam si uel bona opera, uel honestam uitam iactes, statim Dei iudicium, quod neutrum horum patitur, sequitur, non potest autem quisquam hominum iudicium Dei ferre. Sic ergo hæc Confessio fieri debet, ut teipsum primo damnes, & sentias certo, te mortem ac perpetuos inferorum cruciatus meritu. Quod si facias, anteuertis Deum, ut non possit te iudicare aut damnare, sed sua gratia te excipit & fouet. Verum de hac Confessione hic non agimus.

II

Confessio charitatis.

Secunda Confessio, Illa fit ad Proximum, & est charitatis, sicut prior illa est fidei. De ea in Epistola Iacobi scriptum est: Confitemini inuicem alius alij delicta. Est autem hæc Confessio, cum quis confitetur Proximo, quod eum læserit.

Sicut Christus Matth. 5. docet: Si obtuleris munus tuum ad aram, & illic recordatus fueris, quod frater tuus habet aliquid aduersum te, relinque illic munus tuum coram altari, & abi, prius reconcilieris fratri tuo, & tum ueniens offer munus tuum. Habeto beueuolentiam cum aduersario tuo cito, dum es in uia cum illo &c. Vtrunque hic exigit Christus, ut is, qui læsit alterum, roget ab eo ueniam, & is, qui rogatur, det ueniam errato.

Est autem & hæc Confessio necessaria, ac diuinitus, ut prima, mandata nobis. Neque enim nobis nostra peccata remittet Deus, nisi & alijs condonauerimus, quæ ipsi in nos peccauerunt. Et certum argumentum est, eam non esse ueram fidem, quæ non hunc fructum secum affert, ut & alijs peccata remittat, & remissionem à Deo quoque roget. Neque enim alias ad

ET SACRAMENTO EVCHARIS CCCXLV

alias ad Deum homo accedere aufit. Si ergo hic fructus non affuerit, certum argumentum est, neque fidem, neque primam confessionem ueram esse.

III

Tertia Confessio est, quam Papa mandauit, auricularis illa, quæ fit coram sacerdote. Eam Deus non præcepit, uerum Papa ad eam coegit homines. Sunt autem in ea uaria peccatorum genera & discrimina conficta, quibus misere urgentur & excruciantur conscientiæ. Sic igitur de hoc postremo Confessionis genere sentiendum est, Deus neminem neque ad illam primam Confessionem, quæ coram Deo fit, neque ad illam alteram, quæ fit coram proximo, cogit, uult ut te tua cogat uoluntas, ut cogat te tuæ salutis ratio, item diuinæ gratiæ sitis. Non ergo Deus delectatur ijs, aut probat eos, qui inuiti ita confitentur, uult potius ut uolentes ac ex animo id faciamus.

Confessio quam Papa mandauit.

Verum Papa diuersum fecit, neque curauit, uolentes an inuiti confiterentur, Sed mandauit serio, ut nisi quis certo tempore confiteretur, is in prophano loco extra publicum cœmiterij humetur. Perinde, atque si ageretur res in politica administratione, in qua ui coguntur homines.

Verum Deus non probat eam Confessionem, aut ullum aliud opus, si inuitus illud facias. Imo præstat omnino non confiteri, quam inuitum confiteri. Neque enim patet ad Deum aditus illis, qui non sua sponte uoluntarij ad ipsum ueniunt. Non igitur cogi debent homines.

Etsi qui propter Papæ mandatum confitentur, illi etiam peccare se sciunt, Quanquam uidemus ita passim iam fieri, ut omnes, nulla alia ratione, quam quod ita mandatum est a Papa, ad confessionem ruant.

Vere igitur illud tempus a Germanis, passionis hebdomas appellatum est, Misere enim excarnificantur, hoc præsertim tempore, conscientia, cum magno animarum ac salutis periculo. Et Christus quoque longe grauius ac cõtumeliosius eo tempore excrucietur, quam tum, cum in cruce penderet. Merito igitur Deo agamus gratias pro hoc beneficio, quod suum uerbum ceu lumen ac ducem conscientiarum dederit.

Hec domus passionis

Sic ergo de auriculari Confessione, quam dicunt, sentimus. Quamquam ad eam nemo sit cogendus, non tamen ideo contemnenda est, nam multæ sunt rationes, propter quas eam probamus. Ac principalis quidem ea est, quod uerbum Dei nullo modo contemnendum, sed ardenti animo amplectendum est, ubicunque tandem & quotiescunque illud audire contigerit. Iam autem per totum terrarum orbem suum uerbum Deus diuulgauit, ut nullus sit angulus, in quo non possis illud inuenire.

Auricularis Confessio.

Porro uerbum Dei & Euangelium proprie hoc est, quod nobis peccatorum remissionem promittit. Ea enim Euangelij summa est, remissa esse peccata illis, qui credunt in Christum, Neque doceri Euangelium potest, quin simul absolutionem, quam uocant, sacerdos dicat.

Euangelium.

Sic illa uox, quam in altari sacerdos dicit, Pax uobis, Euangelium & absolutio quædam est, quasi diceret: Annuncio uobis diuinitus pacem & remissionem peccatorum per Christum. Sic uerba Christi in cœna sunt Euangelium & absolutio. Hoc est corpus meum, quod pro uobis traditur. Hic sanguis meus, qui pro uobis effunditur in remissionem peccatorum &c. Si quis ergo ideo confiteri nolit, quod uerbum in Sacramento.

Pax uobis.

Hoc est corpus meum.

MM in mento,

III. CONCIO DE CONFESSIONE

mento, quoque habeat, is eadem ratione sacras quoque conciones poterit negligere. Verum debet Euangelium assiduo personare nostras aures, & nos uicissim illud cum summo gaudio excipere debemus, ubi & quotiescunque id audire licet, debemus quoque Deo gratias agere pro summo illo beneficio, quod liceat ubique sacrosanctum Dei uerbum audire.

Non igitur contemnenda Confessio illa auricularis est, propter absolutionem & Euangelij uerbum, quod ex sacerdote audis. Et cum confiteri uoles, non tam curabis tuam Confessionem, quam uerbum, quod audis a sacerdote.

Possunt autem illa sic discerni, Duo uestrum conuenitis, tu narras prior, ille alter posterior loquitur. Non igitur admodum sollicitus sis de eo, quod tu dicis, sed maior cura sit de ijs, quæ audis ab illo altero, qui remissionem peccatorum Dei nomine tibi annunciat.

Neque multum refert, siue is sit sacerdos, aut publicus Ecclesie minister, siue alius quidam Christianus. Nam uerbum, quod loquitur, non suum, sed Dei est. Et Deus non minoris illud æstimat, quam si ipse tecum locutus fuisset, Adeo in omnes angulos diuinum suum uerbum Deus sparsit. Cum ergo ubique uerbum Dei nobis sit expositum, debemus cum gratiarum actione illud amplecti, non contemnere aut negligere.

Præterea, quemadmodum Sacramentum, ita illud uerbum, quod ex sacerdote audis, non nisi ad tuam personam refertur. In publicis autem concionibus in uulgus euolat promissio, & quamuis ad te quoque pertineat, non tamen ita certus de ea esse potes. Verum hic id in Confessione ad te unum dicitur, ut prorsus nihil de uoluntate Dei erga te dubites. Iam si quis esset in orbe locus, in quo Christus ipse tecum uellet loqui, imò angelus quidam, non Christus, an non ad extremos usque mundi angulos curreres, ut audire cœlestem uocem possis?

Quæ ergo est illa miseria, quæ illa stulticia, quæ ingratitude? ut hoc, quod nobis dicitur non audiamus? Scriptura testatur Deum per nos tecum loqui, neque minus in nostris uerbis pondus esse, quam si ipse præsens præsentem loqueretur, & tamen negligitur.

Sic enim Christus dicit Matt. 18. Vbi duo uel tres congregati sunt in nomine meo, ibi sum in medio eorum. Item Iohan. 20. Quorumcumque remiseritis peccata, remittuntur eis, quorumcumque retinueritis, retenta sunt. Sic Deus ipse absolutionem in confessione dicit, quemadmodum quoque infantem ipse Deus, non sacerdos, baptizat, & tamen dicemus nos confessione non habere opus?

Etiam si igitur eandem ipsam peccatorum remissionem audias in Sacramento, non tamen Confessio est negligenda, Potissimum autem ob eam rationem, quod tibi soli in Confessione uerbum, ut in Sacramento, annunciat.

Præterquam autem, quod in Confessione uerbum ad te unum dicitur & refertur, hoc quoque in ea est commodi, quod tibi licet tuto sacerdoti dicere, quibus in rebus maxime labores, & consilium ab eo, uel quouis alio quisquis tandem fuerit, petere. Si ergo nulla alia esset commoditas in confessione, si etiam non loqueretur nobiscum in ea Christus, tamen nolim magno carere Confessione, ideo quod liceat omnia quæ sentis in fratris sinu effundere, & conqueri de ijs, quæ in te conscientiam urgent. Neque enim est alia res æque misera, atque conscientia cum premitur & angitur, neque tamen consilium aut solacium aliquod nouit. Plenum ergo consolationis & humanitatis quoque opus est, quod in Confessione duo conueniunt, & alter

Mat. 18.
Iohan. 20.

Confessio non negligenda.

Conscientia mala.

alter alterum consilio, consolatione, quacumque item alia re potest, iuvare. Hic morbum suum aperit, alter medicas affert manus.

Quamquam igitur mandato ad Confessionem cogi homines nolim, ne, si qui non ante confessi accedant ad Sacramentum, se peccasse sentiant, maximum tamen thesaurum Confessionem esse iudico, qui nullis opibus sit comparandus, adeoque minime contemnendus. Nemo enim potest verbum Dei neque satis diligenter audire, neque in animum ita, ut merebatur, insculpere.

Dixi igitur diligenter inter se discernendas, Confessionem & Absolutionem, ut Absolutionem potissimum species, neque confitearis vel ob mandatum, vel tanquam bonum opus, quod peccatorum remissionem mereatur, facturus, sed ideo potius, ut Dei verbum audias, quo erigatur ac consolationem accipiat conscientia tua.

In Absolutionem igitur tum oculos tum mentem potissimum defiges, in qua divina voce, peccatorum remissio per hominem tibi annunciat, *Confitendi ratio in Papae.* quae fide est apprehendenda. Vides enim, quam impia & absurda plane confitendi ratio ante hoc tempus in Papatu fuerit, priusquam enim absoluerentur homines, multa & varia eis sunt iniuncta opera, quibus pro peccatis satisfacerent, eamque rem vocarunt absolutionem, cum rectius alligatio vocari queat. Nam cum tollantur peccata per absolutionem, si ei credas, quid attinet opera, quibus pro peccatis satisfacias, addere? & cogere homines ad fide & absolutionem ad propria opera?

Quis potius sic cogitari oportuit: Ecce hoc verbum, quod a me audis divini mandato, fide tibi est apprehendendum. Si ergo credere ei non potes, omitte Confessionem tuam. Non est autem hoc ita accipiendum, quod nolim confiteri sua peccata eos, aut consolationem & confirmationem animi petere, quorum infirmior est fides. Imo si sentis imbecillitatem tuam, quod credere non possis, conqueraris ea de re apud fratrem tuum, cui confiteri voles. Dic: Sentio quidem, quod Confessione & absolutione habeam opus, verum infirmior est fides mea, quam quod possit certo sibi persuadere vera esse, quae ex te audio. Nam cui rectius de imbecillitate tua conquestus fueris, quam Deo? Deo autem tum conquereris, cum fratri tuo conquereris, qui te sancto Dei verbo consolari ac confirmare potest, atque ea demum vera est Confessio. Utinam autem omnes eo usque progressi essent, ut confiterentur fidei suae infirmitatem, quod Dei promissionibus credere non possent.

Hæc iam de Confessione sufficiant, quod nemo ad eam cogi debeat, sed ut volentes non coacti confiteamur.

Verum quærat aliquis, quidnam sit confitendum? Multa nugati hic sunt, qui hætenus in templis docuerunt, de quinque sensibus, de septem peccatis mortalibus, de decem præceptis, & alijs similibus, quibus potius implicitæ sunt conscientiae quam adiutæ.

Verum sic oportuit fieri, Debebas ante diligenter circumspicere, quæ nam peccata te maxime præmerent, quæ conscientiam extimularent & gravarent, atque ea in Confessione erant dicenda. Nihil igitur opus est illo examine, quo soliti sunt uti, ut exactus peccatorum omnium referretur catalogus, ea quæ cogitanti occurrunt arripe, & dic: Bone frater, hic lapsus sum, tu erige me verbo Dei, & cōsule quid in hac re mihi sit faciendum. *Peccata in Confessione dicenda.*

Debet enim brevis esse Confessio, in qua, si quid te fugit, quod post in mentem veniat, nihil te ea res conturbet. Neque enim confessus es, vel *Confessio sit brevis.* tanquam bonum opus, vel tanquam coactum opus facturus, & poteris hoc ipsum peccatum Deo confiteri. Insuper absolutionem quoque audis in Missa tum, cum verba cœnæ Dominicæ recitari audis. Nihil ergo te conturbet, si quorundam peccatorum sis oblitus. Nam & occulta peccata,

MM liij

quæque

III. CONCIO DE CONFessione

quæq; te fugiunt, in absolutione remissa sunt. Neque enim Deus hoc spectat, quid aut quomodo tu confessus sis, uerbum suum ac tuam spectat fidem.

Et in absolutione non solet certus numerus peccatorum, quæ remittuntur, addi, sed ea est libera quædam ac late patens uox, quæ simpliciter annunciat Deum tibi fauere, Porro si Deus tibi fauet, sublata sunt omnia peccata. Confirmet igitur te non tua Confessio, sed absolutio, neq; multum te sollicitet, si qua non meministi. Remissio enim peccatorum tuæ respondet fidei. Si ergo multum credis, multum quoq; tibi remittitur. Atq; in hunc modum quidem peccatis & conscientie opponi uerbum Dei & promissio debet. Sed hæc iam de Confessione satis sint.

ALTERA PARS SERMONIS, de Sacramento altaris.

*Integro Sacramento
utendum.*



Am nobis est ad inceptam de Sacramento disputationem redeundum. Illum autem locum iam ante absoluius, quod liberum esse debeat Sacramentum, neque homines ad illud ui cogendos.

Restat igitur, ut quoq; de utraq; specie aliquid dicamus. Iam olim autem sic docui, in nostra Ecclesia utramque speciem nemini exhibendam, sed ut is, qui Sacramento uti uolet, aut integrum Sacramentum, ut Christo institutum est, accipiat, aut prorsus abstineat.

Porro, adeo sæpe hæc a nobis tractata causa est, ut putem iam omnibus planum esse, quare utraq; speciem sumi postulemus. Quod si qui adeo sunt rudes, aut etiam sua infirmitate adeo delectantur, ut intelligere hæc nolint, illos sane nos non curamus, & multo satius quoq; est, ut illi Sacramento prorsus abstineant. Malum enim argumentum est, tot annis audire uerbum Dei, & tamen perpetuo infirmum manere, & dicere, quod non possit illa assequi. Neq; enim possibile est non illuminari animos, si diutius uerbum audias, nisi omnino excæcatæ sint mentes a Satana. Cum igitur perdures in cæcitæ tua, multo consultius quoq; faciunt ministri Ecclesiæ, si tibi prorsus non exhibeant Sacramentum. Si enim uerbum, quod planissimum ac apertissimum est, capere non potes, Sacramenta quoq; non capias, absque uerbo enim essent, & nulla quoq; essent Sacramenta.

Adeo autem persuasit hæc nostra de utraq; specie sententia orbem, ut etiam aduersarij nostri eam norint. Quia autem illi non infirmi, sed indurati sunt, ac nostram doctrinam, quam norunt sacrarum literarum testimonijs niti, oppugnant (liquidem ui pergunt, ac sua autoritate nos urgere uolunt) non cedemus eis, neq; eorum pertinaciam, ceu infirmorum errorem tolerabimus, præsertim cum non possint nostram sententiam refutare, neq; ulla alia re, quam autoritate Romanæ Ecclesiæ sint subnixi. Et quia se eam pertinaciter opponunt, ideo nostris utraq; speciem exhibebimus siue offendantur ea re, siue non. Et quia ui ac pertinacia se opponunt, nihil omnino est eis concedendum.

illud

ET SACRAMENTUM EVCHARIS. CCCXLVII

Illud autem mihi maxime placet, quod hoc Sacramentum non sit *Aduersarii perse-*
 sine persecutione. Ideo enim Christus id instituit, ut esset ceu tessera uel *quantur utentes in*
 nota, qua discernentur Christiani ab alijs. Nisi enim haberemus hoc Sa- *tegro Sacramento*
 cramentum, haud sciri poterat, qui nam Christiani, aut ubi essent, item
 in quibus suos fructus Euangelium ederet.

Verum cum accipiunt homines Sacramentum, uidemus & qui sint il-
 li, qui audiunt Euangelium, & num digne Christiano nomine ambulent.
 Sic, ceu quaedam nota hoc Sacramentum est, qua nos agnoscimur, quod
 profiteamur nomen Dei, & quod nos diuini uerbi non pudeat.

Si igitur Papa aut alius impius tyrannus uideat te utranq; Sacramen-
 ti speciem accipere, uidet certum testimonium, quod hanc Euangelij do-
 ctrinam probes, Indignatur igitur, & uim, ceu aduersus haereticum parat,
 Bene autem tum tecum agitur, nam & sic actum est cum Christianis olim,
 qui hoc Sacramento religionem suam testabantur.

Prohibuerunt iam nos ab utraq; specie Episcopi, Si qui ergo Christum
 profiteri uolent, illi utranq; speciem accipiunt, tum scient reliqui, quod
 Christiani sint, & uerbum Dei probent ac sequantur. Si eam igitur ob rem
 uis eis afferatur, & occidantur, patiantur eam iniuriam, reddet enim lon-
 ge splendidior uita Deus, quam haec sit.

Quare placet mihi, quod Sacramentum hoc nostro tempore persecu-
 tioni praebat occasionem. Nam si omnes id probarent ac reuererentur,
 qui posset uera adesse Confessio? Iam cum ignominia, contumelia, deni-
 que uitae pericula inde nobis enascantur, atq; illa omnia propter illam con-
 fessionem, recte nobiscum agitur, sicut quoq; olim cum ueris Christianis
 in primitiua Ecclesia est actum.

Porro dixi quoq; Non satis esse, si accipias Sacramentum, sed
 oportet te quoq; certum esse & bene munitum rationibus sacrarum lite-
 rarum, quibus & te confirmes, & alijs quoq; si id a te postuletur, ratio-
 nem tui facti dare queas. Ut cum uis tibi eam ob rem offeratur, possis fa-
 ctum tuum contra Satanam & mundum diuino uerbo defendere.

Quare non poteris alterius fide niti, cum ad Sacramentum accedis,
 unusquisq; pro se credere debet, sicut unusquisq; pro se quoq; contra pecca-
 tum, Satanam, item mundum militare debet. Ante omnia igitur diligen-
 tissime memoriae commendanda sunt uerba, quibus Christus hoc Sacra-
 mentum instituit, nempe haec:

Dominus Ihesus, in ea nocte, qua traditus est, accepit panem,
 & postquam gratias egisset, fregit, & dedit Discipulis suis, di-
 cens: Accipite, comedite, hoc est corpus meum, quod pro uobis da-
 tur, Hoc facite in mei commemorationem.

Similiter, postquam coenauit, accepto calice, cum gratias egis-
 set, dedit illis, dicens: Bibite ex hoc omnes, Hic calix nouum Tes-
 tamentum est in meo sanguine, qui pro uobis effunditur in remis-
 sionem peccatorum, Hoc facite, quotiescunque biberitis, in mei com-
 memoracionem.

HAEC sunt uerba, quae neq; ipsi, neq; etiam Satan negare poterit,
 in quae figendus pes est, ut firmiter in ijs consistamus. Sunt autem
 nuda ac

III. CONCIO DE CONFESSIONE

nuda ac planissima, quæ nullis interpretationibus eludi possunt, Quod & panis sit Christi corpus, pro nobis traditum, & calix Christi sanguis, pro nobis effusus, & iubemur illa facere in commemorationem ipsius.

Ius interpretandi Scripturas etiã Laicis concessum. Diuersum autem Papistæ mandarunt. Cum igitur pro concione dixerint: Vos Laici hæc non intelligitis, neq; licet uobis ista interpretari, erratis igitur. Responde: Ius interpretandi Scripturas, æque Laicis concessum esse atq; doctis. Et quemadmodum illis, ita nobis quoq; mandatum est, ut credamus in Deum, ut nostram fidem confiteamur, ac omnia præcepta Dei seruemus. Habemus enim eundem Deum, quem ipsi habere se dicunt, Quomodo autem credemus, si aut uerbum ignoremus, aut non intelligamus. Cum ergo mandatum habeamus, ut credamus, necesse quoq; est, ut uerbum, cui credendum est, sciamus. Neq; enim potest esse fides sine uerbo.

Præterea hoc quoq; nobis incumbit, ut illo uerbo nitamur, & contra omnes insultus Satanae, peccati & mundi nos defendamus. Item, ut quæ obijciuntur, refutare possimus. Habemus ergo quod respondeamus illis, qui nolunt nobis concedere ius tractandi sacras literas, nempe, Quod cum à nobis eadem requiratur fides, quæ ab illis, necessarium nobis, eadem uerbum ac parem eiusdem uerbi cognitionem esse.

Bibite ex hoc omnes.

Cum igitur dicat Euangelista: Ihesus accepit calicem, & dedit Discipulis, dicens: Bibite ex hoc omnes, Hic calix nouum testamentum est, in meo sanguine, qui pro uobis effunditur &c. Vident sine dubio omnes, quæ nam horum uerborum sit sententia, Accipite, bibite &c. Ni ergo probent esse aliam quandam significationem uerbi bibere &c. nos nostram Sententiam retinebimus, quod omnibus ex calice illo sit bibendum, neq; uel consuetudinem, uel Conciliorum decreta, quicquam morabimur. Deus enim uetustior est, quam ulla consuetudo, & autoritas Dei omnia uincit Concilia.

Hoc facite in mei commemorationem

Plana quoq; sunt illa uerba, Hoc facite in mei commemorationem. Dic quæso, quibusnam sit mandata commemoratio Domini? num solis sacerdotibus? Cur non potius omnibus ijs, qui Christi nomen profitentur? Quid enim est aliud meminisse Domini, quam prædicare eum & confiteri? Hæc cum omnes debeamus, apparet quoq; utranq; speciem omnibus esse concessam, ut & panem edant, & bibant calicem, siue sint sacerdotes, siue non sint.

Impius & ille prætextus est, quod dicunt nefas esse, nosse Laicos uerba testamenti Christi. Si nefas est ea uerba Laicos tenere, frustra igitur ipsi eos docent, Nam quod, quæso, aliud ipsorum officium est, quam ut rudes illos uerbum Dei doceant? Ideo enim Pastores sunt constituti, ut alios instituunt in uerbo & doceant. His igitur nugis magis se aperiunt quales sint, quam ut nostram sententiam oppugnent. Adeo impudenter se ueritati opponunt impij homines.

Vides iam aliquo modo, quomodo accipienda & firmiter retinenda sint illa uerba, quibus Sacramentum hoc in Christo est institutum, nempe, quod non solum hoc à nobis exigitur, ut teneamus & intelligamus ea, uerum etiam ut nostra fides in ijs hæreat, ut his uerbis, ceu inuictis armis, contra omnium insultus nos defendere, & repellere nostros aduersarios possimus.

Verba cene fide apprehendenda.

Cum ergo Sacramentum hoc uoles accipere, potissima uerborum erit cura, in quibus sentias eum thesaurum esse repositum, quo solo nituto

tuto possimus Ad te enim sine dubio illa uerba dicuntur : Meum corpus pro uobis traditur, Meus sanguis pro uobis effunditur. In quem uisum : num in hoc tantum, ut edas & bibas : non, imo in remissionem peccatorum tuorum. Hoc illud est, quod ad te potissimum pertinet, cui omnia reliqua, quæ hic fiunt & dicuntur, seruiunt, ut tibi scilicet omnia tua peccata remittantur.

Porro, si faciunt hæc ad remissionem peccatorum, ergo etiam ad mortem superandam faciunt. Neque enim morti relictus locus est, ubi peccatum est sublatum, peccato sublato, omne malum cessat, atque ea est beatitudo. Hic thesaurus ille est, quem nos in hoc Sacramento prædicamus, in hunc defige oculos tuos, & nugas illas Scholasticorum omite, qui multum sunt solliciti, quomodo possit adesse corpus Christi, præsertim in tam paruo corpore panis. Ad miracula illa ne respicias, sed simpliciter hæreas in uerbo, atq; ea tua unica sit cura, quomodo hunc fructum ex hoc Sacramento queas capere, nempe remissionem peccatorum.

Sic igitur animum tuum institues, ut ad te pertinere hæc uerba sentias. Hoc autem ita fiet, si sentias peccati morsus & terrores, Si tenteris aut a carne, aut a mundo, aut a Satana, Si ira, impatientia, auaricia, aut cura uentris soliciteris, si uarijs exercealis malis, aut nonnunq; etiam in fœda crimina prolapsus sis, quæ male afficiant animum. Si hæc atq; his similia, inquam, patiaris, tum senties qd sis miser homo, terreberis conspectu mortis, frangeris animo, neq; poteris esse quietus.

Ac tum quidem oportunum erit, ut confitearis & Deo de tua miseria conqueraris, & dicas : Domine Ihesu, ideo a te hoc Sacramentum institutum est & ad nos transmissum, ut remissionis peccatorum per id certificemur. Sentio autem qd Sacramento opus habeam. In magna peccata sum prolapsus, metuo igitur iudicium tuum, & pene deficio, Sentio me infirmiores, quam qui uerbum tuum confiteri audeam, tot tantisq; laboro uitijs : Quare uenio ut sanes, consolers & confirmes me.

Iam antea uero monui, nemini exhibendum esse Sacramentum, nisi prius indicauerit, ad quid eo habeat opus, nempe, ut conqueratur de sua miseria & peccatis suis, ut petat consolationem & confirmationem, quæ & per uerbum & per signum contingunt. Qui hunc Sacramenti usum nesciunt, illi prorsus abstineant. Nam illi stulte & impie agunt, qui tantum tempore paschatis Sacramentum sumunt, & se adeo misere excruciant, cum tamen nesciant, quis sit uerus Sacramenti usus.

Porro ubi sumpseris Sacramentum, non licebit tibi esse ocioso, sed perges strenue, & fidem tuam exercebis. Nam & is Sacramenti est usus, ut dicere hoc uere possis : Habeo hic apertum uerbum, remissa mihi esse peccata. Signū quoq; accepi, manducaui & bibi, id quod certo comprobare possum, feci enim id in conspectu Satanæ & mundi. Cum ergo morte aut conscientia tentaris, potes hoc Sacramento te erigere aduersus tum Satanam, tum etiam peccata, potes quoq; tuam fidem confirmare, ac conscientiam exhilarare, ut non amplius metuat Deum, sed amet.

Exercenda & confirmanda fides sumpto Sacramento.

Ita fiet, ut de die in diem melior reddaris, cum alioqui ociosus & ignauus ageres. Quo enim longius ab hoc Sacramento abstinuerimus, eo magis reddimur inepti ad id accipiendum. Quod si imparatum, infirmum, uacuum item fide, te esse senseris, num quæso aliunde confirmari te posse sperabis : Num eousq; expectabis, donec omnino sis purus, ac absolutam

III. CONCIO DE CONFESSIONE

absolutam & perfectam habeas fidem? atqui si id facias: neq̃ ad Sacramentum unquam accedes, & ut maxime accedas, nihil id tibi proderit.

*Verum Sacramenti
usus.*

ATque hic quidem uerus Sacramenti est usus, & hac ratione conscientia non excruciantur, sed eriguntur, & consolationem accipiunt. Neq̃ enim à Deo institutum est Sacramentum, ut ceu uenenum aut crux quædam esset, quæ terrorem mentibus incuteret, quæ opinio superiore seculo à Doctoribus impijs in uulgus sparsa, passim tenuit omnes. Sic enim Docuerunt, ut nos nostram iusticiam, ceu hostiam, Deo offeremus. Factum autem inde est, ut ea uerba, quæ plena consolationis & uitæ sunt, quibus conscientia eriguntur & confirmantur, prorsus contempta & ignota iacuerint. Verum sic potius oportebat fieri, ut sentiremus in hoc Sacramento nihil esse, quam summam gratiam, consolationem & uitam æternam.

Præsentissimum autem uenenum ijs est, qui temere id suscipiunt, qui nullam infirmitatem, nulla uitia, nullam urgentem necessitatem sentiunt, perinde atq̃ si iam ante puri & iusti essent. Requirit enim hoc Sacramentum hominem agnoscentem uitia sua, quicq̃ uideat, quam longe à uera iusticia absit, & cupiat tamen iustificari. Caput igitur est, sentire peccatum, Quamuis enim peccatum omnes quotquot uiuimus, habeamus, non tamen omnes id agnoscimus.

Hæc iam sufficiant, ut scias, quomodo te paratum esse conueniat, cum hoc Sacramentum uoles suscipere, ut scilicet fidem tuam his uerbis, quibus hoc Sacramentum instituit Christus, exerceas & confirmes, ac sentias uere pro te traditum corpus Christi, & uere pro tuis peccatis effusum Christi sanguinem, Quæ uerba clare ostendunt, quisnam uerus Sacramenti sit usus, & quid nobis conferat, si id suscipiamus.

Charitas Christiana.

SEquitur iam alterum, quod ex priore illo, ceu ex fonte, manat, Christiana scilicet charitas, Cuius quoq̃ magnam conuenit esse curam, Nam hoc Deus à nobis exigit, ut fructus, quos nos ex hoc Sacramento capimus, ceu lumen quoddam, luceant, & ut appareat omnibus, nos cum aliquo nostro fructu hoc Sacramento esse ufos. Is autem est fructus, ut quemadmodum nos Christi corpus comedimus, & sanguinem eius bibimus, Ita uicissim quoq̃ patiamur nos ab alijs comedi & bibi, hoc est, ut omnes actiones, omnem uitam nostram, ad proximi commodum prouehendum, instituamus. Est enim omnino nobis Christi exemplum sequendum, cuius tanta est bonitas, ut se totum cum omnibus ijs, quæ habet, nobis tradiderit in illis uerbis, quibus instituit hoc Sacramentum. Ea ipsa uerba nos quoq̃ ad proximum dicere conuenit: Accipe, comede, bibe.

Neq̃ ioco illa dici debent, sed reuera sic sentias, tibi cum omnibus quæ habes, proximi commodis esse seruiendum. Cum enim Christus sic dicit: Hoc est corpus meum, quod pro te traditur, quid quæso aliud dicit, quam hoc: En ego ipse sum, qui pro te trador, hunc thesaurum tibi dono, omnium illorum quæ ego habeo, tu quoq̃ sis possessor, si quid tibi deerit, mihi idem defuturum est; Iusticiam meam, uitam ac æternam beatitudinem tibi dono, ut neq̃ peccato, neq̃ morte, neq̃ ullo alio incommodo succumbas, sed uincas omnia, Quemadmodum autem mea iusticia, item uita mea æterna est, sic tu quoq̃ perpetuo iustus eris ac uiues, Sic nobiscum loquitur Christus.

Requiritur autem & à nobis, ut nos eadem ad proximum dicamus, neq̃ tan-

neque tantum uerba illa sonemus ; sed re ipsa ac factis declaremus ; in hunc modum : En bone frater , ego corpus & sanguinem Liberatoris mei iam sumpsi , qui se totum mihi donauit , Satis autem abunde habeo , cum eum habeo. Tu igitur ijs quoq; , quæ ego habeo, fruiere, omnia mea similiter tua sint ; quod si res ita postulet , etiam pro te mortem libens obibo. Hæc enim omnia in hoc Sacramento à nobis requiruntur ; ad quæ faciendâ omnibus uiribus est enitendum.

HOc tamen hic monendum est , quod difficile ad hanc perfectionem simus uenturi , ut animam , corpus , opes & dignitatem nostram , proximi causa , si ita res postulet , in discrimen adducamus , In carne enim uiuimus , quæ adeo alte radices egit , ut non possimus illa charitatis officia perfecte reddere.

Atq; eam ob causam Christus hoc Sacramentum instituit , ut esset ceu quoddam exercitium , unde peteremus ea , quæ ipsi nobis deesse sentimus. Cum enim illam in te infirmitatem uideas , quod quæso aliud afferes remedium quam hoc ? Necessè est enim , ut inter reliqua de hoc quoq; conqueraris , & dicas : Bone Domine Ihesu , uides quantum mihi adhuc desit , tu mihi te totum donas , non possum autem ego idem facere proximo meo. Fac igitur , ut & ego similem erga proximum beneuolentiam præstare possim.

Et sane , quanquam , dum in hac carne uiuimus , nunquam illam perfectionem possumus consequi , tamen eo est connitendum , etsi nihil aliud cum gemitu ea postulanda a Deo facultas est ; neq; desperandum est ob hanc imbecillitatem , modo remaneat in nobis is affectus , ut & doleat nobis illa nostra infirmitas , & cupiamus eam mutatam & emendatam.

Porro non est hoc minimum charitatis officium , posse cedere de sua opinione & sententia animo concepta. Nam subleuare alterius inopiam , ex ternis officijs ei inferuire , nostro labore eum iuuare , docere , item pro eo orare , haud ita difficile est. Sunt & illa facilia , inuisere ægrotos , consolari calamitosos , dare cibum esurientibus , captiuos item liberare, Hoc longe omnium est maximum , posse cedere de sua opinione , & ferre alterius infirmitatem (sicut Poeta quoq; ait : Aurum & opes , & uasa frequens donauit amicus , Qui uelit ingenio cedere nullus erit)

Neq; etiam unquam dum hic uiuimus , perfecte id poterimus , Christus enim ea in parte perfectus fuit , nos nunquam perfecte idem faciemus. Est enim Christus ceu Sol , in quo nullum nobis uestigium apparet , ad quem nos collati sumus ceu accensa quædam stipula. Quanquam autem illam perfectionem charitatis , quæ in Christo est , nos nunquâ possumus assequi , (Est enim ceu quidam ignitus caminus) tamen nos tolerat , si uel scintillam charitatis in nobis relucere uideat.

CAuendum igitur est , cum ex hac parte iuxta omnes laboremus , ne de quoquam iudicemus , quod non sit Christianus. Habes enim exemplum Christi in Euangelio , qui adeo benigne Discipulorum suorum errores & lapsus tolerat , & sua sapientia illorum stulticiæ cedit & seruit , neq; cõdemnat eos ideo , quod sint infirmiores , sed blande fouet , & ad illam infirmitatem coniuuet , Quo ego , inquit , iam eo , illo uos accedere non potestis. Item ad Petrum : Quod ego facio , tu nescis nunc , scies autem postea.

Sic efficit charitas , ut Christus iusticiam suam , iudicium , potentiam ,

NN

uindictam

III. DE CONFESSIONE

Christi exemplum. uindictam, poenam, item ius suum, quod tum in nos, tum in peccata nostra habet, omnino negligat. Merebatur quidem stulticia nostra damnationem, Verum non damnat nos, commonet nos, quod peccauerimus, quod stulte egerimus, non tamen ideo abiicit. Vides igitur non esse minimum inter charitatis officia, posse tolerare proximi infirmitatem, uel in fide, uel in charitate.

Quamquam autem Christi exemplum habeamus, qui adeo placide suo ^{Ioban. 13.} Discipulorum errata tulit: non tamen ideo uel infirmitas proximi uel peccatum est defendendum. Sic enim ad Petrum dicit: Scies postea, quid iam faciam. Ad tempus tolerauit eius infirmitatem, Perinde, ac si sic dicat: Tuam stulticiam & infirmitatem illam fidei tolerabo & parcam tibi, modo sentias longius tibi progrediendum esse, atque ea, quae in te iam haerent uitia, emendanda ac mutanda, ne ociosus ac securus agas.

Non igitur, postquam Sacramentum sumpserimus, negligentes aut ociosos esse conuenit. Sed hoc potius praestandum est, ut charitas subinde crescat, ut si qua in re laborat proximus, nos illi feramus opem, & subleuemus eius inopiam. Quod qui non faciunt, illi aut Christiano nomine non sunt censendi, aut certe nimis infirmi sunt, etiamsi iactent se Christi, una cum omnibus ijs, quae habet, in hoc Sacramento participes factos esse.

Externa argumenta seu fructus digne sumptae coenae Domini. Nan autem certius argumentum est, an digne & cum fructu hoc Sacramento sis usus, quam quod ex charitatis officijs sumitur. Nam quod aut magnus fuerit animi ardor in sumendo Sacramento, aut quod sensisse tibi uideris, ut uerbis Christi sit erectum & confirmatum cor tuum, illa et si improbari non possunt, non tamen sunt tam certa argumenta. Officia uero charitatis illa te certum possunt facere, digne an indigne hoc Sacramento sis usus. Digne enim is eo usus est, qui ita cor suum, hoc signo, commotum sentit, ut etiam inimicos odisse desinat, & omnes alios, qui sua habent opus opera, iuuat, aliorum calamitates quoque suas esse existimet.

Qui non sentiunt hos affectus, illi incerti sunt, etiamsi singulis diebus centies hoc Sacramento urantur, etiam cum tanto mentis ardore, ut lachrymas pro gaudio fundant. Neque enim Deus mirabilem illum ardorem mentis adeo magnificat, nonnunquam enim est cum maiore periculo, quam ^{2. Pet. 4.} commodo coniunctus. Hoc summum est, ut certi simus, id quod Petrus quoque innuit: Confirmate, inquit, uocationem uestram, nempe, per bona opera, quae fructus sunt fidei.

Ac quantum quidem ad uerbum & ad Sacramentum attinet, sunt omnia certissima, Confirmat enim Deus peccatorum remissionem suo, item Angelorum, & omnium piorum testimonio. Hoc restat, ut tu quoque tuum testimonium afferas, & tu nihil de remissione peccatorum dubites, Etiam si igitur omnes Angeli cum toto mundo confirmant suis testimonijs, te digne hoc Sacramento esse usum: longe tamen his omnibus tuum testimonium te magis confirmat. Porro hoc est tuum testimonium, si in te eluceant illa charitatis officia, et si sentias maiorem bonorum operum prouentum a sumpto Sacramento, quam ante Sacramentum sumptum.

Quod si charitatis officia non sequantur, ac sentias neque cor neque uitam tuam quicquam immutatam, item uideas te prorsus non moueri in afflictis rebus tui proximi. Magnam satis habes causam, quae te ad orandum impellat. Sic igitur Christo de tua miseria conqueraris.

Bone Domine Ihesu, ego quidem ad Sacramentum accedo, uerum nulum ea

Iam ea ex re sentio fructum, semper idem maneo, sentio adhuc concupiscentiam, iram, inuidiam &c. Et manet apud me ociosus ingens ille thesaurus. Da igitur, ut fructum aliquem inde capiam, ac ut sentiam alios motus, item alias actiones ab hoc Sacramento inferi animo meo. Quod si semel coeperis immutari, fiet, ut subinde magis confirmeris, & ut indies plus bonorum operum edas.

Neque enim hæc uita aliud est, quam quidam assiduus fidei, charitatis & crucis usus, Non tamen in ullo hominum perfecte hæc tria esse possunt. In Christo quidem perfecta hæc fuerunt, qui ceu Sol propositus est nobis exemplum, quod omnes imitemur, etiamsi nunquam possimus assequi.

Semper igitur reperias firmioribus immixtos infirmos, rursus his quodque aliquos firmiores, atque illi quidem paruis, hi maioribus calamitatibus exercentur, ut ita omnes reddantur conformes imaginis Christi. Sic enim nostra hæc uita esse debet, ut, de fide in fidem, de charitate in charitatem, de patientia in patientiam, de cruce in crucem, progrediamur.

Neque debet dici hæc uita, iusticia, sed iustificatio, non puritas, sed purificatio. Nondum attigimus illam metam, quæ nobis proposita est, sed ad eam contendimus, & iam sumus in cursu. Quidam longius euecti sunt, quidam autem procul alios sequuntur. Probatur autem Deo conatus noster, si uideat nos ad metam contendere, etiamsi adhuc longius ab ea absumus. Et ubi opus est, accurrit & confirmat nos in fide & charitate, ac tandem semel ex hoc seculo in cælos transfert. Interim autem, dum hic uiuimus, alius alium ferat, sicut Christus quoque nos tulit, neque enim quisquam hominum est perfectus.

Neq; uero hoc, solo uerbo & exemplo suo Christus nobis proposuit, sed idem etiam expressum est externis signis panis & uini. Sic enim sentimus, hunc panem esse corpus Christi, & hoc uinum esse Christi sanguinem. Aliud igitur uident oculi, aliud fides uerbo admonita credit, quæ fidei propria effigies & imago est. Nam cum Sacramento hoc utimur, & audimus quoque uerbum, duo illa externa concurrunt, uerbum, quod in aures, & ipsum factum, quod in oculos incurrit. Nihilominus tamen in illis externis & subiectis sensui rebus, æternam uitam, omnia item bonorum genera, imo Deum quoque ipsum omnium bonorum autorem, apprehendimus.

Fructus Sacramenti expressus in externis signis panis & uini.

Qualis autem fidei, talis quoque charitatis imago, in hoc Sacramento est expressa, ac primo quidem in pane. Grana enim, priusquam molitoris arte in unum puluerem cogantur, unumquodque per se proprium ac integrum corpus est, Vbi autem comminuta fuerint, unum quoddam faciunt corpus. Sic & in uino, priusquam in torcular coniectæ uuæ conterantur, unaquæque uua suam formam retinet integram, Vbi autem uinum expresseris, ex infinitis uuis unus potus conficitur. Neque confirmare quis potest, hoc uel ex illa uel alia quadam uua profluxisse. Quemadmodum quoque nemo potest asserere, farinam, uel ex hoc uel ex illo grano factam, Sic enim confusæ & uuæ & grana sunt, ut discerni amplius non possint.

i. Cor. 10

Atque in hunc modum S. Paulus quoque accepisse ista uidetur i. Corin. 10. Quoniam unus panis, unum corpus nos multi sumus. Nam omnes ex eodem pane participamus. Quia enim uerbo credimus, manducamus corpus Ihesu Christi, qui cibus animam reficit ac pascit.

Porro proximus meus uicissim me manducat, hoc est, ego illum fortis
 NN ij tunis meis

III. CONCIO DE CONFESSIONE

tunis meis, meo corpore ac uita, item omnibus ijs, quæ habeo, subleuo, quacumq; in re possum, illi adsum, eumq; inuo. Habeo autem & ego iisdem officijs opus, & gratum est, quod uicissim me subleuet. Sic impliciti & coniuncti, inseruius alij alijs mutuis officijs, quemadmodum quoq; Christus nobis inseruiuit, Atq; hoc quidem est spiritaliter manducare & bibere.

Debemus igitur, quantum quisq; potest, anniti, ut per illa charitatis officia certi reddamur, nos aliquem fructum ex hoc Sacramento coepisse. Neq; enim ipsi solum certi tum reddimur, sed alij quoq; homines id uident, admoniti bonis operibus, quæ sua sponte tum sequuntur. Quod qui non faciunt, illi etiam si sapius Sacramentum sumant, nihilo tamen redduntur meliores.

Mittamus igitur illas cogitationes, quibus excitare quidam se ad hoc Sacramentum solent. Vitam suam & facta sua putet sibi unusquisq; propositum speculum, in quo uideat num digne & cum fructu hoc Sacramento sit usus. Hoc enim omnino fieri debet, ut Sacramentum hoc mores ac omnem uitam nostram immutet, atq; alios plane fingat homines.

Nam tum dicta, tum facta Dei non solent esse ociosa, sed maximarum rerum sunt principia & fontes, Liberant à peccatis, à morte, diabolo & inferno, & sic nos confirmant, ut nulla tanta res sit, qua territus animus succumbat.

Econtra sic quoq; parant animum, ut uolentes etiam infirmis hominibus inseruiamus, & ut sit uoluptati beneficia in quam plurimos serere. Rursus, ut doleat nos tantis bonis, quæ habemus, non ad plurimorum salutem ac commodum esse usos.

Si qui ergo sunt, in quibus Sacramentum hos fructus non producit, periculum est, ne ijs etiam magis oblit. Non tamen infirmos abiiciendos censeo, si minus hæc, quæ diximus, perfecte faciant, De illis dico, qui ignaui & temerarij sunt, qui satis esse putant sumpsisse Sacramentum, cæterum operum charitatis nullam prorsus agant curam.

Necesse est, ut prorsus immuteris, & signa mutatae uitæ in actionibus & moribus tuis edas. Id enim si fiat, certum est argumentum, Deum tecum esse, & confirmatur sic fides tua ac secuta redditur. Hoc enim certo sentitur, num à sumpto Sacramento quietior, & confidentior quoq; factus sit animus. Nam antea, quam primum subibat animum, uel mortis uel peccatorum facies, tum statim territus animus, quo se uerteret, nesciebat.

Eos terrores, si non amplius sentias, ne putes id accidere tua quadam tui, Maior ea res est, quam quæ humanis paretur uiribus. Neq; enim ante hoc seculum cum nostris studijs & satisfactionibus nos excruciauerimus, peruenire eo nobis licuit. Sentiri & illa possunt, an eum, qui te offendit, iam ames, an eius miserearis, qui in aliquam calamitatem est coniectus, item num priuata uita sit aliquanto reddita sanctior.

Quod si nihil istorum sentias, Oratio reliqua est, qua Deo de tua miseria conqueraris, ut is suo Spiritu infirmitati tuæ medeatur. Nam cum nullus nostrum sit perfectus, nunquam cessare ab Oratione nos conuenit. Atq; hæc de Sacramento corporis & sanguinis Christi iam sufficiant.

FINIS.

IIII. CON.

IIII CONCIO QVOMODO SIT ORANDVM.

I CCCLI



Primum omnium duo requiruntur ad ueram ac Deo gratam orationem, quæ certo hoc quod petit, consequitur. Alterum est, ut habeamus promissionem Dei. Alterum, ut de illa promissione nihil dubitemus. Oportet autem eam promissionem Dei, iam ante bene meditatam esse, ut oraturi, de ea commonefaciamus Deum, Tum futurum est, ut illa ratione nos excitetur ad confidentius orandum. Nisi enim diuinitus mandatum ad orandum habeamus, nisi item promississet Deus se nos exauditorium, ne uel minimum quiddam suis precibus omnes Creaturæ impetrare possent.

*Duo requiruntur
ad ueram Orationē*

Atque hic uides, non nostris precibus aut dignitati nostræ acceptum ferendum esse, si quid a Deo impetramus, sed inexhaustæ bonitati Dei, quæ nostras preces ac uota multo anteuertit, sua promissione & mandato, quibus ad orandum nos excitat. Vt uel hac ratione discamus, cum longe magis pro nobis sollicitum esse, & promptiorem ad largiendum, quam nos simus, uel ad accipiendum uel ad petendum. Quia autem plus offert nobis bonorum, quam ipsi optare simus ausi, deberet ea liberalitas Dei nos accendere & confirmare, ut sine ulla hæsitatione confidenter oraremus.

*Deus promptior
ad dandum quam
nos ad petendum.*

Secundo, hoc quoque, sicut diximus, ad ueram orationem requisitur, ne quid de promissione ueracis ac fidelis Dei dubitemus. Illa enim potissimum ratione se nos exauditorium promissit, ac mandatum orandi dedit, ut certi essemus, & firmiter crederemus fore, ut nos certo exaudiret. Sicut dicit Matth. 21. & Mar. 11. Dico uobis: Quaecumq; orantes petitis, credite quod accipietis, & erunt uobis. Et Luc. 11. Petite & accipietis, querite, & inuenietis, pulsate, & aperietur uobis. Omnis enim qui petit, accipit, Et qui querit inuenit, & pulsanti aperietur. Quis autem ex uobis pater, a quo si filius petierit panem, num lapidem dabit illi? Aut si pisces, num pro pisce serpentem dabit illi? Aut si petierit ouem, num porriget illi Scorpiū? Si ergo uos, cum sitis mali, nostis bona dare filiis uestris, quanto magis Pater uester cœlestis dabit Spiritum sanctum poscentibus se. His & similibus, tum promissionibus, tum præceptis, confirmandus animus est, ut confidenter oremus, certi, omnia quæ petimus nos accepturos.

Matth. 21.
Mar. 11.
Luc. 11.

Tertio, Si qui autem dubitant de uoluntate Dei, cum orant, & temere orant, siue fiat quod postulant, siue non, illi duo peccata committunt. Primum, quod ipsorum uitio accidit, quo minus aliquid ea oratio ualeat, & quod frustra laborant. Ita enim & S. Iacobus ait: Si quis a Deo aliquid postulat, postulet eum fiducia, nihil hæsitans. Nam qui hæsitat, is similis est fluctui maris, qui a uento mouetur, & impetu rapitur. Neque enim existimet homo ille, se quicquam a Deo accepturum. Quæ Iacobi uerba sic accipienda sunt, Ideo nihil a Deo impetrant, qui hæsitant, quod corda ipsorum non sint certa ac quieta. Fides autem cor quietum retinet, ut possit diuina dona suscipere.

Matth. 1.

Hæsitantes in oratione, a Deo nihil impetrant.

Alterum autem, in quo peccant, si quid sine fide orant, hoc est, quod fideli ac ueraci Deo, ceu mendaci ac futuli uiro, non habent fidem, perinde atq; promissa facere uel non possit uel nolit Deus. Atq; hi gloriam ac nomen sum

11.

NN in men sum

IIII. CONC. QVOM. SIT ORANDVM

men summo Deo eripiunt, quod non credunt eum fidelem & ueracem esse. Tantum autem hoc est peccatum, ut ex Christiano Ethnicum faciat, & non solum negatur hoc peccato Deus, sed prorsus amittitur, neq; ulla spes salutis est, quamdiu in hoc peccato manserimus. Quod si accidit aliquando, ut impetrent aliquid, qui sic sine fiducia orauerint, datur eis illud ipsum donum ad perniciem tum corporis tum animæ, ab irato Deo, ut habeatur saltem honos aliquis sacris uerbis, quæ ab hominibus peccato, infidelitate & contemptu Dei plenæ, proferuntur.

*Oratio niti debet
constanti ueritate
diuinæ promissio-
nis.*

Quarto, neq; illi recte sentiunt, qui tum putant se orando aliquid impetrare posse, si digni ad orandum accedant. Non autem est hoc spectandum, dignus an indignus sis, qui ores. Si enim non ante nobis orandum erat, quam sentiremus ipsi nos dignos & aptos, nunquam possemus orare. Nostra enim oratio, sicut ante monuimus, nititur non in dignitate, quam nos asserimus, sed in constanti ueritate diuinæ promissionis. Et sane si oratio uel in se uel in alio quodam nitatur, uana est & frustranea, etiamsi ex cordis pio affectu progressa uideatur, & oculi non aquam, sed sanguinis guttas lachrymando effundant.

Ideo autem oramus, quod digne orare non possumus, & ideo digni iudicamur, qui oremus & exaudiamur, quod sentiamus nostram indignitatem, & solius Dei benignitate & fide audeamus. Quantumuis indignum te sentias, qui à Deo uel postulare aliquid uel accipere merearis, hoc unicum tantum specta, ut honore nomen eius, quod uerax sit, afficias; neq; incredulitas tua, fida ipsius promissa pro mendacio reputer. Neq; enim indignitas tua te impedit, sicut quoq; nihil te promouet, si sis dignus, Sed sola incredulitas te damnat, fides autem dignum te facit, & seruat te.

Hoc igitur diligenter cauebis, ne unquam te dignum, siue ad adorandum siue ad accipiendum existimes, nisi tum, cum sentias te posse tuto audere, & inniti certis ac ueracibus promissis propitijs tui Dei, De cuius misericordia eo debebas esse certior, quod quemadmodum promissit indigno ac immerito tibi, se nihil negaturum, ita quoq; quantumuis indignus sis, exaudire tamen te uult, ut redimat fidem suam, quam tibi dedit.

*Misericordia,
Veritas.*

Adeo nihil nostris meritis aut dignitati nostræ relictum est, sed omnia sibi uendicant, tum ueritas Dei, quæ promissionibus satisfacit, tum etiam misericordia Dei, ex qua, ceu ex fonte, omnes promissiones manarunt, ut rata maneat sententia illa, Psal. 25. Vniuersæ uia Domini, misericordia & ueritas. Misericordiam enim cernimus in promissionibus, Veritatem autem, tum cum seruantur & fiunt. Et Psalmo 85. Misericordia & ueritas obuiauerunt sibi, hoc est, conueniunt & cernuntur, coniunctæ in unoquoq; opere aut dono, quod a Deo precibus nostris impetramus. Psal. 25.
Psal. 85.

Quinto, Illa fides, qua Dei promissionibus credimus, sic nobis moderanda est, ne quem terminum, tempus, locum aut modum Deo statuamus, sed omnia illa relinquamus uoluntati, sapientiæ ac omnipotentia ipsius, certi fore, ut fiant quæ petimus, etiamsi neq; locus, neq; tempus, neq; etiam ratio, qua fiant, appareat. Hoc enim certum est, diuinam sapientiam longe melius illa nosse ac præuidere quam nos. Si igitur Deo credideris, & omnia illius arbitrio deposueris, certo fient, quæ petis, uel per miracula, si alia nulla sit ratio, qua fiant.

Id quod in populo Israelitico uidemus, qui cum Deo credidisset, fore, ut se liberaret ab hoste, neq; tamen uia aliqua appareret, qua id fieret, subito Exod. 14.

bito se mare rubrum aperuit, ac uiam qua transirent, dedit, Hostes autem *Mare rubrum prae-*
ad unum omnes obruit ac demersit. *buit uiam populo*

Sic Iudith sancta mulier, cum accepisset, hoc consilium coepisse ciues *israelitico.*
Bethulie, se, ni Deus intra quinque dies opem ferret, dedituros hosti ciuita- *Iudith.*
tem, grauiter reprehendit illos, & dicit: Qui nam uos estis, qui tentatis
ita Dominum? Non est iste sermo, qui misericordiam prouocet, sed potius
qui iram excitet, & furorem accendat. Posuistis uos tempus miserationis
Domini, & in arbitrium uestrum diem constituistis ei? Mira ergo ratione *Holofernes.*
liberauit ipsam Dominus, ut capite Holofernem truncaret, & repelleret
ita exercitum ab urbe. Iudith. 8. Sic ad Ephe. 3. quoque Paulus dicit, Hunc
esse morem Dei, ut omnia faciat longe alia ratione, ac melius multo, quam
nos uel orare, uel intelligere possimus.

Sic igitur sentiamus, longe nos inferiores esse, quam qui statuamus
aut praescribamus in oratione nostra Deo, uel tempus, uel locum, uel mo-
dum, uel quaecumque aliam circumstantiam, sed omnia relinquamus diui-
nae illius uoluntati, & constanter credamus, certo fore, ut nos exaudiat.

FINIS.

V. CONCIO DE MATRIMONIO



PRimo, Cum Deus creasset Adam, adduxit ad il-
lum omnia animantia. Inter quae, cum non inueni-
retur quodpiam illi conforme, inquit Deus: Non
est bonum, quod Adam solus sit, faciam ei adiutri-
cem, quae parata sit ad manum. Et immisit sopor-
em in Adam. Cumque obdormisset, tulit unam de
costis eius, & repleuit carnem pro ea. Et aedificauit costam, quam tu-
lerat de Adam, in mulierem. Et adduxit eam ad Adam. Tum A-
dam: Hoc nunc os ex ossibus meis, & caro de carne mea. Vocetur
autem uirago, quoniam de uiro sumpta est. Propterea relinquet ho-
mo patrem suum & matrem, & adhaerebit uxori suae, & erunt duo
in carne una.

Haec omnia sunt uerba Dei, quibus uiri & uxoris exordium describi-
tur, & eorum coniunctio, & quamobrem facta mulier, denique quis amor
esse debet inter coniuges.

Secundo, Quando Deus non coniungit matrimonium, & non
sadeft ceu pronubus, tum accidit ut solet, quod hic insinuat, ex hoc
quod Adam nullam inuenit Coniugem, donec ei prouideret Dominus de
Heua, quam cum uidisset, cepit recte amare, & sinceriter cognoscens a-
pud se hanc esse Coniugem suam.

Iuuenes ergo & ij, quorum animus est, matrimonium subire, docen-
di sunt, sedulo & diligenter orandum esse, ut Dominus Deus dignetur di-
sponere foelix coniugium. Ad quod Salomon etiam hortatur, dicens: Do-
mus & diuitiae dantur a parentibus, a Domino autem proprie uxor pri-
dens. Heua a solo Deo Adae concessa est.

NN iij

Res

V. CONCIO. D. M. L.

Res itaq; magna in conspectu Dei matrimonium est, tametsi imprudens Iuuentus, in qua affectus dominantur, plerunq; circa hoc errat. Nam factum est non sine causa, & admirabili quodam consilio, quod Dominus Deus solum hominem Matrimonio copulauit. Reliquis animantibus tantum dixit: Crescite & multiplicamini, non adducens masculum ad foeminam. Vnde & inter bruta animalia matrimonium non est. Adæ autem creauit uxorem ex propria costa, adduxit, & consentienti acceptantiq; copulauit.

Vxor' adiutorium uiri.

Tertio, Creata est uxor ea causa, ut esset Adiutorium uiri, cum in omnibus rebus, tum præcipue, ut liberos generaret, id hodie adhuc obseruatur utcunq;. Post lapsum uiri & mulieris affectus corruptissimi sunt, quando maior pars non ob mutuum auxilium, sine liberorum amore, ut institutum est, conueniunt, quin magis ad explendam carnis libidinem.

Viri & uxoris amor.

Quarto, Matrimonium diiudicat inter amores, Viri & uxoris amorem maximum esse oportet inter uniuersos amores. Sic enim scriptum est: Relinquet homo patrem & matrem, & adhærebit uxori suæ, Vxor uicissim uiro suo, Boni adhuc hodie obseruant. Matt. 19.

Triplex amor, Falsus, Naturalis, Coniugal.

Deinde notandum, quod triplex est amor, Falsus, Naturalis Coniugal. Falsus amor quærit pecuniam, honorem, opes, mulieres quoq; prohibitas ex præcepto Dei. Naturalis est inter parentes & prolem, fratres & sorores, & consanguineos. Tertius uero, qui coniugal. dicitur, duos primos excedens, ceu ignis ardet, nihil quærit, nihil desiderat præter coniugem. Sic enim inquit: Nec argentum tuum nec aurum, neq; hoc, neq; illud, sed te uolo, & præter te nihil prorsus. Cæteri amores, ultra id quod uidentur amare, aliud quæritant, sed coniugal. id quod diligit totum possidere uult. Quod si Adam in innocentia perseuerasset, exoptabilissimum rerum omnium duceretur sponsum esse uel sponsam.

Amor impurus per peccatum originale redditus.

Veruntamen ille amor iam impurus redditus est, quandoquidem utraq; que coniugum in altero quærit, quo concupiscentiæ male satisfaciatur. Hinc est, quod hoc tempore status matrimonialis syncerus & sine peccato esse uix possit. Est enim ceu hospitale infirmorum, quando matrimonio præcauietur, ne corruamus in grauiora delicta. Innocenti Adæ facilimum erat uirginitatem seruare & castitatem, quod nostra ætate sine singulari gratia Dei uix possibile fuerit. Quapropter neq; Christus præcepit castitatem, neq; aliquis Apostolorum, cum prædicarent. Tametsi illam nobis maximopere commendent, consulentes & præmio sollicitantes, si quis queat assequi. Qui autem non potest, contrahat legitimum matrimonium. Satiùs enim est contrahere, quam uri, & tamen melior castitas, si cui contingat. 1. Cor. 7.

Sacramentū quid?

Cæterum, Doctores circa matrimonium tria bona excogitarunt, his cauentes, ne carnalis concupiscentia omnino esset mortifera. Primo, quod connumeratur inter Sacramenta. Sacramentum scilicet rei sacræ signum est, spirituale quippiam significans, coeleste & æternum. Exempli gratia, Baptismus, quo presbyteri pueros abluunt, diuinam, sanctam & æternam Dei gratiam designat, quæ simul infunditur in corpus & animam baptizati, & quæ purgat a peccato originali, faciens omnia munda templumq; Dei. Hæc, inquam, spiritualia sunt & corporalibus externisq; rebus longe maiora, per quæ representantur.

Matrimonium dicitur Sacramentum.

Matrimonium ergo Sacramentum dicitur. Est namq; typus rei nobilissimæ

lissimæ & sanctissimæ , hoc est , unionis humanæ & diuinæ naturæ in Christo. Hinc inquit Paulus : Quemadmodum uir & mulier duo quædam unum sunt in carne una , ita Deus & homo unus Christus , ita Christus & Ecclesia , unum corpus , quod profecto magnum est Sacramentum.

Omnino itaq; res sancta est & sacra matrimonium , si rite fuerit obseruatum , in cuius typo significatur is , qui cum Deus esset , factus est homo , qui cum in cœlis , habitauit in hominibus , semet illis impartiens , cuius exemplo Coniuges quoq; uiuant.

Aduertendum est hic , uel propter Dei honorem , quam sacrosanctam rem representet copulatio uiri & mulieris , certe humanitatem Christi Ihesu seruatoris. A quo hoc priuilegij manauit , ne affectus carnis prorsus essent lætales. Hi enim in nobis extirpari non possunt penitus , mortiferi tamen sunt , quoties extra matrimonium consumantur.

Quapropter Coniuges dignitatem huius Sacramenti perpendant uenerenturq;. Vxori uir debitam beneuolentiã reddat , similiter & uxor uiro , uideantq; ne propter importunas concupiscentias affectus humanus fiat beluinus & irrationalis.

SECUNDUM bonum , Matrimonium uinculum fidei dicitur. Fides *Vinculum fidei in coniugio.* Senim fundamentum est & summa matrimoni , Alter enim alteri sese deuouet & dat , seclusis omnibus alijs. Quia ergo copulati matrimonio concupiscentiæ carnali occluserunt omnes uias , & quisquis sua coniuge contentus uiuit , nec passim deliciatur , Dominus Deus ex gratia concedit , ut huiusmodi delectatione gaudeant , etiamsi illa sit citra spem fructus , modo seruetur modestia , ne Coniugum amor fiat brutorum.

Hic dicendum foret , quibus nam uerbis contrahentes uti possent. *Quibus uerbis contrahentes uti possint.* Verum res ita est inuoluta & impedita , ut ego iuxta meum captum & simplicitatem intelligere non possim. Verendum quoq; , quod multa matrimonia ad hanc Regulam examinata , non sint matrimonia. Tamen cum præcipue constet ex consensu mutuo , nolo ego in præsentiarum definire , sed Deo , cuius iudicia sunt incomprehensibilia & mirabilia , committo.

Verba communiter obseruata hæc sunt : Ego sum tuus , Tu es mea , Quanquam acuti quidam opinentur , non satis esse , cum dicitur : Ego te accipio , uel accipiam te , uel id genus alia uerba. Malim tamen ego iudicare iuxta mentem , quam tunc utraq; personarum contrahentium habuit.

Præterea circa hoc , quod nonnunquam tacite aliquis promittit uni , deinde alteram ducit , uel occulte uel manifeste , nescio an omnia uera sint & recta , quæ dicuntur , & scribuntur. Hoc meum consilium est : Parentes suos Liberos instruant , ne uerecundentur ab eis petere coniuges. Item doceantur , ne citra Parentum uoluntatem contrahant. Si enim te non pudeat rogare , domum , & alia id genus à Parentibus petere , cur pudebit coniugem petere , rem multo magis necessariam ? Quod Sampson fecisse dicitur , qui cum in ciuitate quadam uideret Puellam elegantem , & quæ ei placeret , reuersus ad parentes , Vidi , inquit , puellam , quam amo , rogo uos , date mihi illam in uxorem.

tertium bonum matrimoni , Fructus dicitur , qui finis & officium *Finis coniugii præcipuus.* matrimoni præcipuum est. Porro , ut Doctores de fructu loquuntur , cum dicunt fructum excusare peccatum , non satis est , accepisse fructum matrimoni , nisi educatur ad laudem & honorem Dei , alioqui gentiles

V. CONCIO. D. M. L. DE MATRIMONIO

Pia institutio puerorum.

gentiles hunc fructum etiam habent. Sunt qui solum haeredes quaerunt, uel delectationem ex pueris, nihil curantes gloriam Dei, ad quam oporteret semper spectare. Et sunt, qui cum ignorent praeccepta Dei, ignorent pietatem pueris inculcandam praecipue, parentes tamen fiunt. Hoc audiant, qui in matrimonio copulati sunt, quod nullum opus Deo gratius, Christianae reipublicae nihil utilius, parentibus & liberis nihil salubrius contingere potest, quam si pueri pie instituantur. Peregrinationes ad Romam, Hierusalem, ad Compostellam S. Iacobi, nihil sunt collatae ad hoc, quod est ceu regia uia parentibus perueniendi ad regnum Dei. Praeterea hoc officio carere tam absurdum uidetur, quam ignem non urere, aquam non humectare.

Vt ergo in liberis tuis coelum, sic infernum quoque citissime meruisti. Nihil abiectius, execrabiliusue feceris, quam si negligenter pueros tuos educaas, quod tum fit, quando sinis blasphemare, impudenter loqui, impuras cantilenas discere, & iuxta prauam eorum uoluntatem uiuere.

Tales sunt quidam, qui pueros indecenti amictu ad mundum alliciunt, ad pompam & fastum uitae, ad diuitias instigant, ad honores, magis solliciti de corpore quam anima puerorum, neque considerantes maximam iacturam imminere rebus Christianis, per pueros perperam institutos, quae si debent reformari, necesse est, ut olim a pueris fiat initium.

Hoc tertium bonum matrimonij, maximum est & utilissimum, quod non solum debita matrimonij & imperfectiones, uerum etiam omnia alia peccata tolleret, si modo falsus amor lapsae naturae non usque adeo obcaecaret miseros parentes, qui plures faciunt puerorum corpora, quam animos. Hinc Salomon: Qui parcat uirga, is odit filium proprium, & qui diligit filium, sapientius castigat. Sunt in corde pueri stulta decreta & puerilia, quae per uirgam tolluntur. Hinc idem: Si uirga percusseris filium, redimes animam eius ab inferno.

Procl. 13.

Necesse est, ut diligentius & frequentius meditentur Coniuges, quae salutis animae conducunt, quam quae corporis. Itaque tandem sic tibi persuade, quod puer est ceu thesaurus eximius a Deo commissus magna diligentia custodiendus, ne a diabolo, mundo uel carne possit seduci, & quod hunc thesaurum in morte & extremo iudicio accurato examine repetiturus sit Deus. Vnde enim miserabilis eiulatus, & horrendus fletus earum, quae plangent, dicentes: Beati uentres, qui non pepererunt, & beata ubera, quae non lactauerunt! Proculdubio ex hoc, quod filios commissos a Deo pessime educarunt. O sanctam conditionem matrimonij, si recte: miseram, si male fuerit obseruata.

Lsa. 22.

Haec si quis animaduverteret, facillime concupiscentiam carnis refrenaret, & fortassis citius arriperet institutum uirginitatis, quam matrimonij. Iuuentus cupiditatum sequax, haec ceu parua aestimat, Deus autem non sic, qui iuste iudicaturus, magnificiet.

S. V. M. M. A.

Si uis ueram agere poenitentiam, summas Indulgentias hic & alibi acquirere, foeliciter mori, tuam prosapiam augeri & amplificari, summa diligentia, totis uiribus conare, ut pueri bene instituantur. Si per te non potes, utere aliorum opera, qui sciant, possint & uelint, nec parce labori, pecunijs aut sumptui. Haec sunt altaria, testamenta, uigiliae &

missae defunctorum, item lumina, quae tibi lucebunt

perpetuo, hic dum uixeris, & alibi post mor-

tem in uita aeterna.

VI. Con

VI. CONCIO QVOMODO
SIT PARANDVS ANIMVS
AD MORTEM.



Primo, Mors est huius uitæ omniumq; humanorum operum finis. Necesse igitur est, ut quantum ad Fortunas attinet, sua bona unusquisq; ijs deleget, quos & leges & sua uoluntas iubent succedere, ne aliqua litigandi & contendendi occasio relinquatur Successoribus, ad quos redire debet hæreditas. Est autem hæc externa & corporalis quædam ratio, qua mundum deserimus, & dicimus uale facultatibus & fortunis nostris.

Mors huius uitæ
¶

Secundo, Est autem alia quædam ratio, qua mundum deserimus, quam spiritualement appellare licet, ut propter Deum condonemus alijs, si quid in nos commiserint. Item ut uicissim nos quoq; rogemus ueniam ab ijs, quos ipsi offendimus, uel malis Exemplis, uel quod minus officiorum quam conueniebat, in ipsos contulerimus. Habemus enim Dei mandatum, ut alij alijs mutuis charitatis officijs adsimus, Ideo autem hoc quoque requiritur, ne quid relinquatur, quod conscientiam grauare possit.

Tertio, Postquam ita omnibus hominibus ualedixeris, tum in solum Deum defigendi sunt oculi. Nam ad eum quoq; nos per mortem ducimur. Est autem hæc angusta illa porta, & arcta semita ad uitam, eam confidenter ingrediamur necesse est. Quamuis enim arcta sit illa semita: est tamen compendiaria & breuis.

Angusta porta ad
uitam

Et quemadmodum satis magno cum periculo Puer ex illa angusta materni uteri cellula, in amplum hoc & iucundū cœli lumen editur, Sic homo per illam mortis portam ex hac misera uita in perpetuam uitam immigrat. Et quanquam hoc cœli spacium, in quo iam uiuimus, item illa terræ magnitudo satis ampla uideantur, tanto tamen sunt minora & angustiora, si ad futuros cœlos compares, quanto uterus maternus angustior est eo mundo, in quo iam sumus.

Recte igitur dixerunt, qui piorum mortem regenerationem quandam esse dicunt, & Festa quoq; in piorum memoriam instituta, recte natales appellantur. Verum, quia semita mortis angustior est, ideo & hanc uitam ampliorem, & illam futuram angustiolem esse ducimus.

Piorum mors regē
neratio.

Fide igitur apprehendenda ista sunt, & potest nobis exemplo esse, quo confirmetur illa infantis natiuitas. Proposuit enim & eam similitudinem nobis Christus. Mulier, inquit, cum parit, dolorem habet, quia uenit hora eius, cum autem pepererit puerum, iam non meminit anxietatis, propterea quod gaudeat hominē natum esse in mundo. Sic in morte quoque est hoc periculum constanti fide subeundum, & sunt deuorandi illi angores, futurum enim est, ut in longe præstantiorem uitam, in qua perpetuum & solidum sit gaudium, immigremus.

Natiuitas infantis.
Iohan. 16.

Quarto, Porro sic te rectissime ad hoc iter comparaueris. Principio omnium, si constiteris peccata tua, præsertim ea, quæ te magis excruciant, & quæ tum maxime se menti offerunt. Item si Sacramentum corporis & sanguinis Christi, cum commode haberi possit, suscipias. Quod si non possit haberi, solatio tamen hoc esse poterit, quod habere ipsum

VI. QVOMODO SIT PARANDVS

Omnia credenti possibilia sunt. re ipsum cupias & exoptes. Neque adeo ea res te conturbabit, Sic enim Christus dicit: Omnia credenti sunt possibilia. Neque enim sunt Sacramenta aliud, quam signa; quae fidem confirmant; & quae nos ad credendum inuitant, quaeque sine fide prorsus nihil profunt.

Quinto, Hoc autem omnino praestandum est, ne contemnamus Sacramenta, sed ut ea magnificiamus & reueremur, & tuto ijs innitamur. Debemus enim sic sentire; maius in ijs esse pondus, quam uel in peccatis nostris, uel morte, uel inferno. Atque his sane opponi Sacramenta debent, Neque nos tam de peccatis nostris, quam de Sacramentis sollicitos esse conuenit.

Venerari Sacramenta. Video autem hic monendum esse, Et quid sit uenerari Sacramenta, & quae eorum uis sit. Porro sic ueneranda sunt, ut credas uera esse, & tibi donari quoque omnia illa, quae per Sacramenta significantur, item quae à Deo dicuntur, Vt dicere illud Mariae possis: Fiat mihi & secundum uerba & signa tua. Nam cum uerbum & signum tibi à sacerdote, qui Dei uice fungitur, proponantur, nulla maiore contumelia affici, & uerbum & signum Dei poterat, quam si de fide ipsius dubites, quemadmodum quoque maiore honore affici Deus non potest, quam si credas ei, futurum, ut promissa faciat.

Sacramentorum uis. Sexto, Sacramentorum uim tum maxime intelliges, si noris antea, Quae nam illa sint, contra quae potissimum pugnent. Sunt autem tria, Primum est horrenda facies mortis, Secundum, facies peccati, Tertium, infernus & aeterna damnatio. Porro unumquodque horum maius & formidabilius efficitur, si & alia quaedam accedant.

Mors. Nam mors tum demum horribilior & grauior esse uidetur, cum natura, alioqui imbecillis & desperata, ipsius imaginem quandam animo concipit & in eam tota defigit oculos.

Insidiae diaboli. Atrociora autem illa sunt, cum Satan quoque accedit, ille enim efficit, ut horribilis & terroris plena mortis facies altius animo imprimatur, ut fractius animus illo intuitu succumbat & desperet.

Nonnunquam etiam Satan omnis generis Exempla conuertit, quibus nos euertat, horribiles interitus, indignas caedes, subita fata animo obijcit, in memoriā redigit quicquid unquam uel ipsi uidimus uel legimus alicubi, quam misere quidam perierint.

Addit praeterea iudicium & iram Dei, quam graues & horribiles poenas in peccatores Deus constituerit.

Addit item Exempla illorum; quos Deus grauiter puniuit.

Porro omnia illa ideo exaggerat, ut metu mortis fractus animus, auidius uitam expetat, ut occupatus illa sollicitudine retinendae uitae, Dei prorsus obliuiscatur, Vt item mortem fugiat & exosam habeat contra Dei uoluntatem ac mandatum. Quanto enim altius illa de morte cogitatio animo fuerit impressa, tanto difficilius adeoque maiore cum periculo mortem toleramus.

Sic igitur faciendum erat, Sapius haec de morte cogitatio erat reuocanda in animum, dum incolumes uiuimus, dumque procul adhuc mortem abesse censemus. Tum cum iam moriendum est, ac nos ipsa mors urget, plus diligentior mortis meditatio obest, quam prodest, Imo tum omnino alio deflectendi sunt oculi, & quam longissime eijcienda animo illa mortis cogitatio est, sicut infra monebimus. Nam mors tum demum est ualidissima, si alioqui infirma natura, importuna ac nimia cogitatione mortis se defatiget.

SEPTIMO

Mors quando ualidissima est.

SEptimo, Eadem ratione & peccatū augescit, si sæpius & altius de Deo cogites. Multū autem ad eam rem facit iam ante territa conscientia, quæ & suo iudicio damnata est, & pudet quoque eam admissi peccati. Est autem tum magna fenestra Satane ad exercendos nos, aperta, rimatur omnia, nos urget, peccata quoque longe grauiora atque sunt, fingit. Et mirus Artifex, omnia omnium peccatorum, qui unquam fuerunt, Exempla ante oculos ponit, redigit in memoriam illorum triste iudicium, qui ob longe leuiora peccata æterna morte sunt damnati.

Peccatum.

Satane dolus.

Efficit autem his tentationibus, ut aut desperatione uictus animus succumbat, aut contra Dei uoluntatem, retinere uitam cupiat, ut oblitus Dei parere Deo nolit, & inuitus mortem obeat. Præcipue autem tum illa solent accidere, cum persuadet sibi homo necessariam & utilem hanc de peccato cogitationem esse. Sentit enim se imparatum, & ad mortem iam subeundam adeo non instructum, ut omnia illa bona opera, quæ per uitam fecerit, tum peccatorum faciem induant, Et tantum abest, ut aliquod de illis speret præmium, ut etiam illorum recordatio grauius sibi faciat diuinum iudicium. Tum enim sentit animus, Deum longe præstantiora & magis quoque pura opera a nobis exigere, quam illa, quæ fecimus, fuerint.

Necessario igitur sequitur odium mortis, & animus diuinæ uoluntati non obediens, adeoque æterna damnatio. Neque enim commodum id est tempus, cum nobis moriendum est, quo peccati memoriam reuocare in animum conueniebat, illa cogitatio non in periculo uitæ, sed tum, cum essemus incolumes, sollicitare nos debebat. Peruertit igitur omnium rerum ordinem Satan, Dum uiuimus, peccatorum, mortis & inferni faciem prorsus ex oculis remouet. Atqui conueniebat, ut tum ea nos cogitatio exerceret, Sicut Psal. xi. dicitur: Peccatum meum coram me est semper. Rursus cum moriendum est, & concipienda erat animo æterna uita, gratia & beatitudo, fraudulentus Spiritus peccata tum animo obijcit, in ea nostræ mentis aciem conuertit, ut conspectu peccatorum prohibiti, ad uitam & gratiam respicere non possimus.

Psal. xi.

O Crauo, infernus quoque tum augescit & fit amplior, si maior & diligentior de eo cogitatio inopportuniore tempore animum occupet. Maximum autem ad hanc rem momentum affert, quod nescimus Dei iudicium. Satan igitur sollicitat nos, non solum impia & uana, sed etiam periculosissima illa cura, de iudicio Dei. Num simus prædestinati nec ne. Et sane in hac tentatione omnes suas uires, artes & dolos Satan effundit.

Infernus.

Quare etiam nisi caueat homo, paulatim eum supra Deum euehet, ut querat signa diuinæ uoluntatis, & impatienter ferat quod non certus esse possit de sua salute, & de uoluntate Dei arcana. Venit igitur nobis in suspicionem Deus, ac si nos odisset, & eo fere ratio pertrahitur, ut cupiat & optet iam alium Deum. Quid multis moror? hac cogitatione, ceu turbine quodam dispergere & extinguere amorem Dei, & Dei odium excitare, Satan nititur.

Quanto igitur plus huic cogitationi indulerit animus, eo etiam in grauiora conijcitur pericula, neque peruincere potest, quin in odium Dei & blasphemias prolabatur. Nam quid, quæso, aliud est sollicitum esse de prædestinatione, quam omnia illa uelle scire quæ Deus scit, ut nos quoque pares simus Deo, neque ille plus sciat, quam nos? Quod si omnia illa, quæ Deus nouit, nos quoque nosse cupimus, Quid quæso, aliud hoc est, quam uelle, ut Deus non sit Deus,

Sollicitum esse de prædestinatione.

OO

Hic animo

VI. CONCIO. QVOMODO SIT PARAN.

*Tentatio de p
destinatione.*

Hic animo suggerit malignus ille spiritus, quantus gentium, quantus Iudaeorum, quantus Christianorum quoque numerus damnatus sit. Fit autem his periculosis & uanis cogitationibus, ut, si nulla alia, uel hac unica res odium mortis in nobis excitet. Et hanc quidem de prædestinatione tentationem, tentationem inferni appellarunt, de qua multa passim in psalmis David conqueritur, quam qui uicerit, is simul & infernum, & peccatum & mortem uicit.

Nono, Porro, summa cura cauere oportet, ne quod horum trium ultro accersamus, uenient enim etiam non uocuta, & suo obtutu, item disputationibus & demonstrationibus totum uolent occupare pectus. Quod si fiat, actum est de homine. Dum enim cum illis cogitationibus luctatur, Dei prorsus obliuiscitur. Neque alio consilio Deus nos illa mortis, peccati & inferni cogitatione in morte tentat, quam ut illa omnia a nobis uincantur, & prorsus, eiciantur animo. Quod si mors, peccatum & infernus sola sint, neque tu in morte uitam, in peccato iusticiam, in inferno beatitudinem, uideas (id quod post latius explicabimus) remittenda tum sunt in infernum usque ad collegium malorum spirituum, neque cogitare debes, quod ad te pertineant.

Qui igitur foeliciter cum illis depugnare & uincere uolet, ille non hoc faciat, ut suis uiribus fortunam tentet. Nam robore & uirium uigore longe nos superant. Hoc artis est, prorsus contemne re hos hostes, neque omnino cum eis congredi, id quod hoc modo fiet: Si in morte uitam, in peccatis gratiam, in inferno coelos positos esse credas. Atque haec fides retinenda firmiter est, etiam si omnes Angeli, omnes creaturae, imo etiam Deus ipse, diuersum uideatur sentire, id quod Satan mira arte nonnunquam efficit, ita enim fingit omnia, ut putes omnino aliam Dei esse uoluntatem, quam reuera est. Quod ergo huic malo inueniemus remedium miseri?

Decimo, Mors non est talis concipienda animo, qualis aut ipsa est, aut nobis esse uidetur, aut qualis esse apparet, in ijs, qui ab irato Deo, a morte uicti, sunt cõdemnati. Nam si talem mortis faciem animo includas, succumbes & ipse.

*Auertenda cogitatio
a morte in uita
tam Christi.*

Sed sic est faciendum, oculos, cor & cogitationes tuas omnes, ab illa mortis facie auertes, & talem eius imaginem includes animo, qualis est in ijs, qui in Domino obdormierunt, & uicerunt mortem, præcipue autem qualis est in Christo, post, qualis in Sanctis quoque ipsius est.

Qui talem mortis faciem animo concipiunt, uident eam non amplius formidabilem & horrendam esse, sed contempnam & interemptam per uitam quoque deuictam & superatam. In Christo enim & Sanctis eius uita est, neque ulla mortis uestigia apparent.

Quanto igitur altius talem mortis imaginem animo imprefferis, tanto ipsa mors magis obscurabitur, & sine ullo labore euanascet. Pacatum quoque cor erit, ut in pace cum Christo foeliciter obdormiat, Sicut in Apocalypsi scribitur: Beati, qui in Domino Ihesu moriuntur.

*Lesi a serpentibus.
Nume. 21.*

Est atem huius rei elegantissima figura, Nume. 21. illi enim, qui a serpentibus laesi erant, non depugnabant cum serpentibus, sed illi æreum serpentem, qui nihil præter speciem serpentis habebat, intuebantur, & statim restituebantur sanitati. Sic quoque, si in Christi mortem defigas mentis oculos, uitam reperiēs, Sin autem aliam quandam mortis conceperis imaginem, succumbes & peribis. Recte igitur Christus dixit: In mundo quidem (hoc est, in uobis etiam ipsis) afflictionem habebitis, in me autem pacem.

Iohan. 16.

Vndecimo,

VNdecimo, Sic peccati quoque facies non est talis concipienda animo, qualis aut est per se, aut esse uidetur in ijs, qui cum non emendarent uitam, in peccatis suis perierunt. Nam si id fiat, perimus & nos. Auertendus est animus a peccatorum conspectu, & defigendi sunt oculi in gratiam, illius imaginem & formam animo obuersare assiduo conuenit.

Porro imago gratiae est, Christus pendens in cruce, item omnes Sanctae imago gratiae. Est per misericordiam seruati. Id quod sic est accipiendum. Ea est gratia & misericordia, quod Christus cruci affixus peccata tua in se recipit, tollit ea, & prorsus abolet. Quod si credas ista, & defigas in crucifixum Christum oculos, nihil dubitans, quin omnia tua peccata simul cruci sint affixa & sublata, id tandem est gratiae faciem & imaginem spectare ac intueri.

Gratiae quoque imago in Sanctis est, qui per misericordiam seruati, crucem ac mortem tolerant, tuos labores & tentationes tuas, suas esse putant, sicut dicit Paulus Gal. 6. Alter alterius onera portate, & sic compleat te legem Christi. Sic Christus quoque Matth. 11. Venite ad me omnes, qui laboratis & onerati estis, & ego reficiam uos. Sic tuto & sine aliquo periculo possumus peccata nostra intueri, etiam sine ullo conscientiae nostrae terrore. Sic peccata non sunt amplius peccata, sed sunt per Christum deuicta & absorpta.

Quemadmodum enim Christus tuam mortem in se recepit, eamque confecit, ut non possit amplius tibi nocere, si modo hoc credas, & tuam mortem in Christo, non in te, intuearis. Sic & peccata tua in se recipit, & uincit ea sua iusticia, quam gratis in te confert. Quod si credas, non possunt amplius peccata te condemnare. Sic est Christus exemplum ac imago gratiae & uitae, quem quotiescunque uel peccato uel morte tentamur, opponere debemus. Id quod S. Paulus 1. Corint. 15. his uerbis dicit: Deo gratia, qui nobis dedit uictoriam peccati & mortis per Dominum nostrum Ihesum Christum.

DVodecimo, Sicut autem de peccato & de morte monuimus, Ita quoque de inferno & aeterna damnatione dicimus; Cuius imago quaedam est includenda in animum, non talis, qualis aut per se est, aut qualis in ijs, qui damnati sunt, esse uidetur. Nam si te ille ingens non praedestinatorum hominum numerus sollicitum habeat, periculum est, ne statim illa cogitatio te det praecipitem & euertat. Est igitur ui quadam periculum, & occludendi sunt oculi, ne conspectu illius imaginis terreamur. Neque enim haec cogitatio quicquam nobis prodest, etsi eam per multos annos nobiscum agitauerimus, sed grauissime laedit potius. Defiges igitur oculos in coelestem illam Christi imaginem, qui propter te descendit ad inferos, cum esset antea in cruce a Deo derelictus, non aliter atque ij, qui perpetuis inferni cruciatibus addicti sunt. Sic enim exclamabat in cruce: Deus meus, Deus meus, quare me dereliquisti?

In hac Christi imagine uides, quod & peccata omnia sint deuicta, & praedestinatio de te confirmata & certificata, de qua alias certus esse non poteris. Si enim haec res te sollicitum habeat, & tu firmiter ista credas, tum te fides illa seruabit. Nulla igitur tanta res animum occupabit tuum, quae hanc imaginem obscuret, aut eripiat. Quod si quid tibi deest, quaeres illud non in te, sed in Christo, & sine dubio inuenies.

Qui igitur Christum & Sanctos eius ad hunc modum intuentur, & gratiam Dei qua praedestinati, & seruati sunt, commendant ac probant *Prædestinati*

o o ij illi,

VI. CON: QVOMODO SIT PARAN:

illi quoque prædestinati & electi sunt. Sicut dicitur Gene. 12. Omnes qui tibi benedicunt, benedicentur & ipsi. Qui autem non in illo gratiæ exemplo hærent, sed in se suamque uitam defigunt oculos, in illis quoddam erga Deum & Sanctos eius excitabitur odium, ita ut omnino pereant, Id quod omnino diligenter cauendum est, Nam Satan omnibus uiribus annitetur, ut id efficiat. Gene. 12.

Madianite cæsi à Gedeone. **T**ertio decimo, Est autem Iud. 7. quædam figura eius pugnae de Iudic. 7.
scripta, quam humanus animus cum his tribus acerrimis hostibus, peccato, morte & inferno habet. Gedeon enim parua manu, trecentis scilicet militibus ingentem Madianitarum exercitum noctu inuadit, eosque fundit, non gladio aut uirga aliqua, sed tantum edito tubarum sonitu, & concussis lam padibus, quas gestabant. In fugam igitur omnes uersi Madianitæ, in mutua uulnera cædesque mutuas ruebant.

Sic peccatum quoque, mors, item infernus cum omnibus suis uiribus funduntur & superantur, si includamus in nostros animos lucentes illas imagines tum christi, tum Sanctorum eius. Si item nostros animos tuba illa, hoc est, uerbo diuino, cuius sonitum Satan ferre non potest, accendamus, Et quidem in nocte, hoc est, in fide, quæ ad illas horrendas facies non respicit sed contemnit eas potius.

Iugum oneris eius Isa. 9. Et fane in hunc modum Isaias cap. 9. hanc figuram accepit, cum inquit: Iugum enim oneris eius, & uirgam humeri eius & sceptrum exactoris eius, superasti, sicut in die Madian. Atque si sic dicat: Peccata tui populi, quibus ceu graui onere conscientie ipsorum premebantur. Item mortem, quæ ceu uirga & poena statim peccatum sequebatur, & grauiter affligebat humeros, Item infernum, qui exigit illam peccati poenam, ceu durus quidam exactor, Illa omnia uicisti, sicut tempore Madian, hoc est, per fidem, per quam sine usu gladii, in fugam suos hostes Gedeon conuertit.

Verum dicat aliquis: Quando ista uictoria a Christo est parta? Tum scilicet, cum penderet Christus in cruce, ubi illas tres facies, ut ita dicam, induit, in quas cum fides respicit, confirmatur contra illas alias facies, quas Satan & caro nostra nobis obijciunt. Solus enim Christus est uirga illa mortis imago contra mortem, Quanquam enim uere in cruce sit mortuus, tamen resurrectione sua mortem, per uitam uictam esse euidenter demonstrauit.

Est quoque Christus gratiæ imago contra peccata, quæ etsi in se recepisset, tamen deuicit per inuictam illam obedientiam, qua se totum uoluntati Patris tradidit.

Est quoque celestis illa imago contra infernum, quanquam enim a Deo derelictus esset, non aliter atque is, qui eterne damnationi est addictus, tamen infernum uicit suo amore in Patrem, quo omnia potest. Est autem id satis magnum argumentum, quod sit summe dilectus Filius. Porro omnia illa, quæ iam enumeraui, nostra sunt, si credamus.

Quarto decimo, Debet autem nobis magnæ consolationi esse, quod non solum mortem, peccatum, & infernum Christus deuicerit, ac nobis credendam illam uictoriam proposuerit, sed etiam quod sua sponte præter necessitatem, in se etiam illas tentationes receperit, ut nos suo Exemplo consolaretur ac confirmaret, Nam tentationem mortis, item peccati & inferni ipse quoque perpeffus est.

• Morte tum tentabatur, cum dicerent ad eum Iudei: Descendat nunc de cruce.

cruce. Alios seruauit, seruet nunc seipsum. Perinde atq; si sic dicerent: Ecce iam sentis mortem, quæ tibi nolenti uolenti est subeunda, neq; poteris effugere. Sicut Satan quoq; tum, cum imminet mors, illam moriendi necessitatem horribili facie animo solet obijcere.

Peccato tentabatur Christus, cum dicerent ad eum Iudæi: Alios seruauit: Si filius Dei est, descendat iam de cruce &c. Perinde atq; si sic dicerent: Imposuit nobis suis operibus, fuit impostor & nugator, est filius Satanæ, non Dei, est Satanæ mancipium tam corpore quam anima, nunquam quicquam in boni fecit, merito igitur iam dignas fert poenas.

Quemamodum autem Iudæi Christo tum peccati, tum mortis, tum etiã inferni faciem, non certo ordine, sed confuse obijciebant. Sic nos quoque uno impetu omnibus illis oppugnamur, ut eo citius desperent animi. Ad eum quoq; modum Christus uastationem Hierusalem describit Luc. 16. quod *Vastatio Ierosolymorum.* hostes eam circumdabunt uallo ut nullibi exitus pateat. ea est mors. Secundo, quod undique coangustabunt eam & premant ita ut nullum usquam appareat auxilium: id est, peccatum. Tertio, quod eam solo æquabunt, ut non relinquatur lapis super lapidem: is est infernus & extrema desperatio.

Inferno autem tum tentabatur Christus, cum dicerent Iudæi: In Deum sperat, uideamus an eum sit liberaturus. Dicit se esse filium Dei. Perinde atq; si sic dicerent, dignus est inferno, Deus eum non prædestinauit, abiicit eum, nihil ei prodest fides, quam habet, nihil spes, quam secum fouet irritam, Omnia sunt frustra.

Porro, quemadmodum Christum ad hos insultus Satanæ tacere uidemus. Ita nos quoq; faciamus, non colluctatur cum his Hostibus, negligit, & contemnit eos, perinde atq; si eos nec uideret neq; audiret. Et sane quid profuisset quantumuis acris colluctatio, magis eos irritasset, ac grauius in se commouisset eos. Hoc multo consultius est, quod in uoluntatem Patris sui respicit, quod mortem, peccata sua, ac infernum prorsus negligit, & crucifigentium se, imo omnium nostrum mortem, peccata, & infernum, deprecatur.

Christi exemplum.

Est autem nobis hoc Christi exemplum ad imitationem propositum, ut nihil moueamur illa mortis, peccati & inferni facie, sed saltem in Dei uoluntatem respiciamus. Ea enim est hæere in Christo, & constanter credere, nostram mortem, peccata & infernum per ipsum deuicta, nihil amplius nobis nocere posse. Ad hunc modum solius Christi imago nostris mentibus impressa esse debet, eam obuersari semper animi oculis conuenit, ut cum illo solo disputemus & agamus, illa autem Satanæ uana terribilia menta firma fide contemnamus.

Quintodecimo, iam commodè redimus ad Sacramenta, & ad *Sacramentorum* eorum uim, quam habent, ut discamus, quis eorum sit usus, & quid *uis.* profint nobis.

Merito igitur ille Deum amabit & prædicabit, mortem merito cum magna animi læticia subibit is, cui per gratiam Dei tempus est datum, quo & peccata sua confiteri, & absolutionem audire, Item Sacramentum altaris sumere possit. Certus enim de sua salute est, qui securus uerbo Dei, quod audit, innititur, & fidem suam Sacramentis munit & confirmat.

In Sacramentis enim tecum loquitur, tecum agit Christus Dominus Deus tuus per Sacerdotem. Neque sentiendum est, quod uel opus illud uel uerbum, quod audis, sit hominis. Nam ipse Deus omnia tibi in illo uerbo promittit, quæ iam de Christo diximus. Et uult suæ fidei pignora esse illa Sacramenta, ut certus sis, quod Christi uita, tuam mortem, q; Christi obedientia, tua peccata, quod Christi amor, infernum tuum, in se receperit & deuicerit.

VI. CONCIO QVOMODO SIT PARAN.

*Consolatio in Sa-
cramentis propo-
sita.*

*Iacob per transi-
ens Iordanem.*

Signa gratiae.

Est & aliud quoddam commodum, quod per hæc Sacramenta reliquis Sanctis te addunt socium, ut uenias in Sanctorum congregationem, & ue-
ram Sanctorum communionem. Nam & tecum in Christo moriuntur, te-
cum peccata portant, tecum infernum quoque uincunt. Grauis ergo conso-
latio in illis Sacramentis est, quæ nihil aliud sunt, quæ uerbum Dei & sig-
num quoddam uisibile, quod in oculos incurrit. Et sicut illud uocale uer-
bum incurrit in aures, casque ferit, Ita Sacramenta signa sunt diuinæ uolun-
tatis subiecta oculis, quibus inniti fides debet, ceu firmo baculo, quo usus
est Iacob Patriarcha cum pertransiret Iordanem, in quæ nostri oculi defixi
esse debent ceu in lucernam, quæ uia dux est, in obscuro & caliginoso loco
mortis, peccati & inferni. Sicut Propheta quoque dicit: Lucerna pedibus meis
is uerbum tuum. Et Petrus: Habemus firmiorem sermonem propheticum, ^{Psal. 119.}
cui dum attenditis, ceu lucernæ apparenti in obscuro loco, recte facitis &c. ^{1. Pet. 2.}

Et sane, quod nam aliud in mortis periculo quæres auxilium? Omnes
enim quotquot seruantur, hoc freuantur signo, quod Christum tibi ostendit,
& te ad Christum traducit, ut possis morti, peccato & inferno sic dicere:
Deus promisit mihi gratiam suam, eiusque rei certum dedit signum, ceu pig-
nus quoddam, in Sacramentis, quod & uita Christi meam mortem tua
morte deuicerit, & obedientia Christi, mea sustulerit, sua passione, peccata,
& amor Christi, in sui derelictione, infernum meum, deuastauerit.

Hæc signa gratiæ, hæc item salutis promissio, nunquam me fallat, De-
us promisit, Deus mentiri non potest, Dei neque dicta, neque facta fallunt.
Qui ad hunc modum uerbo Dei nititur, & Sacramentis ceu fulcris suam
sustentat fidem, is non multum de predestinatione sollicitus erit, sed certo
sentiet Deum sui miserum in gratiam se recepisse.

Sextodecimo, Hoc igitur omnium maximum est, ut magnificemus
& reueremur Sacramenta, ipsæque innitiamur, Proponitur enim nobis in
illis, uerbum Dei, promissio & signum diuini fauoris. Tum autem illud fiet,
cum credemus, neque dubitabimus tum de Sacramentis, tum de ijs rebus,
quarum sunt signa. Quod si dubites, nihil omnino ea tibi proderunt. Nam
sicut Christus dicit: Vnicuique sit secundum fidem suam.

*Grauiissimum pec-
catum.*

*Sacramentum acci-
pere.*

Quid enim, quæso, tibi profuerit, si credas Christum peccata, mortem
& infernum aliorum deuicisse, & non credas deuicisse eum tuam mortem,
tua peccata, & tuum infernum, teque redemisse? Frustra quoque Sacramentum
sumes, si non credas omnia illa, quæ in Sacramento tibi promittuntur, in te
iam collata, ac tua esse facta. Verum hoc omnium est grauiissimum pecca-
tum, existimare, quod & in uerbo suo, signo & opere, Deus mentiatur, item
existimare, quod dicat & promittat, quæ præstare nunquam uelit.

Non igitur leuis res est, Sacramentum accipere, Requiritur ad id fides,
qua secuta se illis Dei signis, & promissionibus committat. Deus enim
noster, Deus seruator est, qui a morte, peccato & inferno nos liberat. Non
igitur contemnenda neque dicta neque facta illius sunt, id quod Satan no-
bis persuadere nititur. Sic enim suggerit: Heus tu, quid si indigne Sacra-
mento esses usus? quid si tua indignitas te promissionibus illis ac gratia
priuallet?

Quamprimum illæ cogitationes sollicitare te cœperint, munies te
sancta cruce, & missam facies, siue dignitatem, siue indignitatem tuam, hoc
tantum specta, ut credas esse signum additum, certo & uero Dei uerbo, &
tam satis eris dignus: Dignos enim sola fides, indignos sola incredulitas,
efficit.

Satan

Satan autem ideo te alia, tum dignitate, tum indignitate tentat, ut fidem tuam evertat, & ut Sacramenta nihil tibi profint. In illud præterea peccatum te conijcere nititur, ut Deum mendacij arguas: Deus enim neq[ue] uerbum neq[ue] Sacramentum suum tuæ dignitati uult inniti, sed uult per suam gratiam, ut tu indignus, in uerbo & signo suo hæreas ac nitaris, ut sic dicere possis:

Cur diabolus tentet etc.

Deus est, qui signum & uerbum suum mihi dedit, ut certus essem, Christi uitam, gratiam, & coelos, in quibus est, peccata, mortem, & infernum meum sustulisse. Sine dubio promissa faciet, tamq[ua]m certus sum de ijs uerbis quibus mihi mea peccata condonauit Sacerdos, atq[ue] si Deum mecum loquentem audissem. Si igitur Dei uerba sunt, certo fient. Hic consisto, hac spe & fiducia mortem lubens obibo. Hoc enim omnino fieri debet, ut tantu Sacerdotis uerba facias, atq[ue] si Deus per Angelum suum aut Apostolum aliquem ea ad te perferri iussisset, atq[ue] si ipse Christus præuens præsentem absoluiſſet. Vtemur enim communi & noto uocabulo.

Seprimodecimo, Multum igitur præ alijs is est consequutus, qui Sacramenta consequitur: Habet enim signa a Deo exhibita, habet promissionem Dei, quibus fidem suam confirmet, se iam omnium illorum esse factum participem, quæ Christus habet. Qui autem hæc Sacramenta non sunt consecuti, illi nulla externa & sensibus subiecta sustentacula fidei suæ habent. Fide tamen & cordis desiderio ea quoq[ue] consequi possunt. Quod si in ea fide persistant, seruantur & ipsi.

Quemadmodum autem antea de Absolutione diximus, ita de Sacramento altaris quoque tibi est dicendum. Dedit mihi sacerdos corpus & sanguinẽ Ihesu Christi, quod signum & promissio est, me in consortium Christi & omnium Angelorum & Sanctorum receptum esse, ut illi me redament mei agant curam, orent pro me, meas afflictiones in se recipiant, confirmet me, peccata mea portent, & infernum una superent.

Sacramentum Altaris.

Non autem est dubium quin hæc omnia sic sint euentura. Signum enim a Deo datum nunquam me fallat, neque quisquam erit, qui mihi illud eripiat. Et malim ego a toto mundo desciscere, & a me ipso quoque, q[uam] dubitare de hac promissione. Scio Deum meum ueracem ac certum esse, Scio q[uod] neminem suo signo & promissione sua fallat, Siue dignus sim, siue indignus, hoc scio, esse me sanctæ Christi Ecclesiæ membrum, cuius rei signum Sacramentum hoc habeo. Longe consultius est me indignum esse, quam de Dei fide dubitare, Apagelis Satan cum d[omi]n[us] suggeris.

Deus sua promissione neminem fallit.

Iam hoc uide, multos passim reperies, qui cupiunt certi esse de sua salute, qui certum aliquod de cœlo signum exoptant, quo certi fiant de prædestinatione. Si igitur daretur eis signum diuinitus, quid queso, prodesſet id eis, si non crederent? Signa sine fide nihil profunt. Et Iudæi signis Christi & Apostolorum prorsus nihil iuuabantur, quia erant increduli. Sic qui hodie sine fide Sacramentis utuntur, qui sine fide uerbum Dei audiunt, prorsus nullum inde fructum capiunt. Si igitur signo aliquo confirmari cupis, quare non Sacramentis uteris? quæ omnium sunt certissima signa, quæ sunt ab ipso Christo instituta, ab omnibus Sanctis probata & cognita, quod certa sint, neq[ue] fallant credentes, sed quod omnia illa, quorum signa sunt, certo conferant.

Signa sine fide nihil profunt.

In hunc modum discendum est, & quid sint sacramenta, & quid pro sint, quis item eorum sit usus. Inuenies autem nullum suauius perturbatę conscientię solatium in hoc mundo esse, q[uam] Sacramenta. In illis enim habes certum dei uerbum, quod nobis promittit & donat Christum, cum omnibus ijs quæ habet, quod donat nobis partem ab ipso peccati, mor-

OO iij

us &

VI. CON: QVOMODO SIT PARAN:

tis & inferni uictoriam. Quid autē, Deum immortalem, auditu iucundius, quid est suauius, quam abolita & perdita esse per Christum monstra illa, peccatum, mortem & infernum? Porro nos illa quoque per Christum deuicimus, ubi recte Sacramento fuerimus usi.

*Verus Sacramento
rum usus.*

Tum autem recte Sacramento hoc utemur, ubi crediderimus uera illa esse quæ Sacramenta per Dei uerbum, nobis promittunt. Non igitur hoc tantum faciemus, ut illas tres imagines in Christo nobis exhibitas spectemus, sed addēda quoq; signa sunt, quæ nos certos & securos faciāt, illa omnia nobis per Christum esse donata. Atq; hic uerus Sacramentorum est usus

*Cura Dei & An-
gelorum pro nobis*

Decimooctauo, porro, neque de hoc dubitare quenquam conuenit, se, cum in mortis periculo est, non solum esse, sed sui curam omnes Angelos agere, ac omnium Sanctorum oculos in se defixos. Nam eius rei Sacramentum quoq; est signum. Ac primo quidē Dei & Christi oculi in te sunt deflexi, ideo, quod tu ipsius uerbo credas, ac Sacramento eius adhareas. Post Angelorum ac omnium Sanctorum oculi sine dubio te respiciunt. Illi enim omnes ceu integrum corpus, laboranti membro subueniunt, teq; in illa lucta mortis, peccati & inferni adiunāt, ut superior euadas ac uincas. Hoc autem est illud charitatis opus, hæc illa est communio Sanctorum, de qua dicit Symbolum Apostolicum, quam credere nos conuenit, mirabiliter enim nostram fidem confirmat.

*Communio Sancto-
rum.*

Et sane qui hac de re dubitat, is non perfecte Sacramento altaris credit. In illo enim hoc quoq; significatur & promittitur, esse communionem Sanctorum, qui uires suas, amorem, consolationem & opem in omnibus periculis ad nos confirmandos conferant. Et deus quoq; non potest non tui agere curam, si uerbo & Sacramento ipsius credas, Sicut Psal. 32. dicit: Firmabo super te oculos meos. Verum cum Deus tui agit curam, idem omnes Angeli, omnes Sancti ac creaturæ omnes faciunt, teq; manibus suis sustentant, in fide persistentem, & iam iam morituri excipiunt animam, ne pereas.

Psal 32.

*Heliseus.
2 Reg. 6.*

Signum est huius rei Heliseus, 4. Reg. 6. qui sic seruum suum compellabat, Ne metuas, plures enim nobiscum sunt q̃ cū illis, Cum tamen undiq; hostium exercitu essent circumsepti, neminemq; alium præter hostes uiderent. Aperuit itaque Dominus oculos pueri, ut uideret, Et ecce mons plenus equorum & currum igneorum, in circumitu Elisei.

Idem omnibus illis fit, qui Deo credunt. Pertinent autem huc illa in Psalmis, Psal. 34 Circumuallat Angelus Domini in circuitu timentium eum, & eripiet eos. Et 125. Qui confidunt in Domino, sicut mons Zion, non commouebuntur, sed semper habitabunt Hierusalem, Montes (hoc est Dominus ipse) in circuitu populi sui nunc & usque in æternum. Psal. 34.
Psal. 125.

Et 91. Angelis suis mandauit de te, ut custodiant te in omnibus uis tuis, In manibus portabunt te, ne offendas ad lapidem pedē tuū, Super aspidem & basiliscum ambulabis, & conculcabis leonem & draconem (hoc est, omnes uires & insidiæ diaboli non preualebunt aduersus te) Quoniam in me sperauit, liberabo eum, protegam eum quoniam cognouit nomen meum, Clamauit ad me, exaudiam eum, Cum ipso sum in tribulatione, eripiam eum & glorificabo eum, Longitudine dierum replebo eum, & ostendam illi salutare meum Psal. 91.

Sic quoque Apostolus Ebræis scribens, ait: Angelos (quorum innumera est multitudo) esse administratorios spiritus, qui in ministeriū emittuntur propter eos, qui hæredes erunt salutis. Hinc est, quod Patriarcha Iacob iam moriturus dicit, Gene. 49. En ego morior, & congregor ad populum meum.

ANIMVS AD MORTEM CCCLIX

lum meū. Mortuusq; est & congregatus ad populum suum. Sic Deus Mo-
 ſi & Aaroni promiſit, Tranſibis ad populum tuum & Patres tuos. Signifi-
 catur autem hiſ, mortem eſſe tranſitum quendam, ad longe numeroſiorem
 populum, qui nos expectat, quam iſ eſt, a quo morituri diſcedimus.

*Mortuus eſt &
 congregatus ad
 populum suum.*

Sunt hæc omnino magna, quæ concipere humanus animus non poteſt.
 Sic igitur quiſque ſibi perſuadeat, eſſe hæc Dei opera, quæ excedunt no-
 ſtras cogitationes & rationem noſtram. Operatur tamen Deus omnia illa
 in paruo hoc Sacramenti ſigno, ut diſcamus, quanta reſ ſit, uera in Deum
 fides.

Nono decimo, Porro, non ideo hæc ratio parandæ animi ad mor-
 tem a me eſt tradita, ut tentemus eam noſtris parare uiribus, ſed ſuppli-
 citer rogandus Deus eſt, ut ipſe in nobis talem Sacramentorum cognitio-
 nem & talem in Sacramenta quoque fidem formet & cōſeruet. Nam ſic fiet,
 ut creſcat in nobis timor Dei & reuerentiā erga Deum, ne quid noſtris ope-
 ribus, ſed omnia Deo tribuamus. Sic autem eſt orandum, ne quid dubite-
 mus fore, ut nos exaudiat Deus. Verum, sunt duæ cauſæ, propter quas ni-
hil dubitare de oratione conuenit.

Quomodo orandū.

Altera hæc eſt, iam ante dixi præcepiſſe Deum angelis ſuis, ut illos re-
 dament & iuuent, qui credunt. Eius mandati & promiſſionis commoneſa-
 ciendus eſt Deus, non quod aut promiſſionis ſuæ ſit oblitus, aut præſtare
 eam nolit, ſed ut fiducia in ipſum ſic alatur & confirmetur, neque nos morti
 occurrere metuamus.

Altera autem eſt, quod illam fidem quoque Chriſtus præceperit, ut o-
 raturū credamus, Deū uelle exaudire, ne quid dubitemus nos de uoce, Amē.
 Eius mandati quoq; commoneſaciendus eſt Deus, & dicendum: Tu Deus
 meus præcepiſti orationem, præcepiſti hoc quoq; ut crederemus fore, ut
 noſtram orationem exaudias, hoc riſo mandato adductus, oro, nihil dubitās
 quin me exaudias, ac ueram mihi in te dones fidem.

Hoc igitur per totam uitam erat a Deo poſtulandum, ut morituris do-
num fidei concederet. Id quod ſuauiſſimo carmine Germani in ferijs Pente-
 coſtes canunt.

Nu bitten wir den heiligen Geiſt/
 Umb den rechten Glauben allermeiſt /
 Das er uns behüte an vnſerm Ende/
 Wenn wir heim faren aus dieſem Elende / Kiriſoleis.

Porro tum, cum iam moriendum eſt, huius orationis, item mandati &
 promiſſionis ſuæ commoneſacere Deum conuenit, nihil dubitantes quin
 noſtra ſit exaudita oratio. Nam ſi utrunque præcepit, & orationem, & fi-
 dem in oratione, ſi quoq; promiſit ſuam gratiam, Quid quæſo, dubitabi-
 mus de fidē ipſius? ſine dubio exaudiet nos, ac ſuam redimet fidem.

Vigefimo, Quid autem a Deo amplius addi poteſt, ad confirmari-
 dos nos, ut ſponte mortem obeamus, eamq; omni metu depoſito ſupe-
 remus.

Oſtendit & donat tibi in Chriſto uitam, gratiam & foelicitatem, qui-
 bus adiutus, neque mortem, neque peccatum, nec infernum metuas.

Præterea peccatum tuum, mortem tuam, tuumq; infernum, illa in uni-
 genitum ſuum Filium reiicit, ut iſ uictoriam ex illis Hoſtibus partam, tibi
 donet, ne quid amplius lædere te poſſint.

Præterea

EPISTOLA

Præterea, tentatione mortis, inferni & peccati, Christum quoque Filium suum exercet, ut habeas Exemplum, quomodo ferendæ & superandæ sint tentationes illæ.

Horum autem omnium donorum in te collatorum, pignora, addit sua Sacramenta, ut omnino certus plane nihil dubites.

Suis angelis, Sanctis ac creaturis suis omnibus, tui curam mandat, ut nusquam a te defleant oculos, sed animam iam morituri excipiant & seruent.

Mandatum præterea adiecit, ut illa a se postules, & ut certo credas, omnia illa accepturum te esse. Quid igitur his addi potest amplius?

Vere igitur Deus est, qui maximas tecum res agit. Et quoniam promittit opem & robur, merito hoc mortis onus in te coniecit, ut periculum faceres, quanta gratiæ vis ac potentia esset. Sicut dicit Psal. III, Magna opera Domini, exquisita secundum voluntatem eius. Psal. III.

Sic igitur unusquisque se comparet, ut gratias Deo suo pro immensa illa bonitate & misericordia agat, neq̃ tam terrere nos illa mortis facies debet, quam misericordia ad Deum amandum & prædicandum excitare, Nam amor erga Deum & prædicatio gratiæ mirabiliter quoq̃ mortem mitigat, Sicut Isaias dicit: Ego os tuum laude mea frenabo, ne pereas. Id q̃ nobis præstet diuina misericordia, per Ihesum Christum Dominum nostrum Amen. Esd. 24.

FINIS.

EPISTOLA IOHAN-

NIS ECCII MISSA EX LIPSIA AD FA-

MOSVM ET REVERENDVM PATREM, F. IACOB:

Hochstraten: Magistrum in Theologia Nostrum.

In qua ostendit, quibus Scripturis, Argumentis

& Rationibus defenderit articulos Roma-

næ Ecclesiæ, in Disputatione Lip-

sica, contra D. Mart. Luth:

Anno M.D.XIX.

habita.

SALVTEM IN DOMINO IHESV.



On te præterit, Reuerende Pater, quomodo me hæc
tenus opposuerim temerarijs hominibus Vultembergæ,
omnes Doctores a quadringentis annis, quantumvis
S. & Doctos, contemnentibus, & multa falsa & erro-
nea in populum seminantibus, Potissimum caput hu-
ius scandali, per impressiones linguæ nostræ vulgum
seducit & inficit.

Nouissime

Nouissime disputauimus Lipsiæ, in frequentissimo Auditorio doctissimorum uirorum, ubiq; conuenientium, ubi (laus Deo, honor & gloria) plurimum imminuta est eorum opinio, etiam apud uulgum, apud doctos uero pro maiori parte lapsa est, Audisses hominum temeritatem quam cæci sunt & ad facinora impeterriti.

Negat Lutherus, Petrum fuisse Principem Apostolorum, Negat obedientiam ecclesiasticam esse de iure diuino, sed humano consensu uel imperatoris inductam. Negat super Petrum ædificatam Ecclesiam, Super hanc petram &c. Et dum ei Augustinū, Hieronymum, Ambrosium, Gregorium, Cyprianum, Chrysostomum, Leonem & Bernardum, super illo adducerem cum Theophilo, omnes negauit absq; rubore, Et se unum dixit, uelle resistere mille, nullo alio fultus, nisi quia Christus esset fundamentum Ecclesiæ, & aliud fundamentum nemo ponere potest: Quod dixi, adducens & illud Apoca. 12. de duodecim Fundamentis, Defendit Græcos etiam Schismaticos, etiamsi non sint sub obedientia Papæ, adhuc saluari.

Se fultus noua figura.

Apos. 12.

De Bohemorum articulis dixit, Ex articulis condemnatis in Concilio Constantiensi aliquos esse Christianissimos & Euangelicos, quo temerario errore multos terruit, & discedere fecit, qui prius ei fauebant.

Dixit inter alia, cum ei opponerem, Si primatus Papæ esset solum de iure humano, & consensu fidelium, unde ueniret sibi habitus quem gereret: unde potestatem prædicandi haberet, & confessiones audiendi paræcianos &c. Respondit se uelle, nullum esse Ordinem Mendicantium, Pleuraq; alia scandalosa & absurda dixit, Quod Concilium, quia essent homines, possit errare. Quod non probaretur ex Scriptura sacra, Purgatorium esse &c. Vti uidebitis legendo Disputationem nostram, quia fidelissimis Notarijs exscripta est.

Argumentum dignum Eccio & fratrum.

Verum, in inultis me obruerunt, Primum, quia Libros secum attulerant, in quibus erant noti, & apportauerunt secum ad locum Disputationis, & ad illos statim habuerunt recursum, imo ex Libris legebant continuo, cum magna eorum irrisione.

Eccius obrutus propter tres causas.

Secundo, quia Disputationem semper habebant in scriptis, & postea conferebant domi. Ego nunquam inspexi unum uerbum, quousq; finiretur Disputatio.

Eccius non fuit arrogas sed nepos Reuchlin, id est, Phi. M.

Tertio, erant eorum plures, quia ipsi Doctores duo, Dominus Langius Augustinianorum Vicarius, duo Licenciati Theologi, unus nepos Reuchlin, multum arrogans, tres Doctores Iuris, Magistri plurimi, qui & priuatim & publice iuuabant, etiam in ipso facto Disputationis. At ego solus, æquitare comitatus, asabam.

Eccius solus æquitare comitatus.

Commisi ego Fratribus tui Ordinis, ut curent exemplar Disputationis exscribi, & ad te quam primum transmittant. Quocirca precor per eum, cui seruiō, & fidem, quam dudum suscepisti, grauiter defendas. Non uolo, qd te ingeras, & te odiosum facias & ordinem tuum, Sed me consilijs tuis & eruditione adiutes. Nam minus festinarunt Vuitembergenses cum Disputatione, imo se quæsierunt occasionem disputandi. Nam Lutherus nolebat suuere iudicem primo aliquam Vniuersitatem totius mundi. Sed Christianissimus Dominus Georgius Saxoniae, noluit admittere aliquam Disputationem de fide, nisi & fidei nostre Magistros pareretur iudicare. Coactus ergo tunc fuit Lutherus, a fautoribus suis stimulat, nisi enim disputaret & iudicem ferre posset, iam omnes ab eo essent discessuri, Vnde cum ei omnes obtulisset Vniuersitates, elegit Parisios & Erphordiam.

Leonem X. Romanum Pontificem.

Romane sedis.

Se quæsierunt, lepos est Atticus.

Magistri fidei alii quando dicuntur Magistri nostri.

Quare,

EPISTOLA IOHANNIS ECCII

8
Causa propter qua
Eccius hanc Episto-
lam scripserit.
b
Lauanienſe.
i
Quam defendit Ec-
cius pro Romano
Pontifice.
k

g Quare, cum Pariſienſe non agnorim, ueſtrum autem h Studium
magnam habet cum eo familiaritatem, Rogo tuam paternitatem, pluri-
mum, ut iſide Chriſti uelit ſcribere ſibi notis, uel etiam, ſi uidebitur, toti
Vniuerſitati, ut dum optimus Princeps Georgius ſcripturus ſit, & miſſus
rus Diſputationem, ac petiturus iudicium, k quod tunc illud non recuſet,
ſed Propugnatores fortiter adorian- tur, cum nos ambo in eos tanquam Iudi-
ces, conſenſerimus, & rem arbitror eſſe tam manifeſta, ut longa diſcuſſio-
ne non egat. Quare ſine mora ad petitionem Principis diſcernant & ſtatu-
ant, quod fidei noſtræ ſit conſentaneum.

Dat Eccius argu-
mentum ſcribendi.

l
Accuſatio Papæ.
Quaſi eleganter
geminatum.

m
Redit unde dir-
greſſus eſt.

Paucis habes uenerande Pater, quæ a te in cauſa fidei uelim ſcie-
ri, idq; ſcriptum puta Præceptor ſiſtro, Domino Arnol- do de Tong: &
Doctori Michaeli SVVAS. Nam certiffimum eſt Grammatistarum turbam
hos inferre errores in Eccleſiam. l Quod ſi ſummus Pontifex uia regia du-
dum fuiſſet progreſſus, & non audiſſet in utramq; noſtræ ſubſanationem
a Grammaticellis factam, non eſſet quo iam caput ſuum murmure atten-
tarent, ut ante in exanime Cabale dudum tumultuantibus, & quaſi furi-
bundi, & quaſi inſaturato hoſpite abierunt Vuitembergenſes.

Digeſſa.

m Ego iam nonum diem hic moror finita Diſputatione, quæ tres du-
rauit ſeptimanas.

n
Hunc ſermonem ui-
de ſupra fol. 292. a
et ſequens;

Fecerat Lutherus indie S. Petri in abſentia Principis in aula Diſpu-
tationis n Sermonē huſſiūcum plane erroneum. Ego conſeſſim in Viſita-
tionis Virginis Marię, & die ſequenti in frequentiffimo Auditorio, quale
nunquam habui prædicauit, contra eius errores, & populum mere concita-
ui, ut ſaſtidiat errores Lutheranos, cras itidem facturus & ſic Lipſiam ua-
ledicturus.

Occupationes faciunt, quod Domino Arnol- do ſcribere non poſſim
nec tibi non plura. Tu ſi quid uelis reſcribere, committas Domino Micha-
eli SVVAS, qui per Sueteros aut Vualeros tuto poteſt Ingolſtadium
mittere.

Valeat reuerenda pietas tua, & ſi quid opere poſſim impendere, in te,
& factum crede.

Ex Lipſia XXIII. Iulij, Anno gratiæ M. D. XIX.

EPISTOLA PHIL- LIPPI MELANTHONIS:

DE Lipſica Diſputatione, ad amicum quendam.

Amico

PHILIPPI MELANTHON CCCLXI
AMICO N^o PHILIPPVS MELANTHON^o

Salutem in Christo.



Neque referre multum puto, neque tu magnopere de-
sideras, studium ac uoluntatem animi erga te mei pluri-
bus uerbis declarari. Nam eiusmodi auspicijs animos nos-
tros optimus ille sinceræ charitatis spiritus conciliavit, ut
amicitiā nostram neq; labefactari ullo casu, in tam ua-
ria omnium rerum humanarum uicissitudine, posse spe-
rem, neque uulgaribus illis, et profecto pedaneis suffra-
gijs id genus literarum, qualibus fere aluntur amicitiae, altius acturam ra-
dices. In utrunque spiritus incumbit pariter, ut inadita sit amicitia, tum si-
mulatis, tum nugacibus istis blandicijs. Atque utinam illius queam grato
pectore beneficium agnoscere, qui talem non dico Thesca, sed Christiana
fide amicum nobis iunxerit. Nemo enim plane mortalium est, cuius præ-
sentior in me iam inde a puero usq; fuerit beneficentia, quam tua, et q̃
uere liberalis ac prorsus τὸ κυνὸν τῶν χαρίτων referens. Neque enim ratio-
nes nostræ sinebant aquare beneficium beneficio. Qua parte quandoquid-
dem tu præstas, quæso, permitte uincere nos amando.

Aristoteles eum, qui beneficio quempiam affecerit, ab illo tantum
uult amari, quantum mereretur beneficium, aut certe beneficii gratia. Argue-
te ille quidem sed non omnino probe. Neque enim nobis scopus est amoris
nostri, beneficium ullum tuum, sed ille Autor amicitie nostræ Christi spi-
ritus. Tu interim quidquid officij amico dedisti, communi charitatis iure de-
beas, Vicissim in nominibus tuis nos quoque sumus, non defuturi officio,
si quando casus aliquis feret.

Iam uero quod attinet, nolui quandoquidem reliqua fere in stu-
dijs literarum communia habemus, frustrari te ijs, quæ expectatione
maiore, quam pro re Lipsiæ de ambiguis quibusdam Theologorum, ut ui-
detur, locis acta sunt. Nec opinor nihil referre tua, qui & pro theologicæ
nominis dignitate in illo Sueviæ theatro urbe Augusta sacrum Panegyris-
ten agis, & ut theologicæ literæ, pure ac simpliciter doceantur, adniteris.

Hæc uero disceptandi prouincia primum non ob aliud suscepta est,
nisi ut palam fieret, inter ueterem & Christi Theologiam, ac nouiciam &
Aristotelicam, quantum intersit. Verum quidquid profectum sit, aut quor-
sum inclinarent res, mihi sane non est in procliui ludicare. Quo diligentia
us omnia prosequar, quæ ad causam attinent, ut nonnihil certi ex his tu
queas oculatior assequi. Varia proculdubio fama ad uos perferet, quapro-
pter fide historica & quam simplicissime subnotatis Capitibus disceptationis
agam ut intelligas, quid de quoque controuersum sit.

Atque ut inde ὁσπὴς ἀπὸ κοινῆς ordiar, Superiore anno seri-
tentias, quas Lutherus de Indulgentijs proposuit disputandas, Eccius obe-
lis notauit, amarulentius est scriptum, quam ut hinc aliquid proferam. Ex
illis reuellit aliquot Caroloostadius in Conclusionibus suis, quæ extant,
Caroloostadio respondit Eccius per Apologiam, in qua iam pleraque mitius
quam ante in obelis. Apologiam edito libello Caroloostadius confutauit,
Longa est iniuria, longæ ambages, Placuit ad summum, ut cætera præte-

P P

ream, disputare,

EPISTOLA PHILIPPI MELANTH

ream, disputare, dies dictus est. Lipsiam ueniunt Iohannes Eccius Ingolstadiensis, Andreas Carolostadius, & Martinus Lutherus Vuittembergenses. Rerum summa in conclusiones coacta erat pauculas, quo certius id proponeretur, de quo disputandum esset. Satis opinor constare tibi, quid de disceptatione conuenerit, uidelicet, ut ageretur causa excipientibus Notarijs, atque id Scriptum euulgaretur, essetque iudicium penes optimum quenque.

Primum Eccius causatus est apud eos, qui designati erant ab illustrissimo Principe Georgio Saxonie Duce, Meccenate humanorum studiorum, precepti Disputationis, contra quam condixerat, uideri sibi ex iure disputantum esse, ne dictaretur, gliscentem eorum uim, qui congregiuntur pugnaturo labascere. Id ego nescio an simplicitate theologica uideri possit, ubi nihil tam praestandum est, quam ut ne quid impetu, ne quid temere, ne quid immodico animo dictum uideatur. Et ut in studijs literarum, ac potissimum in negotio pietatis, nihil puto neque prius neque salutaris congressu familiari doctorum ac bonorum, ubi sententia cum sententia, placidis ac tranquillis, minimeque pertinacibus animis, confertur, ubi neque uinci indecorum est, neque uincere plausibile. Ita uix aliud censeo perniciosius, popularibus illis disceptationibus, ubi non potest quantumuis bonis non obstrepere uictoriae cura. Scis tu quam multa prudenter in hanc sententiam scribat Nazanzenus, quam multa item Erasmus noster.

Iam uero conuenerat de notarijs, neque enim aliter persuaderi poterat Carolostadius, qui cum primum susceptum est certamen, ibi certos quoque Iudices designari uoluit Eccius, non recusauit Carolostadius. Itaque die 27. die mensis Iunii congressi Iohannes Eccius & Carolostadius. De libero arbitrio propositum est, An sit aliquod nobis aut agetur, bonum opus, hoc est, ut ipsi dicunt, An de congruo mereamur gratiam, cum facimus, quod in nobis est, Vt or enim ipsorum uerbis. Hoc cum agi deberet, uide quorsum contentione rapti sint, & in quos scopulos impegerint. Agi debebat, quid per sese citra gratiam posset uoluntas nostra. Ipsi quaestionem alio rapiunt, & quatuor credo continuos dies in eo disceptant, An uoluntas tantum recipiat bonum opus, ipsumque bonum opus sola efficiat gratia? In has Symplegadas coegerunt causam non ita multum necessarias, & plane alienas ab instituto Carolostadij.

Dedit Eccius, in uoluntate nostra non esse uim genuinam, qua opus bonum producat, sed asceticam tantum, eamque quam sceneret gratia, id quod primum uidebatur oppugnare. Deinde a Carolostadio rogatus, largiretur, ne totum opus bonum esse a Deo, Respondit totum quidem, non autem totaliter. Ecce autem, ut argutum hoc commentum, dignum maiestate theologicis nominis, adeo λόγος κρείττων cuius hodie liberum est. Primum fatetur Eccius uoluntatem a Deo moueri, deinde, ut consentiamus in nostra esse potestate, inquit. Id Carolostadius oppugnavit aliquot Augustini locis & hoc Pauli fortissime: Deus efficit in nobis uelle & perficere, Atque haec, ni fallor, sententia salua Carolostadio mansit. Quaedam pro dogmate suo ex Bernardo transcripserat Eccius ad rem parum atinentia. Atque haec fere sunt, quae cum Carolostadio Eccius. Integram credo hebdomadam perdidimus in his, quorum capita συντόμως notauimus.

His autoribus primum didici, quid sit quod ueteres σοφιστέων dixerunt, Mirum haec omnia, quo tumultu, quae tragice tractata sint, quo minus mirum est,

rum est, parum profectum esse, Sua enim silentia amat Spiritus, per quæ nobis illabitur, seque insinuat cupidis, non gloriæ, sed cognoscendæ ueritatis. Non prostat in Porticibus Sponsa illa dilecta Christo, sed in domum matris suæ Sponsum introducit, Imo, neq̃ ulli nos sapientiæ cœlestis radij illustrent, nisi iam ante cruce perpuratos, mortuosque pristinis mundi elementis, ut cum Paulo dicam.

S Vb hæc & D. Martinus Lutherus in harenam descendit, Nam hætenus non satis certum erat congregari, cum causæ inuidiosæ Iudices designare commodè non posset, pro iure Appellationis suæ. Tamen cum de eo conuenisset, agi cœptum est de Romani Pontificis autoritate, controuersumque est An iure diuino probari posset œcumenici Pontificis autoritas? Esse œcumenicum Pontificem ingenue fatetur Lutherus. In hoc disputat, An iure diuino probari eius autoritas possit. In hunc locum quandoquidem paulo asperior est, dies quinque, ni fallor, impensi sunt. Ibi multa acerbè Eccius, multa inciuiliter, breuiter, omnia eiusmodi, ut inuidiam apud uulgus Luthero conflaret.

Roma: Pontificis autoritas.

Argumentum primum erat Eccij, Ecclesiam ἀκίφαλον esse non posse, cum ciuile corpus sit. Esse igitur Papam iure diuino caput Ecclesiæ. Tum Lutherus, Christum se fateri caput esse, cum Ecclesia sit regnum spiritus, non desiderare aliud caput, ut ad Col. 1.

Argumentum Eccij Ecclesiam ἀκίφαλον esse non posse.

Col. 1.

Ad hæc locos aliquot ex Hieronymo & Cypriano addidit Eccius, qui quantum de iure diuino probent, ipse uiderit. Iam & quidā loci manifeste apud eosdem Scripturæ in dubium uocabantur, quos ipse pro certis probabat. Bernardi autoritatem ad Eugenium, ceu panopliam Achilleam iactabat, cum tamen & in eodem lib: ad Eugenium sint, quæ non omnino nihil ad institutum Lutheri faciant. Ceterum, Bernardo in hoc negotio quid debeat, quis est tam stupidus, qui non intelligat?

Bernardi autoritas ad Eugenium.

Matth. 16.

Ex Euangelio usus est loco Matth. 16. Tu es Petrus & super hanc petram &c. Lutherus confessionem illam fidei esse uoluit, Petrumq̃ ibi personam uniuersæ Ecclesiæ gerere, seq̃ Christum petram uocare, idq̃ ex ipsius sententiæ ordine pluribus coniecturis coarguit.

Tu es Petrus.

Item loco: Pasce oues meas, quod proprie ac priuatim Petro dictum est, Respondit Lutherus, post parem Apostolis omnibus autoritatem traditam: Accipite Spiritum sanctum, quorum remiseritis &c. Hæc enim uerba sunt demandati officij, Christum docuisse, quid sit pascere, & qualem uoluerit esse, qui pasturus sit.

Pasce oues meas.

Iohan. 20. Accipite Spiritum sanctum. &c.

Ad hæc Eccius Concilij Constan. autoritatem allegauit, ubi contra articulos Hussitarum pronunciatum est, De necessitate salutis est, credere Romano Pontifici œcumenicum esse. Ibi iactatum uarie, Consilium errare non posse. Prudenter ad hæc Lutherus, non omnes articulos pro hæreticis damnatos, & reliqua quæ hic omnia molestum est referre. Neq̃ huius est loci tractare, quæ sit conciliorum autoritas. Hoc palam est, non posse Concilium novos articulos fidei cōdere. Male audiit ob hæc Lutherus, q̃ uidebatur obstrepere Concilij, cum ille nihil maiore religione præstaret, q̃ ut sua Concilij esset autoritas. Ibi hæreses, Bohemicæ factiones, & id genus crimina alia obijciebantur.

Concilium non potest novos articulos fidei condere.

Largius est Eccius, æqualem omnium Apostolorum autoritatem fuisse Nec cōsectaneū esse, ut sint æquales Episcopi, Inter esse enim inter ἀποστολὴν et administrationē, cū nō sit ἀποστολὴ aliud nisi legatio εἰς ὑπακοὴν πίστεως. Paulo ad Rom: autore. Neque inter ἀποστολὴν & administrationē quid intersit, uideo. Intolerabile uisum Eccio alicubi recedere a Pontificijs Decretis, aut a qualibuscunque uerbis alicuius e S. Patribus Verum sententiam suam

P P ij

E P I S T O L A

tiam suam de Pontifi. loco ad Gal. Lutherus munijt, non alieno, quantum uideo, Ab ijs qui uidebatur esse aliquid, quales aliquando fuerint, nihil mea interest: Deus enim personam hominis nō accipit. Mihi autē qui uidebatur esse aliquid, nihil cōtulerunt. Interim Eccius opīnatur a Christo Aposto-
los lectos esse, sed a Petro ordinatos Episcopos. Ex his æstimes reliqua.

Ad constitutionem, quæ recensetur in Decretis, Ne Romanus Pontifex uniuersalis Episcopus nominetur, respondit: Non quidem uniuersalem Episcopum nominandum esse, sed uniuersalis Ecclesiæ Episcopum.

De purgatorio.

Post hæc de purgatorio agi cœptum, cuius quæstionis, arbitror, scopum ne attigisse quidem. Nam cum differendum esset, quam in purgatorium potestatem habeat Papa, cœpit Eccius aliam cantilenam, Esse purgatorium, probari ut possit, id quod receptius est, quam ut necesse sit, toties in Scholas uocare. Locus est in Machabæis uulgatus, quo sententiam suam muniebat Eccius. Luthero uisum est in contentione, iuxta Hieronymi sententiam, non ualere Machabæos. Contra ille, Tantum deberi Machabæorum libro, quantum Euangelio, digna scilicet Theologo uox, & omnino id mordicus tenuit.

Saluus erit, sic tamen, quasi per ignem 1. Cor. 3.

Additus Pauli locus ad Corin. Saluus erit, sic tamen quasi per ignem de quo scis ut uariant Interpretes. Iam & hoc Matth. Esto consentiens aduersario tuo &c. de carcere, & quod dicitur, Donec soluerit extremum quadrantem, huc detorsit, Quod uides unde petatur, & in quam sit dictum sententiā. Nephas est putare eo loci carcerem de purgatorio intelligi.

Transiuimus per ignem & aquam Psal. 66.

Vellem Christi plebeculam fœlicius erudiri. Nam tales interpretationes plerūq; longius a fontibus ducunt Scripturā, quam ut natuam uim retineat. Iam & hoc in Psalmo pro purgatorio produxit: Transiuimus per ignem & aquam, & nescio quæ pari fide alia. De indulgentijs minore contentione disputatum est, Imo ipsi Eccio iocum & ludum ciebant.

De pœnitentia.

Ad summum, de pœnitentia actum est, eius quæstionis Scopum Eccij enthymemata nescio an attigerint, pœnas aliquas satisfactionis probabant, quas admittebat Lutherus. Cæterum pro singulis peccatis ad singulas pœnas deposci pœnitentem a iusticia diuina, quas in potestate hominis sit remittere, mihi per illas Ratiocinationes nō apparebat. Atq; hæc quidem sunt potissima, quæ in contentionem istam uniuersam inciderunt, Pleraq; alia magis ridicula sunt, quam ut ijs te onerare possim, alioqui fœlicius occupatum.

Carlostadius. Obex gratie.

Duo reliqui dies dati sunt Carlostadio. Altero de obice, ut uocant, gratiæ actum est, quem largitur Eccius non tolli natura, sed gratia. Altero, An in quolibet bono opere peccemus, de quo plerisq; cum ab Eccio, tum a Carlostadio egregijs Scripturæ locis pugnatum est. Mihi sane uisus est Paulus 7. c. ad Romanos nonnihil adiuuare sententiam Carlostadij.

ROM. 7.

Plura scripturus, alio ad necessarias operas auocabar, quanquam hæc fortasse prolixiora sunt. Sed placuit nugari tecum amicissimo, eaq; de re, quam expectatione maiore, quam fructu agi ipse uidi. De huiusmodi disceptationib. plausibilibus quid alijs sentiant, nescio, mihi quidem periculosa uidentur. Ingenia, eruditionem uariam & multiplicem doctrinam hoc Theatro ostentarunt isti, ex quibus ad pietatem ut plurima fieret accessio, optarim.

Cæterum apud nos magne admirationi plerisq; fuit Eccius ob uarias et insignes

insignes ingenij dotes. Caroloſtadium de ſcriptis, credo, nouiſti, Bonus eſt uir, & rara doctrina, planeq; nonihil extra uulgi aleam eruditus. In Luthero longo iam uſu mihi familiariter cognito, uiuax ingenium, eruditionem & ſacundiam admiror, ſincerum & pure Chriſtianum animum non poſſum non deamare.

Amiciſ communib. ex nobis ſalutem dicito. Scis quod dici Græciſ ſolet, πολύς καινὰ ποῖα Quare non eſt, ut de huius diſceptationis euentu, neq; ſame, neq; iſs, qui in ea ſame ſtuduſerunt, omnia credas. Vale, Vuittembergæ 21. Iulij, Anno 1519.

EXCVSATIO IOHANNIS ECCII AD EA QVAE FALSE SIBI PHILIPPVS MELANTHON GRAM-

maticus Vuittembergeniſ ſuper theologia Diſputatione Liſpica adſcripſit.

IOHANNES ECCIVSCANDIDO
LECTORI, S.

De hac excuſatione Eccii & de Philippi uide Lutheri iudicium ſupra 298.



VM in ſœlici Liſpenſi Gymnaſio cum P. Marti-
no Luthero & Andrea Caroloſtadio, ſuper arduis re-
bus theologicis diſputaſſem, atq; actum eſſet per illuſ-
triſſimi Principiſ D. Georgij Saxonie Ducis &c. &
Vniuerſitatiſ Liſpenſiſ Conſiliariuſ, ne quiſ diſputata
noſtra per Calcographum diſſeminaſet, anteq; per deli-
genduſ ludiceſ eſſet decretum, quiſ noſtrum hidaei Chriſ-
tiane ſententia aut pugnantia diceret. Auſuſ eſt ta-

men Grammaticuſ Vuittembergeniſ Philippuſ, græce & latine ſane non indoctuſ, Epiſtolam edere, me laceſſere & pluribuſ nominibuſ cauſam non meam, ſed hidaei, obſcurare, Et officiũ quod in Pariſienſe contulimuſ Studi-
um, ſibi uſurpare. Cuſ ut reſpondeam, opuſ eſt, non mea quidem cauſa, ſed ſimpliciuſ, ne mellitiſ uerbiſ ſeducantur, aut in erroreſ præcipitentur. Per
curram autẽ Epiſtolium eiſ, per notulaſ obiter, Non grauabere mi Lector,
& tantillum temporis eiſ ponderandiſ impende.

Scribit Philippuſ, Me cauſatum coram Illuſtriſſimi Principiſ designa-
tiſ, uideri mihi ex iure diſputantium eſſe, ne dictaretur, In hoc mihi fallum
adſcribit, quoniam huiuſ nuncq; memini apud designatoſ, ſemper dixi, mihi
non diſplicere ut Notarij exciperent. Priuatim fateor, dixi, languere ani-
mum diſputantiſ, mora ſtyli, & aciem mentiſ non adeo conari, ſicut diſpu-
tationiſ ſeruor exigereſ, Teſteſ ſunt designati ab illuſtriſſimo Duce, & to-
tiuſ Vniuerſitatiſ conciliuſ.

De libero Arbitrio ait propoſitum, An de congruo emereamur
gratiam. Hoc cum agi deberet, impingit mihi, quomodo ad aliam materi-
am plane alienam ab inſtituto Caroloſtadij cum ſaxerim, An ſcilicet ſola
gratia efficiat bonum opuſ? Quam autem impudenter hoc faciat, cuiſlibet
eſt obuium legenti Concluſionem meam ſeptimam. Errat qui liberum ar-
bitriuſ hominiſ negat dominuſ actuum hominiſ, ex eo, quia ipſum ha-
beat ſe actiue ad malum, ad bonum uero tantum paſſiue: Et nulla Conclu-
ſio ſonuſt de merito congrui. Quid autem fieret de homine faciente quod
in ſe eſt, in ſine quaſi diſputauimuſ.

P P iij

Audaſuluſ

EXCVSATIO

Audaculus tamen, sicut non est reueritus D. Erasmus iudicare in noui Testamenti editione, ita & hic iudicis partes assumit, definiens stetisse sal-
tam Carolostadio sententiam. Hoc scio, demum admisisse Carolostadium
Voluntatem habere actiuitatem ad bonum opus? At ego nihil decerno,
etenim pars sum, non iudex. Tamen audaculus non ueretur dicere, me attu-
lisse impertinentia ex S. Bernardo, olim, cum publicabitur Disputatio, ma-
nifestum erit, an uerum dixerit Grammaticus.

3. Cum bonum opus dixissem totum esse a Deo, non totaliter, Irridet
Grammatista hoc, uelut commentum indignum maiestate theologica, Cum
in Disputatione clare me exposuerim. Nescit essentiam Dei uideri totam
a beato, at quia non comprehenditur a beato, non uidetur totaliter. Quid-
ditas generis est tota in una specie, sed non totaliter, cum etiam sit in alia,
Sic anima est tota in manu, non sic, quin etiam sit in pede. Sic bonū opus est
totum a Deo non tamen sic, quin etiā sit a libero Arbitrio, quia simul agunt
non uicissim, mixtim, non sigillatim. Id expresse ait Bernardus pertinentis-
sime ad propositum.

4. Improperat, quod multa inciuiliter dixerim contra Lutherum, &
breuiter, omnia eiusmodi ut inuidiam Luthero conflarem apud uulgum,
Hoc inquam, falsum esse nouerunt candidi Auditores. Et truncate meam
affert rationem, contra Lutherum, de capite Ecclesiae.

5. Ponit Hieronymi & Cypriani locos pro certis a me prolatis, qui ta-
men in dubium uocabantur, Vide censorem, Hieronymum adduxi lib. 1.
contra Iovinianum col. 18. Cyprianum in Epistola ad Pupianum lib. 4. Epi-
stolarum. Legat studiosus Lector, & iudicet, an locum dubium protulerim
de primatu, Petri, cum alijs locis concordantibus. Imo syngrapha Lutheri
probaui, Cyprianum eo loco arbitrari Ecclesiam fundatam super Petro. Sed
haec ad iudices.

6. Inuidiose satis dicit, me iactitasse Bernardi auctoritatem ad Eugeni-
um, cuius tamen tacite derogat auctoritati. Plus ego tribuo uni S. Bernardo,
& Philippo & omnibus suis asseclis. Si Bernardus eo Libro aliqua dixit pro
sententia Lutheri, imputet sibi, cur non attulit. Certum est, Bernardum ad-
uersari per omnia sententiae Lutheranae.

7. De illo Matth. Tu es Petrus, & super hanc Petram &c. uere pro-
ponit sententiam D. Lutheri pluribus coniecturis monstratam. Sed reticet,
q̄ hanc petram esse Petrum ex Augustino, Hieronymo, Ambrosio, Leone,
& alijs produxi. At hoc ad iudices. Sed hoc mirum, q̄ nedum mihi, Sed
& D. Luthero falsum imponit, eum, scilicet respondisse, Christum, dum Pe-
tro dixisset: Pasce oues meas, post hoc Apostolis parem potestatem tradi-
tam; Accipite Spiritum Sanctum &c. cum Lutherus pro sua eruditione, non
tam foede lapsus esse possit. Sed ita euenit, dum futor ultra crepidam iudi-
cat. Hoc loco excuso, D. Lutherum, errorem illum per eum non admissum.

8. Pungit, quod haereses, Bohemicae factiones, & id genus alia crimina
fuerint D. Luthero obiecta. Sed reticet, q̄ pro fide Christiana id facere sum
coactus, dum ipse assereret aliquos articulos Iohannis Hufs heretici, in Cō-
stantiensi Consilio damnatos, esse Christianissimos & euangelicos, Quod
quam prudenter fecerit, ut Philippus ait, iudices statuent.

9. Imponit mihi, Quod Apostolos aequales in apostulatu dixerim, sed
non aequales Episcopos. Hoc autem est somnium Grammatici, non dictū
Eccianum. Dixi aequales fuisse apostolatu, ordine sacerdotij & episcopatus
sed non in Commissionem & administrationem regiminis. Id quod S. Leo, Hie-
ronymus & Cyprianus uoluerunt, Vnde Literatoris ratiunculā paruipendo.

10. Opinari me scribit, A Christo Apostolos lectos esse, sed a Petro ordi-
natos

atos Episcopos. Hoc crudius proponit, quam ego exprefferim, Sententia mea fuit ista, Non memini me legisse, ubi Apostoli fuerint ordinati Episcopi, Tamen communis sententia habet, eos ordinatos in Sacerdotes in cœna nouissima: Quare possem referre ordinationem Apostolorum in Episcopos in Petrum supremum Hierarcham, cum multa sint facta, quæ non sunt scripta.

De uniuersali Episcopo truncate meam adfert solutionem, quoniam uerba Decreti sunt B. Gregorij, qui opposuit se contra Imperatorem, ob hanc causam, ut scribit Platina. Sed hoc ad Iudices.

11.

Conuiciatur denuo Grammaticus, Quod scopum quæstionis de Purgatorio non attigerim, scilicet de potestate Papæ in purgatorium, sed aliam cantilenam inceperim. Hic, inquam, egregie nugatur Grammatellus, quoniam scopus quæstionis erat Conclusio iextra, scilicet, Animas in Purgatorio non satisfacere pro peccatorum pœnis, hoc saxum tunc uoluebam. In Conclusionem uero duodecimam uertitur quæstio, cuius meminit Grammaticus. Fateor, dum Conclusioni intenderem, dixit D. Lutherus, non probari ex sacris Scripturis, purgatorium esse, quamuis sciret esse purgatorium, Assumpsi onus probandi purgatorium ex sacris Literis.

12.

Ridicule dicit, dignam Theologo uocem, scilicet tantum deberi Machabæorum libro, quantum Euangelio. Sed & hic falsum imponit mihi Grammaticus: Nam ad contentionem ualere libros Machabæorum adduxi, Quia S. Augustinus libro. 18. de ciuitate Dei, & Hieronymus in Prologo, ac in Decretis dicant, librum illum non fuisse in Canone apud Ebræos, sed Ecclesiam recepisse in Canonem, modo sicut nescimus, cum plura fuerint scripta Euangelia, quæ sint indubiæ ueritatis, nisi ex approbatione Ecclesiæ approbantis quatuor Euangelia, & alia reiicientis. Ita & ex approbatione Ecclesiæ liber Machabæorum apud Christianum debet esse indubitata ueritatis, Vulgatum est illud Augustini: Ego Euangelio non crederem &c.

13.

Libri Machabæorū

Quod Matth. 5. Per carcerem dixi posse intelligi purgatorium, sed illud nephas esse censet Grammaticus, & optat plebeculam fœlicius erudiri, quam id genus interpretationis. Sed dic tu puluerulentę Scholæ Magister, an nephas arbitraris interpretari sacras Literas, uelut S. Ambrosius fecit, qui locum similem apud Lucam sic accipit. An ne S. Ambrosio ita insultas, quod meliorem te interpretem pœscis Christianis iam, quam S. Ambrosiū: Si intra pellem te contineres, & in tuo numero, haberes quidem tuum album, at iam totum te obscurum reddis.

14.

Denuo calumniatur, me scopum de pœnitentia non attigisse. Vide procacem Iudicem, nec rogatum, Imo ipse ex toto non attigit, quid de pœnitentia disputauimus. Hoc actum fuit, An pœnitentia incipiat uel ab amore Dei, uel à timore, iuxta Conclusionē tertiam. At dum ad quartam & quintam Conclusiones uenimus, actum fuit de remissione pœnæ post culpam dimissam. An autem recte firmarim nostra, uel D. Martinus rectius defenderit sua, Iudices eruditissimi Parisiensis studij iudicabunt, non attento, quid Grammatico apparuerit.

15.

Scribit, Quod Indulgentiæ mihi iocum & ludum ciebant. Et hoc quidem falsum est, Quoniam serio egi, Indulgentias esse utiles, quod & Lutherus admisit. Egi & ipsas non esse uicium boni operis. Demum conabar, ut per Indulgentias fieret remissio pœnæ pro peccatis debita, ubi Lutherus fortiter mihi contradixit, Indulgentias esse remissiones bonorum operum.

16.

P P iij Sed de

DEFENS PHILIP MELAN CON IO EC

Sed de hoc refero me ad scripta Notariorum Vniuersitatis. Concordauimus tamen ambo, abusus declamantiū Indulgentias esse reprehendendos.

Hæc sunt, iucundissime Lector, quæ uidebantur mihi ex re fore partim Christiana, partim mea, ut scires, si disputationi nō fuisses præsens, Vt quemadmodum plurimū cauet Philippus, ne famæ credatur, aut his, qui famæ student, Ita nec ei credas, qui non ueritus est, pleraq; mihi adscribere nec quidem a me cogitata. Et quamuis non sit is Philippus, quod Theologus cum eo congregiatur in Theologico stadio: Tamē ne agnoscere uiderer silentio, hæc, quæ mihi imponit, omnino uolui ei occurrere. Quod &

Cresconius Grammaticus.


B. Augustinus non dubitauerit contra Cresconium Grammaticū scribere:

Tu uero, mi Lector, his crede, qui præsentis Disputationi fuerunt, & humanis affectibus, & usu familiaritatis, sicut Philippus, non distinentur. Nostram uero expurgationem boni consule. Deus est mihi testis, quod in hoc negotio ueritatem fidei Christianæ quaero, & Dei honorem. Vale & salue. Ex Lipsia.

XXV. Iulij, Anno gratiæ
M.D.XIX.

DEFENSIO PHILIP PI MELANTHONIS CON TRA IOHANNEM ECCIVM, THEOLO giæ Professore.

PHILIPPVS MELANTHON
Candido Lectori, S.



Vulgata est superioribus diebus forte fortuna Epistola quædam ad N. mea, in qua amico & integerrimo uiro & ueri amantissimo paucis tantum capita quædam Lipsicæ disputationis adumbraui, magis quam descripsi. Neq; enim a necessarijs operis uacare id temporis diutius dabatur, & pleraque eius certaminis eiusmodi fuerant, quæ citra inuidiam persequi non licebat. Iam & quædam leuiora uidebantur, q̃ ut ijs amicum longe foelicius occupatum onerarem. Atq; in his præsentis animo caui, ne quenquam offenderem, qui in omni cursu uitæ meæ nihil habeo prius, nihil duco antiquius, bonorum gratia. Et ut Christianum non est, male merito par referre, ita inhumanum censeo, nil male merentem lædere, quo nomine cum culpa tum suspitione culpæ liberari facile spero. Iam & perspecta eorum, qui disputauerunt, uirtus ac eruditio admonere mei me potuit, ac persuadere, ne quenquam inciuilius perstringerem: Neq; enim tam stupidus sum, ut non intelligam, quanto id meo periculo fieret. Breuiter, sanctiore apud me loco N. est, q̃ ut eius nomine ad calumniandum quemcunq; abuti uelim.

• Proinde, quæcunq; complectitur Epistola ad illum mea, simpliciter & fide historica, ita me Deus amet, scripsi, nihil minus futurum putans, q̃
grauatim

grauatim laturos omnino quicumque essent lecturi. Verum hanc iniquo fere animo Eccius, qui adeo non laesus est, ut grauius multo queant succensere mihi, D. Carolostadius, & D. Martinus Lutherus, si nostra maligne uelint interpretari, ad quos non minus quam ad Eccium pertinet, quod de toto hoc genere disputandi, imo de plerisque, quae in disceptatione intempestiue acciderunt, dixi. Neque arbitror Eccium ipsum adeo perfricta fronte esse, ut neget multa huius disceptationis Lapithas istos Lucianicos, quam Theologos propius retulisse.

Lapitha Lusitanicus.

Fateor, de Eccio paulo plura a me commemorantur, nempe quod ipsius in hac tota fabula primae partes per omnia fuerint, ut qui unus cum duobus animo plus quam herculano congressus sit. Atque ea uel ob hoc a me accuratius obseruata sunt, quod fere aut egregie arguta sunt & uasra, aut tale quiddam praese ferunt, quod nescio, quomodo uisum est mihi a theologica maiestate nonnihil abludere. Quid enim referebat uulgaria notare, insignia quaedam utcumque inter differendum excepta commemini. Eccium tantum abest ut carpere uoluerim, ut non parum argutiarum etiam belle mihi arriserit. In quasdam fortasse liberius lusi, quod ut facerem, magis impulit studium, & anxia quaedam religio, qua uideor mihi sacris literis obnoxius esse, quam morbus animi, cum audacius illas nonnunc interpretaretur Eccius, quam patitur ratio. Neque enim refert, quod magnis se Autoribus tueatur, quorum sententiam sequi tutum sit. Nam & hos qua fide secutus sit, postea docebimus, et non statim probare nos necesse est, si quid quacumque ratione Ambrosius aut Hieronymus dixere.

Plane eo sum in sanctas literas animo, ut nihil indignius censeam, quam ipsas pro more humanarum fabularum in uarios sensus dilacerari, imo ut Penelope, telam texi & retexi, ut sua cuiusque fert libido, ut interim taceam, quam sit impium, Scripturam rapere ad humanos affectus & sancta sanctorum prophanis manibus, imo Idolothytis uiolari.

Quo nomine ipse scit Eccius, quid deploratae quaestionum Theologiae debeamus, quae tam clementer affectibus indulget humanis, quanquam huius se patronum & assertorem uelit haberi.

Habes candide Lector, Epistolae meae consilium & rationem, in qua si quid peccaui, ueniam meroritur uel imprudentia uel casus, certe fraudi dare non licet, quando ipse mihi conscius sum non malignitate, non odio, id quidquid est, a me scriptum esse, uehementerque doleo in hanc rapere aleam, & in ea harena, ut Pauli uerbo utar, *θεαγισσαδαι*, in qua ut causam fortiter tuear, autoritate tamen aduersarii premer, & ut omnia alia foeliciter cedant, tamen id quod longe infestissimum est, subinde calumnias alias aliae ferunt, & perpetuo quod Graeci dicunt, *ἐγὼ ἐξ ἑμὲ ἀντιφύτευα*.

Proinde consultum mihi uidebatur surda aure, nempe *καφον κελός* calumnias Eccianas praeterire, cum quod eiusmodi fere sint, quas si conferas cum Epistola mea, facile uideas responderi quid possit, tum quod ipse Liber actorum publicus satis nobis patrocinetur, Tamen, quia sic est amicis quibusdam uisum, purgabo paucis falsi crimen, quod dissimulare, ut putat, non est satis pium. Interim ita temperabo argumentum, ne quid usquam petulant, aut immodeste in Eccium dictum uideri possit. Omnino enim plurius est Christus mihi, quam haec tam friuola calumnia.

PRaeter officium causatur Eccius factum, quod publicarim capita quaedam disputationis, quod inter partes conuenerit, ne euulgetur Disputatio, pri-

DEFENSIO PHILIPPI MELANTII

tio, priusquam de summa Iudices decreuerint. Primum, quod inter partes conuenit, uides ad me non pertinere. Neque enim quidquam mihi cum Eccio rerum unquam fuit, & Lipsicæ pugnae ociosus spectator in reliquo uulgo sedi. Deinde de euulganda Disputatione cautum est, At ego obiter & pauculas tantum sententias decerpſi, è quibus magis argumenta Disputationis cognoscerentur, quam uel æstimaretur euentus, uel iudicaretur causa. Obiecero, de uictoria pronuncio, cum dico non actum esse inter Eccium & Carolostadium de humana iusticia, seu de merito congrui? Sed an uoluntas bonum opus tantum recipiat? Quid controuertatur indico, non pronuncio uter uicerit. Iam quod ait Iudicis officio me defunctum, satis me liberat Epistola, in qua hæc insunt, quorsum inclinarint res mihi sane non est in proclui iudicare.

2. Voluisse Eccium, ne dictaretur, testes sunt grauissimi & integerrimi uiri, qui coram designatis eam causam partim ipsi egerunt, partim studio factionum præsentibus agi uiderunt. Iam ut dem apud designatos non id actum esse, palam est, displicuisse consilium excipiendi. Porro, quid oportuit detrectare uniuersi orbis iudicium, idque in paucos, nescio quos, reijcere, si fidei causam, ut uocat, obscurari noluit.

3. *Liberum arbitriū.*

Susceperat Carolostadius defendendam conclusionem suam undecimam, Liberum arbitrium ante gratiam non ualere, nisi ad peccandū, Hanc oppugnabat Eccius, quam uides de humanis uiribus propositam, atque adeo de iusticia humana, seu merito congrui, Neque iam disputo, Accedat peculiare auxilium, nec ne, Variant enim & ipsi quæstionum Magistris. Certe magno consensu Scholæ id peculiare auxilium gratiam Ihesu Christi esse non permittunt. Atque id erat, quod auidi Auditores expectabamus, Quod Lectorem ad suam Conclusionem relegat, nemo tam stupidus est, qui putet Carolostadium eccianam Conclusionem defendendam suscepisse. Ab illo instituto in angustias quasdam, An recipiat uoluntas tantum, causa sensim tracta est, cum in Carolostadij Conclusionibus unica est, quæ obiter causatur, totum opus bonum à Deo esse, atque eam ipsam Eccius largitus est, modo non sit opus diuinitus totaliter. Ego uero certum habeo, Carolostadio nunquam in mentem uenisse, causam in has Symplegadas cogere. Credo, permouit eum, ut diceret, atque id recte, totum opus bonum à Deo esse, propter Eccij prophanam scholam, quæ gratiæ & naturæ opera non distinguit, nisi respectu rationis, ut uocant, planeque eadem specie censet actus, quos cum natura citra gratiam, tum uoluntas & gratia efficiunt. Hic uero tutandus seu excusandus erat Barbarus ille Heraclitus, Scotus, quem meministis in rapsodijs suis, quam Christiana hac de re doceat.

Scotus.

Quod subiecit de D. Erasmo, principe studiorum pietatis, uides mi Lector, non alio pertinere, nisi ut optimo uiro, deinde bonis omnibus inuidiosius reddar. Valeat Eccius, & traducat nos, & triumphos agat de paruulis. Ad id genus calumniarū satis animi præstabit Christus, ipse agnosco, quantum Erasmo debeant, cum studiosi omnes, tum maxime ego, tot beneficijs priuatim ac publice ab eo affectus, quæ postquam intelligere cœpi, cœpi autem Christo duce, Scio, quam grato pectore complexus sim.

4. *Totū & totaliter.*

Non displicuit argutia de toto & totaliter, nempe festiua, & eo ipso gratior, quod noua est & digna Eccij professione, penes quam hodie cū rerum, tum uerborum arbitrium est. Iam quod doret, inter illa quid intersit, non est ingratum amici studium, quanquam iam olim Porphyrium didicimus, & nunc ad id genus nugalia theoremata reuocari molestum est. Por-

CONTRA IOHAN NEM ECCIVM CCCLXVI

est. Porro quid necesse erat, Nouis glossematīs & plane fictitijs asserere uim liberi arbitrij, qua bonum efficiat, cum receptissimum sit & apud Scholasticos uel summæ notæ, nempe Oceanicos, quosdam uoluntatis actus tantum recipi.

Lutherus Oecumenici Pontificis auctoritatem ueneratur ac tuetur. De iure diuino disputari uoluit, quod in eo probat Eccius ex Matth. Tu es Petrus & super hanc petram &c. Quem locum quandoquidem de Petri primatu exposuerunt S. Patres, Academiæ & Concilia ualere ad auctoritatem Oecumenici Pontificis constituendam Eccius censet. Sed hæc qua modestia, & qua fide diluerit Lutherus, res ipsa declarabit olim. Tamen quando Eccius sanctorum patrum auctoritatem tam fortiter iactat & in eis spem omnem ponit uictoriæ, uide quid efficiat.

S.
Tu es Petrus

Primū nō est cordi mihi cuiusq; auctoritati quidquam derogare, ueneror & adoro tot Ecclesiæ lumina celeberrimos uindices Christianæ Doctrinæ. Deinde puto non temere fieri, sicubi sententijs S. Patres uariant, quemadmodum solet, ut Iudice Scriptura recipiantur, non ipsorum, nempe uariantibus iudicijs, Scriptura uim patiat. Quandoquidem unus aliquis & simplex Scripturæ sensus est, ut & cœlestis ueritas simplicissima est, quem collatis Scripturis, e filo ductuque orationis licet assequi. In hoc enim iubemur discere Scripturas diuinas, ut hominum sententias, Decreta, que ad ipsas, ceu ad Lydium lapidem exigamus. Deinde ut omnino ad indicandas Scripturas adhibendi sint S. Patres, satius est ex his locis, Scripturæ sententiam colligere, ubi hoc ipsum agunt, ut enarrent, quam ijs, ubi uel rhetoricantur, uel affectibus suis quocunque modo indulgent. Quemadmodum hoc & ipsi fere experimur uarie nos Scripturam intelligere, quia uarie afficimur, iam hic, iam ille arridet sensus, Quia quo quenque rapit affectus, in id incumbit, in eo se multiplici animi cogitatione oblectat, & ut polypus cuicunque petræ adhæserit, eius colorem imitatur, Ita nos quorsum propensum animi studium rapit, id omnibus uiribus effigare studemus.

Veritas cœlestis
simplicissima est.

Iam quoties euenit, ut excipiat uim alicuius sententiæ propriā & sinceram mens nostra, oblectetq; in ea se paulisper, mirabili quodam modo, quem reuocare postea elapsū prorsus nequit. In eum modum S. Patres & affectu quodam rapti in sensum non malum quidem sed impertinentem sæpenumero Scriptura sunt abusi. Quod ut non damno, sic tamen recipio, ut in controuersia parum ualere arbitrer. Nam ut Græci dicunt, καλῶς τρεῖς χροῖν, ἀλλ' ἁπλοῦς ὁ δῶ. Imo ausim & hoc dicere nonnunq; sensu quodam S. Patres interpretatos esse Scripturas, quem suggerebat & inspirabat uiuax aliquis affectus, qui sensus & uerus sit & non impertinens, quem tamen nos homunculi ad literam quadrare non uidemus, nempe alio nos nostra mediocritas rapit. Est enim eiusmodi quedam tacita mentis alimonia, & manna quoddam, quod puto Paulum intellectum spiritualem uocare, quæ facilius sit percipere, quam uerbis deliniare.

Iam uero quis non uidet ueteres liberrime Scripturis abusus, pleraque temporib. pleraque diffensionibus hæreticorum data sunt, quod genus exempli liceat innumera producere. Neq; raro accidit, præsertim in Recentioribus, ut pugnet cum origine suā expositio quæpiam. De Scholasticis nō est ut multis agam, quibus diuinæ literæ quiduis sunt potius, q̃ simplices, imo nescio quem Proteum fingunt, dum eas in allegoricos, tropologicos anagogicos, literales, grammaticales, historicos sensus transformant, & transfundunt in nescio quas lacunas.

Veteres Scriptura
libere abusi.

Ad ueteres

E P I S T O L A

Ad ueteres redeo, quos haecenus dixi Scriptura abuti, iam uero & errare saepenumero dico. Quæso quoties lapsus est Hieronymus? quoties Augustinus? quoties Ambrosius? Nec enim tam ignoti mihi sunt, ut non hoc libere aulim dicere, imo fortasse notiores aliquanto sunt mihi, quam Eccio suus Aristoteles. Quoties ipsi inter se dissentiunt? quoties suos errores retractant? Et quid multis? una est Scriptura coelestis spiritus, pura, & per omnia uerax, quam Canonicam uocant.

Tu es Petrus.

Proinde, quid piaculi est, si Lutherus alicubi a quibusdā ambiguis ueterum expositionibus dissentit? & cur non dissentiat? Locum Matth. *Tu es Petrus*, & super hanc petram, Lutherus enarrans sequitur Origenem, qui unus pro multis est, idque eo loco, ubi hoc ipsum agit Origenes, ut enarrat. Augustinum in homilia uidelicet, Euangelij exegesi, Ambrosium in lib: 6. in Lucam, reliquos prætereo. Esto, munus Eccius sententiam suam aliquot Patrum autoritatibus, Hieronymi & Cypriani, quibus maxime nititur, Nam Bernardo & Leoniparum iuris in hoc negotio erit, Vides & diuersam S. Patrum autoritatibus munitam. Quid igitur? ipsi secum pugnant? quid mirum? Inde consecaneum est, S. Patres non probare locum Matth. ad Oecumenici autoritatem pertinere. Patribus enim credo, quia Scripturæ credo, cui uim fieri non licet propter uarias illorum sententias. Itaque ex ipso Scripturæ ductu, ex argumenti ordine colligenda fuit Luthero firma & stabilis sententia, quam adiuuant optimi quique, qui eum ipsum locum integrum enarrant.

*Cyprianus ad Papi-
anum.*

Iam uero uides, a qua parte stent copiae S. Patrum instructiores, a Luthero stant qui integrum locum enarrant, Ab Eccio qui utcumque in alieno argumento Matthæi loco abusi sunt. Et hæc si libet oculatius uidere, ceteros in dubium uocari ab ipsis Autoribus. Hieronymus castigatione quadam sententiam suam temperat, sic inquit: At dicis: Super Petrum fundatur Ecclesia, licet id ipsum in alio loco super omnes Apostolos fiat, & cuncti clauis regni cœlorum accipiant, & ex æquo super eos Ecclesiæ fortitudo solidetur: Tamen propterea inter duodecim unus eligitur, ut schismatis tollatur occasio. Vides interpolatam castigatione Hieronymi sententiam. Doceat ergo Eccius quomodo ex æquo super omnes Ecclesias fortitudo solidetur, & tamen unus eligitur schismatis causa. Et huic unico Hieronymi loco, quot liceat alios eiusdem opponere? Cypriani locus ad Papi-
anum plane huc pertinet, Oportere unum esse, cui audiat populus, non quidem totius orbis, sed singularum diocesum, Epistolam qui uolet diligenter excutere, ni fallor, non aliter iudicabit.

Pasce oues meas.

Non est in Epistola nostra, Christum, dum Petro dixisset: Pasce oues meas, posthoc Apostolis parem potestatem traditam &c. Sed sic post parem potestatem traditam, id est, postquam par potestas tradita est, Accipite &c. deinde dictum Petro: Pasce oues meas &c. Hic si uel Grammatistas, quos dicit, consulisset Eccius, Epistolam nostram non corripuisset. Vides Ecce, redire me ad crepidam, Neque periculum est ullum, ne hoc loco Luthero inuidiosi per te reddamur, qui tam probe de nostris iudicaueris.

*7.
Libri Machabe-
orum.*

Machabæorum libris tantum esse autoritatis, quantum est Euangelio, palam dixit, nec est, ut inficiari possit, quanquam nescio, cur dissimulat & nemini obscurum est, quam recte id dictum sit, qui modo Hieronymum uiderit, qui sic ait: Sicut ergo Iudith & Thobias & Machabæorum libros legit quidem Ecclesia, sed inter Canonicas scripturas non recipit, Sic &

hæc duo

CONTRA IOHAN. ECCIVM. CCCLXVII.

hæc duo volumina, scilicet, Sapiientiam & Ecclesiasticum, ad ædificationem plebis, non ad auctoritatem ecclesiasticorum dogmatum confirmandam. Est ergo inter libros Ecclesiæ discrimen, quæ alios libros aliter recipit, ut non sit consecrarium; Hic liber est in numero nostrorum, igitur est Scriptura Spiritus Sancti.

*Discrimen inter
Libros Ecclesiæ.*

Temere nos Ambrosium inuadere accusat Eccius, sane hoc loco dignus, quem paulo durius tractarem. Equidem de Matth. loco dixi, tum quem ille interpretatur Luce est. At uero primum constat alium esse aduersarium apud Lucam, nempe a quo curandum est, ut liberemur, alium apud Mattheum, qui cum conuenire nos oportet, in quem asperius dixi propter eos, quibus placabile, & ut dicunt, ueniale uidetur, negare inimico beneuolum animum. In summa, in eos, qui ita nobis præcepta consilijs temperarunt, ut longe inferius sit, Christianum esse, quàm probum Ethnicum, Quamquam & ille apud Matth. locos amplius quiddam præ se ferre mihi uidetur, eo quod sit in Græcis ἀντίδικος. Deinde carcerem, per tenebras exteriores apud Matth. exponit Ambrosius, quæ inferorum proculdubio descriptio est.

Denique, quod uidetur patrocinari Eccio, simpliciter figura quadrantis significari uult culpæ compensationem, et sicut textus dicens: Donec reddas extremum quadrantem, non ait, aliquando reddi extremum quadrantem. Ita Ambrosius dicens, figura quadrantis significari culpæ compensationem, non addit, fieri eam in mortuis compensationem, imo refragantur quedam aperte, si ad compensationem poenarum in mortuis trahere uelis. Breuius expediero locum, si iuxta crebram figuram cum græci tum Ebraici sermonis uerbi, donec, exponam, id quod oportet. Ambrosio nihil, ut uides, adimo. Quamquam ab eo, sicubi a Germano sensu, uariât, dissentire, credo, non est flagitium. Porro & in eo apud Lucam capite de quadrante multa philosophatur, cum in Græcis non sit nisi λεπτόν τεταρτον, quod partem quadrantis dicunt. Quid quod ille de diabolo differit, ne ipsi quidem Hieronymo probatur? Hic quæ ait, obscurari me, bene habet. Nam non ingratum est sub umbra ecciani nominis delitescere.

Figura quadrantis.

Obiter ad pauca respondimus, sunt & alia in Eccij libello, quæ ut uerbis excusem, puto non magnopere referre, nempe, quæ res ipsa in Notariorum commentarijs descripta declarabit. Nam & hæc, si licuisset, silens malueram præterire, Immodeste a me in illum ne uerbum quidem ullum dictum est. Proinde uticissim obtestor, causa pugnet non cõtumelijs. Debemus enim charitati, quam cupio, ita me Deus amet, ex animo inuolantem, illamque.

Quod uero crassiores nos putat, quam ut de sublimibus Theologorum questionibus aliquid attingamus, non displicet. Modo permittat & uulgus Christianum de pijs nonnunquam questionibus colloqui, atque adeo nos, qui a Theologiæ Studijs non omnino abhorremus, id genus sacris delicijs animum nonnunquam pascere, Quanto satius erat Paruulos, in quibus nos quoque sumus, fauore ac studio animare, ad pias literas, imo etiam si quid delinquerent per imprudentiam, conuiuere, quam huiusmodi tragicis uocibus detertere.

Vale mi Lector, & defensionem nostram boni consule. Nam & ipse testis erit Eccius, potuisse me hanc causam plerisque locis inuidiosius agere, si animo liberius indulgissem. Iterum Vale.

Ex inclyta Saxonie Vuittembergæ.

Anno M. D. XIX.

Q Q

DE DIS.

DE DISPVTATIO
NE LIPSENSI, QVANTVM AD
BOHEMOS OBITER DEFLEXA
est, Epistola Hieronymi Emseri.

Noster hic Aegoceron sine fœno, peccat in uno,
Quod non est Lucæ linea ducta manu,

REVERENDO PATRI DO-
MINO IOHANNI ZACK, IV.
rium Doctori, Catholicæ Ecclesiæ Pragensis
Administratori, ac Lithomericensis Præ-
posito, Hieronymus Emserus, Sacro-
rum Canonum Licentiatus,
S. P. D.



Abitantem in te Christi spiritum, Reuerende Pa-
ter, cū uita refert Christo digna, Tum id omnium maxi-
me declarat, quod natus olim in terra Bohemica (terra,
inquam, superstitionis ac confusionis Babylonicæ) pro
modico duxeris, regenerasse Christo parentes tuos carna-
les, teque simul cum illis a patrijs uindicasse erroribus.
Nisi ipsam etiam patriam, ac totum orbem illum Bohe-
micum (uelut alter quidam Hercules) domesticis repurgare mōstris, Christo-
que lucrifacere satagares, declamando, hortando, obsecrando, ac increpando,
Idq; paulo minore aliquanto periculo, ac Paulus olim ipse.

Sed uicit demum uirtus inuidiam, Atq; adeo quidem præualuit, ut
spectato roties zelo paternitatis tuæ non ficto, summa tandem ecclesiastica-
rum rerum (quantulacunq; istic est reliqua) totaq; administrativa illa digni-
tas uni tibi demandata fuerit. Vbi in mundo hoc tuo Bohemico, nimbis,
tempestatibus & aquis istis contradictionis (uelut cataclysmo quodam)
inundante, apertisq; maioribus indies errorum cataractis, in profundum
descendente. Tu, tanquam alter Noah, Pater, cum paucis admodum iu-
stis Christumq; agnoscentibus, Arcam illam mysticam, hoc est, Ecclesiam
Dei sacrosanctam (quæ iuxta catholicum & apostolicum ritum, siue fa-
to quodam, siue Patronorum, & precipue diui Venceslai precibus, in-
inter tot piratas, istic adhuc fluctuat) fidei clauo intrepide gubernas.

Vtinam atq; utinam filia Babylonis misera, hoc est, infœlix illa tua ac
ettrabunda Bohemia, te remigante, ex tot scopulis & procellis in tutum,
aliquando portum se recipiat. Vtinam tandem sapiat & intelligat, tum
nouissima prouidens, ad Dominum Deum suum conuertatur ac redeat.
Quisnam prohi Deum immortalem, hic uiscus est adeousq; tenax, quo illi-
ta, tam hæret pertinaciter? Aurum ne & Argentum? At Christum audiant
dicentem

dicentem: Quid prodest homini, si mundum uniuersum lucretur, animæ uero suæ detrimentum patiatur. Libertas ne, an perniciosa potius peccandi licentia? At credant saltem Petro, qui Petri diffidunt successoribus, Non quasi uelamen, inquit, habentes malitiæ libertatem. An uero uoluptas, ac carnis desideria? At repetant animo, quo suorum quosdam (etiam Regulos) abduxerit portentosa illa, nulloq; religionis symbolo circumscripta libido.

Aut quantum sceleris, quidue monstri breui apud eos aluerit contemptrix superum temeritas, & recta semel deliratio. Deum testor optimum maximum, quod non sine lachrymis ista dictitem. Quis enim uere Christianus, & fraternæ charitatis amator, non doleat tot fratrum iacturam? tantam animarum cladem? tam inclyti regni casum & ruinam? tantam postremo diuinæ maiestatis contumeliam ac blasphemiam? Aut quam iam non pudeat, priscos illos generosos Bohemorum spiritus, gentem tanta olim uirtute conspicuam, tot uictorijs illustrem, penes quam summa quondam fuit Imperij, & terrestris regni Caput, eo redactam esse, ut cum singulæ gentes religionem aliquam unam mordicus teneant, hic in uno regno, alium Proceres obseruent religionis cultum, alium Ciues. Et in una eademq; domo aliter Paterfamilias, aliter familia ipsa adoret, Deniq; in uno sæpe thoro alio uir ritu, alio uxor Deum colat? In uniuersum autem, ut pars multo maxima, posthabito Deo, & relicto uerbo uitæ, cerdonibus modo & crepidarijs, tum mulierculis quibusdam præficus, idq; in gurgustijs subterraneis (cimnerijs tenebris dignissimis) aures præbeat? Atq; his ducibus ac aurigis, contra inuincibilem Ecclesiæ ueritatem, tot Martyrum cadibus, tam solidis Apostolorum fundamentis, supra firmissimam Christi petram ædificatam, tanquam Musca contra Elephantem, aut aduersus Aquilam Scarabæus uelitari ausit?

Num idem factitauit Vuenceslaus Dux olim eorum, uir omni sanctitate uenerabilis? Num id ausa est prisca illa Bohemica uirtus ac nobilitas? An non uere quadret in eos propheticum hoc: Quomodo sola sedet Domina gentium, Princeps prouinciarum? Sacerdotes eius gementes, quia (ut paulo infra sequitur) dispersi sunt lapides Sanctuarij eius in capite omnium platearum. Filij Sion inclyti, amicti auro primo, quomodo facti sunt in uasa testea.

Sed dicent fortassis (ut sunt ad excusandos errores suos argutuli nonnulli) Minime se solos esse, aut sine Theseo, Quandoquidem ex nostris etiam factionis suæ assertorem habeant Doctorem Martinum Lutherum, unum omnium, qui abstrusa sacrae Scripturae sensa (ceu diuina uirgula) tum solus attingat, tum ad stomachum eorum faciat. Quicq; Cornicum oculos potis sit configere. Quamobrem dum idem Lipsiæ nuper decertaret, publica Deo supplicia, quotidianaq; (licet prophana) pro eo sacra fecisse, populariter gloriantur.

O miserum Lutherum, si execrandis & abominabilibus istorum piaculis confusus, ac non potius iugi Scripturarum meditatione (quibus a teneris, ut aiunt, unguiculis, indefessam nauauit operam) fretus, cum fortissimo Theologorum Eccio pugnam ineat. Imo uero nihil constantius idem a se reppulit Lutherus, quam falsam hanc quorundam de ipso suspitionem. Neq; Eccio usquam tam testitit in faciem, quam ubi ioco uel serio (incertum est) Patronum eum Bohemorum subluderet. Sua ipsius uoce damnans, temerariam eorum a sede Apostolica discessionem, Neq; se in hoc illis consentire, neq; consensurum unquam, publice protestans.

EPISTOLA

Disputatio Lipsica

Desinant igitur miseri uexare superos, aut precibus frustra laceſſere. Non enim tam præſentes in uota ſua Diuos illi habent, ut uel tu uenerari de ſenex, uel cæteri, qui adhuc Chriſti inter uos ſpirant amorem, propter Diſputationem hanc Lipſicam, haſtam abijciant, animumue deſpondeant. Nec eſt, quod factioſi iſti ſiue Pighardi, ſiue Schiſmatici, ob hoc falſo ſibi gaudio illudant, criſtamue erigant, Quin magis erubeſcant, quod reclamaſſe etiam ipſorum Patrono (ut falſo iactitant) nec dum ad eor redeunt, ſed marmoris inſtar rigent, haud ſecus, ac ſi dura ſilex aut ſter matpeſia cauſes. Atq; iſ quidem, cum Diſputatio ipſa (ut ingenuè fatear) contentiōnis quam ædificatiōnis plus præ ſe tulerit, unus ipſius fructus mihi uiſus eſt, q̃ ipſe etiam Lutherus, uir rara proſecto eruditiōne & doctrina (in quem tanquam in parietatem omnes ſpes ſuas inclinauerant) tam rotundo ore, tam conſtanti uultu, tam arguta deniq; ratione eos ſpe iſta ſefellerit, ut non ſolum publice conſeſſus ſit, ſed cum quodam etiam indignationis ſpiritu exprobrauerit Bohemorum Contra Romanum Pontificem corneam fibram ac pertinaciam. Nihil ſcilicet tanti eſſe oportere aſſerens, quod nos ab unitate Chriſti & Eccleſiæ ſeparare debeat.

*Capistranus.
Cuſanus.*

Sed nec ob hoc illi ſibi placeant, quod idem Doct̃or Martinus pio quodam (ut equidem crediderim) affectu mirari ſe dixit, tot eorum eſſe, qui Bohemis ſupercilioſe inſultent, maleq; imprecentur, Neminem uero, qui mitiori eos calamo ab errore dehortentur, maxime, cum humanus animus blanditijs potius duci quam minis aut terroribus cogi uelit. Complures enim tunc Ecceſus Theologus extra aleam doctus, ad calculum uocauit, ueluti Capistranum, Cuſanum, ac reliquos ueteranos (ut de Recentioribus, tuiſq; ipſius concioniſus ſaluberrimis, hic taceam) qui non impotuno, ſed Dei ſpiritu & lenitate Chriſtiana, eos erratorum ſuorum admonuerunt, & in uiam reducere conati ſunt, Et tamen nihilo ſecius promouerunt, quam ſi quis ſurdo narret Fabulam.

Ep̃olo, Luc. 16.

Quare non eſt, quod ſupercilium noſtrorum accuſent. Quamuis quid uetet tam oportune quam importune, iuxta Apoſtolum, duræ ceruicis homines appetere, omniaq; prius experiri, quam deploratos relinquere? Cum & malo nodo malus quærendus ſit cuneus. Et ipſe etiam Vlyſſes ſocios ſuos inuitos ſlentesq; a loto diuellens, ad nauem redegerit. Nec uitio detur Medico, qui pro ſalute recuperanda ferrum aut ignem etiam adhibeat. Magisq; ex re illis fuerit unusquiſpiam quantumuis acriter obluſans, quam mille alijs in perniciem eorum muſſitans. Sicut melior eſt amicus obiurgans, quam inimicus tacens. Id quod ſero intelligens Euangelicus ille Tantalus, cum apud Inferos tandem, arentia ſiti labra refrigerare non poſſet ipſe, id ſaltem rogabat, ut fratribus ſuis quiſpiam mitteretur, ſuggerens, ne in eum tormentorum locum & ipſi uenirent. Sed quam inſœlicem paſſus fuerit repulſam, ſtatim ſubito, cum illi dicitur: Habent Moſen & Prophetas, illos audiant. Simile quippiam Chriſtus etiam ipſe nobis inſinuat, dum apud eundem Lucam Diſcipulis ſuis ait: Quicumq; non receperint uos, exeuntes de ciuitate illa, etiam puluerem pedum ueſtroꝝ ſum excutite, in teſtimonium ſuper illos. Quibus locis ſatis innuitur, tum quam periculofa res ſit obturare aures, & pulſantem ultro Chriſtum ſemel excludere, tum quod Bohemi non poſſunt conqueri deuiſſe eis noſtros, ſed noſtri contradicere: Cecinimus uobis, & non ſaltaſtis.

Eant igitur nunc iſti gloriantes in malicia ſua, uulgoq; ſutelas obſtreptentes & mendacia, quod Diſputatio hæc Lipſiæ exhibitæ, erroribus eorum ſub-

rum subscripserit, quo nihil minus hic est actum, nihilque tam ab utriusque partis absuit sententia. Cuius rei cum ipse à gemino, ut aiunt, ouo, ad equum usque Troianum spectator auditorque fuerim, haud alienum duxi à Christi sacerdote testimonium perhibere ueritati, quando & prophani ea de re scriptitant, & forensia iudicia, non raro calculis ac fortuna, magis quam certa ratione gubernantur. Adde, quod quorundam scripta, nedum Grammaticam, sed nec uigiliam sapiunt nec iudicium.

Quod si argutior quispiam ulterius urgeat, dissimulari non posse, Lutherum a Bohemicis stetisse partibus, cum Iohannis Hufs articulos quosdam catholicos fuisse, maleque damnatos, palam asseruerit, Huic ego cum Beda responderim: Si Iohanni hoc etiam detur, proprium esse hæreticis, ut falsis uera misceant, Nec tamen eorum, quæ uera dixerent, sed falsitatis & mentis obstinatae poenas dare.

Quod autem nominatim idem Lutherus cum dicto Iohanne, Summi Pontificis principatum humanis rebus subijcere, & a Deo non esse, contendit, adhuc in herba, uel ut tritiori utar adagio: Adhuc sub iudice lis est; Et Lutherus ipse (quamuis omnia sursum ac deorsum uerset, totamque ingenij aciem huc sit admolitus) non tanta tamen animi obstinatione deuouit, ut si ratio rationem redarguat, cedere non uelit.

Nec Bohemos quidquam releuat, si etiam obtineat, cum uel sic obedire eos oporteat. Quoniam humano quoque iure, ad tollenda schismata, necessariam esse Summi Pontificis Monarchiam, eidemque passim ab omnibus parendum, constanter ille predicat, Dedit item in Resolutione sua recens edita, uoluntatem hanc esse Dei.

Ego uero citra tamen cuiusuis iniuriam (idem enim mihi Accij quod Titij) hanc etiam coronidem adijcio, Miseram fore Christianorum sortem, si & Iudeis & Gentibus sit inferior. Constat enim non solum Romanos, sed barbaras etiam gentes, Pontifices suos & Flamines Dijs retulisse acceptos. Quod si alicui uel Melesagoræ Nymphæ, uel Numæ Aegeria, Minoisue antrum aut id genus cætera paruam fidem faciant, nihil timor; Dummodo negari non possit Pontificatum Aaron ab ipso Deo fuisse constitutum, aditumque eodem Deo autore ad gloriam, & decorem sacerdotij ornatum, ex purpura, dibapha, bisso, argento, gemmis & auro. Sicque Pontificium illud per manus traditum ad Cayphan usque descendisse. Qui licet uita scelestus foret, quia tamen successor erat Aaron & Pontifex anni illius, prophetauit, & Christus eidem subesse ad mortem usque nostri causa non erubuit; Indicans nimirum; ne nos etiam pudeat sui causa Pontifici licet improbo esse subiectos. Quod & Petrus manifeste præcipit. Et ipse quoque mandasse uidetur, cum ait: Super cathedra Moysi sederunt Scribæ & Pharisei, omnia ergo, quæcunque dixerint uobis, seruate & facite, secundum opera uero eorum nolite facere.

Quare facile mihi persuadeo, cum inferiori ueteris Instrumenti molæ penitus ociosæ, ac tandem derelictæ, tantus honos fuerit habitus, superioris etiam, noui scilicet Testamenti; causam nihilo fore deteriore, sed summum ipsius Pontificem una cum successoribus suis legitimis pari, aut feliciori etiam modo, tam sacrorum Conciliorum interpretatione, quam uel sola hac Christi uoce, Pasce oues meas; à Deo & iure diuino fuisse institutum. Mores uero Pontificum pascendi semetipsos plus quam oues, piscandi auri plus quam hominum, à diabolo esse subditos, Pastoriciumque

EPISTOLA HIERON^{VS} EMS^{VS}

plane adulterinum ac peccatis nostris forte debitum. Humani autem iuris esse electionem ipsam Pontificis maximi, a signo non aberrat, Siue quis successorem sibi ipse nuncupet, ut Petrus Clementem, siue uniuersus populus, ut olim, siue tantum Clerus, ex hisq; soli Cardinales, ut hodie, suffragia conferant. Siue id Imperatoris etiam iussu fiat uel iniussu. Omnia enim ista diuinæ Comediæ seruire, scænæ, & pro tempore uariari, nihil refert. Neq; ideo ius diuinum (ad quod tanquam ad sacram anchoram confugitur) immutari necessum est. Nec etiam potestati Petri, aut successorum eius plus detrahit, quod post uicesimum annum uel citra Romam primum applicuit, quam felicitati Latronis obfuit, quod post quadraginta demum dies cum Christo in cœlum ascendit. Lento enim passu humana res incedunt. Et ut Neotericus ille ait Vergilius

Omne quod excellens opus, & sublime futurum:
Difficiles ortus habet, incrementaq; tarda.
Nec abludit Maro etiam ipse, si sic legatur:
Tantæ molis erat Romanam condere sedem.

Hæc autem de præfato duorum disertissimorum Theologorum confutatio, quantum ad Bohemos tuos spectat, Idcirco Paternitati tuæ significanda putauimus, quatenus si aliena forte ab his, uasa iniquitatis, in uulgus istic sparserint, ad decipiendos simplicium animos, Tu meis saltem uerbis, falsa, uana, & ficta esse non dubites, Eosq; qui adhuc in Christo tecum sunt fratres, in Domino confirmes. De reliqua uero Disputationis summa, quoniam iam diuersis studijs & affectibus rem in publicum emisierint, ipse lubens supersedeo. Tum quod nostri non sit officij, tum quod uaria in talibus rebus iudicia, simultatem ac discordiam magis foueant, quam extinguant. Id quod inter Xenophontem & Platonem, summos alioqui in omni Philosophia uiros, usuuenisse legimus. Duæ enim eminentiæ, cum simul iunctæ in altum nituntur, simulachrum quoddam (ut Gellius ait) contentionis mutuae pariunt, Semperq; fere, ubi ingenia quædam magna, circa idem studium, pari sunt fama aut proxima, apud diuersos fautores diuersa oritur de eis sententia.

Sed ut ad Bohemos tuos redeat Epistola. Age, obsecro; uir Dei, quandoquidem te Deus illis domesticum dedit sanæ doctrinæ Doctorem, ac nauiculæ suæ remigem, Age, inquam, atq; uelis ac remis Archam hanc ex his Syrtibus (nisi sponte sua naufragium amat) in stationem suam pristinam, hoc est, in gremium sanctæ matris Ecclesiæ reducito. Id enim debes Deo, debes Patriæ, debes Christianæ nostræ Reipublicæ. Nec maior rem alibi gratiam cum Deo inire, aut uberiores pro re quapiam mercedem ab eo sperare poteris. Quod si corui aliqui, caducorum bonorum istorum cadaueribus inescati, te sequi noluerint, ut qui Temesseum aliquando genium affuturum non cogitent, Redeant saltem pacificæ ad te columbæ, uiridem fidei ramum secum deferentes, quo crucis Christi stipiti denuo inserrantur, fiatq; iuxta uocem ipsius, unum iterum ouile, & unus Pastor, Vera destructa Babylone, ædificentur muri Ierusalem. Cœlum enim & terra transibunt, uerbum autem Domini manet in æternum.

Vale, & Epistolam hanc perpetuæ meæ erga te
obseruantię testem benigno uultu accipe,
& felix in Christo triumphas.

Ex Lipsia, Idibus Augusti.

Anno M. D. XIX.

AD AEGO.

AD AEGOCEROTEM

EMSERANVM MARTINI

Lutheri additio.

In Aegocerotem Emseranum, M. L.

Hic iacet Aegoceros, sine fœno, cornibus, ungues,
Osse, pilo, nervis, sanguine, carne, cute.

MARTINVS LVTHERVS
HIERONYMO EMSERO, S.



T te, mi Emfere, quis unquam credidisset esse tam doctum & acutum Theologum, & quod nemo non miratur, tam simplicem & fidelem Lutheri Patronum, cuius nomen, nec rogatus, nec oportunus, tam strenue & egregie asseris ab hæresis Bohemicæ infamia? Noua miracula, qui ab Eccio delirabar esse Bohemus, ab Emsero mihi infensiore quam multi Eccij, Bohemus esse abnegor. Quis hunc vertiginis spiritum? quis hæc dissensionis studia inter Eccium & Emserum miscuit? Quis hanc Emsero in Lutherum gratiam commentus est, præsertim tam subito & post tantam uel Timoniana maiorem inuidiam, Luthero penitus non cogitante, & indies Emsero magis ac magis displicente.

Securus esto, o fœlix Dedale, Lutherus grauedine & pituita grauissima laborans, hanc technam non intelligit, simplex simplicissimum agnoscit Emserum, ut quem sincere credit, in hoc Epistolam scripsisse, quod Lutherus esset omnibus Catholico nomine commendatus, hoc est, hæreticorum patronus, & turpissima ignauia Lipsiæ per Eccium superatus.

Quid pro hac gratia retribuam? Interim pro gratitudine tibi compa-
ro Ioabum illum fortissimum, & illustrissimum principem militiæ David,
& insignem Israelis hyperaspisten, adeo tuæ linguæ conuenit cum illius gladio, & moribus tuis cum illius tunica, & huic in me tuo pulcherrimo officio cum illius opere, quod in Abner & Amasam, grandi decore, splendide contulit. Quanquam dormitantia quadam Scriptoris, ob hoc egregium facinus, inter robustos Israel non censeatur.

Ioab.

Abner.
Amasa.

Aut si huius comparatio remotioris est exempli, quam ut delectare te possit, qui non sacrarum literarum, sed sacrorum Canonum es Licentiatum, illius saltem, quem uniuersum uulgus nouit, non dedignaberis Analogiam, quem non pauci primum inter Apostolos fuisse arbitrantur, salua tamen reuerentia Aegocerotis tui, pro Eccio fortissimo fortissime pugnantis, & id in gloriam tuam, qui cum Apostolorum Principe queas conferari, ut sicut ille Christum signo pacis tradidit Iudæis, Ita tu Lutherum sub signo laudis orbi tradas hæreticum, & turpissime uictum.

Iudas Ischariotb.

Sentit ne in fœlix tua conscientia, quam frustra, parum astuta inuidia tua me petat? Quid hac Epistola effecisti, nisi quod effœminatui animi morbum omnibus prodas? qui cum de me pessima sentias & machineris, non

Q Q iij tamen

EPISTOLA DE MARCV LVTH=

tamen est in te sanguinis uena ulla paterni, nec tantum utilitatis & indolis masculæ, ut aperto Marte, collatisq; signis mecum congregiaris. Sciebam inuidiam tuam, qua Lipsiæ totus ardebas, impotentior esse, quam ut se cohiberet, ne pareret, quæ concepisset. Rursum ignorantior & ignauior, quam ut liberaliter & in luce quid auderet.

Quod nisi me timor Christi cohiberet, quo Magistro, non tantum dolere debeo, quod mihi nocere uoluisti, & non potuisti, quantum quod tibi nocuisti, quod maxime noluisse, Possem tibi abunde par referre, & Aegoceroti tuo idoneum Venatorem præstare. At quando Tiburtium tu queris, curandum mihi est, ut Tiburtius Torquatum quoq; inueniat. Si quo modo deprehensus in operibus manuum tuarum, dolere possis super contritione animæ tuæ miserrimæ, quam ob mei odium tam perditæ Diabolo consecrasti, etsi sacerdos Domini (ut gloriaris) testisq; ueritatis.

LEgi itaq; Aegocerota seu hircum tuum, seu hircoceruum (nec enim refert, quo uocabulo monstrum appelles infœlicissimum) de quo poeticaris: Noster hic Aegoceron sine fœno, peccat in uno, Quod non est Lucæ linea ducta manu. Noli desperare, mi Emser, est ueniale peccatum, nec in diuinas, nisi forte Grammaticas & Rhetoricas legum patratum, quod cum sit Poëtis Pictoribusq;, quodlibet, audendi semper æqua potestas, Facile tibi & hoc ignoscent, nisi id forte eos nimio moueat, quod humano capiti ceruicem iunxeris equinam, & amphora instituta uiceum eduxeris. Quandoquidem & mihi, neq; Grammatico neq; Rhetori, neq; Pictori, hoc potissimum, nullis Indulgentijs, ne Romanis quidem ac summis, condonabile uisum est, quod fœnum illi potius detraxeris, quam cornua, & simul hanc Hecubam tuam tam infœliciter dissimularis. Quamquam enim Aegoceros Lutherò idem sit fœnatus (ut sic dicam) & cornutus, Laudatori tamen sincero conueniebat magis fœnatum sine cornibus, quam cornutum sine fœno moliri.

Cui & hoc mali accedit, quo sit animi tui perfectum simulachrum, uereq; Emserum representet. Non est integer Aegoceros, sed sicut Priamum, amputato capite, truncum & sine nomine corpus appellat Poeta, Ita ego Emseri mei in integram figuram, abscisso corpore, fœdam cernens, queam dicere. Truncum & sine corpore nomen, hoc est, speciem sine ueritate, qui in capite & principio aliquid appareat, in corpore & fine nihil. Atq; ut nihil desit monstroso monstro, non in simplici, sed duplici æra spectabilis ille fulget Aegoceros, adeo omnia proueniunt fato, certaq; prouidentia, ut Emserum oportuerit proprijs insignibus quoq; pingi.

Quid faciam igitur miser? si laudes tacitus agnosco, palinodiam cecinisse uideor uniuersæ doctrinæ meæ, & Eccio erroris patrono ueritatisq; inimico lampada tradidisse, ut nec ignifer quidem reliquus sit, planeq; Bohemus hæreticus, præsertim apud nascutos & exteros iactabor. Si repudio, iam non Bohemus modo, sed Patronus Bohemorum apud uulgum & domesticos arguar, simul ingratitude in Emserum grauissimæ reus, qui hac me suspitione per eximium Capricornum suum leuare admolitus sit. Ita, dum in meam ignominiam & Christianæ ueritatis iacturam, belle ludit Emserus, egregius alioqui Christiani amoris Preco, ego inter saxum & sacrum hæreo, Scylla & Charybdî simul diuexor, & cum Michæa cano: Qui mordent dentibus, & prædicant pacem. Et Psal. Qui loquuntur pacem cum proximo suo, mala autem in cordibus eorum.

Verum

Mib. 3.
Psal. 28.

Verum Christus meus uiuit & regnat in secula, Benedictus Dominus & Deus meus, qui doctus est, discipulos Phariseorum & Herodianos simili Capicorno se petentes, uno uerbo confutare, Non est scientia, non est consilium contra Dominum, In quo donec glorior, quid faciet mihi homo? Quare tu, quisquis ades Lector, interim spectator esto, tentabimus uenerari hunc Aegocerotam, forte dabit nostro arcui ferinam hanc nobilem Christus.

Primum, mi Emser, omitto blandiloquia tua, quod me uirum prædicas rara eruditione, Oscula Ischariotica dissimulo, quibus sub Bohemorum persona mordēs, me esse unum, qui sacras literas, & solus attingam, qui oculos cornicum potis sim configere. Agnosco enim fortissimi tui Theologi scommata, sane erudita, qui cum uerba Scripturæ per totam Disputationem nec adducere, nec adducta posset tractare, eodem frutice & ipse quoque Struthio se texit, prudentissime causans, me non receptare Patrum autoritates, quas nec ipsas intelligebat, nec intelligere uolebat. Non enim patebat alia uia suæ sacrarum literarum ignorantia, præsertim coram uulgo colorandæ, quam ut deserta & contempta Scriptura sancta, me configere (ut tu elegantissimus Orator dicis) diceret cornicum oculos. Sed habete uobis hunc Theologiæ discendæ morem, ut uerba Dei ad iudicium uerborum hominum tractetis. Ego cum Paulo & Augustino uerba hominum ad iudicium uerborum Dei tracto, malo à uobis accusari, cunctator in uerbis hominum, quam uobiscum laudari, contemptor uerborum Dei.

Eccij scommata.

Huc mihi ausculta, quæ tu noua religione arborem laudas, & fructus eius uituperas? An tu non cornicum oculos configis, sed ipsi Christo, omnium Duci, contradicens, de uite & ficu spinas & tribulos colligis? Non intelligis quid uelim? Lutherum dicis catholicum, & qui nolit Bohemorum esse Patronus, recteque facis, Cur ergo iniquissimo animo fers, dogmata mea probari Bohemis? Quasi noua Eccij tui Dialectica (nam simili & ille utitur differendi scientia) hunc necesse sit Bohemorum Patronum esse, qui dicat, quod Bohemis probetur, Aut non debere eius dicta Bohemis placere, qui recuset esse eorum Patronus. Magister es Artium & Philosophiæ, non meministi, Partibus ex puris nihil sequitur? Quid his larualibus Syllogismis aliud quæris, dum uniuersale misces particulari? & hoc rursum illi, nisi ut aut Bohemus sim, aut omnia mea reuocarem.

Cornicum oculos configere.

Si incedis super aristas, & lubricus es, ut Lectori quoduis intelligendum, tibi quoduis respondendum reliqueris? Docuerunt te Canones tui sic loqui in Proximum tuum? Putas ne & ego queam simili figura te laudare, ut alius te auarum, alius liberalem, alius castum, alius fornicarium queat intelligere? Si segniter laudare apud eruditos uituperare dicitur, *Segniter laudare.* Quanto magis dubia & figurata tua impiæ laudis larua plus quam tripla uituperatio mihi censenda est? Atque dum nihil discernis in meis dogmatibus, omnia simul, nimirum contaminata cupis, impurissima lingua tua, Vides me intelligere, qua strophæ rusticissima insidieris mihi, sacerdos Domini & testis ueritatis? Varios uentos hucusque passa est nauis mea, Nunc, ut uideo, & contra Cæciam mihi nauigandum est, qui mendaci expellit nubila flatu.

Verum, quando hoc pro basano tuo & lydio, quod dicunt, lapide ducis, quidquid Bohemis placet, hoc hæreticum esse, Miror, qua nam ratione

EPISTOLA Dⁱ MARⁱ LVTHⁱ

Consequentia Dialecticæ Emseri.

ratione & tu euadere queas, ne sis Bohemorum Patronus, qui tam multa sapis, profiteris, tueris, quæ illis placent? Quin rogo per Eccianam hanc Dialecticam nobis concludere, sacramenta Ecclesiæ, uniuersam Scripturam, S. Patres esse omnia hæretica, quia hæc placent Bohemis, Placent præterea Bohemis multa alia, Christus ipse, Sancti & omnes creaturæ Dei bonæ, ergo sunt hæretica, firmissima, scilicet Emseri Dialecticæ consequentia.

Bulla coenæ Domini.

Quod si hæretica sunt, quæ Bohemis placent, rursus hæretici erunt, quibus Bohemi placent. At hic ausim iurare, Emserum esse hæreticum, cui sine dubio uel aurum, uel uxorcula aliqua bohemicæ factionis formosula possit placere, imo nec summos Pontifices ab hoc casu hæreticæ prauitatis possit ulla Bulla excipere, nec ea quidem, quæ in coena Domini legitur. Istis ludicris rationibus, in tam seria re, uos optimi Theologi, uulgus nostrum inficitis, ut eius iudicio, statim audito Bohemorum nomine, quos uolueritis, hæreticos faciatis, nec tamen estis in hoc Fratricida & blasphematores.

Sed quando in hæc portentosa tenebrarum uestrarum Argumenta uenimus, odium inscitiae uestrae latius pandamus, Cur non & Iudæum & Iudæorum Patronum me criminaris, id est, excusas, qui negem me cum illis sentire, cum tamen ipsi fateantur multa esse sua, quæ constanter tuear? An quod hoc officium Fratribus tuæ farinae reliquisti, qui Libros hæreticos & hæreticales pro suo arbitrio inuenire possunt? Quid enim non inuenirent, qui tam anxie inquirunt? Iam cum & Iudæi nobis uicissim in multis placeant, Emsero Magistro Iudæi dicendi sumus.

Iterum, si hæreticum est, omne placitum Bohemorum, a contrariis Catholicum erit, quidquid eis displicet. At libidinem, pompam, auaritiā, superbiam Clericorum, illi miro modo detestantur, Sequitur, Catholicissimam esse hodie Ecclesiam Romanam, in qua hæc usque ad clamorem in cælum regnant. O quot inuenies, mi Emser, huius generis catholicos. Non dubito, quin & tu catholicissimus sis futurus & hæreticos extreme persecuturus, si hæc Bohemorum dogmata & placita possis hæretica ostendere.

Denique ueniunt ad manus meas, quotidie ex diuersis mundi partibus eruditissimorum Virorum literæ, gratulantium ueritati, & id unice timendum, ne foelicibus coeptis, tua & tui similium persecutione uexatus, desinam & palinodiam canam. Quid ex his facies? Dialecticam eccianam consule, & Patroni Bohemorum erunt, neque enim alios Libros meos legunt ipsi quam Bohemi.

Militia Christianæ ueritatis &c.

O uos infelices & nihili Theologos, idolaque mundi, qui sacrarum literarum ignari Ecclesiasticas sententias non alijs armis tueri potestis, quam quod timetis, indignamini, suspicamini, pueriliter & muliebriter placitura esse dogmata hæreticis. An timore, suspitione, indignatione contra hæreses pugnandum decernitis? Sic ludibrio exponitis militiam Christianæ ueritatis, quæ turris Dauid mille clypeis, & omni armatura fortium munita, terribilis est sicut Castrorum acies ordinata, Et sane uidemus hunc ritum hæreticorum uincendorum præualuisse, hoc est, ueritatem pene extinctam esse, dum suspitione placendi Hæreticis, prohibita est pugnare & triumphare.

Igitur duos novos locos tu & Theologi tui inuenerunt, quos nec Aristoteles, nec Cicero Topicorum insignes Autores inuenire poterunt, qui tales sunt ac tanti, ut uice omnium aliorum sint, in quouis dicendi genere, Hi sunt, placitum & displicitum hæreticorum. His enim
freti

Cap. 4.

EPISTOLA D. MAR. LVTH. CCCLXXII.

freti Emserus & Eccius, me hereticum arguunt, pro incredibili Rhetorice suæ peritia. Nec est hic necesse explorare, an hæretica sint, quæ placent. Sat est suspicari, quod placeant, tum mox uulgus irritandum est. Sic uicti sunt hæretici, Ecclesia defensa, & ueritas fidei seruata, ut impleatur illud Isaia. Dabo pueros Principes eorum, & effœminati dominabuntur eorum.

Vides ergo, mi Emser, hæc monstra te didicisse ab Eccio, Nam & hic, ut est inanis scientia Scripturarum, aliud Lipsiæ argumentum robustius non habuit, quam horum locorum, in quo non immerito uobis placuit.

Sed quia Aegoceros es, facile hoc rete meum eludes, dicesq;: Non damno tua dogmata, nec quod placeant Bohemis, indignor, sed quod erronea dogmata placent, quorum te Autorem falso putant.

Primum, adeo ne de omnium mortalium sensu desperasti, ut hac insulsa & inepta tua uasfricia speraris omnes illiudi posse, ut tibi credat, alia Bohemis dogmata mea placuisse, q̃ quæ in Libris meis legerunt? Quod si mea dogmata probarunt, & tu iam falso eos probasse garris, quia Bohemorum patrociniū recusauit. Quid aliud hinc sequitur, nisi uel te impudenter mentiri, uel me reuocasse mea dogmata?

Deinde, nunquid ego Idolo tuo Eccio Lipsiæ sic dixi, sicut tu scribis, perfricta fronte, Quod quidquid de me Bohemi sentirent, me non acceptare? Nonne toties repetitis uerbis dixi, me schisma & errores Bohemorum non uelle nec posse tueri, quod mihi Eccius tuus eadem impudentia obijciebat? Nunquid hinc sequitur, me Bohemorum consensum in mea dogmata (quæ alia non possunt esse, q̃ in Libris meis edita circumferuntur) damnassee?

Atq; ut scias, me tuas insidias nihil insidiosas, nihil metuere, habe tibi hoc, & illude siue illide, si potes. Volo, opto, oro, gratias ago, gaudeo, q̃ mea dogmata placent Bohemis, atq; utinam placerent & Iudæis & Turcis, imo utinam & tibi & Eccio, positis uestris impijs errorib; placerent. Quid hic facies? An Iudæum, Turcum, Emseranum & Eccianum me Patronum excusabis, quia recuso fortiter me nolle uestra & illorum tueri? Quid ad me? Si Bohemi mecum sentiunt, recte sentiunt, Sed non ideo ego illorum uel schisma uel errores probaui, nec tuo patrociniū opus habui, quo hac suspitione leuaret, id est, contaminaret. Nam spero, q̃ gaudeas, Bohemos tecum sentire in Confessione Trinitatis, Christi, & omnibus alijs fidei articulis, Cur ergo non pro te ipso primum sollicitus, Apologiam edis, expurgans te, q̃ Bohemorum Patronus non sis? Si hoc stultū & non necessarium arbitraris, qua charitate necessarium tibi pro me uisum est, ut faceres non rogatus?

Vides ergo malignam tuam agnoscere inuidiam, qui cum scires Bohemos in me nihil probare & iactare, quam dogmata mea, tu eorum iactantiam hanc, felix Orator sic opprimis, ut neget me errorum suorum esse Patronum, quasi illi hoc unquam iactarint. Oratorum insigne decus est (ut Cicero ait) apposite dicere, tu autem Bohemorum iactantiam confutaturus, quam optimam habent in meis dogmatibus, confutas iactantiam errorum suorum, quam tu fingis sub nomine meo. Nonne hoc ad Rombum orare est ubi ad dextram tibi belua iaceat, tu uersus in sinistram egregie Rombum laudes? Obsecro, si deinceps Iusculum uelis laudare, non laudes surdum, ne in discenda Rhetorica tua, uidearis operam & oleum luisse, aut mutuū paulisper memoriæ Eccianæ tibi sume, ut Argumenti suscepti saltem in orationis initio memor esse possis.

Simili

EPISTOLA D. MAR. LVTH.

*Hieronymus.
Ruffinus.*

Simili schemate & Ruffinus olim impetebat Hieronymum, cui cum placeret in multis Origenes, ineptus ille Emseri Dialecticæ typus, omnium errorum illius fecit impia laude Patronum. Ita & tu Ruffinus meus (Hieronymus uolui dicere, fallit me operis similitudo magis, quam seruet nominis similitudo) in hunc modum egregie differis, Bohemos non defendis schismaticos? ergo falso illi iactant te uera scripisse. Proinde mi Emseri, alio contra Bohemos confutandos utere argumento, hac elumbi confutatione nos Catholicos Bohemis ludibrio traducis

Iterum, alio mihi abrupto elaberis, non dico (inquis) tua iactari dogmata, sed aliena & suos errores tuo nomine. Primum, Quis de hoc certum te fecit? adeo ne tibi de quouis mortalium fingere licet crimina, atq; id non nisi ut innocentium criminib. fictis, Innocentiam aliorum lēdas? Nonne Scriptorem historicum, præsertim sacerdotem Domini, testem ueritatis, oportuit hæc omnia primum explorare, & non de suo cerebro Historias fingere? Quid si illi negent iactasse unq; nisi mea dogmata, quæ per Regiones uagantur, quæ multi Christianissimi Galli, Itali, Angli, Germani, Hispani quoq; iactant? An sperabas eos tacituros audax mendacium tuum?

Sed esto, uerum sit quod somnias, illi aliena dogmata meo nomine iactent, Qui sit ut ego non hæc audierim, ad quem maxime pertinent? Aut si mala nostra nouissimi scimus, tuum erat profecto, qui nominis mei tam studiosus es, mihi id indicare, & quænam dogmata illic nomine meo falsa falso iactarentur signare, ut ipse (q; maiorem habuisset auctoritatem) in eos scriberem, nomenq; meum assererem. At tu bone Ruffine, fili tenebrarum hæc aut nesciens, aut nescire te fingens, non modo nihil mihi significare curasti, quin duplo uulnere, utroque grauissimo me percutis, & suspectum de hæresi faciens, & suspicionis huius pessimæ patientissimum dissimulatorem adornans, dum pro me ruis in defensionem mei, me prorsus non salutato, pugnaturus contra ea, quæ nescis.

Sed adhuc rogo post uulnera, saltem indica nunc, quæ illi falsa dogmata meo nomine iactant, ut sciam, super quibus me defendas, & pro quo gratus esse debeam? Quid taces? quin edis? non edis? Age euerberemus uel inuito. Quæro, an tua uerba credas esse uera, ubi scribis, Bohemos pro me fecisse publica Deo supplicia, quotidianaq; (licet prophana) sacra, dum nuper Lipsiæ certare? (Taceo enim, qua gratia hoc in uulgus uolueris edere, naso meo non sic illudis Ruffine, Ruffe, imo niger) Vera, inquam, hæc sunt an non? Non hic tacendum, quia sacerdos Domini & testis es ueritatis. Vera ergo. Sequitur iam proculdubio, Bohemos emiserana sententiâ mecum sentire in propositionibus Lipsiæ disputatis, ut in quibus me saluum publicis sacris impetrare illos uoluisset publice scribas.

Hæc sunt igitur dogmata falsa, quæ nomine meo iactant Bohemi, & in quibus me Patronum gloriantur. Habeon Aegocerata nostrum an non? Vbi nunc est os tuum, pene effudissem, quod me Catholicum asseruit? Vides ne, quam imprudens sit inuidia? Prouerbiū illius Scripturus meminisse debebas: Oportet mendacem esse memorem, Nec est quo hic euadas, quin perspicuum sit, te te in corde non secus ac hæreticum habere Lutherum, & tamen ore confiteris Catholicum, cuius rursus dogmata eodem ore damnas hæretica? Tu ergo uir ille es, qui apud Iacobum ex eodem fonte manat amarum & dulce. Neque enim uerisimile est, tam deliros esse Bohemos, ut pro me orare uoluerint in aliam causam nisi quam tunc

Mendacem oportet esse memorem.

AD HIERONYMUM EMSE RV M CCCLXXIII

tunc agebam, nec tu de alia loqueris, neque erant tam obscuræ Propositiones meæ, ut putari possit earum sensus eis non fuisse intellectus, quando eos potuit intelligere uester Rubeus.

Proinde, mi Ruffine, id quod cogitabas & intelligi uolebas, tibi scribendum aperte erat, id est, Lutherum esse hæreticum, sic egisses uiri constantis & probi officium. Quid enim refert illos accusari de hæresi, qui de Patrono per te laudato gloriantur? Non cogitas Bohemos esse homines, non pecudes, qui ad Aegocerotam tuum dicant: Quid confutat hic olidus hircus, Quid sibi ipsi contradicit? An persequitur Hircoceruum & Chymæram cerebri sui, & Bohemos a se in somno formatos? Nubes & inania caprat. Nos eum Lutherum iactamus, quem tu catholicum astruis. Quid nobis de erroribus? Dogmata Lutheri probamus, quæ Lipsiæ tutatur, & Libellis editis inuulgauit. Tu cum laruis pugnas, & ridiculus cuculus es. Quid hic dices, Ruffine? An quia sacerdos Domini es ibis gaudens, quod dignus sis contumeliam pati pro Domino tuo, eo scilicet, qui est Pater mendacij, cuius tu in dicendæ ueritatis functione testis es?

Quod si dogmata mea, & tu uera arbitraris, plaudant Bohemi, quod Patrono Hieronymo Emsero, Christi sacerdote & teste ueritatis, probantur Catholici & Christianissimi, ut qui pro ueritate publica sacra fecerunt Mereat Roma, insaniat Eccius fortissimus Theologus, infelix Romanæ Ecclesiæ & Sedis Apostolicæ defensor, Aegocerotis huius præceptor, quod inueniuntur Bohemos mendaciter & inique pro hæreticis habuisse, Imo doleant Bohemi a mendace & bilingui se laudatos, & gaudeant ab eodem se uituperatos.

Nonne iam tu ipse Patronus factus es Bohemorum, quod me tanta bucca tonas repulisses? Disce Ruffine illud Sapientis: Qui loquitur iniqua non potest latere, nec præteriet illum corripientis iudicium, Quoniam auris cœli audit omnia, & qui continet omnia, scientiam habet uocis, Spiritus enim Domini repleuit orbem terrarum. Et illud Eccle. 10. In cogitatione tua ne detrahas Regi & in secreto cubiculi tui non maledixeris diuiti, Quia & aues cœli portabunt uocem tuam, & qui habent pennas, annuntiabunt sententiam. Hæc tuo exemplo cognosce esse uera. Quis enim, putas, mihi cor tuum reuelauit, & reuelandum dedit, nisi ille, qui dedit nobis scire, etiam cogitationes Satanae, discretionem spirituum, imo sensum Christi, & profunda Dei?

Quid, quod tu ipse autoritate Bedæ, cum non neges Iohannem Hufs falsa miscuisse ueris? Nonne Bedam, uel te ipsum Bohemorum Patronum ostentas? qui tonas non solum contra Concilium Constantiense (quo unico miser tuus fulciebatur fortissimus Theologus) sed contra ipsum quoque Concilium constantiense. fortissimum (quod intolerabile est) articulos aliquos ueros, male damnatos, quo totam uim et uictoriam Eccij eneruas, mecumque per omnia sentis.

Proinde tu, si sapias, scribe Catholicæ Ecclesiæ Bohemorum Administratori, ut ad gremium Ecclesiæ reuocet errantes, quod ut sui, tui, omniumque nostrum faciat ludibrio. Da hereticis (sicut facis) hoc, Iohannem Hufs uera falsis miscuisse, hoc est, Concilium Constantiense articulos eius aliquos impie damnaſſe, idque Bedæ autoritate. Sic enim corui tui ouum legitimum eris, qui & ipse, ut me Bohemum hæreticum statueret, Primo Nicenum Concilium contempsit, magna autoritate; habitus in hoc uobis catholicissimus. Deinde Constantiense, Magister Spiritus sancti factus, denuo & aliter declarauit. Sic soletis uos confutare hæreticos, ut peiores hæretici fatis & nos omnes eorum fabulis tradatis, dum ut coletis culicem, camelum glutitis, adeo cauti estis, adeo refert uestra, multa magnaque negare &

RR

damnare

EPISTOLA Dⁱ MARTⁱ LVTHⁱ

damnare catholicorum, ne modica probare uideamini hæreticorum, ut probantes possitis iactare hæreticos, atq; id nullorum hominum odio, sed zelo ueritatis, pro gloria Dei, & honore sanctæ Romanæ Ecclesiæ.

Frigide confutare.

Sed & uos Scriptores mihi uidemini esse nonnihil autores Bohemicæ pertinaciæ, qui tam frigida & inconstantia scribitis, frigide enim & pigre confutare, quid aliud est, q̃ bis confirmare? Aduersarijs, iuxta Paulum, os opplere & obstruere omni oportet studio. Deinde scripta nostrorum, nescio quam oscitantiam nauseamq; spirant de fiducia & securitate, quam habemus in opinione uulgi, ex nostro uerbo pendentis, & potestate Romani Pontificis nostra probantis. Nos ita scribimus, ut si nihil promoueant, quæ scribimus, sufficit, quod uulgo nostro & Romano Pontifici placent, Atq; hic est finis nostræ scriptionis, nihil eque timemus, quam ne quid elabatur, quod offendar Romanum Pontificem. Qua ratione fit, ut sicut libere non scribimus, ita nihil efficiamus.

Tu nunc uide uerba, imprudentis tuæ inuidiæ ueracia testimonia et si ipsa mendacia, Me catholicum asseris, simul & dogmata asseras catholica necesse est, Et quis est furor impietatis tuæ, ut pro catholicis dogmatibus non solum indigneris sacra fieri, sed etiã appelles prophana, abominabilia execrabilia? Intelligis, quod Chaos, quod pelagus monstrorum ex hac sententiâ sequatur? ut hinc te facile peiorem omnibus hæreticis & daemonibus possim asserere? Quid enim non faciat & omittet, qui pro ueritate sacra facta pronunciat prophana? Esto, sint Bohemi hæretici, at quando pro ueritate orant, sacra hæc tu prophana audes dicere? An sacra pro mendacijs facta, sancta tibi uidentur?

Johannes Tetzelius.

Quid sentis de meis sacris, quæ pro te & Eccio facio magno affectu, cum tibi & illi hæreticus uidear? Neq; enim habeo (crede, non crede) quibus me plus debere mihi uidear, & pro quibus ardentius orem, q̃ pro Iohanne Tetzelio, huius tragediæ Autore, cuius anima sit in pace, & pro te & Eccio, omnibusq; aduersarijs meis, adeo mihi prodesse sentio aduersarios. Sine ergo infortunata inuidia, pro dogmatibus meis sacra fieri, uel a Turca, Nolite prohibere eum, qui non est contra uos, pro uobis est, dixit Christus, Aut primum me hereticum & dogmata hæretica ostende, ne rabie insana Deo præferre incipias diabolum, & mendacium ueritati.

ARbitror, o Lector, me Aegocerotâ hunc coepisse, etsi non omnes molossos nec uestres in eum emiserim, Prima uenatio est, adhuc tener est, tenera mihi tractandus fuit cura, & alio tempore si perget, uel albanis canibus insectandus.

Esse autem captum hoc indicio probabis, quod deinceps sicut captiuum & dilaniatum decet, sua sponte aperit, quæ toto uenatu dissimulauit. Pugnat enim aduersus meam Propositionem, tanquam hæreticam, soluitque meas rationes. Hoc enim monstrum aluit in uisceribus occulte, dum fugaretur & caperetur. Versemus ergo uiscera ista & omnem finem eius concidamus, ac detracta pelle sacrificemus eum in holocaustum Domino, si uolet eum.

Per Coronidem suam terribiliter Machabæam totam, quam splendide Lutherum hæreticum triumphat. Assumit autem sic: Miseram fore Christianorum sortem, si & Gentibus & Iudeis sit inferior, quos conseruet sacerdos suos Dñs retulisse.

Ante faciem huius pigerrimi frigoris quis sustineat? Ut reptat ignatissima, tum sententiâ tum oratio. Sed nec quid hoc Sillogismo mire rethorico molis.

AD HIERONYMUM EMSE RV M CCCLXXIIII

eo molaris, satis intelligo, Nisi forte suspicionem mihi paras, quasi Ecclesiae sacerdotes negem referri Deo acceptos, Sed & inter gentes, credo, in uniuersis Poetis tuis, non inuenias, qui fingat fuisse aliquando unum, Iure diuino, omnium totius orbis sacerdotum gentilium Monarcham. Nam hanc sententiam tu intelligis & eloqueris, per sacerdotes Dñs acceptos referri, noua, quantum dilco, grammatica, praesertim, cum tot ubique Religiones, etiam sibi pugnarent, testibus sacris literis.

Sed bene habet, quod tu ipse nihil moraris, si Syllogismus tuus in hac parte corruat. Iur ergo in antiquam sylvam, & ad extremum belli decus, nempe ad Aaronem, quem gloriaris, iam pene uictor, negari non posse a Deo institutum. Huic assumptioni necitur subsumptio, Si ueteris, inquis, Instrumenti mola penitus ociosa, ac tandem derelicta (tam belle & docte inter rhetoricandum etiam theologisaris, mire aptis mysterijs ludens) tantus honos est habitus, superioris etiam, noui scilicet Testamenti causam, nihilo fore deterio rem. Hæc ille.

Aaron.

Omitto ineptiam de mola inferiore & superiore, imo impietatem, qua ueterem & sanctam Synagogam, ociosam & derelictam nouus Theologus delyras, absq; hoc, quod corporalis etiam mola inferior ociosa non possit dici, quæ negociosior est superiore, cuius sustinet uim & impetum, deniq; Deus prohibuit, ne quando altera molarum auferretur, & ociosa fieret, Sic enim solent Ecclesiastici Theologi in sacris ludere literis, dum serio eas tractant.

Ecclesiastici Theologi.

Ad rem ipsam. Hic tibi uidetur honos dignus nouo Testamento, si ipsum quoq; habeat suum Aaronem, hominem purum, simili uestium, dierum, ceremoniarum pompa gloriosum. Gratias ago uerborum Dei Interpreti acutissimo. Ergo nihilo differet ueritas a figura, Spiritus a litera, plenitudo a signo, nec nouus sacerdos praestantior ueteri? O ignominiosum honorem noui Testamenti, si simili honore æquetur ueteri. Quorum, queso, hoc aures ferent? Non cogitasti, miserrime Emser, cum hoc munus obires, quam susciperes argumentum tuis uiribus impar? Non eras memor Horatii tui: Versate diu, quid ualeant humeri, quid ferre recusent?

Spiritus.
Litera.

Rogo, infelix Canonista, Apostolum ad Ebraeos non legisti? Si legisti, cur contempsisti? Si non legisti, quid porcus inter sancta? Apostolus, inquam, honorem & gloriam noui Testamenti copiosissimis & splendidissimis argumentis tractans, Christum Filium Dei Pontificem summum loco ueteris Pontificis, ut melioris Testamenti mediatorem pulcherrime probat, eumq; in sancta, æterna redemptione inuenta, per proprium sanguinem intronasse, Vetera illa fuisse exemplaria, umbras, imagines, typos futuri Pontificis Christi, reuocanda Emsero, & pro ueritate habenda.

Gloria noui Testamenti.

Hebr. 9.

Non ergo uestium pompa, aut potentiae magnitudo, noui Testamenti honor, sed figura fuit, & nunc ignominia est, Spiritus nunc regnat, qui talibus umbris non eget, nec ornatur. Hanc gloriam Emserus noster fastidians, honorem carnis & umbras rursus e ueteri Testamento suscitatur, ne sine honore, id est, umbris sit Ecclesia, Cum de Christi sacerdotibus ad illorum differentiam Spiritus praedixerit: Sacerdotes eius induantur iusticia, & sancti eius exultent. Et iterum: Sacerdotes eius induam salutari &c. Per hæc Spiritus exposuit figuralem ornatum & honorem ueterum sacerdotum, Et Christus: Qui uult esse inter uos maior, sit sicut minor.

psal. 132.

Mat. 5.

At Emserus meliorem spiritu plenus, per iusticiam & salutem intelligere docet aurum, purpuram, gemmas, honorem, potestatem, dominium, principatum, quæ in ueteri instrumento, & mola inferiore, dixit ociosa

R R ij & relicta

EPISTOLA Dⁱ MARⁱ LVTHⁱ

& relicta esse, id est, in nouo assumpta. Cur ergo tuus Monarcha in ijs est tam negociosus & sumptuosus, si ociosa & relicta sunt, iuxta uerbum tuum? Sed cur non esset negociosus & sumptuosus, qui Emsero Magistro docetur, relinquenda non relinquere, & ociosa negociosa habere, ut simul sit uetus mola, relicta & non relicta, ociosa & non ociosa? Vides ergo, q̄ Emserus & Paulus sibi quadrent pulchre? Tibi deterior est causa noui Testamenti, nisi sit par ueteri in pompa & sancto sæculari, Paulo uero ignominiosa est, si par fuerit.

Porro cum illic Apostolus nouum Testamentum ex professo tractet, Pontificemq̄ illius Monarcham describat, fefellit nos certe, nec argumento suscepto satisfecit, quod non etiam Petrum aut Romanum Pontificem nobis Monarcham secundarium commendauit, præsertim cum is articulus tanti esse momenti putetur, ut fides & nouum Testamentum sine illo subsistere non possint, ruente nimirum, si unus articulus fidei ruat, tota fide.

Sed sine, cæci sunt & duces cæcorum, tantum animalia uentris. Quare sicut in Veteri fuit unus summus, non duo summi, nec ullus Vicarius summi sacerdotis. Ita & in Nouo oportuit fieri, ut figuræ ueritas responderet, & constaret summum Sacerdotem ueteris Testamenti non modo non pro Monarchia Ro: Pontificis, sed omnium fortissime contra eam ualere. Deniq̄ omnia, quæ in ueteri Pontifice adumbrantur mysteria, nulli nisi uni Christo conuenire possunt.

Habemus ergo gratitudinem nouorum Theologorum, qui fastidientes gloriam noui Testamenti habere Filium Dei sanctum Monarcham, Pontificem ueteris Testamenti, præligunt gloriam in filio hominis peccatore Monarcha, quam cum ad spiritum nihil ualere certum sit, certum est, non iure diuino sed humano esse institutam, cum illa, quæ iure diuino erat statuta, eodem iure ociosa & relicta, teste Emsero, sit.

Christus ad impossibile nos non obstringit.

Nec hoc saltem cogitas, esse plane impossibile, ut totius orbis populi ex una Roma petant Episcopos confirmari, sicut modo putant usum esse iuris diuini. Anathema autem sit dicere, nos a Christo fuisse ad impossibile obstrictos. Obstat enim itineris & sumptus magnitudo. At iuris diuini nulla debent esse obstacula, ne mors ipsa quidem.

Altera pars Coronidis tuæ est, Monarchiam probari Conciliorum interpretatione, & uel hac sola uoce Christi: Pasce oues meas. Quis? tu? Emsero? Tu ne audeas dicere, per Concilij interpretationem fieri ius diuinum? ubi hæc didicisti? Quis ita unquam insaniuit? Quidquid per homines statuitur, humanum est. Sed quid contra cerebrum pugno, quod nondum, quid sit ius diuinum uel humanum, intelligit.

Pasce oues meas.

Pasce.

Deinde optimo Magistro grammaticæ, nunc demum scio, quod Pasce oues meas, significat, esto Monarcha & Dominus omnium, forte post hæc, & nouam cabalam Emseranam sperare oportet. Obsecro, nonne Petrus iam Apostolus erat, & quidquid esse poterat, quando audiuit hoc uerbum Pasce? officij uerbum & operis, non dignitatis aut potestatis audiuit? Quin dic tu Monarchis tuis, uerbum pascere ad eos & nullos alios pertinere, & hæreticum esse qui alius pascat, quam ipsi. Hoc enim oportet fieri, si in hoc Monarchia traditur, nec licebit nisi Romano Pontifici pascere, tum nisi ipse quoq̄ pascat, erit hæreticus.

Monarcha noui Testamenti.

At uide, cum hæc dixeris, an non sint te exulturi ut omnium hæreticissimum, qui uelis Monarchas pastura, id est, Monarchia noui Testamenti onerare

onerare, onere plane intolerabili, quod cuius inimico uel Turcae malint permittere. Sed sic soletis Scripturas uelut Anaxagorae elementa uersare, quodlibet in quodlibet, & ex quolibet formare. Ideo nihil mirum, si pascere significet uobis potestatem & dignitatem absque omni pascendi uel consignificatione, tam oculati estis Grammaticae & Theologiae obseruatores.

Nec prodest impia illius glossae intelligentia, qua quidam garrunt: Hoc fecisse uidemur, quod per alios fecimus. Hoc enim uerbo, si ocium paratur ijs, quibus est aliquid praecipuum, totius Scripturae uirtutem euerimus, dum quilibet eodem exemplo dicere poterit praecipienti: Ego ocior, per alium faciam, Atque ita Deo quoque licebit dicere: Non pascam, sed mœchabor, occidam, furabor, permittam autem ut alius pascat, non machetur, non occidat, non furetur. Quis hæc non seruare queat? Quare ergo uerbum Dei illudimus?

Hoc fecisse uidemur, quod per alios fecimus.

Esto ergo sententia, Nisi Pontifices ipsi pascant, orent, regant, non sunt Pontifices, sed Idola, tam coram Deo quam hominibus, & uerbum pascere nihil ad eos pertinet prorsus.

Hæc cum uobis dicuntur, nec habetis quid respondeatis, surda transitis aure, interim peregrina uerborum farragine hominum aures occupantes, ne uicti uideamini, nec miseræ interim conscientiae uestrae miseremini, quam cogitis contra stimulum calcitrare, & inuitam contra seipsam, id est, ueritatem latrare.

Verum illud suauissimum uel Balsamum Emseranum quomodo præteream? Quod ratiunculam meam, qua Lipsiae contendebar, Ecclesiam Dei fuisse sine Monarchia uiginti annis ante Ecclesiae Romanae ortum, ideo non esse necessariam, nec iuris diuini, Ita soluis, Nec etiam Petri, inquis, potestati aut successorum eius plus detrahit, quod post uicesimum annum uel citra Romam primum applicuit, quam foelicitati latronis obfuit, quod post quadraginta demum dies cum Christo in cœlum ascendit, lento enim passu res humanae incedunt.

Vide, mi Emser, an non hæc inter pocula dixeris, aut sicut Balaam propria te uoce coarguas, Res humanas lento passu incedere dicis, & hoc de potestate monarchica Petri dicis, Res ergo humana est Monarchia? Rogo, desine aliquando resistere ueritati per os tuum loquenti. Tot iam exemplis deprehenderis ueritatem in corde tuo uiolentasse, nec dum resipiscis, nec quod toties tibi erumpit inuito, moueris: Caue ne si ueritati uim toties intuleris, ipsa te aliquando irrecuperabiliter deferat, sponte uideris uelle cæcutire. Si Caiphas, & Balaam ueritati per se dictæ non restitissent, quid illis beatius foret? Exempla tibi sunt, tibi dico, terribilia.

Et adeone uilis tibi res est ius diuinum Monarchiae tuae, ut ipsum unius latronis dilatae saluti compares? Cur ergo tuae Monarchiae Petri successores, non modo non cum unius hominis, sed ne cum uniuersi quidem orbis Ecclesiae conditione se comparari patiuntur? dum priuilegia & iura Romanae Ecclesiae adeo strenue & pie defendunt, ut integram Græciam & Bohemiam, atque Galliam, & omnes Prouincias maluerint perire, imo proprijs fulminibus (cum Canonista loquor) parati sint perdere & excommunicare, quam uno momento pati dilataam aut subiectam aut mutatam uoluntatem suam (potestatem dixi)

Priuilegia & iura Romanae Ecclesiae &c.

Vide ergo, ne tu sis impiissimus in tam zelosos iuris diuini assertores, qui neque temporali uitæ, neque æternæ saluti totius orbis parcunt, ne deferatur aut detrahatur, uel una hora iuri diuino, cui tu uiginti annis con-

R R iij tedis oz

EPISTOLA D. MAR. LVTH.

cedis ocium fuisse dilationem, atq; id comparatione salutis unius uilissimæ latronis, cum Christi potuisses gloriæ dilatare comparare.

*Petrus à reliquis
Apostolis missus,
uelut inferior.*

Nihil ergo mirum, si Petrus & Paulus nostro seculo hæretici fiant, dum Petrus pessimo exemplo Monarchiam, iura & priuilegia Ecclesiæ suæ rotamq; molam superiorem, hodie sane ad conterendos populos negociosissimam, fecit ociosam & reliquit, Dum Act. 8. cum Iohanne se mitti, sicut inferior, passus est, Dum Act. 10. ad rationem reddendam, ut item inferior, cogi se passus est, Dum Act. 5. sententiam suam Iacobi auctoritate mutari & confirmari passus est, qui tamen sanguine proprio debuerat resistere, & cælum ac terram potius miscere, quam hoc pessimum exemplum & hæreticum factum, suis successoribus relinquere.

*Acto. 8.
Act. 10.
Acto. 15.*

Paulus missus &c.

Sed & Paulus mitti se à Macedonibus & Corinthiis patitur, pro ferenda collecta Sanctis in Ierusalem, hæreticus certe, & recte, quia ius diuinum oportet tueri per sanguinem, etiam cum totius mundi damno, sicut potius quam uelles occidere & mœchari, omnia tibi essent amittenda, Recte ipsi faciunt, Tu cum Petro pessime & hæretice facis, tu dando dilationem, ille faciendo contrarium iuri diuino, uerbo Dei & Euangelio, quod ne puncto quidem licet interrompere aut differre.

Si autem zelus tuus adeo ardet pro me & Bohemis erudiendis, debes non solum tua nobis dicere, sed nostra quoq; refutare. Adhibe ergo manum, doce nos sapientiam tuam.

Nicenum Conciliū.

Mea Propositio de primatu Papæ non est mea, sed Niceni Concilij, quod Romani Pontifices Euangelio comparant, Tibi ergo ista consequentia est prohibenda, Lutherus est hæreticus in huius sententia Propositionis. Ergo Nicenum Concilium est hæreticum, quam nisi prohibueris, ego te cum Eccio tuo hæreticos, Ariatorum patronos, Romanæ Ecclesiæ blasphematores pronuntiabo, atq; hæc non lubrico, ambiguo, simulato, sed aperto sermone.

Scis quam dissimulabat tuus Theologus fortissimus hæc audiens, quæ fugitabat, quam quæritabat, quam reptabat, & tamen hodie adhuc tacet, sed & tu fortissimus discipulus eius fortiter ad hæc taces, qui tamen Conciliorum interpretationem nobis ius diuinum fecisti, quasi hic non totius causæ summa pendeat. Alia uero satis multa copiose affertis, quo interim hæc præterfluant, quibus urgeri uos sentitis.

Ipse uix risum tenere potui, cum legerem magnificam tuam exclamationem, O miserum Lutherum, si execrandis & abominabilibus istorum piaculis confisus, ac non potius iugi Scripturarum meditatione fretus, cum fortissimo Theologorum Eccio pugnam ineat. Quos hic confutas & Bohemos? At quis tibi dixit illos in hoc orare, quod crederent me confisurum suis piaculis? Sed Stesichorus meus ita inter uituperia & laudes Lutheri fluctuat, ut ab ebrj sermonibus non multum abludat, Et quantum audio, uelis me fiducia meditata Scripturæ pugnare.

Quis unquam foeliciter pugnauit, mi Emsere, suis fretus aut doctrinis aut uiribus, nisi forte tu solus in hac Epistola? Ego scio illud: Dominus conterens bella. Et illud Iudi. 5. Dominus ipse dimicauit, & de cælo dimicatum est contra eos. Neq; cum fortissimis, neq; cum infimissimis unquam pugnare uolui, omne propositum fuit in angulo latere. Nunc autem unica scheda disputatoria, uelut lacinia apprehensus, & in publicum per uim tractus, Domini uoluntate ita factum credens, non timebo, mi Emsere, nec fortissimum nec uocalissimum Eccium tuum, sicut nec te impotentissimum, aut uilissimum indoctissimum contemnam, Tunc uero miser ero Lutherus, si tuo consilio meditatione Scripturarum fretus, pugnem, ac non potius fide operantis in me

Iudi. 5.

Schedula disputatoria.

in me solius Dei, etiam totaliter. Quamquam negare non queam, ac citra omnem superbiam possim Christo confiteri suum donum, me in sacris literis posse uel modicum, quas Eccium tuum fortissimum nondum confido posse feliciter ordine & sensu legitimo docere. Non enim in scholastica Theologia hæc docentur, dona tamen gratuita Dei sunt, propter quæ nemo magis gratus, sicut nec propter corporis formam.

Sum sane & ego inter scholasticos Doctores detritus, quare satis rectum est, eum fortissimum & animosissimum a te laudari, Sed crede mihi, minus esset tibi hoc nomine laudabilis, si in sacris literis uel exordia Theologiae, & ut uocant, principia intelligeret. Satis indicauit hoc Lipsica Disputatione, Indicant & libri eius de predestinatione & mystica Theologia, omnia fortissime & summa primo tentat, ita, ut casum grandem illi milere metuam.

Breuius, ipse tu nosti, dolia uacua esse sonantiora plenis. Nolo me laudari, nec fortissimum nec meditantem in sacris literis, sed & Eccio hanc tuam laudem inuideo, cum uterque nostrum debeat talis esse, ut melioribus quam istis nominibus laudetur, nempe Christi nomine, in quo fortissimus est infirmus, & infirmus est fortissimus, sicut dicit in Iohanne: Infirmus dicat, Fortis sum.

*In Christo infirmus
simus est fortissimus.*

Scribis etiam, in laudem, scilicet, me omnia sursum ac deorsum uersasse, totamque ingenij aciem huc admolitum, & contendisse, Romani Pontificis principatum a Deo non esse. Hic te dignis modis tractarem, nisi crederem te inuidia uexatum, non bene cernere quid dicas. Credo, inquam, te per non esse a Deo, intelligere, non esse iure diuino. Sic enim uerba iuris Canonista & Rhetor pulcherrima Christa & glosa explicas? Alioqui quid poteras in me blasphemius mentiri, quam quod Romani Pontificis principatum diceret Lutherus probari, non a Deo esse, id est, a Diabolo? Et sane tua cætera perpendens, cum uideam te pessima in me machinari, prope huc feror, ut te uoluisset hanc mihi labem inspurcare credam, quam enim imprudens sibi est inuidia, tam astuta est in aliorum mala? Veruntamen interim doctore Christo mitiore illud dictum uolo sensu accipere, donec te prodas latius.

Quis autem tibi meam suppellectilem uniuersam ostendit, mi Emser? quando meas apothecas omnes perlustrasti? Nihil reliquum mihi est, quod huc possim admoliri? Adeo tibi uisus sum Lipsiæ omnia effudisse, omnia uersasse, ut iuxta Salomonem, uir ille stultus fuerim, qui effundit spiritum suum totum. Sapiens autem seruat in posterum? An non Eccius tuus potius hoc fecit, totos quatuor dies, nubes Bullarum suarum in me urgens, cui ego uix uno die oppugnator fui. Quam anxie anhelas, Eccio tuo arcum triumphalem statuere, & non pensitas tecum, quam te, & ars & sumptus destituant. Quid si Lipsiæ uix dimidium effuderim? Nunquid ibi de auctoritate Conciliorum tractatum est? nunquid actum liber in hanc rem, sicut oportuit, examinatus est? Quid Eccius protulit noui, quod non passim in Summistis & Sententariis, etiam initiati Theologiae legunt? Hæc enim eius proculeata & exesa iam diu argumenta, mihi reddiderunt disputationem omnium, quas uiderim, molestissimam. Denique indignabar Carolo studio, tam diuites & uberes proferenti solutiones ad puluerulenta & triuialia illius argumenta. Breuiter nec affui ulli Disputationi, a qua libentius abierim, Qui anhelus spiritu adueneram, nouos cœlestis numinis succos gustare, & Eccium uobiscum miracula facturos uidere.

Eccius

Denique cur illud unicum meum de Niceno Concilio argumentum in hunc diem, nec ipse, nec uestri illum studiose iuuant, soluere possunt?

Nicenum Concilium.

R.R. *liij* Quoties

EPISTOLA D. MAR. LVTH.

Constantien. Con-
cilium.

Quoties ille garrijt de Græcis, hæreticis, & schismaticis, hoc inuictum ar-
gumentum elufurus, sed nunquam potuit: Stat enim stabitq; semper, Ni-
cenos Patres cum uniuerfali Ecclesia esse hæreticos; si Romani Pontificis
primatus fit iuris diuini; qui contrarium statuerunt articulo Constantien-
Concilij, in quo unicum erat illius robur, quod tamen quid ualuerit, & tunc
satis ostendi, & adhuc satis potero ostendere, nec enim Concilium Nice-
num in omnibus huc pertinentibus articulis est discussum. Hoc enim erat
mihi Tydeus aduersus multos fœneos & stipulaceos milites; cum uiderem
tanto omnium stupore montes parturientes, non nisi ridiculum murem ede-
re, displicuitq; mihi temporis perditio tanti. Vna enim hora potuisset hoc
negocij confici, nisi farragines & feces; Summistarum fere omnium reci-
tante Eccio, oportuisset audire, ne uideremur (quam speciem semper & a-
cutissime obseruabatis) nolle aut non posse disputare.

Sed ut saltem tu credas me adhuc posse aliquid, nec esse exhaustū,
Adjiciam & ego Coronidem tuæ non dissimilem, & forte uerisimilius
disputantem, de primatu isto magnifico. Aduerte itaq;.

Matthias.
Apostolus.

Quid si Matthias nouissimus Apostolorum fuerit, & sit primus Apo-
stolorum? Hoc enim tibi facile persuadebo; modo mihi permittas sacras
litteras more tuo & Eccij tractare. Nam iuxta Euangelium nouissimi sunt
primi, & primi nouissimi. Quare Petrus uester cum sit primus, erit nouis-
simus, & Matthias meus cum sit nouissimus, erit primus.

Matthias in locum
Iudæ ascitus.

Cui accedit & illud robusti firmamenti, quod in locum Iudæ traditoris
ascitus est, qui uelut Pater Discipulorum erat, & œconomus Christi, super
illos, sicut super familiam eius institutus, qui portabat ea quæ mittebantur.
Nec aliter bona Apostolorum, & patrimonía Christi habuit & dispensauit,
quam hodie Romanus Pontifex, Episcoporum, Sacerdotum, Monacho-
rum, imo & regum & principum; dispensat, ita; ut uideatur uere secunda-
rius summus Ecclesiæ Pontifex fuisse, & antecessor Romani Pontificis,
cum cuius officio plus conuenit, quam ullus aliorum Apostolorum. Ergo
Matthias est uere Papa & Vicarius Christi, cum iuxta Aristotelem, idem
natum facere sit idem, & ex effectû causa cognoscatur.

Iudas dux Christi.

Sed & hoc urget, quod In Psal. 55. Christus eum Ducem appellat, di-
cens: Tu uero homo unanímis, Dux meus & notus meus, quod de nullo
Apostolorum dicit. His addé, quod de nullo Apostolorum scribitur Episco-
patus dignitas, quam de Iudá & Matthia, dicente Petro Act. 1. Et Episco-
patus eius accipiet alter; Sed & illud Iohan. 6. Vnus ex uobis diabolus
est, Vnus Ebræa lingua significat primus, Gen. 1. Factum est mane & nes-
pere dies unus. Et Matth. 28. Vna sabbatorum, id est, prima. Si ergo so-
lus iste Episcopus, dux, primus, œconomus, quid restat, nisi esse Vica-
rium Christi?

Psal. 55.

Act. 1.

Iohan. 6.

Gen. 1.

Matt. 28.

Lucifer.
Adam.
Cain.
Ismael.
Esau.

Addemus rationem, Fere semper hi, qui ceciderunt, erant primo lo-
co positi, ut Lucifer, Adam, Cain, Ismael, Esau; Ruben, Onan; Saul,
Amnon, & multi eiusmodi. Quod factum est, ut superbos terreret Deus,
& humiles exaltaret. Quare & Iudas a primo loco cecidisse uidetur. Vnde
Apostoli de nullo minus suspicabantur, quod esset Christum traditurus;
quia erat unus; id est, singularis & principalis de duodecim.

Vides, mi Emsere, suppellectilem meam nondum totam tibi uisam;
& hæc non minorem habere speciem, quam uestra optima. Quid putas fa-
terem, si sicut uos per petram primatum, per pascere Monarchiam, & similia
quæ uul-

AD HIERON. EMSER. CCCLXXVII

quæ uultis intelligitis, eodem ore Scripturas uellem deprauare? Quid si uos tam uerisimilia habuissetis?

Sed hucusq; cum inuidia & aduersarij communis machina egeris. **S**mus, Nunc rogo, me patienter audias pro communi nostra professione. De Romanis & Bohemis fabulam agimus, Obsecro, posito utriusq; partis studio agamus. Volo & ego Romanum Pontificem esse primum omnium, & quem reuereantur omnes, nolo Bohemorum schisma. Verum *Romanus Pontifex non est iure diuino alijs superior.* esse Romanum Pontificem iure diuino superiorem, nulla ratione credam, nec unquam confitebor. Vis scire qua causa? Audi. A multis iam annis id quaesitum est per Romanos Pontifices & adultores eorum, ut essent iure diuino supra Concilium, & super omnes in tota Ecclesia, super ipsam quoq; uniuersalem Ecclesiam. Quid, putas, hac industria quærebant? Nempe, cum eum, qui sit iure diuino superior, non liceat iudicare, reformare, emendare (ut sentiunt) iam quodlibet audendi in omnibus regnaret potestas, sicut est dies hæc, staretq; in Ecclesia Dei, horrendum illud, ut Oseas dicit, & abominatio illa in loco sancto, scilicet impunita nequitia & peccandi segura licentia. Qua quid fieret, nisi Ecclesiæ uastitas & desolatio? Hac enim potestate, quæ ad ædificationem solum data est, molirentur aliud nihil quam destructionem.

Cum uero nos omnes Christo, id est, ueritati & iusticiæ plus debeamus quam ulli hominum, certum est erranti & impio Pontifici præferendam ueritatem & iusticiam. Atq; ita penes quem fuerit hæc ueritas & iusticia, Christus hic superior est Pontifice, debetq; Pontifici tum resistere, tum eum monere & emendare, Alioqui reus erit peccati in Christum, cui prætulit hominem, ueritatq; iniquitatem. Hæc uides, quid faciant? primum impiissimorum adulatorum damnant sententiam, qui peccanti Pontifici lallant, non licere dicere: Cur ita facis? sed sola oratione ad Deum pro eo gemendum. Quid hi moluntur, nisi ut uerbum Dei taceamus & facie iniquitatis, & hominem præferamus Christi præcepto?

Deinde ruit eorum impia doctrina, Non licere eum, qui superior est, iudicare, sicut quædam Decreta Pontificum nugantur. Obsecro, cur non licet iudicare, an quia superior est? At uerbum Dei super omnes est, quod si habet inferior & non superior, cedere debet superior inferiori, sicut dicit *1. Cor. 14. Psal. 13.* Quod si reuelatum fuerit sedenti, prior taceat, Ne illud audiat: Consilium inopis confudistis, quia Dominus spes eius est. Nonne Prophetæ erant inferiores Regibus & Sacerdotibus, attamen eos iudicabant, reprehendebant, emendabant? Vt etiam de Ieremia scriptum sit, quod sit constitutus super gentes & regna, ut euellat & plantet, destruat & ædificet. *Propheta reges & sacerdotes iudicauerunt &c.*

Adde, quod potestas in Ecclesia nulla est, nisi pro coercendo peccato, quod liget & soluat, Quare ubicunq; peccatum est, ibi potestati eiusmodi locus est, iuxta Matth. 18. Si peccauerit in te frater tuus, Nec hic ullus Pontificum potest collum excutere, quia si in uno alicuius peccato non ligat aut soluit potestas, in nullo alio ualebit, & euacuata est penitus, cum nulla sit ratio diuersitatis.

Atq; hic audacter loquar, & quod tu cum adulatoribus Romani Pontificis uehementer sis admiraturus, ac forte hæresim definiturus, dico, Pontifices primo teneri sub Peccato mortali & reatu æternæ damnationis, ut resistent silentibus his monstris Romanæ Curiae, quibus passim uenduntur omnia Christi, exuguntur populi, uorantur Episcopatus pallijs, sacerdotia annatis, Nec eos ullo pacto excusat superioritas Papæ, quia *Pestilentia monstrorum Romanæ Curiae.* plus dea

EPISTOLA D. MAR. LVTH.

plus debent supremo omnium Christo; id est, ueritati, quam ubi uident per Papam pessundari, & non succurunt; rei sunt omnium malorum, quæ Papa uel uolendo uel dissimulando facit.

Idem pertinet ad nos omnes; Nam æquo debito sumus Christi gloriæ obstricti, Nisi quod illud Pauli obseruandum est Primo, Seniores ne increpaueris, sed obsecra, ut Patrem, uerum ubi obsecranti non cesserit, quid aliud putas faciendum suadebit, nisi, hæreticum hominem deuita: Non potestas Papæ aut alicuius Episcopi in Ecclesia dominatur; sed uerbum Dei, quod nulli est alligatum, omnium liberrimum; Rex regum & Dominus dominantium, Potestas Papæ seruitus est, non dominium.

Potestas Papæ non dominium sed seruitus.

Hinc multis nominibus commendanda est Vniuersitas Christianissima Parisiensis, quæ plus principis omnium ueritatis & dominantis in Ecclesia uerbi, quam seruientis potestatis per uerbum constitutæ, cura sollicita; Leoni X. uel potius sub nomine Leonis X. adulatoribus furentibus, Appellatione interposita, resistit coram omnibus, sicut Paulus Petro, sitatis Parisiensis. Gala. 2.

Appellatio Vniuersitatis Parisiensis.

Atque utinam exemplo isto Christianissimo ita facerent singuli Episcopi, singuli Abbates, Pastores, Principes, Magistratus, denique singuli Christiani, quoties ex Vrbe sub nomine Papæ uiderent monstra aduersus Euangelium Christi prodire. Euangelio enim in primis ab omnibus astandum est; nulli cedendum; nulli conuiuendum; nulli fauendum, qui contra Euangelium Christi quidquam molitur; nec Patri nec matri, sicut dicit Christus: Qui amat patrem plus quam me, non est me dignus.

Appellatio Vniuersitatis Parisiensis.

Quando enim Papa patitur, ut contra se agatur pro Episcopo? Nonne tanquam superior præferri uult Episcopo in omnibus? cur ergo non & Euangelium præferri sibi patiatur, & secundum id iudicari apud quemcumque tandem fuerit inuentum? An Etuangelium cedere uolet, ut sibi obtineretur? Absit; nisi uelit non inter Christianos pastores, sed inter paganos Tyrannos haberi, Tunc enim illud dicetur Apostoli: Quid mihi de ijs qui foris sunt iudicare? Nonne & uos de ijs quæ intus sunt iudicatis?

Gregorius.

Stat ergo Christianæ uitæ Regula iuxta S. Petrum, ut omnes inuicem insinuemus humilitatem. Omnes dicens, neminem excipit, nec humilem esse sufficit, sed insinuari & ostendi debet in opere & ueritate. Sed & B. Gregorius preclarissime dicit in decretis, Omnes nos esse æquales; sola culpa facit inferiores; Sicut & Psal. 122. dicitur: Illic sederunt sedes in iudicio. Quare ubi culpa est; ibi iam iudicij locus est; & inferior est, qui eam habet omnibus, qui non habent. Nonne & hoc aliquando Romani Pontifices exhibuerunt, qui accusati; expurgati; damnati sunt aliorum iudicio.

Christus solus Dominus & sponsus Ecclesie &c.

Quis est ergo nouus iste furor, hoc iure diuino statuere, ut peccatum in Ecclesia impunitum regnet titulo maioritatis? An ius diuinum faciunt patrociniū impietatis? Denique Pontifex non est dominus Ecclesiæ; sed seruus & oecotomus; ipsa Domina & Regina; solus Christus dominus; nec est sponsus sicut quidam garrunt, Christus sponsus est. Ideo Ecclesia, quæ est unum corpus cum sponso suo, Domina est omnium aliorum membrorum, nec ulli membro subiecta; nisi uni suo Sponso, cætera omnia sibi subiecta sunt tanquam Reginae sponsæ.

Da ergo Romanis Pontificibus quodlibet seruilis potestatis, modo ne mihi iure diuino talem statuas, qui nulli sit subiectus siue bonus siue malus; Hoc enim illi quærunt impij iuris diuini uirilgatores. Crede mihi fortiter

fortiter, nisi hanc potestatem iure diuino se statuere posse uiderint, sed cuilibet Christiano, ubicumque contra Euangelium egerint, subiectos se audierint futurum est, ut nec iure diuino nec humano uelint Monarchæ Ecclesiastici esse? Quis enim in tanto loco, tot Dominis uelit subiectus esse? nec dubitates, plures tunc reperiri, qui impugnent, Monarchiam nequaquam esse iuris diuini, quæ nunc sint, qui propugnent, tum mea sententia satis secunda erit.

AT dices hac ratione: Nullus Episcopus erit iure diuino superior & nulla erit in Ecclesia potestas aut maioritas. Dico certe, nulla est maioritas, quia hanc Christus prohibuit dicens: Qui uult esse maior, sit uester seruus. Potestas autem seruitus & ministerium est, ideo longe aliud est potestas Ecclesiæ, quam potestas mundi, illa seruiendi, hæc dominandi potestas est. Sic Apostolus, Qui Episcopatum desiderat, bonum opus desiderat. Bonum opus, inquit, At operari seruorum est & operariorum, Nunc dicunt bonum opus, id est, bonum ocium. Mihi uero hoc tempore satis est ostendisse ius diuinum, non hoc tribuere Ro: Pontifici, quod illi ius diuinum intelligunt, id est, nulli subiectum, ne ueritatem quidem habenti, & esse impunitæ licentiæ, uoluntariæque libidini peccandi præ omnibus Christianis traditum, quem oportet præ omnibus esse ligatum, subiectum & seruum.

*Potestas Ecclesiæ
alia quam mundi
potestas.*

Quod si dices, Et si hominem liceat emendare, tamen locus ipse est iure diuino superior. Hic in meum campum uenio, ut ostendam talem esse locum superiorem, quem nullus unquam uellet obtinere, longeque aliud esse, locum esse superiorem, & iure diuino superiorem esse. Sed hæc suo tempore.

IN fine, mi Emsere, uidemus huius infelicitis Disputationis eum esse finem, qui tali dignus Disputatione, nempe quem Apostolus 1. Timo. 6. descripsit dicens: Si quis aliter docet, non acquiescens sanis sermonibus Domini nostri Ihesu Christi, & ei quæ secundum pietatem est doctrinæ, superbus est, nihil sciens, sed languens circa quæstiones & pugnas uerborum, ex quibus oriuntur inuidiæ, contentiones, blasphemiæ, suspensiones malæ, conflictationes hominum, mente corruptorū, & qui ueritate priuati sunt, existimantium quæstum esse pietatem.

Vides, inquam, ita nostram hanc Disputationem esse depictam, ut nec Apelles possit ita depingere, Vnum nos peccauimus, quod nesciebamus nos esse in medio luporum, & uerum fecimus Euangelium Christi? Nolite sanctum dare canibus, neque mittatis margaritas uestras ante porcos, ne conculcent eas pedibus suis, & canes conuersi dirumpant uos. Hoc nobis apud uos contigit, Quando ergo hunc finem uidemus, quid necesse est malum malo addere? Oremus potius Dominum communiter, ut quod in contemptum & præiudicium ueritatis cessit nostris meritis, rursum ipsius misericordia uertatur in perditionem inuidiæ & uanæ gloriæ, quæ tam impudenter ibi quæsitæ est, ut mihi timor sit magnæ alicuius futuræ iræ Dei.

Deinceps cum his disputabo, qui ueritatem plus quam gloriam amant, Aut si omnino mittendus sum in medium luporum, Dabit Dominus benignitatem, ut simplicitatem columbæ, & prudentiam serpentum conseruem, hoc est, ne lædam nec lædar, Sapiens in bono, & simplex in malo. Qualem nisi nunc me uoluisset præstare, putas, quantis te potuisset onerare nominibus te dignis?

*Simplicitas columbæ.
Prudentia serpentum.*

Vix credas, quot sales, quot Ironias, quot scommata in te mihi meus Adam

· EPISTOLA D· M· L· SVPER

Adam suggerebat, quæ rursus Christus meus opprimebat, quod non desperarem te positurum inuidiam tuam, & deinceps (si quid restat) agnum potius quam capricornum scripturum, uel id saltem moliturum, in quo liceat ingenij & eruditionis specimen uideri, atq; si non pio, tamen studioso Lectori prodesse.

Ioannes Reuchlin.

Quam diu, rogo, mihi tempus & opera perdenda sunt, in Indulgentijs & potestate Romani Pontificis, rebus ad fidem Dei, ac salutem nostram per disdiapason impertinentibus? scilicet adeo infœlici seculo uiuimus. Perdidit eadem infœlicitate Iohannes Reuchlin, iam multos annos propter causam, quanto magis intueor æque, aut etiam magis frivolum, ut mihi in mea causa sit, hoc exempli magno horrore, tanta maris peccatorum, tot detractiones, tot studia æmulationis, ut sumptus & labores omittam, proruissse, ex ista lana caprina, quæ siue uicta siue uictrix, prorsus nihil Ecclesiæ & salutis animarum conferre possit.

Ecce, quantillus ignis, quantam syluam succendit, ait Iacobus, Veruntamen, ue inquietis huiusmodi malorum Satanis sine causa insanientibus in fraternam salutem. Timeamus, quæso & nos similem, aut etiam maiorem tragœdiæ huius calamitatem. Silere cum pacificis sapius optaui, uerum contra clamoros & furiosos satis adhuc mihi uiuax est fiducia lagitare Christo. Amare uolo omnes, formidare neminem.

VALE.

Anno M. D. XIX.

AD IOHANNEM
ECCIVM MARTINI LV-
theri Epistola, Super expurgatione
Ecciana.

I H E S V S.

MARTINVS LUTHERVS
IOHANNI ECCIO S.

Supra fol. 294.



IX credas, quanto leuaris onere cor meum, mi Eccici, quanq; perplexa me solueris cura, hac tua expurgatione, Ita, ut si unquam mihi profueris, nunc maxime profueris. Neq; mihi uideor scripsisse aliquid, quod magis cesserit ex sententia, quam Epistola de Lipsica Disputatione, quam tu magnis criminationum cataractis ac perpetuo uelut maledictorum diluuio persequeris, cum illa interim sicut Arca Noe mihi super omnia natare uideatur, Fecit illa quod uolui, inuenit quod quæsiui, fecisti & tu, quod speraui.

Miraris

EXPURGATIONE ECCIANA CCCLXXIX

Miraris unde hoc luxurians tripudium? Audi, Hucusq; misera & inquieta uexatus sum conscientia, præcepto Dei confixa, quo non licebat libere de te sentire, & dicere, quæ tot argumentis mihi mouebantur, tot uirorum integerrimorum testimonio firmabantur, tam ualide mihi obstabat, præsertim in publico, species illa tua & simulatio speciosissima, qua amicum Lutheri, ueritatis syneerum & apertum amatorem, te passim uenditabas.

At bene habet, Expurgatio tua, uelut medium Comicum, has omnes turbas dispulit ac sedauit, qua omnibus qualis fueris & sis, palam ostendis. Ea sane paucula, quæ ceu perizomata contextis, quibus modestiam charitatemq; etiam cum iuramento tibi affingis, talia sunt, ut criminationum tumultibus & tempestatibus collata, quendam ridiculum Struthionem referant. Huius enim animantis eam ferunt esse stulticiam, ut se totam credat rectam esse, si una fronde collum texerit. Ita & tu totus criminatio & impatientia, uno & altero uerbo te, rotundæ modestiæ & charitatis exemplar proponis, Verum hæc eant, quo eunt.

Ad id, quod magis detestor, ueniemus, id est, ad simulationem tuam, ne uidear te penitus contempsisse, atq; dilatis cæteris, quæ in Epistola mea dilaceras, pro tempore solam eam partem accipio, in qua & tu maxime es negociosus, & res totius pene summa pendet. Nempe quod Propositiones Carolostadij, præsertim duas priores, prima Disputatione tractatas, dixi a te concessas, & inde quæ sequuntur, ad illas intuli. Interim tu fortiter para, quibus articulos Iohannis Hufs a me assertos, & Concilium Nicenum pro me fecisse coarguas. Sed heus memor esto, non in theatro Lipsensi te fore, & ad laudem Lipsensium uel tuam nihil sequi in bona consequentia & extra Lipsiam, Scito quoq; Lutherum iam non captiuum tuum, nec in terra inimicorum, in sua harena consistere, Et quod spero te facere, ante omnia Christum roga, quo solus ipse, qui ueritas est, nobis certantibus uincat, gloriamq; nostram perdat, Amen.

Attende itaq; quid quæram.

HAs Propositiones Carolostadij duas, nonne obtulit defendendas? Liberum arbitrium ante gratiam non ualet nisi ad peccandū. Liberum arbitrium sine gratia tanto citius propinquat iniquitati, quanto fortius intendit actioni.

Verum ne hic dico? Quid autem amicus ueritatis zelosissimus & apertus impugnare ueneras nisi errores? sic de te ipso iactas. Falsas ergo has Propositiones tenebas & teneri uolebas. Si enim ueras putabas, cur impugnabas ueritatis defensor?

At in media Disputatione, ueras esse concessisti, libere pronuncians Liberum arbitrium sine gratia non posse, nisi malum facere, Addebas, Nec scholasticos Doctores unquam aliud docuisse, ob idq; negabas te Scotum, Capreolum tueri. Hæc dico, non timens tuos Lipsenses, quos toties mihi frustra intentas, Testis est horum omnium totum auditorium. Ego sane hæc audiens, gaudebam, tam cito te rediisse in uiam, atq; iam totius Disputationis finem esse ducebam, quando ex hac rei summa fere omnia pendebant.

Hæc itaq; rei summa est, quam nunc agimus, quare & Epistolæ meæ rationem audi. Ego eum disputatorem uinci iudico, qui id asserat quod prius impugnauerit. Ita pronunciaui & pronuncio, Eccum uictum, Carolostadium uictorem, Et hoc ad nobilissimum uirum Pyrcheymerum

• EPISTOLA D. M. L. SVPER

Nurnbergensem scripsi, staturam uictoriam Carolostadio, Et illud scheda publica, Carolostadium non fugitiuum militem (sic eum tu traduxeras) uenturum, uictorem Ecciani erroris iamdudum. Omnia hæc uera sunt, hodie quoq; , etiam si Iudices aliud iudicarent, quod non spero.

Hinc intuli omnia, quæ ad ueritatem hanc sequuntur, licet tibi indignissima uisa (quod miror) Nempe quod tres sectas scholasticorum Doctorum nobiliores negaris, qui liberum arbitrium ante gratiam nullum actum meritorium, tamen actum, qui non sit peccatum, & qui gratiam de congruo emereatur, tribuunt.

Item, articulum Iohannis Hufs (cuius multo plures nunc teneo, quam Lipsiæ tenebam, ut suo die ostendam) Christianissimum esse, & tuum, in quo censentur actus humani diuisione immediata, aut boni aut mali. Hic enim euidenter sequitur, Si ante gratiam non nisi peccat liberum arbitriū, tunc & sectas Doctorum scholasticorum errare sequitur, in suo congruo actu, stat enim uerbum illud, Non nisi ad peccandum ualet liberum arbitrium sine gratia.

Eccius Pelagianus reuersus Ingolstadtum. Intuli quoq; uerissime, te Pelagianum hæreticum fuisse reuersurum Ingolstadtum, nisi confessus fuisses hanc sententiam, quod uerissime sit Pelagianum, actum sine peccato liberum arbitrium dare ante gratiam, ut faciunt Scholastici, Non quod ideo Pelagiani sint, sicut Dialectica tua solita ducis consequentias, quia non pertinaciter errauerunt, sicut tu fueras erraturus, si erroris defensor permansisses. Ideo calendarium illud Doctorum seu catalogus, tuæ est acutissimæ Dialecticæ testimonium fidele, quæ semper latius clamat quam uideat.

Meritū cōgrui etc.

Insuper duxi cecidisse Theologistriam carnificem de merito congrui, de facere quod est in se, & cætera illic tensita, Quia ante gratiam non nisi peccatum esse, datum erat, peccatum autem ad gratiam congruum nunquam esse queat. Belial enim Christo non congruit, nec tenebræ luci, Quin potius peccatum gratiæ aduersatur. Omnia, inquam, hæc uera sunt, si Carolostadius uerus est, ut Eccius dedit. Quod si tu, mi Eccie, aliam habes Grammaticam, sicut uere aliam semper habes Dialecticam, ut uictus, uictor, ueritas, error, Breuiter, res & uocabula tibi ad placitum nouo Mercurio seruiant, debes nobis esse propicius, nec ægreferre, si nostra utamur, quando permittimus te uti tua. Ita hucusq; sapui & sapio.

Sed scio quid hic cogites. At noli interim, mi Eccie, rumpi, mox adero cogitationibus tuis, Hoc primum præfatus, quod cætera de actiuitate liberum arbitrium & alia quædam, in quibus tantum perdidistis tempus, leuiora fuerunt, quam ut Disputationem theologicam, præsertim talem ac tantam mererentur. Sufficit de summa inter nos conuenisse, Liberum arbitrium bonum Deo & gratiæ soli deberi, sine qua non possit nisi peccare.

Quando autem tu negas illa, quæ intuli, & mendacia asseris, duo cogito, Aut te subdole omnia Lipsiæ egisse, & odiosissimum simulatorem fuisse in ueritatis perniciem, Aut te esse quouis trunco stupidiorum, Atq; hic forte erit dignus uindice nodus. Stupidum te nolo dicere, qui tantum mihi satis crederis habere acuminis, ut peccatum cum gratia immediate pugnare intelligas, sicut lucem & tenebras.

Peccatum, malum, iniquitas, quid Ecce significent.

Reliquum est, te per peccatum, malum, iniquitatem, subdole intellexisse, neq; peccatum, neq; malum, neq; iniquitatem, quod uerba sonant, sed quod tu finxisti, id est, non meritorium, nouum scilicet uocabulum, atq; Augustinum & Ambrosium Carolostadij sic accepisse, Liberum arbitrium ante gratiam non ualet, nisi ad peccandum, id est, ad non merendum.

Et libe.

EXPURGATIONE ECCIANA CCLXXX

Et liberum arbitriū tanto citius propinquat iniquitati, id est, nō meritorio, quanto fortius intenderit actioni. Nisi, inquam, ita accipias peccatum, malum, iniquitatem, non effugies ea, quę in Epistola mea scripsi. Inueni cogitationes tuas Eccie? Quid nī inuenirem, cum in hac expurgatione tuipse uocabula ista sic interpreteris, per quę Lipsiæ, ubi sincerus & apertus ueritatem querebas, longe aliud occulte intelligi uolebas & sinebas.

Audi igitur, amicissime ueritatis tutor, Vbi unquam legisti, peccatum, malum, iniquitatem, pro non meritorio accipi, nisi in tuis pelagianis erroribus, Scripturæq; deprauationibus? Qua Scriptura, qua ratione niteris? quibus uiribus defendes, ne hæreticus hoc significationis iure fretus, neget peccatum in Scripturis contineri, sed omnia esse non meritoria contendat? Siccine illudis uerba Patrum, quę etiam Scripturæ soles præferre? Ista est medulla, quam me in dictis Patrum iactas non uidere? Sic didicisti pro ueritate disputare, ut aliud coram hominibus loquaris & aliud penes te intelligas? Vere apertus & sincerus Eccius, qualem omnes norunt, quam non quærat gloriam, quam quærat ueritatem pure.

O maledicta dies, in qua natus sum (ut cum Ieremia dicam) uidere in *impudentes simulationes in eccianis*
Ierem. 20. Theologis tam impudentes simulationes, Nihil mirum proinde, si tam anxie uis laudari apertus & sincerus. Qui enim isto modo apertus es, quem reliquum facis, qui magis indigeat laude hac? Obsecro, laudent Lipsenses apertum Eccium, laudent omnes quos iactas, etiam uocibus stentoreis, nec sic satis te laudabunt, tanta est necessitas. *Theologis.*

Quin & ego cum Vuittembergensibus laudamus & dicimus: Omnia uera scribis & dicis, Lutheri Epistola falsissima est, iniuriam tibi fecit, ipse deniq; eam reuocat. Quid uis amplius? iam uerissimum est, stare meritum congrui Iohannis Huls articulum non esse & tuum, sectas Scholasticorum Doctorum a te non negari, seruilem timorem (id est, peccatum & iniquitatem) esse initium poenitentię, quam alioqui in gratia fieri oportet, quia peccando (id est, non merendo) & iniquitate (id est, non grato opere) incipimus mereri ac gratum facere. Vicisti, triumphasti, Sit gloria gloriarum Eccio, qui obtinuit liberum arbitrium, ante gratiam non dari meritū a Doctorib. scholasticis, Obtinuit autē facillime, quia nemo unq; negauit.

Et credebas, crediue uolebas, uir sincere, Lutherum esse tam crassum ut hoc monstrū scholasticis Doctoribus unq; impeggerit, aut super hoc disputauerit, ut te in hoc necesse fuerit tanto tumultu certare in tam insigni loco? Cur non simili tornatis uerbis arte ex Ingolstadio scribis, per purgatorium te intellexisse fidem sanctę Trinitatis, ut celebrare possimus, obtinuisse te, Deum esse trinum & unum, quod nemo unq; negauit, sicut nec purgatorium, pro quo tamen quam laboriose disputasti? Ego uero te laudo prudentissimum disputatorem, qui tutissimam tibi disputandi rationem inueneris, & in Christo quærendo Elenchistam Aristotelem, sincerus sincerum imitaris, apertusq; apertum, ut alienatis a propria significatione uerbis (quę est summa illius & una uirtus) contra Chimeras pugnes, quę referre nequeant, interim aperte consentiens illorum uerbis, cum quibus disputas. Quid refert domi sedeas, triumphis & coronis te obruas, de laruis a te fictis & uictis.

HOc potius disputabatur, An liberum arbitrium ante gratiam non solum non mereretur, sed etiam peccaret & iniquitati propinquaret, dum actioni intendit, ut sunt clara uerba Carolostadij. Quę si noluisse impugnare, cur obtulisti? cur si falsa erant, concessisti? cur non saltem coram mutuisti, præsentē puerili illo Carolostadio, tuum non meritorij uocabulum, quem absentē ex Ingolstadio heroicis & apertus uir adeo con-

SS ij templific

EPISTOLA D. MART. LVTH. SVPER

tempfisti? Nunc demum nata est glosa tua, qua elaberis, quam Lipsiæ ne caperis, sincerus & apertus homo toties petitus cælabas?

Eccii simulatio.

Vror ego utrinq; nimis, & miserens tui & indignans tuæ maledictæ simulationi, Desine tu ueritatem Theologiæ querere, abolita est fides tui, Ad sycphantam tuum Aristotelem, impiissimum inter Philosophos simulatorem redi, qui nunc id uoluit dicere uideri, quæ dixisset: Magister hic tuus est dignissimus. O me miserum, quod unquam mihi contigit tecum esse quippiam negocij. Spiritus disciplinæ effugit fictionem, ut Sap. 1. scribitur & in simplicitate, inquit, cordis quærite illum.

Quid tu miraris, Epistolas, rumores & omnia monstra secuta ad hanc infœlicem disputationem, quæ mihi affingis? Mirum, si quidq; boni sequeretur ad hanc illusionem Spiritus sancti, irrisiõnem ueritatis, contemptum Christi. Vnum te oro ne deinceps (si fieri potest) cum Luthero quidquam rei habeas, pœnitet me libellorum contra te editorum plus quam credas, Ego tanto grauius illusus illisusq; sum, quanto constantius te uirum sincerum existimaui.

*Iudices Scholastic
Notarii.*

HOc scilicet est, quod rupto fœdere liberæ Disputationis, nolebas disputari, nisi datis Iudicibus, ijsq; non alijs, nisi tuæ farinæ Scholasticis, quorum causam agebas, sed occulte & adulteratis uerbis, ne te & illos (si apertus fuisses) traduces infœlicissime. Hoc est, quod dicta per Notarios excipi recusabas, aut sic excipi, ut exemplaria, neq; repeterentur nec ederentur, sed supprimerentur, donec iudicium tuæ factionis iactares, causans orbis iudicium non placere, quod mundus in maligno positus sit, Quasi te & Theologos tuos, cœlum esse, & præ cæteris hominum, in benigno positos credi oporteat, Sic enira medullas tu Scripturæ peruides sine simulatione. Hoc est quod Caroloistadio nec libros, nec schedas permittere uolebas, qui si non simulasses ueritatis inquisitionem, cogere eum debueras & orare, ut per alium legeret, si non per se posset, imo ut muta signa digitis daret. Quid non facit, quid non patitur, qui ueritatem sincere quærit? nunc Magister, nunc discipulus, nunc socius, nunc omnibus omnia fit, quo ueritas prodeat, Talem se Caroloistadius, talem Lutherus se tibi obtulerunt.

Tu uero tibi pene uni ueritatis amorem arrogans, aliud non iactas, q̃ si sic actum esset, non fuisse disputationem, sed nescio quid puerile, te non Therfitas, nec uiles homines quæsisse, cum quibus certares?

Hæc turgentissima uanissimæ gloriæ uerba, tu homo Theologus sine fronte in media contemptæ gloriæ & amatæ a te ueritatis laude rotare audes, quæ si alius de te diceret, eum debuisses existimare, qui te uelut pessimus simulator furiosum conaretur traducere, dignum in quem uel expurgationem, aut si quid peius possis, scriberes. Nunc tibi places, proprio rostro crepitante hanc laudem insignem.

Credis ne miser & tu, esse adhuc homines in mundo, præter tuos Lipsenses, mutuos mulos (nec enim omnes te scabunt) qui sciant, quid sit sincerus & apertus ueritatis inquisitor, coram quibus hæc tuæ sinceritatis iactantia omni sit Mephiti graueolentior? Hoc est, quod repente causam alio rapuisti, de libero arbitrio ad actiuitatem liberi arbitrij, hui quam necessariam, ad perdendum tempus quæstionem.

*Hypocrisis Eccie
414.*

NVnc demum intelligo, quid sit, quod scribendi negocium semper exhorrueris, honestissimam hypocrisin commentus, Te non amare aculeatum scriptiõnis genus, semper autem prouocaris ad Disputationem Sed eam quam exceptam non liceat sub orbis iudicium edere, nisi iudicibus

EXPURGATIONE ECCIANA CCCLXXXI

dicibus tibi placitis, & ui extortis iudicatam, paratus scilicet hac disputandi ratione, Galliam, Italiam, Germaniam, forte & Democriti mundos, si hunc quis requireret, offerre. Scilicet, quod sic disputando noris, nec deliberationi, nec diligentiae locum esse, quas tu in quaerenda ueritate, sincerissimus uir semper suspectas, imo noxias ducis. Et facilimum esse, uisitatibus uocabulis alienam effingere significationem, quam ubi praecedentia & sequentia non liceat conferre, tum causa subito ad alias res rapta, difficilimum sit obseruare, praesertim ubi id agitur, specie adhibita, ne obseruare quis debeat ac possit, falsis interim tum auditoribus, tum iudicibus, sinceritatis iactantia, quod ueritatis periculum & impiissimae simulationis scandalum in scribendo parum foeliciter sit processurum.

Vna igitur tibi ratio est quaerendae ueritatis, praecipitae disputationis confusio. Quis unquam & hoc intellexisset, esse ueritatem amare & quaerere, nisi tu nouus uerborum Grammaticus cum tua factione ita doceres? Adeo totus es fictio & simulatio. Denique in tota ista expurgatione fere nihil non simulas, excepta furiosa criminatione, licet & huic periculum simulatae modestiae adhibeas.

Dixerunt mihi ante Disputationem insigni auctoritate uiri: Caue Luthe re, experto crede, Homo iste nihil nisi fictio est & simulatio, Non credidi eis, nec omnib. sensibus meis, licet Erasmi Epistola & Vdalrici Zasij Apologia quoque talem te mihi formarent, tam constanter de te cogitauit optime, nunc aliter cogitaturus, nisi hoc sterquilinio, te publice orbi traduxisses odiosissimum simulatorem.

HVC pertinet, quod in foeda & obscena Epistola praeter ceteris scribis ad clarissimos tuos Ingolstadienses, & si (pro sinceritate aper tissima) fortiter simulas te non iactasse uictorias, te Carolostadium traxisse ad aetiuitatem liberi arbitrii, simul dolens, quod permiseras ei uesperae responsionem illam parare egregiam, qua te omnium iudicio redegit ad nihilum, sicut ipse confiteris. In uno, inquis, peccaui, posui Replicas de nocte, & dedi ei deliberationem. Sensisti scilicet uulnus ad mortem, Quid putas factum fuisset, si omnia, sicut decebat, eadem deliberatione gesta fuissent? sicut laudatissimus princeps, Dux Georgius ordinarat, qui non nisi ueritatem quaeri uoluit, & omnia, quae ad hoc quam optime ualeant, quem tu, bone Deus, quam sincere in tuam partem laudas, uidelicet, quod optime optimi Principis uoluntatis tales fuistis executores.

Quid tu faceres pro ueritate sincerum, qui non solum machinatus es cum tuis, ne deliberate & diligenter proposita ueritas quaereretur, sed gloriaris etiam in hac malicia, potens in iniquitate, id unice querulans, non nihil periclitatam hanc tuam machinam? Nam & publica id indicasti querela, dum pene plorares, illum habuisse exemplar Notarii, cum tu interim laudabaris Lipsensibus tuis, quod nihil moratus exemplaria, etiam bene potus posses nihilominus uictoriosissime clamare (disputare uolui dicere) Et quomodo non posses qui fingere quoduis tibi praesumpsisses? & adhuc apertum & sincerum nobis Eccium omnibus notum obtrudis.

PRaetereo cetera eius Epistolae cum reliquis monstra, qui si (tuomore) uindictae furore furerem, breui compendio te toti orbi traderem, qualis qualis es, Edita in uulgus est & altera Epistola, sed theologico nomini parco, Tui enim me in ueritate miseret. Nam quod per totam

EPIS SVPER EXPVRG ECCI

Ecciana simulatio.

expurgationem, non nisi criminationibus mei scates, cum id facias, misera simulationis conscientia, sperans hac uia, te os obliturum, & manum additurum toti mundo. Scito hoc, criminationibus mei, & tui Lipsiensiumq; laude, prorsus nihil moueor, simulationibus autem tuis pene occidior. Quod monstrum & Christus omnium iniquissime tulit, peccatores alioqui & publicanos apertos suauissime amplexus. Et quid odisset ueritas dulcissima, magis quam ueritatis hostes, titulo ueritatis se uenditantes?

Disputatio Lipsica.

Porro, iudices quare iactas? an quod eorum sententiam illuseris, ut inueniatur iniquitas tua ad odium? Habemus tuam expurgationem, quam opponamus uniuerso mundo, docturi Lipsicam hanc disputationem fuisse ludibrium ueritatis, & Eccianam simulationem, quæ latius pandam, ubi ampulla tua, quam parturis, prodierit. Interim ad reliqua huius sterquilini tui respondere nolo, nec opus est, una hac parte summaria satis monstrante, qui sis in toto.

ET ut redeam ad te, dico & propono coram te & uniuerso orbe, repetensq; & iterum dico. Carolostadij Propositiones esse ueras, similiter & meam Epistolam. Et ut tibi fortiter inculcem, ne aliena intutus, proposita (sicut soles) relinquas, maiusculis literis designabo summam.

SI has Propositiones ueras esse concedis, Quod liberum arbitrium ante gratiam non solum non meretur, sed etiam peccat damnabiliter (audis, audis Eccie, ne simules) Et propinquat non solum ei, quod est non meritorio, sed iniquitati mortali, dum intendit actioni.

Victus es, & Epistola mea uera est. Si negas aut concedere simulas, Pelagianus es, Vir es, & Carolostadius puerilis, non dubitamus, quin sis heroicam tuam uirtutem ostensurus, Sed scito, nos iam non tibi, sicut ante, credituros. Simulatorem obseruabimus, cui ante sinceritatem iactanti simpliciter credidimus. Tu autem uide ut Calendarium, aut Martyrologium, aut Chronicam certe interim diligenter lustras, unde contra nos multa nomina in Papyrus coacerues, sic tamen, ut Dialectice non obliuiscaris, & inductionem claudam (sicut ista fuit) non afferas.

Quod autem de literis Bohemorum ex Ideis tuis, pro sinceritate fictis aut iterum simulatis, erroribusque meis in Ecclesiam, scribis, probo, non quia uerum dicis, sed quia tanto mihi perdita simulatio tua est odio, ut uel hoc placeat, quod aperte mentiris, iudicas, detrahis. Erat autem prope diem ut appareat, An tu cum tuis per principem tenebrarum, Aristote-

lem, quem nec ipsum intelligitis, uel ego Ecclesie Christi plus nocuerim, & ad syllogismum tuum quouis morione dignum, quod Bohemi me laudent, pro me orent, responsum tibi quoque est in Aegocerate Emserano. Vale, & Dominus Ihesus sanet animam tuam in æternum,

Amen.

Vuittembergæ,
Anno M. D. XIX.

Supra 329. v. sequentibus pagellis

ARGVMEN

ARGUMENTVM

EPISTOLAE SEQVENTIS EC-
CIO, QVOD IN EPISTOLA AD R.

Misnensis Ecclesiae Antistitem, Canonicos indoctos
Lutheranos, & seminatores errorum Luth-
ri uocasset, Respondent Canonici in-
docti, quatenus & qua ratione
sint Lutherani.

CANONICORVM INDOCTO-
RVM LUTHERANORVM AD IOHAN-
nem Eccium, Responsio.

GLORIOSISSIMO, SVPER-
DOCTISSIMO TRIUMPHATORI

Magistro Nostro, Magistro Iohanni Eccio The-
ologistae, Canonici indocti, S. D.

Ex literis Lutheri,
ad Spalatinū. Scri-
bit Oecolampadius
Phil: nostro, se esse
Auctore Canonicorū
indoctorū, fecisseq;
ut hominē sibi ipse
ostenderent, Dem-
ceps nisi quiescat
alia faciendum, Con-
questumq; Eccium
scribit, nullū scrip-
tū contra se editū
egrius tulisse etc.
feria 2. post inuo-
cauit. anno 19.



I praeter insciam, quam nobis improperas, Ecce ma-
gnifice, nihil aliud etiam Luthero obiecisses, cui nos pru-
dentiae tuae uidemur amplius, quam ueritati fauere, ter-
riti sane portentoso supercilio, & Magisterio tuo, nostra
frueremur foelicitate, nepe suauissimo ruditatis beneficio.
Vt enim ærumnosam uobis Hercilibus uitam emetiun-
tur Superi (imo ipsi immodica sciendi libidine & arrogan-
tia quidquid id est mali, uobis ipsis inuehitis) Ita nobis tranquillam non
inuidet. Proinde cum prope semper nullis noster tecto gaudendum &
umbra, calamus insensus fuerit, aduersum te quoq; pararetur, minime.
Nam quæ insania? quis furor, indoctos, quos uocas, cum Apollinis filio,
imbelles cum fortissimo, obscuros cum clarissimo congregi? Non tam in-
cogitantes, non tam oscitabundi, non tam stupidi, non tam saxei sumus,
ut quod omni propulsandum sit conatu, ultro accersamus periculum, præser-
tim, quod iam pridem satis nobis perspicuum, nunquam tibi uel disputa-
turo, uel scripturo, forte ne mortuo quidem defutura uerba.

Haftenus itaq; dum tu gloriae studes impendio, nos tranquilliati non
tam imprudenter, quam ignauiter consulimus. Atqui nunc, cum insignis
tua modestia, quæ & in prouerbum cessit, Martinum Lutherum, uitæ
sanctimonia nobis commendatum, ecclesiasticæq; Theologiae uindicem di-
ligentissimum simul ac liberrimum, priuatim & publicitus Manichæum,
Vicklefistam, Hussitam, & sexcentis nominibus alijs uocans, Christia-
num haberi ferre nequit. Et ut ex nobis etiam aliquid tuæ gloriae accrescat,
in Epistola ad Reuerendum Misnensis Ecclesiae Antistitem, quæ tua est
columbina, adeoq; theologica simplicitas, nos quoq; optimo Præsuli inui-
diosos, toti orbi, quantum in te est, suspectos facis, Nos Lutheranos, & il-
lius errorum seminatores appellans, hoc est, tuo iudicio, heresiarchæ

S S iij pessimi

CANONICI INDOCTI LVTH

peſſimi ſubſidiarios , præſidia , amicos & patronos , Velimus , nolimus cogimur tibi Eccleſiæ patrono & aſſertori filiorumq; Levi conſlatori & emundatori aliquantam uitæ noſtræ rationem reddere , ſi forte hanc labem abſtrergere liceat . Siquidem & teipſo doctore , hæreſeos crimen malignius , quam ut a Chriſtiana modestia patienter toleretur .

Poſſemus autem , nam nec hoc indoctis negatū eſt , qui & ſuis nonnunq; ferociunt aculeis , exemplo ſtrenuitatis tuæ , modestiā remittere , ſtomachari & plane debacchari , niſi tuū nobis exploratū foret ingeniū . Iterum quæris , quib. ſcabiem tuam affrices , iterum quæris quos inſigniter *duxis* ut neminem non contemptui habeas , nemini parcas , nullum non laceſſas ut cum Iſmaele unus oppugnes omnes . Parum tibi uidetur cum doctis gerere bellum , niſi indoctos etiam prouocas , & quaſi confectum cum Præceptoribus ſit prælium , ſæuis & in diſcipulos & in patronos , ne quid reliqui ſiet , quod non potentia brachij tui conteratur . Deinde , ubi uel nos cōpelleſcueris , uel etiam non pro arbitrato tuo ſucceſſerit , caueant ſibi Typographi , caueant præla , caueant uicina quæq; , ne iniquo Marte tecum dimicent , adhuc ex recenti ſtrage furibundo . Cæterum nobis innocentiam candoremq; noſtrum tueri , quam maledicentiæ tuæ reſpondere , magis uidetur opere precium .

Conuiſſa Eccleſiæ in
Lutherum con-
geſta.

PRincipio igitur , ne muliebriter contrixemur , cum inſicias ire non potes , tot exemplaribus , adeoq; tuo ipſo conuincentibus , hæc per te Epiſtolæ inſerta , profer in medium , Qua ratione id lædoriæ , imo conuiſſi uel diſſimulari , uel æquius interpretari poterit , ut ſemel faceſſat ſimultas omnis . Nulla equidem in promptu eſt , qua te excuſemus , at plurimæ nobis patrocinantur . Nam quod tu Ludderanum uocas , nempe hominem peſtiferis hæreticisq; opinionibus imbutum , ſatis ad faſtidium uſq; totius orbis auribus , licet in caſſum , multo iam tempore inſtillaſti . Quod ſi uel maxime obticuiſſes , nonne uere Chriſtianis odioſa per ſe factionum nomina etiam ea quæ ob B. Patrum memoriam alioqui ſuſpicienda ? Videturq; id tibi nihili , niſi & agnomines ſeminatores errorum , quos peſtilentiſſimos ualidius clamas quam comprobas .

Ad hæc , ne te poenituiſſe dicti ſciatur , in marginem aſterilci loco ſcribis , Canonici indocti Lutherani , Timens forte , ne ſomniculoſus Lector præteruolet , denuo cenſes admonendum , ſiſtat pedem , dicta diligentius ſecum perpendat , fidelius memoria reponat , ſibi caueat , tibi gratetur & applaudat , nobis ſuccenſeat . Vides hic , bone uir , inſignite hic omnia magis ad exculcerandos quam conciliandos animos artinere , atq; adeo , ut plane merearis talionem reportare .

Cæterum , id noſtro abludit inſtituto , Lege igitur , ſi magnificentia tua non dedignetur , quid nobis uirum Dei conciliarit , & quatenus Lutherani ſimus . Non eſt quod ſuſpicere , priuatarum affectionum ſtudia , haud tanta inter nos familiaritas intercedit , nulla hic lucelli ſpes , Ex Mendicantium familia eſt , eleemoſynis uiuit . Sed nouandarum rerum nos cœpit cupido ? Non illa pacis & concordie diſturbatrix , ſed conciliatrix . Quia enim ſæculi huius ferrei moribus nihil eſt deprauatius , nihil corruptius , quibus hic mederi ſua eruditione ſtudet , dum pacem annunciat , obedientiam prædicat , humilitatem commendat & nihil inuitius agens , quam quod tecum , & cum tui ſimilibus rixando bonas horas male perdere cogitur . Contemptum mundanarum rerum , gloriam cœleſtium , Chriſtianiffimi ſcopum ſubinde monſtrat , ambitionem execratur , auariciam Cleri abominatur , ſimoniam & Romanæ rapacitatis impoſturas cæterasq; peſtes proſcindit .

Quis

AD IOHAN. ECCI. RESPON. CCCLXXXIII

Quis nisi mente motus malignissimorumq; morum furcifer, tantas aboleri pestes non optarit? Quis Christianus regnum Christi nolit, quod immuter, innouet & emendet omnia? Quis nostræ imperitiæ suggillationem abhorrens, non habet in uotis, ut profligatis sterilibus, infælicibus, & ingeniperdis, restituantur fecundiora, beatiora, sanctioraq; literarum studia? Utinam autem ut resflescere bonas artes, ita & mores redire uideamus, id quod Lutheri est studium. Tu uero Magistrum honestatis impugnas, & quod ad literas pertinet, nouos confarcinas Commentarios, ad perendas generosas adolescentum indoles, quasi iam non ante nugis simus adobrut.

Porro, minori periculo intentatur hæc nouandarum rerum cupiditas, quam uerbosius expurgetur, Sed si omnino id in nobis damnabitur, post hæc fortassis non usquequaq; indocte satisfacturi sumus. Accedit ad hæc causarum præcipua, Pius Magus est Lutherus, indoctos nostri generis sibi philtris deuincit, Alioqui nulla ratio capit tam crasso capite uiros, nisi incantatos, gratiam cum Musis inituros, Mirificum pharmacum, quod qui miscet, altero orbe pene dissitum inebriat.

At nos terræ filij apertius loquamur, & scapham scapam, ferramq; ferram, uocare oportet. Germana ueritas & inuiolata uirtus, quæ Deos hominesq; in amorem sui pellicere queunt, ipsæ ipsissimæ sunt, quæ nos huic deuinciunt. Videmur nunc nobis uidere, quid ad hæc modestia ecciana, quam iactet manus, oculos, caput, quam manibus pedibusq; contestetur, nihil unquam uero absimilius dictum. At sui mores sinendi sunt homini, quos præter mortem illi adimet nemo.

Nos institutum nostrum certioribus argumentis, quam asseueratione sola persequemur. Diu pleriq; nostrum nesciebamus, ater ne an candidus esset Lutherus, sed & Lutheri nomen plane incognitum. Ante paucos autem annos declamatiunculæ quædam populares illius, tumultuario & repentino, ut uidetur, calore scriptæ, in manus nostras uenerunt, in quibus decem præcepta Mosis enarrans, uelamen ab oculis illius remouet. Vnde tum sua eruditione perspicuaq; claritate præstitit, ut supra morem Scolasticorum, indocti nos sublimius de Christo, sanctius de Euangelio sentiremus, positoq; supercilio, parum, imo nihil nobis, multum, imo omnia Christo Deo tribueremus. Sic sese primum nobis insinuauit. Mox fama superueniens, & uiri innocentiam docens, opinionem, quam de illo habebamus, comprobauit. Quid faceremus, bone Eccie habendus ne erat odio? floccipendendus ne erat? ingrati ne esse debebamus? Quomodo tu eiuscemodi tractares discipulos?

*Declamatiunculae
populares Lutheri*

Sub hæc Concionatores quidam officij sui male memores, uarijs in locis, plus æquo condonationibus Pontificum, quas Indulgentias uocant, tribuentes, multorum seducebant animos, confidentium pollicitationibus huiuscemodi, uel abiecta ueræ poenitentię cruce, salutem se assecuturos. Quid doli, quid fraudum, quid imposturarum sub sanctimonix prætextu per maledictos nugiendos committebatur, uel tacentibus nobis, nemo hodie est, qui nesciat. Silebant Theologi omnes, conniuebant, imo probabant Episcopi, refutabat Concinatorum nullus, Vnde ceu religioso silentio licentiosę iniquitati autoritas quotidie maior accedebat, inualueratq; adeo id mali, ut iam nō lubilgo, & quinquagesimo quoq; anno, Sed quotannis

Concionatores papalium condonationum.

CANONICI INDOCTO LVTH

annis non semel, sed iterum atq; iterum, nec arduis ex causis, sed plane tenuibus & commentitijs, non sine animarum delusionibus, quæstores multi obambulant.

Propositiones Lutheri de indulgentiis.

Primus tunc omnium, quem nos scimus, Lutherus rerum indignitate perpensa, apud Vuittembergenles in Scholis de ijs rebus maturius, propositis Conclusionibus disputare cepit. Quæ statim mira celeritate per Germaniam sparsæ, & singulari favore a doctissimis etiam quibusvis, a te forte aut ignotis, aut contemptis, exceptæ, quod fraudes iam non paucis subolerent, tametsi nullus periclitari uellet primus, ut fieri solet.

Hic tu contra Antesignanus cristam erigebas Eccæ, turbaturus cælum terram & omnia, modo saluæ manerent Indulgentiæ. Mittimus pleraq;. Vbi uentum est in harenam, aiunt frigidius nihil unquam tractatum, deploratasq; plane Indulgentias, ita, ut si reuiuiscere debeant, uel nouæ excogitandæ, quibus illæ reducantur ex inferis, uel simulachra mortuarum honoribus prosequenda sint. Nonne ob hoc modestiam etiam tuam, Magister Noster eximie, deceret gratias summas agere Luthero, qui si nulla, certe hac in re, eruditorem te reddidit?

At non ideo dabimus errores a nobis disseminatos, nisi enim iam disseminata fuissent Lutherana, quomodo ad nos, qui ex indocto uulgo sumus, & altero pene mundo intercipimur, peruenissent? An non hoc Chalcographorum negotium est, qui simul atq; recentiora quæpiam suboleuerint, ueritati contentanea, & plausibilia, ut lucrum faciant ea magis extorquent, quam ambiunt, imo magis surripiunt, q̃ extorquent.

Verum tua bella ne delitescant, quis satagit? Nonne uix exoras certis conditionibus, nec tradis, sed obrudis? Pauca tamen sub incudem redeunt, nisi forsitan ut magis traducare. Scis tu nunc sæpius Lutherana & uarijs prælis excusa, & credis indoctos Canonicos tantum molestiarum uoluisse subire, cum tua tamen interim apud nos paucos etiam doctos, fastidiantur, etiam ab indoctis improbentur. Veritatem ne putas sub modio posse condi? Rem, quæ ex Deo est, aboleri posse credis?

At hinc litis origo, tu errores uocas, nos sophisticis hæcenus argutjs persuaderi non potuimus. Solis enim indocti nos his libris addicti sumus, qui Canonici, & omnium consensu recepti, Susq; deq; facimus, si quid aliud afferatur, quod his aduersetur. Magnificamus, quæcunq; proximius accedunt sacris. Omnino nec Angelum, nec Apostolum quemuis, uel e cælo uenientem, si contradicet Euangelijs, audiemus. Interpretationem autem euangelicæ Scripturæ, quantumuis indocti simus, a priscis illis Autoribus, qui non tanto interuallo ab Apostolorum absuerunt temporibus, discere malumus, q̃ a te, farinæque tuæ Præceptoribus, Et annalibus historijsq; libentius nos credimus, quam humanis & tyrannicis quibusdam constitutionibus.

Papias auditor Iohannis Apostoli.

Papias Hierapolitanus, auditor Iohannis, insipienter ne & indocte tibi præfatus uidetur in libros explanationis sermonum Domini q̃ noluerit uarias opiniones sectari, sed Apostolos habere autores, uti de eo Eusebius & Hieronymus narrant? Verū uiua illi oracula contigerunt. Nos adacti necessitate, literarijs Apostolorum, & quibus apostolicus est spiritus, monumentis contenti sumus.

Iam satis liquidum, tu ne an Lutherus Euangelio propius incedat, Vter receptionibus nitatur Autoribus, uter fidelius eruditiusq; Patrum dicta ciget, uter honestiorem scopum spectet. Fontes aquæ uiuæ quærimus, tu nos ad lacus detritos & amnes turbidos duces? Christum quærimus, ubi nascatur, ostendatur. Igitur uel nos itineris Duces tu sequere, uel te præeunte

AD IOHAN. ECCI. RESPO. CCCLXXXIIII

eunte sequemur. Verum tu Herode uasrior, & nos morareris, si obsequeremur, Nunc Vuickleffistas, nunc Manichæos cognominans, & inter idola sophismatum confidens, comitatum non polliceris. Quo te rapit insana mordacitas, immodicumq; sententiæ tuæ studium? Quis arrogantiam, quis supercilium tuum ferat? Qui tua legunt & amplectuntur docti sunt. Qui uero puriora & uiciniora Euangelio & ecclesiasticis Doctoribus, indocti & hæretici. Ne indocti dicamur, tua nobis legenda, scilicet, ne cæci habeamur, oculi sunt effodiendi.

Habes succinctim, qua ratione Lutherani simus, quatenus Euangelij & Christianæ libertatis amicus est Lutherus, sibi nos deuincit. Is, si & tu fueris, nihil erit quo minus & tibi simus addicti.

Proinde, non oportebat nos conuicijs a tua incessi modestia, neq; enim nos male audire debemus, qui sincera fide a Christianissimo Theologo non abhorremus, Neq; Lutheri causa deterior est, quod & indoctis, uti magis pia, probatur. Fatemur inscitiam nostram, & fortasse non minori gloria eam agnoscimus, quam tu laudes tuas passim ebuccinas.

Indocti sumus, nescimus patrocinari lucri turpis in immensum studio sis, id quod nobis cum summo Pontifice commune est, Nam cum tu mercatorum conducticius, contractum societatis suæ plane iniquum, æquum declarari ab eo supplicibus peteres libellis, repulsam es passus; nimirum, quod supra captum Pontificis Maximi, tua erant commenta, quando uenali lingua & manu paratus eras, omnem semel Scripturam non modo cogere & torquere, sed & pessundare, ne redires inglorius.

Indocti sumus, non uidemus enim, qua ratione perfecti Christum pauperem sequantur, si pro temporarijs causis iurent. Sed quid? nimirum ea in re & Erasmus illud seculi nostri sydus nobiscum, te censore, hallucinatur.

Indocti sumus, siquidem enumerare non possumus uarias primitiuæ Ecclesiæ ceremonias, sed iterum se nobis associant plurimi uiri alioqui doctissimi.

Indocti sumus, Maiestatis diuinæ penetralia non ingredimur, sed nec magnus ille Paulus Apostolus erubescit ignorare, quæ tu in Chrysopasso coaceruas.

Indocti sumus, possemus tamen multa huius generis afferre in medium, quæ tibi magis quam nobis dedecori essent futura.

In summa enim nulla tam auspicata peregrinatio tua, quarum tu multas iuueniliter, ne dicamus ostentanter, commemoras, quæ non & tibi & patriæ fuerit dehonestamento magis quam gloriæ. Nullus tam paruus a te libellus editus est, qui non aut extremam sapiat barbariem, aut insignibus seateat erratis.

Quare non imprudenter feceris, Ecce prudentissime, si aliquandiu te intra penates tuos contineas, & laudem, quam non potes assequi uerbositate, silentio tibi uindices. Equidem, quam impar cum doctis ineas certamen, hinc æstimare licet, quod nec indoctis formidabilis esse cœperis. Neq; tibi uictoriam ex nobis temere polliceare, multi sumus indocti, & quamuis non omnes sophisticis spiculis certare callemus, non pauci tamen do-

cti ualidos librare contos, quos declinare non poteris, nisi
positis conuicijs, & prophanis artibus, ueræ Theo-
logiæ & Christo optimo maximoq;
te tradideris.

Vale.

Anno M. D. XIX.

SEQVVN.

SEQVVNTVR.

EPISTOLAE SEPTEM PRAE- STANTIVM ET MAGNI NOMI-

nis Virorum, in quibus mentio fit de negotio Lu-
theri, & disputatione Lipsica.

I

Staupitij ad Georgium Spalatinum.



ALutem & gratiam Domini nostri Ihesu Christi.
Quod de Martino Luthero nostro scribis, amice integer-
rime, in se quidem durum, tuo dulcescit eloquio, quippe
qui amorem spiras, terrendo roboras. Non fallit qui se ter-
tium promissit, consentientibus pie duobus in unum.

Matt. 18.

Cum igitur tuam excellentiam amore seruere mente
pertracto, & quam sis sollicitus, ut idipsum persuadeas
alijs, unam, nec minimam abegisti desperandi occasionem. Non enim
possunt consentanea non exaudiri pia vota. E coelo quoque vox Spiritus
sancti illuminat, pariter & confortat. Si uideris calumnias egenorum, &
uiolenta iudicia, & subuertere iusticiam in Prouincia, non mireris (inquit)
super hoc negotio, Quia excelso excelsior est alius, & super hos quoque emi-
nentiores sunt alij, & insuper uniuersae terrae Rex imperat seruienti.
Quaerenda sunt remedia a iuris, imploranda suffragia Sanctorum, & bono-
rum hominum, magis pro ueritatis, quam uitae conseruatione, & dum
neutrum adesse cernitur, seruendum est imperanti Regi uniuersae terrae,
patiendum, moriendum pro ueritate, quemadmodum ueritati potius quam
nobis uiuendum.

Eccl. 5.

a
Alij uiris.

Tu igitur condiscipule Christi, sectator euangelice ueritatis, ora me-
cum, quatenus Dominus noster Ihesus Christus seipso nobis luceat, qui
Lux est mundi, ueritas, uia, & uita credentium, tribuatque se humilem, hu-
militer quaerere, sobrie sapere, sed inuentum constantissime, intrepideque
praedicare.

Post digneris Illustriss. principem, Dominum tuum & meum, hortari, ne
deficiat, ob fraudem illorum, qui serpentina lingua moluntur ueritatem
subuertere, Sed neque rugitum Leonis expauescat, Scriptum est de isto, cui
ueritas Dei scutum est, Angelis suis mandauit de te, ne forte offendas ad
lapidem pedem tuum, Super aspidem & basiliscum ambulabis, & conculca-
bis Leonem & Draconem. Abstineat serenissima Dominatio sua a suis, Lu-
thero, Staupicio, sed & ab ordine, Veritatis mantentioni duntaxat inten-
dat, ut ueritas in lucem ueniat, fugatis tenebris satagat, modo securus sit
locus, ubi absque metu cadente in uirum constantem, libere loqui possit.

Psal. 91.

Ego noui quantum sequat Babylonica, ne dixerim Romana, pestis, in
eos, qui abusibus uendentium Christum contradicunt. Vidi enim Concio-
natorem uerissima docentem, de Pulpito uiolenter rapti, & licet in ma-
xima Festiuitate coram omni populo per cordas trahi, carcerique mancipa-
ri. Sunt qui crudeliora conspexerunt.

Hucusque

Hucusq; non uideo, uel tua sollicitatione, uel Illustrissimi Principis patrocinio defuisse quicquam. Age obsecro, perseueret celsitudo sua in eadem sententia; intuitu summæ & æternæ ueritatis; pro quo tibi maiora debentur; quam nos sumus duo quidem; Martinus & ego; sed tecum unum Christo. in æternum benedictio. Vale.

Ex Monasterio 7. Septembris.

M. D. XVIII.

Deditissimus tuæ excellentiæ.

Frater Iohannes de Staupitz.

I I

RECTORIS ACADEMIAE

Lipsensis; ad Lutherum.

RECTOR, MAGISTRI ET DOCTORES ALMAE VNIVERSITATIS Lipsensis.

D. Mart. Luth. S. D. P.



Hisce exactis diebus, Domine Doctor, quibus sacrosancti nostri Assertoris Natalem Christiano ritu operabamur, egregius sacrae Scripturae Doctor Iohannes Eccius literas ad Illustrissimum Principem ac Ducem Georgium, & Vniuersitatem, ac Theologiae Doctores dedit, quibus facultatem Theologicam suae Disputationis iudicem, uelut Regulam Lesbiam, selegit, enixeq; contendebat, quo disputandi cum Doctore Carolo studio copiam, ei in nostro augustissimo Gymnasio faceremus.

Verum cum hoc Disputationis scrutinio ueritas à calumniatoribus uindiceretur, & quasi è Democriti illo puteo in apricum proferatur, eundem uoti compotem pro uiribus reddidimus, & disputandi locum eidem addiximus. Quo fauore fretus D. Eccius; & in literariae Palestrae arenam cum D. Carolo studio descensus, ut signis è Palladis castris in publicum prolati, apertoque Marte cum tuo (ut ipse ait) Propugnatore, conflingeret; Schedam suae Disputationis uexillum, in uulgus edidit, qua tuis Conclusionibus bellum indixisse tibi uidetur, Cui tu minime cessurus, Libellum edidisti, quo uicissim ad Disputationis conflictum eundem lacestis. In quo magnopere miramur te, Disputationem nos illi abdicasse aut repudiasse; contra nostrae ueritatis Decretum; Scribere; Multoque impensius admiramur, quod Disputationem tuam in Lipsensi Gymnasio celebratum iri prodideris, cum nobis hac de re nihil constet, nec locum à nobis aut Illustriss. Principe munificentissimo nostri studij Mæcenate impetraueris.

Proinde cum hoc temeritatem præ se ferat, à qua te abhorrere creditur, magnopere obtestamur, ne nobis inscijs onus aliquod ingeras; aut si

T T

tibi in

EPIST. SEPT. PRAESTAN. VIROR.

tibi integrum est, palinodiam uel saltem receptui de tuo conflictu canas, in literarum tuarum responso, quod a te efflagitamus, donec disputandi locum apud nos obtinueris. His paucis uale.

Datum Lipsiæ sub nostri Rectoratus signo, XIX. Februarij.

Anno humanæ salutis M. D. XIX.

III.

LVTHERI AD CAROLOSTADIVM.

ERVDITISSIMO VIRO ET PRAESTANTISSIMO, D. ANDREAE

Bodenstein Carlstadio, sincerioris Theologiæ assessor
facile Primario, Archidiacono Vuitem-
bergenſi, Præceptor ac Maiori suo
in Christo.

I H E S V S.



ALVTEM, Edidit Eccius noster, inclyte uir, Schedulam, in qua magnificis ampullis uerborum crepat (id autem homini moris est) sese aduersus te disputaturum Lipsiæ, & ego id nomine tuo, cum ipso tractaram Augustæ, si qua ratione, contentio uestra coram & amica familiarique congressione com-
poneretur, quod nec tu, pro tua dignitate detrectasti. Sed ecce homo, pulchre memor, & sibi constans, postquam te foede infamarat, tandem promittit in te. Sed uertit in me impetum ranarum, ne an Muscarum suarum nescio.

Speraueram ego tractatum futurum, de honestissimis & serijs rebus, de gratia Dei, humana miseria, omninoque de ea re, quæ inter uos uertitur. At meus Eccius in meas interim nugas debacchatur, aut pro more istorum dierum laruis iocatur potius, Stultas quæstiones de Indulgentijs, pene ex orco tandem reuocat, tua uelut parerga, & summo (quod aiunt) digito uix attingens. Forte Spiritus sanctus præuidens hoc hominis ludibrium & nugacitatem, dedit in cor egregiorum Dominorum doctorum Lipsensis studiij, ut recusarent uobis hoc negotium apud se gerendum.

Sed & ego nolo te, optime Andrea, in friuolam & laruatā hanc Disputationem descendere, tum quod mea & me petit, lauta hæc & καλὴ πᾶσι καὶ λευκώλετος persona, tum quod ingenium tuum & tua Disputatio, digniora sunt, quam ut in has Sophistæ, & meas nugas, In-

gas, Indulgentias inquam, seu rectius & uere negligentias, humilientur. Quas cum omnes Doctores, etiam Scholastici, infelices Ecclesie præceptores, fateantur tamen & ipsi, primum non esse necessarias Christiano, tum, si nullæ essent, melius esse, ac per hoc ad Scripturas & rem theologicam, sicut Asinum ad lyram.

Nec ego illas unquam mea Disputatione, dignatus fuisssem, nisi pro populo Christi φρενιπάτας ματαιολόγος εἰβάδισ καὶ ἀσχεροκέρδης οὐκ πορτουisset redarguere. Nihilominus tamen has res leuiculas & nihili magni isti & generosi Theologi, adeo curant misere, adeo pompis uel anxijis inflare conantur, ut in ijs summum & nominis & officij sui, decus constituisse uideantur: Interim Theologiae legitimo & quod ad rem pertinet, officio penitus posthabito & in Sabbata translato, non quidem lucri aut gloriæ æmulatione, nisi minus principaliter, & per accidens, & impotentia, modo non sit nimis remota.

Quando autem ego, Deo uolente, digniore conditione uiuere non permittor, quam ut cum nugacibus & uanis Sophistis, cum pestilentibus Romani Pontificis & Romanantium Tyrannorum Adulatoribus, ætatem consumam, gaudens & fidens, posthabebo istorum mea seria ludo.

Quare mi Ecclesie, non damno te uanissimæ gloriæ, quod hanc Schedulam edideris, antequam certus esses, quid Lipsenses in hac re facerent, imò, postquam ex me acceperas eos omnino recusare, quia ex fumo scilicet, & ex Disputatione nunquam futura, sperasti captare gloriam. Non criminor, quod subdole, & parum humane, nedum Theologice, Doctori Carolstadio alienas Propositiones obieceris, quas cum omnino illum non suscepturum, sperares, iterum de fumo in tantum uirum triumphares. Non queror, quod ad adulationem foedissimam Papæ uersus, me rursus in fabulas traduxeris, ne uosq; a te fictos errores mihi imposueris, & tamen nihil minus te agere simularis.

Toleramus ista a Theologo facta, id solum uolumus ostendere, nos scilicet intelligere strophas tuas infelicititer uersutas & figuras nihilo figuratas, & benigniter te monere, ut deinceps pro gloria tua paulo ciuiliore astutia, naso imo calcaneo nostro insidieris. Agrestem hanc & ueternosam tuam prudentiam, in crassos tuos Consophistas ludas. Interim esto uir fortis, et accingere gladio tuo super foemur tuum potentissime, postquam enim pro pace tua mediator ingratus fui, placebo fortasse concertator.

Non quod uincere proposuerim, sed quod post uictorias tuas Pannonicas, Longobardicas, Baioaricas (modo tibi credamus) occasio tibi fiam obtinendi nominis, quo & Saxonicus & Misnicus triumphator, ac si uoles, semper Augustus saluteris in æternum, ac sic

T T η gloriam

EPIST. SEPT. PRAESTAN. VIROR.

gloriam adeptus, quiescas iuxta Magistri tui sententiam, Habitibus existentibus in materia, cessat motus. Quanquam mallet, ut monstrum, quod iam diu in me alis, & quod te male habet, alis quando pareres, & nauseas quibus stomachus tuus periclitatur, tandem euomeris in publicum, minisque illis tuis basilicis & gloriosis per omnia finem imponeres.

Sed ad te reuertor optime Andrea, & oro, ut una mecum ad Illustriss. Principem, Ducem Georgium, prudentissimum quoque Senatum Lipsensem scribas, si qua dignentur nobis domum uel prophanam in hoc negociū collocare. Nam egregios Dominos, Doctores de Vniuersitate, penitus nolo huius periculo iudicii onerari, quod & prudentissime recusarunt. Quin id faciemus, adductis Notariis duobus, uterque Eccius & Lutherus, & si qui alij idem uelint, ad maximum Notariorum dicet sua argumenta & responsiones. Quod eo facio consilio, ne & nobis sceda illa iactantia & frustraneus labor contingat, quæ in Vniuersi Disputatione Eccij uidetur, tum ut clamor & gestus importuni, quibus solent æstuare & perdere ueritatem nostri seculi Disputatores, cohibeantur, omnia autem uel possibili modestia in literas pronuncientur. Atque ea sic in literas relata, offerri possint Sedi Apostolicæ, Episcopis & totius Christiani orbis iudicio.

Anno M. D. XIX.

Martinus Luther.

IIII

ECCII AD LVTHERV. M.



ALVTEM in Domino, & recte in Ihesu sapere. Quod Lipsensis Studij uiri doctissimi onus nos audiendi recusarant, erat mihi permolestum, nec plane sciui, quid consilij caperem, At tamen clementissimus Princeps, D. Georgius, Saxoniae Dux &c. ad petitionem meam, egit cum Studio suo, ut tandem assensum præberent, huius die literas & Illustrissimi Ducis & Vniuersitatis ac facultatis super ea re accepi. Quare eis XXVII. diem Iunij præscripsi, quo Disputatione primum actum haberemus, Die autem XXVI. apud facultatem Theologicam conueniremus, uter nostrum in primo congressu sit Opponens.

Cum autem Carolostadius sit propugnator tuus, tum uero principalis existas, qui hæc dogmata per Germaniam seminasti, quæ meo paruo & exili iudicio falsa & erronea apparent. Quare conuenit & te illuc uenire, & uel tua tueri, uel nostra improbare.

Sed quam

DE NEGOCIO LVtheri CCCLXXXVII

Sed quam uellem, ut hunc animum deponeres, & sedi Apostolicæ te per omnia obedientem præstares, audires Leonem X. Vicarium Christi, non quæres singularitatem, sed condescenderes communi Doctiorum sententiæ. Certus, quod Christus Ecclesiam suam iam quadringentis annis non permisisset in istis (uti tu diuinaris) erroribus. Vides enim ex Scheda Disputatoria, me non tam contra Bodenstein, quam contra tuas Doctrinas, Propositiones posuisse. Vale ergo mi Martine, & oremus pro invicem, ut illuminemur.

Ex Ingolstadt, XIX. Februarij.

Anno Virginæ partus M. D. XIX.

V

D. V VENCESLAI ROSDIA
LOVINI PRAEPOSITI COL.

legij Imperatoris Caroli, apud Pragenfes,
ad Lutherum;



VM sursum ac deorsum in tuis illis Lucubrationibus uersarer, Martine Luther, atq; cum amicis quis sis? quid agas? quidq; coneris? Imo uero, quid Christi spiritus per te in Ecclesia operetur, perpenderemus: ecce in huiusmodi de te sermonibus incidit Iacobus quidam organarius tui amantissimus, referens omnia, quæq; inter te Ecciumq; & cæteros quosdam æmulos tuos, hac tempestate publice acta sunt. Dici non potest, Pater mi, quam grata, quam iucunda narratio, quamq; de litjs plena fuerit, cum te super aduersariorum tubis & præcipue Eccij scholastica quadam atq; Aristotelica, magis quam Christi Theologia gloriosam uictoriam obtinuisse memoraret. Quæ quidem narratione, & tibi & Illustrissimo Principi Friderico magnopere multum laudis attributum fuit, Tibi quod te ipsum admiratione dignum præbeas: Illi quod uirtutes suspiciat, quarum quotidie maxima experimenta præ te ferre uideare, unde & inimici molestia, & familiares atq; amici gaudio afficiuntur. Quæ quo auro meliora non sunt?

Congratulor itaq; ego Paternitati tuæ, atq; Deo coeli gratias ago, qui te inter tot pericula, totq; hostium malignantium agmina, non solum seruire incolumem dignatur, Sed etiam de inimicis, in tam iusta pugna gloriose triumphare. Cæterum, idem Iacobus, te admodum desiderare dicebat, Libros Iohannis de Hufs, Bohemum Apostoli, ut quis fuerit ille uir, & quantus, non ex uulgi aura;

TT

ij

neq; ex

EPIST. SEPT. PRAESTAN. VIROR.

„neq; ex Constantiensi male consulto concilio, Sed ex ipsius uera animi imagine, id est, libris, tandem aestimes ac cognoscas.

Mitto igitur Paternitati tuae, libenterq; mitto, Libellum quemdam illius, quem & de Ecclesia scripsit, atq; eum nunc & non alium, ideo audentior mitto, quod Conclusiones aliquot legerim, quas hisce proxime diebus Lipsiae contra nouos & ueteres errores inuulgatas defenderas, quae in hoc quoq; Libro comprobantur, munus sane uile, primaq; (ut aiunt) facie deridendum, At non omnino fortasse ingratum futurum, praesertim si tuo desiderio respondere uo-
toq; poterit, Deinde quia uel unicus hic Libellus est, propter quem,
cum adhuc in humanis ageret uitam, omnibus omnium Praelatorum
contumelijs fuerat expositus, inuisus, irrisus, execrabilis, breuiter
haereticus, postremo in concilio Constantiensi, heu quam iniuste,
combustus, homo aliqui innocens & uerbi diuini praedicator re-
gregius.

Sed de hoc ipso nunc satis. Nam ordinem causae illius, quam docq; tibi, si fuerit necesse, & tu mandaueris, cum caeteris multis libenter mittam. Hoc unicum sciens addo, quod olim Iohannes Huss
in Bohemia fuerat, hoc tu Martine es in Saxonia. Quid igitur tibi opus? Vigila, & confortare in Domino, deinde caue ab hominibus. Neq; animo concidas, si te haereticum, si excommunicatum audies, memor subinde quid Christus passus, quid Apostoli, quid omnes etiam hodie patiantur, qui pie uolunt uiuere in Christo.

Iam uale mi Martine, & me quamuis ignotum, ama. Nam te amari certo scias.

Datum Prage in Collegio magno Caroli Imperatoris,
die 17. Iulij.

Anno M. D. XIX.

VI.

D. IOHANNIS PODVŠKA,
PRAESBYTERI CV-
rati Ecclesiae Cathedralis B. Virginis
Pragae, ante laetam Curiam, ad
Lutherum.

Tametsi



Ametſi Martine, frater, in Domino dilecte, haec-
nus tibi ignotus ſim, corporeq; abſens, tu mihi ta-
men notus, licet nunquam uiſus. Namq; cum &
multi, & uarij Tractatus tui, in manus noſtras ue-
niant, ex quibus ſane totum te quis ſis & qualis e-
ueſtigare poſſumus. Vnde fit, ut uel unum hoc in

te miremur, quod inter tot Euangelicæ ueritatis æmulos doctrinam
Chriſti & Apoſtolicam libere & publice prædicare nequaquam ad-
dubites, oblitus interim tot calumnias, maledicacq; plurimorum uer-
ba, quibus quidquid non placet, illico hæreticum eſſe oportet, ho-
mines mente corrupti, & ad omne opus bonum reprobi, non intel-
ligentes (ut uerbis Apoſtoli utar) neq; quæ loquuntur, neq; de qui-
bus affirmant.

Tibi idcirco, mi frater Martine, uehementer, tuæq; Chriſtia-
næ pietati congratulor, qui unus in Germania non tam inuentus,
quam repertus es, qui & doceas aliquando ſyncere quæ docenda
ſunt, id eſt, legem Chriſti, priſcorumq; Patrum, puram illam, &
nequaquam humanis adinventionibus contaminatam Theologiam,
heu noſtra ætate magna ex parte contemptam, & dehorteris quoq;
ab hiſce quæ Chriſti Spiritus non probat, neq; fortalſe agnoſcit.
Nec mirum, cum in ſe Chriſtus diuiſus non ſit, neq; poteſt hodie
nolle, quod tempore ſuæ prædicationis uoluit & ſuaſit.

Te itaq; ego tuapte ſponte currentem per uiſcera Chriſtianita-
tis, moneo, incito, impello, gratiam Domini, quæ in te eſt, ad ſa-
lutem multorum negligere noli. Deus te Speculatorem ſuper popu-
lo ſuo conſtituit, huic ſaluti neceſſaria non abſcondas, ſed, ſicut fa-
cis, in lucem proferas. Cognofcis Chriſti uocem, nemo lucernam
accendens, operit eam uafe, aut ſubtus lectum ponit, Sed ſupra can-
delabrum, ut intrantes uideant lumen.

Dei inimicos libertatiſq; Chriſti aduerſarios, ut coepiſti, per-
ſequere & comprehende, quorum qua in cœli parte non omnia ple-
na ſunt, adeo, ut iam fortalſe Chriſti uerba compleantur, & maxi-
me quidem, Surgent Pſeudochriſti, & Pſeudoprophetæ, & dabunt
ſigna & prodigia ad ſeducendos, ſi fieri poſſet, etiam electos. Et il-
lud Petri, Erunt inter uos Magiſtri mendaces, qui introducent Se-
ctas perditionis, & multi ſequentur eorum luxuriam, & in auaritia
fiſtis uerbis de uobis negociabuntur. Atq; nescio ſi Bohemiæ tam ob-
uij ſint, quam apud uos, quorum maledicta & Sycophanciâs in
tuum caput iam pridem concitaſti.

O quam nunc odioſa ueritas, o quam Chriſtus ubique in-

T T iij uiſus.

EPIST. SEPTEM PRAESTANT. VIROR.

uifus. Tu frater, quia Christum prædicas, non homines, non a tuis modo, sed etiam a nostratibus quibusdam hæreticus diceris. Sed obsecro, hanc cum Christo contumeliam libenter sustine; memor interim, quod apud Mattheum loquitur: Si patremfamilias; Beelzebub uocauerunt, quanto magis domesticos eius. Similiter, & quod Lucas 23. retulit, cum iam propinquans morti diceret. Si in uiridi ligno hoc faciunt, in arido quid fiet? Non est Discipulus supra Magistrum suum, neq; Seruus supra Dominum. Quæ serui laus maior, quam propter dominum maledicta ferre & stimulos?

Ergo mi frater Martine, confortare in Domino, & esto robustus uenator Pseudoapostolorum. Christus ueritatis Dux & Magister in exemplum uendentes & ementes de Templo eijcit, ut nos sequamur uestigia eius. Non tibi deerit auxilium desuper. Sunt in Bohemia pluri fideles Deo & chari, qui te noctes diesq; orationibus adiuuant. Tu modo tibi ipsi non desis. Istud uolo, cautus sis, ne, cum Christum ab Antichristo uindices, ab ipso non comprehendaris: Mille nocendi habet ille mores, insidiaturq; ut sagittet in obscuro rectos corde. Christus te conseruet incolumem, mi Martine, pro cuius lege non erubescis homines, magnaq; pericula subis. Sed confide, ueritas liberabit te. Vale, Et hos cultros mun, usculum fateor exiguum, grato suscipe animo, quos amoris, & beneuolentiæ inter nos sinceræ, pignus esse uelim. Iterum uale; & gratia Christi sit tecum semper.

Data Pragæ, Sabbato post Diuisionem Apostolorum.
Anno M. D. XIX.

VIII.

FROBENII AD LVTHERV M.

IOHANNES FROBENIVS
MARTINO LVTHERO
S. D.



Ono dedit mihi Blasius Salmonius Bibliopola Lipsensis in proximis Nundinis Franckfordensibus, Libellos uarios a te elucubratos, quos omnium Doctorum iudicio probatos typis meis statim excudi sexcentos in Galliam misimus & in Hispaniam; uenduntur Parisijs; leguntur etiam a Sorbonicis, et probantur, quemadmodum amici nostri nos certiores reddiderunt. Dixerunt illic Doctissimi quidam; se iam pridem tantam Libertatem desiderasse in his; qui Sacras literas tractant;

Caluus

DE NEGOCIO LVTHERI CCCLXXXIX

Caluus quoq; Bibliopola Papiensis, uir eruditissimus, & Musis sacer, bonam Libellorum partem in Italiam deportauit, per omnes Ciuitates sparsurus. Neq; enim tam sectatur lucrum, quam cupit renascenti pietati suppetias ferre, & quatenus potest prodesse. Is promisit ab omnibus eruditis in Italia uiris Epigrammata se missurum in tui laudem scripta, usque adeo tibi fauet Christiꝑ negotio, quod tantā constantia tam uiriliter, tamq; dextere geris.

Miraberis forsan de nostra tuorum Actorum editione, quod uidelicet partim Vuittembergensi respondeat, partim non. Sed causam audi, miserat nobis ex Augusta Vindelicorum amicus quidam noster, Respon-
sionem tuam Cardinali datam, etiam iam imprimenda erat; cum Caluus ex Norimberga rediens, unicum tantum Vuittembergensis editionis quaternionem secum attulit, primum uidelicet, quem nos statim imitati, reliquam illam partem ex Augusta nobis missam, utcumq; annexuimus. Nunc uero Blasij beneficio, Vuittembergensis editionis exemplar nacti, quod nostræ deest, quamprimum licebit, addituri sumus. Audio enim a Doctis probari, quam de Decretorum uiolentia coronidem adsecisti.

*Responsio Lutheri
ad Card. Caietani
data.*

Præterea Libellos tuos, in Brabantiam & Angliā misimus. Impressimus Replicæ Syluestrinæ trecenta tantum exemplaria, Eam negant Do-
cti obesse tibi posse. Hic ut quisq; est optimus, ita tui maxime est studio-
sus. Episcopus noster inprimis tibi fauet, eius item suffraganeus Tripo-
litanus Episcopus. Cardinalis Sedunensis, cum illi tuas Lucubrationes
obtulissemus, statim dixit, Luther tu uere es Luther. Huic nuper quidam
Eccij Propositiones misit, adiiciens se uictoriæ nuncium, quam Eccius sit
Lipsiæ contra nouam doctrinam obtenturus, statim allaturum. Cui respon-
dit Cardinalis, Disputet Eccius quantum uelit, Lutherus ueritatem scribit.

Replica Syluestri.

Card. Sedunensis.

Exemplaria nostra nos usq; ad decem uendidimus omnia, haud fo-
liciore uenditionem in aliquo Libro sumus unquam experti. Nouum
instrumentum ab Erasmo diligentissime recognitum, & insigni accessio-
ne locupletatum, intra dies decem fauentibus Superis, absoluemus.

Bene uale, Reuerende Pater.

Basileæ 14. Februarij.

M. D. XIX.

INEPI

COMMEN D M L IN EPISTOLAM
IN EPISTOLAM
PAULI AD GALLATAS,
D. MARTINI LUTHERI
AVGVSTINIANI, COM-
MENTARIVS.

PRAESTANTISSIMIS VIRIS
PVR AE ET VERAE THEOLO-
giae Doctōribus, Dominis, Petro Lupino Radhemio, Cu-
stodi, & Andreae Bodenstein Carolo studio, Archidiacono,
Canonici omnium Sanctorum Vuitember-
gae ordinarijs &c. Praeceptoribus suis,
in Christo obseruandis, D. Martinus
Lutherus Augustinianus
Salutem.



Effutiui diebus istis, ornatissimi uiri, nugas aliquot
de Indulgentijs, res sane leuiculas, de rebus (sicut
mihi uidetur) leuiculis, Verum, ut nunc expertus
sum, res omnium maximas, de rebus omnium maxi-
mis. Ego enim mire stultus, & errans grauissime,
peccata & errores metiebar mandatis diuinis, &
sacro sancto Euangelio Christi. Illi uero amici mei, pro gloria sapien-
tiae suae, non nisi potestate Papae, & priuilegijs Rom. Ecclesiae, me-
tiuntur quodlibet operis genus. Hoc est, quod tam diuersum sapere-
mus, & ego mihi tantas turbas concitarem, apud Christianissimos
illos, & religiosissimos sacrae Theologiae professores. Acciditq; mi-
hi, quod semper ueritus fui, uarium aliorum iudicium. Alijs impius,
alijs mordax, alijs uane gloriosus, alijs aliud uisus fui, quae sors com-
munis est in publico aedificantibus (ut uulgo dicitur) & in publicum
scribentibus. Tot Magistros fere inuenio, quot Lectores, atq; id
gratis. Quorum foelici auspicio & ductu, ne pertinax essem, & hae-
reticus fierem, discendum mihi fuit, neminem grauius delinquere
posse, quam eum, qui de opinionibus hominum dubitat, aut dispu-
tandi studio reluctatur, etiamsi interim Christum, & Christi fidem
negarit, hoc est, puerile quid luserit.

Qua in re, cum essem Augustae, patiebar satis paternum &
benignum Pædagogum, sicut scitis. Atque horum uirorum illius-
triss. illustrissima administratione factum est, ut noua illa & admi-
randa re-

Lutherus opera
hominum ad uer-
bum Dei expendit

iudicium uariū de
Luthero.

Quibus nominibus
ab aduersariis impe-
tatur, pro cuiusq;
libidine.

Tanda regnet libertas Christianorum, qua ceteris omnibus impune habentibus, una tantum Lex sit reliqua, in quam peccari possit hodie, hæc est potestas Papæ, & priuilegia Romanæ Ecclesiæ. Hinc conuiuere, consentireq; in omnes flagitiorum & corruptelarum lernas, quæ ex urbe Roma, sub innoxio, & sacro Papæ, & Romanæ Ecclesiæ nomine, in omnem terram sine fine exundant, sanctum est laudasse, ac pro uirtutibus summis adorasse, pietas est, contra mutasse, sacrilegium. Tanta est ira furoris Domini omnipotentis, tanta meruit impia nostra ingratitude, ut tam diu toleranda sit inferorum Tyrannis, qua uidemus, multo gemitu frustra gementes, nomen sanctum & terribile Christi, in quo iustificati, sanctificati, glorificati sumus, tam foedis, tam spurcis, tam horrendis monstris, auariciæ, tyrannidis, libidinis, impietatis prætexi, in seruitutem uitiorum cogi, & quod extremum est malorum, nomen Christi, per nomen Christi extingui, Ecclesiam, per nomen Ecclesiæ uastari, atq; omnino ijs rebus nos ludi, falli, perdi, per quas debueramus salui fieri. Quare, dum illi maximis illis rebus occupantur, dum mordent, dum Baal suo lanceolis se incidunt, dum Lindio Deo sacrificant, dumq; iactant extrauagantes, & declaratorias illas Romanæ eruditionis fidelissimas testes.

Libertas Christiana quo euasit.

Hodie in potestatem Papæ & priuilegia Ro. Ecclesiæ, tam grauitur peccatur, in Deum impune.

Furor Domini.

Ego ad minimas res me recipere statui, id est, ad diuinas literas, & inter has, ad eas, quæ sunt minimi Autoris (uel nomine suo testante) Pauli Apostoli, qui adeo non fuit summus Apostolorum, aut Pontifex maximus, ut se minimum quoq; Apostolorum, nec dignum, qui uocetur Apostolus, clamet, tantum abest, ut sanctissimū se iactet. Deniq; de tribu Benjamin ortus est, qui a Ioseph, minimus fratrum uocatur. Atq; ut nihil non sit minimum, nihil iudicat se scire, nisi Ihesum Christum, nec tamen hunc, nisi crucifixum, id est, minimum & nouissimum omnium, non ignarus utiq; de rebus illis maximis, & omnium primis, de potestate Romanæ Ecclesiæ, & decretis illius, non sibi rudissimo & indoctissimo Apostolo, sed solis ter maximis Theologis licere tractare.

Lutherus ad minima se dimittit, dū alius maxima tractantur.

Spero autem hanc meam operam prosperius habituram, quod sit de rebus illis inere nihili, de potestate Christi, qua potens est in nobis aduersus portas etiam inferi, de priuilegijs Ecclesiæ cœlestis, quæ nec maximam Romam, nec sanctissimam Ierusalem, nec ullum locum nouit, neq; hic aut illic Christum quærit, sed in spiritu & ueritate Patrem adorat. Quid enim tanti uiri his nugis mouerentur, irritarentur, cum sint extra eorum facultatem? Tutius ergo nunc in publicum uenio, abstinens ab ijs rebus, quibus illi irritantur, & rescellulas mea paruitate dignas, tractans.

Ceterum

COMMENDATIO IN EPISTOLAM

Cæterum, si quid ueteris illius Tragoediæ, de rebus magnis coortæ, superest, ipsis relinquo, tum, quod unus, & paruus, & infirmus, præsertim, cum illi & ociosi stent tota die, ego autem sim negotiosissimus. Quoniam superfluum est, utranq; partem causæ distorqueri. Sat malorum est, unam partem dolere & molestam esse.

Deuotio auctoris.

Concilia nunc reprobantur, nunc confirmantur.

Non curandū quid Card. Caietanus, & Syluester Priories adulentur & cauillantur. Augustinus.

S. Petrus.

Summus Pontifex.

Nugatores uani confundunt nomina Romana Ecclesiæ.

Porro, optimi uiri, ut uobis serio dicam, ego Roma. Pontifici, eiusq; decretis, eum honorem habeo, quo nullus est superior, nec excipio, nisi principem huius Vicarij, Ihesum Christum Dominum nostrum & omnium. Huius uerbū ita præfero Vicarij uerbis, ut nihil dubitem, secundum ipsum iudicare de omnibus, & dictis & factis Vicarij. Volo enim subiectum eum esse huic irrefragabili Regulæ Apostoli, Omnia probate, quod bonum est tenete. Ab hoc inquam iugo, neminem patiar collum excutere, siue nomine Matris, siue Magistræ ecclesiarum uehatur. Atq; ideo magis, quo nostro seculo uidimus Concilia reprobari, rursus alia confirmari, Theologiam meris opinionibus tractari, Iurium sensum ab unius hominis pendere arbitrio, & adeo confundi omnia, ut nihil certi pene nobis relictum sit. Sed & multas Decretales esse, a sensu Euangelico alienas, luce clarius est. Ita, ut necessitas ipsa rerum nos cogat, ad diuinæ Scripturæ solidissimam petram confugere, nec temere credere ullis, quicunq; sint, qui citra illius auctoritatem loquuntur, statuunt, aut faciunt. Nec uerendum censeo, quid contra Cardinalis Caietanus, & Syluester Priories adulentur, Qui etiam in rebus fidei, nudum uerbum hominis sufficere cauillantur.

Diuus Augustinus docet, nulli credendum, quantalibet sanctitate doctrinaq; præpolleat (credo etiam sanctissima) nisi diuinis literis, aut ratione probabili persuadeat, ne, si aliter ludamus, illudamur. At hi in Christo boni autores, uolunt nos ui cogere in hanc illusionem. S. Petrus toties lapsus est, & semel, post acceptum Spiritum, grauissimo animarum periculo, errauit: & nos homines, longe infra Apostolicam sublimitatem repstantes, ultra Apostolicas perfectiones eleuamus, quasi Christus mentitus sit, quando sese promissit nobiscum esse, usq; ad consummationē seculi, adeo querimus alios Christos, in quorum nutu renutuq; pendeat Ecclesia. Satis est Rom. Pontificem, summum Pontifi. esse. Impiissimum sit, Christo æqualem ei uirtutem & sapientiam affingere, sicut audent quidam. Quamquam ut ingenuè confitear, ipse penē ignoro, quæ sit, & ubi sit Rom. Ecclesia, ita ludentibus, iocantibus, confundentibus nomina Romana Ecclesiæ, teterrimis illis nugatoribus. Syluester eam secut in tres Ecclesias, in Papam, in Cardinales, in populum, Quæ distinctio, quia magistralis

magistralis & sufficiens est, nec membra coincidunt, facit, ut Papa & Cardinales sint extra Ecclesiam, inter paganos habendi, ut qui in essentiali Ecclesia non sint. Aut tres Christos preficiet tribus illis Ecclesijs. Imo, nec Christus ad Ecclesiam pertinebit tãto Autori, quum nec uirtualis, nec representatiua, nec essentialis sit Ecclesia. *Cardi. Caietanus.* Cardinalis Caietanus, passim se pro Ecclesia Roma. uenditat in Germania, sub nomine illius Breuia apostolica comminisci satis doctus. Est Roma. Ecclesia, bonus ille Copiista, qui declaratoriam illam pulcherrimam, qua Caietanus dignissime gloriatur, editurus, cum in Formulario suo, non Scripturas, aut ullas rationes, sed immemorabile tempus, consueuisse & tradidisse, iuueniret, hæc ipsa satis fideliter membranæ illeuit. Vendunt se ubiq; pro Ecclesia Roma. prout cuiq; libitum est, impij illi nebulones, plumbo tantum & cæra Roma. Curia totam Germaniam illudentes, & exhaustientes. *Doctus Copiista.*

Quid istis ludificationibus nominum sanctorum Papæ, & Roma. Ecclesiæ faciunt, nisi, quod nos Germanos, meros blennones, bardos, buccones, & (ut dicunt) barbaros & bestias arbitrantur, etiam irridentes nostræ illusionis & explilationis incredibilem patientiam. Proinde, ego in tanto rerum & uerborum chao, e tanta Sylvestrorum sylua, ad ciuitatem Augustam reuertor, & iudicium interim sequar, quo Principes Germaniæ, in nouissimis comitijs, recte, sancte, & auguste discreuerunt, inter Romanam Ecclesiam, & Roma. Curiam. Nam, quomodo licuisset eis recusare decimas, & uigesimas, & quinquagesimas (id est medullas, totiusq; Germaniæ semel subitanæ uastitatem) quas in Concilio illo sacratissimo (ut sic dixerim) Romano, nouerant sancitas, & tantis legatis Apostolicæ sedis expetitas, nisi tandem, licet sero, sapientes, intellexissent, non Roma. Ecclesiæ decretum, sed Roma. Curia illud esse commentum? Viderunt nimirum (dictu mirum, & nullis, neq; Sylvestris, neq; Caietanis creditu possibile) Concilium & Papam errasse, & posse errare, aliudq; esse nomen Ecclesiæ Romanæ, & aliud, quod nomine Romanæ Ecclesiæ geritur. Aliumq; esse Romanæ Curia, alium Romanæ Ecclesiæ Legatum. Hunc Euangelium afferre, illum pecunias quærere. Vnde barbaris illis & bestijs tantum iudicij? nisi quod Deus tandem fessus Blasphemijs sui, & irrisionibus, abusibusq; sui, & sanctæ Roma. Ecclesiæ nominis, monere uoluit Romanos proceres, ut res Ecclesiæ, posito ioco & ludo, aliquando serio curarent, antequam eliciant sanguinem, dum nimium mungunt Germaniam. *Germani.* *Sapientia Principum* *Res Ecclesiæ serio curande.*

Quare & ego, horum Theologorum laicorum exemplo pulcherrimo, longissime, latissime, profundissime, distinguo, inter Romanam

COMMENTARIUM IN EPISTOLAM

manam Ecclesiam & Roma. Curiam. Illam scio purissimum esse thalamum Christi, matrem Ecclesiarum, Dominam mundi, sed spiritu, id est, uiciorum, non rerum mundi, sponsam Christi, filiam Dei, terrorem inferni, uictoriam carnis. Et quid dicam? cuius sunt omnia, iuxta Paulum 1. Corin. 3. Ipsa autem Christi, Christus autem Dei. Hæc uero ex fructibus suis cognoscitur. Non, quod magnificandum sit, res nostras & iura diripi, cum fixum sit in coelo, Christianos in hac uita pressuram, Nimbrotos, & robustos Venatores pati. Nec ab hac conditione liberabitur Ecclesia, nisi per mortem, palma est, quanto fortius premitur, tanto sublimius exaltatur in Cades. Sed, quod omnibus lachrymis sit miseria maior, hæc a Fratribus & Patribus, in fratres & filios fieri (sicut in Propheta dicit Dominus, filios a parentibus uorari) quæ a Turca uix fierent, aut si fierent, non tamen nomen sanctum Christi, tam foedis monstris prætexeretur, quæ est omnium intollerabilissima, Christi & Ecclesiæ iniuria. Res sane eant, & uita pessum, at nomen Domini æternum, cur patiamur tam foede conspurcari? Nullo modo ergo Romanæ Ecclesiæ resistere licet, at Romanæ Curiae, longe maiore pietate resisterent, Reges, Principes, & quicumque possent, quam ipsis Turcis.

Robusti Venatores
Ecclesia palmæ cō
paratur.

Cades.

Horrendum dictu
& auditu.

Minime dissimulan
da est iniuria, qua
nomen Christi, foedi
s monstris præ
textitur.

Romanæ Curiae re
sistere licet.

Causa libertatis Lu
theranæ. est pietas
& illusores Christi

Fiducia Autoris.

Verbum Dei nun
quam nō cum peri
culo tractatum est.

Hæc uerbosius forte & liberius. Verum, propter eos, qui cum illusoribus illis, sine fine illudunt Christum, coactus sum meipsum exponere, ut sciant sese errare, quando me a Romana Ecclesia alienum clamant, qui purissime diligo, non modo Romanam, sed totam Ecclesiam Christi. Deinde, quod certus sum, aliquando moriendum esse, & in aduentu Domini nostri Ihesu Christi rationem reddendam, de ueritate, uel tacita, uel dicta, atque omnino de Talento tradito, ne ipsum abscondidisse iudicer. Irascantur sane qui uolent, modo ego impij silentij reus non inueniar; qui mihi conscius sum esse me debitorem uerbi, quantumlibet sum indignus. Nunquam sine sanguine, aut periculo, uerbum Dei tractari potuit. Sed, sicut pro nobis mortuum est, ita uicissim, sui confessione, & nos pro se mori exigit. Nec est Seruus maior Domino suo. Si Me (inquit) persecuti sunt, & Vos persequentur. Si meum sermonem seruauerint, & uestrum seruabunt.

Modestia Lutheri.

Sed ad me redeo, & ad uos, optimi Viri, refero, seu (ut Paulino utar uerbo) uobiscum confero, hoc meum in Paulinam epistolam studium, tenue quidem illud, nec tam commentarium, quam testimonium meæ in Christo fidei, ne forte in uanum cucurrerim, & sensum Pauli, non satis tenuerim. Hic enim, quia res Dei, & serio maxima est, abs quolibet Puero erudiri

erudiri cupio. Maluiffem certe & ego expectare Commentarios olim ab Erasmo, uiro in Theologia summo, & inuidiæ quoq; uictore, promiffos. Verum, dum ille differt (quod Deus faxit, non fit diuturnum) cogit me in publicum ire casus iste quem uidetis. Scio quidem me Infantem & ineruditum, sed tamen (quod aufim) pietatis & eruditionis Christianæ studiosum, atq; hoc ipso eruditorem his, qui diuina mandata, impijs legum humanarum pompis, mere ridicula & ludibria fecerunt. Vnum spectauit, si consequar, ut mea opera, ij, qui me Apostolicas Epistolas audierunt enarrantem, Paulum apertiore habean, & foeliciter me superent. Sin nec id effeci, age, & hoc libens perdiderim laboris, conatus reliquus est, quo alios ad Paulinam Theologiam volui accendere, quem nemo bonus mihi vitio dederit.

Valete.

ARGVMENTVM EPISTOLÆ Pauli ad Galatas.



Alatæ primum ab Apostolo sanam fidem, id est, in solum Ihesum Christum, non in suas, aut legis iusticias, fidere docti, post per Pseudoapostolos, rursus deturbati sunt, in fiduciam operum legalis iusticiæ, decepti uidelicet quam facillime, magnorum & uerorum Apostolorum false commendato, & nomine, & exemplo. Neq; enim in omni uita mortalium, quicquam falsius est superstitione, hoc est, falsa & infelice imitatione Sanctorum. Quorum cum opera sola, non etiam cor spectaris, in procliui est, ut simias, & Leuiathan, id est, additamentum addas, quo, ex uera Religione, superstitionem, uel impietatem facias. Nam, ut exemplo presente monstrem: Apostoli per Ecclesias Iudas, nonnullas legum ceremonias seruabant. Sicut de Marco, Philonem scripsisse, Hiero: testatur. Hoc autem stulti illi, quæ ratione id facerent, ignorantes, mox de suo addiderunt, ne necessaria esse ad salutem, quæ à tantis Apostolis obseruari uiderant, nec unius Pauli, qui Christum, neq; uidisset, neq; audisset in terra, habendam rationem.

Lapsus in superstitionem facillimus.

Fieri simiam & Leuiathan.

Nonnullæ legum ceremoniæ ab Apostolis seruantur.

At Apostoli: ut manifestissime Act. 15. Petrus definierat, non ut necessaria, sed ut quæ licerent, & nihil obessent ijs, qui non in ipsa, sed in Ihesum Christum salutis fiduciam ponunt, seruabant. Nam in Christum credentibus, omnia munda, indifferentia, licita sunt, quæcunq; uel præcipiuntur, uel prohibentur externis ceremonijs, corporalibusq; iusticijs, nisi quantum sua sponte, aut pro charitate, sese eis subijcere uelint. Ad quam intelligentiam PAVLVVS, tanto æstu laborat Galatas reuocare, ut & PETRI, & omnium Apostolorum, prorsus nullam rationem habeat, quantum ad personam, conditionem, id est, dignitatem (& quod dicunt) qualitatem, attinet. Deniq; se ab eisdem nihil accepisse, quin commendatum ab eis fuisse, gloriatur sanctissima quadam superbia; nihil cedens

Ceremoniæ licite non necessarie.

In Christum credentibus omnia cooperantur in bonum.

Paulus sanctissima superbia gloriatur.

V V ij

Aposto.

COMMEN. D. M. L. IN EPISTOLAM

Apostolorum quoque opinioni, qua Evangelicæ ueritati uidebat calumniam strui apud rudiores, longeque melius ducens, inglorios esse, seipsum & Apostolos ipsos, quam Christi Euangelium euacuari.

EPISTOLAE PAULI AD GALATAS, CAPVT I.



PAVLVS Apostolus. Quando iam græcatur totus orbis Christianus, & Erasmi Theologicissimi annotationes omnium manibus teruntur, non est necesse indicare, quid Apostolus græce significet, nisi ijs, quibus non Erasmus, sed ego scribo. Apostolus enim idem, quod missus significat. Et doctore D. Hiero. Hebræorum uocabulum est, Silas quod apud eos sonat, cui a mit-

Iohan. 9.

Esa. 7.

Gen. 49.

Iohan. 10.

Apostolus.
Silas.

Locus apud Ioh. 9.

Christus Apostolus

In mores nostræ
etatis.

Venientes, fures
sunt & latrones.

Deus uerbo suo sa-
nat. Homo uerbo
suo affligit.

Incommoda & car-
nificine præsentis
Ecclesiæ.

tendo, nomen misso impositum est. Ita apud Iohan. 9. Vade, laua in natatoria Siloe, quod interpretatur missus. Cuius mysterij & Esa. 7. non ignarus, dicit. Abiecit populus iste aquas Siloe, quæ uadunt cum silentio. Sed & Gen. 49. Donec ueniat Silo, quod Hiero. transtulit, qui mittendus est. Ex quo loco Paulus Christum Apostolum appellare uidetur, ad Ebræos, id est, Silan. Meminit in Actis Lucas Silæ cuiusdam. Hæc magis considerata sunt, quod Apostolus, uerecundum nomen est, sed mire simul augustum ac uenerabile, insignem iuxta humilitatem, & sublimitatem præ se ferens. Humilitas est, quod missus est, officium, seruitutem, obedientiam, protestatus, tum, ne quispiam uelut dignitatis nomine motus, in ipsum fidat aut gloriatur, sed per officij nomen, in autorem mittentem mox rapiatur, a quo iam maiestas & sublimitas Missi & serui concipiatur, ut reuerenter excipiantur. Non sicut nostra ætate, qua nomina Apostolatus, Episcopatus, ac reliqua, non officij, sed dignitatis ac ditionis uocabula esse coeperunt. Quos Christus, Iohan. 10. contrario nomine, non missos, sed uenientes, & seipsum interpretatus, Fures & Latrones appellat, ut qui non mittentis uerbum, quo pascant, afferunt: sed suum lucrum, quo mactant oues, referunt. Quotquot (inquit) uenerunt, id est, non mittebantur: Fures sunt & Latrones. Et ut Apostol. Rom. 10. Quomodo prædicabunt, nisi mittantur? Quas doctrinas, o utinam nostro seculo digne appenderent Christiani populi pastores & rectores. Quis enim potest prædicare nisi sit Apostolus? Quis autem est Apostolus, nisi qui uerbum Dei apportat? Quis autem potest uerbum Dei apportare, nisi qui Deum audierit.

At qui, uel sua, uel humanarum legum, Decretorum, aut Philosophorum dogmata affert, nunquid is dicendus est Apostolus? Imo ueniens, & fur, & latro, & perditor, & mactator animarum est. In Siloa lauatur cæcus, & uisum recipit. Et Siloæ aquæ salutes sunt, non aquæ fortes & superbæ regis Assyriorum. Misit uerbum suum (nempe Deus) & sic sanauit eos. Venit homo & uerbum suum, & hæmorrhoidiam peius habere facit: hoc est, ut clare dicam, quoties uerbum Dei prædicatur, reddit lætas, lætas, securas conscientias in Deum, quia est uerbum gratiæ, remissionis, bonum & suauis. Quoties uerbum hominis, reddit tristem, angustam, trepidam conscientiam in seipsa: quia est uerbum legis, iræ, & peccati, ostendens, quid non fecerit & quanta debeat. Proinde, non fuit Ecclesia unquam infœlicior ab initio sui, quam nunc est, & quotidie magis fit, tot decretis, legibus, statutis, pene infinitis carnificinis excarnificata, longeque atrocius, quam tempore Martyrum, a tortoribus confecta. Et ijs perditionibus

ditionibus animarum, Pontifices adeo nihil afficiuntur, adeo nihil commoventur super contritione Ioseph, ut (tanquam Deo obsequium præstent) etiam addant dolorem, super uulnerum dolorem.

Non ab hominibus, neque per hominem, Sed per Ihesum Christum, & Deum patrem, qui suscitauit eum a mortuis.

Statim ab initio percutit oblique falsos Galatarum Apostolos, quos non per Ihesum Christum missos subindicat: sed, uel per seipsos, uel per alios Apostolos, quorum tamen doctrinam false tractabant. Id sane notandum, quod nullum uoluit Christus Apostolum fieri ex hominibus, seu hominum arbitrio, sed ex sua solius uocatione. Vnde & Matthiam Apostoli non ausi sunt eligere, sed de cælo per orationem impetrabant. Et Paulum ipsum de cælo uocauit, & Apostolum fecit. Maxime autem per uocem Spiritus sancti. Actor. 13. Segregate mihi (inquit) Paulum & Barnabam, in opus ad quod assumpsi eos. Ita Rom. 1. gloriatur, se in Euangelium Dei segregatum, quo cæteris Apostolis, in circumcisionem missis, ipse cum Barnaba in præputium & gentes segregati sunt.

Apostoli non ausi Matthiam eligere.

Et aduerte quod Paulus, nomen Apostoli, adeo officij & dignitatis asserit, eo uelut participio utatur. D. Apostolus non ab hominibus, quod sonat, missus non ab hominibus. Nisi hæbraismus sapit oratio, ut Psal. 4. Myrrha & gutta & casia a uestimentis tuis, a domibus eburneis. Quæ omnia eo tendunt, ut uideas, quanta cura Christus Ecclesiam suam instituit, atque muniuit, ne temere quisquam docere præsumeret, nisi ab ipso, uel a se missis, missus sit. Sicut enim primum & maximum Ecclesiæ beneficium est uerbum Dei, ita contra, nullo maiore detrimento Ecclesia perditur, quam uerbo hominis, & traditionibus huius mundi. Deus solus uerax, omnis homo mendax. Denique in hanc gratiam, sicut olim Dauid reliquit omnes impensas, quibus Salomon ædificaret templum, ita Christus reliquit Euangelium & Scripturas alias, ut ipsi, non humanis decretis Ecclesia edificaretur. Quod quam misere sit iam plus trecentis annis neglectum, imo peruersum, satis ostendit facies hodierna omnium rerum Ecclesiæ.

Apostolus.

Consilium.

Inuentiunculis humanis ecclesia perditur.

Quatuor Apostolorum genera, D. Hiero. ex hoc loco colligit. Primum, quod neque ab hominibus, neque per hominem, sed per Ihesum Christum & Deum Patrem, ut Prophetæ olim & omnes Apostoli. Alterum, quod a Deo quidem, sed per hominem, ut Discipuli Apostolorum, & qui in finem mundi legitime succedunt Apostolis, ut Episcopi, & Sacerdotes. Et hoc genus, sine primo non potest consistere, a quo habet exordium. Tertium, quod ab homine seu hominibus, non a Deo, ut cum fauore & studio hominum aliquis ordinatur, ut nunc uidemus, plurimos, non Dei iudicio, sed redempto uulgi fauore, in sacerdotium subrogari. Sic Hierony. Si hoc Hiero. temporibus malum iam tum inualescebat, quid mirum, si hodie triumphet & regnet. Nam huius generis esse oportet omnes, qui seipsos offerunt ad Episcopatus & sacerdotia, antequam uocentur, animalia, scilicet uentris & gloriæ. Ideoque, quantum ex ipsa Ecclesia commodi habeat, satis uidemus.

Apostolorum quatuor genera.

Quartum genus, quod neque a Deo, neque ab hominibus, neque per hominem, sed a semetipso, ut Pseudoprophetæ, & Pseudoapostoli, de quibus Paulus. Istiusmodi Pseudoapostoli, operarii iniquitatis, transfigurantes se in Apostolos Christi. Et Dominus Iohan. 10. quotquot uenerunt, fures fuerunt & latrones. Hiere. 23. Non mittebam Prophetas, & ipsi curabant, non loquebar ad eos, & ipsi prophetabant. Ab hoc malo summe cauendum est. Nam hinc Christus, nec dæmonia sinebat loqui, & si uerum dicebant,

Cauendum.

V V iij ne præ

COMMEN- D- M- L- IN EPISTOLAM

ne prætectu ueritatis , inter mendacium mortis : quando non potest loqui, qui ex seipso loquitur, nisi mendacium, ut Christus ait. Vnde Iohan. 8. Ne Apostoli ex seipsis loquerentur, dedit eis spiritum suum, de quo dicit: Non uos estis, qui loquimini, sed spiritus Patris uestri, qui loquitur in uobis. Et rursus. Ego dabo uobis os & sapientiam &c.

In quorundam religiosorum querimoniâ.

Non possum hic (& si leuiculum est) transire, multorum præsertim religiosorum & sacerdotum fatuam querelam, satis tamen acrem tentationem, qua queruntur, sese talentum domini habere, ideoq; necessitate Euangelici præcepti sese urgeri ad docendum. Itaq; nisi doceant, stultissima conscientia credunt, sese pecuniam domini sui abcondere, & reos esse damnationis. Diabolus hæc facit, ut instabiles eos reddat, in uocatione sua, in quâ uocati sunt. O bone frater, uno uerbo Christus te liberat ab hac querela. Vide Euangelium quod dicit sic. Vocatis seruis, tradidit illis bona tua. Vocatis inquit. Quis autem te uocauit? Expecta uocantem, interim esto securus. Imo, si esses sapientior ipso Salomone & Daniele, tamen, nisi uocaris, plusquam infernum fuge, ne uerbum effundas. Si tui eguerit, uocabit te. Si non uocabit, non te rumpet scientia tua. Deniq; neq; est uera, sed uidetur tibi scientia, & stultissime fingis tibi fructum, quæ possis facere. Nemo fructificat uerbo, nisi qui sine suo uoto uocatur ad docendum. Vnus est enim Magister noster Ihesus Christus. Hic solus docet & fructum facit, per uocatos seruos suos. Qui autem non uocatus docet, non sine damno, & suo, & auditorum docet, quod Christus non sit cum eo.

Quod ergo Apostolus, se non ab hominibus missum, dicit: Pseudoapostolis se opponit. Quod non per hominem: ipsis fidelibus, qui ab Apostolis missi fuerant, opponit. Ideo contra tria genera Apostolorum, tali exordio utitur. Et testatur Hiero. quod ex Iudæis quidam in Christum credentes, in Galatiam perrexerunt & docuerunt, quod & Petrus, & Iacobus, & Iohannes legem seruarent, ut magis infra uidebitur.

Vna causa, cur de resurrectione interferat.

Quod autem resurrectionem Christi interserit, uidetur ociosum. Verum, solet Apostolus libenter resurrectionem Christi commemorare, potissimum contra eos, qui in iusticiam propriam confidunt. Sic & in Rom. salutatione eiusdem & copiosius meminit, quod & ibidem fortiter contra iusticiam operum disputat. Qui enim tales sunt, necesse est, ut resurrectionem Christi negent, imo irrideant. Nam Rom. 4. Christus (inquit) mortuus est propter peccata nostra, & resurrexit propter iustificationem nostram. Ideo, qui alia uia præsumit iustus esse, quam credendo in Christum, hic Christum a se reijcit, & ociosam eius passionem & resurrectionem ducit. Qui enim in Christum morientem credit, simul & ipse moritur peccato cum Christo. Et qui credit in resurgentem & uiuentem, eadem fide & ipse resurgit, & uiuit in Christo, & Christus in eo. Ideo resurrectio Christi est iusticia, utraq; nostra, non tantum exemplo, sed & uirtute. Sine resurrectione Christi, nemo resurgit, quantumlibet operetur bona. Rursum, per resurrectionem quantumlibet resurgit, quantumlibet operatus sit mala, ut hæc latius ad Romanos. Forte etiam ideo meminisse solet in salutatione resurrectionis, quod Spiritus sanctus datus est per resurrectionem Christi, quo Spiritu, distributa sunt dona Apostolatus & alia. 1. Corin. 12. Ut sic se Apostolum asserat autoritate diuina, per Spiritum resurrectionis Ihesu Christi.

Rom. 4.

Aliqua causa.

Et qui mecum sunt omnes fratres. Omnes fratres, inquit. Quo uidetur occurrere eisdem Pseudoapostolis, qui (ut Hiero. ait) ipsum quoque Pav.

PAYLI AD GALATAS CCCXCIIII

que Paulum, aliter apud alios sapere dicebant, quam Galatas docuisset. Deinde, quod ad populum corrigendum, plurimum ualeat, multorum de eadem re sententia, atq; consensus.

ECCLESIIIS GALLATIAE.

IN alijs Epistolis, ad unius urbis scribit Ecclesiam. In hac, ad multarum ac totius prouinciæ, scribit Ecclesias. Et eximie notandum, quod B. Hieron. hic pulchre obseruat scilicet Ecclesias uocari, quas tamen Apostolus arguit errore deprauatas. Ex quo noscendum est (inquit) Ecclesiam dupliciter posse dici. Et eam, quæ non habet maculam, neq; rugam, & uere corpus Christi sit. Et eam, quæ in Christi nomine, absq; plenis perfectisq; uirtutibus, congregetur. Quo modo sapientes bifariam nuncupantur, tam ij, qui sunt plenæ perfectæq; uirtutis, quam illi, qui incipiunt & in profectu positi sunt. De perfectis dicitur. Mittam ad uos sapientes. De insipientibus, argue sapientem, & diliget te. Iuxta hunc sensum, de cæteris quoq; uirtutibus intelligendum, quod scilicet fortis, & prudens, castus, iustus, temperans, interdum plene, interdum abusiue accipiuntur. Verum hæc de perfectione sane intelligenda sunt. Nam nullus ita perfectus in hac uita est, ne Apostolus quidem, quin perficiendus sit magis, imo, ut Sapiens dicit: Homo cum consummauerit, tunc incipiet. Ad aliorum itaq; comparisonem alios perfectos dixeris, alioquin & ipsi quotidie incipiunt, atq; proficiunt.

Proinde, melius B. Augustin. Ecclesiam sine macula & ruga in futuram uitam differt, quæ non amplius dicat, dimitte nobis debita nostra. At tamen recte hæc Hier. & Orige. sententia est, quod contra hæreticos bene pugnat ex Apostolo. Qui mox nomine Babylonis criminantur Ecclesiam, quæ mixtim malos habet, ut sibi solis, uelut sanctis, Ecclesiæ nomen arrogent. Quin, si mali sunt in aliqua Ecclesia, certe accurrendum est, & exemplo isto Pauli, clamandum, exhortandum, obsecrandum, orandum, terrendum, & omnia tentanda, ut boni fiant. Non autem sacrilego illo Dei timore (ut dicunt) & impio conscientiae studio, discedendum, & schisma faciendum. Quæ est ista charitas, quæ malos, neq; ferre, neq; iuuare statuit, furor est, nomine charitatis ineptissime se uestiens. Quid hic respondebunt? Apostolus Ecclesias appellat, quæ non morum (nam hi soli offendunt, superbos & hæreticos faciunt) sed fidei errore laborabant, ac tota substantia, unde possent Ecclesiæ uocari, peribat.

Gratia uobis & pax a Deo Patre, & Domino nostro Ihesu Christo.

Discernit Apostolus hanc gratiam & pacem, ab ea, quam mundus uel ipse homo sibi dare potest. Gratia enim Dei Patris, & Domini nostri Ihesu Christi, aufert peccata, cum sit spiritualis & occulta. Sic pax Dei, serenat, quietat, ac lætificat cor hominis coram Deo in absconditis. Et, ut alibi dictum est: Gratia culpam, pax poenam aufert. Ut sic iusticia & pax osculentur & conueniant. Verum, quando hæc sunt, mox amittitur gratia & pax hominum, mundi, carnis, id est, sui ipsius & Diaboli, concitatur autem ira, & turbatio omnium. Nam qui in gratia Dei est, operatur, quæ Deo placent. Ideo mox displicet Diabolo, mundo, & carni suæ. Et dum Deo iustus est, carni & mundo, peccator est. Et ita oritur bellum. Bellum for-

V V iij ris, pax

Duplex Ecclesia.

Sapientes bifariam dicuntur.

Consilium, quomodo dicta sunt accipienda.

Augustinus de Ecclesia.

Sententia Hieron. recta.

Non descendi ab Ecclesia.

Gratia Dei.
Pax Dei.

COMMENTARIUS DE MOLIN IN EPISTOLAM

ris, pax intus. Intus, inquam, non sensibiliter, & experimentaliter suauitate, saltem semper, sed inuisibiliter & per fidem. Nam pax Dei exuperat omnem sensum, id est, incomprehensibilis est, nisi fide.

Gratia mundi.

Sic contra, qui in gratia mundi est, & sua ipsius, & placet sibi, statim peccat coram Deo, & iram incurrit. Qui enim, ait Iacobus, amicus huius mundi esse uoluerit, inimicus Dei constituitur. Ideo sequitur, & hic mox bellum. Bellum intus cum Deo, pax foris cum mundo: quia non est pax impijs dicit Dominus. Esa. 48. Et tamen Psal. 52. pacem peccatorum uidet. Et Psal. 37. prosperatur peccator in uis suis. Ideo & istud bellum est absconditum, & insensibiliter, saltem aliquando, habetur. Quare in quadam bilibri sese componderant ista quatuor, Gratia Dei, & indignatio mundi: Pax Dei, & turbatio mundi: Gratia mundi, & indignatio Dei: Pax mundi, & turbatio Dei. Sic Christus Iohan. 16. In mundo pressuram habebitis, in me uero pacem, Sed confidite. Ego uici mundum. Et infra Paulus. Si adhuc hominibus placerem, Christi seruus non essem, id est, non placerem. Quare hac salutatione, summam statuit doctrinae suae, quod uidelicet, nemo iustus esse potest, nisi per gratiam Dei, nequaquam per opera. Et conscientiae turbatio non quietatur, nisi per pacem Dei, non ergo per opera cuiuscunque uirtutis, aut satisfactionis.

Nemo iustus, nisi per Gratiam Dei, non per opera uirtutis.

Duplex regnum. Regnum gratiae,

Quid est autem, quod non suffecit Apostolo dicere, A Deo patre nostro, nisi adderet, & Domino nostro Ihesu Christo? Hoc dicitur ad differentiam regni gratiae, & regni gloriae. Regnum gratiae, est regnum fidei, in quo Christus, ut homo regnat, constitutus a Deo patre, super omnia, iuxta Psal. 8. In quo a Deo accepit dona in homines, ut Psal. 68. dicit. Et hoc, usque ad iudicium nouissimum. Tunc enim, ut 1. Corint. 15. Apostolus docet, tradet regnum Deo & Patri, & erit Deus omnia in omnibus, cum euacuauerit omnem principatum & potestatem. Hoc est regnum gloriae, in quo Deus ipse per se, non amplius per humanitatem regnabit in fide. Non quod aliud & aliud sit regnum, sed aliter & aliter. Nunc in fide & enigmatate, per humanitatem Christi, tunc in specie & reuelatione diuinae naturae. Inde Apostoli fere appellant Christum Dominum, Patrem uero Deum, cum sit idem Deus uterque, sed, ut dixi, propter regni differentiam, quod sumus nos, qui in fide purgamur, in specie autem salui erimus.

Regnum gloriae.

Qui dedit semetipsum pro peccatis nostris, ut eriperet nos de praesenti seculo nequam, secundum uoluntatem Dei & Patris nostri, cui est gloria in secula seculorum, Amen.

Donum Dei.

Singula haec, Epitaphin & Emphasin quoque habent, quibus iam omnino asserit, legem & arbitrium humanum prorsus nihil esse, nisi Christus credatur traditus pro peccatis nostris. Qui dedit, inquit, tanquam immeritis donum gratuitum, non reddidit, tanquam dignis praemium. Sicut Rom. 5. Cum inimici essemus, reconciliati sumus Deo, per mortem Filij sui. Dedit autem, non aurum, non argentum, sed neque hominem, neque omnes Angelos, imo, semetipsum, quo maius nihil est, neque habet. Dedit, inquam, tam inestimabile precium, pro peccatis nostris, pro tam despecta odioque dignissima re. O dignatio & charitas Dei in nos, quam eximij & obseruatis apte uerbis commendat, & dulcissimam nobis reddit, misericordiam Dei Patris.

Mira charitas Dei.

In iactatores liberi arbitrii.

Ubi sunt nunc superbi iactatores liberi arbitrii? ubi eruditio moralis philosophiae? ubi legum tam sacrarum quam prophanarum uirtus? Si tanta sunt peccata nostra, ut non, nisi dato tanto precio, potuerint tolli,

tolli, quid facimus, dum arbitrio, legibus, ac doctrinis, nos iustos facere conamur, nisi quod peccata nostra tegimus, falsa iusticiæ seu uirtutis specie, ac hypocritas incurabiles facimus? Quid prodest uirtus, si peccata manent? Desperandum itaque est de ijs omnibus, & ubi non fides Christi doceatur, omnem uirtutem non aliter habeamus, quam uelamen nequitiae, & operculum omnis spurcitiae, sicut Phariseos Christus describit. Nihil ergo sunt gentium uirtutes, nisi fallaciae, nisi ociose Christum pro peccatis nostris traditum contendas, ut quod nostris uiribus potuimus, tanto impendio frustra sibi uoluerit constare.

Virtus moralis sine fide Christi uelamen est nequitiae,

Verum, id pronomen, nostris, ne contemptum prætereas. Nihil enim tibi profuerit credere, Christum esse pro peccatis Sanctorum aliorum traditum, pro tuis autem dubitare. Nam hoc & impij & daemones credunt. Verum, constanti fiducia præsumendum est tibi, quod & pro tuis ut unus sis illorum, pro quorum peccatis ipse traditus est. Hæc fides te iustificat: Christum in te habitare, uiuere & regnare faciet. Hæc est testimonium Spiritus, quod reddit spiritui nostro, quod simus filij Dei. Quare facile senties, si aduertas, hunc affectum ex tuis uiribus in te non esse. Impetrandus ergo per humilem, & in seipso desperatum, spiritum.

Pronomen nostris, Quomodo credendum.

Fabulae ergo sunt, opinatorum Scholasticorum, hominem esse incertum, in statu salutis sit, nec ne. Caue tu, ne aliquando sis incertus, sed certus, quod in teipso perditus, laborandum autem, ut certus & solidus sis in fide Christi, pro peccatis tuis traditi. Quomodo potest fieri, ut hanc fidem, si sit in te, non sentias? cum B. Augustinus asserat, eam certissime uideri ab eo, qui habet. Nunc uide, Paulus non ait, pro peccatis uestris, sed nostris, certus enim erat. Ita & illud, Eriperet nos, non ait, uos. Quo iterum fulmine uerbi contundit præsumptionem, arbitrij, legis, & operum iusticiæ nostræ. Non (inquit) ista eripiunt nos, sed Christus traditus, si modo credas te eripi. Ista autem ereptio spiritualis est, non corporalis, hæc fit, quando anima moritur & crucifigitur mundo, id est, concupiscentijs, quæ sunt in carne omnium hominum. Quod ad Titum 2. la-
tius explicans, dicit. Abnegantes impietatem & secularia desideria, sobrie, & iuste, & pie uiuamus in hoc seculo. In quo loco utrunque expressit, scilicet uitam in hoc seculo (quod seculum non sit malum) & secularia desideria, quia in seculo isto abundant mala desideria.

In fabulis scholasticis.

Ereptio spiritualis

Vnde & hic addit de præsentī seculo, nequam. Alioqui, si seculum nequam, ipsum cursum temporis uellet intelligi, iam de hac uita rapiendos doceret omnes, quotquot credunt in Christum. Sicut & 1. Corinth. 5. seipsum non id uoluisse explicans, dicit, alioqui debueratis de hoc mundo exisse, Q. d. non id uolui, ut deberetis e uita fugere, sed a uitijs & concupiscentijs, quæ sunt in mundo. Vt & 2. Pet. fugientes eam, quæ in mundo est concupiscentiæ corruptionem.

Cor. 5.

Tropum autem huius locutionis B. Hieron. pulchre & late explicat, dicens: Sicut infamantur saltus, cum latrocinijs pleni sunt. Detestamur & gladium, quo humanus effusus est cruor, & calicem, quo uenenum temperatum est, non calicis gladijque peccato, sed quod odium mereantur illi, qui ijs male usi sunt. Ita seculum, quod est spacium temporum, non per se metipsum bonum aut malum est, sed per eos, qui in ipso sunt, aut bonum, aut malum appellatur. Idem B. Augustinus, Malum seculum intelligit, malos homines in seculo. Hæc tamen omnia sic accipe, ut & te partem huius mali agnoscas. Nam omnis homo mendax, & non est iustus

B. Hieronymus.

B. Augustinus.

Omnis homo mendax.

COMMENTARIUS DOMINI MARTINI LUTHERI IN EPISTOLAM

iusus in terra. Psal. 14. ne superbia super ceteros nimium eleueris. Ideo quando Christus te eripit a seculo, neque certe a te ipso, ut omnium tibi pessimo hoste, te eripit. Sicut PAVLVS Rom. 7. Non habitat in me, hoc est, in carne mea bonum. Igitur non tuis uiribus, seculum nequam & uitia tua uincas, Frustra sunt opera, nisi Christus te eripiat solus. Quare caue, ne ieiunia, uigiliae, studia, temperantia, sobrietas, aliaeque uirtutes, te hypocritam irreparabilem faciant.

Frustra sunt opera hominum nisi Christus adsit.

Secundum voluntatem suam, hoc est, quod nos eripimur, non currentis est uirtutis nostrae, sed miserationis uoluntatis Dei. Sicut ait Psal. 51. Benigne fac Domine, in bona uoluntate tua Sion. Et Luce 2. Et in terra pax hominibus bonae uoluntatis, non suae, sed Dei. Vt in graeco EVDO CIA. Sicut enim uiri misericordiae, & uasa misericordiae dicuntur, quod non suo merito, sed Dei misericordia suscipiuntur: Ita homines bonae uoluntatis, quod non suis uiribus, sed diuinae uoluntatis beneplacito saluantur. Vt stet gloria soli Deo in secula seculorum Amen, ut hic Apostolus dixit. Nam si quid nos possumus, certe non hoc in gloriam Dei, sed in nostram referri debet. Sed absit, ut puluis, & is qui nihil est, laudem & gloriam habeat. Vide ergo, quanto impetu, sola saluatione, percutit Galatas & eorum Magistros, aptissimo exordio, pro huius epistolae argumento.

Miror quod tam cito transferimini ab eo, qui uos uocauit in gratiam Christi, in aliud Euangelium, quod non est aliud, nisi sunt aliqui, qui uos conturbant, & uolunt conuertere Euangelium Christi.

D. Hieronymus.

D Hiero. hyperbaton hic esse dicit. Et in hunc modum ordinat. Miror, quod tam cito transferimini a Christo Ihesu, qui uocauit uos in gratiam. Graecis, pro Christi habetur Dei, & potest tum in genitiuo, tum in ablatiuo, latine reddi, ut Erasmi. indicat. Item, Quod non est aliud, intelligit, quod sit nihil aut nullum. Vbi, si meo lieret sensu diuinare, crederem, Apostolum uelle, non esse aliud Euangelium, quam quod praedicat ipse, & mutata coniunctione, nisi, in sed, clarior fieret sensus, ut sit iste textus, me temerante: Miror, quod tam cito transferimini a Deo (qui uocauit uos, per gratiam) in aliud Euangelium, cum non sit aliud Euangelium. Sed sunt quidam, qui uos conturbant, & uolunt conuertere Euangelium Christi. Quod si cum hyperbato placet legere, nec inepte legetur, ab eo, qui uos uocauit per gratiam Dei, uel Deo.

Sententia Lutheri.

Vehemens sententia, sed modesta.

Vehemens est sententia Pauli, & tamen modestissima. Mirari se dicit, cum indignari & ardere penitus sese infra ostendat. Sed suauiter, non pro impetu concepto, inuadens. Vtique bono exemplo omnibus rectoribus Ecclesiasticis, praesertim in fulmina promptis, etiam pro re nihili, non errare, non peccare eos dicit, sed peiore malo, prorsus translatos extra Euangelium, alienatos a Deo esse. Nam mitius est, si arbor maneat, fractis aliquot ramis, aut alio incommodo laesa, quam si penitus transferatur euulsa, de loco suo in locum, ubi necesse sit eam arescere, & sterilesce. Adeo terribile est, iusticiam suam quaerere, & in legis ac arbitrii opera, fidere. Nam hoc est Christum abnegare, gratiam & ueritatem abscindere & (ut infra docebit) seipsum in idolum statuere. De quo Iob 31. Si osculatus sum manum meam ore meo, quae est iniquitas maxima, & negatio contra Deum altissimum. Osculari enim manum ore proprio (ut S. patres sapiunt) est sua

Idolum se facere.

Osculari manum proprio ore.

Iob. 31.

1 Reg. 19.

Esa. 2.

Psal. 2.

est sua opera laudare, in sua iusticia fidere. Atq; hac iniquitate fit, ut non in Deo gloriemur, sed in nobis ipsis, & gloriam Deo subtrahamus. Quod vitium cultoribus Baal tribuitur. 3. Reg. 19. qui nō incuruauerunt (inquit) genua sua ante Baal, & omne os, quod non adorauit eum, osculans manum. Et Esa. 2. opus manuum suarum adorauerunt, quod fecerunt digiti eorum. Contra, Psal. 2. dicitur, osculamini filium, ut est hebraice, pro apprehendite disciplinam, id est, in Christum pura fide credite, & hunc colite. Fides enim debetur ueritati, quæ nulla est, nisi solus Deus. Ideo fides est uerissima & interior latria.

Hinc illud intelligimus, quod ex B. August. duplex malum asseritur contra fidem, & contra bonos mores. Malum fidei, in optimis moribus facit hæreticos, superbos, schismaticos, quos Scriptura proprie impios Heb. *Mali mores.* reschaim uocat. Mali mores, peccatores faciunt salua fide, saltem aliorum, hoc est, non impugnant fidem, etsi eam sciunt se non habere & debere, ideo sunt facile curabiles. Malum autem fidei, mox etiam criminatur & persequitur fidem aliorum, ut suam statuatur. Hoc uerbum, Conuertere, D. Hieron. *Malum fidei.* notat, quia ex græco Metastrepse significat id, quod in facie est, post *Conuertere.* tergum facere, & quod post tergum est, in faciem ponere. Est enim infinitius futurus. Vult itaq; Paulus. Euangelium, quod est spiritus & gratiæ *Subuersum Euangelium.* doctrina, conantur illi retrorsum in literam, iam diu post tergum relictam, reuocatum iri, cum per Euangelium id effectum sit, ut in spiritum libertatis, magis ac magis proficeretur. Volunt, inquam, sed non poterunt præualere.

Et hodie sane Euangelium subuersum est, in magna parte Ecclesiæ. Quando non, nisi decreta Pontificum, & traditiones hominum auersantium ueritatem, populos erudiunt. Aut Euangelium sic tractatur, ut a legibus & moralibus præceptis, prorsus nihil distet. Fidei & gratiæ cognitio ipsis quoq; Theologis contempta. Putat & D. Hieron. uerbum Trans-ferimini, congrue ad Galatas aptatum, quod Galatia hebræis translationem significet, quasi Apostolus ex eorum proprio nomine, occasionem huius exordij sumpserit, ac si diceret. Vere Galatæ estis, & transferri prompti, res congruit cum nomine uestro, allusione, scilicet hebraicæ linguæ. Nec sunt iniucundæ eiusmodi peregrinarum linguarum allusiones, si suo loco ueniant. Vt si de Roma diceret, uere tu Roma es, hebraice, quod est, *Allusiones linguarum inueniuntur,* superba & excelsa. Quid enim, & ad Romanos Apostolus aliud facit, quam quod superbiam & arrogantiam eorum contumdit: uelut re ipsa, allusionem nominis Romani tractans.

Sed licet nos, aut Angelus de cælo Euangelisaret uobis, præterquam quod Euangelisauimus uobis, anathema sit, sicut prædiximus, & nunc iterum dico. Si quis uobis Euangelisauerit, præterquam quod accepistis, anathema sit.

Anathema græcum, teste Hier. proprie Iudæorum uerbum est, *Anathema.* Quod apud eos, horma dicitur. Iosue 6. Sitq; hæc ciuitas anathema, & omnia quæ in eo sunt. Heb. Herem, & sonat uastitatē, perditionē, occisionem. Inde, cum sit uerbum maledictionis, pro maledictione & execratione & detestatione accipitur. Sic Psal. 41. Memor ero tui de terra Iordanis, & Her-

Psal. 41.

COMMENTARIVS M. L. IN EPISTOLAM

& Hermonijm a monte modico. Vbi anima turbata peccatis suis, memoria Christi pro se crucifixi, & anathema facti, sese consolatur. Nam & ros Hermon, qui Psal. 133. scribitur, descendere in montem Zion, utiq; uerbum est, de crucifixo filio Dei. Latini autem dicerent, Anathematizatus, uel si de uerbo, anathematizatum sit. Hebraeis frequens est usus abstractionum. An autem anathema græcum (quod ea significat, quæ in templis suspenduntur & seponuntur) uim Hebræi uerbi impleat, uiderint Grammatici. Nobis sat est, quod Apostolus zelo Euangelij feruens, potius seipsum, & Angelos cœlestes, nedum Apostolos, uellet alienos, deuotos, execratos, separatos, & maledictos, quam ut ueritas Euangelica periclitaretur.

Contra inexorabiles & uiolentos pontificalium decretorum exactores. Hereticus.

Atq; id repetito ingeminat. Non quod Angelos cœlestes, aut seipsum, aut Apostolos aliud prædicaturos crederet, sed quod uelut cum impetu opprimi, & (ut ad Titum scribit) os illis obstrui, & penitus ac radicatus præcidi, oportebat, qui nomine & exemplo Apostolorum, legem docebant, ac si diceret, Apostolorum iactatis mihi nomen & auctoritatem, fingite amplius, quod & ego & Angeli de cœlo aliud doceant, aut docere possint, hos etiam anathema esse uolo, quanto minus Apostolorum titulo uos terreri oportet. Vtinam & nostro seculo tales essent Christi turbæ, aduersus inexorabiles & uiolentos decretorum & decretalium pontificalium exactores, qui sub nomine Apostolorum Petri & Pauli, Romanę Ecclesiæ, eo nos urgent, ut, nisi necessaria ad salutem credamus, quæcunque ibi dicuntur, scribuntur, aliquando & somniantur, hæreticos audeant impudentissima fronte pronunciare. Cum hæreticus non sit, nisi qui in uerbum fidei peccat. Illa autem hominum uerba, adeo sunt moralia, & sine fide, ut fidei nullo posset beneficio magis seruire, quam si semel funditus, penitusq; abrogarentur. Quid putas fecisset Paulus, si nostro tempore, tot inutiles, imo perniciosas leges hominum uidisset, in totum orbem sæuire, & Christum radicatus extinguere, qui tanto æstu fertur in leges Dei per Moysen traditas, & uno tantum loco apud Galatas Christum persundantes? Igitur cum Paulo fidentes dicamus, pereat, maledictaq; sit omnis doctrina, de cœlo, de terra, undelibet allata, quæ docet in opera, in iusticiam, in merita alia confidere, quam ea quæ sunt Ihesu Christi. Nec in hoc contumaces sumus in pontifices Apostolorumq; successores, sed piasque ueraces in Christum. Hunc enim eis præferri oportet, & si id pati nolint, ipsos penitus, ut anathemata, fugere.

Maledicta sit omnis doctrina, quæ in alios docet confidere, quam quæ sunt Ihesu Christi.

Modo enim hominibus suadeo, an Deo?

Suadere hoc loco.

In nostrum seculum.

Huius quæstionis partem priorem affirmant, & posteriorem negatiuam intelligunt, qui latine tantum Apostolum, uel interpretem potius legunt, ut, quia nemo suadeat Deo, cui sunt omnia manifesta, reliquum iam sit, ut hominibus suadeat. Est autem suadere hoc loco, proinducere ad credulitatem, ut Act. ult. Suadensq; eis de Ihesu ex lege Moysi, & Prophetis, quod nemo ad fidem possit ui compelli, sed tantummodo trahi & induci, ut Iohan. 6. Nemo uenit ad me, nisi Pater meus traxerit eum. Nostro tamen seculo Turcas, imo & Christianos cogit Rom. Curia ad fidem, id est, ad odium & perniciem sui. Quanquam autem hunc sensum & Hiero. & August. & Amb. habeant, placet tamē magis Erasmi sententia, qui id quod in græco accusandi casu, homines suadeo, an Deum? interpretatur, modo humana suadeo, an diuina? hoc est, doctrina, quam ego doceo, non ex hominibus, sed ex Deo est, ut latius statim ipse explicabit, quando Euangelium suum, neq; secundum hominem, nec ex homine esse, dicet. Est autē iste tropus, nō rarus etiā in latina lingua. Virg. Ilego, Hiero. enarro.

Et 1.

1. Cor. 1. Et 1. Cor. 1. Nos prædicamus Christum Dei uirtutem &c. Metonymia itaque est. Ad hunc sensum apte quadrant præcedentia, ac si dicat: Cur non optem anathema esse eos, qui alia docent? Nunquid humana ac non potius diuina doceo, quibus omnia cœlestia & terrestria merito sileant & cedant? ac maledictione dignum est, quod diuinis aduersatur. *Tropus metonymia.*

Rom. 4. Potest autem & nostra translatio huc duci, si uerbum, suadeo absolutum sit a regimine, ut quomodo Rom. 14. Qui manducat, Domino manducat, ita hic sit sensus, quod suadeo seu suasor sum, non hoc hominibus, aut ad gloriam uel gratiam hominum facio, sed Deo & in Dei gloriam, hoc officio seruo. Et huic sensui, non inepte adhæret, quod sequitur: Si adhuc hominibus placerem &c. quasi neget, se hominibus placuisse suadendo, sed soli Deo. *Alius sensus.*

Et hoc aduerbium MODO, totum Apostolatus sui tempus, non autem huius Epistolæ scriptæ, significat. Quia reuera in hac Epistola, non ex integro, gratiam Christi docet, sed ad eam reuocat lapsos, & iam scientes confirmat. Vnde & allegoricos infra loquetur, quod ad instituendos non pertinet, quibus linguæ sunt in signum, ut 1. Corin. 14. dicit. Vt sit sensus: Maledicti sint, qui aliud docent, quia postquā conuersus sum a legum traditionibus, iam non amplius humana doceo, sed diuina. Et diligenter quæso serua tibi, quod humana appellare audet, legem Mosi, quæ tamen per Angelos tradita est, de quo infra latius. *MODO.*

1. Cor. 14. An quæro hominibus placere? Si adhuc hominibus placerem, Christi seruus non essem.

HOc ideo dicit. Quia Pseudoapostoli etiam hac ratione docebant legales iusticias, ne propter Euangelium, paterentur persecutiones a Iudeis, qui pro lege Mosi, aduersus uerbum crucis, insaniebant in omnes homines, ut 1. Thessal. 2. scribit, quod & infra 6. c. dicit. Quicumque uolunt placere in carne, hi cogunt uos circumcidi, tantum, ut crucis Christi persecutionem non patiantur. Ideo Paulus, contra hanc pusillanimitatem spiritus erectus, docet amore Christi, contemnendos esse homines, & non omittendum uerbum, quo illis placeatur. Hominibus hoc loco per Emphasin accipitur, ut qui tantum sunt homines iuxta primam natiuitatem ex Adam, extra Christum & fidem eius. Hos enim, cum sint a ueritate alieni, necesse est mendacio, & odio ueritatis plenos esse. Ita omnis homo mendax. Sic 1. Corin. 3. Nonne homines estis? Et usu Scripture ferme opprobrium est, hominem dici. *Homo.*

1. Cor. 3. Non enim secundum substantiam, metaphysice (sic enim Theologi nihil non laudis in homine uident) sed Theologice, & ut in oculis Dei est, cum nominat. Contra, iusti non uocantur fere homines, sed Dij. Psal. 82. Ego dixi, Dij estis, & filij excelsi omnes. Vos autem sicut homines moriemini. Ideo, ut Psal. 53. uere dicit: Deus dissipauit ossa eorum, qui hominibus placent, confusi sunt, quoniam Deus spreuit eos. Quare? quia Deum & uerbum suum negant amore hominum, dum persecutionem timeant. Ita contra, Custodit Dominus omnia ossa eorum. Quorum? iustorum. Qui sunt ij? qui hominibus displicent? honorati sunt, quoniam Deus susceptor eorum est. Et Luc. 16. Quod hominibus altum est, abominatio est ante Deum. Cum autem nos quoque simus homines, necesse est & nobis displiceamus, iuxta uerbum Christi. Qui amat animam suam, perdet eam. *Hominibus placentes, Deus dissipat.*

Luce 16. Videant ergo illi, qui ex arbore Porphyriana, & Aristotelis aliorumque Philosophorum. *In philosophos Theologos.*

COMMENTARIVS D. M. L. IN EPISTOLAM

Philosophorum doctrinis didicerunt, hominem rationalem laudare, iactare, ac amare: Deinde in sua dictamina confidere, sua consilia iustificare: quam recte ad Scripturæ ueritatem sapiant. Quæ omnia humana, mendacio, uanitati, & perditioni deputat. Ideoque lugendum docet, quoties nos homines, rationales, liberi arbitrij, omnium denique operum nostrorum titulis laudari contingit: Quando seruum Christi, id est, ueritatis esse non posse pronunciet Paulus, qui sibi uel hominibus placeat.

Placere.

Verbum autem PLACERE, hic in Spiritu intelligitur, hoc est, pro uoluntate placendi. Quandoquidem non in nobis est, quibus placeamus uel displiceamus, quod satis ipsemet Apostolus hic explicat, cum prius dixisset, An quæro placere. Mox non ait. Si adhuc quærerem placere, sed, si adhuc placerem. Ita & 1. Corin. 3. Placete omnibus per omnia, sicut & ego omnibus per omnia placeo. Quomodo omnibus places? sequitur, Non quærens quod mihi utile sit, sed quod multis. Ecce placere est quærere, ut placeat omnibus, etiam si forte nulli aut paucissimis placeat. Canonicum est enim Christo & suis, ut dum quærunt placere, & ea faciunt, unde debeant placere, displiceant. Iuxta illud, pro eo, ut me diligerent, detrahebant mihi. Et rursus: Odio habuerunt me gratis. Item, impugnabant me gratis, id est, cum esset in me causa amoris. Ideo Exemplo Christi perdenda sunt beneficia, ut quæramus, quo placeamus omnibus, nullo modo quæramus, quo placeamus. Sed, ut Rom. 15. Unusquisque alteri placeat, in bonum (inquit) ad ædificationem. Vtique non ad eorum desideria & uanitates &c.

1. Cor. 3.

Perdenda beneficia

Notum enim uobis facio fratres Euangelium, quod Euangelisatum est a me, quia non est secundum hominem, neque enim ego ab homine accepi illud, neque didici, sed per reuelationem Ihesu Christi.

*Accipere & discere
re discernuntur.*

Hic ostendit quod iuste illos anathematizauerit, longo tractu, multisque argumentis declarans, quod non humana, sed diuina docuerit. Primum (inquit) ut Euangelium meum diuinum esse sciatis, ego non ab homine accepi, neque ipsemet didici, sed per reuelationem Ihesu Christi. Hic inter ACCIPERE ET DISCERE B. Hieronymus sic distinguit. Quod accipit, cui primum intimatur, & ad fidem eius inducitur. Discit autem, qui ea, quæ in illo figurata sunt, explanata cognoscit. Hoc sic intelligo. Accipit qui incipit, Discit, qui proficit in Euangelij noticia. Quid si Apostolus id uelit, quod uerbum, accepi, copuletur cum nomine isto, ab homine, & uerbum didici, absolute ponatur, ad hunc scilicet sensum. Neque ab homine, aut ullius magisterio, illud accepi, neque mihi traditum est a quoquam, sed neque a meipso didici, non meo studio inueni, nec quæsiui, a Deo sola reuelatione Christi ipsum accepi, & ipso docente, didici, scilicet in itinere, quando ad Damascum profectus, Christi uocem audiuit, ut B. Hieronymus sentit.

Salubris Hiero. admonitio, de modo tractandi Euangelij.

Notat hic idem D. Hierony. Christum a Paulo Deum prædicari, quia non ab homine, sed per Christum, ergo Christus plusquam homo. Item, saluberrime admonet, quam grande sit periculum in Ecclesia, loqui sine reuelatione Christi, Ne peruersa interpretatione, ex Euangelio Christi, Euangelium hominis fiat, ut nunc passim fit, ubi Scripturas, uel humanis

humani opinionibus acceptis, uel proprio magisterio inuentis glossis con-
taminant. Hominem autem hoc loco, non tantum pro malis, sed & pro *Homo.*
ipsis Apostolis accipit, ut statim dicet, se non ab eis eruditum, neque cum
eis contulisse, mox post reuelationem. Quod ideo facit, ut corroboret quæ
supra dixit: scilicet, etiam si Apostoli, aut ipsemet aliud doceret (cum sint
homines) non tamen deferendum esse, quod semel docuisset, quando hoc,
nec ex Apostolis, nec ex seipso habuisset. Ideo anathema habendum, quic
quid Pseudoapostoli, uel Apostolorum, uel etiam Pauli nomine aliter do-
cerent. Non enim posse eos, nisi ex homine acceptum Euangelium, uel po-
tius errorem habere, se autem ex Christo ueritatem.

Euangelium & Lex proprie in hoc differunt, quod Lex prædicat fa- *Euangelium & Lex*
cienda & omittenda, imo, iam commissa & omissa, ac impossibilia fieri *differunt.*
& omitti, ideo solam peccati ministrat cognitionem. Euangelium autem,
remissa peccata, & omnia impleta, factaque. Lex enim dicit. Redde,
quod debes. Euangelium autem, dimittuntur tibi peccata tua. Sic Rom.

Rom. 3. 3. per Legem cognitio peccati. Et 4. Lex iram operatur. Vbi enim non
4. est lex, nec præuaricatio. At de Euangelio dicit Lucæ ult. Sic oportuit
Luce 24. Christum pati, & a mortuis resurgere, & prædicari in nomine eius (nota
insigniter, in nomine eius, non nostro) poenitentiam & remissionem pec-
catorum in omnes gentes. Ecce predicatio remissionis peccatorum, per no-
Rom. 10. men Christi, hoc est, Euangelium. Et Rom. 10. Quam speciosi pedes Euan-
gelisantium pacem, annunciantium bona, id est, remissionem peccato-
rum, & gratiam, Legis plenitudinem, per Christum. Inde iustificatus per
gratiam, a Lege ad Euangelium fugiens, dicit. Dimitte nobis debita no-
stra.

Sed cur Christus in Euangelio multa præcipit & docet, si hoc Legis *Cur Christus in E.*
officium est? Item & Apostoli multa præcipiunt, cum tamen sint Euan- *uangelio multa præ-*
gelici prædicatores. Respondeo. Doctrinæ eiusmodi, quæ ultra fidem *cipit, item Aposto-*
traduntur (nam credentibus annunciat salus, & remissio peccatorum in *li.*

Ioan. 1. Euangelio, ut Ioan. 1. Dedit eis potestatem filios Dei fieri, credentibus in
nomine eius, quotquot eum receperunt) sunt uel interpretationes Legis, qui-
bus peccatum clarius cognosceretur, ut gratia tanto ardentius quæreretur,
quanto peccatum certius sentiretur. Vel sunt remedia & obseruationes, qui-
bus gratia iam accepta, & fides donata, custodiretur, aleretur, perficere-
turque, sicut fit, dum ægrotus incipit curari.

Igitur uox Euangelij, dulcis est, ut sponsa in Canticis. Sonat uox tua in au-
ribus meis, uox enim tua dulcis. Et iterum. Meliora sunt ubera tua uino, fra-
grantia unguentis optimis, id est, uerba Christi, quibus pascit fideles suos, sunt
meliora uerbis legis, quia spirant unguentum gratiæ, quo remissis peccatis,
Psal. 45. sanantur nature uulnera. Ita Psal. 45. Diffusa est gratia in labijs tuis, non sci- *Gratiæ*
entia, non cognitio, quæ & in Mosi labijs diffusa sunt, sed gratia, id est, gra-
tiosa & iucunda sunt uerba tua peccatoribus perditis, quia remissionem &
Psal. 51. gratiam nunciant. Hoc est, quod Psal. 51 quoque orat. Docebo (inquit) ini-
quos uias tuas, & impij ad te conuertentur. Ac si diceret. Obsecro, non
doceam uias hominum, & doctrinas iustitiæ nostræ, quoniam ipsi non ad
te conuertentur, sed longius auertentur, labia mea quæso aperias tu, ut
os meum, tuam potius annunciet laudem, id est, gratiam, qua peccata re-
mittis. Ex hoc enim fiet, ut homo te laudet, glorificet, diligat, dum sen-
serit beneficium misericordiæ tuæ, & non seipsum laudat in iusticia sua.
Qui enim iusti sunt, non docentur, non ad te conuertuntur, non te lau-
dant, sed seipsos, sani sunt, medico non egent. Ideo, nec annunciari po-
test eis

COMMEN- D- M- L- IN EPISTOLAM

test eis laus gratiæ tuæ, de quibus mox ibidem. Libera me de sanguinibus Deus Deus salutis meæ, & exultabit lingua mea iusticiam tuam. Non nostram hominum iusticiam, sed gratiam tuam, qua iusticiam nobis tribuis, per quam & Deus salutis nostræ tu es.

*Quod Euangelium
Paulus prædicauit?*

Euangelium.

Quæsitum est autem, quod nam Euangelium Paulus prædicarit, an Lucæ, Matthei, aut alterius. Et B. Hiero. ex Eusebio uel Origene, alibi Lucæ Euangelium, Pauli putat. Quasi non plura sint Euangelia, quam ista quatuor usitata, cum quilibet Apostolus, idem quod omnes prædicarit. Euangelium enim est sermo bonus, nuncius pacis, de filio Dei incarnato, passo, resuscitato per Spiritum sanctum, in salutem nostram, ut Rom. 1. describitur, & ut Zacha. Lucæ 1. dicit. Visitauit & fecit redemptionem plebi suæ. Et infra, ad dandam scientiam salutis, in remissionem peccatorum, per uiscera misericordiæ Dei nostri. Igitur, Quandocumque prædicatur gratia Dei, & remissio peccatorum, per Ihesum Christum facta, hæc uere Euangelium prædicatur. Proinde, Epistolæ Pauli, Petri, Iohannis, omnino sunt, & uere Euangelia. Nec Paulus, Lucæ, aut ullius Euangelium prædicauit, sicut hæc expresse dicit, Euangelium a se prædicatum, nec ab homine, nec per hominem, sed a solo Ihesu Christo sibi reuelatum, sicut & infra. Reuelaret Filium suum in me, ut Euangelisarem illum in gentibus. Ecce Euangelium est doctrina de filio Dei Ihesu Christo.

Rom. 1.
Lucæ. 2.

Audistis enim conuersationem meam, aliquando in Iudaismo, quoniam supra modum persequebar Ecclesiam Dei, & expugnabam illam, & proficiebam in Iudaismo, supra multos coætaneos meos in genere meo, abundantius æmulator existens, paternarum mearum traditionum.

Dissentit ab Hiero.

*Pulchra obseruatio
pondusq; uerborum.*

HÆc pro consequentia sententiæ, oportet intelligi dicta ab Apostolo ad confirmandum id, quod iam cœpit, id est, Euangelium suum non ex homine esse, sed se diuina suadere, etsi scio D. Hiero. alio respicere, & ordinem sententiæ relinquere. Igitur uult Apostolus dicere, ut plenissime sciatis, me, nec a Maioribus meis, nec ab Apostolis, aut ullis hominibus eruditum, sed a solo Deo, ut sic diuina uos audisse certis sitis, & non trasferamini ad humana, ullis aut meo, aut Apostolorum nominibus, Ecce denuo uobis recenseo, & suggero historiam meam. Audistis enim &c. Mira autem (ut B. Hierony. ait) & pulchra obseruatio, pondusq; uerborum. Conuersationem (inquit) non gratiam, aliquando non modo in Iudaismo, non in fide Christi, non ut cæteri persecutores, sed sicut grassator & prædò uastabat Ecclesiam Dei, non quod eam talem tunc crederet, sed talem nunc cognitam nominat. Et iterum, proficiebam in Iudaismo, non in fide Christianismi, super multos, non super omnes (ut modestiam seruet) super coætaneos meos, non super senes, in genere meo, non in gentibus. Sic enim gentem hebræam solet nominare, ut 2. Cor. 11. periculis ex genere, periculis ex gentibus.

2. Cor. 11.

Consilium Pauli

Non tamen negarim, quin simul & obiter, dum ex historia sua probat se diuina docuisse, uelit & exemplo suo Galatas retrahere a lege, ut inter audiendum, simul moneantur, moueanturq;. Si talis ac tantus legis æmulator, qui multo potest amplius de lege gloriari, & in carne commen-

2. Cor. 11. dari, quam illi Pseudoapostoli (sicut facit 2. Corin. 11. & Colloff. 3.) &
 Colof. 3. tamen hæc uelut stercora arbitratus reliquit, quanto magis nos, qui in
 gratia sumus, ad legem non debemus reuerti? Hoc notandum, quod
 paternas traditiones Hiero. intelligit, pharisaicas doctrinas, & manda-
 ta hominum: Sed mea temeritate credo, quod totam legem Mosi intelli-
 gat, quod non aliunde, quam ex ipsomet Apostolo docebor, qui Philip.
 3. dicit. Si quis uidetur confidere in carne, Ego magis, circumcissus octauo
 die ex genere Israel, de tribu Beniamin, Hebræus ex Hebræis, secundum
 legem Phariseus, secundum æmulationem persequens Ecclesiam Dei, se-
 cundum iusticiam, quæ est in lege, conuersatus sine querela, sed quæ mi-
 hi fuerunt lucra, hæc propter Christum arbitratus sum detrimenta. (Ecce
 circumcisionem quoq, & iusticiam legis sine querela, propter Christum,
 detrimenta arbitratur) Et ut inueniar in illo, non habens meam iusti-
 ciam, quæ ex lege est, sed illam, quæ ex fide est Ihesu Christi.

Quare traditiones paternas, legem uocat? quod in illa sit ab homi-
 nibus, patribus, ac maioribus suis eruditus, tum, quod patres sui illas a
 Psal. 78. Mose acceperint, & filijs suis tradiderint, iuxta edictum Psal. 78. Quan-
 ta mandauit patribus nostris, nota facere ea filijs suis. Omnia enim Apo-
 stolus contentiose aptat, & opponit Pseudoapostolis, ut suum Euangeli-
 um, a Deo esse statuatur, ac sic Galatas firmiter in ipso stare cogat. Ideo &
 paternas traditiones, quadam uelut tapinosi, opponit Euangelio, quod
 diuinas traditiones uult haberi.

Sed, ne cuiquam scrupulum iniiciam, hanc rem paulo tractemus la-
 tius, quo simul & sequenter dicendis, uiam paremus. Lex, non modo ce-
 remonialis, uerum & moralis, deniq, ipse sacratissimus decalogus æterno-
 rum præceptorum Dei, litera est & literalis traditio, neq, uiuificans, neq,
 iustificans, ut abunde probat B. Augustinus, de Spiritu & litera, Sed oc-
 cidens, & peccatum faciens abundare. Quantumcunq, enim doceatur, aut
 obseruetur, non per hoc, cor ipsum purificatur. Corde autem non purifi-
 cato, quid sunt opera bona, siue ceremonialia, siue moralia, nisi species
 ipsa pietatis & hypocrisis? Sicut Christus Phariseos foris speciosos, intus
 plenos spurcitia dicit. Quo fit, ut, licet non faciat furtum, non adultere-
 tur, extra in opere, tamen, uel intus in eadem pronus est, uel amore com-
 modi sui, uel timore poenæ abstinet, ac sic alio peccato, aliud uincit, ut B.
 August. dicit de nuptijs & concupis. Nam amor commodi, & timor poe-
 næ, uitia sunt, & quoddam genus idolatriæ, cum soli Deo amor & timor
 debeatur. Ab hac igitur impuritate cordis, nihil, nisi fides liberat, ut
 Act. 15. Fide purificans corda eorum, ut sic stet uerbum Pauli. Tit. 1. O-
 mnia munda mundis, immundis uero & incredulis, nihil mundum. Ea-
 dem regula Rom. 2. dicit. Qui doces non furandum, furaris &c. inter-
 prete B. August. furaris, scilicet non opere, quod doces non faciendum,
 sed rea uoluntate.

Lex litera est.

Sola fides ab impu-
 ritate cordis libe-
 rat.

Quare, nisi doctrina fidei, qua cor purificatur & iustificatur, reuele-
 tur, omnis omnium præceptorum eruditio, literalis & paterna traditio est.
 Præceptum enim docet, quæ sint facienda. Quæ cum fuerint impossibi-
 lia, doctrina fidei (id est Euangelium) docet, quo modo fiant possibilis.
 Hæc enim docet ad gratiam Dei confugere, & implorare ipsummet Deum,
 Magistrum & Doctorem. Qui digito sui spiritus scribat in corda nostra,
 suas literas, uiuas, & lucentes, & ardentes. Quibus illuminati &
 accensi clamemus, Abba pater. Et hæc non est paterna, sed diuina eru-
 ditio.

COMMENDATIO M. L. IN EPISTOLAM

In naturæ prædicatorum, & moralium operum laudatores. Aduerte autem lector. Si Apostolus tam speciosam Iudaismi sui conuersationem & iusticiam legis damnat, adeo, ut stercora & detrimenta arbitretur, quid prætendent isti naturæ prædicatorum, & moralium operum laudatores? Si malus erat iste Apostoli profectus, omni nimirum dicamine rationis, sed & ipsa lege Dei probatus, quando & finis (ut uocant) suæ uitæ erat æmulatio Dei, & legis eius. Quid erunt actus illorum, qui, uel alio fine, uel simili fine iactantur? Nempe id quod Hieronimus, de eiusmodi Prophetis dixit. Viderunt tibi uisiones stultas & eiectiones, nec aperuerunt tibi peccata tua, ut te ad poenitentiam prouocarent. Itaque timorem Dei ab hominibus tollunt, securitatemque docent, dum moralia sua bona, & dictante ratione opera, non esse peccata, garriunt.

Cum autem placuit ei (qui me segregauit ex utero matris meæ, & vocauit per gratiam suam) ut reuelaret filium suum in me, ut euangelisarem illum in gentibus.

Aliud est legem, & aliud filium Dei, cognouisse.

Aliud ergo est legem nosse, & in iusticia eius excelluisse, & aliud filium Dei cognouisse. Hoc enim salutem, illud perditionem operatur. Et uide, quam gratus & syncerus confessor sit gratiæ diuinæ. Non (inquit) reuelatus est mihi filius Dei, quia sic profeceram in iusticia paternæ legis, non meo merito, sed quia placuit Deo ita fieri, cum ego longe meruissem contraria. Quod autem placuerit ei sine meritis meis, id conuincit, quod me in hanc sortem, antequam natus essem, segregarit, & in utero matris meæ, me talem præpararit. Deinde & per gratiam uocarit, ut his omnibus intelligatis, quod fides & cognitio Christi, non ex lege mihi uenerit, sed ex prædestinante & uocante gratia Dei. Quare nec uobis ex lege salus esse poterit.

Non potest esse salus ex lege.

Alij uerbum, segregauit, eo referunt, quod Act. 13. dicitur. Segregate mihi Paulum & Barnabam in opus &c. uerum coacte, cum uterum matris tum cogantur intelligere allegoricos, synagogam. Prætereo, quæ D. Hieronimus hic tractat satis scrupulose & seopulose. Mihi omnino uidetur de prædestinatione sui loqui, sed breuiter & obscure, pro captu Galatarum. Satis habens, quod Ihesum Christum filium Dei simpliciter asseruerit, non ex se, nec alijs, sed ex reuelante patre sibi cognitum, & a sese doctum & euangelisatum, ut sic diuina sese didicisse ex Paulo scirent. Iam sequitur, & simplici narrationi Historiam addit, demonstraturus, non ex hominibus eruditum, aut humana docuisse.

Continuo non acquieui carni & sanguini.

Sententia Lutheri.

Mire hic torquetur & torquet D. Hieronimus. Primum, ne Apostolos carnem & sanguinem dici, & Porphyrio blasphemanti Paulinam fiducia, cedere cogatur, per carnem & sanguinem, Iudæos & peccatores intelligit, præsertim, cum postea sese contulisse cum Apostolis Euangelium suum profiteatur, quod hic negat. (Nam idem uerbum, quod hic, Acquieui, infra translatus est, Contuli) Sed mittamus ista, uideat qui uolet. Ego interim sic abundo, quod Paulus ostensurus, se ex Deo reuelante docuisse Galatas, non prius contulerit suam reuelationem cum ullo hominum, sed continuo, accepta reuelatione, Christum prædicauit. Quemadmodum Act. 9. scribitur. Fuit autem cum Discipulis, qui erant

erant Damasci, per dies aliquot, & continuo ingressus synagogam, prædicabat Ihesum. Continuo scilicet, non prius conferens cum eis. Vnde & hic eclipsis in Paulo uidetur, ut integer contextus sic habeatur. Continuo prædicaui seu euangelisaui filium Dei, non contuli prius cum hominibus. Vt aduerbium, continuo, prorsus neget, sese ex hominibus eruditum esse, sed potius contra, homines continuo ex sese eruditos in Christo. Nam, ut dixi, contentiose Apostolus agit, ut sese diuina docuisse probet. Hoc enim uelut capitali argumento probato, iam prouum erit, omnia destruere, quæ contra se tradita erant Galatis.

Conferre.

Est autem, teste Hiero. CONFERRE, quod hoc loco acquieui dictur, aliud quiddam, quam apud nos intelligitur, cum scilicet ea quæ nouimus, conferimus cum amico, ac uelut in linum & conscientiam eius reponimus, ut pari consilio, uel probanda sint, uel improbanda. Et quamquam interpres, id uerbi non reddiderit, non tamen penitus aberrauit a sensu. Qui enim hoc modo confert cum amicis, certe iam animo acquiescit, & docilem sese præbet illis. At Paulus, nec uoluit doceri, nec animum unquam habuit disputandi, recta ne essent an minus, quæ ex Deo audierat, & iustissime. Impium enim fuerat, diuinam reuelationem, ac si dubitaret, hominum consilio stabilire.

Impium est diuinam, humano consilio stabilire.

Nihil ergo facit Porphyrius criminator Pauli, superbiam in eo taxans, Non enim pro superbia, sed pro gloria diuinæ autoritatis & certissimæ ueritatis, noluit conferre, sed nec potuit, citra iniuriam autoritatis diuinæ. Quanquam & in hoc errat, quod Paulum putat hic de Apostolis loqui, cum de ijs loquatur, qui in Damasco erant, quicunque tandem illi fuerunt. Nam de Apostolis statim dicit. Nec ueni ad antecessores meos Apostolos. Alij ergo sunt, quos carnem & sanguinem uocat. Et, ut mihi uidetur, alludit more suo & hebræorum, ad nomen Damascus, quod iuxta etymologiam, sanguinem & saccum significat, & non raro in scripturis, mysterium gerit carnis & sanguinis, Q. d. Non contuli cum ijs, qui Damasci erant, qui caro sunt & sanguis.

Paulus alludit more suo ad nomen Damascus.

Matt. 17. Veruntamen, hoc ipsum non negarim, de sanctis dici. Nec Apostolos ipsos dubitem carnem & sanguinem appellare, etiara autoritate Christi, qui ad Petrum dixit. Caro & sanguis non reuelauit tibi, id est, nec ex te ipso, nec ex alijs id habes. Et alibi. Non enim uos estis qui loquimini, sed Spiritus Patris uestri, in quo manifeste significat, eos esse aliud a Spiritu, & Spiritus reuelatione, nimirum, in seipsis uere carnem & sanguinem. Placet ergo tempestiua hæc Tapinosis, qua in odium Pseudoapostolorum etiam sanctos Dei, carnem & sanguinem appellat, præ maiestate diuinæ reuelationis. Quia, si ceperint hominum quantumlibet sanctorum, uel uerba, uel exempla aduersus diuina iactari, tempus est, ut quicquid non fuerit diuinum, cum fiducia carnem & sanguinem, imo nihil ducamus.

Tapinosus.

Neque ueni Hierusalem ad antecessores meos Apostolos.

NON solum Damascenos non consului, sed nec Apostolos, qui ante me fuerant in Apostolatu (id enim significat antecessores meos) quod tamen oportuerat fieri, si per hominem, uel ab homine doceri uoluisssem. Satis mihi fuit, certa & infallibilis reuelatio patris. Nota necessariam Pauli superbiam, uel rectius æquitatem. Cæteros Apostolos, priores se fuisse confitetur, nec sese maiorem, nec tamen rursus minorem. Quanquam enim iuxta personam omnibus sese inferiorem, & nimium

Necessaria Pauli superbia.

XX iij Aposto.

COMMEN. D. M. L. IN EPISTOLAM

*Idem & equale est
officium Apostolorum.*

Apostolorum pronunciet, imo nec dignum uocari Apostolum, tamen officium & ministerium ita honorificat (hoc enim Dei, non suum est) ut nulli prorsus Apostolorum cedat. Nam quaecumque sit persona Apostolorum, officium certe idem & æquale est omnium, eundem Christum docent, eandem potestatem habent, ab eodem æqualiter missi sunt. Et tamen dicit 2. Corin. 11. Existimo me nihil minus fecisse a magnis Apostolis. Et 12. Nihil enim minus feci ab ijs, qui supra modum sunt Apostoli. Ecce mire præfert eos, & æquat se eisdem dignitate humiliter cedens, officio & potestate fidenter se conferens.

2. Cor.
12.

Sed abij in Arabiam, & iterum reuersus sum Damascum.

Opinio Lutheri.

Lucas Act. 9. non meminit huius in Arabiam secessus, sed omnino Paulum per murum submissum, uenisse Hierosolymam scribit. Inde D. Hiero. varias rationes exquirat, ex quibus secundam sequor, quæ est fuisse Paulum post baptismum aliquot diebus Damasci, ut Lucas scribit, in quibus Christum prædicarit in Synagoga. Deinde (quod Lucas tacuit) abijisse in Arabiam, & redijisse Damascum, ut hic dicit, tum ea quæ prosequitur Lucas, scilicet propter insidias, missum per murum in sporta, ac uenisse in Hierusalem. Laborat itaque D. Hiero. Cur Paulus hæc recitet, quæ Lucas tacuit. Mea temeritate puto, sicut omnia, ita & hoc referat, ad ostendendum, quod non uenerit ad Apostolos, nec ab eis didicerit, quin potius fretus diuina reuelatione, prius in Arabiam docturus abierit, deinde & reuersus Damascum, eadem docuerit, uidelicet, adeo certus de reuelatione Christi sibi facta. Neque enim ea doceret, diuersis etiam locis, si talia æstimaret, quæ cum Apostolis uel hominibus conferenda essent. Quod autem D. Hiero. cum in Arabia frustra putat fuisse, & mysteria quædam sectatur, permittendum est tanto uiro.

Deinde, post annos tres, ueni Hierosolymam uidere Petrum, & mansi apud eum, quindecim diebus.

Obserua, quam diligenter addat, post tres annos, & non audire, sed uidere Petrum. Quod enim annos tres Damasci se docuisse insinuat (scilicet donec per murum coactus est abire) id certe contendit, se non factum a Petro, sed iam diu Euangelistam fuisse, quando uenit ad Petrum. Ut obstruat os Pseudoapostolorum, qui forte hoc argumento, Paulum a Petro doctum asseruerant, per cuius exemplum, Galatas ad legem seruandam sollicitarant. Verum D. Hiero. hoc loco geminam intelligentiam se professus sequi, & eam, qua asseritur Paulus a Petro doctus, & eam, qua negatur.

*Hiero. in Epistola
ad Paulinum.*

In Epistola tamen ad Paulinum, omnino declinat in sententiam priorem, uolens doctorem gentium (ut suis utar uerbis) mysterio Ogdoadis & Hebdoadis instructum. Quod ideo commemorat, ut prudens lector, ita Hieronymum intelligat, ne contra Apostolum Paulum sapiat, qui hæc omnia eo spiritu detonat, ut conuincat fortissimis argumentis, se nihil ab Apostolis didicisse, sed a solo Deo (ut iam satis dictum) omnia accepisse. Quod autem D. Hiero. in mysterio quindecim dierum, libenter & sæpius ludit, non contemnendum est, sed hoc loco, non mysterij tantum delectatione, sed rei & historię necessitate quoque positos esse a

esse a Paulo omnino credendum est, forte, ut ostenderet, sat temporis se cum Petro fuisse, si docendi gratia uenisset, uel contra, non discendi gratia, sed uisendi tantum, tanquam hospitem apud eum mansisse. Quando ad discendum, longiore tempore opus fuisset.

Alium autem Apostolorum uidi neminem, nisi Iacobum fratrem Domini,

NE dicerent, si non a Petro, saltem ab alijs Apostolis doctus es. Non uidit autem, quia (ut Hiero. ait) erant toto orbe dispersi ad prædicandum Euangelium, quod si uerum est, ubi subsistet fabula illa, de diuisione Apostolorum, qua dicitur, anno tertiodecimo post resurrectionem Christi, fuisse Apostolos diuisos? Cum hic Paulus post tres annos, aut certe post quatuor annos sue conuersionis, iam dispersos inuenerit, qui tamen anno eodem, quo Stephanus coronatus est, uideri potest conuersus esse. Sed alijs hæc ociosis relinquo. Hoc uide, quod Lucas Act. 9. scribit, Paulum, cum eum Discipuli timuissent, a Barnaba ductum ad Apostolos, & cum illis egressum & ingressum &c. cum hic fateatur, se neminem Apostolorum uidisse, nisi Petrum & Iacobum. Aut ergo Lucas, Apostolos pluraliter appellat Petrum & Iacobum, aut illud uerum est, quod D. Hierony. dicit, Apostolorum nomine & multos alios censerî, præsertim in Epistolis Pauli, ut qui ab Apostolis primis, ordinati fuerunt.

*Fabula.
De diuisione Apostolorum.*

De isto Iacobo, qui usitate a uulgo, Iacobus minor uocatur, dicit Euseb. lib. 2. Ecclesiast. histor. c. 1. quod dictus sit frater Domini, quia esset filius Ioseph, qui quasi pater Christi habebatur. Hoc B. Hiero. lib. 11. lust. uiuorum, recitans & dissentiens, dicit: Iacobus, ut nonnulli existimant, Ioseph ex alia uxore, ut autem mihi uidetur, Mariæ sororis matris Domini, cuius Iohannes in Euangelio suo meminit, filius &c. Iohannes enim c. 19. dicit. Stabat iuxta crucem Ihesu, mater eius, & soror matris eius Maria Cleophae, & Maria Magdalene. Item Marcus 15. Inter quas erant Maria Magdalene, & Maria Iacobi minoris, & Iose mater, & Salome. Cui consentiens Mattheus 27. inter quas (inquit) erant, Maria Magdalene, & Maria Iacobi, & Iose mater, & mater filiorum Zebedei.

Eusebius de Iacobo minore fratre Domini &c.

Ex quibus colligitur, quod eadem est, Maria Iacobi, & Maria Cleophae, ipsa scilicet soror uirginis Mariæ, dicta Cleophae a uiro, Iacobi autem a filio, quæ & ipsa mater est Simonis & Iudæ. Nam & Euseb. lib. 3. Ecclesiast. dicit Cleopham fuisse fratrem Ioseph, & exinde Simonem dictum consobrinum Domini. Hoc autem clarissime uidetur Marcus 6. dicere. Nonne hic est faber, filius Mariæ, frater Iacobi, & Iose, & Iudæ, & Simonis? Proinde, manifestus error est eorum, qui tertiam Mariam finxerunt, quam Mariam Salome uocant. Salome enim foemininum nomen est. Et quam Marcus Salome, hanc Mattheus matrem filiorum Zebedei appellat. Sed & non nisi duas Marias fuisse, scilicet Magdalene & Iacobi satis Mattheus probat, qui Mariam Iacobi, fere alteram Mariam solet appellare. Sed finem tedijs faciamus. Et hunc Iacobum, fratrem Domini, id est, fratruelem, seu potius consobrinum Domini, intelligamus dictum, ad aliorum Iacoborum differentiam. Plures enim Iacobos, inter Discipulos Christi fuisse, omnes affirmant. Et licet B. Hierony. aduersus Helphidium, & hoc loco, dicat eum potius similitudine uirtutis

Error quorundam, tertiam Mariam fingentium.

Plures Iacobi

COMMEN. D. M. L. IN EPISTOLAM

uirtutis & sapientiae, quam carne fratrem Domini dictum. Magis tamen placet, quod ex illustribus uiris, supra adductum est.

Quae autem scribo uobis, ecce coram Deo non mentior.

Apostolus iurat.

Iurat Apostolus in re (ut apparet) tam leui, nempe ut uerum credant, eum uenisse Hierusalem, neminem Apostolorum uidisse, & quae alia commemorauit. Qua necessitate? Anxius est, & urgeri se sentit, Apostolorum nomine & conuersatione, quibus Pseudoapostoli nitebantur. Ideo, cum non habeat, quo firmet suam narrationem, iurat, & sancte accipe, ne scilicet diuinae reuelationis autoritas, qua Galatas docuerat, Apostolica & humanae autoritatis praetextu & pompa minueretur, in praedictum & fidei, & Euangelij. Iurat autem non tantum pro praedictis, sed & pro sequenter dicendis. Ita enim solent nimis solliciti, inter medium sermonem iurare.

Deinde ueni in partes Syriae & Ciliciae.

Quod Lucas Act. 9. sic loquebatur quoque (scilicet in Hierusalem) gentibus, & disputabat cum Graecis. Illi autem querebant occidere eum. Quod cum cognouissent fratres, deduxerunt eum Caesaream, & dimiserunt Tharsum, quae est Ciliciae. Ecce habes, quid gesserit per quindecim dies apud Petrum. Non didicit, sed docuit Gentes (harum enim Apostolus futurus erat, uel iam erat) Et cum Graecis disputabat, utique Iudaeis, sicut & Stephanus ante eum. Act. 7. Quid ergo necesse est nos audire, quod in Syriam & Ciliciam uenerit? Nempe, nusquam sese doctores Apostolos habuisse, sed doctorem ubique se fuisse, probat, semper huc spectans, & arcum narrationis eo tendens, ut tandem robustissime feriat, omnes, qui ei contraria docebant, & sapiebant. Quia diuina, non humana ipse docuerit. Illi uero humana, non diuina.

Eram autem ignotus facie Ecclesijs Iudaeae, quae erant in Christo Ihesu, tantum autem auditum habebant. Quoniam, qui persequabatur nos aliquando, nunc euangelizat fidem, quam quondam expugnabat, & in me glorificabant Deum.

Hoc scilicet uult, quod non solum a Petro, & ab alijs Apostolis, non sit doctus, sed nec ab ullis alijs, qui in Iudaea Christiani erant, & legem mixtim cum fide seruabant, imo, quod maxime commendat Pauli doctrinam cum ipse nec uisus eis fuisset, testimonium tamen eorum habuit, quod fidem doceret (Hanc enim solam quaerit in tota Epistola statuere) Igitur iam autoritate omnium Ecclesiarum, sese recte docuisse demonstrat, quando fidem praedicans, ab illis Ecclesijs laudatus est, & Deus glorificatus, quarum tamen exemplo, Pseudoapostoli Galatas ad legem cogebant, manifeste probans, quod non uere Ecclesiarum Iudaeae exemplum & autoritatem iuduxerint Galatis. Glorificant illi Deum, quod Paulus fidem praedicat, qui doluerunt prius, quod fidem expugnabat, nihil de lege quaerentes. Quid ergo legalibus iusticijs illi falso Apostolorum nomine Galatas tentant? Reliquum ergo est, quod legalia seruauerint Ecclesiae Iudaeae, non salutis necessitate compulsi, sed libera charitate, aliorum infirmitati seruientes.

In mores nostri seculi.

O utinam & nostrae leges in Ecclesia, hodie, simili prudentia, & docerentur, & seruarentur. Nunc uero ita regnant, ut in his salus constituta putetur, & fides prope sit extincta. Paulus fide facit dominam liberrimam omnium legum humanarum. Nos leges humanas facimus tyrannos fidei. Nec ipsas tamen

tamen procures & magnates pili faciunt, non sine scandalorum vastissimo gurgite Ecclesiam uorantes, & solos subditos, tot oneribus importabilibus opprimentes, aut libertatem eorum Christianam, per hos pecuniarum laqueos captiuam, denuo foedissime uendentes, dispensantes, indulgentes.

CAPITVLVM II.

DEINDE post annos quatuordecim, iterum ascendi Hierosolymam, cum Barnaba, assumpto & Tito. Ascendi autem, secundum reuelationem, et contuli cū illis Euangelium, quod praedico in gentibus. Seorsum autem ijs, qui uidebantur aliquid esse, ne forte in uacuum currem, aut cucurrissem.

POSTquam satis probauit, nullius hominis Magisterio, se Apostolum factum, sed diuina reuelatione, nunc probat se eandem reuelationem tam certam firmamque habuisse, ut nullos prorsus homines, etiam Apostolos, sit ueritus habere iudices, tum nullorum quoque importunitati cesserit.

Primum (inquit) post annos quatuordecim, quibus, si annos tres, quos supra memorauit, adiunxeris, iam decem & septem, aut decem & octo annos, eum praedicasse inuenies, antequam conferre uoluerit, ita, ut impossibile uideatur, quod tot locis, tot populis praedicarat, potuisse reuocari. Ideoque non sua causa ascendit, quali timuerit (ut Hiero. sentit) ne falsum per decem & septem annos praedicasset, sed ut ostenderet alijs, non inuacuum sese cucurrisse, approbantibus & cæteris Apostolis suum cursum. Si enim dubitasset, uerum ne an falsum doceret, insignis & inaudita temeritatis ac impietatis fuerat, dilata necessaria collatione, tot populos ludere incerta doctrina.

Quot annos Paulus praedicauerit, prius quam cum alijs conferre uoluerit.

Secundo non ascendisset unquam, nisi reuelatione Dei monitus, non aliorum importunitate commotus, tantum abest, ut de doctrinae certitudine diffusus, contulerit, nullam habens prorsus necessitatem ascendendi in hanc causam.

Tertio, ad ipsam Hierosolymam, ubi erant principes tam synagogae, quam Ecclesiae, paratus cum omnibus conferre, nec multitudinem Iudaeorum, nec legis acerrimos æmulatores formidans.

Quarto, non solus, sed cum Barnaba & Tito, diuerso genere, aptissimos testes, ne aliud egisse praesens, aliud absens agere crederetur, ut si quid pro Iudæis nimium faceret, Titus gentilis proderet. Si rursus nimis pro gentibus, Barnabas Iudæus oblisteret. Quare, fiduciam eius uide, hos duos secum duxit, & utrumque testem habuit. Denique cum utroque sese offerens, manifestum facturus, quod cum Tito gentilem, cum Barnaba Iudaeum esse licuerit. Et sic Euangelij libertatem in utroque probaret, quod circumcidi licet, & tamen circumcidi non sit necessarium, ita & de tota lege sentiendum.

Supra satis dictum est, de uerbo CONTULI & ACQUIEUI. Et tropum hebraeum, uel Scripturae sacrae proprium nota, quod currere significet officium docendi, seu uerbum Dei nunciandi, sumptum a nuncijs, qui mittuntur & currunt. Sic supra ex Hierem. dixi. Currebant, & non mittebam eos. Et Psalm. 146. Velociter currit sermo eius, & multa in sacris literis eiusmodi. Quo significatur, oportere uerbi Dei pracones esse prom

Currere in sacris literis.

COMMENTARIUM DE MERITO IN EPISTOLAM

esse promptos, & fideles nuncios, ut magis currant quam eant. Ita & Isa. 52. Quod speciosi pedes Evangelisantium &c. Et Ezech. 1. Animalia sua cum pedibus & cursu describit. Et Ephe. 6. Calciatos iubet haberi pedes, Evangelico apparatu, & omnium pedum officia. Cursus, missio, ac similia, ministerium uerbi Dei significant in sacris literis. Nec multum dissimilia Poeta quoque in suo Mercurio adumbrant.

*Fabula de diuisione
ne Apostolorum, an-
no decimotertio fa-
cta.*

Iterum nota, quod post annos quatuordecim Paulus inuenit Apostolos in Hierusalem, aut saltem Petrum & Iacobum & Iohannem, si non omnes, & cum illis confert. Non, quod me torqueat adeo fabula de diuisione Apostolorum, anno tertiodecimo facta, & sic factata, quam ut moneam, ne in similes nugas (quæ plurimæ hodie sunt) facile labamur, contra apertissimas Scripturas, sine iudicio quoduis superstitionis figmentum, titulo quocunque pietatis ornatum acceptando. Illud iam ex Erasmi annotationibus notum est, qui uidebantur esse aliquid, quid significet. Nam & D. Hieron. habet, qui uidebantur (id est, maioris authoritatis & opinionis erant) Quare esse aliquid, addititium est.

Sed neque Titus, qui mecum erat, cum esset gentilis, compulsum est circumcidi. Sed propter introductos falsos fratres, qui subintroierant explorare libertatem nostram, quam habemus in Christo Ihesu, ut nos in seruitutem redigerent, quibus neque ad horam cessimus subiectioni, ut ueritas Evangelij maneret apud uos.

Diuinatio Lutheri.

D Hieron. indicat, olim in latinis codicibus fuisse scriptum, quibus cessimus ad horam, affirmatiue. Quod coarguit, tum ex grecis, tum ex euidenti contextus præcedentis sententia, qua Paulus negat Titum circumcidi compulsum, & non se cessisse potius monstrat. Deinde laborat in coniunctione SED, uel AVTEM, & tollendam dicit, ut sit ordo. Sed neque Titus compulsum est circumcidi, propter subintroductos fratres &c. Verum, si mea diuinatio aliquid est, uel hyperbaton, uel hæbreæ iterum eclipsin hic facit, ut coniunctio SED, pertineat ad uerbum CESSIMVS, uel aliud uerbum iuxta eam subaudiatur, puta, restitimus, aut repugnauimus, ac uicimus. Atque hoc fecimus, non odio, aut contemptu legis, aut operum legis, sed propter falsos fratres, qui ex libertate, seruitutem nobis facere uolebant &c. Istas autem Eclipses solet & alibi facere, præ uehementia affectus, nec infrequens est in ueteri testamento, ut satis notum credo.

Illud quoque, quibus neque ad horam cessimus subiectioni, poterat clarius dici, quibus neque ad tempus (Sic Hieron. habet) cessimus in subiectionem, seu, ut subiiceremur, hoc est, adeo stetimus pro libertate Evangelica, ut nec id saltem a nobis obtinere potuerint, quo ad tempus cederemus, & pro hac tantum uice, quasi postea redituri, postquam expletus fuisset, hac cessione, animus æmulatorum legis, cum tam multa pro tempore & loco ac personis facere soleamus, quæ nobis liberum est postea omittere. Verum, hoc fiat in ijs, ubi diuina ueritas, & Evangelica libertas non uenit in periculum, pro qua, nec tempus, nec locus, nec persona curanda sunt. Hæc pro Grammatica.

Opera legis et Lex

• Cæterum, tota uis huius controuersie consistit, non in operibus legis, quæcumque illa sint, sed in necessitate & libertate operum legis. Non enim opera

Opera legis, & lex ipsa, sic sunt mortificata & finita per Christum, ut ea nullo modo liceat operari (quemadmodum D. Hiero. ex Origene suo ductus, non uno loco contendit) Sed tantum, ut absque eis, salus esse credatur, per solum Christum, qui finis legis est, in quem futurum erant præcepta. Postquam enim Christus aduenit, legis opera sic abrogauit, ut indifferenter ea haberi possint, non autem amplius cogant, sicut infra c. 4. pulchrum dabit paradigma de hærede paruulo. Ideo cæteri Apostoli ea fecerunt cum Iudæis fidelibus.

Paulus autem & Barnabas, aliquando fecerunt, aliquando non fecerunt, ut ostenderent ea prorsus esse Adiaphora, & talia qualis esset ille, qui faceret. Vt 1. Corin. 12. Factus sum Iudæis, tanquam Iudæus, ut Iudæos lucrificerem. Iis, qui sub lege sunt, quasi sub lege essem, cum ipse non essem sub lege. Iis, qui sine lege erant, tanquam sine lege essem. Quomodo potuit libertatem Euangelicam clarius explicare? Veni (inquit) ad Iudæos prædicaturus Christum. At ut me audirent, necesse mihi fuit propter eos, nondum hac uti libertate, & eos contemnere, cum suis operibus. Feci ergo, quæ ipsi faciebant, donec docerem non esse necessaria, sed solum fidem Christi sufficere. Ita ueni ad gentes, iam nihil eorum egi, quæ apud Iudæos egeram, sed omnino edebam, bibebam, quæ & illi, donec docerem eos Christum. Quomodo me admisissent, si eos statim fastidisset, in rebus illis neutralibus? Alioqui, si licet, imo meritorium est, pro fratre & proximo dolere, pati, mori, laborare, quanto magis licet opera legis quæcunque fieri, si ea requirat charitas fraterna? modo non lege cogente (nam superatus est ille exactor, per paruulum, qui datus est nobis) sed charitate, sponte & hilariter seruiente, facienda scieris. Proinde, si fratris necessitas postularet, ut circumcidereris, iam non modo sine periculo (quia non propter legem & necessitatem eius) imo cum multo merito circumcideris.

Proinde, Apostolus uigilanter, non ait, Non uoluit non licuit, sed non est compulsus circumcidi. Circumcidi malum non erat, sed iam Christo solo nos per gratiam iustificante, cogi ad circumcisionem, tanquam necessariam, ut iustificeris, hoc impium erat, & in Christi iustificatricem gratiam contumeliosum. Quare legis opera sunt post Christum, sicut diuitiæ, honor, potestas, iustitia civilis, ac quæcunque alia res temporalis, quas si habeas non ideo melior es coram Deo, si careas non ideo peior. Eesses autem pessimus, si eas necessarias assereres, quo Deo placeres. Igitur, uerba Apostoli uide, in quibus uis intelligentiæ sita est. Compulsus (inquit) Item libertatem, seruitutem, subiectionem. Quibus id satis exponit, fuisse scilicet inter eos, qui obseruabant eum, quod legem pro licentia & libertate sua, quandoque seruauit, quandoque contra fecerit, prout lucrâdis animabus, & Euangelio prædicando uidebat conuenire. Et illi prodentes accusantesque, quod legem non seruaret, non circumcideret gentes &c. uolebant eum cogere, quam uocat hic subiectionem & seruitutem.

Est enim libertas ista, quam in Christo nos habere gloriatur, quod nulli prorsus uni externo operi sumus alligati, sed liberi in quodlibet, ad quemlibet, quocunque tempore & modo, nisi ubi fraterna charitas & pax offenditur. Sicut Rom. 13. nulli quicquam debeatis, nisi ut inuicem diligatis. Igitur Christianus uerus, ut infra c. 5. nec est liber, neque seruus, neque Iudæus, neque gentilis, neque masculus, neque foemina, neque clericus, neque laicus, neque religiosus, neque secularis, neque orat, neque legit, neque tacet, neque omittit, sed ad omnia prorsus indifferens est, faciens & omittens, si

Adiaphora incorruptibilia.

Opera legis licita, si requirat charitas fraterna.

Opera legis qualia sint.

Libertas.

Verus Christianus, ad omnia indifferens.

Y Y

tens, si

COMMENTARIUS IN EPISTOLAM

tens, sicut ad manum sese res, uel obtulerit, uel abstulerit. Sicut Samuel. 1. Reg. 10. dixit ad Saul. Mutaberis in alium uirum. Et, Fac quodcumque inuenerit manus tua, Dominus tecum est.

Religiosi litigantes.

Quod autem alius ducit uxorem, alius intrat monasterium, alius alio sese mancipat operi, non facit lege cogente, sed sua sponte se subiicit seruituti, quod si ex charitate facit, optime facit. Sin ex necessitate, aut timore urgente, non christianiter, sed humaniter facit. Quocirca grauissime errant, nostri seculi homines, maxime Clerus & religiosi, qui propter pompas externi cultus, propter ritus & ceremonias suas (quibus usque ad incurabilem perditionem animarum sunt impliciti) ita fastidiunt alios, qui simili specie non speciuntur, ut & sine fine litigent, & audeant protestari, nunquam uelle eos communia cum illis sentire & habere.

Veritas Euangelij.

Ultimo, ueritas Euangelij hoc loco, non pro ipsa sententia Euangelij, sed pro uero usu Euangelij accipi uidetur, quia Euangelium semper uerum est, usus autem eius simulatione non raro subuertitur. Est enim ueritas Euangelij, scire, quod omnia liceant, omnia munda mundis, & nullum opus legis ad salutem & iusticiam necessarium, cum lex mortua sit, non amplius cogat. Licere tamen pro charitate legem operari, sed non ut legem.

Ab ijs autem, qui uidebantur esse aliquid, quales aliquando fuerint, nihil mea interest, Deus personam hominis non accipit.

Esse aliquid. Eclipsis.

HOc uno loco, esse aliquid, cum uerbo, uidebantur, Paulus ponit, unde & in alia duo loca, idem additum est, a librarijs. Iterum Eclipsis hic est, Ab ijs autem, qui uidebantur aliquid esse, subaudi, nihil accepi, quod infra repetens, dicit nihil mihi contulerunt, idem uerbum contulerunt, quod supra.

D. August. illud, quales aliquando fuerint, ad indignitatem refert, quod & Apostoli peccatores aliquando fuerint, uerum, sua illud nihil referre, quanquam ijs, qui eum persecutorem Ecclesiae fuisse, ob idque ceteris non comparandum, potuisset ita respondere. Nunc quando Deus personam hominis non respicit, nec illorum, nec suum Apostolatam, propter priora peccata uilescere, omnes enim aequaliter ad salutem uocat Deus. Sed S. Hiero. placet sententia, qui ad dignitatem refert, & dictum esse in Pseudoapostolos, qui Apostolorum gloriam iactabant, quod cum Christo conuersati essent, omnia uidissent, audissent, accepissent, Christo praesente. Ideoque Paulo praeferebatur, legemque cum illis seruandam.

Paulus autem Apostolos nihil uituperans, & uera esse, quae obijciuntur admittens, optima & saluberrima eis obuiat responsione, scilicet totum hoc, nihil ad rem pertinere, quo ipsi instantur. Non enim ideo uerum aut bonum aliquid est, quia a magno, sancto, aut cuiuscunque tandem personae sit, profertur. Sed quia a solo Deo proficiscitur. Quid enim Iudae traditori profuit, cum Christo fuisse conuersatum, & omnia cum Apostolis communia habuisse? Frustra ergo laruam, & externam Apostolorum gloriam, illi iactant, aduersus uerbum Dei, quod Deus sine ista persona, reuelat & docet. Si personam Apostolatus in Iuda despexit Deus, certe nec in alijs eam accipit.

Quomodo persona accipitur.

Et notabis PERSONAM hoc loco longe aliter accipi, quam in scholis nunc usus habet. Non enim rationalem indiuiduamque substantiam, ut illi di-

Reg. 16. illi dicunt, sed externam qualitatē uitæ, operis, aut conuersationis, iuxta
 Psal. 7. ta quam homo de homine iudicare, laudare, uituperare, nominare po-
 test. Et quicquid non fuerit in spiritu, iuxta illud. 1. Reg. 16. Homo uidet
 ea quæ patent, Deus autem intuetur cor. Et Psal. 7. Scrutans corda & re-
 nes Deus. Ista ergo patentia, quæcūq; tandem sint, tu intellige perso-
 nas, facies, apparentias, & personalia ista, si recte uis intelligere Scriptu-
 ras, de respectu personarum loquentes. Homo semper respicit personas,
 nunquam cor. Ideo semper male iudicat, Deus nunquam respicit personas,
 semper autem cor, ideo iuste iudicat populos. Deniq; alibi PROSOPON,
 faciem uertit. Facies autem in Scriptura proprie significat omne, quod ex-
 terne apparet. Sic Marci 12. Non enim uides in faciem hominis. Et 1. Re.
 16. Ne respicias in uultum eius. Quando autem nomen personæ, iamdiu
 abiit in aliam significationem, bonum uidetur, si ubiq; facies pro persona
 scriberetur in Biblijs.

*Deus semper cor
 intuetur, non per-
 sonas.*

Vides ergo, quam saluberrime nos Paulus erudit, ne, titulo, nomi-
 ne, facie, persona decepti, omittamus consilium eius, qui dicit, OMNIA
 PROBATE, QVOD BONVM EST TENETE. Quid putas modo
 diceret, si audiret in Ecclesia doceri omnia sine omni probatione, per eos,
 qui gloriantur, de potestate, de sanctitate, de eruditione autorum suorum?
 Apostolorum faciem nihil ad rem pertinere audacter asserit. At Aposto-
 lorum facies, erat sanctitas, potestas, Christi familiaritas, & multo maio-
 ra, quam nunc in quocūq; pontifice inuenias. At nunc potestas Papæ so-
 la sufficit. Sanctitas doctorum sola dominatur, ut doceatur, quicquid uel
 libuerit. At certe potestas Papæ, cum sit persona quædam hominis, a Deo
 non respicitur. Neq; sanctitatis opinio, neq; scientiæ fama, omnia sunt
 personalia, ideo nec satis firma, ut propterea necesse sit uerum credi, quic-
 quid senserint: Certum est autem, quod nec ipsis Apostolis placuerit, ia-
 ctata eorum persona, ut qui scirent, in Domino; non in se aut sua apparen-
 te uel potestate uel sanctitate gloriandum. Et nota hanc Paulinam mo-
 nitionem diligentissime.

*In mores nostri se-
 culi.*

Mihi enim qui uidebantur, nihil contulerunt.

Non rursus suum Paulo Euangelium exposuerunt, & cum eo
 contulerunt (id enim uerbum conferre, iam dictum est significare)
 sed nec opus erat. Satis erat, quod approbauerunt, & (ut sequitur) uide-
 runt sibi creditum præputij Euangelium. Hoc dicit, quo iam autoritate
 Apostolorum quoq; quos illi iactabant aduersus Paulum, recte se docuiss-
 se ostendat, & Apostolos secum stare, contra factatores personarum Pseu-
 doapostolos. Ideo id nunc latius prosequitur.

Sed econtra, cum uidissent, quod creditum est mihi Euan-
 gelium præputij, sicut Petro circumcisionis, (Qui enim
 operatus est Petro in Apostolatu circumcisionis, operatus
 & mihi inter gentes) & cum cognouissent gratiam, quæ
 data est mihi, Iacobus & Cephas & Iohannes, qui uide-
 bantur columnæ esse, dexteris dederunt mihi & Barnabæ
 societatis, ut nos in gentes, ipsi autem in circumcisionem,
 tantum, ut pauperum memores essemus. Quod etiam so-
 licitus fui, hoc ipsum facere.

YY ij

HYPER:

COMMEN. D. M. L. IN EPISTOLAM

Hyperbaton S. Hierony. esse putat, & sublati, quæ in medio interiecta sunt, sic legendum. Sed contra, dexteræ dederunt mihi & Barnabæ societatis &c. Mihi uidetur, more suo defectum orationis facere, rapitur enim interim, & digreditur in alia, interfecta etiam parenthesi, ac sic non redit ad ceptam orationem. Subaudirem ergo uerbum, ut, sed contra uiderunt & comprobauerunt meum, quod ego contuleram. Et cum ex ista collatione uidissent &c. Ecce idem Euangelium Pauli & Petri, ille in gentes, hic in Iudæos Apostolus. Quomodo ergo Pseudoapostoli, Petrum & Apostolos, contra Paulum iactant, qui eadem sapiunt? Si aliter sensisset Petrus, Iacobus & Iohannes, quam Paulus Galatas docuerat, corripuissent utiq;. Nunc autem & commendant, & dexteræ societatis dant.

Idem Euangelium Petri & Pauli.

De præcellētia Ecclesiæ, & potestate Pontificum.

Nondum erant in Ecclesia contentiones istæ, de præcellētia Ecclesiarum, & Pontificum. Petrus, Iohannes, Iacobus, Paulum & Barnabam, non dedignantur socios & æquales suos, sed successu temporis & uitiorum (ut Hiero. ait) societas desijt in potestatem & præcellētiā. Videtur & id hebraïsmum spirare, **DEXTERAS SOCIETATIS**, pro dexteris sociis, uel pro societate firmanda. Nisi id malit, quod non derint dexteræ adorationis exosculandas, pro reuerentiæ confessione.

Iacobus præponitur Petro.

Illud uide, quod nihilominus seruat ordinem & reuerentiā dignitatibus. Iacobum præponit Petro, quia Episcopus Hierosolymitarum fuit, cæteris Apostolis, euntibus & redeuntibus. Id enim Apostolos constituisse ferunt, Petrum, Iacobum, Iohannem, ut iuxta doctrinam Christi, minores se facerent, cum fuissent uiuente Christo, cæteris priorēs & maiores.

ἰσχυρὰν efficaciter operari.

Non dicit, Qui cooperatus est, sed qui operatus est. Intelligit autem id, quod 1. Corin. 12. copiose describit, quod diuisiones operationum sunt, idem autem Deus, qui operatur omnia in omnibus. Sed & græca uox, auctore Erasmo, plusquam operari latinum significat, scilicet efficacem uim suam ostendere. Vnde latentem Energiam, Hierony. ad Paulinam dicit. Hæc est gratia Spiritus, qua diuersa dona & opera multiplicat in Apostolis, & cum uirtute perficit in auditoribus.

1. Cor. 12.

Vide electum uerborum pensatorem.

Vide electum uerborum pensatorem, Euangelium præputij, Euangelium circumcisionis. Apostolatus circumcisionis, Apostolatus in gentes. Nomina officij & laboris tantum recenset. Euangelium enim pro officio Euangelij prædicandi nimirum accipit. Et in præputium, in gentes, quod ad gentes hoc officio fungeretur. Apostolatus uero ipso nomine, officium sonat. At nostro seculo, nomina dignitatis duntaxat sunt. Euangelium enim, quam contemnatur ab ijs, qui titulo eius uehuntur, horrendum est cogitare, si æstimes, quid sit uerbum Dei, & quanto precio paratum, ut reuelaretur hominibus.

In nostrum seculū.

officium cū gratia.

Non satis erat dicere, cum uidissent, quod mihi creditum esset Euangelium, sed addit, cum cognouissent gratiam, quæ data est mihi. Ministerium uiderunt, gratiam cognouerunt. Quid ita? Nempe gratiam sapientiæ, qua præ cæteris pollebat in uerbo, & uirtutis, qua inter gentes miracula fecerat, ex uerbo & opere, cognita est in eo gratia. Necessarium forte ratus, hæc duo simul ponere, ne officium uerbi suscipiat, qui gratia careat, qua ministerium eiusmodi adimpleat. Multis uidemus credi Euang.

di Euangelium, & officium Apostolicum, sed gratiam non cognoscimus in eis, neque enim uerbo, neque opere eam possunt indicare.

Videbantur Columnæ esse. Obsecro, cur non dicit, Erant columnæ? An inuidet eis gloriam? Ablit. Sed de re, ut est, loquitur. Esse enim columnam in Ecclesia, personale est, & iuxta faciem, quam Deus non respicit. Est enim in uisu & opinione hominum, necessaria quidem ipsa, propter subiectos, sed non res ipsa, in qua sit fidendum. Necesse est, esse principes & reges, id est, uideri, & tales in opinione hominum existimari, cæterum, personæ sunt mundi & externæ uitæ, intus, ubi Deus uidet, forte ultimis seruis inferiores. Ita Episcopatus, sacerdotium, & omnis ordo, & status Ecclesiæ, personæ sunt, non res ipsa solida in æternum. Quare aptissime per uerbum **VIDEBANTVR**, de ijs loquitur, contra insensatos, qui in personas, non secus ac res ipsas ueras, intuentur. Quare uerbum, **VIDEBANTVR**, non accipiendum est, quo nunc usu habetur, dum de re, uel falsa, uel apparente dicimus, mihi uideor. Sed simpliciter, uidebantur, id est, habebantur, & suspiciebantur pro columnis, & ueræ columnæ erant, quantum in hac uita esse potest, in qua omnia, quæ uidentur, personæ sunt, & externa rerum facies.

Esse in Ecclesia columnam.

Videbantur.

Et hæc ecliptica oratio est, ut nos in Gentes, ipsi autem in circumcisionem, subaudi, euangelisarem, aut Apostoli essemus, & huic tropo Paulino, tandē assuescendum est. Non autem sic partiti sunt ministeria ista, ut nullum Iudæum Paulus, & nullum gentilem Petrus doceret, cum sint in contrarium, utriusque Epistolæ. Ideo, aduerbium **TANTVM**, non potest cohærere præcedentibus. Sed quod (ut Hiero sentit) utriusque populo, suus Apostolus mitteretur. Gentibus is, qui liberam fidem sine onere legis doceret. Iudæis is, qui legem inolitam, propter fidem paulatim alendam toleraret.

Eclipsis tropus Paulinus.

Pauperes, quos Rom. 16. Pauperes sanctorum uocat, ij sunt, quibus Iudæi substantias rapuerant, propter Christum, ut ad Heb. scribit. Aut qui sua bona communia fecerant, ut Act. 4. scribitur. Forte & ij, qui penuria laborabant famis tempore, quam sub Claudio factam, Lucas in Actis 11. meminit. Certum est autem, quod sub Claudio ista contigerunt, quæ hoc narrat capitulo, si calculum duxeris annorum.

Pauperes.

Cernis autem, quod alterum Apostolicum opus sit, sollicitum esse pro pauperibus. Admonendi enim gratia, hoc addidisse uidetur, futurum sciens, Apostolorum successores, alia curaturos, quam pauperes. Vnum merito mouere potest. Cur potissimum Petro sese æquet, cæteris Apostolis tacitis? Quin & Petro apostolatam circumcisionis tribuit, item cæteris tacitis. Forte, quod hic, ut erat primus inter Apostolos, ita maxime cum Pseudoapostoli iactauerint, ad Euangelij iniuriam. Aut iterum futuris monstris prouidit cautionem.

Apostolicum opus est, sollicitum esse, de pauperibus.

COMMENTARIUM D. M. L. IN EPISTOLAM

Cum autem uenisset Cephas Antiochiam, in faciem ei restiti, quia reprehensibilis erat. Prius enim quam uenirent quidam a Iacobo, cum gentibus edebat. Cum autem uenissent; subtrahebat & segregabat se, timens eos, qui ex circumcisione erant, & simulationi eius ceteri Iudæi consenserunt, ita, ut & Barnabas duceretur ab eis in illam simulationem.

*Acriter in hoc cā-
po congregantur,
Hieronymus & Augustinus.*

Ista est Abel, seu planities magna, in qua acriter congressi sunt illustissimi duo Patres, Hieronymus & Augustinus. Hieronymus, nixus eo fundamento, quod Paulus similia fecerit, quando Acto. 16. circumcidit Timotheum propter Iudæos, qui erant in illis locis, non utique necessitate legis, cum iam c. 15. Apostoli statuissent, gentiles non debere oneribus legis premi. Timothei autem pater gentilis fuerat. Et quod amplius est, in eodem c. docet custodiri dogmata & decreta Apostolorum, contra quæ ipse eodem tempore, circumcidit Timotheum. Item Act. 18. totondit sibi caput in cenchreis, & habebat uotum. Et c. 21. cum uiris quatuor habentibus uotum super se, intrauit templum, & sanctificauit se cum illis, & oblata est oblatio pro eo. Item suo ipsius testimonio 1. Corin. 9. Factus sum Iudæis tanquam Iudæus.

B. Hieronymus.

Dicit ergo B. Hieronymus. Qua fronte, qua autoritate audet hoc in Petro reprehendere, qui circumcisionis Apostolus erat, quod ipse se Apostolus gentium arguitur commisisse? Quare putat, Paulum simulatoria reprehensione in Petrum usum esse, ut, quia Petrus simulatione, sua, gratiæ periculum dederat. Paulus noua (ut dicit) usus arte pugnandi, noua simulatione, seu contradictionis dispensatione corrigeret. Huic sententiæ textus græcus fauere uidetur, ubi secundum faciem, seu in facie habetur. Ut enim Erasmus hic dicit præpositio Kata cum accusatiuo significat secundum, seu per, cum genitiuo autem, in, seu aduersus, hic autem Kata propositio est, id est, secundum faciem, in facie, apparenter, coram alijs, pia scilicet hypocrisis, apud se aliud sentiens. Et illud, quod in Græco, non reprehensibilis erat, sed reprehensus erat. Quia reprehensus esse potuit, infirmis & ignorantibus, qui tamen reprehensibilis non sit.

Erasmus.

B. Augustinus.

B. Augustinus eo uerbo nititur, quod supra dixit Paulus. Quæ autem scribo uobis, ecce coram Deo non mentior. Ne si Paulus, quando dicit Petrum reprehensibilem, & se ei in facie restitisse, & eum corripuisse, non uere hæc ita sint facta, citraque simulationem, iam non uerum dicat, sicut iurauit dicturum: Et mendacium saltem officioso sit mentitus. Ac sic totius Scripturæ uacillabit autoritas, si in uno loco, aliud dicatur, & aliud sentiat. Necesse est enim, Petrum fuisse uere reprehensibilem, & uere a Paulo correctum: aut Paulum esse mentitum, quando eum correxit & reprehendit. Et quamquam sententia B. Augustini possit eludi, per græcum textum, qui non reprehensibilis, sed reprehensus habet, ut & Hieronymus subnotat, tamen adhuc uerum est, & certum, eum reprehensibilem fuisse, ex facto Pauli, qui irreprehensibilem non reprehenderet.

Textus index optimus.

• Sed textum uideamus, qui erit optimus in hac re iudex. Primo, certum est, quod Paulus Petrum non reprehendit, quia gentiliter uixisset, (ut uult B. Hieronymus.) tunc enim uere & idem in seipso reprehendisset, & stare

staret omnino firmiter sententia B. Hierony. qui legalia non licere putauit, & mortifera esse, post passionem Christi, hic enim defecit sanctus uir, abductus a maioribus suis aliquot. Sed ideo reprehendit, quia simulauit. Si mulationem inquam Petri, Paulus non tulit. Nam hoc approbat, quod gentiliter uixerat, & rursus Iudaice, sed quod uenientibus Iudæis subtrahebat, ac segregabat se a cibis gentilium, qua subtractione, gentibus & Iudæis autor fiebat, gentilia esse illicita, & Iudaica necessaria, cum tamen sciret utraq; esse libera & licita. Vnde & textus indicat, Petrum non ignoisse hæc esse libera, quia prius (inquit) cum gentibus edebat. Item, timens eos qui a Iacobo uenerant, Timore ergo, non ignorantia hæc fecit. Non enim dicit Paulus, Quare tu gentiliter uiuis? Nec dicit, Quare ad Iudaismum reuerteris? Vtraq; licuit facere, sed quare cogis gentes Iudaizare? Coactio ista, per simulationem & subtractionem, reprehensibilis erat, qua gentes & Iudæi credebant esse Iudaica necessaria, & gentilia illicita.

Deficit Hierony.

Coactio per simulationem reprehensibilis.

Sic non queritur, cæteros Iudæos consensisse in cibum, uel gentilem, uel Iudæum (sciebant enim esse licitum) sed in simulationem Petri, & coactionem gentium & Iudæorum, ad Iudaismum, ut necessarium. Item, non queritur Barnabam edisse cum eis Iudaice uel gentiliter, sed abductum in eandem simulationem, & coactioni gentium & Iudæorum, ad Iudaismum consensisse. Igitur contra necessitatem, pro libertate pugnat Paulus. Sola enim fides Christi necessaria est, ut iusti simus, Cætera omnia liberrima, neq; præcepta amplius, neq; prohibita. Si ergo Petrus recta fronte, utraq; fecisset, non fuisset reprehendendus. Sicut Paulus utraq; cum fiducia fecit,

Ad Hierony. ergo dicimus, quod admittendum sit in græco, Reprehensus, ad eos pertinere, qui Petrum apud Paulum accusarunt, quod ab eis se subtraxerat, & Paulum in hanc reprehensionem Petri commouerunt, fuit tamen uere reprehensibilis. Porro, an Petrus in hoc peccauerit (ut uocant) mortaliter, uiderint alij. Hoc scio, quod si, qui tali simulatione cogebantur ad Iudaismum, nisi fuissent per Paulum reducti, perissent, quia non in fide Christi, sed in operibus legis iustificari cœperunt. Ideo Petrus cum cæteris præbuit efficax scandalum, non morum, sed fidei, & æternæ damnationis. Nec Paulus tam fidenter restitisset, si leue & ueniale periculum hic fuisset. Conqueritur enim, Euangelij ueritatem fuisse desertam. At ueritatem Euangelij non sequi, iam infidelitatis crimen est. Non mihi placet studium illud in sanctos nimium excusandi & efferendi, præsertim, si in sacræ Scripturæ uim uergat. Melius est Petrum & Paulum in infidelitatem lapsos, imo anathema haberi, ut supra dixit, quam unum iota Euangelij perire.

Ad D. Hierony.

Petrus scandalum fidei præbuit.

Iam quod græce Kata prosopon, in facie, putatur ad simulationem Pauli astruendam ualere, non probo. Non simulabat Paulus, sed ex corde pleno restitit simulationi Petrinæ, noxiæ. Et in facie, idem est, quod coram omnibus, seu in manifesto, ut B. Ambrosius quoq; exponit, sic infra. Dixi cephæ coram omnibus, Sic enim supra dixi, faciem (more Scripturæ) significare id, quod in manifesto est, & contrarium abscondito, ut illic homo uideat ac iudicet, hic Deus. QVO uerbo, non procacitatem, ac superbiam suam prodit, ut insipiens Porphyrius criminatur, sed necessitatem & summam modestiam. Nec enim reprehendit Petrum, donec cæteri omnes consenserunt, deinde & Barnabas

kata prosopon, in facie.

YY iij

Iocius

COMMENTARIUS IN EPISTOLAM

socius suus quoque esset abductus, ac iam nullus prorsus relictus, qui pro ueritate Euangelij stare, & illorum factum, iam autoritas fiebat, contra libertatem Euangelicam. Modestiae debetur, quod non mox reprehendit, sed omnes prius abduci permisit. Necessitati autem, quod Euangelium iam peribat.

Factum non fiat auctoritas contra Euangelium.

Aut, si pertinaciter in uerbi graeci statum, quod secundum faciem omnino significet, secundum apparentiam, ut Iohan. 7. Nolite iudicare secundum faciem, adhuc non cogit simulationem in Paulo fuisse. Sed iste potius erit sensus, quod ex animo quidem restitit, externo uerbo oburgans, sed non ex corde maligno. Quo modo Ecclesiast. 7. Filiae tibi sunt, serua corpus earum, & non ostendas hilarem faciem tuam ad eas. Sic parentes sunt asperi filijs secundum faciem, non ex corde, nec tamen simulatorie. Et quilibet Christianus seruata cordis dulcedine & unitate, corripere fratrem & dissentire ab eo debet. Sed & de ipso Deo dicitur, Tren. 3. Non enim humiliavit ex corde suo, & abiiecit filios hominum. Quis autem dicat Deum simulare flagella, & abiiectiones hominum? Ita Paulus uera reprehensione Petrum corripuit, durus in facie, dulcis in corde erga Petrum. Vera itaque culpa Petri, & reprehensione dignissima, & in neutro simulatio, qualem D. Hiero. putat, Prior autem erat simulatio illa, qua rogabat Petrus, Iudaica & legalia seruari.

Dissentire a fratre

Paulus uere Petrum corripuit.

Quaestio.

Quaestio. Quando Petrus infirmorum scandalum ueritus, pia cogitatione se subtraxit. Quid faceret Paulus, si in eodem euentu, utrinque essent infirmi, tam gentiles quam Iudaei? Cui cederet? Nam seorsum singulis consentire, nullam habet perplexitatem. Si enim cum Iudaeis ederet, gentiles offenderet sicut Petrus. Si cum gentilibus, Iudaeos offenderet, sicut Petrus hic timuit. In hoc euentu Euangelica ueritas seruanda est, & reddita ratione exponenda, sicut Paulus hoc loco facit, coram omnibus arguens Petrum, & licitum asserens, gentiliter uiuere, & supra. Quando Titum gentilem non permisit circumcidi, nec cessit ad horam. Si autem hic Iudaei infirmi nolint sequi, dimittendi sunt. Melius est unam partem, cum Euangelij ueritate seruari, quam utranque partem una cum Euangelio perire.

Solutio.

Hunc autem locum Apostoli, quam uellem cunctis Christianis esse cognitissimum, praesertim religiosis, clero, & non paucis superstitionis, qui propter leges Pontificias, aut sua statuta, non rara subuertunt Euangelicam & fidem & charitatem. Nec tantum habent iudicij, ut si postulet fraterna charitas, omittant onera sua, nisi denuo per pecunias emerint, & dispensationes & indulta. Cum nec Pontifices, nec Ecclesia possit quicquam statuere, nisi quatenus, libera permittatur charitas, mutuaque beneficentia. Si enim aliquid potest Pontifex dispensare, & causa, uel utilitatis, uel honestatis, aut quae maxima est, charitatis subsit, iam non eges dispensatione, nisi tua propria. Nec enim lex hominum, hucusque peruenire potuit, ut in his causis te uel pilo ligaret, sed exceptas semper habeat has causas, uelit, nolit. Quod si causae hae non subsint, & solam libidinem tuam sequeris, certe Pontificis dispensatio, tui & ipsius dissipatio & perditio erit. Heu quot carnificinas conscientia.

Scientiarum, in Ecclesiam inuexit, ignorantia ista legis Dei, & legum hominum.

Non possum omittere nobilem illam historiam, ad hanc rem maxime pertinentem. De S. Spiridone Cypri Episcopo, extrat lib. 1. tripartitæ, *Spiridone notile factum.* quod in quadragesima suscepto peregrino, cum aliud non haberet, appositum fuit carnes porcinas, orans tamen primum, ac ueniam petens a Deo, cum autem hospes refutasset, & Christianum se professus esset, propterea (inquit) magis non debes refutare. Omnia enim munda mundis, sicut sermo diuinus edocuit. Non quod uelim præcepta maiorum contemnere ullo modo, sed recte intelligi, quod ubi necessitas uel charitas contrarium obtulerit, ibi (præsertim accedente consilio Confessoris uel boni uiri) pia humilitate & reuerentia, debet præceptum eiusmodi infringi. Ut non sit necesse, Confessionalia illa & indulgentiæ uendi & emi. Nam, nisi alia causa tibi licuerit leges infringere, nulla dispensatio, nullum Confessionale, nullum indultum per se tibi satis fuerit. Si autem alia causa fuerit, iam illis non indiges, ut dixi. Ego tamen Pontifices monerem, ut aliquando Ecclesiarum periculis miserti, tollerent tandem leges suas, quibus uidemus, nihil nisi conscientias illaqueari, aut pecunias expiscari, insuper & fiduciam Christi penitus suffocari, id est, ueros Christianos extinguere, & Ecclesiam hypocritis & idolis repleri. *Consilium.*

Cum autem uidissem, quod non recte ambularent ad ueritatem Euangelij, dixi Cephe coram omnibus, Si tu cum Iudæus sis, gentiliter uiuis, non iudaice, quo modo cogis gentes Iudaizare?

Prodit Paulus Petrum, & reteggit eius simulationem (nam hanc solam arguit) Simulabat se Petrus, non uiuere gentiliter, sed iudaice. At Paulus, imo (inquit) gentiliter uiuis, & uixisti, & nunc aliud simulas, & hac simulatione cogis gentes non gentiliter, sed iudaice uiuere, & ita in seruitutem legis urges. Ex quo perspicuum fit, Paulum non fuisse, a D. Hiero. satis intellectum. Nam Hiero. eam simulationem intelligit, qua Petrus propter Iudeos Iudaifabat, seruans legem, quam non licebat seruare. At hanc Paulus non arguit, neque curat, sed eam, qua simulabat & segregabat se a gentilibus eicis, quasi non liceret eis uti, hæc enim erat Euangelio periculosa, non illa.

Fuerunt, qui hunc Cephe, alium quendam, ex 70. Discipulis, fuisse assererent, ut est in Ecclesiastica historia Eusebij. Sed hoc erudite & potenter conuellit D. Hiero. Peruerso enim studio uoluerunt Petro patrocinari, cum Paulus dedita opera hæc ad Galatas scripserit, ut obtunderet oculos detrahentium sibi, quod sua doctrina esset Petro postponenda. Contra (inquit) non ex hominibus, sed ex Deo, insuper, non solum probata fuit per Petrum & Apostolos, sed & ipse Petrus per eam correctus, ut iam non reliquum haberent, quod Paulo obgannirent, quando & Petrus lapsus fuerit in ueritate Euangelij, libertatem, quam sibi uendicabat, alijs, timore Iudæorum, subtrahens, ac per hoc inique cum eis agens. In qua re, nimis Paulus superiorem se Petro ostendit. Nec ista superioritas (ut dicitur) inflationis causa fuit. Quia persona hominis est, quam Deus non respicit, super qua tamen horrenda discordia, olim Rom. & Constantinopol. sedes contenderunt, tanquam re ad Ecclesiam sola necessaria. Quasi unitas Ecclesie sita sit in persona hominis, & potestate præcellente, ac non potius in fide, spe, & charitate in Spiritu. *Cephe.* *Peruersum studium pro Sanctis.* *Hic Paulus Petro superior.*

Illud

COMMENTARIUM D. M. L. IN EPISTOLAM

Cephe.

Error decreti.

Illud quoque omittendum non est; quanquam tritum & uulgare, quod Cephe auctore Hiero: hebraicum; imo Syrum idem sit, quod Petrus seu petra graece; saxum uel soliditas latine; ut & decreta indicant; ex Leone & Ambrosio sumpta: Errat ergo decretum Nicolai (si titulus non mentitur) quod Cephe sit idem; quod caput; ut Petrum; anxia illa affectione caput Ecclesiae; praeter Christum faciat. Cephale graecum; caput significat; non Cephe Syrum.

Nos natura iudaei, & non ex gentibus peccatores.

Comparat iudaeos & gentes. Nos, inquit, natura iudaei, in legibus iusticia excedimus quidem gentes, qui peccatores sunt, si nobis conferantur; ut qui; nec legem, nec opera eius habeant, uerum non in hoc iusti sumus coram Deo. Externa est ista iusticia nostra. Et hanc sententiam copiosissime tractat Rom. 1. & 2. ubi primum gentes declarat maximos peccatores fuisse; sed in secundo c. ad iudaeos uertens, etiamsi tales non sint, quales gentes descriperat, nihilominus peccatores asserit, quod legem foris, non intus seruauerint, & in lege gloriantes, per legis transgressionem Deum inhonorauerint. Rom. 1. & 2.

Scientes autem, quod non iustificatur ex operibus legis, nisi per fidem Ihesu Christi, & nos in Christum Ihesum credimus, ut iustificemur ex fide Christi, & non ex operibus legis.

Isti (inquit) sumus, sicut natura iudaei. Non peccatores sicut gentes, sed iusticia operum legis, qua nullus iustificatur coram Deo. Ideo & nos, sicut gentes, iusticia nostra, pro stercore ducta, per fidem Christi iustificari quaerimus; iam simul peccatores cum gentibus, simul iustificati cum gentibus; quando Deus nihil discreuit (ut Petrus Act. 15. dicit) inter nos & illos; fide purificans corda illorum. Verum, hic locus, quoniam absurdus uidetur iis, qui Paulinae theologiae nondum assueuerunt; Quando & D. Hiero. non nihil sudat in hac intelligentia; latius prosequemur eadem, quae supra coepimus de paternis traditionibus. Nec uideo inter extrantes auctores, qui ad hanc sententiam satis sit; praeter unum Augustinum. Nec hunc in omnibus locis, sed ubi cum Pelagianis gratiae Dei hostibus pugnat. Hic facilem tibi & apertum faciet Paulum. Apo. 15.

iusticia duplex.

In primis itaque sciendum, quod homo dupliciter iustificatur, & omnino contrariis modis. Primo ad extra, ab operibus, ex propriis uiribus, quales sunt humanae iusticiae; usu (ut dicitur) & consuetudine comparatae. Qualem describit Aristoteles, alijque Philosophi. Qualem leges ciuiles, & Ecclesiasticae in ceremoniis. Qualem dictamen rationis, & prudentia parit. Sic enim putant, operando iusta, iustum fieri, temperando temperatum; & similia. Hanc facit & lex Mosi; ipse quoque decalogus, scilicet ubi timore poenae, aut promissione mercedis seruitur Deo, non iuratur per nomen Dei; honorantur parentes, non occiditur; non rapitur; non adulteratur &c. Haec est iusticia seruilis; mercenaria, ficta, speciosa, externa, temporalis; mundana, humana, quae ad futuram gloriam nihil prodest, sed in hac uita recipit mercedem, gloriam, diuitias, honorem, potentiam, amicitiam; sanitatem; aut certe pacem, ac tranquillitatem; minusque malorum, quam qui secus agunt, sicut Christus Phariseos describit. Et B. August. Romanos lib. 1. ciui. 8. Haec mire fallit; etiam sapientes & magnos uiros, nisi in sacris literis fuerint eruditi.

iusticia humana.

Hanc

Hanc Hierem. 2. uocat cisternam dissipatam, quæ non continet aquam, & tamen (ut ibidem dicit) facit, ut præsumant se sine peccatis esse. Et omnino similis est actibus ijs, quos uidemus a Simia fieri, æmulatione hominum, aut quos personati in scœnis & ludis ostentant, atque omnino hypocritarum & idolorum propria est. Ideo in Scripturis uocatur mendacium & iniquitas. Inde nomen Bethauen, domus iniquitatis. Ex horum genere sunt & hodie, mentium illi deteptores, qui libero freti arbitrio, bonam (ut aiunt) formant intentionem, & actum diligendi Deum super omnia, ex naturalibus elicium habentes, mox gratiam Dei sese obtinuisse perditissime præsumunt. Hi sunt, qui hæmorrhoidiam (id est peccatricem conscientiam) operibus sanare laborant, & consumpta substantia, peius habere faciunt.

Bethauen.

Iusticia Dei & ueritas.

ra.

Nomen Dei.

Nomen nostrum.

Secundo, ab intra ex fide, & gratia, ubi homo de priore iusticia prorsus desperans, tanquam ab immundicia menstruata, proruit ante Deum, gemens humiliter, peccatoremque sese confessus, cum publicano dicit. Deus propicius esto mihi peccatori. Hic (inquit Christus) descendit iustificatus in domum suam. Hæc enim, quia est aliud nihil, quam inuocatio nominis diuini. Nomen autem Dei, est misericordia, ueritas, iusticia, uirtus, sapientia, sui que nominis accusatio. Est autem nomen nostrum, peccatum, mendacium, uanitas, stultitia, iuxta illud. Omnis homo mendax, uanitas &c. omnis homo uiuens.

Luce 18.

INVOCATIO autem nominis diuini, si est in corde, & ex corde uere facta ostendit, quod cor & nomen Domini sint unum simul, & sibi coherentia. Ideo impossibile est, ut cor non participet, eiusdem uirtutibus, quibus pollet nomen Domini. Cohærent autem cor & nomen Domini per fidem. Fides autem, per uerbum Christi, quo prædicatur nomen Domini, sicut dicit: Narrabo nomen tuum fratribus meis. Et rursum. Ut annunciet in Syon nomen Domini. Sicut ergo nomen Domini est purum, sanctum, iustum, uerax, bonum &c. ita, si tangat, tangaturque corde (quod fit per fidem) omnino facit cor simile sibi. Sic fit, ut credentibus in nomen Domini, donentur omnia peccata, & iusticia ei imputetur, propter nomen tuum Domine, quoniam bonum est, non propter meritum ipsorum, quoniam nec ut audirent, meruerunt.

✠

Iustificato autem sic corde per fidem, quæ est in nomine eius, dat eis Deus potestatem filios Dei fieri, diffuso mox Spiritu sancto in cordibus eorum, qui charitate dilatat eos, ac pacatos hilaresque faciat, omnium bonorum operadores, omnium malorum uictores, etiam mortis contemptores & inferni. Hic mox cessant omnes leges, omnium legum opera, omnia sunt iam libera, licita, & lex per fidem & charitatem est impleta.

Ecce hoc est, quod Christus nobis meruit, scilicet prædicari nomen Domini (id est misericordiam, ueritatem Dei) in quod qui crediderit, saluus erit. Igitur, si te conscientia uexat, & peccator es, & quæris fieri iustus, quid facies? An circumspicies quæ nam opereris, aut quo eas? Non. Sed uide, ut nomen Domini, uel audias, uel recorderis, hoc est, quod Deus est iustus, bonus, sanctus, & mox huc adhære, firmiter credens, cum esse tibi talem, & simul tu iam talis es, similis eius. Verum, nomen Domini, nusquam clarius uidebis, quàm in Christo, ibi uidebis, quam bonus, suauis, fidelis, iustus, uerax sit Deus, ut qui proprio filio suo non pepercerit. Hic te per Christi

Quid faciendū peccatori, ut fiat iustus.

COMMENTARIUM IN EPISTOLAM

per Christum trahet ad seipsum. Sine hac iusticia, impossibile est, cor mundum esse, ideo impossibile est, iusticiam hominum, ueram esse. Hic enim assumitur nomen Domini in ueritatem, illic assumitur in uanitatem, Quia hic Deo gloriam, sibi confusionem, illic sibi gloriam, Deo contumeliam, reddit homo.

Vera cabala.

Fides in nomen Domini.

Hæc est uera cabala nominis Domini, non terragrammati, de quo Iudei supersticiosissime fabulantur. Fides, inquam, in nomen Domini, est intelligentia legis, finis legis, & prorsus omnia in omnibus. At in Christum posuit hoc nomen suum, sicut per Moysen prædixit. Hæc est iusticia, liberalis, gratuita, solida, interna, æterna, uera, coelestis, diuina. Quæ in hac uita, nihil meretur, neque accipit, neque quarit. Imo, cum sit in Christum, & nomen eius (quod est iusticia) sit, ut Christi & Christiani iusticia, sit una eademque ineffabiliter sibi coniuncta. Christo enim scaturit & ebullit, sicut dicit Iohan. 4. Aquam, quam ego dabo, fiet in eo fons aquæ uiuæ, salientis in uitam æternam. Ita fit, ut sicut alieno peccato omnes facti sunt peccatores. Ita aliena iusticia, omnes fiunt iusti, ut Rom. 5. dicit. Sicut per inobedientiam unius, hominis peccatores constituti sunt multi, Ita per unius hominis Christi iusticiam, iusti constituuntur multi. Hæc est illa misericordia per omnes Prophetas prædicta. Hæc benedictio, Abraham & semini promissa, ut infra uidebimus.

Iohan. 4.

Vt per unius hominis inobedientiam, peccatores facti sunt multi, ita per unius hominis Christi iusticiam, iusti facti sunt multi.

Nunc reuertendo ad textum, uidemus, quam recte Apostolus dicat, Scientes, quod ex operibus legis, non iustificatur homo, nisi scilicet ex fide Ihesu Christi, & nos in Christo Ihesu credimus, ut iustificemur ex fide Ihesu Christi, & non ex operibus legis, in quibus uerbis, utranque hanc iusticiam designat, & priore reprobata, posteriorem amplectitur. Ita & tu facias charissime frater, audi primum, quod Ihesus significet salutem, & Christus unctionem misericordiae. Et inauditam hanc salutem, & misericordiam crede firmiter, & iustificaberis. Hoc est, Crede eum tibi fore salutem & misericordiam, & ita erit sine omni dubio. Quocirca, satis impie & nimis gentiliter docetur. Quando remissio peccatorum, per satisfactionumculas, per contritiones coactas fieri, docetur, hac fidei in Christum doctrina prorsus omissa, ut nunc uulgus sententiarum theologicarum.

Opera legis.

Notandum tamen hic, quod opera legis, Apostolus non reprobatur, ut & B. Hiero. hoc loco docet, sed fiduciam operum legis, hoc est, opera non negat, sed negat per ea quatenus iustificari posse. Unde, cum Emphasi & Epitafi uerbum Apostoli legendum est, quando dicit. Non iustificatur homo ex operibus legis, Q. d. Admitto fieri opera legis, Sed dico eis non iustificari hominem, nisi coram se & hominibus, & pro huius uitæ mercede. Sint opera legis, modo sciatur ea esse coram Deo peccata, & iam non uera opera legis. Ac sic funditus destruit iusticiæ nostræ fiduciam. Quod ultra omnia opera legis, longe alia iusticia opus sit, nempe operibus Dei & gratiæ.

Item, & hoc obseruabis, quod opera legis generaliter dicit, non tantum ceremonialia, sed prorsus omnia etiam decalogi. Quia, & ipsa extra fidem & iusticiam ueram Dei facta, tum non sufficiunt, tum fallam fiduciam hypocritarum in specie sua præstant. Desperandum ergo omnino ab omnibus uiribus, operibus, legibus, uolenti saluari. Item, Tropum hunc Apostolo familiarem tibi notabis, quod opera legis, non aliorum usu uocat, quibus impletur lex ipsa. Nam hic sensus in causa est, quod Apostolum

Apostolum plurimi non intelligunt, qui opera legis, non nisi iusta & bona intelligere possunt, quando lex ipsa bona est & iusta, ideo coacti sunt per legem intelligere ceremonialia, quod illa fuerint tunc mala & mortua. Verum, errant, lex ceremonialis sicut fuit, ita nunc quoque est bona & sancta, quia ab ipso Deo statuta,

Apostolus constanter negat impleri legem per opera, sed per solam fidem. Quia impletio legis est iusticia, sed hæc non est operum, imo fidei, ideo per opera legis, non potest intelligere ea, quibus satisficit legi. Quid ergo? Regula Apostoli est hæc. Non opera implent legem, sed impletio legis facit opera. Non iusta faciendo, iustus fit, sed factus iustus, facit iusta. Prior est iusticia, plenitudoque legis, antequam fiant opera, cum hæc ex illa fluant. Ideo opera legis appellat, ad differentiam operum gratiæ, seu operum Dei. Quia opera legis, uere legis sunt, non nostra, cum non fiant uoluntate nostra operante, sed lege, per minas ea extorquente, uel per promissa eliciente.

Lex non impletur per opera, sed per solam fidem.

Regula Apostoli.

Opera legis.

Quod autem nostra uoluntate libere non fit, sed alio exigente, iam non nostrum, sed exactoris potius opus est. Eius enim sunt opera, quo imperante fiunt. Sed fiunt imperante lege, non lubente uoluntate. Quod satis patet, si cui liberum esset, sine lege uiuere, nunquam sua sponte faceret opera legis. Inde apud Isaiam 9. lex uocatur Exactor, quando dicit. Virgam humeri eius, iugum oneris eius, sceptrum exactoris eius superasti, sicut in die Madian. Quia per paruulum, qui datus est nobis, in quem credimus, efficiamur liberi, ac lubentes in legem, ac iam nos non legis sumus, sed lex nostra est, & opera non legis, sed gratiæ sunt, ex qua libere & suauiter scaturiunt quæ lex prius asperè & fortiter exprimebat. Hæc intelliges, si quatuor ordines operum disposueris. OPERA peccati, quæ dominante concupiscentia fiunt, sine resistentia gratiæ. OPERA legis, quæ foris coercita concupiscentia, fiunt, tamen intus eo magis feruente, & legem odiente, id est, quæ sunt bona in specie, mala in corde. OPERA gratiæ, quæ repugnante concupiscentia, uictore tamen spiritu gratiæ fiunt. OPERA pacis, & perfectæ sanitatis, quæ extincta concupiscentia plenissima facilitate & suauitate fiunt, quod in futura uita erit, hic incipitur.

Quatuor ordines operum.

Propter quod ex operibus legis, non iustificabitur omnis caro.

EAndem Rom. 3. sententiam concludit, Et ibidem late probat Lex Psal. 14. Non est iustus, qui faciat bonum &c. Ideo necesse est opera legis esse peccata, alioquin iustificarent certe. Atque ita clarum est, iusticiam Christianam & humanam esse prorsus non modo diuersas, sed contrarias quoque. Quia hæc ex operibus fit, ex illa fiunt opera. Inde nihil mirum, quod Theologia Paulina penitus ceciderit, nec intelligi potuerit, postquam ij cœperunt Christianos docere, qui Aristotelis moralia prorsus conuenire mentiti sunt, cum Christi Paulique doctrina, prorsus, nec Aristotelem, nec Christum intelligentes. Nostra enim iusticia de cœlo prospicit, & ad nos descendit. At impij illi, sua iusticia in cœlum ascendere præsumpserunt, & ueritatem illinc adducere, quæ apud nos de terra orta est.

iusticia Christiana & humana.

Stat ergo Paulus fortiter. Non iustificatur omnis caro, ex operibus legis. Sicut & Psal. Non iustificabitur in conspectu omnis uiuens. Reliquum est, opera legis, non esse opera iusticiæ, nisi eius, quam nos facimus.

ZZ

Quod

COMMENTARIUS IN EPISTOLAM

Quod si quærentes iustificari in Christo, inuenti sumus & ipsi peccatores. Nunquid Christus peccati minister est? Absit.

Argumentatur Apostolus ab absurdo.

Pauli Tropus.

Idest, diximus iam, nos in Christum credere, ut iustificaremur Lex fide Christi. At, si nec sic iustificamur, imo adhuc inuenimur peccatores, & iustificationis indigentes (Quia ex operibus legis tu cogis nos iustificari) ergo iustificatio ex fide, nihil est, & Christus tua fide nos peccatores fecit, & legis iusticia egentes, Quod est absurdissimum, & Christum prorsus abolere. Quia sic peccatum nobis ministrasset, quod per legem dilueretur, & iam esset legis iusticia melior, quam Christi. Argumentatur enim Apostolus ab impossibili & absurdo. Q. d. Si lex necessaria est nobis, qui in Christo quærimus iustificari, ergo iustificati per Christum, adhuc peccatores inueniemur, & legis debitores. Quod si hoc est, iam Christus non iustificauit nos, sed peccatores tantum fecit, ut per legem iustificemur, quod est impossibile. Quare & hoc est impossibile, legem (inquam) esse necessariam, & operibus legis nos iustificari. Iustificati enim in Christo, non inuenimur peccatores, sed iusti, quia Christus non peccati, sed iusticiæ minister est. Hæc B. Hieronymi sententia est.

B. Augustinus paulo aliter, & coactius. VT AVTEM Apostolum intelligas, aduerteres, quod subobscurè Mosen cum Christo comparat. Nam is est Paulo tropus, quod legem appellat occasionem, uirtutemque peccati, ideo ministerium legis, ministrationem mortis & peccati audet nominare. 2. Cor. 3. Si ministratio mortis in literis deformata. &c. Et Ro. 7. declarat quomodo peccatum per legem occiderit. Ideo mosen ministrum legis intelligit ministrum peccati & mortis, quod per legem peccatū ueniat, per peccatum mors, Quia inquit Rom. 4. Vbi non est Lex, nec præuaricatio, cui opponit Christum, ministrum iusticiæ, qui hoc impleuit, quod Moses per legem exegit. Quod & Iohan. 1. non omnino tacet: lex (inquit) per Mosen quidem data, gratia autem & ueritas per Ihesum Christum facta est, Q. d. lex, non autem gratia, nec ueritas per Mosen, ergo potius peccatum & transgressio, per eum ministrata est. Igitur Christus non est legislator, sed legis impletor. Omnis legislator, minister peccati est: quia ponit occasionem peccati, per legem. Vnde veterem legem, non per seipsum, sed per Angelos ordinauit, nouam autem (id est gratiam) per seipsum dedit, misso spiritu sancto de cælo.

Christus non est legislator sed impletor.
In miseriam Christianæ ecclesiæ.

Atqui iterum hic occurrit miseria Ecclesiæ, & populi Christiani, quando intendo in syluas, harenas, nubes, maria legum Romanarum, quarum neque titulos sufficias ediscere tota uita, Hic Apostolus cum fiducia, leges pronunciat esse peccatorum ministrationes, cum tamen nostri legislatores & peccatis & litibus occurrere sese faciunt acerbis legum nec ipsam in oculos impingentem experientiam sentiunt, stultum hoc eorum consilium demonstrare.

Allegoria decem plagarum Aegypti.

Et ut ego aliquando allegorijs ludam, decem plagas Aegypti arbitror figuras fuisse non tantum iudaicorum Thalmudim, sed & Ecclesiasticorum. Nam quod per Angelos malos eas inflicias legimus, non potest negari doctrinas ac traditiones hominum illis significari, cum Angelus omnino nuncium uerbi & doctorem significet. Ut etiam angeli illi Apocalypsis ostendunt, cum suis plagis & phialis. Verum cæteræ plagæ, quod aquæ nostræ in sanguinem uertuntur, quod loquacissime glossarum rancæ

nos

nos inquietant , quod pediculi uellicant , & exugunt totas substantias nostras , quod mûlca quoq; laborantes & sudantes nos depascunt , quod pecora simplicis cordis occiduntur , quod uescis inflamur , quod grandine tyrannica uiolentiæ censemur & ferimur , quod locustis ad medullas usq; exugimur: forte tolerandæ erant , pro peccatis nostris , Sed quod nouissimis malis accedentibus , tenebris palpabilibus excecatur , & heu tandem primogenitam iusticiæ & fiedi in Christo gloriam amittimus , non satis plorari potest. Verum quando hic paternum in pontificibus officium dormit , ego quod possum , saltem presto fraternum , Monens ac rogans , ut & nos ad dominum clamemus , si qua misericorditer descendat & nos liberet , de fornace ista ferrea , & domo seruitutis durissimæ

Obiectio.
Dilutio.

ROM. 8.

Credo autem aliquos moueri , quod Apostolus hic negat peccatores esse eos , qui in Christum credunt , & iustificantur , cum nullus sit hominum sine peccato. Nec ipsemet , ut Rom. 7. & 8. de se ipso testatur. Respondeo Omnis , qui credit in Christum , iustus , est nondum plene in re , sed in spe. Cœptus est enim iustificari & sanari , sicut homo ille leuiuius. Interim autem dum iustificatur , & sanatur , non imputatur , ei quod reliquum est in carne peccatum , propter Christum , qui cum sine omni peccato sit , iam unum cum christiano suo factus , interpellat pro eo ad patrem. Sic Rom. 8. cum dixisset se captiuari per legem membrorum in peccatum , dicit nihil damnationis est ijs , qui sunt in Christo Ihesu , qui non secundum carnem ambulant. Non ait , nihil peccati , sed multum peccati est adhuc reliquum , uerum , non damnationi imputatur.

Quomodo iustorum
commendationes in
telligendæ.

In hoc mysterium uidetur Christus in cruce dixisse , consumatum est , antequam moreretur. Quare omnes eiusmodi iustorum Commendationes , eodem modo intelligendæ sunt , quod non omnino in seipsis perfecti sint , sed in Deo reputante & ignoscente , propter fidem filij sui Ihesu Christi , qui est propiciatorium nostrorum. Hæc longe B. August: lib. de natura & gratia. Perniciose errant & fallunt qui baptisatis & pœnitentiis nullum peccatum tribuunt , sed tantum infirmitatem , & fomitem morbum naturæ , præsertim , dum in seipso , non esse peccatum garriunt , quod in Deo reputante & ignoscente , tantummodo non esse peccatum debuerant dicere.

Si enim quæ destruxi , iterum hæc reædifico , præuaricato-
rem me constituo.

Hoc est Quando ego per fidei prædicationem , docui iustificatio-
nem in Christo , & legem impletam , ac per hoc peccata destruxi , si iterum legem docerem seruandam , & non impletam , quid aliud facerem , quam quod peccata rursus statuerem , & adhuc esse superanda operibus nostris ? In qua re nihil facerem , nisi quod me uel tunc , uel modo , male egisse ostenderem , hoc est , præuaricatorem statuerem , imo facerem me alienum a Christo , in quo iustificatus fui , & denuo sub legem & peccata me traderem , æque præuaricatorem , sicut ante Christum fui.

Iterum suis Tropis Apostolus utitur , ideo uariant interpretes , D. Hierony. destructa & reædificata uult intelligi legem , scilicet ceremonia-
lem . Quæ sententia etsi uera est , angustior tamen est , q̃ ut satis sit cæte-
ris scripturæ locis conuenire. B. August. destructa , uocat opera legis , in
superbiam gloriantem & præsumentē de operibus legis. Nec hanc damno ,
Verum , Apostolum cum præcedentibus , & alijs locis comparando pecca-
ZZ ij ra (ut dixi)

COMMENTARIUM IN EPISTOLAM

ta (ut dixi) uidetur destruere, non legem, præsertim, cum Rom. 3. neget se destruere legem per fidem, sed potius statuere. Peccata autem destruit, Rom. 6. ut destruat corpus peccati. Nam per fidem destruantur peccata quæ per legem erant & abundabant. Peccatum enim non destruitur, nisi lex impleatur. At non nisi per fidei iusticiam lex impletur. Ita fit ut per fidem simul & lex statuatur & peccata destruantur. Dum enim per fidem satis fit legi, desinunt peccata, & lex permanet in robore.

Reedificare peccata.

Reedificare uero peccata, est rursus legem prædicare, & putare seruandam & implendam. Vbi uero implenda lex est, nec dum iusticia facta est, imo peccatum superest. Peccatum est enim legem nondum implese, ita redeunt peccata, quæ prius destructa per fidem docebantur. Quare ædificare Peccatum, idem est, quod infirmare, destruere, irritamque facere legem. Destruere autem Peccatum, idem est, quod legem statuere, ædificare & implere. Quicumque ergo docuerit legem impletam, factamque iusticiam, hic utique destruit peccata. Hoc autem facit, qui docet per fidem Ihesu Christi, iustos fieri, id est, legis imitatores. Qui uero dixerit legem implendam, neque factam iusticiam, hic utique rursus statuit, ac resuscitat peccata, & debitores legis constituit, ac reos facit seruandæ legis.

Ædificare peccatum.

Destruere peccatum.

Hunc inquam esse sensum Apostoli puto hoc loco, Qui per peccatum destrui legem, solet docere, ut Roma 8. Quod impossibile erat legi, in quo infirmabatur per carnem, id est, non implebatur. Caro enim non implet legem, ideo infirmat legem. Sed in alijs quoque locis scripturæ, idem Tropus inuenitur. Sic Hiere. 35. Firmauerunt filij Ionadab præceptum patris sui, quod præceperat illis. Item præualuerunt sermones Ionadab, quos præcepit. Et Psal. 140. Audient uerba mea, quoniam potuerunt, id est, potentia facta sunt, firmata, impletaque sunt. Rursus Psal. 17. Non sunt infirmata uestigia mea, id est, uix meæ, firmatae & impletae sunt. Sed Psal. 10. Quoniam quæ perfecisti destruxerunt, id est, legem tuam, ut heb. habet dissipauerunt. &c.

Hiere. 35.

Sed ex præcedentibus quoque, hunc esse sensum liquebit. Vbi negauit inueniri peccatores, qui in Christo iustificati sunt, ideo peccata eis esse destructa conuincitur. Si autem inuenirentur peccatores, iam peccata prius destructa restituerentur, quod esset in Christum blasphemia, qui peccatum & mortem nobis destruxit, si in eum crediderimus, Et, ut Iohan. ait. Qui natus est ex Deo, non peccat. Credo autem satis patere, Apostolum, non tantum de ceremonialibus legibus loqui, sed prorsus de omni lege. Parum enim Christus contulisset, si sola peccata legis ceremonialis destruxisset. At quando etiam Decalogi peccata destruxit, iam a fortiori, planum est, & ceremonialia destructa esse, & liberas omnes leges factas.

Questio.

Responsio.

Iterum autem cogor admonere lectorem triuiali isti Theologiæ assuetum, Qui forte turbabitur, audiens, legem esse impletam omnibus, qui in Christum credunt. Dicet enim, Cur ergo Decalogus, & tot Euangelij & Apostolorum præcepta, docentur implenda, & exhortamur cotidie ad eorum opera? Respondetur, sicut supra dictum est, quomodo in Christo iustificati, non sunt peccatores, & tamen sunt peccatores. Vtrumque enim de isto scriptura statuit, Iohannes in canonica sua c. 1. Si dixerimus, quia peccatum non habemus, ipsi nos seducimus, & ueritas in nobis non est, Qui eiusdem c. ultim. dicit. Scimus, quoniam omnis qui ex Deo natus

natus est non peccat: sed generatio Dei, id est, qui ex Deo natus est, conseruat eum, & malignus non tanget eum. Idem c.3. Omnis qui natus est ex Deo, peccatum non facit, quoniam semen ipsius in eo manet, & non potest peccare. Ecce nec potest (inquit) peccare, & tamen si dixerit, se non habere peccatum, mentitur.

Similem contradictionem in Iob licet uidere, quem Deus, qui mentiri non potest, pronunciat uirum iustum, & innocentem c.1. Qui tamen inferius confitetur, se peccatorem in uarijs locis, praesertim c.9. Et.7. Cur non tollis peccatum meum &c. Verum autem loquatur oportet. Quia si coram Deo mentitur, iam Deus eum non pronunciat iustum. Simul ergo iustus, simul peccator. Quis soluet haec, diuersas contra se facies, aut in quo conuenient? Nempe in propiciatorio, in quod uultus Cherubin alioquin sibi contrarij conueniunt. Quia ergo, per fidem incepta est iusticia, & impletio legis, ideo, propter Christum, in quo credunt, non imputatur, quod reliquum est peccati, & implendae legis. Fides enim ipsa, ubi nata fuerit, hoc sibi negocij habet, ut reliquum peccati e carne expugnet, uarijs afflictionibus, laboribus, mortificationibus carnis. Vt sic Lex Dei, non modo in spiritu, & corde placeat, & impleatur, sed & in carne, quae adhuc resistit fidei & spiritui amanti & implenti legem, sicut pulchre Rom.7. describitur. Proinde, si fidem spectes, lex impleta est, peccata destructa, nullaq; lex superest: sed si carnem, in qua non est bonum, iam peccatores cogere fateri eos, qui iusti sunt in spiritu, per fidem.

Fidei negocium.

Totum ergo quod aestuat Apostolus, est, ne quis per opera legis introducere iusticiam in cor praesumat, quasi non iam fidei iusticia ibi regnet, e qua in carnem fluant opera & plenitudo legis. Et accipe tibi simile: Sicut Christus sine omni peccato, caput iustorum, nihil debet legi prorsus, nec docendus est, quid facere debeat, qui omnia iam facit, & abundantius quam lex doceat. Tamen corpus suum & carnem suam, ecclesiam regit & exercet, ut suam iusticiam ei influat, ut quo modo ipse patri per omnia obediens est, ita corpus quoque suum reddat obediens, quod nondum est tam obediens, & sine peccato. Ita spiritus iusti, iam per fidem sine peccato, nihil debens legi, Corpus tamen habet, adhuc sibi dissimile & rebelle, in quod operatur & exercet, ut ipsum quoque sine peccato, iustum ac sanctum sibi simile reddat.

Ideo praecepta sunt necessaria tantum peccatoribus. At iusti quoque sunt peccatores, propter carnem suam. Quod tamen non imputatur eis propter fidem interioris hominis, qui Deo conformis, persequitur, odit, crucifigit peccatum in carne sua, donec in futuro consummatus, in carne & spiritu, nulli legi debeat. Ex parte ergo impleta est lex, ex parte nihil debemus legi, ex parte destructa sunt peccata. At qui iusticiam quaerunt per opera legis, ipsi reaedificant etiam infidelitatis peccatum, contra fidem in spiritu, imo peruersissimi hominum, peccatum, in carne quod fides expugnat per totam uitam, ueluti non sit, per opera legis extollunt. Et in hoc statuunt iusticiam, legis impletionem, non in fidem.

Qui reaedificant.

Arbitrantur enim sese iustos, si legis opera fecerint, cum tamen nec fidem Christi habeant: quae interior est iusticia, nec puritatem carnis, sed simulant eam. At ita, nec intus, nec foris iusti sunt, sed mera specie se, & homines illudunt. Igitur, necessaria sunt praecepta, non ut per opera eorum iustificemur, sed ut iam iusti sciamus qua ratione, spiritus noster carnem crucifigat, & in rebus huius uitae dirigat, ne caro insolescat & ruptis frenis, sessorem spiritum fidei excutiat. Non equiti, sed equo frenum debetur.

Quare necessaria praecepta.

ZZ iij

Ego

COMMENTARIUS DOMINI MARTINI IN EPISTOLAM

Ego enim per legem, legi mortuus sum, ut Deo uiuam.

ET hunc Tropum Rom. 7. latius prosequitur, ubi describit mulierem uiuam solui a lege mariti mortui. Quæ omnia, nisi metaphysicas mortes & mutationes ab intellectu dimoueris, barbara tibi erunt. Sicut mors mortem, peccatum peccatum, captiuitas captiuitatem, libertas libertatem, seruitus seruitutem, uita uitam, bonum bonum, malum malum, maledictum maledictum, lux lucem, tenebræ tenebras, dies diem, nox noctem, ita lex legem tollit. De ijs in scripturis, præsertim Paulo, late patent exempla.

*Vt mors mortem,
peccatum peccatū,
ita lex legem tollit*

Manifeste itaque duplicem legem tangit, Vna est spiritus & fidei, qua uiuitur Deo, uictis peccatis, impletæque lege, ut satis dictum est. Altera lex literæ & operum, qua uiuitur peccato, nunquam impleta lege, sed simulata implementatione. Per legem enim suscitatur odium legis, sed per fidem infunditur dilectio legis. Ideo legis operator, legem seruat, cum odio legis, id est, pessime omittit, dum aliud intus optat, aliud foris simulat. Fidei autem spiritus legem seruat, cum dilectione legis, hoc est, optime legem implet, & tamē foris cum peccatis suis pugnans, ostendit se peccatorem esse. Sunt ergo duo isti aduersarij, legalis ille intus peccat, & foris iusticiam prætexit, fidelis intus bene facit & foris peccata sua portat ac persequitur.

Igitur, Paulus per legem fidei, uiuit intus Deo, ibidemque est mortuus legi. Verum in carne nondum uiuit Deo, sed uiuificatur Deo, nondum est mortuus legi, sed mortificatur legi, dum eandem fidei puritatem cordis satagit, & in carnem foris propagare, quo studio meretur, ut totus Deo uiuere, & legi mortuus reputetur, eodem prorsus tropo, quo superius, peccator & non peccator, impletor & non impletor, dictus est. In futuro enim est, ut plene Deo uiuamus, & legi mortui simus.

Viueret & mori.

Viueret & mori, hoc loco non corporaliter, aut naturaliter accipi, ipsa locutio ostendit Apostolica. Quia non simpliciter, sed legi mortuum se dicit, & Deo uiuum. Est autem uiuere legi, esse sub lege & domino eius, Vt Rom. 8. lex in homine dominatur, quanto tempore uiuit. Sicut seruus quamdiu non redimitur, domino suo uiuit per legem seruitutis & ius gentium. Ita nos, dum extra fidem sumus, regnante concupiscentia, legi seruiamus, coacti eius opera facientes, ac per hoc legem non implentes, quæ dilectione fidei tantum impletur. Mori autem legi, est liberum fieri a lege, Sicut debitor quispiam, cum mortuus fuerit, liber est ab exactore suo. Ita dum per fidei gratiam, homo uetus incipit occidi, & destrui peccatum, quod per legem abundabat, morimur hac sancta morte, id est, uiuificamur ad iusticiam, sicut copiose Rom. 6. & 8. disputat eodem uerborum tropo, mortuos peccato, uiuos iusticiæ appellans.

*Legi uiuere.
Legi mori.*

Quare legi uiuere, est legem non implere. Legi mori, est legem implere. Hoc per fidem Christi fit, illud per opera legis. Sic Rom. 3. Arbitramur enim hominem iustificari per fidem, quam & legem fidei dicit. Item Rom. 8. Lex spiritus uitæ, id est, fidei, liberauit me a lege mortis & peccati, id est, lege quæ mortem & peccatum operatur & auget, ut est omnis lex siue diuinitus, siue humanitus data. Vnde, ut cœpimus, duas has leges clarius exponemus.

Lex spiritus est, quæ nullis prorsus scribitur literis, nullis profertur uerbis, nullis cogitatur cogitationibus, Sed est ipsa uiua uoluntas, uitæque experimen-

experimentalis, res quoque ipsa, quæ scribitur digito solo Dei, in cordibus. Ro. 5. Charitas Dei diffusa est in cordibus nostris, per spiritum sanctum. De qua & Iere. 31. ut Heb. 8. & 10. adducit Apostolus, Dabo leges meas in mentes eorum & in corda eorum superscribam eas, Hæc inquam intellectualis lux mentis, & flamma cordis, est lex fidei, lex noua, lex Christi, lex spiritus, lex gratiæ, iustificans, omnia implens, & carnis concupiscentias crucifigens. Ita & B. Aug. pulchre hoc loco dicit, Ipsam quodammodo legem uiuit, qui cum dilectione iusticiæ iuste uiuit. Nota cum dilectione iusticiæ. Hanc enim natura nescit, sed fides eam impetrat. Sic 2. Corin. 3. Epistola estis Christi ministrata a nobis, scripta autem non atramento, sed spiritu Dei uiui, non in tabulis lapideis, sed in tabulis cordis carnalibus.

Nomina legis spiritus ac eius uirtus.

Lex literæ, est quæcunque scribitur literis, dicitur uerbis, cogitatur cogitationibus, siue sit tropologia, allegoria, anagogia, aut cuiuscunque tandem mysterij doctrina. Hæc est lex operum, lex uetus, lex Mosi, lex carnis, lex peccati, lex iræ, lex mortis, damnans omnia, reos faciens omnia, concupiscentias augens, & occidens, eoque magis quo fuerit spiritualior, Sicut est illa, Non concupisces. Hæc enim plures reos facit, quam illa, Non occides, aut illa, Circumcidite præputia uestra, aut similis ceremoniæ. Quia sine lege spiritus, nullum opus bene fit sed semper simulatur.

Lex literæ.

Consequens est, quod lex spiritus est id, quod lex literæ requirit, uoluntas inquam, Psal. 1. sed in lege Domini uoluntas eius, id est, charitas Rom. 13. plenitudo legis dilectio. Et 1. Tim. 1. finis legis charitas. Atque, ut planissime ac uulgariter dicam. Lex literæ, & lex spiritus differunt, sicut signum & signatum, sicut uerbum & res. Ideo obtenta re, iam signo non est opus, itaque neque iusto lex est posita. Habito autem solo signo, docemur rem ipsam querere.

Pulcherrima similitudo.

Sic Moses & prophetae, tandem Iohannes baptista ad Christum nos mittunt. Lex docet, quid debeas & quo careas. Christus dat quod facias & habeas. Ideo qui lege aliter utuntur quam signo, quo ad Christum diriguntur, quo cognoscant suam miseriam, & quo gratiam quærant, pessime ab utuntur, ut qui suis uiribus freti, mox lege audita, in opera eius accinguntur, rem legis in seipsis quærentes, ac præsumentes, cum nec signum, ipsam inquam legem, in seipsis inuenisse se uideant.

Lex docet, quid debeas, & quo careas. Christus dat quod facias & habeas.

Item sequitur, quod omnis lex literæ, est spiritualis, Quomodo dici potest spiritualis, sicut Rom. 7. Scimus quia lex est spiritualis. Neque unquam in scripturis legimus carnalem legem uocari, quæ literis scribatur, licet Origenes multo frequentius studio huc feratur, acius suis opinionibus, habet quidem Paulus, legem membrorum, & carnis concupiscentiam, sed hæc non est litera, sed significatur prohibeturque litera legis.

Igitur spiritualis est, quia spiritum fidei requirit, id est, non propter signum sed propter rem, spiritualis est, Cum nullum opus bonum fiat, nisi hilari, uolente, gaudenteque corde fiat, id est, in spiritu libertatis. Alioquin, si lex spiritualis dicenda est, quæ tantummodo spiritualia opera præcipiat, iam nulla lex spiritualis erit, nisi quæ iuxta Theologos nostros, de actibus cordis elicitis præcipit. Neque charitatis opera erunt spiritualia. An lauare pedes hospitem, subuenire pauperi, monere errantem, orare pro peccatore, tolerare iniuriam, non sunt corporalia? imo, non minus, quam ulla ceremonialia tam ueteris, quam noui testamenti. Sed spiritus fidei, ipse solus inter opera discernit, alioquin operum nulla prorsus differentia, neque eorum, quæ per animam, neque quæ per corpus fieri possunt. Omnia tunc sunt carnalia uel literalia, quando cogente

Opus bonum fit in spiritu libertatis.

Z Z iij

litera

COMMEN. D. M. L. IN EPISTOLAM

litera, ablente lege spiritus, fiunt. Tunc sunt spiritualia, quando praesente lege spiritus fiunt, ut infra uidebimus.

Et hic uides, credo radicem, unde mihi crescit indignatio, in tot decreta, statuta, decretales pontificum, qua tyrannide nunc ecclesia, & oppressa iacet & indies vastatur. Nam cum refrigescente charitate, & Deo pro peccatis nostris, legem spiritus paulatim auferente, penitus tolli oportuit & leges, quas sine illo spiritu impleri non sit possibile. Potius augentur cotidie, magna ira Dei, Et fit ut imponant onera hominibus importabilia (praesertim, si redemptrice careas pecunia) quae nec digito ipsi mouere uelint aut possint, interim pastura ouium per uerbum fidei & spiritus, ne cogitata quidem, a tam uigilantibus pastoribus ouium Christi, hoc est quod gemo, per tot inutiles leges & noxias, nihil nisi infinitas offensas Dei augeri, cum & spiritu impleri praeccepta oporteat, & tamen ex nobis spiritus haberi non possit.

Consilium.

Bullarum cauponationes.

Verum, consilium tamen interim dabo. Primum, si spiritum habes, ut uolenter possis omnia illa tollerare, fac ita & uelut si sub Turca alioque tyranno, pro uoluntate Dei, premereris. Siquidem, legum tyrannis cum premit conscientias, longe superat Turcarum tyrannidem, quae corpora tantum premit, aut resculas corporis: quanquam nec in hac parte Turcas nobis superiores habemus, si rapinas palliorum, annatarum, aliosque intolerabiles Bullarum cauponationes expenderis. Sin inuitus es, age, data uel pecunia, uel fauore, eme, quae tibi gratis debebantur, quando aliter fieri non potest, & excute per indulta collum tuum, ab hoc onere. Verum, haec intelligo de ijs praecceptis, quorum opus non obstat necessitati aut charitati. Nam talia, ut supra dixi, cum fiducia rumpenda sunt etiam gratis, adhibito consilio boni uiri. De ijs autem loquor hic, quae inuitus facis, etiam si non sit necessitas uel charitas causa omittendi. Hic enim melius est, ut modicam pecuniam perdas, quam laqueo legum conscientiam torqueas. Nec simoniam timeas, quando non studio & uoluntate emis (uelles enim magis gratuitum dari tibi) sed uelut exactioibus importunis cedis inuitus. Si pauper es, aut loci distantia prohiberis, saltem in publico, pro uitando scandalo, obtempera, in occulto penes te ipsum, arbitrium consule boni uiri, certus, quod, ubi pastor tuus curam tui posthabuit, Christus eo mitius tecum aget, modo suis mandatis obedieris ex corde.

Christo crucifixus sum cruci, uiuo autem, iam non ego, uiuit uero in me Christus.

*Christi passio, est
Sacramentum &
Exemplum.*

Mortuum se dixerat legi, iam modum huius mortis exprimit, qui est crux Christi. Huc pertinet quod Gal, inf. 5. Qui Christi sunt carnem suam crucifixerunt cum concupiscentijs suis, Et Petrus 1. Petri 4. Christo in carne passo, & uos eadem cogitatione armamini, qua qui passus est in carne, desijt a peccatis, Et c. ij. Peccata nostra ipse pertulit in corpore suo super lignum, ut peccatis mortui, iusticiae uiuamus. Hinc B. Augu. lib. 3. Tri. 4. passionem Christi esse, & Sacramentum & exemplum, docet. Sacramentum quod significet, & credentibus donet mortem peccati in nobis, Exemplum, quod & nos imitari eum oportet patiendi moriendoque corporaliter. Sacramentum est illud Rom 4. Qui mortuus est propter peccata nostra, & resurrexit propter iustificationem nostram. Exemplum est 1. Pet. 2. Christus pro nobis passus est, uobis relinquens exemplum, ut sequamini uestigia eius. Sacramentum latissime tractat Ro. 6. 7. Col. 3. & alijs multis locis.

Ita &

Ita & hic Crucifixum se dicit Christo, iuxta sacramentum quod peccatum & concupiscentias mortificauerit.

Quod autem dicit Apostolus, hoc est, ij, qui per legis opera iustificari quærent, non modo non crucifigunt carnem suam, sed etiam augment concupiscentias eius, tantum abest, ut iustificari possint. Lex enim uirtus peccati est, irritans inuitam concupiscentiam, dum eam prohibet. Fides autem Christi, cum diligat legem concupiscentiæ prohibetricem, iam idem quod lex iubet faciens, concupiscentiam aggreditur & crucifigit. Non ergo per legem peccati abolitio, sed cognitio tantum & auctio, frustra in illa iustificatio quæritur. Tum uiuit iustus non ipse, sed Christus in eo, quia per fidem Christus inhabitat, & influit gratiam, per quam fit, ut homo non suo sed Christi spiritu regatur. Nam dum nostro agimus spiritu, concupiscentias sequimur, non crucifigimus. Totum ergo Christo, non nobis dandum est, quod credimus, quod iusti sumus, quod legi mortui sumus, quod concupiscentias mortificamus.

Lex uirtus est peccati.

Quod autem nunc uiuo in carne, in fide uiuo filij Dei, qui dilexit me & tradidit semetipsum pro me.

O Prime Erasmus, Quod autem nunc uiuo, id est, quam uitam nunc uiuo &c. Sicut & ad Romanos 6. idem interpretatur, aut quod tempus uiuo. Sicut 1. Pet. 4. Voluntati Dei quod reliquum est, uiuat tempus. D. Hierony. aliud putat, esse in carne, & uiuere in carne, Quod alibi dixerit. Vos non estis in carne, Et Rom. 7. Qui in carne sunt, Deo placere non possunt. Hoc uideo, quod 2. Cor. 10. In carne enim ambulantes, non tamen secundum carnem militamus, malum semper intelligat, secundum carnem ambulare. Permanere autem in carne, necessarium scribit ad philippenses. Proinde, haud scio, an constans sit ista distinctio.

Esse in carne.

Est autem sensus Apostoli, Dixi me iam non uiuere, sed Christum in me, uerum, ne existimetis aut hæreticis futuris occasio data uideatur, quod uita christiana sit extra carnem, in religione angelorum, in mirabilibus supra se ambulando, sic uiuit in me Christus, ut tamen in carne uitam agam, non autem sic in carne uiuam, quod ex carne, in carne, aut secundum carnem sit uita mea, sed in fide filij Dei. Iusticiarij uero & ipsi in carne quidem uiuunt, id est, In præsentī uita agunt ueram hanc uitam, non agunt in fide Christi, sed in operibus legis, ideo mortuam in peccatis uitam agunt. Vbi Paulus uitam in iusticia uiuentem ducit, Sic utramque uitam simul inuoluit corporalem & spiritualem. Corporalem tunc uere esse uitam, si in Christo & spiritui fidei uita uiuatur. Sicut enim lex occidit suos cultores spirituali morte, dum facit peccatum roborari & augeri, Ita & uitam corporis, mortuam, id est, peccatricem facit.

Interpretatio Apostoli.

Vbi sunt ergo nostri Neutrales, qui inter peccatum & iusticiam fidei, medium statū finxerunt, scilicet moraliter bonum? cum Apostolus ipsam legis iusticiam appellet mortuam. At mortuam apud Apostolum non dicitur nisi quod peccatum prius sit, sicut dicit: Stimulus autē mortis, peccatum est. & Rom. 5. Per peccatum mors. Non ergo opus aliquod mortuum, & non mortale (ut dicunt) seu non meritorium, sed mortuum simul & peccatum est.

In neutrales & morales theologos.

Non abijcio gratiam Dei, si enim per legem iusticia, ergo Christus gratis mortuus est.

Tam

COMMENTARIUS DE M. L. IN EPISTOLAM

Magnopere notandum.

Syllogismus Apostoli.

In cerebrosos distinetores.

TAm magna iniuria est, uelle operibus, uiribusque nostris per legem iustificari: ut Apostolus id appellet, abiectionem gratiæ Dei: non tantum ingratitude (quæ per se pessima est) sed & contempnum, cum gratia dei, summis studiis, debuerat inquiri, at illi gratis acceptam repudiant, uehemens certe obiurgatio. Illum Syllogismum Apostoli, dignum est perpendere, Si per legem iusticia, &c. cum fiducia pronunciat. Aut Christum esse gratis mortuum (quod est summa blasphemia in Deum) aut per legem nihil, nisi peccatum, haberi. Nam illi procul a sacris literis arcendi sunt, qui distinctionibus e suo cerebro depromptis, iusticiam aliam moralem, aliam fidei, & nescio quas alias, ad Theologiam afferunt. Habeat sane ciuile ius, suam iusticiam, philosophi suam, & quicunq; suam. Nos oportet hic iusticiam ad intellectum scripturæ accipere, quam Apostolus plane negat esse, nisi per fidem Ihesu Christi. Cætera omnia opera, etiam sacratissimæ legis Dei, adeo non præstare iusticiam, ut etiam peccata sint, & hominem peiorem faciant coram Deo. Quin tanta esse peccata, & a iusticia tam longe, ut necesse fuerit filium Dei mori, quo iusticia nobis donaretur. Ne ergo in Theologia iusticiam uocaueris, quod extra fidem Christi fuerit. Si autem iusticiam non esse certum est, certum pariter est peccatum esse, & damnabile peccatum.

Iusticia moralis.

Iusticia Christi.

Fides iustum facit.

Vide ergo, nouam iusticiam, nouamq; iusticiæ definitionem. Vsiatè enim dicitur, iusticia uirtus est, reddens unicuiq; quod suum est. Hic dicitur, iusticia est fides Ihesu Christi, seu uirtus qua creditur in Ihesum Christum, ut Rom. 10. Corde creditur ad iusticiam. id est, si quis uelit iustus esse, credat necesse est corde in Christum. Et B. Hiero. c. 3. Scita est sapientis, uera illa sententia, non fidelem uiuere ex iusticia, sed iustum ex fide, id est, non sua iusticia, fidelis est, sed fide iustus est. Pulchra certe sententia iam sequitur, quod iustus per fidem, nulli dat quod suum est per seipsum, sed per alium scilicet, Ihesum Christum, qui solus ita iustus est, ut omnibus reddat, quod reddendum est, imo omnia ei debent. Qui autem in Christum credit, & spiritu fidei, unus cum eo factus est, iam non solum satisfacit omnibus, sed id quoq; efficit, ut omnia sibi debeant, habens cum Christo omnia communia. Peccata sua iam non sua, sed Christi sunt. At in Christo peccata iusticiam uincere nō possunt, sed uincuntur, ideo in ipso consumuntur. Rursum, iusticia Christi, iam non tantum Christi, sed sui Christiani est. Ideo non potest ulli debere, aut a peccatis opprimi, tanta fultus iusticia

inestimabilis Christianorum gloria.
Iusticia Dei.

Hæc est illa inestimabilis gloria Christianorum, Hæc ineffabilis diuinæ charitatis circa nos dignatio, qua tanta, tam preciosa nobis donata sunt, pro quibus ne abiiciantur, merito sic exultat Paulus. Vnde & hæc iusticia, Dei iusticia uocatur ut 1. Cor. 1. Qui factus est nobis a Deo, sapientia & iusticia, & sanctificatio, & redemptio. Sic Ro. 1. Non erubesco euangelium, iusticia Dei reuelatur in illo, ex fide in fidem, sicut scriptum est, Iustus ex fide uiuet: & Rom. 10. Ignorantes iusticiam Dei, & suam querentes statuere, iusticiæ Dei non sunt subiecti. Hæc est illa uox Psalmorum. 30. In iusticia tua libera me, non mea utiq; quæ ex lege est, & peccatum est, Et iterum 42. Exaudi me in iusticia tua. 71. Deus iudicium tuum Regi da. Et iusticiam tuam filio regis. Orietur in diebus eius iusticia, & abundantia pacis Et: 97. Iudicabit orbem terrarum in iusticia. Et quid multis? **IUSTICIA** Dei in Scripturis fere semper, pro fide & gratia accipitur, rarissime pro seueritate, qua damnat impios, & liberat iustos, ut nunc passim usus

Iusticia Dei, fides & gratia.

Quod

PAULI AD GALATAS CCCCXIII

Quod si iusticia fidei, dicenda est, reddere unicuique quod suum est ex nobis *Cedendum bonis no-
stis.* ipsi, potius intelligitur id facere per cessionem (ut uocant) omnium bonorum, quo modo docuimus Lucæ. 14. in parabola ædificantis Turrim & pugnaturi contra Fortiorem se docet. Hi enim ædificant turrim (exemplo eorum, qui Babyloniam turrim cœperunt) qui suis uiribus freti, per opera legis sese quærunt iustificare, & saluos facere. Et occurrunt Christo iudici futuro robustissimo, cum pauculis operum copiis. Quibus consulit, ut primum sumptus supputent, & inuenient quod non possint, ideo relictis omnibus, sapientiæ, uirtutis, iusticiæ præsumptionibus, adhuc illo longe agente, rogent pacem, desperantes de seipsis, & se in misericordiam uenturi regis, plena fide proni. Sic enim conclusit eandem Parabolam. Sic omnis ex uobis, qui non renunciauerit omnibus, quæ possidet, non potest meus esse discipulus, hoc est, non eris christianus, nisi sola fide nitaris, tuis iusticijs pernitus reiectis.

CAPITVLVM III.

O Insensati Galatæ, quis uos fascinauit non obedire ueritati?

Nunc ad Galatas reuertitur. Nam hucusque contra Petrum dixisse, D. Hierony. putatur. Verum, an omnia ista, præsentem Petro effuderit, nescio. Ego diuinarem, ab illo loco, propter quod non iustificatur ex operibus legis omnis caro, desisse cum Petro loqui. Quia repetit, quod Paulo superius ad Petrum dixisse se scribit, scientes, quod non iustificatur homo ex operibus legis &c. Atque iam ab isto loco, cum Galatis deinceps disputare, & reliquis argumentis, opera legis confutare. Tamen esto unicuique hic suum iudicium. Igitur Paulus totus æstuans pio zelo, & si totam Epistolam fere argumentis & confutationibus repleuerit, immiscet tamen aliquoties exhortationem, obiurgationem, nonnunquam &c. eadem repetens inculcat, omnia tentans pro Apostolica sollicitudine, insensatos, stultos, amentes, eos uocat, autore Hieronymo. Vel quod Regionis proprietate eos pulsat, sicut ad Titum, Cretenses mendaces, & alias gentes, alijs uitijs notat, uel, quod a maioribus ad minora uenerant, ac uelut repuerascere cœperant, ad Pædagogum legis reuersi. Et hoc magis mihi probatur, nam in sequentibus de elementis, de Pædagogo, de hærede paruulo disputat, manifeste eorum stultitiam & puericiam taxans. Hoc & uerbum fascinauit, ostendit. Pueris enim & ætati paruulæ, ut idem Hieronymus ait, dicitur proprie fascinus nocere.

Pia & feruens Apostoli sollicitudo.

Est autem FASCINARE, aspectu malefico ledere, ut Virg. Nescio quis teneros oculus mihi fascinat agnos. Hoc utrum uerum sit, nec ne, Deus uiderit, inquit Hiero. Quia potest fieri, ut Dæmones huic peccato seruiant. Ego credo hunc esse morbum infantulorum, quæ multercula nostræ uulgo, die *Elbe* seu *das Zert gespan*, uocant, quo uidemus infantes tabescere, macrescere, ac misere torqueri, aliquando incessanter clamare & flere. Cui mor-

COMMEN- D- M- L- IN EPISTOLAM

Cui morbo , rursus , nescio quibus literis & superstitionibus , tentant occurrere. Creditum est enim , ab inuidis illis , & maleficis uetulis , si cui for- mosulum infantulum matri inuideant , talia fieri. Vnde & uerbum græcum non tantum fascinare , sed & inuidere quoq; significat , teste Hiero.

Pulchra similitudo

Ita & Galatæ , cum essent in Christo , quasi modo geniti infantes , & foeliciter crescerent , a Pseudoapostolis fascinantibus sunt læsi , & ad legis macredinem , imo miseriam , tabescentes reducti. Et satis pulchra stat si- militudo. Nam ut fascinator diros figit in infantē oculos , donec noceat , ita pestilens doctor , figit oculum suum nequam , id est , sapientiam suam im- piam , in simplices animas , donec in eis ueram intelligentiā corrūpat. Ocu- lus enim , ut Lucæ II. in scripturis , doctrinam , cognitionem , etiam ipsum doctorem significat , ut Iob. 31. oculus fui cæco. Et , Si oculus tuus scanda- lisat te &c. Hi sunt , quos scriptura , dolosos , illusores , mentiumq; dece- ptos uocat. Psal. 1. In cathedra pestilentiae non sedit. Heb. in sessione illu- sorum. Prouerb. 3. abominatio est Domino omnis illusor , & cum simpli- cibus sermocinatio eius.

Oculus in s. literis.

Questio de fasci- no , an sit aliquid.

Sed hic insurgit quæstio , an Apostolus hoc loco credendus sit appro- bare , fascinum esse aliquid. D. Hiero. putat eum usum sermone triuij , & ex opinione uulgi exemplum sumpsisse , non quod fascinum esse scierit , quo modo & nonnulla alia , ex gentium fabulis , in scriptura assumi uiden- tur , ut Arcturus , Orion , Pleiades in Iob. Syrenes , Onocentauri Pilosi apud Isaiam. Ego (ut dixi) credo maleficas illas , opera Dæmonum , Deo permittente , uere infantulis nocere posse , in pœnam infidelium , & in probationem fidelium , cum & multa alia , ut euident est experientia , no- ceant , tam in corporibus hominum , quam pecorum , omniumq; rerum. Atq; hæc Apostolum , non ignorasse.

Ante quorum oculos Christus Ihesus proscriptus est , & in uobis crucifixus.

Varie hic locus tra- ctatur.

D. Hieronymus.

B. Ambrosius.

B. Augustinus.

Varie hunc locum uideo tractari. D. Hiero. proscriptus intelli- git , quod Galatæ Christum crucifixum , non modo Apostolorum uo- ce , sed ex scripturis quoq; Prophetarum cognouerint , & sic pro & ante scri- ptum cognouerint , quam dictum seu prædicatum. Et ista gemina eruditio ne scripturæ & uocis firmati , non debuerant utiq; a Christo desciscere. B. Ambro. quem Lyra sequitur , arbitratur , Galatis , quia in opera legis con- fidebant , Christum esse proscriptum , ut Iuristæ de proscriptione loquun- tur , id est , eiectum , damnatum & exulem factum. B. August. præscriptus legit. Et sicut possessio amittitur per alterius præscriptionem , ita Christus amiserit Galatas , præscriptus , scilicet a Pseudoapostolis. Nulla harum me capit.

Christum in aliquo crucifigi.

Erasmus , sed & Stapulensis non dissimiliter , sic accipiunt Christum fuisse , uelut in pictura , Galatis præscriptum , & depictum , ita ut manifestis- sime cognitum haberent , & tamen nunc fascinati & illusi , eum non agno- scant. Sic enim solent incantamenti & præstigijs capti , nec id cernere , quod in oculis manifestissimum est , & id uidere , quod nusquam est. Et huic uerbum græcum Prographe patrocinari uidetur sensui. Id autem me mouet , QVOD CHRISTVM IN ALIQUO CRUCIFIGI , nun- quam in bonum accipitur in scripturis , sicut Heb. 6. Rursus crucifigentes in semetipsis filium Dei. Et supra. Non ait crucifixus est in me Christus , sed uiuit in me Christus. Hic autē dicit , in uobis crucifixus , utiq; hoc gemens & æstuans

& æstuans. Quod Christus non uiuit, sed mortuus in eis est, hoc est, fidem eius, per legis iusticiam, in eis extinctam esse.

Proinde si auderem, diuinationem meam hanc diuinarem. Primum, *Diuinatio Lutheri.* uerbum præscriptus, siue, de Scriptura, siue pictura accipiatur, probó ut sit præscriptus, quod coram positus, & ad oculum monstratus. Nam ideo addit, ante oculos, ut exprimat hunc sensum. Deinde deleta coniunctione & (ut in græco) sic stet textus. Quibus in oculis, seu ante oculos, Ihesus Christus præscriptus est, in uobis crucifixus, hoc est, Ecce uos ipsi cernitis, & argumentis prædictis effectum est a me, ut clarum, & in oculis uobis depictum & ante scriptum sit, Ihesum Christum esse in uobis crucifixum. Hunc esse sensum, si præcedentia, imo totius Epistolæ argumentum attendas, credo, non negabitur. Præmiserat enim, Non abiicio gratiam Dei, uiuo non ego. Item, si ex lege iusticia, iam Christus gratis mortuus est. Quæ omnia eo tendunt, quod Christus sit in ijs crucifixus (sicut in Iudæis) quicumque non in eum, sed in seipsos, ac legem confidunt. Nam tunc est abiecta gratia Dei, non uiuit in eis Christus. Quid ergo restat, nisi quod sit mortuus, & crucifixus in eis.

Vtitur autem Apostolus pro æstu suo, uerbis epitali multa ardentibus, & uelut impetuosis. Ante oculos præscriptus (inquit) Q. d. nescio, quomodo clarius monstrare possem. Deinde, non solum nomen Christi, sed Ihesus Christus. Vtrunque nomen cum pondere inclamans, tandem in uobis crucifixus. Mitius erat, si non in uobis, qui tanti fuistis: & leuius erat, mortuus aut passus, aut infirmus: sed atrociter crucifixus (inquit) in uobis, ignominiosissime scilicet a uobis tractatus. Obsecro, quid faceret, si & modo uideret in Ecclesia, legibus hominum, Christum etiam plusquam crucifigi? Nempe illud, quod Act. 20. cum lachrymis intrabunt post discessionem meam lupi rapaces in uos, non parcentes gregi &c.

Nota pondus Scripturæ.

Hoc solum a uobis uolo discere, ex operibus legis, Spiritum acceperitis, an ex auditu fidei?

Vide quam efficaciter tractat locum ab experientia. Quid enim hic prætexent? sint cætera (inquit) infirma argumenta, quibus usus sum, quid hic dicetis? hoc solum docete, age, sim hic discipulus uester, in operibus legis, qui uersati estis, dicite, si unquam Spiritum acceperitis, donec me prædicante Christum, crederetis? Sic, cum fiducia insultans, ac iam uelut insolubili uinculo obstrictis, dicit.

Sic stulti estis, ut cum Spiritu cœperitis, nunc carne consummamini.

Apparet autem ista ab Apostolo scripta, ijs, qui ex Iudaismo crediderant, & prius in operibus legis uersati fuerant: Deinde Spiritum sanctum uisibili signo acceperant, sicut tunc dabatur: alioqui non satis urgeret hic locus. Aut certe mixtim gentibus & Iudæis scribit. Sed gentibus, quæ a Iudæis antea in legem tractæ fuerant. Nisi dixeris Apostolum loqui de operibus legis, in quæ relapsi fuerant a fide Christi, quod sane mihi probabilius est. Nam ab Apostolis falsis, non accepisse eos

COMMEN. D. M. L. IN EPISTOLAM

Spiritum, sicut acceperant per Paulum antea, satis certus erat. Quod autem D. Hiero. hoc loco discernit opera legis ab operibus bonis, & Cornelium ex operibus spiritum accepisse putat. Act. 10. sane non credo, cum clarum sit, ad prædicationem Petri, hoc est, ad auditum fidei (ut hic dicit) cecidisse super eos Spiritum sanctum. Neque etiam Abraham, Moses, & cæteri Sancti (sicut conatur) ex operibus legis naturalis iustificati sunt, sed ex fide, ut hic, & Rom. 4. scribitur. Apostolus non legem ceremonialem tantum, sed omnem prorsus legem notat.

*Sola fides iustificat,
& bona opera faci-
cit.*

Quia cum sola fides iustificet, & opera bona faciat, Sequitur, quod nulla prorsus cuiuscunque legis opera iustificent, neque bona sint opera ullius legis, sed tantummodo fidei. Hæc autem attuli, ut lectorem Hieronymianum monerem id, quod ipsemet postulat, & in prologo suo & Epistola ad B. August. scilicet commentarios a se esse scriptos, in quibus usus est, referre aliarum sententias, & lectoribus liberum iudicium relinquere. Hoc enim, cum non pauci Theologi & Iurisperiti non obseruent, aliquando monstra sententiarum sequuntur, pro domestica Ecclesiæ doctrina.

Auditus fidei.

Illud autem, auditu fidei, pulchre Erasmus (ut omnia) pro ipso audibili, pro ipso (ut inquit) sermone, qui auditur, ut sit auditus Fidei, id, quod uerbum fidei auditum. Act. 10. Adhuc loquente Petro uerba hæc, cecidit Spiritus sanctus super omnes, qui audiebant uerbum. Sic Isa. 53. Domine, quis credidit auditui nostro. Et Abacuc. 3. Domine, audiui auditionem tuam & timui. Item frequens hic Tropus scripturæ, ut Hiero. 49. Abdiæ .i. Auditum audiui a Domino &c. Sed hic rursus laborat D. Hiero. Vnde surdi fiant Christiani, præsertim, quando Rom. 10. dicit. Quomodo audient sine prædicante? quomodo credent, quem non audierunt? Et ut habet illic gradatio Apostoli. Primum est mitti, deinde prædicari, tum audire, tum credere, tum invocare, & sic salutem consequi.

*Gradatio Apostoli.
Rom. 10.*

Addam ego, quomodo infantes salui fiunt, & baptisantur? cum & ipsi non audiant. Respondet Primum, quod fidem ex auditu esse, & in parte, & in toto accipi potest, sed hoc euincit Paulus. Quomodo (inquit) credent, quem non audierunt? Deinde, quod aliorum gestu & conuersatione possunt surdi Euangelium discere, sed ubi infantes? Igitur, quod nouissime sentit, sequor, scilicet, quod uerbo Dei nihil surdum est, & ad eas loquitur aures, de quibus dicitur. Qui habet aures audiendi, audiat. Hanc Responsionem fortiter amo, eo, quod nec in adultis & audientibus, uerbum Dei audiatur, nisi intus Spiritus incrementum det. Ideo, uerbum uirtutis & gratiæ est, simul dum aures pulsatur, intus spiritum infundit. Quod si Spiritum non infundit, nihil differt audiens a surdo. Quocirca, ipse sonus uerbi, ministerio Ecclesiæ super infantem prolatus, eo facilius operatur per Spiritum, quo paruulus uerbi est capacior, id est, patientior, nullis alijs rebus implicatus.

Meritum congrui.

Potentissime ergo Paulus hic confodit opera legis, tum etiam nostrorum Theologorum somnia, qui meritum congrui inuenerunt ad gratiam obtinendam. Verum, Apostolus dicit, non operibus, sed auditu uerbi, hoc est, si patiaris uerbum, quiescas tu, & sabbatum Domini, a tuis operibus ferieris, ut audias quid loquatur in te Dominus Deus tuus. Ideo signabis hoc Pauli memorabile documentum. Si uis gratiam consequi, id age, ut uerbum Dei, uel audias intente, uel recorderis diligenter, Verbum inquam, & solum uerbum, est uehiculum gratiæ Dei.

Verbum audire.

Nam,

PAULI AD GALATAS CCCCXVI

Nam quæ tu opera congruè uocas, aut mala sunt, aut gratiam iam uenisse necesse est, quæ illa operetur, stat fixa sententia, ex auditu fidei accipi spiritum. Hoc modo acceperunt spiritum quicumque acceperunt. Tu ergo ne tibi propriam fabrices machinam consilij, reiecto consilio Dei.

Obserua, carne consummari dicit, hoc est, finiri, desinere, deficere. Ex quo loco claret, carnem non modo pro sensualitate, seu concupiscentijs carnis accipi, Sed pro omni eo, quod extra gratiam & spiritum Christi est. Nam certum est, Galatas non ideo consummari carne, quod luxurias, libidines, aut quibuscumque moribus carnem sequerentur. Sed quod opera legis & iusticiam, relicta fide, quærent. At iusticia, & opera legis, non sunt tantum res sensuales, cum huc etiam pertineat opinio & fiducia, quæ in corde sunt. Quicquid igitur ex fide non est, caro est. Heb. 9. In uarijs iusticijs & baptismatibus carnis. Sic Gen. 6. Non permanebit spiritus meus in homine, quia caro est. Non ait, quia carnem habet, sed quia caro est. Et Rom. 7. Non inuenio in me, hoc est, in carne mea bonum. Idem ergo ipsemet & caro sua, quantum est ex Adam. Sic iterum. Caro & sanguis regnum Dei non possidebunt. Et Matth. 16. Caro & sanguis non reuelauit tibi. Sed & 1. Corin. 3. Adhuc (inquit) carnales estis, homines estis, cum tamen de Apostolorum nominibus certarent.

Quibus fit, ut omnis omnium hominum, Philosophorum, Oratorum, etiam Pontificum doctrina & iusticia carnalis sit, ubi non fidem doceant, & satis abusive sacros Canones dici, qui de dignitatibus & opibus statuuntur, intelliges, si hic Apostolum audias. Rursum, nihil tam carnale est, & externum, quin si operatore fidei spiritu fiat, spirituale sit. Consummantur ergo Galatæ carne, dum affectum & opinionem accipiunt operum legis quorumcumque, præsertim relicta fide. Quod aut Origen. & D. Hiero. triplicem hominem ex Apostolo colligit, spirituales, animales, (quem neutralem & medium intelligit) & carnalem, infra forte uidebimus quid sentiendum sit.

Tanta passi estis, sine causa, si tamen sine causa.

Varie hunc locum D. Hierony. enarrat, sed breuiter, unam sententiam sequor. Quod Galatæ, cum bene currebant in fide Christi, multa fuerant passi, præsertim a Iudæis, qui nullum Christianum non persequerentur, ut in Actibus Apostolorum, & multis epistolis Pauli patet: quæ tamen frustra passi sunt, si in legem recedentes, permanerint extra fidem, tamen, quia sperat eos redituros, dicit, si tamen sine causa, Q. d. si redieritis, non frustra passi fuistis. Arguit enim ab eorum damno, & frustaneo labore, ut commoueat eos, Quia per legem, non modo a iusticia Christi, sed & ab omnibus illius meritis & præmijs simul exciderint.

Qui ergo tribuit uobis spiritum, & operatur uirtutes in uobis ex operibus legis, an ex auditu fidei?

Subaudi, tribuit & operatur. Repetit autem & inculcat, quæ iam supra dixerat. Examinat enim experientiam, qua fortissime eos stringit, simul ut audat, & sequentia subiungat. Prius enim solum spiritum acceptum, nunc & operationes uirtutum opponit, hoc est, miracula, quæ ex legis operibus sese prius operatos non fuisse, non potuerunt negare.

a a ij Sicut

COMMEN. D. M. L. IN EPISTOLAM

Sicut Abraham credidit Deo, & reputatum est illi ad iusticiam.

HOc exemplum & argumentum late Rom. 4. tractat, ubi probat, Abraham ante circumcisionem credidisse, & hanc fidem sibi in iusticiam reputatam. Verisimile est, & apud Galatas, eundem locum ab eo fuisse uocaliter explicatum, & nunc illos commones fieri, & reuocari ad priorem intelligentiam. Rom. 4.

Cognoscite ergo, quia, qui ex fide sunt, hi filij sunt Abrahamæ.

*Scriptura
legenda.*

COgnoscitis ex iam citata Scriptura, non ergo, qui ex Semine, aut ex circumcisione. Rom. 4. Et signaculum accepit iusticiæ fidei, quæ est in præputio patris nostri, ut sit pater omnium credentium per præputium, ut reputetur & illis ad iusticiam. Et. 9. In Isaac uocabitur tibi Semen, id est, non qui filij carnis, hi filij Dei sunt, sed filij promissionis æstimantur in semine. Ex hoc loco uides, quam intense & obseruanter uelit Scriptura legi. Quis enim hæc argumenta ex textu Genesis traxisset, quod Abraham ante circumcisionem credidit, quod Isaac non, nisi per repromissionem obtinuit. Et in hoc significari, sicut Isaac acceptus est per fidem Abrahamæ credentis promittenti Deo, & in Semen ei uocatus, ita nullus sit alius, quam Abrahamæ filius, aut Semen, nisi promissus, & fide acceptus. Et tam longe ante gloriam Iudæorum fuisse contusam, qua de carne gloriantur patrum? Tropus ille (esse ex fide, esse ex operibus) credo satis iam notus sit. Sunt ex fide, qui credunt, & infra. Sunt ex operibus legis, qui operantur. Eiusdem generis sunt, esse ex lege, ex circumcisione, & similia apud Paulum.

*Apostolus non seruat
regulas Dialecticæ
consequentie.*

Sed non seruat Apostolus regulas Dialecticæ consequentiæ. Dicit enim, Spiritum tributum, & uirtutes factas ex auditu fidei. Et hoc probat, Quia sic Abrahamæ fides est reputata ad iusticiam. Ergo ne fidem reputari ad iusticiam, est Spiritum accipere? Aut ergo nihil facit, aut accipere Spiritum, & reputari ad iusticiam, idem erit. Quod & uerum est, & ideo refertur, ne diuina reputatio, extra Deum nihil esse putetur, ut sunt, quibus uerbum Apostoli, gratia magis fauorem quam donum significari putatur. Nam fauente & reputante Deo, uere accipitur Spiritus, donum, & gratia. Alioquin ab æterno gratia fuit, & intra Deum manet, si tantummodo fauorem significat, eo, quo in hominibus modo fauor est. Deus enim sicut diligit reipsa, non uerbo tantum, ita & fauet re præsentem, non tantum uerbo. Nec ista ratio consequentiæ uidetur aliqua esse, quod dicit, Abraham credidit, ergo qui ex fide sunt, filij Abrahamæ sunt. Posses eadem Dialectica dicere, Abraham genuit ex uxore filium, aut comedit, aut aliud fecit. Ergo qui idem facit, est filius eius. Denique Iudæis sua sententia firmabitur, Abraham est circumcisus. Ergo circumcisi erunt eius filij.

*Vide rationem
consequentie.
Fides Abrahamæ.*

Verum, Apostolus ad Abraham respicit, quando Isaac (qui ei solus in Semen promittebatur) fidei merito obtinuit. Non enim de fide commendatus est, quando Ismael genuit, sed tunc pater fidei institutus est, & multarum gentium, quando uerum suum filium, & legitimum Semen accepit. Ideo Isaac non tam carnis, quam fidei filius est, Abrahamæ caro non potuit, sed fides Abrahamæ eum genuit, tamen ex carne sua. Quare, non tam

tam Abrahamæ, quam credentis Deo promittenti, filius est. Ideo tot uerbis agitur in Gen. ut describatur promissio Seminis, & fides Abrahamæ in eandem, & appellatio Seminis in Isaac, sic promissi & crediti, ut ostendatur Abrahamæ non esse filios, qui ex carne, sed qui ex fide ei nascuntur. Ideo, quod breuius dixerat, iam latius prosequitur, quomodo sint filij Abrahamæ, qui ex fide sunt, propter, scilicet, promissionem, quæ super Ismael non contigit, ideo nec in semen ei reputatus est.

Præuidens autem Scriptura, quia ex fide iustificat gentes Deus, prænuñciauit Abrahamæ, quia benedicentur in te omnes gentes.

PPræuidens, id est, longe ante uidens, Scriptura, id est, spiritus Prouidens.
in Scriptura. Si id, quod hic dicitur, Benedicentur in te omnes gentes, acceperimus pro eo, quod Gen. 12. scribitur, laborem nobis Apostolus præbet, non illum solum, quo B. Hiero. laborat, quod Apostoli sensum magis quam uerba adducant. Sed illum potius, quod eo tempore Abrahamæ, nondum erat de filio promissum, nec de fide commendatus ipse, quod c. 15. contigit. Proinde, Hiero. accipit istud Gen. 22. ubi post tentationem Abrahamæ, dicitur. Benedicentur in Semine tuo omnes gentes terræ, quia obedisti uoci meæ. Apostolus autem, hoc loco, non in semine tuo, sed in te dicit, sicut Gen. 12. dicitur. Et ego Hieron. secutus, puto Apostolum breuitatis studio omisisse, In Semine tuo, cum statim infra utrumque positurus esset. Abrahamæ autem (inquit) dictæ sunt promissiones, & semini eius. Et ita uerum est, in utroque Abraham, & in semine eius promissionem factam. Non refert autem, utrum hic dixerit.

Cum igitur hæc dicta sint ad Abraham, non qualemcunque aut carnalem, sed iam credentem, obedientem, spiritualem, & omnino alium hominem, denique habentem promissionem: Sequitur, quod Scriptura nos uoluerit docere, non esse filios Abrahamæ, nisi qui tales & huius Abrahamæ filij & semen essent. Adeo, ut etiam illi fierent filij, qui de carne eius non essent, sed gentes, ut hic dicit. Quod Deus iustificet gentes ex fide, ut Scriptura prouiderat, & Abrahamæ pronunciauerat. Ergo in Abraham benedicimur, Sed in quo Abraham? Credente utique. Quod si extra Abraham sumus, maledicemur potius, etiam si in Abraham carne fuerimus. Quia de Abraham carne nihil agit Scriptura. Sunt ergo in Abraham, qui credunt Deo, sicut Abraham.

Filij Abrahamæ, credentes, obediētes, & spirituales.

Igitur qui ex fide sunt, benedicentur cum fideli Abraham.

Obserua Epitheton Abrahamæ, FIDELI, cum credente Abraham benedicentur, non cum carne generante, aut alia faciente. Non enim Scriptura ei tribuit filios, aut Semen, nisi credenti. Qui ergo sine fide sunt, patris sui imaginem & hæreditatem non referunt. Ergo nec filij quidem sunt, nisi spurij. Sed adhuc obstrepet argutulus quispiam, nec sic ratio consequentiæ stabit: Abraham credit, Ergo credentes sunt filij eius. Quia per fidem Abraham meruit quidem filium & Semen, sed non hinc sequitur, filios eius oportere credere. Alioquin & omnia, quæ credendo me-

Non credentes spurij.
Sophista eluditur.

a a iij ruit, ne

COMMENTARIUS IN EPISTOLAM

tuit, necesse erit ut credant, aut Abraham non erunt. At iam necesse erit, terram Cananeam credere. Sat ergo est, Abraham credidisse, & filios meruisse, sed non ideo filios oportet esse credulos. Respondetur. Primum, quod Apostolus Galatis, ut rudioribus satis esse credit, si filios Abraham esse non posse sciant, nisi sint similes eidem.

Filii Abraham, promissionis filii.

Nota consequentia.

Profundiorum huius mysterij rationem, quam Rom. 10. prosequitur, consulto hic prætermittit. Nam uere non sunt filij Abraham, nisi promissionis filij. Cum autem diuina promissio & prædestinatio fallax non possit esse, Sine difficultate, & consequentia infallibili erit, ut omnes sint fideles, qui promissi sunt, ut sic fides promissorum stet, non necessitate operum, & fidei illorum, sed firmitate diuinæ electionis. Hoc loco satis erat, imitationem Abraham commendare, non promissionis & prædestinationis sublimitatem inculcare. Ideo, quamuis consequentia illa non stet, Abraham credit, Ergo filij eius credent, Nisi dum promissionis filios (qui non in sua, neque Abraham iusticia firmabuntur, sed in electione Dei, Nec ideo credent, Quia filij Abraham erunt, Sed ideo filij Abraham erunt, quia credent certissime, ut qui a Deo donabuntur, Abraham non mendaciter promittente) consideres, tamen hæc stat, Abraham credidit, ergo filij eius debent credere, si uolunt esse filij. Hoc inquam, satis erat Galatis insensatis, Romanis sapientibus alia debebantur. Itaque sursum filij Abraham, qui credunt, non alij.

ROM. 10.

Quicumque enim ex operibus legis sunt, sub maledicto sunt. Scriptum est enim. Maledictus omnis, qui non permanserit in omnibus, quæ scripta sunt in libro legis, ut faciat ea.

Mirabilis syllogismus Apostoli.

Dixerat, benedictos esse eos, qui ex fide sunt. Iam alio argumento, & a contrarijs assumpto, maledictos dicit, qui ex operibus sunt. Vide autem mirabilem Syllogissimum Apostoli. Adducit ex Deutro. c. 27. Eise maledictos, qui non faciunt ea, quæ scripta sunt in libro legis. Ex qua negatiua, colligit affirmatiuam hanc. Maledicti, qui operantur opera legis. Nonne hoc affirmat, quod Moses negat? Et quo maior sit absurditas, suam affirmatiuam, per Mosi negatiuam probat.

Festus Portius.
Act. 26.
Questio.
Solutio.

Diceret aliquis Festus Portius: Infans Paule, multæ literæ te ad insaniam conuertunt. Quid ergo dicemus? An benedicti sunt, qui non operantur legis opera, etiam tanto Apostolo doctore? At Moses dicit: Maledictos qui non faciant. Restat itaque, ut iam supra diximus, quod quicumque extra fidem sunt, operantur quidem opera legis, sed legem non implent. Opera enim legis, simulata opera sunt. Sicut & infra c. 6. dicit. Neque enim, qui circumciduntur, legem custodiunt. Et 5. Testificor omni homini circumcidenti se, quoniam debitor est uniuersæ legis faciendæ.

Operantes opera legis, non implent legem.

Ecce nihil implet de lege tota, qui circumcidit se, ergo neque, si ullum aliud opus legis faciat. Consequens est, ut Moses eo uerbo, omnes homines, sub maledictionem coegerit, & cum dicit, Maledictus omnis &c. idem uoluerit, ac si diceret. Nullus hominum hæc faciet, quæ scripta sunt, ideo omnes erunt maledicti, egentes redemptore Christo. Igitur apud Apostolum, & ipsam ueritatem fixum est, quod operantes opera legis, non implent legem. Et facientes, non faciunt. Sic ut audientes non audire, & uident.

& uidentes non uidere, Christus dixit. Videntur enim sibi legem implere, & opera legis facere, sed simulant potius, dum sine gratia, nec cor, nec corpus mundare possunt. Ideo immundis nihil esse mundum, necesse est.

Iam puto Neutralenses meos, hoc loco satis confossos, qui opera quedam neutralia, & in genere morum bona, fixerunt. Hic Apostolus legis opera maledicit, legis, inquam, Dei, quæ utiq; meliora fuerunt, quæ dictaminis naturalis. Et ipsa adhuc stertentes, facient securos. At dicunt Apostolum loqui de legibus ceremonialibus, quæ iam sunt mortifera. Contra, ceremonialia nec sunt, nec fuerunt unquam mala, sed fiducia eorum, ut B. August. docet.

In neutralenses Theologos.

Deinde quod Apostolus de omnibus legibus loquatur, patet, quod etiam querulante Hieronymo, uerbis Mosi addiderit omnis, & omnibus, inquit, quæ in libro legis scripta sunt. Fortissime autem, quod statim dicet, Christum nos redemisse a maledicto legis. At gentes nunquam fuerunt sub maledicto ceremonialis legis. Ergo omnes redempti sub maledictione legis fuerunt. Sicut enim ante quoq; dixi, parum præstitisset Christus, si a circumcissione, sabbatis, uestibus, cibis, lotionibusq; nos liberasset, & non multo magis, a grauioribus legis peccatis, concupiscentia, cupiditate, ira, impietate. Tum uere non fuisset saluator animarum, sed corporum, quod hæc omnia corporalia fuerunt. Vere itaq; peccatum & maledictum opus est cuiuscunq; legis, si extra fidem, id est, extra puritatem cordis, innocentiam, iusticiam, fiat.

Illud lectoris iudicio relictum uolo, an idem, uel diuersum sit, quod Paulus dicit, qui ex operibus legis sunt. Et quod Moses. Qui non permanferit (seu ut, Heb. est) firmauerit omnia &c. ut faciat ea. Fortasse, aliud est, facere opera legis, & aliud facere ea, quæ scripta sunt, ut sit FACE-RE, quæ scripta sunt, idem, quod implere. Et facere opera legis, idem, quod simulare, quibusdam externis operibus, impletionem. Sicut Christus dicit. Quid uocatis me Domine, & non facitis quæ dico uobis. Et Rom. 2. Non auditores, sed factores legis iustificabuntur.

*Facere ea que scripta sunt.
Facere opera legis.*

Certum est enim, quod maledictio utrisq; manet, & ijs, qui non faciunt, ut Moses dicit: Et ijs, qui sunt ex operibus legis, ut Apostolus dicit. Ideo omnino tropus est Pauli, ut dixi, eos, qui operantur opera legis, non facere ea, quæ scripta sunt in lege, in qua nimirum fides scribitur. Hæc sola facit omnia legis.

Sola fides, omnia legis facit.

Quod autem in lege nemo iustificatur apud Deum, manifestum est, Quia iustus ex fide uiuet.

HÆc est subsumptio explicaturi uerbum Mosi adductum, ac si dicat: Audis ex Mose, maledictum esse eum, qui non fecerit ea, quæ scripta sunt. Et ego pariter assumpsi, tales esse, qui ex operibus sunt. Vtrunq; ita esse illud conuincit, Quia apud Deum, in lege non iustificabitur ullus. Si non iustificabitur coram Deo, iam non facit, quæ scripta sunt. Quod si hoc est, uere maledictus est. Ii enim, qui faciunt, quæ scripta sunt, iustificabuntur. At quod operadores legis non faciant, ex eo sane probatur. Quia iustus ex fide uiuet, Abacuc. 2. Si hic Scriptura uera est, sicut oportet. Et opera legis sine fide sunt, mortua nimirum sunt, & iniustus est, qui facit ea. Si iniustus, ergo non facit quæ scripta sunt. Hic uelim

22 a a iij

& illud

COMMENTARIUM IN EPISTOLAM

& illud, in lege, pro, per legem, seu lege dici, ut sit sensus, per legem, nemo iustus erit apud Deum, ut opera legis simul includat.

Lex autem non ex fide.

Hoc est, quod dixi, ideo lege neminem iustificari, quia sola fide iustificabitur iustus. At lex & fides non sunt idem. Nec ipsa, nec opera eius, sunt ex fide, neque cum fide. Proinde coram hominibus iusti sunt, sed non apud Deum, ut sequitur.

Sed qui fecerit ea, homo uiuet in illis.

Homo uiuet in operibus legis, mortuus tamen apud Deum.

HOc uerbum ex Leuit. 18, adducit, & Rom. 10. Est autem Apostoli sensus, lex non uiuificat, nec iustificat coram Deo, Qui autem fecerit ea, quae legis sunt, uiuet ut homo in illis, hoc est, euadet poenam legis, acquirereque premium legis, sed non uiuet in Deo, nec ut filius Abrahæ. Quare uim uerborum expende. Homo uiuet in operibus legis, qui tamen mortuus est apud Deum. Homo, inquam, non iustus, & in illis operibus, inquam, suis uiuet, id est, uitam tuebitur, ne occidatur iudicio legis, Non autem uiuet iustus in illis, sed in fide. Memento itaque hoc loco, te ex Apostolo didicisse opera legis esse, quibus ad hominem apparemus iusti & legis seruantes, intus autem, defectu fidei, nihil minus quam iusti sumus. Ideo per legem, non nisi hypocritam fieri, & sepulchrum foris speciosum, intus plenum spurcitia.

Nam quo minus D. Hiero. Paulum intellexit, in his & similibus locis, causa fuit, operum legis non recta cognitio, & nimia Origenis allegorizatio. Dicit enim hoc loco, Moysen & Prophetas, sub operibus legis & maledicto fuisse, quod omnino falsum est. Fide enim iustificati & sanctificati uixerunt apud Deum, etiam antequam lex & opera legis præciperentur, qualia ipse uult ceremonialia tantum. Postea tamen ui ueritatis, redit in uiam, dicens, eos fuisse peccatores, iuxta illud Eccles. 7. Non est iustus in terra, qui faciat bene, & non peccet, quod de lege morali utique intelligi oportet.

Matt. 23.

Tale & illud est, quod iustum ex fide uiuere, sic intelligit, quod iusto si accesserit fides, iusticia eius uiua erit, ita ut sine fide, uirtutes asserat, sed uitiosas. Sed hæc & alia, prudens Lector sic legat, ut meminerit ex alijs ea, per D. Hiero. allata. Non est iustus ullus ante fidem, sed gratis iustificatur, & bonum pro malo accipit. Apostolus enim uult hominem ex lege uiuere apud homines, sed iustum hominem ex fide apud Deum, hoc est, quod iusticia, uita, & salus hominis, apud Deum sit fides, non iusticia prior fide, sed per fidem iusticia & uita.

Christus nos redemit de maledicto legis, factus pro nobis maledictum (quia scriptum est, Maledictus omnis, qui pendet in ligno) ut in gentibus benedictio Abrahæ fieret in Christo Ihesu, ut pollicitationem Spiritus accipiamus per fidem.

Primum, cum ihs expostulo, qui nec sub maledicto legis sunt, nec Christo redemptore indigent. Hi sunt, qui aliud esse contra legem, aliud contra intentionem legis statuunt. Contra legem agens peccat, sed contra intentionem legis, non peccat, tantum a bono deficit. Hæc uenena quis se-

quis ferat ? Sed audi, quomodo probent (intentionem autem uocant, quod Deus opera legis requirat in charitate fieri) Si homo (inquit) teneretur ad intentionem legis, Sequeretur, quod existens extra gratiam, assidue peccaret, non occidendo, non mœchando, non furando &c.

Respondeo, non peccat, non occidendo &c. sed peccat intus, odien- do, concupiscendo, cupiendo latenter, & irritatus euidenter. Ista enim immundicia occulta cordis & carnis non tollitur, nisi fide per gratiam Christi. Non est ergo intentio legis, ut in gratia seruetur, tanquam sit gratia, exactio quædam. Sed intendit lex ut seruetur. Seruari autem non potest sine gratia, Ideo cogit quærere gratiam. Itaq; omnes sub le- gis maledicto sumus, qui sine gratia fidei sumus, ut iam satis est dictum. Cum enim solum, ex fide iustus uiuat, patet maledictio legis in incredu- los, ne Christi redemptionem frustremus, aut tantum ad ceremonialia re- feramus, a quibus & homo potuisset nos redimere. Deniq; opera legis fieri ex nobis potuerunt.

Reliquum ergo est, ut ab ira, impietate, concupiscentia, & alijs ma- lis, in corde & carne, per Adam & Euam plantatis, redemerit, quibus fa- cti immundi omnes nos, iusticias pollutas operabamur, & ita nihil imple- bamus de lege. Quare iuste maledictioni & damnationi deputabamur. Sic per legem non adiutorium, sed nostri mali indicium & monitorium habemus. Sicut autem ad Corinthios dicit, Christum esse pro nobis factum pec- catum, ut nos essemus iusticia Dei in illo, ita hic maledictum, ut benedi- ctio Abraham fieret in Christo eodem, in gentibus. Simili omnino tropo: Sic mortuus est, ut nos essemus uita in illo: sic confusus, ut nos gloria fie- remus in illo, omnia pro nobis factus, ut omnia fieremus in illo. Hoc est, si credimus in eum, iam legem implemus, & liberi sumus a maledictione legis. Nam hoc quod nos merebamur maledici & damnari, pro nobis subiit & exoluit.

*Christus pro nobis
factus peccatum.*

D. Hierony. mire laborat, ne Christum a Deo maledictum admittat. Primum ponderat, quod Apostolus non reponat uerba legis, quæ sic ha- bent, Deut. 21. Maledictio Dei suspensus. Apostolus autem 70. sequutus dicit. Maledictus omnis, qui pender in ligno, omittens particulam, a Deo, quam illi addiderunt. Breuiter, etiamsi in Heb. non ponatur (in ligno & omnis) tamen præcedentia textus cogunt, de quolibet in ligno suspenso, Moïsem intelligi. Ideo nihil Apostolus mutauit, quod mouere possit. Quod autem omisit (a Deo) nec hoc mouet, certum fuit Aposto- lo, quod a Deo factum intelligeretur.

D. Hieronymus.

D. August. refert quosdam, parum eruditos, id intelligi uoluisse, de Iuda traditore suspenso. Stapulensis alia cogitat. Verum, stat textus A- postoli clarus, ideo Christum esse maledictionem factum, non, quod alia quid dignum maledicto admiserit, sed quia Scripturæ sententia generalis est, omnem, qui in ligno pependerit, esse a Deo maledictum, ideo Apo- stolus forte, quia dire sonabat, Christum maledictum uocari, molliuit hoc statim, adducta Scripturæ autoritate. Nihil ergo est, quod D. Hiero. hoc uerbum, non de Christo uelit intelligi, cum Apostolus, ut generalem sen- tentiam adducens, de Christo uoluit probare, quod dixerat. Nam cum ip- semet Christus ex Isai. 53. dicat, Se cum iniquis deputandum. Quid monstri est, eum maledictum cum maledictis nominare ? Si cum scelerita- tis reputatus est, certe, id quod scelerati uocantur, patiunturq; uocandus est.

D. Augustinus.

Christus maledictio

Est autem homo duplex, interior & exterior, ita duplex benedictio & maledi-

Deut. 21.

Isa. 53.

COMMEN D M L IN EPISTOLAM

Benedictio.

Maledictio interior

maledictio. Benedictio interior, gratia & iusticia in Spiritu sancto. Hæc proprie Abrahamæ promissa est in Christo. Maledictio interior, peccatum, iniquitas, ut Psal. 119. Maledicti, qui declinant a mandatis tuis. Et Matth. 25. Ite maledicti &c. Et Hiero. 18. Maledictus, qui facit opus Domini fraudulenter, Idem, maledictus, qui confidit in hominem. Benedictio exterior, est abundantia rerum corporalium, Hæc propria fuit ueteris legis. Maledictio, est penuria, ut Malach. 3. Et in penuria uos maledicti estis. Sic Christus maledixit sicum, & exaruit. Sic Heliscus filios Bethel. Nullus itaq; scrupulus sit, Christum esse maledictum cum omnibus suis Sanctis, maledictione externa, simul benedictum benedictione interna, ut Psal. 108. Maledicent illi, tu uero benedices. Sic nec horror est, Christum esse mortuum, passum, crucifixum, imo, beati (inquit) cum maledixerint uobis homines.

Obiectio.

Solutio.

At dices, nondum probas, quod a Deo maledictus sit, id enim B. Hiero. mouit. Respondeo. Maledictiones hominum, sine dubio, Deo ordinante, quenquam tangunt. Sicut 2. Reg. 16. Dominus præcepit ei, ut malediceret Dauid. Et ibidem, Dimitte eum, ut maledicat mihi secundum mandatum Domini. Non præcepit Deus Semei, ut malediceret. Sed quando plenus erat maledictis, ut malo illius bene uteretur, uoluit, ut in Dauid euomeret maledicta sua. Quod autem D. Hiero. audacter negat, in scripturis inueniri quenquam a Deo maledictum, & nunquam nomen Dei cum maledictione adiunctum. Miror, quomodo intellexerit, quod Gene. 3. Serpens a Deo maledicitur, & terra in opere Adam. Sed & Cain c. 4. maledicit Deus. 4. Reg. 2. maledixit Heliseus in nomine Domini pueros Bethel. Et Abacuc. 3. Maledixisti sceptris eius. Et Malach. 2. Maledicam benedictionibus uestris, & benedicam maledictionibus uestris. Forte sanctus uir, quia usu loquendi, Maledictio fere sonat in perniciem rerum omnium, maxime spiritualium & æternarum, quo modo certum est, Cain & terram non maledictos, quia (inquit) maledictus eris super terram. Nam illud Matth. 25. Ite maledicti, forsan denunciari maledictum magis, quam maledici intelliget.

Excusat Hiero.

Gentes fore filios Abrahamæ.

In Christo.

Sed, ad Apostolum, ut benedictio Abrahamæ fieret in gentibus, in Christo, id est, ut impleretur benedictio Abrahamæ promissa, quod esset pater multarum gentium in fide. Hæc, inquam, fides promissa est in benedictione. Vnde hic iterum breuiter & obscure tangit, Gentes fore filios Abrahamæ, non quia imitarentur, sed, quia promissæ fuerunt, & ideo imitaturæ essent, quia filij essent futuri, Deo promittente & implente, non gentibus facientibus & imitantibus. Non imitatio fecit filios, sed filiatio fecit imitatores. Addit autem, in Christo, ne a linea discedat, quia non suis meritis gentes, sed, nec alia uia Abrahamæ facti sunt filij, quam per Christum, id eis promerentem, & ab eis per fidem susceptum, ut sequitur, ut pollicitationem Spiritus, id est, promissionem dandi Spiritus sancti, per fidem acciperemus. Spiritus enim sanctus promissus est Abrahamæ, dum benedictio fidei ei est promissa. Fides etiam per Spiritum sanctum, donatur merito Christi, in uerbo & auditu Euangelij.

Fratres, secundum hominem dico, tamen hominis testamentum confirmatum, nemo spernit, aut superordinat.

Apocopen

A Pocopen facit Apostolus, addendum est enim. Ergo multo minus testamentum Dei confirmatum, nemo debet spernere, & superordinare, Dicit secundum hominem, ut rudibus Galatis, humana similitudine persuadeat diuina, ut Hiero. sentit. Verum, meo iudicio, nullus tam eruditus est, qui non egeat huiusmodi similitudinibus, in discendo Christo, imo maxime necessarium fuit hoc similitudinis exemplum, alioquin difficiliter intelligeretur, quam Rom. 4. ubi idem tractat, sine exemplo huiusmodi, & nondum uidi, qui digne explicaret.

Statuamus ergo utrunque ante oculos, similitudinem, & rem ipsam, & uidebimus, quanto iterum argumento, legis iusticiam expugnet. Intendit autem hanc inferre Conclusionem, Si iusticia potest haberi ex nobis per legem & opera eius, iam frustranea est promissio benedictionis Abraham facta, Quia sine ea iusti esse possumus per legem, aut certe, ipsa non satis est, ut iustificet, si legis iusticia superaddenda est. Et sic testamentum & promissio Dei, aut superfluit, aut deficit, ut necesse sit aliud superordinari. Vtrunque autem detestabilissimum, Ergo oppositum uerum, iusticiam legis, neque necessariam, neque sufficientem. Ecce fortissimum certe argumentum.

Videamus itaque, In omni testamento, est testator, est cui fit testamentum, est ipsum testamentum, est res quæ testatur, seu legatur. Ita hic, Deus est Testator, ipse enim promittit & legat. Abraham & semen eius, sunt, quibus fit testatio, ut hæredibus Dei testatoris. Testamentum est ipsa promissio. Gen. 21. & 17. Res testata, est ipsa hæreditas, id est, gratia, & iusticia fidei, scilicet benedictio gentium in Semine Abraham. Si ergo, gratia promissionis, & iusticia Dei, per Christum exhibita (& sic testamento Dei per mortem suam confirmato, imo iam executo & distributo) non sufficit, nisi & legis iusticiam habeas, nonne iam testamentum Dei, non nuncupatum modo, sed confirmatum & expletum quoque, irritum fit, & aliquid ei superordinatur? quod ne hominis testamento quidem fieri debet. Si autem sufficit gratia, & testamentum Dei firmum est, patet iusticiam legis, non esse quærendam. Idem Rom. 4. Si qui ex lege sunt, hæredes sunt, exinanita est fides, abolita promissio, quod uidelicet iusticia legis satis esset, non opus esset fide & gratia Abraham promissa.

In testamento sunt quatuor.

Vides ergo quam digne tractet Scripturas Apostolus, ita, ut impossibile sit eum intelligi ab ijs, qui de lege ceremoniali tantum eum putant loqui. Nam eodem argumento concludit contra iusticiam Decalogi, si operibus eius iusti fieri possumus, frustra est Fides, & Benedictio Abraham promissa, in gentes diffundenda, cum sine fide & benedictione illa, sumus iusti.

Abraham autem dictæ sunt promissiones, & Semini eius.

Idest, testamentum Dei ad eum dispositum, quod hic promissio- nes, infra statim testamentum uocat. Obserua ergo, quomodo similitudinem per testamentum applicet. Promissiones (inquit) dictæ sunt, id est, res legata testamentum. Quæ autem res? Benedictio gentium in semine eius, id est, gratia fidei in Christo. Vnde sequitur.

Non dicit, in seminibus, quasi in multis, sed quasi in uno, in semine tuo, qui est Christus.

Illud, quasi, male ponitur, melius diceretur, ut in multis, ut in uno, quod ui Grammatici sensus patet. Vide, ut Semen Abraham significat.

Quasi pro ut.

significat

COMMEN. D. M. L. IN EPISTOLAM

significatum docet, Christum, ne Iudæi, se esse iactarent, in quibus gentes benedicerentur, cum tam multi sint, ut certum esse nunquam possit, in quo fieret satis promissioni, iterumque promissio periclitaretur, & testamentum Dei corrueret. Vnum ergo Semen oportuit, huic benedictioni dandæ nuncupari, non modo pro certitudine, sed & pro unitate unius populi Dei, ad sectas prohibendas. Habes ergo, testatorem, testamentum, rem testamenti, ipsosque quibus factum est. Iam restat, ut confirmetur, & confirmatum reueletur ac distribuatur, hoc est, ut gentes eam in Christo benedictionem accipiant.

Hoc autem dico.

Id est, quod intendebam, nunc dico, nunc me explico, & applico.

Testamentum confirmatum a Deo in Christum.

ID est, per mortem Christi ratum factum. Ratum autem factum in Christum, id est, ut in Christo tanquam repositum, gentibus distribuatur. Nam per Christum, in Christum, testamentum Dei impletum est. Non enim Christus sic mortuus est, ut gratia fidei diffunderetur, qua in aliū, quam Christum, crederetur, sed in illum ipsum Christum.

(Quæ post quadringentos & triginta annos facta est) lex non irritum facit, ad euacuandam promissionem.

Obscurissime & inuolutissime loquitur Apostolus pro æstu suo. Testamentum (inquit) Dei confirmatum in Christum, non debet irritum fieri per legem & iusticiam eius. Fieret autem irritum, & euacuaret promissionem omnino, si eius opera, ad iusticiam necessaria forent, tanquam promissionis gratia non esset satis, aut impotens, ad iustificationem nostri.

Lex 400. & 30. annos lata, post promissionem Euangelij.

Quod autem addit, quæ post cccc. xxx. annos facta est lex, per tapinosin facere uidetur in legem, ac si dicat. Si promissio fuisset post legem data, poterat uideri per iusticiam legis merito impetrata. Nunc uero a Deo sine legis operibus, gratia & iusticia datur, ut etiam tot annis, ante legem, multo magis ante iusticiam eius, fuerit promissa, nullis merentibus, nullis petentibus, sed sola Dei misericordia gratuito promittente. Cur ergo lex euacuabit hanc gratiæ promissionem, & nunc exhibitionem, cum ad utrumque lex nihil fuerit operata? Et Ro. 3. dicit. Sine lege manifestata est iusticia Dei. Imo Rom. 4. Contra operata est lex, dum iram potius operatur, & offensiones auget. Absit ergo, ut iusticia innitatur legi, & operibus nostris, imo innitatur fidelissimæ promissioni Dei, qui non mentitur, etiam si nos per legem peiores & indigniores efficiamur.

Iusticia innititur Dei promissioni.

Nam si ex lege hæreditas, iam non ex promissione.

Promissio non euacuatur per legem.

ID est, si iusticia quæ Abrahamæ promissa est in benedictione, ex operibus legis, & ex nobis est, euacuata & superflua est promissio. Non potest idem ex nobis, & Deo esse, cum ipse uerax, nos mendaces simus. Probat hoc uerbo, quod iam dixit, promissionem non euacuari per legem. Quia (inquit) si ex lege, iam promissio euacuatur per legem. Sicut & Ro. 4. Si ex lege hæredes, abolita est promissio. Tropum Apostoli satis supra commen.

commendauit, quod legem & opera legis, & iusticiam legis, pro eodem habet, quod iusticia eiulimodi, non uolentibus nobis, sed sola lege exigente fiat. Nostri Theologi hoc uocant ex nobis, seu ex uiribus nostris, seu ex puris naturalibus, Ideo Paulum nequeunt capere, qui legem uidetur accusare.

Nostri Theologi,
Paulum non capiunt.

Abrahæ autem, per Repromissionem donauit Deus.

Non per legem reddidit, sed per gratuitam promissionem donauit, cum lex nondum esset, multo minus lege ueniente impleuit eandem, Sic habes totum hoc Apostoli argumentum.

Nunc id uidendum, quod Lex post cccc. xxx. annos data est, Supputantur enim anni isti, ab exitu Abrahæ, de terra sua, quando primo accepit promissionem. Gen. 12. usq; ad exitum filiorum Israel, hoc modo. Abraham 75. anno egressus est de terra sua. Gen. 12. centenarius autem genuit Isaac (sic habes 25. annos) Isaac sexagenarius genuit Iacob & Esau. Gen. 21. (signa 60. annos) Iacob nonagenarius genuit Ioseph (90. annos signa) ut ex Gen: per multa cap. colligitur. Ioseph uixit c. 10. annos. Gen. ultimo. Post hunc durauit seruitus Aegypti. 65. ut Io. Annus ex Philone dicit, tunc Moses natus, cuius anno 80. exierunt filij Israel. Igitur a. 75. anno Abrahæ ad. 80. annum Mosi, sunt cccc. xxx. anni. Hæc an ita habeant, alij uiderint. Ego cum D. Hiero. sentio, dicente. A multis hæc res quæsitæ, & nescio, an sit inuenta. Credo enim Apostolum non ex supputatione, ista dixisse, sed ex c. xij. Exodi, ubi dicitur habitatio filiorum Israel, qua habitauerunt in Aegypto, fuit. cccc. xxx. annorum. Sic & Stephanus Act. 7. ex Genesi recitans historiam, ubi c. 15. Abrahæ Deus prædicit. cccc. annos seruiturum Semen suum, ipse miscens utrunq; locum cccc. xxx. annos numerat.

Annorum ab exitu
Abrahæ, ad exitum
filiorum Israel supputati.

Illud quoq; nota, quod Apostolus promissiones Dei, testamentum uocat, sicut & alijs locis Scripturæ uocantur, in quo subobscurè indicauit fore, ut Deus moreretur. Atq; ita in promissione Dei, tanquam in nuncupato testamento, simul incarnatio & passio Dei intelligeretur. Nam ut Heb. 9. Testamentum in mortuis confirmatur. Quare nec Dei testamentum confirmari debuit, nisi Deus moreretur, ut ibidem de Christo dicit. Idcirco, noui testamenti mediator est, ut morte intercedente, repromissionem accipiant. Et hunc esse diem Christi, quem promittente Deo, Abraham cognouit & gauisus est. Quod simul concordari potest, quod D. Hiero. in Heb. pactum potius quam testamentum haberi dicit. Is paciscitur, qui uiuus manet, testatur moriturus. Ita Ihesus Christus, Deus immortalis fecit pactum, idem simul testamentum, quia futurus mortalis, sicut idem Deus & homo, ita idem pactum & testamentum.

Pactum.
Testamentum.

Quid igitur lex?

Quia negauit per legem iusticiam haberi, idq; satis robustis argumentis stabiliiuit, iustissime sibi obijci posse uidet, ad quid tum lex ualeat, cum omnis lex, propter iusticiam, & bonos mores poni uideatur? Et satis uides, quod de omni lege loquatur, etiam Decalogi, per omnia, ut ad Rom. 4. & 5.

RESPONDET AUTEM

bb

Propter

COMMENTARIUS D. M. L. IN EPISTOLAM

Propter transgressionem posita est, donec ueniret Semen cui promiserat, ordinata per Angelos, in manu mediatoris. Mediator autem unius non est, Deus autem unus est.

Lex posita est, ut transgressionem abundaret.

Argumentatur contra D. Hieronymum.

Sensus Apostoli.

Peccatum per legem auctum, donec Christus finiret.

Q Vis unquam expectasset talem responsionem, contrariam certe omnibus, qui de utilitate legum sapere & dicere solent? legem dicit positam seu additam & appositam, ut transgressionem abundarent, eodem sensu, quo Rom. 5. dicit, Lex subintravit, ut abundaret delictum. Verum, quod D. Hiero. negatiue intelligit, ut per legem transgressionem cohiberentur, huic resistit. Primum, quod tum potius, propter iustificationem posita dici debuit: lex enim propter obseruationem ponitur. Secundo, quod iste sit tropus Apostolo familiaris, lex est uirtus peccati, occasio peccati, lex mortis, lex irae. Sic Rom. 4. Lex iram operatur, Vbi enim non est lex, nec prauaricatio. Ita certe, ubi non est prauaricatio, nec remissio, ubi non est remissio, ibi nec salus. Proinde, ut remissio propter salutem, ita prauaricatio propter remissionem, ita lex propter transgressionem. Lex ponit peccatum, peccatum remissionem, remissio salutem. Hoc totum, quia sine lege, peccatum mortuum est, & non cognoscitur. Rom. 5. & 7. Peccatum erat in mundo, sed non imputabatur usque ad Moysen. Est ergo sensus, lex propter transgressionem posita est, ut transgressio sit, & abundet, atque sic per legem homo in sui cognitionem perductus, quaerat manum misericordiae Dei, qui sine lege, peccatum ignorans, sibi sanus uidetur.

Tertio, nec sequentia consonant, donec ueniret Semen. Absurdum est enim, transgressionem cohiberi, donec Christus ueniat, quasi tum sit non cohibenda, cum Apostolus contrarium uoluerit, quod peccatum per legem, non solum sit non cohibitum, sed auctum quoque, donec Christus ueniens, peccatum finiret, legem implendo, & gratiam dando, ut Daniel. 9. Gabriel dicit. Ut finem accipiat peccatum, & adducatur iusticia sempiterna, ac si dicat. Peccatum sumpsit initium in Adam, per legem etiam incrementum, per solum Christum finem accipiet, qui iusticiam adducit, mortuo peccato, sempiternam, ut Psalm. 110. & 111. iusticia eius manet in seculum seculi.

Quarto, nec cum illo conuenit, Ergo lex aduersus promissa Dei? hoc non inferretur, si Apostolus uellet intelligi, legem pro cohibenda transgressionem positam, quia tum non esset aduersus promissa, sed pro promissis. Nunc uero, quia peccatum auctum, iramque prouocat, apparet non prouocare Deum ad soluenda promissa, sed potius irritare & impedire. Sic intelligendo, contextus sibi pulchre cohaeret, alioquin, tot fingas sententias, quot sunt constructiones, necesse est.

In manu mediatoris.

Quinto, quod dicit, IN MANU MEDIATORIS, quod meo iudicio dicit, quia lex non sit posita in manu nostra, ut nos eam impleamus, sed in futuri Christi, eam impleruri. Quare, non ut iustificaret, posita est, sed magis peccatores argueret, & manum Mediatoris requireret. Resistendum enim fuit humanae superbiae, ne filium Dei suis meritis incarnatum crederet, & tantae misericordiae ingrata fieret. Nunc lege in demerita lapsi, tanto fideliores, & misericordiores Deum amamus, quo indignioribus tantam charitatem exhibuit. Nobis enim per legem cognitio, soli autem Christo impletio & operatio. Donec ueniret Semen, cui promissum erat, id est, in quo benedictio, iusticia, & plenitudo

legis

legis danda erat, & transgressionem, quæ per legem erant, non iam cohibendæ, sed exstinguendæ, quod per fidem Christi efficitur. Iam quæ sequuntur. Ego apud nullum Doctorem inuenio explicata, transeunt Hiero. August. Amb. nihil nisi Christum mediatorem Dei & hominum dicentes, non ostendentes, quæ uerborum sit consenquentia, aut intelligentia. Porro, recentiores etiam aliena hic comminiscuntur. Quare pio Lectori submitto, quæ ipse meditari possum.

Ordinata (inquit) per Angelos in manu mediatoris. Et B. Stephanus quoque Act. 7. Qui accepistis legem in dispositione Angelorum, & non custodiistis. Et Heb. 2. Si enim, qui per Angelos dictus est sermo, factus est firmus &c. Apparet itaque Apostolum uelle, legem esse literam, ideoque non nisi uirtutem peccati existere, & ut. 2. Corin. 3. dicit. Litera occidit, Spiritus autem uiuificat. Magnum quidem est, per Angelos ordinatam esse, sed hoc nihil ad iusticiam, cum Angeli non possint, nec pro nobis eam implere, nec dare id, quo impleatur, id unum possunt, quod ordinante Deo, nobis eam tradiderunt. At, quoniam ordinante Deo, tradita est, nimirum simul datur intelligi, omnino implendam esse, non enim Angeli autores, sed ministri legis erant, per quos ordine ad nos ueniret. Rumpatur ergo ordo ille, & iam non sit inter Deum & hominem mediator Angelus, sed ipse, qui per Angelos ordinat, & nos longe sibi habet, ipse, inquam, ueniat, & legem nos doceat, cuius uerba erunt spiritus & uitæ uerba. Nihil enim proficit, quod nuncios quoscunque mittit, nisi ipsemet uenerit. Sit ordinata per Angelos, sed non in manu Angelorum, imo mediatoris alicuius, qui reos per legem absoluat & iustificet.

Nam hoc intelligo, IN MANU MEDIATORIS, ut ipse legem per Angelos ordinatam, in potestate habeat solus, non subiectus legi, ut cui ipse nihil debeat, & quem uolet, ab eadem liberet. Nos uero ipsa lex in manu habet, & subiectos per peccatum. Quibus omnibus id uult, impossibile esse, nos per nos saluos fieri, facile autem esse per manum alterius, scilicet mediatoris. Quod, si quis putet sic intelligendum, ordinata per Angelos in manu, id est, potestate & imperio mediatoris, non resisto, nisi quis putet simpliciter, per mediatorem intelligi oportere Moysen, qui sit mediator ueteris, sicut ad Heb. Christum melioris, & noui testamenti mediatorem appellat.

Iam illud, Mediator autem unius non est, Ex nomine mediatoris, concludit, nos adeo esse peccatores, ut legis opera, satis esse nequeant. Si (inquit) lege iusti estis, iam mediatore non egetis, sed neque Deus cum sit ipse unus, secum optime conueniens. Inter duos ergo quaeritur mediator, inter Deum & hominem, ac si dicat, Impiissima sit ingratitude, si mediatorem reijcitis, & Deo, qui unus est, remittitis, reijcitis autem, si iustificari potestis ex lege, ita fiet, ut nec uobis mediator esse possit, ut qui nolitis, nec Deo, ut qui non egeat. Proinde, iam lex in manu uestra quoque erit, & non sic ordinata per Angelos, ut per mediatorem impleatur, sed prorsus impleta per uosipsum. Si quid profundius latet, alij quaerant, ego mea uela colligo.

Lex ergo aduersus promissa Dei? Absit.

Sic enim soluta una quaestione, aliam sibi suscitauit. Si enim lex transgressionem auget, iam irritare promittentis bonitatem uidetur. Hoc uerum esset, si promissio benedictionis inniteretur legi, aut iusticijs nostris

bb ij

in le

COMMEN. D. M. L. IN EPISTOLAM

Vide queso.

in lege. Nunc uero soli ueritati promittentis nititur, ideo Lex non aduersus promissa Dei, imo, pro promissis Dei. Quomodo? Quia, dum peccata ostendit, & conuincit non posse per eam quenquam iustificari, quin & augeri peccatum per eam contingit, iam eo magis, promissionis impletionem quæri, inuocari, expectari cogit, ut multo magis necessariam, quam dum lex non esset, Tantum ergo abest, ut contra promissa sit, ut eadem uehementer commendet, & optatissima reddat ijs, quos suorum peccatorum cognitione humiliavit.

Si enim data esset Lex, quæ posset uiuificare, uere ex lege iusticia esset.

Quid est, legem peccatum augere.

ID est, non est aduersus promissa, quia data est, ut occidat, & peccatum augeat, hoc est, ut per legem homo agnoscat, quam uehementer promissionis gratia indigeat, dum per legem, bonam, iustam, sanctam, non, nisi peior efficitur, ut sic, non in lege nixus, fiducia operum legis securus fiat, sed longe aliud, & melius a lege quærat, id est, promissionem. Si enim lex uiuificare potuisset, iusti essemus, At nunc occidit potius, & peccatores amplius facit, atq; hoc ipso, pro promissis facit, dum ea fortius optari cogit, & omnem iusticiam operum funditus destruit. Si enim non destrueret, promissionis gratia non quæreretur, ingrate susciperetur, imo repudiaretur, sicut fit in ijs, qui legem non recte intelligunt. Non destrueret autem, nisi non solum non iustificaret, aut uiuificaret, sed occasio quoq; fieret plurius peccatorum, & magis occideret.

Nam prohibita concupiscentia, semper irritatur & maior fit. Idcirco, etsi aduersus promissa uideatur lex esse, dum auget peccatum, apud eos, qui peccatum per legem non agnoscant: Hoc tamen legis uitio non fit, quia ne lex quidem est, ubi non recte intelligitur, Tunc autem recte intelligitur, quando peccatum per eam cognoscitur. Vbi autem intelligitur, & peccatum agnoscitur, ibi certe pro promissis facit. Quia, & gratiam promissionis suspirari facit, simul ostendens, quam nullo merito, sibi gratia debeatur, ut stet & firmetur, per legis intellectum, purissima promittentis dignatio, & syncerissima exhibitæ dignationis gratitudo.

Sed conclusit Scriptura omnia sub peccato, ut promissio ex fide Ihesu Christi, daretur credentibus.

Lex, est causa transgressionis posita.

HOc uerbo ad utrumq; respondet simul, quod lex sit causa transgressionis augendæ posita, non tamen per transgressionem auctas aduersus promissa Dei. Omnes (inquit) sub peccatū conclusit Deus, per Scripturam, hoc est, per legem & literam ostendit id, quod eramus peccatores, & impotentes ad iusticiam, seu legis impletionem, ut sic peccato per legem manifestato, infirmitateq; ad implendam conuicta, cogeret humiliatos, de seipsis desperatos, tremantes, ad gratuitam misericordiam Dei, in Christo propositam, currere. Et sic daretur (ut hic dicit) daretur, inquam, non persolueretur. Daretur autem indignis, & per legem longe contraria meritis, promissio Abrahamæ facta, hoc est, gratia, benedictioq; iustificationis, ex fide Christi omnibus, qui crederent in eum.

Idem Rom. 12. Conclusit Deus omnes sub peccato, ut omniū miseretur, Rom. 12.
fereatur,

PAULI AD GALATAS CCCCXXIII

sereatur, & obstruatur omne os, & subditus fiat mundus Deo, quia ex operibus legis, non iustificatur omnis caro coram illo. Quomodo conclusit per Scripturas, per legem, per literam, hoc est, quod supra fidenter de operibus legis exposuit, quod Moses scripserat. Maledictus omnis, qui non permanet in omnibus, hoc est, quod Rom. 3. causari se dicit cum fiducia, Iudæos & Græcos omnes sub peccato esse. Et illud Psal. 14. constanter super omnes pronunciare: Non est iustus, non est intelligens, omnes declinauerunt, simul inutiles facti sunt, hoc est, quod & Iudæos de specie operum fidentes, ipse nihil æstimata specie, audet Rom. 2. reos diffinire. Eadem (inquit) facis, quæ iudicas. Qui doces non furandum, furaris, scilicet cupiditate &c. adeo certus erat, sicut & reuera certum est, omnia, quæ extra gratiam fiunt, peccata esse, & meras simulationes. Ita & B. August. Illud prouerb. ult tractans, de spiritu & litera. 10. Lex & clementia in lingua eius, præclarissime dicit. Propterea, de sapientia scriptum est, quod gerat legem & Clementiam in lingua, Legem, ut reos faciat superbos, Clementiam, ut iustificet humiliatos.

Rom. 3.
Psal. 14.

Rom. 2.

Extra gratiam facta peccata.

Stat ergo sententia, OMNIS HOMO MENDAX. Stat sententia. Non iustificabitur in conspectu tuo omnis uiuens, ut stet simul, gloria Dei, laus gratiæ, & magnificentia misericordiæ suæ. Nobis (inquit Dani. 3.) confusio, Deo nostro iusticia &c. Vides ergo, quid sit per fidem Christi iustificari, nempe per legem cognita iniquitate & infirmitate tua, desperare de te, de uiribus tuis, de scientia, de lege, de operibus; prorsus de omnibus, & cum tremore, ac fiducia in humilitate implorare solius Christi dexteram, seu manum mediatoris, fortiter credens, quod gratiam consequaris, sicut Rom. 10. ex Iohanne dicit, Omnis, qui inuocauerit nomen Domini, saluus erit. Simulque uides, totum genus humanum, quantalibet sapientia, aut iusticia coram hominibus fulgeat, nihil esse, nisi massam perditionis et maledictionis. Quod et ex uerbo promissionis licet cognoscere, In semine tuo benedicentur omnes gentes.

Dan. 3.

Rom. 10.

Omnis homo mendax.

Per fidem Christi iustificari.

Quid est, omnes gentes benedicendas esse, nisi omnes gentes maledictas esse: ita iustificandas, saluandas esse, & quicquid nomine benedictionis significatur, est eas peccatrices, perditas esse, & quicquid maledictionis nomine significatur. Est itaque lex posita, ut peccatum augetur. At non solum peccati augmentum quaesitum est, sed, ut homo superbus, id ipsum cognosceret & terreretur per legem, coactusque in sui desperationem, misericordiam sitiret. Sicut ille Psal. 24. Quemadmodum desiderat ceruus ad fontes aquarum, ita desiderat anima mea ad te Deus. Item fuerunt mihi lachrymæ meæ, dum dicitur mihi quotidie, ubi est Deus tuus. Hinc omnis clamor, gemitus, desiderium, Patrum & Prophetarum, & anxia Christi expectatio, & de legis onere grauissima questio.

Psal. 42.

Omnis gentes benedicendas &c.

Lex ergo bona, iusta, sancta, sed non iustificat, ostendit mihi quis ego sim, dum per eam irritor, & magis odi iusticiam quam prius, magis diligo concupiscentiam, quam prius, solo terrore minantis legis, coercitus ab opere malo, nunquam autem a concupiscentia mala. Et ut rem similitudine tibi tradam: Aqua bona est, sed superfusa calci, incendit eam, nunquid uitium aquæ est, quod calx calefcit? imo, calx, quæ frigere putabatur, per aquam conuicta est, quid intus haberet. Ita lex concupiscentias & odia irritat & ostendit, non autem sanat. Si autem oleum calci superfuderis, non calefcit, sed extinguitur ardor eius occultus. Ita gratia diffusa in cordibus nostris per spiritum sanctum, extinguunt odium & concupiscentiam.

Lex bona.

Optissima similitudo.

bb in cupiscentiam

COMMENTARIUM DE M. L. IN EPISTOLAM

Tyrannis iusticiarum cupiscentiam. Verbofissime hæc dixi, quod nostro seculo, non satis queat legalium nostro seculo rursus inualluit.

Nota quæso communem, sed perniciosum errorem.

Verum, tu obserua, si lex sanctissima Dei, non potuit nos iustificare, sed magis peccatores fecit: Quid facient maria ista nostrarum legum, traditionum, ceremoniarum in Ecclesia: præsertim, quando ea opinione seruentur, qua existimant sese iustificari in illis, nec scire permittant, quid Christus, aut cur in eum credendum sit. Non enim utuntur eis legibus, ut peccatum per eas cognoscerent, neque ut fidem Christi gratuita charitate exercerent, sed seruatis eis, iustos sese confidunt, nec aliquo alio amplius indigere se credunt. Aut si gratiam Christi implorant, ad hoc implorant, ut opera eiusmodi facere possint, non, ut liberi fiant, ab interna carnis corruptione, & immundicia. Itaque, ut sæpe dixi, per imprudentes & tot in foelices leges, necesse est, Ecclesiam funditus perire, nisi Deus nobis remedium prouiderit.

Prius autem quam ueniret Fides, sub lege custodiebamur conclusi in eam fidem, quæ reuelanda erat.

In Dei gratia fidendum,

Fructus legis.

OMnibus (inquit) qui sub lege sunt, antequam fide iustificentur, lex ipsa uelut quidam carcer est, in qua concludantur, & seruentur. Quia ui & terrore legis, arcetur a liberrate peccandi, inuita & reluctante concupiscentia. Furit enim concupiscentia, & odit legem, carcerem suum, sed cogitur tamen ab operibus abstinere peccati. Hanc autem miseriam qui intellexerint, utique humiliati, gratiam suspirant, nec possunt de legis iusticia confidere, quando sentiunt, se inuitos ad legem, & pronos ad peccatum, per legem fieri, Mallent enim legem non esse, ut impune liceret, concupiscentias explere. At hoc malle, est legem odisse: legem odisse, est ueritatem, iusticiam, sanctitatem odisse. Hoc iam non solum est peccatum, uerum, & amor peccati, non solum non esse iustum, sed odisse etiam iusticiam, quod est uere peccatum per legem augeri. Vnde B. August. hoc loco, quod per legem præuaricatores legis ipsius inuenti sunt, non ad perniciem, sed ad utilitatem ualuit eis, qui crediderunt, quia per cognitionem maioris ægritudinis, & desiderari medicum uehementius fecit, & diligi ardentius. Cui enim plurimum dimittitur, plurimum diligit. Et hoc Rom. 5. Vbi abundauit peccatum, superabundauit & gratia. Non ergo lex solum posita est, ut peccatum reuelaret & augeret, alioqui melius dilata fuisset ad extremum iudicium, ne duplici contritione contereremur, sed ut per peccatum reuelatum humiliaret, & ad Christum urgeret.

ordo contextus.

Illud, Priusquam ueniret fides, non tantum de fide, quæ post Christum reuelata est, sed de omni fide omnium iustorum intelligitur. Nam & patribus olim eadem fides uenit, quia & lex Dei eis primo reuelata, coegit eos gratiam Dei quærere. Licet tum non ita per orbem prædicaretur, prædicabatur tamen priuatim per familias patrum. Item, uide, ne sic contextum ordines. Conclusi in eam fidem, quasi in fide, uelut in carcere conclusos intelligi uelit, cum hoc de lege affirmet, sed eramus conclusi carcere legis, & hoc in fidem, id est, ad fidem futuram, seu in hoc, ut fide futura liberaremur, quando lex carcere suo id fecit, ut per fidem optaremus liberari. Sicut supra testamentum Dei confirmatum in Christum, id est, ut in futuro Christo confirmaretur, & mox, Lex pædagogus noster in Christum, id est, ad Christum fuit.

Itaque

Itaque lex pædagogus noster fuit in Christum, ut ex fide iustificemur. At ubi, uenit fides, iam non sumus sub pædago.

Pulchra certe similitudo. Pædagogus a puero & ago, nomen habet, quod pueros agat, & exerceat: Sicut (inquit) paruulis pædagogus assignatur, qui lasciuientem refrenet ætatem, ita lex nobis data est, quæ cohiberet peccata. At sicut pueri solo timore disciplinæ coercentur, plerumque & odiunt pædagogum, & liberi esse malunt, omniaque faciunt, uel coacti, uel blanditijs illecti, nunquam autem amore rei ipsius, nec libertate uoluntatis. Ita qui sub lege sunt, timore minantis legis coercentur ab operibus peccati, odiunt legem, maluntque & ipsi liberas cupiditates habere. Faciunt autem omnia coacti terrore pœnæ, aut amore temporalis promissionis illecti, nunquam autem gratuita, liberaque uoluntate. Deinde, ubi pueri ad hæreditatem peruenerunt, intelligentes, quam utilis fuerit pædagogus, iam incipiunt diligere quoque & laudare officium pædagogi, damnareque seipsos, quod non libentes & uolentes obtemperarint. Nunc uero sine pædagogo sua sponte faciunt hilariter, quæ sub pædagogo nolentes faciebant, & inuiti.

*Pulchra similitudo
a pædagogo sum-
pta.
Pædagogus.*

Ita nos, fide acquisita, quæ uera est hæreditas nostra, Abrahamæ & Semini eius promissa, intelligentes, quam sancta, salubrisque sit lex, quam fæda uero cupiditas, iam legem diligimus, laudamus, & mire probamus. Rursum cupiditates nostras, eo magis damnamus & uituperamus, quo magis lex ipsa placet. Et nunc hilariter & libenter facimus, quod ignorantibus tunc nobis, salubris lex, ui & terrore extorquebat foris, & tamen intus extorquere nequiuit. Hoc est, quod dicit, iam non esse nos sub pædagogo, postquam fides uenit, sed pædagogus amicus factus est, & a nobis honoratur magis, quam timetur.

Iterum (ut dixi) caue, ne sic contextum legas, lex pædagogus noster fuit in Christo, quasi in Christo iam uiuentibus, lex pædagogus noster sit, ut nostra translatio habet, & sapere uidetur. Hoc enim Apostoli sensum penitus subuertit, sed sicut pueri sunt sub pædagogo ad hæreditatem, id est, quo erudiantur, ut ad hæreditatem pertingant, ita lex est noster pædagogus ad Christum, id est, ut per legem acti & exerciti, ad Christum, ad fidem, ad hæreditatem quærendam & suspirandam paremur. Lex enim (ut dixi) ad gratiam præparat, dum peccatum reuelat & auget, humilians superbos, ad auxilium Christi desyderandum.

Et hunc sensum Apostolus iuuat particula sequente. **AD CHRISTUM**, inquam, ut fide scilicet iustificemur, qui per legem peccatores fiebamur. Sic Psal. 68. Quoniam suauis est misericordia tua Domine. Quare? quia amara est lex tua Domine. Non ergo puer sub pædagogo manebit, sed ad hæreditatem dulcius accipiendam erudietur, ita & lex gratiam Dei, dulciorem reddit, & commendat. Egregie itaque finem legis declarat, non esse scilicet nostram iusticiam & impletionem, sed suspirium ad Christum, ut per fidem eius quæratur impleri. At nostri iusticiarii legum suarum finem habent, ipsas leges, & opera earum, nec eas ad Christum ordinant, sed in opera solum, ut in æternum pereant cum Iudæis, quos imitantur, nec legem, nec opera eius intelligentes.

Ad Christum.

*Lex gratiam Dei
dulciorem reddit.*

COMMEN. D. M. L. IN EPISTOLAM

Omnes enim filij Dei estis per fidem, quæ est in Christo Ihesu.

Quia fides est ipsa benedictio, ipsa hæreditas Abraham, in semine suo Christo promissa, ideo, qui fidem in Christum habet, hæreditatem Dei habet. Si hæreditatem habet, iam non sub pædagogo, sed liber & dominus & hæres. At nullis datur hæreditas, nisi filiis, Sequitur, quod credens in Christum, sit filius Dei, ut Ioan. 1. dedit eis potestatem filios Dei fieri, ijs, qui credunt in nomine eius.

Quicumque enim in Christo Ihesu baptisati estis, Christum induistis.

Christum inducere.

Declarat esse eos filios Dei per fidem Christi. Baptismus (inquit) facit, ut Christum induatis. Christum autem induere, est iusticiam, ueritatem, omnemque gratiam, totiusque legis plenitudinem induere. Quare per Christum habetis benedictionem & hæreditatem Abraham. Si autem Christum induistis, Christus autem filius Dei, & uos eodem indumento, filij Dei estis. Est autem hic Tropus Apostolicus, quo & Rom. 12. ma. 13. usus dicit, Sed induimini Dominum Ihesum Christum. Ephe. 4. In Ephe. 4. induite nouum hominem, qui secundum Deum creatus est, in iusticia & sanctitate ueritatis. Veritatis (inquit) quia sola lex sanctitatem & iusticiam simulationis induit.

Tropus Apostolicus.

Non est Iudæus, non est Græcus, non est seruus, neque liber, non est masculus neque foemina.

Sectarum origo.

Christianus est sine nomine, specie, differentia, persona.

Attalus.

Iustus sine nomine.

Non (inquit) ideo iustus es, quia Iudæus es, & Legis obseruator, sed, quia in Christum credens, Christum induisti. Quid ergo ad Iudaismum trahimini per Pseudoapostolos? In Christo, sicut persona Iudaicæ obseruantia non est, ita nec ulla alia. Humanarum & legalium iusticiarum est, per sectas diuidi, & penes opera discerni, aliud illis, aliud istis profitentibus, agentibus, sectantibus. In Christo omnia omnibus communia, omnia unum, & unum omnia. Sic infra. 5. In Christo Ihesu, neque circumcisio aliquid ualeat, neque præputium, sed fides & noua creatura. Idcirco Christianus, siue fidelis, est homo sine nomine, sine specie, sine differentia, sine persona. Psal. 133. Ecce quam bonum & quam iucundum, habitare fratres in unum. Vbi unitas, ibi nec species, nec differentia, sed neque nomen. Sic inclytus martyr Attalus, requisitus de nomine Dei, optime respondit. Qui plures sunt discernuntur nominibus, qui unus est, non indiget nomine.

Et hac ratione, uocatur Ecclesia in Scripturis, abscondita & occulta, & mire obseruatur, ut quoties describuntur iusti, sine ullius sectæ, aut personæ uocabulo describantur, ut Psal. 1. Quoniam nouit Dominus uiam iustorum, non ait, Iudæorum, uirorum, senum, puerorum. Et 15. Domine, quis habitabit in tabernaculo tuo? Respondet, Qui ingreditur sine macula, non ait Iudæus, huius aut huius professionis. Et Psal. 109. In consilio iustorum & congregatione, non ait, Sacerdotum, Monachorum, Episcoporum Eodem iudicio dicendum, de alia quacunque persona. Quia Deus personam non respicit. Non est ergo diues nec pauper, nec formosus nec deformis, nec ciuis nec rusticus, nec Benedictinensis nec Chartusiensis, nec Mi-

nec Minoritanus, nec Augustinenſis. Omnia hæc talia ſunt, ut Chriſtianum non faciant, ſi aſſint, nec infidelem, ſi deſint. Et prorſus in hoc cœpta & facta, ut Chriſtianum exerceant, & meliorem faciant.

Vnde hoc loco B. Auguſt. Iſta differentia Iudæorum & gentium, uel conditionis, uel ſexus manet propter corpus in hac uita mortali, ablata eſt autem per unitatem fidei in ſpiritu. Quia de illa, non tantum Apoſtoli, ſed & ipſe Dominus, ſaluberrimas tradiderunt doctrinas. Chriſtus enim mandat, dari Cæſari, quæ ſunt Cæſaris, Apoſtoli, ſeruos obedire dominis ſuis, uxores ſubijci uiris ſuis, omnes uero magiſtratibus parere, cui tributum, tributum, cui honorem, honorem. At hæc omnia ſunt perſonalia. Hoc ſolum quæritur, ut ijs perſonis, non contra unitatem fidei, ſed pro unitate fidei ſeruiamus, ut non ſit fortior diſſimilitudo externæ conditionis, quam ſimilitudo internæ fidei, ſicut pro dolor, nunc inter titulos profeſſionum, dignitatum, religionum, eccleſiarum, artium, gentium, regionum, familiarum, amicitiarum, foederum, uidemus pugnas & lites infinitæ diuerſitatis, ut uel hoc argumento probatum ſit, fidem in Eccleſia prope extinctam eſſe, & ſolas ſarvas, & (ut Iſaias de Babylone dicit) piloſos, Vlulas, Syrenas, in ea bacchari.

Omnes enim uos unum eſtis, in Chriſto Iheſu.

Id eſt, in fide Chriſti unum eſtis, & ſi pro corporis & huius uitæ neceſſitate, neceſſe ſit in diuerſas perſonas diuidi, ſicut multa membra, tamen unum corpus ſub uno capite.

Si autem uos Chriſti, ergo ſemen Abrahæ eſtis, ſecundum promiſſionem hæredes.

Quia dixit, induiſſe nos Chriſtum, & unum in Chriſto factos, idem ergo, quod de Chriſto dictum eſt, etiam de nobis, propter Chriſtum dictum intelligitur. Non enim poteſt Chriſtus ſeparari a nobis, nec nos ab illo, cum unum ſimus cum illo, & in illo, ſicut membra unum in capite, & cum capite uno. Vt ergo de alio, quam Chriſto promiſſio Dei intelligi non poteſt, Ita cum aliud quam Chriſtus non ſumus, de nobis quoque intelligatur oportet. Vere ergo Abrahæ ſemen ſumus, & hæredes, non ſecundum carnem, ſed ſecundum promiſſionem. Quia illi ſumus, de quibus in promiſſione ſit mentio, de Gentibus, inquam, in ſemine Abrahæ benedicendis. Sic Rom. 10. Filij promiſſionis æſtimantur in Semine. Non qui filij carnis, hi filij Dei &c.

CAPITVLVM IIII.

Dico autem, quanto tempore hæres paruulus eſt, nihil differt a ſeruo, cum ſit dominus omnium, ſed ſub tutoribus & actoribus eſt, uſque ad præſinitum tempus a patre.

Ad huc alio ariete pulſat iuſticiam & opera legis, ſumpta iam tertia ex hominibus ſimilitudine, propinqua priori, de pedagogo, ſimilitudini, ut de eodem paruulo, ſed & illa de teſtamento ad paruulum, aut ad hæredem ſaltem pertinet, adeo locuples eſt Apoſtolus, in declaranda

COMMENTARIUM IN EPISTOLAM

randam promissione Dei. Primum, hæres paruulus non differt a seruis, æque potestatem non habens in bonis paternis, ac seruus. Secundo, est tamen dominus omnium, in spe, & nuncupatione patris. Tertio, sub tutoribus & procuratoribus est, usque ad præfinitum tempus a patre. Siue hic Apostolus leges Romanas sequitur, siue alias, nihil refert. Nam, ut Hiero. dicit, legitimum tempus hæredis, legibus Romanis Viginti quinque annorum terminatur. Nos quantum satis est, exemplo utemur.

Exemplis quantum
satis utendum.

Ita & nos cum essemus paruuli, sub elementis mundi eramus seruientes.

Redit singula singulis, paruulus hæres nos sumus. Tutores sunt Elementa mundi. Nihil differimus a seruis, quia eramus seruientes. Et tamen domini fuimus omnium, prædestinante scilicet Patre cœlesti. De hæredibus & hæreditate, abunde satis est dictum, Esse uidelicet Hæredes semen Abrahæ, id est, Christum & Christianos. Hæreditatem autem gratiam & benedictionem fidei Christianæ in gentibus. De seruitute autem hæredum, alijs uerbis superius dictum est. Serui enim sunt, qui non pro hæreditate patrisfamilias, sed pro mercede seruiunt, aut etiam timore pœnæ coacti opera faciunt, ideo, ut Christus ait. Seruus non manet in domo in æternum, filius autem manet in domo in æternum.

Hæreditas.

Quod pulchre figuratum est Gen. 21. Quando filius ancillæ Ismael eiectus est, datis ei uictualibus. Et c. 25. Dedit Abraham cuncta, quæ possederat, Isaac, filiis autem concubinarum largitus est munera, & separauit eos a filio suo Isaac. Ita & nos, quando citra gratiam in lege sumus, opera legis facimus seruiliter, hoc est, aut timore pœnarum coacti, aut temporalis mercede allecti. Quibus tamen omnibus ita erudimur, ut ad hæreditatem, id est, fidem & gratiam suspiremus, qua de seruitute hac crepti, Libertatis spiritus legem impleamus, non iam timentes pœnam, aut cupientes mercedem, id est, non amplius seruientes. Interim sumus domini omnium, prædestinante & præparante Deo nobis hanc hæreditatem, & nos per seruilem timorem pœnæ, & amorem rerum, quæ sunt in lege erudiende, ut illam appetamus, nequaquam autem in seruitute, cum Iudæis & Hypocritis perstemus, quod faciemus, si per timorem pœnæ, & amorem mercedis sentiamus, non legis amorem, sed odium potius in nobis augeri, quia (ut dixi) malleus legem non esse, sic omnino lex cogit ad hæreditatem, per quam domini efficiamur omnium, id est, possessores benedictionis in Christo, per fidem.

Gen. 21.
Gen. 25.

Lex cogit ad hæreditatem.

De Elementis mundi, tutoribus & procuratoribus, uarie cogitatum est. Breuiter, ELEMENTA hic non philosophice, pro igne, aere, aqua, terra, accipiuntur, sed proprio Apostoli tropo & grammaticè, pro ipsis literis legis, quibus lex constat. Sicut & 2. Corin. 3. & alias literam uocat, ut sint elementa pluraliter, quod Scriptura, uel lex scripta, nec alia opus est probatione, quam ipsius Apostoli autoritate, qui dicit. Sub elementis mundi eramus, & mox sequitur, ut eos, qui sub lege erant, redimeret, ut ostendat idem se intelligere, per legem & elementa. Alioquin & redempti in tempore plenitudinis, sub naturalibus elementis sunt. Et infra. Quomodo conuertimini iterum ad infirma & egena elementa huius mundi, quibus denuo seruire uultis? Et seipsum exponens, sequitur, dies obseruatis & annos &c. Ergo dies & annos obseruare, hoc est, ad elementa, id est, ad literam legis conuerti.

Elementa literæ.

2. Cor. 3.

Sed &

Sed & ratio non finit, per elemeta intelligi idola aut naturalia elemeta, ut aliqui putarunt, tum, quod nusquam legitur Iudæos unquam elemeta coluisse, tum, quod potius debuerat dicere, sub potestate idolorum, *Dissentit à quibusdam.*
 m. 11. aut tenebrarum eramus, ut ad Rom. & ad alias facit, tum, quod generalissime loquitur, quod omnes, quotquot sunt hominum sub elementis servierint, citra fidem Christi; quod nisi de lege intelligatur, nullo modo intelligitur, Lex enim conclusit omnia sub peccatum, ut supra dixit. Præsertim, cum hic aliud non faciat, quam quod legem & gratiam inuicem
 lof. 2. comparat, ut hanc eleuet, illam deprimat. Maxime uero, quod hic locutionis tropus Apostolo familiaris est, ut Collof. 2. Videte, ne quis uos decipiat, per inanem philosophiam, secundum traditionem hominum, secundum elemeta mundi, & non secundum Christum. Neque enim D. Hiero. credendum est, aliena recitanti, & elemeta illo loco, non eadem esse, quæ hac Epistola ponuntur, nam sunt utique eadem. Elemeta enim uocat scripta & doctrinas mundi, id est, hominum, uel potius de rebus mundi statutas. Ibidem paulo infra. Si ergo mortui estis cum Christo ab elementis mundi, quid adhuc tanquam uiuentes, mundo decernitis? Hanc esse sententiam Apostoli, sequentia mox probant, ubi de superstitionibus Iudaicis docet, *lebre. 5.* sicut & hic facit. Sed & Heb. 5. eodem modo utitur, indigetis (inquit) ut doceamini, quæ sint elemeta exordij sermonum Dei.

Appellat autem legem elemeta mundi, utroque uocabuli per Tapinosin, id est, humiliationem & deiectionem utens, ut extenuet gloriam & opinionem iusticiæ, & operum legis, Q. d. Quid ex lege habemus, nisi *Tapinosis, extenuatio.* literas, & eas inanes spiritu, ut quæ nec dent, quo impleantur, nec nos eas implere possimus? Mundi autem uocat, quod sint de ijs rebus, quæ in mundo sunt, ut de externis operibus, sicut scientia Dei dicitur, quæ de Deo scitur. Non enim lex aliquem ad Spiritum perduxit, sed in carne tantum obseruabatur, intus rebelle & odiente concupiscentia. Iam uide, quo *Spiritualia non dicuntur ceremonias.* modo possint Apostolum intelligere, qui spiritualia uocant, tonsuras, uestes, loca, tempora, ecclesias, altaria, ornamenta, & omnem illam pompam ceremoniarum. Siquidem negare coguntur hæc esse mundana, nisi uelint ipsi quoque mundani (quod summe abhorrent) uocari. Negantes autem hæc esse mundana, simul sibi Apostoli intellectum præcludunt, qui mundi nomine hæc omnia censet. Elemeta mundi contemptibiliter uocans, *Elemeta mundi.* decreta & doctrinas in his rebus externis statuta, imo, & ipsa Decalogi externa opera. Idcirco nostro seculo spiritualia sunt, diuitiæ, tyrannis, fastus, libertas, aut summo gradu, omnes uocales sine intellectu, & uestes & loca doctrinis hominum asserta. Corporalia, sunt opera misericordiæ, & quæcunque alia opera & loca hominum, etiam si ex spiritu pleno fidei sint sanctissima.

Sed redeamus ad Apostolum. Elemeta ista sunt tutores & procuratores, sicut lex pædagogus. Quia litera legis, dum timore poenæ inuitos cogit ad opera sua, simul cogit agnita hac inuita uoluntate currere ad Christum, spiritus libertatis largitorem. Non ergo perdit lex, sed officiosissime prodest, modo intelligas, te per eam, uelut pium procuratorem, ad Christum, ad hæreditatem duci, imo, pelli. Quod si non sic eam intelligas, erit tibi exactor & aduersarius, tradens te tortoribus, erit iudex & persecutor tuus, quia nunquam tibi quietam conscientiam relinquet, dum nunquam in te tuisque operibus inuenire possis, quo illi sit impleta & contenta. Sic autem eam intelligunt, qui non ad Christum se dirigi per eam, sed suis uiribus eam implendam, accipiunt.

At ubi

COMMENTARIUM D. M. L. IN EPISTOLAM

At ubi uenit plenitudo temporis, misit Deus Filium suum, factum ex muliere, factum sub lege, ut eos, qui sub lege erant, redimeret, ut adoptionem filiorum reciperemus.

Plenitudo temporis

Plenitudinem temporis huic reddit, quod supra dixerat, præfinitum tempus a patre, Ita enim & Deus præfinit erat tempus, quo benedictio Abraham promissa, in Semine suo Christo, impleretur. Non, quod non interim sancti Patres, eandem benedictionem consecuti sint, sed, quod in Christo reuelanda erat, per mundum, & ipse manifestandus, in quo & illi & nos benedicimur. Et hoc uocat plenitudinem temporis, id est, implementationem temporis præfiniti.

Reuellit quempia ad. Hier. recitat.

Alij, plenitudinem temporis, tempus plenitudinis, id est, gratiæ uocant. Ille, quisquis est, quem D. Hieronymus recitat, qui sibi ipsi opponens dicit, Si necesse fuit, ut sub lege fieret, ut eos, qui sub lege erant, redimeret, Ergo necesse quoque fuisset, ut sine lege fieret, ut eos (puta gentes) qui sine lege erant, redimeret. Aut si hoc non necessarium, illud quoque superfluum est. Ille, inquam, de sola lege ceremoniali Apostolum intelligit, cum Apostolus de tota lege loquatur. Non enim Christus de ceremonijs tantum, ac non potius de concupiscentijs, seu lege concupiscentiam prohibente, redemit, ipse enim nulli debuit & tamen debitorem sese fecit, conuersatus sicut peccator.

Esse sub lege.

Proinde Tropus Apostoli seruandus est. Non enim sub lege esse, est id, quod tempore & decreto legis uiuere, sic nec Iob, nec Naaman Syrus sub lege fuerunt, nec Sareptana Sidonis mulier; Sed est, esse debitorem legis, non habere quo impleas, & reum esse omnium poenarum a lege positarum. Christus autem, cum non esset, nec esse possit sub lege, factus tamen est sub lege, peccatum & peccator, non contra legem operans sicut nos, sed poenas peccatorum a lege statutas pro nobis suscipiens innocenter. Quare omnes gentes sub lege fuerunt, saltem naturæ & Decalogi. Non ergo eodem modo Christus sub lege factus est, quo nos sub lege sumus. Sicut nec eodem modo, maledictum & peccatum fuit, quo nos sumus, ipse tantum corpore, nos utroque, corpore & spiritu. Et ut B. Aug. lib. iij. Trip. iij. suo simplo, nostro duplo consonat, & pulchrum Diapason adimplet.

Factum ex muliere.

Illud, factum ex muliere, nonne uidetur prope contumelia uirginis matris? Potuit enim eodem uerbo, factum ex uirgine dicere. D. Hiero. propter Manicheum ita dictum, qui Christum per mulierem, non ex muliere natum dicit, non ueram, sed putatiuam eius carnem simulans. Potest etiam dici, commendari ab Apostolo diuinam dignationem, quæ eo descenderit, ut non modo ex natura humana, sed & ex infirmiore sexu eiusdem nasci uoluerit, ideo nomen sexus, aptius fuisse, quam nomen conditionis. Simul, quod illud monet, quod Adam non ex muliere factus est, Eua ex uiro, non muliere, ut sicut mulier ex uiro facta, causa fuit peccati, & perditionis, ita uir ex muliere factus, causa fieret iusticiæ, & salutis, contrarijs sexibus, contraria operantibus, quod citra nomen sexus, non potuit obseruari. Quanquam nec uirginitatem Mariæ in hoc intactam relinquit. Nam cum ceteri omnes, ex uiro & muliere ueniant, solus hic ex muliere, satis commendat miraculum, esse matrem, mulierem uirginem, & filium uirginis. Denique, quia homo naturalis esse debuit, & filius, necesse fuit, ut nasceretur. Ad nascendum autem, & sexy muliebri opus est.

Maria uirginitas.

Non enim

PAULI AD GALATAS CCCCXXVII

Non enim esset homo filius, nisi per mulierem natus esset, Sicut nec in Adam filius homo, nec Eva filia homo fuit.

Adoptio Filiorum, aptius in græco, Hiothesia dicitur, a ponendo & filius, sicut legispositio eadem compositione dicitur. HIO THESIA autem hæc fit, ut supra docuit, per fidem Christi, quam Deus in ipso futuram promisit Abraham. Credere enim in Christum, est eum induere, unum cum eo fieri. At Christus filius est, quare in ipso quoque credentes, filij cum eo sunt. Propter eos, qui nondum satis in Christo sunt eruditi, repeto, quæ supra sæpius dixi, hoc est, uerba illa, REDIMERET, ADOPTIONEM RECIPEREMVS, Estis filij, misit Spiritum, Non est seruus, sed filius & hæres, & similia, non sunt intelligenda, quod completa in nobis sint, sed quod Christus hoc expleuit, quo in nobis & ipsa explerentur. Sic enim omnia incepta sunt, ut de die in diem sint magis ac magis perficienda, ideo & phase domini (id est transitus) dicitur. Et nos Gallilei, id est, migrantes uocamur, quod assidue de Aegypto per desertum, id est, per uiam crucis & passionis eximus ad terram promissionis, redempti sumus, & assidue redimimur, recepimus adoptionem, & adhuc recipimus, facti sumus filij Dei, & sumus & fiemus, missus est Spiritus, mittitur & mittetur, cognoscimus & cognoscemus.

Adoptio filiorum.

Credere in Christum

Repetitio propter rudiores.

Pascha iugiter celebrandū Christiano.

Et ita, uitam Christiani, ne imagineris statum & quietem esse, sed transitum & profectum de uitjs ad uirtutem, de claritate in claritatem, de uirtute in uirtutem. Et qui non fuerit in transitu, hunc nec Christianum arbitreris, sed populum quietis & pacis, ad quos inducit Propheta hostes eius. Ne ergo credas Thelogis istis deceptoribus, qui tibi dicunt, Si unum & primum gradum charitatis habeas, satis habes ad salutem. Stultis opinionibus suis, ociosam, ac uelut in uase uinum, in corde charitatem fingentes. Non est ociosa charitas, sed crucifigit carnem assidue, & suo gradu stare non potest contenta, sed se dilatat in totum hominem expurgandum. Illi autem cum suo uno gradu, tempore tentationis & mortis, nec primum, nec secundum gradum habebunt.

Vnus gradus charitatis.

Quoniam autem estis filij, misit Deus Spiritum filij sui in corda uestra, clamantem, Abba pater.

D Hieronymus, corda nostra, habet, quod & Græcus habet, quoniam ita consonat, Rom. 8. Accepistis Spiritum adoptionis filiorum, in quo clamamus, Abba pater, non ait, in quo clamat, cum tamen in secunda persona ad eos locutus sit, ita & hic facit. Abba pater, cur geminarit, cum Grammatica ratio non appareat, placet uulgata ratio mysterij, quod idem Spiritus fidei sit Iudæorum & gentium, duorum populorum unius Dei, sicut Apostolus Rom. 1. & 2. Iudæo primum & Græco dicit.

Abba pater.

Obserrat Apostolus, quia de filijs Dei dixerat, ideo Spiritum sanctum, Spiritum filij Dei appellat, ut eundem Spiritum in fidelibus missum ostendat, qui in Christo est filio Dei. Manifeste autem SANCTAM TRINITATEM unum Deum notat. Nam filius cum sit uerus Deus, uiuit Spiritu suo, quo & pater sine dubio uiuit, & quem alibi Spiritum Dei uocat, hic Spiritum filij uocat. Ita & nos in Deo sumus, mouemur, & uiuimus. SVMVS, propter Patrem, qui substantia diuinitatis est. MOUEMVR, imagine filij, qui ex Patre nascitur, diuino & æterno uelut motu, motus. VIVIMVS, secundum Spiritum, in quo Pater & Filius

Manifeste sanctam trinitatem unum Deum notat.

cc quiescunt

COMMENTARIUM IN EPISTOLAM

quiescunt, & uelut uiuunt, sed hæc sublimiora sunt, quam ut huic loco conueniant.

Sola fide homo iustificatur & saluatur.
 Hoc magis obseruandum, quod Apostolus credentibus, mox & Spiritum filiorum dari testatur. Quia (inquit) estis filij (utiq; per fidem, ut iam sæpe dictum est) misit Deus Spiritum filij, in corda nostra. Quibus facile soluitur illorum quæstio, quomodo sola fide hominem iustificari & saluari doceatur. Nihil est, quod mouearis, si uera est fides, & uere filius, non deerit Spiritus: Si autem alit Spiritus, charitatem diffundet, & omnem illum uirtutum concentum absoluet, quem 1. Corin. 13. tribuit charitati. *1. Cor. 13.*
 Charitas patiens est, benigna est &c. Ideo, quando de fide iustificante loquitur, de fide, quæ per dilectionem operatur, ut alias dicit, loquitur. Fides enim meretur, ut Spiritus detur, sicut & supra. Ex operibus, an ex auditu fidei Spiritum accepistis? Cæterum, fides, quæ & Dæmones contremiscunt, & impij miracula faciunt, uera non est, cum nondum sint filij, nec hæredes benedictionis.

Itaque iam non est seruus, sed filius, quod si filius, & hæres per Deum.

Seruus. Seruitus. Filius.
 Per Christum, D. Hiero. legit, & ita græce legitur. Hoc enim addit, ne, uel per legem, uel aliunde, hanc hæreditatem sibi quisquam speret, quam per Christum. Quia in semine Abraham (qui est Christus) promittitur, & exhibetur benedictio. Idem Rom. 8. Si autem filij, & hæredes, hæredes quidem Dei, cohæredes autem Christi. Quid sit seruus & seruitus, satis dictum est, nempe, qui legem seruat, & non seruat. Seruat in operibus, uel timore pœnæ, uel amore commodi. Non seruat in uoluntate, qua mallet non esse legem, ac si iam intus odit iusticiam legis, quam foris simulat coram hominibus. Filius autem gratia adiutus, libere seruat, nollet non esse legem, imo gaudet esse legem, illi manus est in lege Domini, huic uoluntas in lege Domini.

Sed tunc quidem, ignorantes Deum, ijs, qui natura non sunt Dñj, seruebatis.

Deus dicitur dupliciter.
 Dupliciter Deum dici, manifeste indicat Deum natura, id est, uerum unum, uiuum & æternum. Alios multos, falsos, mortuos, hoc est, homines, bestias, uolucres, ut Rom. 1. Qui commutauerunt gloriam immortalis Dei, in similitudinem imaginis corruptibilis hominis, & uolucrum, & quadrupedum, & serpentum. Ergo non natura, sed opinione & errore hominum Dñj sunt, quibus contra præceptum secundum, nomen & gloriam Dei ueri, in uanum assumentes, tribuerunt, sicut & nunc, nomen Domini, infinitis superstitionibus seruit. Cum enim sit sanctum, & terribile, non potest, nisi nocentissime prætexi, quibuscunq; iniquitatibus & deceptionibus, quod illius terrore, homines efficacissime trahantur, natura insita est ueneratio nominis Diuini, sed difficillimum est nosse, quando inuocatur in ueritate. Hic enim ignorantia a uero Deo subtrahit insidiosissime, qua & Galatas dicit olim fuisse, cum cæteris gentibus deceptos.

Ignorantia duplex.

Causa magistralis distinctionis.

Distinguunt Recentiores ignorantiam, aliam inuincibilem, aliam crassam & affectatam. Inuincibilis (inquiunt) excusat a toto peccato. Crassa, non a toto, sed a tanto. Affectata uero magis accusat. Hæc mihi uidentur ad hoc conficta, ut gratiæ Dei iniuriam faciant, & liberum arbitrium inslent, deinde homines securos in perditione sua reddant. Nam, dum ho-

PAULI AD GALATAS CCCCXXVIII

dum homo fecerit quod in se fuerit, securus est. Quia inuincibilis ignorantia non nocet. Breuiter, ignorantia inuincibilis, uel dicitur quo ad nos, nostrasque uires, tunc certum est, nullam esse uincibilem ignorantiam, saltem in ijs, quæ pertinent ad Deum. Iohan. 3. Non potest homo quicquam accipere, nisi fuerit ei datum desuper. Et Iohan. 6. Nemo uenit ad me, nisi pater meus traxerit eum. Nihil enim boni ex nobis possumus, sed tantum errare, ignorantias augere, & peccare. Proinde, qui suis uiribus ignorantiam quamcumque euadere tentat, duplici peccato & ignorantia se excæcat. Primum, quod ignarus est. Secundo, quod ignorat se ignarum esse, & per ignorantiam ignorantiam præsumit pellere, & opus efficere, quod solius Dei est: ita dum ad meliora per seipsum nititur, sine Deo, de peccato impietatem facit, & quod a Deo quærere debuerat, in seipso inuenisse se mentitur. Solus Christus est lux, & uita omnium hominum, non ratio nostra. Vel dicitur inuincibilis, quo ad gratiam Dei nobiscum: sic nulla est inuincibilis. Quia omnia possibilia credenti.

Eludit distinctionē.

Igitur non sunt docendi homines, ut ignorantiam inuincibilem non timeant, ne in se & sua confidentes, timorem Dei remittant, quin potius siue fecerint, quod in se est, siue non, desperare de seipsis debent, & in solum Deum confidere, eius iudicium etiam in bonis timere, eius misericordiam etiam in malis sperare, ut nihil unquam faciant, quo securi sint, nihil unquam peccent, in quo desperent: Ita semper est ignorantia inuincibilis, eo ipso tamen dum timent & sperant, sunt sine omni ignorantia. Quare non excusat ignorantia inuincibilis, sed confessio & agnitio gemebunda ignorantie inuincibilis, excusat, uel potius gratiam impetrat.

Ignorantia quomodo docenda.

Ignorantia inuincibilis non excusat.

Nunc autem, cum cognoueritis Deum, imo cogniti sitis a Deo, Quomodo iterum conuertimini, ad infirma & egena elementa, quibus denuo seruire uultis?

Nescio, an locum ab ingratitudine tractet Apostolus, an a minori, utrunque tentemus. A minori, si tunc, quando Deum ignorantes, Dijs falsis seruiebatis, non conuertebamini ad elementa infirma, quomodo nunc, cum cognoueritis Deum, ad illa conuertimini? cum tunc magis uidebamin illorum egere, quod Iudaismus non parum excellebat gentilitatem: Nunc autem incomparabiliter etiam Iudaismo superiores facti, nihil prorsus illorum egetis. Ab ingratitudine sic. Memores estis, quam foeda idolatria, Dijs immundis serueritis, & nunc misericordia Dei, ad ueri Dei cultum uocati sitis: Num ergo uos pudet, tantæ ingratitudinis, quod a Deo rursus disceditis, qui e tantis malis, in tanta bona uos uocauit? Aut utrunque locum forte simul inuoluit, more suo.

Locus à minori.

Locus ab ingratitudine.

Illud, imo cum cogniti sitis, putat S. August. dictum uelut infirmis, explicandi gratia: quia rudes intelligerent cognitionem Dei, quæ eos cognouisse dicit, facie ad faciem fuisse, & ita Apostolum non intelligerent. Ideo seipsum exposuerit, quod cogniti magis sint, quam cognouerint. Verum sub hac simplicitate, latet non minus sublimis illa intelligentia, quod nostrum agere, est pati Deum in nobis operantem: quo modo uidemus instrumentum artificis, magis agi, quam agere. Quod & Isa. 26. Omnia opera (inquit) nostra, in nobis operatus es Domine. Ita nostrum cognoscere, est cognosci a Deo, qui & operatus est in nobis hoc ipsum cognoscere (de fide enim loquitur) ergo prior cognouit nos. Et aptissime hoc utitur tropo in eos, qui iam in sua iusticia niti cœperunt, quali Deum

Cum cogniti sitis.

Nostrum agere est pati Deum in nobis operantem.

c c ij uelint

COMMENTARIUM IN EPISTOLAM

In eos qui sua iusticia niti cœperunt.

uelint præuenire operibus suis, & iusticiam Deo parare, quam ab ipso acceptam oportuit. Qui furor, cōmunis est omnium legalium & ceremonialium iusticiariorum. Simul tamen eodem uerbo, prædestinationem occulte tangit, sicut & superius alicubi eandem indicat tantum, & transit. Nam, non ideo cognoscuntur, quia cognoscunt. Sed contra, quia cogniti sunt, ideo cognoscunt, ut sit non uolentis, neq; currentis, sed misipientis Dei omne bonum, & omnis gloria boni. Simili modo de fide & Spiritu, sentiendum.

Servire legalibus malum est.

Ecce pondus uerborum, & mira tapinosis. Ad elementa, id est, litteram, & signa rerum, cum ipsi ad rem ipsam sibi uiderentur conuersi. Deinde infirma, quia lex prorsus ad iusticiam iuuare non potuit, quin potius augebat peccatum. Et egena, uacua, quia lex non solum non potest ulterius prouehere, sed nec seruare & fouere uos potest, in eo quod estis, sed peiores uos per eam fieri necesse est. Gratia autem fidei in Christo, potens est, non modo seruare, sed & ad perfectum promouere. Dictum est supra, quid sint, & quare sint elementa. Vides ergo quā cōtemptim de lege loquatur, contra magniloquos Pseudoapostolos. Querit hic D. Hiero. an Moses & Prophetæ Deū cognorint, & sic legē non seruarint, aut legē seruarint & sic Deum non cognorint. Quia Apostolus hæc duo facit pugnantia, & utrumlibet de Prophetis asserere periculosum est. Sed uno uerbo, Apostolus hoc dissoluit, quibus (inquit) denuo uultis seruire. Seruire legalia, non est malum, sed seruire legalibus, malum est. Seruit autem, qui timore (ut iam sæpe dictum est) minarum, eadem facit coactus, uelut necessaria, quibus mereatur iustificari. Libere autem facta, nihil ob sunt. Sic Prophetæ ea obseruauerunt, non pro iusticia obtinenda, sed pro charitate Dei, & proximi exercenda, ipsi ex fide iustificati.

Dies obseruatis, & menses, & tempora, & annos.

B. August. dubie hunc locum exponit, magis tamen de gentium, quam Iudæorum ritu. Dicit enim, uulgatissimus error est gentiliū, ut uel in agendis rebus, uel expectandis euentibus uitæ ac negotiorum suorum, ab Astrologis & Chaldeis notatos dies, menses, tempora, & annos obseruent. Et hoc sensu, Apostolum passim decreta allegant, pro more suo, quo & multa alia assueuerunt hoc nomine, quod a sanctis Patribus dicta sunt, non qua causa dicta sunt. Quanquam statim B. August. de Iudæis quoq; intelligendum dicat. B. Hiero. simpliciter & recte de Iudæis tantum accipit. Dies (inquit) ut sabbati, & Neomeniæ. Menses autem, ut primum & septimum mensem. Tempora, quibus ter ueniebant in Hierusalem, per singulos annos. Annos autem, septimum remissionis, & quinquagesimum, quam iubilæum illi uocant.

Questio Hieronymi.

Solutio Hieronymi.

Querit idem, an & nos eodem crimine teneamur, quod quartum sabbati, parasceuen, diem dominicam, quadragesimæ ieiuniæ, pasce, & penthecostes, & pro uarietate regionum, diuersa in honore martyrum constituta tempora obseruamus. Respondet primum, Nos non Iudæorum, sed alios dies obseruare. Secundo, Constituti dies, nō quo celebrior sit illa, qua conuenimus, sed ne inordinata congregatio populi, fidem minueret in Christo. Tertio, qui acutius respondere conatur, affirmat omnes dies æquales esse. Semper esse sanctum resurrectionis diem, semper licere ieiunare, semper uesci dominico corpore, semper orare. Ideo ieiunia & con-

PAULI AD GALATAS CCCCXXIX

& congregationes inter dies, propter eos a iurisprudentibus constitutos, qui magis seculo uacant, quam Deo &c. Hoc uerum est. Sic enim Isa. ult. futurum esse predixit. Erit sabbatum ex sabbato, & mensis ex mense. Re uera enim omnis dies festus est in noua lege, nisi quantum Ecclesie præcepto constituitur, pro uerbo Dei audiendo, & communicando, & orando communibus precibus. Sed nunc longe in maiorem superstitionem abierunt, quam Iudæorum festiuitates, adeo, ut se obsequium Deo nunc præstare arbitrentur, si hos dies multiplicent, non orandi, non audiendi uerbi Dei, non communicandi gratia, sed tantum feriandi, & uere feriantur perfectius quam Iudæi. Hi enim saltem Mosen & Prophetas legunt: Nos nec Deo nec hominibus seruientes, absolutissime uacamus ab omnibus, nisi quod uentri & ocio, alijsq; portentis seruimus.

Omnis dies in noua lege festus. In superstitionem nostri seculi.

Nec sic tamen Pontifices populorum miserti, dies aliquot festos abrogant & minuunt, timentes forte Rom. Pontificis auctoritatem, hæc scientis, quasi non hoc ipsum impium sit, putare, quod Roma. Pontifex intenderit, aut potuerit statuere, uel tolerare eos dies, qui Diabolum tot monstris colunt, in summum dedecus Christiani nominis, & blasphemiam diuinæ maiestatis. Aut si putant illum hæc intendere, & tolerare uelle, impiissimum est obedisse, & hominis statutum, in tantam Creatoris contumeliam uergens, non penitus & cum fiducia diripuisse & cassasse. Non est excusatus Episcopus, aut ullus pastor, si uiderit dies festos in sua Ecclesia, ebrietatibus, ludis, libidinibus, cædibus, ocio, fabulis, spectaculis consumi, sicuti fere consumuntur, præter paucos celeberrimos, & non eos abrogarit. Non (inquam) excusatus est, quod sine auctoritate Papæ non licet. Nam, si & Angelus de cælo sic constitutuisset, plus tamen diuinæ gloriæ & honori debemus, in cuius iniuriam, quicquid statuitur, aut quicquid a quocunque toleratur, tollendum est cum fiducia, nisi quis malit omnium malorum tali permissione factorum, reus fieri. Non ligat mandatum Roma. Ecclesie, nisi ubi cum honore & gloria Dei seruari potest: Quod si seruari non ita potest, iam impios esse pronuncio, qui illud mandatum cogunt uideri. Sicut nos impiissimi homines ludunt, qui hominis timorem, præponunt Dei timori, & sub nomine Papæ, & S. Petri, Diabolum coronant in Ecclesia Christi, imo adorant.

Pium pro Christiano profectum consilium.

Quatenus Rom. ecclesie mandatum ligat.

De bello in Turcas cogitamus, de hoc & alijs necessitatibus Ecclesie, longe quam Turcarum tyrannis sit, peioribus, securi sumus, & in utranq; dorminus aurem, quasi non melius sit Turcam, uere uirgam Dei uenire, & nostris malis, uel morte corporis mederi, quam tanta licentia populi, tanta segnitie pastorum Ecclesie, populum in peiores Turcas degenerare. Ille sane corpora occidet, & terra spoliabit. At nos animas occidimus & cælo priuamus. Si tamen uera est diffinitio nouissimi concilij, Animas scilicet esse immortales, præsertim Christianorum.

Ad Apostolum redeundo, sicut circumcisio, ita dies quoq; festi nihil conferebant iusticiæ neq; alia, quorum latius meminit Collos. 3. Non ergo, ut necessaria fuerunt obseruanda. Non magis certe quam nostri festi dies, nobis iusticiam conferunt obseruati, aut ulla alia onera traditionum. Sed ex fide Christi iusticia nostra est, quæ non fit ex ceremonijs, sed utitur ceremonijs libere pro charitate Dei & proximi, nisi id lucrî tibi fecerint, multiplicati dies festi, quo ab operibus manuum feriatus, rem familiarem extenuas, & sic paulatim ad inopiam uenias, iuxta illud Euangelij: Beati pauperes, ut dies festi, non ad cultum Dei, sed ad paupertatem adducendâ ualeant, aut ad euacuandum præceptum Dei saluberrimum, ueteri homini

Vide, quanto lucro sunt multiplicati dies festi.

cc in imposi

COMMEND. M. L. IN EPISTOLAM

impositum : In sudore uultus tui uesceris pane tuo. Sed alias hæc & alia misere habet Ecclesia Christi, irascente peccatis nostris cœlo & terra.

Timeo uos, ne sine causa, in uobis laborauerim.

Non acerbè inuade
re recuperandos.

Timeo uos. B. Hiero. pro timeo de uobis dictum putat. Et defes-
ctum mihi uidetur oratio sapere, tanquam uoluerit Apostolus eos ter-
rere periculo eorum, & dicere, Timeo uos perituros esse in æternum, &
ita frustra omnia in uobis laborauerim. Verum uertit uerba, & ut dura hæc
supprimit, & suum damnum tantum caulatur. Ita enim conuenit Aposto-
licæ lenitati, non nimium aspere inuadere, quos recuperare cupiebat: Si-
quidem, ut est humanus affectus, præsertim in culpa deprehensus, magis
trahitur & corrigitur lenitate, quam cogitur minis & terrore. Et uehementer
mouet, si aliorum mala tua feceris, & te in illis deploraris, ut permoueas
tandem, quo sua saltem tecum deplorent. Dicat ergo Paulus: O Galatæ,
& si uestrum malum non satis uos mouet, miseremini saltem mei, condole-
te mihi, qui in uobis me perdidisse timeo, non rem, non famam, non ho-
norem, nec solum uerbum aut opus, sed uniuersum laborem. Mitius erat,
si tantum locutus fuisssem, nunc laboraui pro uobis, oraui, multa passus,
multa periclitatus, sicut ad Corinthios recitat copiosius, & hæc omnia nunc
frustra consumpsi. Lachrymas Pauli hæc uerba spirant.

Estote sicut ego, quia & ego sicut uos.

D. Hiero. duas as-
fert sententias.
Vnam.

ET hic obscuritas uarietatem parit. D. Hiero. duas affert: Prio-
rem, Estote sicut ego, id est, robusti & uiri in fide Christi, sicut ego
iam sum, ut sit exhortatio ad perfectiora, quia & ego, sicut uos, scilicet fui,
tunc scilicet, quando primum uobis Euangelij lac dedi. Nam feci me par-
uum & infirmum uobis, abscondens perfectiora, & infirmiora fidei uobis
dedi, & talem doctorem exhibui, quem uos infirmi intelligere possitis.
Eram ergo tunc sicut uos. Quare nunc uicem rependite, & sitis sicut ego, id
est, potentes me capere fortiora tradentem. Alteram, fui & ego quondam
in ceremonijs, sicut uos modo estis: sed arbitratus sum ut stercora, ut Chri-
stum lucrificarem. Et uos quoque sic facite, & estote sicut ego modo sum.

Alteram.

B. Augustinus.

B. August. Estote sicut ego, qui contemno legalia Iudæus, Quia & e-
go sicut uos, id est, homo sum sicut uos. Si mihi, qui similis sum uobis ho-
mo, licet elementa negligere, & uobis quoque licebit. Potest & ita cogita-
ri, quia dure eos increpat, ne exasperarentur & læderentur, præoccu-
pat & exostulat, ut sese præbeant ei, qualem ipse se præbet illis, ut sit sen-
sus: Ego quidem non sum læsus a uobis, non exasperastis me: Ita rursus,
nolite a me lædi & exasperari, sed commune malum utrunque deploramus.
Meum malum est, quod uos reciditis, ideo non a uobis offensus sum, sed
a malo iam meo: ita uos nolite offendi mea increpatione, sed uestro malo
potius.

Alia interpreta-
tio.

Et hunc sensum sequens contextus uidetur iuuare. Nihil, inquit, me
laxistis. Huic non multum absimilis est sensus, si cum præcedentibus iam
dictis, ita nectatur: Quando ego uestro, hoc malo, non secus afficior, ac
si meum esset, ita, ut iam uere cum infirmis infirmer, cum flentibus fleam,
omnibusque omnia factus sim: ita rursus peto, ut mihi quoque timenti, ne
frustra laborarim, assimilemini, & cum timenti timeatis, cum dolente per-
ditum laborem esse doleatis: ut si uestro malo non mouemini, meo moue-
amini, ut sic ad uestrum quoque perueniat malum deplorandum. Sic
enim

PAULI AD GALATAS CCCCXXX

enim & Christus, teste D. Bernardo, cum nos peccata nostra non crucia- Sententia B. Berna-
rent, pro nobis doluit, & passus est, ut suo pro nostris peccatis dolore, mul- ardi.
to fortius nos ad luctum moueret, sicut ad mulieres sequentes dixit. Nolite
flere super me, sed flete super uos ipsos. In his liberum linquo iudicium le-
ctori.

Fratres, obsecro uos, nihil me læsistis.

D Hiero. ad superiorem sententiam hoc iungit, sic legens. Fra-
tres, obsecro uos, estote sicut ego, quia ego sicut uos, nihil me læ-
sistis. Verum cum Apostolus soleat ingredi nouam sententiam, quando di-
cit: Fratres obsecro uos, nescio an iste ordo sit tenendus. Quid si per Eclip-
sim, hoc uel simile uoluerit, obsecro, ignoscite mihi, durus fui, sed neces-
sario, sustinete modicum quid zelotypiæ meæ. B. Hiero. sic, Quum huc
usq; non me læseritis, quando uobis paruulis & infirmis infirmus factus,
infirmus tradidi: cur nunc lædor a uobis, ad maiora uos prouocans? Et hanc
sententiam statuit ex sequentibus, ubi per infirmitatem se eis prædicasse di-
cit. Et tamen susceptum sicut Angelum Dei &c. Igitur, certum est Aposto-
lum hoc contextu pro paterna sollicitudine, lenire & mollire suam totius
præcedentis sermonis asperitatem. Arguerat insensatos, cito translatos,
conuersos ad elementa mundi, carne consummatos, fascinatos, crucifixum
in eis Christum, contemptam gratiam, irritum testamentum Dei, seruos
ex filiis factos. Et iam in summa, frustra se omnia fecisse, & laborem uni-
uersum perdidisse, ac ita iam prope de eis omnia pessima & desperata signi-
ficarat.

D. Hieronymus.

*Sollicitudo & leni-
tas Apostoli.*

Et hæc omnia pro uehementia, & studio ardentissimo tuendæ gratiæ
Dei. Ideo nunc temperat, & castigationem mitigat, oleo lenitatis, postu-
lans, ut sint patientes, donent aliquid zelo Dei, quo eos zelat, sicut ipse
patiens fuit, multa & hoc præsens quoq; malum eis donans, Obsecro (in-
quit) charissimi fratres, non sum hæc locutus, odio uestri, uera uobis di-
co: sed non ideo inimicum uestrum me arbitramini. Nam quod timuerit
eos nimium offensos, satis indicat, quod infra dicit. Ergo inimicus factus
sum uobis, uerum dicens: Et iterum. Vellem autem esse apud uos
modo, ut mutarem uocem meam. Q. d. timeo ne scripta nimis offen-
dant, ut uidebimus. Et, ut efficacissime suadeat, non amaro animo se esse,
neq; odio hæc locutum, incipit eos copiosissime commendare. Non sum
inimicus uobis fratres: nihil enim me læsistis unquam, imo adeo non læ-
sistis, ut & eximie, sicut Angelum Dei suscepitis.

Scitis enim, quia per infirmitatem carnis Euangelisaui uo-
bis, iampridem, & tentationem uestram, in carne mea,
non spreuistis, neq; respuistis, sed sicut Angelum Dei ex-
cepistis me, sicut Christum Ihesum.

Infirmitatem carnis D. Hiero. ad Galatas refert, ut quibus tanquā
infirmis, & adhuc carnalibus, non potuerit spiritualia prædicare, quod
non placet: sed Tropus est Paulinus, quo exprimit conditionis utilitatem.
Infirmitas enim imbecillitas est, qua Apostoli, cum essent pauperes con-
tempti, varijs deinde persecutionibus subiecti, &, ut ad Corinthios di-
cit, nouissimi omnium secundum carnem, & coram hominibus, omnino
impotentes, & nihil habebantur. Nihilominus tamen sub hac infir-
mitate, operabantur uirtutes, & erant potentiores in uerbo & opere,
quam totus mundus. Ideo Genitum carnis, neque ad Apostolum,
cc iij neque

COMMEN. D. M. L. IN EPISTOLAM

neque ad Galatas referri debet: Sed absolute, sicut ab Apostolo ponitur, ad Spiritum comparari, ut Rom. 1. Qui factus est ex semine David, secundum carnem, & declaratus filius Dei in uirtute Spiritus sanctitatis &c. Et. 1. Pet. 3. Mortificatus quidem carne, uiuificatus autem Spiritu. Ita & hic, infirmitas carnis, id est, imbecillitas, quæ est secundum carnem, si uirtutem non uideas, quæ est in Spiritu.

Infirmitas carnis.

Quod autem infirmitas significet ea, quæ dixi, ex. 2. Corin. 11. & 12. patet, ubi omnia recensens, quæ gesserat & passus fuerat, libenter (inquit) gloriabor in infirmitatibus meis, ut inhabitet in me uirtus Christi. Et uirtus in infirmitate perficitur. Et cum infirmor, potens sum. Laus ergo Galatarum eximia, quod illis offendiculis non sunt offensi, quibus totus mundus scandalisatus, irrisit Apostolos, tum propter infirmitatem carnis, tum propter stulticiam crucis, qua futuram uitam docebant, & præsentia omnia contemnenda, in quibus gloriantur de uirtute sua homines, imo, sicut Angelum, sicut Christum ipsum, sine dubio summa reuerentia & humilitate exceperunt. Tentationem autem Galatarum D. Hiero. uarie interpretatus, ultimo tandem, meo iudicio, recte dicit, contumelias, persecutiones, & talia, quæ a Iudæis maxime, & a gentibus, pro uerbo Christi tulisse, & ferre eum uiderunt in carne sua, hoc est, coram hominibus (nam in Spiritu semper triumphabat eum Deus per Christum, ut alibi dicit) non spreuerunt, neque respuerunt, cum tamen his quam fortissime tentarentur, ut illorum timore uerbum fidei relinquerent.

Tentatio Galatarum.

Nam & hodie ista tentatio multos cito subuertit, qui pro ueritate Dei passos & afflictos considerant, quæ tunc Galatas prorsus nihil mouebat, per omnia Apostolum afflictum cernentes, uere Apostolicam quandam uirtutem in eis prædicat, qui contemptis omnibus, uictores huius tentationis, sicut Christum, susceperunt Apostolum. Nonne putas uitæ & omnium rerum periculo hoc fecerunt? Nonne propter Paulum, omnium Pauli hostiū uim & iram in se deriuarunt? Non potuerunt Paulum suscipere, & non lædere Pauli persecutores, imo & irritarunt eos magis, quod non solum susceperunt, sed ut Angelum, ut Christum susceperunt, summa scilicet reuerentia, quem aduersarij summa contumelia affectum, ut omnium pessimum, quærebant ad mortem.

Monet hoc loco D. Hier. Episcopos, Discant (inquit) ab Apostolo, errantes, insipientes Galatas fratres uocari, discant post increpationem, blanda uerba dicentis, OBSECO VOS. Quod obsecrat, illud est, ut sint eius imitatores, sicut & ipse Christi. Decutiant hæc supercilium Episcoporum, qui uelut in aliqua sublimi specula constituti, uix dignantur uidere mortales, & alloqui conseruos suos. Hæc retuli, quia nostro seculo miraculum, imo plusquam impietas est, Pontificum uitia uel recitare. Aliud dixisset, si nostri seculi Pontifices, pro magna parte regum & principū fastus superare, rursus, in Christi uita uel scientia, nec idiotas, aut mulierculas æquare uidisset. At Apostolus pulchre memor, quod ad Timotheū scripsit, argue, obsecra, increpa, insta opportune, importune, cum omni patientia &c. Idem in hac Epistola, & exemplo docet, non excommunicat, non clamat ad ignem, non mox hæreticos pronunciat, non aggrauat, nec reaggrauat, sed ignem charitatis, & flammam cordis sui iaciat. Quia non occidere homines, sed hominum uitia & errores, studuit, nescit fulmina lata sententiæ, nisi fulmen uerbi Dei, & tonitru Euangelicum, quo solo occiduntur & uiuificantur peccatores.

Apostolus nescit fulmina lata sententiæ.

Vbi est ergo beatitudo uestra?

Vel,

Vel, quia pro tantæ fidei constantia, beatos ipse tunc eos dixerat: Vel quia, qui tales sunt, quales commendauit Galatas, uere beati dici possunt, nisi quis existimet Apostolicam uerecundiam hic signari, ut qui uellet dicere, ubi nunc est uestra illa in me reuerentia, obseruantia, & quædam uelut adoratio? Maluerit uerecunde eorum beatitudini, quam suæ gloriæ tribuere, exemplo Christi, qui & ipse uirtutes suas, fidei eorum, quibus fiebant, deputare solebat. Aut si simplex sensus placet, fidem Christi, in qua beatificabantur, expostulat & exprobrat.

Testimonium enim uobis perhibeo, quia, si fieri potuisset, oculos uestros eruiissetis, & dedissetis mihi.

Hyperbolen esse putat D. Hiero. At non puto necessariam hyperbolen, cum ex prædictis pateat, eos & uitam suam, pro Apostolo in periculum posuisse, ideo non mirum, si fieri potuisset, hoc est, si ipse permetteret, & ita fieri oporteret (alioquin, quomodo non potuit fieri, si uellent) eos eruturos fuisse & oculos, nisi ad occultam reprehensionem per mysterium oculorum alludit, ut qui tunc oculos suos, id est sensum suum, libentissime Apostolo submiserunt, ut fidem docerentur, quæ stultificat sapientes, & uidentes reddit, ut non uideant, nunc receperunt, ut suo oculo scandalisentur, quem Dominus erui iussit, & proijci a nobis. Vide quid sit, pastorem negligere oues Christi, tantam charitatem, tantam fidem, tam sinceram religionem Galatarum, Pseudoapostoli tam cito subuertunt, breui, absente Apostolo, quid faciat Diabolus, ubi nullus est pastor, aut si est, oues Christi nunquam uisitet aut pascat? Nunquid solo titulo, nomine, potestate, pastores, poterunt seruari? Nam ipsi illæsis putatur Ecclesia esse illæsa.

Ergo inimicus uobis factus sum, uerum dicens?

Recte hoc Hiero. exponit, de ueritate, quam in hac Epistola ad eos loquitur, non de illa, qua primum eos instituit. Nam, ut dixi, id agit Apostolus, ne Galatæ iniquius ferrent, quæ hucusque in eos dixerat, nonnulla satis dura, sed tamen uera, ideo præuenit eos, ac dicit, non accipite uerba mea, quod dura sunt, sed hoc potius uidete, quam uera sunt. Esto, durius uos inuasi, nunquid ideo inimicum me habetis, ac non magis amicum, quia ueritatem, & si necessario duram, uobis loquor? O pulcherrimum docendæ ueritatis exemplum. Sic enim uulnus infligere oportet, ut scias & mitigare & sanare, sic seuerum esse, ut benignitatis non obliuiscaris. Sic & Deus fulgura in pluuiam facit, & tristes nubes, atrumque cælum, in fructiferos imbres resoluit, ita habet Prouerbiū, innoxiam esse tempestatem fulgurum, quæ pluuiā mixta fuerit, formidabilem autem & noxiā, quæ sicca & sola. Neque enim uerbum Dei in perpetuum irasci, neque in æternum comminari debet.

Pulcherrimum docendæ ueritatis exemplum.

Simile. Prouerbiū.

Æmulantur uos, non bene, sed excludere uos uolunt, ut illos æmulemini.

Occurrit excusationi, quam uidet, eos posse prætexere & dicere, quod nos illis obediuius, ideo fecimus, quia pio studio, & bona (ut nunc dicitur) intentione, nostram salutem quærere uidebantur, præsertim, cum nemo debeat suus esse magister, Et sicut Deut. 12. dicitur, non faciendum est, quod rectum nobis uidetur. Respondet, scio zelum habent, sed non bonum, nec secundum scientiam. Hic sciendum, quod uerbum

Æmulari

Deut. 12.

COMMEN- D- M- L- IN EPISTOLAM

*Aemulari apud A-
postolum.*

*Amari in bono &
malo.*

AEMVLARI, quanquam frequenter idem sit, quod imitari, Apostolus tamen familiarem eius habet usum, pro inuidere cum amore, seu alicuius amore contendere & conniti. Et ut plenius rem pro opinione nostra tra- ctemus. Amare dupliciter contingit, in bono & in malo: ita & æmulari. Diligimus enim quandoq;, sed non bene, ita æmulamur quandoq;, sed non bene. Verum, ut amor est diligere bonum, odium odisse malum: ita æmula- tio seu zelus utrunq; inuoluens, proprie est odisse malum in re amata, & quo uehementius ames, eo ardentius odias, & inuideas malum amati. Vnde ego soleo zelum intelligere, iratum amorem, uel amarosam inuidiam. Sic Apostolus. 1. Corin. 11. Aemulor enim uos, æmulatione, ubi de imitati- one loqui, ne potest quidem fingi, Quia sequitur, despondi enim uos uni uiro. Timeo autem, ne sensus uestri corrumpantur &c. Q. d. ita diligo ca- stam fidem uestram, ut non possim non timere, & odisse corruptionem ue- stri, clare exponens, quid sit æmulari, æmulatione Dei.

Æmulatio Dei.

Æmulatio hominū.

Stultus zelus.

Quin hoc ipso uerbo, duplicem illam æmulationem indicat. Aemu- latio Dei, id est, secundum Deum, est odium mali in re amata, secundum ueritatem, seu amor boni, & odium mali in re amata, secundum uerita- tem. Aemulatio hominum, odium mali in re amata, seu amor boni, & odium mali, in re amata, sed secundum speciem & erronee. Talis est Pseu- doapostolorum, de qua dicit, æmulantur uos, sed non bene, hoc est, quæ- runt bonum uestrum, & abominantur malum uestrum, sed male, quia ma- lum iusticiæ legis, uelut bonum in Galatis quærebant statuere. Ille est stultus ille zelus, quo & Iudæos scribit ad Rom. zelare Deum, id est, ea, quæ Dei sunt. Non enim æmulari hoc loco, pro imitari accipi potest, quod Pseudoapostoli Galatas utiq; non imitarentur. Sed contra (inquit) excludere uos uolunt, scilicet a Christo, & fiducia eius, in fiduciam legis incarcerationis, ut ipsos æmulemini. Hoc loco potest pro imitari positum esse, quanquam nec a priore significatione abhorret, si intelligas, Pseudo- apostolos uoluisse a Galatis diligi, pio studio ambiri, & (ut Discipuli pro præceptoribus solent) zelo in se affici, amari, quæ illorum essent, odio haberi quæ contraria. Et non inepte dixisset, excludere nos uolunt. Sed, ne arrogantiam, uel specietenus incurreret, uos (inquit) uolunt exclu- dere, ut nobis exclusis, simul uos quoq; excludant.

Bonum autem æmulamini in bono semper, & non tan- tum, cum præsens sum apud uos.

Alternam partem excusationis eorum confutat, Vna enim erat, quod illi pio studio quærebant eorum salutem, quod Apostolus ne- gat, non bene (inquit) æmulantur uos, non, quæ uestra, sed quæ sua sunt, quærun, ut in uobis glorientur, ut infra. 6. Altera, quod obedi- endum sit, & non sibi ipsi credendum. Ad hoc respondet: Bonum qui- dem est æmulari, & imitari alios, sed hoc præstate in re bona semper, nun- quam in mala, non tantum me præsentem, sed etiam absente, ne mei causa, ac non rei ipsius causa facere uideamini. Quocirca miror interpretem & D. Hierony. hunc contextum ita præterisse, cum satis sit obscurus, si di- xeris. Bonum æmulamini in bono. Quid est bonum in bono æmulari?

Quare officiose Erasmus & Stapulensis, e græco sic reddiderunt. Bo- num est æmulari in bona re semper, uel bona est æmulatio in re bona sem- per. Est enim infinitius æmulari, non imperatiuus æmulamini, nisi Sciolus deprauator quispiam, & interpretem, & Hieronymum uisolauerit. Quod

1. Thes. 5. Quod Apostolus uult, hoc est, omnia probate, quod bonum est, tenete. *Regula Apostoli.*
Quam regulam uidemus omnibus Ecclesijs, ab eo traditam. Et tamen per multos annorum centenarios penitus est oblitterata. *Omnia probate, quod bonum est, tenete.*

Filioli mei, quos iterum parturio, donec Christus formetur in uobis.

Vide miram Apostoli charitatem, ut totus est nihil aliud, quam Galatæ, adeo omnia in se transformat, sui penitissime oblitus, ut patitur in illis, ut laborat, ut æstuat, de nulla sua re, sed Galatarum sollicitus. O exemplum Apostolicum pastoris Christiani. Vera charitas, non querit quæ sua sunt. Dulcissimi filioli mei, materna mea uiscera torquentur, pater fui, mater factus sum, porto uos in utero, formo, fingoq; uos: Vellem uos parere, & in uitam edere, si quo modo possem. Commendat affectum hunc multis D. Hiero. Nam hoc demum est, animas querere, non pecunias. Nota uerborum obseruationem, non ait, donec Christum formem in uobis, sed formetur. Plus gratiæ Dei tribuens, quam operi suo, uelut mater gestat eos in utero, rude semen, donec Spiritus cooperatus, formet eos in Christum. *Apostoli charitas.*
Christiani pastoris animas querere.

Anxiari potest prædicator, quomodo pariat Christianos, sed formare non potest, non plusquam mater carnis format foetum, sed tantum portat formandum & pariendum. Nec dixit, donec in Christum formemini, sed formetur Christi in uobis. Quia uita Christiani non est ipsius, sed Christus in eo uiuentis, ut supra. 2. Viuo iam non ego, uiuit uero in me Christus. Nos oportet destrui & difformari, ut Christus formetur, & solus sit in nobis. *Verborum obscuritas.*
Vita Christiani non est ipsius Christiani, sed Christi in eo uiuentis.

Vellem autem esse apud uos modo, & mutare uocem meam.

Hoc Hieronymo uidetur dicere, quia Scriptura diuina lecta quidem ædificat, sed multo magis prodest, si de literis uertatur in uocem, sicut & ad Paulinum scribit, de Energia uocis uiuæ. Non solum autem, hoc Apostolus intendit, uerum, uellem (inquit) ut essem modo apud uos, ad hoc, ut uocem possem mutare, non musica mutatione, sed theologia, hoc est, quia Epistola scripta, si nimium obiurgat, offendit: si blandior est, non satisfacit apud insensatos. In tam seriare, Scriptura mortua est, tantum dat, quantum habet: At si præsens esset, posset pro uarietate auditorum, temperare sermonem: illos obiurgare, hos mitigare: illos rogare, hos increpare: & in omnem affectum, sicut oportunum esset, mutare. Nam apparet Apostolum sollicitum esse, ne & in superioribus nimium in partem obiurgandi, & hic inter laudandum & blandiendum, nimium ad commendationem declinarit, timens piissime, ne utrinq; aut nimium ledat, aut minus, quàm necesse est, percutiat, & ita inter utrunq; herens confunditur, ignarus quid faciat, nec integrum habens obiurgare, nec commendare. Hanc sententiam probat uerbum, quod sequitur. *Sententia Apostoli.*

Quia confundor in uobis.

Hoc est, ut dignissime Erasmus reddidit, hæreo, perturbor, inopsq; consilij sum, quid uobiscum agam. In quam sententiam & D. Hiero. multa commentus, tandem ægre ac pene imprudens, & alia agens, confundor (inquit) in uobis, & ignoratione huc atq; illuc distrahor, & ignorans quid agam, in diuersa distractus laceror, dilansiorq;. Nescio enim, quæ primum uerba promam &c. Hæc ille sparsim. *S. Hiero.*

Dicite

COMMEN. D. M. L. IN EPISTOLAM

Dicite mihi, qui sub lege uultis esse, legem non legistis?

Legem non audistis, Hiero. & Græcus habent. Laborat Hiero. legem uocari, hoc loco Genesin, de qua Apostolus sumit, quod dicit. At quando Hebræis quinque libri Mosi Thora, id est, lex uocantur, non inepte Apostolus legem appellat, librum Genesis, in qua si nihil aliud, certe circumcilio saltem præcipitur, præcipua Iudæorum lex, omniumque prima.

Scriptum est enim, quoniam Abraham duos filios habuit, unum de Ancilla, & unum de Libera. Sed qui de Ancilla, secundum carnem natus est, Qui autem de Libera, per Repromissionem, quæ sunt per allegoriam dicta.

Questio.

Non, quod in Genesi allegorice sint intelligenda, sed Apostolus a se dicta per allegoriam, quæ illic ad literam dicuntur, significat. Quæritur. Quomodo non & Ismael per repromissionem natus sit, de quo Gen. 16. tam multa per Angelum Domini promittuntur matri suæ, antequam natus esset. Rursus. 17. multo plura ad Abraham de eodem ab ipsomet Deo promittuntur, cum iam natus esset. D. Hiero. multa adducit, & incertum relinquit. Verum clarum est, quod Ismael, non promittente Deo, sed iubente Sara, naturali uirtute, in adolescentula Agar conceptus est. Isaac autem de sterili, uetulaque matre, supernaturali uirtute promittentis conceptus. Nam, quod Angelus ad Agar dixit. Ecce concepisti, & paries filium, certe, non est promittentis concipiendum, sed prædicentis futura de iam concepto, aut etiam præcipientis est. Ideo Isaac filius repromissionis est, tamen ex carne natus, sed non uirtute, nec secundum carnem conceptus.

*Gen. 16.
& 17.*

Hæc enim sunt duo Testamenta, unum quidem a monte Sina, in seruitutem generans, quæ est Agar.

Qui allegoricis doctrinis instituendi.

Rudiores similitudinibus.

Quia Galatæ fideles erant, allegoricis doctrinis erudiri poterunt. Alioquin, ut 1. Cor. 14. dicit. Infidelibus sunt linguæ in signum, infidelibus uero allegoricis nihil potest probari. Vt & D. Aug. ad Vincentium docet. Aut certe, quod Apostolus Galatis, ut infirmioribus, paterna sollicitudine, & uolens, rem similitudinibus & allegorijs delineat, ut uerbum eorum captui attemperet. Nam rudiores, similitudinibus, parabolis, allegorijs, etiam cum uoluptate capiuntur, ideo & Christus in Euangelio (sicut Matthæus dicit) parabolis docet, pro captu uniuscuiusque. Videamus ergo, quomodo locum hunc allegoricum tractet aduersus legis iusticiam. Hæc (inquit) duo Testamenta, hoc est, duæ mulieres Sara & Agar, figura fuere duorum testamentorum, sub uno eodemque Abraham, qui patrem cœlestem representat.

1. Cor. 14.

Quatuor sensus Scripturæ in usu.

Verum, quod pene transieram, de mysticis & allegoricis quoque aliqua uidenda sunt, quando hæc res postulat & tempus. Habentur in uia quatuor sensus Scripturæ, quos literam, tropologiam, allegoriam, anagogen uocant, ut Hierusalem iuxta literam, Ciuitas Iudææ metropolis est: Tropologice, conscientia pura uel fides: Allegorice, ecclesia Christi: Anagogice, cœlestis patria. Ita Isaac & Ismael hoc loco, literaliter, filij duo Abraham: Allegorice, duo testamenta seu Synagoga & Ecclesia, lex & gratia: Tropologice, caro & Spiritus, seu uirtus & uicium, gratia & peccatū: Anagogice

Anagogice, gloria & pœna, cœlum & infernus, imo alijs, Angeli & Dæmones, beati & damnati. Permittatur sane is ludus ijs, qui uolunt, modo ne assuefiant aliquorum temeritati, Scripturas pro libidine lacerare, & incertas facere. Quin potius ad capitalem legitimumque sensum, hæc uelut accessoria ornamenta adiiciunt, quibus uel oratio locupletius ornetur, aut exemplo Pauli rudiores, uelut lactea doctrina, mollius foueantur, non autem in contentionibus, pro stabilienda fidei doctrina proferantur. Nam ista Quadriga (etsi non reprobem) non Scripturæ autoritate, nec patrum usu, nec Grammatica satis ratione iuuatur.

*Capitalis sensus
scripturæ.*

Primum, manifestum est, quod Apostolus hoc loco allegoriam & anagogen non distinguit, imo, quod ille anagogen, hoc ipse allegoriam uocat, Saram interpretatus, cœlestem Hierusalem, quæ sursum est, mater nostra, hoc est, illorum anagogica Hierusalem. Deinde S. Patres, allegoriam Grammaticæ, una cum alijs figuris tractant in sacris literis: sicut abunde docet B. Augu. in lib. de doctr. Christ. Atque Anagoge, non tam figuram propriam, quam generalem dictorum conditionem significat, hoc est, Anagoge dicitur, quoties in recessu & inseparato, aliud intelligi potest, quam sonat: unde & reductio interpretatur, quod & Allegoria significat, id est, alieniloquium, hoc est, ut B. Hiero. ait, aliud præterdit in uerbis, aliud significat in sensu. Tropologiam sermonem de moribus esse conuenit, quam aliquando esse allegoriam nihil obstat, dum scilicet aliud dicitur, sub quo mores boni aut mali significantur.

Anagoge, reductio.

Allegoria alieniloquium.

Liber igitur patrum usus in his nominibus uidetur anxietate quadam, in captiuitatem huius quadrupli coactus, sicut & multa alia, temere distinxerunt multi, quæ, & re, & uoce idem sunt. Illud magis monendum, quod & supra dictum est, apud Origenem & Hieronymum sensum spiritua- lem eum uideri, quem hic Apostolus allegoriam uocat. Literam enim, ipsi figuram & historiam accipiunt. Mysticum autem & allegoricum, spiritua- lem dicunt. Et uirum spiritua-lem, qui sublimiter omnia intelligat, nihil (ut inquit) Iudaicæ traditionis admittat. Hac Regula incedit fere totus Origenes & Hieronymus, &, ut audacter dicam, non raro in difficultates inextricabiles labuntur. Verum, expeditius mihi incedit B. August. Nam ut omittam illud, quod mysticus sensus sit, uel allegoricus, uel anagogicus, aut omnino, qui aliud habet in recessu, quam in fronte ostenditur: Et huic opponatur historicus sensus, aut figuralis.

Origenes.

Hieronymus.

B. Augustinus.

Psal. 70. Hæc tamen duo uocabula, LITERA & SPIRITVS, Literalis deinde, & spiritualis intelligentia, segreganda sunt, & in sua propria significatione seruanda. Nam Litera, ut idem *Psal. 70.* pulchre & breuiter dicit, est lex sine gratia. Quod si uerum est: Omnis lex litera est, siue allegorica, siue tropologica, Denique, ut supra diximus, quicquid scribi, dici, cogitari, citra gratiam potest. Sola gratia autem est ipse Spiritus. Vnde spiritualis intelligentia, non dicitur quæ est mystica uel anagogica, qua & impij præstant, sed ipsa proprie uita & experimentalis lex in anima per gratiam, digito Dei scripta, & omnino, totum illud impletum, quod lex præcipit ac requirit. Nam & Decalogum *Roma. 7.* uocat spiritua-lem legem, cum tamen sit litera, Non concupisces. Quod si intelligentia spiritualis dicitur, quia spiritum significat, quem lex requirit, ut impleatur, nulla lex est, quæ non sit spiritualis. Tunc autem solum est literalis, quando gratia quæ impleat non adest, tunc non sibi, sed mihi est literalis. Maxime uero, si sic intelligatur, quod gratia non sit necessaria.

*Sola gratia est
spiritus.*

Spiritualis intelligentia.

dd Concludia

COMMENTARIUM IN EPISTOLAM

*Lex in se semper
est spiritualis.*

Concludimus ergo, lex in se semper est spiritualis, id est, spiritum significans, qui est plenitudo eius. Alijs autem, non sibi unquam est literalis. Nam quando dico, Non occidas, literam audis sonantem, sed quid significat? nempe, ne sis iracundus, hoc est, rem ipsam, quæ est mansuetudo suauitasque erga proximum. Hæc est autem charitas & Spiritus, quo impletur. Ab hac significatione rei uerissimæ & solius spiritualis, lex quoque spiritualis dicitur: quia semper hanc significat: sed quia hanc nobis non dar, nec dare potest: nobis litera dicitur, quantumlibet spiritualis ipsa sit. Cum autem nullum opus sine charitate bene fiat, claret, omnem legem, quæ bonum opus præcipit, bonum opus, id est, charitatis significare & requirere, ideoque spirituale esse. Quare spirituale intelligentiam legis, recte appellamus eam, qua scitur lex requirere spiritum, & nos carnales conuincere. Literalem autem eam, qua putatur, imo erratur, legem posse impleri operibus, & uiribus nostris, citra spiritum gratiæ. Ideo litera occidit, quia nunquam recte intelligitur, dum sine gratia intelligitur: Sicut nunquam recte habetur, dum sine gratia habetur, utrobique mors & ira est. Hæc ex B. Augustino in lib. aduersus Pelag. exueta sunt.

*Spiritualis intelligentia legis.
Literalis.*

Apostolus explicat.

Ad Apostolum redeundo. Vnum quidem a monte Sina in seruitutem generans. Satis dictum est, quæ sit seruitus legis, in quam tradimur, quando legem sine gratia accipimus. Aut enim timore mali intenti, aut spe mercedis, hoc est, simulate eam seruamus, utrinque seruiliter, non liberaliter agentes. Testamentum autem uocat, ideo ut intelligatur, uidendum est & hic testamenti symbolum. Primum, est ipsum Testamentum, quod erat nuncupatio terræ promissionis, ut Exod. 1. scribitur. Testator fuit Angelus in persona Dei. Testata hæreditas, ipsa terra Canaan. Hi, quibus fiebat Testamentum, filij Israel ut omnia hæc Exodus describit. Sed hoc Testamentum confirmabatur morte & sanguine pecudis, quo aspergebantur, ut Exo. 24. legitur. Quia carnalis hostia, carnali promissioni, & carnali testamento, carnalibus hæredibus conueniebat. Quæ est Agar (inquit) id est, hoc Testamentum seruitutis seruos generans, est allegorica Agar, ancilla.

*Testamentum eiusque
symbolum.*

Sina enim mons est in Arabia, qui coniunctus est ei, quæ nunc est Hierusalem, & seruit cum filiis suis.

Faber Stapulensis.

Primum hoc mouet, quod Sinam montem dicit coniunctum Hierusalem ciuitati Iudææ, cum illum in Arabia esse dicat. D. Hiero. legit, qui conterminatus est, & inter interpretandum dicit, qui confinis est. Forte, quod mons Sina ideo confinis recte dicitur Hierusalem esse, non quod mons ciuitatem attingat, sed, quod Iudæa (in qua est Hierusalem, uelut medio) & Arabia deserta (in qua est Sina mons) sunt confines. Nam Iudæa ab oriente habet Arabiam petream, & iuxta hanc ad meridiem tangit Arabiam desertam, ut sic propter totius confinitatem, pars quoque parti confinis & coniuncta dicatur. Stapulensis uim græci uerbi explorans, dicit intelligendum, quod Sina mons coniunctus est, id est, incedit & tractu quodam pertingit, seu ut uerbo Cosmographico dicam, pertinet usque Hierusalem quod utique non potest intelligi, nisi quod Sina mons continente sua: iungitur continenti Hierusalem. Sicut Vuitemberga coniungitur Lipsiæ, illa in Saxonia, huic in Myſnia.

Item Erasmus optimus, addit in græco sic haberi. Nam Agar Sina mons est in Arabia &c. Et Agar hic genere neutro dici, ut ad montem referatur, qui græcis est neuter, quæ mox iam dicta est foeminino genere, ubi ait,

PAULI AD GALATAS CCCCXXIIII

ait, Quæ est Agar, ut sit ordo, Quæ est Agar. Nam hic Agar Sina mons est in Arabia &c. Dicitur in græcis scholijs moneri, Sinam Arabice dici Agar. Et ipse contextus Apostoli forte hoc uult, quando dicit, Agar Sina mons est in Arabia, hoc est, Agar est, & dicitur in Arabia, qui nobis Sina dicitur: seu Arabes appellant montem Sina, sua lingua Agar: ut sic reddat rationem eius quod dixerat. Vnum testamentum a monte Sina esse, & hanc ideo esse Agar, quia allusione Arabica, Sina mons, Agar dicitur. Quare, Deo sic ordinante, Agar præparata fuerit figura montis Sina, per legem generantis in seruitutem.

*Sina in Arabia
Agar.*

Diximus autem supra, quod Apostolus non abhorreat a peregrinæ lingue allusionibus, quod Galatas quoque translatos suo nomine, hebraica allusione notarit, sicut hic Arabica allusione, Agar ancillam notat. Sed & Salomon in Canticis suis, montem Amanum uocat Sanir, & Hermon, & Libanum, pro uarietate linguarum (ut Deut. 3. scribitur, usque ad montem Hermon, quem Sidonij Sarion uocant, & Amorrei Sanir) sumens allusionem & allegoriam peregrinam, ad suæ sponsæ laudem. Itaque, cum per allegoriam se locuturum prædiceret, opportunum fuit, ut Agar ancillæ nomen, cum monte Sina (ubi coepit testamentum Agarenum) aliqua allusione componeret, & hoc commoditate communis nominis. Nec est hic exigenda ab Apostolo alia ratio, cum allegorisset infirmorum gratia.

Deut. 3. Salomon.

Verum, quid hoc ad rem, quod Sinam montem coniunctum dicit Hierusalem: An non fuit satis, quod unum Testamentum Sinae & Agar esset ancillæ? Nec ego habeo quod dicam, quando cæteri omnes transeunt. Diuinandum ergo. Videtur id uelle, quod cum inter allegorizandum (ut fit) allegoria allegoriam pariat, dum de Agar ancilla ad montem Sina nominis similitudine peruenit, simul de Hierusalem terrestri, incidenter ad coelestem allegoricos, eodem nominis argumento prouocatus, peruenit: ut quæ uisio pacis interpretetur, & rectius tamen Sina, id est, tentatio appellaretur. Verum, antequam nomen Hierusalem ad coelestem transferret, sola collatione utriusque contentus, allegorias multas implicat. Alioqui lucide dixisset. Nam Hierusalem ciuitas est in cælo, in libertatem generans, hoc enim uerbo sustulisset anapodoton obscurissimum. Proinde (inquit) quando Hierusalem coelestis tanto intervallo distat ab ista terrestri, nihil refert quod hæc non Sina, sed in Iudæa est, contermina Arabiæ, idem est, ac si esset ipsa Sina, cui contermina est: conuenit cum eo monte communi termino terræ: ita communi legis generatione, quando illi coelesti nulla ex parte confinis est, nec ad eam pertinet, sed ad Sina Agar potius cui confinis est.

Diuinatio Martini.

Multas hic prætermitto allegorizandi miras rationes, quas Apostolus hic indicat, ne obscuritatibus maiores tenebras addam. Quare illud, Hierusalem quæ nunc est, referri debet ad futuram Hierusalem, sicut Agar ad aliam Agar retulit, ut sit sensus, Hierusalem, quæ huius uitæ est, & confinis, tum re tum mysterio, Sinae monti. Deinde, quod addit: Et seruit cum filiis suis, ideo facit, ut excipiat eos, qui fuerunt in Hierusalem, ad supernam Hierusalem pertinentes. Eam (inquit) Hierusalem appello, quæ nunc est, & in futuro non erit, nec omnem, sed eam quæ seruit cum filiis suis, id est, qui sunt in ea seruientes legi, cuius termino terræ confines sunt. Seruire legi, satis & ad tædium usque dictum est. Tropum Hebraicum quoque obserua: Filij Hierusalem uocantur, quia ciuitas mater, habitantes in ea, filij uocantur, ut Psal. 147. lauda Hierusalem Dominum, benedixit filiis tuis in te. Hæc autem uulgata & triualia sunt in Prophetis.

Hierusalem quæ nunc est.

Et seruit cum filiis suis.

Tropus hebraeus.

dd h Nunc

COMMENTARIUM IN EPISTOLAM

Nominū allegoriæ.

Sara.

Agar.

Arabia.

Arabia triplex.

Sina tentatio dicitur.

Hierusalem.

Ismael.

Nunc nominum quoque allegorias iuxta Hiero. SARA princeps dicitur genere foeminino, seu domina: ideo filij Saræ, filij dominæ, filij principis, filij liberæ, recte dicuntur. Contra, ancillæ filij, filij seruæ & seruitutis. Nam & nomen Saræ, pene expressit Apostolus, quando eam liberam uocat. Principes enim in Scrip. etiam Nedaboth, id est, liberi & spontanei uocantur. AGAR uero peregrinatio seu aduena, incola, mora, quæ recte opponitur ciuibus & domesticis Dei, Non estis (inquit) aduenæ & hospites. Q. d. Agareni, sed Sacareni: Non aduenæ, sed liberæ & dominæ filij. Seruus non manet in domo in æternum, filius autem manet in æternum. Legis autem iusticia temporalis est, sed Christi iusticia manet in seculum seculi, quia illa mercenaria huius uitæ, illa hæres gratuita futuræ.

Arabia occasus uel uesper, qui uergit in noctem: At Ecclesia & Euangelium, aurora & matutinum uocatur, in multis locis. Ita lex & synagoga occumbunt tandem, sed gratia regnat & cubat in meridie æternitatis. Quid si Arabiam Apostolus desertum quoque notet: nam id quoque significat Arabia, imo Arabia in Sacris literis fere semper: pro deserta Arabia accipitur. Nam Arabia foelix Saba, & alijs nominibus partialibus. Arabia Petrea, Cedar, Amon, Moab, & multis nominibus appellatur, ita, ut a uastitate Arabia, sic uideatur appellata, ut significet sterilem & desertam synagogam, seu legis iusticiam coram Deo. Contra, Ecclesia foecunda coram Deo, & si deserta coram hominibus. SINA tentatio dicitur, D. Hiero. teste, id est, inquietudo & turbatio pacis, quam ex lege habemus, per legem enim cognitio peccati, ideoque & turbatio conscientie. Hierusalem uisio pacis, quies conscientie. Per Euangelium enim in Ecclesia uidemus remissionem peccatorum, quæ est pax cordis.

ISMAEL auditus Dei, seu audiens Deum, populus est, qui præcedens, audiuit post se uenturum Christum, sed non uidens ante faciem, & manifesto. Audiuit Prophetas, legit Mosen: sed tamen non cognouit præsentem Christum, semper habens eum in dorso, semper audiens & nunquam uidens. Ita est omnis, qui in lege iustificatur, audit iusticiam legis, & non uidet eam in Christo esse: alio respicit & alia audit, respicit in ea, quæ sunt ante se, & in suas uires, non in uirtutes Christi: semper tamen audit sese ad iusticiam per legem cogi, ad quam nunquam peruenit. ISAAC risus dicitur, hoc enim est gratiæ, quæ exhilarat faciem hominis oleo suo. Cui fletus contrarius est, hoc est, culpæ, quæ est ex lege. Quare singula nomina, suis contrarijs collata, pulchre differentiam legis & Euangelij, peccati & gratiæ, synagogæ & Ecclesiæ, carnis & Spiritus, uetustatis & nouitatis ostendunt.

Illa autem, quæ sursum est Hierusalem, libera est, quæ est mater omnium nostrum.

Diceret, alterum testamentum a Hierusalem, quæ sursum est, sed interim aliam Hierusalem intuitus, mutauit distributionem, & anapodoton fecit, alijs tamen uerbis satisfaciens. Quia reuera, alterum testamentum coepit in Hierusalem, misso Spiritu sancto, de cælo in montem Zion, ut Isa. 2. de zion exhibet lex, & uerbum Domini de Hierusalem. Et Psal. 110. Virgam uirtutis tuæ emittet Dominus ex zion. Verum, quia Hierusalem terrena, erat quidem hæreditas, in Sina priori testamento promissa. Nobis autem alia promissa in cælo: ideo & aliam Hierusalem habemus

habemus, quæ non sit confinis monti Sina, & seruituti legis propinqua ac cognata quædam. Sed & illa differentia est, Lex literæ, est a monte Sina data, quibus promissa sunt temporalia, sed Lex spiritus, non a Hierusalem, imo de cælo data est in die Pentecostes, cui promissa sunt cœlestia bona. Ideo, sicut Hierusalem est mater omnium, & metropolis eorum, qui in lege sunt sinaica, filij eius, ciues eius. Ita Hierusalem superna Mater omnium eorum, qui in lege sunt gratiæ cœlestis, filij eius, ciues eius. Hi enim sapiunt, quæ sursum sunt, non, quæ super terram. Qui spiritum habent pignus & promissionis arram, ac primitias futuræ hæreditatis, ciuitatis æternæ, & nouæ Hierusalem.

Lex literæ, est a monte Sina.

Lex spiritus de cælo.

Hierusalē inferna.

Hierusalē superna.

Sicut scriptum est, Lætare sterilis, quæ non paris, erumpe & clama, quæ non parturis. Quia multi filij desertæ, quam eius, quæ habet uirum.

ESa. 54. hæc scripta sunt, miracꝰ antithesi & antilogia sibi pugnant, sterilis & uidua gaudet multis filijs: Rursum, maritata & fecunda caret filijs. Quis intelliget hæc? allegoricus est, & in spiritu loquitur, sumpta ex carnali generatione Parabola, in qua filij generantur, seminante uiro ex muliere. Vir iste allegoricus, qui tum maritatus, tum uiduas, tum steriles, tum fecundas facit: Lex est, quod in græco (ut B. August. ait) aptius dicitur; ubi Nomos masculino genere dicitur, sicut & Thanatos, quem æque Apostolus genere masculino, nouissimum inimicum uocat. Lex (inquam) uir synagogæ, seu populi cuiusqꝰ extra gratiam Dei positi, generat quidem, sed cum suo dolore filios multos, omnes autem peccatores, ut qui sapientia legis, & iusticia operum legis freti, in lege glorientur, quod ex lege tales facti sint: & parenti suo, id est legi, tota facie uitæ similes, cum intus in spiritu sint longe diuersi, a legis forma: quandoquidem lege potius augeat peccatum (ut dixi) quæ peccatum ostendit, non aufert. Id quod Rom. 7. latius tractat. Cum essemus (inquit) in carne, passionibus peccatorum, quæ per legem erant, operabantur in membris nostris, ut fructificarent morti.

Lex, uir allegoricus.

Roma. 7.

Seminat itaqꝰ uir ille, in mulierem suam, id est, docet bona Synagogam: At illa, deserta spiritu gratiæ, non parit nisi peccatores, qui simulant legem, magis autem contra legem irritantur: sicut Iudæi contra Moysen in deserto, qui fuit figura legis & uiri huius. Soluitur ab hoc uiro Ecclesia, uel quilibet populus per gratiam; qua sic moritur legi, ut lege iam urgente ac exigente, non egeat, sed sponte ac libere omnia faciat, quæ legis sunt, ac si lex non esset: quia iusto lex non est posita. Ita fit, ut quæ legi subiecta erat, uelut uxor fecunda prole peccatrice, iam sit uidua, & sine lege, ac deserta sterilisqꝰ, sed bona & foelici, tum uiduitate, tum sterilitate, per hoc enim fit alterius uiri, scilicet gratiæ seu Christi. Nam legi gratia, Moysi Christus succedit. E quo uiro, alia fecunditate donata, dicit illud Isa. 49. Quis genuit mihi istos? ego sterilis, & non pariens, transmigrata & captiua, & istos quis enutrit? ego destituta & sola, & isti ubi hic erant? Hæc dicit Dominus Deus. Ecce lauabo manum meam ad gentes, & ad populos exaltabo signum meum, & afferent filios tuos in ulnis, & filias tuas super humerum portabunt. Hæc ideo, quia Ecclesiæ filij, non docente litera, sed tangente spiritu Dei, erudiuntur. Sicut Iohan. 6. dicit. Erunt omnes docibiles Dei. Vbi enim spiritus non tangit, docet quidem lex, & parit multitudo populi: sed non nisi peccato-

Legi gratia, Moysi Christus succedit.

Isa. 49.

Iohan. 6.

dd iij res, ut

COMMEN. D. M. L. IN EPISTOLAM

Boni fiunt sine lege & ipsi, Neutri uero boni. Boni fiunt sine lege, sola gratia Spiritus
res, ut dixi, solumq; opus hominis sibi agitur: tales faciunt, quales sunt & ipsi, Neutri uero boni. Boni fiunt sine lege, sola gratia Spiritus.

B. Aug. de filiabus Loth.
Hunc autem Pauli tropum allegoricum oportet habere familiarem, ne peregrina sensus raritas, nobis offundat caliginem uerborum Paulinorum. Nam & B. August. egregie concubitus filiarum Loth cum patre suo monstrat, hoc præsens negocium significare: Loth est ipse Nomos, lex scilicet, quem inebriant filiae suae, id est, abutuntur lege. Nec recte eam intelligunt Synagogae populorum, uino sensus sui eam inebriant: cogen-tes hoc legem esse & uideri, quod non est: Deinde, ex lege in hunc mo- dum inebriata inpregnantur, docentur, concipiunt, assentiunt, & pa-riunt Moabitas & Ammonitas, id est, homines superstitiosos, & sine gra-tia Spiritus, de legis opere præsumentes, qui usq; in æternum non ingre-diuntur in ecclesiam Dei. Vnde recte Moab ex parte Ammon, populus mœroris interpretatur, quod iusticiariorum & hypocritarum hæc una sit iactantia, se ex lege esse, secundum legem uiuere, Scripturas sibi solis ar-ro-gare, tanquam filij legis sint legitimi. Vnde & Moab apud Hiero. super-bus ualde esse dicitur. Interim tamen non aduertunt, quam iniquus sit eo-rum conscientia, & sint populus mœroris: cum sine gratia constabiliente in operibus legis, quieti esse nequeant, frustra portantes pondus diei & æstus.

Maiores filia.
Maiores sane filia, impudentior gloriatur se ex patre filium habere, Mo-ab (inquit) ex patre. Hæc est sensualitas & caro, in qua gloriantur iusti-ciarii, quod ex lege sint. Nam ad hominem fulgent opera legis & operato-res legis. Minor uero non gloriatur, sed infœlicem populum, suum filium appellat. Hæc est conscientia, quæ ex lege & operibus eius requiem non habet, sed magis inquietudinem & turbationem.

Minor. Conscientia ex lege & operibus eius caret requie. Sententia Apostoli.
Hæc satis. Dicit ergo Apostolus, matrem nostram habere multos fi-lios, & si sit deserta, sterilis, uidua, sine uiro, lege, sine filijs, ex lege do-ctis & factis: ideo hoc ipso lætandum ei est & erumpendum, & præ gau-dio clamandum, quod hoc modo sterilis sit, & nec pariat, nec parturiat, cum interim filij legis minuuntur, & filij gratiæ multiplicentur. Ad hanc rem pulcherrime ualet figura. 1. Reg. 1. de Anna & Phenenna: præsertim cum addito cantico Annæ, ut uideri possit Isaiam, ex eo loco suam pro-phetiam, quam Apostolus hic ponit, hausisse, præsentem & illuminante eum eodem Spiritu. Donec sterilis (inquit) peperit plurimos, & quæ mul-tos habebat filios, infirmata est. Quia non in fortitudine sua roboratur uir &c. 1. Reg. 1.

Nos autem fratres secundum Isaac, promissionis filij sumus.

Applicat allegoriam: nos secundum Isaac, id est, liberae & do-minæ filij sumus, sicut Isaac: & sicut ille filius non carnis, sed pro-missionis per carnem fuit: ita & nos, quia in semine Abraham promissi ei sumus, ut superius latius dictum est. Iudæi autem secundum Ismael, id est, ancillæ filij sunt, non promissionis, sed carnis filij: ita & omnes, qui ex lege operibusq; eius confidunt iustificari.

Sed quo modo tunc is, qui secundum carnem natus fuerat,
• persequabatur eum, qui secundum spiritum, ita & nunc.

Non

Non exprimit Gen. 21. quæ fuerit persecutio, qua Ismael persequeretur Isaac. Sed ex uerbis Saræ licet eam trahere, quæ cum uidisset filium Agar Aegyptiacæ ludentem, cum filio suo Isaac, dixit ad Abraham: Ecce ancillam hanc, & filium eius. Non enim erit hæres filius ancillæ, cum filio meo Isaac, ac si dicat, uideo eum uelle eo niti, ut sit hæres contempto filio meo, oblitus, quod sit filius ancillæ. Apparet autem hunc lusum fuisse talem, quod Ismael inflatus primogenitura, exultauerit, irriserit, & insultauerit Isaac, tanquam primus filius Abraham: quod Sara uidens, contrarium statuit. Non erit, inquam, hæres filius ancillæ, per Tapinosin, filium ancillæ appellans. Et hunc sensum textus hebræus iuuat, ubi habemus: Cumq[ue] uidisset Sara filium Agar Aegyptiæ, quem pepererat Abraham ridentem, seu ludentem (nam, cum filio suo Isaac, additum est in nostris) Q. d. hoc inflabatur, hoc ridebat, & gestiebat aduersus Isaac, quod Agar eum genuisset Abraham: ideo securus de hæreditate, fastidiebat Isaac uerum hæredem.

Lusus Ismaelis & Isaac.

Et in hoc consonat mysterium figuræ, quod Apostolus tractat. Sic enim & nunc Israel (inquit) quorum uesica hæc est, se solos esse semen Abraham, se solos hæredes promissionis. Veros autem filios Abraham, nemo atrocius persecutus est, quam illi ipsi, ut in Actis Apostolorum legimus. Nam ipsi sunt Ismael, qui Deum audiunt in Prophetis post se uenturum: & coram positum non agnoscunt, referentes in hoc, & nomen & sensum, & morem Ismael patris sui. Deniq[ue], uocabulum Ludentem, est idem, de quo nomen Isaac formatur, qui risus uel gaudium interpretatur, ut significet forte Ismaelem dicaculum fuisse, & nomen Isaac acuto scommate, in irrisionem illius uertisse: quasi uere ridiculum hæredem, & nihil hominem duxerit. Non enim frustra sic usurpat scriptura, uocabulum ludentem, seu ridentem: eoq[ue] tam sanctam mulierem fuisse commotam recenset. Apostolus autem hoc adducit, ut confortet Galatas, ne propter persecutionem istorum Ismaelitarum, desinant esse Isaaceni. Quia sic oportet fieri: futurum autem est, ut eiciantur, ut sequitur.

Mysterium figure Apostolus tractat.

Filii Ismael.

Sed quid dicit Scriptura? Ecce ancillam & filium eius, non enim erit hæres, filius ancillæ, cum filio meo Isaac.

Epitatice loquitur, & omnino contraria præsumptioni ancillæ, & filij eius. Ancilla est (inquit) & domina esse præsumit: filius ille ancillæ, & filium dominæ irridet, & ironijs illudit: sed absit, eiciantur potius. Quo iterum intelligitur, Agar ancillam consensisse, aut saltem indulsisse filio suo Ismael, ut Isaac irrideret, ut quæ idem sperabat, quod filius suus, se fore scilicet dominam. Nec dicit, Ecce filium tuum, sed filium eius: contendens, Ismael, nec Abraham filium esse, sed ancillæ. Ita & nunc (inquit) fiet. Non sunt hæredes filij carnis, sed filij promissionis. Proinde, si non uultis eici cum filio ancillæ, filij liberæ perseuerate: Scriptura non mentietur, quæ filium ancillæ, etiam inuito Abraham, tamen autoritate quoq[ue] Dei, eiciendum pronunciat.

Epitatice loquitur.

Itaq[ue] fratres non sumus ancillæ filij, sed Liberæ.

Applicat historiam & allegoriam, & summam absoluit breui conclusionem, quæ iam ex dictis abunde intelligitur. Esse enim filium ancillæ

d d iij

ancillæ

COMMENDATIO IN EPISTOLAM

ancillæ, est seruire legi, debere legi, esse reum legis faciendæ, peccato-
rem, filium iræ, filium mortis, alienum a Christo, excisum a gratia, ex-
ortem hæreditatis futuræ, uacuum benedictione promissionis, esse filium
carnis, esse hypocritam, esse mercenarium, uiuere spiritu seruitutis in ti-
more, & siqua alia recensuit hic & alibi. Sunt enim infinita huius mali no-
mina. Et quamuis noster translator in fine huius capituli adiunxerit, qua
libertate nos Christus liberauit, tamen nos cum græcis hoc exordio Capi-
tulum quintum tractemus.

CAPITVLVM V.

Qua igitur libertate, nos Christus liberauit, state,
& nolite iugo iterum seruitutis contineri.

Vsque ad nauseam inculco, libertatem & seruitutem esse eas, de
quibus Rom. 6. dicit. Cum enim serui essetis peccati, liberi fuistis Rom. 6.
iusticiæ. Liberati autem a peccato, serui facti estis Deo. Constituamus
autem ordine & figurâ.

Libertas iusticiæ }
Seruitus iustitiæ }

} Seruitus peccati
} Libertas peccati

Qui enim liber est a peccato, seruus factus est iusticiæ, Qui uero ser-
uus est peccati, liber est a iusticia, & e diuerso. Hæc omnia repeto, sciens,
quod multitudinæ locustarum & bruchorum, eo peruenerint terræ nostræ
fruges, ut seruitus & libertas ista, passim non intelligatur: adeo in hæsit
atq; penitus insedit humanum commentum, de libero arbitrio, in utrunq;
contrariorum aut contradictoriorum. Quin & carnaliter quoq; de libertate
sapiunt: quibus & Apostolus eodem Rom. 6. coactus est occurrere, quasi
in Christo licitum sit quodlibet fieri. Cum hæc sit libertas ea, qua facimus
sponte & hilariter sine pœnarum, aut mercedum respectu, quæ in lege di-
cta sunt.

Libertas.

Seruitus.

Christus nos libe-
ros fecit.

Libertas humana,
& Christiana pu-
gnant.

Seruitus autem, qua timore serui, aut amore puerili facimus. Non igitur
refert, nec differunt, Seruus peccati, & Seruus legis. Quod is, qui Ser-
uus legis est, semper peccator sit, nunquam implens legem, nisi in speciem
operum, cui detur merces temporalis, sicut filijs ancillarum & concubina-
rum. Hæreditas autem filio liberæ. Christus (inquit) nos liberos fecit,
hac libertate. Spiritus est libertas, in spiritu seruanda, non gentilis il-
la, quam nec gentilis Persius satis esse nouit, libertas est a lege, sed con-
trario modo, quam in hominibus fieri soleat. Libertas enim humana est,
quando non mutatis hominibus, leges mutantur. At Christiana libertas
est, quando non mutata lege, mutantur homines, ut lex eadem, quæ prius
libero arbitrio odiosa fuit, iam diffusa per Spiritum sanctum charitate in
cordibus nostris, iucunda fiat. Hac libertate fortiter & pertinaciter stan-
dum docet, quia Christus pro nobis legem adimplens, & peccatum exupe-
rans spiritum charitatis, in corda eorum, qui credunt in eum mittit, quo ef-
ficiuntur iusti & legis amatores, non suis operibus, sed gratuita Christi lar-
gitione. A qua, si recedas, & ingratus es Christo, & superbus in teipso,
uolens teipsum sine Christo iustificare, & a lege liberare.

Nota pondus uer-
borum.

Nota pondus uerborum, nolite iterum, nolite seruitute, nolite iugo serui-
tutis, no-

tutis, nolite contineri, seu ut græce significantius dicitur, mi enechesthe, fere quod supra dixit, uelut conclusi in carcere, hoc est, ne sub grauissimo & importabili onere legis, in qua tamen non nisi seruos esse liceat & peccatores, concludamini, possideamini, ut Erasmus, illaqueamini, implicemini. Minus est teneri: sed in seruitute teneri durum est: durissimum, iugo seruitutis, præsertim post acceptam libertatem. State dicit, præsumens maiora de eis, quam inueniat, scilicet nondum cecidisse eos: alioquin dixisset, surgite: nunc blandius, state, inquit, ut simul erudiat, neminem oportere statim cum desperatione reparandi corripere, imo cum magno spei bonæ argumento. Quod non faciunt fulminatores nostri seculi, quibus satis est, suæ potestatis libidinem fecisse terribilem.

Blande corripere.

Ecce ego Paulus dico uobis, Quoniam, si circumcidamini, Christus uobis nihil proderit.

Postquam Apostolus multis & fortissimis argumentis, legis iusticiam conuulsit, rationemque de fide in Christum copiosissime reddidit: Nunc non minore impetu exhortatur, deterret, minatur, promittit, rigans quæ iam plantauerat: & omnia plane Apostolico ardore & zelo, tentat & temperat, ut sit iucundissimum uidere, tantum speculum Apostolicæ sollicitudinis. Primum terret, Christum non prodesse, si circumcidantur, & hoc ego Paulus (inquit) denuncio uobis, repetens nomen suum in pondus autoritatis. Iterum hic & ego repeto, Circumcidi non esse malum, sed iusticiam (in hoc enim circumcidebantur) in circumcisione quærere, impietas est. Atque in operibus ceremonialibus facilius est cognoscere, falsam iusticiæ fiduciam, quam in operibus moralibus Decalogi. Quia neque in his quærenda est iusticia, sed in Christi fide, quod dico, ne hinc aliquis existimet Apostolum, solum contra ceremonialia legis pugnare, sed manifestissimum opus legis assumpsit, simul omnia opera legis intelligens.

Ceremonie nō sunt male, sed in eis fide.

Contrarium huic uidetur Rom. 2. Circumcisio quidem prodest, si legem obserues. Quomodo (inquit Hiero.) circumcisio prodest, si legem serues, quando nec Christus prodest circumcisis? Multa hic congerit idem S. uir. Verum breuiter, impossibile est, legem impleri sine Christo, ut iam sæpius dictum est: hoc enim pro constanti hypothese Apostolus habet, & satis probauit. Seruantibus autem legem (id est, Christum legis consummatorem, per fidem habentibus) liberum est circumcidi & non circumcidi, omnia eis prosunt, omnia cooperantur in bonum, sed qui circumciduntur seruiliter, & timore legis, quod inde legi satisfacere, & necessaria iusticia iustificari uolunt: utique Christum & gratiam Dei abijciunt, alia uia legem implere quam per Christum præsumentes, ita Christus eis, propter circumcisionem nihil prodest, cum illis circumcisio propter Christum nihil noceat.

Lex impleri nequit sine Christo.

Eadem stulticia, imo impietate pereunt, qui uel tremore conscientia, uel periculo instantis mortis, cum uitam suam pessimam tandem aliquando senserint, uidentes, quanto interuallo a lege Dei distent, aut desperant, aut æquali impietate irruunt, uolentes satisfacere pro peccatis, & deinceps legem seruare pro serenanda conscientia sua, arbitantes se bonos futuros, si quod lex præscribit, impleuerint. Porro implere nō intelligunt, credere purissimum in Christum legis impletozem sed operibus multiplicatis legi satisfecisse. Has impias iusticias, ex decretis hominum, & monstrosa Theologia, cuius caput est Aristoteles, & pedes Christus, cum sola regnent, discimus. Sic enim satisfactiunculas iactitant, eademque mirum

COMMENTARIUM IN EPISTOLAM

mirum est quanti faciunt per nundinas indulgentiarum, quasi parum sit in Christum credere, in qua fide sola est iusticia, redemptio, satisfactio, uita & gloria nostra. Tu ergo, cum lege duce, in peccatorum tuorum ueneris cognitionem, caue, ne primum praeumas deinceps legisatisfacere, melius uicturus, sed desperans de uita tua praeterita & futura prorsus, in Christum crede fortiter. Credens autem & sic iustificatus ac legem implens, inuoca eundem, ut & in carne tua peccatum destruat, & ibi etiam lex impleatur, sicuti iam in corde tuo per fidem impleta est, Et tum primum opera bona iuxta legem facias.

Desperandum docet.

Proinde, placet iste modus, quod morituris, non nisi Christus crucifixus inculcatur, & ad fidem ac spem hortantur. Hic saltem (quantumlibet totam nostram uitam illuserint mentium deceptores) ruit liberum arbitrium, ruunt bona opera, ruit legis iusticia, reliqua sola fide, & inuocatione purissimae Dei misericordiae: ita ut mihi saepe fuerit opinio, in morte, aut plures aut meliores esse Christianos, quam in uita. Nam quanto purior ab operibus proprijs fiducia, & abiolutior in solum Christum, tanto meliorem reddit Christianum. Et in hanc fidem opera bona totius uitae exerceri debent.

Christum morituris inculcandum.

Christiani in morte.

At nunc nebulis & nubibus & turbinibus traditionum legumque humanarum, deinde indoctorum Scripturae interpretum & concionatorum, in merita nostra trudemur, ex nobis satisfacimus peccatis, & non ad purganda uitia carnis, destruendumque corpus peccati, opera nostra dirigimus, sed uelut iam puri & sancti, tantum cumulamur ea, uelut frumentum in horreum, quibus Deum debitorem faciamus, & in caelo, nescio quanta altitudine sedeamus. Caeci, caeci, caeci, his omnibus Christus nihil prodest, alio consilio iustificant seipsos.

Merita cumulare uolentes.

Consequens autem est, hoc uerbum Circumcidamini, non tam opus externum, quam internum uotum operis exprimere: in Spiritu enim loquitur Apostolus de interiore conscientia. Externum opus indifferens est. Tota autem differentia, in opinione, mente, conscientia, consilio, dicta mine &c. consistit. Quare si opera legis fiant, conscientia necessitatis, & fiducia iusticiae adipiscenda, abitur in consilio impiorum, statur in uia peccatorum, & qui hoc docet, sedet in cathedra pestilentiae. Si autem fiant pietate charitatis, & fiducia, ac libertate: iam per fidem adeptae iusticiae, merita sunt. Fiunt autem pietate charitatis, quando ad necessitatem uel uoluntatem alterius fiunt. Tunc enim non sunt opera legis, sed opera charitatis, nec propter legem imperantem, sed propter fratrem uolentem, uel indigentem, sicut Apostolus ipse eadem fecit.

Elegans & uera sententia.

Hac tibi stet sententia firmiter in omnibus operibus, quarumcunque legum. Nam ita sacerdos ac religiosus, si opera suarum ceremoniarum, imo castitatis & paupertatis fecerit, quod in illis iustificari, & bonus fieri uelit, impius est, & Christum negat. Cum illis iam iustificatus fide, uti debeat ad purgandam carnem, & ueterem hominem, ut fides in Christo crescat, & sola in ipso regnet, & sic fiat regnum Dei. Ideo hilariter ea faciet, non, ut multa mereatur, sed ut purificetur. At huius, quantus nunc in gregibus istis morbus est, qui & summo taedio, nec nisi pro hac uita, religiosi & sacerdotes sunt, ne pilum quidem uidentes, quid sint, quid faciant, quid quærant.

Ad lectorem candidum.

Ignosce lector mihi uerbosissimo. Madian iste super Ecclesiam sic multiplicatus est, ut sexcentis Gedeonibus opus sit, nedum trecentis tubis & laenis, quibus exturbentur. Aquae Assyriorum fortes, usque ad collum Iuda peruenerunt, impleuitque extensio alarum eius, latitudinem terrae tuae o Emanuel, quia aquas Siloe, quae uadunt cum silentio, proiecimus. Itaque meruimus ligantibus clauibus, non nisi innumerabiles laqueos animarum.

Testificor

Testificor autem rursus omni homini circumcidenti se, quoniam debitor est uniuersae legis faciendae.

Primum malum, quod uos terrere debeat, est, quod Christus uobis nihil prodest, hoc est, nihil aliud, quam legem non esse a uobis impletam: ideo alterum malum est, quod adhuc legis pondus super uos est, & debitores estis totius legis faciendae. Vtrumque certissime maximum damnum, carere tanto bono, quod in Christo est, & premi tanto malo, quod ex lege est. Sed, qua quaeso, Paule, Dialectica stabit, imo curret ista consequentia: Circumcideris, ergo totius legis reus es? Nonne saltem circumcisionis legem seruat circumcisi? Respondet Hieronimus. 9. Omnes gentes habent praeputium, omnis autem domus Israel incircumcisi sunt corde.

Obiectio.

Responsio.

Iterum Apostolus ex hypothese sua loquitur, quod nullius legis opus sit uerum, nisi in fide cor purificante fiat: ideo neque circumcisio, aut quodcunque aliud satisfacit legi, nisi foris & simulanter. Hoc enim opus solum bonum est, quod ex bono puroque corde procedit. Bonum autem cor, non nisi ex gratia nascitur: gratia non ex operibus, sed ex fide Christi uenit. Sic circumcisio Abraham prorsus nihil fuisset, nisi prius credidisset, qua fide iustus reputatus, fecit bonum opus circumcidendo se, hoc est, quod Rom. 2. dicit. Si praeuaricator legis sis, circumcisio tua praeputium factum est: Quid hoc est aliud, quam circumcisi non est circumcisi? & seruans legem non seruat legem? quia non seruat eam maiore & meliore sui parte, scilicet corde, sed carne duntaxat.

Opus bonum est, quod ex bono puroque corde procedit.

Sic Iacobus, qui offendit in uno, factus est omnium reus. Nam, qui fide unum implet, omnia implet. Fides enim plenitudo omnium legum est, propter Christum impletoem. Quod si in uno, fide careas, iam in nullo eam habes. Recte ergo dicit, qui se circumcidit sine fide, sine interna circumcisione, non se circumcidit, sed nec ullum opus ullius legis facit, uniuersae autem legi adhuc debet. D. Hieronimus. intelligit, si circumcendantur, necesse esse, ut & reliquam uniuersam legem seruent, quasi Galatae tantum circumcisionem seruauerint. Quae sententia mihi non placet, quia totam legem Mosi imposuerant Galatis Pseudoapostoli, ut supra dixi: dies, menses, annos, & tempora seruatis: ideo potius uult ostendere, longe contrarium eis euenisse per obseruantiam legis, scilicet nullam obseruantiam, imo ueram ac maiorem transgressionem.

Fides est plenitudo omnium legum.

Consilium Apostoli.

Euacuati estis a Christo, qui in lege iustificamini, a gratia excidistis.

Ecce, quod dixi, non circumcisionis opus, sed fiducia iusticiae ab Apostolo damnatur. Qui in lege (inquit) iustificamini, uitium impietatis est, quod iustificari uultis operibus legis: fieri opera legis bene possunt a iustis, sed iustificari in illis nullus impius potest. Deinde & iustus, si illis iustificari praesumat, amittit potius quam habet iusticiam: & excidit a gratia, qua iustificatus erat, translatus uidelicet: e bona terra in sterilem. Iterum hic alludere uidetur occulte ad nomen Galatarum, quod translationem significat, quod e gratia in legem exciderint. Vides ergo, quam constanter Apostolus, sola fide nos iustificari contendat, & opera non esse iusticiae parandae principia, sed iam partae officia, & augendae ministeria.

Ceremoniae sunt a iustis, sed non iustificantes.

Taxat

COMMENTARIUM IN EPISTOLAM

Taxat D. Hiero. interpretem in uerbo, Euacuati estis, quod significet magis, ab opere Christi cessastis. Et mire placet huius uerbi Emphasis, uult dicere, ociosi, inanes, uacui estis opere Christi, Et Christi opus non est in uobis, siquidem (ut supra dictum est) Christianus non uiuit, non loquitur, non operatur, non patitur, sed Christus in eo. Omnia opera eius, sunt opera Christi, tam inestimabilis est gratia fidei. Qui ergo in legem transfertur, iam ipse in se uiuit ipso, suum opus, suam uitam, suum uerbum exercet, id est, peccat & legem non implet, ociosus est Christo, Christus non habitat in eo, nec utitur eo, agitque pessimum & infelix quoddam sabbatum ab operibus Domini, cum contra, sabbatiffare deberet ab operibus suis uacare, & ociosus esse, ut opera Domini in eo fierent, quod per sabbatum olim figuratum docet B. August. Igitur, qui credit in Christum, euacuatur a seipso, fit ociosus ab operibus suis, ut uiuat & operetur in eo Christus. Qui lege quaerit iustificari, euacuatur a Christo, fit ociosus ab operibus Dei, ut uiuat & operetur in seipso, hoc est, pereat & perdat.

Nos enim, spiritu ex fide, spem iusticiae expectamus.

Fides facit spirituales, opera carnales.

Spiritu ex fide, hebraice dici uidetur, pro eo, quod est, nos spiritu, qui ex fide est, seu quia credimus: Ideo non carnaliter, sed spiritualiter expectamus spem iusticiae. Illi uero, qui non credunt, uacui spiritu sunt: ideo ex operibus carnaliter expectant spem iusticiae suae. Fides facit spirituales, opera carnales. Dixi & ante, non posse hominem citra gratiam legem operari, nisi uel timore poenae, uel spe promissi, utrumque autem carnaliter & mercenarie agitur, quare non spiritu expectatur ibi spes, sed carne appetitur res, qua fruuntur. Non enim amore iusticiae, sed commodo praemij, faciunt bene.

Uiuo uitam.

Spero spem.

Tropus Scripturae.

Quid illud, spem iusticiae expectamus? Quis spem expectat? Alii qui, spem pro re sperata accipiunt, sicut lib. 3. Sen. fidem pro re credita, seu uerbis fidei accipi dicitur apud Athanasium, Hec est fides catholica &c. Verum, ego non libenter fidem & spem sic accipi audio. Sicut enim recte dicitur, uiuo uitam, ita non absurde, spero spem, dici posse uidetur, tamen interim non contendam. Sequatur quisque quod poterit aut uolet: Ego scio, quod Tropus Scripturae ferme habet, ut illud fidei & spei tribuat, quod fide & spe attingitur. Sic enim Dij uocantur, uocantur ueraces, iusti, sancti, quae solius Dei sunt, cuius participatione & adhaesione, tales sunt, ita spes, quia futuris inharet, eorum adhaesione, speratio seu res sperata uocatur, non (ut illi putant) nudo arbitrio abutendae uocis, sed iustissima ratione, quo modo seorsum quoque citra adhaesione diuinae iusticiae, iustos aliquos somniant. Cum fides ideo sit iusticia Dei, quia diuinae iusticiae & ueritati adharet & consentit, quod gratiae est, non naturae.

Nam in Christo Ihesu, neque circumcisio aliquid ualet, neque praeputium, sed fides, quae per dilectionem operatur.

Circumcisio licita,

contra D. Hiero.

Praeputium licitum.

Hic manifestissime probatur, Circumcisionem esse licitam, quod tanto strepitu D. Hiero. cum suis impugnat. Quia, si non est licita, praeputium erit necessarium. At praeputium (inquit) non ualet, ergo non est necessarium. Rursum, & praeputium est licitum, quia, si non est licitum, circumcisio est necessaria. At circumcisio nihil ualet, ergo non est necessaria. Quid ergo restat, nisi quod B. Aug. recte hic dicit. Nec enim Timotheo non profuit Christus, quia Paulus eum iam Christianum circumcidit, fecit

fecit enim hoc propter scandalum aliorum, nihil simulans omnino, sed ex indifferentia illa, circumcisio nihil est, & præputium nihil est (1. Corin. 7.) Nihil obest enim circumcisio ei, qui salutem in illa esse non credit.

Ad hanc indifferentiam commendandam, prudentissime Paulus utrumque posuit, quia si dixisset, Circumcisio nihil prodest, iam uidebatur necessarium præputium. Rursum, si dixisset, præputium nihil ualet, iam circumcisio uideretur necessaria. Nunc uero sola opinio, fiducia, & conscientia, inter hæc discernit, quæ utraq; sunt licita, indifferentia, neutra, sicut omnia alia opera legis. Sic. 1. Corin. 7. Circumcisos aliquis uocatus est, non adducat præputium, in præputio aliquis uocatus est, non circumcidatur. Circumcisio nihil est, & præputium nihil est, sed observatio mandatorum Dei. Quid hoc est? Non est observare Dei mandatum circumcidi? Nonne per Moysen & Abraham illud præcepit?

Opera legis neutra

Dixi supra, quod circumcisi carne, sine circumcissione cordis, coram Deo incircumcisi sint. Quanquam uerum est, quod ceremonialia legis usque ad Christum, necessario fuerunt Iudæis seruanda. Usque ad Christum enim Abrahamæ promissio, & Moysi lex durabat, ut Deut. 18. Moyses clare dicit, quod Prophetam, quem suscitaturus erat Deus, audirent, sicut ipsum Moysen. Non ergo uoluit Moyses audiri, ultra hunc Prophetam, qui Christus est, sicut Apostolus Petrus eundem locum Act. 3. contra Iudæos adducit. Et cum Abrahamæ circumcissionem mandauit, utique usque ad benedictionis promissæ exhibitionem uoluit eam durare. Veniente enim Semine, cui promissio facta fuit, certe simul finita est promissio, & pactum promissionis cum signaculo suo. Post Christum igitur Circumcisio nihil est, neutra tamen & licita, sicut quæcunque alia de diebus, cibis, uestibus, locis, hostijs &c. quanquam nec ante Christum, aliquid erant, quando sine interiore iusticia fiebant, ut Isa. 1. dicit. Quo mihi multitudinem uictimarum uestiarum? Et Micheas. 6. Quid dignum offeram Domino? &c. Sic Heb. 9. dicit, illa omnia ad tempus correctionis imposita. Sed & opera Decalogi extra gratiam, erant & sunt finienda, ut succedant uera opera illius in Spiritu.

Opera Decalogi in Spiritu.

Hæc dixi, ne quis me putet circumcissionem, etiam ante Christum, asserere neutram fuisse & indifferentem, aut Iudæis præputium licitum. Iob enim & multi alij orientales, Naaman Syrus, Sareptanæ mulieris filius, Rex Nabodonosor conuersus, iusti erant, & tamen incircumcisi, quia lege Moysi non tenebantur, nisi Iudæi, qui illam acceperant. Illud, quod ait, fides, quæ per dilectionem operatur, declaratio est sermonum illius luminans, & intellectum dans paruulis, ut intelligamus, de qua fide toties loquatur. Nempe, de uera & sincera, atque ut ad Timoth. primo dicit, Conscientia bona, & fide non ficta. Ficta uero est, quam Theologi nostri acquisitam uocant, tum, quæ & si infusa est, sine charitate est.

Fides uera.

In fidem Theologorum fidem, quam acquisitam uocant.

Neque hic tracto friuolas quæstiones, & rancidas opiniones eorum, qui bus statuunt fidei infusæ, necessariam fidem acquisitam, quasi Spiritus sanctus nostri egeat, & non potius nos illius, in omnibus. Nam, quod somniant, si puer recens baptisatus, inter Turcas & infideles, sine Christiano doctore aleretur, non possit scire, quæ sint Christiano homini scienda, nugæ sunt, quasi non quotidie ad sensum experiantur, quid prosit Christiana doctrina ipsi, qui non trahuntur intus a Deo. Rursum, quanta fiant per eos, qui foris non docentur, tot & tanta, quanta Theologi docent & docentur. Viua, imo uita & res est, si Spiritus doceat, scit, loquitur, operatur, omnia in omnibus, quem Deus docuerit. Non secus certe, quam dum

et creat

COMMENTARIUM DOMINI L. IN EPISTOLAM

creat hominem e nouo. Quis enim rude Semen uiri docet, uiuere, uidere, sentire, loqui, operari, & totum mundum in omnibus operibus suis uigere? Ridicula sunt illa commenta, & de Deo nimis stulte cogitantia.

Qui uerbum Christi sinceriter audit, fideliter adheret, spiritus quoque charitatis induitur. Igitur qui uerbum Christi sinceriter audit, & fideliter adheret, mox quoque Spiritu charitatis induitur, ut supra dixit. Ex auditu fidei, an ex operibus Spiritum accepistis? Neque enim fieri potest, si Christum sincere audias, non etiam mox eum diligas, ut qui tanta pro te fecerit, ac tulerit. Si diligere potes eum, qui te 20. florenis donat, aut honorat officio quo cunque, quo modo non diliges eum, qui non aurum, sed seipsum pro te tradit, tot uulnera pro te accipit, sanguinem sudat & fundit, moritur, & omnia extrema subit? Sin autem non diligis, certum est, quod hæc nec sincere audis nec pure credis pro te facta esse: hoc enim Spiritus facit, ut facias. Reliqua autem fides, quæ miracula facit, donum est Dei liberale, in ingratos dispersum, qui in suam gloriam operantur, quæ operantur. De quibus. 1. Corin. 13. dicit: Si habuero omnem fidem &c. Elegantissime 1. Cor. 13. ergo & significantissime dicit, fides, quæ charitate operatur, id est, (ut Erasmus ex græco docet) efficax est, non quæ per acquisitionem sui stertit, nec quæ per miracula potens est, sed quæ per charitatem efficax est, quomodo superius dixit: Qui operatus est Petro, operatus est & mihi inter gentes energiam enim sonat.

Currebatis bene.

Tropus scripturae. **T**ropus scripturae est, ire, ambulare, ingredi, uia, iter, gressus, uestigia & similia, pro conuersari, imo, & pro credere & diligere accipi. Nam Deo non appropinquatur (ut August. ait) loco, sed affectu & amore, quod est, cordis & animi ambulare. Vnde & conuersationem nostram in cœlis esse dicit, dum sapimus ea, quæ sursum sunt, ubi Christus est. Hæc, quanquam uulgatissima & frequentissima sunt in Scripturis, opus tamen est ea commemorare: quod nunc passim uulgatissimus error dominetur, quo, pro religione contra religionem cursitant Romam, Hierusalem, ad S. Iacobum, & mille alia loca, quasi regnum Dei non sit intra ipsos. Ad quam impietatem non segniter patrocinantur magnificæ & immodestæ ostentationes indulgentiarum. Quibus uulgi indoctum (quia nescit distinguere) illudum, has discursitationes longe præfert exercitijs charitatis, qua sola ad Deum curritur, quam & in locis suis abunde possent exercere. Sed lucrum excæcat pastores, quo minus huic errori uulgato occurrent.

Apostolus uero non dicit, ambulabatis, sed currebatis, quo eximie eos commendat, & paterne eis blanditur. Nam cursus perfectiorum est, sicut Psal. 19. Exultauit ut gygas ad currendam uiam. Et ad Corinthios, sic currete, ut comprehendatis. Rursum, de ijs, qui perfecti sunt, & obstinati in malo. dicit Prouerb. 1. Pedes eorum ad malum currunt & festinant, ut effundant sanguinem. Et idem repetit Isa. 59. Quare currere in Christo, est festinare, ardere, perfectum esse, in fide & charitate Christi.

Quis uos impediuit ueritati non obedire?

Explicatio apostoli. **Q**uis impediuit uos in cursu bono, & adeo impediuit, ut ueritati non crederetis? quasi dicat, nullius astus, nullius autoritas, nullius quantalibet persona, seu species uos debuit mouere. Stertentes & uix reptantes in Christo (hoc est infirmiores) queat aliquis fallere, impedire, seducere

seducere : at currentes , ardentes , & plane eos , qui me sicut Christum exceperunt , qui oculos suos eruerunt , qui omnia pericula rerum & uitæ , pro me obiuerunt , tam cito , non modo impediri , sed eo etiam transferri , ut ueritati non credant , quis non miretur ? Vere Galatæ , & nimium transferibiles estis , a tanta perfectionis sublimitate , in tantam contrariæ superstitionis profunditatem tam cito deiecti. Simul recordare , quid sit humana natura , quid liberum arbitrium , si Deus manum subtrahat. Deinde , quid facturi sint populi , bonis pastorum officijs carentes , quando Galatæ tantum in Christo , tam cito , absente Paulo , tam grauiter lapsi sunt.

Eant nunc , qui multorum locorum pastores , imo multorum pastorum pastores esse uolunt , & de potestate sua gloriantur pasturam interim , nec sibijs prouidentes. Siquidem hodie corruptissimæ affectiones , id quod Christus ad Petrum dixit , PASCE OUES MEAS , sic interpretantur : Esto super oues prælatus , & dominare earum , & hoc solum est hodie pascere oues Christi , etiamsi Euangelij (quod solum pascua est ouium) nec uiderint syllabam. Deinde illud , TU ES PETRVS , ET SUPER HANC PETRAM AEDIFICABO ECCLESIAM MEAM , ijdem interpretantur sic : Supra petram , id est , super potestatem Ecclesiæ , quando Christus fidei soliditatem in Spiritu significauit , facientes nobis ex fide Christi spiritualissima , potentiam terrenissimam. Proinde nobis non opus est dicere : Quis uos impediuit non obedire ueritati ? Sed quare uos nemo impedit obedire mendacijs , in quibus pessime curritis ? Quid enim aliud faceremus , quando pastores non quo curramus , sed , quantum ipsi dominantur , spectant ?

Tu es Petrus.

Contra dominantes pastores.

Nemini consenseritis.

Hieronimus hanc particulam penitus reijciendam arbitratur , quod in græcis libris non inueniatur , nec in ullis eorum , qui in Apostolum commentati sunt , quare & nos eam prætereamus.

Hæc persuasio non est ex eo , qui uocat uos.

D Hiero. legit persuasio uestra , & multa de libero arbitrio disputat , quæ prudenter intelligenda sunt , præsertim , cum aliorum recitet sententias , id est , commentaria scribat. Mihi Brasmi sententia placet , qui dicit , nec uestra , nec est , nec hæc in græco haberi , & responsionem esse , ad quæstionem præcedentem , hoc modo : Quis uos impediuit non obedire ueritati ? Certe , non nisi persuasio , quæ non est ex Deo , qui uocat uos.

PERSVASIO autem , utroque modo accipi potest , actiue & passiue , nisi quod uehementius obiurgat , & magis præcedenti quæstioni quædrat , si passiuè accipiat , ut sit sensus : Impediti estis , quia nimis cito persuasi estis. Galatæ estis , cito transferimini ab eo , qui uocat uos , ut supra dixi. Debuerant tam perfecti , non tam cito persuaderi , quantumlibet suafores urgerent. Interim nota , quod fidem magis persuasionem uocat , quia res est , quam nisi suadenti credas , demonstrari non possit. Non enim Sophistarum pugnas fides patitur.

Persuasio.
Fides.

Modicum fermentum , totam massam corrumpit.

cc ij

Male

COMMENTARIUM IN EPISTOLAM

MAle in nostris codicibus habetur: Modicum fermentum totam massam corrumpit: Et sensum potius interpretor suum, quam uerba Apostoli transtulit. Hæc D. Hieronymus sic autem transfert, Modicum fermentum, totam consersionem fermentat. Eandem sententiam, imo eadem uerba 1. Corin. 5. ponit: Nescitis quod modicum fermentum totam massam corrumpit? Videturque Apostoli familiare quoddam pro- uerbiū esse, sane pulcherrimum, & multæ emphasis. Apostolus autem 1. Corinth. 5. manifeste indicat, duplex esse fermentum, quando dicit. Expurgate fermentum uetus. Et iterum: Non in fermento ueteri. Est ergo & nouum fermentum.

Vetus.

Vetus, est pestilens Doctor, pestilens doctrina, pestilens exemplum. De primo & secundo loquitur hic Apostolus. De tertio. 1. Corinth. 5. ubi fornicarium iubet auferri de medio tanquam fermentum uetus, ut sitis (inquit) noua consersio. Item Matth. 16. & Lucæ. 12. Attendite a fermento Phariseorum, quod est hypocrisis, quod infra Euangelistæ ipsi exponunt, de doctrina Phariseorum. Massa seu consersio, populus, discipulus, uel pia doctrina puræ fidei. Sicut autem fermentum simile est consersioni, ita peruersa doctrina semper induit speciem ueritatis, nec nisi sapore, id est, discretionē spirituum discernitur.

*Nouum.
Massa.*

Mulier.

Fermentum nouum, Christus est, uerbum Christi, opus Christi, ac omnis Christiani, id est, doctor, doctrina, exemplum. Massa autem populus, sapientia carnis, uetus homo, uita mundi &c. Vnde Matth. 16. Simile est regnum cælorum fermento, quod acceptum mulier abscondit in farinæ satis tribus, donec fermentaretur totum. Mulier Ecclesia uel sapientia Dei fermentum accipit (id est, uerbum Euangelij) & abscondit, quia uerbum fidei in interiore conscientia uiget, non in operibus exterioris legis, ut dictum est. In corde meo (inquit) abscondi eloquia tua. Iustificat enim in spiritu coram Deo in tribus satis farinæ, in certo numero & mensura electorum suorum.

Satum.

Est enim, teste Hierony. satum hebraice, more palestinae provinciae, mensuræ genus, unum & dimidium modium capiens. (Et tantum ferme solent mulierculæ pro fermentanda farina accipere) Sata ergo tria, quocumque quis interpretetur mysterio, permittendum est: modo certum numerum, & modum populi intelligat, uel sanctæ Trinitatis electione, uel aliter. Donec fermentaretur totum, hoc est, quod supra dixi, fides, qua iustificamur in Spiritu, & uelut absconsio fermenti, & uerbi Dei cum anima nostra, quædam temperatura id facit, ut carnem castiget, peccatum destruat, fermentum uetus expurget, ut sola ipsa in omnibus membris regnet, & totum fermentet.

*Oportet allegorijs
S. scripture assue-
fieri.*

Fermentum.

Cum igitur in Scripturis nos uocemur, unus panis, unus potus, & doctrina: similiter panis & potus, oportet allegorijs istis assuefieri, & temperaturas & mutaturas farinæ ac fermenti, doctrinarum & populorum mutationes in animabus intelligere. Quanquam igitur, de doctrina mala Apostolus hoc loco dicat, tamen, quia generali utitur sententia, debet etiam intelligi de qualibet mala concupiscentia, qua cum cœperimus titillari, mox hoc uerbo retundenda est: fermentum modicum corrumpit totam massam, quia, nisi in principio resistas, inualecet, & totum corpus & animam polluet, consensu aut delectatione. Si autem fermentum est lex illa Moysi, ut Apostolus sentit, quæ nihil uitiosum sapuit: quid nostræ traditiones erunt, quæ tam graue olent, & crasse spirant carnem & sanguinem.

Ego con

Ego confido in uobis , in Domino , quod nihil aliud sapietis.

PUlchre temperat uerbum , ne in hominem confidere putaretur. Confido in uos , non autem in uos , sed in Domino. Et quanquam sensus idem sit : Confido de uobis in Domino , nescio tamen , quid latentis mihi magis arrideat energiae , cum uelut hebraissans , Confido in uos in Domino , dicit. Videtur enim & hæc esse blanda quædam paternæ curæ adulatio , quod in illos confidat , sed non nisi in Domino. Iam hoc uerbum , *Sapietis* , quod tam frequens est in nouo testamento , aliquando sapientia , prudentia dicitur , ut Rom. 8. Prudentia carnis , mors est : tandē familiare nobis esse debet. Nam res illa , quæ uocatur animi nisus , conatus , intentio , uideri , sensus , sentimentum , opinio , sententia , propositum , institutum , consilium , cogitatio , mens &c. hoc uerbo græco exprimitur , *Phronema* , *phronesis*. Inde Psalm. 1. Beatus uir , qui non abiit in consilio impiorum. Quod germanice , *Gutduncken* uocatur , quando dicimus , *es dunckt mich so recht*. Nihil aliud , non potest referri ad proxime præcedens , sed ad totius Epistolæ argumentum & summam , ut sit sensus : Didicistis ex me Euangelium , spero , nihil nouum , nihil aliud sapietis , non mutabitis , iterum blandiens , & pie præsumens , cum iam aliud sapere cœpissent , seu aliud uideri illis cœpisset.

Qui autem conturbat uos , portabit iudicium , quicumque est ille.

Conturbat , id est , de uera fide doctrinis suis deijcit , ac deturbat a statu , in quo stabatis. Sed nunquid excusabit illum pius zelus & bona (ut dicunt) intentio : aut ignorantia , aut quod Apostolorum discipulus est , & magnus ? Non (inquit) quicumq; , quantuscunq; sit , non leue peccatum fecit , iudicium suum portabit. Et iste Tropus est scripturæ , portare suum onus , suum iudicium , suam iniquitatem , quo significatur damnatio eorum. Nam ij , qui sunt in Christo , non portant onus suum , sed ut Isa. 53. dicit : Christus languores nostros ipse tulit. Et , Dominus posuit super eum peccata omnium nostrum. Vnicuiq; autem suum peccatum est importabile , & tamen portare cogitur , ut Psal. 38. Quoniam iniquitates meæ supergressæ sunt caput meum , & sicut onus graue grauatae sunt super me.

Horribile est ergo , quod Paulus hic dicit , portabit iudicium suum. Item uide , quanta superbia detrahat illi personam , quicumq; sit ille. Nihil moror , sit Apostolus , aut discipulus Apostolorum , persona nihil est. Tan tam uidemus personarum despectionem in Paulo , & tanta mala sub personis & laruis hominum perpetrata , nec sic satis potest nobis persuaderi , quin uidentes & uolentes seduci delectemur , titulo sanctitatis , autoritatis , potestatis , præscriptionis , priuilegiorum , & huiusmodi uanissimarum rerum.

Nam , id nunc in Ecclesia non permittitur dici , quicumq; sit ille. Sed satis est dicere , hic sic sentit , sic uult , sic iubet , tum hoc totum Ecclesia uniuersalis dixit , Donec quidam Antichristi præcones eo uenerint , ut foedissime garriant : Non licere , præsertim Romano Pontifici dicere : Cur ita facis ? non habere eum in terra iudicem. Nec satis Ecclesiæ suæ prouidisse Christum , si non tantam potestatem homini tribuisset , quantam ipse

ee ij habet.

Conturbat.

Sapietis.

Phronema.

Nihil aliud.

Vnicuiq; suum peccatum est importabile, & tamen portandum.

Apostolus detrahit personam.

COMMENTARIUS D. M. L. IN EPISTOLAM

habet. Has uoces omnium impietatum impietatibus infaniores, dignum est nostrum seculum audire, pro meritis suis in Christum.

Ego autem fratres, si circumcisionem adhuc prædico, quid adhuc persecutionem patior?

Quia, ut supra c. 1. dixit: An quaero hominibus placere? Si adhuc hominibus placerem, Christi seruus non essem. Quibus uerbis idem quod hic significat, se scilicet propter uerbum Christi, quo circumcisio tollitur, a Iudeis passum persecutiones, ut in Actibus & multis epistolis scribitur. Dicit ergo, etiam eo argumento, discite circumcisionem nihil esse: quod ipse sicut uobis scribo, ita facio, ut etiam persecutionem propterea patiar, quam non paterer, si illis consentiens, circumcisionem docerem. D. Hiero. putat, Pseudoapostolos illos, nomine Pauli quoque abusos fuisse, ad subuertendos Galatas, quod uidelicet & Paulus Timotheum circumciderit, & uotum fecerit in Cenchreis, ut dictum est supra. Sed uide, non dicit, si adhuc circumcisionem patior, sed prædico: prædicanda non erat, ut necessaria, & si toleranda erat, ut innoxia, modo fides Christi dominetur.

Ergo euacuatum est scandalum crucis?

Si circumcisio prædicatur, Iudæi placantur, cessat ergo eorum offendiculum. Nam idem uerbum, quod supra, euacuati estis, id est, sine opere, ociosum, inane est, significat, quod uidelicet, scandalum amplius nihil agat in Iudæis. Sed quæ consequentia, circumcisio prædicatur, Ergo crucis scandalum cessat? Deinde non est optandum, ut non sit ullum scandalum crucis? An uis Paule, ut quamplurimi offendantur? Quis hoc ferat? Ad primum. Apostolus proprie tribuit Iudeis scandalum in Christo. Sic. 1. 1. Cor. 1. Corin. 1. Nos prædicamus Christum crucifixum, Iudæis quidem scandalum, gentibus autem stulticiam, nobis uero qui credimus, Dei uirtutem & sapientiam. Et Luc. 2. de Iudæis dicit Simeon, positus est hic in ruinam Isa. 8. & in resurrectionem multorum in Israel. Et Isa. 8. Dominum exercituum ipsum sanctificate, & ipse pavor uester, & terror uester, & erit uobis in sanctificationem, in lapidem autem offensionis, & petram scandali, duabus domibus Israel, & in laqueum, & in ruinam habitantibus Hierusalem. Quare recte dicitur, si Iudæis placeret, prædicando circumcisionem, & eorum iustitias impias probaret, non offenderentur ipsi, nec eum persequerentur.

Ad secundum potest dici, non uelle Apostolum, ut sit scandalum, sed euidentem experientiam allegat, quod non sit euacuatum scandalum crucis, ut probet, circumcisionem non prædicari a se, ut sit sensus, hoc ipso cognoscite, circumcisionem a me non prædicari, quod uidetis scandalum crucis non cessare: durat Iudæorum furor & offensio, sicut & mei persecutio: utrumque sine dubio quietum esset, si circumcisionem prædicarem: ipsa ergo utrinque experientia, quod ego patior, & illi offenduntur, sit uobis abunde argumentum, de circumcisione nos dissentire. Hæc satis, pro insensatis Galatis. Cæterum, qui sublimiorem huius questionis solutionem quaerit, illud Euangelij tractabit, necesse est, ut scandala ueniant. Et Rom. 11. Dedit eis Spiritum compunctionis &c. Et quo modo sic oportuit fieri, ut implerentur Scripturæ, quod perlagus hic præterimus. Et si non negem, ab Apostolo tenuiter illud, hoc loco tactum esse.

Vtinam

Utinam abscindantur, qui uos conturbant.

D Hierony. Apostolum hic maledicere putat, sed multum laborat, ut excuset aut extenuet saltem. Verum, cum ex prædictis didicerimus, solere ac solitos fuisse olim sanctos maledicere, & Christus si-
cum quoq; maledixit, aut si sicum maledici parū uidetur, Heliseus certe ho-
mines, pueros Bethel in nomine Domini maledixit. Et Paulus fornicari-
um. 1. Corin. 5. Satanæ tradidit, & eiusdem ultimo dicit. Si quis non
amat Dominum Ihesum Christum, sit anathema maranata. Quod Bur-
gen. pessimum maledicendi genus apud Hebræos esse dicit. Vbi nostri ma-
ranata, Dominus uenit, intelligunt, non absq; errore, ut puto. Nihil mi-
rum sit, si & hic maledicat, externi hominis malum detestans, quo bonum
Spiritus impediri cernebat. Abscindantur, Hierony. ad partes corporis re-
fert uerendas: meminit enim eorum, qui castrantur, quæ tanta sit passio,
ut si inuitis illata fuerit, publicis legibus uindictetur: si sponte infamia in-
curratur.

Maledictio.

Maharam Matho.

Abscindantur.

Deut. 23.
et 35.

Legimus Deut. 23. Eunuchus attritis uel amputatis testiculis & abscis-
so ueretro, non intrabit in Ecclesiam Domini. Et uicesimo quinto, ampu-
tanda sine ulla misericordia, manus mulieri iubetur, quæ rixantibus uiris,
ut uirum suum eruat, uerenda alterius apprehenderit. Nonne stulta & ri-
dicula hæc, etiamsi in gentilibus libris scriberentur? Ita sane, nisi Deus li-
benter stultificaret sapientiam mundi, qui nostram superbiam, in rebus
tam foedis (nostro tamen uicio) tanta sacramenta nō uoluit fastidire. Duo
testiculi certe utrunq; testamentum sunt. Scriba enim doctus in regno cælo-
rum proferet de suo thesauro noua & uetera. Vterus Fœminæ, nonne uo-
luntatem & conscientiam significat? sed omitto hæc, quia nō, qui puri
sunt, per se inuenient: qui impuri, non sine periculo hæc audiunt. Mulie-
ris autem amputanda manus, quod uerenda apprehenderit alieni uiri, su-
spicaretur mihi esse eorum temeritas, qui in contentione ueri & falsi docto-
ris, postpositis, imo tortis Scripturis, suo sensu & humanis opinionibus
uincere tentant.

Eunuchus.

Deus libenter stul-
tificat sapientiam
mundi.

Mulieris amputanda
manus &c.

Sed quid ista? Nempe, quod Paulus in lege eruditissimus, cum de circū-
cisione circumcisionisq; doctoribus agit, uidetur eis optare, ut non modo
circumcidantur, imo penitus abscindantur, non tantū præputio, sed tam testi-
culis quam ueretro, manifeste ad mysterium alludens, quod & græcus tex-
tus indicat, qui addit copulam, & sic, utinam & abscindantur. Q. d.
si omnino uolunt circumcidi, opro, ut & abscindantur, & sint Eunuchi si-
li amputatis testiculis & ueretro, id est, qui docere & gignere filios spiri-
tuales nequeunt, extra Ecclesiam eijciendi. Episcopus enim, imo Christus
uir est Ecclesiæ, quam foecundat semine uerbi Dei, per testiculos suos &
ueretrum suum, pudicitia & sanctitate plenissima. Impiorum autem ab-
scindendi sunt, quod alienum semen, & adulterinum uerbum seminant,

Christus uir Eccle-
siæ.

Vos enim in libertatem uocati estis fratres, tantum, ne li-
bertatem in occasionem carni: Subaudi, detis.

Nam uerbum, Detis, per reticentiam non posuit.

Sed per charitatem seruite inuicem.

et iij

Alh

COMMENTARIUM IN EPISTOLAM

*Lex facit seruos.
Fides liberos.*

Alij per charitatem spiritus seruite inuicem, parumque refert. Ea quæ hic Origenes, referente D. Hiero. de obliuitate, de carne legis comminiscitur, nec intelligo, nec sequor. Mihi plana uidetur Apostoli sententia & consequentia. Quia uos (inquit) uocati estis, in libertatem, hoc est, de seruitute legis, in libertatem gratiæ. De qua quia toties illi titubant, cogor toties & ipse loqui. Lex (inquam) facit seruos, quæ timore minarum & amore promissorum, non gratuito ab illis impletur, & sic non impletur. Non impleta autem, reos tenet & seruos peccati. Fides autem facit, ut accepta charitate, neque coacti, neque alleciti temporaliter, sed libere ac stabiliter legem faciamus. Circumcidi ergo, seruitutis est, sed diligere proximum, libertatis: quia illud minante lege fit ab inuitis, hoc fluente ac hilarescente charitate agitur a spontaneis.

Tantum ne libertatem in occasionem carni.

Porro illud, Tantum ne libertatem in occasionem carni, ideo dicit, ne iuxta stultam opinionem, eam libertatem intelligamus, qua cuique, ut libitum est, licitum, & liberum esse cupimus. Quo modo & Rom. 6. Rom. 6. occurrit, quando eandem libertatem docens, dicit: Non estis sub lege, sed sub gratia, hic libertas asseritur a lege: sed mox sibi ipsi opponit. Quid ergo? peccabimus, quia non sumus sub lege? Absit, hoc est, quod hic dicit, occasionem carni fieri, si sic libertas acciperetur carnaliter: non sumus liberi a lege humano more (ut dixi supra) quo lex tollitur & mutatur, sed diuino & theologico, quo nos mutamur, & ex hostibus legis, efficiamur amici legis.

Libertas diuina.

In hanc sententiam & 1. Petri. 2. dicit, quasi liberi, & non quasi uelamen habentes nequitiae libertatem, sed sicut serui Dei. Ecce occasio carnis quid sit, uelamen nequitiae, qua, quia nulla iam lege tenentur, putant se non debere bona operari, & bene uiuere: cum potius id agat libertas, ut iam non coacte, sed hilariter & gratuito bona operemur. Sed & hoc loco, ipsemet Apostolus, hanc libertatem dicit seruitutem charitatis esse: seruite (inquit) per charitatem inuicem. Hæc est enim libertas, quod non nisi proximum diligere debemus. Dilectio autem omnium facillime docet benefici, sine qua nihil satis doceri potest. Proinde, uide stultos, si per libertatem, qua a lege & peccato liberamur, intelligunt dari licentiam ad peccandum: Cur non rursus per libertatem, qua a iusticia liberi fiunt, etiam intelligunt dari licentiam ad bene operandum? Si enim recte inferri putant, solutus sum a peccato, ergo faciam peccatum: etiam inferri debet, solutus sum a iusticia, ergo faciam iusticiam. Si hoc non sequitur, neque illud. Venit hæc stulta imaginatio ex humano sensu, & usu propriæ iustificationis (ut dixi) quia humana iustificatio per opera fit: ideo libertas & ocium iusticiæ, post finem acquisitæ iusticiæ intelligitur.

Libertas non est licentia peccandi.

At fidei iusticia ante opera donatur, & ipsa principium est operum: ideo est libertas faciendi, sicut illa est libertas omittendi, longe contrario modo sese habentes ambæ, sicut Isa. 55. dicit. Quo modo exaltantur cœli a terra, sic exaltatæ sunt uicæ meæ, a uicis uestris. Ista ergo carnalis imaginatio, libertatem iusticiæ, potius intelligit seruitutem odiosam. Odit enim legem & opera eius, ideo non aliam libertatem metitur, quam ut lex mutetur & tollatur, odio suo manente. Non ergo carni, hoc loco allegorice, sed propriè accipitur pro uicijs carnis, seu carne, in qua sunt uitia, quibus mouemur ad quærenda ea, quæ nostra sunt, & negligenda ea, quæ proximi sunt. Hoc est autem contra charitatem, & qui sic libertate utitur,

Carnalis imaginatio peccat.

Occasio carnis.

in occa-

in occasionem carnis utitur, ut caro, iam libertate donata, occasionem habeat, suis desideriis seruiendi, contempto proximo.

Omnis enim lex in uno sermone hoc impletur, Diliges proximum tuum, sicut teipsum.

Leuit. 9. *Rom. 13.* **L**euit. 9. Idem Rom. 13. dicit, Nulli quicquam debeatis, nisi ut inuicem diligatis. Qui enim diligit proximum, legem impleuit. Nam non adulterabis, non occides, non furaberis, non falsum testimonium dices, non concupisces, & si quod aliud mandatum in hoc uerbo instauratur, diliges proximum tuum, sicut teipsum. Græce pro instauratur, capitulatur, seu summatur, ut Hiero. in uarijs locis transfert: ideo & hoc loco uerbum, impletur, intelligi debet, summatur, comprehenditur. *impletur.* Quod ideo dico, ne quis Apostolum putet docere, per nouam legem sic impleri ueterem, quod illa sit spiritualis intelligentia, & spiritualia uerba, cum sola gratia sit plenitudo legis, & uerba, uerba non implent: sed res implent uerba, & uirtutes confirmant sermonem, alioquin hoc præceptum diligendi proximi spiritualissimum, Nonne Leui. 19. scribitur? Summat ergo hoc uerbo omnis lex, sed gratia impletur. Igitur in libertatem uocati sumus, omnem legem facimus, si proximus ea opus habeat, huic uni charitate seruimus,

Quare recte superius dictum est: Seruitutem spiritus, & libertatem peccati seu legis, eandem esse, sicut seruitutem peccati & legis esse eandem, cum libertate iusticiæ, seu a iusticia & spiritu. Itur de seruite in seruitutem, de libertate in libertatem, hoc est, de peccato ad gratiam, de timore peccatorum ad amorem iusticiæ, de lege ad legis plenitudinem, de uerbo ad rem, de figura ad ueritatem, de signo ad substantiam, de Mose ad Christum, de carne ad spiritum, de mundo ad patrem, omnia hæc simul fiunt. Quando autem hoc præceptum ab Apostolo, summa summarum uocatur omnium legum, & in hoc uno capitulo charitatis, omnia concluduntur (ut Hierony. transfert) illi paulisper immorandum est.

Primum, quam multi describunt, quid loquendum, quid agendum, quid ferendum, quid cogitandum: nempe, multa sunt, quæ erga homines inuicem fieri possunt, tot sensibus, tot membris, tot obiectis, tot casibus: ita, ut legum & librorum faciendorum non sit finis. Quantis enim præceptis sola indiget lingua? quantis oculi? quantis aures? quantis manus? quantis gustus? quantis tactus? Deinde, quantis res familiaris? quantis amici? O reptilia, quorum non est numerus. Si non credis, uide iurium & legum hodie infortissimum studium. At hoc præceptum, quanto compendio, quam cito, quam efficaciter omnia absoluit, ad caput, ad fontem, ad radicem horum omnium mittit manum, ad cor (inquam) unde, iuxta Sapient. aut uita aut mors procedit. Siquidem, inter opera hominis, alia magis, uel interiora, uel exteriora, nullum uero intimius est dilectione, ultra quam, nihil in humano corde secretius inuenitur. *De præcepto dilectionis.* Quo affectu in rectitudinem posito, iam nullis præceptis indigent alia membra. Omnia enim ex hoc affectu fluunt, qualis hic, talia & omnia, sine quo alia uniuersa sunt labores stulti, de quibus Ecclia. 10. Labor stultorum affliget eos. *Ex corde, uel uita, uel mors procedit.* Contra, Prouerb. 14. Doctrina prudentum facit illos. Hinc in Prophetis, iusticiæ hominum, labor & dolor appellatur. Psal. 7. Concepit dolorem, & peperit iniquitatem. Item, Conuergetur dolor in caput eius. Et alio Psalm. Labor labiorum ipsorum operiet eos. Et

Eccl. 10.
Prou. 14.
Psal. 7.

COMMENTARIUS IN EPISTOLAM

eos. Et 9. Sub lingua eius labor & dolor. Sic enim AVEN hebraicum, nunc dolor nunc labor transfertur, quod iniquitatem, seu rectius iusticiam illam impiam legum & operum significat, quæ nunquam cor hominis quietat.

Inde est usitatum hoc vocabulum, Bethauen, id est, domus idoli. Sic enim illam Propheta appellat, in qua Hieroboam vitulos aureos statuit, & peccare fecit Israel. Quia in his iusticijs, sine charitate, multum est operis & laboris, sed nullus fructus. Vnde B. Hiero. hoc loco deplorat eos, dicens: At nunc, cum omnia difficiliora sunt, uel modica, ex parte facimus. Hoc solum non facimus, quod & factu facilius est, & absque quo casta sunt universa quæ facimus. Ieiunii corpus sentit iniuriam, uigilia carnem mace- rant, eleemosinæ labore quærentur, & sanguis in martyrio, quamvis ar- deat fides, tamen sine dolore & timore, non funditur. Hæc omnia sunt, qui faciant, sola charitas sine labore est &c.

*Nihil perniciosius
charitati, ut O ty-
rannide humanarum
legum.*

*Nobilissima uirtus
dilectio.*

*Personarum differ-
entia.*

Dilectio proximi.

*Ad dilectionis di-
versam omnia diri-
genda.*

Quid putas dixisset, si nostro seculo uidisset, multitudine legum & superstitionum, nedum sine labore esse charitatem, sed penitus extinctam? Neque enim meo iudicio, charitati aliud perniciosius potest oriri, quam le- gum & traditionum copia, quibus homines seducuntur in opera, & iusticijs hominum occupantur, ut charitatis etiam cogantur obliuisci. Iam igitur Emphasin & Epitaphin uerborum uideamus. Primo, nobilissimam describit uirtutem, puta dilectionem. Non enim (inquit) affabilis esto proximo tuo, da ei manum, benefac, saluta, aut ullum aliud opus externum, sed diliges. Siquidem sunt, qui loquuntur pacem cum proximo suo, mala au- tem in cordibus eorum. Deinde nobilissimum depingit obiectum, quia detractis omnibus personis, dicit proximum tuum. Non dicit, diliges di- uitem, potentem, doctum, sapientem, probum, iustum, formosum, iu- cundum &c. sed absolute, proximum tuum. Per hoc ipsum declarans, nos omnes esse quidem diuersos personis ac conditionibus coram hominibus, Verum unius massæ, & æqualis opinionis apud Deum. Personarum enim differentia obseruata, penitus extinguit hoc præceptum, ut qui indoctos, pauperes, infirmos, humiles, stultos, peccatores, difficiles fastidiunt. Hi enim non homines, sed laruas & facies eorum considerant, atque ita fal- luntur.

Tertio, nobilissimum exhibet exemplum, utriusque huius, sicut teip- sum (inquit). Cæterarum legum exempla extra nos petenda sunt, hoc in- tra nos, nobis monstratur. Deinde externa exempla, quia non sentiuntur neque uiuunt, non satis mouent: Hoc autem exemplum intus sentitur, ui- uit ac efficacissime docet, non literis, non uocibus, non cogitationibus, sed ipso experientiae sensu. Quis enim non sentit uitaliter, quam seipsum diligit, quam omnia quærat, cogitet, tentet, quæ sibi salutaria, honesta, necessaria sunt? At uniuersus hic sensus, uiuus est iudex, intimum moni- torium, præsentissimum documentum, quid proximo debeas, nempe ea- dem eodemque affectu.

Quid est ergo, quod multis libris occupamur? Quid multos magi- stros quærimus? Quid operibus & iusticijs laboramus? Ad huius intimi sensus & affectus amissim, omnes leges, omnes libri, omnia opera exi- genda sunt. In hoc exercitandus Christianus homo, per omnia opera, per totam uitam. Non potuit igitur efficacius tradi exemplum huius doctri- næ diuinæ, quia hoc non uidemus & audimus, sicut cæterarum legum ex- empla, sed experimur & uiuimus: nec unquam nos ab ipso, & ipsum a nobis abesse potest. Nec dignius tradi obiectum, quam proximus tuus, id est, simillimus & cognatissimus tuus. Nec perfectius tradi uirtutis

uirtutis genus, quam dilectio, quæ est fons omnium bonorum, sicut radix omnium malorum cupiditas. Et sunt plane omnia summa in isto breuissimo præcepto, ut uerissime sit, summa, caput, perfectio, finis, omnium legum, sine quo omnes merito nihil sunt.

Dent. 30. Nihil est ergo, quod queraris te nescire, quid, aut quantum debeas proximo tuo. Pereant acutæ illæ magistrorum distinctiones. Prope est uerbum in corde tuo, tam crassis scriptum literis, ut palpare queas, ut qui uiuas & sentias hanc regulam: sicut teipsum (inquit) diligas, non minus quam te diligas, quantum autem te diligas, nemo tibi melius dixerit, quàm tu ipse: qui hoc ipsum sentias, quod ab alio non nisi diuinari tibi potest, Ideo nec ullus melius dixerit tibi, quam tu ipse, quid faciendum, dicendum, optandum sit proximo tuo. Hic enim locum non habet prouerbum, Pessimum esse Magistrum suipsius, imo optimus, & minime omnium fallax magister tuipsius hic fueris, cæteris omnibus fallacibus, adeo facilis & prope posita est lex Dei, ut nullus possit excusari, si non bene uixerit.

Et, prohdolor, quod hæc res hodie ita negligitur, tam prædicantibus, quam audientibus, cum interim tot scateant erucæ & locustæ, imo sanguisuga, qui indulgentias, uigilias, oblationes, fabricas Ecclesiarum, institutiones altarium, memoriarum, anniuersariorum, & reliqua id genus, plus quæstui, quam charitati seruentia commendent, inclament, ingeminent, & inculcent semper, ea prætermittenda, quæ sola operit multitudinem peccatorum, charitate fraterna. Consequens est, Theologos istos recte quidem dicere, qui nullum opus sine charitate bonum esse asserunt: Verum omnium pessime docent, quando dicunt, nos nescire, quando sumus in charitate. Cogunt sane nos imaginari charitatem esse uelut quietam, latentemque qualitatem in anima, quo somnio, quid moliantur, nisi quod negant nos sentire præsentissimum, & uiuacissimum illud quod in nobis est, ipsum uidelicet pulsum uitæ, hoc est, affectum cordis? An quendam Soliam Plautinum ex nobis facit iste Mercurius, ut nos ipsos, neque sentiamus, neque agnoscamus? Non possum, obsecro, sentire, an mihi placeat uel displiceat alter? Cur ergo criminor aut laudo, uel fastiditum, uel amatum? An etiam non sentio me male dicere, malefacere, benedicere, benefacere?

At (inquiunt) naturalis iste potest affectus esse, natura autem gratiæ fallacissima æmula est. Respondeo, fateor, natura uehementer æmulatur gratiam, sed non nisi usque ad crucem, a cruce uero, in totum diuersa, imo contraria sentit, & gratiæ hostilissime repugnat. Crucem autem uoco aduersitatem. Tam diu enim diligit, laudat, benefacit, benedicat natura, quamdiu non fuerit offensa. At ubi læseris, aut uoluntati eius restiteris, tam facit natura opus suum, & excedit eius amor, uertiturque in odium, clamorem, maliciam &c.

I. Cor. 13. Hæsit enim in facie, non in ueritate, dilexit personam & speciem, non rem ipsam. Amica fuit non proximo, sed proximi bonis & rebus. Charitas autem nunquam excidit, omnia suffert, omnia credit, omnia sustinet, æque diligit hostem ut amicum, nec mutatur, mutato proximo. Sicut enim proximus, manet proximus, quantumlibet uarietur. Ita charitas manet charitas, quantumlibet, uel lædatur uel iuuetur.

Itaque crux est probatio, & lydius (quod aiunt) lapis charitatis, in qua non est, quod dicas, qualitatem esse latentem, neque te nosse, neque sentire, an diligas proximum tuum. Si ibi sentis te dulcem affectum seruare, ne dubites, natura

In quæstuarios nostræ ætatis.

Charitas non ignoratur.

Natura quousque gratiam æmulatur.

Crux est probatio, & quod aiunt, lydius lapis charitatis.

COMMEN- D- M- L- IN EPISTOLAM

natura superior es, & charitate Christus te donauit, si amarescis, naturam agnosce, & charitatem quære. Amor naturæ quærît esse dulcis & quietus, imo ut Poeta ait, amicitias utilitate probat, sua quærens, & solum recipere bonum intentus. At charitas fortis amor est, in media turbatione per seuerans, amicitias officijs suis probans, quærens, quæ aliorum sunt, non recipere, sed dare prompta, imo uera charitas bona tribuit, mala recipit. Carnalitas uero, bona recipit, mala tribuit, aut saltem fugit.

In charitate facere Cauē etiā ab ijs, qui orationem, aut quodlibet opus in charitate fieri, sic cogitant, quod nullo respectu ad proximum habito fiat, modo ex qualitate illa intus præsentē & latente procedat, rudissimus, imo perniciosissimus iste sensus. Tunc potius oras in charitate, quando dulci affectu in fratrem, uel amicum, uel inimicum motus, pro eo oras. Tunc bene dicis in charitate, quando detractori resistis, nulla alia causa, quam quia fratrem, amicum, uel inimicum, animo complexus, non potes ferre, ut eius fama polluat. Nulla (inquam) spe, uel gloriæ, uel amicitiae, sed puræ beneuolentiæ, qua illi bonum optas. Sic cætera omnia in charitate facis, quando in eis, non nisi bonum & commodum proximi tui, prorsus cuiuslibet amici uel inimici spectas.

Vere charitatis officia.

Ecce hæc eruditio docebit te, quantus sis in Christianismo. Hic inuenies, quos diligas, & non diligas, quantum proficias, aut deficias. Nam, SI VNVM HABES, IN QVEM NON ES DVLCIS AFFECTV, IAM NIHIL ES, ETIAM SI MIRACVLA OPERERIS. Hac denique regula discēs tu ipse, sine magistro discernere, inter opera & opera bona. Clare tunc tu uidebis, melius esse proximo bene uelle, bene dicere, bene facere, & totam uitam tuam facere, ut sit seruitus proximi in charitate (ut Apostolus paulo supra dixit) quam si omnium omnes Ecclesias ædificares, omnium monasteriorum merita haberes, omnium prorsus Sanctorum miracula faceres, absq; hoc, quod proximo in ijs seruires. Ecce, hæc est doctrina, quam hodie, non modo ignorant, sed suis traditionibus, uelut copijs infinitis penitus expugnant. Quorum institutum hoc est, ut proximum nunquam, nisi personalem doceant, diligere, dum inter opera tantum digladiantur, & facies distinguunt.

Legis naturæ scriptæ, et Euangelicæ distinctio caute intelligenda.

Nec minus caute intelligenda est, uulgatissima illa distinctio, legis naturæ, legis Scriptæ, legis Euangelicæ. Cum enim Apostolus hic dicat, omnes in uno & in summa conuenire, Certe charitas omnis legis finis est, ut. 1. Timot. 1. dicit. Sed & Christus Matt. 6. Illam legem naturæ (ut uocant) omnia, quæ uultis, ut faciant uobis homines, & uos facite illis, expresse eandem facit cum lege & Prophetis dicens: hæc enim lex est & Prophetæ. Cum autem ipse Euangelium doceat, clarum est, tres has leges, non tam officio, quam falso sensu intelligentium differre. Proinde, hæc lex scripta, Diliges proximum tuum sicut teipsum, prorsus idem dicit, quod lex naturæ: Quæ uultis, ut faciant uobis homines (hoc enim est seipsum diligere) eadem facite uos illis (hoc certe est sicut seipsum, ita diligere & alios, ut claret.) At, quid aliud totum Euangelium quoq; docet? Igitur una est lex, quæ transijt per omnia secula, omnibus nota hominibus; scripta in omnium cordibus, nec excusabilem relinquit ullum ab initio usq; ad finem, licet ludæis accesserint ceremoniæ, tum alijs gentibus suæ propriæ leges, quæ non uniuersum mundum obligabant, Sed hæc sola, quam spiritus dicat in cordibus omnium, sine intermissione.

Lex una omnibus omni tempore.

Illud quoq; diligentissime obseruandū, quod ex huius præcepti uerbis aliquot

aliquot Patres sumpserunt hanc opinionem, quod ordinata charitas incipit a seipso, quia (inquit) Dilectio sui præscribitur regula, qua diligere debeas proximum tuum. Hæc existimabam, ut intelligerem: sed labor est ante me, nulli præiudicabo, sed meam temeritatem reuelabo. Ego præceptum hoc sic intelligo, ut non præcipatur amor sui, sed amor proximi tantum. Primo, quod amor sui ipsius, per se in omnibus est. Deinde, quod si hunc ordinem uoluisset, dixisset. Diliges te, & proximum tuum, sicut te ipsum. At nunc dicit: Diliges proximum tuum, sicut te ipsum, id est, sicut iam te ipsum diligis citra præceptum.

Charitas quomodo incipit & ubi.

1. Cor. 13. Sed & Apostolus Paulus. 1. Corin. 13. hoc tribuit charitati, quod non quærit quæ sua sunt, prorsus abnegans amorem sui. Christus præcipit abnegari seipsum, & odisse animam suam. Et Philip. 2. clare dicit. Non quæ sua sunt, singuli considerantes, sed quæ aliorum. Denique, si homo suus rectam charitatem haberet, iam gratia Dei non egeret, quia eadem charitas, si recta est, se & proximum diligit. Non enim aliam, sed eandem esse, præceptum hoc iubet. At (ut dixi) præceptum prærequirit hominem seipsum diligere. Et Christus quando Matt. 6. dicit. Omnia quæcunque uultis, ut faciant uobis homines, certe declarat, iam inesse eis uoluntatem & amorem sui, nec præcipit sibi eandem, ut claret. Quare pro mea temeritate (ut dixi) uidetur præceptum loqui, de peruerso amore, quo quisque oblitus proximi, ea tantum quærit, quæ sua sunt, qui tunc rectus fit, si rursus seipsum oblitus, proximo tantum seruiat.

Vide quid dicat.

Hoc & membra corporis indicant, quorum quodlibet alteri seruit, suo periculo. Nam manus pro capite pugnat, & læsiones excipit, pedes in lutum, aquam ruunt, pro corpore redimendo. Sed & periculosissime nutritur affectus proprii commodi, sub isto ordine charitatis, quem tamen Christus hoc præcepto, funditus perdere uoluit. Quod si omnino amorem sui, hic primum ordinari concedendum est, certe altius ascendam, & dicam, amorem eiusmodi semper iniquum esse, dum fuerit in seipso, nec esse bonum, nisi extra seipsum sit in Deo, hoc est, ut uoluntate mei, & amore mei prorsus mortuo, nihil quæram, nisi purissimam uoluntatem in me fieri, promptus ad mortem, ad uitam, & ad omnem formam figuli mei, quod est arduum & difficillimum, naturæque impossibile. Hic enim amo me, non in me, sed in Deo, non in uoluntate mea, sed in uoluntate Dei. Atque ita tum diligam & proximum sicut meipsum, optans & faciens, ut sola uoluntas Dei in eo fiat, non autem ipsius ullo modo. Verum, sic non intellexisse illos credo, nec de hoc amore proprie præceptum loqui uidetur. Quare quæque monitum uolo, caueat ab his gentilibus doctrinis: Proximus esto tibi, & similibus. Peruersæ enim sunt, & contra tum Grammaticæ quoque tortæ. Nam, proximus non nisi ad alterum dicitur. Ideo proximus esto alteri, dicendum est Christiano, ut & hoc præceptum indicat.

Corporis membra.

Nota Theologiam.

Cauet.

At hic quæritur, Quomodo omnis lex in uno isto præcepto comprehendatur, præsertim ueteris testamenti, tot ritus, tot ceremoniæ? Nunquid enim qui diligit proximum, eadem illa facit? Nam Decalogi præcepta in eo comprehendi, nihil est difficultatis, ut ex Apostolo Rom. 13. deductum est. Verum, quis modum acuat pecora, circumciditur, seruat tempora & annos &c. sicut seruamus honorem parentibus, non occidimus non adulteramus, non furamur &c. S. Hieronymus suo more spiritualiter impleri leges ceremoniales sentit. Verum, quid de legibus gentium aliarum dicemus, quas similiter Apostoli, & ipse adeo Christus seruare

Questio.

ff

uari man

COMMENTARIVS M. L. IN EPISTOLAM

uari mandauerunt? Denique, Apostolum hoc modo, æquiuocum faciemus, ut qui alio modo Decalogum, & alio ceremonias impleri doceat, eodem utens uerbo.

Libera charitas.

Ego superioribus meis consentiens, dico: Accepto ex fidei auditu charitatis Spiritu, omnia alia facta esse licita, quæcunque ceremonialiter & humaniter statuuntur, siue apud Iudæos, siue gentes: Nec esse seruanda, quod salus sit in eis seruatis, aut operibus eorum: sed quod pro charitate seruanda sunt, propter eos, cum quibus uiuendum est nobis, donec ipsi easdem seruari a nobis exigunt, ne pax soluatur in schismata & seditiones, Nam charitas omnia suffert. Neque in his adeo rimendum, ne contra ipsas leges ueniatur, quam ne offendantur ij, qui secundum eas uiuunt, quorum uotis nos iubet charitas seruire.

Quatenus humanis legibus seruendum

Idco, si Deus legis ceremonias uoluisset durare, aut si pro necessitate aliqua, unum uel plures ex eis seruare oporteat, omnino faciendum est: At postquam eas abrogauit, nihil nos ligant. Ita seruendum est legibus Imperialibus, Pontificijs, Municipalibus, politicis, ac prouincialibus: solum, ne eos (ut Christus ait) scandalisemus, & charitatem & pacem lædamus. Ac sic clare patet, quod ne cogitari quidem lex potest, quæ non sit complexa in charitate. Nam sine omni dubio, si tu quicquid statuisses, uelles tibi optemperari, quare lege naturæ & charitatis urgeris, & alteri id prestare, præsertim, deo & uicarijs potestatibus dei, modo id cures, ne in his hominum præceptis salutem constituas, sed seruendum tibi intelligas alijs per charitatem.

Verum, contra, ipsi legislatores, multo magis debitores sunt charitati, ut quando uiderint leges suas esse onerosas subditis, aut etiam noxias, curent omnibus modis aliorum commodo seruire, & eas abrogare. Multo autem maxime, hoc ad Ecclesiasticos pertinet legislatores: Nam ipsi absque dubio, nollent uel una syllaba legis onerari, quod nisi & alijs prestitissent, non pontifices, sed tyranni sunt, imponentes importabilia hominibus, quæ nec digito ipsi uolunt attingere. Hinc intelligis, mi lector, cur leges quasdam pontificias, solem tyrannides appellare, quod hodie plurimis & iustissimis causis abrogandæ sint.

Leges abrogandæ.

Primum, quod onerosæ & odiosæ sunt toti orbi terrarum, cui credendum est per Pontifices. Deinde, quod mere laquei sunt pecuniarum, & per dispensationes impudenter uenduntur. Tertio, quod impietati seruiunt, interim ueram iusticiam, in qua salus est, & charitatem funditus perdentes. Seruandæ tamen sunt, ubi scandalo fuerit earum contemptus, propter charitatem.

In fine iterum clarere satis puto, Apostolum non de ceremonialibus tantum legibus loqui, sed prorsus de omnibus. Charitas enim fide accepta, omnes implet hilariter & libere (quod est uere eas implere) & non in ipsas, ipsarumque opera fiduciam statuit salutis, quod est seruiliter, & nullam implere.

Quod si inuicem mordetis & comeditis, uidete, ne ab inuicem consummamini.

Charitatis defectus nocet ubique.

IN omnibus Epistolis Apostolus suaserit charitatem, simul fere adiungit, ut unum sapiant: ut de donis differenter eis collatis, non insentur, alter aduersus alterum. Nam sic Roman. 12. & 1. Corinth. 12. proponit

proponit imaginem corporis & membrorum, quomodo membra pro inuicem sollicita sint, & alterum alteri seruiat, ac non lædat. Scit Apostolus, homines esse Galatas, & dona, quanto fuerint insigniora, tanto sunt nocentiora, si desit charitas. Scientia inflat, inflat potestatis administratio, inflant prorsus omnia, præter charitatem quæ ædificat. Hæc sola recte omnibus utitur, quia omnibus donis Dei, non sibi placet, sed alijs seruit. *Rom. 13.* Vbi hæc non adest, ibi contentio, lis & iurgia, atq; ut *Roma. 12.* dicit. Sapere non ad sobrietatem, & sapere plusquam oportet. Hoc (inquam) malum, mihi uidetur hoc loco Apostolus tangere, quod maxime seruituri charitatis repugnat. Dum enim quisq; de dono sibi dato inflatur, nec quomodo in hoc alteri seruiat, cogitat, sed quomodo præferatur, necesse est, ut contentio & æmulatio insurgat, mutuusq; contemptus, detractio, condemnatio, temerarium iudicium, ira, inuidia, clamor, malitia &c.

Eph. 4. Eandem sententiam *Eph. 4.* & *Philip. 2.* late prosequitur, nam hic *Philip. 2.* breuiter transit. Est ergo sensus, scio uos homines esse, tentari posse, dum alter altero præstantior cupit uideri, nec boni uultis esse ministratores multiformis gratiæ Dei in uobis. Verum curate, ne detrahatis, ne mordeatis inuicem, ne consenseritis tentationi huiusmodi: sed (ut dixi) per charitatem seruite inuicem, unusquisq; in dono quo abundat, alius in docendo, alius in tribuendo, ut *Rom. 12.* latius. Non autem, ut is, qui docet, infletur contra eum, qui tribuere potest, quod forte non tribuerit quantum uolet, nec qui tribuere potest, contra eum, quod forte sibi non egere uideatur illius doctrina, sic in cæteris omnibus donis. Nam (ut dixi) inflatio eiusmodi proxima est ijs, qui aliquid possunt, ut aliorum se non egere gloriantur: ac si non inuicem seruiant in charitate, sed consumentur mutuo contemptu, odio, superbia, detractioe &c.

Dico autem, Spiritu ambulate, & desideria carnis non perficietis.

Vlt dicere, hoc quod dixi, ne uos morderetis & comederetis, tantum est, quod uolo, uos Spiritu uiuere, tum fiet, ut eiusmodi non perficietis. Scio in uobis eiusmodi desideria aliquando concitari: uerum, ne obtemperetis, sed Spiritu ambulate, hoc est, proficite & magis spirituales efficiamini, ut *Rom. 8.* eadem sententia dicit, Si secundum carnem uixeritis, moriemini: si autem Spiritu facta carnis mortificaueritis, uiuetis, Spiritu facta carnis mortificari dicit, hic Spiritu ambulare, & resistere tentationi, ac mordeant & moriantur. Impossibile est, non moueri nos ad mordendum & comedendum, uerum, motibus istis, Spiritu resistendum est.

Non moueri impossibile.

Est autem pulchra hæc allegoria, mordere & comedere, in sacris literis frequentissima. Inde in *Psal.* Filij hominum dentes eorum arma & sagittæ. *Et. 3.* Dentes peccatorum contriuiisti. Et *Prouerb. 30.* Generatio, quæ habet pro dentibus gladios, & molaribus suis commandit, ut comedat inopes de terra, & pauperes ex hominibus. Inde uerbū deuorare. *Prouerb. 1.* Deglutiamus eum sicut infernus uiuentem. Et *Psal. 51.* Dilexisti uerba præcipationis (id est, deuorationis, absorptionis) lingua dolosa. Videtur autem per mordere, criminationem, detractioem, uituperia intelligere, per comedere, uindictam, & oppressionem, ex altera parte, per consumari, utriusq; perditionem.

Pulchra allegoria in uerbis mordere & comedere.

Nota uim uerbi, Non perficietis (inquit) Nam inter facere & per-

ff ij fitere

COMMEN D M L IN EPISTOLAM

*Inter facere et per
ficere desideria car
nis & Spiritus, se
cundum Aug. in
serest.*

ficere desideria carnis uel Spiritus sensu Paulino, ut est apud B. Aug. lib. 3. contra Iul. c. ult. hoc interest, quod facere concupiscentias, est eas habere, titillari, & moueri ab illis, siue ad iram siue libidinem. Sed perficere, est eis consentire, & eas implere, hæc sunt opera carnis. Sed eas non habere, aut non facere, tunc erit secundum B. August. lib. 1. R et. 14. quando nec mortalem carnem habebimus. Inde omnes S. dicit esse adhuc carnales ex parte, licet secundum hominem interiorem sint spirituales, li. 6. contra Iul. sic concupiscentia spiritus ipsa charitas, concupiscit ut possit non concupiscere secundum carnem, sed non perficit, quia non potest non habere carnis concupiscentiam. Et ut interim moneam, concupiscentiam carnis uocat, non tantum libidinem, sed omnium operum, quæ statim enumerabit.

*Concupiscentia car
nis non tantum li
bidinem dicit.*

Igitur uerba August. sunt, Non perficiuntur carnis desideria, si non consentiatur eis, quamuis agantur motibus, non tamen perficiuntur operibus: ideo dixit ad Rom. Velle mihi adiacet, perficere autem non inuenio. Quia facere bonum, est post concupiscentias non ire: perficere autem bonum, est non concupiscere. Sic concupiscentiæ carnis non perficiuntur, quamuis fiant: nec nostra bona opera perficiuntur, quamuis fiant.

Vita Christiana.

Ex quibus omnibus patet, quid sit uita Christiana. Nempe, tentatio, militia, & agon. Et quomodo instituendi sunt, qui uarijs tentantur impulsibus, ut non desperent, si se nondum senserint liberos a malis motibus cuiuscunque peccati. Sic Ro. 13. Et carnis curā ne feceritis, in desiderijs eius. Et Rom. 7. Non regnet peccatum in mortali corpore uestro, ad obediendum concupiscentijs eius. Non concupiscere nemo potest, sed non obedire concupiscentijs possumus.

*Bonum fieri & per
fici.*

Hæc diligentius & latius retuli, propter Impropietates meos: qui negant, omnem actum bonum, adhuc simul ex parte malum esse: & peccatum concupiscentiæ, dicunt esse peccatum improprie dictum. Verum, tu Apostolo & Augustino crede, qui dicunt, bonum fieri, sed non perfici. Fieri autem bonum, bonum est: sed non perfici, malum est. Quia lex Dei perfici debet, a qua omnes Sancti deficiunt, & ita in omni opere peccant. Nec est peccatum improprie, sed uere peccatum. Quia non est improprie gratia, nec improprie Deus, nec improprie Christus, nec improprie Spiritus sanctus, qui hæc remittit & expurgat. Verum est quidem, quod teste August. in baptismo reatus transijt peccati, sed actus tamen mansit, hoc est, quod Deus (iuxta Psal. 32.) non imputat, sed sanat. Qui si imputare uellet, sicut uere & iuste posset, totum mortale & damnabile esset.

Caro enim concupiscit aduersus Spiritum, Spiritus autem aduersus carnem.

Sicut Spiritus hoc loco non significat solam castitatem: ita necesse est, ut caro non solam significet libidinem, hoc pro necessitate. Quia inueterauit usus fere apud omnes, carnis concupiscentiam, pro libidine tantum accipi, quo usu Apostolus intelligi non posset. Hanc sententiam Roma. 7. egregie tractans, & copiosius declarans dicit: Condelector enim legi Dei secundum hominem interiorem: uideo autem aliam legem in membris meis repugnantem legi mentis meæ, captiuantem me in legem peccati, quæ est in membris meis &c. Non enim hæc in persona aliorum locutus est Paulus, sicut B. August. lib. 6. contra Iul. c. 11. dicit, se aliquando intellexisse, imo, non intellexisse. Manichæos autem dicit & Pelagianos sic in-

sic intellexisset. Sic B. Petrus c. 2. Epist. 1. Obsecro uos tanquam aduenas & peregrinos abstinere uos a carnalibus desiderijs, quæ militant aduersus animam.

D. Hierony. hoc loco profunde se quæstioni inuoluit, quomodo inter Spiritum & carnem, medium inueniat, & media opera: Et suum Originem secutus, Spiritum, animam, carnem distinguit: inde spirituales, animales & carnales hominem distribuit. Et quanquam ista trinitas uideatur statui ex illo. 1. Thess. ult. ut integer spiritus uester, & anima, & corpus seruetur &c. tamen nec accedere, nec recedere audeo, tum quod spiritum & animam manifeste pro eodem accipit Petrus in dicto loco: appellans animam, contra quam militant desideria, ubi contra spiritum concupiscere carnem dicit Paulus. Et hominem carnalem ac animale, mihi pro eodem Apostolus uidetur accipere.

De triplici homine,
spirituali, animali,
carnali.

Ego mea temeritate, carnem, animam, spiritum prorsus non separo. Non enim caro concupiscit, nisi per animam & spiritum, quo uiuit: sed spiritum & carnem intelligo totum hominem, maxime ipsam animam. Breuiter, ut dem crassissimam similitudinem: Sicut carnem sauciam aut morbosam, utrunq; appello, sanam & morbidam (neq; enim ulla est tota morbus) quæ inquantum incipit sanari, & sana est, sanitas uocatur: ubi uero uulnus, aut morbus reliquus est, morbus uocatur: atq; ut morbus seu uulnus, reliquam sanam carnem impedit, ne perfecte faciat, quod caro sana faceret: Ita idem homo, eadem anima, idem spiritus hominis, quia affectu carnis mixtus & uitiatu est: quatenus sapit quæ Dei sunt, spiritus est, quatenus carnis mouetur illecebris, caro est, quibus si consenserit, totus caro est, ut Gene. 8. dicitur. Rursum, si consenserit totus legi, totus spiritus est, quod fiet, quando corpus erit spirituale. Non ergo duo isti homines, diuersi imaginandi sunt, sed uelut crepusculum matutinum, quod neq; dies neq; nox est, utrunq; tamen dici potest, magis autem dies, ad quam de tenebris noctis uergit.

Caro.
Anima.
Spiritus.
Crassissima similitudo.

Verum longe pulcherrime utrunq; ostendit Semiuius ille apud Lucam, qui a Samaritano susceptus quidem curari, nondum tamen plene sanus factus est. Ita & nos in Ecclesia sanamur quidem, Sani autem plene non sumus: ob hoc caro, ob illud spiritus uocamur. Totus homo est, qui castitatem amat, idem totus homo illecebris libidinis titillatur. Sunt duo toti homines, & unus totus homo: ita fit, ut homo sibi ipsi pugnet contrariusq; sit, uult, & non uult. Atq; hæc est gloria gratiæ Dei, quod nos fecit nobis ipsis hostes. Sic enim superat peccatum, sicut Gedeon superauit Madian, gloriosissimo uidelicet triumpho, ut hostes seipsos trucident. Sic aqua uino infusa in altari, primum pugnat cum uino, donec absorbeatur, & uinum fiat, ita gratia, & ut supra dictum est, fermentum in satis tribus absconditur, donec fermentetur totum.

Exemplum semiuiui
ut apud Lucam.
Luce. 10.
Sunt duo toti homi-
nes, & unus totus
homo.

Hæc autem sibi inuicem aduersantur, ut non quæcunq; uultis, illa faciatis.

Vide audacem Apostolum, nihil timet ignem, negat liberum arbitrium, quod est mirabile in auribus nostris: dicit non posse fieri, quæ uolumus, cum nos uoluntatem constituerimus (autore uel Aristotele) reginam & dominam omnium uirium & actuum. Atq; hic error & hæresis maxima erat tolerabilis, si hoc dixisset de ijs, qui sunt extra gratiam. Nunc ut nulla sit eis excusatio, quin comburatur, affirmat id de ijs, qui Spiritu

Liberū arbitrium.

ff ij gratiæ

COMMENTARIVS IN EPISTOLAM

gratiæ uiuunt. Idem Rom. 7. dicit. Ego autem carnalis sum, uenundatus sub peccato, quod uolo bonum, non facio, quod nolo malum, hoc facio. Si iustus & sanctus sic queritur de peccato, ubi peccator & impius apparebunt, cum operibus suis de genere bonorum, & moraliter bonis? Gratia Dei nondum perfecit liberum arbitrium, & ipsummet seipsum liberum faciet? quid infanimus?

Spiritus & caro pugnant.

Satis dictum est de diuersitate Spiritus & carnis, neutrum extinguit alterum in hac uita, & si Spiritus inuitam carnem domet, sibiq; subijciat, quo fit, ut nemo audeat gloriari se mundum habere cor, aut mundum esse a sordibus. Non enim caro mea aliquid facit, quod non ipse facere dicar: at si cor immundum est, iam nec opus mundum est. Qualis enim arbor, talis & fructus. Quod iterum dico, contra improprietates, qui inueniunt in seipsis, actus bonos, sine omni uitio, aut peccato improprie dicto uitiosos, suas opiniones Pauli tam aperto textui opposcentes. Non facitis (inquit) quæ uultis, propter carnis rebellionem, repugnantem legi mentis uestræ, & spirituali uoluntati uestræ. Non seruat Apostolus hic distinctionem superius datam, inter facere & perficere, quia non faciatis, pro non perficiatis, accipit, ut clarum est: sed & Rom. 7. non seruat, quando dicit: Rom. 7. quod uolo bonum, non facio, id est, non perficio. At quando dicit, quod odi malum, hoc facio, hic seruat eam distinctionem: quia facit malum, sed non perficit. Quod si cui hæc distinctio August. non placet, aliter meditetur: modo hunc sensum non omittat, esse in nobis pugnam Spiritus & carnis, qua impediti, non implemus perfecte legem, ideoq; peccatores nos esse, quamdiu in carne sumus, atq; in omni opere bono, egere ignoscere misericordia Dei, & dicere: Non intres in iudicium, cum seruo tuo Domine, quia non iustificabitur in conspectu tuo omnis uiuens.

Semper peccatores

Quod si Spiritu ducimini, non estis sub lege.

Deus ignoscit conuicti.

Dixi (inquit) ut Spiritu ambularetis, concupiscentiam Spiritus sequeremini, resistentes concupiscentiæ carnis, ne morderetis & comederetis inuicem, sed seruiretis inuicem in charitate, quæ est plenitudo legis. Nam si hoc facitis, & ita Spiritu ducimini, concupiscentiæq; Spiritus obeditis. Ecce non estis sub lege, nihil debetis legi, sed impletis legem. Quid ergo rursus ad legem reuerti uoluistis? Quid alia uia legem implere tentatis? Dixi satis supra, quod esse sub lege, est eam non implere, aut seruiliter sine affectu hilari implere. Affectum autem hunc hilarem, non lex, non natura, sed fides impetrat in Christo Ihesu. Atq; hoc duci Spiritu, hoc obedire concupiscentiæ Spiritus, hæc pugna & conatus (qui est tota uita nostra) facit, ut Deus misericorditer ignoscat, quod illa non facimus quæ uolumus. Nondum enim Spiritus sumus, sed Spiritu ducimur. Nam Iohan. 3. Quod natum est ex Spiritu, Spiritus est, ostendit, quid esse debeamus: hic autem quid sumus, debemus esse Spiritus, sed sumus adhuc in ductu, &, ut sic dixerim, in formatione Spiritus.

Qui Spiritu Dei aguntur, sunt filii Dei.

Hoc ducere & agere, est trahere.

Qui autem sunt sub lege, sunt & in operibus carnis, ut Roman. 7. Cum essemus in carne, passionibus peccatorum, quæ per legem erant, operabantur in membris nostris, ut fructificarent morti. Ita Rom. 8. quoq; Rom. 8. Qui Spiritu Dei aguntur, hi filij Dei sunt. Nam hoc ducere & agere, idem est quod trahere, de quo Iohan. 6. Nemo uenit ad me, nisi pater meus trahat eum. Item 12. cum exaltatus fuero, omnes traham ad meipsum, id est, suauiter mouebo, hilares & spontaneos faciam, Spiritu concupiscentiam in

etiam in eis suscitabo. Quos Moses & lex, terroribus tristes & inuitos co-
 gebant, aut uelut pueros, temporalibus promissis interim fouebant. Sic
 sponsa Cant. 1. Trahe me post te, in odorem curremus unguentorum tuo-
 rum. Q. d. Moses & Prophetæ uerbo legis, trucibus minis terrent & ur-
 gent, aridam & inuitam: tu autem uerbo gratiæ, & memoria exhibitæ mi-
 sericordiæ dulciter trahes, & unge suauiter. Odor enim unguentorum, E. Odor unguentorum,
 uangelium gratiæ Dei est, in quo olit, id est, fide percipitur, unguentum
 gratiæ Dei. Hinc illud Ecclesi. 24. in plateis sicut cynamomum & bal-
 samum aromatizans odorem dedi, quasi myrrha electa dedi suauitatem
 odoris. Et Psal. 44. myrrha & gutta & casia, a uestimentis tuis. Sic Pau-
 lus, odor bonus Christi sumus, alijs in uitam &c.

Idem trahere etiam sibilare dicitur apud Esaiam. 7. In die illa sibilabit
 dominus muscæ, quæ est in extremis finibus Aegypti &c. Id est, Spiritu
 sancto afflabit, Spiritum eorum excitabit, ut concupiscant contra carnem
 &c. Sic 3. Reg. 19. scribitur. Helias, neq; in Spiritu forti, neq; in commo-
 tione, neq; in igne (quæ omnia sunt terrores legis) sed in sibilo auræ te-
 nuis, sensisse Dominum. Quia non ex tristitia, aut necessitate, sed hila-
 ritate ac suauitate, impletur lex Domini.

Manifesta autem sunt opera carnis, quæ sunt fornicatio,
 immundicia, impudicitia, luxuria, idolorum seruitus, ue-
 neficia, inimicitia, contentiones, æmulationes, iræ, rixæ,
 dissensiones, sectæ, inuidiæ, homicidia, ebrietates, co-
 messationes, & his similia.

Hic omnium manifestissime patet, carnem non pro libidinosis
 accipi tantum concupiscentijs, sed pro omni prorsus eo, quod contra-
 rium est Spiritui gratiæ. Nam hæreses seu sectæ & dissensiones, sunt uitia
 subtilissimarum mentium, & sanctissima specie fulgentium. Quod ideo di-
 co, ut stabiliam, quæ supra dixi, per carnem totum hominem significari,
 per Spiritum æque totum: atq; hominem interiorem & exteriorem, seu no-
 uum & ueterem non distingui, iuxta differentiam animæ & corporis, sed
 iuxta affectus. Nam cum fructus seu opera Spiritus sint, pax, fides, conti-
 nentia &c. Et hæc in corpore fiant: quis potest negare Spiritum & fructum
 eius, in corpore membrisq; carnalibus esse, sicut expresse. 1. Corin. 6. An
 nescitis (inquit) quod membra uestra templum sunt Spiritus sancti? Ecce
 non tantum anima, sed membra quoq; sunt spirituale templum. Et iterum
 glorificate, & portate Deum in corpore uestro: non dicit in anima uestra.
 Contra, quando inuidiæ, inimicitia, uitia sunt animorum, quis negabit
 carnem esse in anima? Igitur spiritualis homo; totus homo est, quantum
 sapit, quæ Dei sunt: carnalis totus, quantum sapit, quæ sua sunt.

Differt homo iuxta
 affectus.

Spiritualis homo.
 Carnalis homo.

Apostolus ignarus Aristotelicæ philosophiæ, non appellat hæc uitia,
 habitus in anima, sed opera ipsa, quibus omnibus, unum habitum tribuit,
 carnem, hoc est, totum hominem ex Adam natum. Nam illi adhuc hodie,
 quærunt subiectū uitiorum & uirtutū, nec dum inuenerunt, an in rationali,
 an irrationali parte locanda sint. Beatus, quem tu erudieris Domine, & de
 lege tua docueris, ut liberetur a stultis illis, & uanis cogitationibus: & miti-
 ges ei a diebus istis pessimis, donec fodiat peccatori fouea. Igitur cum A-
 postolo, contemptis habitibus, alijsq; delirjs moralis Philosophiæ, scito,
 aut carnem, aut Spiritum te esse, & utrumq; ex fructibus suis cognosci, quos
 hic Apostolus aperte enumerat.

ff. iij

In istq

COMMENDAMUS IN EPISTOLAM

Varia-
tur in nume-
ro uitiorum.

Erasmus.
Stapulensis.

In isto uitiorum numero, nulli fere consentiunt. B. Augu. 13. B. Am-
bro. 16. Noster. 17. ponit. B. Hiero. 15. recitat, omittens impudicitiam &
homicidia, dicensq; in latinis codicibus adulterium quoq; & impudicitia,
& homicidia, in hoc catalogo uitiorum referuntur scripta: sed sciendum nō
plus, quam quindecim carnis opera nominata, de quibus disseruimus. Hæc
ille. Erasmus & Stapulen. fere cum nostro consentiunt, nisi quod adul-
terium addunt, &, uel luxuriam, uel impudicitiam tollunt.

Opponit autem Apostolus non singulos fructus, singulis operibus:
sed confuse unum multis, & multa multis: ut charitatem & gaudium, for-
nicationi, immundiciæ, luxuriæ, quæ sunt peruersæ dilectiones, peruer-
saq; gaudia, pacem, patientiam, longanimitatem, benignitatem, boni-
tatem, inimicitijs, contentionibus, litibus, iræ, rixis &c. fidem hæresi-
bus, idolatriæ, ueneficijs: Continentiam, ebrietatibus & comessationi-
bus.

Fornicatio.
Immunditia.
Luxuria.

Idolatria.

Idolatre.

Veneficium.
Pharmacum.

Inimicitie.
Lites.

Iræ.

Primum est, fornicatio, nota satis. Secundum immundicia, qua
D. Hiero. comprehendit omnes extraordinarias infandasq; uoluptates.
Tertium luxuria, nam impudicitia nostri textus, uidetur e margine, re-
lata in textum, ut quam aliquis glosandi studio, super immundiciam uel
luxuriam signarit, aut ita in alijs haberi notarit, Hanc autem, licet D.
Hiero. generaliter extenderit, etiam ad excessum coniugum, græce ta-
men aselgia lasciuiæ, uel ut Ambro. obscœnitas dicitur, quod ad mores,
gestus quoq; & uerba pertinere potest. Quartum idolatria, etiam ipsa no-
ta satis, sed nunc nulla saltem crassa illa, & quæ in gentibus erat. Cate-
rum, quorum Deus uenter est, & qui auari sunt, etiam Apostolo autore
idolatre sunt. Idolatre sunt omnes adulescentes & superbi, ac quicumq; glori-
antur in homine, uel seipso uel altero. Ita hodie, non parum multi principes
& pontifices, idola sunt. Quintum ueneficium est, quod malum hodie
mire increscit. Dicitur autem, Hiero. teste, ars malefica. Pharmacum e-
nim græce uenenum uel medicamentum dicitur, inde Pharmaceutria, ue-
nifica. Igitur magos, maleficos, carminatrices, & si qui alij, qui pactis
dæmonum usi illudunt, nocent, furantur proximis suis Apostolus signi-
ficat. Claret autem tanti Apostoli quoq; autoritate, ueneficia illa non esse
nihil: sed posse nocere, quod multi non credunt. Sextum inimicitia, si-
multates, & silentia inter se odia esse uidentur. Lites quod noster textus,
contentiones, græcus eris, id est, lis, opus inimiciarum, æmulationes seu
zeli, supra dictum est. Iræ notum est. Rixæ, quas D. Hiero. græce eri-
theas dici aptius putat, quando scilicet aliquis ad contradicendum para-
tus, stomacho delectatur alieno, & muliebri iurgio contendit, & prouo-
cat contendentem.

Hæc omnia experientia & exemplo duorum aduersariorum melius,
quam descriptione colligere possis. Primum enim sunt inimici atq; discor-
des, tum data quacuncq; occasione, mox litigant: litigantes autem æmu-
lantur, dum quisq; alteri superior esse nititur: æmulantes autem irascuntur:
Irati autem quærunt utrinq; quod dicant, aut faciant, aut omittant, quod
alterum mordeat ac prouocet, hoc est, rixantur. Rixantes autem dissen-
tiunt, & quisq; sua defendere promptus est, alienaq; infirmare. Ex quibus
tunc sectæ & hæreses fiunt, dum quisq; alios in suam partem trahit, &
alteri abstrahit. Hinc alitur inuidia atrox malum, tandem in cædes &
homicidia ruunt. Et hic finis huius mali. Exemplum sume inter duos fo-
renses aduersarios, aut duas respublicas inuicem aduersarias, aut inter
duos Sophistas ac Theologistas, pro opinionibus suis certantes. No-
uem ergo gradibus seu capitibus, distinxit concupiscentiam illam carnis
amarulen-

amarulentam atq; colericam, adeo detestatur aduersarios charitatis Apostolus. Addit hic D. Hiero. hæreticum dici omnem, qui Scripturam aliter intelligit, quam sensus Spiritus sancti flagitat, etiam si de Ecclesia non recesserit: dura sententia, super Aristotelicos Theologos.

Hæretici apud Hieronymum.

Lucæ. 1. Deinde septimum, ebrietas, quæ non tantum uino, sed omnia aliò genere potus prohibetur. Vnde Lucæ: 1. Vinum & syceram, id est, in ebriatium non bibet. Commendatur sane abstinencia uini & sobrietas in uarijs Scripturæ locis. Contra, quid ebrietas præstiterit, satis eiusdem probant Scripturæ, historiæ in Noe, Loth, quorum ebrietas sine propria culpa, non tamen sine malo aliorum contigit. Sed notæ sunt historiæ passim. *Lucæ 21.* Vnde Christus Lucæ 21. Attendite, ne grauentur corda uestra crapula & ebrietate. Et certe, ebrietatem satis apparet, esse quandam pestem in nostris regionibus, diuino furore immissam: fugimus passim pestilentiam carnis, & omni studio nos armamus & curamus, ne corripiamur ab ea. In hanc uero pestem, insigni cæcitate, nos ipsi irruimus, nec est, qui saltem moneat, nedum prohibeat. Deniq; impetuosi grassatur, quam ut spes esse possit eam expurgandi.

Ebrietas est pestis quedam.

Vltimum comessatio, quæ Lucæ. 21. crapula dicitur, sicut ebrietas nimium bibendo, ita crapula nimium comedendo grauat corda. Et hoc celebre malum, mire crescit etiam in Ducibus populi, & magnatibus Israel, tanto luxu, tanto apparatu, tanta ferculorum copia & uarietate, ut priscorum insignes crapulas uideantur, data opera uelle irridere. Venit autem uerbum Comessatio, a Nomine comos, qui græcis Deus conuiuij & crapulæ dictus est, ut sicut a Venere libido, ita a Como crapula dicitur: utrunq; sane numen potentissimum & uicinum: huic uenter, illi ea, quæ infra ventrem sunt, seruiunt. Et Comos Venerem seruat ac uegetat, alioquin, sine Cerere & Baccho friget Venus.

Comessatio.

Origo comessationis.

In fine addit & ijs similia, quia, quis omnem lernam carnalis uitæ recenscat? Nam superbiam & uanam gloriam satis sub æmulatione & zelo comprehendit: detractionem, maledicta, clamorem, blasphemias, sub ira, inuidia, dissensione &c. dolos, fraudes, insidias, mendacia, sub eisdem Partes enim aliquot signauit, ne Galatæ causarentur sese nescire, quomodo carnis concupiscentijs resisterent.

Quæ prædico uobis, sicut prædixi, quoniam qui talia agunt, regnum Dei non consequentur.

ECce hoc est, Spiritu ambulare, & non perficere carnis desideria, Spiritu duci, non esse sub lege, atq; omnem legem in uno charitatis capitulo complecti, scilicet, si hæc non fiant. Iam uides, quod non sufficiat sola fides, & tamen sola fides iustificat: quia si uera est, impetrat Spiritum charitatis. Spiritus autem charitatis, hæc omnia fugit, ac sic legem implet, & regnum Dei consequitur. Proinde totum fidei tribuendum, si des autem uerbo, uerbum autem diuinæ misericordiæ mittentis uerbi Apostolos & prædicatores, ut sit omnis sufficientia nostra ex Deo, a quo uenit omne donum, & datum optimum. Hæc sunt, quæ in populo tractari oportuit, & eo ordine tractari, quo ab Apostolo traduntur: ut primum de suis uiribus desperantes, uerbum fidei audiant, audientes credant, credentes inuocent, inuocantes exaudiantur, exauditi Spiritum charitatis accipiant, accepto Spiritu, Spiritu ambulent, & desideria carnis non perficiant, sed crucifigant, crucifixi cum Christo resurgant, & regnum Dei possideant.

Sola fides non sufficit, sola tamen iustificat.

Apostolica populi docendi ratio.

Nos autem in operibus a nobis electis & statutis, animas occupamus,
semper

COMMENDAMUS IN EPISTOLAM

*Meritum congrui
condigni.*

semper docentes, & nunquam ueritatis scientiam attingentes, imo contra pietatem, liberum arbitrium, & uirtutes nostras erigentes, praesumptionem docentes, & merita congrui & condigni uanissime iactantes, tandem noticiam Christi, penitus tollentes, & miserrimas conscientias hominibus multiplicantes.

*Non peccare,
peccatum non habere*

B. August. super uerbo, qui talia agunt. Agunt (inquit) talia, qui cupiditatibus carnalibus consentientes, facienda esse decernunt, etiam si adimplendi facultas non datur. Et subiungit miram distinctionem. Aliud (inquit) est non peccare, & aliud, peccatum non habere. Nam in quo peccatum non regnat, non peccat, hic est, qui non obedit desideriis eius, in quo autem non existunt omnino ista desideria, non solum non peccat, sed etiam non habet peccatum. Quod, etsi multis ex partibus in ista uita possit effici: ex omni tamen parte, non nisi in resurrectione, atque commutatione carnis sperandum est. Haec distinctio idem docet, quod supra satis est dictum, quod homo in quantum spiritu ambulat, iustus & sanctus est, ac non peccat. At, in quantum desideriis adhuc mouetur, peccator est & carnalis. Habet ergo peccatum in carne, & peccat caro eius, ipse uero non peccat. Mira sententia, idem homo simul peccat, & non peccat. Hic concordantur duae illae Iohannis Apostoli sententiae. Prior Iohan. 1. Si dixerimus, quia peccatum non habemus nosipsums seducimus. Posterior. 3. & 5. Omnis, qui natus est ex Deo, non peccat. Omnes ergo sancti habent peccatum, suntque peccatores: & nullus peccat. Iusti sunt, iuxta illud, quod gratia in eis sanauit: peccatores, iuxta quod adhuc sanandi sunt. I. Iob. 1.

Fructus autem Spiritus est, charitas, gaudium, pax, patientia, benignitas, bonitas, longanimitas, mansuetudo, fides, modestia, continentia, castitas.

Non est dubium, quin tantum nouem fructus numerauit Paulus, ut ex D. Hiero. B. August. & graeco liquet, ubi sic censentur fructus Spiritus est, charitas, gaudium, pax, longanimitas, benignitas, bonitas, fides, mansuetudo, continentia. Apparet autem numerum duodecimū istum creuisse, imperita aliquorum diligentia. Qui cum uel in glossa, uel margine, uel in Hiero. inuenissent, patientiam, in textum retulerunt, in quartum locum, in quo longanimitas ponenda fuit, quam in septimum transtulerunt. Deinde continentiam, id quod modestiam & castitatem ex D. Hiero. significare uiderunt, adiecerunt has duas textui. Et fidei & mansuetudinis loca permutarunt.

Perit ergo fundamentum doctrinae illorum, de duodecim fructibus, non modo defectu numeri, uerum, & ratione intelligentiae. Illi enim ex fructibus faciunt suos habitus in anima subiectiue haerentes. Apostolus autem facit eos opera spiritus uitalia, & per totum hominem diffusa. Opponit enim eos operibus carnis, sed & Spiritus hoc loco (licet refragante Hiero.) non Spiritum sanctum significat, sed spiritualem hominem, ut sit antithesis, opera carnis, fructus spiritus. Caro arbor mala, proferens spinas & tribulos: Spiritus arbor bona, proferens uuas & ficus, ut Matt. 7. Nam & Amb. dicit, quod lex spiritus haec operatur. Et B. Hiero. in uiam rediens, Spiritum, arborē bonam interpretatur. Item, carnis opera, non fructus: Spiritus fructus, non opera uocat. Cur hoc? nempe, quod opera carnis non sunt utilia, quia spinis & tribulis nemo frui potest, sed sunt opera mala, tantum nocentia. At opera Spiritus prosunt, & frui illis possumus in aeternum, sunt ficus & uuae terrae promissionis, recte ergo fructus nomine commendantur.

Primus

Primus est charitas, de qua dictum est, non esse eam qualitatem latentem, sed sicut de fide B. August. dicit, quod unusquisque eam certissime uidet, si eam habet: ita & spem certe sentit se habere, ita & charitatem praesertim tempore tentationis, certissime uidet, si habet. Est ergo haec dulcis motus in Deum irascentem, & proximum offendentem, tunc enim probatur charitas Dei, quando percutit & perturbat, sicut in martyribus monstratum est, & in Christo passo. Tunc autem probatur charitas proximi, quando proximus offendit, & odium mereri uidetur. Alioquin, nulla ferme uirtus simulationi magis patet: adeo, ut Rom. 12. Apostolus hoc unum curarit, D. charitas sine simulatione. Habet enim Deus multos amatores, qui in Psal. scribuntur, Confitebitur tibi cum benefeceris ei. Et Psal. 78. Et dilexerunt eum in ore suo, & lingua mentiti sunt ei. Lateat ergo in pace, sed in bello nihil uiuacius sentitur, quam charitas, spes, fides, nisi diffidentiam, desperationem, odium quoque non sentiant.

Charitas quid.

Rom. 12.

Psal 78.

Gaudium secundus fructus (æque ut charitas) in Deo & proximo est. In Deo, quando de diuina misericordia læti sumus, etiam in medijs mundi procellis, laudantes & benedicentes Dominum, in camino ignis, die ac nocte. In proximo uero, quando illius bonis non inuidemus, sed congratulamur, tanquam nostris proprijs, laudantes dona Dei in illis. At sicut carnis sectatores, fingunt charitatem tempore sereno, ita & gaudium, laudant Deum & dona Dei in hominibus, sed donec offendantur, tum opera carnis prouunt, detrahunt donis Dei, quæ prius laudant, tristantur, si detractiōi eorum non sit successus, nec minuatur existimatio proximi. Nemo enim credit quam profunda sit malicia carnis, tam multos secure perdit, donec tententur & probentur.

Plana uidentur & aperta Apostoli uerba; sed si in usum ponas, inuenies quam arduum sit, non operari opera carnis, quæ insensatis illis uidentur a se esse longissima, cum sint illis plenissimi. Nam etiam super religione, super obseruantijs, super bonis operibus, super regulis, statutis, traditionibus, moribus hominum, pleno impetu prouunt: Sed hic accipiunt uelamentum zeli, & amorem iusticiæ. Et pro sancta religione, secure uastant charitatem, & pacem & gaudium. Qui furor hodie, omnia fere monasteria, omnes Ecclesias, & ut Psal. ait. Electiores Israel occupat. Nam in ijs, qui publice mali sunt, facile dignoscuntur. At sub tonsuris, infulis, alijsque sacris ritibus, pulchre saginatur, ac secure regnat Behemoth iste, dum credunt se obsequium Deo præstare, si suæ factionis carnem ament: Extraneos uero immortalī odio persequantur ac criminantur.

Hodie forum Romanum & iurgis scatet.

Tertius est pax, quæ & ipsa duplex est: In Deo, hæc est bona conscientia, in misericordia Christi nixa, sed exuperat quandoque omnem sensum dum turbatur, abscondente se Deo, & faciem auertente, conscientia sibi relicta. In proximo uero, dum ceditur eius uoluntati. Nam pax hæc cum hominibus stare nunquam potest, Si quilibet sua iustificet, tueatur, quarat, expostulet: sicut hodie forum Romanum, & iura, Ecclesiam repleuerunt litibus, iurgijs, causis, interim frusto paruulo pacis contenti, quæ cum suis conueniunt, faciuntque sub ipsis operculum nequitiae: ut nihil minus putent, quam se in operibus carnis esse submersos. Non enim cum quantis discordent, sed cum quantis concordent, attendunt: reliquos etiam docere pacem parati. Prorsus hi nihil de pace intelligunt, quam Apostolus Rom. 12. commendat, dicens, quantum in uobis est, cum omnibus hominibus pacem habentes. Et Matt. 5. Beati pacifici, quoniam filij Dei uocabuntur. Verum, huius pacis dissolutionem, iuristarum sane doctissimi.

COMMENTARIUM D. M. L. IN EPISTOLAM

doctissime excusant, quando uim ui repellere docent, & iusticiam tuendam esse iactant : quasi non sit summa omnium iusticia, iusticiam suam relinquere, & aduersario tollenti pallium cedere, etiam tunica adiecta. Breuiter, impossibile est Euangelium & iura hominum simul seruare. Ideo impossibile est pacem simul cum iuribus stare, maxime nostra ætate, ubi Euangelium nihil est, iura sunt omnia in omnibus. Hic est Angelus in Apocalypsi missus in ira Dei, ut sumeret pacem de terra.

Longanimitas.

Quartus est longanimitas, græce, macrotimia. Non est enim hic hypomone, id est, patientia, nec anochē, id est, tolerantia, quanquam D. Hieron. pro eodem accipere uelit patientiam & longanimitatem : Verum aliud uidetur esse, malos tolerare, aliud eorum iniurias pati, & adhuc eorum expectare emendationem, optare salutem, non cogitare uindictam, quod proprium est longanimitatis. Rom. 2. An diuitias bonitatis, & patientiæ, & longanimitatis, eius contemnitis? Bonitas est, qua benefacit eis. Patientia, qua eos patitur abuti beneficijs, ingratos reddentes malum pro bono. Longanimitas qua expectat emendationem eorum.

Patientia.

*Benignitas.
Bonitas.*

Quintus est benignitas : Sextus bonitas. Quæ sic differunt autore Hierony : Benignitas est uirtus lenis, blanda, tranquilla, & omnium bonorum apta consortio, inuolans ad familiaritatem sui, dulcis alloquio, moribus temperata. Vnde B. Ambros. habet lenitas, hæc passim & barbare uocatur amicitia, uernacula freundlich / holdselig / leutselig, græce chrestotes, quam. 1. Corint. 6. suauitatem interpretatur, dicens. In sua uitate, in spiritu sancto, & hinc Rom. ult. chrestologias, dulces sermones dixit. Et rectius suauitas, quam benignitas mihi diceretur. Quod malignitas contrarium uitium, atrocius est, quam ut difficiles illos & insuaues significet. Dicitur enim de insidijs, bonus homo est, sed nescit hominum se moribus attemperare, et ist fröm / aber gar zu unfreundlich / und nicht leutselig. Bonitas ergo potest esse tristior, & fronte seueris moribus irrugata, ad benefaciendum tamen exposita, nemini nocet, omnibus prodest, sed humanitatis aliquid ei deest.

Bonitas.

*Fides.
Substantia.*

Septimus, fides, quam D. Hierony. eam intelligit, quæ ab Apostolo substantia rerum sperandarum Heb. 11. scribitur. Nam substantiam exponit pro possessione, dicens : Quia, quod fide possidemus, speramus esse uenturum. In qua sententia & ego diu fui, quod obseruassem substantiam, in sacris literis fere ubiq; pro facultatibus & possessione usurpari, maxime, cum ad hoc Hierony. huius loci tenerem autoritatem. Nam, quæ de substantia sententiarum comportarunt, quid est recensere?

Philip. Melanch.

At postquam Philippus meus Melanchthon, adolescens corpore, senex uenerabili mentis canicie, quo in græcis utor præceptore, me sic sapere non permisit, ostenditq; substantiam, quando facultatem significat, non hypostasim (quo uerbo Apostolus Heb. 11. utitur) sed, uel Vñan, uel Broton, uel Hyparxin græce dici, mutauit sententiam, cedere sensu meo, Hypostasim, seu substantiam significare, proprie subsistentiam & substantiā, qua quodlibet in se subsistit, ut Chrysost. sapit, uel etiam promissionē, pactum, de quo nō est nunc tempus latius disputandi, expectationem, quæ uerbi, unde descendit hypotasis, uis & proprietas admittit. Potest autem fides hoc loco non absurde accipi, pro ueritate, seu fidelitate seu simplicitate, quæ neminem fallit, quæ in negocijs, & communi mortalium uita, summe est necessaria, ut etiam duplicem sic fidem inueniamus: unam

Duplex fides.

mus: unam erga Deum, cui fideles sumus, non tantum quod seruamus nostra promissa, quantum quod credimus illius promissis. Alteram erga hominem, cui sumus fideles, seruantes & tenaces pactorum ac promissorum.

Octauus, mansuetudo, quam Hiero. opponit iræ & rixis, quæ a longanimitate forte difficulter distinguitur. At nota est mansuetudo & mitis, quod sit uirtus, quæ non irritatur ad iram, non uindictat: ultra quam longanimitas est, quæ expectat emendationem malorum, qui etiam non irritantur. Nonus, Continentia seu rectius temperantia, quam non tantum in castitate debemus accipere, sed & in potu & cibo. Quare eius sententia castitatem & modestiam completitur. Itaque & coniugum hic frenat licentiam, ut continenter uiuant, modestia temperantes carnis libidinem.

Aduersus huiusmodi non est lex.

Memor argumenti suscepti, semper inculcat legem, quæ non iustificat confidentes in eam. Sic Timo. 1. Lex non est iusto posita. sed rebellibus & parricidis &c. Non indigent lege, qui tales sunt. Vt quid ergo Galatæ ad legem reuertuntur, non modo decalogi, sed etiam ceremonialium? Vides enim Apostolum, non de ceremoniali tantum lege, sed maxime & de morali loqui: Iterum autem suo tropo theologizat Apostolus, quare cauendum est a stulta intelligentia, quasi iustus non debeat bene uiuere, bonaque facere. Nam hoc rudes intelligunt, non esse sub lege: sed iudeo iustus non habet legem, quia nihil debet legi, ut qui habet charitatem, quæ facit & implet legem.

Sicut. 3. & 7. (paradigma est August.) non debent esse decem, sed sunt decem. Nec ad hoc, ut decem fiant, querenda est ulla lex aut regula. Sic domus ædificata, non debet ædificari. Est enim quod ars ædificatoris uelut lex quærebat. Ita iustus non debet bene uiuere, sed bene uiuit: nec indiget lege, quæ doceat eum bene uiuere. Sic uirgo, non debet esse uirgo. Quod si per aliquam legem quæreretur fieri uirgo, nonne insaniret. Iniustus autem debet bene uiuere, quia non bene uiuit, quod lex requirit. Hoc totum urget, ne ex lege & operibus iusti fieri præsumant: sed per fidem accipiant Spiritum sine lege & operibus, quo legi satisfaciant, ut abunde satis dictum est in superioribus.

Qui autem sunt Christi, carnem crucifixerunt cum uitijs & concupiscentijs.

Ad occultam respondet quæstionem, quæ ex prædictis quispiam amotus, quæreretur: Si aduersus hominem non est lex, & sunt iusti, nec debitores legis: ut quid præcipis, ut opera carnis non faciant: spiritu ambulent, & alia faciant? Nonne debitum ab eis exigis? Nonne legem præscribis? Nonne aduersus eos tua præcepta sunt? quid tibi ipsi contradicis? Quid putas aliud responderet, quam quod supra didicimus, quod ij, qui perfecti in ijs sunt, sub lege non sunt: legem implent plene: ideo lex nihil aduersus eos. Verum, dum in carne nemo est, qui hanc metam perfecte attingit: in hoc saltem seruantur, qui Christi sunt, quod carnem suam crucifigunt, & pugnant cum desiderijs eius: & sic Spiritu implent legem Dei, licet carne (ut Rom. 7. dicit) seruiant legi peccati. Quare fructuum Spiritus descriptio, contra quos lex non est, potius præfixa meta est, ad quam nitendum est spiritualibus, quam quod aliquos illuc peruenisse sentiat, tantum ergo illis non aduersatur lex, quantum Spiritu uiuunt: tantum aduersatur, quantum carnis mouentur desiderijs.

COMMENDAMUS IN EPISTOLAM

Et hunc canonem esse intelligendi omnia alia, in quibus iusti & sancti in terra commendantur, pulchre & copiose probat B. Augustinus de natura & gratia. Sic Rom. 6. uetus homo noster simul crucifixus est cum Christo & supra 2. Christo crucifixus sum, uiuo iam non ego, uiuit uero in me Christus. Transeo, quæ hic D. Hierony. ex Origene recenset, neq; satis placent. Dixerat Apostolus non esse legem aduersus spiritum, qui fructificat fructus lege præceptos, ita contra, non operantur opera carnis, faciunt bonum & declinant a malo. Quare & quia sunt Christi, pertinent ad Christum, non ad Moysen, non ad legem. Si autem sunt Christi, sine dubio carnem crucifixam habent, non per legem, quæ carnem magis irritabat, sed per Christum, Q. D. Christi esse non potestis, si legis esse uultis. Si legis estis, carnem non crucifigetis, eritque aduersus uos lex, ideo n, qui sunt Christi, sub lege non sunt, & simul carnem crucifigunt, cum uitijs & desiderijs.

*Christi non sunt,
qui legis sunt.*

Vitia.

Vitia, seu græce passionēs, Hierony. putat generalius dictum, ideo additum concupiscentijs, quia passionēs etiam ad dolorem referuntur. Quid autem, si per uitia seu passionēs intelligat perturbationes irascibilis uirtutis, in amarulentia cordis furentes, & per concupiscentias affectus concupiscibilis, in titillatione carnis blandientes (quisq; suo sensu abundet) Nota est forma huius crucifixionis. Nam clauī sunt uerbum Dei, per impulsū gratiæ Dei penetrantes, & carnem prohibentes, ne sequatur sua desideria. Sic Ecclesi, ultimo. Verba sapientium sicut stimuli, & quasi clauī in altum defixi, quæ per magistrorum consiliū, data sunt a pastore uno, id est, per Apostolos & prophetas a Christo.

*Forma crucifixio-
nis.
Verba sapientium.*

CAPITVLVM VI

Si spiritu uiuimus, spiritu & ambulemus.

Non referre multum credo, quod nostri codices hic Capitulum sextum ordiuntur, quod Hierony. & græci infra incipiunt, Fratres, etsi homo præoccupatus, &c. Eundem seruat ordinem in hac Epistola, quem ad Rom. Nam & illic primo fidem docet, per undecim capitula. Duodecimo, charitatem, & fructus spiritus tractat. Tertiodecimo & reliquis pro suscipiendis infirmis in fide laborat. Ita & hic institutis in fide & charitate, inter alios mores, id curat quoq; ut infirmos aut lapsos non fastidiant. Sic enim B. August. recte (meo iudicio) putat hæc dici in eos, qui de litera reducti in spiritum, infirmiores despiciunt, de seipsis uane gloriantes, ideo moneri, ut, si sunt spirituales, non sibi placeant, sed infirmitates imbecillium sustineant, ut Rom. 14. & 15. dicit. Nam nisi hoc facerent, spiritu quidem inceperant, sed non ambularent spiritu, facti superbi fratrum contemptores.

B. Aug. sententia.

Sensus Apostoli.

Est ergo sensus. Certus sum, quod siue ex hac, siue priore mea doctrina, in spiritu edocti fueritis, aliquot inter uos relinqui, qui scrupulosi sunt, nondum fidei sanam opinionem, ab operibus legis potentes discernere: ut qui timore conscientiae nolunt ab operibus legis desistere, non satis fidentes iusticiæ solius fidei, hos (inquam) oportet non despiciere, sed blande fouere, donec usu & exemplo fortium roborentur firmenturque. Nam ad hoc illi semper relinquuntur, uelut pauperes in medio populi, ut sint, in quos charitatis officia possitis exercere. Ideoque, si spiritu uiuimus, spiritu incedamus, hoc est, perseueremus & procedamus, quod fiet, si infirmo.

In infirmorum imbecillitate, non sinamus nos tentari, ad fastidium eorum, & nostri propriam complacentiam: Hoc enim esset de spiritu declinare, nobis placere, non per charitatem alijs seruire, sicut hodie quoque abundat infirmorum uulgus, etiam inter doctissimos, qui misere torquentur conscientia legum humanarum, nec audent fidere soli fidei in Christum. Et pueri ac esteminati, qui regnant in ecclesia, nihil prorsus cedunt infirmitatibus nostris, sed in turbine & uiolentia, robustas offas opinionum suarum nobis proponunt: modo tyrannidem stabiliant, statim, ut non responderis, quod uolumus. — — — hæreticus, ethnicus, schismaticus (inquiunt) sed hæc alias.

Abulemus, idem uerbum est, quod supra 4. c. coniunctus est ei, &c. Et sit sensus, Sina mons est in Arabia, qui coniunctus est, id est, qui pertingit, ambulat, incedit, usque ad Hierusalem, sicut dictum est illic. Et infra. Quicumque hanc regulam secuti fuerint, id est, inceserint, ambulauerint. Est enim uis huius uerbi, & propria significatio, ordine incedere, recta uia gradi, procedere, ut Erasmus dedit. Vritur autem eo uerbo Apostolus com- *Erasmus.* mode hoc loco, ut non declinent, neque ad sinistram, neque ad dextram, sed ordine recte incedant & ambulent spiritu cepto.

Nam in populo, cum sint firmi & infirmi, duplex oritur scandalum: Vnum a sinistris infirmorum, Alterum a dextris firmorum, quos in medio retinere nititur Apostolus, & scandala utraq; prohibere. Scandalum in- *Scandalum infirmorum.* firmorum est, quando ea fiunt, quæ infirmi non capiunt, & speciem malam *Exemplum.* distinguere non possunt, de quo Rom. 14. latissime: Exempli gratia, quando infirmi uidebant alios uesci tibi omnibus, qui in lege prohibiti erant, ceu immundi, & urgente conscientia, non audebant & ipsi manducare & tamē nec exemplū aliorū improbare. Hic cū Iudæis Iudæus fiebat Paulus, cum infirmis infirmus, ut seruiret eis per charitatem, donec firmarentur in Christo. Vnde Rom. 14. Si propter cibum tuum frater tuus contristatur, tam non secundum charitatem ambulas. Sic de omnibus alijs ceremonijs, di- *Superborum.* erum, festorum, uestium &c. sentiendum. Aliud est superborum, qui rursus offenduntur in infirmis impatientes eorum tarditatis & crassitudinis: ita nulla habita ratione infirmorum, nimis libere utebantur libertate Christi contra legem. Quod cum scandalo infirmorum hæc agebant, cum potius omnem legem debuissent seruare, antequam unum scandalisarent. Sic enim ambulatur spiritu. Quid enim prodest spiritu libertatis contra spiritum & charitatem uti? Licet, (inquiunt) ita sane, sed tua licentia debet *Seruitus charitatis.* posthaberi fraternæ infirmitati: quod tibi non noceat impedita tua licentia, nocet autem fratri, offensa sua per tuam libertatem infirmitas. Charitatis autem est, ut ea quæ alterius sunt, consideres, non tam quantum liber tibi sis, quam quantum fratri pro sis. Huic enim seruituti te charitas subiicit, dum te a seruitute legis liberat. At hodie, Deus bone, quanta monstra pessimæ speciei perpetrantur, & relinquuntur postea infirmis hæc omnia portanda & pie interpretanda, quæ uix robustissimi ferre possunt: sed sine pastore hodie pastores non sunt, omnia sunt alia in specie, alia in uirtute & re ipsa.

Non efficiamur inanis gloriæ cupidi, inuicem prouocantes
in uicem inuidentes.

EXponit latius quod dixerat, tunc (inquit) ambulabitis & incedetis recte in spiritu, si uos qui firmi estis, non inflemini aduersus infirmos *In gloriosos.*

g g ij mos

OMMEN. D. M. L. IN EPISTOLAM

mos non uobis placeatis, & gloriemini contra illos, quod non sunt sicut uos, quemadmodum pharisæus ille in gloria sua, Deum glorificauit & Publicanum confudit. Si enim hoc feceritis, prouocabitis & irritabitis uanissima gloria, infirmiores ad inuidiam. Et ita inuicem eritis uos prouocantes, & illi inuidentes: neutri in recto spiritus ordine incedentes: uos ad dextram, hos ad sinistram deturbat diabolus: uos per gloriam, hos per inuidiam. Quin exemplo Christi, uestra firmitas portet super se infirmitatem illorum, donec & ipsi firmentur. Non enim nobis, sed fratribus uiuimus, si in spiritu & charitate uiuimus: ideo quid illis conueniat & necessarium sit, faciemus. Nulli (inquit) debeat, nisi ut inuicem diligatis. Si esca scandalizat fratrem meum, non manducabo carnes in æternum. Quare? quia fratrem diligo, cuius salus mihi incomparabiliter præferenda est meæ libertati, qua mihi licet, quod ille nondum capit esse licitum. Sic, si scandalizat fratrem meum mea iusticia, sapientia, potentia, aut quodlibet opus, quod licitissimum sit, omittendum est, & seruiendum charitati.

Non nobis sed fratribus in spiritu & charitate uiuendum.

Contra exemptiones, priuilegia indulta, & confessionalia.

At nunc uide, quid faciant exemptiones, priuilegia, indulta, confessionalia. Nonne leges pontificum factæ sunt, non nisi retia pecuniarum & scandala conscientiarum? Nonne tota Germania repleta est querimonia assidua, quod butyrū & lact. cinia permittuntur in diebus ieiunij ijs, qui emerunt plumbum & cæram Romanæ curiæ, cæteris pro sua ruditate interim credentibus, hæc non licere fieri, etiamsi pontifex summus concederet: adeo leges humanæ illis infederunt. Nam homicidia & fornicationes, & ebrietates, & inuidias, & omnia opera carnis, longe minora ducunt, quam butyrum istud priuilegiatum comedere: nec est ullus hic pontificum aut priuilegiatorum, qui huius turbæ misereatur, sed multiplicat auaricia incredibilis hæc priuilegia sine fine, sine modo: quibus non nisi prouocantur infirmi, ad derrahendum, maledicendum, iudicandum. At hos rursus illi firmi, & legum robustissimi contemptores, fortiter inflati, cotemnuunt & apellant boni christian, hoc est, semifatuos. Ille est mos & modus implendæ charitatis hodiernus. Quanto rectius facerent summi pontifices, ut aut in totum abrogarent leges, quo scirent omnes libertatem suam, quam habent in Christo, aut nullis, cum tanto tot infirmarum conscientiarum barathro, priuilegia concederent. Quomodo reddent rationem Christo, pro tot offensis fratribus suis, pro quibus Christus mortuus est? Sed furor auaritiæ hanc charitatem, ne a longe quidem audire permittit.

Scandala infirmorum.

Consilium.

Vtinam non tam uera quæ manifestæ.

Verum, hæc adhuc puerilia & leuissima: ueniamus ad ea, in quibus scandalizantur etiam doctissimi & robustissimi (tanta est diaboli uictoria in Ecclesia) Obsecro, quantus tumultus, quantus rumor, quantus fœtor Romanæ curiæ, de pallijs & annatis, quibus euiscerantur funditus Episcopatus, & sacerdotia Germaniæ? Quid de rapina omnium sacerdotiorum comedendis & deuorandis monasterijs ecclesijsq; ita, ut non sit altare, uel sub terra, quod non Romanorum mulionum auariciæ totum seruiat: interim doctis bonis & populo salutaribus uiris, fame & inopia pereuntibus. Verū metunt Romani carnalia nostra, & seminant nobis spiritualia, hoc est, uentoso, ut de spiritu & uento uiuamus: spiritus enim uentus est, sicut Ephraim (apud Oseam) pascit uentos. Non mirum (inquam) si robustissimi hæc ferre nequeant: sunt enim ultra modum, etiam Apostolicæ perfectioni difficilia ad portandum. At hæc adeo nemo curat pontificum, ut uideantur gaudere de prouocatione nostri, & inuidia sui & illud cæsaris prætereundum, oderint dum metuant. Nam non desunt inflatæ ciuium uisceræ, de potestate tantummodo gloriantes.

Clamat & populus & Clerus.

Oderunt dum metuant.

Deinde

Deinde, quis non amarissime prouocatur primis omnium scandalorum (nam ea, quæ dicta sunt, temporalia sunt) quot compositiones, rapinarum, usurarum, hereditarum, testamentorum, plane omnium restitutionum tam uagarum, quam certarum, siue hæc pupillis, siue pauperibus debeantur, inundant, & remissiones horrendorum peccatorum, etiam obtrudunt, nedum leuissime uendunt tam inuicis quam uolentibus, prætextu unius mortuæ fabricæ sancti Petri, aut alicuius leuoris causæ. Fateor, hæc ferenda sunt, non licet inuidere, non mordere. At quis dabit nobis tam robusta ossa, quæ hæc portent? an non licet querulari infirmitatem nostram? Non licet dicere, ferenda sunt, sed non possumus. Vtq; non est detractio, neq; inuidia, si onus importabile ferendum imponitur, & ego uires mihi decisse clamen.

Exphat.

Ferenda sunt, sed non possumus.

Deinde, quando sacras literas tractamus, hæc & similia, si arguantur, si mordeantur, si proscindantur, sancte & pro officio agitur. Aut, cum illi proceres tam docti & robusti, exigunt a nobis horum tolerantiam, non multo magis etiam ipsi a se exigunt, ne nos prouocent? præsertim, cum prius ducere debeant, non prouocari, quam non inuidere: tum maiori charitati debitores pro statu suo, longe diligentius cauere, ne prouocent, quæ nos ne inuideamus, ut sic nec nos prouocati, nec ipsi inuisi, spiritu incederemus, qui spiritu uiuere debemus.

Dices forte, mi Lector, me semper in Rom. curiam grassari, quod hucusq; nimis insolitum fuit. Respondeo, testis mihi Dominus est, non studio aut libidine mea me hoc facere, qui nihil optem audentius, quam in angulo latere: sed quâdo omnino sacras literas publice tractare debeo, Domino Ihesu Christo uolo pure seruire, quantum possum. Nam, si literæ diuinæ sic tractantur, ut tantum de præteritis intelligantur, ac non nostris moribus quodq; accommodentur, quid proderunt? frigida, mortua, & ne diuinæ quidem tunc sunt. Vides enim, quam apte & uiuaciter hic locus, imò quam necessario in nostrum seculum cedat: quod, quia alij, uel non sunt ausi, uel non intellexerunt, quid mirum, si citra inuidiam fuerunt theologiæ Magistri. Mihi certum est, uerbum Dei non posse sine inuidia, & mortis periculo recte tractari, atq; hoc esse unicum signum, recte fuisse tractatum, si offendat: maxime; principes & optimates populi: petra est scandalali, iuxta quam absorbentur iudices populorum. Deniq; Ecclesia clamat, quod principes eam persequantur, & principes Christum crucifixerunt.

Autoris pietatem uide.

Vide constantiam.

Frates, & si præoccupatus homo fuerit in aliquo delicto; uos, qui spirituales estis, huiusmodi instruite, in Spiritu lenitatis, considerans teipsum, ne & tu tenteris.

ERasmm lege, cur Apostolus repente numerum mutarit, ac non continenter dixerit, considerantes uosipso, ne & uos tentemini. Maiorem enim uim habet, si ad unum uertatur singulariter, & quem que seorsum conueniat. Plane & hæc doctrina dignissima est, & arte mira ab Apostolo temperata, ad formandam in illis charitatem. Primum, Fratres appellat; magis exhortatione blanda, uelut ab æqualibus petens, quam autoritate exigens; uelut ab inferioribus. Deinde, si homo, non ait, si frater, Q. d. Si frater pro humana infirmitate. Quia homines
g g iij sumus

Mira charitatem Apostoli.

COMMEN D M L IN EPISTOLAM

sumus : ceciderit , hoc ipso uerbo ostendens , quo oculo uidere debeamus aliorum casus , nempe commiserationis , & ut promptiores simus extenuare quam aggrauare. Hoc enim Diaboli & detractorum est , illud Paracleti & spiritualium.

Preoccupatus.

Extenuare mala fratrum.

Vos qui spirituales estis.

Paracletus , & imitatores eius

Satan & imitatores eius.

Augustinus.

Vir spiritualis, Homo carnalis.

Instruite in spiritu lenitatis.

Et preoccupatus , praeuentus , improvide lapsus , in quo similiter docet peccatum fratris extenuare , Quia , nisi manifeste indurata malicia , & incorrigibiliter peccarit , nostrum est , illud non maliciae , sed improvidentiae deputare , seu etiam infirmitati , sicut D. Bernardus suos docuit , ut si quis peccatum fratris nullo modo potuerit excusare , saltem dicere debet , magnam fuisse eam & insuperabilem tentationem , qua praeuentus , & plusquam ferre posset , occupatus sit. In aliquo delicto , in aliquo casu : Nam cadere facilissimum est : non ait , in aliqua malicia , iterum uerbo extenuationis usus , nam peccatum leuius & tenuius nominare non possumus , quam lapsum seu casum , quod delictum hic uocat.

Vos qui spirituales estis , Mirum uerbum , quod simul moneat officium , & doceat officium. Docet officium , quod esse debent spirituales : Si sunt spirituales , faciant quod est spiritualium. Quid autem est esse spirituale , nisi filium Spiritus sancti , & habere Spiritum sanctum ? At Spiritus sanctus paracletus est , aduocatus , consolator , qui accusante nos conscientia nostra , coram Deo patrocinator nobis & consolatur , reddens bonum testimonium conscientiae & fiduciae in Dei misericordiam , excusans , extenuans , omninoque tegens peccata nostra , rursus magnificans fidem , & bona opera nostra. Hunc imitantes in peccatis hominum , coram hominibus sunt spirituales.

Contra , Satan uocatur diabolus , detractor & calumniator , quia non solum accusat nos , & conscientiam malam auget coram Deo , sed etiam bonis detrahit , & merita nostra fidemque conscientiae calumniatur. Hunc imitantur in peccatis , aut etiam bonis operibus hominum , coram hominibus , qui aggrauant , incrassant , dilatant peccata hominum : rursus extenuant , acculant , criminantur bona opera eorum. Vnde B. August. hoc loco , nihil ita probat spiritualem virum , quam peccati alieni tractatio : cum liberationem eius potius quam subannationem , potiusque auxilia , quam conuitia meditatur. Contra , carnalem hominem probabis , qui alienum peccatum tractat , tantum ut iudicet , atque uituperet : sicut Phariseus ille publicano insultauit , non autem misertus est.

Instruite in spiritu lenitatis. Vera est enim diui Gregorij sententia : uera iusticia compassionem habet : falsa , indignationem. Ita & Christus , Lucae. 9. cum Ioannes , & Iacobus exemplo Heliae , uellent ignem de caelo super Samaritanos uocare , prohibuit eos dicens : nescitis cuius spiritus filij estis ? Filius hominis non uenit animas perdere , sed saluare , &c. Ita & non quomodo perdamus , sed quomodo saluemus fratrem peccatorem cogitare debemus. Hunc locum Rom. 15. tractans dicit. Debemus autem nos firmiores , imbecillitates infirmorum sustinere , & non nobis placere. Nota uerecundiam & modestiam spiritus paulini : imbecillitates & infirmos uocat , quae superbus aliquis iusticiarius , aut haeretica prauitatis inquisitor dixisset (ut sunt prompti damnare & exurere homines) haeresim , aut crimina in sanctam Romanam Ecclesiam : sic enim loquuntur , quantum de maximis peccatis loquuntur. Paulus autem quaecumque illa sint peccata , infirmitates appellat , & peccatores infirmos : quia non diaboli , sed paracleti lingua loquitur.

Denique

PAULI AD GALATAS. CCCCLIIII

Deniq; subiungit exemplum. Etenim Christus non sibi placuit, sed sicut scriptum est, impropria impropertium tibi ceciderunt super me; Christus portauit hoc est, iuxta Isaiam, peccata nostra portauit, nedum nos cum & in illis nos & peccata nos dereliquit, accusauit, damnauit: non secus nobiscum agens, quam si ipse se ea fecisset, quæ nos feceramus, quæ non rapuit exuoluens. Sic & Phil. 2. idem exemplum inducens, dicit, hoc sentite in uobis; quod & in Christo Iesu, qui cum in forma Dei esset, non rapinam arbitratus est esse se æqualem Deo: sed exinaniuit semetipsum, formam serui accipiens, in similitudinem hominum factus, & habitu inuentus ut homo &c. Ecce similis Christus hominibus, id est, peccatoribus & infirmis. Nec alium habitum, nec aliam formam præ se fert, quam hominis & serui: dum nos non despicit in forma Dei, sed formam nostram gerit, portans peccata nostra in corpore suo. Sed dignior est hæc autoritas, quam ut paucis uerbis tractetur. Neq; enim eius intelligentiam habent Magistri theologiæ: differemus eam interim.

Christus similis hominibus, & peccatoribus.

Igitur in hac uita, sic Ecclesiam Christus administrat, ut, sicut in ueteri testamento prædixit, semper fore pauperes in populo, ut eis occasio fieret charitatis fraternæ exercendæ: Ita in nouo semper relinquit aliquos peccatores, sinit aliquos labi, ut habeant firmiores causam, qua euangelicam & christianam fraternitatem exerceant, ne charitas ociosa sit, ruatq; & ipsa. At hanc diuinæ uoluntatis dispensationem non intelligentes, hypocritæ peruersissimi omnium hominum, ad suam inuidiam exercendam arripiunt: lapsus fratrum tantum ad accusandum, mordendum, persequendum, considerant: nec aliud agere possunt, quam quod Simon leprosus super Mariam Magdalenam, & Phariseus super publicanum.

semper pauperes.

Deniq; addit, Considerans teipsum, ne & tu tenteris: etiam hic modeste loquitur: non ait, ne & tu cadas, sicut alibi, Qui stat, uideat, ne cadat, Sed ne tenteris, tentationem uocans eius casum, Q. D. Si cecideris, dicerem fuisse tentationem magis, quam crimen tuum: eadem lenitate & tu puta tentationem fuisse, quoties lapsus uides, ac non atrocibus nominibus casum fraternum persequaris. Ecce uerba Apostoli, non solum documento, sed simul exemplo sunt. Apud Rhetores seculi gloriosissimum est, uerba ita ponere, ut in eis rem ipsam simul obseruari & geri uideas, quod Paulus, imo Spiritus sanctus proprium habet. Optime itaq; dicit D. Grego. Quoties peccatores conspiciamus, necesse est, ut nos ipsos primum in eis defleamus: quia, uel in similia lapsi sumus, aut labi possumus. Neq; enim est peccatum (ait August) quod fecit homo, quod non facere possit, & alter homo, si Deus deleat. Non etiam reijcio uersiculum, quem sibi quidam in huius rei memoriam fecit. Aut sumus aut fuimus, aut possumus esse, quod hic est. Atq; utinam Thomistæ, Scotistæ, Moderni, huc referrent suum uniuersale reale, & naturam indifferentem. Homo est homo, caro caro: nunquam fecit caro, quod similis caro non faceret, ubi Deus non discerneret.

Considerans teipsum, ne & tu tenteris.

Stylus Spiritus Sancti.

Alter alterius onera portate, Et sic implebitis legem Christi.

Plucherrimo & penitus aureo Epiphonemate utranq; prædictam doctrinam concludit. Sunt (inquit) quidam scrupulosi, non discernentes inter legem fidei & legem hominum: ferendi sunt, & a scandalis eorum omnino

g g Σ iij

COMMEN. D. M. L. IN EPISTOLAM

omnino temperandum. Sunt alij, qui etiam in legem Dei peccata, nec hi stulto zelo Dei, sunt contemnendi, sed utriusque Christiana charitate ferendi, illi docendi, hi instaurandi, illi quid scire, hi quid facere debeant, & ita eorum, & fidei, & operibus formandis seruiendum: Nam primi indigent fidei doctrina, Secundi, bonae uitae institutione, Sic ubique inuenit charitas, quod ferat, quod faciat. Charitas autem est lex Christi. Diligere autem, est ex animo alteri uelle bonum, seu quærere quæ sunt alterius. Iam, si nulus sit, qui erret, qui ruat, id est, qui bono indigeat, quem diliges? cui bonum uoles? cui bonum quæres? Ne potest quidem charitas consistere, nisi sint errantes & peccantes, qui (ut Philosophi dicunt) proprium & ad æquatum obiectum sunt charitatis, seu materia dilectionis.

Amor sui.

Carnalitas uero, seu amor cupiditatis, quærit, ut alij sibi optent bonum, sibi uelint, quæ cupit, hoc est, sua quærit, & materia sua est, iustus, sanctus, pius, bonus &c. Hi sane peruertunt hanc doctrinam, quia uolunt sua onera portari, & solum commodis aliorum frui & ueri, ut qui indoctos, inutiles, iracundos, ineptos, difficiles, morosos, dedignantur habere socios uitæ: sed quærunt humanos, suauis, benignos, quietos, & sanctos homines, hoc est, uolunt, non in terra, sed in paradiso, non inter peccatores, sed inter Angelos, non in mundo, sed in coelo uiuere, quibus quoque timendum est, ne & hic recipiant mercedem suam, & in hac uita suum regnum cœlorum possederint. Nam cum sponsa nolunt esse lilium inter spinas, nec cum Hierusalem in medio gentium posita, nec cum Christo dominari in medio inimicorum. Euacuant enim crucem Christi in seipsis, & ociosam ac stertentem, alijsque humeris uectatam charitatem habent.

Proinde, qui fugiunt talium societatem, ut boni fiant, nihil aliud faciunt, quam ut pessimi omnium fiant, quod tamen non credunt. Quia propter charitatem fugiunt germanum officium charitatis, propter salutem, fugiunt uerum compendium salutis. Ecclesia enim tunc semper fuit optima, quando agebat inter pessimos, horum enim onerum tolerantia, mire tuti uuit eius charitas, sicut Psal. 68. dicit. Posteriora dorsi in pallore auri, hoc est, tolerantia columbæ Christianæ (quæ per dorsi posteriora significatur) tota est rutilantissima in aurea charitate. Alioquin, cur non Moses quoque reliquit duræ ceruicis populum? Cur non Heliseus & Prophetæ reges Israël idolatras?

In Boemorum à Romana ecclesia dissidium.

Causa defectionis Bohemorum.

Consequens est, quod Boemorum dissidium à Romana Ecclesia nulla possit excusatione defendi, quin sit impiū, & Christi omnibus legibus contrarium, quia contra charitatē, in qua omnes leges sumantur, perstat. Nam hoc, quod unice allegant, sese timore Dei & conscientiae defecisse, ne inter malos sacerdotes & Pontifices uiuerent, hoc eos maxime omnium accusat. Si enim sunt mali Pontifices, sacerdotes, aut quicumque, & tu uera charitate ferueres, non diffugeres, sed etiā, si in extremis maris esses, accurreres, fletes, moueres, argueres, prorsus omnia faceres. Et hanc Apostoli doctrinam secutus, non comoda, sed onera ferenda tibi esse scires. Itaque claret totam Boemicæ istius charitatis gloriam, esse meram speciem & lucem, in quam se Angelus Satanæ transfigurat. Nunquid & nos, qui ferimus onera, & uere importabilia monstra Romanæ curiæ; ideo fugimus & discedimus? Absit, absit. Reprehendimus quidem, detestamur, oramus, monemus, sed non scindimus ob hoc unitatem Spiritus, non inflamur aduersus eam, Scientes, quod charitas super omnia eminet, non tantum super rerum corporalium damna, sed etiam super omnia monstra peccatorum, ficta charitas est, quæ non nisi comoda alterius ferre potest. Vulgus sane nostrum (sicut uidemus) ut est infimum in ordine, ita supremum in charitate. Nam patientissime suffert sese a pastoribus, usque ad ossa deglubi & exoriri.

Rursum

Exemplum patientiæ, à germanis suadendum.

Rursum, qui summo ordine inflantur, prorsus nec obulo suo carere possunt, nedum uerbum aut factum in sua privilegia commissum portant. & iustus es domine & rectum iudicium tuum. Sic erunt nouissimi primi, & primi nouissimi.

Nam si quis existimat se aliquid esse, cum nihil sit, ipse se seducit.

Plcherrimam & efficacissimam reddit rationem, utriusque doctrinae, quae est haec. Omnes nos aequales esse, omnesque nihil esse, ut quid ergo inflatur unus aduersus alterum, ac non potius mutuam iuuamus? Si autem aliquid in nobis est, non nostrum, sed Dei donum est. Si autem Dei donum est, iam charitati totum debetur, id est, legi Christi. Si charitati debetur, iam non mihi, sed alijs per ipsum seruiendum est. ita mea eruditio, non est mea, sed ineruditiorum, quibus eam debeo. Mea castitas non est mea, sed carne peccantium quibus per eam seruire debeo, eam Deo offerendo pro illis, eos suscipiendo, excusando, ac sic mea honestate, eorum turpitudinem uelando, coram Deo & hominibus, sicut .1. Cor. 12. scribit, quod inhonesta membra, per honestiora membra teguntur: sic sapientia mea stultis, sic potentia oppressis, sic diuitiae pauperibus, sic iusticia peccatoribus. Haec enim sunt formae Dei, quas exinaniri oportet, ut formae serui in nobis sint, quia his omnibus coram Deo stare & mediare debemus, pro ijs, qui ea non habent, tanquam aliena ueste induti: non secus ac sacerdos, in sacro ornatu sibi alieno, pro circumstantibus sacrificat, sed, & coram hominibus, aduersus detractores, aut uiolentos eadem charitate illis seruire debemus. Sic enim Christus pro nobis fecit. Hic est ille caminus Domini in zion, dulcis illa misericordia patris, qui tam inestimabili uirtute nos copulare uoluit. Hac tessera, hoc Symbolo, hac nota, discernimur Christiani ab omnibus populis, ut essemus Deo in peculium, & genus sacerdotale, & regale sacerdotium.

Quicquid in nobis boni est, Dei est, et totum charitati debetur.

Si tibi chara salus, haec mente repone fidelis.

Caminus Domini in zion.

B. Hiero. de hoc loco duplex sententia

Dupliciter B. Hiero. hunc locum edisserit. Primum, qui se aliquid esse existimat, cum sit nihil, id est, cum omnes nihil sumus coram Deo, ut dictum est. Secundo, qui se existimat aliquid esse, & tamen nihil est, ipse se seducit, hoc est, si quis sentit se esse aliquid & uere altero praestantior est, & in hoc sibi placet, se tantum existimans, sua tantum considerans, non quomodo alijs per hoc seruiat, hic uere se decipit. Quia hoc ipso suo superbiae sensu facit, ut nihil sit, quia tunc donum Dei in eo, frustra est, & similis ipse ei, qui non habet, Sicut auarus etiam habens non habet. Quia non in usu habet. quo haberi diuitiae natae sunt. Ut ergo hic diues, non diues est: sed pauper: ita, ille existimans se esse aliquid, nihil est. Hunc sensum sequitur D. Hiero. & hoc sensu aliter redditur ratio doctrinarum praedictarum. Quia nisi portet onera alterius, inflatus suo sensu, iam nihil sit & idem est, ac si non habeat, imo in damnum suum habet: utrumque mihi placet. Addit autem & norat proprietatem uerbi Seducit, quod graece mentem seducit significat, quia alius est, quam opinatur se esse.

Seducit

Opus autem suum probet unusquisque, & sic in semetipso habebit gloriam & non altero.

Vanae gloriae haec est natura, ut conferat cum ijs, qui impares sibi sunt, ex qua collatione, sequitur fastidium inferioris, & uesica ista inflata de suis bonis. Nec enim uana gloria tam gaudet, quia aliquid est, aut habet, quam quod alij nihil sunt, aut nihil habent. Ita pharisaeus ille non tam

COMMEN. D. M. L. IN EPISTOLAM

*Malevolentia uana
gloria comes.*

non tam gloriabatur de sua sanctitate, quam quod ceteri homines sibi im-
pares uidebatur, praesertim publicanus. Nollet enim ceteros fieri meliores
aut aequales sibi. ideo sua gloria est gloria in altero, & extra seipsum, scilicet
in viliori & minore. Hæc est malevolentia semper comes uanae glo-
riae, gaudere de alienis malis, ac tristari de alienis bonis. Hoc prohibet A-
postolus, ut hanc gloriam in altero nemo habeat, quam longissime a cha-
ritate abest, & abesse debet.

Opus probat.

Probet autem opus suum, id est, omittat opus alienum, non quaerens
quam malus ille sit, sed quam bonus ipse sit, studeat ipse bonis operibus
probatu inueniri, non autem alterius operæ occasione, seturus & stertens
fiat, quasi ideo bonus sit coram Deo habendus, quia melior sit isto malo, ut
sic de alterius malicia plus praesumat, quam in sua opera, quam sine illius ma-
licia. Non fiunt tua opera meliora illius malicia, ideo sic uiue, sic age, ut
opus tuum probes, quatenus in teipso, in tuaque conscientia gloriari pos-
sis, sicut. 2. Cor. 1. dicit. Nam gloria nostra hæc est, testimonium conscien-
tiæ nostræ, non utique spectaculum operis alieni. Opus autem probat si
uideat quam diligens sit in charitate ad portandum alienas infirmitates.
Et certe, qui hoc obseruaret, facile sibi a temerarijs iudicijs & detractioni-
bus temperaret, ut qui inueniret, se, aut diligere, aut non diligere pro-
ximum.

Vnusquisque enim suum onus portabit.

*Nemo iudicandus,
aut damnandus.*

HOc ad praecedens ita pertinet. Quid in altero gloriaris? quid de
alieno peccato uel infirmitate inflaris? Nunquid tu pro eo reddes rati-
onem, aut sicut Rom. 14. eadem sententia dicit. Tu qui es, qui iudicas alienum
seruum? Domino suo stat, aut cadit, Et sequitur: Vnusquisque pro se rati-
onem reddet, quod hic tropo scripturae, onus portare, & supra, iudicium
suum portare, dixit. Vnde & illud Probet autem unusquisque opus suum,
acciperem paulo aliter, ad eandem sententiam, qua Rom. 14. dicit. Tu fi-
dem, quam habes, penes teipsum habe coram Deo, id est, quod scis li-
cita omnia, opus tuum est, sed in hoc coram Deo, & in teipso gloriare, non
utere foris hac libertate, ut glories de hac fide tua, in proximi infirmitate,
nihil curans scandalum eius. Verum, hic sensus generalis de omnibus scan-
dalis non erit, sed tamen de ijs, quæ in lege hominum sunt, ut nunc sunt
sicut dixi, Confessionalia & aliæ facultates, alijs pro pecunijs uenditæ, alijs
uero reſeruatae, ut scandaliscentur.

Communicet autem is, qui catechisatur uerbo ei, qui se ca-
techisat in omnibus bonis.

*Catechiso docto, in-
struo.*

*Stoica philosophia
a Paulo reſtemnitur*

*Omnis creatura
Dei bona.*

ALiam doctrinam Apostolus moralem & nouissimam praescribit,
hæc est, ut praesbyteris uerbum Dei docentibus, seminantibus spiri-
tualia, praebent carnalia, & uitæ necessaria: Dignus est enim operarius
mercede sua, ait Christus: ut latius hæc. 1. Timoth. 5. &. 1. Cor. 9. prosequi-
tur: Mirum autem, quid interpretem delectarit græcas uoces integras mis-
cere, Catechiso doceo, instruere significat: inde catechumeni, qui instru-
untur religione Christi, Stoicam philosophiam Paulus hic cōtemnit, bona uocās
ea, quæ corpori necessaria sunt, cum illi verborum tortores & uolenti co-
actores, non nisi sapientiam & uirtutem (hoc est, superbiam de uanitate)
inter bona numerent. Nos scimus, quod cuncta, quæ fecit Deus, erant
ualde bona: Et omnis creatura Dei bona est: usu uero malo, mala sunt,
non uitio suo, quo usu maxime omnium sapientia & uirtus, (stoicorum bo-
na) mala sunt, cum non nisi insent, si charitas desit.

Vide

Vide pondus uerborum, eruditori in uerbo debetur communio omnium bonorum. Qui uero uerbum non tractant, neque docent, nihil ad eos hæc doctrina. Primum sane & maximum opus in Ecclesia est, uerbi tractatio, quod Dominus Petro ter imposuit, & contentiosissime ab omnibus exegit, quo nunc nihil postremius & abiectius est. Tot sunt officia iuristarum, iudicum, officialium. Tot cantus & ceremoniarum sacerdotum & religiosorum. At uox clamantis in deserto rara est: adeo, ut uere nihil Ecclesie dissimilius sit, quam ipsamet Ecclesia. Nec superfluo addit uerbo, seu (ut græcus habet) uerbum sunt, fuerunt, erunt multi, qui multa fabulentur de suo capite, aut hominum opiniones & traditiones, sicut hodie cernimus cum dolore. At ipsum uerbum, quod utique Euangelium Christi significat, ubi quæso sonat? aut si sonat contaminatum glossis hominum dicit, raucae sunt factæ fauces meæ, ut etiam sic sonans audiri non possit: ne ergo & hi sperent ad se pertinere communionem omnium bonorum.

Primum & maximum opus in Ecclesia, est uerbi Dei tractatio.

Deinde nota, Communicet (inquit) nunc enim non contenti sunt communionem, etiam si uerbum non doceant, sed omnimodam ditionem ac possessionem omnium rerum uendicant. Et iam instructus ab instructore pene mendicat. Creuit enim Ecclesia, donec & imperia transferre, & principatus mundi conferre cœpit. Quid enim ad uerbum? fratribus hoc relinquamus. Atque hoc est, quod Siluester meus Papam dicit geminum Imperatorem totius mundi, ac dominum omnium rerum. Nec mirum, quia scilicet Paulus Apostolus ignarus grammaticæ, quando uoluit dicere, tribuant omnes omnia sua bona Romano pontifici, & faciant imperatorem: parcissimum uocabulum ei in buccam uenit, ut diceret: Communicet autem instructus instructori uerbo omnibus bonis. Credo autem, si scisset per communionem, ditionem, & per instructionem uerbi potestatem dominandi, & per instructum totum mundum intelligenda esse aliquando, sine dubio, hanc doctrinam obticuisset.

Communicet.

Quousque creuit ecclesia.

Siluester.

Iterum mordes? non mordeo, sed necessitate scripturæ elucidandæ, nostri seculi mores commonstro, ut uideamus, quo peruenerit gloria Ecclesiæ, & quæ sit uera aut ficta Ecclesia. Et, ut dicam libere, impossibile est, scripturas posse elucidari, & alias Ecclesias reformari, nisi uniuersale illud reale Romana curia quamprimum reformetur. Hæc enim uerbum Dei audire non potest, nec sustinere, ut pure tractetur. Verbo autem Dei non tractato, neque cæteris ecclesijs succurri potest.

Omnibus bonis (inquit) magna quæstio, quid uelit Apostolus. Nam hic Syluesterascere uidetur, ut qui in omnibus bonis communionem præscribat, nisi quod hoc (ut dixi) solis uerbi tractatoribus tribuit. Quorum cum sint & fuerint infiniti, & unicuique omnes omnia bona debuerint, multos mundos reperiri oportuit, ut quilibet omnibus bonis potiretur. Sed faciunt ista. Omnia bona uocat ea, quibus instructor eget, hoc est, ut temporalia bona, quibus hic uiuitur, cum uerbo intentus, proprio opere acquirere nequeat, omnia ab instructo suo accipiat. Quo simul uerbo præstruit, ne in grauamen fidelium, instructor ab alijs, quam ab ijs, quos instruit, bona accipiat, neque permittere debet instructus, ut hoc ipsum instructori sit necessarium, sed communicet (inquit) ei in omnibus bonis, de suis tribuat, quocumque ille opus habuerit.

Qua

COMMENTARIUM IN EPISTOLAM

*Expende quod hic
dicuntur omnia.*

Quæ regula, si seruanda est, non aliud summo, non aliud medijs pontificibus, non aliud plebanis dabitur, de uno eodemque populo. Deinde, mendicatio aliud erit, quam quod hic præscribitur. Verum, alia nunc tempora: tunc enim, cum Ecclesiastici pastores non esset redditibus & opibus prouisi, hæc præcepta sunt. Et nescio, an melior fuerit, hæc Spiritus doctrina, quam mos, qui nunc regnat. Nunc enim illud Prouerbij. 28. uidemus, propter peccata terræ, multi principes eius. Et hæc multitudo uocatur hodie *Prou. 28.* hierarchia, & ordo Ecclesiæ, secundum sub & supra.

Et hierarchia.

Nolite errare, Deus non irridetur.

Auaritiam taxat.

Auaritiam taxat, quæ uasra est semper in excusationibus, quas dandum aliquid est. Quas Apostolus non exprimit, neque sane omnes posset: multas commemorat D. Hiero. Eadem cura in ueteri quoque testamento cauit, ne ullo modo leuitarum obliuiscerentur, qui aliud non habebant, quam quod de populo accipiebant.

Verbi Dei tractator, multorum inuidia obnoxius.

Accedit ad hoc, quod uerbi tractator necesse est, ut multos offendat, & inuidia pateat, ut sit summe necessarium hoc præceptum Pauli, tum propter auaros, inuidos, sed & propter negligentes. Sunt enim & eiusmodi, qui ideo non tribuunt, quod præsumant hoc ab alijs abunde fieri. Verum, friuolas istas euasiones Paulus egregie præoccupat, & dicit ne erent, Deum non irrideri, etiam si hominem fallere & ludere possint.

Quæ enim seminauerit homo, hæc & metet.

Generalem sententiam particulari causæ adoptat, quam & ad Corinthios ponit, uelut sibi familiarem. Est enim prouerbialis, & pulchre allegorica. Seminat auaricie opus, qui negat communionem bonorum doctori, ideo metet & præmium auaritiæ, sic in omnibus alijs operibus bonis & malis. Nam hac generali sententia, omnia præcepta moralia, & ipsam epistolam concludit.

Quoniam qui seminat in carne sua, de carne & metet corruptionem. Qui autem seminat in spiritu, de Spiritu metet uitam æternam.

*Duo opera, unum
charitatis, alterum
carnis.*

Iterum hic carnem non tantum pro libidine accipi oportet, sed tropo Apostolico, ut & textus ipse cogit, pro omni eo, quod non est spiritus, id est, pro toto homine. Nam falsus uerborum intellectus, Tacio hæretico causam dedit, ut copulam uiri & mulieris damnaret, ex hoc Apostoli loco, quem docte confutat D. Hierony. Igitur caro & Spiritus, duo agri finguntur ab Apostolo allegorisante, duo semina, duo opera, quorum unum est charitas, quod superius in nouem fructibus satis descripsit. Alterum carnis, quod in operibus carnis uidimus. Messes duæ, corruptio. & æterna uita. Erasmus corruptionem intelligit corruptibilem & periturum fructum, qui idem est & nullus, postquam corruptus fuerit.

In sua carne, additum uidetur dedita opera ab Apostolo, & non in spiritu suo, ut remoueret cogitationem de seminatione masculi, in carnem feminæ, ne de hac loqui putaretur. Quanquā uerum est, etiā corruptibile fructum, quia mortalem hominem nasci ex semine uiri; nec ideo sequitur, copulam sexuum

PAULI AD GALATAS CCCCLVII

sexuum esse malam. Sed quid tandem seminatur & metitur in uniuersa terra, quod non sit corruptibile? Quare allegoricū Apostolum intelligi oportet omnino, per seminare, non nisi operari accipiendo, ut expresse ex sequentibus patet.

Bonum autem facientes, non deficiamus.

Tempore enim suo metemus, non deficientes.

Allegoriam suam ipsemet aperit, non ait, in spiritu autem seminantes, sed bonum autem facientes, & tamen addit, tempore suo metemus, alteram partem allegoriæ seruans. Adeo curandum fuit ne hæreticis occasio præstita uideretur calumniandi matrimonij. Igitur seminare in spiritu, est bonum operari, seminare in carne malum operari. Quam doctrinam nunc extendit in longitudinem, & ad perseverantiam hortatur per consolationem futuræ retributionis. Non enim qui inceperit, sed qui perseverauerit, hic saluus erit. Facile est, uno opere incepisse, sed arduum & multis impedimentis contra nitentibus obnoxium, perficere & perseuerare. Quale est (inquit Hieronymus) ut cum peccatores quotidie in malis operibus augeantur, nos in bono opere lassemur.

Ergo dum tempus habemus, operemur bonum ad omnes, maxime autem ad domesticos fidei.

Tendit doctrinam in latitudinem non minus difficilem longitudine, operemur bonum erga omnes gentes, iudæos, gratos, ingratos, amicos, inimicos, proximos alienos: omninoq; sicut de charitate dictum, quod nulla persona ducitur: uidete, quanta latitudo beneuolentiæ christianæ. Rotunda enim esse debet, sicut & Christus Matth. 5. Si diligitis eos qui uos diligunt, quam mercedem habebitis? nonne & publicani hoc faciunt? Domesticos fidei tamen presert, quia ijs arctiori vinculo colligati sumus, ut qui de eadem domo, ecclesia, de eadem familia Christi sunt, quorum una fides, unum baptisma, una spes, unus dominus, & omnia eadem. Putat autem D. Hieronymus ipsos magistros etiam intelligi propter quos hanc doctrinam ceperat, ut eam in eisdem concluderet, quasi domesticos fidei, seruos Christi in domo eius fidem docentes, voluerit intelligi.

Monet idem, quod Apostolus dicit, dum tempus habemus, uitam præsentem, esse tempus sementis, sicut & Christus dicit, Operemini, dum dies est, uenit nox, quando nemo potest operari, quæ contra purgatorium uidentur pugnare, licet enim dicant doctores, in illo non nisi satisfactio nem seu nouo reperto uocabulo satisfactio nem esse, ego ramen non uideo quomodo satisfactio, uel satisfactio, non sit operatio bona. Ideo Apostolum de operibus huius uitæ loqui intelligo, & uerbum eius, nihil de purgatorio loqui, sicut alias dixi.

Videte qualibus literis scripsi uobis, mea manu.

D Hierony. qualibus literis, intelligit de grandibus literis (ita enim πηλικοῖς græce magnitudinē magis, q̃ qualitātē sonat) uolens quod Epistolam ad hunc usque locum, alius se dicente, scripserit, uelut literis minoribus. Et Paulus ab hoc loco, usque in finem maioribus compleuerit, ut manum suam manifeste inter noscentes intelligerent, quantum sollicitudinem pro eis gereret, simul ut superstitionem falsarum literarum, quas sub nomine eius ferebant falsi Doctores, tolleret. Nam & in alijs

h h

epistolis

COMMEN. D. M. L. IN EPISTOLAM

epistolis solet signare, Salutatio mea manu Pauli. Verum, ego Erasmus sequor, qui totam Epistolam sentit ab Apostolo propria manu exaratam, in quo commendat suū æstum, quasi dicat, nunquam soleo propria manu scribere, sed uestræ salutis gratia, uidete, quam magnam Epistolam propria manu scripsi, Alias quidem maiores scripsi, sed manu aliena, ut & uos rem tanto serio percipiat, quanto ego perscripsi. O Apostolicum virum, cui tanta est cura animarum.

Vir Apostolicus.

Quicumque enim uolunt placere in carne, hi cogunt uos circumcidi, tantum ut crucis Christi persecutionem non patiantur.

BReuiter replicat, quæ scripsit. Dixit enim in exordio, si hominibus placerem, Christi seruus non essem, an quæro hominibus placere ludæis enim summe displicebat ista libertatis Christianæ prædicatio, cum per circumcisionem, ut necessariam, iustificari præsumerent, quorum furorem, ut declinarent, atque mitigarent, docebant, quod illis placebat, necessitatem circumcisionis. Non ergo ex iudaismo fuisse certum est hos pseudoapostolos, sed ex christianismo. Quia crucis, quam professi erant, persecutionem exhorrebant, magis amantes uitam suam & pacem, quam Christum. In carne, refertur contra spiritum, Et uerbum placere, absolute accipitur, ut supra, ut sit sensus, uolunt placere in carne, id est, uolunt esse placentes carnaliter, non spiritualiter. Quia placentes carnaliter, placent hominibus, placentes in spiritu seu spiritualiter, placent Deo. Et nota, cogunt uos circumcidi. Circumcisio per se nihil nocebat, uerum, coactio & necessitas, tanquam fides non sufficeret ad iusticiam, damnabilis erat, sic supra: Quare tu cogis gentes iudaizare?

*Cogere ad Cere-
monias.*

Questio.

Solutio.

Quæras, an Apostolus detrahat, & temere iudicet pseudoapostolos, quod crucis Christi persecutionem timuerint, & gloriam suam in carne Galatarum (ut infra dicit) quæsierint? Quis ei dixit, esse eos formidulosos & gloriosos? Nam de absentibus, & præsertim negantibus, uitia diuinare, non est sine peccato, negassent forte, nec potuissent conuinci. Verum, Apostolus in spiritu eruditus, scit hominem, qui Christum non recte prædicat aut sapit, non posse sine timore crucis, & uana gloria esse. Amet uitam suam plusquam Christum, necesse est, qui spiritum Christi non habet, tum inflatur scientia, æque necesse est, ita in aduersis ruat, in prosperis eleuetur oportet, in neutris se rectum & æquabilem præstare potens. Proinde, sine periculo generalem pronunciare possumus sententiam, super quoscunque, si eos uiderimus Christum ignorare, esse eos formidulosos in aduersis, & gloriosos in prosperis, intempestiue deiecti & eleuari. Contra, uere christianis, erectus est in aduersis, confidens in Deum, deiectus in prosperis, timens Deum, non confunditur, dum patitur, nec gloriatur, dum honoratur, ubique rectus & æquabilis.

Neque enim, qui circumciduntur, legem custodiunt, sed uolunt uos circumcidi, ut in carne uestra glorientur.

Idem superius c. i. dixit. Esse debitorem faciendæ uniuersæ legis Ieum, qui se circumcidit, quia, & si foris carnem circumcidunt

Neque

neque tamen, uel hanc circumcissionis, uel ullam aliam implent legem. Quia non hilaritate spiritus, sed timore minantis legis omnia faciunt. Dictum est autem iam saepius, legem sine affectu gratuito implere, idem est quod non implere, sed simulare opera legis. Quod enim uoluntate non fit, coram Deo, & in ueritate, non fit, sed apparet coram hominibus ficti. Iterum pronunciat cum fiducia, esse eos omnes transgressores legis, qui circumciduntur, & legem suis uiribus quaecumque faciunt. Iterum confutans nostros theologos, qui opera sine gratia spiritus, facta moraliter bona, & legem quo ad substantiam facti implentia, non esse peccata, nec contra legem arbitrantur. Sed stat firma sententia, uoluntatem & hilaritatem Spiritus, qui legem impleat non nisi ex fide accipi in Christo, Ceteros omnes, legis osiores esse, & ideo prauaricationis reos.

Lex impletur ex fide.

In carne uestra glorientur, id est, ut carnaliter de uobis glorientur, quod magistri uestri fuerint, uos bona docuerint, sapientes sint & religiosi. Impossibile est enim, ut doctor cuiuscumque professionis non gloriatur, nisi sit in Christo bene institutus, sciens illud cum affectu, non estis uos, qui loquimini: Et unus est magister uester Christus, adeo uiscosa est libido laudis & gloriae praesertim, in rebus ac donis spiritualibus, ut sint scientiae & uirtutes.

Doctorum gloria

Mihi autem absit gloriari, nisi in cruce domini nostri Iesu Christi, per quem mihi mundus crucifixus est, & ego mundo.

Sensus est, gloriantur illi in sapientia, uirtute, iusticia, operibus, doctrina, lege, aut etiam in uobis, & quibuscumque hominibus, Ego glorior me esse stultum, peccatorem, infirmum, passum, & inuentum sine lege, sine operibus, sine iusticia, quae est ex lege, denique sine omnibus, praeter Christum. Volo & gaudeo me esse coram mundo insipientem, malum, & omnium criminum reum, sicut 2. Cor. 12. Libenter gloriabor in infirmitatibus meis, ut inhabitet in me uirtus Christi. Nam crux Christi omnia damnauit, quae mundus probat, etiam sapientiam & iusticiam, sicut 1. Cor. 1. Perdam sapientiam sapientium, & prudentiam prudentium reprobabo. Christus Matth. 5. Beati estis, cum maledixerint uobis homines Et & eiecerint nomen uestrum, tanquam malum, & exprobrauerint uobis. &c.

Contra gloriosos milites.

Cruz Christi omnia dana damnat.

Crucifigi mundo

Ecce, hoc est, non modo con crucifigi Christo, & cruci, passionibusque eius communicare, sed etiam in ijs gloriari, & cum Apostolis ire gaudentes quod digni habeamur, pro nomine eius contumeliam pati. At, qui pro nomine Iesu, honores, diuitias, uoluptates, affectant & acceptant. Deinde contemptum, paupertatem, passiones fugiunt, nunquid gloriantur in cruce Christi? imo, gloriantur in mundo, praetextantes nihilominus nomen Christi, ludibrium ex eo facientes.

Esse ergo crucifixum mundo, est (ut supra c. 1. dixit) iam non ipsum, sed Christum in ipso uiuere, habere carnem cum suis uitijs crucifixam, & spiritui subiectam, qui non sapiat ea, quae super terram sunt & huius mundi, ne iusticias quidem, aut sapientias, sed gloriatur se ijs omnibus carere & non affici, in solo Christo fiducia salutis posita. Esse mundum crucifixum ei, est non Christum, sed mundum uiuere in hominibus, habere carnem

Mundum crucifixum

h h ij

nem

COMMENTARIUS DOMINI MARCI IN EPISTOLAM

nem cum uitis florentem & regnantem in peccatis, non sapere cum Apostolo, quæ sursum sunt, sed gloriari sese abundare in hoc seculo, obtinere diuitias, & ponere spem in homine. Itaque, nec Paulus facit & sapit, quæ mundo placent, nec mundus facit & sapit, quæ Paulo placent, uterque utriusque mortuus, crucifixus, contemptus & abominatus.

In Christo enim Ihesu, neque circumcisio aliquid ualet, neque præputium, sed noua creatura.

Noua creatura est
iusticia ueritatis.
HOc .c.5. satis est expositum, esse scilicet utrumque licitum, sed neutrum necessarium ad salutem, ideoque nihil ad rem, seu præputium, seu circumcisio, non magis quam diuitiæ & inopia. Noua creatura, id est nouus homo, qui (Ephe. 4.) secundum Deum creatus est, in iusticia & sanctitate ueritatis, iuxta psal. 15. Cor mundum crea in me Deus. Et obserua, Iusticia ueritatis ad spiritum pertinet, sanctitas ueritatis ad carnis mundiciam, ut iustus in spiritu per fidem, & mundus in carne per castitatem uiuat. Nam ueritatis dicit, contra iusticiam & sanctitatem speciei & simulationis, quæ ex lege sunt, nec faciunt nouum hominem, nec secundum Deum, sed secundum hominem uiuit & formatur, quicumque huiusmodi. Sic Iacobi 1. Voluntarie enim genuit nos uerbo ueritatis, ut essemus initium aliquod creaturæ eius.

Et quicumque hanc Regulam secuti fuerint, pax super illos & misericordia, & super Israel Dei.

Secuti fuerint, idem uerbum, quod supra, ambulemus, Sicuti fuerint, id est, hac Regula inceserint, Qua regula? nempe, ut noua sint creatura in Christo, iusticia & sanctitate ueritatis fulgeant (quæ est ex fide) non iusticia & sanctitate (quæ est ex lege) simulatis, sese et alios fallant, super quos ira & tribulatio erit, super illos autem pax & misericordia requiescet. Addit super Israel Dei, discernens ab Israel secundum carnem, ut ad Corinthios appellat, qui sunt Israel, carnis, non Dei. Igitur pax super gentes & iudeos, modo inceserint regula fidei & spiritus.

De cætero, nemo mihi molestus sit. Ego enim stigmata domini Ihesu in corpore meo porto.

Contentiosi relinquendi.
GRæce de cætero nemo mihi labores exhibeat, quod D. Hieronymus dupliciter intelligit. Primum, quod Paulus sollicitus sit, ne rursus ei laborem præbeant, in Galatis denuo reformandis. Secundo, quod contentionem uoluit præuenire eorum, qui contradicere uoluerint, Q. d. ego dixi, quæ recta & uera sunt, si quis autem nolens acquiescere ueritati, quærat quid respondeat, magis contendere quam doceri paratus, sciat sese responsione indignum, sicut ad Corinthios scribit. Si quis autem uidetur contentiosus esse, nos talem consuetudinem non habemus, neque ecclesia Dei. Hic sensus mihi placet quod contentiosos relinquendos esse docet etiam B. Augustinus, qui & ipse in libris de ciuitate Dei, denunciat, sese nolle denuo respondere uanissimæ loquacitati. Ita & Apostolus abiicit contentionis studiosos ne frustra cum illis laboret, Quia uere

vere non fructum, sed labores tantum exhibent. Quid si & is sensus non abhorreat, nemo mihi rursus legem resuscitet, in quo sunt labores stulti operum, nec tamen nisi peccata. sicut Psal. 9. sub lingua eius labor & dolor. Quos Christus vocat ad se dicens. Venite ad me omnes, qui laboratis. Quos labores in Aegypto figurauerunt filij Israel: sed cedo.

Alia sententia.

Stigmata; quod latine notas impressas significat, licet possit hic pro passionibus Pauli accipi, tamen quia libenter allegorijs & metaphoris militaribus utitur, omnino pro insignibus uitae christianae accipit, quae sunt carnis crucifixiones & subiectiones, tum fructus spiritus, sicut enim serui dominorum suorum insignia & arma & colores gerunt, ita Paulus & Christianus quisque crucem concupiscentiarum & uitiorum in corpore suo portat. Non sane eo modo, quo nunc insignia Christi, in Clypeum collecta, illiniunt parieti, aut tabulis & libellis, sed in corpore, non alieno, sed meo proprio. Quid proderit, si etiam in auro & smaragdo, non tantum insignia, sed ipsos etiam clauos, immo ipsa uulnera, & sanguinem Christi portaris, & nunquam in corpore tuo imaginem uiuam expresseris. Porro stigmata Mosi & Pontificum & Caesarum, sunt circumcisio, & opera legum humanarum, quae iam sola uiuuntur, eaque infinitis modis uariata ut uix tot insignium genera, imperator cum omnibus suis nobilibus habeat.

Stigmata.

Gratia Domini nostri Ihesu Christi, cum Spiritu uestro fratres, Amen.

Hic enim mos est Epistolae claudendae apud Apostolos, ubi homines uale dicunt. Gratia (inquit) domini nostri, non ira legis non seruus legis quae per seruum Moysen data est, sed gratia & ueritas, quae per Ihesum Christum facta est. In fine, certus sum, eos, quibus meum sapere mors est, etiam hanc saluam meam uehementer abominaturos esse, quod & liberius omnia, & longe aliter quam ipsi sapiant, hanc Epistolam tractarim. Et ubi ego legum pontificiarum onera & scandala questus sum, ipsi me rebellem ecclesiae, sibi fingent, ubi decretis praetuli Euangelium, damnata decreta fabulabuntur, ubi summi pontificis potestatem & dignitatem charitati & necessitati fraternae subieci, blasphemum & his septies haereticum clamabunt. Quos rogo per communem Dominum Ihesum Christum, ut si omnino non possunt sibi temperare, quin me superbum, temerarium, arrogantem, irreuerentem, scandalosum, seditiosum, sanguinarium, schismaticum, & quocumque libitum hucusque fuit nomine, honorent. Age fiat, & si non haec beneuolentissime eis ignouero, non agnoscat me Dominus Ihesus in aeternum. Quin si doctrinae a me tractatae puritas extra periculum esse possit, libens & gratus haeretici nominis opprobrium ferrem. Denique maledictum nomen Martini, Maledicta gloria Martini in aeternum: ut solius patris nostri nomen sanctificetur, qui in coelis, Amen.

Autoris de se praecatio.

Vide candidè Le. Flor si impatiētia Martinam notare possis uel debeas.

Timeo enim superbissimus contemptor, ne ipsi nominibus pessimis inflatus, plus de meo lucro gaudeam, quam de eorum malo doleam. Id saltem unicum mihi, imo sibi concedant, ut paululum seposita Martini odiosissima larua, Apostolum Paulum libere & solum considerent. Et hunc cum Ecclesiae, quae hodie est miserrima, facie conferant, neque estim-

hh ij tam

COMMENTARIVS IN EPISTOLAM

Multæ leges peccati ministræ. tam crassicordes eos existimo, ut non senserint unquam, quid legum multitudo hodie fecerit. Nam quot indies iugulantur & pereunt animæ, propter vnata hanc traditionem, quæ citra ullum delectum omnibus sacerdotibus interdicit vxoribus? horror est intendere, tam in scandala, quam pericula huius unius legis. Similes huic sunt & aliæ multæ, peccati, mortis, inferni, duntaxat ministræ, ut interim taceam iacturam sinceræ pietatis, quæ sub harum tyrannide, paulatim expirauit.

Fiducia condendarum legum non edificat, sed destruit ecclesiam. Si tantis lachrymis res digna censetur, propter unius imperatoris uoluntatē tot milium sanguinē fundi, Quid esse putas (oculos aperi) propter unius hominis, aut unius Ro. ecclesiæ uoluntatem, tot milia perire animarum in æternum? Deniq, si uim charitatis expendimus, proclive fuerit intelligere fiduciam illam condendarum legum, esse potestatem, non in ædificationem, sed in destructionem totius ecclesiæ. Res publica quanto paucioribus legibus administratur, tanto foelicior est. At ecclesiastica nostra, unica lege Charitatis instituta, ut esset una omnium foeliciissima, quanto furore omnipotentis Dei, pro una illa extincta, nubes, siluas, maria legum sustinet, ut etiam titulos earum uix sufficiat ediscere. Denique, quasi hoc parum sit, nullo alio remedio peccati etiam num curant occurrere quam nouas leges multiplicando, peccata peccatis accumulando, &, ut Propheta ait, densum lutum contra se aggrauando.

Alius suo sensu abundet, Turcas nocentissimos omnium, leges has hominum intelligo, nec debuit hac plaga insustentabilis iræ Dei percuti, nisi populus ipse peculiaris Dei, ut cuius ingratitude præ omnibus populis terræ grauissima, meruerit etiam poenam, præ omnibus populis terræ longe atrocissimam. Neque enim est gens in orbe terrarum, cuius miseria possit in hac plaga nobiscum conferri. O Deus quam diu continebis in ira tua misericordias tuas?

Locus Esaie. 64.

Sed cum Esaia gemebundo & plorabundo concludam. Adduxisti populum tuum domine, ut faceres tibi nomen gloriæ. Attende de cælo, & uide de habitaculo sancto tuo, & solio gloriæ tuæ. Vbi est zelus tuus? fortitudo tua? multitudo uiscerum tuorum, & miserationum tuarum super me continuerunt se? Tu enim Pater noster es, & Abraham nesciuit nos, & Israel ignorauit nos. Tu Domine pater noster, & redemptor noster, a seculo nomen tuum, Quare errare fecisti nos de uijs tuis Domine, indurasti cor nostrum, ne timeremus te? Conuertere propter seruos tuos, tribus hæreditatis tuæ, quasi nihilum possederunt populum sanctum tuum, hostes nostri conculcauerunt sanctificationem tuam, facti sumus quasi in principio, cum non dominareris nostri, neq, inuocaretur nomen tuum super nos.

Vtinam cælos dirumperes & descenderes, a facie tua montes defluerent, sicut exustio ignis tabescerent, aquæ arderent igni, ut notum fieret nomen tuum inimicis tuis, a facie tua gentes turbarentur. ECCE TV IRATVS ES ET PECCAVIMVS, IN IPSIS FVIMVS SEMPER, ET SALVABIMVR. Et facti sumus, ut immundi omnes nos & iusticiæ nostræ uniuersæ, quasi pannus menstruatus. Et cecidimus quasi folium, & iniquitates nostræ, quasi uentus abstulerunt nos. Non est, qui inuocet nomen tuum, qui consurgat & teneat te. Abscondisti faciem tuam a nobis, & allisisti nos in manu iniquitatis nostræ. Et nunc Domine pater

ne pater noster es tu, nos uero lutum, & fictor noster tu, & opera manuum
 tuarum omnes nos. Ne irascaris Domine satis, & ne ultra memineris iniqui-
 tatis nostræ. Ecce respice, populus tuus omnes nos, ciuitas sancti tui facta
 est deserta, zion facta est deserta, Hierusalem desolata est, domus sancti-
 ficationis nostræ, & gloriæ nostræ, ubi te laudauerunt patres nostri, facta
 est in exustionem ignis, & omnia desiderabilia nostra uersa sunt in
 ruinas. Nunquid super ijs continebis te Domine? tacebis? & affli-
 ges nos uehementer? Hæc Esaias 63. & 64. Qua oratione
 Ecclesiæ hodiernæ faciem ita depinxit, ut aptius depingi
 non possit. Et utinam huius orationis affectum,
 Deus in cor nostrum infunderet, quo
 iram eius quamprimum miti-
 garemus.

FINIS.

GLORIA IN EXCELSIS
 DEO IN TERRA PAX,
 HOMINIBVS BONA
 VOLUNTAS

hh iij

ANNVS

ANNVS CHRISTI

M. D. XX.

EPISTOLA LV.

THERI AD LEONEM X.
RO. PONTIFICEM: LIBELLO
DE LIBERTATE CHRISTIA-
NA PRAEFIXA.

I H E S V S.

LEONI X. ROMANO
PONTIFICI MARTINVS LV.
THERVS, SALVTEM IN

Christo Ihesu Domino nostro.

Amen.



Nter monstra huius seculi, cum quibus mihi iam in tertium annum res & bellum est, cogor aliquando & ad te suspicere, tuique recordari, Leo Pater beatissime, imo cum tu solus mihi belli causa passim habearis, non possum unquam tui non meminisse. Et ~~quanquam~~ impijs adulatoribus tuis in me sine causa saeuientibus, coactus fuerim a

Sede tua ad futurum prouocare Concilium, nihil ueritus Pij & Iulij tuorum praedecessorum uanissimas constitutiones, id ipsum stulta tyrannide prohibentium, Non tamen unquam interim animum meum a tua Beatitudine sic alienaui, ut non totis uiribus optima quaeque tibi Sedique tuae optarim, eademque sedulis, atque quantum in me fuit, gemebundis precibus apud Deum quaesierim, Atqui eos, qui me auctoritatis & nominis tui maiestate haecenus terrere conati sunt, pene contemnere ac triumphare coepi. Vnum superesse uideo, quod contemnere non possum, quae causa fuit, ut denuo scriberem ad T. B. Haec est, quod accusari me & magno uerti mihi uitio intelligo meam temeritatem, qua nec tuae personae pepercisse iudicor.

pin.
Iulius. II.
Leo. III.

Ego uero, ut rem aperte confitear, conscius mihi sum, ubicunque tuae personae meminisse oportuit, non nisi magnifica & optima de te, dixisse

EPISTOLA AD LEONEM X. CCCCLXI

dixisse. Si uero a me secus factum esset, ipsemet nullis modis probare possem & illorum de me iudicium omni calculo iuuarem, nihilque libentius quam palinodiam huius temeritatis & impietatis meae canerem. Appellauit te Daniele in Babylone, & inuocentiam tuam insignem aduersus contaminatorem tuum Siluestrum, quam egregio studio tutatus sum, quiuis Lector intelligit abunde, Scilicet, celebratior & augustior est in omni terrarum orbe, tot tantorum uirorum literis cantata opinio & uitae tuae inculcata fama, quam ut a quouis uel maximi nominis possit quauis arte impetiri. Non sum tam stultus, ut eum incessam, quem nullus non laudat, quin & mei studij fuit eritque semper, nec eos incessere, quos publica fama foedat. Nullius enim delector crimine, qui & ipse mihi satis conscius sum magnae trabis meae in oculo meo, nec primus esse queam, qui in adulteram lapidem mittat.

Communiter quidem in impias doctrinas inuectus sum acriter, & aduersarios, non ob malos mores, sed ob impietatem, non segniter momordi. Cuius me adeo non poenitet, ut animum induxerim contempto hominum iudicio in ea uehementia zeli perseverare, Christi exemplo, qui genimina uiperarum, coecos, hypocritas, filios diaboli, suos aduersarios pro zelo suo appellat. Et Paulus filium diaboli, plenum omni dolo & malitia Magum criminatur, canes, subdolos, Cauponatores quosdam traducit. Vbi si des molliculos istos auditores, nihil erit Paulo mordacius & immodestius. Quid mordacius Prophetis? Nostri sane seculi aures ita delicatas reddidit adulatorum uersana multitudo, ut quam primum nostra non sentiamus probari, morderi nos clamemus, & cum ueritatem alio titulo repellere nequeamus, mordacitatis, impatientiae, immodestiae pretextu fugiamus. Quid proderit sal, si non mordeat? Quid os gladii si non caedat? Maledictus uir, qui facit opus Domini fraudulenter.

Quare optime Leo, his me literis rogo expurgatum admittas, tibi que persuadeas, me nihil unquam de persona tua mali cogitasse. Deinde me talem esse, qui tibi optima uelim contingere in aeternum: neque mihi cum ullo homine de moribus, sed de solo uerbo ueritatis esse contentionem. In omnibus alijs cedam cuiuis, Verbum deserere & negare nec possum nec uolo. Qui aliud de me sentit, aut aliter mea hausit, non recte sentit, nec uera hausit.

Sedem autem tuam, quae Curia Romana dicitur, quam neque tu, neque Curia Romana,
Nullus hominum potest negare, corruptiorem esse quauis Babylone & Sodoma, & quantum ego capio, prorsus deploratae desperatae atque conclamatae impietatis, sane detestatus sum, indigneque tuli sub tuo nomine & prae-textu Romanae Ecclesiae, ludi Christi populū atque
ita res.

EPISTOLA D. MART. LVTH.

ita restiti, resistamq; dum spiritus fidei in me uixerit. Non quod ad
 impossibilia nitar, & sperem mea solius opera, tot repugnantibus
 furis adulatorum, quidquam promoueri in ista Babylone confusissi-
 ma. Sed quod debitorem me agnoscam Fratrum meorum, quibus
 consuli a me oportet, ut uel pauciores, uel mitius a Romanis pesti-
 bus perdantur. Neq; enim aliud e Roma iam a multis annis in orbem
 inundat (quod non ignoras ipse) q; uastitas rerum, corporum, ani-
 marum & omnium pessimarum rerum pessima exempla. Luce enim
 hæc omnibus clariora sunt & facta est e Romana Ecclesia, quondam
 omnium sanctissima, spelunca Latronum licentiosissima, lupanar
 omnium impudentissimum, regnum peccati, mortis & inferni, ut ad
 maliciam quod accedat, iam cogitare non possit, ne Antichristus
 quidem si uenerit.

E Romana Eccle-
 sia facta spelunca
 latronum.

Interim tu Leo, sicut agnus in medio Luporum sedes, sicut
 Daniel in medio Leonum, & cum Ezechiele inter Scorpiones ha-
 bitas. Quid his monstris unus opponas? adde tibi eruditissimos
 & optimos Cardinales aut quatuor. Quid hi inter tantos? an-
 te ueneno omnibus pereundum uobis, quam de remedio statue-
 re præsumeretis. Actum est de Romana Curia, peruenit in eam
 ira Dei usq; in finem. Concilia odit, reformari metuit, furorem im-
 pietatis sue mitigare nequit, & implet matris sue elogium, de qua
 dicitur: Curauimus Babylonem, & non est sanata, derelinquamus
 eam. Officij quidem tui Cardinaliumq; tuorum fuerat, his malis me-
 deri, sed ridet medicam ista podagra manum, & nec currus audit ha-
 benas. Hac affectione tactus dolui semper, optime Leo, his seculis te
 Pontificem factum, qui melioribus dignus eras. Non enim Roma-
 na Curia meretur te tuicq; similes, sed Satanam ipsum, qui & uere
 plus quam tu in Babylone ista regnat.

O utinam deposita ista, quam tibi gloriam esse iactant hostes
 tui perditissimi, priuato potius sacerdotiolo, aut hæreditate paterna
 uiuitares, hac gloria gloriari non sunt digni, nisi Schariotides, filij
 perditionis. Quid enim facis in Curia, mi Leo, nisi quo quisq; est sce-
 leratior & execrator, eo scelicius utatur tuo nomine & autoritate, ad
 perdendas hominum pecunias & animas, ad multiplicanda scelera
 ad opprimendam fidem & ueritatem, cum tota Ecclesia Dei. Ore ue-
 ra infelicissime Leo, & periculosissimo sedens solio, ueritatem enim
 tibi dico, quia bona tibi uolo. Si enim Bernardus suo Eugenio com-
 patitur, cū adhuc meliore spe Romana sedes, licet tum quoq; corrup-
 tissima imperaret, Quid nos non queramus, quibus in trecentis an-
 nis tantum accessit corruptionis & perditionis?

S. Bernardus ad
 Eugenium.

Nonne uerum est, sub uasto isto coelo nihil esse Romana Curia
 corruptius

corruptius, pestilentius, odiosius? Incomparabiliter enim Turcarum
uincit impietatem., Vt reuera quæ olim erat ianua cœli, nunc sit pa-
tens quoddam os inferni, & tale os, quod urgente ira Dei obstrui
non potest, uno tantum relicto miseris consilio, si queamus aliquot
a Romano (ut dixi) isto hiatu reuocare & seruare.

*Ro: Curia uincit
Turcarum impie-
tatem.*

Ecce mi Leo Pater, quo consilio, qua ratione in sedem istam pes-
 tilentiæ debacchatus sim, tantum enim abest, ut in tuam personam
 scuirem, ut sperarem etiam gratiam initurum me, & pro tua salute
 staturum, si carcerem istum tuum, imo infernum tuum, strenue &
 acriter pulsarem. Tibi enim tuæq; salutis profuerit, & tecum multis
 alijs, quidquid in impiæ huius Curie confusionem moliri potest om-
 nium ingeniorum impetus. Tuum officium faciunt, qui huic male-
 faciunt, Christum glorificant, qui eam omnibus modis execrantur,
Breuiter, Christiani sunt, qui Romani non sunt.

SED ut amplius loquar, nec hoc ipsum unquam super cor meum
 ascendit, ut in Romanam Curiam inueherer, aut quidquam de
 ea disputarem. Videns enim desperata omnia salutis remedia, con-
 tempsi & dato repudijs libello dixi ad eam: Qui sordet, sordescat ad-
 huc, & qui immundus est, immundus sit adhuc, tradens me placidis &
 quietis sacrarum literarum studijs, quibus prodessem Fratribus circū-
 me agentibus.

Hic cum nonnihil proficerem: Aperuit oculos suos Satan & ser-
uum suum Iohannem Eccium, insignem Christi aduersarium, exti-
mulauit indomita gloriæ libidine, ut me traheret in harenam inspe-
ratam, captans me in uno uerbulo, de primatu Romanæ Ecclesiæ,
mihi obiter elapso. Hic Traso ille gloriosus, spumans & frendens
factabat, pro gloria Dei, pro honore sanctæ sedis Apostolicæ omnia
se ausurum, & de tua inflatus abutenda sibi potestate, nihil certi-
us expectabat quam uictoriam non tam primatum Petri, quam suum
principatū inter Theologos huius seculi, quærens, ad quem non paruum
momentum habere ducebat, si Lutherum duceret in triumpho. Quod
ubi Sophistæ infelicitè cessit, incredibilis furia hominem exagitat.
Sentit enim sua culpa solius factum esse quidquid Romanæ infamiæ
per me natum est.

Iohannes Eccius.

Atq; sine me, quæso, optime Leo, hic & meam aliquando causam
 agere, uerosq; tuos hostes accusare. Notum esse arbitror tibi, quid
 mecum egerit Cardinalis S. Sixti Legatus tuus imprudens & infelix,
imo infidelis. In cuius manu ob tui nominis reuerentiā cum me & om-
nia mea posuisses, non hoc egit, ut pacem statueret, q̃p uno uerbulo
potuisset facile statuere, cum ego tum promitterem silentium & finē
causæ meæ facturum, si aduersarijs idem mandaretur. At homo
 gloriæ

*Cajetanus Card:
S. Sixti.*

EPISTOLA D. MART. LVTH.

„gloriæ, non contentus eo pacto, coepit aduersarios iustificare, li-
 „centiam aperire & mihi palinodiam mandare, id quod in mandatis
 „prorsus non habuit. Hic sane, ubi causa in optimo loco erat, illius
 „importuna tyrannide uenit in multo peiorem, unde quidquid post
 „hæc secutum est, non Lutheri, sed Caietani tota culpa est, qui ut sile-
 „rem & quiescerem non est passus, quod tum summis uiribus posce-
 „bam, Quid enim facere amplius debui?

Carolus Miltitius.

Secutus est Carolus Miltitius, & ipse B. T. nuncius, qui multo
 & uario negotio cursans & recursans, nihilq; omittens, quod ad re-
 parandum causæ statum, quem Caietanus temere & superbe turba-
 uerat, pertineret, Vix tandem etiam auxilio illustrissimi Principis
 Friderici Electoris effecit, ut semel & iterum familiariter mecum lo-
 queretur. Vbi denuo tuo nomini cessi, paratus silere, acceptans etiã
 iudicem uel Archiepiscopum Treuerensem, uel Episcopum Numbur-
 gensem, Atq; ita factum & impetratum. Dum hac spe bona agun-
 tur, Ecce alter & maior hostis tuus, irruit Eccius cum disputatione
Lipfica, quam instituerat contra D. Carlstadium, & noua accepta
 de primatu Papæ quæstione, in me uertit insperatum arma, & peni-
 tus hoc consilium pacis dissipat. Expectat interim Carolus Miltitius,
 disputatur, Iudices eliguntur, nec hic aliquid decernitur. Nec mi-
 rum, quando Eccij mendacijs, simulationibus, technis omnia ubiq;
erant turbatissima, exulceratissima, confusissima, ut quocunq; incli-
nasset sententia, maius esset exoriturum incendium, Gloriam enim,
non ueritatem, querebat, Nihil etiam hic omisi quod a me fieri oport-
teret.

Lipfica disputatio

Et fateor, hac occasione non parum uenisse ad lucem Romanæ
 rum corruptelarum, sed in qua, si quid peccatum est, Eccij culpa est,
 qui onus supra uires suscipiens, dum gloriam suam furiose captat,
 ignominiam Romanam in totum orbem reuelat.

*Eccius Adulator.
 Leo: X.*

Hic est ille hostis tuus, mi Leo, seu potius Curiaæ tuæ, huius
unius exemplo discere possumus, non esse hostem adulatorem nocen-
torem. Quid enim sua adulatione promouit, nisi malum, quod
 nullus Regum promouere potuisset? foetet enim hodie nomen Ro-
 manæ Curiaæ in orbe, & languet papalis autoritas, famosa inscicia
 male audit, quorum nullum audiremus, si Eccius Caroli & meum de
 pace consilium non turbasset, id quod non obscure & ipse sentit, se-
 ro & frustra indignatus in Libellorum meorum editionem. Hoc de-
 bebat tum cogitare, cum totus in gloriam, sicut hinniens emissarius
 insaniret, neq; alia quam sua in te, tuo tamen maximo periculo quæ-
 reret. Sperabat homo uanissimus me formidine nominis tui cessurum
 & taciturum (nam de ingenio & eruditione non credo quod præ-
 sumperit)

ANNO
 1519.

sumpserit) Nunc cum nimio me confidere & sonare uideat, sera poenitentia temeritatis suae, intelligit esse in coelo, qui superbis resistat, & praesumentes humiliet, si tamen intelligit.

Nihil itaque hac Disputatione promouentibus nobis nisi maiorem confusionem Romanae causae, iam tertio Carolus Miltitius pater ordinis capitulo congregatos adit, consilium petit componendae causae, quae iam disturbatissima & periculosissima esset. Mittuntur hinc ad me, cum uiribus in me (Deo propicio) non sit spes grassandi, aliquot celebriores ex illis, qui petunt, ut saltem T. B. personam honorem, & literis humilitatis excusam innocentiam & tuam & meam, esse adhuc rem non in extremo desperationis loco, si Leo X. pro sua innata bonitate manum admoueret. Hic ego, qui semper pacem & obtuli & optaui, ut placidioribus et utilioribus studiis inseruire, cum & in hoc ipsum tanto spiritu sim tumultuatus, ut eos quos mihi longissime impares esse uidebam, magnitudine & impetu, tam uerborum quam animi compescerem, non modo libens cessi, sed & cum gaudio & gratitudine acceptaui, ut gratissimum beneficium, si dignum fuerit spei nostrae satisfacere.

ITa uenio, Beatissime Pater, & adhuc prostratus rogo si fieri potest, manum apponas, & adulatoribus istis, pacis hostibus, dum pacem simulant, frenum iniicias. Porro palinodiam ut canam, beatissime pater, non est quod ullus praesumat, nisi malit adhuc maiore turbine causam inuoluere. Deinde leges interpretandi uerbi Dei non patior, cum oporteat uerbum Dei esse non alligatum, quod libertatem docet omnium aliorum. His duobus saluis, nihil est quod non facere & pati possim, ac libentissime uelim, Contentiones odi, neminem prouocabo, sed prouocari rursus nolo, prouocatus autem, Christo magistro, elinguis non ero. Poterit enim T. B. breui & facili uerbo contentionibus istis ad se uocatis & extinctis silentium & pacem utrinque mandare, id quod semper audire desiderauimus.

Proinde, mi pater Leo, caue Syrenas istos audias, qui te non purum hominem, sed mixtum Deum faciunt, ut quauis mandare & exigere possis. Non fiet ita, nec praeualebis. Seruus seruorum es, & praeter omnibus hominibus miserrimo & periculosissimo loco. Non te fallant, qui te Dominum mundi fingunt, qui sine tua autoritate nullum Christianum esse sinunt, qui te in Coelum, Infernum, Purgatorium posse aliquid garriunt. Hostes hi tui sunt & animam tuam ad perdendum quaerunt, sicut Isaias dicit: Popule meus, qui te beatum praedicant, ipsi te decipiunt. Errant, qui te supra Concilium & uniuersalem Ecclesiam eleuant. Errant, qui tibi soli Scripturae interpretandae ius tribuunt, suas enim hi omnes impietates sub tuo nomine statuere

EPISTOLA LVTH AD LEO X

tuere in Ecclesia quærunt, Et proh dolor, multum per eos Satan profecit in tuis Prædecessoribus.

Vicarius.

Summa, nullis crede, qui te exaltant, sed qui te humiliant. Hoc enim est iudicium Dei: Deposuit potentes de sede, & exaltauit humiles. Vide quæ dispar sit Christus suis Successoribus, cum tamen omnes uelint eius esse Vicarij, Et metuo, ne reuera plurimi eorum sint & nimirum serio Vicarij eius, Vicarius enim, absentis principis est. Quod si Pontifex absente Christo & non inhabitante in corde eius, præsit, quid aliud quam Vicarius Christi est? At quid tum illa Ecclesia nisi multitudo sine Christo est? Quid uero talis Vicarius nisi Antichristus & Idolum est? Quanto rectius Apostoli, qui se seruos Christi appellant præsentis, non Vicarios absentis.

Impudens forte sum, tantum uerticem uisus docere, a quo doceri omnes oportet, & sicut iactant pestilentiae tuæ, a quo iudicantium Throni accipiunt sententiam. Sed æmulor S. Bernardum in libello de Confid. ad Eugenium, omni Pontifici memoriter noscendo, Neque enim docendi studio, sed puræ fidelisq; sollicitudinis officio hoc facio, quæ cogit nos etiam omnia tuta uereri proximis nostris, nec patitur rationem dignitatis aut indignitatis haberi, solis periculis & commodis alienis intenta. Cum enim sciam T. B. uersari & fluctuari Romæ, id est, medio mari infinitis periculis undiq; urgente, & ea te miserrime conditione laborantē, ut etiam cuiusq; minimi fratris minima ope indigeas, non uideor mihi absurdus, si interim molestatis tuæ obliuiscar dū officiū charitatis impleuero, nolo adulari in re tam seria & periculosa, in qua si amicus esse & plus quam subiectissimus tibi non intelligar, est qui intelligat & iudicet.

IN fine ne uacuus aduenerim B. P. mecum affero Tractatulū hunc sub tuo nomine editum, uelut auspicio pacis componendæ, & bonæ spei, in quo gustare possis, quibusnam studijs ego malim & possim fructuosius occupari, si per impios adulatores tuos liceret, & hætenus licuisset. Parua res est, si corpus spectes, sed summa, ni fallor, uitæ Christianæ compendio congesta, si sententiam captes. Neq; habeo pauper aliud quo gratificer, nec tu alio eges, q̃ spirituali dono augeri. Quo & meipsum Paternati & B. tuæ commendo, q̃ Dominus Ihesus seruet in perpetuum, Amen.

Wittenbergæ, Anno M. D. XX. VI. Aprilis.

DE LI

DE LIBERTATE CHRISTIANA.



Acilis res multis est uisa, Christiana fides, quam & non pauci inter uirtutes ceu socias numerant, quod faciunt, quia nullo experimento eam probauerunt, nec quantæ sit uirtutis unquam gustauerunt, cum fieri non possit ut bene de ea scribat, aut recte scripta bene intelligat, qui non spiritum eiusdem, urgentibus tribulationibus, aliquando gustauerit.

Christiana fides.

Qui autem uel paululum gustauit, non potest unquam satis de eadem scribere, dicere, cogitare, audire. Fons enim uiuus est saliens in uitam æternam ut Christus Iohan. 4. appellat.

Ego autem quanquam de abundantia non glorier, sciamque quam sit mihi curta suppellex, spero tamen nonnullam guttam fidei, magnis & uarijs agitarum tentationibus me consecutum, posseque, si non elegantius, certe solidius de ea re dicere, quam literales illi & subtiles nimirum Disputatores hactenus differuerunt, sua ipsorum non intelligentes. Quo autem faciliorem usam rudibus (nam ipse solis seruo) aperiam, duo hæc Themata præmitto, de libertate & seruitute spiritus.

Christianus homo omnium Dominus est liberrimus, nulli subiectus. Christianus homo omnium Seruus est officiosissimus, omnibus subiectus.

Hæc quanquam pugnare uideantur, tamen ubi conuenire inuenta fuerint, pulchre facient ad institutum nostrum. Sunt enim ipsius Pauli utraq; dicentis. 1. Corin. 9. Cum liber essem, omnium me seruum feci. Ro. 13.

1. Cor. 9. Nemini quidquam debeatis, nisi ut inuicem diligatis. Amor uero natura sua officiosus est, & obsequens ei quod amatur. Sic & Christus, quam omnium Dominus, factus tamen ex muliere, factus est sub lege, simul liber & seruus, simul in forma Dei & in forma serui.

Altiore & crassiore petamus ista principio. Homo enim duplici constat natura, spirituali & corporali. Iuxta spirituales, quam dicunt animam, uocatur spiritualis, interior, nouus homo. Iuxta corporalem, quam carnem dicunt, uocatur carnalis, exterior, uetus homo. De quo Apostolus 2. Corin. 4. Licet is qui foris est, noster homo corrumpatur, tamen is qui intus est, renouatur de die in diem. Hæc diuersitas facit, ut in Scripturis, pugnantia de eodem homine dicantur, cum & ipsi duo homines in eodem homine sibi pugnent, dum caro concupiscit aduersus spiritum, & spiritus aduersus carnem, Galat. 5.

Homo duplici natura constat.

2. Cor. 4. Galat. 5.

Primum autem interiorem hominem apprehendimus, uisuri quam nam ratione iustus, liber, uereque Christianus, hoc est, spiritualis, nouus, interior homo fiat. Et constat, nullam prorsus rerum externarum, quocunque censeantur nomine, aliquid habere momenti ad iusticiam aut libertatem Christianam, Sicut nec ad iniusticiam, aut seruitutem parandam. Quod inductione facile persuadetur.

Interior homo.

Quid enim prodesse queat animæ, si corpus bene habeat, liberum & uiuax sit, edat, bibat, agatque ut libuerit, cum ipse rebus floreat etiam im-

Externa nec prosunt nec obfunt animæ.

ii ij pssimi

DE LIBERTATE

piissimi omnium scelerum serui? Rursus, quid obfuerit animæ mala ualeat letudo, aut captiuitas, aut fames, aut sitis, aut quoduis incommodum eternum, cum ipsæ res uexentur, etiam piissimi puraque conscientia liberrimi? Neutra harum rerum pertingit ad animæ siue libertatem siue seruitutem.

Ita nihil profuerit, si corpus sacris uestibus, more sacrorum ornatur, aut locis sacris uersetur, aut officijs sacris occupetur, aut oret, ieiunet, abstineat certis cibis, & faciat opus quodcumque per corpus & in corpore fieri potest. Longe alia re opus erit ad iusticiam & libertatem animæ, cum ea, quæ dicta sunt, geri possint a quouis impio, nec his studijs alij quam hypocritæ euadant. Et diuerso, nihil oberit animæ, si corpus uestiatur prophanis, uersetur locis prophanis, edat, bibat communiter, non oret uoce, omittatque omnia, quæ per hyporitas superius dicta fieri poterunt.

Et ut omnia reijciamus, etiam speculationes, meditationes & quidam quid per animæ studia geri potest, nihil prodest, Vna re, eaque sola opus est ad uitam, iusticiam, & libertatem Christianam, Ea est, sacrosanctum uerbum Dei, Euangelium Christi, sicut dicit Iohann 11. Ego sum resurrectio & uita, qui credit in me, non morietur in æternum. Item. 8. Si Filius uos liberauerit, uere liberi eritis. Et Matth. 4. Non in solo pane uiuit homo, sed in omni uerbo, quod procedit ab ore Dei. Math. 4.

Sine uerbo Dei non contingit uita.

Certum ergo habeamus ac firmiter positum, Animam posse omnibus rebus carere, excepto uerbo Dei, sine quo nullis prorsus rebus est illi consultum. Habens autem uerbum, diues est, nullius egens, cum sit uerbum uitæ, ueritatis, lucis, pacis, iusticiæ, salutis, gaudij, libertatis, sapientiæ, uirtutis, gratiæ, gloriæ, & omnis boni inæstimabiliter. Hoc est quod Propheta octonario toto, & multis alijs locis tot gemitibus & uocibus suspirat & inuocat uerbum Dei. Psal. 119.

Habens uerbum habet omnia.

Rursus nec sæuior plaga iræ Dei, quam dum mittit famem auditus uerbi sui, ut in Amos dicit, Sicut nec maior est gratia, quam si emittat uerbum suum, ut Psal. 107. Misit uerbum suum & sanauit eos, & eripuit eos de interitionibus eorum. Neque Christus ad aliud officium missus est, quam uerbi, Et Apostolicus, Episcopalis, uniuersusque ordo clericorum, non nisi in uerbi ministerium uocatus & institutus est. Amos. 8. Psal. 117.

Fames auditus uerbi Dei.

Quæres autem: Quodnam est uerbum hoc, aut qua arte utendum est eo, cum tam multa sint uerba Dei? Respondeo: Apostolus Paulus Ro. 1. id explicat, Scilicet, Euangelium Dei de Filio suo incarnato, passo, resuscitato & glorificato per spiritum sanctificatorem, Prædicasse enim Christum, hoc est, animam pauisse, iustificasse, liberasse & saluam fecisse, si crediderit prædicationi, Fides enim sola est salutaris, & efficax usus uerbi Dei, Ro. 10. Si confitearis ore tuo, Ihesum esse Dominum, & corde tuo credideris, quod Deus illum suscitauit a mortuis, saluus eris. Et iterum: Finis legis Christus, ad iusticiam omni credenti. Et Rom. 1. Iustus ex fide sua uiuet. Neque enim uerbum Dei operibus ullis, sed sola fide suscipi & coli potest. Ideo clarum est, ut solo uerbo anima opus habet ad uitam & iusticiam, ita sola fide & nullis operibus iustificatur. Si enim alio quopiam iustificari posset, uerbo non haberet opus, ac per hoc nec fide. Rom. 1. Rom. 10. Rom. 1.

Fide sola iustificamur sine operibus. Rom. 3.

Verum, hæc fides subsistere prorsus non potest cum operibus, hoc est, si per opera (quæcumque sunt) simul iustificari præsumas, Hoc enim esset in duas partes claudicare Baal adorare & manum osculari, quæ est iniquitas maxima, ut Iob ait. Ideo dum credere incipis, simul discis, omnia quæ in te sunt, esse prorsus culpabilia, peccata, damnanda, iuxta illud Rom. 3. Omnes peccauerunt & egent gloria Dei. Item: Non est iustus, non est Rom. 3.

non est qui faciat bonum, omnes declinauerunt, simul inutiles facti sunt. Hoc enim cognito, scies Christum necessarium tibi, qui pro te passus & resuscitatus est, ut in eum credens alius homo hac fide fieres, donatis omnibus peccatis tuis, & iustificato te alienis meritis, nempe Christi solius.

Rom. 10. Cum ergo hac Fides non nisi in homine interiore regnare possit, sicut dicit Rom. 10. Corde creditur ad iusticiam, & sola ipsa iustificet, Manifestum est, hominem interiore proorsus nullo externo opere uel negotio posse iustificari, liberum & saluum fieri, & opera quęcunq; ad eum nihil pertinere. Sicut econtra, sola impietate & incredulitate cordis, reus fit & seruus peccati damnandus, nullo externo peccato uel opere. Quare cuiuslibet Christiani prima cura esse debet, ut posita operum opinione, solam fidem magis ac magis roboret, & per eandem crescat in cognitione, non operum, sed Christi Ihesu, pro se passi & resuscitati, ut Petrus 1. Pet. ult. docet, cum nullum aliud opus faciat Christianum. Sic Christus Ioh. 6. cum Iudæi interrogarent, quid facerent, ut operarentur opera Dei: Operum multitudine, qua illos uidebat turgere, repulsa, unum eis præscribit, dicens: Hoc est opus opus Dei, ut credatis in eum, quem misit ille. Hunc enim Pater signauit Deus.

Homo interior
nullo externo opere
iustificatur.

Mar. 16. Hinc recta in Christo fides, incomparabilis thesaurus est, secum habens uniuersam salutem, & seruans ab omni malo, sicut Marc. ult. dicit: Qui crediderit & baptisatus fuerit, saluus erit: Qui non crediderit, condemnabitur. Quem thesaurum Isaias intuitus prædixit. 10. Verbum abbreviatum & consummans faciet Dominus super terrā, Et consummata abbreviatio inundabit iusticiam, Quasi dicat: Fides, quę est breuis & consummata plenitudo Legis, tanta iusticia credentes replebit, ut nulla alia re ad iusticiam opus habeant. Sic & Paulus Roma. 10. Corde enim creditur ad iusticiam.

Fides in Christum.

Quæritur autem, Quā ratione fiat, ut sola fides iustificet, & sine operibus tantorum bonorum thesaurum præbeat, cum tam multa opera, ceremoniæ, leges, in scripturis nobis præscripta sint? Respondeo: Ante omnia memor esto eius, quod dictum est, solam fidem sine operibus iustificare, liberare & saluare, id quod clarius infra faciemus.

Interim signandum, uniuersam Scripturam Dei in duo partiri præcepta & promissa. Præcepta docent quid bona, sed non statim fiunt, quæ docta sunt. Ostendunt enim, quid facere nos oporteat, sed uirtutem faciendi non donant. In hoc autem sunt ordinata, ut hominem sibi ipsi ostendant, per quæ suam impotentiam ad bonum cognoscat, & de suis uiribus desperet. Quæ causa & uetus Testamentum uocantur & sunt.

Scriptura completa
titur præcepta &
promissa.

Exempli causa, Non concupisces, præceptum est, quo nos omnes esse peccatores conuincimur, cum nemo possit non concupiscere, quidquid contra molitus fuerit. Vt ergo non concupiscat & præceptum impleat, cogitur de se desperare, & alibi ac per alium quærere auxilium, quod in se non inuenit, sicut in Hosea dicit: Perditio tua Israel, tantum in me auxilium tuum. Quod autem hoc uno præcepto agitur, idem omnibus agitur. Aequæ enim sunt impossibilia nobis omnia.

Non concupisces.

Qui uero per præcepta doctus fuerit, impotentiam suam, & iam anxius factus, quo studio Legi satisfaciatur, cum Legi satisfieri oporteat, ut ne iota quidem aut apex prætereatur, alioqui sine ulla spe damnabitur: Tum uere humiliatus & in nihilum redactus coram oculis suis, non inuenit in seipso, quo iustificetur & saluus fiat.

Hic altera Scripturæ pars adest, promissa Dei, quæ annunciant gloriam

ii iij

riam

DE LIBERTATE

riam Dei, & dicunt: Si uis Legem implere, non concupiscere, sicut Lex exigit, En tibi, crede in Christum, in quo promittuntur tibi gratia, iusticia, pax, libertas & omnia, Si credis, habebis, si non credis, carebis. Nam quod tibi impossibile est in uniuersis operibus Legis, quæ multa sunt & tamen inutilia, facili compendio implebis per fidem. Quia Deus Pater omnia in fide posuit, ut quisquis hanc habuerit, omnia habeat, qui non habuerit, nihil habeat. Conclulit enim omnia sub incredulitate, ut omnium misereatur, Rom. 11. Sic promissa Dei hoc donant, quod præcepta exigunt & implent quod Lex iubet. Ut sint omnia solius Dei, tam præcepta & plenitudo eorum, Ipse solus præcipit, solus quoque implet. Ideo promissa Dei pertinent ad nouum Testamentum, imo sunt nouum Testamentum.

Rom. 11
Gal. 3

Cum autem hæc promissa Dei sint uerba sancta, uera, iusta, libera, pacata, & uniuersa bonitate plena, sit ut anima, quæ firma fide illis adhæret, sic eis uniatur, imo penitus absorbeatur, ut non modo participet, sed saturetur & inebrietur omni uirtute eorum. Si enim tactus Christi sanabat, quanto magis hic tenerrimus in spiritu, imo absorptio uerbi, omnia quæ uerbi sunt, animæ communicat? Hoc igitur modo anima per fidem solam, sine operibus, e uerbo Dei iustificatur, sanctificatur, uerificatur, pacificatur, liberatur, & omni bono repletur, uereque filia Dei efficitur, sicut Ioh. 1. dicit: Dedit eis potestatem filios Dei fieri, ijs qui credunt in nomine eius.

Ioh. 1

Homo sola fide
iustificatur.

Fidei encomium.

Ex ijs facile est intellectu, Vnde fides tantum possit, & cur nulla, nec omnia bona opera eam possint æquare. Quia nullum opus adhærere uerbo Dei, nec in anima esse potest. Sola autem fides & uerbum in ea regnant, quale est uerbum, talis ab eo fit anima, Ceu ferrum ignitum candet sicut ignis, propter unionem sui & ignis, Ut clarum sit, homini Christiano suam fidem sufficere pro omnibus, nec operibus ei opus fore, ut iustificetur. Quod si operibus non habet opus, nec Lege opus habet, Si Lege non habet opus, certe liber est a Lege, uerumque est: iusto non est Lex posita. Atque hæc est Christiana illa libertas, fides nostra, quæ facit, non ut ociosi simus, aut male uiuamus, sed ne cuiquam opus sit Lege aut operibus ad iusticiam & salutem.

1. Tim. 4

Christiana libertas

Fides tribuit Deo
gloriam.

HÆc prima fidei uirtus esto, Alteram quoque uideamus. Fidei enim & hoc officium est, ut eum, cui credit, omnium præssima & summa colat opinione, nempe, quod eum ueracem & dignum habeat, cui credendum sit. Neque enim aliud est honor similis ueritatis & iusticiæ opinioni, quam honoramus eum, cui credimus. Quid possumus tribuere ulli maius, quam ueritatem & iusticiam & absolutam prorsus bonitatem? E diuerso summa contumelia est, opinione mendacis & iniquitatis quenquam celebrare, aut suspectum habere, quod facimus, dum non credimus ei.

Summus Dei cultus

Sic anima dum firmiter credit promittenti Deo, ueritatem & iustum eum habet; qua opinione, nihil potest Deo præstantius tribuere. Hic summus cultus Dei est, dedisse ei ueritatem, iusticiam & quidquid tribui debet ei, cui creditur. Hic paratum sese præbet in omnes uoluntates eius, hic sanctificat nomen eius, & secum agi patitur, sicut placitum fuerit Deo. Quia promissis eius inhaerens, non dubitat eum uerum, iustum, sapientem, omnia optime facturum, dispositurum, curaturum. At nonne talis anima, hac fide sua, per omnia obedientissima Deo est? Quod ergo præceptum est reliquum, quod talis obedientia non abunde impleuerit? Quæ plenitudo plenior, quam omnimoda obedientia? At hanc non opera, sed sola fides præstat.

Obedientia perfecta

Contra

Contra, quæ rebellior, quæ impietas, quæ contumelia Dei maior, quam non credere promittenti? Quid enim aliud est, quam Deum aut mendacem facere, aut dubitare ueracem esse? hoc est, sibi ueritatem tribuere, Deo autem mendacium & uanitatem. In qua re, nonne Deum negat, & seipsum sibi Idolum in corde erigit? Quid ergo prosunt opera in hac impietate facta, etiam si angelica & apostolica forent? Recte ergo Deus, non in ira aut libidine, sed in incredulitate omnia cõclussit, ne qui castis & mansuetis operibus Legis fingunt se implere Legem (ut sunt politica & humana uirtutes) saluos se futuros præsumant, cum in peccato incredulitatis comprehensi, aut misericordiam quærant, aut per iusticiam damnentur.

Non credere Deo promittenti.

Vbi autem Deus uidet, ueritatem sibi tribui & fide cordis nostræ se honorari tanto honore, quo ipse dignus est. Rursus & ipse nos honorat, tribuens & nobis ueritatem & iusticiam, propter hanc fidem. Fides enim facit ueritatem & iusticiam, reddens Deo suum, ideo rursus reddit Deus iusticiæ nostræ gloriam. Verum est enim & iustum, Deum esse ueracem & iustum, & hoc ei tribuere & confiteri, hoc est, esse ueracem & iustum. Sic 1. Sam. 2. Quicumque honorificat me, glorificabo eum, Qui uero contemnit me, erunt ignobiles. Sic Paulus Rom. 4. Abraham dicit suam fidem esse reputatam in iusticiam, quia per eam dedit plenissime gloriam Deo & nobis eadem causa reputandam ad iusticiam, si crediderimus.

Deus credentes uerbo suo honorat.

Tertia fidei gratia incomparabilis est hæc, Quod animam copulat cum Christo, sicut sponsam cum sponso, Quo Sacramento (ut Apostolus docet) Christus & anima efficiuntur una caro. Quod si una caro sunt, uerum inter eos matrimonium, imo omnium longe perfectissimum consummatur (cum humana matrimonia huius unici figuræ sint tenues) Sequitur & omnia eorum communia fieri, tam bona quam mala, ut quæcunque Christus habet, de ipsi tanquam suis præsumere & gloriari possit fidelis anima, Et quæcunque animæ sunt, ea sibi arroget Christus tanquam sua.

Fides unit animam cum Christo.

Conferamus ista, & uidebimus inæstimabilia, Christus plenus est gratia, uita & salute, Anima plena est peccatis, morte & damnatione. Intercedat iam fides, & fiet, ut Christi sint peccata, mors & infernus, Animæ uero gratia, uita & salus. Oportet enim eum, si sponsus est, ea simul, quæ sponsa habet, acceptare, & ea quæ sua sunt, sponsæ impartire. Qui enim corpus suum & seipsum illi donat, quomodo non omnia sua donat? Et qui corpus sponsæ accipit? Quomodo non omnia quæ sponsæ sunt accipit?

Credens in Christum habet cum eo omnia communia esse.

Hic iam dulcissimum spectaculum prodit, non solum communionis, sed salutaris belli & uictoriæ & salutis & redemptionis. Cum enim Christus sit Deus & homo, eaq; persona, quæ nec peccauit nec moritur, nec damnatur, sed nec peccare, mori, damnari potest, Eiusq; iusticia, uita, salus, insuperabilis, æterna, omnipotens est. Cum, inquam, talis persona, peccata, mortem, infernum sponsæ propter annulum fidei, sibi communia, imo propria facit, & in ipsi non aliter se habet, quam si sua essent, ipseq; peccasset, laborans, moriens, & ad infernum descendens, ut omnia superaret, peccatumq; mors & infernus, eum absorbere non possent, necessario in ipso absorpta sunt stupendo duello. Nam iusticia sua omnium peccatis superior, uita sua omni morte potentior, salus sua omni inferno inuisibilior.

Ita fit anima fidelis, per arram fidei suæ in Christo sponso suo, omnibus peccatis libera, a morte secunda, & ab inferno tuta, donata æterna

DE LIBERTATE

iusticia, uita, salute sponsi sui Christi. Sic exhibet sibi sponsam sine macula & ruga, gloriosam, mundans eam lauacro in uerbo uitæ, id est, per fidem uerbi, uitæ, iusticiæ, & salutis. Sic sponsat eam sibi in fide, in misericordia & miserationibus, in iusticia, & iudicio, ut Hof. 2. dicit

*Diuitie, quibus
Christus ornat cre-
dentes &c.*

Quis ergo has nuptias regales satis æstimet? Quis diuitias gloriæ gratiæ huius comprehendat? Vbi diues & pius hic sponsus Christus, ducit uxorem hanc pauperulam, impiam meretriculam, redimens eam ab omnibus illius malis, & ornans omnibus suis bonis. Iam enim impossibile est, ut peccata sua eam perdant, cum super Christum posita sint, & in ipso absorpta, habeatq; ipsa eam iusticiam in Christo sponso suo, de qua ut sua propria præsumat, & aduersus omnia peccata sua contra mortem & infernum, possit cum fiducia illam opponere & dicere: Si ego peccaui, At Christus meus non peccauit, in quem credo, cuius omnia mea sunt, & omnia mea illius, sicut in Canticis: Dilectus meus mihi, & ego illi, Hoc est, quod Paulus dicit. 1. Corin. 15. Deo gratias, qui dedit nobis uictoriam per Iesum Christum Dominum nostrum. Victoriæ autem peccati & mortis, sicut illic inducit, Peccatum stimulus mortis est, uirtus uero peccati Lex.

Verus Dei cultus.

EX ijs iterum intelligis, qua causa tantum tribuatur fidei, ut sola impleat Legem, & sine ullis operibus iustificet. Vides enim primum præceptum quo dicitur: Vnum Deum coles, sola fide impleri. Si enim etiam ipse aliud non esses a planta pedis ad uerticem, quam bona opera, non tamen iustus esses, nec Deum coleres, nec primum præceptum impleres, cum Deus coli non possit, nisi tribuatur ei ueritas & uniuersæ bonitatis gloria, sicut uere tribuenda est. Hoc autem opera non faciunt, sed sola fides cordis. Non enim operando, sed credendo Deum glorificamus & ueracem confitemur. Hoc nomine fides sola est iusticia Christiani hominis, & omnium præceptorum plenitudo. Qui enim primum implet, cætera omnia facili opera implet.

*Fides tribuit Deo
gloriam, non opera*

Opera uero, cum sint res insensatæ, non possunt Deum glorificare, quamuis ad gloriam Dei (si fides adsit) fieri possint. Verum nos hoc temporis querimus, non ea quæ fiunt, qualia sunt opera, sed eum qui facit, qui glorificat & opera producit. Hæc est fides cordis, caput & substantia totius iusticiæ nostræ. Vnde cæca & periculosa doctrina est, quæ per opera impleri præcepta docet, cum ante omnia opera oporteat præcepta esse impleta, & plenitudinem sequantur opera, sicut audiemus.

*Primogeniture
prærogatiua.*

VT autem hanc gratiam, quam in Christo habet, interior ille homo noster, latius uideamus, sciendum, quod Deus in ueteri Testamento sibi sanctificabat omne primogenitum masculinum. Eratq; primogenitura magni præcij, duplici honore præ cæteris pollens, sacerdotio & regno. Erat enim frater primogenitus, sacerdos & dominus omnium aliorum.

Regnum Christi.

Qua figura Christus premonstratus est, uere & unice, primogenitus Dei Patris & uirginis Mariæ, uereq; rex & sacerdos, non secundum carnem & terram. Regnum enim eius non est de hoc mundo: In cœlestibus & spiritualibus ipse regnat & consecrat, quæ sunt, iusticia, ueritas, sapientia, pax, salus &c. Non quod non omnia etiam terrena & inferna subiecta sint ei (alioqui quomodo posset nos ab illis tueri & saluare?) sed quod non in ijs, nec ex ijs regnum eius constet.

Sacerdotium Christi.

Ita nec sacerdotium eius consistit in uestium gestuumque pompa externa, quale fuit humanum illud Aaronis, & nostrum hodie ecclesiasticum cum

cum sacerdotium, sed in spiritualibus, per quæ in cœlis inuisibili officio pro nobis interpellat apud Deum, ibique seipsum offert & omnia facit, quæ sacerdotem facere oportet. Sicut eum describit Paulus ad Ebræos ex figura Melchizedek. Nec solum pro nobis orat, & interpellat, sed & intus in spiritu nos docet, uiuis doctrinis spiritus sui. Quæ duo sunt propriæ officia sacerdotis, quod in carnalibus sacerdotibus figuratur, precibus & concionibus uisibilibus.

Sacerdotum officia

Quemadmodum autem Christus primogenitura sua has duas dignitates obtinuit, ita impartit & communes easdem facit cuilibet suo fideli, matrimonij prædicti iure, quo sponsæ sunt, quæcunque sponsi sunt. Hinc omnes in Christo sumus sacerdotes, & Reges quicumque in Christum credimus, Sicut 1. Pet. 2. dicit: Vos genus electum, populus acquisitionis, sacerdotium regale & regnum sacerdotale, ut uirtutes narretis eius, qui uocauit nos de tenebris in admirabile lumen suum.

Christiani reges.

Quæ duo sic se habent, Primum quod ad regnum pertinet, quilibet Christianus, per fidem sic magnificatur super omnia, ut spirituali potentia prorsus omnium Dominus sit, ita ut nulla omnino rerum possit ei quidquam nocere, imo omnia ei subiecta coguntur seruire, ad salutem. Sic Paulus Ro. 8. dicit. Omnia cooperantur in bonum electis. Item 1. Cor. 3. Omnia uestra, siue mors, siue uita, siue instantia, siue futura, uos autem Christi.

Non quod corporali potentia quisquam Christianorum super omnia constitutus sit possidenda & tractanda, quo furore passim Ecclesiastici quidam insaniunt, Hoc enim regum, principum & hominum est in terra, Quando ipso uitæ usu uidemus, nos omnibus subijci, multa pati, atque adeo mori imo quo Christianior quisquam est, hoc pluribus subiectus est malis, passionibus & mortibus, ut in ipso Principe primogenito Christo & omnibus Fratribus suis sanctis, uidemus.

Pii afflictionibus subiecti.

Potentia hæc spiritualis est, quæ dominatur in medio inimicorum, & potens est in medijs pressuris. Quod est aliud nihil, quam quod uirtus in infirmitate perficitur, & in omnibus possum lucrum facere salutis, adeo, ut crux & mors cogantur mihi seruire & cooperari ad salutem. Hæc est enim ardua & insignis dignitas, ueraque & omnipotens potestas, spirituale imperium, in quo nulla res tam bona, nulla tam mala, quæ non in bonum mihi cooperetur, si modo credidero, Nulla tamen mihi opus est (cum sola fides sufficiat ad salutem) nisi quod fides in ea uirtutem & imperium libertatis suæ exerceat. Ecce hæc est Christianorum inestimabilis potentia & libertas.

Piorum dignitas, potentia & libertas.

Nec solum reges omnium liberrimi, sed sacerdotes quoque sumus in æternum, quod longe regno excellentius. Per sacerdotium enim digni sumus coram Deo apparere, pro alijs orare, & nos inuicem ea quæ Dei sunt, docere. Hæc enim sacerdotum officia sunt, quæ prorsus nulli incredulo concedi possunt. Ista Christus nobis obtinuit, si in eum credimus, ut sicut confratres, cohæredes & conreges, ita & consacerdotes ei simus, audientes cum fiducia, per spiritum fidei, coram Deo prodire, & clamare: Abba pater, & alter pro altero orare & omnia facere, quæ uidemus, uisibili & corporali officio sacerdotum geri & figurari. Qui uero non crediderit, huic nihil seruit aut in bonum cooperatur, sed omnium ipse seruus est, & omnia ei cedunt in malum. Quia omnibus impie utitur in sua commoda, non in Dei gloriam. Ita nec sacerdos est, sed prophanus, cuius oratio fit in peccatum, nec coram Deo unquam apparet, Quia Deus peccatores non exaudit.

Christiani sacerdotes.

Sacerdotum officia

Quis

DE LIBERTATE

Quis ergo comprehendere potest altitudinem dignitatis Christianæ, quæ per regalem suam potentiam omnium dominatur, mortis, uitæ, peccati &c. per sacerdotalem uero gloriam apud Deum omnia potest, quia Deus facit, quæ ipse petit & optat, sicut scriptum est: Voluntatem timentium se faciet, & deprecationem eorum exaudiet, & saluos faciet illos? Ad hanc gloriam certe nullis operibus; sed sola fide peruenit. Psal. 145.

Libertas credentium

Ex ijs clare uidere potest quilibet, quomodo Christianus homo liber est, ab omnibus & super omnia; ita ut nullis operibus ad hoc indigeat, ut iustus & saluus sit; sed sola fides hæc omnia largitur abunde. Quod si sic desiperet, ut per ullum opus bonum præsumeret; iustus, liber, saluus; Christianus fieri; statim amitteret fidem cum omnibus bonis. Quæ stultitia pulchre figurata est in fabula illa; Vbi canis in aqua currens; & carnem ueram in ore gestans; deceptus umbra carnis in aqua parentis, dum eandem aperto rictu petit, ueram carnem simul cum imagine perdit.

Canis Aesopicius.

*Sacerdos; Clericus
&c.*

Hic quæres: Si omnes, qui in Ecclesia sunt, sacerdotes sunt, quo nomine discernuntur ij, quos nunc sacerdotes dicimus a Laicis? Respondeo: Vocabulis istis, sacerdos, clericus, spiritalis, ecclesiasticus, iniuria facta est, dum a reliquis Christianis omnibus trāslata sunt ad paucos istos, qui nunc usu noxio Ecclesiastici dicuntur. Scriptura enim sancta nihil discernit inter eos, nisi quod ministros seruos, & conomios appellat, qui nunc Papæ, Episcopi, Dominiq; iactantur, qui cæteris seruiant, ministerio uerbi, ad docendam fidem Christi & libertatem fidelium. Nam & si uerum est, nos omnes æqualiter sacerdotes esse; non tamen possumus; nec, si possemus; debemus omnes publice seruire & docere, Sic Paulus 1. Corin. 4. Sic nos existimet homo, sicut ministros Christi & dispensatores mysteriorum Dei. 1. Cor. 4.

*Ministeriū Ecclesiasticorum quo
peruasit.*

At dispensatio ista nunc in tantam pompam potestatis & terrificam quandam tyrannidem euasit, ut nec gentium, nec ulla mundi imperia queant ei conferri; Quasi Laici; aliud quiddam quam Christiani sint. Quæ peruersitate factum est, ut penitus interciderit scientia Christianæ gratiæ, fidei, libertatis & totius Christi, Succedente in locum eius humanorum operum & legum intolerabili captiuitate; factiq; sumus iuxta lamentationes Ieremiæ serui hominum uilissimorum, qui in terra sunt; qui nostra miseria abutuntur in omnes turpitudines & ignominias uoluntatis suæ.

Redeundo ad id quod cœpimus, puto per hæc clarum fieri, Non esse satis nec Christianum, si Christi opera, uitam & uerba prædicemus historico more, ceures quasdam gestas, quas nosse satis sit ad uitæ formandæ exemplum; quomodo ij; qui nunc optimi sunt; prædicant: Multominus; si penitus taceatur & leges hominum decretaq; Patrum uice eius doceantur. Iam sunt non pauci, qui eo studio Christum prædicant & legunt; ut affectus humanos moueant ad condolendum Christo; ad indignandum Iudæis & id genus alia puerilia & muliebria delryamenta.

*Christus quo modo
prædicandus.*

Oportet autem ut eo fine prædicetur, quo fides in eum promoueatur, ut non tantum sit Christus, sed tibi & mihi sit Christus; & id in nobis opereatur, quod de eo dicitur, & quod ipse uocatur. Hæc autem fides nascitur & seruatur ex hoc, si prædicetur; quare Christus uenerit, quid attulerit & dederit, quo usu & fructu acceptandus sit. Hoc fit, ubi recte docetur Christiana libertas, quam ex ipso habemus, & qua ratione omnes Christiani; reges & sacerdotes simus, in quo omnium Domini sumus, & quidquid egerimus, coram Deo placitum & acceptum esse confidimus; sicut hætenus dixi.

Cuius

Cuius enim cor hæc audiens, non totis medullis gaudeat & tanto solatio accepto non dulcescat in amorem Christi: ad quem amorem, nullis unquam legibus aut operibus peruenire potest. Quis est, qui tali cordi nocere possit, aut ipsum pauescat? Si irruat conscientia peccati, aut horror mortis, paratum est sperare in Domino, nec timet ab auditione ista mala, nec commouetur, donec despiciat inimicos suos. Credit enim iusticiam Christi suam esse, & peccatum suum iam non suum, sed Christi esse, At a facie iusticiæ Christi omne peccatum absorbeatur, necesse est, propter fidem Christi, sicut superius dictum est, discitq; cum Apostolo, morti & peccato insultare & dicere: Vbi est mors uictoria tua? Vbi est mors stimulus tuus? Stimulus autem mortis peccatum est, uirtus uero peccati Lex. Deo autem gratia qui dedit nobis uictoriam per Ihesum Christum Dominum nostrum. Absorpta enim est mors in uictoria, non tantum Christi, sed & nostra, quia per fidem nostram fit & in ipsa & nos uincimus.

*Fructus uerbi in
pius.*

Hæc dicta sint de interiore homine, de eius libertate & de principe iusticia fidei, quæ nec legibus nec operibus bonis indiget, quin noxia ei sunt, si quis per ea præsumat iustificari.

Nunc ad alteram partem reuertamur ad externum hominem. Hic enim respondebitur illis omnibus, qui uerbo fidei & ijs, quæ dicta sunt, offensi, dicunt, Si fides omnia facit, & sola ad iusticiam satis est, Cur ergo præcepta sunt bona opera? Ociabimur ergo & nihil operabimur, fide contenti? Respondeo: Non sic impij non sic. Vere quidem sic haberet res ista, si penitus & perfecte interni & spirituales essemus, quod non fiet, nisi in nouissimo die resurrectionis mortuorum, Donec in carne uiuimus, non nisi incipimus & proficimus, quod in futura uita perficietur, Propter quod apostolus Rom. 8. appellat primitias spiritus, quod in hac uita habemus, accepturi scilicet decimas & plenitudinem spiritus in futuro. Ad hanc partem pertinet, quod supra positum est, Christianum esse omnium seruum & omnibus subiectum. Qua enim parte liber est nihil operatur, qua autem seruus est, omnia operatur, quod qua ratione fiat, uideamus.

Questio.

Quanquam homo, ut dixi, intus secundum spiritum per fidem abunde satis iustificetur, habens quidquid habere debet, nisi quod hanc ipsam fidem & opulentiam oportet de die in diem augescere, usque in futuram uitam, Tamen manet in hac uita mortali super terram, in qua necesse est, ut corpus suum proprium regat, & cum hominibus conuersetur. Hic iam incipiunt opera, hic non est ociandum, hic certe curandum, ut corpus ieiunijs, uigilijs, laboribus alijsq; disciplinis moderatis exerceatur, & spiritui subdatur, ut homini interiori & fidei obediat & conformis sit, nec ei rebellet aut ipsum impediatur, sicut est ingenium eius, si coercitus non fuerit Interior enim homo conformis Deo, & ad imaginem Dei creatus per fidem & gaudet & iucundatur propter Christum, in quo tanta sibi collata sunt bona, unde & hoc solum negocij sibi habet, ut cum gaudio & gratis Deo seruiat in libera charitate.

Opera.

Hoc dum agit, ecce in carne propria offendit uoluntatem contrariam, quæ mundo seruire & quærere quæ sua sunt, nititur, Id quod spiritus fidei ferre non potest neque uolet, & aggreditur hilari studio ad opprimendam & coercendam eam, Sicut Paulus dicit Rom. 7. Condelector legi Dei secundum interiorem hominem. Video autem aliam legem in membris meis, repugnantem legi mentis meæ & captiuantem me in legem peccati

*Lucta Spiritus cū
carne in Sanctis.*

DE LIBERTATE

peccati. Et alibi, castigo corpus meum, & in seruitutem redigo, ne forte alijs prædicans ipse reprobus efficiar. Et Gal. 5. Qui Christi sunt, carnem Gal. 5. suam crucifixerunt cum concupiscentijs suis.

Quo fine opera facienda.

Verum ea opera oportet non ea fieri opinione, quo per ipsa coram Deo iustificetur quisquam, hanc enim falsam opinionem fides non feret, quæ sola est iusticia coram Deo, sed solum ea opinione, ut corpus in seruitutē redigatur, & purificetur a concupiscentijs suis malis, ita ut oculum non nisi uertat ad concupiscentias expurgandas. Cum enim anima per fidem purgata sit & amans Dei facta, uellet omnia pariter purgari præcipue corpus proprium, ut omnia secum amarent & laudarent Deum. Ita fit, ut homo exigente corporis sui causa ociari non possit, cogaturq; ob id, multa bona operari, ut in seruitutem redigat. Hæc tamen opera ipsa non id sunt, quo iustificetur coram Deo, sed gratuito amore ea faciat in obsequium Dei nihil aliud intutus q̃ diuinum beneplacitum, cui per omnia uellet obsequi officiosissime.

Corpus castigandū, non occidendū.

Hac ratione quisq; seipsum erudire facile potest, qua mensura aut discretionē (ut dicunt) corpus suum castigare debeat, tantum enim ieiunabit, uigilabit, laborabit, quantum satis esse uiderit, ad corporis lasciuiam & concupiscentiam premendam. Qui uero præsumunt operibus iustificari, obseruant non mortificationem concupiscentiarum, sed ipsa tantum opera, arbitantes, si modo quam plurima & maxima fecerint, sese bene habere & iustos factos esse, aliquando & cerebrum ledentes, & naturam extinguentes, aut saltem inutilem reddentes. Quæ est ingens insipientia & ignorantia Christianæ uitæ & fidei, uelle sine fide per opera iustificari & saluari.

Opera primorum parentum ante lapsum etc.

VT autem ea quæ diximus facilius capiantur, similitudinibus ea monstremus. Debent opera hominis Christiani per fidem suam ex mera gratuitaq; misericordia Dei iustificati & saluati, non alio loco haberi, q̃ opera fuissent Adæ & Heuæ in paradiso, & omnium filiorum, si non peccassent, de quib. Gene. 2. Sic dicitur: Posuit Deus hominem, quem formauerat in paradisu, ut operetur & custodiret illū. At Adam erat iustus & rectus a Deo creatus, sineq; peccato, ita ut per suam operationem & custodiam, non opus habuisset iustificari & rectus fieri. Sed ne ociosus iret, dedit ei Dominus negocium, ut paradisu coleret & seruaret. Quæ fuissent opera uere liberrima, nullius gratia facta, nisi beneplaciti diuini, non ad iusticiam obtinendam, quam iam habebat plene, quæ & congenita fuisset nobis omnibus.

Opera renati hominis.

Ita & credentis hominis opera, qui per fidem suam denuo repositus est in paradisu, & de nouo recreatus, non eget operibus ut iustus fiat aut sit, sed ne ociosus sit, & corpus suum operetur & seruet, sunt ei opera eiusmodi libertatis, solum intuitu diuini beneplaciti facienda, nisi quod nondum plene recreati sumus perfecta fide & charitate, quas augeri oportet, non tamen per opera, sed per seipsas.

Aliud, Episcopus sacer templum consecrans, pueros confirmans, aut aliud quippiam officij sui faciens, non consecratur ijs ipsis operibus in Episcopum, imo nisi ante esset consecratus Episcopus, nullum istorum operum quidquam ualerent, essentq; stulta & puerilia & ludicra. Ita Christianus per fidem suam consecratus bona facit opera, sed non per hæc magis sacer aut Christianus. efficitur Hoc enim solius fidei est, imo nisi ante crederet & Christianus esset, nihil prorsus ualerent omnia sua opera, essentq; uere impia & damnabilia peccata.

Vera

Vera itaq; sunt hæc duo uerba: Bona opera non faciunt bonum uirum, sed bonus uir facit bona opera. Mala opera non faciunt malum uirum, sed malus uir facit mala opera. Ita ut semper oporteat ipsam substantiã seu personam esse bonam ante omnia opera bona, & opera bona sequi & prouenire ex bona persona. Sicut & Christus dicit: Mala arbor non facit bonos fructus, Bona arbor non facit malos fructus. Clarum autem, est, quod fructus non ferunt arborem, nec arbor crescit in fructibus, Sed e diuerso, Arbores ferunt fructus, fructus crescunt in arboribus.

Bona opera non faciunt bonum uirum etc.

Arbor fert fructus, & non e contra

Vt ergo necesse est, arbores esse priores fructibus suis, & fructus non faciunt arbores, neq; bonas neq; malas, sed e contra, arbores tales faciunt tales fructus. Ita necesse est primum personam ipsam hominis esse bonam uel malam, antequam faciat bonum uel malum opus, & opera sua non faciunt eum malum aut bonum, sed ipse facit opera sua aut mala aut bona.

Similia uideri licet in omnibus artificijs. Mala domus uel bona non facit malum aut bonum fabrum, sed bonus aut malus faber facit malam aut bonam domum. Et in uniuersum, nullum opus facit artificem talem, quale est ipsum, sed artifex facit opus tale, qualis est ipse. Ita res se habet in operibus hominum, qualis est ipse, siue in fide, siue in infidelitate, tale est opus eius, bonum si in fide, malum si id infidelitate factum fuerit. Non autem id conuertitur, ut quale sit opus, talis fiat & homo in fide uel in infidelitate. Opera enim ut non faciunt fidelem, ita nec iustum. At fides ut facit fidelem & iustum, ita & bona opera.

Opus non facit artificem.

Cum ergo opera neminem iustificent, & hominem oporteat esse iustum, antequam operetur bonum, manifestissimum est, solam fidem esse, quæ ex mera Dei misericordia per Christum in uerbo eius personam digne & sufficienter iustificet & saluet, & nullo opere, nulla lege Christiano homini opus esse ad salutem, cum per fidem liber sit ab omni lege, & ex mera libertate omnia gratuito faciat quæcumq; facit, nihil quærens aut commodi aut salutis (cum iam satur & saluus sit gratia Dei ex fide sua) sed solum beneplacitum Dei.

Fides

Sic & infideli nullum opus bonum prodest ad iusticiam & salutem, & diuerso, nullum malum opus facit eum malum aut damnatum, sed incredulitas, quæ personam & arborem malam facit, mala & damnata facit opera. Vnde, dum bonus aut malus quisq; efficitur, non hoc ab operibus, sed a fide uel incredulitate orditur, sicut Syrach 10. dicit: Initium peccati apostatare a Deo, id est, non credere. Et Paulus Ebre. 11. Oportet accedentem credere, Et Christus idem dicens: Aut facite arborem bonam & fructus eius bonos, aut facite arborem malam & fructus eius malos, ac si dicat: Qui uolet fructus bonos habere, ab arbore incipiet, & hanc bonam plantabit, Ita qui uult bona operari, non ab operando, sed a credendo incipiat, quod personam bonam facit. Non enim personam bonam facit, nisi fides, nec malam nisi incredulitas.

Infideli non prodest sua bona opera.

Hoc sane uerum est, operibus fieri hominem bonum aut malum coram hominibus, hoc autem fieri, est idem quod ostendi & cognosci, quis sit bonus aut malus, ut Christus Matth. 7. dicit: Ex fructibus eorum cognoscetis eos. At hoc totum in specie & extra manet, qua in re plurimi falluntur, qui scribere & docere presumunt bona opera, quibus iustificentur, interim fidei ne memorentur quidem, euntes in uis suis, falsi & fallentes.

Opera faciunt hominem ciuilem bonum.

k k

semper

DE LIBERTATE

semper, proficientes in peius, cæci cecorum duces, multis sese operibus fatigantes, & tamen nunquam ad ueram iusticiam peruenientes. De quibus S. Paulus .1. Tim. 3. dicit: Habentes quidem speciem pietatis, uirtutem autem eius abnegantes, semper discentes & nunquam ad scientiam ueritatis peruenientes.

Qui ergo cum istis cæcis non uoluerit errare, oportet, ut ulterius prospiciat quam in opera legis aut doctrinas operum, imo auerso ab operibus intuitu, personam inspiciat, & qua ratione illa iustificetur, quæ non operibus neq; legibus, sed uerbo Dei (id est, promissione gratiæ suæ) & fide iustificatur & saluatur, Vt stet gloria Maiestati diuinæ, quæ nos non ex operibus iusticiæ, quæ fecimus nos, sed secundum misericordiam suam per uerbum gratiæ suæ saluos fecit credentes.

Facile ex his cognitu est, qua ratione sint opera bona reiicienda aut amplectenda, & qua regula intelligendæ sint omnium doctrinæ de operibus datæ. Si enim opera comparentur ad iusticiam, & peruerso Leuiathan eaq; falsa persuasionem fiant, ut per ipsa iustificari præsumas, iam necessitatem imponunt, & libertatem cum fide extinguunt, & hoc ipso additamento bona iam non sunt uereq; damnabilia. Libera enim non sunt & gratiam Dei blasphemant, cuius solius est per fidem iustificare & saluare, quod opera non potentia præstare, impleta tamen præsumptione, per nostram hanc stulticiam, affectant, ac sic in officium gratiæ & gloriam eius uolenter trahunt.

Non ergo opera bona reiicimus, imo maxime amplectimur & docemus. Non enim propter ipsa, sed propter impium hoc additamentum, & peruersam opinionem quærendæ iusticiæ, ea damnamus. Qua fit, ut solum in specie appareant bona, cum reuera bona non sint, quibus falluntur & fallunt, ceu lupi rapaces, sub uestimentis ouium.

Hic autem Leuiathan & peruersa opinio in operibus insuperabilis est, ubi deest sincera fides. Abesse enim non potest a sanctis illis operarijs, donec fides uastatrix eius ueniat & regnet in corde. Natura per seipsam non potest eam expellere, imo ne cognoscere quidem, quin eam ducit loco sanctissimæ uoluntatis. Vbi si consuetudo accesserit, & hanc naturæ prauitatem roborauerit (sicuti factum est per impios Magistros) incurabile malum est, & infinitos irrecuperabiliter seducit ac perdit. Quare etsi bonum est, de poenitentia, confessione, satisfactione prædicare & scribere, si tamen hic sistatur, & non ad fidem usq; docendam procedatur, sine dubio deceptoris & diabolici sunt doctrinæ. Sic enim Christus cum suo Iohanne, non solum dixit: Poenitentiam agite, sed addidit uerbum fidei dicens: Appropinquabit regnum cælorum.

Non enim alterum tantum, sed utrunq; uerbum Dei prædicandum est, noua & uetera proferenda de thesauro, tam uox Legis, quam uerbum gratiæ. Vocem legis proferri oportet, ut terreantur, & in suorum peccatorum noticiam reducantur, & inde ad poenitentiam & meliorem uitæ rationem conuertantur. Sed non hic sistendum, hoc enim esset solum uulnerare & non alligare, percutere & non sanare, occidere & non uiuificare, deducere ad inferos & non reducere, humiliare & non exaltare. Ideo & uerbum gratiæ & promissæ remissionis, ad docendam & erigendam fidem, prædicari debet, sine quo Lex, contritio, poenitentia, & omnia alia frustra fiunt & docentur.

Supersunt quidem adhuc Prædicatores poenitentia & gratiæ, sed non explicant Dei Legem & promissionem eo fine & spiritu, ut disci quæant, unde poenitentia & gratia ueniant. Poenitentia enim ex Lege Dei, sed fides seu

*Christianus certo
iudicare potest,
que opera reiicien-
da que amplecten-
da.*

*Peruersa opinio
hypocritarum de
operibus.*

Lex.

Euangelium.

Rom. 10.

Psal. 30.

des seu gratia ex promissione Dei prouenit, sicut dicit Rom. 10. Fides ex auditu, auditus autem per uerbum Christi, quo fit, ut homo per fidem diuinae promissionis consoletur & exaltetur, qui per minas & timorem Legis diuinae humiliatus, & in sui cognitionem perductus est. Sic Psal. 30. Ad uesperum demorabitur fletus, & ad matutinum læticia. Hæc dicta sunt de operibus in genere, & simul de ijs quæ Christianus in proprium corpus exercet.

Pœnitentia fides.

Rom. 14.

Ephē. 2.

Vltimo & de ijs dicemus, quæ erga proximū suū operatur, Nō enim homo sibi uiuit solī in corpore isto mortali ad operandum in eo, sed & omnibus hominibus in terra, imo solum alijs uiuit & non sibi. In hoc enim corpus suū subiectum facit, quo sincerius & liberius queat alijs seruire, Sicut Paulus Rom. 14. dicit: Nemo sibi uiuit, & nemo sibi moritur. Qui enim uiuit, Domino uiuit, & qui moritur Domino moritur. Ideo non potest fieri, ut sit ociosus in habuita & absq; opere erga proximos suos. Necessesse est enim, ut loquatur, agat & conuersetur cum hominibus, sicut Christus in similitudinem factus habitū inuentus est ut homo, & conuersatus cum hominibus, ut Baruch 3. dicit.

De operibus que proximo sunt.

Nullo tamen horum opus ei est ad iusticiam & salutem, Ideo in omnibus operibus suis ea debet opinione esse formatus & huc solum spectare, ut alijs seruiat & prosit in omnibus, quæcūq; fecerit, nihil ante oculos habens nisi necessitatem & commoditatem proximi. Sic enim Apostolus iubet ut manibus laboremus, quo demus necessitatē habenti, Cum potuisset dicere: quo nos ipsos alamus, sed & inquit, necessitatē habenti. Nam & in hoc ipsum corporis curam habere Christianum est, quo per eius salutem & commoditatem laborare, res quærere & seruare possimus, in subsidium eorum, qui indigent, ut sic membrum robustum seruiat membro infirmo, & simus filij Dei, alter pro altero sollicitus & laboriosus, inuicem onera portantes, & sic legem Christi implentes.

Christiana uita.

Ecce, hæc est uere Christiana uita, hic uere fides efficax est per dilectionem, hoc est, cum gaudio & dilectione prodit in opus seruitutis liberrima, qua alteri gratis & sponte seruit, ipsa abunde satura fidei suę plenitudine & opulentiā.

Sic Philippenses cum Paulus docuisset, quam diuites facti essent per fidem Christi, in qua omnia obtinuissent, Docet eos deinceps dicens: Si qua consolatio Christi, si quod solatium charitatis, si qua societas spiritus, implete gaudium meum, ut idem sapiatis, & eandem charitatem habentes, unanimes id ipsum sentientes, nihil per contentionem, neq; inanem gloriam, sed in humilitatē superiores inuicem arbitantes, non quæ sua sunt singuli considerantes, sed ea quæ aliorum.

Hic clare uidemus, Vitam Christianorum ab Apostolo in hanc regulam esse positam, ut omnia opera nostra ad aliorum commoditatem ordinentur, cum per fidem quisq; suam sic abundet, ut omnia alia opera, totaq; uita ei superfluant, quibus proximo spontanea beneuolentiā seruiat & bene faciat.

Ad hoc inducit Christum pro exemplo, dicens: Hoc sentite in uobis, quod & in Christo Ihesu, qui cum in forma Dei esset, non rapinam arbitratus est, esse se æqualem Deo, sed exinaniuit semetipsum, formam serui accipiens in similitudinem hominum factus, & habitu inuentus ut homo, factus est obediens usq; ad mortem. Hoc enim uerbum Apostoli saluberrimum nobis obscurarunt iij, qui uocabula apostolica, formam Dei, formam serui, habitum, similitudinem hominum, prorsus non intellexerunt, & ad naturas diuinitatis & humanitatis transtulerunt, cum Paulus id uelit, Christi-

Forma Dei.
Forma serui.

kk ij Num,

DE LIBERTATE

stum, cum esset plenus forma Dei, & omnibus bonis abundans, ita ut nullo opere, nulla passione indiguerit, ut iustus & saluus fieret. Habebat enim hæc omnia statim ab initio sui. Non tamē ijs inflabatur, nec super nos eleuabatur, & quandam potentiam super nos sibi arrogabat, licet id iure potuisset. Sed contra, sic egit laborans, operans, patiens, moriens, ut similis esset cæteris hominibus, & habitu & gestu non aliud quam homo, quasi ijs omnibus egeret, & nihil haberet formarum Dei, quod tamen totum propter nos fecit, ut nobis seruiret, & nostra fierent omnia, quæ hac forma serui operaretur.

Christianus Christi exemplum imitetur.

Ita Christianus, quemadmodum caput suum Christus, per fidem suam plenus & satur, contentus esse debet hac forma Dei, per fidem obtenta, nisi quod, ut dixi, ipsam hanc fidem augere debet, donec perficiatur. Hæc enim uita, iusticia, & salus eius est, personam ipsam seruans & gratam faciens, omniaque tribuens, quæ Christus habet, ut supra dictum est, & Paulus Gal. 1. confirmat, dicens: Quod autem in carne uiuo, in fide filij Dei uiuo. Et quanquā sic liber est ab omnibus operibus, debet tamē rursus se exinanire, hac in libertate, formam serui accipere, in similitudinē hominum fieri, & habitu inueniri ut homo, seruire adiuuare, & omnimodo cum proximo suo agere, sicut uidet secum actum & agi a Deo per Christum, & hoc ipsum gratis, nulloque respectu, nisi diuini placiti, & ita cogitare.

Fructus fidei.

En mihi indigno damnatoque homuntioni, citra omne meritum, mera gratuitaque misericordia, dedit Deus meus in Christo omnes diuitias iusticiæ & salutis, ut amplius nulla re prorsus indigeam, nisi fide, quæ credat hoc se sic habere. Huic ergo tali Patri, qui me suis his inestimabilibus diuitijs obruit, cur non liberaliter, hilariter, toto corde spontaneoque studio omnia faciam, quæcunque sciuerō placita & grata coram illo esse: Dabo itaque me quendam Christum proximo meo, quemadmodum Christus sese præbuit mihi, nihil facturum in hac uita, nisi quod uidero proximo meo necessarium, commodum & salutare fore, quandoquidem per fidem omnium bonorum in Christo abundans sum.

Donata nobis per Christum etc.

Ecce sic fluit ex fide charitas & gaudiū in Domino, & ex charitate hilaris, libens, liber animus, ad sponte seruiendū proximo, ita ut nullā habeat rationē gratitudinis, ingratitudinis laudis ac uituperij, lucri aut damni. Neque enim agit hoc, ut homines sibi demereatur, nec inter amicos inimicosque discernit, nec gratos nec ingratos suspicit, sed liberrime, libentissime dispergit se & sua, siue ea perdat in ingratis, siue mereatur. Sic enim & Pater eius facit, omnibus omnia distribuens abundanter & liberrime, faciens solem suum oriri super bonos & malos. Ita Filius, nihil nisi gratuito gaudio, quo in Deo per Christum delectatur, tantarum rerum Largitore facit & patitur.

Gloria Christiane uite.

Vides ergo, si cognoscimus ea, quæ nobis data sunt, maxima & preciosa, ut Petrus ait, mox per spiritū diffundi in cordibus nostris charitatem, quā liberi, hilares, omnipotentes operatores, & omnium tribulationum uictores, proximorum serui, nihilominus tamen omnium Domini sumus. Qui uere non cognoscunt donata sibi per Christum, ijs Christus frustra natus est, per opera illi incedunt, ad istarum rerum gustum & sensum nunquā peruenturi. Igñtur sicut proximus noster necessitatem habet & nostra abundantia indiget, ita & nos coram Deo necessitatem habuimus, & misericordia eius indiguimus. Ideo sicut Pater cœlestis nobis in Christo gratis auxiliatus est. Ita & nos debemus gratis per corpus & opera eius proximo nostro auxiliari, & unusquisque alteri Christus quidam fieri, ut simus mutuum Christi, & Christus idem in omnibus, hoc est, uere Christiani.

Quis ergo comprehendere queat diuitias & gloriā Christianæ uitæ? quæ

quæ omnia potest & habet, & nullius indiget, peccati, mortis, inferni Domina, simul tamē omnibus serua & obsequiola & utilis, Sed quæ pro dolor hodie in toto orbe ignota est, nec prædicatur nec quæritur, adeo, ut prorsus nostrum nomen ipsimet ignoremus, cur Christiani simus & uocemur, Certe a Christo sic uocamur, non absente, sed inhabitante in nobis, id est, dum credimus in eum & inuicem mutuocq̃ sumus, alter alterius Christus, facientes proximis, sicut Christus nobis facit. At nunc hominum doctrinis, non nili merita, præmia, & ea, quæ nostra sunt, docemur querere, & ex Christo non nisi exactorem longe Mose seueriorem fecimus.

Christiani.

Eiusdem fidei exemplū præ cæteris præbuit & B. Virgo, dum ut Luc. 2. scribitur, purificabatur secundum legem Mosi, more omnium mulierum, cum tamen lege tali non teneretur, nec purificari opus illi fuit, subiicit se tamen sponte & libera charitate legi, similis facta cæteris mulieribus ne offenderet aut contemneret eas. Non ergo iustificata fuit hoc opere, sed iusta fecit hoc gratuito & libere. Ita & nostra opera fieri debent, non iustificandi gratia, cum prius fide iustificati, facere debeamus omnia libere & hilariter propter alios.

Exemplum B. Virginis Mariæ.

ad. 16.

Et S. Paulus discipulum suum Timotheum circumcidebat, non quod opus esset illi ad iusticiam circumcisione, sed ne offenderet aut contemneret infirmos in fide ludæos, qui nec dum poterant capere fidei libertatem. At contra, ubi contempta libertate fidei urgebant, circumcisionem esse necessariam ad iusticiam restiti, & Titum circumcidi non permisit, Gala. 2. Sicut enim nullius infirmitatem, in fide offendere aut contemnere uoluit, cedens eorum uoluntati ad tempus: Ita rursus noluit offendi aut contemnere libertatem fidei ab induratis iusticiarijs, incedens mediâ uia, parcens infirmis ad tempus & resistens induratis semper, ut omnes ad fidei libertatē conuerteret. Eodē studio & nostra fieri debent, ut infirmos in fide suscipiamus, ut Rom. 14. docet, sed magistris operum induratis fortiter resistamus. de quo latius inferius dicemus.

Timotheus à Paulo circumcissus.

Rom. 14.

Christi exemplum.

Matth. 17

Christus etiam Matth. 17. Vbi a discipulis suis petebatur didrachmum, disputabat cum Petro, An ne filij regis liberi essent a censibus? & Petrus hoc affirmasset. Iussit tamen, ut iret ad mare, dicens: Ne scandalisemus eos, uade & piscem, qui primo ascenderit, tolle, & aperto ore eius inuenies statherein, quem tollens, da pro me & pro te.

Hoc exemplum pulchre ualet ad propositum, in quo Christus se & suos appellat liberos & filios Regis, qui nullius egeant, & tamen sponte se submittit & soluit censum. Quantum ergo hoc opus Christo necessarium aut utile fuit ad iusticiam & salutem, tantum ualent omnia alia sua & suorum opera ad iusticiam, cum sint omnia iusticia posteriora & libera, tantum ad aliorum obsequium & exemplum facta.

Rom. 13.
Tit. 3.

Talia sunt, quæ & Paulus Rom. 13. & Tit. 3. præcepit, ut potestatibus subditi sint, & ad omne opus bonum parati, Non ut per hoc iustificentur, cum iam iusti sint ex fide, sed ut in libertate spiritus per hæc alijs & potestatibus seruirent, eorum uoluntati gratuita charitate obsequerentur.

Talia oportuit esse & omnium collegiorum, monasteriorum, sacerdotumq̃ opera, ut quisq̃ suæ professionis & status opera solum in hoc faceret, ut per hæc non iusticiam, sed corporis sui subiectionem exerceret, alijs in exemplū, qui & ipsi opus habent corporis sui castigatione. Deinde ut alijs duntaxat obsequerentur, ad eorum uoluntatem, gratuita charitate, hoc tamen semper & summa cura obseruato, ne uana fiducia præsumat, per ipsa quisq̃ iustificari, mereri, aut saluus fieri, quod solius fidei est, ut sæpius dixi.

k k iij Si quis

DE LIBERTATE

Mandata hominū.

Si quis ergo hanc scientiam haberet, facile se posset gerere citra periculum, in infinitis illis mandatis & praeceptis Papæ, Episcoporum, Monasteriorum, Ecclesiarum, Principum & Magistratum, quæ aliqui stulti Pastores sic urgent, quasi ad iusticiam & salutem sint necessaria, appellantes ea praecepta Ecclesiae, cum sint nihil minus. Christianus enim liber sic dicit: Ego ieiunabo, orabo, hoc & hoc faciam, quod per homines mandatum est, non quod illo mihi sit opus ad iusticiam aut salutem, sed quod in hoc morem geram Papæ, Episcopo, communitati illi & illi Magistratui, aut proximo meo ad exemplum, faciam & patiar omnia, Sicut Christus mihi multo plura fecit, & passus est, quorum ipse nullo prorsus egebat, factus propter me sub Lege, cum non esset sub Lege. Et quamuis Tyranni uim aut iniuriam faciant hoc exigentes, non tamen nocebit, donec contra Deum non fuerit.

*Iudicium fidelium
certum de omnibus
operibus & legib.*

Ex ijs omnibus quisque poterit certum iudicium & fidele discrimen omnium operum & legum accipere, & scire qui sint cæci, stulti, & qui ueri & boni pastores. Nam quodcumque opus non huc solum dirigitur, ut fiat uel ad castigandum corpus, uel ad obsequium proximi (modo contra Deum nihil postulet) non est bonum nec Christianum. Et hinc ego uehementer metuo, pauca vel nulla collegia, monasteria, altaria, officia Ecclesiastica esse Christiana hodie, nec non & ieiunia & preculas peculiare de certis Sanctis. Metuo, inquam, in his omnibus queri non nisi ea, quæ nostra sunt, dum arbitramur per hæc purgari peccata nostra, & salutem inueniri, & sic funditus extinguitur libertas Christiana, quod ex ignorantia Christianæ fidei & libertatis, uenit.

Consilium

Quam ignorantiam & libertatis oppressionem plurimi cæcissimi que Pastores sedulo confirmant, dum populos in ea studia sollicitant & urgent, laudando ea, & suis indulgentijs inflando, fidem autem nunquam docendo. Ego autem tibi consultum uolo, si quippiam uoles orare, ieiunare, aut in Ecclesijs fundare, ut uocant, caue facias, eo fine, quo tibi aliquid commodi siue temporalis siue æterni pares. Iniuriam enim fidei tuæ facies, quæ sola tibi omnia præbet, Ideo sola curanda, ut augeatur, siue operibus siue passionibus exercita. Sed da quod das libere & gratis, ut alij ex te tuæque bonitate augeantur & bene habeant. Sic enim eris uere bonus & Christianus. Quid enim tibi bona opera tua, quæ ad corporis castigationem superabundant, cum abundes pro te per fidem tuam, in qua tibi omnia donauit Deus?

Regula uitæ Christianæ.

En ista regula, Oportet, ut quæ ex Deo habemus bona, fluant ex uno in alium, & communia fiant, ut unusquisque proximum suum induat, & erga eum sic se gerat, ac si ipse esset in loco illius. E Christo fluxerunt & fluunt in nos, qui nos sic induit & pro nobis egit, ac si ipse esset, quod nos sumus. E nobis fluunt in eos, qui eis opus habent, adeo, ut & fidem & iusticiam meam oporteat coram Deo poni, pro tegendis & deprecandis proximi peccatis, quæ super me accipiam, & ita in eis laborem & seruiam, ac si mea propria essent, sic enim nobis Christus fecit. Hæc est enim uera charitas sinceraque Christianæ uitæ regula. Ibi autem uera & sincera est, ubi uera & sincera fides est. Hinc Apostolus. 1. Cor. 13. Charitati tribuit, quod non querit quæ sua sunt.

Vera charitas.

Christianus homo.

Concludimus itaque, Christianum hominem non uiuere in seipso, sed in Christo & proximo suo, aut Christianum non esse, In Christo per fidem, in proximo per charitatem, per fidem sursum rapitur supra se in Deum, rursum per charitatem labitur infra se in proximum, manens tamen semper in Deo, & charitate eius. Sicut Christus Iohan. 1. dicit: Amen dico uobis

1. Cor. 13.

Iohan. 1.

bis

bitis, deinceps uidebitis coelū apertum & angelos Dei ascendentes & descendentes super Filium hominis.

Et hæc de libertate satis, quæ ut uides, spiritualis, ueraciter est libera faciens corda nostra ab omnibus peccatis, legibus & mandatis, Sicut dicit Paulus .i. Timoth. .i. Lex iusto non est posita, quæ superat omnes alias libertates externas, quantum coelum superat terram, quam nos Christus faciat & intelligere & seruare. Amen.



In fine propter eos, quibus nihil tam bene dicitur, quod non deprauent male intelligendo, addendum est, si tamen & ipsum intelligere possint. Sunt quam plurimi, qui hanc libertatem fidei audientes, mox eam in occasionem carnis uertant, omnia sibi statim licere arbitrantur, nec alia re ulla liberi & Christiani uideri uolentes, quam contemptu & reprehensione caeremoniarum, traditionum, legum humanarum. Quasi ideo Christiani sint, quia statis diebus non ieiunant, aut alijs ieiunantibus ipsi carnes comedunt aut preculas usitatas omittunt, suspenso naso, præcepta hominum illudentes, Cætera uero ad Christianam religionem pertinentia prorsus posthabentes. Quibus pertinacissime resistunt ex altera parte ij, qui sola obseruantia & reuerentia caeremoniarum nituntur salui fieri. Quasi ideo salui sint, quia statis diebus ieiunant, aut a carnibus abstinent, aut certas preces orent, iactantes præcepta Ecclesiæ & Patrum, nec ipsi pili facientes ea, quæ sincera sunt fidei nostræ. Vtriq; culpabiles plane, quod rebus neglectis grauioribus & ad salutem necessarijs, super rebus ijs leuiculis & non necessarijs tanto tumultu conflantur.

Contra libertatem
carnis.

Contra fiduciam
operum.

Quanto rectius Paulus Apostolus media uia incedere docet, & utrunq; latus damnat, dicens: Qui manducat, non manducantem non spernat. Et qui non manducat, manducantem non iudicat. Vides hic, quod ij, qui caeremonias non pietate, sed mero contemptu omittunt & uituperant, reprehendantur, cum Apostolus doceat, non contemnere, Scientia enim eos inflat. Rursum pertinaces alteros docet, ut non iudicent illos. Neutri enim charitatem ædificantem inuicem custodiunt. Quare hic audienda est Scriptura, quæ docet, ut nec ad dextram, nec ad sinistram declinemus, sed sequamur iustitias Domini recte lætificantes corda. Ut enim non iustus est quisq;, quia operibus & ritibus caeremoniarum seruit & addictus est, ita nec iustus ex eo censetur solo, quod illa omittit & contemnit.

Non enim liberi sumus per fidem Christi ab operibus, sed ab opinionibus operum, id est, a stulta præsumptione iustificationis per opera quaesita. Fides enim conscientias nostras redimit, rectificat & seruat, qua cognoscimus iusticiam esse non in operibus, licet opera abesse neq; possint neq; debeant, Sicut sine cibo & potu & uniuersa corporis istius mortalis opera esse non possumus, non tamen in eis iusticia nostra sita est, sed in fide, nec tamen illa ob id contemnenda sunt aut omittenda. Sic in mundo sumus necessitate uitæ huius corporis coacti, sed non ex hoc iusti sumus. Regnum meum non est hinc, seu de hoc mundo, ait Christus, sed non dixit: Regnum meum non est hic, seu in hoc mundo. Et Paulus. Licet in carne ambulemus, non tamen secundum carnem militamus. Et Galat. .i. Quod uiuo in carne, in fide uiuo filij Dei. Sic quod facimus, uiuimus, sumus in operibus & caeremonijs, necessitas huius uitæ facit & corporis regendi cura, non tamen in his iusti sumus, sed in fide Filij Dei.

Fides efficax per
charitatem.

Quare Christiano per medium eundem est, & duo illa genera hominum sibi proponenda. Aut enim occurrunt ei pertinaces, obdurati caeremonijs.

Pertinaces iustici-
arii.

k k iij nistæ

DE LIBERTATE

nijste, qui sicut aspidēs surdæ nolunt audire ueritatem libertatis, sed suas ceremonias, tanquam iustificationes faciunt, imperant & urgent sine fide, quales erant olim Iudæi, nolentes intelligere, ut bene agerent. His oportet resistere, contraria facere, & fortiter scandalizare, ne opinione ista impia plurimos secum fallant. In horum oculis expedit comedere carnes, soluere ieiunia, & alia pro libertate fidei facere, quæ pro summis peccatis habent, dicendumq; de eis: Sinite eos, cæci sunt & cæcorum duces. Hoc enim modo & Paulus Titum noluit circumcidi, cum illi urgerent. Et Christus descendit Apostolos, quod sabbato uellebant spicas & multa similia. Gal. 2.

Infirmi in fide.

Aut occurrunt simplices, idiotæ, ignari, & infirmi in fide, sicut Apostolus uocat, qui nondum possunt capere libertatem istam fidei etiam si uelint, His parcendum est, ne offendantur, & deferendum eorum infirmati, donec plenius erudiantur. Hi enim quia malicia indurata non faciunt, nec sentiunt ita, sed sola imbecillitate fidei, propter eorum scandalum uitandum, seruanda sunt ieiunia & alia, quæ ipsi necessaria arbitrantur. Hoc enim charitas exigit, quæ neminem lædit, sed omnibus seruit. Non enim sua culpa, sed Pastorum suorum, infirmi sunt, qui laqueis & armis traditionum suarum eos captiuauerunt, & male percusserunt, a quibus debuerant liberari & sanari fidei libertatisq; doctrina, sic Apostolus Rom. 14. Si esca mea scandalizat fratrem meum, non manducabo carnes in æternum. Et iterum: Scio quod per Christum nihil est commune, nisi illi qui putat commune esse, sed malum est homini, qui per offendiculum manducat. Matt. 12.
Rom. 12.
Rom. 14.

In traditiones & earum conditores.

Quare etsi fortiter resistendum est magistris illis traditionum, & leges Pontificum acriter uituperandæ, quibus in populum Dei grassantur. Turbe tamen pauidæ parcendum est, quam captiuam tenent eisdem legibus impij illi Tyranni, donec explicentur. Ita pugna strenue contra lupos, sed pro ouibus, non simul contra oues, Quod facies, si in leges & Legislatores inueharis, & tamen simul serues eas cum infirmis, ne scandalisentur, donec & ipsi tyrannidem cognoscant, & libertatem suam intelligant.

Quod si uti uoles libertate tua, in occulto facito, sicut Paulus dicit Rom. 14. Tu fidem, quam habes penes teipsum, habe coram Deo caue autem ne coram infirmis utaris. Rursum coram Tyrannis & pertinacibus utere eadem, in despectum eorum, multo omnium constantissime, ut & ipsi intelligant, se impios esse & leges suas nihil esse ad iusticiam, quin eis nihil iuris fuisse condendi eas.

*Vfus exercitiorū
corporalium rerū.*

Cum ergo hæc uita agi non possit, sine cæremonijs & operibus, primo feruens & rudis ætas adolescentium opus habeat, his uinculis arceri & seruari, & unicuique corpus suum eisdem studijs castigandum sit, prudentem & fidelem oportet esse ministrum Christi, ut sic regat & doceat populum Christi in his omnibus, ne conscientia & fides eorum offendatur, ne in eis opinio aut radix amaritudinis oriatur, & per illam inquinentur multi, ut Paulus præmonuit Ebræos, hoc est, ne amissa fide incipiant opinione operum inquinari, quasi per ipsa iustificandi. Quot facile fit, & plurimos inquinat, nisi fides constanter simul inculcetur. Impossibile autem est uitari ubi tacita fide constitutiones hominū solæ docentur, sicut hactenus factum est, per pestilentes, impias, animicidas Pontificum nostrorum traditiones, & Theologistarum opiniones, infinitis animabus ad inferos his laqueis pertractis, ut Antichristum agnoscere possis. Hebr. 12.

In summa, sicut paupertas in diuitijs, fidelitas in negocijs, humilitas in honoribus, abstinentia in conuiujs, castitas in delicijs: Ita iusticia fidei in cæremo-

in caeremonijs periclitatur. Nunquid, ait Salomon, ignem quis in sinu gestare potest, ut non comburantur uestimenta eius? Et tamen ut in diuinjs in negocijs, in honoribus, in delicijs, in epulis: Ita in caeremonijs, id est, in periculis uersari oportet. Imo, sicut infantibus pueris, maxime opus est foueri sinu & officio puellarum, ne pereant, quibus tamen adultis periculum salutis est inter puellas uersari. Ita rudibus & feruentis ætatis hominibus opus est, ut caeremoniarum claustris etiam ferreis teneantur & castigentur, ne impotens eorum animus, per uitia præceps eat, & tamen mors eis fuerit si opinione iustificationis, in eis perseverauerint, cum docendi potius sint non ideo se fuisse adeo incarceratos, ut per hoc iusti sint aut multa meriti, sed ne mala facerent, & ad iusticiam fidei facilius erudirentur, quod præ impetu ætatis, nisi premeretur, non ferrent.

Vnde caeremoniæ in uita Christiana alio loco habendæ non sunt, & apud fabros & artifices habentur præparamenta illa, ad ædificandum & operandū disposita, quæ non in hoc parantur, ut aliquid sint aut maneant, sed quod sine ijs, ædificari aut fieri nihil possit. perfecta enim structura depouuntur. Hic uides, non ipsa contemni, imo maxime queri: opinio autem contemnitur, quia nemo existimat hæc esse ueram & permanentem structuram. Quod si quis tam insigniter desperet, ut tota uita aliud non curaret, quam ut hæc præparamenta quam sumptuosissime, diligentissime, pertinacissime disponeret, nunquam autem de ipsa structura cogitaret, sibi placens & iactans suam operam in præparamentis & fulcris istis uanis. Nonne omnes eius insanix misererentur, & sumptu isto perditio magnum aliquid ædificari potuisse iudicarent?

Quo loco caeremoniæ habendæ

Ita non caeremonias nec opera contemnimus, imo maxime querimus, opinionem autē operum contemnimus, ne quis existimet illā esse uere iusticiā, sicut faciunt hypocritæ, qui totā uitam in his studijs figunt & perdunt, & ad id, cuius gratia sunt, non perueniunt, seu ut Apostolus ait, Semper discentes, & nunquam ad scientiam ueritatis peruenientes. Videntur enim uelle ædificare se, sed parant & tamen non ædificant unquam, ita manent in specie pietatis, & uirtutem eius non attingunt.

Placent tamen interim sibi in his studijs, ausi etiam omnes alios iudicare. quos simili operum pompa non fulgere uident, Cum hoc uano sumptu & abusu donorum Dei, si fide essent imbuti, grandia potuissent in suam & aliorum salutem efficere. Verum cum natura humana & ratio (ut uocant) naturalis sit naturaliter superstitiosa, & propositis quibusque legibus & operibus prompta sit in opinionem iustificationis per ea adipiscendæ, His adde, quia usu omnium legislatorum terrenorum, in eundem sensum est exercita & firmata, impossibile est, ut per seipsam se exuat a seruitute illa operaria, in libertatem fidei cognoscendam.

In iusticiarios sua persticiosos.

Ideo oratione opus est, ut Dominus nos trahat, & theodidactos, id est dociles Deo faciat, & ipse in cordibus nostris, sicut promisit, legem scribat, alioqui actum est de nobis. Nisi enim ipse doceat, intus hanc sapientiam in mysterio absconditam, natura non potest nisi damnare eam & hæreticam iudicare. Quia scandalisatur in ea, & stulta ei apparet, sicut olim in

Prophetis & Apostolis uidimus accidisse, sicut & nunc mihi & mei similibus faciunt impij & cæci Pontifices cum suis adulatoribus, quorum aliquando nobiscum misereatur Deus & super eos illuminet uultum suum, ut cognoscamus in terra uiam eius, in omnibus gentibus salutare eius, Qui est.

benedictus in secula, AMEN.

Anno M. D. XX.

TESSA.

TESSAR CONSO D MAR LVTH
TESSARADECAS
CONSOLATORIA PRO
LABORANTIBVS ET ONE
ratis, Doct. Martini Lutheri.

M. D. XX.

PRÆFATIO



Postolus Paulus Roma. 15. definiturus Christiand
rum solatia dicit: Fratres quæcuncq; præscripta
sunt, ad nostram doctrinam præscripta sunt, ut
per patientiam & consolationem Scripturarum
spem habeamus. In quo aperte docet, solatia
nostra e Scripturis sanctis esse petenda.

Scripturæ sanctæ autem gemino consolatio
nis tropo utuntur, dum duas Imagines rerum saluberrima tempe
rie mixtas proponunt, malarum uidelicet, & bonarum. Sicut Ecce
lesiasticus sapiens dicit. In die malorum memor esto bonorū, & in die
bonorum memor esto malorum. Scit enim Spiritus sanctus talem ac
tantam esse homini rem quamcuncq; , qualis & quanta eius in ipsa ua
luerit opinio. Quod enim uile & nihili ducitur, parum quoq; afficit,
seu amore, si ueniat, seu dolore, si recedat. Ideo id omni studio cona
tur, ut hominem a rerum opinione & affectu auocet. Quod ubi
effecerit iam res quælibet sunt indifferentes. Cum autem hæc auo
catio potissimum uerbo fiat, quo transfertur opinio a re, quæ præ
senter afficit, in rem, quæ uel absens est, uel non afficit præsens, op
timo iure, non nisi per Scripturarum consolationem eam habebimus,
quæ nos in die malorum auocat ad spectanda bona, quæ uel præsentia
uel futura sunt, simul in die bonorum auocat, ad spectanda mala.

Verum, ut hæc duo spectra & imagines melius capiamus, da
bimus unicuiq; suas partes, septem. Prior imago habebit mala, quæ
considerentur. Primo intra se, Secundo ante se, Ter
tio post se, Quarto iuxta se in sinistro, Quinto
in dextro, Sexto infra se, Septimo supra:

Consola:

PRO LABOR ET ONERE CCCCLXXIIII

CONSOLATIO PRO LABORANTIBVS CAPVT.I.

de Spectro primo, quod est
malum internum.

HOC ratum est & uerissimū, siue id credat homo siue non,
Nullum esse posse in homine cruciatum tantum, qui pessimum
sit malorum, quæ in ipso sunt, adeo sunt longe plura & maiora
in ipso mala, quam quæ sentit. Si enim suum malum sentiret, in- *Homo in se infera*
fernū sentiret. Nā infernū in seipso habet. Queris quomodo dicit Prophe- *num habet.*
ta: Omnis homo mendax, Et iterū: Vniuersa uanitas omnis homo ui- *Quid sit damna-*
uens. Esse autem mendacē & uanum, est esse uacuum ueritate & re ipsa, At *esse.*
sine ueritate & re ipsa esse, est sine Deo esse, & nihil esse, hoc autem est in
inferno & damnatum esse.

Ideo Deus misericorditer nos castigans, leuiora mala nobis aperit, &
imponit, sciens quod si hominem in suum malum deduceret cognoscendū,
mox in momento periret, sed & nonnullos hoc gustasse dedit, de quibus
dicitur: Deducit ad inferos & reducit. Proinde recte dicunt, qui passio- *Passiones corpora-*
nes corporales uocant quædam monitoria mali interni. Et Apostolus *les.*
Ebr. 12. uocat eas disciplinas Dei paternas, dicens: Flagellat autem om-
nem filium quem recipit, Quod facit, ut his flagellis & paruis malis ex-
pellat magna ista mala, ne quando ea sentire oporteat. Sicut Prouerb. 22.
Stulticia colligata est in corde pueri, sed uirga disciplinæ fugabit eā.
Nonne & pii parentes plus in filiis dolent, si sint fures, aut mali, quam *Pii parentes,*
uulnerati, imo ipsimet eos cædunt & sauciant, ut mali esse non possint.

Quid ergo obstat, quod hoc malum uerum non sentitur? Nempe, ut
dixi, Deo disponente ita fit, ut homo non deficiat, si sua mala penitissima
uideret. Nam abscondit ea, uolens sola fide ea cerni, dum ea indicat sensi-
bili malo. Itaq; in die malorum memor esto bonorum. Vide quantum bo-
num sit, non nosse totum malū. Huius esto boni memor, & minus cru-
ciabit sensibile malum. Ita rursus in die bonorum memor esto malorum,
id est, dum indolens es uerorum malorum, in hac indolentia gratus esto,
& memorare uerorum malorum, tum fiet ut minus sentias sensibile malum.
Claret ergo, maiorem esse in homine semper indolentiam quam dolorem *In homine indolen-*
in hac uita, non quod non præsens sit malum totum, sed quod opinio & *tia maior quam do-*
affectus eius non sit per Dei bonitatem, qui abscondit ipsum. *lor.*

Hinc uidemus eos, quibus datum est suum uerum malum intueri, quam
atrociter in seipsos faciunt, quam nihil ducant, quidquid pati possunt in
tota uita, modo infernum suum non sentiant. Ita unusquisq; faceret, si uel
sentiret, uel crederet firmiter malum suum internum, sponte aduocaret ex- *Sentientes uerū*
terna mala, luderet in eis, atq; nunquam tristior esset, quam dum non *malum suum ore.*
haberet mala, sicut nouimus quosdam Sanctos fecisse Quasi David
Psal. 6.

Igitur prima imago consolatoria est, sibi ipsi dicere: Nondum
o homo sentis malum tuum, gaude, & gratias age, quod non sentire co- *Prima imago con-*
geris, atq; ita malum comparatione maximi leue fiet, hoc est, quod ali- *solatoria*
dicunt: Longe peiora, etiam infernum meritis sum, Facile quidem dici,
sed intolerabile sensu.

Atq;

TESSAR CONSO D MAR LVTH

Atq; hoc malum quantumlibet lateat, tamen fructus suos prodit satis sensibiles. Hi sunt timor & incertitudo trepidæ conscientiæ, qua fides impugnatur, dum homo nescit, aut dubitat, an habeat propitium Deum, qui fructus tanto acerbior est, quanto fides infirmior. Atq; hæc sola infirmitas digne perpenſa, cum sit spiritalis, longe præponderat corporali, quam & leuiſſimam reddit ſui comparatione diligenter facta.

*Vanitas & afflic-
tio spiritus.*

*Hæc uita est tenta-
tio. Job. 7.*

Præter hæc ad interna mala pertinet tota illa tragœdia, quam Eccleſiaſtes deſcribit, ubi toties uanitatē & afflictionē ſpiritus commemorat. Quot enim conſilia fruſtra capimus & quot uota noſtra illuduntur & quot uidemus, quot audimus, quæ nollemus, Atq; hæc ipſa quæ ad uotum cedunt, contra uotum quoq; cedunt, adeo nihil integrum atq; perfectum eſt. Deinde hæc omnia tanto maiora ſunt, quanto altiori loco & ordine quiſpiam ſederit, quem neceſſe eſt præ cæteris in eadem re laborantibus, longe pluribus & maioribus æſtibus, fluctibus, procellis agitari. Vt recte Pſal. 104. dixerit: Animalia puſilla & magna & reptilia, quorum non eſt numerus, in hoc mundi mari eſſe, id eſt, temptationum infinita nomina. Sed & Job 7. uitam hominis ob hoc temptationem uocat.

*Homo uix milleſi-
mam partem malorum
ſuorum ſentit.*

Hæc uero non ideo mala non ſunt, quia minus ſentiuntur, ſed quia uſu & aſſiduitate uiluerunt, & affectus atq; opinio in his detriti ſunt operante Deo, ideo rara potius mouent, quæ adhuc nullo uſu didicimus contem- nere Adeo uerū eſt, uix milleſimam partē noſtrorum malorum nos ſentire, Adeo deniq; uerum eſt mala noſtra non rei ueritate, ſed opinione & affectu noſtro metiri, ſentiri, aut non ſentiri.

C A P V T I I DE S E C V N D O S P E C T R O, quod eſt malum futurum, ſiue ante ſe.

Malum futurum:

Timor.

*Nulla ætas ſcabieli
ſuperior.*

*300. morborum
nomina.*

*Animus malorum
receptaculum.*



NON parum leuabit præſens quodcunq; malum, ſi ad ſu- tura uertas animum, quæ tot & tanta & tanta ſunt, ut huic uni- datus ſit magnus ille & unus principalium affectuum, qui ti- mor dicitur, deſinentibus quibuſdam, quot timor ſit affec- tus de futuro malo. Vt & Apoſtolus dicat Roma. 11. Noli altum ſapere ſed time. Hoc malum eo maius eſt, quo incertiſ eſt, quale & quantum ſit futurum. Ita ut uulgo quoq; prouerbiū teratur: Non eſt ulla ætas ſcabieli etiam ſuperior, quod tamen puerile atq; adeo infantile malum eſt. Adeo a nullis nullius hominis malis ullus hominum libere ſecurus eſt, ſed quidquid patitur homo, pati poteſt & alter.

Huc pertinent omnes hiſtoriæ & tragediæ omnium ſeculorum, om- nes querele totius mundi, huc quod quidam obſeruarunt plusquam trecenta nomina morborum, quibus corpus humanum uexari poteſt. Si autem tot morbi, quot, alijs, putas, erunt, caſus rerum, amicorum, tandem ipſius animi, qui omnium malorum principale ſubiectum eſt, triſtitiaq; ac malorum u- nſum receptaculum.

Augelcit uero malorum uis & ſenſus, quo maior fuerit & dignior ſta- tus, ubi

PRO LABOR ET ONER CCCCLXXV.

tus, ubi inopia, ignominia, & omnia indigna, cum etiam subito possint accidere, necesse est, ut sicut tenui pendent omnia filo, formidanda sint omni hora, non secus ac gladius ille, quem Dionysius tyrannus super caput conuiuæ sui suspendit.

Dionysius tyrannus.

Horum autem quidquid non acciderit, pro lucro habendum est, ac non paruo solatio eius mali, quod accidit, ut etiam hic cum Ieremia dicere cogaris: Misericordie Domini, quod non sumus consumpti. Nam quidquid illorum non accidit, prohibente Excelsi dextra non accidit, quæ uallat nos undiq; tanta fortitudine (ut in Iob monstratum est) ut Satan & mala indigne etiam ferant, sese esse prohibita. Proinde uidemus, quam dulciter sit amandus Dominus, quoties nobis quid acciderit, nempe, quod unico hoc malo nos moneat amantissimus Pater uidere, quot instent mala quæ nos petant, si non ipse obstaret. Ac si dicat: Satan & chaos malorum expetit te ut cribret te, Sed ego posui terminum maris, & dixi ei: Huc peruenient & coufringentur tumentes fluctus tui, sicut dicit in Iob 38.

Dei misericordia erga homines.

Verum esto, nullum eorum sit uenturum forte, sic Deo uolente, saltem illud quod omnium terribilium maximum dicitur, scilicet mors certissime futura est, & nihil incertius hora eius. Quod sane malum tantum est, ut uideamus multos homines etiam cum omnibus prædictis malis malle uiuere, quam illis finitis semel mori. Atq; huic uni, cum cætera contemnat, Scriptura quoq; accommodat timorem dicens: Memorare nouissima tua, & in æternum non peccabis. Huc uide, quot meditationes: quot libri: quot modi: quot remedia sint congeſta: ut hac unius mali memoria peccatis abstergeant, mundum contemptibilem faciant, passionibus & mala alleuiant & tribulatos consolentur, comparatione tam horribilis & magni, sed & aliquando necessarij mali. Nemo est, qui non omnia mala optet subire, si per ea liceret & mortis malum euadere. Hoc Sancti quoq; timuerunt, hoc Christus cū pauore & sanguineo sudore subiit. Ita ut misericordia diuina nullo maiore negotio curarit pusillanimes confortare, quam in hoc malo, ut uidebimus infra.

Mors terribilium maximum.

Hæc omnia uero communia sunt omnibus hominibus, sicut & communia salutis beneficia in eisdem malis. Cæterum Christianis noua causa est timendi futuri mali & propria, quæ omnia mala prædicta facile superet. Hæc est, quam Apostolus pingit. i. Corinth. 10. dicens: Qui stat, uideat ne cadat. Adeo lubrica uia est, adeo potens est hostis armatus nostris proprijs uiribus, (id est, carnis & omnium affectionum malarum præsidij) stipatus infinitis mundi copijs, delitijs & uoluptatibus a dextra, asperitatibus & hominum malis uoluntatibus a sinistra, præter eam, qua ipse instructissimus est mille modis nocendi, seducendi, perdendi arte. Ita uiuimus, ut ne momento quidem securi simus de bono proposito nostro.

Hostis noster potens est.

Cyprianus multa huiusmodi commemorans in Epistola de mortalitate, docet optandam esse mortem tanquam subuentricem uelocem ad euadenda hæc mala. Ac uere ubi fuerint bonicordes hi homines, qui hæc pericula infinita inferni digne animo tractant, uidemus eos contempta uitæ & morte, id est, omnibus malis prædictis, optare solui, ut hoc malo peccatorum, in quo sunt, ut priore spectro diximus, & in quod cadere possunt, de quo nunc dicimus, simul soluantur. Et sunt sane hæc duæ Rationes iustissimæ, non tantum mortis optandæ, sed & omnium malorum contemnendorum, nedum unius mali leuiter ferendi, si cui dederit Dominus, ut eis permoueatur, donum itaq; Dei est eis moueri.

Cyprianus in Epistola de mortalitate.

TESSAR. CONSOLATORIA D. M. L.

Quis enim recte Christianus non optet etiam mori, nedum infirmari, qui uideat ac sentiat se, dum sanus uiuit, in peccatis esse, & continue in plura ruere posse, & quotidie ruere, ac sic contra amabilissimam amabilissimi Patris sui uoluntatem sine intermissione agere? Hoc enim indignationis æstu & Paulus (Rom. 7.) commotus, cum se non agere bonum, quod uellet, sed malum, quod nollet, quæstus fuisset exclamauit: Infelix ego homo, quis me liberabit de corpore mortis huius? Gratia Dei, inquit, per Ihesum Christum &c. Parum diligit Deum Patrem suum, qui non præfert mortis malo hoc peccandi malum, cum ille mortem in hoc ordinarit, ut hoc malum aliquando finiat & sit mors uitæ ac iusticiæ ministra, De quibus infra.

Rom. 7.

Deus tunc nobis mortem statuerit.

Caput III. de specto tertio, quod est malum præteritum seu post nos.

Malum præteritum.



In hoc eximie præ cæteris lucet dulcis misericordia Dei Patris, potens nos consolari in omni angustia nostra. Neque enim præsentio rem manum Dei super se quilibet sentit, quam dum recogitat annos uitæ præteritæ. Dicit B. Augustinus: Si homini daretur optio, ut aut moreretur, aut præteritam uitam iterum ageret, futurum esse, ut mori eligeret, tanta & pericula & mala uidens, quæ uix & ægre eualerit. Quæ sententia uerissima est, si digne pensetur.

Manus Dei quando præsentissima sentitur.

Homo proponit, Deus disponit.

Hic enim cernere licet, quoties sine suo studio, sine cura, imo citra & contra uotum multa fecerit & passus sit, quorum adeo non habuit consilium, antequam fierent, aut dum gererentur, ut finito opere secum mirans, tum primum cogatur dicere: Quorsum hæc mihi cesserunt, quæ nec cogitavi, aut longe alia cogitavi: Ita ut uerum sit prouerbum: Homo proponit, Deus autem disponit, id est, in diuersum ponit, & aliud quam homo proponit, efficit, Vt uel in hoc uno negare non possimus, uitam & actus nostros non nostra prudentia, sed mirabili potentia & consilio, & bonitate Dei fuisse gubernata. Hic perspicitur, quoties Deus nobiscum fuerit, ubi nec uidimus nec sensimus. Ac quam uere dixerit Petrus: Ipsi enim est cura de nobis omnibus.

1. Pet. 5.

Vita nostra diuinæ bonitatem nobis commendat.

Quare si non essent libri neque sermones, tamen ipsa nostra uita per tot mala & pericula ducta, si consideretur, abunde nobis diuinam bonitatem commendat præsentissimam & suauissimam esse, ut quæ nos longe ultra consilium & sensum nostrum uelut in sinu suo portauit, Et ut Moses Deus 32. dicit: Dominus custodiuit eum, quasi pupillam oculi sui, circumduxit eum, & portauit in humeris suis.

Deus semper præsens credendus.

Atque hinc natæ sunt exhortationes illæ in Psalterio: Memor fui dierum antiquorum, meditatus sum in omnibus operibus tuis, & in factis manuum tuarum meditabar. Memor ero ab initio mirabilium tuorum, Et memor fui iudiciorum tuorum, & consolatus sum. Hæc & similia huc spectant omnia, ut sciamus, quod si tunc præsentem fuisse Deum nobis uideamus, quando non cogitabamus, nec uidebatur adesse, iam quoque præsentem esse non dubitemus, dum absens nobis uidetur. Nam qui in multis necessitatibus nos sine nobis suscepit, etiam in modico, etiam si derelin-

quere

PRO LABOR ET ONER CCCCLXXVI

54. quere uideatur, non derelinquet. Sicut in Esaia dicit: Ad momentum & modicum dereliqui te, & in miserationibus magnis congregabo te.

His si addas: Quis nostri curam habuit tot noctes dormientium? quis pro nobis sollicitus fuit, quoties laborauimus, lusimus, & omnia illa infinita egimus, in quibus nihil ipsi pro nobis solliciti fuimus? Aut quantum est tempus, quo nostri curam habemus? Ipse auarus, dum sollicitus est pecuniam quærere, in quærendo & agendo sollicitudinem ponat, necesse est. Ita uidemus quam uniuersa nostra cura, uelimus, nolimus, ad Deum solum redeat, uix rarissime nobis nostro relictis consilio. Quod tamen & ipsum ideo facit Dominus, ut erudiat nos ad agnoscendam suam bonitatem, ut aliquando uideamus, quantum intersit inter curam suam & nostram. Ita fit, ut nos quandoque leui morbo alioque malo sinat impeti, dissimulans suam curam (non enim aliquando non curat) simul tamē prohibens, ne tot mala quot instant, undique simul irruant, ut nos sicut filiolos charissimos tentet, an suæ curæ per omnem aliam uitam cognita, uelimus nos credere, & quam inutilis & impotens sit nostra cura, uidere. Quid enim nobis prosumus, aut possemus prodesse tota uita, qui unicum dolorem cruris breuissimo tempore curare non possumus?

Dei pro nobis cura

Cura nostra impotens.

Quid ergo tam anxij sumus in puncto unius periculi, aut mali, nec ei curam relinquimus, cum uita ipsa teste, tot malis ab eo eruti simus, & seruati sine nostro studio? Ista, inquam, nosse, est opera Dei nosse, meditari in operibus eius, & ea memoria consolari in aduersitatibus. Qui autem ignorant, incurrunt in illud, Psal. 28. Quoniam non intellexerunt opera Dei, & opera manuum eius destrues eos, & non ædificabis eos. Sunt enim ingrati uniuersæ curæ Dei, super eos in tota uita habite, qui in modico puncto curam sui non ei credunt.

Opera Dei nosse.

CAput IIII. de spectro quarto, quod est malum infernum, seu infra nos.



Dhuc non aliud uidimus in omnibus malis, quæ patimur, quã quod diuina bonitas tanta tanq̃ præsens sit, ut inter innumera mala, quibus sumus in hac uita circumdati, & penitus in eisdem incancerati, uix pauca, nec ea omni tempore sinantur nos impetere. Ita ut quoduis malum præsens, quo premimur, non nisi monitorium sit lucri cuiusdam magni, quo nos honorat Deus, dum non sinit nos opprimi multitudine malorum, in quibus sumus. Quod enim miraculum, si quis infinitis ictibus tentetur, vel uno saltem aliquando tangatur? Imo gratia est non omnibus feriri, miraculum est non multis feriri.

Malum infra nos

Malum præsens donum Dei.

Primum itaq̃ eorum, quæ infra nos sunt, malorum est mors, alterum infernus. Mortem aliorum tam uariam tam indignam consideremus, quæ plectuntur peccatores, facile uidebimus, quanto nos lucro minora meritis nostris patiamur. Quot enim laqueo, furca, aqua, strangulantur, aut gladio quoque feriuntur, qui longe minora peccata forte fecerunt, quam nos? Ita ut illorum mors & miseria nobis a Christo quoque pro spectro obijciatur, in quo uideamus, quid nos meruerimus.

Mala infra nos.

Maleficiorum supplicia nobis a Deo obijciuntur pro spectro.

Sic enim Luc. 13. cum ei nunciarent quidam de Galilæis, quorum Pilatus sanguinem miscuerat cum sacrificijs eorum, respondit: Putatis, quod hi Galilæi præ omnibus Galilæis peccatores fuerint, quia talia passi sunt?

11 h Non

TESSARUM CONSOLATORIA D. M. L.

Non dico uobis. Imo nisi poenitentiam egeritis, omnes similiter peribitis: Sicut illi decem & octo, supra quos cecidit turris in Siloa, & occidit eos. Putatis, quod & ipsi debitores erant, præter omnes homines habitantes Ierusalem? Non dico uobis, Imo si poenitentiam non egeritis, omnes peribitis. Neque enim cogitare possumus, mitiora nobis deberi mala, qui maiora, vel similia peccata commisimus. Neque iusticia & ueritas Dei propter nos iniqua & mendax erit, quæ unicuique iuxta opera sua reddere disposuit, Si non ipsi peruenerimus, & saltem paruulo malo patienter tolerato satisfecerimus.

Iuxta opera unicuique redditur.

Infernus.

Inestimabilis Dei misericordia.

Ingratitudo nostra

In inferno uero & eterna damnatione quot milia sunt, qui nec millesimam peccatorum nostrorum partem habent? quot ibi uirgines, pueri, & quos nos innocentes uocamus? Quot religiosi, sacerdotes, coniuges, qui tota uita uisi sunt Deo seruire, & uno forte casu lapsi in æternum plectuntur. Neque enim hic dissimulandum est: Vna est iusticia Dei in quolibet peccato, æqualiter odit, & damnat peccatum in quocunque repertum fuerit. An non hic uidemus inestimabilem Dei misericordiam, quæ toties meritos non damnavit? Quantum, quæso, est, quod pati possumus, uel tota uita ad poenam æternam, quam illi uno delicto meriti patiuntur? Nos interim liberi, & multis adeo dissimulatis peccatis seruati. Quod enim hæc Dei beneficia non curamus, aut frigide æstimamus, ingratitude est, & quædam incredulitatis insensatæ duritia.

Præterea huc conuehendi sunt tot infideles, Gentes, Iudei, infantes, quibus si data fuissent ea, quæ nobis data sunt, non in inferno, sed in cælo essent, ac longe minus peccassent. Nam & hoc spectrum Christus nobis Matth. 11. ob oculos ponit, dicens: Væ tibi Chorazin, Væ tibi Bethsaida. Quia si in Tyro & Sidone factæ fuissent uirtutes, quæ factæ sunt in uobis, olim in cilicio & in cinere poenitentiam egissent. Veruntamen dico uobis, Tyro & Sidoni remissius erit in die iudicii, quam uobis. Væ tibi Capernaum, quæ usque in cælum exaltata es, usque in infernum descendes. Quia si in Sodomis factæ fuissent uirtutes, quæ factæ sunt in te, forte mansissent usque in hanc diem. Veruntamen dico uobis, quia terræ Sodomorum remissius erit in die iudicii, quam tibi.

Luus & amor Deo in quocunque malo debentur.

Videmus ergo, quantum laudis & amoris debeamus optimo Deo nostro, in quocunque malo huius uitæ, quod uix stilla una sit eorum, quæ meriti sumus, quæ ipse Iob mari comparat & arenæ maris.

Caput V. de spectro quinto, quod est malum sinistrum seu ad sinistram.

Malum sinistrum.

Hic ante oculos ponendus cumulus ille aduersariorum & malorum hominum, & in ijs primo uidendum, quot mala non intulerunt corpori, rebus, famæ, animabus nostris, quæ uoluissent inferre, nisi Deo disponente non potuissent. Et quanto quis in celliore loco sedet, & latius regnat, tanto pluribus eiusmodi aduersariorum insidijs, machinis, oblocutionibus & tentationibus est expositus. In quibus omnibus præsentissimam Dei manum licet intelligere & experiri. Quid ergo mirum, si uno aliquando tangamur?

Deinde & eorum propria mala sunt uidenda, non ut eis exultemus, sed ut compatiamur. Sunt autem & ipsi eisdem malis omnibus communiter expositi, quibus nos, ut in prædictis spectris facile est intueri. Verum in hoc

PRO LABORE ET ONERE CCCCLXXVII

in hoc nobis sunt miseriae, quae extra societatem nostram sunt, tam corporealem quam spirituales. Nihil est enim hoc malum quod patimur ad illud, quod illi sunt in peccatis, in infidelitate, sub ira Dei, sub imperio diaboli, mancipia miserrima impietatis & peccati, ita, ut, si totus mundus eis malediceret, peiora imprecari non posset. *Impiorum adversa
riorum miseria.*

Quae omnia si digne videamus, simul videbimus, quanto benigniore Dei dignatione in fide, in regno Christi, in servitute Dei toleramus parvulum corpusculi aliquod incommodum, quod in tanta rerum optimarum opulentia ne sentiri quidem oporteat, quin & illorum miseria sic debet Christiano & pio cordi esse molesta, ut suas molestias delicias arbitretur. Sic enim iubet Paulus Philip. 2. Singuli quae sunt aliorum considerantes, non quae sua. Hoc enim sentite in vobis, quod & in Christo Iesu. Qui cum in forma Dei esset, formam servi accepit &c. Hoc est, affectu piissimo nostram formam induit, non secus se gerens in malis nostris, quam si sua essent propria, ita sui suorumque bonorum oblitus & exinanitus, ut omnino inveniretur in similitudinem hominum factus, nihil humani alienum a se ducens, tantummodo nostris malis occupatus. *Molestiae quae iusto
accidunt, deliciae
sunt.*

Hoc affectu animati & eo spectro commoti, solent Sancti pro malis etiam inimicis suis orare, & omnia facere exemplo Christi, & obliti suarum iniuriarum vel iusticiarum anxij esse, quomodo illos liberent a malis suis, quibus incomparabiliter magis cruciantur, quam suis corporalibus malis. Sicut de Lot scribit S. Petrus. 2. Pet. 2. Habitans inter eos, qui de die in diem animam iustam iniquis operibus cruciabant. *Sancti pro inimicis
suis orant.
Lot.*

Vides ergo, quanta hic appareat abyssus malorum, & occasio miserendi & compatiendi, simul parvuli nostri mali obliuiscendi, si charitas Dei in nobis fuerit, quam nihil nos Deus pati permittat ad ea, quae illi patiuntur. Quod vero haec nos leuiter mouent, in causa est, quod oculus cordis non satis purus est, quo uideremus, quanta sit ignominia & miseria hominis sub peccato iacentis, id est, a Deo separati & a diabolo possessi.

Quis enim tam ferreus est, qui non contabescat ad miserandam speciem eorum, qui in foribus Ecclesiarum & plateis iacent corrosis uultibus, exesis naribus & oculis, aliisque membris sanie & putredine foede consumptis, ita ut animus exhorrescat cogitare, nedum sensus ferat intueri? At quid his lachrymandis nostrae carnis & fraternae similitudinis monstris Deus intendit, nisi ut oculos mentis nostrae aperiat, quo videamus, quanto horribiliore specie anima peccatoris sanie & putredine suam ostendet, etiam si ipse in purpura & auro, & rosis & lilijs agat, tanquam paradisi filius? At quanti sunt peccatores in mundo ad unum illorum saniosorum comparati? Haec sane mala infinita, tum magnitudine, tum multitudine contempta in proximis, faciunt, ut nostrum, vel unum minutissimum nobis solum & maximum uideatur. *Anima peccatoris.*

Sed age, & in corporalibus malis necesse est peiore sint conditione, quam nos. Quid quæso potest eis dulce & pure iucundum esse, etiamsi omnia quae uelint habebant obtineantque, quando conscientia eorum quiescere non potest? An est malum atrocius, quam mordax conscientiae tumultus? Dicit enim Isa. 57. Impij sicut mare fetuens, quod quiescere non potest, & redundant fluctus eius in conculcationem & lutum. Non est pax impijs, dicit Dominus Deus. Itaque illud Deut. 28. in illis uideas: Dabit tibi Dominus cor pauidum, & deficientes oculos, & animam consumptam merore, & erit uita tua quasi pendens ante te, timoribus die ac nocte, & non credes uita tua. *Conscientia inquiet.*

TESSAR CONSOLATORIA D. M. L.

te tuę. Mane dices : Quis det mihi uesperum ? Et uespere : Quis mihi det mane ? propter cordis tui formidinem, qua terreberis, & propter ea quę tuis uidebis oculis.

Breuit̃er, qui mala malorum omnia digno affectu uideret, siue inimicorum siue amicorum, non solum suorum obliuisceretur, & nihil se pati sibi uideretur, uerum & cum Mose & Paulo Apostolo æstuar̃et, ut pro eis mori liceret, & anathema a Christo fieri, ac de libro uitę deleri (ut Rom. 9. scribitur) quo illi liberarentur. Hoc enim zelo & incendio Christus ardens, pro nobis, & mortuus est, & ad inferos descendit, nobis exemplum relinquens, ut & nos pro aliorum malis ita simus solliciti, nostrorum penitus oblit̃i, imo nostrorum cupidi.

CAput VI. de Spectro sexto, quod est malum dextrum, seu ad dextram.

Malum dextrum.

Amicorum malis nostra mitigare docemur.

Sanctorum festa cur celebrentur.



Dextris sunt Amici nostri, quorum malis nostrum malum mitigari etiã S. Petrus docet .1. Pet. 5. Resistite diabolo fortes in fide, scientes easdem passiones ei, quę in mundo est, fraternitati uestre fieri. Ita & Ecclesia orat in precibus, ut exemplis Sanctorum prouocati, uirtutem passionis eorum imitemur, Cantatq̃, omnes Sancti quanta passi sunt tormenta, ut securi peruenirent ad palmam martyrii.

Ex quibus uerbis & canticis Ecclesię intelligimus, Sanctorum festa, memorias, templa, altaria, nomina, imagines, ideo celebrari & multiplicari, ut eorum exemplo animemur ad perferenda eadem mala, quę ipsi tulerunt. Qua ratione nisi colantur, omnis alius cultus eorum superstitione non uacet, oportet, ut sunt multi, qui celebrant hæc omnia, ne malum, quod Sancti exemplo & memoria sui ferendum docent, ferant, sicutq̃ dissimiles eis, quorum festa habent, ut similes fierent.

Verum longe omnium pulcherrime hunc locum consolationis tractat Apostolus Ebr. 12. dicens: Nondũ usq̃ ad sanguinem restitistis, aduersus peccatum repugnantes, & oblit̃i estis consolationis, quę uobis tanq̃ filiis loquitur, dicens: Fili mi, noli negligere disciplinam Domini, neq̃ fatigeris, dum ab eo argueris. Quem enim diligit Dominus, castigat, flagellat autem omnem filium, quem recipit, in disciplina perseverate, tanq̃ filiis uobis se offert Deus. Quis enim filius, quem non corripit Pater? Quod si extra disciplinam estis, cuius participes facti sunt omnes, ergo adulteri & non filij estis? Deinde Patres quidem carnis nostre eruditores habuimus, & reuerbamur eos, nõ multo magis Patri spirituũ obtemperabimus, & uiuemus? Omnis autem disciplina in presenti quidem non uidetur esse gaudij, sed mœroris, postea autem fructum pacatissimum exercitatis per eam red-det iusticię. Hęc Paulus.

Filii Dei non sunt qui extra disciplinam sunt.

Quis non terreatur his paulinis uerbis, ubi plane definit, non esse filios Dei, qui extra disciplinam Dei sunt? Quis uero possit robustius confirmari, & efficacius consolari, quam qui audiat eos diligi a Domino, qui castigantur, esse filios, esse omnium Sanctorum communione præditos, non eos solos esse, qui patiuntur? Etiam amabilem disciplinam hæc exhortatio uehemens reddet.

Unicuiq̃ datur tentatio ad mensuram

Nec patet hic excusandi locus, quod alij mitiora ferant, alij duriora, unicuiq̃ enim datur tentatio ad mensuram, non supra uires, ut Psal. 80. Cuius babis

babis nos pane lachrymarum, & potum dabis nobis in lachrymis in mensura. Quod & Paulus dicit: Fidelis Deus, qui non permittit uos tentari ultra quam potestis, sed faciet cum tentatione prouentum, ut possitis sustinere. Vbi ergo maius malum, ibi plus prouentus, & auxilij diuini, ita ut inæqualitas passionum magis in speciem pateat quam re uera sit. Nam & S. Iohannes Baptista, quem hodie decollatum ab Herode recordamur, nonne stupore nos omnes confundit: quod tantus uir, quo maior inter mulieres non surrexit, amicus unicus sponsi, præcursor Christi, maior Prophetis omnibus, non saltem publico iudicio occiditur, non saltem uel ficta causa, sicut Christus accusatur, nec propter populum, sed in carcere propter saltatricem adulteræ filiam, Vnius huius Sancti ignominiosa mors, & tradita uita tam uiliter, tam indignis modis in manus insensissimæ adulteræ, uniuersum nostram malum leniat.

S. Iohannes Baptista
stæ ignominiosa
mors.

Vbi hic Deus, qui talia uidere potuit? Vbi Christus, qui hæc audiens prorsus tacuit? Perio ille, ac si ignotus esset Deo, hominibus & omnibus creaturis. Quid nos patimur, in quo non dico gloriari, sed etiam non confundi oporteat, si huius morti comparatum fuerit? Aut ubi nos parebimus, si nihil pati uoluerimus, quando tanti uiri etiam mortem tam despectam ferunt immeriti, & corpus eorum ludibrio hostium traditur post mortem. Ecce inquit, in Ieremia, quibus non erat iudicium, ut biberent calicem, bibentes bibent, & tu innocens relinqueris, non relinqueris innocens, sed bibens bibes.

Recte ergo Eremita ille, qui cum singulis annis ægrotasset, uno aliquando anno integro salus uehementer tristabatur &plorabat, causans quod Deus e Tet eius oblitus, & gratiam suam ei negasset, Adeo scilicet necessaria & salutaris est disciplina Domini omnibus Christianis.

Eremita.

Videmus autem, quam nihil est, quod nos patimur, si Sanctorum ungulas, carceres, ferrum, ignem, bestias, & infinita tormentua consideramus, imo si & præsentium nobiscum in hac uita grauissimas diaboli persecutiones patientium ponderemus tentationes. Neque enim desunt, qui acrius & grauius patiantur, quam nos, tam in spiritu quam corpore.

Necessaria disciplina
na omnibus Christianis

Dicunt hic aliqui: Hoc queror, quod mea passio Sanctorum passio- nibus non comparari possit, quia peccator sum, nec dignus illis comparari. Illi pro innocentia sua, ego pro peccatis meis patior, ideo nihil mirum illos iucunde omnia pertulisse. Hoc uerbum magnæ stulticiæ est, si enim pro peccatis, pateris gaudendum est tibi, quod purgantur peccata tua. An non & Sancti fuerunt peccatores?

Sed Herodis & Latronis sinistri similem te esse formidas? Non es, si patiens fueris. Latronem enim sinistram & dextrum quis discernit, nisi patientia & impatientia? Si es peccator, bene, & Latro erat peccator, sed patientia iusticiæ & sanctitatis gloriam meruit. Ita & tu fac similiter. Non enim pati potes, nisi aut pro peccatis, aut pro iusticia, utraq; passio sanctificat & beatum facit, si dilexeris eam. Quare nulla est reliqua excusatio. Denique quam cito confessus fueris, te iuste pati pro peccatis, iustus es & Sanctus, sicut Latro dexter. Confessio enim peccati, quia ueritas est, iustificat & sanctificat, ac sic mox in momento huius confessionis iam non pro peccatis, sed pro innocentia pateris. Iustus enim non patitur nisi innocenter. At iustus factus es confessione meritiæ passionis & peccatorum tuorum. Quare & uere & digne tua passio comparatur passionibus Sanctorum, sicut uere digne tua confessio peccatorum.

Herodes,
Latro sinister.

Confessio peccati

Iustus non nisi innocenter patitur.

TESSARUM CONSOLATORIA D. M. L.

torum comparatur confessioni Sanctorum. Vna enim omnium ueritas, omnium confessio peccatorum, omnium passio malorum, & uera communio Sanctorum, in omnibus & per omnia.

Caput VI I. de septimo Spectro, quod est malum super num, seu supra nos.



Ultimo leuandum est cor sursum, & ascendendum in montem myrrhæ cum sponsa. Hic est Ihesus Christus crucifixus, caput omnium Sanctorum, princeps omnium patientium, de quo multi multa, & omnes omnia, sicut decet, scripserunt. Huius memoria Sponsæ commendatur, ubi dicitur: Pone me ut signum super Cor tuum, & sicut signaculum super brachium tuum. Huius agni sanguis in limine signatus arcet percussorem angelum. Ab hoc commendatur Sponsa, quod coma eius sit, sicut purpura regis, (id est, meditatio eius rubet passionis Christi memoria.) Hoc est lignum, quod Moyses iussus est mittere in aquas Marath, id est amaras passiones, & dulces facta sunt.

Christi passio

Nihil est quod hæc passio non dulcoret, etiam mortem, sicut dicit Sponsa: Labia eius lilia stillantia myrrham primam. Quæ proportio liliorum & labiorum, cum hæc rubeant, & illa albicent? Vtq; mystica loquitur, quæ uerba candidissima, sint & purissima, in quibus nihil cruentæ amaritudinis aut liuoris, sed suauia & mitia, quibus tamen stillet ac persuadeat primam & electam myrrham, id est, amarissimam mortem. Potentia sunt hæc, purissima labia ac dulcissima, amarissimam mortem (quæ sicut prima myrrha omnem peccati putorem semel tollit) dulcem, nitidam, candidam, acceptabilemque reddere.

Quomodo fiet hoc. Nempe dum audis Ihesum Christum Filium Dei, suo sanctissimo contactu omnes passiones, ipsam adeo mortem consecrasse ac sanctificasse, maledictionem benedixisse, ignominiam glorificasse, paupertatem ditasse: Ita ut mors uitæ ianua, maledictio benedictionis origo, ignominia gloriæ parens esse cogantur. Iam quomodo potes esse tam durus & ingratus, qui non etiam optes & diligas uniuersas passiones, Christi purissima, sanctissima carne & sanguine tinctas, sanctificatas, innoxias, salutaris, benedictas, beatas tibi reddidas.

Christus omnia
sanctificauit.

Si enim tactu suæ mundissimæ carnis omnes aquas sanctificauit ad baptismum, imo omnem creaturam: Quanto magis tactu eiusdem suæ mundissimæ carnis & sanguinis omnem mortem, omnes passiones, omnes iniurias, omnia maledicta, omnem ignominiam sanctificauit ad baptismum spiritus seu sanguinis? Sicut dicit de eodē passionis baptismo Luc. 12. Baptismo habeo baptisari, & quomodo coartor, donec perficiatur. Vide quantum coartatur, quam anhelat, quam sitit passiones & mortem sanctificare & amabiles reddere. Vidit enim passionibus nos terri, Vidit mortem expauesci & horreri. Ideo sicut piissimus Pastor & fidelissimus Medicus huic malo nostro modum positurus, festinat & artatur mori, & tactu suo easdem nobis commendare.

Christiani mors.

Ita, ut mors Christiani perinde sit habenda, sicut æneus Mosi serpens, qui speciem quidem serpentis per omnia seruat, sed totus est sine uita, sine motu,

PRO LABOR ET ONER CCCCLXXIX

sine motu, sine ueneno, sine morfu, Ita iusti uisi sunt oculis insipientium mori, illi autem sunt in pace. Similes sumus morientibus, nec alia est species nostræ mortis, quam aliorum, res tamen alia est. nobis enim mortua est mors. Ita & omnes aliæ passionēs similes sunt passionibus aliorum sed specie tantum. Verum re ipsa passionēs nostræ sunt impassibilitatis initia, sicut mors initium uitæ. Atq; hoc est, quod Iohan. 8 dicit. Qui sermonem meum seruabit, non uidebit mortem in æternum. Quomodo non uidebit? quia moriens uitam incipit. Ita præ uita, quam uidet mortem uidere non potest. Hic enim nox, sicut dies illuminatur, dum clarior est lux uitæ incipientis, quam mortis desinentis. Hæc omnibus, qui credunt in Christum, rata sunt, secus incredulis.

*Non uidet mortem
Dei sermonem seruans.*

Proinde, si tunicam Christi, uasa, hydrias, & quæcunq; tandem Christus tetigit, & quibus usus est pro dulcissimis reliquijs, tanquā suo tactu consecratis, exoscularis, diligis, amplecteris: Cur non multo magis pœnas, mala mundi, ignominiam & mortem, non solum eius tactu consecrata, sed etiam sanguine eius purissimo tincta & benedicta, deinde uoluntate cordis & summa coartante charitate amplexata, diligis, amplecteris, oscularis? Præsertim cum in his multo sint tibi maiora merita, præmia, bona, quam in illis reliquijs. Siquidem in his uictoria mortis & inferni, & omnium peccatorum tibi paratur, in illis nequaquam.

Simile.

O si cor liceat Christi intueri, quando in cruce pendens artabatur, ut mortem redderet mortuam & contemptibilem, quam pro timidis & mortem pœnasq; horrescentibus, ardentem & suauiter mortem & pœnas amplexatus fuit, quam libenter hunc calicem egrotis præbuit, ut bibere & ipsi non uereremur, dum, nihil illi mali, sed tantum resurgendo boni contigisse cernimus. Sine dubio fieret illa prima myrrha stillantibus eius labijs, & uerbis Christi eam commendantibus iucundissima & dulcissima, sicut odor & species liliorum. Sic & Petrus 1. Pet. 4 Christo in carne passo, & uos eadem cogitatione armamini. Paulus Ebr. 12. Recogitate eum, qui talem sustinuit a peccatoribus contra seipsum contradictionem, ut non fatigemini in animis uestris deficientes.

Christus ardentem calicem nobis præbuit.

Itaq; si in prioribus spectris adhuc infra & iuxta nos positis, malum didicimus tolerare patienter: Certe in hoc ultimo iam supra & extra nos positi, in Christum rapti, omnibus malis superiores facti, non modo toleranda nobis sunt, sed amanda, optanda, quærenda. Atq; ab hoc affectu, quo quisq; remotior est, eo minus in ipso Christi passio ualet, sicut fit in ijs, qui signis & armis Christi utuntur aduersus mala & mortem, ne patiantur, neue moriantur, omnino contrarijs studijs, cruci & morti Christi. Quare in hoc septimo spectro necesse est absorberi & consumi quidquid malorum passi fuerimus, ut iam non modo non doleat, sed & delectet, si tamen imago ista penetret corda nostra, & insideat animi interiori affectui.

Hæc de priore Tabella. Sequitur posterior.

*Quæ expectanda
in secunda Tabula.*



Alteri tabellæ sua quoq; spectra septem danda sunt, contraria prioribus, quorum primum de bono interno, Secundum de futuro, Tertium de præterito, Quartum de inferno, Quintum de sinistro, Sextum de dextro, Septimum de superno.

Caput L

TESSARUM CONSOLATORIA D. M. L.

CAput I. de Spectro primo, quod est bonum internum.

Bonum internum.



T quis uel sola hæc bona numeret, quæ quisq; in sua persona possidet? primo, corporis dotes quantæ sunt? forma, robur, ualetudo, uiuacitas sensus, quibus in masculo accedit nobilissimus sexus, quo multis rebus, tum priuatis, tum publicis gerendis, & egregijs facinoribus idoneus est, a quibus mulier aliena est. Quid uero magni est si his donis optimis decem, uiginti, triginta annis cum uoluptate, dono Dei sis usus, & in uno horum aliquando uel decem diebus labores? Nebulones prouerbio dicunt: *Ey es ist omb cin böse stund zu thun*/Et iterum: *Ein gute stund ist ciner bösen werd*. Quid nobis faciendum, qui multas horas bonas accipimus, & ne unam quidem ferre uolumus malam? Videmus ergo, quantis obruamur bonis Dei, & quam paucis uix tangamur malis saltem nostrum plurimi.

Corporis dotes.

Externa bona.

Deus iustus æquus omnibus.

His bonis non contentus optimus Deus, adiicit diuitias, copias omnium rerum, si non omnibus certe multis, & his potissimum, qui infirmi sunt ad ferenda mala. Nam, ut prius dixi, quibus minus dat rerum aut corporis, plus dat animi, ut sint omnia æqualia, & ipse iustus iudex omnium. Neq; enim adeo consolantur multæ diuitiæ, quam iucundus animus. Post hæc quibusdam prolem, summam, ut dicitur, uoluptatem, potestatem, principatum, honorem, famam, gloriam, fauorem &c. Quibus si de tur longo tempore frui, imo etiam paruo, facile suadebunt, quid faciendum sit in paruulo malo.

Animi bona.

Animi uero bona his omnibus præstantiora, ingenium, scientia, iudicium, facundia, prudentia, atq; in his, sicut in cæteris, quoq; temperat suæ administrationis æqualitatem, ut quibus plus contulit, non ideo alijs eos prætulit, quibus horum uice, animi maiorem uel pacem, uel hilaritatem contulit.

Cum gratitudine attendenda largæ Dei manus.

In his autem omnibus cum gratitudine attendenda est largissima Dei manus, atq; nostra infirmitas consolanda, ut in multitudine & magnitudine bonorum non miremur, si misceatur aliquid acerbitatis. Quandoquidem & uoluptuarijs hominibus neq; assatura sine salsamento, neq; ullus ferme cibus gratus est, qui non acerbior quopiam sapore sit, uel natus uel conditus. Adeo perpetua & sola dulcedo intoleranda res est, ut & ille recte dixerit: Omnis uoluptas assiduitate sui fastidium parit. Et alius: Labor est deum ipsa uoluptas, scilicet, quod hæc uita impotentior sit, quam ut sine malorum temperatura solis bonis frui possit præ nimia abundantia bonorum. Vnde & Prouerbiū illud natum: Oportere ossa esse robusta, quæ ferant dies bonos. Quod ego Prouerbiū sæpius considerans admiratus sum, quam miram & ueram sententiā habeat, ut uota hominum contra uota pugnent, qui non nisi bonos dies querant, quos tamen adeptos minus ferre queant quam malos.

Perpetua dulcedo res intolerabilis.

Difficilius homo potest bonos dies ferre, quam malos.

Quid enim in his Deus nobis commendat, nisi quod in ipsis etiam inimicis crucis mirabilis sit crux, ut non secus illius reliquijs oporteat omnia temperare, & sanctificare, ne pereant, quam carnes sale condire, ne uermient? Ut quid ergo hanc temperaturam a Deo missam non libentissime acceptamus, quam nisi ille mitteret, impotens nostra uoluptatum & bonorum uita sponte accerferet? Ita sit, ut uideamus, quam uere de Deo dixerit Sapiens: Qui attingit a fine usq; ad finē fortiter, & disponit omnia suauiter.

Si enim

PRO LABOR ET ONERE CCCCFLXXX

Si enim hæc bona inspiciamus, apparebit uerum esse illud quoque Moysi
Deut. 32. Portauit eum in humeris suis, circumduxit eum, & custodiuit qua-
si pupillam oculi. Quibus possumus obstruere os eorum, quibus huius uitæ plu-
ra mala, quam bona inesse ingrati garrunt, cum bona & suauitatis infini-
ta commoda non desint, sed desint qui intelligant cum illo qui dixit:
Psal. 33. Misericordia Domini plena est terra. Et iterum: Et laudis eius plena est
Psal. 104. terra. Et Psal. 104. Impleta est terra possessione tua, Delectasti me Domine
in factura tua.

Infinita huius uitæ
commoda.

Hinc quotidie canit Ecclesia: Pleni sunt cœli & terra gloria tua.
Cur hoc? quia multa bona unde laudetur, uerum ab his duntaxat, qui uis-
dent hanc plenitudinem. Sicut enim de malis Spectro primo diximus tan-
tum est malorum cuius, quanta eorum opinio & cognitio. Ita & bona licet
undique nos petant & obruant, tamen tanta sunt, quanta æstimantur. Nam
Psal. 78. cuncta quæ fecit Deus, sunt ualde bona, non tamē talia ab omnibus agnos-
cuntur. Quales illi erant Psal. 78. Et pro nihilo habuerunt terram desidera-
bilem.

Huius Spectri exemplum pulcherrimum & eruditissimum nobis præ-
bet Iob, qui ablati bonis omnibus dixit: Si bona suscepimus de manu Do-
mini, mala quare non sustineamus? Vere uerbum aureum & potens in tentati-
one consolatio. Siquidem & ipse non solum patiebatur, sed ab uxore sua
tentabatur ad impatientiam, dicente illi, Adhuc permanes in innocentia
tua? Benedic Domino, & morere. Quasi diceret: Manifestum est, quod
non sit Deus, qui sic te derelinquit: Cur ergo in illum confidis, ac non po-
tius negato, & sic maledicto eo mortalem te agnoscis, cui post hanc uitam
nihil reliquum sit? Hæc & similia & unicuique sua suggerit uxor (id est, sen-
sualitas) in tentatione, quia sensus non sapit quæ Dei sunt.

Potens in tentatione
consolatio.

Verum hæc omnia sunt corporalia bona, communia omnibus.
Christianus uero alijs longe melioribus pollet internis bonis, id est, fide
Psal. 45. Christi, de qua dictum est Psal. 45. Omnis gloria eius filia regis ab intus in
fimbrijs aureis, circumdata uarietate. Sicut enim de primi Spectri malo dixi-
mus, nullum esse tantum in homine malum posse, quod pessimum sit eo-
rum quæ in ipso sunt: Ita optimum bonorum, quod in Christiano est, ipse non
potest uidere. Si enim sentiret, mox in cœlo esset, cum regnum cœlorum,
ut Christus ait, intra nos sit. Habere enim fidem est ueritatem & uerbum
Dei habere: habere uerbum Dei, est Deum omnium factorem habere. Quæ
bona quanta sunt, si animæ reuelarentur, in momento e corpore solueretur
præ nimia abundantia situitatis. Vnde recte cætera bona, quæ diximus,
sunt uelut monitoria eorum bonorum, quæ intus habemus, quæ nobis per illa
uult commendata, quod hæc uita non sustineat ea reuelari, sed misericordi-
ter a Deo absconditur, donec creuerint in perfectum suum modum. Non se-
cus ac pii parentes filijs suis quandoque ludicra & minuta donaria donant,
quibus animos filiorum alliciant ad spem maiorum.

Interna piorum
bona.

Regnum cœlorum
intra nos.

Ostendunt tamen se nonnunquam, & prodeunt foris, dum ex hilarata con-
scientia gaudet in fiducia Dei, libenter de eo loquitur, cum suauitate uer-
bum eius audit, prompta, & iucunda sit ad seruendum ei, ad bona opera,
ad ferenda mala &c. Quæ omnia sunt indicia fidelia latentis ibi infiniti, &
incomparabilis boni, quod has guttulas & stillas paruas foras mittit tenui
securigine. Quamuis nonnunquam fiat, ut contemplatricibus animabus lati-
us reueletur, ita ut absorptæ nesciant, ubi fuerint. Qualia S. Augustinus
& mater sua de se confitentur, & multi alij.

Indicia infiniti bo-
ni latentis.

Caput

TESSAR CONSO D MAR LVTH

CAput II. de spectro secundo, quod est bonum futurum, seu ante se.

Spes magni tumultus autor.

H

Is, qui Christiani non sunt, de futuris bonis parum potest solari dari in suis malis, quod incerta sint eis omnia. Quanquam in hoc sit magni tumultus autor ille affectus, qui spes uocatur celebris, quo inuicem humana consolatione iubemur sperare meliora, quo grandia molimur in incertum frequentissime, Imo semper falsi, sicut Christus de eo in Euangelio Luc. 12. docet, qui animae suae dixit: Destruam horrea mea, & faciam ampliora, & dicam animae meae, Requiesce, ede, bibe, epulare anima mea, habes multa bona in plurimos annos. Dixit autem illi Deus: Stulte, hac nocte repetent animam tuam a te, & quae parasti cuius erunt? Sic est qui thesaurizat, & non est in Deum diues.

Qui non est in Deo diues, qualis sit.

Luce 12.

Rom. 2.

Affectus spei

Quanquam nec sic Deus reliquerit filios hominum, quin hoc affectu mali amouendi & boni accessuri eos soletur, licet incerti sint de futuris, certi tamen sperant, quo interim sustententur, ne desperationis malo adiecto, praesens malum non ferant, & peiora faciant. Quare & ipse affectus spei eiusmodi donum Dei est, non quod eo uelit eos niti, sed moneri ad spem solidam, quae est in ipsum solum. Ideo enim longanimis est, ut adducat eos ad poenitentiam, ut Rom. 2. dicit. Nec finit statim, & omnes falli hac fallaci spe, si quo modo redeant ad cor, & uere sperent.

Christianorum bonum proprium.

Christianis uero praeter haec bona dupla sunt, maxima bona certo futura, sed per mortem & passiones. Siquidem & ipsi gaudent communi illa spe incerta finiendi mali praesentis, & augendi boni contrarii. Quanquam id non adeo curent, quam quod bonum suum proprium augetur, quod est ueritas in Christo, in quo promouent de die in diem, propter quod & uiuunt & sperant.

Piorum mori.

Impiorum mori.

Sed ultra haec dixi, duo maxima futura habent in morte. Primum, quod morte finitur uniuersa huius uitae malorum tragædia, sicut scriptum est: Preciosa in conspectu Domini, mors Sanctorum eius. Et iterum: In pace in idipsum dormiam & requiescam. Et iustus, si morte praecipitatus fuerit, in refrigerio erit. Vbi contra impijs mors initium est malorum, sicut dicit: Mors peccatorum pessima, Et uirum iniustum mala capient in interitu. Sic Lazarus consolabitur, qui recepit hic sua mala, ubi Epulo cruciabitur, quia recepit hic sua bona.

Psal. 116.

Psal. 4.

Psal. 34.

Psal. 140.

Beata res est, in Christum credere. Fides in Christum.

Sic fit, ut Christianus siue moriatur, siue uiuat, semper melius habeat. Adeo beata res est, esse Christianum, & in Christum credere. Vnde Paulus dicit: Mihi uiuere Christus est, & mori lucrum. Et Rom. 14. Qui uiuit, Domino uiuit, qui moritur, Domino moritur. Siue ergo uiuimus, siue morimur, Domini sumus. Hanc securitatem Christus nobis obtinuit, quod mortuus est, & resurrexit, ut Dominus, esset uiuorum & mortuorum, potens nos facere securos, tam in uita quam in morte, sicut Psal. 23. dicit: Si ambularem in medio umbrae mortis, non timebo mala, quoniam tu mecum es.

Philip. 2.

Rom. 14.

Psal. 11.

Quod si hoc lucrum mortis parum mouet, signum est fidem Christi infirmam in nobis esse, quae premium & lucrum bonae mortis non satis aestimat, aut bonam esse mortem nondum credit, impediens scilicet nimium adhuc uiuace uetere homine & sapientia carnis. Conandum itaque est, ut ad mortis hoc beneficium cognoscendum & amandum promoueamur.

Magna

PRO LABOR ET ONER CCCCLXXXI.

Magna res est mortem, quæ alijs maximum malorum est, maximum lucrum nobis fieri. Et nisi hoc Christus nobis præstitisset, quid dignum tanto impendio suspensus fecisset? diuinum opus est plane, quod fecit, ideo non ulli mirum, quod mortis malum fecerit optimum.

Proinde mors iam mortua est fidelibus, nihilq; habet terribile, præter speciem & larvam. Non secus ac serpens occisus, habet quidem speciem priorem terribilem, re uera tamen sola species ibi est, & mortuum malum ac iam innoxium. Imo sicut Nu. 21. Serpentem æneum iussit erigi, cuius aspectu uiui Serpentes peribant: Ita & mors nostra fidei & firmo intuitu mortis Christi perit, ac iam non apparet nisi figura quædam mortis. Adeo nobis infirmis præludit misericordia Dei, his pulchris figuris, ut mortem, quoniam non oportet auferri, tamen usq; ad speciem solam uirtutem eius euacuet, ob quam rem & somnus potius uocatur in Scripturis, quam mors.

Mors fidelibus mortua est.

Mors Christi.

Mors somnus.

Alterum bonum mortis, quod non solum finit mala peccatorum huius uitæ, sed, quod præstantius, finem ponit uitæ & peccatis, quod animabus fidelibus longe plus mortem reddit optabilem, ut diximus supra, quam iam dictum bonum, Siquidem mala animæ, quæ sunt peccata, incomparabiliter peiora malis corporis sunt. Quæ sola si sciremus, nobis mortem amabilissimam facerent. Si autem non faciunt, signum est, quod mala animæ nostræ non satis sentimus nec odimus.

Secundum mortis bonum.

Mala animæ.

Cum ergo hæc uita sit periculosissima, undiq; lubrico peccato nobis insidiante, deinde nec sine peccato uiuere possumus: Optima mors ab his periculis nos soluit, & peccatum penitus abscindit a nobis. Vnde in laudem iusti, Sap. 4. perorat: Placens Deo, factus dilectus, & uiuens inter peccatores translatus est, raptus est, ne malicia mutaret intellectum eius, aut ne fictio deciperet animam illius. Fascinatio enim nugacitatis obscurat bona, & inconstantia concupiscentiæ transuertit sensum sine malicia (o q; hæc uera sunt & assidua) Consummatus in breui expleuit tempora multa, Placita enim erat Deo anima illius, propter hoc properauit educere illum de medio iniquitatis.

Hæc uita periculosa.

Ita (misericordia Dei) mors, quæ homini peccati poena fuit, Christiano peccati finis & uitæ ac iusticiæ initium facta est. Quocirca qui uitam & iusticiam amat, ministram & officinam earum mortem non exhorrescat, sed amet, necesse est, Alioquin nec ad uitam, nec ad iusticiam unquam perueniet. Qui uero non potest, oret Deum ut possit. Nam ideo docemur dicere: Fiat uoluntas tua, quia nos eam ex nobis facere nequimus, qui potius mortem timentes, mortem & peccatum amamus, quam uitam & iusticiam diligamus.

Mors Christiano finis peccati.

Nam quod mortem Deus in peccati occasum ordinari, hinc quoq; colligi licet, quod Adæ statim post peccatum imposuit mortem uelut emendam peccati, atq; id antequam eijceret de paradiso. Vt nobis ostenderet mortem nihil mali, sed omne bonum nobis operari, quando in paradiso tanquam poenitentia & satisfactio imposita est. Verum est enim, quod mors inuidia diaboli intrauit in orbem terrarum, sed hoc eximæ & diuinæ bonitatis fuit, mortem sic ingressam non sinere tantum nocere, sed apprehensam in peccati poenam & mortem mox ab initio sui ordinare.

Mors in paradiso nobis tanquam satisfactio imposita.

Hoc enim significauit, quod cum mortem Adæ in præcepto prædixisset, non tamen postea tacuit, sed denuo mortem imposuit, ac rigorem præcepti temperauit, imo ne meminisset quidem mortis ulla syllaba, sed dixit solum: Pulvis es, & in puluerem reuerteris. Et, donec reuertaris in terram

m m de qua

TESSARUM CONSOLATORIA DOMINI

Peccatum suo gladio occiditur.

Figura peccati.

de qua sumptus es. Quasi iam tunc odio habens mortem, quam nec nominare dignaretur. Iuxta illud: Quoniam ira in indignatione eius, & uita in uoluntate eius. Ita uisus loqui, quod nisi mors necessaria fuisset ad peccati abolitionem, ipsam nec scire, nec nominare, nedum imponere uoluisset. Adeo scilicet contra peccatum, quod mortem operatum est, rursus amulatio diuina non aliud quam ipsam mortem armat, ut hic uideas illud poetæ, Necis artificem arte perire sua, Et peccatum a suo fructu proprio perdit & morte, quam genuit, occidit, sicut uiperam a sua prole.

Hoc est pulcherrimum spectaculum, uidere, quomodo peccatum non alieno, sed suo proprio opere perditur, suo gladio iugulatur & uelut Goliath suo gladio caput amputatur. Nam & Goliath figura fuit peccati, terribilis gygas omnibus, excepto paruulo Dauid, id est Christo, qui solus eum prostrauit & abscisso capite proprio illius gladio, iam meliorem non esse gladium dicit quam Goliath. 1. Sam. 17.

Si ergo hæc gaudia uirtutis Christi & dona eius gratiæ meditemur, quid nos torquebit malum paruulum, quando in tam magno malo futuro tam magna bona uidemus?

Caput III. de spectro tertio, quod est bonum præteritum seu ante se.

Bonum præteritum.



Vius boni facilis est consideratio ex spectro suo contrario de præterito malo, tamen inuenimus considerantem. In hac re eximius est artifex B. Augustinus in suis Confessionibus, ubi pulcherrime recitat Dei beneficia in se ab utero matris suæ. Idem facit insignis psal. 139. Domine probasti me. Vbi inter cætera prouidentiam

psal. 139.

Prouidentia Dei super nos.

Dei super se miratus, dicit; intellexisti cogitationes meas de longe, semitam meam & funiculum meum inuestigasti. Quasi diceret: Quidquid ego unquam cogitavi, quidquid operatus fui, & quantum essem consecuturus ac, possessurus, iam uideo quam non mea industria gesta sint, sed tua tura longe ante hæc ordinata. Denique omnes uias meas præuidisti, & non est sermo in lingua mea. Vbi tunc? in potestate tua.

Cura Dei pro nobis.

Hæc discimus ex perientia propria, Si enim uitam præteritam recolimus, nonne stupor est nos talia cogitasse, uoluisse, fecisse, dixisse, qualia nos nec præuidere potuimus, quam longe alia gessimus, si nostro libero arbitrio relictis fuissimus. Id quod nunc primum intelligimus, tam præsentem scilicet curam Dei, tam constantem sollicitudinem eius super nos fuisse certum, ut nec loqui, nec uelle, nec cogitare potuerimus, nisi quod ille dedisset. Sicut Sapient. 7. dicit; In manu enim illius & nos & sermones nostri. Et paulus: Qui operatur omnia in nobis.

Augustini dictum.

Quin ergo pudeamus insensati & duricordes, qui propria experientia docti uidemus, quam sollicitus pro nobis fuerit in hanc horam Dominus, & omnia nobis bona dederit, Nec dum possumus eandem nostri curam ei in paruulo præsentis malo tradere, ac ita facimus, quasi ille nos reliquerit, aut relinquere ullo modo possit? Non sic Psal. 40. Ego uero egenus & pauper, Dominus sollicitus est mei. Vbi B. Augustinus: Habeat curam tuam, qui fecit te, qui habuit curam tuam antequam esses. Quomodo non habebit curam, cum iam hoc es, quod uoluit ut esses? At nos imperium cum Deo diuisum accipimus, illi tribuimus, quod fecerit nos, atque id ipsum tamen uix aut trepide, Nobis arrogamus curam nostri, quasi ille fecerit nos & mox abiectis relictis nobis in nostra manu regendis.

psal. 40.

Quod

PRO LABOR ET ONER CCCCLXXXII

Quod si nobis nostra obstant sapientia & consilia, ut hanc curam Dei super nos non uideamus, dum forte multa euenierint secundum nostra proposita, Redeamus cum Psal. 139. ad nostrum intuitum: Non est occultatum os meum a te, quod fecisti in occulto, id est, ossa mea in uentre matris tu uidebas, & formabas; quando ergo nondum eram, quando mater mea nondum sciebat quid fieret in ea, & substantia mea in inferioribus terrarum, id est, figura, seu forma corporis mei, in uisceribus infimis matris meae, etiam non fuit tibi abscondita, quia formabas tu eam.

Quid enim his verbis uult, nisi ingenti hoc exemplo nobis ostendere, quam Deus nostri sine nobis semper curam habuerit? Quis enim potest gloriari se cooperatum ut formaretur in utero? Quis dedit matri curam, ut lactaret, foueret, amaret, & omnia illa materna officia exhiberet, cum nos necdum sentiremus uitam nostram? Denique quorum nisi in alijs similia facta uidentes, crederemus & nobiscum facta esse, nihil sciremus, nec memores essemus, cum haec non aliter nobis impensa sint, quam si dormientibus, imo mortuis, ac potius nondum natis impenderentur; quantum ad nostram pertinet noticiam.

Ita uidemus, quam sine nobis nos excipiant diuinae miserationes & consolationes. Adhuc dubitamus, aut etiam desperamus nostri curam illi usque hodie esse. Si quem hac experientia non erudit nec mouet, nescio quid erudire & mouere possit. Hanc enim uidemus passim in omnibus infantulis praesentissime nobis exposita, ita ut nostrae insipientiae & duritiae tot exempla proposita merito nobis debeant esse magno pudori, si dubitemus uel leuissimum bonum vel malum sine singulari cura Dei nobis contingere.

Sic S. Petrus. 1. Pet. 5. Omnem sollicitudinem proicientes in eum, quoniam ipsi est cura de uobis. Et Psal. 55. Iacta super Dominum curam tuam & ipse te eruet. Et B. Augustinus ad animam suam in Confess. Quid super te stas, & non stas? proice te in eum, non enim subtrahet manum, ut ruas. Et iterum 1. Pet. 4. Itaque & hi qui patiuntur secundum uoluntatem Dei, fidei Creatori commendent animas suas in beneficiis.

O si quis hac ratione Deum cognosceret, quam securus, quam quietus, quam iucundus ageret. Hic uere Deum haberet, sciens certo omnia sua quaecumque illa essent, illius suauissima uoluntate disponente sibi obtigisse, & obtingere. Stat firma sententia Petri: Ipsi est cura de uobis. Quid hoc uerbo dulcius audire possumus? Ideo proicite omnem, inquit, sollicitudinem in eum.

Quod si hoc non facimus, & nos ipsi pro nobis solliciti sumus, quid aliud facimus, quam quod & Dei curam impedire conamur, & simul nobis aetatem nostram tristem, laboriosam, anxiam multis timoribus, curis, tumultibus facimus? Atque id frustra. Nec enim quidquam his promouemus salubriter, sed ut Ecclesiast. dicit: Hac uanitas est uanitatum & afflictio spiritus. Nam & idem Libellus totus in hanc experientiam loquitur, ut qui multa pro se tentauerit, & in omnibus tamen non nisi laborem, uanitatem & afflictionem spiritus inuenerit. Ita ut concludat, donum Dei esse, si quis edat & bibat, & latetur cum uxore sua, id est, sine sollicitudine uixerit, Deo commendata cura sui.

Quare & nos nulla alia super nos sollicitudine solliciti esse debemus, quam ne super nos solliciti simus, & Deo curam nostri rapiamus. Caetera ex spectro contratio, ut dixi, & ex recordatione totius uitae praeteritae quilibet facile comparabit.

mm ij


Caput

Argumentum Libri Salomonis qui Ecclesiastes inscribitur.

TESSARUM CONSOLATORIA D. M. L.

Caput III. de spectro quarto, quod est bonum infernum, seu infra nos.

Bonum infra nos.



Magna diuine bonitatis uirtus.

Vnusque bona uidimus, quæ nostra sunt, & in nobis ipsis, Deinceps ea, quæ in alijs & extra nos posita sunt, uideamus. Quorum primum est in his, qui infra nos sunt, id est, mortui & damnati. Sed mirum, quid boni in mortuis & damnatis possit inueniri. Verum tanta est ubique diuine bonitatis uirtus, ut in summis malis etiam bona det uidere.

Conferimus autem illos primum ad nos, tunc uidemus inæstimabilia nostra lucra, sicut facile ex contrario malorum spectro accipi potest. Nam quanta illic mortis & inferni mala in eis uidemus, tot sine dubio lucra nostra uidemus, tantoq; maiora, quanto illorum mala fuerint maiora. Quæ omnia non sunt leui corde contemnenda, quia misericordiam Dei magnificentissimam nobis uehementer commendant. Et periculum est, si hæc parui duxerimus, ingrati inueniamur simul cum illis damnandi, aut peius cruciandi, Propterea quantum illos dolere & ululare uiderimus, tanto magis de Dei bonitate in nos gaudere debemus, iuxta illud Isa. 65. Ecce serui mei comedent, & uos esurietis. Ecce serui mei bibent, & uos sitietis. Ecce serui mei letabuntur, & uos confundemini. Ecce serui mei laudabunt præ exultatione cordis, & uos clamabitis præ dolore cordis, & præ contritione spiritus ululabitis, & dimittetis nomen vestrum in iuramentum electis meis &c.

Exempla male morientium.

Denique ut dixi, exempla male morientium & damnatorum (sicut & B. Gregorius in Dialogo refert) nobis ad monitorium & bonum eruditionis profunt, ut felix sit, quem faciant aliena pericula cautum. Hoc sane bonum quia uulgariter notum est, parum mouet, cum sit tamen inter maxima numerandum, & his qui sensato sunt corde, non modica existimatione probatum. Cum huc uergat magna pars sacre totius Scripturæ, uidelicet, ubi de ira, iudicijs, comminationibus Dei docetur. Quas saluberrimas doctrinas miserrimorum exempla nobis saluberrime confirmant, quæ tunc primum efficacia sunt, si illorum qui ea ferunt, affectum induiti fuerimus, ac uelut in loco & persona eorum simus. Tunc enim mouebunt & mouebunt nos ad laudem bonitatis Dei, qui nos ab his seruari.

Dei iusticiam laudari oportet. Infernus plenus summo bono.

Conferimus uero illos etiam ad Deum ipsum, quo diuinam iusticiam in eis uideamus. Hoc etsi arduum est, tamen conandum est. Nam cum sit Deus iustus iudex, iusticiam eius diligere & laudare oportet. Atq; ita in Deo gaudere etiam tunc, quando malos male perdit in corpore & anima, quia in his omnibus summa sua & ineffabilis iusticia lucet. Itaq; infernus quoq; plenus est Deo & summo bono, non minus quam cælum. Iusticia enim Dei ipse Deus est, Deus uero summum bonum est. Quare ut misericordia ita & iusticia eius seu iudicium summe amandum, laudandum, prædicandum est.

Hoc sensu Dauid dicit: Letabitur iustus cum uiderit uindictam, manus suas lauabit in sanguine peccatoris. Hac ratione prohibuit Dominus Samuelem .1. Reg. 16. ne amplius lugeret Saulem, dicens: Vsq; quo tu luges Saul, cum ego proiecerim eum, ne regnet super Israel? Quasi diceret: Adgo ne uoluntas mea tibi displicet, ut hominis uoluntatem mihi præferas? Denique hæc est illa uox laudis & gaudij per totum Psalterium, quod Dominus

1. Reg. 16.
Psalm. 58.

PRO LABOR ET ONER CCCCLXXXIII

Dominus sit iudex uiduarum, & pater orphanorum, quod facturus sit uindictam pauperum & iudicium inopis, quod confundentur inimici, perdantur impij, & multa similia. Quod si quis generationi illi sanguinem, quæ Deus iudex uiduarum &c.

occidit iustos (etiam Filium Dei) & impiorum cumulo uelit stulta misericordia compati, iam inuenietur eorum congaudere iniquitati, & probare ea quæ gesserunt, dignus qui cum eis similiter pereat, quorum peccata noliti uindicare: Audietq; illud 2. Sam. 19. Diligis odientes te & odio habes diligentes te. Sic Ioab ad David dicebat, quando Absalom impium homicidam suum nimis lugebat. Ioab.

Quare in hoc spectro congaudendum est uniuersæ Sanctorum pietati, & iusticiæ Dei, quæ persecutores pietatis iustissime punit, ut liberet suos electos ab eis. Atq; ita uides non parua, sed summa bona in mortuis & damnatis lucere, Nempe uindictam omnium Sanctorum iniuriam, & tuam quoq; si iustus es cum eis. Quid ergo mirum, si & per tuum presens malum uindictet hostem tuum, id est, peccatum corporis tui. Imo congaudendum tibi in hoc officio optime iusticiæ Dei, quæ etiam te non rogante pessimum tuum hostem, id est, peccatum tuum in teipso sic occidit ac perdit. Cui si cõpatiaris amicus peccati & hostis iusticiæ in te operãtis inuenieris, Quod tibi summe cauendum sit, ne tibi quoq; dicatur: Diligis odientes te, & odis diligentes te. Sicut ergo iusticiæ in tuum peccatum sæuienti, cum gaudio congratulari debes: ita eidem congratuleris in peccatores, hominum ac Dei hostes sæuienti. Vides itaq; in summis malis summa bona uideri, & latari nos posse in summis malis, non propter ipsa mala, sed propter summam bonitatem iusticiæ, nos uindictantis.

CAPUT V. de spectro quinto, quod est bonum sinistrum seu ad sinistram.



Duersarii hic sunt in uita adhuc positi (nam præcedente de eis iam damnatis ac dæmonibus assimilatis cõsiderauimus) hos alio affectu intueri decet, uidenteq; duplicia eorum bona. Primo, quod temporalibus abundant, ita ut Prophetæ quoq; eorum bonis prope commoti sint ad inuidiam, ut Psal.

73. Mei pene moti sunt pedes, pene effusi sunt gressus mei, quia zelau super iniquos, pacem peccatorum uidens. Et infra: Ecce ipsi peccatores & abundantes in seculo obtinuerunt diuitias. Iere. 12. Iustus quidem es tu Domine, si disputem tecum, uerum tamen iusta loquar ad te. Quare uia impiorum prosperatur? Bene est omnibus, qui præuaricantur, & inique agunt. Cur enim tanta super eos bona effundit gratis & perdit? nisi ut nos soleretur, & ostendat, quam bonus sit ijs, qui recto sunt corde, ut idem Psal. 73. dicit: Qui malis tam bonus est, quanto magis bonis bonus erit? nisi quod malos nullo malo uexat, bonos uero multis malis tentat, ut non tantum in bonis presentibus, sed in absconditis quoq; & in futuris eum agnoscant esse bonum sibi, dicantq; eum eodem Psal. Mihi uero adherere Deo bonum est, ponere in Domino spem meam, Quasi diceret: Etsi aliquid patiar, quo illos liberos uideo, tamen confido, quid mihi Deus multo magis bonus sit quam illis.

Atq; ita bona uisibilia malorum nobis incitabulum sunt sperandi boni inuisibilia, & contemnendi mala, quæ patimur. Non secus ac Christus Matth. 6. Nos uolantilia cœli, & lilia agri respicere iubet, dicens: Si ergo fœnum, quod hodie est, & cras in clibanum mittitur Deus sic uestit, quan-

to magis

Bonũ ad sinistram.

Quid impiorum bona significant.

TESSARUM CONSOLATORIA D. M. L.

to magis uos modicæ fidei. Quare ex collatione bonorum, quibus malis abundat, & mali, quod nos patimur, fides nostra exercetur, & consolatio in Deum (quæ sola sancta est) paratur, adeo necesse est, omnia cooperari in bonum Sanctis.

*Impiorum mala
nobis bona.*

Alterum bonum, quod multo mirabilius est, quod eorum mala nobis bona sunt, Deo sic nos curante. Nam etsi peccata eorum sint scandala infirmioribus, infirmioribus tamē sūt uirtutis exercitū & occasio pugne maioris q̄ meriti. Beatus enim uir, qui suffert tentationem, quoniam cū probatus fuerit, accipiet coronam uitæ. Quæ uero maior tentatio, quam multitudo illa pessimorum exemplorum? Deniq̄ hinc mundus unus hostium appellatur sanctorum Dei, quod suis illecebris & impijs operibus nos irritat, prouocat, allicit de uia Dei, in uiam suam, sicut Gene: 6. Viderunt filij Dei filias hominum, quod essent pulchre, & caro facti sunt. Et Num. 25. Filij Israel ceciderunt cum filiabus Moabitarum. Iacob. 2. Gene. 6. Num. 25.

*Hic mundus hostis
Sanctorum Dei.*

Ita ut salutare sit, nos semper aliquo incommodo premi, ne mundi scandalis offensi ruamus, & peccemus nos infirmi. Sic Lot commendatur a Petro. 2. Pet. 2. quod a Zodomitarum pessimis exemplis multa passus sit, ut in iusticia sua per hæc promoueret. Necesse est ergo, ut hæc scandala ueniant, quæ operentur nobis pugnam & uictoriam, uē tamen mundo a scandalis. Si autem in peccatis aliorum tanta nobis bona procurat Deus: quanto magis in nostro incommodo nobis bonum operaturus toto corde credi debet, & si sensus, & caro aliud indicet. 1. Pet. 2.

*Scandala uenire
necesse.*

Non minus boni nobis mundus confert ex altero malorum suorum latere, quod est aduersitas. Nam quos illecebris non potest deuorare & scandalis sibi incorporare, passionibus conatur a se expellere, & malis poenarū exturbare, semper aut insidias peccatorum exemplum, aut furas per poenarum tormentum intentans. Hæc est enim Chymera monstrum, cuius caput uirgineum & blandū, uenter leoninus & truculentus, cauda serpentina & mortifera. Quia finis mundi tā uoluptatis quam tyrannidis uenenum & mors sempiterna.

Chymera mundus.

Sicut ergo in peccatis mundi Fecit nos Deus bona nostra inuenire, ita ut & persecutiones eius non sint frustraneæ & otiosæ, ordinantur nobis ad incrementum bonorum nostrorum, ut hoc ipso, quo nobis nocent, cogantur prodesse, sicut B. Augustinus de paruulis ab Herode necatis dicit: Nunquam potuisset tantum profuisse obsequio, quantum profuit odio. B. Agatha gloriabunda ad carcerem tanquam ad epulas iuit, causans in hunc modum: Nisi corpus meum feceris a carnificibus tuis bene contrectari, non potest anima mea cum palma ad paradysum introire. Sicut granum, si non exuta fuerit theca sua, & in area fortiter percutiatur, nō reponitur in horreū.

*Herodes profuit
odio.*

*B. Agatha pia
fortitudo.*

Sed quid hic modica loquimur? cum in hanc rem tota Scriptura, & omniū Patrum scripta & dicta, omnium Sanctorum facta & gesta uideamus consonare. Esse eos utilissimos credentibus, qui sunt eis nocentissimi, modo recte ferantur, ut Petrus 1. Pet. 3. Et quis est, qui uobis noceat, si boni æmulatores fueritis? psal. 89. Nihil proficiet inimicus in eo, & filius iniquitatis non apponet nocere ei. Quomodo non nocet, cum sapius etiam occidat? quia scilicet nocendo maxime prodest. Ita uidemus undiq̄ nos in medijs bonis habitare, si prudentes sumus, simul tamen in medijs malis, adeq̄ omnia sunt mire temperata diuinæ bonitatis magisterio. 1. Pet. 3. Psal. 89.

*Nocentissimi creden-
tibus utilissimi.*

Caput VI. de spectro sexto, quod est dextrum,
seu ad dextram.

Hæc

PRO LABOR ET ONER CCCCLXXXIIII

HÆc est Ecclesia Sanctorum, noua creatura Dei, fratres & amici nostri, in quibus nihil nisi bonum uidemus, non nisi consolationem, non semper quidem oculis carneis, nam sic in contrario spectro sunt malorum, sed oculis spiritualibus. Quamquam & illa eorum bona, quæ uidentur, non reiicienda sunt, quin in his nos consolari a Deo intelligamus. Nam & Psal. 72. non fuit aulus damnare omnes, qui in seculo obtinerent diuitias, dicens: Si dicebam sic, ecce nationem filiorum tuorum reprobauit, id est, si uolui dicere esse omnes malos, qui diuites, sani, honoratique essent, iam etiam Sanctos tuos damnassem, quorum multi in his sunt. Sed & Apostolus Timotheum docet, ut præcipiat diuitibus huius seculi non superbe sapere, diuites esse non prohibens. Et Abraham, Isaac & Iacob, diuites Scriptura refert fuisse. Atque Daniel cum socijs suis honorati etiam in Babylone fuerunt. Præterea multi reges Iudæ sancti fuerunt. Hos itaque intuitus Psal. dicit: Si dicebam sic, nationem filiorum tuorum reprobauit.

Bonum. ad dextram.

Multi etiam sancti diuites.

Dat, inquam, Deus etiam suis horum bonorum copiam ad solatium eorum & aliorum. Verum non hæc eorum propria, imo hæc umbra & signa sunt uerorum bonorum, quæ sunt fides, spes, charitas, aliaque gratia & dona, quæ omnia communia fiunt per charitatem. Hæc est communio Sanctorum, in qua gloriamur. Et quis hic non superbiat, etiam in magnis malis, qui credat, id quod res est? Esse scilicet omnium Sanctorum bona sua bona, suum malum esse illorum quoque. Hoc enim spectrum dulcissimum & iucundissimum est, quod Apostolus ad Galat. 6. hoc uerbo pingit: Alter alterius onera portate, & sic implebitis legem Christi.

Communio sanctorum.

Nonne bonum est hic nos esse, ubi si unum membrum (ut .1. Corinth. 12. dicit) patitur, compatiuntur & omnia membra, si unum glorificatur, cōgaudent omnia membra. Itaque dñi ego patior, patior iam nō solus, patitur mecum Christus, & omnes Christiani, sicut dicit: Qui tangit uos, tangit pupillam oculi mei. Ita onus meum portant alij, illorum uirtus mea est. Fides Ecclesiæ meæ trepidationi succurrit, castitas aliorum meæ libidinis tentationem suffert, aliorum ieiunia mea lucra sunt, alterius oratio pro me sollicita est, Et breuiter, ita inuicem sollicita sunt membra, ut honestiora etiam inhonesta tegant, seruent, honorent. Sicut .1. Corinth. 12. pulchre describit. Atque ita uere gloriari possum in aliorum bonis tanquam meis proprijs. Atque tunc uere & mea sunt, si gratulor & congaudeo eis. Sum ergo turpis & foedus, at illi quos amo, quibus applaudo, formosi decoratque sunt. Quo amore mihi non solum eorum bona, sed eos ipsos facio meos, quare sub horum gloria facile mea honorabitur ignominia, eorum abundantia mea implebitur inopia, eorum merita meis medebuntur peccatis.

Quis ergo queat desperare in peccatis? quis non gaudeat in pœnis, qui sua peccata & pœnas iam neque portat, aut si portat, non solus portat, adiutus tot sanctis filijs Dei, ipso denique Christo? Tanta res est communio Sanctorum, & Ecclesia Christi. Quod si quis hæc non fieri aut geri credit, hic infidelis est, Christum & Ecclesiam negauit. Nam etsi non sentiat, uere tamen agitur, Imo quis non sentiat? Nam quod non desperas, quod non impatiens efficeris, quis in causa est? Tua uirtus? Nequaquam, sed communio Sanctorum. Alioqui nec ueniale peccatum ferres, nec uerbum hominis contra te sustineres, adeo prope est Christus & Ecclesia.

Communio sanctorum.

Hoc est, quod dicimus: Credo in Spiritum sanctum, sanctam Ecclesiam catholicam. Quid est credere Ecclesiam sanctam, quam Sanctorum communem.

Credere Ecclesiam sanctam &c.

nam unum commune.

TESSARUM CONSOLATORIA DOMINI

Crede Ecclesia
sanctam &c.

communione? Quo communicant autem Sancti? Nempe bonis & malis omnia sunt omnium, sicut figurat Sacramentum altaris in pane & uino, ubi unum corpus, unus panis, unus potus ab Apostolo dicimur. Quis enim offendit particulam corporis, in quo non totum corpus offendet? Quid patitur extremus pedis folliculus, quod non patiatur totum corpus? quod beneficium confertur in pedibus, in quo non gaudeat corpus totum? At nos unum corpus sumus. Quidquid alius patitur, ego patior & fero: Quidquid bene fit ei, mihi fit. Ita Christus dicit, sibi factum quod suis minimis factum fuerit. Quis panem altaris quantumlibet particula accipiens, non dicitur panem accepisse? Quis particulam eius contemnens, non panem contempsisse dicitur?

Christus, Ecclesia
patitur, moritur
nobiscum &c.
Elisæus.

Quare si dolemus, si patimur, si morimur, huc feratur intuitus, & fortiter credamus, ac certi simus, quod non nos, aut non soli, sed Christus & Ecclesia nobiscum dolet, patitur, moritur. Adeo scilicet nobis Christus noluit mortis uiam esse solitariam, quam omnis homo horret, sed comite tota Ecclesia, uiam passionis & mortis ingredimur, & fortius Ecclesia tolerat, quod nos ipsi, ut uere possimus illud Elisæi 2. Reg. 6. nobis optare, quod ad seruum suum timidum dixit: Noli timere, plures nobiscum sunt quam cum illis. Cumque orasset Elisæus ait: Domine, aperi oculos pueri huius, ut uideat: Et aperuit Dominus oculos pueri, & uidit. Et ecce mons plenus equorum & currum igneorum in circuitu Elisæi. Hoc solum & nobis restat, ut oremus, quo nobis aperiantur oculi & uideamus Ecclesiam in circuitu nostro, fidei inquam oculi, tunc nihil est quod timebimus, Sicut & Psalmus. 124. Montes in circuitu eius, & Dominus in circuitu populi sui, ex hoc & usque in seculum.

Amen.

Caput VII. de spectro septimo, quod est bonum supernum, seu supra nos.

Cordis nostri summum gaudium.



Nihil de æternis & cœlestibus bonis loquor, quibus Beati fruuntur in uisione clara Dei, aut saltem de eis in fide loquor, & qua ratione nobis possunt esse comprehensibilia. Ita hoc septimum spectrum est Ihesus Christus rex gloriæ resurgens ex mortuis, sicut idem fuit septimum spectrum malorum passus, moriens & sepultus. Hic uidere licet summum cordis nostri gaudium, & stabilia bona: Nihil hic prorsus malorum, quia Christus resurgens ex mortuis, iam non moritur, mors illi ultra non dominabitur: Hic est caminus charitatis & ignis Dei in Zion, ut Isa. dicit. Christus enim natus est nobis, non solum autem, sed & datus est nobis. Quare resurrectio eius mea est, & omnia, quæ per resurrectionem suam operatus est. Et (ut Apostolus Rom. 8. exuberantissime gloriatur) quomodo non omnia donauit nobis cum illo?

Resurrectio Christi;

Quid autem operatus est resurgendo? nempe peccatum destruxit, iusticiam suscitauit, mortem absumpsit & uitam reddidit, infernum uicit, & gloriam sempiternam contulit. Hæc sunt inæstimabilia, ita ut mens hominis uix audeat ea credere sibi donata esse, uelut Iacob Gene. 45. Cum audiret filium suum Ioseph regnare in Aegypto, quasi de graui somno euigilans non credebatur eis, donec illis repetentibus omnia, plaustra quoque ostenderent missa a Ioseph. Ita uere difficile est credere, tanta bona nobis indignis in Christo collata, nisi multis uerbis, ac ut multis apparationibus se Discipulis manifestauit, Ita nos tandem, uelut plaustris, usu & experientia doceat ita credere.

Plaustrum

PRO LABOR ET ONERE CCCCLXXXV

1. Cor. 1. Plaustrum sane est suauissimum, quod factus est nobis iusticia, sanctificatio, redemptio, sapientia a Deo, ut. 1. Cor. 1. Apostolus dicit: Ego enim peccator sum, sed uehor in eius iusticia, quæ mihi data est. Immundus sum, sed sanctificatio mea est sua sanctitas, in qua suauiter uehor. Stultus ego sum, sed sapientia eius uehit me. Damnabilis sum, sed libertas eius redemptio mea est plaustrum securissimum. Ita ut Christianus, modo id credat, de meritis Christi & omnibus eius bonis non aliter queat gloriari, quam si ipsemet ea fecisset. Ad eo sunt eius propria, ita ut iam securus etiam Dei iudicium expectare audeat, quod tamen insustentabile est.

1. Cor. 15. Tantares est fides, tanta nobis bona parit, tam gloriosos Dei filios constituit. Neque enim filij esse possumus, nisi paterna bona hæreditemus. Dicit ergo Christianus cum fiducia: Vbi est mors uictoria tua? Vbi est mors stimulus tuus, id est, peccatum? Stimulus enim mortis peccatum est, uirtus autem peccati Lex. Deo autem gratia, qui dedit nobis uictoriam per Iesum Christum Dominum nostrum. Hoc est, Lex facit nos peccatores, peccatum facit nos reos mortis. Quis hæc duo uicit? Nostra iusticia? nostra uirtus? non, sed Iesus Christus a morte resurgens, peccatum & mortem damnans, suam iusticiam nobis impatiens, sua merita nobis donans, suam manum super nos ponens, & bene habemus & Legem implemus, & peccatum mortemque superamus. De quo sit honor, laus & gratiarum actio Deo in secula seculorum.

Christianus omni-
um Dominus.

Amen.

Hoc ergo spectaculum supremum, in quo iam non modo supra mala nostra, sed etiam supra bona nostra eleuati sumus, & sedemus iam in bonis alienis, alieno labore partis, qui prius iacimus in malis, alieno peccato conquisitis, & nostro auctis. Sedemus, inquam in iusticia Christi, quæ ipse iustus est, quia huic nos adhaeremus, per quam ipse Deo placet, & pro nobis Mediator interpellat, & totum se nostrum facit optimus sacerdos & patronus. Quam ergo impossibile est, ut Christus in sua iusticia non placeat, tam impossibile est, ut nos fide nostra, qua illius iusticiæ inhæremus, non placeamus. Quibus sit ut Christianus sit omnipotens, omnium Dominus, omnia habens, omnia faciens, prorsus sine ullo peccato. Quod si etiam in peccatis sit, tamen necesse est ut non noceant, sed donentur propter insuperabilem & omnia peccata exhaurientem iusticiam Christi, in qua fides nostra nititur, fortiter credens talem nobis esse Christum, qualem diximus. Nam qui id non credit, surdus fabulam audit, nec Christum agnoscit nec ad quid prosit, nec quis eius usus sit, intelligit.

Quare uel hoc unum spectrum, si nulla sint alia, tanta nos potest consolatione imbuere, si bene & corde intento spectetur, ut non modo malis nostris non doleamus, sed etiam gloriemur in tribulationibus præ gaudio, quod in Christo habemus, uix ea sentientes.

Qua gloria nos erudiat ipse Christus Dominus ac Deus noster, in secula

la benedictus.

AMEN.

His

TESSARV CONSOLATORIA DVM L

His cogitationibus meis, illustrissimè Princeps, officium qualecunq; paupertatis meae testantibus, me illustrissimæ Dominationi tuæ commendo, maiora afferre paratissimus, si facultas spiritus mei uotis responderit unquam. Neq; enim aliquando non ero debitor, cum cuius meo proximo, tum maxime illustrissimæ Dominationi tuæ, quam nobis & clementi bonitate diu seruet incolumem, & foelici tandem fine ad se reducat Dominus noster Ihesus Christus. AMEN.

Illustriss. D. T.

deditus Mart. Luth.

MARTHINVS LVTHERVSV



HVNC Librum niter initia causæ meæ scripsi ad optimum Principem Fridericum Saxoniae Ducem, cum ægrotaret grauius, placuit autem multis, ut excuderetur. Sed cum toties recuderetur, ita deprauatus & mutilatus est, ut multum uerborum desiderem, quæ nec ipse diuinare possum, qualia fuerint, Sententias uero utcunq; restitui, sed tales, quales ab initio me puto habuisse. Nec eas nunc mutare aut ornare uolui, sicut possem. Volo enim hoc libro, testimonium ostendere mei profectus, & gratificari Antilogistis, ut habeant, quo suam malitiam exerceant. Mihi satis est, si Christo Domino meo & suis Sanctis placeo. Diabolo & suis squamis inuisum me esse ex animo lætor & gratias Deo meo ago.

ILLVSTRISSIMO

P. RINCIPI ET DOMINO FRIDERICO, SAXONIAE DVCI, SAC

tri Romani Impetij Archimarschallo & Electo

ri, Landgrauio Turingiae, Marchioni

Misnae, Domino suo clar

mentissimo.

Dominus



Ominus noster Ihesus & Saluator noster reliquit mandatum, quod pariter ad omnes Christianos pertinet, ut officia humanitatis, uel potius (ut Scriptura uocat) misericordiae opera afflictis & calamitosus praestemus, Ut morbo oppressos uisitemus, captiuos liberare studeamus, & alia eiusmodi Proximo nostro faciamus, quibus praesentia mala nonnihil releuentur.

Atque huius mandati Dominus noster Ihesus Christus in seipso illustrissimum exemplum nobis proposuit, quod propter immensum erga genus humanum amorem, ex sinu Patris in nostras miseras & carcerem nostrum, hoc est, in carnem & calamitosissimam uitam nostram se demisit, ac nostrorum peccatorum poenam recepit in se, ut nos saluaremur. Sicut dicit Esa. Cap. 43. In peccatis tuis fecisti me laborare, & in iniquitatibus tuis mihi fecisti negotium &c.

Hoc tam illustre exemplum si quem non commouet, & auctoritas diuini mandati addita, si quem non impellit ad haec charitatis opera praestanda, nae ille merito in nouissimo iudicio audiet uocem irati iudicis: I maledicte in ignem aeternum, Fui enim infirmus & me non uisitasti, sed extreme ingratus, pro summis beneficijs in te & uniuersum mundum a me impensis, ne in leuissimis quidem officijs Fratres, imo me Christum Deum & Saluatorem tuum in fratribus, subleuasti.

Cum igitur, illustrissime Princeps, uideam tuam dominatione graui morbo esse oppressam, & simul Christum in te aegrotare, exultauit officij mei esse, ut aliquo scripto tuam D. uisitare. Neque enim dissimulare possum, quod non audiam uocem Christi ex tua D. corpore & carne ad me clamantis ac dicentis: Ecce infirmor hic. Ista enim mala, ut sunt morbi & alia, non nos Christiani, sed ipse Christus Dominus & saluator noster, in quo uiuimus, patitur. Sicut manifeste Christus testatur in Euangelio: Quidquid minimo ex meis feceritis, mihi feceritis. Etsi autem hoc officium in genere omnibus aduersa uoletudine laborantibus debeamus, ut eos uisitemus & consolemur, magis tamen id debemus domesticis fidei. Nam & Paulus clare distinguit, inter alienos & domesticos, seu aliqua necessitudine nobiscum coniunctos, Gala. 5.

Sed habeo quoque alias mei officij rationes. Intelligo enim me tanquam unum ex subditis T. D. una cum reliqua tuorum subditorum multitudinem morbo tuae D. affici debere, & una quasi aegrotare

TESSAR CONSOLATORIA D. M. L.

ægrotare, ceu membrum cum capite, in quo omnes nostræ fortunæ omnis incolumitas & foelicitas nostra est posita. Agnoscimus enim tuam D. esse tanquam Naaman quendam, per quem Deus salutem hodie dat Germaniæ, sicut olim per illum Syriæ salutem dedit. Quare etiam totum imperium Romanum in tuam D. unam conficit oculos, eam ueneratur & suspicit tanquam Patrem patriæ, tanquam insigne totius Imperij, præcipue autem Germanicæ Nationis ornamentum & præsidium.

Necq; autem solum tuæ D. debemus, ut & consolemur eam pro uiribus, & familiariter præsentem casum feramus, sed multo magis, ut ad Deum pro ualetudine & salute tua interpellemus. Id quod summa diligentia & studio a tuæ D. subditis fieri spero. Atq; ego quidem, quem multa tuæ D. insignia beneficia ac merita præ reliquis debitorem constituerunt, agnosco hoc a me requiri, ut singulari aliquo officio gratitudinem meam declarem.

Quia autem in hac ingenij & fortunarum tenuitate nihil insigne præstare possum, commodum admonuit me D. Georgius Spalatius, qui tuæ D. a sacris est, ut consolationem aliquam spiritualem instituerem, eamq; ad D. tuam transmitterem, Fore enim id officium tuæ D. perquam gratum. Ego igitur nolui moleste amici consilio repugnare, & congeffi hæc quatuordecim capita, tanquam in tabula digesta, eisq; Tessaradecados nomen dedi, ut essent loco quatuordecim Diuorum, quos superstitio nostra omnium malorum Depulsores fecit & appellauit.

Est autem hæc non argentea, sed spiritualis tabula, qua non templorum parietes ornandi, sed mens pia erigenda ac confirmanda est. Ac spero eam in præsentem tuæ D. fortuna maxime fore utilem. Habet autem duas partes, quarum prior septem imagines malorum continet, quorum consideratione præsentia incommoda mitigantur.

Posterior similiter septem imagines bonorum proponit, ad eundem usum collectas. Tua igitur D. hanc meam qualemcunque operam boni consulat, & ea sic fruatur, ut diligenti lectione & consideratione harum imaginum nonnihil acquiescat. Ego me T.D. suppliciter commendo.

Subditus Martinus
Lutherus D.

Confis

CONFITENDI

RATIO Dⁱ MARTINI
LVTHERI.

I



Vando nostro seculo omnium ferme conscientiae sunt in falsam suae iustitiae & operum suorum fiduciam humanis doctrinis abductae, fereq; eruditio fidei & in Deum fiduciae obmutuerit: Idcirco & confessuro necessarium est ante omnia, ut non fiducia confessionis uel faciendae uel factae nitatur, sed in solius Dei clementissimam Promissionem, tota fidei plenitudine confidat, certissimus uidelicet, quod qui confessuro peccata sua promisit ueniam, promissionem suam, fidelissime praestabit.

Confessuro in sola Dei promissionem fidendum.

Non enim quia nos confitemur, sed quia ipse promisit ueniam confitentibus, gloriandum est, hoc est, non propter nostrae confessionis dignitatem aut sufficientiam (cum talis nulla sit) sed propter suae promissionis ueritatem & certitudinem. Sicut dicit Psal. 25. Propter nomen tuum Domine propiciaberis Peccato meo, Non ait, propter me, aut meam dignitatem, aut nomen meum, sed propter nomen tuum &c.

psal. 25.

Ita sane, ut opus confessionis nihil aliud sit, quam occasio quaedam, qua Deus prouocetur ad promissionem suam implendam, imo qua nos exerceamur ad fidem promissionis sine dubio adipiscendae, ut sic non nobis Domine, sed nomini tuo des gloriam, & lateris, non cum benefecerimus tibi, sed cum benefeceris tu nobis, ut per Ezechielem dicis. Hac ratione fiet, ut qui gloriatur, in Domino gloriatur, & non seipsum commendat, sed gratiam Dei glorificet. Et erit, ut sit confessio & magnificentia opus Dei

Opus confessionis occasio est, qua Deus prouocat ad promissionem implendam, & nos exerceamur ad fidem

psal. 111.

II

Quod autem Deus (ad gloriam scilicet gratiae & misericordiae suae) ueniam promiserit, ex Scripturis firmandum est.

psal. 32.

Primum Psal. 32. Dixi confitebor aduersum me iniustitiam meam Domino, & tu remisisti impietatem peccati mei.

Sam. 12.

Et illud 2. Sam. 12. unde hic Psalmus desumptus est, quam primum Dauid dixit: Peccaui Domino, statim dixit Nathan Dominus quoque transiit peccatum tuum, non morieris.

ere. 18.

Joban. 1.

Et Iere 18. Si egerit gens illa poenitentiam a malo, agam & ego poenitentiam super malo, quod cogitavi ut facerem. Item 1. Iohan. 1. Si confiteamur peccata nostra, fidelis est & iustus, qui remittat nobis peccata, & emundet nos ab omni iniquitate.

rouerb.

18.

Et illa definitio uera iusti, Proverb. 18. Iustus prior est accusator sui, Ideo iustus, quia sese accusat, unde & sequitur: Venit amicus eius (Christus) & inuestigabit eum, id est, quaeret eum, & non sinet perire, etiam ab extremis inferni inuentum reducet.

Iusti definitio.

ps. 7.

Hinc Iosue. 7. Confessionem peccati uocat gloriam Dei, dicens ad Achan: Fili mi, da gloriam Deo, & confitere, atque indica mihi quid feceris.

Peccati confessio gloria Dei.

nn

Et D.

CONFITENDI , RATIO

*Peccati confessio
gloria Dei.*

Et D. Hieronymus ad idem , Confessio peccati est laus Dei. Nec mirum , quia qui peccata sua confitetur , ueritatem utiq; dicit , Deus autem est ueritas , Ideo simul Deum confitetur.

*Manasses.
2. Paral. ult.*

Sic 2. Paral. ult. Manasse Rex Iuda , in oratione sua pulcherrima , omni confessuro aptissima , dicit : Tu autem Domine secundum bonitatem tuam promissisti poenitentiam remissionis peccatorum &c.

Vere secundum bonitatem tuam promissisti , Quia nihil esset confessio nostra , nisi staret promissio Dei , adeo totum est bonitatis diuinæ , quod promissit remissionem , quam nisi promississet , per nullam iusticiam posset obtineri. Ac sic fides promissionis illius , primum & summe necessaria est confessuro , ne forte presumat sua diligentia , sua recollectione , suis uiribus Deum prouocare ad remissionem peccatorum , cum iam Deus ipse & remittere paratissimus , præuenerit eum , ac potius ad acceptandam remissionem & confessionem præstandam , allegerit ac prouocauerit , bonitate dulcissimæ promissionis suæ.

III

Primum Deo peccatorum facienda confessio.

ANtequam Sacerdoti confiteatur uicario , utiq; oportet primum confiteatur principi ipsi Deo. Hic uero rem serio tractare oportet , quia diuinum oculum , sicut nihil latet , ita nihil fallit. Quare hic propositum melioris uitæ , & odium peccati oportet sine simulatione discutere. Nam nihil fere confessuros plurimos fallit , quam subtilis ista simulatio & profundissima , quæ plerumq; uolentem peccati odium & propositum melioris uitæ , per uim simulat , etiam coram seipsis. Quod satis probat infelix eventus , ubi post confessionem cito redeunt ad ingenium , & uelut magno onere confessionis leuati , denuo secure uiuunt , tam curiosi , imo immemores propositi sui qua una re , satis possent argui suæ fictionis infelicissimæ.

Odiū peccati & propositum melioris uitæ citra simulationem habenda.

Quare hic oportet hominem esse liberrimum , & de se in seipso omnino pronunciare , sicut inuenit sese affectum , sicut uellet , si nulla esset poena , nullus Deus , nullum præceptū &c. Ac sicut diceret in aurem secreti cuiuspiam amici , ubi nihil puderet omnia sua reuelare , imo sicut secum uellet , liberrime de suis loqui uitis , ita loquatur coram Deo , qui multo magis nos diligit , quam ipsi nos.

Potius non confitendum , si non habeas propositum uitæ melioris.

Nam si quispiam sese non inuenierit serio affectum bono proposito , nescio an tutum sit confiteri. Hoc scio , melius sibi esse , si abstineret a confessione. Nec in hoc præceptum Ecclesiæ curandum esset ullo modo , siue excommunicet siue minus , melius est Ecclesiam ibi non audire , quam in periculum suum , ad Deum cum ficto corde accedere , quia hic contra Deum , ibi contra Ecclesiam tantum peccatur , si tamen peccatur , isto casu , Ecclesiam non audiendo. Quandoquidem Ecclesia nihil habet mandare in quo sit periculum anime , & semper est exceptus articulus eiusmodi a præceptis Ecclesiæ. Quidquid enim præcipit ipsa , pro Deo & animæ salute præcipit , præsumens hominem esse capacem præcepti sui , & idoneum ad impletionem . Quæ præsumptio si fallitur , præceptum quoq; non tenet , cum contra Dei præcepta (quæ conscientiam ligant) statuere nihil possit.

Timendum certe , multos Ecclesiastici præcepti timore accedere , quibus tamen uita prior mala ex corde placet.

IIII

Quod

Quod si inter angustias deprehensus, formidet abstinere, & tamen sentit (si uere uelit loqui) sese carere affectu bonæ propositæ uitæ: Hic, quod unum reliquum est, apprehendat, & Prophetæ consilium audiat dicentis: Effundite coram illo corda uestra: ac prostratus plane confiteatur Deo, totum malum cordis sui, & oret & opret bonum propositum. Imo quis tam superbus, ut hoc consilium sibi non putet necessarium? cum nullus tanto sit proposito bono, quanto debet esse. Ideo secure petat a Deo, quod sentit se non inuenire in seipso, donec serio & uere incipiat sibi placere uitæ melioris species, & sua displicere. Non enim doctrinæ illæ, de proposito bono formando traditæ ac passim inculcatæ sunt intelligendæ, quod homo ipse ex sese id formare & laborare debeat (hæc enim intelligentia mors est & perditio, & sicut ait ille: Mors in olla o homo Dei, licet heu plurimi in ea excarnificentur, scilicet ad impossibilia tendere docti) sed desperando plane atq; effundendo coram Deo dicere: Domine Deus, Non habeo quod debeo, nec possum: Da quod iubes, & iube quid uis. Sic enim Augustinus orat in confessione.

Augustini oratio.

V

Verum ista de proposito uolo caute intelligi. Propositum enim bonum dupliciter fieri debet. Primum de manifestis mortalibus tantum, ut sunt, adulterium, homicidium, fornicatio, furtum, rapina, usura, detractio &c. Horum enim uitandorum propositum proprie pertinet ad confessionem sacramentalem, & coram Deo ad quodlibet statim momentum, Postq; perpetrata sunt, iuxta illud Ecclesiastici: Fili peccasti, quiesce, ne adijcias iterum. Et item: Ne tardes conuerti ad Dominum.

Propositum bonū abstinendi à peccatis manifestis &c.

Secundo, de omnibus peccatis (que uenialia uocant, de quibus infra) prorsus uanum est laborare ad propositum formandum. Quia si recte sese consideret, inueniet impossibile, si saltem in carne uiuere uelit, cum (ut Augustinus ait) hæc uita sine talibus non possit agi, qualia sunt, risus, uerbum, cogitatio, aspectus, auditus, gustus, tactus superflui, aut inconsideratus &c. Quæ etiam talia quandoq; sunt, ut incertum sit, peccata ne sint, an tentationes promouentes merita. Et tamen in his mirum, quam laboretur & obtundatur confessor uerbosissimo modo confitendi. Debet enim propositum certum esse, & super ijs, quæ certa sunt, & communi uita uitari possibilia sunt, ut iam dicta mortalia peccata aperta.

Impossibile uiuere in carne sine peccatis uenialibus.

VI

An peccata cordis occulta, ac sic soli Deo & homini, qui fecit ea, cognita, pertineant ad confessionem sacramentalem extra meum caput est. Libentissime negarem. Nec enim ulla uia aut ratione aut scriptis probari potest, Sæpiusq; mihi suspitio fuit, esse id totum inuentum uel auctorum uel curiosorum, aut certe tyrannorum Prælatorum, qui hac uia populum Christi in terrorem sui adduxerint. Nam id est (meo iudicio) penitus in iudicium Dei manum mittere, & forum Dei uiolare, præsertim, si cogantur ad id homines. Hic uenit illud mare iurium & questionum impossibile, de casibus peccatorum &c. Cum sit impossibile ipsi homini scire, quando mortaliter superbierit, uel concupserit, uel inuiderit in corde. Et quo modo hoc sacerdos sciet, qui ad mortalia tantum positus est iudicandas? Alienum cor cognoscet, qui suum non satis nouit.

An occulta peccata confitenda.

nn ij

Inde

CONFITENDI RATIO

Gregorii dictum.

Inde fit, ut multi multa confiteantur, nescientes an sint peccata, nec ne. Et ad id impelluntur per illud Gregorii: Bonarum mentium est, ubi culpa non est, culpam agnoscere. Hoc enim coram Deo præstandum etiam sibi præstari (tam immanis est Pontificum & Sacerdotum arrogantia, & fastuosissimum Phariseorum supercilium) uolunt; nec interim uident, si id homini esset præstandum, tota uita nihil aliud oporteret fieri, quam confiteri: atque etiam ipsam confessionem alia confessione confiteri, timendo culpam, ubi culpa non est, cum & bona opera non uacent culpa, & Iob ueretur *Iob. 9.* omnia opera sua.

VII

Peccata cordis non omnia confiteri necesse est.

Igitur alius id explicet, Hoc ego contentus sum, quod non omnia peccata cordis sunt confitenda: Si autem aliqua sunt confitenda, ea tantum assero, quæ ipse manifeste scit sese contra diuina mandata in corde statuisse, Hoc est, non simplices cogitationes, de uirgine aut muliere, aut econtra mulieris de adolescente: Nec ipsas affectiones, nec ardorem libidinis mutuum, seu inclinationes ad sexum alterum quantumlibet foedum: Addo, nec passionem talium, sunt enim hæc cogitationes frequentius passionum a carne, mundo, diabolice excitatæ, quas anima ferre cogitur inuita aliquando per multam moram, imo quandoque tota die uel hebdomada *1. Cor. 12.* sicut paulus Apostolus confitetur de suo stimulo.

Ratio horum est, quia propositum super illis uitandis est impossibile & uanum & mendax, & inclinationes & affectiones mutue sexuum non cessant, data occasione. Deinde diabolus non quiescit, & natura nostra tota est peccatum. Sed illi, qui sine peccato uolunt esse, & hominem sanum credunt, hi nobis has cruces statuunt, ut non cessemus (sacerdoti etiam) confiteri, quæcumque uel modico nos titillant, tantum modo. Igitur, si oportet confiteri omnino hæc occulta cordis, tantum ea, quæ pleni sunt consensus in opus, confiteantur, qualia in ijs, qui cupiunt pie uiuere, uel raro uel nunquam contingunt, etiam si assidue affectionibus & passionibus talibus uexentur.

VIII

HVC pertinet Theologorum quorundam audacissimorum genus nati ad id ipsum, ut uero Dei timore in cordibus hominum extincto, *Luc. 12.* falsis terroribus totum orbem concutiant. Ut de illis Christus dixisse possit uideri, terrores de coelo commemorans, Hi sunt, qui aggressi sunt nobis discernere peccatum mortale & ueniale, scilicet, ut ubi audierint homines esse aliquod peccatum ueniale, securi sint, & Dei timorem (ac si ueniale ipse nihili pendat) penitus remittant: Rursum, ubi mortale peccatum esse audierint consensum cordis, tum si quis præcepta Ecclesiæ non audierit, aut nescio quid aliud leuisculum admisit, iam nullus sit locus Christo in corde, præ confusione sonitus maris & fluctuum miserrimæ conscientiae.

Omnia peccata mortalia confiteri nemo unquam potest. Decretum de omnibus peccatis confitendis.

Contra hos sciendum, quod oporteat hominem desperare sese omnia sua mortalia peccata confiteri unquam posse. Et doctrinam illam, quæ uulgatur in Ecclesia, ex Decretis, quod semel in anno omnium suorum peccatorum (sicut sonant uerba) debeat facere confessionem omnis Christianus, aut esse diabolicam & homicidissimam, aut egentem multo & laxo interpretamento.

Oportet, inquam, non omnia confiteri, nec mortalia, nec uenialia, *Quin*

Quin oportet nosse, quod post omnem diligentiam suam factam, adhuc minorem partem peccatorum sit confessus. Vnde hoc & quia dicit Scriptura Psal. 19. Ab oculis meis munda me Domine. Ista occulta solus Deus novit. Et iterum: Cor mundum crea in me Deus. Vtq; immundum confiteatur cor etiam tam sanctus Propheta. Et Ecclesia tota sancta orat: Fiat voluntas tua, scilicet confessa, quod non facit voluntatem Dei, & sese peccatricem esse.

Psal. 19.
Psal. 51

Porro tantum abest, ut omnia mortalia possimus nosse, nedum confiteri, ut etiam bona opera nostra, si Deus per rigorem iudicet, & non misericordia ignoscente ignoscat, sint damnabilia & mortalia. Ideo si omnia mortalia sunt confitenda, breui uerbo id fiet, si semel dixerimus: Ego totum quod sum, uiuo, ago, loquor, tale est, ut mortale sit & damnabile, Iuxta illud Psal. 143. Non intres in iudicium cum seruo tuo, quia non iustificabitur in conspectu tuo omnis uiuens. Et ad Rom. 7. Ego autem carnalis sum, uenundatus sub peccatum, non inuenio in carne mea bonum, quod nolo malum, hoc facio &c.

Psal. 143.
Rom. 7.

Quin hoc est mortalium mortalissimum, non credere se esse damnabili & mortali peccato obnoxium coram Deo. Ad quam insaniam isti Theologi, hac Regula sua nituntur, data opera, & perditissime trahere hominum conscientias, dum docent, Venialia esse distincta a mortalibus, suo scilicet more. Ita legimus in Augustino, Cyrillano & alijs Patribus, non peccata mortalia, sed criminalia, id est, ea quae accusari & conuinci poterant, ligata & soluta fuisse.

Omnia ergo peccata intelligat Decretum oportet, omnia crimina, ut de quibus uel alij uel ipsius conscientia eum accusat, conscientia, inquam, recta, non ex traditionibus hominum cauterisata & pessime informata, sed ex diuinis mandatis erudita, quae sciat, multo plura esse relinquenda diuinae bonitati soli, quam suae diligentiae committenda.

Psal. 19.
243.

Sed quid, si in morte diabolus obijciat peccata non confessa, sicut multa exempla legimus? Respondeo: Transeant illa, cum ijs de quibus dicitur: Delicta quis intelligit? Et illis: Non intres in iudicium cum seruo tuo &c. Si quid exemplorum contra hec facta sunt, uel illudente diabolo facta sunt, uel non recte intelliguntur, Sufficit te uoluisse omnia confiteri, si nosset & posset, misericordiam suam glorificari uult Deus. Sed ubi? In iusticijs? Non, sed in peccatis & miserijs nostris, Scripturam oportet praeferi omnibus exemplis.

IX

Ad rem ipsam accedendo, tumultum illum distinctionum penitus abscindat confessurus, qui passim celebratur, scilicet, Quid per timorem male humiliantem, & amorem male accendentem, quid contra tres uirtutes theologicas, fidem, spem, charitatem, quid contra quatuor uirtutes cardinales, quid per quinque sensus, quid per septem peccata mortalia, contra septem sacramenta, contra septem dona Spiritus sancti, quid contra octo beatitudines, quid contra nouem peccata aliena, quid contra duodecim articulos fidei, quid per muta, quid per clamantia in coelum peccata, aut si qua alia sunt, per quae aut contra peccatum est. Iste enim odiosissimus ac radiosissimus catalogus distinctionum inutilissimus est, imo noxius omnino.

Distinctio multiplex peccatorum praeterenda confessuro.

Addiderunt his malis quidam circumstantiarum molestissimum negotium, quibus omnibus duo fructus promouerunt. Primum, quod confes-

non in iudicio suo his

CONFITENDI RATIO

Suro his nugis tantum negocij fit, ut id quod præcipuum est, penitus tueri non possit, scilicet studium boni propositi tanta mole memoriam occupare, & curarum solitudinumque recte proferendi negotio cor opplere coactus. Atque dum querit peccata oblita, uel modum confitendi, interim præsentis conscientiae morum totamque salutaris confessionis utilitatem penitus amittat, ut absolutus non adeo gaudeat sese absolutum, quam sese miseram illa confitendi carnificina semel liberatum. Quia nec absolutionem tam quæ fuit, quam finem laboriosissime confitendi carnificinae, adeo dum dormimus secure, omnia passim sunt subuersa. Alterum, ut & confessori sint tediosissimi, tempus ei furantes, & alios impediētes.

Confessio.

Quare ipsa præcepta Dei breuiter sunt inspicienda, in quibus sine dubio omnia peccata continentur, si recte intelligantur. Nec tamen hæc omnia, sed ultima duo prorsus a confessione sunt excludenda. Confessio enim breuis esse debet, & eorum potissimum peccatorum, quæ præsentem mordeant, ut dicunt, quæ mouent ad confessionem. Confessionis enim sacramentum ad quietandam, non perturbandam conscientiam institutum est.

Exempli gratia.

Non mœchaberis.

De illo præcepto: Non mœchaberis, cito dixerit, quomodo libidini cesserit uel opere uel uerbo, uel consensu, uelut se totum cum omnibus membris & sensibus in eo præcepto describens. Quid ergo quinque sensus, peccata mortalia & illud pelagus distinctionum oportet adducere frustra?

Non occides.

Ita in illo: Non occides, cito dixerit, qua specie iræ peccauerit, an odio, an detractioe & maledictione, an opere ipso. Sic in cæteris, sicut de dicta opera conatus sum in præceptorio meo, & schedulis Decalogorum non strare.

Contra hæc nihil moueat, quod in Decretis de pœ. & quarto Sententiarum aliter tractetur ista materia. Plena sunt omnia humanis commentis. Nec mirum, quando sumpserunt sua omnia ex libello quodam apocrypho, & indocto, qui de uera & falsa poenitentia B. Augustino inscriptus, ubique titulo mentito celebratur.

X

Discrimen habendum inter peccata contra diuina præcepta commissæ & contra humana statuta.

IN facienda confessione diligenter obseruari oportet, ut multo discrimine discernantur peccata, quæ contra diuina mandata, & quæ contra humana statuta commissæ sunt. Hoc dico, quia hodie inualuit insania, ut quæ contra decreta Pontificum peccantur, mira cura obseruentur, Quæ contra Deum uero, uel parua uel nulla. Exemplis tibi notum faciam. Inuenias sacerdotes & religiosos, qui si in Canone Missæ uel syllabam tulerint aut repetant, nescio quod uelut monstrum exhorrescant, cum hic uel naturalis linguæ defectus, uel casus quispiam nullum peccatum fecerit.

Porro nullus est, quin confiteatur sese distractum fuisse, sua præparatoria non legisse, aut alias anillissimas nugas. Fuit unus, qui ter accito sacerdote, in altari iam, celebrans, confiteretur, ut ut quid incidisset, denique diaboli ista ludicra insignita, uidi multis tanta fuisse seria, ut prope insanierint.

At qui in corde odium uel inuidiam occultam alerent, ante & post Missam maledicerent, ociose fabularentur, detraherent, nihil mouebat. Unde hæc peruersitas? Ex traditionibus hominum auersantium (ut

Apostolus

Apostolus ait)ueritatem. Et quia Deo uerorum peccatorum confessionem negleximus offerre, tradidit in sensum reprobum, ut fictis peccatis, nos ipsos illudamus, & sacramenti beneficio priuemus, eo maxime studio, quo maxime querere uidemur.

Huius farinae sunt, qui horarum Canoniarum neglectum, prope irre-missibile peccatum fecerunt, cum interim fornicationes contra Dei præceptum, aut omissa studia erga proximum, facile remittant.

Inuenias, qui S. Seuerini uel somnium uel exemplum eo probent, ut se horas Canonicas, nec anteuertere, nec post complere sine peccato arbitrentur posse, etiam si iustissima causa fuissent legitimo eorum tempore impediti, scilicet seruiendo proximi necessitatibus, id est, meritis melioribus sexcentis, quam fuissent eorum frigidissimæ, & forte damnatissimæ orationes. Adeo non attendunt, in seruitio proximi mandatum Dei debere præferri mandato hominum, in lallandis uerbis horarum sine intellectu.

Huc pertinent, qui intra Canonem, etiam pro summa necessitate & periculo loqui aut puerum uocare, nefas putent. Deinde ieiunium aliud naturæ, aliud Ecclesiæ facientes, si quis uel imprudens guttas aliquot glutierit, aut medicinæ quid sumpserit, penitus a Sacramento arceant, & peccatum uel maximum hic statuunt. Miror ego, unde nam hominibus istis auctoritas sit harum legum condendarum, & peccatis a se repertis conscientiarum perturbandarum. Ex his astimentur reliqua similia.

Laici uero alius confitetur se libenter gustasse dulcia, alius audisse iucunda, olfecisse odorata, tetigisse mollia. Ad maiora ueniamus, Comedisse butyrum uel oua diebus ieiunij, uulgo persuasum est hæreticum esse, tam atrociter sæuiunt leges hominum in Ecclesia Dei, Et nos populi hac superstitione, imo nostra tyrannide secure fruimur, nihil curantes Dei præceptum passim pro ludibrio haberi, modo ad nostras paueant & palleant leges.

Adulterum nemo hæreticum uocat, fornicatio leue peccatum, schisma & discordiæ etiam auctoritate & nomine Ecclesiæ suscitata, & seruata, & aucta, merita sunt. Sed carnes sexta feria edisse, hæresium omnium summum est, sic nos erudimus & erudiri permittimus populum Christi.

Sed iam me piget, tedet, pudet, miseret, istius infiniti Chaos superstitionum, quas in sacramentum istud confessionis saluberrimæ inuexit, infelix illa Syncerioris Theologiæ ignorantia, quæ tyrannidem suam egit a tempore constitutionum humanarum.

XI

Consulo quod & Iohannes Gersō aliquoties consuluit, Ut aliquando cum scrupulo conscientiæ quis accedat ad altare seu sacramentum, uidelicet, non confitens, si immodestius uel biberit, dixerit, dormierit, aut aliud quid fecerit, aut horam unam aliquam non orauerit. Vis scire quare id consulatur? Audi, ut homo discat in Dei misericordiam plus fidere, quàm in suam confessionem aut diligentiam. Nihil enim satis fieri potest aduersus maledictam illam fiduciam operum nostrorum.

Etiam ideo, ut si quæ uel tentationis uel mortis ingruat necessitas, & coeperint apparere occulta illa peccata, quæ nunquam uidere aut confiteri potuit, tum iam paratum habeat usum confitendi in Dei misericordiam indignis præstitam, iuxta illud, Paratum cor eius sperare in Domino.

nn iij

no. Alio.

CONFITENDI RATIO

no. Alioqui quomodo sperabit in tantis molibus peccatorum tunc inuentum subito, qui in hac uita, dum ocium erat, nec in minimo uel ficto peccato didicit sperare in Domino?

Si dicis: Quid si hoc sit contemnere sacramentum Dei, & tentare Deum? Respondeo: Non erit tentatio Dei, si ad gloriam Dei fiat, id est, si ideo facias, non quod contemnas sacramentum Dei, nec eum tentes, cum sis paratus etiam omnia confiteri, Sed ut miseram conscientiam assuefacias in Deum confidere, & non ad omnem sonitum solij uolantis pauere. Non dubites, omnia quæ fiunt hoc fine, ut fiducia in Deum habeatur, sunt Deo gratissima, Cum tota gloria eius sit hæc, si in eius misericordiam, quam magnanimissime confisi fuerimus. Nō tamen uolo, ut semper ita fiat, sed aliquando, inquam, tantum ad erigendam fiduciam in Deum, ac destruendam fiduciam nostræ confessionis.

Gloria Dei.

Vix enim sine uitio celebrat, qui magis secure accedit, quia confessus est, quam quia Deus misericors est, imo tota impietas hæc est omnino. Summa enim summarum est, Beati qui confidunt Domino. Quando in Domino audis, utiq; intelligis, infœlicem eum, qui confidit in aliquid, quodcumq; non est ipse Dominus, qualem faciunt Artistæ illi confitendi. Quid enim fecit ars confitendi, nisi quod aboleuit artem & usum confitendi, ut multum confiteri, nihil confidere disceremus?

XII

Casus reſeruati

In casibus reſeruatis multi uexantur, ego, quia ſcio leges hominum oportere episkopæ ſubiectas eſſe, & plus ad fauorem quam rigorem trahendas, eorum ſequor uſum & conſilium, qui in peccatis occultis nullum reſeruari caſum cenſent. Ideo abſoluendos eſſe omnes, quorum occulta ſunt peccata, ut ſunt peccata carnis ſeu libidinis cuiuſcunq; ſpeciei, oppreſſiones infantium & ſimilia. Nec enim præſumi debet ullus Pontifex, uoluſſe in occultis peccatis tot laqueos & pericula animabus ponere.

Verum ubi publicum fuerit crimen ſeu caſus reſeruatus manifeſtus, omnino poteſtati deferendum eſt, ſiue ſit æqua ſiue iniqua. In quo tamen ſic moderetur Confessor uſum clauis, ne confitentem ſinat ſine abſolutione abire, ſaltem eorum peccatorum, quæ reſeruata non eſſe ſcierit. Quanquam ego iam dudum fluctuo, ne dum, ſtationem diſputationis propriæ compoſui, An poſſit ullus Caſus, quo ad remiſſionem culpæ reſeruari, aut unquam reſeruatus ſit, poenam reſeruari non eſt dubium, de quo eſto aliorum iudicium.

Excommunication.

Sed nec in poenæ remiſſione nimium ſit ſcrupuloſus confessor uel confitens. Poenam intelligo excommunicationem, uel quamlibet Eccleſiæ cenſuram, ſeu, ut uocant, fulmina & tonitrua ſua. Cum enim excommunication ſit mere poena & non culpa, ferriq; poſſit ſuper innocentem, aut laeta manere ſuper reſipiſcentem, ut propter itineris longitudinem uel pauperiem neceſſe ſit differri ſatisfactionem, debet nihilominus confitens (ſi peccat) abſolui ab omnibus peccatis ſuis, & prouinculo excommunicationis ſoluendo, & ſatisfaciendo poteſtati dimitti, & ſic in foro Dei & conſcientiæ abſolutus a culpa & peccatis, mitti ad forum Eccleſiæ, ſoluendus a poena. Hoc eſt, quod dicitur, ſufficere abſoluendo peccatori uotum ſatisfactionis.

DE VOTIS

Ultimo

Vltimo. Votorum ratio foret consideranda, quæ pene maxima est in hac re quæstio, multoque maioris confusionis materia, quam Casuum reservatio, quamvis & hæc suam Babylonem magna tyrannide exercet. Quod si hic libere quis uelit loqui, non poterit terra sustinere uniuersos sermones eius, ut de Amos dicit Amasias impius.

Vota sine mandato Dei suscepta.

Primum & optimum consilium foret, si pontifices & Concionatores populū dehortarentur & deterreret a pronitate uouendi, Ostendentes, quæ nihil sit uisitatio terræ sanctæ, Romæ, Compostellæ, aliorumue locorum sanctorum, tum ieiuniorum, orationum, operumque a se electorum studia, si comparata fuerint ad opera mandatorum Dei, & ad uota, quæ in Baptismo uouimus, quæ in domo sua erga proximos suos coniugem, liberos, seruos, Dominos, possit cum incomparabiliter maioribus meritis quisque seruare, quam uoti operibus a se electis, nec a Deo mandatis inuenire.

Stulta opinio uulgi & pompa Bullarum fecerunt, ut uota ista, peregrinationum, ieiuniorum, orationum & quorumlibet operum longe præponderentur operibus mandatorum Dei, quæ tamen ut faciamus, nunquam satis habemus uirium. Atque ego pro meo iudicio optarem, ut apud Christianos nihil esset prorsus uotorum, præter ea, quæ in baptismo emisimus, sicut olim fuisse apparet, & omnes intelligerent, quid requiratur, ut mandatis Dei obediatur. Videntur enim uota baptismi prorsus uiluisse præ nimio usu, pompa, dispensatione, redemptione uotorum istorum. Apponamus, inquam, omnes uires, & plus nos uouisse inueniemus, quam possumus implere unquam.

Votum Baptismi.

Votorum alia sunt hominibus, sicut & iuramenta, alia Deo. Ea quæ hominibus sunt, constat tantum & tam diu ualere, quantum uolet, cui uouetur. Proinde sciendum, ut recte Gerson sentit, Iuramenta & uota in Vniuersitatibus solita fieri, aut magnatibus præstita, non debere tam rigida existimari, ut quamlibet eorum præuaricationem, iudicemus uoti solutionem aut periurium. Quin potius æquum est huiusmodi uota non intelligi soluta, nisi ex contemptu & obstinata malitia eis contraueniatur, seueus in his, quæ Deo uouentur.

Vota quæ hominibus sunt.

In uotis, quæ Deo uouentur, uideo per Pontifices dispensari: Sed nunquam ego persuadebor, tutum fore eum, cum quo sic dispensatur, cum sit iuris diuini tale uotum, & non maiorem in hoc potestatem habeat Pontifex medius aut summus, quam quilibet frater Christianus, etsi scio decretales quasdam decretaliumque glossas multa audere, quæ non credo.

Vota quæ Deo uouentur.

Hoc tamen libenter crediderim, uotum castitatis ante pubertatem emissum, non tenere, nec ligare. Quia is qui uouit, ignorauit quid uoueret, cum necdum stimulum carnis senserit. Proinde pie arbitror, tale uotum apud Deum reputari stultum & nihil; prohibendique essent generali edicto Ecclesiæ, monasteriorum Patres, ne masculum ante uigesimum aut saltem decimum octauum annum susciperent, nec puellas ante quintumdecimum uel decimum sextum, si nos cura animarum sollicitaret.

Votum castitatis.

Vehementer etiam temerarium est, in commutandis uotis & relaxandis melius (ut uocant) opus imponere. Cum enim apud Deum nulla prorsus sit operum differentia, qui non secundum magnitudinem uel multitudinem operum, sed secundum affectum operantis iudicat, & ut scriptum est, Spirituum ponderator est Dominus, qui sæpius artificis sordidi manuale opus præfert ieiunio aut orationi sacerdotis, ut est exemplum in S. Antonio & Alexandrino Coriario: Quis audeat præsumere, se uelle

CONFITENDI RATIO

uelle uotum in melius aliquod opus commutare? Sed hæc alio loco dicenda fuerunt. Hic enim confessionis ritum ad præcepta Dei duntaxat referendum suscepimus, pro quietandis componendisq; conscientijs scrupulosis.

Vnum tantum adijciam, Struunt multi etiam conjugatis periculosos laqueos, præsertim in Casu incoestus, Vt si quis (nam heri hæc possunt, imo heu fiunt) sororem uxoris suæ aut socrum suam, aut alio quopiam gradu consanguinitatis contingentem polluerit, mox arcet a iure exigendi debiti matrimonialis, & tamen sinunt eum, imo cogunt uxoris thorum non deserere. Obsecro, quod est hoc portentum? quæ medicina peccati noua? Qualis satisfactio peccati? Nonne apparet hos Tyrannos! alienæ infirmitati secure imperare, & suæ nimis indulgere? Da legislatorem quantumuis poenitentem ac castum, qui hanc legem ferat, sibi statui. Ad ignem ponunt aridum lignum, & dicunt, noli ardere. In sinum mulieris nudæ uirum collocant, & prohibent, ne tangat nec cognoscat, & id autoritate propria citra mandatum Dei, Quid insanimus?

Me consule, caueat Confessor ab his tyrannicis siue decretis siue iuribus. Et cum fiducia talem peccatorem, aut alia poenitentia muletet, aut desinat punire in totum, liberum ei relinquens ius matrimonij, quod non homo, sed Deus ei dedit. Non habet potestatem ullus Angelus in cælo, ne dum homo in terra, hanc poenitentiam (id est, peccati assidui ardentissimam occasionem) iniungere. Quare nec audiendi sunt ullo modo, qui talia fieri uolunt, & confitens ab hoc scrupulo & periculo cum fiducia liberandus.

Sed quis omnes tyrannides recenseat, quibus consistentium & poenitentium miseræ conscientie Christianorum mortiferis constitutionibus & motibus quotidie exagitantur per ineptos homunculos, qui alligare tantum nouerunt onera grauiâ & importabilia & imponere humeris hominû,

quæ ipsi nec digito uolunt mouere? Et factum est hoc saluberrimum poenitentiae sacramentum, aliud nihil quam mera ty-

rannis magnatum, Deinde morbus & augmentum

peccatorum, ut alia significet, & alia operetur

miseris peccatoribus, sic ministranti-

tibus impijs & indoctis in lege

Domini sacrificulis Ec-

clesiam Dei, quam

suis legibus &

somnijs re-

pleue-

runt.

AD SCHE

AD SCHEDVLAM

INHIBITIONIS SVB NOMINE
EPISCOPI MISNENSIS EDITAM, SV.

per Sermonem de Sacramento Eucharistiæ, D. Martini Lutheri Responsio.

I H E S V S

CHRISTIANO ET PIO LECTORI

Martinus Lutherus Salutem in Domino Christo.



Dita est diebus istis Scheda quædam sub titulo Reuerendi in Christo Patris & Domini, Episcopi Misnensis Ecclesiæ, prehabito (ut fertur) Capituli sui consilio & assensu, Appresso etiam sigillo Officialatus Stolpensis. In qua cauetur & iubetur, & Sermonem meum de Sacramento Eucharistiæ colligant & detineant, propter schismata & scandala, multaq; alia pericula, quæ ex illo manare contendunt, ob unicum hoc uerbum quod dixi, Mihi bonum & pulchrum uideri, si ordinante generali quopiam Concilio statueretur, utraq; species etiam Latcis porrigenda.

Ego uero, si aliud nihil præter hæc agerent, quam ut libelli mei opprimerentur, gaudens tacerem, qui sum eo animo, ut siue quis mea sibi parer, siue reiiciat, susq; deq; faciam. Gratis & in comune seruiui, dediq; quod accepi, neminem coegi ut legeret. Quid enim mea referat, si multi uel ipsum Euangelium respuunt? nunc quid ideo insaniendum esset?

Verum, quando huius Schedulæ quisquis est autor, eo processit in sanie, ut non contentus mea aboleuisse, schismata, scandala, periculosa, temeraria, presumptuosa, turbatiua, & æternæ mortis inductiua audeat criminari, quæ ego nec præcepi, nec consului, sed in auctoritatem Concilij generalis reposui, deinde ea ipsa quoq; sint de expresso textu sacri Euangelij, & longo Ecclesiarum totius orbis usu receptissima, Coactus sum, Cananæo huic furenti occurrere, & rabiem in sacram Christi doctrinam & uitam, totiusq; Ecclesiæ auctoritatem debacchantem excipere.

Atq; hic te, Lector, teste, his scriptis excipio, expectumq; uolo
Reuerens

AD SCHEDVLAM INHIBITIONIS

Reuerendum in Christo Patrem Dominum Episcopum Misnensem, cuius & eruditio & uita, magno omnium consensu celebratior est, quam ut uel infans credere possit, huius monstri esse autorem. Eandem opinionem & de cæteris eiusdem Capituli Dominis Canonis habeo. Duo aut tres duntaxat sunt sycophantæ, quibus, quod tanti Pontificis & Ecclesiæ titulo in suæ inicitie & inuidiæ patrocinium abutuntur, respondendum, quos donec seipsos prodant, non nomino, licet optime nouerim diuerso loco positos, sed non diuerso ingenio & studio coniunctos.

SCHEDVLAE TENOR



Iohannes Dei & Apostolicæ sedis gratia, Misnensis ingenuæ Ecclesiæ Episcopus.

Ex iniuncto pastoralis nobis officio obligamur ueri pastoris & circumspecti Speculatoris, non fugitiui Mercenarij officium facere, & dominicum gregem nobis creditum, nedum a præsentibus, uerum etiam futuris, undecumque instantibus & imminentibus animarum periculis custodire & tueri, ac tranquillitatis tempore salubria præparare remedia, per quæ irruentibus morbis dictum gregem a contagione præseruemus.

Cum itaque Tractatulus quidam siue Sermo in uulgari idiomate de sacratissimo corporis Christi sacramento, sub nomine & inscriptione Doctoris Martini Lutheri contra nouissimi sacri Lateranensis generalis Concilij statuta, passim per ciuitatem & diocesim nostras publice uenalis exponatur, in quo inter cetera comperiuntur, Autori illius pulchrum expediensque uideri, Quod Ecclesia per generale Concilium statueret, Omnes utriusque status Christi fideles sub utraque specie panis & uini communicari, ut sacramentum hoc non partialiter seu per partes, sed integre Christi fidelibus ministraretur. Et quæ quam plurimis simplicioribus se unitati sanctæ catholicæ Ecclesiæ in communicando sub una tantummodo specie panis, conformantibus, dubitandi materiam circa Eucharistiæ sacramentum, illiusque sumptionem præbere, uaria denique scandala & schismata in Dei Ecclesia, potissimum Diocesi nostra, quæ terris illius schismatis & damnati erroris uicina existit, excitare possent.

Nos eisdem scandalis & periculis præuenire uolentes, ut teneamus, uenerabilis Capituli nostri præhabito consilio & assensu, Omnibus

RESPOND. D. MART. LVTH. CCCXCIII

bus & singulis Dominis Abbatibus, Præpositis, Decanis, Archidiaconis, Prioribus, Guardianis, Canonicis, Plebanis, uerbi Dei Prædicatoribus, Altaristis, Lectoristis, ac quibuscumque Presbyteris, Clericis, & Religiosis non exemptis, ac utriusque sexus & status Christi fidelibus, in uirtute sanctæ obedientiæ, & sub poenis a iure statutis districte præcipiendo mandamus. Vos uero exemptos in fidei catholicæ unitate & synceritate uiuentes, per uiscera Domini nostri Ihesu Christi adhortamur, Et pro uestra in sanctam sedem Apostolicam & catholicam religionem deuotione charitateue monemus, ut tractatus illos siue Sermonem istum undecumque diligenter colligatis & apud uos detineatis, quousque aliud uobis dederimus in mandatis.

Et ut scandala ex publicatione dicti Tractatuli apud simplices in Diocœsi nostra exorta tollantur & eradicentur, pariformiter mandamus, exhortamur, & monemus, Quatenus in publicis Concionibus & Sermonibus uestris populum uobis creditum diligenter & accurate instruatis, ut omni dubitatione semota, firmissime & inuiolabiliter credat, sub qualibet specie integrum Christum Dominum & Saluatorem nostrum contineri, Communicantibus quoque sub specie panis tantummodo Sacramentum non partialiter, sed integrè ac perfectè illis ministrari. Ac sanctam catholicam Ecclesiam in sacra generali Synodo, in Spiritu sancto legitime tunc congregata, ex diuina eiusdem Spiritus sancti inspiratione, non conficientes, sub sola specie panis communicari debere, instituisse & ordinasse. Propter quam institutionem & ordinationem huiusmodi sumptionem sub utraque specie esse temerariam, præsumptuosam, scandalosam, seditiosam, & ecclesiastici ritus turbatiuam, & ex consequenti æternæ damnationis inductiuam.

Et cum melior sit obedientia, quam uictima, quod non conficientes, plus mereantur sumendo sub una specie panis tantummodo, quam sub utraque, Quodque propterea omnes & singuli, ut fideles catholicæ ecclesiæ filij & Christiani, eadem suæ matris instituta & ordinationes, ac sanctorum Patrum & electorum Dei fidem in sincera unitate firmiter & fideliter custodiant, sequantur & obseruent. Taliter circa præmissa acturi, ut a Deo omnium bonorum Retributore præmium consequi, & de debita in religionem Christianam deuotione commentari possitis.

Datum Stolpen Anno a natiuitate Domini M.D.XX,

Die uero 24. mensis Ianuarij, Officiolatus Curiae nostræ præsentibus appresso sub Sigillo.

o o

Primum

AD SCHEDVLAM INHIBITI

Primum, ut a ueritate exordiar, Placet obediendum esse nouissimi Concilij decretis, ut Laicis una tantum species porrigatur. Placet & illud, Esse eundem Christum non partialiter, sed integrum sub qualibet seorsim specie, tam panis quam uini. Et rogo obsecroq; omnes eius, Schedulæ lectores, ut Schedulam in hoc audiant & sequantur, pro seruando unitatis uinculo, quæ longo præponderat Sacramento, quo ceu signo significatur. Et quis unquam aliud in meis libris legit? Quis unquam aliud a me audiuit? Nunquid Sermo ille meus contrarium docet?

Prodite uiri eximij, uideamus sapientiam uestram, conuincite Lutherum, Vbi legistis quod imponitis mihi? in quem ergo portenta criminum & blasphemiarum congeritis? An in Lutherum a uobis per febres & somnia effectum? Videlicet uiri pugnacissimi, & sibi nimium suæ uirtutis conscij, sicut equus in bellum hinnit. Et ubi non erat in quem ruerent, fingunt aduersarium. Adeone licet uobis Schematarij in famam innoxij uiri scuire, tam impudentibus mendaciss?

At, inquiunt, Tu probas utranq; speciem dari, quod est scandalosum & schismaticum. Respondeo: Probauit sane, sed sic, ut non fieret, nisi mandante Concilij generalis autoritate. Quod tam clare expressi, ut ipsa & inuidia coacta sit, mea uerba de Concilio eodem inferere. Est ne ergo apud te inuidia hebes & indocta, schismaticum & scandalosum quod Concilium statuit aut statuet, aut statuere potest? Cur ergo tuum Concilium non appellas schismaticum & scandalosum? Sed, inquires, meum Concilium iam statutum, tuum nondum statutum. Quid audio? Sed cum crassis cerebris crasse agendum.

Quæro, an illud, quod futurum Concilium statuere potest, sit schismaticum & scandalosum? Non, inquires. Quid? loqui aut scribere de istiusmodi Concilij potentia, & optare quippiam tale fieri, est schismaticum & scandalosum, nec ne? Quid hic respondes? taces ne nunc inuidia? responde, inquam. Si loqui & scribere de potestate statuendi in futuro Concilio schismaticum est & scandalosum, damnati sunt ab his Schematarijs omnes Theologi & Iuriste, quin & ipsimet sunt schismatici & scandalosi, proprij oris testimonio, qui tam multa loquuntur, scribunt, iaciunt de potestate Papæ & Conciliorum, quæ tamen nondum facta sunt, nec fieri licet, donec ordinentur.

Iam sequens erit, horum uirorum superdoctissimorum autoritate, Lutherum hactenus pugnasce felici sanctaq; pugna, non nisi aduersus schismaticos & scandalosos, eos scilicet, qui potestatem papæ, in purgatorium, in cælum, in infernum, supra Concilium, super omnia mundi constituunt. Nec id faciunt scribentes solum, sed affirmantes & docentes (quod ego in præsentî negotio non feci, sed tantum uotum meum posui, & Concilium expectaui) quæ tamen nondum sunt statuta, nec unquam forte statuentur. Et quid moror? his Theologicissimis uiris docentibus fiet, ut quia de futuris & possibilibus loqui, non licet, nec optare. Desinamus Christum & Deum prædicare, ne quando schismatici fiamus & scandalosi. Deinde neq; liceat optare & petere, quæ Deus in futuro potest facere. Siquidem ego aliud non feci, nisi quod optaui fieri, quæ Ecclesia futuro Concilio potest facere. Et hæc noua culpa sum scandalosus, schismaticus, temerarius, præsumptuosus, turbatiuus pacis. Vides inuidia, quam sis prudens & docta.

Quid

RESPON. D. MART. LVTH. CCCCXCIIII

Quid si dicerem, mihi pulchrum uideri, ut sacerdotibus curatis uxores redderentur autoritate Concilij? An hic schismaticus & scandalosus sum, dicens hoc me optare, quod Ecclesia potest prestare sola hac causa, quia nondum est statutum & aliter nunc agitur? At tunc Pium II. cuius hæc uox fuit, schismaticum dices & scandalosum. Atque hac ratione nihil liceat dicere, de his, quæ statui possunt, futuro quocunque Concilio, & tollent nobis, hi uiri, Conciliorum autoritate mirum in modum tumentes, semel uniuersa Concilia, aut certe silentium perpetuum (quod multo peius est) sermonibus de Concilij potestate habendis iudicent. Sic debent ruere, qui Christi sacratissimis statutis, sui capitis fumos anteponunt. At forte rudiores sunt, quam ut hæc intelligant, agam cum eis ex sua præaranda, nunc tamen eis intellecta, dialectica.

Quæro itaque: Si asinus haberet pennas & uolaret, mihi liceat dicere sine peccato, Me uelle, ut asinus uolaret, si haberet pennas. Ita & hic, si Concilium definiret utranque dandam speciem, utraque species daretur. Quæro, an mihi liceat dicere, Me optare, utranque speciem dari, si Concilium ita definiret? Et quid aliud meus Sermo loquitur, quam hanc conditionalem? Et quid aliud criminatur ista insulsißima rudissimaque Schemata schismaticum, scandalosum, presumptuosum, temerarium, quam hanc uerissimam pißsimamque conditionalem propositionem? Sed iste est finis scholasticæ philosophicæque Theologiæ. Sic ingenia optima adolescentium imbuunt, ut quamprimum extra usitatum exemplum uersati fuerint, adeo nihil de Dialectica sua intelligant, ut similis eiusdemque formæ eundem syllogismum in uno exemplo probent Christianum, Catholicum, salutarem. In altero damnant schismaticum, scandalosum, seditiosum, æternæ mortis inductiuum. Forte, quod apud eos, sicut nullarum rerum necque ætium est, ullum discriminis ita & eadem res sit error & ueritas, Vita æterna & mors æterna. Itaque hanc conditionalem: Si asinus haberet pennas, asinus uolaret, forte sciunt uel usu tandem callosissimo. Sed duc eos in res serias eadem Regula dialecticæ scilicet in sacram Scripturam, Mox facient tibi ex Christo diabolum, ex coelo infernum, ex fide hæresim. Et tamen mirum est quam furant, si quando gemimus puerorum optimas animas perdi his eorum perditis studijs, quibus bonas indoles magis extinguunt quam alunt.

Sed ad alterum cornu syllogismi redeamus. Si scribere, loqui, optare ea, quæ futurum Concilium potest statuere, non est schismaticum nec scandalosum, Vbi parebis misera Schemata? ubi tui factores? Vbi ius inhiabendi? Vbi satisfactio iniuriæ Luthero factæ? Vbi uis, fraus, dolus, malitia in sanctam etiam tibi Conciliorum autoritatem & obedientiam Ecclesiæ commissa? Vbi ratio reddita pro tot animabus hac impia detractione infectis? Vbi restitutio impiæ obedientiæ, quæ extorta est a subditis Ecclesiæ Misnensis? Vides mercedem tuam, inscitia temeraria, quam te oportuit recipere, nempe sensum reprobum, ut faceres, quæ non conueniunt.

At dices: Bohemos gaudere de tuo sermone timuimus. Respondeo Et impiorum est timere, ubi non est timor. Esto, Bohemos uolebas compescere, At non ideo damnanda fuit nostra licentia loquendi de potestate & desiderio Conciliorum. Hoc enim est, timere pruinam & obrui niue. Damna Bohemos in suo schismate, & placebis mihi quoque. Sed fac, ut sine charitatis & ueritatis læsione id præstes, ne Bohemi te irrideant, iactantes te non posse minus malum aggredi, nisi maiore admissio malo, nec Romanos euadere, nisi occidas Christum, exemplo patris tui Caiphæ. Nonne hoc est plus quam foris sapere, & ut aliena pulses, tua pessundare, nec tamen uincere.

AD SCHEDVLAM INHIBIT.

Ecce, Greci sacerdotes habent uxores, Nunquid ideo non licet dicere & optare, ut autoritate Concilij nostris quoque sacerdotibus dentur uxores, quod, sic dicentes Græcorum opinioni placeamus? Aut quis unquam schismaticus & schandalosus habitus est, si cum Græcis in hac re sentiret & similia nostris optaret, licet facere non posset, prohibitus interim statuto contrario Ecclesiæ & usu? Quis est enim uirorum optimorum, qui hanc Græcorum sacerdotum licentiam, misertus nostrorum periculis maximis & scandalis non optret hodie? & hos tu felix Scheda criminaberis ob hoc desiderium piissimum schismaticos, non alia causa, nisi quod Græci audientes timentur tibi roborari & gaudere? Quid infantis insanissima larua?

Vide ergo, mi Lector, meam felicitatem. Hucusque uexatus sum quia de credendo, sperando, amando, opinando, sciendo locutus sum, Nunc de optando & desiderando arguor. Agunt enim optimi hi uiri, ne mihi liceat quidquam optare aut desiderare, forte parati inhibere mihi orationem Domini. cam & omnia uota, ne pro eis ipsis quoque quidquam optem boni aut mali. Sed quid faciam? Homo sum, spiritum habeo, cuius desiderium cum sit immortalis, extinguere non potest. Et illi pro insigni charitate, me mala optare non permittunt, bona quoque optare prohibent. Quid hinc futurum sperem, nisi ut tandem prohibeant & cogitare, aut de cogitando scribere & loqui? Tandem uenient eò, ut uiuere meum faciant hæresim, & tamen mori, non sinant esse bonum, tantum sibi arrogat scientificissima ista Theologistria, ex sentina Philosophiæ suæ progenita. Et hi tamen sunt, qui regunt populos, occurrunt scandalis, ducuntque oues Christi ad uitam æternam, sicut scriptum est: Cæcus cæcum ducit, & ambo in foueam cadunt. Matth. 18. O quantis diris & furijs in me agerent isti Stolpenses, seu potius Talpenses (ut sic dicam) si ego tam blasphemus & impio dogmate statuissem, non licere loqui de potestate Conciliorum, nec optare statutum eiusdem potestatis. Et merito, quid enim, uel ipsorum iudicio, potest esse par huic impietati & blasphemiae? scilicet his armis fortissimi duces bellorum instructi, non solum docent Catholicos, sed etiam expugnant Bohemos & schismaticos, docti in principe dæmoniorum eijcere dæmonia.

Postquam autem uidimus, quanta pietate & doctrina mea confutarint, nunc operæ precii est uidere, quanto robore sua contra me muniunt. Docebunt nos sine dubio, quid sit pro honore S. Ecclesiæ & animarum salute laudabiliter certare

Lateranense Concilium.

Primum aiunt, Esse nouissimi Lateranensis Concilij statutum, ut una species Laicis tantum detur. Si hæc Bohemi legant, putas quid sunt dicturi? Nam huius Schedulæ idæa doctissima, Bohemos, credo, non arbitratur homines esse, sed meros stipites & truncos. Quid enim frigidius & stolidius potuit adduci aduersus schisma seu (ut uocant) errorem centum annorum, quam statutum uix decem annorum? Tum eius Concilij, quod Romanis ipsis ludibrio uertitur, ac toti pene orbi. Quod si etiam Niceno par esset, nonne adhuc ridiculum esset, errorem non posse antiquioribus ipso confutare documentis? Quæ hæresis? quis error in Ecclesia unquam uictus est doctrinis post se natis, & ex quibus ipse natus non est? Quæ autem gloria uictoriæ, si ueterem errorem oppugnes non alia ui, nisi quod nouæ contrariam statuis humanam sententiam? Attamen iste mos hodie regnat uincendorum errorum, ideo tam feliciter pugnamus, hoc est, irridemus foedissime.

Non hæc dico, quod damnum Concilij statutum, Sed quod indignetur his capitibus grauedinosus, qui sua intempestiua errorum & nihili confutatione

tatione, nos omnes ludibrio exponunt Bohemis, quos cum sciamus expectare auctoritatem Scripturæ & antiquorum Patrum, opponimus non nisi nouissimorum hominum nouissimas quisquillas. Verum Bohemi, nolo, præsumant nec rideant omnes propter hos duos aut tres rudissimos sycophantas, Sunt alij, qui unius speciei usum suadeant, melioribus documentis, quam isti factores faciunt.

Iam uero Achillem suum producunt, nempe illud Sapientis: Melior est obedientia quam uictima. Ex quo pro admiranda dialectica sua concludunt, Nouissimo Concilio esse obediendum. Si hic quærat Bohemus, Vbi ergo fuit obedientia illa, ante decem annos? Confiteris ne nos fuisse obediētes a tanto tempore, adusq; istud Concilium tuum? Quid hic dicent? scio non tacebunt. Verum ego arbitror oportuisse propter aduersarios in hac schedula, non tam ridicule nugari in uerbis Scripturæ. Si enim aliquando Bohemi hanc Scripturam fortius contra nos torqueant, profitentes se obedire, & arguentes nos non obedire Euangelio, in quo utraq; species a Christo instituitur, & Ecclesiastico usu diutissime roboratur, dicantq; meliorem esse obediētiā quam uictimā, & obediētiā Dei præferendam obediētiæ hominum. Quid pro nobis respondebunt patroni nostri schismatum uictōres gloriosissimi? forte pœnitebit eos, produxisse locum Scripturæ, & aduersarijs gladium porrexisse, nisi uelint iubere, ut in me caput obijciamus gladio inimicorum, Scilicet, sic scribunt hi homines, ut tantum scripsisse satis esse ducant, quid aut quare & quibus scribant, nihil ad eos.

*Utraq; species a
Christo instituta.*

Vror autem ego nimis, rem fidei & Ecclesiæ, & præsumi tam ineptis cerebris, & geri tam ignauis, ut in eis præter inuidiam & maliciā nihil uiuere uideas, adeo iacent, frigent sordentq; omnia quæ scribunt. Quid pro Ecclesia contra Dæmonū astus & cogitationes potentissimas illi ualerent, qui in rebus inferioribus sic languent uel ludunt potius? Ita Scheda ista tota, cum pugnet contra errores, non habet nisi unam hanc auctoritatem infœlicissime adductam. Cætera sunt saluæ hominum & maledicta, cum eam, quæ sub nomine Episcopi editur, oporteat Episcopum referre, hoc est, scripturis sanctis densissimam & refertam esse. Probo itaq; obediētiā Concilij, sed malle eam statui suis & legitimis firmamentis, ne aduersarijs uideremur, nec scire nostra nec tueri posse, quales nos traducunt hi infelicitissimi Schematarij.

Post hæc itur ad extremum artis decus, quale certe ego nec Misne, nec Lipsiæ, nec Dresdæ reperiri credidissem. Orpheahic credas canere, optime Lector. Itaq; astes, quæso, magno hiatu paratus, res non est parua profecto, Christum esse sub utraq; specierum integrum. Hui quam fideli cura populi, quantoq; uerborum ductu sollicitissimi utri docent. Miraris, quæ causa? miror certe & ego. Certum est enim, nec Bohemos nec Lutherum nec ullos unquam hæreticos contrarium sapuisse. Etsi enim Pighardi Christum negent sub ulla specie contineri, non tamen asserunt eum non nisi sub utraq; simul integrum, aut in utranq; diuisum esse, ut hi somniant.

Cum autem hi prudentissimi doctissimiq; uiri, non utiq; in uentum uideantur loqui, neq; cum laruis pugnare, oportet uel articuli fidei uice credere, eos scisse & scire, contra quos loquantur tanto præsertim (ut dixi) strepitu. Nec uerisimile est eos contra lemures & somnia sua pugnare, id quod miro modo eorum derogaret tum auctoritati tum sapientiæ. Quis ergo enarret hæc mirabilia hominum?

Reliquum est, ut ingenij & artis suæ monumenta uoluerint hac ratione testatissima facere, sed quæ rideat uel subulcus. Primum fuit illis

RESPOND. D. MART. LVTH.

unicus furor Lutherum hoc nomine reddendi uulgo odiosissimum, quod noua hæresi doceret, Christum non esse integrum sub utraq; specierum. Quem furorem ut cælaient, neue tam malitiose agere deprehenderentur, commenti sunt hanc pulchram figuram strophamq; sane, uel in quadagesima festiuam, ut me non incularent quidem huius hæresis manifestæ, Sed inter criminandum docerent catholicam contrariam sententiam, quo uul-
gus simul inter criminationes huius quoq; suspicionis uenenum hauriret.

Et erat sane uafum hoc commentum, & potens ad subuertendum simplex ingenium strophæ, nisi (ut Hilarius ait) Deo regnante, non tantum suffragaretur prudentia, quantum audet impietas. Nam cum uellent illud implere quod Prouerb. 26. dicitur: Sicut noxius est, qui mittit sagittas & lanceas in mortem, Ita uir qui fraudulenter nocet amico suo, & cum fuerit deprehensus dicit, ludens fecit. Contigit illis, quod eiusdem 11. dicitur, In Prouerb. 11. insidijs suis capientur iniqui. Et illud Psal. 10. In operibus manuum suarum Psal. 10. comprehensus est peccator. Si enim expostulem, cur hoc pessimo hæreseos inauditæ nomine me traduxerint, respondebunt: Non fecimus, sed docuimus populum salutaria, & alia agentes, hæc diximus, id est, ludentes fecimus, Ita effecisse sperant, ut me simul detestabilem reddiderint, & tamen huius sceleris a me accusari non possint.

Verum defuit prudentia miseris & obtusis hominibus, quo minus hæc malicia fruerentur feliciter, conuincit eos proprium os. Cur enim uocabulum meum, quod uernacula dixi *stüßlich* / & illi latine reddunt, partialiter tam anxie iactant & huc torquent, ne Christum partialiter populi intelligant esse sub una specie, Nisi quod manifeste produnt, non tantum populis se loqui, sed simul Sermonem meum hac insigni hæresi contaminare uoluisse, Quasi ego hoc uel cogitarim unquam, aut ipsi ex uerbis meis possint ullo modo colligere. Quin potius certus sum eos, mea uerba cum sint apertissima, de sacramento seu speciebus non de corpore Christi loquentia, non aliter intellexisse quam de speciebus, & tamen insigni impudentiq; nequicia, in odium mei ea torquent, ad rem sacramenti seu ad copus Christi. Quis, rogo, honestissimos hos uiros non miretur? Quis artem non laudet tam eximiam? qui in proximi perniciem non uerentur, tanto studio populum mendacissimis mendacijs fallere? Nunc uide, mi Lector, cum quibus hominibus mihi res sit, hos subdolos, malignos, impios patior eruditores. Tales habet Ecclesia, habet fides, habet Romanus Pontifex milites, patronos & tutores.

Sed ut est inuidia lubrica, prudensq; sibi uidetur, dicent: Non ut tibi noceremus fraudulenter hæc diximus, sed præoccupauimus, ne uerbum tuum ambiguum falso intelligerent populi. Respondeo: Cur non & in sua schedula curarunt, ut uerbum eorum ambiguum populi in mei odium falso non intelligerent? Cur sunt tam impatientes in meis uerbis, qui in suis adeo stertunt? Imo cur exigunt a me, quod ipsi dedita opera fugiunt? quando uerba mea tam clara sunt, tum sacramentum & corpus Christi tanta differentia omnium sensu discernuntur, ut ne possit quidem hic suspicari ambiguitas. Schedulæ autem huius furor tam manifestus, tum uerba tam lubrica & ambigua, ut non permittat ullius sensus intelligi aliud quam extremam inuidiam nocendiq; libidinem deploratissimam.

Porro, si tam crassi cordis sunt, ut sacramentum partialiter datum a corpore Christi partialiter dato non discernant, ut quid non porcos potius pascunt, quam schedulas pro erudiendis populis scribunt? Cum enim schedula no-

AD SCHEDVLAM INHIBIT. CCCCXCVI

dula nomine Episcopi edita debeat præ se ferre absolutam utriusq; Testamenti scientiam, iuxta figuram pilei bicornis Episcoporum, turpissimum foedissimumq; sit opprobrium, uel unum inueniri Episcopum, qui Sacramentum nesciat a corpore Christi distinguere, quæ sic differunt, ut nec oriens nec occidens tanto distinguantur.

Habes, Lector, quid sit hoc seculo ueritatem profiteri, uel meo exemplo. Nunc quid restat, nisi ut uiri hi doctissimi more suo his responsuri, causam omittant, penitusq; non tangant, sed tantum maledictis me petant, Quod expecto, docturus, Deo uolente, qualis esse debeat schedula, quæ nomine Episcopi Catholici in publicum ire debeat. Interim uale pie Lector & caue ab hominibus.

ACTA ACADEMIAE LOVANIENSIS CONTRA Lutherum.

CANDIDO LECTORI S.



Qua quæ nunc sunt, ut omnium interest ea maxime nota esse, lubens exponam. Venit his diebus Hieronymus Aleander, uir sui opinionem longe maximus, non solum propter linguas, quas eximie callet, siquidem Ebraea illi uernacula est, Græca a puero illi coaluit, Latine autem didicit diutina professione, sed etiam mirabilis sibi uidetur ob antiquitatem generis. Nam Iudæus natus est, quæ gens immodice gloriatur de Abraham uetustissimo se originem ducere. An uero baptisatus sit, nescitur. Certum est eum non esse Pharisæum, quia non credit resurrectionem mortuorum, Quoniam uiuit perinde atq; cum corpore sit totus periturus, adeo nullum a se prauum affectum abstinent. Usq; ad infantiæ iracundus est, quauis occasione furens. Impotentis arrogantia, auaritia inexplebilis, nefanda libidinis & immodicæ, Summum gloriæ mancipium, quanquam mollior, quam qui possit elaborato stilo gloriam parare, & peior, quam qui uel conetur in argumento honesto.

*Hieronymus
Aleander.*

At ne nesciamus, cessit felicissime simulata defectio ad Christianos. Nactus enim sic est ansam illustrandi Mosis sui, & obsecrandi Christi gloriam, quæ hoc seculo coepit resflescere, flaccescente superstitione & pestiferis hominum traditiunculis. Itaq; instructus literis pontificijs nuper uenit, perditurus (quantum potest) optima quæq;.

Vale.

Id uos candidos Lectores scire uolui.

00 iij

ACTA

ACTA ACADEMIAE LOVANIENSIS
ACTA ACADE-
 MIAE LOVANIENSIS CONTRA
 Lutherum.

M. D. XX.



NUc maxime feruet stolidorum ac furiosorum tyrannis, Aleander Louanij per carnificem publicum ac promotorem libros aliquos exussit in foro, eodem die quo Rex discessit Louanio, ut dicere possim Rege presente factum. Tentarunt idem Antuerpiæ, sed frustra. Hochstratus restitutus est in officium Inquisitoris, & diriminatur omnibus, qui illam Bestiam non adorant. Dorpio palam minantur Theologi Louanienses, se eiekturos illum e Synagoga Theologorum, ni recantet Orationem, quam edidit nuper, in qua laudauit linguarum peritiam.

Res acta est ea ratione, qua Theologi solent omnia, Conuocata est Vniuersitas sub iuramento in aedes Rectoris, quæ nec capere poterant Vniuersitatem, Languet enim Rector Rosemundanus, qui nunc declarat qualis ante fuerit. Cum esset congregata Vniuersitas, ut audirent, quæ proponerent nuncij Apostolici non comparuerunt nisi duo ministri barbatuli, tututuli, & exhibent Bullam illam terrificam Louanij natam, una cum exemplari, & conferte, inquirunt. Bulla lecta est, ibi sedebatur duabus horis, nihil aliud definuit Vniuersitas, quam Bullam haberi pro lecta.

Postridie Theologi per deputationem suam procedunt, perinde, quasi tota res esset acta per Vniuersitatem, cum nec Aleander docuerit de sua commissione, nec Bulla sit examinata ab ijs, a quibus oportuit, nec approbata per omnes, sicut oportuit, in æ tanta Libri aliquot sunt exusti in foro, sed ridentibus omnibus.

Edmundanus in die Dionysij orationem habuit apud populum ipso dignam, hoc est, stultam & furiosam. Et in Erasmus præsentem plura dixit, quam in ipsum Lutherum, impudentissime mentiens. Aiebat Lutherum in horrendos illos errores incidisse, quod esset cupidus nouorum, Cum Lutherus omnia sua hauserit ex Augustino, Bernardo, Gersono, Cardinale Casano. Dicebat Erasmus treherentissime fauisse Luthero, cum nunquam miscuerit se causæ illius, sed tantum improbaret modum, quo illum aggrediebantur, uociferantes apud indoctos in illum, quem nollent aut non possent refellere. Multaq; his similia, perstringens oblique linguas ac nouum Testamentum, idq; ridentibus pene omnibus.

Die Dominico proximo repetijt eadem, & Bullam ostendit populo. Videte, inquit, sigillum, Quasi hoc sit approbare Bullam procul ostendere sigillum. Adiecit inter cætera odiose notans Erasmus. Venient & ipsi aliquando ad palum, nisi desistant, Quasi Bulla non sufficeret. Exierat & mandatum Rectoris multa adiiciens, quæ in Bulla non habebantur, ne uenderentur Libelli scripti in infamiam Vniuersitatum & bonorum uirorum. Hoc opposuerunt orationi Dorpianæ & Mosellani.

Obmurmura-

CONTRA MART. TVTHE. CCCCXCVII

Obmurmuratum est a lureconsultis, quibus nunc ingens dissidium est cum Theologis. In actu cuiusdam lureconsulti paucissimi Theologi comparuerunt, In proxima eiusdem Licentia nullus comparuit præter Dorpium & Erasmum. Nam eodem die inhibuerant Theologi licentiæ actum, Sed illico appellatum est, & ostensum est, illos non posse inhibere. Nec tamen uoluerunt retractare suam inhibitionem. Sed in hoc conspirarunt, ut nemo Theologorum compareret, solo Dorpio non monito, Erasmum constituerunt nunquam uocare ad acta, O grauem uindictam.

Quis digne miretur hominum dementiam? Rem tam atrocem, que possit totum conturbare mundum, aggressi sunt tam stulte ac temere. Constat Romæ rem actam sine ordine, uehementer obistente Card. S. Crucis & alijs multis. Bulla Coloniae Louanijq; nata, fuit excusa anteq; euulgata, & q; excusum est, dissidet a Bulla, quam adfert Aleander. Eruditi, quibus lecta est Bulla, confirmant multa esse in Bulla, quæ suspicionem faciant, eam esse surrepticiam, Stylus est Fratralis, multum abhorrens a stylo Romano, Insunt Solœcismi multi, Nulli credunt illam præterquam Theologi, nec unquam fuit examinata, nec distinguit errores, quos commemorat.

Iam uide ministros huius præclari negotij. Primus erat Cardinalis Caietanus, quo nihil superbius, nihil sceleratius, & is Prædicator est. Huic successit Carolus a Milticijs, huic Marinus, Postremo, quem nihil pudet, gloriosus Hieronymus Aleander, quem publicus rumor, uultus, lingua, fides plane testantur esse Iudæum, & Iudæi suum agnoscunt. Est hoc in fatis, ut Christiani patiantur a Iudæis. Sic Iudæus incitauit Iulium Pontificem in exitum orbis, Sic Pfesserom Coloniae turbauit orbem Christianum. Sic nunc Aleander cognatus Iudæ ulciscit suos maiores, uel ob tres drachmas proditurus rem Euangelicam. Euita cognitus Patauij & Lutetiae, ut ipse, qui libros alienos exurit, sit exurendus. Nam ille hæreticus dici non potest, qui nihil credit, imperatum per unum aut alterum mandatum a rege inscio; aut certe male instructo, de Bullæ executione hic minister fuit Rimaclus notæ improbitatis Ganeo.

Iam si placet, fontem consideremus. Res primum orta ex odio linguarum ac bonarum literarum aduersus Capnionem, Res acta est per furiolum Hochstratum, & furiolum simul & fatuum Edmundanum. Accessit Latomus non inscius, sed peruersus Gallulus. Accesserunt Ordines Mendicantium, qui timent ne uocentur uel ad famem, uel ad opus manu-um, si labascant regnum Pontificis Romani, per quem regnant nunc in ocio. Nullus est Theologus, qui solus damnet omnes articulos, in Bulla commemoratos, Sed quemadmodum Octauius Lepidus & Antonius conspirantes ad opprimendam libertatem publicam iunctis copijs sic concordarunt, ut singuli eorum paterentur quosdam occidi, quibus bene uolebant. Ita isti alius in alterius gratiam passi sunt quadam damnari, modo ille uicissim pateretur damnari quod oderat, aut quod putaret incommo- dum suis rebus. Nam Louanienſes non damnant id quod maxime grauatur Lutherum, uidelicet Primatum pontificis non esse iuris diuini. Et Turnhoutparans refellere Conclusiones Lutheri, testatus est se hoc uelle intactum relinquere. Satis igitur declarât se in hoc sentire cum Luthero, & tamē passi sunt damnari in Bulla. Et Louanij sunt, qui obstiterint, ne quadam damnarentur. Ecce duæ tantum Vniuersitates, etiam coniurate non consentiunt.

Iam cum fateantur in Thoma, in Schoto, in Petro Lombardo, in Augustino,

ACTA ACADÆ LAVÆ CON M L

Augustino, in cæteris omnibus esse errores, & eosdem, quos damnant in Luthero, nec his offendantur, Satis declarant se odio Lutheri facere, quod faciunt, nō zelo fidei, quem nō habent homines fucatiſſimi, ſui tantū amantes, nec aliud quam regnum affectantes. Nemo fraterne monuit Lutherum, cupientem diſcere, nemo docuit, nemo refellit. Tandem cœperunt in Scholis diſputare aduerſus Lutherum, ſed ita, ut non liceret Baccalarijs loqui cuidam Theologo adducenſi argumentum, quod non poſſent ſoluere, Vehementer indignati ſunt, & collegerunt conciliū de illo eijciendo, Turnhout & Latomus cœperunt refellere in lectionibus ſuis & uix perfecerunt duo capita, tantum ut eſſet pretextus apud ſtultos, ut interim procurarent ea quæ nunc uidemus.

Quod ſi res eo deducatur, ut Theologis liberum ſit abſq; rationibus dicere: Hoc falſum eſt, hoc hæreticum, hoc offenſiuum, nec ulli ſunt libri, in quibus non poſſis aliquid tale calumniari, Cuiſcunq; ſuccenſebit Hocheſtratus, uocabitur ad ignem, & bonæ literæ & boni uiri prodentur hominis indocti, furioſi, & ſclerati libidini. Ille in ſuis præſationibus glorioſis promittit, illos admirandos ſyllogiſmos, quibus uolentes, nolentes ſit adactus nos ad obediendum. Et ſubito proſert carnificem ſuum cum ſciſcillis, ipſe carnifex cucullatus.

Omnia quæ hætenus in Lutherum ſunt ſcripta, habent manifeſtam inſaniam, Omnes turpiſſime adulantur Pontifici, Quorum primus fuit Card. Caietanus, & Sylueſter Prierias, tertius Thomas Toduſcus, quartus Auguſtinus Minorita quidam. Nam Louanienſes (ni fallor) non edent ſuas neſias. Chriſtus nō dedignatus eſt docere uel inſimā plebem, Iſti non dignantur docere uirum integrum & eruditum. Quod ſi Episcopī omnes, ut quidam nunc faciunt, conniuebunt ad iſta, breui futurum eſt, ut Mendicantes adepto regno, inſultent in capita ipſorum, & in eos quoq; per Pontificem tyrannidem ſuam exerceant.

Dicet aliquis: Quid fiet? Pontifici reſiſtere difficile eſt. Primum, tutiſſimum eſt credere hæc agi Pontifice neſcio, aut certe non edocto ſufficienter. Examineſtur Aleander, & inuenietur ſcleroſus Iudæus. Examineſtur Bulla & inuenietur ſurreptitia. Quæ etiamſi uenit a Pontifice, tamen non ſtatim eſt procedendum, donec pontifex audierit ſaniora conſilia, alioqui periculum eſt, ne hæc res pariat magnos tumultus in orbe

Chriſtiano. Facile eſt Lutherum eximere e bibliothecis, At non

facile eſt illum eximere e pectoribus hominum, niſi reſel-

lantur illius inſolubilia argumenta, niſi contrarium doceat Pontifex ſacræ Scripturæ testimonijs.

Satis diu impoſitum eſt mundo fucis, poſt

hac doceri cupit. Nec deſunt ingenia,

quæ ſlecti ueris poſſunt, terreri

fumis non poſſunt, Veri-

tas neſcit opprimi,

etiamſi oppri-

atur Lu-

therus.

CONDEM

CONDEMNATIO

DOCTRINALIS LIBRORVM

MARTINI LVTHERI, PER QVOS,

dam Magistros nostros Louanienſes & Coloni-

enſes facta. Reſponſio Lutherana ad ean-

dem condemnationem.

SPECTABILIBVS ET PRAECLA-

RISSMIS VIRIS MAGISTRIS NOSTRIS,

Decano & Facultati Theologiae Louanienſis, A-

miciſ tanquam Fratribus, E. P. V.

Amicus & Confrater A. Car,

Dertuſen.



Pectabiles praeclearissimi Magistri nostri, amici charissimi, literas ueſtras. 7. Nouemb. ad me datas. 16. eiſdem accepi, quibus plane explicatis, quae ſit vobis erga Chriſtum affectio, & quis erga ſanctiſſimam eius fidem zelus. Vidi errores, quos ex diuerſis ſcriptis & tractatibus Lutheri, ſacrae Theologiae Magiſtri, annotatos, ad me miſiſtiſ, qui ſane tam rudes ac palpabiles haereſes mihi praefere ſe ferre videntur, ut ne Diſcipulus quidem Theologiae, ac prima eius limina ingreſſus, ita labi merito potuiſſet.

Et ex hoc maxime haeretico ſe probat, quod paratum ſe proſitetur ſignem ac mortem pro illis ſubire, & omnem contra ſapientem haeretico eſſe. Taceo cauſas, quibus de ſingulis articulis declarari poſſet, quemadmodum haereſim contineant, ut prolixitatem uitae in re non ambigua nec neceſſaria. Miror ualde, quod homo tam manifeſte tanque pertinaciter in fide errans, & ſuas haereſes omniquaque diffundens impune errare, & alios in pernicioſiſſimos errores trahere impune ſinitur.

Vos certe bene ac laudabiliter faciſtis, quod peſtiferis hominis dogmatibus (quantum in vobis eſt) obuiam itis, doctrinalis condemnationis antidotum illis opponendo, ne illius errata etiam vos inuoluant, neue rei ſitis apud Dominum animarum, quae occasione peruerſae eius doctrinae pereunt, quemadmodum fieret niſi eiſdem doctrinae falſitatem ac perniciem cenſura ueſtra ac veritatis manifeſtatione monſtraretis. Iuxta illud Saluatoris: Qui non eſt mecum contra me eſt, & qui non colligit mecum, ſpargit.

Sed illud imprimis prouidere debetis, ut in condemnatione per vos publicanda, nullum uerbum aliter ponatur, quam ab ipſo Autore ſit ſcriptum, ueluti in articulo. Circa uero ſatisfactionem pro immutare ſeu mutare, ſcriptum eſt, imitare ius diuinum, errore (ut credo) ſcriptoris, qua, ſi homo ne diuina quidem autoritate fretus tollere poſſet obligationem de iure diuino & naturae ortam, nec unquam ualeret diſpenſatio in uotis, iuramentis, & alijs ex quacunque cauſa relaxatiua obligationis contractae. Quod manifeſte falſum eſt, & omni Eccleſiae conſtitutioni contrarium.

Non

CONDEMNATIO DOCTRINAL

Non scribo nunc plura propter occupationes maximas, det Dominus, ut breui cum dignationibus uestris de his & alijs præsens latius conferre possim. Interea tamen non omitam fidei laboranti succurrere, in his, quæ istis malignis temporibus per me fieri ac procurari poterunt. Valeant diu felices E. dignitates, & me Domino precibus suis commendare uelint.

Ex Papiol. 4. Decemb. Anno M. D. XIX.



Niuerſis & ſingulis has noſtras Literas uiſuris, & audiſturis, Decanus & Facultas ſacræ Theologiæ uniuerſalis ſtudij Louaniſis, cum ſyncera commendatione ſalutem.

Quamuis omnes omnino Chriſtiani ad fidei & ſacrę doctrinæ deſenſionem Chriſto, cui nomen dederunt, & cuius ſacramento ligantur, ſint aſtricti, Ad id tamen obligatiores eſſe conſtat, quos ſacræ Theologiæ profeſſio ſpecialius ſtringit, iſtos enim oportet eſſe potentes in opere & ſermone ut per ſacram doctrinam contradicentes redarguant, & pro domo Iſrael ſe murum opponant.

Hinc eſt, quod nos huic debito pro uiribus ſatiſfacere cupientes, anno ſuperiore librum quendam F. Martini Lutheri, Doctōris (ut dicitur) Vniuerſitatis Vitembergēſis, qui prima facie nobis uiſus fuit ſcandalosus & Chriſti Eccleſiæ noxiuſ, curauimus, quantum in nobis fuit ne in noſtra Vniuerſitate publice uenderetur. Verum, cum experientia comperiſſemus iſtud adhuc ſatis non eſſe, ſed librum & autorē eius multos habere ſatōres & deſenſores, aſſerentes huius libri doctrinam uere eſſe Chriſtianam, quorum ſuaſu & autoritate multi ex ſimplicioribus ipſum librum cupidius amplectuntur, & a ſynceritate, quæ in Chriſto eſt, auertuntur, Viſum eſt nobis neceſſarium, noſtram adhibere cenſuram.

Itaq; ſupradictum librum complectentem Concluſiones nonaginta quinque, cum ſuis declarationibus & reſponſis ad Silueſtrum de Priore, Magiſtrum ſacri Palatii. Item ſermonem de pœnitentia, Sermonem de excommunicatione, Sermonem de Indulgentijs, ſermonem de præparatione ad Eucharistiā.

Post exactam & diligenter examinationem cōperimus, præter inſignē detractiōnē Philoſophiæ, & omniū Doctōrū, qui fuerunt ab annis quadringentis, etiam continere aſſeritiōnes multas falſas, ſcandalofas, hæreticas & hæreſim ſapientes, cuiuſmodi ſunt, quæ ſequūtur.

Opus bonum optime factum, eſt peccatum ueniale.

Item: Ex eo, quod ſancti in omni bono opere minus faciunt quam debent, Quodq; nullus Sanctorum uiuit in hac uita ſine peccato, concludit, merita Sanctorum nulla eſſe ſuperflua ſibi, quæ nobis ocioſis ſuccurrunt. Intendens per hoc manifeſtum facere, quod merita Sanctorum nulla ſunt, quæ nobis poſſunt communicari, quin & ſancti in illis opus habent miſericordia ignoſcente.

Hæc ſimpliciter dixiſſe non ſat erat, ſed hæc etiam addit uerba: Et ut aliquando audax ſim, ea, quæ iam dixi, proteſtor me non dubitare, ſed paratus ignem & mortem ſuſcipere pro illis, & hæreticum aſſeram omnem, qui contra ſapuerit.

Item indulgentiæ nihil aliud ſunt, quam relaxatio pœnæ, arbitrio ſacerdotis uel canonum pœnitentialium impoſitæ, quos tamen etiam ipſe ſaſtetur per non uſum aboliſtos.

Item, circa

Item, circa sacramentum poenitentiae errores seminat, ut quod sine gratia Dei primo remittente culpam, nec uotum remissionis quaerenda, homo habere potest.

Item, haeretica est Sententia, qua sacramenta nouae legis gratiam iustificantem dare dicuntur illis, qui non ponunt obicem. Alibi hoc etiam explicans de baptismo.

CIRCA contritionem istud dat consilium; Confessus ante omnia tecum cogita, quid faceres, si non esset praecipuum confitendi. Et an sic etiam uelles confiteri, conteri, poenitere. Quod si te non ita inuenis, iam scito te non ex amore iusticiae, sed consuetudine & timore praecipui poenitere.

Item, Quod fides, qua creditur uerbum Christi uerum: Quodcumque solueris &c. magis requiritur in absolutione sacramentali, quam contritio, & ipsa sola satis est, quidquid sit de contritione, Tantum, inquit, habes quantum credis.

Addens, Imo esto per impossibile, quod confessus non sit contritus, aut sacerdos non serio sed ioco absoluat, si tamen credat se absolutum, uerissime est absolutus.

Et infra dicit: Quare magis est a confitente requirendum, an credat se absolui, quam an sit uere contritus?

Item, Idem expresse dicit de accessu ad uenerabile sacramentum Eucharistiae, in sermone de praeparatione ad Eucharistiam.

Improbat etiam modum examinandi conscientiam contra c. Quem poeni. & canonem Concilij generalis, in c. Omnis utriusque sexus, de pot. & re.

CIRCA Confessionem, Non sunt confitenda omnia mortalia, quia impossibile est, ut omnia mortalia cognoscas, Ad impossibile autem nemo obligatur.

Addens, quod solum manifesta mortalia in primitiua Ecclesia confitebantur, iuxta illud Apostoli; Manifesta sunt opera carnis.

Et de accidia dicit: Nescio an sit uisum confitendum, credo quod non, Quia est spiritualis defectus, Deo soli, qui & solus ibi mederi potest, apertendus.

Item alibi dicit: Etsi non sit necessarium confiteri sacerdoti, si fratrem non excusaueris accusatum, foedatum falso testimonio, oppressum adulatione uel detractone, forte contentus, quod tu non ea feceris. Certe coram Deo argueris reus tam impij silentij, & male otiantis linguae, quae in hanc fratris tui necessitatem tibi data est.

CIRCA uero Satisfactionem dicit, Quod nullam poenam exigit Deus remissa culpa, quam sacerdos possit tollere uel minuere. Quia talis poena secundum diuinam iusticiam debita, nulla est, aut si aliqua sit, non potest ab homine tolli, Quia, ut inquit, hoc esset mutare ius diuinum.

CIRCA mandata Dei dicit: Deus ligat hominem ad impossibile, & quod diuino praecipuo tenemur ad non habendum fomitem peccati, quem quia habemus, & in hac uita carere non possumus, semper peccamus.

Item, Quod omnes filij Adae sunt idolatrae.

Et infra: Si hoc praecipuum seruaremus, nulla esset superbia, id est, nulla radix peccati, nullum initium peccati, ac per hoc nulla peccata essent, sed pax amor &c.

Addens, quod non in hac uita sperandum est, ideo semper maneamus peccatores & huius praecipui transgressores, Solo hoc sacrificio salui, quod hanc transgressionem non ignoramus neque negamus.

Item dicit, Quod uirtutes morales & scientiae speculatiuae sunt peccata

p p ta, &

CONDEMNATIO DOCTRINALIS

ta, & errores in peccatoribus, quia sunt necessario ex corde malo, & nondum sanato per gratiam.

Et multa alia passim inserit, æque uel magis absurda & erronea.

Item, uarias Propositiones suspectas & periculosas inducit de purgatorio, Vt quod animæ in purgatorio sine intermissione peccant, in eo, quod horrent poenas & quærunt requiem.

Et ad suas assertiones erroneas confirmandas, Autoritates sacre scripture ad sensum peruersum trahit.

Similiter & uerba Doctorum tam ueterum quam modernorum corripit ac peruertit.

PROpter quæ censemus, Librum ipsum, ac omnes & singulos tractatus eius, in quibus hæc, uel horum aliqua continentur, damnandos

Ac deinde Librum & tractatus doctrinaliter damnamus tanquam communitati fidelium nociuos, ueræ & sanæ doctrinæ aduersos, & de medio tollendos censemus, ignique cremandos, & Autorem ipsum ad reuocationem & abiurationem supradictorum cogendum.

IN quorum præmissorum ueritatis testimonium præsentis literas exinde fieri, & per Notarium infra scriptum subsignari mandauimus, sigillisq; ante dictæ nostræ Facultatis theologiæ iussimus appensione communiri.

Acta fuerunt hæc Louanij, Leodiensis diocœsis, in Ecclesia collegiata S. Petri Louaniensi in Loco capitulari inferiori ibidem, Sub anno a natiuitate Domini M.D.XIX. Inditione 7. mensis Nouemb. die 7. inter nonam & decimam horas ante meridiem. Pontificatus sanctissimi in Christo Patris & Domini nostri, Domini Leonis diuina prouidentia Papæ X. Anno suo 7.

De mandato Dominorum Decani, & aliorum Magistrorum nostrorum dictæ Facultatis, Iohannis von hofe Notarius.

CONDEMNATIO FACULTATIS THEOLOGICÆ COLONIENSIS ADVERSUS DOCTRINAM F.

Martini Lutheri.



Niuerfis & singulis has nostras Literas uisuris & audituris, Decanus & Facultas sacre Theologiæ uniuersalis studij Colonienfis, cū Syncera cōmendatione Salutē.

Tametsi omnes ubilibet consistentes fideles ad communis fidei defensionem, nedum cum rerum, uerum etiam cum propriæ uitæ dispendio teneantur, Præcipue tamen eos ad id muneris arctius obstrictos constat, qui pro titulo professionis ab Ecclesia ad id præ cæteris deputati, estimantur sacre Theologiæ Magistri, quorum (ut Scriptura ait) uniuscuiusq; ensis super femur eius esse debet, propter timores nocturnos, errores & hæreses, quos procurante uniuersorum zizaniorum satore diabolo, studio prauorum pseudoq; catholicorum in Ecclesia per tempora dormientibus hominibus, contingit pullulare,

Cum itaq; ante aliquot hos dies uenerandi eruditissimiq; domini, Decanus & Facultas sacratissimæ Theologiæ insignis studij Louaniensis, Confratres nostri, fidei zelo succensi, per proprium suum nuncium sacre Theologiæ

RESPONSIO MART. LUTH.

cauimus, præfatum librum tantis scandalis, erroribus hæresibusq; ab olim damnatis refertum, tanquam communitati fidelium noxium, iure de medio tollendum, usum eius inhibendum, supprimendum, & per eos, ad quos id spectare dinoscitur, igni publice cremandum, Autorem etiam eius merito ad Reuocationem publicam compellendum.

IN quorum omnium robur ac fidele testimonium, hanc nostram sententiam per Notarium nostrum iuratum prædicto libro asseribi, & sigillo Facultatis nostræ (quemadmodum & has nostras literas) iussimus appendi, ne communiri.

Datum & actum Colonia, Anno salutis Christianæ supra millesimum, quingentesimum, decimonono, penultima die mensis Augusti.

Per me Henricum de Vorda de Colonia, Notarium publicum, Et supradicti generalis studij Coloniensis Bedellum iuratum.

RESPONSIO MAR.

LVTHE. AD ARTICVLOS,
QVOS MAGISTRI NOSTRI LOVA.

nienſes, & Colonienses ex Resolutionibus & Propositionibus de Indulgentijs & assertionibus earum excerpterunt, ac uelut hæreticos damnauerunt.

ORNATISSIMO VIRO D. CHRISTOPHERO

Franco, l. V. Licentiato, suo in Christo Salutem.

Lutherus ad Spalatinum.

Mitto Louanienſes & Colonienses Aſi nos quibus iam reſpondeo per typos ſeria 2. poſt letate. Anno. XX.



Itto ad te, uir ornatissime, damnatores doctrinalis Lutherane doctrine, nempe Louanienſes, Coloniensesq; Theologos, quorum infelici studio si dixerò me non moueri, magno meam conscientiam confecero mendacio. Nam ea, quæ in Reuchlinum cogitauerunt duæ eadem præ cæteris Vniuersitates, casui aut tæporali hominum cuidam fato dedi, aut ad summum, humanæ conditioni, qua necesse est, ut proverbio dicitur, semel insanire omnes, quibus magnam ignominiam sibi pepererunt, uniuersum nomen Theologicum summo ludibrio exposuerunt, omnibusq; Vniuersitatibus irrecuperabilem fidei & autoritatis, & opinionis iacturam thesaurifarunt.

At postquam uideo eos hoc malo suo non solum nihil eruditos, sed etiam in peiora lapsos, hoc (siue pro refarcienda gloria, siue pro excitanda maiore tragœdia) conari, ut etiam expressas diuinæ Scripturæ sententiâs, imo suas proprias damnent, aliud suspicari non possum, nisi iram Dei peruenisse super eos in finem, ut Apostolus de Iudæis ait, quo timore motus, tanquam desperatos & deploratos cogor miserari, ob totius Christiani populi periculum, quem necesse est, hos infelices Magistros ubiq; habere duces uitæ.

Dicitur Euangelium Christi apud Turcas non licere prædicari. At si istis doctrinalibus damnatoribus sua fiducia, & tanta arrogantia Bulla constiterit, quæ tyrannis Turcatum poterit ei conferri? Nam quid causæ, quæq; afferunt in hac condemnatione mei, qui tam densis Scripturis meamuniui? Aut quid sperat hæc damnatio, nisi bullam fiduciæ superbissimæ, istam

AD CONDEMNAT. DOCTRINAL. CCCCCI

ma, istam: Nos sumus Magistri nostri eximij, & almæ Vniuersitatis Theologi, quidquid dixerimus, Euangelium est, Quidquid damnauerimus hæresis est. Si iste est modus damnandi, statuendi, docendi, quin extinctis Euangelio & Scriptura tota, Louanium aut Coloniæ imus audituri, quid Magistri nostri, uel per febrem diuisent, aut exemplo Turcæ pro utroq; Testamento, nouum quendam Alcoranum nobis condant? Quis enim potest uel fingere, quid prosit Scriptura diuina, si Magistris nostris sine ea loquentibus, necesse est credere?

Quare magis moueor, Antichristum aut regnare aut propediem regnaturum, dum homines isti incipiunt se extollere super uerbum Dei, quando eam infantiam nullus unquam hæreticus præsumpsit, nec eo tempore ausus fuit diabolus, ut sine uerbo Dei in Ecclesia quid moliretur, quod hodie tum Pontifices, tum Magistri nostri tanta sibi tyrannide usurpant (sed sub nomine Ecclesiæ sanctæ, nunc Romanæ, nunc Catholicæ, nunc repræsentatiuæ, nunc doctrinalis) ut si quis neget, recte ab eis, imo diuinitus factum, mox sextentis hæreseon nominibus damnatum, utriq; igni, isti & futuro deuoueant. Nec sic tamen usquam apparent, qui surgant & renant Dominum (ut Esaias ait) & uel sanguineis lachrimis, hæc horrenda portenta iræ diuinæ mitigent.

Ego, qui in Eccium Eccianosq; paraueram impetum spiritus mei, hac misera damnataq; damnatione mei, sic fractus mutatusq; sum, ut flere magis libeat quam quidquam scribere. Iam non gloriator de lucro persecutionis, Humanas temeritates arbitrabor esse, quæ diuina ira est, & tanta ira ut nō modo eius magnitudo & multitudo nō cognoscatur, sed & pro gratia & misericordia (heu miseros huius seculi filios Adam) pertinacissime uolentissimeq; per multorū mortem & perditionem iactetur celebreturq;. O merces digna ingratitudine nostra.

Hæc tamen sic dixerim, tanquam reuera Louaniensium & Coloniensium Theologorum ista sit condemnatio, tum & Epistola Cardinalis Derrhusensis, quidquid id hominis est. Nam subolet meo naso nonnulla sycophantia, & ut loquuntur, uehemens suspitio Cardinalem hunc esse personarum, non quod uelim Cardineo pileo tribuere aliquid alienum homini, id est, ueritatem Dei, Sed quod phrasis ista quoduis aliud respiciat quam Cardinalem. Necdum satis scio, an credendum sit, usquam Theologos esse, qui adeo desipiant, ut nec decori, nec rerum, nec uerborum ullam rationem habeant. Deinde nudis uerbis damnent, quæcunq; libitum fuerit, præsertim cum certior factus sim literis, inde ad me datis, non omnium de facultate Louanien. consensu, istam damnationem esse natam.

Vt ut se habet res, respondendum est, ac primo fiducia pronuntiandi Magistris nostris siue ueris siue personatis adimenda, ostendendūq; quantis opus sit firmamentis, ut credatur ijs, qui raro pronunciauerunt bene, frequenter autem ac fere semper pronunciauerunt male. Vt desinant putare, suas damnationes fuisse in materia naturali, quæ potius in contingenti, ac frequentius in remota fuerunt, ut & ego aliquid eorum usurpem. Quin cum semel malus semper præsumatur malus, iuxta iuris Regulam, nusq;, nunquam, in nulla re credendum erit Magistris nostris quibuslibet, quorū iudicium constat iam a multis annis fuisse non modo inconstans & præceps sed & erroneum, hæreticum, temerarium & cæcum, cui nemo debeat fidei tuto, nisi quem Deus iratus operationibus erroris mandet illudi. In cuius rei fidem exempla sunt inuocanda.

Occam.

Nonne Vuilhelmus Occam, Scholasticorum doctorum sine dubio princeps & ingeniosissimus, reprobatus, damnatus, excommunicatus extra omnes Synagogas, praesertim Parisien. factus indignissimus erat, tam Pontificum quam Theologorum plurimorum iudicio, qui legeretur? At quae inconstantia, ut damnatum hodie sintant Parrhisijs, & in melioribus Scholis regnare? Aut quare hunc non adiudicant igni damnatores doctrinales? cur placet falsitas, quae olim displicuit? An Magistri nostri sese non fieri a ueritate aeterna, sed facere ueritatem pro tempore forte praesumunt? sicut olim Romani Deorum colendorum arbitrium sibi arrogauerunt.

Articuli damnati a
Schola Parrhisiensi
si.

B. Thomas.

Deinde, quot articulos Schola Parrhisiensis damnauit, quos de nio reuocauit, & pro uerissimis defendit? Aut quis nescit, in quam fabulam abierint articuli Parrhisienses? dicentibus Anglis, non transeunt mare, Italiam, nec montes, Germaniam, nec Rhenum, sicut B. Thomae auctoritatem, non exire septem monastica Praedicatorum, nec in illis ipsis satis tutam. Quis ergo Articulos hos damnationis Louanien. & Colonien. toties ante hac errantium non rideat, nudos inermesque audere etiam Albim transire.

Picus Mirandula.

Iohannis Pici Mirandulani Comitis Conclusiones, quanto (Dei fidem) tumultu damnatae sunt, tantum ut Magistri nostri eximij rectos esse suos errores statuerent. Quas tamen quis est hodie fere, qui non miretur, nisi forte senes aliquot sophistae, in angulo rabiosa silentia rodentes, quos tamen cognita ueritate, quantumlibet pertinaces, nullus doctrinalis damnator censet haereticos, temerarios, falsos, Nec ipsi simili exemplo metuant, ne denique impingant in eandem ueritatem.

Laurentius Valla.

Laurentius Vallenensis, primitiuae Ecclesiae (meo iudicio) uel reliqua scintilla, uel nonnullus fomes, cui Theologorum & Pontificum non est extinguendus uisus? qui, uir, ab ijs etiam criminatur indoctissimus, qui non uno modo indigni fuissent, ei matulam porrigere, cum interim Chrysostomus seu uita aut potius glacialia nugamenta illorum, libris huius comparata, mera nausea sint. At nunc Laurentius is est, & quotidie magis fit, cui nec Italia, nec uniuersa Ecclesia multis seculis similem habuit, non modo in omni disciplinarum genere (quod nullus adhuc praestitit Magister nostris eximius) sed & constantia & zelo fidei Christianae non ficto. Quid hic promouit, non modo doctrinalium damnatorum, sed & authenticorum autentica damnatio, nisi quod sese irrisit, & hunc magis glorificauit?

Iohannes
Capnion.

Post hos Iohannes Reuchlin, in quo deprehensi sunt Theologi quinque uniuersitatum (Deo disponente) quid sapiant, quid cernant, quid querant doctrinales damnatores? Nec obscurum est Louanienses & Colonienses conscientia huius ignominiae agitatores, quam ex Reuchlino acceperunt, noua hac fabula in Luthero quaerere redemptionem gloriae, ut qui in illo fuerunt damnatores autentici, non doctrinales tantum, exurentes eius Libellos, Nunc re pessime gesta nonnihil fracti, cum nec doctrinales nec autentici manserint, ficta humilitate tantummodo doctrinales se simulant, sperantes se euasuros quoque autenticos. Faciunt autem hac crassa uastitia, & infeliciter instaurata gloria, ut deinceps facilius sim accessurus, pro simplici Laico damnante aut probante, quam uniuersis talibus Magistris nostris Louanien. & Colonien. etiam signo uniuersali in unum, collectis persopaliter, simpliciter & materialiter supponentibus, ampliatis, restrictis, appellatis, expositis & resolutis.

Lutherus.

Ab sit

AD CONDEMNAT. DOCTRINAL. CCCCCII

Abſit a me, ut eorum damnationem vel floccifaciam, ut qui nō ſemel tam pertinaces inuenti ſunt, publiciq; hoſtes ueritatis, & innoxij belli exultores. Deniq; prauauit, ut per miſericordiam Dei orta luce ueritatis, Iudaicq; dimiſſis, acceptiſq; Gentibus, uulguſ ciuium, artificum & quo qui ſunt a Magiſtrorum iſtorum ſtudijs remotiores, rectius & certius de Chriſtiana re iudicent, quam Theologi doctrinales damnatores, Diuiſeritq; Dominus iterum, ut non populus, populus ſit, Iſrael, Iſrael nō ſit, non Theologi Theologi ſint, Pontifices, Pontifices nō ſint, ſinatq; illos nomine inflari uaniſſimo, hos re gaudere pleniffima. Atq; ita uidemus fieri ad oculum, imo & ad tactum, nec tamen adhuc Deum timent ferreae ceruicis, & aerea frontis. Magiſtri noſtri eximij, populus miſerabilis & lachrymis dignuſ.

Omitto hic Vueſalum, Fabrum Stapulenſem, & arietem illum harentem cornibus in uepribus Eraſmū, & multos præter hos alios. Quid enim uſquam natum eſt præſtantis ingenij & eruditionis, quod non ſtatim ſit petitem ignauis iſtis fucis, ſicut ſcriptum eſt: Eſca eius electa. Item de eodem Behemoth. Job. 41. Oculi eius ſicut palpebrae diluculi, omne ſublime uidet. Et illud Prouerbij: Summa petit liuor.

Vueſalus.
Faber Stapuleſis.
Eraſmus.

Iam luſtret Hiſtorias, qui uolet, & referat, ſi poteſt, eſſe unum. Aliquando iſtis Magiſtris ſuperatum per arma Dei, & doctrinam ſanam, quibus Paulus præcepit deſtrui munitiones & altitudines, extollentes ſe aduerſus ſcientiam Dei. Si inquam unum poſſunt oſtendere, permittam eis, ut inuerſa Dialectica ex una ſingulari inducant uniuerſalem, ex uno die calido faciant æſtatem, concludantq; ſemel uicinus per Scripturam, ergo nunquam erramus. Etiamſi incipiant a Concilio Conſtantiensi, quo ſeculo maxime tyranniſauit autoritas Inquiſitorum & Magiſtrorum, Nunq; ratione uel autoritate, ſed ſenſu capitis & opinione ſuarum egerunt aut ad ſummū, Decretis humanis ſtatutis, ut omnibus palam ſit, infelices hos homines non iudicio, ſed mera temeritate præcipites ferri, nec offendi falſitate, ſed uri nouitate, quam tamen poſtea reſidente paulatim furore agnoscunt & ipſi ueram fuiſſe.

Concilium Conſtantiense.

Iohannem Huſſ & Hieronymum de Praga, qua ratione ſuperauerint in Conſtantiensi Concilio, ut taceam Epistolam Poggij florentini, deinde robuſtiſſimam famam, quam nec omnes Pontifices, nec omnes Vniuerſitates ſedare queant, etiam inter ipſos Magiſtros noſtros priuatim confabulantes, ſatis conſtat & conuenit.

Iohannes Huſſ
Hieronymus de Praga.

His exemplis abunde monſtrari puto, quanto ſit opus timore Magiſtris damnatoribus, & quam anxie conandum ſit eis, ut iudicia Dei terribilia & mirabilia non ſint longe a facie eorum, quod de impijs ſcribitur, præſertim cum toties uideant ſe ſædiſſime impegiffe, & ueritatem oppreſſiſſe, ne tandem pro ſua temeritate & impietate, Antichriſti Apoſtoli ceſſeantur.

Vehementer autem admiror Louanienſes & Coloniēſes Theologos, qui præ omnium Vniuerſitatum Theologis primi ſemper in aciem temeritatis descendunt, his exemplis non pudeſcieri, & omnes alios homines adeo inſenſatos ſtipites iudicare, ut non cogitent ſuam inſeſtiam & temeritatem toties deprehenſam palamq; traductam, adeo grauiter ubiq; foetere, ut nullis Vniuerſitatibus quantumlibet paruis, minus autoritatis & opinionis reliquum ſit. Sed (ut dixi) ira Dei hæc eſt, qui cæcitate & amentia eos percuſſit, ſicut cor Pharaonis indurauit & aggrauauit.

p p iij SED

SED fingamus, optime Christophore, Magistrorum eximiorum iudicia omnia hucusque fuisse sana, integra, & diuinis literis firmata, seponamusque interim a conspectu nostro insignem fiduciam & audaciam, seu temeritatem, qua hucusque magis latrocinati sunt, quam eruditione & grauitate probati inuenti.

Ad meam causam ueniamus, Vbi, si me errasse deprehendissent, poterant duplici via, aut charitatis aut iuris Christiani, mecum agere. Charitatis erat, si edita schedula populis in hunc modum persuasissent: Nolite offendi Fratres scriptis Lutheranis, Multa disputauit, quædam forte acutius dixit, quam omnium sensus capiant, Habet etiam diuina Scriptura suos periculosos locos, quanto magis hominis scriptura. Hanc inquam, charitatis, imo naturalis iuris regulam sine dubio uellent a me sibi seruari in simili euentu, quod & facerem ego, si istorum ritu pararem non tam doctrinam, quam nomen alicuius publice infectari, Neque enim ego ullum unquam nominavi, quoties dogmata sum infectatus. Quare & mihi non nocuissent nec ueritati, omnibus autem optime profuissent, sibi que ipsis gloriam & amorem tam Dei quam hominum obtinuissent.

At nunc, quis non odiat hos Magistros populorum, qui alios docent, seipsos non docent, & prouerbum Euangelicum in se ostendunt: Medice cura teipsum: dum magis animi morbo quam iudicio per præceptum tuum in præuicationem charitatis & iuris naturalis. Et iuxta Euangelium, festucam in oculo meo obseruant, trabe sua neglecta, & glutientes camelum, colant culicem.

Quis autem scripsit dixit ue unquam tam sincere, quod insidius inuidorum non pauperit ad deprauationem? Si talem Scripturis sanctis legendis afferant furorē, quæ syllaba in eis non erit hæretica? An hoc dicunt Magistri nostri, tot annis, tot sumptibus, tot curis Louanij & Coloniae, ut in alienis Libellis ingeniosi fiant calumniatores? & ubi locus non est calumniae uolenti deprauatores? Putas quid & ego possem in eorum Dialectica, Philosophia, Theologia, id est, laruis humanorum phantasmatum, si eodem ingenio utar uel decima parte? Aut quæ irata meretrix non etiam superet hac arte Magistros eximios nostros?

Vide ergo, cum eorum Dialectica, Philosophia & Theologia scateant erroribus, imo quædam errorum lernæ sint, quam æqui, quam amantes sunt inuicem Interpretes, adeo ut impiissimi Aristotelis, publici ueritatis uel exprofecto hostis, sententias quantumlibet Christo aduersarias, nunquam non officiosissimo interpretamento honestent, etiam Christum ante nudaturi ad ignominiam, & omnia eius altaria quam hunc gentilem, animarum Carnificem, turpitudinemque eius non penitus impurplent & inaurent. Et me Christianum Fratrem, per imprudentiam meam & alienam uim, in publicum tractum sic tractant, ut non modo non uestiant sicubi nudus sum, sed id potius agant, ubi optime sum etiam armatus & munitus, denudent, & turpitudinem meam reuelent doctrinalitatibus suis subtilissimis.

Hæc de charitate, iam iuris uia fuisset, ut iuxta Christi præceptum prius fratrem peccantem, etiam si pertinaciam indicassem, cum sint duodecim horæ diei, monuissent priuatis literis, sicut Reuchlino fecerunt, ut meipsum uel explicarem uel emendarem, uel pertinaciam ponerem,
Hoc sine

AD CONDEMNAT. DOCTRI. CCCCCIII

Hoc sine dubio & a me sibi fieri uoluissent. Vbi si non audissem, tum Euangelicis mandatis obtemperantes, fecissent quae sequuntur. At nunc, neque Deum neque hominem ueriti, audent sese iactare zelo fidei, in me ferri quia si possibile sit credi, spiritum sanctum suis contemptoribus adesse, quem potius formidare debuerunt, ne zelum istum inobedientiae & peccati sibi a blasphemantibus tribui tandem non pateretur.

Mirum uero ac nouum Theologorum genus nos sumus, qui ea quae Dei sunt, curare non ante praesumimus, quam irritato Deo in omnibus suis praeceptis, pro quibus tamen meritis, nescio quot nobis aureolae in caelo ipsi promittimus, & magna blatta zelum fidei apud homines factamus. Missam sacrificaturi, aut aliquid lecturi acturiue, peccata confitemur & Deum placamus, ueritatem Dei defensuri, ubi maxime opus est Deo placato & propicio, Deum irritamus, imo irridemus.

Quare nihil mirum, si Magistri isti miserrimi sic me uideantur uelle curare, ut ille, qui cum Fratrem e limo traheret, altius immergit & suffocauit. Hoc more nostra secula digna sunt, ut iuxta Micheam, Frater fratrem ad mortem uenerit, & obsequium se praestare Deo arbitretur, qui contemptis primum Dei praeceptis, pauperem reus suo immolarit. In hac tam portentosa crimina nullus est zelus Louanien. Colonienq. Hic nullus Card. Derthusensis, nulla Roma, nullus usquam doctrinalis damnatur, sed laudatur hic peccator in desideriis suis, & impius benedicitur. Sed sine iudicium irae Dei sic urget.

Sed donemus & hanc iniuriam & iniquitatem Magistris nostris. Sanctissimus Dominus Leo Papa quid peccauit in Louanien. & Colonien. dampnatores, ut Libellum suo nomini dicatum, suis pedibus oblatum suum iudicium expectante, anhelantes isti Magistri e manibus eius raperet, & suo stulto zelo lubracerent. An uolunt occulto mortu Sanctitatem suam arguere, ignauiae, inscitiae, negligentiae, imo impietatis in Deum & Ecclesiam. An soli & primi mortalium in toto mundo sunt Louanien. & Colonien.

Verum ego longe stultissimus, qui id uenialis peccati licere Magistris nostris eximjis doctrinalibus miros. Quid hominem Pontificem uereantur, qui uniuersis Dei mandatis conculcatis, in Proximum insanis. Sat est, si uerbotenus & specietenus, Deum & Pontificem hominem honorent, & sub titulo zeli diuina & humana omnia prophanent ad laudem Dei & honorem sanctae Sedis Apostolicae, & defensionem sacrae Theologiae & Philosophiae.

Verum satis haec de culpa temeritatis, hunc inscitiam (sapientiam uolui dicere) uideamus.

Capitulum primum est, insignem Philosophiae detractiorem contineri in Libris meis. Vides hic zeli fontem, nempe ne lucrum Facultatis arefceret, sine dubio, uel toti libro, uel multis partum esset, si hoc ulcus non tetigissem. Respondeo tamen Magistris nostris eximjis, Non Lutherum, sed Louanien. & Colonien. esse detractores Philosophiae. Expectas ut probem dictas. Non oportet. Nam sicut in Theologi omnia solum dicunt, & omnia damnant, & nihil probant, ita uerisimile est, non passuros esse probatiq. nem contradictoris, qui omnia eadem mensura metiri uolent. Sufficit enim, hic muliercularum more contradictionis tantum uerbis contendere, Est, non est, Ita, Non ita, Sic, Non sic, Vos erratis, non erro, ne statuta & morem Magistrorum prauaricentur.

Tamen

AD CONDEMNAT. DOCTRI. CCCCXIII

Atq; id nimirum est ubi magno hiato ordientes Epistolam suam, fastu plus quam Peripatetico iactant, sese esse uiros sexaginta ex fortissimis Israel, qui ambiunt lectulum Salomonis, quorum cuiusq; gladius super femur suum propter timores nocturnos, ad quos præcipue pertineat per sacram Scripturam fidem tueri, & errores extirpare. Postea, ubi operi accinguntur, & iam spectatores auidi circumspiciunt, ubinam rutilet gladius fœmoris uersatilis, aut Scriptura sancta fulminet, audiunt aliud nihil quam uerbum hoc primæ coniugationis, Damnamus doctrinaliter, Crepitum scilicet ficulni idoli. Et impletum est illud Salomonis prouerbium, Ventus & nubes, & pluuia non sequens, uir promissa non complens. Quis est tam morio, qui pueriles has Magistrorum ineptias non rideat? Vellim doceri ab his Magistris nostris eximijs, an gladius fœmoris & Scriptura sancta Louanij & Colonix, uerso rerum ordine, idem sint, quod uerbum, damnamus, & aduerbium, doctrinaliter?

Vos itaq; compello, Magistri nostri eximij Louanienfes & Colonienses, agite quod promittitis, per sacram Scripturam tuemini fidem, per fœmoris gladium pellite nocturnos timores. Cur promittitis quod non impletis? Cur iactatis quod non præstatis? An distinguitis, ut promittere, ad publicam schedulam condemnationis, implere, ad angulum secretum coactæ Facultatis pertineat? utq; nocturnos timores triumphabundi publice prouocetis, Prouocatis autem & aduentantibus tenebrosum angulum effœminati petatis. An illud Horatij uobis occini placet

Nec sic incipias, ut scriptor Cyclicus olim,
Fortunam Priami cantabo & nobile bellum,

Quid feret hic tanto dignum promissor hiatus? scilicet, fumum ex fulgore, non ex fumo dare lucem cogitastis, & imagine Moab maior est præsumptio uestra quam fortitudo, concipientes ardorem, & parientes stipulam, ut Esaias dicit.

Iam si quæras, quid sit lectus Salomonis, qui fortes Israel, quid timor nocturnus, quid fœmur, quid ambire lectum? ea felicitate different uerbumq; Dei tractabunt, ut malles eos non minus esse mutos ad differendum, quam sunt ad sua probandum. Qua enim eruditione, fide, dexteritate hunc locum Scripturæ huic aptauerunt proposito, eadem sine dubio mea confutassent, & sua probassent, id quod non ignorabant, ideoq; non audebant, quantacumq; temeritate agerentur. Tanti momenti est, quod Ecclesiasticus ait: Semper præsumit sæua & perturbata conscientia.

Hi sunt Magistri nostri, hos Eccius Lipsiæ iudices rerum sacrarum urgebat eligi, alioqui non disputaturus, quorum inscitiam & temeritatem haud ignorans, non frustra cunctabar. Et quid non uincat, quid non impetret, ab huius farinæ tam doctis, tam prudentibus hominibus, qui damnamus, pro probamus in ore habent, & aliud nihil? Sed iam ad reliqua per ordinem ueniamus, eaq; breuiter notemus duntaxat, ne denuo Resolutiones scribere sit necesse, donec mea refutauerint.

Interim eorum condemnationem non aliud habituri, quam si nobis ebria mulier maledixisset. Quod si etiam ui & multitudine præualuerint, me uiuente, quam uiam solam in me affectant, post mortem tamen utrorumq;, prohiberi non poterit, quin uim mihi factum fama ferat, nec fuisse unquam conuictum. Interim doctrinæ meæ fundamentum stat firmissimum

RESPONSIO MART. LVTH.

missimum, habens signaculum hoc: Nouit Dominus, qui & quæ sunt eius. Si ex Deo est, dissolui non potest, si ex homine seruari non potest. Quin id unice gaudeo, damnari uiuente me tam opera quam uerba mea ab his, qui ui, non ratione agitantur. Donec enim rationib. non uincunt, & ui pugnant, conscientiz fiduciam augent potius, quam terrent, & mihi mea probant robustius hac ui sua, quam ego ratione probaui unq̃. Odiat ergo uel amet, qui uolet, Christus meus uiuit, & ego uiuam, donec uis indocta & inscia mecum pugnat. Scitum est illud Chrysostomi, Armare se Phariseos multitudinem, quando se nudos esse ueritate profitentur. Et rursum: Malitia confunditur aliquando ratione ueritatis, corrigitur uero nunquam.

Chrysostomi dict.

AD idem capitulum pertinet, detractionem omnium Doctorum ab annis quadringentis contineri in meis Libellis. Hic magistri nostri, postquam philosophi fuerunt paulatim profitentes, facti sunt luristæ, & per præscriptionem dogmatum suorum robur ex temporis longitudine captant, non ex autoritate & ratione. Dico & ego: Si contradicere alicuius dogmati, est illi detrahere, Lauanienses & Colonienses Magistri nostri sunt detractores, non Doctorum, qui ab annis quadringentis fuerunt, sed Christi & Spiritus sancti, qui ab æterno fuit, cuius doctrinam damnant & criminantur, non secus ac Faustus Manichæus Deum ueteris Testamenti.

Primo, pro hæresi damnant has quatuor Propositiones.

- 1 Opus bonum optime factum est peccatum ueniale.
- 2 Sancti in omni bono opere minus faciunt, quam debent.
- 3 Nullus Sanctorum uixit in hac uita sine peccato.
- 4 Sancti indigent misericordia Dei, ignoscente in operibus bonis.

Et sic damnatus est hæreticus Esaias 64. dicens: Ecce tu iratus es 2/a. 64
& peccauimus, in ipsis fuimus semper, & saluabimur, Et facti sumus im-
mundi omnes nos, & quasi pannus menstruatae uniuersæ iusticiæ nostræ.

Sententia autem Magistrorum nostrorum probatur sic: Nos sumus
Magistri nostri, sic uolumus, sic iubemus, sit pro ratione uoluntas.

Sed hic Colonienses, ut subtiliores, Lauaniensibus suis succenturiati, præoccupant, soluendo omnes Rationes meas, præteritas, præsen-
tes, & futuras, simul & breuiter sic, Sacras scripturas, sanctorumq̃ Patrum
sententias a me peruertere, & in sensum perniciosum contorqueri. Sic oportet
Magistros nostros magistraliter refutare hæreses, & ad Scripturas Pa-
tresq̃ inductos, porrecto rostro rugatoq̃ naso autentice & doctrinaliter
dicere: Tu peruertere Scripturas, nos soli recte intelligimus. Et si quæras,
quomodo probent, mota manu silentium autoritatiue indicare, dicendos
Satis est, Diximus sentitmentum nostrum.

Vnde, siue exurant, siue submergant meos Libellos, id quod
dixi, iterum repetens dico. In hac sententia me sic esse audacem, ut ignem,
mortem, & omnia, etiam iras bestiarum istarum, Deo propicio, sim pas-
surus, & omnem contraria docentem pertinaciter, pro hæretico habiturus,
etiamsi Louanien: & Coloniën: Synagogarum Magistri nostri ad unum
omnes aliter saperent, Quos & his scriptis confiteor, me pro hæreticis &
misericordiæ Dei inimicis habere.

Non autem negaui unquam, nos meritis & precibus Sancto-
rum quantumlibet imperfectis, iuari, quod subdole mihi inurere conan-
tur niseri homines. Sed quod humano arbitrio nobis possint applicari &
communi

AD CONDEMNAT. DOCTRI. CCCCCV

communicari aliter, quam per uirtutem fidei, spei & charitatis, quæ est communio Sanctorum, a quouis sacerdote & fratre dabilis ministerio uerbi, non probabunt Magistri nostri, nisi ijs, qui dicturi sunt: Magistri nostri sic dixerunt, & tempore quadringentorum annorum præscripserunt.

Secundo capitulo miseras & iam cadauerosas Indulgentias ad iuentutem & robur pristinae deceptionis reuocaturi, Hereticum me statuunt, quod indulgentijs relaxari dixerim poenas arbitrio duntaxat hominis & Canonum statutas.

Hic salua reuerentia uenerabilium Dominorum Magistrorum nostrorum, non est seruata cautela Cardinalis Derthusensis, qui præmonuit diligenter, ut mea ad uerbum religiose signarent, forte metuens, quod futurum erat, ut seipsos irriderent, si alia damnassee conuincerentur, quam ego scripsissem.

Extat liber, nec possunt negare, me hanc rem disputasse & inquisisse, nec in Sermone uulgarium ausum fuisse quidquam definire & asserere, sicut nec hodie assero. Licet nec ulli Magistri nostri in unum, siue distributiuæ, siue collectiuæ sumpti, poterunt utram partem uel probare uel refutare, nisi ex præscriptione & usu, imo abusu quæstorum uel mittentium eos. Proinde necesse est hæresim hoc loco Magistris nostris significare, id quod est disputare, de re primum incertissima, deinde inutili & non necessaria. E contra Catholicum, etiamsi dubites, an fides in rem sacramenti sit necessaria, & poenitentia incipiat ab amore Dei. Nec mirum, quia si Philosophiæ detraxissent, sicut ego, ac non potius Christo æquassent, & quantum est in usu prætulissent, quomodo tam subtilem & nouam hæresis significationem potuissent inuenire? Quis non merito hanc Philosophiam suspiciat, quam ubi per Grammaticam didiceris, & Grammatice loqui uolueris, noua tibi & omnibus ignota fingenda est Grammatica.

Aliunt autem, Concilijs Indulgentias esse firmatas, egregij domini Colonienses, ideo me contra Concilia locutum, hæreticum esse, scilicet, ex i. Posteriorum sic loquuntur, ubi, ut pro Rhetoricis discunt sua dialectica, ita quæstionem, si est, & quæstionem, quid est, pro eadem habent. Ego enim, an Indulgentiæ essent, quomodo potui dubitare aut negare, ut in hoc contra Concilia saperem, qui tot scripsi de Indulgentijs? Aut quis est orbis angulus, qui non queratur se deceptum Indulgentijs tantum abesse, ut esse Indulgentias ullus hominum aut nesciat, aut neget, multo minus, ut hinc hæreticus fieri possit.

Hoc autem quæsitum est, necdum inuentum, quid essent aut ualeant Indulgentiæ? Hic debebant Magistri nostri eximij Philosophiæ oculos aperire, & non tam ridicule & pueriliter ineptire in quæstione: Si est, pro quæstione quid est. Nihil autem usquam reperitur, quid sint Indulgentiæ, nec in Concilijs, nec Synagogis, nec Conciliabulis, nisi quod in isto centenario annorum coeptæ sunt in purgatorium, & in cælum, & infernum extendi, per impudentes nebulones, & animarum seductores. Inter quos tamen zelus Magistrorum nostrorum, nullum inuenit hæreticum, scandalosum, erroneum, etiam si totum mundum falleret & exhauriret, errore perniciosissimo. Me uero esse oportet hæreticum, etiamsi error in Indulgentijs sit innoxius imo nullum periculum sit salutis, si nullæ usquam essent Indulgentiæ. Adeo discretus & integer est zelus Magistrorum nostrorum, ut deciment cyminum & anetum, iudicium autem, fidem & misericordiam negligant. Veruntamen, ueniam dandam arbitror Coloniensibus, quod

RESPONSIO MART. LVTH.

eis defuit Card. Derthusensis, qui præmoneret, ne id damnarent, quod nemo dixisset, alioquin mihi & omnibus ludibrium futuri.

Et quid faciam miser? Christus ipsa mititas & suauitas, Marc. 3. Cir- cumspexit Phariseos in ira, contristatus super cæcitate cordis eorum. Et Paulus Act. 16. eodem exemplo doluit super spiritum phytonicum puellæ. Et 17. Athenis incitabatur spiritus eius, uidens idolatriæ deditam ciuitatem. Quid ego sex peccati faciam? uidens in Magistris populorum Christi tam crassam cæcitatem, ut nec Christum nec Aristotelem, nec suas saltem opiniones intelligant, & tractare possint, nisi in captionem, & laqueum, & confusionem sui ipsorum.

Marc. 3.
Act. 16. 17.

Rogo uos crassos. (pene effluxisset) desistite Lutherana aut iudicare aut tractare, impares estis huic rei, tam in Aristotele quam sacris literis, Sumite copulata uestra, & uestris uiribus materiam æquam. Satis in Reuchlino & Petro Raueno: & alijs ostendistis, quam nihil sciatis, & temere omnia audeatis. Qui infirmus est, olus manducet. Nolite uos ipsos fallere. Iudicium & condemnatio uestra, nullius iam olim fuit autoritatis & fidei.

Eiusdem cæcitatis & amentię testimonia sunt, quæ sequuntur: Item, circa sacramentū poenitentię errores seminat, ut quod sine gratia Dei, primo remittente culpam, nec uotum remissionis querendæ homo habere potest.

Item, hæretica est sententia, qua sacramenta nouæ legis gratiam iustificantem dare dicuntur illis, qui non ponunt obicem.

Hos errores duos adhuc asserit, non esse errores, Lutherus nihil moratus Louanienses Scotistas, & Colonienſes Thomistas, id est, Pelagianos, de capite proprio diuinantes, aduersus gratiam Christi insanientes, & expectat cum fiducia, tam confutationem quam probationem utriusq. Sed & ipsos cum seipsis committit. Neq. enim inter eos ipsos in hac re conuenit, nisi quantum Pilato & Herodi & Phariseis, aduersus Dominum & Christum eius.

SEQVITVR.

Circa Contritionem istud dat Consilium, Confessus ante omnia tecum cogita, quid faceres, si non esset præceptum confitendi & an sic etiam uelles confiteri, & ea quæ sequuntur.

Hic Lutherus confitetur se uera dixisse, etiam Magistrorum nostrorum eximiorum autoritate, qui constanter asserunt, Quidquid extra charitatem sit, peccatum esse. Nisi quod Magistris nostris solo hoc nomine (quia Magistri nostri sunt) licet idem alio & alio tempore & loco damnare & probare, quod mihi heretico nondum licuit. Nam de gratia mouente & charitate distinctionem magistralem, quam de cerebro suo finxerunt, ludicro si milem arbitror, Cum certum sit, iusticiam (id est, legem Dei) non diligere, nec peti, nisi præueniente charitate.

SEQVITVR.

Improbat etiam modum examinando conscientiam contra C: Quæ poenitet, & Canonem Concilij generalis, Omnis utriusq. sexus de pœ. & re. Recte hic magistri nostri suo promisso satisfaciunt. Gladius fœ- moris & Scriptura sancta, quibus sexaginta sortes Israel accincti sunt, his uerbis

verbis intelliguntur esse c. Quem poenitet, & c. Omnis utriusq; sexus, iterum scilicet noua Grammatica doctrinaliter loquendi, Nonne lapilli ærei fragorem audit hæc talpa?

Canon, Omnis utriusq; sexus habet, ut omnium peccatorum suorum faciat quisque confessionem. Hic per omnium peccatorum Magistri nostri eximij intelligunt examinationem conscientiarum, id est, carnificinam conscientiarum, qua hucusq; multas animas onerauerunt peccatis ut Apostolus prædixit, 2. Timoth. 4. Quæ intelligentia similis est ei, qua idem capitulum nonnulli sic irrident, Omnis utriusq; sexus, id est, ij solum qui utrumq; sexum habent, scilicet Harmaphroditæ, debent omnium peccatorum suorum facere confessionem. Dignissima plane irrisio Canonis istius, si sic eum intelligi uoluissent, sicut Louanienses intelligunt. Quis enim omnia peccata sua nosse potest, nedum confiteri, cum scriptum sit: Delicta quis intelligit? Et Ieremi. 17. Præuum est & inscrutabile cor hominis. Et iterum idem: Non est uia hominis eius.

Vix me hic contineo, ne in frontes istas indoctissimas Sophistarum inuehar, parcam tamen ob timorem Dei, id libere professus, si iste Canon omnium peccatorum simpliciter exigeret confessionem, damnandus esset ut impius & perniciosissimus. Nam inde nati sunt Libelli isti de modo confitendi ubi peccata in matres, filias, sorores, neptes & nepotes infinitasq; alias species distincta sunt, nulla alia cura, nisi ut nullum peccatum omitteretur in confessione, quod plane est impossibile. Nam si rigor Canonis stet nec oblita, nec ignorata peccata excepta sunt, quia dicit, omnium peccatorum suorum faciat confessionem. Sed de his latius in ratione confitendi.

Ego tamen, ut Magistros nostros eximios mendacij arguam, non improbaui examinationem conscientiarum, nec hoc poterunt probare unquam a me factum. Sed anxiam carnificinam, qua iuxta huius Canonis mortiferam siue constitutionem siue interpretationem, ad impossibile ducuntur miseri Christiani, nihil daturi promittenti Dei misericordiarum, nisi omnium peccatorum fecerint confessionem, id est, ut nunquam pacem habeant, plusq; confidunt in suam infelicem confessionem, quam Dei misericordiam. Atq; hic optassem Louaniensibus meis, ut & alterum Cardinalem Derthusensem habuissent monitorem. Nam hunc unum solita temeritate præterierunt, frustra tamen, istra monentem, ut mea omnia ad uerbum signarent.

IAm si & cætera prosequar, hominum infelicissimorum, tum somnia mihi imposita, tum mea falso intellecta, prolixior fiam, quam illi mereantur, & quam pius Lector ferre possit. Vnum dico, mihi non potuisse persuaderi, uel multis Nestoribus, esse Louanij & Coloniae tam crassos Theologos, qui & si in Reuchliana causa insigniter delirauerunt, mitius quam in hac mea delirauerunt.

Quare cæteris contemptis, & ad horum exemplum æstimatis, ne libidine insectandi uidear commoueri, si singula persequar, uolo receptui canere, & tam Louanienses quam Colonienses Theologos, tibi optime Christophore, nullo alio nomine commendare, quam isto, quod multa audent & dicunt, quæ nec probare nec confutare unquam poterunt. Quod genus hominum quale sit, tu facile nosti, cum nullus fornix aut taberna quantumuis ebria sit, in qua non queas tales inuenire censores & iudices. Nisi qd hoc opere, Deus notam nobis facit iram suam, qua pueros istos & effœminat

qq ij nobis

EPISTOLA IOHAN. ECCII

nobis constituit Principes, sicut Esa. 3. dicit, sic merentibus peccatis nostris, & ingratitude tandem etiam Deo intolerabili.

Non erat necesse, ut dicerent nudis uerbis, mea sibi displicere & erronea uideri, Sciebam id fore, & in hoc ipsum passus sum edi. Nec hoc quaesivi, ut me ad suos autores remitterent, quasi mihi incognitos, sed ut Scripturae autoritate aut ratione probabili, sua uera, & mea falsa esse conuincerent. Quae est enim ista (etiam suo Aristotele prohibita) petitio principij, mihi responderi per hanc ipsam, quae impugno? Non est quaestio, quid didicerint, audierint, legerint, senserint unquam, Sed quibus firmamentis ea muniunt? Alioqui cur & meae sectae resisterem, scilicet Occanae seu modernorum, quam penitus imbibitam teneo, si uerbis uoluissē, aut ui compesci? Sed satis haec. Tu interim uale uir optime in Christo.

Vuittembergae, Anno Domini
M. D. XX.

EPISTOLA IOHANNIS ECCII: SEDIS PAPAE PISTICAE NVNCII: VT IPSE SCRIBIT,

inuiti, Descripta ab ipsius autographo, quae docebit, quam uera sit Epistola, quam e Lipsia Vuittembergae scripsit, qua se inuitum ait suscepisse munus legationis aduersus Lutherum.

^a Nota Vicari anti-
quam uocationem
iuxta analogiam.

^b Proditurum in
lucem ad calendae
graeas.

^c ait latro ad la-
tronem.

^d Recte minuta,
Quid enim Bulla
contemptius?

^e O dignum Aga-
thone Nestore.

^f scilicet, ut nu-
mero suffragiorum
uincatur Luth.

^g Alias adlum su-
isset de Papistis.



Alutem. Venit ad me in itinere, dignissime Vicari-
tus Iohannes Vlrichus, peruenimus auspiciato ad Urbem.
Obtuli S. D. N. Librum ^b de primatu Petri. Qua autem
humanitate fuerit in me & sit summus Pontifex, & qua
Cardinales Reuerendissimi, iucundius fuerit coram recita-
re, quam charta mortua depingere.

Minuta ^d contra Lutherum est concepta, proximo
Consistorio Cardinalium expeditur. Et si Eccij consilium se sequetur Sanctus
^f scilicet, ut nu-
mero suffragiorum
uincatur Luth. res ^h Lutheranos. Aliquando omnia audies, quae ⁱ egerim in hac causa. Ste-
timus nuper, Papa, duo Cardinales, Doctor Hispanus, & ego, per quinque
horas in deliberatione huius negocij, singuli rogabamur nostras dare sen-
tentias.

tentias. *k* Bullæ forma *l* placebit bonis, *m* mixta enim est ex ueterum Con- *b* errores Eccie
ciliorum ac Pontificum & nouorum *n* consuetudine, errores sunt 41. expre- *indict.*
se condemnati.

o De Parochia *p* mea, nisi summi Pontificis interueniat autoritas, iure
nihil obtinerem, ut a fautoribus meis intimis audio, Tamen summus Pon- *k* Schema abusi-
tifex pro se & ad preces plurium reuerendissimorum Cardinalium pollici- *dare sententias.*
tus est *q* per suum pectus, *r* me non abiturum, quin sim liber & securus in
Parochia. Quin adiecit, hoc parum esse, nisi & in pluribus *f* me remunere-
aret.

Heri fui cum sanctis. Domino nostro in negotio Lutherano, faciens
relationem de expeditis per cardinales deputatos, Cras *t* iterum aditurus
Pontificem, inquirendum de die Consistorij &c.

u De Roma multo peiora audiui quam sentiam. Hoc fit hic eo insigni-
tis, si quid mali acciderit, quod hic est colluies *x* orbis Christiani, & quod
in aulis *y* Principum euenit, apud nostrates, hunc communem morbum ha-
bet & Curia ista. Cæterum, ne præpropere laudem Romam, differo alia in
abitionem, turpe enim est ea uituperare, quæ prius laudaueris.

z Vrbanum nostrum hæc legere desidero. Si quid possem in rem tuam
esset paratus. Tantum intelligo, si uellem habere seruatum ad bonam
summam, ego reciperem, sed nolo me huic malo *q* immiscere.

Vale & salue. Ex Vrbe 3. Maij,

Anno salutis M. D. XX.

Tuus ad uota Eccius

* Cardinales mihi fauorabiles sunt, S. Crucis, Anconitanus, Aginen-
S. quatuor. Iacobatius. S. Sixti de Saluiatis, & Campegius &c.

t Hic autor commendat seipsum. *u* Nota gratitudinem ecclesiam pro tam pingui
parochia *x* Nota Romæ colluies est orbis Christi. *y* Argumentum a simili.
z Id quod non solet Eccius, nisi cum libet. *q* Quam pie igitur Roma, quæ
mala pollicetur? Et hanc quam uere laudat Eccius. * Nunquid enim aliquis ex
principibus aut Phariseis credidit in eum? Sed turba, quæ non nouit Legem,
maledicti sunt, Iohan. 7.

i licet inuitus.

k Schema abusi-
dare sententias.

l Bullæ forma.
Nihil enim nisi for-
ma est, id est, su-
tus & species.

m Bonis, id est,
Bullæ forma for-
matis.

n Rese nouorū.

o Sed a quibus?

p Ecce Christi
nam mentem, cur
Romam uenerit Ec-
cius.

q Precium iude.

r sanctis. illud.

f Hic uero quana-
to liberalior Leo
Caiphas

qq in

BVLLA

BVLLA LEONIS X. CONTRA ERRORES MART. LVTH. ET SEQVATIVM.

Astitit Bulla a dextris eius, in uestitu deaurato,
circumamicta uarietatibus.

Vide Lector, operæ precium est, Adficietis,
Cognosces qualis Pastor sit Leo.

VL RICHVS DE HVTTENEQVES,
Germanis omnibus Salutem.



Ecce uobis Leonis X. Bullam, uiri Germani, qua re
mergentem ille ueritatem Christianam remorari co
natur, quam respiranti longa tandem compressione
libertati nostræ, ne uires recipiat, ac plane reuiuif
cat, obijcit, & opponit. Cui nos talia molienti non
obsistimus? aut publico consilio, ne longius perua
dat, neue aliquid pro hominis irrequieti cupiditate & audacia effici
at, multo ante cauemus? Quæso uos per immortalem Christum,
quando oportunum magis tempus fuit, quando melior occasio de
dit se aliquid Germano dignum nomine gerendi? Omnia uidetis eo
tendere, ut spes sit quanta nunquam prius, extinctum iri hanc tyran
nidem, isti morbo medicinam adfuturam. Quod audete tandem, ac
perficite.

Non Lutherus agitur hoc in negotio, sed ad omnes pertinet quid
quid est. Nec in unum quempiam hic stringitur gladius, sed publice
oppugnamur. Nolunt reclamari suæ tyrannidi, suas fraudes detegi
nolunt, suosq; aperiri fucos, suo furori obsisti, suæ grassaturæ impe
dimentum fieri. Hoc ipsum est quod indignantur, quodq; fremunt
usq; adeo, ut se minime decore agant ibi. Quod manifeste uidentes
uos, quid tandem agetis? quod consilium inibitis? Me quidem, si au
dietis, Germanos esse uos memineritis. Quæ una commonitio satis
esse debet, ut hæc uindictis. Ego nunc uestro & communino
mine periclitor, sed libenter. Primum enim facti conscius
mihi sum pulcherrimi, Deinde non spero iam, sed
pro certo habeo etiam omnes uos eadē aliquādo
aufuros mecum. Hæc uero Bulla ut publi
cetur nunc, autor fui, ob id, ut cum
legeretis, facile ab una disceretis
omnes. Valete.

Priusq;

CONTRA ERRO. MAR. LVTH. CCCCXVIII

Priusquam te audiamus, Sanctissime, huius memineris Apostoli
*ei, quod ad Thessal. scribitur: Ne quis vos seducat ullo modo. Quoniam non adueniet Domi-
 nus, nisi uenerit defectio prius & reuelatus fuerit homo peccati, filius perditionis, qui est Ad-
 uersarius, & effertur aduersus omnem, qui dicitur Deus, aut numen, adeo ut in templo Dei
 sedeat, ostendens se quasi Deum. Habes? Incipe Bullam.*



IEO Episcopus, a Seruus seruorum Dei. Ad perpetu-
 am rei memoriam. b Exurge Domine, & c iudica
 causam tuam, memor eslo improperiorum tuorum,
 eorum quæ ab d insipientibus fiunt tota die. e Inclina
 aurem tuam ad preces nostras. Quoniam surrex-
 erunt f uulpes quærentes g demoliri uineam, cuius tu
 torcular calcasti solus, & ascensurus ad Patrem, eius curam, regimē
 & administrationem h Petro tanq̃ Capiti, & tuo Vicario, i eiusq̃
 Successoribus, instar k triumphantis Ecclesiæ, commisisti, l exter-
 minare nititur eam aper de silua, & singularis ferus depascitur eam.

a Quid imperas igitur, & tanto cum fastu dominaris? b Exurget,
 sed uide, ne magno tuo malo. c Iudicabit in magna expectatione no-
 stra. d Ah non insipientibus, Statim ad maledicta uertit se, atq̃
 hic ille est Leonis rugitus, quo de Sophonias Propheta manifeste dicit, &
 multa ibi D. Hieronymus liberrime loquitur. e Faceret, si æqua pete-
 res. f Viri fortes. g Expurgare. Tu autem, ubi pecuniam a Ger-
 manis quotidie emungis, sic te habes, ut qualibet uulpecula fraudulentior
 uidearis. Tantum a leonina magnitudine, ad humilem & te indignam de-
 flectis astutiam. Quod si talionem tibi nos reddere coges, poterimus & nos
 dicere, non uulpem iam te, sed asperius adhuc lupum Arabiæ uespertinum
 quod munera capis, & iusticiam uendis, ut in te propheticum illud exclama-
 re conueniat: Væ Pastoribus, qui dispergunt & lacerant. h Vide ubi
 fundet tyrannidem. i Multa hic monendus eras, si uacaret. Iam statim
 non audit te Christus, Mentiris enim quod odit ille.
 k Triumphans Ecclesia, O bellum commentum. l Imo tu faciebas hoc
 Decime, & tu ille eras ferus leo, ob idq̃ decreuimus oppugnare te.

Exurge e Petre, & pro pastoralis cura præfata (ut præfertur) tibi
 diuinitus demandata, intende in causam sanctæ Ro: Ecclesiæ b ma-
 tris omnium Ecclesiarum, ac fidei Magistræ, c quam tu iubente Deo
 tuo sanguine consecrasti. Contra quam, sicut tu præmonere digna-
 tus es, insurgunt d Magistri mendaces, introducentes sectas e perdi-
 tionis sibi celerem interitum superducentes, quorum g lingua ignis
 est, h inquietum malum, plena i ueneno mortifero, qui zelum ama-
 rum habentes, & contentiones in cordibus suis, gloriantur, & k
 mendaces sunt aduersus ueritatem.

a Petrum Simon inuocat. Sed prius ipsum audi dicentem tibi Pascite,
 quantum in uobis est, gregem Christi, curam illius agentes non coacte, sed
 uolentes, non turpiter affectantes lucrum, sed propenso animo, neq̃ ceu
 dominium exercentes aduersus cleros, sed ut sitis exemplaria gregis:

qq iij

b Tu dicis

BULLA LEONIS X

b Tu dicis, nos haud agnoscimus. **c** Romanam dic, an uniuersalem Christi? **d** Imo contra tua mendacia ueritatis adsertores. **e** Te enim perdent ob pessima tua merita. **f** In te hoc omen Christus uertat. **g** Teq̃ aduret. **h** Futuræ securitatis incitamentum, publicum, & eximie oportunum bonum. **i** Salutari medicina refertum. **k** Ne calumniare, imo ueritatem nos aduersus tuam oppressionem tuemur.

Exurge tu quoq̃, quæsumus Paule, qui eam tua doctrina, ac pari martyrio **a** illuminasti atq̃ illustrasti. Iam enim surgit nouus **b** Porphyrius, qui sicut ille olim sanctos Apostolos iniuste mordit, ita hic **c** sanctos Pontifices prædecessores nostros, contra tuam doctrinam eos non obsecrando, sed increpando **d** mordere, lacerare, ac ubi causæ suæ **e** diffidit, ad **f** conuicia accedere non ueretur, **g** more hæreticorum, quorum (**h** ut inquit Hieronymus) ultimum præsidium est, ut, cum conspiciant causas suas damnatum iri, incipiant uirus serpentis lingua diffundere, & cum se **i** uictos conspiciant, ad contumelias prosilire. Nam licet hæreses esse ad exercitacionem fidelium, tu dixeris oportere, **k** eas tamen **l** ne incrementum accipiant, neue uulpeculæ coalescant, in ipso ortu, te intercedente & adiuuante **m** extingui necesse est.

Exurget, etiam pro te contra inimicos tuos, si cum esse uelis Episcopus, talis sis, qualem ipse esse uoluit, inculpatus, irreprehensibilis, tanquam Dei dispensator, non præfractus, non iracundus, non turpiter lucro deditus, bonarum rerum studiosus, ut quæras non quæ tua sunt, sed aliorum & huiusmodi, ut potens sit exhortari, secundum doctrinam sanam, & contradicentes conuincere.

a Posteriores uero sua perfidia, suisq̃ sceleribus denigratam & commaculatam reddiderunt.

b Nihil minus quam Porphyrius. Nam hic Euangelium Christi prædicat ille impie oppugnabat.

c Neq̃ præstigiatores, rapaces lupos, & deuoratores dominici gregis.

d Etiam perimere oportuit.

e Diffidit uero, qui tam bonam causam habet ut te ad metum iam adegerit: Aut potest diffidere, qui ueritatis causam agit?

f Aequam obiurgationem.

g Imo Christi, cuius est hoc: Ve uobis duces cæci. & hoc: Ve uobis hypocritæ, & serpentes, progenies uiperarum &c. Licet ne igitur corripere te quoq̃ toties, tamq̃ foede labentem?

h Plenus est Hieronymi. O eruditionem.

i Hui uictos.

k Paulum erudit.

l Id est, ne tuo lucro detrimentum adferant.

m Ne interfice simplices columbas, accipitur Pontifex.

a Exurgat deniq̃ omnis Sanctorum, ac reliqua uniuersalis **b** Ecclesia, cuius uera sacrarum literarum interpretatione **c** posthabita, quidā, quorū mentē **d** Pater mendacij exæcauit, ex ueteri hæreticorū instituto, apud semetipsos sapientes, scripturas easdem **e** aliter, q̃ Spiritus

CONTRA ERRO. MAR. LVTH. CCCCCIX

Spiritus sanctus flagitet, proprio duntaxat sensu, ambitionis, fau-
raeque popularis causa (teste Apostolo) interpretantur, imo uero
torquent, & adulterant, Ita ut iuxta Hieronymum, iam non sit E-
uangelium Christi, ^b sed hominis, aut quod peius est, diaboli. Ex-
urgat, inquam, praefata sancta Ecclesia Dei, & una cum beatissimis
Apostolis praefatis apud Deum omnipotentem intercedat, ut purga-
tis ^k ouium suarum erroribus, eliminatisque a Fidelium sinibus haeresi-
bus uniuersis, Ecclesiae suae sanctae ^l pacem & unitatem conseruare di-
gnetur.

^a Ut cum scelerato malignantium consilio occidas tu.

^b Quam tu & sancti illi praedecessores tui aboleuistis iam pene, & per-
didistis.

^c Resumpta dic. ^d Rectius Leo diceret: Spiritus sanctus illustra-
uit, Nam uos Pater ille auaritiae studio obsecratos ad pessima omnia decer-
nenda & facienda impulit toties iam.

^d Aliter quam Pontificum auaritiae & ambitioni conueniat. Desine tu
uero, cuius tibi conscius ipse es, in alijs calumniari crimen.

^e Imo publicae necessitatis, cum tua uenia dico.

^f Contra fieri omnes sancti uident abs te hoc.

^g Ut nititur in alios transferre suum crimen, Nam adhuc aliud nihil au-
diuimus agentem eum. ^h Exurgeret, nisi tu opprimeres, hoc unum obstat.

ⁱ Potius, ut abolita Pastorum furacitate, & liberato ab ore eorum, ne sit
ultra in escam ipsis, grege, pascat oues suas ipse in iudicio, & accubare fa-
ciat, quodque perierat requirat, quod contractum erat alliget, quod infirmum
fuerat, consolidet, quod pingue & forte, custodiat. Ut tandem auferatur
factio lasciuentium, nec sint Pastores, qui pascant semetipsos, gregem ue-
ro Domini non pascant, sed dispergant & lacerent. Vos enim, Leo, uos
(o miseria) conuertistis in amaritudinem iudicium, & fructum iusticiae in
absinthium. Vis, quod petis, impetrare?

^k Adhuc nihil orauit quod impetratum uellet, Conscientiam hominis
appello. Ve desiderantibus diem Domini, Amos 5. Nam tu Leo, ubi
regnabis, si quando remergat illa a uobis demersa Sanctorum Ecclesia?

Amos. 5.

¶ Dudum siquidem, quod ^b praee animi angustia & micore expri-
mere uix possumus, fide dignorum relatu ac fama publica referente,
ad nostrum peruenit ^c auditum, imo uero ^d prohi dolor, oculis nostris
uidimus, ac legimus, multos ac uarios errores, quosdam uidelicet
iam per ^e Concilia, ac Praedecessorum nostrorum ^f constitutiones dam-
natos, ^g haeresim etiam Graecorum & Bohemicam expresse continen-
tes, Alios uero ^h respectiue uel haereticos, uel falsos, uel scandalosos
uel piarum aurium offensiuos, uel simplicium mentium ⁱ seductiuos,
^k a falsis fidei cultoribus, qui per ^l superbiam, ^m curiositatem, ⁿ mundi
gloriam cupientes, contra Apostoli doctrinam, plus sapere uolunt
quam oporteat, Quorum garrulitas (ut ^q inquit Hieronymus) sine Scri-
pturarum autoritate ^r non haberet fidem, nisi uideretur ^s peruersa doctrina,
etiam diuinis testimonijs, ^t male tamen interpretatis, roborare. A quorum
oculis

BULLA LEONIS X

oculis ^u Dei timor recessit, humani generis ^x hoste suggerente, non uiter suscitatos, & nuper apud ^y quosdam leuiore^s ^z in inclyta natione Germanica seminatos.

a Attende Romanam facundiam.

b Dolore intercepti lucris.

c Plane uidisti, si quid unquam uides.

d Scimus non sine magno tuo dolore uidisse te, sed ob id ueritatem deserere non possumus.

e Conciliabula.

f Pulchras illas, ac suis dignas autoribus.

g Quales o Christe hæreses?

h Expresse, respectiue, pulchre, Romane

i In summa, sanam & orthodoxam opinionem, sed idcirco damnandam, quia per huiusmodi doctrinam non licebit iam ultra uarie Germanos diripere nobis. Erudiuntur enim ij, quorum superstitione quadam mirifica, infatuatae mentes facile rapientibus nobis patebant. Quo fit, ut immensum præpediatur nobis lucrum, ita ut metus sit, multos fame perituros adhuc Romæ, etiam ex creaturis illis nostris. Nos quidem in magna egestate regnabimus.

k A tua perfidia alienis, ob idq; Christo & ab illo institutæ fidei per omnia deditis

l Id est animosam.

m ueritatis curam, & studio patriæ pertinaci.

n Christi aio, cum ipse contra rotas mundi sis.

o Fatetur gloriâ manere, nos si peruincamus, quæ nos nihil mouet tamē.

p Quam tibi utile est, tuæq; expedituri Curia.

q Hoc ne inquit Hieronymus? Tu uero, quid toties Hieronymum allegas? Nonne ut hac adsuta purpura, male concinnatos tuos centones adornatos reddas? Sed non cohæret. Itaq; desiste in friuolo mendacio sancti uiri autoritatem prætexere tibi.

r Neq; habere debet, iam hoc contestamur.

s Tibi quidem peruersa semper fuit Euangelica illa, quam nos sequimur. Neq; enim docet te facere quæ facis flagitiose multa.

t Neq; enim e tuo commodo, sed ex Christi & Sanctorum sententia.

u Pōtificiæ tyrannidis metus & superstitiosus Romanæ tyrannidis cultus.

x Erras, neq; enim potest diabolus, cum sit Pater mendacij, ueritatem suggerere.

y Quomodo leues, qui tibi quoque tam potenti tyranno tam cito graues esse cœperunt?

z Id est, quæ affatim pecuniam mittebat nobis, alioqui barbara & stupida.

Quod eo magis dolemus ibi euenisse, quod a tandem Nationē & nos & Predecessores nostri b in uisceribus semper gesserimus c charitatis, a Nam post translatum ex Græcis e a Romæ Ecclesia fin eosdem Germanos Imperium, ijdem Predecessores nostri & nos, eiusdem Ecclesiæ g aduocatos defensoresq; ex eis semper accepimus. Quos quidem Germanos, catholicæ ueritatis uere b Germanos, constat hæresum acerrimos oppugatores semper fuisse. Cuius rei testes sunt i laudabiles illæ constitutiones k Germanorum Imperatorum pro libertate Ecclesiæ, proq; expellendis exterminandisque ex omni Germania l hæreticis, m sub grauissimis pœnis, etiam amissionis terrarum, & dominiorum, contra receptatores, uel non expellentes, olim editæ, & n a nostris Predecessoribus confirmatæ, Quæ si hodie seruarentur, & nos & ipsi utiq; o hac molestia carceremus,

a Laudat

a. Laudat Germaniam. Hoc unum reddit, toties incommodo ab se affecta. Itaq; adhuc in spe est reconciliationis, aliter non sic blande palparet.

b. Deuoraueratis enim, sed nunc reuometis, & de uentre uestro extrahet illam Deus.

c. At quæ esse potest charitas in tali tyranno, tam fraudulenter & subdole, tam uiolenter & improbe pecuniam ab amicis exigente, suffurante, emulgente, extorquente, & eripiente.

d. A collato olim beneficio commendat se Germanis, putans idcirco habere obnoxios. O fraudem.

e. Illa enim transfert sæculi Imperia, quò iure dic sodes?

f. Oportuni uidebantur enim, quos infatuarent illi.

g. Tu uero quid agis interim ociose Pastor, quando alios defendendo gregi substituis? Aut armis Ecclesia, non optimis uitæ exemplis, & sana doctrina defenditur?

h. Utinam fuissent, Te enim diu iam expugnassent. Sed maleficis tuorum Maiorum præstigijs contigit, ut ad inanes fabulas diuersæ hominum mentes, uerum dignoscere nequiuissent. Quo respicere tandem Christus uideatur, iamq; statim forte secundum uiam uestram faciet uobis, & secundum iudicia uestra iudicabit uos.

i. Quam multa hic dicenda essent, sed parcendum ijs, qui posteris ipsi suis non pepercerunt. Dic mihi autem, quam uocas Ecclesiæ libertatem? Et qua illi opus est? Licentia ne diripendi, fraudandi omnes iniuriæ, beneficio neminem afficiendi.

k. Non degenerabit a uirtute Maiorum suorum Germania, Ne time, quædam etiam emendabit perperam ab illis instituta.

l. Atqui non esse reor in Germania hæreticos hodie, nisi quos tu alis in communem perniciem.

m. Satis gratificati tibi sunt.

n. A uobis confirmari oportet si quid statuant nostri Imperatores? O indignos hoc munere, qui ad aliorum præscripta imperant.

o. Nos quidem carere decreuimus, magno, quæcunq; fortuna sit, animo libertatem inuasuri. Et iam non potestati quidem tuæ, sed improbitati resistimus. Tu, si nimium confidis, esse hic etiam Leones memineris, si non satis sunt Aquilæ.

Testis est in Concilio Constantiensi Hussitarum ac Vuicleuistarum, necnon Hieronymi Pragensis damnata ac punita perfidia. Testis est toties contra Bohemos Germanorum sanguis effusus. Testis deniq; est prædictorum errorum, seu multorum ex eis, per Colonensem & Louaniensem Vniuersitates, utpote agri dominici piissimas, religiosissimasq; cultrices, non minus docta quam uera ac sancta confutatio, reprobatio, & damnatio. Multa quoq; alia allegare possemus, quæ, ne historiam texere uideamur, prætermittenda censuimus.

a. O præclarum Concilium, quod nulla publica (ut debuit) libertas, sed uestra (quod pudendum est) tyrannis moderabatur, ut nunc Romæ nescio quid Conciliabuli habes, in quo nuper statuerunt tandem Copistæ tui, animam esse immortalem.

b. Cuius rei autores fuerunt fatiguitarij Romanæ Ecclesiæ Episcopi, non digni, quibus de loquerentur amice populi Septentrionis, nedum pro quibus ultro interirent. Laudas factum Decime, & pietatem colere uis uideri? & Christi esse uicarius? Certe enim singularis est hæc feritas, probare

BULLA LEONIS X

probat quod effusus sit sanguis Christianus, cum, ut Cyprianus monet, conscientia Episcopi conueniat, dare operam, ne quis ipsorum culpa pereat.

c Laudat adulatrices meretriculas.

d Romanæ piraticæ, & Pontificiæ dico grassaturæ.

e Vbi doctrina Leo, ubi ueritas in ijs enititur: Non te pudet de talibus in eptijs tam grauem ferre sententiam?

f Quā pulchrum est palpare Romanum Pontificem. Sed nos nihil mouet sententia sic leuiter, sic præter iudicium lata. Nec nobis eripient Germani am garrulæ Docticulorum scholæ, postquam semel liberandam suscepimus.

g Vult literas scire uideri hic Copista, & plenus est rerum antiquitus gestarum.

PRO pastoralis igitur officij diuina gratia nobis ^b iniuncti cura, quæ gerimus, prædictorum errorū ^c uirus pestiferū ulterius ^d tollere, seu dissimulare, sine ^e Christianæ religionis nota, atque orthodoxe fidei iniuria nullo modo possumus. ^f Eorum autem errorum aliquos præsentibus duximus inferendos quorum tenor sequitur & est talis:

a Tandem officium facit, Sed uide, ne abutaris potestate tua non in ædificationem, sed in destructionem. Certe sacerdotis est, ut Ambrosio uideatur, nulli nocere, prodesse uelle omnibus.

b Attende, commissam Leoni ouium curam,

c Potius salutare admonitiones, quod tu quoque sentis, & ediceres, nisi totum possideret te pecuniæ studium, & ambitionis tumor. Proinde, Ve uobis, qui dicitis malum bonum, & bonum malum, ponentes tenebras, lucem, & lucem tenebras, ponentes amarum in dulce, & dulce in amarū.

d Paulo post esuries enim, si feres.

e Quæ nota est, dic quæso, ueritatem sibi restitui, & perniciosis intercedi legibus?

f Ista quidem uis est Decime, non habita prius cognitione damnare, quæ disputanda ille proposuit, neque hoc facere de Ecclesiæ totius, cui se ille subiicit, consilio. Sed nihil potes contra ueritatem, pro ueritate potes, si quis oppugnat, & tu paratus es tueri, si, ut Apostoli, Christum predicare instituiti, non te ipsum, Si commissum tibi gregem pascere cura est, non cupiditatibus inseruire tuis, ut fraudulentè ambules, ac ad munera declines, & post sordes abeas, perque auariciam ficticijs sermonibus de nobis negocieris. Quin tu, si me audis, noli esse sicut Leo in domo tua, evertens domesticos tuos, & opprimens subiectos tibi. Certe Dominus custodit ueritatem in seculum facitque iudicium iniuriis patientibus. Hæc meminisse te oportuit, priusquam condemnares Fratrem tuum. Quod uero ad Lutheri scripta pertinet, legant omnes, simul tuum iudicium, deinde libere ipsi quoque iudicent.

¹ **H**Æretica sententia est, sed usitata. Sacramenta nouæ legis iustificantem gratiam illis dare, qui non ponunt obicem.

² In puero post Baptismum negare remanens peccatum, est Paulum & Christum simul conculcare.

Fomes

CONTRA ERRO^r MAR^r LVT^r CCCCXI.

Fomes peccati etiam si nullum adsit actuale peccatum, moratur
exeuntem a corpore animam ab ingressu coeli. 3

Imperfecta charitas morituri, fert secum necessario magnum ti- 4
morem, qui se solo satis est facere poenam purgatorij, & impedit in-
troitum regni.

Tres esse partes poenitentiae, contritionem, confessionem, & 5
satisfactionem, nō est fundatum in Scriptura, nec in antiquis sanctis,
Christianis Doctoribus.

Contritio quae paratur per discussionem, collectionem, & dete- 6
stationem peccatorum, qua quis recogitat annos suos in amaritudi-
ne animae suae, ponderando peccatorum grauitatem, multitudinem,
foeditatem, amissionem aeternae beatitudinis ac aeternae damnatio-
nis acquisitionem, haec contritio facit hypocritam, imo magis pec-
catorem.

Verissimum est Prouerbum, & omnium doctrina de contritio 7
nibus hucusque data praestantius, de caetero non facere, summa poenis-
tentia, optima poenitentia, noua uita.

Nullomodo praesumas confiteri peccata uenialia, sed nec om- 8
nia mortalia, quia impossibile est, ut omnia mortalia cognoscas. Vn-
de in primitiua Ecclesia solum manifesta mortalia confitebantur,

a Callide decerptum hoc, ut multa alia.

Dum uolumus omnia pure confiteri, nihil aliud facimus, quam 9
quod misericordiae Dei nihil uolumus relinquere ignoscendum.

Peccata non sunt ulli remissa, nisi remittente Sacerdote credat 10
sibi remitti, Imo peccatum maneret, nisi remissum crederet, Non
enim sufficit remissio peccati, & gratiae donatio, sed oportet etiam
credere esse remissum.

Nulla modo confidas absolui propter tuam contritionem, sed 11
propter uerbum Christi: Quodcunque solueris &c. Hic, inquam, con-
fide, si Sacerdotis obtinueris absolutionem, & crede fortiter te ab-
solutum, & absolutus es, quidquid sit de contritione.

Si per impossibile confessus non esset contritus, aut sacerdos non 12
serio, sed ioco absolueret, si tamen credat se absolutum, uerissime est
absolutus.

b In sacramento poenitentiae, ac remissione culpae, non plus fa- 13
cit Papa, Episcopus, quam infimus Sacerdos, imo ubi non est sa-
cerdos, aequae tantum quilibet Christianus, etiam si mulier aut puer
esset.

b Hic tandem irreparabiliter est lapsus. Quantum enim decedit lucro E- 14
piscopi Romani, si hoc uerum est. Porro principem sacerdotum, secularis e-
tiam Imperij moderatorem, in ordinem redigere quis audet? Crucifigatur.

Nullus debet Sacerdoti respondere, se esse contritum, nec Sacer-
dos requirere. rr Magnus

BVLLA LEONIS X

- 15 Magnus est error eorum, qui ad sacramentum Eucharistiæ ac-
cedunt huic innixi, quod sint confessi, quod non sint sibi conscij ali-
cuius peccati mortalis, quod præmiserint orationes suas & præpa-
ratoria, omnes illi ad iudicium sibi manducant & bibunt. Sed si cre-
dant & confidant se gratiam ibi consecuturos, hæc sola fides facit
eos puros & dignos.
- 16 Consultum uidetur, quod Ecclesia in communi Concilio statue-
ret, Laicos sub utraq; specie communicandos, Nec Bohemi commu-
nicantes sub utraq; specie sunt hæretici, sed schismatici.
- 17 Thesauri Ecclesiæ, unde Papa dat Indulgentias, non sunt meri-
ta Christi & Sanctorum.
- 18 Indulgentiæ sunt piæ fraudes fidelium, & remissiones bonorū
operum, & sunt de numero eorum quæ licent, & non de numero
eorum quæ expediunt.
- c Vah, qui destruis Serui seruorum mercatum, illud singulare uberrimi
lucri fomentum, Ferte citi flammæ.
- 19 Indulgentiæ ipsæ, qui ueraciter eas consequuntur, non ualent ad
remissionem poenæ pro peccatis actualibus debitæ apud diuinam ius-
ticiam.
- 20 Seducuntur credentes, Indulgentias esse salutare, & ad fructū
spiritus utiles.
- 21 Indulgentiæ necessariae sunt solum publicis criminibus, & pro-
prie conceduntur duris solummodo & impatientibus.
- 22 Sex generibus hominum Indulgentiæ nec sunt necessariae, nec
utiles, uidelicet, mortuis seu morituris, infirmis, legitime impeditis,
his qui non commiserunt crimina, his qui crimina commiserunt, sed
non publica, his qui meliora operantur.
- 23 Excommunicationes sunt tantum externæ poenæ, nec priuant
hominem communibus spiritualibus Ecclesiæ orationibus.
- 24 Docendi sunt Christiani a plus diligere excommunicationem, q̄
timere.
- d Totus in errore uersaris Luthere, Nam si non appetent Indulgentias
posthac homines, nec perhorrescent excommunicationem, unde erit Pon-
tifici maximo Romæ, quo tot alat perpetuo equites ac pedites, expeditū
semper exercitum, tot musicos, tantum spiculatorum, illos præsertim cor-
poris sui custodes ducentos Heluetios stipatores? Nonne ad despicabiles
sordes redibit splendor ille Ecclesiæ? Resipisce.
- 25 Romanus Pontifex Petri successor, non est Christi uicarius su-
per omnes totius mundi Ecclesias, ab ipso Christo in B. Petro insti-
tutus.
- e Hoc inexplabile est Luthere, Regnum adimis Rom. Pontifici. Vbi
ueniæ locus? non absoluo.
- 26 Verbum Christi ad Petrum: Quodcunq; solueris super ter-
ram &c. extenditur duntaxat ad ligata ab ipso Petro.

Hæc

CONTRA ERRO. MAR. LVTH. CCCCXII

f Hæc uerba, & quæ de datis clauibus sunt, neq; ipse satis intellexit Hieronymus, quem toties in hac Bulla Vicarius Christi allegat. Sic enim adscripsit is, cum Matthæi Euangelium exponeret: Istum, inquit, locum Episcopi & Presbyteri non intelligentes, aliquid sibi adsumunt de Phariseorum supercilio, ut uel damnent innocentes, uel soluere se noxios arbitrentur, cum apud Deum non sententia Sacerdotum, sed reorum uita queratur. Neq; Augustinus mentem uidetur habuisse, quando scripsit, Non super Petrum, sed ipsum Christum ædificatam Ecclesiam. Porro Origenes, Beda, & complures alij, ut hallucinati sunt hic? Proinde summi Pontificis (super quo fundatur Ecclesia) est, sacram Scripturam ad suum libitum suamq; libidinem interpretari. Qui contradixerit, hæreticus esto, & filius Satanæ, statimq; comburitur. Nam hic noster Leo factus est, & didicit capere prædam, hominemq; comedere.

Hieronymus,

Augustinus.

Origenes,
Beda.

Certum est, in manu Ecclesie aut Papæ prorsus non esse, statuere articulos fidei, imo nec leges morum, seu bonorum operum.

27

Si Papa cum magna parte Ecclesiæ sic uel sic sentiret, nec etiam erraret, adhuc non est peccatum aut hæresis contrarium sentire, præsertim in re non necessaria ad salutem, donec fuerit per Concilium uniuersale alterum reprobatum, alterum approbatum.

28

g Via nobis facta est enarrandi auctoritatem Conciliorum, & libere contradicendi eorum gestis, & iudicandi eorum decreta, & confidenter confitendi quidquid uerum uidetur, siue probatum fuerit, siue reprobatum a quocunq; Concilio.

29

g Lector ipsum hic Lutherum audiat, rem hanc differentem, non curet decerpere.

h Aliqui articuli Iohannis Hufs cõdemnati in Concilio Constant. sunt Christianissimi, uerissimi, & Euangelici, quos nec uniuersalis Ecclesia posset damnare.

30

h Neq; nõ est hoc uerũ, aut solus hoc Luthe. sentit, sed optimus quisq; hic probat. Eriã tu, q; scio, probares multa eius uiri, ac illos ualde detestareris male coactos articulos, si qui te nũc demẽtat morbus uel ad tẽpus desereret.

In omni opere bono iustus peccat.

31

Opus bonum optime factum, est ueniale peccatum.

32

i Hæreticos comburi, est contra uoluntatem spiritus.

33

i Hæreticos comburi. Ita existimamus, non licere tibi quenquã interficere, nedum hæreticum, quem ab ipso primum Christo, deinde a Paulo quoq; iussus es, si monitus non resipiscat, habere tanquam ethnicum & publicanum, ac deuitare, Neq; item conducere, tibi existimamus, ut sic atrociter in hos consulas, ne combusta uniuersa tua illa Curia (est enim ex hæreticis & nequioribus adhuc multo) tu quoq; in uicino tibi incendio conflagres.

k Præliari aduersus Turcas, est repugnare Deo uisitanti iniquitates nostras.

34

k Vobis quidem Pontificibus hoc præliari contra Turcas sæpe iam magno fuit lucro, dum pecuniam exegistis in Germania quantam libuit, qua expeditionem hanc (id quod nunquam cogitastis serio) prosequeremini. Nam si semel debellarentur Turcæ, quem postea hostem fingere uelletis, tantopere oppugnandum? Quare mitius Leo irasci debes Germaniæ,

rr ij quod

BVLLA LEONIS X.

quod biennio abhinc non audiuit tuam in Turcas exhortationem. Non enim uidebatur esse nisi impostura, & cum dolo per occasionem auariciæ.

35 Nemo est certus, se non semper peccare mortaliter, propter occultissimum superbix uitium.

36 Liberum arbitrium post peccatum est res de solo titulo, & dum facit quod in se est, peccat mortaliter.

37 Purgatorium non potest probari ex sacra Scriptura, quæ sit in Canone.

38 Animæ in Purgatorio non sunt securæ de eorum salute, saltem omnes, Nec probatum est, ullis aut rationibus aut Scripturis, ipsas esse extra statum merendi, aut augendæ charitatis.

39 Animæ in Purgatorio peccant sine intermissione, quamdiu querunt requiem, & horrent pœnas.

40 Animæ ex Purgatorio liberatæ suffragijs uiuentium, minus beatantur, quam si per se satisfacissent.

41 Prælati ecclesiastici & Principes seculares non malefacerent, si omnes saccos mendicitatis delerent.

I Ipse tuo metuis, alioqui cum Luthero ac nobiscum sentires & ipse, Neque unquam dissensurus es, si quis ad confessionem adigat conscientiam tuam. Ita qui secundum carnem sunt, quæ carnis sunt, sapiunt, qui uero secundum Spiritum, quæ sunt Spiritus sentiunt. Te autem quid iuuat multa conquire, ut Lutherum damnes, cum hoc paucis potueris? Nempe, si breuiter & uno uerbo dixeris (quod ab illo grauiter accidit tibi) quia tyrannidem tuam oppugnavit, ob idque esse hæreticum, & si quid hæretico peius adhuc est. Nam aliorum quidquid est, facile in illo ferres.

At uero oportet te considerare interim, frater Leo, ex officio ne sit tuo, opprimere ac fraudare in negotio fratrem tuum, propterea, quod ultor est Dominus de ijs omnibus. Ipsum quidem Lutherum scimus non cessurum tibi, quia deserere ueritatem, quam semel propugnandam suscepit, tantus animus non potest. Tu quidem, metuo, ut resistas. Quid posses enim contra ueritatem? Præsertim, cum causa tua tota sit ex cupiditate & ambitione. At radix omnium malorum (Paulus inquit) est auaritia, quam quidam appetentes, naufragauerunt a fide, & inseruerunt se doloribus multis.

Gloriam uero mundi fugere, & omnem postergare ambitionem, primum Christus docuit, te sui exemplo, qui regnum auersatus est, & seipsum exinanauit, formam serui accipiens. Deinde Apostoli passim. Nolite diligere mundum, Iohannes inquit, neque ea, quæ in mundo sunt. Et Paulus Philipenses erudiens ait: Ne quid fiat per contentionem, aut per inanem gloriam, sed per humilitatem animi alium quisque se præstantiorem existimet.

Age autem; quid ambire tibi in seculo licet, quem Paulus dispensatorem Dei esse iubet, & sequestrare ab se omnia secularia desideria? Debes tu uero imprimis exemplum esse fidelium in uerbo, in conuersatione, in charitate, in fide, in castitate, ante omnia uiam ueritatis eligere. At uiam ueritatis elegi cum Psalmista (Ambrosius ait) dicere nemo potest, qui secularia concupiscit, qui negociatur. Non est enim uia ueritatis habendi studium, cupiditas possidendi, aut honor huius seculi, sollicitudo mundi. Et in Petro, ut dignus fieret, qui Christi oues pasceret, nihil aliud quæsiuit

CONTRA ERRO^r MARⁱ LV^t CCCCXIII

quæsiuit Christus, quam sui amorem. Qui qualis sit, Iohannes docet: Filio
li mei, inquit, non diligamus uerbo, neq^{ue} lingua, sed opere & ueritate.
In hoc agnoscimus, quia ex ueritate sumus. Et, Beda non malus uel domina-
tionis, uel quæstus gratia pascant. De quibus ad Philipenses conqueritur
Paulus. *

Hoc idcirco pluribus admonui, ne unquam ea tibi fiducia incidat, ut
arbitreris huiuscemodi Bullis posset te a ueritatis studio abstergere nos, &
a dilectione Dei separare, Quippe in Domino confidimus, apud quem, teste
Iob, fortitudo est & sapientia, qui nouit & decipientem, & qui decipitur,
qui effundit despectionem super Principes, & eos qui oppressi fuerant re-
leuat. Responde mihi uero, quis permansit in mandatis Domini, & dere-
lictus est? Proinde non te timemus, Leo, quantumcunq^{ue} ferocientem etia-
am. Non enim poteris euertere tribunal Christi, quo nobiscum tibi eundum
est, & ad quod prouocantes nos cum Propheta dicimus: Iusticia iusti super
eum. Hæc fiducia est. Tu si me audis, non ante cognitionem damnabis
Fratrem tuum, quin potius reuelatione facta ueritatis, cedat error ueritati,
ut recte in Concilio Carthag: monuit Zosimus. Sed iam pluri quam opor-
tuit, interpellaui te. Igitur Bullam proseguere.

Qui quidem errores, respectiue, quam sint pestiferi, quam per-
niciosi, quam scandalosi, quam piarum & simplicium menti-
um seductiui, quam deniq^{ue} sint contra omnem charitatem ac a S.
Rom: Ecclesiæ matris omnium fidelium & magistræ fidei reueren-
tiam, atq^{ue} fneruum ecclesiasticæ disciplinæ, & obedientiam scilicet,
quæ fons est & origo omnium uirtutum, sine qua facile unusquisq^{ue}
infidelis esse conuincitur, nemo sanæ mentis ignorat.

a Hoc respectiue quid est? Dic aperte, ut te capiamus. b Si ad tuam
insatiabilem auariciam respiciat quis.

c Hic tuam conscientiam appel-
lo Decime, Nisi uocas charitatem tu seruilem, quæ tibi fit, subiectionem.

d Violentæ tyrannidis, & quæ fieri nec possit, nec debeat, cuiq^{ue} hoc præ-
sertim tempore resisti oporteat animosissime.

e Qualis, bone Christe, fidei magistra est, quæ publicam fidem abolet,
& interfecto iureiurando peierare nos docet, a religione autem aliena adeo
est, ut scomma Romæ sit, bene Christianum dici, te uero ridet, tuumque
sanctum Euangelium habet pro fabula. Perde nos Christe, nisi hæc ita ha-
bent. *

f Quam est imbecille corpus, quodq^{ue} illud est q^{ui} talibus neruis regitur.

g Magis oportet obedire Deo quam hominibus, Decime. Tu autem (cū
Apostolis dicimus tibi) si iustū est in conspectu Dei, te potius audire quam
Deum, iudica, nos, quæ Christus docuit, non possumus non & loquen-
do sequi & faciendo.

h Potius infideles arbitrarer esse nos, si tibi pa-
reremus, præsertim mala quando imperas, ut totis iam tribus annis, ne
ueritas colatur, aut uero si te sequeremur, pessimorum scelerum licentiam,
pecuniam pactus, quando irrogas, quemadmodum in tuis Bullis, quarum
plena est Germania, uidere licet. i Vocares sanæ mentis qui sic faceret?

Nos igitur in præmissis, utpote grauissimis, propensius (ut
debet) procedere, necnon huiusmodi pesti, morboq^{ue} canceroso, ne
in agro dominico tanquam uepris & nociua, ulterius serpat, sui iam
præcludere cupientes, & habita super prædictis errorib^{us}, & eorum sin-
gulis diligenti trutinatione, discussione, ac districto examine, ma-

BULLA LEONIS X

turacq; deliberatione, omnibusq; rite pensatis, ac sapius ventilatis, cum uenerabilibus Fratribus nostris, sanctæ Rom: Ecclesiæ Cardinalibus, ac Regularium ordinum Prioribus, seu Ministris generalibus, pluribusq; alijs sacrae Theologiæ, necnon utriusq; Iuris Professoribus, siue Magistris, & quidem, peritissimis, ^k reperimus eos de errores / respectiue (ut præfertur) aut articulos non esse catholicos, ⁿ nec tantq; tales esse dogmatizandos, sed ^o contra catholicæ Ecclesiæ doctrinam, siue traditionem, atq; adeo ueram diuinarum Scripturarum receptam interpretationem, cuius autoritati ita acquiescendum p̄ censuit Augustinus, ut dixerit, se Euangelio non fuisse crediturum nisi Ecclesiæ catholicæ interuenisset autoritas. Nam ex eisdem erroribus, uel eorum aliquo, uel aliquib, q̄ palam sequitur, eandem Ecclesiam ^r quæ Spiritu sancto regitur, errare & semper errasse. Quod est utiq; ^s contra illud quod Christus discipulis suis in ascensione sua (ut in sancto Euangelio Matth. legitur) promisit dicens: Ego uobiscum sum usq; ad consummationem seculi. Necnon ^t contra sanctorum Patrum determinationes Conciliorum quoq; & summorum Pontificum expressas ordinationes seu Canones, quibus non obtemperasse, omnium hæresum & schismatum, ^u teste Cypriano, fomes & causa semper fuit.

^a Tibi quidem sunt, quanquam a leuibus fieri paulo ante dixeris.

^b Ut tua fert avaritia. Aut uero ut decet etiam, sed non Pontificem quidem, aut Episcopum, sed Regem, & Leonem, qui superbo oculo, & insatiabili corde facias hæc.

^c In quo ut priores, grassari tu quoq; institueras, sed a nobis prohiberis, quod nunc fremis etiam. At uero, ut rem ipsam, ut est, tangam, non ueris Sanctissime, tuum sordidum mercatum uocare agrum dominicum? Neq; hoc uides, oculos recipere Germaniam, & magis ac magis cognoscere q̄ tu, qua fraude, faciem induas avariciæ tuæ? ^d Nunquam rectius comparasti hæc, Nam in hac uepre nimis impeditur iam & anxie hæres tu.

^e Serpet nisi tu coustiteris, Prædico tibi. ^f Ve uobis Pontifices, qui clauditis regnum cœlorum ante homines. ^g Vide Leonis diligentiam.

^h Qui & ipsi uident, esuriendum sibi esse. ⁱ Ad quos & ipsos nonnihil pertinet ex earapina, quam nos tam cōfidenter impedimus.

^k Vide quid inuenerit tanto adhibito studio, diligens pastor. ^l Iterū scire abs te laboro, hoc quid sit, respectiue. Atq; age dic nobis tandem, quod respicis, quando Lutherum damnas? Romanisticos dicere uolebas.

ⁿ Cautē. ^o Pulchre. Docuerunt linguam suam loqui mendacium, & in iniqua agerent laborauerunt. Tu autem Domine, quare non respicis contemptores, & taces conculcante impie iustiores se?

^p Validam ansam. Sed arbitraris ne Augustinum, si in tua tempora incidisset, tibi ac tuæ Ecclesiæ hoc tributurum fuisse? Proinde hanc sanctis hominibus iniuriam facere desine, ut ab ijs scripta peruerse ad tuum commodum torqueas.

^q Hoc quidem non sequitur, sed egestas tibi tuisq; Prothonotarijs & Creaturis incumbit. ^r Quasi nesciat orbis, nec sit in publica querela, hæc omnia fieri nunc Romæ Florentinorum instinctu, atq;

unum & alterum ciuitatis tuæ Ecclesiam gubernare, ipsum te etiam præter illorum

CONTRA ERRO^r MAR. LV^t CCCCXIII

illorum præscripta nihil agere. Quoties igitur monendus es, ne tuum consueutum malignantium, sanctam uoces Ecclesiam? s Strenuus propugnator euangelicæ doctrinæ est Decimus. t Neq; non erit. Teq; ut iniuria potentem deponet, ne grauis sis humilibus, quos exaltabit, tuumq; fastum confringet, & pharisaicū illud supercilium complanabit. Videt enim laqueum fieri uos speculationi, & sicut rete expansum super Thabor. Ob idq; dicet: Nonne cognoscent omnes, qui operantur iniquitatem, qui deuorant plebem meam sicut escā panis. Videtq; summa cū iniuria Christianæ plebis tyrannidem exercere uos, & dicet: Si nolueritis audire, & si nolueritis ponere super cor, ut detis gloriam nomini meo, mittam in uos egestatem, & maledicam benedictionibus uestris. Ego enim Dominus, hoc est, nomen meum, gloriā meam alteri non dabo. Sic nobiscum erit Deus, quod nisi indubitatum nobis fuisset, non sic confidenter obsistere tibi aggressi essemus. x Eorum, dic Episcoporum, qui Ecclesiam regnum esse uoluerint, atq; huic se Reges præfecerunt. y Quo trahis sanctum Martyrem? Non dicet testimonium.

* De eorundē itaq; uenerabilium Fratrum nostrorum consilio & assensu, ac omnium & singulorum prædictorum matura deliberatione prædicta b autoritate omnipotentis Dei, & beatorum Apostolorum Petri & Pauli, & nostra, præfatos & singulos articulos seu errores tanquam (ut præmittitur) respectiue hæreticos aut scandalosos, aut falsos, aut pium aurium offensiuos, uel simplicium mentium seductiuos & ueritati catholicæ obuiantes, damnamus, reprobamus, atq; omnino reijcimus, ac pro damnatis, reprobatis, & reiectis ab omnibus utriusq; sexus Christifidelibus c haberi debere, haurum serie decernimus & declaramus. Inhibentes in d uirtute sanctæ obedientiæ, ac sub maioris excommunicationis latæ sententiæ, Nec non quo ad ecclesiasticas & regulares personas, e Episcopaliū omnium, etiam Patriarchalium, Metropolitan: & aliarum cathedralium Ecclesiarum, Monasteriorum quoq; & prioratum, etiam Conuentualium, & f quorumcunq; dignitatum, aut beneficiorum Ecclesiasticorum, secularium, aut quorumuis ordinum regularium, priuationis & inhabilitatis ad illa, & alia in posterum obtinenda.

a Ne abutere potestate tua in Euangelio. Memineris autem iuxta eundem Paulum, nihil damnationis esse ijs, qui sunt in Christo Ihesu, qui non ambulat secundum carnem. b Vide Leo, Dei autoritatem quo in facto arroges tibi, & ne abutaris potestate, quam tribuit tibi Dominus in ædificationem, non in destructionem. Certe qui potestatem adsumit sibi iniuste, odium meretur. Etiam memento non esse in hominis potestate consilium Dei, qui ueritatem requirit, & retribuet abundanter facientibus superbiam e Nihil efficies. d Non mouemur, quia non sapis, quæ sunt Dei; sed quæ sunt hominum. e Regni sui satrapras enumerat. f Omnia deleta mauult, quam rapinæ suæ intercessum.

Quo uero ad Conuentus, Capitula seu domos aut pia loca, secularium, uel regularium, etiam mendicantium, nec non Vniuersitatis etiam studiorum generalium, quorumcunq; priuilegiarum, in-

BULLA LEONIS X

dultorum ^a a Sede Apostolica uel eius Legatis, aut alias quomodolibet habitorum uel obtentorum, cuiuscunque tenoris existant. Necnon nominis, & potestatis studium generale tenendi, legendi, ac interpretandi quasuis scientias & facultates & inhabilitatis ad illa, & alia in posterum obtinenda. Prædicationis quoque officij, ac amissionis studij generalis, & omnium priuilegiarum eiusdem.

^a Sic facitis Pontifices, alij aliorum acta rescinditis, & tamen Bullis uestris singuli præscribitis: Ad perpetuam rei memoriam, & omnes æternum ualitura quæ statuitis, persuasum nobis uultis. Quis igitur adharebit nunc tibi, cum sit certum, ex posteris quempiam hoc iudicium tuum soluturum?

^a Quo uero ad seculares eiusdem excommunicationis, necnon amissionis cuiuscunque emphiteosis, seu quorumcunque Feudorum, tam a Romana Ecclesia, quam alias ^b quomodolibet obtentorum, ac etiã inhabilitatis ad illa, & alia in posterum obtinenda.

^a Parce brachio seculari, Leo, ut sit quod ultimo contra nos implores.

^b Audite Imperatorem. Ecquis a Leonis igitur regno liber est? aut quem non continere se unguibus suis ille putat? At te conuenio Pastor Leo, Quid secularibus implicas te negocijs, qui Christo militare? Est hoc, uicẽ Christi uis gerere, trahere ad se quæ Christus non agnoscit?

Nec non quo ad omnes & singulos superius nominatos, ^a inhibitionis ecclesiasticæ sepulturæ, inhabilitatisque ad omnes & singulos actus legitimos, infamiæ, ac diffidationis, & criminis læsæ maiestatis, & hæreticorum, & fautorum eorundem in iure expressis poenis eo ipso, & absque ulteriori declaratione, per omnes & singulos supradictos, si (^b quod absit) contra fecerint, incurrendis. A quibus ^c uigore quibuscunque facultatis & clausularum etiam in ^d confessionalibus quibusuis personis, sub quibusuis uerborum formis contentarum, nisi a Rom: Pontifice uel alio ab eo ad id in specie facultatem habente, præterquam in mortis articulo constituti ^e absolui nequeant.

^a O immanitatem, Etiam ne in mortuos licet sæuere tibi? Quem facis tyrannidi tuæ modum?

^b Imo sit, ut strenue audeant multi obsæuere tibi.

^c Etiam suas nugas proterit. Atque utinam solas has conculcaret.

^d Quas tamen emeramus.

^e Petemus absolui, siquidem ligatos non sentiemus?

^a Omnibus & singulis utriusque sexus Christi fidelibus tam Laicis quam clericis, secularibus, & quorum uis ordinum regularibus, & alijs quibuscunque personis, cuiuscunque status, gradus uel conditionis existant, & quacunque ecclesiastica uel mundana præfulgeant dignitate, Etiam ^b sanctæ Rom: Ecclesiæ, Cardinalibus, Patriarchis, Primatibus, Archiepiscopis, Episcopis Patriarchalium, metropolitani: &

CONTRA ERRORES M^o L^o CCCCXV

tan: & aliarum cathedralium, collegiatarum, ac inferiorum Ecclesiarum Prælati, Clerici, alijsq; personis Ecclesiasticis, secularibus, & quorumuis ordinum, etiam mendicantium, Regularibus, Abbatibus, Prioribus, uel Ministris generalibus, uel particularibus Fratribus, seu religiosi, exemptis & non exemptis. Studiorum quoq; Vniuersitatibus, secularibus & quorumuis ordinum, etiam mendicantium Regularibus.

a Excursus leoninæ potestatis est. At uero Domini est regnum, & ipse dominabitur gentium. Isq; paulo post dicit: Rugitus leonis, uox leonæ, & dentes catulorum leonum contriti sunt. Et quia Hieronymum solebas testem obijcere nobis, audi quid de hoc rugitu tuo sentiat? Videmus, inquit, Principes Ecclesiæ ita in subiectos populos detonare, & uoce tyrannica, rapidisq; couitijs plebem contere, ut non pastorem in grege, sed leonem inter ouiculas putemus. Nonne igitur obturandæ nobis contra tuum rugitum aures sunt? & uox Pastoris, ubi ubi ille sit, qui amore Christi, non pecuniæ studio pascat, attende audienda, & pertinaciter sequenda?

b Parce tot uoluptuarijs, tot strenuis comedonibus, tot inuictis potatoribus, tot eruditis aleatoribus, tot elegantibus scortatoribus, totq; dominis parce Decime, ne si quid uel ebrj censuerint, piaculum hoc eis sit.

c Ne hos opprimas, irate Leo, opus manuum tuarum.

¶ Nec non Regibus, Imperatoris Electoribus, Principibus, Ducibus, Marchionibus, Comitibus, Baronibus, Capitaneis, Conduktoribus, Domicellis, omnibusq; Officialibus, Iudicibus, Notarijs ecclesiasticis & secularibus, Communitatibus, Vniuersitatibus, Potentatibus, Ciuitatibus, castris, terris & locis, seu eorum uel earum ciuibus, habitatoribus & incolis, ac quibusuis alijs personis, ecclesiasticis, uel regularibus (ut præfertur) per uniuersum orbem ubicunque, & præsertim in Alemania existentibus, uel pro tempore futuris, ne præfatos errores, aut eorum aliquos, peruersamq; doctrinam huiusmodi asserere, affirmare, defendere, prædicare, aut illi quomodolibet, publice uel occulte, quouis quæsito ingenio uel colore tacite uel expresse ad fauere præsumant.

a Infinitum est Leonis regnum, atq; eo grauius etiam. Quam periculosa igitur res est, Leonem accipere in Rempub. Iam postquam semel enim acceptus es tu Decime, ali quoq; uis, Sed ali non potes, nisi nostris spolijs. Utinam græcum Poetam audissemus. Sed alant te, qui acceperunt. Nos oportet imitari Apostolos, iuxta institutionem, quam accepimus ab ipsis, & subducere nos a te, qui inordinate te geris, atq; oneri es nobis. Vbi, quem magni facis, diuus Hieronymus putat, prodesse tibi, si detraharis ab arrogantia tua, ut postea recto itinere gradiaris.

b Vbi foelicissime cedebat rapienti tibi, & super quam facillime soles rugire tu, ut terram eius ponat in solitudinem.

c Omnium occulta etiam iudicia unus moderatur Leo, atqui de occultis non iudicat Ecclesia.

d Etiam in fauores nostros ius habet ille seruorum Seruus.

Insuper

BULLA LEONIS X

Insuper, quia errores præfati, & plures alij continentur in Libellis seu scriptis, cuiusdam Martini Lutheri, dictos libellos, & omnia dicti Lutheri scripta, seu Prædicationes, in latino, uel quocunque alio idiomate reperiuntur, in quibus dicti errores, seu eorum aliquis continentur, similiter damnamus, reprobamus, atque omnino reijcimus, & pro omnino damnatis, reprobatis ac reiectis (ut præferatur) haberi uolumus. ^b Mandantes in uirtute sanctæ obedientiæ, & sub poenis prædictis eo ipso incurrendis, omnibus & singulis utriusque sexus Christifidelibus superius nominatis, ne huiusmodi scripta, Libellos, Prædicationes seu schedulas, uel in eis contenta capitula, errores aut articulos supradictos continentia, legere, assertere, prædicare, laudare, imprimere, publicare siue defendere, ^d per se, uel alium, seu alios, directe uel indirecte, tacite uel expresse, publice uel occulte, aut in domibus suis, siue alijs, publicis uel priuatis locis tenere quoquo modo præsumant, Quinimo illa statim post harum publicationem ubicunque fuerint, per Ordinarios & alios supradictos diligenter quæsitæ publice, & solemniter in præsentia cleri & populi, sub omnibus & singulis supradictis poenis ^f comburant.

^a Attende Emphasim.

^b Non obtines. Iam enim altius radices egerunt, quam ut auelli abs te sustineant.

^c Attende copiam sermonis.

^d Quam disertis sunt Romani Copistæ Bullarum conflatores.

^e Nihil præterit, Atque adeo ubi est una rimula, nondum expleta? Hoc tandem est Oratorem esse & literas latine loqui scire.

^f Vixerunt, Actum est.

Quod uero ad ipsum Lutherum attinet, bone Deus, quid prætermisimus, quid non fecimus, quid paternæ charitatis omisimus, ut eum ab huiusmodi erroribus reuocaremus? Postquam enim ipsum citauimus, ^b mitius cum eo procedere uolentes, illum inuitauimus, atque tam per diuersos tractatus, cum Legato nostro habitos, quam per literas nostras hortati fuimus, ut a prædictis erroribus discederet, aut ad nos, ^d oblato etiam saluo conductu, & pecunia ad iter necessaria, ^f sine metu, sine timore aliquo, quem ^g perfecta charitas foras mittere debuit, ueniret, ac ^h Saluatoris nostri, Apostolicæ Pauli exemplo, ⁱ non in occulto, sed palam, & in facie loqueretur. Quod si fecisset, ^k pro certo (ut arbitramur) ad cor reuersus, errores suos cognouisset, nec in Romana Curia, quam tantopere uanis maleuolorum rumoribus plusquam oportuit tribuendo uituperat, tot reperisset errata, docuissemusque eum, luce clarius, sanctos Romanos Pontifices, Prædecessores nostros, quos præter omnem modestiam iniuriose lacerat in suis Canonibus seu Constitutionibus

CONTRA ERROREM MARCV LVT. CCCCXVI

bus, quas mordere nititur, nunquam errasse. Quia iuxta Prophetam, nec in Galaad resina, nec medicus deest.

a Vide mansuetudinem, Itaque agnium illum balatum simulat, qui sic ferociter rugiebat modo, ut tonitru uocis suae omnes conterrebat.

b Ah mitius, Quasi aliquis ignoret, quo processurus fueris.

c Etiam posthac, Luthere, ne credas eis, cum locuti fuerint tibi bona. Habitatio enim eorum in medio doli, & loquuntur quidem cum proximo suo pacem, mala autem in cordibus eorum.

d Fatetur periculum esse in accessu.

e Scimus, Eruebas hominis sanguinem, ut pro libitu tuo effunderes.

f Tu quidem nihil metuebas, nisi hoc quod euenit, non accessurum eum.

g Nota, perfectam charitatem habet Leo. Quis paulo ante credebat hoc?

h Ab exemplo.

i An in occulto locutus est, qui totam pene Europam praedicationis suae auditu impleuit?

k Hoc quidem credimus, semel abs te acceptum illum, nunquam fuisse postea quidquam locuturum.

l Tu ne coges nescire homines quae uident, quaeque sciunt? Quid tandem non permittis tibi? Illam omnium malorum sentinam, illud omnium pessimorum scelerum domicilium, omnis labis, omnisque foedissimae turpitudinis receptaculum, illud publicae uitae contagium, communem pestilentiam, urbem Romam persuadebis nobis non esse talem?

m Nihil ne te pudet Pontifex? Ad nullum mendacium frontem mutas? Sed nihil horum scriberes, nisi te ab omni honestate auersum traheret pecuniae studium.

Sed obaudiuit semper, & praedicta Citatione, omnibusque & singulis supradictis spreto, uenire contempsit, ac usque in praesentem diem contumax, atque animo indurato censuras ultra annum sustinuit. Et quod deterius est, addens mala malis, de Citatione huiusmodi noticiam habens, in uocem temerariae Appellationis prorupit ad futurum Concilium, contra constitutionem Pij II, ac a Iulij II. praedecessorum nostrorum, qua cauetur, taliter appellantes haereticorum poena plectendos (Frustra etiam Concilij auxilium implorauit, sed qui illi se non credere palam profitetur) Ita ut contra ipsum, tanquam de fide notorie suspectum, imo uere haereticum, absque ulla Citatione, uel mora, ad condemnationem & damnationem eius, tanquam haeretici, ac omnium & singularum superscriptarum poenarum & censurarum seueritatem procedere possemus, Nihilominus de eorundem Fratrum nostrorum consilio, omnipotentis Dei imitantes clementiam, qui non uult mortem peccatoris, sed magis ut conuertatur & uiuat, omnium iniuriarum hactenus nobis & apostolicae Sedis illatarum obliti, omni qua possumus pietate uti decreuimus, & quantum in nobis est, agere, ut proposita mansuetudinis uia, ad cor reuertatur, & a praedictis recedat erroribus, ut ipsum, tanquam Filium illum prodigum ad gremium Ecclesiae reuertentem benigne recipiamus.

a Quis

BVLLA LEONIS X.

- a Quis ignorat, cur tantopere cupias Romæ uidere Lutherum?
b Hoc illud tandem est nefas, omni scelere sceleratius, appellare ad futurum Concilium.
c Impiam scelesti impostoris cōstitutionem nobis obijcis. Quis accipiet, eorum præsertim, qui iam oculos receperunt? O fraudem atq; uiolentiam.
d Sanctum hominem commemoras.
e Hoc tandem est ius & fas omne auferre, & implere donū Domini Dei iniquitate & dolo. Quod abs te quæro. Creditis ne esse Pontifices, illum superne Iudicem, qui aliquando hanc a uobis rationem exacturus sit? Profecto non creditis. Neq; enim si Deum esse putaretis, sic confidenter omnia peruerteretis. Iam igitur optima conscientia recedimus a uobis. Seducitis nos enim, & quantum in uobis est, perditis.
f Quid ais interfecto Conciliorum? Hoc ne Lutherus facit?
g Quod potuit, non uoluit. Quis accusat Leonem?
h Vide modestiam Reuerendissimorum.
i O clementiam incredibilem, Et Leonem quidem nemo putauit posse tam clementem esse, præsertim quando occidere posset.
k Etiam pius esse Leo posset, modo rapientem eum & grassantem iugiter ferremus.
l Quid niteris bonam ostendere uiam tuam, ad quærendam dilectionem, qui in superbia & malicia tua docuisti uias tuas, & in alis tuis inuentus est sanguis animarum pauperum & innocentum?
m Heu prodigum Lutherum, qui sic largiter profudit euangelicam doctrinam.
n Quoties inculcandū est, in Ecclesia tua, nolle uersari nos, neq; cum Copiis tuis uelle tibi adsentari? Quin tu potius ad sanitatem redis, proijciens auariciam ex calumnia, & excutiens manus tuas ab omni munere.

Ipsam igitur Lutherum, & quoscunq; ei adhærentes, eiusq; receptatores & fautores, per uiscera misericordiæ Dei nostri, & per asperisionem sanguinis Domini nostri Ihesu Christi, quo, & per quem humani generis redemptio, & sanctæ matris Ecclesiæ ædificatio facta est, ex toto corde hortamur & obsecramus, ut ipsius Ecclesiæ pacem, unitatem & ueritatem, pro qua ipse Saluator tam instanter orauit ad Patrem, turbare desistant, & a prædictis tam perniciosissimis erroribus prorsus abstineant, inuenturi apud nos, si effectualiter paruerint, & paruisse per legitima documenta nos certificauerint, paternæ charitatis affectum, & apertum mansuetudinis & clementiæ g fontem.

- a Hæc te misericordiæ uiscera induere iubet Paulus, simul benignitatē, humilitatem, modestiam & patientiam, quem nos uidemus magno etiam cum dolore nostro, contra indutum, pro misericordia crudelitatem, pro patientia iracundiam, pro iusticia iniquitatem, & ut semel dicam, pro uirtutibus uitia, id est, pro Christo Deo Antichristum diabolum.
b Miror talis cum sis, hæc posse loqui te interim, sic fingere, sic simulare & dissimulare.
c Secure uult regnare Decimus, sed uereor ut possit, sic commota Germania.
d Quippe unde fames tot Reuerendissimorum, & penuria ipsi Domino imminet?

Facile

CONTRA ERRORES MARCI LUTHERI CCCCXVII

e Facile credimus empturum magni te, ut uerum taceamus, tibiq; per-
mittentes regnum, ipsi omnes tam iniquo Domino seruiamus tibi.

f Apagesis, charitatem tuam, Pater Leo, quam scimus qualis sit.

g Clementiæ & mansuetudinis fontem audes dicere te? O iniquitatem.

L. Pet. 2.

At certe isti sunt fontes aqua carentes, nã bullæ quæ a procella feruntur,
quibus caligo tenebrarum in æternum seruata est. Itaq; nihil agis, Leo, uel
sic fingens te. Non enim derelinquemus fontem aquæ uiuæ Dominum, &
fodiemus nobis cisternas, quæ non ualebunt aquam continere.

Inhibentes & nihilominus eidem Luthero ex nunc, ut interim ab
omni prædicatione, seu prædicationis officio omnino desistat. b Alio-
qui ut ipsum Lutherum, si forte iusticiæ & uirtutis amor a pec-
cato non retrahat, indulgentiæq; spes ad poenitentiam non reducat,
& poenarum terror coerceat disciplinæ, eundem Lutherum, d eiusq;
adhærentes complices, e fautores & receptatores tenore præsentium
requirimus, & monemus in uirtute sanctæ obedientiæ, & sub præ-
dictis omnibus & singulis poenis, eo ipso incurrendis, districte præ-
cipiendo f mandamus, quatenus g infra sexaginta dies, quorum ui-
ginti pro primo, uiginti pro secundo, & reliquos uiginti dies pro
tertio & peremptorio termino assignamus, ab affixione præsentium
in locis infra scriptis, immediate sequentes numerandos, Ipse Luth-
erus, complices, fautores, adhærentes, & receptatores prædicti a
præfatis erroribus eorumq; prædicatione ac publicatione & assertio-
ne, defensione quoq; & librorum seu scripturarum editione, super
eisdem, siue eorum aliquo, omnino desistant: librosq; ac scripturas
omnes & singulas, præfatos errores, seu eorum aliquos quomodo-
libet continentes, h comburant, uel comburi faciant. Ipse etiam Lu-
therus errores & assertiones huiusmodi omnino i reuocet, k ac de Re-
uocatione huiusmodi per publica documenta l in forma iuris ualida,
in manibus duorum Prælatorum consignata, ad nos infra alios simi-
les sexaginta dies m transmittenda, uel per ipsummet (si ad nos uenire
uoluerit, n quod magis placeret) cum præfato plenissimo saluo con-
ductu, quem exnunc concedimus, deferenda, nos certiores efficiat,
ut de eius uera obedientia o nullus dubitationis scrupulus ualeat re-
manere.

a Veritatem prædicare uetat Lutherum. Neq; enim patientes eius sunt
Vrbis aures. Sed ille non parebit, postquam semel uiam ueritatis elegit.

b Omnia pertentat, &, quod aiunt, omnem mouet lapidem, ut ne re-
gno excidat. Tam inuiti exiguntur tyranni.

c Adhuc mouere istos nos terrores existimat, non nouit, Germania quan-
tum immutata sit, discere.

d Vereor quo euadat. e Dii immortales, quantum bonorum homi-
num Romam uocat, Non capiet Vrbs. Sed tu uide, Leo, ne te oneres
hospitibus nimis multis, Me quidem, si audient alij, ueniemus tibi.

f Domine Deus, possederunt nos Domini absq; te, tantum in te recor-
demur nominis tui.

ff

g Non

BULLA LEONIS X

g Non satis dierum est, Decime, podagricis quibusdam & aliter morbo-
tis, qui in lecticis adportandi sunt, ac illis etiam decrepitis, qui tripodes
ambulabunt.

h Obtinuisti. Ardent, sed in cordibus bohorum, o perniciosum tibi in-
cendium, iam extingue, si potes.

i Reuocabit & reclamabit, neque unquam repetere cessabit ueritatis uer-
bum, ne qua illud obliuio perimat.

k Cautē. l Id est, in forma cameræ apostolicæ.

m Transmittet, si me audiret, ut uideas magno cum dolore tuo.

n Tunc enim liceret interficere tibi prædicatorem ueritatis. Non absque
causa toties allicis Lutherum. o Nimum caues.

Alias, si (quod absit) Lutherus præfatus, complices, fautores,
adhaerentes & receptatores prædicti secus egerint, seu præmissa
omnia & singula infra terminum prædictum cum effectu non im-
pleuerint, Apostoli imitantes doctrinam, qui hæreticum homi-
nem post primam & secundam correctionem uitandum docuit,
exnunc prout extunc & econuerso eundem Lutherum, complices
adhaerentes, fautores & receptatores præfatos, & eorum quem-
libet, tanquam aridos palmites, in Christo non manentes, sed doctri-
nam contrariam, catholicæ fidei inimicam, siue scandalosam, seu dam-
natam, in non modicam offensam diuinæ maiestatis ac uniuersalis
Ecclesiæ, & fidei catholicæ detrimentum, & scandalum dogmatiz-
zantes & prædicantes, & clauēs quoque Ecclesiæ uilipendentes, noto-
rios & pertinaces hæreticos eadem authoritate fuisse & esse declara-
ntes, eosdem, ut tales harum serie condemnamus, & eos pro talibus
haberi ab omnibus utriusque sexus Christifidelibus supradictis uolu-
mus, & mandamus. Eosque omnes & singulos omnibus supradic-
tis & alijs contra tales a iure inflictis poenis præsentium tenore sub-
ijcimus, & eisdem irretitos fuisse & esse decernimus & declara-
mus.

d Neque enim e re tua erit.

b Pulchra loquutio. En stylum Romanæ Curia.

c Non uidebamus clauēs, iam Imperator Leo, Tu enim gladios usurpa-
ueras, quem uidimus, multis cum milibus in Urbini Ducem ferri, ac san-
guinem Christianorum fundere.

d Hoc illud est Apostoli, cum rete, quo capiuntur homines ut pereant. O
nouitatem.

Inhibemus præterea sub omnibus & singulis præmissis poenis
eo ipso incurrendis, omnibus & singulis Christifidelibus superius
nominatis, ne Scripta & etiam præfatos errores non continentia, ab
eodem Luthero quomodolibet condita uel edita, aut condenda uel
edenda, seu eorum aliqua, tanquam ab homine orthodoxæ fidei
inimico, atque ideo uehementer suspecta, & ut eius memoria om-
nino deleatur de Christifidelium consortio, legere, asserere, prædi-
care, laudare, imprimere, publicare, siue defendere, per se, uel alium
seu

CONTRA ERRO^r MAR^r LVT^r CCCCXVIII

seu alios, directe uel indirecte, tacite uel expresse, publice uel occulte, seu in domibus suis siue alijs & locis publicis uel priuatis tenere quoquo modo præsumant, quinimo illa comburant, ut præferatur.

a Etiam sana Lutheri scripta damnas? & cum zizanijs una optimam etiã segetem euellis & comburis? Vel hoc uideris impie agere, ac tui oblitisci.

b Memoriam deles eius, quem in gratiam modo, si resipisceret, accipiebas. His moribus intolerabilem te facis, & ut destruant te boni omnes.

c At per cancellos, dic mihi, nūquid inspicere licebit? Et uos miror, quid in tanto ocio facitis Romę, quo minus latine loqui discatis, Talis est barbaries.

d Etiam non criptis.

¶ Monemus insuper omnes & singulos Christifideles supradictos sub eadem excommunicationis latę sententię pœna, ut hæreticos prædictos declaratos & condemnatos, mandatis nostris non obtemperantes, post lapsum termini supradicti^b euitent, & quantum in eis est, euitari faciant, nec cum eisdem uel eorum aliquo commercium aut aliquam conuersationem, seu communionem habeant, nec eis necessaria ministrent.

a Audi alium Leonis rugitum, quo de a Sophonia uate perscriptum est olim: Principes in medio eius, quasi leones rugientes. Vbi mirificus est Hieronymus, quem hic noster solum colit?

b Soli sumus.

c Etiam matulam non porrigent.

¶ Ad maiorum præterea dicti Lutheri suorumq; complicum, fautorum & adhaerentium, ac receptatorum prædictorum sic post lapsum termini prædicti declaratorum hæreticorum, & condemnatorum^b confusionem, uniuersis & singulis utriusq; sexus Christifidelibus, Patriarchis, Archiepiscopis, Episcopis, patriarchalium, metropolitā. & aliarum cathedralium, collegiatarum, ac inferiorum Ecclesiarum prælatis, capitulis, alijsq; personis ecclesiasticis, secularibus, & quorum uis ordinum, etiam Mendicantium (præsertim eius congregationis, cuius dictus Lutherus est professus, & in qua degere, uel morari dicitur) regularibus, exemptis, & non exemptis, Necnon uniuersis & singulis Principibus, quacunq; ecclesiastica uel mundana fulgentibus dignitate, Regibus, Imperatoribus, Electoribus, Ducibus, Marchionibus, Comitibus, Baronibus, Capitaneis, conductoribus, domicellis, communitatibus, Vniuersitatibus, potentatibus, ciuitatibus, terris, castris & locis, seu eorum habitatoribus, ciuibus & incolis, omnibusq; alijs & singulis supradictis per uniuersum orbem, præsertim in eadem Alemania constitutis mandamus, quatenus sub prædictis omnibus & singulis pœnis, ipsi uel eorum quilibet præfatum Lutherum, complices, adhaerentes, receptatores & fautores personaliter^d capiant, & captos

ff ij ad nos

BVLLA LEONIS X.

ad nostram instantiam retineant , & ad nos mittant. Reportaturi pro tam bono opere , a nobis & Sede apostolica remunerationem , premiumq; condignum , uel saltem eos , & eorum quemlibet de metropolitani cathedralibus , collegiatis & alijs Ecclesijs , domibus , monasterijs , conuentibus , ciuitatibus , dominijs , uniuerſitatibus , communitatibus , castris , terris ac locis respectiue , tam clerici & regulares , quam laici omnes & singuli supradicti , omnino expellant.

a Brachium ſeculare excitabit hic rugitus.

b Confundantur omnes inique agentes ſuperuacue.

c Vide , quomodo Eccleſiam non amore , ut Chriſtus , ſociet , ſed uia terrore , ut tyranni , cogat , Quis ferret talem Paſtorem?

d Nunc tandem expediebat , plures eſſe Curtiſanos , qui tantum hominum cogerent.

e Premium pollicitum ijs , qui nos prodiderint , & preſcripto pacſcitur proſcriptorum capita. Vere Romanus eſt. Dic mihi uero , Decime , quid facies in die uiſitationis & calamitatis de longe uenientis ? Non fugis a futura Dei ira?

Ciuitates uero , dominia , terras , caſtra , uillas , comitatus , fortilitia , oppida & loca quaecunq; ubilibet conſiſtentia , earum & eorum reſpectiue , Metropolitan: Cathedrales , Collegiatas & alias Eccleſias , Monasteria , Prioratus , Domus , Conuentus , & alia loca religioſa , uel pia , cuiuſcunq; ordinis (ut præfertur) ad quæ præſatum Lutherum , uel aliquem ex prædictis declinare contigerit , quamdiu ibi permaſerit , & triduo poſt reſceſſum , eccleſiaſtico ſubiicimus interdico.

a Interdicat ſacris , En pietaten eius Pontificis , qui ſe pacificum appellari nuper , quaſi nouus orbi Salomon illuxiſſet , uoluit.

Et ut præmiſſa omnibus innotescant , mandamus inſuper uniuerſis , Patriarchis , Archiepiſcopis , Episcopis , patriarchaliū , metropolitani & aliarū cathedralium ac collegiatarum Eccleſiarū Prælatiſ , Capituliſ , alijsq; perſoniſ eccleſiaſticis , ſecularibus & quorumuiſ ordinum ſupradictorum regularibus Fratribus , Religioſiſ , Monachiſ , exemptiſ & non exemptiſ ſupradictiſ ubilibet , præſertim in Alemania conſtitutiſ , quatenus ipſi , uel eorum quilibet ſub ſimiſ libuſ cenſuriſ , & poeniſ eoipſo incurendiſ , Lutherum , omneſq; & ſinguloſ ſupradictoſ , qui elapſo termino , huiuſmodi mandatiſ ſeu monitiſ noſtriſ non paruerint , in eorum Eccleſijs , dominijs & alijs feſtiuiſ diebuſ , dum inibi maior populi multitudo ad diuina conuenerit , declaratoſ hæreticoſ & condemnatoſ publice nuncient , faciantq; , & mandent ab alijs nunciari , & ab omniſ arctiſ euitari. Necnon omniſ Chriſtifiſdelibuſ , ut eoſ euitent pari modo , ſub prædictiſ cenſuriſ & poeniſ . Et præſenteſ Literaſ , uel earum tranſumptum ſub forma infra ſcripta factum in eorum Eccleſijs

CONTRA ERRORES M^l L^l CCCCXIX

Ecclesijs, monasterijs, domibus, conuentibus, & alijs locis, legi, publicari, atq; affigi faciant.

a Nihil facit aliud, quam mandat, iubet, imperat, decernit, uetat, inhi-
bet, terret, minatur, Nimirum Imperatorem ostendit se. Verum heus tu,
Leo, ne superbi, Deus enim superbis resistit, humilibus autem dat gratiam.

« Excommunicamus quoq; & anathematizamus omnes & singu-
los cuiuscunq; status, gradus, conditionis, præminentiae, dignita-
tis, aut excellentiae fuerint, qui, quo minus praesentes Literae uel ea-
rum transumpta, copiae, seu exemplaria, in suis terris & dominijs
legi, affigi & publicari possint, fecerint, uel quoquo modo procura-
uerint, per se uel alium seu alios, publice uel occulte, directe uel in-
directe, tacite uel expresse.

a Tandem ad ultimū euadit leonina feritas, Vbi si in isto musicorū tuo-
rum strepitu licet audire tibi, Leo, scire cupio, qua cōfidentia hoc agas. Putas
ne in tua esse potestate interficere animas, quæ non moriuntur, & uiuificare,
quæ non uiuunt? Quare autem mentiris populo Dei credenti mendacijs?
An nefas esset hoc, si non solum sceleratam hanc a nobis Bullam, & om-
nes huic similes fortiter arceremus? Sed & ipsos occideremus publice Bul-
larum caupones?

« Postremo, quia difficile foret praesentes Literas ad singula
quæq; loca deferri, in quibus necessarium foret, Volumus, & Apo-
stolica autoritate decernimus, quod earum transumptis manu pub-
lici Notarij confectis & subscriptis, uel in alma Vrbe impressis, & si-
gillo alicuius Ecclesiastici Prælati munitis, ubiq; stetur, & plena fi-
des adhibeatur, prout originalibus Literis staretur & adhiberetur,
si forent exhibitæ uel ostensæ.

a Huic difficultati subuenientes, denuo edendam curauimus, Multum
enim nostra interest, talem tuam tam splendidam Bullam latissime circum-
ferri.

Et ne praefatus Lutherus omnesq; alij supradicti, quos praesens
Litera quomodolibet concernunt, ignorantiam earundem litera-
rum, & in eis contentorum omnium & singulorum prætereundere uale-
ant, literas ipsas in basilicæ principis Apostolorum, & cancellariae
Apostolicæ, necnon cathedralium Ecclesiarum Brandenburgen. &
Misnen. et Mersburgen. ualuis affigi & publicare deberi uoluimus,
Decernentes, quod earundem literarum publicatio sic facta, supra-
dictum Lutherum, omnesq; alios & singulos prænominatos, quos
Litera huiusmodi quomodolibet concernunt, perinde arceant, ac si
Litera ipsa die affixionis & publicationis huiusmodi, eis personaliter
lecta & intimata forent. Quum non sit uerisimile, quod ea, quæ
tam patenter fiunt, debeant apud eos incognita remanere.

a At cognoscimus, sed non agnoscimus, Hæc tandem est hebetudo
nostra.

« Non obstantibus constitutionibus & ordinationibus Apo-
stolicis

BVLLA LEONIS X

stolicis, seu supradictis omnibus & singulis, uel eorum alicubi, aut quibuscumque alijs a Sede apostolica prædicta, uel ab ea potestatem habentibus, sub quauis forma, etiam confessionalis, & cum quibuscumque etiam fortissimis clausulis, aut ex quauis causa, seu grandi consideratione indultum, uel concessum existat, quod interdicti, suspendi, uel excommunicari non possint per literas apostolicas non facientes plenam & expressam, ac de uerbo ad uerbum, non autem per clausulas generales, id importantes de indulto huiusmodi mentionē, eiusdem indulti tenores, causas, & formas, perinde ac si de uerbo ad uerbum infererentur, ita ut omnino tollatur, præsentibus pro expressis habentes.

a Omnia perumpit hoc fulmen, etiamsi apostolicum opponatur quid. Atque ita Satanam expellit satanas, ut spes sit, diuisum eius intra se regnum, mox ruiturum. b Adamantinis illis, & maximi emptis.

«Nulli ergo omnino hominum liceat hanc paginam nostræ ^b damnationis, reprobationis, reiectionis, decreti, declarationis, inhibitionis, uoluntatis, mandati, hortationis, obsecrationis, requisitionis, monitionis, assignationis, confessionis, cōdemnationis, subiectionis excommunicationis, & anathematizationis infringere, uel ei ausu temerario contraire. Si quis autem hoc attentare præsumpserit, indignationem omnipotentis Dei, ac beatorum Petri & Pauli Apostolorum eius, se nouerit incursum.

a Utinam omnes legant, ac intelligant, ut qualis sit arbor, ex fructu arboris pernoscant. Hoc in primis optamus Decime, Tantum abest, ut refugere hoc tuum edictulum uolumus. Sit hoc igitur anteaclæ uitæ testimonium tibi, Hic te fœtus probet.

b Sexcentis nominibus inscribit tale suum tantum decretum Decimus.

c Quam in tua manu habes. Nam quid omnium est, quod non arrogetis uobis Pontifices? Quibus nos uicissim cum Tertulliano respondemus, Cum damnamur a uobis, a Deo absoluemur. Hoc nos dirimat.

Datum Romæ apud sanctum Petrum, Anno incarnationis dominicæ M. D. XX. 17. Kalen. Iulij, Pontificatus nostri anno octauo.

Visa R. Milanesius

Albergatus.

AD LEONEM X



Æc super Bulla tua habuimus, Pontifex Leo, quam præstabat Romæ cōtineri apud sanctum Petrum, ut perpetuo lateret, quam tanto cum pudore, (si te modo pudet dedecoris) foras & in lucem emitti. Quare ne non semper aliquid recte moneamus te, precium operæ est, isti tuæ licentiæ modum statuere, & petulantes huius generis Bullas frenare, ne plus æquo se effundant, Paulus iubet etiam a specie mali abstinere te, tanto

tanto minus debes apertum te offendiculum præbere populo Christiano, cui iam persuasum ipsi quoque est, in Germania præsertim, ex Pontificalibus constitutionibus, ut numi uulgo sunt, tanto quamque deteriore esse, quanto sit recentior. Noli uero commutare ueritatem Dei in mendacium, & humanas uestras constitutiones ab auaricia & ambitione depromptas diuinis præferre mandatis, & Dei uerbo.

Illud in primis desiste, amore lucri diuinæ Scripturæ sensum iniquis de torquere modis, & ab se alienum reddere, ac fascinare fidelium mentes, ne ueritati obediant. Nam quid coneris, tam manifestis tuis flagitijs boni speciem inducere, cum possim, si in concertationem me perduxeris, unum in Germania Episcopum ostendere omnibus, a quo ui ac fraude extorsisti quater sexagies mille aureos. Est hoc tondere oues? Aut spelunca latronum facta est domus Domini?

Tandem cupiditatibus tuis obsiste, atque istā tempera rapacitatē tuam, confidens in uerbis mendacij, ac dicens quotidie: Templum Domini, templum Domini, & Pax, pax, cum non sit pax. Nam ut hominum genus fallas his fraudibus, non potes illum latere cordium scrutatorem, qualis sis, Memineris uero flagelli inundantis ubi transibit, ne ueniat super te & Pseudececlēsiā istam tuam, totamque semel conculcet pessimorum Romæ hominum colluiem. Quid enim Romæ habes, præter infinitum illum musicorum tuorum & adsentatorum gregem, nisi meros fures, meros impostores, fraudatores, prædones, aut aliter malos homines, qui quasi aucupes ponunt laqueos & pedicas, ad capiendum quotidie hinc aliquid?

Parcius præterea laceſſe ueritatis adſertores, ne malum ultro tibi concilies. Iam hoc enim clamant cum Propheta passim multi: Quia corruit in plateis ueritas, & æquitas non potuit ingredi. Et facta est ueritas in obliuionem, & qui recessit a malo, prædæ patuit. Quare meum est consilium, ne unquam in mentem ueniat tibi, ulterius persequi Lutherum, cum ipsi una, quos ille commouit. Plures sunt enim, quam ut uel tibi uel ulli Episcopo liceat tantum animarum, si possitis etiam perdere. Vides iam ante mustitatum esse passim contra te, quod tam leuiter, & nulla de causa, istud tuum fulmen iaculeris, quod non consideras, si in contemptum aliquando uenerit, quantum offendiculi uulgo paritutum sit.

Igitur mansuesce, & charitatis non fictæ illius, sed Christianæ & sinceræ officium fac. Exhibe te formam nobis ad imitandum, ac illud cura, non ut explearis tu, sed ut nos pascamur. Quod ut decreueris, tum scientia posthac pascere nos & doctrina, non Bullis. Iam pertesum est harum enim. Indulgentias uero tuas nauseamus, ut æque nihil. Pontificiæ dotes sunt, sapientia, puritas, castitas, & rerum omnium contemptus. Has amplectere. Sic enim fiet, ut colat te Germania, cum amare uiderit, non oppugnet, ubi terrere persenserit. Decet autem beneuolentia uincere te omnes, ut cogere neminem. Hæc libere, sed uere, ut

& res sunt, & tempora ferunt.

Vale. Ex Germania

Dirumpamus uincula eorum, & proſciamus
a nobis iugum eorum.

Disputationum plurimarum materiæ, quæ a reuerendo D. Martino Luthero ab anno Christi M. D. XIX. usq; ad annum M. D. XLV. propositæ sunt in schola, & fideliter explicatæ, in quibus animaduertet pius Lector, postquam Aduersarij puræ doctrinæ Euangelij oppugnare res ueras a D. Luthero traditas, ceperunt, paulatim doctrinam salutarem magis magisque illustratam esse, Multum enim lucis addunt Propositionibus prioribus sequentes. Cum autem præcipui articuli doctrinæ Christianæ in his Propositionibus erudite & perspicue explicentur, Sæpe legendæ sunt, & lectæ pios utiliter erudient & confirmabunt.

**PHILIPPVS MELANTHON
LECTORI S. D.**



CONGessi in aceruum aliquot Propositiones D. Lutheri, cum ob alias causas, tum quia graues quosdam locos doctrinæ Christianæ continent, qui ex his breuibus Sententijs melius cognosci possunt, quam ex magnis aliorum uoluminibus. Hæ sententiæ primum restituerunt in lucem Puram Euangelij doctrinam de poenitentia, de usu Sacramentorum, de iustificatione, quod fide propter Christum Filium Dei accipiamus remissionem peccatorum & reconciliationem, & iusti reputemur, non propter nostra opera. Hæ res antea iacebant obrutæ nugacissimis disputationibus Theologorum & Canonistarum, Id quod tunc ferebantur illi ipsi, cum hæc primum nascerentur, apud quos nunc capitale est, Lutherum nominare.

Si quis expenderit, quantam utilitatem adferat prijs mentibus horum locorum cognitio, qui in his Disputationibus patefacti atq; illustrati sunt, intelliget se plurimum Deo pro his spiritualibus donis debere, quæ magnopere ad Christi beneficia cognoscenda, & ad Scripturas intelligendas conducunt.

Cum autem hæc scripta nonnulli summa ui conentur opprimere, decet uiros bonos ea pro uirili defendere, & ab interitu uindicare. Quod si non licebit ea proferre in confessus Monachorum et Pontificum, in tam iniquis iudicijs, legent tamen Christiani, & tanquam intus canent, uel ad docendas, uel etiam ad confirmandas conscientias hac doctrina, quæ Christi gratiam non obscure prædicat.

Vale.

D. MAR.

D. MARTINVS :

L V T H E R V S :

P I O L E C T O R I .



Disputationes seu Propositiones meas a principio causæ meæ contra Papatum & Sophistarum regnum, tractatas, patior extrudi, Maxime, ne me extollat magnitudo causæ, & successus in ea diuinitus mihi, datus. Nā in his palam ostenditur mea ignominia, id est, infirmitas & ignorantia, quæ me in principio coegerunt rem tentare cum summo tremore & pauore.

Vnus eram, & per imprudentiam in istam causam lapsus, cum non liceret referre pedem: in multis & magnis articulis Papæ, non solum cedebam, sed etiam ultro adorabam. Quis enim ego eram, miserimus tunc fraterculus, cadaueri similior quam homini, qui Maiestati Pontificis contrairem? A cuius facie; non solum Reges terrarum & totus orbis, sed ipsum cœlum & trina (ut dicitur) rerum machina pauebant, & ab eius nutu pendebant?

Quæ & qualia cor meum isto primo & secundo anno passum fuerit, quantaq; fuerit mea tum non ficta humilitas, ac pene desperatio, ah q̃ parum norunt illi, qui postea uulneratam Pontificis Maiestatem coeperunt superbissime inuadere, Et cum non fecissent hos uersiculos (ut Vergilij uerbis utar) tulerunt tamen honores, quos tamen illis libenter fauebam.

Ego uero, dum illi spectatores essent, & unum me sinebant periclitari, tam lætus, confidens & certus non fui. Multa enim ignorabam quæ nunc scio. Deniq; de Indulgentijs, quid essent, prorsus nihil sciebam: Sicut nec ipse totus Papatus quicq; de eis sciebat: Tantum usu colebantur & consuetudine. Ideo non disputabam, ut eas tollerem, sed cum pulchre scirem, quid non essent, cupiebam discere, quid nam essent. Et cum Magistri mortui seu muti, id est, libri Theologorum & Iuristarum, mihi non satisfacerent, statui uiuos consulere, & ipsam Ecclesiam Dei audire: Vt si qua reliqua essent usquam organa Spiritus sancti, mei misererentur, & simul in communem utilitatem, me de Indulgentijs certiores redderent.

Hic multi boni uiri meas Propositiones extollebant, sed hos, ut Ecclesiam aut organa Spiritus sancti agnoscerem, fuit impossibile. Papam,

P R A E F A T I O

• Papam, Cardinales, Episcopos, Theologos, Iuristas, Monachos,
 „ suspiciebam, & ex his spiritum expectabam. Ita enim crapula & e-
 „ brietate doctrinae ipsorum eram distentus, ut ipse me nec dormien-
 „ tem, nec uigilantem sentirem. Et cum omnia argumenta superas-
 „ sem per Scripturas, hoc unum cum summa difficultate & angus-
 „ stia, tandem Christo fauente, uix superaui, Ecclesiam scilicet esse
 „ audiendam. Pertinacius & reuerentius multo (quia uero corde fa-
 „ ciebam) Ecclesiam Papae pro uera Ecclesia colui, quam isti turpes
 Sycophantae, qui hodie ecclesiam Papae contra me iactant. Ego si
 „ sic Papam contempsissem, sicut eum nunc contemnunt sui laudato-
 „ res, putassem me eadem hora absorbendum, cum Chore & suis.

Cardinalis Caieta-
 nis.

Sed ut redeam, Cum ita Ecclesiae & Spiritus sancti expectarem
 sententiam, mox indicitur mihi silentium, & allegatur consuetudo.
 „ Ego territus autoritate nominis Ecclesiae, cessi, & Cardinali Caieta-
 „ no Augustae obtuli silentium, humiliter petens, ut & clamoribus ad-
 uersae partis pariter silentium indiceret. Ille uero non solum hoc de-
 negauit, sed addidit: Nisi reuocarem, sese damnaturum omnia,
 „ quaecunque docuissem, Docueram autem iam Catechismum non par-
 „ uo fructu, quem damnari non oportere sciebam, neque mihi hoc se-
 „ rendum esse, nisi uellem Christum abnegare. Ita uentum est ad hanc
 „ necessitatem, ut cogerer extrema tentare & expectare.

• **V**erum non nunc historiam meam texere, sed meas stulticias,
 ignorantias, infirmitates confiteri uolui, ne quis me (ut Pau-
 lum sequar) existimet supra id, quod uidet in me, & me hominem
 fuisse, & esse nihil dubitet, si quis tamen dubitare possit, in tantis
 offensionibus. Simul ut exemplo meo terrerem audaculos, & crucis
 ac Satanæ imperitos (superbos uolo dicere) Scriptorculos, quibus
 iam nihil est Papam, imo Satanam ipsum uincere, Lutherus est pe-
 tendus, hoc uicto, Satan est illis ridiculum.

Quid faciam? Quomodo potui, etiam si essem Angelus, diui-
 nare, tales mihi in tergum insurrecturos esse hostes sub nomine meo?
 Sed quid ego stultus conqueror? cum nulli fuerint hostes Christi &
 Dei peiores, quam qui sub nomine Christi & Dei, Christum & De-
 um persecuti sunt. Lege scripturas, & uidebis, quid Prophetis, A-
 postolis, omnibus Sanctis acciderit. Verum est illud Michæ, imo
 „ Christi: Inimici hominis, domestici eius. Christus nunquam fuisset
 „ crucifixus, nisi pessimum Diabolum inter Apostolos ludam aluisset
 „ & extulisset.

Sed tamen has meas infirmitates & stulticias, optime frater, tibi
 confi-

confiteor ut tu quoque discas humiliter sapere, sciens certo & uerissime Satanam non esse mortuum, sed adhuc Principem esse, non unius hominis, nec unius regionis, sed totius mundi, cuius potentiae, astutiae & malitiae nemo non est subiectus, nisi unus Christus, & qui sunt uere Christi.

Quare non est quod securi simus, & superbe agamus, & nos ipsos miremur, in gloria donorum excellentium supra reliquos homines. Vides hic, si licet saltem hoc gloriari, ex quanta infirmitate me Dominus prouexerit in uirtutem, ex quanta ignorantia, in scientiam, ex quanto tremore in fortitudinem, Non certe sine agonibus & tentationibus, ut isti audaculi & laeti Scriptorculi praesumunt. Nec tamen eo perueni, quo illi iam dudum sibi peruenisse uidentur. Nam ut Papam & Maiestatem eius nunc non formidem, tamen Deum Papae adhuc formidare cogor, pene magis quam a principio.

Summa, Nos nihil sumus, Christus solus est omnia, qui si auertat faciem suam, nos perimus, & Satan triumphat, etiam si S. Petri & Pauli essemus. Humiliemus igitur animas nostras sub potenti manu Dei, ut exaltet nos in tempore suo. Deus enim superbis resistit, humilibus autem dat gratiam. Sicut Deo sacrificium est Spiritus contribulatus, ita haud dubie, sacrificium Diaboli est Spiritus praefractus & securus.
Vale in Domino, & si opus tibi sit,
meo labore & exemplo
melior efficiare.

DISPV.

DISPUTATIONES

MARTINVS LUTHERVS
SVBIECTAS SENTEN-

tias disputauit.

Anno M. D. XIX.

- 1 **B**Eatus est, qui uiuit ut uult.
2 Igitur nemo beatus est, nisi qui deliciatur in lege Domini.
3 In lege factorum, non deliciatur homo, nisi per legem fidei.
4 Errat, qui legem fidei, a lege factorum, aut membrorum non sciungit.
5 Errat item, qui inter legem diuinam & humanā non discernit.
6 Vim ui repellere, lege humana constat.
7 Diuina lex imperat, & pallium cedendū esse tollenti tunicam,
8 Lex humana, non consentiens diuinæ, iniusta est.
9 Lex diuina concludit omnes homines sub peccatum.
10 Non ideo sequitur, Deum impossibilia mandasse.
11 Nam quod erat impossibile per legem factorum, possibile factum est lege fidei.
12 Igitur iugum Domini suaue est, & onus leue.
13 Siquidem fide iustificamur, consecretaneum est & Sacramenta non nisi per fidem in Christum efficacia esse.
14 Quæ fides, ut huius sit operis, q̄ fit in Sacramēto, necesse est.
15 Nec nisi per mortem nostri & crucem iustificamur.
16 Christo igitur sit gloria, nobis confusio.

QVÆSTIO (VTRVM OPERA FACIANT AD IUSTIFICATIO-

nem?) a D. Martino Luthero disputata.

Anno M. D. XX.

- 1 **N**ihil iustificat nisi fides, Ita nihil peccat nisi incredulitas.
2 Iustificatio propria est fidei quarto modo, sicut & peccatum incredulitatis.
3 Fides nisi sit sine ullis, etiam minimis operibus, non iustificat, imo non est fides.
4 Impossibile est, fidem esse sine assiduis, multis & magnis operibus.
Nec ope-

5 Nec opera post iustificationem facta, iustificant, licet uocentur iusticie in Scriptura.

6 Nec opera ante iustificationem facta, a reum faciunt, licet uocentur peccata in Scripturis.

7 Natus ex Deo non peccat, nec potest peccare.

8 Qui dixerit se non peccare, mendax est, & ueritas in eo non est.

a
Sed incredulitas, si
ne qua nullum est
peccatum.

9 Quantum faciunt ad substantiam arboris fructus, tantum faciunt ad iustificationem & reatum opera.

10 Si in fide fieri posset adulterium, peccatum non esset.

11 Si in incredulitate adores Deum, actum idolatriæ perpetrabis.

12 Funditus perdit fides, tam operum bonorum fiduciam, quàm malorum desperationem.

13 Fides minuit conscientiam in peccatis, & auget conscientiam in meritis.

14 Nisi nos omnes mendaces simus, Deus nobis uerax esse non potest.

15 Nullorum incredulitas ueritatem Dei euacuat.

16 Iniquitas nostra iusticiam Dei commendat, & tamen iustus est uindex iniquitatis.

17 Veritas Dei abundat in nostro mendacio, in gloriam eius, & tamen merito, ut peccatores iudicamur.

18 Licet facienda non sint mala, ut ueniant bona.

19 Facta tamen sunt & fiunt mala, ut ueniant bona.

20 Non fides aut iusticia ex operibus, sed opera ex fide & iusticia ueniunt.

QVAESTIO CIRCULARIS DE SIGNIS GRATIAE &c.

D. Marti. Luth.

Anno M. D. XX.

1



Acramenta gratiæ, Christi passione & morte uirtutem esse sortita, concedimus.

2

Sed non esse talia, nisi in nouo Testamento, nec statim post lapsum Adæ fuisse, negamus.

3

Idem Christus, eademque fides ab Habel in finem mundi, per uaria secula regnauit in Electis.

Hebre. 13

tt

4 Sed

DISPUTATIO D. M. L.

4 Sed alia & alia eiusdem Christi & fidei signa fuerunt, quæ uere sacramenta gratiæ dicuntur.

5 Non ergo mutata Circumcisionis aut oblationis in Baptismum, causa fuit, gratiæ donatio.

6 Sed uoluntas sola Dei, quæ pro diuersitate temporum & hominum, diuersis signis gratiam suam contulit.

7 Neque enim Sacramenta unquam gratiam aut remissionem peccatorum dederunt, sed sola fides Sacramenti.


8 Sacramenta ueteris legis, per quæ gratiam Deus non dedit, sola ceremonialia Aaronici sacerdotij fuerunt.

9 Hæ enim iusticiæ carnis fuerunt, quibus fuit impossibile auferri peccata, sicut nec per nostras ceremonias.

PROPOSITIONES DE FIDE INFUSA ET ACQUISITA &c.

a D. Martino Luthero disputata.

Anno M. D. XX.


1  Cessuro ad Sacramentum, omnino est necessaria fides infusa.

2 a Fides acquisita, sine infusa, nihil est: infusa, sine acquisita, est omnia.

3 Dicere fidem infusam non operari, sine acquisita, blasphemia est.

4 Fides acquisita, sine infusa, non operatur nisi malum.


5 Fidem acquisitam intelligere ex uerbo Pauli, Fides ex auditu, error est.

b  6 Auditum horrendum est, quod Doctores Scholastici b, non necessarium esse bonum motum cordis, astruunt.

Bonus motus cordis necessarius.

7 Si uelle occidere & similia, est obicem ponere, multo magis non credere.

8 Homo extra fidem positus, necessario & semper habet obicem gratiæ.

c  9 Qui uel c tollendi, uel non ponendi obicis homini dant potestatem, obicem suum non intelligunt.

Tollere, ponere obicem.

10 Fides acquisita non modo non custodit, sed etiam euomit uerbum Dei semper.

11 Fides acquisita, est penna Strutionis, sed infusa, est spiritus uitæ.

12 Etiam sola fides infusa, satis est ad iustificationem impij.

13 Imo, nisi sola sit, sine ullis operibus, nihil est, neque iustificat.

14 Ope

14 Opera sequuntur iustificationem fidei infallibiliter, cum non sit ociosa.

15. Recte ergo dictum, Fides sine operibus est mortua, imo non est fides.

16 Fides infusa, tam actu & obiecto, quam habitu & fine, differt a fide acquisita.

17 Nullum Sacramentorum septem, in sacris literis nomine Sacramenti censetur.

18 Vnum solum habent sacrae literae Sacramentum, quod est ipse Christus Dominus.

19 Sacramenta noui Testamenti promittunt omnibus, dant uero solum credentibus gratiam.

20 Recte dictum est, Sacramenta ueteris Testamenti, non iustificasse, etiamsi in fide & charitate fierent.

ALIA DISPUTATIO DE NON VINDICANDO &c.

a D. Martino Lutero habita.

Anno M. D. XX.

1



Christianae religionis cultor illatam sibi iniuriam, nedum non ulcisci, uerum etiam malefactoribus benefacere debet.

2

Christi seruus, dum aliorum in se commissis ignoscit, suorum a Deo ueniam certissime accipit.

3 Sui offensam ulciscentes, & ad Dei conuiuentes, Christiani censendi non sunt.

4 Christianus ob sui offensionem parum, magis ob proximi, aut ob Christi, maxime turbari debet.

5 Inimico condonata iniuria, habita oportunitate, opere non ostendentes, uerbi Dei transgressores arguuntur indubie.

6 Pontifices (neglecta Euangelij praedicatione) ad ceremoniarum cultum, siue quarumcunque rerum administrationem conuersi, a Samuele cum Saulo Iudaeorum rege audire merentur: Quoniam abiiecisti sermones Domini, abiicit te Deus, ne sis Rex.

7 Praedicationis praecipua & sola a Christo Apostolis est facta commissio, Huic si Pontifices non paruerint, non modo Apostolorum non sunt successores, sed & Christi desertores.

cc ff

8 Suas

DISPVATIO Dⁱ Mⁱ Lⁱ

8 Suas traditiones æque cum diuina Lege nitentes obseruare, non Christi & Apostolorum, sed Satanæ & Antichristorum uices gerere, apertis Scripturarum testimonijs conuincuntur.

9 Minimum Christi uerbum soluens, uniuerfis hominum Decretis nequicquam est obediens.

10 Plus obedientiæ cuius uerbo Christi, etiam minimo, debetur, quam totius Ecclesiæ ordinationi.

11 Inobedientiæ crimen non incurrunt, qui hominum traditiones contra legem Dei non ducunt audiendas.

12 Inferior Superiorem peccantem fraterne corripiens, obedientiam illi debitam exhibuisse non negatur.

DISPVATIO Dⁱ MARTⁱ LVTHⁱ DE BAPTISMATE LEGIS, IO-

hannis, & Christi, habita

Anno M. D. XX.



Ex baptisma carnis: Iohannes baptisma poenitentiae: Christus baptisma gratiae habet.

2 Solius Christi baptisma sacramentum est, propter uerbum, quod in illo, & non in alijs, operatur.

3 Baptisma legis, membra, uestes, uasa lauabat, figurante Spiritu, exteriorē operum sanctitatē & Legis uelamen.

4 Baptisma Iohannis, reuelata facie legis, omnes peccato immergit, & gratiae auidos facit.

5 Baptisma Christi peccato merfos, & auidos gratiae, educit iustificatos, & nouas creaturas facit.

6 Vt baptisma legis poenitentiam non præstabat, sed magis præsumptionem, donec in baptisma Iohannis desinebat.

7 Ita Iohannis baptisma gratiam non præstabat, sed magis desperationem, donec ad Baptisma Christi pertingebat.

8 Nihil repugnat Christi baptismati pertinacius, quam baptisma legis: & nihil pronius cedit, quam baptisma Iohannis.

9 Non tantum propter usum baptisandi in Christo futurum Iohannes baptisabat.


10 Sed ut tam officio proprio, quam ministerio occidentis literæ humiliatos ad Christum præpararet.

11 Videtur Christus baptisma Iohannis non euacuasse, sed addito uerbo uitæ seu promissionis perfecisse.

12 Ob quam causam baptisati a Iohanne, denuo baptisandi fuerunt baptismate Christi.

DISPV

DE VOTO RELIGIAE CCCCXXV
DISPUTATIO D. MART. LUTH.
DE EXCOMMUNICATIONE &c.
Anno M. D. XXI.

1  Rrant Ecclesiarum prepositi, dum per Excom-
municationem, uindictam sui, & sua quæ-
runt.

2 Excommunicationis uirga, lugentium hu-
militate infligi debet, non sæuientium Pastro-
rum fastu & superbia.

3 Nec satis est, si in re contra Dominum, formoso scribatur ti-
tulo: In Domino mandamus atq; requirimus.

1. Cor. 5.

4 Criminosum in carnis interitum tradi iussit Apostolus, ut
Spiritus seruarietur. Igitur male sentiunt, qui per excommunicatio-
nem, Diabolo animam tradi putant.

5 Carnis interitus, in pœnitudine & per resipiscentiam fit, ad
profectum Spiritus, & interioris hominis innouationem.

6 Deinde nec fraternam ab eo separauit charitatem Apostolus,
quem de congregatione præcepit separari.

7 Excommunicandus propter animi maliciam & crimina publi-
ca, antequam uisibiliter excommunicatur, iam præcisus est.

8 Quocirca excommunicatio externa, signum duntaxat est ex-
communicationis interioris.

9 Excommunicatio externa non est efficax & infallibile signum,
interioris Excommunicationis, sed sæpe fallacissimum signum.

10 Iniusta excommunicatio externe excommunicato nō nocet,
sed soli excommunicanti & eidem consentientibus.

EPISCOPI ET DIACONIS
ECCLESIAE VVITTEMBERGENSIS,

de uoto Religionum disputantibus, Martinus

Lutherus Seruus, hæc mittit.

Anno M. D. XXI.

Rom. 14.

1  Mne quod non est ex fide, peccatum est.

2 Hoc uerbum de fide illa unica iustificante
dicitur.

3 Fides informis, acquisita, generalis, & quā-
docent prostibula Papæ, somnium est.

4 De qua nihil in Scripturis, nec nos nunc
eius meminisse uolumus.

et iij

Est au-

DISPVATIO D M L

- Fides.* 4 Est autem Fides substantia rerum sperandarum, argumentum non apparentium.
- 5 Hoc est, firma opinio, cōstansq; conscientia iusticię & salutis.
- 6 Quę nullis prorsus operibus, sed sola miserentis Dei gratia paratur.
- 7 Fides nunquam est pręteritarum rerum, sed semper futurarum.
- Fides est rerum futurarum.* 8 Idem enim Deus eademq; misericordia antiquis & nobis futura fuit.
- 9 Errant itaq; Sophistę, Paulinam fidei definitionem pręteritis tribuentes.
- 10 Non enim factis rebus, sed promissionibus Dei res facturi creditur.
- 11 Res enim uidentur, non creduntur. Factor autem omnium solum creditur.
- 12 Opus bonum fit aliquando opinione iusticię & salutis quęrendę per ipsum.
- 13 Hęc opinio, uniuerſa impietas, infidelitas & idololatria est.
- 14 Et peccat in fidem, in promissionem ueritatis Dei, & in totam tabulam primam.
- 15 Sequitur, opus huiusmodi impium, sacrilegum & prorsus infidele & gentile esse.
- 16 Quo non Deo uiuo & uero, sed idolo & mendacio cordis, id est, Dæmonibus seruitur.
- 17 Talia opera parat Lex etiam diuina, si nondum fuerit spiritalis.
- 18 Hinc opera legis uocat Paulus, quibus ira & mors debetur.
- 19 Lex autem facta spiritalis occidit, & opera cuncta euacuat, & parasceue est gratię.
- 20 Gratia uero in occisis & in Sabbato facit bona opera,
- 21 Peccans in tabulam secundam, peccat simul in tabulam primam.
- 22 Ideo plus peccat adulter, quam hypocrita, cæteris paribus.
- 23 Facilius autem cognoscitur adulterium, quam hypocrisis, ideo & facilius curatur.
- 24 Vt meretrix abusum auri potest ponere solum, aut simul & aurum.
- 25 Ita impius potest impietatem operis ponere solam, aut simul & opus.
- 26 Vt meretrix abusum auri ponere debet, aurum ponere non cogitur.
- 27 Ita

27 Ita impius impietatem operis ponere debet, opus ponere non cogitur. *Fornicator tenetur continentiam deinceps omittere, idcirco conjugalem, iuxta uxori præstandam avernari non tenetur, siquam post excessum sicca, diuina domum duxerit.*

28 Votum religionum aut quodcunque, omnino quædam Lex est, conscientiam natura captiuans.

29 Et uita religiosa aut deuotaria, non nisi opera legis, natura sunt.

30 Quæcunque ergo de lege & operibus Paulus sentit, de Votis & Religiosis sentienda sunt.

31 Est itaque uouere uirginitatem, cœlibatum, religionem, & quodlibet, sine fide.

32 Tale uotum, sacrilegum, impium, idololatricum, Dæmonibus uouetur.

33 Vox ita uouentium est hæc: Voueo tibi Deus, totius uitæ sacrilegam impietatem.

34 Tales Religiosi sunt similes uel peiores Gallis & Vestalibus gentium.

35 Imo cum Manasse impio cultores sunt Moloch in ualle Ennon.

36 Quia Vota sua opinione iusticiæ & salutis uouent, per ipsa paranda.

37 Quam opinionem soli miserenti Deo debent, & dant eam operibus suis.

38 Sic per Vota sua opus manuum suarum adorant, & colunt pro Deo.

39 Fides enim est ea opinio cordis, qua solus unus uerus Deus colendus est.

40 Imo infidelitas & peruersitas cordis & summa impietas.

41 Metuendum, his infidelitatis temporibus, inter mille uix uotum pie uouere.

42 Probabile enim est, non fuisse uoturos, si scissent nec iusticiam, nec salutem per Vota contingere.

43 Quorum uox id confitetur, dicens: Quid alioqui facerem in Monasterio?

44 Omnes tales aduersus Dominum & Christum eius sacrilegam uiuunt Religionem.

45 Vnde & rigide punienda sunt eiusmodi Vota, nedum rumpenda.

46 Et ea Monasteria, ceu Satanae & lustra & prostibula, solo æquanda.

47 Nec eos quidquam iuuat, quod sua infirmi, id est, ficta sine se uouere & uiuere iactent.

DISPUTATIO D. M. L.

- 48 Nec uoluntarium illud prodest, quod e natura & libero arbitrio fingunt.
- 49 Est itaq; sibi conscius aliquis, sese hac sacrilegæ opinionis impietate uouisse.
- 50 Hic nihil morari debet Papisticam auctoritatem aut uulgi op probrium.
- 51 Sed salutis suæ rationem præferat omnibus, & uotū cum Professione relinquat.
- 52 Melius est Apostatam esse inferni & impietatis, quam cœli & pietatis, ut Prouer. 6. consulitur.
- 53 Aut si uolet & potest, Votum & Religionem teneat, impietatem ponat.
- 54 Potest enim Religiosus, abusum uoti solum, aut simul utrumq; ponere.
- 55 Abusum uoti dicimus, hanc ipsam impiam opinionem fidei aduersariam.
- 56 Imo abusum seu impietatem debet ponere, sub maledicti æterni pœna.
- 57 Votum seu Religionem, noua pietatis opinione, innouare denuo potest.
- 58 Quod si denuo innouare, & ab integro uouere non uolet, liberum esto.
- 59 Prius enim impietatis Votum, ut nihil unquam fuit, ita nihil est nec erit.
- 60 Ideo nisi de nouo in fide pia uoueris, liber es & fuisti ab omni Voto.
- 61 Nihil enim contra Deum, sed omnia pro Deo possumus & debemus.
- 62 Certum est Episcopis nostris apostaticis regnantibus, fidem Dei occubuisse.
- 63 Horum igitur culpa est perditio tot Adolescentulorum & Adolescentularum uouentium.
- 64 Quo fit ut maiorem tales habeant & necessitatem, & ius Vota sua rumpendi.
- 65 Quia fidem & regnum Dei non audierunt, a mutis illis Tyrannis.
- 66 Imo sicut oues a lupis, per impiam operum doctrinam ab eis deuorati sunt.
- 67 Multo maxime ij etiam extrudendi sunt, qui uentris aut gloriæ affectu uouerunt.
- 68 Deus opera sui Præcepti damnat, & omitti mandat, si sine Fide fiant.
- 59 Multo

69 Multo magis opera Votorum damnata & omissa uolet, si sine fide fiant.

70 Non per hæc omnium Religiosorum uota aut uitam dam-
nasse uolumus.

71 Sed sicut Paulus legis usum legitimum, ita nos Votorum do-
cemus.

72 Nouum enim Testamentum, regnum est libertatis & fidel.

73 Ideo ut legem & opera eius non patitur, ita nec Vota nec Re-
ligiones eorum.

74 Hæc tamē libertas, nō carnis, sed Spiritus, seu cōscientiæ est.

75 Vt ergo cum Apostolo, sub lege fieri potest, qui non est sub
lege, iure huius libertatis.

76 Ita ad eandem libertatem pertinet, sese posse perpetuo Voto
aut cuiuncq; legi subdere.

77 Talis fuit Bernardi religio, & omniū qui foeliciter Reli-
giosi fuerunt.

78 Non enim ut iusti & salui per hoc uitæ genus fierent, uoue-
bant.

79 Sed ut iam fide iusti & salui, libere in istis Votis degerent.

80 Sic tuto & uouet & uiuit in Religionibus, qui fide in illis ui-
uit.

81 Et non per eam uitam, iustus, sanctus & saluus fieri confidit.

Philip. 3. 82 Imo cum Apostolo, stercora ducit has iusticias & sanctita-
tes, propter iusticiam fidei.

83 Sacrilegium itaq; est, Ordines religiosorū sanctos appellare.

84 Vna Religio sancta, & sanctificans est, Christianismus, seu
Fides.

85 Cuius sanctitatis nomen, non sine animarum deceptione a-
lijs communicatur.

86 Fit enim hoc abusu nominis, ut uota plus noceant, quam
Lex & opera eius.

Galat. 3. 87 Siquidem lex saltem est Pædagogus ad Christum & fidem
eius.

88 At Votum hoc modo pædagogus est a Christo & fide ad le-
gem.

89 Ferenda, imo utilia erant & hac ratione Monasteria, si pæda-
gogia essent.

90 Vt pueri ad tempus erudirentur in eis, ad Christum & fidei
libertatem.

91 Nunc uero & Viri uouent & in perpetuum uouent, ut pueri
sint semper.

92 Etsi

DISPVATIO D M L

- 92 Et si igitur uouendi studium, pio fidei usu, innoxium esse po-
test.
- 93 Vitæ tamen ipsum genus, sicut legis uita, pugnat cum Euan-
 gelio & Christianismo.
- 94 Et mors & mala mundi, bona fidei usu innoxia esse possunt.
- 95 Natura tamen sua pugnant aduersus pietatem & Ecclesiam.
- 96 Quod ergo Ecclesia sentit de morte & malis mundi, hoc de
 uoris & Religionibus sentiendum est.
- 97 Vtrobique enim non iusticia, sed libertatis & iusticiæ usus &
 exercitium esse potest.
- 98 Is solum error Animarum perdendus est, qui uota pro re
 bona & iusta sequitur.
- 99 Et mors lucrum, & Votum lucrum est, si utrolibet legitime
 utaris.
- 100 Et mors perditio, & Votum perditio est, si utrolibet per-
 uerse abutaris.
- 101 Omnia enim Sanctis in bonum, impijs uero omnia in ma- Rom. 8.
 lum cooperantur.
- 102 At hodie fidem & usum hunc nulli ferme docent Religiosi.
- 103 Proinde damnandæ & prohibendæ erant uniuersæ Religi-
 ones.
- 104 Imo, cum contraria doceant, sunt fugiendæ sicut Prostibus
 la publica.
- 105 Contrarium enim est, docere, Religiones, esse uitam Con-
 siliorum ultra Præcepta.
- 106 Contrarium est, docere, Religiones esse status perfectionis.
- 107 Contrarium, imo horrendum est docere, Religiones esse su-
 pra communem uitam Christianorum.
- 108 Hæc cum sint Capita doctrinæ eorum, nihil sceleratius do-
 cetur in orbe.
- 109 His enim auertunt corda hominum a fide, communi salutis
 uia, ad sua præcipitia.
- 110 Ideo eius opinionis uota ceu Satanæ ultima opera, soluenda
 & perdenda sunt.
- 111 Nec quenquam mouere debet, si Ordinibus sacris, quos uo-
 cant, fuerit illaruatus.
- 112 Nihil enim Ordines illi sacri, quæ laruæ sunt hominum, Deo
 ignotæ.
- 113 Character presbyteralis non nocebit, nisi rem fictam metuas.
- 114 Ministerium uerbi & Ecclesiæ, id est, populi Dei, presby-
 terum te uere & solum facit.
- 115 Vt fides, ita & charitas excepta est in omni uoto & Religi-
 one. 116 Nihil

DE VOTO RELIG. CCCCXXVIII

116 Nihil enim possumus aduersus fidem, ita nec aduersus charitatem.

117 Obstabit ergo uotum, statutum, regula, ne Proximo seruire alicui possis.

indic. 15. 118 Hic rumpes uincula illa, sicut Samson stuppas Philistino-
rum.

119 Franciscanus itaq; pecuniam Proximo portare aut porrigere recusabit.

120 Hic nō modo impius in Deū, sed ridicule quoq; stultus est.

121 Pecuniam proximorum non tangit aut fert, cui tamen debet & uitam & omnia.

1. Tim. 5. 122 Aut enim Franciscus hoc non uoluit, aut humanum quid in ea re passus est.

123 Eiusdem impietatis est, si Parentes, domesticos aut amicos reliqueris.

124 Modo tua opera opus habeant, & tu illis prodesse possis.

125 Impie prętexunt hic obedientiam, ob quam bonum opus intermittendum sit.

126 Non est hæc obedientia, nisi Satanæ, quæ obedientiam Dei, id est, charitatem omittit.

127 Aut ergo da monasterijs Doctores fidei, aut dele ea fuditus.

128 Non potest doctrina & uita uotorum, sine doctrina fidei non esse uia ad mortem.

129 Nec eiusmodi sunt monasteria, ut medium & neutrum esse quid possint.

130 Sed simpliciter sunt os Inferni patentissimum, si fidei scientia desit.

131 Cætera opera & uitæ genera non illaqueant, etiam absente fide, conscientia fiduciam.

132 Monasticum uero genus, si fides desit, non potest non lætare conscientiam, impia fiducia.

2. Tim. 3. 133 Ecce hæc sunt illa tempora nouissima & periculosa apud Paulum.

Matth. 7. 134 Hi sunt homines, speciem pietatis habentes, & uirtutem eius abnegantes.

135 Hi sunt Lupi intus rapaces, sub uestimentis ouium incedētes.

136 Hi sunt, qui amissa fide docent: Ecce hic, & ecce illic est Christus.

Matth. 24. 137 Hi sunt Pseudochristi, qui etiam Electos in errorem ducunt.

138 Hi sunt, quorum operationibus Antichristi regnum firmatum est.


• Hæc

DISPUTATIO D. M. L.
HAEC SIC DISPUTARI VOLO:
VT CERTA ET VERA TENEAN-

tur. Quæ sequuntur, simpliciter propono dis-
putanda & inquirenda.

Anno M. D. XXII.

An liceat perpetuum Votum uouere?

- 1  Vangelica libertas diuini est & iuris & doni.
- 2 Ea est, nulli operi, loco, rei, personæ ad-
hære necessario.
- 3 Sed usum horum omnium, ut sese obtule-
rint, liberum habere.
- 4 Nec potest harum cuiquam proprie sese de-
dere, alia abdicare.
- 5 Sed prorsus absq; electione communem & indifferentem o-
mnibus sese præstare.
- 6 Vni duntaxat uerbo gratiæ necessario adhærendum esse no-
uit.
- 7 Quod solum Propheta in Psalmo petit a Domino, & Chri-
stus laudat in Magdalena.
- 8 Nihil iuris ergo est ulli creaturæ, in hanc libertatem.
- 9 Nec in manu eius quidquam in illa mutare aut superordinare.
- 10 Nec dubium est, autore Paulo, quin Deus illam exigit in
omnibus, præ omnibus, ab omnibus.
- 11 Vt tam impossibile sit ipsum agnoscere, quicquid aliter fa-
ctum fuerit.
- 12 Quam impossibile est, ut seipsum neget, aut uerbum suum
reuocet.
- 13 Sequitur, Vota talia esse oportere, quæ huic libertati non re-
pugnent.
- 14 Talia autem non sunt, nisi libera sint, nunc seruari, nunc o-
mitteri potentia.
- 15 Constat enim Vota, locis, personis, rebus, operibus, na-
tura sua esse affixa.
- 16 Virginitatem enim uouere, nihil est, nisi operi & personæ
sele affigere.
- 17 Quare non potest sic uoueri, quin libertas maneat eam relin-
quendi.
- 18 Alioqui contra Libertatem necessario adhæretur illi, quod ne-
cessarium non est.

19 Hic

Hic nihil eos iuuat, quod Apostolo magistro Virginitas melior est Coniugio. 19

Non quid bonum aut melius, sed quid oporteat & non oporteat fieri, quaeritur. 20

Bonum Coniugiū, melior Virginitas, sed optima Fidei libertas. 21

Coniugium non necessarium, Virginitas non necessaria, sed necessaria Libertas. 22

Vt ergo nec bonum propter melius, nec melius propter optimum est perdendum. 23

Ita multo maxime necessarium, propter non necessarium, nō est uiolandum. 24

Item, nec optimum propter melius, nec melius propter bonum, tollendum. 25

Sic Paulus legem libere, ut fors ferebat, seruauit & omisit. 26

Ad hæc in baptismo uniuersi primario Voto huic libertati nos astrinximus. 27

Quare non est ut alio Voto illud irritare, fraudare, superordinare possimus. 28

Alioqui Votum erit aduersus votum, & structura contra fundamentum. 29

Pugnat ergo votum Religionum ex diametro cum Baptismo & Euangelio Dei. 30

Sanctus Bernardus & quicunque Sancti, religiosi, Vota sua libere seruauerunt. 31

Si autem negassent, etiam omitti posse certe ut homines errassent. 32

Idē si uouendo hanc omissionis facultatē exclusissent, peccassent. 33

Nihil enim contra Libertatē, sed solum pro libertate potuerunt. 34

Imo sequitur, nullum eorum seruasse suum uotum. 35

Non enim Votum quia votum, sed quia placitum, sponte seruauerunt. 36

Acti enim spiritu Dei, sub voto, sine voto uiuebant. 37

Cum hoc sit demum seruare Votum, si serues, quia votum. 38

Nec seruaturus alioqui, si votum non esset. 39

Sic Lex non est lex, autore Paulo, si libere eam serues. 40

Ita Votum non esse votum sequitur, si libere illud serues. 41

Non enim legem seruas, quia Lex est, sed quia sine lege placent ea quæ Legis sunt. 42

Ita opus non est opus, si libertate regnante opereris. 43

Non enim operaris, quia opus necessarium sit, sed quia sic placet operari. 44

uu

Hæc

DISPUTATIO DE M L

- 45 Hæc igitur libertas Voti in voto seruauit Sanctos illos.
 46 Pro errore lapsi, uouerunt, cum idem sit, ac si nihil uouerent.
 47 Nisi quod occasione voti, in Spiritus sui usum certum peruenerunt.
 48 Tolerauit eam stulticiam, ut multa alia, Deus in Electis suis.
 49 Simul imperfectum eorum operuit, quæ operit omnia, charitas.
 50 Quæ liberaliter Fratribus suis sese seruos cum Apostolo fecerunt.
 51 Ut nos erudiamur, ne facta, sed fidem Patrum, docente Paulo
 Ebr. ii. imitemur. Hebr. ii.
 52 Exemplum enim Sanctorum uult infirmare esse, ut solum eius uerbum sit uirtus credenti.
 53 Quæ & operationem erroris mittat incredulis, & uerbi eius con- 2. Thes. 2.
 temptoribus.
 54 Ut ergo Miracula non sunt trahenda, ut dicunt, in consequentiam.
 55 Nec omnibus in ignem insilire licet, quod tres Pueri seruati sunt
 in fornace Babylonis.
 56 Ita, ut demus, miraculose Sanctos uouendi ritu fuisse foeliciter
 usos.
 57 Perniciosi exempli tamen est, eum ritum pro communi uitæ ratione instituire.
 58 Manet ergo coram Deo & baptismo tuo libertas, uoueris, non
 uoueris.
 59 Neque Deus mutatur ut homo, ut libertatem semel datam reuocet.
 60 Neque mouetur, quod stulto Voto ad reuocandum eum tu sollicitus.
 61 Tam certum est itaque, ut votum tuum pro voto serio non agnoscat.
 62 Quam certum est, quod baptismale libertatis Votum pro serio voto, & imminutum haberi uolet.
 63 Sed ut Lex superior immutabile metrum est, omnium inferiorum legum.
 64 Ita baptismi votum inflexibilis Regula est omnium Votorum sequentium.
 65 Non libertas eius illorum captiuitati, sed captiuitas illorum huius libertati cedit.
 66 Sic uelle se Deus insigniter declarauit in Votis paupertatis & obedientie.
 67 Sanctum Bernhardum enim & alios multos, non solum in præfecturam aliorum exaltauit.
 68 Sed & illustribus Miraculis in eadem illustrauit & glorificauit.

Non

Non minus autem ualet paupertatis & obedientiae, quam casti- 69
tatis Votum.

Et quod de uno eorum fieri & dici potest, de singulis fieri & di- 70
ci debet.

Impossibile autem est, praefecturam cum paupertate & obedi- 71
entia stare.

Cum talis & mandetur rebus, & aliorum obedientia potius sub 72
datur ei.

Quare Bernardus & quicunque fuere, alij praefecti, a uotis illis 73
diuinitus sunt absoluti.

Et monstratum euidenter, non fuisse illa coram Deo perpetua. 74

Nec est quod hic uersute cauillentur uarias paupertates & obe- 75
dientias.

Euidens est, Votum paupertatis deuouere externum usum rerum. 76

Spiritualem enim paupertatem uniuersi in Baptismo uouimus. 77

Aequè euidens est, Praefectum monasticum, externum usum 78
rerum habere.

Multo minus hoc illudet, quod Praefectum, non sua, sed com- 79
munia curare iactant.

Hoc nihil enim differt a Senatu et quibuslibet Laicis economis. 80

Euidens etiam est id Voti, tale solum uitae genus statuere, qua- 81
le est subditorum.

Alioqui saluo uoto, licebit omnes esse Praefectos cuiusmodi, nullo 82
subiectos.

Aut ergo Sancti praesse non potuerunt, aut uotum eorum li- 83
berum & temporale fuit.

Ne illud quidem iuuat, quod Praefectus in perfectionem statum 84
migrat.

Ius enim diuinum, quale Votum est, nullius boni gratia uiolan- 85
dum est.

Stat Paulus: Non sunt facienda mala, ut ueniant bona. 86

Sic nihil dicitur, Quod Praefectus obedientiae Episcoporum & 87
Maiorum subditur.

Ea obedientia nihil differt ab omnium Laicorum obedientia. 88

Et uotum eorum solum obedientiam uouet, quam dicitur Regu- 89
la professioni subditis.

A qua tamen liberantur, facti uel Episcopi uel Cardinales. 90

Nec licet soluto uoto, eam Maiorum obedientiam, etiam si ma- 91
lior esset, subire.

Obstat enim diuinum ius Voti, quod ne regni quidem celo- 92
rum gratia laedi debet.

DISPUTATIO D. M. L.

93 Nisi hic dixerint, uotum Religionis in totum sic subdere Homi-
nem homini.

94 Vt Præfectus ius habeat, etiam rursus eum dimittendi liberum,
si casus postulet.

95 Id quod ego prope toto sensu uerissimum esse affirmauerim.

96 Tum si casus sit, & Præfectus nolit, ut debet, nihilominus li-
berum esse.

97 Aut si hoc non est, paupertatis & obedientiæ uota iam probauimus non esse perpetua.

98 Quare sequitur, & congenium eorum castitatis Votum liberum & temporale esse.

99 Vt Monasteria aliud non sint, quam Christianæ pueritiæ formandæ Pædagogia.

100 Quam sub disciplina temporali formari corporaliter saluberrimum est.

101 Cum ergo testibus, uerbo, fide, baptismo, operibus Dei, uotum hoc nihil sit.

102 Oportet te iam cum fiducia & conscientiam tuam a teipso liberare.

103 Si enim nos stulti uel infideles contra libertatem nostram uouemus.

104 Ipse fidelis & bonus, tenaxque libertatis, stulticiam nostram non acceptat.

105 Non aliter, quam si tibi sub nomine eius quidquam diri imprecatus fueris.

106 Quod ipse pro sua bonitate nō exaudit, stulticiā tuā miseratus.

107 Ratio pietatis etiam perpetuis uotis aduersari uidetur.

108 Certum est enim fidem Christi posse in Deuotario cadere.

109 Labente autem fide, omnia opera & Vota bona, sunt impia idololatria.

110 Si tenet igitur Votum absente fide, iam, quod est impossibile, cogetur homo idololatrare.

111 Quare, ut opus bonum, ita & Votum, donec abest fides, necessario dimittetur.

112 Atque ita Votum, sicut & opus bonum, non potest unquam simpliciter uoueri.

113 Sed necessario conditionem fidei præsentis & manentis, pro fundamento præsupponit.

114 Quod nisi fiat, inane & impium & damnabile Votum uouetur.

115 Porro, aliud est, quod Paulus de coniuge & seruo perseverando præcipit.

Libertas

DISPUTATIO D. M. L.
MARTINVS LUTHERVS
PIO LECTORI.



Parfit quispiam nuper sine nomine Conclusiones aliquot contra digamiam Episcoporum, satis uirulentas, penesq; sediciosas, dum popularem actionem uulgo aduersus Digamos tribuit.

Cum igitur ista inuidia me quoq; peti intellegirem, ut qui cum primis coniugium Episcoporum aduersus cœlibatum probauerim, Visum est, contrarijs Conclusionibus ueneno eius occurrere, ne uidelicet infirmas forte conscientias perturbaret, & e fauilla ista nouum incendium flagraret, si contemneretur.

Satanæ commentum est, ibi peccatum fingere, ubi nullum est; & iusticiam negare, ubi uera est, cui se præbuit instrumentum clancularius iste Disputator, ita ut & Magistratus in discrimen & conscientiae & administrationis coniungere nitatur. Eruditus satis est, sed mirum, quid delectet hominem serpentinis, id est, occultis moribus, ac non aperto potius Marte pugnare. Sed inuidia est, quæ quiescere non potest, & tamen præ conscientia prodire non audet. Lege, mi Lector, utrasq; et iudica libere,
Dominus tecum,
Amen.

CONCLVSIONES HAE CONTRA DIGAMIAM SACER-
dotum, Dei auxilio publice defendentur.

Anno M. D. XXVIII.

- 1
- 2
- 3
- 4
- 5
- 6



Vicunq; contra apertum & clarum Dei uerbum agit, is plane ad gehennam ædificat.

At Bigamia, manifeste per uerbum est prohibita in Sacerdote.

Contra apertum igitur Dei uerbū agit, & ad gehennā ædificat Episcopus uel Presbyter, qui secundā uxore ducit.

Quicunq; plana ac dilucida diuinæ Scripturæ uerba deprauare nititur aut obtorquere, is audiendus non est, sed reprobandus.

Apostoli uerba ad Timotheum, Quod Episcopum unius uxoris maritum esse oportet, plana sunt & dilucida.

Et magis per sequentia explanantur, Quod uidua allegari debet, quæ unius uiri uxor fuerit.

1. Cor. 7.
1. Tim. 5.

Quicunq;

DE DIGAM SACERDO CCCCCXXXII

Quicumq; igitur in Sacerdote bigamiam admittit seu defendit, is tan- 7
quam diuinæ Scripturæ deprauator, reprobatus est & pellendus.

Eadem uerba in pari casu prolata, pariter sunt & intelligenda. 8

Quicumq; igitur Apostoli uerba ita intelligit, ut Episcopus uel Sac- 9
dos simul & eodem tempore plures uxores habere non debeat.

Is & per eadem uerba Apostoli fateri cogitur, quod & mulier plures 10
uiros simul, & eodem tempore, habere possit, si allegari non deberet,
Quod plane absurdum esset.

Nulla Scriptura autentica doceri potest, quod Iudæi, Apostoli æta- 11
te (exceptis Regibus) duas uxores eodem tempore habuerint.

Multis testimonijs probari potest, quod Græci ac Gentiles tempore 12
Apostoli, una tantum uxore contenti fuerint.

Intellectus ergo ille de duabus uxoribus, uno & eodem tempore du- 13
cendis, confictus est, falsus & prorsus ueritati contrarius.

Concilijs & statutis generalibus Patrum, præcipue antiquis, adhæren- 14
dum est, ubi non manifeste Dei uerbo repugnant, sed conueniunt, & ad
bonos mores faciunt.

Autoritate Patrum ex Apostoli uerbis statutum est, quod nullus Epi- 15
scopus aut Sacerdos, post primæ uxoris mortem, secundam ducere possit.

Si uere continere nequit, secundæ nuptiæ ei non sunt prohibitæ, ita 16
tamen, ut officio cedat ecclesiastico.

Censuerunt Patres maximum in ecclesia Dei scandalum esse, ut Epi- 17
scopus uel Sacerdos, qui carnem suam in plures diuisit (cum Christus uni-
us Ecclesiæ sit sponsus) Ecclesiasticis fungatur officijs.

Conuenit igitur & decet, ut qui adeo salax est, ut ab obscœnis libidinib; 18
cōtinere nequeat, et nuptias secundas eligat, officiū sacerdotij relinquat.

Papistæ, licet fuerint auarissimi, & omnia habuerint uenalia, nunquam 19
tamen cum Bigamis secularibus (ut uocant) pro ulla pecunia contra Apo-
stoli doctrinam dispensare uoluerunt.

Mortaliter peccant, qui Bigamos Ecclesiæ stipendio sustentant. 20

Si Episcopo uel Presbytero, & ad uitæ eius tempus ecclesiasticum pro- 21
missum est salarium, cessat tum promissio illa, quum ipse culpa sua, sciens
ac uolens in Bigamiæ incidit crimen.

Mortaliter peccant Principes ac Præsides, qui Bigamo ecclesiasticam 22
functionem contra Apostoli doctrinam, & ueterum Patrum Decreta per-
mittunt, & cum prohibere possunt, non prohibent.

Peccant, qui scientes ex Bigami ore uerbum Dei pollui audiunt. 23

Bigami sacerdotes ex Apostoli uerbis & Patrum antoritate, omni ec- 24
clesiastico priuilegio sunt priuati, nec a quoquam defendi, sed aliorum La-
icorum instar haberi debent & censeri.

Bigami in sacerdotio perseverantes, incoestum committunt, & filij eo- 25
rum spurij sunt censendi.

Actio contra Bigamum popularis est, ita ut Bigamus a quouis de po- 26
pulo accusari, & ut ab Ecclesiastico officio deponatur, peti possit.

Bigamus censendus est, non solum is, qui duas ducit uirgines, sed 27
& uiduam aut aliter corruptam.

In summa, Quicumq; proprias uoluptates & luxuriæ exactionem A- 28
postoli uerbis & Patrum honestis præponit Decretis, non tamen sacerdo-
tio aut ecclesiastico stipendio cedere dignum putat, is non solum toleran-
dus non est, sed ad coruos abigendus, qui non ouis morbosa totum cor-
rumpat ouile, & tam laudabilem, bonam & longæuam consuetudinem
pestilenti suo defœdet exemplo.

DISPVATIO Dⁱ Mⁱ Lⁱ
PROPOSITIONES Dⁱ MARTⁱ
LVTH. DE DIGAMIA

Episcoporum.

Anno M. D. XXVIII.



1 Auctus Paulus Episcopum in ecclesia Dei sancit
2 eum esse constituendum, qui sit & uiuat irreprehen-
sibilis.

Non quod absq; peccato possit ullus hominum
uiuere, Sed quod sine crimine, seu honeste conuer-
sari debeat.

3 ἀνεγκλητος enim græce id sonat, quod sine crimine, quem non
possit homo accusare.

4 Quod ipsemet non uno loco exponit, ubi omnes fidelium Ordines
docet caute ambulare.

5 Hoc est, ut honeste uiuant, ne Aduersarijs criminandi, male-
dicendi, opprobrandi præbeant occasionem.

6 Sic Samuel & Moses sese irreprehensibiles corā populo testan-
tur, dum nemini bouem aut asinum abstulisse, aut calumniā fecisse
se glorientur.

7 Manifestum est igitur, Paulum de eiusmodi criminibus loqui,
quæ sint etiam mundo reprehensibilia.

8 Qualia & ipse exempli uice numerat, scilicet, Si non præsit fa-
miliæ, non castiget liberos, si uinolentus, superbus, auarus, sæuus
&c. fuerit.

9 Vt quale crimen est, filios non castigare, familiæ non præesse,
tale aut par, aut maius necesse est prohiberi unitate uxoris.

10 Quod esse aliud non potest, quam ne limites honesti coniugij
& thori immaculati transgrediatur.

11 Sed sit una & sua contentus uxore, ne aut uirgines uitiet, aut a-
lienas permolat uxores, aut cum quauis scortetur.

12 Nam ut libidinem possit in alijs arguere, oportet ipsum primo
ab ea purum esse.

13 Et ut laudatam castitatem prædicet foeliciter, ipsum in primis
castum esse decet.

14 Nec enim credi potest, cum tot in Episcopo dotes requirat, u-
nam castitatem uoluisse omittere.

15 Ideo non est dubium, Apostolum unitate uxoris, castitatem do-
cere, non nouum ceremoniæ periculosaë laqueum & scandalum pone-
re uoluisse.

16 Eam castitatem sane, quæ tutissima sit, & absq; illo singulari do-
no præstari queat, nempè coniugalem.

Cum

DE DIGAMIA SACERDÔ CCCCCXXXIII

Cum enim reliquæ dotes sint omnes spirituales, & nulla ceremonialis, consonum est, & castitatem non ceremonialem, id est, monogamicam esse. 17

1. Cor. 7. Ut (unius uxoris Vir) idem sit, quod illud 1. Cor. 7. Vnusquisq; Vxorem suam habeat. 18

Quod illic suam, hic unam Vxorem uocat, uolens scilicet, ne diuersas aut alienas vxores polluat. 19

Sic & Diaconos præcipit unius vxoris Viros esse, hoc est, quem libet cum sua una vxore castum uiuere. 20

Alioqui quanta sit absurditas, quod multos Diaconos unius vxoris, uelut communis scorti, Viros esse, uideretur statuere. 21

Nec Paulus aliud istis duobus uocabulis (unius vxoris) intelligit, quam quod latine simpliciter, Vxorem dicimus. 22

Græce enim *ἄνθρωπος* non dicitur proprie Vxor, sed etiam mulier in genere, quemadmodum *Weib* germanice. 23

Vbi si dixisset, Oportet mulieris esse Virum, non potuisset de Vxore intelligi, & Aduersario dedisset cauillandi occasionem. 24

Ideo, ut vxorem proprie significaret, unius mulieris Virum, pene periphrasi quadam, placuit dicere. 25

Nam & vsus Scripturæ habet, adulteros & scortatores dici Mulierum Viros, Iohan. 4. Quem, inquit, iam habes, non est tuus Vir. 26

Sic unitate vxoris simul Christianam nubendi libertatem Episcopis confirmat, Magis tamen uagam libidinis licentiam eo uerbo prohibet. 27

Studio enim præuenire uoluit dæmoniâcas Doctrinas eorum, qui erant nuptias Episcopis prohibitori. 28

Ideo uisum est Spiritui, sic dicere, Vir unius vxoris sit, potius quam sic, Ne sit adulter, scortator aut immundus. 29

Nec defuisset Paulo, alioqui componendæ uocis studioso, etiâ hoc loco, uox monogami, si Digamos uoluisset damnare. 30

Scilicet Philagathon, Philoxenon, & id genus multa usurpat, Monogamom tamen uitat, & unius Vxoris virum mauult dicere. 31

Ut non de singularitate Coniugij aut nuptiarum, sed de singularitate mulieris seu vxoris cogeret sese intelligi. 32

Vocabulum enim (unius) non tam affirmatiue quam negatiue necessario accipitur. 33

Si enim affirmatiuū esset Præceptum, non liceret unq; Episcopum cœlibem esse, sed necessario unius semper vxoris Virum. 34

Mortua scilicet vna, sine fine Polygamus duceret aliam, ne quando Episcopus non esset vnus vxoris vir, contra Paulum. 35

Sicut

DISPVATIO Dⁱ Mⁱ Lⁱ

36 Sicut enim nunquam non debet esse sobrius, uigil, suavis, &c.
Ita nunquam non cogeretur eodem uirtutum Catalogo, esse uir u-

37 nius Vxoris.
Mortua una uxore, Episcopus quidem esset, sed non uir unius

38 uxoris, Quod tamen Paulus præcipere dicitur.
Ridiculum uero est, Episcopum a defuncta uxore, id est, a non

39 Vxore, uirum unius uxoris dici, & ut talis sit, præcipi.
Eadem facilitate diceret, Episcopum esse adulterum, auarum,

40 & impium, a defuncta adultera, rapina & impietate.
Nec minus Iudæum aut Gentilem esse diceret, a mortua circum-

41 cisione & idololatria.
De uiuente igitur & cohabitante Vxore loquitur, quando mor-

42 tua non magis est uxor, quam lapis & lignum.
Et Paulo moris sit, defunctæ uxoris Virum potius liberum &
solutum ab uxore dicere Rom. 7. 1. Corint. 7. Quod & res ipsa lo- Rom 7.
1. Cor. 7.

43 quitur.
Nec Paulus dicit: Oportet Episcopum fuisse unius uxoris Vi-

44 rum, Sed esse oportet unius, inquit, uxoris uirum.
Stat igitur, Pauli uerbum esse magis negatiuum, non de Digam-

45 mia, sed de uaga libidine prohibenda.
Si aliud his uerbis extorquetur, necesse est, uiolentum, dubium,

46 infidumq; pro fulcienda conscientia extorqueri.
Imo falsum esse conuincet uel unica hæc uox, ἀνειακλῆτος, hoc

47 est, inaccusabilis.
Quo uerbo necesse est crimen prohiberi, quod gentes offendat,

48 & malæ sit apud eas speciei.
Nunquam uero factum aut auditum est, Digamos apud gen-

49 tes criminosos, ac non potius honoratos haberi.
Simul constat, digamiam opus Dei esse, a Paulo probatum, &

50 in benedictione Dei, Gen. 1, comprehensum. Gen. 1.
Si uero scandalum est, apud impios Papistas scandalum est, qui-

51 bus omnia uerba & opera Dei, nihil nisi scandalum sunt.
Huc ualet ipsiusmet Pauli exemplum, qui sese inter uiduos nu-

52 merat. 1. Cor. 7. dicens, Eos uelle omnes esse sicut seipsum. 1. Cor. 7.
Et tamen. 1. Corin. 9. Sibi & Barnabæ copiam facit sororculæ 1. Cor. 9.

53 Vxoris circumducendæ, exemplo aliorum Apostolorum.
Quæ copia nihil esset, frustra q; iactata, si Digamia prohiberet

54 Apostolum aut Episcopum esse.
Et ipse Hieronymus, alioqui nuptiarum secundarum pene hos-

Et recte

DE DIGAMIA SACERD. CCCCXXIIII

Et recte colligit, Si scortator multorum scortorum uir, potest fieri Episcopus, non prohiberi meliorem unius secundæ vxorculæ maritum. 55

Nec S. Augustini contraria sententia, licet recepta, quidquam habet momenti, qua dicit, Episcopum debere Christum unius Ecclesiæ sponsum representare. 56

Eadem ratione quilibet Coniunx cogetur monogamus esse, cum totum coniugium (Ephē. 6.) Christum & Ecclesiam representet. 57

Quin uirginem cogeretur Episcopus seruare suam vxorem, ut Christo uirginis Ecclesiæ sponso responderet. 58

Simul & repudiare aliquam priorem teneretur, sicut Christus repudiavit Synagoram. 59

Deinde mortua uxore, qua forma erit agamus Episcopus, Christo Ecclesiæ uiro similis. 60

Si igitur necesse esset symbolū Christi & Ecclesiæ præstari, satis in singularitate vxoris, etiam a Digamo & trigamo præstaretur. 61

Dato & nondum concessio, inter Gentes pro crimine & scandalo censerī, pluralitatem Vxorum mosaica lege statutam. 62

Vt inter Gentes liberas a lege Mosi, propter scandalum apud eas, Episcopus unius Vxoris Vir esse cogatur. 63

Tamen inter Iudæos, hoc instituto Episcopum ligari, non potest certo demonstrari. 64

Siquidem nota sunt iura Mosaica de Fratris defuncti vxore, & de filia corrupta inuito Patre, quæ cogunt plurium esse vxorum virum. 65

Quæ non magis sunt abrogata, quam reliqua omnia, id est, libera, nec prohibita, nec præcepta. 66

Nisi permissam illam pluralitatem prohiberi dixeris, quæ ex repudio uenit etiam a Christo repocatum & damnatum. 67

Alioqui nullam pluralitatem vxorum prohiberi diceret talis Episcopus, nisi quæ non coacta per legem, aut vulgata per vsum, sed quæ libidine peteretur. 68

Quod autem in una vxore Patres monogamiam intellexerunt, simile est illi, ubi quinque talenta, quinque sensus, & fructum centesimum, uirginitatem intelligunt. 69

Cum fides non ferat, ut gentes talentum Christi & fructum Euangelij habeant, quæ tamen quinque sensus & uirginitatem habent. 70

Digni scilicet uenia, quod studio castitatis in hanc partem excesserunt, dum in partem libidinis deficere timuerunt. 71

Quia indignum uidebatur, id inter fideles non excellentius inueniri, quod in aliquibus gentibus cernebant utcumque præstari. 72

Quod

DISPUTATIO D^r M^r L^r

- 73 Quod autem de unius vxoris uiro dictum est , Idem de vidua
unius viri vxore intelligendum est.
- 74 Vt vidua hæc sit honesta scœmina, quæ suo & uno viro contenta,
adulteris & scortatoribus se non prostituierit.
- 75 Aut si de Iudeis inter gentes loqui libet, de repudiata & alijs, iure
Mosaico, vxorib, recipiendis, ne gentes offenderentur, intelligitur.
- 76 Turpe enim est, ut mulierem omnium (ut dicitur) uirorum alat
Ecclesia, aut Episcopū omnium mulierū virum præficeret ministerio.
- 77 Errant igitur, qui Digamiam a Paulo damnari in Episcopis hoc
loco sentiunt.
- 78 Rei quoq; sunt blasphemix, & in opus Dei, & in uerbum Pau-
li, quod Digamiam inter crimina censent.
- 79 Multo scœdius errant, qui honestam viduam Episcopo vxorem
prohiberi a Paulo docent.
- 80 Quin, si scortatorem Episcopum faciunt, Non uideo, cur scor-
rum post pœnitentiam membrum Christi factum, vxorem Episcopi
fieri nolint.
- 81 Ego nec corruptam prohibere ausim Episcopo, si ui aut dolo cor-
rupta, post honesta uixerit.
- 82 Quanto iniquiores sunt Papistæ, omnium libidinum lernæ &
sentinæ, reiicientes eum, qui ignarus uitiatam uirginem duxerit.
- 83 Cum interim mille scortorum uirum suscipiant, & publicum
scortatorem in officio etiam defendant.
- 84 Euidens operatio Satanæ est, quod cum omnes alias dotes in E-
piscopis negligant, solum castitatis laqueum tyrannice urgent.
- 85 Atq; hæc est illa gloria, quam aduersarius iactat, quod Papi-
stæ nunquam cum Digamis dispensare uoluerunt, pro pecunia, li-
cet sint auarissimi.
- 86 Eiusdem gloriæ & pudoris esset, si diceres : Papistæ, cum sus-
perent libidine Zodomam & Romam, nunquam tamē in castam sal-
tem monogamiam Episcopi consentiunt.
- 87 Et Phalaris cum detestetur omnem uirtutem & honestatem, nun-
quam tamen flectitur, ut miseris cruciatum remittat.
- 88 Quasi non sit impudentia turpissima, a turpissimis impiorum
hominum moribus, dogmata pro Ecclesia Dei trahere.
- 89 Eadem prudentia pro instituenda uirgine, a Lupa & Lena mo-
res & exempla petere doceas.
- 90 Aut adolescentem ad uirtutem & honestatem hortentis, Absa-
lom & Neronis exemplo.
- 91 Hinc certum sit, istarum Propositionum artificem, non uerita-
tis studio moueri, sed magno Euangelij odio ardere.

Sed &

DE DIGAMIA SACERDO. CCCCCXXXV

	Sed & ipsimet Christo & Paulo impie pugnant, qui Digamiam Episcopo prohiberi, pertinaciter asserunt.	93
Mat. 19.	Christus enim absq; personarum differentia, etiam ad ipsos Apostolos loquitur: Qui potest capere, capiat. Et: Non omnes capiunt hoc uerbum.	94
	Anathema uero sit, uerba Christi personatu adiecto deprauare, quæ ipsemet sine personatu dicta & intellecta uoluit.	95
1. Cor. 7.	Et Paulus. 1. Cor. 7. Vnumquenq; præcipit suæ uxore contentum esse, nec Episcopi, nec ullius personam excludens.	96
	Et melius esse nubere, quam uri, plane omnibus, qui Corinthi erant (ut epigrapha monstrat) consuluit.	97
	Nec laqueum ulli uult iniicere in periculum conscientiae, sed quod honestum & utile sit, indicare.	98
	Imo cum nuptiarum interdictores, ad Timotheum, palam asserat daemonicos Doctores esse, certum est, liberam Digamiam Episcopo concedi.	99
Gene. 2.	Deniq; uerbum illud: Crescite & multiplicamini, generaliter omnibus, qui homines sunt, accreatum & necessario impositum est.	100
	Contra quod nulli statuere aut uiuere licet, nisi alio certiore uerbo, facto, aut dono Dei excipiat.	101
	Sicut enim nulli licet seipsum occidere, aut manu propria castrare. Ita nulli licet sexum suum (nisi uolente Deo) extinguere, aut ab officio cohibere.	102
	Cum uero nulla stet promissio Dei, Episcopos fore ab illo generali uerbo exceptos.	103
	Pater, non posse ullo statuto Episcopos ad coelibatum ullum cogi, nisi per Doctores daemonicos & aduersarios Dei.	104
	Si Papistæ reprobant eos, qui seipsos castrant corporaliter, tantumquam ministerio & episcopatu indignos.	105
	Multo magis reprobare deberent eos, qui sexu repugnante (id est, Deo nolente) sine uxore uiuere præsumunt.	106
1. Tim. 3. Tit. 1.	Hoc potius in Pauli Catalogo spectandum erat, ut inter dotes ipsas Episcoporum, iustus & pius delectus haberetur.	107
	Vt quæ dotes plurimum commodarent Ecclesiae, priuatis & personalibus præferrentur.	108
	Summa enim iniquitas est & peruersitas, si priuatum bonum publico præferatur, & propter rem personalem pereat communis salus.	109
	Vt fit, si Episcopus doctrina præ cæteris salutaris & uerbo potens, propter priuatum coniugium a ministerio reijciatur.	110
	Et alius uerbo minus utilis, propter priuatum coelibatum in illius loco, ceu lapis statuatur.	111

DISPVATIO Dⁱ MARTⁱ LVTHⁱ

111 Ut ille propter rem priuatam & innoxiam cogatur, relicto uerbo, & animarum salute, mensæ seruire.

112 Imo contra Dominum, in perniciem animarum, acceptum talentum in terram defodere.

113 Iste uero truncus, propter solam castitatem, in ludibrium Sathane & ignominiam Ecclesiæ, uelut idolum in Episcopi loco sedere.

114 Quanto rectius ille doctus & salutaris, licet Digamus aut Trigamus, etiam de media plebe ad Episcopatum raperetur.

115 Coelebs uero iste cum sua inutili castimonia in mediam plebem detruderetur.

116 Et cauendum, ne, qui sit aptus regno cœlorum, per doctrinam promouendo, cogatur aduersus Christum retro respicere, & mortuos sepelire.

117 Igitur longe maior habenda est ratio talenti accepti & uerbi tractandi, ut publici & necessarij boni.

118 Quam Monogamiæ aut cœlibatus, ut priuati & non necessarij boni.

119 Vnde si scandalum Episcopos deponere debet apud Papistas, ignorantie & indocibilitatis potius, quæ coniugij, deponere debebat.

120 Etsi ferendum erat alterutrum scandalum, potius Digamiæ, quæ indocibilitatis, ferendum erat.

121 Crudele quoque & impium est, ut Episcopus sine culpa consilio & remedio Pauli frustretur, & uel coelebs uiuere, vxore mortua, uel ministerio cedere cogatur.

122 Frustrari autem necesse est, tum remedio tum consilio Pauli cum Episcopum, Qui metu libidinis vxorem duxit, quæ biduo uel triduo post moritur.

123 Tum uere Paulus non consilium (cum sit mors vxoris incerta) sed ludibrium, Nec remedium coniugij, sed certum periculum & laqueum posuisse uideretur.

124 Tutius enim esset, prorsus non fieri Episcopum, aut non uti consilio Pauli, quam tanto periculo uel libidinis, uel ministerij relinquendi fluctuari.

125 Sicut in primitiua Ecclesia laudabile fuit, uirginitatem & cœlibatum extollere, contra licentiam Iudaici coniugij & gentilis scortationis.

126 Ita nunc laudabile est, coniugium extollere contra cœlibatum Ecclesiæ deriuatiuæ, id est, contra prostibulum papisticæ abominationis.

127 Cum enim cœlibatus hodie sit fere uocabulum sine re, perniciosissimj scilicet exempli.

Recte

DE DIGAMIA SACERDO CCCCCXXXVI

Recte facient etiam ij., qui non ualde uruntur, si exemplo suo 128
coniugij causam iuuent, ad illius condemnationem.

Nam cum Daniel & Paulus Antichristum prædicent, fore hos 129
stem coniugij, autoremq; libidinis & omnis peccati.

Consultum & salutare est, sub hoc impurissimo libidinis regno, 130
quocunq; coniugio liberari.

Sanctius scilicet est, uel trigamia uel hexagamia uiuere, quam 131
in publico isto & Impunito omnium libidinum chaos perire.

Atq; si Digamus etiam uere esset criminosus, tamen deponi nul 132
lo iure posset, nisi primo criminosiores Papistæ cum suo impurissi-
mo coelibatu funditus eradicati essent.

Alioqui seditionis periculo punirentur Digami tolerabiles, Et 133
liberi permetterentur intolerabiles Papatus scortatores.

Proinde aduersarius noster trabem apud suos considerare de- 134
buit, antequam festucam apud nos fingeret inueniri.

Ne, dum ficto crimine insontes inaculat, patronum et participem 135
sele totius abominationis Papistarum faciat.

Quid multis? Nullius gentis aut linguæ usu Digamus dicitur, 136
qui plures successiue vxores seu viduam duxerit.

Sed natura uocabuli, Digamus is tantum dicitur, qui simul plu 137
res vxores habuerit. 138

Qualis fuit Lamech ille Gene. 4. Abraham quoq; & Iacob, non 139
tantum Sacerdotes, sed & Christi & Prophetæ Dei appellati.

Logomachia igitur & profana Papistarum cenophonia est, Di- 140
gamum deprauato uocabulo dici, qui unus secundæ, aut viduæ,
aut corruptæ maritus est.

Anno M. D. XXVIII. 141

SEQUENTES PROPOSITIONES DE ECCLESIA SVSTINET, FAVEN.

te Christo, D. Martinus aduersus totam Syna-
gogam Satanæ, & uniuerfas portas
Inferorum.

Anno M. D. XXX.



Ecclesia Dei non habet potestatem condendi ullum 1
Articulum fidei, Sicut nec ullum unquam condidit,
nec condet in perpetuum.

Ecclesia Dei non habet potestatem statuendi ul- 2
lum præceptum bonorum operum, Sicut nec ullum
unquam statuit, nec statuet in perpetuum.

xx ij

Omnes

DISPVATIO Dⁱ MARTⁱ LVTHⁱ

- 3 Omnes articuli sufficienter sunt in Scripturis sanctis conditi, ut non sit opus ullum præterea condi.
- 4 Omnia præcepta bonorum operum sunt in Scripturis sanctis sufficienter statuta, ut non sit opus ullum præterea statui.
- 5 Ecclesia Dei nõ habet potestatem approbandi articulos aut præcepta, seu Scripturas sanctas more Maioris, uel autoritate iudiciali, nec id unquam fecit, aut faciet.
- 6 Ecclesia Dei potius contra, per Scripturas sanctas seu articulos fidei est approbata & confirmata, tanquam a Maiore & autoritate iudiciali.
- 7 Ecclesia Dei approbat articulos fidei seu Scripturas, more Minoris, id est, agnoscit & confitetur, sicut seruus sigillum domini sui.
- 8 Stat sententia, Qui non habet potestatem promittendi & dandi futuram & præsentem uitam, Is non potest condere articulos fidei.
- 9 Ecclesia Dei habet potestatem, ordinandi ceremonias, in ferijs, cibis, ieiunijs, precibus, uigilijs &c. non super alios, sed solum super seipsam, Nec unquam aliter fecit aut faciet.
- 10 Sic tamen, ut hæ ceremoniæ non pugnent articulis fidei, aut præceptis operum.
- 11 Etiam sic, ut sint de possibili, & quod in eius manu est.
- 12 Etiam sic, ut conscientiam neq; ligent neq; turbent.
- 13 Etiam sic, ut temporales, non perpetuæ habeantur, quolibet die & casu mutabiles, & omitti potentes.
- 14 Coelibatum aut Vota non potest mandare, nec sibiipsi quidem Ecclesia, multo minus alijs, cum non sint in eius manu.
- 15 Ecclesia uero est numerus seu collectio baptizatorum & credentium sub uno Pastore, siue sit unius Ciuitatis, siue totius Prouinciæ, siue totius orbis.
- 16 Is Pastor seu Prælatus nihil habet statuere (quia non est Ecclesia) nisi consentiente sua Ecclesia.
- 17 Pastor hortari & persuadere potest Ecclesiæ, ut cõsentiat, certis urgentibus causis, sibiipsi ieiuniũ, ferias, preces, aut alias ceremonias in tempus imponere, & rursum ubi uolet, mutare & omittere.
- 18 Articuli fidei & præcepta operum non possunt mutari, Ceremoniæ uero debent pro tempore mutari.
- 19 Nulla fuit ruditas & asinitas maior unquam, q̃ Papistarum, qui ceremonias pro articulis fidei, deinde immutabiles, & unum membrum Pontificem, solum potestatem hanc habere, derudunt.
- 20 Nulla fuit hæresis & malicia maior, quam Papistarum, qui omnia in omnia miscentes & confundentes, articulis pares ceremonias faciendo, regnum liberrimum Christi plus quam seruitute Aegypti & Babylonis oppesserunt.

Hæreti.

DE POTESTATE ECCLESIE CCCCCXXXVII

- Hæreticus dici non potest, qui contra Ecclesiæ ordinationem
Cæremonias omittit, licet peccet, ut promissi non seruans. 21
- Hæreticus dici non potest, qui præcepta operum diuina trans-
greditur. 22
- Hæreticus dici nō potest, qui articulum aliquem fidei ignorat. 23
- Hæreticus dici debet, qui obstinate errat in articulo fidei, & *Hæreticus.* 24
- idem asserit.
- Sicut transgressor præcepti Magistratum, non est seditiosus,
licet peccet, sitq; puniendus. *Seditiosus.* 25
- Sed qui negat aut impugnat Magistratum, is est seditiosus.
- Cum Papistæ nec furem, nec latronem, nec adulterum, qui ta- 26
men in diuina præcepta peccant, non dicant hæreticum, sicuti uere 27
neq; hæretici illi sunt.
- Merito asini asinorum dicendi sunt, quod hæreticos clamant
eos, qui contra cæremonias Ecclesiæ peccant. 28
- Siquidem asinis digna est sapientia, matricidam, parricidam, So-
domitam, hæreticum non dici, at uescentem carnibus sexta feria hæ-
reticum iudicari. 29
- Etiā ipsa Papæ Ecclesia, quamuis sit malignantium Ecclesia,
tamen coniugium Sacerdotum sola officij suspensione damnat. 30
- Concedit igitur Christianum & non hæreticum dicendum esse,
quisquis Sacerdotum duxerit uxorem. 31
- Quare nec ad Infernum damnat animam eius, uti solent heretici
damnari. 32
- Concedit simul (necessario) nec morte puniendum esse, sed ad
empto duntaxat officio, uiuere ut Christianum finit & fatetur. 33
- Quare certum est, nec mortale peccatum reputari, in ipsa Papæ
ecclesia, si sacerdos duxerit uxorem. 34
- Concedit insuper (necessario) nec corpore puniendum, nec
incarcerandum esse, sed adempto solum officio, suis rebus libere
posse uti. 35
- Quare nec scandalum aut turpitudinem esse censet, si Sacerdos
duxerit uxorem. 36
- Qui igitur ultra suspensionem ab officio, addunt poenam hære-
sis, mortis, animæ & corporis, dehinc spolium rerum & famæ, hi
sunt publici latrones, fures, homicidæ, proditores, falsarij, tyranni,
etiam secundum iura Papæ, & in sua Ecclesia. 37
- Ex his potest intelligi, quid ex Ecclesia Papæ tandem factum
sit, in qua tales uiri habentur pro sanctissimis & sapientissimis. *Ecclesia Papæ.* 38

Anno M. D. XXX.

xx iij

DIS.

DISPVATIO D. M. L.
DISPVATIO
DOCT. MARTINI
LUTHERI.

DE HOMINE.

Anno M. D. XXXVI.



Philosophia, sapientia humana, definit, Hominem esse Animal rationale, sensitivum, corporeum.

Nec disputare nunc necesse est, An proprie uel improprie, Homo uocetur animal.

Sed hoc sciendum est, quod hæc definitio tantum mortalem, & huius uitæ Hominem definit.

Et sane uerum est, quod ratio omnium rerum res & caput, & præ cæteris rebus huius uitæ optimum & diuinum quiddam sit.

Quæ est inuentrix & gubernatrix omnium Artium, Medicinarum, Iurium, & quidquid in hac uita sapientiæ, potentiæ, uirtutis & gloriæ ab Hominibus possidetur.

Vt hinc merito ipsa uocari debeat differentia essentialis, qua constituitur Homo differre ab animalibus & rebus alijs.

Quam & Scriptura sancta constituit talem Dominam super terram, uolucres, pisces, pecora, dicens: Dominamini &c.

Hoc est, ut sit Sol & Numen quoddam ad has res administrandas in hac uita positum.

Nec eam Maiestatem Deus post lapsum Adæ ademit Rationi, sed potius confirmauit.

Tamen talem sese Maiestatem esse, nec ea ipsa Ratio nouit a priore, sed tantum a posteriore.

Ideo si comparetur Philosophia seu Ratio ipsa ad Theologiam, apparebit nos de Homine pene nihil scire.

Vt qui uix materiale eam causam uideamur satis uidere.

Nam Philosophia efficientem certe non nouit, similiter nec finalem.

Quia finalem nullam ponit aliam, quam pacem huius uitæ, & efficientem nescit esse creatorem Deum.

De formali uero causa, quam uocant Animam, nunquam conuenit, nunquam conueniet intar Philosophos.

Nam quod Aristoteles eam definit, actum primum corporis uiuere potentis, etiam illudere uoluit Lectores & Auditores.

Nec

Nec spes est, hominem in hac præcipue parte sese posse cognoscere quid sit, donec in fonte ipso, qui Deus est, sese uiderit. 17

Et quod miserabile est, nec sui consilij, aut cognitionem plenam & certam habet potestatem, sed in his subiecta est casui & uanitati. 18

Sed qualis est hæc uita, talis est & definitio & cognitio hominis, hoc est, exigua, lubrica & nimio materialis. 19

Theologia uero de plenitudine sapientiæ suæ hominem totum & perfectum definit. *Theologica hominis definitio.* 20

Scilicet, quod homo est creatura Dei, carne & anima spirante constans, ab initio ad imaginem Dei facta sine peccato, ut generaret & rebus dominaretur, nec unquam moreretur. 21

Post lapsum uero Adæ subiecta potestati Diaboli, peccato & morti, utroque malo suis uiribus insuperabili, & æterno. 22

Nec nisi per filium Dei Christum Ihesum liberanda (si credat in eum) & uitæ æternitate donanda. 23

Quibus stantibus pulcherrima illa & excellentissima res rerum, quanta est Ratio post peccatum, relicta sub potestate Diaboli tamen esse concluditur. 24

Ut homo totus & omnis, sue sit Rex, Dominus, seruus, sapiens, iustus, & quibus potest huius uitæ bonis excellere, tamen sit et maneat peccati & mortis reus, sub Diabolo oppressus. 25

Quare ij, qui dicunt Naturalia post lapsum remansisse integra, impie philosophantur contra Theologiam. 26

Similiter qui dicunt, Hominem faciendo quod in se est, posse mereri gratiam Dei & uitam. 27

Item, qui Aristotelem (nihil de Homine theologico scientem) inducunt, quod ratio deprecetur ad optima. 28

Item, Quod in homine sit lumen uultus Dei super nos signatū, id est, liberum arbitrium ad formandum rectum dictamen & bonam uoluntatem. 29

Item, Quod hominis sit eligere bonum & malum, seu uitam & mortem &c. 30

Omnes istiusmodi neque quid sit homo intelligunt, neque de qua re loquantur, ipsi sciunt. 31

Rom. 3. PAulus Rom. 3. Arbitramur hominem iustificari fide absque operibus, breuiter hominis definitionem colligit, dicens, Hominem iustificari fide. 32

Certe, qui iustificandum dicit, peccatorem & iniustum, ac ita reum coram Deo asserit, sed per gratiam saluandum. *Probat suam sententiam.* 33

Et hominem indefinite, id est, uniuersaliter accipit, ut concludat totum mundum, seu quidquid uocatur homo, sub peccato. 34

DISPUTATIO D. M. L.

- 35 Quare homo huius uitæ est pura materia Dei ad futuræ formæ
suæ uitam.
- 36 Sicut & tota Creatura, nunc subiecta uanitati, materia Deo est
ad gloriosam futuram suam formam.
- 37 Et qualis fuit terra & cœlum in principio ad formam post sex
dies completam, id est, materia sui.
- 38 Talis est homo in hac uita ad futuram formam suam, cum refor-
mata & perfectâ fuerit imago Dei.
- 39 Interim in peccatis est homo, & indies uel iustificatur uel pol-
luitur magis.
- 40 Hinc Paulus ista rationis Regna nec mundum dignatur appel-
lare, sed schema mundi potius uocat.

Anno M. D. XXXVI.

IN sequentibus quinque Disputationibus diligen-
tissime expendit uir Dei Lutherus singulas uoces
huius Paulini dicti, Roma. 3. (Arbitramur Homi-
nem iustificari Fide, absq; operibus Legis) & sen-
tentiam eius germanam, iuxta Pauli mentem, sum-
ma fide reddit.

I. DISPUTATIO DE FIDE.

Arbitramur hominem iustificari fide &c.

1 *Vera fides.*

2 *Fides acquisita, his-
torica.*

3



Ides hic uera, & donum illud Spiritus sancti intel-
ligi debet.

Si Paulus de Fide acquisita seu historica loqui
intelligitur, in uanum totus laborat.

Nam & Sophistæ, etsi rerum istarum nihil
intelligunt, tamen fatentur fidem istam non iusti-
ficare.

4 *Fides infusa.*

5

Imo docent, neq; infusam Spiritu sancto fidem iustificare, nisi
formata sit charitate.

Hoc enim palam asserunt, Fidem infusam posse stare cum pec-
cato mortali & damnari.

Sequitur

Sequitur hinc, Si Paulum de hac Fide intelligas, ipsum de ocio
so aut fabuloso Christo prædicare. 6

Nam Christus nihilo plus adest uel prodest talibus credentibus,
quam ipsis Dæmonibus & damnatis. 7

Cum uero Paulus prolixè tribuit Iustificationem fidei, necesse
est ipsum de istis fidebus (ut sic dicam) acquisita, infusa, informi, *Fides acquisita, in-*
formata, explicita, implicita, generali, speciali, nihil dicere. *fusa, informis &c.* 8

Quin & Dæmonibus & pessimis hominibus concedunt hanc fi-
dem acquisitam. 9

Oportet igitur de alia fide quadam eum loqui, quæ faciat Chri-
stum in nobis efficacem, contra mortem, peccatum & legem. 10

Et quæ nos non sinat similes esse Dæmonibus & hominibus de-
scendentibus in infernum, Sed similes faciat sanctis Angelis & filiis
Dei ascendentibus in cælum. 11

Hæc est autem fides apprehensiuæ (ut dicimus) Christi, pro pec-
catis nostris morientis, Et pro iusticia nostra resurgentis. *Fides apprehensiuæ Christi.* 12

Hoc est, quæ non tantum audiat res a ludæis & Pilato, in Chri-
sto crucifigendo, gestas, uel de resurgente narratas 13

Sed quæ intelligat charitatem Dei Patris, per Christum, pro tuis
peccatis traditum, te redimere & saluare uolentem. 14

Hanc fidem Paulus prædicat, quam Spiritus sanctus ad uocem
Euangelij in cordibus audientium donat & seruat. *Quæ fidem Paulus prædicet.* 15

Hæc est illa fides, quæ uere infusa dici debet, nec uiribus nostris
acquiri (sicut illa acquisita) potest. *Fides uere infusa.* 16

Fides acquisita, seu Sophistarum infusa, de Christo dicit: Credo
filium Dei passum & resuscitatum, atq; hic desinit. *Acquisita fides & Sophistarum infusa* 17

Sed uera fides dicit, Credo quidē filium Dei passum & resuscita-
tum, Sed hoc totum pro me, pro peccatis meis, de quo certus sum. *Vera fides.* 18

Est enim pro totius mundi peccatis mortuus, At certissimū est,
me esse partem aliquam mundi, Ergo certissimum est, pro meis quo-
que peccatis mortuum esse. *Christus mortuus pro peccatis totius mundi.* 19

Fides acquisita habet finem seu usum passionis Christi nudam
speculationem, Fides uera habet finem & usum passionis Christi ui-
tam & salutem. *Fides acquisita, ue-
ra.* 20

Fides acquisita stat, uelut piger manum sub ascella abscondens,
& dicit, Ista nihil ad me. 21

Fides uera extensis brachijs amplectitur læta filium Dei pro sese
traditum, & dicit, Dilectus meus mihi, & ego illi. 22

Exemplum huius Paulus ad Galatas de seipso præstat, dicens:
Qui dilexit me, & tradidit semetipsum pro me. 23

Igitur

DISPUTATIO DE ME L

24
Pro Me.
Pro Nobis.

Igitur illud, Pro me, seu pro nobis, si creditur, facit istam ueram fidem, & secernit ab omni alia fide, quæ res tantum gestas audit.

25

Hæc est fides, quæ sola nos iustificat sine lege & operibus, per misericordiam Dei, in Christo exhibitam.

26

Pugnant enim ista duo, Christum pro nostris peccatis traditum satisfacere, Et nos ipsos per Legem a peccatis iustificari.

27

Aut enim ille non est traditus pro peccatis nostris, Aut nos non iustificamur per Legem a peccatis nostris.

28

Scriptura autem clamat, Omnium nostrum peccata in ipsum esse posita, Et pro peccatis populi Dei est percussus, Et liuore eius sanati sumus. Esa. 53. 1. Ps. 2.

29
Iustificati
operi.

Iustificati autem sic gratis, tum facimus opera, imo Christus ipse in nobis facit omnia.

30
Mortua fides.

Quod si opera non sequuntur, certum est, fidem hanc Christi in corde nostro non habitare, Sed mortuam illam, scilicet acquisitam fidem.

31
Auditus fidei est omniū, sed fides non est omnium.

Omnium quidem est auditus uerbi, sicut scriptum est, In omnem terram exiuit sonus eorum. Psal. 19.

32

Sed non omnium est fides ista, sicut scriptum est, Quis credidit auditui nostro? Esa. 53.

33

ET omnes, qui iactant opera coram Deo iustificare, ostendunt sese nihil de Christo, aut fide intelligere.

34
Opera bona sequuntur fidem.

Fatemur opera bona fidem sequi debere, imo non debere, sed sponte sequi. Sicut arbor bona non debet bonos fructus facere, sed sponte facit.

35

Et sicut boni fructus non faciunt arborem bonam, Ita bona opera non iustificant Personam.

36

Sed bona opera fiunt a Persona iam ante iustificata per fidem, Sicut fructus boni fiunt ab arbore iam ante bona per naturam.

37

Tamen & in Philosophia ita habet, Quod sine & ante omne opus bonum, necesse est, rationem & uoluntatem bonam esse.

38
Ratio recta.
Bona uoluntas.

Nec fit ratio recta, aut uoluntas bona ab opere, Sed opus fit a recta ratione & uoluntate.

39

Et artificis idæa non fit a domo uel fabrica, sed fabrica fit ab idæa, quæ sine & ante fabricam est in corde artificis.

S V M M A.

40
Christus est Dominus
nus sabbati, legis et
omnium.

CHRISTUS est Dominus, non seruus, Dominus sabbati, legis & omnium.

41

Et Scriptura est, non contra, sed pro Christo intelligenda, Ideo uel ad eum referenda, uel pro uera Scriptura non habenda.

Vt, Serua

Matt. 19.	Vt, Serua mandata, sic dominante Christo intelligendum est, serua in Christo scilicet, uel in fide Christi.	42 <i>Serua mandata.</i>
Matt. 22.	Diliges Dominum Deum tuum &c. scilicet in Christo, seu fide eius, Quia sine me nihil potestis facere.	43 <i>Diliges Dominum Deum tuum.</i>
Luce. 10.	Fac hoc & uiues, fac scilicet in me, alioqui non facies, sed contrarium facies.	44 <i>Fac hoc & uiues.</i>
	Redime peccata tua eleemosynis, scilicet in Christo, & fide eius, alioqui peccatum erit eleemosyna tua.	45 <i>Redime peccata tua &c. Dan. 4.</i>
	Quamobrem eruditissime Epistola ad Ebraeos, omnibus omnium Sanctorum operibus præfigit, Fide.	46
	Quia necesse est, omnes Sanctos in promisso Christo omnia uiuere & facere, sicut nos in exhibitio.	47 <i>Fide translatus Enoch. Ebr. 11.</i>
	Ipse enim est caput & Dux iustitiæ & uitæ, a Deo constitutus, per & in quo nos uiuimus & saluamur.	48
	Quod si aduersarij Scripturam urserint contra Christum, urges mus Christum contra Scripturam.	49
	Nos Dominum habemus, illi seruos, Nos caput, illi pedes seu membra, quibus caput oportet dominari & præferri.	50
	Si alterutrum sit amittendum, Christus uel Lex, lex est amittenda, non Christus.	51
	Habito enim Christo, facile condemus Leges, & omnia recte iudicabimus.	52
	Imo nouos Decalogos faciemus, sicut Paulus facit per omnes Epistolas, & Petrus, maxime Christus in Euangelio.	53
	Et hi Decalogi clariores sunt, quam Mosi decalogus, sicut facies Christi clarior est quam facies Mosi.	54
Rom. 2.	Si enim Gentes in natura corrupta, potuerunt de Deo statuere, & lex esse sibiipsis, Rom. 2.	55
	Quanto magis Paulus aut perfectus Christianus plenus spiritu, potest Decalogum quendam ordinare, & de omnibus rectissime iudicare.	56
	Sicut omnes Prophetæ & Patres eodem spiritu Christi omnia sunt locuti, quæ habentur in Scripturis.	57 <i>Prophete eodē spiritu Christi omnia sunt locuti.</i>
	Tamen quia interim sumus inæquali spiritu, & caro aduersatur spiritui, Necessè est etiam propter uagos spiritus, certis mandatis & scriptis Apostolorum adherere, ne laceretur Ecclesia.	58
	Non enim sumus omnes Apostoli, qui certo Dei decreto nobis sunt infallibiles Doctores missi.	59
	Ideo non illi, sed nos, cum sine Decreto tali sumus, errare possumus & labi in fide.	60 <i>Apostoli infallibiles Doctores.</i>


Quare

DISPVATIO D. M. L.

- 61 *Ecclesia uniuersalis non errat.* Quare non est arrogandum ulli post Apostolos hoc nomen, Quod non possit errare in fide, nisi soli Ecclesie uniuersali.
- 62 *Svmma.* Conclufit Deus omnia sub incredulitate, ut omnium miferetur. Igitur, miferentis Dei est, quod iusti sumus, non currentis hominis.
- 63 Operator fit sanctus, fit sapiens, fit iustus, fit quidquid uolet. Si fides defit, sub ira manet & damnatur.
- 64 Quia stat sententia, Non aliquorum, sed omnium miferetur. Et sola mifericordia Dei est iusticia nostra, non opera propria.
- 65 *Iustificatio.* Iustificatio est reuera regeneratio quedam in nouita tem, sicut Iohannes dicit, Qui credunt in nomine eius &c. ex Deo nati sunt, *Iohan. 1.*
- 66 *Baptismus.* Inde & Paulus baptismum uocat lauacrum regenerationis & renouationis, Et Christus ipse, Nisi denuo quis renatus fuerit, non potest uidere regnum Dei. *Tit. 3. Iohan. 3.*
- 67 Ideo impossibile est, per opera iustificari, quia impossibile est nos nasci ex oporibus nostris, sed potius opera nascuntur (sic loquendo) ex nobis.
- 68 Eodem spiritu appellamur iusti, noua creatura Dei, & initium creature Dei, qui nos uerbo suo uolens genuit. *Iacob. 2.*
- 69 Quis autem ferat hanc blasphemiam, ut opera nostra nos creent, uel ut simus operum nostrorum creature.
- 70 Tunc liceret dicere contra Prophetam, Nos ipsi fecimus nos, & non Deus fecit nos. *psal. 55.*
- 71 Quam blasphemum igitur est dicere, seipsum esse sui ipsius Deum, creatorem seu generantem, Tam blasphemum est suis operibus iustificari.

II. DISPVATIO DE LEGE.

Homo iustificatur Fide, absq; operibus Legis.

- 1  Arbitramur hominem iustificari fide, absq; operibus Legis.
- 2 *Opera legis.* Opera legis necessario sunt, quae uocantur merita seu optima opera.
- 3 Alioqui quid esset sentire, hominem iustificari sine operibus malis?
- 4 Paulus loquitur de lege simpliciter & uniuersaliter, Maxime de morali seu Decalogo.
- 5 Qui uero putant eum de ceremoniali loqui, toto coelo errant.
- Clare

Rom. 7.	Clare enim allegat legem moralem ca. 7. Concupiscentiam ne sciebam peccatum esse, nisi lex diceret, Non concupiscēs.	6
Rom. 3.	Et aperte disputat de peccato & morte totius mundi, per Chris- tum saluandi, Reus sit (inquit) totus mundus Deo, Quia ex ope- ribus legis non iustificatur ullus homo.	7 Paulus disputat de peccato & morte totius mundi.
	Ceremonialis lex autem solum parvam particulam mundi (pus- ta Iudæos) tenuit.	8 Lex ceremonialis.
Iohan. 5.3	Nec ullam legem ceremonialem allegat in tanta Disputatione. Nam Circumcisio, quam allegat, non ex Mose, sed ex Patri- bus est, Iohan. 5.	9 10 Circumcisio ex Pa- tribus est.
	Ideo maius aliquid est Circumcisio, quam lex ceremonialis, quæ per Moysen cœpit.	11
	Christus etiam ab initio mundi occisus est pro peccatis totius mundi, antequam ulla ceremonia esset.	12 Christus ab initio mundi occisus est.
	Quare de lege & peccatis totius mundi ab initio necesse est Pau- lum intelligi,	13 Apol. 14.
	QVI uero pergunt eum tantum de ceremoniali lege intelligere, habent necessario concedere, Quod & tantum de peccato ce- rimoniali intelligendus sit, cum lex & peccatum ad inuicem refer- rantur.	14
	Ita concedent sequenter, Eum loqui de morte seu poena peccati ceremonialis.	15
	Et Christi gratiam in Paulo esse iusticiam ceremonialem.	16
	Qualis lex, tale peccatum, Quale peccatum, talis poena & re- missio peccati.	17 Qualis lex, tale peccatum.
	Ita sequitur, Quod Christus sua morte nihil effecerit, quam ep- solos Iudæos a lege ceremoniali redemerit, uel solum Ceremonias ab- rogauerit.	18
	Et quod frustra Iudæis quoque sit mortuus, cum pro peccatis mo- ralis legis non sit mortuus.	19
	Hoc est, Christus Iudæos, non tam a peccato ceremoniali præ- terito, quam a futuro liberarit, ne amplius possent peccare, lege sci- licet sublata, contra quam possit peccari.	20
	Ita iustificatio & redemptio Christi aliud nihil sit, quam abro- gatio legis ceremonialis, & absolutio Iudæorum ab illa.	21
	QVo stantes Christus ad Gentes nihil pertinet, ut quibus nec lex nec peccatum ceremoniale fuit.	22
	Et sit Christus plane ociosus, & mors eius inter Gentes inanis.	23
	Frustra tum Paulus inter Gentes currit, clamans, Iudeo primum & Græco, prædicans illis liberationem a lege & peccatis eius, quæ apud Gentes non sunt.	24

DISPVATIO Dⁱ Mⁱ Lⁱ

25 Quin mentiuntur & Paulus & Prophetæ, q^d Gentes lege, peccatis, morte, terrent, & redemptionem per Christum promittunt.

26 Cum sciant talia apud suos Iudæos tantum ualere, ut sub lege cæremoniali conclusos,

27 **C**Laret ergo, Qui Paulum de lege cæremoniali tantum loqui docent, Christum simpliciter e mundo tollunt cum uniuerso Euangelio.

28 Et constituunt nos ipsos nostros iustificatores, per opera moralia seu Decalogum sine Christo.

29 Et quid fuit opus filium Dei dari precium pro peccatis, Cum leges cæremoniales Homo sine Christo potuisset præstare.

30 Nam sicut Homo potest sine Christo, capram mulgere, equum pascere, domum ædificare, sicut Gentes fecerunt.

31 Ita potest etiam sine Christo uestes lauare, cæsariē radere, certis diebus ferari, sacrificia mactare, lampades accendere, sicut fecerunt impij Sacerdotes Christi & Prophetarum homicidæ.

32 Non multum dissimile esset, si diceres, Christum esse mortuum, ne sit necesse, capram mulgere, & alia domestica opera facere.

33 **S**I ergo Christus est omnium hominum Saluator, in toto mundo, Necesse est Paulum loqui de lege & peccatis omnium hominum totius mundi.

Paulus loquitur de tota pⁱ legis &c.

34 **S**Tat ergo, Paulum loqui non solum de morali lege, Sed etiam de tota eius potentia & ui.

35 Quam uim ne intelligit quidem Homo animal rationale, multo minus de ea iudicare & docere potest.

36 Vis autem & potentia eius est, occidere, seu peccatum æterna morte damnandum ostendere.

37 Vbi uero coeperit homo arguente spiritu, hanc uim sentire & intelligere, mox desperat de Dei misericordia.

Desperatio irremissibile peccatum.

38 Desperatio autem de misericordia Dei, est summum peccatum & irremissibile, Nisi gratia reuocet in tempore oportuno.

39 Ista sunt tum uere illa summa opera, quæ Homo secundum legem Dei moralem facit.

40 Hoc est quod dicit, Per Legem fieri peccatum supra modum peccans, Et per legem peccatum me occidit, & Lex iram operatur. Rom. 7.

41 Nunquam peccat Homo horribilius, quam in eo articulo, quo incipit legem sentire seu intelligere.

42 **S**Umma, necesse est, uel intellecta lege desperare, ignorata gratia Dei, Vel nō intellecta lege, de seipso presumere, contempta ira Dei.

43 Illa facit desperabundum Dauid, qui dicit, Peccaui, proiectus sum a facie oculorum tuorum &c.

Ista

	Ista facit securum Hypocritam & superbum Pharisæum, qui dicit, non sum sicut cæteri hominum, iniusti &c.	44
	Hic uenit medius Christus, dicens, Nec tibi damnatio, nec tibi salus, Sed mihi soli gloria.	45
	Tu non morieris Daud, quia transtuli peccatum tuum in me, Nec tu Pharisæe uiues, quia iusticia tua est sine me.	46
	Obtento igitur, Quod Paulus non loquatur de lege cæremoniali, sed de uera lege, uerisq; legis operibus.	47
	Vicerit causa nostra, & stat sententia Pauli, Hominem non legis operibus, sed fide iustificari sola.	48
Rom. 3. Galat. 3.	Non enim nos, sed Paulus electū Christi organū, sic audet in totum mundū fulminare, Quod homo per legem non iustificetur.	49
	Expectamus exinde a iactatoribus legis & bonorum operum, quibus iusticiam tribui uolunt.	50
	Ut ostendant uel unum Exemplum impletæ legis ab initio mundi, etiam in Ecclesia, usq; in finem mundi.	Nullum exemplum impletæ legis 51
	Ridiculum est in tam seria causa iactare bona opera & legis iusticiam, & tamen nullum exemplum ostendere.	52
	Hoc enim proprie est in uacuo theatro ludos & res mirabiles uidere, id est, insanire, & Satanæ ludibrio teneri.	53
	Nihil facilius est, quam ociosum & loquacem Sophistam, de lege & operibus multa garrere, dum interim ipse nec faciat quidquam, nec qui faciat, possit ostendere.	54
	Nos, cum non possint illi suam affirmatiuam probare, ex superabundanti etiam negatiuam probamus.	55
	Scilicet nullum fuisse, esse, fore exemplum legis impletæ, in ullo Sanctorum, neq; in tota Ecclesia sancta catholica.	56
1. Ioh. 1.	Omnium enim Sanctorum & totius Ecclesiæ uox & confessio est, Si dixerimus, Nos non habere peccatum, ueritas Dei in nobis non est.	57
Galat. 3.	Et ipse Paulus, carne seruit legi peccati. Et spiritus Ecclesiarum Galatiæ carnem aduersantem ferre cogitur.	58
Rom. 7. Galat. 3.	Et tota Ecclesia, petens dominica oratione, Sanctificari nomen Dei, & remissionem peccatorum &c. hoc ipso fatetur sese peccatricem esse.	59
	Ex quibus sequitur, nullum etiam Sanctorum, nedum Legistarum operibus legis iustificari, multo minus operibus proprijs.	60
Rit. 1. 2. Tim. 2.	Hos uaniloquos & ψευδαπάρτας signat Apostolus, cum dicit, Semper enim de debito fieri clamant, At de facto esse nihil habent, nec possunt præstare.	61 62

DISPUTATIO D. M. L.

63 At per debitum fieri nemo iustificabitur aut saluabitur, sed per factum esse, seu factores Legis saluandi sunt omnes.

64 Non enim qui dicit, Domine, Domine, intrabit regnum coelorum, Sed qui fecerit uoluntatem Patris, hic intrabit &c.

65 Deus enim serio uult legem suam impleri, usq; ad minimum apicem & iota, aut nullum omnino saluari.

66 **R**eseramus hæc in formam syllogisticam, ut apertior sit nostra contra eos expositio & insultatio.

67 Quicumq; uult intrare ad uitam, debet seruare mandata Dei.

Sed

68 Nullus Sanctorum seruat mandata Dei.

Ergo

69 Nullus Sanctorum potest intrare ad uitam.

70 *Si uis intrare ad uitam.* Maior est manifestæ autoritatis diuinæ, ubi Christus dicit: Si uis intrare ad uitam &c. qui non fallit neq; mentitur.

71 Minor facile probatur, ex supra dictis, Quia omnes Sancti sunt peccatores, & mandata Dei non seruant.

72 Conclusio est in bona forma consequentiæ, in secundo secundæ deducta & irrefragabilis.

73 Quo nunc ibitur? Hic iusticiarij deprehenduntur inter angustias, & merito redirent ad cor, ut Esaias loquitur.

74 **N**os uero ostendimus exemplum legis impletæ, certum & fidele, sed in unico illo Homine mediator Dei & hominum.

75 De quo uno & solo Deus dicit: Qui peccatum non fecit, nec dolus inuentus est in ore eius, id est, legem impleuit. Esai. 53.

76 Et Psal. 40. In libro scriptum est de me, ut faciam uoluntatem Psal. 40. tuam Deus meus, uolui, & lex tua in medio cordis mei.

77 Haud dubium, quia omnes alij non fecerint uoluntatem Dei, nec lex eius in medio cordis eorum fuerit.

78 *Voluntas Dei impleta &c.* Voluntas autem illa Dei impleta seu Christi implentis, aliud nihil esse potest, quam ipsa obedientia Christi, ut Paulus ait, Factus pro nobis obediens. Philip. 2.

79 Qua uoluntate sanctificati sumus omnes (ut ille ait) Et per obedientiam Hebr. 10. istius unius, iusti constituuntur multi, Rom. 5.

80 *Dicta & exempla Scripturæ de lege &c.* **P**roinde omnia alia dicta & exempla Scripturæ de lege uel operibus, necesse includunt Christum pro nobis Patri obedientem.

81 Et quod nos per inobedientiam Adæ, semel omnes constituti peccatores, nunquam per nosiplos obediens fieri possumus.

82 Et ut multa externa faciamus & patiamur, frustra tamen laboramus & sudamus, quia lex Dei non est in medio cordis nostri. Rom. 7.

Sensus

DE IVSTIFI- HOMINIS CCCCCXLIII

Rom. 8.

Sensus enim carnis, non solum non subicitur iusticiæ Dei, sed etiam odit, & est ipsa inimicitia contra Deum. 83

Si nos ipsi potuissemus Deo obedientes esse, seu implere legem, Non fuisset opus, ut loco nostrorum omnium, seu pro nobis omnibus, Dei filius obediens fieret. 84

Diaboli malicia est, qui nos iusticia seu potius opinione iusticiæ legalis ita uexat, & occæcat, ne magnitudinem peccati & mali nostri intelligamus, & hinc iram Dei contemnamus. 85

Qua non intellecta, certo scit, neq; amplitudinem gratiæ & misericordiæ in Christo exhibitæ, a nobis intelligi posse. 86

Et ita sicut ab initio fuit Homicida & Pater mendaci (hoc est, Satan Christi) Ita non cessat istis rationibus aduersari saluti hominū. 87
Satan homicida & mendaci pater. Iohan. 8.

Anno M. D XXXV.

III- DISPUTATIO

Alia ratio iustificandi hominis coram Deo, alia coram hominibus &c.



Atis claret hoc loco, Aliam esse rationem iustificandi hominis coram Deo, a ratione iustificandi eius coram hominibus. 1

Nam Paulus aperte fidem operibus opponit, & iustificationem coram Deo detrahic operibus tribuitq; fidei. 2

Iustificatur quidem Homo ex operibus, sed gloriam habet coram hominibus, non coram Deo. 3

Iustificatur quidem homo fide coram Deo, etiamsi apud homines & in seipso ignomiam tantum inueniat. 4

Hoc est mysterium Dei, Sanctos suos mirificantis, quod non solum est impijs impossibile intellectu, sed etiam ipsis pijs mirabile & difficile creditur. 5
Mysterium Dei.

Natura enim uicio originalis peccati corrupta & excæcata, non potest ultra & supra opera ullam iustificationem imaginari aut concipere. 6

Hinc illa pugna Hypocritarum, contra fideles de iustificatione, nullius nisi Dei solius iudicio dirimenda. 7

Concedimus itaque Hypocritis seu Philosophis, opera & iustificationem Legis, modo retineamus eam iusticiam esse hominum, non Dei. 8

yy in

Iusticia

DISPUTATIO D. M. L.

9 Iusticia uero hominis, ut eam Deus temporaliter honoret donis
optimis huius uitae, tamen coram Deo larua est & hypocrisis impia.
10 Et mirum est Problema, quod Deus remuneret iusticiam, quam
ipse reputet iniquitatem & maliciam.

11 Aperte enim in Prophetis malum manuum nostrarum appellat
Malum manuum no-
strarum. opera secundum legem & nostram rationem pulcherrima.

12 Simile uidetur, ac si quis Princeps malum seruum toleret, quem
sine maiore periculo Regni non possit occidere.

13 Igitur non est respiciendum neque ad personam impij, qui iusticiam
operatur, neque ad pulchritudinem talis operis.

14 Sed ad incomprehensibilem tolerantiam & sapientiam Dei, mi-
nus malum ferentis, ne maiore malo omnia subuertantur.

15 Sicut uomica, claudicatio, aut alius morbus in corpore insana-
bilis toleratur, necessitate uitae corporalis fouendae.

16 Est enim legis iusticia morbosae ualde & adeo imbecillis, ut saepe
Iusticia legis. suam legem optimam non solum non impleat, sed leuissimo etiam
motu prorsus obliuiscatur.

17 Sed quia alia non potest haberi, toleratur & fouetur summis
huius mundi bonis.

18 Deus enim pro magnitudine suae bonitatis, parum reputat, tam
indignis & malis iustis sensu sanctis, tot & tanta donare.

19 Sicut sapiens Magistratus cui malo & improbo interdum con-
niuet, & frui sinit ciuitate pro bono pacis publicae.

20 Deus enim alio spectat, scilicet ad futurum regni gloriam, in quo
non pertransibit incircumcisus aut immundus, ut Scriptura loqui-
tur &c.

21 Quin & cum Ecclesia & Sanctis suis in terra non dissimili tole-
rantia & bonitate agit.

22 Ut quos & tolerat & fouet propter initium creaturae suae in no-
bis, Deinde & iustos esse, & filios Regni decernit.

23 Iustificari enim hominem sentimus, hominem nondum esse ius-
tum, sed esse in ipso motu seu cursu ad iusticiam.

24 Ideo & peccator est adhuc, quisquis iustificatur, & tamen uelut
plene & perfecte iustus reputatur, ignoscente & misereunte Deo.

25 Ignoscit autem & misereatur nostri Deus, intercedente & sanctis-
ficante nostrum initium iusticiae, Christo aduocato & sacerdote no-
stro.

26 Cuius iusticia cum sit sine uicio, & nobis umbraculum contra esum
nostrae Dei factum, non sinit nostram inceptam iusticiam damnari.

27 Iam certum est, Christum seu iusticiam Christi, cum sit extra nos
Iusticia Christi ope-
ribus non compre-
henditur. & aliena nobis, non posse nostris operibus comprehendi.

Sed

DE IVSTIFI HOMINIS CCCCXLIII

Sed Fides, quæ ex auditu Christi nobis per Spiritum sanctum in funditur, ipsa comprehendit Christum. 28

QUare & sola fides iustificat sine operibus nostris, Non enim pos sum dicere, Ego facio Christum, seu iusticiam Christi. 29

Sicut tamen possum dicere, Ego facio opera, siue iusticiæ coele stis per Spiritum, siue terrenæ per naturam. 30

Sed sic dicendum, Ego credo in Christum, Et post facio opera bona in Christo uere. 31

Recte igitur dicitur, Iustificari nos ex fide, sine operibus legis. 32

Quod iustificari ista includit, fide scilicet propter Christum re putari nos iustos. 33

Nec peccatum ullum, siue præteritum, siue reliquum in carne manens, imputari, sed uelut nullum sit, remissione interim tolli. 34

Hanc fidem comitatur initium creature noue, & pugna cõtra carnis peccatum, quod eadem fide Christi & ignoscitur & uincitur. 35

IIII DISPVTATIO

Homo iustificandus, intelligitur homo peccator, a peccatis suis liberandus. 1

Non enim sanis necessarius est Medicus, sicut nec iustis opus est Liberatore. *Homo.* 2

Certum igitur est, hominem suis meritis non pos se coram Deo iustificari. 3

Quid enim Peccator suis meritis, hoc est, peccatis seu operibus peccatoris mereretur apud Deum? 4

Psal. 90. Peccatum radicale, capitale & uere mortale, est incognitum ho minibus in uniuerso mundo. *Peccatum radicale, hominib. incognitum* 5

Quanto minus cognitum esse potuit remedium pecca ti, cuius morbus non erat cognitus. 6

Iohan. 16. Nullus ex omnibus hominibus cogitare potuit peccatum mun di esse, non credere in Christum Ihesum crucifixum. 7

Hoc est peccatum originale post lapsum Adæ, nobis ingeni tũ, & non tantum personale, sed & naturale. 8

Non credere in Christum, est incredulũ & ignarum & auersum esse a Deo, qui Christum promisit Saluatorem. 9

Rom. 11. Galat. 3. **Q**Uare Paulus recte dicit, Omnia esse conclusa sub incredulita tem, ut Deus omnium misceatur. 10

Hæc incredulitas trahit secum omnia alia peccata, cum sit primi Præcepti principale peccatum. 11

DISPVATIO D M L

12 Tenuiter penesq; obscurius definiunt Scholaſtici, Peccatum origina-
le eſſe concupiſcentiam, Alij carentiam iuſticiæ originalis ineſſe
debitæ.

13 Magna enim pars craſſum illud libidinis malum pro peccato or-
iginali habent, & poſt remiſſionem tantum pœnam, infirmitatem &
fomitẽm uocant.

14 Sed illi etiam impie, qui aſſeruerunt, naturalia manſiſſe poſt pec-
Naturalia integra. catum integra, tam in hominibus quam Dæmonibus.

15 Rectius illi, qui conſtanter fatentur, Naturam per eſſe peccatum
Adæ corruptam.

16 Non enim poteſt natura ſimul corrupta & integra intelligi, Niſi
de integritate animalium uirium dicerent, id quod non faciunt.

17 Quanquam ſatis certum eſt fidelibus, nec animales, nec ratios-
Opera media &c. nales uires relictas eſſe integras.

18 Eadem ignorantia ſinxerunt, Opera quædam eſſe, nec bona nec
mala, ſed media ſeu neutralia.

19 Et deinceps, Ignorantiam aliam craſſam, aliam inuincibilem,
Ignorantia craſſa. quæ excuſaret a toto &c.

20 Hæc & ſimilia teſtantur, nec peccatum nec Chriſtum ab illis po-
tuiſſe cognoſci, Nec Decalogum, præſertim in prima tabula, fuiſſe
eis intellectum.

21 Poſſet tamen peccatum ab effectibus ſuis cognoſci utcuq; , niſi
ratio etiam hic eſſet nimium cæcutiens & obiectorum tam facile
obliuiſceretur.

22 Non enim ueriſimile eſt naturam (quam nimium ratio bonam
eſſe ſomniat) tanta malorum monſtra, quæ mundus quotidie facit,
perpetrare.

23 Conſentaneum certe uideretur, Sicut ex uero nihil niſi uetum,
ita bono ex nihil niſi bonum ſequeretur, aut certe minus malorum ſe-
queretur.

24 Nunc uidemus, quam parum boni & multũ mali ubiq; regnet in
orbe terrarum, & malos plures quam bonos eſſe in mundo.

25 Ita facile concluderetur, in natura illa, iudicio rationis, bona,
multo plus eſſe maliciæ, quam bonitatis etiam politicæ.

26 Poetæ quoq; rarum faciunt Virum bonum, comparantq; mon-
ſtro bimembri, & alius penuriam queritur bonorum uirorum.

27 Sed Scriptura cauſam peccati nos docens, teſtatur nihil boni eſ-
ſe in natura hominis, & id, quod bonum eſt reliquum, eſſe tamen in
malo uſu.

28 V T ergo iuſtification, quantum poteſt fieri, magnificetur, Pecca-
tum eſt ualde magnificandum & amplificandum.

Eſt enim

DE OPERI LEGIS ET GRA CCCCXLV

Est enim sanatio peccati, quod totum mundum æternaliter occidit, & infinitis malis perdit. 29

Quate maius est opus illud diuinū iustificatio, q̃ ut ulla ratio aut consideratio nostri operis aut motus hic habere debeat locum. 30

Et simpliciter cum Paulo hic dicendum est, quod nihil sumus, sicut ex nihilo facti sumus. 31

Qui uero nostri operis speciem spectant, uel aliquid esse uolunt, Illi nunquam intelligent magnitudinem huius operis diuini. 32

Multo certe minus, quam ille uidere possit gloriam Solis, qui putridi ligni fulgorem iactet lucente sole. 33

V DISPUTATIO DE OPERIBVS LEGIS ET GRATIAE.



Necessaria sunt, opera omnia, tam legis q̃ gratiæ. 1

Opera legis sunt, quæ extra fidem fiunt, uoluntate humana. 2 *Opera legis.*

Quam uoluntatem lex uel cogit minis & poenis, uel allicit promissis & beneficijs. 3

Nunquam est tamen uera & recta ea uoluntas, sed semper quærens quæ sua sunt. 4

Ideo & in ipsis hæroicis uirtutibus, naturali hoc uicio deprauata est. 5

Multo minus ualet ipsa quidquam in religione, seu iustificatione coram Deo. 6

Et tamen necessaria est, ad custodiendam externam disciplinam & pacem. 7

Opera gratiæ sunt, quæ ex fide fiunt, Spiritu sancto mouente & regenerante uoluntatem hominis. 8 *Opera gratiæ.*

Necesse tamen est, eam etiam per uerbum & signum externum, hoc est, minis & promissis admoneri & excitari. 9

Placuit enim Deo per ministerium uerbi & sacramenti, Spiritum distribui & augeri. 10

Nec illa ipsa opera iustificant coram Deo, sed fiunt a iustificatis, Licet recte dicantur iusticia operum, Deo grata per Christum. 11 *iusticia operum.*

Currere & uelle oportet, nec tamen est currentis aut uolentis, sed miserentis Dei. 12

Nihil sibi conscium esse oportet, & tamen scire, non in hoc se esse iustificatum. 13

Quærere oportet per patientiam boni operis uitam æternam, Nec est tamen quærentis, sed miserentis Dei. 14

Deniq̃

DISPVATIO D. MART. LVTH.

15 Denique cursum consummare, & coronam iusticiæ repositam habere oportet, Nec tamen & consummantis, nec habentis, sed miserentis Dei.

16 *Lex dupliciter impletur.* LEX igitur dupliciter impletur, scilicet, per Fidem & charitatem.

17 Fide impletur in hac uita, reputante interim Deo nobis per Christum, iusticiam, seu legis impletionem gratuito.

18 Charitate implebitur in futura uita, cum perfecti erimus noua creatura Dei.

19 Quamuis improprie dicitur, Legem tunc impleri, cum futura tunc sit nulla lex, sed res ipsa, quam Lex in hac uita requirit,

20 Verum, ut causa clarius intelligi possit, ita crasse pro huius uitæ captu loqui licet.

21 Recte enim dicit S. Augustinus, Tria & septem non debent esse decem, sed sunt decem.

22 Quidquid natura tale est, non debet, imo nec potest lege esse uel fieri tale.

23 Ita Angeli & Beati in cælo, non debent esse, sed sunt sine lege iusti, ut pura creatura Dei.

24 Cessabit enim tunc & ipsa fides, reputatio Dei & remissio peccatorum, cum uniuerso Spiritus ministerio.

25 Neque tunc amplius oratione Dominica, neque Symbolo, neque Sacramentis utemur, aut opus habebimus.

26 Nullo magis lex ipsa cessabit & euacuabitur, cum omni scientia & Prophetia & tota Scriptura.

27 Erit enim Deus in omnibus omnia, & mirabilis in Sanctis suis, nosque perfecte pura & noua creatura eius.

28 *Quatenus lex abrogata.* Igitur non sic abrogata est lex, ut nihil sit, aut nihil secundum eam facere oporteat.

29 Sed iustificatio legis impleri debet in nobis per filium Dei, ut Rom. 8. dicit Paulus.

30 *Opera legis.* Quin & hoc officium habet, ut testificetur iusticiam fidei, simulque ostendat, qualis Creatura ante peccatum fuimus, & post peccatum futuri sumus.

31 Interim fouemur in sinu Dei, tanquam in initium creaturæ nouæ, donec perficiamur in resurrectione a mortuis.

32 Hoc initium autem per bona opera, si uere inest, sese ostendit, & certam facit uocationem nostram. 2. Pet. 1.

33 Igitur, si humanis uerbis liceat dicere, Non actu perfecto, sed potentia propinqua iusti sumus.

34 Formatur enim Christus in nobis continue, & nos formamur ad imaginem ipsius, dum hic uiuimus. Quare

DE OPERI LEGIS ET GRA CCCCXLVI

QUare etsi absq̃ lege & absq̃ operibus legis iustificemur per fidem, tamen in fide non sine operibus uiuimus. 35

Imo fatemur, iustis non esse positam Legem, quatenus iusti sunt & spiritu uiuunt. 36

Sed quatenus in carne sunt, & corpus peccati habent, esse sub lege, Et facere opera legis, id est, nō esse iustos, nec facere bona opera. 37

Sicut dicere possemus, iustos esse sub morte, seu sub pœna legis, & sub peccato, Quia moriuntur omnes, & confitentur sese esse peccatores. 38

1. Cor. 9. Gal. 5. Oporteret enim corpus castigari, & in seruitutem redigi, & carnem cum uicijs suis mortificari & crucifigi. 39

Sed ea legis opera, reputatione Dei, non habentur pro operibus legis, etiamsi natura sint talia. 40

Sicut reliquum in carne peccatum & mors, reputatione Dei, nō habentur pro peccatis & morte, etiamsi sint natura talia. 41

Proprie uero lex & opera legis apud Paulum sunt, ubi uoluntas humana operatur, sine reputatione Dei, seu extra Christum propiciatorium nostrum. *Opera legis proprie dicta.* 42

Libenter autem legem & opera legis, & non opera hominis seu rationis uocat, ut ostendat magnitudinem peccati & morbi nostri. 43

Siquidem homo non solum nihil potest suis uiribus, ad iusticiam coram Deo, sed etiam adiutus lege docente, & operibus per legem extortis, deterior efficitur. 44

Svmma, Omnium hominum opera sunt mala & uiciosa, Sed iustorum sunt reputante Deo bona, impiorum sunt natura mala. 45

ALIA DISPUTATIO DE M DE ILLO LVC. &c. VII. DIMIT.

tuntur ei peccata multa, quoniam dilexit
multum.

Tria sunt in isto Loco, quæ prohibent sentire, Quod remissio peccatorum impetretur dilectione, seu operibus.



Primum est illa sententia Christi ad mulierem, Fides tua te saluam fecit, non dicit, Dilectio tua te saluam facit. 1

Ridiculum uero est, uerbum Christi humana te meritate sic torquere, Fides per charitatem formata, saluam te fecit. 2

Quali Christus non potuisset, si id uoluisset, dilectionem addere, dicendo, Fides & dilectio tua te saluam fecerunt. 3

Imo

DISPUTATIO D. M. L.

4 Imo de industria tacet de dilectione ad mulierem loquens, & so-
lam fidem prædicat.

5 Sicut econtra studio tacet de fide ad Phariseum loquens, & so-
lam dilectionem prædicat.

6 Igitur firmiter tenendum & urgendum est, contra Diabolum &
omnes cogitationes eius, scilicet, Sola fide ante dilectionem fuisse
7 saluam factam mulierem.

8 Secundum est, alterum uerbum Christi, Cui minus dimittitur, mi-
nus diligit.

8 Quo uerbo definit, remissionem peccatorum esse ante dilectio-
Remissio peccatorum ante dilectionem. nem, & hanc sequi ad remissionem peccatorum, tanquam gratitu-
dinem pro accepto dono.

9 Non enim hic dicit, minus dimittitur ei, qui minus diligit, sed
contra, minus diligit, cui minus dimittitur.

10 Id manifeste conuincit, remissionem esse gratuitam & absq; me-
ritis, dilectionem uero esse fructum seu confessionem remissionis
donate.

11 Quare & hoc alterum uerbum Christi tenendum & urgendum
est, contra proteruos Falsarios huius loci.

12 Tertium est, ipsa Parabola & tota res, quæ per Christum hoc lo-
co geritur, cui parabolæ & rei conuenire debent (non pugnare)
dicta eiusdem loci.

13 Aperte dicit Parabola hoc loco, quod Fœnerator duobus debi-
toribus, qui non erant soluendo, gratuito remittit debita.

14 Et remissis debitis quærit Christus, Vter plus diligit, an ille cui
plus, uel cui minus dimissum est?

15 Phariseus hic, probante Christo, recte iudicat, scilicet eum plus
diligere, cui plus dimissum sit.

16 Ista omnia potenter demonstrant, quod remissio præcedat dilectio-
nem, & dilectio sequatur remissionem.

17 Non enim diligunt debitores Fœnratorem, donec ei debent, nec
remissionem impetrant dilectione.

18 Multo minus diligunt, cum iam exigitur solutio, & ipsi nihil ha-
bent, & se damnari metuunt.

19 Sed tunc incipiunt diligere, cū remissis debitis securi dimittuntur.

20 Ita & nos, cum solutionem debitorum præstare non possumus,
sola remittentis gratia iustificamur.

21 Si enim nos debitores meritis possemus obtinere peccatorum
remissionem, haberemus utiq; unde redderemus.

22 Sed Textus clare dicit, cum non haberent unde redderent, do-
nauit utrisq;.

Donum

DE ILLO LV VII DIMIT CCCCXLVII

Donum uero non est meritum recipientis debitoris, sed gratia 23
misericordis & largientis sceleratoris.

Rom. 4. Sic & Paulus Roma. 4. Donum seu imputationem discernit a 24
Psal. 32. mercede secundum debitum.

Hoc donum non apprehenditur dilectione, quæ nondum adest, 25
sed fide, quæ post diligit, & gratias agit.

Igitur tria ista, ut dictum est, hoc loco prohibent sentire, quod 26
dilectio seu merita impetrent remissionem peccatorum.

R Eliquum est, ut illud uerbum Christi, dimittuntur ei, quia dilexit, 27
non debeat contra illa tria pugnare.

Sed quærenda est intelligentia, quæ cum tribus istis conueniat, 28
ne Christum faciamus sibi ipsi pugnantem.

Nec est, more contentiosorum, unum uerbum contra totum Tex- 29
tum urgendum.

Hoc enim non est ueritatem humiliter quærere, sed conceptum 30
errorem superbe defendere.

Non est autem intelligentia melior, quam quæ ex uerbis & ge- 31
stis Christi trahitur.

Certum est enim, quod aliter ad mulierem, aliter ad Phariseum 32
loquitur, illic fidem, hic dilectionem laudans.

Quare non potest esse in uerbis contradictio, quæ debet fieri ad 33
idem & secundum idem, ut natura quoque docet.

Phariseus igitur heret in publica sententia seu fama, quæ ista mu- 34
lier secundum legis iusticiam peccatrix in ciuitate habebatur.

Interim ignorat, quid Christus priuatim operatus esset per fi- 35
dem, quæ mulier ei intus adhaerebat.

Quin cæcus, ne hoc quidem uidet, quantum ipsa foris præstat di- 36
lectionis secundum legem.

Ideo Christus mulierem a publica sententia per publicam abso- 37
lutionem liberaturus, damnat iudicium Pharisei, decernens eam pu-
blice quoque esse iustam.

Non enim est peccatrix, sed credens in Christum, exercet opera 38
dilectionis meliora, quam ipse Phariseus.

Hoc est, quod uersus ad Phariseum ceu publicam personam, seu 39
de publica fama mulieris inflatum, publice loquitur, dico tibi, dimit-
tuntur ei &c.

DEinde numerat facta Mulieris optima, quibus et legem impleuerit, 40
dum ille nihil illorum fecerit, tam sanctus Iudex peccatricis.

Ad mulierem uero uersus, priuatim loquitur, eius priuatam fi- 41
dem laudans, Tua fides, inquit &c.

Quasi diceret, Tu Peccatricem damnas publicam, cum ipsa non 42

z z

Tolum

DISPUTATIO Dⁱ MARTⁱ LVTHⁱ

solum fidei iusticia, quam non uides, te longe prauenerit, Sed & legis seu dilectionis iusticia, quam tu sectando non apprehendis, te superauit.

43 Cum igitur dignis poenitentiae fructibus, publice suam testetur fidem, & ostendat dilectionem, debet etiam publice coram uobis ab soluta & iusta haberi.

S V M M A.

44 C Hristus in hoc totus est contra Pharisaum, ut publicum eius iudiciu de peccatrice, publica eiusdem peccatricis iusticia cōdemnet.
45 Ideo non ei numerat fidem, sed opera peccatricis, & arguit nihil tale a Phariseo praestari.

46 Ita recte uerbum Christi ad Pharisaum de publica remissione intelligitur, Tibi dico, inquit, Id est, publice uobis significo.

47 Hoc est, uolo, ut etiam coram uobis iusta & sancta habeatur, ut quae plus praestiterit in lege, quam uos & facitis & intelligitis.

48 A D mulierem uero uersus, ceu priuatam personam, priuatam eius conscientiam consolatur, dicens, Fides tua.

49 Erat autem Iudaeis intolerabile, si homo sibi arrogaret potestatem remittendi peccata, ut Matth. 9. claret.

50 Ideo, ut Christus ostenderet sese esse Dominum omnium, absoluit peccatricem publico hominum iudicio ream.

51 Et hoc facit sciens & uolens, quia ostendit eis mulierem publica fama damnatam, & tamen iustificat eam publice, propter publicam eius dilectionem seu confessionem.

52 S Ic & in Ecclesia publice absoluuntur peccatores, ubi ostenderint dignos poenitentiae fructus.

53 Non enim possunt absolui publice, qui palam perseuerant in peccatis, nec ostendunt sese resipuisse.

54 Est autem publica Absolutio res magni momenti, Et mirabiliter fidem roborat & consolatur.

55 Nam ipsa aliud nihil est, quam multorum seu ecclesiae Deo gratiae testimonium, a Deo nobis donatum & approbatum.

56 Sicut consolationes, quanto a pluribus fiunt, hoc plus efficiunt apud pauidas & turbatas conscientias.

57 Vt & opera bona certam faciunt uocationem & electionem nostram, quia testimonium sunt fidei uerae, 2. Pet. 1.

58 I Nterna uero remissio, sit gratuito per misericordiam Dei, intus fit de corda purificantis. Act. 15.

59 Q Uo uero pertinaciter illud uerbum urgent (Dimittuntur ei, quia dilexit) Et ista tria non uolunt audire, uitandi sunt tanquam reprobis sensus homines, Tit. 1.

Non

DE VTRVSQVE SPECIE SACRAMENTI CCCCXCVIII

Non enim uno hoc uerbo Christi, suis cogitationibus arrepto, 60
tria loca & totum textum falsum facient.

Deinde, si ad hæc tria respondere debebunt, multum sudabunt, 61
tamen frustra laborabunt.

Anno M. D. XXXV.

DISPUTATIO CIRCULARIS FERIA SEXTA, CONTRA CON-

cilium Constantiense, & suos Confessores,
Præsidente D. Mart. Luth.

De utraqve specie Sacramenti.



Ista quæstio non est amplius in eo loco, an peccatum sit omittere uel negligere institutionem Christi de utraqve specie. 1

Sed est in eo loco, An cogere seu cogi ad omissionem eiusdem institutionis, impium uel pium sit? 2

Imo in eo loco, An ipsa institutio Christi, hæresis, & Christus hæreticus, & ei obediens, hæretici sint. 3

PEccatum omissionis cadit in Ecclesiam & quemlibet Sanctum, modo sit ommissio simplex. 4

Qualis aliquando fuit, cum Ecclesia per fraudem Diaboli spoliata fuit utraqve specie, adhuc Autore incognito. 5

Nam & ommissio Decalogi, orationis Dominicæ & Symboli cadit in Ecclesiam, saltem ex parte. 6

Ideo credi potest, tale tunc peccatum esse toleratum, & nunc agnoscantibus remissum. 7

ALTERum uero peccatum, scilicet, coactio ad omissionem institutionis, est per sacrilegos Pontifices & Canonistas additum. 8

Hoc peccatum non cadit in ecclesiam Dei, quæ non cogit omittere, sed seruare ea, quæ Deus instituit. 9

Sicut non cadit in Ecclesiam hoc peccatū, ut cogat omittere Decalogum, orationem Dominicam, Symbolum. 10

TERtium peccatum, condemnatio institutionis Christi, tanquam hæresis & Christi hæretici, est peccatum nouissimum Diaboli & mundi. 11

Hoc peccatum adeo non cadit in Ecclesiam, ut nihil horribilius in auribus eius dici possit. 12

zz ij

Sed

DISPUTATIO D. M. L.

13 Sed nec in Turcam & ullum manifestum Dei hostem, Quanto minus in simplicem peccatorem, cadere potest.

14 Sed reservatum est uni nouissimæ sentinæ sceleratissimorum & perditissimorum hominum, id est, ecclesiæ Antichristi.

15 Cum enim ecclesia Papæ non solum omittat institutionem Christi, sed etiam cogat ad omissionem eiusdem.

16 Certum est, eam non esse ecclesiam Dei, sed synagogam Satanae, quæ peccatum præcipit, & iusticiam prohibet.

17 Et cum præterea damnet, ut hæreticos, qui institutionem Christi sequuntur.

18 Sequitur euidenter & infallibiliter, ipsam esse abominationem Antichristi, & furiosam meretricem Diaboli.

19 Nam dicere eum hæreticum esse, qui sequitur institutionem & uerbum Christi, est dicere ipsum Christum hæreticum, & institutionem eius hæreticam esse.

20 Neque enim hæreticus dici potest, nisi prior ille, quem is sequitur, hæresiarcha, & doctrina eius archihæresis fuerit.

21 Qui autem audent Christo dicere, tu es hæreticus, & Dæmonum doctrinam doces, scientes ipsum Christum Deum & Dominum esse, quem sic in os blasphemant, hi non septem sed septuaginta septem Dæmonibus uel legionibus potius dæmonum possideri crediti sunt.

22 Hoc autem impudentissime facit ecclesia Papæ, sciens & uolens cum fateatur & fateri cogatur, esse Christi institutionem, quam damnat.

23 Sic enim facerrimum illud conciliabulum Constantiense seu coluiues uerius execratissima perditorum sophistarum & canonistarum, audet ore rabido in Christum Dominum gloriæ uomere.

24 Licet Christus post coenam instituerit utranque speciem, & in ecclesia primitiua a Laicis ita reciperetur, tamen hoc non obstante, consuetudo est pro lege habenda &c.

25 Hic uides in ecclesia Papæ consuetudinem incertæ originis & auctoris, pro lege simpliciter statui, mera certe malicia.

26 Et pro tali lege, quæ præiudicet diuino iuri & uerbo, & ipsum Christum hæreticum faciat cum sua Ecclesia.

27 Et decuit sane tales, talis ecclesiæ, Magistros, ea percuti cæcitate & amentia, ut Christo, qui uia & ueritas, contempto, & in faciem hæresis condemnato, uagam hominum ignotorum consuetudinem seu opinionem adorarent.

28 Hinc ille Moabiticus inauditæ arrogantiae fastus, licet Christus, hoc tamen non obstante, Licet Ecclesia primitiua, hoc tamen non obstante

obstante. Quid Christus? Quid Ecclesia primitiua ad tantos Domi-
nos rerum, porcos, Sophistas, & asinos Canonistas?

Quid uetat, quin eodem pharisaicae arrogantiae fastu statuant, 29
Licet Christus instituerit Baptismum, & Ecclesia seruet, hoc tamen
non obstante, nos Domini super Christum & Deum ordinatus
contrarium.

Item, Licet Christus instituerit Euangelium, & Ecclesia id præ- 30
dicet, tamen hoc non obstante, nos Domini Dominorum Canones
nostros & consuetudines illi præferendos decernimus.

Item, Licet Christus iusserit absolui poenitentes, & id Ecclesia 31
sequatur, hoc tamen non obstante, nos aliter uolumus.

Quid obsecro, illis obstare potest, quibus nec Ecclesia nec Chri- 32
stus ipse obstare potest?

Quin eodem exemplo, omnes Articulos fidei tollamus, & con- 33
suetudinem contrariam, quæ potens & magna est, approbemus, ne
Deo quidem obstare potente.

Deus perdat & Canones & Canonistas, qui putant ecclesiam 34
Dei gubernandam hoc dicto, Consuetudo est habenda pro lege.

Composi, tola, tefe, tenti, quæ foci, bate. 35

Quiuis, exclu, sum cri, men per, temporis, usum.

Igitur sibi ipsi testimonio sunt, sese Christo obstare, & Anti- 36
christos esse, quia obstantem Christum nihil curant, insuper & con-
demnant.

His laruis dementauerunt Principes, & optimum uirum Sigis- 37
mundum Cæsarem, ut deinde in omni re fuerit infelicitissimus. *Sigismundus impē-
rator.*

Finge Christum reliquisse liberam uel alteram, uel utranq; spe- 38
ciem, non instituisse utranq;.

Tamen furor esset prohibere et condemnare, quod Christus ipse 39
nec prohibuisset nec condemnasset.

Quanto magis furor furorum est, prohibere & condemnare id, 40
quod scias certo Deum ipsum, in persona propria & immediata sta-
tuisse & ordinasse.

Non enim hic simile dari potest, quod Ecclesia aliquando ple- 41
raq; statuit, quæ postea mutauit, ut quæ fuerint libera & in eius po-
testate.

Hic autem ipse Dominus gloriæ est, cuius institutio non est in 42
potestate Ecclesiæ, Hunc audite, dixit ille, qui quærit & iudicat.

Nec est simile (ut Asini isti iactant) quod Christus uesperis coe- 43
natus instituerit Sacramentum, & tamen post Ecclesia diluculo ieiun-
is ministravit.

DISPVATIO Dⁿⁱ M^{agistri} L^{ibani}

- 44 Nam Christus non alligauit Sacramentum tempori aut locis,
sed libera ista statuit, dicens, Quotiescunq; feceritis.
- 45 Substantiam uero ipsam Sacramenti seu utramq; speciem non
statuit liberam, Ecclesiae seu asinis & porcis istis mutabilem, sed hoc
facite, inquit, rei praeccepti immutabilis esse uolens.
- 46 IDEM dicendum est de suffocato & sanguine, Act. 15. quae po^{ntificatus}
stea mutata sunt, quia Gentibus libera fuerunt ante.
- 47 Substantia uero decreti Apostolici, haecenus durauit inuiolata,
scilicet, quod Gentes fide iustificatae, legis oneribus non essent tur-
bandae.
- 48 Summa, nullum Exemplum ostendere possunt, in quo Eccle-
sia mutauerit ullam diuinam ordinationem.
- 49 Ipsi, ut sunt furore Diaboli perciti, temeritate mera, talia ex-
empla fingere audent, ostendentes hac re, suas eximias inscitias &
Scripturae contemptum.
- 50 Elusdem sapientiae sunt pulcherrimae rationes, quas pro stabi-
lienda altera specie, uelut ebrii somniant.
- 51 Scilicet quod Laici possent credere, in altera specie, non tantum
accipi, quantum in utraq; quod esset magnum periculum.
- 52 Quasi uero non & Clerici eodem periculo sic credere possint, ut
& illis merito altera species adimenda fuerit.
- 53 Quid si ego contra sentiam, me non tantum accipere altera, quan-
tum utraq;? Quia non totam Christi institutionem, sed dimidiam
solum accipio.
- 54 ALtera ratio est, quod effusionis periculum sit in Laicis, qua-
si Clerici hoc periculo liberi fuerint, cum infinitis & quotidianis pe-
riculis, teste eorum libro de cautelis, uexati, saepius totos calices ef-
fuderint.
- 55 Et quid est, quod Christus has rationes non perpenderit, nec
Ecclesia postea illis mota fuerit, donec ad istos sanctissimos Asinos
peruentum est?
- 56 TERTIA ratio longe suauissima, quia in Lege nihil habebant de
libamine, offerentes, cum de Sacrificio haberent.
- 57 Hac ratione nec Sacerdotes participare debent calice Domini,
quia libamen nec ipsis Sacerdotibus communicabatur.
- 58 Quanquam quae proportio aut figura libaminis ad calicem, aut
quae consequentia Legis ad Euangelium?
- 59 Tum enim maxime Christum oportuit hoc obseruare, ne contra
libamen in lege utramq; speciem statueret.
- 60 QVarta est absolutae sapientiae, & plane Sophistis & Canonis-
tis dignae, quam in Comitibus Augustae protulerunt.

Scilicet

DE VTRV SPEC. SACRAMEN CCCCCLXX

Scilicet, quod filijs Eli, 1. Reg. 2. Deus poenam statuerit, ut par- 61
tem sacerdotalem mendicare debeant.

Locus de sacerdotibus, parte sacerdotali puniendis, loquitur, 62
illi torquent ad Ecclesiam seu laicos, Sacramento spoliandos.

Ergo locus ille, si quid efficeret, sacerdotes, non laicos, cogeret 63
esse alterius speciei mendicos.

Sed seria est illa ratio, quod sacerdotes & ecclesiam Dei seu lai- 64
cos hoc Sacramento oportuerit discerni, & sacerdotes superiores &
digniores haberi, quam ecclesiam Dei seu laicos.

Hæc ratio & mihi placet, qua confitetur os eorum imprudens & 65
impudens, quod seipsos ab ecclesia Dei separauerint, & supra eam
tyrannice extulerint.

Hoc est, quod & nos dicimus, ecclesiam Papæ, esse regnū An- 66
tichristi, quod se opposuerit & extulerit supra Deum, & omnia di- *Ecclesia Papæ re-*
uina, & in templo Dei, sicut Deus sedeat. *gnum Antichristi.*

CONsolandi sunt igitur fratres, qui ob hunc Articulum patien- 67
tur, certi, quod sacrificium suauissimum Deo facti sunt.

Certum est enim, quod propter Deum patiuntur, cum dubium 68
non sit, aduersarios, qui cogunt ad omissionem institutionis Chri-
sti, & ipsam institutionem damnant, peccare in Spiritum sanctum, &
esse plane Diabolos incarnatos.

Et hortandi sunt illo Apoca. 18. Exite de illa, popule meus, ne 69
participes sitis delictorum eius, & ne de plagis eius accipiatis.

Gaudendum est, si isti Diaboli maledixerint nobis, & dixerint 70
omne malum contra nos, mentientes & blasphemantes.

Nam esse schismaticum, apostatam, hæreticum apud istam 71
lernam Diaboli, est uere catholicum esse in Ecclesia & regno Chri-
sti.

Sicut summa laus & gloria est, a Diabolo apostatare, & a regno 72
peccati & mortis schismaticum fieri.

Frustra igitur inflant & iactant hanc uocem, Ecclesia, cum res & 73
fructus conuincant eos, post ipsum Diabolum, omnium pessimos
Ecclesiæ hostes esse.

Colluiem uero furum, speluncam latronum, & Ecclesiam ho- 74
micidarum rectissime dici.

Primo enim ceu fures, alteram speciem clam surripuerunt, Ec- 75
clesia silente uel ignorante.

Post cum per Iohannem Hufs, fidelissimam caniculam Ecclesiæ, 76
in furto deprehensi, allatrarentur & proderentur.

Ipsi furtum, multitudine & potentia freti, manifesto latrocinio 77
cœperunt in suo Concilio defendere & rapinam suam iustificare.

DISPVATIO Dⁱ MARTⁱ LVTHⁱ

78 Et Caniculam illam infontem & neq; auditam neq; conuictam,
mera tyrannide damnauerunt, & exusserunt superbissimi homicidæ.

79 Metuebant enim, si audiretur, & conuincendus esset Huls, ipsi
palam asini ceu hostes Ecclesiæ inuenirentur,

80 Rapiat ergo Papa ecclesiæ, quæ ipse dedit, aut sui iuris sunt, quæ
uero non dedit, nec sui iuris sunt, a Deo autem solo donata sunt, in-
tracta sinat, uel facerrimus Antichristus esto.

81 Satis apparet ante concilium Constantiense fuisse in Ecclesijs
controuersiam de altera & utraq; specie.

82 Et cum Ecclesia uera urgeret utramq; speciẽ, habens pro se Chri-
sti institutionem, aduersaria tamen de die in diem profecit & creuit,
habens pro se multitudinem hominum.

83 Tum uenit Papa & Concilium, sibi multitudinem conciliantes
& maiorem, sed deteriore partem approbantes, damnauerunt mi-
norem & meliorem.

84 Vicit impietas, prostrataq; ueritas in plateis est, corruente iusto
coram impio, ut Salomon dicit.

85 Ea est enim poena & ira Dei super filios diffidentiae.

86 Ita primum dolo reptantis leniter Serpentis, post impetu & ui ir-
ruentis Leonis, utraq; species Ecclesiæ adempta est.

87 Licet ergo illi, utcunq; uenia digni sint, qui per ignorantiam
uel simplicem omissionem peccauerunt.

88 Tamen illi sunt nunc inexcusabiles, & tam qui cogunt, q̃ & qui
se cogi sinunt ad omissionem, scientes ad impia se cogere & cogi.

89 Nam illi qui cogunt, non hoc tantum agunt, ut fideles in Eccle-
sia omittant institutionem Christi.

90 Sed hoc agunt, ut omissionem institutionis iustificent, & coacto
res bene facere confiteantur, quis hoc Christianus ferat?

91 Imo quod horribilius est, cogunt eos, ut Christum hæreticum,
& institutionem eius hæreticam esse affirment.

92 Deinde ut tales hæreticos, etiam persequantur & occidant, ut &
Constantiense concilium præcepit.

93 Quod exemplum, si eis concedatur, mox quam primum pote-
runt & alium Articulum furari tentabunt, primum quadam leui o-
missionem.

94 Post præualente consuetudine, eum ui rapiant, & potestate con-
firmabunt, sicut in hoc Articulo fecerunt.

95 Tunc iterum erit credendum & obediendum potestati munda-
næ, contra Deum.

96 Hac ratione fiet, ut Christus nullum articulum, nullum uerbũ,
nullum usum in Ecclesia retineat.

Tum

Tum superbissimi Satanæ Pontifices tandem Ecclesiam cogent, non Indulgentias suas tantum, & alia horrenda sua mendacia adorare. 97

Sed forte & crepitum uentris, & nidorem calceorum & pedum suorum uiuentium adorare cogent, sicut docuerunt hætenus mortuorum sudores & foetores adorare. 98

PRincipijs igitur obstandum est, & ne iota quidem illis de uerbo & instituto Dei ullo concedendum. 99

Christus enim nobis aderit, donec fideliter eum confessi fuerimus, qui & incepit & perficiet opus suum in nobis in finem, Amen. 100

VTRVM DANIEL OPERI

bus tribuat iustificationem, dicens, Redime peccata tua eleemosynis &c.



Mnium Fidelium antiquorum fides, fuit fides in Christum futurum, sicut scriptum est, Christus heri & hodie. 1

Credebant in Deum, sed eum, qui Christum promiserat, & hunc expectabant. 2

Omnia dicta de peccatis uel bonis operibus præsupponunt fidem, Ebræ. 11. 3

Quia peccatum non potest intelligi sine noticia Dei. Neque enim peccatum nouit, qui Deum uindictam non credit. 4

Nec opus bonum intelligi potest sine noticia Dei. Neque enim bonum faciet, qui Deum probantem & remunerantem non credit. 5

Hoc est quod dicitur, Oportet omnem accedentem credere, quod Deus sit, & se quærentibus remunerator sit. 6

Hæc ex definitione peccati & boni operis facile intelliguntur, ut peccatum est opus contra legem Dei, bonum opus secundum legem Dei. *Definitio peccati & boni operis.* 7

Ergo Deus subintelligitur siue præintelligitur necessario, qui intelligi non potest nisi fide. 8

Quare ante omne opus, uel creditur, uel non creditur. 9

Vnde isti loci de tota uita Christiana, seu fide incarnata intelliguntur, Redime peccata tua &c. 10

Estque sensus, Crede Deum irasci peccatis, & placari iustis, Et fidem hanc ueram esse, operibus ostende. 11

Vox peccati hic ponderanda & definienda est, & mox Deus & irascens & remittens præintelligi probatur. 12

• Igitur

DISPVATIO D. M. L.

13 Igitur Daniel regem Babylonis ad totius uitæ conuerſionem hortatus, docet fide uera (quæ facit opera) remiſſionem peccatorū obtineri.

14 Dicens enim peccata tua, oſtendit ei iram Dei, id eſt, legem, eſſe ſeq̃ eum peccatorem coram Deo, quod ignorarat Rex.

15 Dicens, Redime eleemoſynis, oſtendit ei gratiam Dei, qua remittuntur peccata, ſi credat, & eleemoſynis fidem ſuam prober.

16 Nam niſi crederet Danieli, ſe peccaſſe, et iram Dei meruiſſe, non reſiſceret a peccatis.

17 Rurſus, Niſi crederet Deum uelle ignoſcere, non ſtuderet eleemoſynis dandis.

18 Totam ergo doctrinam, ſcilicet legem & Euangelium, Daniel hoc uerbo complexus eſt, id eſt, totam fidelium uitam.

19 Sicut in morali doctrina, ſemper præſupponitur recta ratio & bona uoluntas, dum iuſta & honeſta præcipiuntur.


20 Dicta uero, quæ de tota uita Chriſtiana loquuntur ſeu fide incarnata, non debent trahi contra partem, id eſt, contra fidem ſolam, ſeu iuſtificantem.

21 Alioqui erit manifeſta fallacia compoſitionis & diuiſionis.

QVAESTIO DE ILLO PAULI

li dicto 1. Corinth. 13.

Si fidem habuero &c. Item, Maior horum charitas.

1  Espondetur aduerſarijs, Paulum hoc loco fidem pro dono Spiritus accipere,

2 Cum autem charitas omnium donorum Spirituum ſit maximum, merito præfertur tali fidei.

3 Sciolis & Diſputantibus reſpondetur, Paulum hic loqui propoſitione hypothetica, Si fidem habuero &c.

4 Pijs etiam reſponderi poteſt, Fidem hic, etiamſi pro illa iuſtificante fide acciperetur, tamen claritatem ea maiorem, & ſine hac illam nihil eſſe.

Anno M. D. XXXV.

CONTRA MISSAM PRIVATAM DISPVATIO D. MAR.

tini Lutheri.

Anno M. D. XXXV.

BAR

DE POTESTATE CONCILII CCCCCLII
BARBARA I.



Omnis cogitatio humana de rebus diuinis, est error,
Omnis Missa priuata est eiusmodi, Ergo
Omnis missa priuata est error.

BARBARA II.

Omnis uoluntas humana in rebus diuinis est impietas,
Omnis Missa priuata est eiusmodi, Ergo
Omnis Missa priuata est impietas.

BARBARA III.

Omnis cultus humanus in rebus diuinis est idololatria,
Omnis Missa priuata est eiusmodi, Ergo
Omnis Missa priuata est idololatria.

PROBLEMA DISPVTABILE.

In missa priuata uidetur non esse Sacramentum.
Et adoratores eius esse ueros idololatrias.

DISPV TATIO DE POTES-
TATE CONCILII D. MAR.

tini Lutheri.

Anno M. D. XXXVI.



Vlla autoritas post Christum, est Apostolis & Pro-
phetis aequanda.

Cæteri omnes successores, tantum Discipuli illo-
rum debent haberi.

Apostoli certam (non in specie solum, sed in in-
diuiduo quoq;) promissionem Spiritus sancti ha-
buerunt.

Idco soli fundamentum Ecclesiæ uocantur, qui Articulos fidei
tradere debebant.

Nulli successores in indiuiduo promissionem Spiritus sancti ha-
buerunt.

Q Vare nõ sequitur, Apostoli hoc & hoc potuerunt, Ergo idem pos-
sunt eorum successores.

Sed quidquid uolunt docere aut statuere, debent autoritatem
Apostolorum sequi & afferre.

Sicut Petrus ait, Loquantur quasi sermones Dei, ministrent si-
cut uirtutem Dei,

Non enim uoluntate humana affertur Prophetia, sit homo in
quocunq; gradu.

1
2
3
4
5
6
7
8
9

1. Pet. 4.
2. Pet. 1.

DISPVATIO D^a M^a L^a

10 Sed Spiritu sancto inspirantur homines Dei, ut interpretentur
Scripturas, non propria interpretatione.

11 **Q**Uod si fundamentum Apostolorum non sequuntur successores,
nec observant, hæretici sunt uel Antichristi, ut extra fundamen-
tum perdit.

12 Possunt ergo Episcopi cōgregati seu Concilium errare, sicut alij
homines, tum publici tum priuati.

13 Si uero non errant, hoc fit casu, seu Sancti alicuius inter eos, seu
Ecclesiæ merito, non autoritate congregationis eorum.

14 *Nicenum conciliū.
Paphnutius.* Sicut Nicenum concilium, unius Paphnutij uirtute, errorem uis-
tauit, ita fauente ecclesiæ suæ Christo.

15 Non enim est ulla promissione Spiritus sanctus alligatus ad
Episcoporum uel Concilij congregationem, nec hoc possunt pro-
bare.

16 **P**Roinde superbe & falso, ne dicam blaspheme iactant, sese in Spi-
ritu sancto legitime congregatos esse.

17 Quis eos aut nos certos facit, quod Spiritus sanctus ad eorum
congregationem necessario sit alligatus?

18 Congregari facile est, sed in Spiritu sancto congregari non pos-
sunt, nisi Apostolorum fundamentum secuti, non suas cogitationes
sed fidei analogiam tractauerint.

19 **H**Oc recte dicunt, quod repræsentent Ecclesiam uniuersalem, non
enim necessario sunt ecclesia, sed sæpius repræsentant ecclesiam
tantum.

20 Et si tantum repræsentant ecclesiam, tunc sunt ecclesia, sicut ho-
mo pictus est homo, id est, tantum repræsentans.

21 Quod si aliquid amplius sunt (id est, uera ecclesia) hoc fit casu
(ut dictum est) non uirtute repræsentantis Ecclesiæ.

22 Testantur historiae, sæpius Concilia fuisse ecclesiam tantum re-
præsentantem, raro ueram Ecclesiam.

23 Imo Concilium est semper repræsentans ecclesia, per se loquen-
do, sed per accidens, est ecclesia uera.

24 **N**emo igitur tenetur credere decretis Ecclesiæ repræsentatiuæ, id
est, Concilijs, nisi Apostolorum scripturis iudicent & loquantur,
quod fit casu.

25 Cætera omnia sunt meræ repræsentatiuæ ecclesiæ, seu pictæ ec-
clesiæ, quibus, si non sunt impia, potest faueri.

26 Et ipsimet dicunt, quod unus homo potest toti Concilio contra-
dicere, si meliorem rationem aut scripturam habuerit.

27 Dicunt hoc, sed mentientes, cum factis hoc ipsum fortiter ne-
gent & damnent.

Nec si

DE COENA MAGNA CCCCCLIII

Nec si Angelus de coelo ueniret, sibi contradici patiuntur, neq; Paphnutios infinitos audirent. 28

In Niceno concilio unus Paphnutius Concilio restitit, nec tamen fuit combustus, sed laudatus. 29

Iohannes Hus.
Hierony. de Praga.
In Constantiensi, duo Paphnutij, Scripturis armati, restiterunt, nec tamen sunt laudati, sed combusti. 30

DISPUTATIO D. MARTINI

Lutheri, de Coena magna.

Anno M. D. XXXVII.

VTRVM.



Omo qui fecit Coenam magnam, inuitatis omnia parauit ad comedendum gratis? 1

Christus, qui per seipsum fecit coenam æternæ salutis, uocatis per Euangelium, omnia tribuit gratis. 2

Qui uestem nuptialem intelligunt, charitatem, tolerari possunt, modo non sentiant per eam iustificari inuitatos. 3 *vestis nuptialis.*

Ersi iuste damnatur uocatus, quod non habet uestem charitatis, tamen is qui habet, non per uel propter eam iustificatur.

Fructus est iusticiæ charitas, non iusticia, nisi inceptam dixeris, quæ quia impura & imperfecta est, sub ignoscente misericordia grata est. 4

Fides, quæ nos induit iusticia Christi, uere nuptialis uestis est, & operosa est per charitatem, seu facit opera charitatis. 5

D. MARTINVS LUTHERVS
PIO LECTORI.

Venerunt in manus meas quædam Positiones (is titulus erat) incerto Autore, inter Fratres sparsæ, quas ne silentio uiderer approbare, uolui improbandas inuulgare, ut testatum facerem, quibus possem, nos ab eiusmodi portentis prorsus abhorre, id quod paulo post contrarijs Disputationibus (Deo uolente) manifestum faciemus.

Anno M. D. XXXVIII.

Aa

Antia

DISPVATIO Dⁱ Mⁱ Lⁱ

Antinomi cuiusdam Positiones.



- 1 **P**Oenitentia docenda est non ex Decalogo, aut ulla
lege Mosis, sed ex uiolatione Filij per Euangelium.
- 2 Nam Christus Lucæ ultimo ait, Sic oportuit Chri- Lucæ 24
stum mori, & hoc modo intrare in suam gloriam, ut
prædicetur in nomine suo pœnitentia & remissio pecca-
torum.
- 3 Et Christus apud Iohannem ait, Spiritum arguere Iohann. 16.
mundum de peccato, non Legem.
- 4 Idem docet ultima concio Christi, Ite, prædicate Euangelium omni Matt. 16.
creaturæ.
- 5 Paulus, cum ad Philip. ait (Hoc sentite in uobis, quod & in Christo Philip. 2.
Ihesu, ut in timore & tremore salutem uestram operemini) præclare sta-
tuit, docendam esse Pœnitentiam (quam uocat timorem & tremorem) ex
memoria Christi, non ex Lege.
- 6 Ex concionibus Pauli & Barnabæ satis manifestum est, non esse opus
Legæ ad ullam partem iustificationis.
- 7 Sine quacuncq; re datur Spiritus sanctus, & homines iustificantur, ea
res non est necessaria, ut doceatur, neq; pro principio, neq; medio, neq; fi-
ne iustificationis.
- 8 At datus olim, & datur perpetuo Spiritus sanctus, & iustificantur
homines sine lege, per solum Euangelium de Christo.
- 9 Ergo lex Mosis non est necessaria ut doceatur, neq; pro principio, neq;
medio, neq; fine iustificationis.
- 10 Maior est certâ ex experientia, quam afferunt Paulus & Barnabas.
- 11 Idem iudicabimus de minore, nam Spiritus sanctus cecidit uisibili spe-
cie super Gentes.
- 12 **E**T quid igitur, quidam sine uerbo, imo contra uerbum Christi, contra
exemplum Apostolorum, faciunt legem primam partem, & quidem ne-
cessariam ad doctrinam iustificationis?
- 13 Quare pro conseruanda puritate doctrinæ, resistendum est ijs, qui do-
cent, Euangelium non prædicandum, nisi animis prius quassatis & con-
tritis per legem.
- 14 Qui enim affingunt uerbis Christi improprium hunc sermonem, &
dicunt primum Legem, deinde Euangelium docendum esse, hi sunt uer-
borum Christi contortores, non enim consistunt in simplicitate uerborum
Christi.
- 15 Nam ut consistendum erat in simplici sensu uerborum illorum, Hoc est
corpus meum, Ita consistendum erit nobis in simplicitate illorum uerboꝝ,
Ite, prædicate Euangelium, baptizantes &c.
- 16 Lex tantum arguit peccata, & quidem sine Spiritu sancto, ergo arguit
ad damnationem.
- 17 Opus est autem doctrina, quæ magna efficacia non tantum damnat,
sed & saluat simul, ea autem est Euangelium, quæ coniunctim docet pœ-
nitentiam & remissionem peccatorum.
- 18 Nam Euangelium Christi docet iram Dei de cœlo, & simul iusticiam
Dei, Rom. 1. Est enim prædicatio pœnitentiæ, coniuncta promissioni,
quam ratio non tenet naturaliter, sed per reuelationem diuinam. Rom. 1.

III. 11. 12.

Recentior

ANTIN·CVIVSDAM POSITI·CCCCCLIIII.



Ecentiorum Commentaria parum sibi constant, alieubi enim pure, alieubi impure modum iustificationis tradunt.

Puri sunt ex multis pauci isti.

Lutherus in præfatione ad Romanos dicit: Es wird offenbar durchs Euangelium Gottes zorn von himel vber alle Menschen / vmb ires gottlosen Wesens vnd vntugent willen.

Item in Præfatione in Epistolam Iacobi. Wil es mit Gesetz treiben ausrichten / das die Apostel mit reizen zur Liebe ausrichten. Hoc nomine damnatur, tanquam non sit apostolica Iacobi Epistola.

In Epistola ad Romanos perpetuo urget Philippus, in nouo Testamento esse urgendam uiolationem Filij, non uiolationem Legis.

Lutherus in summarijs Psalmorum, Psalmo, Cæli enarrant gloriam Dei. Vnd damit hebt er zu gleich auff das alte Gesetz / welches etc

Et in Annotationibus confert gloriam Legis cum Euangelio, expendens diligenter, cur cæli reuelent gloriam Dei. Et inter alia inquit, cum doctrina Legis potius gloriam hominum & ignominiam Dei operetur, dumq; per opera Legis aut superbi præsumunt, aut desperati Deum oderunt, Cælorum hæc est enarratio.

Cap. 40. Esa. Debet enim lex esse pædagogus corporis. At qui per eam iusticiam quærunt, constituunt eam Pædagogum conscientia. Sed quam longe cælum a terra semotum est, tam longe Legem a conscientia separare debemus.

Item, Lex alliganda est ad corpus & exteriora membra, ut moderetur exteriora officia. Hic legis uerus & proprius usus est. Qui autem ea ad iustificationem utuntur, abutuntur lege ad suam damnationem.

Impuri sunt.

In Visitatione Saxonica, Quia Christus mandat prædicandam esse Pœnitentiam & remissionem peccatorum in suo nomine, Ergo docendus est Decalogus.

Item de cruce tollenda, Sicut igitur Euangelium docet, legem datam esse, ut humiliet nos, ut quæramus Christum &c.

In Galat. dicit Lutherus, Legis proprium officium esse, ut uexet conscientiam, & perterrefaciat eam, ut eo facilius agnoscat Christum. Tales loci multi sunt in eodem Commentario, quos ut æroneos improbamus, ut puritas doctrinæ conseruari possit.

ALII ARTICVLI ANTINOMI.



LEX non est digna, ut uocetur uerbum Dei.

Bistu ein Zure/Bube/Ehebrecher/ oder sonst ein Sünder/ Glaubstu/ so bistu im wege der seligkeit.

Wenn du mitten in der sünden stichst auff's höchste vnd bist/ Glaubstu/ so bistu mitten in der seligkeit.

Decalogus gehört auff das Rathaus / nicht auff den Predigstuhl.

Alle die mit Mose umgehen/ müssen zum Teufel faren/ an galgen mit Mose.

Aa ij Wir

DISPVATIO D^r M^r L^r

- 6 Wir sollen nicht die Menschen bereiten zum Euangelio/ durch die Pre-
 7 digt des Geses/ Gott mus es thun/ des werck sey es.
 8 In Euangelio nō debere agi de uiolatione Legis, sed de uiolatione Filij.
 9 Audire uerbum & ita uiuere, est consequentia Legis.
 9 Audire uerbum & sentire in corde, est propria Euangelij consequentia,
 In Methodo.
 10 Petrus hat Christliche freiheit nicht gewußt / Sein spruch/
 11 Certam facientes uocationem uestram per bona opera, taug nicht.
 12 Als balde du gedancst/ So vnd so solt es in der Christenheit zugehen/
 es solten seine / erbare / zuchtige / heilige / kensche Leute sein / So hastu des
 Euangelij schon gefeilet / ca. 6. Luc.

I^r DISPVATIO D^r MART^r

Lutheri, Contra Antinomos.

DE POENITENTIA.

I
 Definitio pœniten-
 tiæ.



- 1 Pœnitentia, omnium testimonio & uero, est dolor
 2 de peccato, cum adiuncto proposito melioris uite.
 3 Hic dolor proprie aliud nihil est, nec esse potest, q̃
 4 ipse tactus seu sensus legis in corde seu conscientia.
 5 Multi enim audiunt quidē legem, sed quia sensum
 6 seu uim legis nō sentiunt, nihil dolent necq; pœnitent.
 7 Pœnitentiæ prior pars, scilicet dolor, est ex lege tantum. Al-
 8 tera pars, scilicet, Propositum bonum, non potest ex lege esse.
 9 Non enim potest homo territus a facie peccati, bonum propo-
 10 nere suis uiribus, cum nec quietus, & securus id possit.
 11 Sed ui peccati confusus & obrutus cadit in desperationem & o-
 12 dium Dei, seu descendit ad inferos, ut Scriptura loquitur.
 13 Ideo addenda est legi promissio seu Euangelium, quæ consien-
 14 tiam territam pacet & erigat, ut bonum proponat.
 15 Pœnitentia solum ex lege, est dimidium uel initium pœnitentiæ
 16 seu per synechdochen pœnitentia, quia caret bono proposito.
 17 Et si perseverat, sit pœnitentia Cain, Saul, iudæ, & omnium
 18 de Dei misericordia diffidentium & desperantium, id est, pereun-
 19 tium.
 20 Sophistæ definitionem Pœnitentiæ, quod sit dolor & propo-
 21 situm &c, ex Patribus habuerunt & docuerunt.
 22 Sed partes definitionis, dolorem, peccatum, propositum, non
 23 intellexerunt, nec docere potuerunt.
 24 Dolorem finxerunt esse actum elicitedum ui arbitrij liberi, qui des-
 25 testaretur peccatum, quoties uellet aut nolle.
 26 Cum dolor is sit passio seu afflictio, quam conscientia uelit, non
 27 lit, pati cogitur, lege tangente seu torquente.

Peccatum

CONT. ANTI. DE POENITEN. CCCCCLV

Peccatum finxerunt esse, quod contra traditiones hominum esset, 14
rarius, quod contra moralem legem. *Peccatum.*

Originale uero post baptismum, ne peccatum quidem esse cogitaue- 15
runt, praesertim in prima tabula.

Jerem. 23. **C**ontra has paleas, lex malleus Dei (ut Ieremias ait) conterens pe- 16
tras, omnes homines sub peccato concludit.

Propositum bonum putabant esse cogitationem electiciam uiri- 17
bus humanis, de peccato in futurum uitando. *Propositū bonum.*

Cum secundum Euangelium sit impetus Spiritus sancti, pecca- 18
tum deinceps ex amore detestans, rebellante licet interim fortiter pec-
cato in carne.

Nec miranda haec eorum ignorantia, cum scriptura posthabita, 19
nec quid lex, nec quid Euangelium esset, nosse potuerint.

Scilicet hominum praecipis & mandatis, prorsus immergi, ut 20
de rebus sacris & diuinis tantum per somnia iudicarent.

Contra hos inutiles & desperationis Magistros, Euangelium coe- 21
pit docere, Poenitentiam non oportere tantum desperationem esse.

Sed poenitentes debere spem concipere, & sic ex amore Dei pec- 22
catum odisse, id quod est, uere propositum bonum.

Hoc aliqui, causas dicendi seu materiam subiectam non conside- 23
rantes, contra legem Dei dici putabant.

Et perniciose docent, legem Dei simpliciter tollendam esse ab 24
Ecclesia, id quod blasphemum & sacrilegum est.

Vniuersa enim Scriptura tradit, poenitentiam a lege esse incho- 25
andam, id quod rei ipsius ordo & experientia quoque monstrat.

Psal. 9. **C**onuertantur (inquit) in infernum omnes, qui obliuiscuntur 26
Deum. Et, Pone Domine legislatorem super eos, ut sciant homi-
nes &c.

Reple facies eorum ignominia, & quaerent nomen tuum Domi- 27
ne. Et, In operibus manuum suarum comprehensus est peccator.

Ordo rei est, quod mors & peccatum est in natura ante uitam & 28
iusticiam.

Non enim iusti aut uiui sumus, peccato aut morti tradendi, sed 29
peccatores iam, & mortui per Adam, iustificandi & uiuificandi per
Christum.

Quare prior docendus est Adam (id est, peccatum & mors) 30
qui forma est futuri Christi, postea docendi,

Peccatum uero & mors, non per uerbum gratiae & solacii, sed 31
per legem necesse est ostendi.

Experientia est, quod Adam prius arguitur legis transgressor, 32
post per Semen mulieris promissum erigitur &c.

A a iij

Et Da

DISPVATIO DV M LV

- 33 Et Dauid prius lege per Natan occiditur, dicentem, Tu es ille ^{3. Reg. 7.}
&c. Post euangelio seruatur dicente, Non morieris &c.
- 34 Paulus prius lege prostatus audit, Quid me presequeris? Post ^{Act. 9.}
Euangelio uiuificatur, Surge &c.
- 35 Et ipse Christus Marc. 1. Pœnitementi & credite Euangelio, ap ^{Marc. 1.}
propinquauit enim regnum Dei.
- 36 Iterum, Oportuit in nomine eius prædicari pœnitentiam & re ^{Luce 24.}
missionem peccatorum.
- 37 Sic & Spiritus primo arguit mundum de peccato, ut fidem doceat in Christum, id est, remissionem peccatorum. ^{Iohan. 16.}
- 38 Paulus epistola ad Romanos, hanc methodum seruat, ut prius doceat omnes esse peccatores, iustificandos per Christum.
- 39 Idem testatur Lucas in actis, Paulum docuisse & Iudæos & Gentes, neminem iustificari posse, nisi per Christum.

II DISPVTATIO DV MART

Lutheri contra Antinomos.

DE LEGE.

Lex inutilis ad iustificationem.



EX non solum est non necessaria ad iustificationē, Sed plane inutilis & prorsus impossibilis.

Qui autem opinione iustificationis legem seruant, ipsa etiam ueuenum & pestis sit ad iustificationem.

Cum de iustificatione agitur, nihil potest satis dici, contra legis impotentiam & pestilentissimam fiduciam in lege.

Neque enim data est lex ut iustificet, aut uiuificet, aut quidquam iuuet ad iusticiam.

Sed ut peccatum ostendat, & iram operetur, hoc est, conscientiam ream faciat.

Mors non est inflicta, ut per eam uiuamus, nec peccatum ingentum, ut per ipsum innocentes essemus.

Ita lex non est lata, ut per eam iusti fieremus, cum neque iusticiam neque uitam præstare possit.

Summa, quantum coelum a terra distat, tantum debet lex a iustificatione separari.

Et nihil docendum, dicendum, cogitandum in re iustificationis, nisi solum uerbum gratiæ in Christo exhibitæ.

EX his autem non sequitur, legem esse abolendam, & e concionibus Ecclesiæ tollendam.

Quin

Quin eo magis est necesse eam doceri & urgeri, quod non est necessaria, sed impossibilis ad iustificationem. 11

Vt homo superbus & de uiribus suis præsumens erudiatur, se se per legem non posse iustificari. 12

Nam peccatum & mors eo maxime monstranda sunt, nõ quod necessaria sint ad uitam & innocentiam. 13

Sed ut homo agnoscat suam iniustitiam & perditionem, & ita humilietur. 14

Si peccatum ignoretur, præsumitur falsa innocentia, sicut in Gentibus, & post in Pelagianis, cernitur. 15

Si mors ignoretur, præsumitur, hanc uitam esse uitam & nullam in futuro aliam. 16

Cum uero non nisi lex utrunq; doceat, satis claret, legem esse maxime necessariam & utilem. 17

Quidquid ostendit peccatum, iram seu mortem, id exercet officium legis, siue fiat in ueteri siue in nouo Testamento. 18

Reuelare enim peccatum est aliud nihil, nec aliud esse potest, q̃ esse legem, seu effectum & uim legis propriissimam. 19

Lex & ostensio peccati, seu reuelatio iræ, sunt termini conuertibiles, uelut homo, & risibile uel rationale. 20

Tollere legem & retinere reuelationem iræ, est idem, ac si neges Petrum esse hominem, affirmes autem esse risibilem uel rationalem. 21

Similis sapientia est, tollere legem, & tamen docere peccatum remittendum. 22

Cum dicat scriptura Spiritus sancti, sine lege peccatum esse mortuum, Et, ubi non est lex, non esse præuaricationem. 23

Vt impossibile sit esse aut intelligi peccatum sine lege, siue scripta siue insculpta. 24

Post sequitur, Cum nullum sit (sublata lege) peccatum, nullum quoq; esse Christum redemptorem a peccato. Sic enim ipse Christus dicit, Non est opus medico ualentibus. 25

Sine lege nullū peccatū, siue peccato nullus redemptor.

Cum autem Christus uenerit, non soluere sed implere legem, frustra uenit, si nulla sit lex in nobis implenda. 26

Et cum lex Dei requirat obedientiam nostram erga Deum, tollunt isti Nomomachi etiam obedientiam erga Deum. 27

Ex ijs sit manifestum, quod Satan in istis suis organis, uerbahiter tantum docet peccatum, poenitentiam & Christum. 28

Reuera autem tollit Christum, poenitentiam, peccatum, & uniuersam scripturam, una cum ipso Deo eius autore. 29

Satan tollit Christum per Antinomos &c.

Et cogitat statuere pestilentissimam securitatem, contemptum

Aa iij • Dei, 30

DISPUTATIO DE MORE L

Dei, impunitatem, & perpetuam impoenitentiam, plus quam Epicurus ipse.

31 Hoc testatur illa uox eorum, quod Lex arguat peccatum, & quidem sine Spiritu sancto tantum ad condemnationem.

32 Hic apparet, eos uelle tale peccatum doceri, quod non condemnet, forte quod etiam sine Christo saluet.

33 Nam si peccatum non damnat, restat, ut Christus non redemerit nos a peccato damnante, ita nec ab ira Dei.

34 Peccatum enim non damnans, est peccatum melius, quam sit ipsa iusticia & uita.

35 Quid enim est beatius, quam peccatum habere non damnans, id est, non existens peccatum.

36 Igitur amota lege, ita sumus salui a peccato, ut ne Christo quidem egeamus Mediatore &c.

37 Sed & hoc falsum est, quod sine Spiritu sancto arguat lex peccatum, cum lex sit scripta digito Dei.

38 Et omnis ueritas ubicunque est, a Spiritu sancto est, & prohiberi legem, est ueritatem Dei prohiberi.

39 Tollere legem, ob hoc officium, quod arguat peccatum ad condemnationem, euidentis est furor.

40 Nam hæc est peccati uis, ut Paulus dicit, quod peccatum est aculeus mortis, & lex uirtus peccati. 1. Cor. 15.

41 Edamus igitur bibamusque, & sub istis Magistris cantemus, Peccat, qui crastina curat.

42 Sublata est enim lex uirtus peccati, & consequenter sublata uis peccati, mors quoque & infernus perierunt.

43 Non per sanguinem filij Dei legem seruantis & implentis, sed quia nos negamus esse legem Dei, quæ impleatur.

44 Omnia eorum de peccato, poenitentia, Christo & remissione, sunt impurissima, & Satanæ ipso dignissima mendacia.

45 Lex enim, ut fuit ante Christum, nos quidem accusans, sub Christo autem per remissionem peccatorum placata, & deinceps Spiritu implenda.

46 Ita post Christum in futura uita, manebit impleta facta tunc ipsa, quod interim exegit, creatura noua.

47 Quare lex nunquam in æternum tollitur, sed manebit uel implenda in damnatis, uel impleta in beatis.

48 Isti uero Satanæ discipuli uidentur cogitare, legem esse temporalem, quæ sub Christo cessauerit, ueluti est circumcisio.

III. DIS

DE POENITENTIA.



POenitentia Papistarum, Turcarum, Iudæorum, ¹ *Poenitentia hypo-*
& omnium infidelium & hypocritarum, est per os *critarum.*
omnia similis.

Ea est de aliquo uel aliquibus peccatis actuali- ²
bus dolere & satisfacere, postea esse securum de a-
lijs peccatis, seu originali peccato.

Hæc autem poenitentia eorum, est particularis & temporalis, ³
tantum de aliquibus peccatis, & in aliqua parte uitæ.

Coguntur ita sentire, qui peccatum originale prorsus non intel- ⁴
ligunt corruptionem & perditionem esse totius naturæ.

POenitentia fidelium in Christo, est ultra peccata actualia, per- ⁵
petua & usq; ad mortem per totam uitam. *Poenitentia fideliū.*

Quia ipsorum est, morbum seu peccatum naturæ detestari & ⁶
odisse usq; ad finem.

Recte enim Christus dicit omnibus suis, Poenitentiam agite, to- ⁷
tam scilicet uitam suorum uolens esse poenitentiam.

Toto enim tempore uitæ durat peccatum in carne nostra, & ad- ⁸
uersatur Spiritui sibi aduersario.

QUare omnia opera post iustificationem sunt aliud nihil quam poe- ⁹
nitentia, seu bonum propositum contra peccatum. *Opera post iustifi-*

Nihil aliud enim agitur, quam ut peccatum per legem ostensum, ¹⁰
& in Christo remissum, expurgetur. *cationem.*

Sicut filiorum Israel erat post obtentam terram Canaan, Iebu- ¹¹
sæos in finibus suis morantes expellere.

Et sicut non minor erat labor, reliquos Iebusæos e finibus expel- ¹²
lere, quam principio inuadere.

Ita non multo minus est, per poenitentiam perpetuam reliquum ¹³
peccati persequi, quam a principio incepisse detestari.

Vnde fit, ut sancti & iusti (sic exercente eos per legem Deo) sæ- ¹⁴
pius tristentur & lugeant pro peccatis.

Cum tamen remissis peccatis in gratia sint, & in Domino debe- ¹⁵
ant gaudere.

Imo nullum actuale peccatum allegant, & tamen miserabiliter ¹⁶
clamant & petunt gratiam Dei, ut est in Psalmis uidere.

ORatio Dominica ab ipso Domino sanctis & fidelibus suis tradita, ¹⁷
poenitentiae pars est & doctrina legis plena. *Oratio dominica*

Quisquis

pars poenitentiae.

DISPUTATIO Dⁱ Mⁱ Lⁱ DE FUGI^a

18 Quisquis enim hanc uere orauerit, is propria uoce confitetur, se se contra legem peccare & poenitere,

19 *Sanctificetur nomen tuum.* Qui enim petit, sanctificare nomen Dei, is fatetur nomen Dei nondum esse sanctificatum perfecte,

20 *Veniat regnū tuū.* Et qui petit regnum Dei uenire, fatetur se adhuc hærere ex parte in regno Satanæ, contrario Dei regno.

21 Qui uoluntatem Dei fieri petit, fatetur se magna ex parte inobedientem esse uoluntati Dei, & de hoc poenitere.

22 At lex Dei est, quæ docet, nomen Dei sanctificandū esse, quam legem orans testatur se non impleſſe.

23 Et qui regnum Satanæ detestatur in sese reliquum, testatur simul se, præcipue legem primæ tabulæ, non impleſſe.

24 *Fiat uoluntas tua.* Et qui uoluntatem Dei orat in se fieri, testatur se uoluntati Dei non esse obedientem,

25 Hanc autem orationem oportet ab Ecclesia tota orari usq; in finem mundi, & a quolibet Sancto usq; ad mortem.

26 Quia tota Ecclesia sancta est, & agnoscit sese peccatū habere, & perpetuo poenitentiam agendam esse.

27 *Lex est perpetua.* Quare & ipsa oratio Dominica docet, legem esse ante, sub & post Euangelium, & ab ipsa inchoandam esse poenitentiam.

28 Qui enim petit aliquid, prius fatetur sese non habere quod petit, & expectat donandum.

29 Lex autem est, quæ nobis prius ostendit quid non habeamus, & quod tamen sit necessario habendum.

30 *Qui legē tollūt, tollunt orationem dominicam.* Sequitur ex his, quod hostes istos legis, oportet ipsam orationem dominicam quoq; tollere, dum tollunt legem.

31 Quin & maximam partem concionum ipsius Christi tollere coguntur, ex historia euangelica.

32 Ipse enim Matth. 5. legem Moſi non solum recitat, sed etiam perfecte explicat, & non soluendam esse docet.

33 *Christus ipse docet legem.* Et Phariseum de magno & primo mandato legis erudiens, conſ. Luce 10. firmat legem, dicitq; Hoc fac & uiues.

34 Passim quoq; per Euangelium arguit, increpat, minatur, terret, & similia legis officia exercet.

35 Ut nulla unquam sit audita uel futura frons impudentior, quam istorum, qui legem tollendam esse docent.

36 Scilicet miseros homines, pudet docere & facere, quod ipse Dominus & fecit & docuit.

37 Ponatur casus, quod peccatum aliunde quam per legem possit cognosci, quod tamen est impossibile.

38 Cur legem abijci oportet, si idem operetur, quod aliunde habetur, scilicet cognitionem peccati. Et ut

PAPISTARUM ET ANTINOMIARUM POENITENTIA CCCCCLVIII

Et ut grammaticæ seu materialiter sumpto uocabulo, lex tollatur (Hoc enim necesse est eos sentire.) 39

Quis tollet illam uiuentem, insculptam in cordibus, & Chirographum decreti contrarium nobis, quod idem est cum lege Moysi. 40
Vis legis non potest ex animis hominum tolli.

IIII. DISPUTATIO D. MARTINI LUTHERI, contra Antinomus.

Cauenda doctrina Papistarum de poenitentia, multo magis Antinomorum, qui nullam poenitentiam relinquunt in Ecclesia.



Vlla fuit in Ecclesia pestilentior doctrina contra poenitentiam (excepta zaducaea & epicuraea) quam Papistarum.

Hæc sustulit poenitentiam integrā & ueram, dum non permisit certam esse remissionem peccatorum.

Docuerunt enim hominem (etiam poenitentem) oportere esse incertum de gratia Dei, & remissione peccatorum.

Sed remiserunt miserum ad meritum suæ contritionis, confessionis, satisfactionis, & tandem in purgatorium.

Nec tamen modum aut finem contritionis, confessionis, satisfactionis, ne purgatorii quidem constituerunt.

Quid autem poeniteas, si incertus sis, an retineantur uel remittantur peccata tua?

Hæc ratione non docentur impoenitentes & securi, ad incipiendam poenitentiam.

Sed territi & incipientes poenitere, coguntur cadere in finalem impoenitentiam.

Talibus poenitentibus Christus nihil prodest, ut qui diffidere coguntur, an Christus pro eorum peccatis sit mortuus.

Periculosior etiam est impoenitentia finalis & desperantium, quam impoenitentia securorum.

Impoenitentia securorum est contemptus Dei, impoenitentia finalis est blasphemia in Spiritum sanctum.

Cauenda igitur doctrina Papistarum de poenitentia, sicut ipse infernus & Diabolus.

Multo magis cauendi sunt, qui nullam prorsus poenitentiam in Ecclesia relinquunt.

Qui

Impoenitentia securorum & finalis etc.

DISPVATIO Dⁱ MARTⁱ LVTHⁱ

14 Qui legē esse no-
lunt, nolūt esse pœ-
nitentiam.

Qui enim legem docendam esse negant, simpliciter & reuera nullam pœnitentiam esse uolunt.

15 ARGumentatio ista, Quidquid non est necessarium ad iustifi-
cationem, neq; in principio, neq; in medio, neq; in fine, id non est
16 docendum &c. nihil est.

Primum, si interroges, quid istæ uerborum ampullæ, princi-
cipium, medium, finis, tibi uelint? inuenias nec ipsos intelligere.

17 Vt si arguas, hominem esse mortuum in peccato, non est neces-
sarium ad iustificationem, neq; in principio, neq; in medio, neq; in
fine, Ergo hoc non est docendum.

18 Parentes honorare, caste uiuere, homicidijs, adulterijs, furtis
abstinere, non est necessarium ad iustificationem, Ergo talia non
sunt docenda.

19 Hominem debere politiæ & œconomix inseruire, non est ne-
cessarium ad iustificationem, Ergo lex eiusmodi est tollenda.

20 Has consequentias Sophistæ olim irridentes uocauerunt, a ba-
culo ad angulum.

21 SI Syllogismus uult, hæc non esse docenda ad iustificationem
necessaria, quid noui adfertur?

22 Ex hoc non sequitur, legem esse tollendam, aut non docendam,
etiã si nihil profit ad iustificationem.

23 FALso allegatur in Minore, experientia a Paulo & Barnaba, per
quorum ministerium, sine lege Gentes sunt iustificatæ.

24 Arguit enim Paulus, omnes peccatores esse (quod officium le-
gis est) hoc ipso, quod iustificandos esse docet in Christo.

25 Iustificandus utiq; peccator est, nondum iustus, & non nisi ex
lege peccator esse conuincitur.

Sine lege.

26 (Sine lege) ubiq; in Paulo intelligi debet, ut Augustinus recte
exponit, lege adiuuante, id quod semper secuti sumus.

27 Nihil enim iuuat lex ad impletionem sui, sed requirit impletio-
nem sui.

28 Requiritq; etiã adeo saeuere, ut Christo ipso teste, nec ociosum Matt. 18
uerbum uelit impunitum.

29 Et eodem Domino teste, neq; unum iota aut apex præteriri pos- Matt. 5.
sit a lege, donec omnia fiant.

30 Deniq; soluendum est debitum, si non opponatur Christus le-
gi exactrici, usq; ad nouissimum quadrantem.

31 NON facit gratia & remissio peccatorum securos de peccato,
morte ac lege, quasi amplius sint nihil.

32 Sed multo magis diligentes & sollicitos, ut per Christum salua-
torem ea quotidie uincamus.

Lex

DE DVRATIONE LEGIS CCCCCLIX

Lex enim nulla nostra necessitate, sed de facto iam, inuitis nobis adest, ante & in principio, medio, fine, & post iustificationem. 33

Vult enim ab initio peccati per Adam perpetrati, usque quo per Christum uictorem impleatur, doceri, nosci & regnare. 34

Sola uero fides in Christo iustificat, sola implet legem, sola facit opera bona, sine lege. 35 *Sola fides iustificat*

Sola enim accipit remissionem peccatorum, & sponte facit opera bona per charitatem. 36

Verum est, post iustificationem sponte sequi bona opera, sine lege, scilicet iuuante, nec iam extorquente. 37

Summa, lex non est utilis nec necessaria ad iustificationem, neque ad ulla bona opera, multo minus ad salutem. 38

Sed e contra iustificatio, bona opera & salus, sunt necessaria ad legis impletionem. 39 *Bona opera*

Año. 3. Venit enim Christus saluum facere quod perierat, & ad restitutionem omnium, ut Petrus dicit. 40

Quare non tollitur per Christum lex, sed restituitur, ut fiat Adam talis, qualis fuit, & etiam melior. 41

V DISPUTATIO DE MART

Lutheri, contra Antinomos.

Anno M. D. XXXVIII.

Mense Septembri.



LEX dominatur in homine, quanto tempore uiuit. 1

Liberatur autem a lege dum moritur. 2

Necesse est igitur hominem mori, si a lege uelit liberari. 3

Quod si lex dominatur uiuenti homini, dominatur & peccatum uiuenti. 4

Quare hominem mori oportet, si a peccato liberari uelit. 5

Cor. 15. Lex enim uirtus est peccati, stimulus autem mortis peccatum est. 6 *Lex uirtus peccati*

Hæc tria, lex, peccatum, mors, sunt inseparabilia. 7

Quatenus igitur mors adhuc est in homine, eatenus peccatum & lex est in homine. 8

Legem accipimus extra Christum, hoc est, literam nondum impletam, tamen implendam necessario a nobis. 9

In Christo quidem lex impleta est, peccatum deletum, mors destructa est. 10

Hoc est, si in Christo per fidem crucifixi & mortui sumus, talia sunt uera in nobis quoque. 11

Bb

Acti

DISPUTATIO D. M. L.

12 At si uiuimus, in Christo nondum sumus, sed extra Christum
sub lege, peccato & morte agimus.

13 Res ipsa autem & experientia testatur, ipsos iustos quoque morti
adhuc tradi quotidie.

14 Quare necesse est, ipsos, quantum sub morte sunt, sub lege quo
que & peccato adhuc esse.

15 PRorsus imperiti & mentium deceptores sunt, qui legem ab Ec
clesia tollere uolunt.

16 Hoc enim non solum est stultum & impium, sed prorsus impos
sibile.

17 Si enim legem tollere uoles, oportet ut simul & peccatum &
mortem tollas.

18 Mors enim & peccatum per legem sunt, ut Paulus dicit, lex oc
cidit, & uirtus peccati lex.

19 Cum uero uideas iustos quotidie mori, quanta est stulticia, eos
sine lege esse putare.

20 Nam si lex non esset, nec peccatum nec mors esset.

21 PRObare igitur debuerant prius, iustos esse prorsus sine omni
peccato & morte.

22 Aut ipsos amplius in carne non uiuere, sed de mundo sublatos
esse.

23 Tum recte doceretur, etiam legem prorsus esse illis sublatam, &
nullo modo docendam.

24 Hoc autem cum probare non possint, sed experientia ipsa con
trarium in faciem eorum ostendat.

25 Insignis est impudentia istorum Magistrorum, legem uolens
tollere ab Ecclesia.

26 SED longe maior est impudentia, seu uerius insania ipsorum, le
gem etiam ab impijs tollendam & non docendam esse.

27 Si enim sanctis & iustis est peccatum & mors ipsorum, id est,
lex proponenda, quibus tamen non est posita.

28 Quanto magis impijs & malis, quibus proprie & maxime po
sita est, debet proponi.

29 QVod si fingunt, suam Ecclesiam seu auditores simpliciter esse
omnes pios, & sine lege Christianos.

30 Patet eos prorsus insanire, & nescire quid loquantur aut affir
ment.

31 Nam hoc est aliud nihil, quam omnes auditores eorum putare
ex hac uita sublatos esse.

32 Hoc autem putare, est sibi ipsi in uacuo theatro ludos fingere &
spectare.

Sunt

CONTRA ANTINOMOS CCCCCLX

Sunt enim in hoc seculo semper, tum iusti in carne uiuentes, tum etiam mali maiori numero illis permixti. 33

V T igitur lex est posita, haud dubie docenda & non tollenda, qua peccatum & mortem, seu iram Dei agnoscant. 34

Ita pñs eadem est posita, quatenus nondum mortui sunt, & in carne adhuc uiuunt. 35

IN Christo suscitato certe nullum est peccatum, nulla mors, nulla lex, quibus subiectus erat uiuens. 36

Sed idem Christus nondum est in suis fidelibus perfecte suscitatus, imo cœpit in eis, ut primitiæ, suscitari a morte. 37

In impijs uero, quorum maior est numerus in Ecclesia permixtus, adhuc totus est mortuus, imo nihil est omnino. 38

Et sunt illi simpliciter sub lege, & eos oportet lege, etiamsi fieri posset, fulmine corporali terreri. 39

Quatenus Christus in nobis est suscitatus, eatenus sumus sine lege, peccato & morte. 40

Quatenus uero nondum est in nobis suscitatus, eatenus sumus sub lege, peccato & morte. 41

Q V are lex promiscue docenda est (sicut & Euangelium) tam pñs quam impijs. 42

Lex tantis & malis docenda.

Impijs, ut territi agnoscant suum peccatum, mortem & ineuitabilem iram Dei, per quam humiliantur. 43

Pñs, ut admoneantur, carnem suam crucifigere, cum concupiscentijs & uitijs, ne securi fiant. 44

Securitas enim tollit fidem & timorem Dei, facitq; nouissima peiora prioribus. 45

V Idetur satis aperte, Antimos opinari, peccatum esse formaliter & philosophice seu iuridice sublatum per Christum. 46

Et eos prorsus nescire, solum reputatione & ignoscentia Dei miserentis esse sublatum. 47

Relatiue enim, non formaliter aut substantialiter, est peccatum sublatum, lex abolita, mors destructa. 48

Ephe. 4. Et hoc totum propter Christum, in hac uita, donec occurramus in uirum perfectum, in plenitudine ætatis Christi. 49

S Cimus, & ipsi ex nobis didicerunt, Christum esse nobis factum sacramentum & exemplum. 50

Non nostra, multo minus ipsorum, sed Augustini est hæc pulcherrima cogitatio. 51

Qua dicit Christum suo simplo concinere nostro duplo, & facere perfectum numerum. 52

Bb ij Sed

DISPUTATIO Dⁱ Mⁱ Lⁱ

53 Sed neq; Augustinus autor, neq; nos Discipuli eius, hanc as-
sinximus consequentiam, legem ideo esse tollendam.

54 Hanc ipsi e suo capite, ut essent noui Autores, & præ cæteris il-
lustres, Diabolo magistro addiderunt.

55 Q Vatuor uias Scriptura tradit prædicandi & docendi ad salutem
hominum, ex quatuor operibus Dei collectis.

56 Deus enim terret minis, solatur promissis, monet afflictionibus,
allicit benefactis.

57 Sed hæc quatuor, dum docentur, non tollunt legem, sed sta-
biliunt legem.

58 Benignitas Dei adducit ad poenitentiam, hoc est, ut legem pec Rom. 2.
cati uirtutem esse agnoscas.

59 Et lex terrens & occidens, id agit, ut ad seipsum, seu ad sui co-
gnitionem cogat.

60 H Oc agunt ipsi fanatici, ut per sacramentum & exemplum Christi
ipsum Christum tollant.

61 Nam si lex tollitur, nescitur quid Christus sit aut fecerit, dum
pro nobis legem impleuit.

62 Si enim plenitudinem legis, id est, Christum intelligere uolo, ne-
cesse est scire, quid sit lex & plenitudo eius.

63 Id doceri non potest, nisi doceatur, in nobis legem non esse im-
pletam, & ideo nos reos peccati & mortis esse.

64 Hoc si docebitur, discimus nos omnes esse debitores legis & iræ
filios.

65 Impios simpliciter, carne & spiritu, seu totaliter, Pios uero, qua-
tenus in carne sunt & uiuunt.

66 E St igitur legis doctrina in Ecclesijs necessaria, & omnino retinen-
da, sine qua Christus retineri non potest.

67 Quid enim de Christo retineas, dum lege remota, quam ille im-
pleuit, nescias quid impleuerit?

68 Deniq; sic est lex impleta in Christo, ut eam sic docere non pos-
sis, nisi doceas & legem in nobis non esse impletam.

69 Summa, legem tollere, & peccatum mortemq; relinquere, est
morbum peccati & mortis ad perniciem hominibus occultare.

70 Sublatis morte & peccato (ut Christus fecit) foeliciter tollere-
tur, imo lex stabiliretur, Rom. 3.

VI^a DISPUTATIO Dⁱ MARⁱ

Lutheri, contra Antinomos.

Anno M. D. XL.

Ista



Sta consequentia S. Pauli, ubi non est lex, ibi nec
præuaricatio, non solum theologicæ, sed etiam
politice & naturaliter bona est.

Similiter & illa, ubi non est peccatum, ibi nec
pœna nec remissio.

Similiter & illa, ubi non est pœna nec remissio,
ibi nec ira nec gratia.

Similiter & illa, ubi non est ira nec gratia, ibi nec diuina nec hu
mana gubernatio.

Similiter & illa, ubi non est diuina nec humana gubernatio, ibi
nec Deus nec homo.

Similiter & illa, ubi non est Deus nec homo, ibi nihil nisi forte
Diabolus.

Quo fit, ut Antinomi legis hostes, sint plane uel ipsi Diaboli,
uel Diaboli fratres.

Nihil iuuat Antinomos, quod gloriantur se de Deo, Christo,
gratia, lege &c. plurima docere.

Non nouum nec rarum est, nomen Domini in uanum sumi, et
tiam ab ipsis Dæmonibus.

Antinomorum confessio similis est illi, ubi Dæmones clamant,
Tu es filius Dei uiui, Luc. 4. & 8.

Et illorum Pseudoprophetarum iuramento, Viuit Dominus,
cum tamen falso iurarent, teste Isaia & Ieremia.

Qui legem damnantem negat docendam esse, reipsa legem sim
pliciter negat.

Ac si quid de lege docet, uelamen Moysi, non faciem claram &
ueram, id est, carnaliter intellectam docet.

Lex non damnans, est lex ficta & picta, sicut Chymera aut Tra
gelaphus.

Nec politica aut naturalis lex est quidquam, nisi sit damnans &
terrens peccatores, Rom. 3. 1. Pet. 2.

Hinc recte dicitur, Ex malis moribus bonæ leges fiunt.

Quidquid de Deo, Christo, fide, lege, gratia &c. loquuntur An
tinomi, sine intellectu, ut psitacus suum chære, loquuntur.

Ideo impossibile est ab Antinomis discere theologiam, aut politi
ciam.

Quare uitandi sunt, ut licentiæ & indulgentiæ ad omnia facino
ra pestilentissimi magistri.

Non enim Christo, sed suo uentri seruiunt, & hominibus pla
cere uolunt, a die humano gloriam furenter quærentes.

DISPUT. DE M. L. DE ILLO CHRI.
DISPUTATIO DE MARTI-
NI LUTHERI.

De illo Christi dicto, Vade, uende, relinque omnia &c.

Anno M. D. XXXIX.
Mense Marcio.



Ominus hoc ipso, quod docet uendere & relin- Mar. 10.
quere omnia, concedit, imo præcipit quærere & Luc. 18.
possidere omnia.

Non enim poteris uendere aut relinquere, nisi
quod iuste acquisieris & possederis.

Alioqui dici oportuit, omnia esse reddenda &
restituenda, ceu furta, rapta, iniusta.

Manifestum est, in secunda tabula præcipi, omnia quærere &
possidere, dum dicit, Furtum non facies.

Hoc est, tuum, non alienum habeas, seu (ut Paulus ait) labor Eph. 4.
ret quilibet, ut habeat quod det egenti.

Et ipse Paulus quærebat manuum operæ uictum, & possidebat Act. 20.
suum.

Ita dum prohibet adulteria, cogit habere uxores proprias, ut 1. Cor. 7.
Paulus dicit, unusquisq; suam habeat.

Certum est autem, quod Christus non uenerat soluere legem se- Matt. 5.
cundæ tabulæ, sed magis confirmare.

Quin & Magistratum & iura politiæ ubiq; confirmat, etiam co Iohan. 19.
ram Pilato, dicens, Datum est tibi desuper.

Hæreticum igitur est, quod Monachi putant, Christi euangelium ser-
uari non posse, nisi secundam tabulam coelibatu & paupertate con-
temnant.

Estq; hypocrisis & mendacium insigne, quod prætexunt, sese
uendere & relinquere omnia.

Oportet enim uiuere eos, uel de datis per alios, uel acquisitis
per se ipsos, ut testatur res & experientia.

At dum edunt, bibunt, uestiunt, habitant, certe non uendunt
nec relinquunt omnia, sed habent & utuntur omnibus.

Sed hoc pulcherrimum commentum est, quod de alienis bo-
nis uiuunt ociosi & securi, & paupertatem, seu relinquere omnia,
faciunt idem quod in communi possidere.

Hoc est suauissimum relinquere propria, modica & incerta, &
pro ijs accipere aliena plurima & certissima.

Christus

DIC VADE, VENDE, REL OMN. CCCCCLXII

Christus autem dicit, uendenda & relinquenda esse omnia propria, haud dubie multo magis omnia aliena & communia. 16

Igitur si monastico sensu uolent relinquere & uendere omnia, oportet eos exire de hoc mundo. 17

Imo exire oportet illuc, ubi non uiuitur, editur, bibitur, uestitur, habitatur, ut sic uere omnia relinquunt. 18

Nam uita, seu quod uiuis, edis, bibis, uestis, locus, hora & similia, quibus uteris, tua sunt ipso usu. 19

Si uero tua non sunt, iam fur aut latro es, aliena uorans, & pro tuis usurpans. 20

Christus loquitur de relinquendis & uendendis omnibus propter primam tabulam, seu confessionem & causam publicam fidei. 21

Matth. 13. In causa enim primae tabulae retinenda, emendaque ista Gemma regni coelorum, uendendus est Ager, relinquenda & amittenda sunt omnia. 22

Tunc enim quod in secunda tabula iuste habes & possides pro hac uita, propter primam tabulam, id est, uitam aeternam, est hilariter amittendum. 23

Extra causam primae tabulae, seu confessionis, sunt omnia paranda, seruanda, defendenda, administranda. 24

Quia tenemur tabulae secundae obedire, id est, iure diuino & naturali corpus & hanc uitam fouere, alere, tueri, administrare. 25

2. Tim. 5. Extra causam primae tabulae, seu confessionis, si quis suis non prouidet, fidem negat, & est infideli deterior. Et Christus, non separet homo, quos Deus coniunxit. 26

Hoc est, ita relinquendo suos & uendendo sua, simul ultra tabulam secundam, peccat & in primam. 27

Deut. 33. Sic contra, qui in causa Dei non dixerit ad se, suos, sua, Nescio uos, non solum legem primae tabulae, sed nec secundae seruat. 28

Qui contra Deum iniuste tenet, uocante tabula prima, quod a Deo habet & iuste possidet, praecipiente tabula secunda. 29

EXtra causam confessionis, Christianus est ciuis huius mundi, debens facere & ferre, quae sunt suae ciuitatis, iuxta tabulam secundam. 30

Si nunc latro aut fur tibi uim inferre, uel furari uolet, eo quod tu Christianus es, hic resistendum est malo, si uis pius ciuis esse huius mundi. 31

Quia sicut magistratus ipse resistit, cuius membrum es, ita praecipit tibi resistere, uirtute secundae tabulae, cui teneris obedire. 32

Bb iij Ita

DISPVATIO Dⁱ Mⁱ Lⁱ DE ILLO.

33 Ita si latro in itinere te occidere uolet propter Christum, debes te defendere, etiamsi occidendus sit ille.

34 Quia scis magistratum præcepisse, latronibus resistendum, & suos ciues defendendos esse, hoc ipso obedis tam primæ quam secundæ tabulæ.

35 Nec curandum, si Christum, id est, tabulam primam prætendat, cum certum sit, quod non propter Christum, sed propter rem tuam te occidere quærat.

36 Si uero magistratus, siue prophanus, siue male Christianus, te persequitur propter Christum, omnia sunt relinquenda, uendenda, perdenda.

37 Magistratus enim non est latro aut fur, rapiens corpus, uxorem, liberos & rem priuatam, sed contra fures & latrones hæc omnia defendit.

38 Quare magistratus, siue prophani siue impij, non sunt contra nos, sed nobiscum & pro nobis, in secunda tabula.

39 Summa, magistratus qualis qualis sit, præcipit semper & ubique pacem seruari inter subditos, cuiuscunque sint religionis.

40 Ideo non licet priuatis, quales quales sint, hac pace præcepta, facere uel ferre uim priuatam, sed magistratus est inuocandus.

41 Cæterum magistratus impij, propter religionem, id est, propter primam tabulam uolunt uideri agere, quod agunt.

42 Hic si non uolunt melioribus informari, habet locum doctrina Christi, Vade, uende, relinque, cede, perde omnia, etiam ipsam Animam.

43 Quia ultra regnum hoc mundi non est superius aliud regnum, quod pro nobis contra hoc regnum stet, nisi illud æternum regnum Dei.

44 Ita sub magistratu prohibente malum, tenemur obedire, & non ferre, sed resistere malo, uirtutæ secundæ tabulæ.

45 Magistratui uero inferenti malum propter primam tabulam (aliam causam habere non potest) non est resistendum.

46 Quia non habemus alium magistratum, sub quo prohibente malum istius magistratus, possemus aut deberemus resistere.

47 Sicut non habemus aliam quandam tabulam secundam, propter quam liceret contra istam priorem agere.

48 Tabula enim secunda, sicut & magistratus, pertinent ad hanc uitam mundi, diuinitus dati & constituti.

49 Ideo nostrum non est, imo prohibitum est, dissipare magistratus & politias a Deo ordinatas, propria temeritate.

50 Sed dandus est locus iræ, & non defendendi ipsi a nobis ipsis.

Euidens

DIC V ADE, VENDE, RE L OMN. CCCCCLXIII

EVidens est, Papam non esse magistratum, neq; ecclesiasticum
neq; politicum, sed neq; oeconomicum. 51

Tres enim Hierarchias ordinavit Deus contra Diabolum, scilicet
oeconomiam, politicam & ecclesiam. 52

Ecclesiasticum non esse convincit, quod Evangelium damnat, &
conculcat, per suas blasphemias in iure Canonico. 53

Politicum non esse convincit, quod iura civilia sibi subiecit, sicut
& Evangelium. 54

Oeconomicum non esse convincit, quod nuptias & coniugium
prohibet, quibus libitum est, non tantum sacerdotibus. 55

Sed est illud monstrum, de quo Daniel dicit, quod aduersatur 56

Dan. 12. omni deo, etiam deo Deorum,

Et quod Paulus, Danielis verba secutus, vocat aduersarium Dei,
hominem peccati, filium perditionis. 57

2. Thes. 2.

Nostri Germani vocant *Beetwölff*, quod Græci, si forte notum
illis fuisset, dixissent ἀρκτολύκον. 58 *Beetwölff.*

Hoc animal lupus est quidem, sed a Dæmone arreptus lacerat
omnia, & elabitur omnibus uenabulis & armis. 59

Ad quod opprimendum necessarius est concursus omnium pa-
gorum & oppidorum, singulorum & omnium uirorum, etiamsi sic
tandem euadat. 60

Nec est hic expectanda Iudicis sententia, aut Concilij autoritas,
sed expendenda præsens calamitas & necessitas. 61

Quod si læsus aliquis fuerit per hoc monstrum, dum occiden-
dum persequitur, nulla conscientia persecutionis tenetur, sed pœ-
nitentia de non occiso. 62

Nec est hic curandum, si Iudex aut rusticus in Pago hoc animal
iubeat liberum dimitti, uel etiam defendat. 63

Nam Iudex & rusticus tenentur nosse huius monstri naturam,
& per sese magis persequi, quam ipsi persecutores. 64

Quod si Iudex & rustici a persecutoribus istius monstri occiden-
tur in tanto tumultu, nihil iniuriæ eis illatum est. 65

ITa, si Papa bellum mouerit resistendum est ei sicut monstro fu-
rioso & obfesso, seu uere ἀρκτολύκω. 66

Non enim est episcopus, neq; hæreticus, neq; princeps, neq;
tyrannus, sed uastatrix omnium belua, ut Daniel dicit. 67

Nec curandum, si habet militantes sibi principes, reges, uel ip-
sos etiam cæsares, titulo Ecclesiæ incantatos. 68

Qui sub latrone militat (quisquis fuerit) militiæ suæ periculum
cum æterna damnatione expectet, 69

Nec

DISPVATIO Dⁱ MARTⁱ LVTHⁱ

70 Nec saluat reges, principes, sed nec cæsares, quod iactantur
Ecclesiæ defensores, cum scire teneantur, quid sit ecclesia.

71 **I**mpossibile fuit, Papas condere leges, utiles ecclesiæ & fidelium
saluti.

72 Primo, quod fuerunt & sunt homines in scripturis indoctissimi
& negligentissimi, quod testantur eorum decreta & epistolæ.

73 Neque enim ex toto corpore papistici iuris & epistolarum discere
poteris, quid sit ecclesia, fides, uerbum, præceptum Dei.

74 Ideo fuit necesse, Papas ambitione, superbia, auaritia, fastu,
esse excæcatissimos, in qua re fuerunt semper exercitissimi, ut S. Pet. 2. Pet. 2.
trus dicit.

75 Iudex cupiditate & alijs prauis affectibus captus, necessario ius
dicat sicut cæcus de colore.

76 Hoc ipsi Iuristæ fatentur, Decreta Papæ graueolere ambitio-
Doctrina Papæ. nem & auaritiam, nec mirum, sunt enim ignorantes Dei.

77 Et, quod Canonista purus, est asinus uerus, quod uerbum est
plane uerissimum.

78 Nulla decretalis est, quæ non in principio, medio & fine hor-
rendis blasphemijs arroget sibi dominium ecclesiæ, & per hoc rerum
omnium.

79 **S**ecundo, Est etiam ideo impossibile, quia ultra Scripturam ni-
hil potest condi, uel de fide, uel de moribus, ad salutem necessa-
rium.

80 Sed quæ Cæsar uel alius quicumque princeps de hac uita ordinat,
ad fidem non pertinent, sed sunt pro hoc mundo necessaria.

81 **T**ertio, Est ideo impossibile, quod Papæ nullum ius habent le-
ges condendi, neque ecclesiasticas, neque ciuiles, neque œcono-
micas.

82 Præcepit enim Christus per Apostolos, quod & exemplo pro-
prio firmavit sub Pilato, obedire magistratibus, ut notum est.

83 Hoc cum seruarint omnes primitiue Ecclesiæ, Episcopi & Fide-
les, solus & unus Papa ausus est conculcare.

84 Nec cogitat belua arctolytus, quod non est rex, nec guberna-
tor regnorum a Deo constitutus.

85 Et tamen in alienis regnis, politijs, domibus lacerat, facit &
furit, sicut arctolytus.

86 Sic ausus est, reges deponere, subditos ab obedientia & ho-
magio (contra Paulum Roman. 13.) absoluere, & omnia contur-
bare. Rom. 13.

87 Sic ausus est, Scripturas sanctas sibi subijcere, & pro uoluntate
sua interpretari, & Ecclesiam extinguere.

Sic au-

FALSO CONFICTA SOPHISTIS CCCCCLXIIII

Sic ausus est, patriam potestatem tollere, data licentia liberis 88
contra parentes inuitos contrahere coniugia.

Similiter contra Paulum, licere deserere parentes, & monasterium ingredi, etiamsi parentibus in morte seruiendum esset, non tantum proximis. 89

Similiter sponsis & sponsabus etiam suo iure (iniuria) desponsatis, liberum facit, religiosos fieri. 90

Summa, Nihil est ordinationis diuinæ & humanæ, quod hæc belua non uastauerit. 91

Anno M. D. XL.

DVODECIM CONSILIA EVANGELICA FALSO CONFICTA a Sophistis,

- Matth. 19. I. Paupertas, Matth. 19. Si uis perfectus esse, uade & uende omnia, quæ habes &c. *Habes hic testimoniū, pie Lector, Patam ausu temerario Scripturam sanctam sibi subiecisse, ac pro libidine sua interpretatum fuisse etc.*
- Luce 9. II. Abnegatio sui seu obedientia, Luc. 9. Si quis uult uenire post me, abneget seipsum.
- Matth. 19. III. Castitas, Matth. 19. Sunt eunuchi, qui castrauerunt seipsos propter Regnum celorum.
- Matth. 5. IIII. Non retribuere malum pro malo, Matth. 5. Benefacite ijs, qui oderunt uos.
- Matth. 5. V. Pacientia iniuriæ, Matth. 5. Si quis te percusserit in maxillam dextram, præbe ei & alteram.
- Luce 6. VI. Supererogatio operum misericordiæ, Luc. 6. Omni petenti te, tribue.
- Matth. 12. VII. Compescere iuramentum & uerbum ociosum, Matth. 12. De omni ocioso uerbo reddent rationem, Matth. 5. Non iurare omnino.
- Matth. 18. VIII. Vitare occasionem peccandi, Matth. 18. Si te oculus tuus scandalizat, erue eum.
- Matth. 7. IX. Prudenter operari, ne fiamus hypocritæ, Matth. 7. Attendite, ne iusticiam uestram faciatis coram hominibus.
- Matth. 23. X. Facere quod doces, Matth. 23. Dicunt & non faciunt, Ideo consulit hypocritæ: Primo enjce trabem de oculo tuo.
- Matth. 6. XI. Non esse sollicitum de uictu, Matth. 6. Nolite solliciti esse dicentes: Quid manducabimus
- Matth. 18. XII. Correptio fraterna, Matth. 18. Si peccauerit frater tuus, uade & corripe eum inter te &c.

Hoe

DISPVATIO D. M. L.

Hoc ultimum tamen intelligitur de peccatis uenialibus, nam de mortali est præceptum obligans semper, sed non ad semper scilicet, dum uidebitur esse utilis correptio.

Differunt { ^{Præceptum}
 { ^{Euangelicum.}
 { ^{Consilium}

Præceptum est doctrina Dei generalis, omnem hominem semper obligans sub pœna peccati mortalis.

Consilium est doctrina Dei specialis, solum obligans sub pœna peccati uenialis, pro tempore huius uitæ.

HÆc est Theologia uulgatissima Papæ & Sophistarum, & ita præcepta, ut etiam probata sit ab ipso S. Iohanne Hufs, in eo ipso Libro, ob quem passus est ignem, nam ad uerbum fere refert ea omnia, Cap. 7.

Sed & Sorbona in suo Decreto aduersus Lutherum damnatum dictat, esse hæc oneratiua nimis Christianæ religionis, si pro præceptis teneri oporteat. Hinc illa famosa apud eos disputatio, Vtrum lex Mosi sit grauior uel Euangelij? Et decernunt uiri tanti, sane sapientissime in hunc modum.

Lex & Euangelium, quo ad grauitatem, habent se ad inuicem, sicut excedentia & excessa, nam quo ad abrogationem ceremoniarum, Euangelium est facilius, sed quo ad prohibitionem animi, Euangelium est grauius, quia lex manum, Euangelium prohibet animum, ut dicit Magister lib. 3. dist. 40.

Hic disce, frater Christiane, quantum debeas doctrinæ huic (gratia Dei) hoc seculo reparatæ. Nam quid (rogo) facit nobis reliquum, tandem de ipso Mose seu Decalogo quoque (ut de Christo taceam) hæc Theologia pharisaica?

In perpetuam rei memoriam, maxime uero in redemptoris gloriam, ista sunt memori mente seruanda & exaggeranda, aduersus impudentissimos rabulas, papisticæ abominationis defensores.

Ex his enim intelligis, quid uouerint uiri illi perfecti, Monachi & Sacerdotes, dum consilia (id est, Dei præcepta) primo non necessaria Christiano ad salutem docerent, deinde noua idololatria in traditiones humanas, imo dæmoniacas doctrinas deformata, uouerent. Nam præcepta Dei facere consilia, nonne est humana traditio, imo horribilis & diabolica blasphemia?

Anima nostra, sicut passer, erepta est de laqueo uenantium.

Laqueus contritus est, & nos liberati sumus.

Hoc fecit adiutorium nostrum in nomine Domini.

D. Martinus Lutherus.

DISPV.

DISPUTATIO THEOLOGICA

D. Mart. Luth. de illo dicto ad Ebræ. 13.

Dominus Ihesus heri & hodie, ipse & in secula.



Nus & idem Deus, ab initio mundi uarijs modis;
per fidem in eundem Christum cultus est. 1

Certum est, Adam & Heuam in Semen mulieris
promissum (id est) in Deum promissorem credidisse. 2
Adam.
Heuam.

Habel offerens placuit Deo promissori Seminis,
in quem, seu cuius promissioni, credidit. 3
Habel.

Abraham ex Chaldæis uocatus, Deo promissori Seminis uocan-
ti credidit & iustificatus est. 4
Abraham.

Alijs quidem personis, alijsq; temporibus, eiusdem promissionis
fides renouata est. 5

Non humana quidem temeritate, sed diuina autoritate, quæ
eandem promissionem per diuersa tempora & Personas uoluit inno-
uari. 6

Summa, quidquid gestum est uirtutum uel rerum per pios ante
Christum, in fide promissionis eius gestum est. 7

Sicut, quidquid gestum est per sanctos post Christum, in fi-
de impletæ promissionis gestum est. 8

Desierunt per tempora uarij illi modi credendi in Semen promissum
seu in eundem Christum. 9

Sicut & ipsa Christiana fides nouissimo tempore Euangelij inno-
uata, desinet in fine mundi. 10

Heb. 13. Ut stet illud uerissime dictum, Christus Ihesus heri & hodie, ipse
se & in secula, Ebræ. 13. 11

SI Adam, Noah, & alij Patriarchæ uixissent temporibus Abrahamæ,
promissionem nouam accipientes, oportuisset eos credere, ex
Abrahamæ semine futurum Christum, aut Deum promissorem Seminis
amississent. 12
Adam.
Noah.

Psal. 132. Si Abraham uixisset temporibus David, oportuisset eum crede-
re, de fructu uentris David futurum esse Christum, aut frustra credi-
disset in Semen mulieris. 13
David.

Si David uixisset tempore Iohannis Baptistæ, oportuisset eum
credere in Ihesum, semen filiae suæ Mariæ, uel perijisset. 14

Si Iohannes Baptista post resurrectionem Christi, imo suo tem-
pore credidisset, Christum uenturum, seu nondum uenisse, damna-
tus fuisset. 15
Iohannes Baptista.

Cc

Frustra

DISPUTATIO Dⁱ MARTⁱ LVTHⁱ

- 16 *Iudæi.* Frustra igitur credunt Iudæi in Deum promissorem Messiae, qua fide olim recte credebant Patres eorum.
- 17 *Turcæ. Ethnici.* Frustra Turcæ & Gentes aliæ credunt in Deum creatorem mundi, dum nesciunt eum esse promissorem uel exhibitorum Seminis, imo blasphemant, eum non esse Patrem Christi unigeniti filij.
- 18 *Papistæ. Sophistæ.* Frustra credunt Papistæ & Sophistæ, Deum Patrem, & omnes articulos alios fidei nostræ, dum respuunt opus Christi pro nobis impletum.
- 19 Negant enim sola fide, seu quod idem est, solius Christi opere impleto, nos iustificari.
- 20 Sola enim fide in Christum, olim promissum, nunc exhibitum, tota Ecclesia ab initio mundi usq; in finem iustificatur.
- 21 Sic sola fide, ut neq; ratio, neq; lex, neq; plenitudo ipsa legis, quæ dicitur charitas, quidquam faciant ad iustificationem.
- 22 *Fides ante spem et charitatem, accipit remissionem peccatorum.* Fides enim ante spem & charitatem sola accipit remissionem peccatorum, propter solum Christum, facitq; per eundem Personam gratam, ante & absq; charitatis merito.
- 23 *Fides per charitatem efficax.* S. Paulus non dicit: Fides per charitatem iustificat. Sed sic dicit: Fides per charitatem est efficax seu operosa.
- 24 Aliud longe est operosum seu efficax esse, & aliud iustificare seu iustum facere.
- 25 Primum persona iustificatur pro se ipsa, postea sit operosa erga alios, Sicut arbor primum bona sit in se ipsa, postea operosa fructibus ergo alios.
- 26 Idolatria uel hæresis est operosa per dogmata & cultus impios, tamen dogmata seu cultus impij non faciunt personam idolatram seu hæreticam, sed fiunt a persona prius hæretica uel idolatra.
- 27 *Papistæ non intelligunt quid sit peccatum &c.* Sophistæ, Papistæ non intelligunt quid sit peccatum, fides, Christus, lex, charitas, & omnia quæ loquuntur.
- 28 Hoc produnt, dum fatentur in Dæmonibus esse fidem, & in impijs fidem, spem & dilectionem Dei naturaliter haberi posse.
- 29 Quin hoc blasphemant quoq; , Hominem posse ex puris naturalibus diligere Deum super omnia, & implere mandata Dei, quo ad substantiam facti, absq; gratia Dei.
- 30 Hoc quid aliud est, quam Christo & Spiritu sancto non esse opus ad implendum mandata Dei.
- 31 Hoc est, nos ipsos ex nobis ipsis posse mereri remissionem peccatorum & uitam æternam, sicut credunt Turcæ, Iudæi & Tartari.
- 32 *Gratia gratum faciens.* Dicunt, homini facienti quod in se est, infallibiliter dari gratiã, gratum facientem merito congrui, quod est horribilis blasphemia in Christum, nec de hac usq; hodie poenitent.

Et hanc

DE DICTO ADEBRE XIII CCCCCLXVI

Et hanc gratiam gratum facientem (sic appellant charitatem in
fusam) etiam in minimo gradu , mereri uitam æternam merito con- 33
digni seu sufficienti.

Ex attritione fingunt contritionem (id est , ex Diabolo alio a- 34
lium) fieri uirtute clauium, Attritio.
Contritio.

Et hanc posse tantam esse , ut remissionem plenariam peccatorū 35
mereatur , qua subito euolet quis in cœlum , absq̃ purgatorio aut
satisfactione.

Ista & similia portenta satis demonstrant , non esse inter nos & ip- 36
sos tantum uerbi controuersiam , ut nunc quidam funesti Conci-
liatores præsumunt.

Matth. 5. Non est controuersia uerbalis , ubi nos dicimus , omnia , *Matt.* 37
5. esse præcepta , Illi autem , esse quædam consilia , seu ut Sorbona
Parisiensis in damnatione Lutheri decreuit , esse nimis oneratiua le-
gis Christianæ.

Non est controuersia uerbalis ubi asserunt, dubitandum esse, An 38
simus in gratia, quod nos dicimus esse idem, quod negare Christum.

Non est controuersia uerbalis , ubi securitatem & maliciam & 39
impœnitentiam continuant, in tanto sanguine fuso per ipsos, propter
eorum portenta & blasphemias prædictas stabiliendas.

Non est controuersia uerbalis , dum illi professionem monasti- 40
cam æquant , seu potius præferunt Baptismati , & nos hoc ipsum es-
se sacrilegum & Antichristianum dicimus.

Non est negandum , Miracula fieri posse per impios in fide mor- 41
tua , præsertim si sunt in officio uel coetu ecclesiastico. Miracula posse fieri
per impios &c.

Sicut Sacramentum & uerbum (id est , uita æterna) quæ supe- 42
rant omnia miracula , etiam per Iudam Scharioth, conferuntur.

Et si tales sibi priuatim istis operibus nihil profint, imo noceant, 43
tamen ratum est , quod faciunt apud Deum & homines,

1. Cor. 13. Ita Paulus *1. Corinth. 13.* priuatim ipsis nihil prodesse dicit, qui 44
fide sua etiam montes transferant.

Psal. 7. Et Christus , iniquos a sese discedere iubet , qui in nomine suo 45
Matth. 7. uirtutes multas fecissent.

lactatores potius fidei sentit Paulus esse eos , qui fidem per cha- 46
ritatem non habent efficacem , & quæ sua sint , quærunt.

Anno M. D. XLI.

ALIA EIVSDEM ARGUMENTI

cum priore , contra Satanam & Synagogam ipsius,
Autore Martino Luthero.

Cc ij

• Necessè

DISPV TATIO DV MARTV LVTH

1 **N**ecessesse est fidei (in Christum) tribuere iustificatio-
nem seu remissionem peccatorum , propter solum
Christum , Rom. 3. & Galat. 2. 3.

2 *Fides salutis scientia.* Ipsa est enim scientia salutis , quæ est in remissio- Rom. 3.
Galat. 2. 3.
ne peccatorum , ut canit Zacharias Luc. 1.

3 Omne quod non est ex hac fide , peccatum est ,
Iohan. 15. & Ro. 14. sicut contra : Omnia credenti sunt **p**ossibilia.

4 Sophiste docent, fidem informem stare cum peccato mortali, &
de remissione peccatorum dubitare, q̄ est uere Christum negare.

5 *Fides informis.* Sequitur, fidem hanc informem non esse ex fide , sed meram esse
incredulitatem contra Christum.

6 Quin figmentum & idolum uanissimum est cordis illorum , qui
nesciunt quid loquuntur , aut de quibus affirmant.

7 Promissio autem diuina non accipitur corde uano , incredulo &
idolatrigo , cum efficiat ipsa ueram Dei cognitionem in credente.

8 Quare impossibile est , promissionem Dei posse accipi seu credi
fide informi.

9 *Fides Christi, donum Spiritus.* Nec est opus hominis, sed Spiritus donū fides Christi, *Fides au-*
tem informis est cogitatio seu imaginatio hominis, id est, nulla fides.

10 Infusa fides similiter est merum somnium , & nihil in rerum na-
tura, nisi uocabulum plane ficticiū , sicut Chymera & Hircocerus.

11 Frustra iactatur , fidem informem charitate fieri formatam , &
sic iustificare.

12 Charitas enim non approbat , multo minus informat idolum,
mendacium , figmentum hominis , sed potius destruit.

13 Quid est aliud dicere, charitas informat fidem informem, quam
charitas facit, ut sit mendacium ueritas , & uanitas sit res ipsa.

14 Extra Synagogam pellendæ sunt istæ barbaræ Sophistarum uo-
ces, fides informis, form ita , gratia gratum faciens &c.

15 Sunt enim sumptæ ex philosophia rationis , quæ non potest ea
capere & tradere, quæ sunt Christi & Spiritus eius.

16 *Prophane uocum inanitates.* Imo uero sunt prophanae uocum inanitates , quibus obscuratur
ueritas Christiana , & nec a docente nec audiente intelligi possunt.

17 De rebus sacris loquendum est, sanis, sacris, sobrijs, Spiritus san-
cti uerbis , in Scriptura traditis.

18 Ne contingat, sicut contigit nobis magisterio Sophistarum illud
Nehemiæ. 13. Loquebantur iuxta linguas populi & populi.

19 *Daniel uixit inter leones illesus.* Profecto, fides informis non fuit , cum Daniel inter leones illæ-
sus uiuebat, sicut dicitur : Quia credidit Deo suo.

20 *Susanne fides.* Fides informis non fuit Susannæ fides , de qua scribitur , Erat
cor eius fiduciam habens in Domino.

Nec

Nec David prostravit Goliath furili illa & incredula cogitatione, qualis est fides informis. 21.

Fides uera est substantia cordis, id est, firma & certa fiducia in Deum promissorem misericordiae & auxiliij. 22. *Vera fides.*

Matt. 17. Fides uere informis fuit Petri, quando Christus ad eum dixit: Modice fidei, quare dubitasti? 23.

Quin illa fides Petri seu dubitatio improporcionabiliter maius quiddam erat, quam fides informis. 24.

Illam uocatur modica fides, hec uero est peccatum & incredulitas, & tota cordis humani impietas, 25. *Modica fides.*

Summa, frustra disputatur cum Scholasticis de his rebus sibi incognitis & inusitatis, 26. *Doctores Scholastici.*

Impossibile est apud eos intelligi, quid sit peccatum, promissio, fides, iustificatio, imputatio, lex & impletio eius. 27.

Non sunt haec in eorum libris, sed contritio, satisfactio, & opera humanis uiribus gratiam Dei merentia. 28.

Ignorant, imo negant peccatum originale post Baptismum, & tantum de actualibus disputant. 29.

Hac ignorantia stante, uelle Theologiam tractare, est aliud nihil, quam asinum uelle lyra canere. 30.

DISPUTATO THEOLOGICA D. MARTINI LUTHERI.

An haec Propositio sit uera in Philosophia,
Verbum caro factum est?

Anno M. D. XXXIX.
XI. Ianuarij.



Est tenendum est quod dicitur, Omne uerum uero consonat, tamen idem non est uerum in diuersis professionibus. 1.

In Theologia uerum est, Verbum esse Carnem factum, In Philosophia simpliciter impossibile & absurdum. 2.

Nec minus, imo magis disparata est praedicatio, Deus est homo, quam si dicas, Homo est asinus. 3.

Sorbona mater errorum, pessime definiuit, idem esse uerum in Philosophia & Theologia. 4. *Sorbona mater errorum.*

Impieque damnauit eos, qui contrarium disputauerunt.

Nam hac sententia abominabili docuit captiuare Articulos fidei sub iudicium rationis humanae. 5.

Hoc erat aliud nihil, quam coelum & terram includere in suo centro, aut grano milij. 6. *Cc iij Cum*

DISPUTATIO DE MODO DE PROPO-

- 8 Cum contra Paulus doceat, captiuandum esse omnem intel-
lectum (haud dubie & Philosophiam) in obsequium Christi. 2. Cor. 10
- 9 Facebant, dixit recte S. Ambrosius, Dialectici, ubi credendum
Ambrosii dictum. est piscatoribus Apostolis.
- 10 EX Prædicabilium doctrina sequeretur pulchre, Deus est homo,
ergo est animal rationale, sensitivum, animatum, corpus, sub-
stantia scilicet creata.
- 12 Sed quia Christianis sobrie, & (ut Augustinus docet) secun-
Augustini dictum. dum præscriptum est loquendum, tales consequentiæ sunt simplici-
ter negandæ.
- 13 Nec utendum nec fruendum est subtilibus istis inuentis de supposi-
tione mediata & immediata, in rebus fidei.
- 14 Sunt enim logomachia & kenophonæ in Ecclesia periculosa &
*Logomachia in Ec-
clesia periculosa.* scandalis plenæ.
- 15 Sed ubi ubi impingit uel forma syllogistica uel ratio philosophi-
ca, dicendum est ei illud Pauli, Mulier in Ecclesia taceat, & illud:
Hunc audite.
- 16 Impingit quidem Theologia in Philosophiæ regulas, sed ipsa
uicissim magis in Theologiæ regulas.
- 17 Iste Syllogismus expositivus, Pater in diuinis generat, Pater est
essentia diuina, Ergo, essentia diuina generat, est bonus.
- 18 Et tamen præmissæ sunt ueræ, conclusio falsa, & ita ex uero se-
quitur falsum contra Philosophiam.
- 19 Iste Syllogismus communis, Omnis essentia diuina est Pater, Fi-
lius est essentia diuina, Ergo Filius est Pater, est bonus.
- 20 Sed præmissæ sunt ueræ, & conclusio falsa, & uerum uero hic
prorsus non consonat.
- 21 Non quidē uitio formæ syllogistice, sed uirtute & maiestate mate-
riæ, quæ in angustias rationis seu syllogismorum includi non potest.
- 22 Ut quæ sit, non quidem contra, sed extra, intra, supra, infra,
citra, ultra omnem ueritatem Dialecticam.
- 23 Iste Syllogismus: Quidquid factum est caro, factum est creatura,
Filius Dei factus est caro, Ergo Filius Dei est factus creatura, est
bonus in Philosophia.
- 24 Ac si possit subtilibus kenophonis Sophistarum defendi, tamen
non debet tolerari in ecclesia Dei.
- 25 Multominus iste ferendus est, Omnis caro est creatura, Verbum
est caro, ergo, Verbum est creatura.
- 26 Nec iste: Omnis caro est creatura, Verbum non est creatura, er-
go, Verbum non est caro.
- 27 In his & similibus syllogismis est forma optima, sed nihil ad ma-
teriam. Eundem

VERBUM CARO FACTUM EST CCCCCLXVIII

E Vndum ergo est ad aliam Dialecticam & Philosophiam, in articulis fidei, quæ uocatur uerbum Dei & fides.	28
Hic sistendum est, & disputationes Philosophiæ contrariumcludentes, pro ranarum coaxatione habendæ.	29
C Ogimur tamen etiam in alijs artibus negare, quod idem sit uerum in omnibus.	30
Falsum est enim, & error in genere ponderum, puncto & linea mathematica appendi posse pondera.	31
Falsum est & error in genere mensurarum, Sextarium pedali uel ulnari mensura metiri.	32
Falsum est & error in genere linearum, untialis uel libralis comparatio.	33
Quin falsum & error est, quod linea recta & curua sint proportionales.	34
Et quadratores circuli, licet non falsum dicant, dum lineam rectam & curuam, uocant utranq; lineam.	35
Tamen hoc falsum est, si lineæ rectæ & curuæ proportionem facere uolunt.	36
Deniq; aliquid est uerum in una parte Philosophiæ, quod tamen falsum est in alia parte Philosophiæ.	37
Humor humectat, est ueritas in sphaera aeris, sed manifesta hæresis in sphaera ignis.	38
I Ta per singula artificia uel potius opera si transeas, nunquam inuenias, idem esse uerum in omnibus.	39
Quanto minus potest idem esse uerum in Philosophia & Theologia, quarum distinctio in infinitum maior est, quam artium & operum.	40
R Ectius ergo fecerimus, si Dialectica seu Philosophia in sua sphaera relictis, discamus loqui nouis linguis in Regno fidei extra omnem sphaeram.	41
Alioqui futurum est, ut uinum nouum in utres ueteres mittamus, & utrunq; perdamus, ut Sorbona fecit.	41
Affectus fidei exercendus est in articulis fidei, non intellectus Philosophiæ, tum uere sciatur, quid sit, Verbum caro factum est.	42

DISPUTATIO THEOLOGICA D. MARTINI LUTHERI.

Quod in Christo duæ naturæ sint, diuina & humana sic unitæ, ut Christus sit una Persona.

Item de communicatione idiomatum.

Cc iij

FIDES

DISPUT. DE M. L. DE DVA. NATV.

1 **I**des Catholica hæc est, ut unum Dominum Chri-
stum confiteamur uerum Deum & Hominem.

2 Ex hac ueritate gemine substantie & unitate Per-
sonæ, sequitur illa, quæ dicitur communicatio idio-
matum.

3 **V**t ea quæ sunt hominis, recte de Deo, & econ-
tra, quæ Dei sunt, de homine dicantur.

4 Vere dicitur, Iste homo creauit mundum. Et Deus iste est pas-
sus, mortuus, sepultus &c.

5 **N**on tamen hæc rata sunt in abstractis (ut dicitur) humanæ nas-
turæ.

6 Non enim dicere licet, Christus est sitiens, seruus, mortuus, er-
go est sitis, seruitus, mors.

7 Vnde & illa damnatur, Christus est humanitas, etiam si dicatur,
Christus est diuinitas.

8 Licet homo & humanitas sint alias synonyma, sicut Deus & di-
uinitas.

9 **I**n diuinis prædicatis seu idiomatibus non est differentia talis inter
concreta & abstracta,

10 Quamuis & Scriptura & Patres aliquot in multis prædicatis hu-
manæ naturæ, nihil distinguant inter concreta & abstracta.

11 Symbolum canit : Tu ad liberandum suscepturus hominem,
Idem sæpe facit Augustinus.

12 Cum Regula (ut uidetur) dicendum dicter : Tu ad liberandum
suscepturus humanitatem, seu humanam naturam.

13 **I**ta non uerentur aliqui dicere : Christus est creatura, cum dicen-
dum uideatur, Christus est creatus.

14 Et Iohan. 1. dicit. Verbum caro factum est, cum diceretur aptius, ^{104.1.}
(nostro iudicio) Verbum est incarnatum, seu carneum factum.

15 **R**ecte docetur, in hac causa ualere usum loquendi in Scripturis &
Patribus orthodoxis seruatum.

16 Quin & Patribus (quos constat orthodoxos esse) conceduntur,
quæ nobis non liceat imitari.

17 **Q**uare cauendum est in hac re ab etymologia, analogia, consequen-
tia & exemplis.

18 Sicut in Grammatica quædam nomina eteroclica & uerba anos-
mala, non patiuntur etymologiam, analogiam, seu exemplum.

19 Et uniuersaliter in omni genere rerum & artium, usus sæpe præ-
scribit contra Regulam.

20 **C**ertum est tamen, omnia uocabula in Christo nouam significatio-
nem accipere in eadem re significata.

Nam

IN CHRISTO ET DE COMPOSITO IDIOMATE CCCCCLXIX

Nam creatura ueteris linguae usu, & in alijs rebus significat rem
a Diuinitate separatam, infinitis modis. 21

Nouae linguae usu significat rem cum Diuinitate, inseparabiliter
in eandem personam ineffabilibus modis coniunctam. 22

Ita necesse est uocabula, homo, humanitas, passus &c. & omnia
de Christo dicta, noua esse uocabula. 23

Non quod nouam seu aliam rem, sed noue & aliter significant,
nisi id quoque nouam rem dicere uelis. 24

STulte cauillatur Schwenckfeld cum suis Batrachomomachis, Christum
secundum humanitatem dici creaturam. 25 *Schwenckfeld*

Homo sine literis, disciplinis, sine sensu quoque humano, nescit
discernere inter uocabula aequiuoca. 26

Qui enim dicant, Christum esse creaturam, ueteris linguae usu
id est, separatam, nulli unquam fuerunt Christiani. 27

Quin omnes hoc modo acerrime impugnant, Christum esse cre-
aturam, quod Arriani docuerunt. 28

Patet ergo Schwenckfeld in uacuum chaos latrare contra sua
somnia propria, de creatura in Christo. 29

Et homo sui immemor, concedit Deum esse carnem factum, cum
carnem esse creaturam nondum audeat negare. 30

Sed occultus Eutyches habitat in talibus haereticis, negare para-
tis aliquando, Verbum esse carnem factum. 31

In speciem concedunt, Verbum esse carnem factum, olim id ne-
gaturi, obtento theatro, post negatam in Christo creaturam. 32

HOC igitur in his rebus ineffabilibus praestandum est, ut Pa-
trum dicta (sicuti opus est) commode interpretemur. 33

Sceleratum est, cum noueris pium & sanum esse alicuius sensum
ex uerbis incommode dictis statuere errorem. 34

Nulli enim fuerunt unquam Patres aut Doctores, qui non im-
proprie sint locuti, si dicta eorum cauillari uelis. 35

Sedulius Poeta Christianissimus canit: Beatus autor seculi, seruale
corpus induit, idque per totam Ecclesiam. 36 *Sedulius.*

Cum nihil possit magis dici haereticum, quam humanam natu-
ram esse uestem Diuinitatis. 37

Non enim uestis & corpus constituunt unam Personam, sicut
Deus & Homo constituunt unam Personam. 38

Tamen piissime sensisse Sedulium, caetera carmina probant eui-
dentissime. 39

EAdem ratione haereticum esset uulgatum illud, Tota trinitas ope-
rata est incarnationem Filij, Sicut duae Puellae, tertiam induunt,
ipsa simul sese induente. 40 *Bonauentura.*

Ita

DISPUTATIO Dⁱ Mⁱ Lⁱ

41 Ita Scholaſtici aliqui , dum Diuinitatis & humanitatis habitu-
dinem ſentiunt, ſimilem eſſe unioni formæ ad materiam, non poſſent
defendi.

42 Alij contra eſſe habitudinē ſimilem materiæ ad formam , multo
ineptius , ſi iudicentur rigide , loquuntur.

43 *Cyprianus.* NEq; illa conſisteret , ubi Diuinitatem igni , & humanitatem ferro
ſimilant , etiamſi ſit pulcherrima ſimilitudo,

44 *Athanaſius.* Neque illam ferre liceret , quam Athanaſius ponit , Sicut ani-
ma rationalis & caro unus eſt homo , Ita Deus & Homo unus eſt
Chriſtus.

45 Omnes enim negant Chriſtum eſſe compoſitum , etſi conſtitu-
tum affirmant.

46 NVlli uero inſulſius loquuntur , quam Moderni, quos uocant , qui
omnium uolunt ſubtiliſſime & propriiſſime loqui uideri.

47 Hi dicunt , humanam naturam ſuſtentari ſeu ſuppoſitari a diui-
na Natura , ſeu ſuppoſito diuino.

48 Hoc & portentose dicitur , & cogit pene Deum uelut portare ,
uel geſtare humanitatem,

49 SED omnes illi recte & catholice ſapiunt , ideo condonanda eſt illis
incommoda locutio.

50 Quia rem ineffabilem uolebant effari , deinde omnis ſimilitudo
claudicat , nec unquam (ut dicunt) currit quatuor pedibus.

51 SI non placet , uel non intelligitur iſta , Chriſtus ſecundum quod
Homo , eſt creatura , conſulatur Grammaticus.

52 Is eandem rem uarijs modis eloqui doctus , iubeatur quam po-
teſt ſimpliciſſime loqui.

53 Vt Aethiops ſecundum dentes eſt albus , poteſt Grammaticus
aliter ſic dicere , Aethiops eſt albus dentibus , uel albo rum dentium ,
uel albis dentibus.

54 Quod ſi hoc non placet , dicat , Aethiops habet albos dentes, uel
dentes in Aethiope albēt, uel ſimpliciſſime, dētes Aethiopis ſunt albi.

55 Cum omnibus iſtis formis dicendi , eandem rem ſignificare uelit
autor , fruſtra quæritur in uerbis contentio.

56 ITa , cum nihil aliud uelint iſtæ formæ lucutionis , Chriſtus ſecun-
dum quod Homo , uel ſecundum humanitatem , uel humanitate ,
uel per humanitatem , uel in humanitate , eſt creatura , quam , quod
habet creaturam , uel aſſumpſit creaturam humanam , Vel quod ſim-
pliciſſimum eſt , humanitas Chriſti eſt creatura , Contemnendi ſunt
Prauilogicales , qui diuerſis formis Grammaticæ loquendi , diuerſas
aſſingunt in eadem re ſententias.

57 *Hieronymus.* Igitur in ſenſu , non in uerbis eſt hæreſis , ut recte dixit S. Htero.
a ſuis calumniatoribus exagitatus. Alioqui

QVOD SOLA FIDE IVSTIFI- CCCCCLXX

Alioqui maximus sit hæreticus Moses, qui Decalogum ipsum, 58
diuersa forma recitat, Exod. 22. & Deut. 5.

EContra, si quis reprobis sensu, etiam commode locutus fuerit, 59
ipsamq; Scripturam iactarit, tolerandus non est.

Christus enim nec Demonia sinebat loqui, cum testaretur ipsum 60
esse filium Dei, ut transfigurantia sese in Angelos lucis.

Tanta est simplicitas & bonitas Spiritus sancti, ut homines sui, 61
dum falsa loquuntur (Grammaticæ) uera loquantur sensu.

Tanta est uersutia & malicia Satanæ, ut homines sui, dum ue- 62
ra loquuntur (grammaticæ, id est, uerbis) mendacia loquantur theo-
logice, id est, sensu.

Hic potest dici: Si mentiris, etiam quod uerum dicis, mentiris: 63
Econtra, si uerum dicis, etiam quod falso dicis, uerum dicis.

Hoc est quod dicitur, hæreticum esse, qui Scripturas aliter in- 64
telligit, quam flagitat Spiritus sanctus.

Anno M. D. XLIII.

ALIA THEOLOGICA DISP V- tatio D. Martini Lutheri.

Quod sola fide nos iustificemur.



Illium David sedere a dextris Dei, est filium Dei re-
surgere a mortuis.

Resurrectio eius a mortuis, est nostri iustifica-
tio, per fidem solam.

Sola fide nos iustificari, est omnes iusticias legis
& hominum condemnari.

Explodenda est fides informis, tam acquisita quam infusa.

Magis tamen infusa q̃p̃ acquisita, cum illa nihil, ista aliquid sit.

Fides acquisita, ut nihil sit aliud, certe uox Euangelij relictæ in
cordibus est, assidue monens ad uere credendum.

Quin & spes & charitas infusæ (sensu Sophistarum intellectæ)
explodendæ.

Donæ Dei sunt uiuifica & energica, non stertentia, uera Fides, Spes
Charitas.

Illæ enim & ociosæ dormitant sine acquisitis, & dubitare de
Deo docent.

Hæ autem operosæ sunt, & plerophoriam cordium statuunt.

Soli tamen fidei tribuenda est imputatio iusticiæ.

Si imputatio tribuitur fidei informi cum inchoata charitate, tri-
buetur legi & operibus eius.

Mox

Fides infusa acqui-
sita.

or

ix

DISPVATIO Dⁱ Mⁱ Lⁱ DE FIDE

12 Mox enim sequetur, ieiunium uel eleemosynam imputari propter fidem informem coniuncta charitate.

13 Ita redibit uniuersa lerna scholasticæ & monasticæ Theologiæ.

14 Quin iterum Christus ueniet pro denario indulgentiali & mis-
15 sario.

16 Charitas enim operibus suis erga proximum exercetur, ideo facilis est lapsus per eam in mercenariam prauitatem.

17 Fides autem exercetur erga Deum, ideo gratis accipit & facit omnia, nec potest sese uendere aut tradere alteri.

18 Imputata autem primo iusticia, & persona acceptata, mox & omnia per eandem grata sunt, uirtute imputationis.

Legista purus.

Ratio sibi relicta, ex lege data format sibi imagines masculinas, ut Ezechiel dicit, id est, idolatriam & præsumptionem.

19 Omnis enim Legista purus, est superbus & cæcus idolatra, qui omnia intelligendo nihil intelligit. Ezech. 16.

20 Fingit siquidem, per legem prohiberi solum futuram idolatriam & iniquitatem, de præterita & præsentis est securus.

21 Imo ex præsentis & præterita facit futuram summam iusticiam.

22 Ratio uere legem sentiens, uel intelligere incipiens, fugit Deum, & ruit in desperationem.

23 Nihilo tamen minus legis administratio, comminatio, increpatio est necessaria, ut peccatum agnoscatur.

24 Non enim nos sumus, qui loquimur, sed qui gratuito omnia donat, ipse omnia gratuito per nos facit & loquitur.

25 Non enim longe abest ab unoquoque nostrum, dum legem eius audimus siue intus, siue foris.

26 Cum in ipso simus, uiuamus & moueamur, ipse quoque nouit ho- Adæ. 17.
ras & momenta, quibus corda tangi oportet.

27 Hoc falluntur impij, qui Deo longe alibi agente, hominis uerbum sese putant contemnere.

28 Et si multi sunt, qui scientes ueritatem Dei agnitam contemnunt, & impugnant, ipsumque tactum Spiritus sancti repellunt.

29 His nulla est reliqua uenia, nec excusatio, quod natura per sese nihil boni possit.

Anno M. D. XLIII.

ALIA DISPVATIO THEOLOGICA D. MARTINI LVTHERI.

De Fide iustificante, & fide miraculorum.

NON



On possunt ea uitia , quæ Paulus numerat. 1. Cor. 13. contraria charitati , regnare cum fide Christi.

Sunt enim non leuiores , quam quæ in Gentilibus , superbis , iracundis , inuidis , impijs inueniuntur.

Et stultum esset a Paulo talem fidem iactari , quæ tales homines faceret , uel esse sineret.

Fides Christi affert remissionem & mortificationem peccatorum , per Spiritum sanctum.

Qui ueterem hominem cum suis concupiscentijs & crucifigit , & renouat ad imaginem Dei.

Quare fides Christi sine charitate non consequente , prorsus nulla erit.

Etsi Spiritus , seu dona eius , donari & adesse possunt , absq; fide Christi & charitate.

Vt fides sine charitate esse non potest , ita Fides illa fructus charitatis , sine charitate esse non potest.

Possunt enim impij docere sana , Sacramenta administrare , sacram regere Ecclesiam.

Quin & Mirabilia & maiora faciunt , dum sunt in officio uel coetu Ecclesiæ , quam priuatus fidelis.

Fides Christi primum tantum suo possessori prodest , ad iustificationem sui solius.

Ministerium uero , etiamsi non prodest suo possessori , prodest tamen alteri ad salutem.

Post uero iustificatam Personam efficax est per charitatem erga alios , id est , Deum & proximum.

NEc minora sunt Miracula (reuera) quæ facit fides efficax per charitatem , quam montes transferre & similia.

Scilicet , uitia ista numerata expugnare & uincere , & in iusticiæ obedientia triumphare.

Nam peccatum , mundum , Diabolum uincere , longe maius est , quam montes transferre.

Imo Deum & proximum gratuito & perseueranter diligere , hoc est plane mortuos suscitare.

Hoc non potest fides illa (quam Paulus manifestationem spiritus uocat , ad utilitatem Ecclesiæ datam ,)

Clare enim dicit , tales qui sunt , uicij iræ & superbix subiectos esse.

Quatenus et quantum caro & ratio diligit Deum et proximum , eatenus & tantum diligunt.

DISPUTATIO D. M. L. DE FIDE

21. Hoc est, iram Dei & offensam proximi non ferunt, nec perseque-
rant amando, imo odio & superbia replentur,

22. Quo tempore non statuunt se diligere a Deo, nec proximum amo-
re, sed odio & contemptu dignum iudicant.

23. Fidem hanc publicæ utilitatis, similem esse dicerem motibus il-
lis, quibus heroici homines excitantur.

24. Necessè est heroicis viros fiducia quadam singulari excitari, si
quid magnum & memorabile sunt facturi.

25. Nec enim Thersita faceret quæ Hector uel Achilles fecerunt,
etiamsi vires & sapientiam eorum haberet.

26. Multis non desunt vires & sapientia, qui tamen afflatu illo seu
fiducia animi carent, & nihil faciunt.

27. Sic Deus suscitavit spiritum Regum Medorum (ait Propheta)
Reges Medorum. contra Babylonem.

28. Sic Naëman Syrus adhuc idolatra, Deo excitante & donante sa-
Næman Syrus. lutaris est Syriæ.

29. Etiam in Gentibus ingratis dispersit semper excellentia dona &
miraculis similia.

30. Quanto magis populo suo, tam per pios quam per impios ma-
gna facere & donare potest.

31. Igitur diuisiones gratiarum, ministeriorum, operationum gra-
tuita & publica dona sunt, quibus Ecclesiæ utilitati seruitur.

32. Fides Christi donum est unicuique proprium, in quo uiuit, Ro. 1.

ALIA DISPUTATIO THEO- LOGICA D. MART. LUTHE.

Anno M. D. XLIII.

De mysterio S. Trinitatis, incarnatione Filij, & de Lege &c.



1. Disputationes de articulis fidei, extinctas noluit
Deus Pater, dum dicit de Filio suo: Hunc audite.

2. Sed hunc Doctorem non equaliter audiunt omnes,
& sunt semper aliqui infirmi, quos cribret Satan.

3. Opus est igitur perpetuo in Ecclesia ministerio
uerbi, quo curetur infirmi, et resistatur aduersario.

4. Sic Christus Dominus ipse, pro infirmis (non egens disputatio-
ne) sæpius contra Phariseos disceptauit.

5. Indisputabilis ueritas est, Vnum esse Deum & trinum, omnium
Verus Deus & tri-
nus. Trinum, extra se, Creatorem unicum,

Ac si hic aliquid diceretur improprie, tamen res ipsa defenden-
da est per Scripturas contra Diabolum.

Hæc

DE MYSTERIO S. TRINI. CCCCCLXXII

Hæc unitas Trinitatis (ut sic dicamus) est magis una, quam ullius creaturæ, etiam mathematice unitas. 7

Simul nihilominus hæc unitas, est Trinitas, seu trium Personarum distinctarum Diuinitas. 8

Vt quælibet Persona sit ipsa tota Diuinitas, ac si nulla esset alia. 9

Et tamen uerum est, Nullam personam esse solam, quasi alia nō sit, diuinitatem. 10

HÆc distinctio Personarum adeo magna est, ut sola Filij persona assumpserit Hominem. 11

Error est enim, quod uel Pater sit Filius, uel Pater sit homo factus. 12

Error itaq; est uniuersa Mathematica, ipsaq; fortiter crucifigenda, dum de ipso Deo quæritur. 13

Leuiter & frigide consolantur nos Scotus & Scholastici cum suis distinctionibus formalibus & realibus. 14

Scotus.

Quin Magister Sententiarum non satis recte docuit, Essentiam diuinam nec generare nec generari. 15

Sed recte ab Ioachim Abbate reprehenditur, quod in Diuinis quaternitatem asseruerit. 16

Ioachim.

Nec quidquam facit C. Firmiter de Trinitate, probans Magistrum & damnans Abbatem. 17

Abbas.

Cum enim negare ex Augustino non potuit Magister, substantiam de substantia, sapientiam de sapientia generari. 18

Augustinus.

Nullo modo potuit negare, essentiam de essentia, & quidquid de Deo uero, tam simile dici potest. 19

Præterquam, quod omnia alia suspecta sunt, quæ ista abominatio in loco sancto stans determinauit. 20

Metuit (ut uidetur) Magister, ne duæ uel tres Essentiæ dicerentur, si una de alia nasceretur. 21

At similiter illi metuendum fuit, ne Duo uel tres Dñi fierent, si unus de alio generaretur. 22

Concedimus essentiam in creatura, non dici relative (ut Augustini uerbo utar) sed absolute tantum. 23

Sed cum substantiam, sapientiam, naturam & similia in diuinis apud Augustinum & Hilarium accipi relative uideret. 24

Hilarius.

Non erat, cur Essentiam negaret relative dici, & ob unum uocabulum tantas turbas moueret. 25

Vnde & Cardinali Cameracensi, doctissimo inter Scholasticos ista determinatio non iniuria ualde displicuit. 26

Card. Cameracensis.

Solius ergo Persona Filij, uerbum coæternum Patri & Spiritui sancto, factum est caro. 27

Dd ij

Tantæ

DISPUTATIO D. M. L.

28 Tantæ molis erat perditum Hominem redimere, ut talis & tanta Victimæ pro eo esset necessaria.

29 **Q**uocirca impossibile erat per legem, seu iusticiam legis, pro peccato satisfieri.

30 Quin per legem potius augebatur peccatum & damnatio hominis, usq; ad inferni nouissima.

31 Nihilominus lex iusta, sancta, bona, a bono, iusto & sancto Deo.

32 Iusticiam Legis, etiam cæremonialem, atq; nunc civilem exigit, & serio mandat seruari.

33 Quamuis sciat eam esse coram se stercus & detrimentum, ut *A. Philip. 1.* apostolus loquitur.

34 Scilicet, ne gloriatur in conspectu eius ulla Caro de iusticia & sapientia legis, id est, de stercore suo, damnato pariter cum ipso. *Philip. 3.*

35 *Iustitia traditionū humanarū est stercus Diaboli.* Quanto magis terq; quaterq; stercus est iusticia traditionum humanarum, quæ est stercus Diaboli.

Relatiue igitur iusticia legis est intelligenda, id est, obedientia legis, siue etiam magistratus.

37 Pro hac temporali uita, quæ tota est & mors & miseria, seruanda est, ut pacem istam habeamus.

38 Sed coram Deo sciamus, nos cum iusticia nostra legali esse stercus, opprobrium & confusionem.

39 **Q**uare iusticia nostra & gloria coram Deo est sola uictima illa, Filius Dei, fide pura apprehensus.

40 Post hanc fidem, accepto Spiritu sancto; iam placet obedientia legis, non sua dignitate.

41 Multum enim hæret in ea stercoreis & detrimenti, id est, indignitas ueteris hominis.

42 Sed quod dignitas uictimæ præponderet in infinitum stercorariæ nostræ indignitati.

43 Atq; si iusticia legis, præ superbia & uanitate sensus, posset sese pro stercore iudicare, iam non imputaretur.

44 Deus enim misericors & iustus, suscitatur de stercore pauperem, ut collocet eum cum Principibus populi sui. *psal. 146.*

45 Sed non id sinit fieri ceruicosa & indomita superbia iusticiæ & sapientiæ legis seu operum.

46 Sola enim sapit & sancta est, ideo sola & stulta est, & damnatur æternaliter.

47 Et relinquitur uirtus uictimæ penes peccatores, propter quos uenit in mundum, ut saluos eos faceret.

Anno M. D. XLIII.

DISPV.

PERSONARVM IN DIVINI CCCCCLXXIII. DISPV TATIONES

DVAE DE VNITATE ESSEN

tiae Diuinæ, & de distinctione Personarum in Di-
uinitate, fideliter explicatæ a Martino
Luthero uiro Dei.

Anno M. D. XLV.

I.



Scriptura sancta docet esse Deum simplicissime u-
num, & tres (ut uocant) Personas, uerissime di-
stinctas.

Harum Personarum quaelibet totus est Deus, ex-
tra quam nullus est alius Deus.

Nec tamen dici potest, quamlibet Personam so-
lam esse Deum.

Hoc enim idem esset dicere, Deum nullum esse, cum qualibet
Persona exclusa totus Deus esset exclusus, & quaelibet Persona esset
exclusa.

Hic enim ratio corrupta originali peccato, captiuanda, imo ex-
tinguenda est cum sua luce & sapientientia in obsequium fidei.

Aliud est dicere: Vna Persona est totus Deus, & una Persona
sola est unus Deus.

Quomodo autem distinguatur Persona a Diuinitate ipsa, non
est rationis inquirere, nec Angelis comprehensibile.

Imo periculosum & cauendum est ibi, ullam esse putari distin-
ctionem, cum sit quaelibet Persona ipsissimus & totus Deus.

Frustranea est cogitatio & nihili, Scoti & similium, qui forma-
lem uel aliam distinctionem hic finxerunt.

Scotus.

1. Tim. 1.

Nesciunt quid loquantur uel affirmant, dum talibus sapientiæ
pharmacis rationem iuuare uolunt.

Nam utcumq; ista subtiliter dici uideantur, ratio tamen non
capit distinctionem formalem esse aliam, quam realem seu essentialē.

Quia ratio non capit, unam rem indistinctam, esse tres res di-
stinctas.

Excludenda est igitur Mathematica, & omnis totius creaturæ
cogitatio, in credenda Diuinitate.

Quamuis nō minus impossibile uideatur, inter has tres res unius
simplicis essentiae, unam sine alia factam hominem.

Vere tamen impossibilius est, unam indinctam rem, esse tres res
distinctissimas.

Dd iij

¶ Credere

DISPVATIO D. M. L. DE DISTIN.

16 Credere igitur Filium Dei esse hominem factum, minus est, q̄
credere, ipsum esse Patri & Spiritui sancto consubstantialem.

17 Quod Dialectica arguit, hæc suis Regulis non quadrare, dicen
dum est, Mulier taceat in Ecclesia.

18 Nihil mirum, si Arrius, Iudæus, Mahometh, & totus Mun
dus, negent Christum esse Deum.

19 Iudicat enim cæcus de colore, & Creatorem in seipso subsisten
tem, æstimant similem creaturæ, quæ ex nihilo constat.

20 Mouent quidam, An dicendum sit: Pater semper genuit, uel ge
nerat Filium, uel, An Filius semper natus sit, uel semper nascatur.

21 Alterum modum loquendi qui tenent, caussantur Filium Dei de
bere dici semper natum, quia præteritum tempus, perfectum, præ
sens, imperfectum noter.

22 Hilarius. Hilarius & alij audent dicere, Filium semper nasci ex Patre, &
uiuum ex uiuo uiuere, & ex innascibili nasci.

23 Sed puto hanc esse magis grammaticam uel philosophicam, q̄
theologicam controuersiam, qua caro seu ratio mouetur.

24 Cum certum sit, in Diuinitate, quia ipsa æternitas est, nullum
esse locum Grammaticæ uel Philosophiæ, ubi idem est, præteritum,
præsens & futurum.

25 Vnde præteritum tempus, Natus, de Filio, idem facit quod Na
scitur præsens, & Nascetur futurum.

26 Quia idem Filius est ab æterno, in æternum natus, nascens, na
sciturus, id est, æternus ex Deo Deus.

27 Sicut recte de Deo dicitur nobis: Deus mansit, manet, manebit,
cum nihil aliud significetur, quam esse Deum semper seu æternum.

28 Suum fuisse est semper esse, suum futurum est semper fuisse,
suum præsens est semper fuisse & futurum, id est, æternum.

29 Iehoua. Hoc est illud nomen Iehoua, quod sacrum Tetragrammaton &
ineffabile dicunt Iudæi, etiamsi quid dicant, non intelligant.

30 Sensit & Aristoteles, æternum seu infinitum, in quantum eius
modi, esse ignotum & incomprehensibile.

31 Imo affirmat infinitum seu æternum, in quantum huiusmodi,
existere non posse, & secundum rationem uisus est recte dicere.

32 Sed consequentiam non uidit, uel potius uidere noluit, scilicet q̄
apud rationem ex hoc sequitur, Deum non esse, nec esse posse.

33 Ideo tam frigide ubiq̄ de Religione disputat, & in cute perfe
ctus est Epicurus.

34 Concedit tamen, infinitum potentia, & esse & cognosci posse,
& si iterum hic mundi æternitas eum confudit.

S. Pau.

PERSONARVM IN DIVIN. CCCCCLXXIIII

S. Paulus Rom. 1. recte dicit : Notum Dei manifestum esse Gen- 35
tibus, id est, uirtutem eius æternam & diuinitatem.

Sed ea notitia, obscura, & ex parte est (quanquam & fidelium 36
notitia suo modo ex parte est) sicut linea tangit sphæram totam, sed
in puncto, nec totum comprehendit.

Qui scrutando uolet non errare, nec a Maiestatis gloria oppri- 37
mi, is fide tangat & apprehendat Filium Dei in carne manifestum.

Hic enim splendor gloriæ paternæ, tangit obiectum, & fit ra- 38
dius reflexus illuminans omnem hominem uenientem in hunc mun-
dum.

DISPUTATIO THEOLOGICA

D. Mar. Luth. de distinctione Personarum
in Diuinitate.

II.

1. Cor. I.



Verbum in Diuinitate uocatur sapientia Patris, uel 1
ut S. Paulus ait, sapientia & uirtus Dei, 1. Corin. 1.

Non ita, ut Pater in sua persona, per Verbum & 2
non etiam per seipsum, sapiens uel sapientia sit.

Quælibet enim Persona est sapientia, uirtus, bo- 3
nitas Dei, sicut est & essentia, substantia, & quid-
quid de Deo dici potest.

Non patitur fides, ut persona Patris per se sit sine sapientia, 4
aut persona Filij sine potentia & uirtute, aut Spiritus sanctus sine ue-
traque.

Hoc esset dicere, Personas per se esse sine substantia, essentia, 5
æternitate, immensitate, maiestate, id est, sine Diuinitate & pro-
fus nihil.

Traditur igitur (ex S. Augustino) hæc Regula, Quidquid ab- 6
solute & non relatiue dicitur in Diuinis, id communiter dici & intel- *Regula S. Augusti-*
ligi oportere. *ni.*

Etiamsi communia nonnunquam ad discernendas & manifestan- 7
das Personas de ipsis dicantur, quæ uocant attributa.

Vt quia in Filio ostensa est, per carnem sapientia & uirtus Dei, 8
tribuitur ei sapientia & uirtus Dei.

Ita uirtus seu potentia personæ Patris tribuitur ex creatione, cū 9
ea sit communiter omnium trium, id est, unius Dei Creatoris.

Sic bonitas Spiritui sancto & uiuificatio tribuitur, cum ab hoc 10
communi opere Trinitatis non excludatur Pater & Filius.

Dd iij • Sane

DISPUTATIO Dⁱ Mⁱ Lⁱ DE DISTINⁱ

- II** Sane tamen intelligenda est Relatio in diuinis , & longe alia quā in creatura uel philosophia.
- 12** Relatio in rebus , non efficit rem , ut dicunt , Relatio est minime entitatis , & non per se subsistens , imo secundum Modernos est nihil.
- 13** In diuinis , Relatio est res , id est , hypostasis & subsistentia , nempe idem quod ipsa diuinitas , Tres enim Personæ , tres hypostases & tres subsistentes sunt.
- 14** Relatio hic arguit distinctionem rerum , sed res distinctæ probant esse relationem.
- 15** Non sequitur , Pater est sapiens in seipso , Ergo sapientia Patris in seipso , cum sit relatiua ad eum , est distincta res ab eo.
- 16** Sicut tamen recte dicitur , Filius est relatiuus ad Patrem , ergo est alia hypostasis a Patre , ita de Spiritu sancto.
- 17** Summa , per Rationem & Philosophiam de his rebus maiestatis nihil , per Fidem uero omnia recte dici & credi possunt.
- 18** *Incarpatio filii Dei* **P**ost articulū Trinitatis summus est ille de incarnatione Filij Dei , ubi finiti & infiniti (quod erat impossibile) facta est proportio.
- 19** Hæc persona finita simul & infinita , facta est peccatorum serua , & omnium rerum nouissima & infima , quod est incredibile , sed credentibus iucundissimum.
- 20** Idem est , ac si diceret , Ille qui solus est , & solus ex nihilo fecit omnia , solus factus est nihil & subter omnia.
- 21** *Articulus de Creatione.* Tamen articulus de Creatione rerum ex nihilo , difficilior est creditu , quam articulus de Incarnatione.
- 22** Et Christus per Incarnationem suam nos reducit in cognitionē Creatoris , qua cognitione Angeli beati sunt.
- 23** Quod fieri non potuit , nisi ipse per suam personam , qui est imago Dei . peccatum (quod mortis est regnum & uictoria) tolleret a nobis.
- 24** Peccatum enim excecavit naturam humanam , ut Creatorem amplius non cognosceret , etsi opus eius , præsertim gubernationis , a longe olfaceret.
- 25** Quin ipsum peccatum ignorat homo , & suam cecitatem putat esse summam sapientiam.
- 26** *Ira Dei.* Horrendum est sane , quod ira Dei totum genus humanū unius hominis uno peccato infectum , perditum & damnatum est.
- 27** Sed longe superat iræ huius magnitudinem , misericordiæ magnitudo , qua tanta persona Filius pro hominibus perditis factus est uictima.

Ratio

PERSONARVM IN DIVINI CCCCCLXXV

Ratio Dei ignorans, uidetur iuste murmurare contra Deum ceu 28
iniquum & saeuissimum tyrannum.

Multi solatium hic quaesierunt, ad iusticiam Dei cum misericor 29
dia conciliandam, sed extra fidem incarnati Dei ratio est nulla, sola-
tium est nullum.

Qui putant uicium & peccatum in natura haerere, quod sit ex 30
nihilō facta, parum absunt a contumelia Creatoris, cum ta-
le non sit in Angelis, sole, stellis & toto cœlo &c.

Qui cogitauerunt Animam ex traduce esse, uidentur non peni- 31
tus aliena a Scripturis sensisse, *Animā ex traduce
esse.*

Imo facilius defendent propagationem originalis peccati, quam 32
ñ, qui aliter sentiunt, cum (Augustino autore) peccatum originale *Augustinus.*
etiam impietas sit.

Augustinus fatetur sese ignorare, utra sententia certior & uerior 33
sit, nec fuit hactenus, qui eam quaestionem determinauerit.

Nam quod Hierony. sequuntur alij ex Psal. XXXIII. Qui 34
finxit singulatim corda eorum, nihil ad rem facere, satis patet. *Hieronymus.*

Determinationes uero Papæ & suæ Synagogæ, pro extermina- 35
tione seu execratione, iustissima causa habemus.

Necq; enim ius, necq; facultatem habet in doctrina fidei quicquā 36
decernendi, aut in Ecclesia Dei aliquid faciendi. *Papa non habet ius
decernendi in do-
ctrina fidei.*

Ius non habet, quia uocatus non est, necq; a Deo, necq; ab homi- 37
nibus, sed propria temeritate sese intrusit idolum & abominatio.

Facultatem non habet, quia Bestia indoctissima, & uenter sur- 38
dus ad Scripturam sanctam est, sicut asinus ad lyram.

Nec ferendus est in Ecclesia Pythagorismus ille, Ipse dixit, quo 39
solo regnat Papa, sed qui loquitur sermones Dei, ut ait Petrus, hic
audiendus est.

Igitur Papa est nullus, & omnia quæ dicit & facit, sunt nullitas 40
tes ipso iure, ut ius & natura una cum uerbo restantur.

Melius in hac re decerneret ratio & Poeta dicens, Patrem sequi 41
tur sua proles.

Constat, Prolem lege communi non modo faciem, sed & mo- 42
res & ingenium Parentum referre.

Vt nihil sit, quod dicitur, Anima intellectiua creando infundis- 43
tur, & infundendo creatur.

Quis hoc probauit, aut quis prohibebit simile posse dici, de o- 44
mni alia Anima?

Et difficiliorem facient quaestionem, Quomodo Deus non sit 45
iniquus, qui animam puram copulet carni, & ab extrinseco pol-
luat.

Quamuis

ARTICVLI LOVANIENSIVM

- 46 Quamuis istam rem sine periculo Christianus ignoret, cum S.
Augustino & uniuerſa Eccleſia.
- 47 Abſtinendum tamen eſt ab ea temeritate, quæ uergere poſſit in
contumeliam Creatoris.
- 48 Cum certum ſit, Deum etiam Angelos ex nihilo creaſſe, uictu-
ros æterna uita ſine corruptione.
- 49 Quæ difficultas Deum moretur, ne animam intellectiuam tum
ex nihilo, tum ex ſemine corrupto poſſit educere?
- 50 Sicut ſpîcam ureline uitiatam educit ex grano uitiato, ut & mul-
ta alia uitioſa ex uitioſis proueniunt.

ARTICVLI RELI- GIONEM FIDEMQVE

Papiſticam reſpicientes,

A Magiſtris noſtris eximijs Louauienſis Vni-
uerſitatis editi.

DE CANVS ET FACVLTAS

Matheologorum Louanienſium omnibus Pa-
piſticæ doctrinæ ſtudioſis S.



Agnas quotidie uires in his Regionibus accipit hæ-
reticæ peſtis contagium, ac niſi occurratur, futurum
proſpiciamus, ut hic breui plena ſint omnia, non ſo-
lum Lutheranorum, Oecolampadianorum & Ana-
baptiſtarum, ſed iſtorum etiam, qui nuper adhuc
obſcuris nominibus emergere cœperunt, Nec dici
poſteſt, quanto ſtudio teneantur multi clanculum monſtra iſta alendi.

Quare pro officio, quod in eccleſia Dei gerimus, uerbis paucis
complexi ſumus Articulos certos dogmatum, quæ propter hæreſes
dictas, ualde expedit hoc tempore a bonis & catholicis Concionato-
ribus populo (nam populi cauſa operam hanc ſuſcepimus) exponi,
fideliterq; & diligenter explicari, Quos quidem Articulos aliquan-
do ſuſius, pauloq; altius repetitis principijs, ampliare exponereq;
potuiſſemus, uerum hoc neceſſarium nobis uiſum non eſt, Quin
imo utiliſſe fore credidimus, ſi quam ſimpliciſſime proponerentur,
ad captum etiam imperitiſſimorum.

ARTI-

ARTICVLVS
PRIMVS.

REdendum est septem esse Ecclesiæ sacramenta à Christo instituta, quæ sunt, Baptismus, Confirmatio, Eucharistia, Pœnitentia, Extrema unctio, Ordo & Matrimonium. Per quæ quamuis externa & coporalia signa, Deus inuisibiliter, siue per bonos, siue per malos ministros, nostram salutem operatur.

Baptismus ad salutem omnibus est necessarius, etiã Infantibus, per quem peccata plene tolluntur, & fiunt filij Dei, ac hæredes uitæ æternæ; nec unquam est iterandus.

Pœnitentiæ Sacramentum (quod post Baptismum omnibus relapsis est ad salutem necessarium) complectitur Contritionem, Confessionem, & satisfactionem.

Contritio, est dolor de peccatis propter Dei offensam susceptus, cum proposito confitendi & satisfaciendi, non autem (ut quidam hoc seculo perniciose docent) terror conscientia, propter apprehensum gehennæ supplicium peccatis debitum, Præparat tamen hic terror & gehennæ metus, ad ueram animi contritionem.

Confessus diligentia legitimam adhibere debet, qua sacerdoti iudici suo, manifestet omnia peccata sua mortalia, etiã occulta cordis, ut ab eis per illum absoluator, cuius absolutionis minister est solus sacerdos, secundum Ecclesiæ ritum consecratus.

Satisfactio, est persolutio pœnæ, plerumq; adhuc debitæ, remissa iam culpa. Nam omnem pœnam peccato debitam semper condonari culpa remissa, erroneum est, & Scripturis sacris aduersatur.

Certa fide tenendum est, hominem habere liberum arbitrium, quo potest male & cum gratia Dei bene agere, & post mortale peccatum admissum, Deo adiuuante pœnitere, & peccatorum remissionem consequi.

Ad iustificationem ante omnia necessaria est in adultis fides, qua certo credimus Christum Ihesum Dei filium, nobis propiciatorem a Patre propositum esse pro peccatis nostris in sanguine ipsius, sine qua nullis nostris operibus, nullaq; pœnitentia, iustificatio obtineri potest, sicut nec fide sola sine pœnitentia & proposito uiuendi secundum mandata Dei.

Fides qua quis firmiter credit, & certo statuit propter Christum sibi remissa esse peccata, seq; possessurum uitam æternam, nullum habet in Scripturis testimonium, imo eisdem aduersatur, Etiam si firma & certa spe expectare debemus in hac quidem uita, per Sacramentum baptismi & pœnitentiæ, peccatorum remissionem, In seculo autem futuro, uitam æternam.

Itaq; quamdiu inter hostes nostros, & aduersarias potestates hic uiuimus, nulla nobis est securitas, sed cum timore & tremore, iuxta sententiam Apostoli, nostram salutem operari debemus. Et secundum uarias animorum nostrorum affectiones, nunc magis sperare, nunc magis timere, simpliciter tamen magis & frequentius de misericordia Domini sperandū est, quam formidandum de seueritate.

Opera bona omnibus adultis sunt ad salutem necessaria, & cum ex fidei & charitatis spiritu proficiuntur, ita grata sunt Deo, ut eis tanquam iustam mercedem uitam retribuat æternam.

Confirmatio & extrema Unctio sacramenta sunt à Christo instituta, sed non

ARTICVLI LOVANIENSIVM

sed non ut duo præcedentia ad salutem necessaria, ex contemptu tamen illa omittere, mortale peccatum est.

13 In eucharistiæ Sacramento est re ipsa uerum corpus Domini nostri Iesu Christi, illud ipsum, quod de Virgine natum, & in cruce passum est.

14 In Eucharistia non manent panis & uinum, sed hæc in Corpus & sanguinem Christi admirabili potentia uerbi ipsius sunt conuersa, manentibus tantum panis uiniq; speciebus. Vnde certa fide tenendum est, sacram Eucharistiæ sancte a nobis adorari, siue in Missa, siue extra Missam, ubicunque reposita fuerit, aut quoties in supplicationibus publicis a Sacerdote circumfertur.

15 Non est laicis necessaria ad salutem Communio sub utraq; specie, iustisq; de causis ab Ecclesia sancitum est, ut illis sub una tantum panis specie Sacramentum communicetur, in quo carnem & sanguinem, atq; ita totum Christum sub una specie sumunt.

16 Sacrificium Missæ ex institutione Christi, tam uiuis prodest, quam defunctis.

17 Solis Sacerdotibus secundum Ecclesiæ ritum ordinatis, data est a Christo potestas consecrandi uerum corpus Christi & sanguinem.

18 Matrimonium contractum & consummatum inter Christianos, est indissolubile, qualiscunq; fiat alter coniugum, siue adulter, siue sterilis, siue hæreticus.

19 Nunquam licet Christiano post diuortium contrahere matrimonium, uiuente eo, cum quo prius legitime contraxerat.

20 Matrimonia contracta contra Canones ipsa dirimentes, simpliciter sunt irrita & nulla.

21 Firma fide tenendum est, unam esse in terris uerā atq; catholicā Christi ecclesiā, eamq; uisibiē, quæ ab Apostolis fundata, in hanc usq; nostram ætatē perdurans, retinet & suscipit, quicquid de fide & religione tradidit, tradit & traditura est cathedra Petri, super quam ita a Christo suo sponso est edificata, ut in his, quæ fidei sunt & religionis, errare non possit.

22 Extra hanc nulli speranda est salus, suntq; extra eam hæretici, schismatici & excommunicati, Vnde uehementer formidanda est excommunicatio, nec humana, sed diuina est excommunicandi potestas.

23 Unus est Ecclesiæ summus Pastor, cui omnes obedire tenentur, ad cuius iudicium controuersiæ, quæ super fide & religione existunt, sunt referendæ.

24 Summam hanc præposituram primus omnium gessit S. Petrus, uerus Christi in terris uicarius, & totius familiæ eius Pastor. Post Petrum uero ex Christi institutione omnes deinceps Pontifices, Petri in cathedra successores.

25 Certa fide tenenda sunt, non solum quæ scripturis expresse sunt prodita, sed etiam quæ per traditionē ecclesiæ catholicæ credenda accepimus, & quæ definita sunt super fidei & morum negocijs per cathedram Petri, uel per Concilia generalia legitime congregata.

26 Constitutiones ecclesiasticæ de ieiunijs, festis, & abstinentia ciborum, alijsq; multis, obligant in conscientia, etiam extra casum scandali.

27 Recte fit in Ecclesia, quod Sanctos in cœlis cum Christo agentes ueneramur & inuocamus, ut pro nobis orent, quorum etiam meritis & intercessionem, Christus nobis hic multa largitur, alias non largiturus, per quos etiam miracula multa in terris operatur.

28 Quapropter sancte & religiose faciunt, qui loca eis dicata, una cum ipsorum reliquijs religiosa pietate uisitant, & hoc modo ab ipsis opitulationem quaerunt.

Gratus



DISPUTATIO D. M. L.

5 Et ubi non est promissio, ibi fides non esse potest, siquidem & bona opera, si in fide uerbi non fiunt, Deo non placent.

VII. Sacramenta. 6 Septem esse Sacramenta sine uerbo asseritur ab hæreticis & idolatris Louanienſibus.

Baptismus. 7 Baptisma est Sacramentum tam adultis quam infantibus dandū, ad remissionem peccatorum & salutem æternam.

8 Doctrina tamen synagogæ Louanienſium de baptismo, est damnanda ut hæretica.

Spiritus Anabaptistarum. 9 Hæreticum damnamus spiritum Anabaptistarum, ut qui propter hominum uſtia uel indignitatem damnat uerum baptisma.

10 Sic enim & Magistratum (imo & ministeriū uerbi) liceret damnare, propter peccatum uel indignitatem personæ, quod est seditiosum.

11 Stulta est consequentia, Baptisandus non credit, uel non est dignus, Ergo baptisma datum est nullum.

12 Etiam si antecedens huius consequentiæ in infantibus sit falsissimum & temerarium.

13 Certum est tamen, Magistrollos nostrollos neque hanc neque ullam aliam Sectam confutare posse, doctrina & eruditione Scripturarum.

14 Ideo compendio confutant, scilicet ferro & igne, cæde & sanguine ciuium, sicut scriptum est, Veloces pedes eorum ad effundendum sanguinem.

15 Hæc sunt arma militiæ eorum spiritualia, ut non sit necesse in Scripturis sese exercere, sed liceat indoctissimos Sophistas manere.

In Sacramento uere sumitur corpus & sanguis Christi. 16 In Eucharistia sacramento uenerabili & adorabili est, & exhibetur & sumitur uere, & re ipsa corpus & sanguis Christi, tam a dignis quam indignis.

17 Explodenda tamen & abominanda est doctrina Nostrollorum Louanienſium in usu huius sacramenti, cum sit prophanationis, hæresis, idolatriarum plenissima.

18 Ad digne percipiendum necessaria est fides, qua firmiter creditur promittenti Christo remissionem peccatorum & uitam æternam, ut sunt clara uerba in Sacramento.

19 Sine causa, imo sine uerbo, mera uanitate Magistrollorum docetur transubstantiatio panis & uini.

20 Rapere laicis alteram speciem, quibus Christus ipse totum Sacramentum dedit, est horrendissimum sacrilegium, & satanica tyrannis.

21 Hic enim maledicta lerna Louanienſium, non solum sine uerbo, sed con-

sed contra expressum mandatum Dei furit & sævit in rem & personas sibi non subiectas.

Non ecclesia Dei hoc sanxit, ut mentitur furor Louanienſium, cum Laici maior pars ecclesiæ hanc uim ferre cogatur a colluue peſſimorum hominum, & pauciſſima parte Ecclesiæ, imo nulla parte Ecclesiæ, sed parte omnium diabolorum. 22

Missam eſſe ſacrificium, ſine uerbo docetur, & quia de Scripturis autoritatem non habet, eadem facilitate contemnitur, qua probatur, ut ſic utar uerbo Hieronymi. 23 *Missam eſſe ſacrificium.*

Missam pro defunctis offerri, hæreticum eſt & blasphemum, insigniterq; mentitur lerna Louanienſium, eſſe a Christo institutam. 24 *Missam pro defunctis offerri.*

Mortui non manducant & bibunt, cum tamen Christus iubeat manducare & bibere in hac uita. 25

Nec S. Auguſtinus ſuos Libros uult æquari ſacris Literis, nec aliorum, aut ſua dicta pro articulis fidei teneri. 26

Et unde diabolica iſta arrogantia Noſtrollorum in alienos ſubditos, ſcilicet Christi, ut nobis hominum & ſuas opiniones æquare, imo præferre audeant articulis fidei? 27 *Auguſtinus.*

Hæreticos ſerio cenſemus, & alienos ab ecclesia Dei eſſe Cinglianos & omnes Sacramentarios, qui negant corpus & ſanguinẽ Christi, ore carnali ſumi in uenerabili Euchariftia. 28 *Cingliani & omnes Sacramentarii hæretici.*

Confutationes tamen Louanienſium ſanguinaria & incendiaria, pertinent ad parricidas, non ad eruditionem, quam in ſacris literis prorsus nullam habent. 29

Quem, quæſo, articulum hæreſis illi confutarent, qui ipſi ſunt pleni & diſtenti innumeris hæreſibus, blaſphemijs & idolatrijs? 30

Deinde nihil ex Scripturis, ſed omnia ex doctrinis hominum ruſtunt, uomunt & cacant in Eccleſiam, non ſuam, ſed Dei uiuentis. 31

Habent ergo Louanienſium furia Eccleſiam, habitaculum Dei, pro ſua cloaca, in quam, quaſi Domini eius, ſua ſtercora egerant, & propter illa eam occidunt, O furor furorum. 32

Confirmationem eſſe Sacramentum, ſine uerbo aſſeritur, Et ſententia Louanienſium mentitur eſſe a Christo institutam. 33 *Confirmatio.*

Scimus bonos & pios uiros, non uoluiffe ſententias ſuas (ut carne adhuc grauatos) pro articulis aut Sacramentis haberi, aliterq; dicturos fuiſſe ſi admoniti fuiſſent. 34

Poenitentiam cum uirtute clauium abſoluentium, Sacramentum libenter confitemur, habet enim promiſſionem & fidem remiſſionis peccatorum propter Christum. 35 *Poenitentia.*

DISPUTATIO DE MORALI

36 Quam fidem cum negent Louanienſes, ſunt Apoſtatae, Blaſphemi, Turcis, Iudaeis, Ethnicis deteriores.

37 Pœnitentia a Louanienſium ſynagoga tradita, ſcilicet quod ſit contritio, confeſſio, ſatisfactio, eſt nulla niſi Iudæ proditoris, Saulis, & ſimilium, deſperationis machina, Ideo ut hæretica eſt damnanda.

38 Nec quid contritio, confeſſio, ſatisfactio, promiſſio aut fides ſint, nouerunt, nec diſci poteſt ex ſterquilinio & cloaca Louanienſium, cum ſine uerbo dicantur omnia.

39 *Libertum arbitriū.* **L**iberum arbitrium ad bonum eſt nullum, Cum gratia autem poſſe in bonum, hoc eſt Magiſtrolliter aliud reſpondere, quam quaeritur in libertate arbitrij.

40 *Ritus ordinandi ſacerdotes miſſales.* **R**itus ordinandi ſacerdotes miſſales, id eſt, crucifixores Chriſti, eſt inordinatio Diaboli.

41 Ordo non eſt Sacramentum, ſed miniſterium & uocatio miniſtrorum Eccleſiæ i. Corin. 12. non habet promiſſionem remiſſionis peccatorum.

42 Ea uocatio legitime ſit ab Eccleſia, ſine raſura, unctura et alijs laruis, humana temeritate pro rebus ſacris & neceſſarijs, iactatis.

43 *Extrema unctio.* **U**ntio extrema non eſt Sacramentum, multo minus a Chriſto inſtituta, ut rudunt Magiſtri Noſtrolli.

44 Impiſſime & contumeliouſſime contra Chriſtum dicitur, Alio quod eſſe Sacramentum, & tamen ad ſalutem non neceſſarium.

45 *Matrimonium.* Matrimonium eſſe Sacramentum, ſine uerbo dicitur, & a Magiſtris Noſtrollis in ſpeculo Marcolſi uſum eſt.

46 Eſt uero matrimonium creatio, donum & ordinatio diuina, ſicut politia ſeu Magiſtratus.

47 In matrimonij cauſis, nihil habet Papa, multo minus bruta Magiſtrollia, ſtatuerere aut definire, ſicut nec in politia, quamuis etiam pro ruditate & inſcitia ſua non poſſint.

48 *Vna eccleſia Chriſti catholica.* **V**ere una eſt eccleſia Chriſti catholica in terris, ſed ad quam non pertinent hæretici & idolatrae Louanienſes, cum ſuo idolo abominabili Papa,

49 Cacolyca uerius eſt eccleſia Papæ & Magiſtrollorum, eccleſiæ Chriſti ſanguinaria aduerſatrix & uſtatrix.

50 Nec eſſe eſt Louanienſes eſſe craſſiſſimos porcos Epicuri, & proſus atheos, qui ſine timore tanta impudentia mentiuntur & blaſphemant, in conſpectu Dei & hominum.

51 Teſtis eſt illis ſua ipſorum conſcientia, Papatum non modo ſine uerbo, ſed & contra uerbum eſſe, Eccleſiæ inuectum,

Quin

CONTRA ARTI-LOVAN- CCCCCLXXIX

Quin & res ipsa simul testatur, nunquam fuisse Papam totius Ecclesiæ caput, quod tam impudenter asserunt Liripipia Louaniensium. 52

Ea, quæ articulo xxi. cum sequentibus octo, dicunt, sunt perfectæ Marcolfica, nec nisi in speculo Marcolfi uisibilia, simul tamen blasphema & idolatrica, 53

DE animabus & purgatorio, huius quam certi sunt Magistri nostrolli, ut qui heri de cœlo lapsi, & nuper ab inferis reuersi sunt. 54

Quia semel Scripturis abiectis, sibi licentiam sumpserunt somnia & uanitates humanas in articulos fidei transmutandi, nullum inueniunt modum neque finem articulorum. 55

VOta præcipue monastica & cælibatus sine mandato & uerbo per homines inuenta, barathrum sunt perditionis. 56
Vota Monastica.

Tum res ipsa, quæ mouetur, fucus & hypocrisis est, unde fructus secuti tali religione dignissimi, qualis est pudicitia, sanctitas, pietas Romanæ sedis & Collegiorum. 57

Vt castiora sint inuenta lustra Ganeonum & fornices meretricum, quam sint Romanæ Sodomæ, & Collegiorum Gomorræ. 58
Castitas Papistarum.

Paupertas quam uouent, est rapina orbis terrarum, & opes mundi, sicut scriptum est, Ecce peccatores abundantes in seculo obtinuerunt diuitias. 59
Votum paupertatis.

Atque has non haberent, nisi hæretici idolatræ, & blasphemus uentres essent. 60

Obedientia est, facere quod libuerit, præsertim si sit Magister noster, hic etiam Ecclesiæ dominus est, & Reges serui eius. 61
Obedientia.

Libertatem euangelicam S. Petrus & Paulus intelligunt non tantum a peccato & morte, sed etiam ab oneribus legis diuinæ per Moysen traditæ, multo magis a stercorebus traditionum & opinionum humanarum. 62
Libertas Euangelica.

Sed quia non fuerunt Louanialiter Liripipiati, & Marcolfum Nostrollorum nescierunt, ideo sunt iure hæretici ab hac Facultate adhuc declarandi. 63

Fides, qua quis statuit sibi remitti peccata propter Christum, est in omni Sacramento & uerbo necessaria. 64
Fides Christi.

Quod autem alma Vaccultas Louaniensium dicit, Scripturas ei aduersari, nimis subtiliter & magistraliter dicitur. 59

Significat enim hoc loco, Scriptura, illas tres sacramenta magistrollica, Birretum, Talarem, Liripipium. 62

Be in • Illa

DISPUTATIO D. M. L.

67 Illa enim Scriptura aduersatur eiusmodi fidei, & huius Scripturæ sunt ipsi Magistri, ex qua etiam omnes istos xxxij. Articulos sumptulerunt & concluderunt.

68 Fortasse malunt sibi peccata remitti incredulitate, propter Beelzebub principem Dæmoniorum.

69 Hic aperte uidemus, Louanienses bestias simpliciter abieciſſe Christianam religionem, & ex corde eſſe perditissimos paganos.

70 Vnum hoc recte faciunt, quod sibi (abiecto Christo) ne omnino sint athei, nouos Deos fingunt, & mortuos inuocant, Sanctos, non sanctos, nihil refert eorum.

71 Vt qualis est populus, tales habeat Deos, iusto iudicio Dei, cuius uerbum contemnunt, & blasphemant.

72 Hic cum Elia libet illis illudere, Clamate uoce maiore, sunt enim Dñi, orationem habent, res agunt, aut peregre profecti, aut certe dormiunt ut excitentur.

73 **Q**uam turpiter & æterna labe dedecorant Cæsaris Caroli tot populorum Principis clarissimum nomen, & suum seculum, cum prætexunt eum confirmasse tam sacrilega & satanica portenta eorum.

74 Non est Regum aut Principum etiam ueram Doctrinam confirmare, sed ei subijci & seruire, ut Psal. 2. dicitur, Et nunc Reges intelligite, erudimini Iudices terræ.

75 Multo minus illorum est, impia, blasphema, idolatrica dogmata confirmare aut tueri, imo contra illis cum Ecclesia resistere & damnare.

76 Disce ergo frater Christiane ab exemplo miserrimo Louaniensium, cauere ab hominum doctrina, & diligentius incumbere sacris literis.

FINIS.

. CATA.

FOLIO

CATALOGVS

SINGVLARVM PARTIVM,

quæ in hoc primo Tomo continentur.

QVæstio de Viribus & Voluntate hominis sine gratia, disputata a
D. Luthero, contra doctrinam Papæ & Sophistarum. Anno
M. D. XVI. 1. a.

ANNVS CHRISTI

M. D. XVII.

Epistola Lutheri ad D. Albertum Magdeburg. ac Mos-
gunt. Archiepiscopum. 1. b.
Disputatio Lutheri de pœnitentia & Indulgentijs. 2. b.
Protestationem Lutheri, huic loco fol. 5. a. propriam, quæ
re infra fol. 79. b.
Dux Terzelij Disputationes, oppositæ Lutheri sententiæ de
Indulgentijs. 5. a. b. 7. b.
Disputatio Lutheri contra scholasticam Theologiam &c. 9. b.

ANNVS CHRISTI

M. D. XVIII.

Dux Conciones Lutheri, Prior de Indulgentijs 11. b.
Posterior, de pœnitentia 13. a.
Dialogus Reuerendi patris Syluestri Prieriatis, de potesta-
te Papæ &c. contra Lutheri Conclusiones
Cum duabus eiusdem Epistolis. 15. b.
Altera ad Leonem X. Altera ad D. Lutherum. 16. a.
Disputatio Lutheri de remissione pœnæ & culpæ 25. b.
Alia eiusdem de circumcissione 26. b.
Alia de Lege, Operibus, libero Arbitrio &c. Heidelbergæ
disputata, Anno XVIII. 6. Calen. Maij. 27. a.
Probationes conclusionum, quæ Heidelbergæ disputatæ
sunt, Anno XVIII. Mense Maio 28. a.
Asterisci Lutheri, aduersus obeliscos Ecclj 32. b.
Responsio Doctoris Lutheri ad Dialogum Syluestri
Prie: 45. b.
Cum Epistola ad Sylvestrum ibidem

Ee iij

• Replica

CATALOGVS

FOLIO

Replica Frat. Siluestri Prieriat. ad Mart. Lutherum	61. b.
Epistola Lutheri ad pium Lectorem	64. b.
Epitoma Responsionis F. Siluestri Prie. cum Epistola ad Lectorem	65. b.
Epistola Lutheri ad pium Lectorem	71. b.
✚ Reuerendi Patris, fratris Iohannis Nannis Viterbiensis de Monarchia Papæ Disputatio, scripta Anno 1481. cum Postfatione M. L.	71. a. b. 74. a.
Epistola Lutheri ad Reueren. D. Hieronymum Ecclesiæ Brandenburg. Episcopum	76. a.
Alia eiusdem ad D. Iohannem Staupitium, Augustinianæ familiæ Vicarium.	77. a.
Alia ad Leonem X. Roma. Ponti.	78. a.
Protestatio Lutheri folio 79. impressa, postponi debebat Disputationi de pœnitentia & indulgentijs supra 5. a.	
Resolutiones Disputationum Lutheri de Indulgentiarum uirtute ad Leonem X.	79. b.
Epistola Lutheri ad pium Lectorem contra Hofstraten.	121. a.
Decem præcepta Vuittembergensi populo prædicata, per Reueren. patrem D. M. L.	122. a.
Iudicium Lutheri de Astrologia.	124. a.

Quatuor Conciones Lutheri, uiri Dei.

I. De uirtute excommunicationis, cum Epistola	171. b.
172. a.	
II. De digna præparatione cordis, pro suscipiendo Sacramento &c.	174. a.
Cum Appendice, Quomodo Christi passio sit meditando.	176. a.
III De triplici iusticia	176. b.
IIII. De duplici iusticia	178. a.
Explicatio loci Ecclesiasticis 7. Non est iustus in terra &c.	181. a.
Instructio pro confessione peccatorum abbrevianda secundum Decalogum, Autore D. M. L.	184. a.
Adhortatio ad pium Lectorem, ut Ecclesiæ historiam & Doctrinam diligenter cognoscit	187. a.

CONVENTVS

AVGVSTANVS

Anno M. D. XVIII.

Epistola

CATALOGVS

FOLIO

Epistola Maximiliani Imperatoris, ex eodem Conuentu Augustano, missa ad Leonem X. Pontifi. Rom.	188. a.
Responsio D. Friderici, Ducis Saxoniae &c. ad Epistolam D. Cardinalis Raphael. &c.	188. b.
Breue Leonis X. ad D. Fridericum Ducem Saxoniae, Sacri. Rom. Imperij Electorem	189. b.
Aliud ad Thomam Caietanum Cardinalem &c.	190. a.
Postilla Doctoris Martini Lutheri super Breue praecedens	191. b.
Epistolae duae Academiae Vuittembergensis	
Prior ad Carolum de Miltitz	192. b.
Posterior ad Leonem X. Rom. Pontificem	193. a.
Breuis Epistola Lutheri ad Philippum Melanthonem	193. b.
Breuis Commemoratio rerum, quae Augustae Anno 1518. peractis Comitijs cum Docto. Marti. Luth. de Indulgentijs sunt gestae &c.	194. a.
Acta Reuerendi patris Lutheri apud Legatum Apostolicum Thomam Caietanum, Augustae &c. Mense octobri	194. b.
Quatuor Epistolae Re. patris D. Mar. Luth.	
I Ad Thomam Caietanum Cardinalem &c.	196. a.
II Ad pium Lectorem	199. b.
III Ad Cardinalem Caietanum	201. b.
IIII Ad eundem.	202. b.
Appellatio D. Martini Lutheri prima, a Caietano ad Papam.	203. a.
Epistola Caietani Card. ad Dom. Fridericum Saxo. Ducem &c. de Lutheri causa.	205. b.
Illustrissimi Principis Electoris Friderici, ducis Saxoniae, Responsio ad Epistolam praecedentem.	207. a.
Epistola D. M. L. ad Principem Electorem, D. Fridericum, Saxoniae Ducem, qua Caietani criminationes aduersus se refutat.	208. a.
Epistola Academiae Vuittembergensis ad Electorem Fridericum.	213. b.
Noua Decretalis Leo. X. de Indulgentijs &c.	214. b.
Appellatio D. Martini Lutheri secunda, a Papa ad Concilium	217. a.
Breuis enarratio dicti, ex VI. capite Iohannis, Omne quod dat mihi Pater &c.	219. a.

ANNVS

CATALOGVS FOLIO
ANNVS CHRISTI
 M^o D^o X I X^o

Vnum & idem Breue Leonis X. ad D. Degenhardum Pfeffingerum, & Georgium Spalatinum &c. mutatis tan- tum titulis	220. a. b.
Epistola Vicecancellarij Rom. Pontif. ad eundem D. Pfeffingerum	ibidem.
Epistola Cardinalis Laurentij de Medices ad Georgium Spalatinum	221. a.
Breuis historia de Legato Carolo Milti; a Leone X. Rom. Pon. ad D. Frideric. Electorem misso cum aurea Rosa &c.	221. a.
Lutheri Epistola ad Leonem X.	221. b.
Epistola Erasmi Rothero. ad Fridericum Saxoniae Duce- cem &c.	222. b.
D. Friderici Principis Electoris Responsio ad Eras. E- pistolam	223. b.
Lutheri Epistola ad Monachorum Iutterboccen. Con- uentum	224. b.
Articuli 15. a Fratrib. Minoritanis Iutterboccen. D. M. Luthero ascripti	226. a.
Hoc loco sequi debebat Protestatio Lutheri breuis, su- pra folio 5. a.	
Contra malignū Iohannis Eccij iudicium, &c. M. L. de- fensio	226. b.
XXIIII. Articuli haeretici Iohannis Eccij & quorundam fratrum &c. ex illorum assertis & negatis per D. M. deducti	237. b.
Disputatio & Excusatio D. M. L. aduersus criminatio- nes Iohannis Eccij	239. a.
Contrariae Positiones D. M. L. & D. Iohannis Eccij, Lipsiae disputatae, Anno XIX.	240. a. 241. a.
Epistola ad Lectorem de editione disputationis sequen- tis.	241. b.
Disputatio Lipsiae habita, anno 19. inter Doctores M. Lutherum & Iohan. Eccium, 4. die Iulij	241. a.
Sermo Lutheri Lipsiae in Arce praedicatus, in ferijs Petri & Pauli, Anno 1519.	292. a.
Resolutiones Lutheri super Propositionibus suis, Lipsiae disputatis, emendatae	294. a.
Resolutio D. M. L. super Propositione XIII. de potestate Papae, per Autorem locupletata	311. b.
Cum Epistola ad pium Lectorem	ibidem

Sex

CATALOGVS

FOLIO

Sex Conciones uiri Dei, D. M. L.

I. De Sacramento Baptismi	336. b.
II. Quomodo Christi passio sit meditanda	341. b.
III. De Confessione & Sacramento Eucharistiæ	344. b.
IIII. Quo modo sit orandum	351. a.
V. De Matrimonio	352. a.
VI. Quomodo sit parandus animus ad Mortem	354. a.
Epistola Iohannis Eccij ad Iacobum Hochstraten, de Lipsensi disputatione	359. b.
Philippi Melanth. Epistola de Lipsica disputatione ad amicum quendam	361. a.
Excusatio Iohannis Eccij, ad ea, quæ Philip. Melan. &c.	363. a.
Defensio Philip. Melanth. contra Iohan. Eccium	364. b.
Emseri Epistola de Lipsensi disputatione &c.	367. b.
Ad Aegocerotem Emseranum M. L. additio	370. a.
Ad Iohannem Eccium M. L. Epistola, super expurgatione Ecciana	378. b.
Canonicorum indoctorum Lutheranorum, ad Iohannem Eccium responsio	382. a.

Septem Epistolæ præstantium & magni nominis Virorum, in quibus mentio fit negocij Lutheri & Disputationis Lipsicæ.

I. Staupicij ad Georgium Spalatinum	384. b.
II. Rectoris Academiae Lipsensis ad Lutherum	385. a.
III. Lutheri ad Carolo stadium	ibidem b.
IIII. Eccij ad Lutherum	386. b.
V. Vuenceslai Rosdialouini præpositi Pragensis &c.	387. a.
VI. Iohannis Poduscka, præbyteri Curati Pragensis Ecclesiæ, ad Lutherum	388. a.
VII. Iohannis Frobenij ad Lutherum	ibidem b.

In Epistolam Pauli ad Galatas D. M. L. Commentarius, Anno XIX. æditus, & iam primum Tomis insertus &c.	fol. 389. b.
Cum Epistola dedicatoria	ibidem
Commentarius	392. b.

ANNVS CHRISTI

M. D. X X.

Epistola

Epistola Lutheri ad Leo. X. Rom. Pontifi. præposita Li- bello de Libertate Christiana	460. b. 464. a.
Tessaradecas consolatoria, pro laborantibus & oneratis D. Mart. Luth.	475. b.
Cum Epistola ad Electorem Saxonie Fridericum	486. a.
Confitendi ratio D. M. L.	487. a.
Ad schedulam inhibitionis D. M. Responsio	492. a.
Acta Academiæ Louaniensis contra Lutherum	496. b.
Condemnatio doctrinalis librorum Mart. Lutheri per quosdam Magistros nostros Louanienses & Colonien- ses facta	498. a.
Responsio Mart. Lutheri, ad Articulos, quos M. nostri Louanienses & Colonienfes, ex Resolutionibus & Propo- sitionibus de Indulgentijs & assertionibus earum excerpte- runt, ac uelut hæreticos damnauerunt.	500. b.
Epistola Iohannis Eccij, Sedis Papistice nunciij	506. b.
Bulla Leonis X. contra errores Martini Lutheri & sequa- cium.	507. b. 508. a.
Disputationes D. Mart. Lutheri, de præcipuis Christia- næ doctrinæ Articulis, ab initio causæ suæ, usq; ad annū XLV. in Schola propositæ & explicatæ &c. cum duabus Epistolis, Altera Phil. Melan. Altera Lutheri, Quarum Disputationum Argumenta ex singularum inscriptione cognosces.	510. b. 511. a. 511. b.

Hæc notā
Vbicunq; re-
pereris in Cata-
logo, scias il-
lud Scriptum
iam primū
di &c.

ERRATA

- Folio 44. a. in margine, lege Extrauagans Clementis V.
- Folio 45. b. in margine lege siluestri pro siluestro,
- Fol. 51. a. Parag. ult. uersu 6. fuit, lege facit.
- Fol. 385. a. parag. primo, uersu 5. lege, tecum unum in
Christo.
- Fol. 385. b. parag. primo, uersu 4. pro signo, lege sigillo.
- In quibusdam Exemplaribus Fol. 554. b. uersu 7. pro
Se pruch/ lege Sein spruch.

VATICINIVM REVERENDI PATRIS D. M. L.

Autoris manu propria scriptum, quod post obitum ipsius
in Bibliotheca eius repperit, per eos, qui ad in-
quirendam illam, ab Illustrissimo Electore
Saxoniae, Iohanne Friderico primo,
missi fuerunt,



Adest tempus, olim praedictum, quod post revelat-
um Antichristum essent futuri homines, qui sine
Deo uiuerent, unusquisque secundum suas concupis-
centias & illusiones. Nam Papa quidem fuit Deus
supra Deum, nunc sine Deo omnes agere uolunt,
Papistae omnium maxime, Nam illi nullas leges am-
plius uolunt. Nostri cum a legibus Papae liberi sint, uolunt etiam a
lege Dei liberi esse, nihil nisi Politica sequi, sed sic, ut sub illis quoque
pro libito sint.

Sed dum nos fingimus illos abesse longe, de quibus talia prae-
dicta sunt, nos ipsi sumus, qui facimus talia, sicut Iudaei sinxerunt &
fingunt longe alios esse, qui Christum suum promissum repudient.

Ex ijs sunt, qui diem hominis desiderantes, ut in luce hominum
glorientur & exultent, nobis coeperunt Decalogum quoque ex Eccle-
sia deturbare, ut iuxta Petri Prophetiam, secundum proprias con-
cupiscentias ambulent, & securi sine timore Dei agant. Hos Anti-
homos uocamus, inter quos est M. Isleben, contra quem &c.

Et de Papistis quidem nihil sollicitus sum, Nam ne ipsi quidem
Papam ex animo colunt, nisi quod odio nostri uolunt illi adulari, ut
ditescant & potentes fiant, donec sint Papae misero formidabiles co-
lendi & adorandi, Tanta est fiducia eorum sub nomine & negotio
Lutherano: Sentientes, quod Papa ipsorum ope indigeat. Certe
ego sum persuasus, Papam facilius nos laturum, quam ipsos suos
Adulatores, si ad iudicium res ueniret, Denique ego pro mea perso-
na ausim promittere, rursus me futurum Papistam talem, qualis fui
ante defectionem, si ipsi Adulatores eius, primo tales fieri uellent,
post tantas defensiones Papae, Sed hoc esse impossibile uideo.

Vnde non parua consolatione confirmor, dum uideo Adulatores
Papae atrociores esse Insidiatores eius, quam ego fuerim hostis, &
prope miseret me miseri, sed meriti Papatus, quod a falsis amicis
plus

Hic deest aliquid,
fortassis, Ana-
tea priuatim et
publice moni-
tu, scripsimus
& disputauimus.

plus est ei periculi, quam a me uero hoste. Sicut a nostris quoque
mihi est plus negocij & periculi, quam ab ipso toto Papatu, qui
posthac nihil poterit contra nos. Adeo uerum est Regnum, si des-
truendum est, non externis, sed suis uiribus destruitur, Roma-
na res mole ruit sua, corpus magnum. Populumque
potentem, In sua uictrici conuersum uis-
cera dextra.

I E N Æ
EXCVDEBAT
CHRISTIANVS RHODIVS

ANNO M D LVI

